


ପୁଞ୍ଜି ମଢ଼େ



The New Testament in the Kuvi language of India: ପୁଞ୍ଜି ମଢ଼େ

(Bible)

ପୁସ୍ତକ ଶିକ୍ଷା

The New Testament in the Kuvi language of India: ପୁସ୍ତକ ଶିକ୍ଷା (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

ପୁସ୍ତକ ଶିକ୍ଷା, କୁଭି ପୁସ୍ତକ ଶିକ୍ଷା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

PDF generated using Haiola and XeLaTeX on 21 Feb 2024 from source files dated 13 Apr 2023
081337bf-dba3-542b-bc85-280acfb14d33

Contents

ମାତିତ୍ୱ	1
ମାର୍ଗ	54
ଲୁକ	87
ଜହନ	140
କାମା	180
ରମିତ୍ୱ	228
ଝକରନ୍ତ	250
ଓକରନ୍ତ	270
ଗାଲାତିତ୍ୱ	283
ଏପିସି	291
ପିଲିପି	298
କଲସିତ୍ୱ	304
ଓଡେସଲନିକ	309
ଝଡିମତି	312
ଓଡିମତି	318
ଡିଡସ	323
ପିଲିମନ	326
ଏଡି	328
ଜାକୁବ	344
ଝପିଡର	350
ଓପିଡର	357
ଝଜହନ	361
ଓଜହନ	367
ଖଜହନ	369
ଜୀହୁଦା	371
ଝେକ୍ୱି ବଲୁ	373

ମାଥୁତ ଲିଖିତ ସୁସମାଚାର ମାତିତ୍ତୁ ରାଚାମାନି ନେହଁ କାବୁ ମୂଲୁ ହାଡ଼ା

ପୁଃନି ମୋରାତି ସାରିଗଗା ନେହଁ କାବୁ ପତିୟାଁ ବିତାଟି ମାତିତ୍ତୁ ରାଚାମାନି ନେହଁ କାବୁ ଜୀସୁ କ୍ରୀସୁ ଜାହୁତି କାତା ରାସ୍ତକି ଆହାମାନେ । ଇ ସାରିଗଗା ପତିୟାଁକି ନେହଁ କାବୁ ଇନେରି । ଏ ପତିୟାଁ ଜୀସୁ ହାଡ଼ି ତାମୁ ମାତିତ୍ତୁ, ମାର୍କ, ଲୁକ ଅଡ଼େ ଜହନ ରାଚାମାନେରି । ମାତିତ୍ତୁ ରାଚିତି ନେହଁ କାବୁ ଏଚେଲା ରାସ୍ତକି ଆହାମାନେ ଇଞ୍ଜି ବୁଦିଗାଗାରି ପୁଞ୍ଜାହିଲାଆତି ଜିକେଏ, ଇଦି ଜୀସୁ କ୍ରୀସୁ ଜାର୍ନାଆଡ଼ି ୬୦ ବାର୍ଯା ତାମୁ ରାସ୍ତକି ଆହାମାନେ, ଅଡ଼େ ଆମିନି ଚାମୁଚା ରାସ୍ତକି ଆହାମାନେ, ଆମ୍ବାଆରି ପୁଞ୍ଜାହିଲଅରି, ଇ ନେହଁ କାବୁତି ପତି, ପାଲେସ୍ତାୟିନି ଦେସାତି ଜିରୁସାଲମ ଗାଡ଼ାତା ରାସ୍ତକି ଆହାମାନେ ।

ଜୀସୁ ମାତିତ୍ତୁକି ତାନି ସୀସୁ ଆହାଲି ହାଡ଼ିତି ନଚେଏ ମାତିତ୍ତୁ ର ସିସୁ ରୁହନାସି ମାଚେସି, ଇଞ୍ଜା ତାନି ଅଡ଼େ ର ଦରୁ ଲେବି ମାଚେ, ଏଞ୍ଜାସି ବାଚଜାଣା ବିତାଟି ରଅସି ମାଚେସି, ଏଞ୍ଜାସି ଜୀହୁଦି ଲକୃତାକି ଇ କାବୁ ରାଚାମାନେସି । ଜୀହୁଦିୟାଁ ଜୀସୁକି, ଇ ରାଜିତା ସାଲଞ୍ଜି କିନି ରାଜା ଇଞ୍ଜି ଅଣ୍ଡପିମାଚେରି, ସାମା ମାତିତ୍ତୁ ଏ ନାମୁତି ବାଦଲି କିହାନା ରାଚାମାନେସି; ଜୀସୁ ଦାଚିତି ରାଜି ଆଏ, ସାମା ଲାକପୁରୁ ଜୀହୁତି ରାଜି କାତା ଝେସିହଁ ଜାଗ୍ରାତା କିହାଁ ଝେସାମାନେସି, ମାହାପୁରୁ ଆଡ଼ିତି ଗେଲପିକିନି ରାଜା, ଆମିନି ଗାଟାଣି ତାକି ପୁଃଈ ମୋରାତି ଦାମ୍ନି ପତିତା ମାହାପୁରୁ ବଲୁ ଝେହନାରି ଝେସାମାନେରି, ଇଞ୍ଜିହଁ ପୁଣ୍ଡି କିହାଲି ଅଣ୍ଡପିମାଚେସି, ଇ ଆକୁତା ମାହାପୁରୁ ରାଜିତି କାତା ହାଚେରକା ଝେସିମାନେସି ।

ମାତିତ୍ତୁ ରାଚିତି ନେହଁ କାବୁ ପୁଃନି ମୋରାତି ମୂଲୁ ପତି ଇଞ୍ଜି ତଞ୍ଜା ଆହାମାନେ, ଇତିହଁ ପୁଃଈ ମୋରାତି ମାହାପୁରୁ ବଲୁ ହାଚେରକା ରାସ୍ତକି ଆହାମାନେ, ଇ ପତି ପୁଃଈ ମୋରା ପୁଃନି ମୋରା ତଲେ ଆଣ୍ଡାମାନେ, ଝେଡ଼ା ହପୁଞ୍ଜାକିତି ସଗୁପୁନାରି ଝେସିମାନେରି, ମାତିତ୍ତୁ ତାନି ଆକୁତା ମସାତି ମୋରା ପାରିନାୟି । ହରୁଲେକ ଜୀସୁ ଜାପୁନାୟି ମାତି ୫:୬, ମାହାପୁରୁ ମସାକି ହରୁଲେକ ମୋରା ହାନାୟି ଝେ ମୋରା ୧୯:୩; ୨୩-୩୩ ।

ପତିତା ମାନାୟି

- ୧. ଜୀସୁ କ୍ରୀସୁତି ଜାର୍ନା ଅଡ଼େ ତାନି ସେବା କାମା । ୧:୧-୪:୨୫
- ୨. ଜୀସୁ କ୍ରୀସୁତି ସେବା ଅଡ଼େ ତାନି ଜାପୁନାୟି । ୫:୧-୨୫:୪୭
- ୩. ଜୀସୁ କ୍ରୀସୁ ହାନାୟି ଅଡ଼େ ଝେଣ୍ଡେ ନିଜିନାୟି । ୨୬:୧-୨୮:୨୦

ଜୀସୁ କ୍ରୀସୁତି ଆକୁ ଆବାୟାଁ
(ଲୁକ ୩:୨୩-୩୮)

- ୧ ଅବ୍ରାହାମ ମୀରୁଏସି ଅଡ଼େ ଦାଞ୍ଜୁଦତି ମୀରୁଏସି ଜୀସୁ କ୍ରୀସୁତି କୃତା ।
- ୨ ଅବ୍ରାହାମ ମୀରୁଏସି ଇସାହାକ, ଇସାହାକ ମୀରୁଏସି ଜାକୁବ, ଜାକୁବ ମୀରୁଏସି ଜୀହୁଦା ଇଞ୍ଜା ତାନି ତାୟିୟାଁ, ୩ ଜୀହୁଦା ଅଡ଼େ ତାନାର ମୀରୁଏସି ପେରସ ଅଡ଼େ ଜେରହ, ପେରସ ମୀରୁଏସି ହେସ୍ରାଶ, ହେସ୍ରାଶ ମୀରୁଏସି ଅରାମ, ୪ ଅରାମ ମୀରୁଏସି ଅମିନାଦାବ, ଅମିନାଦାବ ମୀରୁଏସି ନହସନ, ନହସନ ମୀରୁଏସି ସଲମନ, ୫ ସଲମନ ଅଡ଼େ ରାହାବ ମୀରୁଏସି ବୟାଜ, ବୟାଜ ଅଡ଼େ ରୁତ ମୀରୁଏସି ଅବେଦ, ଅବେଦ ମୀରୁଏସି ଜସି ।
- ୬ ଜସି ମୀରୁଏସି ଦାଞ୍ଜୁଦ ରାଜା, ଦାଞ୍ଜୁଦ ଅଡ଼େ ଉରିୟ ଡକ୍ରିନି ତାଣାଟି ସଲମନ ଜାର୍ନା ଆଡେସି,
- ୭ ସଲମନ ମୀରୁଏସି ରିହବୟାମ, ରିହବୟାମ ମୀରୁଏସି ଅବିୟ, ଅବିୟ ମୀରୁଏସି ଅସା, ୮ ଅସା ମୀରୁଏସି ଜିହସାପାଟ୍, ଜିହସାପାଟ୍ ମୀରୁଏସି ଜରାମ, ଜରାମ ମୀରୁଏସି ଉଜିୟ, ୯ ଉଜିୟ ମୀରୁଏସି ଜତମ୍, ଜତମ୍ ମୀରୁଏସି ଆହାଜ, ଆହାଜ ମୀରୁଏସି ହିଜକିୟ, ୧୦ ହିଜକିୟ ମୀରୁଏସି ମନସି, ମନସି ମୀରୁଏସି ଆମନ, ଆମନ ମୀରୁଏସି ଜସିୟ, ୧୧ ଇସ୍ରାୟେଲକି ବାବିଲନ ଦେସାତା ଦସାନା ଅନି ବେଲତା ଜସିୟ ମୀରୁକା ଜିକନିୟ ଇଞ୍ଜା ତାନି ତାୟିୟାଁ ଜାର୍ନା ଆଡେରି ।
- ୧୨ ବାବିଲନତା ଅଞ୍ଜିଆଡ଼ି କେତ ଜିକନିୟ ସଲ୍ଡିୟେଲକି ଜାନି କିତେସି, ସଲ୍ଡିୟେଲ ମୀରୁଏସି ଜିରୁବାବେଲ, ୧୩ ଜିରୁବାବେଲ ମୀରୁଏସି ଅବିହୁଦ, ଅବିହୁଦ ମୀରୁଏସି ଏଲିୟାକିମ, ଏଲିୟାକିମ

ମାତୃହୁ ଅସର, ୧୪ ଅସର, ମାତୃହୁ ସାଦକ, ସାଦକ ମାତୃହୁ ଆକିମ, ଆକିମ ମାତୃହୁ ଏଲିହୁଦ, ୧୫ ଏଲିହୁଦ ମାତୃହୁ ଏଲିୟାଜର, ଏଲିୟାଜର ମାତୃହୁ ମତାନ, ମତାନ ମାତୃହୁ ଜାକୁବ, ୧୬ ଜାକୁବ ମାତୃହୁ ମରିୟମନି ତକ୍ତା ଜସେପ, ଇ ମରିୟମନି ବାଣ୍ଟିଟି ଜୀସୁ ଜାର୍ନା ଆଡେସି, ଏଫ୍ରାଶାଙ୍କ କ୍ରୀସୁ ଇଣ୍ଡି ଆହୁମାନେ ।

୧୭ ଇଲେଆହୁଁ ଅବ୍ରାହାମ ତାଣ୍ଟାଟିଏ ଦାଫୁଦ ପାତେକା ସଦ ଜାଣା ଆକୁୟାଁ, ଅଡେ ଦାଫୁଦ ତାଣ୍ଟାଟିଏ ବାବିଲନ ଅଢ଼ିଆଡ଼ି ପାତେକା ସଦ ମାଣ୍ଡି, ଇଞ୍ଜା ବାବିଲନ ଅଢ଼ିଆଡ଼ି ତାଣ୍ଟାଟିଏ ଜୀସୁ କ୍ରୀସୁଟି ଜାର୍ନା ପାତେକା ସଦ ମାଣ୍ଡି ।

ଜୀସୁ କ୍ରୀସୁଟି ଜାର୍ନା ଆନାୟି
(ଲୁକ ୧:୨୭-୩୮; ୨:୧-୭)

୧୮ *ଜୀସୁ କ୍ରୀସୁଟି ଜାର୍ନା ଇଲେକଁ ଆଡେ । ତାମି ଇୟା ମରିୟମ ଅଡେ ଜସେପ ତଲେ ବୀହା ଆହାଲି ରାସ୍ପି ଆହାମାଟି ଜେଟ, ଏଢ଼ି କାଲୁଢ଼ି ଆଆ ନକେଏ, ଏଦି ସୁଦୁଜୀସୁ ତଲେ ପୁରାମାସା ଆହାମାନେ ଇଞ୍ଜୁଁ ପୁଣ୍ଡି ଆଡେ । ୧୯ ଏଚେଟିଏ ତାନି ତକ୍ତା ଜସେପ ର ଦାମ୍ବୁ ଲକ୍ଷୁ ମାଟାକି, ଇଞ୍ଜା ଏଦାଣି ଲକ୍ଷୁ ନକିତା ଦହ ଗାଟାୟି ଇଞ୍ଜୁଁ ତହୁଆପେଏଁ ଇଞ୍ଜୁଁ ଏଦାନି ତୁକୁହାନା ପିସାଲି ତୀରି କିତେସି । ୨୦ ସାମା ଏଫ୍ରାସି ଏଲେଇଞ୍ଜି ତୀରିକିତି ତାୟୁ, ମେହୁଦୁ, ମାହାପୁରୁତି ର ଦୁତୁ ଏଫ୍ରାଶାଙ୍କ ହାପାନାତା ଏଲେଇଚେସି, “ଆଡେ ଦାଫୁଦ କୃତାତି ଜସେପ, ମରିୟମନି ତକ୍ତା କିହାଲିତାକି ଆଜାଆନି, ଏନାଆଁତାକି ଇଚିହୁଁ ମାହାପୁରୁତି ସୁଦୁଜୀସୁ ତଲେ ପୁରାମାସା ଆହାମାନେ । ୨୧ *ଏଦି ର କକାଶାଙ୍କ ଜାନଁ କିନେ, ଅଡେ ମୀରୁ ଏଫ୍ରାଶି ଦରୁ ଜୀସୁ ଇଞ୍ଜୁଁ ଇଗାଦୁ, ଇଚିହୁଁ ଏଫ୍ରାସି ତାମି ଲକ୍ଷୁଙ୍କ ତାମି ବାରେ ପାପୁଟି ଗେଲୁପିନେସି ।”

୨୨ ମାହାପୁରୁ ଅଣ୍ଡପୁଟି ବଲୁ ଝେହନାରି ତାଣ୍ଟାଟି ପ୍ରବୁତି ଇ କାତା ଏନିକଁ ପୁରା ଆନେ, ଇଦାଆଁତାକି ଇ ବାରେ ଆଡେ, ୨୩ “ମେହୁଦୁ ର ଡାଆ ମାକ୍ତା ପୁରାମାସା ଆହାନା ର କକାଶାଙ୍କ ଜାନଁ କିନେ, ଅଡେ ଲକ୍ଷୁ ଏଫ୍ରାଶି ଦରୁ ‘ଇମାନୁୟେଲ’ ଇଚିନେରି ।” ଇ ଦରୁତି ଅଡେ “ମାହାପୁରୁ ମା ତଲେ ମାନେସି ।”

୨୪ ଏମାଟିଏ ଜସେପ ଇଦାଟି ନିଜିତି ତାୟୁ ପ୍ରବୁତି ଦୁତୁ ଏନିକଁ ହୁକୁମି ହାହାମାଚେସି, ଏଲେକିହୁଁ ଏ କିତେସି, ଏଫ୍ରାସି ମରିୟମଙ୍କ ବୀହା ଆଡେସି; ୨୫ *ସାମା ଏଦି କକାଶାଙ୍କ ଜାନଁ କିଆ ପାତେକା ଏଦାଣି ତଲେ କୃତାଆଚେସି, ଅଡେ ଏ କକାଶି ଦରୁ ଜୀସୁ ଇଚିତେରି ।

୨

ଝେଡ଼ା ହପୁଝାକିତି ସଗୁପୁନାରି

୧ ହେରଦ ରାଜା ବେଲାତା ଜୀହୁଦା ଦେସାତି ବେତଲିହିମ ଗାଡ଼ାତା ଜୀସୁ ଜାର୍ନାଆଡ଼ି ତାୟୁ, ମେହୁଦୁ, ଝେଡ଼ା ହପୁ ଝାକିଟି ଏଚରଜାଣା ସଗୁପୁନାରି ଜିରୁସାଲମତା ଝାହାନା ଝେଚେରି, ୨ “ଆମିନି କକାସି ଜୀହୁଦିକ୍ତା ରାଜା ଆହାଲି ଜାର୍ନା ଆହାମାନାସି, ଏଫ୍ରାସି ଆମ୍ବିୟା ? ମାମୁ ଝେଡ଼ା ହପୁ ଝାକିଟି ତାନି ହୁକା ମେସାନା ଏଫ୍ରାଶାଙ୍କ ଇହରା କିହାଲି ଝାହାମାନମି ।”

୩ ଇ କାତା ଝେଞ୍ଜାନା ହେରଦ ରାଜା ଅଡେ ତାନିତଲେ ଜିରୁସାଲମତି ବାରେ ଲକ୍ଷୁ କାବାଆହାନା ଆଜିତେରି । ୪ ଅଡେ ଏଫ୍ରାସି ଲକ୍ଷୁତି କାଜା ପୂଜେରାଞ୍ଜା ଇଞ୍ଜା ମୋରା ପୁନରାଲ୍ କୃଡ଼ି କିହାନା, କ୍ରୀସୁ ଏମ୍ବିୟା ଜାର୍ନା ଆନେସି, ଏଦାଆଁ ଏଫ୍ରାରି ତାଣ୍ଟାଟି ପୁଞ୍ଜାଲି ଅଣ୍ଡପିତେସି ।

୫ ଏଫ୍ରାରି ଏଫ୍ରାଶାଙ୍କ ଏଲେଇଚେସି, ଜୀହୁଦା ଦେସାତି ବେତଲିହିମ ଗାଡ଼ାତା ମାହାପୁରୁ ଅଣ୍ଡପୁଟି ବଲୁ ଝେହନାରି ତାଣ୍ଟାଟି ଇଲେଇଞ୍ଜୁଁ ରାସ୍ପି ଆହାମାନେ;

୬ “ଏ ଜୀହୁଦା ଦେସାତି ବେତଲିହିମ,
ଜୀହୁଦାତି କାଜା ନାସ୍ପାକା ବିତ୍ରାଟି ନୀନୁ ଉଣା ଆଏ;
ଇଚିହୁଁ ଆମ୍ବାଆସି ନା ଇସ୍ରାୟେଲ ଲକ୍ଷୁଟି ପହି କିନେସି,
ଏଲେତି ର ସାଲୁଢ଼ି କିନାସି ନୀ ତାଣ୍ଟାଟି ଝାନେସି ।”

୭ ତାୟୁ ହେରଦ ସଗୁ ପୁନରାଲ୍ ମୋଣେଏ ହାଟାନା, ଏ ହୁକା ଏଚେଲା ତଞ୍ଜାଆଡେ ଏ କାତା ଏଫ୍ରାରି ତାଣ୍ଟାଟି ନେହୁଁକଁ ଝେଚେସି । ୮ ଇଞ୍ଜା ଏଫ୍ରାସି ଏଫ୍ରାଶାଙ୍କ ବେତଲିହିମତା ପାଣ୍ଡାମା ଏଲେଇଚେସି,

* ୧:୧୮ ୧:୧୮ ଲୁକ ୧:୨୭ ✨ ୧:୨୧ ୧:୨୧ ଲୁକ ୧:୩୧ ✨ ୧:୨୫ ୧:୨୫ ଲୁକ ୨:୧୧

“ମୀରୁ ହାଜାନା ଏ କକାଣି କାତା ନେହୁଁ କୁଁ ସିନିକିହାନା ନାଙ୍ଗେ ଜିକେଏ ଖେସ୍ତାଦୁ, ଇଚିହୁଁ ନାନୁ ଜିକେଏ ହାଜାନା ଜହରା କିକାଇଁ ।”

୯ ଏଚେଟିଏ ଏଞ୍ଜାରି ରାଜା କାତା ଖେଞ୍ଜାନା ହାଚେରି; ଅଡ଼େ ମେହଦୁ, ଏଞ୍ଜାରି ଖେଡ଼ା ହପୁଞ୍ଜାକି ଆମିନି ହୁକା ମେସାମାଚେରି, ଏଦି ଏଞ୍ଜାରି ନକି ନକିତା ହାଜାନା, ଏମିୟା କକାସି ମାଚେସି ଏ ଲାକ ହାଜାନା ନିଚେ । ୧୦ ଏ ହୁକା ମେସାନା ଏଞ୍ଜାରି ହାଚେରିକା ରାହୁଁତଲେ ରାହୁଁ ଆଚେରି । ୧୧ ଏଞ୍ଜାରି ଇଲୁ ବିଡ଼ା ହଡ଼ାନା ତାମି ଇୟା ମରିୟମ ଇଞ୍ଜାଁ କକାଣି ତାଲୁଇଁ ମେସାନା, ଏଞ୍ଜାଣାଇଁ ମେଣ୍ଡାକୁତାନା ଜହରା କିଚେରି, ଇଞ୍ଜାଁ ତାମୁଁ ତାଚାମାଟି ପେଡ଼ାୟାଟି ବାଂଗାରା, ଦୁପା ଦୁପଣି ଅଡ଼େ ଗାନ୍ଦା ନିୟୁଁ ବେଟୁ ହାଚେରି ।

୧୨ ତାମୁଁ ହେରଦ ରାଜା ତାଣା ଖେଣ୍ଡା ହାଲାଇପେରିଞ୍ଜା ଇଞ୍ଜୁଁ ମାହାପୁରୁ ଏଞ୍ଜାରାଇଁ ହାପାନାତା ହୁକୁମି ହାହାଲିଏ, ଏଞ୍ଜାରି ଅର ଜିରୁଟି ତାମି ଦେସାତା ଖେଣ୍ଡାହାଚେରି ।

ମିସର ଦେସାତା ହାନାୟି

୧୩ ଏଞ୍ଜାରି ହାଚି ତାମୁଁ, ମେହଦୁ, ମାହାପୁରୁତି ଦୁତୁ ଜସେପଇଁ ହାପାନାତା ଏଲେଇଚେସି, “ନିଙ୍ଗାମୁ କକାଣି ତାଲୁଇଁ ଅଡ଼େ ତାମି ଇୟାନି ଅହୁଁ ମିସରତା ହାଲାଇଁ, ନାନୁ ମିଙ୍ଗେ ଖେସ୍ତାଆ ପାଚେକା ଏମ୍ପାଆଁ ମାଞ୍ଜୁ, ଇଚିହୁଁ କକାଣି ତାଲୁଇଁ ପାୟାଲି ହେରଦ ଅଣପିମାନେସି ।”

୧୪ ଜସେପ ନିଙ୍ଗାନା କକାଣି ତାଲୁ ଇଞ୍ଜାଁ ତାମି ଇୟାନି ଆସାନା ଲାଆଁ ଲାଆଁୟାଁ ମିସର ଦେସାତା ଅହୁଁ ହାଚେସି, ୧୫ ହେରଦ ହାନି ପାଚେକା ଏମ୍ପାଆଁ ଏଞ୍ଜାରି ଡ଼ୟିଚେରି, ଇ ବାରେ ଗଟଞ୍ଜି ଆନାଣି ମାହାପୁରୁ ଅଣପୁତି ବଲୁ ଖେହନାରି ତାଣାଟି ଇ ମାହାପୁରୁ ଅଣପୁତି ବଲୁ ପୁରା ଆନେ, “ନା ମୀରୁଏଣାଇଁ ନାନୁ ମିସର ଦେସାଟି ହାଡ଼ା ତାଚେସି ।”

କକାରି ତାଲୁକାଣି ପାୟିନାୟି

୧୬ ଖେଡ଼ା ହପୁ ଦେସାଟି ଖାହାମାଟି ସଗୁପୁନାରି ଏଞ୍ଜାଣାଇଁ ନାଡ଼ିକିହାନା ହାଜାମାନେରି ଇଞ୍ଜୁଁ ପୁଞ୍ଜାନା, ହେରଦ ହାଚେରିକା କପା ଆଚେସି, ହୁକାଟି ଉଜେଡ଼ି ଆମିନି ବେଲାତା ତଞ୍ଜାଆହାମାଚେ ସଗୁପୁନାରି ତାଣାଟି ନେହୁଁ କୁଁ ପୁଞ୍ଜାମାଚେସି, ଏଦାଆଁ ପୁଞ୍ଜାନା ବେଚଲିହିମ ଅଡ଼େ ତାମି ତାଗେ ମାଟି ନାସ୍କାଟି ରା ବାର୍ସାଟିଏ ଉଣା କକାରାଇଁ ପାୟାଲି ତାକି ହୁକୁମି ହାଚେସି ।

୧୭ ଏଚିବେଲା ମାହାପୁରୁ ଅଣପୁତି ବଲୁ ଖେହନି ଜିରିମିୟ ଖେସ୍ତି ଇ ବଲୁ ସାତା ଆଡ଼େ,

୧୮ “ରମାତା ହାଡ଼ା ଖେଜିମାନେ,

ଡ଼ାକି ଅଡ଼େ ହାଚେରିକା ଦୁକୁତି ଗିୟାଁ

ରାହେଲ ତାନି ମୀରୁକା ତାକି ଡ଼ାହିମାଚେ;

ଅଡ଼େ ଏଞ୍ଜାରି ବାରେ ହାହାହାଚେରି ଇଞ୍ଜୁଁ,

ଏଦି ଦୁକୁ ଡ଼କହାଲି ମନ କିହି ହିଲାଆଚେ ।”

ମିସରଟି ଖେଣ୍ଡାଞ୍ଜାନାୟି

୧୯ ହେରଦ ହାଚି ତାମୁଁ, ମେହଦୁ, ପୁବୁତି ର ଦୁତୁ ମିସରତା ଜସେପଇଁ ହାପାନାତା ତଞ୍ଜାଆହାନା ଏଲେଇଚେସି, ୨୦ “ନିଙ୍ଗାମୁ, କକାଣାଇଁ ଅଡ଼େ ତାମି ଇୟାନି ତଲେ ଇସ୍ରାୟେଲ ଦେସାତା ହାଲାଇଁ, ଇଚିହୁଁ ଆମ୍ପାଆରି କକାଣି ଜୀଞ୍ଜୁ ଅହାଲି ତାକି ଅଣପିମାଚେରି ଏଞ୍ଜାରି ହାହାମାନେରି ।” ୨୧ ଏଚେଟିଏ ଜସେପ ନିଙ୍ଗାନା କକାଣାଇଁ ଇଞ୍ଜାଁ ତାମି ଇୟାନି ଆସାନା ଇସ୍ରାୟେଲ ଦେସାତା ଖାଚେସି ।

୨୨ ସାମା ହେରଦ ଚାୟୁତା ତାନି ମୀରୁଏସି ଆକିଲାଇଁ ଜୀହୁଦାଟି ରାଜା ଆହାମାନେସି ଇଞ୍ଜୁଁ ଖେଞ୍ଜାନା ଏଞ୍ଜାସି ଏମ୍ପାଆଁ ହାଜାଲି ଆଜିଚେସି; ସାମା ହାପାନାତା ହୁକୁମି ବେଟାଆହାନା ଏଞ୍ଜାସି ଗାଲିଲି ରାଜି ଖାକି ହାଚେସି, ୨୩ ଇଞ୍ଜାଁ ନାଜରିତତି ଗାଡ଼ାତା ହାଜାନା ଡ଼ୟିଚେରି, ଏନିକିହୁଁ ମାହାପୁରୁ ଅଣପୁତି ବଲୁ ଖେହନାରି ରାଡ଼ିଟି କାତା ସାତା ଆନେ, “ଏଞ୍ଜାସି ନାଜରିତତାସି ଇଞ୍ଜୁଁ ଖେଜିନେସି ।”

୩

ବାପ୍ତିସ୍ତା* ହାନି ଜହନତି ଖେକନାୟି

(ମାଟି ୧:୧-୮; ଲୁକ ୩:୧-୧୮; ଜହ ୧:୧୯-୨୮)

* ୨:୨୩ ୨:୨୩ ମାର୍ଚ୍ଚ ୧:୨୪; ଲୁକ ୨:୩୯; ଜହ ୧:୪୫

* ୩: ୩:୧ ମୁଞ୍ଜିନାୟି

୧ ଏ ବେଳାତା ବାପ୍ତିସ୍ତା^୧ ହାନି ଜହନ ଜୀହ୍ୱଦା ଦେସାତି ବାଞ୍ଚିଲି ବାଟାଟି ଖାହାନା ବଲ୍ଲୁ ଖେକ୍‌ହାଲି ମାଟ୍‌ହେସି । ୨^୨ “ପାପୁ ପିସାନା ମନ ଖେଟ୍‌ହା କତାଦୁ, ଇଚିହିଁ ଲାକପୁରୁ ରାଜି ଏଗାଝାହିମାନେ ।”
 ୩ ମାହାପୁରୁ ଅଣପୁତି ବଲ୍ଲୁ ଖେହନ ଜିସାୟ ତାଣାଟି ଛ ହାଡ଼ା ଖେସପି ଆହାମାଟେ,
 ଏଝାସିଏ ଇଝାସି; “ରଅଣି ହାଡ଼ା ଲକ୍ଷୁ ହିଲିଆ ଚାୟୁତା ଖେଜିମାନେ,
 ପୁରୁ ତାକି ଜିରୁ ତିୟି କିଦୁ ।”

୪ ଜହନ ଉରୁ ବାଣାୟାଁ ତଲେ କେପିତି ହିମ୍ବରିକା ତୁଟ୍‌ହିମାଟେସି, ଇଞ୍ଜି ତାନି ଚେତେଲିତା ର ତଲୁତି ବୁଡ଼ପା ମାଡ଼ା ଦସା କଡ଼ିଡ଼େସି, ଗପଏରିକା ଅଡ଼େ ଜାଡ଼ାତି କ୍ରିୟାଁ ଏଝାଣି କାଡ଼ି ମାଟେ । ୫ ଏଚିବେଳାତା ଜିରୁସାଲମ ଗାଡ଼ା ଇଞ୍ଜି ବାରେ ଜୀହ୍ୱଦା ଦେସା ଅଡ଼େ ଜର୍ଦନ ଦାରିତି ନାସକାତି ବାରେ ଲକ୍ଷୁ ତାନି ତାଣା ଖାହାଲି ମାଟ୍‌ହେରି, ୬ ଏଝାରି ଜାହାରା ପାପୁ ଖେସାନା ଜହନ ତାଣାଟି ଜର୍ଦନ କାତାତା ବାପ୍ତିସ୍ତା^୩ ଅଡ଼େରି ।

୭ ଏସାମା ହାରେକା ପାରୁସିୟାଁ ଅଡ଼େ ସାଦୁକିୟାଁ ବାପ୍ତିସ୍ତା^୩ ଅହାଲି ଖାହିମାନାଣି ମେସାନା ଏଝାରାଇଁ ଏଲେଇଚେସି, “ଅଡ଼େ ରାସ୍‌କା କୁଡ଼ାତାତେରି ମାହାପୁରୁ ତାଣାଟି ଖାହିମାନି କପାଟି ପିସପି କିହାକତାଲି ଆମ୍ବାଆସି ମିଜେ ସେଡନା ହିୟାତେସି । ଛଦାଆଁତାକି ମନ ଖେଟ୍‌ହାମାନାଣି ନେହିଁ କାମାତା ତହ୍‌ଦୁ, ୯ ଅଡ଼େ ଅଗ୍ରାହାମ ମା ଆବା ଇଞ୍ଜି ମୀ ମନ ବିତ୍ରା ଅଣପାଆଦୁ, ଏନାଆଁତାକି ଇଚିହିଁ ନାନୁ ମିଜେ ଖେସିମାଞ୍ଜାଇଁ, ମାହାପୁରୁ ଇ ଖାଲକାଟି ଜିକେଏ ଅଗ୍ରାହାମତି ମୀରକାଣି ଗାଡ଼ି କିହାଲି ଆଡ଼ିମାନେସି । ୧୦ ଅଡ଼େ ନୀର୍ଦ୍ଦି ଜିକେଏ ମାରୁନୁ ତାକିତା କାଠଆଲି ଆଗମାନେ, ଆମିନି ମାରୁନୁ ନେହିଁ ପାଡ଼େସି ଆଡ଼େସି, ଏଦାନି ଚୂଣ୍ଡାହାନା ହିତୁତା ମେଡ଼ପି ଆନେ । ୧୧ ନାନୁସାଁ ମିଜେ ପାପୁତି ପିସପି କିହାଲି ଇଞ୍ଜି ମନ ଖେଟ୍‌ପି କିହାଲି ଏୟୁତଲେ ବାପ୍ତିସ୍ତା^୩ ହାହିମାଞ୍ଜାଇଁ, ସାମା ନା ଡାୟୁ ରଅସି ଖାହିମାନେସି ଏଝାସି ନା କିହାଁ ହାରେକା ବାଡ଼ୁରୁ ଗାଟାସି, ଏଝାଣି ସେପୁୟାଁ ହୁକହାଲି ଜିକେଏ ନାନୁ ପାଡ଼ାଆଅଁ; ଏଝାସି ମିଜେ ସୁଦୁଜୀସୁ ଇଞ୍ଜି ହିତୁତଲେ ବାପ୍ତିସ୍ତା^୩ ହିୟାନେସି । ୧୨ ଏଝାସି ତାନି କ୍ଳାନୁତି ନେହିଁ କିଁ ତାସାହାଁ, ତାନି ଆନାତି କୁସାହାଁ ଗାଦେୟିତା ଇଗାଲି ଏଝାଣି କେୟୁତା ହେଚି ମାନେ, ସାମା ଗଟା ପଡ଼ୁତି ଏଚେଲା ତୁମ୍ବାଆଗାଟି ହିତୁତା ହୁଡ଼ା ତୁହନେସି ।”

ଜୀସୁ ଏୟୁତା ବାପ୍ତିସ୍ତା^୩ ଅନାୟି
 (ମାର୍କ ୧:୯-୧୧; ଲୁକ ୩:୨୧-୨୨)

୧୩ ଏଚିବେଳା ଜୀସୁ ଗାଲିଲିଟି ଖାହାନା ବାପ୍ତିସ୍ତା^୩ ଅହାଲି ତାକି ଜର୍ଦନ କାତାତା ଜହନ ତାଣା ଖାଟେସି । ୧୪ ସାମା ଜହନ ଜୀସୁଇଁ କାହି କିହାଲି ଅଣ୍ଠପାନା ଏଲେଇଚେସି, “ନା ତାଣାଟି ନାନୁ ବାପ୍ତିସ୍ତା^୩ ଅନାୟି ନା ଲଡ଼ାମାନେ, ଇଞ୍ଜି ନାନୁ ନା ତାଣା ଖାହାମାଞ୍ଜି ?”

୧୫ ସାମା ଜୀସୁ ଏଝାଣାଇଁ ଏଲେଇଚେସି, “ନା ହାଡ଼ା ଆହ୍‌ମ୍ବୁ, ଏନାଆଁତାକି ଇଚିହିଁ ଇଲେ ତଲେ ମାହାପୁରୁ ଦାମ୍‌ଡ଼ି କାମା କିନାୟିମାନେ ।” ଏଚେଟିଏ ଜହନ ମାନଡ଼ି ଆଟେସି ।

୧୬ ଜୀସୁ ବାପ୍ତିସ୍ତା^୩ ଅଡ଼ି ଦେବୁଣିଏ ଏୟୁତି ନିଜା ଖାଟେସି । ଏଚେଟିଏ ହାଗୁ ଦେପିଆଡ଼େ, ଇଞ୍ଜି ମାହାପୁରୁତି ସୁଦୁଜୀସୁ ଦାରଖା ପଗାଲେହେ ଜୀସୁ ଲାକି ଚେରା ଖାହିମାଟାଣି ଜହନ ମେସେସି । ୧୭ ଅଡ଼େ ମେହ୍‌ଦୁ, ହାଗୁଟି ଛ ହାଡ଼ା ଆଡେ, “ଇଝାସି ନା ଜୀସୁତି ମୀରଏସି ଇଝାଣି ତାଣା ନା ହାରେକା ରାହାଁ ମାନେ ।”

୪

ଜୀସୁଇଁ ତାୟିପାରି କିନାୟି
 (ମାର୍କ ୧:୧୨-୧୩; ଲୁକ ୪:୧-୧୩)

୧୮ ଏଚିବେଳା ଜୀସୁ ସୟତାନ ତାଣାଟି ତାୟିପାରି କିଡ଼ି ଆହାଲି ସୁଦୁଜୀସୁ ଲକ୍ଷୁ ହିଲିଆ ଚାୟୁତା ଅଡ଼େ । ୧୯ ଜୀସୁ ରୀ କଡ଼ି ଦିନା ଲାଆଁୟାଁ ମାଦେନା ଏନାଆଁ ତିନାଆନା ଉପାସା କିହାଁ ହାକି ଆଟେସି । ୨୦ ଏଚିବେଳା ସୟତାନ ତାନି ଦାରିତା ଖାହାନା ଏଲେଇଚେ, “ନାନୁ ମାହାପୁରୁ ମୀରଏଣାଟି ଇଚିସାରେ ଇ ଖାଲକାଣି ରୁଚି ଆହାଲି ହୁକୁମି ହୀମୁ ।”

† ୩:୧ ୩:୧୨ ଲୁକ୍‌ନାୟି ✧ ୩:୨ ୩:୨ ମାତି ୪:୧୨; ମାର୍କ ୧:୧୫ ‡ ୩:୬ ୩:୬ ଲୁକ୍‌ନାୟି ✧ ୩:୭ ୩:୭ ମାତି ୧୨:୩୫; ୨୩:୩୩
 § ୩:୮ ୩:୮ ଲୁକ୍‌ନାୟି ✧ ୩:୯ ୩:୯ ଜହ ୮:୩୩ ✧ ୩:୧୦ ୩:୧୦ ମାତି ୭:୧୯ * ୩:୧୧ ୩:୧୧ ଲୁକ୍‌ନାୟି † ୩:୧୧ ୩:୧୧ ଲୁକ୍‌ନାୟି ‡ ୩:୧୨ ୩:୧୨ ଲୁକ୍‌ନାୟି § ୩:୧୩ ୩:୧୩ ଲୁକ୍‌ନାୟି * ୩:୧୪ ୩:୧୪ ଲୁକ୍‌ନାୟି † ୩:୧୬ ୩:୧୬ ଲୁକ୍‌ନାୟି
 ✧ ୩:୧୭ ୩:୧୭ ମାତି ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫ ✧ ୪:୧ ୪:୧ ଏବ୍ରି ୨:୧୮; ୪:୧୫

୪ ଯାମା ଜୀସୁ ଏଲେଇରେସି, “ଦୀର୍ଘ ସାପ୍ତେରିତା ରାସ୍ତା ଆହାମାନେ ମାଣସି ଖାରଇ ରୁଚି ତିଜ୍ଞାନା ନୀତଅସି, ଯାମା ମାହାପୁରୁ ଗୁଡିଚି ହରିମାନି ବଲୁ ତଲେ ନୀତିନେସି ।”

୫ ତାହୁ ସୟତାନ ଜୀସୁଇଁ ସୁଦୁ ଗାଡ଼ା ଜିରୁସାଲମତା ଅହାନା, ମାହାପୁରୁ ଇଲୁ ତୁଡିୟା ଲାକ ନିପହାନା,

୬ ଏଲେଇରେ, “ନୀନୁ ମାହାପୁରୁ ମୀରୁଏଣାତି ଇଚିହୁଁ ଇମ୍ବୀଟି ତୁଇକା ଗେମ୍ବୀମ୍ବୁ.” ଦୀର୍ଘ ସାପ୍ତେରିତା ରାସ୍ତା ଆହାମାନେ,

ନିଜା ଜାତନ୍ଦୁ କିହାଲିତାକି ମାହାପୁରୁ ତାନି ଦୁତୁୟାଁଇଁ ହୁକୁମି ହୀନେସି;

“ନୀ କତାୟାଁ ଏନିକିଁ ଖାଲୁକାଣା ଆଡ଼ାତ ଇଞ୍ଜାଁ

ଦୁତୁୟାଁ ନିଜା କେସ୍ତାତଲେ ପେରୁହା ଆସ୍ତାନ୍ତୁ ।”

୭ ଜୀସୁ ଏଦାନି ଏଲେଇରେସି, “ଦୀର୍ଘ ସାପ୍ତେରିତା ରାସ୍ତା ଆହାମାନେ, ନୀନୁ ପ୍ରବୁ ନୀ ମାହାପୁରୁଇଁ ତାୟିପାରି କିଆନି ।”

୮ ଅଡ଼େ ଖେଣ୍ଡେ ସୟତାନ ଜୀସୁଇଁ କାଜା ହୁରୁ ଲାକ ଅହାନା ଦୀରୁତିଚି ବାରେ ରାଜି ଅଡ଼େ ଏମ୍ବୀତି ବାରେ ଅଜୁ ଅଡ଼େ ଜୁପକା ତସାନା ଏଲେଇରେ, ୯ “ନୀନୁ ନାଜେ ମେଣ୍ଡାକୁତାନା ଜହରା କିୟାଦି ଇଚିହୁଁ ନୀନୁ ଇ ବାରେ ନିଜା ହିୟାଇଁ ।”

୧୦ ଏମ୍ବୀଟିଏ ଜୀସୁ ଏଲେଇରେସି, “ଏ ସୟତାନ ନା ତାଣାଟି ହେକ ହାଲାମ୍ବୁ! ଦୀର୍ଘ ସାପ୍ତେରିତା ରାସ୍ତା ଆହାମାନେ, ‘ଖାରଇ ନୀ ପ୍ରବୁ ମାହାପୁରୁଇଁ ଜହରା କିଦି ଅଡ଼େ ଖାରଇ ତାଜେଏ ସେବା କିଦି ।”

୧୧ ଏ ଦେବୁଣିଏ ସୟତାନ ଜୀସୁଇଁ ପିସାନା ହାଜାତୁସ୍ତେ; ଅଡ଼େ ଦୁତୁୟାଁ ଖାହାନା ଏଞ୍ଜାଣି ସେବା କିତୁ ।

ଜୀସୁ ଗାଲିଲିତା ତାନି କାମା ମାଟ୍‌ନାୟି

(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ *ଜହନଇଁ କାୟିଦି ଇଲୁତା ଇଚିଚେରି ଇଞ୍ଜାଁ ଏଞ୍ଜାଣା ଜୀସୁ ଏମ୍ବୀଟିଏ ଗୁଡା ଆହାନା ଗାଲିଲିତା ଖାଚେସି; ୧୩ *ଏଞ୍ଜାସି ନାଜିରିତତା ତୁୟାଆଚେସି, ଯାମା କପରନାହୁମତା ତୁୟାଲି, ସୁବୁଲୁନ୍ ଅଡ଼େ ନପ୍ରାଲିତା ମାନି ର ଗାଲିଲି ସାମ୍ବୁରି ଗାରୁତା ମାନି ଗାଡ଼ାତା ହାଚେସି । ୧୪ ଏନିକିହୁଁ ମାହାପୁରୁ ଅଣପୁତି ବଲୁ ଖେହ୍ନି ଜିସାୟତି ହାଡ଼ା ସାତା ଆନେ, ଏଞ୍ଜାସି ଏଲେଇଞ୍ଜାମାଚେସି;

୧୫ “ସୁବୁଲୁନ୍ ଦେସା ଅଡ଼େ ନପ୍ରାଲି ଦେସା

ସାମ୍ବୁରି ତାଚେ ଇଞ୍ଜାଁ ଜର୍ଦନ କାତା ଆତାଲାଖାକିଚି, ଜୀହୁଦିଆଆତି ଗାଲିଲି !

୧୬ ଆଦେରିତା ବାସା କିହିମାନି ଲକୁ କାଜା ଉଜେଡ଼ି ମେସ୍ତେରି

ହାକିଚି ନାସ୍ତାକ ଅଡ଼େ ସାହଡ଼ାତା ମାନି ଲକୁତାକି

ଉଜେଡ଼ି ତଞ୍ଜାଆନେ ।”

୧୭ *ଏ ବେଲୀଟିଏ ଜୀସୁ ତାନି କାତା ଖେକହାଲି ମାଟ୍‌ହେସି, “ମୀ ପାପୁ ପିସାନା ମନ ଖେଟ୍‌ହା କତାପୁ, ଏନାଆଁତାକି ଇଚିହୁଁ ଲାକପୁରୁ ରାଜି ଏଗାଞ୍ଜାହିମାନେ ।”

ସାରି ଜାଣା ମାଣକା ଆହନାରାଇଁ ଜୀସୁ ହାଟ୍‌ନାୟି

(ମାର୍କ ୧:୧୬-୨୦; ଲୁକ ୫:୧-୧୧)

୧୮ ଜୀସୁ ଗାଲିଲି ସାମ୍ବୁରି ଗାରୁଚି ହାଜିମାଗାଟି ସିମନ ଇନି ପିତର ଅଡ଼େ ତାନି ତାୟି ଆୟିୟ, ଇ ତାୟି ରିଆରି ସାମ୍ବୁରିତା ଜାଲା ମେଡ଼ହି ମାଗାଣି ମେସ୍ତେସି, ଏନାଆଁତାକି ଇଚିହୁଁ ଏଞ୍ଜାରି ମାଣକା ଆହନାରି ମାଚେରି । ୧୯ ଜୀସୁ ଏଞ୍ଜାରାଇଁ ଏଲେଇରେସି, “ନୀ ଜେତ ଖାପୁ, ନୀନୁ ମିଜା ଲକୁଣି ଆହନାଣି ଜାପୁହାଇଁ ।” ୨୦ ଏଚେଟିଏ ଏଞ୍ଜାରି ଦେବୁଣିଏ ଜାଲା ପିସାନା ଏଞ୍ଜାଣି ଜେତ ହାଚେସି ।

୨୧ ଏମ୍ବୀଟିଏ ଜୀସୁ ନକିତା ହାଜାନା ଜେବଦି ମୀରୁକା ଜାକୁବ ଅଡ଼େ ଏଞ୍ଜାଣି ତାୟି ଜହନ ଦରୁଗାଟାସି ଇଞ୍ଜାଁ ଅଡ଼େ ରିଆରି ତାୟିୟାଁ ତାନି ଆଡ଼ା ଜେବଦି ତଲେ ତଂଗତା ଜାଲା ମୁଦା କିହିମାଗାଣି ମେସାନା ଏଞ୍ଜାରାଇଁ ଜିକେଏ ହାଟ୍‌ଚେସି । ୨୨ ଏଚେଟିଏ ଏଞ୍ଜାରି ଏ ଦେବୁଣିଏ ତଂଗ ଅଡ଼େ ତାନି ଆଡ଼ାଇଁ ପିସାନା ଜୀସୁ ଜେତ ହାଚେରି ।

ଜୀସୁ ସେବା କାମା ମାଟ୍‌ନାୟି

(ଲୁକ ୬:୧୭-୧୯)

୨୩ *ତାହୁ ଜୀସୁ ଗାଲିଲି ଦେସାତା ରେଜି ରେଜିହୁଁ ଜୀହୁଦି ଲକୁତି କୁଟମି ଇଲୁକାଣା ଜାପୁହିହୁଁ ,

☆ ୪:୧୨ ୪:୧୨ ମାତୃ ୧୪:୩; ମାର୍କ ୬:୭; ଲୁକ ୩:୧,୨୦ ☆ ୪:୧୩ ୪:୧୩ ଜହ ୨:୧୨ ☆ ୪:୧୭ ୪:୧୭ ମାତୃ ୩:୨ ☆ ୪:୨୩ ୪:୨୩ ମାତୃ ୯:୩୫; ମାର୍କ ୧:୩୯

ମାହାପୁରୁ ରାଜିତ ନେହଁ କାରୁ ଝେସିହଁ ରଗଗାଟି ଲକ୍ଷ୍ମଣି ନେହଁ କିହାଲି ମାଟୁହେସି, ୨୪ ଅଡ଼େ ଏଝାଣି କାତା ଦେସାତି ସାରିଝାକି ଇଞ୍ଜାଁ ସିରିୟା ଦେସାତା ଜିକେଏ ଝେଙ୍ଗାହାଟେ, ଇଞ୍ଜାଁ ଲକ୍ଷ୍ମ ବୁରୁୟା ଆଲୁଗା ମାତାରାଇଁ, କାଟିଝେତାରାଇଁ, ଇଞ୍ଜାଁ ଟଟ ଝାୟିତାରାଇଁ; ଇଲେତି ହାରେକା ରଗଟି କସ୍ତୁ ଆହୁମାନାରାଇଁ ଜୀସୁ ନକିତା ତାତେରି, ଇଞ୍ଜାଁ ଏଝାସି ଏଝାରାଇଁ ନେହଁ କିତେସି । ୨୫ ଅଡ଼େ ଗାଲିଲି, ଦସଗଟା ନାୟକା, * ଜିରୁସାଲମ, ଜୀହୁଦା ଅଡ଼େ ଜର୍ଦନତି ଏ ଗାବୁତା ମାନି ନାୟକାଟି ହାରେକା ଲକ୍ଷ୍ମ ଜୀସୁ ଜେଟ ହାତେରି ।

୫

ହରୁ ଲାକ ଜାପୁନାସି

୧ ଜୀସୁ ହାରେକା ଲକ୍ଷ୍ମଇଁ ମେସାନା ର ହରୁ ଲାକ ହାଜାନା କୁରିତେସି, ଇଞ୍ଜାଁ ସୀସୁୟାଁ ଏଝାଣି ତାଗେ ଝାଡ଼େରି । ୨ ଏମ୍ବାଟିଏ ଏଝାସି ଗୁତି ଏକ୍‌ହାନା ଜାପୁହାଲି ମାଟୁହେସି ।

**ଆମ୍ବାଆରି ନେହଁରି
(ଲୁକ ୬:୨୦-୨୩)**

- ୩ ଆମ୍ବାଆରି ଜାସ୍ତୁତା ଏନାଆଁ ହିଲାଆ ଗାଟାରାକି ନେହେଁ, ଏନିଇତିହଁ ଲାକପୁରୁ ରାଜି ଏଝାରି ଝାଉଁ ।
- ୪ ଆମ୍ବାଆରି ଦୁକୁତା ତ୍ରାହିମାନି ଲକ୍ଷ୍ମତାକି ନେହେଁ, ଏନାଆଁତାକି ଇତିହଁ ମାହାପୁରୁ ଏଝାରି ଦୁକୁ ତୁକ୍‌ନେସି ।
- ୫ କପା ହିଲାଆ ଗାଟାରି ନେହେଁ, ଏନାଆଁତାକି ଇତିହଁ ଦାର୍ତତା ଏଝାରି ଅଦିକାରା ଆନେରି ।
- ୬ ମାହାପୁରୁ ଦାମ୍ପତି କାମା କିହାଲି ହାକି ଏସ୍‌କି ଗାଟାରି ଏଝାରାକି ନେହେଁ, ଏନାଆଁତାକି ଇତିହଁ ମାହାପୁରୁ ଏଝାରାକି ଲତ୍ତାମାନାଣି ବାରେ ହାନେସି ।
- ୭ ଏଟକା ଲକ୍ଷ୍ମଣି କାର୍ମା ମେହ୍‌ନେରି, ଏଝାରାକି ନେହେଁ, ଏନିଇତିହଁ ମାହାପୁରୁ ଏଝାରାଇଁ କାର୍ମା ମେହ୍‌ନେସି,
- ୮ ଆମ୍ବାଆରି ସୁଦୁ ହିୟାଁ ଗାଟାରି ଏଝାରାକି ନେହେଁ, ଏନିଇତିହଁ ଏଝାରି ମାହାପୁରୁଇଁ ମେହ୍‌ନେରି ।
- ୯ ହିଡ଼ଡ଼ି ଗାଟି ଲକ୍ଷ୍ମ ନେହେଁ, ଏନିଇତିହଁ ଏଝାରି ମାହାପୁରୁତି ମୀରକା ଇଞ୍ଜାଁ ଝେଙ୍ଗିନେରି ।
- ୧୦ *ମାହାପୁରୁ ଦାମ୍ପ କାତାତାକି ଦୁକୁ ବେଟାଆନାରି ଏଝାରାକି ନେହେଁ, ଏନିଇତିହଁ ଲାକପୁରୁ ରାଜି ଏଝାରିଝାୟି ।

୧୧ *ଏଟିବେଲ୍ଲା ଲକ୍ଷ୍ମ ମିଙ୍ଗ ନା ତାକି ନିନ୍ଦା କି ଲାଜା କିୟାନେରି, ଅଡ଼େ ନା ତାକି ଉଜେ ଉଜେଏ ମୀ କପାଟି ମିଟି କାତା ଜଲାନେରି, ଆତିହଁ ମିଙ୍ଗେ ତାକି ନେହେଁ । ୧୨ *ରାହାଁ ଆହାନା ଏନ୍ଦାଦୁ, ଏନାଆଁତାକି ଇତିହଁ ଲାକପୁରୁତା ମୀ ତାକି ହାରେକା ଦାନା ମାନେ; ଏଲେକିହଁ ଏ, ମୀ ନକିତି ମାହାପୁରୁ ଅଣ୍ଡପୁତି ବଲୁ ଝେହ୍‌ନାରାଇଁ ଜିକେଏ ଇଲେକିହଁ ନିନ୍ଦା କିହାମାତେରି ।

ହାରୁ ଅଡ଼େ ଉଜେଡ଼ି

(ମାର୍କ ୯:୫୦; ଲୁକ ୧୩:୪-୩୫)

୩୩ *ମୀରୁ ବାରେ ଦାରତିତି ହାରୁ ଲେହେଁ, ସାମା ହାରୁ ମୁଆତିହଁ, ଅଡ଼େ ଏଦାଆଁ ଏମ୍ବିୟା ଜିକେଏ ଲେମ୍ବାଲି ଆଏ, ଇଞ୍ଜାଁ ଏଡ଼ି ଏନି କାମାତା ପାଡ଼ା ଆଏ, ଲକ୍ଷ୍ମ ଏଦାଆଁ କର୍ତ୍ତା ତୁଲ ଝିସା ହାନେରି ।

୧୪ *ମୀରୁ ଦାରତିତି ଉଜେଡ଼ି ତେରି, ଆମିନି ଗାଡ଼ା ହରୁ ଲାକ କେପି ଆହାମାନେ, ଏଡ଼ି ଏବେଲ୍ଲା ତୁଗ୍‌ନାନ୍ଦା ତୁୟାଲି ଆଡେଏ । ୧୫ *ଅଡ଼େ ଦୀଝିଁ ତ୍ରାସାନା ଆମ୍ବାଆରି ମାଣା ପ୍ଲିକ୍‌ହାନା ଇଟଅରି, ସାମା ଏଦାନି ଦୀଝିଁ ସଡ଼ାତା ଇତିନେରି, ଆତିହଁ ଇଲୁତା ଝାନ୍ଦି ବାରେ ଲକ୍ଷ୍ମ ଉଜେଡ଼ି ମେହ୍‌ନେରି । ୧୬ *ଏଲେକିହଁ ଏ

* ୪:୨୫ ୪:୨୫ ଦେକାପଲି ✨ ୫:୧୦ ୫:୧୦ ଯିତ ୩:୧୪ ✨ ୫:୧୧ ୫:୧୧ ଯିତ ୪:୧୪ ✨ ୫:୧୨ ୫:୧୨ କାମା ୭:୫୨
 ✨ ୫:୧୩ ୫:୧୩ ମାର୍କ ୯:୫୦; ଲୁକ ୧୪:୩୪,୩୫ ✨ ୫:୧୪ ୫:୧୪ ଜହ ୮:୧୨; ୯:୫ ✨ ୫:୧୫ ୫:୧୫ ମାର୍କ ୪:୧୧; ଲୁକ ୮:୧୬; ୧୧:୩୩
 ✨ ୫:୧୬ ୫:୧୬ ଯିତ ୨:୧୨

ମୀ ଉଜେଡ଼ି ଲକ୍ଷ୍ମ ନକିତା ନେହଁ କିଁ ତଞ୍ଜାଆପେ, ଏନିକିଁ ଏଞ୍ଜାରି ମୀ ନେହଁ କାମା ମେସାନା ଲାକପୁରୁତି ଆବାତି ଗାଞ୍ଜୁରମି କିନେରି ।

ମେରାତି କାତା ଜାପୁନାୟି

୧୭ ନାଜେ ମସାତି ମେରା ଅଡ଼େ ମାହାପୁରୁ ଅଣପୁତି ବଲୁ ଝେହନାରି ମେରାତି ମେଞ୍ଜହାଲି ଝାହାମାନେସି ଇଞ୍ଜିଁ ଅଣପାଆଦୁ; ନାନୁ ମେଞ୍ଜହାଲି ଝାହାଲିଅଁ ସାମା ଈ ବାରେ ପୂରା କିହାଲି ଝାହାମାଲି । ୧୮ ଏନାଆଁତାକି ଇତିହଁ ନାନୁ ମିଜେ ସାତା ଝେସିମାଞ୍ଜାଇଁ, ହାଗୁପାକା ଅଡ଼େ ଦାରତି ମେଶଙ୍ଗାଆ ପାତେକା ଇଞ୍ଜା ଈ ବାରେ ଆଆପାତେକା ମସା ମେରାତି ଇରାୟି ସିନା ଜିକେଏ ମେଶଙ୍ଗେଏ । ୧୯ ଏନାଆଁତାକି ଇତିହଁ ଆମ୍ବାଆସି ଈ ହୁକୁମିଟି ର ଉଣା ହୁକୁମି ମାନୁଝି ଆଅସି ଅଡ଼େ ଲକ୍ଷ୍ମଇଁ ଏଲେକିହଁ ଏ ଜାପୁନେସି, ଏଞ୍ଜାସି ଲାକପୁରୁ ରାଜିତା ଉଣା ଇଞ୍ଜିଁ ଝେଙ୍ଗିନେସି; ସାମା ଆମ୍ବାଆସି ମାନୁଝି ଆନେସି ଅଡ଼େ ଜାପୁନେସି ଏଞ୍ଜାସି ଲାକପୁରୁ କାଜାସି ଇଞ୍ଜିଁ ଝେଙ୍ଗିନେସି । ୨୦ ଏନାଆଁତାକି ଇତିହଁ ନାନୁ ମିଜେ ଝେସିମାଞ୍ଜାଇଁ, ମୀ ଦାମ୍ବୁ ମେରା ପୁନାରି ଅଡ଼େ ପାରୁସିୟାଁ ଦାମ୍ବୁ କିହାଁ ମୀ ନାମୁ ହାଡ଼େକା ଆଆତିହଁ, ମୀରୁ ଜିକେଏ ଲାକପୁରୁ ରାଜିତା ହଡ଼ାଲି ଆଡ଼ଅଡ଼େରି ।

କପା ଗାଟାଣି କାପୁନାୟି

୨୧ “ମୀରୁ ଝେଞ୍ଜାମାଞ୍ଜେରି, ତଲିକାଲାତି ଲକ୍ଷ୍ମଇଁ ଝେସପିଆହାମାରେ, ‘ଲକ୍ଷ୍ମଇଁ ପାୟାଆଦୁ, ଆମ୍ବାଆରି ଲକ୍ଷ୍ମଇଁ ପାୟିନେରି, ଏଞ୍ଜାସି ନୀହାଁୟି ପାଙ୍ଗାତା ତଣ୍ଡ ବେଟା ଆନେସି ।” ୨୨ ସାମା ନାନୁ ମିଜେ ଝେସିମାଞ୍ଜାଇଁ, ଆମ୍ବାଆସି ତାମି ତାୟି ଲାକ କପାଆନେସି, ଏଞ୍ଜାସି ନୀହାଁୟି ପିଣ୍ଡାତା ତଣ୍ଡ ବେଟା ଆନେସି, ଇଞ୍ଜା ଆମ୍ବାଆସି ତାମି ତାୟି କାରବିଗାଟାତି ଇଞ୍ଜିଁ ଇନେସି, ଏଞ୍ଜାସି ବେରଣିମାଣ୍ଡାତା ତଣ୍ଡ ବେଟା ଆନେସି; ଅଡ଼େ ଆମ୍ବାଆସି ପଲୁଆଗାଟାତି ଇଞ୍ଜିଁ ଇନେସି, ଏଞ୍ଜାସି ହିରୁ ଗାଡ଼ୁରୁତା ମେଡ଼ପି ଆନେସି । ୨୩ ଅଡ଼େ ମାହାପୁରୁତି ପୂଜା ପିଣ୍ଡାତା ଦାନା ତାଟିମାନାଟି ମୀ ତାୟି କପାଟି ଏନି ହାଡ଼ା ମାନେ ଇଞ୍ଜିଁ ଏମ୍ବାଆଁ ଅଣପୁ ଝାନେ, ୨୪ ଆତିହଁ ଏନିଏମ୍ବାଆଁ ପୂଜା ପିଣ୍ଡାତା ମୀ ଦାନା ପିସାନା ହାଜୁ, ଇଞ୍ଜା ମୀ ତାୟିତଲେ ଆଣ୍ଡିତି ଜେତ ଝେଣ୍ଡା ଝାହାନା ମାହାପୁରୁ ନକିତା ଏ ଦାନା ହେରପାଦୁ ।

୨୫ ନାନୁ ଗଡ଼ହା ଆଡ଼ାଣି ତଲେ ନୀହାଁୟି କିନାଣି ତାଣା ହାନିବେଲାତା ଜିରୁତେଏ କାଲୁଝି ଆୟାଲି ଅଣପାମ୍, ଆଆଡ଼ିଁ ଏଞ୍ଜାସି ମିଜେ ନୀହାଁୟି କିନାଣି ତାଣା ହେରପାନେସି, ଅଡ଼େ ନୀହାଁୟି କିନାସି ମିଜେ ଜାମାନାଙ୍ଗା କେୟୁତା ହେରପାନେସି, ଅଡ଼େ ଏଞ୍ଜାରି କାୟିଦି ଇଲୁତା ସୁଣ୍ଡାନେରି । ୨୬ ନାନୁ ମିଜେ ସାତା ଝେସିମାଞ୍ଜାଇଁ ମୀ ତାକି କିଝିଆହାମାନି ର କାନି ଜିକେଏ ହାଆପାତାକା ଏମ୍ବାଟି ଏନିଜିକେଏ ହଡ଼ାଝାହାଲି ଆଡ଼ଅଡ଼େରି ।

ଦାରିକାମା କିଆଦୁ ଇଞ୍ଜିଁ ଜାପୁନାୟି

୨୭ ମୀରୁ ଝେଞ୍ଜାମାଞ୍ଜେରି, ଇଲେଇଞ୍ଜିଁ ରାସ୍ତିକି ଆହାମାନେ, ଦାରିକାମା କିଆଦୁ । ୨୮ ସାମା ନାନୁ ମିଜେ ଝେସିମାଞ୍ଜାଇଁ, ଆମ୍ବାଆସି ର ଇୟାନି ଲାଗେଏତି ଅଣପୁ ତଲେ ସିନିକିନେସି, ଇଞ୍ଜା ଏଞ୍ଜାସି ଏଦାନିତଲେ ମନ ମନତା ଦାରିକାମା କିତେସିଏ । ୨୯ ଅଡ଼େ ମୀ ଚିଝନି କାନୁ ମିଜେ ପାପୁ କିଝିକିୟାନେ ଇତିହଁ ଏ କାନୁ ଡେଝା କୁଡାଦୁ, ଇତିହଁ ମୀ ବାରେ ଆଙ୍ଗା ନକିତା ରିନି କିହାଁ, ଆଙ୍ଗାତି ର ବାଟା ହିଲାଆଗାଟାକ ନେହେଁ । ୩୦ ଇଞ୍ଜା ମୀ ଚିଝନି କେୟୁ ମିଜେ ପାପୁ କିଝିକିୟାନେ ଇତିହଁ ଏଦାଆଁ ଜାଟାନା କୁଡାଦୁ, ଇତିହଁ ମୀ ବାରେ ଆଙ୍ଗା ନକିତା ରିନିବାଟା ଆଙ୍ଗାତି ର କେୟୁ ହିଲାଆଗାଟାୟି ନେହେଁ ।

ଡକ୍ଜିନି ପିହ୍ନି କାତା

(ମାତି ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ ଅଡ଼େ ରାସ୍ତିକି ଆହାମାନେ, ଆମ୍ବାଆସି ତାନି ଡକ୍ଜିନି ପିହ୍ନେସି, ଇତିହଁ ଏଞ୍ଜାସି ଏଦାନାକି ପିହ୍ନି ଆକୁ ରାଟାନା ହାପେସି । ୩୨ ସାମା ନାନୁ ମିଜେ ଝେସିମାଞ୍ଜାଇଁ, ଆମ୍ବାଆସି ତାନି ଡକ୍ଜିନି ଦାରି କାମାତି ଦହ ହିଲାଆନା ଡକ୍ଜିନି ପିହ୍ନେସି, ଏଞ୍ଜାସି ଏଦାନି ଦାରେଣି କିନେସି; ଅଡ଼େ ଆମ୍ବାଆସି ପିସି ଇୟାନି ବୀହା ଆନେସି, ଏଞ୍ଜାସି ଜିକେଏ ଦାରେଲା ଆନେସି ।

ପାର୍ମାଣା

୫:୧୮ ୫:୧୮ ଲୁକ ୧୭:୧୭ ୫:୨୯ ୫:୨୯ ମାତି ୧୮:୯; ମାର୍କ ୯:୪୭ ୫:୩୦ ୫:୩୦ ମାତି ୧୮:୮; ମାର୍କ ୯:୪୩ ୫:୩୧ ୫:୩୧ ମାତି ୧୯:୭; ମାର୍କ ୧୦:୪
୫:୩୧ ମାତି ୧୯:୭; ମାର୍କ ୧୦:୪ ୫:୩୨ ୫:୩୨ ମାତି ୧୯:୯; ମାର୍କ ୧୦:୧୧, ୧୨; ଲୁକ ୧୭:୧୮; ୧କର ୭:୧୦, ୧୧

୩୩ ଅଡ଼େ ମୀରୁ ଝେଞ୍ଜାମାଞ୍ଜେରି, ତଲିକାଲୀତି ଲକ୍ଷ୍ମଣି ଝେସପି ଆହିମାଗେ, ମୀରୁ ମିଚି ପାର୍ମମାଣା କିଆଦୁ, ସାମା ପାର୍ମମାଣା କିହାମାନାଣି ତିକିଆନି, ମାହାପୁରୁ ନକିତା ପୁରା କିଦୁ । ୩୪ *ସାମା ନାନୁ ମିଙ୍ଗେ ଝେସିମାଞ୍ଜାଇଁ ପାର୍ମମାଣା କିଝୁଏ କିଆଦୁ; ପାର୍ମମାଣା କିନି ବେଲା ଲାକପୁରୁତି ଦରୁତଲେ ପାର୍ମମାଣା କିଆଦୁ, ଏନାଆଁତାକି ଇଚିହିଁ ଏଡ଼ି ମାହାପୁରୁତି ସିଂଗାସାଣି; ୩୫ ଅଡ଼େ ଦାରୁତିଚି ଦରୁତଲେ ପାର୍ମମାଣା କିଆଦୁ, ଏନାଆଁତାକି ଇଚିହିଁ ଏଡ଼ି ମାହାପୁରୁତି କଡ଼ାୟାଁ ଇଚିନି ଚାୟୁ; ଜିରୁସାଲମ ଦରୁତଲେ ପାର୍ମମାଣା କିଆଦୁ, ଏଡ଼ି ଆହିମାନେ କାଜା ରାଜାତି ଗାଡ଼ା; ୩୬ ଇଞ୍ଜାଁ ମୀ ତାୟୁଁ ତୁ ପାର୍ମମାଣା କିଆଦୁ, ଇଚିହିଁ ମୀ ତାୟୁଁ ତୁ ର ବାଣା କାଡ଼ିୟା ଆଆଡ଼ି ଦବଲା କିହାଲିତାକି ମୀ ବାଡ଼ୁୟୁ ହିଲେଏ, ୩୭ ସାମା ମାଦି ହାଅ ଇନି କାତା ହାଅ ଆପେ, ଇଞ୍ଜାଁ ଆଏ ଇନି କାତା ଆଏ ଆପେ; ଇଦାଆଁ ପିସପେ ଏନାଆଁ ଇଚାଣି ଆଗାଡ଼ା କାଲିହିଁ ଏଡ଼ି ଲାଗେଏ ତାଣାଟି ଝାନ୍ଦେ ।

ରାକି ଆହ୍ନାୟି
(ଲୁକ ୭:୨୯-୩୦)

୩୮ ମୀରୁ ଇ କାତା ଝେଞ୍ଜାମାଞ୍ଜେରି, ରାସକି ଆହ୍ନାମାନେ, କାନୁତି ବାଦୁଲି କାନୁ, ପାଲୁତି ବାଦୁଲି ପାଲୁ । ୩୯ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ମିଙ୍ଗେ ଲାଗେଏ କିୟାନାଣାଇଁ ବାଦୁଲି ଅଥାଦୁ, ସାମା ଆମ୍ବାଆସି ନୀ ଚିଝନି ଗେଏଲତା ସାପୁଡ଼ା ଝେଡାନେସି, ଏଝାଣାକି ଅର ଗେଏଲା ଜିକେଏ ତହୁଦୁ । ୪୦ ଇଞ୍ଜାଁ ଆମ୍ବାଆସି ନୀହିଁୟି ପାଙ୍ଗାତା ମୀ ସକା ଅହାଲି ମନ୍ କିଚିହିଁ ଏଝାଣାକି ମୀ ହିମ୍ବୁରି ଜିକେଏ ହୀଦୁ । ୪୧ ଆମିନି ଦେସା ସାଲୁଡ଼ି କିନାସି ମିଙ୍ଗେ ବହୁ ଡେକାନା ତାନିତଲେ ର କିଲମିଟର ହାଜାଲିତାକି ଏଲେଇଞ୍ଜାନ୍ଦେସି, ଏଝାଣିତଲେ ରୀ କିଲମିଟର ହାଜୁ । ୪୨ ଆମ୍ବାଆସି ମିଙ୍ଗେ ରାସ୍ତାନେସି, ଏଝାଣାକି ହୀଦୁ, ଅଡ଼େ ଆମ୍ବାଆସି ମୀ ତାଣାଟି ରାଣା ଅହାଲି ମନ୍ କିନେସି ଏଝାଣାଇଁ ଆଏ ଇନାଆଦୁ ।

ସାତୁୟାଁଇଁ ଜୀଝୁନଦୁ
(ଲୁକ ୭:୨୭-୩୬)

୪୩ ମୀରୁ ଝେଞ୍ଜାମାଞ୍ଜେରି, ରାସକି ଆହ୍ନାମାନେ, ମୀ ପାଡ଼ିତାଣାଇଁ ଜୀଝୁନଦୁ ଇଞ୍ଜାଁ ସାତୁୟାଁଣି ଅପାଆଦୁ । ୪୪ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ମୀ ସାତୁୟାଁଇଁ ଜୀଝୁନଦୁ, ଇଞ୍ଜାଁ ଆମ୍ବାଆରି ମିଙ୍ଗେ ନିନ୍ଦା କିୟାନେରି, ଏଝାରି ତାକି ପ୍ରାତାନା କିଦୁ । ୪୫ ଏନିକିଁ ମୀରୁ ମୀ ଲାକପୁରୁ ଆବାତି ମୀରକା ଆଦେରି; ସାମା ମାହାପୁରୁ ନେହିଁରି ଅଡ଼େ ଲାଗେଏ ପଲେଏତି ବାରେ ଲକ୍ଷ୍ମଣାକି ଝେଡ଼ା ଉଜେଡ଼ି ହୀନାସି ଅଡ଼େ ଦାମ୍ବୁଗାଟାରି ଅଡ଼େ ଦାମ୍ବୁ ହିଲାଆ ଗାଟାରାକି ଜିକେଏ ପିୟୁ ହୀନେସି । ୪୬ ଇଞ୍ଜାଁ ଆମ୍ବାଆରି ମିଙ୍ଗେ ଜୀଝୁ ନୟାନ୍ଦେରି ଏ ଲକ୍ଷ୍ମଣାଇଁ ଜୀଝୁ ନଚିହିଁ ଏନାୟି ମୋଡ଼ାଆୟାନେ ? ସିସୁ ରାହ୍ନାରି ଜିକେଏ ଏଦାଆଁ କିଅରିକି ? ୪୭ ଅଡ଼େ ମୀରୁ ମୀ ତାୟିୟାଁଇଁ ଜହରା କିଦେରି, ଏମ୍ବାଟିଏ ଅଡ଼େ ଏନି କାମା କିଦେରି ? ଜୀହୁଦିଆଆତାରି ଜିକେଏ ଏଦାଆଁ କିଅରିକି ? ୪୮ ଏଦାଆଁତାକି ମୀ ଲାକପୁରୁତି ଆବା ଏନିକିଁ ବାରେକିହିଁ ନେହିଁସି ମୀରୁ ଜିକେଏ ଏଲେକିଁ ନେହିଁ ଆଦୁ ।



ଦାନା ହୀନାଣି ଜାପ୍ନାୟି

୧ *ଲକ୍ଷ୍ମଣେ ମୋସ୍ତାପେରିଝା ଇଞ୍ଜାଁ ଲକ୍ଷ୍ମଣ ନକିତା ଦାମ୍ବୁତି କାମା କିଆଦୁ, ଏଦାଆଁତାକି ମୀରୁ ଜାଗ୍ରାତା ଆଦୁ, ଆଆଡ଼ିହିଁ ମୀ ଲାକପୁରୁତି ଆବା ନକିତା ମିଙ୍ଗେ ଦାନା ହିଲେଏ । ୨ ଏଦାଆଁତାକି ଦାନା ହୀନାଟି କୁଟୁ ଗାଟାରିଲେହେଁ ଜାହାରି ନକିତା ତୀତ୍ରି ଉକାଆଦୁ; ଏଝାରି ଲକ୍ଷ୍ମଣ ତାଣାଟି ମାନି ବେଟାଆହାଲି ଜୀହୁଦି ଲକ୍ଷ୍ମଣ କୁଟମି ଇଲୁତା* ଅଡ଼େ ମାଦି ଆଂଗେଣିତା ଏଲେକିନେରି, ନାନୁ ମିଙ୍ଗେ ସାତା ଝେସିମାଞ୍ଜାଇଁ ଏଝାରି ତାନି ଦାନା ବେଟାଆହାମାନେରି । ୩ ସାମା ମୀରୁ ଦାନା ହୀନାଟି ମୀ ଚିଝନି କେୟୁ ଏନାଆଁ କିହିମାନେ ମୀ ଚେଡ଼ି କେୟୁ ପୁନାଆପେ, ୪ ଏନିକିଁ ମୀ ଦାନା ହୀନାଟି ପୁନାଆରେଟୁ ଆନେ, ମୀ ଲାକପୁରୁତି ଆବା ଜିକେଏ ପୁନାଆରେଟୁ ମୋହ୍ନାସି, ଏଝାସି ମିଙ୍ଗେ ଦାନା ହିୟାନେସି ।

ପ୍ରାତାନା
(ଲୁକ ୧୧:୨-୪)

* ୫:୩୪ ୫:୩୪ ଜାକ୍ସ ୫:୧୨; ମାତି ୨୩:୨୨ * ୭:୧ ୭:୧ ମାତି ୨୩:୫ * ୭:୨ ୭:୨ ସିନଗରୁ

୫ *ପ୍ରାଚୀନା କିନାଟି କୁଟୁ ଗାଟାରିଲେହେଁ ଆଆଦୁ, ଏନାଆଁତାକି ଇଚିହଁ ଏଝାରି ଲକ୍ଷଣି ତସାଲି ତାକି, ଜାହୁଦି ଲକ୍ଷଣି କୁଟୁମି ଇଲୁତାଂ ଅଡ଼େ ଡେଡ଼ା ଜିରୁତି କନତା ନିଚାନା ପ୍ରାଚୀନା କିହାଲି ରାହଁ ଆନେରି; ନାନୁ ମିଙ୍ଗେ ସାତା ଝେସିମାଞ୍ଜାଇ, ଏଝାରି ତାମି ଦାନା ବେଟାଆହାମାନେରି । ୬ ସାମା ମାରୁ ପ୍ରାଚୀନା କିନାଟି ମୀ ଇଲୁ ବିତ୍ରା ହାକୁ, ଇଞ୍ଜା ଦାରା ସୁଣ୍ଠା କତାଦୁ ଅଡ଼େ ତଞ୍ଜା ଆଆଗାଟି ମୀ ଆବା ମାହାପୁରୁ ତାଣା ପ୍ରାଚୀନା କିଦୁ; ଅଡ଼େ ମୀ ଆବା ଆମ୍ବାଆସି ତରୁନା ମେସ୍ତାନେସି ଏଝାସି ମିଙ୍ଗେ ଦାନା ହିୟାନେସି ।

୭ ମାରୁ ପ୍ରାଚୀନା କିନାଟି ଜାହୁଦିଆଆତାରି ଲେହେଁ ଉଜେ ଉଜେଏ ପେଟେପେଟେ ଜଲ୍ଲାଆଦୁ, ଏନାଆଁତାକି ଇଚିହଁ ଏଝାରି ଅଣ୍ଠିନେରି, ହାବେରକା ପ୍ରାଚୀନା କିତିସାରେ ମା ପ୍ରାଚୀନା ମାହାପୁରୁ ଝେଞ୍ଜାନେସି । ୮ ଏନାଆଁତାକି ଏଝାରିଲେହେଁ ଆଆଦୁ, ଏନାଆଁତାକି ଇଚିହଁ ମିଙ୍ଗେ ଏନାୟି ଲଡ଼ାମାନେ, ରାହୁଆ ନଡ଼କଏ ଏନାଆଁ ମୀ ଆବା ମାହାପୁରୁ ବାରେ ପୁଞ୍ଜାମାନେସି । ୯ ଅଡ଼େ ମାରୁ ଇଲେକିହଁ ପ୍ରାଚୀନା କିଦୁ;

ଏ ମା ଲାକପୁରୁତି ଆବା,

ନୀ ଦରୁ ନେହାୟି ଇଞ୍ଜିଁ ମାନୁଞ୍ଜି ଆଡ଼ପେ;

୧୦ ନୀ ରାଜ୍ଜି ଝାଡ଼ପେ;

ଲାକପୁରୁତି ଲେହେଁ ଦାରୁତିତା ଜିକେଏ ନୀ କାତେଏ ଆଡ଼ପେ,

୧୧ ନୀଞ୍ଜୁ ମାଙ୍ଗେ ଲଡ଼ା ଆନି ରାନ୍ଦା ହିୟାମୁ,

୧୨ ମା କପାତଲେ ଦହ କିହାମାନି ଲକ୍ଷଣି ମାମ୍ବୁ ଏନିକିହଁ ଦହ ଆହଅମି,

ଏଲେକିହଁ ମା ଦହ ବାରେ ମ୍ଲେକ୍ତହାମୁ ।

୧୩ ମାଙ୍ଗେ ପାନ୍ଦାତା ମେଡ଼ହାଆନି ଲାଗେଏ ପଲେଏ ତାଣାଟି ପିସପି କିୟାମୁ,

ଏନିଇଚିହଁ ରାଜ୍ଜି ବାଡ଼ୁଲୁ କାଜାପାଣା କାଲା କାଲାତାକି ନୀଦିଏ ଆପେ । ଆମେନ ।

୧୪ *ଇଚିହଁ ମାରୁ ଏବକା ଲକ୍ଷଣି ପାପୁ ବାରେ ମ୍ଲେକ୍ତହାସାରେ, ମୀ ଲାକପୁରୁତି ଆବା ମାହାପୁରୁ ଜିକେଏ ମୀ ପାପୁ ମ୍ଲେକ୍ତହାନେସି; ୧୫ ସାମା ମାରୁ ଲକ୍ଷଣି ପାପୁ ମ୍ଲେକ୍ତଆସାରେ, ମୀ ଆବା ଜିକେଏ ମୀ ପାପୁ ମ୍ଲେକ୍ତହଅସି ।

ଉପାସା କିନାଣି ଜାପୁନାୟି

୧୬ ଉପାସା କିନାଟି କୁଟୁ ଗାଟାରିଲେହେଁ ମୀ ମୁମ୍ବୁଡ଼ି ଝାଡ଼ି କିଆଦୁ, ଏନାଆଁତାକି ଇଚିହଁ ଏଝାରି ଉପାସା କିହିମାନେରି ଇଞ୍ଜିଁ ଲକ୍ଷଣି ତସାଲି ତାମି ମୁମ୍ବୁଡ଼ି କିନେରି; ନାନୁ ମିଙ୍ଗେ ସାତା ଝେସିମାଞ୍ଜାଇ ଏଝାରି ତାମି ଦାନା ବେଟାଆହାମାନେରି । ୧୭ ସାମା ମାରୁ ଉପାସା କିନାଟି, ମୀ ତାୟଁ ତୁ ନିୟଁ ଉହୁଦୁ ଅଡ଼େ ମୁମ୍ବୁ ନୁରହା କତାଦୁ । ୧୮ ଏନିକିଁ ମାରୁ ଉପାସା କିହିମାନେରି ଇଞ୍ଜିଁ ଲକ୍ଷଣି ନକିତା ତଞ୍ଜା ଆଆନା, ପୁନାଆରେଟୁ ମାନି ମୀ ଲାକପୁରୁତି ଆବା ନକିତା ତଞ୍ଜା ଆଡ଼େରି; ଅଡ଼େ ମୀ ଆବା ପୁନାଆରେଟୁ ମେସାନା ମିଙ୍ଗେ ଦାନା ହିୟାନେସି ।

**ଲାକପୁରୁତି ଦନ
(ଲୁକ ୧୨:୩୩-୩୪)**

୧୯ “ଏମିୟା ସୀରନେ ଇଞ୍ଜା ଲୀମ୍ବୁ ତ୍ରିନେ ଅଡ଼େ ସରୁକା କାତି ତୁକହାନା ସରୁ କିହା ଅନେରି, ଇଲେତି ଦାରୁତିତା ମିଙ୍ଗେତାକି ଦନ କୁଡ଼ିକିହଁ ଇଟାଆଦୁ । ୨୦ ସାମା ଆମିୟା ସୀରଏ ଇଞ୍ଜା ଲୀମ୍ବୁ ତ୍ରିନେଏ ଅଡ଼େ ସରୁକା କାତି ତୁକହାନା ମାଣ୍ଡାତ ଅଅରି ଇଲେତି ଲାକପୁରୁ ମିଙ୍ଗେତାକି ଦନ କୁଡ଼ି କିଦୁ, ୨୧ ଇଚିହଁ ଆମିୟା ମୀ ଦନ ଏମ୍ବେଏ ମୀ ମନ ଜିକେଏ ମାନେ ।”

**ଆଜ୍ଞାତି ଉଜେଡ଼ି
(ଲୁକ ୧୧:୩୪-୩୬)**

୨୨ କାନୁ ଆଜ୍ଞାତି ଦୀଞ୍ଜିଁ ଲେହେଁ, ଇଚିହଁ ମୀ କାନୁ ନେହଁ ମାନେ, ଆତିହଁ ମୀ ବାରେ ଆଜ୍ଞା ଉଜେଡ଼ି ଆନେ । ୨୩ ସାମା ମୀ କାନୁ ଲାଗେଏ ମାନେ, ଆତିହଁ ମୀ ବାରେ ଆଜ୍ଞା ଜିକେଏ ଆନ୍ଦେରି ଆନେ । ଏନାଆଁତାକି ଇଚିହଁ ମୀ ଆଜ୍ଞାତି ଉଜେଡ଼ି ଆନ୍ଦେରି ଆତିହଁ ଏ ଆନ୍ଦେରି ଏଚେକା ଆଜିନାୟି ଆନେ ।

ମାହାପୁରୁ ଅଡ଼େ ଦନ
(ଲୁକ ୧୭:୧୩; ୧୭:୨୨-୩୧)

୨୪ ଆମ୍ଭାଆସି ଜିକେଏ ରୀ ସାସ୍ତ୍ରକାରି ତାଣ୍ଡା ହଟ୍ଟଲେଏସି ଆହାଲି ଆଡ଼ଅସି; ଏନାଆଁତାକି ଇଚିହଁ ଏଞ୍ଜାସି ରଅଣାଲ୍ ଜୀସ୍ତୁ ନନେସି, ଅଡ଼େ ରଅଣାଲ୍ ଅପଅସି, ରଅଣାଲ୍ ମାନୁ କିନେସି ଅଡ଼େ ରଅଣାଲ୍ ମାନୁଞ୍ଜି ଆଅସି, ମାରୁ ମାହାପୁରୁ ଅଡ଼େ ଦନତି ହଲ୍ଲିୟାଙ୍ଗା ଆହାଲି ଆଡ଼ଅଡ଼େରି ।

୨୫ ଏଦାଆଁତାକି ନାନୁ ମିଙ୍ଗେ ଝେସିମାଞ୍ଜାଇଁ, ଏନାଆଁ ତିନାୟି ଏନାଆଁ ଗହନାୟି, ଏଲେକିଁ ମୀ ଜୀସ୍ତୁତାକି, ଏନାଆଁ ତୁରନାୟି ଇଲେକିଁ ମୀ ଆଙ୍ଗା ତାକି ଅଣପାଆଦୁ, ରାନ୍ଦାକିହା ଜୀସ୍ତୁ, ହିମ୍ବୁରିକା କିହାଁ ଆଙ୍ଗା କାଜାୟି ଆଏକି ? ୨୬ ପଟାୟାଁଣି ସିନିକିଦୁ, ଏଞ୍ଜି ମାଗାଉ କି ଦାରୁ କି ଗାଦେୟିତା କୁଡ଼ିକିହାଁ ଇଗାଉ, ଏଲେଆଡ଼ିଞ୍ଜା ଲାକପୁରୁତି ଆବା ଏଞ୍ଜାସିକାକି ତାମି ରାନ୍ଦା ହାହିମାନେସି, ଏଞ୍ଜାସିକା କିହାଁ ମାରୁ କାଜାଡ଼େରି ଆଏକି ? ୨୭ ଅଡ଼େ ମୀ ବିତ୍ରାଟି ଆମ୍ଭାଆସି ତାନି ଗାତି ଅଣପୁ ତଲେ ତାନି ଜୀସ୍ତୁତି ଆଗାଡ଼ା ପାତିକିହାଲି ଆଡ଼ିମାନେସି ?

୨୮ ହିମ୍ବୁରିକା ତାକି ଏନାଆଁତାକି ଅଣପିମାଞ୍ଜେରି ? ଜାଡ଼ାତି ପୂଜାଣି ସିନିକିହାଁ ଅଣପାମା ଜାପାଦୁ, ଏଞ୍ଜି ଏନିକିଁ ପାତାଆନୁ; ଏଞ୍ଜି କସ୍ତ କିଉ କି ଲୁଲୁ ଦାରୁ, ୨୯ ଆଡ଼ିଜିକେଏ ନାନୁ ମିଙ୍ଗେ ଝେସିମାଞ୍ଜାଇଁ, ରାଜା ସଲମନ ଗାତି ଦାରାତି ହିମ୍ବୁରିକା ହୁଟିମାଟିହଁ ଜିକେଏ ଏ ପୂଜା ବିତ୍ରାଟି ର ପୁରୁ ଲେହେଁ ଅଜା ହିଲ୍ଲାଆଡେସି । ୩୦ ସାମା ଗୁଡ଼ିୟାତା ତୁୟିନି ଗାକିଁ ଜାଡ଼ା ନୀଞ୍ଜୁ ମାନେ ଓସି ହଲ୍ଲୁତା ହୁଡ଼କିଆନେ, ଏଦାନାକି ମାହାପୁରୁ ଇଚେକା ନେହଁ ଅଜୁ ହାତିହଁ, ଏ ନାନୁ ହିଲ୍ଲାଆଗାଗାଡ଼େରି ମିଙ୍ଗେ ହାଚେକା ଗାତି ହିମ୍ବୁରିକା ହିୟଅସିକି ?

୩୧ ଏଦାଆଁତାକି ଏନାଆଁ ତିନି, ଏନାଆଁ ଗହନି, ଏନାଆଁ ପରନି ଏଲେକିହଁ ଅଣପାଆଦୁ । ୩୨ ଇଚିହଁ ଜୀହୁଦିଆଆତି ଲକ୍ଷୁ ଈ ବାରେ ପାରିନେରି, ଅଡ଼େ ଈ ବାରେ ମିଙ୍ଗେ ଲଡ଼ାମାନେ ଇଞ୍ଜିଁ ମୀ ଲାକପୁରୁତି ଆବା ପୁଞ୍ଜାମାନେସି । ୩୩ ସାମା ମାରୁ ନକେଏ ମାହାପୁରୁତି ରାଜି ଅଡ଼େ ଦାମ୍ବୁତି ପାରାଦୁ, ଆତିହଁ ମୀ ଲଡ଼ାମାନି ବାରେ ହାପକିଆନେ । ୩୪ ଇଚିହଁ ଓସିତାକି ଅଣପାଆଦୁ, ଏନାଆଁତାକି ଇଚିହଁ ଓସିତି ଅଣପୁ ଓସି ମାରୁ ମିଙ୍ଗେତାକି ଅଣପିଦେରି, ଇଚିହଁ ନୀଞ୍ଜୁତି କସ୍ତ ନୀଞ୍ଜୁତାକି ସାରି ।



ଏଟକା ତାରାଇଁ ନୀହାଁୟି କିନାୟି
(ଲୁକ ୭:୩୭-୩୮; ୪:୧-୪୨)

୧ ମାରୁ ଏନିକିଁ ନୀହାଁୟି କିଞ୍ଜି ଆଅଡ଼େରି, ଏଦାଆଁତାକି ମାରୁ ଆମ୍ଭାଆରାଇଁ ନୀହାଁୟି କିଆଦୁ । ୨ ଇଚିହଁ ମାରୁ ଏନିକିଁ ଲକ୍ଷୁଣି ନୀହାଁୟି କିଦେରି, ଏଲେକିହଁଏ ମାରୁ ଜିକେଏ ନୀହାଁୟି କିଞ୍ଜିଆଦେରି; ଅଡ଼େ ଆମିନି ମାଣାତଲେ ଲାଡ଼ିଦେରି ଏ ମାଣା ତଲେ ମିଙ୍ଗେ ଲାଡ଼ା ହିୟାନେରି । ୩ ଅଡ଼େ ଏନାଆଁତାକି ମୀ ତାୟି କାନୁତି ଲାଗା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଗା ମାନେ, ଏଦାଆଁ ଅଣପି ହିଲଅତି କି ? ୪ ଅଡ଼େ ନାନୁ ଏନିକିଁ ମୀ ତାୟିଲ୍ ଏଲେଇଞ୍ଜି ଖାମ୍ବୁ, ନୀ କାନୁତି ଲାଗା ଡ଼େଞ୍ଜାଇଁ, ଅଡ଼େ ମେହମ୍ବୁ ନୀ କାନୁଡେଏ କାଜା ଲାଗା ମାନେ ! ୫ ଅଡ଼େ କୁଟୁ ଗାଟାତି ତଲିଏ ନୀ କାନୁତି ଲାଗା ଡ଼େଞ୍ଜା କଡାମ୍ବୁ, ଆତିହଁ ମୀ ତାୟି କାନୁତି ଲାଗା ଡ଼େଞ୍ଜାଲି ନେହଁ କିଁ ମେସାଲି ଆଡ଼ିଦି ।

୬ ନେହଁ ଆସ୍ତିତି ନେସ୍ତକାକି ହାଆଦୁ, ଏଞ୍ଜି ଝେଶ୍ଟେ ତିରୁଞ୍ଜାହାଁ କାରାଦୁ ଇଞ୍ଜା ବାଗାରା କିହାଁ ଆଗାଡ଼ା ଦାରାଗାତି ହାଙ୍ଗା ପାଜିୟାଁ ନକିତା ମେଡ଼ୁଆଦୁ, ଏଞ୍ଜି ଏଦାନି କାଦତା ତୁଡ଼ବିନୁ ।”

ରାହ୍ମଦୁ, ପାରାଦୁ ଅଡ଼େ ଦୁଝେରିତା ଝେଦୁ
(ଲୁକ ୧୧:୯-୧୩)

୭ ରାହ୍ମଦୁ ଆତିହଁ ମିଙ୍ଗେ ହାପକିଆନେ; ପାରାଦୁ ଆତିହଁ ମିଙ୍ଗେ ମେଡ଼ାଆୟାନେ; ଦୁଝେରିତା ଝେଦୁ, ଏଚେଟିଏ ମିଙ୍ଗେତାକି ଦୁଝେରି ଦେପିଆନେ । ୮ ଇଚିହଁ ଆମ୍ଭାଆସି ରାହ୍ମନେସି, ଏଞ୍ଜାସି ବେଗାଆନେସି; ଆମ୍ଭାଆସି ପାରିନେସି, ଏଞ୍ଜାସି ମେଡ଼ାଆନେସି; ଅଡ଼େ ଆମ୍ଭାଆସି ଦୁଝେରିତା ଝେନେସି ଏଞ୍ଜାଣାକି ଦାରା ଦେପିଆନେ । ୯ ଇଚିହଁ ମୀ ବିତ୍ରା ଆମ୍ଭାଆସି ଇଲେତି ମାଣସି ମାନେସି, ତାନି ମୀରୁଏସି ରୁଟି ରାସ୍ତିସାରେ ଏଞ୍ଜାଣାକି ଖାଲକା ହାନେସି, ୧୦ ଅଡ଼େ ମୀନୁ ରାସ୍ତିସାରେ ଏଞ୍ଜାଣାକି ରାଟୁ ହାନେସି ? ୧୧ ଏଦାଆଁତାକି ମାରୁ ଲାଗେଏ ପଲେଏତି ଲକ୍ଷୁ ଆଡ଼ିଜିକେଏ ମୀ ମୀରୁକା ମାପ୍ତକାକି ନେହାଁଣି

☆ ୭:୨ ୭:୨ ମାର୍କ ୪:୨୪

ହାହିମାଞ୍ଜେରି, ଆତିହ୍ମ ଫୀ ଲାକପୁରୁତି ଆଡ଼ା ନକିତା ରାହ୍ନି ଲକୁକି ଏଚେକା ନେହା ନେହାଣି ହାଅଧି !”

୧୭ *ଏଦାଆଁତାକି ଲକୁ ମିଙ୍ଗେ ତାକି ଏନିକ୍ ଲେମ୍ବାପେରି ଇଞ୍ମ୍ ଫୀରୁ ଅଣପିମାଞ୍ଜେରି, ଫୀରୁ ଜିକେଏ ଏଞ୍ଜରାକ୍ ଏଲେକିହ୍ କିପୁ, ଏନାଆଁତାକି ଇତିହ୍ ଇଦିଏ ମସାତି ଫେରା ଅଡ଼େ ମାହାପୁରୁ ଅଣପୁତି ବଲ୍ଲୁ ଖେହ୍ନି ଦାମ୍ ପତିତି କାତା ।”

ଜାକ୍ଣି ଦୁଝେରି
(ଲୁକ ୧୩:୨)

୧୫ ଜାକ୍ଣି ଦୁଝେରିତି ହାକୁ, ଏନାଆଁତାକି ଇତିହ୍ ନକିତା ହାନି ଜିରୁ ଅସାରା ଅଡ଼େ ଉସାସା, ଏ ଜିରୁ ନାସା ଆନିଞ୍ଜକି ଅନାୟି, ଏ ଜିରୁତି ହାଡ଼େକା ଲକୁ ହାନେରି । ୧୪ ଅଡ଼େ ଜାହ୍ମତା ଅନି ଦୁଝେରି ଜାକ୍ଣି ଇଞ୍ଜା ଏମ୍ବାଆଁ ହାନି ଜିରୁ କସ୍ତଗାଟାୟି ଏ ଜିରୁତି ହାନି ଲକୁ ହାଡ଼େକା ଉଣା ।

ମାରୁନୁ ଅଡ଼େ ତାନି ପାଡ଼େୟି
(ଲୁକ ୬:୪୩-୪୪)

୧୫ “ମାହାପୁରୁ ବଲ୍ଲୁ ଖେହ୍ନାତନି ଇଞ୍ମ୍ ଖେସାନା ମିତି କାତା ଖେହ୍ନାରି ତାଣାଟି ଜାଗାତା; ଏଞ୍ଜାରି ଫେଣ୍ଡାୟି ଖାଣା ଆସାନା ମୀ ତାଣା ଖାନେରି, ସାମା ଏଞ୍ଜାରି ହିୟାତା କାରୁରି ଆଡ଼ି କ୍ଳାଠନି ! ୧୬ ଏଞ୍ଜାରି କାମା ମେସାନା ମାରୁ ଏଞ୍ଜରାକ୍ ପୁଞ୍ଜାଲି ଆଡ଼ିଦେରି, ଲକୁ ହାପୁକା ମାରୁନୁତା ଅଙ୍ଗୁରି ପାଡ଼େୟି ଆଆତିହ୍ ଅଣଙ୍ଗ ମାରୁନୁତା ତୟା ପାଡ଼େୟି ଏହ୍ନେରି ? ୧୭ ଏଲେକିହ୍ ଏ ନେହ୍ ମାରୁନୁତା ବାରେ ନେହ୍ ପାଡ଼େୟି ଅଡ଼େ ଲାଗେଏତି ମାରୁନୁତା ବାରେ ଲାଗେଏତି ପାଡ଼େୟି ଆୟିନେ । ୧୮ ନେହ୍ ମାରୁନୁ ଲାଗେଏତି ପାଡ଼େୟି ଆୟାଲି ଆଡ଼େଏ, ଅଡ଼େ ଲାଗେଏତି ମାରୁନୁ ନେହ୍ ପାଡ଼େୟି ଆୟାଲି ଆଡ଼େଏ । ୧୯ *ଆନିନି ମାରୁନୁ ନେହ୍ ପାଡ଼େୟି ଆୟେଏ, ଏଦାନି ଚୁଣ୍ଡି ଆହାନା ହିତୁତା ମେଡ଼ପି ଆନେ । ୨୦ *ଏଲେକିହ୍ ଏ ମିତି ମାହାପୁରୁ ବଲ୍ଲୁ ଖେହ୍ନାରାକ୍ ତାମା କାମା ତଲେ ପୁଞ୍ଜାଲି ଆଡ଼ିନାୟି ।”

ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜଅଁ
(ଲୁକ ୧୩:୨୫-୨୬)

୨୧ “ନାଙ୍ଗେ ‘ପ୍ରୁ, ପ୍ରୁ’ ଇଞ୍ମ୍ ହାଟାନେରି, ଏଲେତି ବାରେଜାଣା ଲାକପୁରୁ ରାଜିତା ହାଲଅରି, ସାମା ଆମ୍ବାଆରି ନା ଲାକପୁରୁତି ଆଡ଼ା ଖେସ୍ତି କାତା ମାନୁଞ୍ଜି ଆନେରି, ଏଞ୍ଜାରି ହାଜାଲି ଆଡ଼ିନେରି । ୨୨ ଏ ଦିନା ହାଡ଼େକା ନାଙ୍ଗେ ଏଲେଇଞ୍ଜାନେରି, ଏ ପ୍ରୁ ଏ ପ୍ରୁ ମାମ୍ ନୁୀ ଦରୁତଲେ ମାହାପୁରୁ ଅଣପୁତି ବଲ୍ଲୁ ଖେହ୍ଆତନି କି ? ଅଡ଼େ ନୀ ଦରୁତଲେ ବୁରୁୟାକ୍ ପିସ୍ପି କିଆତନି କି ? ଅଡ଼େ ନୀ ଦରୁତଲେ ହାଡ଼େକା କାବାଆନି କାମା କିଆତନି କି ? ୨୩ ଏଚିବେଲ୍ଲା ନାନୁ ଏଞ୍ଜରାକ୍ ତାରେତଲେ ଏଲେଇକ୍ ଏ ଲାଗେଏ ପଲେଏ ଗାଟାଡେରି, ନା ତାଣାଟି ହେକ ଆପୁ, ନାନୁ ମିଙ୍ଗେ ଏଚେଲାଞ୍ଜା ପୁଞ୍ଜାମାଞ୍ଜଅଁ ।”

ରୀ ଇଲ୍ଲକା କେପିନାରି
(ଲୁକ ୬:୪୭-୪୯)

୨୪ “ଇଞ୍ଜା ଆମ୍ବାଆସି ଇ ନା ହାଡ଼ା ଖେନେସି ଅଡ଼େ ମାନୁଞ୍ଜି ଆନେସି, ଏଞ୍ଜାସି ପାକା ଖାଲି ଲାକ ଇଲ୍ଲୁ କିନି ର ବୁଦିଗାଟି ଲକୁ ଲେହେତାସି । ୨୫ ଗାଡ଼ି ପିୟୁ ରୀତେ ଖାରୁ ଖାଡ଼େ ଅଡ଼େ ଗାଲି ଆଡ଼େ, ଏ ଇଲ୍ଲୁତି ଗୁପିଡେ, ସାମା ଏ ଇଲ୍ଲୁ ରିଆଡେ, ଇତିହ୍ ଏଡ଼ି ପାକାତା କାଦା କାରୁହାନା ପୁନାଦି ଦସାମାଟାୟି ।”

୨୬ “ଅଡ଼େ ଆମ୍ବାଆସି ଇ ନା ହାଡ଼ା ଖେଞ୍ଜାନା ମାନୁଞ୍ଜି ଆସିଏ ଏଞ୍ଜାସି ବାଠଲି ଲାକ ଇଲ୍ଲୁ କେଦା ତୟିନି ବୁଦି ହିଲ୍ଲାଆଗାଟି ଲକୁ ଲେହେତାସି । ୨୭ ଗାଡ଼ି ପିୟୁ ରୀତେ, ଖାରୁ ଖାଡ଼େ ଅଡ଼େ ଗାଲି ଆଡ଼େ, ଏ ଇଲ୍ଲୁତି ଗୁପିଡେ ଏମ୍ବାଟିଏ ଇଲ୍ଲୁ ତରଗାହାଜା ବୁନିତା ଆଣ୍ଡିଡେ ।”

ଜାସୁତି କାଜାପାଣା

୨୮ *ଜାସୁ ଇ ବାରେ କାତା ରାପୁହି ଜେଡ ତାନି କାତା ଖେଗାରି କାବା ଆଡ଼େରି । ୨୯ ଇତିହ୍ ଏଞ୍ଜାସି ତାନି ବୁଦି ଗାଟାରିଲେହେ ଜାପୁଆନା ଅଦିକାରା ବେଗାଆହାମାନି ମାଣସିଲେହେ ଜାପୁହି ମାଚେସି ।

* ୭:୧୨ ୭:୧୨ ଲୁକ ୬:୩୧ * ୭:୧୯ ୭:୧୯ ମାତୃ ୩:୧୦; ଲୁକ ୩:୯ * ୭:୨୦ ୭:୨୦ ମାତୃ ୧୨:୩୩ * ୭:୨୮ ୭:୨୮ ମାତୃ ୧:୨୨; ଲୁକ ୪:୩୨



ଜୀସୁ କାଜା ରତ୍ନ ଗାଟାଣାଇଁ ନେହଁ କିନାୟି

(ମାର୍କ ୧:୪୦-୪୫; ଲୁକ ୫:୧୨-୧୬)

^୧ ଜୀସୁ ହରୁ ଲାକଟି ରୋଟା ଖାଡ଼ି ତାୟୁ ମାୟା ଲକ୍ଷ୍ମୀ ତାନି ଜେତ ହାଚେରି । ^୨ ଏଚିବେଲା ର କାଜା ରତ୍ନ ଗାଟାଣି ତାନି ନକିତା ଖାହାଁ ମେଣ୍ଡାକୁତାନା ଜହରା କିହାଁ ଏଲେଇଚେସି, “ପ୍ରଭୁ ନୀନୁ ମନ କିତେହଁ ନାଜେ ନେହଁ କିହାଲି ଆଡାଦି ।”

^୩ ଏଚେଟିଏ ଜୀସୁ କେୟୁ ଦାସାହାଁ ତାଜା ତୀଗାନା ଏଲେଇଚେସି, “ନୀନୁ ମନ କିହିମାଇଁ ନୀନୁ ନେହଁ ଆମ୍ବୁ ।” ଏ ଦେବୁଣିଏ କାଜା ରତ୍ନ ଗାଟାଣି ନେହଁ ଆଡେତସି । ^୪ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗ୍ରାତା ଆମ୍ବାଆରାଇଁ ଖେହ୍‌ଆନି, ସାମା ନୀନୁ କାଜା ପୂଜେରା ତାଣା ହାଜାନା ନିଜା ତସାକତାମ୍ବୁ, ଅଡେ ମସା ଆମିନି ମେରା ହାହାମାନେସି ଏଦାଆଁ ଲକ୍ଷ୍ମୀ ନକିତା ସାକି ହାନିଲେହେଁ ହେରପାମ୍ବୁ ।”

ଜୀସୁ ର ରମିୟ କସକା ହଲେଏଣାଇଁ ନେହଁ କିନାୟି

(ଲୁକ ୭:୧-୧୦)

^୫ ଜୀସୁ କପରନାହୁମ ଗାଡାତା ହାଜାଲିଏ ର ରମିୟ ପାସାକଡ଼ି କସକା ମୁହେଁ କାଜାସି ଏଞ୍ଜାଣି ତାଣା ଖାହାମା ବାଡ଼ିମାଲିହଁ ଏଲେଇଚେସି, ^୬ “ଏ ପ୍ରଭୁ, ନା ହଲେଏସି ଟଟଞ୍ଜାୟାନା ହାରେକା କସ ଆହଁ ଇଜ କାଚେଲିତା ତୁରାମାନେସି ।”

^୭ ଜୀସୁ ଏଞ୍ଜାଣାଇଁ ଏଲେଇଚେସି, “ନୀନୁ ଖାହାମା ଏଞ୍ଜାଣାଇଁ ନେହଁ କିଇଁ ।”

୮ ସାମା ପାସାକଡ଼ି କସକା ମୁହେଁ କାଜାସି ଏଲେଇଚେସି, “ଆଏ, ପ୍ରଭୁ ନୀନୁ ନା ଇଜ ପାଞ୍ଜୁଲି ଇଚିଦି, ଏଲେତି ଜଗେ ଆଏ; ସାମା ନୀନୁ ର ପଦୁ ଖେସା ପାଣ୍ଡାମ୍ବୁ, ନା ହଲେଏସି ନେହଁ ଆନେସି । ^୯ ଇଚିହଁ ନୀନୁ ରଅଣି ତାଣା କାମା କିନି ମାଣସି ଆଡିହଁ ଜିକେଏ ନା ଅଦିକାରାତା ଅଡେ କସକା ମାନେରି; ନୀନୁ ରଅଣାଇଁ ହାଲାମ୍ବୁ ଇଚିହଁ ଏଞ୍ଜାସି ହାନେସି; ଅଡେ ରଅଣାଇଁ ଖାମ୍ବୁ ଇଚିହଁ ଖାନେସି; ଅଡେ ନା ହଲେଏଣାଇଁ ଇଦାଆଁ କିମ୍ବୁ ଇଚିହଁ ଏଦାଆଁ କିନେସି ।”

^{୧୦} ଜୀସୁ ଇ ବାରେ କାତା ଖେଞ୍ଜାନା କାବା ଆଡେସି, ଅଡେ ତାନି ଜେତ ଖାହିମାଟି ଲକ୍ଷ୍ମଣି ଏଲେଇଚେସି, ନୀନୁ ମିଜେ ସାତା ଖେସିମାଞ୍ଜାଇଁ, ଇସାୟେଲ ବିତ୍ରା ଆମ୍ବାଆରି ତାଣା ଇଚେକା କାଜା ନାମ୍ବୁ ମେସାହିଲଅଁ । ^{୧୧} *ସାମା ନୀନୁ ମିଜା ଖେସିମାଞ୍ଜାଇଁ, ହାରେକା ଲକ୍ଷ୍ମୀ ହେପୁ ଖାକିଟି ଅଡେ ଖେଡ଼ା କୁଡ଼ନି ଖାକିଟି ଖାହାମା ଅଗ୍ରାହାମ, ଇସାହାକ ଅଡେ ଜାକୁବ ତଲେ ଲାକପୁରୁ ରାଜିତା ତିଞ୍ଜାଲି କୁନିନେରି । ^{୧୨} *ସାମା ରାକିତି ମୀରକାଣି ପାଜାତି ଆନ୍ଦେରିତା ମେଡ଼ପି ଆନେ ଏମ୍ବାଆଁ ଏଞ୍ଜାରି ପାଲ୍‌କା ଟୀଟି କିହଁ ତୀନେରି । ^{୧୩} ଅଡେ ଜୀସୁ ଏ କାଜାଣାଇଁ ଏଲେଇଚେସି, ଇଜ ହାଲାମ୍ବୁ, ଏନିକିହଁ ନାମାମାଞ୍ଜି ନିଜେତାକି ଏଲେକିହଁ ଆଡେ । ଏ ଦେବୁଣିଏ ଏ ହଲେଏସି ନେହଁ ଆଡେସି ।

ଜୀସୁ ହାରେକା ଲକ୍ଷ୍ମଣି ନେହଁ କିନାୟି

(ମାର୍କ ୧:୨୯-୩୪; ଲୁକ ୪:୩୮-୪୧)

^{୧୪} ତାୟୁ ଜୀସୁ ପିତର ଇଜ ଖାହାମା ପିତରତି ପୟା ନମେରି ତାକି କାଚେଲିତା ତୁରାମାନାଣି ମେସେସି । ^{୧୫} ଏଚେଟିଏ ଜୀସୁ ତାନି କେୟୁ ତୀଗାଲିଏ ନମେରି ପିସେ, ଅଡେ ନିଜାମା ଏଞ୍ଜାଣି ସେବା କିହାଲି ମାଡ଼ହେ ।

^{୧୬} ମିଡ଼ଅଲ୍ଲା ଆହାଲିଏ ଲକ୍ଷ୍ମୀ ହାରେକା ବୁଡୁ ଆଲ୍‌ଗାମାଟି ଲକ୍ଷ୍ମଣି ଜୀସୁ ତାଣା ତାଚେରି, ଏଚେଟିଏ ଜୀସୁଟି ର ବଲ୍ଲୁ ତାକି ବୁଡୁୟାଁ ଏଞ୍ଜାରି ତାଣାଟି ହଡ଼ାହାଡୁ, ଅଡେ ହାରେକା ନମେରି ଗାଟାଣାଇଁ ନେହଁ କିଚେସି । ^{୧୭} ଏନିକିହଁ ମାହାପୁରୁ ଅଣ୍ଡପୁତି ବଲ୍ଲୁ ଖେହ୍‌ନି ଜିସାୟତି କାତା ସାତା ଆନେ, “ଏଞ୍ଜାସି ତାନ୍ସୁଏ ମା ନମେରି ଦୁକା ଅଡେସି ଅଡେ ମା ରଗତି ଡେକିଚେସି ।”

ଜୀସୁ ସାସୁୟାଁ ଆହାଲି ମନ କିନାୟି

(ଲୁକ ୯:୫୭-୬୨)

* ୮:୧୧ ୮:୧୧ ଲୁକ ୧୩:୨୯ * ୮:୧୨ ୮:୧୨ ମାତି ୨୨:୧୩; ୨୫:୩୦; ଲୁକ ୧୩:୨୮

୧୮ ଜୀମ୍ବୁ ତାନି ସାରିଖାକି ଲକ୍ଷ୍ମଣି ମେସାନା, ସୀସୁୟାଁଇଁ ସୀମଦୁରି ଆତାଲା ହାଜାଲି ହୁକୁମି ହୀତେସି । ୧୯ ର ମେରା ଜାପନାସି ଖାହାନା ଜୀମ୍ବୁଇଁ ଏଲେଇଚେସି, “ଗୁରୁ, ନୀନୁ ଆମିୟା ହାଜି, ନୀନୁ ଜିକେଏ ନୀ ତଲେ ଖାଜ୍ ।”

୨୦ ଏଚେଟିଏ ଜୀମ୍ବୁ ଏଞ୍ଜାଣାଇଁ ଏଲେଇଚେସି, “ନୀକାୟାଁକି ତୁୟିନି ପାଞ୍ଜୁୟାଁ ମାନୁ, ହାଗୁ ଲାକ ଉମ୍ବିନି ପଟାୟାଁକି ବାସାଟାୟାଁ ମାନେ, ସୀମା ମାଣସି ମୀରୁଏଣାକି ତାୟାଁ ନେଟହାଲି ବାସାଟାୟାଁ ହିଲେଏ ।”

୨୧ ଇଞ୍ଜା ସୀସୁୟାଁ ବିତ୍ରାତି ଅଡେ ରଅସି ଜୀମ୍ବୁଇଁ ଏଲେଇଚେସି “ପ୍ରବୁ, ନକେଏ ହାଜାନା ନା ଆବାଇଁ ମାହୁଣିଣା ମୁସାଲି ହେଲ ହିୟାମୁ ।”

୨୨ ସୀମା ଜୀମ୍ବୁ ଏଞ୍ଜାଣାଇଁ ଏଲେଇଚେସି, “ନୀ ଜେଟ ଖାପୁ, ହାଡାରାଇଁ ତାନି ହାଡି ଲକ୍ଷ୍ମଣି ମୁସାଲି ପିହଦୁ ।”

ଜୀମ୍ବୁ ଗାଲି ପିୟୁ ସାପି କିନାୟି
(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଜୀମ୍ବୁ ତଂଗତା ହଟାଲିଏ ସୀସୁୟାଁ ତାନି ଜେଟ ହାଚେରି । ୨୪ ଅଡେ ମେହଦୁ ଦେବୁଣିଏ ସୀମଦୁରିତା କାଜା ଗାଲି ଆଡେ, ଇଞ୍ଜା ତଂଗ ପୁଞ୍ଜାଲି ମାଟହେ, ସୀମା ଜୀମ୍ବୁ ତଂଗତା ତୁରାମାଚେସି । ୨୫ ଏମ୍ବାଟିଏ ଏଞ୍ଜାରି ତାଗେ ଖାହାଁ ନିକହାନା ଏଲେଇଚେରି, “ପ୍ରବୁ, ମାଜ୍ ଗେଲପାମୁ, ଆଆଡେ ମାମୁ ହୁହିମାନମି ।”

୨୬ ଜୀମ୍ବୁ ଏଞ୍ଜାରିଆଁ ଏଲେଇଚେସି, “ଏ ଉଣା ନାମୁ ଗାଟାଚେରି, ଏନାଆଁତାକି ଇଚେକା ଆଜିମାଞ୍ଜେରି?” ଏମ୍ବାଟିଏ ଜୀମ୍ବୁ ନିଜାମା ଗାଲି ଅଡେ ଖାଡିମାଟି ସୀମଦୁରିତି ଦାକା ହୀତେସି, ଇଞ୍ଜା ଦେବୁଣିଏ ସାପିଆଡେ ।

୨୭ ଏମ୍ବାଟିଏ ଏଞ୍ଜାରି କାବା ଆହାଁ ଏଲେଇଚେରି, “ଇଞ୍ଜାସି ଏନିଲେହେଟି ମାଣସି ? ଗାଲି ଅଡେ ସୀମଦୁରି ଜିକେଏ ଇଞ୍ଜାଣି ହାଡା ମାନୁଞ୍ଜି ଆହିମାନେ ।”

ବୃତୁ ଆଲ୍ଗାମାଟି ରିଆରାଇଁ ଜୀମ୍ବୁ ନେହୁଁ କିନାୟି
(ମାର୍କ ୫:୧-୨୦; ଲୁକ ୮:୨୬-୩୯)

୨୮ ତାୟାଁ ଜୀମ୍ବୁ ସୀମଦୁରି ଆତାଲାଖାକିତି ଗଦରିୟ ନାସକାଣାଁ ଏଗାହାଜାଲିଏ ରୀ ବୃତୁୟାଁ ଆଲ୍ଗା ମାଟାରି ମାଡହା ମୁହନି ଟାୟାଁ ଖାହାନା ଜୀମ୍ବୁ ବେଟାଆଡେରି, ଏଞ୍ଜାରି ଇଲେଟି ଆଜିହପେଟି ଲକ୍ଷ୍ମ ମାଚେରି, ଏ ଜିରୁଟି ଲକ୍ଷ୍ମ ରେଜାଲି ଆଡିହିଲାଆଡେରି । ୨୯ ଇଞ୍ଜା ମେହଦୁ ଏଞ୍ଜାରି କିବଡିହୁଁ ଏଲେଇଚେରି, “ଏ ମାହାପୁରୁ ମୀରୁଏଣାଟି ! ନୀ ତଲେ ନାଜେ ଏନାୟି ମାନେ ? ମା ବେଲା ଖାଆନେଏ ମାଜେ କସୁ ହିୟାଲି ଇମ୍ବାଆଁ ଖାଡିକି ?”

୩୦ ଇଞ୍ଜା ଏଞ୍ଜାରି ତାଣାଟି ହେକ ର ମାନ୍ଦା ପାଜିୟାଁ ମେୟାଁ ମାତୁ । ୩୧ ଏ ଲକ୍ଷ୍ମ ବିତ୍ରାତି ବୃତୁୟାଁ ଜୀମ୍ବୁଇଁ ବାଡିମାଲିହୁଁ ଏଲେଇଚୁ, “ମାଜେ ପେରହାପି ଇଚିହୁଁ, ଏ ପାଜିୟାଁ ମାନ୍ଦା ବିତ୍ରା ପାଣ୍ଡାମୁ ।”

୩୨ ଜୀମ୍ବୁ ଏଞ୍ଜାସିକାଣି ଏଲେଇଚେସି, “ହାଜୁ ।” ବୃତୁୟାଁ ଏ ଦେବୁଣିଏ ଲକ୍ଷ୍ମୁଁ ପିସାନା ପାଜିୟାଁ ମାନ୍ଦା ବିତ୍ରା ହୁତୁ; ଏ ପାଜିୟାଁ ହରୁ କାଡୁଡିଟି ଦାବଡି ହଟାନା ଦାରିତି ସୀମଦୁରିତା ମେଦାନା ହାହାହାଚୁ ।

୩୩ ପାଜିୟାଁ ମେଟିମାଟି ଗଡକା ହଚିହୁଁ ହାଜାନା ଗାଡାତା ବାରେ କାଚୁ ଇଞ୍ଜା ବୃତୁୟାଁ ଆଲ୍ଗା ମାଟାରି ଏନି ଆଡେରି ଏ ବାରେ ହାଡା ଖେସ୍ତେରି । ୩୪ ଅଡେ ନାସକାଟି ବାରେ ଲକ୍ଷ୍ମ ଜୀମ୍ବୁଇଁ ମେସାଲି ଖାଡେରି, ଇଞ୍ଜା ଜୀମ୍ବୁଇଁ ମେସାନା ତାନି ହାଦିଟି ହାଜାଲି ବାଡିମାଲିଚେରି ।



ଜୀମ୍ବୁ ର ଟଟଞ୍ଜାୟିତି ଲକ୍ଷ୍ମୁଁ ନେହୁଁ କିନାୟି
(ମାର୍କ ୨:୧-୧୨; ଲୁକ ୫:୧୭-୨୬)

୧ ଏମ୍ବାଟିଏ ଜୀମ୍ବୁ ତଂଗତା ହଟାନା ସୀମଦୁରି ଗାଣ୍ଡାହାଁ ତାନୁ ବାସାଆହାମାନି ଗାଡାତା ଖାଡେସି । ୨ ଅଡେ ମେହଦୁ କାଚେଲିତା ତୁରାମାଟି ର ଟଟଞ୍ଜାୟିତି ଲକ୍ଷ୍ମୁଁ ଡେକାନା ତାନି ତାଣା ତାଚେରି, ଇଞ୍ଜା ଏଞ୍ଜାରି ନାମୁ ମେସାନା ଜୀମ୍ବୁ ଏ ଟଟ ଞ୍ଜାୟିତାଣାଇଁ ଏଲେଇଚେସି, “ଏ ମୀରୁଏଣା, ସାସା ଆହୁମୁ ନୀ ପାପୁ ବାରେ ମେଣିଜାହାଚେ ।”

୩ ଏଚେକା ମେରା ଜାପନାରି ଇ ହାଡା ଖେଞ୍ଜାନା ଏଞ୍ଜାରି ଖେସପି ଆଡେରି, “ଇ ମାଣସି ମାହାପୁରୁଇଁ ନିନ୍ଦା କିହିମାନେସି ।”

୪ ଜୀମ୍ବୁ ଏଞ୍ଜାରି ମନଡି ହାଡା ପୁଞ୍ଜାନା ଏଲେଇଚେସି, “ମୀରୁ ମୀ ମନଡା ଏନାଆଁତାକି ଇଚେକା ଲାଗେଏତି ଅଣ୍ଡପୁ ଅଣ୍ଡପିମାଞ୍ଜେରି ? ୫ ଇଚିହୁଁ ଏନାଆଁ ଇନାୟି ଉସାସା, ନୀ ପାପୁ ମେଣିଜାହାଚେ,

ଆଥାତ୍ ନିଜ୍ଞାନା ତାକାମ୍ ? ୭ ଯାମା ଦାଋତ୍ତିତ ପାପୁ ମ୍ଲେକ୍‌ହାଲି ତାକି ମାଣସି ମୀର୍‌ଏଣାକି ଅଦିକାରା ମାନେ, ଇଦାଆଁ ଏନିକି ପୁଞ୍ଜାଲି ଆଡ଼ିନେରି, ” ଏଦାଆଁତାକି ଜୀସୁ ଚଟ ଖାୟିତାଣାଇଁ ଏଲେଇଚେସି, “ନିଜ୍ଞାମ୍‌ନୀ କାଚେଲି ଡେକାନା ଇଜ ହାଲାମ୍ ।”

୯ ଏମ୍‌ଗାଟିଏ ଏଞ୍ଜିସି ନିଜ୍ଞାନା ତାମି ଇଜ ହାଚେସି । ୮ ଇଦାଆଁ ମେସାନା ଲକୁ ଆଜିତେରି, ଅଡେ ଆମିନି ମାହାପୁରୁ ମାଣସିୟାକି ଇଲେତି ଅଦିକାରା ହାହାମାନେସି ଇଞ୍ଜିହ୍ ଏ ମାହାପୁରୁତି ଗାଞ୍ଜୁରିମି କିତେରି ।

ଜୀସୁ ମାତୃତ୍ୱୁଇଁ ହାଡ଼ିନାୟି

(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜୀସୁ ଏମ୍‌ଗାଟି ହାଜି ହାଜିହ୍ ମାତୃତ୍ୱୁ ଦରୁଗାଟି ର ସିସୁ ରାହ୍‌ନାସି ତାନି ସିସୁ ରାହ୍‌ନି ଚାମୁତା କୁଗାମାନାଣି ମେସାନା ହାଡ଼ାନା ଏଲେଇଚେସି, “ନା ଜେଟ ଖାମ୍ ।”

ଏମ୍‌ଗାଟିଏ ମାତୃତ୍ୱୁ ନିଜ୍ଞାନା ତାନି ଜେଟ ହାଚେସି ।

୧୦ *ଇଞ୍ଜା ଜୀସୁ ମାତୃତ୍ୱୁ ଇଜ ତାନି ବେଲା ଏଚେକା ସିସୁ ରାହ୍‌ନାରି ଅଡେ ପାପୁଗାଟି ଲକୁ ତାନି ସୀସୁୟାଁ ତଲେ ତିଞ୍ଜାଲି କୁରିତେରି । ୧୧ ପାରୁସିୟାଁ ଇଦାଆଁ ମେସାନା ସୀସୁୟାଁଇଁ ଏଲେଇଚେରି, “ମା ଗୁରୁ ଏନାଆଁତାକି ସିସୁ ରାହ୍‌ନାରି ଅଡେ ପାପୁ ଗାଟାରି ତଲେ ତିଞ୍ଜା ମାନେସି ।”

୧୨ ଯାମା ଜୀସୁ ଏଞ୍ଜିରି ହାଡ଼ା ଖେଞ୍ଜାନା ଏଲେଇଚେସି, “ନେହ୍ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଡ଼ା ଗାଟାରାକି ଲଡ଼ାମାନେ । ୧୩ *ଇଦାଆଁତାକି ମୀରୁ ହାଜାନା ଇଦାନି କାତା ଜାପାପୁ, ସାମା ପୂଜା ହୀନାୟି ଲଡ଼ାଆଏ, ସାମା ଲକୁଣି କାର୍‌ମାମେହ୍‌ନାୟି ନେହ୍; ଇଚିହ୍ ନାନୁ ଦାମ୍‌ଗା ଗାଟାରାଇଁ ଆଏ ସାମା ପାପୁ ଗାଟାରାଇଁ ହାଟାଲି ଖାହାମାଇଁ ।”

ଉପାସା କିନାଣି ଖେନାୟି

(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏଚିବେଲାତା ବାପ୍ତିସ୍ମ* ହାନି ଜହନତି ସୀସୁୟାଁ ଜୀସୁଇଁ ଖାହାନା ଖେଚେରି, “ମାମ୍‌ଅଡେ ପାରୁସିୟାଁ ଉପାସା କିହିମାନମି, ସାମା ମା ସୀସୁୟାଁ ଏନାଆଁତାକି ଉପାସା କିଅରି ?”

୧୫ ଜୀସୁ ଏଞ୍ଜାରାଇଁ ଏଲେଇଚେସି, “ବାହା ହନେଏସି ଡ଼ୟିନି ପାତେକା ବାହା ଲକୁ ଦୁକୁ ଆଅରି, ସାମା ଦିନା ଖାନ୍ଦେ, ଏଚିବେଲା ବାହା ହନେଣାଇଁ ଅନ୍ଦେରି, ଏଚିବେଲା ଏଞ୍ଜାରି ଉପାସା କିନେରି ।”

୧୬ “ଆମ୍‌ଆସିସି ପୁଞ୍ଜଇ ହିମ୍‌ଗିରା ପୁଞ୍ଜି ପାସକି ତାଟଅସି, ଏନାଆଁତାକି ଇଚିହ୍ ଏ ପାସକି ପୁଞ୍ଜଇ ହିମ୍‌ଗିରିତ ଗେସାଅନ୍ଦେ, ଇଞ୍ଜା ଏଡ଼ି ହାଚେକା କାଜାୟି ଆହ୍ ଗେଞ୍ଜିନେ । ୧୭ ଅଡେ ଲକୁ ପୁଞ୍ଜି ଅଞ୍ଜୁରି ରାସା ପୁଞ୍ଜଇ ଡ଼କାତାଁ ଇଚିଅରି; ଇଚିହ୍ ଏ ଡ଼କା ଡ଼ାୟାହାନେ ଅଞ୍ଜୁରି ରାସା ବହାହାନେ, ସାମା ପୁଞ୍ଜି ଅଞ୍ଜୁରି ରାସା ପୁଞ୍ଜି ଡ଼କାତା ଇଚିନେରି, ଆଡିହ୍ ଅଞ୍ଜୁରି ରାସା ଅଡେ ଡ଼କା ନେହ୍ ଡ଼ୟିନେ ।”

ର କାଜାଣି ମାଞ୍ଜା ଅଡେ ର ଇୟା ଜୀସୁ ହିମ୍‌ଗିରି କୁଞ୍ଜୁ ଡ଼ାଗାନା ନେହ୍ ଆନାୟି

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଏଚିବେଲା ଇ ବାରେ କାତା ଜୀସୁ ଏଞ୍ଜାରାଇଁ ଖେସିମାଟି ବେଲାତା ର ଜୀହୁଦି କାଜାପାଣା ଗାଟାସି ତାଗେ ଖାହାନା ମେଣ୍ଡାକୁତାନା ଜହରା କିହାଁ ଏଲେଇଚେସି, “ନା ମାଞ୍ଜା ନୀର୍‌ଏ ହାହାହାଚେ, ସାମା ନାନୁ ଖାହାନା ତାନି ଲାକ କେମ୍‌ଲୁ ଇଚିତିହ୍ ଏଡ଼ି ନାଡିନେ ।”

୧୯ ଏମ୍‌ଗାଟିଏ ଜୀସୁ ନିଜ୍ଞାନା ତାନି ସୀସୁୟାଁ ତଲେ ଏଞ୍ଜାଣି ଜେଟ ହାଚେରି ।

୨୦ ଅଡେ ମେହ୍‌ଦୁ ବାର ବାର୍‌ସା ପାତେକା ନେତେରି ଖାଜିନି ରଗାଟାରି ର ଇୟା ଡାୟୁଖାକିଟି ଖାହାନା ଜୀସୁତି ହିମ୍‌ଗିରି କୁଞ୍ଜୁ ଡ଼ାଗିତେ । ୨୧ ଇଚିହ୍ ଏ ଇୟା ମନ୍‌ଡା ଅଣ୍‌ପିମାଚେ, “ଞ୍ଜାରଇ ତାନି ହିମ୍‌ଗିରି ଡ଼ାଗିତିହ୍ ନାନୁ ନେହ୍ ଆଞ୍ଜୁ ।”

୨୨ ସାମା ଜୀସୁ ଖେଣ୍ଡେ ଡାୟୁଖାକି ସିନିକିହାନା ଏଲେଇଚେସି, “ମାଞ୍ଜା ସାସା ଆହ୍‌ମ୍, ନୀ ନାମ୍‌ ନିଜେ ନେହ୍ କିହାମାଞ୍ଜାନେ” ଏ ଦେବୁଣିଏ ଏ ଇୟା ନେହ୍ ଆଡେ ।

୨୩ ଡାୟୁ ଜୀସୁ ଏ କାଜାପାଣା ଗାଟାରି ଇଜ ହାଚେସି, ଏମ୍‌ଗାଆଁ ପୀରୁଡ଼ି ଉକିନାରାଇଁ ଅଡେ ଡ଼ାହ୍ କାଲୁଞ୍ଜି ଆହ୍‌ମାଟି ଲକୁଣି ମେସାନା ଏଲେଇଚେସି, ୨୪ ବାରେ ଇମ୍‌ଗାଟି ପାଞ୍ଜାତା ହାଜୁ, ପଡ଼ା ହାହାହିଲେଏ, ସାମା ଡ଼ରାମାନେ, ଏଚେଟିଏ ତାନି ହାଡ଼ା ଖେଞ୍ଜାନା ଏଞ୍ଜାରି କାକ୍‌ହେରି । ୨୫ ସାମା ବାରେ ଲକୁ ପାଞ୍ଜାତା

* ୯:୧୦ ୯:୧୦ ଲୁକ ୧୫:୧୨ * ୯:୧୩ ୯:୧୩ ମାତୃ ୧୨:୭ * ୯:୧୪ ୯:୧୪ ମୁଞ୍ଜିନାୟି † ୯:୧୭ ୯:୧୭ ତଲୁ ତଲେ କେପିତି ଅଞ୍ଜୁରି ରାସା ଇଚିନି ବାସ୍ତା ବୁଦ୍ଧି

ହାଜାଲିଏ, ଜୀସୁ ଇଜ ବିତ୍ତା ହାଜାନା ପଦାନି କେନ୍ଦୁ ଆସାନା ନିକହେସି ଅଡ଼େ ଏ ଦେବୁଣିଏ ନିଜିତେ ।
୨୭ ଇଞ୍ଜା ଇ କାବୁ ଏ ଦେସାତି ସାରିଝାକି ଝେଜିତେ ।

ଜୀସୁ ରିଆରି କାଣାୟାଁଇଁ ନେହଁ କିନାୟି

୨୭ ଜୀସୁ ଏମ୍ବାଟି ହାଜିମାଟି ବେଲ୍ଲାତା ରିଆରି କାଣାୟାଁ କାଜା ଗିୟାଁତଲେ ହାଟିହଁ ଏଲେଇଚେରି, “ଏ ଦାଝୁଦ ମୀର୍ଏଣାତି ମାଜ୍ଜ କାର୍ମା ମେସ୍ତାମୁ ।”

୨୮ ଇଞ୍ଜା ଜୀସୁ ଇଲ୍ଲୁ ବିତ୍ତା ହଡ଼ାଲିଏ ଏ କାଣାୟାଁ ଜିକେଏ ଏଝାଣି ତାଗେ ଝାଡ଼େରି, ଇଞ୍ଜା ଜୀସୁ ଏଝାରାଇଁ ଏଲେଇଚେସି, ମାଜ୍ଜେ ନେହଁ କିହାଲି ଆଡ଼ାନେସି ଇଞ୍ଜା ମୀରୁ ନାମିମାଞ୍ଜେରି ?

ଏଝାରି ଏଲେଇଚେରି “ହାଅ ପ୍ରବୁ ।”

୨୯ ଏଚେଟିଏ ଜୀସୁ ଏଝାରି କାଣିକା ତୀଗାନା ଏଲେଇଚେସି, “ମୀ ନାମିନି ଲେହେଁ ମିଜେତାକି ଆଡ଼େ ।”

୩୦ ଏଚେଟିଏ ଏଝାରି ମେସାଲି ଆଡ଼ିଚେରି, ଅଡ଼େ ଜୀସୁ ଏଝାରାଇଁ ଜାଣେ ହୁକୁମି ହାହାନା ଏଲେଇଚେସି, “ହେଶ୍ଚ ଇ ହାଡ଼ା ଆମ୍ବାଆରି ଜିକେଏ ପୁନଅରି ।”

୩୧ ସାମା ଏଝାରି ପାଞ୍ଜାତା ହାଜାନା ଜୀସୁଟି ହାଡ଼ା ଦେସାତି ସାରିଝାକି ଝେସେରି ।

ଜୀସୁ ର ଗୁଲାଇଁ ଜଲି କିଚେସି

୩୨ ଏଝାରି ହଡ଼ା ହାଜିମାଟାରି ଲକ୍ତୁ ର ଜଲ୍ଲାଲି ଆଡ଼ାଆଗାଟି ବୃତୁ ଆଲ୍ଲଗା ମାତାଣାଇଁ ଜୀସୁ ନକିତା ତାଚେରି । ୩୩ ଜୀସୁ ବୃତୁଇଁ ପେଡ଼ହା ପାଣ୍ଡିତି ଦେବୁଣିଏ ଏଝାସି ଜଲ୍ଲାଲି ଆଡ଼ିଚେସି, ଏଚେଟିଏ ଲକ୍ତୁ କାବାଆହାନା ଏଲେଇଚେରି, “ଇସାୟେଲ ଦେସାତା ମାମୁ ଇଲେତି କାବାଆନି କାମା ଏଚେଲ ମେସାହିଲ୍ଲାଆତମି ।”

୩୪ ଏଚିବେଲ୍ଲା ପାରୁସିୟାଁ ଝେଚେରି. ଏଝାରି ଏଲେଇଚେରି, “ଇଝାସି ବୃତୁୟାଁ ପିସପି କିହିମନେସି” ଏନାଆଁତାକି ଇଚିହଁ ଏଝାସିକାଣି ସାଲ୍ଲଝି କିହିମାନି ବାଲ୍ଲପେନୁ ଏଝାଣାକି ବାଡ଼ୁୟାଁ ହାହିମାନେ ଲାକା ଆଡ଼ିମାନେସି । ୩୫ ଏମ୍ବାଟିଏ ଜୀସୁ ଏଝାରି ଜୀହୁଦି ଲକ୍ତୁଟି କୁଟମି ଇଲ୍ଲକାଣାଃ ଜାପୁହିହଁ ମାହାପୁରୁ ରାଜିତି ନେହଁ କାବୁ ଝେସିହଁ ବାରେଲେହେଟି ରଗ ନମେରି ଦୁକାଟି ନେହଁ କିହିହଁ, ବାରେ ଗାଡ଼ାୟାଁ ଇଞ୍ଜା ନାସକାଣାଁ ରେଜାଲି ମାଡ଼ହେସି ।

ଲକ୍ତୁଟାକି ଜୀସୁଟି କାର୍ମା

୩୬ ଏଡ଼େ ବାରେ ଲକ୍ତୁଣି ମେସାନା ଏଝାସି କାର୍ମା ଆଡ଼େସି, ଇଚିହଁ ଏଝାରି ଗଡ଼ ହିଲ୍ଲାଆ ମେଶ୍ଚାୟାଁ ଲେହେଁ କାକୁଲିଟି ଇତାଲ୍ଲା ଆତାଲ୍ଲା ଆହିମାଚେରି । ୩୭ ଏଚିବେଲ୍ଲା ଜୀସୁ ତାନି ସୀସୁୟାଁଇଁ ଏଲେଇଚେସି, “ପାଟି ହାରେକା ସାମା ଦାଝୁଆନାରି ଉଣା ଜାଣା । ୩୮ ଏଦାଆଁତାକି ପାଟି ଜାଡ଼ାଲି, ଲକ୍ତୁଣି ପାଣ୍ଡାଲିତାକି ଗୁଡ଼ିୟାତି ସାଝୁକାରିଇଁ ବାତିମାଲ୍ଲାଦୁ ।”

୧୦

ବାରଜାଣା ସୀସୁୟାଁ

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଏମ୍ବାଟିଏ ଜୀସୁ ତାନି ବାରଜାଣା ସୀସୁୟାଁଇଁ ତାଗେ ହାଡ଼ାନା ବୃତୁୟାଁ ପିସପି କିହାଲି, ଇଞ୍ଜା ବାରେ ରଗ କସୁଟି ନେହଁ କିହାଲି ଏଝାରାକି ଅଦିକାରା ହୀଚେସି । ୨ ବାରଜାଣା ପାଣ୍ଡୁଆଡ଼ି ସୀସୁୟାଁ ଦରକା ଆଡ଼ୁ. ସିମନ, ଆମ୍ବାଆରାଇଁ ପିତର ଇନେରି, ଅଡ଼େ ତାନି ତାୟି ଆହିୟ, ଜେବଦି ମୀର୍ଏସି ଜାକୁବ ଅଡ଼େ ତାନି ତାୟି ଜହନ, ୩ ପିଲିପ ଅଡ଼େ ବାର୍ତ୍ତଲମି, ତମା ଅଡ଼େ ସିସୁ ରୀହନି ମାତିୟୁ, ଆଲେପି ମୀର୍ଏସି ଜାକୁବ ଅଡ଼େ ତଦିୟ. ୪ ଦେସାତି ଜୀସୁ ନନି ସିମନ ଅଡ଼େ ଇସ୍ତାରିୟଜ ଜୀହୁଦା ଆମ୍ବାଆସି ଜୀସୁଇଁ ସାଡ଼ୁ କେନ୍ଦୁତା ହେଡ଼ପିଚେସି ।

ବାରଜାଣା ସୀସୁୟାଁଇଁ ପାଣ୍ଡିନାୟି

(ମାର୍କ ୬:୭-୧୩; ଲୁକ ୯:୧-୬)

୧:୩୪ ୯:୩୪ ମାଟି ୧୦:୨୫; ୧୨:୨୪; ମାର୍କ ୯:୨୨; ଲୁକ ୧୧:୧୫ ୫:୩୫ ୯:୩୫ ମାଟି ୪:୨୩; ମାର୍କ ୧:୩୯; ଲୁକ ୪:୪୪ † ୯:୩୫ ୯:୩୫ ସିନଗ୍ଗ ୫:୩୬ ୯:୩୬ ମାର୍କ ୬:୩୪ ୫:୩୭ ୯:୩୭ ଲୁକ ୧୦:୨

୫ ଜୀବୁ ଇ ବାରଜାଣାତି ପାଣ୍ଡାମା ହୁକୁମି ହୀହାଁ ଏଲେଇଚେସି, ମୀରୁ ଜୀହୁଦିଆଆତି ଲକୁତାଣା ହାଲମାଆଦୁ, ଅଡ଼େ ଆମିନି ସମିରଣି ନାସ୍ତକାଣାଁ ହଡ଼ୁଆଦୁ, ୬ ସାମା ଜାଜ୍ଜାମାନି ମେଣ୍ଡାୟାଁ ଇଚିହିଁ ଇସାୟେଲ ଲକୁତାଣା ହାଜୁ । ୭ ଏଝାରିତାଣା ହାଜୁ ଅଡ଼େ ଝେକଦୁ ଲାକପୁରୁ ରାଜି ଏଗାଝାହିମାନେ । ୮ ଅଡ଼େ ନମେରି ଗାଟାରାଇଁ ନେହିଁ କିଦୁ, ହାଡ଼ାରାଇଁ ନିକଦୁ, କାଜା ରଡ଼ା ଗାଟାରାଇଁ ନେହିଁ କିଦୁ, ବୁଡ଼ୁୟାଁଇଁ ପେରଦୁ । ମୀରୁ ଉଜେଏ ବେଟା ଆହାମାଞ୍ଜେରି ଏଡ଼ାଆଁ ଉଜେଏ ହୀଦୁ । ୯ ମୀ ତଲେ ବାଂଗାରା ଝେଣ୍ଡି କି ଅଡ଼େତା ଟାକାୟାଁ ଅଥାଦୁ, ୧୦ ଅଡ଼େ ହାନାଟି ଲେଟା କଡ଼ିନି ମଣା, ରା ଜଡ଼ୁ ସୁକାୟାଁ କି ସେପୁୟାଁ କି କୁତା ବାଡ଼ଗା ଜିକେଏ ପାରାଆଦୁ, କାମାକିନାସି ତାନି ରାନ୍ଦା ବେଟା ଆନେସି ।

୧୧ ଅଡ଼େ ମୀରୁ ଆମିନି ନାୟୁଁତା କି ଗାଡ଼ାତା ହାଜେରି ଏମ୍ବାଆଁ ନେହାଁଣାଇଁ ପାରାଦୁ, ଅଡ଼େ ଏମ୍ବାଟି ଝେଣ୍ଡାହାନି ପାଡେକା ଏଝାଣି ଇଜ ଡ଼ୟାଦୁ । ୧୨ ଅଡ଼େ ଇଜ ହଡ଼ନାଟି ଏଝାରିଇଁ ହିଡ଼ଡ଼ି ଜୀପୁ ମିଜେ ଆୟାପେ ଇଞ୍ଜୁ; ୧୩ ଏଝାରି ଇଜତାରି ନେହାଁରି ଇଚିହିଁ ଏଝାରିତଲେ ମୀ ହିଡ଼ଡ଼ି ଡ଼ୟାପେ, ସାମା ଏଝାରି ନେହାଁରି ଆଆତ ୯୧ ହିଡ଼ଡ଼ି ମିଜେ ଝେଣ୍ଡା ଝାପେ । ୧୪ ଅଡ଼େ ଆମିନି ଇଜୁତାକି ନାସ୍ତକାଣାଁ ମିଜା ଲକୁ ଅପଅରି, ମୀ କାତାତି ଝେନଅରି, ଏ ଇଜୁଟି କି ଏ ଗାଡ଼ାଟି ହଡ଼ାଝାନାଟି ମୀ ଜଡ଼ାତି ଦୂଡ଼ି ହାଣ୍ଡା କଡ଼ାନା ଏ ଗାୟୁ ପିହୁଦୁ । ୧୫ ନାନୁ ମିଜେ ସାତା ଝେସିମାଞ୍ଜାଇଁ, ମାହାପୁରୁତି ନାହାଁୟି ଦିନାତା ଏ ଗାଡ଼ାତି ତଣ୍ଡ କିହାଁ ସଦମ ଅଡ଼େ ଗମରା ଦେସାତି ତଣ୍ଡ ଉଣା କିଝିଆନେ ।

ଝାହିମାନି କସ୍ତ ଅଡ଼େ ନିୟା

(ମାର୍କ ୧୩:୯-୧୩; ଲୁକ ୨୧:୧୨-୧୭)

୧୬ ହେଣ୍ଡୁ ମେଣ୍ଡାୟାଁଣି କ୍ଷାନ୍ଧନିୟାଁ ବିତ୍ତା ପାଣ୍ଡିନିଲେହେଁ ନାନୁ ମିଜେ ପାଣ୍ଡିମାଞ୍ଜାଇଁ, ଏଡ଼ାଆଁତାକି ମୀରୁ ରାଡ଼ୁ ଲେହେଁ ବୁଦି ଗାଟାଡେରି, ଅଡ଼େ ପାରୁଝା ପଟାଲେହେଁ କପା ହିଲମା ଗାଟାଡେରି ଆଦୁ । ୧୭ ସାମା ମାଣ୍ଡିୟାଁ ତାଣାଟି ଜାଗ୍ରାତା ଆହାନା ଡ଼ୟାଦୁ, ଏଡ଼ାଆଁତାକି ଇଚିହିଁ ଏଝାରି ମିଜେ ଆସାନା ନାହାଁୟି କିନି ତାଣା ହେରପାନେରି, ଇଞ୍ଜା ଜୀହୁଦି ଲକୁତି କୁଟମି ଇଲକାଣା* ଏଝାରି ମିଜେ ସାବୁଣି ତଲେ ଝେଟାନେରି, ୧୮ ଅଡ଼େ ମୀରୁ ନା ତାକି ରାଜା ଅଡ଼େ ସାଲୁଝି କିନି ଲକୁତାଣା ଅହାନା ନାହାଁୟି କିଝିଆନେରି; ଏଡ଼ି ଏଝାରିକି ଅଡ଼େ ଜୀହୁଦିଆଆତି ଲକୁକି ମାହାପୁରୁତି ନେହିଁ କାବୁ ଝେସାଲି ସାକି ଆନେ । ୧୯ ସାମା ଏଚିବେଲା ଏଝାରି ମିଜେ ହେରପାନେରି, ମୀରୁ ନାହାଁୟି ଆନିବେଲା ଏଡ଼ାଆଁ ଜଲିଦେରି ଅଡ଼େ ଏନିକ ୯୦ ଜଲିଦେରି, ଏ କାତା ଅଣପାଆଦୁ, ଇଚିହିଁ ମୀରୁ ଏଡ଼ାଆଁ ଜଲିଦେରି ଏ ବେଲାଡେଏ ମିଜେ ଝେସ୍ତାନେସି । ୨୦ । ଇଚିହିଁ ମୀରୁ ଜଲିନାଡେରି ଆଏ, ଆବା ମାହାପୁରୁତି ସୁଦୁଜାଝୁ ମୀ ଗୁତି ହୀହାନା ହାଡ଼ା ଜଲିନେ, ଏଡ଼ି ଜଲିନାୟି ।

୨୧ ଚାୟି ତାୟିଇଁ ଆବା ମୀରୁଏଣାଇଁ ପାୟାଲି ହେରପାନେସି, ମାସ୍କା, ମୀରୁକା ଏଝାରି ତାନି ଇୟା ଆବା କପାଟି ହଡ଼ାନା, ଏଝାରିଇଁ ପାୟିନେରି । ୨୨ ଅଡ଼େ ନା ଦରୁ ତାକି ମୀରୁ ବାରେତାଣା ଅପାଆ ଗାଟାଡେରି ଆନେରି, ସାମା ଆମ୍ବାଆସି ରାଜି ପାଡେକା ସାସା ତଲେ ମାନେସି ଏଝାସି ବେଲୁସି ଆନେସି । ୨୩ ସାମା ଏଝାରି ଏଚିବେଲା ର ଗାଡ଼ାତା ମିଜେ ନିୟା କିୟାନେରି, ଏଚିବେଲା ଏଟକା ଗାଡ଼ାତା ହାଜୁ, ଇଚିହିଁ ନାନୁ ମିଜେ ସାତା ଝେସିମାଞ୍ଜାଇଁ, ମୀରୁ ଇସାୟେଲତି ବାରେ ଗାଡ଼ାୟାଁତା କାମା ରାପୁଆ ନକେଏ ମାଣ୍ଡିସି ମୀରୁଏସି ଝାନେସି ।

୨୪ ସାସୁ ତାନି ଗୁରୁ କିହାଁ ହଲେଏସି ସାଝୁକାରି କିହାଁ କାଜାସି ଆଏ । ୨୫ ସାସୁ ତାନି ଗୁରୁ ଅଡ଼େ ହଲେଏସି ତାନି ସାଝୁକାରି ଲେହେଁ ଆତିହିଁ ଏଝାରିକି ସମାନା ଆନେ, ଏଝାରି ଇଜୁତି ସାଝୁକାରିଇଁ ବାଲୁଜିବୁଲୁ ଇନେରି ଇଚିହିଁ ଏଝାଣି ଇଜୁତି ଲକୁବକାଆଁ ହାରେକା ପଲୁଆ କାତା ଜଲିନେରି !”

ଆମ୍ବାଆରାଇଁ ଆଜିନାୟି ?
(ଲୁକ ୧୨:୨-୭)

୨୬ ଏଡ଼ାଆଁତାକି ଲକୁଇଁ ଆଜାଆଦୁ; ଇଚିହିଁ ତୁଗୁମାନାୟି ଏନାୟିଝା ର ଦିନା ତଞ୍ଜାଆନେ, ଏଲେକ ୯୭ ତଞ୍ଜାଆଆନା ତୁଗୁମାନାୟି ଏନାୟିଝା ହିଲେଏ, ଇଞ୍ଜା ପୁଣ୍ଡି କିଝିଆଆଗାଟାୟି ଇଲେକ ୯୮

* ୧୦:୧୦ ୧୦:୧୦ ୧କର ୧:୧୪; ୧ଡିମ ୫:୧୮ * ୧୦:୧୪ ୧୦:୧୪ କାମା ୧୩:୫୧ * ୧୦:୧୫ ୧୦:୧୫ ମାତି ୧୧:୨୪ * ୧୦:୧୫ ୧୦:୧୫ ଲୁକ ୧୦:୪-୧୨ * ୧୦:୧୬ ୧୦:୧୬ ଲୁକ ୧୦:୩ * ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫ * ୧୦:୧୭ ୧୦:୧୭ସିନଗରା * ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୭ * ୧୦:୨୨ ୧୦:୨୨ ମାତି ୨୪:୯; ମାର୍କ ୧୩:୧୩; ଲୁକ ୨୧:୧୭; ମାତି ୨୪:୧୩; ମାର୍କ ୧୩:୧୩ * ୧୦:୨୪ ୧୦:୨୪ ଲୁକ ୬:୪୦; ଜହ ୧୩:୧୨; ୧୫:୨୦ * ୧୦:୨୫ ୧୦:୨୫ ମାତି ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫ * ୧୦:୨୭ ୧୦:୨୭ ମାର୍କ ୪:୨୨; ଲୁକ ୮:୧୭

ଏନାୟି ତୁଣ୍ଡା ହିଲେଏ । ୨୭ ନାନୁ ମିଙ୍ଗ ଏନାଆଁ ଆନ୍ଦେରିତା ଝେସ୍ତାଇଁ ଏଦାଆଁ ଉଜେଡ଼ିତା ଝେହ୍ନୁ, ଅଡ଼େ ଏନାଆଁ ତୁନାନା ଝେଞ୍ଜେରି ଏଦାଆଁ ଇଲୁ ତୁଡ଼ିୟା ଲାକ ହତାନା ଝେହ୍ନୁ । ୨୮ ଅଡ଼େ ଆମ୍ବାଆରି ଝାରୁଇ ଆଙ୍ଗାତି ପାୟିନେରି, ସାମା ଜୀଝୁତି ପାୟାଲି ଆଡ଼ଅରି, ଏଝାରାଇଁ ଆଜାଆଦୁ: ସାମା ଆମ୍ବାଆସି ମୀ ଜୀଝୁ ଅଡ଼େ ଆଙ୍ଗା ବାରେତି ନକର୍ତା ନାସା କିହାଲି ଆଡ଼ିମାନେସି ଏଝାଣାଇଁ ଆଜାଦୁ । ୨୯ ରୀ ଜେତା ପଗାୟାଁ ର କାନ୍ତି ତାକି ପାରପି ଆଡ଼ କି ? ଅଡ଼େ ମୀ ଲାକପୁରୁତି ଆବା ହେଲ ହାଆତି ଏଝାସିକା ବିତ୍ରାଟି ରଣ୍ଡି ଜିକେଏ ତୁଇ ତରୁଗେଏ । ୩୦ ସାମା ମୀ ତାୟାଁ ତୁ ବାରେ ବାଣାୟାଁ ଜିକେଏ ଏଜିକିଝି ଆହାମାନୁ । ୩୧ ଏଦାଆଁତାକି ଆଜାଆଦୁ, ମୀରୁ ହାରେକା ଜେତା ପଗାୟାଁ ତାଣାଟି ମୀ ଦାରା ହାରେକା ।”

ଲକୁ ନକିତା ଜୀସୁଇଁ ଝେକ୍ନାୟି
(ଲୁକ ୧୨:୫୧-୫୩; ୧୪:୨୬-୨୭)

୩୨ “ଅଡ଼େ ଆମ୍ବାଆସି ଲକୁ ନକିତା ନାଜେ ଆବାନେସି, ଇଞ୍ଜାଁ ନାନୁ ଜିକେଏ ନା ଲାକପୁରୁତି ଆବା ନକିତା ଆବିଇଁ । ୩୩ ✽ସାମା ଆମ୍ବାଆସି ଲକୁ ନକିତା ନାଜେ ଆବଅସି, ନାନୁ ଜିକେଏ ନା ଲାକପୁରୁତି ଆବା ନକିତା ଆବଅଁ ।”

ହିଡ଼ଡ଼ି ପିସପେ କାଣ୍ଡା
(ଲୁକ ୧୨:୫୧-୫୩; ୧୪:୨୬-୨୭)

୩୪ “ନାନୁ ଦାରୁତିତା ହିଡ଼ଡ଼ି ହାହାଲି ଝାହାମାଇଁ ଇଞ୍ଜାଁ ମନ କିଆଦୁ; ହିଡ଼ଡ଼ି ହାହାଲି ଝାଆନା, କାଣ୍ଡା ହାହାଲି ଝାହାମାଇଁ । ୩୫ ଇତିହଁ ନାନୁ ଆବା କପାଟି ମୀରୁଏଣାଇଁ, ଅଡ଼େ ଇୟାନି କପାଟି ମାଙ୍ଗା ଇଞ୍ଜାଁ ପୟାନି କପାଟି କୁଡ଼ିୟାନି ଗଡ଼ହା କିହାଲି ଝାହାମାଇଁ । ୩୬ ଅଡ଼େ ମାଣ୍ଡସିତି ତାନି ଇଲୁତି ଲକୁଏ ବାରେଜାଣା ତାନି ସାତୁ ଆନେରି ।”

୩୭ “ଆମ୍ବାଆସି ଆବା କି ଇୟାନି ନା କିହାଁ ହାରେକା ଜୀଝୁ ନନେସି, ଏଝାସି ନା ସୀସୁ ଆୟାଲି ପାଡ଼ାଆଅସି, ଅଡ଼େ ଆମ୍ବାଆସି ନିଜେତି ମାଙ୍ଗା କି ମୀରୁଏଣାଇଁ ହାରେକା ଜୀଝୁ ନନେସି ଏଝାସି ନା ସୀସୁ ଆୟାଲି ପାଡ଼ାଆଅସି । ୩୮ ✽ଆମ୍ବାଆସି ନିଜେତି କୁସ ତେକାନା ନା ଜେତ ଝାଅସି, ଏଝାସି ନା ସୀସୁ ଆୟାଲି ପାଡ଼ାଆଅସି । ୩୯ ✽ଆମ୍ବାଆସି ନିଜେତି ଜୀଝୁ ନୀଡ଼ହା କତିନେସି ଏଝାସି ହାନେସି, ଅଡ଼େ ଆମ୍ବାଆସି ନା ତାକି ନିଜେତି ଜୀଝୁ ହାନେସି, ଏଝାସି ନୀତିନେସି ।”

ଦାନା ପାଣନାୟି
(ମାର୍କ ୯:୪୧)

୪୦ ✽“ଆମ୍ବାଆସି ମିଜେ ଆବାନେସି, ଏଝାସି ନାଜେ ଆବାନେସି; ଆମ୍ବାଆସି ନାଜେ ଆବାନେସି, ଏଝାସି ନାଜେ ପାଣ୍ଡାତାଣାଇଁ ଆବିନେସି । ୪୧ ଆମ୍ବାଆସି ମାହାପୁରୁ ଅଣପୁତି ବଲୁ ଝେହ୍ନନାରାଇଁ, ମାହାପୁରୁ ବଲୁ ଝେହ୍ନନାରି ଇଞ୍ଜାଁ ଆବିନେସି, ଏଝାସି ଏ ବଲୁ ଝେହ୍ନନାରି ଦାନା ବେଟା ଆନେସି, ଅଡ଼େ ଆମ୍ବାଆସି କି ତାରିଗାଟାରାଇଁ, ତାରିଗାଟାସି ଇଞ୍ଜାଁ ଆବିନେସି ଏଝାସି ତାରିଗାଟାରି ଦାନା ବେଟା ଆନେସି । ୪୨ ଅଡ଼େ ଆମ୍ବାଆସି ନା ସୀସୁୟାଁ ବିତ୍ରାଟି ରଅଣାଇଁ ନା ସୀସୁ ଇଞ୍ଜାଁ ଗିନାଟା ଏୟୁ ଗସାଲି ହୀନେସି, ନାନୁ ମିଜେ ସାତା ଝେସିମାଞ୍ଜାଇଁ, ଏଝାସି ତାନି ଦାନାତି ଜାକ୍ଅସି ।”

୧୧

ଜହନତି କାରୁ ହାନାରି
(ଲୁକ ୭:୧୮-୩୫)

୧ ଜୀସୁ ତାନି ବାରଜାଣା ସୀସୁୟାଁଇଁ ଈ ବାରେ ହେଲ ହୀତି ତାୟୁ ଗାଲିଲି ଦାରିତା ମାନି ନାସ୍‌କାଣାଁ ହାଜାନା ମାହାପୁରୁତି ହାଡ଼ା ଜାପୁହିହଁ ଝେସିହଁ ଏ ଚାୟୁତି ହାଚେସି । ୨ ଏଚିବେଲ୍‌କା ବାପ୍ତିସ୍ତା* ହୀନି ଜହନ କାୟିଦିତା ମାଞ୍ଜାନା କ୍ରୀସ୍ତତି କାମା କିହିମାନାଣି ଝେଞ୍ଜାନା ଏ ବାରେ ପୁଞ୍ଜାଲି ତାନି ସୀସୁୟାଁଣି ଜୀସୁ ତାଣା ପାଣ୍ଡିଚେସି । ୩ ଏଝାରି ହାଜାନା ଜୀସୁଇଁ ଝେଚେରି, “ଆମିନି ଲକୁ ଝାନେସି ଇଞ୍ଜାଁ ଜହନ ଝେସାମାଚେସି, ନାନୁ କି ଏଝାତି ? କି ଅଡ଼େ, ଆମ୍ବାଆରି ତାକି କାରାନା ତୁୟିନମି ?”

✽ ୧୦:୩୩ ୧୦:୩୩ ୨ତିମ ୨:୧୨ ✽ ୧୦:୩୮ ୧୦:୩୮ ମାତି ୧୭:୨୪; ମାର୍କ ୮:୩୪; ଲୁକ ୯:୩୩ ✽ ୧୦:୩୯ ୧୦:୩୯ ମାତି ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩; ଜହ ୧୨:୨୫ ✽ ୧୦:୪୦ ୧୦:୪୦ ଲୁକ ୧୦:୧୬; ଜହ ୧୩:୨୦; ମାର୍କ ୯:୩୭; ଲୁକ ୯:୪୮ * ୧୧:୨ ୧୧:୨ ପୁଞ୍ଜନାୟି

୪ ଜୀବୁ ଏଞ୍ଜରାଲ୍ ଏଲେଇରେସି, “ମୀରୁ ଖେଣ୍ଡା ହାଜାନା ଏନାଆଁ ଖେଞ୍ଜାମାଞ୍ଜେରି ଅଡ଼େ ମେସିମାଞ୍ଜେରି, ଜହନଇଁ ଖେହ୍ନୁ । ୫ କାଣାୟାଁ ମେସିମାନେରି, ସତାୟାଁ ତାକି ମାନେରି, କାଜା ରଗ୍ଗା ଗାଗାରି ନେହ୍ନୁ ଆହ୍ମିମାନେରି, ବେରାୟାଁ ଖେଞ୍ଜିମାନେରି, ହାଡ଼ାରି ନିଜିମାନେରି ଅଡ଼େ କାଞ୍ଜାଲା ଗାଗାରି ନେହ୍ନୁ କାବୁ ଖେଞ୍ଜିମାନେରି; ୬ ନା ତାଣା ଆମ୍ବାଆରି ଆନାମାନା ଆଅରି ଏଞ୍ଜାରି ନେହ୍ନେ ।”

୭ ଜହନତି ସାପୁୟାଁ ଖେଣ୍ଡାହାଜିମାଟି ବେଲା ଜୀବୁ ଲକୁଇଁ ଜହନତି କାତା ଏଲେଇରେସି, “ମୀରୁ ଲକୁ ହିଲାଆ ରାଜିତା ଏନାଆଁ ମେସାଲି ହାଜାମାରେରି ? ଗାଲିତା ଦାଜିନି ତାଣ୍ଡି ଆକୁ ? ୮ ଏନାଆଁ ଆଆଡିତ୍ ହି ଏନାଆଁ ମେସାଲି ହାଜାମାରେରି ? ନେହ୍ନୁ ଅଜିତି ପାଡ଼ାଡ଼ା ହିମ୍ବୁରି ହୁତାମାନି ର ଲକୁଇଁ ? ମେହ୍ନୁ ଅଜିତି ହିମ୍ବୁରି ହୁଚିତି ଲକୁ ରାଜା ଗାଡ଼ାତା ତ୍ୱୟିନେରି । ୯ ଏନାଆଁ ଆଆଡିତ୍ ଏନାଆଁ ମେସାଲି ହାଜାମାରେରି ? ଏନାଆଁ ର ମାହାପୁରୁ ଅଣପୁତି ବଲୁ ଖେହ୍ନନାଶାଇଁ ? ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମାହାପୁରୁ ଅଣପୁତି ବଲୁ ଖେହ୍ନନାରି କିହାଁ ହାରେକା କାଜାଶାଇଁ; ୧୦ ଇଚିହ୍ନୁ ଏ ଜହନତି କାତା ରାସ୍ତାକି ଆହାମାନେ, ମାହାପୁରୁ ଏଲେଇଞ୍ଜି ମାନେସି, ନା ତାକି ଜିରୁ କେପାଲି ନାନୁ ନକେଏ ନା ଦୁଡୁଇଁ ପାଣ୍ଡାଇଁ, ଏଞ୍ଜାସିଏ ଇ ମାଣସି । ୧୧ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ନୀଞ୍ଜୁ ପାତେକା ଇ ଦାର୍ତତିତା ଏତେକା ଜାନ୍ନା ଆହାମାନେରି, ଏ ବାରେକାଶା କିହାଁ ବାପ୍ତିସ୍ମାଁ ହାନି ଜହନ କାଜାସି; ଆଡ଼ିଜିକେଏ ଲାକପୁରୁ ରାଜିତା ଆମ୍ବାଆସି ବାରେକିହାଁ ଉଶା, ଏଞ୍ଜାସି ଜହନ କିହାଁ କାଜାସି । ୧୨ ବାପ୍ତିସ୍ମାଁ ହାନି ଜହନତି କାତା ଖେହ୍ନି ଦିନାଟିଏ ନୀଞ୍ଜୁପାତେକା ଲାକପୁରୁ ରାଜି ବାଡ଼ୁଡୁ ତଲେ ପାତାଆହିମାନେ; ଇଞ୍ଜା ବାଡ଼ୁଡୁଟି ଆସାମାନାରି ଏନାଆଁ ବେଗାଆହାଲି ଅଣପିମାନେରି । ୧୩ ଇଚିହ୍ନୁ ବାରେ ମସାତି ମୋରାତା ଅଡ଼େ ମାହାପୁରୁ ଅଣପୁତି ବଲୁ ଖେହ୍ନନାରି ତାଣା ଜହନତି ଖାନି ଦିନା ପାତେକା ଖେସପି ଆହାମାତେ । ୧୪ ଅଡ଼େ ମୀରୁ ଏଞ୍ଜାରି କାତା ଆସାଲି ମୀ ମନ୍ ମାଚିହ୍ନୁ ଆମିନି ଏଲିୟ ଖାନାୟି ମାତେ ଜହନଏ ଏଞ୍ଜାସି । ୧୫ ଆମ୍ବାଆରି କୀର୍ନା ମାନୁ ଏଞ୍ଜାସି ଖେଣ୍ଡାସିସି ।”

୧୬ “ସାମା ନାନୁ ଆମ୍ବାରିତଲେ ଇ ଜୁଗୁତି ଲକୁଣି ତୁକଇଁ, ଆମିନି ହାଡ଼ା ମାଦି କୁଗାନା କାହି ତ୍ୱୟିନି କକାରି ଲେହ୍ନେ, ର ଗଚିତି କକାରି ଅର ଗଚିତି ଏଲେଇନେରି, ୧୭ ମାମ୍ବୁ ମୀ ନକିତା ପୀରୁଡ଼ି ଉକିତମି, ସାମା ମୀରୁ ଏନାଆତେରି; ମାମ୍ବୁ ଦୁକୁତି ପାଚୁ ପାଚିତମି ସାମା ମୀରୁ ତ୍ୱାଆତେରି, ନୀସିତି ଲକୁ ଏଲେତାରି । ୧୮ ଇଚିହ୍ନୁ ଜହନ ଖାହାନା ରାନ୍ଦା ତିନାଆତେସି ଅଡ଼େ ଲକୁ ଏଞ୍ଜାଶାଇଁ ଏଲେଇରେସି ବୁଡୁ ଆଲ୍ଗାମାନାସି । ୧୯ ସାମା ମାଣସି ମାର୍ସସି ଖାହାନା ରାନ୍ଦା ତିତେସି ଉଚେସି, ଇଞ୍ଜା ଲକୁ ବାରେକାଶା ଏଲେଇରେସି, ଇଞ୍ଜାସି ଚିଶ୍ୱିକାସ୍ତୁ, କାଡ଼ୁଡୁ, ଏଞ୍ଜାସି ସିସ୍ତୁ ରୁହାନାରି ଅଡ଼େ ପାପୁ ଗାଗାରି ତଣ୍ଡେସି; ସାମା ମାହାପୁରୁଟି ବୁଦି ଏଞ୍ଜାଣି କାମାଟି ସାତା ଇଞ୍ଜା ଖେଜିନେ ।”

ନାମାଆଗାଟି ଗାଡ଼ାୟାଁ
(ଲୁକ ୧୦:୧୩-୧୫)

୨୦ ଏଚିବେଲା ଆମିନି ଗାଡ଼ାତା ହାରେକା କାବାଆନି କାମା କିଞ୍ଚି ଆହାମାତେ, ଏ ଗାଡ଼ାଟି ଲକୁ, ତାମି ପାପୁଟି ତାମା ମନ୍ ଖେବ୍ହା ହିଲାଆତେରି, ଇଞ୍ଜା ଜୀବୁ ଏ ଗାଡ଼ାୟାଁତି ଲକୁଇଁ ଦାକା ହୀହାନା ଏଲେଇରେସି, ୨୧ ଆୟତା ତଣ୍ଡ ପାଣିନି କରାଜିନି ଅଡ଼େ ବେଡ଼ସାୟିଦା, ଏନାଆଁତାକି ଇଚିହ୍ନୁ ମୀ ତାଣା ଆମିନି ବାଡ଼ୁଡୁଟି କାମା କିଞ୍ଚିଆହାମାନେ, ଏ ବାରେ ସର ଅଡ଼େ ସିଦନତା କିଞ୍ଚି ଆହାମାଚିହ୍ନୁ ମା; ଏମ୍ବାତି ଲକୁ ଆଞ୍ଜାତା ବାସ୍ତାୟାଁ ପର୍ହାନା ଦାରମ୍ବୁତା କୁଗାନା ମନ୍ ଖେବ୍ହାଲି ଅଣପିତେରିମା ୨୨ ଆଡ଼ିଜିକେଏ ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁଟି ନୀହାୟି ଦିନାତା ମୀ ତଣ୍ଡ କିହାଁ ସର ଅଡ଼େ ସିଦନତି ତଣ୍ଡ ଅର୍ହହାନାୟି ଆନେ । ୨୩ ଏ କପରନାହୁମ, ନାନୁ ଏନାଆଁ ଲାକପୁରୁ ପାତେକା ପାତାଆଡ଼ି ? ନାନୁ ହାଡ଼ାରି ମାନି ରାଜିତା ଅଞ୍ଜିଆଡ଼ି, ନୀ ତାଣା ଆମିନି ବାଡ଼ୁଡୁଟି କାମା କିଞ୍ଚିଆହାମାନେ, ଏନାଆଁ ସଦମତା କିଞ୍ଚିଆଡ଼ିହ୍ନୁ ମା, ଏ ଗାଡ଼ା ନୀଞ୍ଜୁପାତେକା ତ୍ୱୟିତେମା । ୨୪ ଅଡ଼ିଜିକେଏ ନାନୁ ମିଙ୍ଗେ ଖେସିମାଞ୍ଜାଇଁ “ମାହାପୁରୁଟି ନୀହାୟି ଦିନାତା ମୀ ତଣ୍ଡ କିହାଁ ସଦମ ଦେସାତି ତଣ୍ଡ ଅର୍ହହାନାୟି ଆନେ ।”

ନା ତାଣା ଖାହାନା ଜମାଦୁ
(ଲୁକ ୧୦:୨୧-୨୨)

୨୫ ଏ ବେଲାତା ଜୀବୁ ପ୍ରାଡ଼ାନା କିହ୍ନୁ ଏଲେଇରେସି; “ଏ ଆଡ଼ା, ଲାକପୁରୁ ଅଡ଼େ ଦାର୍ତତିତି ପ୍ରବୁ, ଇ ବାରେ ହାଡ଼ା ନାନୁ ବୁଦି ଅଡ଼େ ପୁନି ଲକୁତାଶାଟି ତୁଲୁହା ଇଗାନା, ଇ ବାରେ କାତା ପୁନାଆଗାଟି ଲକୁତାଶା

† ୧୧:୧୧ ୧୧:୧୧ ମୁଞ୍ଜିନାୟି ☆ ୧୧:୧୨ ୧୧:୧୨ ଲୁକ ୧୭:୧୭ ‡ ୧୧:୧୨ ୧୧:୧୨ ମୁଞ୍ଜିନାୟି ☆ ୧୧:୧୪ ୧୧:୧୪ ମାଟି ୧୭:୧୦-୧୩; ମାର୍କ ୯:୧୧-୧୩ ☆ ୧୧:୨୪ ୧୧:୨୪ ମାଟି ୧୦:୧୫; ଲୁକ ୧୦:୧୨

ତସିମାନାକି ନାନୁ ନିଜା ଜହରା କିହିମାଞ୍ଜାଇଁ । ୨୭ ହାଥ ଆବା, ଇଦି ନୀ ନକିତା ରାହୁଁତି କାତା ଆହିମାନେ ।”

୨୭ * “ନା ଆବା ନାଜେ ବାରେ ହୀହାମାଞ୍ଜାନେସି, ଆବା ପିସ୍ତେ ଆମ୍ବାଆରି ମୀର୍ବଣାକ୍ ପୁନଅରି ଅଡେ ମୀର୍ବଣା ପିସ୍ତେ ଆମ୍ବାଆରି ଆବାକ୍ ପୁନଅରି, ମୀର୍ବଣସି ଆମ୍ବାଆରି ତାଣା ତହ୍ନେସି ଏଞ୍ଜାସି ପୁନେସି ।”

୨୮ “ଏ ଖାହୁ ରାତା ଗାତି ଲକୁ, ବାରେ ନା ତାଣା ଖାହୁ, ନାନୁ ମିଜେ ଜମିକିୟାକ୍ । ୨୯ ନା ଜୁଝେଡି ମୀ ବମିତା ଡେକାନା ନା ତାଣାଟି ଜାପାଦୁ, ଇତିହୁଁ ନାନୁ କପା କାର୍ବି ହିଲାଆନା ସୁଦୁ ହିୟାଁ ଗାଟାବେଥ୍, ଇଞ୍ଜା ମୀରୁ ନା ତାଣାଟି ମୀ ଜାଝୁତା ଜମିଦେରି; ୩୦ ଇତିହୁଁ ନା ଜୁଝେଡି ଉସାସା ଅଡେ ବଜୁ ଉଣା ମାନେ ।”

୧୨

ଜମିନି ଦିନାତି ମାନି

(ମାର୍କ ୨:୨୩-୨୮; ଲୁକ ୬:୧-୫)

୧ ଏବରଦିନା ତାୟୁ ର ଜମିନି ଦିନାତା ଜୀସୁ ଗହଁ ଗୁଡିୟାତି ହାଜିମାରେସି, ଇଞ୍ଜା ତାନି ସୀସୁୟାଁ ହାକି ଆହାମାତାକି ଗହଁ ଜେକା ତାପହାନା ତିଞ୍ଜାଲି ମାଟୁହେରି । ୨ ସାମା ପାରୁସିୟାଁ ଏଦାଆଁ ମେସାନା ଜୀସୁକ୍ ଏଲେଇଚେରି, “ମେହମ୍ବୁ ଜମିନି ଦିନାତା ଏଦାଆଁ କିନି ମେରା ହିଲେଏ, ଏଦାଆଁ ମୀ ସୀସୁୟାଁ କିହିମାନେରି ।”

୩ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ର ଦିନା ଦାଝୁଦ ଅଡେ ତାନି ତଡେସିଜା ହାକି ଆହାଲିଏ ଏଦାଆଁ କିହିମାରେରି, ମୀରୁ ସାଡେସିରତା ପଡ଼ଞ୍ଚି ଆହାହିଲଅଡେରି ?” ୪ ଏଞ୍ଜାସି ଏନିକ୍ ମାହାପୁରୁ ଇଲୁତା ହଡ଼ନା ଆମିନି ମାହାପୁରୁକି ହେବପାମାନି ରୁଟି ପୂଜେରାଜା ପିସ୍ତେ ଆମ୍ବାଆରି ତିନାଆଗାଟି ମେରା ମାରେ, ସାମା ଦାଝୁଦ ଅଡେ ତାନି ତଡେସିଜା ତିନାଆଗାଟାୟି ମାରେ, ଏଦାଆଁ ଏଞ୍ଜାରି ତିଚେରି । ୫ ଅଡେ ଜମିନି ଦିନାତା ମାହାପୁରୁ ଇଲୁ ବିତ୍ରା ପୂଜେରାଜା ମେରା ଉରିତି ଜିକେଏ ଦହଗାଟାରି ଆଧିରି, ମୀରୁ ଏନି ଏଦାଆଁ ପଡ଼ଞ୍ଚି ଆହାହିଲଅଡେରି କି ? ୬ ସାମା ନାନୁ ମିଜେ ସାତା ଝେସିମାଞ୍ଜାଇଁ, ଇ ଟାୟୁତା ମାହାପୁରୁ ଇଲୁ କିହାଁ ହାଡେରକା କାଜାୟି ଇମ୍ବାଆଁ ମାନେ । ୭ * “ସାଡେସି ଝେସିମାନେ, ସାମା ପୂଜା ହୀନାୟି ଲଡ଼ାଆଏ, ସାମା ଲକୁଣି କାର୍ମାମେହନାୟି ନେହେଁ, ଇଦାଣି କାତା ମୀରୁ ପୁଞ୍ଜାମାଟିହୁଁ ମା ଇ ଦହ ହିଲାଆ ଗାଟାଣାଇଁ ଦହ କିଆଡେରିମା, ୮ ଇତିହୁଁ ମାଣସି ମୀର୍ବଣସି ଜମିନି ଦିନାତି ପ୍ରବୁ ଆଡେସି ।”

ଝାୟିତି କେୟୁଗାଟାସି ନେହୁଁ ଆଦାୟି

(ମାର୍କ ୩:୧-୬; ଲୁକ ୬:୬-୧୧)

୯ ଜୀସୁ ଏମ୍ବାତି ହାଜାନା ଜୀହୁଦି ଲକୁଡି କୁଟମି ଇଲୁତା* ହାଚେସି । ୧୦ ଅଡେ ମେହଦୁ ଏମ୍ବାଆଁ ରଅସି ମାଚେସି, ଏଞ୍ଜାଣି ର କେୟୁ ଝାୟାହାଜାମାରେ, ଜୀସୁକ୍ ଦହ ଆସାଲି ଏଚେକା ଲକୁ ଏମ୍ବାଆଁ କାଟାମାଚେରି, ଏଞ୍ଜାରି ଜୀସୁକ୍ ଝେଚେରି, “ଜମିନି ଦିନାତା ନେହୁଁ କିନାୟି ମେରା ମାନେକି ?”

୧୧ * ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀ ବିତ୍ରା ରଅଣାକି ର ମେଣ୍ଡା ମାନେ, ଏମ୍ବାଟିଏ ଜମିନି ଦିନାତା ଏ ମେଣ୍ଡା ଗାଡ଼ୟୁତା ତରୁଗିନେ, ଇଞ୍ଜା ଆମ୍ବାଆସି ଏଦାନି ନିକଅସି, ଇଲେତି ଲକୁ ଆମ୍ବାଆସି ମୀ ବିତ୍ରା ମାନେସି ? ୧୨ ଆତିହୁଁ ର ମେଣ୍ଡାତି ଦାରା କିହାଁ ମାଣସିତି ଦାରା ହାଡେରକା । ଏଦାଆଁତାକି ଜମିନି ଦିନାତା ନେହୁଁ କାମା କିନାୟି ମେରାତି କାମା ।” ୧୩ ଏତିଚେଲା ଏଞ୍ଜାସି କେୟୁ ଝାୟିତାଣାଇଁ ଏଲେଇଚେସି, “କେୟୁ ଦାହୁମ୍ବୁ ।”

ଇଞ୍ଜା ଏଞ୍ଜାସି ଏ କେୟୁ ଦାହୁସି ଏମ୍ବାଟିଏ ଏ କେୟୁ ଅର କେୟୁଲେହେଁ ନେହୁଁ ଆଡେ । ୧୪ ସାମା ପାରୁସିୟାଁ ପାଞ୍ଜାତା ହାଜାନା ଜୀସୁକ୍ ପାୟାଲି ଏଞ୍ଜାଣି କପାଟି ପାରୁ ପାରାଡେରି ।

ମାହାପୁରୁ ଆଗାମାନି ହଲେଏସି

୧୫ ଜୀସୁ ଏଦାଆଁ ପୁଞ୍ଜାନା ଏମ୍ବାତି ଏଟକା ଆହାନା ହଚାହାଚେସି, ଇଞ୍ଜା ହାଡେରକା ଲକୁ ତାନି ଜେତ ହାଚେରି, ଅଡେ ଏଞ୍ଜାସି ବାରେଜାଣାତି ରଗଟି ନେହୁଁ କିଡେସି । ୧୬ ଇଞ୍ଜା ତାଜେ ଲକୁକ୍ ଝେକଆଦୁ ଇଞ୍ଜୁଁ ହୁକୁମି ହାଡେସି । ୧୭ ଏନିକିହୁଁ ମାହାପୁରୁ ଅଣପୁଡି ବଲୁ ଝେହୁନି ଜିସାୟିତି କାତା ସାତା ଆଡେ, ୧୮ “ମେହଦୁ ନା ହଲେଏସି, ଆମ୍ବାଆରାଇଁ ନାନୁ ଆଟାମାଇଁ;

ଏଞ୍ଜାସି ନା ଜୀଝୁତି ମୀର୍ବଣସି, ଆମ୍ବାଆରିତାଣା ନା ହାଡେରକା ରାହୁଁ ମାନେ;

* ୧୧:୨୭ ୧୧:୨୭ ଜହ ୩:୩୫; ଜହ ୧:୧୮; ୧୦:୧୫ ✪ ୧୨:୬ ୧୨:୬ ମାତି ୯:୧୩ * ୧୨:୯ ୧୨:୯ ସିନଗର ✪ ୧୨:୧୧ ୧୨:୧୧ ଲୁକ ୧୪:୫

ନାନୁ ଏଝାଣିଲାକ ନା ସୁଦୁଜୀଝୁ ହାଈ,
ଅଡ଼େ ଏଝାସି ଜୀହୁଦିଆଆତି ଲକୁଡାଣା ନୀହାଁୟିତି କାତା ଝେକନେସି ।

୧୯ ଏଝାସି ଗଡ଼ହା କିଅସିକି କାଲୁଝି ଆଅସି,
ଇଞ୍ଜା ଆଂଗେଣିତା ଏଝାଣି ହାଡ଼ା ଆମ୍ବାଆରି ଝେନଅରି ।

୨୦ ନୀହାଁୟିତା ଜୀଣା ଆଆପାତେକା,
ଏଝାସି ଝାୟିତି ତାଣ୍ଡିତି ତିକଅସି
ବୟ ଆହୁଁ ଡ଼ାଞ୍ଜିମାନି ଦୀଝିତି ତୁପଅସି ।

୨୧ ଅଡ଼େ ଏଝାଣି ଦରୁତା ଜୀହୁଦିଆଆତି ଲକୁ ବାସୁଁ ଇତିନେରି ।”

ଜୀସୁ ଅଡ଼େ ବାଲୁଜିବୁଲୁ ବୁଡୁ
(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ର ଦିନା ଲକୁ ବୁଡୁ ଆଲୁଗାମାଟି ର କାଣାଇଁ ତାତେରି ଏଝାଣାଇଁ ବୁଡୁ ଆଲୁଗା ମାତାକି ଗୁଲା ଆହାମାଚେସି । ଜୀସୁ ଏଝାଣାଇଁ ନେହୁଁ କିତେସି; ଇଞ୍ଜା ଏଝାସି ମେସାଲି ଅଡ଼େ ଜଲୁଲି ଆଡ଼ିତେସି ।
୨୩ ଇଞ୍ଜା ଲକୁ ବାରେ କାବାଆହାନା ଏଲେଇଚେରି, “ଇଝାସି ଏନାଆଁ ଏ ଦାଝୁଦ କୁଡ଼ାତାସି ଆସୁକି ?”

୨୪ *ପାରୁସିୟାଁ ଇ କାତା ଝେଞ୍ଜାନା ଏଲେଇଚେରି, ଇ ମାଣସି ବୁଡୁୟାଁ କିହାଁ କାଜା ବାଲୁଜିବୁଲୁ ବୁଡୁ ହିଲାଆନା ବୁଡୁୟାଁ ପେରଅସି ।

୨୫ ସାମା ଜୀସୁ ପାରୁସିୟାଁ ମନତି ଅଣପୁ ପୁଞ୍ଜାନା ଏଝାଣାଇଁ ଏଲେଇଚେସି, “ର ରାଜି ତାନୁ ତାନୁଏ ଆସୁପି ଆହାନା ରୀ ବାଗା ତାନି ବାଗା ଆଡ଼ିସାରେ ଏ ରାଜି ଅଡ଼େ ତୀରିତଲେ ମାଞ୍ଜାଲି ଆଡ଼େଏ, ଇଞ୍ଜା ର ଗାଡ଼ା କି ର ଇଲୁ କୁଟମି ତାମୁ ତାମୁସୁ ଆସୁପି ଆହାନା ବାଗା ଆଡ଼ିସାରେ ତୀରିତଲେ ମାଞ୍ଜାଲି ଆଡ଼େଏ ।

୨୬ ଇଞ୍ଜା ସୟତାନ ସୟତାନଇ ପିସି କିନେ ଆଡ଼ିହୁଁ ଏଡ଼ି ବାଗା ଆହାନା ତାନି କପାଟି ନିଜିତେୟିଏ, ଆଡ଼ିହୁଁ ଏଦାନି ରାଜି ଏନକିଁ ତୀରିଆହାଁ ତୁୟିନେ ? ୨୭ ମୀରୁ ଏଲେଇଞ୍ଜିମାଞ୍ଜେରି, ନାନୁ ପଲୁଆ ବୁଡୁୟାଁ ବାଲୁଜିବୁଲୁ ତଲେ ବୁଡୁୟାଁ ପିସପି କିହିମାଇଁ, ଆଡ଼ିହୁଁ ମୀ ମୀରୁକା ଆମ୍ବାଆରି ବାଡ଼ୁୟାଁ ତଲେ ବୁଡୁୟାଁ ପେରନେରି । ଇଦାଆଁତାକି ଏଝାରିଏ ମୀ ନୀହାଁୟି କିୟାନାରି ଆନେରି । ୨୮ ସାମା ନାନୁ ମାହାପୁରୁ ଜୀଝୁତି ବାଡ଼ୁୟାଁ ତଲେ ବୁଡୁୟାଁ ପେରହି ମାଇଁ, ଆଡ଼ିହୁଁ ମାହାପୁରୁତି ରାଜି ମୀ ତାଣା ଏଦାତେୟିଏ ।”

୨୯ “ଇଞ୍ଜା ଆମ୍ବାଆସି ର ବାଡ଼ୁୟାଁଗାଟି ଲକୁଇଁ ତଲିଏ ଦହୁଆନା, ଏନିକିହୁଁ ଏଝାଣି ଇଜ ହତାନା ତାନି ଇଲୁ କାଣ୍ଡା ବାରେ ସରୁ ଅୟାଲି ଆଡ଼ିନେସି ? ଏଝାଣାଇଁ ତଲିଏ ଦସିହୁଁ ଦେ ଏଝାଣି ଇଲୁ କାଣ୍ଡା ସରୁ ଆହାଲି ଆଡ଼ିନେସି ।”

୩୦ *ଆମ୍ବାଆସି ନା ଝାକିତି ଆଆଗାଚାସି, ଏଝାସି ନା ସାତୁ, ଇଞ୍ଜା ଆମ୍ବାଆସି ନା ତଲେ କୁଡ଼ି କିଅସି ଏଝାସି ଆଲାଗା କିନେସି । ୩୧ ଇଦାଆଁତାକି ନାନୁ ମିଙ୍ଗେ ଝେସିମାଞ୍ଜାଇଁ, ମାଣସି ଲକୁତି ବାରେ ପାପୁ ଅଡ଼େ ଲାଗେଏ ପଲେଏଟି ଲକୁଟି ନିନ୍ଦା କାତା ଜଲୁମାନାଣି ମ୍ଲେକହା ତୁସପିଆନେ, ସାମା ମାହାପୁରୁତି ସୁଦୁଜୀଝୁ ଦରୁତଲେ ଜଲିନାଣା ପାପୁ ମେଣ୍ଡାକି କିଝିଆଏ । ୩୨ *ଅଡ଼େ ଆମ୍ବାଆସି ମାଣସି ମୀରୁଏଣା କପାଟି ଜଲିନେସି, ଏଝାଣି ପାପୁ ମେଣ୍ଡାକି କିଝିଆନେ, ସାମା ଆମ୍ବାଆସି ମାହାପୁରୁତି ସୁଦୁଜୀଝୁତି କପାଟି ଜଲିନେସି, ଇ କାଲୁତା କି ତାୟା କାଲୁତା ଜିକେଏ ଏଝାଣି ପାପୁ ମେଣ୍ଡାକି କିଝିଆଏ ।”

ମାରୁନୁ ଅଡ଼େ ତାନି ପାଡ଼େୟି
(ଲୁକ ୬:୪୩-୪୫)

୩୩ *ମାରୁନୁତି ନେହାୟି ଇଞ୍ଜୁ ଅଡ଼େ ତାନି ପାଡ଼େୟିତି ନେହାୟି ଇଞ୍ଜୁ, ଆଆତୁଁ ମାରୁନୁତି ଲାଗେଏତାୟି ଇଞ୍ଜୁ ଅଡ଼େ ତାନି ପାଡ଼େୟିତି ଲାଗେଏତାୟି ଇଞ୍ଜୁ, ଇତିହୁଁ ପାଡ଼େୟି ତଲେ ମାରୁନୁତି ପୁଣ୍ଡାକି ଆନେ । ୩୪ *ଆଡ଼େ ରାସୁକା କୁଡ଼ାତେରି, ମୀରୁ ପଲୁଆ ଗାଟାତେରି ଆହାଁ ଏନିକିଁ ମୀରୁ ନେହୁଁ ହାଡ଼ା ଝେସାଲି ଆଡ଼ିଦେରି ? ଇତିହୁଁ ହିୟାତା ମାନି କାତା ଗୁଡ଼ି ଜଲିମାନେ । ୩୫ ନେହୁଁ ଲକୁ ନେହୁଁ ମନ ବିତ୍ରାଟି ନେହୁଁ କାତା ହପୁନେସି, ଇଞ୍ଜା ପଲୁଆ ଗାଟାସି ପଲୁଆ ମନ ବିତ୍ରାଟି ପଲୁଆ କାତା ହପୁନେସି ।”

* ୧୨:୨୪ ୧୨:୨୪ ମାଟି ୯:୩୪; ୧୦:୨୫ * ୧୨:୩୦ ୧୨:୩୦ ମାର୍କ ୯:୪୦ * ୧୨:୩୨ ୧୨:୩୨ ଲୁକ ୧୨:୧୦ * ୧୨:୩୩ ୧୨:୩୩ ମାଟି ୭:୨୦; ଲୁକ ୭:୪୪ * ୧୨:୩୪ ୧୨:୩୪ ମାଟି ୩:୭; ୨୩:୩୩; ଲୁକ ୩:୭; ମାଟି ୧୫:୧୮; ଲୁକ ୭:୪୫

୩୭ “ସାମା ନାନୁ ମିଜେ ସାତା ୱେସିମାଞ୍ଜାଇଁ, ବାରେଜାଣା ତାମ୍ମୁ ୱେସାମାନି ଉଜେଏତି କାତାତାକି ବିଚାରା କିନି ଦିନାତା ଏମ୍ବାତି କାତା ଜଲିନେରି; ୩୭ ଇଦାଆଁତାକି ମୀ ଗୁତିତି ହାଡ଼ାତଲେ ନୀହାୟି ଦିନାତା ମୀରୁ ଦହ୍ ଗାଟାତେରି ଅଡ଼େ ଦହ୍ ହିଲୀଆଗାଟାତେରି ଆଦେରି ।”

ସିନା ପାରିନାୟି
(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ *ଏତିବେଲା ମେରା ପୁନାରି ଅଡ଼େ ପାରୁସିୟାଁ ବିତ୍ତାଟି ଏଚରଜାଣା ଜୀସୁଇଁ ଏଲେଇଚେରି, “ଗୁରୁ, ମାମ୍ମୁ ନୁୀ ତାଣାଟି ର କାବାଆନି ସିନା ମେସାଲି ଅଣ୍ଡପିମାନମି ।”

୩୯ *ସାମା ଜୀସୁ ଏଞ୍ଜାରାଇଁ ଏଲେଇଚେରି, “ପଲ୍ଲୁଆ ଗାଟାରି ଅଡ଼େ ମାହାପୁରୁଇଁ ନାମାଆ ଗାଟାରିଦେହେଁ ସିନାୟାଁ ପାରିନେରି, ସାମା ମାହାପୁରୁ ଅଣ୍ଡପୁତି ବଲ୍ଲୁ ୱେହ୍ନି ଜୁନସତି ସିନା ପିସପେ ଏଞ୍ଜାରାକି ଏନି ସିନା ହାପକି ଆଏ । ୪୦ ଇଚିହ୍ ଜୁନସ ଏନିକ୍ ତାନିଦିନା ତାନି ଲାଆଁୟାଁ କାଜା ମୀରୁ ବାଣ୍ଡି ବିତ୍ତା ମାଚେସି, ଏଲେକ୍ ମାଣସି ମୀରୁଏସି ଜିକେଏ ବୁମି ବିତ୍ତା ତାନିଦିନା ତାନି ଲାଆଁୟାଁ ତୁସିନେସି । ୪୧ ନାହାୟି ଦିନାତା ନିନିବିତି ଲକୁ ଇ କାଲ୍ଲାତି ଲକୁ ନକିତା ନିଗାନା ଏଞ୍ଜାରାଇଁ ଦହ୍ କିନେରି, ଇଚିହ୍ ଏଞ୍ଜାରି ଜୁନସ ୱେସି କାତା ଆସାନା ପାପୁତି ମନ୍ ୱେବହା ମାଚେରି, ଅଡ଼େ ମେହ୍ନୁ ଜୁନସକିହାଁ କାଜାସି ଇମ୍ବାଆଁ ମାନେସି । ୪୨ ନାହାୟି ଦିନାତା ସିବା ଦେସାତି ରାଣି ଇ କାଲ୍ଲାତି ଲକୁ ନକିତା ନିଗାନା ଏଞ୍ଜାରାଇଁ ଦହ୍ କିନେ, ଇଚିହ୍ ସଲମନତି ବୁଦିତିକାତା ୱେଞ୍ଜାଲି ଦାଚ୍ଚିତି ହେକ ଦେସାତି ୱାହାମାଚେ, ଇଞ୍ଜା ମେହ୍ନୁ ସଲମନକିହାଁ କାଜା କାତା ଇମ୍ବାଆଁ ମାନେ ।”

ଲାଗେଏ ପଲେଏତି ବୁଡୁ ୱେଣ୍ଡାଞ୍ଜାନାୟି
(ଲୁକ ୧୧:୨୪-୨୬)

୪୩ “ର ପଲ୍ଲୁଆ ବୁଡୁ ର ମାଣସି ତାଣାଟି ହଡ଼ା ହାଜାନା ଏୟୁ ହିଲୀଆ ଚାୟୁ ବାରେ ରେଜିହ୍ ଜମାଲି ଚାୟୁ ପାରୀଚେ, ଇଞ୍ଜା ଏଦାଆଁ ପୁଞ୍ଜାଆଚେ, ୪୪ ଏଚେଟିଏ ଏଦି ଏଲେଇଚେନେ, ନାନୁ ଆନିନି ଇଲୁଚି ହଡ଼ା ୱାହାମାଜ୍, ନା ଏ ଇଲୁଚା ୱେଣ୍ଡେ ହାଇଁ; ଇଞ୍ଜା ୱେଣ୍ଡା ୱାହାନା ୱାଚ୍ଚାଆଣି ଇଞ୍ଜା ଅଜିତାଣି ମେହ୍ନେ । ୪୫ ଏତିବେଲା ଏଦି ହାଜାନା ତାନିକିହାଁ ଆଗାଡ଼ା ପଲ୍ଲୁଆଗାଟି ସାଡ଼ାଗଟା ଜୀସୁୟାଁ ଆସାନା ୱାଚ୍ଚେନେ, ଇଞ୍ଜା ଏଞ୍ଜି ବାରେ ଏମ୍ବାଆଁ ହଡ଼ାନା ବାସା କିନୁ, ଅଡ଼େ ଏ ଲକୁଚି ତଲିତି କସ୍ତ କିହାଁ ତାୟୁତି କସ୍ତ ହାଚେରକା ଆନେ, ଇ କାଲ୍ଲାତି ପଲ୍ଲୁଆ ଗାଟାଚାକି ଜିକେଏ ଏଲେଆହ୍ ଏ ଆନେ ।”

ଜୀସୁତି ଇୟା ଅଡ଼େ ତାୟିୟାଁ
(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜୀସୁ ବାରେ ଲକୁଇଁ ହଡ଼ା ଆହ୍ମାଗାଟି ତାନି ଇୟା ଅଡ଼େ ତାୟିୟାଁ ପାଙ୍ଗାତା ନିଗାନା ହାଡ଼ା ଆହାଲି ମନ୍ କିହିମାଚୁ । ୪୭ ଏଚେଟିଏ ରଅସି ୱାହାନା ଜୀସୁଇଁ ଏଲେଇଚେସି, “ମେହ୍ନୁ, ମୀ ଇୟା ଅଡ଼େ ନୀ ତାୟିୟାଁ ପାଙ୍ଗାତା ନିଗାନା ହାଡ଼ା ଆହାଲି ମନ୍ କିହିମାନେରି ।”

୪୮ ସାମା ଇ କାତା ୱେସାଣାଇଁ ଜୀସୁ ଏଲେଇଚେସି, “ଆମ୍ବାଆୟି ମା ଇୟା ଇଞ୍ଜା ଆମ୍ବାଆରି ନା ତାୟିୟାଁ ?” ୪୯ ଅଡ଼େ ସୀସୁୟାଁ ୱାକି କେୟୁ ଦାସାନା ଏଲେଇଚେସି, “ମେହ୍ନୁ ମାୟା ଇଞ୍ଜା ମା ତାୟିୟାଁ, ୫୦ ଇଚିହ୍ ଆମ୍ବାଆୟି ଜିକେଏ ନା ଲାକପୁରୁତି ଆବା କାତା ଆହ୍ନେସି ଏଞ୍ଜାସି ନା ତାୟି ଏଦି ନା ତାଜି ଅଡ଼େ ମା ଇୟା ।”

୧୩

ବିଚା ମାଟିନାଣି ପୁଣ୍ଡିକିନି କାତା
(ମାର୍କ ୪:୧-୯; ଲୁକ ୮:୪-୮)

୧ ଏ ଦିନା ଜୀସୁ ଇଲୁଚି ହଡ଼ା ହାଜାନା ସାମ୍ବୁରି ତାକିତା ଲକୁଇଁ ଜାପୁହାଲି କୁଗିତେସି । ୨ *ଏଚେଟିଏ ହାଚେରକା ଲକୁ କୁଡ଼ା ଆହାଲିଏ, ଏଞ୍ଜାସି ହାଜାନା ର ତଂଗତା କୁଗିତେସି, ଇଞ୍ଜା ଲକୁ ବାରେ ସାମ୍ବୁରି ଗାଟୁତା ନିଗାମାଚେରି । ୩ ଅଡ଼େ ଜୀସୁ ପୁଣ୍ଡିକିନି କାତା ହାଚେରକା ୱେସ୍ତେସି, ଏଞ୍ଜାସି ଏଲେଇଚେସି । “ମେହ୍ନୁ ର ବିଚା ମାଟିନାସି ମାଗାଲି ହଡ଼େସି । ୪ ଏଞ୍ଜାସି ବିଚା ମାଟିନି ବେଲା କଚେକା ବିଚା ଜିରୁତା ରୀଚେ ଇଞ୍ଜା ପଚାୟାଁ ୱାହାନା ଏ ପାଡ଼େୟି ପେବହା ତିରୁ । ୫ ଅଡ଼େ କଚେକା ବିଚା ୱାଲ୍ଲାତି ପାଡ଼ାଡ଼ା ବୁମିତା

* ୧୨:୩୮ ୧୨:୩୮ ମାତି ୧୭:୧; ମାର୍କ ୮:୧୧; ଲୁକ ୧୧:୧୭ * ୧୨:୩୯ ୧୨:୩୯ ମାତି ୧୭:୪; ମାର୍କ ୮:୧୨ * ୧୩:୨ ୧୩:୨ ଲୁକ ୫:୧-୩

ରୀତେ, ଇଞ୍ଜାଁ ଇଦୁଆ ଗାଡ଼ି ହିଲ୍ଲାଆତାକି ପାଡ଼େୟି ତବେ ଗଜା ଆଡ଼େ । ୬ ଯାମା ଝେଡ଼ା ହୁଡ଼ାଲିଏ, ଗଜା ଆହାମାଗାୟି ଝେହା ହାଚେ, ଇଞ୍ଜାଁ ତାନି ହୀରୁ ଗାଡ଼ି ଡ଼ଇକା ହାଲ୍ଲାଆତାକି ଝାୟାହାଚେ । ୭ ଅଡ଼େ କଚେକା ବିଚା ହାପୁକା ବୁଟା ଡ଼ଇ ରୀତେ, ଇଞ୍ଜାଁ ହାପୁକା ବୁଟାୟାଁ ବାରେ ପାଡ଼ାଆହାନା ଆନାଁ ଡାକିତି ପୁକହାତୁସ୍ତେ । ୮ ଅଡ଼େ କଚେକା ବିଚା ନେହୁଁ ବୁମିତା ରୀତେ, ଇଞ୍ଜାଁ କାମ୍ବାନା ର ପାଡ଼େୟିଚିଏ ପାୟାକଡ଼ି, ତାନିକଡ଼ି ଇଞ୍ଜାଁ କଡ଼େଦସ ପାଡ଼େୟିକା କାମ୍ବୁତୁ ।”

୯ “ଆମ୍ବାଆରାକି କୀକାଁ ମାନୁ ଏଝାସି ଝେଶ୍ମାସି ।”

ପୁସପନି ପୁଶ୍ମିକିନାୟି

(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏମ୍ବାଟିଏ ସାମ୍ବୁୟାଁ ଜାମ୍ବୁ ତାଣା ଝାହାନା ଝେଚେରି, “ଲକୁଣି ଜାପୁନାଟି ନୀନୁ ଏନାଆଁତାକି ପୁଶ୍ମିକିନି କାତାୟାଁ ଝେସିହୁଁ ଜାପୁହିମାଞ୍ଜି ?”

୧୧ ଜାମ୍ବୁ ଏଲେଇଚେସି, “ଏନାଆଁତାକି ଇଚିହୁଁ ଲାକପୁରୁ ରାଜିତି ବାରେ ଡ଼ଗ୍ଲାମାନି ହାଡ଼ା ପୁଞ୍ଜାଲି ମିଙ୍ଗେ ବାଡ଼ୁରୁ ହାପୁକି ଆହାମାଞ୍ଜାନେ, ସାମା ଏଝାରାକି ହାପୁକି ଆହା ହିଲେଏ । ୧୨ ଇଞ୍ଜାଁ ଏମ୍ବାଆରାକି ମାନେ, ଏଝାରାକି ହାପୁକିଆନେ ଅଡ଼େ ଏଝାଣାକି ଗାଡ଼ିଆନେ; ସାମା ଆମ୍ବାଆରାକି ହିଲେଏ ତାନିତାଣା ଏନାୟି ମାନେ, ଏଦାଆଁ ଜିକେଏ ଅଢ଼ିଆନେ ।” ୧୩ ଏଝାରି ମେସି ମେସିହୁଁ ମେସାଲି ଆଡ଼ଅରି, ଅଡ଼େ ଝେଞ୍ଜିଝେଞ୍ଜି ଝେନଅରି କି ପୁନଅରି; ଏଦାଆଁତାକି ନାନୁ ଏଝାରାକି ପୁଶ୍ମିକିନି କାତାତଲେ ଝେସିମାଇଁ । ୧୪ ଅଡ଼େ ମାହାପୁରୁ ବଲୁ ଝେହୁନି ଜିସାୟିତି ଇ କାତା ଏଝାରାକି ସାତା ଆନେ ।

ଇ ଲକୁ ଝେଞ୍ଜିଝେଞ୍ଜିହୁଁ ଝେନେରି, ଏନାଆଁ ତେଲୁହଅରି, ମେସି ମେସିହୁଁ ମେହୁନେରି ସାମା ଏନାଆଁ ପୁନଅରି;

୧୫ ଇଚିହୁଁ ଇ ଲକୁତି ହିୟାଁ ଅଶପାଲି ଆଡ଼ାଆ ଗାଗାୟି,

ଏଝାରି କସ୍ତୁଟି କୀକାଁ ତଲେ ଝେଚେରି,

ଇଞ୍ଜାଁ ତାନି କାଶ୍ମା ପଚିତେରି,

ଏନିକିଁ ଏଝାରି କାଶ୍ମା ତଲେ ମେହୁଅରି,

ଅଡ଼େ କୀକାଁ ତଲେ ଝେନଅରି,

ଅଡ଼େ ହିୟାଁ ତଲେ ତେଲୁହଅରି

ଇଞ୍ଜାଁ ଏଝାରି ନା ତାଣା ଝେଶ୍ମା ଝାଅରି,

ଅଡ଼େ ନାନୁ ଏଝାରାଇଁ ନେହୁଁ କିଅଁ ।

୧୬ * “ସାମା ନେହେଁ ମୀ କାଶ୍ମା ଇଚିହୁଁ ଏଢ଼ି ମେସି ମାନୁ, ନେହେଁ ମୀ କୀକାଁ ଇଚିହୁଁ ଏଢ଼ି ଝେଞ୍ଜିମାନୁ । ୧୭ ଇଚିହୁଁ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି, ଏ ବାରେ ହାଡ଼େକା ମାହାପୁରୁ ଅଶ୍ପୁତି ବଲୁ ଝେହୁନାରି ଇଞ୍ଜାଁ ତାରିଗାଟାରି ମେସାଲି ମନ କିତେରି, ସାମା ମେସାଲି ଆଡ଼ାଆତେରି; ଅଡ଼େ ମୀରୁ ଏନା ଏନାଆଁ ଝେଞ୍ଜିମାଞ୍ଜେରି, ଏ ବାରେ ଏଝାରି ଝେଞ୍ଜାଲି ମନ କିତେରି, ସାମା ଝେଞ୍ଜାଲି ଆଡ଼ାଆତେରି ।”

ଜାମ୍ବୁ ବିଚା ମାଟିନି କାତା ପୁଶ୍ମିକିନାୟି

(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ ଆଡ଼ିହୁଁ ମୀରୁ ବିଚା ମାଟିନି ପୁଶ୍ମିକିନି କାତା ଝେଞ୍ଜୁ । ୧୯ ଆମ୍ବାଆସି ମାହାପୁରୁ ରାଜିତି କାତା ଝେଞ୍ଜାନା ପୁନାଆ ଗାଗାସି, ଏଝାଣି ହିୟାଁତା ଝେସାମାନି ମାହାପୁରୁ ବଲୁ ସୟତାନ ଝାହାନା ମାଞ୍ଜା ଅନେସି, ଏଝାସି ଜିରୁ ଦାରି ମାଟାମାନି ବିଚା ଲେହେଁତାସି । ୨୦ ଅଡ଼େ ଆମ୍ବାଆସି ଝାଲୁକା ବୁମିତା ମାଟିଚି ବିଚା ଏଝାସି ଇଲେତାସି, ଆମ୍ବାଆସି ମାହାପୁରୁଚି କାତା ଝେଞ୍ଜାନା ରାହାଁତଲେ ନାମିନେସି, ୨୧ ସାମା ଏଝାଣି ତାଣା ହୀରୁ ଜାଆତାକି ଗାଡ଼େକେଏ ତାରିଆହାନା ମାନେସି, ତାୟୁ ମାହାପୁରୁ କାତାତାକି ବାଡ଼ା ଅଡ଼େ ନିନ୍ଦା ବେଟାଆଡ଼ିସାରେ ଏ ବାରେ ପିସାଡ଼ୁହନେସି, ଏଝାସି ଝାଲୁକା ବୁମିତା ରିତି ବିଚା ଲେହେଁତାସି । ୨୨ ଆମ୍ବାଆସି ମାହାପୁରୁଚି କାତା ଝେନେସି, ଇଞ୍ଜାଁ ଦାରୁଚିତି ଅଶ୍ପୁ ଦନତି ଜୁପୁକା ଏଝାସି ଝେଞ୍ଜାମାନି କାତାଚି ପୁକହା ତୁସାଲିଏ, ତାନି ଜାମ୍ବୁତା ପାଡ଼େୟି କାମ୍ବାଆତେ, ଏଝାସି ହାପୁକା ବୁଟା ଡ଼ଇ ରିତି ବିଚା ଲେହେଁତାସି । ୨୩ ସାମା ଆମିନିଗାଟାସି କାତାଚି ଝେନେସି ଇଞ୍ଜାଁ ନେହୁଁକିଁ ପୁନେସି, ଅଡ଼େ ନେହୁଁ

* ୧୩:୧୨ ୧୩:୧୨ ମାତି ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭ * ୧୩:୧୬ ୧୩:୧୬ ଲୁକ ୧୦:୨୩,୨୪

ପାଢ଼େଇ କାନ୍ଦିନେସି, ଆତ୍ମାଆସି ପାସାକଡ଼ି, ଆତ୍ମାଆସି ତାନିକଡ଼ି, ଆତ୍ମାଆସି କଡ଼େଦସ ପାଢ଼େଇକା, ଏଝାସି ନେହଁ ବୁମିତା ରିତି ବିଚା ଲେହେତାସି ।

ଚଲି ଜାତାତି ପୁଣିକିନି କାତା

୨୪ ଜୀସୁ ଏଝାରାଇଁ ଅଡ଼େ ର ପୁଣିକିନି କାତା ଖେସେସି, ଲାକପୁରୁ ରାଜି ରଅସି ତାନି ଗୁଡ଼ିୟାତା ନେହଁ ବିଚା ମାଟାମାନି ମାଣସିଲେହେ; ୨୫ ଯାମା ଲକ୍ଷୁ ତୁରାମାନାଟି ତାନି ସାତୁ ଝାହାନା ଏ ଗହଁୟାଁ ବିତ୍ତା ଚଲି ଜାତାତି ବିଚା ମାଟାନା ହାଚେସି । ୨୬ ଏତିବେଲା ଗହଁୟାଁ ପାତାଆହାନା ଜେକା ଆନିବେଲା ଚଲି ଜାତା ଜିକେଏ ତଞ୍ଜାଆଡେ । ୨୭ ଏଚେଟିଏ ସାଞ୍ଜୁକାରିତି ହଲିୟାଜା ତାନି ତାଣା ଝାହାନା ଏଲେଇଚେରି, ବାବୁ, ନୀନୁ ଏନାଆଁ ନୀ ଗୁଡ଼ିୟାତା ନେହଁ ବିଚା ମାଟା ହିଲାଆତି ? ଯାମା ଇ ଚଲି ଜାତା ବାରେ ଏମିତି ଝାଡେ ? ୨୮ ଏଝାସି ଏଝାରାଇଁ ଏଲେଇଚେସି, ର ସାତୁ ଇଦାଆଁ କିହାମାନେସି । ଅଡ଼େ ହଲିୟାଜା ଏଝାଣାଇଁ ଏଲେଇଚେରି, ନୀ ମନ ଏନାସି, ମାମୁ ହାଜାନା ଚଲି ରେଜାନା କୁଡ଼ି କିନିମି, ୨୯ ଯାମା ଏଝାସି ଏଲେଇଚେସି, ଆଏ ଏଡ଼େତା ମୀରୁ ଚଲି ଜାତା ଚେଜି ଚେଜିହଁ ଗହଁୟାଁ ଜିକେଏ ରେଜେରି । ୩୦ ଗହଁ ଦାଝିନି ପାଡେକା ଗହଁ ଅଡ଼େ ଚଲି ଜାତା ରହେଏ ପାତାଆପୁ, ଅଡ଼େ ଆନାଁ ଦାଝିନି ବେଲାତା ଦାଝିଆନାରାଇଁ ନୀନୁ ଏଲେଇଇଁ, ତଲିଏ ଚଲି ଜାତା ଦାଟାନା ହୁଡାଲିତାକି ପେଣ୍ଡାୟାଁ ଏଟକା କିପୁ, ଯାମା ଗହଁୟାଁ କୁଡ଼ି କିହାନା ନା ଗାଡ଼େଇତା ଇଚାଦୁ ।

ହାସୁ ପାଢ଼େଇତି ପୁଣିକିନାସି

(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜୀସୁ ଏଝାରାଇଁ ଅଡ଼େ ର ପୁଣିକିନି କାତା ଖେସେସି, ଲାକପୁରୁ ରାଜି ର ହାସୁ ପାଢ଼େଇ ଲେହେତାସି, ଏଦାଆଁ ଅହାନା ରଅସି ତାନି ବାଡ଼ାତା ମାଟିତେସି । ୩୨ ଏ ପାଢ଼େଇ ବାରେ ପାଢ଼େଇକା କିହାଁ ଉଣା, ଯାମା ଏଦି ପାତା ଆଡ଼ିସାରେ ବାରେ କୁଟା କିହାଁ କାଜାସି ଆହାଁ ଇଲେତି ମାରୁନୁ ଆନେ, ଇଞ୍ଜାଁ ହାଗୁତା ଉମିମାନି ପଗାୟାଁ ଝାହାନା ଏଦାନି କମାତା ବଣ କିହାନା ବାସା କିନୁ ।

ପୁଲା ଏୟୁତି ପୁଣିକିନାସି

(ମାର୍କ ୧୩:୨୦-୨୧)

୩୩ ଜୀସୁ ଏଝାରାଇଁ ଅଡ଼େ ର ପୁଣିକିନି କାତା ଖେସେସି, ଲାକପୁରୁ ରାଜି ର ପୁଲା ଏୟୁଲେହେତାସି; ର ଇୟା ଗହଁୟାଁ ଗୁଣ୍ଡାତା ପୁଲାଏୟୁ କାଲହାନା ଇଚିତେ, ଏଚେଟିଏ ଏ ଗୁଣ୍ଡା ପଞ୍ଜାମା ବାରେ ପୁଲା ଆଡେ ।

ଜୀସୁ ପୁଣିକିନି କାତାତି ଅର୍ଥ ଖେହନାସି

(ମାର୍କ ୪:୩୩-୩୪)

୩୪ ଇ ବାରେ ପୁଣିକିନି କାତାତଲେ ଜୀସୁ ଲକ୍ଷୁଣି ଖେସେସି, ଇଞ୍ଜାଁ ପୁଣିକିନି କାତା ଆଟ୍‌ଆନା ଏନାଆଁଝା ଲକ୍ଷୁଣି ଖେସି ହିଲାଆତେସି, ୩୫ ଏନିକିଁ ମାହାପୁରୁ ଅଣପୁତି ବଲୁ ଖେହନାଣି ତାଣାଟି ଇ କାତା ସାତା ଆନେ, "ନାନୁ ନା ଗୁଡ଼ି ଏକ୍‌ହାନା ପୁଣିକିନି କାତାତଲେ ଖେହଇଁ; ଦାରତି ଗାଡ଼ି ଆଡ଼ି ଦିନାଟିଏ ତୁରାମାନି କାତା ବାରେ ଖେହଇଁ ।"

ଜୀସୁ ଚଲି ଜାତାତି ପୁଣିକିନି କାତାତି ଅର୍ଥ ଖେହନାସି

୩୬ ତାୟୁ ଜୀସୁ ମାୟା ଲକ୍ଷୁଣି ପିସାନା ଲକ୍ଷୁ ବିତ୍ତା ହାଚେସି, ଇଞ୍ଜାଁ ତାମି ସୀସୁୟାଁ ତାଗେ ଝାହାନା ଏଲେଇଚେରି, "ଗୁଡ଼ିୟାତି ଚଲି ଜାତାତି ପୁଣିକିନି କାତା ମାଙ୍ଗେ ନେହଁ କିଁ ଖେସ୍ତାମୁ ।" ୩୭ ଜୀସୁ ଏଲେଇଚେସି, "ନେହଁ ବିଚା ମାଟିନାସି ଏଝାସି ମାଣସି ମୀରୁଏସି; ୩୮ ଇ ଦାରତି ଆହିମାନେ ଗୁଡ଼ିୟା, ନେହଁ ବିଚା ମାହାପୁରୁ ରାଜିତି ମୀରୁକା ମାସ୍କା; ଚଲି ଜାତା ସୟତାନତି ମୀରୁକା ମାସ୍କା; ୩୯ ଆମିନି ସାତୁ ଏଦାଆଁ ମାଟିତେସି ଏଝାସି ସୟତାନ; ଆନାଁ ଦାଝିନି ଦିନା ଇଚିହଁ ଜୁଗୁ ରାନ୍ନି ଦିନା, ଇଞ୍ଜାଁ ଆନାଁ ଦାଝିଆନାରି ମାହାପୁରୁତି ଦୁତୁୟାଁ । ୪୦ ଇଚିହଁ ଚଲି ଜାତାତି ଏନିକିଁ ର ତାଣା କୁଡ଼ି କିହାନା ହିଚୁତା ହୁଡ଼ିନାସି, ଜୁଗୁ ରାନ୍ନି ଦିନାତା ଜିକେଏ ଏଲେକିହଁ ଆନେ । ୪୧ ମାଣସି ମୀରୁଏସି ତାନି ଦୁତୁୟାଁଣି ପାଣ୍ଡିନେସି, ଇଞ୍ଜାଁ ଏଝାରି ତାନି ରାଜିତି ବାରେ ଲାଗେଏ ପଲେଏତାରାଇଁ ଅଡ଼େ ପାପୁ ଗାଟାରାଇଁ ରୁଣ୍ଡା କିନେରି । ୪୨ ଅଡ଼େ ଏଝାରାଇଁ ହିଚୁ ଗାଡ଼ୁୟୁତା ମେଡ଼ନେରି, ଏଦାଆଁ ଏଝାରି ତାହଁ ପାଲକା ଟାଟି କିନେରି

। ୪୩ ଏତିବେଲା ତାରିଗାଟାରି ତାମି ଆବା ରାଜିତା ଖେଡ଼ାଲେହେଁ ଡ଼ାଞ୍ଜିହଁ ଡ଼ଞ୍ଜାଆନେରି । ଆମ୍ବାଆରାକି କାର୍କା ମାନୁ ଏଞ୍ଜାରି ଖେଣମ୍ବାରି ।”

ଡ଼ଗୁମାନି ଦନ ପୁଣମ୍ବିକିନି କାତା

୪୪ “ଲାକପୁରୁ ରାଜି ଗୁଡ଼ିୟାତା ଡ଼ଗୁମାନି ଦନ ଲେହେଁତାୟି, ରଅସି ଏଦାଆଁ ମେସାନା ଡ଼କୁହା ଇଟିତେସି, ଅଡ଼େ ରାହ୍ମାଟି ହାଜାନା ତାନି ଇସିତସି ଆସ୍ତି ପାରଗାନା ଖେଣ୍ଡେ ହାଜାନା ଏ ଗୁଡ଼ିୟାତି କଡ଼ିତେସି ।”

ଦାରାଗାଟି ଅପ୍ପନି ଖାଲିତି ପୁଣମ୍ବିକିନି କାତା

୪୫ “ଅଡ଼େ ଲାକପୁରୁ ରାଜି ନେହଁ ଅପ୍ପନି ଖାଲି ପାରିମାନି ର ବେବାରା କିନାଣିଲେହେଁ । ୪୬ ର ଦାରାଗାଟି ଅପ୍ପନି ଖାଲି ମେସାନା ଏଞ୍ଜାସି ହାଜାନା ତାନି ଇସିତସି ଆସ୍ତି ପାରଗାନା ଏ ଅପ୍ପନି ଖାଲିତି କଡ଼ିତେସି ।”

ମୀଣକା ଆହ୍ନି ଜାଲାତି ପୁଣମ୍ବିକିନି କାତା

୪୭ “ଅଡ଼େ ଜିକେଏ ଲାକପୁରୁ ରାଜି ସାମ୍ପୁରିତା ବାରେ କୁଡ଼ାତି ମୀଣକା ଆସାଲି ମେଡ଼ନି ଜାଲା ଲେହେଁତାୟି । ୪୮ ଏ ଜାଲା ନେଞ୍ଜାଲିଏ ମୀଣକା ଆହ୍ନାରି ଏଦାଆଁ ସାମ୍ପୁରି ଗାଟୁତା ରେଜା ତାନେରି, ଇଞ୍ଜା କୁଗାନା ନେହ୍ନାଆଁ ବାରେ ରୁଣ୍ଡା କିହାନା ତିରିତା ଇଟିନେରି, ସାମା ଲାଗେଏ ପଲେଏ ଗାଟାଆଁ ବାରେ କୁତା ତୁହ୍ନେରି । ୪୯ ଜୁଗୁ ରାଜି ଦିନାତା ଏଲେକିହଁ ଆନେ; ଦୁଡୁୟାଁ ହଡ଼ାଞ୍ଜାହାନା ତାରିଗାଟାରି ତାଣ୍ଡାଟିଏ ଲାଗେଏ ପଲେଏତାରାଇଁ ଏଟକା କିନେରି । ୫୦ ଅଡ଼େ ଏଞ୍ଜାରାଇଁ ହିତୁ ଗାଡୁୟୁତା ମେଡ଼ହା ତୁହ୍ନେରି, ଏମ୍ବାଆଁ ଡ଼ାନାୟି ଅଡ଼େ ପାଲକା ଟାଟି କିନାୟି ଆନେ ।”

ପୁଃଆଣି ଅଡ଼େ ପୁଃନାଣି ଜାପ୍ପନାୟି

୫୧ ଜାପ୍ପୁ ସାମ୍ପୁୟାଁଇଁ ଖେତେସି, “ମୀରୁ ଇ ବାରେ କାତା ପୁଚେରି ?”

ଏଞ୍ଜାରି ଏଲେଇଚେରି, “ହାଅ ପ୍ରୁ ।”

୫୨ ଏଚେଟିଏ ଜାପ୍ପୁ ଏଞ୍ଜାରାଇଁ ଏଲେଇଚେସି, “ଆତିହଁ ଆମିନି ଇଲୁଗାଟାସି ତାନି ଇଲୁଟି ପୁଃନାଣି ପୁଃଆଣି ହପ୍ପନେସି, ଲାକପୁରୁ ରାଜିତି ସାପୁ ଆହ୍ମାମାନି ବାରେ ମେରା ପୁନାରି ଏଞ୍ଜାଣି ଲେହେଁତାରି ।”

ଜାପ୍ପୁଇଁ ନାଜ୍ଜିଚିତା ଅପାଆଗାଟାୟି

(ମାର୍କ ୬:୧-୬; ଲୁକ ୪:୧୬-୩୦)

୫୩ ଜାପ୍ପୁ ଇ ବାରେ ପୁଣମ୍ବିକିନି କାତା ଖେସାଲି ଆଡ଼ାଲିଏ, ତାୟୁ ଏମ୍ବାଟିଏ ହାଚେସି । ୫୪ ଇଞ୍ଜା ଏଞ୍ଜାସି ତାନୁ ପାତାଆଡ଼ି ନାୟୁତା ଖାହାନା ଲକୁଣି ତାମି ଜୀହୁଦି ଲକୁଡ଼ି କୁଟମି ଇଲୁତା* ଇଲେକିହଁ ଜାପ୍ପୁହେସି, ଇଞ୍ଜା ଏଞ୍ଜାରି କାବାଆହ୍ମାନା ଏଲେଇଚେରି, “ଇଞ୍ଜାଣାକି ଇଲେତି ବୁଦି ଇଞ୍ଜା ଇଲେତି କାବାଆନି କାମା କିହାଲି ଆମ୍ବିଟି ବାଡୁୟୁ ବେଟାଆଡ଼େସି ? ୫୫ ଇଞ୍ଜାସି ଏ ବାଡ଼ିୟାତି ମୀରଏସି ଆଏକି ? ଇଞ୍ଜାଣି ଇୟା ମରିୟମ ଆଏ ? ଅଡ଼େ ଇଞ୍ଜାଣି ତାୟିୟାଁ ଦରକା ଜାକୁବ, ଜସେପ, ସିମନ ଇଞ୍ଜା ଜାହୁଦା ଆଏ ? ୫୬ ଅଡ଼େ ଇଞ୍ଜାଣି ତାଜିୟା ମା ତଲେ ହିଲାରି ? ଇଞ୍ଜାହାଁ ଇଞ୍ଜାସି ଏ ବାରେ ଆମ୍ବିଟି ମେଡ଼ାଆଡ଼େସି ?” ୫୭ ଇଞ୍ଜା ଏଞ୍ଜାରି ଜାପ୍ପୁଇଁ ଅପାଆତେରି । ସାମା ଜାପ୍ପୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଅଣପୁଡ଼ି ବଲୁ ଖେହ୍ନାରି ନିଜେତି ନାୟୁତା ଇଞ୍ଜା ନିଜେତି ଇଲୁ କୁଟମିତା ମାନି ପୁଃଆରି ।” ୫୮ ଅଡ଼େ ଏଞ୍ଜାରି ନାମାଆଡ଼ାକି ଏଞ୍ଜାସି ଏମ୍ବାଆଁ ହାଚେକା କାବାଆନି କାମା କିଆତେସି ।

୧୪

ବାପ୍ପିସ୍ତୁ* ହାନି ଜହନ ହାନାୟି

(ମାର୍କ ୬:୧୪-୨୯; ଲୁକ ୯:୨୯)

୧ ଏତିବେଲାତା ଗାଲିଲିତି ସାଲୁଡ଼ି କିନି ରାଜା ହେରଦ ଜାପୁଡ଼ି କାବୁ ଖେତେସି, ୨ ଅଡ଼େ ତାନି ହଲିୟାଫାଣି ଏଲେଇଚେସି, “ଇଞ୍ଜାସି ବାପ୍ପିସ୍ତୁ† ହାନି ଜହନ ଏଞ୍ଜାସି ହାଡ଼ାରି ତାଣ୍ଡାଟି ନିଜାମାନେସି, ଏଦାଆଁତାକି ଇ ବାରେ ବାଡୁୟୁ ଏଞ୍ଜାଣି ତାଣ୍ଡା କାମା କିହିମାନେ ।”

* ୧୩:୫୪ ୧୩:୫୪ ସିନଗର † ୧୩:୫୭ ୧୩:୫୭ ଜହ ୪:୪୪ * ୧୪: ୧୪:୧ ମୁଞ୍ଜିନାୟି † ୧୪:୨ ୧୪:୨ ମୁଞ୍ଜିନାୟି

୩ ଧୃତିହୀନ ତଳି ହେଉଦ ତାମି ତାୟି ପିଲିପ ତକ୍ତି ହେଉଦିୟାନି ତାକି ଜହନଇଁ ଦସ୍ୟା ତାଚାନା କାୟିଦି ଇଲୁତା ଇତାମାରେସି । ୪ ଇତିହୀନ ଜହନ ତାଜା ଏଲେଇଞ୍ଜିମାରେସି, ହେଉଦିୟାନି ଇତିନାୟି ନୀ ମେରା ହିଲେଏ । ୫ ଅଡ଼େ ହେଉଦ ଏଞ୍ଜାଣାଇଁ ପାୟାଲି ମନ କିତି ଜିକେଏ ଲକ୍ଷ୍ମଣୀ ଆଜିମାରେସି, ଏନାଆଁତାକି ଇତିହୀନ ଏଞ୍ଜାଣାଇଁ ର ମାହାପୁରୁ ଅଣ୍ଟପୁତି ବଲୁ ଖେହ୍ନାସି ଇଞ୍ଜିମାନ୍ତି କିହମାରେରି ।

୬ ସାମା ହେଉଦତି ଜାନ୍ନା ଦିନା ଖାହାଲିଏ, ହେଉଦିୟାତି ମାଜା ରୁଣ୍ଡା ଆହାମାତି ଲକ୍ଷ୍ମଣୀ ନକିତା ଏନାନା ହେଉଦଇଁ ରାହାଁ କିଞ୍ଜିକିତେ । ୭ ଏଚେଟିଏ ଏଞ୍ଜାସି ପାରମାଣା କିହାନା ଆଞ୍ଜିତେସି, ନୀନୁ ନାଜେ ଏନାଆଁ ରାସ୍ତାତିହୀନ ଏଡ଼ି ନିଜା ହାପକିଆନେ ।

୮ ଇଞ୍ଜା ଏଡ଼ି ତାମି ଇୟାନି କାତା ଆସାହାଁ ଏଲେଇଚେ, “ବାପ୍ତିସ୍ତାଃ ହୀନି ଜହନତି ତାୟି” ନୁୀଏଁ ଇମ୍ପାଆଁ ର ସାଡ଼଼ଞ୍ଜାତା ନାଜେ ହିୟାମୁ ।”

୯ ଇଦାଆଁ ଖେଞ୍ଜାନା ରାଜା ଦୁକୁ ଆଡ଼ିହୀନ ଜିକେଏ ତାନୁ ପାରମାଣା କିହାଁ ଆଞ୍ଜାମାତାକି ଅଡ଼େ ତାନିତଲେ ବକିତା କୁଗାମାଚାରି ନକିତା ଆଞ୍ଜାମାତାକି ଏଦାନି ମନଲେହେଁ ହାହାଲି ହୁକୁମି ହୀତେସି ।

୧୦ ଇଞ୍ଜା ଲକ୍ଷ୍ମଣୀ ପାଣ୍ଡାଣା କାୟିଦି ଇଲୁତା ଜହନତି ତାୟି” ନୁାପିକିତେସି, ୧୧ ଅଡ଼େ ଏଞ୍ଜାଣୀ ତାୟି” ନୁା ସାଡ଼଼ଞ୍ଜାତା ତାଚାନା ଏ ପଦାକି ହୀତେରି, ଇଞ୍ଜା ଏଡ଼ି ଅହାନା ତାମି ଇୟାନି ତାଣା ଅଡ଼େ । ୧୨ ଏଚେଟିଏ ଜହନତି ସାସୁୟାଁ ଖାହାନା ମାଡ଼ହା ଅହାନା ମୁସ୍ତେରି, ଅଡ଼େ ହାଜାନା ଜୀସୁଇଁ ଖେସ୍ତେରି ।

ଜୀସୁ ପାସାମାଣା ଲକ୍ଷ୍ମଣୀ ତିଞ୍ଜାଲି ହୀନାୟି
(ମାର୍କ ୬:୩୦-୪୪; ଲୁକ ୯:୧୦-୧୭)

୧୩ ଜହନ ହାଡ଼ି କାଡ଼ୁ ଖେଞ୍ଜାନା, ଜୀସୁ ର ତଂଗତା କୁଗାନା ଲକ୍ଷ୍ମଣୀ ହିଲାଆ ଗାୟତା ହାଚେସି, ଲକ୍ଷ୍ମଣୀ କାତା ଖେଞ୍ଜାନା ଗାଡ଼ାୟିତି ଖାହାନା ତାକି ତାକିହୀନ ଏଞ୍ଜାଣୀ ଜେଚ ହାଚେରି; ୧୪ ଅଡ଼େ ଏଞ୍ଜାସି ତଂଗତି ରେଚାନା ମାନ୍ଦା ଲକ୍ଷ୍ମଣୀ ମେସାନା କାର୍ମା ଆହାନା ଏଞ୍ଜାରି ରତ୍ତା ଗାଟାରାଇଁ ନେହୀ କିତେସି ।

୧୫ ଖେଡ଼ା ହାଜାଲିଏ ତାନି ସାସୁୟାଁ ତାନି ତାଣା ଖାହାନା ଏଲେଇଚେରି, “ଇ ଗାୟୁ ଲକ୍ଷ୍ମଣୀ ହିଲାଆ ଗାୟୁ ଇଞ୍ଜା ଆନ୍ଦେରି ଜିକେଏ ଆହିମାନେ; ଏଦାଆଁତାକି ବାରେ ଲକ୍ଷ୍ମଣୀ ଏନିକି” ନାୟକାଣାଁ ହାଜାନା ତାମିଜେ ତାକି ଲହଡ଼ି ପାରିନେରି, ଏଦାଆଁତାକି ଏଞ୍ଜାଣାଇଁ ହାଜାଲି ହେଲ ହାମୁ ।”

୧୬ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ଏଞ୍ଜାରି ହାନି ଲଡ଼ା ଆଏ, ମୀରୁ ଏଞ୍ଜାଣାକି ତିଞ୍ଜାଲି ହୀଦୁ ।”

୧୭ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ମାଜେ ଇମ୍ପାଆଁ ପାସାଗଟା ରୁଚି ଇଞ୍ଜା ରୀ ମୀଣକା ମାନ୍ତୁ ।”

୧୮ ଜୀସୁ ଏଞ୍ଜାଣାଇଁ ଏଲେଇଚେସି, “ଏଞ୍ଜାଆଁ ଇମ୍ପାଆଁ ନା ତାଣା ତାନ୍ତୁ ।” ୧୯ ଅଡ଼େ ଏଞ୍ଜାସି ଲକ୍ଷ୍ମଣୀ ଗାକି ଡାଡ଼ା ଲାକ କୁଗାଲି ହୁକୁମି ହୀତେସି, ଅଡ଼େ ଏ ପାସାଗଟା ରୁଚି ଇଞ୍ଜା ରୀ ମୀଣକାଣୀ ଅହାନା ଲାକପୁରୁ ଖାକି ସିନିକିହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଚି ଡ଼ିକିହାନା ତାମି ସାସୁୟାଁକି ହୀତେସି, ଏଚେଟିଏ ସାସୁୟାଁ ବାରେ ଲକ୍ଷ୍ମଣୀ ହୀତେରି । ୨୦ ଏଚେଟିଏ ବାରେଜାଣା ତିଞ୍ଜାନା ପାଞ୍ଜିତେରି, ଇଞ୍ଜା ସାସୁୟାଁ ହାତାମାଚି ରୁଚି ଗାଣ୍ଡାୟାଁ କୁଡ଼ି କିହାନା ବାଚଗଟା ତାଲିତା ନେଞ୍ଜିକିତେରି । ୨୧ ରାନ୍ଦା ତିତି ଲକ୍ଷ୍ମଣୀ ଇୟାସିକା ଇଞ୍ଜାଁ କକାରି ପଦାଁଣି ପିସାନା ବାରେ ପାସାମାଣା ଆବାୟାଁ ମାଚେରି ।

ଜୀସୁ ଏୟୁ ଲାକ ତାକିନାୟି
(ମାର୍କ ୬:୪୫-୫୨; ଜହ ୬:୧୫-୨୧)

୨୨ ଏ ଦେବୁଣିଏ ଜୀସୁ ତାନି ସାସୁୟାଁଣି ତଂଗତା ଏକହାନା ସାମଦୁରି ଆତାଲାଖାକି ତାନି ନକିତା ହାଜାଲି ଏଲେଇଚେସି, ଏଚେଟିଏ ବାରେ ଲକ୍ଷ୍ମଣୀ ହାଜାଲି ହେଲ ହୀତେସି । ୨୩ ଜୀସୁ ଲକ୍ଷ୍ମଣୀ ହେଲ ହୀତି ତାୟୁ ପ୍ରାଚାନା କିହାଲି ହରୁ ଲାକ ହାଚେସି, ଇଞ୍ଜା ମିଡ଼ଅଲା ଆହାଲିଏ ଏଞ୍ଜାସି ଏମ୍ପାଆଁ ରଅସିଏ ମାଚେସି । ୨୪ ସାମା ଏଚିବେଲା ତଂଗ ସାମଦୁରି ଗାୟୁଚିଏ ହାଚେକା ହେକ ମାଚେ, ଇଞ୍ଜା ସାମଦୁରିତା ଗାଲି ଖେଚାଲିଏ ଏ ତଂଗ ଖାଡ଼ିମାଚେ ।

୨୫ ସାମା ଖେୟା ନେକେରି ଜୀସୁ ଏୟୁ ଲାକ ତାକି ତାକିହୀନ ସାସୁୟାଁ ତାଗେ ହାଚେସି । ୨୬ ଅଡ଼େ ସାସୁୟାଁ ଏଞ୍ଜାଣାଇଁ ଏୟୁ ଲାକ ତାକି ମାନାଣି ମେସାନା ଆଜାହାଚେରି, ଇଞ୍ଜା ଏଲେଇଚେରି, “ଇଦି ର ବୁଡ଼ୁ !” ଇଞ୍ଜିଆଜିତାକି କିଚିତେରି ।

୨୭ ସାମା ଜୀସୁ ଦେବୁଣିଏ ଏଞ୍ଜାଣାଇଁ ଏଲେଇଚେସି, “ସାସା ଆହଦୁ ଆଜାଆଦୁ ନାନ୍ତୁ ଜୀସୁତେସି !”

୫ ୧୪:୩ ୧୪:୩ ଲୁକ ୩:୧୯,୨୦ † ୧୪:୮ ୧୪:୮ ମୁଞ୍ଜିନାୟି

୨୮ ଏଚେଟିଏ ପିତର ଏଲେଇଚେସି, “ଏ ପ୍ରବୁ ସାତେଏ ନୀନୁ ଇଚିହିଁ ଏୟୁଲାଇଟି ତାକ୍ତିହିଁ ନୀପ ଖାହାଲି ହୁକୁମି ହିୟାମୁ ।”

୨୯ ଜୀସୁ ଏଲେଇଚେସି “ଖାମୁ !” ଏଚେଟିଏ ପିତର ତଂଗଟି ରେଚାନା ଜୀସୁ ତାଣା ଏୟୁଲାଇଟି ତାକ୍ତିହିଁ ହାଚେସି । ୩୦ ସାମା ଗାଲି ମେସାନା ଆଜିତେସି, ଇଞ୍ଜା ଏୟୁଣା ମୁଞ୍ଜିହିଁ ଏଲେଇଚେସି, “ଏ ପ୍ରବୁ ନାଜେ ଗେଲ୍‌ପାମୁ ।”

୩୧ ଏ ଦେବୁଣିଏ ଜୀସୁ କେୟୁ ଦାସାନା ପିତରଇଁ ଆସାନା ଏଲେଇଚେସି, “ଏ ଉଣା ନାମୁ ଗାଟାତି ! ଏନାଆଁ ତାକି ଆନାମାନା ଆତି ?”

୩୨ ଅଡେ ଏଞ୍ଜାରି ତଂଗତା ହତାଲିଏ ଗାଲି ତୁଞ୍ଜିତେ । ୩୩ ଏଚେଟିଏ ତଂଗତା ମାଟି ସୀସୁୟାଁ ଜୀସୁଇଁ ଜହରା କିହାନା ଏଲେଇଚେରି, “ନୀନୁ ସାତେଏ ମାହାପୁରୁ ମୀରୁଏଣାତି ।”

ଗେନେସର ରାଜିତା ଜୀସୁ ରଟା ଗାଟାରାଇଁ ନେହିଁ କିନାୟି

(ମାର୍କ ୭:୫୩-୫୬)

୩୪ ଏଞ୍ଜାରି ସାମୁରି ଗାଣାଚାନା ଗେନେସର ରାଜିତା ଏତେରି । ୩୫ ଅଡେ ଏମାଟି ଲକୁ ଜୀସୁଇଁ ପୁଞ୍ଜାନା ସାରିଞ୍ଜାକି ମାନି ବାରେ ରାଜିତା କାବୁ ପାଣ୍ଡିତେରି, ଇଞ୍ଜା ଲକୁ ବାରେ ରଟା ଗାଟାରାଇଁ ଜୀସୁ ତାଣା ତାତେରି;

୩୬ ଅଡେ ରଟା ଗାଟାରି ଜୀସୁତି ହିମ୍ବରି କୁକୁଁ ଡାଗିନେରି, ଏଦାଆଁତାକି ଜୀସୁଇଁ ବାତିମାଲିତେରି, ଇଞ୍ଜା ଏଚେକା ଲକୁ ଡାଗିତେରି ବାରେ ନେହିଁ ଆଚେରି ।

୧୫

ଆକୁ ଆବାୟାଁ ମେରା ଜାପୁନାୟି

(ମାର୍କ ୭:୧-୧୩)

୧ ଏଚିବେଲାତା ଜିରୁସାଲମଟି ପାରୁସିୟାଁ ଇଞ୍ଜା ମେରାପୁନାରି ଜୀସୁ ତାଣା ଖାହାନା ଏଲେଇଚେରି,

୨ “ନୀ ସୀସୁୟାଁ ଏନାଆଁତାକି ତଲିତି ଆକୁ ଆବାୟାଁ ଜାପୁହି ମେରା ମାନି କିହିହିଲଅରି ? ଇଚିହିଁ ରାଦା ତିନାଟି କେସ୍ତା ନରଅରି ।”

୩ ଜୀସୁ ଏଞ୍ଜାରାଇଁ ଏଲେଇଚେସି, “ଏନାଆଁତାକି ମୀରୁ ଜିକେଏ ମୀ ପାଣାପାରୁ ମେରାତାକି ମାହାପୁରୁତି ହୁକୁମି ମାନୁଞ୍ଜି ଆହିଁ ହିଲଅଚେରି ?” ୪ ମାହାପୁରୁ ଏଲେଇଞ୍ଜା ମାନେସି ଇୟା ଆବାଇଁ ମାନି କିଦୁ,

ଇଞ୍ଜା ଆମାଆସି ଇୟା କି ଆବାଇଁ ବାକା ଇଚିନେସି ଏଞ୍ଜାସି ହାନି ତଣ୍ଡ ବେଟା ଆନେସି । ୫ ସାମା ମୀରୁ ଏଲେଇଞ୍ଜିମାଞ୍ଜେରି, ଆମାଆସି ଆଡେସି ତାମି ଇୟା କି ଆବାଇଁ ଏଲେଇନେସି, ନା ତାଣାଟି ମିଜେ ଏନାଆଁ ହିୟାତିହିଁ ନେହେଁ ଆଡେମା, ଏ ବାରେ ମାହାପୁରୁକି ହେରୁପି ଆହାମାନେ, ୬ ଏଞ୍ଜାସି ସାତେଏ

ତାମି ଇୟା ଆବାଇଁ ମାନି କିଅସି । ଇଲେକିହିଁ ମୀରୁ ମୀ ପାଣାପାରୁ ମେରା ତଲେ ମାହାପୁରୁ କାତା ଉଜେଏ କିହିମାଞ୍ଜେରି । ୭ ଆଡେ କୁକୁ ଗାଟାଚେରି, ମାହାପୁରୁ ଅଣପୁତି ବକୁ ଖେହ୍ନି ଜିସାୟ ମିଜେତାକି

ନେହିଁ କିଁ ଇ କାତା ଖେସାମାନେସି । ୮ ଇ କୁଡାତାରି ଖାରଇ ଗୁତି ତଲେ ସେବା କିୟାନେରି,

ସାମା ଏଞ୍ଜାରି ହିୟାଁ ନା ତାଣାଟି ହେକ ତୁୟିନେ ।

୯ ଏଞ୍ଜାରି ମାଣସି କେପିତି ପାଣା ପାରୁତି ଦାମୁତି ନେହିଁ କାତା ଇଞ୍ଜାଁ ଜାପୁହାନା, ଉଜେଏ ନାଜେ ସେବା କିହିମାଞ୍ଜାନେରି ।

ମାଣସିଇଁ ଲାଗେଏ କିନାୟି

(ମାର୍କ ୭:୧୪-୨୩)

୧୦ ଅଡେ ଜୀସୁ ଲକୁଣି ତାଗେ ହାଟାନା ଏଞ୍ଜାରାଇଁ ଏଲେଇଚେସି, “ଖେଞ୍ଜୁ ଇଞ୍ଜା ପୁଞ୍ଜୁ ।” ୧୧ ମାଣସି ଗୁତି ବିତ୍ରା ଏନାୟି ହଡୁନେ ଏଡି ଏଞ୍ଜାଣାଇଁ ଲାଗେଏ କିଏ, ସାମା ଗୁତି ବିତ୍ରାଟି ଏନାୟି ହନେ ଏଡି ମାଣସିଇଁ ଲାଗେଏ କିନେ ।

୧୨ ଏଚିବେଲା ସୀସୁୟାଁ ଜୀସୁ ତାଣା ଖାହାନା ଏଲେଇଚେରି, ପାରୁସିୟାଁ ଇ କାତା ଖେଞ୍ଜାନା କସ୍ତ ବେଟାଆହିଁ ମାନେରି ଇଦାଆଁ ନୀନୁ ପୁଞ୍ଜା ମାଞ୍ଜିକି ?

୧୩ ସାମା ଜୀସୁ ଏଲେଇରେସି, “ନା ଲାକପୁରୁତି ଆବା ଆମିନି ମାରୁନୁ ଉହା ହିଲଅସି ଏ ବାରେ ରେଡ୍ରି ଆନୁ ।” ୧୪ *ପାରୁସିୟାଁ କାତା ଖେନାଆଦୁ, ଏଝାରି କାଣାୟାଁ ଆହାନା କାଣାୟାଁଙ୍କୁ ଜିରୁ ତହୁନେରି, ଇଞ୍ଜା କାଣା ଅର କାଣାଙ୍କୁ ଜିରୁ ତସ୍ତୁହୁଁ ରିଆରି ଜିକେଏ ଗାଡୁମୁତା ତରୁନେରି ।

୧୫ ପିତର ଏଲେଇରେସି, “ଏ ପୁଣ୍ଡାମିକିନି କାତା ମାଙ୍ଗେ ଖେସ୍ତାମୁ ।”

୧୬ ଜୀସୁ ଏଲେଇରେସି, “ମୀରୁ ଜିକେଏ ନୀର୍ସି ପାତେକା ପୁନାଆ ଗାଟାତେରି ?” ୧୭ ଏନାୟି ଗୁତିଚି ହଡୁନେ ଏଡି ବାଣ୍ଡିତା ହାଜାନା ଏଡି ବାଣ୍ଡିହାନିଲେହେଁ ହଡା ହାନେ, ଇଦାଆଁ ପୁଞ୍ଜି ହିଲଅତେରି ? ୧୮ *ସାମା ଗୁତିଚି ଏନାୟି ହଡ଼ିମାନେ ଏଡି ହିୟାଁଚି ହଡ଼ିମାନେ ଏଡିଏ ମାଣସିଙ୍କୁ ଲାଗେଏ କିହିମାନେ । ୧୯ ଇଚିହୁଁ ହିୟାଁଚି ଲାଗେଏତି ଅଣପୁ ହନେ, ଇଚିହୁଁ ଲକ୍ଷୁଣି ପାୟିନାୟି, ଦାରି କାମା କିୟାଲି, ଲାଗେଏ ପଲେଏ କାମା କିହାଲି, ସରୁ କାମା କିହାଲି, ମିଚି ସାକି ହାହାଲି ଇଞ୍ଜା ନିଦା କାତା ଜଲ୍ଲାଲି; ୨୦ ଇ ବାରେ କାମା ମାଣସିଙ୍କୁ ଲାଗେଏ କିନେ, ସାମା କେମୁ ନରୁଆନା ତିନାୟି ମାଣସିଙ୍କୁ ଲାଗେଏ କିଏ ।

ର ଇୟାନି ନାମୁ

(ମାର୍କ ୭:୨୪-୩୦)

୨୧ ଜୀସୁ ଏ ଚାମୁ ପିସାନା ସର ଅଡେ ସିଦନ ରାଜିତା ହାଚେସି । ୨୨ ଅଡେ ମେହଦୁ ଏ ହାନ୍ଦିଚି କିଶାନ ଦେସାତି ର ଇୟା ଖାହାନା କାଜା ଗିୟାଁତଲେ ଏଲେଇଚେ, “ଏ ପ୍ରବୁ ଦାଖୁଦ ମୀରୁଏଣାତି ନାଙ୍ଗେ କାର୍ମା ମେସ୍ତାମୁ ଇଚିହୁଁ ନା ମାଙ୍ଗାନି ହାରେକା ଆଜିହପେତି ବୁଡୁ ଆସାନା କସ୍ତୁ ଆହିମାନେ ।”

୨୩ ସାମା ଜୀସୁ ଏଦାନି ର ପଦୁ ଜିକେଏ ଜଲ୍ଲାଆଚେସି । ଇଞ୍ଜା ତାନି ସୀସୁୟାଁ ଖାହାନା ଏଝାଣାଙ୍କୁ ଏଲେଇଚେରି, “ଇଦାନି ହେଲ ହାହାନା ପାଣ୍ଡାତୁହୁମୁ, ଏନାଆଁତାକି ଇଚିହୁଁ ଇଦି ମା ଢେଡ କାଲୁଡି ଆହିମାନେ !”

୨୪ ସାମା ଜୀସୁ ଏଲେଇରେସି, “ନାନୁ ଇସାୟେଲ କୃତାତା ଜାଙ୍ଗାମାନି ମେଣ୍ଡାୟାଁ ପିସପେ ଅଡେ ଆମାଆରି ତାଣା ପାଣ୍ଡାଣ୍ଡି ଆହାହିଲଅଁ ।”

୨୫ ଏ ଇୟା ଖାହାନା ଜହରା କିହାନା ଏଲେଇଚେ, “ଏ ପ୍ରବୁ ନାଙ୍ଗେ କାର୍ମା ମେସ୍ତାମୁ ।”

୨୬ ସାମା ଜୀସୁ ଏଲେଇରେସି, “ମୀରୁକା ମାସ୍କା କାଡି ଅହାନା ନେସ୍କା ତାଗେ ମେଡନାୟି ନେହେଁ ଆଏ ।”

୨୭ ଏ ଇୟା ଏଲେଇଚେ, “ହାଅ ପ୍ରବୁ ଇଚିହୁଁ ନେସ୍କା ତାନି ସାଖୁକାରିୟାଁ ତାଣାଚି ତରୁଗାମାନି ଜୁଟା ରାନ୍ଦା ପେରହା ତିନୁ ।”

୨୮ ଏଚେଟିଏ ଜୀସୁ ଏ ଇୟାନି ଏଲେଇରେସି, “ଏ ଇୟା ନୀଦି ହାରେକା କାଜା ନାମୁ ନୀ ମନ ଲେହେଁଏ ନିଙ୍ଗ ଆୟାପେ ।” ଏ ଦେବୁଣିଏ ତାନି ମାଙ୍ଗା ନେହେଁ ଆଡେ ।

ଜୀସୁ ହାରେକା ଲକ୍ଷୁଣି ନେହୁଁକିନାୟି

୨୯ ଜୀସୁ ଏମାଟିଏ ହାଜାନା ଗାଲିଲି ସାମୁଦୁରି ତାଗେ ଖାଡେସି, ଅଡେ ହରୁ ଲାକ ହାଜାନା କୁରିଚେସି ।

୩୦ ଅଡେ ହାରେକା ଲକ୍ଷୁ ସଟାୟାଁ, ଚୁଡୁଖାୟାଁ, କାଣାୟାଁ, ଗୁଲ୍ଲାୟାଁ, ହାରେକା ଲକ୍ଷୁଙ୍କୁ ତାନିତଲେ ତାତାନା ଜୀସୁ କତାଁ ଡଳ ଇଚିଚେରି, ଅଡେ ଏଝାସି ଏଝାରାଙ୍କୁ ନେହୁଁ କିଚେସି । ୩୧ ଇଲେକିହୁଁ ବେଦ୍ଦାୟାଁ ଜଲ୍ଲିମାନେରି, ଚୁଡୁଖାୟାଁ ନେହୁଁ ଆହିମାନେରି, ସଟାୟାଁ ତାକି ମାନେରି ଅଡେ କାଣାୟାଁ ମେସିମାନେରି; ଇ ବାରେ ମେସାନା ଲକ୍ଷୁ କାବା ଆଡେରି, ଇଞ୍ଜା ଇସାୟେଲଚି ମାହାପୁରୁଙ୍କୁ ଜହରା କିଚେରି ।

ଜୀସୁ ସାରି ମାଣା ଲକ୍ଷୁଣି ତୀସେସି

(ମାର୍କ ୮:୧-୧୦)

୩୨ ଅଡେ ଜୀସୁ ତାନି ସୀସୁୟାଁଙ୍କୁ ତାଗେ ହାଟାନା ଏଲେଇଚେସି, “ଇ ବାରେ ଲକ୍ଷୁତାକି ନାଙ୍ଗେ କାର୍ମା ହଡ଼ିମାଞ୍ଜାନେ, ଏନାଆଁତାକି ଇଚିହୁଁ ଇଝାରି ତାନିଦିନା ଆଡେରିଏ ନା ତଲେ ମାଞ୍ଜାମାନେରି, ଅଡେ ଇଝାରି ତାଣା ଏନାୟିଖା ତିଞ୍ଜାଲି ହିଲେଏ; ଇଝାରି ହାନାଚି ଜାଖୁ ହଡା ହାଡିଲେହେଁ ଜିରୁତା ତରୁନେରି, ଏନାଆଁତାକି ହାକିଚି ପାଣ୍ଡାଲି ନା ମନ ହିଲେଏ ।”

୩୩ ସୀସୁୟାଁ ଏଝାଣାଙ୍କୁ ଏଲେଇଚେରି, “ଇଚେକା ଲକ୍ଷୁତାକି ବାଣ୍ଡି ପାଞ୍ଜିକିହାଲି ଇ ଏନାଆଁ ହିଲ୍ଲାଆ ଚାମୁତା ଏମିଚି ରୁଚି ପାଣ୍ଡାନାୟି ।”

୩୪ ଜୀସୁ ଏଝାରାଙ୍କୁ ଖେଚେସି, “ମୀ ତାଣା ଏଚରଗଟା ରୁଚି ମାନୁ ?”

ଏଞ୍ଜେଲ ଏଲେଇଜେରି, “ସାତାଗଟା ଇଞ୍ଜି ଏଚରଗଟା ଉଣା ମାଣକା ମାମୁ ।”

୩୫ ଏଚେଟିଏ ଜାସୁ ଲକ୍ଷ୍ମଣ ବୃମିତା କୁଗାଲି ହୁକୁମି ହାତେସି, ୩୬ ଅଡ଼େ ଜାସୁ ଏ ସାତାଗଟା ରୁଟି ଇଞ୍ଜି ମାଣକାଣି ମାହାପୁରୁ ତାଣା ଜହରା କିହାନା ସାସୁୟାକି ହାତେସି; ଏଞ୍ଜେଲ ଲକ୍ଷ୍ମଣକି ହାତେରି । ୩୭ ଅଡ଼େ ଲକ୍ଷ୍ମଣ ତିଜ୍ଞାନା ପାଞ୍ଜିତି ତାମୁ, ତାଗିତି ରୁଟି ସାତା ତାଲି ହାରିତାଣି କୃଡ଼ି କିତେରି । ୩୮ ରୁଟି ତିଟି ଲକ୍ଷ୍ମଣ ଇୟାସିକା ଅଡ଼େ ଉଣା କକାରି ପଦାଣି ପିସାନା ସାରି ମାଣା ଆବାୟା ମାତେରି ।

୩୯ ଏଚେଟିଏ ଏଞ୍ଜେଲ ଲକ୍ଷ୍ମଣି ହେଲ ହାହାନା ତଂଗତା ହତାନା ମଗଦାନ ହାନ୍ଦିତା ଖାଡ଼େସି ।

୧୭

କାବାଆନି କାମା ତସାଲି ଏଲେଇନାୟି

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ ଏଚେଟା ପାରୁସି ଅଡ଼େ ସାଦୁକିୟା ଜାସୁ ତାଣା ଖାହାନା ତାୟିପାରି କିହାଲି, ମାଜେ ହାଗୁ ଲାକଟି ର ସିନା ତସାମୁ ଇଞ୍ଜି ବାଟିମାଲିତେରି । ୨ ସାମା ଜାସୁ ଏଞ୍ଜେରାଇ ଏଲେଇଚେସି, “ମିଡ଼ଅଲା ବେଲା ଏଲେଇଜେରି, ଖିଏ କାବା ଆନେ, ଇଚିହ ହାଗୁ ଗାଦଗା ଆହାମାନେ ।” ୩ ଅଡ଼େ ଲାକ୍ଷ୍ମଣ ବେଲା ଏଲେଇଜେରି, ନୀଞ୍ଜି ପିୟୁ ଆନେ, ଇଚିହ ହାଗୁ ଗାଦଗା ଅଡ଼େ ଦୁୟା ମୁତାମାନେ । ମୀରୁ ହାଗୁତି ପାଗା ମେସାନା ନକିତି କାତା ପୁଞ୍ଜାଲି ଆଡ଼ି ମାଜେରି, ସାମା ନୀର୍ବିତି କାତା ଅଡ଼େ ସିନାୟା ପୁଞ୍ଜି ହିଲଅତେରି । ୪ ପଲ୍ଲଆ ଗାଟାରି ଇଞ୍ଜି ମାହାପୁରୁଇ ଅଣ୍ଡାଆଗାଟି କୃତାତାରି ସିନାୟା ପାରିନେରି, ସାମା ଜୁନସତି ସିନା ପିସପେ ଅଡ଼େ ଏଟକାତି ସିନା ଏଞ୍ଜେରାଇ ହାପୁକି ଆଏ, ଇଞ୍ଜି ଏଞ୍ଜେସି ଏଞ୍ଜେରାଇ ପିସାନା ହାଚେସି ।

ପାରୁସିୟା ଅଡ଼େ ସାଦୁକିୟା ତାଣାଟି ଜାଗାତା

(ମାର୍କ ୮:୧୪-୨୧)

୫ ସାସୁୟା ସାମୁଦୁରି ଆତାଲା ହାଜାନା ସିନକିତେରି, ଏଞ୍ଜେରି ରୁଟି ଅହାଲି ବାଣା ଆହା ହାଜାମାନେରି । ୬ ଜାସୁ ଏଞ୍ଜେରାଇ ଏଲେଇଚେସି, “ଜାଗାତା ଆଦୁ, ପାରୁସିୟା ଅଡ଼େ ସାଦୁକିୟା ପୁଲା ଏୟୁଟି ଜାଗାତା ଆହା ମାଞ୍ଜୁ ।”

୭ ଏସାଟିଏ ଏଞ୍ଜେରି ତାମୁ ତାମୁସୁ ଜଲ୍ଲକି ଆହାଲି ମାଟ୍‌ହେରି, “ମାରୁ ରୁଟି ତାତା ହିଲାଆୟି ଇଞ୍ଜି ଏଞ୍ଜେସି ଏଲେଇଜେମାଞ୍ଜାନେସି ।”

୮ ସାମା ଜାସୁ ଏଦାଆ ପୁଞ୍ଜାଲି ଏଲେଇଚେସି, “ଆଡ଼େ ଉଣା ନାମୁ ଗାଟାତେରି, ମୀ ବିତ୍ରା ରୁଟି ହିଲେଏ ଇଞ୍ଜି ଏନାଆତାକି ଖେସ୍‌ପି ଆହିମାଜେରି ? ୯ ମୀରୁ ନୀର୍ବିତି ପାତେକା ପୁଞ୍ଜି ହିଲଅତେରି ? ଏ ପାସାମାଣା ଲକ୍ଷ୍ମଣ ପାସାଗଟା ରୁଟି ଡିକହାନା ହାହା ମାଚେର୍ବି, ଇଞ୍ଜି ମୀରୁ ଏଚର ତାଲି ହାରିତାଣି କୃଡ଼ି କିତେରି, ୧୦ ଇଞ୍ଜି ଏ ସାରି ମାଣା ଲକ୍ଷ୍ମଣ ସାତା ଗଟା ରୁଟି, ଇଞ୍ଜି ଏଚର ତାଲି ହାରିତାଣି କୃଡ଼ି କିତେରି, ଏ ବାରେ ମିଜେ ଅଣ୍ଡାପୁ ହିଲେଏ ? ୧୧ ନାମୁ ମିଜେ ରୁଟି କାତା ଖେସାମାଞ୍ଜାଆତେର୍ବି, ଇଦାଆ ଏନିକ ପୁଞ୍ଜି ହିଲଅତେରି ? ସାମା ପାରୁସିୟା ଅଡ଼େ ସାଦୁକିୟା ପୁଲା ଏୟୁଟି ଜାଗାତା ଆହାନା ମାଞ୍ଜୁ ।”

୧୨ ଏଞ୍ଜେସି ରୁଟି ତାକି ଲଡ଼ାମାନି ପୁଲା ଏୟୁଟାକି ଜାଗାତା ଆହାନା ମାଞ୍ଜାଲି ଖେହ୍‌ଆନା, ପାରୁସିୟା ଅଡ଼େ ସାଦୁକିୟା ଜାପୁନି ତାଣାଟି ଜାଗାତା ଆହା ମାଞ୍ଜାଲି ଏଞ୍ଜେରାଇ ଖେସାମାଚେସି, ଏଦାଆ ଏଞ୍ଜେରି ଏଟିବେଲା ପୁଚେରି ।

ଜାସୁଇ ପିତର ସାତା ଇଞ୍ଜି ଖେହ୍‌ନାୟି

(ମାର୍କ ୮:୨୭-୩୦; ଲୁକ ୯:୧୮-୨୧)

୩୩ ତାମୁ ଜାସୁ କାୟିସିରିୟା ପିଲିପି ରାକିତା ଖାହାନା ତାନି ସାସୁୟାଇ ଖେଚେସି, “ମାଣ୍‌ସି ମାଟ୍‌ସିସି ଆମ୍ବାଆସି ଇଞ୍ଜି ଲକ୍ଷ୍ମଣ ଖେସିମାନେରି ?”

୩୪ ଏଚେଟିଏ ଏଞ୍ଜେରି ଏଲେଇଚେରି, “ଆମ୍ବା ଆମ୍ବାଆରି ବାପ୍ତିସ୍ତ* ହାନି ଜହନ, ଆମ୍ବା ଆମ୍ବାଆରି ଏଲିୟ, ଅଡ଼େ ଆମ୍ବା ଆମ୍ବାଆରି ଜିରିମିୟ ଆଆତ ମାହାପୁରୁ ଅଣ୍ଡାପୁତି ବଲୁ ଖେହ୍‌ନାରି ତାଣାଟି ରଅସି ।”

୩୫ ଜାସୁ ଏଞ୍ଜେରାଇ ଖେଚେସି, “ସାମା ନାମୁ ଆମ୍ବାଆତେର୍ବି ଇଞ୍ଜି ମୀରୁ ଖେସିମାଜେରି ?”

୩୬ ସିମନ ପିତର ଏଲେଇଚେସି, “ନୀମୁ କ୍ରୀସ୍ତ, ଜୀଞ୍ଜୁଗାଟି ମାହାପୁରୁ ମୀରୁଏଣାଟି ।”

* ୧୭:୧ ୧୭:୧ ମାଟି ୧୨:୩୮; ଲୁକ ୧୧:୧୭ * ୧୭:୪ ୧୭:୪ ମାଟି ୧୨:୩୯; ଲୁକ ୧୧:୨୯ * ୧୭:୬ ୧୭:୬ ଲୁକ ୧୨:୧ * ୧୭:୯ ୧୭:୯ ମାଟି ୧୪:୨୭-୨୧ * ୧୭:୧୦ ୧୭:୧୦ ମାଟି ୧୫:୩୪-୩୮ * ୧୭:୧୪ ୧୭:୧୪ ମାଟି ୧୪:୧୨; ମାର୍କ ୬:୧୪,୧୫; ଲୁକ ୯:୭,୮
* ୧୭:୧୪ ୧୭:୧୪ ମୁଞ୍ଜାୟି * ୧୭:୧୭ ୧୭:୧୭ ଜହ ୬:୬୮,୭୯

୧୭ ଏତେଟିଏ ଜୀମୁ ଏଝାଣାଇଁ ଏଲେଇଚେସି, “ଏ ଜୁନସ ମୀରୁଏଣାତି ସିମନ, ନୀନୁ ନେହେଁ, ଇଚିହେଁ ମାଣସି ନୀ ତାଣାଟି ଇଦାଆଁ ଝେକହାମାଞ୍ଜାଅସି, ସାମା ନା ଲାକପୁରୁତି ଆବା ଝେକହାମାଞ୍ଜାନେସି । ୧୮ ଅଡେ ନାନୁ ଜିକେଏ ନିଜେ ଝେସିମାଞ୍ଜାଇଁ, ନୀନୁ ପିତରତି†, ଇଞ୍ଜା ଇ ଖାଲି ଲାକ ନାନୁ ନା କୁଲମିତି କେପିଇଁ, ଅଡେ ହାକିତି ବାଡୁୟୁ ଏଦାଆଁ ମ୍ଲେକହାଲି ଆଡେଏ । ୧୯ *ନାନୁ ନିଜା ଲାକପୁରୁତି କୁଟିକାଡ଼ି ହିୟାଲି, ଅଡେ ନୀନୁ ଦାରତିତା ଏନାଆଁ ସୁଣ୍ଡି, ଏଡ଼ି ଲାକପୁରୁ ରାଜି ଜିକେଏ ସୁଣ୍ଡି ଆନେ, ଅଡେ ଦାରତିତା ଏନାଆଁ ଦେଏଦି ଏଡ଼ି ଲାକପୁରୁ ଜିକେଏ ଦେପି ଆନେ ।”

୨୦ ଏତିବେଲା ଏଝାସିଏ କ୍ରୀସ ଇଞ୍ଜେ ଆମ୍ବାଆରାଇଁ ଝେହୁଆଦୁ ଇଞ୍ଜେ ଏଝାସି ତାମି ସୀସୁୟାଣି ଜାଣେ କିହେଁ ହୁକୁମି ହୀତେସି ।

ଜୀମୁ ତାନି ଦୁକୁ ବେଟାଆନାଣି ଅଡେ ହାନାଣି ଝେହୁନାୟି
(ମାର୍କ ୮:୩୧; ୯:୧; ଲୁକ ୯:୨୨-୨୭)

୨୧ ଏତିବେଲାଟିଏ ଜୀମୁ ତାନି ସୀସୁୟାଣି ଝେସାଲି ମାଟ୍‌ହେସି, ନାନୁ ଜିରୁସାଲମତା ହାନାୟିମାନେ, ଇଞ୍ଜା ପ୍ରାତିନାଜା, କାଜା ପୁଜେରାଜା ଅଡେ ମେରାପୁନାରି ତାଣାଟି ହାରେକା ଦୁକୁ ବେଟାଆହାନା ହାନାୟି ମାନେ, ଇଞ୍ଜା ତାନି ଦିନାଟିଏ ଝେଣେ ନିଜିନାୟି ମାନେ ।

୨୨ ଏତେଟିଏ ପିତର ଏଝାଣାଇଁ ଅରଞ୍ଜାକି ଅହାନା ଲାଗାନା ଏଲେଇଚେସି, “ଏ ପୁରୁ, ମାହାପୁରୁ ନିଜ କାର୍ମା ଆୟାପେସି, ଇଲେତାୟି ନିଜେ ଏଚେଲାଝା ଆୟାଆପେ ।”

୨୩ ସାମା ଜୀମୁ ତାୟୁଝାକି ସିନିକିହାନା ପିତରଇଁ ଏଲେଇଚେସି, “ଏ ସୟତାନ ନା ତାଣାଟି ହେକ ଆମ୍ବୁ, ନୀନୁ ନା ସାତୁ ଲେହେଁ, ଇଚିହେଁ ନୀନୁ ମାହାପୁରୁ କାତା ଅଣ୍ଡିପାଆନା ମାଣସିତି କାତା ଅଣ୍ଡିପାଞ୍ଜି ।”

୨୪ *ଏତିବେଲା ଜୀମୁ ତାନି ସୀସୁୟାଣି ଏଲେଇଚେସି, “ଆମ୍ବାଆସି ନା ଜେତ ତାକାଲି ମନ କିତିହେଁ, ଏଝାସି ତାନୁଏ ତାଜେ ଅପାକତାଆନା ତାନି କୁସ ଡେକାନାହାଁ ନା ଜେତ ତାକାପେସି । ୨୫ *ଇଚିହେଁ ଆମ୍ବାଆସି ତାନି ଜୀଝୁ ନୀଟହା କତାଲି ମନ କିନେସି, ଏଝାସି ହାଝି କିନେସି; ସାମା ଆମ୍ବାଆସି ନା ତାକି ତାନି ଜୀଝୁ ହାନେସି ଏଝାସି ନୀଟହା କିତିନେସି । ୨୬ ଅଡେ ମାଣସି ଇ ଦାରତିତା ମାନାଣି ବାରେ ମେଡ଼ି କିହାନା ତାନି ଜୀଝୁତି ହାଝି କିନେସି, ଆତିହେଁ ଏଝାଣାକି ଏଡ଼ି ଲାଦା, ଇଞ୍ଜା ମାଣସି ତାନି ଜୀଝୁତି ବାଦୁଲି ଏନାଆଁ ହାନେସି ? ୨୭ *ଇଞ୍ଜା ମାଣସି ମୀରୁଏସି ତାନି ଆବାତି ଗାଝୁରମିଟି ତାନି ଦୁହୁୟାଁ ତଲେ ଝାନେସି, ଏତିବେଲା ଏଝାସି ବାରେ ଲକୁକି ତାନି କାମାତି ଲେକା ତଲେ ପାଡେୟି ହାନେସି । ୨୮ ନାନୁ ମିଜେ ସାତା ଝେସିମାଞ୍ଜାଇଁ, ମାଣସି ମୀରୁଏସି ତାନି ରାଜିତା ରାଜାଆହାଁ ଝାନାଣି ମେହୁଆ ପାତେକା ଇମ୍ବାଆଁ ମାନି ଲକୁ ବିତାଟି ଏଚରଜାଣା ହାଅରି ।”



ଜୀମୁ ଅର ଝାଣା ଆନାୟି
(ମାର୍କ ୯:୨-୧୩; ଲୁକ ୯:୨୮-୩୬)

୧ ଜୀମୁ ସ. ଦିନା ତାୟୁ ପିତର, ଜାକୁବ, ଅଡେ ତାନି ତାୟି ଜହନଇଁ ଏଟକା କିହାନା ଏଝାରାଇଁ ର ପାତାଆଡ଼ି ହରୁ ଲାକ ଅଡେସି । ୨ ଅଡେ ଏଝାସି ଏଝାରି ନକିତା ତାନି ଝାଣା ବାଦଲଝି ଆହାନା ତାନି ମୁମ୍ବୁହୁଡ଼ାଲେହେଁ ଉଜେଡ଼ି ଇଞ୍ଜା ତାନି ହିମ୍ବୁରି ଉଜେଡ଼ି ଲେହେଁ ଦବଲା ଆଡେ । ୩ ଇଞ୍ଜା ମେହୁଦୁ ମସା ଅଡେ ଏଲିୟ ଜୀମୁତଲେ କାତା ଆହିମାଗାଣି ମେସୁରି । ୪ ଏମ୍ବାଟିଏ ପିତର ଜୀମୁଇଁ ଏଲେଇଚେସି, “ଏ ପୁରୁ ମୀରୁ ଇ ଗାୟୁତା ମାନାୟି ନେହେଁ; ନୀ ମନ ଆତିହେଁ ନାନୁ ଇମ୍ବାଆଁ ତାନିଗଟା ଗୁଡ଼ାୟାଁ କେପିଇଁ, ନିଜେତାକି ରଣ୍ଡାଆଁ ମସାକି ରଣ୍ଡାଆଁ ଇଞ୍ଜା ଏଲିୟକି ରଣ୍ଡାଆଁ ।”

୫**ଇ କାତା ଝେସପନିଏ ମେହୁଦୁ ଇଚାୟି ହାଗୁ ଝାହାନା ଏଝାରାଇଁ ଦୁକହେ, ଇଞ୍ଜା ଏ ହାଗୁଟି ଇ ହାତା ଝେଜାଡେ, “ଇଝାସି ନା ଜୀଝୁତି ମୀରୁଏସି ଇଝାଣି ତାଣେଏ ନା ରାହାଁ ମାନେ, ଇଝାଣି ବଲୁ ଝେଞ୍ଜୁ ।”

୬ ଇ ହାତା ଝେଞ୍ଜାହାଁ ସୀସୁୟାଁ ମୁନୁ କୁଚିହେଁ ରାତେରି ଇଞ୍ଜା ହାରେକା ଆଜିତେରି । ୭ ଏମ୍ବାଟିଏ ଜୀମୁ ଝାହାନା ଏଝାରାଇଁ ତୀଗାନା ଏଲେଇଚେସି, “ନିଜାଦୁ ମୀରୁ ଆଜାଆଦୁ ।” ୮ ଇଞ୍ଜା ଏଝାରି ଲାକ ସିନିକିହାଲିଏ ଜୀମୁ ପିସପେ ଆମ୍ବାଆରାଇଁ ମେହୁଆଡେରି ।

† ୧୭:୧୮ ୧୭:୧୮ ପିତର ଇଚିହେଁ ଖାଲି * ୧୭:୧୯ ୧୭:୧୯ ମାତି ୧୮:୧୮; ଜହ ୨୦:୨୩ * ୧୭:୨୪ ୧୭:୨୪ ମାତି ୧୯:୩୮; ଲୁକ ୧୪:୨୭ * ୧୭:୨୫ ୧୭:୨୫ ମାତି ୧୦:୩୯; ଲୁକ ୧୭:୩୩; ଜହ ୧୭:୨୫ * ୧୭:୨୭ ୧୭:୨୭ ମାତି ୨୫:୩୧; ରମି ୨:୬ * ୧୭:୫ ୧୭:୫ ମାତି ୩:୧୭; ୧୭:୧୮; ମାର୍କ ୧:୧୧; ଲୁକ ୩:୨୨ * ୧୭:୫ ୧୭:୫ ୨ପିତ ୧:୧୭, ୧୮

୯ ଏଞ୍ଜରୀ ହରୁ ଲାକଟି ରେତା ଖାହିମାଗାଟି ଜୀସୁ ଏଞ୍ଜରାଉଇଁ ହୁକୁମି ହୀହାନା ଏଲେଇଚେସି, “ମାଣ୍ଠସି ମୀରୁଏସି ହାଡ଼ାରି ତାଣାଟି ନିଜାଆ ପାତେକା ଇ ମେସାମାନି କାତା ଆମ୍ବାଆରାଇଁ ଝେହୁଅତେରି ।”

୧୦ ଏଦାଆଁତାକି ସୀସୁୟାଁ ଏଞ୍ଜାଣାଇଁ ଝେଚେରି, “ଆତିହୁଁ ନକେଏ ଏଲିୟ ଖାନାୟି ମାନେ ଇଞ୍ଜୁଁ ମେରାପୁନାରି ଏଦାଆଁତାକି ଝେସିମାନେରି ?”

୧୧ ଏଞ୍ଜସି ଏଲେଇଚେସି, “ଏଲିୟ ଖାହାନା ବାରେ ଅଡେ ଝେଣ୍ଠେ ଇଚିନାୟି ସାତା” ୧୨ ସାମା ନାନୁ ମିଜେ ଝେସିମାଞ୍ଜାଇଁ, “ଏଲିୟ ଖାହା ରାଡେସିଏ, ସାମା ଲକୁ ଏଞ୍ଜାଣାଇଁ ପୁନାଆନା ଏନିକିହାଲି ମନୁ ଏଲେକିଡେରି । ଏଲେକିହୁଁ ଏ ମାଣ୍ଠସି ମୀରୁଏସି ଜିକେଏ ଏଞ୍ଜାରି କେୟୁତା ଦୁକୁ ବେଗାଆହାଲି ହାଜିମାନେସି ।”

୧୩ ଏଚିବେଲା ଏଞ୍ଜରାଇଁ ବାପ୍ତିସ୍ତା* ହାନି ଜହନତି କାତା ଝେସିମାନେସି, ଏଚିବେଲା ସୀସୁୟାଁ ପୁଚେରି ।

ଜୀସୁ ବୃତ୍ତ ଆଲଗାମାଟି କକାଣାଇଁ ନେହୁଁ କିନାୟି

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ତାୟୁ ଏଞ୍ଜାରି ଲକୁତାଣା ଖାହାଲିଏ, ରଅସି ଜୀସୁ ତାଣା ଖାହାଁ ମେଣ୍ଠାକୁତାନା ଏଲେଇଚେସି, ୧୫ “ପ୍ରକୁ ନା କକାଣାଇଁ କାର୍ମା ମେହୁମ୍, ଇଚିହୁଁ ଏଞ୍ଜସି କାଚିଝେନି ନମେରି ତାକି ହାରେକା କସୁ ଆହିମାନେସି, ଏଞ୍ଜସି ଏଚର ପାଲି ହିରୁତା ଅଡେ ଏୟୁଣାଁ ତରୁଗା ହାଜିମାନେସି । ୧୬ ନାନୁ ମୀ ସୀସୁୟାଁ ତାଣା ଏଞ୍ଜାଣାଇଁ ତାଗାମାଚେର୍ସ, ସାମା ଏଞ୍ଜାରି ଏଞ୍ଜାଣାଇଁ ନେହୁଁ କିହାଲି ଆଡାଆତେରି ।”

୧୭ ଜୀସୁ ଏଲେଇଚେସି, “ଆଡେ ନାମାଆଗାଟି ଲାଗେଏ ପଲେଏ କାମା କିନି କୁଡାତାତେରି, ଏଚର କାଲା ପାତେକା ନାନୁ ମୀ ତଲେ ଡିୟିକି ? ଏଚର କାଲା ମୀ ଲେୟାନାଣି ଅରୁହିକି ? କକାଣାଇଁ ଇୟାଆଁ ନା ତାଣା ତାକୁ ।”

୧୮ ଅଡେ ଜୀସୁ ବୃତ୍ତଇଁ ଦାକା ହୀହାଲିଏ, ବୃତ୍ତ ଏଞ୍ଜାଣାଇଁ ପିସା ହାଡୁସ୍ତେ, ଏ ଦେବୁଣିଏ କକାସି ନେହୁଁ ଆଡେସି ।

୧୯ ଏଚେଟିଏ ସୀସୁୟାଁ ମେଣେଏ ଜୀସୁ ତାଣା ଖାହାନା ଏଲେଇଚେରି, “ମାମ୍ବୁ ଏନାଆଁତାକି ଏ ବୃତ୍ତ ପିସପି କିହାଲି ଆଡାଆତମି ?”

୨୦ ଏଞ୍ଜସି ଏଞ୍ଜରାଇଁ ଏଲେଇଚେସି, “ମୀ ଉଣା ନାମ୍ବୁ ତାକି, ଇଚିହୁଁ ନାନୁ ମିଜେ ସାତା ଝେସିମାଞ୍ଜାଇଁ, ର ହାସୁଁ ପାଡେଡି ସମାନା ମୀ ନାମ୍ବୁ ମାଟିହୁଁ, ଇ ହରୁତି ଇମ୍ବାଟି ଏମ୍ବାଆଁ ଗୁତାଆମ୍ବୁ ଇଚିହୁଁ, ଏନି ଗୁତାଆନେ, ଅଡେ ଏନାୟି ଜିକେଏ ଆଆଗାଗାୟି ହିଲେଏ । ୨୧ ସାମା ପ୍ରାଡାନା ଅଡେ ଉପାସା ପିସପେ ଅଡେ ଏନି ଉପେୟିଚି ଇଲେଚି ବୃତ୍ତ ହଡା ହାଲେଏ ।”

ଜୀସୁ ତାନି ହାନି କାତାଟି ଅଡେ ଝେଣ୍ଠେ ଝେହୁନାୟି

(ମାର୍କ ୯:୩୦-୩୧; ଲୁକ ୯:୪୩-୪୫)

୨୨ ଅଡେ ଏଞ୍ଜାରି ଗାଲିଲିତା ରୁଣ୍ଡା ଆଡି ବେଲାତା ଜୀସୁ ଏଞ୍ଜରାଇଁ ଝେସ୍ତେସି, “ମାଣ୍ଠସି ମୀରୁଏସି ମାଣ୍ଠସିୟାଁ କେୟୁତା ହେରୁପି ଆହାଲି ହାଜିମାନେସି, ୨୩ ଇଞ୍ଜା ଏଞ୍ଜାରି ଏଞ୍ଜାଣାଇଁ ପାୟିନେରି; ଅଡେ ତାନି ଦିନାଟିଏ ଏଞ୍ଜସି ଝେଣ୍ଠେ ନିଜିନେସି ।”

ଏଚେଟିଏ ଏଞ୍ଜାରି ହାଚେରକା ଦୁକୁ ଆଡେଚି ।

ମାହାପୁରୁ ଇଲୁତାକି ସିସୁ ହୁାନାୟି

୨୪ ଏମ୍ବାଟିଏ ଏଞ୍ଜାରି କପରୁନାହୁମତା ଖାହାଲିଏ ମାହାପୁରୁ ଇଲୁଚି ସିସୁ ରୁାହୁନାରି ପିତରଇଁ ଖାହାନା ଝେଚେରି, “ମୀ ଗରୁ ମାହାପୁରୁ ଇଲୁତାକି ସିସୁ ହୁଅସିକି ?” ୨୫ ପିତର ଏଲେଇଚେସି, “ହାଅ ହୀନେସି ।”

ଅଡେ ଏଞ୍ଜସି ଇଜ ଖାହାଲିଏ ଜୀସୁ ନକେଏ ଏଞ୍ଜାଣାଇଁ ଏଲେଇଚେସି, “ସିମନ ନୀ ଅଣ୍ଡପୁ ଏନାୟି, ଦାରୁଚିତି ରାଜାୟାଁ ଆମ୍ବାଆରି ତାଣାଟି ସିସୁ ରୁାହୁନେରି, ଏଞ୍ଜାରି ମୀରୁକା ତାଣାଟି କି ଏବ୍‌କା ଦେସାଟି ଲକୁ ତାଣାଟି ?” ୨୬ ଏଞ୍ଜସି ଏବ୍‌କା ଦେସାଟି ଲକୁ ତାଣାଟି ଏଲେଇଞ୍ଜାଲିଏ, ଜୀସୁ ଏଞ୍ଜାଣାଇଁ ଏଲେଇଚେସି, “ଆତିହୁଁ ମୀରୁକା ହିୟାଲି ଲଡାଆଏ ।” ୨୭ ସାମା ମାରୁ ଏନିକି ଏଞ୍ଜରାକି ବାଦା ହୀନାତାୟି ଆଆୟି, ଏଦାଆଁତାକି ସାମଦୁରିତା ହାଜାନା କାତା ମେଡମ୍, ଇଞ୍ଜା ତଲିଏ ଆମିନି ମୀନୁ ଆହୁଦି, ଏଦାଣି ଆସାନା ତାନି ଗୁଚି ଏକହିସାରେ ର ଝେଣ୍ଠି ଟାକା ବେଗାଆଡି; ଏଦାଆଁ ଅହାନା ନାଜେ ଅଡେ ନିଜେତାକି ଏଞ୍ଜରାକି ହୀମ୍ବୁ ।

* ୧୭:୧୨ ୧୭:୧୨ ମାଟି ୧୧:୧୪ * ୧୭:୧୩ ୧୭:୧୩ ମୁଞ୍ଜିନାୟି * ୧୭:୨୦ ୧୭:୨୦ ମାଟି ୨୧:୨୧; ମାର୍କ ୧୧:୨୩; ୧କର ୧୩:୨

୧୮

ଲାକପୁରୁ ରାଜିତା ଆମ୍ବାଆସି କାଜାସି

(ମାର୍କ ୯:୩୩-୩୭; ଲୁକ ୯:୪୭-୪୮)

୧ *ଏବିବେଲା ସୀସୁୟାଁ ଜୀସୁ ତାଣା ଖାହାନା ଝେତେରି, “ଆତିହୁଁ ଲାକପୁରୁ ରାଜିତା ଆମ୍ବାଆସି କାଜାସି ?”

୨ ଏଝାସି ର ଉଣା କକାଣାଲ୍ ତାଗେ ହାଟାହାଁ ନିପୁହାନା ଏଲେଇଚେସି, ୩ *ନାନୁ ମିଜେ ସାତା ଝେସିମାଞ୍ଜାଲ୍, ମୀରୁ ଝେଣ୍ଡେ ର ଉଣା କକାଣି ଲେହେଁ ଆଆତିହୁଁ, ଏନିଜିକେଏ ଲାକପୁରୁ ରାଜିତା ହଡାଲି ଆଡୁଅତେରି । ୪ ଛଦାଆଁତାକି ଆମ୍ବାଆସି ଛ ଉଣା କକାଣି ଲେହେଁ ତାଜେତାକି ଉଣା କିହାକତିନେସି, ଏଝାସି ଲାକପୁରୁ ରାଜିତା କାଜାସି । ୫ ଅଡେ ଆମ୍ବାଆସି ଜିକେଏ ନା ଦରୁତି ଛ ଉଣା କକାଣାଲ୍ ଆବିନେସି, ଏଝାସି ନାଜେ ଆବାନେସି ।”

ପାପୁ କିହାଲି ତାୟିପାରି କିନାୟି

(ମାର୍କ ୯:୪୭-୪୮; ଲୁକ ୧୭:୧-୨)

୬ “ସାମା ଆମ୍ବାଆସି ଜିକେଏ ନା ତାଣା ନାମାମାନି ଛ ଉଣାୟାଁ ବିତ୍ରାଟି ରଅଣାଲ୍ ତାୟିପାରି କିହାଲି ପାପୁ କିଝି କିନେସି, ଏଝାଣି ହେରକିତା ର କାଜା ଜେତାଝାଲି ଦସାନା ସାମ୍ବୁରୁତି କୁଡୁନି ଏୟୁଣାଁ ମେଡହୁଁ ଏଝାଣାକି ନେହେଁ ଆଡେମା । ୭ ଆୟଡା, ଦାରୁତିତି ଲାଗେଏ କିନାକି ତଣ୍ଡ ବେଟା ଆନାତେରି; ଲାଗେଏ ଆନାୟି ସାତେଏ ଆନେ, ଆୟଡା ଆମିନି ଲକୁ ତାଣାଟି ଲାଗେଏ ଆନେ ଏଝାସି ତଣ୍ଡ ବେଟା ଆନେସି ।”

୮ *ମୀ କେୟୁ କି କତା ମିଜେ ପାପୁ କିଝିକିୟାନେ, ଇତିହୁଁ ଏଦାଆଁ ରାଡହାନା କୁତାପୁ, ରୀ କେସ୍ତା ଅଡେ ରୀ କତାୟାଁ ଆସାନା କାଲ୍ଲକାଲ୍ଲା ଡ଼ାଞ୍ଜିମାନି ହିରୁତା ହଡୁନି କିହାଁ କଲ୍ଲା ଅଡେ ସଟା ଆହାନା କାଲେଏତି ଜୀସୁ ବେଟାଆହାନା ମାହାପୁରୁ ରାଜିତା ହାନାୟି ମିଜେତାକି ନେହେଁ । ୯ *ଅଡେ ମୀ କାନୁ ମିଜେ ଲାଗେଏ କିଝିକିୟାତିହୁଁ, ଏଦାଆଁ ଡେଝା କୁତାପୁ; ରୀ କାଣକା ଆସାନା କାଲେଏ ଡ଼ାଞ୍ଜିମାନି ହିରୁ ଗାଡୁୟୁତା ମେଦିନି କିହାଁ ର କାନୁ ତଲେ କାଲେଏତି ଜୀସୁ ବେଟାଆହାନା ମାହାପୁରୁ ରାଜିତା ହାନାୟି ମିଜେତାକି ନେହେଁ ।”

ଜାଜିତି ମେଣ୍ଡାତି ପୁଣ୍ଡିକିନାୟି

(ଲୁକ ୧୫:୩-୭)

୧୦ *ହେଣ୍ଡୁ ଛ ଉଣା କକାରି ବିତ୍ରାଟି ରଅଣାଲ୍ ଜିକେଏ ହାଣି ମେହଆପୁ, ଇତିହୁଁ ନାନୁ ମିଜେ ସାତା ଝେସିମାଞ୍ଜାଲ୍, ଲାକପୁରୁ ମାନି ଏଝାରି ଦୁଡୁୟାଁ ବାରେଦିନା ଲାକପୁରୁତି ମା ଆବାତି ମୁଣ୍ଡୁ ମେସେ ମାନୁ । ୧୧ ଇତିହୁଁ ଏନାୟି ଜାଜାମାନେ ଏଦାଆଁ ପାରାନା ଗେଲ୍ପାଲି ମାଣ୍ଡିସି ମୀରୁଏସି ଝାହାମାନେସି ।”

୧୨ “ମୀରୁ ଏନାଆଁ ଅଣ୍ଡିମାଞ୍ଜେରି ? ରଅଣାକି ପାସାକଡ଼ି ମେଣ୍ଡାୟାଁ ମାଟିହୁଁ, ଏଝାସିକା ବିତ୍ରାଟି ରଣ୍ଡି ଜାଜାହାନେ, ଇଞ୍ଜା ରଣ୍ଡି ଉଣା ପାସାକଡ଼ି ମେଣ୍ଡାୟାଁ ହରୁତା ପିସାନା ଏଝାସି ହାଜାନା ଏ ଜାଜାମାନି ମେଣ୍ଡାତି ପାରଅସି ? ୧୩ ଅଡେ ଏଝାସି ଏଦାଆଁ ବେଟା ଆନେସି, ଇଞ୍ଜା ନାନୁ ମିଜେ ସାତା ଝେସିମାଞ୍ଜାଲ୍, ଜାଜା ହିଲାଆଗାଟି ରଣ୍ଡି ଉଣା ପାସାକଡ଼ି ମେଣ୍ଡାୟାଁ କିହାଁ ଜାଜାମାଟି ର ମେଣ୍ଡା ତାକି ହାଡେକା ରାହାଁ କିନେସି । ୧୪ ଏଲେକିହୁଁ ଏ ଛ ଉଣାୟାଁ ବିତ୍ରାଟି ରଣ୍ଡି ଜିକେଏ ନସୁ ଆଆପେ ଇଞ୍ଜୁଁ ମୀ ଲାକପୁରୁତି ଆବାତି ମନ ।”

ପାପୁ କିତି ର ତାୟି

୧୫ *ନୀ ତାୟି ପାପୁ କିତିହୁଁ, ନାନୁ ଏଝାଣାଲ୍ ମେଣ୍ଡେଏ ଏଲେକିଆନି ଇଞ୍ଜୁଁ ଝେସାନା ତାନି ପାପୁ ତହ୍ମୁ; ଏଝାସି ନୀ କାତା ଆସିହୁଁ ନାନୁ ଏଝାଣାଲ୍ ନୀ ତାୟିଲେହେଁ ଝେଣ୍ଡେ ବେଟାଆଡ଼ି । ୧୬ ସାମା ଏଝାସି ନୀ କାତା ଝେନାଆତିହୁଁ, ନୀ ତଲେ ରଅଣାଲ୍ କି ରିଆରାଲ୍ ଅହିହୁଁ ହାଲ୍ଲାମ୍, ଏନିକିହୁଁ ରିଆରି କି ତାନି ଜାଣା ସାକିୟାଁ ନକିତା ବାରେ କାତା ତାରି ଆନେ । ୧୭ ଏଝାସି ଏଝାରି କାତା ଜିକେଏ ଆହୁଆତିହୁଁ କୁଲମିତି ଝେହ୍ମୁ, ଅଡେ ଜିକେଏ କୁଲମି କାତା ଝେନଅସି, ଆତିହୁଁ ଏଝାସି ମୀ କାନୁତା ଜୀହୁଦିଆଆତାରି କି ସିସୁ ରୁଆହନାରି ଲେହେଁ ଆଡେସି ।”

ଅଦିକାରା ହାନାୟି

* ୧୮:୧ ୧୮:୧ ଲୁକ ୨୨:୨୪ * ୧୮:୩ ୧୮:୩ ମାର୍କ ୧୦:୧୫; ଲୁକ ୧୮:୧୭ * ୧୮:୮ ୧୮:୮ ମାଟି ୫:୩୦ * ୧୮:୯ ୧୮:୯ ମାଟି ୫:୨୯ * ୧୮:୧୦ ୧୮:୧୦ ଲୁକ ୧୯:୧୦ * ୧୮:୧୫ ୧୮:୧୫ ଲୁକ ୧୭:୩

୧୮ *“ନାନୁ ନିଜେ ସାତା ୱେସିମାଞ୍ଜାଇ, ମୀରୁ ଦାର୍ତ୍ତିତା ଏନାଆଁ ସୁଣ୍ଠିଦେରି, ଲାକପୁରୁ ଜିକେଏ ସୁଣ୍ଠିକିଆନେ, ଅଡ଼େ ଦାର୍ତ୍ତିତା ଏନାଆଁ ହେଲ ହୀଦେରି, ଲାକପୁରୁ ଜିକେଏ ହେଲ ହୀପକି ଆନେ ।”

୧୯ “ଅଡ଼େ ନିଜେ ସାତା ୱେସିମାଞ୍ଜାଇ, ଦାର୍ତ୍ତିତା ମୀ ବିତ୍ତାଟି ରିଆରି ରଣ୍ଠିଏ ମନୁ ଆହାନା ଏନାଆଁ ଜିକେଏ ରାସ୍ତିହୁଁ ଏଡ଼ି ଲାକପୁରୁଟି ଆବା ତାଣାଟି ଏଞ୍ଜାରାକି ହୀପକିଆନେ । ୧୦ ଇଟିହୁଁ ଏମ୍ବୟା ରିଆରି କି ତାନି ଜାଣା ନା ଦରୁତଲେ ରୁଣ୍ଠା ଆନେରି ଏମ୍ବାଆଁ ନାନୁ ଏଞ୍ଜାରିତଲେ ମାଇଁ ।”

କାର୍ମା ମେହୁଆ ହଲେଏଣି କାତା ପୁଣ୍ଠିକିନାୟି

୨୧ *ଏଟିବେଲା ପିତର ଜୀସୁ ତାଗେ ୱାହାନା ୱେରେସି, “ଏ ପ୍ରବୁ ନା ତାୟି ଏତର ପାଲି ନା କପାଟି ପାପୁ କିତିସାରେ ନାନୁ ଏଞ୍ଜାଣି ପାପୁ ମ୍ଲେକ୍‌ଇଁ ?”

୨୨ ସାତା ଦେବା ପାତେକା କି ? ଜୀସୁ ଏଞ୍ଜାଣାଇଁ ଏଲେଇରେସି, ୱାରୁଇ ସାତା ଦେବା ପାତେକା ଆଏ, ସାତା ଗୁଣ୍ଠା ତାନିକଡ଼ି ଦସ ଦେବା ପାତେକା ମ୍ଲେକ୍‌ନାୟି ମାନେ । ୨୩ ଇଟିହୁଁ ଲାକପୁରୁ ରାଜି ତାନି ହଲ୍ଲିୟାଙ୍ଗା ତଲେ ରୀଣା ଲେକା କିନି ର ରାଜା ଲେହେଁତାୟି । ୨୪ ଏଞ୍ଜାସି ଲେକା କିହାଲି ମାଡ଼ହାଲିଏ, ତାନି ଗାରୁହା ଦସ ମାଣା ଟାକାୟି ରୀଣା ଆହାମାନି ର ହଲେଏଣାଇଁ ଏଞ୍ଜାଣାଇଁ ତାଣା ତାତେରି । ୨୫ ସାମା ଏ ବାରେ ଡିକହାଲି ଏଞ୍ଜାଣି ତାଣା ଏନାୟି ହିଲାଆତାକି ଏ ସାଞ୍ଜୁକାରି ଏଞ୍ଜାଣାଇଁ ଅଡ଼େ ତାନି ତକ୍ତିନି ଇଞ୍ଜାଁ ତାନି କକାରି ପଦାଁଣି ଇଞ୍ଜାଁ ତାନି ଇଲୁତି ଆସ୍ତି ପାରୁତାନା ରୀଣା ଡିକହାଲି ହୁକୁନି ହୀତେସି । ୨୬ ଏଚେଟିଏ ଏ ହଲେଏସି ମେଣ୍ଠାକୁତାନା ଜହରା କିହାନା ଏଲେଇରେସି, ନୀନୁ କାର୍ମାମେସାନା କାତାମ୍, ନାନୁ ନିଜେ ବାରେ ଡିକହା ତୁସ୍ତାଇଁ । ୨୭ ଏଚେଟିଏ ସାଞ୍ଜୁକାରି ଏ ହଲେଏଣାଇଁ କାର୍ମାମେସାନା ତାନି ରୀଣା ପିସ୍‌ପି କିଞ୍ଜିଆଡେ ଇଞ୍ଜାଁ ତାନି ରୀଣା ମେଣ୍ଠାହାଚେ ।

୨୮ ସାମା ଏ ହଲେଏସି ଏମ୍ବାଟି ପାଞ୍ଜାତା ହାଜାନା ତାନିତାଣାଟି ରୀ କଡ଼ି ଦସଗାକା ରୀଣା ଅହାମାନି ତାନି ତଲେତି ର ହଲେଏଣାଇଁ ମେସାନା ଏଞ୍ଜାଣି ହେରକିତା ଆସାନା ଏଲେଇରେସି, ନୀନୁ ଅହାମାନି ରୀଣା ଡିକହା ତୁସ୍ତାମ୍ । ୨୯ ଏଚେଟିଏ ତାନି ତଲେତି ହଲେଏସି ମେଣ୍ଠାକୁତାନା ଜହରା କିହୁଁ ଏଲେଇରେସି, ନୀନୁ ନାଜେ କାର୍ମାମେସାନା କାତାମ୍ ନାନୁ ନିଜେ ବାରେ ଡିକହାଇଁ ୩୦ ସାମା ଏଞ୍ଜାସି ରାଜି ଆଆଡେସି, ଇଞ୍ଜାଁ ରୀଣା ଡିକଆ ପାତେକା ଏଞ୍ଜାଣାଇଁ କାୟିଦି ଇଲୁତା ସୁଣ୍ଠିତେସି । ୩୧ ଇଞ୍ଜାଁ ତାନି ତଲେତି ହଲ୍ଲିୟାଙ୍ଗା ଏଦାଆଁ ମେସାନା ହାରେକା ଦୁକୁ କିତେରି ଅଡ଼େ ହାଜାନା ସାଞ୍ଜୁକାରିଇଁ ବାରେ କାତା ୱେସ୍ତେରି । ୩୨ ଏମ୍ବାଟିଏ ସାଞ୍ଜୁକାରି ଏଞ୍ଜାଣାଇଁ ତାଗେ ହାଚାନା ଏଲେଇରେସି, ଆଡ଼େ କାମାତା ୱାଆଗାଟି ହଲେଏଣାଟି ନୀନୁ ନାଜେ ବାଡ଼ିମାଲ୍ଲିଏ ନାନୁ ନୀ ବାରେ ରୀଣା ପିସ୍ତାତେସି; ୩୩ ନାନୁ ଏନିକିଁ ନିଜେ କାର୍ମା ଆୟାତେସି, ଏଲେକିହୁଁ ଏ ନୀନୁ ଜିକେଏ ନୀ ତଲେତି ହଲେଏଣାଇଁ କାର୍ମାମେହୁନାୟି ମାଚେ । ୩୪ ଅଡ଼େ ତାନି ପ୍ରବୁ ହାରେକା କପା ଆହାନା ବାରେ ରୀଣା ଡିକଆ ପାତେକା ଏ ହଲେଏଣାଇଁ କସ୍ତ ହାନି ଲକୁ କେୟୁତା ହେରପିତେସି ।

୩୫ ମୀରୁ ବାରେତେରି ମୀ ବାରେ ହିୟାଟି ମୀ ତାୟିଇଁ ତାନି ପାପୁ ମ୍ଲେକ୍‌ଆତିହୁଁ ଲାକପୁରୁଟି ମୀ ଆବା ଜିକେଏ ନିଜେ ଏଲେ କିୟାନେସି ।

୧୯

ଜୀସୁ ତକ୍ତିନି ପିହନାଣି ଜାପ୍‌ନାୟି

(ମାର୍କ ୧୦:୧-୧୨)

୧ ଜୀସୁ ଇ ବାରେ କାତା ୱେସାଲି ରାପୁହି ତାୟୁ ଗାଲିଲି ରାଜି ପିସାନା ଜର୍ଦନ କାତା ଆତାଲାଟି ଜୀହୁଦା ରାଜିତି ହାନ୍ଦିତା ଏତେସି । ୨ ଇଞ୍ଜାଁ ହାରେକା ଲକୁ ତାନି ଜେତ ହାଚେରି, ଅଡ଼େ ଏଞ୍ଜାସି ଏମ୍ବାଆଁ ଏଞ୍ଜାରି ରଗାଟି ନେହୁଁ କିତେସି ।

୩ ଏମ୍ବାଟିଏ ପାରୁସିୟାଁ ଏଞ୍ଜାଣି ତାଣା ୱାହାନା ଏଞ୍ଜାଣାଇଁ ତାୟିପାରିକିହୁଁ ୱେରେରି, “ରଅସି ଜାହାରା ତକ୍ତିନି ଏନି କାତାତାକି ଜିକେଏ ପିସାଲି ମେରା ମାନେକି ?”

୪ ଜୀସୁ ଏଲେଇରେସି, “ମୀରୁ ପଡ଼ୁଞ୍ଜି ଆହାହିଲଅତେରି ? ଗାଡ଼ି କିନାସି ନଡ଼କଏଟିଏ ଏଞ୍ଜାରାଇଁ ଇୟା ଅଡ଼େ ଆବା କିହୁଁ ଗାଡ଼ିକିତେସି, ୫ ଅଡ଼େ ଏଦାଆଁତାକି ତକ୍ତା ତାଲି ତାଞ୍ଜିଇଁ ପିସାନା ତାନି ତକ୍ତି ତଲେ ଆଣ୍ଠିନେସି, ଅଡ଼େ ଏଞ୍ଜାରି ରଣ୍ଠିଏ ଆଜ୍ଞା ଆନେରି, ୬ ଏଦାଆଁତାକି ଏଞ୍ଜାରି ରିଆରି ଆଏ, ସାମା ରଣ୍ଠିଏ ଆଜ୍ଞା ଆନେରି । ଇଞ୍ଜାଁ ମାହାପୁରୁ ଏନାଆଁ ଆଣ୍ଠି କିହାମାନେସି, ମାଣସି ଏଦାଆଁ ଏଟ୍‌କା କିଆପେସି ।”

* er:er ୧୮:୧୮ ମାଟି ୧୭:୧୯; ଜହ ୨୦:୨୩ * er:୨୧ ୧୮:୨୧ ଲୁକ ୧୭:୩,୪

୭ *ପାରୁଥିଲି ଏଞ୍ଜେଲ୍ ଖେଳେଇ, “ଆତିହାସିକା ଯଦି ଏହାକୁ ରାଜ୍ୟ ଉପରେ ପିସାଳି ହେଲ ହାହାମାନେସି ?”

୮ ଜୀବୁ ଏଞ୍ଜେଲ୍ ଏଲେଇରେସି, “ଇତିହାସିକା ଆତ୍ମା ହିଁ ମୋର ମାତା ମାତା ନିଜେ ମାତା ତତ୍ତ୍ୱିକାଣି ପିସାଳି ହେଲ ହିଁ ମୋର ମାତା, ଯାମା ଗାନ୍ଧିକିତି ଦିନାଟିଏ ଏଲେଇହାଁ ହିଁ ମୋର ମାତା । ୯ *ଯାମା ନାନୁ ନିଜେ ଖେଳିମାଞ୍ଜା, ଆମାଆସି ତାନି ତତ୍ତ୍ୱିନି ଦାରି ଦହ ହିଁ ମୋର ମାତା ଏହି କାତାତାକି ପିସାଳି ଅର ତତ୍ତ୍ୱିନି ତାତିହାଁ, ଏଞ୍ଜେସି ଦାରିକାମା କିନେସି ।”

୧୦ ସାମୁୟାଁ ଏଞ୍ଜେଲ୍ ଏଲେଇରେସି, “ତତ୍ତ୍ୱିନି ତଲେ ମାଣ୍ଡିକି ଲେଲତାୟି ମାତିହାଁ, ଏଞ୍ଜେସି ବାହା ଆତ୍ମାତିହାଁ ନେହେଁ ଆତେମା ।”

୧୧ ଜୀବୁ ଏଞ୍ଜେଲ୍ ଏଲେଇରେସି, “ବାରେଜାଣା ଇ କାତାତି ଆସାଲି ଆତ୍ମାଅରି, ଇତିହାସି ଆମାଆରାକି ମାହାପୁରୁ ବାତ୍ତୁ ହାହାମାନେସି, ଖାରଇ ଏଞ୍ଜେରିଦେହେଁ ଆସାଲି ଆତିନେରି । ୧୨ ଇତିହାସି ଆମା ଆମାଆରି ଇୟାନି ଶାନ୍ତିଏ ବାହା ଆହାଲି ଆତ୍ମାଆରେତୁ ଜାଣି ଆହାମାନେରି; ଇଞ୍ଜା ଆମା ଆମାଆରି ଲକ୍ଷ୍ମୀ ତାଣ୍ଡିକି ଏଲେକିଞ୍ଜି ଆହାମାନେରି, ଅତେ ଆମା ଆମାଆରି ଲକ୍ଷ୍ମୀରୁ ରାଜିତାକି ତାମ୍ବୁ ତାମ୍ବୁ ଏଲେ ଆହାମାନେରି, ଆମାଆସି ଏ କାତାତି ଆସାଲି ଆତିନାସି ଆସାସାସି ।”

ଜୀବୁ କକାରି ପଦାଁକି ବର ହାନାୟି
(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ଏତିବେଲା ଜୀବୁ କକାରି ପଦାୟି ମୁହେଁ କେନ୍ଦୁ ଇଚାନା ପ୍ରାତାନା କିନେସି, ଏହାଆଁତାକି ଲକ୍ଷ୍ମୀ ଏଞ୍ଜେଲ୍ ତାନି ତାଣା ତାତେରି, ଯାମା ସାମୁୟାଁ ତାତିମାତି ଲକ୍ଷ୍ମୀ ଦାକା ହାତେରି । ୧୪ ଯାମା ଜୀବୁ ଏଲେଇରେସି, “କକାରି ପଦାଁକି ନା ତାଣା ଖାହାଲି ହୀବୁ, ଏଞ୍ଜେଲ୍ ଆମାଆତୁ, ଏହାଆଁତାକି ଇତିହାଁ ଲାକପୁରୁ ରାଜି ଏଲେତାରିଖାୟି ।”

୧୫ ଅତେ ଏଞ୍ଜେସି ଏଞ୍ଜେରି ଲାକ କେନ୍ଦୁ ଇଚାନା ଏମାଟି ହାତେସି ।

ର ଦନଗାତି ଦାଂଗଣେସି
(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଅତେ ମେହଦୁ ରଥସି ଜୀବୁ ତାଣା ଖାହାନା ଖେତେସି, “ଏ ଗୁରୁ କାଳାକାଳାତି ଜୀବୁ ବେଟାଆହାଲି ନାନୁ ଆମିନି ନେହାଁ କାମା କିଲି ?”

୧୭ ଜୀବୁ ଏଞ୍ଜେଲ୍ ଏଲେଇରେସି, “ନେହାୟି ଇନି କାତାତି ନାଜେ ଏହାଆଁତାକି ଖେଞ୍ଜିମାଞ୍ଜାଦି ? ଖାରଇ ରଥସିଏ ନେହାଁସି; ଯାମା ନାନୁ ଜୀବୁ ବେଟାଆହାଲି ମନ କିତିହାଁ, ବାରେ ହୁକୁମି ମାନୁ ଆମୁ ।”

୧୮ ଏଞ୍ଜେସି ଜୀବୁ ଏଲେଇରେସି, “ଏନିଲେହେଁ ହୁକୁମି ?”

ଜୀବୁ ଏଲେଇରେସି, “ଲକ୍ଷ୍ମୀ ପାୟାଆନି, ଦାରିକାମା କିଆନି, ସରୁ କିଆନି, ମିତି ସାକି ହୀଆନି, ୧୯ ତାଲି ତାଞ୍ଜି କାତା ଆହମ୍, ନୀ ପାତିତି ଲକ୍ଷ୍ମୀ ନୀ ଜୀବୁ ଲେହେଁ ଜୀବୁ ନମ୍ ।”

୨୦ ଏ ଦାଂଗଣେସିଏ ଜୀବୁ ଏଲେଇରେସି, “ନାନୁ ଇ ବାରେ ମାନୁ ଆହାମାଜ୍, ନାଜେ ଅତେ ଏନିଖା ଉଣା ମାନେ ?” ୨୧ ଜୀବୁ ଏଞ୍ଜେଲ୍ ଏଲେଇରେସି, “ନାନୁ ନେହାଁତି ଆହାଲି ମନ କିତିହାଁ, ହାଜାନାହାଁ ନୀ ବାରେ ଦନ ପାଟାଚାନାହାଁ ହିଁ ମୋର ଗାଟାଚାକି ଦାନା ହୀବୁ, ଇଞ୍ଜା ନା ଜେତ ଖାମ୍, ଏଚେଟିଏ ଲାକପୁରୁ ନାନୁ ଦନ ବେଟାଆଦି ।”

୨୨ ଇ କାତା ଖେଞ୍ଜାନା ଦାଂଗଣେସି ଦୁକୁ ଆହାନା ହାତେସି, ଇତିହାସି ଏଞ୍ଜେଲ୍ ହାରେକା ଦନ ମାତେ ।

୨୩ ଏଚେଟିଏ ଜୀବୁ ତାନି ସାମୁୟାଁ ଏଲେଇରେସି, “ନାନୁ ନିଜେ ସାତା ଖେସିମାଞ୍ଜା, ଦନ ଗାଟାଚାକି ଲାକପୁରୁ ରାଜିତା ହତାଲି ହାରେକା କସୁ ଆନେ । ୨୪ ଅତେ ଖେଣ୍ଡେ ନାନୁ ନିଜେ ଖେସିମାଞ୍ଜା, ମାହାପୁରୁତି ରାଜିତା ଦନଗାଟାଚାକି ହାନି କିହାଁ ଉତୁ ସୁଜା କାଣ୍ଡିତି ହତା ହାନାୟି ଉସାସା ଆନେ ।”

୨୫ ସାମୁୟାଁ ଇ କାତା ଖେଞ୍ଜାନା କାବାଆହାନା ଏଲେଇରେସି, “ଆତିହାସିକା ଆମାଆସି ଗେଲ୍ପି ଆହାଲି ଆତିନେସି ?”

୨୬ ଜୀବୁ ଏଞ୍ଜେଲ୍ ସିନିକିହାନା ଏଲେଇରେସି, “ଇଦି ମାଣ୍ଡିକାକି ଆଆଗାଟାୟି, ଯାମା ମାହାପୁରୁ ତାକି ବାରେ ଆନେ ।”

* ୧୯:୭ ୧୯:୭ ମାତି ୫:୩୧ * ୧୯:୯ ୧୯:୯ ମାତି ୫:୩୨; ୧କର ୭:୧୦, ୧୧

୨୭ ଏଚେଟିଏ ପିତର ଏଲେଇଚେସି, “ମୋହୁକୁ ମାମୁ ରୁାରେ ପିସାନା ନୀ କେଟ ଖାହାମାନନି; ଆତିହୁ~ ମାମୁ ଏନାଆଁ ବେଟାଆନନି ?”

୨୮ *ଜୀସୁ ଏଝାରାଇଁ ଏଲେଇଚେସି, ନାନୁ ମିଜେ ସାତା ଝେସିମାଞ୍ଜାଇଁ, ପୁଣି ଜୁଗୁ ଆନାଟି ଏଚେଟା ମାଣସି ମୀରୁଏସି ତାନି ଗାଝୁରମିତି କାଜାପାଣା ତଲେ ସିଂଗାସାଣିତା କୁଗିନି ଦିନା ନା କେଟ ଖାହାମାନାତେରି ମୀରୁ, ମୀରୁ ଜିକେଏ ବାର ଗଟା ସିଂଗାସାଣିତା କୁଗାନା, ଇସ୍ରାୟେଲତି ବାର କୁଡ଼ାତି ସାଲୁଡ଼ି କିଦେରି । ୨୯ ଇଞ୍ଜି ଆମ୍ବାଆସି ନା ଦରୁ ତାକି ଇଲୁ କାଣ୍ଡା, କି ତାୟି ତାଜିସ୍ତା, ତାଲି ତାଞ୍ଜି, କକାରି ପଦାୟି, ଇଞ୍ଜି ବୁମି ବାଡ଼ା ପିସାମାନେସି, ଏଝାସି ଏ ବାରେକିହାଁ ହାରେକା ଗାତି ବେଟା ଆନେସି, ଇଞ୍ଜି କାଲ୍ଲକାଲ୍ଲାତି ଜାଝୁତି ବେଟା ଆନେସି । ୩୦ *ସାମା ନକିତା ମାନି ହାରେକା ଲକୁ ତାୟୁ ଆନେରି, ଇଞ୍ଜି ତାୟୁତା ମାନି ହାରେକା ଲକୁ ନକିତା ଆନେରି ।

୨୦

ଅଜୁରି ବାଡ଼ାତା କାମାକିନାରି

୧ ଇଚିହୁ~ ଲାକପୁରୁ ରାଜି ଇଲେତି ର ସାଝୁକାରି ଲେହେଁତାୟି, ଲାଲୁ ଝେୟାଲିଏ ତାନି ଅଜୁରି ବାଡ଼ାତା କୁଲି କାମା କିଝିକିହାଲି ହାଚେସି । ୨ ଅଡ଼େ ଏଝାସି କୁଲି ଗାଟାରାଇଁ ଦିନାତାକି ର ଝେଣ୍ଡି ଟାକା ହିୟାଇଁ ଇଞ୍ଜି~ ଏଝାରାଇଁ ତାନି ଅଜୁରି ବାଡ଼ାତା ପାଣ୍ଡିଚେସି । ୩ ଅଡ଼େ ନ ଗଂଟା ବେଲତା ଏଝାସି ପାଜାତା ହାଜାନା ଏଟକାତାରି କାମା ପୁଞ୍ଚଆନା ନିଚାମାଗାଣି ମେସାନା ଏଝାରାଇଁ ଜିକେଏ ଏଲେଇଚେସି, ୪ ମୀରୁ ଜିକେଏ ଅଜୁରି ବାଡ଼ାତା ହାଜାନା କାମା କିଦୁ, ଇଞ୍ଜି ଏନିକି~ ତାରି ଆହାମାନେ, ଏଲେକିହୁ~ ମିଜେ ହିୟାଇଁ; ଇଞ୍ଜି ଏଝାରି ହାଚେରି । ୫ ଅଡ଼େ ମାଦେନା ବାର ଗଂଟା ଇଞ୍ଜି ତାନି ଗଂଟା ବେଲତା ପାଜାତା ହାଜାନା ଏଲେକିଚେସି । ୬ ଇଞ୍ଜି ମିଡ଼ଅଲ୍ଲା ପାସା ଗଂଟା ବେଲତା ପାଜାତା ହାଜାନା ଏଚରଜାଣା ନିଚାମାନାଣି ମେସାନା ଝେଚେସି, ମୀରୁ ଏନାଆଁତାକି ମାଦେନା ଝେଡ଼ାତୁମ୍ବେ କାମା କିଆନା ଉଜେଏ ନିଚାମାଞ୍ଜେରି ? ୭ ଏଝାରି ଏଝାଣାଇଁ ଏଲେଇଚେରି, ଆମ୍ବାଆରି ମାଜେ କାମା ହେରପା ମାଞ୍ଜଅରି । ଏଝାସି ଏଝାରାଇଁ ଏଲେଇଚେସି ମୀରୁ ଜିକେଏ ଅଜୁରି ବାଡ଼ାତା ହାକୁ ।

୮ ତାୟୁ ମିଡ଼ଅଲ୍ଲା ଆହାଲିଏ, ଅଜୁରି ବାଡ଼ାତି ସାଝୁକାରି ତାନି ଗୁମୁସ୍ତାଇଁ ଏଲେଇଚେସି, କୁଲି ଗାଟାରାଇଁ ହାଟାନା ତାୟୁ ଝାଡ଼ି ଲକୁ ତାଣାଟିଏ ମାଟହାନା ନକିତା ଝାଡ଼ି ଲକୁ ପାତେକା କୁଲି ହୀମୁ । ୯ ଏଚେଟିଏ ଆମିନି ଗାଟାରି ପାସା ଗଂଟା ବେଲତା କାମାତା ପାଣ୍ଡୁଡ଼ି ଆହାମାଚେରି, ଏଝାରି ଝାହାନା ର ଝେଣ୍ଡି ଟାକା ଲାକା ବେଟାଆଡ଼େରି । ୧୦ ଇଞ୍ଜି ନକେଏ କାମାତା ପାଣ୍ଡୁଡ଼ି ଆହାମାନାରି ଝାହାନା ଗାତି ବେଟାଆନେରି ଇଞ୍ଜି~ ଅଣପିଚେରି; ସାମା ଏଝାରି ଜିକେଏ ଏ ର ଝେଣ୍ଡି ଟାକା ଲାକା ବେଟାଆଡ଼େରି । ୧୧ ସାମା ଏଲେକି~ ବେଟାଆହାନା ଏଝାରି ସାଝୁକାରିକି କପା ଆହାନା ଲାଗିଚେରି । ୧୨ ଇ ତାୟୁତି ଲକୁ ଝାରିକ ର ଗଂଟା କାମା କିଚେରି, ଇଞ୍ଜି ମାମୁ ଝୁଝୁଡ଼ା ତୁମ୍ବେ ଝାହୁ ଆହୁ~ କାରା ଝେହୁ~ କାମା କିତିହୁ~ ଜିକେଏ ନୀନୁ ଏଝାରାକି ମା ସମାନା କିତି । ୧୩ ଏଝାରି ବିତ୍ରାଟି ରଅଣାଇଁ ସାଝୁକାରି ଏଲେଇଚେସି ଏ ତଟେ, ଝେନାମୁ, ନାନୁ ନିଜେ ନାଡ଼ି କିହିମାଞ୍ଜଅଁ; ନୀନୁ ନା ତଲେ ର ଝେଣ୍ଡି ଟାକା ତାକି ରାଜି ଆହାହିଲ୍ଲାଆତି କି ? ୧୪ ନୀନୁ ଏଚେକା ପାଣ୍ଡାନାୟି ମାନେ ଏଚେକା ଆସାନା ହାଜାତୁହମୁ, ସାମା ଇ ତାୟୁତି ଲକୁକି ଜିକେଏ ନୀ ଲେହେକି ହିୟାଲି ନା ମନ । ୧୫ ନା ଦନତି ନା ମନ ଲେହେଁ ଲେୟାଲି ନା ଅଦିକାରା ହିଲେଏ କି ? ନାନୁ କାର୍ମାନେସାନା ହିୟାଲିଏ ନୀନୁ ଏନାଆଁତାକି ତାହାରା ଆହିମାଞ୍ଜାଦି ।

୧୬ *ଏଲେକିହୁ~ ଏ ତାୟୁ ମାନି ଲକୁ ନକିତା ଆନେରି, ଇଞ୍ଜି ନକିତା ମାନି ଲକୁ ତାୟୁ ଆନେରି ।

ତାନି ହାକିତି କାତା ଜାସୁ ତାନି ପାଲି ଝେହନାୟି

(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୨୭ ଜୀସୁ ଜିରୁସାଲମତା ହାଜିମାଗାଟି ବାରଜାଣାତି ସାୟୁୟିଆଁ ଏଟକା କିହାନା, ଜିରୁତା ଏଝାରାଇଁ ଏଲେଇଚେସି, ୨୮ ମୋହୁକୁ ମାରୁ ଜିରୁସାଲମତା ହାଜିମାନାୟି, ମାଣସି ମୀରୁଏସି କାଜା ପୂଜେରାକା ଅଡ଼େ ମୋରାପୁନାରି କେୟୁତା ହେରପିଆନେସି, ୨୯ ଅଡ଼େ ଏଝାରି ଏଝାଣାଇଁ ହାନ୍ଦି ତଣ୍ଡ ହୀହାନା ଏଟକା କୁଡ଼ାତାରି କେୟୁତା ହେରପିନେରି, ଏଚେଟିଏ ଏଝାରି ଏଝାଣାଇଁ କିଜଝି କିନେରି, ସାଟ୍ଟାଣି ତୁରିତଲେ ଝେନେରି, ଅଡ଼େ ପାସି ମୁଣ୍ଡାତା ଏକହାନା ପାୟିନେରି, ଇଞ୍ଜି ତାନି ଦିନାଟିଏ ହାକିତି ଝେଣ୍ଡେ ନିଜିନେସି ।

* ୧୯:୨୮ ୧୯:୨୮ ମାତି ୨୫:୩୧; ଲୁକ ୨୨:୩୦ * ୧୯:୩୦ ୧୯:୩୦ ମାତି ୨୦:୧୭; ଲୁକ ୧୩:୩୦ * ୨୦:୧୭ ୨୦:୧୭ ମାତି ୧୯:୩୦; ମାର୍କ ୧୦:୩୧; ଲୁକ ୧୩:୩୦

ର ଇୟାନି ବାତିମାଲିନାୟି

(ମାର୍କ ୧୦:୩୫-୪୫)

୨୦ ଏତିବେଲା ଜେବଦି ତକ୍ତି ତାନି ରୀ ମୀରୁକା ତଲେ ଜୀସୁ ତାଣା ଖାହାନା ଜହରା କିହାନା ଏଞ୍ଜାଣି ତାଣା ବାତିମାଲିହୁ ଏଲେଇଚେ ।

୨୧ ଏଚେତିଏ ଜୀସୁ ଏଦାନି ଝେଚେସି, “ନୀନୁ ଏନାଆଁ ମନ କିହିମାଞ୍ଜି ?”

ଏଦି ଏଲେଇଚେ, “ନୀ ରାଜିତା ନା ରୀ ମୀରୁକା ବିତ୍ତାଟି ରଅସି ନୀ ଚିଣିଞ୍ଜାକି ଅଡେ ରଅସି ନୀ ଚେବୁଞ୍ଜାକି କୁଗିନେରି ଇଞ୍ଜି ହୁକୁମି ହୀମୁ ।”

୨୨ ସାମା ଜୀସୁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଦାଆଁ ପୁଞ୍ଜିହିଲଅଡେରି । ନାନୁ ଆମିନି ସଲ୍ଲାତା ଗସାଲି ହାଜିମାଲ୍, ଏଦାଆଁ ମୀରୁ ଗସାଲି ଆଡିଦେରି ?”

ଏଞ୍ଜାରି ଏଞ୍ଜାଣାଇ ଏଲେଇଚେରି, “ଆଡିନମି ।”

୨୩ ଜୀସୁ ଏଞ୍ଜାଣାଇ ଏଲେଇଚେସି, “ମୀରୁ ନା ସଲ୍ଲାତା ଗହ୍‌ଦେରି ସାତା, ସାମା ନା ଚିଠିନି କି ଚେବୁଞ୍ଜାକି କୁଗାଲି ହୀନି ନା ଅଦିକାରାତି କାତା ଆଏ, ଇତିହୁ ଆମିନି ଗାଗରାକି ନା ଆବା ତାଣାଟି ଚାୟୁ କିଞ୍ଜିଆହାମାନେ ଏଞ୍ଜାରି କୁଗିନେରି ।”

୨୪ ଏଚକାତି ଦସ ଜାଣା ଇ କାତା ଝେଞ୍ଜାନା ଏ ତାୟି ରିଆରାଇ କପା ଆଡେରି । ୨୫ ସାମା ଜୀସୁ ଏଞ୍ଜାଣାଇ ତାଗେ ହାଗାନା ଏଲେଇଚେସି, “ଏଚକା କୁଡାତାରି ସାଲ୍‌ଞ୍ଜି କିନାରି କାଜା ବାଡୁହୁ ତଲେ ତାମି କାଜାପାଣା ତହ୍‌ନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି । ୨୬ ସାମା ବିତ୍ତା ଏଲେକିହୁ ଆଏ, ସାମା ମୀ ବିତ୍ତା ଆମ୍ବାଆସି କାଜାସି ଆହାଲି ଅଣ୍ଡିନେସି, ଏଞ୍ଜାସି ମୀ ସେବା କିନାସି ଆପେସି; ୨୭ ଅଡେ ଆମ୍ବାଆସି କାଜାପାଣା ବେଟାଆହାଲି ମନ କିନାସି ଏଞ୍ଜାସି ମୀ ହଲେଏସି ଆପେସି, ୨୮ ଏନିକି ମାଣସି ମୀରୁଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଅଡେ ହାଚେରକା ଲକୁଣି ଗେଲ୍‌ପାଲି ଜୀସୁ ହାହାଲି ଖାହାମାନେସି ।”

ରୀ କାଣାୟିଣି ମେସାଲି ହୀନାୟି

(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ଜୀସୁ ଅଡେ ତାନି ସାୟୁୟି ଜିରିହଟି ହାଜିମାଟାଟି ହାଚେରକା ମାଦା ଲକୁ ତାନି ଜେତ ହାଚେରି । ୩୦ ଅଡେ ଜିରୁ ଦାରିତା ରିଆରି କାଣାୟି ଜୀସୁ ଏ ଜିରୁଟି ହାଜିମାନେସି ଇଞ୍ଜି ଝେଞ୍ଜାନା, କାଜା ଗିୟାତଲେ ଏଲେଇଚେରି, “ଏ ପ୍ରବୁ ଦାସ୍ତୁଦ ମୀରୁଏଣାତି ! ମାଜେ କାର୍ମା ମେସାମୁ !”

୩୧ ସାମା ଲକୁ ଏଞ୍ଜାଣାଇ ପାଲେଏ ଆହାଲି ଦାକା ହୀଚେରି, ସାମା ଏଞ୍ଜାରି ଅଡେ କାଜା ଗିୟାତଲେ ଏଲେଇଚେରି, “ଏ ପ୍ରବୁ ଦାସ୍ତୁଦ ମୀରୁଏଣାତି ! ମାଜେ କାର୍ମା ମେସାମୁ !”

୩୨ ଏମ୍ବାଟିଏ ଜୀସୁ ନିଚାନା ଏଞ୍ଜାଣାଇ ହାଗାନା ଝେଚେସି, “ନାନୁ ମିଜେତାକି ଏନାଆଁ କିଇଁ ଇଞ୍ଜି ମୀରୁ ଅଣ୍ଡିମାଞ୍ଜେରି ?”

୩୩ ଏଞ୍ଜାରି ଏଞ୍ଜାଣାଇ ଏଲେଇଚେରି, “ଏ ପ୍ରବୁ ଏନିକି ମା କାଣ୍‌କା ଦେପି ଆନୁ ।”

୩୪ ଅଡେ ଜୀସୁ କାର୍ମା ଆହାନା ଏଞ୍ଜାରି କାଣ୍‌କା ତାରିଚେସି, ଇଞ୍ଜା ଏ ଦେବୁଣିଏ ଏଞ୍ଜାରି ମେସ୍ତେରି ଇଞ୍ଜା ଏଞ୍ଜାଣି ଜେତ ହାଚେରି ।

୨୧

ଜିରୁସାଲମତା ଜୀସୁ ରାହାଟି ହଡୁନାୟି

(ମାର୍କ ୧୧:୧-୧୧; ଲୁକ ୧୯:୨୮-୪୦)

୧ ଏତିବେଲା ଜୀସୁ ଅଡେ ତାନି ସାୟୁୟି ଜିରୁସାଲମ ତାଗେ ଆହାନା ଜୀତ ଇନି ହରୁ ଦାରିତି ବେଡ଼ପାରି ଏକାଲିଏ ଏତିବେଲା ଜୀସୁ ତାନି ରୀ ସାୟୁୟିଣି ଏଲେଇଞ୍ଜା ପାଣ୍ଡିଚେସି । ୨ “ମୀରୁ ନକିତା ମାନି ନାୟୁତା ହାକୁ, ଇଞ୍ଜା ହାଲ୍‌ଞ୍ଜିନିଏ ଦସାମାନି ର ଗାଡୁଦେ ଇଞ୍ଜା ତାଲୁ ମେହ୍‌ଦେରି; ଏଞ୍ଜାଆଁ ହୁକହାନା ନା ତାଣା ତାଦୁ । ୩ ଅଡେ ଆମ୍ବାଆସି ଏନାଆଁ ଇଞ୍ଜାତିହୁ, ଝେହ୍‌ଦୁ, ଇଞ୍ଜାସିକା ତାଣା ମା ପ୍ରବୁକି ଲଡାମାନେ, ଏ ଦେବୁଣିଏ ଏଞ୍ଜାସିକାଣି ପାଣ୍ଡାନେସି ।”

୪ ମାହାପୁରୁ ଅଣ୍ଡିପୁଟି ବଲୁ ଝେହ୍‌ନାରି କାତା ଏନିକି ସାତା ଆନେ, ଏଦାଆଁତାକି ଇ ବାରେ ଆଡେ;

୫ “ସିୟନତି ଗାଡାଇଁ ଝେହ୍‌ଦୁ

ମେହମୁ ନୀ ରାଜା ନୀ ତାଣା ଖାହିମାନେସି !

ଏଝାସି ସୁଦୁଗାଟାସି ଇଞ୍ଜା ଗାଡ଼ଦେ ଲାକ କୁଗାମାନେସି

ଇଚିହୁଁ ଗାଡ଼ଦେ ତାଲୁ ଲାକ କୁଗାମାନେସି ।”

୨ ଏମ୍ବାଟିଏ ସାସୁୟାଁ ହାଜାନା ଜୀସୁ ଖେସ୍ତଲେହେଁ କାମା କିତେରି, ୨ ଅଡ଼େ ଗାଡ଼ଦେ ଇଞ୍ଜା ତାଲୁତି ତାତାନା ଏଝାସିକା ଲାକ ହିମ୍ବରିକା ପାଠେସ୍ତରି, ଇଞ୍ଜା ଜୀସୁଇଁ କୁରିକିତେରି । ୮ ଅଡ଼େ ହାରେକା ଲକୁ ତାମି ହିମ୍ବରିକା ଜିରୁତା ପାଠେସ୍ତରି, ଅଡ଼େ ଏଚେକା ଲକୁ ମାରୁକାତି ଗଟାୟାଁ ତାତାନା ଜିରୁତା ପାଠେସ୍ତରି । ୯ ଅଡ଼େ ଜୀସୁତି ତାଲୁତା ନକିତା ହାଜିମାଟି ଲକୁ ବାରେ କାଜା ଗିୟାଁତଲେ ଏଲେଇଚେରି, “ହସାନା ଦାଝୁଦ ମୀରୁଏସି ! ମାହାପୁରୁ ଦରୁଟି ଖାହିମାନେସି ନେହାଁସି ! ମାହାପୁରୁ ଏଝାଣାଇଁ ବର ହାପାସି, ଲାକପୁରୁ ହସାନା !”

୧୦ ଅଡ଼େ ଏଝାସି ଜିରୁସାଲମତା ହଡ଼ାଲିଏ, ଗାଡ଼ାତାରି ବାରେଜାଣା “ଇଝାସି ଆମ୍ବାଆସି ?” ଇଞ୍ଜୁଁ କାବାଆହାନା ଏଲେଇଚେରି ।

୧୧ ଏଚେଟିଏ ବାରେ ଲକୁ ଏଲେଇଚେରି, “ଇଝାସି ଗାଲିଲି ଦେସାତା ମାନି ନାଜରିତତି ମାହାପୁରୁ ଅଣ୍ଡପୁତି ବଲୁ ଖେହ୍ନି ଜୀସୁ ।”

ମାହାପୁରୁ ଇଲୁତା ଜୀସୁ ହାନାସି

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହ ୨:୧୩-୨୨)

୧୨ ତାଲୁ ଜୀସୁ ମାହାପୁରୁ ଇଲୁତା ହଡ଼ାନା ଏ ଗାଲୁତା ଏମ୍ବାଆଁ ଆସି ମାସ୍କି ମାଗରାଇଁ ବାରେତି ପାଙ୍ଗାତା ପେରୁହା ପାଣ୍ଡିତେସି, ଇଞ୍ଜା ଗାକାୟାଁ ବେବାରା ଗାଟାରି କୁଚିୟାଁ ଅଡ଼େ ପାରୁଝା ପଟାୟାଁ ଦେବାରା ଗାଟାରି ଜମ୍ବାୟାଁ ଚିରିମ୍ବୁପହେସି, ୧୩ ଅଡ଼େ ଏଝାସି ଏଝାରାଇଁ ଏଲେଇଚେସି, ମାହାପୁରୁ ଦାମ୍ବୁପତିତା ରାସ୍କି ଆହାମାନେ, “ନା ଇଲୁ ପ୍ରାତାନା ଇଲୁ ଇଞ୍ଜୁଁ ଖେଜିନେ, ସାମା ମୀରୁ ଏଦାଆଁ ତଂଗାୟାଁ ପାଝୁ ମ୍ବୁପହା ମାଞ୍ଜେରି ।”

୧୪ ଇଞ୍ଜା ମାହାପୁରୁ ଇଲୁତା କାଣାୟାଁ, ସଟାୟାଁ ତାନି ତାଣା ଖାଡ଼େରି ଇଞ୍ଜା ଏଝାରାଇଁ ନେହୁଁ କିତେସି । ୧୫ ସାମା କାଜା ପୁଜେରାଙ୍ଗା ଅଡ଼େ ମେରାପୁନାରି ତାନୁ କିହିମାନି କାବାଆନି କାମା ମେସାନା ଅଡ଼େ “ମାହାପୁରୁ ଇଲୁତା ହସାନା ଦାଝୁଦ ମୀରୁଏସି” ଇଞ୍ଜୁଁ କାଜା ଗିୟାଁତଲେ କକାରି ଜଲିମାନାଣି ଖେଞ୍ଜାନା କପା ଆଡ଼େରି । ୧୬ ଏଝାରି ଜୀସୁଇଁ ଖେଚେରି, “ଇଝାରି ଏନାଆଁ ଇଞ୍ଜୁଁ ମାନେରି, ନୀନୁ ଏଦାଆଁ ଖେଞ୍ଜିମାଞ୍ଜି ?”

ଜୀସୁ ଏଝାରାଇଁ ଏଲେଇଚେସି, “ହାଅ, ଖେଞ୍ଜିମାଇଁ, ମୀରୁ କକାରି ଇଞ୍ଜା ପାଲୁ ଗହନରାଇଁ ନିଙ୍ଗ ଜହରା ପାରୁ ପାଡ଼ାଲି ଜାପୁହାମାଞ୍ଜି, ଦାମ୍ବୁ ପତିତି ଇ କାତାତି ମୀରୁ ଏଚେଲା ପଡ଼ଝି ଆହାହିଲଅଚେରି ?”

୧୭ ଅଡ଼େ ଏଝାସି ଏଝାରାଇଁ ପିସାନା ଗାଡ଼ାତି ହଡ଼ାନା ବେତନିୟାଁତା ହାଜାନା ଏମ୍ବାଆଁ ଲାଆଁୟାଁ ଡ଼ୟିତେସି ।

ଜୀସୁ ତୟା ମାରୁନୁଇଁ ବାକା ଇଚିନାସି

(ମାର୍କ ୧୧:୧୨-୧୪, ୨୦-୨୪)

୧୮ ଜୀସୁ ଗାଡ଼ାତା ଖେଣ୍ଡା ହାଜିମାଟାଟି ହାକି ଆଡ଼େସି, ୧୯ ଅଡ଼େ ଜିରୁ ଦାରିତା ର ତୟା ମାରୁନୁ ମେସାନା ଦାରିତା ହାଚେସି, ଇଞ୍ଜା ଖାଡ଼ଇ ଆକା ପିସପେ ଏମ୍ବାଆଁ ଏନାଆଁ ମେହୁଆଡେସି ଇଞ୍ଜା ଏଦାନି ବାକା ଇଟାନା ଏଲେଇଚେସି, “ନୀ ତାଣା ଏଚେଲା ପାଡ଼େୟି ଆୟାଆପେ” ଇଞ୍ଜା ଏ ଦେବୁଣିଏ ଏ ତୟା ମାରୁନୁ ଖାୟାହାଚେ ।

୨୦ ସାସୁୟାଁ ଏଦାଆଁ ମେସାନା କାବାଆହାନା ଏଲେଇଚେରି, “ତୟା ମାରୁନୁ ଏନିକିଁ ଏ ଦେବୁଣିଏ ଖାୟା ହାଚେ ।”

୨୧ ଜୀସୁ ଏଝାରାଇଁ ଏଲେଇଚେସି, “ନୀନୁ ମିଙ୍ଗେ ସାତା ଖେସିମାଞ୍ଜାଇଁ, ମୀ ନାମ୍ବୁ ମାଟିହୁଁ, ଅଡ଼େ ମୀରୁ ଆନାମାନା ଆଆନା, ଇ ତୟା ମାରୁନୁତି ଏନି କିଞ୍ଜିଆହାମାନେ, ଏଲେକିହୁଁ ଏ କିଦେରି ଏଦି ଆଏ, ‘ସାମା ଇ ହରୁତି ଜିକେଏ ନୀନୁ ନିଙ୍ଗନା ସାମ୍ବୁରିତା ତରୁଗାମ୍ବୁ’ ଇଞ୍ଜେରି, ଆତିହୁଁ ଏଦି ଆନେ । ୨୨ ଇଞ୍ଜା ନାମ୍ବୁତଲେ ପ୍ରାତାନାତା ଏନାଆଁ ରାହଦେରି ଏ ବାରେ ମିଙ୍ଗେ ମେଡ଼ାଆୟାନେ ।”

ଜୀସୁତି ଅଦିକାରା

(ମାର୍କ ୧୧:୨୭-୩୩; ଲୁକ ୨୦:୧-୮)

☆ ୨୧:୨୧ ୨୧:୨୧ ମାଟି ୧୭:୨୦; ୧କର ୧୩:୨

୨୩ ତାହୁଁ ଜୀବୁ ମାହାପୁରୁ ଇଚ୍ଛୁତା ହତାନା ଜାପୁହି ମାଚାଟି, କାଜା ପୁଜେରାଜା ଅଡ଼େ ଲକ୍ଷ୍ମି କାଜାରି ଏଞ୍ଜାଣି ତାଣା ଖାହାନା ଖେଚେରି, “ନାନୁ ଆମିନି ଅଦିକାରା ତଲେ ଛ ବାରେ କାମା କିହିମାଞ୍ଜି ? ନିଜେ ଏ ଅଦିକାରା ଆମ୍ବାଆସି ହିୟାତେସି ?”

୨୪ ଜୀବୁ ଏଞ୍ଜାରାଇଁ ଏଲେଇଚେସି, “ନାନୁ ଜିକେଏ ମିଜେ ର କାତା ଖେଞ୍ଜାଇଁ, ମୀରୁ ଏଦାଆଁ ଖେଣ୍ଡେ ଖେସ୍ତାତହଁ, ନାନୁ ଆମିନି ଅଦିକାରା ତଲେ ଛ ବାରେ କାମା କିହିମାଇଁ, ନାନୁ ଜିକେଏ ମିଜେ ଖେସ୍ତାଇଁ ।

୨୫ ଜହନ ବାପ୍ତିସ୍ତାଁ ହାହାଲି ଆମ୍ବାଆରି ତାଣାଟି ବେଟା ଆହାମାଚେସି, ଲାକପୁରୁଟି କି ଲକୁ ତାଣାଟି ?”

ଏଚେଟିଏ ଏଞ୍ଜାରି ତାମ୍ବୁ ତ୍ରାମ୍ବୁ ଜଲ୍ଲକି ଆଚେରି, “ମାହାପୁରୁ ତାଣାଟି ଇଞ୍ଜି ଖେସ୍ତୁହଁ, ଏଞ୍ଜାସି ମାଜେ ଏଲେଇଞ୍ଜାଚେସି, ମୀରୁ ଏଦାଆଁତାକି ଏଞ୍ଜାଣାଇଁ ନାମାଆଚେରି ?” ୨୬ ସାମା ମାଣସିୟାଁ ତାଣାଟି ଇନାସି, ଲକ୍ଷ୍ମିତାକି ଆଜି, ଇଚିହଁ ବାରେ ଲକୁ ଜହନଇଁ ମାହାପୁରୁ ଅଣପୁତି ବଲୁ ଖେହନାସି ଇଞ୍ଜିହଁ ମାନଞ୍ଜି ଆହିମାନେରି ।” ୨୭ ଏଦାଆଁତାକି ଏଞ୍ଜାରି ଜୀବୁଇଁ ଏଲେଇଚେରି, “ମାମ୍ବୁ ପୁଞ୍ଜାହିଲଅମି ।”

ଏଞ୍ଜାସି ଜିକେଏ ଏଞ୍ଜାରାଇଁ ଏଲେଇଚେସି, “ଆତିହଁ ନାନୁ ଜିକେଏ ଆମିନି ଅଦିକାରା ତଲେ ଛ ବାରେ କିହିମାଇଁ, ଏଦାଆଁ ନାନୁ ଜିକେଏ ମିଜେ ଖେସ୍ତୁଆଁ ।”

ରୀ ମୀରୁକାଟି ପୁଣ୍ଡିକିନି କାତା

୨୮ ମୀରୁ ଏଦାଆଁ ଅଣପିମାଞ୍ଜେରି ? ରଅଣାକି ରୀ ମୀରୁକା ମାଚେରି, ଏଞ୍ଜାସି କାଜା ମୀରୁଏଣି ତାଣା ଖାହାନା ଏଲେଇଚେସି, “ମୀରୁଏଣା ନୀଞ୍ଜୁ ଅଜୁରି ବାଡ଼ାତା ହାଜାନା କାମା କିମ୍ପୁ ।” ୨୯ ଏଞ୍ଜାସି ଏଲେଇଚେସି, “ନାଜେ କାମା କିହାଲି ମନ ହିଲେଏ” ସାମା ତାହୁଁ ଏଞ୍ଜାସି ଅଣପାମା କାମା କିହାଲି ହାଚେସି । ୩୦ ଇଞ୍ଜା ଉଣା ମୀରୁଏଣା ତାଣା ଖାହାନା ଏଲେଇଞ୍ଜି ଖେସ୍ତୁସି, ଏଞ୍ଜାସି ଏଲେଇଚେସି, “ହାଅ ଆବା ନାନୁ ହାଜିମାଇଁ, ସାମା ଏଞ୍ଜାସି ହାଲାଆଚେସି । ୩୧ ଇ ରିଆରି ବିତ୍ରାଟି ଆମ୍ବାଆସି ଆବା ମନ ଲେହେଁ କିଚେସି ?” ଏଞ୍ଜାରି ଏଲେଇଚେରି “କାଜାସି ।”

ଜୀବୁ ଏଞ୍ଜାରାଇଁ ଏଲେଇଚେସି, ନାନୁ ମିଜେ ସାତା ଖେସିମାଞ୍ଜାଇଁ, ସିସୁ ରୁୀହନାରି ଇଞ୍ଜା ଦାଠେଣିସିକା ମୀ ନକେଏ ମାହାପୁରୁ ରାଜିତା ହତୁନୁ । ୩୨ *ବାପ୍ତିସ୍ତାଁ ହାଜି ଜହନ ଖାହାନା ମୀ ତାଣା ଦାମ୍ପୁତି ଜିରୁ ତସ୍ତାଚେସି, ଅଡ଼େ ମୀରୁ ଏଞ୍ଜାଣାଇଁ ନାମାଆଚେରି, ସାମା ସିସୁ ରୁୀହନାରି ଇଞ୍ଜା ଦାଠେଣିସିକା ଏଞ୍ଜାଣାଇଁ ନାମିତୁ, ସାମା ମୀରୁ ଏନିକଁ ନାମିଦେରି, ଏଦାଆଁତାକି ଏଦାଆଁ ମେସାନା ଜିକେଏ ହିୟାଁ ବାଦଲି କିଆଚେରି ।

ଅଜୁରି ବାଡ଼ାତା କାମାକିନାରି ପୁଣ୍ଡିକିନି କାତା

(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ ଅଡ଼େ ର ପୁଣ୍ଡିକିନି କାତା ଖେଞ୍ଜୁ, ର ବୁମି ଗାଟାସି ମାଚେସି, ଏଞ୍ଜାସି ର ଅଜୁରି ବାଡ଼ା କିହାନା ସାରିଞ୍ଜାକି ବେୟଁ ଗୁରୁଚେସି, ଇଞ୍ଜା ଅଜୁରି ପାଡ଼େୟି ପୀତାଲି ର ଗାଡ଼ୁୟୁ କାରୁହାନା ର ଗାଣା ହଲୁଲେହେଁ କିଚେସି, ଇଞ୍ଜା କାଞ୍ଜିଆନି ଇଲୁ କେପାନା କାମା କିନାରାକି ଏ ବାଡ଼ାତି ବାଟା ହାହାନା ହେକ ଦେସାତା ହାଚେସି । ୩୪ ତାହୁଁ ପାଡ଼େୟି କାମ୍ପି ବେଲା ଆୟାଲିଏ, ଏଞ୍ଜାସି ତାନି ପାଡ଼େୟି ବାଟା ବେଟାଆହାଲି, ବାଡ଼ାତା କାମାକିନାରି ତାଣା, ତାନି ହଲ୍ଲିୟାଜାଣି ପାଣ୍ଡିଚେସି । ୩୫ ସାମା କାମାକିନାରି ତାନି ହଲ୍ଲିୟାଜାଣି ଆସାନା ରଅଣାଇଁ ଖେଚେରି ଇଞ୍ଜା ଅର ରଅଣାଇଁ ପାୟିଚେରି, ଅଡ଼େ ରଅଣାଇଁ ଖାଲକା ଖେଚାନା ପାୟାଁ କୁତାତୁସ୍ତେରି । ୩୬ ଅଡ଼େ ଏଞ୍ଜାସି ତଲିତି କିହାଁ ହାଠେରକା ଜାଣା ହଲ୍ଲିୟାଜାଣି ପାଣ୍ଡିଚେସି, ଅଡ଼େ ଏଞ୍ଜାରି ଏଞ୍ଜାରାଇଁ ଜିକେଏ ଏଲେକିଚେରି । ୩୭ ସାମା ନା ମୀରୁଏଣାଇଁ ଏଞ୍ଜାରି ମାନି କିନେରି ଇଞ୍ଜି ଅଣପାମା, ଏଞ୍ଜାସି ତାହୁଁ ତାନି ମୀରୁଏଣାଇଁ ଏଞ୍ଜାରିତାଣା ପାଣ୍ଡିଚେସି । ୩୮ ସାମା ଏ କାମାକିନାରି ମୀରୁଏଣାଇଁ ମେସାନା ତାମ୍ବୁ ତ୍ରାମ୍ବୁ ଖେସ୍ତୁପି ଆଚେରି, ଇଞ୍ଜାସିତି ବାଡ଼ାତି ଅଦିକାରା ଗାଟାସି; ଖାତୁ ଇଞ୍ଜାଣାଇଁ ପାୟାନା ଅଜୁରି ବାଡ଼ାତି ଅଦିକାରା କିହାକତିନ । ୩୯ ଇଞ୍ଜା ଏଞ୍ଜାରି ଏଞ୍ଜାଣାଇଁ ଅଜୁରି ବାଡ଼ା ଆତାଲା ମେଡ଼ହାନା ପାୟିଚେରି ।

୪୦ ଜୀବୁ ଏଞ୍ଜାରାଇଁ ଖେଚେସି, “ଇଚିହଁ ଏଚିବେଲା ଏ ଅଜୁରି ବାଡ଼ାତି ସାଞ୍ଜୁକାରି ଖାଚେସି, ଏଚିବେଲା ଏ କାମା କିନାରାଇଁ ଏଦାଆଁ କିନେସି ।”

୪୧ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଏ ଲାଗେଏ ପଲେଏତି କାମା କିନାରାଇଁ କସ୍ତ ହାହଁ ପାୟିଚେସି, ଇଞ୍ଜା ଏଞ୍ଜାଣାକି କାମ୍ପିନିସାରି ବାଟା ହାଜି ଏଚକାଟି କାମା କିନାରାକି ଅଜୁରି ବାଡ଼ାତି ହେରପିନେସି ।”

* ୨୧:୨୫ ୨୧:୨୫ ମୁଞ୍ଜିନାସି ☆ ୨୧:୩୨ ୨୧:୩୨ ଲୁକ ୩:୧୨; ୭:୨୯, ୩୦ † ୨୧:୩୨ ୨୧:୩୨ ମୁଞ୍ଜିନାସି

୪୭ ଜୀବୁ ଏଝାରାଇଁ ଏଲେଇରେସି, “ମୀରୁ ଦୀର୍ଘ ପଡ଼ିତ ଈ କାତା ଏରେଲାଝା ପଡ଼ୁଝି ଆହାହିଲଅଡେରି କି ?”

ଇଲୁ ଦହନାରି ଆମିନି ଝାଲିତି ମିଶ୍ୱ ଇଞ୍ଜି କୂଡେରି,

ଏଡିଏ ଇଲୁ କନତି ମୂଲୁ ଝାଲି ଆଡେ;

ମାହାପୁରୁ ତାଣାଟି ଇଦି ଆଡେ,

ଇଞ୍ଜି ଏଡି ମା କାନୁତାକି କାବା ଆନାୟି ।

୪୮ “ଏଦାଆଁତାକି ନାନୁ ମିଜେ ଝେସିମାଞ୍ଜାଇଁ, ମାହାପୁରୁତି ରାଜି ମୀ ତାଣାଟି ମୀଞ୍ଜା ଅଝିଆନେ, ଇଞ୍ଜି ଆମିନି ଜାଡିତି ଲକୁ ନେହୁଁ ପାଡେଡିୟି କାମ୍ବି କିନେରି ଏଝାରାକି ହୀନେସି । ୪୪ ଅଡେ ଆମ୍ବାଆସି ଇ ଝାଲି ଲାକ ରିନେସି ଏଝାସି କାଣ୍ଡାମୁକା ଆନେସି, ଇଞ୍ଜି ଇ ଝାଲି ଆମ୍ବାଆରି ଲାକ ରିନେ ଏଡି ଏଝାଣାଇଁ ନାସାକିନେ ।”

୪୫ କାଜା ପୁଜେରାଞ୍ଜା ଅଡେ ପାରୁସିୟାଁ ଇଝାଣି ଇ ବାରେ ପୁଣ୍ଡମ୍ବିକିନି କାତା ଝେଞ୍ଜାନା, ଏଝାସି ଏଝାରି କାତା ଝେସିମାନେସି ଇଞ୍ଜି ପୁଡେରି, ୪୬ ଇଞ୍ଜି ଏଝାରି ଏଝାଣାଇଁ ଆସାଲି ଅଣପିମାରେରି, ସାମା ଲକୁଇଁ ଆଜିଡେରି, ଏନାଆଁତାକି ଇଡିହୁଁ ଏଝାଣାଇଁ ର ମାହାପୁରୁ ଅଣପୁଡି ବଲୁ ଝେହ୍ନାସି ଇଞ୍ଜି ମାନି କିହମାରେରି ।

୨୨

ବୀହା ବଜିତି ପୁଣ୍ଡମ୍ବିକିନି କାତା (ଲୁକ ୧୪:୧୫-୨୪)

୧ ଅଡେ ଝେଣ୍ଡେ ଜୀସୁ ପୁଣ୍ଡମ୍ବିକିନି କାତାତଲେ ଏଲେଇରେସି, ୨ ଲାକପୁରୁତି ରାଜି ଇଲେତାୟି, ର ରାଜା ଲେହେଁ, ଏଝାସି ତାନି ମୀରୁଏଣା ବୀହା ବଜି କିଡେସି, ୩ ଇଞ୍ଜି ଏ ବୀହା ବଜିତା ହାଟାମାନି ଲକୁଣି ବଜିତା ଝାଡେପରିଝା ଇଞ୍ଜି ତାନି ହଲିୟାଞ୍ଜାଣି ପାଣ୍ଡିଡେସି, ସାମା ଏଝାରି ଝାହାଲି ମନ କିଆଡେରି । ୪ ଅଡେ ଝେଣ୍ଡେ ଏଡକାତି ହଲିୟାଞ୍ଜାଣି ପାଣ୍ଡାନା ଏଲେଇରେସି, ହାଟି କିହାମାନି ଲକୁଣି ଝେହ୍ନୁ, ମେହ୍ନୁ ନାନୁ ନା ବଜି ଝାଜା ମାଇଁ, ଆଞ୍ଜା ଆଡି କଡ଼ିୟାଁ ପାୟୁଝି ଆହାମାନୁ, ବାରେ ରାଜା ଆଡେଡିଏ, ମୀରୁ ବୀହା ବଜିତା ଝାଡୁ । ୫ ସାମା ଏଝାରି ଏଦାଆଁ ଅଣପାଆନା ଆମ୍ବାଆରି ତାନି ତାସା କାମାତା ହାରେରି, ଇଞ୍ଜି ଆମ୍ବା ଆମ୍ବାଆରି ତାନି ବେବାରା କିୟାଲି ହାରେରି, ୬ ଅଡେ ଏଚରଜାଣା ଲକୁ ତାନି ହଲିୟାଞ୍ଜାଣି ଆସାନା ପାୟିଡେରି । ୭ ସାମା ରାଜା କପା ଆହାନା ତାନି କସକାଣି ପାଣ୍ଡାନା ଏ ପାୟିତାରାଇଁ ପାୟି କିଡେସି ଇଞ୍ଜି ଏଝାରି ନାସକା ମେକ୍ହା ତୁସ୍ତେରି । ୮ ଏମ୍ବାଟିଏ ଏଝାସି ତାନି ହଲିୟାଞ୍ଜାଣି ଏଲେଇରେସି, ବୀହା ବଜି ଆହାମାନେ, ସାମା ହାଟୁକି ଆହାମାନି ଲକୁ ପାଡ଼ା ଆଆଡାରି, ୯ ଏଦାଆଁତାକି ନୀର୍ଏ ମୀରୁ ଗାଡ଼ାତି କାଜା ତାଣ୍ଡେଣାଁ ହାଜାନା, ଏଚରଜାଣାଟି ମେହ୍ନେରି, ଏଝାରାଇଁ ବୀହା ବଜିତା ହାଟା ତାଡୁ । ୧୦ ଏମ୍ବାଟିଏ ଏ ହଲିୟାଞ୍ଜା କାଜା ତାଣ୍ଡେଣାଁ ହାଜାନା ଲାଗେଏ ପଡେଲଏତାରାଇଁ ଇଞ୍ଜି ଏଚେକା ନେହାଁରାଇଁ ମେସ୍ତେରି, ଏ ବାରେଡି ରୁଣ୍ଡି କିହାନା ବୀହା ଇଲୁତା ତାଡେରି, ଇଞ୍ଜି ଝାହାମାନି ଲକୁ ବୀହା ଇଲୁତା ନେଞ୍ଜିଡେରି ।

୧୧ ସାମା ରାଜା ବୀହା ବଜିତା ଝାହାମାନି ଲକୁଣି ସିନିକିହାଲି ବିତ୍ରା ଝାହାନା ଏମ୍ବାଆଁ ବୀହା ହିମ୍ବିରି ହୁଚାଆନା କୁଗାମାନି ରଅଣାଇଁ ମେସାନା ଏଝାଣାଇଁ ଏଲେଇରେସି, ୧୨ ଏ ତଡେ, ନୀନୁ ବୀହା ହିମ୍ବିରି ହୁଚାଆନା ଏନିକିଁ ଇମ୍ବାଆଁ ଝାଡି ? ସାମା ଏଝାସି ଏନି ହାଡା ଆଆନା ତୁୟିଡେସି । ୧୩ ଏଏମ୍ବାଟିଏ ରାଜା ଏମ୍ବାଆଁ ହଲିୟାଞ୍ଜାଣି ଏଲେଇରେସି, ଇଝାଣି କେସ୍ତା କତାୟାଁ ଦସାନା ପାଞ୍ଜାତି ଆଦେରିତା ମେଡ଼ହା ତୁହ୍ନୁ, ଏମ୍ବାଆଁ ତୁହୁଁ ପାଲୁକା ଟୀଟି କିନେସି ।

୧୪ ଇଡିହୁଁ ହାଟୁକି ଆଡି ଲକୁ ହାରେକା ଜାଣା ସାମା ଆଡିତି ଲକୁ ହାରେକା ଡଣା ଜାଣା ।

ସିସୁ ହୁନାଣି ଝେନାୟି (ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏଡିବେଲା ପାରୁସିୟାଁ ହାଜାନା ଜୀସୁଇଁ ତାନି ଝେସ୍ତ୍ରି କାତାଟି ଦହ ଦସାଲି ପାରୁ ପାରାଡେରି । ୧୬ ଇଞ୍ଜି ଏଝାରି ହେରଦ ଗତି ବିତ୍ରାଟି ଏଚେକା ଲକୁଡଲେ ତାନି ସୀସୁୟାଁଇଁ ଜୀସୁ ତାଣା ଝେସା ପାଣ୍ଡିଡେରି, “ଏ ଗରୁ ମାମ୍ବୁ ଗୁଞ୍ଜାମାନି ନୀନୁ ସାତା ଝେହ୍ନାଟି ଇଞ୍ଜି ସାତା କିହୁଁ ମାହାପୁରୁତି ଜିରୁ ଜାପନାଟି, ଇଞ୍ଜି

☆ ୨୨:୧୩ ୨୨:୧୩ ମାଜି ୮:୧୨; ୨୫:୩୦; ଲୁକ ୧୩:୨୮

ଆମ୍ଭାଆରାଜ୍ଞ ଆଜଅତି ଅଡ଼େ ଆମ୍ଭାଆରି ପାର୍ବତୀ ବାଚିକିହିଁ ଜଲିନାତି ଆଏ । ୧୭ ଇଦାଆଁତାକି ନୀନୁ ମାଜେ ଖେସ୍ତାମ୍, ନୀ ଅଣପୂତା ଏନାୟି ମାନେ ? କାୟିସରକି ସିସୁ ହୁନାୟି ମେରା କି ଆଏ ?”

୧୮ ସାମା ଜୀସୁ ଏଞ୍ଜାର କାର୍ବି ପୁଞ୍ଜାନା ଏଲେଇରେସି, “ଆଡ଼େ କୁଟୁ ଗାଟାଡେରି ନାଜେ ଏନାଆଁତାକି ତାୟିପାରି କିହିମାଞ୍ଜାଦେରି ? ୧୯ ଏ ସିସୁ ହୁନି ଟାକା ନାଜେ ହିୟାଦୁ ।” ଏମ୍ପାଟିଏ ଏଞ୍ଜାଣି ତାଣ୍ଡା ର ଟାକା ଆଦଲି ହାତେରି । ୨୦ ଜୀସୁ ଏଞ୍ଜାରାଇଁ ଖେରେସି, “ଇ ଆଦଲି ଲାକ ଆମ୍ଭାଆରି ଦରୁ ଅଡ଼େ ତାୟୁଁ ହୁମା ମାନେ ?” ୨୧ ଏଞ୍ଜାରି ଏଲେଇରେରି, “କାୟିସରଖାୟି ।”

ଜୀସୁ ଏଞ୍ଜାରାଇଁ ଏଲେଇରେସି, “ଆତିହିଁ ଆମିନାୟି କାୟିସରଖାୟି ଏଦାଆଁ କାୟିସରକି ହୀଦୁ, ଅଡ଼େ ଆମିନାୟି ମାହାପୁରୁଖାୟି ଏଦାଆଁ ମାହାପୁରୁକି ହୀଦୁ ।”

୨୨ ଏଞ୍ଜାରି ଏଦାଆଁ ଖେଞ୍ଜାନା କାବାଆହାନା ଏଞ୍ଜାଣାଇଁ ପିସାଁ ହାଜାତୁସ୍ତେରି ।

ହାକିଟି ଖେଣ୍ଡେ ନିଜିନି କାତା
(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ ହାକିଟି ଖେଣ୍ଡେ ନିଜିନାୟି ହିଲେଏ ଇଞ୍ଜିମାନି ଏଚରଜାଣା ସାଦୁକିୟାଁ ଏ ଦିନା ଜୀସୁ ତାଣ୍ଡା ଖାହାନା ଖେରେରି । ୨୪ “ଏ ଗୁରୁ ମସା ଖେସାମାଞ୍ଜାନେସି, ରଅସି ପଡ଼ି ପଡ଼ା ଆଆନା ହାଡ଼ିହିଁ ତାନି ତାୟି ତାନି ତକ୍ରିନି ଇଟାନା ଏ ହାଡ଼ାଣି କୁଡ଼ା ଏପାକିନେସି । ୨୫ ମେହ୍ମୁ ମା ତାଣ୍ଡା ସାଡ଼ା ଜାଣା ତାୟିୟାଁ ମାରେରି: ତଲି ମୁଲୁ ତାସି ବାହା ଆହାନା ହାହାହାରେସି, ଇଞ୍ଜା କକାରି ପଦାୟାଁ ହିଲୀଆତାକି ଏଞ୍ଜାସି ତାନି ତକ୍ରିନି ତାନି ତାୟିକି ପିସାହାରେସି; ୨୬ ଏଞ୍ଜାଣି ଜେଚତାସି ଅଡ଼େ ଏଞ୍ଜାଣି ଜେଚତାସି ଏଲେକିହିଁ ସାତା ଜାଣା ଜିକେଏ ହାଡ଼େରି । ୨୭ ବାରେଚି ତାୟୁଁ ଏ ଇୟାଟି ଜିକେଏ ହାଡ଼େ । ୨୮ ଆତିହିଁ ଖେଣ୍ଡେ ନିଜିନାତି ଏ ସାତା ଜାଣା ବିତ୍ତା ଆମ୍ଭାଆରି ତକ୍ରି ଆନେ ? ଇତିହିଁ ବାରେଜାଣା ଏଦାନି ବାହା ଆହାମାଚେରି ।”

୨୯ ଜୀସୁ ଏଞ୍ଜାରାଇଁ ଏଲେଇରେସି, “ମୀରୁ ଦାମ୍ବୁ ସାଡ଼ସ୍ତେରି ଅଡ଼େ ମାହାପୁରୁଚି ବାଡ଼ହୁ ପୁନାଆନା ନାଡ଼ି ଆହିମାଞ୍ଜେରି । ୩୦ ଇତିହିଁ ହାହାନା ଖେଣ୍ଡେ ନିଜିସାରେ ଲକୁ ବାହା ଆଅରି, କି ବାହା ହାଅରି, ସାମା ଲାକପୁରୁଚି ଦୁହ୍ମୟାଲେହେଁ ଆନେରି । ୩୧ ସାମା ହାଡ଼ାରି ଖେଣ୍ଡେ ନିଜିନି କାତା ମାହାପୁରୁ ମିଜେ ଏନାଆଁ ଖେସାମାଞ୍ଜାନେସି ଏଦାଆଁ ମୀରୁ ପଡ଼଼ି ଅହାହିଲଅଡ଼େରି ? ୩୨ ନାନୁ ଅତ୍ରାହାମତି ମାହାପୁରୁ, ଇସାହାକତି ମାହାପୁରୁ, ଅଡ଼େ ଜାକୁବତି ମାହାପୁରୁଚେସାଁ, ଏଞ୍ଜାସି ହାଡ଼ି ଲକୁଚି ମାହାପୁରୁ ଆଏ ସାମା ଜୀଞ୍ଜୁଗାଟାରି ମାହାପୁରୁ ।”

୩୩ ଲକୁ ବାରେ ଏଞ୍ଜାଣି ଜାପୁନାଣି ଖେଞ୍ଜାନା କାବା ଆହାହାଚେରି ।

କାଜା ହୁକୁମି
(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଜୀସୁଇଁ ସାଦୁକିୟାଁ ଖେଣ୍ଡେ ଖେସାଲି ଆଡ଼ି ହିଲଅରି ଇଞ୍ଜାଁ ପୁଞ୍ଜାନା ପାରୁସିୟାଁ ବିତ୍ତାଟି ରୁଣ୍ଡା ଆଡ଼େରି, ୩୫ ଅଡ଼େ ଏଞ୍ଜାରି ବିତ୍ତାଟି ମେରା ପୁନାସି ରଅସି ଜୀସୁଇଁ ତାୟିପାରିକିହିଁ ଖେରେସି, ୩୬ “ଗୁରୁ ବାରେ ହୁକୁମିକା ବିତ୍ତାଟି ଆମିନି ହୁକୁମି କାଜାୟି ?”

୩୭ ଜୀସୁ ଏଞ୍ଜାଣାଇଁ ଏଲେଇରେସି, ନୀନୁ ନୀ ବାରେ ହିୟାଁ, ନୀ ବାରେ ଜୀଞ୍ଜୁ ବାରେ ଅଣପୁ ତଲେ ପୁରୁ ନୀ ମାହାପୁରୁଇଁ ଜୀଞ୍ଜୁ ନମୁ । ୩୮ ଇଦିଏ ବାରେ ହୁକୁମିକା କିହାଁ କାଜାୟି ଇଞ୍ଜା ତଲିତି ହୁକୁମି । ୩୯ ଏଦାଣି ଜେଚଚି ହୁକୁମି ଜିକେଏ ଏଲେକିହିଁଏ, ନୀନୁ ନୀ ପାଡ଼ିତି ଲକୁଣି ନୀ ଜୀଞ୍ଜୁତି ଜୀଞ୍ଜୁ ନହାଁ କତିନି ଲେହେଁ ଜୀଞ୍ଜୁ ନମୁ । ୪୦ ଇ ରୀ ହୁକୁମିତା ମସାତି ବାରେ ମେରା, ଅଡ଼େ ମାହାପୁରୁ ଅଣପୁଚି ବକୁ ଖେହ୍ନାରି କାତା ମାଞ୍ଜାମାନେ ।

କ୍ରୀସୁ ଆମ୍ଭାଆସି
(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ପାରୁସିୟାଁ ରୁଣ୍ଡା ଆହାମାଚାଟି ଜୀସୁ ଏଞ୍ଜାରାଇଁ ଖେରେସି, ୪୨ “କ୍ରୀସୁଇଁ ମୀରୁ ଆମ୍ଭାଆସି ଇଞ୍ଜାଁ ମୀରୁ ଅଣପିମାଞ୍ଜେରି ? ଏଞ୍ଜାସି ଆମ୍ଭାଆରି ମୀରୁଏସି ?” ଏଞ୍ଜାରି ଏଞ୍ଜାଣାଇଁ ଏଲେଇରେରି “ଦାଞ୍ଜୁଦ ମୀରୁଏସି ।”

୪୩ ଜୀସୁ ଏଞ୍ଜାରାଇଁ ଏଲେଇରେସି, “ଆତିହିଁ ଦାଞ୍ଜୁଦ ଏନିକିଁ ସୁଦୁଜୀଞ୍ଜୁ ତଲେ ଏଞ୍ଜାଣାଇଁ ପ୍ରବୁ ଇଞ୍ଜାଁ ମାରେସି ?” ଦାଞ୍ଜୁଦ ଏଲେଇରେସି,

୪୪ “ପ୍ରବୁ ନା ପ୍ରବୁଇଁ ଖେସ୍ତେସି,

ନାନୁ ନୀ ସାତୁୟାଣି ନୀ କତାୟାଁ ତୁଲ ଇଟାଆ ପାତେକ
ନା ଚିନ୍ତନି ଚଟତା କୁଗାମାନାମୁ ।

୪୫ ଇତିହଂ ଦାଫୁଦ ତାନୁଏ ଏଞ୍ଜାଣାଇ ପୁରୁ ଇତିହଂ, କ୍ରୀସ୍ତ ଏନିକଂ ଦାଫୁଦ ମୀରୁଏସି ଆନେସି ?”

୪୬ ଏମ୍ବାଟି ଆମ୍ବାଆସି ଜିକେଏ ଏଞ୍ଜାଣାଇ ଖେଣ୍ଡେ ଖେସାଲି ଆଡାଆତେସି, ଅଡେ ଏ ନେତୁଟିଏ ଆମ୍ବାଆସି ଜିକେଏ ଜୀସୁଇଁ ଏନି କାତା ଖେଞ୍ଜାଲି ସାସା କିଆତେରି ।

୨୩

ମେରାପୁନାରି ଇଞ୍ଜା ପାରୁସିୟାଁ ତାଣାଟି ଜାଗ୍ରାତା ଆନାୟି

(ମାର୍କ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ଏଟିବେଲାତା ଜୀସୁ ବାରେ ଲକୁଇଁ ଇଞ୍ଜା ତାନି ସୀସୁୟାଁଇଁ ଏଲେଇତେସି, ୨ ମେରାପୁନାରି ଅଡେ ପାରୁସିୟାଁ ମସାତି ମେରା ଜାପୁହାଲି ପାଣା ବେଟାଆହାମାନେରି । ୩ ଏଦାଆଁତାକି ଏଞ୍ଜାରି ମିଙ୍ଗେ ଏନାଆଁ ଖେସାତିହଂ ଏଦାଆଁ ମାନଞ୍ଜି ଆଦୁ, ଅଡେ ଏଞ୍ଜାରି ଖେସିଲେହେଁ କିଦୁ, ସାମା ଏଞ୍ଜାରି କାମା କିନିଲେହେଁ କାମା କିଆଦୁ, ଇତିହଂ ଏଞ୍ଜାରି ଏନାଆଁ କିନାୟିମାନେ ଇଞ୍ଜାଁ ଖେହୁନେରି ସାମା ଏଞ୍ଜାରି କିଅରି । ୪ ଏଞ୍ଜାରି ବଜୁଗାଟି କାସକା ଦସାନା ଲକୁ ବନିତା ଏକନେରି ସାମା ତାମୁତ୍ରାମି ର ଖାଞ୍ଜୁ ତଲେ ଜିକେଏ ପେରୁହାଲି ମନ କିଅରି । ୫ *ଏଞ୍ଜାରି ଲକୁଣି ତସାଲି ତାନି କିନି କାମା ବାରେ କିନେରି, ଇତିହଂ ଏଞ୍ଜାରି ପାଟାୟାଁଣା ଦାମ୍ବୁ ପତିତି କାତା ରାଟାନା ମପା ଅଡେ ମୁଞ୍ଜୁତା ଦସା କଡିନେରି, ଇଞ୍ଜାଁ ତାନି ହିମ୍ବିକାଟି ପୁରୁଡେୟାଁ କାଜା କାଜାଆଁ କିନେରି, ୬ ଅଡେ ବଜିତା ନେହଂ ଚାମୁ ଇଞ୍ଜାଁ ଜୀହୁଦି ଲକୁଟି କୁଟି ଇଲୁତା* ନେହଂ କାଜା ଚାମୁ ପାରିନେରି, ୭ ଇଞ୍ଜାଁ ହାଟା ବାଜାରାତା ଜହରା ବେଟାଆହାଲି ଅଡେ ଲକୁ ତାଣାଟି ଗୁରୁ ଇଞ୍ଜାଁ ମାନି ବେଟାଆହାଲି ନେହାୟି ଇଞ୍ଜାଁ ଅଣ୍ଡାପିନେରି । ୮ ସାମା ମୀରୁ ଗୁରୁ ଇଞ୍ଜାଁ ମାନି ବେଟାଆହାଲି ଅଣ୍ଡାପାଆଦୁ, ଇତିହଂ ମୀ ଗୁରୁ ରଅସି ମାନେସି, ଇଞ୍ଜାଁ ମୀରୁ ବାରେତାୟି ତାୟିୟାଁତେରି । ୯ ଅଡେ ଦାରୁଡିତା ଆମ୍ବାଆରାଇଁ ଜିକେଏ ଆଡା ଇଞ୍ଜାଁ ମାନି କିଆଦୁ, ଇତିହଂ ମୀ ଆଡା ରଅସିଏ ଲାକପୁରୁ ମାନେସି । ୧୦ ଅଡେ ମୀରୁ ସାଲଞ୍ଜି କିନାତମି ଇଞ୍ଜାଁ ମାନି ପୁଞ୍ଜାଆଦୁ, ଇତିହଂ ମିଙ୍ଗେ ସାଲଞ୍ଜି କିୟାନାସି ରଅସିଏ ଏଞ୍ଜାସି କ୍ରୀସ୍ତ । ୧୧ *ସାମା ମୀ ବିଡା ଆମ୍ବାଆସି କାଜାସି ଏଞ୍ଜାସି ମୀ ସେବା କିନାସି ଆନେସି । ୧୨ *ଅଡେ ଆମ୍ବାଆସି ତାଙ୍ଗେ କାଜାତେଏଁ ଇଞ୍ଜାଁ ଇଞ୍ଜାଁ କଡିନେସି, ଏଞ୍ଜାଣାଇଁ ଉଣା କିଞ୍ଜିଆନେ, ଇଞ୍ଜାଁ ଆମ୍ବାଆସି ତାଙ୍ଗେ ଉଣା କିହାକଡିନେସି, ଏଞ୍ଜାଣାଇଁ କାଜାସି କିଞ୍ଜିଆନେ ।

ପାରୁସିୟାଁ ଅଡେ ମେରା ପୁନାରାଇଁ ଦହ ଦହନାୟି

(ମାର୍କ ୧୨:୪୦; ଲୁକ ୧୧:୩୯-୪୨, ୪୫, ୫୨; ୨୦:୪୬)

୧୩ ଆୟଡା ତଣ୍ଡ ପାଣିନି କୁଟୁଗାଟି ପାରୁସିୟାଁ ଅଡେ ମେରା ପୁନାତେରି, ଇତିହଂ ମୀରୁ ଲକୁତାକି ଲାକପୁରୁ ରାଜିତି ଦାରା ସୁଣ୍ଡିଦେରି; ମୀରୁ ମୀରୁଏ ଏମ୍ବାଆଁ ହଡି ହିଲଅତେରି, ଇଞ୍ଜାଁ ହଡାଲି ମନ ଗାଟି ଲକୁଣି ଜିକେଏ ହଡାଲି ହାହି ହିଲଅତେରି । ୧୪ ଆୟଡା ତଣ୍ଡ ପାଣିନି କୁଟୁଗାଟି ମେରା ପୁନାତେରି ଅଡେ ପାରୁସିୟାଁତେରି, ଇତିହଂ ମୀରୁ ଉଜେ ଉଜେଏ ଲାମ୍ବା ପ୍ରାଟାନା କିହାନା ରାଣ୍ଡେଣିସିକା ଇଲୁକା ସେନିନାତେରି; ଏଦାଆଁତାକି ମୀରୁ ହାଡେକା ତଣ୍ଡ ବେଟାଆଡେଦରି ।

୧୫ ଆୟଡା ତଣ୍ଡ ପାଣିନି କୁଟୁଗାଟି ପାରୁସିୟାଁ ଅଡେ ମେରା ପୁନାତେରି, ଇତିହଂ ମୀରୁ ରଅଣାଇଁ ଜୀହୁଦି ଦାମ୍ବୁତା ଆଡୁହାଲି ସାମଦୁରି ଆତାଲା ଗାଣ୍ଡତାନା ଦେସା ରେଜେରି, ଇଞ୍ଜାଁ ଏଟିବେଲା ଏଞ୍ଜାସି ଆଣ୍ଡାନେସି, ଏଟିବେଲାତା ମୀରୁ ଏଞ୍ଜାଣାଇଁ ମୀ କିହାଁ ହାଡେକା ଆଗାଡା ନକଡା ମେଡପି ଆନାସି କିହାନା ଲାଣ୍ଡେଏ କିଦେରି ।

୧୬ ଆୟଡା ତଣ୍ଡ ବେଟା ଆନାତେରି କାଣାୟାଁଇଁ ଜିରୁ ତହୁନାତେରି, ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁତି ପାର୍ମାଣା କିତିହଂ ଏନାୟି ହିଲେଏ, ସାମା ଆମ୍ବାଆସି ଇଲୁତି ବାଂଗାରାଟି ପାର୍ମାଣା କିତିହଂ ଏଞ୍ଜାସି ପାର୍ମାଣା କିତିଲେହେଁ ତାପାଆନା କାମା କିନାୟିମାନେ । ୧୭ ଆଡେ କାଣାୟାଁ ଅଡେ ବୁଦି ହିଲଆଗାଟାତେରି ବାଂଗାରା କି ଏ ବାଂଗାରାଟି ସୁଦୁ କିହାନା କି ଦେଫୁଡି, ଇ ରା ବିଡାଟି ଆମିନାୟି କାଜାୟି ? ୧୮ ଅଡେ ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ମାହାପୁରୁ ଇଲୁ ପିଣ୍ଡାଟି ପାର୍ମାଣା କିତିହଂ ଏନାୟି ଆଏ, ସାମା ଆମ୍ବାଆସି ପୂଜାପିଣ୍ଡା ଲାକ ମାନି ଦାନାଟି ପାର୍ମାଣା କିତିହଂ,

* ୨୩:୫ ୨୩:୫ ମାତୃ ୬:୧ * ୨୩:୬ ୨୩:୬ ସିନଗଗ * ୨୩:୧୧ ୨୩:୧୧ ମାତୃ ୨୦:୨୬, ୨୭; ମାର୍କ ୯:୩୫; ୧୦:୪୩, ୪୫; ଲୁକ ୨୨:୨୨
* ୨୩:୧୨ ୨୩:୧୨ ଲୁକ ୧୪:୧୧; ୧୮:୧୪

ପାରମାଣା କିତଲେହେଁ ତାପାଆନା କାମା କିନାୟିମାନେ । ୧୯ ଆଡ଼େ କାଣାୟାଁତେରି, ଦାନା କି ଏ ଦାନାତି ସୁଦ୍ଧୁ କିହିମାନି ମାହାପୁରୁ ଇଲୁତି ପୂଜାପିଣ୍ଡା, ଈ ରୀ ବିଦ୍ରାତି ଆମିନାୟି କାଜାୟି ? ୨୦ ଏଦାଆଁତାକି ଆମ୍ବାଆସି ଦାନାହାନି ପିଣ୍ଡାତି ପାରମାଣା କିନେସି, ଏଞ୍ଜାସି ଏ ପିଣ୍ଡା ଅଡ଼େ ପିଣ୍ଡାତା ମାନି ଦାନାତି ପାରମାଣା କିହିମାନେସି; ୨୧ ଅଡ଼େ ଆମ୍ବାଆସି ମାହାପୁରୁ ଇଲୁତି ପାରମାଣା କିନେସି, ଏଞ୍ଜାସି ମାହାପୁରୁ ଇଲୁ ଇଞ୍ଜା ଏଦାଆଁ ବାସାଆହାମାନି ମାହାପୁରୁଇଁ ପାରମାଣା କିନେସି; ୨୨ ଅଡ଼େ ଆମ୍ବାଆସି ଲାକପୁରୁତି ପାରମାଣା କିନେସି, ଏଞ୍ଜାସି ମାହାପୁରୁତି ସିଂଗାସାଣି ଇଞ୍ଜା ଏଦାଆଁ କୁଗାମାନି ମାହାପୁରୁଇଁ ପାରମାଣା କିନେସି ।

୨୩ ଆୟଡ଼ା ତଣ୍ଡ ପାଣ୍ଡିନି କୁଚୁଗାଟି ମେରା ପୁନାତେରି ଇଞ୍ଜା ପାରୁସିୟାଁ, ଇତିହଁ ମୀରୁ କୁମ୍ବୁ କୁଚା, ରାୟି, ଜିରା ଇନି ଉଣା ତାସା ବିଦ୍ରାତି ଜିକେଏ ଦସ ବାଗାଟି ର ବାଗା ହାହିମାଞ୍ଜେରି, ଅଡ଼େ ମସା ମେରାତି କାଜା କାତାୟାଁ ଇତିହଁ ସାତା ନୀହାୟି କିନାୟି, କାମା ତହୁନାୟି, ଇଞ୍ଜା ନାମ୍, ଇ ବାରେ ପିସାମାଞ୍ଜେରି; ସାମା ଇ ବାରେ ମାନୁଞ୍ଜି ଆହାନା ଅଡ଼େ ଏ ବାରେ ପିହୁଆୟି ମାନେ । ୨୪ ଆଡ଼େ କାଣାୟାଁ ଜିରୁ ତହୁନାତେରି, ମୀରୁ ଖାହାଁତି ହାଣି କିଦେରି ସାମା ଉଚୁଇଁ ଗୁହୁଦେରି ।

୨୫ ଆୟଡ଼ା ତଣ୍ଡ ପାଣ୍ଡିନି କୁଚୁଗାଟି ମେରା ପୁନାତେରି ଇଞ୍ଜା ପାରୁସିୟାଁତେରି, ଇତିହଁ ମୀରୁ ଗିନା ଅଡ଼େ ସାଡ଼ଞ୍ଜାତି ପାଞ୍ଜାତା ନରୁହି ମାଞ୍ଜେରି, ସାମା ଏ ବିଦ୍ରା କୁପକା ଆହାଁ ସରୁ କିତି ଆସ୍ତି ବାରେ ନେଞ୍ଜି କିହାମାଞ୍ଜେରି । ୨୬ ଆଡ଼େ କାଣାକା ମେହୁଆଗାଟି ପାରୁସିୟାଁ, ନଡ଼କଏ ଗିନାତି ବିଦ୍ରାତାଣି ନରୁଦୁ, ଏନିକଁ ପାଞ୍ଜାତା ଜିକେଏ ନରୁଞ୍ଜି ଆନେ ।”

୨୭ ଅୟଡ଼ା ତଣ୍ଡ ପାଣ୍ଡିନି କୁଚୁଗାଟି ମେରା ପୁନାତେରି ଇଞ୍ଜା ପାରୁସିୟାଁ, ଏଦାଆଁତାକି ଇତିହଁ ମୀରୁ ହୁନୁ ଉସପିତି ମାଡ଼ହା ମୁହନି ଚାୟୁଲେହେଁ ତାତେରି । ଏଦି ପାଞ୍ଜାତା ଅଜିକଁ ତଞ୍ଜାଆନେ, ସାମା ବିଦ୍ରା ହାଡ଼ାରି ପେଣକା ଇଞ୍ଜା ସାରୁତାୟି ନେଞ୍ଜାମାନେ; ୨୮ ଏଲେକିହଁ ଏ ମୀରୁ ଜିକେଏ ପାଞ୍ଜାତି ଲକୁ ନକିତା ଦାମ୍ବୁଗାଟାତେରି ଲେହେଁ ତଞ୍ଜା ଆନେରି, ସାମା ମୀ ହିୟାଁ ବିଦ୍ରା କୁଚୁ ଅଡ଼େ ପାପୁ ନେଞ୍ଜାମାନେ ।

ଜାସୁ ଏଞ୍ଜାରାଇଁ ତଣ୍ଡ ପାଣ୍ଡିନି କାତା ଝେହୁନାୟି
(ଲୁକ ୧୧:୪୭-୫୧)

୨୯ ଆୟଡ଼ା ତଣ୍ଡ ପାଣ୍ଡିନି କୁଚୁଗାଟି ମେରା ପୁନାତେରି ଇଞ୍ଜା ପାରୁସିୟାଁ, ଇତିହଁ ମୀରୁ ମାହାପୁରୁ ଅଣପୁତି ବଲୁ ଝେହୁନାରି ମାଡ଼ହା ମୁହନି ଚାୟୁ କେପାନା, ଦାମ୍ବୁଗାଟାରି ମାଡ଼ହା ମୁହନି ଚାୟୁତି ମୁଣ୍ଡା ଅଜିକଁ କିହାନା ଏଲେଇଞ୍ଜାମାଞ୍ଜେରି; ୩୦ ମାମ୍, ମା ଆକୁ ଆବାୟାଁ ବେଲାତା ମାଟିହଁ ମା, ମାହାପୁରୁ ଅଣପୁତି ବଲୁ ଝେହୁନାରାଇଁ ପାୟାଲି ଆଣ୍ଡାଆତମିମା । ୩୧ ଏଦାଆଁତାକି ମୀରୁଏ ମାହାପୁରୁ ଅଣପୁତି ବଲୁ ଝେହୁନାରାଇଁ ପାୟାମାନି ଲକୁତି ମୀରୁକାତେରି, ଏ କାତାତାକି ମୀରୁଏ ମିଜେ ସାକି ହାହା କତିମାଞ୍ଜେରି । ୩୨ ମୀରୁ ହାଜାନା ମୀ ଆକୁ ଆବାୟାଁ କିତି କାମା ରାପୁଦୁ । ୩୩ ଅଡ଼େ ରାସ୍ତାକାତେରି, ଇଞ୍ଜା ବୀସା ଗାଟି ରାସ୍ତା କୁଡ଼ାତି ମୀରୁକାତେରି, ମୀରୁ ବିଚାରା ଦିନାତା ଏନିକଁ ହିରୁ ଗୁଡ଼ଞ୍ଜାତି ତଣ୍ଡଟି ପିସପି ଆନେରି ? ୩୪ ଏଦାଆଁତାକି ମେହୁମ୍ ନାମ୍ ମୀ ତାଣା ମାହାପୁରୁ ଅଣପୁତି ବଲୁ ଝେହୁନାରାଇଁ, ବୁଦି ଗାଟାରାଇଁ, ଇଞ୍ଜା ଜାପୁନି ଗୁରକାଇଁ ପାଣ୍ଡିମାଞ୍ଜାଇଁ; ଏଞ୍ଜାରି ବିଦ୍ରାତି ଆମ୍ବା ଆମ୍ବାଆରାଇଁ ପାୟିଦେରି, ପାସି ମୁଣ୍ଡାତା ଏକହାନା ପାୟିଦେରି, ଅଡ଼େ ଆମ୍ବା ଆମ୍ବାଆରାଇଁ ଜାହୁଦି ଲକୁତି କୁଚୁମି ଇଲୁତା† ବାଡ଼ି ଡ଼ରିତଲେ ଝେଦେରି, ଇଞ୍ଜା ଗାଡ଼ାତାକି ଗାଡ଼ା ଗଡ଼ହା ନିମା କିଦେରି । ୩୫ ଏନିକଁ ଦାମ୍ବୁଗାଟି ହେବଲାଇଁ ପାୟିତି ଦିନାଟିଏ, ମାହାପୁରୁ ଇଲୁ ପିଣ୍ଡା ଦାରିତା ବେରିକୟି ମୀରୁଏସି ଜିକରିୟଇଁ ପାୟିତି ପାତେକା, ଦାଚୁତିତା ଏଚେକା ନେହାଁରାଇଁ ପାୟାମାଞ୍ଜେରି, ଏ ବାରେ କାମାତି ତଣ୍ଡ ମୀ ମୁହେଁ ଖାନେ । ୩୬ ନାମ୍ ମିଜେ ସାତା ଝେସିମାଞ୍ଜାଇଁ, ଇ କାଲ୍ଲାତି ଲକୁ ମୁହେଁ ଇ ବାରେ ତଣ୍ଡ ରିନେ ।

ଜିରୁସାଲମତି ଜାସୁ ଜାସୁନନାୟି
(ଲୁକ ୧୩:୩୪-୩୫)

୩୭ ଏ ଜିରୁସାଲମ, ଏ ଜିରୁସାଲମ ! ମାହାପୁରୁ ଅଣପୁତି ବଲୁ ଝେହୁନାରାଇଁ ପାୟିନାତି ନୀ ତାଣା ପାଣ୍ଡି ଆଡ଼ାରାଇଁ ଖାଲକାତଲେ ଝେନାତି, କୟୁ ଏନିକଁ ତାନି ହାପାୟାଁଣି କୁଡ଼ି କିହାନା ମାରାୟାଁ ତୁଇ ପୁକିହାନା ଜଜିନେ, ନାମ୍ ନୀ ଲକୁଇଁ ଏଚର ପାଲି ଏଲେକଁ କୁଡ଼ିକିହାଲି ମନ କିତେଏଁ, ସାମା ଏଞ୍ଜାରି ମନ ହାଆତେରି । ୩୮ ଅଡ଼େ ମେହୁଦୁ ମୀ ମାହାପୁରୁ ଇଲୁ ମୀ କେୟୁତା ହାପକି ଆହାମାଞ୍ଜାନେ । ୩୯ ଇତିହଁ

☆ ୨୩:୨୨ ୨୩:୨୨ ମାତି ୫:୩୪ ☆ ୨୩:୨୭ ୨୩:୨୭ କାମା ୨୩:୩ ☆ ୨୩:୩୩ ୨୩:୩୩ ମାତି ୩:୭; ୧୨:୩୪; ଲୁକ ୩:୭ † ୨୩:୩୪ ୨୩:୩୪ ସିନଗର୍

ନାନୁ ମିଙ୍ଗେ ୱେସିମାଞ୍ଜାଇଁ, ମାହାପୁରୁ ଦରୁଚି ଆମ୍ବାଆସି ୱାହିମାନେସି, ଏଞ୍ଜାସି ନେହାଁସି, ମୀରୁ ଏ କାତା ଜଲ୍ଲାଆ ପାତେକା ନାଞ୍ଜୁଚିଏ ନାଙ୍ଗେ ଅଡ଼େ ମେସୁଅତେରି ।

୨୪

ମାହାପୁରୁ ଇଲୁ ନସୁ ଆନି କାତା

(ମାର୍କ ୧୩:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଚି ହଡ଼ା ହାଜିମାଟାଟି ତାନି ସୀସୁୟାଁ ମାହାପୁରୁ ଇଲୁଚି ବାରେ ଇଲ୍ଲକାଣି ତସାଲି ତାନି ତାଣା ୱାଡ଼େଚି, ୨ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଛ ବାରେ ମେସି ହିଲଅତେରି ? ନାନୁ ମିଙ୍ଗେ ସାତା ୱେସିମାଞ୍ଜାଇଁ, ଇମ୍ବାଆଁ ମାନି ର ୱାଲି ଅର ୱାଲି ଲାକ ଡ଼ୟେଏ, ଛ ବାରେଏ ମେଶ୍ଟାହାମ୍ବୁ ।”

କସୁ ଅଡ଼େ ନିନ୍ଦା ୱାନ୍ତି କାତା

(ମାର୍କ ୧୩:୩-୧୩; ଲୁକ ୨୧:୭-୧୯)

୩ ତାୟୁ ଜୀସୁ ଜୀତ ହରୁ ଲାକ କୁଗାଲିଏ, ତାନି ସୀସୁୟାଁ ମେଶେଏ ୱାହାନା ୱେଚେରି, “ଛ ବାରେ ଏଚେଲା ଆଚେ, ଅଡ଼େ ନୀନୁ ୱାହାନା ଇଞ୍ଜା ଜୁଗୁ ରାନି ଦିନାତି ସିନା ଏନାୟି ଏଦାଆଁ ମାଙ୍ଗେ ୱେସୁମ୍ବୁ ।” ୪ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଜାଗ୍ରାତା ଏନିକ୍ ଆମ୍ବାଆରି ମିଙ୍ଗେ ନାଡ଼ି କିୟଅରି । ୫ ଇଚିହଁ ହାରେକା ନା ଦରୁଚି ୱାହାନା ନାନୁ କ୍ରୀସୁତେଏଁ ଇଞ୍ଜାଁ ୱେସିଆନା ହାରେକା ଲକୁଇଁ ନାଡ଼ି କିନେରି । ୬ ଅଡ଼େ ଦରୁ ଜୁକୁଚି କାତା ଇଞ୍ଜାଁ ଜୁକୁତା କାଲ୍ଲି ଆହିମାନି ଲକୁଚି ହଡ଼ା ୱେଞ୍ଜେରି; ଜାଗ୍ରାତା କିଲିବିଲି ଆମ୍ବାଦୁ । ଏନାଆଁତାକି ଇଚିହଁ ଛ ବାରେ ଆନାୟି ମାନେ, ସାମା ଏ କାଲ୍ଲା ଜୁଗୁ ରାନାୟି ଆଏ । ୭ ଇଚିହଁ ଦେସା କପାଟି ଦେସା, ଅଡ଼େ ରାଡ଼ି କପାଟି ରାଡ଼ି ଗଡ଼ହା ନିଜିନେ, ଇଞ୍ଜାଁ ଆମ୍ବି ଆମ୍ବିୟା କାରୁସୁ ଆନେ, ଅଡ଼େ ବୁମି ୱାଡ଼ିନେ । ୮ ସାମା ଛ ବାରେ କକାରି ପଦାୟାଁ ବେଗାଆନାଟି ତଲିଏ ଲୁଞ୍ଜିନି ବୀସାଲେହେତାୟି ।”

୯ *ଏଚିବେଲାତା ଲକୁ ମିଙ୍ଗେ କସୁ ହିୟାଲି ହେରୁପାନେରି, ଇଞ୍ଜାଁ ମିଙ୍ଗେ ପାୟାନେରି, ଇଞ୍ଜାଁ ନା ଦରୁ ତାକି ମୀରୁ ବାରେ କୁଡ଼ାତି ଲକୁ ତାଣା ଅପାଆ ଗାଟାତେରି ଆଦେରି । ୧୦ ଏଚିବେଲା ହାରେକା ଲକୁ ତାମି ନାମୁଚି ପିହନେରି, ଅଡ଼େ ରଅସି ରଅଣାଇଁ ଆସପି କିଞ୍ଚି କିନେରି, ଅଡ଼େ ରଅସି ରଅଣାଇଁ ଅପୁଞ୍ଚି ଆଅରି, ୧୧ ଅଡ଼େ ହାରେକା ମାହାପୁରୁଚି ମିଚି ବଲୁ ୱେହ୍ନାରି ନିଜ୍ଜାନା ହାରେକା ଲକୁଇଁ ନାଡ଼ି କିନେରି, ୧୨ ଅଡ଼େ ଲାଗେଏ ପଲେଏ କାମା ଗାତି ଆଡ଼ିସାରେ, ହାରେକା ଲକୁଚି ତାନି ଜୀସୁନନାୟି ଉଣା ଆନେ । ୧୩ *ସାମା ଆମ୍ବାଆସି ରାନି ପାତେକା ସାସା ଆସାନା ଡ଼ୟିନେସି ଏଞ୍ଜାସି ଗେଲ୍ଲପି ଆନେସି । ୧୪ ଅଡ଼େ ବାରେ ଲକୁ ନକିତା ସାକି ଆହାଲିତାକି, ମାହାପୁରୁ ରାଡ଼ିତ ଛ ନେହଁ କାତୁ ବାରେ ଦାରୁଚିତା ୱେପ୍ଚିଆନେ, ତାୟୁ ଜୁଗୁ ରାନେ ।”

ନାସାକିନି ଅପାଆଗାଟି କାତା

(ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ଏଦାଆଁତାକି ମୀରୁ ଏଚିବେଲା ମାହାପୁରୁ ଅଣପୁଚି ବଲୁ ୱେହ୍ନି ଦାନିୟେଲ ୱେସୁ କାତାଲେହେଁ ନାସାକିନି ଅପାଆଗାଟି ଆସ୍ତିଚି ସୁଦୁ ଟାୟୁତା ଇଟାମାନାଣି ମେହ୍ଦେରି” ପଡ଼ୁଞ୍ଚି ଆନାସି ଜାଗ୍ରାତା ଆହାନା ପୁଣ୍ଡେସି ୧୬ ଏଚିବେଲା ଆମ୍ବାଆରି ଜୀହୁଦା ରାଡ଼ିତା ମାନେରି, ଏଞ୍ଜାରି ହରୁକା ଲାକ ହଣ୍ଡାପାରି; ୧୭ *ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ତାନି ଇଲୁ ବିତ୍ରା ଆସ୍ତି ତାକାହାଜାଲି ରେଟା ୱାଆପେସି; ୧୮ ଅଡ଼େ ଆମ୍ବାଆସି ଗୁଡ଼ିୟାତା ମାନେସି, ଏଞ୍ଜାସି ତାନି ହିମ୍ବୁରି ଅହାଲି ୱେଶ୍ଟେ ହାଲାଆପେସି । ୧୯ ଏଚିବେଲାତା ପୁରାମାସା ଆହାମାନାଇଁ ଇଞ୍ଜାଁ ପାଲୁ ଉଚ୍ଚିମାନାଇଁ ଆୟତା ଏଞ୍ଚି ଉଶେଏ କସୁ ପାଣ୍ଡୁନୁ, ୨୦ ସାମା ମୀ ହଣ୍ଡାନାୟି ପେନି ବେଲାତା କି ଜମିନି ଦିନାତା ଆଆପେ, ଏଦାଆଁତାକି ପ୍ରାତାନା କିଦୁ । ୨୧ *ଇଚିହଁ ଏଚିବେଲାତା ଇଲେଚି କସୁ ଆନେ, ମାହାପୁରୁ ଦାରୁଚିତା ଗାଡ଼ିକିଚି ଦିନାଟିଏ ନାଞ୍ଜୁପାତେକା ଏଲେକ୍ ଆହା ହିଲେଏ, ଇଞ୍ଜାଁ ଏଲେକ୍ ଏଚେଲାଞ୍ଜା ଆଏ । ୨୨ ଅଡ଼େ ମାହାପୁରୁ ଏ ବେଲାଚି ଉଣା କିହା ହିଲାଆଡ଼ିହଁ ମା; ଦାରୁଚିତା ଆମ୍ବାଆସି ଜିକେଏ ଗେଲ୍ଲପି ଆଆଡେସିମା, ସାମା ତାନି ଆଡ଼ିଚି ଲକୁତାକି ଏ କସୁ ଉଣା କିନେସି ।

* ୨୪:୯ ୨୪:୯ ମାଟି ୧୦:୨୨ * ୨୪:୧୩ ୨୪:୧୩ ମାଟି ୧୦:୨୨ * ୨୪:୧୭ ୨୪:୧୭ ଲୁକ ୧୭:୩୧ * ୨୪:୨୧ ୨୪:୨୧ ୱେ ବଲୁ ୭:୧୪

୨୩ “ଏଚିବେଲା, ‘ମେହ୍‌ଦୁ କ୍ରୀସ୍ତ ଇମ୍‌ପାଆଁ ମାନେସି ଆଥାତ୍‌ ଏମ୍‌ପାଆଁ ମାନେସି’ ଇଞ୍ଜିଆଁ ଆମ୍‌ପାଆସି ମିଜେ ଏଲେକିହ୍‌ ଖେସ୍ତାନେସି ଇଚିହ୍‌ ଏଦାଆଁ ନାମାଆଦୁ । ୨୪ ଇଚିହ୍‌ ନାଡ଼ିକିନି କ୍ରୀସ୍ତୟାଁ ଅଡେ ମାହାପୁରୁ ବଲ୍ଲୁ ମିଚି ଖେହ୍‌ନାରି ନିଜ୍ଞାନା ହାରେକା କାଜା ସିନା ଅଡେ କାବାଆନି କାମାୟାଁ ତହ୍‌ନେରି, ଆଡ଼ିତିହ୍‌ ଆଡ଼ିଆଡ଼ି ଲକ୍ଷ୍ମଣି ଜିକେଏ ନାଡ଼ି କିନେରି । ୨୫ ମେହ୍‌ଦୁ ନାନୁ ମିଜେ ତଲିଏ ଖେସ୍ତାମାଞ୍ଜାଇଁ ।”

୨୬ “ଇଦାଆଁତାକି ‘ମେହ୍‌ଦୁ ଏଝାସି ବାଟାତା ମାନେସି’ ଇଞ୍ଜିଆଁ ଲକ୍ଷ୍ମଣି ଖେସ୍ତାତିହ୍‌ ହାଲାଆଦୁ: ‘ମେହ୍‌ଦୁ ବିତ୍ତା ବାକ୍ରାତା ମାନେସି’ ଇଞ୍ଜିଆଁ ଖେସ୍ତାତିହ୍‌ ଏଦାଆଁ ନାମାଆଦୁ । ୨୭ ଇଚିହ୍‌ ହାଗୁ ମିହ୍‌ନି ବେଲାତି ଉଜେଡ଼ି ଏନିକ୍‌ ଖେଡ଼ା ହପୁ ଖାକିଚି ହଡ଼ାନା ଖେଡ଼ା କୃଡ଼ନି ପାଡେକା ତଞ୍ଜାଆନେ, ଏଲେଆହ୍‌ ଏ ମାଣସି ମାଣସି ଖାନ୍‌ନେସି ।”

୨୮ *ଏମ୍‌ପାଆଁ ମାତୃହା ରିହାମାନେ ଏମ୍‌ପାଆଁ ରାମ୍‌ଣାୟାଁ ରୁଣ୍ଡା ଆନୁ ।

ମାଣସି ମାତୃତ୍ୱସି ଖାନ୍‌ନାସି

(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ *ସାମା ଏଚିବେଲାତି କସ୍ତୁ ତାୟୁ ଦେବୁଣିଏ ଖେଡ଼ା ଆନ୍ଦେରି ଆନେ, ଅଡେ ଲେଞ୍ଜୁ ଉଜେଡ଼ି ହାଏ, ଅଡେ ହାଗୁତି ହୁକାୟାଁ ତରବିନୁ, ଇଞ୍ଜାଁ ହାଗୁ ଲାକତି ବାଡ଼ୟୁ ବାରେ ଖାତିନେ । ୩୦ *ଏଚିବେଲା ହାଗୁ ଲାକତି ମାଣସି ମାତୃତ୍ୱସି ସିନା ତଞ୍ଜାଆନେ, ଇଞ୍ଜାଁ ମାଣସି ମାତୃତ୍ୱସି ଇଞ୍ଜାଁ କାଜା ବାଡ଼ୟୁ ଅଡେ ଗାଧୁରମିଗାତି ଉଜେଡ଼ି ତଲେ ହାଗୁତି ଦୁହାଟି ଖାନ୍‌ନାସି ମେସାନା ଦାନ୍‌ଡ଼ିତି ବାରେ କୃଡ଼ାତି ଲକ୍ଷ୍ମଣି ହାରେକା ଦୁକୁ ତଲେ ଡାନେରି । ୩୧ ଅଡେ ଏଝାସି ତାଡ଼ି ମହ୍‌ରି ହାଡ଼ାତଲେ ତାନି ଦୁଡ଼ୟାଁଣି ପାଣିନେସି ଇଞ୍ଜାଁ ଏଝାରି ଦାନ୍‌ଡ଼ି ମୁଟପେତି ହାନ୍‌ଡ଼ିଏ ହାଗୁଲାକତି ମୁଟପେ ହାନ୍‌ ପାଡେକା ସାରିଖାକିତି ତାନି ଆତାମାନି ଲକ୍ଷ୍ମଣି ରୁଣ୍ଡା କିନେରି ।”

ତୟା ମାତୃତ୍ୱି କାତା

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ତୟା ମାତୃତ୍ୱି ପୁଣ୍ଡାସି କିନି କାତାତି ଜାପାଦୁ; ଏଚିବେଲା କମାତା ଆକା ଗାଲ୍‌ନାଣି ମେସିହ୍‌ କାରାୟାଁ ଖେଡ଼ା ଖାଡେ ଇଞ୍ଜିଆଁ ପୁଞ୍ଜେରି । ୩୩ ଏଲେକିହ୍‌ ଏ ମାରୁ ଜିକେଏ ଇ ବାରେ ମେସିସାରେ ଏଝାସି ଦୁଖେରି ତାଗେ ମାନେସି ଇଞ୍ଜିଆଁ ପୁଞ୍ଜେରି । ୩୪ ନାନୁ ମିଜେ ସାତା ଖେସିମାଞ୍ଜାଇଁ, ଇ ବାରେ ଗଟ଼ି ଆଆପାଡେକା ଇ କାଲ୍‌କତି ଲକ୍ଷ୍ମଣି ଏନିଜିକେଏ ମେଣ୍‌ଜାଅରି । ୩୫ ହାଗୁପାକା ଦାନ୍‌ଡ଼ି ବାରେ ମେଣ୍‌ଜାନ୍‌ନେ, ସାମା ନା ବଲ୍ଲୁ ଏବେଲାଖା ମେଣ୍‌ଜାନ୍‌ନେ ।”

ଖାନ୍‌ ଦିନା ଅଡେ ତଣ୍ଡି ଆମ୍‌ପାଆସି ପୁନଅସି

(ମାର୍କ ୧୩:୩୨-୩୬; ଲୁକ ୧୭:୨୭-୩୦, ୩୪-୩୬)

୩୭ ସାମା ଏ ଦିନା ତଣ୍ଡି କାତା ଆମ୍‌ପାଆସି ପୁନଅସି, ଲାକପୁରୁତି ଦୁଡ଼ୟାଁ କି ମାତୃତ୍ୱସି ଜିକେଏ ପୁନଅସି, ଖାନ୍‌ଜ ଆବାଦେ ପୁନେସି । ୩୮ ଅଡେ ନହ୍‌ ବେଲାତା ଏନିକ୍‌ ଆହାମାରେ, ମାଣସି ମାତୃତ୍ୱସି ଖାନ୍‌ ବେଲାତା ଏଲେକ୍‌ ଆନେ । ୩୯ ଇଚିହ୍‌ ଖାନ୍‌ କୁପନି ନବେଏ, ନହ୍‌ ତଂଗତା ହଡ଼ନି ଦିନା ପାଡେକା ଲକ୍ଷ୍ମଣି ଏନିକ୍‌ ତିଞ୍ଜି ଉଣ୍ଡିହ୍‌, ବାହା କିୟାଲି ବାହା ହିୟାଲି ହେରାମାରେରି, ୩୯ ଇଞ୍ଜାଁ କାଜା ପିୟୁତଲେ ଖାନ୍‌ ଖାହାନା କୁପହା ଅନି ପାଡେକା ଏନିକ୍‌ ଏଝାରି ପୁଞ୍ଜାହିଲାଆଡେରି, ମାଣସି ମାତୃତ୍ୱସି ଖାନ୍‌ନାସି ଜିକେଏ ଏଲେଆହ୍‌ ଏ ଆନେ । ୪୦ ଏଚିବେଲାତା ରିଆରି ଗୁଡ଼ିୟାତା ମାନେରି, ରଅସି ଅଢ଼ିଆନେସି ରଅସି ଏମ୍‌ପାଆଁ ଡ଼ୟିନେସି । ୪୧ ରା ଇୟାସିକା ଜେତାତା ନୁୟାଁମାନୁ ରଣ୍ଡି ଅଢ଼ିଆନେ ଅଡେ ରଣ୍ଡି ଏମ୍‌ପାଆଁ ଡ଼ୟିନେ । ୪୨ ଇଦାଆଁତାକି ଜାଗ୍ରାତା ଆହାନା ମାଞ୍ଜୁ, ଏଦାଆଁତାକି ଇଚିହ୍‌ ମୀ ପ୍ରବୁ ଆନିନି ଦିନା ଖାନ୍‌ନେସି, ଏଦାଆଁ ମାରୁ ପୁଞ୍ଜାହିଲାଅଡେରି । ୪୩ *ସାମା ଇଦାଆଁ ପୁଞ୍ଜାମାଞ୍ଜୁ, ଆନିନି ନେକେରିତା ସରୁ ଖାନ୍‌ନେସି, ଏଦାଆଁ ସାଧୁକାରି ପୁଞ୍ଜାମାନ୍‌ନେସି, ଜାଗ୍ରାତା ଆହାନା ତାନି ଲକ୍ଷ୍ମଣି କାଚି ତୁଡ଼ହାଲି ହାଆଡେସିମା । ୪୪ ଏଦାଆଁତାକି ମାରୁ ଜିକେଏ କାଡ଼ାନା ମାଞ୍ଜୁ, ଇଚିହ୍‌ ଆନିନି ବେଲାତା ମାରୁ ଅଣ୍ଡା ହିଲଅଡେରି, ଏ ବେଲାତା ମାଣସି ମାତୃତ୍ୱସି ଖାନ୍‌ନେସି ।

ତିକାଣା ଗାଟାସି ଅଡେ ତିକାଣା ହିଲାଆଗାତି ହଲେଏସି
(ଲୁକ ୧୨:୪୧-୪୮)

* ୨୪:୨୭ ୨୪:୨୭ ଲୁକ ୧୭:୨୩,୨୪ * ୨୪:୨୮ ୨୪:୨୮ ଲୁକ ୧୭:୩୭ * ୨୪:୨୯ ୨୪:୨୯ ଖେ ବଲ୍ଲୁ ୬:୧୨; ଖେ ବଲ୍ଲୁ ୬:୧୩
* ୨୪:୩୦ ୨୪:୩୦ ଖେ ବଲ୍ଲୁ ୧:୭ * ୨୪:୪୩ ୨୪:୪୩ ଲୁକ ୧୨:୩୯,୪୦

୪୫ ସାଧୁକାରି, ତାନି ଇଲୁତି ଲକ୍ଷ୍ମୀକାକି, ରାନ୍ଦା କାଟୁତା ରାନ୍ଦା ହାହାଲି, ତାନି ଗୁମୁସ୍ତା ପାଣା ଆମ୍ବାଆରାକି ହାହାମାନେସି, ଇଲେତି ନାମୁ ଅଡ଼େ ବୁଦିଗାତି ଗୁମୁସ୍ତା ଆମ୍ବାଆସି, ୪୬ ପ୍ରବୁ ଖାହାନା ତାନି ଆମିନି ହଡ଼ଲେଏଣାଇଁ ଏଲେକିହେଁ ମାନାଣାଇଁ ମେହନେସି, ଏଞ୍ଜାସି ନେହାଁସି ! ୪୭ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଏଞ୍ଜାସି ଏଞ୍ଜାଣାଇଁ ତାନି ବାରେ ଦନଡ଼ି ମୁହେଁ ଗୁମୁସ୍ତା କିନେସି । ୪୮ ସାମା ଏ ହଡ଼ଲେଏସି ଲାଗେଏ ପଡ଼ଲେଏତାସି ଆହାନା, ନା ସାଧୁକାରି ଖାନାୟି ମାନେୟିଏ ଇଞ୍ଜେଁ ତାନି ମନଡ଼ା ଅଣପାନା, ୪୯ ଏଞ୍ଜାସି ତାନି ତଲେତି ହଲିୟାଙ୍ଗାଣି ଖେଚିହେଁ, କାଡ଼ ଗୁହନାରି ତଲେ ତିଞ୍ଜିହେଁ ଗସିହେଁ ମାନେସି, ୫୦ ଆତିହେଁ ଆମିନି ନେରୁ ହଡ଼ଲେଏସି କାଚାହିଲଅସି ଅଡ଼େ ଏମିନି ବେଲା ପୁଞ୍ଜାହିଲଅସି ଏ ଦିନା ଏ ବେଲାତା ତାନି ପ୍ରବୁ ଖାନେସି । ୫୧ ଇଞ୍ଜା ଏଞ୍ଜାଣାଇଁ ରା ବାଗା କିହେଁ ଦାଚାନା କୁଟୁ ଗାଗାରି ତଲେ ତାନି ବାଗା କିନେସି; ଏମ୍ବାଆଁ ଡ଼ାନାୟି ଅଡ଼େ ପାଲକା ଟାଟି କିନାୟିମାନେ ।

୨୫

ଦସ ଜାଣା ଡ଼ାଆ ପଦାୟିତି ପୁଣ୍ଡିକିନି କାତା

୧୯ ଏଚିବେଲା ଲାକପୁରୁତି ରାଜି ଦସ ଜାଣା ଡ଼ାଆ ପଦାୟିତି ଲେହେଁ ଆନେ; ଏଞ୍ଜି ତାନି ଦୀର୍ଘୟାଁ ଆସାନା ବାହା ହନେଏଣାଇଁ ବେଟାଆହାଲି ହାଚୁ । ୨ ଏଞ୍ଜାସିକା ବିତ୍ତା ପାସା ଜାଣା ବୁଦି ହିଲାଆଗାଟାଇ ଇଞ୍ଜା ପାସା ଜାଣା ବୁଦି ଗାଟାଇ ମାଚୁ । ୩ ବୁଦି ହିଲାଆଗାଟାଇ ତାନି ଦୀର୍ଘୟାଁ ଅଚୁ ସାମା ଏଟୁକା ନିହୁଁ ଅଆଚୁ, ୪ ସାମା ବୁଦି ଗାଟାଇ ତାନି ଦୀର୍ଘୟାଁ ତଲେ ଗାଜୁତା ନିହୁଁ ଅହେଁ ହାଚୁ । ୫ ବାହା ହନେଏସି ଖାନାୟି ଖେଡ଼ା ଆୟାଲିଏ, ବାରେଜାଣା କଟଣି ହଚିହେଁ ତୁରାଡ଼ୁସୁ ।

୬ ସାମା ମାଦି ଲାଆଁୟାଁ ମେହଦୁ ବାହା ଦୀର୍ଘୟାଁଏସି ଖାହିମାନେସି, ବେଟାଆହାଲି ଖାଚୁ ଇଞ୍ଜେଁ ର କାଜା ହାଡ଼ା ଆଡ଼େ ! ୭ ଏମ୍ବାଟିଏ ଡ଼ାଆସିକା ନିଙ୍ଗାନା ତାନି ଦୀର୍ଘୟାଁ ପ୍ରଡ଼ୁ । ୮ ସାମା ବୁଦି ହିଲାଆଗାଟାଇ ବୁଦିଗାତି ଡ଼ାଆସିକାଣି ଏଲେଇଚୁ, ମୀ ନିହୁଁ ଇତାଣି ଲାକା ମାଙ୍ଗେ ହିୟାଚୁ, ଇଚିହେଁ ମା ଦୀର୍ଘୟାଁ ତୁମ୍ବାହାଜିମାନୁ । ୯ ସାମା ବୁଦିଗାଟାୟି ଏଲେଇଚୁ, ଆଏ ମିଙ୍ଗେ ଅଡ଼େ ମାଙ୍ଗେତାକି ନିହୁଁ ଏଦେଏ, ବାଜାରାତା ହାଜାନା ମିଙ୍ଗେତାକି ନିହୁଁ କଡ଼ା ତାଚୁ । ୧୦ ସାମା ଏଞ୍ଜି ନିହୁଁ କଡ଼ାଲି ହାଜିମାଟାଟି ହନେଏସି ଖାଡ଼େସି; ଇଞ୍ଜା ଆମିନି ଗାଟାଇ ତିୟାରେ ଆହାନା କାଚାମାଚୁ, ଏଞ୍ଜି ହନେଏଣି ତଲେ ବାହା ବକି ଇଲୁତା ହଚୁ, ଅଡ଼େ ଦାଚା ସୁଣିତେରି ।

୧୧ ଏଚେଟିଏ ଡ଼ାୟୁ ଅର ଡ଼ାଆ ପଦାୟିତି ଜିକେଏ ଖାହାନା ଏଲେଇଚୁ, ଏ ପ୍ରବୁ ଏ ପ୍ରବୁ ମାଙ୍ଗେତାକି ଦାଚା ଦେତାମୁ ଇଞ୍ଜେଁ ହାଚିଚୁ । ୧୨ ଏଚେଟିଏ ବାହା ହନେଏସି ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ନାନୁ ମିଙ୍ଗେ ପୁଞ୍ଜାମାଞ୍ଜାଅଁ ।”

୧୩ ଇଦାଆଁତାକି ଜାଗାତା ମାଞ୍ଜୁ ଏ ଦିନା କି ଏ ତଣ୍ଡ ଆମ୍ବାଆରି ପୁନଅରି ।

ତାନି ଜାଣା ହଲିୟାଙ୍ଗାତି ପୁଣ୍ଡିକିନି କାତା

(ଲୁକ ୧୯:୧୧-୨୭)

୧୪ ଲାକପୁରୁ ରାଜି ଇଲେତାୟି, ଇଚିହେଁ ହେକ ରାଜି ହାଜିମାନି ର ମାଣସି, ଏଞ୍ଜାସି ତାନି ହଲିୟାଙ୍ଗାଣି ହାଚାନା ତାନି ଦନଡ଼ି ହେରପିତେସି । ୧୫ ଏଞ୍ଜାସି ରଅଣାକି ପାସାମାଣା, ଅଡ଼େ ରଅଣାକି ରୀ ମାଣା, ଇଞ୍ଜା ଅଡ଼େ ରଅଣାକି ର ମାଣା ଇଲେକିହେଁ ବାରେତାକି ତାନି ଆଡ଼ିନି ବାଡ଼ୁୟୁ ତଲେ ହାହାନା ହେକ ରାଜିତା ହଚେସି । ୧୬ ଆମିନିଗାଟାସି ପାସାମାଣା ବେଟା ଆହାମାଚେସି, ଏଞ୍ଜାସି ଏଞ୍ଜାଆଁ ଅହାନା ବେବରା କିହାନା ଅଡ଼େ ପାସାମାଣା ଲାବା କିତେସି । ୧୭ ଏଲେକିହେଁ ଏ ଆମିନିଗାଟାସି ରୀ ମାଣା ବେଟା ଆହାମାଚାସି ଏଞ୍ଜାସି ଜିକେଏ, ଅଡ଼େ ରୀ ମାଣା ଲାବା କିତେସି । ୧୮ ସାମା ଆମିନିଗାଟାସି ର ମାଣା ବେଟା ଆହାମାଚେସି, ଏଞ୍ଜାସି ହାଜାନା ବୁନି କାରହାନା ତାନି ସାଧୁକାରି ଟାକାୟିଣି ମୁସାନା ଡ଼କୁହା ଇଚିତେସି ।

୧୯ ହାରେକା ଦିନା ହାଚି ତାୟୁ ଏ ହଲିୟାଙ୍ଗାତି ସାଧୁକାରି ଖାହାନା, ଏଞ୍ଜାରିତଲେ ଲେକା କିତେସି । ୨୦ ଅଡ଼େ ଆମିନିଗାଟାସି ପାସାମାଣା ବେଟା ଆହାମାଚେସି, ଏଞ୍ଜାସି ଅଡ଼େ ପାସାମାଣା ତାଚାନା ଏଲେଇଚେସି, ପ୍ରବୁ ନୀନୁ ନାଙ୍ଗେ ପାସାମାଣା ହାହାମାଞ୍ଜାତି; ମେହଦୁ ନାନୁ ଅଡ଼େ ପାସାମାଣା ଲାବା କିହାମାଇଁ । ୨୧ ତାନି ସାଧୁକାରି ତାଙ୍ଗେ ଏଲେଇଚେସି, ଆୟାଲେତା ନେହେଁ ଟିକାଣାଗାଟି ହଡ଼ଲେଏଣାତି, ନାନୁ ଉଣା କାମାତା ନାନୁ ଗାଗାତି ଆହାମାଞ୍ଜି, ନାନୁ ମିଙ୍ଗେ ହାରେକା କାଜା କାମାତା ହେଡ଼ପାଇଁ, ନୀନୁ ନା ତଲେ ରାହାଁ କିହାଲି ଖାଚୁ । ୨୨ ଅଡ଼େ ଆମିନିଗାଟାସି ରୀ ମାଣା ବେଟା ଆହାମାଚେସି, ଏଞ୍ଜାସି ଜିକେଏ

☆ ୨୫:୧ ୨୫:୧ ଲୁକ ୧୭:୨୫ ☆ ୨୫:୧୧ ୨୫:୧୧ ଲୁକ ୧୩:୨୫ ☆ ୨୫:୧୪ ୨୫:୧୪ ଲୁକ ୧୯:୧୧-୨୭

ଖାହାନା ଏଲେଇଚେସି, ଏ ପୁତ୍ର ନାନୁ ନାଜେ ରା ମାଣା ହାହାମାଞ୍ଜାତି; ମେହ୍ମୁ ନାନୁ ଅଡ଼େ ରା ମାଣା ଲାବା କିହାମାଇଁ । ୨୩ ତାନି ସାସୁକାରି ଏଞ୍ଜାଣାଇଁ ଜିକେଏ ଏଲେଇଚେସି, ଆୟିଲେତା ନେହଁ ଇଞ୍ଜା ଟିକାଣାଗାଟି ହଲେଏଣାତି, ନାନୁ ଉଣା କାମାତା ନାମୁ ଗାଟାତି ଆହାମାଞ୍ଜି, ନାନୁ ନିଜ ହାରେକା କାଜା କାମାତା ହେରପାଇଁ, ନାନୁ ନା ତଲେ ରାହଁ କିହାଲି ଖାମୁ । ୨୪ ତାମୁ ର ମାଣା ଟାକାୟି ଅହାମାଟି ହଲେଏସି ଏଲେଇଚେସି, ସାସୁକାରି, ନାନୁ ପୁଞ୍ଜାମାଇଁ, ନାନୁ ର ଆବୁଞ୍ଜା ହିୟି ଗାଟାତି । ମାଟାଆତି ବୃମିତା ନାନୁ ଦାଃଆନାତି । ବିଚା ମାଟାଆନା ଆନି କୃତି କିନାତି । ୨୫ ଏଦାଆଁତାକି ଆଜାହଁ ନାନୁ ନା ଟାକାୟି ବୃମିତା ମୁସାନା ତୁକୁହା ଇଚିତେସି; ମେହ୍ମୁ ନୀ ଦନ ନାନୁ ବେଟାଆତି । ୨୬ ସାମା ତାନି ସାସୁକାରି ଏଞ୍ଜାଣାଇଁ ଏଲେଇଚେସି, ଆଡ଼େ ଲାଗେଏ ଅଡ଼େ ନିସୁଗାଟି ହଲେଏଣାତି, ନାନୁ ଆମ୍ବିୟା ମାଟା ହିଲଅଁ ଏମାଆଁ ଦାଃଆନାତେସି, ଇଞ୍ଜା ଆମ୍ବିୟା ଆନି ଉପହା ହିଲଅଁ ଏମାଆଁ କୃତି କିନାତେସି, ଇଦାଆଁ ନାନୁ ପୁଞ୍ଜାମାଟି ? ୨୭ ଆତିହଁ ବେବାରା କିନାରି ତାଣା ନା ଟାକାୟି ନାନୁ ଇଚିନାୟି ମାଟେ; ଆତିହଁ ନାନୁ ଖାହାନା ଅତିତଲେ ନା ଦନ ନାନୁ ବେଟାଆଡ଼େସିମା । ୨୮ ଇଦାଆଁତାକି ଇଞ୍ଜାଣି ତାଣାଟି ଇ ଟାକାୟି ଅହାନା ଆମିନି ଗାଟାଣାକି ଦସ ମାଣା ମାନୁ ଏଞ୍ଜାଣାକି ହୀଦୁ । ୨୯ ଇଚିହଁ ଆମ୍ବାଆରାକି ମାନୁ, ଏଞ୍ଜାଣାକି ହୀପକିଆନେ, ଇଞ୍ଜା ଏଞ୍ଜାଣିଞ୍ଜାୟି ହାରେକା ଗାତିଆନେ; ସାମା ଆମ୍ବାଆରି ତାଣା ହିଲେଏ, ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ ଏଞ୍ଜାଣି ତାଣାଟି ଅଞ୍ଜିଆନେ । ୩୦ ଅଡ଼େ ମାନୁ ଇ କାମା କିଆଗାଟି ହଲେଏଣାଇଁ ପାଞ୍ଜାତି ଆନେରିତା ମେଡ଼ହା ତୁହଦୁ, ଏମାଆଁ ତାହଁ ପାଲକା ଟାଟି କିନେସି ।

ରାନ୍ଦି ବେଲାତି ନୀହାୟି

୩୧ ଏମାଣସି ମାନୁଏସି ଏଚିବେଲା ବାରେ ଦୁତୁୟି ତଲେ ତାନି କାଜାପାଣାଟି ଖାଜେସି, ଏଚିବେଲା ଏଞ୍ଜାସି ତାନି ଗାସୁରମିଗାଟି ସିଂଗାସାଣିତା କୁଚିନେସି, ୩୨ ଇଞ୍ଜା ତାନି ନକିତା ବାରେ କୁଡ଼ାତି ଲକୁଣି କୃତି କିଞ୍ଜିଆନେ, ଇଞ୍ଜା ମେଣ୍ଡାୟି ଗଡୁ ଏନିକିଁ ଗରିୟି ତାଣାଟି ମେଣ୍ଡାୟିଏ ଏବକା କିନେସି, ଏଲେକିହଁ ଏଞ୍ଜାସି ଏଞ୍ଜାରାଇଁ ଏବକା କିହାନା, ୩୩ ମେଣ୍ଡାୟିଣି ତାନି ଟିଃନି ଟଟତା ଇଞ୍ଜା ଗରିୟିଣି ତାନି ଟେବୁ ଟଟତା ଇଚିନେସି । ୩୪ ଏଚିବେଲା ରାଜା ତାନି ଟିଃନି ଟଟତି ଲକୁଣି ଏଲେଇଚେସି, ଖାଦୁ ନା ଆବାତି ବର ବେଟା ଆନାତେରି, ମିଜେଟାକି ଦାରୁତି ଗାଡ଼ି ଆଡ଼ି ଦିନାଟିଏ ଆମିନି ରାକି ଗାଡ଼ି କିଞ୍ଜିଆହାମାନେ ଏମାତି ଅଦିକାରା ଆଦୁ । ୩୫ ଇଚିହଁ ନାନୁ ହାକିଟି ମାଟେସି, ମାନୁ ନାଜେ ତିଞ୍ଜାଲି ହିୟାତେରି; ଏସ୍କିଟି ମାଟେସି, ନାଜେ ଗସାଲି ଏୟୁ ହିୟାତେରି; ଏବକା ମାଟେସି ନାଜେ ଆବୁହାତେରି; ୩୬ ନାଗୁଡ଼ାଟି ମାଟେସି ନାଜେ ହିମ୍ବୁରି ହୁଟି କିୟାତେରି; ନମେରି ମାଟେସି ନାଜେ କେରହାତେରି; କାୟିଦିତା ମାଟେସି ନାଜେ ବେଟି ଖାଡ଼େରି ।

୩୭ ଏମାଟିଏ ଦାମ୍ବିଗାଟାରି ଏଞ୍ଜାଣାଇଁ ଏଲେଇଚେସି, ଏ ପୁତ୍ର ଏଚେଲା ହାକିଟି ମାନାଣି ମେସାନା ନିଜେ ତିଞ୍ଜାଲି ହିୟାଆତମି ? ଏଚେଲା ଏସ୍କି ଆଡ଼ାଣି ମେସାନା ଏୟୁ ହିୟାଆତମି ? ୩୮ ଅଡ଼େ ଏଚେଲା ଏବକା ମାଟାଣି ମେସାନା ଆବୁହାତମି ? ଏଚେଲା ନାଗୁଡ଼ା ମେସାନା ହିମ୍ବୁରି ହୁଟି କିୟାଆତମି ? ୩୯ ଅଡ଼େ ଏଚେଲା ନମେରିତା ଇଞ୍ଜା କାୟିଦି ମାନାଣି ମେସାନା ନୀ ତାଣା ଖାଡ଼ମି ? ୪୦ ଇଞ୍ଜା ରାଜା ଏଞ୍ଜାରାଇଁ ଏଲେଇଚେସି, ନାନୁ ମିଜେ ସାତା ଖେସିମାଞ୍ଜାଇଁ, ମାନୁ ନା ଇ ଉଣା ତାୟିୟାଇଁ ରଅଣାଇଁ ଏନାଆଁ କିହାମାଞ୍ଜେରି ଏ ବାରେ ନାଜେଟାକି କିହାମାଞ୍ଜାଦେରି ।

୪୧ ଏମାଟିଏ ତାନି ଟେବୁ ଦାରିତି ଲକୁଣି ଜିକେଏ ଏଲେଇଚେସି, ଆଡ଼େ ମାହାପୁରୁ ତାଣାଟି ବାକା ବେଟା ଆନାତେରି, ନା ନକିଟି ହେକ ଆହାନା ସୟତାନ ଇଞ୍ଜା ତାନି ଦୁତୁୟି କିହାମାନି କାଲ୍ଲକାଲ୍ଲା ଡ଼ାଞ୍ଜିମାନି ହିତୁ ଗାଡୁୟୁତା ହାଦୁ । ୪୨ ଇଚିହଁ ନାନୁ ହାକିଟି ମାଟେସି ନାଜେ ତିଞ୍ଜାଲି ହିୟାଆତେରି; ଏସ୍କିଟି ମାଟେସି ନାଜେ ଗସାଲି ଏୟୁ ହିୟାଆତେରି; ୪୩ ଏବକା ମାଟାଟି ନାଜେ ଆବୁହାଆତେରି; ନାଗୁଡ଼ା ମାଟାଟି ନାଜେ ହିମ୍ବୁରି ହୁଟି କିୟାଆତେରି; ନମେରି ଇଞ୍ଜା କାୟିଦିତା ମାଟାଟି ନାଜେ କେରହାଆତେରି । ୪୪ ଏମାଟିଏ ଏଞ୍ଜାରି ଜିକେଏ ଏଲେଇଚେସି, ଏ ପୁତ୍ର ଏଚେଲା ମାମୁ ନିଜେ ହାକି କି ଏସ୍କି, ଏବକା କି ନାଗୁଡ଼ା, ନମେରି କି କାୟିଦିତା ମାନାଣି ମେସାନା ନିଜେ ସେବା କିୟାଆତମି ? ୪୫ ଏଚେଟିଏ ରାଜା ଏଞ୍ଜାରାଇଁ ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଇଁ, ନା ଇ ଉଣା ଲକୁ ବିଡ଼ାଟି ରଅଣାଇଁ କିହାହିଲାଆକି ନାଜେ କିହାମାଞ୍ଜଅଚେରି । ୪୬ ଅଡ଼େ ଇଞ୍ଜାରି କାଲ୍ଲକାଲ୍ଲାଟି ସାସି ବେଟାଆନେରି, ସାମା ଡାରିଗାଟାରି କାଲ୍ଲକାଲ୍ଲାଟି ଜୀସୁ ବେଟାଆନେରି ।”

* ୨୫:୩୦ ୨୫:୩୦ ମାତି ୮:୨୨; ୨୨:୧୩; ଲୁକ ୧୩:୨୮ * ୨୫:୩୧ ୨୫:୩୧ ମାତି ୧୨:୨୭; ମାତି ୧୯:୨୮

୨୬

ଜୀସୁ କପାଟି ପାରୁ ପାରିନାହି

(ମାର୍କ ୧୪:୧-୨; ଲୁକ ୨୨:୧-୨; ଜହ ୧୧:୪୫-୫୩)

୧ ଜୀସୁ ଛ ବାରେ କାତା ରାଘୁହାନା ତାନି ସୀସୁୟାଁଇଁ ଏଲେଇଚେସି, ୨ “ରୀଇନି ଜେତ ପିସପିଆନ୍ତି ପାରୁ ଆନେ, ଛଦାଆଁ ମୀରୁ ପୁଞ୍ଜାମାଞ୍ଜେରି, ଇଞ୍ଜା ମାଣସି ମୀରୁଏସି ପାସି ମୁଣ୍ଡାତା ହାୟାଲି ହେରପିଆନେସି ।”

୩ ଏଚିବେଲାତା କାଜା ପୁଜେରାଙ୍ଗା ଅଡେ ଲକୁଚି କାଜାରି କୟାପା ଦରୁଗାଟି କାଜା ପୁଜେରା ଆଂଗେଣିତା ରୁଣ୍ଡା ଆଡେରି, ୪ ଅଡେ ଜୀସୁଇଁ ଆସାନା ପାୟାଲି ପାରୁ ପାରିତେରି; ୫ ସାମା ଏଞ୍ଜାରି ଏଲେଇଚେରି, “ପାରୁ ବେଲାତା ଆଏ ଇଚିହଁ ଏଡେତା ଲକୁ ଗଡ଼ହା କିନେରି ।”

ବେତନିୟାତା ଜୀସୁ ତାୟଁତୁ ନିୟୁଁ ଖାକ୍ନାହି

(ମାର୍କ ୧୪:୩-୯; ଜହ ୧୨:୧୮)

୬ ଜୀସୁ ବେତନିୟାତା କାଜା ରଗାଗାଟି ସିମନ ଇଜ ତିଞ୍ଜାଲି କୁଗାମାଗାଟି, ୭ *ର ଇୟା ର ଗାକୁତା ହାରେକା ଦାରାଗାଟି ଗାନ୍ଦା ନିୟୁଁ ତାଚାନା ଜୀସୁ ତାୟଁତୁ ଖାକ୍ନେ । ୮ ସାମା ଏଦାଆଁ ମେସାନା ସୀସୁୟାଁ କପା ଆହାନା ଏଲେଇଚେରି, “ଇଚେକା ଉଜେଏ ଏନାଆଁତାକି କାରୁ ? ୯ ଛଦାଆଁ ହାରେକା ଟାକାୟାଁତାକି ପାରୁପି ଆହାନା କାକୁଲି ଗାଟାରାକି ହିୟାଲି ଆଡେମା ।”

୧୦ ଜୀସୁ ଏଦାଆଁ ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ଇ ଇୟାନି ଏନାଆଁତାକି କସୁ ହାହିମାଞ୍ଜେରି ? ଏଡି ନାଜେତାକି ହାରେକା ନେହଁ କାମା କିହାମାନେ । ୧୧ କାକୁଲି ଗାଟାରି କାଚେଲଏ ମୀ ତାଣା ମାନେରି, ସାମା ନାନୁ କାଚେଲଏ ମୀ ତାଣା ମାନଅଁ । ୧୨ ଇଞ୍ଜା ଏଡି ନା ଆଙ୍ଗାତା ନଚେଏ ନିୟୁଁ ଖାକ୍ନାନା ମୁସାଲି ତାକି ନଚେଏ ତିୟାରା କିହିମାନେ । ୧୩ ନାନୁ ମିଜେ ସାତା ଝେସିମାଞ୍ଜାଇଁ, ବାରେ ଦାଡିତା ଆମିନି ଟାୟୁତା ଛ ନେହଁ କାରୁ ଝେପୁକି ଆନେ, ଏମାଆଁ ଏ ଇୟାନି ଅଣ୍ଡପାଲି ଏଦାନି ଛ କାମା ଜିକେଏ ଝେସପି ଆନେ ।”

ଜୀହୁଦା ଜୀସୁଇଁ ଆସପି କିହାଲି ରାକି ଆନାହି

(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏଚିବେଲା ବାରଜାଣା ବିଦ୍ରାଟି ଇସାରିୟତ ଜୀହୁଦା ଦରୁଗାଟାସି କାଜା ପୁଜେରାଙ୍ଗା ତାଣା ହାଜାନା ଏଲେଇଚେସି, ୧୫ “ନାଜେ ଏନାଆଁ ହିୟାଦେରି ଝେସ୍ତାବୁ ? ନାନୁ ଜୀସୁଇଁ ଆସପି କିୟାଇଁ ।” ଏମାଟିଏ ଏଞ୍ଜାରି ଏଞ୍ଜାଣାକି କଡେଦସ ଗଟା ଝେଣ୍ଡି ଟାକାୟାଁ ଏଜିକିହାନା ହାଡେରି । ୧୬ ଅଡେ ଏ ଦିନାଟିଏ ଏଞ୍ଜାସି ଜୀସୁଇଁ ଏଞ୍ଜାରିତାଣା ହେରପାଲି ତାକି ପାରୁ ପାରିଲି ମାଟୁହେସି ।

ଜୀସୁ ଅଡେ ସୀସୁୟାଁ ପିସପିଆନ୍ତି ପାରୁ କିନାହି

୧୭ ତାୟୁ ପୁଲଏୟୁ ଆଣ୍ଡାଆତି ରୁଚି ତିନି ପାରୁତି ତଲିତି ଦିନାତା ସୀସୁୟାଁ ଜୀସୁ ତାଣା ଖାହାନା ଝେଚେରି, “ମାମୁ ଆମିନି ଟାୟୁତା ନିଜେତାକି ପିସପିଆନ୍ତି ପାରୁତି ବକ୍ତି କିନମି ଇଞ୍ଜା ନାନୁ ଅଣ୍ଡପିମାଞ୍ଜି ?”

୧୮ ଜୀସୁ ଏଲେଇଚେସି, “ମୀରୁ ଗାଡାତା ପାଲାଣା ଗାଟାଣି ତାଣା ହାଜାନା ଏଲେଇଞ୍ଜୁ, ମା ଗୁରୁ ଏଲେଇଞ୍ଜି ଝେସା ପାଣ୍ଡାତେସି, ନା କାରୁ ଏଦାତେୟିଏ, ନାନୁ ନା ସୀସୁୟାଁ ତଲେ ମୀ ଇଜ ପିସପିଆନ୍ତି ପାରୁତି ବକ୍ତି କିନମି ।”

୧୯ ଏମାଟିଏ ସୀସୁୟାଁ ଜୀସୁତି ହୁକୁମି ତଲେ କାମା କିହାନା ପିସପିଆନ୍ତି ପାରୁତି ବକ୍ତି କିଚେରି ।

୨୦ ତାୟୁ ମିଡ଼ଅଲା ଆୟାଲିଏ ଜୀସୁ ବାରଜାଣା ସୀସୁୟାଁ ତଲେ ବକ୍ତିତା କୁଚିତେସି । ୨୧ ଏଞ୍ଜାରି ତିଞ୍ଜାମାଟି ବେଲାତା ଜୀସୁ ଏଲେଇଚେସି, “ନାନୁ ମିଜେ ସାତା ଝେସିମାଞ୍ଜାଇଁ, ମୀ ବିଦ୍ରାଟି ରଅସି ନାଜେ ସାତୁୟାଁ କେୟୁତା ହେରପାନେସି ।”

୨୨ ଏମାଟିଏ ଏଞ୍ଜାରି ହାରେକା ଦୁକୁ ଆହାନା ରଅ ରଅସି ଜୀସୁଇଁ ଝେଚେରି, “ଏ ପ୍ରକୁ ଏଞ୍ଜାତେଏଁ ନାନୁ କି ?”

୨୩ ଜୀସୁ ଏଲେଇଚେସି, “ନା ତଲେ ଆମାଆସି ସାଡ଼ଞ୍ଜାତା କେୟୁ ପାରୁକି ମାନେସି, ଏଞ୍ଜାସି ନାଜେ ସାତୁୟାଁ କେୟୁତା ହେରପାନେସି । ୨୪ ମାଣସି ମୀରୁଏଣି କାତା ଏନିକଁ ରାସ୍ତିକି ଆହାମାନେ ଏଲେକଁ କିହିମାନେସି ସାତା; ସାମା ଆମିନି ଲକୁ ଡାଣାଟି ସାତୁ କେୟୁତା ହେରପି ଆହିମାନେସି, ଆୟତା ଏଚେକା ତଣ୍ଡ ବେଟା ଆନେସି; ଏଞ୍ଜାସି ଜାନ୍ନା ଆହାହିଲାଆତିହଁ ଏଞ୍ଜାଣାକି ନେହେଁ ଆଡେମା ।”

* ୨୬:୭ ୨୬:୭ ଲୁକ ୭:୩୭,୩୮

୨୫ ଏଚେଟିଏ ଆମିନି ଜୀହୁଦା, ସାତୁୟାଁ କେୟୁତା ହେରପିତେସି, ଏଝାସି ଏଲେଇଞ୍ଜି ଇଚେସି, “ଏ ଗୁରୁ ଏଝାଚେସିଁ ନାନୁ କି ?”

ଜୀସୁ ଏଝାଣାଇଁ ଏଲେଇଚେସି, “ନୀନୁତ ଏଲେ ଇଞ୍ଜିମାଞ୍ଜି ।”

ପ୍ରବୁତି ବକ୍ତି

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧କର ୧୧:୨୩-୨୫)

୨୬ ଅଡ଼େ ଏଝାରି ତିଞ୍ଜିମାଚି ବେଲ୍ଲାତା, ଜୀସୁ ରୁଟି ଅହାନା ମାହାପୁରୁଇଁ ଜହରା କିତେସି, ଇଞ୍ଜା ରୁଟି ତିକହାନା ସୀସୁୟାଁକି ହାହାନା ଏଲେଇଚେସି, “ଇଦାଆଁ ଅଧୁ ଇଞ୍ଜା ତିଞ୍ଜି ଇଦି ନା ଆଙ୍ଗା ।”

୨୭ ଅଡ଼େ ଏଝାସି ଗହନ ସଲ୍ଲା ଆସାନା ମାହାପୁରୁଇଁ ଜହରା କିତେସି ଇଞ୍ଜା ସୀସୁୟାଁକି ହାହାନା ଏଲେଇଚେସି; “ଇଦାଆଁ ବାରେତେରି ଗହଦୁ” ୨୮ “ଇଚିହଁ ଆମିନି ନେତେରିତି ରାଜିମାନା ହାଚେକା ଲକ୍ଷୁତାକି ପାପୁତି ମେକହାଲି ଖାକହାମାନି ଇଦି ଏ ନା ନେତେରି । ୨୯ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଆମିନି ଦିନା ନା ଆବାଚି ରାଜିତା ମା ତଲେ ପୁଃନି ଅଞ୍ଜୁରି ରାସା ଗହଆ ପାତେକା ନୀଞ୍ଜୁଟିଏ ଏଚେଲ୍ଲାଝା ଅଞ୍ଜୁରି ରାସା ଗହଆଁ ।”

୩୦ ଅଡ଼େ ଏଝାରି ଜହରା ପାରୁ ପାଚିତି ତାୟୁ ଜାତ ହରୁତା ହଡ଼ା ହାଚେରି ।

ପିତର ଜୀସୁଇଁ ପୁଞ୍ଜାହିଲଅଁ ଇନି କାତା ତଲିଏ ଝେହନାୟି

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହ ୧୩:୩୬-୩୮)

୩୧ ଏଚିବେଲ୍ଲା ଜୀସୁ ଏଝାରାଇଁ ଏଲେଇଚେସି, “ନୀଞ୍ଜୁ ଲାଆଁୟାଁ ମୀରୁ ବାରେତେରି ନାଙ୍ଗେ ପିସାନା ହାଜାଦେରି, ଇଚିହଁ ରାସ୍ତାକି ଆହାମାନେ, ନାନୁ ମେଣ୍ଡାୟାଁ ଗଡ଼ୁଁ ଝେଇଁ ଅଡ଼େ ମାନ୍ଦାଚି ମେଣ୍ଡାୟାଁ ଆଲାରା ଆହାହାନୁ । ୩୨ *ସାମା ନାନୁ ହାହାନା ନିଜିତି ତାୟୁ ମୀ ନକିତା ଗାଲିଲିତା ହାଇଁ ।”

୩୩ ସାମା ପିତର ଜୀସୁଇଁ ଏଲେଇଚେସି, “ବାରେଜାଣା ନିଙ୍ଗେ ପିସାତିହଁ ଜିକେଏ, ନାନୁ କଡ଼େ ନିଙ୍ଗେ ଏଚେଲ୍ଲାଝା ପିସଅଁ ।”

୩୪ ଜୀସୁ ପିତରଇଁ ଏଲେଇଚେସି, “ନାନୁ ନିଙ୍ଗେ ସାତା ଝେସିମାଞ୍ଜାଇଁ, ନୀଞ୍ଜୁ ଲାଆଁୟାଁ କୟୁ କେଣିଆ ନକେଏ ନାନୁ ନାଙ୍ଗେ ତାନିପାଲି ନାନୁ ପୁଞ୍ଜାହିଲଅଁ ଇଞ୍ଜାଁ ଝେହଦି ।”

୩୫ ପିତର ଏଝାଣାଇଁ ଏଲେଇଚେସି, “ନାନୁ ନୀ ତଲେ ହାହାଲି ଆଡ଼ି ଜିକେଏ ନାନୁ ନିଙ୍ଗେ ଏଚେଲ୍ଲା ପୁଞ୍ଜାହିଲଅଁ ଇଞ୍ଜାଁ ଇନଅଁ !” ଇଞ୍ଜାଁ ବାରେ ସୀସୁୟାଁ ଜିକେଏ ଏଲେଇଚେରି ।

ଗେଡ଼ସିମନିତା ଜୀସୁତି ପ୍ରାତାନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ଏଚେଟିଏ ଜୀସୁ ତାନି ସୀସୁୟାଁ ତଲେ ଗେଡ଼ସିମନି ଇନି ର ଗାୟୁତା ହାଜାନା ଏଝାରାଇଁ ଏଲେଇଚେସି, “ନାନୁ ଏମ୍ପାଆଁ ହାଜାନା ପ୍ରାତାନା କିନି ପାତେକା ମୀରୁ ଇମ୍ପାଆଁ କୁଗା ମାଞ୍ଜୁ ।” ୩୭ ଅଡ଼େ ଏଝାସି ପିତର ଇଞ୍ଜାଁ ଜେବଦିତି ରୀ ମୀରୁକାଣି ଅହାନା ହିୟାତା କିଲିବିଲି ଆଡ଼େସି, ୩୮ ଇଞ୍ଜାଁ ଏଚିବେଲ୍ଲା ଏଝାରାଇଁ ଏଲେଇଚେସି, “ନା ଜୀସୁ ହାନିଲେହେଁ ହାଚେକା କିଲିବିଲି ହଡ଼ି ମାଞ୍ଜାନେ, ମୀରୁ ଇମ୍ପାଆଁ ତୟାନା ନା ତଲେ କାଚିହଁ ମାଞ୍ଜୁ ।”

୩୯ ଇଞ୍ଜାଁ ଏଝାସି ହିଚେ ହେକ ହାଜାନା ମୁନୁ କୁତାନା ପ୍ରାତାନା କିହିହଁ ଏଲେଇଚେସି, “ଏ ନା ଆବା ଆତିହଁ ଇ ନା ଦୁକୁ କସ୍ତଗାଚି ସଲ୍ଲାତି ହେକ କିମ୍ପୁ: ସାମା ନା ମନ କଡ଼େ ଆଏ ନୀ କାତେଏ ଆପେ ।”

୪୦ ଅଡ଼େ ଏଝାସି ସୀସୁୟାଁତାଣା ଝାହାନା ଏଝାରାଇଁ ଇଦା କିତାଣି ମେସ୍ତେସି ଇଞ୍ଜାଁ ପିତରଇଁ ଏଲେଇଚେସି, “ମୀରୁ ନା ତଲେ ଗାଡ଼େକା ଜିକେଏ କାତାଲି ଆଡ଼ାଆତେରି ? ୪୧ ପାଦାତା ଏନିକିଁ ହେରଅତେରି, ଏଦାଆଁତାକି କାତାହାଁ ପ୍ରାତାନା କିହେମାଞ୍ଜୁ; ଇଚିହଁ ମନ ମାନେ ସାମା ଆଙ୍ଗାତା ବାଡ଼ୁୟୁ ହିଲେଏ ।”

୪୨ ଅଡ଼େ ର ପାଲି ହାଜାନା ପ୍ରାତାନା କିହିହଁ ଏଲେଇଚେସି, “ଏ ନା ଆବା ଇ ନା ଦୁକୁ କସ୍ତଗାଚି ସଲ୍ଲା ନା ତାଣାଚି ହେକ ଆହାଲି ଆଡ଼ାଆତି, ନାନୁ ଏଦାଆଁ ଗହଇଁ ନା ମନ କଡ଼େ ଆଏ ନୀ କାତେଏ ଆପେ ।”

୪୩ ଅଡ଼େ ଏଝାସି ଝାହାନା ଏଝାରାଇଁ ଇଦା କିହାମାନାଣି ମେସ୍ତେସି; ଇଚିହଁ ଏଝାରି କଚଣି ହଡ଼ି ମାଚେରି ।

* ୨୨:୩୨ ୨୬:୩୨ ମାଚି ୨୮:୧୭

୪୪ ଏମାତୃତ୍ୱ ଏଞ୍ଜେଲ୍ ଏଞ୍ଜେରାଲ୍ ପିସାନା ଅଡେଟ୍ ଝେଣ୍ଡେ ହାଜାନା ଅଡେଟ୍ ଏ ପ୍ରାତାନା ତାନିପାଲି ତାକି କିତେସି । ୪୫ ତାୟୁ ସାୟୁୟାଁ ତାଣା ଖାହାନା ଏଲେଇତେସି, “ଗାଡେଡକା ତୁରାନା ଜମାଦୁ, ଇଚିହୁଁ ମାଣସି ମୀରୁଏସି ପାପୁ ଗାଟାରି ତାଣା ହେରୁପି ଆନିବେଲାଇ ଏଦାତେୟିଏ । ୪୬ ନିଜାଦୁ ମାରୁ ହାନ, ଇଞ୍ଜାଁ ମେହୁଦୁ ଆମ୍ବାଆସି ନାଜେ ସାତୁୟାଁ କେୟୁତା ହେରୁପାନେସି, ଏଞ୍ଜେଲ୍ ତାଗେ ଖାଡେସିଏ !”

ଜାୟୁଇଁ ସାତୁୟାଁ କେୟୁତା ହେରୁପିନାୟି

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହ ୧୮:୩-୧୨)

୪୭ ଜାୟୁ ଇ କାତା ଝେସିମାଚି ବେଲାଇତା, ମେହୁଦୁ, ବାରଜାଣା ସାୟୁୟାଁ ବିତ୍ତାଚି ଜାୟୁଦା ଦରୁଗାଟାସି ରଅସି ଇଞ୍ଜାଁ ଏଞ୍ଜେଲ୍ତଲେ କାଜା ପୁଜେରାଜା ଅଡେଟ୍ ଲକ୍ଷ୍ମି କାଜାରି ତାଣାଚି ପାଣ୍ଡୁଆହାମାନି ହାରେକା ଲକ୍ଷ୍ମି କାଣ୍ଡାୟାଁ ଅଡେଟ୍ ବାଡୁଗାୟାଁ ଆସାନା ଖାଡେଟରି । ୪୮ ଜାୟୁଇଁ ସାତୁୟାଁ କେୟୁତା ହେରୁପିନାସି ଏଞ୍ଜେରାଲ୍ ଇ ସିନା ଝେସାମାଚେସି, “ନାନୁ ଆମ୍ବାଆରାଲ୍ ନଶ୍ଚିଇଁ ଏଞ୍ଜେଲ୍ ଏଞ୍ଜେଲ୍, ଏଞ୍ଜେରାଲ୍ ଆହୁଦେରି ।”

୪୯ ଇଞ୍ଜାଁ ଏଞ୍ଜେଲ୍ ଏ ଦେବୁଣିଏ ଜାୟୁ ତାଣା ଖାହାନା, “ଏ ଗୁରୁ ଜହରା ଇଚେସି” ଅଡେଟ୍ ଏଞ୍ଜେରାଲ୍ ହାରେକା ନଶ୍ଚିତେସି ।

୫୦ ସାମା ଜାୟୁ ଏଞ୍ଜେରାଲ୍ ଏଲେଇଚେସି, “ଏ ତଡେଣ ଏନାଆଁ କିହାଲି ଖାହାମାଞ୍ଜି ଏଦାଆଁ କିମ୍ପୁ ।”

ଏମାତୃତ୍ୱ ଏଞ୍ଜେଲ୍ ତାଗେ ଖାହାନା ଜାୟୁଇଁ ଆସ୍ତେରି । ୫୧ ଅଡେଟ୍ ମେହୁଦୁ, ଜାୟୁତଲେ ମାଟାରି ବିତ୍ତାଚି ରଅସି କାଣ୍ଡା ହୁପୁହେସି ଇଞ୍ଜାଁ କାଜା ପୁଜେରା ହଲଏଣାଲ୍ କିୟୁଁ ରାଡୁହେସି । ୫୨ ଏମାତୃତ୍ୱ ଜାୟୁ ଏଞ୍ଜେରାଲ୍ ଏଲେଇଚେସି, “ନୀ କାଣ୍ଡା ଝେଣ୍ଡେ ନୀ ପାଡୁକାତା ଇଟାମ୍ପୁ, ଇଚିହୁଁ ଆମ୍ବାଆରି କାଣ୍ଡା ଆହୁନେରି ଏଞ୍ଜେଲ୍ କାଣ୍ଡା ତଲେଏ ହାନେରି । ୫୩ ନାନୁ ଏନାଆଁ ଅଣପିମାଞ୍ଜି, ନାନୁ ନା ଆବାଇଁ ବାଚିମାଲିଚିହୁଁ ଇ ଦେବୁଣିଏ ବାର ଗଚି ରିଜାରି କୟ୍‌କା କିହାଁ ହାରେକା ଦୁତୁୟାଁ ପାଣ୍ଡୁଆସି ?” ୫୪ ଇଚିହୁଁ ଇଲେକ୍ ସାତେଏ ଆନେ ଇଞ୍ଜାଁମାନି ଦାମ୍ପୁ ପଚିଚି କାତା ଏନିକ୍ ସାତା ଆନେ ?

୫୫ ଏଚେଟିଏ ଜାୟୁ ମାୟା ଲକ୍ଷ୍ମି ଏଲେଇଚେସି, ତଂଗା ଗାଟାରାଲ୍ ଆହୁନିଲେହେଁ କାଣ୍ଡାୟାଁ ଅଡେଟ୍ ଟେଜାୟାଁ ଆସାନା ମୀରୁ ନାଜେ ଆସାଲି ଖାହାମାଞ୍ଜେରି ? ନାନୁ ବାରେଦିନା ମାହାପୁରୁ ଇଲୁତା କୁଗାନା ଜାପୁହି ମାଚେସି, ସାମା ମୀରୁ ନାଜେ ଆସ୍ତାଆତେରି ! ୫୬ ସାମା ମାହାପୁରୁ ଅଣପୁଚି ବଲ୍ଲୁ ଝେହ୍‌ନାରି ରାଚିଚି ସାତେସି କାତା ଏନିକ୍ ସାତା ଆନେ, ଏଦାଆଁତାକି ଇ ବାରେ ଆହୁମାନେ । ଏଚିବେଲା ବାରେଜାଣା ସାୟୁୟାଁ ଏଞ୍ଜେରାଲ୍ ପିସାନା ହଟାଡୁସ୍ତେରି ।

ବେରଣିମାଣ୍ଡାତା ଜାୟୁଚି ନାହାଁୟି

(ମାର୍କ ୧୪:୫୩-୬୫; ଲୁକ ୨୨:୫୪, ୫୫, ୬୩-୭୧; ଜହ ୧୮:୧୩-୧୪, ୧୯-୨୪)

୬୬ ତାୟୁ ଏମିନିଗାଟାରି ଜାୟୁଇଁ ଆସାମାଚେରି, ଏଞ୍ଜେଲ୍ ଜାୟୁଇଁ କୟାପା ଇନି କାଜା ପୁଜେରା ନକିତା ଅଡେଟି; ଏ ଗାୟୁତା ମେରାପୁନାରି ଅଡେଟ୍ ଲକ୍ଷ୍ମି କାଜାରି ରୁଣ୍ଡା ଆହାମାଚେରି । ୬୮ ସାମା ପିତର ହେକ ତୁୟାନା କାଜା ପୁଜେରା ଆଂଗେଣି ପାତେକା ଏଞ୍ଜେଲ୍ ଡେଟ ହାଚେସି, ଇଞ୍ଜାଁ ତାୟୁ ଏନି ଆନେ, ଏଦାଆଁ ସିନିକିହାଲି ଏଞ୍ଜେଲ୍ ବିତ୍ତା ହାଜାନା ଜାମାନାଜା ତଲେ କୁଗାମାଚେସି । ୬୯ ଏମାତୃତ୍ୱ କାଜା ପୁଜେରାଜା ଅଡେଟ୍ ବାରେ ବେରଣି ମାଣ୍ଡାତାରି ଜାୟୁଇଁ ପାୟାଲି ଏଞ୍ଜେଲ୍ କପାଚି ମିଚି ସାକିୟାଁ ପାରାତେରି, ୭୦ ଇଞ୍ଜାଁ ହାରେକା ସାକିୟାଁ ଝେସ୍ତି ଜିକେଏ, ଏଞ୍ଜେଲ୍ ଏନି ଦହ ପୁଞ୍ଜାଆତେରି । ଇଞ୍ଜାଁ ତାୟୁ ରିଆରି ନିଚାନା ଝେସ୍ତେରି, ୭୧ ଏଞ୍ଜେଲ୍ ଏଲେଇଞ୍ଜାମାଚେସି, “ନାନୁ ମାହାପୁରୁ ଇଲୁ ଡିକହାନା ତାନି ଦିନାଟିଏ କେପାଲି ଆଡିଲ୍ ।”

୭୨ ଏମାତୃତ୍ୱ କାଜା ପୁଜେରା ନିଜାମା ଏଲେଇଚେସି, “ନୀ କପାଚି ଜଲିମାନାରାକି ଝେଣ୍ଡେ ଝେସାଲି ନୀ ଏନି କାତା ହିଲେଏ କି ?” ୭୩ ସାମା ଜାୟୁ ପାଲେଏ ଆହାନା ତୁୟିତେସି । ଏମାତୃତ୍ୱ କାଜା ପୁଜେରା ଜାୟୁଇଁ ଏଲେଇଚେସି, “ନାନୁ ଜାୟୁଚି ମାହାପୁରୁ ଦରୁତଲେ ପାରମାଣା କିଞ୍ଚି କିହାନା ଝେଞ୍ଜିମାଞ୍ଜାଇଁ, ନାଜେ ଝେସ୍ତାମ୍ପୁ, ନାନୁ ସାତେଏ ମାହାପୁରୁ ମୀରୁଏଣାଚି କ୍ରୀୟୁଚିକି ?”

୭୪ ଜାୟୁ ଏଞ୍ଜେରାଲ୍ ଏଲେଇଚେସି, “ନାନୁତ ଝେସିମାଞ୍ଜି; ଅଡେଟ୍ ନାନୁ ନିଜେ ଝେସିମାଞ୍ଜାଇଁ, ନାୟୁଚିଏ ମୀରୁ ମାଣସି ମୀରୁଏଣାଲ୍ ବାଡୁୟୁଗାଚି ମାହାପୁରୁ ଚିଃନିଞ୍ଜାକି ନିଚାମାନାଣି ଅଡେଟ୍ ହାଗୁ ଦୁହାଚି ଖାନାଣି ମେହୁଦେରି !”

୭୫ ଏମାତୃତ୍ୱ କାଜା ପୁଜେରା ତାନି ହିମ୍ପୁରି ଗେସାନା ଏଲେଇଚେସି, “ଇଞ୍ଜେଲ୍ ମାହାପୁରୁ ନିନ୍ଦା କିହିମାନେସି, ଇଞ୍ଜାଁ ମାଜେ ଅଡେଟ୍ ଏନି ସାକିୟାଁ ଲଡାମାନେ ? ମେହୁଦୁ ନାଏଁ ଜିକେଏ ମାହାପୁରୁ ନିନ୍ଦା

କିତାଣି ଖେତେରି, ୭୬ ମା ଅଣ୍ଟପୁତା ଏନାୟି ମାନେ ?” ଏମ୍ବାଟିଏ ଏଞ୍ଜାରି ଏଲେଇଚେରି ଏଞ୍ଜାସି ହାନ୍ତି ଡ଼ଣ୍ଡ ପାଣ୍ଡନାୟି ମାନେ !

୭୭ ଏଚିବେଲା ଏଞ୍ଜାରି ଏଞ୍ଜାଣି ମୁମ୍ବୁଟୁ ହୁପିତେରି, ବିଦା ଖେତେରି; ଇଞ୍ଜା ଆମ୍ବା ଆମ୍ବାଆରି ସାପୁତା ଖେତାନା ଏଲେଇଚେରି, ୭୮ “ଏ କ୍ରୀସ୍ତ ନୀନୁସିଁ ମାହାପୁରୁ ଅଣ୍ଟପୁତି ବଲୁ ଖେହ୍ନାତି, ମାଜେ ଖେସ୍ତାମୁ ନିଙ୍ଗ ଆମ୍ବାଆସି ଖେତାତେସି ।”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜାଁ ଇନାୟି

(ମାର୍କ ୧୪:୨୭-୨୭; ଲୁକ ୨୨:୫୭-୨୨; ଜହ ୧୮:୧୫-୧୮, ୨୫-୨୭)

୭୯ ଏମ୍ବାଟିଏ ପିତର ପାଙ୍ଗାତି ଆଂଗେଣିତା କୁଗାମାଚେସି, ଇଞ୍ଜାଁ ର ହେଲେଣି ପିତର ତାଗେ ଖାହାନା ଏଲେଇଚେ, “ନୀନୁ ଜିକେଏ ଗାଲିଲିତି ଜୀସୁତଲେ ମାଟି ।”

୮୦ ସାମା ଏଞ୍ଜାସି ବାରେତି ନକିତା “ନୀନୁ ଏଞ୍ଜାଣାଇଁ ପୁଞ୍ଜାହିଲଅଁ ନୀନୁ ଏନାଆଁ ଖେସିମାଞ୍ଜି ନୀନୁ ପୁଞ୍ଜାହିଲଅଁ ।” ୮୧ ଅଡେ ପିତର ଆଂଗେଣି ଦୁଖେରିତା ହାଜାଲିଏ ଅଡେ ର ହେଲେଣି ଏଞ୍ଜାଣାଇଁ ମେସାନା ଏ ଟାୟୁତି ଲକୁଣି ଏଲେଇଚେ, “ଇଞ୍ଜାସି ନାଜିରିତ ଜୀସୁତଲେ ମାଚେସି ।”

୮୨ ପିତର ପାରମାଣା କିହାନା ଅଡେ ଏଲେଇଚେସି, “ନୀନୁ ଏଞ୍ଜାଣାଇଁ ପୁଞ୍ଜାହିଲଅଁ ।”

୮୩ ଅଡେ ର ଗାଡେକା ହାଜାଲିଏ ଦାରିତା ନିତାମାଚାରି ପିତର ତାଗେ ଖାହାନା ଏଞ୍ଜାଣାଇଁ ଏଲେଇଚେରି, “ନୀନୁ ଜିକେଏ ସାତେଏ ଏଞ୍ଜାରି ବିତ୍ରାଟି ରଅତି, ଇଚିହୁଁ ନୀ ହାଡାଟି ପୁଣ୍ଡି ଆହିମାନେ ।”

୮୪ ଏମ୍ବାଟିଏ ପିତର ପାରମାଣା ଅଡେ ବାକା ଇଚିହୁଁ ଏଲେଇଚେସି, “ନୀନୁ ଏଞ୍ଜାଣାଇଁ ପୁଞ୍ଜାହିଲଅଁ ।”

ଏ ଦେବୁଣିଏ କୟୁ କେଣିତେ । ୮୫ ଏଚେଟିଏ “କୟୁ କେଣିଆ ନକେଏ ନାଜେ ତାନି ପାଲି ପୁଞ୍ଜାହିଲଅଁ ଇଞ୍ଜାଦି” ଇଞ୍ଜାଁ ଜୀସୁ ଖେସି ଇ କାତା ପିତର ଅଣ୍ଟପୁତା ଖାଡେ, ଇଞ୍ଜାଁ ଏଞ୍ଜାସି ପାଙ୍ଗାତା ହାଜାନା ହାଡେକା କିଲିବିଲି ଦୁକୁଆହୁଁ ଡାଟେସି ।

୨୭

ପିଲାତ ନକିତା ଜୀସୁ

(ମାର୍କ ୧୫:୧; ଲୁକ ୨୩:୧-୨; ଜହ ୧୮:୨୮-୩୨)

୧ ଲାଜ ଖେୟାଲିଏ ବାରେ କାଜା ପୁଜେରାଙ୍ଗା, ଇଞ୍ଜାଁ ଲକୁତି କାଜାରି ଜୀସୁଇଁ ପାୟାଲି ଏଞ୍ଜାଣି କପାଟି କାତା ଆଡେରି, ୨ ଇଞ୍ଜାଁ ଏଞ୍ଜାରି ଏଞ୍ଜାଣାଇଁ ଦସା ଅହାନା ପିଲାତ ଇନି ସାଲୁଝି କିନାଣି ତାଣା ହେରପିତେରି ।

ଇସ୍ତାରିୟତ ଜୀହୁଦା ହାନାୟି

(କାମା ୧:୧୮-୧୯)

୩ ଏଚିବେଲା ଜୀସୁଇଁ ସାତୁ କେୟୁତା ହେରପିତି ଜୀହୁଦା, ଜୀସୁ ହାନ୍ତି ଡ଼ଣ୍ଡ ବେଟା ଆହାମାନେସି ଇଞ୍ଜାଁ ପୁଞ୍ଜାନା, ଜୀସୁତା ଅଣ୍ଟପାନା କାଜା ପୁଜେରାଙ୍ଗା ଅଡେ ଲକୁତି କାଜାରି ତାଣା ଏ କଡେଦସ ଟାକା ଖେଣ୍ଡେ ତାଚାନା ଏଲେଇଚେସି, ୪ “ନୀନୁ ଦହ ହିଲାଆଗାଟାଣି ନେତେରି ହେରପାନା ପାପୁ କିହାମାଇଁ ।”

ସାମା ଏଞ୍ଜାରି ଏଲେଇଚେରି, “ମାଦି ଏମ୍ବାଆଁ ଏନାୟି ମାନେ ? ଏନାଆଁ ନୀନୁ ଅଣ୍ଟପାମୁ ।”

୫ ଏମ୍ବାଟିଏ ଏଞ୍ଜାସି ଟାକାୟାଣି ମାହାପୁରୁ ଇଲୁ ବିତ୍ରା କୁତାତୁସାନା ହାଚେସି, ଇଞ୍ଜାଁ ହାଜାନା ହେରକି ଲେଜା ହାଡେସି ।

୬ ସାମା କାଜା ପୁଜେରାଙ୍ଗା ଏ ଟାକାୟାଁ ଅହାନା ଏଲେଇଚେରି, “ଇଞ୍ଜାଆଁ ମାହାପୁରୁ ଇଲୁତି ଦନ ତଲେ ଇଚିନାୟି ମୋରା ହିଲେଏ, ଇଚିହୁଁ ଇଝି ନେତେରିତି ଟାକାୟାଁ ।” ୭ ଇଞ୍ଜାଁ ଏଞ୍ଜାରି କାତା ଆହାନା ଏଟକା ଦେସାତି ଲକୁତି ମାଡୁହା ମୁହନି ଟାୟୁ ତାକି ଏ ଟାକାୟାଁ ହୀହାନା ର କୁମ୍ବେଏଣା ବୁନି କଡିତେରି । ୮ ଏନାଆଁତାକି ନୀଞ୍ଜାପାତେକା ଏଦାନି “ନେତେରି ବୁନି” ଇଞ୍ଜାଁ ଇନେରି ।

୯ ଏମ୍ବାଟିଏ ମାହାପୁରୁ ଅଣ୍ଟପୁତି ବଲୁ ଖେହ୍ନି ଜିରିମିୟ ତାଣାଟି ରାଡିତି ଇ କାତା ସାତା ଆଡେ, ଇସ୍ତାୟେଲ ମୀରକା ଆମ୍ବାଆରି ତାକି ଏଚେକା ଲେକା ହୀନାୟି ମାନେ, ଏଞ୍ଜାଣି ଲେକାତଲେ ଏ କଡେଦସ ଟାକା ଅହାନା, ୧୦ ନା ତାକି ମାହାପୁରୁତି ହୁକୁମି ଲେହେଁ କୁମ୍ବେଏଣା ବୁନି ତାକି ହାଡେରି ।

ପିଲାତ ଜୀସୁଇଁ ଖେନାୟି

(ମାର୍କ ୧୫:୨-୫; ଲୁକ ୨୩:୩-୫; ଜହ ୧୮:୩୩-୩୮)

୬ ୨୭:୩ ୨୭:୩ କାମା ୧:୧୮,୧୯

୧୧ ଏମାଟିଏ ସାଲୁଣି କିନାଣି ନକିତା ଜୀମୁଇଁ ନିପୁହେରି, ଇଞ୍ଜା ସାଲୁଣି କିନାସି ଏଞ୍ଜାଣାଇଁ ଖେଚେସି, “ନାନୁ ଜୀହୁଦି ଲକ୍ଷୁତି ରାଜାତି ?”

ଜୀସୁ ଏଲେଇଚେସି, “ନାନୁତ ଏଲେ ଇଞ୍ଜିମାଞ୍ଜି ।” ୧୨ ସାମା କାଜା ପୂଜେରାଜା ଇଞ୍ଜା ଲକ୍ଷୁତି କାଜାରି ଏଞ୍ଜାଣି କପାଟି ଖେସାଲିଏ, ଜୀସୁ ଏନାଆଁ ଇନାଆତେସି ।

୧୩ ଏଚେଟିଏ ପିଲାତ ଏଞ୍ଜାଣାଇଁ ଏଲେଇଚେସି, “ଈଞ୍ଜାରି ନୀ କପାଟି ହାରେକା କାତା ଖେସିମାନେରି, ଏନାଆଁ ଖେଞ୍ଜି ହିଲଅତି କି ?”

୧୪ ସାମା ଏଞ୍ଜାସି ର କାତା ଜିକେଏ ଏଞ୍ଜାଣାଇଁ ଜଲ୍ଲାଆତେସି, ଏମାଟିଏ ସାଲୁଣି କିନାସି ହାରେକା କାବା ଆତେସି ।

ଜୀସୁତି ହାନି ତଣ୍ଡ

(ମାର୍କ ୧୫:୬-୧୫; ଲୁକ ୨୩:୧୩-୨୫; ଜହ ୧୮:୩୯; ୧୯:୧୬)

୧୫ ପିସିପିଆନି ପାରୁଁ ବେଲାତା ଲକ୍ଷୁ, ଆମିନି କାୟିଦିତା ଇଟାମାନାରାଇଁ ରାସିମାଚେରି ଏଞ୍ଜାଣାଇଁ ପିସାଲି ସାଲୁଣି କିନାଣି ମେରା ମାଚେ । ୧୬ ଏଚିବେଲା ଏଞ୍ଜାରି ଜୀସୁ-ବାରବା ଦରୁଗାଟି ର କାଜା ଖେଜିତି କାୟିଦି ଗାଟାସି ମାଚେସି । ୧୭ ଏନାଆଁତାକି ଏଞ୍ଜାରି ରୁଣ୍ଡା ଆହାମାନି ବେଲାତା ପିଲାତ ଏଞ୍ଜାଣାଇଁ ଖେଚେସି, ନାନୁ ମିଜେତାକି ଆମ୍ବାଆରାଇଁ ପିସାହିୟାଇଁ ଇଞ୍ଜି ମୀରୁ ମନ କିହିମାଞ୍ଜେରି ? ବାରବାଇଁ କି ଆମ୍ବାଆରାଇଁ କ୍ରୀସୁ ଇଞ୍ଜି ମାଞ୍ଜେରି ଏ ଜୀସୁଇଁ ? ୧୮ ଇଚିହଁ ଏଞ୍ଜାରି ଏଞ୍ଜାଣାଇଁ କପାଟି ହେର୍ପା ମାନେରି ଇଞ୍ଜି ପିଲାତ ପୁଞ୍ଜାମାଚେସି ।

୧୯ ଇଞ୍ଜା ପିଲାତ ନୀହାୟି କିନି ଟାମୁତା କୁଗାମାଗାଟି ତାନି ତକ୍ତି ତାନି ତାଣା ଖେସା ପାଣ୍ଡିଚେ, “ଏ ଦାମ୍ବୁଗାଟି ମାଣସିଇଁ ଏନାଆଁ କିଆନି, ଇଚିହଁ ଏଞ୍ଜାଣି ତାକି ନୀଞ୍ଜୁ ଲାଆଁୟାଁ ହାପାନାତା ହାରେକା କସୁ ଆହାମାଜି ।”

୨୦ ସାମା କାଜା ପୂଜେରାଜା ଅଡେ ଲକ୍ଷୁତି କାଜାରି, ବାରବାଇଁ ରାସାଲି ଇଞ୍ଜା ଜୀସୁଇଁ ନାସା କିହାଲି ଲକ୍ଷୁଣି ଜୀପୁହେରି । ୨୧ ସାମା ପିଲାତ ଏଞ୍ଜାଣାଇଁ ଏଲେଇଚେସି, “ନାନୁ ଈ ରିଆରି ବିତ୍ରାଟି ଆମ୍ବାଆରାଇଁ ପିସାହିୟାଇଁ ଇଞ୍ଜି ମୀରୁ ମନ କିହିମାଞ୍ଜେରି ?”

ଏଞ୍ଜାରି ଏଲେଇଚେରି, “ବାରବାଇଁ ।”

୨୨ ପିଲାତ ଏଞ୍ଜାଣାଇଁ ଖେଚେସି, ଆଚିହଁ ଆମ୍ବାଆରାଇଁ କ୍ରୀସୁ ଇନେରି ଏ ଜୀସୁଇଁ ନାନୁ ଏନାଆଁ କିଇଁ ?

ଏଞ୍ଜାରି ବାରେଜାଣା ଏଲେଇଚେରି, “ଏଞ୍ଜାଣାଇଁ ପାସି ମୁଣ୍ଡାତା ଏକଦୁ ।”

୨୩ ସାମା ପିଲାତ ଖେଚେସି, “ଏନାଆଁତାକି, ଏଞ୍ଜାସି ଏନି ଦହ କିହାମାନେସି ?”

ସାମା ଏଞ୍ଜାରି ହାରେକା କାଲୁଞ୍ଜି ଆହଁ ଏଲେଇଚେରି, “ଏଞ୍ଜାଣାଇଁ ପାସି ମୁଣ୍ଡାତା ଏକଦୁ ।”

୨୪ ଏଚିବେଲା ପିଲାତ ଏନାଆଁ କିହାଲି ଆଡ଼ିହିଲଅସି, ଇଞ୍ଜା ହାରେକା ଗଡ଼ହା ଆହିମାନାଣି ମେସାନା, ଏଚିବେଲା ଲକ୍ଷୁ ନକିତା ଏରୁ ଅହାନା କେସ୍ତା ନରୁହାଁ ଏଲେଇଚେସି, “ଈଞ୍ଜାଣି ପାୟିନି ତାଣା ନା ଦହ ହିଲେଏ, ମୀରୁ ଏନାଆଁ ପୁଞ୍ଜୁ ।”

୨୫ ଏମାଟିଏ ବାରେ ଲକ୍ଷୁ ଏଲେଇଚେରି, “ଏଞ୍ଜାଣି ନେତେରିତି ତଣ୍ଡ ମା ଲାକ ଇଞ୍ଜା ମା ମୀରକା ମୁହେଁ ୱାପେ ।”

୨୬ ଏମାଟିଏ ପିଲାତ ଏଞ୍ଜାଣାଇଁ ବାରବାଇଁ ପିସା ହାତେସି, ଇଞ୍ଜା ଜୀସୁଇଁ ସାଟୁଣି ଖେଚାନା ପାସି ମୁଣ୍ଡାତା ଏକହାଲି ହେର୍ପିଚେସି ।

କସ୍କା ଜୀସୁଇଁ ନିୟାକିହଁ କାକନାୟି

(ମାର୍କ ୧୫:୧୬-୨୦; ଜହ ୧୯:୨-୩)

୨୭ ଏମାଟିଏ ସାଲୁଣି କିନାଣି କସ୍କା ଜୀସୁଇଁ ମେଡ଼ା ଇଲୁ ବିତ୍ରା ଅହାନା ବାରେ କସ୍କା ଏଞ୍ଜାଣି ନକିତା କୃତା ଆତେରି । ୨୮ ଇଞ୍ଜା ଏଞ୍ଜାରି ଏଞ୍ଜାଣି ହିମ୍ବରି ହୁକହାନା ଏଞ୍ଜାଣାଇଁ ହେୟାଁ ୱାଣାଗାଟି ହିମ୍ବରି ହୁଚିକିଚେରି, ୨୯ ଇଞ୍ଜା ହାପକା ଚଡ଼ପରି ଆଲାନା ଏଞ୍ଜାଣି ତାୟଁ ତୁ ଇଚିଚେରି ଅଡେ ଏଞ୍ଜାଣି ଚିଝନି କେୟୁତା ର ବାଡ଼ତା ଆସିପି କିଚେରି, ଇଞ୍ଜା ଏଞ୍ଜାଣି ନକିତା ମେଣ୍ଡା କୁଚିହଁ “ଏ ଜୀହୁଦି ଲକ୍ଷୁତି ରାଜା ଜହରା” ଇଞ୍ଜି ଲାଜାକିହଁ କାକହେରି । ୩୦ ଅଡେ ଏଞ୍ଜାଣିଲାକ ହୁପିଚେରି, ଅଡେ ଏ ବାଡ଼ତା ଆସାନା ଏଞ୍ଜାଣି ତାୟଁ ତୁ ଖେଚେରି । ୩୧ ଅଡେ ଏଞ୍ଜାରି ଏଞ୍ଜାଣାଇଁ ଲାଜାକିହଁ କାକହି ତାୟଁ, ଏ ହିମ୍ବରି ହୁକହା ଅହାନା ତାନି ହିମ୍ବରି ହୁଚିକିଚେରି, ଇଞ୍ଜା ଏଞ୍ଜାଣାଇଁ ପାସି ମୁଣ୍ଡାତା ଏକହାଲି ଅଡେରି ।

ଜୀବୁ ପାସି ମୁଣ୍ଡାତା

(ମାର୍କ ୧୫:୨୧-୩୨; ଲୁକ ୨୩:୨୭-୪୩; ଜହ ୧୯:୧୭-୨୭)

୩୨ ଏଞ୍ଜାରି ହାଜିମାଗାଟି ସିମନ ଦରୁଗାଟି ର କୁରିଣି ଦେସାତି ଲକ୍ଷ୍ମୀ ମେସାନା ଜୀବୁତି ପାସିମୁଣ୍ଡା ତେକାଲି ଏଞ୍ଜାଣାଇଁ ବାଲାମାତମି କିତେରି । ୩୩ ଇଞ୍ଜା ଏଞ୍ଜାରି ଗଲଗତା ଇନି ଚାୟୁତା ଇତିହ ଏମିନାଣି ତାୟୁଁ ରୁଁପା ଇନେରି ଏମ୍ପାଆଁ ଅଡେରି । ୩୪ ଏମ୍ପାଆଁ ଏଞ୍ଜାରି ଏଞ୍ଜାଣାକି କାମେଲି ଏୟୁ ଆବ୍‌ହ ଅକ୍ଷୁରି ରାସା ଗସାଲି ହାତେରି, ସାମା ଏଞ୍ଜାସି ଏଞ୍ଜାଆଁ ଖାଣ୍ଡାନା ଗସାଲି ମନ କିଆତେସି ।

୩୫ ତାୟୁ ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାତା ଏକ୍‌ହାନା ତାନି ହିମ୍ବୁରିକା ପାଦି କିହାନା ତାନି ବିତ୍ତା ବାଟି କିହା ଅଡେରି, ୩୬ ଇଞ୍ଜା ଏମ୍ପାଆଁ କୁଗାନା ଏଞ୍ଜାଣାଇଁ କାଟିମାତେରି । ୩୭ ଇଞ୍ଜା ଏଞ୍ଜାରି ଏଞ୍ଜାଣି ତାୟୁଁ ଲାକଟି ଇଲେଇଞ୍ଜାଁ ରାଟାନା ଲେତେରି, “ଇଞ୍ଜାସି ଜୀହୁଦି ଲକ୍ଷ୍ମୀତି ରାଜା ଜୀବୁ ।” ୩୮ ଏତିବେଲା ତାନି ଚିନ୍ତନିଞ୍ଜାକି ରଅସି ଇଞ୍ଜା ତାନି ଚେଟ୍ଟିଞ୍ଜାକି ରଅସି ଇଲେକିହଁ ରା ସରକାଣି ତାନିତଲେ ପାସି ମୁଣ୍ଡାତା ଏକ୍‌ହେରି ।

୩୯ ଇଞ୍ଜା ଏ ଜିରୁଟି ହାଜିମାନି ଲକ୍ଷ୍ମୀ ତାନି ତାକା ଗୁଟକିକିହଁ ଏଞ୍ଜାଣାଇଁ ନିହାକିହଁ ଏଲେଇଚେରି, ୪୦ “ଆଡେ ମାହାପୁରୁ ଇଲୁ ତିକନାତି ଇଞ୍ଜା ତାନି ଦିନାଟିଏ ଏଦାଆଁ ଖେଣ୍ଡେ କେପିନାତି, ନୀନୁ ମାହାପୁରୁ ମାର୍‌ଏଣାତି ଇତିହଁ, ନୀନୁ ନିଜେ ଗେଲ୍‌ପା କତାନା ପାସି ମୁଣ୍ଡାଟି ରେଟା ଖାମୁ ।”

୪୧ କାଜା ପୁଜେରାଜା ଜିକେଏ ଏଲେକିହଁ ଏ ମେରାପୁନାରି ଇଞ୍ଜା ଲକ୍ଷ୍ମୀତି କାଜାରି ତଲେ କିଜଞ୍ଜିକିହଁ କାକ୍‌ହିହଁ ଏଲେଇଚେରି, ୪୨ “ଏଞ୍ଜାସି ଏଟକା ଲକ୍ଷ୍ମୀ ପିସ୍‌ପି କିତେସି ତାଜେ ଗେଲ୍‌ପାଲି ଆଡିହିଲଅସି । ଏଞ୍ଜାସିତ ଇସ୍ତାୟେଲତି ରାଜା, ଏଞ୍ଜାସି ଦେବୁଣିଏ ପାସି ମୁଣ୍ଡାଟି ରେଟା ଖାଡେପସି, ଆଡିହଁ ମାର ଏଞ୍ଜାଣି ତାଣା ନାନିନ । ୪୩ ଏଞ୍ଜାସି ମାହାପୁରୁ ତାଣା ନାମା ମାନେସି; ମାହାପୁରୁ ଏଞ୍ଜାଣାଇଁ ଜୀବୁ ନହାଁ ମାନେସି, ଆଡିହଁ ଏ ଦେବୁଣିଏ ଏଞ୍ଜାଣାଇଁ ଗେଲ୍‌ପାପେସି, ଏଞ୍ଜାସି ଖେସାମାତେସି ନୀନୁ ମାହାପୁରୁ ମାର୍‌ଏଣାତେସି ।”

୪୪ ଇଞ୍ଜା ଆମିନି ସରକା ତାନିତଲେ ପାସି ମୁଣ୍ଡାତା ଏକ୍‌ହା ମାତେରି, ଏଞ୍ଜାରି ଜିକେଏ ଏଲେକଁ ନିହା କିହାଲି ମାଟ୍‌ହେରି ।

ଜୀବୁତି ହାଜାୟି

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜହ ୧୯:୨୮-୩୦)

୪୫ ତାୟୁ ବାର ଗଟାଟିଏ ତାନି ଗଟା ପାତେକା ଦେସା ବାରେ ଆଦେରି ଆହାହାତେ । ୪୬ ମିଡ଼ଅଲା ତାନି ଗଟା ବେଲାତା ଜୀବୁ କାଜା ଗିୟାତଲେ ହାଟାନା ଏଲେଇଚେସି, “ଏଲି, ଏଲି, ଲାମା ସାବକ୍‌ତାନି ?” ଇତିହଁ “ଏ ନା ମାହାପୁରୁ ଏ ନା ମାହାପୁରୁ ନୀନୁ ନାଜେ ଏନାଆଁତାକି ପିସ୍ତା ?”

୪୭ ଇ ହାଡା ଖେଞ୍ଜାନା ଦାରିତା ନିଟାମାଟି ଲକ୍ଷ୍ମୀ ଏଲେଇଚେରି, “ଇଞ୍ଜାସି ଏଲିୟଇଁ ହାଟି ମାନେସି ।” ୪୮ ଅଡେ ଏ ଦେବୁଣିଏ ରଅସି ଏଞ୍ଜାରି ବିତ୍ତାଟି ହଟିହଁ ହାଜାନା ର ତ୍ରାଃଆଲି ପୁଲା ଅକ୍ଷୁରି ରାସାତା ମୁସାନା ଏଦାଆଁ ର ବାଡ଼ଗାତା ଦସାନା ଜୀବୁକି ଗସାଲି ହାତେସି ।

୪୯ ସାମା ଏଟେକା ଲକ୍ଷ୍ମୀ ଏଲେଇଚେରି, “ହେଣ୍ଡୁ, ଏଲିୟ ଇଞ୍ଜାଣାଇଁ ଗେଲ୍‌ପାଲି ଖାଡିମାନେସି କି ଆଏ ସିନିକିନ ।”

୫୦ ସାମା ଜୀବୁ ଅଡେ ଖେଣ୍ଡେ କାଜା ଗିୟାତଲେ ହାଟାନା ହାତେସି ।

୫୧ ଇଞ୍ଜା ମେହ୍‌ପୁ ମାହାପୁରୁ ଇଲୁତା ଲେଟାମାନି ହିମ୍ବୁରି ଲାକଟିଏ ଡ଼ଇ ପାତେକା ଗେଞ୍ଜାନା ରା ବାଟା ଆଡେ, ଇଞ୍ଜା ବୁମି ବାରେ ଖାଡିତେ ଅଡେ ଖାଲ୍‌କା ଅୟାହାତୁ, ୫୨ ଇଞ୍ଜା ମାଡ଼ହା ମୁହ୍‌ନି ଚାୟା ବାରେ ଦେପିଆତୁ, ଅଡେ ହାହାମାଟି ହାରେକା ସୁଦୁ ଲକ୍ଷ୍ମୀତି ଆଜା ମାଡ଼ହା ମୁହ୍‌ନି ଚାୟାଟି ନିଜାମା ଖାଡେରି, ୫୩ ଇଞ୍ଜା ଜୀବୁ ଖେଣ୍ଡେ ନିଜିତି ତାୟୁ ଏଞ୍ଜାରି ମାଡ଼ହା ମୁହ୍‌ନି ଚାୟାଟି ହଟାନା ସୁଦୁ ଗାଡ଼ାତା ହାଜାନା ହାରେକା ଜାଣାତି ତଞ୍ଜାଆଡେରି ।

୫୪ ପାସାକଡ଼ି କସକା ମୁହେଁ କାଜାସି ଇଞ୍ଜା ତାନିତଲେ ଜୀବୁଇଁ କାଟାମାଗାରି, ଏଞ୍ଜାରି ବୁମି ଖାଡିତାଣି ଅଡେ ଏମ୍ପାଆଁ ଗଟିଞ୍ଜି ଆଡାଣି ମେସାନା ହାରେକା ଆଜାନା ଏଲେଇଚେରି, “ସାତେଏ ଇଞ୍ଜାସି ମାହାପୁରୁ ମାର୍‌ଏସି ମାତେସି !”

୫୫ ଅଡେ ହାରେକା ଇୟାସିକା ଜିକେଏ ଏମ୍ପାଆଁ ମାଞ୍ଜାନା ହେକଟି ସିନିକିହିମାତୁ; ଏଞ୍ଜି ଜୀବୁତି ସେବା କିହଁ ଗାଲିଲିଟି ଏଞ୍ଜାଣିତଲେ ଖାହାମାତୁ; ୫୬ ଏଞ୍ଜାସିକା ବିତ୍ତାଟି ମଗଦଲିନି ମରିୟମ, ଜାକ୍‌ବ ଅଡେ ଜସେପ ତାନି ଇୟା ମରିୟମ, ଅଡେ ଜେବଦି ତାନି ଇୟା ମାତୁ ।

* ୨୭:୪୦ ୨୭:୪୦ ମାତୃ ୨୭:୨୧; ଜହ ୨:୧୯

ଜୀବୁଇଁ ମୁହନାୟି

(ମାର୍କ ୧୫:୩୩-୪୧; ଲୁକ ୨୩:୫୦-୫୬; ଜହ ୧୯:୨୮-୪୨)

୫୭ ଖେଡ଼ା ହାଜିମାଗାଟି ହାରାମାତିୟା ଜସେପ ଦରୁଗାଟି ହାରାମାତିୟାତି ର ଦନ ଗାଗାସି ଖାଡ଼ତେସି, ଏଝାସି ଜିକେଏ ଜୀବୁତି ର ସାସୁ ଆହାମାରେସି । ୫୮ ଏଝାସି ପିଲାତ ତାଣା ହାଜାନା ଜୀବୁତି ଆଜା ରୀସ୍ତେସି, ପିଲାତ ଜୀବୁତି ମାଡ଼ହା ଏଝାଣାକି ହେରପାଲି ହୁକୁମି ହୀତେସି । ୫୯ ଜସେପ ମାଡ଼ହା ଆଜାତି ଅହାନା ନେହଁ ପୁଃନି ପାଡ଼ାଡ଼ା ଦବଲା ହିମ୍ବୁରି ରୁପିତେସି, ୬୦ ଇଞ୍ଜା ତାନୁ ତାଜେତାକି ହରୁତା କାରୁଝି କିହାମାନି ମାଡ଼ହା ମୁହନି ପୁଃନି ଟାୟୁତା ମାଡ଼ହାତି ଇତିତେସି, ଇଞ୍ଜା ମାଡ଼ହାତି ମୁହନି ଟାୟୁତି ଦୁଝେରିତା ର କାଜା ଖାଲି ପୁକହାନା ହାଜାଡ଼ୁସ୍ତେସି । ୬୧ ମଗଦଲିନି ମରିୟମ ଅଡ଼େ ଏଟକାତି ମରିୟମ ଏ ମାଡ଼ହା ମୁହନି ଟାୟୁତା କୁଗା ଡ଼ୟିତୁ ।

ମାହଣି ମାଣ୍ଡାତା କସକା

୬୭ ତାନି ଅର ଦିନା, ଇତିହଁ ତିୟାରା ଆନି ଦିନାତି ତାୟୁତି ଦିନା କାଜା ପୁଜେରାଜା ଅଡ଼େ ପାରୁସିୟାଁ ପିଲାତ ତାଣା ରୁଣ୍ଡା ଆହାନା ଏଲେଇଚେରି, ୬୮ ବାବୁ, ଏ ନାଡ଼ି କିନାସି ଜୀବୁତା ମାଗାଟି, ‘ନାନୁ ତାନି ଦିନାଟିଏ ଝେଣ୍ଡେ ନିଜିଇଁ ଇଞ୍ଜାଁ ଝେସାମାଗାଣି ନାଏଁ ମାମୁ ଅଣ୍ଡପିମାନମି । ୬୯ ଏଦାଆଁତାକି ତାନିଦିନା ପାତେକା ଏ ମାଡ଼ହା ମୁହନି ଟାୟୁତା କାଚାଲି ତାକି ହୁକୁମି ହୀମ୍ବୁ, ଆଆତଁ ତାନି ସାସୁୟାଁ ଖାହାନା ମାଡ଼ହାତି ତଂଗା ଆହାଁ ଏଝାସି ହାକିଟି ନିଜାମାନେସି ଇଞ୍ଜାଁ ଲକୁଣି ଝେହନେରି; ଆତିହଁ ତଲି ନାଡ଼ି କିତାଣି କିହାଁ ତାୟୁତି ନାଡ଼ିକିନାୟି ହାରେକା ଆଗାଡ଼ା ଆନେ ।”

୬୫ ପିଲାତ ଏଝାରାଇଁ ଏଲେଇଚେସି, “ମୀ କାଃଆନାରି ମାନେରି, ମୀରୁ ହାଜାନା ଆଡ଼ିନି ପାତେକା କାଃଆଦୁ ।”

୬୬ ଏଦାଆଁତାକି ଏଝାରି ହାଜାନା କାଃଆନାରି ତଲେ ଏ ଝାଲି ଗୁତା ଆଆପେଝା ଇଞ୍ଜାଁ ଝାଲିତି ଜାଣି କିହଁ ସୀଲି ଝେଚାନା ମାଡ଼ହା ମୁହନି ଟାୟୁତା କାଃନାରାଇଁ କାପି କିତେରି ।

୨୮

ଜୀବୁ ଝେଣ୍ଡେ ନିଜିନାୟି

(ମାର୍କ ୧୬:୧-୧୦; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାଡ଼ି ତାୟୁ ଖାରାଡ଼ି ତଲିତି ଦିନାତା ଲାଲ୍ ଲାଲ୍‌ସିଏ ମଗଦଲିନି ମରିୟମ ଅଡ଼େ ଏଟକାତି ମରିୟମ ମାଡ଼ହା ମୁହନି ଟାୟୁତି ସିନିକିହାଲି ହାରୁ । ୨ ଅଡ଼େ ମେହଦୁ ଏ ଦେବୁଣିଏ ରୁମି ଝାଡ଼ିତେ, ଇତିହଁ ମାହାପୁରୁତି ର ଦୁତୁ ଲାକପୁରୁତି ରେଚାଝାହାନା ଏ ଝାଲିତି ଗୁଟି କିହାନା ଏଦାଣି ଲାକ କୁଗିତେସି । ୩ ତାନି ଝାଣା ମିଶସିମାନି ହାଗୁଲେହେଁ ମାତେ ଅଡ଼େ ତାନି ହିମ୍ବୁରି ପେଣ୍ଡିଲେହେଁ ଦବଲା ମାତେ । ୪ ଇଞ୍ଜାଁ କାଃଆନାରି ଆଜିତାକି ତୀରୁଗିହଁ ହାଡ଼ିଲେହେଁ ଆଡ଼େରି ।

୫ ସାମା ଦୁତୁ ଇୟାସିକାଣି ଏଲେଇଚେସି, “ମୀରୁ ଆଜାଆଦୁ, ଇତିହଁ ମୀରୁ ପାସି ମୁଣ୍ଡାତା ହାଡ଼ି ଜୀବୁଇଁ ପାରିମାଞ୍ଜେରି, ଏଦାଆଁ ନାନୁ ପୁଞ୍ଜିମାଇଁ ।” ୬ ଏଝାସି ଇମ୍ବାଆଁ ହିଲଅସି; ଇତିହଁ ଏଝାସି ଏନିକଁ ଝେସାମାରେସି, ଏଲେଇହଁ ଏ ନିଜାମାନେସି, ଝାଦୁ ଏଝାସି ଆମିନି ଟାୟୁତା ତୁରାମାରେସି ଏ ଟାୟୁତି ସିନିକିଦୁ । ୭ ଅଡ଼େ ମୀରୁ ତବେ ହାଜାନା ତାନି ସାସୁୟାଁଣି ଝେହଦୁ, ଏଝାସି ହାଡ଼ାରି ତାଣାଟି ନିଜାମାନେସି, ଅଡ଼େ ମେହଦୁ ଏଝାସି ମୀ ନକି ନକିତା ଗାଲିଲିତା ହାଜିମାନେସି, ଏମ୍ବାଆଁ ମୀରୁ ଏଝାଣାଇଁ ମେହଦେରି; ନାନୁ ଝେସ୍ତାତାଣି ଅଣ୍ଡପାଦୁ ।

୮ ଏମ୍ବାଟିଏ ଆଜି ଅଡ଼େ ରାହାଁଟି ମାହଣି ମାଣ୍ଡାଟି ତବେ ହାଜାନା ତାନି ସାସୁୟାଁଣି ଝେସାଲି ଦାବଡ଼ି ହରୁ ।

୯ ଅଡ଼େ ମେହଦୁ ଜୀବୁ ଏଝାସିକାଣି ବେଟାଆହାନା ଏଲେଇଚେସି, “ମିଜେ ହିଡ଼ଡ଼ି ଆୟାପେ” ଏମ୍ବାଟିଏ ଏଡ଼ି ତାଗେ ଝାହାନା ଏଝାଣି କତାୟାଁ ଆସାନା ଏଝାଣାଇଁ ଜହରା କିତୁ । ୧୦ ଏଚେଟିଏ ଜୀବୁ ଏଝାସିକାଣି ଏଲେଇଚେସି, “ଆଜାଆଦୁ, ମୀରୁ ହାଜାନା ନା ଡ଼ାୟିୟାଁଇଁ ଝେହଦୁ, ଏଝାରି ଗାଲିଲିତା ହାଲାପେରି; ଏମ୍ବାଆଁ ଏଝାରି ନାଜେ ମେସ୍ତାନେରି ।”

ମାହଣି ମାଣ୍ଡା କାଃଆନାରି

୫୭:୨୩ ୨୭:୨୩ ମାତି ୧୭:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩

^{୧୧} ଆୟାସିକା ହାଜିମାଚାଟି, କାପୁ କାଚାମାଟି କସ୍କା ବିଭ୍ରାଟି ଏରରଜାଣା ଗାଡ଼ାତା ହାଜାନା ଏ ବାରେ ଗଟ୍ଟି ଆଡ଼ାଣି କାଜା ପୂଜେରାଜାଣି ଖେପ୍ସେରି । ^{୧୨} ଏଞ୍ଜରି ଲକ୍ଷ୍ମି କାଜାରି ତଲେ ରୁଣ୍ଡା ଆହାନା ଅଶ୍ପିହିଁ କାତା ଚାରିକିତି ତାମୁ, ଏ କସ୍କାକି ହାରେକା ଟାକାୟାଁ ହାହାନା ଏଲେଇଚେରି, ^{୧୩} “ମୀରୁ ଏଲେଇଞ୍ଜୁ, ମାମ୍ବୁ ତୁରାମାଟି ବେଲତା ତାମି ସୀସୁୟାଁ ଲାଆଁୟାଁ ଖାହାନା ଏଞ୍ଜାଣାଇଁ ସରୁ ଆହାନା ଅଡେରି । ^{୧୪} ଅଡେ ଇ କାତା ସାଲ୍ଡି କିନାଣି କିୟୁଁ ତୁ ହାଟିହିଁ, ମାମ୍ବୁ ଏଞ୍ଜାଣାଇଁ ନେହିଁ କିଁ ଖେସାନା ମୀ ଅଶ୍ପୁଟି ପିସ୍ପି କିୟାନମି ।”

^{୧୫} ଏଞ୍ଜରି ଟାକାୟାଁ ଅହାନା ଏନିକିଁ ହୁକୁମି ବେଟାଆହା ମାଚେରି, ଏଲେକିହିଁ କିଚେରି । ଏଦାଆଁତାକି ଇ କାତା ଜୀହୁଦି ଲକ୍ଷ୍ମିତାଣା ଖେଜା ହାଜାନା ନୀର୍ବ ପାତେକା ମାନେ ।

ଜୀସୁ ତାନି ସୀସୁୟାଁଇଁ ତଞ୍ଜା ଆନାୟି

(ମାର୍କ ୧୪:୩-୯; ଜହ ୧୨:୧-୮)

^{୧୬} ଯାମା ଏଗାର ଜାଣା ସୀସୁୟାଁ ଗାଲିଲିତା ହାଜାନା, ଜୀସୁ ଆମିନି ହରୁ କାତା ଏଞ୍ଜରାଇଁ ଖେସାମାଚେସି, ଏ ହରୁତା ହାଚେରି । ^{୧୭} ଅଡେ ଏଞ୍ଜରି ଏଞ୍ଜାଣାଇଁ ମେସାନା ଜହରା କିଚେରି, ସାମା ଆମ୍ବା ଆମ୍ବାଆରି ନାମାଆଚେରି । ^{୧୮} ଇଞ୍ଜା ଜୀସୁ ଏଞ୍ଜରି ତାଗେ ଖାହାନା ଏଲେଇଚେସି, “ଲକପୂରୁ ଅଡେ ଦାଟ୍ଟିତି ଅଦିକାରା ନାଜେ ମେଡ଼ା ଆହାମାଞ୍ଜାନେ । ^{୧୯} ଏଦାଆଁତାକି ମୀରୁ ହାଜାନା ବାରେ କୃତାତି ଲକ୍ଷ୍ମି ଆଦା, ମୀରୁଏସି ଅଡେ ସୁଦୁଜୀସୁ ଦରୁଟି ବାପ୍ତିସ୍ମ* ହାହାନା, ^{୨୦} ନାନୁ ମିଜେ ହାହାମାଞ୍ଜାନି ହୁକୁମି ବାରେ ମାନୁଡ଼ି ଆହାଲି ଜାପୁହାନା ଏଞ୍ଜରାଇଁ ନା ସୀସୁୟାଁ କିଦୁ; ମେହୁଦୁ ଜୁଗୁ ରାଦି ପାତେକା ନାନୁ ବାରେବେଲା ମୀ ତଲେ ମାଞ୍ଜେ ମାଞ୍ଜାଇଁ ।”

ମାର୍ଚ୍ଚ ଲିଖିତ ସୁସମାଚାର ମାର୍ଚ୍ଚ ରାଚାମାନି ନେହଁ କାବୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀଝୁ ଅଡ଼େ ଈ ଦାବୁଡିତା ମାତି ତାନି କାତା ମାର୍ଚ୍ଚ ରାଚାମାନି ନେହଁ କାବୁ: ପୁଃନି ଫେରାତି ସାରିଗଟା ନେହଁ କାବୁ ପତିୟାଁ ବିତ୍ରାତି ଈଦି ଆହ୍ମିମାନେ ର ପତି । ଏ ବାରେ ନେହଁ କାବୁ ଇନେରି । ଏ ପତିୟାଁ ଜୀସୁ କ୍ରୀସ୍ତ ହାଡ଼ି ତାୟୁ ମାତିୟୁ, ମାର୍ଚ୍ଚ, ଲୁକ ଅଡ଼େ ଜହନ ରାଚାମାଚେରି । ମାର୍ଚ୍ଚ ରାଚାମାନି ନେହଁ କାବୁ ସାରିଗଟା ନେହଁ କାବୁ ବିତ୍ରାତି ବାରେଡି କିହାଁ ସଚୁ କାବୁ । ଈ ନେହଁ କାବୁ ବାରେ କିହାଁ ନଚେଏ ଇତିହଁ ଜୀସୁ ଜାର୍ନାଆଡ଼ି ତାୟୁ ୬୫-୭୦ ବାର୍ଯା ବିତ୍ରା ରାସ୍ତି ଆହ୍ମାମାନେ ଇଞ୍ଜି ବାଇବଲ ପୁତି ବୁଦିଗାଟାରି ଏଲେଇଞ୍ଜିମାନେରି । ରମ୍ ଗାଡ଼ାତା ମାତି କ୍ରୀସ୍ତାନା ଲକୁଣି ରାହାଁ କିହାଲିତାକି ଈ ପତି ରମ୍ ଗାଡ଼ାତା ରାଚାମାଚେସି ।

ମାର୍ଚ୍ଚ ଅର ଦରୁ ଜହନ ମାର୍ଚ୍ଚ, ଏଞ୍ଜାସି ପାଝୁଲ ଅଡ଼େ ବର୍ନବା ତଟେ ମାଚେସି । ସାମା ଏଞ୍ଜାସି ସେବା କାମାତାକି ହାଲାଆଲିଏ ଏଞ୍ଜାଣି ମନ ଉଣା ଆହ୍ମାମାଚେ କାମା ୧୩:୧୩ । ମାର୍ଚ୍ଚ ଅଡ଼େ ଝେଣ୍ଡେ ବର୍ନବା ତଲେ ସେବା କାମାତା ହାଚେସି କାମା ୧୫:୩୭-୩୯ । ମାର୍ଚ୍ଚ ପିତରତି ନେହଁ କାବୁ ମାଚେସି ୧ପିତ ୫:୧୩ । ମାର୍ଚ୍ଚ ଜୀସୁ କ୍ରୀସ୍ତତି ଜୀଝୁତି କାତା କି ସେବା କାମାତି ମେସା ହିଲାଆଚେସି, ବୁଦିଗାଟାରି ନାମିମାନେରି ମାର୍ଚ୍ଚ ରାଚାମାନି ନେହଁ କାବୁତା ପିତରତି କାତା ହାଚେକା ରାଚାମାନେସି । ମାର୍ଚ୍ଚ ସାୟୁୟାଁତି କାମା ଇଞ୍ଜା ଜୀସୁ ରାନ୍ତି ଦିନାତି କାତା ଜାପୁନାଣି ରାଚାମାନେସି ।

ପତିତା ମାନାସି

- ୧. ମାର୍ଚ୍ଚ ପତିତି ମୂଲୁ ହାଡ଼ା । ୧:୧-୧୩
- ୨. ଗାଲିଲିତା ଜୀସୁ କ୍ରୀସ୍ତତି ସେବା କାମା । ୧:୧୪-୮:୨୧
- ୩. ଜୀସୁ କ୍ରୀସ୍ତ ଜିରୁସାଲମାତା ହାନାସି । ୮:୨୨-୧୦:୫୨
- ୪. ଜିରୁସାଲମାତି କାତା, ଜୀସୁ କ୍ରୀସ୍ତ ହାଡ଼ି କାତା ଅଡ଼େ ଝେଣ୍ଡେ ନିଜିନି କାତା ରାଚାନା ରାପୁନାସି । ୧୧:୧-୧୬:୨୦

ବାପ୍ତିସ୍ମା* ହାନି ଜହନ ଝେକ୍ନାସି
(ମାତି ୩:୧-୧୨; ଲୁକ ୩:୧-୧୮; ଜହ ୧:୧୯-୨୮)

୧ ମାହାପୁରୁ ମୀର୍ଏସି ଜୀସୁ କ୍ରୀସ୍ତତି ନେହଁ କାବୁ ଇଲେକଁ ଆଡେ, ୨ ମାହାପୁରୁ ଅଣ୍ଡପୁତି ବଲୁ ଝେହ୍ନି ଜିସାୟ ସାପ୍ତେରିତା ଏନିକଁ ରାସ୍ତିକି ଆହ୍ମାମାନେ:

“ମାହାପୁରୁ ଏଲେଇଞ୍ଜି ମାନେସି, ମେହ୍ମୁ ନାନୁ ନା କାବୁ ଝେହ୍ନନାଣାଇଁ ନୀ ନକିତା ପାଣ୍ଡିମାଞ୍ଜାଇଁ,
ଏଞ୍ଜାସି ନିଜେତାକି ଜିରୁ ତିୟାରା କିନେସି;
୩ ଲକୁ ହିଲାଆ ଗାୟୁତା ରଅଣି ହାଡ଼ା ଝେଜିମାନେ,
ପ୍ରବୁତି ଜିରୁ ତିୟାରା କିଦୁ,
ଏଞ୍ଜାସି ତାକାଲି ତାକି ଜିରୁ ତିୟି କିଦୁ ।”

୪ ଏମ୍ବାଟିଏ ବାପ୍ତିସ୍ମା† ହାନି ଜହନ ଲକୁ ହିଲାଆ ଗାୟୁତା ଝାହାନା ବଲୁ ଝେକ୍ହେସି, ଅଡ଼େ ବାପ୍ତିସ୍ମା‡ ହାହାନା ଏଲେଇଚେସି, “ଜାହାରା ପାପୁଡ଼ି ପିସ୍ପି ଆୟାଲିତାକି ମନ ଝେହ୍ନାନା ବାପ୍ତିସ୍ମା§ ଅଦୁ, ଆତିହଁ ମାହାପୁରୁ ମୀ ପାପୁ ମ୍ଲେକ୍ହାନେସି ।” * ଏମ୍ବାଟିଏ ଜୀହୁଦା ଦେସା ଇଞ୍ଜା ଜିରୁସାଲମା ଗାଡ଼ାତି ବାରେ ଲକୁ ତାନି ତାଣା ଝାହାଲି ମାଟ୍ହେରି, ଇଞ୍ଜା ତାମ୍ବୁ ତାନି କିତି ପାପୁତି ଝେସାନା ଏଞ୍ଜାଣି ତାଣାଟି ଜର୍ଦନ କାତାତା ବାପ୍ତିସ୍ମା* ଅଡେରି ।

୬ ଜହନ ଉଚୁ ବାଣାୟାଁ ତଲେ କେପିତି ହିମ୍ବିକା ତୁରୁହିମାଚେସି, ଅଡ଼େ ଚେତେଲିତା ର ତଲୁଡ଼ି ବୁଡ଼ପା ମାଡ଼ା କିହାଁ ଦସା କଡ଼ିଚେସି, ଗପ୍ଏରିକା ଅଡ଼େ ଜାଡ଼ାତି କ୍ରିୟାଁ ଏଞ୍ଜାଣି କାଡ଼ି ମାଚେ । ୭ ଜହନ ଏଲେଇଞ୍ଜି

* ୧: ୧:୧ ମୁଞ୍ଜିନାସି † ୧:୪ ୧:୪ ମୁଞ୍ଜିନାସି ‡ ୧:୪ ୧:୪ ମୁଞ୍ଜିନାସି § ୧:୪ ୧:୪ ମୁଞ୍ଜିନାସି * ୧:୫ ୧:୫ ମୁଞ୍ଜିନାସି

ଝେକହାଲି ମାଟୁହେସି, “ଆମ୍ବାଆସି ନା କିହାଁ ହାରେକା ବାଡ଼ୁୟୁ ଗାଗସି ଏଝାସି ନା ତାୟୁ ଖାହିମାନେସି; ନାନୁ ମେଣ୍ଡାକୂତାନା ଏଝାଣି ସେପୁୟାଁତି ଡ଼କା ଜିକେଏ ହୁକହାଲି ପାଡ଼ାଆଅଁ । ୮ ନାନୁ ମିଜେ ଏୟୁତଲେ ବାପ୍ପିସ୍ତାଁ ହାହିମାଞ୍ଜାଲ୍, ସାମା ଏଝାସି ମିଜେ ସୁଦୁଜାସୁ ତଲେ ବାପ୍ପିସ୍ତାଁ ହିୟାନେସି ।”

ଜୀସୁ ବାପ୍ପିସ୍ତାଁ ଅନାୟି ଇଞ୍ଜା ତାୟିପାରି କିଞ୍ଚି ଆନାୟି
(ମାତି ୩:୧୩; ୪:୧-୧୧; ଲୁକ ୩:୨୧-୨୨; ୪:୧-୧୩)

୯ ଏରିବେଲାତା ଜୀସୁ ଗାଲିଲିତି ନାଜରିତତି ଖାହାନା ଜର୍ଦନ କାତାତା ଜହନ ତାଣାଟି ବାପ୍ପିସ୍ତାଁ ଅଡ଼େସି । ୧୦ ଜୀସୁ ଏୟୁତି ନିଜା ଖାହିମାଗାଟି ଦେବୁଣିଏ ଲାକପୁରୁ ଦେପି ଆଡ଼େ ଇଞ୍ଜା ସୁଦୁଜାସୁ ପାର୍ଝା ପଗାଲେହେ ତାନି ଲାକ ରେଚା ଖାହିମାଗାଣି ମେସ୍ତେସି । ୧୧ *ଅଡ଼େ ଲାକପୁରୁତି ଇ ହାଡ଼ା ଆଡ଼େ, “ନାନୁ ନା ଜୀସୁତି ମାର୍‌ଏଣାତି, ନୀ ତାଡ଼େଏ ନା ହାରେକା ରାହାଁ ମାନେ ।” ୧୨ ଏ ଦେବୁଣିଏ ସୁଦୁଜାସୁ ଏଝାଣାଲ୍ ଲକୁ ହିଲାଆ ଚାୟୁତା ଅଡ଼େ, ୧୩ ଜୀସୁ ଲକୁ ହିଲାଆ ଚାୟୁତା ରୀ କଡ଼ି ଦିନା ପାତେକା ଡ଼ୟାନା ସୟତାନ ତାଣାଟି ତାୟିପାରି କିଞ୍ଚିଆଡ଼େସି; ଏଝାସି ଜାଡ଼ାତି ଜନ୍ତ ତଲେ ଡ଼ୟିତେସି, ଇଞ୍ଜା ଲାକପୁରୁତି ଦୂଡ଼ୟାଁ ଖାହାନା ଏଝାଣି ସେବା କିହିମାଟୁ ।

ଜୀସୁ ସାରି ଜାଣା ମୀଣକା ଆହନାରାଇଁ ହାଟିନାୟି
(ମାତି ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଜହନଇଁ କାୟିଦି ଇଲୁତା ଇଗାଲିଏ ଜୀସୁ ଗାଲିଲିତା ଖାଡ଼େସି ଇଞ୍ଜା ମାହାପୁରୁତି ନେହଁ କାବୁ ଝେକହେସି । ୧୫ *କାଲା ଏଜିମାଞ୍ଜାନେ, ଲାକପୁରୁ ରାଜି ଏଗାଝାହିମାନେ, ପାପୁତି ପିସାନା ମନ ଝେଟ୍‌ଦୁ ଇଞ୍ଜା ମାହାପୁରୁତି ନେହଁ କାବୁତି ନାମାଦୁ ।”

୧୬ ଜୀସୁ ଗାଲିଲି ସାମଦୁରି ଗାଟୁଟି ହାଜିମାଗାଟି ସିମନ ଅଡ଼େ ତାନି ତାୟି ଆନ୍ଦିୟଇଁ ସାମଦୁରିତା ମୀଣକା ଜାଲା ମେଡ଼ହ ମାଗାଣି ମେସ୍ତେସି, ଇତିହଁ ଏଝାରି ମୀଣକା ଆହନାରି ମାଚେରି । ୧୭ ଜୀସୁ ଏଝାରାଇଁ ହାଟାନା ଏଲେଇଚେସି, “ନା ଜେଟ ଖାଦୁ ନାନୁ ମିଜେ ଲକୁଣି ଆହନାଣି ଜାପୁହାଇଁ ।” ୧୮ ଏଝାରି ଦେବୁଣିଏ ଜାଲାୟାଁ ପିସାନା ଜୀସୁତି ଜେଟ ହାଚେରି ।

୧୯ ଏଚେଟିଏ ଜୀସୁ ହିରେ ହେକ ହାଜାଲିଏ ଜେବଦି ମୀରକା ଜାକୁବ ଇଞ୍ଜା ତାନି ତାୟି ଜହନଇଁ ଡ଼ଗତା ଜାଲା ମୁଦା କିହିମାଗାଣି ମେସ୍ତେସି । ୨୦ ମେସ୍‌ପନିଏ ଜୀସୁ ଏଝାରାଇଁ ହାଟିତେସି, ଇଞ୍ଜା ଏଝାରି ତାନି ଆଡ଼ା ଜେବଦିଇଁ ହଲିୟାଜା ତଲେ ଡ଼ଗତା ପିସାନା ଜୀସୁ ଜେଟ ହାଚେରି ।

ବୁଡୁ ଆଲଗା ମାଗାସି
(ଲୁକ ୪:୩୧-୩୭)

୨୧ ଜୀସୁ ଅଡ଼େ ତାନି ସାସୁୟାଁ କପରନାହୁମ ଗାଡ଼ାତା ଖାଡ଼େସି, ଇଞ୍ଜା ଅର ନେଟୁ ଜମିନି ଦିନା ମାଗାକି ଜୀସୁ ଜୀହୁଦି ଲକୁତି କୁଟମି ଇଲୁତାଁ ହାଜାନା ଜାପୁହାଲି ମାଟୁହେସି । ୨୨ *ଲକୁ ତାନି ଜାପୁନାଣି ଝେଞ୍ଜାନା କାବା ଆହାହାଚେରି; ଇତିହଁ ଏଝାସି ସାସ୍ତେରି ଝେହନାରି ଲେହେଁ ଜାପୁଆନା ଅଦିକାରା ବେଟାଆହାମାନି ଲେହେଁ ଜାପୁହି ମାଚେସି ।

୨୩ ଜୀସୁ ଜାପୁହି ମାଟିବେଲାତା ଜୀହୁଦି ଲକୁତି କୁଟମି ଇଲୁଟିଃ ର ବୁଡୁ ଆଲଗା ମାଗାସି କାଲଞ୍ଚି ଆହଁ ଏଲେଇଚେସି, ୨୪ “ଏ ନାଜରିତତି ଜୀସୁ ନୀ ତଲେ ମାଜେ ଏନି କାମା ମାନେ, ନାନୁ କି ମାଜେ ନାସା କିହାଲି ଇମ୍ପାଆଁ ଖାହାମାଞ୍ଜି ? ନାନୁ ଆମ୍ବାଆତି ନାନୁ ପୁଞ୍ଜାମାଲ୍; ନାନୁ ମାହାପୁରୁ ତାଣାଟି ଖାହାମାନି ଏ ସୁଦୁ ମାଣ୍‌ସିତି ।”

୨୫ ଜୀସୁ ଏଦାନି ଦାକା ହାହାନା ଏଲେଇଚେସି, “ପାଲେଏ ଆମୁ ଇଞ୍ଜା ଇଝାଣି ତାଣାଟି ହଡ଼ାହାଲାମୁ ।”

୨୬ ଏଚେଟିଏ ଏ ପଲ୍‌ଆ ବୁଡୁ ଏଝାଣାଲ୍ ମୁଡ଼ମୁଡ଼ା କିହାନା, କାଜା ଗିୟାତଲେ କିରଡ଼ିହଁ ଏଝାଣି ତାଣାଟି ହଡ଼ାହାଚେ । ୨୭ ଏମ୍ବାଟିଏ ବାରେଜାଣା ହାରେକା କାବା ଆଡ଼େରି, ଇଞ୍ଜା ଇଲେକଁ ଜଲ୍‌କି ଆଡ଼େରି, “ଇଦି ଏନିଲେହେଁତାୟି ? ଇଦି ଅଦିକାରା ବେଟାଆହାମାନି ଲେହେଁତି ପୁଞ୍ଜି ଜାପୁନାୟି, ଏଝାସି ପଲ୍‌ଆ ବୁଡୁୟାଁଲ୍ ଜିକେଏ ହୁକୁମି ହାହିମାନେସି, ଅଡ଼େ ଏଞ୍ଚି ଏଝାଣି କାତା ଆସିମାଦୁ ।”

† ୧:୮ ୧:୮ ମୁଞ୍ଜିନାୟି ‡ ୧:୮ ୧:୮ ମୁଞ୍ଜିନାୟି S ୧:୮ ୧:୯ ମୁଞ୍ଜିନାୟି * ୧:୯ ୧:୯ ମୁଞ୍ଜିନାୟି ☆ ୧:୧୧ ୧:୧୧ ମାତି
୩:୧୭; ୧୨:୧୮; ପାର୍ଶ୍ୱ ୯:୭; ଲୁକ ୩:୨୨ ☆ ୧:୧୫ ୧:୧୫ ମାତି ୩:୨ † ୧:୨୧ ୧:୨୧ ସିନଗର୍ ☆ ୧:୨୨ ୧:୨୨ ମାତି ୭:୨୮, ୨୯
‡ ୧:୨୩ ୧:୨୩ ସିନଗର୍

୨୮ ଏମ୍ବ୍ରାଟିଏ ଏଝାସି କିତି କାମାତି କାବୁ ଏ ରେଟୁଏ ଗାଲିଲି ରାଜିତି ସାରିଖାକିତି ନାୟକାଣାଁ ଝେଙ୍ଗାହାଚେ

ଜୀସୁ ହାଚେରକା ଲକ୍ଷୁଣି ନେହୁଁକିନାୟି
(ମାତି ୮:୧୪-୧୭; ଲୁକ ୪:୩୮-୪୧)

୨୯ ଏମ୍ବ୍ରାଟିଏ ଏଝାରି ଜୀହୁଦି ଲକ୍ଷୁଣି କୁଟମି ଇଲୁଟିଠି ହରାନା ଜାକୁବ ଅଡେ ଜହନ ତଲେ ଏ ଦେବୁଣିଏ ସିମନ ଇଞ୍ଜା ଆନ୍ଦ୍ରୟ ଇଜ ହାଚେରି । ୩୦ ସିମନ ପୟା ନଡେରି ତାକି ତୁରାମାଚେ, ଅଡେ ଏଝାରି ଏଦାଣି କାତା ରେଟୁଏ ଜୀସୁଇଁ ଝେସ୍ତେରି । ୩୧ ଏମ୍ବ୍ରାଟିଏ ଏଝାସି ତାଗେ ହାଜାନା ତାନି କେୟୁ ଆସାନା ଏଦାନି ନିକହେସି, ଅଡେ ଏଦାନି ନଡେରି ପିସ୍ତେ, ଇଞ୍ଜା ଏଦି ଏଝାରି ସେବା କିତେ ।

୩୨ ନିଡ଼ଅଲ୍ଲା ବେଲ୍ଲା ଝେଡ଼ା କୁଡ଼ହାଲିଏ ଲକ୍ଷୁ ରଗ ଗାଟାରାଇଁ ଇଞ୍ଜା ବୁଡୁୟାଁ ଆଲ୍ଗା ମାଚାରାଇଁ ଜୀସୁ ତାଣା ତାଚେରି, ୩୩ ଇଞ୍ଜା ଗାଡ଼ାତାରି ବାରେ ଜୀସୁ ମାତି ଇଲୁ ଦୁଝେରିତା ରୁଣ୍ଡା ଆଡେରି । ୩୪ ଏମ୍ବ୍ରାଟିଏ ଜୀସୁ ବାରେଲେହେଟି ରଗ ଗାଟାରାଇଁ ନେହୁଁ କିତେସି, ଇଞ୍ଜା ହାଚେରକା ବୁଡୁଣି ପିସ୍ତପି କିତେସି, ଇଞ୍ଜା ଏଝାସି ବୁଡୁୟାଁଣି ଜଲ୍ଲାଲି ହାଆଚେସି, ଇତିହୁଁ ଏଝି ଏଝାଣାଇଁ ପୁଞ୍ଜିମାଚୁ ।

ଜୀସୁ ଗାଲିଲିତା ମାହାପୁରୁ କାତା ଝେକ୍ନାୟି
(ଲୁକ ୪:୪୨-୪୪)

୩୫ ଝେୟାଆ ମାଚାଟିଏ ଆନ୍ଦେରି ମାଞ୍ଜା ମାଞ୍ଜାନା ଏଝାସି ନିଜା ହଚା ହାଜାନା ର ଲକ୍ଷୁ ହିଲ୍ଲାଆ ଟାୟୁତା ହାଜାନା ପ୍ରାଚୀନା କିହିମାଚେସି । ୩୬ ସିମନ ଇଞ୍ଜା ତାନି ଆଡ଼ହାଚାରି ଏଝାଣାଇଁ ପାରାଲି ମାଟୁହେରି, ୩୭ ଏଝାଣାଇଁ ବେଟାଆହାନା ଏଲେଇଚେରି, “ବାରେଜାଣା ନିଜେ ପାରିମାଞ୍ଜାନେରି ।”

୩୮ ଏମ୍ବ୍ରାଟିଏ ଜୀସୁ ଏଝାରାଇଁ ଏଲେଇଚେସି, “ଝାଦୁ ମାରୁ ଏଟକା ଗାଡ଼ାତା, ଇତିହୁଁ ଦାରିମାରି ନାୟକାଣାଁ ହାନ; ଏମ୍ବ୍ରାଆଁ ଜିକେଏ ନାନୁ ମାହାପୁରୁତି ବଲୁ ଝେକ୍ନାଇଁ, ଇତିହୁଁ ଏଦାଆଁତାକି ନାନୁ ଝାହାମାଇଁ ।”

୩୯ ଇଞ୍ଜା ଜୀସୁ ବାରେ ଗାଲିଲି ନାୟକାଣାଁ ରେଜି ରେଜିହୁଁ ଏଝାରି ବାରେ ଜୀହୁଦି ଲକ୍ଷୁଣି କୁଟମି ଇଲ୍ଲକାଣାଁ ମାହାପୁରୁ ବଲୁ ଝେକ୍ନହେସି ଇଞ୍ଜା ବୁଡୁୟାଁଣି ପିସ୍ତପି କିତେସି ।

କାଜା ରଗ ଗାଟାଣାଇଁ ଜୀସୁ ନେହୁଁକିନାୟି
(ମାତି ୮:୧-୪; ଲୁକ ୫:୧୨-୧୬)

୪୦ ଏମ୍ବ୍ରାଟିଏ ର କାଜା ରଗ ଗାଟାସି ଜୀସୁ ତାଣା ଝାହାନା ମେଣ୍ଡାକୁତାନା ବାତିମାଲିହୁଁ ଜୀସୁଇଁ ଏଲେଇଚେସି, “ନାନୁ ମନ କିତିହୁଁ ନାଜେ ନେହୁଁ କିହାଲି ଆଡ଼ାଦି ।”

୪୧ ଏମ୍ବ୍ରାଟିଏ ଜୀସୁ ଏଝାଣାଇଁ କାର୍ମା ମେସ୍ତେସି, ଇଞ୍ଜା କେୟୁ ଦାସାନା ଏଝାଣାଇଁ ତୀଗାନା ଏଲେଇଚେସି, “ନାନୁ ମନ କିହିମାଇଁ ନାନୁ ନେହୁଁ ଆମୁ ।” ୪୨ ଏ ଦେବୁଣିଏ ଏଝାଣି ତାଣାଟି କାଜା ରଗ ଗୁଚାଆଡେ, ଇଞ୍ଜା ଏଝାସି ନେହୁଁ ଆଡେସି । ୪୩ ଇଞ୍ଜା ଏଝାସି ଏଝାଣାଇଁ ଜାଣେ ବୁକୁମି ହାହାନା ଝେସା ପାଣ୍ଡିତେସି,

୪୪ “ଜାଗ୍ରାତା ଆମ୍ବାଆରାଇଁ ଏନାଆଁ ଝେହୁଆନି, ସାମା ହାଲ୍ଲମ୍ବୁ ଇଞ୍ଜା ପୁଜେରା ତାଣା ହାଜାନା ନିଜ ତସାକତାମ୍ବୁ, ଇଞ୍ଜା ମସା ଆମିନି ମେରା ହାହାମାନେସି ଏଦାଆଁ ଲକ୍ଷୁ ନକିତା ନେହୁଁ ଆଡ଼ାକି ସାକି ହାମିଲେହେଁ ହେଡ଼ପାମୁ ।”

୪୫ ସାମା ଏଝାସି ପାଜାତା ହାଜାନା ତାନୁ ନେହୁଁ ଆଡ଼ି କାତାତି ସାରିଖାକି ଝେକ୍ନହାଲି ମାଟୁହେସି, ଇଞ୍ଜା ଜୀସୁ ଆମିନି ଗାଡ଼ାତା ପୁଣ୍ଡେ ହଡ଼ାଲି ଆଡ଼ାଆଡେସି, ସାମା ପାଜାତା ଲକ୍ଷୁ ହିଲ୍ଲାଆ ଟାୟାଣା ଡ଼ୟିତେସି; ଅଡେ ସାରି ଝାକିତି ଲକ୍ଷୁ ଜୀସୁ ତାଣା ଝାହାଲି ମାଟୁହେରି ।

9

ଜୀସୁ ଟଟ ଝାୟିତାଣାଇଁ ନେହୁଁକିନାୟି
(ମାତି ୯:୧-୮; ଲୁକ ୫:୧୭-୨୬)

୧ ଏତରଦିନା ଆୟାଲିଏ ଜୀସୁ କପରନାହୁମତା ଝେଣ୍ଡେ ହାଚେସି, ଇଞ୍ଜା ଏଝାସି ଇଜ ମାନେସି ଇଞ୍ଜୁଁ ସାରିଖାକି ଝେଙ୍ଗାହାଚେ । ୨ ଏମ୍ବ୍ରାଆଁ ଇଚେକା ଲକ୍ଷୁ ରୁଣ୍ଡା ଆଡେରି ଇଞ୍ଜା ଦୁଝେରିତା ଜିକେଏ ଟାୟୁ ହିଲ୍ଲାଆଡେ, ଇଞ୍ଜା ଏଝାସି ଏଝାରାଇଁ ମାହାପୁରୁ କାତା ଝେକ୍ନହେସି । ୩ ଏମ୍ବ୍ରାଟିଏ ସାରି ଜାଣା ର ଟଟ ଝାୟିତାଣାଇଁ କାଟେଲିତା ଜୀସୁ ତାଣା ଡେକା ତାଚେରି । ୪ ସାମା ହାଚେରକା ଲକ୍ଷୁ ମାଚାକି ଏଝାଣି ତାଣା

§ ୧:୨୯ ୧:୨୯ ସିନଗଗ ☆ ୧:୩୯ ୧:୩୯ ମାତି ୪:୨୩; ୯:୩୫ * ୧:୩୯ ୧:୩୯ ସିନଗଗ

ତାଗାଲି ଆଡ଼ାଆଡ଼େରି, ଇଞ୍ଜି ଆମିନି ଚାନ୍ଦୁତା ଜୀସୁ ମାରେସି, ଏମାଆଁ ଲକ୍ଷ୍ମି ତେପରି ରିକହେରି, ଇଞ୍ଜି ଏ ଚଟ ଖାନ୍ତିତାଣାଇଁ କାଟେଲି ଖେଣ୍ଡେ ଇଲୁ ବିତ୍ତା ରେପହେରି ।* ଜୀସୁ ଏଝାରି ନାମୁ ମେସାନା, ଏ ଚଟ ଖାନ୍ତିତାଣାଇଁ ଏଲେଇରେସି, “ଏ ମାନ୍‌ଏଣା ନୀ ପାପୁ ବାରେ ମେଣ୍ଡକହାଟେ ।”

୨ ସାମା ଏମାଆଁ ମାଟି ଏଚେକା ମେରା ଜାପୁନାରି କୁଗାନା ତାମି ମନ୍ତତା ଅଣ୍ଡପିହ~ କାତାବାର୍ତ୍ତା ଆହିମାରେରି, ୨ “ଇଝାସି ଏନାଆଁତାକି ଏଲେଇଞ୍ଜି ମାନେସି ? ଇଝାସି ମାହାପୁରୁଇଁ ନିନ୍ଦା କିହିମାନେସି; ମାହାପୁରୁ ପିସପେ ଆମ୍ବାଆସି ପାପୁ ମ୍ଲେକହାଲି ଆଡ଼ିନେସି ?”

୮ ଏଝାରି ମନ୍ତତା ଇଲେକ~ ଅଣ୍ଡପିମାନାଣି ଜୀସୁ ଦେବୁଣିଏ ଜୀଝୁତା ପୁଞ୍ଜାନା ଏଝାରାଇଁ ଏଲେଇରେସି, “ମୀରୁ ମା ମନ୍ତ ବିତ୍ତା ଏନାଆଁତାକି ଇଲେକ~ ଅଣ୍ଡପିମାଞ୍ଜେରି ? ୯ ଏନାଆଁ ଇନାୟି ଉସାସା ? ଏ କାଜା ରଗ ଗାଟାଣାଇଁ ନୀ ପାପୁ ମେଣ୍ଡକ୍ଷେତେ ଇନାୟି କି ନିଜାମୁ ନୀ କାଟେଲି ତେକାନା ତାକ୍ମା ଇନାୟି ଉସାସା ?” ୧୦ ସାମା ଦାବ୍‌ତିତା ପାପୁ ମ୍ଲେକହାଲି ମାଣ୍ଡସି ମୀରୁଏଣା ଅଦିକାରା ମାନେ, ଏଦାଆଁ ନୀଏଁ ମୀରୁ ପୁଞ୍ଜାଲି ଆଡ଼ିଦେରି ।” ଏଦାଆଁତାକି ଏ ଚଟ ଖାନ୍ତିତାଣାଇଁ ଏଲେଇରେସି, ୧୧ “ନାନ୍ତୁ ନିଜେ ଖେସିମାଞ୍ଜାଇଁ ନିଜାମା ନୀ କାଟେଲି ତେକାନା ନୀ ଇଜ ହାଲାମୁ ।”

୧୨ ଏଚେଟିଏ ଏଝାସି ଦେବୁଣିଏ ନିଜାମା କାଟେଲି ତେକାନା ବାରେଜାଣା ନକ୍ତିଟି ହଟାହାରେସି; ଏଚେଟିଏ ବାରେଜାଣା କାବାଆହାନା ମାହାପୁରୁଟି ଜହରା କିହ~ ଏଲେଇରେସି, “ମାମୁ ଇଲେକ୍ତି କାବାଆନି କାମା ଏଚେଲା ଜିକେଏ ମେସାହିଲାଆଡମି ।”

ଜୀସୁ ଲେବିଇଁ (ମାତିୟୁ) ହାଟିନାୟି
(ମାତି ୯:୯-୧୩; ଲୁକ ୫:୨୭-୩୨)

୧୩ ଜୀସୁ ଅଡେ ଖେଣ୍ଡେ ସାମୁଦ୍ରି ଗାଟୁତା ହାରେସି, ଇଞ୍ଜି ଲକ୍ଷ୍ମି ଏଝାଣି ତାଣା ଖାହାଲିଏ, ଏଝାରାଇଁ ଜାପୁହାଲି ମାଟହେସି । ୧୪ ଅଡେ ଜିରୁଟି ହାଜି ହାଜିହ~ ଜୀସୁ ଆଲେପି ମୀରୁଏସି ଲେବିଇଁ ସିସୁ ରୁାହନି ତାଣା କୁଗାମାନାଣି ମେସୁସି, ଇଞ୍ଜି ଏଝାଣାଇଁ ଏଲେଇରେସି, “ନା ଜେଟ ଖାମୁ” ଏଚେଟିଏ ଲେବି ନିଜାମା ଏଝାଣି ଜେଟ ହାରେସି ।

୧୫ ଅଡେ ଜୀସୁ ଲେବି ଇଜ ରାନ୍ଦା ତିଞ୍ଜାଲି କୁଗାମାଟାଟି ହାରେକା ସିସୁ ରୁାହନାରି ଇଞ୍ଜି ପାପୁ ଗାଟାରି ତାମି ସାମୁୟାଁ ତଲେ କୁଗିତେରି; ଇଟିହ~ ଏଝାରି ହାରେକା ମାରେରି ଇଞ୍ଜି ଏଝାଣି ଜେଟ ହାଜିମାରେରି । ୧୬ ଜୀସୁ ପାପୁ ଗାଟାରି ଇଞ୍ଜି ସିସୁ ରୁାହନାରି ତଲେ ତିଞ୍ଜି ମାନେସି, ଇଦାଆଁ ମେସାନା ପାରୁସି ଗଟିତି ମୋରାପୁନାରି ତାମି ସାମୁୟାଁଣି ଏଲେଇରେସି, “ଏଝାସି ଏନାଆଁତାକି ପାପୁ ଗାଟାରି ଅଡେ ସିସୁ ରୁାହନାରି ତଲେ ରାନ୍ଦା ତିଞ୍ଜି ମାନେସି ?”

୧୭ ଜୀସୁ ଇ କାତା ଖେଞ୍ଜାନା ଏଝାରାଇଁ ଏଲେଇରେସି, “ନେହ~ ଲକ୍ଷ୍ମିତାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରି ଲଡ଼ାମାନେ; ନାନ୍ତୁ ଦାମ୍ବୁ ଲକ୍ଷ୍ମିତାକି ଖାହାହିଲଅଁ ସାମା ପାପୁ ଗାଟାରି ଖାହାମାଇଁ ।”

ଉପାସା କିନାଣି ଖେହ୍ନାୟି
(ମାତି ୯:୧୪-୧୭; ଲୁକ ୫:୩୩-୩୯)

୧୮ ଜହନତି ସାମୁୟାଁ ଇଞ୍ଜି ପାରୁସିୟାଁ ଉପାସା କିହିମାଟାଟି, ଏଚେକା ଲକ୍ଷ୍ମି ଜୀସୁ ତାଣା ଖାହାନା ଏଲେଇରେସି, “ଜହନତି ସାମୁୟାଁ ଇଞ୍ଜି ପାରୁସିୟାଁତି ସାମୁୟାଁ ଉପାସା କିନେରି, ସାମା ନୀ ସାମୁୟାଁ ଏନାଆଁତାକି ଉପାସା କିଅରି ?”

୧୯ ଜୀସୁ ଏଝାରାଇଁ ଏଲେଇରେସି, “ବୀହା ଲକ୍ଷ୍ମିତଲେ ବୀହା ହନେଏସି ମାନି ପାଡେକା ବୀହା ଲକ୍ଷ୍ମି ହାକିଟି ମାଞ୍ଜାଲି ଆଡ଼ିନେରିକି ? ବୀହା ହନେଏସି ଏଝାରିତଲେ ମାନି ପାଡେକା ଏଝାରି ଉପାସା କିଅରି । ୨୦ ସାମା ଦିନା ଖାନେ ଏରିବେଲା ଏଝାରି ତାଣାଟି ବୀହା ହନେଏଣାଇଁ ହପୁହା ଅଡିସାରେ ଏରିବେଲା ଏଝାରି ଉପାସା କିନେରି ।”

୨୧ “ଆମ୍ବାଆସି ପୁଞ୍ଜଇ ହିମ୍ବିରତା ପୁଞ୍ଜି ପାସ୍ତକି ତାଟଅସି; ତାଟିସାରେ ପୁଞ୍ଜଇ ହିମ୍ବିରତି ପୁଞ୍ଜି ପାସ୍ତକି ମୁଦା ଆହାଁ ଗାତି ଗେଞ୍ଜିକିନେ ।” ୨୨ ଆମ୍ବାଆସି ପୁଞ୍ଜି ଅଜୁରି ରାସା ପୁଞ୍ଜଇ ତକାତା† ଇଟଅସି; ଇଟିସାରେ ତକା ତାୟାହାନେ, ଇଞ୍ଜି ଅଜୁରି ରାସା ଅଡେ ତକା ରିଣ୍ଡିଖା ନସୁ ଆନ୍ତୁ, ଏଦାଆଁତାକି ପୁଞ୍ଜି ଅଜୁରି ରାସା ପୁଞ୍ଜି ତକାତା ଇଟିନାୟି ମାନେ ।”

* ୨:୧୪ ୨:୧୪ ମାତିୟୁ † ୨:୨୨ ୨:୨୨ ତଲୁ ତଲେ କେପିତି ଅଜୁରି ରାସା ଇଟିନି ବାସା ହୁପୁ

ଜମିନି ଦିନାତି କାତା ଝେହ୍ନାୟି
(ମାତି ୧୨:୧-୮; ଲୁକ ୬:୧-୫)

୨୩ ର ପାଲି ଜାସୁ ଜମିନି ଦିନା ତାନି ସାସୁୟାଁ ତଲେ ଗହଁ ଗୁଡିୟାତି ହାଜିମାଚେସି, ତାନି ସାସୁୟାଁ ହାଜି ହାଜିହଁ ଗହଁୟାଁ ଜେକା ତାପହାଲି ମାଟୁହେରି । ୨୪ ଏମ୍ବାଟିଏ ପାରୁସିୟାଁ ଜାସୁଇଁ ଏଲେଇଚେରି, “ମେହମ୍ବୁ ଜମିନି ଦିନାତା ଏନାଆଁ କିନାୟି ମେରା ହିଲେଏ, ନୀ ସାସୁୟାଁ ଏନାଆଁତାକି କିହମାନେରି ?”

୨୫ ଜାସୁ ଏଝାରାଇଁ ଏଲେଇଚେସି, “ଦାଝୁଦ ଅଡ଼େ ତାନି ତଢେସିଜା ହାକି ଆହାମାଗାଟି ଏଝାରି ଏନାଆଁ କିହାମାଚେରି, ଏନାଆଁ ମାରୁ ଏଚେଲା ପଡ଼ଝି ଆହାହିଲଅଚେରି, ୨୬ ଅବିୟତର କାଜା ପୁଜେରା ମାତିବେଲାତା ଏଝାସି ଏନିକିଁ ମାହାପୁରୁ ଇଲୁଡା ହଡ଼ାନା ଆମିନି ମାହାପୁରୁକି ହେରପିତି ରୁଟି କାଜା ପୁଜେରାଜା ପିସପେ ଆମ୍ବାଆରି ତିନାଆଗାଟି ମେରା ମାଚେ, ସାମା ଏନାଆଁ ଦାଝୁଦ ତିଝା ମାଚେସି ଇଞ୍ଜାଁ ତାନି ଆଟୁହ ତାରାକି ଜିକେଏ ତିଝାଲି ହାହାମାଚେସି ।”

୨୭ ତାୟୁ ଜାସୁ ଏଝାରାଇଁ ଏଲେଇଚେସି, “ଜମିନି ଦିନା ମାଣସିତାକି ଆହାମାନେ; ସାମା ମାଣସି ଜମିନି ଦିନାତାକି ଆହାହିଲଅସି ।” ୨୮ ଏନାଆଁତାକି ମାଣସି ମାଟୁଏସି ଜମିନି ଦିନାତି ପ୍ରବୁ ଆନେସି ।



ଝାୟିତି କେୟୁଗାଟାସି ନେହଁ ଆନାୟି
(ମାତି ୧୨:୯-୧୪; ଲୁକ ୬:୬-୧୧)

୧ ଜାସୁ ଅଡ଼େ ଝେଣ୍ଡେ ଜାହୁଦି ଲକ୍ଷୁତି କୁଟମି ଇଲୁଡା* ହାଚେସି, ଏମ୍ବାଆଁ ରଅସି ମାଚେସି, ଏଝାଣି ର କେୟୁ ଝାୟାହାଜାମାଚେ । ୨ ଜାସୁ ଏଝାଣାଇଁ ଜମିନି ଦିନାତା ନେହଁ କିନେସିକି ଆଏ, ଏଝାଣି କପାଟି ଦହ ଦସାଲିତାକି ଗୁରି କିହାନା ସିନକିହିମାଚେରି । ୩ ଏମ୍ବାଟିଏ ଜାସୁ ଆମିନି ଲକ୍ଷୁତି କେୟୁ ଝାୟାହାଜାମାଚେ, ଏଝାଣାଇଁ ଜାସୁ ଏଲେଇଚେସି, “ଝାମୁ ମାଦି ନିମୁ ।” ୪ ଇଞ୍ଜାଁ ଜାସୁ ଏଝାରାଇଁ ଏଲେଇଚେସି, “ଜମିନି ଦିନାତା ଏନାଆଁ କିନାୟି ମେରା ମାନେ ? ନେହଁ କିନାୟି କି ଲାଗେଏ କିନାୟି ? ଜାଝୁତି ଗେଲପିନାୟି କି ନାସା କିନାୟି ?” ସାମା ଏଝାରି ଝେଣ୍ଡେ ହାଡ଼ା ଆୟାଲି ଆଡ଼ାଆଚେରି ।

୫ ଏମ୍ବାଟିଏ ଜାସୁ ଏଝାରି ଆଟୁଝା ହିୟାତି ମେସାନା ଦୁକୁ ଆଚେସି, ଇଞ୍ଜାଁ କପାଟି ସାରିଝାକି ଏଝାରାଇଁ ସିନକିହାନା ଏଲେଇଚେସି, “କେୟୁ ଲାକ ଦାହମ୍ବୁ” ଏଝାସି ତାନି କେୟୁ ଦାସପନିଏ ଏଦି ନେହଁ ଆହାହାଚେ । ୬ ଏଚେଟିଏ ପାରୁସିୟାଁ ହଡ଼ା ହାଜାନା ଜାସୁଇଁ ପାୟାଲି ତାକି ହେରଦ ଗଟିଟି ଲକ୍ଷୁତଲେ କାଲହାନା କାତା ଆଟେରି ।

ସାମଦୁରି ଗାଟୁତା ମାନ୍ଦା ଲକୁ
(ମାତି ୪:୨୫; ମାର୍କ ୪:୧-୩)

୭ ଜାସୁ ଅଡ଼େ ତାନି ସାସୁୟାଁ ଗାଲିଲି ସାମଦୁରି ଗାଟୁତା ହାଚେରି, ଇଞ୍ଜାଁ ହାଚେରକା ଲକୁ ଏଝାଣି ଜେଚ ହାଚେରି; ଏଝାରି ଜାହୁଦା, ୮ ଗାଲିଲି, ଜିରୁସାଲମ, ଇଦମ, ଜର୍ଦନ ଅରଝାକି, ସର ଅଡ଼େ ସିଦନ ଗାଡ଼ା ଝାକିତି ଲକୁ ତାନି ବାରେ କିତି କାମାତି କାତା ଝେଞ୍ଜାନା ତାନି ତାଣା ଝାଚେରି । ୯ ଏମ୍ବାଆଁ ଇଚେକା ମାନ୍ଦା ଲକୁ ଆଚେରି ଏ ମାନ୍ଦା ଏନିକିଁ ଏଝାଣିଲାକ ଝିହଅରି, ଏନାଆଁତାକି ଏଝାସି ତାନି ସାସୁୟାଁଣି ତାଜେତାକି ର ଉଣା ତଂଗ ପରା ଇଚାଲି ଝେସ୍ତେସି; ୧୦ ଏଝାସି ହାଚେରକା ଲକୁଣି ନେହଁ କିହାମାଚାକି ରଗ ଗାଟାରି ବାରେ ଏଝାଣାଇଁ ତାଗାଲି ଏଝାଣି ମୁହେଁ ମୁହେଁ ଆହିମାଚେରି । ୧୧ ଇଞ୍ଜାଁ ପଲୁଆ ବୁଡୁୟାଁ ଆସାମାନାରି ଏଝାଣାଇଁ ମେସପନିଏ, ଏଝାଣି ନକିତା ରିହାନା କାଲଝି ଆହଁ ଏଲେଇଞ୍ଜି ମାରୁ, “ନୀନୁଏ ମାହାପୁରୁ ମାରୁଏଶାତି ।”

୧୨ ଏଝାସି ଆମ୍ବାଆସି ଇ କାତା ଆମ୍ବାଆରାଇଁ ଝେହ୍ନାଆଦୁ ଇଞ୍ଜାଁ ଜାସୁ ପଲୁଆ ବୁଡୁୟାଁଇଁ ଦାକା ହାହାନା ହୁକୁମି ହାଚେସି ।

ଜାସୁ ବାରଜାଣା ସାସୁୟାଁଣି ଆଡିନାୟି
(ମାତି ୧୦:୧-୪; ଲୁକ ୬:୧୨-୧୬)

୧୩ ଜାସୁ ହରୁ ଲାକ ହାଜାନା ଆମିନି ଗାଟାରାଇଁ ମନ କିତେସି ଏଝାରାଇଁ ତାଗେ ହାଡ଼ିତେସି, ଇଞ୍ଜାଁ ଏଝାରି ତାଗେ ଝାଚେରି । ୧୪ ଇଞ୍ଜାଁ ଏଝାସି ବାରଜାଣାତି ଆଡ଼ାନା ପାଣ୍ଡି ଆଡ଼ାରି ଇଞ୍ଜାନା, ଏଝାରାଇଁ

* ୩:୧ ୩:୧ ସିନଗର ☆ ୩:୯ ୩:୯ ମାର୍କ ୪:୧; ଲୁକ ୫:୧-୩

ଏଲେଇଚେସି, “ନା ତଲେ ଡ଼ୟାଲି ନାନୁ ମିଙ୍ଗେ ଆଡ଼ାମାଞ୍ଜାଇଁ, ଇଞ୍ଜା ୱେକ୍‌ହାଲି ପାଣ୍ଡାଇଁ । ୧୫ ଇଞ୍ଜା ମୀରୁ ବୁଡୁୟାଁ ପେରହାଲି ଜିକେଏ ଅଦିକାରା ବେଟାଆଚେରି ।”

୧୬ ଜୀସୁ ଇ ବାରଜାଣାତି ଆଡ଼ିଚେସି, ଏଞ୍ଜାରି ଆଚେରି ସିମନ ଆମ୍ବାଆରାଇଁ ଜୀସୁ ପିତର ଇଞ୍ଜାଁ ଇଚିଚେସି; ୧୭ ଜେବଦି ରୀ ମୀରୁକା ଜାକୁବ ଅଡ଼େ ତାନି ତାୟି ଜହନ ଆମ୍ବାଆରାଇଁ ବିନେରିଗସ୍ ଇଚିହଁ ଗୁଣ୍ଡିମାନି ହାଗୁତି ମୀରୁକା ଇଞ୍ଜିହଁ ଦରୁ ଇଚିଚେସି; ୧୮ ଆନ୍ଦ୍ରିୟ, ପିଲିପ, ବାର୍ତଲମି, ମାତିୟୁ, ତମା, ଆଲେପି ମୀରୁଏସି ଜାକୁବ, ତଦିୟ, ଦେସାତି ଜୀସୁ ନନ୍ଦି ସିମନ, ୧୯ ଅଡ଼େ ଇୟାରିୟତ ଜୀହୁଦା, ଆମ୍ବାଆସି ଜୀସୁଇଁ ସାଡୁୟାଁ କେୟୁତା ହେରପିଚେସି ।

ଜୀସୁ ଅଡ଼େ ବାଲ୍‌ଜିବୁଲ୍
(ମାତି ୧୨:୨୨-୩୨; ଲୁକ ୧୧:୧୪-୨୩; ୧୨:୧୦)

୨୦ ତାୟୁ ଜୀସୁ ଇଜ ୱାଡ଼େସି; ଅଡ଼େ ୱେଣ୍ଡେ ଇଚେକା ଲକୁ ରୁଣ୍ଡା ଆଚେରି ଜୀସୁ ଇଞ୍ଜାଁ ତାନି ସାସୁୟାଁକି ତିଞ୍ଜାଲି ଜିକେଏ ଆଆଚେ । ୨୧ “ଜୀସୁ ବାୟା ଆଚେସି” ଇଞ୍ଜାଁ ଲକୁ ଏଲେଇନାଣି ୱେଞ୍ଜାନା ତାନି କୁଚିମି ଜୀସୁଇଁ ଅହାଲି ୱାଡ଼େରି । ୨୨ ଅଡ଼େ ଜିରୁସାଲମତି ୱାହାମାନି ମେରାପୁନାରି ଏଲେଇଚେରି, “ଇଞ୍ଜାଣାଇଁ ବାଲ୍‌ଜିବୁଲ୍ ବୁଡୁ ଆଲ୍‌ଗାମାନେ, ଲାକା ଇଞ୍ଜାସି ବୁଡୁୟାଁଣି ପିସପି କିହିମାନେସି ।”

୨୩ ଏମ୍ବାଟିଏ ଜୀସୁ ଏଞ୍ଜାରାଇଁ ତାଗେ ହାଡ଼ାନା ପୁଣ୍ଡିକିନି କାତାତଲେ ୱେସ୍ତେସି, “ସୟତାନ ଏନ୍ନିକଁ ସୟତାନଇଁ ପେରହାଲି ଆଡ଼ିନେ ? ୨୪ ର ରାକ୍ତି ବାଗା ଆହାନା ତାନି କପାଟି ନିଙ୍ଗନେ, ଇଚିହଁ ଏ ରାକ୍ତି ଅଡ଼େ ତାରିତଲେ ଡ଼ୟାଲି ଆଡ଼େଏ । ୨୫ ଇଞ୍ଜାଁ ର ଇଲୁ କୁଚିମିତାରି ବାଗା ଆହାନା ତାମ୍ବୁତାନି କପାଟି ନିଙ୍ଗନେରି ଇଚିହଁ ଏ ଇଲୁତାରି ତାରିତଲେ ଡ଼ୟାଲି ଆଡ଼ଅରି । ୨୬ ଏଲେକିହଁ ଏ ସୟତାନ ବାଗା ଆହାନା ତାନି କପାଟି ନିଙ୍ଗାମାନେ, ଆତିହଁ ଏଦି ଅଡ଼େ ତାରିତଲେ ଡ଼ୟାଲି ଆଡ଼େଏ, ସାମା ଏଡାନି ବାରେ ନାସା ଆହିମାନେ ।”

୨୭ “ସାମା ଆମ୍ବାଆସି ନକେଏ ବାଡୁୟୁ ଗାଗାଣାଇଁ ଦହଆତିହଁ ତାନି ଇଜ ହଡାନା ତାନି ଇଜତି ଆସ୍ତି ସରୁ କିହାଲି ଆଡ଼ଅସି; ଏଞ୍ଜାଣାଇଁ ତଲିଏ ଦସ୍ତିହଁ ଦେ ଏଞ୍ଜାସି ଏଞ୍ଜାଣି ଇଜତାଣି ସରୁ କିନେସି ।”

୨୮ “ନାନୁ ମିଙ୍ଗ ସାତା ୱେସିମାଞ୍ଜାଇଁ, ଲକୁଚି ବାରେ ପାପୁ ଇଞ୍ଜାଁ ଏଞ୍ଜାରି ଏଚେକା ନିୟା କାତାତଲେ ମାହାପୁରୁ ନିୟା କିନେରି ଏ ବାରେ ପାପୁ ମେଣ୍ଡିଙ୍ଗିନେ । ୨୯ ଏସାମା ଆମ୍ବାଆସି ସୁଡୁଜୀସୁ କପାଟି ନିୟା କାତା ଜଲିନେସି, ଏଞ୍ଜାଣି ଆମିନି କାଲ୍‌ଗାତା ଜିକେଏ ଦହ ମେଣ୍ଡିଙ୍ଗେଏ, ସାମା ଏଞ୍ଜାସି କାଲ୍‌କାଲ୍‌ଗାତି ପାପୁଚି ଦହଗାଟାସି ଆନେସି ।” ୩୦ ଜୀସୁଇଁ ବୁଡୁ ଆଲ୍‌ଗାମାନେ ଇଞ୍ଜାଁ ଏଚେକା ଲକୁ ଏଲେଇଞ୍ଜାଲିଏ ଜୀସୁ ଇ କାତା ୱେସ୍ତେସି ।

ଜୀସୁତି ଇୟା ଅଡ଼େ ତାୟିୟାଁ
(ମାତି ୧୨:୪୭-୫୦; ଲୁକ ୮:୧୯-୨୧)

୩୧ ଏଚିବେଲା ଜୀସୁତି ଇୟା ଅଡ଼େ ତାୟିୟାଁ ୱାହାନା ଇଲୁ ପାଙ୍ଗାତା ନିଗାନା ଜୀସୁଇଁ ହାଟି କିଚେରି । ୩୨ ଏମ୍ବାଟିଏ ସାରିଞ୍ଜାକି କୁଗାମାତି ଲକୁ ଏଲେଇଚେରି, “ମେହ୍‌ମୁ ମୀ ଇୟା, ତାୟିୟାଁ ଅଡ଼େ ତାଜିୟା ପାଙ୍ଗାତା ନିଗାନା ନିଙ୍ଗେ ପାରିମାଞ୍ଜାନେରି ।”

୩୩ ଜୀସୁ ଏଞ୍ଜାରାଇଁ ଏଲେଇଚେସି, “ନା ଇୟା ଇଞ୍ଜାଁ ନା ତାୟି ତାଜିୟା ଆମ୍ବାଆସି ?” ୩୪ ଇଞ୍ଜାଁ ଏଞ୍ଜାସି ତାନି ସାରିଞ୍ଜାକି କୁଗାମାନି ଲକୁଣି ସିନିକିହାନା ଏଲେଇଚେସି, “ମେହ୍‌ମୁ ନା ଇୟା ଅଡ଼େ ନା ତାୟି ତାଜିୟା । ୩୫ ଆମ୍ବାଆସି ମାହାପୁରୁଚି କାତା ଆହନେସି ଏଞ୍ଜାସିଦେଁ ନା ତାୟି, ତାଜି ଅଡ଼େ ନା ଇୟା ।”



ବିଚା ମାଟିନାଣି ପୁଣ୍ଡିକିନି କାତା
(ମାତି ୧୩:୧-୯; ଲୁକ ୮:୪-୮)

୧ ଜୀସୁ ଗାଲିଲି ସାମ୍ବୁଦ୍ରି ଗାରୁତା ଅଡ଼େ ୱେଣ୍ଡେ ଜୀସୁହାଲି ମାଟୁହେସି, ଅଡ଼େ ହାଚେକା ଲକୁ ଏଞ୍ଜାଣି ତାଣ୍ଡା ରୁଣ୍ଡା ଆଚେରି ଇଞ୍ଜାଁ ଜୀସୁ ସାମ୍ବୁଦ୍ରିତା ମାନି ର ଡ଼ଗତା ହାଜାନା କୁଚିଚେସି ଇଞ୍ଜାଁ ଲକୁ ସାମ୍ବୁଦ୍ରି ଗାରୁତା ନିଚାମାଚେରି । ୨ ଏମ୍ବାଟିଏ ଜୀସୁ ଏଞ୍ଜାରାଇଁ ହାଚେକା ପୁଣ୍ଡିକିନି କାତା ଜୀସୁହିହଁ ଏଲେଇଚେସି ।

☆ ୩:୨୯ ୩:୨୯ ଲୁକ ୧୨:୧୦ ☆ ୪:୧ ୪:୧ ଲୁକ ୫:୧୩

୩ “ଝେଞ୍ଜୁ, ମୋହୁଁ ର ବିଚା ମାଟିନାସି ବିଚା ମାଟାଲି ହଢ଼େସି । ୪ ଇଞ୍ଜା ଏଝାସି ମାଟିମାଟାଟି କଚେକା ବିଚା ଜିରୁତା ରୀତେ, ଇଞ୍ଜା ପଟାୟାଁ ଝାହାନା ଏ ପାଢ଼େୟି ପେରୁହା ତିରୁ । ୫ ଅଢ଼େ କଚେକା ବିଚା ଇଚାୟି ଇଚୁଆ ମାନି ଝାଲୁକା ଲାକ ରୀତେ, ଇଞ୍ଜା ଉଣା ଇଚୁଆ ମାଟାକି ଗାଢ଼େକେଏ ନେୟି ତେ, ୬ ସାମା ଝେଡ଼ା ଆଡ଼ାଲିଏ ନେୟାଁ ମାଟାୟି ଝେହା ହାଚେ ଇଞ୍ଜା ହୀରୁ ଜୀଆଡାକି ଝାୟାନା ହାହାହାଚେ । ୭ ଅଢ଼େ କଚେକା ବିଚା ହାପୁକା ବୁଟାତା ରୀତେ, ଇଞ୍ଜା ହାପୁକା ବୁଟା ପାତାଆହାନା ଆନାଁ ତାକିତି ପୁକହାତୁସ୍ତେ ଇଞ୍ଜା ପାଢ଼େୟି ଆୟାଆତେ । ୮ ଅଢ଼େ କଚେକା ବିଚା ନେହଁ ବୁମିତା ରୀତେ, ଏଡ଼ି ନେୟାହାଁ ପାତାଆହାନା, କଢ଼େଦସ, ତାନିକଡ଼ି, ପାସାକଡ଼ି ପାଢ଼େୟି କାମିତେ ।”

୯ ଅଢ଼େ ଏଝାସି ଏଲେଇଚେସି, “ଝେଞ୍ଜାଲି ଆମ୍ବାଆରାକି କୀକୀ ମାନୁ ଏଝାସି ଝେଣ୍ଡାମ୍ବାସି ।”

ପୁଣ୍ଡିକିନି କାତାଟି ଝେହନାୟି
(ମାତି ୧୩:୧୦-୧୭; ଲୁକ ୮:୯-୧୦)

୧୦ ଜୀମୁ ରଅସିଏ ମାଟାଟି ତାନି ତଲେତି ଏଚରଜାଣା ଇଞ୍ଜା ବାରଜାଣା ସୀସୁୟାଁ ତଲେ ଏ ପୁଣ୍ଡିକିନି କାତା ଏନାୟି ଇଞ୍ଜାଁ ଝେଚେରି । ୧୧ ଏମ୍ବାଟିଏ ଏଝାସି ଏଝାରାଇଁ ଏଲେଇଚେସି, ମାହାପୁରୁ ରାଜିତି ଡୁଗାମାନାଣି ପୁଞ୍ଜାଲି ମିଙ୍ଗେ ବାଡ଼ୁଲୁ ହାପୁକି ଆହାମାନେ, ସାମା ପାଙ୍ଗାତି ବାରେ ଲକୁତାକି ଇ ପୁଣ୍ଡିକିନି କାତାତଲେ ଝେସପି ଆହିମାନେ, ୧୨ ଏନିକଁ ,
“ଏଝାରି ମେସି ମେସିହଁ ,
ମେହୁଅରି;
ଇଞ୍ଜାଁ ଝେଞ୍ଜୁଝେଞ୍ଜୁହଁ ,
ତେଲୁହୁଅରି,
ଏଝାରି ମାହାପୁରୁ ତାଣା ଝେଣ୍ଡା ଝାଡ଼ିହଁ ମା,
ପାପୁଟି ପିସପି ଆଡେଚିମା ।”

ବିଚା ମାଟିନି କାତା ପୁଣ୍ଡିକିନାୟି
(ମାତି ୧୩:୧୮-୨୩; ଲୁକ ୮:୧୧-୧୫)

୧୩ ଜୀମୁ ଅଢ଼େ ଝେଣ୍ଡେ ଏଝାରାଇଁ ଏଲେଇଚେସି, “ମୀରୁ ଇ ପୁଣ୍ଡି କିନାଣି ପୁଞ୍ଜି ହିଲଅତେରି ? ଆତିହଁ ନା ପୁଣ୍ଡିକିନି କାତା ଏନିକଁ ପୁଞ୍ଜେରି ? ୧୪ ଆମ୍ବାଆସି ମାହାପୁରୁ ବଲୁ ଝେହନାସି ଏଝାସି ବିଚା ମାଟିନାସି । ୧୫ ଆମିନି ଗାଟାରି ଝେନେରି, ଇଞ୍ଜାଁ ଝେଟି ଦେବୁଣିଏ ସୟତାନ ଝାହାନା ଏଝାରିତାଣା ଝେଣ୍ଡାମ୍ବା ଆହାମାନି ବଲୁ ମାଞ୍ଜାଅନେ, ଏଝାରି ଜିରୁ ଦାରିତା ରିତି ବିଚାଲେହେତାରି । ୧୬ ଏଲେକିହଁ ଏ ଝାଲି ଲାକ ରିହାମାନି ବିଚାଲେହେତାରି, ଏ ବଲୁ ଝେଣ୍ଡାମ୍ବାନିଏ ରାହାଟି ନାମିନେରି, ୧୭ ସାମା ଏଝାରିତାଣା ହୀରୁ ଜୀଆଡାକି ଗାଢ଼େକା ତାକି ତୀରି ମାନେରି, ତାୟୁ ମାହାପୁରୁ ବଲୁ ତାକି କସ୍ତ ବାଡ଼ା ଝାଡ଼ିସାରେ ଦେବୁଣିଏ ପିହନେରି, ଏଝାରି ଉଣା ଇଚୁଆ ମାନି ଝାଲୁକା ଲାକତି ବିଚାଲେହେତାରି । ୧୮ ହାପୁକା ବୁଟାତା ମାଟିତି ବିଚା ଏଝାରି, ଆମ୍ବାଆରି ବଲୁତି ଝେନେରି, ୧୯ ଦାରୁତିତି ଅଣପୁ ଦନତି ବାରେ ଜୁପକା ହଡ଼ାନା ଏଝାରାଇଁ ପୁକହାତୁହନେ, ଇଞ୍ଜାଁ ଏଡ଼ି ପାଢ଼େୟି ଆୟାଲି ଆଡେଏ । ୨୦ ଅଢ଼େ ଆମିନି ଗାଟାରି କାତା ଝେନେରି, ଇଞ୍ଜାଁ ନାମିନେରି, ଅଢ଼େ କଢ଼େଦସ, ତାନିକଡ଼ି, ଇଞ୍ଜାଁ ପାସାକଡ଼ି ପାଢ଼େୟି କାମିନେରି, ଏଝାରି ନେହଁ ବୁମିତା ମାଟିତି ବିଚାଲେହେତାରି ।”

ମାଣା ପୁକ୍ତୁହି ଦୀଞ୍
(ଲୁକ ୮:୧୬-୧୮)

୨୧ ଜୀମୁ ଅଢ଼େ ଝେଣ୍ଡେ ଏଝାରାଇଁ ଏଲେଇଚେସି, “ଆମ୍ବାଆସି ଦୀଞ୍ ଡ଼ାସାନା ମାଣା ପୁକ୍ତୁହାନା କି କାଚେଲି ଡ଼କ ଇଚିନେସି ? ଏଦାଆଁ ଏନାଆଁ ଦୀଞ୍ ସଡ଼ାତା ଇଚଅସି ? ୨୨ ଇଚିହଁ ତଞ୍ଜା ଆଆଗାଟାୟି ଏନାୟି ଜିକେଏ ଡ଼ଗୁାନା ଡ଼ୟେଏ; ଏନାୟି ଡ଼ଗୁାନା ଆହାମାନେ, ଏଡ଼ି ତଞ୍ଜାଆହାଲି ଡ଼ଗୁାନା । ୨୩ ଇଚିହଁ ଆମ୍ବାଆରାକି ଝେଞ୍ଜାଲି କୀକୀ ମାନୁ ଏଝାସି ଝେଣ୍ଡାମ୍ବାସି ।”

୨୪ ଜୀମୁ ଅଢ଼େ ଏଲେଇଚେସି, “ଏନାଆଁ ଝେଞ୍ଜି ମାଞ୍ଜେରି ଏ କାତାତା ଜାଗ୍ରାତା, ଆମିନି ମାଣା ତଲେ ଲାଡ଼ିଦେରି, ଏ ମାଣା ତଲେ ମିଙ୍ଗେ ଲାଡ଼ା ହିୟାନେରି, ଅଢ଼େ ମୀରୁ ହାଚେକା ବେଟାଆଦେରି ।

✧ ୪:୨୧ ୪:୨୧ ମାତି ୫:୫; ଲୁକ ୧୧:୩୩ ✧ ୪:୨୨ ୪:୨୨ ମାତି ୧୦:୨୬; ଲୁକ ୧୨:୨ ✧ ୪:୨୪ ୪:୨୪ ମାତି ୭:୨; ଲୁକ ୭:୩୮

୨୫ ଧ୍ବଜିତ୍ ହିଁ ଆମ୍ବାଆରାକି ମାନେ ଏଞ୍ଜାଣାକି ହୀଠକି ଆନେ; ଅଡ଼େ ଆମ୍ବାଆରାକି ହିଲେଏ, ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ ଏଞ୍ଜାଣି ତାଣାଟି ଅଞ୍ଜିଆନେ ।”

ପାତାଆନ୍ତି ବିଚାଡି ପୁଣ୍ଡିକିନାୟି

୨୬ ଜୀସୁ ଅଡ଼େ ଏଲେଇଚେସି, “ମାହାପୁରୁ ରାଜି ଇଲେତାୟି, ଏନିକିଁ ରି ମାଣସି ବୁମିତା ବିଚା ମାଟିନେସି; ୨୭ ଇଞ୍ଜାଁ ଲାଆଁୟାଁ ଇଦା କିନେସି ଅଡ଼େ ମାଦେନା ତେଃଏଲିନେସି, ଅଡ଼େ ବିଚା ଏନିଆହୁଁ ଗଜା ଆହାଁ ପାତାଆନେ ଏଦାଆଁ ଏଞ୍ଜାସି ପୁନଅସି । ୨୮ ଗହୁଁ ବୁମିଟି ତାନୁଏ ନେୟିଁନେ, ତଲିଏ ଆକୁ ଆନେ ତାୟୁ କେଜୁଁ ଅଡ଼େ ତାୟୁ କେଜୁଁତି ପାଡ଼େୟି ଆନେ । ୨୯ ସାମା ଆନାଁ କାମ୍ବିସାରେ ମାଟିତାସି ଏ ଆନାତି କଟାତଞ୍ଜେଲି ତଲେ ଦାଃଆନେସି ।”

ରାୟି ପାଡ଼େୟି କାତା
(ମାତି ୧୩:୩୧-୩୨; ଲୁକ ୧୩:୧୮-୧୯)

୩୦ ଅଡ଼େ ଜୀସୁ ଏଲେଇଚେସି, “ମାର ମାହାପୁରୁ ରାଜି ଏନାଆଁତଲେ ତୁକନାୟି ? ଇଞ୍ଜାଁ ଏନିଲେହେଁତି ପୁଣ୍ଡିକିନି କାତାତଲେ ଖେହନାୟି ? ୩୧ ଏଡ଼ି ର ହାସୁଁ ପାଡ଼େୟି ଲେହେଁ; ବୁମିତା ମାଟିନି ବେଲାତା ଏଡ଼ି ଦାରତତି ବାରେ ପାଡ଼େୟି କିହାଁ ଉଣା, ୩୨ ସାମା ମାଟିତି କେତ ପାତାଆହାନା ବାରେ କୁଟା କିହାଁ କାଜାୟି ଆନେ, ଇଞ୍ଜାଁ ଏଦାନି କମାୟାଁ ଇଲେକିଁ କାଜାକି ଆନୁ, ଇଞ୍ଜାଁ ହାଗୁଁ ଲାକ ଉମ୍ବିନି ପଟାୟାଁ ଖାହାନା ଏଦାନି କମାଣାଁ ବଣ ଦସାଁ ବାସାଆନୁ ।”

୩୩ ଜୀସୁ ଇଲେକିହଁ ହାରେକା ପୁଣ୍ଡିକିନି କାତା ଖେସିହଁ ଏଞ୍ଜାରି ପୁନିଲେହେକିଁ ମାହାପୁରୁ କାତା ଖେସିମାଚେସି, ୩୪ ଅଡ଼େ ପୁଣ୍ଡିକିନି କାତା ଆଟ୍‌ଆନା ଜୀସୁ ଏନାଆଁଞ୍ଜା ଖେସି ହିଲାଆତେସି, ସାମା ଲକୁ ହିଲାଆ ବେଲାତା ତାନି ସାୟୁୟାଁଣି ବାରେ ପୁଣ୍ଡି କିହିମାଚେସି ।

ଜୀସୁ କାଜା ଗାଲିତି ସାପି କିନାୟି
(ମାତି ୮:୨୩-୨୭; ଲୁକ ୮:୨୨-୨୫)

୩୫ ଏ ଦିନା ମିଡ଼ଅଲ ବେଲା ଜୀସୁ ତାନି ସାୟୁୟାଁକିଁ ଏଲେଇଚେସି, “ଞ୍ଜାଦୁ ମାର ସାମ୍ବୁରି ଆତାଲା ହାନ ।” ୩୬ ଏମ୍ବାଟିଏ ଏଞ୍ଜାରି ଲକୁଣି ପିସାନା ଏଞ୍ଜାସି ଏନିକିଁ ତଂଗତା ମାଚେସି ଏଲେକିହଁ ଏ ଅଡ଼େରି, ଇଞ୍ଜାଁ ଏମ୍ବାଆଁ ଏଚରଗଟା ତଂଗାୟାଁ ଜିକେଏ ମାତୁ । ୩୭ ଇଞ୍ଜାଁ ଦେବୁଣିଏ ହାରେକା କାଜା ଗାଲି ଆଡେ, ଇଞ୍ଜାଁ ତଂଗ ସାମ୍ବୁରିତି ଗାଲିତାକି ମୁଞ୍ଜାଲି ମାଡ଼ହେ । ୩୮ ଏଟିବେଲା ଜୀସୁ ତଂଗତି ତାୟୁଞ୍ଜାକି ର ମୂଲାତା ତାରପୁ ଆଂଗାନା ଇଦା କିହାମାଚେସି; ଇଞ୍ଜାଁ ସାୟୁୟାଁ ଏଞ୍ଜାଣାକିଁ ନିକହାନା ଏଲେଇଚେରି, “ଏ ଗୁରୁ ମାର ହାନାୟିଦେଁ ନିଜେ ଅଣପୁ ହିଲେଏ କି ?”

୩୯ ଏମ୍ବାଟିଏ ଜୀସୁ ନିଜାନା ଗାଲିତି ଦାକା ହାହାନା ଏଲେଇଚେସି, “ତୁଜାମ୍ବୁ” ଇଞ୍ଜାଁ ସାମ୍ବୁରିତି ଏଲେଇଚେସି, “ସାପି ଆମ୍ବୁ” ଏମ୍ବାଟିଏ ଗାଲି ପାଲେଏ ଆଡେ ଇଞ୍ଜାଁ ବାରେ ସୁସି ଆଡେ । ୪୦ ଇଞ୍ଜାଁ ଜୀସୁ ଏଞ୍ଜାଣାକିଁ ଏଲେଇଚେସି, “ମାରୁ ଏନାଆଁତାକି ଇଚେକା ଆଜିମାଞ୍ଜେରି ? ମୀ ନାମୁ ହିଲେଏ କି ?”

୪୧ ଏମ୍ବାଟିଏ ଏଞ୍ଜାରି ହାରେକା ଆଜାନା ତାମ୍ବୁ ତାମ୍ବୁସୁ କାତା ଆଡ଼େରି, “ଇଞ୍ଜାସି ଆମ୍ବାଆସି ? ଗାଲି ଅଡ଼େ ସାମ୍ବୁରି ଜିକେଏ ଇଞ୍ଜାଣି ହାଡ଼ା ମାନଞ୍ଜି ଆହିମାନୁ ।”

୫

ଜୀସୁ ବୃତୁୟାଁ ଆଲ୍‌ଗିତାଣାକିଁ ନେହଁ କିନାୟି
(ମାତି ୮:୨୮-୩୪; ଲୁକ ୮:୨୬-୩୯)

୧ ତାୟୁ ଜୀସୁ ଅଡ଼େ ସାୟୁୟାଁ ଗାଲିଲି ଆତାଲାତି ଗରାସିୟ* ରାଜିତା ଏଗାହାଚେରି । ୨ ଜୀସୁ ତଂଗତି ରେପନିଏ ର ବୁଡୁ ଆଲ୍‌ଗା ମାଚାସି ମାଡ଼ହା ମୁହନି ଚାୟୁଟି ହଟାଞ୍ଜାହାନା ଜୀସୁକିଁ ବେଟାଆଡ଼େସି । ୩ ଏଞ୍ଜାସି ମାଡ଼ହା ମୁହନି ଚାୟୁତା ବାସା କିହିମାଚେସି, ଇଞ୍ଜାଁ ଆମ୍ବାଆସି ଜିକେଏ ଏଞ୍ଜାଣାକିଁ ହିକଣିୟାଁ ତଲେ ଦସାଲି ଆଡ଼ିହିଲାଆଡେରି; ୪ ଧ୍ବଜିତ୍ ହିଁ ଏଞ୍ଜାଣାକିଁ ହାରେକା ଦେବା ହିକଣିୟାଁ ତଲେ ଦସାମାଚେରି, ସାମା ଏ ହିକଣିୟାଁ ତାପହାନା କୁଟୁକୁଟା କିଚେସି, ଇଞ୍ଜାଁ ଏଞ୍ଜାଣାକିଁ ଦସା ଇଗାଲି ଆମ୍ବାଆରାକି ଜିକେଏ ବାଡ଼ୁୟୁ ହିଲାଆଡେ । ୫ ଏଞ୍ଜାସି ଲାଆଁୟାଁ ମାଦେନା ବାରେବେଲା ମାଡ଼ହା ମୁହନି ଚାୟୁତା ଅଡ଼େ ହରୁତା ତୁୟାନା କିଡ଼ି ମାଚେସି, ଇଞ୍ଜାଁ ଖାଲ୍‌କାତଲେ କଡ଼ହା କଡ଼ିହଁ ରାଣାରାକା କିହା କଡ଼ିମାଚେସି ।

* ୪:୨୫ ୪:୨୫ ମାତି ୧୩:୧୨; ୨୫:୨୫; ଲୁକ ୧୩:୨୭ * ୫:୧ ୫:୧ ଚଚେକା ସାପ୍ତେରିତା ଗବରିୟ ରାସ୍‌କି ଆହାମାନେ

^୭ ଏଞ୍ଜେଲ୍ ହେକଟିଏ ଜୀମୁଇଁ ମେସାନା ହଟି ହଟିହିଁ ଖାହାନା ଏଞ୍ଜେଲ୍ କତାଣା ରିହାଁ ଜହରା କିତେସି, ^୮ ଅଡ଼େ କାଜା ଗିୟାଁତଲେ କିର୍ଡ଼ିହିଁ ଏଲେଇଚେସି, “ଏ ବାଡ଼ୁୟାଗାଟି ମାହାପୁରୁ ମୀରୁଏଣାଟି ଜୀମୁ, ନୀ ତଲେ ନାଜେ ଏନାୟି ମାଚେ ? ନିଜେ ମାହାପୁରୁ ଦରୁତଲେ ପାର୍ମାଣା କିହିମାଞ୍ଜାଇଁ, ନାଜେ କସ୍ତ ହିୟାଆନି ।” ^୯ ଏନାଆଁତାକି ଇଚିହିଁ ଜୀମୁ ଏଞ୍ଜେଲ୍ ଏନାଆଁ ଇଞ୍ଜାଲି ହାଜିମାଚେସି, “ଏ ପଲ୍ଲିଆ ବୁଡୁତି ଇଞ୍ଜାଣି ତାଣାଟି ହଡ଼ାହାଲାନୁ ।”

^{୧୦} ଜୀମୁ ଏଞ୍ଜେଲ୍ ଖେଚେସି, “ନୀ ଦରୁ ଏନାୟି ?” ଏଞ୍ଜେଲ୍ ଏଲେଇଚେସି, “ନା ଦରୁ ‘ମାନ୍ଦା’ ଇଚିହିଁ ମାମୁ ହାରେକା ଜାଣାତନି ।” ^{୧୧} ଇଞ୍ଜା ଜୀମୁ ଏନିକିଁ ଏ ପଲ୍ଲିଆ ବୁଡୁୟାଣି ଏ ରାଜିଟି ଅର ରାଜିତା ପାଣ୍ଡାଅସି, ଏଦାଆଁତାକି ଏଞ୍ଜେଲ୍ ହାରେକା ବାତିମାଲିଚୁ ।

^{୧୨} ଏନାଆଁ ହରୁ ଦାରିତା ର ମାନ୍ଦା ପାଜିୟାଁ ମେୟିଁ ମାଚୁ । ^{୧୩} ଅଡ଼େ ଏ ବୁଡୁୟାଁ ବାତିମାଲିହିଁ ଏଲେଇଚୁ, “ମାଜେ ଏ ପାଜିୟାଁ ମାନ୍ଦାତା ହଡ଼ାଲି ପାଣ୍ଡାମୁ ।” ^{୧୪} ଏଞ୍ଜେଲ୍ ଏଞ୍ଜେଲ୍ ହୁକୁମି ହାହାଲିଏ, ଏ ପଲ୍ଲିଆ ବୁଡୁୟାଁ ଏଞ୍ଜେଲ୍ ତାଣାଟି ହଡ଼ାନା ପାଜିୟାଁ ମାନ୍ଦା ବିତ୍ରା ହଡ଼ୁ; ଏମ୍ବାଟିଏ ମାନ୍ଦା ପାଜିୟାଁ ତବେ ହଡ଼ାନା ତାଚେ ମାଟି ସାମୁଦ୍ରିତା ମେନାମା ହାହାହାଚୁ, ବାରେ ରୀ ମାଣା ପାଜିୟାଁ ମାଚୁ ।

^{୧୫} ଏ ପାଜିୟାଁ ମେଟିମାଟି ଗଡ଼କା ଗାଡ଼ାତା ଅଡ଼େ ନାମ୍ବକାଣୀ ଏ କାତା ଖେସକା ହାଚେରି; ଏମ୍ବାଟିଏ ଲକୁ ଏନାଆଁ ଆହାମାନେ ଇଞ୍ଜେଁ ସିନିକିହାଲି ଖାଚେରି । ^{୧୬} ଅଡ଼େ ଏଞ୍ଜେଲ୍ ଜୀମୁ ତାଚେ ଖାହାନା, ଏ ବୁଡୁ ଆଲ୍‌ଗା ମାଚାଣାଇଁ ଇଚିହିଁ ଆମ୍ବାଆରାକି ନକେଏ ମାନ୍ଦା ବୁଡୁୟାଁ ଆସାମାଚୁ, ଏଞ୍ଜେଲ୍ ହିମ୍ବରି ହୁଡ଼ାନା ନେହିଁ ମନତଲେ କୁଗାମାଚାଣି ମେସାନା ଆଜିଚେରି । ^{୧୭} ଆମ୍ବାଆରି ମେସାମାଚେରି, ବୁଡୁ ଆଲ୍‌ଗା ମାଚାସି ଏନିକିଁ ନେହିଁ ଆଚେସି, ଅଡ଼େ ପାଜିୟାଁ ଏନିକିଁ ନାମ୍ବା ଆଚୁ ଏ ବାରେ ଖେସ୍ତେରି ।

^{୧୮} ଏମ୍ବାଟିଏ ଏଞ୍ଜେଲ୍ ଜୀମୁଇଁ ତାନି ହାନ୍ଦିଟି ହାଜାଲି ବାତିମାଲିଚେରି ।

^{୧୯} ତାମୁ ଜୀମୁ ତଂଗତା ହଟିମାଚାଟି ଆମିନି ଗାଟାଣାକି ବୁଡୁ ଆଲ୍‌ଗାମାଚେ, ଏଞ୍ଜେଲ୍ ତାନିତଲେ ତୁୟାଲି ତାକି ବାତିମାଲିଚେସି ।

^{୨୦} ସାମା ଜୀମୁ ହେଲ ହାଆନା ଏଞ୍ଜେଲ୍ ଏଲେଇଚେସି, “ନୀ ଇଜ ନୀ ଲକୁତାଣା ହାଲାନୁ, ଇଞ୍ଜା ପ୍ରବୁ ନିଜେତାକି ଏନି କାମା ଅଡ଼େ ନିଜେତାକି ଏମିନି କାର୍ମା କିହାମାଞ୍ଜାନେସି, ଏ ବାରେ ଏଞ୍ଜେଲ୍ ଖେହମୁ ।”

^{୨୧} ଏମ୍ବାଟିଏ ଏଞ୍ଜେଲ୍ ହାଜାନା, ଜୀମୁ ଏଞ୍ଜେଲ୍ ଏନି କାମା କିହାମାଚେସି, ଏଞ୍ଜେଲ୍ ଦେକାପଲିତାଂ ଖେକହାଲି ମାଚୁହେସି; ଏମ୍ବାଟିଏ ବାରେଜାଣା କାବା ଆଚେରି ।

ଜାୟିରସ ମାଜାନି ନାଞ୍ଜୁ ଇଞ୍ଜା ନେଚେରି ଖାଜିମାଟି ଇୟା ନେହିଁ ଆନାୟି
(ମାଟି ୯:୧୮-୨୭; ଲୁକ ୮:୪୦-୫୨)

^{୨୨} ଜୀମୁ ତଂଗାଟି ଗାଣାଚାନା ଅରଞ୍ଜାକି ଖେଣ୍ଡେ ଖାଚେସି, ମାନ୍ଦା ଲକୁ ଏଞ୍ଜେଲ୍ ତାଣା ରୁଣ୍ଡା ଆଚେରି; ଇଞ୍ଜା ଏଞ୍ଜେଲ୍ ସାମୁଦ୍ରି ଗାଚୁତା ତୁୟିଚେସି । ^{୨୩} ଏଚିବେଲ୍ ଜୀମୁଦି ଲକୁଟି କୁଟମି ଲକୁଟିଂ କାଜାରି ବିତ୍ରାଟି ଜାୟିରସ ଦରୁଗାଚାସି ରଅସି ଜୀମୁଇଁ ମେସାନା ଏଞ୍ଜେଲ୍ କତାଣା ରାଚେସି, ^{୨୪} ଇଞ୍ଜା ହାରେକା ବାତିମାଲିହିଁ ଏଲେଇଚେସି, “ନା ମାଜା ହାନ୍ଦିହିଁଗେ ଆହାମାନେ; ଏଦି ଏନିକିଁ ନେହିଁ ଆହାନା ନୀତିନେ, ଏଦାଆଁତାକି ନୀନୁ ଖାହାନା ଏଦାନି ଲାକି କେନ୍ଦୁ ଇଚାମୁ ।”

^{୨୫} ଏମ୍ବାଟିଏ ଜୀମୁ ଏଞ୍ଜେଲ୍ ତଲେ ହାଚେସି, ଇଞ୍ଜା ହାରେକା ଲକୁ ଏଞ୍ଜେଲ୍ ତଲେ ହାଜାଲି ମାଚୁହେରି, ଇଞ୍ଜା ଏଞ୍ଜେଲ୍ ମୁହେଁ ମୁହେଁ ଖେସି ଆହିମାଚେରି ।

^{୨୬} ଏଚିବେଲ୍‌ତା ର ଇୟା ବାର ବାର୍ଯ୍ୟା ପାଚେକା ନେଚେରି ଖାଜିନି ରଗତା ନେଚେରି ତୁଜାଆନା ନେହିଁ ଆହି ହିଲ୍‌ଆଚେ, ^{୨୭} ଇଞ୍ଜା ଅସଗୁରୁ ତାଣା ହାଜାନା ଜିକେଏ ହାରେକା ଟାକାୟା କାରୁ କିହାମାଚେ, ଅଡ଼େ ଜିକେଏ ନେହିଁ ଆହିହିଲ୍‌ଆଚେ, ସାମା ହାରେକା କସ୍ତ ବେଟାଆହି ମାଚେ । ^{୨୮} ଏଦି ଜୀମୁଟି କାତା ଖେଜାନା ଲକୁ ମାନ୍ଦାତା ଖାହାନା ତାମୁ ଖାଜିଟି ଏଞ୍ଜେଲ୍ ହିମ୍ବରି ତାଗିଚେ; ^{୨୯} ଇଚିହିଁ ଏଦି ଏଲେ ଇଞ୍ଜେଲ୍‌ଚେ, “ଏଞ୍ଜେଲ୍ ହିମ୍ବରି ତାଗିଚିହିଁ ନେହିଁ ଆଜୁ ।”

^{୩୦} ଏ ଦେବୁଣିଏ ଏଦାଣି ନେଚେରି ବନାୟି ତୁଜିଚେ, ଇଞ୍ଜା ଏଦି ରଗଟି ନେହିଁ ଆହାମାନେ ଏଦାଆଁ ତାନି ଆଜାମା ପୁଞ୍ଜା କଡିଚେ । ^{୩୧} ଦେବୁଣିଏ ଜୀମୁ ତାନି ଆଜାମାଟି ବାଡ଼ୁୟା ହାଚାଣି ହିୟାଁତା ପୁଞ୍ଜାନା, ଲକୁ ମାନ୍ଦାତା ଖେଣ୍ଡେ ସିନିକିହାନା ଏଲେଇଚେସି, “ଏମ୍ବାଆୟି ନା ହିମ୍ବରି ତାଗାଚେ ?”

^{୩୨} ଏମ୍ବାଟିଏ ତାନି ସାମୁୟାଁ ଏଲେଇଚେରି, “ନୀନୁଚେ ମେସାମାଞ୍ଜି ଲକୁ ଏନିକିଁ ନୀ ମୁହେଁ ଆହିମାନେରି, ଅଡ଼େ ଏଲେ ଇଞ୍ଜେଲ୍‌ଚେ ଆମ୍ବାଆୟି ନାଜେ ତାଗାଚେ ?”

† ୫:୨୦ ୫:୨୦ ଦସଗଗ ନାମ୍ବକା ‡ ୫:୨୨ ୫:୨୨ ସିନଗଗ

୩୨ ଯାମା ଏମ୍ବାଆୟି ତାଙ୍ଗେ ତୀରିତେ ଏଦାଆଁ ମେସାଲି ଜୀସୁ ସାରିସୁରୁ ସିନିକିତେସି । ୩୩ ଏମ୍ବାଟିଏ ଏ ଇୟା ଖାହାନା ତାଙ୍ଗେତାକି ଏନାୟି ଆହାମାନେ ଏଦାଆଁ ପୁଞ୍ଜା ଆଜିତାକି ତୀରୁରିହୁଁ ଖାହୁଁ ତାନି କତାଣା ରିହାନା ବାରେ ସାତା କାତା ଏଞ୍ଜାଣାଇଁ ଖେସ୍ତେ । ୩୪ ଏମ୍ବାଟିଏ ଜୀସୁ ଏ ଇୟାନି ଏଲେଇରେସି, “ଆଲ ମାଙ୍ଗା ନୀ ନାମୁ ନିଙ୍ଗେ ନେହୁଁ କିହାମାଞ୍ଜାନେ; ହିଡ଼ି ତଲେ ହାଲାନୁ ଇଞ୍ଜାଁ ନୀ ରଗ୍ଗି ନେହୁଁ ଆମୁ ।”

୩୫ ଜୀସୁ ଇ କାତା ଖେସିମାଚାଟି, ଜୀହୁଦି ଲକ୍ଷ୍ମି କୁଟମି ଇଲୁତି କାଜାଣା ଇଜଟି ରଅସି ଖାହାନା ଏଲେଇରେସି, “ନୀ ମାଙ୍ଗା ହାଡେୟିଏ ଗୁରୁଇଁ ଅଡେ ଏନାଆଁତାକି କସ୍ତ ହାହିମାଞ୍ଜି ?”

୩୬ ଯାମା ଜୀସୁ ଏ କାତା ଖେଞ୍ଜାନା ଖେନାଆତିଲେହେଁ ଆହାନା ଜାୟିରସଇଁ ଏଲେଇରେସି, “ଆଜାଆନି ସାମା ନାମାମୁ ।” ୩୭ ଅଡେ ଏଞ୍ଜାସି ପିତର, ଜାକୁବ, ଅଡେ ତାନି ତାୟି ଜହନ ପିସପେ ଆମ୍ବାଆରାଇଁ ତାନିତଲେ ଅଥାଡେସି । ୩୮ ଏଞ୍ଜାରି ଜାୟିରସ ଇଜ ଏଜାଲିଏ, ଏମ୍ବାଆଁ ହାଡେକା କାଲୁଞ୍ଜି ଆହୁଁ ଡାହିମାନାଣି ମେସ୍ତେସି, ୩୯ ଇଞ୍ଜାଁ ବିତ୍ରା ହାଜାନା ଏଞ୍ଜାସିକାଣି ଏଲେଇରେସି, “ଏନାଆଁତାକି କାଲୁଞ୍ଜି ଆହୁଁ ଡାହି ମାଞ୍ଜେରି, ଇ ପଦା ହାହାହିଲେଏ ସାମା ଇଦା କିହାମାନେ” ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ କାକହେରି ।

୪୦ ଏଞ୍ଜାରି ଏଞ୍ଜାଣାଇଁ ଲାଜା କିହାନା କାକହେରି, ସାମା ଏଞ୍ଜାସି ବାରେଡି ପାଙ୍ଗାତା ପାଣ୍ଡାନା ପଦାନି ଇୟା ଆବା ଅଡେ ତାନି ତାନି ଜାଣା ସାମୁୟାଁ ତଲେ ଏ ପଦା ମାଟି ତାଣା ହାରେରି, ୪୧ ଇଞ୍ଜାଁ ଏ ପଦାନି କେୟୁ ଆସାନା ଏଦାନି ଏଲେଇରେସି, “ଚଲିତା କୁମ୍” ଇଟିହୁଁ “ଆଲ ମାଙ୍ଗା ନାମୁ ନିଙ୍ଗେ ଖେସିମାଞ୍ଜାଇଁ ନିଙ୍ଗାମୁ ।”

୪୨ ଏ ଦେବୁଣିଏ ପଦା ନିଙ୍ଗାନା ତାକିତେ (ଇଟିହୁଁ ଏଦି ବାରୁ ବାସା ଆହାମାରେ) ଏମ୍ବାଟିଏ ଏଞ୍ଜାରି ହାଡେକା କାବା ଆଡେରି । ୪୩ ଇଞ୍ଜାଁ ଇ କାତା ଏନିକିଁ ଆମ୍ବାଆରି ପୁନଅରି, ଏଦାଆଁତାକି ଏଞ୍ଜାସି ଏଞ୍ଜାରାଇଁ ଜାଣେ ହୁକୁନି ହୀତେସି, ଇଞ୍ଜାଁ “ପଦାନାକି ଏନାଆଁ ତିଞ୍ଜାଲି ହୀଦୁ” ଇରେସି ।



ଜୀସୁଇଁ ନାଜୁରିତତା ଅପାଆଗାଗାୟି
(ମାଟି ୧୩:୫୩-୫୮; ଲୁକ ୪:୧୬-୩୦)

୧ ଜୀସୁ ଏ ଟାୟୁ ପିସାନା ତାନୁ ପାତାଆଡି ନାୟୁତା ହାରେସି ଇଞ୍ଜାଁ ତାନି ସାମୁୟାଁ ତାନି ଜେଡ ହାରେରି । ୨ ଜମିନି ଦିନା ଖାହାଲିଏ, ଏଞ୍ଜାସି ଜୀହୁଦି ଲକ୍ଷ୍ମି କୁଟମି ଇଲୁତା* ଜାପୁହାଲି ମାଟୁହେସି; ଇଞ୍ଜାଁ ହାଡେକା ତାନି କାତା ଖେଞ୍ଜାନା କାବା ଆହୁଁ ଏଲେଇରେସି, “ଇଞ୍ଜାଣାକି ଇ ବାରେ ଏମ୍ବିଟି ଆଡେ ? ଇଞ୍ଜାସି ଇଲେଡି ବୁଦି ଏନିକିଁ ପୁରେସି ? ଇଞ୍ଜାଁ ଇଲେଡି କାବାଆନି କାମା ଏନି ବାଡୁୟୁ ତଲେ କିହାମାନେସି ?” ୩ ଇଞ୍ଜାସି ଏ ବାଡିୟାଡି ମୀରୁଏସି ଆଏକି ? ଇଞ୍ଜାସି ମିରିୟମନି ମୀରୁଏସି ଇଞ୍ଜାଁ ଜାକୁବ, ଜସି, ଜୀହୁଦା ଇଞ୍ଜାଁ ସିମନତି ତାୟି ଆଏକି ? ଇଞ୍ଜାଁ ତାନି ତାଙ୍ଗିସ୍ତା ଇମ୍ବାଆଁ ମା ତଲେ ହିଲାର କି ? ଅଡେ ଏଞ୍ଜାରି ଏଞ୍ଜାଣାଇଁ ଅପାଆଡେରି ।

୪*ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇରେସି, “ମାହାପୁରୁ ଅଣପୁଡି ବଲୁ ଖେହନାରି ଏବକା ଲକ୍ଷ୍ମି ତାଣାଟି ମାନି ବେଟାଆନେରି ସାମା ତାନି ନାୟୁଡି ଲକ୍ଷ୍ମି ଇଞ୍ଜାଁ ତାନି ଇଲୁ କୁଟମିତି ଲକ୍ଷ୍ମି ଏଞ୍ଜାଣାଇଁ ମାନି କିଅରି ।”

୫ ଇଞ୍ଜାଁ ଏଚରଜାଣା ରଗ ଗାଟାରାଇଁ କେୟୁ ଇଟାନା ନେହୁଁ କିନାଣି ପିସପେ ଏ ଟାୟୁତା ଏନି ବାଡୁୟୁଡି କାମା କିହାଲି ଆଡାଆଡେସି । ୬ ଇଞ୍ଜାଁ ଏଞ୍ଜାରି ନାମାଆତାକି ଜୀସୁ ହାଡେକା କାବା ଆଡେସି ଏମ୍ବାଟି ବାରେ ନାସକାଣାଁ ହାଜାନା ଜାପୁହେସି ।

ଜୀସୁ ବାରଜାଣା ସାମୁୟାଁଣି ପାଣ୍ଡିନାୟି
(ମାଟି ୧୦:୫-୧୫; ଲୁକ ୯:୧-୬)

୭ ତାୟୁ ଏଞ୍ଜାସି ନାସକା ନାସକାଣାଁ ରେଜି ରେଜିହୁଁ ଜାପୁହାଲି ମାଟୁହେସି, ଏମ୍ବାଟିଏ ବାରଜାଣାଟି ତାରେ ହାଟାନା ଏଞ୍ଜାରାଇଁ ରିଆରି ଲାକା କିହାନା ପାଣ୍ଡାଲି ମାଟୁହେସି ଇଞ୍ଜାଁ ଲାଗେଏ ପଲେଏତି ଜୀସୁୟାଁ ଲାକ ଏଞ୍ଜାରାକି ଅଦିକାରା ହୀତେସି, ୮ ଅଡେ ହାଜାଲିତାକି ବାଡ଼ଗା ପିସପେ, ଲହଡ଼ି କି ମଣା କି ଅଚଡ଼ିତା ଟାକାୟାଁ ଅଥାଦୁ ଇଞ୍ଜାଁ ହୁକୁନି ହୀତେସି; ୯ ସାମା ଏଞ୍ଜାରାଇଁ କତାତା ସେପୁୟାଁ ତୁରହାଲି ଏଲେଇରେସି, ଇଞ୍ଜାଁ ରୀ ସକାୟାଁ ତୁରହାଲି କାହି କିତେସି । ୧୦ ଇଞ୍ଜାଁ ଜୀସୁ ଏଞ୍ଜାରାଇଁ ଏଲେଇରେସି, “ମିଙ୍ଗି ଆନିନି ଇଲୁତା ହାଟାନେରି, ଏମ୍ବାଟି ଖେଣ୍ଡା ଖାଆ ପାଡେକା ଏମ୍ବାଆଁ ତୁୟାଦୁ । ୧୧ **ସାମା ଆନିନି ଟାୟୁଡି ଲକ୍ଷ୍ମି

* ୨:୨ ୬:୨ ସିନଗର ✨ ୬:୪ ୬:୪ ଜହ ୪:୪୪ ✨ ୬:୧୧ ୬:୧୧ କାମା ୧୩:୫୧ ✨ ୬:୧୧ ୬:୧୧ ଲୁକ ୧୦:୪-୧୧

ମିଙ୍ଗ ଆବଅରି, କି ମୀ କାତା ଝେନଅରି, ଏମ୍ବାଟି ଝେଣ୍ଡା ଝାନ୍ତାଟି ଏଝାରି ନକିତା ସାକି ହାହାଲି ତାକି ମୀ କତାତି ଦୁଡ଼ି ହାଣ୍ଡୁ ।”

୧୭ ଏମ୍ବାଟିଏ ଏଝାରି ରେଜି ରେଜିହୁଁ ପାପୁ ପିସାନା ମନ ଝେଟ୍ଟି କାତା ଝେକହେରି, ୧୩ ଝଞ୍ଜା ହାରେକା ବୁଡ଼ି ପିପି କିତେରି, ଝଞ୍ଜା ହାରେକା ରତ ଗାଟାରାଇଁ ନିୟୁଁ ରୁବାନା ନେହୁଁ କିତେରି ।

ବାପ୍ପିସ୍ତାଁ ହାନି ଜହନତି ହାନାୟି
(ମାତି ୧୪:୧-୧୨; ଲୁକ ୯:୭-୯)

୧୪ ଏମ୍ବାଟିଏ ଜୀସୁ ଦରୁ ସାରି ଝାକି ଝେଙ୍ଗା ହାଜାଲିଏ ହେରଦ ରାଜା ଏଝାଣି କାତା ଝେରେସି, ଝଞ୍ଜା ଲକୁ ଏଲେଇଞ୍ଜିମାରେରି, “ବାପ୍ପିସ୍ତାଁ ହାନି ଜହନ ହାଡ଼ାରି ତାଣ୍ଡାଟି ନିଙ୍ଗାମାନେସି, ଏଦାଆଁତାକି ଛ ବାରେ କାବାଆନି ବାଡ଼ୁୟୁତି କାମା ଏଝାଣି ତାଣ୍ଡା ଆହୁମାନେ ।”

୧୫ ସାମା ଏଟ୍ଟକାତାରି ଏଲେଇଞ୍ଜିମାରେରି, “ଝାସାସି ଏଲିୟୁ ।”

ଝଞ୍ଜା ଅଡ଼େ ଏଚରକାଣା ଏଲେଇଞ୍ଜିମାରେରି, “ମାହାପୁରୁ ଅଣ୍ଡପୁତି ବଲୁ ଝେହୁନାରି ଲେହେଁ ଝାସାସି ଜିକେଏ ମାହାପୁରୁ ଅଣ୍ଡପୁତି ବଲୁ ଝେହୁନାସି ।”

୧୬ ସାମା ହେରଦ ଇଦାଆଁ ଝେଞ୍ଜାନା ଏଲେଇଚେସି, “ଆମିନି ଜହନତି ତାୟୁଁ ନାନୁ ଦାପି କିହାମାଇଁ, ଏଝାସି ନିଙ୍ଗାମାନେସି !” ୧୭ ଝଞ୍ଜିହୁଁ ହେରଦ ତାନି ତାୟି ପିଲିପ ତକ୍ତି ହେରଦିୟାନି ବାହା ଆହାମାଚାକି, ଏଦାନି ତାକି ତାନୁ ଲକୁଣି ପାଣ୍ଡାନା ଜହନଇଁ ଦସପା ତାଟାନା କାୟିଦିତା ଇଟାମାରେସି ।

୧୮ ଝଞ୍ଜିହୁଁ ଜହନ ହେରଦଇଁ ଏଲେଇଞ୍ଜିମାରେସି, “ନୀ ତାୟି ତକ୍ତିନି ଇଟିନାୟି ନୀ ମେରା ହିଲ୍ଲାଆତେ ।” ୧୯ ଏମ୍ବାଟିଏ ହେରଦିୟା କାରବି ଆହାନା ଜହନଇଁ ପାୟାଲି ମନ କିହିମାଚେ ସାମା ଏଦି ଏନାଆଁ କିହାଲି ଆଡ଼ିହିଲ୍ଲାଆତେ । ୨୦ ଝଞ୍ଜିହୁଁ ହେରଦ ଜହନଇଁ ର ଦାମୁଗାଟାସି ଅଡ଼େ ସୁଦୁଗାଟାସି ଝଞ୍ଜୁଁ ଆଜିମାରେସି, ଝଞ୍ଜା ଏଝାଣାଇଁ ଗେଲପାଲି ଅଣ୍ଡପିମାରେସି, ଏଝାଣି କାତା ଝେଞ୍ଜାନା ଆଜିତିହୁଁ ଜିକେଏ ଏଝାଣି କାତା ଝେଞ୍ଜାଲି ମନ କିହିମାରେସି ।

୨୧ ତାୟୁଁ ହେରଦିୟାକି ର ପାରୁ ମେଡ଼ାଆଡ଼େ, ହେରଦ ତାନି ଜାନା ଦିନାତା କାଜା କାଜା ମନ୍ତ୍ରିୟାଣି ଝଞ୍ଜା ଗାଲିଲିତି କାଜା କାଜାରାଇଁ ଲାଆଁ ବେଲାତା ର ବକ୍ତିତା ହାଡ଼ିତେସି; ୨୨ ଝଞ୍ଜା ହେରଦିୟାନି ମାଙ୍ଗା ବିତ୍ରା ହାଜାନା ଏନାହାଁ ହେରଦ ଝଞ୍ଜା ତାନିତଲେ ବକ୍ତିତା କୁଗାମାଟି ଲକୁଣି ରାହାଁ କିଝିକିଚେ, ଏମ୍ବାଟିଏ ରାଜା ଏ ପଦାନି ଏଲେଇଚେସି, “ଏନାଆଁ ମନ କିହିମାଞ୍ଜି ରାସ୍ତାମୁ ନାନୁ ଏଦାଆଁ ନିଜେ ହିୟାଇଁ ।” ୨୩ ଝଞ୍ଜା ଏଝାସି ପଦା ନକିତା ପାରମାଣା କିତେସି, “ନାନୁ ନାଜେ ଏନାଆଁ ରାସ୍ତାଦି, ରାକ୍ତିତ ଆଦା ଜିକେଏ ନାନୁ ନିଜେ ହିୟାଇଁ !”

୨୪ ଏମ୍ବାଟିଏ ଏ ପଦା ହାଜାନା ତାନି ଇୟାନି ଝେଚେ, “ନାନୁ ଏନାଆଁ ରାହୁଇଁ ?”

ଏମ୍ବାଟିଏ ଏଦି ଏଲେଇଚେ, “ବାପ୍ପିସ୍ତାଁ ହାନି ଜହନତି ତାୟୁଁ ।”

୨୫ ଏ ଦେବୁଣିଏ ରାଜା ତାଣ୍ଡା ତବେ ଝାହାନା ଏଲେଇଞ୍ଜି ରାସ୍ତେ, “ନାଜେ ନାନୁ ବାପ୍ପିସ୍ତାଁ* ହାନି ଜହନତି ତାୟୁଁ ରୁ ସାଡ଼ଝାତା ନାଏଁ ନାଜେ ହିୟାମୁ ।”

୨୬ ଏମ୍ବାଟିଏ ରାଜା ହାରେକା ଦୁକୁ ଆଡ଼ିହୁଁ ଜିକେଏ, ତାନୁ କିତି ପାରମାଣା ଅଡ଼େ ବକ୍ତିତା କୁଗାମାଚାରି ତାକି ଆଏ ଝଞ୍ଜାଲି ଆଡ଼ାଆତେସି । ୨୭ ଏଦାଆଁତାକି ରାଜା ଦେବୁଣିଏ ର କହୁଏଁଶାଇଁ ପାଣ୍ଡାନା ତାନି ତାୟୁଁ ତାଚାଲି ହୁକୁମି ହାତେସି, ଏମ୍ବାଟିଏ ଏଝାସି ହାଜାନା କାୟିଦି ଇଲୁତା ତାନି ତାୟୁଁ ଦୁାଡ଼େସି; ୨୮ ଅଡ଼େ ଏଦାଆଁ ର ସାଡ଼ଝାତା ତାଟାନା ପଦାନାକି ହାତେସି, ଝଞ୍ଜା ପଦା ଏଦାଆଁ ଅହାନା ତାନି ଇୟାନାକି ହାତେ । ୨୯ ଝଞ୍ଜା ଜହନତି ସାୟୁୟାଁ ଏ କାତା ଝେଞ୍ଜାନା ଝାଡ଼େରି, ଝଞ୍ଜା ତାନି ମାଡ଼ହାତି ଅହାନା ମାଡ଼ହା ଇଟିନି ଗାୟୁତା ଇଟିତେରି ।

ଜାସୁ ପାସାମାଣା ଲକୁତାକି ତାହୁନାୟି
(ମାତି ୧୪:୧୩-୨୧; ଲୁକ ୯:୧୦-୧୭; ଜହ ୭:୧-୧୪)

୩୦ ତାୟୁଁ ପାଣ୍ଡି ଆହାମାଚାରି ଜାସୁ ତାଣ୍ଡା ଝାଡ଼େରି, ଝଞ୍ଜା ଏଝାରି ଏନା ଏନାଆଁ କିହାମାରେରି, ଝଞ୍ଜା ଏନା ଏନାଆଁ ଜାପୁହା ମାରେରି, ଏ ବାରେ ଏଝାଣାଇଁ ଝେସ୍ତେରି । ୩୧ ଏମ୍ବାଟିଏ ଜାସୁ ଏଝାରାଇଁ ଏଲେଇଚେସି, “ମାର ଝମ୍ବାଟି ଲକୁ ହିଲ୍ଲାଆ ଗାୟୁତା ହାନ, ଏମ୍ବାଆଁ ମାରୁ ଗାଡ଼େକା ଜମାଦୁ ।” ଝଞ୍ଜିହୁଁ

* ୭:୧୩ ୭:୧୩ କାକବ ୫:୧୪ † ୭:୧୩ ୭:୧୪ ମୁଞ୍ଜିନାୟି * ୭:୧୪ ୭:୧୪ ମାତି ୧୭:୧୪; ମାର୍କ ୮:୨୮; ଲୁକ ୯:୧୯ ‡ ୭:୧୪ ୭:୧୪ ମୁଞ୍ଜିନାୟି * ୭:୧୭ ୭:୧୭ ଲୁକ ୩:୧୯,୨୦ § ୭:୨୪ ୭:୨୪ ମୁଞ୍ଜିନାୟି * ୭:୨୫ ୭:୨୫ ମୁଞ୍ଜିନାୟି

ହାରେକା ଲକ୍ଷ୍ମ ହାଜି ଖାହି ଆହିମାଚାକି ଏଞ୍ଜାରାକି ତିଞ୍ଜାଲି ଜିକେଏ ମ୍ପୁଆତେ । ୩୨ ଏମ୍ପାଟିଏ ଏଞ୍ଜାରି ଏବ୍‌କା ଆହାନା ର ଡ଼ଂଗତା ହଚାନା ଲକ୍ଷ୍ମ ହିଲାଆ ଚାମୁତା ହାଚେରି ।

୩୩ ସାମା ହାରେକା ଲକ୍ଷ୍ମ ଏଞ୍ଜାରି ହଚା ହାଚାଣି ମେସ୍ତେରି ଅଡ଼େ ପୁଚେରି, ଇଞ୍ଜା ଲକ୍ଷ୍ମ ବାରେ ଗାଡ଼ାୟିତି ତାକିହୁଁ ହାଜାନା ଏଞ୍ଜାରି ନକିତା ଏଗାହାଚେରି । ୩୪ ଏଞ୍ଜାସି ତଂଗଟି ରେଚାନା ହାରେକା ଲକ୍ଷ୍ମି ମେସାନା ଏଞ୍ଜାରାଇଁ କାର୍ମା ଆଡେସି, ଇଚିହୁଁ ଏଞ୍ଜାରି ଗଡ଼ୁ ହିଲାଆ ମେଶ୍ଟାୟି ଲେହେଁ ମାଚେରି; ଇଞ୍ଜା ଏଞ୍ଜାସି ଏଞ୍ଜାରାଇଁ ହାରେକା କାତା ଜାପୁହେସି । ୩୫ ଗାଡ଼ି ଖେଡ଼ାଆୟାଲିଏ ତାନି ସାମୁୟି ତାନି ତାଣା ଖାହାନା ଏଲେଇଚେରି, “ଇ ଚାମୁ ଲକ୍ଷ୍ମ ହିଲାଆ ଚାମୁ ଇଞ୍ଜା ଆନ୍ଦେରି ଜିକେଏ ଆହିମାନେ; ୩୬ ଲକ୍ଷ୍ମ ଏନିକ” ସାରିଞ୍ଜାକି ମାନି ଖାଲୁହାଞ୍ଜାଡ଼ି ଅଡ଼େ ଗାଡ଼ାତା ହାଜାନା ତାମ୍‌ଜେ ତାକି ତିଞ୍ଜାଲି ରାନ୍ଦା କତାପେରିଖା, ଏଦାଆଁତାକି ଏଞ୍ଜାରାଇଁ ହେଲ ହାହାନା ପାଶ୍ଟାମ୍ ।”

୩୭ ସାମା ଜାମୁ ତାନି ସାମୁୟିଇଁ ଏଲେଇଚେସି, “ମାରୁ ଏଞ୍ଜାରାକି ତିଞ୍ଜାଲି ହାପୁ ।”

ଏଞ୍ଜାରି ଏଲେଇଚେରି, “ମାର ରା ଖାଞ୍ଜା ଖେଣ୍ଡି ଚାକାୟିତି” ରୁଚି ତାଚାନା ଇଞ୍ଜାରିକି ତିଞ୍ଜାଲି ହାନାୟି କି ?”

୩୮ ଜାମୁ ଏଞ୍ଜାରାଇଁ ଏଲେଇଚେସି, “ମୀ ତାଣା ଏଚରଗଟା ରୁଚି ମାନୁ ? ହାଜାନା ସିନିକିଦୁ ।”

ଏଞ୍ଜାରି ଖେଞ୍ଜା ଖାହାନା ଜାମୁଇଁ ଏଲେଇଚେରି, “ପାସାଗଟା ରୁଚି ଇଞ୍ଜା ରୀ ମୀଶକା ମାନୁ ।”

୩୯ ଇଞ୍ଜା ଜାମୁ ତାନି ସାମୁୟିଇଁ ଏଲେଇଚେସି, ବାରେ ଲକ୍ଷ୍ମଇଁ ଗଚି ଗଚି କିହୁଁ କୁଗି ଜାଡ଼ା ଲାକ କୁଗିକିହାଲି ଖେସ୍ତେସି । ୪୦ ଏଚେଟିଏ ଏଞ୍ଜାରି ପାସାକଡ଼ି ଜାଣା ରୀ କଡ଼ି ଦସ ଜାଣା ଲାକା ମାନ୍ଦା ମାନ୍ଦା ଆହୁଁ କୁଗିଚେରି । ୪୧ ତାମୁ ଜାମୁ ଏ ପାସାଗଟା ରୁଚି ଇଞ୍ଜା ରୀ ମୀଶକା ଅହାନା ଲାକପୁରୁ ଖାକି ସିନିକିହାଁ ମାହାପୁରୁଇଁ ଜହରା କିଚେସି, ଅଡ଼େ ରୁଚି ଡ଼ିକିହାନା ଲକ୍ଷ୍ମତାକି ବାଟି କିହା ହାହାଲି ତାନି ସାମୁୟିକି ହାଚେସି, ଇଞ୍ଜା ରୀ ମୀଶକା ଜିକେଏ ଏଲେକିହୁଁ ଏ ବାଗା କିହାନା ହାଚେସି । ୪୨ ଏମ୍ପାଆଁ ବାରେଜାଣା ତିଞ୍ଜାନା ପାଞ୍ଜିଚେରି, ୪୩ ଇଞ୍ଜା ଏଞ୍ଜାରି ହାଚାମାଚି ରୁଚି ଅଡ଼େ ମୀଶକା କୁଡ଼ି କିହାନା ବାଚରଗଟା ତାଲିତା ନେଞ୍ଜିକିଚେରି । ୪୪ ରୁଚି ଚିଚି ଲକ୍ଷ୍ମ ପାସାମାଣା ଖାଚରଇ ଆବାୟି ମାଚେରି ।

ଜାମୁ ଏମୁ ଲାକ ତାକିନାୟି

(ମାଚି ୧୪:୨୨-୩୩; ଜହ ୭:୧୫-୨୧)

୪୫ ଏ ଦେବୁଣିଏ ଏଞ୍ଜାସି ତାନି ସାମୁୟିକି ତଂଗତା ହଚାନା ଆତାଲାଞ୍ଜାକି ମାନି ବେଡ଼ସାୟିଦା ଗାଡ଼ାତା ହାଜାଲି ତାନି ନକେଏ ପାଣ୍ଡିଚେସି, ଏମ୍ପାଟିଏ ବାରେ ଲକ୍ଷ୍ମି ହାଜାଲିତାକି ହେଲ ହାହାଁ ପାଣ୍ଡିଚେସି । ୪୬ ଏଞ୍ଜାରି ତାଣାଟି ହେଲ ଅଡ଼ି ତାମୁ ଏଞ୍ଜାସି ପ୍ରାତାନା କିହାଲି ହରୁତା ହାଚେସି । ୪୭ ମିଡ଼ୁଆଁ ଆହାଲିଏ ତଂଗ ସାମ୍‌ଦୁରି ମାଦିଏ ମାଚେ, ଇଞ୍ଜା ଜାମୁ ସାମ୍‌ଦୁରି ଗାଡ଼ୁତା ରଅସିଏ ମାଚେସି । ୪୮ ଏମ୍ପାଟିଏ ହାରେକା ଗାଲି ଏଞ୍ଜାରି ଖାକି ଖେଚିମାଚାକି ତଂଗ ତାକି କିହାଲି କସ୍ତୁ ଆହିମାଚାଣି ମେସାନା ଏଞ୍ଜାସି ଖେୟା ନେକେରି ସାମ୍‌ଦୁରି ଏମୁ ଲାକ ତାକିହୁଁ ଏଞ୍ଜାରି ତାଗେ ଖାଚେସି, ଇଞ୍ଜା ଏଞ୍ଜାରି ତାଗେଟି ଆଗାଡ଼ା ହାଜାଲି ଅଣ୍ଡାପାମାଚେସି, ୪୯ ସାମା ଏଞ୍ଜାରି ଏଞ୍ଜାଣାଇଁ ସାମ୍‌ଦୁରି ଲାକ ତାକି ମାନାଣି ମେସାନା ବୁଡୁ ଇଞ୍ଜା ଅଣ୍ଡାପାନା କାଲୁଞ୍ଜି ଆଚେରି । ୫୦ ଇଚିହୁଁ ବାରେଜାଣା ଏଞ୍ଜାଣାଇଁ ମେସାନା ଆଜାହାଜା ମାଚେରି ।

ସାମା ଜାମୁ ଦେବୁଣିଏ ଏଞ୍ଜାରିତଲେ କାତା ଆହାନା ଏଞ୍ଜାରାଇଁ ଏଲେଇଚେସି, “ସାସା ଆହୁଦୁ ନାନୁଏ ଏଞ୍ଜାଚେସି, ଆଜାଆଦୁ ।” ୫୧ ଇଞ୍ଜା ଏଞ୍ଜାସି ଏଞ୍ଜାରିତାଣା ହାଜାନା ତଂଗତା କୁଗିଚେସି, ଇଞ୍ଜା ଗାଲି ଡ଼ୁଞ୍ଜିଚେ, ଏମ୍ପାଟିଏ ଏଞ୍ଜାରି ମନ ମନତା ହାରେକା କାବା ଆଚେରି । ୫୨ ଇଚିହୁଁ ଏଞ୍ଜାରି ରୁଚିୟାଁ କାତା ପୁଣ୍ଡାସୁ ପୁଞ୍ଜାହିଲାଆଚେରି, ଏନାଆଁତାକି ଇଚିହୁଁ ଏଞ୍ଜାରି ହିୟାଁ ଆଡ଼ଞ୍ଜା ଆହାମାଚେ ।

ଗେନେସର ରଗ ଗାଟାରାଇଁ ନେହୁଁକିନାୟି

(ମାଚି ୧୪:୩୪-୩୬)

୩୩ ଏଞ୍ଜାରି ସାମ୍‌ଦୁରି ଗାଣ୍ଡାଚାନା ଗେନେସର ରାଜିତା ଏଜାନା କାତା ଗାଡ଼ୁତା ତଂଗଟି ଦସ୍ତେରି । ୩୪ ଅଡ଼େ ଏଞ୍ଜାରି ତଂଗଟି ରେଚାଲିଏ, ଦେବୁଣିଏ ଲକ୍ଷ୍ମ ଏଞ୍ଜାଣାଇଁ ପୁଞ୍ଜାନା, ୩୫ ଏ ରାଜିତି ସାରିଞ୍ଜାକି ହାଚେରି, ଏଞ୍ଜାରି ଆମିନି ଚାମୁତା ମାନେରି ଇଞ୍ଜା ଖେଚେରି, ଅଡ଼େ ଜାମୁ ମାନି ଚାମୁତା ରଗ ଗାଟାରାଇଁ କାଚେଲିତା ଡ଼େକା ତାଚାଲି ମାଚୁହେରି । ୩୬ ଇଞ୍ଜା ଏଞ୍ଜାସି ଆମିନି ନାସ୍‌କା, ଅଡ଼େ ଗାଡ଼ାତା ହାଚେସି, ଲକ୍ଷ୍ମ ଏ ବାରେ ଚାମୁଡ଼ି ହାଚା ବାଜାରାଟି ରଗ ଗାଟାରାଇଁ ଏଞ୍ଜାଣି ନକିତା ଏଞ୍ଜାରାଇଁ ଇଚିଚେରି, ଏଞ୍ଜାରି ଏନିକ” ଏଞ୍ଜାଣି ହିମ୍ପୁରି

* ୭:୩୪ ୭:୩୫ ମାଚି ୯:୩୬ † ୭:୩୬ ୭:୩୭ ର ଦିନାଚି କୁଚି ର ଖେଣ୍ଡି ଚାକା

କୁକୁ ଡାଗିନେରି, ଏଦାଆଁତାକି ଏଝାଣାଇଁ ବାତିମାଲିତେରି; ଇଞ୍ଜା ଏଚେକା ଲକୁ ଏଝାଣାଇଁ ଡାଗିତେରି ଏଝାରି ବାରେ ନେହୁ ଆଡେତରି ।



ଆକୁ ଆବାୟାତି ପାଣାପାଟୁ

(ମାତି ୧୫:୧-୯)

୧ ତାୟୁ ପାୟୁୟିୟା ଅଡେ ଜିରୁୟାଲମତି ଝାହାମାନି ଏଚରଜାଣା ମେରାପୁନାରି ଜୀସୁ ତାଣା ରୁଣ୍ଡା ଆଡେତରି । ୨ ଏଝାରି ସୀସୁୟା ବିତ୍ରାତି ଏଚରଜାଣାତି କେସ୍ତା ନରୁଆନା ତିଞ୍ଜି ମାତାଣି ମେସ୍ତେରି । ୩ ପାୟୁୟିୟା ଅଡେ ବାରେ ଜୀହୁଦି ଲକୁ ଆକୁ ଆବାୟାତି ମେରାତି ମାନୁଝି ଆହାନା ନେହୁକ କେୟୁ ନରୁଆସାରେ ତିଞ୍ଜି ହିଲୀଆଡେତରି, ୪ ଇଞ୍ଜା ହାଟା ବାଜାରାତି ଝାହାନା ତାମି ଲାକ ଏୟୁ ତାଞ୍ଜା କତାଆନା ତିଞ୍ଜି ହିଲୀଆଡେତରି; ଅଡେ ଗିନା ମୁତା ଇଞ୍ଜା ପିତାଡା ଡକାୟା, ପାୟୁପି ନରୁନାୟି, ଇଲେତି ହାରେକା ମେରା ମାନୁଝି ଆହାଲି ହୁକୁମି ବେଟା ଆହାମାନେରି ।

୫ ଏଦାଆଁତାକି ପାୟୁୟିୟା ଅଡେ ମେରାପୁନାରି ଜୀସୁଙ୍କୁ ଝେଚେରି, “ନୀ ସୀସୁୟା ତଲିତି ଆକୁ ଆବାୟାତି ମେରା ତଲେ ତାକାଆନା ଏନାଆଁତାକି କେସ୍ତା ନରୁଆନା ତିନେରି ?”

୬ ଜୀସୁ ଏଝାରାଇଁ ଏଲେଇଚେସି, “ଆଡେ କୁଟୁ ଗାଟାଡେରି, ମାହାପୁରୁ ଅଣପୁତି ବଲୁ ଝେହୁନି ଜିସାୟ ନେହୁକ ଇ କାତା ଝେସାମାନେସି, ଏନିକ ରାସୁକି ଆହାମାନେ; ଇ କୃତାତାରି ଝାରଇ ଗୁତି ତଲେ ନାଜେ ସେବା କିୟାନେରି,

ସାମା ଏଝାରି ହିୟା ନା ତାଣାଟିଏ ହାରେକା ହେକ ଡୁୟିନେ ।

୭ ଏଝାରି ମାଣସିୟା କେପିତି ମେରାତି ଦାମୁତି ନେହୁ କାତା ଇଞ୍ଜା ଜାପୁହାନା, ଉଜେଏ ନା ସେବା କିୟାନେରି ।

୮ ମୀରୁ ମାହାପୁରୁତି ହୁକୁମି ପିସାନା ମାଣସିୟା ମେରାତି ଆସାମାଞ୍ଜେରି ।”

୯ ଅଡେ ଜୀସୁ ଏଝାରାଇଁ ଏଲେଇଚେସି, “ମାହାପୁରୁତି ହୁକୁମି ପିସାନା ମୀ ଜାପୁହାମାଞ୍ଜନାଣି ଆସାଲି ତାକି ମୀରୁ ହୁକୁମି ମାନି କିହିହିଲଅଡେରି । ୧୦ ଇତିହୁ ମସା ଏଲେଇଞ୍ଜା ମାନେସି, ‘ତାଲି ତାଞ୍ଜିଇଁ ଜୀହୁନପୁ, ଇଞ୍ଜା ଆମ୍ବାଆସି ତାଲି କି ତାଞ୍ଜିଇଁ ବାକା ଇତିନେସି, ଏଝାସି ହାନ୍ତି ତଣ୍ଡ ବେଟା ଆନେସି ।’

୧୧ ମୀରୁ ଜାପୁହି ମାଞ୍ଜେରି, ‘ଆମ୍ବାଆସି ତାଲି କି ତାଞ୍ଜିଇଁ ଏଲେଇନେସି, ନା ତାଣାଟି ଏନାଆଁ ହିୟାତିହୁ ନିଜେ ନେହେ ଆଡେମା, ଏଦି କର୍ବାନ ଇତିହୁ ମାହାପୁରୁ ତାକି ହେରୁପି ଆହାମାନାୟି । ୧୨ ଇଞ୍ଜା ମୀରୁ ଏଲେକିହୁ ତାମି ଇୟା କି ଆବାଇଁ ଏନି ସାୟେମି କିହାଲି ହାହି ହିଲଅଡେରି; ୧୩ ଏଲେକିହୁ ଏ ମୀରୁ ମୀ ତାଣା ମାନି ମେରା ତଲେ ମାହାପୁରୁତି ବଲୁ ଉଜେଏ କିହିମାଞ୍ଜେରି, ଇଞ୍ଜା ଏଲେକିହୁ ହାରେକା କାମା କିହିମାଞ୍ଜେରି ।”

ମାଣସିଇଁ ଲାଗେଏ କିନାୟି

(ମାତି ୧୫:୧୦-୨୦)

୧୪ ଜୀସୁ ଅଡେ ଝେଣ୍ଡେ ଲକୁଣି ତାଗେ ହାଟାନା ଏଝାରାଇଁ ଏଲେଇଚେସି, “ମୀରୁ ବାରେ ନା କାତା ଝେଞ୍ଜୁ ଅଡେ ତେଲହାଦୁ । ୧୫ ମାଣସିତି ପାଞ୍ଜାତା ଇଲେତି ଏନାୟି ହିଲେଏ, ଏଦି ମାଣସି ବିତ୍ରା ହଡାନା ଏଝାଣାଇଁ ଲାଗେଏ କିହାଲି ଆଡିନେ, ସାମା ଏନା ଏନାୟି ମାଣସି ତାଣାଟି ହଡିମାନେ, ଏ ବାରେ ଏଝାଣାଇଁ ଲାଗେଏ କିହିମାନେ ।”* ୧୬ ଝେଞ୍ଜାଲି କୀକା ମାନାସି ଝେଣ୍ଡାୟା ।

୧୭ ଅଡେ ଏଝାସି ଲକୁ ତାଣାଟି ଇଲୁ ବିତ୍ରା ଝାହାଲିଏ ତାନି ସୀସୁୟା ଏଝାଣାଇଁ ପୁଣ୍ଡିକିନି କାତାତି ଅର୍ତ ଝେଚେରି । ୧୮ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ମୀରୁ ଜିକେଏ ଏଲେକିହୁ ଏ ପୁନାଆ ଗାଟାଡେରି ? ଏନାୟି ପାଞ୍ଜାଟି ମାଣସି ବିତ୍ରା ହଡିହୁ ଏଦି ଏଝାଣାଇଁ ଲାଗେଏ କିହାଲି ଆଡେଏ, ୧୯ ଇତିହୁ ଏଦି ଏଝାଣି ହିୟାତା ହଡୁଆନା ବାଣ୍ଡିତା ହଡୁନେ ଇଞ୍ଜା ବାଣ୍ଡିହାନିଲେହେଁ ହଡାହାନେ ଇଲେଆହୁ ବାରେ ରାନ୍ଦା ଅଡେ ଆହିମାନେ, ଇଦାଆଁ ପୁଞ୍ଜି ହିଲଅଡେରି ?”

୨୦ ଅଡେ ଏଝାସି ଏଲେଇଚେସି, “ଏନାୟି ମାଣସି ତାଣାଟି ହଡିମାନେ ଏଦି ଏଝାଣାଇଁ ଲାଗେଏ କିହିମାନେ । ୨୧ ଇତିହୁ ମାଣସି ହିୟା ବିତ୍ରାଟି ଲାଗେଏତି ଅଣପୁ ହନେ, ଦାରି କିୟାଲି, ସରୁ କିୟାଲି, ଲକୁଣି ପାୟିନାୟି, ୨୨ ଜୁପକା, ଲାଗେଏ ପଲେଏ କାମା, ନାଡିକିନାୟି, ତାହାରା, ନିନ୍ଦା କିନାୟି, ତାହାରା

* ୭:୧୫ ୭:୧୫ ଏଚେକା ସାପ୍ତରିତା ୧୫ ପଦ କ୍ରେତ ଡକକା ମାନି ବଲୁତି ୧୭ ପଦୁତା ରାସୁକି ଆହାମାନେ;

ଆନାୟି, କାର୍ବି ଆନାୟି; ୨୩ ଏଲେତି ଲାଗେଏତାୟି ବିତ୍ତାଟି ହଡ଼ାଝାହାନା ମାଣସିଇଁ ଲାଗେଏ କିହିମାନେ ।”

ର ଇୟାନି ନାମ୍ବୁ
(ମାତି ୧୫:୨୧-୨୮)

୨୪ ଏମ୍ବାଟିଏ ଜାମ୍ବୁ ଏ ଟାୟୁ ପିସାନା ସରତି ହାଦି ଖାକି ହାଚେସି, ଇଞ୍ଜା ର ଇଲୁତା ହଡ଼ାନା ଏନିକ୍ ଆମ୍ବାଆରି ପୁନଅରି ଇଞ୍ଜା ଅଣପିମାଚେସି, ସାମା ଏଝାସି ତୁଗ୍ଗାନା ତୁୟାଲି ଆଡ଼ାଆଚେସି । ୨୫ ଏ ଦେବୁଣିଏ ର ଇୟା, ଆମ୍ବାଆରି ମାଞ୍ଜାନି ବୃତୁ ଆଲୁଗାମାଚେ, ଏଦି ଜାମ୍ବୁ କାତା ଝେଞ୍ଜାନା ଝାଞ୍ଜା ଏଝାଣି କଡ଼ାଣା ରୀଚେ । ୨୬ ଏ ଇୟା ସୁରପୟନିକି ଜାଡ଼ିତି ର ଗ୍ରିକ୍ ଇୟା ମାଚେ, ତାନି ମାଞ୍ଜାନି ତାଣାଟି ବୃତୁ ପିସପି କିହାଲି ଏଦି ଜାମ୍ବୁଇଁ ବାଡ଼ିମାଲିଚେ । ୨୭ ଏମ୍ବାଟିଏ ଜାମ୍ବୁ ଏଦାନି ଏଲେଇଚେସି, “ତଲିଏ କକାରି ପଦାୟି ପାଞ୍ଜି କିତୁ, ଇଚିହଁ କକାରି ପଦାୟି ରାନ୍ଦା ଅହାନା ନେସକା ନକିତା ମେଡ଼ନାୟି ନେହେଁ ଆଏ ।”

୨୮ ସାମା ଏଦି ଏଝାଣାଇଁ ଏଲେଇଚେ, “ହାଅ ପ୍ରବୁ ନେସକା ଜିକେଏ କକାରି ପଦାୟି ତ୍ରକହାମାନି ଲିତାତି ପେରହା ତିନୁ ।”

୨୯ ଏମ୍ବାଟିଏ ଜାମ୍ବୁ ଏଲେଇଚେସି, “ଇ କାତାତାକି ନୀ ମାଞ୍ଜାନି ତାଣାଟି ବୃତୁ ହଡ଼ା ହାଚେୟିଏ, ହାଲମ୍ବୁ ।”

୩୦ ଇଞ୍ଜା ଏଦି ଇଜ ହାଜାନା ତାନି ମାଞ୍ଜା ପାସ୍ପନିତା ହୁଞ୍ଜାମାନାଣି ଇଞ୍ଜା ବୃତୁ ହଡ଼ା ହାଜା ମାନାଣି ମେସ୍ତେ ।

ର ବେରା ଅଡ଼େ ଗୁଲାଇଁ ଜାମ୍ବୁ ନେହଁ କିନାୟି

୩୧ ଅଡ଼େ ଝେଣ୍ଡେ ଏଝାସି ସର ହାଦିଟି ହାଜାନା ସିଦନ ଅଡ଼େ ଦସଗଟା ନାସ୍କା† ହାଦି ହୀହାନା ଗାଲିଲି ସାମ୍ବୁରୁ ତାଗେ ଝାଡ଼େସି । ୩୨ ଇଞ୍ଜା ଲକୁ ର ବେରା ଅଡ଼େ ଗୁଲାଇଁ ଏଝାଣି ନକିତା ତାତାନା ଏଝାଣିଲାକ କେୟୁ ଇଟାଲି ବାଡ଼ିମାଲିଚେରି । ୩୩ ଜାମ୍ବୁ ଲକୁ ତାଣାଟି ରଅଣାଇଁଏ ଏଡ଼କା କିହା ଅହାନା ଏଝାଣି ରୀ କାକାଣା ତାନି ଝାସକା ଇଚିଚେସି ଅଡ଼େ ହୁପାନା ଏଝାଣି ଝେନ୍ଦରି ତାଗିଚେସି, ୩୪ ଅଡ଼େ ଲାକପୁରୁ ଝାକି ସିନିକିହାନା ଗାଡ଼ିକିହଁ ନେଞ୍ଜାନା ଏଝାଣାଇଁ ଏଲେଇଚେସି, “ଇପ୍ପତ” ଇଚିହଁ “ଦେପି ଆମ୍ବୁ ।”

୩୫ ଏମ୍ବାଟିଏ ଏଝାଣି କାକା ଦେପିଆଡୁ, ଇଞ୍ଜା ଝେନ୍ଦରିତି ଜାଲ୍ଲା ଏ ଦେବୁଣିଏ ଗୁଡ଼ାଆଡ଼େ, ଇଞ୍ଜା ଏଝାସି ନେହଁକ୍ ଜଲ୍ଲାଲି ଆଡ଼ିଚେସି । ୩୬ ଇଞ୍ଜା ଏ କାତା ଆମ୍ବାଆରାଇଁ ଝେହ୍ଆଡୁ ଇଞ୍ଜା ଏଝାରାଇଁ ଗାଡ଼ିକିହଁ ହୁକୁମି ହାଚେସି; ସାମା ଏଝାସି ଏଝାରାଇଁ ଏଚେକା କାହ୍ କିଚେସି, ଏଝାରି ଏଚେକା ଗାଡ଼ି ଝେକହେରି । ୩୭ ଅଡ଼େ ଲକୁ କାବାଆହାନା ଏଲେଇଚେରି, “ଏଝାସି ବାରେ କାମା ନେହଁକ୍ କିହିମାନେସି; ଏଝାସି ବେରାୟାଇଁ ଝେଞ୍ଜାଲି ଗୁଲାୟାଇଁ ଜଲିନି ବାଡ଼ୁୟୁ ଜିକେଏ ହାହିମାନେସି ।”



ଜାମ୍ବୁ ସାରି ମାଣା ଲକୁକି ତିଞ୍ଜାଲି ହୀନାୟି

(ମାତି ୧୫:୩୨-୩୯)

୧ ଏରିବେଲା ହାଚେରକା ମାନ୍ଦା ଲକୁ ରୁଣ୍ଡା ଆଚେରି, ଅଡ଼େ ଏଝାରିତାଣା ତିନାୟି ଉନାୟି ଏନାୟି ହିଲାଆତାକି ଜାମ୍ବୁ ସାମ୍ବୁୟାଣି ତାଗେ ହାଡ଼ାନା ଏଝାରାଇଁ ଏଲେଇଚେସି, ୨ “ଲକୁତାକି ନାଜେ କାର୍ମା ହଡ଼ିମାଞ୍ଜାନେ, ଇଚିହଁ ଇଝାରି ତାନିଦିନା ଆଚେରିଏ ନା, ତଲେ ମାଞ୍ଜାମାନେରି, ଅଡ଼େ ଇଝାରି ତାଣା ଏନାୟି ତିନାୟି ହିଲେଏ । ୩ ଏଝାରାଇଁ ତାହ୍ଆନା ପାଣ୍ଡିସାରେ, ଝେଣ୍ଡାହାନାଟି ଏଝାରି ହାହା ଜିକେଏ ହାନେରି । ଏଝାରି ବିତ୍ତାଟି ଏଚରଜାଣା ହେକଟି ଝାହାମାନେରି ।”

୪ ସାମ୍ବୁୟା ଏଝାଣାଇଁ ଏଲେଇଚେରି, “ଇମ୍ବାଆଁ ଇ ଲକୁ ହିଲାଆ ଟାୟୁତା ଆମ୍ବାଆସି ଆମ୍ବିଟି ରୁଟି ତାତାନା ଇଝାରାଇଁ ପାଞ୍ଜି କିନେସି ?”

୫ ଜାମ୍ବୁ ଏଝାରାଇଁ ଝେଚେସି, “ମୀ ତାଣା ଏଚରଗଟା ରୁଟି ମାନ୍ଦୁ ?”

ଏଝାରି ଏଲେଇଚେରି, “ସାଡ଼ାଗଟା ।”

୬ ଏମ୍ବାଟିଏ ଜାମ୍ବୁ ଲକୁଣି ବୁନିତା କୁଗାଲି ହୁକୁମି ହାଚେସି; ଅଡ଼େ ଏଝାସି ସାଡ଼ାଗାଟା ରୁଟି ଅହାନା ଜହରା କିହାନା ଏ ବାରେ ଡ଼ିକହାନା ବାଡ଼ି କିହାଲି ତାନି ସାମ୍ବୁୟାକି ହାଚେସି, ଅଡ଼େ ଏଝାରି ଲକୁତାକି ବାଡ଼ି କିହା ହାଚେରି । ୭ ଇଞ୍ଜା ଏଝାରିତାଣା ଏଚରଗଟା ଉଣା ମାଣକା ମାଡୁ; ଏ ବାରେତି ଜିକେଏ ଜାମ୍ବୁ ମାହାପୁରୁ ତାଣା ଜହରା କିହାନା ବାଡ଼ି କିହା ହାହାଲି ସାମ୍ବୁୟାକି ଏଲେଇଚେସି । ୮ ଏମ୍ବାଟିଏ ଏଝାରି

† ୭:୩୧ ୭:୩୧ ଦେକାପଲି

ତିଜ୍ଞାନା ପାଞ୍ଜିତେର ଇଞ୍ଜା ହାରିତାଣି ସାତା ତାଲି କୁଡ଼ି କିତେରି ।^{୯୮} ଏଝାରି ବାରେ ସାରି ମାଣା ଲକୁ ମାଚେରି । ଏଚେଟିଏ ତାୟୁ ଏଝାରାଇଁ ହେଲ ହାତେସି, ^{୯୯} ଇଞ୍ଜା ଦେବୁଣିଏ ତାନି ସାୟୁୟାଁ ତଲେ ତଂଗତା ହଦାନା ଦଲମନ୍ନୁ ଗାଡ଼ାତା ହାଚେରି ।

ପାରୁସିୟାଁ ସିନା ରାହନାୟି
(ମାତି ୧୬:୧-୪)

^{୧୦} *ତାୟୁ ପାରୁସିୟାଁ ଖାହାନା ଜାମୁତଲେ ବାଦିବାଦା କିହାଲି ମାଟୁହେରି ଇଞ୍ଜା ଏଝାଣାଇଁ ତାୟିପାରି କିହାଲିତାକି ହାଗୁ ଲାକଟି ର ସିନା ରାସ୍ତେରି । ^{୧୧} *ଜାୟୁ ଜାମୁତା କିଲିବିଲି ଆହାନା ଗାଡ଼ି ନେଞ୍ଜାନା ଝେସ୍ତେସି, “ଇ ଜୁଗୁଡ଼ି ଲକୁ ଏନାଆଁତାକି ସିନା ପାରିମାନେରି ? ନାନୁ ମିଜେ ସାତା ଝେସିମାଞ୍ଜାଇଁ, ନୀର୍ବତି ମାଣସିକ ଏନି ସିନା ହାପୁକି ଆଏ ।”

^{୧୩} ଅଡ଼େ ଏଝାସି ଏଝାରାଇଁ ପିସାନା ଅଡ଼େ ଝେଣ୍ଡେ ତଂଗତା ହଦାନା ଆତାଲାଝାକି ହାଚେସି ।

ହେରଦ ଅଡ଼େ ପାରୁସିୟାଁ ପୁଲାଗୁଣ୍ଡା
(ମାତି ୧୬:୫-୧୨)

^{୧୪} ଏଚିବେଲାତା ସାୟୁୟାଁ ରୁଟି ଅହାଲି ବାଣାଆଡ଼େରି; ତଂଗତା ଏଝାରିତାଣା ରଣ୍ଡିଏ ରୁଟି ମାଚେ । ^{୧୫} *ତାୟୁ ଜାୟୁ ଏଝାରାଇଁ ଜାଣ୍ଡେ ହୁକୁମି ହାତେସି, “ଜାଗ୍ରାତା ଆଦୁ, ପାରୁସିୟାଁ ଅଡ଼େ ହେରଦତି ପୁଲାଗୁଣ୍ଡାଟି ଜାଗ୍ରାତା ଆହାନା ମାଞ୍ଜୁ ।”

^{୧୬} ଏଚେଟିଏ ଏଝାରି ତାୟୁ ତାୟୁସୁ ଝେସପିଆହୁଁ ଏଲେଇଞ୍ଜାଲି ମାଟୁହେରି, “ମା ତାଣା ରୁଟି ହିଲେଏ ଇଞ୍ଜୁଁ ଏଝାସି ମାଜେ ଏଲେଇଞ୍ଜିମାଞ୍ଜାନେସି ।”

^{୧୭} ଜାୟୁ ଏନାଆଁ ପୁଞ୍ଜାନା ଏଝାରାଇଁ ଏଲେଇଚେସି, “ମୀ ତାଣା ରୁଟି ହିଲେଏ ଇଞ୍ଜୁଁ ଏନାଆଁତାକି ମୀରୁ ମୀରୁ ଝେସପି ଆହିମାଞ୍ଜେରି ? ମୀରୁ ନୀର୍ବ ପାତେକା ପୁଞ୍ଜି ହିଲଅତେରି କି ତେଲୁହି ହିଲଅତେରି ?

^{୧୮} *କାଣ୍ଡକା ମାଞ୍ଜାନା ମେସି ହିଲଅତେରି ? ଅଡ଼େ, କୀକା ମାଞ୍ଜାନା ଝେଞ୍ଜି ହିଲଅତେରି ? ମୀରୁ ଇଦାଣି ଅଣ୍ଡିପି ହିଲଅତେରି ? ^{୧୯} ଏ ପାସାମାଣା ଲକୁ ବିତ୍ରା ନାନୁ ଏଚିବେଲା ପାସାଗଟା ରୁଟି ଡ଼ିକହା ମାଚେସି, ଏଚିବେଲା ମୀରୁ ଏଚର ତାଲି ହାରିତାଣି କୁଡ଼ି କିତେରି, ଏଦି ମୀ ଅଣ୍ଡପୁତା ହିଲେଏ କି ?” ଏଝାରି ଏଝାଣାଇଁ ଏଲେଇଚେରି, “ବାର ତାଲି ।”

^{୨୦} “ଅଡ଼େ ଏ ସାରି ମାଣା ଲକୁ ବିତ୍ରା ନାନୁ ଏଚିବେଲା ସାତାଗଟା ରୁଟି ଡ଼ିକହା ମାଚେସି, ଏଚିବେଲା ମୀରୁ ଏଚର ତାଲି କୁଡ଼ି କିହାମାଚେରି ?” ଏଝାରି ଏଲେଇଚେରି, “ସାତା ତାଲି ।”

^{୨୧} ଏଚିବେଲା ଜାୟୁ ଏଝାରାଇଁ ଏଲେଇଚେସି, “ମୀରୁ ଏନାଆଁ ନୀର୍ବ ପାତେକା ତେଲୁହାଲି ଆଡ଼ିହିଲଅତେରି ?”

ବେଡ଼ସାୟିଦାତା ର କାଣାଈଁ ମେସପିକିନାୟି

^{୨୨} ତାୟୁ ଏଝାରି ବେଡ଼ସାୟିଦାତା ଝାଡ଼େରି, ଅଡ଼େ, ଲକୁ ର କାଣାଈଁ ଏଝାଣି ତାଣା ତାଚାନା ଏଝାଣାଇଁ ତୀଗାଲି ତାକି ଜାୟୁକି ବାଡ଼ିମାଲିତେରି । ^{୨୩} ଏନାଆଁତାକି ଜାୟୁ କାଣାଡ଼ି କେୟୁ ଆସାନା ଏଝାଣାଇଁ ନାୟୁ ପାଜାତା ଅଡ଼େସି, ଇଞ୍ଜା ଏଝାଣି କାଣ୍ଡକାଣାଁ ହୁପୁକା ରୁବାନା ଅଡ଼େ ଏଝାଣିଲାକ କେୟୁ ଇଚାନା ଏଝାଣାଇଁ ଝେଚେସି, “ନାନୁ ଏନାଆଁ ମେସାଲି ଆଡ଼ିମାଞ୍ଜି କି ?”

^{୨୪} ଏଝାସି ସିନିକିହାନା ଏଲେଇଚେସି, “ନାନୁ ମାଣସିୟାଁକି ମେସିମାଈଁ, ଇତିହୁଁ ନାନୁ ମାରୁକା ଲେହେଁ ଏନାକ ତାକି ମାନାଣି ମେସିମାଈଁ ।”

^{୨୫} ତାୟୁ ଜାୟୁ ଅଡ଼େ ଝେଣ୍ଡେ ଏଝାଣି କାଣ୍ଡକାଣାଁ କେୟୁ ଇଚିତେସି; ଏମାଟିଏ ଏଝାସି ନେହୁଁକି ମେସାଲି ଆଡ଼ିତେସି, ନେହୁଁ ଆହାନା ବାରେ ତୀରିତଲେ ସିନିକିହାଲି ମାଟୁହେସି । ^{୨୬} ତାୟୁ ଜାୟୁ ଏଝାଣାଇଁ ତାନି ଇଜ ପାଣ୍ଡାନା ଏଲେଇଚେସି, “ଏ ନାୟୁଁ ବିତ୍ରା ଜିକେଏ ଝେଣ୍ଡେ ହାଲାଆନି ।”

ପିତର ଜାୟୁକି କ୍ରାସୁ ଇଞ୍ଜୁଁ ଝେକନାୟି
(ମାତି ୧୬:୧୩-୨୦; ଲୁକ ୯:୧୮-୨୧)

^{୨୭} ଏଚେଟିଏ ଜାୟୁ ଅଡ଼େ ତାନି ସାୟୁୟାଁ କାୟିସରିୟା ପିଲିପି ରାକ୍ରିଡ଼ି ନାୟୁକାଝାକି ହାଚେରି, ଅଡ଼େ ଜିରୁତା ଏଝାସି ତାନି ସାୟୁୟାଁକି ଝେଚେସି, “ନାନୁ ଆମ୍ବାଆତେସି ଇଞ୍ଜୁଁ ଲକୁ ଏଲେଇଞ୍ଜି ମାଞ୍ଜାନେରି ?”

* ୮:୧୧ ୮:୧୧ ମାତି ୧୬:୩୮; ଲୁକ ୧୧:୧୭ * ୮:୧୨ ୮:୧୨ ମାତି ୧୬:୩୯; ଲୁକ ୧୧:୨୯ * ୮:୧୫ ୮:୧୫ ଲୁକ ୧୨:୧ * ୮:୧୮ ୮:୧୮ ମାତି ୪:୧୨

୨୮ ✨ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ବାପ୍ତିସ୍ମ* ହାନି ଜହନ, ଅଡ଼େ ଆମ୍ବା ଆମ୍ବାଆରି ଏଲିୟ, ସାମା ଆମ୍ବା ଆମ୍ବାଆରି ଏଲେଇଞ୍ଜି ମାଞ୍ଜାନେରି ମାହାପୁରୁ ଅଣ୍ଟପୁତି ବଲୁ ଝେହ୍ନାରି ବିତ୍ରାଟି ରଅସି ।”

୨୯ ✨ଏଞ୍ଜାସି ଏଞ୍ଜାରାଇଁ ଝେଚେସି, “ସାମା ନାନୁ ଆମ୍ବାଆତେଏଁ ଇଞ୍ଜି~ ମୀରୁ ଏଲେଇଞ୍ଜି ମାଞ୍ଜାଦେରି ?” ପିତର ଏଞ୍ଜାଣାଇଁ ଏଲେଇଚେସି, “ନୀନୁ କ୍ରୀସ୍ତୁତି ।”

୩୦ ✨ଏମ୍ବାଟିଏ ଜୀସୁ ଏଞ୍ଜାରାଇଁ ତାନି କାତାତି ଆମ୍ବାଆରାଇଁ ଏନାଆଁ ଝେହ୍ନାଆଦୁ ଇଞ୍ଜି~ ଜାଣ୍ଡେ କିହ୍~ ହୁକୁମି ହୀତେସି ।

ଜୀସୁ ତାନି ଦୁକୁ ଇଞ୍ଜାଁ ତଣ୍ଡ ପାଣ୍ଡିନି କାତା ଝେହ୍ନାୟି
(ମାତି ୧୭:୨୧-୨୮; ଲୁକ ୯:୨୨-୨୭)

୩୧ ଅଡ଼େ, ଜୀସୁ ଏଞ୍ଜାରାଇଁ ଜାପୁହାଲି ମାଟୁହେସି, “ଇତିହ~ ମାଣ୍ଡସି ମୀରୁଏସି ହାରେକା ଦୁକୁ କସୁ ବେଟାଆନାୟି ମାନେ ଇଞ୍ଜାଁ ପ୍ରାତିନାଙ୍ଗା, କାଜା ପୁଜେରାଙ୍ଗା, ଇଞ୍ଜାଁ ମେରାପୁନାରି ତାଣ୍ଡାଟି ଅପାଆଗାଟାସି ଆହାନା ପାୟୁଞ୍ଜି ଆନାୟି ମାନେ, ଅଡ଼େ ତାନିଦିନା ଜେଚ ଝେଣ୍ଡେ ନିଜିନାୟି ମାନେ ।” ୩୨ ଇ କାତା ଏଞ୍ଜାସି ତାରପୁତଲେ ଝେସ୍ତେସି । ଏମ୍ବାଟିଏ ପିତର ଏଞ୍ଜାଣାଇଁ ଅରଞ୍ଜାକି ଅହାନା ଦାକା ହାହାନା ଲାଗାଲି ମାଟୁହେସି । ୩୩ ସାମା ଏଞ୍ଜାସି ତାୟୁଞ୍ଜାକି ତିରଞ୍ଜାହାଁ ତାନି ସାପୁୟାଁଣି ସିନିକିହାନା ପିତରଇଁ ଦାକା ହାହାନା ଏଲେଇଚେସି, “ସୟତାନ, ନା ନକିତି ହେକ ହାଲାମୁ, ଇତିହ~ ନୀନୁ ମାହାପୁରୁ କାତା ଅଣ୍ଟାଆନା ମାଣ୍ଡସିୟାଁ କାତା ଅଣ୍ଟାପାଞ୍ଜି ।”

୩୪ ✨ଏମ୍ବାଟିଏ ଜୀସୁ ତାନି ସାପୁୟାଁ ତଲେ ଲକୁଣି ହାଟାନା ଏଲେଇଚେସି, “ଆମ୍ବାଆସି ନା ଜେଚ ଝାହାଲି ମନ କିନେସି, ଆତିହ~ ଏଞ୍ଜାସି ଜାହାରାଇଁ ପିସ୍ତେସି, ଇଞ୍ଜାଁ ଏଞ୍ଜାସି ତାନି କୁସ ଡେକାନା ନା ଜେଚ ଝାଟେସି । ୩୫ ✨ଇତିହ~ ଆମ୍ବାଆସି ତାନି ଜୀସୁ ଗେଲପାଲି ମନ କିନେସି, ଏଞ୍ଜାସି ଏଦାଆଁ ହାଞ୍ଜି କିନେସି; ସାମା ଆମ୍ବାଆସି ନା ତାକି ଇଞ୍ଜାଁ ନେହ~ କାଟୁତାକି ତାନି ଜୀସୁ ହୀନେସି, ଏଞ୍ଜାସି ଏଦାଆଁ ନୀଟୁନେସି । ୩୬ ଅଡ଼େ, ମାଣ୍ଡସି ଇ ଦାଟିତା ମାନାଣି ବାରେ ମେଡ଼ି କିହାନା ତାନି ଜୀସୁତି ହାଞ୍ଜି କିନେସି, ଆତିହ~ ଏଞ୍ଜାଣାକି ଏନି ଲାଟା ? ୩୭ ଅଡ଼େ, ମାଣ୍ଡସି ତାନି ଜୀସୁତି ବାଦୁଲି ଏନାଆଁ ହାହାଲି ଆଡ଼ିନେସି ? ୩୮ ଏଦାଆଁତାକି ଆମ୍ବାଆସି ଇ କାଲାତି ଦାରି କିନାରି ଅଡ଼େ ପାପୁଗାତି ଲକୁ ବିତ୍ରା ନାଙ୍ଗେ ଅଡ଼େ ନା ବଲୁ ତାକି ଲାଜା ଆନେସି, ମାଣ୍ଡସି ମୀରୁଏସି ଏଚିବେଲା ସୁଦୁ ଦୁଟୁୟାଁ ତଲେ ତାନି ଆବାତି ଗାଞ୍ଜୁରମି ତଲେ ଝାଟେସି, ଏଚିବେଲା ଏଞ୍ଜାସି ଜିକେଏ ଏଞ୍ଜାଣି କାତାତାକି ଲାଜା ଆନେସି ।”

୯

୧ ଅଡ଼େ ଜୀସୁ ତାନି ସାପୁଣି ଏଲେଇଚେସି, “ନୀନୁ ମିଙ୍ଗେ ସାତା ଝେସିମାଞ୍ଜାଇଁ, ଇମ୍ବାଆଁ ଏଚରଜାଣା ମାନେରି ମାହାପୁରୁତି ରାଜି ବାଡ଼ୁୟୁ ତଲେ ଝାନାଣି ମେହ୍ଆ ପାତେକା ହାଅରି ।”

ଜୀସୁ ଅର ଝାଣା ଆନାୟି
(ମାତି ୧୭:୧-୧୩; ଲୁକ ୯:୨୮-୩୬)

୨ ✨ସ ଦିନା ତାୟୁ ଜୀସୁ ଝାରଇ ପିତର, ଜାକୁବ ଅଡ଼େ ଜହନଇଁ ତାନିତଲେ ଏଟକା କିହାନା ଏଞ୍ଜାରାଇଁ ର ପାତାଆଡ଼ି ହରୁତା ଅଡ଼େସି । ୩ ଅଡ଼େ ଏଞ୍ଜାସି ଏଞ୍ଜାରି ନକିତା ଅର ଝାଣା ଆଡ଼େସି, ଏଞ୍ଜାଣି ହିମ୍ବୁରି ଇଲେକ~ ଉଜେଡ଼ି ଆହାନା ହାରେକା ଦବ୍‌ଲା ଆଡ଼େ, ଇ ଦାଟିତା ଆମ୍ବାଆସି ଏଲେତି ଦବ୍‌ଲା କିହାଲି ଆଡ଼ଅସି । ୪ ମସା ଅଡ଼େ ଏଲିୟ ଜୀସୁତଲେ ହାଡାକାତା ଆହିମାଟାଣି ତାନି ଜାଣା ସାପୁୟାଁ ମେସ୍ତେରି । ୫ ଏମ୍ବାଟିଏ ପିତର ଜୀସୁଇଁ ଏଲେଇଚେସି, “ଏ ଗୁରୁ ମୀର ଇ ଟାୟୁତା ମାନାରି ହାରେକା ନେହାୟି; ମୀର ତାନିଗଟା ଗୁଡାୟାଁ ଜେପିନ, ନିଙ୍ଗେତାକି ରଣ୍ଡାଆଁ, ମସାକି ରଣ୍ଡାଆଁ ଅଡ଼େ ଏଲିୟକି ରଣ୍ଡାଆଁ ।” ୬ ପିତର ଏନାଆଁ ଜଲାଲି ଆନେ ଇଞ୍ଜି~ ପୁଞ୍ଜା ହିଲାଆତେସି, ଏନାଆଁତାକି ଇତିହ~ ଏଞ୍ଜାରି ହାରେକା ଆଜାମାଚେରି ।

୭ ✨ଇଞ୍ଜାଁ, ଇଟାୟି ଦୁୟା ଝାହାନା ଏଞ୍ଜାରାଇଁ ପୁକହେ, ଅଡ଼େ ଏ ଦୁୟାଟି ଇ ହାଡା ଝାଡେ, “ଇଞ୍ଜାସି ନା ଜୀସୁତି ମୀରୁଏସି, ଇଞ୍ଜାଣି ବଲୁ ଝେଞ୍ଜୁ ।” ୮ ଦେବୁଣିଏ ଏଞ୍ଜାରି ସାରିଞ୍ଜାକି ସିନିକିଚେରି, ତାନିତଲେ ଜୀସୁଇଁ ପିସ୍ତେ ଆମ୍ବାଆରାଇଁ ମେହ୍ଆତେରି ।

* ୮:୨୮ ୮:୨୮ ମାର୍କ ୭:୧୪,୧୫; ଲୁକ ୯:୭୮ * ୮:୨୮ ୮:୨୮ ମୁଞ୍ଜିନାୟି ✨ ୮:୨୯ ୮:୨୯ ଜହ ୭:୨୮,୨୯ ✨ ୮:୩୪ ୮:୩୪ ମାତି ୧୦:୩୮; ଲୁକ ୧୪:୨୭ ✨ ୮:୩୫ ୮:୩୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫ ✨ ୯:୨ ୯:୨ ୨ପିତ ୧:୧୭,୧୮ ✨ ୯:୨ ୯:୨ ମାତି ୩:୧୭; ମାର୍କ ୧:୧୧; ଲୁକ ୩:୨୨

୯ ଏଞ୍ଜାରି ହୁରୁତି ରେଚା ଖାହି ମାଚାଟି ଜୀସୁ ଏଞ୍ଜାରାଇଁ ଜାଣେ ହୁକୁମି ହାହାନା ଏଲେଇଚେସି, “ମୀରୁ ଏନାଆଁ ମେସାମାଞ୍ଜେରି, ଏ ବାରେ ହାଡ଼ାରି ବିତ୍ରାଟି ମାଣସି ମୀରୁଏସି ଖେଣ୍ଡେ ନିଜାଆ ପାଚେକା ଆମ୍ବାଆରାଇଁ ଖେହୁଆରୁ ।”

୧୦ ଏମ୍ବାଟିଏ ଏଞ୍ଜାରି ଏ କାତା ଆସାନା “ହାଡ଼ାରି ବିତ୍ରାଟି ଖେଣ୍ଡେ ନିଜାମାୟି ଏନାୟି ?” ଏ କାତାଟି ତାମି ବିତ୍ରା ଖେସିସି ଆଡେରି । ୧୧ ଅଡ଼େ ଏଞ୍ଜାରି ଜୀସୁଇଁ ଖେଚେରି, “ନଚେଏ ଏଲିୟ ଖାନାୟି ଆନେ, ମେରାପୁନାରି ଏନିକିଁ ଇ କାତା ଖେହୁନେରି ?”

୧୨ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏଲିୟ ନଚେଏ ଖାହାନା ବାରେ ମେରା ଅଡ଼େ ଖେଣ୍ଡେ ଇଚିନାୟି ସାତା, ସାମା ମାଣସି ମୀରୁଏସି ହାରେକା ଦୁକୁ ବେଗାଆହାନା ଅପାଆଗାଗାସି ଆନେସି, ଇଦି ଏନିକିଁ ଏଞ୍ଜାଣି କାତା ରାସୁକି ଆହାମାନେ ? ୧୩ ସାମା ନାନୁ ମିଜେ ଖେସିମାଞ୍ଜାଇଁ, ଏଲିୟ ଖାଚେସିଏ, ଅଡ଼େ ଏଞ୍ଜାଣି କାତା ଏନିକିଁ ରାସୁକି ଆହାମାନେ, ଏଲେକିହୁଁ ଏଞ୍ଜାରି ଏଞ୍ଜାଣାଇଁ ଜିକେଏ ଏନାଆଁ ମନ ଏଦାଆଁ କିହାମାନେରି ।”

ବୃତ୍ତ ଆଲ୍‌ଗାମାଟି କକାଣାଇଁ ନେହୁଁକିନାୟି
(ମାଟି ୧୭:୧୪-୨୧; ଲୁକ ୯:୩୭-୪୩)

୧୪ ତାୟୁ ଏଞ୍ଜାରି ସୀସୁୟାଁ ତାଣା ଖାହାନା ମେସ୍ତେରି, ଏଞ୍ଜାରି ସାରିଖକି ହାରେକା ମାଦା ଲକୁ ଅଡ଼େ ମେରାପୁନାରି ଏଞ୍ଜାରିତଲେ ବାଦିବାଦା ଆହିମାନେରି । ୧୫ ଲକୁ ବାରେ ଏଞ୍ଜାଣାଇଁ ମେସ୍ତପନିଏ ହାରେକା କାବାଆହାନା ଅଡ଼େ ଦାବଡ଼ି ଖାହାନା ଜହରା କିଚେରି । ୧୬ ଏମ୍ବାଟିଏ ଜୀସୁ ଏଞ୍ଜାରାଇଁ ଖେଚେସି, “ମୀରୁ ଏଞ୍ଜାରିତଲେ ଏନାଆଁତାକି ବାଦିବାଦା ଆହିମାଞ୍ଜେରି ?”

୧୭ ଲକୁ ବିତ୍ରାଟି ରଅସି ଏଞ୍ଜାଣାଇଁ ଏଲେଇଚେସି, “ଏ ଗୁରୁ, ନାନୁ ନା ମୀରୁଏଣାଇଁ ନୀ ତାଣା ତାଚାମାଚେର୍ସି; ଏଞ୍ଜାଣାଇଁ ର ଗୁଲୁ ବୃତ୍ତ ଆଲ୍‌ଗାମାନେ । ୧୮ ଏମିନି ଚାୟୁତା ଏଦି ଏଞ୍ଜାଣାଇଁ ଆହୁନେ, ଏଞ୍ଜାଣାଇଁ ତୁଇ ତୁକ୍‌ନେ, ଇଞ୍ଜା ଏଞ୍ଜାଣି ଗୁଡିଟି ପମ୍ବୁଲି ହନେ, ଅଡ଼େ ଏଦି ପାଲକା ଚାଟି କିନେ, ଇଞ୍ଜା ଏଞ୍ଜାରି ଖାୟାହାଜି ମାନେସି; ଏଞ୍ଜାଣାଇଁ ପିସ୍ପି କିହାଲି ନାନୁ ନୀ ସୀସୁୟାଁଇଁ ଏଲେଇଚେସି, ସାମା ଏଞ୍ଜାରି ଆଡ଼ାଆଚେରି ।” ୧୯ ଜୀସୁ ଏଞ୍ଜାରାଇଁ ଏଲେଇଚେସି, “ଆଡ଼େ ନାମାଆଗାଟି କୃତାତାଚେରି, ଏଚରଦିନା ନାନୁ ମୀ ତଲେ ତୁୟିଇଁ ? ଏଚରଦିନା ମୀ ଲେମ୍ବାନାଣି ଅରୁହିଇଁ ? କକାଣାଇଁ ନା ତାଣା ତାକୁ ।” ୨୦ ଏମ୍ବାଟିଏ ଏଞ୍ଜାଣାଇଁ ଜୀସୁ ତାଣା ତାଚେରି । ଅଡ଼େ, ଜୀସୁଇଁ ମେସ୍ତପନିଏ ଏ ବୃତ୍ତ ଏଞ୍ଜାଣାଇଁ ହାରେକା ତିରୁଞ୍ଜି କିଚେ ଇଞ୍ଜା ବୁମିତା ତରଗାନା ଗୁଡିଟି ପମ୍ବୁଲି ହପୁହାନା ଉସାଲି ମାଟୁହେସି । ୨୧ ଏଚିବେଲ୍‌ ଜୀସୁ ତାନି ଆବାଇଁ ଖେଚେସି, “ଏଚରଦିନା ଆଡେ ଇଞ୍ଜାଣାଇଁ ଇଲେ କିହିମାନେ ?” ଏଞ୍ଜାସି ଏଲେଇଚେସି, “ଊଣା ଖେଡ଼ାଟିଏ ୨୨ ଏଦି ଏଞ୍ଜାଣାଇଁ ହାଞ୍ଜି କିହାଲି ଏଚେ ଏଚେତା ହିରୁତା ଅଡ଼େ ଏୟୁଣାଁ ମେଡ଼ହାମାନେ; ସାମା ନାନୁ ଏନାଆଁ କିହାଲି ଆଡ଼ିତୁଁ, ମାଜେ କାର୍ମା ଆହାନା ମା ସାୟେମି ଆୟାମୁ ।”

୨୩ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଏନାଆଁ ଇଚି ? ଇଚିହୁଁ କିହାଲି ଆଡ଼ିତୁଁ ! ଆମ୍ବାଆସି ନାମିନେସି ଏଞ୍ଜାଣାକି ବାରେଏ ଆନେ ।”

୨୪ ଏ ଦେବୁଣିଏ କକାଣି ତାମି ଆବା କାଜା ଗିୟାତଲେ ଏଲେଇଚେସି, “ନାନୁ ନାମିମାଇଁ ନା ନାମାଆଗାଗାଣି ଗୁଡି କିହାଲି ସାୟେମି କିୟାମୁ ।”

୨୫ ତାୟୁ ମାଦା ଲକୁ ରହେଏ ହଚିହୁଁ ଖାହି ମାଚାଣି ମେସାନା, ଜୀସୁ ଏ ପଲ୍‌ଆ ବୃତ୍ତୁଡି ଦାକା ହାହାନା ଏଲେଇଚେସି, “ଆଡେ ଗୁଲୁ ଅଡ଼େ ବେରା ବୃତ୍ତୁଡି, ନାନୁ ନିଜେ ହୁକୁମି ହାହିମାଞ୍ଜାଇଁ, ଇଞ୍ଜାଣି ତାଣାଟି ହଚାହାଲାମୁ, ଇଞ୍ଜା ଏଚେଲ୍‌ ଜିକେଏ ଇଞ୍ଜାଣି ତାଣା ହଡ଼ୁଆନି ।”

୨୬ ଏମ୍ବାଟିଏ ଏଦି ହାରେକା କିରୁଡିହୁଁ କକାଣାଇଁ ତିରୁଞ୍ଜି କିହାନା ବୁମିତା ତୁକ୍‌ହାନା ହଚାହାଚେ, ଅଡ଼େ କବାସି ହାଡ଼ିଲେହେଁ ଆଡେସି, ଇଲେକିହୁଁ ହାରେକା ଲକୁ ଏଲେଇଞ୍ଜିମାଚେରି, “କବାସି ହାଡେସି ।” ୨୭ ସାମା ଜୀସୁ ଏଞ୍ଜାଣି କେୟୁ ଆସାନା ନିକହେସି, ଇଞ୍ଜା ଏଞ୍ଜାସି ନିଚେସି ।

୨୮ ଇଞ୍ଜା ଜୀସୁ ଇଜ କହାଲିଏ ତାନି ସୀସୁୟାଁ ମେଣେଏ ଖେଚେରି, “ମାୟୁ ଏନାଆଁତାକି ଏଞ୍ଜାଣାଇଁ ପିସ୍ପି କିହାଲି ଆଡ଼ାଆତନି ?”

୨୯ ଜୀସୁ ଏଞ୍ଜାରାଇଁ ଏଲେଇଚେସି, “ପ୍ରାତାନା* କିଆନା ଅଡ଼େ ଏନିକିଁ ଜିକେଏ ଇଲେଚି ବୃତ୍ତ ପେଡ଼ହାଲି ଆଡ଼ାଆୟି ।”

* ୯:୧୧ ୯:୧୧ ମାଟି ୧୧:୧୪ * ୯:୨୯ ୯:୨୯ ଏଚେକା ସାସ୍ତେରିତା ପ୍ରାଚୀନା ଇଞ୍ଜା ଉପାସା ରାସୁକି ଆହାମାନେ ।

ତାନି ହାକିତି କାତୁ ଅଡ଼େ ଝେଣ୍ଠେ ଝେହୁନାୟି

(ମାତି ୧୭:୨୨-୨୩; ଲୁକ ୯:୪୩-୪୫)

୩୦ ଏଞ୍ଜାରି ଏ ଟାୟୁଟି ହାଜାନା ଗାଲିଲି ମାଦିଟି ହାଚେରି, ଇଞ୍ଜା ଆମ୍ବାଆସି ପୁନାଆପେସି ଇଞ୍ଜି ଏଞ୍ଜାଣି ମନ ହିଲାଆତେ; ୩୧ ଇଚିହ ଏ ଜୀସୁ ତାନି ସୀୟୁୟାଣି ଇ କାତା ଝେସିହ ଏ ଜାପୁହି ମାଚେସି, “ମାଣସି ମୀରୁଏସି ମାଣସିୟା କେୟୁତା ହେରୁପିଆନେସି, ଅଡ଼େ ଏଞ୍ଜାରି ଏଞ୍ଜାଣାଇଁ ପାୟିନେସି, ଇଞ୍ଜା ଏଞ୍ଜାସି ହାଡ଼ି ତାୟୁ ତାନିଦିନା ଜେଚ ଝେଣ୍ଠେ ନିଜ୍ଜାନେସି ।”

୩୨ ସାମା ଏଞ୍ଜାରି ଏ କାତାଟି ତେଲହାଆଚେରି, ସାମା ଏଞ୍ଜାଣାଇଁ ଝେଞ୍ଜାଲି ଆଜିମାଚେରି ।

ଆମ୍ବାଆସି କାଜାସି

(ମାତି ୧୮:୧-୫; ଲୁକ ୯:୪୬-୪୮)

୩୩ ତାୟୁ ଏଞ୍ଜାରି କପରନାହୁମତା ଝାଡ଼େଚି । ଜୀସୁ ଇଜ ଏଜାନା ସୀୟୁୟାଣି ଝେଚେସି, “ମୀରୁ ଜିରୁତା ଏନାଆଁ କାତା ଆହିମାଚେରି ?”

୩୪ ସାମା ଏଞ୍ଜାରି ହାଡ଼ା ଆଆନା ପାଲେଏ ତୁୟିଚେରି, ଇଚିହ ଏ ଆମ୍ବାଆସି କାଜାସି ଇ କାତା ଆସାନା ଜିରୁତା କାତା ଆହିମାଚେରି । ୩୫ ଏମ୍ବାଟିଏ ଜୀସୁ କୁଗାନା ବାର ଜାଣାଇଁ ହାଡ଼ିଚେସି ଇଞ୍ଜା ଏଞ୍ଜାରାଇଁ ଏଲେଇଚେସି, “ଇଚିହ ଏ ଆମ୍ବାଆସି କାଜାସି ଆହାଲି ମନ କିନେସି, ଆତିହ ଏଞ୍ଜାସି ବାରେଡି କିହାଁ ଉଣା ଅଡ଼େ ବାରେଡି ସେବା କିନାସି ଆପେସି ।” ୩୬ ଅଡ଼େ ଏଞ୍ଜାସି ର ଉଣା କକାଣାଇଁ ଅହାନା ଏଞ୍ଜାରି ମାଦି ନିପୁହେସି ଇଞ୍ଜା ଏଞ୍ଜାଣାଇଁ ପମାନା ଏଞ୍ଜାରାଇଁ ଏଲେଇଚେସି, ୩୭ ଏ ଆମ୍ବାଆସି ନା ଦରୁ ତାକି ଇଲେଚି ଉଣା କକାରି ବିତ୍ରାଟି ରଅଣାଇଁ ଆବିନେସି, ଏଞ୍ଜାସି ନାଜେ ଆବାନେସି; ଅଡ଼େ ଆମ୍ବାଆସି ନାଜେ ଆବାନେସି, ଏଞ୍ଜାସି ଝାରଇ ନାଜେ ଆବଅସି, ସାମା ନାଜେ ପାଣ୍ଡାତାଣାଇଁ ଜିକେଏ ଆବିନେସି ।”

ମା କପାଟି ନିଜାଆ ଗାଟାସି ମା ତଲେତାସି

(ଲୁକ ୯:୪୯-୫୦)

୩୮ ଜହନ ଏଞ୍ଜାଣାଇଁ ଏଲେଇଚେସି, “ଏ ଗୁରୁ ମା ଗଚିତା ହିଲାଆଗାଟାସି ରଅସି ନୀ ଦରୁତଲେ ବୁଡୁଣି ପେରୁହି ମାଟାଣି ମେସୁମି, ଇଞ୍ଜା ଏଞ୍ଜାସି ମା ଗଚିତା ହିଲାଆତାକି ଏଞ୍ଜାଣାଇଁ କାହିକିତମି ।”

୩୯ ସାମା ଜୀସୁ ଏଲେଇଚେସି, “ଏଞ୍ଜାଣାଇଁ କାହିକିଆଦୁ; ଇଚିହ ଏ ନା ଦରୁତଲେ କାବାଆନି କାମା କିହାନା ଝେଣ୍ଠେ ନାଜେ ନିନ୍ଦା କିୟାନେସି, ଇଲେଚି ଲକୁ ଆମ୍ବାଆସି ହିଲଅସି; ୪୦ ଇଚିହ ଏ ଆମ୍ବାଆସି ମା କପାଟି ନିଜାଆ ଗାଟାସି ଏଞ୍ଜାସି ମା ତଲେତାସି । ୪୧ ନାନୁ ମିଜେ ସାତା ଝେସିମାଞ୍ଜାଇଁ, ମୀରୁ କ୍ରୀସ୍ତତି ଲକୁ ଇଞ୍ଜି ଏ ଆମ୍ବାଆସି ଜିକେଏ ମିଜେ ଜାଚେକା ଏୟୁ ଗସାଲି ହିୟାନେସି, ଏଞ୍ଜାସି ଏନିଜିକେଏ ତାନି ଦାନାଟି ଜାକ୍‌ଅସି ।”

ନାମୁତା ପାପୁ କିଞ୍ଜି କିନାଣି ତଣ୍ଡ

(ମାତି ୧୮:୨-୯; ଲୁକ ୧୭:୧-୨)

୪୨ ଅଡ଼େ ଆମ୍ବାଆସି ନାମାମାନି ଇ ଉଣାୟାଁ ବିତ୍ରାଟି ରଅଣାଇଁ ପାପୁ କିଞ୍ଜି କିନେସି, ଏଞ୍ଜାଣି ହେରୁକିତା କାଜା ଜେତାଞ୍ଜାଲି ଦସାନା ଏଞ୍ଜାଣାଇଁ ସାମଦୁରିତା ମେଡ଼ିହି ଏ ନେହେ ଆଡ଼େତମା । ୪୩ ମୀ କେୟୁ ମିଜେ ପାପୁ କିଞ୍ଜିକିୟାନେ, ଇଚିହ ଏଦାଆଁ ଜାଟାନା କୁତାଦୁ; ରୀ କେୟା ମାଞ୍ଜାନା ନର୍କ ଇଚିହ ଏ ତୁମ୍ବାଆଗାଟି ହିଚୁ ଗାଡ଼ୁତା ମେଡ଼ି ଆନି ବାଟା କଲା ଆହାନା ଜୀଞ୍ଜୁତା ହଡ଼ନାୟି ମିଜେ ତାକି ନେହେ । ୪୪ ଇଚିହ ଏ ନର୍କତା ଏମ୍ବାଟି ପିଡ଼କା ଏଚେଲା ହାଡ଼, ଅଡ଼େ ହିଚୁ ଏଚେଲା ତୁମ୍ବେଏ । ୪୫ ଅଡ଼େ ମୀ କତା ମିଜେ ପାପୁ କିଞ୍ଜିକିୟାନେ, ଏଦାଣି ରାଡ଼ହା କୁତାଦୁ, ରୀ କତାୟାଁ ନେହେ ମାଞ୍ଜାନା ନର୍କତା ମେଡ଼ି ଆନି ବାଟା ସଟା ଆହାନା ଜୀଞ୍ଜୁତା ହଡ଼ନାୟି ମିଜେ ତାକି ନେହେ । ୪୬ ଇଚିହ ଏ ନର୍କତା ଏମ୍ବାଟି ପିଡ଼କା ଏଚେଲା ହାଡ଼, ଅଡ଼େ ହିଚୁ ଏଚେଲା ତୁମ୍ବେଏ । ୪୭ ଇଞ୍ଜା ମୀ କାନୁ ମିଜେ ପାପୁ କିଞ୍ଜିକିୟାନେ ଇଚିହ ଏଦାନି ଡେଞ୍ଜା କୁତାଦୁ, ରୀ କାଣକା ନେହେ ମାଞ୍ଜାନା ନର୍କତା ମେଡ଼ି ଆନି କିହାଁ ର କାନୁ ତଲେ ମାହାପୁରୁ ରାଜିତା ହଡ଼ନାୟି ମିଜେ ତାକି ନେହେ । ୪୮ ଇଚିହ ଏ ନର୍କତା ଏମ୍ବାଟି ପିଡ଼କା ଏଚେଲା ହାଡ଼, ଅଡ଼େ ହିଚୁ ଏଚେଲା ତୁମ୍ବେଏ ।

୧:୩୪ ୯:୩୪ ଲୁକ ୨୨:୨୪ ୧:୩୫ ୯:୩୫ ମାତି ୨୦:୨୬,୨୭; ୨୩:୧୧; ମାର୍ଚ୍ଚ ୧୦:୪୩,୪୪; ଲୁକ ୨୨:୨୭ ୧:୩୭ ୯:୩୭ ମାତି ୧୦:୪୦; ଲୁକ ୧୦:୧୬; ଜହ ୧୩:୨୦ ୧:୪୦ ୯:୪୦ ମାତି ୧୨:୩୦; ଲୁକ ୧୧:୨୩ ୧:୪୧ ୯:୪୧ ମାତି ୧୦:୪୨ ୧:୪୩ ୯:୪୩ ମାତି ୯:୩୦ ୧:୪୪ ୯:୪୪ କଚେକା ସାପ୍ତେରିତା ଇ କାତା ରାସ୍ତି ଆହାହିଲେଏ । ୧:୪୬ ୯:୪୬ କଚେକା ସାପ୍ତେରିତା ଇ କାତା ରାସ୍ତି ଆହାହିଲେଏ । ୧:୪୭ ୯:୪୭ ମାତି ୫:୨୯

୪୯ “ହାରୁ ତଲେ ଏନିକି ପୂଜା ହାନାୟି ସୁଦୁ ଆନେ, ଏଲେକିହି ଏ ହିରୁତଲେ ବାରେ ସୁଦୁ କିଞ୍ଚିଆନେ ।”

୫୦* “ହାରୁ ନେହାୟି, ଯାମା ହାରୁ ମୁଆସାରେ ଆତିହି ଏନିକି ମୁପି କିନାୟି ଆନେ ? ମୀରୁ ମୀ ତାଣା ହାରୁ ଲେହେ ଆଦୁ, ଅଡ଼େ ରଅଡ଼େରି ରଅଣାକି ହିଡ଼ଡ଼ି ଜୀଞ୍ଜୁତଲେ ନେହି ଆହି ଡ଼ୟାଦୁ ।”

୧୦

ତକ୍ତ ତକ୍ତା ପିସପିଆନି କାତା ଜୀସୁ ଜାପୁନାୟି (ମାତି ୧୯:୧-୧୨; ଲୁକ ୧୭:୧୮)

୧ ଏ ଚାମୁଟି ଜୀସୁ ହାଜାନା ଜୀହୁଦା ରାଜିତି ହାନ୍ଦି ଅଡ଼େ ଜର୍ଦନ କାତା ଆତାଲାଝାକି ଖାଡ଼େସି; ଇଞ୍ଜି ଲକ୍ଷୁ ଅଡ଼େ ଝେଣ୍ଡେ ଏଞ୍ଜାଣି ତାଣା ରୁଣ୍ଡା ଆହାଲିଏ, ଏଞ୍ଜାସି ତାନି ମେରା ଲେହେ ଏଞ୍ଜାରାଇଁ ଅଡ଼େ ଜାପୁହାଲି ମାରୁହେସି ।

୨ ଏମ୍ବାଟିଏ ପାରୁସିୟାଁ ଏଞ୍ଜାଣି ତାଣା ଖାହାନା ଏଞ୍ଜାଣାଇଁ ତାୟିପାରିକିହିଁ ଝେଚେରି, “ଜାହାରା ତକ୍ତନି ପିସାଲି ଆବାୟିକି ମେରା କି ?”

୩ ଜୀସୁ ଏଞ୍ଜାରାଇଁ ଏଲେଇଚେସି, “ମସା ମିଜେ ଏନି ହୁକୁମି ହାହାମାଞ୍ଜାନେସି ?”

୪* ଏଞ୍ଜାରି ଏଲେଇଚେରି, “ପିହ୍ନି ଆକୁ ରାତାନା ତକ୍ତନି ପିସାଲି ମସା ହେଲ ହାହାମାଞ୍ଜାନେସି ।”

୫ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ମୀ ଆଡ଼ଝା ହିୟାତି ମେସାନା ଏଞ୍ଜାସି ମିଜେତାକି ଇ ହୁକୁମି ରାତାମାନେସି । ୬ ଯାମା ମାଣସି ଗାଡ଼ି ଆଡ଼ି ବେଲାଟିଏ ଏଞ୍ଜାସି ଏଞ୍ଜାରାଇଁ ଇୟା ଅଡ଼େ ଆବା କିହିଁ ମାହାପୁରୁ ଗାଡ଼ିକିଡେସି । ୭ ଏଦାଆଁତାକି ଆବା ତାଲି ତାଞ୍ଜିଇଁ ପିହ୍ନେସି, ଇଞ୍ଜା ତାନି ତକ୍ତ ତଲେ ଆଣ୍ଡିନେସି, ୮ ଇଞ୍ଜା ଏଞ୍ଜାରି ରିଆରି ଆଏ, ଯାମା ରଣ୍ଡିଏ ଆଜା ଆନେରି । ୯ ଇଞ୍ଜା ମାହାପୁରୁ ଏନାଆଁ ଆଣ୍ଡି କିହାମାନେସି, ମାଣସି ଏଦାଆଁ ଏଟକା କିଆପେସି ।”

୧୦ ତାୟୁ ସାସୁୟାଁ ଇଜ ଇ କାତାତି ଜୀସୁଇଁ ଅଡ଼େ ଝେଣ୍ଡେ ଝେଚେରି । ୧୧* ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆମ୍ବାଆସି ତାନି ତକ୍ତନି ପିସାନା ଏଟକାତାଣି ବାହା ଆନେସି, ଏଞ୍ଜାସି ତଲିତି ତକ୍ତନି କପାଟି ଦାରିକାମା କିନେସି । ୧୨ ଅଡ଼େ ତକ୍ତ ତାନି ତକ୍ତାଇଁ ପିସାନା ଏଟକାତାଣାଇଁ ବାହା ଆନେ, ଆତିହିଁ ଏଡ଼ି ଦାରିକାମା କିନେ ।”

କକାରି ପଦାଁଣି ଜୀସୁ ବର ହାନାୟି (ମାତି ୧୯:୧୩-୧୫; ଲୁକ ୧୮:୧୫-୧୭)

୧୩ ଏଞ୍ଜାସି ଏନିକି କକାରି ପଦାଁଣି ତାରିନେସି, ଏଦାଆଁତାକି ଲକ୍ଷୁ ଏଞ୍ଜାରାଇଁ ଜୀସୁ ତାଣା ତାତାଲି ମାରୁହେରି; ଯାମା ସାସୁୟାଁ ଏଞ୍ଜାରାଇଁ ଦାକା ହାତେରି । ୧୪ ଜୀସୁ ଏଦାଆଁ ମେୟାଁ କାରୁକି ଆହାନା ଏଞ୍ଜାରାଇଁ ଏଲେଇଚେସି, “କକାରି ପଦାଁଣି ନା ତାଣା ଖାହାଲି ହାଦୁ, ଏଞ୍ଜାରାଇଁ ଆଂଗାଆଦୁ; ଇତିହିଁ ମାହାପୁରୁଟି ରାଜି ଇଲେତି ଲକ୍ଷୁତାୟି । ୧୫* ନାନୁ ମିଜା ସାତା ଝେସିମାଞ୍ଜାଇଁ, ଆମ୍ବାଆସି କକାରି ପଦାୟାଁ ଲେହେ ମାହାପୁରୁଟି ରାଜି ଆବଅସି, ଏଞ୍ଜାସି ଏନିଜିକେଏ ଏମ୍ବାଆଁ ହଡ଼ାଲି ଆଡ଼ଅସି ।” ୧୬ ଇଞ୍ଜା ଏଞ୍ଜାସି ଏଞ୍ଜାରାଇଁ କତାଣା ଜଜ୍ଜାନା ଏଞ୍ଜାରି ଲାକ କେୟୁ ଇଚାନା ବର ହାତେସି ।

ର ଦନ ଗାଟି ଦାଂଗଣେସି (ମାତି ୧୯:୧୬-୩୦; ଲୁକ ୧୮:୧୮-୩୦)

୧୭ ଜୀସୁ ଅଡ଼େ ଝେଣ୍ଡେ ହାଜିମାଚାଟି ରଅସି ଦାବଡ଼ି ଖାହାନା ଏଞ୍ଜାଣି ନକିତା ମେଣ୍ଡାକୁତାନା ଏଞ୍ଜାଣାଇଁ ଝେଚେସି, “ଏ ନେହିଁ ଗୁରୁ କାଲାକାଲାତି ଜୀଞ୍ଜୁ ବେଟାଆହାଲି ନାନୁ ଏନାଆଁ କିଇଁ ?”

୧୮ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନାଜେ ନେହାଁତି ଇଞ୍ଜିଁ ଏନାଆଁତାକି ଏଲେଇଞ୍ଜି ମାଞ୍ଜାଦି ? ରଅଣି ପିସପେ ଇତିହିଁ ମାହାପୁରୁ ପିସପେ ଅଡ଼େ ଆମ୍ବାଆସି ନେହାଁସି ହିଲଅସି । ୧୯ ନାନୁ ସାସ୍ତେରିତି ବାରେ ହୁକୁମିକା ପୁଞ୍ଜାମାଞ୍ଜି, ଲକ୍ଷୁଣି ପାୟାଆଦୁ, ଦାରିକାମା କିଆଦୁ, ସରୁ କିଆଦୁ, ମିଟି ସାକି ଜଲାଆଦୁ, ଲକ୍ଷୁଣି ନାଡ଼ି କିଆଦୁ, ଇଞ୍ଜା ତାଲି ତାଞ୍ଜିଇଁ ଜୀଞ୍ଜୁନଦୁ ।”

୨୦ ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ଏ ଗୁରୁ ଇ ବାରେ ନାନୁ ଉଣା ଝେଡ଼ାଟିଏ ମାନୁଞ୍ଜି ଆହିମାଇଁ ।”

* ୯:୫୦ ୯:୫୦ ମାତି ୫:୩୯; ଲୁକ ୧୪:୩୪,୩୫ * ୧୦:୪ ୧୦:୪ ମାତି ୫:୩୧ * ୧୦:୧୧ ୧୦:୧୧ ମାତି ୫:୩୨; ୧କର ୭:୧୦,୧୧
* ୧୦:୧୫ ୧୦:୧୫ ମାତି ୧୮:୩

୨୧ ଜୀସୁ ଏଝାଣାଇଁ ତୀରେ ସିନକିହାଁ ଜୀସୁ ନଢେତସି ଇଞ୍ଜା ଏଲେଇଚେସି, “ନୀନୁ ର କାମାତା ଉଣା ମାଞ୍ଜି, ନୀନୁ ହାଜାନା ନୀ ଦନ ବାରେ ପାର୍ଚରାନାହାଁ ହିଲୀଆ ଗାଟାରକି ଦାନା ହୀମ୍, ଅଡେ ନା ଜେଡ ଝାମ୍, ଇଞ୍ଜା ନୀନୁ ଲାକପୁରୁ ଦନ ବେଟାଆଡି ।” ୨୨ ସାମା ଈ କାତାତା ଏଝାଣି ମମ୍ ହାପଲି ଆହାହାଚେ, ଇଞ୍ଜା ଏଝାସି ଦୁକୁ ଆହାନା ହାଚେସି, ଇଚିହଁ ଏଝାଣାକି ହାରେକା ଦନ ମାଚେ ।

୨୩ ଏମ୍ବାଟିଏ ଜୀସୁ ସାରିଝାକି ସିନକିହାନା ତାନି ସୀସୁୟାଣି ଏଲେଇଚେସି, “ଦନ ଗାଟାରି ହାରେକା କସ୍ତଲେ ମାହାପୁରୁ ରାଜିତା ହଡ଼ନେରି ।”

୨୪ ଏଝାଣି କାତା ଝେଞ୍ଜାନା ସୀସୁୟାଁ କାବା ଆଡେଚରି, ସାମା ଜୀସୁ ଅଡେ ଝେଣ୍ଡେ ଏଝାରାଇଁ ଏଲେଇଚେସି, “ଆଡେ କକାଚେଚି ମାହାପୁରୁ ରାଜିତା ହଡ଼ନାୟି ହାରେକା କସ୍ତ । ୨୫ ମାହାପୁରୁଚି ରାଜିତା ଦନ ଗାଟାରି ହଡ଼ନି କିହାଁ ସୁଜା କାଣିଚି ଉଚୁ ହଡ଼ନାୟି ଉସାସା ।”

୨୬ ଏମ୍ବାଟିଏ ଏଝାରି ହାରେକା କାବାଆହାନା ତାମ୍ବୁତାମ୍ବୁ କାତା ଆଡେଚରି, “ଆଡିହଁ ଆମ୍ବାଆସି ଗେଲପି ଆହାଲି ଆଡିନେସି ?”

୨୭ ଜୀସୁ ଏଝାରାଇଁ ତୀରିତଲେ ସିନକିହାନା ଏଲେଇଚେସି, “ଇଦି ମାଣସିକି ଆଡାଆଗାଟାୟି, ସାମା ମାହାପୁରୁକି ଆସ; ଇଚିହଁ ମାହାପୁରୁ ବାରେ କିହାଲି ଆଡିନେସି ।”

୨୮ ପିତର ଏଝାଣାଇଁ ଏଲେଇଚେସି, “ମେହମ୍ ମାମ୍ବୁ ନୁରେ ପିସାନା ନୀ ଜେଡ ଝାହାମାନି ।”

୨୯ ଜୀସୁ ଏଲେଇଚେସି, “ନୀନୁ ମିଜେ ସାତା ଝେସିମାଞ୍ଜାଇଁ, ଆମିନି ଲକୁ ନା ନେହଁ କାଚୁତାକି ଇଲୁ କି ତାୟିକି ତାଞ୍ଜି କି ତାଲି, ତାଞ୍ଜି, କକାରି ପଦାଣି କି ବୁମି ବାଡା ପିସାମାନେରି, ୩୦ ଅଡେ ଈ କାଲ୍ଲାତା କସ୍ତ ବେଟାଆହଁ, ଝାଞ୍ଜା ଗୁଣ୍ଡିଚି ଇଲ୍ଲାକା, ତାୟି, ତାଞ୍ଜି, ତାଲି ତାଞ୍ଜି, କକାରି ପଦାୟାଁ ଅଡେ ବୁମି ବାଡା, ଇଞ୍ଜା ଝାନି ଜୁଗୁତା କାଲ୍ଲାକାଲ୍ଲାତି ଜୀସୁ ବେଟାଆଅସି, ଇଲେଚି ଲକୁ ଆମ୍ବାଆସି ହିଲଅସି । ୩୧ ଯାମା ନକିତା ମାନି ହାରେକା ଲକୁ ତାୟୁ ଆନେରି, ଇଞ୍ଜା ତାୟୁ ମାନି ହାରେକା ଲକୁ ନକିନେରି ।”

ଜୀସୁ ତାନି ପାଲି ତାନି ହାନି କାତା ଝେହ୍ନାୟି

(ମାତି ୨୦:୧୭-୧୯; ଲୁକ ୧୮:୩୧-୩୪)

୩୨ ଏଝାରି ଜିରୁସାଲମତା ହାଜିମାଟାଚି ଜିରୁତା ମାଚେରି ଇଞ୍ଜା ଜୀସୁ ଏଝାରି ନକି ନକିତା ହାଜିମାଚେସି, ଅଡେ ଏଝାରି କାବାଆହାନା ତାୟୁ ଝାହ୍ନିମାନି ଲକୁ ଆଜାମାଚେଚି, ଇଞ୍ଜା ଏଝାସି ଝେଣ୍ଡେ ବାରଜାଣାତି ଏଟକା କିହାନା ତାଜେତାକି ଏନା ଏନାୟି ଆହାଲି ହାଜିମାନେ, ଏ ବାରେ ଏଝାରାଇଁ ଝେସାଲି ମାଟୁହେସି । ୩୩ ଜୀସୁ ଏଲେଇଚେସି, “ମେହମ୍ ମାଚ୍ ଜିରୁସାଲମତା ହାଜିମାନାୟି; ମାଣସି ମାଚ୍ ଏସି କାଜା ପୂଜେରାଞ୍ଜା ଅଡେ ମେରାପୁନାରି କେୟୁତା ହେଚପିଆନେସି, ଅଡେ ଏଝାରି ଏଝାଣାଇଁ ହାନି ତଣ୍ଡ ହୀହାନା ଏଟକା କୁଡାତାରି କେୟୁତା ହେଚପିନେରି, ୩୪ ଇଞ୍ଜା ଏଝାରି ଏଝାଣାଇଁ କିଜ଼ି କିନେରି, ଏଝାଣିଲାକ ହୁପିନେରି, ଏଝାଣାଇଁ ସାଟ୍ଟି ତଲେ ଝେନେରି, ଇଞ୍ଜା ପାୟିନେରି, ଅଡେ ତାନି ଦିନାଟିଏ ଏଝେଣ୍ଡେ ନିଜିନେସି ।”

ଜାକୁବ ଅଡେ ଜହନ ବାଟିମାଲିନାୟି

(ମାତି ୨୦:୨୦-୨୮)

୩୫ ତାୟୁ ଜେବଦି ମୀରୁକା ଜାକୁବ ଅଡେ ଜହନ ଜୀସୁ ତାଣା ଝାହାନା ଏଲେଇଚେଚି, “ଏ ଗୁରୁ ମା ଅଣ୍ଡୁ ମାମ୍ବୁ ନୁୀ ତାଣାଟି ଏନାଆଁ ରୀହନମି ଏଦାଆଁ ମା ତାକି ନୀନୁ କିମ୍ ।”

୩୬ ଇଞ୍ଜା ଜୀସୁ ଏଝାରାଇଁ ଝେଚେସି, “ନୀନୁ ମା ତାକି ଏନାଆଁ କିଇଁ ଇଞ୍ଜା ମୀରୁ ଅଣ୍ଡପିମାଞ୍ଜେରି ?”

୩୭ ଏଝାରି ଏଝାଣାଇଁ ଏଲେଇଚେଚି, “ନୀନୁ ଗାଞ୍ଜୁରିମାଟାଚି ରାଜିତା କୁଟିସାରେ ଏନିକଁ ମା ବିତ୍ରାଟି ରଅଡିନି ନୀ ଚିଝନି ଚଟ ଅଡେ ରଅଡିନି ନୀ ଚେବୁ ଚଟ କୁଟିନମି ଈ ବର୍ ମାଜେ ହିୟାମ୍ ।”

୩୮ ଯାମା ଜୀସୁ ଏଝାରାଇଁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଦାଆଁ ପୁଞ୍ଜାହିଲଅଚେରି । ନୀନୁ ଆମିନି ସଲ୍ଲାତା ଗସିମାଲ୍, ଏମ୍ବାଆଁ ମୀରୁ ଗସାଲି ଆଡିଦେରି ? ଇଞ୍ଜା ନୀନୁ ଆମିନି ବାପ୍ତିସ୍ତା* ବାପ୍ତିସ୍ତା* ଅହିମାଲ୍ ଏମ୍ବାଆଁ ମୀରୁ ବାପ୍ତିସ୍ତା* ଆହାଲି ଆଡିଦେରି ?”

୩୯ ଏଝାରି ଏଲେଇଚେଚି, “ଆଡିନମି ।”

ଜୀସୁ ଏଝାରାଇଁ ଏଲେଇଚେସି, “ନୀନୁ ଆମିନି ସଲ୍ଲାତା ଗସିମାଲ୍ ଏମ୍ବାଆଁ ଗସାଲି ଆଡିଦେରି, ଇଞ୍ଜା ନୀନୁ ଆମିନି ବାପ୍ତିସ୍ତା* ବାପ୍ତିସ୍ତା* ଅହିମାଲ୍ ମୀରୁ ଏମ୍ବାଆଁ ବାପ୍ତିସ୍ତା* ଆଦେରି; ୪୦ ସାମା ନା ଚିଝନି ଅଡେ

☆ ୧୦:୩୧ ୧୦:୩୧ ମାତି ୨୦:୧୭; ଲୁକ ୧୩:୩୦ ☆ ୧୦:୩୮ ୧୦:୩୮ ଲୁକ ୧୨:୫୦ * ୧୦:୩୮ ୧୦:୩୮ ମୁଞ୍ଜିନାୟି † ୧୦:୩୮ ୧୦:୩୮ ମୁଞ୍ଜିନାୟି ‡ ୧୦:୩୮ ୧୦:୩୮ ମୁଞ୍ଜିନାୟି § ୧୦:୩୯ ୧୦:୩୯ ମୁଞ୍ଜିନାୟି * ୧୦:୩୯ ୧୦:୩୯ ମୁଞ୍ଜିନାୟି † ୧୦:୩୯ ୧୦:୩୯ ମୁଞ୍ଜିନାୟି

ଚେତୁଃସ୍ରୁତ କୁଗାଲି ହାହାଲି ନା ଅଦିକାରତ କାତା ଆଏ, ଆତ୍ମାଆରକି ମାହାପୁରୁ ଚାହୁଁ କେପାମାନେସି ଏଞ୍ଜାରି କୁଗିନେରି ।”

୪୧ ଏଚକାତି ଦସ ଜାଣା ଛଦାଆଁ ଖେଞ୍ଜାନା ଜାକୁବ ଅଡେ ଜହନଇଁ କାର୍ବି ଆହାଲି ମାଟୁହେରି ।
୪୨ ଏମ୍ବାଟିଏ ଜୀସୁ ଏଞ୍ଜାରାଇଁ ତାଗେ ହାଟାନା ଏଲେଇଚେସି, “ଆମିନି ଗାଟାରି ଏଚକା କୁଡାତି ସାଲୁଓ କିନାରି ଲେହେ ଆହାମାନେରି, ଏଞ୍ଜାରି ଲାକ ସାଲୁଓ କିନେରି, ଅଡେ ଏଞ୍ଜାରି କାଜାପାଣା ଗାଟାରି ଏଞ୍ଜାରି ମୁହେଁ ସାଲୁଓ କିନେରି, ଛଦାଆଁ ମୀରୁ ପୁଞ୍ଜୁ । ୪୩ ଏସାମା ମୀ ବିଡ୍ରା ଏଲେକିହଁ ଆଏ; ସାମା ମୀ ବିଡ୍ରା ଆତ୍ମାଆସି କାଜାସି ଆହାଲି ମନ କିନେସି, ଏଞ୍ଜାସି ମୀ ସେବା କିପେସି, ୪୪ ଅଡେ ମୀ ବିଡ୍ରା ଆତ୍ମାଆସି କାଜାସି ଆହାଲି ମନ କିନେସି, ଏଞ୍ଜାସି ବାରେତି ହଚେଲଏସି ଆଡେସି । ୪୫ ଇଚିହଁ ମାଣସି ମୀରୁଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଇଞ୍ଜାଁ ହାରେକା ଲକୁଣି ପାପୁଟି ପିସପି କିହାଲିତାକି ତାନି ଜୀସୁ ହାହାଲି ଖାହାମାନେସି ।”

ଜୀସୁ ବାଟିମୟ କାଣାଇଁ ନେହଁକିନାସି
(ମାତି ୨୦:୨୯-୩୪; ଲୁକ ୧୮:୩୫-୪୩)

୪୬ ତାହୁଁ ଏଞ୍ଜାରି ଜିରିହତା ଏଗାଡେରି, ଅଡେ ଏଞ୍ଜାସି ତାନି ସୀସୁୟାଁ ଇଞ୍ଜାଁ ମାନ୍ଦା ଲକୁଡଲେ ଜିରିହତି ହାଜିମାନି ବେଲାତା ଟିମାୟ ମୀରୁଏସି ବାଟିମୟ ଦରୁଗାଟି ର କାଣା, ରୀସପାଲି ଜିରୁ ଦାରିତା କୁଗାମାନେସି । ୪୭ ଏଞ୍ଜାସି ନାଜରିତତି ଜୀସୁ, ଇମ୍ବାଟି ହାଜିମାନେସି ଇଞ୍ଜାଁ ଖେଞ୍ଜାନା ଏଞ୍ଜାସି କାଜା ଗିୟାତଲେ ଏଲେଇଚେସି, “ଏ ଦାଞ୍ଜୁଦ ମୀରୁଏଶାତି ଜୀସୁ ନାଜେ କାର୍ମା ମେସ୍ତାମୁ ।”

୪୮ ଏମ୍ବାଟିଏ ହାରେକା ଲକୁ ଏଞ୍ଜାଣାଇଁ ପାଲେଏ ଆହାଲି ଦାକା ହାଡେରି, ସାମା ଏଞ୍ଜାସି ଅଡେ କାଜା ହାଡାତଲେ ଏଲେଇଚେସି, “ଏ ଦାଞ୍ଜୁଦ ମୀରୁଏଶାତି ଜୀସୁ ନାଜେ କାର୍ମା ମେସ୍ତାମୁ ।”

୪୯ ଏମ୍ବାଟିଏ ଜୀସୁ ନିଗାନା ଏଲେଇଚେସି, “ଏଞ୍ଜାଣାଇଁ ହାଟାତୁ ।” ଏଞ୍ଜାରି ଏ କାଣାଇଁ ହାଟାନା ଏଲେଇଚେରି, “ସାସା ଆହାନା ନିଜାମୁ, ଏଞ୍ଜାସି ନିଜେ ହାଟିମାଞ୍ଜାନେସି ।”

୫୦ ଏମ୍ବାଟିଏ ଏଞ୍ଜାସି ନିଜାନା ତାନି ହିମ୍ବୁରି କୁତାନା ଜୀସୁ ତାଣା ଖାଡେସି ।

୫୧ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ନିଜେତାକି ଏନାଆଁ କିଇଁ ଇଞ୍ଜାଁ ନାନୁ ଅଣପିମାଞ୍ଜି ?” ଏ କାଣା ଏଞ୍ଜାଣାଇଁ ଏଲେଇଚେସି, “ଏ ଗୁରୁ ନାନୁ ଏନିକଁ ମେସାଲି ଆଡିଇଁ ।”

୫୨ ଜୀସୁ ଏଞ୍ଜାଣାଇଁ ଏଲେଇଚେସି, “ହାଲୀମୁ ନୀ ନୀମୁ ନିଜେ ନେହଁକିୟାତେ ।” ଏ ଦେବୁଣିଏ ଏଞ୍ଜାସି ମେସାଲି ଆଡିଚେସି, ଇଞ୍ଜାଁ ଏଞ୍ଜାରି ଜେଚ ଜେଚ ହାଚେସି ।

୧୧

ଜୀସୁ ଜିରୁସାଲମତା ହଡନାସି
(ମାତି ୨୧:୧-୧୧; ଲୁକ ୧୯:୨୮-୪୦; ଜହ ୧୨:୧୨-୧୯)

୧ ଏଚିବେଲା ଏଞ୍ଜାରି ଜିରୁସାଲମ ତାଗେ ଆହାନା ଜୀତ ହୁରୁ ତାଗେ ବେଡ଼ପାରି ଇଞ୍ଜାଁ ବେତନିୟାଁ ତାଗେ ଖାଡେରି, ଏଚିବେଲା ଏଞ୍ଜାସି ତାନି ସୀସୁୟାଁ ବିଡ୍ରାଟି ରିଆରାଇଁ ଛ କାତା ଖେସା ପାଣ୍ଡିଚେସି, ୨ “ମୀ ନକ୍ତିତା ମାନି ଏ ନାୟୁତା ହାଜୁ; ଏ ନାୟୁତା ହଡ଼ଞ୍ଜିଏ ଆମିନି ଲାକ ଆତ୍ମାଆରି ଏରେଲା ହଟା ହିଲଅରି ଇଲେତି ର ଗାଡ଼ଦେ ତାଲୁତି ଦସାମାନାଣି ମେହ୍ଦେରି; ଏଦାନି ହୁକହାନା ତାତୁ । ୩ ଅଡେ ଆତ୍ମାଆସି ଏନାଆଁ କିହିମାଞ୍ଜେରି ଇଞ୍ଜାଁ ମିଜେ ଖେଞ୍ଜାନେସି, ଆଚିହଁ ଏଲେଇଞ୍ଜୁ, ଇଦାଣି ତାଣା ମା ପ୍ରବୁକି ଲଡାମାନେ, ଅଡେ ଖେଶ୍ତେ ଇଦାଣି ଖେଡାକିଆନା ପାଣ୍ଡାନେସି ।”

୪ ଏଞ୍ଜାରି ହାଜାନା ଦୁଞ୍ଜେରିଦାରି ଆଂଗେଣିତା ର ଗାଡ଼ଦେ ତାଲୁତି ଦସାମାନାଣି ମେସାମା ଏଦାଣି ହୁକହେରି, ୫ ଏମ୍ବାଟିଏ ଏମ୍ବାଆଁ ନିଗାମାଟି ଲକୁ ବିଡ୍ରାଟି ଏଚରଜାଣା ଖେଚେରି, “ଗାଡ଼ଦେ ତାଲୁତି ପିସାନା ଏନାଆଁ କିହିମାଞ୍ଜେରି ?”

୬ ଜୀସୁ ଏନିକଁ ଖେସାମାନେସି, ଏଞ୍ଜାରି ଏଲେକଁ ଏଞ୍ଜାରାଇଁ ଏଲେଇଚେରି; ଏମ୍ବାଟିଏ ଏଞ୍ଜାରି ଏଞ୍ଜାରାଇଁ ହେଲ ହାଚେରି । ୭ ଜୀସୁ ନକ୍ତିତା ଗାଡ଼ଦେ ତାଲୁତି ତାଗାନା ଏଞ୍ଜାରି ଏଦାଣି ଲାକ ତାନି ହିମ୍ବୁରିକା ପାଡେସି, ଅଡେ ଜୀସୁ ଏଦାନିଲେକ କୁଗିଚେସି । ୮ ଅଡେ ହାରେକା ଜିରୁତା ତାନି ହିମ୍ବୁରିକା ପାଡେସି ଅଡେ ଏଚକାତାରି ଜାଡାତି ଗରାୟାଁ ଚୂଣ୍ଡା ତାଗାନା ପାଡେସି । ୯ ଇଞ୍ଜାଁ ନକ୍ତିତା ତାହୁଁଖାକି ହାଜିମାନି ଲକୁ କାଜା

୫ ୧୦:୪୨ ୧୦:୪୨ ଲୁକ ୨୨:୨୫,୨୬ ୬ ୧୦:୪୩ ୧୦:୪୩ ମାତି ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୭

ହାତୀତଳେ ଏଲେଇଚେରି, “ହସାନା ମାହାପୁରୁ ଦରୁତି ଆମ୍ବାଆସି ଖାହିମାନେସି, ଏଝାସି ନେହ୍ନସି । ୧୦ ମା, ଆକୁ ଦାଝୁଦତି ଆମିନି ରାଜି ଖାହିମାନେ, ଏଦି ଜହରା, ଲାକପୁରୁତି ହସାନା ।”

୧୧ ତାମ୍ଭୁ ଜୀସୁ ଜିରୁସାଲମତା ଖାହାନା ମାହାପୁରୁ ଇଲୁତା ହାଚେସି, ଇଞ୍ଜି ସାରିଖାକି ମାନାଣି ବାରେ ସିନକିହାନା ମିଡ଼ଅଲ୍ଲା ଆହାଲିଏ ବାରଜାଣା ସୀସୁୟା ତଳେ ବେତନିୟାତା ହାଚେସି ।

ଜୀସୁ ତୟା ମାରୁନୁତି ବାକା ଇତିନାୟି
(ମାତି ୨୧:୧୮-୧୯)

୧୨ ତାନି ଅର ଦିନା ବେତନିୟାତି ଖାହିମାଚାଟି ଜୀସୁ ହାକି ଆଚେସି; ୧୩ ଇଞ୍ଜି ହେକଟି ଆକା ମାନି ର ତୟା ମାରୁନୁତି ଆକା ମେସାନା ଏମ୍ବାଆଁ ପାଡ଼େୟି ବେଟାଆନି ଆସା ତଳେ ତାଗେ ହାଚେସି । ସାମା ତାଗେ ଖାହାନା ଏଝାସି ଆକା ପିସପେ ଅଡ଼େ ଏନାଆଁ ପୁଞ୍ଜଆଚେସି, ଇତିହ୍ ଏଦି ତୟା ଆୟିନି ଖେଡ଼ା ହିଲାଆଚେ । ୧୪ ଏମ୍ବାଟିଏ ଜୀସୁ ଏଦାଣି ଏଲେଇଚେସି, “ନୀ ପାଡ଼େୟି ଲକୁ ଏଚେଲା ତିନାଆପେରି ।” ଏଝାଣି କାତା ତାମି ସୀସୁୟା ଖେଞ୍ଜାମାଚେରି ।

ଜୀସୁ ମାହାପୁରୁ ଇଲୁତା ହାନାୟି
(ମାତି ୨୧:୧୨-୧୭; ଲୁକ ୧୯:୪୫-୪୮; ଜହ ୨:୧୩-୨୨)

୧୫ ତାମ୍ଭୁ ଏଝାରି ଜିରୁସାଲମତା ଖାଚେରି, ଅଡ଼େ ଜୀସୁ ମାହାପୁରୁ ଇଲୁତା ହତାନା ଏ ଗାମୁତା ବେବାରା କିହିମାଟି ଲକୁଣି ପାଙ୍ଗାତା ପେରହାଲି ମାଟ୍‌ହେସି, ଇଞ୍ଜି ଟାକାୟା ବେବାରା ଗାଟାରି କୁଟିୟା ଅଡ଼େ ପଗାୟା ବେବାରା କୁଟିୟା ତିରିମ୍ବୁପ୍‌ହେସି । ୧୬ ଇଞ୍ଜି ପ୍ରାତାନା ଇଲୁ ବିଡ଼ାଟି ଆମ୍ବାଆରାକି ଏନାଆଁ ଅହାଲି ତାଚାଲି ହେଲ ହାଆଚେସି, ୧୭ ତାମ୍ଭୁ ଜୀସୁ ଏଝାରାଇଁ ଜାପ୍‌ହେ ଏଲେଇଚେସି, “ଦାମ୍ଭୁ ପତିତା ରାସ୍‌କି ଆହାମାନେ, ନା ଇଲୁ ବାରେ କୁଡ଼ାଟି ଲକୁତାକି ପ୍ରାତାନା ଇଲୁ ଇଞ୍ଜି ଖେଜିନେ ? ସାମା ମୀରୁ ଏଦାଆଁ ତଂଗାୟା ପାଝୁ କିହାମାଞ୍ଜେରି ।”

୧୮ ଇ କାତା ଖେଞ୍ଜାନା କାଜା ପୂଜେରାଙ୍ଗା ଅଡ଼େ ମେରାପୁନାରି ଏଝାଣାଇଁ ଏନିକି ନାସା କିହାଲି ଆଡ଼ିନେରି, ଏଦାଆଁ ପାରୁ ପାରାଲି ମାଟ୍‌ହେରି; ଇତିହ୍ ଲକୁ ଏଝାଣି ଜାପ୍‌ନି ତାଣା କାବା ଆହିମାଚାକି ଏଝାରି ଏଝାଣାଇଁ ଆଜିମାଚେରି ।

୧୯ ଏ ଦିନା ମିଡ଼ଅଲ୍ଲା ବେଲା ଜୀସୁ ଅଡ଼େ ସୀସୁୟା ଗାଡ଼ାଟି ହାଚେରି ।

ଝାୟିତି ତୟା ମାରୁନୁତି ଜାପିନାୟି
(ମାତି ୨୧:୨୦-୨୨)

୨୦ ଅର ଦିନା ଲାଈଏ ଏ ଜିରୁତି ହାଜିମାଚାଟି ଏଝାରି ତୟା ମାରୁନୁ ତାକିଟିଏ ଝାୟିତାଣି ମେସ୍ତେରି । ୨୧ ଏମ୍ବାଟିଏ ପିତର ତଲିତି କାତା ଅଣପାନା ଏଲେଇଚେସି, “ଏ ଗୁରୁ ମେହ୍‌ମୁ ନୀନୁ ଆମିନି ତୟା ମାରୁନୁତି ବାକା ହାହାମାଟି ଏଦି ଝାୟାହାଚେସିଏ ।”

୨୨ ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ତାଣା ନାମାଦୁ । ୨୩ ନୀନୁ ମିଙ୍ଗେ ସାତା ଖେସିମାଞ୍ଜାଇଁ, ଆମ୍ବାଆସି ଇ ହରୁତି ନୀନୁ ନିଙ୍ଗାନା ସାମ୍‌ଦୁରିତା ତରଗାମୁ ଇନେସି, ଇଞ୍ଜି ତାନି ହିୟାତା ଆନାମାନା ଆଆନା, ଏନାଆଁ ଜଲିମାଇଁ ଏଦି ଆନେ ଇଞ୍ଜି ନାମିନେସି, ଏଝାଣାକି ଏଦି ଆନେ । ୨୪ ଏଦାଆଁତାକି ନୀନୁ ମିଙ୍ଗେ ଖେସିମାଞ୍ଜାଇଁ, ମୀରୁ ଏନାଆଁ ପ୍ରାତାନା କିଦେରି ଅଡ଼େ ରାହ୍‌ଦେରି, ଏ ବାରେ ମିଙ୍ଗେ ମେଡ଼ା ଆୟାଚେ ଇଞ୍ଜି ନାମାଦୁ, ଏଚେଟିଏ ଏ ବାରେ ଇଞ୍ଜି ବେଟାଆଦେରି । ୨୫ ଇଞ୍ଜି ମୀରୁ ଆମିନି ବେଲାତା ପ୍ରାତାନା କିହାଲି ନିଦେରି, ଇଞ୍ଜି ଆମ୍ବାଆରି କପାଟି ଏନି କାତା ମାଟିହ୍, ଏଝାଣି ପାପୁ ମ୍ଲେକ୍‌ଦୁ, ଏନିକି ମୀ ଲାକପୁରୁତି ଆବା ଜିକେଏ ମୀ ପାପୁତି ମ୍ଲେକ୍‌ହାନେସି । ୨୬ ସାମା ମୀରୁ ଏଝାଣି ପାପୁ ମ୍ଲେକ୍‌ଅଚେରି, ଆତିହ୍ ମୀ ଲାକପୁରୁତି ଆବା ଜିକେଏ ମୀ ବାରେ ପାପୁତି ମ୍ଲେକ୍‌ହଅସି ।”*

ଜୀସୁତି ଅଦିକାରା
(ମାତି ୨୧:୨୩-୨୭; ଲୁକ ୨୦:୧-୮)

୨୭ ତାମ୍ଭୁ ଏଝାରି ଅଡ଼େ ଖେଣ୍ଡେ ଜିରୁସାଲମତା ଖାଚେରି; ଇଞ୍ଜି ଏଝାସି ପ୍ରାତାନା ଇଲୁତା ହଡ଼ିମାଟି ବେଲାତା କାଜା ପୂଜେରାଙ୍ଗା ମେରାପୁନାରି ଇଞ୍ଜି ପ୍ରାତିନାଙ୍ଗା ଏଝାଣି ତାଣା ଖାହାନା ଖେଚେରି, ୨୮ “ନୀନୁ

* ୧୧:୨୩ ୧୧:୨୩ ମାତି ୧୭:୨୦; ୧୧:୨୪ ୧୧:୨୫ ୧୧:୨୫ ମାତି ୨:୧୪,୧୫ * ୧୧:୨୬ ୧୧:୨୬ କଚେକା ସାସ୍ତେରିତା ଇ କାତା ରାସ୍‌କି ଆହାହିଲେଏ ।

ଆମିନି ଅଦିକାରୀ ତଳେ ଈ ବାରେ କିହିମାଞ୍ଜି ? ଇଞ୍ଜା ଈ ବାରେ କିହାଲି ଆମ୍ବାଆସି ଈ ଅଦିକାରୀ ହିୟାତେସି ?”

୨୯ ଯାମା ଜୀସୁ ଏଞ୍ଜାରାଇଁ ଏଲେଇତେସି, “ନାନୁ ମିଙ୍ଗେ ର କାତା ଝେଞ୍ଜାଇଁ, ନାଙ୍ଗେ ଝେସ୍ତାଦୁ, ଆତିହୁଁ ନାନୁ ଆମିନି ଅଦିକାରୀ ତଳେ କିହିମାଙ୍ଗ, ଏଦାଆଁ ମିଙ୍ଗେ ଝେସ୍ତାଇଁ । ୩୦ ଜହନତି ବାପୁସ୍ତୁଁ ଲାକପୁରୁଟି କି ମାଣସିୟାଁ ତାଣାଟି ଆହାମାଚେ ? ଏଦାଆଁ ନାଙ୍ଗେ ଝେସ୍ତାଦୁ ।”

୩୧ ଏଚେଟିଏ ଏଞ୍ଜାରି ତାମ୍ବୁ ତୁମ୍ବୁସୁଁ କାତା ଆହାଲି ମାଟ୍‌ହେରି, “ଲାକପୁରୁଟି ଇନାୟି, ଆତିହୁଁ ଏଞ୍ଜାସି ଏଲେଇଞ୍ଜାନେସି ମୀରୁ ଏନାଆଁତାକି ଏଞ୍ଜାଣାଇଁ ନାମାଆଚେରି ? ୩୨ ଅଡେ ମାଣସି ତାଣାଟି ଇନାୟି, ଏଞ୍ଜାରି ଲକ୍ଷ୍ମଣି ଆଜିମାଚେରି; ଇତିହୁଁ ବାରେଜାଣା ଜହନ ସାତା ମାହାପୁରୁ ଅଣପୁତି ବଲ୍ଲୁ ଝେହନାସି ଇଞ୍ଜୁଁ ମାନୁଞ୍ଜି ଆହୁମାଚେରି ।” ୩୩ ଏଦାଆଁତାକି ଜୀସୁଇଁ ଏଞ୍ଜାରି ଏଲେଇଚେରି, “ମାମ୍ବୁ ପୁଞ୍ଜାହିଲଅମି ।” ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ଆମିନି ଅଦିକାରୀ ତଳେ କିହିମାଙ୍ଗ ଏଦାଆଁ ନାନୁ ଜିକେଏ ମିଙ୍ଗେ ଝେସ୍ତାସି ।”

୧୨

ଅଙ୍ଗୁରି ବାଡ଼ାତା ଲାଗେଏତି ବାଗା କାମାକିନାରି

(ମାତି ୨୧:୩୩-୪୬; ଲୁକ ୨୦:୯-୧୯)

୧ ଏମ୍ବାଟିଏ ଏଞ୍ଜାସି ଏଞ୍ଜାରାଇଁ ପୁଣ୍ଡିକିନି କାତାତଳେ ଝେସାଲି ମାଟ୍‌ହେସି, “ରଅସି ର ଅଙ୍ଗୁରି ବାଡ଼ା କିହାନା ବାଡ଼ା ସାରିଞ୍ଜାକି ବେୟଁଁ ଗୁରତେସି, ଇଞ୍ଜା ଅଙ୍ଗୁରି ପାଡେୟି ପୀରାଲି ର ଗାଡ଼ୁୟୁ କାର୍‌ହାନା ଏମ୍ବାଆଁ କାଠିଆନାରାକି କାଠିଆନି ଇଲ୍ଲୁ କେପିତେସି, ଇଞ୍ଜା କାମା କିନାରାକି ଏ ବାଡ଼ା ବାଗା ହାହାନା ହେକ ରଞ୍ଜି ହାଚେସି । ୨ ତାମ୍ବୁ କାମାକିନାରି ତାଣାଟି ଅଙ୍ଗୁରି ବାଡ଼ାତି ପାଡେୟି ବାଗା ବେଟାଆହାଲି ଏଞ୍ଜାସି ର ହେଲେଏଣାଇଁ ପାଡେୟି କାମ୍ବିନିଞ୍ଜେଡା ଏଞ୍ଜାରିତାଣା ପାଣ୍ଡିତେସି । ୩ ଯାମା ଏଞ୍ଜାରି ଏଞ୍ଜାଣାଇଁ ଆସାନା ଝେତେରି ଇଞ୍ଜା ଖାବୁଇଁ କେୟୁଟି ପାଣ୍ଡିତେରି । ୪ ଏଞ୍ଜାସି ଅଡେ ଏଞ୍ଜାରିତାଣା ଅଡେ ର ହେଲେଏଣାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଣାଇଁ ଜିକେଏ ତାୟଁଁ ତୁତାୟେ ଝେଚାନା ହାଣି କିତେରି । ୫ ଏଞ୍ଜାସି ଅଡେ ରଅଣାଇଁ ପାଣ୍ଡିତେସି; ଏଞ୍ଜାରି ଏଞ୍ଜାଣାଇଁ ଜିକେଏ ପାୟିତେରି, ଏମ୍ବାଟିଏ ଏଞ୍ଜାସି ଅଡେ ହାରେକା ଜାଣାତି ପାଣ୍ଡିତେସି; ଏଞ୍ଜାରି ବିତ୍ତାଟି ଏଚେରଜାଣାତି ଝେତେରି ଇଞ୍ଜା ଏଚେରଜାଣାତି ପାୟିତେରି । ୬ ତାନି ତାଣା ରଅସିଏ ଡୟିତେସି, ଏଞ୍ଜାସି ତାନି ଜୀସୁତି ମୀରୁଏସି, ତାମ୍ବୁ ଅଣପିତେସି ଏଞ୍ଜାରି ନା ମୀରୁଏଣାଇଁ ମାନି କିନେରି’ ଇଞ୍ଜୁଁ ଏଞ୍ଜାସି ଏଞ୍ଜାଣାଇଁ ପାଣ୍ଡିତେସି । ୭ ଯାମା ଏ କାମାକିନାରି ତାମ୍ବୁତାମ୍ବୁ କାତା ଆଚେରି, ‘ଇଞ୍ଜାସିତ ଅଦିକାରୀ ଗାଟାସି, ଖାଦୁ ଇଞ୍ଜାଣାଇଁ ପାୟିନ; ଆତିହୁଁ ବାଡ଼ାତି ଅଦିକାରୀ ମାଡି ଆନେ ।’ ୮ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଆସାନା ପାୟିତେରି ଇଞ୍ଜା ଅଙ୍ଗୁରି ବାଡ଼ାତି ପାଙ୍ଗାତା ମେଡହାଡୁସ୍ତେରି ।”

୯ ଜୀସୁ ଏଞ୍ଜାରାଇଁ ଝେତେସି, “ଝେସ୍ତାଦୁ, ଇଦାଆଁ ତାମ୍ବୁ ଏ ଅଙ୍ଗୁରି ବାଡ଼ାତି ସାଞ୍ଜୁକାରି ଏନାଆଁ କିନେସି ? ଏଞ୍ଜାସି ଖାହାନା କାମା କିନାରାଇଁ ନାସା କିନେସି ଇଞ୍ଜା ଏଚକାତି କାମା କିନାରାକି ଏ ଅଙ୍ଗୁରି ବାଡ଼ା ହୀନେସି । ୧୦ ମୀରୁ ଦାମ୍ବୁ ପତିତା ଈ କାତା ପଡ଼ୁଞ୍ଜି ଆହାହିଲଅଚେରି ? ଇଲ୍ଲୁ କେପିନାରି ଆମିନି ଖାଲିତି ମିଣଏ ଇଞ୍ଜୁଁ ଅପାଆଚେରି,

ଏଦିଏ ଇଲ୍ଲୁତି ମୁଲ୍ଲୁ ଖାଲି ଆଡେ ।

୧୧ ମାହାପୁରୁ ତାଣାଟି ଇଦି ଆଡେ,
ଇଞ୍ଜା ଏଦି ମା କାନୁତାକି ର କାବା ଆନାୟି ।”

୧୨ ଏଚେଟିଏ ଜୀହୁଦି ଲକ୍ଷ୍ମଣି କାଜାରି ଏଞ୍ଜାଣାଇଁ ଆସାଲି ଅଣପିମାଚେରି, ଯାମା ଏଞ୍ଜାରି ଲକ୍ଷ୍ମଣି ଆଜିତେରି; ଇତିହୁଁ ଏ ପୁଣ୍ଡିକିନି କାତା ଏଞ୍ଜାରାଇଁ ସିନିକିହାନା ଝେସିମାଚେସି ଇଞ୍ଜୁଁ ପୁଚେରି, ଇଞ୍ଜା ଏଞ୍ଜାରି ଏଞ୍ଜାଣାଇଁ ପିସାନା ହାଜାଡୁସ୍ତେରି ।

ସିସୁ ହୁାନାଣି ଝେନାୟି

(ମାତି ୨୨:୧୫-୨୨; ଲୁକ ୨୦:୨୦-୨୬)

୧୩ ତାମ୍ବୁ ଜୀସୁ କାତାତି ଦହୁ ଆସାଲି ତାକି ଏଞ୍ଜାରି ପାରୁସି ଅଡେ ହେରଦ ଗତିତି ଏଚେକା ଲକ୍ଷ୍ମଣି ଏଞ୍ଜାଣି ତାଣା ପାଣ୍ଡିତେରି । ୧୪ ଏଞ୍ଜାରି ଖାହାନା ଏଞ୍ଜାଣାଇଁ ଏଲେଇଚେରି, “ଏ ଗୁରୁ ମାମ୍ବୁ ପୁଞ୍ଜାମାନମି, ନାନୁ ସାତା କାତା ଝେହନାତି ଅଡେ ଆମ୍ବାଆରାଇଁ ଆଜାଆ ଗାଟାତି; ଇତିହୁଁ ନାନୁ ମାଣସିତି ମୁମ୍ବୁ ଚୁମସାନା ଜଲ୍ଲାଆ

† ୧୧:୩୦ ୧୧:୩୦ ମୁଞ୍ଜିନାୟି

ଗାଗାତି ଇଞ୍ଜାଁ ଯାତା ତଲେ ମାହାପୁରୁତି ଜିରୁ ଜାପୁନାତି, କାୟସରକି ସିସୁ ହୁନାୟି ମେରା କି ଆଏ, ମାମ୍ବୁ ହାନମି କି ଆଏ ?”

୧୫ ଯାମା ଏଝାସି ଏଝାରି କାରବିତି ପୁଞ୍ଜାନା ଏଝାରାଇଁ ଏଲେଇଚେସି, “ଏନାଆଁତାକି ନାଜେ ତାୟିପାରି କିହିମାଞ୍ଜାଦେରି ? ର ଝେଣ୍ଡି ଟାକା ନା ତାଣା ତାଦୁ ନାନୁ ଏଦାଆଁ ସିନକିଇଁ ।”

୧୬ ଏଚେଟିଏ ଏଝାରି ଏଦାଆଁ ତାଚେରି, ଏଝାସି ଏଝାରାଇଁ ଝେଚେସି, “ଇ ବମା ଅଡେ ବରୁ ଆମ୍ବାଆରାଝାୟି ?” ଏଝାରି ଏଝାଣାଇଁ ଏଲେଇଚେରି, “କାୟିସରଝାୟି ।”

୧୭ ଏମ୍ବାଟିଏ ଜାସୁ ଏଝାରାଇଁ ଏଲେଇଚେସି, “କାୟିସରଝାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜାଁ ମାହାପୁରୁଝାୟି ଏନାୟି ଏଦାଆଁ ମାହାପୁରୁକି ହୀଦୁ ।” ଏଚେଟିଏ ଏଝାରି ଏଝାଣି କାତାତାକି କାବା ଆଡେରି ।

ସାଦୁକିୟାଁ ହାକିଟି ଝେଣ୍ଡେ ନିଜିନି କାତା ଝେନାୟି

(ମାତି ୨୨:୨୩-୩୩; ଲୁକ ୨୦:୨୭-୪୦)

୧୮*ଏମ୍ବାଟିଏ ହାକିଟି ଝେଣ୍ଡେ ନିଜିନାୟି ହିଲେଏ ଇଞ୍ଜିମାନି ସାଦୁକି ଲକୁ ଜାସୁ ତାଣା ଝାହାନା ଝେଚେରି, ୧୯ “ଏ ଗୁରୁ ମସା ମାଜେତାକି ରାଡ଼ାମାନେସି, ଇଚିହଁ ଆମ୍ବାଆରି ତାୟି ହାନେସି ଇଞ୍ଜାଁ ତାନି ତକ୍ତି ନାତାମାନେ ଇଞ୍ଜାଁ ଏଦାନି ଏନି କକାରି ପଦାୟାଁ ହିଲାର ଆତିହଁ ତାନି ତାୟି ତାନି ତକ୍ତିନି ଇଗାନା ତାନି ତାୟିକି କୁଡ଼ା ଏପାକିନେସି । ୨୦ ମେହମ୍ବୁ ସାଡ଼ା ଜାଣା ତାୟିୟାଁ ମାଚେରି; କାଜାସି ର ଆୟାନି ବାହା ଆନିସି, ଇଞ୍ଜାଁ କକାରି ପଦାଁ ଆଆନା ହାଡେସି; ୨୧ ଏଝାଣି ଜେଚତାସି ଏ ଇୟାନି ଇଚିତେସି ଇଞ୍ଜାଁ କକାରି ପଦାଁ ଆଆନା ହାଡେସି; ୨୨ ଇଞ୍ଜାଁ ସାଡ଼ା ଜାଣା ଜିକେଏ କକାରି ପଦାଁ ଆଆନା ହାଡେସି; ବାଚେଟି ତାୟି ଏ ଇୟା ଜିକେଏ ହାଡେ । ୨୩ ଝେଣ୍ଡେ ନିଜିନି ବେଲ୍ଲାତା ଏଚିବେଲ୍ଲା ଏଝାରି ନିଜିନେରି, ଏଚିବେଲ୍ଲା ଏଝାରି ବିତ୍ରାଟି ଆମ୍ବାଆରି ତକ୍ତି ଆନେ ? ସାଡ଼ା ଜାଣା ଜିକେଏ ଇଗାମାଚେରି ।”

୨୪ ଜାସୁ ଏଝାରାଇଁ ଏଲେଇଚେସି, “ମିଜେ ହାରେକା ନାଡ଼ିକିନି ଅଣପୁ ମାନେ । ଦାମ୍ବୁ ସାସ୍ତେରି, ଇଞ୍ଜାଁ ମାହାପୁରୁତି ବାଡ଼ୁୟିତି କାତା ପୁଞ୍ଜାହିଲଅଚେରି । ୨୫ ଏନାଆଁତାକି ଇଚିହଁ ହାଡ଼ାରି ନିଜିତି ତାୟି ଲକୁ ବାହା ଆଆରି କି ବାହା ହାଆରି, ସାମା ଲାକପୁରୁତି ଦୁଡ଼ୁୟାଁଲେହେଁ ତୁୟିନେରି । ୨୬ ଇଞ୍ଜାଁ ହାଡ଼ାରି ନିଜିନେରି ଏ କାତାତି ମୀରୁ ମସା ରାଚିତି ପତିତା ଝେହିମାନି ବୁଗାତି କାରୁ ପଡ଼ୁଝି ଆହାହିଲଅଚେରି କି ? ମାହାପୁରୁ ଏନିକି ଏଲେଇଞ୍ଜା ମାନେସି, ‘ନାନୁ ଅଗ୍ରାହାମତି ମାହାପୁରୁ, ଇସାହାକତି ମାହାପୁରୁ, ଅଡେ ଜାକୁବତି ମାହାପୁରୁଚେସି ।’ ୨୭ ଏଝାସି ହାଡ଼ାରି ମାହାପୁରୁ ଆଏ, ସାମା ଜାଝୁଗାଟାରି ମାହାପୁରୁ ମୀରୁ ହାରେକା ନାଡ଼ିକିଝି ଆହାମାଞ୍ଜିରି ।”

କାଜା ହୁକୁମି

(ମାତି ୨୨:୩୪-୪୦; ଲୁକ ୧୦:୨୫-୨୮)

୨୮ ଏଚିବେଲ୍ଲା ର ମେରା ଜାପୁନାସି ତାଗେ ଝାହାନା ଏଝାରି ବାଦିବାଦା ଆହିମାଗାଣି ଝେଞ୍ଜାନା ଅଡେ ଜାସୁ ସାଦୁକି ଲକୁଇଁ ସମାନା କାତା ଝେଣ୍ଡେ ଝେସିମାଗାଣି ଝେଞ୍ଜାନା ଜାସୁଇଁ ଝେଚେସି, “ଆମିନି ହୁକୁମି ଦାମ୍ବୁପତିତା ବାଚେକିହାଁ କାଜାୟି ?”

୨୯ ଜାସୁ ଏଲେଇଚେସି, “କାଜା ହୁକୁମି ଇଦି ଏ ଇସାୟେଲ ଝେଞ୍ଜୁ; ପ୍ରବୁ ମା ମାହାପୁରୁ ରଣ୍ଡିଏ ପ୍ରବୁ ମାନେସି; ୩୦ ଅଡେ ନାନୁ ନୀ ବାରେ ହିୟାଁ ବାରେ ଜାଝୁ ମନ ହାହାନା ଅଡେ ବାରେ ବାଡ଼ୁୟି ତଲେ ପ୍ରବୁ ନୀ ମାହାପୁରୁଇଁ ଜାଝୁ ନମ୍ବୁ ।” ୩୧ ଅଡେ ରଣ୍ଡି ଇଦି ନାନୁ ନୀ ପାଡ଼ିତାଣାଇଁ ନୀ ଜାହାରାଲେହେଁ ଜାଝୁ ନମ୍ବୁ । ଇ ହୁକୁମିକା ପିସପେ ଅଡେ ଆମିନି କାଜା ହୁକୁମି ହିଲେଏ ।

୩୨ ଏମ୍ବାଟିଏ ଏ ମେରା ପୁନାସି ଜାସୁଇଁ ଏଲେଇଚେସି, “ଏ ଗୁରୁ ଏଦି ସାଡ଼ା ମାହାପୁରୁ ରଅସିଏ ଇଞ୍ଜାଁ ଏଝାଣି ପିସପେ ଅଡେ ଆମ୍ବାଆସି ହିଲଅସି, ଏଦାଆଁ ନାନୁ ନେହଁ କିଁ ଝେସ୍ତାତି; ୩୩ ଇଞ୍ଜାଁ ବାରେ ହିୟାଁ, ବାରେ ବୁଦି, ବାରେ ବାଡ଼ୁୟି ହାହାନା ଏଝାଣାଇଁ ଜାଝୁନନାୟି ଇଞ୍ଜାଁ ପାଡ଼ିତାଣାଇଁ ମା ଜାହାରାଲେହେଁ ଜାଝୁନନାୟି ବାରେ ଜଡ଼ିତି ପୂଜା ହାନି* କିହାଁ କାଜାୟି ।”

୩୪*ଏଝାସି ବୁଦିତଲେ ଜଲ୍ଲାମାଞ୍ଜାନେସି ଇଞ୍ଜାଁ ମେସାନା ଜାସୁ ଏଝାଣାଇଁ ଏଲେଇଚେସି, “ମାହାପୁରୁତି ରାଜିଟି ନାନୁ ହେକ ହିଲଅତି । ଏଚେଟିଏ ଆମ୍ବାଆସି ଜାସୁଇଁ ଏନାଆଁ ଝେଞ୍ଜାଲି ସାସା କିଆଚେସି ।”

* ୧୨:୧୮ ୧୨:୧୮ କାମା ୨୩:୮ * ୧୨:୩୩ ୧୨:୩୩ ହେବୁଦିନାୟି * ୧୨:୩୪ ୧୨:୩୪ ଲୁକ ୧୦:୨୫-୨୮

ଜୀସୁ ଆମ୍ଭାଆରି ମୀରୁଏସି
(ମାତି ୨୨:୪୧-୪୬; ଲୁକ ୨୦:୪୧-୪୪)

୩୫ ସାମା ଜୀସୁ ପ୍ରାଡ଼ାନା ଇଲୁତା ଜାପୁହି ମାଟିବେଲାତା ଏଲେଇଚେସି, “ଜୀସୁ ଦାସୁଦ ମୀରୁଏସି, ଇଦାଆଁ ଫେରାପୁନାରି ଏନିକି ଏଲେଇନେରି? ୩୬ ତାନୁଏ ଦାସୁଦ ମାହାପୁରୁତି ସୁଦୁଜୀସୁ ବେଗାଆହାନା ଖେସାମାଚେସି,

‘ପ୍ରବୁ ନା ପ୍ରବୁଇ ଏଲେଇଚେସି,

ନାନୁ ଏଚେ ପାଚେକା ନୀ ସାତୁୟାଁଇ ନୀ କଡ଼ା ତୁଇ କିହାହିଲଅଁ,

ଏଚେ ପାଚେକା ନା ଚିଃନିଝାକି କୁଗାମାନାମୁ ।’

୩୭ ଦାସୁଦ ତାନୁଏ ଏଞ୍ଜାଣାଇଁ ପ୍ରବୁ ଇଞ୍ଜିମାନେସି; ଆତିହ ଏଞ୍ଜାସି ଏନିକି ଦାସୁଦ ମୀରୁଏସି ।”

ଫେରାପୁନାରି ତାଣାଟି ଜାଗ୍ରାତା କିନାୟି
(ମାତି ୨୩:୧-୩୬; ଲୁକ ୨୦:୪୫-୪୭)

୩୮ ମାୟା ଲକୁ ରାହୁଟି ତାନି କାତା ଖେଞ୍ଜିମାଚେରି, ଅଡ଼େ ଖେଣ୍ଡେ ଏଞ୍ଜାସି ତାନି ଜାପୁହି ମାଟି କାତାତା ଏଲେଇଚେସି, “ଫେରାପୁନାରି ତାଣାଟି ଜାଗ୍ରାତା, ଏଞ୍ଜାରି ଲାମ୍ବା ହିମ୍ବରିକା ହୁଚାନା ରେଜାଲି ଇଞ୍ଜା ହାଟା ବାଜାରାତା ଜହରା ବେଗାଆହାନା ରାହୁଁ ଆନେରି, ୩୯ ଜୀହୁଦି ଲକୁତି କୁଟମି ଇଲୁତାଁ କାଜା କୁଟି, ବଜିତା ନେହଁ ଟାୟୁଡା କୁଗାଲି ପାରିନେରି; ୪୦ ଏଞ୍ଜାରି ରାଘେଣ୍ଡିସିକା ଇଲୁକା ସେନିନେରି, ଲକୁଣି ତସାଲି ଲାମ୍ବା ପ୍ରାଡ଼ାନା କିନେରି; ଏଞ୍ଜାରି ହାଡ଼େକା ତଣ୍ଡ ବେଗାଆନେରି ।”

ରାଘେଣ୍ଡି ଇୟାନି ଦାନା
(ଲୁକ ୨୧:୧-୪)

୪୧ ତାୟୁ ଜୀସୁ ମାହାପୁରୁ ଇଲୁତି ଦାନା ପେଡ଼ା ତାଗେ କୁଗାନା ଲକୁ ଏମ୍ବାଆଁ ଏନିକି ଦାନା ହାହିମାନେରି, ଏଦାଆଁ ସିନିକିହିମାଚେସି । ଏଟିବେଲାତା ହାଡ଼େକା ଦନ ଗାଟାରି ଗାଡ଼ି ମେଡ଼ହେରି; ୪୨ ଅଡ଼େ ର ହାକି କାକୁଲିଗାଟି ରାଘେଣ୍ଡି ଇୟା ଖାହାନା ରୀ ଉଣା ତାମ୍ବାତି ଆଦଲିଃ ଏ ପେଡ଼ାତା ମେଡ଼ହେ । ୪୩ ଏଚେଟିଏ ଜୀସୁ ତାନି ସୀସୁଣି ତାଗେ ହାଟାନା ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଦାନା ପେଡ଼ାତା ଟାକାୟାଁ ମେଡ଼ହିମାନି ବାରେ ଲକୁ କିହାଁ ଇ ହାକି କାକୁଲିଗାଟି ରାଘେଣ୍ଡି ଇୟା ଗାଡ଼ି ମେଡ଼ହାମାନେ; ୪୪ ଇତିହଁ ବାରେଜାଣା ତାନି ହାଡ଼େକା ଦନଟି ଇଚାଣି ମେଡ଼ହା ମାନେରି, ସାମା ଇଦି ତାନି ହିଲଆବେଲାତା ତାଙ୍ଗେ ନୀଡାଲି ତାଙ୍ଗେ ଏନାୟି ମାଚେ, ଏ ବାରେ ମେଡ଼ହାମାନେ ।”

୧୩

ପ୍ରାଡ଼ାନା ଇଲୁ ନସୁ ଆନାଣି ଜୀସୁ ଖେହନାୟି
(ମାତି ୨୪:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହାଜିମାଚାଟି ତାନି ସୀସୁୟାଁ ବିତ୍ରାଟି ରଅସି ଏଞ୍ଜାଣାଇଁ ଏଲେଇଚେସି, “ଏ ଗୁରୁ ମେହମୁ ଏନିଲେହେଟି ଅଜିତି ଖାଲକା ଅଡ଼େ ଏନିଲେହେଟି ଅଜିତି ମେଡ଼ା ଇଲୁକା !”

୨ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ଏଦାଆଁ ଇ କାଜା ମେଡ଼ା ମେସିମାଞ୍ଜି ? ର ଖାଲି ଅର୍ ଖାଲି ଲାକ ତୁୟେଏ, ବାରେ ମେଣ୍ଡାହାନୁ ।”

କସୁ ଅଡ଼େ ସାସି କାତା ଖେହନାୟି
(ମାତି ୨୪:୩-୧୪; ଲୁକ ୨୧:୭-୧୯)

୩ ତାୟୁ ପ୍ରାଡ଼ାନା ଇଲୁ ନକିତା ମାନି ଜୀତ ହରୁ ଲାକ କୁଗାଲିଏ ପିତର, ଜାକୁବ, ଜହନ, ଅଡ଼େ ଆନ୍ଦ୍ରିୟ ତାନି ତାଣା ମେଣ୍ଡେଏ ଖାହାନା ଖେଚେରି, “ଇ ବାରେ ଏଚେଲା ଆନେ, ୪ ଅଡ଼େ ଆମିନି ବେଲାତା ଇ ବାରେ ଗଟି ଆନେ ଏ ବେଲାତି ସିନା ଏନାୟି, ଏଦାଆଁ ମାଙ୍ଗେ ଖେସ୍ତାମୁ ।”

୫ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗ୍ରାତା, ଆମ୍ବାଆସି ଏନିକି ମିଙ୍ଗେ ନାଡ଼ି କିୟସି । ୬ ହାଡ଼େକା ନା ଦରୁତଲେ ଖାହାନା, ନାନୁ ଏଞ୍ଜାଚେସିଁ ଇଞ୍ଜି ହାଡ଼େକା ଲକୁଣି ନାଡ଼ି କିନେରି । ୭ ସାମା ମୀରୁ ଏଟିବେଲା ଲୁକୁତି କାତା ଅଡ଼େ ଗଡ଼ହାତି ହାଡ଼ା ଖେଞ୍ଜେରି, ଏଟିବେଲା କିଲିବିଲି ଆଆଦୁ; ଏ ବାରେ ଆନାୟି ମାନେ, ସାମା ଏ କାଲ୍ୟା ଜିକେଏ ଜୁଗୁ ରାନାୟି ଆଏ । ୮ ଇତିହଁ ଦେସା କପାଟି ଦେସା, ରାଜି

† ୧୨:୩୯ ୧୨:୩୯ ସିନଗର ‡ ୧୨:୪୨ ୧୨:୪୨ ରା ଉଣା ତାମ୍ବାତି ଆଦଲି, ରା ଆଡ଼ାଅଣା ର ଟାକାଟି କାଜା ଆଦଲି ସମାନ, ଏଟି ଗ୍ରିକ ତଲେ ଉଣା ଆଦଲିଟି “ଲେପଟସ୍” କାଜା ଆଦଲିଟି “କଡ଼ାନ୍‌ଟସ୍” ଇନେରି ।

କପାଟି ରାଜି ନିଜିନେ, ବାରେଖାକି ବୁଦି ଖାଡିନେ ଅଡ଼େ କାଡ଼ାରା ଆଡ଼େ; ଛ ବାରେ କକାରି ପଦାୟାଁ ଆନାଟି ଲୁଞ୍ଜିନି ବସା ଲେହେଁ ।”

୯୪ *ସାମା ମାରୁ ମିଙ୍ଗେ ତାକି ଜାଗ୍ରତା ଆହାମାଞ୍ଜୁ; ଲକୁ ମିଙ୍ଗେ ନୀହାଁୟି କିନି ତାଣା ଦସାନା ଅୟାନେରି, ଅଡ଼େ ମିଙ୍ଗେ ଜୀହୁଦି ଲକୁଡି କୁଟମି ଇଲକାଣା* ଝେତାନେରି, ଇଞ୍ଜାଁ ନା .ତାକି ସାଲୁଝି କିନାରି ତାଣା ରାଜାୟାଁ ନକିତା ନିଦେରି, ଏଝାରି ନକିତା ସାକି ଆଡ଼େରି । ୯୦ ଇଞ୍ଜାଁ ବାରେ କୁଡ଼ା ନକିତା ନେହୁଁ କାରୁ ନକେଏ ଝେସପି ଆଡ଼େ । ୯୧ ଇଞ୍ଜାଁ ଏଟିବେଲା ଲକୁ ମିଙ୍ଗେ ଅହାନା ହେରପାନେରି, ଏଟିବେଲା ମାରୁ ଏନାଆଁ ଜଲିଦେରି, ଏ କାତା ନକେଏ ଅଣପାଆଦୁ, ସାମା ଏ .ବେଲାତା ମିଙ୍ଗେ ଏନାଆଁ ଜଲଲି ହାପକିଆଡ଼େ ଏନାଆଁ ଝେହୁଦୁ; ଇତିହୁଁ ମାରୁ ଜଲିନାତେରି ଆଏ ସାମା ସୁଦୁଜୀଝୁ ଜଲିନାୟି । ୯୨ ତାୟି ତାୟିଇଁ ଅଡ଼େ ତାଞ୍ଜି ମାରୁଏଣାଇଁ ହାହାଲି ତାକି ହେରପାନେରି; ଇଞ୍ଜାଁ ମାରୁକା ତାଲି ତାଞ୍ଜି କପାଟି ନିଜାନା ଏଝାରାଇଁ ପାୟିନେରି; ୯୩ *ଅଡ଼େ ନାଙ୍ଗେତାକି ବାରେ ଲକୁ ମିଙ୍ଗେ ଅପଅରି; ସାମା ଆମ୍ବାଆସି ରାଜି ପାତେକା ସାସା ଆସାନା ଡ଼ୟିନେସି ଏଝାସି ଗେଲପି ଆଡ଼ନସି ।

ନାସା ଆନି କାଲମି
(ମାତି ୨୪:୧୫-୨୮; ଲୁକ ୨୧:୨୦-୨୪)

୯୪ ମାରୁ ଏଟିବେଲା ଏ ନାସାକିନି ଅପାଆଗାଟି ଆସି ଆମିନି ତାଣା ଡ଼ୟିନି କାତା ହିଲେଏ, ଏମ୍ବାଆଁ ଡ଼ୟାମାନାଣି ମେହୁଦେରି (ପଡ଼ୁଝି ଆନାରି ତେଲହାପେରି) ଏଟିବେଲା ଆମ୍ବାଆରି ଜୀହୁଦା ଦେସାତା ମାନେରି, ଏଝାରି ହରକାଣା ହଣପେରି; ୧୫ *ଆମ୍ବାଆସି ଇଲୁ ଲାକ ମାନେସି, ଏଝାସି ଇଲୁ ବିତ୍ରା ଖାହାନା ଏନି ଦିଣସୁ ଅହାଲି ରେଟା ଖାଆପେସି କି ବିତ୍ରା ହାଲାଆପେସି; ୧୬ ଇଞ୍ଜାଁ ଆମ୍ବାଆସି ବାଡ଼ାତା ମାନେସି, ଏଝାସି ତାନି ହିମ୍ବୁରି ଅହାଲି ଝେଣ୍ଡେ ଖାଆପେସି । ୧୭ ଏ ବେଲାତା ଆମିନି ଗାଟାଇ ପୁରାମାସା ଆହାମାନୁ ଇଞ୍ଜାଁ ପାଲୁ ଉଡ଼ହମାନୁ, ଏ ଦିନା ଆୟତା ଏଝି ଏଟେକା କସ୍ର ବେଟାଆନୁ । ୧୮ ସାମା ଏନି ଏନିକି ପେନି ବେଲାତା ଆଏ ଏନାଆଁତାକି ପ୍ରାଡ଼ାନା କିଦୁ । ୧୯ *ଇତିହୁଁ ଏ କାଲାତା ଇଲେଟି କସ୍ର ଖାଡ଼େନ, ମାହାପୁରୁ ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକିଁ ଆହା ହିଲେଏ, ଇଞ୍ଜାଁ ଏଲେକିଁ ଏଟେଲାଖା ଆଏ । ୨୦ ସାମା ପ୍ରଭୁ ଏ ଲାଗେଏତି କାଲାଇଁ ଉଣା କିହାମାନେସି । ଏଲେ କିହାହିଲାଆତୁଁ ମା, ଏନି ଏମ୍ବାଟି ଆମ୍ବାଆରି ଗେଲପି ଆଆତେରିମା । ତାନି ଆଡ଼ୁଝିଆଡ଼ି ଲକୁତାକି ଏ କାଲା ଉଣା କିହାମାନେସି ।

୨୧ “ଏଟିବେଲା ‘ମେହୁଦୁ କ୍ରୀସ୍ର ଇମ୍ବାଆଁ ଅଡ଼େ ‘ଏମ୍ବାଆଁ ଇଞ୍ଜୁଁ ଲକୁ ମିଙ୍ଗେ ଝେସ୍ତାନେରି, ଆତିହୁଁ ମାରୁ ଏନାଆଁ ନାମାଆଦୁ । ୨୨ ନାଡ଼ିକିନି କ୍ରୀସ୍ର ଅଡ଼େ ମାହାପୁରୁ ବଲୁ ମିତି ଝେହୁନାରି ନିଜାନା ଇଲେଟି ସିନା ଅଡ଼େ କାବାଆନି କାମାୟାଁ ତହୁନେରି, ଆଡ଼ିତିହୁଁ, ଆଡ଼ୁଝିଆଡ଼ି ଲକୁଣି ଜିକେଏ ନାଡ଼ି କିନେରି । ୨୩ ସାମା ମାରୁ ଜାଗ୍ରତା ଆହାମାଞ୍ଜୁ; ନାନୁ ମିଙ୍ଗେ ତଲିଏ ବାରେ ଝେସିମାଞ୍ଜାଇଁ ।

ମାଣସି ମାରୁଏସି ଝେଣ୍ଡେ ଖାନାୟି
(ମାତି ୨୪:୨୯-୩୧; ଲୁକ ୨୧:୨୫-୨୮)

୨୪ *ସାମା ଏ ବେଲାତି ଏ କସ୍ର ତାୟୁ ଝେଡ଼ା ଆନ୍ଦେରି ଆଡ଼େ ଅଡ଼େ ଲେଞ୍ଜୁ ଉଜେଡ଼ି ହୀଏ, ୨୫ *ହୁକାୟାଁ ହାଗୁଟି ତରଗାଲି ମାରୁନୁ ଅଡ଼େ ହାଗୁ ଲାକିତି ବାଡ଼ୁୟୁ ବାରେ କିଲିବିଲି ଆଡ଼େ । ୨୬ *ଏଟିବେଲା ଲକୁ ମାଣସି ମାରୁଏଣାଇଁ କାଜା ବାଡ଼ୁୟୁଟି କାଜାପାଣା ତଲେ ହାଗୁ ଲାକିତି ଖାନାଣି ମେହୁନେରି । ୨୭ ଏଟିବେଲା ଏଝାସି ଦୁଡ଼ୁୟାଁଣି ପାଣ୍ଡାନା ଦାରୁଡ଼ି ମୁଟପେତି ସାରିଖାକିଟି ତାନି ଆଡ଼ାମାନି ଲକୁଣି ରୁଣ୍ଡା କିନେସି ।

ତୟା ମାରୁନୁଟି ଜାପିନାୟି
(ମାତି ୨୪:୩୨-୩୫; ଲୁକ ୨୧:୨୯-୩୩)

୨୮ ତୟା ମାରୁନୁ ପୁଣ୍ଡାସି କିନି କାତାଟି ଜାପାଦୁ । ଏଟିବେଲାତା ଏ ମାରୁନୁତା କଡ଼ୁଗି କମାୟାଁ ଅଡ଼େ ଗଝେଡ଼ି ଗାଲୁନୁ, କାରା କାଲମି ଖାଡ଼େ ଇଞ୍ଜୁଁ ପୁଞ୍ଜେରି । ୨୯ ଏଲେକିହୁଁ ଏ ମାରୁ ଜିକେଏ ଛ ବାରେ ମେସିସାରେ ଏଝାସି ଦୁଝେରି ତାଗେ ମାନେସି ଇଞ୍ଜୁଁ ପୁଞ୍ଜେରି । ୩୦ ନାନୁ ମିଙ୍ଗେ ସାତା ଝେସିମାଞ୍ଜାଇଁ ଛ ବାରେ ଆଆପାତେକା ଛ କାଲାତି ଲକୁ ଏନିଜିକେଏ ମେଣ୍ଡଙ୍ଗଅରି । ୩୧ ହାଗୁପାକା ଦାରୁଡ଼ି ବାରେ ମେଣ୍ଡଙ୍ଗନେ, ସାମା ନା ବଲୁ ଏଟେଲାଖା ମେଣ୍ଡଙ୍ଗେଏ ।”

* ୧୩:୯ ୧୩:୯ ମାତି ୧୦:୧୭-୨୦; ଲୁକ ୧୧:୧୧,୧୨ * ୧୩:୧୯ ୧୩:୧୯ ସିନଗଗ * ୧୩:୧୩ ୧୩:୧୩ ମାତି ୧୦:୨୨ * ୧୩:୧୫ ୧୩:୧୫ ଲୁକ ୧୭:୩୧ * ୧୩:୧୯ ୧୩:୧୯ ଝେ ବଲୁ ୭:୧୪ * ୧୩:୨୪ ୧୩:୨୪ ଝେ ବଲୁ ୭:୧୨ * ୧୩:୨୫ ୧୩:୨୫ ଝେ ବଲୁ ୭:୧୩ * ୧୩:୨୭ ୧୩:୨୭ ଝେ ବଲୁ ୧:୭

ଆତ୍ମାଆସି ଇ ଦିନା ଅଡ଼େ ବେଲାତି ପୁନଅସି

(ମାତି ୨୪:୩୭-୪୪)

୩୭ *ସାମା ଏ ଦିନା କି କାଲାତି କାତା ଆତ୍ମାଆସି ପୁନଅସି, ଲାକପୁରୁତି ଦୂତୁୟାଁ କି ମୀରୁଏସି ଜିକେଏ ପୁନଅସି, ୱାଡ଼ଇ ଆଡାବେଁ ପୁନେସି । ୩୮ ମୀରୁ ଜାଗ୍ରାତା ଆହାନା ମାଞ୍ଜୁ, କାଚାନା ମାଞ୍ଜୁ; ଇଚିହଁ ଏ ବେଲା ଏଚେଲା ଆନେ ଏଦାଆଁ ମୀରୁ ପୁନଅଚେରି । ୩୯ ଏଦି ଇଲେକିହଁ, ର ମାଣସି ତାନି ଇଲୁ ପିସାନା ହେକ ରାଜିତା ହାନେସି, ଅଡ଼େ ତାନି ହଲିୟାଙ୍ଗାଣି ବାରେ କାମାତି ଅଦିକାରା ହାତେସି ଇଞ୍ଜା ଦୁଝେରିତା କାଚାଲି ଜିକେଏ ହୁକୁମି ହାତେସି । ୪୦ ଏଦାଆଁତାକି କାଚାନା ତୁୟାମୁ; ଇଚିହଁ ନୀନୁ ପୁଞ୍ଜାହିଲଅତି ଇଲୁତି ସାଞ୍ଜୁକାରି ଏଚେଲା ୱାନେସି, ମିଡ଼ଅଲା କି ମାଦି ଲାଆଁୟାଁ, ୱେୟାଆ ନଚେଏ କି ୱେଡ଼ା ହନି ବେଲାତା ଏଞ୍ଜାସି ୱାନେସି । ୪୧ ଏଞ୍ଜାସି ଦେବୁଣିଏ ୱାଡ଼ିସାରେ ମୀରୁ ହୁଞ୍ଜାମାନାଣି ମେସାଆପେସି । ୪୨ ନାନୁ ମିଙ୍ଗେ ଏନାଆଁ ୱେସିମାଞ୍ଜାଇଁ, ଏଦାଆଁ ବାରେତି ୱେସିମାଞ୍ଜାଇଁ, ଜାଗ୍ରାତା ମାଞ୍ଜୁ ।

୧୪

ଜୀସୁଇଁ ଆସାଲି ପାରୁ ପାରିନାୟି

(ମାତି ୨୭:୨-୫; ଲୁକ ୨୨:୧-୨; ଜହ ୧୧:୪୫-୫୩)

୧ ପିସିଆନି ପାରୁଁ ଇଞ୍ଜା ପୁଲାଏୟୁ ଆଣ୍ଡାଆତି ରୁଚି ତିନି ପାରୁଁ ଆହାଲି ରୀ ଦିନା ମାଚେ । ଏଚିବେଲାତା କାଜା ପୁଜେରାଙ୍ଗା ଇଞ୍ଜା ମୋରା ପୁନାରି ଏନିକଁ ଏଞ୍ଜାଣାଇଁ ନାଡ଼ିକିହଁ ଆସାନା ପାୟିନେରି ଏଦାଆଁତାକି ପାରୁ ପାରିମାଚେରି । ୨ ଇଚିହଁ ଏଞ୍ଜାରି ଏଲେଇଚେରି, “ପାରୁଁ ବେଲାତା ଆଏ ଏଚେତା ଲକୁ ଗଡ଼ହା କିନେରି ।”

ବେତନିୟାଁତା ଜୀସୁ ତାୟୁଁ ତୁ ନିୟୁଁ ୱାକ୍ନାୟି

(ମାତି ୨୭:୬-୧୩; ଜହ ୧୨:୧-୮)

୩ ଜୀସୁ ବେତନିୟାଁତା କାଜା ରଗାଗାଟି ସିମନ ଇଜ ତିଞ୍ଜାଲି କୁଗାମାଚାଟି ର ଇୟା ର ଗାଲୁତା ହାଚେକା ଦାରାତି ଗାୟା ନିୟୁଁ ତାଚାନା ଗାଲୁତି ଦେଚାନା ଜୀସୁ ତାୟୁଁ ତୁ ୱାକ୍ନାଲି ମାଚୁହେ । ୪ ସାମା ଏଚେକା ଲକୁ କାର୍ବି ଆହାନା, ତାମୁ ତୁତାମୁଏ ୱେସିପି ଆଚେରି, “ନିୟୁଁ ଏନାଆଁତାକି ନସୁ ଆଚେ ? ୫ ଇ ନିୟୁଁ ସାଡ଼ାକଡ଼ି ଦସଚାକା କିହଁ ଆଗାଡ଼ା ପାର୍ବି ଆହାନା ହାକି ଗାଗରାକି ହାପକି ଆହାଲି ଆଡ଼ିଚେମା” ଏଦାଆଁତାକି ଏଞ୍ଜାରି ଏ ଇୟାନି ଲାଗାଲି ମାଚୁହେରି ।

୬ ସାମା ଜୀସୁ ଏଲେଇଚେସି, “ଏଦାନି ପିହୁଦୁ; ଏନାଆଁତାକି କସୁ ହାହିମାଞ୍ଜେରି ? ଏଦି ନାଙ୍ଗେତାକି ନେହଁ କିହାମାନେ । ୭ ଇଚିହଁ ହାକି ଗାଗାରି କାଲେଏ ମୀ ତାଣା ମାନେରି, ଅଡ଼େ ମିଙ୍ଗେ ଏଚେତା ମନୁ ଏଚେତା ଏଞ୍ଜାରି ସାଚେମି କିହାଲି ଆଡ଼ିଦେରି; ସାମା ନାନୁ କାଲେଏ ମୀ ତାଣା ତୁୟଅଁ । ୮ ଏଦି ଏନାଆଁ ଆଡ଼ିନାୟି ମାନେ ଏଦାଆଁ କିହାମାନେ; ଏଦି ନା ଆଙ୍ଗାତି ମୁସାଲି ତାକି ତଲିଏ ନିୟୁଁ ୱାକ୍ନାହାନା ତିୟାରା କିହାମାନେ । ୯ ନାନୁ ମିଙ୍ଗେ ସାତା ୱେସିମାଞ୍ଜାଇଁ, ବାରେ ଦାର୍ଡିତା ଆମ୍ବିୟା ଜିକେଏ ନେହଁ କାଚୁ ୱେକନେରି, ଏ ଟାୟୁତା ଇ ଇୟାନି ଅଣପାଲିତାକି ଏଦାନି ଇ କାମାତି କାତା ଜିକେଏ ୱେସିପି ଆନେ ।”

ଜୀହୁଦା ଜୀସୁ ଆସିପି କିହାଲି ରାଜି ଆନାୟି

(ମାତି ୨୭:୧୪-୧୬; ଲୁକ ୨୨:୩-୬)

୧୦ ଏମାଟିଏ ବାରଜାଣା ବିଡ଼ାଟି ଇୟାରିୟତ ଜୀହୁଦା ଦରୁଗାଗାସି ରଅସି ଜୀସୁଇଁ କାଜା ପୁଜେରାଙ୍ଗା କେୟୁତା ହେରପାଲି ଏଞ୍ଜାରିତାଣା ହାଚେସି । ୧୧ ଏଞ୍ଜାରି ଏଦାଆଁ ୱେଞ୍ଜାନା ରାହଁ ଆଚେରି, ଇଞ୍ଜା ଏଞ୍ଜାଣାକି ଗାକାୟାଁ ହାହାଲି ଆଞ୍ଜିଚେରି, ଏମାଟିଏ ଏଞ୍ଜାସି ଏଞ୍ଜାଣାଇଁ ଆସିପି କିହାଲି ନେହଁ ପାରୁ ପାରିଚେସି ।

ତାନି ସୀସୁୟାଁ ତଲେ ପିସିଆନି ପାରୁତି ବକ୍ତି

(ମାତି ୨୭:୧୭-୨୫; ଲୁକ ୨୨:୭-୧୪, ୨୧-୨୩; ଜହ ୧୩:୨୧-୩୦)

୧୨ ତାୟୁ ପୁଲାଗୁଣ୍ଡା ଆଣ୍ଡାଆତି ରୁଚି ତିନି ପାରୁତି ମୁଲୁ ଦିନାତା ଆମିନି ନେଡୁ ପିସିଆନି ପାରୁତି ମେଣ୍ଡା ତାଲୁତି ହେରପିଆନେ, ଏ ଦିନା ତାନି ସୀସୁୟାଁ ଏଞ୍ଜାଣାଇଁ ୱେଚେରି, “ମାମୁ ହାଜାନା ଆମିନି ଟାୟୁତା ନିଙ୍ଗେତାକି ପିସିଆନି ପାରୁତି ବକ୍ତି କନମି ଇଞ୍ଜାଁ ନାନୁ ଅଣପିମାଞ୍ଜି ?”

୧୩ ଏମ୍ବ୍ରାଟିଏ ଏଝାସି ତାନି ସାସୁୟାଁ ବିଭ୍ରାଟି ରିଆରାଇଁ ଏଲେଇଞ୍ଜା ପାଣ୍ଡିତେସି, “ମୀରୁ ଗାଡ଼ାତା ହାକୁ ଇଞ୍ଜା ଏୟୁ ଡ଼କା ଅହିମାନି ରଅସି ମିଙ୍ଗେ ବେଟାଆୟାନେସି; ଏଝାଣି କ୍ରେଟ କ୍ରେଟ ହାକୁ; ୧୪ ଏଝାସି ଆମିନି ଇଜ ହଡ଼ନେସି, ଏ ଇଲୁ ଗାଗାଣାଇଁ ଖେଞ୍ଜୁ, ‘ଗୁରୁ ଖେଞ୍ଜିମାଞ୍ଜାନେସି, ନାନୁ ନା ସାସୁୟାଁ ତଲେ ଆମିନି ଟାୟୁତା ପିସ୍ପିଆନି ପାରୁତି ବକ୍ତି କିହାଲି ଆନେ ଏ ବାକ୍ତା ଆମିନାୟି ?’ ୧୫ ଏଚେଟିଏ ଏଝାସି ମିଙ୍ଗେ ନେହୁଁକିଁ ତିୟାରା ଆହାମାନି ଲାକନି ପାରୁତି ର କାଜା ବାକ୍ତା ତସ୍ତାନେସି; ଏମ୍ବ୍ରାଆଁ ମାଙ୍ଗେତାକି ରାନ୍ଦା ଖାଜାକୁ ।”

୧୬ ଏମ୍ବ୍ରାଟିଏ ସାସୁୟାଁ ହାଜାନା ଗାଡ଼ାତା ହଡ଼ଚେରି, ଇଞ୍ଜା ଏଝାସି ଏଝାରାଇଁ ଏନିକିଁ ଖେସାମାଚେସି, ଏଲେକିଁ ମେସାନା ପିସ୍ପିଆନି ପାରୁତି ବକ୍ତି ଖାଜିତେରି ।

୧୭ ମିଡ଼ଅଲ୍ଲା ଆହାଲିଏ ଜାସୁ ବାରଜାଣା ସାସୁୟାଁ ତଲେ ଖାଡ଼େସି । ୧୮ ଏଝାରି କୁଗାନା ରାନ୍ଦା ତିଞ୍ଜି ମାଗାଟି ଜାସୁ ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀ ବିଭ୍ରାଟି ରଅତେରି ନାଙ୍ଗେ ସାତୁ କେୟୁତା ହେରପାଦେରି ।”

୧୯ ଏମ୍ବ୍ରାଟିଏ ଏଝାରି ଦୁକୁ ଆହାନା ରଅ ରଅରି ଏଝାଣାଇଁ ଖେଞ୍ଜାଲି ମାଟୁହେରି, “ନାନୁ ଏଝାତେସି କି ?”

୨୦ ଜାସୁ ଏଝାରାଇଁ ଏଲେଇଚେସି, “ବାରଜାଣା ବିଭ୍ରାଟି ରଅସି, ଆମ୍ବାଆସି ନା ତଲେ ସାଡ଼ୁଝାତା କେୟୁ ମେଡ଼ିହି ମାନେସି । ୨୧ ମାଣସି ମାଟୁଏଣା କାତା ଏନିକିଁ ରାସ୍ତିକିଁ ଆହାମାନେ, ଏଲେକିହୁଁ ଏ ହାନେସି ସାତା, ସାମା ଆମିନି ଲକୁ ଡାଣାଟି ମାଣସି ମାଟୁଏସି ସାତୁ କେୟୁତା ହେରପିଆନେସି, ଆୟଡା ଏଝାଣି ଡ଼ଣ୍ଡ ! ଏ ଲକୁତି ଜାର୍ନା ଆହାହିଲ୍ଲାଆତିହୁଁ ଏଝାଣାକି ନେହେଁ ଆଡ଼େମା ।”

ପ୍ରବୁତି ବକ୍ତି

(ମାତି ୨୭:୨୭-୩୦; ଲୁକ ୨୨:୧୪-୨୦; ୧କର ୧୧:୨୩-୨୫)

୨୨ ଏଝାରି ତିଞ୍ଜି ମାଗାଟି ଜାସୁ ରୁଟି ଅହାନା ମାହାପୁରୁଇଁ ଜହରା କିହାନା ଏଦାଆଁ ଡ଼ିକହା ହାହାନା ଏଲେଇଚେସି, “ଅଦୁ ତିଞ୍ଜୁ, ଇଦି ନା ଆଙ୍ଗା ।”

୨୩ ଇଞ୍ଜା ଏଝାସି ଗହନି ସଲ୍ଲା ଆସାନା ମାହାପୁରୁଇଁ ଜହରା କିହାଁ ଏଝାରାକି ହାତେସି, ଇଞ୍ଜା ବାରେଜାଣା ଏଦାଆଁ ଗସ୍ତେରି । ୨୪ ଇଞ୍ଜାଁ ଜାସୁ ଏଝାରାଇଁ ଏଲେଇଚେସି, “ଆମିନି ରାକ୍ତିମାନା ନେତେରି ହାଚେକା ଲକୁଡାକି ଖାଙ୍ଗାମାନେ, ଇଦି ଏ ନା ନେତେରି । ୨୫ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମିନି ଦିନା ମାହାପୁରୁଟି ରାକ୍ତିତା ପୁଞ୍ଜି କିହୁଁ ଅଞ୍ଜୁରି ପାଡ଼େୟିତି ରାସା ଗହଇଁ ଏ ଦିନା ପାଡ଼େକା ଇଦାଆଁ ଅଡ଼େ ନାନୁ ଏଚେଲା ଗହଅଁ ।”

୨୬ ଇଞ୍ଜାଁ ଏଝାରି ଜହରା ପାରୁ ପାଡ଼ିତି ତାୟୁ ଜାତ ହରୁତା ହଡ଼ା ହାଚେରି ।

ପିତର ଜାସୁଇଁ ପୁଞ୍ଜାହିଲଅଁ ଇନି କାତା

(ମାତି ୨୭:୩୧-୩୫; ଲୁକ ୨୨:୩୧-୩୪; ଜହ ୧୩:୩୬-୩୮)

୨୭ ଏଚିଚେଲା ଜାସୁ ଏଝାରାଇଁ ଏଲେଇଚେସି, “ମୀରୁ ବାରେ ପିସା ହାଜାଦେରି, ଇଚିହୁଁ ରାସ୍ତିକିଁ ଆହାମାନେ, ନାନୁ ମେଣ୍ଡା ଗଡ଼ୁଲୁଁ ପାୟିଇଁ ଇଞ୍ଜାଁ ମେଣ୍ଡାୟାଁ ଆଲାରା ଆହାହାନୁ । ୨୮ ଏସାମା ନାନୁ ହାହାନା ଖେଣ୍ଡେ ନିଙ୍ଗିତି ତାୟୁ ମୀ ନକିତା ଗାଲିଲିତା ହାଇଁ ।”

୨୯ ଏମ୍ବ୍ରାଟିଏ ପିତର ଏଲେଇଚେସି, “ବାରେଜାଣା ପିସା ହାଜାନେରି ନାନୁ କଡ଼େ ନିଙ୍ଗେ ଏଚେଲା ପିସ୍ପିଆଁ ।”

୩୦ ଜାସୁ ପିତରଇଁ ଏଲେଇଚେସି, “ନାନୁ ନିଙ୍ଗେ ସାତା ଖେସିମାଞ୍ଜାଇଁ, ନାଞ୍ଜୁ ଇ ଲାଆଁୟାଁ କୟୁ ରୀ ଦେବା କେଣ୍ଡାଆ ମାନାଟିଏ, ନାନୁ ଏଝାଣାଇଁ ପୁଞ୍ଜାହିଲଅଁ ଇଞ୍ଜାଁ ତାନିପାଲି ଏଲେଇଞ୍ଜି ।”

୩୧ ସାମା ପିତର ଆଡ଼ୁଝା ତଲେ ଏଲେଇଚେସି, “ନାଙ୍ଗେ ନୀ ତଲେ ହାହାଲି ଆଡ଼ି ଜିକେଏ ନାନୁ ନିଙ୍ଗେ ଏଚେଲା ପୁଞ୍ଜାହିଲଅଁ ଇଞ୍ଜାଁ ।” ଇଞ୍ଜାଁ ବାରେଜାଣା ଜିକେଏ ଏଲେଇଚେରି ।

ଜାସୁ ଗେଡ଼ସିମନିତା ପ୍ରାଡ଼ାନା କିନାୟି

(ମାତି ୨୭:୩୬-୪୭; ଲୁକ ୨୨:୩୯-୪୭)

୩୨ ତାୟୁ ଏଝାରି ଗେଡ଼ସିମନି ଇନି ର ଟାୟୁତା ଖାଡ଼େରି, ଇଞ୍ଜାଁ ଜାସୁ ତାନି ସାସୁୟାଁଇଁ ଏଲେଇଚେସି, “ନାନୁ ପ୍ରାଡ଼ାନା କିହିମାନି ପାଡ଼େକା ଇମ୍ବ୍ରାଆଁ କୁଗାନା ମାଞ୍ଜୁ ।” ୩୩ ଇଞ୍ଜାଁ ଏଝାସି ପିତର, ଜାକୁବ ଅଡ଼େ ଜହନଇଁ ତାନିତଲେ ଅଡ଼େସି । ଏଝାସି ହାଚେକା ଦୁକୁତି କସ୍ତ ତାକି କିଲିବିଲି ଆଡ଼େସି । ୩୪ ଏଚେଟିଏ

☆ ୧୪:୨୮ ୧୪:୨୮ ମାତି ୨୮:୧୭

ଜୀମୁ ଏଝାରାଇଁ ଏଲେଇଚେସି, “ନା ଜୀମୁ ହାନିଲେହେଁ ହାରେକା କିଲିବିଲି ହଡ଼ିମାଞ୍ଜାନେ; ମୀରୁ ଇମ୍ବାଆଁ ତେଝିଏଲାନା କାଡ଼ାମାଞ୍ଜୁ ।”

୩୫ ଜୀମୁ ନକିତା ହାଜାନା ବୁମିତା ମୁନୁ କୁଡିଚେସି, ଅଡ଼େ ଆହାଲି ଆଡ଼ିତିହଁ, ଏ ଦୁକୁ ଏଝାଣି ତାଣାଟି ଏନିକଁ ହେକ ଆନେ, ଏଦାଆଁତାକି ପ୍ରାଡ଼ାନା କିଚେସି । ୩୬ ଇଞ୍ଜା ଜୀମୁ ଏଲେଇଚେସି, “ଆଡ଼ା, ନାନୁ ବାରେଏ କିହାଲି ଆଡ଼ିଦି; ଈ କସୁ ବାଦା ନା ତାଣାଟି ହେକ କିମୁ; ଆଡ଼ିଜିକେଏ ନା କାତା ଆଏ ନୀ କାତେଏ ଆପେ ।”

୩୬ ଇଞ୍ଜା ଏଝାସି ଝାହାନା ସୀମୁୟାଁ ଇଦା କିତାଣି ମେସ୍ତେସି, ଇଞ୍ଜା ପିତରଇଁ ଏଲେଇଚେସି, “ସିମନ ନାନୁ ତୁରିତିକି ? ଗାଡ଼େକା ଜିକେଏ କାଡ଼ାଲି ଆଡ଼ାଆତେରି ? ୩୭ ଏଦାଆଁତାକି କାଡ଼ାନା ପ୍ରାଡ଼ାନା କିମୁ; ଏନିକଁ ମୀରୁ ପାନ୍ଦାତା ହେରଅତେରି, ମନ୍ ମାନେ ସାତା, ଆଜ୍ଞାତା ବାଡ଼ୁଲୁ ହିଲେଏ ।”

୩୭ ଏଝାସି ଅଡ଼େ ଝେଣ୍ଡେ ହାଜାନା ତଲିଡିଲେହେଁ ପ୍ରାଡ଼ାନା କିଚେସି । ୪୦ ଅଡ଼େ ଝେଣ୍ଡେ ଝାହାନା ଏଝାସି ଏଝାରାଇଁ ଇଦା କିହାମାନାଣି ମେସ୍ତେସି, ଇଚିହଁ ଏଝାରି କାଣକା ପଜ୍ଞି ଆହିମାତୁ, ଇଞ୍ଜା ଏଝାରି ଏଝାଣାଇଁ ଏନାଆଁ ଜଲିନେରି ପୁଞ୍ଜାଲି ଆଡ଼ାଆତେରି ।

୪୦ ଜୀମୁ ତାନି ଦେବା ଝାହାନା ସୀମୁୟାଁଇଁ ଏଲେଇଚେସି, “ମୀରୁ ଗାଡ଼େକା ତୁରାନା ଜମାଦୁ; ହାରେକା ବେଲା ଆଡ଼େୟିଏ, ଏ ବେଲା ଏଗାଝାହିମାନେ; ମେହଦୁ ମାଣସି ମୀରଏସି ସାତୁୟାଁ କେମୁତା ହେରପି ଆହିମାନେସି । ୪୧ ନିଜାଦୁ, ମାର ହାନ, ମେହଦୁ ଆମ୍ବାଆସି ନାଜେ ସାତୁୟାଁ କେମୁତା ହେରପାନେସି ଏଝାସି ଏଗାଝାଡ଼େସିଏ ।”

ଜୀମୁ ସାତୁ କେମୁତା ହେରପି ଆନାୟି
(ମାତି ୨୭:୪୭-୫୬; ଲୁକ ୨୨:୪୭-୫୩; ଜହ ୧୮:୩-୧୨)

୪୩ ଏ ଦେବୁଣିଏ ଜୀମୁ ଝେସିମାଟି ବେଲାତା, ବାରଜାଣା ବିତ୍ରାଟି ଜୀମୁଦା ଦରୁଗାଗାସି ରଅସି ଇଞ୍ଜା ତାନିତଲେ କାଜା ପୁଜେରାଜ୍ଞା, ମେରା ପୁନାରି ଇଞ୍ଜା ଲକୁଡି କାଜାରି ତାଣାଟି କାଣ୍ଡା ଟେଜ୍ଞା ଆସାନା ଝାଡ଼େରି । ୪୪ ଜୀମୁଇଁ ସାତୁୟାଁ କେମୁତା ହେରପିନାସି ଏଝାରାଇଁ ଈ ସିନା ଝେସାମାଚେସି, “ନାନୁ ଆମ୍ବାଆରାଇଁ ନଣ୍ଡିଇଁ ଏଝାସିଏ ଏଝାସି । ଏଝାଣାଇଁ ଦସାନା ଜାଗ୍ରାତା ତଲେ ଅଦୁ ।”

୪୫ ଇଞ୍ଜା ଏଝାସି ଏ ଦେବୁଣିଏ ଏଝାଣି ତାଗେ ହାଜାନା, “ଏ ଗୁରୁ” ଇଞ୍ଜାନା ଏଝାଣାଇଁ ନଣ୍ଡିଚେସି । ୪୬ ଏମ୍ବାଟିଏ ଏଝାରି ଏଝାଣାଇଁ ଆସାନା ଦସା ଅଡ଼େରି । ୪୭ ସାମା ତାଗେ ନିଚାମାଟି ଲକୁ ବିତ୍ରାଟି ରଅସି କାଣ୍ଡା ହପୁହେସି ଇଞ୍ଜା କାଜା ପୁଜେରା ହଲେଏଣା କିୟଁ ଦୁାଡ଼େସି । ୪୮ ଜୀମୁ ଏଝାରାଇଁ ଏଲେଇଚେସି, “ସରୁଇଁ ଆସାଲି ହାନିଲେହେଁ କାଣ୍ଡା ଅଡ଼େ ଟେଜ୍ଞା ଆସାନା ମୀରୁ ନାଜେ ଆସାଲି ଝାଡ଼େରି । ୪୯ ନାନୁ ବାରେଦିନା ମୀ ତଲେ ପ୍ରାଡ଼ାନା ଇଲୁତା ମାଞ୍ଜାନା ଜାପୁହି ମାଞ୍ଜାତେସି, ସାମା ମୀରୁ ନାଜେ ଆସାଆତେରି; ସାମା ଦାମୁ ପିଡିତି ରାସକି ଆଡ଼ି ବଲୁ ଏନିକଁ ସାତା ଆନେ, ଏଦାଆଁତାକି ଈ ବାରେ ଆହିମାନେ ।”

୫୦ ଏଚିବେଲା ବାରେଜାଣା ସୀମୁୟାଁ ଏଝାଣାଇଁ ପିସାନା ହାଚେରି ।

୫୧ ର ଦାଂଗଣା କକାସି ର ହିମ୍ବିରି ପିଡ଼ାହାଁ ଜୀମୁ ଜେଟ ଜେଟ ହାଜିମାଚେସି; ଏଝାରି ଏଝାଣାଇଁ ଆସାଲି ହାଜାଲିଏ, ୫୨ ଏଝାସି ଏ ପାଡ଼ାଡ଼ା ହିମ୍ବିରି ପିସାନା ଝାରୁଇ ଆଜ୍ଞାଟି ହଟାତୁସ୍ତେସି ।

ଜୀମୁଇଁ ବେରଣିମାଣ୍ଡାତା ନାହାଁୟି କିନାୟି
(ମାତି ୨୭:୫୭-୬୮; ଲୁକ ୨୨:୫୪-୫୫, ୬୩-୭୧; ଜହ ୧୮:୧୩-୧୪, ୧୯-୨୪)

୫୩ ତାମୁ ଏଝାରି ଜୀମୁଇଁ କାଜା ପୁଜେରା ନକିତା ଅଡ଼େରି, ଇଞ୍ଜା କାଜା ପୁଜେରା, ଲକୁଡି କାଜାରି ଅଡ଼େ ମେରା ପୁନାରି ବାରେ ଝାହାନା ରୁଣ୍ଡା ଆଡ଼େରି । ୫୪ ପିତର ହେକ ମାଞ୍ଜାନା ଏଝାଣି ଜେଟ ଜେଟ କାଜା ପୁଜେରା ଆଂଗେଣି ବିତ୍ରା ହାଚେସି ଇଞ୍ଜା ଜାମାନାଜ୍ଞା ତଲେ କୁଗାନା ହିରୁ କେରୁଞ୍ଜି ମାଚେସି । ୫୫ ଏମ୍ବାଟିଏ କାଜା ପୁଜେରାଜ୍ଞା ଇଞ୍ଜା ବେରଣି ମାଣ୍ଡାଟି ବାରେଜାଣା ଜୀମୁଇଁ ପାୟାଲି ଏଝାଣି କପାଟି ସାକିୟାଁ ପାରିଚେରି, ସାମା ଏନି ଦହ ବେଟାଆଆତେରି; ୫୬ ଇଚିହଁ ହାରେକା ଏଝାଣି କପାଟି ମିଚି ସାକିୟାଁ ହାଟି ଜିକେଏ ଏଝାରି ହାଟି ସାକି ଆଣ୍ଡାଆତେ ।

୫୬ ତାମୁ ଏଚରଜାଣା ହଟାନା ଏଝାଣି କପାଟି ମିଚି ସାକି ହାହାନା ଏଲେଇଚେରି, ୫୮ “ମାମୁ ଛୁଝାଣାଇଁ ଈ କାତା ଝେସିମାଚାଣି ଝେଞ୍ଜାମାନମି, ନାନୁ ଈ କେମୁଡି କେପିଡି ପ୍ରାଡ଼ାନା ଲକୁଡି ଡିକହାନା ତାନିଦିନା ବିତ୍ରା ଅଡ଼େ ମାଣସି କେପାଆଡି ପ୍ରାଡ଼ାନା ଇଲୁ କେପିଇଁ । ୫୯ ସାମା ଏମ୍ବାଆଁ ଜିକେଏ ସାକି ଆଣ୍ଡାଆତେ ।”

☆ ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭

୭୦ ଏତେଟିଏ କାଳା ପୂଜେରା ମାଦିଏ ନିଚାନା ଜୀସୁଇଁ ଝେରେସି, “ନୀ କପାଟି ଇଝାରି ଆମିନି ସାକ୍ତି ହାହିମାନେରି, ଝେଣ୍ଡେ ଜଲ୍ଲାଲି ଏନି କାତା ହିଲେଏ କି ?”

୭୧ ସାମା ଏଝାସି ପାଲେଏ ଆହାନା ଏନି କାତା ଜଲ୍ଲାଆତେସି, କାଳା ପୂଜେରା ଅଡ଼େ ଝେଣ୍ଡେ ଏଝାଣାଇଁ ଝେରେସି, “ନୀନୁ କି ମାନିଗାଟି ମାହାପୁରୁ ମୀରୁଏଣାତି କ୍ରୀସ ?”

୭୨ ଜୀସୁ ଏଲେଇରେସି, “ନୀନୁ ଏଝାତେସି, ମୀରୁ ମାଣସି ମୀରୁଏଣାଇଁ ବାଡ଼ୁୟୁଗାଟି ଚିଝନିଝାକି କୁଗାମାନାଣି ମେହ୍‌ଦେରି ଇଞ୍ଜାଁ ହାୟୁ ଦୁହାଟି ଝେଣ୍ଡେ ଝାନାଣି ମେହ୍‌ଦେରି ।”

୭୩ ଏତେଟିଏ କାଳା ପୂଜେରା ତାନି ହିମ୍‌ଗିରି ଗେସାନା ଏଲେଇରେସି, “ମାଙ୍ଗେ ଅଡ଼େ ଏନି ସାକ୍ତିୟାଁ ଲଡ଼ା ହିଲେଏ । ୭୪ ମୀରୁ ମାହାପୁରୁ ନିନ୍ଦା ଝେରେରି: ମୀ ଅଣପୁ ଏନାୟି ?”

ଏମ୍‌ଗାଟିଏ ବାରେଜାଣା ଏଝାସି ହାନି ତଣ୍ଡ ବେଟାଆପେସି ଇଞ୍ଜାଁ ଏଲେଇରେରି ।

୭୫ ଇଞ୍ଜାଁ ଆମ୍ବା ଆମ୍ବାଆରି ଏଝାଣିଲାକ ହୁପିତେରି ଇଞ୍ଜାଁ ଏଝାଣି କାଣକା ପଜାନା ଏଝାଣାଇଁ ଝେଟାନା ଝେରେରି, “ମାହାପୁରୁ ଅଣପୁଟି ବଲୁ ଝେହ୍‌ନାତି ଆମ୍ବାଆସି ନିଙ୍ଗେ ଝେତାତେସି, ଝେସ୍‌ୟାମ୍ !” ଜାମାନାଙ୍ଗା ଜିକେଏ ଆସାନା ସାପଡ଼ା ଝେଟିହ୍ ଅଡ଼େରି ।

ପିତର ଜୀସୁଇଁ ପୁଞ୍ଜାହିଲଅଁ ଇନାୟି

(ମାତି ୨୭:୨୯-୭୫; ଲୁକ ୨୨:୫୭-୭୨; ଜହ ୧୮:୧୫-୧୮, ୨୫-୨୭)

୭୬ ଏମ୍‌ଗାଟିଏ ପିତର ଆଂଗେଣିତା ମାଟିବେଲାତା କାଳା ପୂଜେରା ହଚ୍‌ଲେଣି ଝାହାନା ପିତର ହିରୁ କେରୁଞ୍ଜି ମାଟାଣି ମେସ୍ତେ, ୭୭ ଇଞ୍ଜାଁ ପିତରଇଁ ସିନିକିହାନା ଏଲେଇରେ, “ନୀନୁ ଜିକେଏ ନାଜୁରିତ ଜୀସୁତଲେ ମାଟି ।”

୭୮ ସାମା ଏଝାସି, ନୀନୁ ଏଝାଣାଇଁ ପୁଞ୍ଜାହିଲଅଁ, ନୀନୁ ଏନାଆଁ ଝେସିମାଞ୍ଜି ନୀନୁ ପୁଞ୍ଜିହିଲଅଁ, ତାୟୁ ଏଝାସି ଆଂଗେଣି ଦୁଝେରିତା ହାରେସି, ରେଟୁଏ କୟୁ କେଣ୍ଡେ ।

୭୯ ଇଞ୍ଜାଁ ଏ ହଚ୍‌ଲେଣି ଏଝାଣାଇଁ ମେସାନା ଦାରିତା ନିଚାମାନି ଲକୁଣି ଅଡ଼େ ଝେଣ୍ଡେ ଝେସାଲି ମାଟ୍‌ହେ, “ଇଝାସି ଏଝାରି ବିତ୍ତାଟି ରଅସି ।”

୮୦ ସାମା ଏଝାସି ଅଡ଼େ ଝେଣ୍ଡେ ପୁଞ୍ଜାହିଲଅଁ ଇରେସି, ଅଡ଼େ ଗାଡ଼େକା ଆହାଲିଏ ଦାରିତା ମାଟି ଲକୁ ପିତରଇଁ ଏଲେଇରେରି, “ନୀନୁ ସାତେଏ ଏଝାରି ବିତ୍ତାଟି ରଅତି, ଇଟିହ୍ ନୀନୁ ର ଗାଲିଲି ଲକୁଟି ।”

୮୧ ସାମା ଏଝାସି ପାର୍‌ମାଣା ଇଞ୍ଜାଁ ବାକା ଇଟାନା ଏଲେଇରେସି, ମୀରୁ ଆମିନି ଲକୁଟି କାତା ଝେସିମାଞ୍ଜେରି, ନୀନୁ ଏଝାଣାଇଁ ପୁଞ୍ଜାହିଲଅଁ ।

୮୨ ଏ ଦେବୁଣିଏ କୟୁ ରୀ ଦେବା କେଣ୍ଡେ । ଏମ୍‌ଗାଟିଏ କୟୁ ରୀ ଦେବା କେଣ୍ଡେଆ ନଚ୍‌କେଏ ନୀନୁ ନାଙ୍ଗେ ତାନି ଦେବା ନୀନୁ ପୁଞ୍ଜାହିଲଅଁ ଇଞ୍ଜାଦି, ଆମିନି କାତା ଜୀସୁ ପିତରଇଁ ଏଲେଇଞ୍ଜାମାରେସି, ଏଦି ଏଝାଣି ମନତା ଝାଡ଼େ, ଇଞ୍ଜାଁ ଏଝାସି ଏ କାତା ଅଣପିହ୍ ହାରେକା ଡ଼ାହାଲି ମାଟ୍‌ହେସି ।

୧୫

ପିଲାତ ନକିତା ଜୀସୁ

(ମାତି ୨୭:୧-୨, ୧୧-୧୪; ଲୁକ ୨୩:୧-୫; ଜହ ୧୮:୨୮-୩୮)

୧ ଲାଜୁ ଝେୟାଲିଏ ବେରଣି ମାଣ୍ଡାତାରି, ଇଟିହ୍ ଲକୁଟି କାଜାରି ଇଞ୍ଜାଁ ମେରା ପୁନାରି ତଲେ କାଳା ପୂଜେରାଙ୍ଗା ବେରଣି କିହାନା କାତା ଆଡ଼େରି । ଜୀସୁଇଁ ଦସ୍‌ପା ଅହାନା ପିଲାତ କେୟୁତା ହେରୁପିତେରି । ୨ ପିଲାତ ଏଝାଣାଇଁ ଝେରେସି, “ନୀନୁ କି ଜୀହୁଦି ଲକୁଟି ରାଜା ?”

ଜୀସୁ ଏଝାଣାଇଁ ଏଲେଇରେସି, “ନୀନୁଏ ଏଲେ ଇଞ୍ଜିମାଞ୍ଜି ।”

୩ ଇଞ୍ଜାଁ କାଳା ପୂଜେରାଙ୍ଗା ଜୀସୁ କପାଟି ହାରେକା କାତାୟାଁ ଝେସ୍ତେରି । ୪ ଏମ୍‌ଗାଟିଏ ପିଲାତ ଅଡ଼େ ଝେଣ୍ଡେ ଏଝାଣାଇଁ ଝେରେସି, “ନୀନୁ ଏନାଆଁତାକି ଝେସିମାଞ୍ଜଅତି ? ମେହ୍‌ମୁ ଇଝାରି ନୀ କପାଟି ହାରେକା କାତା ଜଲ୍ଲାମାନେରି ।”

୫ ସାମା ଜୀସୁ ଏନି ହାଡ଼ା ଜଲ୍ଲାଆତେସି, ଏତେଟିଏ ପିଲାତ କାବା ଆଡ଼େସି ।

ଜୀସୁ ହାନି ତଣ୍ଡ

(ମାତି ୨୭:୧୫-୨୬; ଲୁକ ୨୩:୧୩-୨୫; ଜହ ୧୮:୩୯; ୧୯:୧୭)

୬ ସାମା ପାର୍‌ ବେଲାତା ଲକୁ ଆମିନି କାୟିଦିତା ମାଟାଣାଇଁ ରାସିମାରେରି, ଏଝାଣାଇଁ ପିଲାତ ଏଝାରି ତାକି ପିସିମାରେସି । ୭ ଆମିନି ଗଡ଼ହା ଗାଟାରି ଗଡ଼ହା ବେଲାତା ଲକୁଣି ପାୟାମାରେରି, ଏଝାରିତଲେ

ବାରବା ଦରୁଗାଟାସି କାନ୍ଦିଦିତା ମାରେସି । ୮ ଏଦାଆଁତାକି ତାନି ମେରା ଲେହେଁ କିହାଲି ପିଲାତଇଁ ବାଡ଼ିମାଲିତେରି । ୯ ଏମାଟିଏ ପିଲାତ ଏଝାରାଇଁ ଏଲେଇଚେସି, “ମୀରୁ ଏନାଆଁ ଅଣପିମାଞ୍ଜେରି ? ନାନୁ ମିଙ୍ଗେତାକି ଜାହୁଦି ଲକ୍ଷୁତି ରାଜାଇଁ ପିସାହିୟାଇଁ ?” ୧୦ ଇଚିହେଁ କାଜା ପୂଜେରାଞ୍ଜା ଏଝାଣାଇଁ ତାହାରା ତଲେ ହେରପାମାଚେରି, ଏଦାଆଁ ଏଝାସି ପୁଚେସି ।

୧୧ ସାମା ଏଝାସି ଏନିକେଁ ଏଝାରି ତାକି ବାରବାଇଁ ପିହନେସି, ଏଦାଆଁତାକି କାଜା ପୂଜେରାଞ୍ଜା ଲକ୍ଷୁଣି ଖେସ୍ତେରି । ୧୨ ସାମା ପିଲାତ ଖେଣ୍ଡେ ଏଝାରାଇଁ ଏଲେଇଚେସି, “ଆତିହେଁ ଆମ୍ବାଆରାଇଁ ଜାହୁଦି ଲକ୍ଷୁତି ରାଜା ଇଞ୍ଜିଁ ମାଞ୍ଜେରି, ଜାସୁଇଁ ନାନୁ ଏନାଆଁ କିଇଁ ?”

୧୩ ଲକ୍ଷୁ ବାରେ କାଲୁଝି ଆହାନା ଏଲେଇଚେରି, “ଏଝାଣାଇଁ ପାସି ଏକଦୁ ।”

୧୪ ଏମାଟିଏ ପିଲାତ ଏଝାରାଇଁ ଖେଚେସି, “ଏନାଆଁତାକି ଏଝାସି ଏନି ଦହ କିହାମାନେସି ?”

ସାମା ଏଝାରି ଗାଡ଼ି କାଲୁଝି ଆହାନା ଏଲେଇଚେରି, “ଏଝାଣାଇଁ ପାସି ଏକଦୁ ।”

୧୫ ଏଚେଟିଏ ପିଲାତ ଲକ୍ଷୁଣି ରାହାଁ କିହାଲି ମନ କିହାନା ଏଝାରି ତାକି ବାରବାଇଁ ପିସ୍ତେସି, ଇଞ୍ଜିଁ ଜାସୁଇଁ ସାଟୁଣି ତଲେ ଖେପି କିହାନା ପାସି ମୁଣ୍ଡାତା ଏକହାଲି ହେରପିତେସି ।

କସ୍କା ଜାସୁଇଁ ନିନ୍ଦାକିହେଁ କାକନାୟି

(ମାତି ୨୭:୨୭-୩୧; ଜହ ୧୯:୨-୩)

୧୬ ଏମାଟିଏ କସ୍କା ଜାସୁଇଁ ଆଂଗେଣିଟି ମେଡ଼ା ଇଲୁ ବିତ୍ରା ଅହାନା ବାରେ କସ୍କାଣି ହାଟାନା ରୁଣ୍ଡା କିତେରି । ୧୭ ଏଝାରି ଏଝାଣାଇଁ ହେୟାଁ ଝାଣା ହିମ୍ବୁରି ହୁଟିକିତେରି ଇଞ୍ଜିଁ ହାପୁକା ଚଟପରି ଆଲାନା ଏଝାଣି ତାୟଁଁ ତୁା ତୁରଝି କିତେରି; ୧୮ ଅଡ଼େ “ଏ ଜାହୁଦି ଲକ୍ଷୁତି ରାଜା ଜହରା” ଇଞ୍ଜିଁ ଏଝାଣାଇଁ ନିନ୍ଦାକିତେରି । ୧୯ ଇଞ୍ଜିଁ ଏଝାରି ର ବାଡ଼ଗା ଆସାନା ଏଝାଣି ତାୟଁଁ ତୁା ଖେତେରି ଇଞ୍ଜିଁ ମେଣ୍ଡୁକୂତାନା ଜହରା କିତେରି । ୨୦ ଏଝାରି ଏଝାଣାଇଁ ଲାଜାକିହେଁ କାକହି ତାୟଁ, ଏ ହେୟାଁ ଝାଣାଗାଟି ହିମ୍ବୁରି ହୁକହା ଅହାନା ତାନି ହିମ୍ବୁରି ହୁଟିକିତେରି । ଇଞ୍ଜିଁ ଏଝାରି ଏଝାଣାଇଁ ପାସି ମୁଣ୍ଡାତା ଏକହାଲି ପାଞ୍ଜାତା ଅଡ଼େରି ।

ଜାସୁଇଁ ପାସି ଏକନାୟି

(ମାତି ୨୭:୩୨-୪୪; ଲୁକ ୨୩:୨୭-୪୩; ଜହ ୧୯:୧୭-୨୭)

୨୧ ☆ଏଚିବେଲ୍ ଆଲେକଜାଣ୍ଡର ଇଞ୍ଜିଁ ରୁପତାମି ଆବା ସିମାନ ଦରୁଗାଟି ର କୁରିଣିୟ ଲକ୍ଷୁ ନାୟଁଟି ଝାହାନା ଏ ଜିରୁଟି ହାଜିମାଚେସି; ଏଝାରି ଏଝାଣାଇଁ ଜାସୁତି ପାସିମୁଣ୍ଡା ଡେକାଲି ବାଲମାତାମି କିତେରି । ୨୨ ଇଞ୍ଜିଁ ଏଝାରି ଏଝାଣାଇଁ ଗଲଗତା ଇଚିହେଁ “ତାୟଁଁ ରୁପା” ଇନି ଗାୟୁତା ତାତେରି । ୨୩ ଇଞ୍ଜିଁ ଏଝାରି ଏଝାଣାଇଁ ପୁଲ୍ଲା ଆଣ୍ଡିତି ଅଞ୍ଜୁରି ରାସା ଗସାଲି ହାଚେରି, ସାମା ଏଝାସି ଏଝାଆଁ ଗହଆଚେସି । ୨୪ ଏଚେଟିଏ ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି, ଇଞ୍ଜିଁ ଆମ୍ବାଆସି ଏନାଆଁ ବେଟା ଆନେସି, ଏଦାଆଁ ପାଦି କିହାନା ତାନି ହିମ୍ବୁରିକା ତାମ୍ବୁ ତାମ୍ବୁ ରାଟି କିହାନା ଅଡ଼େରି । ୨୫ ଦିନା ନ ଗଂଟା ବେଲ୍ଲାତା ଏଝାରି ଏଝାଣାଇଁ ପାସି ମୁଣ୍ଡାତା ଏକହେରି । ୨୬ ଇଞ୍ଜିଁ ଏଝାଣିଲାକ ଇଲେଇଞ୍ଜିଁ ରାସ୍କି ଆହାମାଚେ, “ଇଝାସି ଜାହୁଦି ଲକ୍ଷୁତି ରାଜା ।” ୨୭ ଇଞ୍ଜିଁ ଏଝାଣି ଚିଠିନିଝାକି ରଅଣାଇଁ ଅଡ଼େ ଚେଟ୍ଟିଝାକି ରଅଣାଇଁ, ଇଲେକିହେଁ ରା ସରକାଣି ଏଝାରି ଏଝାଣିତଲେ ପାସି ମୁଣ୍ଡାତା ଏକହେରି । ୨୮ ଏଚେଟିଏ ଦାମ୍ବୁ ପଡ଼ିତି କାତା ସାତା ଆଡ଼େ, ଏଝାସି ପାପୁ ଗାଟାରି ତଲେ ଲେକା କିଝିଆଡ଼େସି ।*

୨୯ ☆ଏ ଜିରୁଟି ହାଜିମାନି ଲକ୍ଷୁ ତାନି ଡାକ୍ତା ଗୁଟକିକିହେଁ ଏଝାଣାଇଁ ନିନ୍ଦାକିହେଁ ଏଲେଇଚେରି, “ଆବା, ମାହାପୁରୁ ଇଲୁଟି ଡିକନାଡି ଇଞ୍ଜିଁ ତାନି ଦିନାଟିଏ ଏଦାଆଁ କେପିନାଡି, ୩୦ ପାସି ମୁଣ୍ଡାଟି ରେଚାଝାହାନା ନିଙ୍ଗେ ଗେଲ୍ପା କତାମ୍ବୁ ।”

୩୧ କାଜା ପୂଜେରାଞ୍ଜା ଜିକେଏ ଏଲେକେଁ ମେରାପୁନାରି ତଲେ ତାମ୍ବୁ ତାମ୍ବୁ ଏଝାଣାଇଁ ନିନ୍ଦାକିହେଁ ଏଲେଇଚେରି, “ଏଝାସି ଅର ଲକ୍ଷୁଇଁ ଗେଲ୍ପିତେସି, ସାମା ତାଙ୍ଗେ ଗେଲ୍ପାଲି ଆଡ଼ିହିଲଅସି । ୩୨ ଇସ୍ରାୟେଲତି ରାଜା ଜ୍ରାସୁତି ଇଚିହେଁ ଦେବୁଣିଏ ପାସି ମୁଣ୍ଡାଟି ରେଚା ଝାମ୍ବୁ, ଏନିକେଁ ମାମ୍ବୁ ଏଦାଆଁ ମେସାନା ନାମାନମି ।”

ଇଞ୍ଜିଁ ଆମିନି ଗାଟାଗାଇଁ ଜାସୁତଲେ ପାସି ମୁଣ୍ଡାତା ଏକହା ମାଚେରି, ଏଝାରି ଜିକେଏ ଏଝାଣାଇଁ ନିନ୍ଦାକିତେରି ।

☆ ୧୫:୨୧ ୧୫:୨୧ ରମି ୧୭:୧୩ * ୧୫:୨୮ ୧୫:୨୮ ଜିସାୟ ୫୩:୧୨ କଚେକା ସାଡ଼େପୁରିତା ଇ କାତା ରାସ୍କି ଆହାହିଲେଏ ।
☆ ୧୫:୨୯ ୧୫:୨୯ ମାର୍କି ୧୪:୫୮; ଜହ ୨:୧୯

ଜୀସୁ ହାନାୟି

(ମାତି ୨୭:୪୫-୫୬; ଲୁକ ୨୩:୪୪-୪୯; ଜହ ୧୯:୨୮-୩୦)

୩୩ ବାର ଗଂଟା ବେଲା ଏ ଦେସା ଆନ୍ଦେରି ଆହାନା ତାନି ଗଂଟା ପାତେକା ଡ଼ୟିତେ । ୩୪ ତାନି ଗଂଟା ବେଲାତା ଜୀସୁ କାଜା ହାଡ଼ାତଲେ ହାଟାନା ଏଲେଇଚେସି, “ଏଲହି ଏଲହି ଲାମା ସାବକ୍ତାନି ?” ଇଚିହୁଁ “ଏ ନା ମାହାପୁରୁ ଏ ନା ମାହାପୁରୁ ନୀନୁ ନାଜେ ଏନାଆଁତାକି ପିସୁତି ?”

୩୫ ଈ ହାଡ଼ା ଖେଞ୍ଜାନା ଦାରିତା ନିଗମାନି ଲକୁ ଆମ୍ବା ଆମ୍ବାଆରି ଏଲେଇଚେରି, “ମେହୁଦୁ ଏଝାସି ଏଲିୟଇଁ ହାଡ଼ି ମାନେସି ।” ୩୬ ଇଞ୍ଜା ରଅସି ହଚିହୁଁ ହାଜାନା ର ଡ୍ରାଃଆଲି ପୁଲ୍ଲା ଅଙ୍ଗୁରି ରାସାତା ମେଡ଼ହାନା ଏଦାଆଁ ର ବାଡ଼ଗାତା ରୁପାନା ଏଝାଣାକି ଗସାଲି ହାହାନା ଏଲେଇଚେସି, “ହେଶୁ ଏଲିୟ ଇଝାଣାଇଁ ରେଲ୍ପାଲି ଖାହିମାନେସି କି ଆଏ ସିନିକିନି ।”

୩୭ ସାମା ଜୀସୁ କାଜା ଗିୟାଁତଲେ ଜଳାନା ହାଡ଼େସି ।

୩୮ ଇଞ୍ଜା ମାହାପୁରୁ ଇଲୁତା ଲେତାମାନି ହିମ୍ବୁରି ଲାକଟିଏ ଡ଼ଇ ପାତେକା ଗେଞ୍ଜାନା ରୀ ବାଗା ଆଡେ । ୩୯ ଏଝାଣି ନକ୍ତିତା ନିଗମାନି ପାସାକଡ଼ି କସ୍କା ମୁହେଁ କାଜାସି ଏଝାଣି ଇଲେଚି ହାଡ଼ାଣି ମେସାନା ଏଲେଇଚେସି, “ସାଡେଏ, ଇଝାସି ମାହାପୁରୁତି ମୀରୁଏସି ମାଡେସି ।”

୪୦ ଏଚେକା ଇୟାସିକା ଜିକେଏ ହେକଟି ସିନିକିହିମାରୁ; ଏଝାସିକା ବିତ୍ରାଟି ମଗଦଲିନି ମରିୟମ, ଉଣା ଜାକୁବ ଇଞ୍ଜା ଜସିତି ଇୟା ମରିୟମ, ଅଡେ ସାଲମି ମାରୁ; ୪୧ ଏଝାସି ଗାଲିଲିତା ମାଗାଟି ଏଝି ଏଝାଣି ଜେତ ହାଜାନା ଏଝାଣି ସେବା କିହିମାରୁ; ଏଝାସିକା ତଲେ ଜିରୁସାଲମତା ଖାହାମାନି ହାରେକା ଇୟାସିକା ସିନିକିହିମାରୁ ।

ଜୀସୁଇଁ ମାହଣି ମାଣ୍ଡାତା ମୁହନାୟି

(ମାତି ୨୭:୫୭-୬୧; ଲୁକ ୨୩:୫୦-୫୬; ଜହ ୧୯:୩୮-୪୨)

୪୨ ଖେଡ଼ା ହାଜିମାଗାଟି, ଏ ଦିନା ତିୟାରା ଆନ୍ଦି ଦିନା ଇଚିହୁଁ ଜମିନି ଦିନାତି ନକ୍ତି ଦିନା ମାଗାକି, ୪୩ ହାରାମାତିୟାତି ଜସେପ ଦରୁଗାଟି କାଜା ବେରଣିମାଣ୍ଡାତି ମାନ୍ଦି ଗାଟାସି ମାଡେସି, ଇଞ୍ଜା ଆନିନିଗାଟାସି ତାନୁଏ ମାହାପୁରୁତି ରାଜି କାଟିମାଡେସି, ଏଝାସି ସାସାତଲେ ପିଲାତ ତାଣା ହାଜାନା ଜୀସୁତି ଆଜ୍ଞା ରାସୁସି । ୪୪ ସାମା ଏଝାସି ହାଡ଼େସିଏ ଈ କାତା ପିଲାତ ଖେଞ୍ଜାନା କାବା ଆଡେସି, ଇଞ୍ଜା ପାସାକଡ଼ି କସ୍କା ମୁହେଁ କାଜାଣାଇଁ ତାଗେ ହାଟାନା ଖେଡେସି, “ଏଝାସି ହାହାନା ହାରେକା ବେଲା ଆଡେୟିଏ ?”

୪୫ ପାସାକଡ଼ି କସ୍କା ମୁହେଁ କାଜାଣି ତାଣାଟି ଏ କାତା ପୁଞ୍ଜାନା ଆଜ୍ଞାତି ଅହାଲି ଜସେପଇଁ ହେଲ ହାଡେସି । ୪୬ ଏଝାସି ର ପାଡ଼ାଡ଼ା ହିମ୍ବୁରି କଡାନା ଏଝାଣାଇଁ ରେପହା ତାଗାନା ଏ ହିମ୍ବୁରି ରୁପିତେସି ଇଞ୍ଜା ହରୁତା କାରହାମାନି ମାଡ଼ହା ମୁହିନି ଚାୟୁତା ଏଝାଣାଇଁ ଇଟାନା ଦୁଝେରିତା ର କାଜା ଖାଲି ଉସି କିଚେରି ।

୪୭ ଏଝାଣାଇଁ ଆମିନି ଚାୟୁତା ଇଡ଼କି ଆହାମାନେ, ଏଦାଆଁ ମଗଦଲିନି ମରିୟମ ଇଞ୍ଜା ଜସି ତାନି ଇୟା ମରିୟମ ମେସାମାରୁ ।



ଜୀସୁ ଖେଣ୍ଡେ ନିଜନାୟି

(ମାତି ୨୮:୧-୮; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାୟାଲିଏ ମଗଦଲିନି ମରିୟମ, ଜାକୁବ ତାନି ଇୟା ମରିୟମ, ଇଞ୍ଜା ସାଲମି ଗାନ୍ଦାଗାଟି ନିହୁଁ କଡ଼ିତୁ, ଏନିକିଁ ଏଝି ହାଜାନା ଜୀସୁ ଆଜ୍ଞାତା ରୁବାଲି ଆଡ଼ିନୁ । ୨ ଏଝି ଖାଗାଟି ମୁଲୁ ଦିନା ଲାଈ ଖେଡ଼ା ହନ୍ଦି ବେଲାତା ମାହଣି ମାଣ୍ଡାତା ହାରୁ । ୩ ଏଝି ତାମ୍ବୁ ତାମ୍ବୁ ଟୁଝେସି ଆହିମାରୁ, “ଆମ୍ବାଆସି ମାଜେତାକି ମାହଣି ମାଣ୍ଡା ଦୁଝେରିତି ଖାଲି ଉସିକିହା ହିୟାନେସି ?” ଏନାଆଁତାକି ଇଚିହୁଁ ଏ ଖାଲି ହାରେକା କାଜାୟି ମାଡେ । ୪ ସାମା ଏଝି ଏମ୍ବାଆଁ ସିନିକିନି ବେଲାତା, ଖାଲି ଉସିକିଝି ଆହାମାଡେ । ୫ ଏଝି ମାହଣି ମାଣ୍ଡାତା ହଡ଼ାନା ଦବଲା ହିମ୍ବୁରି ହୁଟାମାନି ର ଦାଂଗଣେଏଣାଇଁ ଟିଠନିଖାକି କୁଗାମାନାଣି ମେସାନା ହାରେକା କାବାଆଡୁ ।

୬ ଏମ୍ବାଟିଏ ଏଝାସି ଏଝାସିକାଣି ଏଲେଇଚେସି, “ଆଜାଆଦୁ; ମୀରୁ ପାସି ମୁଣ୍ଡାତା ହାହାମାନି ନାକଡ଼ିତ ଜୀସୁଇଁ ପାରିମାଞ୍ଜେରି; ଏଝାସି ନିଜାମାନେସି, ଏଝାସି ଇମ୍ବାଆଁ ହିଲଅସି, ସିନିକିଦୁ ଇମ୍ବାଆଁ ଏଝାଣାଇଁ ଇଟାମାଡେରି । ୭ ସାମା ମୀରୁ ହାଜାନା ତାନି ସାସୁୟାଁ ଇଞ୍ଜା ପିତରଇଁ ଖେହୁଦୁ, ଏଝାସି ମୀ ନକି ନକିତା

☆ ୧୫:୪୦ ୧୫:୪୦ ଲୁକ ୮:୨୩ ☆ ୧୭:୭ ୧୭:୭ ମାତି ୨୭:୩୨; ମାର୍ଚ୍ଚ ୧୪:୬୮

ଗାଳିଲିତା ହାଜିମାନେସି; ଏଝାସି ମିଙ୍ଗେ ଏନିକ୍ ଝେସାମାଞ୍ଜାତେସି, ଏଲେକିହି ଏ ମୀରୁ ଏଝାଣାଲ୍ ଏମ୍ବାଆଁ ମେହ୍‌ଦେରି ।^୮

୮ ଏମ୍ବାଟିଏ ଏଝି ମାହ୍‌ଣି ମାଣ୍ଡାଟି ହରୁ, ଇଚିହି ଏଝି କାବା ଆହାନା ଆଜିତାକି ତୀରରିମାରୁ, ଇଞ୍ଜା ଆମ୍ବାଆରାଲ୍ ଏନାଆଁ ଝେହ୍‌ଆଡୁ* ।

ଜୀସୁ ମଗ୍‌ଦଲିନି ମରିୟମଲ୍ ତଞ୍ଜା ଆନାୟି
(ମାତି ୨୮:୯-୧୦; ଜହ ୨୦:୧୧-୧୮)

୯ ଝାରାତି ମୂଲୁତି ଦିନା ଲାଇସିଏ ଏଝାସି ଝେଣ୍ଡେ ନିଙ୍ଗାନା, ଆମିନିଗାଟାଣି ସାଡାଗଟା ବୁଡୁୟାଁ ପିସ୍‌ପି କିହାମାଚେସି, ଏ ମଗ୍‌ଦଲିନି ମରିୟମନି ତଲିଏ ତଞ୍ଜାଆଡେସି ।^{୧୦} ଏଡି ହାଜାନା ଆମିନି ଗାଟାରି ତାମିତଲେ ମାଚେରି, ଏଝାରାଲ୍ ଝେସ୍ତେ; ଇଚିହି ଏଝାରି ଦୁକୁଟି ଡାହି ମାଚେରି ।^{୧୧} ଜୀସୁ ନୀତାମାନେସି, ଇଞ୍ଜା ଏଡାନି ତଞ୍ଜା ଆହାମାନେସି, ଇଦାଆଁ ଝେଞ୍ଜାନା ଏଝାରି ନାମାଆତେରି ।

ଜୀସୁ ରୀ ସୀସୁୟାଁଣି ତଞ୍ଜା ଆନାୟି
(ଲୁକ ୨୪:୧୩-୩୫)

୧୨ ଏଚେଟିଏ ଇ ବାରେ ଆଡି ତାୟୁ ଏଝାରି ବିତ୍ରାଟି ରୀ ସୀସୁୟାଁ ର ନାୟୁଡା ହାଜିମାଚାଟି ଏଝାସି ଅରୁ ଝାଣା ତଲେ ଏଝାରାଲ୍ ତଞ୍ଜାଆଡେସି,^{୧୩} ଇଞ୍ଜା ଏଝାରି ହାଜାନା ଏଡକା ତାରାଲ୍ ଝେସ୍ତେରି; ସାମା ଏଝାରି କାତା ଜିକେଏ ଏଝାରି ନାମାଆତେରି ।

ଜୀସୁ ଏଗାର ଜାଣା ସୀସୁୟାଁଲ୍ ତଞ୍ଜା ଆନାୟି
(ମାତି ୨୮:୧୭-୨୦; ଲୁକ ୨୪:୩୬-୪୯; ଜହ ୨୦:୧୯-୨୩; କାମା ୧:୬-୮)

୧୪ ଏମ୍ବାଟିଏ ଏଗାର ଜାଣା ସୀସୁୟାଁ ତିଞ୍ଜାଲି କୁଗାମାଚାଟି ଜୀସୁ ଏଝାରାଲ୍ ତଞ୍ଜାଆଡେସି ଇଞ୍ଜା ଏଝାରି ନାମିହିଲାଆତାକି ଇଞ୍ଜା ହିୟାତି ଆଡ଼ଝାତାକି ଏଝାରାଲ୍ ଦାକା ହାଡେସି, ଇଚିହି ଆମିନି ଗାଟାରି ଏଝାଣି ଝେଣ୍ଡେ ନିଙ୍ଗିତାଣି ମେସାମାଚେରି, ଏଝାରି କାତା ଏଝାରି ନାମା ହିଲାଆତେରି ।^{୧୫} ଇଞ୍ଜା ଜୀସୁ ଏଝାରାଲ୍ ଏଲେଇଚେସି, “ମୀରୁ ବାରେ ଦାର୍‌ଡିତା ହାଜାନା ବାରେ କୁଡାଟି ଲକୁଡାଣା ନେହି କାରୁ ଝେହ୍‌ଦୁ ।^{୧୬} ଆମ୍ବାଆସି ନାମାନା ବାପ୍ତିସ୍ମା^{୧୬} ଅନେସି ଏଝାସି ଗେଲ୍‌ପି ଆନେସି; ସାମା ଆମ୍ବାଆସି ନାମଅସି ଏଝାସି ତଣ୍ଡ ବେଟାଆନେସି ।^{୧୭} ଇଞ୍ଜା ନାମିନାରାକି ଇ ସିନାୟାଁ ଆନୁ, ଏଝାରି ନା ଦରୁତଲେ ବୁଡୁୟାଁ ପିସ୍‌ପି କିନେରି, ପୁଝିନି ପୁଝିନି ହାଡାତଲେ ଜଲିନେରି,^{୧୮} କେସ୍‌ସାତଲେ ରାସ୍‌କା ଆହ୍‌ନେରି, ଇଞ୍ଜା ହାନ୍ତି ଅସ ଗସ୍ତୁହି ଜିକେଏ ଏଝାରି ଏନାଆଁ ଆଅରି; ଏଝାରି ନଫେରି ଦୁକା ଗାଟାରି ଲାକ କେୟୁ ଇଚିତିହି ଏଝାରି ନେହି ଆନେରି ।”

ଜୀସୁ ଲାକପୁରୁ ଅଝିଆନାୟି
(ଲୁକ ୨୪:୫୦-୫୩; କାମା ୧:୯-୧୧)

୧୯ ଇଲେକିହି ଏଝାରାଲ୍ ବାରେ କାତା ଝେସ୍ତି ତାୟୁ ଜୀସୁ ଲାକପୁରୁ ଅଝିଆହାନା ମାହାପୁରୁତି ଚିଝିନିଝାକି କୁରିତେସି ।^{୨୦} ସାମା ଏଝାରି ହାଜାନା ବାରେଝାକି କାରୁ ଝେସ୍ତେରି, ଇଞ୍ଜା ପ୍ରବୁ ଜୀସୁ ଏଝାରିତଲେ କାମା କିହାନା ତାନି ବାରେ ସିନାୟାଁ ତଲେ ଏଝାରି ଝେକ୍‌ହାମାନାଣି ସାତା ଇଞ୍ଜା ତସ୍ତେସି ।

* ୧୭:୮ ୧୭:୮ ଏଝି ପିଚର ତଲେ ମାତି ବାରେ ଲକୁଡାଣା ଏ କାତା ଝେସ୍ତୁ ୧୭:୨୦ ଇଦାଆଁ ତାୟୁ, ଜୀସୁ ତାନ୍‌ଏ ଜିକେଏ ଏଝାସିକା ତଲେ ସୁଦୁ ଅଡେ କାଲାକାଲାଟି ଗେଲ୍‌ପି ଆନାଣି ଝେକ୍‌ହାଲି ତାକି ଝେଡା ହସ୍ତୁ ଝାକିଟି ଝେଡା ହାନ୍ତି ଝାକି ପାଣିତେସି । † ୧୭:୧୭ ୧୭:୧୭ ମୁଞ୍ଜିନାୟି ☆ ୧୭:୧୯ ୧୭:୧୯ କାମା ୧:୯-୧୧

ଲୁକ ଲିଖିତ ସୁସମାଚାର ଲୁକ ରାଜାମାନି ନେହଁ କାବୁ ମୁଲୁ ହାଡ଼ା

ଲୁକ ରାଜାମାନି ନେହଁ କାବୁତା ଜୀସୁ କ୍ରୀସ୍ତ ଜୀବୁତି କାତା ରାସ୍ତି ଆହାମାନେ । ପୁଃନି ମେରାତି ସାରିଗଟା ନେହଁ କାବୁ ପତିୟା ବିଦ୍ରାଟି ଇଦି ରଣି “ନେହଁ କାବୁ” ଇନେରି । ଇ ବାରେ ପ୍ରବୁ ଜୀସୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡେ ଜହନ ରାଜାମାନେରି । ଲୁକ ଜୀସୁ ମାହାପୁରୁଖାଣି ଏନାଆଁ ଗଟାଓ ଆହାମାନେ ଅଡେ ଜୀସୁ ହାହାନା ଖେଣ୍ଡେ ନିଜିତି ତାୟୁ ଲାକପୁରୁ ହାଚାଣି ଇଞ୍ଜା ତାମି ସୀୟୁୟାଁ ଏନିକଁ କାମା କିତେରି ଏ ବାରେ ରାଜାମାନେସି । ଏ ପତିଇଁ “ପାଣ୍ଡୁଓ ଆହାମାନାରି କାମା” ଇଞ୍ଜା ଇନେରି । ଇ ପତି ଏଡେତା ରାସ୍ତି ଆହାମାନେ, ଅଡେ ଆନିନି ଚାୟୁତା ରାସ୍ତି ଆହାମାନେ, ଏ କାତା ଆମ୍ବାଆସି ନେହଁକଁ ପୁଞ୍ଜାହିଲଅସି, ଇ ପତି ଜୀସୁ କ୍ରୀସ୍ତ ଜାର୍ନା ଆଡ଼ି ୭୨ ବାର୍ଯା ତାୟୁ ରାସ୍ତି ଆହାମାନେ ।

ଇ ପତିତା ଜୀସୁ ଇସ୍ରାୟେଲତି ଗେଲ୍ପିନାସି ଅଡେ ବାରେ କୁଡାତି ଲକୁଣି ଗେଲ୍ପିନାସି ଇଞ୍ଜା ଲୁକ ତାନି ନେହଁ କାବୁତା ରାଜାନା ତସାମାନେସି । ହିଲାଆ ଗାଟାରି ତାଣା ନେହଁ କାବୁ ଝେକହାଲି, ମାହାପୁରୁତି ସୁଡୁଜୀସୁ ଜୀସୁଇଁ ଆଚାମାଚେ, ଇଞ୍ଜା ଜୀସୁ ଏନିକଁ ହାରେକା ଦେବା ଦୁକୁ କସ୍ତ ଗାଟାରାଇଁ ଅଡେ ହିଲାଆଗାଟାରାଇଁ ସାୟେମି କିହାମାଚେସି ଲୁକ ରାଜାମାନେସି ।

ଜୀସୁ ଜାର୍ନାଆଡ଼ି ବେଲାତା ଦୁଡୁୟାଁ ପାଚୁ ପାଟିନାସି ଅଡେ ମେଣ୍ଡା ଗଡ଼କା ଜୀସୁଇଁ ବେଟି ହାନାସି, ଜୀସୁ ବାଚ ବାର୍ଯା ଆହାମାଚାଟି ମାହାପୁରୁ ଇଲୁତା ହାନାସି, ଇଞ୍ଜା ନେହଁ ସମିରଣି ଅଡେ ଜାଜିତି ମୀରୁଏଣି ପୁଣ୍ଡିକିନି କାତା ଇ ବାରେ ସାରିଗଟା ନେହଁ କାବୁ ରାଜାମାନାରି ବିଦ୍ରା ଲୁକ ନେହଁକଁ ରାଜାନା ତସାମାନେସି । ଅଡେ ମାହାପୁରୁ ତାଣା ପ୍ରାଚାନା କିନାଣି ଜିକେଏ ଲୁକ ହାରେକା ରାଜାନା ତସାମାନେସି ୩:୨୧; ୬:୧୬; ୬:୧୨; ୧୧:୧-୧୨ । ସୁଡୁଜୀସୁ ବେଟାଆନି କାତା, ଜୀସୁଇଁ ସେବାକିନି ଇୟାସିକା କାତା ଇଞ୍ଜା ମାହାପୁରୁ ଲକୁଇଁ ତାମି ପାପୁ ମେକ୍ସିନି କାତା ଇ ବାରେ କାତା ଲୁକ ହାରେଏ ନେହଁକଁ ରାଜାନା ଝେସାମାନେସି ୩:୩; ୧୧:୪; ୧୭:୩-୪; ୨୩:୩୪; ୨୪:୪୭ ।

ପତିତା ମାନାସି

- ୧. ଲୁକ ଝେକ୍ସନାସି ଅଡେ ଏନାଆଁତାକି ରାଜାମାନାଣି ଝେହନାସି । ୧:୧-୪
- ୨. ଜୀସୁ କ୍ରୀସ୍ତ ଜାର୍ନା ଅଡେ ସେବା କାମା ମାଚ୍ଚନାସି । ୧:୫-୪:୧୩
- ୩. ଜୀସୁ କ୍ରୀସ୍ତତି କାବାଆନି କାମାୟାଁ ଅଡେ ଜାପ୍ଚନାସି । ୪:୧୪-୨୧:୩୮
- ୪. ଜୀସୁ କ୍ରୀସ୍ତ ହାନାସି, ମାହାଣିଣା ମୁହନାସି ଅଡେ ଝେଣ୍ଡେ ନିଜିନାସି । ୨୨:୧-୨୪

ମାଚ୍ଚନି କାତା

୧ ମୁଲୁଟିଏ ଆମ୍ବାଆରି ତୀରେ ମେସ୍ତାରି ଇଞ୍ଜା ବଲୁ ଝେକ୍ସନାରି, ଏଞ୍ଜାରି ମାଜେ ହେରପା ମାଞ୍ଜାନି ଲେହେଁ, ୨ ମା ବିଦ୍ରା ଆହାମାନି କାମା ବାରେ ହାରେକା ନେହଁକଁ ରାଚାଲି ଜାଗାତା ଆହାମାନେରି । ୩ ଜୀବୁତି ତିୟପିଲ, ମୁଲୁଟିଏ ବାରେ କାତା ନେହଁକଁ ସିନିକିହାନା ଏମ୍ବାଆଁ ଏନାସି ମାନେ ଏଦାଆଁ ନିଜେତାକି ରାଚାଲି ନାନୁ ଜିକେଏ ନେହେଁ ଇଞ୍ଜା ଅଣପିତେଏଁ । ୪ ଏନିକଁ ନାନୁ ଏ ବାରେ କାତା ଜାପାମାଞ୍ଜି, ଏଦି ସାତା ଇଞ୍ଜା ପୁଞ୍ଜାଲି ଆଡ଼ିଦି ।

ବାପ୍ତିସ୍ତା* ହାନି ଜହନତି ଜାର୍ନାତି କାବୁ

* ଜୀହୁଦା ଦେସାତି ରାଜା ହେରଦ ବେଲାତା ଅବିୟ କୁଡାତି ଜିକରିୟ ଦରୁଗାଟି ର ପୁଜେରା ମାଚେସି; ତାନି ତକ୍ତି ହାରଣ କୁଡାତି ମାଜା, ଏଦାନି ଦରୁ ଏଲିସାବେତ । ୬ ଜିକରିୟ ଅଡେ ଏଲିସାବେତ ମାହାପୁରୁତି ହୁକୁମି ଇଞ୍ଜା ମେରା ତଲେ ଦହ ହିଲାଆଗାଟାଈ ଆହାନା ମାହାପୁରୁ ନକିତା ଦାମ୍ବୁ ଗାଟାଇ ମାଚୁ । ୭ ସାମା ଏଞ୍ଜାରାକି କକାରି ପଦାୟାଁ ହିଲାଆଡୁ, ଇତିହଁ ଏଲିସାବେତ ବାଝେଣି ମାଚେ, ଅଡେ ତକ୍ତି ତକ୍ତା ରିଆରି ଜିକେଏ ଗାଡ଼ି ବୁଡ଼ହି ବୁଡ଼ହା ଆହାମାଚେରି ।

* ୧:୪ ୧:୫ ମୁଞ୍ଜନାସି

୮ ର ଦିନା ଜିକରିୟ ତାମି ଗଚିତି ପାଲି ଏଜାଲିଏ ମାହାପୁରୁ ନକିତା ପୂଜେରା କାମା କିନି ବେଲାତା, ୯ ପୂଜେରା କାମାତି ମେରା ତଲେ ଆଡ଼ି ଆହାନା ଏଝାଣାକି ମାହାପୁରୁ ଇଲୁତା ହତାନା ଦୁପ୍ପଣି ହାହାଲି ଆଡେ, ୧୦ ଇଞ୍ଜା ଦୁପ୍ପଣି ହାନି ବେଲାତା ବାରେ ଲକୁ ପାଙ୍ଗାତା ପ୍ରାଡାନା କିହିମାଚେରି ।

୧୧ ଏଚିବେଲା ମାହାପୁରୁତି ର ଦୁତୁ ଦୁପ୍ପଣି ପିଣ୍ଡା ଚିଝନିଝାକି ନିତାନା ଏଝାଣାଇଁ ତଞ୍ଜାଆଡେ । ୧୨ ଜିକରିୟ ଏଡାଣି ମେସାନା କାବାଆହାନା ଆଜିତେସି । ୧୩ ସାମା ଦୁତୁ ଏଝାଣାଇଁ ଏଲେଇଚେ, “ଜିକରିୟ, ଆଜାଆନି, ଇଚିହୁଁ ମୀ ଗହାରା ଝେଣ୍ଡି ଆହାମାନେ, ଇଞ୍ଜା ନୀ ତକ୍ତି ଏଲିସାବେତ ନିଙ୍ଗେତାକି ର କକାଣାଇଁ ଜାନି କିନେ, ଇଞ୍ଜା ଏଝାଣି ଦରୁ ଜହନ ଇଞ୍ଜୁଁ ହାଦେରି । ୧୪ ଇଚିହୁଁ ଏଝାସି ମୀ ରାହୁଁତି ରାହୁଁ ଆନେସି, ଇଞ୍ଜା ହାରେକା ଏଝାଣି ଜାନିତା ରାହୁଁ କିନେରି । ୧୫ ଇଞ୍ଜା ଏଝାସି ମାହାପୁରୁ ନକିତା କାଜାସି ଆନେସି; ଏଝାସି ଅଙ୍ଗୁରି ରାସା କି କାଡୁ ଏଚେଲାଝା ଗହଅସି, ଇଞ୍ଜା ତାଲିନି ବାଣ୍ଡିଚିଏ ସୁଦୁଜାସୁତା ବେଗାଆନେସି, ୧୬ ଏଝାସି ଇସ୍ରାୟେଲ ମୀରୁକା ବିଡ୍ରାତି ହାରେକା ଲକୁଇଁ ମାହାପୁରୁ ଝାକି ଝେଡ଼ହା ତାନେସି । ୧୭ ତାଞ୍ଜାୟଁ ହିୟାଁ ମୀରୁକା ଝାକି ଇଞ୍ଜା କାତା ମାନୁଝି ଆପାଗାଗାରାଇଁ ତାରିଗାଟି ବୁଦିତା ତାକାଲି ଝେଡ଼ହା ତାଗାଲି ଇଞ୍ଜା ମାହାପୁରୁ ତାକି ତିୟାରା ଆହାମାନି ର ଲକୁତି କୁଲମି ଜାଗ୍ରାତା କିହାଲି ବାପ୍ପିସ୍ତାଁ ହାନି ଜହନ ଏଲିୟତି ଜାସୁ ଅଡେ ବାଡ଼ୁୟୁ ତଲେ ପ୍ରବୁତି ନକିତା ତାକିନେସି ।”

୧୮ ଏଚେଟିଏ ଜିକରିୟ ଦୁତୁଇଁ ଏଲେଇଚେସି, “ନାନୁ ଆମିନି ସିନା ତଲେ ପୁଇଁ ? ଇଚିହୁଁ ନାନୁ ବୁଡ଼ହାଚେସି, ଇଞ୍ଜା ନା ତକ୍ତିନି ବାସା ଗାତି ଆଡେସିଏ ।”

୧୯ ଦୁତୁ ଏଝାଣାଇଁ ଏଲେଇଚେ, “ନାନୁ ଗାବ୍ରିୟେଲ, ନାନୁ ମାହାପୁରୁ ନକିତା ନିତା ଡ଼ୟିନାଚେସି, ଇଞ୍ଜା ନିଙ୍ଗେ ଝେସାଲି ଅଡେ ଇ ନେହୁଁ କାଡୁ ପୁଣ୍ଡି କିହାଲି ନାନୁ ପାଣ୍ଡୁଝି ଆହାମାଇଁ । ୨୦ ମେହମୁ ଇ ବାରେ ଆଆପାଚେକା ନାନୁ ବେବଡ଼ା ଆହାନା ଡ଼ୟିଦି, ଇଚିହୁଁ ନା ଆମିନି କାତା ସାତା ଆନେ ଏ ବାରେ ନାନୁ ନାମାଆତି ।”

୨୧ ଏମ୍ବାଟିଏ ଲକୁ ଜିକରିୟଇଁ କାଟିମାଚେରି, ଇଞ୍ଜା ମାହାପୁରୁ ଇଲୁତା ଇଚେକା ଝେଡ଼ା ଆଡ଼ାକି କାବା ଆହିମାଚେରି । ୨୨ ସାମା ଏଝାସି ପାଙ୍ଗାତା ଝାହାନା ଏଝାଣାଇଁ କାତା ଆହାଲି ଆଡ଼ାଆଚେସି; ଏମ୍ବାଟିଏ ଏଝାସି ମାହାପୁରୁ ଇଲୁତା ଏଦାଆଁ ମେସାମାନେସି ଇଞ୍ଜୁଁ ଏଝାରି ପୁଚେରି, ଇଞ୍ଜା ଏଝାସି ଏଝାଣାଇଁ କେୟୁ ହୁଟିହୁଁ ତସାଲି ମାଡ଼ହେସି ଇଞ୍ଜା ବେବଡ଼ା ଆହାନା ଡ଼ୟିଚେସି ।

୨୩ ତାୟୁ ମାହାପୁରୁ ଇଲୁତି ସେବା କାମା ରାୟାଲିଏ, ଏଝାସି ତାମି ଇଜ ହାଚେସି । ୨୪ ଏଚରଦିନା ହାଚି ତାୟୁ ତାନି ତକ୍ତି ଏଲିସାବେତ ପୁରାମାସା ଆଡେ ଅଡେ ଏଦି ପାସା ଲେଞ୍ଜୁ ପାଚେକା ଲକୁଣି ତଞ୍ଜା ଆଆଡେ । ୨୫ ଏଦି ଏଲେଇଚେ, “ନାସି ନାଙ୍ଗେ ପ୍ରବୁ କାମାମେସାନା ଲକୁ ନାଙ୍ଗେ ଲାଜା କିହିମାଞ୍ଜାତାଣି ପିସପି କିହାଲି ନାଙ୍ଗେ ଇଲେକଁ କିହାମାଞ୍ଜାନେସି !”

ଜାସୁ ଜାନିତି କାଡୁ

୨୬ ଏଲିସାବେତ ପୁରାମାସା ଆହାନା ସ ଲେଞ୍ଜୁ ଆହାଲିଏ ଗାବ୍ରିୟେଲ ଦୁତୁ ମାହାପୁରୁ ତାଣ୍ଡାଟି ଗାଲିଲିତି ନାଜ୍ଜରିତ ଗାଡ଼ାତି ର ଡ଼ାଆ ପଦାନି ତାଣ୍ଡା ପାଣ୍ଡୁଝିଆଡେ; ୨୭ ଏ ଡ଼ାଆ ପଦାନି ଦାସୁଦ କୁଡ଼ାତି ଜସେପ ଇନାଣାକି ରାସା ମାଚେସି; ଏ ଡ଼ାଆ ପଦା ଦରୁ ମରିୟମ । ୨୮ ଦୁତୁ ପଦା ତାଣ୍ଡା ଝାହାନା ଏଲେଇଚେ, “ଆଲ ମାହାପୁରୁତି କାମା ମେହନାତି ନିଙ୍ଗେ ହିଡ଼ଡ଼ି ଆୟାପେ !”

୨୯ ମରିୟମ ଏ ହାଡ଼ା ଝେଞ୍ଜାନା ଇଦି ଏନିଲେହେଟି କାତା ଇଞ୍ଜୁଁ ଆଜାନା ମନତା ଅଣ୍ପିଚେ । ୩୦ ଏମ୍ବାଟିଏ ଦୁତୁ ଏଲେଇଚେ, “ଆଲ ମରିୟମ ଆଜାଆନି; ନିଙ୍ଗେ ମାହାପୁରୁ କାମା ମେସାମାଞ୍ଜାନେସି । ୩୧ ନାନୁ ପୁରାମାସା ଆହାନା ର ମୀରୁଏଣାଇଁ ବେଗାଆଦି ଏଝାଣି ଦରୁ ଜାସୁ ଇଞ୍ଜୁଁ ଇଚିଦେରି । ୩୨ ଏଝାସି କାଜାସି ଆନେସି ଇଞ୍ଜା ମାହାପୁରୁ ମୀରୁଏସି ଇଞ୍ଜୁଁ ଝେଞ୍ଜାନେସି; ପ୍ରବୁ ମାହାପୁରୁ ଏଝାଣାକି ତାମି ଆକୁ ଦାସୁଦତି ସିଂଗାସାଣି ହାନେସି, ୩୩ ଏଝାସି ଜାକୁବ କୁଡ଼ାତା ଜୁଗୁ ଜୁଗୁତାକି ରାଜି କିନେସି, ଇଞ୍ଜା ଏଝାଣି ରାଜି ଏଚେଲାଝା ରାଏ !”

୩୪ ସାମା ମରିୟମ ଦୁତୁଇଁ ଏଲେଇଚେ, “ଇଦି ଏନିକଁ ଆନେ ? ନାନୁ ତକ୍ତାଇଁ ଜିକେଏ ପୁଞ୍ଜାହିଲଅଁ !”

୩୫ ଦୁତୁ ଏଲେଇଚେ, “ସୁଦୁଜାସୁ ନୀ ଲାକ ରେଚାଝାଚେନ ଅଡେ ମାହାପୁରୁତି ବାଡ଼ୁୟୁ ଝାଚେନ, ଏଦାଆଁତାକି ନୀ ତାଣ୍ଡାଟି ଜାନି ଆନେସି, ଏଝାସି ମାହାପୁରୁତି ମୀରୁଏସି ଇଞ୍ଜୁଁ ଝେଞ୍ଜାନେସି । ୩୬ ଅଡେ ମେହମୁ ନୀ କୁଡ଼ାତି ଏଲିସାବେତ ଜିକେଏ ବୁଡ଼ହି ବେଲାତା ପୁରାମାସା ଆହାମାନେ । ଆମିନି ଇୟା ବାଝେଣି ଇଞ୍ଜୁଁ

† ୧:୧୭ ୧:୧୭ ମୁଞ୍ଜିନାୟି ☆ ୧:୨୭ ୧:୨୭ ମାଟି ୧:୧୮ ☆ ୧:୩୧ ୧:୩୧ ମାଟି ୧:୨୧

ଝେଙ୍ଗାମାନେ, ଏହି ନୀର୍ଯ୍ୟ ସ ଲେଖୁ ଆହ୍ୱାନାମାନେ; ୩୭ ଇତିହାସ ମାହାପୁରୁଷ ବଲୁ ବାଡ଼ୁଛୁ ହିଲାଆଗାଟାୟି ଆଏ ।”

୩୮ ଏମ୍ବାଟିଏ ମରିୟମ ଏଲେଇରେ, “ନାନୁତ ପ୍ରବୁତି ହଲେଣିତେଏ; ନୀ କାତେଏ ନାଜେତାକି ଆୟାପେ ।” ଏମ୍ବାଟିଏ ଦୂତୁ ଏଦାନି ତାଣାଟିଏ ହାଚେ ।

ମରିୟମ ଏଲିସାବେତ ଇଜ ହାନାୟି

୩୯ ଏମ୍ବାଟିଏ ମରିୟମ ନିଙ୍ଗାନା ଜୀହୁଦା ଦେସାତି ହରକା ରାଜ୍ଜିତି ର ଗାଡାତା ତବେ ହାଚେ, ୪୦ ଅଡେ ଜିକରିୟ ଇଜ ହାଜାନା ଏଲିସାବେତନି ଜହରା କିଚେ । ୪୧ ଅଡେ ଏଲିସାବେତ ମରିୟମନି ଜହରା ଝେଣମ୍ବନିଏ ତାନି ବାଣ୍ଡିତି ମୀଲା ଖାତିଚେ, ଇଞ୍ଜା ଏଲିସାବେତ ସୁଦୁନୀସ୍ତୁଟି, ୪୨ କାଜା ଗିୟାତଲେ ଏଲେଇଚେ, “ଇୟାସିକା ବିତ୍ରାଟି ନୀନୁ ହାରେକା ନେହାତି, ଇଞ୍ଜା ନୀ ବାଣ୍ଡିତି ମୀଲା ଜିକେଏ ନେହାୟି ! ୪୩ ଅଡେ ନା ପ୍ରବୁତି ଇୟା ନା ତାଣା ଖାନ୍ନେ ଇ କାର୍ମା ନାଜେ ଏମ୍ବିଟି ଖାଡେ ? ୪୪ ଇତିହାସ ନୀ ଜହରା ହାଡା ନା କିୟା ଝେଣମ୍ବନିଏ ନା ବାଣ୍ଡିତି ମୀଲା ରାହାଟି ଖାତିଚେ ୪୫ ଆନିନି ଗାଟାୟି ନାନିଚେ ଏଦାନାକି ନେହେ, ଇତିହାସ ପ୍ରବୁ ତାଣାଟି ଏଦାନାକି ଏନାଆଁ ଝେସ୍ପି ଆହ୍ୱାନାମାନେ ଏ ବାରେ ପୂରା ଆନ୍ନେ !”

ମରିୟମତି ଜହରା ପାରୁ

୪୬ ଏଚେଟିଏ ମରିୟମ ଏଲେଇଚେ, “ନା ଜୀହୁ ପ୍ରବୁତି ଜହରା କିହିମାନେ;

୪୭ ଅଡେ ନା ଜୀହୁ ନାଜେ ଗେଲପାନି ମାହାପୁରୁ ତାଣା ରାହାଁ ଆହିମାନେ,

୪୮ ଇତିହାସ ଏଝାସି ତାନି ହଲେଣିନି କାର୍ମା କାକୁଲି ମେସାମାନେସି ।

ଏନିଇତିହାସ ନୀସ୍ତୁଟିଏ ବାରେ ଲକୁ ନାଜେ ନେହାୟି ଇଞ୍ଜା ଜଲାନେସି,

୪୯ ଇତିହାସ ଆମ୍ବାଆସି ବାରେକିହାଁ ବାଡ଼ୁଛୁଗାଟି ମାହାପୁରୁ ଏଝାସି ନା ତାକି କାଜା କାମା କିହାମାନେସି,

ଏଝାଣି ଦରୁ ସୁଦୁ;

୫୦ ଇଞ୍ଜା ତାଜେ ଆଜିନାରାକି ପାରୁ ପାରୁ ତାକି ତାନି କାର୍ମାମେହନାୟି ତ୍ପୟିନେ ।

୫୧ ଏଝାସି ତାନି ବାଡ଼ୁଛୁଗାଟି କେୟୁଟି କାଜା କାମା କିହାମାନେସି,

ତାହାରା ଗାଟାରାଇଁ ଏଝାରି ହିୟାତି ଅଣପୁତା ମାନାଣି ଗୁଟି କିହାମାନେସି;

୫୨ ଏଝାସି ସାଲୁଝି କିନାରାଇଁ ତାନି ରାଜା ଗାଦି ପିସ୍ପି କିହାମାନେସି,

କାକୁଲି ଗାଟାରାଇଁ ନିକହାମାନେସି,

୫୩ ଏଝାସି ହାକି ଗାଟାରାଇଁ ନେହାସି ଆସ୍ତୁ ହାହାନା ପାଞ୍ଜି କିହାମାନେସି,

ଇଞ୍ଜା ଦନ ଗାଟାରାଇଁ ଖାନ୍ନେ କେୟୁଟି ପାଣ୍ଡାମାନେସି ।

୫୪ କାଲାକାଲା ତାକି ଅଣ୍ଡାପାଲି ତାନି ହଲେଏସି ଇସ୍ତାୟେଲତି କାର୍ମା ଆହ୍ୱାନାମାନେସି ।

୫୫ କାଲାକାଲା ତାକି ଅତ୍ରାହାମ ଅଡେ ତାନି ବାରେ କୁଡାତାରାଇଁ କାର୍ମାମେହନାଣି ବାଣା ଆହାହିଲଅସି ।”

୫୬ ଅଡେ ମରିୟମ ତାନି ଲେଖୁ ଏଲିସାବେତ ତଲେ ତ୍ପୟାନା ତାନି ଇଜ ଖାଡେ ।

ବାପ୍ତିସ୍ତାଁ ହାନି ଜହନତି ଜାର୍ନା

୫୭ ତାୟୁ ଏଲିସାବେତ ପୁରାମାସା ଏଜାଲିଏ ର କକାସି ଜାର୍ନା ଆଡେସି, ୫୮ ଅଡେ ମାହାପୁରୁ ଏଦାନି ହାରେକା କାର୍ମା ମେସାମାନାଣି ଝେଞ୍ଜାନା ତାନି କୁଡାତାରି ଇଞ୍ଜା ଅଡେ ଆର୍ହିତାରି ଏଦାନିତଲେ ହାରେକା ରାହାଁ କିଚେରି ।

୫୯ କକାସି ଖାରେକା ଆହାଲିଏ, ଏଝାରି ତଲୁ ଦାତାଲି ଖାହାନା ତାନି ଆଡା ଦରୁଲେହେଁ ତାନି ଦରୁ ଜିକରିୟ ଇଟାଲି ମନ କିଚେରି । ୬୦ ସାମା ତାନି ଇୟା ଏଲେଇଚେ, “ଆଏ ! ଏଝାଣି ଦରୁ ଜହନ ଆନ୍ନେ ।”

୬୧ ଏଝାରି ଏଲେଇଚେରି, “ମୀ କୁଡାତା ଆମ୍ବାଆରାକି ଏଲେତି ଦରୁ ହିଲେଏ !” ୬୨ ଏମ୍ବାଟିଏ ଏଝାରି ତାଞ୍ଜିଗାଟାଣାଇଁ କେୟୁ ହୁଟାନା କକାଣାଇଁ ଏନି ଦରୁ ଇଟିନାୟି ଇଞ୍ଜା ଝେଚେରି ।

୬୩ ଜିକରିୟ ର ରାଟିନି ପାଡା ରାସାନା ଏଝାଣି ଦରୁ ଜହନ ଇଞ୍ଜା ରାଟିଚେସି, ଏଦାଆଁ ମେସାନା ବାରେଜାଣା କାବା ଆଡେରି ! ୬୪ ଅଡେ ଏ ଦେବୁଣିଏ ଏଝାଣି ଗୁଟି ଅଡେ ଝେନ୍ଦରି ପିସ୍ପି ଆଡେ ଅଡେ ଏଝାସି ଜଲିହାଁ ମାହାପୁରୁତି ଜହରା କିଚେସି । ୬୫ ଏମ୍ବାଟିଏ ତାନି ଲକୁ ବାରେ ଆଜାହାଚେରି, ଅଡେ ଇ

‡ ୧:୫୭ ୧:୫୭ ମୁଞ୍ଜନାୟି

କାତା ଜୀହ୍ୱାଦା ଦେସାତି ହରୁକା ରାଜିତା ବାରେଖାକି ଝେଜ୍ଜିତେ, ^{୨୬} ଇଞ୍ଜି ଝେନି ବାରେ ଲକ୍ଷୁ ଏ କାତା ତାମି ମନତା ଇଟାନା ଏଲେଇଚେରି, “ଆତିହ୍ ଇ କକାସି ଏନିଲେହେତାସି ଆନେସି ?” ଏନିଇଚିହ୍ ପ୍ରବୁ ଇଖାଣି ତଲେ ମାନେସି ଇଞ୍ଜି ପୁଚେରି ।

ଜିକରିୟତି ତାମ୍ଭୁ ଆନି କାତା ଝେକନାସି

- ^{୨୭} ଅଡେ ଜିକରିୟ ସୁଦୁଜୀସୁ ତଲେ ଇ ତାମ୍ଭୁ ଆନି କାତା ଏଲେଇଚେସି,
- ^{୨୮} ଇସ୍ରାୟେଲତି ମାହାପୁରୁ ଜହରା !
ଏନିଇଚିହ୍ ଏଝାସି ତାନି ଲକ୍ଷୁଣି କାର୍ମାମେସାନା ଗେଲ୍ପି କିହାମାନେସି;
- ^{୨୯} ଏଝାସି ତାନି ହଲେଏସି ଦାସୁଦ କୁଡାଟି ମା ତାକି ର ଗେଲ୍ପିନାଣାଈଁ ହାହାମାଞ୍ଜାନେସି ।
- ^{୩୦} ତଲି କାଲ୍ଲାଟିଏ ତାନି ନେହ୍ ମାହାପୁରୁ ଅଣ୍ପୁତି ବଲୁ ଝେହ୍ନାରି ଗୁତି ତଲେ ଏନିକ୍ ଜଲ୍ଲା ମାଚେରି,
^{୩୧} ଏଲେକିହ୍ ଏ ମାଙ୍ଗେ ମା ସାତୁୟାଁ ତାଣାଟି ଅଡେ ମାଙ୍ଗେ ଅପାଆଗାଟାରି ତାଣାଟି ଗେଲ୍ପି କିହାମାଞ୍ଜାନେସି,
- ^{୩୨} ଏଝାସି ଏଲେ ଇଞ୍ଜାମାନେସି, ଏଝାସି ମା ଆକୁୟାଁଣି କାର୍ମା ମେସାମାଈଁ ଅଡେ ତାନି ସୁଦୁଗାଟି ରାଜିମାନାତି ଅଣ୍ପିନେସି । ^{୩୩} ମା ଆତା ଅତ୍ରାହାମ ତାଣା ଏନିମି ପାର୍ମାଣା କିହାଁ ଆଞ୍ଜାମାନାଣି ଅଣ୍ପିପାନା ପୁରା କିହାମାନେସି, ^{୩୪} ଅଡେ ମା ସାତୁୟାଁ ତାଣାଟି ଗେଲ୍ପି ଆହାନା, ଆଜାଆନା କାଟ୍ଲେଏ ତାଙ୍ଗେ ସେବା କିହାଲି ଆଡିନାସି,
- ^{୩୫} ତାନି ନକିତା ମାର ନୀତାମାନି ପାତେକା ସୁଦୁ ଅଡେ ଦାର୍ମୁ ଗାତାତାସି ଆହାନା ତୁୟିନାସି ।
- ^{୩୬} ଏ ନା ମାରଏଣାତି ନୀନୁ ବାରେତି କିହାଁ ବାଡୁୟାଣାଟି ମାହାପୁରୁ ଅଣ୍ପୁତି ବଲୁ ଝେହ୍ନାତି ଇଞ୍ଜି ଝେଜ୍ଜିଦି;
- ^{୩୭} ପାପୁ ମ୍ଲେପ୍ପି ଆହାନା ଏଝାରି ଗେଲ୍ପି ଆନାଣି ବେଗାଆନେରି, ଏ କାତା ପୁଣ୍ଡସି କିହାଲି ତାକି ତାନି ଲକ୍ଷୁତାଣା ହାଜି । ^{୩୮} ଇଞ୍ଜି ମାଙ୍ଗେ ହିଡ଼ଡ଼ି ଜିରୁତା ତାଚାଲି ମା ମାହାପୁରୁତି ଜୀସୁନନି କାର୍ମାତଲେ ଲାକପୁରୁଟି ମାଙ୍ଗେତାକି ଝେଡ଼ା ହଡ଼ିମାନି ଲେହେଁ ଆନେ,
- ^{୩୯} ଆମ୍ବାଆରି ହାନିଲେହେଁତି ତାଣା ବାସା କନେରି, ହିଡ଼ଡ଼ି ଜିରୁତା ଅହାଲି ତାକି ଏଝାସି ବାରେତି ଲାକ ଲାକପୁରୁଟି ଉଜେଡ଼ି ହାନେସି । ^{୪୦} ଇଞ୍ଜି ଏ କକାସି ଆଜ୍ଞାତା ଜୀସୁତା ପାତାଆହାନା ଇସ୍ରାୟେଲ ଲକ୍ଷୁତାଣା ଝେଜ୍ଜାଆ ପାତେକା ଲକ୍ଷୁ ହିଲ୍ଲାଆ ଟାୟୁତା ତୁୟିତେସି ।



ଜୀସୁତି ଜାର୍ନା

(ମାତି ୧:୧୮-୨୫)

- ^୧ ଏତିବେଲାତା ରମ୍ ଦେସାତି ବାରେ ଲକ୍ଷୁ ଦରୁ ରାଟି କିହାଲି କାୟିସର ଅଗସ୍ତସ ତାଣାଟି ହୁକୁମି ଆଡେ ।
- ^୨ ସିରିୟାତି ସାଲ୍ଲୁଡ଼ି କିନାସି କୁରିଣିୟ ବେଲ୍ଲାତା ତଲି ମୂଲୁ ଦରୁ ରାସ୍ପିକି ଆହାମାଚେ ।
- ^୩ ଏଦାଆଁତାକି ବାରେଜାଣା ଦରୁ ରାଟି କିହାଲି ନାୟୁଁଟିଏ ଜାହାରା ଗାଡାତା ହାଚେରି ।
- ^୪ ଜସେପ ଜିକେଏ ଦରୁ ରାଟି କିହାଲି ମରିୟମନି ତଲେ ଗାଲିଲିତି ନାଜରିତ ଗାଡାଟି ଜୀହ୍ୱାଦା ରାଜିତି ବେତଲିହିମ ଇନି ଦାସୁଦ ଗାଡାତା ହାଚେସି, ଇଚିହ୍ ଏଝାସି ଦାସୁଦ କୁଡା ଇଞ୍ଜାହାଁ ଏ ଗରିତାସି ମାଚେସି;
- ^୫ ଏଝାସି ଦରୁ ରାଟି କିୟାଲି ମରିୟମନି ତଲେ ହାଚେସି, ଏଦି ଏଝାଣାକି ବୀହା ଆହାଲି ରାସ୍ପିକି ଆହାମାଚେ ଅଡେ ଏଦି ପୁରାମାସା ଆହାମାଚେ । ^୬ ଅଡେ ଏ ଲକ୍ଷୁ ବେତଲିହିମତା ମାନିବେଲା, ଏଦାନାକି ଜାନ କିନି କାଟୁ ଏଗାଝାଡେ, ^୭ ଇଞ୍ଜି ଏଦି ତାନି ପାଣ୍ଡା ମାରଏଣାଈଁ ଜାନ କିଚେ ଇଞ୍ଜି ହିମ୍ବୁରି ପୁକ୍ତହାନା କଡ଼ିୟାଁ ଗହନି ତଂଗତା ତ୍ରିପ୍ତହେ, ଇଚିହ୍ ଏ ଲକ୍ଷୁତାକି ବାସାଟାୟୁ ହିଲ୍ଲାଆଚେ ।

ମେଣ୍ଡା ଗଡ଼କା ଅଡେ ଦୁଡୁୟାଁ

^୮ ଏ ଦାରିମାରି ନାସ୍ପକାଣାଁ ମେଣ୍ଡା ଗଡ଼କା ଲାଆଁୟାଁ ପାଙ୍ଗାତା ତୁୟାନା ମେଣ୍ଡାୟାଁ କାଟିମାଚେରି । ^୯ ପ୍ରବୁତି ର ଦୁଡୁ ଏଝାରିତାଣା ଝାଡେ ଇଞ୍ଜି ପ୍ରବୁତି ଗାସୁରମିତି ଉଜେଡ଼ି ଏଝାରି ସାରିଝାକି ତଞ୍ଜାଆଡେ, ଅଡେ ଏଝାରି ହାଡ଼େକା ଆଜିତେରି । ^{୧୦} ଏମ୍ବାଟିଏ ଦୁଡୁ ଏଝାରାଈଁ ଏଲେଇଚେ, “ମୀରୁ ଆଜାଆଦୁ ! ନାନୁ ମୀ ବାରେ ଲକ୍ଷୁତାକି ହାଡ଼େକା ରାହାଁତି କାଟୁ ମିଙ୍ଗେ ଝେପିମାଞ୍ଜାଈଁ, ^{୧୧} ଇଚିହ୍ ନୀଞ୍ଜୁ ଦାସୁଦ ଗାଡାତା ମିଙ୍ଗେ

ଗେଲ୍‌ପାନାସି ଜାର୍ନା ଆହାମାନେସି, ଏଞ୍ଜାସି ଜ୍ରୀସ୍ତ ପୁତ୍ର । ୧୨ ଅଡ଼େ ଇଦି ମିଙ୍ଗେତାକି ସିନାଲେହେଁ ଆନେ, ମାରୁ ର କକାଣାଇଁ ହିମ୍ବର ପ୍ଲିକ୍‌ହାନା କଡ଼ିୟାଁ ଗହ୍ନି ତଂଗତା ତୁରାମାନାଣି ମେହ୍‌ଦେରି ।”

୧୩ ଦେବୁଣିଏ ଏ ଦୁତୁ ତଲେ ଲାକପୁରୁତି ହାରେକା ଦୁତୁୟାଁ ଖାହାନା ମାହାପୁରୁଇଁ ଜହରା ପାରୁ ପାଡ଼ିତୁ,

୧୪ “ଲାକପୁରୁ ମାହାପୁରୁତି ଗାଞ୍ଜୁରମି, ଅଡ଼େ ଦାରତିତା ଏଞ୍ଜାଣି ରାହାଁ ଇଞ୍ଜା ମାଣସିୟାଁ ବିତ୍ତା ହିଡ଼ଡ଼ି ।”

୧୫ ଦୁତୁୟାଁ ଏମ୍ବାଟି ଲାକପୁରୁ ହାଜାଲିଏ ମେଣ୍ଡା ଗଡ଼କା ତାମ୍ବୁ ତାମ୍ବୁ କ୍ଳାତା ଆଡ଼େରି, “ମାରୁ ବେତଲିହିମ ପାଡେକା ହାଜାନା ପୁତ୍ର ମାଙ୍ଗେ ଆମିନି କାତା ଝେସାମାଞ୍ଜାନେସି ଏଦାଆଁ ସିନି କିକାନ ।”

୧୬ ଏମ୍ବାଟିଏ ତବେ ହାଜାନା ପାରାନା ମରିୟମ ଅଡ଼େ ଜସେପ ଇଞ୍ଜା କଡ଼ିୟାଁ ଗହ୍ନି ତଂଗତା ପୁଃନି ଜାର୍ନାଆଡ଼ି କକାଣାଇଁ ତୁରାମାନାଣି ମେସ୍ତେରି । ୧୭ ଏଞ୍ଜାରି ଈ ବାରେ ମେସାନା ଏ କକାଣି କାତା ଏନାଆଁ ଇଣ୍ଡି ଆହାମାତେ ଏଦାଆଁ ଝେକହେରି । ୧୮ ଅଡ଼େ ଏରେକା ଲକୁ ମେଣ୍ଡା ଗଡ଼କା ତାଣାଟି ଏ ବାରେ କାତା ଝେରେରି, ଏଞ୍ଜାରି ବାରେ ଏ କାତାତାକି କାବା ଆଡ଼େରି । ୧୯ ସାମା ମରିୟମ ଈ ବାରେ କାତା ହିୟାଁତା ଇଗାନା ହାରେକା ଅଣ୍ଡାପାଲି ମାଡ଼ହେ । ୨୦ ଅଡ଼େ ମେଣ୍ଡା ଗଡ଼କାକି ଏନିକ୍ ସେସ୍‌ପି ଆହାମାତେ, ଏଲେକିହିଁଏ ଏଞ୍ଜାରି ଏନା ଏନାଆଁ ଝେରେରି ଇଞ୍ଜା ମେସ୍ତେରି ଏ ବାରେତାକି ମାହାପୁରୁତି ଗାଞ୍ଜୁରମି ଅଡ଼େ ଜହରା କିହିଁ ଝେଣ୍ଡା ହାରେରି ।

ଜୀସୁଇଁ ଦରୁ ଇଟିନାସି

୨୧ ଏଞ୍ଜାଣାକି ଆଟାଦିନା ଆଡେ ଅଡ଼େ ତଲୁ ଦାଃନି ଦିନା ଖାଡେ ଇଞ୍ଜା ଏଞ୍ଜାଣି ଦରୁ ଜୀସୁ ଇଞ୍ଜା ଇଟିଡେରି; ଈ ଦରୁ ତାନି ପୁରାମାସା ଆନି ନଡେଏ ଦୁତୁ ତାଣାଟି ଝେସ୍‌ପି ଆହାମାତେ ।

ମାହାପୁରୁ ଇଲୁତା ଜୀସୁ

୨୨ ଅଡ଼େ ଏଡେତା ମସାଡି ମେରା ତଲେ ଏଞ୍ଜାରି ଅଡ଼ହା କଡିନି ଦିନା ଏଗାଞ୍ଜାଡେ, ଏରେଟିଏ ଜସେପ ଅଡ଼େ ମରିୟମ ଜୀସୁଇଁ ମାହାପୁରୁ ନକିତା ଜିରୁସାଲମତା ଅହିଁ ହାରେରି । ୨୩ ଏନିକ୍ ମାହାପୁରୁତି ସାସ୍ତେରିତା ରାସ୍‌କି ଆହାମାନେ, “ବାରେ ପାଣ୍ଡା ମାଡ଼କା ପୁତ୍ର ତାକି ସୁଦୁଗାଟାରି ଇଞ୍ଜାଁ ଝେଜିନେରି ।”

୨୪ ଅଡ଼େ ମେରାତା ରାସ୍‌କି ଆହାମାନି ଈ ମେରା ତଲେ ରୀ କୁଗୁରି ପଗାୟାଁ ଆଆତେଁଁ ରୀ ପାରୁଞ୍ଜା ପଗାୟାଁ ମାହାପୁରୁ ନକିତା ପୁଜା କିହାଲି ଏଞ୍ଜାଣାଇଁ ଜିରୁସାଲମତା ଅଡେରି ।

୨୫ ଏଟିବେଲ୍‌ଜା ଜିରୁସାଲମତା ସିମିୟନ ଦରୁଗାଟି ର ମାଣସି ମାରେସି; ଏଞ୍ଜାସି ର ଦାମ୍‌ଗାଟାସି ଅଡ଼େ ମାହାପୁରୁଇଁ ଆଜିନାସି ମାରେସି, ଅଡ଼େ ଇସ୍ରାୟେଲ ଲକୁ ବାର୍ସା ବେଟାଆନାଣି କାଟିମାରେସି, ଇଞ୍ଜା ସୁଦୁଜୀସୁ ଏଞ୍ଜାଣି ତାଣା ମାତେ । ୨୬ ମାହାପୁରୁ ପାଣ୍ଡାନି ଜ୍ରୀସୁଇଁ ମେହ୍‌ଆ ପାଡେକା ଏଞ୍ଜାସି ହାଅସି ଇଞ୍ଜାଁ ସୁଦୁଜୀସୁ ତଲିଏ ଝେସାମାତେ । ୨୭ ସିମିୟନ ସୁଦୁଜୀସୁଟି ମାହାପୁରୁ ଇଲୁତା ଖାଡେସି; ଅଡ଼େ ତାଲି ତାଞ୍ଜି ମସାଟି ମେରାଲେହେଁ କିହାଲି ଜୀସୁଇଁ ବିତ୍ତା ତାତୁ, ୨୮ ଏଟିବେଲ୍‌ଜା ସିମିୟନ କକାଣାଇଁ ପମାନା ମାହାପୁରୁଇଁ ଜହରା କିଡେସି;

୨୯ “ଏ ପୁତ୍ର ନାଏଁ ନୀନୁ ଝେସ୍‌ଲେହେଁ

ନୀ ହଲେଏଣା ଜୀସୁ ହିଡ଼ଡ଼ିତଲେ ଅମ୍ବ;

୩୦ ନା କାନୁ ନୀ ଗେଲ୍‌ପିନାଣାଇଁ ମେସାମାନେ ।

୩୧ ଏନିକ୍‌କିହିଁ ବାରେ ଲକୁତାକି କେପାମାନି

୩୨ ଜୀହୁଦିଆଆତାରାକି ସାତା ତହ୍‌ନି ର ଉଜେଡ଼ି ଆନେସି, ଅଡ଼େ ନୀ ଇସ୍ରାୟେଲ ଲକୁତି ଗାଞ୍ଜୁରମି ଲେହେଁ କିହାମାଞ୍ଜି ।”

୩୩ ଇଞ୍ଜା ତାନି ଇୟା ଅଡ଼େ ଆବା ଏଞ୍ଜାଣି ତାକି ଝେସ୍‌ପି ଆହିମାନି ବାରେ କାତାତାକି କାବା ଆହିମାତେରି । ୩୪ ଏରେଟିଏ ସିମିୟନ କକାଣାଇଁ ବରୁ ହୀହାନା ତାନି ଇୟା ମରିୟମିନି ଏଲେଇରେସି, “ମେହ୍‌କୁ ଇଞ୍ଜାସି ଇସ୍ରାୟେଲତି ହାରେକା ଲକୁଣି ନାସା କିହାଲି ଅଡ଼େ ଗେଲ୍‌ପାଲି ଆଡ଼଼ି ଆହାମାନେସି, ଆମ୍ବାଆରି କପାଟି ହାରେକା ଜଲିନେରି । ଏଞ୍ଜାସି ମାହାପୁରୁ ତାଣାଟି ର ସିନାଲେହେଁ ଆନେସି । ୩୫ ଆଆତେଁଁ ନୀ ଜୀସୁତା ଜିକେଏ କାଣ୍ଡାତଲେ ଗୁକ୍‌ହିସାରେ ହତାହାନି ଲେହେଁ, ଏ କସ୍‌ ନୀ ହିୟାଁତା ଆୟାନେ ।”

୩୬ ଅଡ଼େ ହାନା ଦରୁଗାଟି ର ମାହାପୁରୁ ଅଣ୍ଡାପୁତି ବଲୁ ଝେହ୍‌କାସି ମାତେ; ଏଦି ଆସେକ୍ କୁଡ଼ାତି ପନୁଏଲ ମାଜା । ଏଦାନାକି ହାରେକା ବାର୍ସା ଆହାମାତେ; ଏଦି ତାଆ ଆଡ଼ି ଜେତ ସାତା ବାର୍ସା ତକ୍ରାତଲେ ବାସା କିହାମାତେ, ଅଡ଼େ ସାରିକଡ଼ି ସାରି ବାର୍ସା ରାଣ୍ଡେଣି ଆହାନା ନୀତାମାତେ । ୩୭ ଏଦି ମାହାପୁରୁ ଇଲୁ ପିହିଆନା ବାଟିମାଲିହିଁ ଲାଆଁ ମାଦେନା ରାନ୍‌ଦା ତିନାଆନା ପ୍ରାଡାନା କିହିମାତେ । ୩୮ ଏ ଦେବୁଣିଏ

୨:୨୧ ୨:୨୧ ଲୁକ ୧:୩୧

ଏହି ଖାହାନା ମାହାପୁରୁତି ଜହରା କିହିଁ ଜିରୁସାଲମତି ଗେଲ୍‌ପିନାଣାଇଁ କାଡ଼ି ମାନାରାଇଁ ଏଞ୍ଜାଣି କାତା ଖେସାଲି ମାଟ୍‌ହେ ।

ନାଜରିତତା ଖେଣ୍ଡା ଖାନାୟି

୩୯*ତାୟୁ ଜସେପ ଅଡ଼େ ମରିୟମ ମାହାପୁରୁତି ମୋରା ତଲେ ବାରେ କାମା ରାପୁହାନା ଗାଲିଲିତି ତାମି ଗାଡ଼ା ନାଜରିତତା ଖେଣ୍ଡା ଖାଡ଼େରି ୪୦ ଅଡ଼େ ଜୀସୁ ଆଜ୍ଞାତା ବୁଦିତା ଅଡ଼େ ବାଡ଼ୟୁତା ପାତା ଆଡ଼େସି, ଅଡ଼େ ମାହାପୁରୁତି କାର୍ମା ଏଞ୍ଜାଣିଲାକ ମାତେ ।

ଜୀସୁ ମାହାପୁରୁ ଇଲୁତା

୪୧ ତାମି ଇୟା ଆବା ବାରେ ବାର୍ଯା ପିସପିଆନି ପାର୍ବୁତାକି ଜିରୁସାଲମତା ହାଜିମାତେରି । ୪୨ ଜୀସୁ ବାଡ଼ ବାର୍ଯା ଆହାଲିଏ ଏଞ୍ଜାରି ପାର୍ବୁତି ମୋରାଲେହେଁ ଜିରୁସାଲମତା ହାତେରି । ୪୩ ଅଡ଼େ ପାର୍ବୁତି ଦିନା ରାପୁହାନା ଏଡ଼େତା ଏଞ୍ଜାରି ଖେଣ୍ଡା ଖାଡ଼ିମାତେରି, ଏତିବେଲାତା ଉଣା କକାସି ଜୀସୁ ଜିରୁସାଲମତା ଡ଼ୟାହାଡ଼େସି, ସାମା ତାମି ଇୟା ଆବା ପୁଞ୍ଜାହିଲାଆତେରି; ୪୪ ସାମା ଏଞ୍ଜାରି ତାମିତଲେ ଖାହାମାତି ଲକ୍ଷ୍ମତଲେ ମାନେସି ଇଞ୍ଜୁଁ ଅଣପାନା ର ଦିନାତି ଜିରୁ ହାତେରି, ଅଡ଼େ ତାମି ଲକ୍ଷ୍ମ ଇଞ୍ଜୁଁ ପୁତି ଲକ୍ଷ୍ମତାଣା ପାରାଲି ମାଟ୍‌ହେରି, ୪୫ ଇଞ୍ଜୁଁ ଏଞ୍ଜାଣାଇଁ ମେଡ଼ା ଆଆନା ପାରି ପାରି ଜିରୁସାଲମତା ଖେଣ୍ଡା ହାତେରି । ୪୬ ତାନିଦିନା ତାୟୁ ଏଞ୍ଜାରି ଏଞ୍ଜାଣାଇଁ ମାହାପୁରୁ ଇଲୁତା ବେଟାଆଡ଼େରି; ଏଞ୍ଜାସି ମୋରାପୁନାରି କାତା ଖେଞ୍ଜିହିଁ ଏଞ୍ଜାରାଇଁ ଖେଣ୍ଡେ କାତା ଖେଞ୍ଜିମାତେରି, ୪୭ ଅଡ଼େ ଏତେକା ଲକ୍ଷ୍ମ ଏଞ୍ଜାଣି କାତା ଖେଞ୍ଜିମାତେରି, ବାରେଜାଣା ଏଞ୍ଜାଣି ବୁଦିତା ଅଡ଼େ ଖେହ୍ନି କାତାତା କାବା ଆହିମାତେରି । ୪୮ ଏତିବେଲା ତାମି ଇୟା ଆବା କକାଣାଇଁ ମେସାନା କାବାଆଡ଼ୁ ଇଞ୍ଜୁଁ ତାମି ଇୟା ଏଞ୍ଜାଣାଇଁ ଏଲେଇଚେ, “ମୀରୁଏଣା ମାଜେ ଏନାଆଁତାକି ଇତେକା ଦୁକୁ ହିୟାତି ? ମେହ୍‌ନୁ ନାନୁ ଅଡ଼େ ମୀ ଆବା ଏତେକା ଦୁକୁଆହିଁ ନିଜେ ପାରିମାଞ୍ଜାନମି ।”

୪୯ ଏମ୍ବାଟିଏ ଜୀସୁ ଏଲେଇଚେସି, “ମୀରୁ ନାଜେ ଏନାଆଁତାକି ପାରିମାଞ୍ଜାଦେରି ? ନା ଆବା ଇଜ ନାନୁ ମାନାଣି ମୀରୁ ପୁଞ୍ଜାହିଲଅତେରି ?” ୫୦ ସାମା ଏଞ୍ଜାସି ଆମିନି କାତା ଜଲିତେସି, ତାମି ଇୟା ଆବା ପୁଞ୍ଜାଲି ଆଡ଼ାଆତେରି ।

୫୧ ତାୟୁ ଜୀସୁ ତାମି ଇୟା ଆବା ତଲେ ଖେଣ୍ଡେ ନାଜରିତତା ଖାଡ଼େସି, ଇଞ୍ଜୁଁ ଏଞ୍ଜାରି କାତା ମାନଞ୍ଜି ଆହାନା ଡ଼ୟିତେସି, ଅଡ଼େ ତାମି ଇୟା ଇ ବାରେ କାତା ଜାଗାତା ତଲେ ମନତା ଇଟାମାତେ । ୫୨ ଅଡ଼େ ଜୀସୁ ଆଜ୍ଞାତା, ବୁଦିତା ଇଞ୍ଜୁଁ ମାହାପୁରୁ ଅଡ଼େ ମାଣ୍‌ସିୟାଁ କାର୍ମାଟି ପାତା ଆଡ଼େସି ।

୩

ବାପ୍ତିସ୍ମା* ହାନି ଜହନ ଖେକ୍‌ନାୟି

(ମାତି ୩:୧-୧୨; ମାର୍କ ୧:୧-୮; ଜହ ୧:୧୯-୨୮)

୧ ଡିବିରିୟା କାୟିସରତି ସାଲ୍‌ଞ୍ଜି କିନି ପନ୍‌ର ବାର୍ଯା ଆୟାଲିଏ, ଏତିବେଲା ପତ୍ରିୟ ପିଲାତ ଜୀହୁଦା ରାଜିତି ସାଲ୍‌ଞ୍ଜି କିନାସି ଅଡ଼େ ହେରପ ଗାଲିଲି ରାଜିତି ରାଜା ମାତେସି, ଅଡ଼େ ତାମି ତାୟି ପିଲିପ ଇଡୁରିୟା ଅଡ଼େ ଡ୍ରାକନିତି ରାଜି ଅଡ଼େ ଲୁସାନିୟା ଅବିଲିନିତି ରାଜା ମାତେସି । ୨ ହାନାନ ଅଡ଼େ କୟାପା କାଜା ପୂଜେରା ମାତେରି, ଏତିବେଲାତା ମାହାପୁରୁତି ବଲ୍ଲୁ ଲକ୍ଷ୍ମ ହିଲାଆ ଗାୟୁତା ଜିକରିୟ ମାଟ୍‌ସିସି ଜହନ ତାଣା ଖାଡ଼େ । ୩ ଏମ୍ବାଟିଏ ବାପ୍ତିସ୍ମା* ହାନି ଜହନ ଜଦନ ଦାରିତି ବାରେ ନାସ୍କାଞ୍ଜାକି ହାଜାନା ପାପୁ ମ୍ପେପକି ଆହାଲି ମନ ଖେଡ଼ହାନା ବାପ୍ତିସ୍ମା* ଅନି କାତା ଖେକ୍‌ହାଲି ମାଟ୍‌ହେସି,

୪ ଏନିଇତିହିଁ ମାହାପୁରୁ ଅଣ୍‌ପୁତି ବଲ୍ଲୁ ଖେହ୍ନି ଜିସାୟ ପତିତା ରାସ୍କି ଆହାମାନେ,

“ଲକ୍ଷ୍ମ ହିଲାଆ ଗାୟୁତା ରଅଣି ହାଡ଼ା ଖେଜିମାନେ;

ପ୍ରବୁତି ଜିରୁ ନେହିଁ କେପାଡୁ;
ଅଡ଼େ ଏଞ୍ଜାଣି କାଜା ଆଂଗେଣି ତିୟି କିଦୁ !

୫ ବାରେ ଗାଡ଼ଜା ନେଞ୍ଜି କିଞ୍ଜିଆନୁ,
ବାରେ ହରକା ମେଟାୟାଁ ଉଣା କିଞ୍ଜିଆନୁ,
ତଂଗିତି ଜିରୁ ତିୟି କିଞ୍ଜିଆନେ,
କାଡ଼୍‌ଦି ତେପା ବୁମିତି ବାରେ ସମାନା କିଞ୍ଜିଆନେ ।

* ୨:୩୯ ୨:୩୯ ମାତି ୨:୨୩ * ୩: ୩:୧ ମୁଞ୍ଜିନାୟି † ୩:୩ ୩:୩ ମୁଞ୍ଜିନାୟି ‡ ୩:୩ ୩:୩ ମୁଞ୍ଜିନାୟି

୨ ବାରେ ଦାରୁଡିତି ଲକ୍ଷୁ ମାହାପୁରୁଷି ଗେଲୁପିନାଣି ମେହୁନେରି ।”

୨*ଏଲେକିହ^{୧୧}, ଜହନ ତାଣାଟି ବାପ୍ତିସ୍ତୀ ଅହାଲି ଖାହାନି ଲକ୍ଷୁଣି ମେସାନା ଏଞ୍ଜାରାଇଁ ଏଲେକରେସି, “ଆଡେ ରାସ୍ତାକୁ କୁଡ଼ାତାତେରି ମାହାପୁରୁ ପାଣ୍ଡାମାଞ୍ଜାନି କପାଟି ପିସ୍ତୁ ଆହାଲି ମାଜେ ଆମ୍ବାଆସି ସେଡନା ହିୟାତେସି ? ।” *ଏଦାଆଁତାକି ମନ ଖେଟ୍ତାକଡିତି ନେହ^{୧୨} କାମା ତହୁଦୁ; ଅଡେ ଅବ୍ରାହାମ ମା ଆବା ଇଞ୍ଜିହ^{୧୩} ଅଣ୍ଡାପାଆଦୁ. ନାନୁ ମିଜ ଖେସିମାଞ୍ଜାଇଁ, ମାହାପୁରୁ ଇ ଖାଲୁକାଟି ଜିକେଏ ଅବ୍ରାହାମତି ମାରୁକାଣି ଗାଡ଼ି କିହାଲି ଆଡ଼ିମାନେସି ! ।* ଅଡେ ନୀର୍ବ ଜିକେଏ ମାରୁନୁ ତାକିତା କାଃଆଲି ଆଟାମାନେ; ଆମିନି ମାରୁନୁ ନେହ^{୧୪} ପାଡେୟି ଆୟେଏ ଏଦାନି ଟୁଣହାନା ହିରୁତା ମେଡୁପି ଆନେ ।”

୧୦ ଏଦାରିଏ ଲକ୍ଷୁ ଏଞ୍ଜାଣାଇଁ ଖେରେରି, “ଆଡିହ^{୧୫} ମାମ୍ବୁଏନାଆଁ କିନମି ?”

୧୧ ଏଞ୍ଜାସି ଏଲେକରେସି, “ଆମ୍ବାଆରାକି ଜଡେତକା ସକାୟାଁ ମାମ୍ବୁ, ଏଞ୍ଜାସି ଆମ୍ବାଆରାକି ହିଲାର ଏଞ୍ଜାଣାକି ରଣ୍ଡାଆଁ ହାପେସି; ଇଞ୍ଜା ଆମ୍ବାଆରାକି କାଦି ମାନେ ଏଞ୍ଜାସି ଜିକେଏ ଏଲେକିପାସି ।”

୧୨ *ସିସୁ ରାହାନାରି ଜିକେଏ ବାପ୍ତିସ୍ତୀ* ଅହାଲି ଖାହାନା ଏଲେକରେରି, “ଏ ଗୁରୁ ମାମ୍ବୁଏନାଆଁ କିନମି ?”

୧୩ ଏଞ୍ଜାସି ଏଞ୍ଜାରାଇଁ ଏଲେକରେସି, “ମିଜେତାକି ଏରେକା ଡେରା ମାନେ ଏରେକାଟିଏ ଆଗାଡ଼ା ରାହ^{୧୬}ଆଦୁ ।”

୧୪ ଏଚରଜାଣା ରିଜାରି କସକା ଖାହାନା ଏଲେକରେରି, “ମାମ୍ବୁଏନାଆଁ କିନମି ?”

ଏଞ୍ଜାସି ଏଞ୍ଜାରାଇଁ ଏଲେକରେସି, “ବାଡୁୟୁଟି କି ନାଡ଼ିକିହାନା ଆମ୍ବାଆରି ଦନ ମାଞ୍ଜା ଅଆଦୁ, ଅଡେ ମାରୁ ଏରେକା ବେଟାଆଡେରି ଏରେକା ତଲେଏ ନୀଡ଼ାଦୁ ।”

୧୫ ଲକ୍ଷୁ ମସିହାଇଁ କାଟିମାରେରି, ଇଞ୍ଜା ଜହନଏ କ୍ରୀସ୍ତ ହାବୁଲା ଇଞ୍ଜ^{୧୭} ଅଣ୍ଡାପାନା ବାରେଜାଣା ତାମି ମନତା କାତା ଆହିମାଟାକି, ୧୬ ଜହନ ଏଞ୍ଜାରାଇଁ ଏଲେକରେସି, “ନାନୁଆଁ ଏୟୁତଲେ ବାପ୍ତିସ୍ତୀ^{୧୮} ହାହିମାଞ୍ଜାଇଁ, ସାମା ନା କିହାଁ ଆମ୍ବାଆସି ବାଡୁୟୁ ଗାଟାସି ଏଞ୍ଜାସି ଖାହିମାନେସି, ଏଞ୍ଜାଣି ସେପୁୟାଁତି ଡ଼କା ଜିକେଏ ହୁକହାଲି ନାନୁ ପାଡ଼ାଆଆଁ; ଏଞ୍ଜାସି ମିଜେ ସୁଦୁଜୀସୁ ଅଡେ ହିରୁତଲେ ବାପ୍ତିସ୍ତୀ^{୧୯} ହିୟାନେସି । ୧୭ ତାନି କ୍ଷାନ୍ତୁତି ତାସାଲି ଅଡେ ତାନି ଆନାତି କୁସାହାଁ କୁଡ଼ି କିହାନା ଗାଡେୟିତା ଇଟାଲି ଏଞ୍ଜାଣି କେୟୁତା ହେତି ମାନେ, ଇଞ୍ଜା ଟାଟା ପଡ଼ୁଡୁ ଏରେଲ୍ଲା ଡୁମ୍ବାଆଗାଟି ହିରୁତା ହୁତା ଡୁହନେସି ।”

୧୮ ଏଞ୍ଜାସି ଇଲେକି ହାରେକା କାତା ଖେସିହ^{୨୦} ଅଡେ ରାହାଁତି କାତା ଜଲିହ^{୨୧} ଲକ୍ଷୁତାଣା ନେହ^{୨୨} କାବୁ ଖେକିହ ମାରେସି; ୧୯ *ସାମା ରାଜା ହେରଦ ତାମି ତାୟି ତକ୍ତି ହେରଦିୟାନି କାତା ଅଡେ ତାନୁ କିହାମାନି ବାରେ ଲାଗେଏତି କାମାତାକି ଜହନ ତାଣାଟି ଲାରି ବେଟା ଆହାମାଟାକି, ୨୦ ହେରଦ ଜହନଇଁ ଦସ୍ତପାନା କାୟିଦିତା ଇଟାନା ହାରେକା ଲାଗେଏତି କାମା କିତେସି ।

ଜାସୁତି ବାପ୍ତିସ୍ତୀ

(ମାତି ୩:୧୩-୧୭; ମାର୍କ ୧:୯-୧୧)

୨୧ ବାରେ ଲକ୍ଷୁ ବାପ୍ତିସ୍ତୀ* ଅଡ଼ି ତାୟୁ ଜିକେଏ ବାପ୍ତିସ୍ତୀ^{୨୩} ଅହାନା ପ୍ରାତାନା କିହିମାଟାଟି ହାଗୁ ଦେପିଆଡେ, ୨୨*ଅଡେ ସୁଦୁଜୀସୁ ପାରୁଖା ପଟାଲେହେଁ ଏଞ୍ଜାଣିଲାକି ରେଟାଖାଡେ; ଇଞ୍ଜା ହାଗୁଟି ଇ ହାଡ଼ା ଆଡେ, “ନାନୁ ନା ଜାସୁତି ମାରୁଏଣାଟି ନୀ ତାଣା ନା ରାହାଁ ମାନେ ।”

ଜାସୁତି ଆକୁ ଆବାୟାଁ

(ମାତି ୧:୧-୧୭)

୨୩ ଜାସୁ ସେବା କାମା ମାରୁହି ବେଲାତା ଏଞ୍ଜାଣାକି କଡେଦସ ବାସା ଆହାମାଟେ; ଲକ୍ଷୁତି କାତାତଲେ ଏଞ୍ଜାସି ଜସେପ ମାରୁଏସି; ଜସେପ ଏଲି ମାରୁଏସି, ୨୪ ଏଲି ମତାତ ମାରୁଏସି, ମତାତ ଲେବି ମାରୁଏସି, ଲେବି ମଲ୍ଲକି ମାରୁଏସି, ମଲ୍ଲକି ଜନୟ ମାରୁଏସି, ଜନୟ ଜସେପ ମାରୁଏସି, ୨୫ ଜସେପ ମତିତିୟା ମାରୁଏସି, ମତିତିୟା ଆମସ ମାରୁଏସି, ଆମସ ନାହୁମ ମାରୁଏସି, ନାହୁମ ହେସଲି ମାରୁଏସି, ହେସଲି ନଗୟ ମାରୁଏସି, ୨୬ ନଗୟ ମହତ ମାରୁଏସି, ମହତ ମତିତିୟସ ମାରୁଏସି, ମତିତିୟସ ସିମିୟି ମାରୁଏସି, ସିମିୟି ଜସେକ ମାରୁଏସି, ଜସେକ ଜଦା ମାରୁଏସି, ୨୭ ଜଦା ଜହନ ମାରୁଏସି, ଜହନ ରେସା ମାରୁଏସି,

* ୩:୨ ୩:୭ ମାତି ୧୭:୩୪; ୨୩:୩୩ S ୩:୨ ୩:୭ ମୁଞ୍ଜିନାୟି, * ୩:୮ ୩:୮ ଜହ ୮:୩୩ * ୩:୯ ୩:୯ ମାତି ୭:୧୯ * ୩:୧୨ ୩:୧୨ ଲୁକ ୭:୨୯ * ୩:୧୨ ୩:୧୨ ମୁଞ୍ଜିନାୟି, † ୩:୧୭ ୩:୧୭ ମୁଞ୍ଜିନାୟି, ‡ ୩:୧୭ ୩:୧୭ ମୁଞ୍ଜିନାୟି, * ୩:୧୯ ୩:୧୯ ମାତି ୧୪:୩:୪; ମାର୍କ ୭:୧୭,୧୮ S ୩:୨୦ ୩:୨୧ ମୁଞ୍ଜିନାୟି * ୩:୨୧ ୩:୨୧ ମୁଞ୍ଜିନାୟି, † ୩:୨୧ ୩:୨୧ ମୁଞ୍ଜିନାୟି, * ୩:୨୨ ୩:୨୨ ମାତି ୩:୧୭; ମାର୍କ ୧:୧୧; ଲୁକ ୯:୩୫

ରେସା ଜିରୁବାବେଲ ମୀରୁଏସି, ଜିରୁବାବିଲ ସଲ୍ଲଟିୟେଲ୍ ମୀରୁଏସି, ସଲ୍ଲଟିୟେଲ୍ ନେରି ମୀରୁଏସି, ୨୮ ନେରି ମଲ୍ଲକି ମୀରୁଏସି, ମଲ୍ଲକି ଅଦଦି ମୀରୁଏସି, ଅଦଦି କସାମ ମୀରୁଏସି, କସାମ ଏଲ୍ଲାଦାନ ମୀରୁଏସି, ଏଲ୍ଲାଦାନ ଏର ମୀରୁଏସି, ୨୯ ଏର ଜିହସୁୟ୍ ମୀରୁଏସି, ଜିହସୁୟ୍ ଏଲ୍ଲିୟାଜର ମୀରୁଏସି, ଏଲ୍ଲିୟାଜର ଜରିମ ମୀରୁଏସି, ଜରିମ ମତାତ ମୀରୁଏସି, ମତାତ ଲେବି ମୀରୁଏସି, ୩୦ ଲେବି ସିମିୟନ ମୀରୁଏସି, ସିମିୟନ ଜାହୁଦା ମୀରୁଏସି, ଜାହୁଦା ଜସେପ ମୀରୁଏସି, ଜସେପ ଜନାମ ମୀରୁଏସି, ଜନାମ ଏଲ୍ଲିୟାକିମ ମୀରୁଏସି, ୩୧ ଏଲ୍ଲିୟାକିମ ମଲ୍ଲାହ ମୀରୁଏସି, ମଲ୍ଲାହ ମନ୍ନା ମୀରୁଏସି, ମନ୍ନା ମତତା ମୀରୁଏସି, ମତତା ନାତନ ମୀରୁଏସି, ନାତନ ଦାସୁଦ ମୀରୁଏସି, ୩୨ ଦାସୁଦ ଜିସି ମୀରୁଏସି, ଜିସି ଅବେଦ ମୀରୁଏସି, ଅବେଦ ବୟାଜ ମୀରୁଏସି, ବୟାଜ ସେଲହ ମୀରୁଏସି, ସେଲହ ନହସନ ମୀରୁଏସି, ୩୩ ନହସନ ଅମିନାଦାବ ମୀରୁଏସି, ଅମିନାଦାବ ଅଦନିନି ମୀରୁଏସି, ଅଦନିନି ଅରନି ମୀରୁଏସି, ଅରନି ହେସୁଣ ମୀରୁଏସି, ହେସୁଣ ପେରସ ମୀରୁଏସି, ପେରସ ଜାହୁଦା ମୀରୁଏସି, ୩୪ ଜାହୁଦା ଜାକୁବ ମୀରୁଏସି, ଜାକୁବ ଇସାହାକ ମୀରୁଏସି, ଇସାହାକ ଅବ୍ରାହାମ ମୀରୁଏସି, ଅବ୍ରାହାମ ତେରହ ମୀରୁଏସି, ତେରହ ନାହରୁ ମୀରୁଏସି, ୩୫ ନାହରୁ ସରୁଗ ମୀରୁଏସି, ସରୁଗ ରଗୁ ମୀରୁଏସି, ରଗୁ ପେଲଗ ମୀରୁଏସି, ପେଲଗ ଏବର ମୀରୁଏସି, ଏବର ସେଲହ ମୀରୁଏସି, ୩୬ ସେଲହ କେନାନ ମୀରୁଏସି, କେନାନ ଅର୍ପକ୍ୟଦ ମୀରୁଏସି, ଅର୍ପକ୍ୟଦ ସେମ ମୀରୁଏସି, ସେମ ନହ୍ ମୀରୁଏସି, ନହ୍ ଲେମକ ମୀରୁଏସି, ୩୭ ଲେମକ ମତୁସେଲହ ମୀରୁଏସି, ମତୁସେଲହ ହନକ ମୀରୁଏସି, ହନକ ଜେରଦ ମୀରୁଏସି, ଜେରଦ ମହଲଲେଲ ମୀରୁଏସି, ମହଲଲେଲ କେନାନ ମୀରୁଏସି, ୩୮ କେନାନ ଏନସ ମୀରୁଏସି, ଏନସ ସେତ ମୀରୁଏସି, ସେତ ଆଦମ ମୀରୁଏସି, ଆଦମ ମାହାପୁରୁ ମୀରୁଏସି ।

୪

ଜାସୁଇଁ ତାୟିପାରି କିନାୟି
 (ମାତି ୪:୧-୧୧; ମାର୍କ ୧:୧୨-୧୩)

୧ ଜାସୁ ସୁଦୁଜାସୁ ବେଟାଆହାନା ଜର୍ଦନ କାତାଟି ଖେଣ୍ଡାଖାଡେସି ଇଞ୍ଜା ରୀ କଡ଼ି ଦିନା ପାତେକା ସୁଦୁଜାସୁ ତଲେ ଲକୁ ହିଲାଆ ଗାୟୁତା ହାଚେସି । ୨ ଏମ୍ବାଆଁ ଏଞ୍ଜାସି ସୟତାନ ତାଣାଟି ତାୟିପାରି କିଞ୍ଜିଆଡେସି । ଇ ରୀ କଡ଼ି ଦିନା ଏଞ୍ଜାସି ଏନାଆଁ ତିନାଆଡେସି, ଅଡେ ଏ ରୀ କଡ଼ି ଦିନା ରାହାଲିଏ ଏଞ୍ଜାସି ହାକି ଆଡେସି ।

୩ ଏମ୍ବାଟିଏ ସୟତାନ ଏଞ୍ଜାଣାଇଁ ଏଲେଇଚେ, “ନୀନୁ ମାହାପୁରୁ ମୀରୁଏଣାଟି ଇତିହ~ ଇ ଖାଲକାଣି ରୁଟି ଆହାଲି ହୁକୁମି ହାମୁ ।”

୪ ସାମା ଜାସୁ ଏଲେଇଚେସି, “ଦାମ୍ବୁ ସାସ୍ତେରିତା ରାସ୍ବକି ଆହାମାନେ, ମାଣସି ଖାରଇ ରୁଟି ତିଞ୍ଜାନା ନୀତଅସି ।”

୫ ଅଡେ ସୟତାନ କାଜା ହରୁ ଲାକ ଅହାନା ଗାଡେକା ତାକି ଦାରୁତି ବାରେ ରାଜି ଏଞ୍ଜାଣାଇଁ ତସ୍ତେ ।

୬ ଇଞ୍ଜା ସୟତାନ ଏଞ୍ଜାଣାଇଁ ଏଲେଇଚେ, “ନୀନୁ ନିଜେ ଇ ବାରେ ଦନ୍ଦତି ଅଦିକାରା କିୟାଇଁ, ଏନାଆଁତାକି ଇତିହ~ ବାରେ ନାଜେ ହେରୁଦି ଆହାମାଞ୍ଜାନେ, ଅଡେ ନାନୁ ଆମ୍ବାଆରାକି ମନ ଏଞ୍ଜାଣାକି ହାଇଁ ।

୭ ଇଦାଆଁତାକି ନୀନୁ ନା ନକିତା ମେଣ୍ଡାକୁତାନା ଜହରା କିୟାଦି, ଇତିହ~ ଇ ବାରେ ନାଦି ଆନେ ।”

୮ ଜାସୁ ଏଲେଇଚେସି, “ରାସ୍ବକି ଆହାମାନେ, ‘ନୀନୁ ନୀ ମାହାପୁରୁଇଁ ଜହରା କିଦି, ଅଡେ ଖାରଇ ଏଞ୍ଜାଣି ସେବା କିଦି ।”

୯ ଅଡେ ସୟତାନ ଏଞ୍ଜାଣାଇଁ ଜିରୁସାଲମତା ଅହାନା ମାହାପୁରୁ ଇଲ୍ଲୁ ତୁଡିୟା ଲାକ ନିପହାନା ଏଲେଇଚେ, “ନୀନୁ ମାହାପୁରୁଟି ମୀରୁଏଣାଟି ଇତିହ~ ଇମ୍ବାଟି ତୁଇକା ଚୋମାମୁ; ୧୦ ଇତିହ~ ରାସ୍ବକି ଆହାମାନେ, ‘ନିଜେ ଗେଲ୍ପାଲିତାକି ମାହାପୁରୁ ତାନି ଦୂତୁୟାଁଇଁ ହୁକୁମି ହାଣେସି ।’ ୧୧ ଅଡେ ରାସ୍ବକି ଆହାମାନେ, ‘ନୀ କତାୟାଁ ଏନିକ~ ଖାଲକାଣା ଆଡାଉ ଏଦାଆଁତାକି ଏଞ୍ଜି ନିଜେ କେସ୍ତାତଲେ ପେରହା ଆସ୍ତାନୁ ।”

୧୨ ସାମା ଜାସୁ ଏଦାନି ଏଲେଇଚେସି, “ଦାମ୍ବୁ ସାସ୍ତେରିତା ରାସ୍ବକି ଆହାମାନେ, ନୀନୁ ପ୍ରବୁ ନୀ ମାହାପୁରୁଇଁ ତାୟିପାରି କିଆନି ।”

୧୩ ସୟତାନ ଜାସୁଇଁ ବାରେ ତାୟିପାରି କିନାୟି ରାପହାନା ଗାଡେକା ତାକି ଏଞ୍ଜାଣାଇଁ ପିସାନା ହାଚେ ।

ଜାସୁ ଗାଲିଲିତା ସେବା କାମା ମାଟ୍ଟନାୟି
 (ମାତି ୪:୧୨-୧୭; ମାର୍କ ୧:୧୪-୧୫)

^{୧୪} ଏ ତାହୁଁ ଜୀସୁ ସ୍ୱପ୍ନଜୀବିତ ବାଡ଼ୁଲୁ ତଲେ ଗାଲିଲିତା ଝାଡ଼େସି, ଅଡ଼େ ସାରିଝାକି ଏଝାଣି କାତା ଝେଜିତେ । ^{୧୫} ଅଡ଼େ ଏଝାସି ଏଝାରି ଜୀହୁଦି ଲକୁତି କୁଟମି ଇଲୁକାଣା* ଜାପୁହିହୁଁ ବାରେ ଲକୁ ତାଣାଟି ଗାଝୁରମି ବେଟାଆଡ଼େସି ।

ଜୀସୁଇଁ ନାଜରିତତା ଅପାଆଡ଼େରି

(ମାତି ୧୩:୫୩-୫୮; ମାର୍କ ୬:୧-୬)

^{୧୬} ଅଡ଼େ ଏଝାସି ଆମିନି ନାଜରିତତା ପହିପାତି ଆହାମାରେସି, ଏଚେତା ଏ ଚାମୁତା ହାଚେସି ଅଡ଼େ ତାମି ନେରାଲେହେଁ ଜମିନି ଦିନାତା ଜୀହୁଦି ଲକୁତି କୁଟମି ଇଲୁତା† ହାଚେସି ଇଞ୍ଜା ପଡ଼ଝି ଆହାଲି ନିଚେସି, ^{୧୭} ଏମ୍ପାଟିଏ ମାହାପୁରୁ ଅଣପୁତି ବଲୁ ଝେହୁନି ଜିସାୟତି ପତି ହାଚେରେ, ଜୀସୁ ଏଦାଆଁ ଏକହାନା ଏମିନିତାଣା ଇ କାତା ରାସୁକି ଆହାମାନେ ଏ କାତା ବେଟାଆଡ଼େସି;

^{୧୮} “ପ୍ରବୁତି ଜୀଝୁ ନା ତାଣା ମାନେ,

ଏନିଇଚିହୁଁ ହିଲୀଆ ଗାଟାରି ତାଣା ନେହୁଁ କାବୁ ଝେକହାଲି ଏଝାସି ନାଜେ ଆଡ଼ାମାଞ୍ଜାନେସି; କାୟିଦିତା ମାନାରାଇଁ ପିସପି ଆନାଣି ଝେକହାଲି,

କାଣକା ମେହୁଆଗାଟାରାଇଁ ମେସପି କିହାଲି,

ଦୁକୁ ବେଟାଆହି ମାନାରାଇଁ ଗେଲପାଲି,

^{୧୯} ଇଞ୍ଜା ମାହାପୁରୁ କାର୍ମା ମେସ୍ତାନି ବେଲାତି କାତା ଝେକହାଲି

ପ୍ରବୁ ନାଜେ ପାଣ୍ଡାମାଞ୍ଜାନେସି ।”

^{୨୦} ଏମ୍ପାଟିଏ ଜୀସୁ ପତିତି ମୁଦା କିହାନା ସେବା କିନାଣି କେୟୁତା ହୀହାନା କୁରିଚେସି । ଅଡ଼େ ଜୀହୁଦି ଲକୁତି କୁଟମି ଇଲୁତା‡ କୁଗାମାନି ବାରେ ଲକୁ ଜୀସୁ ଝାକି ସିନିକିଚେରେ । ^{୨୧} ଇଞ୍ଜା ଜୀସୁ ଏଝାରାଇଁ ଏଲେଇଚେସି, “ନୀଞ୍ଜୁଟିଏ ଦାମୁଁ ପତିତି ଇ କାତା ମୀରୁ ଝେଣମ୍ପନିଏ ପୂରା ଆଡ଼େ ।”

^{୨୨} ଅଡ଼େ ବାରେଜାଣା ତାନି କାତାତାକି ସାକି ହୀଚେରେ, ଅଡ଼େ ତାନି ଗୁଡିଟି ହଡ଼ିମାନି କାର୍ମାତି ବଲୁତା କାବା ଆଡ଼େରି ଇଞ୍ଜା ଏଲେଇଚେରେ, “ଇଝାସି ଏନାଆଁ ଜସେପ ମାବୁସି ଆଏକି ?”

^{୨୩} ଏମ୍ପାଟିଏ ଏଝାସି ଏଝାରାଇଁ ଏଲେଇଚେସି, “ମୀରୁ ସାଚେଏ ନାଜେ ଏଲେ ଇଞ୍ଜାଦେରି, ଏ ଅସଗୁରୁ ନୀନୁଏ ନିଜେ ନେହୁଁ କିହାକତାମୁ; କପରନାହୁମତା ଏନା ଏନାଆଁ କିହାମାଞ୍ଜ ଇଞ୍ଜା ମାମୁ ଝୁଝାମାମାନି ଏଲେକିଁ ମୀ ଆକୁ ଆବାୟାଁ ନାୟୁତା ଜିକେଏ କିମୁ ।” ^{୨୪} ଅଡ଼େ ଏଝାସି ଏଲେଇଚେସି, “ନାନୁ ମିଜେ ସାତା ଝେସିମାଞ୍ଜାଇଁ, ମାହାପୁରୁ ଅଣପୁତି ବଲୁ ଝେହୁନାରି ତାନୁ ପାତାଆଡ଼ି ନାୟୁତି ଲକୁ ଅପଅରି ।

^{୨୫} ସାମା ନାନୁ ମିଜେ ସାତା ଝେସିମାଞ୍ଜାଇଁ, ଏଲିୟ ବେଲାତା ଏନିକିଁ ତାନି ବାର୍ଯା ସ ଲେଞ୍ଜୁ ପାତେକା ହାଗୁଟି ପିୟୁ ରିଆତାକି ବାରେ ଦେସା କାରୁଝୁ ଆହାମାରେ, ଏରିବେଲାତା ଇସ୍ତାୟେଲତା ହାଚେରକା ରାଣ୍ଡେଣିସିକା ମାଟିହୁଁ ଜିକେଏ; ^{୨୬} ଏଲିୟ ଏଝାସିକା ତାଣା ପାଣ୍ଡୁଝି ଆଆନା ସିଦନ ଦେସାତି ସାରିପତ ନାୟୁତି ର ରାଣ୍ଡେଣିନି ତାଣା ପାଣ୍ଡୁଝି ଆଡ଼େସି । ^{୨୭} ଅଡ଼େ ମାହାପୁରୁ ଅଣପୁତି ବଲୁ ଝେହୁନି ଏଲିସାୟ ମାଟାଟି ଇସ୍ତାୟେଲ ବିତ୍ତା ହାଚେରକା କାଜା ରଗା ଗାଟାରି ମାଚେରେ; ଆଡ଼ିଜିକେଏ ଏଝାରି ବିତ୍ତାଟି ରଅସି ଜିକେଏ ନେହୁଁ ଆଆଡ଼େସି, ସାମା ସିରିୟା ଦେସାତି ନାମାନ ନେହୁଁ କିଝିଆଡ଼େସି ।”

^{୨୮} ଜୀହୁଦି ଲକୁତି କୁଟମି ଇଲୁତା§ ଇ ବାରେ କାତା ଝେଞ୍ଜାନା ବାରେଜାଣା କାରୁବି ଆଡ଼େରି, ^{୨୯} ଅଡ଼େ ଏଝାରି ନିଜାମା ଏଝାଣାଇଁ ଗାଡ଼ାଟି ପାଞ୍ଜାତା ପେର୍ହେରି ଇଞ୍ଜା ଏଝାରି ଏମିନି ଗାଡ଼ା ହରୁଲେକ ଦସାମାଚେରି ଏ ହରୁ ଲାକଟି ତୁଇକା ମେଡ଼ହାଲି ଏଝାଣାଇଁ ଅଡ଼େରି; ^{୩୦} ସାମା ଏଝାସି ଏଝାରି ମାଦିଟି ହଡ଼ାହାଚେସି ।

ଜୀସୁ ବୁଡୁ ଆଲଗା ମାତାଣାଇଁ ନେହୁଁ କିନାୟି

(ମାର୍କ ୧:୨୧-୨୮)

^{୩୧} ଜୀସୁ କପରନାହୁମ ଦରୁଗାଟି ଗାଲିଲିତି ର ଗାଡ଼ାତା ଝାଡ଼େସି, ଇଞ୍ଜା ଜମିନି ଦିନା ଲକୁଣି ଜାପୁହି ମାଚେସି, ^{୩୨} ଅଡ଼େ ଏଝାରି ଏଝାଣି ଜାପୁନି ତାଣା କାବା ଆଡ଼େରି, ଏନାଆଁତାକି ଇଚିହୁଁ ଏଝାଣି ଜଲିନାୟି ଅଦିକାରା ଗାଟାୟି ଲେହେଁ ମାଚେ । ^{୩୩} ର ଦିନା ଜୀହୁଦି ଲକୁତି କୁଟମି ଇଲୁତା* ର ପଲୁଆ ବୁଡୁ ଆଲଗାମାଟି ଲକୁ ମାଚେସି; ଏଝାସି କିରଡ଼ିହୁଁ ଏଲେଇଚେସି, ^{୩୪} “ଏ ନାଜରିତତ ଜୀସୁ ନୀ ତଲେ ମାଜେ

* ୪:୧୫ ୪:୧୫ ସିନଗର † ୪:୧୬ ୪:୧୭ ସିନଗର ‡ ୪:୨୦ ୪:୨୦ ସିନଗର § ୪:୨୪ ୪:୨୪ ଜହ ୪:୪୪ § ୪:୨୮ ୪:୨୮ ସିନଗର ☆ ୪:୩୨ ୪:୩୨ ମାତି ୭:୨୮, ୨୯ * ୪:୩୩ ୪:୩୩ ସିନଗର

ଏନାୟି ମାନେ ? ନୀନୁ ମାଜେ ନାୟା କିହାଲି ଖାହାମାଞ୍ଜି କି ? ନୀନୁ ଆମ୍ବାଆତି ନାନୁ ପୁଞ୍ଜାମାଞ୍ଜି; ନୀନୁ ମାହାପୁରୁତି ସୁଦୁ ମାଣ୍ଡିସିତି ।”

୩୫ ଜୀସୁ ଏଦାନି ଦାକା ହାହାନା ଏଲେଇଚେସି, “ପାଲେଏ ଆନୁ ଇଞ୍ଜା ଇଞ୍ଜାଣି ତାଣାଟି ହଚାହାଲାନୁ ।” ଏମ୍ବାଟିଏ ଏ ବୁଦୁ ଏଞ୍ଜାଣାଞ୍ଜି ମାଦିଏ ବୁକହାନା ଏଞ୍ଜାଣାଞ୍ଜି ଏନାଆଁ କିଆନା ହଚାହାଚେ ।

୩୬ ଏମ୍ବାଟିଏ ବାରେଜାଣା କାବାଆହାନା ଏଲେଇଶ୍ଚି ଆଚେରି, “ଇଦି ଏନିଲେହେଟି କାତା ? ଏଞ୍ଜାସି ବୁଦୁୟାଁ ଅଦିକାରା ଅଚେ ବାଡୁୟୁଟି ହୁକୁମି ହାହିମାନେସି ଇଞ୍ଜା ଏଞ୍ଜି ହଚା ହାଜିମାନୁ !” ୩୭ ଏମ୍ବାଟିଏ ଏଞ୍ଜାଣି ହାଡାତି କାବୁ ଦେସାତି ସାରିଞ୍ଜାକି ଝେଙ୍ଗାହାଚେ ।

ଜୀସୁ ହାଚେରକା ଲକୁଇଁ ନେହୁଁ କିନାୟି
(ମାତି ୮:୧୪-୧୭; ମାର୍କ ୧:୧୯-୩୪)

୩୮ ଏମ୍ବାଟିଏ ଜୀସୁ ଜୀହୁଦି ଲକୁତି କୁଟମି ଇଲୁଟି[†] ହଚାନା ସିମନ ଇଜ ହାଚେସି । ସିମନ ପୟା ଗାତି ନଟେରି ଆହାମାଚେ, ଅଚେ ଏଞ୍ଜାରି ଇ କାତା ଜୀସୁଞ୍ଜି ଏଲେଇଚେରି । ୩୯ ଏମ୍ବାଟିଏ ଏଞ୍ଜାସି ଏଦାନି ତାଗେ ନିଚାନା ନଟେରିତି ଦାକା ହାଚେସି, ଇଞ୍ଜା ଏଦାନାକି ନଟେରି ପିସ୍ତେ, ଏଦି ଏ ଦେବୁଣିଏ ନିଜ୍ଜାନା ଏଞ୍ଜାରି ସେବା କିଚେ ।

୪୦ ଝେଡ଼ା କୁଡୁହି ମାଗାଟି ଆମ୍ବାଆରି ତାଣା ଏନିଲେହେଟି ରଚା ମାଚେ, ଏଲେତି ରଚା ଲକୁଣି ଜୀସୁ ତାଣା ତାଚେରି, ଇଞ୍ଜା ତାମି ତାକାଣା କେୟୁ ଇଚାନା ବାରେତି ନେହୁଁ କିଚେସି । ୪୧ ଅଚେ ବୁଦୁୟାଁ ଜିକେଏ କିରୁଡୁହି[‡] ହାଚେରକା ଲକୁ ତାଣାଟି ଏଲେଇଞ୍ଜି ହଚାହାହୁ, “ନୀନୁ ମାହାପୁରୁ ମାଟୁଏଣାଟି ।”

ଅଚେ ଜୀସୁ ଏ ବାରେତି କାତା ଆହାଲି ହାଆନା ଦାକା ହାଚେସି, ଇଚିହୁଁ ଏଞ୍ଜାସି କ୍ରୀସୁ ଇଦାଆଁ ଏଞ୍ଜି ପୁଞ୍ଜାମାନୁ ।

ଜୀସୁ ଜୀହୁଦି ଲକୁତି କୁଟମି ଇଲୁତା ଝେକ୍ନାୟି
(ମାର୍କ ୧:୩୫-୩୯)

୪୨ ଲାଜୁ ଝେୟାଲିଏ ଏଞ୍ଜାସି ହଚାନା ଲକୁ ହିଲାଆ ଗାୟୁତା ହାଚେସି; ଅଚେ ଲକୁ ଏଞ୍ଜାଣାଞ୍ଜି ପାରି ପାରିହୁଁ ଏଞ୍ଜାଣି ତାଣା ଖାଚେରି, ଅଚେ ଏଞ୍ଜାସି ଏନିକ[‡] ଏଞ୍ଜାରି ତାଣାଟି ହାଲଅସି, ଏଦାଆଁତାକି ଏଞ୍ଜାଣାଞ୍ଜି ମାଞ୍ଜାଲି ବାଡିମାଲିଚେରି । ୪୩ ସାମା ଏଞ୍ଜାସି ଏଞ୍ଜାରାଞ୍ଜି ଏଲେଇଚେସି, “ଏଟକା ଗାଡ଼ାତା ଜିକେଏ ନାନୁ ମାହାପୁରୁ ରାଜିତି ନେହୁଁ କାବୁ ଝେକ୍ନାୟି ମାନେ, ଇଚିହୁଁ ଏଦାଆଁତାକି ନାନୁ ପାଣ୍ଡୁଞ୍ଜି ଆହାମାଞ୍ଜି ।”

୪୪ ଇଞ୍ଜା ଏଞ୍ଜାସି ଜୀହୁଦା ଦେସାତି ଜୀହୁଦି ଲକୁତି କୁଟମି ଇଲୁକାଣା[‡] ହାଜାନା ନେହୁଁ କାବୁ ଝେକ୍ନାହେସି ।

୫

ଜୀସୁ ମୀଣକା ଆହନାରାଞ୍ଜି ହାଚିନାୟି
(ମାତି ୪:୧୮-୨୨; ମାର୍କ ୧:୧୭-୨୦)

୧[‡] ର ଦିନା ଜୀସୁ ଗେନେସର ବାନ୍ଦା ଗାଟୁତା ନିଚାମାଗାଟି ହାଚେରକା ଲକୁ ମାହାପୁରୁତି କାତା ଝେଞ୍ଜାଲି ଏଞ୍ଜାଣି ସାରିସୁଟୁ ରୁଞ୍ଜା ଆଚେରି । ୨ ଇଞ୍ଜା ଏଞ୍ଜାସି ବାନ୍ଦା ଗାଟୁତା ରୀ ତଂଗାୟାଁ ମାନାଣି ମେସ୍ତେସି; ଏମ୍ବାଟି ମୀଣକା ଆହନାରି ଏମ୍ବାଟି ରେଚାନା ତାମି ଜାଲ୍ଲାୟାଁ ନଚୁହି ମାଚେରି । ୩ ଏ ତଂଗ ବିଡ଼ାଟି ଏନିନାୟି ସିମନଖାୟି ମାଚେ, ଏ ତଂଗତା କୁଗାନା ଗାଟୁଟିଏ ହିରେ ହେକ ହାଜାଲି ବାଡିମାଲିଚେସି; ଇଞ୍ଜା ଏଞ୍ଜାସି କୁଗାନା ଲକୁଣି ଜାପୁହେସି ।

୪ ଏଞ୍ଜାସି ତାନି କାତା ରାପୁହାଲିଏ ସିମନଞ୍ଜି ଏଲେଇଚେସି, “ମୀଣକା ଆସାଲି କୁଡୁନି ଏୟୁଞ୍ଜାକି ହାଜାନା ମୀ ଜାଲ୍ଲାୟାଁ ମେଡୁଦୁ ।”

୫ ଏମ୍ବାଟିଏ ସିମନ ଏଲେଇଚେସି, “ଏ ଗୁରୁ ମାମ୍ବୁଲ୍ଲାଆଁ ଝେୟେ କସ୍ତ କିତିଞ୍ଜା ର ମୀନୁ ଜିକେଏ ବେଗାଆଆଡମି; ସାମା ନୀ କାତା ଆସାନା ଜାଲ୍ଲା ମେଡୁଇଁ ।” ୬ ଇଞ୍ଜା ଏଞ୍ଜାରି ଜାଲ୍ଲା ମେଡୁହାଲିଏ ଏମ୍ବାଆଁ ଜାଲ୍ଲା ନେଞ୍ଜେ ମୀଣକା ହୁଟୁ, ଇଞ୍ଜା ଏଞ୍ଜାରି ଜାଲ୍ଲା ତାମ୍ବାଲି ମାଟୁହେ । ୭ ଏମ୍ବାଟିଏ ଏଞ୍ଜାରି ଆମିନି ତଡୁଗାଗାରି ଅର ତଂଗତା ମାଚେରି, ଏଞ୍ଜାରି ଏନିକ[‡] ଖାହାନା ସାୟେମି କିନେରି, ଏଦାଆଁତାକି ଏଞ୍ଜାରି

† ୪:୩୮ ୪:୩୮ ସିନଗଗ ‡ ୪:୪୪ ୪:୪୪ ସିନଗଗ * ୫:୧ ୫:୧ ମାତି ୧୩:୧,୨; ମାର୍କ ୩:୯,୧୦; ୪:୧ * ୫:୫ ୫:୫ ଜହ ୨୧:୩ * ୫:୭ ୫:୭ ଜହ ୨୧:୭

ଏଞ୍ଜେଲ୍ କେନ୍ଦ୍ର ଜାଞ୍ଜିତେରି, ଏମ୍ବାଟିଏ ଏଞ୍ଜେରି ଖାହାନା ରୀ ଡ଼ର୍ଗଣା ମାଣକା ନେଞ୍ଜି କିୟାଲିଏ ଏ ଡ଼ର୍ଗାୟା ମୁଞ୍ଜିମାତୁ । ୮ ଯାମା ସିମନ ପିତର ଏଦାଆଁ ମେସାନା ଜୀସୁ କତାଣା ରିହାନା ଏଲେଇଚେସି, “ଏ ପ୍ରବୁ ନା ତାଣାଟି ହାଜାଡୁହ୍ମୁ ଏନାଆଁତାକି ଇଚିହ୍ମୁ ନାନୁ ପାପୁଗାଟି ମାଣସିତେସି!”

୯ ଇଚିହ୍ମୁ ଏଞ୍ଜେରି ହାରେକା ମାଣକା ଆସାମାତାକି ତାନୁ ଅଡେ ତାନିତଲେ ମାତାରି କାବା ଆହାହାଚେରି; ୧୦ ଜେବଦିତି ରୀ ମୀର୍କା ଜାକୁବ ଅଡେ ଜହନ, ଆମ୍ବାଆରି ସିମନ ଆଡ଼ହିତାରି ମାଚେରି, ଏଞ୍ଜେରି ଜିକେଏ କାବା ଆହାହାଚେରି । ଅଡେ ଜୀସୁ ସିମନଇଁ ଏଲେଇଚେସି, “ଆଜାଆନି ନୀଞ୍ଜୁଟିଏ ନୀନୁ ଲକୁଣି ଆହ୍ମି ।” ୧୧ ଏଚେଟିଏ ଏଞ୍ଜେରି ଡ଼ର୍ଗାୟା ଗାଟୁତା ତାଚାନା ଏମ୍ବାଆଁ ବାରେ ପିସାନା ଜୀସୁ ଜେଚ ହାଚେରି ।

କାଜା ରଗ ଗାଟାଣାଇଁ ନେହଁ କିନାୟି
(ମାତି ୮:୧-୪; ମାର୍କ ୧:୪୦-୪୫)

୧୨ ଜୀସୁ ର ଗାଟାତା ମାଚାଟି ମେହ୍ମୁ ଏମ୍ବାଆଁ ଗୁଡା ଆଜା କାଜା ରଗ ଗାଟାସି ମାଚେସି; ଏଞ୍ଜେରି ଜୀସୁଇଁ ମେସାନା ମୁନୁ କୁତାନା ଏଞ୍ଜେଣାଇଁ ଏଲେଇଚେସି, “ଏ ପ୍ରବୁ ନୀନୁ ମନ କିତିହଁ ନାଜେ ନେହଁ କିହାଲି ଆଡାଦି ।”

୧୩ ଏଚେଟିଏ ଏଞ୍ଜେରି କେନ୍ଦ୍ର ଦେସାୟାଁ ତାଗାନା ଏଲେଇଚେସି, “ନୀନୁ ମନ କିହିମାଇଁ ନୀନୁ ନେହଁ ଆପୁ ।” ଏ ଦେବୁଣିଏ କାଜା ରଗଟି ଏଞ୍ଜେରି ନେହଁ ଆଚେସି । ୧୪ ଜୀସୁ ଏଞ୍ଜେଣାଇଁ ହୁକୁମି ହାହାନା ଏଲେଇଚେସି, “ଆମ୍ବାଆରାଇଁ ଖେହ୍ମଆନି, ସାମା ହାଜାନା ପୁଜେରାଜାଣି ତହ୍ମୁ, ଅଡେ ମସାତି ମେରାଲେହେଁ ନୀନୁ ନେହଁ ଆଡାଣି ସାକି ହାହାଲି ପୁଜା ହାମୁ ।”

୧୫ ସାମା ଏଞ୍ଜେଣି କାତା ହାରେକା ଖେଜାହାଚେ, ଅଡେ ହାରେକା ଲକୁ ଖେଞ୍ଜାଲିତାକି ଅଡେ ରଗଟି ନେହଁ ଆହାଲିତାକି ରୁଣ୍ଡା ଆଚେରି । ୧୬ ସାମା ଜୀସୁ ଲକୁ ହିଲାଆ ଟାୟୁତା ହାଜାନା ପ୍ରାତାନା କିହିମାଚେସି ।

ଜୀସୁ ର ଟଟ ଖାୟିତାଣାଇଁ ନେହଁ କିନାୟି
(ମାତି ୯:୧-୮; ମାର୍କ ୨:୧-୧୨)

୧୭ ର ଦିନା ଜୀସୁସି ମାଚାଟି, ଗାଲିଲି ଦେସାତି ବାରେ ନାସକାଟି, ଜୀହୁଦା ଦେସା ଇଞ୍ଜା ଜିରୁସାଲମଟି ଖାହାମାନି ପାରୁସିୟାଁ ଅଡେ ମେରାପୁନାରି ଜୀସୁ ତାଣା କୁଗାମାଚେରି, ଇଞ୍ଜା ଏଞ୍ଜେରି ଏନିକିଁ ନେହଁ କିନେସି ଇଦାଆଁତାକି ପ୍ରବୁତି ନେହଁ କିନି ବାଡ଼ୁହ୍ମୁ ଜୀସୁ ତାଣା ମାଚେ । ୧୮ ଏଚରଜାଣା ଲକୁ ର ଟଟ ଖାୟିତାଣାଇଁ କାଚେଲିତା ଡେକା ତାଚାନା ଜୀସୁ ନକିତା ବିତ୍ରା ଅହାଲି ଅଣପିତେରି । ୧୯ ସାମା ଏମ୍ବାଆଁ ହାରେକା ଲକୁ ମାଚାକି ଜିରୁ ବେଟାଆଆଚେରି, ଇଞ୍ଜା ଏଞ୍ଜେରି ଇଲୁ ଡେପରିତା ଡେକା ଅହାନା ତୁଡ଼ିୟାତି ଟାୟିଲି ହୁକୁହାନା କାଚେଲି ତଲେ ଜୀସୁ ନକିତା ରେପହେରି । ୨୦ ଜୀସୁ ଏଞ୍ଜେରି ନାମୁ ମେସାନା ଟଟ ଖାୟିତାଣାଇଁ ଏଲେଇଚେସି, “ତଣେ ନୀ ପାପୁ ବାରେ ମେଣ୍ଡାମାନେ ।”

୨୧ ଏଚେଟିଏ ମେରା ଜୀସୁନାରି ଅଡେ ପାରୁସିୟାଁ କାତା ଆହଁ ଏଲେଇଶ୍ମି ଆଚେରି, “ଇଞ୍ଜେରି ମାହାପୁରୁ ନିନ୍ଦା କିହିମାନେସି, ଇଞ୍ଜେରି ଆମ୍ବାଆସି ! ମାହାପୁରୁ ପିସପେ ଅଡେ ଆମ୍ବାଆସି ପାପୁ ମେକ୍‌ହାଲି ଆଡ଼ିମାନେସି !”

୨୨ ସାମା ଜୀସୁ ଏଞ୍ଜେରି କାତାବାର୍ତା ଆହିମାନାଣି ପୁଞ୍ଜାନା ଏଞ୍ଜେରାଇଁ ଏଲେଇଚେସି, “ମୀରୁ ମୀ ମନତା ଏନାଆଁତାକି ଏଲେକିଁ ଅଣପିମାଞ୍ଜେରି ? ୨୩ ଏନାଆଁ ଇନାୟି ଉସାସା ‘ନୀ ପାପୁ ବାରେ ମେଣ୍ଡାକିତେ ଇନାୟି କି ନିଜ୍ଜାନା ତାକାମୁ ଇନାୟି ?’ ୨୪ ଦାଉଡିତା ପାପୁ ମେକ୍‌ହାଲି ମାଣସି ମୀରୁଏଣାକି ଅଦିକାରା ମାନେ, ଇଦାଆଁ ମୀରୁ ଏନିକିଁ ପୁଞ୍ଜାଲି ଆଡ଼ିଦେରି” ଇଦାଆଁତାକି ଟଟ ଖାୟିତାଣାଇଁ ଏଲେଇଚେସି, “ନୀନୁ ନିଜେ ଖେସିମାଞ୍ଜାଇଁ, ନିଜ୍ଜାନା ନୀ କାଚେଲି ଡେକାନା ନୀ ଇଜ ହାଲାମୁ !”

୨୫ ଏଚେଟିଏ ଏଞ୍ଜେରି ଏ ଦେବୁଣିଏ ଏଞ୍ଜେରି ନକିତା ନିଜ୍ଜାନା ଆମିନି କାଚେଲିତା ତୁରାମାଚେସି, ଏଦାଆଁ ଡେକାନା ମାହାପୁରୁଇଁ ଜହରା କିହଁ ତାମି ଇଜ ହାଚେସି । ୨୬ ଏଚେଟିଏ ବାରେଜାଣା କାବାଆହାନା ମାହାପୁରୁଇଁ ଜହରା କିଚେରି, ଅଡେ ଆଜିତଲେ ଏଲେଇଚେରି, “ନୀଞ୍ଜୁ ମାମୁ କାବାଆନି କାମା ମେସୁନି ।”

ଜୀସୁ ଲେବିଇଁ ହାଡ଼ିନାୟି
(ମାତି ୯:୯-୧୩; ମାର୍କ ୨:୧୩-୧୭)

୨୭ ଏମ୍ବାରିଏ ଜୀସୁ ପାଙ୍ଗାତା ହାଜାନା ଲେବି* ଦରୁଗାଟି ର ସିସୁ ରାହନାସି ସିସୁ ରାହନି ଚାନ୍ଦୁତା କୁଗାମାନାଣି ମେସାନା ଏଝାଣାକ୍ ଏଲେଇଚେସି, “ନା ଜେଚ ଝାମୁ ।” ୨୮ ଏମ୍ବାରିଏ ଏଝାସି ବାରେ ପିସାନା ନିଙ୍ଗାନା ଏଝାଣି ଜେଚ ହାଚେସି ।

୨୯ ଅଡେ ଲେବି ତାନି ଇଜ ର ଜାଜା ବଜି କିଚେସି, ଇଞ୍ଜା ହାଚେକା ସିସୁ ରାହନାସି ଅଡେ ଏଚକାଟି ଲକୁ ବାରେ ଏଝାରିତଲେ ତିଞ୍ଜାଲି କୁଚିଚେରି । ୩୦ ଏଚେଟିଏ ପାରୁସିୟାଁ ଅଡେ ଏଝାରି ଗଟିତ ମେରାପୁନାରି ତାନି ସୀସୁୟାଁକ୍ ଏଲେଇଚେରି, “ମୀରୁ ଏନାଆଁତାକି ସିସୁ ରାହନାସି ଅଡେ ପାପୁ ଗାଟାରି ତଲେ ତିଞ୍ଜି ଉଣି ମାଞ୍ଜେରି ?”

୩୧ ଜୀସୁ ଏଝାରାକ୍ ଏଲେଇଚେସି, “ନେହ୍ ମାନାରାକି ଅସଗରୁ ଲଡ଼ା ହିଲେଏ, ସାମା ରଡ଼ା ଗାଟାରାକି ଲଡ଼ାମାନେ । ୩୨ ନାନୁ ତାରିଗାଟାରାକ୍ ହାଟାଲି ଝାହାହିଲଅଁ, ସାମା ମନ ଝେଚପି କହାଲି ପାପୁ ଗାଟାରାକ୍ ହାଟାଲି ଝାହାମାକ୍ ।”

ଉପାସା କିନି କାତା ଝେନାସି
(ମାତି ୯:୧୪-୧୭; ମାର୍କ ୨:୧୮-୨୨)

୩୩ ଏଚେକା ଲକୁ ଜୀସୁକ୍ ଝେଚେରି, “ଜହନତି ସୀସୁୟାଁ ଅଡେ ପାରୁସିୟାଁତି ସୀସୁୟାଁ ଅଲେ ଅଲେ ଉପାସା ଅଡେ ପ୍ରାଡ଼ାନା କିହିମାନେରି, ସାମା ନୀ ସୀସୁୟାଁ ତିଞ୍ଜି ଉଣି ମାନେରି ।”

୩୪ ଏମ୍ବାରିଏ ଜୀସୁ ଏଝାରାକ୍ ଏଲେଇଚେସି, “ବୀହା ଲକୁତଲେ ହନେଏସି ମାନି ପାଚେକା ବୀହା ଲକୁ ଉପାସା ମାଞ୍ଜାଲି ଆଡିନେରି ? ୩୫ ସାମା ର ଦିନା ଝାନ୍ନେ; ଏଝାରି ତାଣାଟି ହନେଏସି ହାନେସି, ଏଚେଟିଏ ଏଝାରି ଉପାସା କିନେରି ।”

୩୬ ଇଞ୍ଜା ଏଝାସି ର ପୁଣ୍ଡାକିନି କାତା ଜିକେଏ ଝେସେସି, “ଆମ୍ବାଆସି ପୁଞ୍ଜ ଇମ୍ବରାତା ପୁଞ୍ଜି ପାସକି ତାଟଅସି; ତାଡିତିଝା ଏ ପୁଞ୍ଜି ପାସକି ଗେହନେ ଇଞ୍ଜା ପୁଞ୍ଜି ପାସକି ପୁଞ୍ଜ ପାସକି ତଲେ ଆଣ୍ଡେଏ ।

୩୭ ଅଡେ ଆମ୍ବାଆସି ପୁଞ୍ଜି ଅଙ୍ଗୁରି ରାସା ପୁଞ୍ଜି ତୁକାତାଁ ଇଚଅସି; ଇଚିତିହ୍ ଅଙ୍ଗୁରି ରାସା ତୁକାତି ଅସି କିହାନା ବହାହାନେ ଅଡେ ତୁକା ଜିକେଏ ନସ୍ତ ଆନେ, ୩୮ ସାମା ପୁଞ୍ଜି ଅଙ୍ଗୁରି ରାସା ପୁଞ୍ଜି ତୁକାତା ଇଚିନାସି ମାନେ ।

୩୯ ଆମ୍ବାଆସି ପୁଞ୍ଜି ଅଙ୍ଗୁରି ରାସା ଗସି ତାୟୁ ପୁଞ୍ଜି ଅଙ୍ଗୁରି ରାସା ଗହଅଡେରି । ପୁଞ୍ଜିଆସି ନେହେଁ ଇଞ୍ଜେରି ।”



ଜମିନି ଦିନାତି ପ୍ରବୁ
(ମାତି ୧୨:୧-୮; ମାର୍କ ୨:୨୩-୨୮)

୧ ର ଜମିନି ଦିନା ଜୀସୁ ତାନି ସୀସୁୟାଁ ତଲେ ଗହଁ ଗୁଡିୟାଟି ହାଜିମାଗାଟି ସୀସୁୟାଁ ଗହଁ ଜେକା ତାପୁହାନା କେନ୍ଦୁତଲେ ରାକ୍ତହା ତିଞ୍ଜିମାଚେରି । ୨ ସାମା ପାରୁସିୟାଁ ବିଭ୍ରାଟି ଏଚରଜାଣା ଏଲେଇଚେରି, “ଜମିନି ଦିନାତା ଏନାଆଁ କିନାସି ମେରା ହିଲେଏ ମୀରୁ ଏନାଆଁତାକି କିହିମାଞ୍ଜେରି ।”

୩ ଜୀସୁ ଏଝାରାକ୍ ଏଲେଇଚେସି, “ଦାସୁଦ ଅଡେ ତାନି ତଃଣେସିଙ୍ଗା ହାକି ମାଗାଟି ଏନାଆଁ କିହିମାଚେରି, ଏଦାଆଁ ମୀରୁ ଏଚେଲା ପଡ଼ଝି ଆହାହିଲଅଡେରି ?

୪ ଏଝାସି ମାହାପୁରୁ ଇଲୁତା ହଡାନା ଆମିନି ହେରପିଆହାମାନି ରୁଚି ପୂଜେରାଙ୍ଗା ପିସପେ ଆମ୍ବାଆରି ତିନି ମେରା ହିଲଆଡେ ଏଦାଆଁ ତିଚେସି ଇଞ୍ଜା ତାନି ତଃଣେସିଙ୍ଗାକି ଜିକେଏ ହାଚେସି ।”

୫ ଅଡେ ଏଝାସି ଏଝାରାକ୍ ଏଲେଇଚେସି, “ମାଣସି ମୀରୁଏସି ଜମିନି ଦିନାତି ପ୍ରବୁ ଆନେସି ।”

ଝାୟିତି କେନ୍ଦୁ ଗାଟାଣାକ୍ ନେହ୍ କିନାସି
(ମାତି ୧୨:୯-୧୪; ମାର୍କ ୩:୧-୬)

୬ ଏଝାସି ର ଜମିନି ଦିନାତା ଜୀସୁକି ଲକୁତି କୁଚମି ଇଲୁତା* ହାଜାନା ଜାପୁହି ମାଚେସି; ଏଦାଆଁ ରଅସି ମାଚେସି ଏଝାଣି ଚିଠନି କେନ୍ଦୁ ଝାୟାହାଜାମାଚେ । ୭ ଅଡେ ଏଝାସି ଜମିନି ଦିନାତା ନେହ୍ କିନେସିକି ଆଏ ଏଦାଆଁ ସିନକିହାଲି ମେରାପୁନାରି ଅଡେ ପାରୁସିୟାଁ କୁଗାନା ସିନକିହିମାଚେରି, ଏନିକ୍ ଏଝାଣାକ୍ ଦହ ଆସାଲି ପାରୁ ବେଟାଆନେରି । ୮ ସାମା ଏଝାସି ଏଝାରି ହିୟାଁତି ଅଣ୍ଡପୁ ପୁଞ୍ଜାନା ଆମିନି ଲକୁତି କେନ୍ଦୁ ଝାୟାହାଜାମାଚେ ଏଝାଣାକ୍ ଏଲେଇଚେସି, “ନିଙ୍ଗାମୁ ମାଦି ନିମୁ ।” ଏଚେଟିଏ ଏଝାସି ନିଚେସି

* ୫:୨୭ ୫:୨୭ ମାତିୟୁ ☆ ୫:୩୦ ୫:୩୦ ଲୁକ ୧୫:୧,୨ † ୫:୩୭ ୫:୩୭ ତଲୁ ତଲେ କେପିତି ଅଙ୍ଗୁରି ରାସା ଇଚିନି ବାସା ଚୁପୁ
* ୬:୬ ୬:୬ ସିନଗଗ

। ୯ ଏମ୍ବ୍ରାସିଏ ଜୀସୁ ଏଞ୍ଜରାଲ୍ ଏଲେଇରେସି, “ନାନୁ ମିଙ୍ଗେ ଖେଞ୍ଜିମାଞ୍ଜାଇଁ ଜମିନି ଦିନାତା ଏନାଆଁ କିନାୟି ମେରା ମାନେ ? ନେହ୍ କିନାୟି କି ଲାଗେଏ କିନାୟି ? ଜୀସୁତି ଗେଲ୍ପିନାୟି କି ନାୟା କିନାୟି ?”
 ୧୦ ଅଡେ ଏଞ୍ଜାସି ସାରିଞ୍ଜାକି ଲକୁଣି ସିନିକିହାନା ଏଞ୍ଜାଣାଇଁ ଏଲେଇରେସି, “ନୀ କେୟୁ ଦାହ୍ମୁ ।” ଏମ୍ବ୍ରାସିଏ ଦାହ୍ମୁସି, ଇଞ୍ଜା ଏଞ୍ଜାଣି କେୟୁ ନେହ୍ ଆହାହାରେ । ୧୧ ଏନାଆଁ ମେସାନା ଏଞ୍ଜାରି କାର୍ବି ଆହାହାରେରି ଅଡେ ଜୀସୁଇଁ ଏନିକିହାଲି ଆନେ ଇଞ୍ଜା ତାମ୍ବୁତାମ୍ବୁସୁ କାତା ଆଡେରି ।

ଜୀସୁ ବାରଜାଣା ସୀସୁୟାଁଇଁ ଆଡିନାୟି
 (ମାତି ୧୦:୧-୪; ମାକ ୩:୧୩-୧୯)

୧୨ ଏତିବେଲାତା ଏ ଦିନା ପ୍ରାଡାନା କିହାଲି ହରୁ ଲାକ ହାରେସି ଇଞ୍ଜା ଲାଆଁ ଖେୟେ ମାହାପୁରୁ ତାଣା ପ୍ରାଡାନା କିତେସି । ୧୩ ଲାକ୍ ଖେୟାଲିଏ ଏଞ୍ଜାସି ତାନି ସୀସୁୟାଁ ତାଗେ ହାଡାନା ଏଞ୍ଜାରି ବିଡ୍ରାଟି ବାରଜାଣାତି ଆଡିତେସି; ଇଞ୍ଜା ଏଞ୍ଜରାଲ୍ ପାଣ୍ଡି ଆଡାରି ଇଞ୍ଜା ଦରୁ ଇତିତେସି, ୧୪ ଏଞ୍ଜାରି ଆଡେରି ସିମନ ଆମ୍ବାଆରାଇଁ ଏଞ୍ଜାସି ପିତର ଦରୁ ହାତେସି, ଅଡେ ତାନି ତାୟି ଆନ୍ଦିୟି, ଜାକୁବ ଅଡେ ଜହନ, ପିଲିପ, ବାର୍ତଲମି, ୧୫ ମାତିୟୁ ଅଡେ ତମା, ଆଲେପି ମୀରୁଏସି ଜାକୁବ ଅଡେ ସିମନ, ଆମିନି ଗାଗାଣାଇଁ ତାନି ଦେସାତି ଜୀସୁ ନନାସି ଇନେରି, ୧୬ ଜାକୁବ ମୀରୁଏସି ଜୀହୁଦା ଅଡେ ଇସ୍ତାରିୟତ ଜୀହୁଦା, ଆମ୍ବାଆସି ଜୀସୁଇଁ ସାଡୁ କେୟୁତା ହେରପିତେସି ।

ଜୀସୁତି ଜାପ୍ନାୟି ଅଡେ ରଗାଟି ନେହ୍ କିନାୟି
 (ମାତି ୪:୨୩-୨୫)

୧୭ ଅଡେ ଏଞ୍ଜାସି ଏଞ୍ଜାରିତଲେ ରେତାଞ୍ଜାହାନା ନିମା ଗାଟି ଟାୟୁତା ନିତେସି, ଇଞ୍ଜା ତାନି ହାରେକା ସୀସୁୟାଁ ଅଡେ ବାରେ ଜୀହୁଦା ଦେସା ଜିରୁସାଲମ ଇଞ୍ଜା ସର ଅଡେ ସିଦନ ଦାରିଟି ହାରେକା ଖାଡେରି । ୧୮ ଏଞ୍ଜାରି ଜୀସୁତି କାତା ଖେଞ୍ଜାଲି ଅଡେ ତାନି ରଗାଟି ନେହ୍ ଆହାଲି ଖାହାମାରେରି, ଅଡେ ଆମିନି ଗାଗାରି ବୁଡୁୟାଁ ତାଣାଟି କସ୍ତ ବେଗାଆହି ମାରେରି, ଏଞ୍ଜାରି ଜିକେଏ ନେହ୍ ଆଡେରି; ୧୯ ବାରେଜାଣା ଏଞ୍ଜାଣାଇଁ ତୀଗାଲି ମନ କିହିମାରେରି, ଇତିହ୍ ଏଞ୍ଜାଣି ତାଣାଟି ବାଡୁୟୁ ହଡାନା ବାରେଜାଣାତି ନେହ୍ କିହିମାରେ ।

ଆମ୍ବାଆରି ନେହ୍
 (ମାତି ୫:୧-୧୨)

୨୦ ଏତିବେଲାତା ଜୀସୁ ତାନି ସୀସୁୟାଣି ସିନିକିହାନା ଏଲେଇରେସି,
 “ହିଲାଆଗାଟାରେରି ମୀରୁ; ମିଙ୍ଗେ ନେହ୍,
 ଇତିହ୍ ମାହାପୁରୁ ରାଜି ମାଦିଏ ।
 ୨୧ ନୀଏଁ ହାକି ଗାଗାଟେରି ମୀରୁ; ମିଙ୍ଗେ ନେହ୍,
 ଇତିହ୍ ମୀରୁ ତାୟୁ ପାଞ୍ଜିଦେରି ।
 ନୀଏଁ ଡାହିମାନାଟେରି ମୀରୁ; ମିଙ୍ଗେ ନେହ୍,
 ଇତିହ୍ ମୀରୁ ତାୟୁ କାକ୍ଦେରି ।”

୨୨ ଏବେତା ଲକୁ ମିଙ୍ଗେ ଅପଅରି ଅଡେ ମାଣସି ମୀରୁଏଣା ତାକି ଏବ୍କା କିୟାନେରି, ଅଡେ ନିନ୍ଦା କିୟାନେରି ଇଞ୍ଜା ମୀ ଦରୁତି ଲାଗେଏତାୟି ଇଞ୍ଜା ଅପଅରି, ଆତିହ୍ ମୀରୁ ନେହ୍ । ୨୩ ବେଲାତା ରାହାତଲେ ଏନ୍ଦାସୁ, ଏନିକିହିଁ ଲାକପୁରୁ ମିଙ୍ଗେତାକି ହାରେକା ଦାନା ମାନେ; ଅଡେ ଏଲେକିହିଁଏ ଏଞ୍ଜାରି ଆକୁ ଆବାୟାଁ ମାହାପୁରୁ ଅଣ୍ଡୁତି ବଲୁ ଖେହ୍ନାରାଇଁ କିହିମାରେରି ।”

୨୪ “ସାମା ଆୟଡା ତଣ୍ଡ ବେଗାଆନି ଦନ ଗାଗାଟେରି ମୀରୁ;
 ମୀରୁ ମୀ ଅଣ୍ଡପିମାଟି ସୁକୁ ବେଗା ଆହାମାଞ୍ଜେରି !

୨୫ ଆୟଡା ତଣ୍ଡ ବେଗାଆନାଟେରି ନୀଏଁ ପାଞ୍ଜାମାନାଟେରି ମୀରୁ;
 ଇତିହ୍ ତାୟୁ ମୀରୁ ହାକି ଆଡେରି ।

ଆୟଡା ନୀଏଁ କାକ୍ହି ମାନାଟେରି ମୀରୁ;
 ଇତିହ୍ ତାୟୁ ମୀରୁ ଦୁକୁ ଆହାନା ଡୀଦେରି ।”

୨୬ “ଏଚିବେଲା ବାରେ ଲକୁ ମିଙ୍ଗେ ନେହାଁତେରି ଇଞ୍ଜାନେରି, ଏଚିବେଲା ଆୟଡ଼ା ଡଣ୍ଡ ବେଟା ଆନାତେରି; ଏଲେକିହୁଁ ଏ ଏଞ୍ଜାରି ଆକୁ ଆବାୟାଁ ମିଚି ବଲୁ ଝେହୁନାରାଇଁ କିହିମାଚେରି ।”

ସାତୁୟାଁଇଁ ଜୀଞ୍ଜନନାୟି
(ମାତି ୫:୩୮-୪୮; ୭:୧୨)

୨୭ ସାମା ମାରୁ ଝେଞ୍ଜମାଞ୍ଜେରି, ନାନୁ ମିଙ୍ଗେ ଝେସିମାଞ୍ଜାଇଁ, ମୀ ସାତୁୟାଁଇଁ ଜୀଞ୍ଜନନୁ; ଆମ୍ବାଆରି ମିଙ୍ଗ ଅପଅରି ଏଞ୍ଜାରି ନେହୁଁ କିଦୁ; ୨୮ ଆମ୍ବାଆରି ମିଙ୍ଗ ବାକା ଇଟାନେରି, ଏଞ୍ଜାରାଇଁ ବର ହୀଦୁ; ଆମ୍ବାଆରି ମିଙ୍ଗେ ଲାଗେଏ କିହୁଁ ଲେମ୍ବାନେରି ଏଞ୍ଜାରି କସମି ପ୍ରାଡ଼ାନା କିଦୁ । ୨୯ ଆମ୍ବାଆସି ମିଙ୍ଗେ ର ଗେଏଲାଡ଼ା ସାପୁଡ଼ା ଝେଡ଼ାନେସି, ଏଞ୍ଜାଣାକି ଅର ଗେଏଲା ଜିକେଏ ଅଗାହୀଦୁ; ଇଞ୍ଜାଁ ଆମ୍ବାଆସି ମୀ ହିମ୍ବି ଅନେସି ଏଞ୍ଜାଣାଇଁ ମୀ ସକା ଜିକେଏ ଅହାଲି କାହିକିଆଦୁ । ୩୦ ଆମ୍ବାଆସି ମିଙ୍ଗେ ରାସ୍ତାନେସି, ଏଞ୍ଜାଣାକି ହୀଦୁ; ଇଞ୍ଜାଁ ଆମ୍ବାଆସି ଦନ ଅନେସି, ଏଞ୍ଜାଣାଇଁ ଝେଣ୍ଡେ ରାହୁଆଦୁ । ୩୧ *ଲକୁ ମିଙ୍ଗେ ଏନିକିଁ ଲେମ୍ବାପେରି ଇଞ୍ଜୁଁ ଅଣପିମାଞ୍ଜେରି, ମୀରୁ ଜିକେଏ ଏଞ୍ଜାରାଇଁ ଏଲେକିହୁଁ ଲେମ୍ବାଦୁ ।

୩୨ ଇଞ୍ଜାଁ ଆମ୍ବାଆରି ମିଙ୍ଗେ ଜୀଞ୍ଜ ନୟାଁନେରି, ଏଞ୍ଜାରାଇଁ ଜୀଞ୍ଜ ନଡ଼ିହୁଁ ଏନି ବର ବେଟାଆଡ଼େରି ? ଇଚିହୁଁ ପାପୁ ଗାଟାରି ଜିକେଏ ତାମ୍ବେ ଜୀଞ୍ଜ ନନାରାଇଁ ଜୀଞ୍ଜ ନନେରି । ୩୩ ଅଡ଼େ ଆମ୍ବାଆରି ମିଙ୍ଗେତାକି ନେହୁଁ କିୟାନେରି, ମୀରୁ ଏଞ୍ଜାରି ନେହୁଁ କିଦେରି, ଆତିହୁଁ ମୀରୁ ଏନି ବର ବେଟାଆଡ଼େରି ? ଇଚିହୁଁ ପାପୁ ଗାଟାରି ଜିକେଏ ଏଲେକିନେରି । ୩୪ ଇଞ୍ଜାଁ ଆମ୍ବାଆରି ତାଣାଚି ବେଟାଆହାଲି ଆସା ମାନେ, ଏଞ୍ଜାରାକି ରୀଣା ହୀତିସାରେ ମୀରୁ ଏନି ବର ବେଟାଆଡ଼େରି ? ପାପୁ ଗାଟାରି ଜିକେଏ ସମାନା ଲେକାତଲେ ବେଟାଆହାଲି ପାପୁ ଗାଟାରାକି ରୀଣା ହୀନେରି । ୩୫ ସାମା ମୀ ସାତୁୟାଁଣି ଜୀଞ୍ଜନନୁ ଇଞ୍ଜାଁ ଏଞ୍ଜାରି ନେହୁଁ କିଦୁ, ଝେଣ୍ଡେ ବେଟାଆହାଲି ଆସା କିଆନା ଉଦାରା ହୀଦୁ; ଆତିହୁଁ ମିଙ୍ଗେତାକି କାଜା ଦାନା ମାନେ, ଇଞ୍ଜାଁ ମୀରୁ କାଜା ମାହାପୁରୁତି ମୀରକା ଆଡ଼େରି, ଇଚିହୁଁ ଏଞ୍ଜାସି ଜୀଞ୍ଜ ନଆଗାଟାରାଇଁ ଅଡ଼େ ପାପୁ ଗାଟାରାଇଁ ଜିକେଏ ଜୀଞ୍ଜ ନନାସି । ୩୬ ମୀ ଲାକପୁରୁତି ଆବା ଏନିକିଁ କାର୍ମୀ ମେହନାସି ମୀରୁ ଜିକେଏ ଏଲେକିହୁଁ ଏ କାର୍ମୀ ମେହନାତେରି ଆଦୁ ।

ଏଚକା ତାରାଇଁ ନୀହାଁୟି କିଆଦୁ
(ମାତି ୭:୧-୫)

୩୭ “ଅଡ଼େ ନୀହାଁୟି କିଆଦୁ, ଆତିହୁଁ ମୀରୁ ମାହାପୁରୁ ତାଣା ନୀହାଁୟି କିଞ୍ଚି ଆଥଡେରି; ଦହ ଦହଆଦୁ, ଆତିହୁଁ ମୀରୁ ମାହାପୁରୁ ତାଣା ଦହ ଗାଟାତେରି ଆଥଡେରି; ଦହ ମ୍ବେକ୍ବୁ, ଆତିହୁଁ ମାହାପୁରୁ ମୀ ଦହ ଜିକେଏ ମ୍ବେକ୍ବୁହାନେସି; ୩୮ ହୀଦୁ ଆତିହୁଁ ମିଙ୍ଗେ ଜିକେଏ ହୀପକିଆନେ; ଲକୁ ମାଣାତି ନେଞ୍ଜିକିହାନା ଏଡ଼ାରି ନାବ୍‌ଗାନା ଦାକ୍‌ହାନା ଡେଲି କିହାନା ମୀ ଅଚଡ଼ିତା ହିୟାନେରି; ଇଚିହୁଁ ଆମିନି ମାଣାତଲେ ଲାଡ଼ିଦେରି, ମିଙ୍ଗେ ଜିକେଏ ଏ ମାଣା ତଲେଏ ଲାଡ଼ା ହିୟାନେରି ।”

୩୯ *ଏଞ୍ଜାସି ଏଞ୍ଜାରାଇଁ ର ପୁଣ୍ଡିକିନି କାତା ଜିକେଏ ଏଲେକିତେରି, “ର କାଣା ଅର କାଣାଇଁ ଜିରୁ ତସାଲି ଆଡ଼ିନେସିକି ? ଏଞ୍ଜାରି ରିଆରି ଜିକେଏ ରହେଏ ଗାଡ଼ୁୟୁତା ତରଗଅରି କି ? ୪୦ *ସୀସୁ ତାନି ଗୁରୁ କିହାଁ କାଜାସି ଆଏ; ସାମା ବାରେଜାଣା ସୀସୁୟାଁ ନେହୁଁ କିଁ ଜାପାଲି ଆଡ଼ିସାରେ ତାନି ଗୁରୁ ସମାନା ଆନେରି ।”

୪୧ ଅଡ଼େ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନାଣି ଏନାଆଁତାକି ଅଣପି ହିଲଅତି ? ୪୨ ନୀନୁ ନୀ କାନୁତା ମାନି କାଜା ଲାଟାଚି ଅଣପାଆନା, ଏନିକିଁ ନୀ ତାୟିଇଁ ଏଲେକିଞ୍ଜାଲି ଆଡ଼ିଦି, ତାୟି ଝାମ୍ବୁ ନୀ କାନୁତା ମାନି ଲାଟା ଡେଞ୍ଜାଇଁ, ଆଡ଼େ କୁଟୁ ଗାଟାଚି ତଲିଏ ନୀ କାନୁତି କାଜା ଲାଟା ଡେଞ୍ଜା କଡ଼ାମ୍ବୁ, ତାୟି ମୀ ତାୟି କାନୁତି ଲାଟା ନେହୁଁ କିଁ ମେସାଲି ଆଡ଼ିଦି ।

ମାରୁନୁ ଅଡ଼େ ତାନି ପାଡ଼େୟି
(ମାତି ୭:୧୭-୨୦; ୧୨:୩୩-୩୫)

୪୩ “ଇଚିହୁଁ ଇଲେତି ଏନି ର ନେହୁଁ ମାରୁନୁ ହିଲେଏ, ଏମିନାୟି ଲାଗେଏତି ପାଡ଼େୟି ଆୟିନେ, ଅରୁଞ୍ଜାକି ଇଲେତି ଏନି ମାରୁନୁ ହିଲେଏ ଏମିନାୟି ନେହୁଁ ପାଡ଼େୟି ଆୟିନେ । ୪୪ *ଇଚିହୁଁ ବାରେ

* ୭:୩୯ ୭:୩୯ ମାତି ୭:୧୨ * ୭:୩୯ ୭:୩୯ ମାତି ୧୫:୧୪ * ୭:୪୦ ୭:୪୦ ମାତି ୧୦:୨୪,୨୫; ଜହ ୧୩:୧୭; ୧୫:୨୦ * ୭:୪୪ ୭:୪୪ ମାତି ୧୨:୩୩

ମାରକାଣି ତାନି ପାଡ଼େଇ ତଲେ ପୁନାୟି; ହାପକା ମାରୁନୁଟି ଲକୁ ତୟା ପାଡ଼େଇ ଏହୁଅରି, ଇଞ୍ଜାଁ ହାପକା ବୁଟାଟି ଅଙ୍ଗୁରି ପାଡ଼େଇ ଏହୁଅରି ।

୪୫ *ନେହୁଁ ଲକୁ ନେହୁଁ ମନ ବିତ୍ରାଟି ନେହୁଁ କାତା ହପ୍‌ନେସି, ଇଞ୍ଜାଁ ପଲୁଆ ଗାଟାସି ପଲୁଆ ମନ ବିତ୍ରାଟି ପଲୁଆ କାତା ହପ୍‌ନେସି; ଇଚିହୁଁ ହୁୟାଁ ବିତ୍ରା ମାନାଣି ଗୁଡିଟି ଜଲୁନେସି ।

ରୀ ଇଲୁକା କ୍ରେପିନାରି
(ମାତି ୭:୨୪-୨୭)

୪୬ ଅଡ଼େ ମାରୁ ଏନାଆଁତାକି ନାଙ୍ଗେ ପ୍ରବୁ ପ୍ରବୁ ଇଞ୍ଜୁଁ ମାଞ୍ଜାଦେରି, ସାମା ନା କାତା ମାନୁଞ୍ଜି ଆହି ହିଲଅଡେରି ? ୪୭ ଆମ୍ବାଆସି ନା ତାଣା ଖାହାନା ନା କାତା ଖେଞ୍ଜାନା ବାରେ ମାନୁଞ୍ଜି ଆନେସି, ଏଞ୍ଜାସି ଏନିଲେହେତାସି, ନାନୁ ମିଙ୍ଗେ ଖେପୁଇଁ । ୪୮ ଏଞ୍ଜାସି ଇଲେଚି ର ଇଲୁ ଦହନିଲେହେତି ଲକୁ, ଏନିନିଗାଟାସି ଗାତି ଗାଡ଼ୁୟୁ କାରୁହାନା ପୁନାଦି ଖାଲକାତଲେ କାତି ନିପ୍‌ନେସି; କାଜା କାତା ଖାହାନା ଏ ଇଲୁଚି ଗୁପିଡେ, ଖାଲକାତଲେ ଇଲୁ ଦସାମାଟାକି କାତା ଇଲୁଚି ଦାକ୍‌ହାଲି ଆଡାଆଡେ । ୪୯ ସାମା ଆମ୍ବାଆସି ଖେଞ୍ଜାନା ମାନୁଞ୍ଜି ଆଅସି ଏଞ୍ଜାସି ଗାଡ଼ୁୟୁଟିଏ ପୁନାଦି କିଆନା ଲାକ ଲାକ ଇଡ଼ଆ ଲାକ ଇଲୁ କିହାମାନି ଲକୁ ଲେହେତାସି; କାଜା କାତା ଖାହାନା ଇଲୁଚି ଗୁପାଲିଏ ଦେବୁଣିଏ ଇଲୁ ରିହା ହାଚେ ଇଞ୍ଜାଁ କୁଡ଼ପୁନାସା ଆହାହାଚେ ।”



ଜୀସୁ ର ରମିୟ ହଚ୍‌ଲଏଣାଇଁ ନେହୁଁ କିନାୟି
(ମାତି ୮:୫-୧୩)

୧ ଜୀସୁ ଲକୁ ନକିତା ବାରେ କାତା ଖେସାଲି ରାପୁହାଲିଏ କପରୁନାହୁମ ଗାଡ଼ାତା ହାଚେସି । ୨ ଏଚିବେଲ୍‌ଲୀତା ରଅସି ପାସାକଡ଼ି କସ୍‌କା ମୁହେଁ କାଜାଣା ହଚ୍‌ଲଏସି ହାନିଲେହେଁ ନଡ଼େରି ଆହାମାଚେସି; ଏ ହଚ୍‌ଲଏଣାଇଁ ଏଞ୍ଜାସି ହାଚ୍‌ରେକା ଜୀସୁ ନହୁଁ ମାଚେସି । ୩ ଏଞ୍ଜାସି ଜୀସୁ କାତା ଖେଞ୍ଜାନା, ଏଞ୍ଜାସି ଏନିକା ଖାହାନା ତାନି ହଚ୍‌ଲଏଣାଇଁ ନେହୁଁ କିନେସି, ଇଦାଆଁତାକି ଜୀହୁଦି ଲକୁଚି କାଜାରି ବିତ୍ରାଟି ଏଚରଜାଣାତି ଏଞ୍ଜାଣି ତାଣା ପାଣ୍ଡାନା ବାଡିମାଲିଚେସି । ୪ ଏଞ୍ଜାରି ଜୀସୁ ତାଣା ଖାହାନା ହାଚ୍‌ରେକା ବାଡିମାଲିହୁଁ ଖେସୁେରି, “ଏଞ୍ଜାସି ନୀ ତାଣାଟି ହାଚ୍‌ରେକା ସାଢ଼େୟି ବେଟାଆହାଲି ପାଡ଼ା ଆନାସି; ୫ ଇଚିହୁଁ ଏଞ୍ଜାସି ମା ଜୀହୁଦି ଲକୁଣି ଜୀସୁ ନଚେସି ଅଡ଼େ ତାନୁଏ ମାଙ୍ଗେତାକି ଜୀହୁଦି ଲକୁଚି କୁଚି ଇଲୁ* କିହାମନେସି ।”

୬ ଏମ୍ବାଟିଏ ଜୀସୁ ଏଞ୍ଜାରିତଲେ ହାଚେସି, ଏଞ୍ଜାସି କାଜାଣି ଇଲୁଚିଏ ହିରେ ହେକ ମାଟାଟିଏ ତାନି ତଡ଼େସିଙ୍ଗାଣି ଖେସା ପାଣ୍ଡିଚେସି, “ଏ ପ୍ରବୁ ନାନୁ ଅଡ଼େ କସ୍ ପୁଃଆନିଦେ; ଇଚିହୁଁ ନାନୁ ନା ଇଜ ପାଞ୍ଜୁଲି ଇଚିଦି ଇଲେକଁ ପାଡ଼ାଆଆଡାଡେଏ; ୭ ଇଦାଆଁତାକି ନାନୁ ନୀ ତାଣା ଖାହାଲି ପାଡ଼ାଆଆଁ ଇଞ୍ଜୁଁ ଅଣ୍ଡିପଡେଏ; ସାମା ନାନୁ ର ପଦୁ ଖେସା ପାଣ୍ଡାମୁ ନା ହଚ୍‌ଲଏସି ନେହୁଁ ଆନେସି । ୮ ଇଚିହୁଁ ନାନୁ ରଅଣି ତାଣା କାମା କିନି ମାଣ୍ଡି ଆଡ଼ିହୁଁ ଜିକେଏ ନା ଅଦିକାରାତା ଅଡ଼େ କସ୍‌କା ମାନେରି; ଅଡ଼େ ନାନୁ ରଅଣାଇଁ ହାଲମୁ ଇଚିହୁଁ ହାଚେସି; ରଅଣାଇଁ ଖାମୁ ଇଚିହୁଁ ଖାଚେସି; ଇଞ୍ଜାଁ ନା ହଚ୍‌ଲଏଣାଇଁ ଇଦାଆଁ କିମୁ ଇଚିହୁଁ ଏଞ୍ଜାସି କିନେସି ।”

୯ ଜୀସୁ ଇ ବାରେ କାତା ଖେଞ୍ଜାନା କାବା ଆଡେସି, ଅଡ଼େ ଜ୍ଞେଚ ଖାହିମାନି ଲକୁଞ୍ଜାକି ସିନିକିହାନା ଏଲେଇଚେସି, “ନାନୁ ମିଙ୍ଗେ ଖେସିମାଞ୍ଜାଇଁ ଇସାୟେଲ ଲକୁ ବିତ୍ରା ଜିକେଏ ନାନୁ ଇଲେଚି ନାମୁ ମେସାହିଲଅଁ ।”

୧୦ ଅଡ଼େ ପାଣ୍ଡୁଞ୍ଜି ଆହାମାଟି ଲକୁ ଇଜ ଖାହାନା ହଚ୍‌ଲଏସି ନେହୁଁ ଆହାମାନାଣି ମେସୁେରି ।

ରାଗ୍‌ଣେଇ ଇୟାନି ମାରୁଏଣାଇଁ ଜୀସୁ ହାନାୟି

୧୧ ଏମ୍ବାଟିଏ ନାଜନ ଦରୁଗାଟି ଗାଡ଼ାତା ହାଚେସି, ତାନି ସୀସୁୟାଁ ଇଞ୍ଜାଁ ହାଚ୍‌ରେକା ଲକୁ ଏଞ୍ଜାଣିତଲେ ହାଜିମାଚେରି । ୧୨ ଏଞ୍ଜାସି ଗାଡ଼ାତି ଗଲିମୁଟାତା ଏଜାଲିଏ ଲକୁ ର ମାଡ଼ହାତି ପାଙ୍ଗାତା ଡେକା ତାଟି ମାଚେରି, ଏଞ୍ଜାସି ତାନି ଇୟାନି ରଣ୍ଡିଏ ମାରୁଏସି ମାଚେସି, ଇଞ୍ଜାଁ ଏ ଇୟା ରାଗ୍‌ଣେଇ ମାଚେ; ଅଡ଼େ ଗାଡ଼ାତି ହାଚ୍‌ରେକା ଲକୁ ଏଦାନିତଲେ ମାଚେରି । ୧୩ ଏଦାନି ମେସାନା ଜୀସୁ ହାଚ୍‌ରେକା କାର୍ମା ଅଣ୍ଡପାନା ଏଦାନି ଏଲେଇଚେସି, “ଡ଼ାଆନି ।” ୧୪ ଅଡ଼େ ଏଞ୍ଜାସି ତାଗେ ହାଜାନା ଡେକାମାଟି ଚେଚେଣିଟି ତାଗିଚେସି, ଇଞ୍ଜାଁ ଡେକା ଅହିମାଟି ଲକୁ ନିଚାଲିଏ ଜୀସୁ ଏଲେଇଚେସି, “ଆଡେ ଦାଂଗଣେଣାଟି ! ନାନୁ ଏଲେଇଞ୍ଜିମାଞ୍ଜାଇଁ

* ୭:୪୫ ୭:୪୫ ମାତି ୧୨:୩୪ * ୭:୫ ୭:୫ ସିନଗର

ନିଜ୍ଞାମ୍ନ ।” ୧୫ ଏଚେଟିଏ ହାହାମାଚି ଦାଂଗ୍‌ଶେଏସି ନିଜ୍ଞାନା କୁଚିତେସି ଇଞ୍ଜା ଲୁକିତେସି, ଇଞ୍ଜା ଏଝାସି ତାମି ଇୟାନି କେୟୁତା ହେବପିତେସି ।

୧୬ ଏଚେଟିଏ ବାରେଜାଣା ଆଜିତାକି ମାହାପୁରୁଇଁ ଜହରା କିହଁ ଏଲେଇଚେରି; “ମା, ବିତ୍ତା ର, ମାହାପୁରୁ ଅଣପୁତି ବଲୁ ଖେହ୍‌ନାସି ହତାମାନେସି, ଇଚିହଁ ମାହାପୁରୁ ତାନି ଲକୁଣି କାର୍ମା ମେସାମାନେସି !”

୧୭ ଇଞ୍ଜା ଜୀସୁ କିତି ଇ କାତା ବାରେ ଜୀହୁଦା ଦେସାତା ଅଡେ ସାରିସୁଟୁ ମାନି ରାଜିତା ଖେଜାହାଚେ ।

ବାପ୍ତିସ୍ମା* ହାନି ଜହନତି କାରୁ ଖେହ୍‌ନାରି
(ମାତି ୧୧:୨-୧୯)

୧୮ ତାୟୁ ବାପ୍ତିସ୍ମା* ହାନି ଜହନତି ସାୟୁୟା ଇ ବାରେ କାତା ଏଝାଣାଇଁ ଖେସ୍ତେରି । ୧୯ ଏଚେଟିଏ ଜହନ ତାନି ରା ସାୟୁୟାଁ ତାଗେ ହାତାନା ପ୍ରବୁ ତାଣା ଏଲେଇଞ୍ଜା ପାଣ୍ଡିତେସି, “ଆମ୍ବାଆସି ଖାନାୟି ମାଚେ, ନାନୁଏ ଏଝାତିକି, ଆଆତମ୍ ମାମ୍ ଅୁର ରଅଣାଇଁ କାଃଆନମି ?”

୨୦ ଏଝାରି ଜୀସୁ ତାଣା ଖାହାନା ଏଲେଇଚେରି, “ବାପ୍ତିସ୍ମା ହାନି ଜହନ ମାଜେ ଏଲେଇଞ୍ଜା ପାଣ୍ଡିତେସି, ଆମ୍ବାଆସି ଖାନାୟି ମାଚେ ଏଝାତି ନାନୁଏ କି ଆଆତମ୍ ମାମ୍ ଅୁର ରଅଣାଇଁ କାଃଆନମି ?”

୨୧ ଏଚିବେଲା ଏଝାସି ହାରେକା ରଡ଼ା, କସୁ ଅଡେ ପଲୁଆ ବୁଡୁୟାଁ ତାଣାଟି ହାରେକା ଲକୁଣି ନେହଁ କିତେସି, ଇଞ୍ଜା ହାରେକା କାଣକା ମେହ୍‌ଆଗାଟାରାଇଁ ମେହ୍‌ନି ବାଡୁୟୁ ହାଚେସି । ୨୨ ଏଝାସି ଏଝାରାଇଁ ଏଲେଇଚେରି, “ମୀରୁ ହାଜାନା ଏନା ଏନାଆଁ ମେସାମାଞ୍ଜେରି ଅଡେ ଖେଞ୍ଜାମାଞ୍ଜେରି, ଏ ବାରେ ଜହନଇଁ ଖେହ୍‌ଦୁ; କାଣକା ମେହ୍‌ଆଗାଟାରି ମେସାଲି ଆଡ଼ିମାନେରି, ସତାୟାଁ ତାକାଲି ଆଡ଼ିମାନେରି, କାଜା ରଡ଼ା ଗାଟାରି ନେହଁ ଆହିମାନେରି, ବେରାୟାଁ ଖେଞ୍ଜାମାନେରି, ହାଡ଼ାରି ନୀଡ଼ିମାନେରି, ଅଡେ ହିଲାଆ ଗାଟାରି ନେହଁ କାରୁ ଖେଞ୍ଜାମାନେରି, ୨୩ ନା ତାଣା ଆମ୍ବାଆସି ଆନାମାନା ଆଆନା ନାମାନେରି, ତାମ୍‌ଜେଏ ନେହେଁ ।”

୨୪ ଜହନ ସାୟୁୟାଁ ହାଜାଲିଏ, ଜୀସୁ ଲକୁଣି ଜହନତି କାତା ଏଲେଇଚେସି, “ଏଚିବେଲା ବାଃଲି ବାଟାତା ମୀରୁ ହାଜାମାଚେରି, ଏମ୍‌ଆଁ ଏନାଆଁ ମେସାଲି କାଟାମାଚେରି ? ଏନାଆଁ ଗାଲି ତଲେ ଖାଲିମାନି ତାଣ୍ଡିତି ? ୨୫ ଏନାଆଁ ଆଆତିହଁ ଏନାଆଁ ମେସାଲି ହାଜାମାଚେରି ? ନେହଁ ଅକିତି ପାଡ଼ାଡ଼ା ହିମ୍‌ବି ହୁଚାମାନି ର ମାଣସିଇଁ ? ମେହ୍‌ଦୁ ଆମ୍ବାଆସି ନେହଁ ନେହଁ ହିମ୍‌ବିକା ହୁଚାନା ସୁକୁ ତଲେ ତୁୟିନାରି ଏଝାରି ରାଜା ଗାଡ଼ାତା ତୁୟିନେରି ! ୨୬ ଏନାଆଁ ଆଆତମ୍ ଏନାଆଁ ମେସାଲି ହାଜାମାଚେରି ? ଏନାଆଁ ର, ମାହାପୁରୁ ଅଣପୁତି ବଲୁ ଖେହ୍‌ନାଣାଇଁ ? ନାନୁ ମିଜେ ସାତା ଖେସିମାଞ୍ଜାଇଁ, ମାହାପୁରୁ ବଲୁ ଖେହ୍‌ନାରି କିହଁ କାଜାଣାଇଁ । ୨୭ ଆମ୍ବାଆସି କାତା ରାସ୍‌କି ଆହାମାନେ, ‘ହେୟୁ ନାନୁ ନା, କାରୁ ଖେହ୍‌ନାଣାଇଁ ନୀ ନକିତା ପାଣ୍ଡିମାଞ୍ଜାଇଁ, ଏଝାସି ନୀ ନକିତା ଜିରୁ ତିୟାରା କିନେସି, ଏଝାସି ଏ ମାଣସି ।’ ୨୮ ନାନୁ ମିଜେ ସାତା ଖେସିମାଞ୍ଜାଇଁ ଇୟାନି ବାଣ୍ଡିତି ଜାର୍ନା ଆହାମାନାରି ବିତ୍ତା ଜହନ ବାରେକିହଁ କାଜାସି; ଆଡ଼ିକିକେଏ ମାହାପୁରୁ ରାଜିତା ଆମ୍ବାଆସି ଉଣା ଏଝାସି ଏଝାଣି କିହଁ କାଜାସି ।”

୨୯ ☆ବାରେଜାଣା ଇ କାତା ଖେଞ୍ଜାନା, ସିସୁ ରାହ୍‌ନାରି ଜିକେଏ ଜହନ ତାଣାଟି ବାପ୍ତିସ୍ମା* ଅହାମାଚାକି ମାହାପୁରୁଇଁ ସାତା ଇଞ୍ଜା ଇଚେରି; ୩୦ ସାମା ପାରୁସିୟାଁ ଅଡେ ମେରାପୁନାରି ଏଝାଣି ତାଣାଟି ବାପ୍ତିସ୍ମା* ପୁଞ୍ଜାଆନାହାଁ ତାମ୍‌ଜେ ତାକି ମାହାପୁରୁ ଅଣସିମାଗାଣି କୁଚେରି ।

୩୧ “ଇ କାଲାତି ଲକୁଣି ଆମ୍ବାଆସି ତଲେ ତୁକଇଁ, ଇଞ୍ଜା ଏଝାରି ଆମ୍ବାଆସି ଲେହେଁ ? ୩୨ ଏମିନି କକାରି ହାଟା ବାଜାରାତା କୁଗାନା ତାମ୍ ଏଲେଇଶସି ଆନେରି, ‘ମାମ୍ ମୁଜାତାକି ପୀରୁଡ଼ି ଉକିତମି, ମୀରୁ ଏନାଆଚେରି; ମାମ୍ ବୁକୁ ତଲେ ଡାତମି ମୀରୁ ଡାଆଚେରି!’ ଏଝାରି ଇଲେତାରି ଇଞ୍ଜା ଜୀସୁ ଖେସ୍ତେସି । ୩୩ ଇଚିହଁ ବାପ୍ତିସ୍ମା* ହାନି ଜହନ ଖାହାନା ରାନ୍ଦା ତିନାଆଚେସି କି ଅଜ୍ଞୁରି ରାସା ଗହ୍‌ଆଚେସି, ଅଡେ ମୀରୁ ଏଲେଇଚେରି, ‘ଏଝାଣାଇଁ ବୁଡୁ ଆଲ୍‌ଗାମାଚେ ।’ ୩୪ ମାଣସି ମୀରୁଏସି ଖାହାନା ରାନ୍ଦା ତିଚେସି ଉଚେସି, ଅଡେ ମୀରୁ ଏଲେ ଇଞ୍ଜାମାଞ୍ଜେରି, ‘ମେହ୍‌ଦୁ ଇଝାସି ଚିଣ୍ଡିକାସୁ, କାଡ଼ବୁଡୁ, ସିସୁ ରାହ୍‌ନାରି ଅଡେ ପାପୁ ଗାଟାରି ତଡ଼ଣସି ।’ ୩୫ ମାହାପୁରୁଟି ବୁଦି ତାନି ବାରେ ମୀରୁକା ତାଣାଟି ସାତା ଇଞ୍ଜା ତଞ୍ଜାଆନେ ।”

ପାରୁସି ସିମନ ଇଜ ଜୀସୁ ହାନାୟି

† ୭:୧୭ ୭:୧୮ ମୁଞ୍ଜିନାୟି ‡ ୭:୧୮ ୭:୧୮ ମୁଞ୍ଜିନାୟି § ୭:୨୦ ୭:୨୦ ମୁଞ୍ଜିନାୟି ☆ ୭:୨୯ ୭:୨୯ ମାତି ୨୧:୩୨; ଲୁକ ୩:୧୨
* ୭:୨୯ ୭:୨୯ ମୁଞ୍ଜିନାୟି † ୭:୩୦ ୭:୩୦ ମୁଞ୍ଜିନାୟି ‡ ୭:୩୩ ୭:୩୩ ମୁଞ୍ଜିନାୟି

୩୭ ଅତେ ପାରୁସିୟାଁ ବିଦ୍ରାଠି ରଅସି ଜୀସୁଇଁ ତାନି ଇଜ ତିଖାଲି ଏଲେଇଚେସି, ଏମାଟିଏ ଜୀସୁ ଏ ପାରୁସି ଇଜ ହତାନା ରାନ୍ନା ତିଖାଲି କୁଗିଚେସି । ୩୭ *ମେହୁଦୁ ଏ ଗାଡ଼ାତା ପାପୁଗାଟି ର ଇୟା ମାଚେ; ଜୀସୁ ପାରୁସିୟାଁ ଇଜ ତିଖାଲି କୁଗାମାନେସି ଇଖୁଁ ପୁଞ୍ଜାନା ଏଦି ର ଗାନ୍ତୁତା ଗାନ୍ନାଗାଟି ନିହୁଁ ତାଚାନା, ୩୮ ତାମୁଝାକି ଜୀସୁ କତାୟାଦାରି ନିଚାନା ତାହି ତାହି କାଣ୍ଡୁ ବକହାନା ଏଝାଣି ପାଃଆନାୟାଁ ଉଦି କିହାନା ତାନି ତାୟୁଁ ବାଣାୟାଁ ତଲେ ଜୀସୁ ପାଃଆନାୟାଁ ଦ୍ଵେଜିହୁଁ ଏଝାଣି ପାଃଆନାୟାଁ ନଶ୍ଵିଚେ ଅତେ ଗାନ୍ନା ନିହୁଁ ରୁବଚେ । ୩୯ ଏଦାଆଁ ମେସାନା ଆନିନି ପାରୁସି ହାଟାମାଚେସି, ଏଝାସି ମନ ମନତା ଅଣ୍ଠପଚେସି, “ଇଝାସି ମାହାପୁରୁ ଅଣ୍ଠପୁତା ବଲୁ ଝେହନାସି ଆହାମାଚିହୁଁ ମା, ତାଙ୍ଗେ ତାଗିମାନି ଇୟାଟି ଏନିଲେହେତାୟି ପୁଚେସିମା, ଇଚିହୁଁ ଏଦି ପାପୁ ଗାଟାୟି ।”

୪୦ ଜୀସୁ ଏଝାଣାଇଁ ଏଲେଇଚେସି, “ଆତେ ସିମନ ନାନୁ ନିଙ୍ଗେ ର କାତା ଝେସ୍ତାନାୟିମାନେ ।” ଏଝାସି ଏଲେଇଚେସି, “ହାଅ ପୁରୁ ଝେସ୍ତାମୁ ।”

୪୧ “ର ସାଝୁକାରି ତାଣା ରିଆରି ରାଣାଗାଟାରି ମାଚେରି; ରଅସି ପାସାଝାଞ୍ଜା ଅତେ ରଅସି ରା କଡ଼ି ଦସଟାକା ରାଣା ଗାଟାସି । ୪୨ ଏଝାରି ରାଣା ଡିକହାଲି ଆଡ଼ାଆଲିଏ, ଏଝାରି ସାଝୁକାରି ରିଆରି ରାଣାଟି ଜିକେଏ ପିସାତୁସ୍ତେସି । ଇଞ୍ଜା ଏଝାରି ବିଦ୍ରାଟି ଆମ୍ବାଆସି ଏଝାଣାଇଁ ହାଚେରକା ଜୀସୁ ନଚେସି ?”

୪୩ ସିମନ ଏଲେଇଚେସି, “ନା ଅଣ୍ଠପୁତା ଆମ୍ବାଆରାକି ଗାଡ଼ି ରାଣା ପିସ୍ପିଆଡେ ଏଝାସି ।”

ଜୀସୁ ଏଲେଇଚେସି, “ନାନୁ ନେହୁଁ ଅଣ୍ଠପାମାଞ୍ଜି ।” ୪୪ ଅତେ ଏଝାସି ଏ ଇୟାନିଝାକି ସିନିକିହାନା ସିମନଇଁ ଏଲେଇଚେସି, “ଇ ଇୟାନି ମେସିମାଞ୍ଜି ? ନାନୁ ମା ଇଜ ଝାଚେତଏଁ, ନା କତାୟାଁ ତାକି ଏୟୁ ହିୟାଆତି, ସାମା କାଣ୍ଡୁ ତୁଲେ ନା ପାଃଆନାୟାଁ ଉଦି କିହାନା ତାନି ତାୟୁଁ ବାଣାୟାଁ ତଲେ ଦ୍ଵେଜାଚେ । ୪୫ ନାନୁ ନାଙ୍ଗେ ନଶ୍ଵାଆତି ? ସାମା ନାନୁ ବିଦ୍ରା ଝାଝନିଏ ନା ପାଃଆନାୟାଁ ନଶ୍ଵାଲି ପିସିମାଞ୍ଜେଏ । ୪୬ ନାନୁ ନା ତାୟୁଁ ତୁ ନିହୁଁ ରୁବଆତି ? ସାମା ଇଦି ନା ପାଃଆନାଣାଁ ଗାନ୍ନା ନିହୁଁ ରୁବଚେ । ୪୭ ଇଦାଆଁତାକି ନାନୁ ନିଙ୍ଗେ ଝେସିମାଞ୍ଜାଇଁ, ଇଦାନି ହାଚେରକା ପାପୁ ମେଣ୍ଠାମାନେ ଏଦାଣିତାକି ଏଦି ହାଚେରକା ଜୀସୁନହୁଁ ମାଞ୍ଜାନେ; ସାମା ଆମ୍ବାଆରାକି ଉଣା ପାପୁ ମେଣ୍ଠାଜିନେ ଏଝାସି ଉଣା ଜୀସୁ ନଚେସି ।” ୪୮ ଅତେ ଜୀସୁ ଏ ଇୟାନି ଏଲେଇଚେସି, “ନା ପାପୁ ବାରେ ମେଣ୍ଠାମାନେ ।” ୪୯ ଏମାଟିଏ ଏଝାଣିତଲେ ତିଖାଲି କୁଗାମାଚାରି ମନ ମନତା ଏଲେଇଚେସି, “ପାପୁ ଜିକେଏ ମେଣ୍ଠାଜି କିହିମାନେସି ଇଝାସି ଆମ୍ବାଆସି ?”

୫୦ ସାମା ଜୀସୁ ଏ ଇୟାନି ଏଲେଇଚେସି, “ନା ନାମୁ ନିଙ୍ଗେ ଗେଲପାମାଞ୍ଜାନେ; ହିଡ଼ି ତଲେ ହାଲମୁ ।”

୮

ଜୀସୁତଲେ ଡ଼ୟିନି ଇୟାସିକା

୧ ଏଚରଦିନା ତାୟୁଁ ଜୀସୁ ଗାଡ଼ାତାକି ଗାଡ଼ା ନାୟୁଁ ତାକି ନାୟୁଁ ରେଜିହୁଁ ମାହାପୁରୁ ରାଜିତି ନେହୁଁ କାରୁ ଝେକହେସି, ଅତେ ବାରଜାଣା ସୀସୁୟାଁ ଏଝାଣିତଲେ ମାଚେରି, ୨ ଅତେ ଏମିନିଗାଟି ଇୟାସିକା ପଲ୍ଲଆ ବୁଡୁୟାଁ ତାଣାଟି ରଗଟି ନେହୁଁ କିଞ୍ଚି ଆହାମାଚୁ, ଇଚିହୁଁ ମଗଦଲିନି ମରିୟମ, ଆମ୍ବାଆରି ତାଣାଟି ସାଡ଼ାଗାଟା ବୁଡୁୟାଁ ହଟାହାଜାମାଚୁ, ୩ ହେରଦ ଇଜତି ଗୁମୁସ୍ତା କୁଜା ଅତେ ତାନି ଡ଼କ୍ତି ଜହାନା, ସସାନା ଅତେ ହାଚେରକା ଇୟାସିକା ଏଝାଣିତଲେ ମାଞ୍ଜାନା ତାନି ଦନ ହାହାନା ଏଝାରି ସେବା କିହିମାଚୁ ।

ବିଚା ମାଟିନି ପୁଣ୍ଠିକିନି କାତା

(ମାତି ୧୩:୧-୧୯; ମାର୍କ ୪:୧-୯)

୪ ଲକ୍ଷୁ ବାରେ ଗାଡ଼ାୟାଁଟି ଝାହିମାଟାକି ହାଚେରକା ଲକ୍ଷୁ ଏଝାଣି ତାଣା ରୁଞ୍ଜା ଆଡେରି ଇଞ୍ଜା ଏଝାସି ଏଝାରିଇଁ ପୁଣ୍ଠିକିନି କାତାତଲେ ଝେସ୍ତେସି ।

୫ “ରଅସି ବିଚା ମାଟିନାସି ବିଚା ମାଟାଲି ହଚେସି । ଏଝାସି ମାଟି ମାଟିହୁଁ କଚେକା ବିଚା ଜିରୁତା ରୀଚେ ଏଦାଆଁ ଲକ୍ଷୁ ଝିସାତୁସ୍ତେରି, ଅତେ ହାଗୁ ଲାକ ଉଦିନି ପଟା କାଟି ପେରହା ତିରୁ । ୬ ଅତେ କଚେକା ଝାଲକା ଲାକ ରୀଚେ, ଇଞ୍ଜା ନେୟାଁନା ବୁନି ଅଲୁ ହିଲ୍ଲାଆତାକି ଝାୟାହାଚେ । ୭ ଅତେ କଚେକା ହାପକା ବୁଗାତା ରୀଚେ, ଇଞ୍ଜା ହାପକା ବୁଟା ପାତାଆହାନା ଆନାଁ ତାକିତି ସ୍ଵିକହାତୁସ୍ତେ । ୮ ଅତେ କଚେକା ବିଚା ନେହୁଁ ବୁନିତା ରୀଚେ, ଇଞ୍ଜା ପାତାଆହାନା ପାସାକଡ଼ି ପାଡ଼େୟି ଆୟିଚେ ।” ଏଚେଟିଏ ଜୀସୁ କାଜା ଗିୟାତଲେ ଏଲେଇଚେସି, “ଆମ୍ବାଆରାକି ଝେଞ୍ଜାଲି କୀକା ମାନୁ ଏଝାରି ଝେଣ୍ଠାମାରି ।”

* ୭:୩୭ ୭:୩୭ ମାତି ୨୭:୭; ମାର୍କ ୧୪:୩; ଜହ ୧୨:୩

ପୁଣ୍ୟକିନି କାତାଡି ଅଣ୍ଟା

(ମାତି ୧୩:୧୦-୧୭; ମାର୍କ ୪:୧୦-୧୨)

୯ ତାମି ସାମୁୟାଁ ଇ ପୁଣ୍ୟକିନି କାତାଡି ଅର୍ଡ ଏନାୟି ଇଞ୍ଜିଁ ଖେରେରି, ୧୦ ଏଞ୍ଜାସି ଏଲେଇରେସି, “ମାହାପୁରୁ ରାଜିତି କାତା ପୁଞ୍ଜାଲି ମିଙ୍ଗେ ବାଡୁୟୁ ହାପକି ଆହାମାନେ, ସାମା ଏଟକା ତାରାଇଁ ପୁଣ୍ୟକିନି କାତାତଲେ ଖେସ୍ପିଆନେ, ଇତିହୁଁ ଏଞ୍ଜାରି ମେସି ମେସିହୁଁ ମେହୁଅରି ଅଡେ ଖେଞ୍ଜିଖେଞ୍ଜି ତେଲୁହୁଅରି ।”

ଜାସୁ ବିତା ମାଟିନି କାତାଡି ପୁଣ୍ୟକିନାୟି

(ମାତି ୧୩:୧୮-୨୩; ମାର୍କ ୪:୧୩-୨୦)

୧୧ ପୁଣ୍ୟକିନି କାତା ଅର୍ଡ ଇଦି, ବିତା ମାହାପୁରୁ ବଲୁ, ୧୨ ଜିରୁ ଦାରିତି ପାଡେୟି ଇଲେତାରି, ଏଞ୍ଜାରି ମାହାପୁରୁ କାତା ଖେନେରି; ତାୟୁ ସୟତାନା ଖାହାନା ଏଞ୍ଜାରି ଏନିକିଁ ନାମାଆପେରିଖା ଅଡେ ଗେଲୁପି ଆଆପେରିଖା ଇଞ୍ଜିଁ ଏଞ୍ଜାରି ହିୟାତା ଖେଞ୍ଜାମାନାଣି ମାଞ୍ଜାଅନେ । ୧୩ ଖାଲକା ବୁମିତା ରିତି ଲକୁ ଇଲେତାରି, ଏଞ୍ଜାରି କାତା ଖେଞ୍ଜାନା ରାହୁତି ଆହନେରି; ଏଞ୍ଜାରିତାଣା ହାଉ ଜାଆତାକି ଗାଡେକା ତାକି ନାମିନେରି, ଅଡେ ତାୟିପାରି କିନାୟି ଖାଡିସାରେ ମାହାପୁରୁଇଁ ପିସା ତୁହନେରି । ୧୪ ଅଡେ ହାପକା ବୁଗାତା ରିତି ଲକୁ ଇଲେତାରି ଆମିନି ଗାଟାରି ମାହାପୁରୁ କାତା ଖେଞ୍ଜାନା ଦାରୁତିତି ଦୁକୁ କାକୁଲି, ଦନତି ଜୁପକା ଅଡେ ଦାରୁତିତି ରାହୁଁ ଏଞ୍ଜାରାଇଁ ପୁକହାତୁସାମାନାକି ନେହୁଁକିଁ କାମ୍ବାଲି ଆଡଅରି । ୧୫ ନେହୁଁ ବୁମିତା ରିତି ପାଡେୟି ଇଲେତାରି, ଏମିନିଗାଟାରି ନେହୁଁ ସୁଦୁଜାଖୁ ହିୟାତି କାତା ଖେଞ୍ଜାନା ଆହନେରି, ଅଡେ ବାରେ ଅରହାନା କାମା କିହାନା ପାଡେୟି ଆୟିନେରି ।

ମାଣା ପୁକହି ଦୀର୍ଝ

(ମାର୍କ ୪:୨୧-୨୫)

୧୬ *ଦୀର୍ଝ ତୃସାନା ଆମ୍ବାଆରି ମାଣା ପୁକହାନା କି କାଟେଲି ତୁଇକା ଇଟଅରି, ସାମା ଦୀର୍ଝ ସତାତା ଇଟିନେରି, ଏନିକିଁ ଇଜଞ୍ଜାରି ଲକୁ ଉଜେଡି ମେହୁନେରି ।

୧୭ *ତୁଗ୍ଗାମାନାୟି ଏନାୟିଖା ହିଲେଏ, ଏନାୟି ତଞ୍ଜା ଆଏ ଇଲେକିଁ ଏନାୟି ଜିକେଏ ହିଲେଏ, ଖେସ୍ପି ଆହାନା ତଞ୍ଜା ଆଏ ଇଲେତି ତୁଗ୍ଗାମାନାୟି ଏନାୟି ହିଲେଏ ।

୧୮ ଏନିକିଁ ଖେଞ୍ଜାମାଞ୍ଜେରି ଏଦାଆଁତାକି ଜାଗ୍ରାତା; ଇତିହୁଁ ଆମ୍ବାଆରାଖାୟି ମାନେ ଏଞ୍ଜାଣାକି ହାପକିଆନେ, ଅଡେ ଆମ୍ବାଆରାଖାୟି ହିଲେଏ ଏଞ୍ଜାସି ନାଦି ମାନେ ଇଞ୍ଜିଁ ଅଣ୍ଟପାନେସି, ଏଦାଆଁ ଜିକେଏ ଅଞ୍ଜିଆନେ ।

ଜାସୁତି ଇୟା ଅଡେ ତାୟିୟାଁ

(ମାତି ୧୨:୪୬-୫୦; ମାର୍କ ୩:୩୧-୩୫)

୧୯ ଜାସୁତି ଇୟା ଅଡେ ତାମି ତାୟିୟାଁ ଏଞ୍ଜାଣି ତାଣା ଖାଡେତରି, ସାମା ଲକୁ ମାନ୍ଦା ମାଟାକି ଏଞ୍ଜାଣି ତାଣା ହାଜାଲି ଆଡାଆଡେରି । ୨୦ ଏମ୍ବାଟିଏ ଜାସୁଇଁ ଖେସ୍ପେରି, “ମା ଇୟା ଅଡେ ମା ତାୟିୟାଁ ନିଙ୍ଗେ ମେସାଲି ପାଙ୍ଗାତା ନିଟାମାନେରି ।”

୨୧ ସାମା ଏଞ୍ଜାସି ବାରେତି ଏଲେଇରେସି, “ମାୟା ଅଡେ ମା ତାୟିୟାଁ ଏଞ୍ଜାରି, ଆମ୍ବାଆରି ମାହାପୁରୁତି କାତା ଖେନେରି ଅଡେ ମାନ୍ଦୁଞ୍ଜି ଆନେରି ।”

ଜାସୁ କାଜା ଗାଲିତି ସାପି କିନାୟି

(ମାତି ୮:୨୩-୨୭; ମାର୍କ ୪:୩୫-୪୧)

୨୨ ର ଦିନା ଜାସୁ ଅଡେ ତାମି ସାମୁୟାଁ ତଂଗତା କୁଗିତେରି, ଇଞ୍ଜାଁ ଜାସୁ ଏଞ୍ଜାରାଇଁ ଏଲେଇରେସି, “ଞ୍ଜାଦୁ ମାର ସାମଦୁରି ଆତାଲା ହାନ ।” ଏମ୍ବାଟିଏ ଏଞ୍ଜାରି ତଂଗତି ହାଡେରି । ୨୩ ସାମା ଏଞ୍ଜାରି ତଂଗତା ହାଜିମାନି ବେଲାତା ଜାସୁ ତୁରାତେସି । ଏତିବେଲା ସାମଦୁରିତା କାଜା ଗାଲି ଆଡେ, ଅଡେ ଏୟୁ ତଂଗତା ହଡିମାଟାକି ଏଞ୍ଜାରି ହାଡେରକା କସ୍ତ ଆଡେତରି ଇଞ୍ଜାଁ ଆଜିତେରି । ୨୪ ଏବେଟିଏ ସାମୁୟାଁ ତାଗେ ଖାହାନା ନିକହାଁ ଏଲେଇରେରି, “ଏ ଗୁରୁ ଏ ଗୁରୁ ମାର ହାହିମାନାୟି !”

ଏମ୍ବାଟିଏ ଏଞ୍ଜାସି ନିଙ୍ଗାମା କାଜା ଗାଲିତି ଦାକା ହାଡେସି, ଇଞ୍ଜାଁ ଏ ବାରେ ସାପି ଆହାନା ସୁସ୍ତି ଆଡେ । ୨୫ ଇଞ୍ଜାଁ ଏଞ୍ଜାସି ଏଞ୍ଜାରାଇଁ ଏଲେଇରେସି, “ମା ନାମୁ ଆମ୍ବିୟା ?” ସାମା ଏଞ୍ଜାରି ଆଜି ଅଡେ କାବାଆହାନା

* ୮:୧୭ ୮:୧୭ ମାତି ୫:୧୫; ଲୁକ ୧୧:୩୩ * ୮:୧୭ ୮:୧୭ ମାତି ୧୦:୨୬; ଲୁକ ୧୨:୨

ତାମ୍ଭ ଏଲେଇଶାସ୍ତି ଆଡେରି, “ଇସ୍ରାଏଲି ଏନିଲେହେତାସି ଇଚିହୁଁ ଗାଲି ଅଡେ ଝାଡ଼ିମାନି ଏୟୁଣି ଜିକେଏ ହୁକୁମି ହାହିମାନେସି ।”

ବୃତୁୟା ଆଲ୍‌ଗା ମାଗାଣାଇଁ ଜୀସୁ ନେହୁଁ କିନାୟି
(ମାତି ୮:୨୮-୩୪; ମାର୍କ ୫:୧-୨୦)

୨୭ ତାୟୁ ଏଝାରି ଗାଲିଲି ନକିତି ଆତାଲାଝାକି ଗରାସିୟୁ ଦେସାତା ଏଡେରି । ୨୮ ଜୀସୁ ତଂଗଟି ରେଚାନା ଗାଟୁତା ଝାହାଲିଏ, ଏ ଗାଡ଼ାତି ର ବୃତୁ ଆଲ୍‌ଗା ମାଗାସି ଝାହାନା ଏଝାଣାଇଁ ବେଟାଆଡେସି; ଏଝାସି ଗାଟୁ ଦିନାଟିଏ ହିମ୍ବରିକା ହୁରାଆନା ଅଡେ ଇଜ ମାନାଆନା ମାଡ଼ହା ମୁହ୍ନି ଗାୟୁତା ଡ଼ୟିମାରେସି । ୨୯ ଏଝାସି କିରୁଡ଼ିହୁଁ ଜୀସୁ କତାଣା ରିହାନା କାଜା ଗିୟାତଲେ ଏଲେଇରେସି, “ଏ ବାଡ଼ୟୁଗାଟି ମାହାପୁରୁ ମୀରୁଏଣାତି ଜୀସୁ ନୀ ତଲେ ନାଜେ ଏନାୟି ମାନେ ? ନାମୁ ବାତିମାଲିମାଝାଇଁ ନାଜେ ଅଡେ କସ୍ତୁ ହିୟାଆନି ।” ୨୯ ଇଚିହୁଁ ଜୀସୁ ଏ ପଲ୍‌ଆ ବୃତୁତି ଏ ମାଣସି ତାଣାଟି ହଚା ହାଜାଲି ହୁକୁମି ହାହାଲି ହାଜିମାରେସି । ଏ ପଲ୍‌ଆ ବୃତୁ ହାରେକା ପାଲି ଏଝାଣାଇଁ ଆଲ୍‌ଗାମାରେ, ଇଞ୍ଜା ଲକୁ ଏଝାଣାଇଁ କେସ୍ତା କତାଣା ହିକଣିୟା ତଲେ ଦସ୍‌ପା ଇଚିମାରେରି, ସାମା ଏ ଦସ୍‌ପା ମାଗାଣି ତାପ୍‌ହାନା ବୃତୁ ତଲେ ବାୟା ଆହାନା ଲକୁ ହିଲାଆ ଗାୟୁତା ହଚିମାରେସି ।

୩୦ ଜୀସୁ ଏଝାଣାଇଁ ଏଲେଇରେସି, “ନୀ ଦରୁ ଏନାୟି ?”

“ନୀ ଦରୁ ମାମା” ଇଞ୍ଜୁ ଇରେସି, ଏନାଆତାକି ଇଚିହୁଁ ହାରେକା ବୃତୁୟା ଆଲ୍‌ଗାମାରୁ । ୩୧ ଇଞ୍ଜା ଜୀସୁ ଏଝାସିକାଣି ତାଡ଼େପୁରୁ ପାଣ୍ଡାଲି ହୁକୁମି ହାଅସି, ଇଦାଆତାକି ଏଝାଣାଇଁ ବାତିମାଲିତୁ ।

୩୨ ଏଦାଆଁ ହରୁ ଦାରିତା ର ମାମା ପାଜିୟା ମେୟଁ ମାରୁ, ଇଞ୍ଜା ଜୀସୁଇଁ ଏ ବୃତୁୟା ପାଜିୟା ମାମା ବିତ୍ତା ହାଜାଲି ହେଲ ରାସ୍ତା ୩୩ ଏଝାସି ହେଲ ହାହାଲିଏ, ବୃତୁୟା ଏ ମାଣସି ତାଣାଟି ହଚା ହାଜାନା ପାଜିୟା ବିତ୍ତା ହୁମ୍; ଏରେଟିଏ ଏ ପାଜିୟା ଏ ହରୁଟି ଦାବଡ଼ି ହାଜାନା ଦାରିତା ମାତି ସାମ୍‌ଦୁରିତା ମେଦା ହାହାହାରୁ ।

୩୪ ଏ ପାଜିୟା ମାମା ମେଟିମାଟି ଗଡ଼କା ଏଦାଆଁ ମେସାନା ହଚେରି ଇଞ୍ଜା ଗାଡ଼ା ଅଡେ ନାସ୍‌କାଣାଁ ଏ କାତା ଝେସ୍ତେରି । ୩୫ ଏନାୟି ଆହାମାନେ ଏଦାଆଁ ମେସାଲି ଲକୁ ହଚାଝାଡେରି; ଇଞ୍ଜା ଏଝାରି ଜୀସୁ ତାଗେ ଝାହାନା, ଆମିନି ମାଣସି ତାଣାଟି ବୃତୁୟା ହଚା ହାଜାମାରୁ, ଏଝାଣାଇଁ ନେହୁଁ ହିମ୍ବରିକା ହୁଚାନା ନେହୁଁ ମନଡଲେ ଜୀସୁ କତାଁ ଡ଼ଇ କୁଗାମାଗାଣି ମେସାନା ଆଜିଡେରି । ୩୬ ଅଡେ ଆମିନି ଗାଟାରି ମେସାମାଡେରି ଏଝାରି ଏ ବୃତୁ ଆଲ୍‌ଗା ମାଗାସି ଏନିକୁଁ ନେହୁଁ ଆଡେସି, ଏଦାଆଁ ଏଝାଣାଇଁ ଝେସ୍ତେରି । ୩୭ ଏମ୍ବାଟିଏ ଗରାସିୟୁ ବାରେ ନାସ୍‌କାତି ସାରିଝାକି ବାରେ ଲକୁ ଜୀସୁଇଁ ତାମି ଦେସାଟି ହାଜାଲି ବାତିମାଲିଡେରି, ଇଚିହୁଁ ଏଝାରି ହାରେକା ଆଜିମାରେରି । ଇଞ୍ଜା ଏଝାସି ର ତଂଗତା ହଚାନା ଝେଣ୍ଡାହାରେସି । ୩୮ ସାମା ଏମିନିଗାଗାଣି ତାଣାଟି ବୃତୁୟା ହଚା ହାଜାମାରୁ, “ନାଜେ ନୀ ତଲେ ହାଜଲି ହେଲ ହିୟାମୁ” ଇଞ୍ଜୁ ବାତିମାଲିଡେସି; ୩୯ ସାମା ଜୀସୁ ଏଝାଣାଇଁ ହେଲ ହାହାନା, “ମୀ ଇଜ ଝେଣ୍ଡା ହାଲାମୁ, ଇଞ୍ଜା ମାହାପୁରୁ ନିଜେତାକି ଆମିନି କାମା କିହାମାଝାନେସି ଏ କାତା ଝେକମୁ ।” ଏରେଟିଏ ଏଝାସି ହାଜାନା ଜୀସୁ ତାଜେତାକି ଆମିନି କାମା କିହାମାରେସି, ଏ ବାରେ ଗାଡ଼ାତା ଝେକହେସି ।

ଜାୟିରସତି ମାଜା ଅଡେ ଜୀସୁତି ହିମ୍ବରି କୁକୁ ଡାଗିତି ଇୟା
(ମାତି ୯:୧୮-୨୬; ମାର୍କ ୫:୨୧-୪୩)

୪୦ ଜୀସୁ ଝେଣ୍ଡା ଝାହାଲିଏ ମାମା ଲକୁ ଏଝାଣାଇଁ ରାହାତଲେ ବେଟାଆଡେରି, ଇଚିହୁଁ ଏଝାରି ବାରେଜାଣା ଏଝାଣାଇଁ କାଡ଼ିମାରେରି । ୪୧ ଏମ୍ବାଟିଏ ଜାୟିରସ ଦରୁଗାଟାସି ଝାଡେସି; ଏଝାସି ଜୀସୁଦି ଲକୁଡି କୁଚମି ଇକୁଡି* କାଜାସି ମାରେସି । ଏଝାସି ଜୀସୁ କତାଣା ରିହାନା ତାମି ଇଜ ହାଜାଲି ବାତିମାଲିଡେସି, ୪୨ ଇଚିହୁଁ ଏଝାଣାଇଁ ବାର ବାସାତି ରଣ୍ଡିଏ ମାଜା ମାରେ, ଏଡ଼ି ହାନ୍ଦିଲେହେଁ ନମେରି ଆହାମାରେ ।

ସାମା ଏଝାସି ହାଜିମାଗାଟି ଲକୁ ଏଝାଣି ମୁହେଁ ମୁହେଁ ଆହିମାରେରି । ୪୩ ଏଚିବେଲାତା ବାର ବାସା ପାଡେକା ନେଡେରି ଝାଜ୍ଜିନି ରଗଗାଟି ର ଇୟା, ଏମିନି ଗାଟାସି ଆମ୍ବାଆରି ତାଣାଟି ଜିକେଏ ନେହୁଁ ଆହାଲି ଆଡ଼ିହିଲାଆଡେ, ୪୪ ଏଡ଼ି ତାୟୁ ଝାକିଟି ଝାହାନା ଜୀସୁତି ହିମ୍ବରି କୁକୁ ଡାଗିଡେ, ଏ ଦେବୁଣିଏ ଏଦାନି ନେଡେରି ବନାୟି ପିସ୍ତେ । ୪୫ ଏମ୍ବାଟିଏ “ନାଜେ ଆମ୍ବାଆୟି ଡାଗାଡେ” ଇଞ୍ଜୁ ଜୀସୁ ଝେରେସି ?

* ୮:୪୧ ୮:୪୧ ପିକଗର

ସାମା ବାରେଜାଣା ଆଏ ଇଞ୍ଜାଲିଏ, ପିତର ଏଲେଇଚେସି, “ଏ ଗୁରୁ ଲକୁ ବାରେ ମୁହେଁ ମୁହେଁ ଆହିମାନେରି ।”

୪୭ ସାମା ଜୀସୁ ଏଲେଇଚେସି, “ନାଜେ ଆମ୍ବାଆୟିମା ତୀଗାତେ, ଇଚିହଁ ନା ତାଣାଟି ର ବାଡ଼ୁୟୁ ହଡ଼ାକି ନାନୁ ପୁଚେଏ ।” ୪୮ ଏମ୍ବାଟିଏ ଏ ଇୟା ଖାହାନା ଅଣ୍ପିତେ ନାନୁ ଅଡ଼େ ତୁଗ୍ଗାନା ମାଞ୍ଜାଲି ଆଡ଼ଅଁ ଇଞ୍ଜି ଅଣ୍ପାପାନା ଆଜିତାକି ତାରା ତାରା ଆହଁ ଜୀସୁ କଡ଼ାଣା ରିହାନା, ଏନାଆଁତାକି ତାରିତେ ଇଞ୍ଜା ଦେବୁଣିଏ ଏନିକଁ ନେହଁ ଆଡ଼େ, ବାରେ ଲକୁ ନକିଡ଼ା ଖେସ୍ତେ । ୪୯ ଏମ୍ବାଟିଏ ଜୀସୁ ଏଦାନି ଏଲେଇଚେସି, “ନାଫା ନୀ ନାମ୍ବୁ ନିଜେ ନେହଁ କିହାମାଞ୍ଜାନେ, ହିଡ଼ଡ଼ିଟି ହାଲାମ୍ବୁ ।”

୫୦ ଜୀସୁ ଇ କାତା ଖେସିମାଟି ବେଲତା ଜୀହୁଦି ଲକୁତି କୁଟି ଲକୁତି[†] କାଜାଣା ଇଜଟି ରଅସି ଖାହାନା ଜାୟିରସଇ ଏଲେଇଚେସି, “ନୀ ନାଫା ହାହାହାଚେୟିଏ ଗୁରୁଇଁ ଅଡ଼େ କସୁ ହାଆନିଦେହେଁ ।”

୫୧ ସାମା ଜୀସୁ ଏ କାତା ଖେଞ୍ଜାନା ଏଞ୍ଜାଣାଇଁ ଏଲେଇଚେସି, “ଆଜାଆନି ନାମାମୁ ଏଦି ନୀତିନେ ।”

୫୨ ଅଡ଼େ ଜୀସୁ ଇଜ ଖାହାନା ପିତର, ଜହନ ଅଡ଼େ ଜାକୁବ ଇଞ୍ଜା ପଦାନି ତାମି ଆବା ଇୟାନି ପିସପେ ଆମ୍ବାଆରାଇଁ ବିତ୍ରା ହାଜାଲି ହାଆଡେସି । ୫୩ ସାମା ବାରେଜାଣା ଡାହି ଡାହି ବକତା ଖେଟା କଡ଼ିମାତୁ । ଏମ୍ବାଟିଏ ଜୀସୁ ଏଲେଇଚେସି, “ଡାଆଦୁ; ଏଦି ହାହାହିଲେଏ, ସାମା ତୁରାମାନେ ।”

୫୪ ସାମା ପଦା ହାହାମାନାଣି ପୁଞ୍ଜାନା ଏଞ୍ଜି ଏଞ୍ଜାଣାଇଁ କାକହୁ । ୫୫ ସାମା ଜୀସୁ ପଦାନି କେୟୁ ଆସାନା ହାଟାହାଁ ଏଲେଇଚେସି, “ଆକେ ପଦା, ନିଜାମ୍ବୁ ।” ୫୬ ଏମ୍ବାଟିଏ ପଦାନି ଜୀସୁ ଖେଣ୍ଡା ଖାଡେ ଅଡ଼େ ଏ ଦେବୁଣିଏ ନିଜିତେ, ଇଞ୍ଜା ଇଚାଣି ତିଞ୍ଜାଲି ହୀଦୁ ଇଚେସି । ୫୭ ଏମ୍ବାଟିଏ ତାମି ତାଲି ତାଞ୍ଜି କାବାଆଦୁ; ସାମା ଇ ପଦା ନେହଁ ଆଡ଼ାଣି ଆମ୍ବାଆରାଇଁ ଖେହଆଦୁ ଇଞ୍ଜି ଏଞ୍ଜାସିକାଣି ହୁକୁମି ହୀଡେସି ।



ଜୀସୁ ବାରଜାଣା ସାମୁୟାଁଇଁ ପାଣ୍ଡିନାୟି

(ମାତି ୧୦:୫-୧୫; ମାର୍କ ୬:୭-୧୩)

୧ ଏଚେଟିଏ ଜୀସୁ ବାରଜାଣାଟି ହାଟାନା ରୁଣ୍ଡା କିହାନା ଏଞ୍ଜାଣାଇଁ ବାରେ ବୁଡ଼ୁୟାଁ ଲାକ ଅଡ଼େ ରଗଟି ନେହଁ କିହାଲି ବାଡ଼ୁୟୁ ଅଡ଼େ ଅଦିକାରା ହୀଡେସି । ୨ ଅଡ଼େ ଏଞ୍ଜାସି ଏଞ୍ଜାଣାଇଁ ମାହାପୁରୁଟି ରାଜିତି କାତା ଖେକହାଲି ଅଡ଼େ ରଗ ଗାଟାରାଇଁ ନେହଁ କିହାଲି ପାଣ୍ଡିତେସି^୩ ଇଞ୍ଜା ଏଞ୍ଜାଣାଇଁ ଏଲେଇଚେସି, “ମୀରୁ ହାଜାଲିତାକି କୁତା ବାଡ଼ୁବା କି ମଣା କି ରୁଟି କି ଏନି ଟାକାୟାଁ ଜିକେଏ ଅଆଦୁ, ଅଡ଼େ ଜଡ଼େକା ସକାୟାଁ ଜିକେଏ ଅଆଦୁ । ୪ ଅଡ଼େ ମୀରୁ ଆମିନି ଇଜ ହାଜେରି, ଏମ୍ବାଟି ଖେଣ୍ଡାହାନି ପାଡେକା ଏମ୍ବାଆଁ ତୁୟାଦୁ; ୫^୪ ଅଡ଼େ ଏଚେକା ଲକୁ ମିଜେ ଆବଅରି ଏଞ୍ଜାରି କପାଟି ସାକି ହାହାଲି ଏ ଗାଡ଼ାଟି ହଡ଼ା ଖାଡ଼ାଟି ମୀ କଡ଼ାଟି ଦୁଡ଼ି ହାଣ୍ଡାହାଁନା ଖାଦୁ ।”

୬ ଏମ୍ବାଟିଏ ଏଞ୍ଜାରି ହାଜାନା ସାରିଞ୍ଜାକି ନେହଁ କାବୁ ଖେକହିହଁ ରଗ ଗାଟାରାଇଁ ନେହଁ କିହିହଁ ନାୟୁଁ ନାୟୁଁତା ଚେଚେରି ।

ହେରଦ ରାଜା ବିଲ୍ଲକି ଆନାୟି

(ମାତି ୧୪:୧-୧୨; ମାର୍କ ୬:୧୪-୨୯)

୭^୫ ଏମ୍ବାଟିଏ ଏ ଦେସାଟି ରାଜା ହେରଦ ଇ ବାରେ କାତା ଖେଞ୍ଜାନା କାବା ଆଡ଼େସି, ଇଚିହଁ ବାପ୍ତୁସ୍ତ* ହାନି ଜହନ ହାଡ଼ାରି ତାଣାଟି ନିଜାମାନେସି ଇଞ୍ଜି ଆମ୍ବା ଆମ୍ବାଆରି ଏଲେଇଞ୍ଜିମାଚେରି; † ଅଡ଼େ ଆମ୍ବା ଆମ୍ବାଆରି ଏଲିୟ ତଞ୍ଜା ଆହାମାନେସି ଇଞ୍ଜା ଏଚକାତାରି ତଲିକାଲାତି ମାହାପୁରୁ ଅଣ୍ପୁଟି ବଲୁ ଖେହନାରି ବିତ୍ରାଟି ରଅସି ନିଜାମାନେସି ଇଞ୍ଜି ଖେସିମାନେରି । ୯ ସାମା ହେରଦ ଏଲେଇଚେସି, “ଜହନତି ତାୟୁଁ^୬ ମାରୁତ ଦାଟା ମାନାୟି, ସାମା ଆମ୍ବାଆରି କାତା ମାରୁ ଖେଞ୍ଜିମାନାୟି ଏଞ୍ଜାସି ଆମ୍ବାଆସି ?” ଅଡ଼େ ଏଞ୍ଜାସି ଏଞ୍ଜାଣାଇଁ ମେସାଲି ମନ୍ କିହିମାଚେସି ।

ଜୀସୁ ପାସାମାଣା ଲକୁଣି ତାହନାୟି

(ମାତି ୧୪:୧୩-୨୧; ମାର୍କ ୬:୩୦-୪୪; ଜହ ୬:୧-୧୪)

୧୦ ତାୟୁଁ ପାଣ୍ଡି ଆହାମାଚାରି ଖାହାନା ଏନା ଏନାଆଁ କିହାମାଚେରି, ଏ ବାରେ ଏଞ୍ଜାଣାଇଁ ଖେସ୍ତେରି । ଅଡ଼େ ଏଞ୍ଜାସି ଏଞ୍ଜାରିତଲେ ଏଚକା ଆହାନା ବେଡ଼ସାୟିଦା ଦରୁଗାଟି ଗାଡ଼ାତା ହାଚେରି । ୧୧ ସାମା ଲକୁ

† ୮:୪୯ ୮:୪୯ ସିନଗଗ * ୯:୫ ୯:୫ କାମା ୧୩:୫୧ † ୯:୫ ୯:୫ ଲୁକ ୧୦:୪-୧୧ * ୯:୭ ୯:୭ ମାତି ୧୭:୧୪; ମାର୍କ ୮:୨୮; ଲୁକ ୯:୧୯ * ୯:୭ ୯:୭ ମୁଞ୍ଜିନାୟି

ଏଦାଆଁ ପୁଞ୍ଜାନା ଏଞ୍ଜାଣି ଜେଟ ଜେଟ ହାଚେରି; ଇଞ୍ଜାଁ ଏଞ୍ଜାସି ଏଞ୍ଜାରାଇଁ କାର୍ମା ଆହାଁ ଆବାନା ମାହାପୁରୁ ରାଜିତି କାତା ଖେସ୍ତେସି, ଅଡ଼େ ଏମିନଗାଟାରି ରଗଟି ନେହୁଁ ଆନାୟି ମାଚେ, ଏଞ୍ଜାରାଇଁ ନେହୁଁ କିତେସି ।

୧୨ ଏଚେତା ମିଡ଼ଅଲ୍ଲା ଆହାଲି ମାଟ୍ଟହେ; ଏଚେଟିଏ ବାରଜାଣା ସାମୁୟାଁ ତାନି ତାଣା ଖାହାନା ଏଲେଇଚେରି, “ଲକୁ ଏନିକଁ ନାୟିକା ଅଡ଼େ ଗାଡ଼ାତା ହାଜାନା ବାସାଟାୟୁ ଅଡ଼େ ତିଞ୍ଜାଲି କାଡ଼ି ପାରିନେରି, ଏଦାଆଁତାକି ଏଞ୍ଜାରାଇଁ ହେଲ ହାମୁ ଇଚିହୁଁ ମାରୁ ଲକୁ ହିଲୀଆ ଟାୟୁତା ମାନାୟି ।”

୩୩ ଯାମା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମାରୁ ଏଞ୍ଜାରାକି ତିଞ୍ଜାଲି ହୀଦୁ ।”

ଏଞ୍ଜାରି ଏଲେଇଚେରି, “ମା ତାଣା ପାସାଗଟା ରୁଚି ଇଞ୍ଜାଁ ରୀ ମୀଣକା ପିସ୍ତେ ଆଗାଡ଼ା ହିଲୀତ; ଏନାଆଁ ମାରୁ ହାଜାନା ଇ ବାରେତାକି କାଡ଼ି କତିନାୟି ?” ୧୪ ଇଚିହୁଁ ଏଞ୍ଜାରି ପାସାମାଣା ଆବାର୍ଯ୍ୟା ମାଚେରି ।

ଇଞ୍ଜାଁ ଏଞ୍ଜାସି ତାନି ସାମୁୟାଁ ଏଲେଇଚେସି, “କଡ଼େଦସ ଜାଣା ଲାକା କୁଗିକିଦୁ ।”

୧୫ ଏଚେଟିଏ ଏଞ୍ଜାରି ଏଲେକିହୁଁଏ ବାରେତି କୁଗିକିତେରି । ୧୬ ଅଡ଼େ ଏଞ୍ଜାସି ପାସାଗଟା ରୁଚି ଅଡ଼େ ରୀ ମୀଣକାଣି ଆସାନା ଲାକପୁରୁ ଖାକି ସିନିକିହାନା ବରୁ ହୀତେସି, ଇଞ୍ଜାଁ ରୁଚି ଡ଼ିକିହାନା ଲକୁକି ହାସ୍ତପାଲି ସାମୁୟାଁକି ହୀତେସି । ୧୭ ଏଚେଟିଏ ବାରେଜାଣା ତିଞ୍ଜା ପାଞ୍ଜିତେରି, ଅଡ଼େ ହାରିତାଣି ବାରୁ ତାଲି ରୁଚି କୁଡ଼ି କିତେରି ।

ଜାମୁଇଁ ପିତର କ୍ରୀସ୍ତ ଇଞ୍ଜୁଁ ଖେକନାୟି

(ମାତି ୧୭:୧୩-୧୯; ମାର୍କ ୮:୨୭-୨୯)

୧୮ ର ଦିନା ଜାମୁ ରଅସିଏ ପ୍ରାଡ଼ାନା କିନି ବେଲୀତା ସାମୁୟାଁ ଏଞ୍ଜାରିତଲେ ମାଚେରି, ଅଡ଼େ ଏଞ୍ଜାସି ଏଞ୍ଜାରାଇଁ ଖେଚେସି, “ନାନୁ ଆମ୍ବାଆଚେସିଁ ଇଞ୍ଜୁଁ ଲକୁ ଏଲେଇଞ୍ଜିମାନେରି ?”

୧୯ ଏଚେଟିଏ ଏଞ୍ଜାରି ଏଲେଇଚେରି, “ଆମ୍ବାଆରି ବାପ୍ତିସ୍ତାଁ ହୀନି ଜହନ, ଆମ୍ବାଆରି ଏଲିୟ, ଅଡ଼େ ଆମ୍ବାଆରି ତଲିକାଲୀତି ମାହାପୁରୁ ଅଣପୁତି ବଲୁ ଖେହନାରି ବିତ୍ତାରି ରଅସି ନିଜାମାନେସି ।”

୨୦ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ନାନୁ ଆମ୍ବାଆଚେସିଁ ମାରୁ ଏଦାଆଁ ଇଞ୍ଜୁଁ ମାଞ୍ଜେରି ?”

ପିତର ଏଲେଇଚେସି, “ନାନୁ ମାହାପୁରୁଚି କ୍ରୀସ୍ତ ।”

ଜାମୁ ତାନି ଦୁକୁ ଅଡ଼େ ହାକିତି କାତା ଖେହନାୟି

(ମାତି ୧୭:୨୦-୨୮; ମାର୍କ ୮:୩୦-୯:୧)

୨୧ ଏଚେଟିଏ ଏଞ୍ଜାସି ଏଞ୍ଜାରାଇଁ ଆମ୍ବାଆରାଇଁ ଖେହୁଆଦୁ ଇଞ୍ଜୁଁ ଜାଣେ କିହୁଁ ହୁକୁମି ହୀତେସି, ୨୨ “ମାଣସି ମାରୁଏସି ହାରେକା ଦୁକୁ ପାଣ୍ଡନାୟି ମାନେ ଇଞ୍ଜାଁ ଲକୁତି କାଜାରି, କାଜା ପୁଜେରାଞ୍ଜା ଇଞ୍ଜାଁ ମୋରାପୁନାରି ତାଣାଟି ଅପାଆନା ଏଞ୍ଜାଣାଇଁ ପାୟିନେରି, ଇଞ୍ଜାଁ ତାନି ଦିନାଟିଏ ନିଜିନେସି ।”

୨୩ ଏଚେଟିଏ ଏଞ୍ଜାସି ବାରେତି ଏଲେଇଚେସି, “ଆମ୍ବାଆସି ନା ଜେଟ ତାକାଲି ମନ କିନେସି, ଏଞ୍ଜାସି ତାଜେ ଅପାଆନା ବାରେଦିନା ତାନି କୁସ ଡ଼େକାନାହାଁ ନା ଜେଟ ତାକାପେସି । ୨୪ ଇଚିହୁଁ ଆମ୍ବାଆସି ଜାହାରା ଜୀଝୁ ଗେଲପାଲି ମନ କିନେସି ଏଞ୍ଜାସି ନାସା କିନେସି; ସାମା ଆମ୍ବାଆସି ନା ତାକି ନିଜେତି ଜୀଝୁ ନାସା କିନେସି ଏଞ୍ଜାସି ଗେଲପି କିହାକତିନେସି । ୨୫ ଅଡ଼େ ମାଣସି ଇ ଦାରୁତିତା ମାନାଣି ବାରେ ମେଡ଼ି କିହାନା ତାନି ଜୀଝୁତି ନାସା କିନେସି, ଇଚିହୁଁ ଏଞ୍ଜାଣାକି ଏନି ଲାବୀ ? ୨୬ ଇଚିହୁଁ ଆମ୍ବାଆସି ନାଜେତାକି ଅଡ଼େ ନା କାତାତାକି ଲାଜା ଆନେସି, ମାଣସି ମାରୁଏସି ତାନି କାଜାପାଣା ତଲେ ଇଞ୍ଜାହାଁ ମାହାପୁରୁ ଆବା ଅଡ଼େ ତାନି ସୁଦୁଗାଟି ଦୁଦୁୟାଁ ତଲେ କାଜାପାଣାଟି ଖାନେସି ଏଚିବେଲା ଏଞ୍ଜାସି ଜିକେଏ ଏଞ୍ଜାଣି ତାକି ଲାଜା ଆନେସି । ୨୭ ସାମା ନାନୁ ମିଜେ ସାତା ଖେସିମାଞ୍ଜାଇଁ, ମାହାପୁରୁଚି ରାଜି ମେହୁଆ ପାଚେକା ଇମ୍ବାଆଁ ନିତାମାନାରି ଏଚରଜାଣା ହାଅରି ।”

ଜାମୁ ଅର ଖାଣା ଆନାୟି

(ମାତି ୧୭:୧-୮; ମାର୍କ ୯:୨-୮)

୨୮ ଇ କାତା ଖେସାନା ଆଟାଦିନା ହାଜାଲିଏ ପିତର, ଜହନ ଅଡ଼େ ଜାକୁବଇଁ ଅହୁଁ ହାଜାନା ପ୍ରାଡ଼ାନା କିହାଲି ହରୁତା ହାଚେସି । ୨୯ ଅଡ଼େ ଏଞ୍ଜାସି ପ୍ରାଡ଼ାନା କିହମାଟାଟି ତାନି ମୁମ୍ବୁଡ଼ି ଖାଣା ତିରିମୁହେ ଇଞ୍ଜାଁ ତାନି ହିମ୍ବୁରି ଦବଲ୍ଲା ଆହାନା ହାରେକା ଉଜେଡ଼ି ଆଡେ । ୩୦ ମସା ଅଡ଼େ ଏଲିୟ ଏଞ୍ଜାଣିତଲେ କାତା ଆହିମାଚେରି; ୩୧ ଏଞ୍ଜାରି ଗାଧୁରମିଟି ତଞ୍ଜାଆହାନା ଜାମୁ ଜିରୁସାଲମତା ହାନିକାତା ଜଲୁକି ଆହିମାଚେରି

* ୯:୧୯ ୯:୧୯ ମାତି ୧୪:୧-୨; ମାର୍କ ୭:୧୪, ୧୫; ଲୁକ ୯:୭, ୮ † ୯:୧୯ ୯:୧୯ ମୁଞ୍ଜନାୟି * ୯:୨୦ ୯:୨୦ ଜହ ୭:୨୮, ୨୯ * ୯:୨୩ ୯:୨୩ ମାତି ୧୦:୩୮; ଲୁକ ୧୪:୨୭ * ୯:୨୪ ୯:୨୪ ମାତି ୧୦:୩୯; ଲୁକ ୧୭:୩୩; ଜହ ୧୨:୫୫

। ୩୨ ଏବେଲେ ପିତର ଅଡ଼େ ତାନି ତଣେସିଙ୍ଗାକି ଗାଡ଼ି ଇଦାକାଣକା ହଡ଼ିମାଡ଼ୁ; ସାମା ଏଝାରି ଇଦାବି ନିଙ୍ଗାଲିଏ ତାନି ଗାଝୁରମି ଇଞ୍ଜା ଏଝାଣିତଲେ ରିଆରି ନିଗମାନାଣି ମେସ୍ତେରି । ୩୩ ଇଞ୍ଜା ଏଝାରି ତାଣାଟି ହାଜିମାଗାଟି ପିତର ଜୀମୁଇଁ ଏଲେଇତେସି, “ଗୁରୁ ମାମ୍ବୁ ଇମ୍ବାଆଁ ମାନାୟି ନେହେଁ; ମାମ୍ବୁ ଇମ୍ବାଆଁ ତାନିଗଟା ଗୁଡ଼ାୟାଁ କେପିନମି, ନିଙ୍ଗୋତାକି ରଣ୍ଡାଆଁ, ମସାକି ରଣ୍ଡାଆଁ ଅଡ଼େ ଏଲିୟକି ରଣ୍ଡାଆଁ ।” ସାମା ତାନୁ ଏନାଆଁ ଇଞ୍ଜିମାତେସି ତାନୁଏ ପୁଞ୍ଜି ହିଲାଇତେସି ।

୩୪ ଏଝାସି ଏଲେଇଞ୍ଜି ମାଗାଟି ଇଦାୟି ହାଗୁ ଦୁହା ଝାହାନା ଏଝାରାଇଁ ପୁକ୍ତହେ, ଇଞ୍ଜା ଏଝାରି ଦୁହାତା ହଡ଼ି ମାଗାଟି ଆଜିତେରି । ୩୫ ଇଞ୍ଜା ଏ ଦୁହାଟି ଇ ହାଡ଼ା ଝାଡ଼େ, “ଇଝାସି ନା ମାମ୍ବୁଏସି, ନାନୁ ଆଡ଼ିତାସି, ଇଝାଣି ବଲୁ ଝେଞ୍ଜୁ ।”

୩୬ ଏଲେଇଞ୍ଜି ଝେସ୍ତି ତାମ୍ବୁ ଜୀମୁ ରଅସିଏ ତଞ୍ଜାଆଡେସି । ଏଝାରି ଇ କାତାତାକି ପାଲେଏ ମାଞ୍ଜାନା, ଏନା ଏନାଆଁ ମେସାମାତେରି ଏ ବେଲତା ଆମ୍ବାଆରାଇଁ ଜିକେଏ ଝେହୁଆଡେରି ।

ଜୀମୁ ବୁଡୁ ଆଲଗାମାଟି କକାଣାଇଁ ନେହୁଁ କିନାୟି

(ମାତି ୧୭:୧୪-୧୮; ମାର୍କ ୯:୧୪-୨୭)

୩୭ ଅଡ଼େ ର ନେରୁ ହରୁଟି ରେଟା ଝାହାଲିଏ ହାରେକା ଲକୁ ଏଝାଣାଇଁ ବେଟା ଆୟାଲି ଝାଡ଼େରି । ୩୮ ଅଡ଼େ ଏ ମାନ୍ଦା ଲକୁ ବିଭ୍ରାଟି କାଜା ଗିୟାତଲେ ହାଟାନା ଏଲେଇତେସି, “ଏ ଗୁରୁ ନାନୁ ବାଡ଼ିମାଲିମାଞ୍ଜାଇଁ ନା ମାମ୍ବୁଏଣାଇଁ କାର୍ମା ଆମ୍ବୁ, ଇଚିହୁଁ ଏଝାସି ନା ରଣ୍ଡିଏ ମାମ୍ବୁଏସି; ୩୯ ଏଝାଣାଇଁ ର ବୁଡୁ ଆଲଗାମାନେ, ଇଞ୍ଜା ଏଝାସି ପେଦରାହାଁ ଦେବୁଣିଏ କିଡ଼ି ମାନେସି, ଇଞ୍ଜା ଏଝାଣାଇଁ ଇଲେକି ବୁମିତା ତ୍ରକହାନା ଗୁଡ଼ିଟି ପମ୍ବୁଲି ହପୁହି ମାନେ, ଇଞ୍ଜା ଏଝାଣାଇଁ ଗାଡ଼ି ବାଦା କିହାନା ଏଝାଣି ତାଣାଟି କାକୁଲିଟି ହଟାହାନେ । ୪୦ ନାନୁ ବୁଡୁଟି ପିସ୍ପି କିହାଲି ନୀ ସୀସୁୟାଁ ବାଡ଼ିମାଲିତେଏ, ସାମା ଏଝାରି ପିସ୍ପି କିହାଲି ଆଡ଼ାଆଡେରି ।”

୪୧ ଜୀମୁ ଏଲେଇତେସି, “ଆଡ଼େ ନାମାଆଗାଟି ଏଟୁକା ଜିରୁ ଆହନି କୂଡ଼ା, ନାନୁ ଅଡ଼େ ଏତେକା ମା ତଲେ ମାଞ୍ଜାନା ମୀ କାତା ଅରହାଇଁ? ନୀ ମାମ୍ବୁଏଣାଇଁ ଇମ୍ବାଆଁ ତାମ୍ବୁ ।”

୪୨ ବୁଡୁ ଆଲଗାମାଟି କକାସି ଝାହୁମାଗାଟି ବୁଡୁ ଏ କକାଣାଇଁ ବୁମିତା ତାଡ଼ି କିହାନା ତ୍ରେପହାଡୁସ୍ତେ, ସାମା ଜୀମୁ ଏ ପଲୁଆ ବୁଡୁଟି ଦାକା ହାତେସି ଇଞ୍ଜା କକାଣାଇଁ ନେହୁଁ କିହାନା ତାନି ଆବା କେୟୁତା ହେରପିତେସି । ୪୩ ଏତେଟିଏ ବାରେ ଲକୁ ମାହାପୁରୁଟି ବାଡ଼ୁମ୍ବୁ ମେସାନା ଜାଗଲା ଆଡେରି । ସାମା ଏଝାସି କିହାମାନି ବାରେ କାମାତାକି ଜାଗଲା ଆହୁମାଗାକି ଜୀମୁ ତାନି ସୀସୁୟାଁ ଏଲେଇତେସି ।

ଜୀମୁ ତାନି ହାକିତି କାତା ଅଡ଼େ ଝେଣ୍ଡେ ଝେହୁନାୟି

(ମାତି ୧୭:୨୨, ୨୩; ମାର୍କ ୯:୩୦-୩୨)

୪୪ “ଇ ବାରେ କାତା ମୀ କାର୍ମା ଅତାନା ଝେଞ୍ଜୁ; ଇଚିହୁଁ ମାଣସି ମାମ୍ବୁଏସି ସାଡୁୟାଁ କେୟୁତା ହେରପିଆନେସି ।” ୪୫ ସାମା ଏଝାରି ଏ କାତା ତେଲହାଆଡେରି, ଏଝାରି ତେଲହାଲି ଆଡ଼ାଆରେଟୁ ଏଝାରି ତାଣାଟି ତଗୁମାଗେ, ଇଞ୍ଜା ଏଝାରି ଏ କାତା ଜିକେଏ ଜୀମୁଇଁ ଝେଞ୍ଜାଲି ଆଜିମାତେରି ।

ବାରେକିହାଁ କାଜାସି ଆମ୍ବାଆସି

(ମାତି ୧୮:୧-୫; ମାର୍କ ୯:୩୩-୩୭)

୪୬ ଏଝାରି ବିଭ୍ରାଟି ଆମ୍ବାଆସି କାଜାସି, ଇ କାତାତାକି ଏଝାରି ବିଭ୍ରା ବାଦିବାଦା ଆଡେରି । ୪୭ ସାମା ଜୀମୁ ଏଝାରି ବିଭ୍ରା ବାଦିବାଦା ଆହୁମାନାଣି ପୁଞ୍ଜାନା, ର ଉଣା କକାଣାଇଁ ତାନି ନକିତା ନିପହାନା ଏଝାରାଇଁ ଏଲେଇତେସି, ୪୮ “ଆମ୍ବାଆସି ନା ଦରୁଟି ଇ ଉଣା କକାଣାଇଁ ଆବିନେସି, ଏଝାସି ନାଙ୍ଗେ ଆବାନେସି, ଅଡ଼େ ଏଝାସି ନାଙ୍ଗେ ପାଣ୍ଡାତାଣାଇଁ ଆବିନେସି; ଇଚିହୁଁ ମୀ ବିଭ୍ରାଟି ଆମ୍ବାଆସି ବାରେକିହାଁ ଉଣା ଏଝାସି କାଜାସି ।”

ମୀ କପାଟି ନିଙ୍ଗାଆ ଗାଗାସି ମୀ ତଲେତାସି

(ମାର୍କ ୯:୩୮-୪୦)

୪୯ ଏତେଟିଏ ଜହନ ଏଲେଇତେସି, “ଗୁରୁ, ମାମ୍ବୁ ନୀ ଦରୁଟି ବୁଡୁୟାଁ ପେରହି ମାଗାଣି ମେସ୍ତମି ଇଞ୍ଜା ଏଝାସି ମା ତଲେ ନୀ କ୍ରେଟ ଝାଆଲିଏ କାହିକିତମି ।”

☆ ୯:୩୫ ୯:୩୫ ମାତି ୩:୧୭; ୧୨:୧୮; ମାର୍କ ୧:୧୧; ଲୁକ ୯:୨୨ ☆ ୯:୩୫ ୯:୩୫ ୨ପିତ ୧:୧୭,୧୮ ☆ ୯:୪୭ ୯:୪୭ ଲୁକ ୨୨:୨୪ ☆ ୯:୪୮ ୯:୪୮ ମାତି ୧୦:୪୦; ଲୁକ ୧୦:୧୭; ଜହ ୧୩:୨୦

୫୦ ସାମା ଜୀସୁ ଏଝାରାଇଁ ଏଲେଇରେସି, “କାହିଁକିଆତୁ, ଇତିହଂ ଆମ୍ବାଆସି ମୀ କପାଟି ନିଜା ହିଲଅସି ଏଝାସି ମୀ ତଲେତାସି ।”

ସମିରଣି ନାସକାଣାଁ ଜୀସୁଇଁ ଆବାଆତାୟି

୫୧ ଏତିବେଲା ଜୀସୁ ଲାକପୁରୁ ହାନି ବେଲା ଏଗାଝାହିମାତାକି ଏତିବେଲା ଜୀସୁ ଜିରୁସାଲମତା ହାଜାଲି ମନତି ତାରି କିତେସି ।

୫୨ ଅଡେ ତାନି ନଚେଏ କସକାଣି ପାଣ୍ଡିତେସି, ଏଝାରି ହାଜାନା ର ସମିରଣ ନାୟୁଁତା ଜୀସୁ ଖାନ୍ଦେସି ଇଞ୍ଜିଁ ଜାଗ୍ରାତା କିହାନା କାଡେତରି; ୫୩ ସାମା ଏଝାସି ଜିରୁସାଲମତା ହାଜାଲି ମନ କିହାମାନେସି ଇଞ୍ଜିଁ ପୁଞ୍ଜାନା ଏଝାଣାଇଁ ଆବାଆତେରି । ୫୪ ଇଦାଆଁ ମେସାନା ଜାକୁବ ଅଡେ ଜହନ ଇ ରୀ ସାୟୁୟାଁ ଏଲେଇରେସି, “ଏ ପ୍ରବୁ ଏଲିୟ ଏନିକଂ ଏଲେଇଞ୍ଜାମାଚେସି, ଏଲେକିହଂ ଏ ହାଗୁଲକତି ହିତୁ ରିହାନା ଏଝାରାଇଁ ନାସା କିପେ, ଏଲେଇଞ୍ଜାଲି ନୀ ମନ ମାନେକି ?”

୫୫ ସାମା ଏଝାସି ଖେଣ୍ଡେ ସିନିକିହାନା ଏଝାରାଇଁ ଲାଗାନା ଏଲେଇରେସି, “ମୀରୁ ଏନିଲେହେଁତି ଜୀସୁ ଗାଟାଚେରି, ମୀରୁ ପୁଞ୍ଜାହିଲଅଚେରି ମାଣସି ମୀରୁଏସି ମାଣସିୟାଁତି ଜୀସୁ ନାସା କିହାଲି ଖାଆନା ଗେଲପାଲି ଖାହାମାନେସି । ୫୬ ଏଚେଟିଏ ଏଝାରି ଅର୍ ନାୟୁଁତା ହାଚେରି ।”

ଜୀସୁତି ସାସୁ ଆହାଲି ପାଡ଼ା ଆନାୟି

(ମାତି ୭:୧୯-୨୨)

୫୭ ଏଝାରି ଜିରୁତା ହାଜିମାଟାଟି ରଅସି ଖାହାନା ଜୀସୁଇଁ ଏଲେଇରେସି, “ନୀନୁ ଆସିୟା ହାଜି, ନାନୁ ଜିକେଏ ନୀ ତଲେ ଖାଇଁ ।”

୫୮ ଜୀସୁ ଏଝାଣାଇଁ ଏଲେଇରେସି, “ନାକାର୍ଯ୍ୟାକି ତୁୟିନି ପାଝୁୟାଁ ମାନୁ, ହାଗୁ ଲାକ ଉମ୍ବିନି ପଗାୟାକି ବାସାଗାୟୁ ମାନେ, ସାମା ମାଣସି ମୀରୁଏଶାକି ତାୟୁଁ ୟେନବହାଲି ଚାୟୁଁ ହିଲେଏ ।”

୫୯ ଇଞ୍ଜିଁ ଏଝାସି ଅଡେ ରଅଣାଇଁ ଏଲେଇରେସି, “ନା ଜେଚ ଖାମୁ ।” ସାମା ଏଝାସି ଏଲେଇରେସି, “ପ୍ରବୁ ନଚେଏ ହାଜାନା ନା ଆବାଇଁ ମାହୁଣିଶା ମୁସାଲି ହେଲ ହିୟାମୁ ।”

୬୦ ଜୀସୁ ଏଲେଇରେସି, “ହାଡ଼ାରାଇଁ ତାମି ହାଡ଼ି ଲକୁଣି ମୁସାଲି ପିହୁଦୁ, ସାମା ମୀରୁ ହାଜାନା ମାହାପୁରୁ ରାଜିତି କାତା ଖେହୁଦୁ ।”

୬୧ ଅଡେ ରଅସି ଖାହାନା ଏଲେଇରେସି, “ପ୍ରବୁ ନାନୁ ଜେଚ ଖାଇଁ ସାମା ନଚେଏ ଇଜୁତି ଲକୁ ତାଣାଟି ହେଲ ଅହାଲି ହିୟାମୁ ।”

୬୨ ସାମା ଜୀସୁ ଏଝାଣାଇଁ ଏଲେଇରେସି, “ଆମ୍ବାଆସି ନାଡେଲି କେୟୁତା ଆସାନା ତାୟୁଝାକି ସିନିକିନେସି ଏଝାସି ମାହାପୁରୁ ରାଜିତା ପାଡ଼ା ଆଅସି ।”

୧୦

ଜୀସୁ ତାନିକଡ଼ି ବାରଜାଣାତି ପାଣ୍ଡିନାୟି

୧ ଏମ୍ବାଟିଏ ପ୍ରବୁ ଅଡେ ତାନିକଡ଼ି ବାରଜାଣାତି ଆତାନା ତାନୁ ଆମିନି ଗାଡ଼ା ଅଡେ ନାସକାଣାଁ ହାଜାଲି ମନ କିହାମାଚେସି, ଏ ନାସକା ଅଡେ ଗାଡ଼ାୟାଣା ରିଆରି ଲାକା କିହାଁ ପାଣ୍ଡିତେସି । ୨ ଇଞ୍ଜିଁ ଏଝାସି ଏଝାରାଇଁ ଏଲେଇରେସି, “ପାଟି ହାଚେରକା ସାମା ଦାଃଆନାରି ଉଣା ଜାଣା; ଇଦାଆଁତାକି ଗୁଡ଼ିୟାତା କାମା କିନାରାଇଁ ପାଣ୍ଡାଲିତାକି ଗୁଡ଼ିୟାତି ସାସୁକାରିଇଁ ବାଡ଼ିମାଲାନୁ । ୩ ଏମୀରୁ ହାଜୁ; ନାନୁ ମିଜେ କୁଝିନିୟାଁ ବିତ୍ରା ମେଣ୍ଡା ତାଲୁକା ଲେହେଁ ମିଜେ ପାଣ୍ଡିମାଞ୍ଜାଇଁ । ୪ ତାୟୁୟାଁ, ମଣା କି ସେପୁୟାଁ ଜିକେଏ ଅଥାନୁ, ଅଡେ ଜିରୁତା ଆମ୍ବାଆରାଇଁ ଜହରା କିଆତୁ । ୫ ଅଡେ ମୀରୁ ଆମିନି ଇଲୁତା ହଡ଼ଦେରି ନଚେଏ ଇ ଇଲୁତାକି ହିଡ଼ଡ଼ି ଆପେ ଇଞ୍ଜି । ୬ ଅଡେ ଏ ଇଜ ହିଡ଼ଡ଼ିତି ମାଣସି ରଅସି ମାଚିହଂ ମୀ ହିଡ଼ଡ଼ି ଏଝାଣାକି ଆପେ; ଅଡେ ହିଲାଆତିହଂ ମୀ ହିଡ଼ଡ଼ି ମିଜେ ଖେଣ୍ଡେ ଖାନ୍ଦେ । ୭ ଇଞ୍ଜିଁ ଏଝାରିତାଣା ଏନାୟି ମାନେ ଏଦାଆଁ ତିଞ୍ଜା ଉଣ୍ଡାନା ଏ ଇଜ ମାଞ୍ଜୁ, ଇତିହଂ କାମାକିନାସି ତାନି କାମାତି ବୁଡ଼ି ମେଡ଼ା ଆନାୟି ମାନେ । ଏ ଇଜ ପିସାନା ଅର୍ ଇଜ ହାଲଆତୁ । ୮ ଅଡେ ଆମିନି ଗାଡ଼ାତା ହାଜେରି ଅଡେ ଲକୁ ମିଜେ ଅପାନେରି ଅଡେ ଏମ୍ବାଆଁ ଏଦାଆଁ ତିଞ୍ଜାଲି ହିୟାନେରି ଏଦାଆଁ ତିଞ୍ଜୁ । ୯ ଏମ୍ବାଆଁ ମାନି ରଗ ଗାଟାରାଇଁ ନେହଂ କିଦୁ, ଅଡେ ଏଝାରାଇଁ ଏଲେଇଞ୍ଜୁ ମାହାପୁରୁତି ରାଜି ମୀ ତାଣା ଏଦାଚେୟିଏ । ୧୦ ଏସାମା ମୀରୁ ଆମିନି ଗାଡ଼ାତା ହାଜେରି ଇଞ୍ଜିଁ

୨ ୧୦:୨ ୧୦:୨ ମାତି ୯:୩୭,୩୮ ୩ ୧୦:୩ ୧୦:୩ ମାତି ୧୦:୧୭ ୫ ୧୦:୬ ୧୦:୬ ବେର ୯:୧୪; ୧୧:୮ ୫:୧୮ ୬ ୧୦:୧୦ ୧୦:୧୦ କାମା ୧୩:୫୧

ଲକ୍ଷ୍ମୀ ମିଳେ ଅପଅରି, ଏମାତ୍ରି ଆଂଗେଣିକାଟି ପାଙ୍ଗାତା ହାଜାନା ଏଲେଇଜୁ, ୧୧ *ଫୀ ଗାଡ଼ାତି ଆମିନି ଦୁଡ଼ି ମା କଥାୟାଣା ଆଗାମାରେ, ଏଦାଆଁ ଜିକେଏ ମିଳେ ତାକି ହାଣ୍ଡି ମାନମି; ସାମା ମାହାପୁରୁତି ରାଜି ଏଗାଝାହିମାନେ ଛଦାଆଁ ପୁଷ୍ଟି । ୧୨ *ନାନୁ ମିଳେ ଝେସିମାଞ୍ଜାଲ୍, ନାହାଁୟି ଦିନାତା ଏ ଗାଡ଼ାତି ତଣ୍ଡି କିହାଁ ସଦମତି ଗାଡ଼ାତି ତଣ୍ଡି ଉଣା କିଝିଆଡ଼େ ।

**ନାମାଆଗାଟି ନାସ୍ତକ
(ମାତି ୧୧:୨୦-୨୪)**

୧୩ ଆୟତା ତଣ୍ଡି ପାଣ୍ଡିନି କରାଜିନ୍ ଅଡ଼େ ବେଦ୍‌ସାୟିଦା ଇଚିହଁ ମୀ ତାଣା ଆମି ଆମିନି କାବାଆନି କାମାୟା କିଝିଆହାମାନୁ, ଏ ବାରେ ସର ଅଡ଼େ ସିଦନତା କିଝି ଆହାମାଟିହଁ ମା, ଏଝାରି ହାରେକା ଦିନା ନକେଏ ବାସାୟା ପରହାଁ ଦାର୍‌ମୁଡ଼ା କୁଗାନା ମନ୍ ଝେଡ଼ହେରିମା । ୧୪ ଆଡ଼ିଜିକେଏ ନାହାଁୟି ଦିନାତା ସର ଅଡ଼େ ସିଦନତି ତଣ୍ଡି ଉଣା କିଝିଆଡ଼େ । ୧୫ ଏ କପରନାହୁମ ନୀନୁ ଲାକପୁରୁ ପାତେକା ପାତାଆଡ଼ି ? ହାଡ଼ାରି ମାନି ରାଜିତା ମେଦ୍‌ସି ଆଡ଼ି ।”

୧୬ *ଜୀସୁ ଏଲେଇଚେସି “ଆମ୍ବାଆସି ମୀ କାତା ଝେନେସି, ଏଝାସି ନା କାତା ଝେନେସି, ଇଞ୍ଜା ଆମ୍ବାଆସି ମିଳେ ଅପଅସି ଏଝାସି ନାଜେ ଅପଅସି, ଅଡ଼େ ଆମ୍ବାଆସି ନାଜେ ଅପଅସି ଏଝାସି ନାଜେ ପାଣ୍ଡାତାଣାଲ୍ ଅପଅସି ।”

ତାନିକଡ଼ି ବାରଜାଣା ଝେଣ୍ଡା ଝାନାୟି

୧୭ ଏମାଟିଏ ତାନିକଡ଼ି ବାରଜାଣା ଝେଣ୍ଡା ଝାନା ରାହାଁଟି ଏଲେଇଚେରି, “ପୁରୁ ବୁଡୁୟାଁ ଜିକେଏ ନୀ ଦରୁଟି ମା ତୁଇକା ହେରପି ଆହିମାନୁ ।”

୧୮ ସାମା ଜୀସୁ ଏଝାରାଲ୍ ଏଲେଇଚେସି, “ହାଗୁ ମିହ୍‌ନିଲେହେଁ ଲାକଟି ସୟତାନ ରିହିମାନାଣି ମେସ୍‌ସେଁ । ୧୯ ମେହଦୁ ନାନୁ ମିଳେ ରାସ୍‌କା, କାତାକୁପିୟା ମୁହେଁ ତାକାଲି ଅଡ଼େ ସାଡୁତି ବାରେ ବାଡୁରୁ ମୁହେଁ ଜିକେଏ ଅଦିକାରା ହାହିମାଞ୍ଜାଲ୍, ଅଡ଼େ ଏନାୟି ଜିକେଏ ମିଳେ ନସ୍ତ କିହାଲି ଆଡ଼େଏ । ୨୦ ସାମା ପଲୁଆ ବୁଡୁୟାଁ ବାଡୁରୁ ମୀ ତୁଇକା ମାନେ ଇଞ୍ଜାଁ ରାହାଁ ଆଆଦୁ, ସାମା ମୀ ଦରୁ ଲାକପୁରୁ ରାସ୍‌କି ଆହାମାନେ ଏଦାଆଁତାକି ରାହାଁ କିଦୁ ।”

ଜୀସୁତି ରାହାଁ

(ମାତି ୧୧:୨୫-୨୭; ୧୩:୧୬, ୧୭)

୨୧ ଏଚିବେଲା ଜୀସୁ ସୁଦୁଜୀଝୁ ତଲେ ରାହାଁ ଆହାନା ଏଲେଇଚେସି, “ଆବା ଲାକପୁରୁ ଅଡ଼େ ଦାରୁତିତି ପୁରୁ, ନୀନୁ ବୁଦିଗାଟି ଲକ୍ଷ୍ମୀତାଣା ଇ ବାରେ କାତା ତୁକୁହାନା ଉଣା କକାରି ତାଣା ତସାମାଞ୍ଜି, ଛଦାଆଁତାକି ନିଜେ ଜହରା କିହିମାଞ୍ଜାଲ୍; ଏ ଆବା ଇଦିଏ ନୀ ନକିତା ନେହାୟି ଆଡ଼େ ।”

୨୨ *ନା ଆବାଟି ବାରେ ଅଦିକାରା ନାଜେ ହେରପି ଆହାମାନେ; ଅଡ଼େ ମୀରୁଏସି ଆମ୍ବାଆସି, ଛଦାଆଁ ଆବା ପିସପେ ଆମ୍ବାଆସି ପୁନଅସି, ଅଡ଼େ ଆବା ଆମ୍ବାଆସି ଛଦାଆଁ ମୀରୁଏଣା ପିସପେ ଆମ୍ବାଆସି ପୁନଅସି, ଇଞ୍ଜା ମୀରୁଏସି ଆମ୍ବାଆରି ତାଣା ଏଝାଣାଲ୍ ତସାଲି ମନ୍ କିନେସି, ଏଝାସିଦେଁ ପୁନେସି ।”

୨୩ ଅଡ଼େ ଜୀସୁ ତାୟି ସିନିକିହାନା ତାମି ସୀସୁୟାଲ୍ ଏଟ୍‌କେଏ ଏଲେଇଚେସି, “ହାରେକା ନେହେଁ ଏ କାଣକା ଏମିନିଗାଟାଣି ମେସିମାନୁ, ଏନାଆଁ ମୀରୁ ମେସିମାଞ୍ଜେରି । ୨୪ ଇଚିହଁ ନାନୁ ମିଳେ ଝେସିମାଞ୍ଜାଲ୍, ମୀରୁ ଏନା ଏନାଆଁ ମେସିମାଞ୍ଜେରି ଏ ବାରେ ହାରେକା ମାହାପୁରୁ ଅଣ୍ଡପୁତି ବଲୁ ଝେହ୍‌ନାରି ଅଡ଼େ ରାଜାୟା ମେସାଲି ମନ୍ କିହାମାତେରି, ସାମା ମେସାଲି ଆଡ଼ାଆତେରି; ଅଡ଼େ ମୀରୁ ଏନା ଏନାଆଁ ଝେଞ୍ଜିମାଞ୍ଜେରି, ଏ ବାରେ ଏଝାରି ଝେଞ୍ଜାଲି ମନ୍ କିତେରି ସାମା ଝେଞ୍ଜାଲି ଆଡ଼ାଆତେରି ।”

ନେହଁ ସମିରଣାଟି ପୁଣ୍ଡିକିନି କାତା

୨୫ *ମେହଦୁ ର ମସାତି ମେରା ଜାପୁନାସି ଝାନା ଜୀସୁଲ୍ ତାୟିପାରିକିହଁ ଝେଚେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ ?”

୨୬ ଏଚେଟିଏ ଜୀସୁ ଏଲେଇଚେସି, “ମସାତି ମେରାତା ଏନାଆଁ ରାସ୍‌କି ଆହାମାନେ, ନୀନୁ ଏନିକିଁ ପଡ଼ୁଝି ଆହିମାଞ୍ଜି ?”

* ୧୦:୧୧ ୧୦:୧୧ ମାତି ୧୦:୭-୧୪; ମାର୍କ ୬:୮-୧୧; ଲୁକ ୯:୩-୫ * ୧୦:୧୨ ୧୦:୧୨ ମାତି ୧୧:୨୪ମାତି ୧୦:୧୫ * ୧୦:୧୬ ୧୦:୧୬ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ଜହ ୧୩:୨୦ * ୧୦:୨୨ ୧୦:୨୨ ଜହ ୩:୩୫; ଜହ ୧୦:୧୫ * ୧୦:୨୫ ୧୦:୨୫ ମାତି ୨୨:୩୫-୪୦; ମାର୍କ ୧୨:୨୮-୩୪

୨୭ ଏଝାସି ଏଲେଇରେସି, “ନୀନୁ ନୀ ବାରେ ହିୟାଁ, ବାରେ ଜୀଝୁ, ବାରେ ବାଡ଼ୁୟୁ ଅଡ଼େ ବାରେ ମନ ହାହାନା ପ୍ରବୁ ନୀ ମାହାପୁରୁଇଁ ଜୀଝୁନମ୍; ଅଡ଼େ ପାଡ଼ିତି ଲକୁଣି ନୀ ଜୀଝୁ ଲେହେଁ ଜୀଝୁ ନମ୍ ।”

୨୮ ଏରେଟିଏ ଜୀସୁ ଏଝାଣାଇଁ ଏଲେଇରେସି, “ନୀନୁ ନେହଁ କଁ ଝେସାମାଞ୍ଜି; ଏଲେଏ କିମ୍ପୁ ଆତିହଁ ଏ ଜୀଝୁ ମେଡ଼ା ଆଡ଼ି ।”

୨୯ ସାମା ଏଝାସି ତାଙ୍ଗେ ତାରିତାସି କିହାକତାଲି ମନ କିହାନା ଜୀସୁଇଁ ଝେରେସି, “ଆତିହଁ ନା ପାଡ଼ିତାସି ଆମ୍ପାଆରି ?”

୩୦ ଜୀସୁ ଏ କାତା ଆସାନା ଏଲେଇରେସି, “ର ଲକୁ ଜିରୁସାଲମଟିଏ ଜିରିହତା ହାଜିମାଟାଟି ସରକା ତାଣା ହେରହେସି । ଏଝାରି ଏଝାଣି ହିମ୍ପୁରିପୁକି ମୀଞ୍ଜାନା ହାନ୍ଦିଲେହେଁ ମାଡ଼ା ଝେଚାନା ପିସା ହାଚେରି ।

୩୧ ଏଚିରେଲ୍ଲାତା ର ପୁଜେରା ଏ ଜିରୁଟି ହାଜିମାରେସି, ଇଞ୍ଜାଁ ଏଝାସି ଏଝାଣାଇଁ ମେସାନା ଜିରୁ ପିସାନା ଅର ଜିରୁଟି ହାଚେସି । ୩୨ ଏଲେକିହଁ ଏ ର ଲେବି କୁଡ଼ାତାସି ଜିକେଏ ଏ ଜିରୁଟି ଝାହାନା ଏଝାଣାଇଁ ମେସାନା ଅର ଜିରୁ ହାହାନା ହାଚେସି । ୩୩ ସାମା ର ସମିରଣ ଲକୁ ଏ ଜିରୁଟି ହାଜିମାରେସି, ଇଞ୍ଜାଁ ଏଝାଣାଇଁ ମେସାନା ହାଡ଼େକା କାର୍ମା ଆଡ଼େସି, ୩୪ ଅଡ଼େ ତାଗେ ହାଜାନା ଏଝାଣି ଗାହାଁୟାଁ ବାରେ ନିୟୁଁ ଅଡ଼େ ଅଙ୍ଗୁରି ରାସା ରୁବାନା ଗାହାଁୟାଁଣା ଦସପାନା ଏଝାଣାଇଁ ର ଗାଡ଼ଦେ ଲାକ ଗାରିକିହାନା ର ସେବାକିନି ଇଲୁତା ଅହାନା ଏଝାଣି ସେବା କିଚେସି । ୩୫ ଅର ଦିନା ସେବାକିନି ଇଲୁ ଗାଟାଣାକି ରୀ କାନି ହାହାନା ଏଲେଇରେସି, ‘ଇଝାଣି ସେବା କିମ୍ପୁ, ଅଡ଼େ ଏଚେକା ଗାଡ଼ି କାର୍ତୁ ଆନୁ, ଝେଶ୍ଟା ଝାନାଟି ବାରେ ହିୟାଁ ।’”

୩୬ ଜୀସୁ ଏଲେଇରେସି, “ଇ ତାନି ଜାଣାଟି ବିତ୍ରା ଆମ୍ପାଆସି ସରକାତାଣା ହେରହା ମାଟାଣି ପାଡ଼ିତାସି ଇଞ୍ଜାଁ ଅଣ୍ଡିମାଞ୍ଜେରି ?”

୩୭ ଏ ମେରା ଜାପୁନାସି ଏଲେଇରେସି, “ଆମ୍ପାଆସି ଏଝାଣାଇଁ କାର୍ମା ଆଡ଼େସି ଏଝାସି ।”

ଜୀସୁ ଏଲେଇରେସି, “ହାଲାମୁ ନୀନୁ ଜିକେଏ ଏଲେଏ କିମ୍ପୁ ।”

ଜୀସୁ ମାର୍ତୀ ଅଡ଼େ ମରିୟମି ଇଜ

୩୮ ଏଝାରି ହାଜିମାନି ବେଲ୍ଲାତା ର ନାୟୁତା ହାଚେରି, ଇଞ୍ଜାଁ ମାର୍ତୀ ଦରୁଗାଟି ର ଇୟା ଜୀସୁଇଁ ତାନି ଇଜ ହାଡ଼ିଚେ । ୩୯ ଏଦାନାକି ର ତାଙ୍ଗି ମାଟେ ଏଦାନି ଦରୁ ମରିୟମି, ଏଡ଼ି ପ୍ରବୁତି କର୍ତ୍ତା ଡ଼ଇ କୁଗାନା ଏଝାଣି କାତା ଝେଞ୍ଜିମାଟେ । ୪୦ ସାମା ମାର୍ତୀ ରାନ୍ଧା ଝାଜାଲି ହାରେକା କିଲିବିଲି ଆହିମାଟେ; ଇଦାଆଁତାକି ଜୀସୁ ତାଣା ଝାହାନା ଏଲେଇଚେ, “ଏ ପ୍ରବୁ ନା ତାଙ୍ଗି ଝାଜିନି କାମା ବାରେ ନା ଲାକ ହେରପା ମାଞ୍ଜାନେ ଇଦାଆଁ ଅଣ୍ଡିସି ହିଲଅତି କି ? ଇଦାଆଁତାକି ନାଙ୍ଗେ ସାୟେମି କିହାଲି ଏଲେଇନାମୁ ।”

୪୧ ସାମା ପ୍ରବୁ ଏଲେଇରେସି, “ମାର୍ତୀ, ମାର୍ତୀ ନୀନୁ ହାରେକା କାମାତା ଅଣ୍ଡିସି କିଲିବିଲି ଆହିମାଞ୍ଜି, ୪୨ ସାମା ଝାଉଇ ର କାତା ଲଡ଼ାମାନେ । ମରିୟମି ଏ ନେହଁ କାତା ବାଟି କିହାମାନେ; ଏଦାଆଁ ଏଦାନି ତାଣାଟି ଅଢ଼ି ଆଏ ।”

୧୧

ଜୀସୁ ଜାପୁହାମାନି ପ୍ରାତାନା

(ମାତି ୭:୯-୧୩; ମାତି ୭:୭-୧୧)

୧ ର ଦିନା ଜୀସୁ ର ଡାୟୁତା ପ୍ରାତାନା କିହିମାରେସି; ଏଝାସି ପ୍ରାତାନା କିହାଲି ରାପୁହାଲିଏ, ତାନି ସାସୁୟାଁ ବିତ୍ରାଟି ରଅସି ଏଲେଇରେସି, “ଏ ପ୍ରବୁ, ଜହନ ଏନିକଁ ତାନି ସାସୁୟାଁଇଁ ପ୍ରାତାନା କିହାଲି ଜାପୁହି ମାରେସି, ନୀନୁ ଜିକେଏ ମାଙ୍ଗେ ଏଲେକିହଁ ଏ ପ୍ରାତାନା କିହାଲି ଜାପୁହାମୁ ।”

୨ ଏରେଟିଏ ଜୀସୁ ଏଝାଣାଇଁ ଏଲେଇରେସି, “ଏଚିରେଲ୍ଲା ମୀରୁ ଏଲେଇଞ୍ଜି ପ୍ରାତାନା କିଦୁ; ଏ ଆବା

ନୀ ଦରୁ ନେହାୟି ଇଞ୍ଜାଁ ମାନୁଞ୍ଜି ଆପେ;

ନୀ ରାଜି ଝାପେ ।

୩ ବାରେଦିନା ମାଙ୍ଗେ ଲଡ଼ା ଆନ୍ଦି ରାନ୍ଧା ହିୟାମୁ ।

୪ ମା ଦହୁ ବାରେ ମେକହାମୁ,

ଇଚିହଁ ମାମୁ ଜିକେଏ ମା ଦହୁ କିତାରାଇଁ ମେକନମି ।

ମାଙ୍ଗେ ପାନ୍ଧାତା ମେଡ଼ହାଆନି ।”

୫ ଅତେ ଏଝାସି ଏଝାରାଇଁ ଏଲେଇଚେସି, “ମୀ ତାଣା ଆମ୍ବାଆସି ଇଲେତି ତଢେଏସି ମାନେସି, ଆମ୍ବାଆରି ତାଣା ମାଦି ଲାଆଁୟାଁ ହାଜାନା ଏଲେଇନେସି, ଏ ତଢେ ନାଜେ ତାନିଗଟା ରୁତି ହିୟାମୁ, ୬ ଇତିହୁଁ ନା ଗତାଗାଟି ତଢେଏସି ନା ତାଣା ଖାହାମାନେସି, ଏଝାଣାକି ତିଞ୍ଜାଲି ହାହାଲି ନା ତାଣା ଏନାୟିଝା ହିଲେଏ !” ୭ ଅତେ ବିତ୍ତାଟି ଏଲେଇନେସି, ‘ନାଜେ କସୁ ହିୟାଆନି; ଦାରା ସୁଣୁକି ଆତେୟିଏ, ଇଞ୍ଜାଁ ନା ମୀରକା ନା ତଲେ ତୁରା ମାନେରି; ନାନୁ ନିଜ୍ଜାମା ହାହାଲି ଆଡ଼ଅଁ !’ ୮ ନାନୁ ମିଜେ ଝେସିମାଞ୍ଜାଇଁ, ଏଝାସି ତାନି ତଢେଏସି ଆହାମାନାକି ଲାଜା ପିସାନା ଅଲେ ଅଲେ ରାସ୍ତାକି ଏଝାସି ନିଜ୍ଜାମା ଏଝାଣି ଲଡ଼ାମାନି ପାତେକା ଏଝାସି ଏଝାଣାକି ହାନେସି ।”

୯ ନାନୁ ଜିକେଏ ମିଜେ ଝେସିମାଞ୍ଜାଇଁ, ରାହୁଦୁ ଆତିହୁଁ ମିଜେ ହୀପକିଆନେ; ପାରାଦୁ ଆତିହୁଁ ମେଡ଼ା ଆଦେରି; ଦୁଝେରିତା ଝେଦୁ ଆତିହୁଁ ମିଜେତାକି ଦାରା ଦେପି ଆନେ । ୧୦ ଇତିହୁଁ ଆମ୍ବାଆସି ରାହୁନେସି ଏଝାସି ବେତାଆନେସି; ଆମ୍ବାଆସି ପାରିନେସି ଏଝାସି ମେଡ଼ାଆନେସି; ଅତେ ଆମ୍ବାଆସି ଦୁଝେରିତା ଝେନେସି ଏଝାଣି ତାକି ଦାରା ଦେପିଆନେ ।

୧୧ “ଅତେ ମୀ ତାଣା ଇଲେତି ଆମିନି ଆବା ମାନେସି, ତାନି ମୀରଏସି ମୀନୁ ରାସ୍ତାସାରେ ଏଝାସି ମୀନୁତି ବାଦୁଲି ରାଦୁ ହାନେସି ? ୧୨ ଅତେ ଗୁଡୁ ରାସ୍ତାସାରେ ଏଝାଣାକି କାଚାକପି ହାନେସି ? ୧୩ ଇଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରକା ମାସ୍ତାକି ନେହାଁଣି ହାହିମାଞ୍ଜେରି, ଆତିହୁଁ ଆମିନି ଆବା ଲାକପୁରୁଟି ହାହିମାଞ୍ଜାନେସି, ଏଝାସି ତାନି ତାଣା ରାହୁନି ଲକୁକି ଏତେ ହାରେକା ସୁଦୁଜାସୁ ହାଅସି !”

ଜାସୁ ଅତେ ପଲୁଆ ବୁଡୁ
(ମାତି ୧୨:୨୨-୩୦; ମାର୍କି ୩:୨୦-୨୭)

୧୪ ଜାସୁ ର ପାଲି ବୁଡୁ ପେରୁହି ମାଚେସି ଏ ବୁଡୁ ଗୁଲା । ବୁଡୁ ଏଝାଣି ତାଣାଟି ହରା ହାଜାଲିଏ ଏ ଗୁଲା ଜଲିଚେସି; ଏମ୍ବାଟିଏ ଲକୁ ବାରେ କାବା ଆଡ଼େରି । ୧୫ ଯାମା ଏଝାରି ବିତ୍ତାଟି ଆମ୍ବା ଆମ୍ବାଆରି ଏଲେଇଚେରି, “ଏଝାସି ପଲୁଆ ବୁଡୁୟାଁ କାଜା ପେନୁ ବାଲ୍ଲଜିବୁଲ୍ ବୁଡୁ ତଲେ ବୁଡୁୟାଁ ପିସ୍ପି କିହିମାନେସି ।”

୧୬ ଇଞ୍ଜାଁ ଏଟକାତାରି ଏଝାଣାଇଁ ତାୟିପାରି କିହାଲିତାକି ଏଝାଣି ତାଣାଟି ହାଗୁଟି ର ସିନା ରାସ୍ତେରି । ୧୭ ଯାମା ଏଝାସି ଏଝାରି ମନତି ଅଣ୍ଡୁ ପୁଞ୍ଜାନା ଏଝାରାଇଁ ଏଲେଇଚେସି, ଆମିନି ରାଜି ବାଗା ଆହାନା ତାନି କପାଟି ନିଜ୍ଜାନେ ଏଦି ନାସା ଆହାହାନେ ଇଞ୍ଜାଁ ଇଲୁ ଲାକ ବାରେ ରିହାହାନେ । ୧୮ ଇଞ୍ଜାଁ ସୟତାନ ବାଗା ଆହାନା ଜାହାରା କପାଟି ନିଜ୍ଜାନେ, ଇତିହୁଁ ତାନି ରାଜି ଏନିକିଁ ତାରିଆହାନା ତୁୟିନେ ? ନାନୁ ପଲୁଆ ବୁଡୁୟାଁ ବାଲ୍ଲଜିବୁଲ୍ ତଲେ ବୁଡୁୟାଁ ପିସ୍ପି କିହିମାଇଁ ଇଞ୍ଜିମାଞ୍ଜେରି । ୧୯ ଯାମା ନାନୁ ପଲୁଆ ବୁଡୁୟାଁ ବାଲ୍ଲଜିବୁଲ୍ ତଲେ ବୁଡୁୟାଁ ପିସ୍ପି କିହିମାଇଁ, ଆତିହୁଁ ମୀ ମୀରକା ଆମ୍ବାଆରି ବାଡୁସୁ ତଲେ ପିସ୍ପି କିନେରି ? ଇଞ୍ଜାଁ ଏଝିଏ ମିଜେ ନାହାଁୟି କିୟାନୁ । ୨୦ ଯାମା ନାନୁ ମାହାପୁରୁ ବାଡୁସୁ ତଲେ ବୁଡୁୟାଁ ପିସ୍ପି କିହିମାଇଁ ଇତିହୁଁ ମାହାପୁରୁଟି ରାଜି ମୀ ତାଣା ଏଗାଝାଡ଼େୟିଏ ।

୨୧ ବାଡୁସୁଗାଟି ଲକୁ ଏଟେପାତେକା ଆସି ଆସାନା ତାନି ଗାଡ଼ାତି ଗେଲ୍ପିନେସି, ଏତିବେଲା ପାତେକା ତାନି ଦନ ଗେଲ୍ପିଆହାନା ତୁୟିନେ; ୨୨ ଯାମା ଏତିବେଲା ଏଝାଣି କିହାଁ ହାରେକା ବାଡୁସୁଗାଟି ଲକୁ ଏଝାଣିତଲେ ଜୁକୁ କିହାନା ଜାଣା ଆନେସି, ଏତିବେଲା ଏଝାସି ଆମିନି ଆସିତି ବାସୁଁ କିହାମାଚେସି, ଏ ବାରେ ଏଝାସି ମାଞ୍ଜା ଅନେସି, ଇଞ୍ଜାଁ ମାଞ୍ଜା ଅହାମାନି ଦନ ବାଟିକିହା ଅନେରି ।

୨୩ ଆମ୍ବାଆସି ନା ଝାକିଟି ଆଆଗାଗାସି ଏଝାସି ନା ସାଡୁ; ଇଞ୍ଜାଁ ଆମ୍ବାଆସି ନା ତଲେ କୁଡ଼ି କିଅସି ଏଝାସି ଆଲାରା କିନାସି ।

ପଲୁଆ ବୁଡୁ ଝେଣ୍ଡା ଝାନାୟି
(ମାତି ୧୨:୪୩-୪୫)

୨୪ “ର ପଲୁଆ ବୁଡୁ ର ମାଣସି ତାଣାଟି ହରା ହାଜାନା ଏମୁ ହିଲାଆ ଝାୟିତି ଗାୟୁତା ଜମାଲି ପାରିନେ, ଇଞ୍ଜାଁ ମେଡ଼ି କିଆନା ଏଲେଇନେ, ‘ନାନୁ ଆମିନି ଇଲୁଟି ହରା ଝାହାମାଚେଏଁ, ଏ ଇଲୁତା ଝେଣ୍ଡା ହାଇଁ ।’ ୨୫ ଇଞ୍ଜାଁ ଏଦି ଝେଣ୍ଡା ଝାହାନା ଏଦାଆଁ ଅକ୍ତିହୁଁ ନେହୁଁ ଆହାମାନାଣି ମେହୁନେ । ୨୬ ଏତିବେଲା ଏଦି ହାଜାନା ତାନିକିହାଁ ହାରେକା ପଲୁଆଗାଟି ସାଡ଼ାଗଟା ବୁଡୁୟାଁ ଆସାନା ଝାନେ, ଅତେ ବାରେକାଣା ଏମ୍ବାଆଁ ହାତାନା ବାସା କିନୁ, ଇଞ୍ଜାଁ ଏ ମାଣସିତି ତଲିତି କସୁ କିହାଁ ତାୟୁତି କସୁ ହାରେକା ଆନେ ।”

☆ ୧୧:୧୫ ୧୧:୧୫ ମାତି ୯:୩୫; ୧୦:୨୫ ☆ ୧୧:୧୨ ୧୧:୧୨ ମାତି ୧୨:୩୮; ୧୨:୧; ମାର୍କି ୮:୧୧ ☆ ୧୧:୨୩ ୧୧:୨୩ ମାର୍କି ୯:୪୦

ଆତ୍ମାଲି ରାହାଁ

୨୭ ଜୀସୁ ଈ ବାରେ କାତା ୱେସିମାଗାଟି ଲକ୍ଷୁ ମାନ୍ଦା ବିତ୍ରାଟି ର ଇୟା କାଜା ଗିୟାଁତଲେ ଏଲେଇଚେ, “ଆମିନିଗାଟି ଇୟା ନିଜେ ଜାନ କିହାନା ପାଲୁ ଉଚ୍ଚହାତେ ଏ ଇୟା ହାରେକା ନେହେଁ ।”

୨୮ ସାମା ଜୀସୁ ଏଲେଇଚେସି, “ଆତ୍ମାଆରି ମାହାପୁରୁତି ବଲୁ ୱେନେରି ଅଡେ ମାନୁଁ ଆନେରି ଏଞ୍ଜାରାକିଦେହେଁ ନେହେଁ ।”

**ସିନା ପାରିନାୟି
(ମାତି ୧୨:୩୮-୪୨)**

୨୯ *ଲକ୍ଷୁ ମାନ୍ଦା ମାନ୍ଦା ଆହ୍ନାନା ଏଞ୍ଜାଣି ତାଣା ରୁଣ୍ଡା ଆହ୍ନାଲିଏ ଜୀସୁ ଏଞ୍ଜାରାକିଁ ୱେସ୍ତେସି, “ଇ କାଲ୍ଲାତି ଲକ୍ଷୁ ହାରେକା ଲାଗେଏତାରି; ଇଞ୍ଜାରି ବାରେ ସିନାୟାଁ ପାରିନେରି, ସାମା ଏଞ୍ଜାରାକି ଜୁନସତି ସିନା ପିସ୍ପେ ଏନି ସିନା ହାପକିଆଏ । ୩୦ ଇଚିହଁ ଜୁନସ ଏନିକଁ ନିନବି ଲକ୍ଷୁତାକି ର ସିନାଲେହେଁ, ମାଣ୍ଡସି ମୀରୁଏସି ଜିକେଏ ଏଲେକିହଁ ଏ ଇ ଜୁଗୁତି ଲକ୍ଷୁତାକି ଆନେ । ୩୧ ନୀହାଁୟି ଦିନାତା ସିବା ଦେସାତି ରାଣି ଈ କାଲ୍ଲାତି ଲକ୍ଷୁ ନକିତା ନିତାନା ଏଞ୍ଜାରି କପାଟି ସାକିହାନେ, ଇଚିହଁ ଏଦି ସଲମନତି ବୁଦିତିକାତା ୱେଞ୍ଜାଲି ଦାରୁତିତି ହେକ ଦେସାତି ୱାହାମାଚେ; ମେହ୍ବୁ ସଲମନକିହାଁ କାଜାସି ଇୟାଆଁ ମାନେସି । ୩୨ ନୀହାଁୟି ଦିନାତା ନିନବି ଗାଡାତି ଲକ୍ଷୁ ନିତାନା ଏଞ୍ଜାରି କପାଟି ସାକି ହାନେରି, ଇଚିହଁ ଏଞ୍ଜାରି ଜୁନସ ୱେସ୍ତେ କାତା ୱେଞ୍ଜାନା ଅଣ୍ଡା କତାନା ମନ ୱେଡ଼ହେରି; ମେହ୍ବୁ ଜୁନସକିହାଁ ହାରେକା କାଜାସି ଇୟାଆଁ ମାନେସି ।”

**ଆଜ୍ଞାତି ଉଜେଡ଼ି
(ମାତି ୫:୧୫; ୬:୨୨,୨୩)**

୩୩ *ଆତ୍ମାଆସି ଦୀଞ୍ଜି ତ୍ପାସାନା ତୁକୁନି ଗାୟୁତା କି ମାଣା ପୁକିହାନା ଇଚଅରି, ସାମା ଦୀଞ୍ଜି ସତ୍ତାତା ଇଚିନେରି, ଏନିକଁ ଇଲୁ ବିତ୍ରା ୱାନ୍ତି ଲକ୍ଷୁ ଉଜେଡ଼ି ମେହ୍ନେରି । ୩୪ ମୀ କାଣକା ଆଜ୍ଞାତି ଦୀଞ୍ଜି ଏଚେତା ମୀ କାଣକା ନେହଁ ମାନୁ ଏଚିଚେଲ୍ଲା ପାଚେକା ମୀ ଆଜ୍ଞା ବାରେ ଉଜେଡ଼ି ଆନେ; ସାମା ଏଚେତା ନୀ କାଣକା ନେହଁ ହିଲ୍ଲାତ ଇଚିହଁ ଏଚେତା ମୀ ଗୁଡା ଆଜ୍ଞା ଜିକେଏ ଆନେରି ଆନେ । ୩୫ ଇଦାଆଁତାକି ଜାଗ୍ରାତା ଏନିକଁ ମୀ ହିୟାଁତା ମାନି ଉଜେଡ଼ି ଆନେରି ଆଏ । ୩୬ ଏନାଆଁତାକି ଇଚିହଁ ମୀ ଗୁଡା ଆଜ୍ଞା ବାରେ ଉଜେଡ଼ି ଆନେ ଇଞ୍ଜାଁ ଏୟାଆଁ ଏନି ଆନେରି ତୁୟେଏ, ଆତିହଁ ଦୀଞ୍ଜି ଏନିକଁ ମିଜେ ତାହାଣା ଉଜେଡ଼ିତା ଉଜେଡ଼ି କିୟାନେ, ଏଲେକିହଁ ଏ ମୀ ଗୁଡା ଆଜ୍ଞା ଉଜେଡ଼ି ଆନେ ।”

**ଜୀସୁ ପାରୁସି ଅଡେ ମୋରା ଜାପ୍ନାରାକିଁ ଦହ୍ ଦହ୍ନାୟି
(ମାତି ୧୩:୧-୩୬; ମାର୍କ ୧୨:୩୮-୪୦)**

୩୭ ଜୀସୁ ଈ କାତା ୱେସ୍ତେ ତାୟୁ ର ପାରୁସି ଏଞ୍ଜାଣାକିଁ ତାନି ଇଜ ତିଞ୍ଜାଲି ଏଲେଇଚେସି; ଇଞ୍ଜାଁ ଏଞ୍ଜାସି ଇଜ ହାଜାନା ତିଞ୍ଜାଲି କୁଗିଚେସି । ୩୮ ସାମା ତିଞ୍ଜାଲି କୁଗିନି ନକେଏ ଏଞ୍ଜାସି କେସ୍ତା କତାୟାଁ ନଚ୍ଚା ହିଲ୍ଲାଆଚେସି, ଇଦାଆଁ ମେସାନା ଏ ପାରୁସି କାବା ଆଚେସି । ୩୯ ଏଚେଟିଏ ପ୍ରୁ ଏଞ୍ଜାଣାକିଁ ଏଲେଇଚେସି, “ମୀ ପାରୁସିୟାତେରି ଗିନାୟାଁ ଅଡେ ସାଡ଼ଞ୍ଜାୟାଁ ପାଜ୍ଞାତା ନଚ୍ଚା ମାଞ୍ଜେରି, ସାମା ମୀ ବିତ୍ରା ଜୁପକା ଅଡେ ଲାଗେଏତାୟି ନେଞ୍ଜାମାନେ । ୪୦ ଆଡେ ବୁଦି ହିଲ୍ଲାଆଗାଟାଚେରି, ଆତ୍ମାଆସି ପାଜ୍ଞାତାଣି ଗାଡ଼ିକଚେସି, ଏଞ୍ଜାସି ବିତ୍ରାତାଣି ଜିକେଏ ଗାଡ଼ି କିହାହଲଅସି କି ? ୪୧ ସାମା ମୀ ସାଡ଼ଞ୍ଜାୟାଁ ଅଡେ ଗିନାୟାଁଣା ମାନାଣି ହିଲ୍ଲାଆ ଗାଗାରାକି ହାଚିହଁ ମିଜେତାକି ବାରେଏ ଅଚ୍ଚହାୟି ଆନେ ।”

୪୨ ସାମା ଆୟଡା ତଣ୍ଡ ପାଣ୍ଡନି ପାରୁସିୟାତେରି, ଇଚିହଁ ମୀରୁ ହାୟୁଁ, ରାୟି ଇଞ୍ଜାଁ ବାରେ କୁଚାତି ଦସ ବାଗାଟି ର ବାଗା ହାହିମାଞ୍ଜେରି, ସାମା ନୀହାଁୟିତା ଅଡେ ମାହାପୁରୁତି ଜୀଞ୍ଜୁ ନିନି ତାଣା ଅଣ୍ଡି ହିଲ୍ଲାଅଚେରି; ସାମା ଈ ବାରେ ମାନୁଁ ଆହ୍ନାନା ଏଚ୍ଚକାତାଣି ହେଲ୍ଲା ଆନାୟି ହିଲ୍ଲେଏ ।

୪୩ *ଆୟଡା ତଣ୍ଡ ପାଣ୍ଡନି ପାରୁସିୟାତେରି, ଇଚିହଁ ମୀରୁ ମାହାପୁରୁ ଇଲ୍ଲୁତା କାଜା ଗାୟୁ ଇଞ୍ଜାଁ ହାଡା ବାଜାରାତା ଜହରା ବେଗାଆହ୍ନାଲି ନେହେଁ ଅଣ୍ଡିଦେରି । ୪୪ ଆୟଡା ମୀରୁ ତଣ୍ଡ ବେଗା ଆନାତେରି, ଇଚିହଁ ମୀରୁ ତଞ୍ଜା ଆଆଗାଟି ମାଡ଼ହା ମୁହ୍ନି ଗାୟୁଲେହେଁ ତାଚେରି; ଇଚିହଁ ପୁନାଆନା ଲକ୍ଷୁ ଲାକ ତାକି ମାନେରି ।”

୪୫ ଏଚେଟିଏ ମସାତି ମୋରାପୁନାରି ବିତ୍ରାଟି ରଅସି ଏଲେଇଚେସି, “ଏ ଗୁରୁ ନୀନୁ ଏଲେଇଞ୍ଜି ମାଜେ ଲାଜା କିହିମାଞ୍ଜାଦି ।”

* ୧୧:୨୯ ୧୧:୨୯ ମାତି ୧୨:୪; ମାର୍କ ୮:୧୨ * ୧୧:୩୩ ୧୧:୩୩ ମାତି ୫:୧୫; ମାର୍କ ୪:୨୧; ଲୁକ ୮:୧୬

୪୭ ଜୀସୁ ଏଲେଇରେସି, ଆୟତା ମସାତି ମୋର ପୁନାତେରି ମୀରୁ, ମୀରୁ ଜିକେଏ ତଣ୍ଡ ବେଟାଆଦେରି, ଇଚିହଁ ମୀରୁ ମାଣସିୟାଁ ଲାକ ବଜୁଗାଟି କାସ୍ତକା ଏକହି ମାଞ୍ଜେରି ଅଡ଼େ ଏ ବଜୁତି ମୀରୁ ର ୱାଞ୍ଜୁ ତଲେ ଜିକେଏ ତାଗଅତେରି । ୪୮ ଆୟତା ତଣ୍ଡ ବେଟା ଆନାତେରି ମୀରୁ ମାହାପୁରୁ ଅଣପୁତି ବଜୁ ଝେହ୍ନାରାଇଁ ପାୟାନା ଏଞ୍ଜାରି ମାଡ଼ହା ମୁହ୍ନି ଚାୟୁ ତିୟାରା କିହିମାଞ୍ଜେରି । ୪୯ ଇଚିହଁ ମୀରୁ ମୀ ଆକୁ ଆବାୟାଁ କାମାତା ସାକି ତସି ମାଞ୍ଜେରି ଇଞ୍ଜାଁ ଏଞ୍ଜାରିଲେହେଁ ଆହିମାଞ୍ଜେରି; ଇଚିହଁ ଏଞ୍ଜାରିୟାଁ ଏଞ୍ଜାରାଇଁ ପାୟାମାତେରି, ସାମା ମୀରୁ ଏଞ୍ଜାରି ମୁହ୍ନି ଚାୟୁତି କାତିୟାଁ ନିପୁହି ମାଞ୍ଜେରି । ୫୦ ଇଦାଆଁତାକି ମାହାପୁରୁ ଜିକେଏ ତାନି ବୁଦିତଲେ ଏଲେଇଞ୍ଜା ମାନେସି, ନାନୁ ଏଞ୍ଜାରି ନକିତା ମାହାପୁରୁ ଅଣପୁତି ବଜୁ ଝେହ୍ନାରାଇଁ ଅଡ଼େ ପାଣ୍ଡି ଆହାମାନାରାଇଁ ପାଣ୍ଡିଇଁ; ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରାଇଁ ପାୟିନେରି ଇଞ୍ଜାଁ ନିନ୍ଦା କିନେରି, ୫୧ ଇ ଜୁଗୁତି ଲକୁ ଦାରୁତି ଗାଡ଼ି ଆଡ଼ି ନକେଏଟିଏ ବାରେ ମାହାପୁରୁ ଅଣପୁତି ବଜୁ ଝେହ୍ନାରି ପାୟିତାକି ତଣ୍ଡ ବେଟାଆନେରି, ୫୧ ଏନିକଁ ହେବଲାଇଁ ପାୟିତି ଦିନାଟିଏ ଜିକରିୟ ପାତେକା ଆମ୍ବାଆରାଇଁ ମାହାପୁରୁ ଇଲୁତି ତାକିନି ପିଣ୍ଡା ଅଡ଼େ ସୁଦୁ ବାକ୍ତା ମାଦିଏ ପାୟିତି ଆହାମାତେ । ହାଅ, ନାନୁ ମିଜେ ସାତା ଝେସିମାଞ୍ଜାଇଁ, ଏଦାନି ବାଦୁଲି ଇ ଜୁଗୁତି ଲକୁ ଏ ବାରେତାକି ତଣ୍ଡ ବେଟାଆନେରି ।

୫୨ ଆୟତା ତଣ୍ଡ ପାଣ୍ଡିନି ମୋର ପୁନାତେରି ମୀରୁ, ଇଚିହଁ ବୁଦି ଦେନି କୁଚିତି ଅହାମାଞ୍ଜେରି; ମୀରୁତ ହଡ଼ି ହିଲଅତେରି ସାମା ହଡ଼ାଲି ଅଣ୍ଡି ମାନାରାଇଁ ଆରିମାଞ୍ଜେରି ।

୫୩ ଜୀସୁ ଏ ଇଜଟି ହାଜାଲିଏ ପାରୁସିୟାଁ ଅଡ଼େ ମୋରାପୁନାରି ହାରେକା ତାହାରା ଆହାନା ।

୫୪ ଏଞ୍ଜାଣି ଜଲିନି ହାଡ଼ାତା ଦହ ଆସାଲି ଏଞ୍ଜାଣାଇଁ ହାରେକା କାତା ଝେତେରି ।

୧୨

କୁଚୁ ଗାଟାରି ତାଣ୍ଡାଟି ଜାଗ୍ରାତା (ମାତି ୧୦:୨୬, ୨୭)

୧ ଏତିବେଲାତା ମାଣା ମାଣା ଲକୁ ରୁଣ୍ଡା ଆହାନା ଝିସପି ଆହିମାତେରି; ଏତିବେଲା ଏଞ୍ଜାସି ନକେଏ ତାନି ସୀପୁୟାଁଇଁ ଏଲେଇରେସି, ପାରୁସିୟାଁ ଲାଗେଏଟି କୁଚୁଗାଟି ତାଣ୍ଡାଟି ଜାଗ୍ରାତା ଆହାନା ମାଞ୍ଜୁ । ୨ ଏସାମା ଏନାୟି ତଞ୍ଜା ଆଏ, ଇଲେକଁ ପୁିପକି ଆହା ହିଲେଏ, ଅଡ଼େ ଏନାୟି ପୁନାଆରେଚୁ ଇଲେକଁ ତୁଗୁମାନାୟି ଏନାୟି ହିଲେଏ । ୩ ଇଚିହଁ ମୀରୁ ଏନା ଏନାଆଁ ଆଦେରିତା ଝେସାମାଞ୍ଜେରି, ଏ ବାରେ ଭଜେଡ଼ିତା ଝେଶ୍ମିଆନେ, ଏନା ଏନାଆଁ ପୁନାଆ ରେଚୁ ଇଲୁ ବିତ୍ରା ତୁଗୁନା ଝେସାମାଞ୍ଜେରି, ଏନାଆଁ ଇଲୁ ତୁଡ଼ିୟାତା ଝେପକି ଆନେ ।

ଆମ୍ବାଆରାଇଁ ଆଜିନାୟି (ମାତି ୧୦:୨୮-୩୧)

୪ ଇଚିହଁ ନା ତଣ୍ଡେସିମାତେରି ମୀରୁ, ନାନୁ ମିଜେ ଝେସିମାଞ୍ଜାଇଁ, “ଆମ୍ବାଆରି ଆଜାଟି ପାୟିନେରି ସାମା ତାୟୁ ଏନାଆଁ କିହାଲି ଆଡ଼ଅରି, ଏଞ୍ଜାରାଇଁ ଆଜାଆଦୁ । ୫ ସାମା ଆମ୍ବାଆରାଇଁ ଆଜିଦେରି ଏନାଆଁ ମିଜେ ଝେସାଜାଇଁ; ପାୟିତି ଜେତ ହିଚୁ ଗାଡ଼ୁରୁତା ମେଡ଼ହାଲି ଆମ୍ବାଆରି ଅଦିକାରା ମାନେ, ଏଞ୍ଜାଣାଇଁ ଆଜାଆଦୁ; ହାଅ ନାନୁ ମିଜେ ସାତା ଝେସିମାଞ୍ଜାଇଁ, ଏଞ୍ଜାଣାଇଁ ଆଜାଆଦୁ ।”

୬ ପାସାଗଟା ଜେତା ପଟାୟାଁ ରୀ କାନି ତାକି ପାରୁପି ଆଡ଼ କି ? ଆଡ଼ିଜିକେଏ ଏଞ୍ଜାସିକା ବିତ୍ରାଟି ରଣ୍ଡାଣି ଜିକେଏ ମାହାପୁରୁ ବାଣା ଆଅସି । ୭ ସାମା ମୀ ତାୟୁଁ ତୁ ବାରେ ବାଣାୟାଁ ଜିକେଏ ଏଜିକିଞ୍ଜି ଆହାମାନୁ । ଆଜା ଆଦୁ; ଏନାଆଁତାକି ଇଚିହଁ ମୀରୁ ଜେତା ପଟାୟାଁ କିହାଁ ହାରେକା ଦାରା ଗାଟାତେରି ।

ଲକୁ ନକିତା ଜୀସୁଇଁ ଝେକ୍ନାୟି (ମାତି ୧୦:୩୨, ୩୩; ୧୨:୩୨; ୧୦:୧୯-୨୦)

୮ “ଅଡ଼େ, ନାନୁ ମିଜେ ଝେସିମାଞ୍ଜାଇଁ, ଆମ୍ବାଆସି ଲକୁ ନକିତା ନାଜେ ଝେକ୍ନହାନେସି, ମାଣସି ମୀରୁଏସି ଜିକେଏ ମାହାପୁରୁତି ଦୁଚୁୟାଁ ନକିତା ଝେକ୍ନେସି । ୯ ସାମା ଆମ୍ବାଆସି ଲକୁ ନକିତା ନାଜେ ଝେକ୍ନହଅସି, ଏଞ୍ଜାଣାଇଁ ଜିକେଏ ମାହାପୁରୁ ଦୁଚୁୟାଁ ନକିତା ଝେକ୍ନଅସି ।

୧୦ ଇଞ୍ଜାଁ ଆମ୍ବାଆସି ମାଣସି ମୀରୁଏଶା କପାଟି ଜଲିନେସି, ଏଞ୍ଜାଣି ପାପୁ ମେଣ୍ଡିକିନେ; ସାମା ଆମ୍ବାଆସି ସୁଦୁଜାଖୁ କପାଟି ନିନ୍ଦା କାତା ଜଲିନେସି, ଏଞ୍ଜାଣି ପାପୁ ମେଣ୍ଡିକିନେ ।

☆ ୧୨:୧ ୧୨:୧ ମାତି ୧୭:୬; ମାର୍କ ୮:୧୫ ☆ ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭ ☆ ୧୨:୧୦ ୧୨:୧୦ ମାତି ୧୨:୩୨; ମାର୍କ ୩:୨୯

୧୧ *ଏତିବେଳା ଏଝାରି ମିଙ୍ଗେ ଜୀହୁଦି ଲକ୍ଷୁତି କୁଟମି ଇଲ୍ଲକାଣା*, ସାଲ୍ଲଖି କିନାରି ତାଣା ଇଞ୍ଜା ଅଦିକାରା ବେଟା ଆହାମାନାରି ତାଣା ଅହାନା ନିପୁହାନେରି ଏତିବେଳା ନା ଝାକିଟି ଆହାନା ଏନା ଏନାଆଁ ଜଲିନମି ଇଞ୍ଜି ଅଣ୍ଡାପାଆଦୁ; ୧୨ ଇତିହ ଏନାଆଁ ଜଲିନାୟି ମାନେ, ଏଦାଣି ଏତିବେଳାତେଏ ସୁଦୁଜୀପୁ ମିଙ୍ଗେ ଜାପୁହାନେସି ।”

ବୁଦି ହିଲାଆ ଦନ ଗାଟାସି

୧୩ ଲକ୍ଷୁ ମାନ୍ଦା ବିତ୍ରାଟି ରଅସି ଜୀସୁଇଁ ଏଲେଇଚେସି, ଏ ଗୁରୁ ନା ତାୟିଇଁ ମା ଆବାତି ଦନ ବାଟି କିହାଲି ଏଲେଇଞ୍ଜା ହିୟାମୁ ।

୧୪ ସାମା ଜୀସୁ ଏଲେଇଚେସି, ଏ ତାୟି ଆମ୍ବାଆସି ନାଙ୍ଗେ ମୀ ମୁହେଁ ନୀହାୟି କିହାଲି ମାଦି କିହାନା ଆଚାମାଞ୍ଜାନେସି ? ୧୫ ଇଞ୍ଜା ଏଝାସି ଏଝାରାଇଁ ଏଲେଇଚେସି, ଜାଗାତା, ବାରେଝାକିତି ଜୁପକାଟି ମିଙ୍ଗେ ଗେଲ୍ଲପିକିହା କତାଦୁ, ଇତିହ ର ମାଣସିତି ଜୀସୁ ତାନି ଦନତି ବାସୁ କିନେ ।

୧୬ ଜୀସୁ ଏଝାରାଇଁ ଇ ପୁଣ୍ଡିକିନି କାତା ଝେସ୍ତେସି, “ର ସାସୁକାରିକି ବୁମିତା ଗାତି ତାସା କାମ୍ବିତେ । ୧୭ ଏମ୍ବାଟିଏ ଏଝାସି ମନ ମନତା ଅଣ୍ଡାପାନା ଏଲେଇଚେସି, ‘ନାନୁ ନୀଏଁ ଏନାଆଁ କିଇଁ ? ନା ଆର୍ନା କୁଡ଼ି କିହାନା ଇଗାଲି ଗାୟି ହିଲେଏ ।’ ୧୮ ଅଡ଼େ ଏଲେଇଚେସି: ‘ନୀଏଁ ଇଲେ କିଇଁ ମାନି ଗାଡ଼େୟିକା ରିକ୍‌ହାନା କାଜାଆଁ କିହାନା ଏମ୍ବାଆଁ ଗହାୟି ଇଞ୍ଜା ଏନି ଏନି ଆର୍ନା କୁଡ଼ି କିହାନା ଇତିଇଁ, ୧୯ ଅଡ଼େ ନା ଜୀସୁତି ଏଲେଇଇଁ, ଏ ଜୀସୁ, ହାରେକା ବାସା ତାକି ନିଙ୍ଗେ ତାକି ଗାତି ଆର୍ନା କୁଡ଼ି କିଝିଆହାମାନେ, ନୀଏତି ଜମାନା ମନକିତି ଲେହେଁ ତିଞ୍ଜା ଉଣ୍ଡାନା ରାହାଁ କିମୁ ।’ ୨୦ ସାମା ମାହାପୁରୁ ଏଝାଣାଇଁ ଏଲେଇଚେସି, ଆଡ଼େ ବୁଦି ହିଲାଆଗାଟାଟି, ନୀଞ୍ଜୁ ଲାଆୟି ନୀ ଜୀସୁ ନୀ ତାଣାଟି ଅଝିଆନେ; ଏଚେଟିଏ ନାନୁ କୁଡ଼ିକିହା ଇଚାମାନି ବାରେ ଦନ ଆମ୍ବାଆରାଝାୟି ଆନେ ।”

୨୧ ଜୀସୁ ଏଲେଇଚେସି, “ଆମ୍ବାଆସି ତାଙ୍ଗେତାକି ଦନ କୁଡ଼ି କିନେସି, ସାମା ମାହାପୁରୁ ତାଣା ଦନଗାଟାସି ଆଅସି, ଏଝାସି ଇଝାଣି ଲେହେଁତାସି ।”

**ଅଣ୍ଡାପାଆଦୁ
(ମାତି ୭:୨୫-୩୪)**

୨୨ ଜୀସୁ ତାନି ସାୟୁୟାଣି ଏଲେଇଚେସି, ଇଦାଆଁତାକି ମିଙ୍ଗେ ଝେସିମାଞ୍ଜାଇଁ, ଏନାଆଁ ତିନାୟି, ଇଲେକି ମୀ ଜୀସୁତାକି, ଏନାଆଁ ତୁର୍ନାୟି ଇଲେକି ମୀ ଆଞ୍ଜା ତାକି ଜିକେଏ ମୀରୁ ଅଣ୍ଡାପାଆଦୁ । ୨୩ ଇତିହ ରାନ୍ଦା କିହାଁ ଜୀସୁ କାଜାୟି ଅଡ଼େ ହିମ୍ବୁରିକା କିହାଁ ଆଞ୍ଜା କାଜାୟି । ୨୪ ପଗାୟାଣି ସିନିକିଦୁ, ଏଝି ମାଗାଉ କି ଦାଉ, ଇଞ୍ଜା ଏଝାସିକା ଗାଡ଼େୟିକା ହିଲାଉ, ଅଡ଼େ ମାହାପୁରୁ ଏଝାସିକାକି ତିନି କାଦି ହାନେସି; ମୀରୁ ପଗାୟାଁ କିହାଁ ଏଚେକା କାଜାତେରି ! ୨୫ ଅଡ଼େ ମୀ ବିତ୍ରାଟି ଆମ୍ବାଆତେରି ଅଣ୍ଡାସି ଅଣ୍ଡାସିହଁ ମୀ ଜୀସୁତି ଆଗାଡ଼ା ପାତିକିହାଲି ଆଡ଼ିଦେରି ? ୨୬ ମୀରୁ ର ଉଣା କାମାତି କିହାଲି ଆଡ଼ିହିଲଅତେରି, ଆତିହଁ ଏଡ଼କାତି କାତା ଏନାଆଁତାକି ଗାତି ଅଣ୍ଡାପାଞ୍ଜେରି ? ୨୭ ଜାଡ଼ାତି ପୁଞ୍ଜାଣି ସିନିକିହାଁ ଅଣ୍ଡାପାଦୁ, ଏଝି ଏନି କାମା କିଡ଼; ଆଡ଼ିଜିକେଏ ନାନୁ ମିଙ୍ଗେ ଝେସିମାଞ୍ଜାଇଁ, ସଲମନକି ବାରେ ଅଡ଼ିତାୟି ମାତିହଁ ଜିକେଏ ଏଝାଣାକି ଇ ପୁଞ୍ଜା ଏଚେକା ଅଡ଼ିତି ହିମ୍ବୁରିକା ହିଲାଆଡ଼ୁ । ୨୮ ଆମିନି ଜାଡ଼ା ନୀଞ୍ଜୁ ମାନେ, ଝିଏ ଝାୟା ହାନେ ଅଡ଼େ ହଲ୍ଲୁତା ହୁଡ଼କିଆନେ, ମାହାପୁରୁ ଏ ଜାଡ଼ାତି ଇଲେତି ଝାଣା ହାନେସି, ଏନାଆଁ ଏଝାସି ମିଙ୍ଗେ ହିମ୍ବୁରିକା ପରୁଝି କିୟଅସି ? ମୀ ନାମୁ ଏଚେକା ଉଣା !

୨୯ ଏଦାଆଁତାକି ଏନାଆଁ ତିନାୟି ଏନାଆଁ ଗହନାୟି, ଏଦାଆଁ ମୀରୁ ପାରିହଁ ରେଆଦୁ କି ଅଣ୍ଡାପାଆଦୁ, ୩୦ ଇତିହ ଦାଉଡ଼ିତି ଜୀହୁଦିଆଆତାରି ଏ ବାରେ ପାରିହଁ ରେନେରି; ସାମା ଇ ବାରେ ମୀ ଲଡ଼ାମାନେ ଏଦାଆଁ ମୀ ଲାକପୁରୁତି ଆବା ପୁଞ୍ଜାମାନେସି । ୩୧ ମୀରୁ ମାହାପୁରୁତି ରାଜି ପାରାଦୁ, ଆତିହଁ ଇ ବାରେ ମିଙ୍ଗେ ହାପକିଆନେ ।

**ଲାକପୁରୁତି ଦନ
(ମାତି ୭:୧୯-୨୧)**

୩୨ ଏ ଉଣା ମୋଣ୍ଡା ମାନ୍ଦାତେରି ଆଜାଆଦୁ, ଇତିହଁ ମିଙ୍ଗେ ଏ ରାଜିତି ହୀହାଲି ମୀ ଲାକପୁରୁତି ଆବାକି ଏଚେକା ରାହାଁ । ୩୩ ମୀରୁ ମୀ ଦନତି ପାରଗାନା ହିଲାଆ ଗାଗାରାକି ହୀଦୁ; ମୀରୁ ମିଙ୍ଗେତାକି ଇଲେତି

* ୧୨:୧୧ ୧୨:୧୧ ମାତି ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫ * ୧୨:୧୧ ୧୨:୧୧ ସିନଗୁ

ବର୍ଷା କେପାଦୁ: ଇତିହାସ ଆମ୍ଭେ ଯଦୁ ଖାସି ଅଡ଼େ ଲୀମ୍ବୁ ତ୍ରିନେଏ ଇଲେତି ଲାକପୁରୁ ଦନ କୁଡ଼ି କିପୁ, ୩୫ ଇତିହାସ ଆମ୍ଭେ ଦନ ଏମ୍ବେଏ ଜିକେଏ ମୀ ମନ ମାଞ୍ଜେମାନେ ।

ଜାଗ୍ରତା ହଠେଲଏସି

୩୫ *“ମୀ ଚେତେଲି ଦସା କତାନା ମାଞ୍ଜୁ ଅଡ଼େ ମୀ ଦୀର୍ଘୟା ତୁଞ୍ଜିହୁଁ ମାଣମ୍; ୩୬ *ଅଡ଼େ ପ୍ରବୁ ବୀହା ଇଜ ହାଜାନା ଖେଣ୍ଡା ଖାନାଟି ଏଞ୍ଜାଣାଇଁ ଦାରା ଦେନମିଞ୍ଜା ଇଞ୍ଜୁଁ କାରାମାନାରି, ମୀରୁ ଜିକେଏ ଏଞ୍ଜାରିଲେହେଁ କାରାହାଁ ମାଞ୍ଜୁ । ୩୭ ପ୍ରବୁ ଖାହାନା ଆମିନି ହଲ୍ଲିୟାଙ୍ଗାଣି ଜାଗ୍ରତା ମାନାଣି ମେହ୍ନେସି, ଏଞ୍ଜାରି ନେହେଁ; ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଏଞ୍ଜାସି ତାନି ଚେତେଲି ରୁପାନା ଏଞ୍ଜାରାଇଁ ତିଞ୍ଜାଲି କୁଗି କିହାଁ ତାଗେ ହାଜାନା ସେବା କିନେସି । ୩୮ ଅଡ଼େ ଏଞ୍ଜାସି ମାଦି ଲାଆଁୟାଁ କି ଖେୟା ନେକେରିତା ଜିକେଏ ଖାହାନା ଏଞ୍ଜାରାଇଁ ଏଲେକ୍ତୁଁ କାରାମାନାଣି ମେହ୍ନେସି ଏ ହଲ୍ଲିୟାଙ୍ଗା ନେହେଁ । ୩୯ *ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ବେଲାତା ସରୁ ଖାନେସି, ଇଦାଆଁ ଇଲୁଗାଟାସି ପୁଚିହୁଁ ଏଞ୍ଜାସି ତାନି କୁଡ଼ୁ ତୁଡ଼ହାଲି ହୀଆଡେସିମା । ୪୦ ମୀରୁ ଜିକେଏ ଜାଗ୍ରତା ଆହାନା ମାଞ୍ଜୁ, ଇତିହାସ ମୀରୁ ଆମିନି ବେଲାତା ଅଣ୍ଡାଦା ହିଲଅଡେରି, ଏରିବେଲାତା ମାଣସି ମୀରୁଏସି ଖାନେସି ।”

ଟିକାଣା ହିଲାଆଗାଟି ହଠେଲଏସି

(ମାତି ୨୪:୪୫-୫୧)

୪୧ *ଏଚେଟିଏ ପିତର ଏଲେଇଚେସି, “ଏ ପ୍ରବୁ ନାନୁ ପୁଣ୍ଡିକିନି କାତା ମାଙ୍ଗେ କି ବାରେତାକି ଖେସିମାଞ୍ଜୁ ?”

୪୨ ପ୍ରବୁ ଏଲେଇଚେସି, “ସାଞ୍ଜୁକାରି ତାନି ଇଲୁତି ଲକ୍ତତାକି ତାନି ରାନ୍ଦା କାଟୁତା ରାନ୍ଦା ହୀହାଲି ତାନି ଗୁମ୍ବୁସା ପାଣା ହେରୁପିନେସି, ଇଲେତି ଟିକାଣାଗାଟି ଅଡ଼େ ବୁଦିଗାଟି ହଠେଲଏସି ଆମ୍ବାଆସି ?” ୪୩ ପ୍ରବୁ ଖାହାନା ତାନି ଆମିନି ହଠେଲଏଶାଇଁ ଏଲେ କିହିମାନାଣି ମେହ୍ନେସି ଏଞ୍ଜାସି ନେହେଁ । ୪୪ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଏଞ୍ଜାସି ଏଞ୍ଜାଣାଇଁ ତାନି ବାରେ ଦନୁଡି ମୁହେଁ ଗୁମ୍ବୁସା କିହା ଇତିନେସି । ୪୫ ସାମା ଏ ହଠେଲଏସି ନା ସାଞ୍ଜୁକାରି ଖାନାୟି ମାନେୟିଏ ଇଞ୍ଜୁଁ ମନତା ଅଣ୍ଡାପାନା ହଲ୍ଲିୟାଙ୍ଗା ହଠେଲିସିକାଣି ଖେଟାଲି ଇଞ୍ଜା ତିଞ୍ଜି ଉଣ୍ଡିହୁଁ କାଡ଼ ହୁଡ଼ାଲି ମାଟ୍ଟନେସି, ୪୬ ଆଡିହୁଁ ଏମିନି ଦିନା ହଠେଲଏସି କାଟାହିଲଅସି ଇଞ୍ଜାଁ ଏମିନି ବେଲା ଏଞ୍ଜାସି ପୁଞ୍ଜାହିଲଅସି, ଏ ଦିନା ଏ ବେଲାତା ତାନି ପ୍ରବୁ ଖାନେସି, ଇଞ୍ଜାଁ ଏଞ୍ଜାସି ଏଞ୍ଜାଣାଇଁ ରା ବାଗା କିହାନା ନାନୁ ହିଲାଆଗାଟାରି ତଲେ ଏଞ୍ଜାଣାଇଁ କାଲ୍ଲନେସି ।

୪୭ ଅଡ଼େ ଆମିନି ହଠେଲଏସି ତାନି ସାଞ୍ଜୁକାରିତି ମନ ଅଣ୍ଡାପାନା ଜାଗ୍ରତା ଆଅସି କି ଏଞ୍ଜାଣି ମନତଲେ କାମା କିଅସି, ଏଞ୍ଜାସି ଗାଡି ମାଡ଼ା ବେଟା ଆନେସି; ୪୮ ସାମା ଆମ୍ବାଆସି ପୁନାଆନା ମାଡ଼ା ପାଣ୍ଡି କାମା କିନେସି, ଏଞ୍ଜାସି ଉଣା ମାଡ଼ା ବେଟା ଆନେସି । ଆମ୍ବାଆରାକି ଗାଡି ହୀପୁକି ଆହାମାନେ, ଏଞ୍ଜାଣି ତାଣାଟି ହାରେକା ରାହନାୟି ମାନେ; ଇଞ୍ଜାଁ ଲକ୍ତୁ ଆମ୍ବାଆରାକି ଗାଡି ହୀହାମାନେରି ଏଞ୍ଜାଣି ତାଣାଟି ହାରେକା ଆଗାଡ଼ା ରାହନେରି ।

ଜୀସୁ ଲକ୍ତୁଣି ବାଗା କିଞ୍ଜିକିନାୟି

(ମାତି ୧୦:୩୪-୩୬)

୪୯ “ନାନୁ ଇ ଦାଡ଼ିତା ହିଡ଼ୁ ପ୍ରଡ଼ହାଲି ଖାହାମାଇଁ, ଇଦି ନୀର୍ବ ଗୁଡୁ ଗୁଡୁ ଆହିମାନେ ଆଡିହୁଁ ନାଙ୍ଗେ ଏନି ଅଣ୍ଡାପୁ ? ୫୦ *ସାମା ନାନୁ ର ବାପୁସ୍ତାଁ ପାଣନାୟି ମାନେ, ଅଡ଼େ ଏଦି ରାଆ ପାଡେକା ନାଙ୍ଗେ ଏଚେକା କସ୍ତ ହଡ଼ି ମାଞ୍ଜାନେ । ୫୧ ନାନୁ ଦାଡ଼ିତା ହିଡ଼ୁ ହୀହାଲି ଖାହାମାଇଁ ଇଞ୍ଜୁଁ ମୀରୁ ଅଣ୍ଡିମାଞ୍ଜେରି ? ନାନୁ ମିଙ୍ଗେ ଖେସିମାଞ୍ଜାଇଁ, ଆଏ, ବାଗା କିହାଲି ଖାହାମାଇଁ । ୫୨ ଇତିହାସ ର ଇଜ ପାସାଜାଣା ମାନେରି, ରିଆରି କପାଟି ତାନିଜାଣା ଅଡ଼େ ତାନିଜାଣା କପାଟି ରିଆରି ଏଟକା ଆନେରି । ୫୩ ମୀରୁଏଶା କପାଟି ତାଞ୍ଜି, ତାଞ୍ଜି କପାଟି ମୀରୁଏସି, ମାଙ୍ଗା କପାଟି ତାଲି, ତାଲି କପାଟି ମାଙ୍ଗା, କୁଡ଼ିୟାନି କପାଟି ପୟା, ଅଡ଼େ ପୟା କପାଟି କୁଡ଼ିୟା ଏଟକା ଆନୁ ।”

କାଲାତି ପୁନାୟି

(ମାତି ୧୭:୨, ୩)

୫୪ ଇଞ୍ଜାଁ ଏଞ୍ଜାସି ଲକ୍ତୁଣି ଜିକେଏ ଏଲେଇଚେସି, “ଖେଡ଼ା କୁଡ଼ିନିଞ୍ଜାକି ହାଗୁ ନିଙ୍ଗି ମାନାଣି ମେସିସାରେ ଦେବୁଣିଏ ଏଲେଇଞ୍ଜେରି ପିୟୁ ଖାନେ, ଅଡ଼େ ଏଲେକିହୁଁ ଏ ଆନେ; ୫୫ ଅଡ଼େ ଚିଣି ଖାକିଟି ଗାଲି

* ୧୨:୩୫ ୧୨:୩୫ ମାତି ୨୫:୧-୧୩ * ୧୨:୩୬ ୧୨:୩୬ ମାର୍କି ୧୩:୩୪-୩୬ * ୧୨:୩୯ ୧୨:୩୯ ମାତି ୨୪:୪୩, ୪୪ * ୧୨:୫୦ ୧୨:୫୦ ମାର୍କି ୧୦:୩୮ † ୧୨:୫୦ ୧୨:୫୦ ମୁଞ୍ଜିନାୟି

ଝେନାଣି ମେସ୍ସିସାରେ ମୀରୁ ଏଲେଇଝେରି, ଗାତି କାରା ଆନେ, ଅଡ଼େ ଏଲେଏ ଆନେ । ୫୭ ଆଡ଼େ କୁଚୁ ଗାଗାତେରି, ମୀରୁ ଦାରୁତି ଅଡ଼େ ହାଗୁତି ସିନାୟାଁ ପୁଞ୍ଜିମାଞ୍ଜେରି, ସାମା ଈ କାଲ୍ଲାତି ସିନାୟାଁ ଏନିଲେହେଁତାଇ ପୁଞ୍ଜି ହିଲଅତେରି ?”

ଗଡ଼ହା ଆଡ଼ାଣି ତଲେ ଆଣ୍ଡିନାୟି
(ମାତି ୫:୨୫, ୨୬)

୫୭ ଏନାଆଁ କିନାୟିମାନେ ଇଞ୍ଜିଁ ମୀରୁ ଏନାଆଁତାକି ମୀ ବିତ୍ତା ନୀହାୟି କିହିହିଲଅତେରି ? ୫୮ ଇତିହିଁ ମୀ ଗଡ଼ହା ଆଡ଼ାଣି ତଲେ ନୀହାୟି କିନାଣି ତାଣା ହାନିବେଲ୍ଲାତା ଜିରୁତେଏ କାଲ୍ଲୁଞ୍ଜିଆନି ଉପେୟି ଅଣ୍ଡିମାପୁ, ଏଲ୍ଲାଆଆତିହିଁ ଏଞ୍ଜାସି ନିଜେ ଅଡ଼େ ଝେଣ୍ଡେ ନୀହାୟି କିନାଣି ତାଣା ରେଜା ଅୟାନେସି, ଅଡ଼େ ନୀହାୟି କିନାସି କସ୍ତାକା କେୟୁତା ହେରୁପାନେସି, ଅଡ଼େ କସ୍ତାକା ନିଜେ କାୟିଦି ଇଲୁତା ଇଗାନେରି । ୫୯ ନାନୁ ମିଜେ ଝେସିମାଞ୍ଜାଇ, “ମୀରୁ ର କାନି ଜିକେଏ ପିସ୍‌ଆନାହା ହାତିହିଁ ଦେଁ ଏମ୍ବାଟି ହଡ଼ା ଖାହାଲି ଆଡ଼ିଦେରି ।”

୧୩

ମନୁ ଝେଟ୍‌ଆତିହିଁ ନାସା ଆନାୟି

୯ ଏତିବେଲ୍ଲାତା ଏତେକା ଲକୁ ଖାହାନା, ପିଲ୍ଲାତ ଏମିନି ଗାଲିଲି ଲକୁତି ନେତେରି ଏଞ୍ଜାରି ପୁଜା ତଲେ ଆବ୍‌ହାମାରେସି, ଏ କାତା ଜୀସୁଇଁ ଝେସ୍ତେରି । ୨ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏ ଗାଲିଲିତାରି ତଣ୍ଡେ ବେଟାଆହାଲିଏ ଏଞ୍ଜାରି ଅରୁ ଗାଲିଲିତାରି କିହିଁ ହାରେକା ପାପୁ ଗାଗାରି ଇଞ୍ଜିଁ ମୀରୁ ଅଣ୍ଡିମାଞ୍ଜେରି ? ୩ ନାନୁ ମିଜେ ଝେସିମାଞ୍ଜାଇ, ଏଲେକିଁ ଆଏ, ସାମା ମୀରୁ ମନୁ ଝେଟ୍‌ଆତିହିଁ ବାରେଜାଣା ତେରି ଏଞ୍ଜାରିଲେହେଁ ହାଡ଼େରି । ୪ ସିଲହଡ଼ା ଆମିନି ଅଟର ଜାଣାତି ଲାକ ପାତାଆଡ଼ି କଡ଼ା ଇଲୁ ରିହାନା ହାଡ଼େରି, ଏଞ୍ଜାରି ବାରେଜାଣା ଜିରୁସାଲମତି ଲକୁ କିହିଁ ହାରେକା ପାପୁ ଗାଗାରି ଇଞ୍ଜିଁ ମୀରୁ ଅଣ୍ଡିମାଞ୍ଜେରି ? ୫ ନାନୁ ମିଜେ ଝେସିମାଞ୍ଜାଇ, ଏଲେକିଁ ଆଏ, ମୀରୁ ମନୁ ଝେଟ୍‌ଆତିହିଁ ବାରେଜାଣା ତେରି ଏଲେକିହିଁ ଏ ନାସା ଆଡ଼େରି ।”

ପାଡ଼େୟି ଆୟାଆଗାଟି ତୟା ମାରୁନୁ

୬ ଜୀସୁ ଈ ପୁଣ୍ଡିକିନି କାତା ଝେସ୍ତେସି, ରଅଣି ଅଲୁରି ବାଡ଼ାତା ର ତୟା ମାରୁନୁ ଉହି ଆହାମାତେ । ଏଞ୍ଜାସି ଖାହାନା ପାଡ଼େୟି ପାରାତେସି ସାମା ମେଡ଼ାଆଆତେସି । ୭ ଇଞ୍ଜାଁ ଏଞ୍ଜାସି କାମା କିନାଣାଇଁ ଏଲେଇଚେସି, “ମେହ୍‌ମୁ ନାନୁ ତାନି ବାର୍ଯ୍ୟା ଆଡ଼େୟିଏ ଈ ତୟା ମାରୁନୁତା ଖାହାନା ପାଡ଼େୟି ପାରିମାଇଁ, ସାମା ମେଡ଼ା ଆହି ହିଲଅଁ; ଏଦାଣି ଚୁଣହା ତୁହ୍‌ମୁ, ଇଦି ଏନାଆଁତାକି ବୁମିତି ପାଡ଼ିୟା କିନେ ?” ୮ ସାମା କାମାକିନାସି ଏଲେଇଚେସି, “ପ୍ରବୁ ଇଦି ଇୟନା ତାକି ମାଣ୍ଡେ, ନାନୁ ଇଦାଣି ସାରିସୁଚୁ କାରୁହାନା ଗାତା ହାଇଁ, ୯ ଅଡ଼େ ତୟା ପାଡ଼େୟି ଆୟିତିହିଁ ନେହେଁ ଆୟାଆତିହିଁ ଏଦାଣି ଚୁଣହା ତୁହ୍‌ମୁ ।”

ଜୀସୁ ଜମିନି ଦିନା ର ଚୁଡ଼ୁଖା ଇୟାନି ନେହିଁ କିନାୟି

୧୦ ର ଦିନା ଜୀସୁ ଜମିନି ଦିନା ର ଜୀହୁଦି ଲକୁତି କୁଟମି ଇଲୁତା* ଜାପୁହି ମାଚେସି । ୧୧ ଏମ୍ବାଆଁ ର ଇୟା ମାଚେ, ଏଦି ଅଟର ବାର୍ଯ୍ୟା ପାଡେକା ପଲ୍ଲୁଆ ବୁଡୁ ତଲେ କସ୍ତା ଆହିମାଚେ, ଏଦି ଚୁଡ଼ୁଖା ଆହାନା ସଲ୍ଲକେ ଆହିଁ ତାକାଲି ଆଡ଼ିହିଲ୍ଲାଆତେ । ୧୨ ଜୀସୁ ଏଦାନି ମେସାନା ତାଗେ ହାଟାନା ଏଲେଇଚେସି, “ଏ ଇୟା ନାନୁ ନୀ ଆଡ଼ାଆ କସ୍ତୁଟି ନେହିଁ ଆଡ଼ି ।” ୧୩ ଅଡ଼େ ଏଞ୍ଜାସି ଏଦାନିଲେକ କେୟୁ ଇତିଚେସି, ଏମ୍ବାଟିଏ ଏଦି ଏ ଦେବୁଣିଏ ସଲ୍ଲକେ ଆହାନା ମାହାପୁରୁତି ଜହରା କିଚେ ।

୧୪ ସାମା ଜୀସୁ ଜମିନି ଦିନାତା ନେହିଁ କିହିମାତାକି ଜୀହୁଦି ଲକୁତି କୁଟମି ଇଲୁତାଁ କାଜାସି କାରୁବି ଆହାନା ଲକୁଣି ଏଲେଇଚେସି, “କାମା କିହାଲି ସ ଦିନା ମିଜେ ମାନେ; ଏଦାଣିତାକି ସ ଦିନା ନେହିଁ ଆହାଲି ଖାଦୁ, ଜମିନି ଦିନାତା ଖାଆଦୁ ।”

୧୫ ସାମା ପ୍ରବୁ ଏଞ୍ଜାଣାଇଁ ଏଲେଇଚେସି, “ଆଡ଼େ କୁଚୁ ଗାଗାତେରି, ମୀରୁ ବାରେଜାଣା ତେରି ଜମିନି ଦିନାତା ମୀ କଡ଼ି କି ଗାଡ଼ଦେତି ହାଃଅଲ୍ଲାଟି ଅହାନା ଏୟୁ ଉବ୍‌ହି ହିଲଅତେରି କି ? ୧୬ ଅଟର ବାର୍ଯ୍ୟା ପାଡେକା ସୟତାନ ତାଣାଟି ଦସ୍‌ପି ଆହାମାନି ଅବ୍ରାହାମ କୁଡ଼ାତି ଈ ଇୟାନି ଜମିନି ଦିନାତା

* ୧୩:୧୦ ୧୩:୧୦ ସିନଗ୍ଗୁ † ୧୩:୧୩ ୧୩:୧୪ ସିନଗ୍ଗୁ

ନେହ କିନାୟି ହିଲୀଆତେ କି ?” ୧୭ ଏଝାସି ଇ ବାରେ କାତା ଝେସାଲିଏ, ତାନି ସାତୁୟାଁ ବାରେ ଲାଜା ବେଟାଆଡେରି, ସାମା ଜାସୁ କିହାମାନି କାମା ମେସାନା ଲକୁ ରାହାଁ ଆଡେରି ।

ହାସୁଁ ପାଡ଼େୟି

(ମାତି ୧୩:୩୧,୩୨; ମାର୍କ ୪:୩୦-୩୨)

୧୮ ଜାସୁ ଏଲେଇଚେସି, “ମାହାପୁରୁ ରାଜି ଏନିଲେହେତାୟି ? ଆମ୍ବାରିତଲେ ଏଦାନି ତୁକଇଁ ? ୧୯ ଏଦି ଇଲେତି ର ହାସୁଁ ପାଡ଼େୟି ଲେହେଁ, ଏଦାଆଁ ଅହାନା ରଅସି ତାନି ବାଡ଼ାତା ମାଟିତେସି, ଅଡ଼େ ଏଦି ପାଡ଼ାଆହାନା ର ମାଡ଼ୁ ଆଡେ, ଅଡ଼େ ହାଗୁ ଲାକ ଉସିନି ପଟାୟାଁ ଝାହାନା ଏ କମାତା ବାସା କିତୁ ।”

ପୁଲୀଏରୁ

(ମାତି ୧୩:୩୩)

୨୦ ଜାସୁ ଅଡ଼େ ଏଲେଇଚେସି, “ନାନୁ ଆମ୍ବାରିତଲେ ମାହାପୁରୁତି ରାଜି ତୁକଇଁ ? ୨୧ ଏଦି ପୁଲୀ ଏୟୁଲେହେତାୟି, ର ଇୟା ତାନିମାଣା ଗୁଣ୍ଡାତା କାଲହା ଇଚିତେ, ତାୟୁ ବାରେ ଗୁଣ୍ଡା ପୁଲୀ ଆଡେ ।”

ଜାକଣି ଦୁଝେରି

(ମାତି ୭:୧୩,୧୪,୨୧-୨୩)

୨୨ ତାୟୁ ଜାସୁ ଗାଡ଼ାତାକି ଗାଡ଼ା ନାୟୁଁ ତାକି ନାୟୁଁ ରେଜିହଁ ଜାପୁହିହଁ ଜିରୁସାଲମ ଝାକି ହାଜିମାଚେସି । ୨୩ ରଅସି ଏଝାଣାଇଁ ଝେଚେସି, “ପ୍ରବୁ ଗେଲପି ଆନାରି ଝାରଇ ଇଚରା ଜାଣାକି ?”

ଜାସୁ ଏଝାରାଇଁ ଏଲେଇଚେସି, ୨୪ “ଜାସୁ ତୁସାନା ଜାକଣି ଦୁଝେରିଟି ହାଜୁ; ଇଚିହଁ ନାନୁ ମିଜେ ଝେସିମାଞ୍ଜାଇଁ, ହାଚେକା ହଡ଼ାଲି ଅଣପିନେରି, ସାମା ହଡ଼ାଲି ଆଡ଼ଅରି । ୨୫ ଇଲୁଗାଗାସି ନିଜାନା ଦାରା ସୁଣ୍ଡିତ ତାୟୁ ଏଚେତା ମାରୁ ପାଜାତା ନିଗାନା ଦାରା ତୀ ତୀ ଝେଚିହଁ ଏ ପ୍ରବୁ ମାଜେତାକି ଦାରା ଦେତାମୁଁ ଇଞ୍ଜି ହାଚିଦେରି, ଏଚେତା ଏଝାସି ମିଜେ ଏଲେଇଞ୍ଜାନେସି, ‘ମାରୁ ଏସିତାତେରି ନାନୁ ପୁଞ୍ଜାମାଞ୍ଜଅଁ ।’ ୨୬ ଏଚିବେଲା ମାରୁ ଏଲେଇଞ୍ଜେରି, ‘ଏ ପ୍ରବୁ ମାମ୍ବୁ ନୀ ତଲେ ଡିଚା ଉଟାତମି, ଅଡ଼େ ନାନୁ ମା ଆଂଗେଣିକାଣା ଜାପୁହିମାଞ୍ଜାତି ।’ ୨୭ ଅଡ଼େ ଏଝାସି ମିଜେ ଏଲେଇଞ୍ଜାନେସି, ‘ମାରୁ ଆମିନି ଚାୟୁତି ଲକୁଚେରି ନାନୁ ପୁଞ୍ଜାମାଞ୍ଜଅଁ; ଏ ଲାଗେଏ ପଲେଏ ତାଚେରି ନା ତାଣାଟି ହେକ ଆଦୁ ।’ ୨୮ ଏଚିବେଲା ମାରୁ ଅବାହାମ, ଇସାହାକ, ଜାକବ ଇଞ୍ଜାଁ ବାରେ ମାହାପୁରୁ ଅଣପୁତି ବଲୁ ଝେହନାରାଇଁ ମାହାପୁରୁ ରାଜିତା ମାନାଣି ଅଡ଼େ ମିଜେ ପାଜାତା କୁତା ମାଞ୍ଜାନାଣି ଅଣପାନା ପାଲକା ଟୀଟି କିହଁ ତାଦେରି । ୨୯ ଅଡ଼େ ହାଚେକା ଲକୁ ଝେଡ଼ା ହପୁ ଝାକିଟି ଅଡ଼େ ଝେଡ଼ା କୁଡ଼ନି ଝାକିଟି, ଟିଝନି ଝାକିଟି ଚେବୁଁ ଝାକିଟି ଝାହାନା ମାହାପୁରୁତି ରାଜିତି ବଜିତା କୁରିନେରି । ୩୦ ଏଅଡ଼େ ମେହଦୁ ତାୟୁତା ମାନି କଚେକା ନକିତା ଆନେରି ଅଡ଼େ ନକିତା ମାନି କଚେକା ତାୟୁତା ଆନେରି ।”

ଜାସୁ ଜିରୁସାଲମତି ଜାସୁନନାୟି

(ମାତି ୨୩:୩୭-୩୯)

୩୧ ଏଚିବେଲାତେଏ ଏଚରଜାଣା ପାରୁସିୟାଁ ଝାହାନା ଜାସୁଇଁ ଝେସୁେରି, “ନାନୁ ଇ ଚାୟୁ ପିସାନା ହାଜାତୁହମୁ ଏନାଆଁତାକି ଇଚିହଁ ହେରଦ ନିଜେ ପାୟାଲି ଅଣପିମାନେସି ।”

୩୨ ଜାସୁ ଏଝାରାଇଁ ଏଲେଇଚେସି, “ମାରୁ ହାଜାନା ଏ ନାକାଇଁ ଝେହଦୁ, ‘ମେହଦୁ ନାନୁ ନୀଞ୍ଜୁ ଅଡ଼େ ଝିଏ ବୁତୁୟାଁ ପିସପି କିହିମାଇଁ ଅଡ଼େ ନେହଁ କିହିମାଇଁ ଇଞ୍ଜାଁ ତାନି ଦିନାଟିଏ ନା କାମା ରାପୁଇଁ ।’

୩୩ ଏନିଜିକେଏ ନୀଞ୍ଜୁ ଝିଏ ଅଡ଼େ ମାସିଁ ନାଜେ ତାକିହଁ ହାଜାଲି ଆନେ, ଇଚିହଁ ମାହାପୁରୁ ଅଣପୁତି ବଲୁ ଝେହନାସି ଜିରୁସାଲମ ପିସପେ ପାଜାତା ହାନାୟି ନେହେଁ ଆଏ ।”

୩୪ “ଏ ଜିରୁସାଲମ, ଏ ଜିରୁସାଲମ ମାହାପୁରୁ ଅଣପୁତି ବଲୁ ଝେହନାରାଇଁ ପାୟିନାତି ଅଡ଼େ ନୀ ତାଣା ପାଣ୍ଡୁଝି ଆହାମାନାରାଇଁ ଝାଲକାତଲେ ଝେନାତି, ତାଲି କୟୁ ଏନିକଁ ତାନି ହାପାୟାଣି ତାନି ମାରାୟାଁ ଡ଼ଇ ଜଜିମେ, ଏଲେକଁ ଏଚର ଦେବା ନୀ ପଡ଼ି ପଡ଼ାତି ପୁକହାନା ଇଚିଇଁ ଇଞ୍ଜି ଅଣପିମାଚେସିଁ ସାମା ମାରୁ ଏଲେକିହାଲି ହିୟାଆତେରି । ୩୫ ମେହଦୁ ମା ଇଲୁ ମା କେୟୁତା ହାପୁକି ଆହିମାଞ୍ଜାନେ; ଅଡ଼େ ନାନୁ ମିଜେ ଏଲେଇଞ୍ଜିମାଞ୍ଜାଇଁ ମାହାପୁରୁ ଦରୁଟି ଆମ୍ବାଆସି ଝାହିମାନେସି ଏଝାସି ନେହାଁସି ଇଞ୍ଜି ଏମିନି ନେଡୁ ଇ କାତା ଏଲେଇଞ୍ଜେରି ଏ ଦିନା ଝାଆ ପାଚେକା ମାରୁ ଅଡ଼େ ନାଜେ ମେସୁଅତେରି ।”

☆ ୧୩:୨୮ ୧୩:୨୮ ମାତି ୨୨:୧୩; ୨୫:୩୦ ☆ ୧୩:୨୮ ୧୩:୨୮ ମାତି ୮:୧୧,୧୨ ☆ ୧୩:୩୦ ୧୩:୩୦ ମାତି ୧୯:୩୦; ୨୦:୧୭; ମାର୍କ ୧୦:୩୧

୧୪

ଜୀସୁ ରତ୍ନ ଗାଗାଣାଙ୍କ ନେହୁଁକିନାୟି

୧ ଜୀସୁ ର ଜମିନି ଦିନା ରାନ୍ଦା ତିଞ୍ଜାଲି ପାରୁସିୟାଁ ବିଦ୍ରାଟି ର କାଜାଣି ଇଜ ହଡାଲିଏ ଏଞ୍ଜାରି ଏଞ୍ଜାଣାଙ୍କ ଦହ ଦସାଲି ପରୁହି ମାରେରି । ୨ ଅଡ଼େ ମେହୁଦୁ ଏଞ୍ଜାଣି ନକିତା କେସ୍ୱା କଡାୟାଁ ପଂଗିତାସି ରଅସି ମାରେସି । ୩ ଏମ୍ବାଟିଏ ଜୀସୁ ମସାତି ମୋରାପୁନାରି ଅଡ଼େ ପାରୁସିୟାଁଙ୍କ ଏଲେଇରେସି, “ଜମିନି ଦିନାତା ରଅଣାଙ୍କ ନେହୁଁକିନି ମୋରା ମାନେକି ଆଏ ?”

୪ ଏମ୍ବାଟିଏ ବାରେଜାଣା ପାଲେଏ ଆଡ଼େଟି । ଇଞ୍ଜାଁ ଜୀସୁ ଏଞ୍ଜାଣାଙ୍କ ତୀଗାହାଁ ନେହୁଁ କିହାନା ମୀ ଇଜ ହାଲାମୁ ଇଞ୍ଜୁଁ ହେଲ ହାଡେସି । ୫ ଇଞ୍ଜାଁ ଏଞ୍ଜାସି ଏଞ୍ଜାରାଙ୍କ ଏଲେଇରେସି, “ମୀ ବିଦ୍ରାଟି ଆମ୍ବାଆସି ମୀରୁଏସି କି କଡ଼ି ଜମିନି ଦିନାତା କୁହିତା ରିଡ଼ହୁଁ ଏ ଦେବୁଣିଏ ଡ଼େଞ୍ଜା କଡ଼ଅସି କି ?”

୬ ଅଡ଼େ ଏଞ୍ଜାରି ଇ ବାରେ କାତା ଖେଞ୍ଜାନା ଏନାଆଁ ଜଲ୍ଲାଲି ଆଡ଼ାଆଡେଟି ।

ସେବା କିନାୟି ଅଡ଼େ ତାମ୍ବେ ଉଣା କିହା କଡ଼ିନାୟି

୭ ବଜିତା ହାଟୁକି ଆହାମାଗାରି ନେହୁଁ ନେହୁଁ ଟାୟୁତା କୁଗାଲି ବାଟି କିହିମାଗାଣି ମେସାନା, ଏଞ୍ଜାରାଙ୍କ ର ପୁଣ୍ଡାମିକିନି କାତା ଖେସ୍ତେସି, ୮ “ଏଟିବେଲା ରଅସି ମିଙ୍ଗେ ବାହା ବଜିତା ହାଟୁନେସି, ଏମ୍ବାଆଁ ନେହୁଁ ଟାୟୁତା କୁଗାଆଦୁ, ଇଡ଼ିହୁଁ ଏମ୍ବାଆଁ ନୀ କିହାଁ କାଜାସି ଜିକେଏ ହାଟୁକି ଆହାଡ଼ୟିନେସି, ୯ ଏଡ଼େତା ନିଙ୍ଗେ ଅଡ଼େ ଏଞ୍ଜାଣାଙ୍କ ହାଟା ମାନାସି, ଏଞ୍ଜାସି ଖାହାନା ଇଞ୍ଜାଣାକି ଇ ଟାୟୁ ପିସାହାମୁ ଇଞ୍ଜାନେସି, ଏଡ଼େତା ନୀନୁ ଲାଜାତଲେ ଉଣା ଟାୟୁତା କୁଗିଦି । ୧୦ ସାମା ଏଟିବେଲା ନୀନୁ ହାଟୁକି ଆହାମାନି ତାଣା ହାଜାନା ଡ଼ଇତି ଟାୟୁତା କୁଗାମୁ, ଏବେଟିଏ ନିଙ୍ଗେ ହାଟୁ କିହାମାଞ୍ଜାନାସି, ଏ ତଡ଼େ ନୀନୁ ଇ ନେହୁଁ ଟାୟୁତା କୁଗାମୁ ଇଞ୍ଜୁଁ ହାଟାସାରେ ଏଟିବେଲା କୁଡ଼ା ଆହାମାନି ଲକୁ ନକିତା ଗାଡ଼ି ମାନି ବେଟାଆଡ଼ି । ୧୧ ଇଡ଼ିହୁଁ ଆମ୍ବାଆସି ନୀନୁ କାଜାତେଏଁ ଇଞ୍ଜୁଁ ଇଞ୍ଜାଁ କଡ଼ିନାଣାଙ୍କ ଉଣା କିଞ୍ଜିଆନେ, ଅଡ଼େ ଆମ୍ବାଆସି ତାଙ୍ଗେ ଉଣା କିହାକଡ଼ିନେସି ଏଞ୍ଜାଣାଙ୍କ କାଜାସି କିଞ୍ଜିଆନେ ।”

୧୨ ଇଞ୍ଜାଁ ଜୀସୁ ତାଙ୍ଗେ ହାଟି କିହା ମାଗାଣାଙ୍କ ଜିକେଏ ଏଲେଇରେସି, “ନୀନୁ ବଜି ହୀନାଟି ନୀ ତଡ଼େସିଙ୍ଗାଣି, ତାୟିୟାଁ, ସାମାଦିୟାଁ କି ନୀ ନାୟୁତା ମାନି ଦନ ଗାଟାଗାଙ୍କ ହାଟାଆନି, ଇଡ଼ିହୁଁ ଏଞ୍ଜାରି ଜିକେଏ ନିଙ୍ଗେ ହାଟାଲି ଆଡ଼ାନେରି ଅଡ଼େ ନୀନୁ ଖେଣ୍ଡେ ବେଟାଆଡ଼ି । ୧୩ ସାମା ବଜି କିଡ଼ିସାରେ ହିଲାଆ ଗାଗାରି, କଲାୟାଁ, ସଗାୟାଁ, କାଣାୟାଁଣି ହାଟାମୁ: ଆଡ଼ିହୁଁ ନୀନୁ ନେହୁଁଡ଼ି ଆଡ଼ି, ୧୪ ଆଡ଼ିହୁଁ ନିଙ୍ଗେତାକି ନେହେଁ, ଇଡ଼ିହୁଁ ନିଙ୍ଗେ ଖେଣ୍ଡେ ହାହାଲି ଏଞ୍ଜାରିତାଣା ଏନାୟି ହିଲେଏ; ଇଞ୍ଜାଁ ତୀରିଗାଗାରି ଖେଣ୍ଡେ ନିଙ୍ଗାଟି ମାହାପୁରୁ ନିଙ୍ଗେ ଖେଣ୍ଡେ ହିୟାନେସି ।”

କାଜା ବଜିତି ପୁଣ୍ଡାମିକିନାୟି (ମାତି ୨୨:୧-୧୦)

୧୫ ଇ କାତା ଖେଞ୍ଜାନା ଏଞ୍ଜାଣିତଲେ ତିଞ୍ଜାଲି କୁଗାମାଗାରି ବିଦ୍ରାଟି ରଅସି ଜୀସୁଙ୍କ ଏଲେଇରେସି, “ଆମିନିଗାଗାସି ମାହାପୁରୁ ରାଜିତା ବଜି ତିନାସି ଏଞ୍ଜାସି ନେହୁଁସି ।”

୧୬ ସାମା ଜୀସୁ ଏଞ୍ଜାଣାଙ୍କ ଏଲେଇରେସି, “ରଅସି ର କାଜା ବଜି ଲକୁକି ହୀଇଁ ଇଞ୍ଜୁଁ ଅଣ୍ଡପାନା ହାଡ଼େକା ଲକୁକି ହାଟିଡେସି; ୧୭ ଅଡ଼େ ତିନି କାଟୁ ଆୟାଲିଏ, ଏଞ୍ଜାସି ହାଟାମାନି ଲକୁତାଣା ତାନି ହଲେଏଣାଙ୍କ ପାଣ୍ଡାନା ଏଲେଇରେସି, ‘ବାରେ ଆଡ଼େୟିଏ ନୀଏଟି ମୀରୁ ତିଞ୍ଜାଲି ଖାଦୁ ।’ ୧୮ ସାମା ବାରେଜାଣା ଏଞ୍ଜାଣାଙ୍କ ରଣ୍ଡିଏ କାତା ଏଲେଇରେଟି, ରଅସି ଖେସ୍ତେସି, ‘ନୀନୁ ଇଗାଣି ବୁମି କଡ଼ାମାଙ୍କ ଏନାଆଁ ସିନିକିହାଲି ହାନାୟିମାନେ; ଏନାଆଁତାକି ନାଙ୍ଗେ କାର୍ମା ଅଣ୍ଡପାମୁ ନୀନୁ ଖାହାଲି ଆଡ଼ଅଁ ।’ ୧୯ ଅଡ଼େ ରଅସି ଏଲେଇରେସି, ‘ନୀନୁ ପାସା ହେରୁ କଡ଼ିୟାଁ କଡ଼ାମାଙ୍କ, ନୀନୁ ଏଞ୍ଜାସିକାଣି ମାଡୁନାୟି ମାନେ ଏନାଣିତାକି ନାଙ୍ଗେ କାର୍ମା ଅଣ୍ଡପାମୁ ନୀନୁ ଖାହାଲି ଆଡ଼ଅଁ ।’ ୨୦ ଅଡ଼େ ରଅସି ଏଲେଇରେସି, ‘ନୀନୁ ନୀଞ୍ଜୁ ବାହା ଆହାମାଙ୍କ ଏନାଆଁତାକି ନୀନୁ ଖାହାଲି ଆଡ଼ଅଁ ।’ ୨୧ ଇଞ୍ଜାଁ ଏ ହଲେଏସି ଖାହାନା ବାରେ ତାନି ସାଞ୍ଜୁକାରିକି ଖେସ୍ତେସି । ଏବେଟିଏ ଏ କାତା ଖେଞ୍ଜାନା ଏଞ୍ଜାସି କାଡ଼ିବି ଆହାନା ତାନି ହଲେଏଣାଙ୍କ ଏଲେଇରେସି, ନୀନୁ ତବେ ଗାଡ଼ାଡ଼ି ସାହୁଡ଼ାୟାଁ ଅଡ଼େ ତାଣ୍ଡେଣାଁ ହାଜାନା ହିଲାଆଗାଗାଗାଙ୍କ, କଲାୟାଁଙ୍କ, ସଗାୟାଁଙ୍କ ଇଞ୍ଜାଁ କାଣାୟାଁଙ୍କ ଇମ୍ବାଆଁ ହାଟାତାମୁ । ୨୨ ତାୟୁ ଏ ହଲେଏସି ଏଲେଇରେସି, ‘ଏ ପ୍ରବୁ ନୀ କାତାତଲେ ବାରେ କିଡ଼ିମି ସାମା ଇକୁ ନେଞ୍ଜା ହିଲେଏ ।’ ୨୩ ଏମ୍ବାଟିଏ ସାଞ୍ଜୁକାରି ହଲେଏଣାଙ୍କ ଟାଣ୍ଡିଡେସି,

* ୧୪:୫ ୧୪:୫ ମାତି ୧୨:୧୧ * ୧୪:୧୧ ୧୪:୧୧ ମାତି ୨୩:୧୨; ଲୁକ ୧୮:୧୪

‘କାଜା ଆଂଗେଣି ଅଡ଼େ ମାର୍ତ୍ତୁ ତୁଇ ହାଜାନା ନା ଇଲୁ ଏନିକ୍ ନେଞ୍ଜିନେ ଏଦାଆଁତାକି ଲକ୍ଷ୍ମଣି ଖାହାଲି ଏଲେଇନାମ୍ । ୨୪ ନାନୁ ଖେସିମାଞ୍ଜାଇଁ ତଲି ହାଟାମାଚାରି ବିଦ୍ରାତି ରଅସି ଜିକେଏ ନା ବଢ଼ି ଖାଣ୍ଡାଲି ବେଟାଆଅସି ।’”

ଏନିଲେହେଁତାସି ଜୀସୁତି ସାସୁ ଆନେସି
(ମାତି ୧୦:୩୭,୩୮)

୨୫ ମାନ୍ଦା ଲକ୍ଷ୍ମଣି ଜୀସୁତଲେ ହାଜିମାଚେରି, ଏଝାସି ତାମୁଝାକି ସିନିକିହାନା ଏଝାରାଇଁ ଏଲେଇଚେସି, ୨୬ “ଆମ୍ବାଆସି ନା ଡାଣା ଖାହାନା ତାନି ତାଲି, ତାଞ୍ଜି, ତକ୍ତି, ମୀରକା, ମାସ୍କା, ତାୟି ତାଜିସ୍ତାଣି ଅଡ଼େ ତାନି ଜୀସୁତି ଜିକେଏ ଅପଅସି ଏଝାସି ନା ସାସୁ ଆୟାଲି ଆଡ଼ଅସି । ୨୭ “ଆମ୍ବାଆସି ତାନି କ୍ରସ୍ତ ତେକାନା ନା ଜେତ ଜେଚ ଖାଅସି, ଏଝାସି ନା ସାସୁ ଆୟାଲି ଆଡ଼ଅସି । ୨୮ ମୀ ବିଦ୍ରାତି ଆମ୍ବାଆସି ପାତିକିହିଁ କଟା ଇଲୁ ଦସାଲି ଅଣପିନେସି, ଦହନି କାମା ରାପୁହାଲି ଟାକାୟିଁ ଏନୁ କି ଏଡ଼ ଇଞ୍ଜିହିଁ ଏମ୍ବାତି ଲେକା କିଅସିକି ? ୨୯ ଏଚେତା ଏଝାସି ପୁନାଦି ନିପହାନା ରାପୁହାଲି ଆଡ଼ାଆସାରେ, ଏଚେକା ଲକ୍ଷ୍ମଣି ଏଦାଆଁ ମେହନେରି, ବାରେଜାଣା ଏଝାଣାଇଁ କାକନେରି, ୩୦ ଲକ୍ଷ୍ମଣି ଏଝାଣାଇଁ ଲାଜାକିହିଁ ଏଲେଇନେରି, ଇଝାସି ଇଲୁ ଦସାଲି ମାଟୁହେସି ରାପୁହାଲି ଆଡ଼ାଆଚେସି । ୩୧ ର ରାଜା ଅର୍ ରାଜା କପାଟି ଜୁଜୁ କିହାଲି ହାଜିମାନାଟି ଦସ ମାଣା କସ୍କା ଏଝାଣି କଡ଼େ ମାଣା କସ୍କା କପାଟି ଜୁଜୁ କିହାଲି ଆଡ଼ିନେରିକି ଆଏ ଇଞ୍ଜି ଅଣପଅସିକି ? ୩୨ ଆଡ଼ାଆଲେହେଁ ଇଚିହିଁ ଏ ରାଜା ହେକ ମାନଟିଏ ଏଝାସି ରାଜିମାନା ଆୟାଲି କସ୍କାଣି ହିଡ଼ି ତାକି ଏଲେଇଞ୍ଜା ପାଣ୍ଡିନେସି । ୩୩ ଏଲେକିହିଁ ଏ ମୀ ବିଦ୍ରାତି ଜିକେଏ ଆମ୍ବାଆସି ତାନି ବାରେ ପିହଆତିହିଁ ଏଝାସି ନା ସାସୁ ଆୟାଲି ଆଡ଼ଅସି ।”

ମୁଆ ହାରୁ
(ମାତି ୫:୧୩; ମାର୍କ ୯:୫୦)

୩୪ “ହାରୁଚ ନେହାୟି; ସାମା ହାରୁ ମୁଆସାରେ ଏଦାଆଁ ଏନିକ୍ ଅଡ଼େ ଏନାଆଁତଲେ ହାରୁ ଲେହେଁ ମୁପି କିନାୟି ? ୩୫ ଏଦି ବୁମିତା କି ଗାଟା କଟୁଟା କୁଟୁସାଲି ଜିକେଏ ଜଗେ ଆଏ । ଲକ୍ଷ୍ମଣି ଏଦାନି ପାଞ୍ଜାତା କୁଟା ତୁହନେରି । ଆମ୍ବାଆରି ଖେଞ୍ଜାଲି କୀକା ମାଚିହିଁ, ଖେଞ୍ଜୁ ।”

୧୫

ଜାକ୍ତିତି ମେଣ୍ଡା
(ମାତି ୧୮:୧୨-୧୪)

୧ “ର ଦିନା ସିସୁ ରାହନାରି ଅଡ଼େ ପାପୁ ଗାଟାରି ବାରେଜାଣା ତାନି କାତା ଖେଞ୍ଜାଲି ଖାହିମାଚେରି । ୨ ଏଚେତିଏ ପାରୁସିୟାଁ ଅଡ଼େ ମେରାପୁନାରି ଜୀସୁଇଁ ଗୁରୁମୁରୁ ଆହିଁ ଏଲେଇଚେରି, “ଇଝାସି ପାପୁ ଗାଟାରାଇଁ ଆବିମାନେସି, ଇଞ୍ଜା ଏଝାରିତଲେ ତିଞ୍ଜି ଉଣ୍ଡି ମାନେସି !” ୩ ଏମ୍ବାଟିଏ ଜୀସୁ ଏଝାରାଇଁ ଇ ପୁଣ୍ଡିକିନି କାତା ଖେସ୍ତେସି ।

୪ “ମୀ ବିଦ୍ରାତି ଆମ୍ବାଆଚେରି ଇଲେତି ଲକ୍ଷ୍ମଣି ମାଞ୍ଜେରି, ଏଝାଣାକି ପାସାକଡ଼ି ମେଣ୍ଡାୟାଁ ମାଚିହିଁ, ଏଝାସିକା ବିଦ୍ରାତି ରଣ୍ଡି ଜାକ୍ତିତିହିଁ ଏଝାସି ଏନାଆଁ କିନେସି, ରଣ୍ଡି ଉଣା ପାସାକଡ଼ି ମେଣ୍ଡାୟାଁ ବାଟାତା ପିସାନା ଜାଞ୍ଜାମାନି ମେଣ୍ଡା ପାଣ୍ଡିନି ପାଚେକା ପାରଅସି କି ? ୫ ଇଞ୍ଜା ବେଟାଆଡ଼ିସାରେ ରାହାଁତଲେ ଡେକାନା ଇଜ ତାନେସି, ୬ ଇଞ୍ଜା ତାନି ତଣ୍ଡେସିଜାଣି ଅଡ଼େ ନାୟିତାରାଇଁ ହାଟାନା ଏଲେଇନେସି, ମୀରୁ ନା ତଲେ ରାହାଁ କିପୁ, ଏନାଆଁତାକି ଇଚିହିଁ ଜାଞ୍ଜାମାଟି ନା ମେଣ୍ଡା ବେଟାଆଡ଼େସି । ୭ ନାନୁ ମିଞ୍ଜେ ଖେସିମାଞ୍ଜାଇଁ ଏଲେକିହିଁ ଏ ମନ ଖେଟହାଲି ଲଡ଼ା ଆଆଗାଟି ରଅସି ଉଣା ପାସାକଡ଼ି ତାରିଗାଟାରି କିହାଁ ପାପୁ ଗାଟାସି ରଅସି ତାନି ମନ ଖେଟହା କଡ଼ିତିହିଁ, ଏଝାଣି କସିମି ଲାକପୁରୁ ହାରେକା ରାହାଁ ଆନେ ।”

ଜାକ୍ତିତି ଟାକା

୮ “ଅଡ଼େ ଇଲେତି ଆମିନି ଇୟା ମାନେ, ଏ ଇୟାନାକି ଦସଗଟା ଖେଣ୍ଡି ଟାକା ମାଚିହିଁ ରଣ୍ଡାଆଁ ଜାକ୍ତିତିହିଁ ଏଦି ଏନାଆଁ କିନେ, ଦୀଝି ଡ଼ସାନା ଇଲୁ ହେପାନା ଏ ଜାକ୍ତିତି ଟାକା ପାଣ୍ଡିନି ପାଚେକା ଜାଡ଼ୁଚ ତଲେ ପାରେଏକି ? ୯ ଇଞ୍ଜାହାଁ ଏ ଟାକା ବେଟାଆଡ଼ିସାରେ ଏଦି ତାନି ତଡ଼ ଲକ୍ଷ୍ମଣି ଇଞ୍ଜା ନାସ୍କାକି ଲକ୍ଷ୍ମଣି ରୁଣ୍ଡି କିହାନା ଏଲେଇନେ ନା ତଲେ ରାହାଁ କିପୁ, ଏନାଆଁତାକି ଇଚିହିଁ ଜାକ୍ତିତିଟାକା ବେଟାଆଡ଼େସି”

☆ ୧୪:୨୨ ୧୪:୨୭ ମାତି ୧୦:୩୭ ☆ ୧୪:୨୭ ୧୪:୨୭ ମାତି ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩ ☆ ୧୫:୧ ୧୫:୧ ଲୁକ ୫:୨୯,୩୦

। ୧୦ ନାନୁ ମିଜା ଝେସିମାଞ୍ଜାଇଁ, ଏଲେକିହୁଁ ଆମ୍ବାଆସି ମନ ଝେଟ୍ଟନେସି, ଇଲେତି ପାପୁ ଗାଗାରାକି ମାହାପୁରୁତି ଦୁତୁୟାଁ ନକିତା ରାହାଁ ଆନେ ।”

ଜାଜିତି ମୀରୁଏସି

୧୧ ଜାମ୍ବୁ ଅଡେ ଏଲେଇରେସି, ରଥାକି ରିଆରି ମୀରୁକା ମାରେରି । ୧୨ ଏଞ୍ଜାରି ବିଡ୍ରାତି ଉଣା ମୀରୁଏସି ଆବାଇଁ ଏଲେଇରେସି, ଆବା ଇଲୁତି ଦନ ବାଟି କିହାନା ନାଜେ ଆୟାରି ବାଗା ହିୟାମ୍ । ଏରେଟିଏ ତାନି ଆବା ତାନି ଦନ ବାଟି କିହାନା ରୀ ମୀରୁକାକି ହୀଡେସି । ୧୩ ଏମ୍ବାଟିଏ ଏରରଦିନା ହାଜାଲିଏ ଇତି ମୀରୁଏସି ଇଲୁ ବାଗା ହୀହାମାଗାଣି ପାରୁହାଁ ଗାକାୟାଁ ଆସାହାଁ ହେକରାଜି ହାଜାତୁସ୍ତେସି, ଇଞ୍ଜା ଲେନିପନିଏ ତାୟୁ ଏସ୍ତକି ଅଣପାଆନା ଲାଗେଏତି କାମାତା ତାନି ଦନ ରାପୁହେସି । ୧୪ ସାମା ବାରେ ଦନ ରାପୁହି କ୍ଳେଟ ଏ ଦେସାତା କାରୁଝୁ କାଡାରି ଆହାଲିଏ ଏଞ୍ଜାସି କାକୁଲି ଆଡେସି । ୧୫ ଏରେଟିଏ ଏଞ୍ଜାସି ହାଜାନା ଏ ଦେସାତି ର ସାଝୁକାରି ତାଣା ଗତି ଡୟିଡେସି, ଏଞ୍ଜାସି ଏଞ୍ଜାଣାକି ପାଜିୟାଁ ମେଚାଲି ଗୁଡିୟାତା ପାଣ୍ଡିଡେସି; ୧୬ ଇଞ୍ଜା ପାଜିୟାଁ ଆନିନି କାଜା ସାଲିୟାଁ ତିଞ୍ଜି ମାୟୁ, ଏଞ୍ଜାଆଁ ତିଞ୍ଜାଲି ମନ କିଡେସି, ସାମା ଆମ୍ବାଆରି ଏଞ୍ଜାଣାକି ତିଞ୍ଜାଲି ହୀହି ହିଲୀଆଡେରି । ୧୭ ର ଦିନା ତୀରୁପୁ ଆହାନା ଅଣପିଡେସି, ମା ଆବା ତାଣାତି ଗତି ବୁଡି ତିନି ରାନ୍ଦେଏ ହାରା ହାଜିମାନେ, ସାମା ନାନୁ ଇମ୍ବାଆଁ ହାକି ତାକି ହାହିମାଇଁ । ୧୮ ନାନୁ ନିଜାନା ମା ଆବା ତାଣା ହାଇଁ ଇଞ୍ଜା ଏଞ୍ଜାଣାଇଁ ଝେହୁଇଁ, “ଲାକପୁରୁତି ଆବା କପାଟି ଅଡେ ନୀ ନକିତା ନାନୁ ପାପୁ କିଡେସି; ୧୯ ନୀ ମୀରୁଏସାଡେସି ଇଞ୍ଜୁଁ ନାନୁ ଅଡେ ପାଡା ଆଅଁ; ନାଜେ ର ହଲେଏଣା ଲେହେଁ ଇଗାମ୍ ।” ଏମ୍ବାଟିଏ ଏଞ୍ଜାସି ନିଜାନା ତାନି ଆବା ଝାକି ହାଡେସି ।

୨୦ ସାମା ଆବା ତାନି ମୀରୁଏଣା ଝାହିମାନାଣି ହେକଟିଏ ମେସାନା କାର୍ମା ଆହାନା ହଟି ହଟିହୁଁ ହାଜାନା ପମାହାଁ ନଣ୍ଡିଡେସି । ୨୧ ଏମ୍ବାଟିଏ ମୀରୁଏ ଗାଗାସି ଏଲେଇରେସି, “ଲାକପୁରୁ ଆବା କପାଟି ଅଡେ ନୀ ନକିତା ନାନୁ ପାପୁ କିଡେସି, ନୀ ମୀରୁଏଣାଡେସି ଆୟାଲି ପାଡା ଆଅଁ ।” ୨୨ ସାମା ଆବା ତାନି ହଲିୟାଜାଣି ଏଲେଇରେସି, “ଅଜିତି ହିମ୍ବୁରି ତବେ ତାଗାନା ଇଞ୍ଜାଣାଇଁ ହୁଡି କିପୁ, ଇଞ୍ଜାଣି କେୟୁତା ମୁଦି ଅଡେ କତାୟାଣା ସେପୁୟାଁ ତୁରୁଝି କିପୁ, ୨୩ ଇଞ୍ଜାହାଁ ଆଜା ଆଡି କଡି ତାଲୁ ତାକା ହାଜାନା ପାୟାୟୁ; ମାରୁ ତିଞ୍ଜା ଉଣ୍ଡାନା ରାହାଁ କିନ, ୨୪ ଇଡିହୁଁ ନା ମୀରୁଏସି ହାହା ହାଜାମାରେସି, ଝେଣ୍ଡେ ନୀତାମାନେସି; ଜାଜା ହାଜାମାରେସି ଅଡେ ମେଡା ଆୟାଡେସି ।” ଏମ୍ବାଟିଏ ଏଞ୍ଜାରି ରାହାଁ କିହିମାରେରି ।

୨୫ ଏତିବେଲାତା କାଜା ମୀରୁଏସି ଗୁଡିୟାତା ମାରେସି, ଏଞ୍ଜାସି କାମା କିହାଁ ଇଲୁ ତାଗେ ଝାୟାଲିଏ, ତାନି ଇଜ ବାଜାଗାଜା ଅଡେ ରାହାଁ କିହିମାନି ହାଲି ଝେଞ୍ଜାନା, ୨୬ ର ହଲେଏଣାଇଁ ହାଟାନା ଝେରେସି, “ମାଜ ଏନାଆଁ କିହିମାନେରି ।” ୨୭ ଏଞ୍ଜାସି ଏଞ୍ଜାଣାଇଁ ଏଲେଇରେସି, “ନୀ ଉଣା ତାୟି ଝେଣ୍ଡା ଝାହାମାନେସି, ଅଡେ ଏଞ୍ଜାସି ନେହୁଁ ଆଜା ତଲେ ଝେଣ୍ଡା ଝାଟାଣି ମେସାନା ମୀ ଆବା ଆଜା ଆଡି କଡି ପାୟାମାନେସି ।”

୨୮ ଏମ୍ବାଟିଏ କାଜା ତାୟି କାରବି ଆହାନା ଇଜ ହାଲୀଆଡେସି; ସାମା ତାନି ଆବା ପାଜାତା ଝାହାନା ଏଞ୍ଜାଣାଇଁ କାହିବା କପା ଆଆନି ଇଜ ଝାୟୁ ଇଞ୍ଜୁଁ ବାତିମାଲିଡେସି । ୨୯ ଇଞ୍ଜା ଏଞ୍ଜାସି ତାନି ଆବାଇଁ ଏଲେଇରେସି, “ମେହୁମ୍ ନାନୁ ଇରର ବାସାଁ ଆଡେ ନୀ ହଲେଏଣା ଲେହେଁ କାମା କିହିମାଇଁ, ଏରେଲା ଜିକେଏ ନୀ ହୁକୁମି ଉରାହିଲଅଁ, ଆଡିଜିକେଏ ନା ତଡେସିଜା ତଲେ ବଜି କିହାଲି ନାନୁ ନାଜେ ର ଗରି ତାଲୁ ଜିକେଏ ହୀହାମାଞ୍ଜଅତି; ୩୦ ସାମା ଇ ନୀ ମୀରୁଏସି ଇଲୁତି ବାରେ ଦନ ଅହାନା ସାନେଣିସ୍ତାତଲେ ମାଞ୍ଜାନା ବାରେ ରାପୁହେସି, ଏରେତା ଇଞ୍ଜାସି ଝେଣ୍ଡାଝାଡେସି, ଏରେତା ଏଞ୍ଜାଣାକି ଆଜା ଆଡି କଡି ପାୟାମାଞ୍ଜି ।” ୩୧ ଏରେଟିଏ ତାଞ୍ଜି ଗାଗାସି ଏଲେଇରେସି, “ମୀରୁଏଣା ନୀନୁତ କାଲେଏ ନା ତଲେ ମାଞ୍ଜାମାଞ୍ଜି, ଅଡେ ଏନା ଏନାୟି ନାଡି ଏ ବାରେତ ନୀଦି; ୩୨ ସାମା ଇ ନୀ ତାୟି ହାହା ହାଜାମାରେସି, ଝେଣ୍ଡେ ନୀତାମାନେସି, ଜାଜା ହାଜାମାରେସି, ମେଡା ଆୟାଡେସି, ଏଦାଆଁତାକି ରାହାଁ କିନାୟି ମାଡେ ।”



ଲାଗେଏତି ଗୁମ୍ବୁସା

୧ ଜାମ୍ବୁ ତାନି ସୀମୁୟାଁଇଁ ଏଲେଇରେସି, “ର ଦନଗାଗାସି ମାରେସି; ଏଞ୍ଜାଣାକି ର ଗୁମ୍ବୁସା ମାରେସି, ଏଞ୍ଜାସି ତାନି ଦନତି ଆଲାରି କିହାମାନାଣି ପୁଞ୍ଜାନା, ୨ ଏଞ୍ଜାସି ଏଞ୍ଜାଣାଇଁ ହାଟାନା ଏଲେଇରେସି, ‘ନାନୁ ନୀ କାତା ଝେରେସି ନାନୁ ନୀ ଗୁମ୍ବୁସା କାମା ଏନି କିହିମାଞ୍ଜି ଲେକା ତସ୍ତାମ୍, ଇଡିହୁଁ ନାନୁ ଅଡେ ଗୁମ୍ବୁସା ଆହା ମାଞ୍ଜାଲି ଆଡଅତି ।’ ୩ ଏମ୍ବାଟିଏ ଏ ଗୁମ୍ବୁସା ଅଣପା କଡିଡେସି, ‘ନା ସାଝୁକାରି ନା ଗୁମ୍ବୁସା କାମା ପିସ୍ତପି କିହିମାଞ୍ଜାନେସି, ନାନୁ ଏନାଆଁ କିଇଁ ? ଇରୁଆ କାରୁହାଲି ନାଜେ ବପୁ ହିଲେଏ, ଅଡେ ରାସ୍ତପା ତିଞ୍ଜାଲି ଲାଜା ହଡି ମାଞ୍ଜାନେ ।’ ୪ ନୀସି ପୁଡେସି, ନାଜେ ଗୁମ୍ବୁସା ପାଣାଟି ପିସ୍ତପି କିୟାତି ତାୟୁ ଲକୁ ନାଜେ

ତାମି ଇଲୁକାଣା ଆବାନିଲେହେଁ କିଇଁ ।^୫ ଇଞ୍ଜା ଏଝାସି ତାମି ସାଞ୍ଜୁକାରି ତାଣାଟି ରୀଣା ଅହାମାଚାରାଇଁ ହାଡ଼ାନାହାଁ ତଲିତାଣାଇଁ ଝେରେସି, ‘ନା ସାଞ୍ଜୁକାରି ତାଣା ନୀ ରୀଣା ଏରେକା ମାନେ ?’^୬ ଏଝାସି ଏଲେଇରେସି, ‘ପାସାକଡ଼ି ତାବା ନିହୁଁ ଗୁମୁସ୍ତା ଏଝାଣାଇଁ ଏଲେଇରେସି, ‘ନୀନୁ ତବେ ଇମ୍ପାଆଁ କୁଗାନା ରୀ କଡ଼ି ଦସ ଇଞ୍ଜୁଁ ରାଡ଼ାମୁ ।’^୭ ତାହୁଁ ଅଡ଼େ ରଅଣାଇଁ ଝେରେସି, ‘ନୀନୁ ଏରେକା ରୀଣା ଅହାମାଞ୍ଜି ?’ ଏଝାସି ଏଲେଇରେସି, ‘ର ମାଣା ବାସ୍ତା ଗହଁୟାଁ ଗୁମୁସ୍ତା ଏଝାଣାଇଁ ଏଲେଇରେସି, ‘ନୀନୁ ତବେ ଇମ୍ପାଆଁ କୁଗାନା ଆଡ଼ା ଝାଞ୍ଜା ଇଞ୍ଜୁଁ ରାଡ଼ାମୁ ।’^୮ ଏ ଲାଗେଏତି ଗୁମୁସ୍ତା ବୁଦିତଲେ କାମା କିହାମାନାକି ସାଞ୍ଜୁକାରି ଏଝାଣାଇଁ ନୀନୁ ନେହୁଁ କାମା କିହାମାଞ୍ଜି ଇରେସି; ଏନାଆଁତାକି ଇତିହୁଁ ଉଜେଡ଼ିତି ମୀରୁକା କିହାଁ ଇ ଦାରୁଡ଼ିତାରି ତାମି କାମାତା ହାରେକା ବୁଦିଗାଟାରି ।”

^୯ ନୀନୁ ଜିକେଏ ମିଜେ ଝେସିମାଞ୍ଜାଇଁ, “ମୀରୁ ଦାରୁଡ଼ିତି ଲାଗେଏତି ଦନ ତଲେ ତଣେ ଦହୁଦୁ, ଏଡ଼ି ରାଡ଼ିସାରେ ମିଜେ କାଲ୍ଲକାଲ୍ଲାତି ବାସା ଚାନ୍ଦୁତା ମିଜେ ଆବାନେରି ।^{୧୦} ଆମ୍ପାଆସି ଉଣା କାମାତା ନାମୁଗାଟାସି ଆନେସି ଏଝାସି କାଜା କାମାତା ଜିକେଏ ନାମୁଗାଟାସି ଆନେସି, ଇଞ୍ଜା ଆମ୍ପାଆସି ଉଣା କାମାତା ନାମୁଗାଟାସି ଆଆସାରେ ଏଝାସି କାଜା କାମାତା ଜିକେଏ ନାମୁଗାଟାସି ଆସି ।^{୧୧} ଲାଗେଏତି ଦନତା ନାମୁ ଗାଟାତେରି ଆହାହିଲଅତେରି, ଆଡ଼ିହୁଁ ଆମ୍ପାଆସି ମିଜେ ନାମାହାଁ ସାତା ଦନ ମୀ କେନ୍ଦୁତା ହେରପାନେସି ?^{୧୨} ମୀରୁ ଏଟକାତାଣା ଦନତି ନାମୁତଲେ କ୍ଲେମ୍ପା ହିଲଆସାରେ ମିଜେ ମୀ ଲଡ଼ାମାନାଣି ଆମ୍ପାଆସି ହିୟାନେସି ?”

^{୧୩} * “ର ହଲେଏସି ରୀ ସାଞ୍ଜୁକାରି ତାଣା ହଲେଏସି ଆହାଲି ଆଡ଼ଅସି; ଇତିହୁଁ ରଅଣାଇଁ ଜୀଞ୍ଜୁ ନନେସି ରଅଣାଇଁ ଜୀଞ୍ଜୁ ନନେସି, ଆଆତୁଁ ରଅଣାଇଁ ମାନୁଞ୍ଜି ଆନେସି ରଅଣାଇଁ ଅପଅସି । ମୀରୁ ମାହାପୁରୁ ଅଡ଼େ ଦନତି ହଲିୟାଞ୍ଜା ଆହାଲି ଆଡ଼ଅତେରି ।”

ଜୀସୁ ଝେସ୍ତି କାତାୟାଁ

(ମାତି ୧୧:୧୨, ୧୩; ୫:୩୧, ୩୨; ମାର୍କ ୧୦:୧୧, ୧୨)

^{୧୪} ଇ ବାରେ କାତା ଝେଞ୍ଜାନା ଦନ ଜୁଦୁକା ପାରୁସିୟାଁ ଜୀସୁଇଁ କାକହେରି ।^{୧୫} ଏରେଟିଏ ଜୀସୁ ଏଝାରାଇଁ ଏଲେଇରେସି, “ଆମ୍ପାଆରି ମାଣସି ନକିତା ତୀରିଗାଟାରି ଇଞ୍ଜୁଁ ତସା କଡ଼ିମାନେରି, ମୀରୁ ଏଲେତି ଲକୁ, ସାମା ମାହାପୁରୁ ମୀ ହିୟାତି ପୁନାସି ଇତିହୁଁ ଏନାୟି ମାଣସି ଅଣ୍ଡପୁତା କାଜାୟି ଲେହେଁ ତଞ୍ଜା ଆନେ, ଏଡ଼ି ମାହାପୁରୁ ନକିତା ଅପାଆଗାଟାୟି ।”

^{୧୬} * “ମସାତି ମେଦା ଅଡ଼େ ମାହାପୁରୁ ଅଣ୍ଡପୁତି ବଲୁ ଝେହନାରି ରାଡ଼ିତି ପତି ଜହନ ପାତେକା ସାଲ୍ଲଞ୍ଜି ଆହିମାହୁ; ଏରିବେଲାଟିଏ ମାହାପୁରୁ ରାଜିତି ନେହୁଁ କାହୁଁ ଝେକହି ମାନେରି ଇଞ୍ଜା ବାରେଜାଣା ତାମି ବାଡ଼ୁୟୁ ତଲେ ମାହାପୁରୁ ରାଜିତା ହଡ଼ିମାନେରି ।^{୧୭} * ହାଗୁପାକା ଅଡ଼େ ଦାରୁଡ଼ି ବାରେ ମେଣ୍ଡ଼ିନେ ସାମା ମେମାତି ଇଚାୟି ସିନା ଜିକେଏ ମେଣ୍ଡ଼ିଜେଏ ।”

^{୧୮} * “ଆମ୍ପାଆସି ତାନି ତକ୍ତିନି ପିସାନା ଏଟକାତାଣି ବୀହା ଆନେସି, ଏଝାସି ଦାରି କିନେସି; ଇଞ୍ଜା ଆମ୍ପାଆସି ପିସି ତକ୍ତିନି ବୀହା ଆନେସି, ଏଝାସି ଦାରେଲା ଆନେସି ।”

ଦନ ଗାଟାସି ଅଡ଼େ ଲାଜର

^{୧୯} “ର ଦନ ଗାଟାସି ମାରେସି, ଏଝାସି ହାରେକା ଅଜିତି ହିମ୍ପାରିଦୁକି ହୁତାନା ନେହୁଁ ରାନ୍ଦା ତିଞ୍ଜିହୁଁ ହାରେକା ରାହାଁତଲେ ଡ଼ୟିମାରେସି ।^{୨୦} ସାମା ଏଝାଣି ଦୁଝେରି ଦାରିତା ଲାଜର ଦରୁଗାଟି ରାସପା ତିନାସି ଡ଼ୟିମାରେସି,^{୨୧} ଗୁଡ଼ା ଆଞ୍ଜା ଗାହାଁୟାଁ ଆହାମାରେସି; ଏ ଦନ ଗାଟାଣି ଜୁଟା ଲିତା ତିଞ୍ଜାନା ତାନି ବାଣ୍ଡି ପାଞ୍ଜିକିହାଲି ଆସା କିହାମାରେସି; ଇଞ୍ଜା ନେସକା ଝାହି ତାନି ଗାହାଁୟାଁ ନାକିମାହୁ ।^{୨୨} ର ଦିନା କାର୍ମାଗାଟି ଲାଜର ହାହାହାରେସି ଇଞ୍ଜା ଲାକପୁରୁତି ଦୁଡ଼ୁୟାଁ ତଲେ ଅବ୍ରାହାମ ମାରିତାଣା ଅଞ୍ଜିଆଡ଼େସି; ତାହୁଁ ଏ ଦନ ଗାଟାସି ଜିକେଏ ହାହାହାରେସି ଇଞ୍ଜା ମାହାଣି ମାଣ୍ଡାତା ମୁସ୍ତି ଆଡ଼େସି,^{୨୩} ଅଡ଼େ ଏଝାସି ହାଡ଼ାରି ମାନି ରାଜିତି କସ୍ତତଲେ କିଲିବିଲି ଆହୁଁ ଲାକ ସିନିକିହାଲିଏ ହେକଟି ଅବ୍ରାହାମ ଅଡ଼େ ତାନିତଲେ ଲାଜରଇଁ ମେସ୍ତେସି ।^{୨୪} ଏରେଟିଏ ଏଝାସି ହାଡ଼ିତେସି, ‘ଏ ଆବା ଅବ୍ରାହାମ, ନାଜେ କାର୍ମା ଅଣ୍ଡପାନା ଲାଜରଇଁ ନା ତାଣା ପାଣ୍ଡାମୁ, ଏଝାସି ତାନି ଝାଞ୍ଜୁତା ଏନ୍ଦୁ ବନ୍ଦା ତାଚାନା ନା ଝେନ୍ଦରିତି ହିଡ଼ି କିୟାପେସି, ଇତିହୁଁ ନୀନୁ ଇ ହିଡ଼ୁତା କିଲିବିଲି ଆହିମାଇଁ ।’^{୨୫} ସାମା ଅବ୍ରାହାମ ଏଲେଇରେସି, ‘ମୀରୁଏଣା ନୀନୁ ନୀତାମାଟି ବେଲାତା ନୀ ନେହାଁଣି ବେଟାଆଡ଼ି, ଇଞ୍ଜା ଲାଜର ଏଲେକିହୁଁ ଏ ପଲ୍ଲଆ ଗାଟାଣି ବେଟାଆଡ଼େସି, ଇଦାଆଁ

* ୧୬:୧୩ ୧୬:୧୩ ମାତି ୬:୨୪ * ୧୬:୧୬ ୧୬:୧୭ ମାତି ୧୧:୧୨, ୧୩ * ୧୬:୧୭ ୧୬:୧୭ ମାତି ୫:୧୮ * ୧୬:୧୮ ୧୬:୧୮ ମାତି ୫:୩୨; ୧କର ୭:୧୦, ୧୧

ଅଣପାମ୍ବୁ: ସାମା ନୀର୍ବ୍ୟ ଏଝାସି ଇମ୍ବାଆଁ ସୁକୁ ବେଟାଆହି ମାନେସି, ଅଡ଼େ ନୀନୁ କିଲିବିଲି ଆହିମାଞ୍ଜି ।^{୨୭} ଅଡ଼େ ର କାତା ମୀ ମାଦି ମା ମାଦି ର କାଜା ଗାଡ଼ୁୟୁ ମାନେ, ଆମ୍ବାଆରି ଈ ଚାୟୁଟି ମୀ ତାଣା ହାଜାଲି ମନ କିନେରି, ଏଝାରି ହାଜାଲି ଆଡ଼ଅରି ଆଆଡ଼ ଏ ଚାୟୁଟି ଈ ଚାୟୁତା ଗାଣ୍ଡାଚାନା ଝାୟାଲି ଆଡ଼ଅରି ।^{୨୮} ଏମ୍ବାଟିଏ ଦନ ଗାଟାସି ଏଲେଇଚେସି, ଏ ଆବା, ଆତିହ୍ ନାନୁ ନିଜେ ବାଟିମାଲିମାଞ୍ଜାଇ, ଲାଜରଇଁ ମୀ ଆବା ଇଜ ପାଣ୍ଡାମ୍ବୁ,^{୨୯} ଇତିହ୍ ନା ପାସାଜାଣା ତାୟିୟା ମାନେରି; ଏଝାରି ଜିକେଏ ଏନିକ୍ ଈ କସ୍ତାଗାଟି ଚାୟୁତା ଝାଅରି, ଏଦାଆଁତାକି ଏଝାସି ଏଝାରିତାଣା ସାକି ହାନେସି ।^{୩୦} ସାମା ଅଗ୍ରାହାମ ଏଲେଇଚେସି, ଏଝାରିତାଣା ମସା ଅଡ଼େ ମାହାପୁରୁ ଅଣପୁତି ବଲୁ ଝେହ୍ନନାରି ପତିୟାଁ ମାନୁ, ଏଝାରି ଏ କାତାଟି ଝେଣ୍ଡାମ୍ବୁରି ।^{୩୧} ଏମ୍ବାଟିଏ ଦନ ଗାଟାସି ଏଲେଇଚେସି, ଏ ଆବା ଅଗ୍ରାହାମ, ଏଚେକେଏ ସାରି ଆଏ, ସାମା ହାଡ଼ାରି ବିତ୍ରାଟି ରଅସି ଏଝାରିତାଣା ହାନେସି ଆତିହ୍ ଏଝାରି ମନ ଝେବ୍ନେରି ।^{୩୨} ସାମା ଅଗ୍ରାହାମ ଏଲେଇଚେସି, ଏଝାରି ମସା ଅଡ଼େ ମାହାପୁରୁ ଅଣପୁତି ବଲୁ ଝେହ୍ନନାରି କାତା ଝେନଅରି, ଆତିହ୍ ହାଡ଼ାରି ବିତ୍ରାଟି ଝେଣ୍ଡେ ନିଜିତ୍ ଜିକେଏ ଏଝାଣି କାତା ନାମଅରି ।”

୧୭

ପାପୁ

(ମାତି ୧୮:୭,୭,୨୧,୨୨; ମାର୍କ ୯:୪୭)

^୧ ଜୀସୁ ତାନି ସୀସୁୟାଈ ଏଲେଇଚେସି, “ଏମିନି ତାୟିପାରି କିନି ତାଣାଟି ଲକୁ ପାପୁତା ହେବ୍ନେରି, ଏ ବାରେ ପିଟିଆଏ, ସାମା ତାୟିପାରି କିଞ୍ଜି କିନାସି ଆୟତା ଏଝାସି ଗାତି ତଣ୍ଡେ ବେଟାଆଚେସି; ^୨ ଉଣା କକାରି ବିତ୍ରାଟି ରଅଣାଇଁ ତାୟିପାରି କିନିବାଟା ତାନି ହେବ୍ନକିତା କାଜା ଜେତାଝାଲି ଦସାନା ସାମଦୁରିତା ମେଡ଼ହିହ୍ ଏଝାଣାକି ନେହେଁ ଆଡ଼େମା ।

^୩ ନୀନୁ ମୀ ତାକି ଜାଗ୍ରାତା ଆହାମାଞ୍ଜି ।” “ନୀ ତାୟି ପାପୁ କିନେସି, ଆତିହ୍ ଏଝାଣାଇଁ ଲାଗାମ୍ବୁ; ଏଝାସି ନାନୁ ପାପୁ କିଚେଏ ଇଞ୍ଜି ମନ ଝେବ୍ନହିହ୍, ଏଝାଣି ପାପୁ ମ୍ଲେକହା ତୁହ୍ମୁ । ^୪ ଅଡ଼େ ଏଝାସି ସାତା ପାଲି ନୀ କପାଟି ପାପୁ କିନେସି ଅଡ଼େ ସାତା ପାଲି ନୀ ତାଣା ଝେଣ୍ଡା ଝାହାନା ନାନୁ ମନ ଝେବ୍ନହିମାଈ ଇଞ୍ଜି ଇଞ୍ଜାନେସି ଆତିହ୍ ଏଝାଣି ପାପୁ ମ୍ଲେକହା ତୁହ୍ମୁ ।”

ନାମ୍ବୁ

^୫ ଏଚେଟିଏ ପାଣ୍ଡୁଆହାମାନାରି ପ୍ରବୁଇଁ ଏଲେଇଚେରି, “ମା ନାମୁତି ପାତି କିୟାମ୍ବୁ ।”

^୬ ପ୍ରବୁ ଏଲେଇଚେସି, “ର ହାସ୍ତୁ ପାଡ଼େୟି ଏଚେକା ମୀ ନାମ୍ବୁ ମାଟିହ୍ ମା, ଈ ତୁତୁକଲି ମାରୁନୁତି ହୀରୁତଲେ ମେଗାହାଜାନା ସାମଦୁରିତା ଉହି ଆମ୍ବୁ ଇତିହ୍ ଏଦି ମୀ କାତା ମାନୁଡ଼ି ଆନେ ।”

ର ହଲେଏସି କିନି କାମା

^୭ “ସାମା ମୀ ବିତ୍ରାଟି ଇଲେତାସି ଆମ୍ବାଆସି ମାନେସି, ତାନି ହଲେଏସି ହେରୁ ତହ୍ନାନା କି କଡ଼ିୟାଁ ମେଚାନା ଝାଡ଼ିସାରେ ଏଝାସି ଏଝାଣାଇଁ ଜୁରୁୟାଁ ଗହ୍ମୁଦେଁ ଇନେସି ? ^୮ ନାଜେ ତିଞ୍ଜାଲି ହିୟାମ୍ବୁ, ନାନୁ ତିଞ୍ଜାଲି ଆଡ଼ାଆ ପାଚେକା ଚେତେଲି ହିମ୍ବୁରି ରୁପାନା ନା ସେବା କିୟାମ୍ବୁ, ଇଞ୍ଜି ତାୟୁ ନୀନୁ ତିନାମ୍ବୁ ଇଞ୍ଜି ଏଝାଣାଇଁ ଏଲେଇନଅସି ? ^୯ ର ହଲେଏସି ସାଞ୍ଜୁକାରି କାତା ମାନୁଡ଼ି ଆହାନା କାମା କିନାକି ଏଝାଣାଇଁ ଜହରା କିନେସିକି ? ^{୧୦} ଏଲେକିହ୍ ଏ ମୀରୁ ଜିକେଏ ହୁକୁମି ତଲେ କାମା କିତି ତାୟୁ ମାମ୍ବୁ ପାତା ଆଆ ହଲିୟାଜାତମି; ଏନାୟି ମାମ୍ବୁ ଜିନାୟି ମାଚେ ଏଦାଆଁ କିହାମାନମି ଇଞ୍ଜେରି ।”

ଜୀସୁ ଦସଜାଣା କାଜା ରଗ ଗାଟାରାଇଁ ନେହ୍ କିନାୟି

^{୧୧} ଜୀସୁ ଜିରୁସାଲମତା ହାଜିମାଟାଟି ଗାଲିଲି ଅଡ଼େ ସମିରଣି ଦେସା ମାଦିଟି ହାଜିମାଚେସି ।

^{୧୨} ଏମ୍ବାଟିଏ ଏଝାସି ର ନାୟୁତା ଏଗାହାଜାଲିଏ ଦସଜାଣା କାଜା ରଗ ଗାଟାରି ଏଝାଣାଇଁ ବେଟାଆଚେରି;

^{୧୩} ଏଝାରି ହେକ ନିଚାନା କାଜା ଗିୟାଁତଲେ ଏଲେଇଚେରି, “ଏ ଜୀସୁ ଗୁରୁ ମାଜେ କାର୍ମା ମେସ୍ତାମ୍ବୁ !”

^{୧୪} ଜୀସୁ ଏଝାରାଇଁ ମେସାନା ଏଲେଇଚେସି, “ମୀରୁ ହାଜାନା ପୁଡ଼େରାଜା ତାଣା ତଞ୍ଜା ଆକାଦୁ ।” ଅଡ଼େ ଏଝାରି ହାଜି ହାଜିହ୍ ନେହ୍ ଆଡ଼େରି । ^{୧୫} ସାମା ଏଝାରି ବିତ୍ରାଟି ରଅସି ତାନୁ ନେହ୍ ଆଡ଼ାଣି ମେସାନା କାଜା ଗିୟାଁତଲେ ମାହାପୁରୁତି ଜହରା କିହ୍ କିହ୍ ଝେଣ୍ଡା ଝାହାନା, ^{୧୬} ଜୀସୁତି କତାୟାଁ ତୁଇ ମୁକୁ କୁତାନା ଜହରା କିଚେସି; ଏଝାସି ସମିରଣି ଲକୁ ମାଚେସି । ^{୧୭} ଏଚେଟିଏ ଜୀସୁ ଏଲେଇଚେସି,

* ୧୭:୩ ୧୭:୩ ମାତି ୧୮:୧୫

“ଦୟାକାଣୀ ନେହୁଁ ଆପାତେରିକି ? ଅତେ ନ ଜାଣା ଏମ୍ବିୟା ମାନେରି ? ୧୮ ମାହାପୁରୁଇଁ ଜହରା କିହାଲି
ଇ ଜାହୁଦିଆଆତି ଲକୁ ପିସ୍ତପେ ଆମ୍ବାଆସି ଖେଣ୍ଡା ଖାଆତେସି ?” ୧୯ ଇଞ୍ଜା ଜୀସୁ ଏଝାଣାଇଁ ଏଲେଇଚେସି,
“ନିଜ୍ଞାନା ହାଲାମୁ ନୀ ନାମୁ ନିଜେ ନେହୁଁ କିହାମାଞ୍ଜାନେ ।”

ମାହାପୁରୁ ରାଜି ଖାନାୟି
(ମାତି ୨୪:୨୩-୨୮, ୩୭-୪୧)

୨୦ ମାହାପୁରୁତି ରାଜି ଏରେଲା ଖାହିମାନେ, ଇ କାତା ପାରୁସିୟାଁ ଖେଞ୍ଜାଲିଏ ଏଝାସି ଏଝାରାଇଁ
ଏଲେଇଚେସି, “ମାହାପୁରୁତି ରାଜି ତଞ୍ଜା ଆହୁଁ ଖାଏ; ୨୧ ଇମ୍ବାଆଁ ମାନେକି ଏମ୍ବାଆଁ ମାନେ ଇଞ୍ଜୁଁ ଲକୁ
ଝେସ୍ତଅରି; ଇତିହୁଁ ମାହାପୁରୁତି ରାଜି ମୀ ବିତ୍ତେଏ ମାନେ ।”

୨୨ ଇଞ୍ଜା ଜୀସୁ ତାନି ସୀସୁୟାଁଇଁ ଏଲେଇଚେସି, “ଇଲେତି ବେଲା ଖାନ୍ତେ, ଏତିବେଲା ମାଣସି
ମୀରୁଏଣାତି ର ଦିନା ମେସାଲି ମନ କିତିହୁଁ ଜିକେଏ ମେହୁଅତେରି । ୨୩ ଏତିବେଲା ଲକୁ ମିଜେ
ଝେସ୍ତାନେରି, ଏଝାସି ଇମ୍ବାଆଁ ମାନେସି ଏମ୍ବାଆଁ ମାନେସି: ସାମା ଏଝାରି କାତା ଆହୁଆଦୁ କି ଏଝାରିତଲେ
ତାକାଆଦୁ । ୨୪ ଏନିଇତିହୁଁ ହାଗୁ ମୁହନାଟି ର କନତି ଅର କନଝାକି ଉଜେଡ଼ି ଆନେ, ଏଲେକିହୁଁ ଏ
ମାଣସି ମୀରୁଏଣା ଦିନାତା ଆନେ । ୨୫ ସାମା ଏଝାସି ଗାତି କସ୍ତ ପାଣ୍ଡନାୟି ମାନେ, ଇଞ୍ଜା ଇ କାଲାତି
ଲକୁ ଏଝାଣାଇଁ ଅପଅରି । ୨୬ ଅତେ ନହୁ ବେଲାତା ଏନିକିଁ ଆହାମାତେ, ମାଣସି ମୀରୁଏସି ଖାନ୍ତି ଦିନାତା
ଜିକେଏ ଏଲେକିହୁଁ ଏ ଆନେ; ୨୭ ନହୁ ଜାଜାତା ହତୁନି ଦିନା ପାତେକା ଲକୁ ତିଞ୍ଜି ଉଣ୍ଡିହୁଁ ବାହା କିୟାଲି
ବାହା ହିୟାଲି ହେରାମାତେରି, ଏତିବେଲା କାଜା ପିୟୁ ଖାତେ ଇଞ୍ଜା ବାରେତି କୁପହାତୁସ୍ତେ । ୨୮ ଲଟ
ବେଲାତା ଜିକେଏ ଏଲେଏ ଆତେ, ଲକୁ ତିଞ୍ଜି ଉଣ୍ଡି ମାତେରି, କତି ମାତେରି, ପାରୁତି ମାତେରି, ମାରୁକା
ଉହ ମାତେରି ଅତେ ଇଲକା କିହାଲି ହେରାମାତେରି, ୨୯ ସାମା ଲଟ ସଦମ ଗାଡ଼ାଟି ହଡ଼ା ହାଲୁଞ୍ଜିନିଏ,
ଲାକପୁରୁଟି ହିତୁ ଅତେ ଗାନ୍ଧାଗୁଣ୍ଡା ଖାହାନା ବାରେତି ନାସା କିତେ । ୩୦ ମାଣସି ମୀରୁଏସି ଖାନ୍ତି ଦିନାତା
ଜିକେଏ ଏଲେଆହୁଁ ଏ ଆନେ ।”

୩୧ *ଏ ଦିନା ଆମ୍ବାଆସି ଇଲୁ ଲାକ ମାନେସି, ଏଝାସି ଇଲୁ ବିତ୍ତାମାନି ତାନି ଆସି ଅହାଲି ରେତା
ଖାଆପେସି; ଏଲେକିହୁଁ ଏ ଆମ୍ବାଆସି ନେଝଏଲାତା ମାନାସି ଇଜ ଖେଣ୍ଡା ଖାଆପେସି । ୩୨ ଲଟ ତକ୍ରିନି
କାତା ଅଣପାଦୁ ! ୩୩ *ଆମ୍ବାଆସି ତାନି ଜୀଝୁତି ନୀଟହାଲି ମନ କିନାସି, ଏଝାସି ନାସା ଆନେସି, ଅତେ
ଆମ୍ବାଆସି ତାନି ଜୀଝୁତି ଆସା କିଆଗାଟାସି ଏଝାସି ନୀତିନେସି । ୩୪ ନାନୁ ମିଜେ ଝେସିମାଞ୍ଜାଇଁ, ଏ ଲାଆୟାଁ
ରିଆରି କାଟେଲିତା ତୁରା ତୁୟିନେରି, ରଅସି ଅଝିଆନେସି ଅତେ ରଅସି ଏମ୍ବାଆଁ ତୁୟିନେସି । ୩୫ ରା
ଇୟାସିକା ରଣିଏ ତାଣା ନୁୟିଁ ମାନୁ, ରଣି ଅଝିଆନେ ରଣି ଏମ୍ବାଆଁ ତୁୟିନେ । ୩୬ ରିଆରି ନେଝଏଲାତା
ମାନେରି, ରଅସି ଅଝିଆନେସି, ରଅସି ଏମ୍ବାଆଁ ତୁୟିନେସି ।”

୩୭ ଏଚେଟିଏ ସୀସୁୟାଁ ଏଲେଇଚେରି, “ଏ ପ୍ରବୁ ଏମ୍ବିୟା ?” ଜୀସୁ ଏଲେଇଚେସି, “ମାଡ଼ହା ଏମ୍ବିୟାମାନେ
ଏମ୍ବାଆଁ ରାମ୍ବାଣାୟାଁ ରୁଣ୍ଡା ଆନୁ ।”

୧୮

ରାଣ୍ଡେଣି ଇୟାନି ନାହାୟି

୧ ଖାହାଆନା ଅଲେ ଅଲେ ପ୍ରାତାନା କିନାୟିମାନେ, ଇ କାତାତି ଜୀସୁ ସୀସୁୟାଁଇଁ ପୁଣ୍ଡିକିନି କାତାତଲେ
ଝେସ୍ତେସି ୨ “ର ଗାଡ଼ାତା ର ନାହାୟି କିନାସି ମାତେସି, ଏଝାସି ମାହାପୁରୁଇଁ ଆଜି ହିଲାଆତେସି କି
ମାଣସିୟାଁଇଁ ଜିକେଏ ଅଣପି ହିଲାଆତେସି । ୩ ଏ ଗାଡ଼ାତା ର ରାଣ୍ଡେଣି ମାତେ, ଏଡି ନାହାୟି କିନାସି ତାଣା
ଅଲେ ଅଲେ ହାଜିହୁଁ ନାନୁ ନେହୁଁ ନାହାୟି କିହୁଁ ନା କପାଟି ନିଜ୍ଞମାଞ୍ଜାନାଣା ତାଣାଟି ଗେଲୁପାମୁ
ଇଞ୍ଜୁଁ ବାତିମାଲିମାତେ । ୪ ଅତେ ଏଝାସି ଏଦାନି କାତା ଖେଞ୍ଜି ହିଲାଆତେସି; ତାୟୁ ଏଝାସି ମନ ମନତା
ଅଣପିତେସି, ନାନୁ ମାହାପୁରୁଇଁ ଆଜିହିଲଅଁ କି ମାଣସିଇଁ ଅଣପି ହିଲଅଁ, ୫ ଆଡ଼ିଜିକେଏ ଇ ରାଣ୍ଡେଣି
ନାଜେ କସ୍ତ ହାହିମାଞ୍ଜାନାକି ନାନୁ ତାନି କପାଟି ନିଜ୍ଞମାନି ନାହାୟି ଡିକହାତୁହୁଇଁ, ଆଆତୁଁ ଏଡି ନାଜେ
ବାରେବେଲା ଗିଜିଗିଜା କିହେମାଞ୍ଜାନେ ।”

୬ ଏମ୍ବାଟିଏ ପ୍ରବୁ ଏଲେଇଚେସି, “ଇ ଲାଗେଏତି ନାହାୟି କିନାସି କାତା ଅଣପାଦୁ । ୭ ଆତିହୁଁ
ମାହାପୁରୁ ଆଡ଼ିତି ଲକୁ ଲାଆଁ ମାଦେନା ଏଝାଣାଇଁ ହାଟିହୁଁ ତୁୟିନେରି, ଏଝାସି କି ଏଝାରି ନାହାୟି
କିଅସି ? ଆଡ଼ିଜିକେଏ ଏଝାସି ଏଝାରି ସାତୁୟାଁକି ହାରେକା ଅରହିନାସି ଆନେସି କି ? ୮ ନାନୁ ମିଜେ

* ୧୭:୩୧ ୧୭:୩୧ ମାତି ୨୪:୧୭,୧୮; ମାର୍କ ୧୩:୧୫,୧୭ * ୧୭:୩୩ ୧୭:୩୩ ମାତି ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ଜହ
୧୭:୨୫

ଝେସିମାଞ୍ଜାଇଁ, ଏଝାସି ତବେ ଏଝାରି ତାକି କିଝି ଆହାମାନି ପଲୁଆ କାମାତି ନୀହାଁୟି କିନେସି, ଆଡ଼ିକିକେଏ ମାଣସି ମାର୍ତ୍ତସି ଦାତ୍ତତା ଝାହାନା ନାମୁତି ମେହନେସିକି ?”

ପାରୁସି ଅଡ଼େ ସିସ୍ତୁ ରୁାହନାଣି ପୁଣ୍ଠିକିନି କାତା

୯ ତାମୁଜେ ତୀରିଗାଟାତମି ଇଞ୍ଜି ଅଣ୍ଟାପାନା ଏଟକା ତାରାଇଁ ହାଣି କିନି ଲକୁଣି ଜୀସୁ ଇ ପୁଣ୍ଠିକିନି କାତା ଝେସ୍ତେସି, ୧୦ ରିଆରି ପ୍ରାଡାନା କିହାଲି ର ପ୍ରାଡାନା ଇଲୁତା ହାରେରି, ରଅସି ପାରୁସି ଅଡ଼େ ରଅସି ସିସ୍ତୁ ରୁାହନାସି । ୧୧ ପାରୁସି ନିଚାନା ଇଲେକିହୁଁ ପ୍ରାଡାନା କିତେସି, “ଏ ମାହାପୁରୁ ନାନୁ ନିଜେ ଜହରା କିହିମାଞ୍ଜାଇଁ, ନାନୁ ଏଟକା ଲକୁ ଲେହେଁ ଦାମୁଁ ହିଲୁଆ ଗାଟାତେସି ଆଏ, ସରୁ, ଦାରି ଗାଟାତେସି ଆଏ କି ଇ ସିସ୍ତୁ ରୁାହନାଣି ଲେହେଁ ଜିକେଏ ଆଏ; ୧୨ ନାନୁ ଝାଠା ତାକି ରୀ ଦେବା ଉପାସା କିହିମାଇଁ, ଅଡ଼େ ନାନୁ ବେଟାଆହି ମାନାଣି ବାରେ ଦସ ବାଗାଟି ର ବାଗା ହାହିମାଇଁ ।” ୧୩ ସାମା ସିସ୍ତୁ ରୁାହନାସି ହେକ ନିଚାନା ତାନି କାନୁ ଲାକପୁରୁ ଝାକି ଜିକେଏ ପେରୁହାଁ ସିନିକିହାଲି ସାସା କିଆତେସି, ସାମା ତାନି ବକତା ଝେଟା କତାନା ଏଲେଇରେସି, “ଏ ମାହାପୁରୁ ନାନୁ ପାପୁ ଗାଟାତେସି ନାଜେ କାର୍ମା ମେସ୍ତାମୁ ।” ୧୪* “ନାନୁ ନିଜେ ଝେସିମାଞ୍ଜାଇଁ, ଏଝାସି ଆଏ ସାମା ସିସ୍ତୁ ରୁାହନାସି ତୀରିଗାଟାସି ଆହାନା ତାନି ଇଜ ହାରେସି; ଏନିଇଚିହୁଁ ଆମ୍ବାଆସି ନାନୁ କାଜାତେସି ଇଞ୍ଜା କତିନେସି, ଏଝାଣାଇଁ ଉଣା କିଝିଆନେ, ସାମା ଆମ୍ବାଆସି ନାନୁ ଉଣାତେସି ଇନେସି, ଏଝାଣାଇଁ କାଜାସି କିଝିଆନେ ।”

ଜୀସୁ ଉଣା ପଦି ପଦାୟାଣି ବର ହାନାୟି

(ମାତି ୧୯:୧୩-୧୫; ମାର୍କ ୧୦:୧୩-୧୬)

୧୫ ଏଝାସି ଏନିକି କକାରି ପଦାଣି ତୀରିନେସି, ଏଦାଆଁତାକି ଲକୁ ଏଝାଣାଇଁ ଜୀସୁ ତାଣା ତାଗାଲି ମାଟ୍ତହେରି; ସାମା ସୀସୁୟାଁ ଏଦାଆଁ ମେସାନା ଏଝାଣାଇଁ ଦାକା ହୀତେରି । ୧୬ ସାମା ଜୀସୁ କକାରି ପଦାଣି ତାଗେ ହାଟାନା ଏଲେଇରେସି, “କକାରି ପଦାଣି ନା ତାଗେ ଝାହାଲି ହୀଦୁ, ଏଝାଣାଇଁ କାହିକିଆଦୁ; ଏନିଇଚିହୁଁ ମାହାପୁରୁତି ରାଜି ଇଲେତାରାଝାୟି । ୧୭ ନାନୁ ନିଜେ ସାତା ଝେସିମାଞ୍ଜାଇଁ, ଆମ୍ବାଆସି ଉଣା କକାରି ପଦାୟାଁ ଲେହେଁ ମାହାପୁରୁ ରାଜି ଆହୁସି ଏଝାସି ଏନିକି ଜିକେଏ ଏଦାଆଁ ହଡ଼ାଲି ଆଡ଼ଅସି ।”

ର ଦନ ଗାଟାସି

(ମାତି ୧୯:୧୬-୩୦; ମାର୍କ ୧୦:୧୭-୩୧)

୧୮ ଜୀହୁଦି ଲକୁ ବିତ୍ରାଟି କାଜାସି ଜୀସୁଇଁ ଝେରେସି, “ଏ ନେହୁଁ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ ?”

୧୯ ଜୀସୁ ଏଝାଣାଇଁ ଏଲେଇରେସି, “ନାଜେ ନେହାଁତି ଇଞ୍ଜି ଏନାଆଁତାକି ଏଲେଇଞ୍ଜିମାଞ୍ଜି ? ଇଚିହୁଁ ମାହାପୁରୁ ରଅସିଏ ନେହାଁସି ମାନେସି ଏଝାଣି ପିସପେ ଆମ୍ବାଆସି ନେହାଁସି ହିଲଅସି । ୨୦ ହୁକୁମିକା ପୁଞ୍ଜାମାଞ୍ଜି, ‘ଦାରି କିଆନି, ଲକୁଣି ପାୟାଆନି, ସରୁ କିଆନି, ମିଚିସାକି ହୀଆନି, ତାଲି ତାଞ୍ଜି କାତା ମାନି କିମୁ ।”

୨୧ ଦନଗାଟାସି ଏଲେଇରେସି, “ନାନୁ ଇ ବାରେ ଉଣାଝେଡ଼ାଟିଏ କିହିମାଇଁ ।”

୨୨ ଜୀସୁ ଇ କାତା ଝେଞ୍ଜାନା ଏଝାଣାଇଁ ଏଲେଇରେସି, “ନାନୁ ର କାମା କିନାୟିମାନେ; ନୀନୁ ନୀ ତାଣା ମାନି ବାରେ ଦନବିତି ପାରୁଚାନାହାଁ ହିଲୁଆ ଗାଟାଟାକି ଦାନା ହୀମୁ, ଇଞ୍ଜା ତାହୁଁ ନୀନୁ ଲାକପୁରୁତା ଦନ ବେଟାଆଦି; ଏଚେଟିଏ ନା ଜ୍ଞେଟ ଜ୍ଞେଟ ଝାମୁ ।” ୨୩ ସାମା ଏଝାସି ଇ ବାରେ କାତା ଝେଞ୍ଜାନା ହାରେକା ଦୁକୁ ଆଡ଼େସି, ଇଚିହୁଁ ଏଝାସି ବାଡ଼କୁ ଗାଟାସି ମାରେସି ।

୨୪ ଏଚେଟିଏ ଜୀସୁ ଏଝାଣାଇଁ ମେସାନା ଏଲେଇରେସି, “ଆମ୍ବାଆରି ଦନ ମାନେ, ଏଝାରି ହାଡ଼େକା କସ୍ତଳେ ମାହାପୁରୁତି ରାଜିତା ହଡ଼ନେରି ! ୨୫ ଇଚିହୁଁ ମାହାପୁରୁତି ରାଜିତା ଦନଗାଟାସି ହଡ଼ନି କିହାଁ ଉଡ଼ୁ ସୁଜା କାଣିଟି ହଡ଼ହାନାୟି ଉସାସା ।”

୨୬ ଏ କାତା ଝେଞ୍ଜିମାଟାରି ଏଲେଇରେରି, “ଆତିହୁଁ ଆମ୍ବାଆସି ଗେଲ୍ପି ଆହାଲି ଆଡ଼ିନେସି ?”

୨୭ ଜୀସୁ ଏଲେଇରେସି, “ଏନାଆଁ ଲକୁ କିୟାଲି ଆଡ଼ାଆଗାଟାଣି ମାହାପୁରୁ କିହାଲି ଆଡ଼ିମାନେସି ।”

୨୮ ଏଡ଼େତା ପିତର ଜୀସୁଇଁ ଝେରେସି, “ମେହମୁ ମାମୁ ବାରେ ପିସାନା ନୀ ଜ୍ଞେଟ ଝାହିମାନି ।”

* ୧୮:୧୪ ୧୮:୧୫ ମାତି ୨୩:୧୨; ଲୁକ ୧୪:୧୧

୨୯ ଜୀସୁ ଏଝାରାଇଁ ଖେସ୍ତେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମିନି ଗାଟାରି ମାହାପୁରୁ ରାଜିତାକି ଇଲୁକାଣ୍ଡା, ତକ୍ରିନି, ତାୟି, ତାଲି ତାଞ୍ଜି, ଅଡ଼େ ମୀରକା ମାୟକାଣି ପିସାମାନେରି, ୩୦ ଏଝାରି ଇ ଜୁଗୁତା ହାରେକା ଆଗାଡ଼ା ବେଟାଆହାନା, ଝାନ୍ତି ଜୁଗୁତା କାଲାକାଲାତି ଜୀସୁ ବେଟା ଆନେସି ।”

ଜୀସୁ ତାନି ଦେବା ତାନି ହାକିତି ଝେହ୍ନାୟି

(ମାତି ୨୦:୧୭-୧୯; ମାର୍କ ୧୦:୩୨-୩୪)

୩୯ ଜୀସୁ ତାନି ବାରଜାଣା ସୀୟୁୟାଁଇଁ ହାଟାନା ଝେସ୍ତେସି, “ମେହ୍ନୁ ମାରୁ ଜିରୁସାଲମତା ହାଜିମାନାୟି, ଏମ୍ବାଆଁ ମାଣସି ମୀରଏଣି ତାକି ମାହାପୁରୁ ଅଣପୁତି ବଲୁ ଝେହ୍ନାରି ଏନା ଏନାଆଁ ରାଟାମାନେରି, ଏ ବାରେ ମାଣସି ମୀରଏଣା ତାଣା ସାତା ଆନେ; ୩୨ ଇତିହୁଁ ଏଝାଣାଇଁ ଏଟକା କୁଡ଼ାତାରି କେହ୍ନୁତା ହେର୍ପିଆନେସି, ଇଞ୍ଜାଁ ଏଝାରି ଏଝାଣାଇଁ କାକନେରି, ଏଝାଣାଇଁ ହାଣି କିହାନା ହୁପିନେରି, ୩୩ ଏଝାଣାଇଁ ସାଟୁଣି ଡିରିତଲେ ଝେଟାନା ପାୟିନେରି, ଇଞ୍ଜାଁ ତାନି ଦିନାଟିଏ ନିଙ୍ଗିନେସି ।”

୩୪ ସାମା ସୀୟୁୟାଁ ଇ ବାରେ କାତା ପୁଞ୍ଜାଲି ଆଡ଼ାଆଡେରି; ଇ କାତା ଏଝାରିତାଣା ଡ଼ଗୁନା ମାଟେ, ଏନାଆଁ ଝେସ୍ତେସି ଆହିମାଟେ ଏ ବାରେ ପୁଞ୍ଜିହିଲାଆଡେରି ।

ରାସପାତିନି କାଣାଇଁ ଜୀସୁ ନେହୁଁକିନାୟି

(ମାତି ୨୦:୨୪-୩୪; ମାର୍କ ୧୦:୪୭-୫୨)

୩୫ ଜୀସୁ ଜିରିହ ଗାଡ଼ାତା ଏଜିମାଟାଟି ର କାଣା ଜିରୁତା କୁଗାନା ରାସପିମାଟେସି । ୩୬ ଏଝାସି ଲକ୍ଷୁତି ହାଜିମାନି ହାଡ଼ା ଝେଞ୍ଜାନା, “ଇଦି ଏନାୟି ଆହିମାନେ ଇଞ୍ଜାଁ ଝେରେସି ।” ୩୭ “ନାଜିରିତତି ଜୀସୁ ଇମ୍ବାଟି ହାଜିମାନେସି” ଇଞ୍ଜାଁ ଝେସ୍ତେରି ।

୩୮ ଏଚେଟିଏ କାଣା କାଜା ଗିୟାଁତଲେ ଏଲେଇଞ୍ଜି ଇଚେସି, “ଏ ଜୀସୁ ଦାସୁଦ ମୀରଏଣାତି ନାଙ୍ଗେ କାର୍ମା ମେସ୍ତାମୁ ।”

୩୯ ସାମା ନକିତା ହାଜିମାଟାରି ଏଝାଣାଇଁ ପାଲେଏ ମାଞ୍ଜାଲି ଦାକା ହୀଡେରି, ସାମା ଏଝାସି ଅଡ଼େ କାଜା ଗିୟାଁତଲେ ଏଲେଇଚେସି, “ଏ ଜୀସୁ ଦାସୁଦ ମୀରଏଣାତି ନାଙ୍ଗେ କାର୍ମା ମେସ୍ତାମୁ ।”

୪୦ ଏଚେଟିଏ ଜୀସୁ ଏମ୍ବାଆଁ ନିଗାନା କାଣାଇଁ ତାନି ଦାରିତା ତାଟାଲି ଟାଣ୍ଡିତେସି; ଏଚେଟା କାଣା ତାଗେ ଝାଡେସି ଇଞ୍ଜାଁ ଜୀସୁ ଏଝାଣାଇଁ ଝେଚେସି, ୪୧ “ନାନୁ ନିଙ୍ଗେତାକି ଏନାଆଁ କିଇଁ ଇଞ୍ଜାଁ ମନ କିହିମାଞ୍ଜି ?”

କାଣା ଏଲେଇଚେସି, “ଏ ପ୍ରବୁ ନାନୁ ଏନିକୁଁ ମେସାଲି ଆଡ଼ିଇଁ ।”

୪୨ ଜୀସୁ ଝେସ୍ତେସି, “ନାନୁ ମେହ୍ନୁ, ନୀ ନାମୁ ନିଙ୍ଗେ ନେହୁଁ କିୟାଡେ ।”

୪୩ ଏ ଦେବୁଣିଏ ଏଝାସି ମେସାଲି ଆଡ଼ିତେସି ଇଞ୍ଜାଁ ମାହାପୁରୁତି ଜହରା କିହୁଁ କିହୁଁ ଜୀସୁ ଜେଡ ହାଚେସି, ଅଡ଼େ ଲକ୍ଷୁ ଏଡ଼ାଆଁ ମେସାନା ମାହାପୁରୁଇଁ ଜହରା କିଚେରି ।

୧୯

ଜୀସୁ ଅଡ଼େ ଜକିୟ

୧ ଜୀସୁ ଜିରିହତା ହଡ଼ାନା ଗାଡ଼ା ମାଦିତି ହାଜିମାଟେସି । ୨ ଏମ୍ବାଆଁ ଜକିୟ ଦରୁଗାଟାସି ରଅସି ମାଟେସି, ଏଝାସି ସିପୁ ରାହ୍ନାରି ବିଡ଼ାଟି କାଜାସି ଅଡ଼େ ଏଝାଣାକି ହାରେକା ଦନ ମାଟେ । ୩ ଜୀସୁ ଏନିଲେହେଟାସି ଇଞ୍ଜାଁ ଏଝାଣାଇଁ ମେସାଲି ହାରେକା ମନ ମାଟେ, ସାମା ହାରେକା ଲକ୍ଷୁ ମାଟାକି ମେସାଲି ଆଡ଼ିହିଲାଆଡେସି, ଏନାଆଁତାକି ଇତିହୁଁ ଏଝାସି କୁଜା ମାଟେସି । ୪ ଏମ୍ବାଟିଏ ଏଝାସି ନକିତା ହଟି ହଟି ହାଜାନା ଜୀସୁ ହାନି ଜିରୁତା ଏଝାଣାଇଁ ମେସାଲି ର ତୟା ମାରୁନୁତା ହଚେସି, ଇତିହୁଁ ଜୀସୁ ଏ ଜିରୁଟି ହାନାୟି ମାଟେ । ୫ ଜୀସୁ ଏମ୍ବାଆଁ ଏଜାନା ଲାକ ସିନିକିହାନା ହାଡ଼ିତେସି, “ଆଡ଼େ ଜକିୟ ତବେ ରେଟାଝାମୁ ଇତିହୁଁ ନୀଞ୍ଜୁ ନାନୁ ମୀ ଇଜ ଗତା ଝାନ୍ତିୟି ମାନେ ।”

୬ ଏଝାସି ତବେ ରେଟାଝାହାନା ଏଝାଣାଇଁ ରାହୁଁଟି ତାମି ଇଜ ହାଡ଼ିତେସି । ୭ ଇଦାଆଁ ମେସାନା ବାରେ ଲକ୍ଷୁ ମୁରୁ ମୁରୁ ଆହୁଁ କାତା ଆଡେରି, “ଇଝାସି ର ପାପୁ ଗାଟାରି ଇଜ ଗତା ହାଜିମାନେସି ।”

୮ ସାମା ଜକିୟ ନିଗାନା ପ୍ରବୁଇଁ ଏଲେଇଚେସି, “ଏ ପ୍ରବୁ ନାନୁ ନା ଦନତି ର ବାଗା ହିଲାଆ ଗାଟାରାକି ହୀଇଁ, ଅଡ଼େ ନାନୁ ଆମ୍ବାଆରି ତାଣାଟି ଏନାଆଁ ତାଟାମାଟିହୁଁ ସାରି ବାଗା ଆଗାଡ଼ା ଝେଟୁଇଁ ।”

୯ ଏମାତ୍ରିଏ ଜୀମ୍ବୁ ଏଲେଇଚେସି, “ନୀଞ୍ଜୁ ଈ ଇଜତି ଲକୁଡାକି ଗେଲ୍ପିନାୟି ଝାହାମାନେ, ଇଚିହ୍ଁ ଇଝାସି ଜିକେଏ ଅହାହାମତି କୁଡାତାସି । ୧୦ *ଇଚିହ୍ଁ ଏନାୟି ଜାକ୍ମା ହାଜାମାନେ ଏଦାଆଁ ପାରାନା ଗେଲ୍ପାଲି ମାଣସି ମୀରୁଏସି ଝାହାମାନେସି ।”

ବାଂଗାରା ଟାକା
(ମାତି ୨୫:୧୪-୩୦)

୧୧ ଲକୁ ଈ କାତା ଝେଞ୍ଜି ମାଚାଟି ଏଝାସି ଅଡ଼େ ର ପୁଣ୍ଠିକିନି କାତା ଝେସ୍ତେସି, ଇଚିହ୍ଁ ଏଝାସି ଜିରୁସାଲମ ତାଗେ ଆହାମାଚେସି, ଇଚିହ୍ଁ ମାହାପୁରୁ ରାଜି ତବେ ତଞ୍ଜାଆନେ ଇଞ୍ଜୁ ଅଣପିମାଚେରି । ୧୨ ଏଝାସି ଏଲେଇଚେସି, “ର କାଜା କୁଡାତାସି ରାଜା ପାଣା ବେଟାଆହାଁ ଝେଣ୍ଡା ଝାଲ୍ଝା ଇଞ୍ଜୁ ର ହେକ ରାଜି ହାଚେସି । ୧୩ ଏଝାସି ତାନି ଦସଟାଣା ହଲ୍ଲିୟାକ୍ମାଣି ହାଟାନା ଏଝାରାକି ଦସଟାଟା ଝେଣ୍ଡି ଟାକା ଲାକା ହାହାନା ଏଲେଇଚେସି, ‘ନାନୁ ଝେଣ୍ଡା ଝାଜି ପାଚେକା ମୀରୁ ଈ ଟାକା ତଲେ ବେବାରା କିମ୍ପୁ ।’ ୧୪ ସାମା ତାନି ଦେସାତାରି ଏଝାଣାଇଁ ଅପିହିଲ୍ଲାଆଚେରି, ‘ଇଝାସି ମାଙ୍ଗେତାକି ରାଜା ଆୟାଆପେସି’ ଇଞ୍ଜୁ ତାନି ଜେଟଏ କସକାଣି କାବୁ ଝେସା ପାଣ୍ଡିଚେରି ।”

୧୫ ତାୟୁ ଏଝାସି ରାଜା ପାଣା ବେଟାଆହାନା ତାନି ରାଜିତା ଝେଣ୍ଡାଝାଚେସି, ଇଞ୍ଜୁ ତାନୁ ଟାକାୟାଁ ହାହାମାଚି ହଲ୍ଲିୟାକ୍ମା ବେବାରା କିହାଁ ଏଚେକା ଲାବ୍ବା କିହାମାନେରି ଏଦାଆଁ ପୁଞ୍ଜାଲି ଏଝାରାଇଁ ହାଟିକିଚେସି, ଇଞ୍ଜୁ ଝେଚେସି । ୧୬ ତଲିତାସି ଝାହାନା ଏଲେଇଚେସି, “ବାବୁ ନୀନୁ ହାହାମାଞ୍ଜାତି ର ଟାକା ତଲେ ବେବାରା କିହାନା ଦସଟାକା ଲାବ୍ବା କିହାମାଇଁ ।” ୧୭ ଏଝାସି ଏଝାଣାଇଁ ଏଲେଇଚେସି, “ନେହ୍ଁ ଟିକାଣାଗାଟି ନାମୁଚି ହଲ୍ଲେଏଣାତି, ନାନୁ ଉଣା କାମାତାକି ନେହ୍ଁ କାମା କିହାମାନାକି ନାନୁ ନିଜେ ଦସଟାଟା ଗାଡ଼ାୟାଁ ସାଲ୍ଝି କିନି ଅଦିକାରା କିମ୍ପୁ ।” ୧୮ ଅଡ଼େ ରଅସି ଝାହାନା ଏଲେଇଚେସି, “ବାବୁ ନୀନୁ ହାହାମାଞ୍ଜାତି ଟାକା ତଲେ ପାସାଗଟା ଲାବ୍ବା କିହାମାଇଁ ।” ୧୯ ଏଝାସି ଏଝାଣାଇଁ ଜିକେଏ ଏଲେଇଚେସି, “ନୀନୁ ଜିକେଏ ପାସାଗଟା ଗାଡ଼ାୟାଁ ମୁହେଁ ଅଦିକାରା ଆମ୍ପୁ ।” ୨୦ ଅଡ଼େ ରଅସି ଝାହାନା ଏଲେଇଚେସି, “ପ୍ରବୁ ମେହ୍ମୁ ଇଦି ନୀନୁ ହାହାମାଞ୍ଜାତି ଟାକା; ଇଦାଆଁ ନାନୁ ତ୍ରାଝଆଲିତା ରୁପାନା ଇଟାମାଚେସି । ୨୧ ଇଚିହ୍ଁ ନାନୁ ନିଜେ ଆଜାତେସି, ନୀନୁ ର ଗିରିଗିରା ଗାଟାଟି, ଇଟା ହିଲ୍ଲାଆଗାଟାଣି ପାରିନାଟି, ମାଟା ହିଲ୍ଲାଆତାଣା ଦାଝଆନାଟି ।” ୨୨ ଏଝାସି ଏଝାଣାଇଁ ଏଲେଇଚେସି, ଆଡ଼େ ପଲ୍ଲୁଆଗାଟି ହଲ୍ଲେଏଣାଟି, ନୀ ଗୁଚିତ ହାଡ଼ାତଲେ ନୀ ନାହାୟି କିୟାଇଁ, ନାନୁ ଗିରିଗିରା ଗାଟାଟେସି, ଇଟାହିଲ୍ଲାଆ ତାଣା ପାରିନାଟେସି ମାଟାଆତି ତାଣା ଦାଝଆନାଟେସି ଇଦାଆଁ ପୁଞ୍ଜାମାଚି ? ୨୩ ଆତିହ୍ଁ ଏନାଆଁତାକି ନା ଟାକାଟି ରୀଣା ଅନାରାକି ହାଆତି, ନାନୁ ଝାହାନା ଅତିତଲେ ବେଟାଆଡ଼େସିମା । ୨୪ ଇଞ୍ଜୁ ଦାରିତା ନିଗାମାରାଇଁ ଝେସ୍ତେସି, “ଇଝାଣି ତାଣାଟି ଏ ଟାକା ମୀଞ୍ଜା ଅହାନା ଆମ୍ପାଆରିକି ଦସଟାକା ମାନୁ ଏଝାଣାକି ହୀଦୁ ।” ୨୫ ଏଚେଟିଏ ଏଝାରି ଝେସ୍ତେରି, “ପ୍ରବୁ ଏଝାଣାକି ଦସଟାକା ମାନୁ ।” ୨୬ *ନାନୁ ମିଜେ ଝେସିମାଞ୍ଜାଇଁ, “ଆନିଗାଗାଣାକି ମାନେ, ଏଝାଣାକି ଗାତି ହାପୁକିଆନେ । ସାମା ଆମ୍ପାଆରାଝାୟି ହିଲ୍ଲେଏ ଏଝାଣି ତାଣା ଏନାୟି ମାନେ ଏଦାଆଁ ଜିକେଏ ଏଝାଣି ତାଣାଟି ଅଝିଆନେ । ୨୭ *ସାମା ନାଙ୍ଗେ ତାନି ରାଜା ଆହାଲି କୁହାମାଞ୍ଜାନି ସାଡ଼ୁୟାଁ ଇଦାଆଁ ତାକା ହାଜାନା ଏଝାରାଇଁ ନା ନିକିତା ଚୁଣ୍ଡାହାଡ଼ୁହୁଦୁ ।”

ଜୀମ୍ବୁ ଜିରୁସାଲମତା ରାହାଁଟି ହାନାୟି
(ମାତି ୨୧:୧-୧୧; ମାର୍କ ୧୧:୧-୧୧; ଜହ ୧୨:୧୨-୧୯)

୨୮ ଈ ବାରେ କାତା ଝେସି ତାୟୁ ଜୀମ୍ବୁ ଜିରୁସାଲମ ଝାକି ହାଚେସି । ୨୯ ଏଝାସି ଜୀତ ହୁରୁ ଦାରିତା ମାନି ବେତନିୟାଁ ଅଡ଼େ ବେଦ୍ପାଟି ନାୟକାଣାଁ ଏଜାନା ତାନି ସାମୁୟାଁ ବିତ୍ରାଟି ରିଆରାଇଁ ଈ କାତା ଝେସା ପାଣ୍ଡିଚେସି । ୩୦ “ମୀରୁ ହାଜାନା ମୀ ନକିତି ନାୟୁତା ହଡ଼ଦୁ ଇଞ୍ଜୁ ଲକୁ ଏଚେକା ହଟା ହିଲ୍ଲଅରି; ଇଲେଚି ର ଗାଡ଼ଦେ ତାଲୁଚି ଦସାମାନାଣି ମେହ୍ଦେରି; ଏଦାଆଁ ଦାଝାଁ ହୁକ୍‌ହା ନା ତାଣା ତାଟିହ୍ଁ ଝାଦୁ । ୩୧ ଆମ୍ପାଆସି ଏନାଆଁତାକି ହୁକ୍‌ହାମାଞ୍ଜେରି ଇଞ୍ଜୁ ଝେଞ୍ଜାତିହ୍ଁ, ଇଦାନି ମା ପ୍ରବୁକି ଲଡ଼ାମାନେ ଇଞ୍ଜୁ ଝେହ୍ମୁ ।”

୩୨ ଏମାତ୍ରି ଜୀମ୍ବୁ ପାଣ୍ଡାମାଚାରି ଏଝାସି ଏନିକ୍ଁ ଝେସାମାଚେସି, ଏଲେହେଁ ମେସ୍ତେରି । ୩୩ ଇଞ୍ଜୁ ଏଝାରି ଗାଡ଼ଦେ ତାଲୁଚି ଦାଝାଁ ହୁକ୍‌ହାମାଚାଟି ଗାଡ଼ଦେ ସାଝୁକାରିୟାଁ “ଏନାଆଁତାକି ହୁକ୍‌ହାମାଞ୍ଜେରି ଇଞ୍ଜୁ ଝେଚେରି ?”

* ୧୯:୧୦ ୧୯:୧୦ ମାତି ୧୮:୧୧ * ୧୯:୨୬ ୧୯:୨୬ ମାତି ୧୩:୧୨; ମାର୍କ ୪:୨୫; ଲୁକ ୮:୧୮ * ୧୯:୨୭ ୧୯:୨୭ ମାତି ୨୫:୧୪-୩୦

୩୪ ଏଞ୍ଜାରି ଏଲେଇଚେରି, “ଇଦାନି ମା ପ୍ରବୁକି ଲଡ଼ାମାନେ ।” ୩୫ ଏମ୍ବାରିଏ ଗାଡ଼ଦେ ଜୀସୁ ତାଣା ତାତାନା ଏଦାନିଲେକ ହିମ୍ବରିକା ପାସାନା ଜୀସୁଇଁ ଲାକ କୁରିକିତେରି । ୩୬ ଅଡ଼େ ଏଞ୍ଜାରି ନକିତା ହାଜିମାଗାଟି ଲକୁ ଜିରୁତା ତାମି ହିମ୍ବରିକା ପାଡ଼େପୁରି ।

୩୭ ଇଞ୍ଜା ଏଞ୍ଜାରି ଜିରୁସାଲମ ତାଗେ ମାନି ଜୀତ ହରୁଟି ଖିନି ବେଲ୍ଲାତା ଏଞ୍ଜାରି ଇଞ୍ଜା ତାମି ସୀସୁୟାଁ ଜୀସୁ କିତି ବାଡ଼ହୁଡ଼ି କାମାତାକି ମାହାପୁରୁଇଁ ଜହରା କିହିହୁଁ ରାହୁଁଟି ପାରୁ ପାଡ଼ିତେରି । ୩୮ “ପ୍ରବୁତି ଦରୁତି ଆମିନି ରାଜା ଖାହିମାନେସି ଏଞ୍ଜାଣାକି ନେହେଁ । ଲାକପୁରୁ ହିଡ଼ଡ଼ି ଅଡ଼େ ଲାକପୁରୁତି ମାହାପୁରୁଇଁ ଗାଞ୍ଜୁରମି ଆପେ ।”

୩୯ ଏଚେଟିଏ ଲକୁ ମାନ୍ଦାଟି ଏଚରଜାଣା ପାରୁସିୟାଁ ଜୀସୁଇଁ ଏଲେଇଚେରି, “ଏ ଗୁରୁ ନୀ ସୀସୁୟାଁଇଁ ଲାଗାମୁ ।”

୪୦ ନାନୁ ମିଜେ ଖେସିମାଞ୍ଜାଇଁ, “ଇଞ୍ଜାରି ପାଲେଏ ଆଡ଼ିସାରେ, ଖାଲକା ହାଲେହେଁ କାଜା ଗିୟାଁତଲେ ଜଲିତୁମା ।”

ଜୀସୁ ଜିରୁସାଲମ ତାକି ଡ଼ାନାୟି

୪୧ ଅଡ଼େ ଏଚେତା ଗାଡ଼ା ତାଗେ ଖାଚେସି, ଏରିବେଲ୍ଲା ଗାଡ଼ାତି ମେସାନା ଡ଼ାହିହୁଁ ଏଲେଇଚେସି, ୪୨ “ନାନୁ ହାଅ, ନାନୁ ନୀଞ୍ଜୁ ହିଡ଼ଡ଼ି ଜିରୁ ପୁଡ଼ିହୁଁ ଅଜିତେମା ! ସାମା ଏଡ଼ି ନୀ ତାଣାଟି ତୁଗ୍ଲାମାନେ ! ୪୩ ଏରିବେଲ୍ଲା ମାହାପୁରୁ ନିଜେ ଗେଲ୍ପାଲି ଅଣ୍ଡାପାମାଞ୍ଜାତେସି ଏଦାଆଁ ପୁନାଆତାକି ଏରିବେଲ୍ଲାତା ନୀ ସାଡ଼ୁୟାଁ ନୀ ସାରିସୁଡ଼ କାଜା କଟା ଦସାନା ମୁଚାନେରି, ୪୪ ଇଞ୍ଜା ନିଜେ ଅଡ଼େ ନୀ ତାଣା ମାନି ନୀ ମୀରକାଣି କୁଡ଼ପୁନାସା କିୟାନେରି, ଅଡ଼େ ର ଖାଲିତି ଅର ଖାଲି ଲାକ ତୀରି ଆହାଲି ହିୟଅରି, ଇଲେତି ଦିନା ଖାହିମାନେ ।”

ମାହାପୁରୁ ଇଲୁତା ଜୀସୁ ହଡ଼ନାୟି

(ମାତି ୨୧:୧୨-୧୭; ମାର୍କ ୧୧:୧୫-୧୯; ଜହ ୨:୧୩-୨୨)

୪୫ ଏମ୍ବାରିଏ ଜୀସୁ ମାହାପୁରୁ ଇଲୁତା ହଡ଼ାନାହାଁ ବେବାରା କିନାରାଇଁ ଏମ୍ବାରି ହାସା ପେରହାଡ଼ୁସେସି, ୪୬ ଦାମ୍ବୁପତିତା ରାସ୍‌କି ଆହାମାନେ, “ନା ଇଲୁ ପ୍ରାଡ଼ାନା ଇଲୁ ଆନେ, ସାମା ମୀରୁ ଏଦାଆଁ ଡ଼ଗାଁୟାଁ ପାଞ୍ଜୁ ମୁପହାଡ଼ୁସେରି ।”

୪୭ ଅଡ଼େ ଜୀସୁ ଦିନାତାକି ଦିନା ପ୍ରାଡ଼ାନା ଇଲୁତା ଜାପୁହି ମାଚେସି, ସାମା କାଜା ପୂଜେରାଜା ଅଡ଼େ ମେରାପୁନାରି ଲକୁତି କାଜାରି ତଲେ ଜୀସୁଇଁ ପାୟାଲି ଅଣ୍ଡାପାଚେରି, ୪୮ ସାମା ଲକୁ ରାହୁଁଟି ଏଞ୍ଜାଣି ଜାପୁନାଣି ଖେଞ୍ଜିମାଗାଟାକି ଏଞ୍ଜାରି ଏନିକିହାଲି ଆନେ ପାରୁ ବେଟାଆହି ହିଲ୍ଲାଆଚେରି ।

୨୦

ଜୀସୁତି ଅଦିକାରା

୧ ର ଦିନା ଜୀସୁ ମାହାପୁରୁ ଇଲୁତା ଲକୁଣି ଜାପୁହି ମାଚେସି, ଅଡ଼େ ନେହୁଁ କାବୁ ଖେକହି ମାଚେସି, ଏରିବେଲ୍ଲା କାଜା ପୂଜେରାଜା ଅଡ଼େ ମେରାପୁନାରି ପ୍ରାଡ଼ିନାଜା ତଲେ ଖାହାନା ଖେଚେରି, ୨ “ନାନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି, ଏଲେକିହାଲି ଆମ୍ବାଆସି ଅଦିକାରା ହାହାମାଞ୍ଜାନେସି, ମାଜେ ଖେସ୍ତାମୁ ।”

୩ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ଜିକେଏ ର କାତା ଖେଞ୍ଜାଇଁ, ନାଜେ ଖେସ୍ତାବୁ ୪ ଜହନଇଁ ବାପ୍ତିସ୍ତାଁ ହାମୁ ଇଞ୍ଜୁଁ ଆମ୍ବାଆସି ଚାଣ୍ଡିତେସି, ଲାକପୁରୁଟି କି ମାଣ୍ଡସି ତାଣାଟି ?”

୫ ଏଚେଟିଏ ଏଞ୍ଜାରି ତାମ୍ବୁ ତାମ୍ବୁ ଜଲ୍ଲକି ଆଡ଼େରି, “ଲାକପୁରୁଟି ଇନାୟି, ଆତିହୁଁ ଏଞ୍ଜାରି ଏଲେଇଞ୍ଜାନେସି ଏନାଆଁତାକି ଏଞ୍ଜାଣାଇଁ ନାମାଆଚେରି ? ୬ ସାମା ମାଣ୍ଡସି ତାଣାଟି ଇନାୟି, ଇଞ୍ଜା ଲକୁ ମାଜେ ଖାଲକାତଲେ ପାୟାନେରି, ଇତିହୁଁ ଜହନଇଁ ମାହାପୁରୁ ଅଣ୍ଡାପୁଡ଼ି ବଲୁ ଖେହନାରି ତାଣାଟି ରଅସି ଇଞ୍ଜୁଁ ହାଡ଼େକା ନାମାମାନେରି ।” ୭ ଏଞ୍ଜାରି ଏଲେଇଚେରି, “ମାମୁ ପୁଞ୍ଜାହିଲଅମି ଏଡ଼ି ଏମ୍ବିତି ଆହାମାନେ ।”

୮ ଜୀସୁ ଏଞ୍ଜାରାଇଁ ଏଲେଇଚେସି, “ଆତିହୁଁ ନାନୁ ଆମିନି ଅଦିକାରା ତଲେ କିହିମାଇଁ ନାନୁ ଜିକେଏ ଖେସ୍ତାଅଁ ।”

* ୧୯:୪୭ ୧୯:୪୭ ଲୁକ ୨୧:୩୭ * ୨୦:୪ ୨୦:୪ ମୁଞ୍ଜିନାୟି

ଅଙ୍ଗୁରି ବାଡ଼ାତା ବାଗା କାମାକିନାରି ପୁଣ୍ୟକିନି କାତା

(ମାତି ୨୧:୩୩-୪୭; ମାର୍କ ୧୨:୧-୧୨)

୯ ଏମ୍ବାଟିଏ ଜୀସୁ ଇ ପୁଣ୍ୟକିନି କାତା ଖେସ୍ତେସି, “ରଥସି ର ଅଙ୍ଗୁରି ବାଡ଼ା କିହାନା କାମା କିନାରାକି ବାଗା ହାହାନା ହାରେକା ଦିନାତାକି ଅର ଦେସାତା ହାରେସି । ୧୦ ଅଙ୍ଗୁରି ପାଡ଼େୟି କାମ୍ବି ବେଲା ଏଝାସି ତାନି ବାଗା ବେଟାଆହାଲି ର ହଲେଏଣାଲ୍ ପାଣ୍ଡିତେସି, ସାମା ଅଙ୍ଗୁରି ବାଡ଼ାତା କାମାକିନାରି ଏଝାଣାଲ୍ ମାଡ଼ା ଝେଟାନା ଝାରଇ କେୟୁଟି ପେରହାତୁସ୍ତେରି । ୧୧ ଏଝାସି ଅଡ଼େ ର ହଲେଏଣାଲ୍ ପାଣ୍ଡିତେସି; ଏଝାରି ଏଝାଣାଲ୍ ଜିକେଏ ଝେଟାନା ନିନ୍ଦା କିହାଁ ଝାରଇ କେୟୁଟି ପେରହା ପାଣ୍ଡିତେରି; ୧୨ ତାୟୁ ଅଡ଼େ ରଅଣାଲ୍ ପାଣ୍ଡିତେସି, ସାମା ଏଝାଣାଲ୍ ଜିକେଏ ରାଣାରାକା କିହାନା ବାଡ଼ାତି ପାଙ୍ଗାତା ମେଡ଼ହାତୁସ୍ତେରି । ୧୩ ଏମ୍ବାଟିଏ ଅଙ୍ଗୁରି ବାଡ଼ାତି ସାଝୁକାରି ନୀଏଟି ଏନାଆଁ କିଇଁ ଇଞ୍ଜି ଅଣପାନା, ନା ଜୀସୁତି ମୀରଏଣାଲ୍ ପାଣ୍ଡିଲ୍ ଆତିହୁଁ ଏଝାଣାଲ୍ ମାନି କିନେରି । ୧୪ ସାମା କାମାକିନାରି ଏଝାଣାଲ୍ ମେସାନା ତାମ୍ବୁତାମ୍ବୁ ଏଲେଇଶମ୍ବି ଆଡେରି ଇଝାସି ଅଦିକାରା ଗାଟାସି, ଇଝାଣାଲ୍ ପାୟାତୁହନ, ଆତିହୁଁ ଇ ଅଙ୍ଗୁରି ବାଡ଼ା ମାଜେ ଆୟାନେ । ୧୫ ଅଡ଼େ ଏଝାଣାଲ୍ ଅଙ୍ଗୁରି ବାଡ଼ା ପାଙ୍ଗାତା ମେଡ଼ହାନା ପାୟିତେରି ।”

“ଆତିହୁଁ ଅଙ୍ଗୁରି ବାଡ଼ାତି ସାଝୁକାରି ଏଝାରାଲ୍ ଏନାଆଁ କିନେସି ? ୧୬ ଏଝାସି ଝାହାନା ଇ କାମା କିନାରାଲ୍ ପାୟାତୁହନେସି, ଅଡ଼େ ଏଡ଼କାତାରାକି ଏ ଅଙ୍ଗୁରି ବାଡ଼ା ହାନେସି ।”

ଲୁକ ଇ କାତା ଝେଞ୍ଜାନା ଏଲେଇଡେରି, “ଏଲେକିହୁଁ ଆଝୁଏ ଆଆପେ ।”

୧୭ ସାମା ଜୀସୁ ଏଝାରାଲ୍ ଝେସ୍ତେସି, “ଆତିହୁଁ ରାଟାମାନି ଇ ବଲୁ ଏନାୟି ?

ଇଲୁ କେପିନାରି ଆମିନି ଝାଲିତି କୁଡେରି,

ଏଦି ଇଲୁ କନତି ମ୍ବୁଲୁ ଝାଲି ଆଡେ ।

୧୮ ଆମ୍ବାଆସି ଏ ଝାଲି ଲାକ ତରୁଗିନେସି, ଏଝାସି କାଣ୍ଡାମୁକା ଆନେସି; ଇଞ୍ଜା ଏ ଝାଲି ଆମ୍ବାଆରି ମୁହେଁ ତରୁଗିନେ ଏଝାଣାଲ୍ ଗୁଣ୍ଡୁଗୁଣ୍ଡା କିନେ ।”

ସିସୁ ହୁାନି କାତା

(ମାତି ୨୨:୧୫-୨୨; ମାର୍କ ୧୨:୧୩-୧୭)

୧୯ ଏଡେଟିଏ ମେରାପୁନାରି ଅଡ଼େ କାଳା ପୂଜେରାଙ୍ଗା ଦେବୁଣିଏ ଜୀସୁଲ୍ ଆସାଲି ଅଣପିତେରି, ସାମା ଲକୁ ମାନ୍ଦାତି ଆଜିତେରି, ଇତିହୁଁ ଏଝାସି ଏ ପୁଣ୍ୟକିନି କାତା ଏଝାରାଲ୍ ସିନିକିହାନା ଝେସାମାତେସି ଇଞ୍ଜି ଏଝାରି ପୁଡେରି । ୨୦ ଏମ୍ବାଟିଏ ଏଝାରି ଜୀସୁଲ୍ ପାଣା ଅଡ଼େ ବାଡ଼ୁୟୁଗାଟି ସାଲୁଝି କିନାରି କେୟୁଡା ଏଝାଣାଲ୍ ହେରପାଲି ପାରୁ ପାରାତେରି, ଇଞ୍ଜା ଏଡରଜାଣା ତାମ୍ବୁତାମ୍ବୁଜେ ଦାମ୍ବୁଗାଟାରି ଇଞ୍ଜି ତସା କଡିନି ନାଡ଼ିକିନାରି ଜୀସୁଲ୍ ତାନି ଝେହୁନି କାତାତା ଦହୁ ଦସାଲି ଏଝାଣି ତାଣା ପାଣ୍ଡିତେରି । ୨୧ ଏଝାରି ଜୀସୁଲ୍ ଝେଡେରି, “ଗୁରୁ, ମାମ୍ବୁ ପୁଞ୍ଜାମାନମି, ନୀନୁ ଏନାଆଁ ଝେସାମାଞ୍ଜି ଅଡ଼େ ଜାପୁହାମାଞ୍ଜି ଏଦି ସାତା, ଅଡ଼େ ଆମ୍ବାଆରାଲ୍ ପାରୁଡ଼ା ବାଟି କିଅତି, ସାମା ସାତା ମାହାପୁରୁତି ଜିରୁତି କାତା ଜାପୁଦି । ୨୨ ଆତିହୁଁ କାୟିସରକି ସିସୁ ହୁାନାୟି ମେରା ମାନେକି ଆଏ ।”

୨୩ ସାମା ଜୀସୁ ଏଝାରି ନାଡ଼ିକିନି ଅଣପୁଟି ପୁଞ୍ଜାନା ଏଝାରାଲ୍ ଝେସ୍ତେସି, “ନାଜେ ର ଝେଣ୍ଡି ଟାକା ହିୟାଦୁ ।” ୨୪ ଏ ଝେଣ୍ଡି ଟାକାତା ଆମ୍ବାଆରି ବମା ଅଡ଼େ ଦରୁ ମାନେ, ଏଝାରି ଝେସ୍ତେରି, “କାୟିସରଝାୟି ।”

୨୫ ଏଡେଟିଏ ଜୀସୁ ଏଝାରାଲ୍ ଝେସ୍ତେସି, “ଆତିହୁଁ କାୟିସରଝାୟି ଏନାୟି ଏଦାଆଁ କାୟିସରକି ହାଦୁ; ଇଞ୍ଜା ମାହାପୁରୁଝାୟି ଏନାୟି ଏଦାଆଁ ମାହାପୁରୁକି ହାଦୁ ।” ୨୬ ଏଡେଟିଏ ଏଝାରି ଲକୁ ନକିତା ଏଝାଣାଲ୍ ଏଦି ଦହୁ ଦସାଲି ଆଡ଼ାଆଡେରି, ଇଞ୍ଜା ଏଝାରି ଜୀସୁ ଝେସ୍ତି କାତାତାକି ଆଡ଼ାଜାକା ଆହାନା ପାଲେଏ ମାଡେରି ।

ହାଡ଼ାରି ଝେଣ୍ଡେ ନିଜିନି କାତା

(ମାତି ୨୨:୨୩-୩୩; ମାର୍କ ୧୨:୧୮-୨୭)

୨୭ ଏମ୍ବାଟିଏ ହାଡ଼ାରି ଝେଣ୍ଡେ ନିଜିନାଣି ନାମିହିଲାଆଗାଟି ଏଡରଜାଣା ସାଦୁକିୟାଁ ଜୀସୁତାଣା ଝାହାନା ଝେଡେରି, ୨୮ “ଏ ଗୁରୁ ମସା ମାଜେଟାକି ରାଟାମାନେସି, ରଥସି ବୀହା ଆହାଁ କକାରି ପଦାଁ ଆଆନା ହାଡ଼ିହୁଁ, ଏଝାଣି ତାୟି ତାନି ତକ୍ରିନି ଇଟାନା ଏଝାଣି କୁଡ଼ା ଏପିକିୟାଲି ଆନେ । ୨୯ ସାତା ଜାଣା ତାୟିୟା ମାଡେରି; କାଜାସି ବୀହା ଆହାନା କକାରି ପଦାଁ ଆଆନା ହାଡ଼େସି; ୩୦ ତାୟୁ ଏଝାଣି ଜେଡତାସି ଇଡିତେସି,

☆ ୨୦:୨୨ ୨୦:୨୭ କାମା ୨୩:୮

ଅତ୍ତେ ଏଞ୍ଜାଣି ଜେଟତାସି ଇଚିତେସି; ୩୧ ଏଲେକିହିଁଏ ସାତା ଜାଣା ଜିକେଏ କକାରି ପଦ୍ଦା ଆଆନା ହାତେରି । ୩୨ ତାୟୁ ଏ ଇୟା ଜିକେଏ ହାତେ । ୩୩ ଆତିହିଁ ଖେଣ୍ଡେ ନିଜିନି ଦିନା ଏଞ୍ଜାରି ବିତ୍ରାଟି ଏ ଇୟା ଆମ୍ବାଆରି ତକ୍ତି ଆନେ ? ଇଚିହିଁ ସାତା ଜାଣା ଜିକେଏ ଏଦାନି ଇଟାମାଚେରି ।”

୩୪ ଜୀସୁ ଏଞ୍ଜାରାଇଁ ଏଲେକଚେସି, “ଇ ଦାବୁତିତି ଲକୁ ବାହା କିନେରି ଅତ୍ତେ ଆନେରି, ୩୫ ସାମା ଖାନ୍ତି ଜୁଗୁତାକି ଇଞ୍ଜାଁ ହାକିଟି ନିଜାଲିତାକି ପାତ୍ରା ଆନାରି ବାହା ଆଅରି କି ବାହା ହାଅରି; ୩୬ ଇଚିହିଁ ଏଞ୍ଜାରି ଦୂତୁୟାଲେହେଁ ଆହାନା ଏଚେଲାଞ୍ଜା ହାଅରି, ଇଞ୍ଜାଁ ହାକିଟି ନିଜାମାନାକି ଏଞ୍ଜାରି ମାହାପୁରୁତି ମୀରକା ଆନେରି । ୩୭ ସାମା ହାତାରି ସାତେଏ ନିଜାନେରି ଇଞ୍ଜାଁ ମସାଇଁ ଜିକେଏ ଖେହିମାନି ବୁଗାତି କାବୁତଲେ ନେହିଁ କିଁ ତସାମାଚେସି, ଇଚିହିଁ ଏଞ୍ଜାସି ପ୍ରବୁଇଁ ଅଗାହାମତି ମାହାପୁରୁ, ଇସାହାକତି ମାହାପୁରୁ ଅତ୍ତେ ଜାକୁବତି ମାହାପୁରୁ ଇଞ୍ଜାମାଚେସି । ୩୮ ଏଞ୍ଜାସି ହାତାରି ମାହାପୁରୁ ଆଏ ସାମା ଜୀସୁଗାଟାରି ମାହାପୁରୁ; ଇଚିହିଁ ମାହାପୁରୁ ନକିତା ବାରେଜାଣା ନୀତାମାନେରି ।”

୩୯ ଏମ୍ବାଟିଏ ମେରାପୁନାରି ବିତ୍ରାଟି ଏଚରଜାଣା ଏଲେକଚେରି, “ହାଅ, ଗୁରୁ ନୀନୁ ଅଜେ ଖେସ୍ତାତି ।” ୪୦ ଇଚିହିଁ ଏଞ୍ଜାଣାଇଁ ଅତ୍ତେ ଏନାଆଁ ଖେଞ୍ଜାଲି ଏଞ୍ଜାରାକି ସାସା ହିଲାଆତେ ।

କ୍ରୀସ୍ତୁ ଆମ୍ବାଆସି

(ମାତି ୨୨:୪୧-୪୬; ମାର୍କ ୧୨:୩୫-୩୭)

୪୧ ଏମ୍ବାଟିଏ ଜୀସୁ ଏଞ୍ଜାରାଇଁ ଖେଚେସି, କ୍ରୀସ୍ତୁ ଦାସୁଦ ମୀରଏସି, ଲକୁ ଏନିକିଁ ଏଲେକନେରି ? ୪୨ ଇଚିହିଁ ଦାସୁଦ ତାନୁଏ ପାରୁ ପତିତା ଏଲେକଞ୍ଜା ମାନେସି, ପ୍ରବୁ ନା ପ୍ରବୁଇଁ ଖେସ୍ତେସି,

୪୩ ନାନୁ ନୀ ସାବୁୟାଣି ନୀ କତାୟାଁ ତୁଇ ଇଟାଆ ପାଚେକା,

ନୀନୁ ନା ଚିଃନିଞ୍ଜାକି କୁଗାମାନାମୁ ।

୪୪ ଦାସୁଦ ତାନୁଏ ଏଞ୍ଜାଣାଇଁ ପ୍ରବୁ ଇଞ୍ଜାଁ ମାନେସି; ଆତିହିଁ କ୍ରୀସ୍ତୁ ଏନିକିଁ ଏଞ୍ଜାଣି ମୀରଏସି ?

ମେରାପୁନାରି ତାଣାଟି ଜାଗ୍ରାତା

(ମାତି ୨୩:୧-୩୬; ମାର୍କ ୧୨:୩୮-୪୦)

୪୫ ତାୟୁ ବାରେ ଲକୁ ନକିତା ସାସୁୟାଁଇଁ ଖେସ୍ତେସି, ୪୬ “ମେରା ଜାପୁନାରି ତାଣାଟି ଜାଗ୍ରାତା ! ଇଚିହିଁ ଏଞ୍ଜାରି ଲାମ୍ବା ଲାମ୍ବା ହିମ୍ବିରକା ହୁଚାନା ତିରୁଞ୍ଜିହିଁ ରେଜାଲି, ଅତ୍ତେ ହାତା ବାଜାରାତା ଜହରା ବେଟାଆହାଲି, ପ୍ରାତାନା ଇଲକାଣା ନେହିଁ ନେହିଁ କୁଚିୟାଁ ଅତ୍ତେ ବଜିତା ନେହିଁ ଟାୟୁ ବେଟାଆହାଲି ଅଣ୍ଡପନେରି, ୪୭ ଏଞ୍ଜାରି ରାଣ୍ଡେଣିସିକା ଇଲୁ ସେହିନେରି ଅତ୍ତେ ଉଜେ ଉଜେଏ ଲାମ୍ବା ଲାମ୍ବା ପ୍ରାତାନା କିନେରି; ଏଞ୍ଜାରି ହାରେକା ତଣ୍ଡ ବେଟାଆନେରି ।”

୨୧

ରାଣ୍ଡେଣିନି ଦାନ

(ମାତି ୧୨:୪୧-୪୪)

୧ ଏଚିବେଲକା ଦନଗାଟାରି ଦାନା ପେଡାତା ତାମି ଦାନା ମେଡୁହି ମାଟାଣି ଜୀସୁ ସିନିକିହିମାଚେସି, ୨ ଅତ୍ତେ ର କାର୍ମାଗାଟି ରାଣ୍ଡେଣି ଖାହାନା ଏମ୍ବାଆଁ ରୀ ଉଣା ତାମ୍ବାତି ଆଦୁଲି ମେଡୁହାଣି ମେସାନା ଏଲେକଚେସି, ୩ “ନାନୁ ମିଜ ସାତା ଖେସିମାଞ୍ଜାଇଁ ଇ କାର୍ମାଗାଟି ରାଣ୍ଡେଣି ଗାତି ଦାନା ହାହାମାନେ, ୪ ଇଚିହିଁ ଦନ ଗାଟାରି ତାମି ଗାତି ଦନଟି ଇଟାଣି ତାଚାନା ବେବୁ ହାହାମାନେରି, ସାମା କାର୍ମାଗାଟି ରାଣ୍ଡେଣି ତାନି ହିଲାଆବେଲାତା ତାଜେ ନୀତାଲିତାକି ଏନାୟି ମାଚେ ଏ ବାରେ ହାହାମାନେ ।”

ମାହାପୁରୁ ଇଲୁ ନସ୍ତୁ ଆନି କାତା

(ମାତି ୧୪:୩-୧୪; ମାର୍କ ୧୩:୩-୧୩)

୫ ଅତ୍ତେ ଆମ୍ବା ଆମ୍ବାଆରି ମାହାପୁରୁ ଇଲୁ ଅଜି ଅଜିତି ଖାଲକା ଅତ୍ତେ ଦାନା ହାନାଣି ତଲେ ଅଜିକିଁ ଆଜାମାନେ ଇଞ୍ଜାଁ ଇଞ୍ଜାଲିଏ ଜୀସୁ ଏଲେକଚେସି, ୬ “ମୀରୁ ନୀଏଁ ଏନା ଏନାଆଁ ମେସିମାଞ୍ଜେରି, ଦିନା ଖାନେ, ଏଚିବେଲକା ର ଖାଲି ଅର ଖାଲି ଲାକ ତୁୟେଏ, ଇ ବାରେ ମେଣ୍ଡାହାହାନେ ।”

କସ୍ତୁ ଅତ୍ତେ ନିୟା ଖାନ୍ତି କାତା

(ମାତି ୨୪:୩-୧୪; ମାର୍କ ୧୩:୩-୧୩)

୭ ଏତିବେଲା ଏଞ୍ଜାରି ଏଞ୍ଜାଣାଇଁ ଖେଚେରି, “ଏ ଗୁରୁ ଆତିହ” ଈ ବାରେ ଏଚେଲା ଆନେ ? ଇଞ୍ଜା ଈ ବାରେ ଆମିନି ବେଲାତା ଆନେ, ଏ ବେଲାତି ସିନା ଏନାୟି ?”

୮ ଜୀସୁ ଏଲେଇଚେସି, “ଜାଗ୍ରାତା ମୀରୁ ଏନିକ” ଆନା ଆଅଡେରେ; ଇତିହ” ହାରେକା ନା ଦରୁତି ଖାହାନା ନାନୁ ଏଞ୍ଜାଡେଏ ଅଡେ ଏ ଦିନା ଏଦାତେୟିଏ ଇଞ୍ଜ” ଇଞ୍ଜାନେରି; ଏଞ୍ଜାରି ଜେଟ ହାଲାଆଦୁ । ୯ ଇଞ୍ଜା ମୀରୁ ଏଡେତା ଜୁକୁ ଇଞ୍ଜା ଫେଲି ଆହିମାନାଣି ଖେଟିସାରେ ଆଜାଆଦୁ; ଏନିଇତିହ” ଈ ବାରେ ନଚକଏ ଆୟାଲି ଆନେ, ଆଡିଜିକେଏ ଏତିବେଲା ଜୁଗୁ ରାଏ ।”

୧୦ ତାୟୁ ଏଞ୍ଜାରାଇଁ ଏଲେଇଚେସି, “ଦେସା କପାଟି ଦେସା, ରାଜି କପାଟି ରାଜି ଫେଲି ନିଜିନେ, ୧୧ ଇଞ୍ଜା ଇମ୍ପାଆଁ ଏମ୍ପାଆଁ ବୁଦି ଖୀତିନେ, ହାରେକା ଚାୟୁତା ମରୁଡି ଇଞ୍ଜା କାରୁଖୁ ଖୀନେ, ଅଡେ ହାଗୁ ପାକାତା ଆଜିହପେତି ସିନାୟି ତଞ୍ଜା ଆନୁ । ୧୨ ସାମା ଈ ବାରେ ଆଆ ନଚକଏ ଲକୁ ମିଜେ ଆସାନା ନା ଦରୁ ତାକି ନିନା କିହାନା ଜୀହୁଦି ଲକୁତି କୁଟମି ଇଲୁକାଣା*, କାୟିଦି ଇଲୁକାଣା, ରାଜା ଇଞ୍ଜା ନୀହାୟି କିନାରି ତାଣା ହେରୁପାନେରି; ୧୩ ଇଦି ମିଜେତାକି ସାକି ଆନେ । ୧୪ *ଇଞ୍ଜା ଏନାଆଁ ଜଲିଇଁ ଏନାଆଁ ଖେହୁଇଁ ଇଞ୍ଜ” ତଲିଏ ମନତା ଅଣପାଆଦୁ; ୧୫ ଏନାଆଁତାକି ଇତିହ” ମୀ ସାୟୁୟାଁ ମିଜେ ଖେଶେ ଜଲାଇଲି କି ଖେସାଲି ଆଡାଆପେରିଞ୍ଜା ଇଞ୍ଜ” ନାନୁ ମିଜେ ଏତିବେଲାତା ନେହ” ବୁଦି ଅଡେ ସୁଞ୍ଜା ହିୟାଇଁ । ୧୬ ସାମା ମୀ ତାଲି ତାଞ୍ଜି ତାୟିୟାଁ ସାମ୍ପାୟିୟାଁ ଇଞ୍ଜା ମୀ ତଢେସିଜା ଜିକେଏ ମିଜେ ହେରୁପାନେରି, ଅଡେ ମୀ ବିତ୍ରାଟି ଆମ୍ପା ଆମ୍ପାଆରାଇଁ ଇରହାନା ପାୟିନେରି, ୧୭ ଇଞ୍ଜା ନା ଦରୁ ତାକି ବାରେ ଲକୁତାଣା ଲାଜା ବେଟାଆଡେରି ଅଡେ ଅପଅରି । ୧୮ ସାମା ମୀ ତାୟୁ” ତୁ ର ବାଣା ଜିକେଏ ନସ୍ର ଆଏ; ୧୯ ଅରୁହିନି ତାଣାଟି ମୀରୁ ମୀ ଜୀହୁତି ଗେଲପିକିହା କଡିଦେରି ।”

ଜିରୁସାଲମ ନାସା ଆନି କାତା
(ମାତି ୨୪:୧୫-୨୧; ମାର୍କି ୧୩:୧୪-୧୯)

୨୦ “ସାମା ମୀରୁ ଏତିବେଲା ସାୟୁୟାଁ ଜିରୁସାଲମ ଗାଡାତା ମୁଟାମାନାଣି ମେହୁଦେରି, ଏତିବେଲା ଏଦି ନାସା ଆନି କାଲା ଏଦାତେ ଇଞ୍ଜ” ପୁଞ୍ଜୁ । ୨୧ ଏତିବେଲା ଏମିନିଗାଟାରି ଜୀହୁଦା ଦେସାତା ମାନେରି, ଏଞ୍ଜାରି ହରକାଣା ହଣପାରି; ଇଞ୍ଜା ଏମିନିଗାଟାରି ଗାଡା ବିତ୍ରା ମାନେରି, ଏଞ୍ଜାରି ହଡା ହାଲବେରି; ଏମିନିଗାଟାରି ନାସକାଣାଁ ମାନେରି, ଏଞ୍ଜାରି ଗାଡାତା ହଡୁଆପେରି; ୨୨ ଏନିଇତିହ” ମାହାପୁରୁ ପତିତା ରାସକି ଆହାମାନି ବାରେ କାତାଲେହେଁ ଆୟାଲିତାକି ଏଦି ତଣ୍ଡ ହାନି କାଲା । ୨୩ ଆୟୁଡା ଏତିବେଲା ପୁରାମାସା ଆହାମାନୁ କି ପାଲୁ ଉବୁହିମାନୁ ଏଞ୍ଜି ଉଣେଏ କସ୍ର ପାଣ୍ଡନୁକି ! ଏନିଇତିହ” ଏତିବେଲା ଈ ଦାରୁତିତା କାଜା ତଣ୍ଡ ଅଡେ ଈ ଲକୁତାକି ମାହାପୁରୁତି କପା ଆନେ, ୨୪ ଏଚରଜାଣା କାଣ୍ଡାତଲେ ଚୁଣ୍ଡି ଆନେରି, ଇଞ୍ଜା ଏଚର ଜାଣାଇଁ ଦସ୍ପିଦି କିହାଁ ଏଚକା କୁଡାତି ଲକୁତାଣା ଅନେରି, ଇଞ୍ଜା ଏଚକା ଜାଡିତି ଲକୁତି କଲା ଏଆ ପାତେକା ଏଞ୍ଜାରି କତାୟାଁ ତୁଇ ଜିରୁସାଲମ ଗାଡା ଖିସପିଆହୁ” ତୁୟିନେ ।”

ମାଣସି ମୀରୁଏସି ଖେଖୁ ଖାନାୟି
(ମାତି ୨୪:୨୯-୩୧; ମାର୍କି ୧୩:୨୪-୨୭)

୨୫ *ଏମ୍ପାଟିଏ ଖେଡା ଲେଞ୍ଜୁ ଅଡେ ହୁକାୟାଁ ବିତ୍ରାଟି ଏନି ଏନି ସିନାୟାଁ ତଞ୍ଜାଆନେ, ସାମ୍ପାଦୁରି ଗାଜ” ନାଣି ଇଞ୍ଜା ଏୟୁ ନିଜିନାଣି ମେସାନା ଦାରୁତିତି ବାରେ ଦେସାତି ଲକୁ ଆଡାଜାକା ଆନେରି, ୨୬ ଇଞ୍ଜା ଦାରୁତିତା ଏନା ଏନାୟି ଗଟଞ୍ଜି ଆହିମାନେ ଇଞ୍ଜ” କାଟାନା ଲକୁ ଆଜିତାକି ଜୀହୁ ପିସିଲେହେଁ ଆନେରି, ଏନିଇତିହ” ହାଗୁ ପାକାତି ବାଡୁୟୁ ବାରେ ଖୀତିନେ । ୨୭ *ଏତିବେଲା ମାଣସି ମୀରୁଏସି କାଜା ବାଡୁୟୁ ଅଡେ ଗାଞ୍ଜୁରିମି ତଲେ ହାଗୁ ଲାକଡି ଦୁନ୍ଦ୍ରାଟି ଖାନାଣି ମେହୁଦେରି । ୨୮ ସାମା ଈ ବାରେ ଗଟଞ୍ଜି ଆୟାଲି ମାଟୁହିସାରେ ମୀରୁ ଲାକ ସିନକିଦୁ ଏନିଇତିହ” ମିଜେ ଗେଲପିନି କାତା ଏଜିମାଞ୍ଜାନେ ।”

ତୟା ମାରୁନୁଟି ଜାପିନାୟି
(ମାତି ୨୪:୩୨-୩୫; ମାର୍କି ୧୩:୨୮-୩୧)

୨୯ ଅଡେ ଜୀସୁ ଏଞ୍ଜାରାଇଁ ର ପୁଣ୍ଡାମିକିନି କାତା ଖେସେସି, “ତୟା ମାରୁନୁ ଅଡେ ବାରେ ମାରୁକାଣି ସିନକିଦୁ; ୩୦ ଏତିବେଲା ଏଞ୍ଜି ଗଞ୍ଜେଡି ଗାଲୁନୁ, ଏ ଗଞ୍ଜେଡି ଗାଲୁନାଣି ମେସାନା କାରା ଖେଡା ଖାଡେ ଇଞ୍ଜ”

* ୨୧:୧୨ ୨୧:୧୨ ସିନଗଗ * ୨୧:୧୫ ୨୧:୧୫ ଲୁକ ୧୨:୧୧,୧୨ * ୨୧:୨୫ ୨୧:୨୫ ଖେ ବଲୁ ୭:୧୨,୧୩ * ୨୧:୨୭ ୨୧:୨୭ ଖେ ବଲୁ ୧:୭

ମୀରୁ ପୁଞ୍ଜେରି: ୩୧ ଏଲେକିହିଁଏ ମୀରୁ ଈ ବାରେ ମେସାନା ମାହାପୁରୁତି ରାଜି ଏଜିମାଞ୍ଜାନେ ଇଞ୍ଜିଁ ପୁଞ୍ଜେରି ।”

୩୨ “ନାନୁ ମିଙ୍ଗ ଯାତା ଝେସିମାଞ୍ଜାଲ୍, ଈ ବାରେ ଆଆପାତେକା ଈ କାଳାତି ଲକୁ ଏନିଜିକେଏ ମେଣ୍ଡିଙ୍ଗାଅରି । ୩୩ ହାଗୁପାକା ଦାରତି ବାରେ ମେଣ୍ଡିଙ୍ଗାନେ, ସାମା ନା ବକୁ ଏଚେଲାଞ୍ଜା ମେଣ୍ଡିଙ୍ଗାଅରି ।”

କାଟିହିଁ ମାନାୟି
(ମାତି ୨୪:୩୬-୪୪; ମାର୍କ ୧୩:୩୨-୩୭)

୩୪ “ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ, ଆଆତିହିଁ ତିନାଣି ଉନାଣି ଅଡେ ବାଡକିନି ଅଣପୁ ମୀ ହିୟାତା ନେଞ୍ଜିନେ ଅଡେ ଏ ଦିନା ଦେବୁଣିଏ ପାନ୍ଦାଲେହେଁ ମୀ ମୁହେଁ ଖାନେ; ୩୫ ଏନିଜିକିହିଁ ଏଦି ପାନ୍ଦା ଲେହେଁ ଦାରତିତି ବାରେ ଜାଡିତି ଲକୁ ମୁହେଁ ଖାନେ । ୩୬ ସାମା ମୀରୁ ଏନିକିଁ ଈ ବାରେ ଖାହିମାନି ତଣ୍ଡିଟି ଗେଲ୍ପି ଆହାଲି ଅଡେ ମାଣ୍ଡିଏ ମୀରୁଏଣି ନକିତା ନିତାଲି ଆଡିଦେରି, ଏଦାଆଁତାକି ବାରେବେଲା କାତାନା ପ୍ରାଡାନା କିହେମାଞ୍ଜୁ ।”

୩୭ ଧଜୀପୁ ଏରିବେଲା ପ୍ରାଡାନା ଇଲୁତା ଜାପୁହି ମାଚେସି, ଇଞ୍ଜା ଲାଆଁୟାଁ ଗାଡ଼ାଟି ହଡ଼ା ହାଜାନା ଜାତ ଇନି ହରୁତା ମାଣ୍ଡିତେସି । ୩୮ ଅଡେ ବାରେ ଲକୁ ପ୍ରାଡାନା ଇଲୁତା ଜୀସୁ କାତା ଝେଞ୍ଜାଲି ଲାଲ ଲାଇସିଏ ରୁଣ୍ଡା ଆହିମାଚେରି ।

୨୨

ଜୀସୁଇଁ ପାୟାଲି ପାରୁ ପାରିନାୟି
(ମାତି ୨୪:୧-୫; ମାର୍କ ୧୪:୧,୨; ଜହ ୧୧:୪୫-୫୩)

୧ ପିସ୍ପିଆନି ପାର୍ବୁ ଦରୁଗାଟି ପୁଲାଏରୁ ଆଣ୍ଡାଆତି ରୁଟି ତିନି ପାର୍ବୁ ତାଗେ ଆହିମାଚେ । ୨ ଇଞ୍ଜା କାଜା ପୁଜେରା ଅଡେ ମେରାପୁନାରି, ଜୀସୁଇଁ ଏନିକିଁ ପାୟାଲି ଆଡିନେରି, ଏଦାଆଁତାକି ପାରୁ ପାରିମାଚେରି, ସାମା ଏଞ୍ଜାରି ଲକୁଣି ଆଜିମାଚେରି ।

ଜୀହୁଦା ଜୀସୁଇଁ ଆସ୍ପି କିହାଲି ରାଜି ଆନାୟି
(ମାତି ୨୬:୧୨-୨୬; ମାର୍କ ୧୪:୧୦,୧୧)

୩ ଏରିବେଲା ବାରଜାଣା ସୀସୁୟାଁ ବିତ୍ରାମାନି ଇସ୍ପାରିୟତ ଦରୁଗାଟି ଜୀହୁଦା ହିୟାତା ସୟତାନ ହଚେ; ୪ ଅଡେ ଜୀହୁଦା ହାଜାନା ଏନିକିଁ କାଜା ପୁଜେରାଞ୍ଜା ଅଡେ ମାହାପୁରୁ ଇଲୁ କାପୁଗାଟି କାଜାରି କେୟୁତା ଆସ୍ପି କିନେସି, ଏଦାଆଁତାକି ଏଞ୍ଜାରିତଲେ କାତାବାର୍ତା ଆଡେସି । ୫ ଏମ୍ପାଟିଏ ଏଞ୍ଜାରି ରାହାଁ ଆହାନା ଏଞ୍ଜାଣାକି ଚାକାୟାଁ ହାହାଲି ଆଞ୍ଜିତେରି । ୬ ଅଡେ ଜୀହୁଦା ରାଜି ଆହାନା ଲକୁ ହିଲାଆବେଲାତା ଜୀସୁଇଁ ଏଞ୍ଜାରି କେୟୁତା ହେରପାଲି ପାରୁ ପାରିତେସି ।

ପିସ୍ପିଆନି ପାର୍ବୁତି ବଜି ତିୟାରା କିନାୟି
(ମାତି ୨୬:୧୭-୨୫; ମାର୍କ ୧୪:୧୨-୨୧; ଜହ ୧୩:୨୧-୩୦)

୭ ତାୟୁ ଆନିନି ଦିନା ପୁଲାଏରୁ ଆଣ୍ଡାଆତି ରୁଟି ତିନି ପିସ୍ପିଆନି ପାର୍ବୁତାକି ମେଣ୍ଡା ତାଲୁକାଣି ପୁଜା କିନି ଦିନା ଏଚେ; ୮ ଏଚେଟିଏ ଜୀସୁ ପିତର ଅଡେ ଜହନଇଁ ଈ କାତା ଝେସା ପାଣ୍ଡିତେସି, “ମୀରୁ ହାଜାନା ମାଙ୍ଗେତାକି ପିସ୍ପିଆନି ପାର୍ବୁତାକି ରାନ୍ଦା ଖାଜାଦୁ ମାରୁ ତିନଖା ।”

୯ ଏମ୍ପାଟିଏ ଏଞ୍ଜାରି ଜୀସୁଇଁ ଝେଚେରି, “ମାମ୍ପୁ ଆୟିୟା ହାଜାନା ରାନ୍ଦା ଖାଜିହାଲାପାରି ଇଞ୍ଜିଁ ନୀନୁ ଅଣ୍ଡାପିମାଞ୍ଜି ?”

୧୦ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ ଗାଡ଼ା ହଟିସାରେ ତୁକାତା ଏରୁ ଅହିମାନାଣାଇଁ ମେହ୍ଦେରି; ଏଞ୍ଜାଣି ଜେଚ ଜେଚ ହାଜାନା ଏଞ୍ଜାସି ଆନିନି ଇଜ ହଡୁନେସି ଇଲୁ ଗାଟାଣାଇଁ ଝେହ୍ଦୁ, ୧୧ ଗୁରୁ ନିଙ୍ଗ ଇଲେଇଞ୍ଜିଁ ଝେସା ପାଣ୍ଡାମାଞ୍ଜାନେସି, ନାନୁ ନା ସୀସୁୟାଁ ତଲେ ପିସ୍ପିଆନି ପାର୍ବୁତି ବଜି ଏନିନି ଇଲୁତା ତିଇଁ ଏ ବାକ୍ରା ଆନିନାୟି ତସ୍ପାପୁ ? ୧୨ ଏମ୍ପାଟିଏ ଏଞ୍ଜାସି ନେହିଁ ତିୟାରା ଆହାମାନି ଲାକିନି ପାରୁତି ର କାଜା ବାକ୍ରା ତସ୍ପାନେସି; ଏମ୍ପାଆଁ ମାଙ୍ଗେତାକି ରାନ୍ଦା ଖାଜାଦୁ ।”

୧୩ ଏଞ୍ଜାସି ହାଜାନା ଜୀସୁ ଏଞ୍ଜାରାଇଁ ଏନିକିଁ ଝେସାମାଚେସି, ଏଲେକିଁ ମେସାନା ପିସ୍ପିଆନି ପାର୍ବୁତି ରାନ୍ଦା ଖାଜିତେରି ।

୨୧:୩୭ ୨୧:୩୭ ଲୁକ ୧୯:୪୭

ପ୍ରବୃତ୍ତି ବଢ଼ି

(ମାତି ୨୭:୨୭-୩୦; ମାର୍କ ୧୪:୨୨-୨୬; ଲକର ୧୧:୨୩-୨୫)

୧୪ ପିସ୍‌ପିଆନ୍ନି ପାର୍ବୁତି ବେଲା ଆୟାଲିଏ, ଜୀସୁ ଅଡ଼େ ତାନି ପାଣ୍ଡୁଝି ଆଡ଼ି ସୀସୁୟାଁ ତଲେ ତିଞ୍ଜାଲି କୁରିତେରି । ୧୫ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ନାନୁ ବୁକୁ କସ୍ତ ପୁଞ୍ଜିଆ ନକେଏ ମୀ ତଲେ ଇ ପିସ୍‌ପିଆନ୍ନି ପାର୍ବୁତି ବଢ଼ି ତିଞ୍ଜାଲି ହାରେକା ଅଣପାମାଚେଏ ! ୧୬ ଏନ୍ନିଇଚିହଁ ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁ ରାଜିତା ଇ କାତା ବାରେ ପୁରା ଆଆପାତେକା ନାନୁ ଅଡ଼େ ଏଚେଲାଞ୍ଜା ଏଦାଆଁ ତିନଅଁ ।”

୧୭ ଇଞ୍ଜା ଏଞ୍ଜାସି ର ସଲ୍ଲା ଆସାନା ମାହାପୁରୁଇଁ ଜହରା କିହାନା ଏଲେଇଚେସି, “ମୀରୁ ଇଦାଆଁ ଅହାନା ମୀ ବିତ୍ରା ବାରିକିଦୁ । ୧୮ ଇଚିହଁ ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁ ରାଜି ଖାଆ ପାତେକା ନାନୁ ନାଞ୍ଜୁଟିଏ ଅଙ୍ଗୁଟି ରାସା ଏଚେଲାଞ୍ଜା ଗହଁଅଁ ।”

୧୯ ଅଡ଼େ ଏଞ୍ଜାସି ରୁଟି ଅହାନା ମାହାପୁରୁଇଁ ଜହରା କିହାଁ ଡ଼ିକ୍‌ହାନା ହାହାଁ ଏଲେଇଚେସି, “ମିଙ୍ଗେତାକି ହାପୁକି ଆହାମାନି ନା ଆଞ୍ଜା ଇଦି; ନାଙ୍ଗେ ଅଣପାଲି ଇଦାଆଁ କିଦୁ ।” ୨୦ ଏଲେକିହଁଏ ତିଚି ତାନ୍ତୁ ଏଞ୍ଜାସି ଗହଁନି ସଲ୍ଲା ଆସାନା ଏଲେଇଚେସି, “ଇ ସଲ୍ଲାତା ମିଙ୍ଗେତାକି ଖାକ୍‌ହିମାନି ନା ନେଚେଚିଚି ପୁଞ୍ଜି ରାଜିମାନା ।”

୨୧ “ସାମା ମେହଦୁ ଆମ୍ବାଆସି ନାଙ୍ଗେ ସାତୁ କେୟୁତା ହେରପିମାଞ୍ଜାନେସି, ଏଞ୍ଜାସି ନା ତଲେ ବଢ଼ିତା କୁଗାମାନେସି । ୨୨ ଏନ୍ନିଇଚିହଁ ମାହାପୁରୁ ତାରି କିହାମାଚି ଲେହେଁ ମାଣସି ମୀରୁଏସି ହାନ୍ଦେସି, ସାମା ଏଞ୍ଜାଣାଇଁ ସାତୁ ତାଣା ହେରପିନେସି ଆୟତା ଏଞ୍ଜାସି ଉଣେଏ ତଣ୍ଡ ବେଗା ଆନେସି ।”

୨୩ ଏମ୍ବାଟିଏ ଏଞ୍ଜାରି ମା ବିତ୍ରାଟି ଆମ୍ବାଆସି ଇଲେଚି କାମା କିନେସି ଇଞ୍ଜାଁ ତାମ୍ବୁ ତାମ୍ବୁସୁ ଜଲ୍ଲକି ଆଡ଼େଚିରି ।

ଆମ୍ବାଆସି କାଜାସି ଇଞ୍ଜାଁ ବାଦିବାଦା

୨୪ *ଇଞ୍ଜାଁ ଏଞ୍ଜାରି ବିତ୍ରାଟି ଆମ୍ବାଆସି କାଜାସି ଆନ୍ଦେସି ଇଞ୍ଜାଁ ସୀସୁୟାଁ ବିତ୍ରା ଆସପି ଆଡ଼େଚିରି । ୨୫ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଏବକା କୁଡ଼ାତି ରାଜାୟାଁ ଏଞ୍ଜାରି ମୁହେଁ ସାଲୁଝି କିନେରି, ଅଡ଼େ ଆମିନି ଗାଗାରି ଏଞ୍ଜାରାଇଁ ସାଲୁଝି କିନେରି, ଏଞ୍ଜାରି ଲକୁଡ଼ାଣା ନେହାରି ଇଞ୍ଜାଁ ଝେଙ୍ଗାଲି ଅଣପିନେରି । ୨୬ **ସାମା ମୀ ବିତ୍ରା ଏଲେଆଆଦୁ ଇଚିହଁ ମୀ ବିତ୍ରା ଆମ୍ବାଆସି କାଜାସି ଏଞ୍ଜାସି ଉଣା ଆଡ଼େସି, ଇଞ୍ଜାଁ ଆମ୍ବାଆସି ସାଲୁଝି କିନାସି ଏଞ୍ଜାସି ସେବା କିନାସି ଆଡ଼େସି । ୨୭ *ଆମ୍ବାଆସି କାଜାସି ? ତିଞ୍ଜାଲି କୁରିନାସି କାଜାସି କି ସେବା କିନାସି କାଜାସି ? ତିଞ୍ଜାଲି କୁରିନାସି କାଜାସି ଆଏକି ? ସାମା ନାନୁ ମୀ ବିତ୍ରା ସେବା କିନାଚେଏଲେହେଁ ଆହାମାଇଁ ।”

୨୮ “ସାମା ମୀରୁ ନା ବାରେ କସ୍ତତା ନା ତଲେ ମାଞ୍ଜାମାଞ୍ଜେରି; ୨୯ ଇଞ୍ଜାଁ ନା ଆବା ଏନ୍ନିକଁ ନାଙ୍ଗେ ସାଲୁଝି କିହାଲି ପାଣା ହାହାମାଞ୍ଜାନେସି, ନାନୁ ଜିକେଏ ଏଲେକିହଁଏ ମିଙ୍ଗେ ହିୟାଇଁ, ୩୦*ଏନ୍ନିକଁ ମୀରୁ ନା ରାଜିତା ନା ତଲେ କୁଗାନା ତିଞ୍ଜେଚି, ଇଞ୍ଜାଁ ସିଂଗାସାଣିତା କୁଗାନା ଇସାୟେଲତି ବାଡ଼ କୁଡ଼ାତି ସାଲୁଝି କିଦେରି ।”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜାଁ ଝେହ୍ନି କାତା

(ମାତି ୨୬:୩୧-୩୫; ମାର୍କ ୧୪:୨୭-୩୧; ଜହ ୧୩:୩୭-୩୮)

୩୧ “ସିମନ, ସିମନ ମେହଦୁ ସୟତାନ ଗହଁ ହାଣିକିନିଲେହେଁ ସୟତାନ ମାହାପୁରୁ ତାଣାଟି ହେଲ ବେତାଆହାମାନେ; ୩୨ ସାମା ନୀ ନାମୁ ଏନ୍ନିକଁ ମେଣ୍ଡେକେଏ, ଇଦାଆଁତାକି ନାନୁ ନୀ ତାକି ପ୍ରାତାନା କିଚେଏ; ଇଞ୍ଜାଁ ନାନୁ ନେହଁ ଆହାନା ଝେଣ୍ଡାସାରେ ନୀ ତାୟିୟାଣି ତୀରପୁକିମୁ ।”

୩୩ ସାମା ପିତର ଏଲେଇଚେସି, “ଏ ପ୍ରବୁ ନାନୁ ନୀ ତଲେ କାୟିଦିତା ହାଜାଲି ଅଡ଼େ ହାହାଲି ଜିକେଏ ଆଣ୍ଡାଇଁ ।”

୩୪ ସାମା ଜୀସୁ ଏଲେଇଚେସି, “ଏ ପିତର ନାନୁ ଏଲେଇଞ୍ଜିମାଞ୍ଜାଇଁ, ନୀଞ୍ଜୁ କୟୁ କେଣ୍ଡାଆ ନକେଏ ନୀନୁ ନାଙ୍ଗେ ତାନିପାଲି ପୁଞ୍ଜାହିଲଅଁ ଇଞ୍ଜାଁ ଝେହ୍ନି ।”

ଗାକାୟାଁ ମଣା ଅଡ଼େ କାଣ୍ଡା

* ୨୨:୨୪ ୨୨:୨୪ ମାତି ୧୮:୧; ମାର୍କ ୯:୩୪; ଲୁକ ୯:୪୭ * ୨୨:୨୬ ୨୨:୨୬ ମାତି ୨୩:୧୧; ମାର୍କ ୯:୩୫ * ୨୨:୨୭ ୨୨:୨୭ ମାତି ୨୦:୨୫-୨୬; ମାର୍କ ୧୦:୪୨-୪୪ * ୨୨:୨୭ ୨୨:୨୭ ଜହ ୧୩:୧୨-୧୫ * ୨୨:୩୦ ୨୨:୩୦ ମାତି ୧୯:୨୮

୩୫ *ଜୀସୁ ଏଝାରାଇଁ ଏଲେଇରେସି, “ଏରିବେଲା ନାନୁ ମିଙ୍ଗେ ତାରୁୟାଁ ମଣା ଇଞ୍ଜା ସେପୁୟାଁ ଅଆନା ହାନ୍ତୁ ଇଞ୍ଜା ପାଣ୍ଡା ମାଞ୍ଜାତେଏଁ ଏ ବେଲା ମିଙ୍ଗେ ଏନାୟି ଉଣା ଆୟାତେକି ?” ଏଝାରି ଏଲେଇରେରି, “ଏନାୟି ଆଏ ।”

୩୬ ଏମ୍ବାଟିଏ ଜୀସୁ ଏଲେଇରେସି, “ସାମା ନୀଏଁ ଆମ୍ବାଆରାକି ତାରୁୟାଁ ମାନୁ ଏଝାସି ଏଝାଆଁ ଅଢେସି, ଏଲେକିହଁ ଏ ମଣା ଜିକେଏ ଅଢେସି, ଅଢେ ଆମ୍ବାଆରାକି କାଣ୍ଡା ହିଲେଏ ଏଝାସି ତାନି ହିମ୍ବରି ପାଢ଼ତାନା କଡାପେସି । ୩୭ ଇରିହଁ ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁ ପଡତା ରାସ୍ତିକି ଆହାମାନାୟି ସାତେଏ ନାଙ୍ଗେତାକି ଆନାୟି ମାନେ, ଏଝାସି ପାପୁ ଗାଟାରି ତଲେ ଲେକା ଆନେସି, ଏଲେଆହଁ ଏ ଏ ବାରେ ନାଙ୍ଗେ ଏଜାତାରିମାନେ ।”

୩୮ ଏମ୍ବାଟିଏ ଏଝାରି ଏଲେଇରେରି, “ଏ ପ୍ରବୁ ଇମ୍ବାଆଁ ରୀ କାଣ୍ଡା ମାନୁ ।” ଇଞ୍ଜା ଏଝାସି ଏଲେଇରେସି, “ହାଅ, ଏଝିଏ ସାରି ଆନୁ ଇରେସି ।”

ଜୀସୁ ଜୀତ ହରୁତା ପ୍ରାଡାନା କିନାୟି
(ମାତି ୨୭:୩୭-୪୭; ମାର୍କ ୧୪:୩୨-୪୨)

୩୯ ଏଝାସି ଗାଡ଼ାଟି ହଡ଼ା ହାଜାନା ତାନୁ ହାଲ୍‌ଝିତିଲେହେଁ ଜୀତ ହରୁତା ହାରେସି, ଅଢେ ସୀସୁୟାଁ ଜିକେଏ ଏଝାଣି ଜେତ ହାରେରି । ୪୦ ଏମ୍ବାଆଁ ଏଜାନା ଏଝାସି ତାନି ସୀସୁୟାଁଇଁ ଝେସେସି, “ମୀରୁ ଏନିକଁ” ପାନ୍ଦାତା ହେରୁଝି ଆଅତେରି, ଇଦାଆଁତାକି ପ୍ରାଡାନା କିଦୁ ।”

୪୧ ଅଢେ ଏଝାସି ଏଝାରି ତାଣ୍ଡାଟି ହିରେ ହେକ ହାଜାନା ମେଣ୍ଡାକୁତାନା ପ୍ରାଡାନା କିହଁ ଝେସେସି, ୪୨ “ଏ ଆବା ନୀନୁ ମନ କିତିହଁ ଇ ଦୁକୁ କସ୍ତ ନା ତାଣ୍ଡାଟି ଗୁଟି କିମ୍ବ; ସାମା ନା ମନ କଡେ ଆଏ ନୀ କାତେଏ ଆପେ ।” ୪୩ ଅଢେ ଲାକପୁରୁତି ର ଦୁତୁ ତଞ୍ଜାଆହାନା ଏଝାଣାକି ବାଡ଼ୁ ହାତେ । ୪୪ ଏରେଟିଏ ଏଝାସି ହାରେକା ଦୁକୁ ତଲେ ଅଢେ ଗାତିକିହଁ ପ୍ରାଡାନା କିତେସି, ଇଞ୍ଜା ଏଝାଣି ଗାମା ନେତେରିଲେହେଁ ବୁମିତା ତରୁମିମାତେ ।

୪୫ ଅଢେ ଏଝାସି ପ୍ରାଡାନାଟି ନିଜା ଖାହାନା ତାନି ସୀସୁୟାଁଣି ଦୁକୁ ତଲେ ଇଦା କିତାଣି ମେସେସି; ୪୬ ଇଞ୍ଜା ଏଝାସି ଏଝାରାଇଁ ଏଲେଇରେସି, “ଏନାଆଁତାକି ତୁରାମାଞ୍ଜେରି ? ପାନ୍ଦାତା ଏନିକଁ ହେରୁଝିଅତେରି ଏଦାଆଁତାକି ନିଜାନା ପ୍ରାଡାନା କିଦୁ ।”

ଜୀସୁଇଁ ଦହନି କାତା
(ମାତି ୨୭:୪୭-୫୭; ମାର୍କ ୧୪:୪୩-୫୦; ଜହ ୧୮:୩-୧୧)

୪୭ ଏଝାସି ଜଲିମାଟାରି ର ମାନ୍ଦା ଲକୁ ଏମ୍ବାଆଁ ଏଗା ଖାତେରି, ଅଢେ ବାରଜାଣା ସୀସୁୟାଁ ବିତ୍ତାଟି ଜୀହୁଦା ଦରୁଗାଟାସି ଏଝାରି ନକିତା ଖାହାନା ଜୀସୁଇଁ ନଶ୍ୱାଲି ତାନି ତାଣ୍ଡା ହାରେସି । ୪୮ ସାମା ଜୀସୁ ଏଝାଣାଇଁ ଏଲେଇରେସି, “ଏ ଜୀହୁଦା ନଶ୍ୱାନା ମାଣ୍ଡାସି ମାନ୍‌ଏଣାଇଁ ସାତୁୟାଁ କେରୁତା ହେରୁପିମାଞ୍ଜି ?”

୪୯ ଏମ୍ବାଟିଏ ଜୀସୁତଲେ ମାଟାରି ଇଦି ଏନାୟି ଇଞ୍ଜା ପୁଞ୍ଜାନା ଜୀସୁଇଁ ଏଲେଇରେରି, “ଏ ପ୍ରବୁ ମାମ୍ବୁ ଇଝାରାଇଁ କାଣ୍ଡାତଲେ ପାୟିନମି କି ?” ୫୦ ଅଢେ ଏଝାରି ରଅସି କାଜା ପୁଜେରା ହଲେଏଣାଇଁ ଇରହାନା ତାନି ଟିନି କିୟଁଁ ଦ୍ୱାଡାତୁସେସି ।

୫୧ ସାମା ଜୀସୁ ଏଲେଇରେସି, “ଇରେକେଏ ଆଡେ” ଇଞ୍ଜାନା ଏଝାଣି କିୟଁଁ ତୁୀଗାନା ନେହଁ କିତେସି ।

୫୨ ଅଢେ ଜୀସୁ ତାଙ୍ଗେ ଆସାଲି ଖାହାମାଟି କାଜା ପୁଜେରା, ମାହାପୁରୁ ଇଲୁତି କାପୁଗାଟାରି ଅଢେ ଲକୁତି କାଜାରାଇଁ ଏଲେଇରେସି, “ମୀରୁ ସରୁଇଁ ଆହନିଲେହେଁ ଇଟା କାଣ୍ଡା ଅଢେ ଟେଙ୍ଗାୟାଁ ଆସାନା ଖାହାମାଞ୍ଜେରି ? ୫୩ *ନାନୁ କାରେଲଏ ମୀ ତଲେ ମାହାପୁରୁ ଇଲୁତା ମାରେଏଁ, ଏରିବେଲା ମୀରୁ ନାଙ୍ଗେ ଆସ୍ତାଆତେରି; ସାମା ଇ ଦିନା ମୀଦିଏ ଅଢେ ଆନେରିତି ବାଡ଼ୁ ରାକିକିନି ଦିନା ।”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜା ଇନାୟି
(ମାତି ୨୭:୫୭, ୫୮, ୬୯-୭୫; ମାର୍କ ୧୪:୫୩, ୫୪, ୬୭-୭୨; ଜହ ୧୮:୧୨-୧୮, ୨୫-୨୭)

୫୪ ତାୟୁ ଏଝାରି ଏଝାଣାଇଁ ଅହାନା କାଜା ପୁଜେରା ଇଜ ତାତେରି; ସାମା ପିତର ହେକ ମାଞ୍ଜାନା ଜେତ ଜେତ ହାରେସି । ୫୫ ଅଢେ ଏଝାରି ଆଁଗେଣିତା ହିରୁ ତାସାନା ହିରୁ ସାରିସୁଟୁ କୁରିତେରି, ଇଞ୍ଜା ପିତର

* ୨୨:୩୫ ୨୨:୩୫ ମାତି ୧୦:୯,୧୦; ମାର୍କ ୭:୮,୯; ଲୁକ ୯:୩; ୧୦:୪ * ୨୨:୫୩ ୨୨:୫୩ ଲୁକ ୧୯:୪୭; ୨୧:୩୭

ଜିକେଏ ଏଝାରିତଲେ କୁରିତେସି । ୫୭ ଏମ୍ବାଟିଏ ର ହଚେଲଣି ପିତର ହିରୁ ମାଣ୍ଡାତା କୁଗାମାନାଣି ମେସାନା, ଏଝାଣାଇଁ ସିନିକିହାନା ଏଲେଇଚେସି, “ଇଝାସି ଜିକେଏ ଏଝାଣିତଲେ ମାରାସି ।”

୫୭ ସାମା ପିତର ଏଲେଇଚେସି, “ଆଏକା ନାନୁ କଡେ ଏଝାଣାଇଁ ପୁଣ୍ଡମ୍ବୁ ପୁଞ୍ଜାହିଲଅଁ ।”

୫୮ ଅଡେ ଗାଡ଼କା ହାଜାଲିଏ ଅଡେ ରଅସି ଏଲେଇଚେସି, “ନାନୁ ଜିକେଏ ଏଝାରି ବିଡ଼ାଟି ରଅତି ।” ସାମା ପିତର ଏଲେଇଚେସି, “ଆଏ ତାସି ନାନୁ କଡେ ଆଏ ।”

୫୯ ଅଡେ ର ଗଂଟା ହାଜାଲିଏ ଅଡେ ରଅସି ଏଲେଇଚେସି, “ସାତେଏ ଇଝାସି ଏଝାରିତଲେ ମାରାସି, ଏନିଇଚିହଁ ଇଝାସି ଗାଲିଲି ଦେସାତାସି ।”

୬୦ ସାମା ପିତର ଏଲେଇଚେସି, “ନାନୁ ଏନାଆଁ ଇଞ୍ଜିମାଞ୍ଜି ତାସି ନାନୁ ଏଦାଆଁ ପୁଞ୍ଜାହିଲଅଁ ।”

ଏ ଦେବୁଣିଏ କୟୁ କେଣ୍ଡତେ; ୬୧ ଏମ୍ବାଟିଏ ପ୍ରବୁ ମ୍ବୁ ହୁପେରହାନା ପିତରଇଁ ସିନିକିତେସି; ଏମ୍ବାଟିଏ ନୀଞ୍ଜୁ କୟୁ କେଣ୍ଡଆ ନଚେକା ନାନୁ ପୁଞ୍ଜାହିଲଅଁ ଇଞ୍ଜାଦି, ପ୍ରବୁ ଖେସ୍ତ୍ର ଇ କାତା ତାନି ମନତା ଖାଚେ, ୬୨ ଇଞ୍ଜା ଏଝାସି ପାଞ୍ଜାତା ହାଜାନା ଗାତି ଦୁକୁ ଆହାନା ଡ଼ାତେସି ।

ଜୀସୁଇଁ ନିନ୍ଦାକିହଁ କାକନାସି ଅଡେ ଖେନାସି

(ମାତି ୨୭:୨୭,୨୮; ମାର୍କ ୧୪:୨୫)

୬୩ ଅଡେ ଆମିନିଗାଟାରି ଜୀସୁଇଁ ଆସା ଇଟାମାଚେରି, ଏଝାରି ଏଝାଣାଇଁ ଖେଚି ଖେଚିହଁ କାକହେରି, ୬୪ ଅଡେ ଏଝାଣି ମ୍ବୁମ୍ବୁ ହିମ୍ବୁରି ପୁକ୍‌ହାନା ଖେଚେରି, “ନାନୁସାଁ ମାହାପୁରୁ ଅଣ୍ଡପୁତି ବଲୁ ଖେହ୍ନାତି ! ଖେସ୍ତ୍ରାମ୍ବୁ ନିଜେ ଆମ୍ବାଆସି ଖେତାତେସି ?” ୬୫ ଅଡେ ଏଝାରି ହାଚେରକା କାତା ଏଝାଣି କପାଟି ଜଲାନା ଏଝାଣି ନିନ୍ଦାକିତେରି ।

ବେରଣିମାଣ୍ଡା ନକିତା ଜୀସୁ

(ମାତି ୨୭:୫୯-୬୬; ମାର୍କ ୧୪:୫୫-୬୪; ଜହ ୧୮:୧୯-୨୪)

୬୬ ଲାକ୍ ଖେୟାଲିଏ ଲକୁତି କାଜାରି, କାଜା ପୂଜେରାଜୀ ଅଡେ ମେରାପୁନାରି ରୁଣ୍ଡା ଆହାନା ତାନି ବେରଣିମାଣ୍ଡାତା ଜୀସୁଇଁ ଅହାନା ଖେଚେରି, ୬୭ “ନାନୁ କ୍ରୀସ୍ତତିକି ମାଜେ ଖେସ୍ତ୍ରାମ୍ବୁ ।” ସାମା ଏଝାସି ଏଝାରାଇଁ ଏଲେଇଚେସି, “ନାନୁ ମିଜେ ଖେସ୍ତ୍ରାସାରେ ମାରୁ ନାମଅତେରି; ୬୮ ଅଡେ ନାନୁ ଖେଞ୍ଜାତିହଁ ମାରୁ ଖେସାଲି ଆଡ଼ଅତେରି । ୬୯ ସାମା ନୀଏଟିଏ ମାଣ୍ଡସି ମାର୍‌ଏସି ବାଡ଼ୁରୁଗାଟି ମାହାପୁରୁ ଚିଃନି ଚଟତା କୁରିନେସି ।”

୭୦ ଏମ୍ବାଟିଏ ବାରେଜାଣା ଖେଚେରି, “ଆତିହଁ ନାନୁ ମାହାପୁରୁ ମାର୍‌ଏଣାତିକି ?”

ଏଝାସି ଏଝାରାଇଁ ଏଲେଇଚେସି, “ମାରୁତ ଖେସିମାଞ୍ଜାଦେରି, ନାନୁ ଏଝାତେଏଁ ।”

୭୧ ଏଚେଟିଏ ଏଝାରି ଏଲେଇଚେରି, “ମାଜେ ଅଡେ ଏନି ସାକି ଲଡ଼ା, ମାରୁତ ଇ କାତା ତାନି ଗୁଟିଟିଏ ଖେଚାସି ।”

୨୩

ପିଲାତ ନକିତା ଜୀସୁ

(ମାତି ୨୭:୧,୨; ୨୭:୧୧-୧୪; ମାର୍କ ୧୫:୧-୫; ଜହ ୧୮:୨୮-୩୮)

୧ ଏଚେଟିଏ ତାୟୁ ବାରେଜାଣା ନିଜାମା ଜୀସୁଇଁ ପିଲାତ ନକିତା ଅତେରି । ୨ ଇଞ୍ଜା ଏଝାରି ଜୀସୁ କପାଟି ଦହ ଦସାନା ଏଲେଇଚେରି, “ମାମ୍ବୁ ପୁଟମି ଇଝାସି ମା କୁଡ଼ାତି ଲକୁଣି ପଲ୍‌ଆ ଜାପୁହିମାନେସି, ଇଚିହଁ ଇଝାସି କାସିସରକି ସିସୁ ହୁଆପୁ, ତାନ୍ତୁ ନାନୁଏ କ୍ରୀସ୍ତ ଅଡେ ରାଜାତେଏଁ ଇଞ୍ଜା ଖେସା କଡିମାନେସି ।”

୩ ଏଚେଟିଏ ପିଲାତ ଜୀସୁଇଁ ଖେଚେସି, “ନାନୁ କି ଜୀହୁଦି ଲକୁତି ରାଜାତି ?”

ଜୀସୁ ଖେସ୍ତ୍ରସି, “ନାନୁତ ଖେସିମାଞ୍ଜି ।”

୪ ଏଚେଟିଏ ପିଲାତ କାଜା ପୂଜେରା ଅଡେ ବାରେ ଲକୁଣି ଏଲେଇଚେସି, “ନାନୁ ଇଝାଣି ତାଣା ଏନି ଦହ ପୁଞ୍ଜାତେଏଁ ।”

୫ ସାମା ଏଝାରି ଗାତିକିହଁ ଜଲିତେରି, “ଇଝାସି ଗାଲିଲିତାସିକି ?” ୬ ଇଞ୍ଜା ଏଝାସି ହେରଦ ରାଜା ରାଜି ତାସି ଇଞ୍ଜା ପୁଞ୍ଜାନା ଏଝାଣାଇଁ ହେରଦ ତାଣା ପାଣ୍ଡିତେସି, ଏନିଇଚିହଁ ଏଚିବେଲ

ହେରଦ ନକିତା ଜୀସୁ

୭ ସାମା ପିଲାତ ଇ କାତା ଖେଞ୍ଜାନା ଖେଚେସି, “ଇଝାସି ଗାଲିଲିତାସିକି ?” ୮ ଇଞ୍ଜା ଏଝାସି ହେରଦ ରାଜା ରାଜି ତାସି ଇଞ୍ଜା ପୁଞ୍ଜାନା ଏଝାଣାଇଁ ହେରଦ ତାଣା ପାଣ୍ଡିତେସି, ଏନିଇଚିହଁ ଏଚିବେଲ

ହେରଦ ଜିରୁସାଲମତା ମାତେସି । ୮ ହେରଦ ଜୀସୁଇଁ ମେସାନା ହାରେକା ରାହାଁ ଆଡେସି, ଏନ୍‌ଇଚିହିଁ ଏଝାସି ଏଝାଣି କାତା ଖେଞ୍ଜା ମାତାକି ଏଝାଣାଇଁ ହାରେକା ଦିନାଟିଏ ମେସାଲି ମନ କିହିମାତେସି, ଇଞ୍ଜା ଏଝାଣି ତାଣାଟି ଏନ୍‌ କାବାଆନ୍‌ କାମାକିନାଣି ମେହୁଇଁ ଇଞ୍ଜା ଆସା କିହିମାତେସି । ୯ ହେରଦ ଜୀସୁଇଁ ଏନ୍‌ ଏନ୍‌ କାତାୟାଁ ଖେତେସି, ସାମା ଜୀସୁ ଏଝାଣାଇଁ ଏନ୍‌ କାତାଝା ଖେଣ୍ଡେ ଖେହୁଆତେସି । ୧୦ ସାମା କାଜା ପୂଜେରାଞ୍ଜା ଅଡ଼େ ମେରାପୁନାରି ନିତାନା ଏଝାଣି କପାଟି ଆଜିହପେତି କାତାୟାଁ ଜଲିମାତେରି । ୧୧ ଏତେଟିଏ ହେରଦ ତାନି କସକା ତଲେ ଏଝାଣାଇଁ କାକହୁ କାକହୁହିଁ ନିନ୍ଦାକିତେରି ଏତେଟିଏ ର ପାଟୁ ହିମୁରି ଏଝାଣାଇଁ ହୁଟି କିହାନା ପିଲାତ ତାଣା ଖେଣ୍ଡେ ପାଣ୍ଡିତେରି । ୧୨ ଏ ଦିନାଟିଏ ପିଲାତ ଅଡ଼େ ହେରଦ ତଣେ ଆଡେରି; ଏଝାରି ନଡକଏ ସାହୁୟାଲେହେଁ ମେସସି ଆଝିତେରି ।

ଜୀସୁକି ହାନ୍‌ ତଣ୍ଡ

(ମାତି ୨୭:୧୫-୨୭; ମାର୍କ ୧୫:୬-୧୫; ଜହ ୧୮:୩୯; ୧୯:୧୭)

୧୩ ଏମ୍ବାଟିଏ ପିଲାତ କାଜା ପୂଜେରା ଜୀହୁଦି ଲକୁଡି କାଜାରି ଅଡ଼େ ବାରେ ଲକୁଇଁ ହାଟି କିହାନା ଏଝାରିଇଁ ଏଲେଇତେସି, ୧୪ “ଇଝାସି ଲକୁଣି ପଲୁଆ ଜାପୁହିମାନେସି ଇଞ୍ଜା ମୀରୁ ନା ତାଣା ତାତେରି; ସାମା ନାମୁ ଏଝାଣାଇଁ ମୀ ନକିତା ତାୟିପାରି କିତେସଁ ଇଞ୍ଜା ମୀରୁ ଖେସାମାଞ୍ଜାତି ଏନ୍‌ ଦହୁ ଏଝାଣି ତାଣା ପୁଞ୍ଜାତେସଁ, ଇଞ୍ଜା ହେରଦ ଜିକେଏ ପୁଞ୍ଜାତେସି, ୧୫ ଏନ୍‌ଇଚିହିଁ ହେରଦ ଅଡ଼େ ଖେଣ୍ଡେ ନା ତାଣା ପାଣ୍ଡାତେସି; ଇଞ୍ଜା ମେହଦୁ ଇଝାସି ହାନ୍‌ ତଣ୍ଡ ପାଣ୍ଡିନି ଏନ୍‌ ଦହୁଝା କିହାହିଲଅସି; ୧୬ ଏଦାଆଁତାକି ନାମୁ ଇଝାଣାଇଁ ସାଟୁଣି ତଲେ ଖେରାନା ପିହୁଇଁ ।” ୧୭ ପିସପିଆନ୍‌ ପାରୁଁ ବେଲା କାୟିଦି ମାନାରି ବିତ୍ରାଟି ରଅଣାଇଁ ଏଝାରାକି ପିସାଲି ମେରା ମାତେ ।

୧୮ ସାମା ଏଝାରି ରହେଁଏ ଗାଡକିହିଁ ଏଲେଇତେରି, “ଇଝାଣାଇଁ ପାୟାଦୁ ବାରବାଇଁ ମାଜେ ପିସାହିୟାମୁ !” ୧୯ ଇ ବାରବାଇଁ ଗାଡ଼ାତି ଗଡ଼ହା ତାକି ଇଞ୍ଜା ରଅଣାଇଁ ପାୟାମାତାକି କାୟିଦି ଇଟାମାତେରି ।

୨୦ ସାମା ପିଲାତ ଜୀସୁଇଁ ପିସାଲି ଅଣପାନା ଲକୁ ମାନ୍ଦାତି ଅଡ଼େ ପୁଣ୍ଡି କିହାଲି ଖେସୁସି । ୨୧ ସାମା ଏଝାରି କାଜା ହାଡ଼ାତଲେ ଏଲେଇତେରି, “ଏଝାଣାଇଁ ପାସି ମୁଣ୍ଡାତା ଏକଦୁ ପାସି ମୁଣ୍ଡାତା ଏକଦୁ ଇଞ୍ଜା ଇତେରି ।”

୨୨ ଇଞ୍ଜା ଏଝାସି ଅଡ଼େ ତାନି ପାଲି ଖେସୁସି, “ଏନାଆଁତାକି, ଏଝାସି ଏନ୍‌ ଦହୁ କିହାମାନେସି ? ନାମୁ ଏଝାଣି ତାଣା ଏନ୍‌ ହାନ୍‌ହଗେତି ଦହୁ ପୁଞ୍ଜାତେସଁ; ଏଦାଆଁତାକି ନାମୁ ଏଝାଣାଇଁ ସାସି ହାହାନା ପିହୁଇଁ ।”

୨୩ ସାମା ଏଝାରି କାଜା ଗିୟାଁତଲେ ଏଝାଣାଇଁ ପାସି ମୁଣ୍ଡାତା ଏକହାଲି ଖେସୁସି, ତାୟୁ ଏଝାରି ଖେସୁସିଏ ଆଡେ । ୨୪ ଇଞ୍ଜା ଏଝାରି ଖେସିଲେହେଁଏ କିୟାଲି ପିଲାତ ହୁକୁମି ହାତେସି; ୨୫ ସାମା ଆନିନିଗାଟାସି ଗଡ଼ହା ଅଡ଼େ ଲକୁଣି ପାୟାଲିଏ କାୟିଦିତା ଇଟାମାତାଣାଇଁ ରାସା ମାତେରି ପିସୁସି, ଅଡ଼େ ଜୀସୁଇଁ ଏଝାସି ଏଝାରି ଅଣପିତି ଲେହେଁ କିୟାଲି ଏଝାରିତାଣା ହେରପିତେସି ।

ଜୀସୁଇଁ ପାସି ଏକନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଜହ ୧୯:୧୭-୨୭)

୨୬ ଏଝାରି ଜୀସୁଇଁ ଅହିମାତାଟି ସିମନ ଦରୁଗାଟି କୁରିଣି ଦେସାତି ର ନାୟୁଁତି ଝାହିମାତେସି, ଏଝାରି ଏଝାଣାଇଁ ପାସିମୁଣ୍ଡା ଡେକି କିହାନା ଜୀସୁ ଜେତ ଜେତ ଅଡେରି ।

୨୭ ମାନ୍ଦା ଲକୁ ଜୀସୁ ଜେତ ହାଜିମାତେରି ଅଡ଼େ ତାନି ତାକି ବକତା ଖେରା କତିହିଁ ତ୍ରାହି ତ୍ରାହିଁ ଏରରଜାଣା ଇୟାସିକା ଜିକେଏ ଏଝାଣି ଜେତ ହାଜିମାତୁ । ୨୮ ସାମା ଜୀସୁ ଏଝାସିକାଝାକି ସିନିକିହାନା ଏଲେଇତେସି, “ଆଲ, ଜିରୁସାଲମତି ମାସକାତେରି ନା ତାକି ତ୍ରାଆଦୁ ସାମା ମୀ ତାକି ଅଡ଼େ ମୀ କକାରି ପଦାଁ ତାକି ତ୍ରାଦୁ; ୨୯ ହେଣ୍ଡେ ଇଲେତି ଦିନା ଝାହିମାନେ, ଆମ୍ବାଆୟି ବାଞ୍ଜେଣିସିକା, ଆମ୍ବାଆୟି ଏତେଲା ପୁରାମାସା ଆହାହିଲାତ ଅଡ଼େ ପାଲୁ ଉଡ଼ହା ହିଲାତ ଲକୁ ଏଝାସିକାଣି ମିଜେଏ ନେହେଁ ଇଞ୍ଜାନେରି । ୩୦ ଏତିବେଲା ଲକୁ ହରକାଣି ଏଲେଇନେରି ମା ଲାକ ତରୁଗାଦୁ ଅଡ଼େ ଉଣା ହରକାଣି ଏଲେଇନେରି ମାଜେ ପିକିହାନା ଡ଼କୁହାଦୁ । ୩୧ ଏନ୍‌ଇଚିହିଁ ଲକୁ ହିଇଲି ମାରୁଡୁତି ଏଲେକିତିହିଁ, ଏଦି ଝାୟିସାରେ ଏଦାଆଁ କିହାଁ ଆଗାଡ଼ା କିଅରିକି ?”

୩୨ ଦହୁଗାଟାରି ରିଆରି ଜିକେଏ ପାସି ଏକହାଲି ଜୀସୁତଲେ ଅଝିଆଡେତିରି । ୩୩ ଏମ୍ବାଟିଏ ଏଝାରି ତାୟୁଁ ରୁପାଁ ଇନି ଗାୟୁତା ଏଜାନା ଏମ୍ବାଆଁ ଜୀସୁଇଁ ପାସି ମୁଣ୍ଡାତା ଏକହାନା ଏ ରା ଦହୁଗାଟାରି ବିତ୍ରାଟି

୨୩:୩୦ ୨୩:୩୦ ଖେ ବଲୁ ୭:୧୭

ରଥଶାଢ଼ି ଏଝାଣି ଚିଃନିଝାକି ଅଡ଼େ ରଥଶାଢ଼ି ଏଝାଣି ଚେତୁଝାକି ପାସି ଏକହେରି । ୩୪ ଏରିବେଲା ଜୀସୁ ଏଲେଇରେସି, “ଏ ଆଡ଼ା ଏଝାରି ଦହ ଆହୁଆନି, ଇଚିହୁ” ଏଝାରି ଏନାଆଁ କିହିମାନେରି ଏଦାଆଁ ପୁଞ୍ଜାହିଲଅରି ।”

ଅଡ଼େ ଏଝାରି ଏଝାଣି ହିମ୍ବରି ବାଟିକିହାଲି ପାଦି କିତେରି । ୩୫ ଇଞ୍ଜାଁ ଲକୁ ବାରେ ନିଚାନା ସିନିକିହିମାରେରି, ଏଝାରି ବିତ୍ରାଟି କାଜାରି ଜିକେଏ ନିନ୍ଦାକିହୁ” ଏଲେଇରେରି, “ଏଝାସି ଏଟକା ଲକୁଣି ଗେଲୁପିତେସି; ଏଝାସି ମାହାପୁରୁ ଆଚିତି କ୍ରୀସୁ ଇଚିହୁ” ତାନୁଏ ତାଙ୍ଗେ ଗେଲୁପିକିହା କଡ଼ାପେସି ।”

୩୬ କସକା ଜିକେଏ ଏଝାଣି ତାଗେ ହାଜାନା ପୁଲାଏୟୁ ଗସାଲି ହୀହାଁ ଏଝାଶାଢ଼ି କାକିହିହୁ” ଏଲେଇରେରି, ୩୭ “ନୀନୁ ଜୀହୁଦି ଲକୁଚି ରାଜାଚି ଇଚିହୁ” ନୀନୁଏ ନିଙ୍ଗେ ପିସପି କିହାକଡ଼ାମୁ ।”

୩୮ ଇଞ୍ଜାଁ ଏଝାଣି ପାସିମୁଣ୍ଡା ଲାକ ଇଲେଇଞ୍ଜୁ” ରାସୁକି ଆହାମାଗେ, “ଇଝାସି ଜୀହୁଦି ଲକୁଚି ରାଜା ।”

୩୯ ଅଡ଼େ ପାସି ମୁଣ୍ଡାତା ପାସି ଏକହାମାଚି ଦହଗାଟାରି ବିତ୍ରାଟି ଜିକେଏ ରଥସି ଏଝାଶାଢ଼ି ନିନ୍ଦାକିହୁ” ଏଲେଇରେସି, “ନୀନୁ କ୍ରୀସୁଚି ଆଏକି ? ନିଙ୍ଗେ ଅଡ଼େ ମାଙ୍ଗେ ପିସପି କିୟାମୁ ।”

୪୦ ସାମା ଅଡ଼େ ରଥସି ଏଝାଶାଢ଼ି ଦାକା ହୀହାନା ଏଲେଇରେସି, “ନୀନୁ ଏଝାଣିଲେହେଁ ତଣ୍ଡ ବେଟାଆହୁ” ଜିକେଏ ନିଙ୍ଗେ ମାହାପୁରୁଞ୍ଜାଁ ଆଜି ହିଲେଏ ? ୪୧ ଅଡ଼େ ମାରସା ନୀହାଁୟି ତଲେ ତଣ୍ଡ ବେଟାଆହି ମାନାୟି, ଇଚିହୁ” ମା କିଚି କାମାଚି ପାଡ଼େୟି ବେଟାଆହି ମାନାୟି; ସାମା ଇଝାସି ଏନି ଦହ କିହାହିଲଅସି ।” ୪୨ ଇଞ୍ଜାଁ ଏଝାସି ଜୀସୁଞ୍ଜାଁ ଏଲେଇରେସି, “ଏ ଜୀସୁ ନୀନୁ ନୀ ରାଜିତା ହାଚିସାରେ ନାଙ୍ଗେ ଅଣ୍ଡପାମୁ ।”

୪୩ ଏମାଟିଏ ଜୀସୁ ଏଝାଶାଢ଼ି ଏଲେଇରେସି, “ନୀନୁ ନିଙ୍ଗ ସାତା ଝେସିମାଞ୍ଜାଞ୍ଜା, ନୀଞ୍ଜୁ ନୀନୁ ଲାକପୁରୁତା ନା ତଲେ ମାଞ୍ଜି ।”

ଜୀସୁଚି ହାକି

(ମାଚି ୨୭:୪୫-୪୬; ମାର୍କ ୧୫:୩୩-୪୧; ଜହ ୧୯:୨୮-୩୦)

୪୪ ଏରିବେଲା ସମାନା ବାରଗଟା ଆହାମାଗେ, ଅଡ଼େ ଝେଡ଼ା ଉଜେଡି ହୀଆତାକି ତାନି ଗଟା ପାତେକା ଦେସା ବାରେ ଆନ୍ଦେରି ଆହାମାଗେ, ୪୫ ଇଞ୍ଜାଁ ମାହାପୁରୁ ଇଲୁତା ଲେଟାମାନି ହିମ୍ବରି ରୀ ବାଟା ଆହୁ” ଗୋଞ୍ଜା ହାଚେ । ୪୬ ଅଡ଼େ ଜୀସୁ କାଜା ଗିୟାତଲେ ହାଚିହୁ” ଏଲେଇରେସି, “ଏ ଆଡ଼ା ନୀ କେୟୁତା ନା ଜୀସୁଚି ହେରୁପିମାଞ୍ଜାଞ୍ଜା !” ଏଲେଇଞ୍ଜୁ ଜଲାନା ତାନି ଜୀସୁ ହାଚେ ।

୪୭ ଏଦାଆଁ ମେସାନା ପାସାକଡ଼ି କସକା ମୁହେଁ କାଜାସି ମାହାପୁରୁଞ୍ଜାଁ ଜହରା କିହୁ” ଏଲେଇରେସି, “ଇଝାସି ସାତେଏ ତାରିଗାଟାସି ମାଚେସି ।”

୪୮ ଇଞ୍ଜାଁ ଏଝାଶାଢ଼ି ମେସାଲି ରୁଣ୍ଡା ଆହାମାଚି ବାରେ ଲକୁ ଇ ବାରେ ମେସାନା ବକତା ଝେଡ଼ା କଡ଼ିହୁ” ଝେଡ଼ା ହାଚେରି । ୪୯ ସାମା ଜୀସୁଞ୍ଜାଁ ପୁଞ୍ଜାମାଚି ବାରେ ଲକୁ ଇଞ୍ଜାଁ ଗାଲିଲିଚି ରହେଏ ଆଣ୍ଡାନା ତାନି ଜେତ ଜେତ ଝାହାମାଚି ଇୟାସିକା ହେକ ନିଚାନା ଏ ବାରେ ସିନିକିହିମାଚୁ ।

ଜୀସୁଞ୍ଜାଁ ମୁହନାସି

(ମାଚି ୨୭:୫୭-୬୧; ମାର୍କ ୧୫:୪୨-୪୬; ଜହ ୧୯:୩୮-୪୨)

୫୦ ଇଞ୍ଜାଁ ଜୀହୁଦି ଦେସାଚି ହାରାମାଚିୟା ଇନି ଗାଡ଼ାଚି ଜସେପ ଇନାସି ଜୀହୁଦି ଲକୁଚି କାଜା କୁଲମିଚି ରଥସି ମାଚେସି; ଏଝାସି ନେହାଁସି ଇଞ୍ଜାଁ ତାରିଗାଟାସି ମାଚେସି । ୫୧ ଜୀହୁଦାଚି ହାରାମାଚିୟା ଇନି ନାୟୁଚି ଜସେପ ଇନାସି ର ମାଣ୍ଡସି ମାଚେସି । ଏଝାସି ଦାମୁଗାଟାସି ଇଞ୍ଜାଁ ମାନି ଗାଟାସି ମାଚେସି ଅଡ଼େ ମାହାପୁରୁଚି ରାଜି ଝାନାଣି କାଚିମାଚେସି । କାଜା ବେରଣିଚି ମାଣ୍ଡସି ମାଚିହୁ” ଜିକେଏ, ଏଝାସି ଏଝାରି କାତା ଅଡ଼େ କାମାତା ଆଣ୍ଡିହିଲଆତେସି । ୫୨ ଏଝାସି ପିଲାଚ ତାଣା ହାଜାନା ଜୀସୁ ମାଡ଼ହାଚି ରୀସେସି, ୫୩ ଇଞ୍ଜାଁ ମାଡ଼ହାଚି ରେପହାନା ନେହୁ” ପାଡ଼ାଡ଼ା ହିମ୍ବରି ରୁପାନା ଏମାଆଁ ହରୁତା କାରୁହାମାଚି ଏବେଲା ଆମ୍ବାଆରି ମୁସାହିଲଆଆ ମାଡ଼ହା ମୁହନି ଚାୟୁତା ଏଝାଶାଢ଼ି ମୁସେରି । ୫୪ ଏ ଦିନା ତିୟାରା ଆନି ଦିନା ମାଚେ ଅଡ଼େ ଜମିନି ଦିନା ଏଗା ଝାହିମାଚେ ।

୫୫ ଅଡ଼େ ଗାଲିଲିଚି ଝାହାମାନି ଇୟାସିକା ଜେତ ଜେତ ହାଜାନା ମାହଣି ମାଣ୍ଡା ଅଡ଼େ ତାନି ମାଡ଼ହା ଏନିକି ମୁସାମାଚାଣି ମେସୁ ୫୬ ଇଞ୍ଜାଁ ଏଝି ଝେଣ୍ଡା ହାଜାନା ଗାନ୍ଦା ନିୟୁଁ ଇଞ୍ଜାଁ ଗାନ୍ଦାଗାଚି ଆସି ତିୟାରା କିଚୁ । ଇଞ୍ଜାଁ ଜମିନି ଦିନାତା ତାନି ମେରାଲେହେଁ ଜମିଚୁ ।

୨୪

ଜୀସୁ ହାହାନା ଖେଣ୍ଡେ ନିଜିନାୟି

(ମାତି ୨୮:୧-୧୦; ମାର୍କ ୧୬:୧-୮; ଜହ ୨୦:୧-୧୦)

୧ ଅଡେ ଜମିନ ଦିନାତି ମେରା ତଲେ ଜମିତୁ, ସାମା ଖାରାତି ତଲିତି ଦିନତା ଜୁଲୁପୁଲୁ ଖେୟାଲିଏ ଏଫ୍ରି ତାମ୍ନୁ କ୍ରିହାମାଟି ଗାନ୍ଦାନିୟୁଁ ଆସାନା ମାହଣି ମାଣ୍ଡାତା ହାତୁ । ୨ ଇଞ୍ଜା ମାହଣି ମାଣ୍ଡାତା ସ୍ଥିକହାମାଟି ଖାଲି ଗୁଚା ଆହାମାନାଣି ମେସ୍ତୁ ୩ ସାମା ଏଫ୍ରି ବିତ୍ତା ହାଜାନା ପ୍ରତୁ ଜୀସୁତି ମାଡୁହା ଏମ୍ପାଆଁ ମେହୁଆତୁ । ୪ ଏଫ୍ରି ଏଦାଆଁତାକି ବିଲୁକି ଆହିମାଟି ଦେବୁଣିଏ ମୁହନି ହିମ୍ବରି ହୁଚାମାଟି ରିଆରି ଏଫ୍ରିସିକା ନକ୍ତିତା ନିତାମାନେରି । ୫ ଏମ୍ପାଟିଏ ଏଫ୍ରି ଆତାଜାକା ଆହାନା ବୁମିତା ତାକ୍ତା ଲେସ୍ତୁ ଇଞ୍ଜା ଏଫ୍ରି ଏଫ୍ରିସିକାଣି ଏଲେଇଚେରି, “ମୀରୁ ଏନାଆଁତାକି ହାଡାରି ବିତ୍ତାଟି ନୀତାମାନାରାଇଁ ପାରିମାଞ୍ଜେରି ?” ୬ ଏଫ୍ରିସି ଇମ୍ପାଆଁ ହିଲଅସି, ଏଫ୍ରିସି ନିଜାମାନେସି, ଏଫ୍ରିସି ଗାଲିଲିତା ମାଗାଟି ଖେସାମାଞ୍ଜାତାଣି ଅଣ୍ପାପୁ । ୭ ମାଣସି ମୀରୁଏସି ପାସି ମୁଣ୍ଡାତା ହାୟାଲି ପାପୁ ଗାଗାରି ତାଣା ହେରପି ଆନାୟି ମାନେ ଇଞ୍ଜା ତାନି ଦିନାଟିଏ ହାକ୍ତିଟି ଖେଣ୍ଡେ ନିଜିନେସି ।”

୮ ଏମ୍ପାଟିଏ ଏଫ୍ରି ଏଫ୍ରିଣି ଖେସ୍ତି କାତା ଅଣ୍ପପିତୁ, ୯ ଇଞ୍ଜା ଏଫ୍ରି ମାହଣି ମାଣ୍ଡାଟି ଖେଣ୍ଡା ହାଜାନା ଏଗାର ଜାଣା ସୀସୁୟାଁ ଅଡେ ଏଟକା ତାରାଇଁ ଈ ବାରେ କାତା ଖେସ୍ତୁ । ୧୦ ଏଫ୍ରି ମଗଦଲିନି ମରିୟମ, ଜହନା, ଜାକୁବ ତାନି ଇୟା ମରିୟମ ଅଡେ ଏଫ୍ରିସିକାତଲେ ମାତି ଏଟକାଟି ଇୟାସିକା; ଇଫ୍ରି ପାଣ୍ଡଫ୍ରି ଆହାମାନାରାଇଁ ଈ ବାରେ କାତା ଖେସ୍ତୁ । ୧୧ ସାମା ଈ ବାରେ କାତା ଏଫ୍ରି ନକ୍ତିତା ମନତା ଗାଡ଼ିକିତି ର ପୁସ୍ତପିନି ଲେହେଁ ଆଡେ, ଅଡେ ଏଫ୍ରି ଏଫ୍ରିସିକାଣି ନାମାଆଡେରି । ୧୨ ସାମା ପିତର ନିଜାମା ମାଡୁହା ମୁହନି ଟାୟୁତା ହଟି ହଟିହୁଁ ହାଚେସି, ଇଞ୍ଜା କାପାନା ସିନିକିତେସି ଏମ୍ପାଆଁ ପାଡାଡା ହିମ୍ବରିକା ମେସ୍ତେସି, ଇଞ୍ଜା ଇଦି ଏନି ଆଡେ ଇଞ୍ଜା କାବାଆହାନା ତାନି ଇଜ ହାଚେସି ।

ଇମାୟୁତା ହାନାୟି

(ମାତି ୧୬:୧୨, ୧୩)

୧୩ ଏନେତୁ ଏଫ୍ରିରି ବିତ୍ତାଟି ରିଆରି ଜିରୁସାଲମଟିଏ ଏଗାର କିଲମିଟରଲେହେଁ ହେକ ମାତି ଇମାୟୁ ଇନି ନାୟୁତା ହାଜିମାଚେରି । ୧୪ ଅଡେ ହାଜି ହାଜିହୁଁ ଈ ବାରେ କାତା ଜଲୁକି ଆହିମାଚେରି । ୧୫ ଏଲେକଁ ହେସ୍ପି ଆହୁଁ ତାମ୍ନୁ ତାମ୍ନୁ ଜଲୁକି ଆହିମାଚାଟି ଜୀସୁ ତାମ୍ନୁ ଏଫ୍ରିରିତାଣା ଖାହାନା ଏଫ୍ରିରିତଲେ ହାଚେସି; ୧୬ ସାମା ଏଫ୍ରିରି ଏଫ୍ରିଣାଇଁ ମେସ୍ତି ଜିକେଏ ପୁଞ୍ଜାଲି ଆଡାଆଡେରି । ୧୭ ଜୀସୁ ଏଫ୍ରିରାଇଁ ଖେଚେସି, “ମୀରୁ ହାଜି ହାଜିହୁଁ ଏନା ଏନାଆଁ ଜଲୁକି ଆହିମାଞ୍ଜେରି ?” ଏମ୍ପାଟିଏ ଏଫ୍ରିରି ମୁମ୍ପୁଡ଼ି କିହନା ନିତେରି । ୧୮ ଅଡେ ଏଫ୍ରିରି ବିତ୍ତାଟି ଲେୟାପା ଇନାସି ରଅସି ଏଫ୍ରିଣାଇଁ ଖେସ୍ତେସି, “ଈ ଖାରି ବିତ୍ତା ଜିରୁସାଲମତା ଏନା ଏନାୟି ଆଡେ ଏମ୍ପାଆଁ ମାନାରି ବିତ୍ତାଟି ନୀନୁ ରଅତିଏ ପୁଞ୍ଜାହିଲଅତିକି ?”

୧୯ ଏଫ୍ରିସି ଏଫ୍ରିରାଇଁ ଖେଚେସି, “ଏନା ଏନାୟି ଆଡେ ?”

ଏଫ୍ରିରି ଏଫ୍ରିଣାଇଁ ଖେସ୍ତେରି, “ନାଜରିତ ଜୀସୁତି କାତା; ମାହାପୁରୁ ନକ୍ତିତା ଅଡେ ବାରେ ଲକ୍ଷୁ ନକ୍ତିତା ଏ ଜୀସୁ କାମାତା ଅଡେ କାତାତା ର ବାଡ଼ୟୁଗାଟି ମାହାପୁରୁ ଅଣ୍ପପୁତି ବଲୁ ଖେହନାସି ମାଚେସି, ୨୦ ଅଡେ ମା କାଜା ପୁଜେରାଞ୍ଜା ଅଡେ ସାଲଫ୍ରି କିନାରି ଏଫ୍ରିଣାଇଁ ହାକି ତଣ୍ଡ ହାହାଲି ହେରପାନା ଏଫ୍ରିଣାଇଁ ପାସି ମୁଣ୍ଡାତା ଏକହାନା ପାୟିତି କାତା । ୨୧ ସାମା ଏଫ୍ରିସି ଇସାୟେଲ ଲକ୍ଷୁଣି ପିସ୍ପି କିନାସି ଇଞ୍ଜା ମାମ୍ନୁ ଆସା କିହାମାଟି; ସାମା ଈ ବାରେ ଆହାନା ନୀଞ୍ଜୁଟିଏ ତାନିଦିନା ଆହିମାନେ । ୨୨ ଅଡେ ଜିକେଏ ମା ବିତ୍ତାଟି ଏଚରଜାଣା ଇୟାସିକା ମାଞ୍ଜେ ଆତାଜାକା କିହାମାଞ୍ଜାନ୍; ଏଫ୍ରି ଲାଇସିଏ ମାଡୁହା ମୁହନି ଟାୟୁତା ହାଜାମାତୁ, ୨୩ ଏମ୍ପାଆଁ ଏଫ୍ରି ଏଫ୍ରିଣି ମାଡୁହା ମେହୁଆନା ଖାହାନା ଖେସ୍ତାତୁ, ଇଞ୍ଜା ଦୁତୁୟାଁ ତଞ୍ଜାଆହାନା ଖେସ୍ତାଚେରି, ଏଫ୍ରିସି ନୀତାମାନେସି । ୨୪ ଅଡେ ମା ବିତ୍ତାଟି ଏଚରଜାଣା ମାଡୁହା ମୁହନି ଟାୟୁତା ହାଜାନା ଇୟାସିକା ଖେସ୍ତିଲେହେଁଏ ମେସ୍ତେରି ସାମା ଏଫ୍ରିଣାଇଁ ମେହୁଆଡେରି ।”

୨୫ ଏମ୍ପାଟିଏ ଜୀସୁ ଏଫ୍ରିରାଇଁ ଏଲେଇଚେସି, “ଆଡେ ବୁଦି ହିଲାଆଗାଟାଚେରି, ଅଡେ ମାହାପୁରୁ ଅଣ୍ପପୁତି ବଲୁ ଖେହନାରି ବାରେ କାତାଟି ନାମାଲି ଆଡାଆଲେହେଁଟି ହିୟାଁ ଗାଟାଚେରି, ୨୬ କ୍ରୀସ୍ତ ଈ ବାରେ କସ୍ତ ବେଟାଆହାନା ତାନି ଗାଧୁରିମିତା ହଡନାୟି ହିଲାଆଡେ କି ?” ୨୭ ମସା ଇଞ୍ଜା ବାରେଜାଣା ମାହାପୁରୁ ଅଣ୍ପପୁତି ବଲୁ ଖେହନାରି ତାଣାଟି ମାଡୁହାନା ଦାମ୍ନୁ ସାସ୍ତେରିତା ତାନି ତାକି ରାସ୍ତିକି ଆହାମାନି ବାରେ କାତା ଏଫ୍ରିସି ଏଫ୍ରିରାଇଁ ପୁଣ୍ଡି କିଚେସି ।

* ୨୪:୨ ୨୪:୬ ମାତି ୧୬:୨୧; ୧୭:୨୨, ୨୩; ୨୦:୧୮, ୧୯; ମାର୍କ ୮:୩୧; ୯:୩୧; ୧୦:୩୩, ୩୪; ଲୁକ ୯:୨୨; ୧୮:୩୧-୩୩

୨୮ ଏଞ୍ଜର ହାଜିମାଟି ନାହିଁ ତାଗେ ଏଜାଲିଏ ଜୀସୁ ଅଡେ ନକିତା ହାନି ଅଣ୍ଟାପୁ ତପ୍ତେସି । ୨୯ ସାମା ଏଞ୍ଜର ଏଞ୍ଜାଣାଇ ଆଂଗିହ ଏଲେଇଚେରି, “ମା ତଲେ ଡୟାହାଲାମୁ ଏନିଇଚିହ ଆନ୍ଦେରି ଆହିମାନେ, ଷ୍ଟେଡାହାଚେୟିଏ ।” ଏମ୍ବାଟିଏ ଏଞ୍ଜାସି ଏଞ୍ଜାରିତଲେ ଡୟାଲି ଇଲୁ ବିଡ୍ରା ହାଚେସି । ୩୦ ଅଡେ ଏଞ୍ଜାରିତଲେ ରାନ୍ଦା ତିଞ୍ଜାଲି କୁଗିଚି ତାମୁ ଏଞ୍ଜାସି ରୁଚି ଆର୍ସା ମାହାପୁରୁଇଁ ଜହରା କିତେସି, ଇଞ୍ଜା ଡିକହାନା ଏଞ୍ଜାରାକି ହାଚେସି । ୩୧ ଏମ୍ବାଟିଏ ଏଞ୍ଜାରି କାଣକା ଦେପିଆଡୁ ଇଞ୍ଜା ଏଞ୍ଜାରି ଏଞ୍ଜାଣାଇ ପୁଚେରି; ଅଡେ ଏ ଦେବୁଣିଏ ଏଞ୍ଜାସି ଏଞ୍ଜାରି କାଣକାତା ତଞ୍ଜା ଆଆଡେସି । ୩୨ ଏଚେଟିଏ ଏଞ୍ଜାରି ତାମୁ ତାମ୍ବୁ ଏଲେଇଚେରି, “ଏଚିବେଲା ଜିରୁତା ଏଞ୍ଜାସି ମାଙ୍ଗେ ଜିରୁତା କାତାବାର୍ତା ଆହିମାଚେସି ଅଡେ ମାଙ୍ଗେ ଦାମୁ ସାପ୍ତେରି ତେଲ୍‌ହି କିହିମାଞ୍ଜାଚେସି, ଏଚିବେଲା ମା ହିୟା କାଡି ମାଞ୍ଜାଆଚେ କି ?”

୩୩ ଅଡେ ଏଞ୍ଜାରି ଦେବୁଣିଏ ନିଜାମା ଜିରୁସାଲମତା ଷ୍ଟେଣ୍ଡା ହାଜାନା କୁଡା ଆହାମାଇଁ ଏଗାର ଜାଣା ସାମୁୟାଁ ଅଡେ ଏଞ୍ଜାରି ଆଟୁହିତାରାଇଁ ମେସ୍ତେରି; ୩୪ ଏଞ୍ଜାରି ଏଲେଇଞ୍ଜାମାଚେରି, “ପୁବୁ ସାଚେଏ ନିଜାମାନେସି ଅଡେ ସିମନଇଁ ତଞ୍ଜାଆଡେସି ।”

୩୫ ଅଡେ ଏଞ୍ଜାରି ଜିକେଏ ଜିରୁତି ବାରେ କାତା ଅଡେ ରୁଚି ଡିକହାଟିଏ ଏଞ୍ଜାରି ପୁଞ୍ଜାଲି ଆଡିତମି ଇଞ୍ଜା ଏଞ୍ଜାରି ଷ୍ଟେସ୍ତେରି ।

ଜୀସୁ ତାନି ସାମୁୟାଁଇଁ ତଞ୍ଜା ଆନାୟି

(ମାଟି ୨୮:୧୭-୨୦; ମାର୍କ ୧୬:୧୪-୧୮; ଜହ ୨୦:୧୯-୨୩; କାମା ୧:୬-୮)

୩୬ ସାମା ଏଞ୍ଜାରି ଇ ବାରେ କାତା ଜଲୁକି ଆହିମାଚାଟି ଜୀସୁ ଏଞ୍ଜାରି ମାଦି ନିଚାନା ଏଲେଇଚେସି, “ମିଙ୍ଗେ ହିଡଡି ଆୟାପେ ।”

୩୭ ଏମ୍ବାଟିଏ ଏଞ୍ଜାରି ବୁଡୁ ମେସ୍ତମି ଇଞ୍ଜା ଅଣ୍ଟାପାନା ଆଡାଜାକା ଆଡେଚି । ୩୮ ଏଚେଟିଏ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ ହିୟାତା ଏନାଆଁତାକି ଆଜିମାଞ୍ଜେରି, ଇଞ୍ଜା ମୀ ହିୟାଁ ଏନାଆଁତାକି ଆନାମାନା ଆହିମାନେ ? ୩୯ ନାନୁଏ ଏଞ୍ଜାଚେଏଁ ନା ଚେସ୍ତା କତାୟାଁ ମେହ୍‌ଦୁ, ନାଙ୍ଗେ ତୀଗାଦୁ ମୀରୁ ନାଙ୍ଗେ ଡଞ୍ଜା ପେଣକା ମାନାଣି ମେସ୍ତିଲେହେଁ ବୁଡୁକି ହିଲାଉ ।”

୪୦ ଅଡେ ଏଞ୍ଜାସି ଏଲେଇଞ୍ଜାନା ଏଞ୍ଜାରାଇଁ ତାନି କେସ୍ତା କତାୟାଁ ତପ୍ତେସି । ୪୧ ଏଲେଜିକେଏ ଏଞ୍ଜାରି ରାହାଁତାକି ନାମାଲି ଆଡାଆନା ଆନାମାନା ଆହାଁ କାବା ଆହିମାଚାକି ଜୀସୁ ଏଲେଇଚେସି, “ମିଙ୍ଗେ ଇମ୍ବାଆଁ ଏନି ରାନ୍ଦା ମାନେକି ?” ୪୨ ଏମ୍ବାଟିଏ ଏଞ୍ଜାରି ଏଞ୍ଜାଣାଇ ର ଝାସି ମୀରୁ ହାଚେଚି, ୪୩ ଅଡେ ଏଞ୍ଜାସି ଏଦାଆଁ ଆସାନା ଏଞ୍ଜାରି ନକିତା ଡିଚେସି ।

୪୪ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମସାଡି ମେରା ପଡିତା ଇଞ୍ଜା ମାହାପୁରୁ ଅଣ୍ଟାପୁଟି ବଲୁ ଷ୍ଟେହନାରି ପଡିତା ଅଡେ ପାରୁ ପଡିତା ନାଙ୍ଗେତାକି ଏନାୟି ରାସ୍ତାକି ଆହାମାନେ, ଏ ବାରେ ସାତା ଆନାୟି ମାନେ, ନାନୁ ମୀ ତଲେ ମାଚାଟି ଇ ବାରେ ଷ୍ଟେସାମାଞ୍ଜାଚେଏଁ ।”

୪୫ ଏଚେଟିଏ ଏଞ୍ଜାରି ଏନିକ ଦାମୁ ସାପ୍ତେରି ତେଲ୍‌ହାଲି ଆଡିନେରି, ଏଦାଆଁତାକି ଏଞ୍ଜାରି ହିୟାଡି ଦାବା ଦେଚେସି; ୪୬ ଅଡେ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଏଲେଆହ୍ ରାସ୍ତାକି ଆହାମାନେ, କ୍ରାସ ଦୁକୁ କସ୍ ବେଟା ଆନେସି ଅଡେ ତାନି ଦିନାଟିଏ ହାଡାରି ତାଣାଟି ଷ୍ଟେଣ୍ଡେ ନିଜାମେସି, ୪୭ ଇଞ୍ଜା ଜିରୁସାଲମଟିଏ ମାଟହାନା ବାରେ କୁଡା ତାଣା ଏଞ୍ଜାଣି ଦରୁଚି ପାପୁ ମ୍ପେପକି ଆୟାଲି ମନ ଷ୍ଟେବନି କାତା ଷ୍ଟେକନାୟି ମାନେ । ୪୮ ମୀରୁ ଇ ବାରେତାକି ସାକି ଆଦେରି । ୪୯ ଅଡେ ହେଣ୍ଡୁ ଆବା ଏନାଆଁ ଆଞ୍ଜାମାନେସି ଏଦାଆଁ ନାନୁ ମୀ ତାଣା ପାଣ୍ଡିମାଞ୍ଜାଇଁ, ସାମା ଲାକପୁରୁଚି ବାଡୁମୁ ପୁଞ୍ଜାଆ ପାଚେକା ମୀରୁ ଇ ଗାଡାଚେଏ ମାଞ୍ଜୁ ।”

ଜୀସୁ ଲାକପୁରୁ ଅଞ୍ଜିଆନାୟି

(ମାର୍କ ୧୬:୧୯,୨୦; କାମା ୧:୯-୧୧)

୫୦ ଏମ୍ବାଟିଏ ଜୀସୁ ଏଞ୍ଜାରାଇଁ ବେତନିୟାଁ ପାଚେକା ଅଡେସି ଇଞ୍ଜା ତାନି କେସ୍ତା ପେଟହାନା ଏଞ୍ଜାରାଇଁ ବର ହାଚେସି । ୫୧ ଇଞ୍ଜା ଏଞ୍ଜାରାଇଁ ବର ହାହି ହାହି ଏଞ୍ଜାସି ଏଞ୍ଜାରି ତାଣାଟି ଏଟୁକା ଆହାନା ଲାକପୁରୁ ଅଞ୍ଜିଆଡେସି । ୫୨ ଏଚେଟିଏ ଏଞ୍ଜାରି ଏଞ୍ଜାରାଇଁ ଜହରା କିହାନା ହାଚେକା ରାହାଁତଲେ ଜିରୁସାଲମତା ଷ୍ଟେଣ୍ଡା ହାଚେଚି, ୫୩ ଇଞ୍ଜା ଏ ଦିନାଟିଏ କାଲେଏ ମାହାପୁରୁ ଇଲୁତା ମାଞ୍ଜାନା ମାହାପୁରୁଇଁ ଜହରା କିହେମାଚେରି ।

ଯୋହନ ଲିଖିତ ସୁସମାଚାର ଜହନ ରାତାମାନି ନେହଁ କାବୁ ମୂଲୁ ହାଡ଼ା

ଜୀସୁ ଜୀସୁତି ଜୀସୁ ଅଡେ ଇ ଦାରୁତିତା ମାଟି କାତା ଜହନ ରାତାମାନି ନେହଁ କାବୁ; ପୁଣି ମୋରାତି ସାରିଗଟା ନେହଁ କାବୁ ପତିୟାଁ ବିଦ୍ରାଟି ଇଦି ଆହିମାନେ ର ପତି । ଏ ବାରେ ପତିୟାଁଇଁ ନେହଁ କାବୁ ଇନେରି । ଏ ପତିୟାଁ ଜୀସୁ ଜୀସୁ ହାଡ଼ି ତାମୁ ମାତିମୁ, ମାର୍କ, ଲୁକ ଅଡେ ଜହନ ରାତାମାଚେରି । ପାଣ୍ଡୁଆଡ଼ି ଜହନ ଜୀସୁ ଜୀସୁ ଜୀନାଆଡ଼ି ୯୦ ବାର୍ଯା ତାମୁ ଜହନ ରାତାମାନି ନେହଁ କାବୁ ରାତାମାଚେରି । ଇ ପତିତା ଜହନ ରାଡ଼ିତି କାତା ଖେସା ହିଲାଆତି ଜିକେଏ; ୧ଜହ୨ଜହ ଇଞ୍ଜା ଶଜହ ଆକୁ ସମାନା ମାନୁ । ଜହନ ଏପିସିୟ ଗାଡ଼ାତା ମାଚାକି ଇ ପତି ଏପିସତା ରାସ୍ତକି ଆହାମାନେ ଇଞ୍ଜିହଁ ଇନେରି ।

ଜୀସୁଇଁ ଜୀସୁ ଜୀସୁତି ମାହାପୁରୁ ମାର୍ବସି ଇଞ୍ଜିହଁ ଲକୁ ଏନିକଁ ନାମିନେରି, ଏଦାଆଁତାକି ଜହନ ଇ ପତି ରାତାମାଚେରି ୨୦:୩୧ । ଇଦାଆଁ ନାମାହାଁ ଏଞ୍ଜାଣି ଦରୁତଲେ ମାର ଜୀସୁ ବେଟାଆନାହି । ଇ ପତି ଜୀସୁତି ଅଡେ ଜୀସୁତିଆଆତି ଲକୁତାକି ରାସ୍ତକି ଆହାମାଚେ । ଜହନ ରାତାମାନି ନେହଁ କାବୁ ଏ ତାନିଗଟା ନେହଁ କାବୁ କିହାଁ ରଲେ ମାନେ । ଜହନ ଜୀସୁ କିତି କାବାଆନି କାମାୟାଁ ହାରେକା ରାତାମାନେସି ସାମା ପୁଣ୍ଡିକିନି ପୁସପନିକା ହାରେକା ରାତାହିଲଅସି । ଏଟକା ପତିୟାଁଣା ଜୀସୁ ବାପ୍ତିସୁ ଅନାଣି ଅଡେ ଲକୁ ହିଲାଆ ଗାମୁଡା ତାୟିପାରି ଆଡ଼ାଣି ରାସ୍ତକି ଆହାମାନେ ଏଦାଆଁ ଇ ପତିତା ରାସ୍ତକି ଆହା ହିଲେଏ ।

ପତିତା ମାନାୟି;

- ୧. ତଲିତି ହାଡ଼ା । ୧:୧-୧୮
- ୨. ବାପ୍ତିସୁ ହାନି ଜହନ ଅଡେ ଜୀସୁତି ମୂଲୁ ସୀସୁୟାଁ । ୧:୧୯-୫୧
- ୩. ଜୀସୁ ସେବା କାମା ମାର୍ଟନାୟି । ୨:୧-୧୨:୫୦
- ୪. ଜିରୁସାଲମ ଅଡେ ଦାରିମାରି ଜୀସୁତି କାମା । ୧୩:୧-୧୯:୪୨
- ୫. ଜୀସୁ ହାକିଟି ଖେଶ୍ଟେ ନିଜିନାୟି ଅଡେ ସୀସୁୟାଁଇଁ ତଞ୍ଜା ଆନାୟି । ୨୦:୧-୩୧
- ୬. ଗାଲିଲିତା ଖେଶ୍ଟେ ତଞ୍ଜା ଆନାୟି । ୨୧:୧-୨୫

ଜୀସୁତି ବଲୁ

୧ ମୂଲୁଏ ବଲୁ ମାଚେ, ବଲୁ ମାହାପୁରୁ ତଲେ ମାଚେ, ଏ ବଲୁଏ ମାହାପୁରୁ ମାଚେସି । ୨ ମୂଲୁଏ ଏ ବଲୁ ମାହାପୁରୁ ତଲେ ମାଚେ । ୩ ଏ ବଲୁ ତଲେ ମାହାପୁରୁ ବାରେ ଗାଡ଼ିକିତେସି; ଅଡେ ଏନାୟି ବାରେ ଗାଡ଼ି ଆହାମାନେ, ଏ ବିଦ୍ରାଟି ରଣ୍ଡି ଜିକେଏ ଏ ବଲୁ ପିସପେ ରାଡ଼ି ଆହା ହିଲେଏ । ୪ ଏ ବଲୁତା ଜୀସୁ ମାଚେ ଅଡେ ଏ ଜୀସୁ ମାଣସିୟାଁତି ଉଜେଡ଼ି । ୫ ଏ ଉଜେଡ଼ି ଆନେରିତା ଡ଼ାଞ୍ଜିହଁ ଖାହିମାନେ, ଇଞ୍ଜା ଆନେରି ଏଦାଆଁ ଏଚେଲା ଜିକେଏ ଅପାହିଲେଏ ।

୬ ମାହାପୁରୁ ତାଣାଟି ତାନି କାବୁ ଖେହନାଶାଈଁ ପାଣ୍ଡାତେସି; ଏଞ୍ଜାଣି ଦରୁ ଜହନ । ୭ ଏଞ୍ଜାସି ଉଜେଡ଼ିତି କାତା ଲକୁଇଁ ଖେସାଲି ଖାଡେସି, ଅଡେ ଏନିକିହଁ ବାରେଜାଣା ଏଞ୍ଜାଣି ତାଣାଟି ନାମିନେରି, ଏଦାଆଁତାକି ଏଞ୍ଜାସି ସାକି ହାହାଲି ଖାଡେସି । ୮ ଏଞ୍ଜାସିଏ ତାନୁଏ ଉଜେଡ଼ି ହିଲାଆତେସି; ସାମା ଏଞ୍ଜାସି ଏ ଉଜେଡ଼ିତି କାତା ଖେସାଲି ଖାଡେସି । ୯ ଏନିନି ସାତା ଉଜେଡ଼ି ବାରେ ଲକୁକି ଉଜେଡ଼ି ହାନେ, ଏଞ୍ଜାସି ଦାରୁତିତା ଖାଡେସି ।

୧୦ ଏଞ୍ଜାସି ଦାରୁତିତା ମାଚେସି ଅଡେ ଏଞ୍ଜାଣି ତାଣାଟି ଦାରୁତି ବାରେ ରାଡ଼ି ଆଡେ, ଆଡ଼ିଜିକେଏ ଇ ଦାରୁତି ଏଞ୍ଜାଣାଇଁ ପୁଞ୍ଜାଲି ଆଡ଼ାଆଡେ । ୧୧ ଏଞ୍ଜାସି ତାନି ରାଡ଼ିତା ଖାଡେସି, ଆଡ଼ିଜିକେଏ ତାନି ଜାହାରା ଲକୁ ଏଞ୍ଜାଣାଇଁ ଆବାଆଡେରି । ୧୨ ଆମ୍ବାଆରି ଏଞ୍ଜାଣାଇଁ ଆବିତେରି ଇଞ୍ଜା ଏଞ୍ଜାଣି ତାଣା ନାମିତେରି; ଏଞ୍ଜାସି ଏଞ୍ଜାଣାଇଁ ମାହାପୁରୁତି ମାର୍କା ମାସ୍କା ଆହାଲି ଅଦିକାରା ହାଡେସି । ୧୩ ମାଣସିତି ତାଞ୍ଜିୟାଁ ତାଣାଟି ଜୀନାଁ ଆଡ଼ାକି ଏଞ୍ଜାରି ମାହାପୁରୁତି ମାର୍କା ଆହାହିଲଅରି, ମାହାପୁରୁ ତାନୁଏ ଏଞ୍ଜାରି ତାଞ୍ଜି ଆଡେସି ।

* ୧:୨ ୧:୬ ମାତି ୩:୧; ମାର୍କ ୧:୪; ଲୁକ ୩:୧,୨

୧୪ ଅଡ଼େ, ଏ ବଲ୍ଲୁ ମାଣସି ଖାଣା ଆଡେ, ମାହାପୁରୁତି କାର୍ମା ଇଞ୍ଜାଁ ସାତା ତଲେ ମା ତାଣା ବାସା କିତେସି, ଅଡ଼େ ଆବା ତାଣାଟି ଖାହାମାନି ରଣ୍ଡିଏ ମୀରୁଏଣାଟି ଗାଝୁରମି ଲେହେଁ ମାରୁ ଏଝାଣି ଗାଝୁରମି ମେସାୟି ।

୧୫ ଜହନ ଏଝାଣି କାତାତି ସାକି ହାହାନା କାଜା ଗିୟାତଲେ ଏଲେଇଚେସି, “ଆମ୍ବାଆସି ନା ତାୟୁ ଖାହିମାନେସି, ଏଝାସି ନା କିହାଁ କାଜାସି, ଏନାଆଁତାକି ଇଚିହଁ ଏଝାସି ନାନୁ ଜାର୍ନାଆଡ଼ି ନକେଏ ମାଚେସି, ଇଞ୍ଜାଁ ଏଝାଣି କାତା ନାନୁ ତଲିଏ ଏଲେଇଞ୍ଜାଁ ଝେସାମାଞ୍ଜାତେସି, ଏଝାସିଏ ଇଝାସି ।”

୧୬ ଏନାଆଁତାକି ତାନୁ ପୁରା କିନି ତାଣାଟି ମାରୁ ବାରେ ଜାଣାତାୟି ବାରେ ବେଟାଆହାନା, କାର୍ମା ମୁହେଁ କାର୍ମାମେହନାଣି ବେଟାଆହାମାନାୟି । ୧୭ ମାହାପୁରୁ ମସା ତାଣାଟି ମେରା ହିୟାତେସି, ସାମା ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଅଡ଼େ ସାତା ଖାଡେ । ୧୮ ଆମ୍ବାଆସି ଏଚେଲା ମାହାପୁରୁଇଁ ମେସାହିଲଅସି, ତାନିତଲେ ମାନି ରଣ୍ଡିଏ ମୀରୁଏସି ଏଝାସି ମାହାପୁରୁ ଆବାଇଁ ପୁଣ୍ଡି କିହାମାଞ୍ଜାନେସି ।

ବାପ୍ତିସ୍ମା* ହାନି ଜହନତି କାରୁ
(ମାତି ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ନାନୁ ଆମ୍ବାଆତି ଇଞ୍ଜାଁ ଜହନଇଁ ଝେଞ୍ଜାଲି ଜୀହୁଦିୟାଁ ଏଚିବେଲା ଜିରୁୟାଲମଟି କାଜା ପୂଜେରାଞ୍ଜା ଇଞ୍ଜାଁ ଲେବିୟଜାଣି ଜହନ ତାଣା ପାଣ୍ଡିଚେରି, ଏଝାସି ଇ କାତା ଝେସ୍ତେସି ।

୨୦ ଜହନ ସାତା କାତା ଝେସ୍ତେସି, ଆଏ ଇଞ୍ଜାଁ ଇନାଆଡେସି, ତୀରୁପୁତଲେ ଝେସ୍ତେସି, “ନାନୁ ମସିହା ଆଏ ।”

୨୧ ଏଝାରି ଏଝାଣାଇଁ ଝେଚେରି, ଆତିହଁ “ନାନୁ ଆମ୍ବାଆତି ? ନାନୁ ଏନାଆଁ ଏଲିୟତି କି ?”

ଜହନ ଏଲେଇଚେସି, “ନାନୁ ଏଲିୟତେସି ଆଏ ।”

ଏଝାରି ଝେଚେରି, “ନାନୁ ଏନାଆଁ ମାହାପୁରୁ ଅଣ୍ଡପୁତି ବଲ୍ଲୁ ଝେହନାତି କି ?” ଏଝାସି ଏଲେଇଚେସି, “ନାନୁ ଆଏ ।”

୨୨ ଏମ୍ବାଟିଏ ଏଝାରି ଏଝାଣାଇଁ ଏଲେଇଚେରି, “ମାଜେ ଝେସ୍ତାମୁ, ମାମୁ ମୁଜେ ପାଣ୍ଡା ମାଞ୍ଜାନାରାଇଁ ଏନି କାତା ଝେହନମି । ନାନୁ ଆମ୍ବାଆତେସି ଇଞ୍ଜାଁ ଝେସାକତିମାଞ୍ଜା ?”

୨୩ ଜହନ ଏଲେଇଚେସି, “ମାହାପୁରୁ ଅଣ୍ଡପୁତି ବଲ୍ଲୁ ଝେହନି ଜିସାୟ ଏନିକିଁ ଜଲ୍ଲାମାଚେସି, ‘ନାନୁ ଲକୁ ହିଲାଆ ଗାୟୁତା କାଜା ଗିୟାତଲେ କାଲିଝି ଆହିମାନି ରଅଣି ହାଡାଲେହେଁ ତାତେସି, ପୁରୁତି ଜିରୁ ସଲକେ କିରୁ ।”

୨୪ ଅଡ଼େ, ପାରୁସିୟାଁ ବିତ୍ରାଟି ଏଚରଜାଣା ପାଣ୍ଡି ଆହାମାଚେରି, ୨୫ ଏଝାରି ଜହନଇଁ ଝେଚେରି, “ନାନୁ କ୍ରୀସ୍ତ କି ଏଲିୟ କି ମାହାପୁରୁ ଅଣ୍ଡପୁତି ବଲ୍ଲୁ ଝେହନାତି ଆଏ, ଆତିହଁ ନାନୁ ଏନାଆଁତାକି ବାପ୍ତିସ୍ମାଁ ହାହିମାଞ୍ଜା ?”

୨୬ ଜହନ ଏଝାରାଇଁ ଏଲେଇଚେସି, “ନାନୁ ଏମୁତା ବାପ୍ତିସ୍ମାଁ ହାହିମାଇଁ; ଆମ୍ବାଆରାଇଁ ମୀରୁ ପୁଞ୍ଜାହିଲଅଚେରି, ଏଝାସି ମୀ ବିତ୍ରା ମାନେସି । ୨୭ ଏଝାସି ନା ତାୟୁ ଖାହିମାନେସି, ନାନୁ ଏଝାଣି ସେପୁୟାତି ଡ଼କା ଜିକେଏ ହୁକହାଲି ଜଗେ ଆଏ ।”

୨୮ ଏମିନି ଜର୍ଦନ କାତାତି ଝେଡ଼ା ହପୁଞ୍ଜାକିତି ବେତନିୟାଁତା ଜହନ ବାପ୍ତିସ୍ମାଁ ହାହିମାଚେସି, ଏ ଗାୟୁତା ଇ ବାରେ ଆହାମାଚେ ।

ମାହାପୁରୁତି ମେଣ୍ଡା ତାଲୁ

୨୯ ଏ ଅର ନେରୁ ଜହନ ଜୀସୁଇଁ ତାନି ଖାକି ଖାହିମାନାଣି ମେସାନା ଏଲେଇଚେସି, “ସିନିକିରୁ ମାହାପୁରୁତି ମେଣ୍ଡା ତାଲୁ, ଆମିନିଗାଗସି ଇ ଦାରତିତି ପାପୁ ବାରେ ଡେକା ଅନେସି । ୩୦ ଇଝାସିଏ ଏଝାସି, ଆମ୍ବାଆରି କାତା ନାନୁ ଝେସାମାଞ୍ଜାତେସି, ‘ର ମାଣସି ନା ତାୟୁ ଖାହିମାନେସି, ସାମା ଏଝାସି ନା କିହାଁ କାଜାସି, ଇଞ୍ଜାଁ ଏଝାସି ନାନୁ ଜାର୍ନାଆଡ଼ି ନକେଏ ମାଚେସି ।’ ୩୧ ନାନୁ ଜିକେଏ ଏଝାଣାଇଁ ପୁଞ୍ଜା ହିଲାଆତେସି, ସାମା ଏଝାସି ଏନିକିହଁ ଇସ୍ରାୟେଲ ଲକୁ ନକିତା ତଞ୍ଜାଆନେସି, ଇନାଆଁତାକି ନାନୁ ଏମୁତା ବାପ୍ତିସ୍ମା* ହାହାଲି ଖାହାମାଇଁ ।”

୩୨ ଅଡ଼େ ଜହନ ସାକି ହାହାନା ଝେସ୍ତେସି, “ନାନୁ ସୁଦୁଜୀଝୁ ପାରୁଝା ପଗାଲେହେଁ ଲାକପୁରୁତି ରେରା ଖାହିମାନାଣି ମେସ୍ତେସି, ଇଞ୍ଜାଁ ଏନି ଏଝାଣିଲାକ କୁରିଚେ । ୩୩ ନାନୁ ଜିକେଏ ଏଝାଣାଇଁ ପୁଞ୍ଜା ହିଲାଆତେସି, ସାମା ଆମ୍ବାଆସି ନାଜେ ଏମୁତା ବାପ୍ତିସ୍ମାଁ ହାହାଲି ପାଣ୍ଡାମାଞ୍ଜାନେସି, ଏଝାସି ନାଜେ

* ୧:୧୮ ୧:୧୯ ମୁଞ୍ଜିନାୟି † ୧:୨୫ ୧:୨୫ ମୁଞ୍ଜିନାୟି ‡ ୧:୨୭ ୧:୨୭ ମୁଞ୍ଜିନାୟି § ୧:୨୮ ୧:୨୮ ମୁଞ୍ଜିନାୟି * ୧:୩୧ ୧:୩୧ ମୁଞ୍ଜିନାୟି † ୧:୩୩ ୧:୩୩ ମୁଞ୍ଜିନାୟି

ଝେସ୍ତାତେସି, ‘ଆମିନିଗାଗାଣି ଲାକ ସୁଦୁଜାଝୁ ରେଚା ଝାନାଣି ଅଡ଼େ କୁଗିନାଣି ମେହ୍ଦି, ଆମ୍ବାଆସି ସୁଦୁଜାଝୁ ତଲେ ବାପ୍ପିସ୍ତଃ ହାନେସି, ଏଝାସି ଏ ମାଣସି ।’” ୩୪ ଜହନ ଏଲେଇଚେସି, “ନାନୁ ଏନାଆଁ ମେସାମାଈ, ଏନାଆଁତାକି ନାନୁ ମିଙ୍ଗା ଝେସିମାଞ୍ଜାଇଁ, ଏଝାସି ମାହାପୁରୁ ମାର୍ବସି ।”

ଜୀସୁତି ମୂଲୁ ସାସୁ

୩୫ ତାନି ଅର ନେଚୁ ଜହନ ତାନି ରା ସାସୁୟାଁ ତଲେ ନିଚାମାଚେସି; ୩୬ ଏଝାସି ଜୀସୁଇଁ ଏ ଜିରୁଚି ହାଜିମାନାଣି ମେସାନା ଏଲେଇଚେସି, “ସିନିକିଦୁ ମାହାପୁରୁଚି ମେଣ୍ଡା ତାଲୁ !”

୩୭ ଏ ରା ସାସୁୟାଁ ଏଝାଣି ହାଡ଼ା ଝେଞ୍ଜାନା ଜୀସୁ ଜେଚ ଜେଚ ହାଚେରି । ୩୮ ଜୀସୁ ଝେଣ୍ଡେ ତିରୁଞ୍ଜାନା ଏଝାରାଇଁ ତାନି ଜେଚ ଜେଚ ହାଜିମାନାଣି ମେସାନା ଝେଚେସି, “ମୀରୁ ଏନାଆଁ ଦାରିମାଞ୍ଜେରି ?” ଏଝାରି ଝେଚେରି, “ରାବିର୍ଷି ନୀନୁ ଆମ୍ବିୟା ତୁୟିମାଞ୍ଜି ?”

୩୯ ଜୀସୁ ଏଝାରାଇଁ ଏଲେଇଚେସି, ଝାଦୁ, ମେହ୍ଦେଦି । ଏମ୍ବାଟିଏ ଏଝାରି ହାଜାନା ତାନି ତୁୟିନି ଟାୟୁ ମେସ୍ତେରି, ଇଞ୍ଜାଁ, ଏ ଦିନା ଏଝାଣିତଲେ ତୁୟିଚେରି; ଏନାଆଁତାକି ଇଚିହ୍ ଏଚିବେଲା ଲାକ୍ଚି ଦସ ଚାଟା ଆହାମାଚେ ।

୪୦ ଜହନତି କାତା ଝେଞ୍ଜାନା ଆମିନି ରିଆରି ଜୀସୁ ଜେଚ ଜେଚ ହାଜାମାଚେରି, ଏଝାରି ବିତ୍ତା ରଅସି ସିମନ ପିତରତି ତାୟି ଆନ୍ଦ୍ରିୟ ମାଚେସି । ୪୧ ଏଝାସି ତଲିଏ ତାନି ତାୟି ସିମନଇଁ ମେସାନା ଏଲେଇଚେସି, “ମାମ୍ବୁ ମୁସିହାଇଁ* ମେସ୍ତମି ।” ୪୨ ଆନ୍ଦ୍ରିୟ ସିମନଇଁ ଜୀସୁ ତାଣା ତାଚେସି । ଜୀସୁ ଏଝାଣାଇଁ ଆଚେ ସିନିକିହାନା ଏଲେଇଚେସି, “ନୀନୁ ଜହନ ମାର୍ବଏଣା ସିମନତି । ନୀନୁ କେପା† ଦରୁଚି ଝେଞ୍ଜିଦି ।”

ଜୀସୁ ପିଲିପ ଅଡ଼େ ନିତନିୟେଲଇଁ ହାଟିନାୟି

୪୩ ଅର ନେଚୁ ଜୀସୁ ଗାଲିଲିତା ହାଜାଲି ଅଣ୍ଡିଚେସି, ଏଝାସି ପିଲିପଇଁ ମେସାନା ଏଲେଇଚେସି, “ନା ଜେଚ ଝାମ୍ବୁ !” ୪୪ ପିଲିପ ବେଡ଼ସାୟିଦା ଗାଡ଼ାତାସି ମାଚେସି, ଏଦି ଆନ୍ଦ୍ରିୟ ଇଞ୍ଜାଁ ପିତରତି ଗାଡ଼ା ମାଚେ । ୪୫ ପିଲିପ ନିତନିୟେଲଇଁ ମେସାନା ଏଝାଣାଇଁ ଏଲେଇଚେସି, “ଆମ୍ବାଆରି କାତା ମସ୍ତାତି ମେରାତା ରାଚାମାନେରି, ଅଡ଼େ, ମାହାପୁରୁ ଅଣ୍ଡପୁତି ବଲୁ ଝେହ୍ନାରି ଜିକେଏ ରାଚାମାନେରି, ମାମ୍ବୁ ଏଝାଣାଇଁ ବେଗାଆହାମାନମି । ଏଝାସି ଜସେପ ମାର୍ବସି ନାଜ୍ଜରିଚତି ଜୀସୁ ।”

୪୬ ନିତନିୟେଲ ଏଝାଣାଇଁ ଝେଚେସି, “ନାଜ୍ଜରିଚତା କି ଏନି ନେହ୍ କାମା ଆହିମାଚେ ?”

ପିଲିପ ଏଲେଇଚେସି, “ଝାହାନା ସିନିକମୁ ।”

୪୭ ଜୀସୁ ନିତନିୟେଲଇଁ ତାନି ତାଣା ଝାହିମାନାଣି ମେସାନା ଜୀସୁ ଏଝାଣି କାତା ଝେସ୍ତେସି, “ମେହ୍ଦୁ ଇଝାସି ସାତା ତଲେ ଇସ୍ତାୟେଲତି ଲକ୍ତ; ଇଝାଣି ତାଣା ଏନାୟି ନାଡ଼ିକିନି ରୁଦି ହିଲେଏ !”

୪୮ ନିତନିୟେଲ ଜୀସୁଇଁ ଝେଚେସି, “ନୀନୁ ନାଜେ ଏନିକିହ୍ ପୁଞ୍ଜାତି ?”

ଜୀସୁ ଏଲେଇଚେସି, “ପିଲିପ ନିଜେ ହାଟାତି ନକେଏ ନୀନୁ ତୟା ମାରୁନୁ ତୁଇ ମାଚି, ଏଚେତା ନାନୁ ନିଙ୍ଗା ମେସାମାଞ୍ଜାତେଏଁ ।”

୪୯ ନିତନିୟେଲ ଏଲେଇଚେସି, “ଏ ଗୁରୁ ନୀନୁ ମାହାପୁରୁ ମାର୍ବଏଣାତି ! ନୀନୁଏ ଇସ୍ତାୟେଲ ରାଜାତି ।”

୫୦ ଜୀସୁ ଏଲେଇଚେସି, “ନାନୁ ନିଜେ ତୟା ମାରୁନୁ ତୁଇ ମେସ୍ତାତେଏଁ ଇଞ୍ଜାଁ ଝେସାଲିଏ ନୀନୁ ନାମିମାଞ୍ଜି ?” ନୀନୁ ଇଦାଆଁ କିହାଁ ହାଚେକା କାଜା କାମାୟାଁ ମେହ୍ଦି । ୫୧ ଜୀସୁ ନିତନିୟେଲଇଁ ଏଲେଇଚେସି, “ନାନୁ ନିଜେ ସାତା ଝେସିମାଞ୍ଜାଇଁ ନୀନୁ ଲାକପୁରୁ ଦେପିଆହାମାନାଣି ଇଞ୍ଜାଁ ମାଣସି ମାର୍ବଏଣା ତାଣା ମାହାପୁରୁଚି ଦୁରୁୟାଁ ଲାକ ହାଜିମାନାଣି ଅଡ଼େ ତୁଇ ଝାହିମାନାଣି ମେହ୍ଦି ।”

9

କାନା ଗାଡ଼ାତି ବାହା ବଜିତା ଜୀସୁ

୧ ତାନି ଦିନା ଜେଚ ଗାଲିଲିତି କାନା ଗାଡ଼ାତା ର ବାହା ମାଚେ, ଜୀସୁ ତାନି ଇୟା ମରିୟମ ଜିକେଏ ଏମ୍ବାଆଁ ମାଚେ; ୨ ଜୀସୁ ଜିକେଏ ତାନି ସାସୁୟାଁ ତଲେ ବାହାତା ହାଜାଲି ହାଟ୍ଟିକି ଆହାମାଚେସି ।

୩ ଏଚିବେଲା ଅଞ୍ଜୁରି ରାସା ରାହାହାଚୁ, ଜୀସୁଇଁ ତାନି ଇୟା ଏଲେଇଚେ, “ଏଝାରି ଅଞ୍ଜୁରି ରାସା ରାହାହାଚୁ ।”

‡ ୧:୩୩ ୧:୩୩ ମୁଞ୍ଜିନାୟି § ୧:୩୮ ୧:୩୮ ଗୁରୁ * ୧:୪୧ ୧:୪୧ ମସିହାତି ଇଚିହ୍ କ୍ରାସୁ † ୧:୪୨ ୧:୪୨ କେପା ଇଚିହ୍ ପିଚର

୪ ଏମ୍ବାଟିଏ ଜୀସୁ ତାମି ଇୟାନି ଏଲେଇରେସି, “ଇୟା, ନୀନୁ ନାଜେ ଏନାଆଁ କିନାୟିମାନେ ଏନାଆଁକି ଖେସିମାଞ୍ଜାଦି ? ନା କାଲ୍ଲା ନୀଏଁ ପାତେକା ଖାହାହିଲେଏ ।”

୫ ଜୀସୁ ତାମି ଇୟା କାମା କିନାରାଇଁ ଏଲେଇରେ, “ଏଝାସି ମିଜେ ଏନାଆଁ ଖେସ୍ତାନେସି ଏଲେକିହିଁଏ କିଦୁ ।”

୬ ଅଡେ, ଏମ୍ବାଆଁ ଜୀହୁଦିୟାଁ ସୁଦୁ କିହାଲି ନରୁନି ମେରାତାକି ସ ଗଟା କାଜା ଖାଲକାତି ଏନୁ ଗୁନାୟାଁ ମାରୁ । ୭ ଜୀସୁ ହଲିୟାଙ୍ଗାଣି ଏଲେଇରେସି, “ଇ ଗୁନାୟାଁଣା ଏନୁ ନେଞ୍ଜିକିଦୁ ।” ଏଝାରି ଏମ୍ବାଆଁ ନେଞ୍ଜିକିତେରି । ୮ ଜୀସୁ ଏଝାରାଇଁ ଏଲେଇରେସି, “ଇମ୍ବାଟି ଇଚରା ଅହାନା ବକ୍ତିତ ଗୁମ୍ବୁସ୍ତାକି ହୀଦୁ ।” ଏମ୍ବାଟିଏ ଏଝାରି ଅଡେରି । ୯ ବକ୍ତିତ ଗୁମ୍ବୁସ୍ତା ଅଜ୍ଜୁରି ରାସା ଆହାମାନି ଏ ଏନୁତି ଖାଣ୍ଡାହାଁ ଏଝି ଏମ୍ବିଟି ତାପିଆଡୁ, ପୁଞ୍ଜା ହିଲ୍ଲାଆତେସି । ସାମା ଏ ହଲିୟାଙ୍ଗା ଏନୁ ଖାକହା ମାଟାରି ପୁଞ୍ଜାମାତେରି ଏଦାଆଁତାକି ହନେଏଣାଇଁ ହାଟାହାଁ ଏଲେଇରେସି । ୧୦ ବାରେଜାଣା ତଲିଏ ନେହିଁ ଅଜ୍ଜୁରି ରାସା ହୀନେରି ଅଡେ ଏମ୍ବାଆଁ ଖାହାଡୁୟିନି ଲକୁ ହଠିସାରେ ତାୟୁ ଲାଗେଏତି ଅଜ୍ଜୁରି ରାସା ହୀନେରି; ସାମା ମୀରୁ ବାରେ ନେହିଁ ଅଜ୍ଜୁରି ରାସା ନୀଏଁ ପାତେକା ଇଟାମାଞ୍ଜେରି ।

୧୧ ଜୀସୁ ଇଲେକିଁ ଗାଲିଲିତି କାନା ଗାଡ଼ାତା କାବାଆନି କାମା ମାଟୁହାନା ତାନି ଗାଝୁରମି ତସ୍ତେସି, ଅଡେ ସୀସୁୟାଁ ଏଝାଣି ତାଣା ନାମିତେରି ।

୧୨ ଏଦାଆଁ ତାୟୁ ଜୀସୁ ତାମି ଇୟା, ତାୟିୟାଁ ଅଡେ ସୀସୁୟାଁ ତଲେ କପରନାହୁମତା ହାଚେରି; ଇଞ୍ଜା ଏମ୍ବାଆଁ ହାରେକା ଦିନା ତୁୟାଆତେରି ।

ଜୀସୁ ଜିରୁସାଲମତା ହାନାୟି

(ମାତି ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)

୧୩ ଏତିବେଲ୍ଲାତା ଜୀହୁଦିଙ୍ଗା ପିସିପିଆନି ପାରୁ ତାଗେ ଆହାମାତେ, ଅଡେ ଜୀସୁ ଜିରୁସାଲମତା ହାଚେସି । ୧୪ ଏମ୍ବାଆଁ ଜୀସୁ ମେସ୍ତେସି, ମାହାପୁରୁ ଇଲୁ ବିଭା ଲକୁ କଡ଼ିୟାଁ ମେଣ୍ଡାୟାଁ ଅଡେ ପଟାୟାଁ ବେବାରା କିନାରି ଅଡେ ତାବୁୟାଁ ବେବାରା କିନାରି କୁଗାମାତେରି; ୧୫ ଏମ୍ବାଟିଏ ଜୀସୁ ତୁରିତି ସାଟୁଣି କେପାନା କଡ଼ିୟାଁ, ମେଣ୍ଡାୟାଁ ମାହାପୁରୁ ଇଲୁଟି ପାଙ୍ଗାତା ପେରୁହା ପାଣ୍ଡାନା ଟାକାୟାଁ ବେବାରା ଗାଟାରି କୁଚିୟାଁ ତିରିମ୍ବୁପହାନା ଟାକାୟାଁ ବାରେ ତାଞ୍ଜିତେସି । ୧୬ ପଟାୟାଁ ବେବାରା ଗାଟାରାଇଁ ଏଲେଇରେସି, “ଇ ବାରେତି ଇମ୍ବାଟି ଅହାଡୁହୁଦୁ, ନା ଆବା ଇଲୁଟି ବେବାରା ଲକୁ କିଆଦୁ ।” ୧୭ ଇଦାଆଁ ମେସାନା ସାସ୍ତେରିତା ରାସ୍ତକି ଆହାମାନି ର କାତା ସୀସୁୟାଁ ମନତା ଖାଡେ, “ନୀ ଇଲୁତାକି ନା ରାହାଁ ନାଜେ ହାରେକା ନାସା କିୟାନେ ।”

୧୮ ଜୀହୁଦିୟାଁ ଜୀସୁଇଁ ଖେଚେରି, “ନୀନୁ ଇ ବାରେ କାମା କିହାଲିତାକି ଅଦିକାରା ବେଟାଆହାମାଞ୍ଜି, ଏମ୍ବାଟି ସିନା ମାଜେ ଏନାଆଁ ତସିମାଞ୍ଜାଦି ?”

୧୯ ଜୀସୁ ଏଲେଇରେସି, “ଇ ଦେଝୁଡ଼ିତି ନାସା କିଦୁ, ଅଡେ ତାନି ଦିନାଟିଏ ନାନୁ ଏଦାଆଁ ଖେଣ୍ଡେ କେପିଇଁ ।”

୨୦ ଏଚେଟିଏ ଜୀହୁଦି ଲକୁ ଏଲେଇରେରି, “ଏନାଆଁ ତାନିଦିନା ବିଭା ନୀନୁ ଇଦାଆଁ କେପାଲି ଆଡ଼ିଦି ? ଇ ଦେଝୁଡ଼ି କିହାଲିତାକି ରା କଡ଼ି ସ ରାସାଁ ଆହାମାନେ ।”

୨୧ ସାମା ଜୀସୁ ଜାହାରା ଆଙ୍ଗା ଲେହେତି ଦେଝୁଡ଼ିତି ତସାନା ଇଦାଆଁ ଖେସାମାଚେସି । ୨୨ ଇଦାଆଁତାକି ଜୀସୁ ହାହାନା ନିଙ୍ଗାଲିଏ ତାନି ସୀସୁୟାଁ ଜୀସୁ ଇ କାତା ଖେସାମାଚେସି ଇଞ୍ଜି ଅଣପିତେରି; ଅଡେ ଦାମ୍ବୁ ସାସ୍ତେରି ଅଡେ ଜୀସୁ ଖେସାମାଟି କାତାକି ନାମିତେରି ।

ଜୀସୁ ଲକୁତି ଗୁଣ୍ଡୁ ପୁନାସି

୨୩ ପିସିପିଆନି ପାରୁ ଆହିମାଟି ବେଲ୍ଲାତା ଜିରୁସାଲମତା ଜୀସୁ ମାଟାଟି ହାରେକା ତାନି କାବାଆନି କାମା ମେସାନା ତାନି ଦରୁତା ହାରେକା ଜାଣା ନାମିତେରି । ୨୪ ସାମା ଜୀସୁ ଏ ଲକୁଣି ନାମାଆନା ଏଝାରି ତାଣାଟି ଏଟକା ତୁୟିତେସି, ଏନାଆଁତାକି ଇଚିହିଁ ଏଝାରାଇଁ ନେହିଁକିଁ ପୁଞ୍ଜାମାଚେସି । ୨୫ ଅଡେ ଆମ୍ବାଆସି ମାଣସି କାତା ସାକି ହୀନେସି, ଇଦି ଏଝାଣାକି ଲଡ଼ା ହିଲ୍ଲାଆତେ, ଇଚିହିଁ ମାଣସି ବିଭା ଏନାୟି ମାନେ ଏଝାସି ତାନୁଏ ପୁଞ୍ଜାଲି ଆଡ଼ିମାଚେସି ।

* ୨:୧୨ ୨:୧୨ ମାତି ୪:୧୩ * ୨:୧୯ ୨:୧୯ ମାତି ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯

୩

ଜୀସୁ ଅଡ଼େ ନିକଦିମ

୧ ପାରୁସିୟା ଗଚିଟି ନିକଦିମ ଇଞ୍ଜିଁ ର ମାଣସି ମାରେସି, ଏଝାସି ଜୀହୁଦି ଲକ୍ଷୁଣି ସାଲୁଞ୍ଜି କିନାସି ମାରେସି । ୨ ଏଝାସି ଲାଆଁ ବେଲାତା ଜୀସୁ ତାଣା ଖାହାନା ଏଲେଇଚେସି, “ଏ ରାବି, * ମାମ୍ବୁ ପୁଞ୍ଜାମାନମି ନୀନୁ ମାହାପୁରୁ ପାଣ୍ଡାମାଞ୍ଜାନି ଗୁରୁ । ନୀନୁ ଆମିନି ବାରେ କାବାଆନି କାମା କିହିମାଞ୍ଜି, ମାହାପୁରୁ ସାୟେମି ହିଲାଆସାରେ ଏଦାଆଁ ଆମ୍ବାଆରି କିହାଲି ଆଡ଼ଅରି ।”

୩ ଜୀସୁ ଏଝାଣାଇଁ ଏଲେଇଚେସି, ସାତା ସାତା ନାନୁ ନିଙ୍ଗ ଝେସିମାଞ୍ଜାଇଁ, ଅଡ଼େ ଝେଣ୍ଡେ ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜି ମେସାଲି ଆଡ଼ଅସି ।

୪ ନିକଦିମ ଏଝାଣାଇଁ ଝେଚେସି, “ବୁଡ଼ହା ଆଡ଼ିସାରେ ମାଣସି ଅଡ଼େ ଝେଣ୍ଡେ ଏନିକିଁ ଜାର୍ନା ଆହାଲି ଆଡ଼ିନେସି ? ତାଲିନି ବାଣ୍ଡିତା ହଡ଼ାନା ଏଝାସି ଝେଣ୍ଡେ ଜାର୍ନା ଆହାଲି ଆଡ଼ିନେସି ?”

୫ ଜୀସୁ ଏଲେଇଚେସି; “ସାତା ସାତା ନାନୁ ନିଙ୍ଗ ଝେସିମାଞ୍ଜାଇଁ” ଏୟୁ ଅଡ଼େ ସୁଦୁଜୀଝୁଟି ଜାର୍ନା ଆଆସାରେ ଆମ୍ବାଆସି ମାହାପୁରୁ ରାଜିତା ହଡ଼ାଲି ଆଡ଼ଅସି । ୬ ଆଜ୍ଞାଟି ଏନାୟି ଜାର୍ନା, ଏଡ଼ି ଆଜ୍ଞା; ଅଡ଼େ ସୁଦୁଜୀଝୁଟି ଏନାୟି ଜାର୍ନା ଆନେ, ଏଡ଼ି ସୁଦୁଜୀଝୁ । ୭ ନିଙ୍ଗେ ଝେଣ୍ଡେ ଜାର୍ନା ଆନାୟି ଲଡ଼ାମାନେ ଇଞ୍ଜିଁ ନାନୁ ନିଙ୍ଗ ଝେସାଡେସି, ଏଦାଆଁତାକି କାବା ଆଆନି । ୮ ଗାଲି ଆମ୍ବିୟାଞ୍ଜାକି ମନ କିନେ, ଏତାଲା ଞ୍ଜାକି ହନେ, ଅଡ଼େ ନାନୁ ଞ୍ଜାବର ଏଦାନି ହାଡ଼ା ଝେଞ୍ଜାଲି ଆଡ଼ିଦି, ସାମା ଏଡ଼ି ଏମିନି ତାଣାଟି ଞ୍ଜାନେ ଅଡ଼େ, ଏମ୍ବିୟା ହାନେ, ଏଦାଆଁ ପୁନଅଡ଼ି; ସୁଦୁଜୀଝୁଟି ଜାର୍ନା ଆହାମାନି ବାରେଜାଣା ଏଲେକିହିଁ ଏ ।

୯ ନିକଦିମ ଏଝାଣାଇଁ ଏଲେଇଚେସି, “ଏଡ଼ି ଏନିକିଁ ଆହାଲି ଆଡ଼ିନେ ?”

୧୦ ଜୀସୁ ଏଝାଣାଇଁ ଏଲେଇଚେସି; “ନୀନୁ ଇସ୍ରାୟେଲତି ଗୁରୁ ଆହାନା ଜିକେଏ, ଇ ବାରେ ତେଲୁହି ହିଲଅଡି କି ? ୧୧ ନାନୁ ନିଙ୍ଗ ସାତା ଝେସିମାଞ୍ଜାଇଁ, ନାନୁ ଏନାଆଁ ପୁଞ୍ଜାମାଇଁ, ଏଦାନି କାତା ଝେସିମାଞ୍ଜାଇଁ, ଏନାଆଁ ମେସାମାଇଁ, ଅଡ଼େ ନାନୁ ନା କାତା ନାମିହିଲଅଡି । ୧୨ ନାନୁ ଦାରୁଡି କାତାଟି ଝେସାସାରେ ନାନୁ ନାମଅଡି, ଆଡିହିଁ ଲାକପୁରୁଟି ହାଡ଼ା ଝେସାସାରେ ଏନିକିଁ ନାମିଦି ? ୧୩ ଆମିନି ମାଣସି ମୀରୁଏସି ଲାକପୁରୁଟି ରେତା ଞ୍ଜାଡେସି, ଏଝାଣି ପିସପେ ଅଡ଼େ ଆମ୍ବାଆସି ଲାକପୁରୁ ହାଜାହିଲଅସି ।”

୧୪ ଅଡ଼େ, ମସା ଏନିକିଁ ଲକୁ ହିଲାଆ ଟାମୁଡା ପିତାଡ଼ା ରାବୁଡି ଲାକ ପେରୁହା ମାରେସି, ମାଣସି ମୀରୁଏସି ଜିକେଏ ଏଲେକିହିଁ ଏ ଲାକ ପେରୁଞ୍ଜି ଆନେସି । ୧୫ ଏନିକିହିଁ ଆମ୍ବାଆସି ତାନି ତାଣା ନାମିନେସି, ଏଝାସି କାଲାକାଲାଟି ଜୀଝୁ ବେଗା ଆନେସି । ୧୬ ଇଡିହିଁ ମାହାପୁରୁ ଦାରୁଡିଟି ଏଚେକା ଜୀଝୁ ନଡେସି, ଏଝାସି ତାନି ରଣ୍ଡିଏ ମୀରୁଏଣାଇଁ ଦାନା ହାଡେସି, ଏନିକିହିଁ ଏଝାଣି ତାଣା ନାମିନାସି ନାସା ଆଆନା କାଲାକାଲାଟି ଜୀଝୁ ବେଗା ଆନେସି । ୧୭ ଇଡିହିଁ ଦାରୁଡିତା ନାହାୟି କିହାଲିତାକି ମାହାପୁରୁ ତାନି ମୀରୁଏଣାଇଁ ଦାରୁଡିତା ପାଣ୍ଡାଆନା, ଦାରୁଡି ଏନିକିଁ ତାନିତାଣାଟି ଗେଲପିଆନେ, ଏଦାଆଁତାକି ତାନି ମୀରୁଏଣାଇଁ ପାଣ୍ଡାଚେସି ।

୧୮ ଆମ୍ବାଆସି ତାନି ତାଣା ନାମିନେସି, ଏଝାସି ନୀହାୟି କିଞ୍ଜି ଆଅସି ଆମ୍ବାଆସି ନାମଅସି, ଏଝାସି ନୀହାୟି କିଞ୍ଜି ଆଡେସିଏ, ଏନାଆଁତାକି ଇଡିହିଁ ମାହାପୁରୁଟି ରଣ୍ଡିଏ ମୀରୁଏଣା ଦରୁଡି ନାମାହିଲଅସି । ୧୯ ଅଡ଼େ ଏ ନାହାୟି ଇଦି, ଇ ଦାରୁଡିତା ଉଜେଡ଼ି ତଞ୍ଜା ଆହାମାନେ, ଅଡ଼େ ଲକ୍ଷୁ ଉଜେଡ଼ି ପିସାମା ଆନ୍ଦେରିଡି ଜୀଝୁ ନଡେସି, ଏଦାଆଁତାକି ଏଝାରି ବାରେ କାମା ଲାଗେଏତାୟି । ୨୦ ଇଡିହିଁ ଆମ୍ବାଆରି ଲାଗେଏଡି କାମାକିନାରି, ଉଜେଡ଼ିଟି ଅପଅରି, ଅଡ଼େ ଏଚେଡା ତାନି ପାପୁ କାମା ତଞ୍ଜାଆନେ, ଏଦାଆଁତାକି ଉଜେଡ଼ିତା ଞ୍ଜାଅରି । ୨୧ ସାମା ଆମ୍ବାଆରି ସାତା କାମା କିନେରି, ଏଝାରି ଉଜେଡ଼ିତା ଞ୍ଜାନେରି, ଏନିକିଁ ତାନି କାମା ବାରେ ମାହାପୁରୁ ତାଣାଟି ତାନି ଆଡାୟି ଇଞ୍ଜିଁ ତଞ୍ଜାଆନେ ।

ଜୀସୁ ଅଡ଼େ ଜହନ

୨୨ ଇଦାଆଁ ତାମୁ ଜୀସୁ ଅଡ଼େ ତାନି ସାପୁୟାଁ ଜୀହୁଦା ରାଜିତା ହାଚେରି, ଅଡ଼େ ଏଝାସି ଏ ଟାମୁଡା ଡୟାନା ବାପ୍ତିସ୍ମା ହାହାଲି ମାଡ଼ହେସି । ୨୩ ଜହନ ଜିକେଏ ସାଲମତି ତାଗେ ଏନନ୍ତା ବାପ୍ତିସ୍ମା ହାହିମାଚେସି, ଇଡିହିଁ ଏମ୍ବାଆଁ ଗାଡି ଏୟୁ ମାଡୁ, ଅଡ଼େ ଲକୁ ଞ୍ଜାହାନା ବାପ୍ତିସ୍ମା ଅହିମାଚେରି । ୨୪ ଏଚିବେଲା ପାତେକା ଜହନ କାୟିଦିତା ହାଜାହିଲାଆଚେସି ।

* ୩:୨ ୩:୨ ଗୁରୁ † ୩:୨୨ ୩:୨୨ ମୁଞ୍ଜନାୟି ‡ ୩:୨୩ ୩:୨୩ ମୁଞ୍ଜନାୟି

୨୫ ଏମାଗିଏ ଜହନତି ଏଚରଜାଣା ସାସୁୟାଁ ର ଜୀହୁଦି ତଲେ ମୋରାତାକି ନରୁନି କାତାତାକି ବାଦିବାଦା ଆଡେଚରି । ୨୬ ଏଝାରି ଜହନଇଁ ଏଲେଇଚେରି, “ଗୁରୁ ଆମ୍ବାଆସି ଜର୍ଦନ କାତାତି ଅରଝାକି ନୀ ତଲେ ମାଚେସି, ଆମ୍ବାଆରି କାତା ନୀନୁ ସାକି ହାହାମାଞ୍ଜାତି, ମେହ୍ମୁ ଏଝାସି ବାପ୍ତିସ୍ମାଁ ହାହିମାନେସି ଅଡେ ବାରେଜାଣା ଏଝାଣି ତାଣା ହାଜିମାନେରି ।”

୨୭ ଜହନ ଏଲେଇଚେସି, “ଲାକପୁରୁଟି ମାହାପୁରୁ ହାଆସାରେ ମାଣସି ଏନାଆଁ ମେଡାଆହାଲି ଆଡୁଅସି । ୨୮ ନାନୁ କ୍ରୀସ୍ତୁଚେସି ଆଏ, ସାମା ଏଝାଣି ନକିତା ପାଣ୍ଡୁଝି ଆହାମାଇଁ, ଇ କାତା ନାନୁ ମିଙ୍ଗେ ଝେସାମାଞ୍ଜାଚେସି ଇଞ୍ଜିଁ ମୀରୁ ନା ସାକି । ୨୯ ମାଜ୍ଜାନି ଅନାସି, ଏଝାସି ହନେଏସି, ସାମା ହନେଏଣି ଏମିନି ତଡୁ ନିଚାନା ତାନି ହାଡା ଝେନେସି, ଏଝାସି ହନେଏଣି ହାଡା ଝେଞ୍ଜାନା ହାଡେରକା ରାହାଁ ଆନେସି । ଏଲେକିହଁ ଏ ନା ରାହାଁ ଜିକେଏ ପୁରା ଆଡେ । ୩୦ ସାଚେଏ ଏଝାସି କାଜାସି ଆନାୟି ମାନେ, ଅଡେ ନାଙ୍ଗେ ଉଶା ଆନାୟି ମାନେ ।”

ଲାକପୁରୁଟି ଖାନସି

୩୧ ଆମ୍ବାଆସି ଲାକପୁରୁଟି ଖାନେସି, ଏଝାସି ବାରେକିହାଁ କାଜାସି, ଆମ୍ବାଆସି ଦାରୁତି ଜାର୍ନା ଆନେସି, ଏଝାସି ଦାରୁତି କାତା ଝେହ୍ନେସି; ଆମ୍ବାଆସି ଲାକପୁରୁଟି ଖାନେସି ଏଝାସି ବାରେଜାଣା କିହାଁ କାଜାସି । ୩୨ ଏଝାସି ଏନାଆଁ ମେସାମାନେସି ଅଡେ ଏନାଆଁ ଝେଞ୍ଜାମାନେସି, ଏନାଆଁ ଏଝାସି ସାକି ହାହିମାନେସି, ସାମା ଆମ୍ବାଆସି ତାନି ହାଡାତି ଅପଅସି । ୩୩ ଇଞ୍ଜାଁ ଆମ୍ବାଆସି ତାନି କାତାତି ଅପିନେସି, ଏଝାସି ମାହାପୁରୁ ସାତା ଇଞ୍ଜିଁ ଏ କାତାତି ଆବା ମାନେସି । ୩୪ ସାମା ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାଚେସି, ଏଝାସି ମାହାପୁରୁ ବଲୁ ଝେହ୍ନେସି, ଏଝାଣାକି ମାହାପୁରୁ ସୁଦୁଜୀଝୁ ହାନେସି । ୩୫ ଆବା ମୀରୁଏଶାଇଁ ଜୀଝୁ ନନେସି, ଅଡେ ବାରେ ତାନି କେୟୁତା ହେରପା ମାନେସି । ୩୬ ଆମ୍ବାଆସି ମୀରୁଏଶାଇଁ ନାନିନେସି, ଏଝାସି କାଲାକାଲାତି ଜୀଝୁ ବେଟାଆହାମାନେସି, ସାମା ଆମ୍ବାଆସି ମୀରୁଏଶାଇଁ ଅପଅସି, ଏଝାସି ଜୀଝୁ ଜିକେଏ ମେହଅସି, ସାମା ଏଝାସି ମାହାପୁରୁଟି ତଣ୍ଡତା ଡୟିନେସି ।

୪

ଜୀସୁ ଅଡେ ସମିରଣ ଇୟା

୧ ପାରୁସିୟାଁ ଝେଚେରି, ଜୀସୁ ଜହନ କିହାଁ ଗାତି ସାସୁୟାଁ କିହିମାନେସି ଅଡେ ବାପ୍ତିସ୍ମାଁ ହାହିମାନେସି । ୨ ଜୀସୁ ତାନୁ ବାପ୍ତିସ୍ମାଁ ହାହିଲିଆଚେସି, ସାମା ତାନି ସାସୁୟାଁ ବାପ୍ତିସ୍ମାଁ ହାହିମାନେଚେରି, ଇ କାତା ପାରୁସିୟାଁ ଝେଞ୍ଜାମାନେରି ଇଞ୍ଜିଁ ପୁରୁ ଏଚେଡା ପୁଚେସି । ୩ ଏଚେଡା ଜୀହୁଦା ଦେସା ପିସାମା ଅଡେ ଝେଣ୍ଡେ ଗାଲିଲିତା ହାଚେରି । ୪ ସାମା ତାଙ୍ଗେ ସମିରଣ ଜିରୁଟି ହାଜାଲି ଲାଗିଚେ ।

୫ ଅଡେ ଏଝାସି ହାଜାନା ଜାକୁବ ତାନି ମୀରୁଏସି ଜସେପକି ଏମିନି ବୁମି ହାହାମାଚେସି ଏ ତାଗେ ସମିରଣତି ସୁକାର ଦରୁଗାଟି ର ନୀରୁତା ଏଗାହାଚେସି । ୬ ଏ ଟାୟୁତା ଜାକୁବତି କୁହି ମାଚେ, ଇଞ୍ଜାଁ ଜୀସୁ ଝାହାହାଜାମାଚାକି ଏ କୁହି ତାଗେ କୁରିଚେସି । ଏଚେଡା ମାଦେନା ଆହାମାଚେ ।

୭ ଅଡେ ର ସମିରଣ ଇୟା ଏୟୁ ଅହାଲି ଝାଡେ । ଜୀସୁ ଏଦାନି ଏଲେଇଚେସି “ନାଙ୍ଗେ ଏୟୁ ଗସାଲି ହିୟାମୁ ।” ୮ ତାନି ସାସୁୟାଁ କାଦି କଡାଲି ଗାଡାତା ହାଜାମାଚେରି ।

୯ ଏମାଗିଏ ସମିରଣ ଇୟା ଜୀସୁଇଁ ଏଲେଇଚେ, “ନାନୁ ର ଜୀହୁଦି ଲକୁ ଆହାଁ, ନାନୁ ସମିରଣ ଆୟାଚେସି, ଏନିକଁ ନା କେୟୁଟି ଏୟୁ ଗସାଲି ରାସି ମାଞ୍ଜାଦି ?” ଏନିକିଚିହଁ ଜୀହୁଦିୟାଁ ତଲେ ସମିରଣ ଲକୁଟି ଲେସିନାୟି ହିଲେଏ ।

୧୦ ଜୀସୁ ଏଦାନି ଏଲେଇଚେସି, “ମାହାପୁରୁଟି ଦାନା ଅଡେ ନାଙ୍ଗେ ଗସାଲି ହିୟାମୁ ଇଞ୍ଜିଁ ଆମ୍ବାଆସି ନିଙ୍ଗେ ଏଲେଇଞ୍ଜିମାଞ୍ଜାଚେସି, ଏଝାସି ଆମ୍ବାଆସି, ଇଦାଆଁ ନାନୁ ପୁଚିହଁମା, ନାନୁ ଏଝାଣାଇଁ ରାସିମା, ଅଡେ ଏଝାସି ନିଙ୍ଗେ ଜୀଝୁତି ଏୟୁ ହିୟାଚେସିମା ।”

୧୧ ଏ ଆୟାଚି ଏଲେଇଚେ, “ଗୁରୁ ନୀ ତାଣା ଏୟୁ କଡାଲି ତାକି ନକି ହିଲେଏ, ଅଡେ ଇ କୁହି କୁଡ଼ହାମାନେ; ଆତିହଁ ନାନୁ ଏମିଚି ଏ ଜୀଝୁଗାଟି ଏୟୁ ବେଟାଆହାମାଞ୍ଜି ? ୧୨ ମା ଆକୁୟାଁତି ଆବା ଜାକୁବ ଇ କୁହି ମାଙ୍ଗେ ହାହାମାଞ୍ଜାଚେସି, ଅଡେ, ତାନି ମୀରୁକା ଅଡେ ତାନି କଡି ଗରି ଇମାତି ଏୟୁ ଗସିମାଡୁ, ଏଝାଣି କିହାଁ ନାନୁ କି କାଜାତି ?”

§ ୩:୨୬ ୩:୨୬ ମୁଞ୍ଜିନାୟି * ୩:୨୮ ୩:୨୮ ଜହ ୧:୨୦ * ୪:୧ ୪:୧ ମୁଞ୍ଜିନାୟି † ୪:୨ ୪:୨ ମୁଞ୍ଜିନାୟି ‡ ୪:୨ ୪:୨ ମୁଞ୍ଜିନାୟି

୧୩ ଜୀସୁ ଏଲେଇରେସି, “ଆତ୍ମାଆସି ଈ ଏମ୍ମୁ ଗହନେସି, ଅଡ଼େ ଝେଣ୍ଡେ ଏସ୍‌କି ଆନେସି; ୧୪ ସାମା ନାନୁ ଏମିନି ଏମ୍ମୁ ହିୟାଈ, ଏଞ୍ଜାଆଁ ଆତ୍ମାଆସି ଗହନେସି, ଏଞ୍ଜାସି ଏରେଲାଞ୍ଜା ଏସ୍‌କି ଆଅସି, ଇଚିହଁ ନାନୁ ଏମିନି ଏମ୍ମୁ ହାଇ, ଏଦି କାଲ୍‌କାଲ୍‌କାତ ଜୀଞ୍ଜୁତି ଉସା ଲେହେଁ ଏଞ୍ଜାଣି ତାଣାଟି ଡେଲାବୟା ହାନୁ ।”

୧୫ ଆୟାଟି ଏଲେଇରେ, “ଗୁରୁ, ନାଜେ ଏନିକଁ ଏସ୍‌କି ଆୟେଏ, ଅଡ଼େ ଏମ୍ମୁତାକି ଇଚେକା ହେକ ଇ କୁହିତା ଖାୟାଲି ଆଏ, ଏଦାଆଁତାକି ଏ ଏମ୍ମୁ ନାଜେ ହିୟାନୁ ।”

୧୬ ଜୀସୁ ଏଦାନି ଏଲେଇରେସି, “ହାଲାନୁ, ନୀ ତକ୍ରାଈଁ ହାଟାତାନୁ ।”

୧୭ ଏ ଆୟାଟି ଏଲେଇରେ, “ନା ତକ୍ରା ହିଲଅସି ।” ଜୀସୁ ଏଦାନି ଏଲେଇରେସି “ନୀ ତକ୍ରା ହିଲଅସି ଇଞ୍ଜଁ ସାତା ଝେସାମାଞ୍ଜି । ୧୮ ନିଜେ ପାସାଜାଣା ତକ୍ରାୟାଁ ମାଚେରି, ଅଡ଼େ ନୀର୍ବଁ ନୀ ତଲେ ଆତ୍ମାଆସି ମାନେସି ଏଞ୍ଜାସି ନୀ ତକ୍ରା ଆଏ ଇଦାଆଁ ସାତା ଝେସାମାଞ୍ଜି ।”

୧୯ ଆୟାଟି ଏଲେଇରେ, “ଗୁରୁ, ନାନୁ ପୁଞ୍ଜିମାଈଁ ନାନୁ ର ମାହାପୁରୁ ଅଣ୍‌ପୁତି ବଲୁ ଝେହନାଟି, ଇଦାଆଁ ନାନୁ ପୁଞ୍ଜିମାଈଁ । ୨୦ ମା ଆକୁ ଆବାୟାଁ ଈ ହରୁ ଲାକ ପ୍ରାଡାନା କିହିମାଚେରି; ଅଡ଼େ ମୀ ଜାହୁଦି ଲକୁ ଏଲେଇନେରି, ପ୍ରାଡାନା କିନି ଚାୟା ଆହିମାନେ ଜିରୁସାଲମ ।”

୨୧ ଜୀସୁ ଏଦାନି ଏଲେଇରେସି, “ଇୟା ନା ହାଡାତି ନାମାମୁ, ଏମିନି ବେଲାତା ମୀରୁ ଈ ହରୁତା କି ଜିରୁସାଲମତା ଆବା ତାଣା ପ୍ରାଡାନା କିଅତେରି ଇଲେତି କାଲ୍‌ମି ଖାନ୍ନେ । ୨୨ ଆତ୍ମାଆରାଇଁ ମୀରୁ ପୁଞ୍ଜାହିଲଅତେରି, ଏଞ୍ଜାଣାଇଁ ପ୍ରାଡାନା କିହିମାଞ୍ଜେରି; ଆତ୍ମାଆରାଇଁ ମୀରୁ ପୁଞ୍ଜାମାନାୟି, ଏଞ୍ଜାଣାଇଁ ପ୍ରାଡାନା କିହିମାନାୟି, ଇଚିହଁ ଗେଲ୍‌ପିନାୟି ଜୀହୁଦି ଲକୁ ତାଣାଟି ଖାନ୍ନେ । ୨୩ ସାମା ଏମିନି କାଲ୍‌ମିତା ସାତା ତଲେ ପ୍ରାଡାନା କିନି ଲକୁ ଜୀଞ୍ଜୁତଲେ ଅଡ଼େ ସାତା ତଲେ ଆବାଈଁ ପ୍ରାଡାନା କିନେରି, ଇଲେତି କାଲ୍‌ମି ଖାହିମାନେ; ଅଡ଼େ, ନୀର୍ବଁ ଜିକେଏ ମାନେ; ଇଚିହଁ ଆବା ଇଲେତି ପ୍ରାଡାନା କିନାରାଇଁ ପାରିମାନେସି । ୨୪ ମାହାପୁରୁ ସୁଦୁଜୀଞ୍ଜୁ ଗାଟାସି, ଅଡ଼େ ଆତ୍ମାଆସି ତାନି ପ୍ରାଡାନା କିନେରି, ଏଞ୍ଜାସି ଜୀଞ୍ଜୁ ଇଞ୍ଜାଁ ସାତା ତଲେ ତାନି ପ୍ରାଡାନା କିନାୟିମାନେ ।”

୨୫ ଏ ଆୟାଟି ଜୀସୁଈଁ ଏଲେଇରେ, “ନାନୁ ପୁଞ୍ଜାମାଇଁ, ମସିହା, ଆତ୍ମାଆରାଇଁ କ୍ରୀସ୍ତ ଇନେରି, ଏଞ୍ଜାସି ଖାନ୍ନେସି; ଏଚେତା ଏଞ୍ଜାସି ଖାନ୍ନେସି ମାଜେ ବାରେ କାତା ପୁଣ୍ଡାସି କିୟାନେସି ।”

୨୬ ଜୀସୁ ଏଦାନି ଏଲେଇରେସି, “ନୀର୍ବଁ ନୀ ତଲେ ହାଡା ଆହିମାନାତେର୍ବଁ ନାନୁ, ନାନୁ ଏଞ୍ଜାତେର୍ବଁ ।”

୨୭ ଏଚିବେଲାତା ତାନି ସାମୁୟାଁ ଖାହାନା ତାନୁ ର ଆୟାଟି ତଲେ ହାଡା ଆହିମାନାଣି ମେସାନା କାବା ଆଡେରି, ଆଡ଼ିଜିକେଏ ନାନୁ ଏନାଆଁ ମନ କିହିମାଞ୍ଜି, ଆଆତଁ ଏନାଆଁତାକି ଏଦାନିତଲେ ହାଡା ଆହିମାଞ୍ଜି ଇଞ୍ଜଁ? ଆତ୍ମାଆସି ଝେନାଆତେରି ।

୨୮ ଏମ୍ମାଟିଏ ଆୟାଟି ଏମ୍ମାଆଁ ତାନି ଏମ୍ମୁ ଡକା ପିସାନା ଗାଡାତା ହାଜାନା ଲକୁଣି ଝେସେ, “ଖାଦୁ, ରଅଣାଇଁ ମେହଦେରି, ୨୯ ନାନୁ ଏନା ଏନାଆଁ ନା ଜୀଞ୍ଜୁତା କିହାମାଇଁ, ଏଞ୍ଜାସି ନାଜେ ବାରେ ଝେସ୍ତାତେସି; ଏଞ୍ଜାସି ମସିହା ଆହାଡ଼ୟିନେସି?” ୩୦ ଏମ୍ମାଟିଏ ଏମ୍ମାଟି ଲକୁ ଗାଡାଟି ହଡାନା ଜୀସୁ ତାଣା ହାଚେରି ।

୩୧ ଏଚିବେଲାତା ସାମୁୟାଁ ବାତିମାଲିହଁ ଏଲେଇରେ, “ଏ ଗୁରୁ, ତିନାମୁ ।”

୩୨ ସାମା ଜୀସୁ ଏଞ୍ଜାରାଇଁ ଏଲେଇରେସି, “ତିଞ୍ଜାଲି ତାକି ଏମିନି କାଦି ନା ତାଣା ମାନେ, ମୀରୁ ଏ କାଦିତି କାତା ପୁଞ୍ଜାହିଲଅତେରି ।”

୩୩ ସାମୁୟାଁ ତାମୁ ତୁମୁ ହୁଡାକାତା ଆଡେରି, “ଆତ୍ମାଆସି ତାଜେତାକି କାଦି ତାଚା ହାହାମାନେ ହାବୁଲ୍‌କା ?”

୩୪ ଜୀସୁ ଏଞ୍ଜାରାଇଁ ଏଲେଇରେସି, “ନାଜେ ପାଣ୍ଡାମାଞ୍ଜାନାଣା ଅଣ୍‌ପୁ ଅଡ଼େ ତାନି କାମା ରାପ୍‌ନାୟି ଏଦିଏ ନା କାଦି । ୩୫ ଆନା ଦାଡାଲି ଅଡ଼େ ସାଡି ଲେଞ୍ଜୁ ମାନେ, ଈ କାତା ମୀରୁ ଝେସିହିଲଅତେରି ସାମା ନାନୁ ନିଜେ ଝେସିମାଞ୍ଜାଇଁ, ଗୁଡିୟାକା ବାରେ ସିନିକିଦୁ ଏ ବାରେ ଦାଡାଲି ତାକି କାମାହାଚେୟିଏ । ୩୬ ନୀର୍ବଁ ଜିକେଏ ଦାଃଆନାରାକି କୁଲି ହାପକି ଆହିମାନେ ଅଡ଼େ କାଲ୍‌କାଲ୍‌କାତ ଜୀଞ୍ଜୁତାକି ପାଡ଼େୟି କୁଡ଼ି କିହିମାନେରି, ଏନିକିହଁ ଦାଃଆନାସି ଅଡ଼େ କୁଡ଼ିକିନାସି ରହେଏ ରାହାଁ କିନେରି । ୩୭ ଏନାଆଁତାକି ଇଚିହଁ ରଅସି ମାଟିନେସି ଅଡ଼େ ଅର ରଅସି ଦାଃଆନେସି ଈ କାତା ସାତା । ୩୮ ମୀରୁ ଏନାଆଁତାକି କାମା କିହାହିଲଅତେରି, ଏଦାଆଁ ଦାଡାଲି ତାକି ନାନୁ ପାଣ୍ଡାତେର୍ବଁ; ଏବ୍‌କାତାରି କାମା କିହାମାନେରି, ଅଡ଼େ ମୀରୁ ଏଞ୍ଜାରି କାମାତି ଲାବା ବେଟାଆହିମାଞ୍ଜେରି ।”

୩୯ “ନାନୁ ଏନା ଏନାଆଁ କିହାମାଇଁ, ଏ କାତା ଏଞ୍ଜାସି ନାଜେ ବାରେ ଝେସ୍ତାତେସି” ଇଞ୍ଜଁ ଏମିନି ଆୟାଟି ସାକି ହାହାମାଚେ, ଏଦାନି କାତାତାକି ଏ ଗାଡାତି ସିନିରଣ ଲକୁ ବିଡାଡି ହାଚେରକା ଜୀସୁଈଁ ନାମିତେରି ।

୪୦ ଅଡ଼େ ସମିରଣ ଲକ୍ଷ ଜୀସୁ ତାଣା ଖାହାନା ତାମିତଲେ ଡ଼ୟାଲି ତାକି ତାଙ୍ଗେ ବାତିମାଲିତେରି ଜୀସୁ ଏଞ୍ଜାରିତଲେ ଅଡ଼େ ରୀ ଦିନା ଡ଼ୟିତେସି ।

୪୧ ଜୀସୁତି ବଲ୍ଲୁ ଖେଞ୍ଜାନା ହାରେକା ଲକ୍ଷ ନାମିତେରି । ୪୨ ଏଞ୍ଜାରି ଏ ଆୟାରିଙ୍ଗି ଏଲେଇଚେରି, “ଝାବୁଲ ନାନୁ ଏଲେଇଞ୍ଜାତାକି ମାମ୍ବୁ ନାମାହିଲଅମି, ସାମା ମାମ୍ବୁ ଖେଞ୍ଜାମାନମି, ଅଡ଼େ, ଇଞ୍ଜାସି ସାତେଏ ଦାବୁତିଚି ଗେଲ୍ପିନାସି, ଇଦାଆଁ ମାମ୍ବୁ ପୁଞ୍ଜାମାନମି ।”

ଜୀସୁ ସାଲୁଞ୍ଜି କିନାଣି ମୀରୁଏଣାଇଁ ନେହୁଁ କିନାୟି

୪୩ ରୀ ଦିନା ତାୟୁ ଜୀସୁ ଏମ୍ବାରି ହତାନା ଗାଲିଲିତା ହାଚେସି । ୪୪ ଚିହୁଁ ଜୀସୁ ତାଙ୍ଗେତାକି ସାକି ହାହୁଁ ଏଲେଇଚେସି, “ମାହାପୁରୁ ଅଣପୁତି ବଲ୍ଲୁ ଖେହୁନାରି ଜାହାରା ଦେସାତା ମାନି ବେଟାଆଅରି ।”

୪୫ ଅଡ଼େ ଏଞ୍ଜାସି ଗାଲିଲିତା ଏଜାଲିଏ ଏ ଗାଲିଲିତାରି ଏଞ୍ଜାଣାଇଁ ଆବିତେରି, ଇଚିହୁଁ ପିସ୍ପିଆନି ପାର୍ବୁ ବେଲାତା ଜୀସୁ ଜିରୁସାଲମତା ଏନା ଏନାଆଁ କିହାମାଚେସି ବାରେ ମେସାମାଚେରି ଏଞ୍ଜାରି ଜିକେଏ ପାର୍ବୁତା ହାଜାମାଚେରି ।

୪୬ ଏମ୍ବାଟିଏ ଜୀସୁ ଗାଲିଲିତି କାନା ଗାଡ଼ାତା ଖେଣ୍ଡେ ହାଚେସି, ଏମ୍ବିୟା ଜୀସୁ ଏୟୁଣି ଅଙ୍ଗୁରି ରାସା କିହାମାଚେସି, ଏମ୍ବାଆଁ ପାସାକଡ଼ି କସ୍କା ମୁହେଁ କାଜାସି ରଅସି ମାଚେସି, ତାନି ମୀରୁଏସି କପରନାହୁମତା ଆଡ଼ିହିଲାଆଚେସି । ୪୭ ଜୀସୁ ଜୀହୁଦା ଗାଡ଼ାଟି ଗାଲିଲିତା ଖାହାମାନେସି ଇଞ୍ଜୁଁ ଖେଞ୍ଜାନା, ତାନି ତାଣା ହାଜାନା ଏଞ୍ଜାସି ଖାହାନା ଏନିକୁଁ ତାନି ମୀରୁଏଣାଇଁ ନେହୁଁ କିନେସି ଏଦାଆଁତାକି ବାତିମାଲିଚେସି, ଇଚିହୁଁ ଏଞ୍ଜାସି ହାନିହଗେ ଆହାମାଚେସି ୪୮ ଜୀସୁ ଏଞ୍ଜାଣାଇଁ ଏଲେଇଚେସି, “ସିନା ଅଡ଼େ କାବାଆନି କାମାୟାଁ ମେହୁଆତିହୁଁ ମୀରୁ ଏନିଜିକେଏ ନାମଅଚେରି ।”

୪୯ ଏ ସାଲୁଞ୍ଜି କିନାସି ଏଲେଇଚେସି, “ଏ ପ୍ରବୁ, ନା ମୀରୁଏସି ହାନି ନକେଏ ନା ତଲେ ଖାମୁ ।”

୫୦ ଜୀସୁ ଏଞ୍ଜାଣାଇଁ ଏଲେଇଚେସି, “ହାଲାମ୍ବୁ, ନୀ ମୀରୁଏସି ନୀତିନେସି ।” ଏ ମାଣସିଇଁ ଜୀସୁ ଏମିନି ହାଡ଼ା ଖେସ୍ତେସି, ଏଞ୍ଜାସି ଏଦାଆଁ ନାମାନା ହାଚେସି । ୫୧ ଅଡ଼େ, ଏଞ୍ଜାସି ହାଲୁଞ୍ଜିଏ ତାନି ହଲିୟାଙ୍ଗା ଜିରୁଚେଏ ନୀ ମୀରୁଏସି ନୀତିଚେସି ଇଞ୍ଜୁଁ ଖେସ୍ତେରି ।

୫୨ ଏଚିବେଲାତା କକାସି ନେହୁଁ ଆଚେସି, ଏଦାଆଁ ଏଞ୍ଜାସି ଖେଚେସି । ଏମ୍ବାଟିଏ ଏଞ୍ଜାରି ଏଲେଇଚେରି, “ରେ୪ଏନି ସାଡ଼ା ଗଂଟା ବେଲାତା ନଚେମି ପିସ୍ତେ ।” ୫୩ ଏମ୍ବାଟି ତାନି ଆଡ଼ା ପୁଚେସି ଜୀସୁ ଆମିନି ବେଲାତା “ନୀ ମୀରୁଏସି ନୀତିଚେସି” ଇଞ୍ଜୁଁ ଖେସାମାଚେସି, ଏଚିବେଲାତେଏ ଏଡ଼ି ଗଟି ଆଡ଼େ । ଏମ୍ବାଟିଏ, ଏଞ୍ଜାସି ଅଡ଼େ ତାମି ଇଜତି ବାରେ ଇଲୁ କୁଟମି ଜୀସୁ ତାଣା ନାମିତେରି ।

୫୪ ଜୀହୁଦାଟିଏ ଗାଲିଲିତା ଖେଣ୍ଡା ଖାହାଁ, ଜୀସୁ ରୀ ପାଲି ତାକି ଇ କାବାଆନି କାମା କିଚେସି ।



ଜୀସୁ କଡ଼େ ଅଟର ବାର୍ସା ତାଣାଇଁ ନେହୁଁ କିନାୟି

୧ ଇଦାଣି ତାୟୁ ଜୀହୁଦି ଲକ୍ଷୁଚି ର ପାର୍ବୁ ଆଡ଼େ, ଅଡ଼େ ଜୀସୁ ଜିରୁସାଲମତା ହାଚେସି । ୨ ଜିରୁସାଲମତି ମେଣ୍ଡାୟାଁ ଦୁଖେରି ତାଗେ ର ବାନ୍ଦା ମାନେ; ଏବୁଁ ହାଡ଼ାତଲେ ବେଡ଼ୟାୟିଦା ଇନେରି, ଏ ବାନ୍ଦାତା ପାସାଗଟା ପିଣ୍ଡାୟାଁ ମାନୁ । ୩ ଏମ୍ବାଆଁ କାଣାୟାଁ, ସଟାୟାଁ ଅଡ଼େ ଆଙ୍ଗା ଖାୟିତି ରଗ ଗାଟାରି ହାରେକା ଜାଣା ନେହୁଁ ଆୟାଲି କାଟାହାଁ ମାଣ୍ଡିଚେରି; ୪ ଇଚିହୁଁ ଏଚିବେଲାତା ପ୍ରବୁଚି ର ଦୁଡ଼ୁ ବାନ୍ଦାତା ଚେଟାନା ଏୟୁ ଖାଟୁହିସାରେ, ଅଡ଼େ ଏୟୁ ଖାତିଚି ତାୟୁ ଆମ୍ବାଆସି ତଲିଏ ହଡ଼ନେସି, ଏଞ୍ଜାଣାକି ଏଡ଼ି ରଗ ଆହାମାତି ଜିକେଏ ନେହୁଁ ଆହିମାଚେସି* । ୫ କଡ଼େ ଅଟର ବାର୍ସା ପାଚେକା ରଗ ଗାଟାସି ରଅସି ଏମ୍ବାଆଁ ମାଚେସି । ୬ ଜୀସୁ ଏଞ୍ଜାଣାଇଁ ଡ଼ୟାମାନାଣି ମେସାନା ଗାଡ଼ୁ ଦିନାତି ରଗ ଗାଟାସି ଇଞ୍ଜୁଁ ପୁଞ୍ଜାହାଁ ଏଞ୍ଜାଣାଇଁ ଖେଚେସି, “ନୀନୁ ଏନାଆଁ ନେହୁଁ ଆହାଲି ମନ କିହିମାଞ୍ଜି ?”

୭ ରଗ ଗାଟାସି ଏଞ୍ଜାଣାଇଁ ଏଲେଇଚେସି, “ବାବୁ, ଏୟୁ ଖାତିନାଟି ନାଙ୍ଗେ ବାନ୍ଦାତା ଅହାଲି ତାକି ଆମ୍ବାଆସି ହିଲଅସି; ଅଡ଼େ, ନାନୁ ହାନିବେଲାତା ଅଡ଼େ ରଅସି ନା ନକେଏ ହଡ଼ାହାନେସି ।”

୮ ଜୀସୁ ଏଞ୍ଜାଣାଇଁ ଏଲେଇଚେସି, “ନିଙ୍ଗାମ୍ବୁ, ନୀ ପାସ୍ପିନି ଡ଼େକାହାଁ ତାକାମ୍ବୁ ।” ୯ ଏ ଦେବୁଣିଏ ଏଞ୍ଜାସି ନେହୁଁ ଆଡ଼େସି ଅଡ଼େ ତାନି ପାସ୍ପିନି ଡ଼େକାନା ତାକାଲି ମାଟୁହେସି ।

* ୪:୪୪ ୪:୪୪ ମାତି ୧୩:୫୭; ମାର୍କ ୭:୪; ଲୁକ ୪:୨୪ ✦ ୪:୪୫ ୪:୪୫ ଜହ ୨:୨୩ ✨ ୪:୪୭ ୪:୪୭ ଜହ ୨:୧-୧୧ * ୫:୪ ୫:୪ ଇ କାତା ପୁଞ୍ଜ ପତିତା ହିଲେଏ ।

ଏ ଦିନା ଜମିନି ଦିନା ମାଚେ । ୧୦ ଛଦାଆଁତାକି, ଜୀହୁଦିୟା ନେହୁ ଆହାମାନି ମାଣସିକ୍ ଏଲେଇଚେରି, “ନୀଷ୍ଟୁ ଜମିନି ଦିନା, ପାସ୍ପଦନି ଡେକା ଅହାଲି ନିଜେତାକି ମେରା ଆଏ ।”

୧୧ ସାମା, ଏଝାସି ଏଝାରାଇଁ ଏଲେଇଚେସି, “ଆମ୍ବାଆସି ନାଜେ ନେହୁ କିୟାତେସି, ଏଝାସି ନାଜେ ଏଲେଇଞାଚେସି, ନୀ ପାସ୍ପଦନି ଡେକାନା ତାକାମୁ ।”

୧୨ ଏଝାରି ଏଝାଶାଇଁ ଝେଚେରି, “ନୀ ପାସ୍ପଦନି ଡେକାନା ତାକାମୁ ଇଞ୍ଜୁ ଏଲେଇଞାଚାସି, ଏଝାସି ଆମ୍ବାଆସି ?”

୧୩ ସାମା ଏଝାସି ଆମ୍ବାଆସି, ଏ ନେହୁ ଆତାସି ପୁଞ୍ଜା ହିଲାଆଚେସି, ଇଚିହୁ ଏମ୍ବାଆଁ ଲକୁ ମାନ୍ଦା ମାତାକି ଜୀସୁ ମେହୁଆରେଚୁ ହାଜାମାଚେସି ।

୧୪ ଛଦାଆଁ ତାମୁ ଜୀସୁ ମାହାପୁରୁ ଇଲୁତା ଏଝାଶାଇଁ ମେସାନା ଏଲେଇଚେସି, “ମେହୁମୁ, ନୀନୁ ନେହୁ ଆହାମାଞ୍ଜି, ଅଡେ ପାପୁ କିଆନି, ଏନିକି ନିଜେତାକି ଗାତି କସୁ ଝାଏ ।”

୧୫ ଏ ମାଣସି ଝେଣ୍ଡା ହାଜାନା, ଆମ୍ବାଆସି ତାଜେ ନେହୁ କିହାମାଚେସି, ଏଝାସି ଜୀସୁ ଇଞ୍ଜୁ ଜୀହୁଦିଙ୍ଗାଣି ଝେସେସି । ୧୬ ଛଦାଆଁତାକି ଜୀସୁ ଜମିନି ଦିନାତା ଛଦାଆଁ କିହିମାତାକି ଜୀହୁଦିଙ୍ଗା ଏଝାଶାଇଁ ନିନ୍ଦା କିହାଲି ମାଟୁହେରି । ୧୭ ସାମା ଜୀସୁ ଏଝାରାଇଁ ଏଲେଇଚେସି, “ନୀ ଆବା ନୀଏ ପାତେକା କାମା କିହିମାନେସି, ଅଡେ ନାନୁ ଜିକେଏ କାମା କିହିମାଇଁ ।”

୧୮ ଛ ହାଡା ତାକି ଜୀହୁଦିଙ୍ଗା ଜୀସୁଇଁ ପାୟାଲି ତାକି ଅଡେ ଗାତି ଅଣପିଚେରି, ଏଝାସି ଜମିନି ଦିନାତି ମେରାତି ଉରିଚେସି ଝାରଇ ଏଡି ଆଏ, ସାମା ମାହାପୁରୁଇଁ ନୀ ଆବା ଇଞ୍ଜୁ ଝେସାନା ତାଜେ ମାହାପୁରୁ ତଲେ ସମାନା କିହିମାଚେସି ।

ମାର୍ବଣି ଅଦିକାରା

୧୯ ଜୀସୁ ଏଝାରାଇଁ ଏଲେଇଚେସି, “ସାତା ସାତା ନାନୁ ମିଜେ ଝେସିମାଞ୍ଜାଇଁ, ମାର୍ବଣସି ଆବାଇଁ ଏନାଆଁ କିହିମାନାଣି ମେହୁନେସି, ଏଦାଆଁ ପିସ୍ପେ ଏଝାସି ତାନୁଏ ଏନାଆଁ କିହାଲି ଆଡୁଅସି । ଇଚିହୁ ଆବା ଏନା ଏନାଆଁ କିନେସି, ମାର୍ବଣସି ଜିକେଏ ଏଦାଆଁ ବାରେ ଏଲେକିହୁ ଏ କିନେସି । ୨୦ ଇଚିହୁ ଆବା ମାର୍ବଣଶାଇଁ ଜୀସୁ ନନେସି, ଅଡେ ଏଝାସି ତାନୁ ଏନା ଏନାଆଁ କିନେସି, ଏଦାଆଁ ବାରେ ମାର୍ବଣଶାଇଁ ତହୁନେସି, ଅଡେ ମୀରୁ ଏନିକି କାବା ଆଡେରି, ଏଦାଆଁତାକି ଏଝାସି ଏଝାଣି ତାଣାଟି ଇଦାନି କିହାଁ ଆଡେ କାଜା କାଜା କାମା ତହୁନେସି । ୨୧ ଆବା ଏନିକି ହାଡି ଲକୁଣି ନିକହାନା ଜୀସୁ ହାନେସି, ଏଲେକିହୁ ଏ ମାର୍ବଣସି ଜିକେଏ ଆମ୍ବା ଆମ୍ବାଆରାଇଁ ମନ କିନେସି ଏଝାରାଇଁ ଜୀସୁ ହାନେସି । ୨୨ ଆବା ତାନୁଏ ଆମ୍ବାଆରାଇଁ ନୀହାଁସି କିଅସି, ସାମା ବାରେଜାଣା ଏନିକି ଆବାଇଁ ମାନି କିହିମାନେରି, ଏଲେକିହୁ ଏ ମାର୍ବଣଶାଇଁ ଜିକେଏ ମାନି କିନେରି, ଏଦାଆଁତାକି ମାର୍ବଣଶାକି ବାରେ ନୀହାଁସି କିହାଲି ଅଦିକାରା ହାହାମାନେସି । ୨୩ ଆମ୍ବାଆସି ମାର୍ବଣଶାଇଁ ମାନି କିଅସି, ଏଝାସି ତାଜେ ପାଣ୍ଡାତି ଆବାଇଁ ଜିକେଏ ମାନି କିଅସି ।”

୨୪ “ନାନୁ ମିଜେ ସାତା ଝେସିମାଞ୍ଜାଇଁ, ଆମ୍ବାଆସି ନା ବଲୁ ଝେଞ୍ଜାନା ନାଜେ ପାଣ୍ଡାତାଶାଇଁ ନାମିନାସି, ଏଝାସି କାଲାକାଲାତି ଜୀସୁ ବେଟା ଆହାମାନେସି, ଅଡେ, ଏଝାସି ନୀହାଁସି କିଞ୍ଚିଆଆନା ହାକିତି ଜୀଶାଆହାନା ରାଆଗାଟି ଜୀସୁତା ହଡାମାନେସି । ୨୫ ନାନୁ ମିଜେ ସାତା ଝେସିମାଞ୍ଜାଇଁ, ର ଦିନା ଝାଡେ ନୀଏ ଜିକେଏ ଏଦାଚେସି, ଏନିନି ଦିନାତା ହାଡାରି ମାହାପୁରୁ ମାର୍ବଣଶି ହାଡାତି ଝେନେରି ଅଡେ ଆମ୍ବାଆରି ଝେନାରି ଏଝାରି ନାତିନେରି । ୨୬ ଇଚିହୁ ଆବା ଏନିକି ତାନୁଏ ଜୀସୁ ଗାଟାସି, ଏଲେକିହୁ ଏ ଏଝାସି ମାର୍ବଣଶାଇଁ ଜିକେଏ ଜୀସୁ ଗାଟାସି ଆହାଲି ହାହାମାନେସି । ୨୭ ଅଡେ, ଏଝାସି ମାଣସି ମାର୍ବଣସି ଆହାମାନାକି ଏଝାସି ଏଝାଶାକି ନୀହାଁସି କିନି ଅଦିକାରା ହାଚେସି । ୨୮ ଛଦାଆଁତାକି କାବା ଆଆଡୁ, ଇଚିହୁ ଏରିବେଲା ହାଡି ଲକୁ ମାହଣି ମାଣ୍ଡାଟି ତାନି ଗିୟାଁ ଝେନେରି ଅଡେ ଆମ୍ବାଆରି ସାତା କାମା କିହାମାନେରି, ୨୯ ଏଝାରି ଜୀସୁତା ଝେଣ୍ଡେ ନୀତାଲିତାକି ଅଡେ ଆମ୍ବାଆରି ଲାଗେଏତି କାମା କିହାମାନେରି, ଏଝାରି ନୀହାଁସିତି ତଣ୍ଡୁ ତାକି ଝେଣ୍ଡେ ନିଜା ଝାଡେରି, ଇଲେତି ଦିନା ଝାହିମାନେ ।”

ଜୀସୁ ଝାକିତି ସାକି

୩୦ “ନାନୁ ନା ତାଣାଟି ଏନାଆଁ କିହାଲି ଆଡୁଆଁ; ନାନୁ ଏନିକି ଝେଇଁ, ଏଲେକିହୁ ଏ ନୀହାଁସି କିଇଁ, ଅଡେ ନା ନୀହାଁସି ଟିକଣାତାସି, ଇଚିହୁ ନାନୁ ନା ମନତଲେ କିହାଲି ଅଣ୍ପାଆନା, ନାଜେ ପାଣ୍ଡାତାଶା ମନ ଲେହେଁ କିହାଲି ଅଣ୍ପିମାଇଁ ।”

୩୯ “ନାନୁ ନାଲୋତାକି ସାକି ହାଈଁ, ଆଡ଼ିଜିକେଏ ନା ସାକି ସାତା ଥାଏ । ୩୯ ନା କାତାତି ଆମ୍ବାଆସି ସାକି ହାନେସି, ଏଝାସି ଅର ରଅସି; ଅଡ଼େ, ନା କାତାତାକି ଏଝାଣି ସାକି ସାତା, ଏଦାଆଁ ନାନୁ ପୁଞ୍ଜାମାଈଁ । ୩୯ ନାନୁ ଜହନ ତାଣା ଲକ୍ଷୁଣି ପାଣ୍ଡାମାଞ୍ଜେରି ଅଡ଼େ ଏଝାସି ସାତା ତାକି ସାକି ହାହାମାନେସି । ୩୯ ସାମା ନାଲୋ ମାଣସି ତାଣାଟି ସାକି ଲଡ଼ା ଥାଏ, ସାମା ମାନୁ ଏନିକେ ଗେଲୁପି ଆଡ଼େରି, ଏଦାଆଁତାକି ଈ ବାରେ ଖେସିମାଞ୍ଜାଈଁ । ୩୯ ଜହନ ତାଞ୍ଜିତି ମିଣ୍ଡିମାନି ଦାଏଁ ମାରେସି, ଇଞ୍ଜା ମାନୁ ଏଝାଣି ଉଜେଡ଼ିତା ଗାଡ଼େକା ତାକିଏ ରାହାଁ ଆହାଁ ମାଞ୍ଜାଲି ମନ କିହାମାରେରି । ୩୯ ସାମା ଜହନତି ସାକି କିହାଁ ନା ତାଣା ହାରେକା କାଜା ସାକି ମାନେ, ଏଦାଆଁତାକି ଇତିହେଁ ଆବା ନାଲୋ ଏନି ଏନି କାମା ରାପୁହାଲି ହାହାମାଞ୍ଜାନେସି, ନାନୁ ଏନିନି କାମା କିହିମାଈଁ, ଆବା ନାଲୋ ପାଣ୍ଡାମାଞ୍ଜାନେସି ଇଞ୍ଜେଁ ଏ ବାରେ ନା ଖାକିଟି ସାକି ହାହିମାନେସି । ୩୯ ଅଡ଼େ ଏନିନି ଆବା ନାଲୋ ପାଣ୍ଡାଞ୍ଜେସି, ଏଝାସି ନା ତାକି ସାକି ହାହାମାନେସି । ମାନୁ ଏଚେଲା ଏଝାଣି ହାଡ଼ା ଖେଞ୍ଜା ହିଲଅତେରି କି ତାନି ମୁମୁମେସା ହିଲଅତେରି । ୩୯ ଅଡ଼େ ଏଝାଣି ବଲୁ ମୀ ହିୟାତା ଇଟାହିଲଅତେରି, ଇତିହେଁ ଏଝାସି ଆମ୍ବାଆରାଇଁ ପାଣ୍ଡାଞ୍ଜେସି ମାନୁ ଏଝାଣାଇଁ ନାମିହିଲଅତେରି । ୩୯ ମାନୁ ଦାମୁ ପତିତି କାତା ପାରିମାଞ୍ଜେରି, ଇତିହେଁ ଏମ୍ବାଆଁ କାଲାକାଲାତି ଜୀଝୁ ବେଟାଆହାମାନି ଇଞ୍ଜେଁ ଅଣପିମାଞ୍ଜେରି ଅଡ଼େ ଏ ଦାମୁ ପତି ନା ଖାକିଟି ସାକି ହାହିମାନେ । ୪୦ ସାମା ମାନୁ ଜୀଝୁ ବେଟାଆହାଲି ତାକି ନା ତାଣା ଖାହାଲି ମନ କିହିହିଲଅତେରି ।”

୪୧ “ନାନୁ ମାଣସିୟାଁ ତାଣାଟି ଗାଝୁରମି ପାରିହିଲଅଁ । ୪୨ ସାମା ନାନୁ ମିଙ୍ଗେ ପୁଞ୍ଜାମାଞ୍ଜାଇଁ, ମୀ ହିୟାତା ମାହାପୁରୁତି ଜୀଝୁନନାୟି ହିଲେଏ । ୪୩ ନାନୁ ନା ଆବା ଦରୁଟି ଖାହାମାଈଁ, ଅଡ଼େ ମାନୁ ନାଲୋ ଅପିମାଞ୍ଜଅତେରି; ଅର ରଅସି ତାନି ଦରୁଟି ଖାଡ଼ିହେଁ, ମାନୁ ଏଝାଣାଇଁ ଅପିଦେରି । ୪୪ ମାନୁ ଏନିକେ ନାମିମାଞ୍ଜେରି ? ମାନୁ ମୀ ତାଣାଟି ଗାଝୁରମି ବେଟାଆହି ମାଞ୍ଜେରି, ଅଡ଼େ ଏନିନି ରଣ୍ଡିଏ ମାହାପୁରୁ ତାଣାଟି ଗାଝୁରମି ଏଦାଆଁ ବେଟାଆହାଲି ମନ କିହିହିଲଅତେରି ୪୫ ନାନୁ ଆବା ନକିତା ମୀ କପାଟି ଦହ ଦସାଈଁ, ଏଲେଇଞ୍ଜି ଅଣପାଆଡ଼ୁ; ଆମିନି ମସା ତାଣା ମାନୁ ବାସୁଁ ଇଟାମାଞ୍ଜେରି, ଏଝାସିଏ ମୀ କପାଟି ଦହ ଦସି ମାଞ୍ଜାନେସି । ୪୬ ଇତିହେଁ ମାନୁ ମସାଇଁ ନାମା ମାତିହେଁ, ନାଲୋ ଜିକେଏ ନାମାତେରିମା, ଇତିହେଁ ଏଝାସି ନା କାତେଏ ରାଟାମାନେସି । ୪୭ ସାମା ମାନୁ ଏଝାଣି ରାଟାମାନି କାତା ନାମା ହିଲଅତେରି, ଆତିହେଁ ନା କାତା ଏନିକେ ନାମିଦେରି ?”



ଜୀସୁ ପାସାମାଣା ଲକ୍ଷୁଣି ତୀହନାୟି

(ମାତି ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୬)

୧ ଇଦାଆଁ ତାମୁ ଜୀସୁ ଗାଲିଲି ସାମଦୁରି, ଇତିହେଁ ତିବିରିୟା ସାମଦୁରି ଆତାଲାଖାକି ହାଚେସି । ୨ ଅଡ଼େ ଏଝାସି ରଗ ଗାଟାରାଇଁ ଏନି ଏନି କାବାଆନି କାମା କିହାମାଚେସି, ଏ ବାରେ ମେସାନା ହାରେକା ଲକ୍ଷୁ ଏଝାଣି ଢେଟ ଢେଟ ହାଚେରି । ୩ ଏମ୍ବାଟିଏ ଜୀସୁ ସାମୁୟାଁ ତଲେ ର ହରୁ ଲାକ ହାଜାନା କୁଟିଚେସି । ୪ ଏଚିବେଲା ଜୀହୁଦି ଲକ୍ଷୁତି ପିସପିଆନି ପାରୁଁ ତାଗେ ଆହାମାଚେ । ୫ ହାରେକା ଲକ୍ଷୁ ତାନି ତାଣା ଖାହିମାନାଣି ମେସାନା, ଜୀସୁ ପିଲିପଇଁ ଏଲେଇଚେସି, “ଇଝାରାକି ତିଞ୍ଜାଲି ମାରୁ ଆମ୍ବିଟି ରାନ୍ଦା କତିନାୟି ?” ୬ ସାମା ଏଝାସି ପିଲିପଇଁ ତାୟିପାରି କିୟାଲି ଏଲେଇଚେସି, ଇତିହେଁ ଏଝାସି ଏନାଆଁ କିନାୟିମାନେ, ଏଦାଆଁ ତାନୁଏ ପୁଞ୍ଜାମାଚେସି ।

୭ ପିଲିପ ଏଝାଣାଇଁ ଏଲେଇଚେସି, “ବାରେ ଲକ୍ଷୁତାକି ଇଟା ଇଟାଣି ତିଞ୍ଜାଲି ରୀ ଖାଞ୍ଜାଟିଏ ଆଗାଡ଼ା ଖେଣ୍ଡି ଟାକାୟାଁତି* ରୁଟି ଜିକେଏ ହାଲାରି ।”

୮ ତାନି ସାମୁୟାଁ ବିଡ଼ାଟି, ସିମନ ପିତର ତାୟି ଆନ୍ଦ୍ରିୟ ଦରୁଗାଟାସି ଜୀସୁଈଁ ଏଲେଇଚେସି, ୯ “ଇମ୍ବାଆଁ ର କକାସି ମାନେସି, ତାନିତାଣା ପାସାଗଟା ରୁଟି ଇଞ୍ଜା ଖାଜିତି ମୀଣ୍ଡକା ରିଣ୍ଡି ମାନୁ, ସାମା ଇଚେକା ଲକ୍ଷୁତାକି ଏଝି ହାଲିନୁ କି ?”

୧୦ ଜୀସୁ ଏଲେଇଚେସି, “ଲକ୍ଷୁଣି କୁପକି କିମୁ ।” ଏ ଟାମୁତା ହାରେକା ଗାକିଁ ଜାଡ଼ା ମାଚେ । ଏମ୍ବାଆଁ ପାସାମାଣା ଆବାୟାଁ କୁଟିଚେରି । ୧୧ ଏମ୍ବାଟିଏ ଜୀସୁ ରୁଟି ଆସାନା ମାହାପୁରୁଈଁ ଜହରା ହାହାନା ଏମ୍ବାଆଁ କୁଗାମାନାରାକି ଏଦାଆଁ ବାଟିକିହାଁ ହାଚେରି, ମୀଣ୍ଡକା ଜିକେଏ ଏଲେକିହେଁ ଏ ବାଟିକିଚେରି, ଏଚେକା ମନ କିଚେରି ଏଝାରାକି ଏଚେକା ହାଚେରି । ୧୨ ଅଡ଼େ ଏଝାରି ବାରେ ପାଞ୍ଜିତି ତାମୁ, ଜୀସୁ ତାନି ସାମୁୟାଁଈଁ

* ୫:୩୩ ୫:୩୩ ଜହ ୧:୧୯-୨୬; ୩:୨୬-୩୦ * ୬:୭ ଖେଣ୍ଡି ଟାକା ର ରୁପାଟାକା ର ଦିନାଟି କୁଲି ମାତି ୨୦:୨

ଏଲେଇଚେସି, “ଏଚେକା ହାରାମାନେ, ଏଦାଆଁ ବାରେ କୁଡ଼ି କିଦୁ ଏନିକିଁ ଇଚାୟି ଜିକେଏ ନସୁ ଆଏ ।”
୧୩ ଏଚେଟିଏ ଲକୁ ତିଚି ତାୟୁ ପାସାଗଟା ରୁଟି ବିଦ୍ରାଟି ହାରାମାଟି ମୁକାୟାଁ ବାର ତାଲି କୁଡ଼ି କିଚେରି ।

୧୪ ଜୀସୁତି ଈ କାବାଆନି କାମା ମେସାନା ଲକୁ ଏଲେଇଚେରି, “ଆମିନି ମାହାପୁରୁ ଅଣପୁତି ବଲୁ
ଝେକନାସି ଦାରୁତିତା ଖାନାୟି ମାଚେ, ଏଝାସି ସାଚେଏ ଈଝାସି ।” ୧୫ ଏଦାଆଁତାକି ଏଝାରି ଝାହାନା ରାଜା
କିୟାଲି ବାଲୁମିଟି ଆସା ଅୟାନେରି ଇଝୁଁ ପୁଞ୍ଜାନା ଜୀସୁ ଏଟକା ଆହାନା ରଅସିଏ ଦାରିତା ମାଟି ହୁରୁ
ଲାକ ହଟାହଚେସି ।

ଜୀସୁ ଏୟୁ ଲାକ ତାକିନାୟି
(ମାଟି ୧୪:୨୨-୩୩; ମାର୍କ ୬:୪୫-୫୨)

୧୬ ମିଡ଼ଅଲ୍ଲା ଆହାଲିଏ ତାନି ସୀସୁୟାଁ ସାମ୍ବୁରି ଗାରୁତା ହାଚେରି । ୧୭ ଅଡ଼େ ସାମ୍ବୁରି ଆତାଲା ମାନି
କପରନାହୁମ ଖାକି ହାଜାଲି ତଂଗତା ହଟେରି । ଆନ୍ଦେରି ଆହାହାଚେ, ଅଡ଼େ, ଜୀସୁ ଏଟିଚେଲା ପାଚେକା
ଏଝାରିତାଣା ଝାହା ହିଲାଆଚେସି । ୧୮ ଇଞ୍ଜାଁ କାଜା ଗାଲି ଝେଟିମାଟାକି ସାମ୍ବୁରିତା ଆଜିହଟପତି ଏୟୁ
ଉଣ୍ଡାୟାଁ ନିଜ୍ଜିମାଚୁ । ୧୯ ଏଟିଚେଲା ଏଝାରି ସ କିଲମିଟର ହେକ ହାଜାଲିଏ ଜୀସୁ ସାମ୍ବୁରିତା ତାକିହ
ତଂଗ ଖାକି ଝାହମାନାଣି ମେସାନା ଆଜିଚେରି । ୨୦ ସାମା ଜୀସୁ ଏଝାରାଇଁ ଏଲେଇଚେସି, “ଆଜାଆଦୁ
ଈଝାଚେଏଁ ନାନୁ ।” ୨୧ ଏମାଟିଏ ଏଝାରି ଏଝାଣାଇଁ ତଂଗତା ଅହାଲି ମନ କିଚେରି, ଅଡ଼େ, ଏମିନି ସାମ୍ବୁରି
ଗାରୁତା ହାଜିମାଚେରି, ଦେବୁଣିଏ ଏ ଟାୟୁତା ତଂଗ ଏଚେ ।

ଜୀସୁଇଁ ଲକୁ ପାରିନାୟି

୨୨ ଏ ଟାୟୁତା ର ତଂଗ ପିସପେ ଏଟକାଟି ତଂଗୟାଁ ହିଲାଆଚୁ, ଅଡ଼େ ଏମାଆଁ ଜୀସୁ ତାନି ସୀସୁୟାଁ
ତଲେ ହାଜାହିଲାଆଚେସି, ସାମା ଝାରୁଇ ସୀସୁୟାଁ ହାଜାମାଚେରି, ଈଦାଆଁ ଆମିନି ଲକୁ ତାନି ଅର ନେରୁ
ସାମ୍ବୁରି ଆତାଲା ନିଚାମାଚେରି ଏଝାରି ମେସାମାଚେରି । ୨୩ ଆମିନି ତାଣା ଜୀସୁ ଜହରା କିହାନା ଲକୁଣି
ରୁଟି ତିଞ୍ଜାଲି ହାହାମାଚେସି, ତିବିରିୟାଟି ଅଡ଼େ ଏଚରଗଟା ତଂଗୟାଁ ଏ ଟାୟୁତା ଝାଚୁ । ୨୪ ଇଞ୍ଜାଁ ଜୀସୁ
ତାନି ସୀସୁୟାଁ ଏମାଆଁ ହିଲାଆଚେରି, ଈଦାଆଁ ମେସାନା ବାରେ ଲକୁ ଈ ତଂଗତା ହଟାନା ଜୀସୁଇଁ ପାରି
ପାରିହଁ କପରନାହୁମତା ଝାଚେରି ।

ଜୀସୁ ଜୀସୁତି ରାନ୍ଦା

୨୫ ଏଝାରି ସାମ୍ବୁରି ଆତାଲା ଜୀସୁଇଁ ବେଟାଆହାନା ଝେଚେରି, ଏ “ଗୁରୁ, ନୀନୁ ଏଟିଚେଲା ଈମାଆଁ
ଝାଡ଼ି ?”

୨୬ ଜୀସୁ ଏଝାରାଇଁ ଏଲେଇଚେସି, “ନାନୁ ମିଜ୍ଜେ ସାତା ଝେସିମାଞ୍ଜାଇଁ, ନା କାବାଆନି କାମା ମେସାକି
ନାଜ୍ଜେ ପାରିମାଞ୍ଜାଦେରି ଏଦି ଆଏ, ସାମା ରୁଟି ତିଞ୍ଜା ପାଞ୍ଜିତାକି ମୀରୁ ନାଜ୍ଜେ ପାରିମାଞ୍ଜାଦେରି ।
୨୭ ସୀସୁରି ରାନ୍ଦା ତାକି କାମା କିଆନା, କାଲ୍ଲାକାଲ୍ଲାଟି ଜୀସୁତାକି ତୁୟିନି ରାନ୍ଦା ତାକି କାମା କିଦୁ, ଏ ରାନ୍ଦା
ମାଣସି ମାନ୍-ଏସି ମିଜ୍ଜେ ହିୟାନେସି, ଇଚିହଁ ତାନି ଆବା ମାହାପୁରୁ ଏଝାଣାକି ଅଦିକାରା ହାହାମାନେସି
।”

୨୮ ଏମାଟିଏ ଏଝାରି ଏଝାଣାଇଁ ଝେଚେରି, “ମାହାପୁରୁଟି ବାରେ କାମା କିହାଲିତାକି ମାଜ୍ଜେ ଏଦାଆଁ
କିହାଲି ଆନେ ?”

୨୯ ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ଆମାଆରାଇଁ ପାଣ୍ଡାମାଞ୍ଜାନେସି, ଏଝାଣି ତାଣା ନାମିନାୟି
ମାହାପୁରୁଟି କାମା ।”

୩୦ ଏଚେଟିଏ ଏଝାରି ଏଝାଣାଇଁ ଝେଚେରି, “ଆତିହଁ ନୀନୁ ସିନାଲେହେଁ ଏନାଆଁ କିହିମାଞ୍ଜି, ଏଦାଆଁ
ମେସାନା ମାୟୁ ନିଜ୍ଜେ ନାମାନି ? ୩୧ ମା ଆକୁ ଆବାୟାଁ ଲକୁ ତୁୟାଆ ଟାୟୁତା ‘ମାନା’* ତିଞ୍ଜା ମାଚେରି,
ଦାମ୍ବୁପତିତା ରାସ୍‌କି ଆହାମାନେ, ତିଞ୍ଜାଲି ଏଝାସି ଏଝାରାକି ଲାକପୁରୁଟି ରାନ୍ଦା ହାଚେସି ।”

୩୨ ଏଚେଟିଏ ଜୀସୁ ଏଝାରାଇଁ ଏଲେଇଚେସି, “ସାତା ସାତା ନାନୁ ମିଜ୍ଜେ ଝେସିମାଞ୍ଜାଇଁ, ମସା ମିଜ୍ଜେ
ଲାକପୁରୁଟି ରାନ୍ଦା ହାହାମାଞ୍ଜାସି, ସାମା ନା ଆବା ମିଜ୍ଜେ ଲାକପୁରୁଟି ସାତା ରାନ୍ଦା ହିୟାନେସି;
୩୩ ଇଚିହଁ ଆମିନି ରାନ୍ଦା ଲାକପୁରୁଟି ଝାହାନା ଦାରୁତିଚି ଲକୁଣି ଜୀସୁ ହୀନେ, ଏଦି ମାହାପୁରୁ ହିୟାତି
ରାନ୍ଦା ।”

୩୪ ଏଝାରି ଜୀସୁଇଁ ଏଲେଇଚେରି, “ପ୍ରବୁ, ମାଜ୍ଜେ ବାରେଦିନା ଏ ରାନ୍ଦା ହିୟାମୁ ।”

† ୬:୩୧ ୬:୩୧ ମାନା ଇଚିସାରେ ଇସ୍ରାୟେଲ ଲକୁକି ମାହାପୁରୁ ହାହାମାଟି କାଡ଼ିତି ଦରୁ

୩୫ ଏମାତ୍ରିଏ ଜୀବୁ ଏଝାରାଇଁ ଏଲେଇଚେସି, “ନାନୁଏ ଜୀବୁତି ରାନ୍ଦାତେଏ; ଆମ୍ବାଆସି ନା ତାଣା ଖାନେସି, ଏଝାସି ଏଚେଲା ହାକି ଆଅସି, ଅଡ଼େ ନା ତାଣା ନାମିନାସି, ଏଚେଲା ଏସକି ଆଅସି । ୩୬ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ମୀରୁ ନାଙ୍ଗେ ମେସ୍ତାତି ଜିକେଏ ନାମିମାଞ୍ଜଅଚେରି । ୩୭ ଆବା ନାଙ୍ଗେ ଆମ୍ବାଆରାଇଁ ହିୟାନେସି, ଏଝାରି ବାରେଜାଣା ନା ତାଣା ଖାନେରି; ଅଡ଼େ ନା ତାଣା ଖାନାଣାଇଁ, ନାନୁ ଏଚେଲାଝା ପାଙ୍ଗାତା ପିହୁଅଁ । ୩୮ ଇତିହୁଁ ନାନୁ ଅଣ୍ପିନି ଲେହେଁ କିହାଲି ଖାହାହିଲଅଁ, ସାମା ନାଙ୍ଗେ ପାଣ୍ଡାତାଣା ଅଣ୍ପୁ ତଲେ କିହାଲି ଲାକପୁରୁତି ଖାହାମାଇଁ । ୩୯ ଅଡ଼େ ନାଙ୍ଗେ ପାଣ୍ଡାମାଞ୍ଜାନାସି ଆମିନି ଗାଟାରାଇଁ ନାଙ୍ଗେ ହିୟାନେସି, ଏଝାରି ବିତ୍ରାତି ଆମ୍ବାଆରାଇଁ ଜିକେଏ ଏନିକଁଁ ନାନୁ ଜାକଅଁ, ସାମା ରାନ୍ଦି ଦିନାତା ଏଝାରାଇଁ ହାତାରି ତାଣାଟି ନିକଇଁ, ଇଦି ଏଝାଣି ଅଣ୍ପୁ । ୪୦ ଇତିହୁଁ ଆମ୍ବାଆସି ମୀରୁଏଣାଇଁ ମେସାନା ଏଝାଣି ତାଣା ନାମିନେସି, ଏଝାସି ଏନିକଁଁ କାଲାକାଲାତି ଜୀବୁ ବେଟା ଆନେସି, ଇଦି ନା ଆବାତି ଅଣ୍ପୁ, ଅଡ଼େ ନାନୁ ଏଝାଣାଇଁ ରାନ୍ଦି ଦିନାତା ହାତାରି ତାଣାଟି ନିକଇଁ ।”

୪୧ ନାନୁ ଲାକପୁରୁତି ରେଟା ଖାହାମାନି ରାନ୍ଦାତେଏଁ ଇଞ୍ଜୁଁ ଏଝାସି ଏଲେଇଞ୍ଜାଲିଏ ଜୀହୁଦିୟାଁ ଏଝାଣି କପାଟି ଏଲେଇଞ୍ଜି ଜଲୁକି ଆଡ଼େରି । ୪୨ “ଇଝାସି ଜସେପ ମୀରୁଏସି ଜୀବୁ ଆଏକି, ଅଡ଼େ ମୀରୁ ଇଝାଣି ଇୟା ଆବାତି ପୁଞ୍ଜାହିଲାଆସି କି ? ଆତିହୁଁଁ ନାନୁ ଲାକପୁରୁତି ରେଟା ଖାହାମାଇଁ ଇଞ୍ଜୁଁ ଏଝାସି ନୀଏଁ ଏନିକଁଁ ଝେସିମାନେସି ?”

୪୩ ଜୀବୁ ଏଝାରାଇଁ ଏଲେଇଚେସି, “ମୀରୁ ମୀରୁ ମୁରୁମୁରୁ ଜଲୁକି ଆଆରୁ ।” ୪୪ ନାଙ୍ଗେ ପାଣ୍ଡାମାଞ୍ଜାନି ଆବା ଆମ୍ବାଆରାଇଁ ରେଜା କତିନେସି, ଏଝାସିଦେଁ ନା ତାଣା ଖାହାଲି ଆଡ଼ିନେସି, ଅଡ଼େ ନାନୁ ରାନ୍ଦି ଦିନାତା ଏଝାଣାଇଁ ହାତାରି ତାଣାଟି ନିକଇଁ । ୪୫ ମାହାପୁରୁ ଅଣ୍ପୁତି ବଲୁ ଝେହନାରି ବାମୁପତିତା ରାସକି ଆହାମାନେ, “ବାରେଜାଣା ମାହାପୁରୁ ତାଣାଟି ଜାପିନେରି । ଆମ୍ବାଆସି ଆବାତି କାତା ଝେଞ୍ଜାନା ଜାପାମାନେସି, ଏଝାସି ନା ତାଣା ଖାନେସି । ୪୬ ଆମ୍ବାଆସି ଆବାଇଁ ମେସାହିଲଅସି, ଆମ୍ବାଆସି ମାହାପୁରୁ ତାଣାଟି ଖାହାମାନାସି, ଖାରଇ ଏଝାସି ମେସାମାନେସି । ୪୭ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମ୍ବାଆସି ନାମିନେସି, ଏଝାସି କାଲାକାଲାତି ଜୀବୁ ବେଟା ଆହାମାନେସି । ୪୮ ନାନୁ ଜୀବୁତି ରାନ୍ଦାତେଏଁ । ୪୯ ମୀ ଆକୁ ଆବାୟାଁ ଲକୁ ଡୟାଆ ଟାୟାତା ମାନା ତିଞ୍ଜାନା, ହାଡ଼େରି । ୫୦ ଆମ୍ବାଆସି ଏନିକଁଁ ରାନ୍ଦା ତିଞ୍ଜାନା ହାଅରି, ଏଦାଆଁତାକି ଲାକପୁରୁତି ଖାନ୍ଦି ରାନ୍ଦା ଇଦି ।

୫୧ ନାନୁ ଲାକପୁରୁତି ଖାହାମାନି ଏ ଜୀବୁଗାଟି ରାନ୍ଦାତେଏଁ; ଆମ୍ବାଆସି ଏ ରାନ୍ଦା ତିନେସି, କାଲାକାଲା ତାକି ନାତିନେସି; ହାଅ, ନାନୁ ଏମିନି ରାନ୍ଦା ହାଇଁ, ଏଝି ନା ଉଙ୍ଗା, ନାନୁ ଏଝାଆଁ ଦାରୁତିତି ଜୀବୁତାକି ହାଇଁ ।”

୫୨ ଇ ହାତା ଝେଞ୍ଜାନା ଜୀହୁଦିୟାଁ କାରୁଟି ଆହାନା ଏଲେଇଣ୍ଡି ଆଡ଼େରି, “ଇଝାସି ଏନିକଁଁ ମାଙ୍ଗେ ତାନି ଉଙ୍ଗା ତିଞ୍ଜାଲି ହିୟାଲି ଆଡାନେସି ?”

୫୩ ଜୀବୁ ଏଝାରାଇଁ ଏଲେଇଚେସି, “ନାନୁ ସାତା ଝେସିମାଞ୍ଜାଇଁ, ମାଣସି ମୀରୁଏଣି ଉଙ୍ଗା ତିନାଆସାରେ ଅଡ଼େ ତାନି ନେତେରି ଗହୁଆସାରେ, ମୀ ତାଣା ଜୀବୁ ହିଲେଏ । ୫୪ ଆମ୍ବାଆସି ନା ଉଙ୍ଗା ତିନେସି ଅଡ଼େ ନା ନେତେରି ଗହୁନେସି, କାଲାକାଲାତି ଜୀବୁ ବେଟା ଆନେସି, ଅଡ଼େ ନାନୁ ଏଝାଣାଇଁ ରାନ୍ଦି ଦିନାତା ହାତାରି ତାଣାଟି ନିକଇଁ । ୫୫ ଇତିହୁଁଁ ନା ଉଙ୍ଗା ସାତା ରାନ୍ଦା ଅଡ଼େ ନା ନେତେରି ସାତା ଗହୁନାସି । ୫୬ ଆମ୍ବାଆସି ନା ଉଙ୍ଗା ତିନେସି ଅଡ଼େ ନା ନେତେରି ଗହୁନେସି, ଏଝାସି ନା ତାଣା ଡୟିନେସି ଅଡ଼େ ନାନୁ ଏଝାଣି ତାଣା ଡୟିଇଁ । ୫୭ ଜୀବୁତି ଆବା ନାଙ୍ଗେ ଏନିକଁଁ ପାଣ୍ଡାମାଞ୍ଜାନେସି ଅଡ଼େ ନାନୁ ତାନିତାଣାଟି ନୀତାମାଇଁ, ଏଲେକିହୁଁ ଏ ଆମ୍ବାଆସି ନାଙ୍ଗେ ତିଞ୍ଜାନେସି, ଏଝାସି ଜିକେଏ ନା ତାଣାଟି ନାତିନେସି । ୫୮ ଆମିନି ରାନ୍ଦା ଲାକପୁରୁତି ଖାହାମାନେ, ଏଦି ଇଦି; ମୀ ଆକୁ ଆବାୟାଁ ଏନିକଁଁ ତିଞ୍ଜାନା ହାଡ଼େରି, ଇଦି ଏଲେତାୟି ଆଏ, ଆମ୍ବାଆସି ଇ ରାନ୍ଦା ତିନାସି ଏଝାସି କାଲାକାଲା ତାକି ଜୀବୁତଲେ ଡୟିନେସି ।”

୫୯ ଜୀବୁ କପରୁନାହୁମତି ର ଜୀହୁଦି ଲକୁତି କୁଟମି ଇଲୁତାଃ ମାହାପୁରୁ ବଲୁ ଝେସିମାଗାଟି ଇ ବାରେ କାତା ଝେସୁସି ।

କାଲାକାଲା ଜୀବୁତି ବଲୁ

୬୦ ଜୀବୁତି ସୀୟୁୟାଁ ବିତ୍ରାଟି ହାଡ଼େରକ ଇ ବାରେ କାତା ଝେଞ୍ଜାନା ଏଲେଇଚେରି, “ଇଦି ଅପାଆଗାଟି କାତା, ଆମ୍ବାଆସି ଇଦାଆଁ ଝେଞ୍ଜାଲି ଆଡ଼ିନେସି ?”

‡ ୨:୫୯ ୨:୫୯ ସିନଗ୍ର

୨୧ ଏଞ୍ଜର ଛ କାତାତାକି ଝେସ୍ପି ଆହିମାନେରି ଇଞ୍ଜିଁ ଜୀସୁ ପୁଞ୍ଜାନା ସାସୁୟାଁଇଁ ଏଲେଇରେସି, “ଇ କାତା ମିଙ୍ଗେ ଅପାଆଗାଗାୟି ଆହିମାନେ କି ? ୨୨ ଆତିହୁଁ ମାଣସି ମାର୍ବସସି ତଲିଏ ମାଟି ଗାୟିତା, ଝେଣ୍ଡେ ହାନାଣି ମେସିହୁଁ, ଏନାଆଁ ଇଞ୍ଜେରି ? ୨୩ ମାହାପୁରୁତି ଜୀସୁ ନାତାଲି ହାନାୟି; ମାଣସିତି ଆଙ୍ଗା ଏନାଆଁ କିୟାଲି ଆଡେଏ; ନାନୁ ମିଙ୍ଗେ ଝେସ୍ପାତି ବଲୁ ବାରେ, ସୁଦୁଜୀସୁ ଅଡେ ନାତିନି ବଲୁ । ୨୪ ସାମା ମୀ ବିତ୍ରାଟି ଏଚରଜାଣା ନାମିହିଲଅରି” ଇତିହୁଁ ଆମ୍ବାଆରି ନାମି ହିଲାଆତେରି ଅଡେ ଆମ୍ବାଆସି ଏଞ୍ଜାଣାଁ ସାତୁ କେୟୁତା ହେରପିନେସି ଏଦାଆଁ ଜୀସୁ ତଲିଏ ପୁଞ୍ଜାମାରେସି । ୨୫ ଅଡେ ଏଞ୍ଜସି ଏଲେଇରେସି, “ଏଦାଆଁତାକି ନାନୁ ମିଙ୍ଗେ ଝେସିମାଞ୍ଜାଁ, ଆବା ହେଲ ହାଆତିହୁଁ ଆମ୍ବାଆସି ନା ଚାଣା ଖାୟାଲି ଆଡଅସି ।”

୨୬ ଏ ଦିନାଟିଏ ତାନି ସାସୁୟାଁ ବିତ୍ରାଟି ହାରେକା ଜାଣା ଅପାଆନାହାଁ ହାଜାତୁସ୍ତେରି, ଇଞ୍ଜା, ଏଞ୍ଜାଣିତଲେ ଅଡେ ହାଲାଆତେରି । ୨୭ ଏମ୍ବାଟିଏ ଜୀସୁ ବାରଜାଣା ସାସୁୟାଁଣି ଝେରେସି, “ମୀରୁ ଜିକେଏ ହାଜାଲି ମନ୍ କିହିମାଞ୍ଜେରି କି ?”

୨୮ ଯସିମନ ପିତର ଏଞ୍ଜାଣାଁ ଏଲେଇରେସି, “ପ୍ରବୁ ଆମ୍ବାଆରି ତାଣା ହାନମି ? କାଲାକାଲାତି ଜୀସୁତି ବଲୁ ନୀ ତାଣା ମାନେ । ୨୯ ନାନୁ, ମାହାପୁରୁ ତାଣାଟି ଖାହାମାନି ଏ ସୁଦୁ ମାଣସିତି ଇଦାଆଁ ମାମୁ ନୁମା ମାନମି ଅଡେ ପୁଞ୍ଜାମାନମି ।”

୩୦ ଜୀସୁ ଏଞ୍ଜାରାଁ ଏଲେଇରେସି, “ନାନୁ ଏନାଆଁ ମୀ ବାରଜାଣାତେରି ମିଙ୍ଗେ ଆଚାମାଞ୍ଜଅଁ କି ? ଅଡେ ମୀ ବିତ୍ରାଟି ରଅସି ସୟତାନ । ୩୧ ଏଞ୍ଜସି ଇସ୍ତାରିୟତ ସିମନ ମୀରୁଏସି ଜୀହୁଦାଁ ସିନିକିହାନା ଏଲେଇରେସି, ଇତିହୁଁ ଏଞ୍ଜସି ବାରଜାଣା ସାସୁୟାଁ ବିତ୍ରାଟି ରଅସି, ଅଡେ ଏଞ୍ଜସି ଜୀସୁଁ ସାତୁ କେୟୁତା ହେରପାଲି ହାଜିମାରେସି ।



ଜୀସୁ ଅଡେ ତାନି ତାୟିୟାଁ

୧ ଇଦାଆଁ ତାୟୁ ଜୀସୁ ଗାଲିଲିତା ରେଜିମାରେସି, ଇତିହୁଁ ଜୀହୁଦିୟାଁ ଏଞ୍ଜାଣାଁ ପାୟାଲି ଅଣସି ମାଚାକି ଏଞ୍ଜସି ଜୀହୁଦା ରାଜିତା ରେଜାଲି ମନ୍ କିହି ହିଲାଆତେସି । ୨ ସାମା ଜୀହୁଦି ଲକୁତି “ଗଚାୟାଁ ଗୁଡାତା ବାସାଆନି” ପାରୁଁ ତାଗେ ଖାହିମାଚାକି । ୩ ଜୀସୁତି ତାୟିୟାଁ ଏଞ୍ଜାଣାଁ ଏଲେଇରେରି, “ନାନୁ କିହିମାନି କାମାୟାଁ, ନୀ ସାସୁୟାଁ ଜିକେଏ ମେହ୍ନେରି ଇଦାଆଁତାକି ନାନୁ ଇମ୍ବାଟି ହଚା ହାଜାନା ଜୀହୁଦା ରାଜିତା ହାଲାମୁ । ୪ ଇତିହୁଁ ଲକୁତାଣା ଝେଙ୍ଗାଲି ମନ୍ କିନାସି ତାନି କାମା ତୁଗୁଆଁ କିଅସି । ନାନୁ ଇ ବାରେ କାମା କିହିମାଞ୍ଜି, ଆତିହୁଁ ନାନୁ ଦାରତି ନକିତା ତସାକତାମୁ ।” ୫ ଇତିହୁଁ ତାନି ତାୟିୟାଁ ଜିକେଏ ତାଙ୍ଗେ ନାମି ହିଲାଆତେରି ।

୬ ଏମ୍ବାଟିଏ ଜୀସୁ ଏଞ୍ଜାରାଁ ଏଲେଇରେସି, “ନୀଏଁ ପାତେକା ନା ଦିନା ଏଜାମାଞ୍ଜେଏ, ସାମା ମୀ ଦିନା କାଲେଏ ମାନେ ।”

୭ ଦାରତିତାରି ମିଙ୍ଗେ ଅପାନେରି ସାମା ନାଙ୍ଗେ ଅପଅରି ଏନାଆଁତାକି ଇତିହୁଁ ତାନି କାମା ବାରେ ଲାଗେଏତାୟି ଇଞ୍ଜିଁ ନାନୁ ସାକି ହାହାନା ତସିମାଁ । ୮ ମୀରୁ ଇ ପାରୁତା ହାଜୁ, ନାନୁ ନୀଏଁ ଇ ପାରୁତା ହାଜିହିଲଅଁ, ଇତିହୁଁ ନା ଦିନା ଖାହାହିଲେଏ । ୯ ଏଞ୍ଜସି ଏଞ୍ଜାରାଁ ଇ ବାରେ କାତା ଝେସାନା ଗାଲିଲିତା ଡୟିତେସି ।

ଗଚାୟାଁ ଗୁଡାତା ବାସାଆନି ପାରୁତା ଜୀସୁ

୧୦ ଜୀସୁତି ତାୟିୟାଁ ଏ ପାରୁତା ହାଟି ତାୟୁ, ଜୀସୁ ଜିକେଏ ହାରେସି ସାମା ଲକୁ ମେହ୍ନାରେରୁ ମେଣେଏ ହାରେସି । ୧୧ ପାରୁଁ ବେଲାତା ଜୀହୁଦି ଲକୁ ଏଞ୍ଜାଣାଁ ପାରି ପାରିହୁଁ, “ଏଞ୍ଜସି ଏମ୍ବିୟା ମାନେସି ଇଞ୍ଜିଁ ଝେରେରି ?”

୧୨ ବାରେ ଲକୁ ଏଞ୍ଜାଣି ତାକି କିଲିବିଲି ଆହିମାଚେରି, ଏଚରଜାଣା “ଏଞ୍ଜସି ନେହୁଁ ମାଣସି” ଇଚେରି; ଅଡେ ଏଚରଜାଣା “ଆଏ, ଏଞ୍ଜସି ଲକୁଣି ନାଡ଼ି କିହିମାନେସି” ଇଞ୍ଜିଁ ଇଚେରି । ୧୩ ସାମା ଜୀହୁଦିୟାଁ ଆଜିତାକି ଆମ୍ବାଆରି ତାନି କାତା ପାଙ୍ଗାଝେଙ୍ଗେ ଝେସି ହିଲାଆତେରି ।

୧୪ ସାମା ପାରୁତି ମାଦି ପାତେକା ରାହାଲିଏ, ଜୀସୁ ମାହାପୁରୁ ଇଲୁତା ହାଜାନା ଜାପୁହାଲି ମାଟୁହେସି । ୧୫ ଏମ୍ବାଟିଏ ଜୀହୁଦିୟାଁ କାବାଆହାନା ଏଲେଇରେରି, “ଇଞ୍ଜସି ପାଟା ଜାପାଆନାହାଁ ଏନିକିଁ ଇଚେକା ବୁଦି ପୁରେସି ?”

☆ ୨:୨୮ ୨:୨୮ ମାଟି ୧୭:୧୭; ମାର୍କ ୮:୨୯; ଲୁକ ୯:୨୦

୧୭ ଜୀସୁ ଏଞ୍ଜରାଜ୍ ଏଲେଇଚେସି, “ନାନୁ ଜାପୁହିମାନାୟି ନା ତାଣାଟି ଆଏ, ସାମା ନାଜେ ପାଣ୍ଡାତାଣାଝାୟି । ୧୭ ଆମ୍ବାଆସି ତାନି ଅଣ୍ଡପୁ ତଲେ କିହାଲି ଅଣ୍ଡପିନେସି, ଆଡ଼ିସାରେ ଈ ଜାପୁନାୟି ମାହାପୁରୁ ତାଣାଟି ଝାହାମାନେ, କି, ନା ତାଣାଟି ଝେସିମାଲ୍, ଏଦାଣି ଏଞ୍ଜସି ପୁନେସି । ୧୮ ଆମ୍ବାଆସି ନାଡ଼ିଏ ଇନେସି, ଏଞ୍ଜସି ତାନି ଗାଧୁରମି ପାରିନେସି, ସାମା ଆମ୍ବାଆସି ତାଜେ ପାଣ୍ଡାମାଞ୍ଜାନାଣା ଗାଧୁରମି ପାରିନେସି, ଏଞ୍ଜସି ସାତା, ଅଡ଼େ ଏଞ୍ଜାଣି ତାଣା ଏନାୟି ଲାଗେଏ କିନାୟି ହିଲେଏ । ୧୯ ମସା ନିଜେ ମେରା ହାହାମାଞ୍ଜସି କି ? ଆଡ଼ିଜିକେଏ ମା ବିତ୍ତାଟି ଆମ୍ବାଆତେରି ମେରାଟି ମାନୁଞ୍ଜି ଆହି ହିଲଅତେରି, ମୀରୁ ଏନାଆଁତାକି ନାଜେ ପାୟାଲି ଅଣ୍ଡପିମାଞ୍ଜାଦେରି ?”

୨୦ ଲକୁ ବାରେ ଏଲେଇଚେରି, “ନିଜେ ବୁଡୁ ଆଲ୍‌ଗାମାଞ୍ଜାନେ, ନିଜେ ଆମ୍ବାଆସି ପାୟାଲି ଅଣ୍ଡପି ମାଞ୍ଜାନେସି ?”

୨୧ ଜୀସୁ ଏଞ୍ଜରାଜ୍ ଏଲେଇଚେସି, “ନାନୁ ର କାବାଆନି କାମା କିତେଏ, ଅଡ଼େ ମୀରୁ ବାରେ କାବା ଆଡ଼ତେରି । ୨୨ ଇଦାଆଁତାକି ମସା ନିଜେ ତଲୁ ଦାପି କିନି ମେରା ହାହାମାଞ୍ଜାନେସି, ଈ ମେରା ମସା ତାଣାଟି ଆହାମାନେ, ଏଡ଼ି ଆଏ, ସାମା ଆକୁ ଆବାୟାଁ ତାଣାଟି, ଇଞ୍ଜା ମୀରୁ ଜମିନି ଦିନାତା ଜିକେଏ କକାରି ତଲୁ ଦାପି କିହିମାଞ୍ଜେରି ? ୨୩ ଜମିନି ଦିନାତା ର କକାଣି ତଲୁ ଦାପି କିନାଣିତାକି ମସାଟି ମେରା ଉରିହିଲଅତେରି, ଆଡ଼ିହୁଁ ନାନୁ ଜମିନି ଦିନାତା ର ମାଣସିତି ଗୁଡ଼ା ଆଙ୍ଗ ନେହୁଁ କିୟାଲିଏ ମୀରୁ ନାଜେ ଏନାଆଁତାକି କପା ଆହିମାଞ୍ଜାଦେରି ? ୨୪ ଝାଞ୍ଜ ଲାକ ଲାକ କାତା ମେସାନା ନୀହାୟି କିଆଡୁ ସାତା ତଲେ ନୀହାୟି କିଦୁ ।”

ଇଞ୍ଜସି ଏନାଆଁ ମସିହା ?

୨୫ ଏଚେଟିଏ ଜିରୁସାଲମତା ମାନାରି ବିତ୍ତାଟି ଏଚରଜାଣା ଝେସପି ଆଡ଼ତେରି, “ଆମ୍ବାଆରାଜ୍ ଇଞ୍ଜାରି ପାୟାଲି ଅଣ୍ଡପିମାନେରି ଇଞ୍ଜସି ଏଞ୍ଜସି ଆଏକି ? ୨୬ ଅଡ଼େ ମେହୁଦୁ, ଏଞ୍ଜସି ଲକୁ ପୁଣ୍ଡମ୍ବେ କାତା ଝେସିମାନେସି, ଇଞ୍ଜା ଏଞ୍ଜାଣାଲ୍ ସାଲୁଞ୍ଜି କିନାରି ଏନାଆଁ କିହିହିଲଅରି । ଏଞ୍ଜସି କ୍ରୀସୁ ଇଞ୍ଜୁଁ ଏଞ୍ଜାରି ଏନାଆଁ ସାତା ତଲେ ପୁଚେରି କି ? ୨୭ ଆଡ଼ିହୁଁ ଏଞ୍ଜସି, ଆମ୍ବିଟି ଝାହାମାନେସି, ଇଦାଆଁ ମୀରୁ ପୁଞ୍ଜାମାନାୟି, ସାମା କ୍ରୀସୁ ଏଚିବେଲା ଝାଞ୍ଜେସି, ଏଚିବେଲାତା ଆମ୍ବାଆସି ପୁନଅସି, ଇଡ଼ିହୁଁ ଏଞ୍ଜସି ଆମ୍ବିଟି ଝାହାମାନେସି ।”

୨୮ ଜୀସୁ ମାହାପୁରୁ ଇଲୁତା ମାହାପୁରୁ କାତା ଝେସି ଝେସିହୁଁ କାଜା ଗିୟାଁତଲେ ଏଲେଇଚେସି, “ମୀରୁ ସାତେଏ ନାଜେ ପୁଞ୍ଜାମାଞ୍ଜାଦେରି ଅଡ଼େ ନାନୁ ଏମ୍ବିଟି ଝାହାମାଲ୍ ଏଦାଆଁ ସାତେଏ ପୁଞ୍ଜାମାଞ୍ଜେରି; ନାନୁ ନା ଅଣ୍ଡପୁ ତଲେ ଝାହାହିଲଅଁ, ସାମା ନାଜେ ପାଣ୍ଡାତାସି ଏଞ୍ଜସି ସାତା, ମୀରୁ ଏଞ୍ଜାଣାଲ୍ ପୁଞ୍ଜାହିଲଅତେରି । ୨୯ ନାନୁ ଏଞ୍ଜାଣାଲ୍ ପୁଞ୍ଜାମାଲ୍, ଇଡ଼ିହୁଁ ନାନୁ ଏଞ୍ଜାଣି ତାଣାଟି ଝାହାମାଲ୍, ଅଡ଼େ ଏଞ୍ଜସି ନାଜେ ପାଣ୍ଡାତେସି ।”

୩୦ ଏମ୍ବାଟିଏ ଜୀସୁଲ୍ ଆସାଲି ତାକି ଅଣ୍ଡପିତେରି; ସାମା ଆମ୍ବାଆରି କେହୁ ଏଞ୍ଜାଣି ମୁହେଁ ଏଆତେ, ଇଡ଼ିହୁଁ ଏଞ୍ଜାଣାଲ୍ ଆହନି କାରୁ ଏଚେତା ଏଜାହିଲାଆତେ । ୩୧ ସାମା ଲକୁ ବିତ୍ତାଟି ହାଚେକା ଏଞ୍ଜାଣି ତାଣା ନାମାନା ଏଲେଇଚେରି, “ଇଞ୍ଜସି ଏଡ଼ି ଏଡ଼ି କାବାଆନି କାମା ବାରେ କିହିମାନେସି, କ୍ରୀସୁ ଝାହାମା ଇଞ୍ଜାଣି କିହାଁ ଏନାଆଁ ଆଗାଡ଼ା କିନେସି ?”

ଜୀସୁଲ୍ ଦସାଲି କସକାଣି ପାଣ୍ଡିନାୟି

୩୨ ଲକୁ ଜୀସୁ କାତା ତାନି ବିତ୍ତା ଝେସପି ଆହିମାତାଣି ପାରୁସିୟାଁ ଝେଚେରି ଅଡ଼େ ପାରୁସିୟାଁ ଅଡ଼େ କାଜା ପୁଜେରାଜା ଜୀସୁଲ୍ ଦସାଲି ଜାମାନାଙ୍ଗାଣି ପାଣ୍ଡିତେରି । ୩୩ ଏମ୍ବାଟିଏ ଜୀସୁ ଏଲେଇଚେସି, “ନାନୁ ମା ତଲେ ଗାଡ଼େକା ତାକି ଡ଼ୟାହାଁ ନାଜେ ପାଣ୍ଡାତାଣା ତାଣା ହାଲ୍ । ୩୪ ମୀରୁ ନାଜେ ପାରାଦେରି, ସାମା ମେଡ଼ାଆୟଅତେରି; ଅଡ଼େ, ନାନୁ ଏମ୍ବିୟା ମାଲ୍, ମୀରୁ ଏମ୍ବାଆଁ ଝାହାଲି ଆଡ଼ଅତେରି ।”

୩୫ ଜୀହୁଦିୟାଁ ତାମ୍ବୁ ତାମ୍ବୁସୁ ଝେସପି ଆତେରି, “ଇଞ୍ଜସି ଆମ୍ବିୟା ହାଜିମାନେସି, ମୀରୁ ଏଞ୍ଜାଣାଲ୍ ବେଟାଆହାଲି ଆଡ଼ାଆୟି ଏନାଆଁ ଇଞ୍ଜସି ଇତାଲା ଆତାଲା ଜାଙ୍ଗାହାଜାମାନି ଗ୍ରିକ ଲକୁଲ୍ ଜାପୁହାଲି ହାଜିମାନେସି କି ?” ୩୬ “ମୀରୁ ନାଜେ ପାରାଦେରି, ସାମା ବେଟାଆୟଅତେରି, ଅଡ଼େ ନାନୁ ଏମ୍ବିୟା ମାଲ୍, ମୀରୁ ଏମ୍ବାଆଁ ଝାହାଲି ଆଡ଼ଅତେରି, ଇଞ୍ଜୁଁ ଏଞ୍ଜସି ଝେସପୁଟି ଈ କାତା ଏନାୟି ଇଞ୍ଜୁଁ ଝେସପି ଆଡ଼ତେରି ?”

ଜୀସୁହାନି ଜାଡ଼ଣା ଏୟୁ

☆ ୭:୨୩ ୭:୨୩ ଜହ ୫:୯

୩୭ ରାଜି ଦିନା, ଇତିସାରେ ପାର୍ଶୁଟି କାଜା ଦିନା, ଜୀସୁ ନିଚାନା କାଜା ଗିୟାଁତଲେ ଏଲେଇଚେସି, ଆମ୍ବାଆସି ଏସ୍‌କି ଆଡ଼ିହୁଁ, ଏଝାସି ନା ତାଗେ ଖାହାନା ଗସ୍‌ପେସି । ୩୮ ଅଡ଼େ ଆମ୍ବାଆସି ନା ତାଣା ନାମିନେସି, “ଦାମ୍ବୁ ପତିତା ରାସ୍‌କି ଆହାମାନି ଲେହେଁ, ଏଝାଣି ହିୟାଁଟି ଜୀସୁଟି ଜାରଣା ଏୟୁ ହନୁ* ।” ୩୯ ଜୀସୁ ସୁଦୁଜୀସୁଟି କାତା ଝେସିମାଚେସି, ଆମିନି ଗାଟାରି ଜୀସୁ ତାଣା ନାମି ମାଚେରି, ଏଝାରି ସୁଦୁଜୀସୁ ବେଟାଆନାୟି ମାଚେ, ଜୀସୁ ଗାସୁରମି ବେଟାଆହା ହିଲାଆତାକି ଏଝାରାକି ଏଡ଼େତା ସୁଦୁଜୀସୁ ହୀପ୍‌କି ଆହାହିଲାଆଡେ ।

ଲକୁ ବିତ୍ତା ବାଗା ଆନାୟି

୪୦ ଏଡ଼େତା, ଲକୁ ଏ କାତା ଝେଚେରି, ଏଝାରି ବିତ୍ତାଟି ଏଚରଜାଣା ଏଲେଇଚେରି, “ଇଝାସି ସାଡେଏ ମାହାପୁରୁ ଅଣ୍‌ପୁଟି ବଲୁ ଝେହ୍‌ନାୟି ।”

୪୧ ଏଡ଼କାତାରି ଏଲେଇଚେରି, “ଏଝାସି ମସିହା !”† ସାମା ଆମ୍ବା ଆମ୍ବାଆରି ଏଲେଇଚେରି, “ମସିହା !‡ ଏନାଆଁ ଗାଲିଲିଟି ଖାନେସି କି ? ୪୨ ଦାମ୍ବୁ ସାସ୍‌ପେରିତା ରାସ୍‌କି ଆହାମାନେ, କ୍ରୀସୁ ଦାସୁଦ ରାଜା କୁଡ଼ାଟି ଇଞ୍ଜା ଦାସୁଦ ଏମିନି ଚାୟୁତା ବାସା ଆହାମାଚେସି, ଏ ବେତଲିହିମ ନାୟୁଁଟି ଖାନେସି ।” ୪୩ ଇଦାଆଁତାକି ଲକୁ ତାମି ବିତ୍ତାଟି ଏଝାଣି ତାକି ବାଗା ଆଡ଼େରି; ୪୪ ଅଡ଼େ, ତାମି ବିତ୍ତାଟି ଆମ୍ବା ଆମ୍ବାଆରି ଏଝାଣାଇଁ ଆସାଲି ଅଣ୍‌ପି ମାଚେରି, ସାମା ଆମ୍ବା ଆମ୍ବାଆରି ତାମି ଲାକ କେୟୁ ଇଚାଲି ଆଡ଼ାଆଡେରି ।

ସାଲ୍‌ଝି କିନି ଜୀହୁଦିୟାଁ ନାମାଆ ଗାଟାୟି

୪୫ ଏଚେରିଏ ଜାମାନାଜା କାଜା ପୁଜେରା ଅଡ଼େ ପାରୁସିୟାଁ ତାଣା ଝେଣ୍ଡା ହାଚେରି, ଅଡ଼େ ଏଝାରି ଏଝାରାଇଁ ଝେଚେରି, “ଏଝାଣାଇଁ ଏନାଆଁତାକି ଆସା ତାଆଡେରି?”

୪୬ ଜାମାନାଜା ଏଝାରାଇଁ ଏଲେଇଚେରି, “ଇ ମାଣ୍‌ସି ଏନିକିଁ ହାଡ଼ା ଝେହ୍‌ନାୟି, ଏଲେକିହୁଁ ଏମିନି ମାଣ୍‌ସି ଏଚେଲା ଝେସାହିଲଅସି ।”

୪୭ ପାରୁସିୟାଁ ଏଝାରାଇଁ ଏଲେଇଚେରି, “ଏନାଆଁ ମୀରୁ ଜିକେଏ ନାଡ଼ିକିଝି ଆଡ଼େରି ? ୪୮ ପାରୁସିୟାଁ ବିତ୍ତାଟି କି ସାଲ୍‌ଝି କିନାରି ବିତ୍ତାଟି ଆମ୍ବାଆରି ଏଝାଣି ତାଣା ନାମାମାନେରି କି ? ୪୯ ସାମା ଇ ଏମିନି ଲକୁ ମସାତି ଫେରା ପୁଞ୍ଜାହିଲଅସି, ଏଦାଆଁତାକି ଇଝାରି ବାକା ଗାଟି ଲକୁ ।”

୫୦ *ଏମିନି ନିକଦିମ ଇଦାଆଁ ନକେଏ ଜୀସୁଇଁ ମେସାଲି ତାକି ଖାହାମାଚେସି ଇଞ୍ଜା ଏଝାସି ଏଝାରି ବିତ୍ତାଟି ପାରୁସି ମାଚେସି, ଏଝାସି ଏଝାରାଇଁ ଝେଚେସି, ୫୧ “ରଅଣି ତାଣାଟି ନକେଏ ଝେନାଆନା ଇଞ୍ଜା ତାମି ମାଣ୍‌କି ପୁନାଆନା ମା ମସାତି ଫେରା ଏନାଆଁ ଏଝାଣାଇଁ ଦହ୍ କିନେ ?”

୫୨ ଏଝାରି ଏଝାଣାଇଁ ଏଲେଇଚେରି, “ନୀନୁ ଜିକେଏ ଏନାଆଁ ଗାଲିଲି ଲକୁ କି ? ଗାଲିଲିଟି ଏନି ମାହାପୁରୁ ଅଣ୍‌ପୁଟି ବଲୁ ଝେହ୍‌ନାରି ଏଚେଲା ଖାହାଲି ଆଡ଼ଅରି, ଇଦାଆଁ ସାସ୍‌ପେରିତା ସିନିକିମୁ ।” ୫୩ ଅଡ଼େ ଏଝାରି ବାରେଜାଣା ଜାହାରା ଇଜ ହାଚେରି ।



ଦାଢ଼େଣି ଆୟାତି

୧ ସାମା ଜୀସୁ ଜୀତ ହରୁତା ହାଚେସି । ୨ ଅର ଦିନା ଲାକ ଏଝାସି ମାହାପୁରୁ ଲକୁତା ଝେଣ୍ଡା ଖାଡେସି, ଅଡ଼େ, ବାରେ ଲକୁ ଏଝାଣି ତାଣା ଖାହାଲିଏ, ଏଝାସି କୁଗାନା ଜାପୁହାଲି ମାଟ୍‌ହେସି । ୩ ଫେରା ଜାପୁନାରି ଅଡ଼େ ପାରୁସିୟାଁ ଦାରି କାମାତା ଆସ୍‌ପି ଆହାମାନି ର ଇୟାନି ତାଡେରି, ବାରେଜାଣା ନକିତା ନିପୁହାନା ଜୀସୁଇଁ ଏଲେଇଚେରି । ୪ “ଗୁରୁ, ଇ ଇୟା ଦାରିକାମା କିହିମାଚାଟି ଆସ୍‌ପି ଆଡେ । ୫ ଇଲେଟି ଇୟାସିକାଣି ଖାଲକା କୁତାନା ଝେଚାଲିତାକି ମସା ମା ଫେରାତା ହୁକୁମି ହାହାମାଞ୍ଜାନେସି; ଆଡିହୁଁ ନୀନୁ ଏନାଆଁ ଝେସିମାଞ୍ଜାଦି ?” ୬ ଏଝାରି ଜୀସୁଇଁ ଏନିକିଁ ପାନ୍ଦାତା ମେଡ଼ହାଲି ଆଡ଼ିନେରି, ଇଦାଆଁତାକି ଏଝାରି ଏଝାଣାଇଁ ତାୟିପାରି କିହାଲି ଝେଚେରି, ସାମା ଜୀସୁ ମୁନୁକାପାନା ଖାଞ୍ଜୁ ତଲେ ବୁମିତା ରାଚାଲି ମାଟ୍‌ହେସି ।

୭ ଏଝାରି ଏନାଆଁ ନିଚାନା ଝେଣ୍ଡେ ଝେଞ୍ଜାଲିଏ, ଜୀସୁ ତାୟୁଁ ୁପରହାନା ଏଝାରାଇଁ ଏଲେଇଚେସି, “ମୀ ବିତ୍ତାଟି ଆମ୍ବାଆସି ଏଚେଲା ଏନି ପାପୁ କିହାହିଲଅସି, ଏଝାସି ମୁଲୁ ଖାଲି କୁତାପେସି ।” ୮ ଅଡ଼େ ଝେଣ୍ଡେ ଜୀସୁ ମୁନୁକାପାନା ବୁମିତା ରାଚାଲି ମାଟ୍‌ହେସି । ୯ ଜୀସୁଟି ହାଡ଼ା ଝେଞ୍ଜାନା ଏଝାରି କାଜାରିଟିଏ ମାଟ୍‌ହାଁ ରଅଣି ଜେଚ ରଅସି ହାଜାଲି ମାଟ୍‌ହେରି, ଏନାଆଁ ଖାଞ୍ଜୁ ଇଜ ଅଡ଼େ ମାଦି ମାନି ଏ ଇୟା ଡ଼ୟିଡେ ।

* ୭:୩୮ ୭:୩୮ ଇ କାତା ପୁଞ୍ଜ ପତିତା ହିଲେଏ † ୭:୪୧ ୭:୪୧ କ୍ରୀସୁ ‡ ୭:୪୧ ୭:୪୧ କ୍ରୀସୁ ☆ ୭:୫୦ ୭:୫୦ ଜହ ୩:୧,୨

୧୦ ଜୀବୁ ତାୟ୍ ଫୁପରହାନା ଏଦାନି ଏଲେଇଚେସି, “ଏ ଇୟା ଏଞ୍ଜାରି ଏମ୍ବିୟା ? ଆମ୍ବାଆରି ନିଜେ ତଣ୍ଡ ହୀହାଲି ହିଲଅରି କି ?”

୧୧ ଏଦି ଏଲେଇଚେ, “ଆଏ, ପୁରୁ, ଆମ୍ବାଆରି ହିଲଅରି ।”

ଏମ୍ବାଟିଏ ଜୀବୁ ଏଦାନି ଏଲେଇଚେସି; “ନାନୁ ଜିକେଏ ନିଜେ ତଣ୍ଡ ହିୟଅଁ; ହାଲାମୁ, ସାମା ଅଡେ ପାପୁ କିଆନି* ।”

ଜୀବୁ ଦାରୁତିତି ଉଜେଡ଼ି

୧୨ ଜୀବୁ ଝେଣ୍ଡେ ପାରୁସିୟାଁଇଁ ଏଲେଇଚେସି, “ନାନୁ ଦାରୁତିତି ଉଜେଡ଼ି, ଆମ୍ବାଆସି ନା ଚେଚ ଝାନେସି, ଏଞ୍ଜାସି ଜୀଝୁତି ଉଜେଡ଼ି ବେଟା ଆନେସି ଅଡେ ଏଚେଲା ଜିକେଏ ଆନେରିତା ତାକଅସି ।”

୧୩ ପାରୁସିୟାଁ ଏଞ୍ଜାଣାଇଁ ଏଲେଇଚେରି, “ନୀର୍ବ ନାନୁ ନିଜେତାକି ସାକି ହୀହିଫାଞ୍ଜି, ନାନୁ ଏନାଆଁ ଏଲେ ଇଞ୍ଜିଫାଞ୍ଜି ଏଦି ସାତା ପାରୁମାଣା ହିଲାଆଗାଗାୟି ।”

୧୪ ଜୀବୁ ଏଞ୍ଜାରାଇଁ ଏଲେଇଚେସି, “ଆଏ ନାନୁ ନା, ତାକି ସାକି ହୀତି ଜିକେଏ, ନାନୁ ଏନାଆଁ ଝେସିମାଞ୍ଜାଇଁ ଏଦି ସାତା, ଇଚିହଁ ନାନୁ ଆମ୍ବିଚି ଝାହାମାଇଁ ଅଡେ ଏମ୍ବିୟା ହାଜିମାଇଁ ଏଦାଆଁ ପୁଞ୍ଜାମାଇଁ, ମୀରୁ ପୁଞ୍ଜାହିଲଅଚେରି ଏମ୍ବାଟି ଝାଇଁ ଅଡେ ଏମ୍ବିୟା ହାଇଁ । ୧୫ ମୀରୁ ଝାରୁଇ ମାଣ୍ଡସିୟାଁ ଲେହେଁ ବିଚାରା କିହିଫାଞ୍ଜେରି, ନାନୁ ଆମ୍ବାଆରି ବିଚାରା କିଅଁ । ୧୬ ସାମା ନାନୁ ବିଚାରା କିଇଁ, ଆଡ଼ିଜିକେଏ ନା ବିଚାରା ସାତା; ଇଚିହଁ ନାନୁ ରଅଚେଏଁ ଆଏ ସାମା ଏମିନି ଆବା ନାଜେ ପାଣ୍ଡାମାଞ୍ଜାନାସି ନା ତଲେ ମାନେସି । ୧୭ ମୀ ମସାତି ମେରାତା ରାସ୍ତାକି ଆହାମାନେ, ରିଆରି ସାକି ହାଡ଼ା ରଲେଏ ଆଡ଼ିସାରେ, ଏଞ୍ଜାରି ଏନାଆଁ ଇନେରି ଏଦି ସାତା । ୧୮ ନାନୁ ନାଜେତାକି ସାକି ହାହିଫାଇଁ, ଅଡେ, ନାଜେ ପାଣ୍ଡାମାଞ୍ଜାନି ଆବା ଜିକେଏ ନା ଝାକିଚି ସାକି ହାହିଫାନେସି ।”

୧୯ ଏଞ୍ଜାଣାଇଁ ଏଞ୍ଜାରି ଝେଚେରି, “ନୀ ଆବା ଏମ୍ବିୟା ?” ଜୀବୁ ଏଲେଇଚେସି, “ନାଜେ କି ନା ଆବାଇଁ ମୀରୁ ପୁଞ୍ଜାହିଲଅଚେରି; ନାଜେ ପୁଞ୍ଜାତିହଁ ମା, ନା ଆବାଇଁ ଜିକେଏ ପୁଚେରିମା ।”

୨୦ ମାହାପୁରୁ ଇଲୁଚି ଦାନା ଇଚିନି ବାକ୍ତାତା ଜୀବୁ ଏ ବାରେ କାତା ଜାପୁହିମାଚେସି, ସାମା ଆମ୍ବାଆରି ଜିକେଏ ଏଞ୍ଜାଣାଇଁ ଆହୁଆଚେରି ଏନାଆଁତାକି ଇଚିହଁ ତାନି ବେଲା ଝାହା ହିଲାଆତେ ।

ନାନୁ ହାନି ତାଣା ମୀରୁ ହାଜାଲି ଆଡ଼ଅଚେରି

୨୧ ଜୀବୁ ଅଡେ ଝେଣ୍ଡେ ଏଞ୍ଜାରାଇଁ ଏଲେଇଚେସି, “ନାନୁ ହାଜିମାଇଁ, ମୀରୁ ନାଜେ ପାରାଦେରି, ଅଡେ ମୀରୁ ମୀ ପାପୁତା ହାଡେରି । ନାନୁ ଏମ୍ବିୟା ହାଜିମାଇଁ, ଏମ୍ବାଆଁ ମୀରୁ ହାଜାଲି ଆଡ଼ଅଚେରି ।”

୨୨ ଇଞ୍ଜା ଜୀହୁଦିୟାଁ ଏଲେଇଚେରି, “ଇଝାସି ଏନାଆଁ ହାହାଲି ଏଲେଇଞ୍ଜି ମାନେସି, ନାନୁ ଏମ୍ବିୟା ହାଇଁ ମୀରୁ ଏମ୍ବାଆଁ ହାଜାଲି ଆଡ଼ଅଚେରି ?”

୨୩ ଜୀବୁ ଏଞ୍ଜାରାଇଁ ଏଲେଇଚେସି, “ମୀରୁ ଇ ଡ଼ଇପୁଚୁଚି ଜାର୍ନା ଆହାମାଞ୍ଜେରି, ସାମା ନାନୁ ଲାକଚି ଝାହାମାଇଁ । ମୀରୁ ଇ ଦାରୁତିତି, ନାନୁ ଇ ଦାରୁତିତି ଆଏ । ୨୪ ଏଦାଆଁତାକି ନାନୁ ଝେସିମାଞ୍ଜାଇଁ, ମୀରୁ ମୀ ପାପୁ ତଲେ ହାଡେରି । ନାନୁ ଏଞ୍ଜାଚେଏଁ ଇଞ୍ଜଁ ଝେସ୍ତାସାରେ ମୀରୁ ନାମାଆସାରେ, ମୀ ପାପୁତା ହାଡେରି ।”

୨୫ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଝେଚେରି, “ନାନୁ ଆମ୍ବାଆତି ?”

ଜୀବୁ ଏଞ୍ଜାରାଇଁ ଏଲେଇଚେସି, “ଇ ହାଡ଼ା ନାନୁ ମୂଲୁଚିଏ ଝେସାମାଞ୍ଜାଇଁ । ୨୬ ମିଜେତାକି କାତା ଜଲ୍ଲାଲି ଅଡେ ବିଚାରା କିହାଲି ନା ତାଣା ହାରେକା କାତା ମାନେ; ସାମା ନାଜେ ପାଣ୍ଡାମାଞ୍ଜାନାସି, ଏଞ୍ଜାସି ସାତା, ଅଡେ ନାନୁ ଏନାଆଁ ଝେଞ୍ଜାମାଇଁ; ଏ ବାରେ ଦାରୁତିତି ଝେସିମାଇଁ ।”

୨୭ ଏଞ୍ଜାସି ମାହାପୁରୁ ଆବା କାତା ଝେସିମାଚେସି, ଏଞ୍ଜାରି ତେଲହାଲି ଆଡ଼ାଆଚେରି । ୨୮ ଏଦାଆଁତାକି ଜୀବୁ ଏଲେଇଚେସି; “ଏଚେତା ମୀରୁ ମାଣ୍ଡସି ମୀରୁଏଣାଇଁ ଗାଝୁରିନି ହାଦେରି, ଏଚେତା ନାନୁ ଏ ମାଣ୍ଡସିଚେଏଁ ଅଡେ ନାନୁ ଜାହାରାଝାଣି ଏନାଆଁ କିଆନା, ଆବା ନାଜେ ଏନିକଁ ଜାପୁହା ମାଞ୍ଜାନେସି, ଏଲେକଁ ଇ ବାରେ କାତା ଝେସିମାଞ୍ଜାଇଁ ଇଦାଆଁ ମୀରୁ ପୁଞ୍ଜାଲି ଆଡ଼ିଦେରି । ୨୯ ଆମ୍ବାଆସି ନାଜେ ପାଣ୍ଡାମାଞ୍ଜାନାସି ଏଞ୍ଜାସି ନା ତଲେ ମାନେସି, ଏଞ୍ଜାସି ନାଜେ ରଅଚେଏଁ କିହଁ ପିସାମାଞ୍ଜଅସି, ଇଚିହଁ ନାନୁ ତାନି ରାହାଁ ଆନି କାମା କିଇଁ ।”

୩୦ ଜୀବୁ ଇ ବାରେ ହାଡ଼ା ଝେଞ୍ଜାନା ହାରେକା ଜାଣା ତାନି ତାଣା ନାମିଚେରି ।

* ୮:୧୧ ୮:୧୧ ଇ ବାରେ କାତା ବାରେ ପଚିଣାଁ ହିଲେଏ ✪ ୮:୧୨ ୮:୧୨ ମାତି ୫:୧୪; ଜହ ୯:୫ ✪ ୮:୧୩ ୮:୧୩ ଜହ ୫:୩୧

ପିସ୍‌ପିଆଡ଼ି ଲଜୁ ଅଡ଼େ କଡ଼ି ହଲିୟାଜା

୩୧ ଏମ୍ବାଟିଏ ଜୀସୁ ତାନି ତାଣା ନାମିତି ଜୀହୁଦିଜାଣି ଏଲେଇଚେସି, “ନା ବଲୁତା ତାରିଆହ୍ନି ଡ଼ୟିଦେରି, ଆଡ଼ିହ୍ନି” ମୀରୁ ସାତେଏ ନା ସାସୁୟିତେରି । ୩୨ ମୀରୁ ସାତାତି ପୁଞ୍ଜେରି ଅଡ଼େ ଏ ସାତା ମିଙ୍ଗେ ଗେଲ୍‌ପାଦେନ ।”

୩୩ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ମାମ୍ ଅବ୍ରାହାମତି କୁଡ଼ାତମି, ଅଡ଼େ ଏଚେଲା ଆମ୍ବାଆରି ହଲିୟା ଆହାହିଲଅମି, ଆଡ଼ିହ୍ନି” ମୀରୁ ମୁକ୍‌ଲୁଞ୍ଜି ଆଦେରି ଇଞ୍ଜି ଏନିକିଁ ଝେସିମାଞ୍ଜାଦି ?”

୩୪ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଆମିନିଗାଗସି ପାପୁ କିନେସି, ଏଞ୍ଜାସି ପାପୁତି ହଚେଲଏସି । ୩୫ ହଚେଲଏସି କାଚେଲଏ ତାକି ଇଲୁ କୁଟମିତା ଡ଼ୟିଅସି, ମୀରୁଏସି ଇଲୁ କୁଟମିତା କାଚେଲଏ ତାକି ଡ଼ୟିନେସି । ୩୬ ମୀରୁଏସି ମିଙ୍ଗେ ମୁକ୍‌ଲୁଞ୍ଜି କିୟାକିନେସି, ମୀରୁ ସାତେଏ ମୁକ୍‌ଲୁଞ୍ଜି ଆଦେରି । ୩୭ ମୀରୁ ଅବ୍ରାହାମତି କୁଡ଼ାତାତେରି ନାନୁ ପୁଞ୍ଜାମାଇଁ; ସାମା ନା ବଲୁ ମୀ ହିୟିତି ଚାୟୁତା ହିଲାଆକି ମୀରୁ ନାଙ୍ଗେ ପାୟାଲି ଅଣପିମାଞ୍ଜେରି । ୩୮ ନା ଆବା ତାଣା ନାନୁ ଏନାଆଁ ମେସାମାଇଁ, ଏ ବାରେ ନାନୁ ଝେସିମାଞ୍ଜାଇଁ । ଏନାଆଁତାକି ମୀରୁ ଜିକେଏ ମୀ ଆବା ତାଣାଟି ଏନାଆଁ ଝେଞ୍ଜାମାଞ୍ଜେରି ଏ ବାରେ କିଦୁ ।”

୩୯ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଅବ୍ରାହାମ ମା ଆବା ।” ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଅବ୍ରାହାମତି ମୀରୁକା ମାସ୍‌କାତେରି, ଆଡ଼ିହ୍ନି” ଅବ୍ରାହାମ କିହାମାଟି କାମା କିଦୁ; ୪୦ ମାହାପୁରୁ ତାଣାଟି ଝେଞ୍ଜାମାନି ସାତାତି ମିଙ୍ଗେ ଝେସିମାଞ୍ଜାଇଁ, ନାନୁ ଇଲେତି ଲଜୁ, ମୀରୁ ନାଙ୍ଗେ ପାୟାଲି ତାକି ଅଣପିମାଞ୍ଜାଦେରି; ଅବ୍ରାହାମ ଇଲେତି କାମା କିଆତେସି । ୪୧ ମୀରୁ ମୀ ଆବାତି ବାରେ କାମା କିହିମାଞ୍ଜେରି ।”

ଏଞ୍ଜାରି ଜୀସୁଇଁ ଏଲେଇଚେରି; “ମାମ୍ ଦୁରିକାମାଟି ଜାନ୍‌ନା ଆହାହିଲଅମି; ମା ରଣ୍ଡିଏ ଆବା, ଏଞ୍ଜାସି ମାହାପୁରୁ ।”

୪୨ ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ସାତେଏ ମୀ ଆବା ଆଡ଼ିହ୍ନି” ମା, ମୀରୁ ନାଙ୍ଗେ ଜୀସୁ ନୟାତେରିମା, ଇଡ଼ିହ୍ନି” ନାନୁ ମାହାପୁରୁ ତାଣାଟି ଝାହାମାଇଁ; ନାନୁ ନା ତାଣାଟି ଝାହାହିଲଅଁ, ସାମା ଏଞ୍ଜାସି ନାଙ୍ଗେ ପାଣ୍ଡାତେସି । ୪୩ ନାନୁ ଏନାଆଁ ଝେସିମାଞ୍ଜାଇଁ, ମୀରୁ ଏନାଆଁତାକି ନା ହାଡ଼ାତି ତେଲହାଲି ଆଡ଼ିହିଲଅତେରି ? ଇଦାନି କାତା ଆହିମାନେ ମୀରୁ ନା ବଲୁତି ଝେଞ୍ଜାଲି ଆଡ଼ିହିଲଅତେରି । ୪୪ ମୀରୁ ମୀ ଆବା ସୟତାନତି ମୀରୁକା ମାସ୍‌କାତେରି, ଅଡ଼େ ମୀରୁ ମୀ ଆବାତି କାମା କିହାଲି ମୀ ଅଣପୁ । ଏଞ୍ଜାସି ମୁଲୁଟିଏ ଲକୁଣି ପାୟିନାସି, ଅଡ଼େ ଏଞ୍ଜାସି ସାତାତା ଡ଼ୟିଅସି, ଇଡ଼ିହ୍ନି” ଏଞ୍ଜାଣି ତାଣା ସାତା ହିଲେଏ । ଏଡ଼ିଚେଲା ଏଞ୍ଜାସି ମିତି ଜଲିନେସି, ଏଡ଼େତା ତାନିତାଣାଟି ଜଲିନେସି; ଇଡ଼ିହ୍ନି” ଏଞ୍ଜାସି ମିତି ଗାଗି ଇଞ୍ଜା ମିତିତି ତାଞ୍ଜି । ୪୫ ସାମା ନାନୁ ସାତା ଜଲିମାନାକି, ମୀରୁ ନାଙ୍ଗେ ନାମିମାଞ୍ଜାଅତେରି । ୪୬ ନାନୁ ପାପୁ ଗାଗାତେଏଁ ଇଞ୍ଜି” ମୀ ବିଡ଼ାଟି ଆମ୍ବାଆତେରି ପାର୍‌ମାଣା କିହାଲି ଆଡ଼ିଦେରି ? ନାନୁ ସାତା ଝେସାସାରେ, ନାଙ୍ଗେ ମୀରୁ ଏନାଆଁତାକି ନାମିମାଞ୍ଜାଅତେରି ? ୪୭ ଆମ୍ବାଆସି ମାହାପୁରୁ ତାଣାଟି ଝାହାମାନେସି, ଏଞ୍ଜାସି ମାହାପୁରୁତି ବଲୁ ଝେନେସି; ମୀରୁ ମାହାପୁରୁ ତାଣାଟି ଝାହାହିଲଅତେରି, ଏନାଆଁତାକି ଇ ବଲୁ ଝେଞ୍ଜିହିଲଅତେରି ।”

ଜୀସୁ ଅଡ଼େ ଅବ୍ରାହାମ

୪୮ ଜୀହୁଦିୟାଁ ଜୀସୁଇଁ ଏଲେଇଚେରି, “ନାନୁ ସମିରଣତି ଇଞ୍ଜା ନିଙ୍ଗେ ବୁଡୁ ଆଲ୍‌ଗାମାଞ୍ଜାନେ, ଏନାଆଁ ମାମ୍ ସାତା ଝେସି ହିଲଅମି କି ?”

୪୯ ଜୀସୁ ଏଞ୍ଜାରାଇଁ ଏଲେଇଚେସି, “ନାଙ୍ଗେ ବୁଡୁ ଆଲ୍‌ଗା ମାଞ୍ଜେଏ, ନାନୁ ନା ଆବାଇଁ ମାନି କିହିମାଇଁ, ସାମା ମୀରୁ ନାଙ୍ଗେ ଲାଜା କିହିମାଞ୍ଜାଦେରି । ୫୦ ନାନୁ ନା ଗାସ୍‌ରମି କିହାଲି ଅଣପି ହିଲଅଁ; ରଅସି ଅଣପିମାନେସି ଏଞ୍ଜାସି ନା ଝାକିଟି ବିଚାରା କିନେସି । ୫୧ ନାନୁ ସାତା ଝେସିମାଞ୍ଜାଇଁ, ଆମ୍ବାଆସି ନା ବଲୁତି ମାନୁଞ୍ଜି ଆନେସି, ଏଞ୍ଜାସି ଏଚେଲା ହାଅସି ।”

୫୨ ଜୀହୁଦିୟାଁ ଏଞ୍ଜାଣାଇଁ ଏଲେଇଚେରି, “ନୀଏଁ ମାମ୍ ସୁଟମି, ନିଙ୍ଗେ ବୁଡୁ ଆଲ୍‌ଗାମାଞ୍ଜାନେ, ଅବ୍ରାହାମ ଅଡ଼େ ମାହାପୁରୁ ଅଣପୁତି ବଲୁ ଝେହ୍‌ନାରି ବାରେଜାଣା ହାଡ଼େରି, ଅଡ଼େ ନୀନୁ ଝେସିମାଞ୍ଜି, ଆମ୍ବାଆସି ନା ବଲୁ ମାନୁଞ୍ଜି ଆନେସି, ଏଞ୍ଜାସି ଏଚେଲା ଜିକେଏ ହାଅସି । ୫୩ ମା ଆକୁ ଅବ୍ରାହାମ ହାଡ଼େସି, ନୀନୁ ଏନାଆଁ ଅବ୍ରାହାମ କିହାଁ କାଜାତି ଇଞ୍ଜି” ଅଣପିମାଞ୍ଜି ? ମାହାପୁରୁ ଅଣପୁତି ବଲୁ ଝେହ୍‌ନାରି ଜିକେଏ ହାଡ଼େରି; ନୀନୁ ଆମ୍ବାଆତି ଇଞ୍ଜି” ଝେସିମାଞ୍ଜି ?”

୮:୩୩ ୮:୩୩ ମାଟି ୩:୯; ଲୁକ ୩:୮

୫୪ ଜୀମ୍ବୁ ଏଲେଇଚେସି, “ନାନୁ ନା ଗାଞ୍ଜୁରମି କିହିମାଇଁ, ଆଡିହିଁ ନା ଗାଞ୍ଜୁରମି ଏନାୟି ଆଏ; ଆମ୍ବାଆସି ନାଜେ ଗାଞ୍ଜୁରମି କିୟାନେସି ଏଞ୍ଜାସି ନା ଆବା ଆମ୍ବାଆରାଇଁ ମୀରୁ ମୀ ମାହାପୁରୁ ଇଞ୍ଜୁଁ ଏଲେ ଇଞ୍ଜିମାଞ୍ଜେରି; ୫୫ ମୀରୁ ଏଞ୍ଜାଣାଇଁ ଏଚେଲା ପୁଞ୍ଜାହିଲଅଚେରି, ସାମା ନାନୁ ଏଞ୍ଜାଣାଇଁ ପୁଞ୍ଜାମାଇଁ । ଏଞ୍ଜାଣାଇଁ ପୁଞ୍ଜାହିଲଅଁ ଇଞ୍ଜୁଁ ନାନୁ ଖେସ୍ତୁହିଁ, ମୀ ଲେହେଁ ନାନୁ ଜିକେଏ ମିଡି ଗାଗାଚେଏଁ ଆଇଁ, ସାମା ନାନୁ ଏଞ୍ଜାଣାଇଁ ପୁଞ୍ଜାମାଇଁ ଅଡେ ତାନି ବଲୁଡି ମାନଞ୍ଜି ଆଇଁ । ୫୬ ମୀ ଆବା ଅବ୍ରାହାମ ନା ଦିନା ମେସାଲି ତାକି ଆସା କିହାନା ରାହାଁ କିଚେସି, ଅଡେ ଏଦାଆଁ ମେସାନା ଏଞ୍ଜାସି ରାହାଁ ଆଚେସି ।”

୫୭ ଜୀହୁଦିୟାଁ ଏଞ୍ଜାଣାଇଁ ଏଲେଇଚେରି, “ନିଜେ ରୀ କଡ଼ି ଦସ ବାସା ଆହାମାଞ୍ଜେଏ, ନାନୁ ଏନାଆଁ ଅବ୍ରାହାମାଇଁ ମେସାମାଞ୍ଜି ?”

୫୮ ଜୀମ୍ବୁ ଏଞ୍ଜାରାଇଁ ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଇଁ, ଅବ୍ରାହାମଡି ଜାର୍ନା ନକେଏ ନାନୁ ମାଇଁ ।”

୫୯ ଏଞ୍ଜାସି ଏଞ୍ଜାଣାଇଁ ଖେଚାଲିତାକି ଖାଲକା ପେଦହା କଡିଚେରି, ସାମା ଜୀମ୍ବୁ ମାହାପୁରୁ ଇଲୁଡି ମେହ୍‌ଆରେଟୁ ହଡାହାଚେସି ।

୯

ଜୀମ୍ବୁ ଜାର୍ନାଟିଏ କାଣାଇଁ ନେହଁକିନାୟି

୧ ଜୀମ୍ବୁ ହାଜିମାଚାରି ର ଜାର୍ନାଟିଏ କାଣାଇଁ ବେଗାଆଚେସି । ୨ ତାନି ସୀମୁୟାଁ ଖେଚେରି, “ଗୁରୁ, ଆମ୍ବାଆସି ପାପୁ କିହାଲିଏ ଇଞ୍ଜାସି କାଣା ଆହାନା ଜାର୍ନା ଆଚେସି, ତାନୁ କି ତାନି ଇୟା ଆବା ପାପୁ କିତାକି ?”

୩ ଜୀମ୍ବୁ ଏଲେଇଚେସି, “ଇଞ୍ଜାସି କି ତାନି ଇୟା ଆବା ପାପୁ କିତାକି ଆଏ, ସାମା ମାହାପୁରୁଡି କାମା ଏନିକଁ ଇଞ୍ଜାଣି ତାଣାଟି ତସ୍‌ପିଆନେ, ଏଦାଆଁତାକି ଇଦି ଆହାମାନେ । ୪ ଦିନା ମାଞ୍ଜା ମାଞ୍ଜାନା, ନାଜେ ପାଣ୍ଡାମାଞ୍ଜାନାଣି କାମା କିନାୟିମାନେ; ଏମିନି ବେଲାତା ଆମ୍ବାଆସି କାମା କିହାଲି ଆଡ଼ଅସି, ଇଲେଡି ଲାଆଁ ଖାହିମାନେ । ୫ ମାନୁ ଏଡେପାଚେକା ଦାରୁଡିତା ମାଇଁ, ଏଡେପାଚେକା ନାନୁ ଦାରୁଡିତ ଉଜେଡିଚେଏଁ ।”

୬ ଇ କାଚା ଏଲେଇଞ୍ଜାନା, ଜୀମ୍ବୁ ଇରୁଆତା ହୁପାନା ହୁପକା ତଲେ କାଦ କିଚେସି; ଅଡେ ତାନି ରୀ କାଣକାଣାଁ ରୁବାଚେସି ଅଡେ ଏଞ୍ଜାଣାଇଁ ଏଲେଇଚେସି, ୭ ହାଲାମୁ “ସିଲହ” ବାଦାତା ମୁମୁ ନୁରହା ଖାମୁ ।” ଏମ୍ବାଟିଏ ଏଞ୍ଜାସି ହାଜାନା ନରହା କତାନା ଖେଣ୍ଡା ଖାହିମାଚାରି ମେସାଲି ଆଡ଼ିଚେସି ।

୮ ତାନି ପାଡ଼ିଚାରି, ଅଡେ ଏମିନିଗାଗାରି ଏଞ୍ଜାଣାଇଁ ନକେଏ ରାସ୍‌ପି ମାଚାଣି ମେସାମାଚେରି, ଏଞ୍ଜାସି ଖେଚେରି, “ଇଞ୍ଜାସି ଏନାଆଁ କୁଗାନା ରାସ୍‌ପି ମାଚେସି ଏଞ୍ଜାସି ଆଏକି ?”

୯ ଏଚରଜାଣା ଏଲେଇଚେରି, “ଇଞ୍ଜାସିଏ ଏଞ୍ଜାସି;” ଅଡେ ଏଚରଜାଣା ଏଲେଇଚେରି, “ଆଏ, ଏଞ୍ଜାଣିଲେହେଁ ତାସି ।” ଏଞ୍ଜାସି ଏଲେଇଚେସି, “ନାନୁଏ ଏଞ୍ଜାଚେଏଁ ।”

୧୦ ଲକୁ ଏଞ୍ଜାଣାଇଁ ଖେଚେରି, “ଆଡିହିଁ, ନାନୁ ନୀଏଁ ଏନିକଁ ମେସାଲି ଆଡ଼ିମାଞ୍ଜି ?”

୧୧ ଏଞ୍ଜାସି ଏଲେଇଚେସି, “ଆମ୍ବାଆରାଇଁ ଜୀମ୍ବୁ ଇନେରି, ଏଞ୍ଜାସି ଇରୁଆଡି କାଦ କିହାନା ନା କାଣକାଣାଁ ରୁବାଚେସି ଅଡେ ସିଲହତା ହାଜାହାଁ ମୁମୁ ନୁରହା କତାମୁ ଏଲେଇଞ୍ଜାଚେସି; ଏଚେଟିଏ ନାନୁ ହାଜାନା ମୁମୁ ନୁରହାଲିଏ ମେସାଲି ଆଡ଼ିଚେଏଁ ।”

୧୨ “ଏଞ୍ଜାସି ଆମ୍ବିୟା ?” ଇଞ୍ଜୁଁ ଏଞ୍ଜାଣାଇଁ ଖେଚେରି, ଏଞ୍ଜାସି ଏଲେଇଚେସି, “ନାନୁ, ପୁଞ୍ଜାହିଲଅଁ ।”

ପାରୁସିୟାଁ ଇ କାମାଡି ତାୟିପାରି କିନାୟି

୧୩ ଆମ୍ବାଆସି ନକେଏ କାଣା ମାଚେସି, ଏଞ୍ଜାଣାଇଁ ପାରୁସିୟାଁ ତାଣା ତାଚେରି । ୧୪ ଜୀମ୍ବୁ ଏମିନି ଦିନା କାଦ କିହାନା ତାନି କାଣକା ନେହଁ କିହାମାଚେସି, ଏ ଦିନା ଜମିନି ଦିନା ମାଚେ । ୧୫ ପାରୁସିୟାଁ ଏଞ୍ଜାଣାଇଁ ଖେଚେରି, ଏନିକଁ ଏଞ୍ଜାସି ମେସାଲି ଆଡ଼ିଚେସି ? ଏଞ୍ଜାସି ଏଲେଇଚେସି, “ନା କାଣକାଣାଁ ଏଞ୍ଜାସି ଇଚାଣି କାଦ ରୁବାଚେସି, ନାନୁ ହାଜାନା ମୁମୁ ନୁରହାନା ଖାଚେଏଁ ଅଡେ ମେସାଲି ଆଡ଼ିମାଇଁ ।”

୧୬ ପାରୁସିୟାଁ ତାନି ବିତ୍ତାଟି ଏଚରଜାଣା ଏଲେଇଚେରି, “ଏଞ୍ଜାସି ମାହାପୁରୁ ତାଣାଟି ଖାହାହିଲଅସି, ଇଚିହିଁ ଏଞ୍ଜାସି ଜମିନି ଦିନାଟି ମାନଞ୍ଜି ଆହିହିଲଅସି ।” ଅଡେ ଏଚରଜାଣା ଏଲେଇଚେରି, “ପାପୁ ଲକୁ ଆହାନା ଇଲେଡି କାବାଆନି କାମା ଏନିକଁ କିହାଲି ଆଡ଼ିନେସି ?” ଇଲେଆହିଁ ଏଞ୍ଜାସି ତାନି ବିତ୍ତା ବାଗା ଆଡେ ?

* ୯:୫ ମାଡି ୫:୧୪; ଜହ ୮:୧୨ * ୯:୭ ସିଲହ ଇଡିସାରେ ପାଣ୍ଡି ଆହାମାନାୟି

୧୭ ପାରୁସିୟାଁ ଅଡ଼େ ଖେଣ୍ଡେ ଏ କାଣ୍ଡାଲ୍ ଖେଚେରି, “ଏଝାସି ନୀ କାଣ୍ଡକା ନେହଁ କିୟାତେସି, ଏଝାଣି କାତା ନାନୁ ଏନାଆଁ ଇଞ୍ଜିମାଞ୍ଜି ?” ଏଝାସି ଏଲେଇଚେସି “ଏଝାସି ର ମାହାପୁରୁ ଅଣ୍ଟପୁତି ବଲୁ ଖେହ୍ନାସି ।”

୧୮ ଏଝାସି ଜାର୍ନାଟିଏ କାଣ୍ଡା ମାଚେସି ଅଡ଼େ ନୀଏଁ, ଛ ହାଡ଼ା ତାନି ଇୟା ଆବାତି ଖେନାଆ ପାଚେକା, ଜୀହୁଦିୟାଁ ନାମାଆଚେରି । ୧୯ ଏଝାରି ତାନି ଇୟା ଆବାତି ଖେଚେରି, “ମୀ ଆନିନି ମୀରୁଏସି କାଣ୍ଡା ଆହାନା ଜାର୍ନା ଆହାମାଚେସି ଇଞ୍ଜିଁ ଏଲେଇଶ୍ୱିତେରି ଇଝାସି ଏନାଆଁ ଏ ମୀ ମୀରୁଏସି ? ଆତିହଁ ଏଝାସି ନୀଏଁ ଏନିକଁ ମେସାଲି ଆଡ଼ିମାନେସି ?”

୨୦ ଏଝାଟିଏ ତାନି ଇୟା ଆବା ଏଲେଇଚୁ, “ହାଅ, ଏଝାସି ମା ମୀରୁଏସି, ଏଝାସି କାଣ୍ଡା ଆହାନା ଜାର୍ନା ଆହାମାଚେସି ଏନାଆଁ ମାମ୍ନୁ ପୁଞ୍ଜାମାନନି; ୨୧ ସାମା ଏଝାସି ନୀଏଁ ଏନିକଁ ମେସାଲି ଆଡ଼ିମାନେସି, ଏନାଆଁ ମାମ୍ନୁ ପୁଞ୍ଜାହିଲଅନି, ଅଡ଼େ ଆମ୍ନାଆସି ଏଝାଣାଲ୍ ମେସ୍ୱି କିହାମାନେସି, ମାମ୍ନୁ ଏନାଆଁ ଜିକେଏ ପୁଞ୍ଜାହିଲଅନି; ଏଝାଣାଲ୍ ଖେଞ୍ଜୁ, ଏଝାସି କାଜାସି ଆଚେସିଏ, ଏଝାସି ତାନି କାତା ତାନୁଏ ଖେସାଲି ଆଡ଼ିନେସି ।” ୨୨ ଏଝାଣି ତାନି ଇୟା ଆବା ଜୀହୁଦି ଲକ୍ୱୁତି କାଜାରାଲ୍ ଆଜିମାଚାକି ଛ ବାରେ କାତା ଖେସ୍ତୁ, ଏନାଆଁତାକି ଚିତ୍ରିହଁ ଆମ୍ନାଆସି ଜୀସୁଇଁ କ୍ରୀସ୍ତ ଇଞ୍ଜିଁ ଇନେସି, ଏଝାଣାଲ୍ ଜୀହୁଦି ଲକ୍ୱୁତି କୁଚନି ଇଲୁଟିଂ ପେରୁଝି ଆନେ ଇଞ୍ଜିଁ ଜୀହୁଦି ଲକ୍ୱୁ ଏ ନକେଏ କାତା ଆହାମାଚେରି । ୨୩ ଏନାଆଁତାକି ତାନି ଇୟା ଆବା ଏଲେଇଚୁ, “ଏଝାସି କାଜାସି ଆଚେସିଏ, ଏଝାଣାଲ୍ ଖେଞ୍ଜୁ ।”

୨୪ ପାରୁସିୟାଁ ଏ ଜାର୍ନାଟିଏ କାଣ୍ଡାଲ୍ ଅଡ଼େ ଖେଣ୍ଡେ ହାଡ଼ାନା ଏଲେଇଚେରି, “ମାହାପୁରୁଇଁ ଗାଞ୍ଜୁରନି କିହାନା ଏଲେଇନାମ୍ନୁ, ଆମ୍ନାଆସି ନିଙ୍ଗେ ନେହଁ କିହାମାଞ୍ଜାନେସି, ଏଝାସି ର ପାପୁ ଗାଟାସି ଛ କାତା ମାମ୍ନୁ ପୁଞ୍ଜାମାନନି ।”

୨୫ ଏଝାସି ଏଲେଇଚେସି, “ଏଝାସି ପାପୁ ଗାଟାସି କି ଆଏ, ନାନୁ ପୁଞ୍ଜାହିଲଅଁ; ନାନୁ ର କାତା ପୁଞ୍ଜାମାଲ୍; ନାନୁ କାଣ୍ଡା ମାଚେସି, ନୀଏଁ ମେସାଲି ଆଡ଼ିମାଲ୍ ।”

୨୬ ଏଝାରି ଏଝାଣାଲ୍ ଏଲେଇଚେରି, “ଏଝାସି ନିଙ୍ଗେ ଏନାଆଁ କିୟାତେସି ? ଏନିକଁ ଏଝାସି ନୀ କାଣ୍ଡକା ଦେପି କିୟାତେସି ?”

୨୭ ଏଝାସି ଏଲେଇଚେସି, “ନକେଏ ଖେସା ରାହାମାଞ୍ଜାଲ୍, ଅଡ଼େ ମୀରୁ ଖେନାଆଚେରି; ଅଡ଼େ ଖେଣ୍ଡେ ଏନାଆଁତାକି ଖେଞ୍ଜାଲି ଅଣ୍ଟପିମାଞ୍ଜେରି ? ମୀରୁ ଜିକେଏ ଏନାଆଁ ତାନି ସାସୁ ଆହାଲି ଅଣ୍ଟପିମାଞ୍ଜେରି ।”

୨୮ ଏଝାରି ଏଝାଣାଲ୍ ଲାଡ଼ାନା ଏଲେଇଚେରି, “ନାନୁ ତାନି ସୀସୁତି, ସାମା ମାମ୍ନୁ ମସାତି ସାସୁୟାଁତନି । ୨୯ ମାମ୍ନୁ ପୁଞ୍ଜାମାନନି, ମାହାପୁରୁ ମସାଲ୍ କାତା ଆହାମାଚେସି, ସାମା ଛ ମାଣ୍ଡିସି ଆମ୍ବିଟି ଖାହାମାନେସି, ଏନାଆଁ ମାମ୍ନୁ ପୁଞ୍ଜାହିଲଅନି ।”

୩୦ ଏଝାସି ଏଝାରାଲ୍ ଏଲେଇଚେସି, “ଇଦି ରଣ୍ଡି କାବାଆନି କାତା ଏଝାସି ଏମ୍ବିଟି ଖାହାମାନେସି, ମୀରୁ ପୁଞ୍ଜାହିଲଅଚେରି, ସାମା ଏଝାସି ନାଙ୍ଗେ କାଣ୍ଡକା ଦେପି କିୟାତେସି । ୩୧ ମାମ୍ନୁ ପୁଞ୍ଜାମାନନି, ମାହାପୁରୁ ପାପୁଗାଟି ଲକ୍ୱୁତି ହାଡ଼ା ଖେନଅସି, ଆନିନି ଗାଟାରି ମାହାପୁରୁଇଁ ମାନି କିନେରି ଅଡ଼େ ତାନି ଅଣ୍ଟପୁ ତଲେ କାମା କିନେରି, ଏଝାରି ହାଡ଼ାତି ଏଝାସି ଖେନେସି । ୩୨ ତଲି କାଲ୍ମାଟିଏ ଆମ୍ନାଆସି ଜାର୍ନା କାଣ୍ଡାଲ୍ ମେସ୍ୱିକିକି କାତା ଏଚେଲା ଖେଶ୍ୱି ଆହାହିଲାଆତେ । ୩୩ ଇଝାସି ମାହାପୁରୁ ତାଣ୍ଡାଟି ଖାହା ହିଲାଆଚେ, ଏନାଆଁ କିହାଲି ଆଡ଼ାଆଚେସିମା ।”

୩୪ ଏଝାରି ଏଝାଣାଲ୍ ଏଲେଇଚେରି, “ପାପୁ ତଲେ ନାନୁ ଜାର୍ନା ଆହାନା ପାପୁ ତଲେ ପାତାଆଡ଼ି, ନାନୁ ମାଙ୍ଗେ ଜାପୁହି ମାଞ୍ଜାଦି ?” ଏନାଆଁତାକି ଏଝାରି ଏଝାଣାଲ୍ ଜୀହୁଦି ଲକ୍ୱୁତି କୁଚନି ଇଲୁଟିଂ ପେରୁହାଡୁସ୍ତେରି ।

ସୁଦୁଗାଟି ମାଣ୍ଡକି ମେହ୍ନା ଗାଟାସି

୩୫ ଏଝାରି ଏଝାଣାଲ୍ ପେରୁହା ମାନେରି, ଇଞ୍ଜିଁ ଜୀସୁ ଛ କାତା ଖେଞ୍ଜାନା, ଏଝାଣାଲ୍ ମେସାନା ଏଲେଇଚେସି, “ନାନୁ ଏନାଆଁ ମାଣ୍ଡି ମୀରୁଏଣି ତାଣ୍ଡା ନାନିମାଞ୍ଜି ?”

୩୬ ଏଝାସି ଏଝାଣାଲ୍ ଏଲେଇଚେସି, “ପ୍ରବୁ, ଖେସ୍ତାମ୍ନୁ ଏଝାସି ଆମ୍ନାଆସି, ଆତିହଁ ନାନୁ ଏଝାଣାଲ୍ ନାନିଲ୍ ।”

୩୭ ଜୀସୁ ଏଝାଣାଲ୍ ଏଲେଇଚେସି, “ନାନୁ ଏଝାଣାଲ୍ ମେସାମାଞ୍ଜି, ନୀ ତଲେ ଆମ୍ନାଆସି ନୀଏଁ କାତା ଆହାମାନେସି, ଏଝାସିଏ ।”

୩୮ ଏମ୍ବାଟିଏ ଏଞ୍ଜେଲ୍‌ସ୍‌ ଶୁଣିଲେ, “ନାନୁ ନାମିମାଲ୍, ପ୍ରବୁ !” ଇଞ୍ଜି ଜୀସୁ ନକିତା ମେଣ୍ଟାକୁତାମା ଜହରା କିତେସି ।

୩୯ ଜୀସୁ ଏଲେଇରେସି, “ମେହ୍‌ଆଗାଟି ଲକୁ ଏନିକ୍ ମେହ୍‌ନେରି ଇଞ୍ଜି ମେହ୍‌ନି ଲକୁ ଏନିକ୍ କାଣା ଆନେରି, ଇ ବିଚାରା କିହାଲି ନାନୁ ଦାର୍‌ଡିତା ଖାହାମାଲ୍ ।”

୪୦ ଏମ୍ବାଆଁ ମାଟି ଏଚରଜାଣା ପାରୁସିୟାଁ ଇ କାତା ଖେଞ୍ଜାନା, ଏଞ୍ଜାଣାଲ୍ ଏଲେଇରେରି, “ମାମ୍ବୁ ଜୁକେଏ ଏନାଆଁ କାଣାୟାଁତମି ?”

୪୧ ଜୀସୁ ଏଞ୍ଜାରାଲ୍ ଏଲେଇରେସି, “କାଣାୟାଁ ଆହାମାଟିହ୍ ମୀରୁ ଦହ୍ ହିଲାଆଗାଟାତେରି ଆଡେରିମା, ସାମା ମେସାଲି ଆଡ଼ିମାନମି ଇଞ୍ଜିମାନାକି ମୀରୁ ହାରେକା ପାପୁତା ମାଞ୍ଜେରି ।”

୧୦

ମେଣ୍ଟାୟାଁ ଅଡେ ଗଡୁ

୧ ଜୀସୁ ଏଲେଇରେସି, “ନାନୁ ମିଜେ ସାତା ଖେସିମାଞ୍ଜାଲ୍, ଆମ୍ବାଆସି ଦାରା ଖାକିଟି ମେଣ୍ଟାୟାଁ ମାନ୍ଦାତା ହଡୁଅସି, ସାମା ଅର୍ ଖାକିଟି ଡେଞ୍ଜାନା ହଡୁନେସି, ଏଞ୍ଜାସି ସରୁ ଇଞ୍ଜି ତଂଗେଏସି; ୨ ସାମା ଆମ୍ବାଆସି ଦାରା ଖାକିଟି ହଡୁନେସି, ଏଞ୍ଜାସି ମେଣ୍ଟା ଗଡୁ । ୩ ଦାରାତା କାଞ୍ଜାଆନାସି ଏଞ୍ଜାଣାକି ଦାରା ଦେଟା ହାନେସି, ଅଡେ, ଏଞ୍ଜାସି ତାନି ମେଣ୍ଟାୟାଁ ଦରୁ ଆସାନା ହାଟିନେସି, ଏଞ୍ଜି ତାନି ହାଟିନାଣି ଖେନୁ ଅଡେ ଏଞ୍ଜାସି ଏ ମାନ୍ଦାତି ପାଙ୍ଗାତା ଜିରୁ ନକି କିହାନା ଅନେସି । ୪ ମେଣ୍ଟାୟାଁଣି ପାଙ୍ଗାତା ଅନାଟି ମେଣ୍ଟାୟାଁ ଗଡୁ ନକି ନକିତା ତାକିନେସି, ଅଡେ ମେଣ୍ଟାୟାଁ ତାନି ଜେଚ ଜେଚ ତାକିନୁ, ଇଚିହ୍ ଏଞ୍ଜି ଏଞ୍ଜାଣି ଗିୟାଁ ତେଲ୍‌ହାଉ । ୫ ସାମା ଏଞ୍ଜି ପୁନାଆତି ଲକୁ ଜେଚ ଏଚେଲା ଜିକେଏ ତାକାଉ, ସାମା ଏଞ୍ଜାଣି ଦାରି ଦାରିଟି ହଟାତୁହନୁ, ଇଚିହ୍ ଏଞ୍ଜି ପୁନାଆତାରି ଗିୟାଁ ତେଲ୍‌ହିନୁ ।”

୨ ଜୀସୁ ଏଞ୍ଜାରାଲ୍ ଇ ପୁଣ୍ଡିକିନି କାତା ଖେସାନା ଏଲେଇରେସି, ସାମା ଏଞ୍ଜାସି ଏନା ଏନାଆଁ ଖେସିମାଚେସି, ଏ ବାରେ ଏନାୟି ଇଞ୍ଜି ଏଞ୍ଜାରି ପୁନାଆତେରି ।

ଜୀସୁ ନେହ୍ ମେଣ୍ଟାୟାଁ ଗଡୁ

୩ ଜୀସୁ ଅଡେ ଖେଣ୍ଡେ ଏଲେଇରେସି, “ସାତା ସାତା ନାନୁ ମିଜେ ଖେସିମାଞ୍ଜାଲ୍, ନାନୁ ମେଣ୍ଟାୟାଁ ଦୁଝେରିତେଏ । ୮ ଏଚରଜାଣା ନା ନକିତା ଖାହାମାନେରି, ଏଞ୍ଜାରି ବାରେ ସରୁକା ଅଡେ ତଂଗାୟାଁ, ସାମା ମେଣ୍ଟାୟାଁ ଏଞ୍ଜାରି କାତା ଖେନାଆତୁ । ୯ ନାନୁ ଆହିମାଲ୍ ଦାରା । ଆମ୍ବାଆସି ନା ତାଣାଟି ହଡୁନେସି, ଏଞ୍ଜାସି ଗେଲ୍‌ପି ଆନେସି ଇଞ୍ଜି ବିତ୍ରା ଖାହାନା ଅଡେ ପାଙ୍ଗାତା ହାଜାନା ହାରା ବେଟାଆନେସି । ୧୦ ସରୁ ଖାଉକ ସରୁ କିହାଲି, ପାୟାଲି ଅଡେ ନାସା କିହାଲି ଖାନେସି; ଏଞ୍ଜାରି ଏନିକ୍ ଜୀସୁ ବେଟାଆନେରି ଅଡେ ହାରେକା ବେଟାଆନେରି ଏଦାଆଁତାକି ନାନୁ ଖାହାମାଲ୍ ।”

୧୧ “ନାନୁ ନେହ୍ ମେଣ୍ଟାୟାଁ ଗଡୁଡେଏ; ନେହ୍ ମେଣ୍ଟାୟାଁ ଗଡୁ ଡୁମ୍‌ମେଣ୍ଟାୟାଁ ତାକି ତାନି ଜୀସୁ ହାନେସି ।

୧୨ ଆମ୍ବାଆସି ମେଣ୍ଟାୟାଁ ଗଡୁ ଆଏ, ଗତି ଦାଂଗଣେଏସି, ଜାହାରା ମେଣ୍ଟାୟାଁ ହିଲାଉ ଏଞ୍ଜାସି କ୍ଲୁଞ୍ଜି ଖାନାଣି ମେସାନା ମେଣ୍ଟାୟାଁ ପିସା ହଣନେସି ଅଡେ କ୍ଲୁଞ୍ଜି ଖାହାନା ଏ ବାରେଟି ସିନାସାତ୍ରା କିନେ, ୧୩ ଇଚିହ୍ ଏଞ୍ଜାସି ଗତି ଦାଂଗଣେଏସି, ଇଞ୍ଜି ମେଣ୍ଟାୟାଁକି ଅଣ୍ଡାପୁ ହିଲେଏ, ୧୪ ନାନୁ ନେହ୍ ମେଣ୍ଟାୟାଁ ଗଡୁ । ଆବା ଏନିକ୍ ନାଜେ ପୁଞ୍ଜାମାଞ୍ଜାନେସି ଅଡେ ନାନୁ ଆବାଲ୍ ପୁଞ୍ଜାମାଲ୍, ୧୫ ଏନିକ୍ ଆବା ନାଜେ ପୁଞ୍ଜାମାଞ୍ଜାନେସି, ଅଡେ ନାନୁ ଆବାଲ୍ ପୁଞ୍ଜାମାଲ୍, ଏଲେକିହ୍ ଏ ନାନୁ ନା ମେଣ୍ଟାୟାଁଲ୍ ପୁଲ୍, ଅଡେ ନା ମେଣ୍ଟାୟାଁ ଜିକେଏ ନାଜେ ପୁଞ୍ଜାନୁ, ଅଡେ ମେଣ୍ଟାୟାଁ ତାକି ନାନୁ ନା ଜୀସୁ ହାଲ୍ । ୧୬ ଏମିନି ମେଣ୍ଟାୟାଁ ଇ ମାନ୍ଦାତାଲ ଆଏ, ନା ଇଲେଟି ମେଣ୍ଟାୟାଁ ମାନୁ, ଏଞ୍ଜାଆଁ ଜିକେଏ ନାଜେ ତାନାୟି ଆନେ, ଅଡେ ଏଞ୍ଜି ନା ହାଡା ତେଲ୍‌ହିନୁ; ଏମ୍ବାଟିଏ ରଣ୍ଡିଏ ମାନ୍ଦା ଅଡେ ରଣ୍ଡିଏ ଗଡୁ ଆନେସି ।”

୧୭ “ନାନୁ ନା ଜୀସୁ ହାନାକି ଆବା ନାଜେ ଜୀସୁ ନୟାନେସି, ଅଡେ ନାନୁ ନା ଜୀସୁ ଖେଣ୍ଡେ ଅହାକତାଲି ନାନୁ ଏଦାଆଁ ହାଲ୍ । ୧୮ ନା ଜୀସୁ ଏଚକାତାରି ଆମ୍ବାଆରି ଅହାଲି ଆଡୁଅରି, ଏଦାଆଁ ନାନୁ ନା ଅଣ୍ଡାପୁ ତଲେ ହାଲ୍, ନା ଜୀସୁ ହାହାଲିତାକି ଅଡେ ଏଦାଆଁ ଖେଣ୍ଡେ ଅହାକତାଲି ତାକି ନା ଅଦିକାରା ମାନେ । ଇଦାଆଁ କିହାଲି ଆବା ମାହାପୁର ନାଜେ ହୁକୁମି ହାହାମାଞ୍ଜାନେସି ।”

* ୧୦:୧୪ ୧୦:୧୪ ମାଟି ୧୧:୨୭; ଲକୁ ୧୦:୨୨

୧୯ ଜୀସୁତି ଈ ବାରେ କାତାତାକି ଜୀହୁଦି ଲକ୍ଷ୍ମୀତାଣା ଗଡ଼ହା ହତେ । ୨୦ ଏଝାରି ବିଭ୍ରାଟି ଏଚରଜାଣା ଏଲେଇଚେରି, “ଏଝାଣାଇଁ ବୃତୁ ଆଲ୍‌ଗାମାନେ, ଏଝାସି ବାୟା ଆହାମାନେସି, ଏନାଆଁତାକି ଏଝାଣି କାତା ଖେଞ୍ଜିମାଞ୍ଜେରି ?”

୨୧ ଏଚକାତାରି ଏଲେଇଚେରି, “ଇ ବାରେ କାତା ବୃତୁ ଆଲ୍‌ଗାମାନାରି କାତା ଆଏ; ବୃତୁ ଏନାଆଁ କାଣାତି କାଣକା ମେସ୍‌ସି କିହାଲି ଆଡ଼ିନେ ।”

ଜୀସୁଇଁ ଅପାଆଗାଗାୟି

୨୨ ଏଚିବେଲା ଜିରୁସାଲମତା ମାହାପୁରୁ ଇଲୁତି ମାହାପୁରୁ ଦରୁଚି ହେରୁପିନି ପାରୁଁ ଆଡେ; ଏଦି ପେନିବେଲା ମାଚେ, ୨୩ ଜୀସୁ ମାହାପୁରୁ ଇଲୁତି ସଲମନ ପିଣ୍ଡାତା ରେଜିମାଚେସି । ୨୪ ଏମାଟିଏ ଜୀହୁଦି ଲକ୍ଷ୍ମି ସାରିଖାକି ମୁତାନା ଖେଞ୍ଜାଲି ମାଟୁହେରି, “ଏଚରଦିନା ପାଚେକା ମା ମନତା ଆନାମାନା କିୟାଦି ? ନାନୁ କ୍ରୀସ୍ତତି ଇଚିହଁ ମାଜେ ନେହଁ କିଁ ଖେସ୍ତାମୁ ।”

୨୫ ଜୀସୁ ଏଝାରାଇଁ ଏଲେଇଚେସି, “ନାନୁ ମିଜେ ଖେସାମାଞ୍ଜାଇଁ, ସାମା ମୀରୁ ନାମିହିଲଅଚେରି; ନା, ଆବା ଦରୁଚି ନାନୁ ଏମିନି ବାରେ କାମା କିହିମାଇଁ, ଏ ବାରେ ନା ଖାକିଟି ସାକି ହାହିମାନେ; ୨୬ ଆଡ଼ିଜିକେଏ ମୀରୁ ନାମିହିଲଅଚେରି, ଇଚିହଁ ମୀରୁ ନା ମେଣ୍ଡାୟାଚେରି ଆଏ । ୨୭ ନା ମେଣ୍ଡାୟା ନା ହାଡ଼ା ଖେନୁ ଅଡେ ନାନୁ ଏଝାଆଁ ପୁଇଁ, ଅଡେ ଏଝି ନା ଜେଚ ଜେଚ ତାକିନୁ, ୨୮ ଅଡେ ନାନୁ ଏଝାସିକାକି କାଲ୍‌କାଲ୍‌କାତି ଜୀସୁ ହାଇଁ, ଅଡେ ଏଝି ଏଚେଲା ଜିକେଏ ନାସା ଆଡ଼, ଆମ୍ବାଆସି ନା କେୟୁଟି ଏଝାଆଁ ମାଞ୍ଜା ଅୟଅସି । ୨୯ ନା, ଆବା ନାଜେ ଏନାଆଁ ହାହାମାଞ୍ଜାନେସି, ଏଦି ବାରେକିହାଁ ଦାରାଗାଟାୟି,* ଇଞ୍ଜା ଆବା ତାଣାତି ଆମ୍ବାଆସି ମାଞ୍ଜାଲି ଆଡ଼ଅସି । ୩୦ ଆବା ଅଡେ ନାନୁ ରଅଚମିଏ ।”

୩୧ ଜୀହୁଦି ଲକ୍ଷ୍ମି ଏଝାଣାଇଁ ଖେଚାଲି ଅଡେ ଖେଣ୍ଡେ ଖାଲ୍‌କା ତାଚିହଁ ଖାଚେରି । ୩୨ ଜୀସୁ ଏଝାରାଇଁ ଏଲେଇଚେସି, “ନାନୁ ଆବା ତାଣାଟି ହାଚେରକା ନେହଁ କାମାୟାଁ ମିଜେ ତସାମାଞ୍ଜାଇଁ; ଏ ବାରେ କାମାୟାଁ ବିଭ୍ରାଟି ଏମିନି କାମାତାକି ନାଜେ ଖାଲ୍‌କା ଖେଚି ମାଞ୍ଜାଦେରି ?”

୩୩ ଜୀହୁଦିୟାଁ ଏଝାଣାଇଁ ଏଲେଇଚେରି, “ନେହଁ କାମାତାକି ନିଜେ ଖାଲ୍‌କା ଖେଚିମାଞ୍ଜଅମି, ସାମା ମାହାପୁରୁ ନିୟା କିହିମାନାକି, ନାନୁ ମାଣସି ଆହାନା ମାହାପୁରୁଚେଏଁ ଇଞ୍ଜିମାନାକି ।”

୩୪ ଜୀସୁ ଏଝାରାଇଁ ଏଲେଇଚେସି, “ମୀ ମସା ମେରାତା ରାସ୍‌କି ଆହାହିଲେଏ, ନାନୁ ଏଲେଇଞ୍ଜାଚେଏଁ ‘ମୀରୁ ମାହାପୁରୁୟାଚେରି ।’ ୩୫ ଆମ୍ବାଆରି ତାଣା ମାହାପୁରୁଚି ବଲୁ ତଞ୍ଜାଆଡେ, ଏଝାରି ମାହାପୁରୁୟାଁ ଇଚିହଁ ଦାମୁଁ ସାଡେସ୍‌ସି ଉଜେଏ କିହାଲି ଆଡ଼ଅସି, ୩୬ ଆବା ମାହାପୁରୁ ନାଜେ ସୁଦୁ କିହାନା ଦାରତିତା ପାଣ୍ଡାମାଞ୍ଜାନେସି । ଇଞ୍ଜା ନାନୁ ନାଜେ ମାହାପୁରୁ ମୀରୁଏଣାଚେଏଁ ଇଞ୍ଜିମାନାକି ମାହାପୁରୁ ନିୟା କିହିମାଞ୍ଜି ଇଞ୍ଜି ଏନିକିଁ ଏଲେଇଞ୍ଜି ମାଞ୍ଜାଦେରି ? ୩୭ ନାନୁ ନା ଆବାତି ବାରେ କାମା କିହା ହିଲାଆଚିହଁ ନାଜେ ନାମାଆଡୁ; ୩୮ ସାମା ନାନୁ କିହିମାଇଁ, ଆଚିହଁ ମୀରୁ ନାଜେ ନାମି ମାଞ୍ଜଅଚେରି, ଆଡ଼ିଜିକେଏ ଆବା ନା, ତାଣା ମାନେସି ଅଡେ ନାନୁ ଆବା ତାଣା ମାଇଁ, ଇଦାଆଁ ମୀରୁ ଏନିକିଁ ପୁଞ୍ଜେରି ଅଡେ ତେଲ୍‌ହିଦେରି, ଇଦାଆଁତାକି ବାରେ କାମାତି ନାମାଦୁ ।”

୩୯ ଏମାଟିଏ ଏଝାରି ଜୀସୁଇଁ ଆସାଲି ଅଣପିଚେରି, ସାମା ଏଝାସି ଏଝାରି କେୟୁତା ହେରୁପି ଆଆନା ଏମାଟି ହଚାହାଚେସି ।

୪୦ ଏମାଟିଏ ଏଝାସି ଅଡେ ଖେଣ୍ଡେ ଜର୍ଦନ ଆତାଲା ହାଜାନା, ତଲି ଜହନ ଏମିନି ଚାୟୁତା ବାପ୍ତ୍ରସ୍ତାଁ ହାହିମାଚେସି, ଏ ଚାୟୁତା ଖାହାନା ଡ଼ୟିଚେସି । ୪୧ ଅଡେ ହାଚେରକା ଲକ୍ଷ୍ମି ଏଝାଣି ତାଣା ଖାହାନା ଏଲେଇଚେରି, “ଜହନ ଏନି କାବାଆନି କାମା କିଆଚେସି, ସାମା ଇ ମାଣସି କାତା ଜହନ ଏନା ଏନାଆଁ ଖେସାମାଚେସି, ଏ ବାରେ ସାତା ।” ୪୨ ଏମାଆଁ ହାଚେରକା ଲକ୍ଷ୍ମି ଏଝାଣି ତାଣା ନାମିଚେରି ।

୧୧

ଲାଜର ହାନ୍ଦାୟି

୧ ବେଚଦିନିୟାଁତି ଲାଜର ଦରୁଗାଟାସି ରଅସି ନମେରି ଆହାମାଚେସି; ତାମି ତାଜିସ୍ତା ମରିୟମ ଅଡେ ମାର୍ତୀ ଏ ନାୟୁତା ଡ଼ୟିମାଚୁ । ୨ ଏମିନି ଇୟା ପ୍ରବୁଇଁ ନିୟୁଁ ଖାକିହାନା ତାନି ତାୟୁଁ ବାଣାୟାଁ ତଲେ

* ୧୦:୨୯ ୧୦:୨୯ ଆବା ନାଜେ ଏନାଆଁ ହାହାମାଞ୍ଜାନେସି, ଏଦି ବାରେକିହାଁ ଦାରାଗାଟାୟି, ଇଦାଣି ଅର୍ଥ ଆମିନି ଆବା ନାଜେ ଇ ଲକ୍ଷ୍ମି ହାହାମାଞ୍ଜାନେସି, ଏଝାସି ଏଝାରି କିହାଁ କାଜାସି । * ୧୦:୪୦ ୧୦:୪୦ ଜହ ୧:୨୮ † ୧୦:୪୦ ୧୦:୪୦ ମୁଞ୍ଜିନାୟି * ୧୧:୧ ୧୧:୧ ଲୁକ ୧୦:୩୮, ୩୯ * ୧୧:୨ ୧୧:୨ ଜହ ୧୨:୩

ଏଞ୍ଜାଣି ପାଠ୍ୟାଧ୍ୟାୟୀ ଜେଜା ମାରେ, ଛଦି ଏ ମରିୟମ; ତାମି ତାୟି ଲାଜର ନମେରି ଆହାମାରେସି ।
୩୩ ଏଦାଆଁତାକି ଏ ତାଜିୟା ଜୀସୁ ତାଣା କାତୁ ପାଣ୍ଡିତୁ, “ପ୍ରବୁ, ନୀନୁ ଆମ୍ବାଆରାଇଁ ଜୀସୁ ନହୁଁ ମାଞ୍ଜି ଏଞ୍ଜାସି
ନମେରି ଆହାମାନେସି ।”

୪ ସାମା ଜୀସୁ ଛ କାତା ଖେଞ୍ଜାନା ଏଲେଇରେସି, “ଛ ନମେରି ହାହାଲି ତାକି ଆଏ, ସାମା ମାହାପୁରୁତି
ଗାଞ୍ଜୁରମି ତାକି, ଏନିକ” ଏମ୍ବାଟି ମାହାପୁରୁତି ମୀରଏସି ଗାଞ୍ଜୁରମି ବେଟା ଆନେସି ।”

୫ ଜୀସୁ ମାର୍ତା, ତାମି ତାଜି ମରିୟମଇଁ ଅଡେ ଲାଜରଇଁ ଜୀସୁ ନହୁଁ ମାରେସି । ୬ ଏଡେତା ଏଞ୍ଜାସି
ନମେରି ଆହାମାନେସି ଇଞ୍ଜିଁ ଖେରେସି, ଏଡେତା ଏଞ୍ଜାସି ଏମିନିତାଣା ମାରେସି, ଏ ଟାୟୁତା ରା ଦିନା
ଡୟିତେସି । ୭ ଏବେଟିଏ ଏଞ୍ଜାସି ସାୟୁୟାଁଇଁ ଏଲେଇରେସି, “ଜାତୁ ମୀର ଖେଣ୍ଡେ ଜୀହୁଦା ରାଜିତା ହାନ ।”

୮ ସାୟୁୟାଁ ଏଞ୍ଜାଣାଇଁ ଏଲେଇରେସି, “ଏ ଗୁରୁ ଜୀହୁଦିୟାଁ ନୀଏଁ ନିଜେ ଖାଲକାତଲେ ଖେତାଲି ଅଣ୍ଡି
ମାଞ୍ଜାତେରି, ଅଡେ ଖେଣ୍ଡେ ନୀନୁ ଏମ୍ବାଆଁ ହାଜିମାଞ୍ଜି ?”

୯ ଜୀସୁ ଏଲେଇରେସି, “ଦିନାତାକି ବାର ଗଟା ହିଲେଏ ? ଆମ୍ବାଆସି ମାଦେନା ତାକିସାରେ ପୁଟିକିଅସି,
ଇଟିହୁଁ ଏଞ୍ଜାସି ଦାଉଡିତି ଉଜେଡି; ୧୦ ସାମା ଲାଆଁୟାଁ ତାକିସାରେ ଏଞ୍ଜାସି ପୁଟିକିନେସି, ଇଟିହୁଁ ଏଞ୍ଜାଣି
ହିୟାଁତା ଉଜେଡି ହିଲେଏ ।” ୧୧ ଛ ବାରେ କାତା ଖେସି ଡାୟୁ ଏଞ୍ଜାରାଇଁ ଅଡେ ଏଲେଇରେସି, “ମା ଡ଼େଣ
ଲାଜର ଇଦା କିହାମାନେସି, ସାମା ଏଞ୍ଜାଣାଇଁ ଇଦାଟି ନିକହାଲି ନୀନୁ ହାଜିମାଞ୍ଜି ।”

୧୨ ଏମ୍ବାଟିଏ ସାୟୁୟାଁ ଏଞ୍ଜାଣାଇଁ ଏଲେଇରେସି, “ପ୍ରବୁ ଏଞ୍ଜାସି ତୁରାନା ଇଦା କିହାମାଟିହୁଁ ନେହୁଁ
ଆନେସି ।”

୧୩ ଜୀସୁ ଲାଜର ହାହାମାନାକି ଏ କାତା ଏଲେଇରେସି, ସାମା ଏଞ୍ଜାଣି ଇଦା କିହାମାନି କାତା ଖେସାତେସି
ଇଞ୍ଜିଁ ଅଣ୍ଡିମାରେରି । ୧୪ ଏରିବେଲା ଜୀସୁ ତାରେତଲେ ଏଲେଇରେସି, “ଲାଜର ହାହାମାନେସି;
୧୫ ଅଡେ ନୀନୁ ଏମ୍ବାଆଁ ହିଲାଆତେଏଁ, ଏଦାଆଁତାକି ମୀ ତାକି ରାହାଁ କିହିମାଞ୍ଜି, ଏନିକ” ମୀରୁ ନାମିଦେରି;
ସାମା ଜାତୁ ମୀର ଏଞ୍ଜାଣି ତାଣା ହାନ ।”

୧୬ ଏମ୍ବାଟିଏ ତମା, ଆମ୍ବାଆରାଇଁ ଦିପୁର ଇଞ୍ଜିଁ ଇନେରି, ଏଞ୍ଜାସି ତାମି ଡ଼େଣ ସାୟୁୟାଁଇଁ ଏଲେଇରେସି,
“ଜାତୁ, ମୀର ଜିକେଏ ହାଜାନା ଏଞ୍ଜାଣିତଲେ ହାନ ।”

ଜୀସୁଏ ଖେଣ୍ଡେ ନିଜିନାସି ଅଡେ ଜୀସୁ

୧୭ ଜୀସୁ ବେତନିୟାଁତା ଏଜାନା ଖେରେସି, ଏଞ୍ଜାସି ସାରି ଦିନା ଆଡେସି ମାହୁଣି ମାଣ୍ଡାତା ଇଟାମାନେରି
। ୧୮ ବେତନିୟାଁ ଜିରୁସାଲମଟି ରୀ କିଲମିଟର ହେକ ମାରେ, ୧୯ ଅଡେ ଜୀହୁଦିୟାଁ ବିତ୍ରାଟି ହାରେକା ମାର୍ତା
ଇଞ୍ଜା ମରିୟମଇଁ ତାମି ତାୟିତି ଦୁକ୍ତୁ ତୁକହାଲି ଏମ୍ବାଆଁ ଖାହାମାରେରି ।

୨୦ ଜୀସୁ ଖାହାମାନେସି ଇଞ୍ଜିଁ ଏଡେତା ମାର୍ତା ଖେରେ, ଏଡେତା ମାର୍ତା ଏଞ୍ଜାଣାଇଁ ବେଟାଆୟାଲି
ହାରେ, ସାମା ମରିୟମ ଇଜ କୁଗାନା ଡୟିତେ । ୨୧ ମାର୍ତା ଜୀସୁଇଁ ଏଲେଇରେ, “ପ୍ରବୁ ନୀନୁ ଇମ୍ବାଆଁ
ମାଟିହୁଁ ମା, ନା ତାୟି ହାଆଡେସିମା, ୨୨ ସାମା ନୀନୁ ମାହାପୁରୁଇଁ ଏନାଆଁ ରାହୁଦି, ମାହାପୁରୁ ନିଜେ
ଏଦାଆଁ ହିୟାନେସି, ଏଦାଆଁ ନୀଏଁ ଜିକେଏ ପୁଞ୍ଜାମାଞ୍ଜି ।”

୨୩ ଜୀସୁ ଏଦାନି ଏଲେଇରେସି, “ନୀ ତାୟି ଅଡେ ଖେଣ୍ଡେ ନିଜିନେସି ।”

୨୪ “ମାର୍ତା ଜୀସୁଇଁ ଏଲେଇରେ, ଏଞ୍ଜାସି ଡାୟୁ ଖେଣ୍ଡେ ନିଜିନି ଦିନାତା ନିଜିନେସି, ଇଦାଆଁ ନୀନୁ
ପୁଞ୍ଜାମାଞ୍ଜି ।”

୨୫ ଜୀସୁ ଏଦାନି ଏଲେଇରେସି, “ନୀନୁ ଖେଣ୍ଡେ ନିଜିନାତେଏଁ ଅଡେ ଜୀସୁତେଏଁ; ଆମ୍ବାଆସି ନାଜେ
ନାମାନେସି, ଏଞ୍ଜାସି ହାଡି ଜିକେଏ ନୀଡିନେସି, ୨୬ ଆମ୍ବାଆସି ନୀଡିନେସି ଅଡେ ନାମିନେସି, ଏଞ୍ଜାସି
ଏବେଲା ଜିକେଏ ହାଅସି; ଛ କାତା ନାମିମାଞ୍ଜି ?”

୨୭ ମାର୍ତା ଏଲେଇରେ, “ଏ ପ୍ରବୁ ଆମ୍ବାଆସି ଦାଉଡିତା ଖାନାୟି ମାରେ, ନୀନୁ ଏ କ୍ରୀସ ମାହାପୁରୁ
ମୀରଏଣାଟି, ଛ କାତା ନାମିମାଞ୍ଜି ।”

ଜୀସୁ ଡାଡେସି

୨୮ ଛ କାତା ଖେସାନା ମାର୍ତା ହାଜାନା ତାମି ତାଜି ମରିୟମଇଁ ଏବକା ହାଟାନା ଏଲେଇରେ, “ଗୁରୁ
ଖାଡେସିଏ ନିଜେ ପାରିମାଞ୍ଜାନେସି ।” ୨୯ ମରିୟମ ଛ କାତା ଖେଞ୍ଜାନା ଦାପେ ନିଜାନା ଏଞ୍ଜାଣି ତାଣା
ହାରେ । ୩୦ ଏରିବେଲା ଜୀସୁ ନାୟୁଁ ବିତ୍ରା ଖାହାହିଲାଆଡେସି, ସାମା ମାର୍ତା ଏଞ୍ଜାଣାଇଁ ଏମିନି ଟାୟୁତା
ବେଟାଆହାମାରେ, ଏଡେପାତେକା ଏ ଟାୟୁତେଏ ମାରେସି । ୩୧ ଏମିନି ଜୀହୁଦିୟାଁ ଏଦାନିତଲେ ଏ ଇଲୁତା

ଦୁକୁ ତୁକ୍‌ହିମାଚେରି, ଏଝାରି ମରିୟମ ଦାପେ ନିଜ୍ଞାନା ପାଙ୍ଗାତା ହାତାଣି ମେସାନା, ଏଦି ମାହୁଣି ମାଣ୍ଡାତା ତୃହାଲି ହାଜିମାନେ, ଈ କାତା ଅଣପାନା ଏଦାନି ଜେଚ ଜେଚ ହାଚେରି ।

୩୨ ଏମ୍ବାଟିଏ ଜୀସୁ ଏମିନି ଚାୟୁତା ମାଚେସି, ମରିୟମ ଏ ଚାୟୁତା ହାଜାନା ଏଝାଣାଇଁ ମେସାନା ଏଝାଣି କତାୟିଁ ତୁକ୍ ରିହାନା ଏଲେଇଚେସି, “ପ୍ରବୁ ନାନୁ ଇମ୍ବାଆଁ ମାଚିହୁଁ ମା ନା ତାୟି ହାଆତେସିମା ।”

୩୩ ଜୀସୁ ମରିୟମ ଅଡେତ ତାନିତଲେ ଝାହାମାନି ଜୀହୁଦି ଲକୁ ତାହିମାନାଣି ମେସାନା ଜୀସୁତା ହାଚେରକା ଦୁକୁ ଆହାନା ଝେଚେସି, ୩୪ “ଏଝାଣାଇଁ ଆମ୍ବିୟା ଇଟାମାଞ୍ଜେରି ?” ଏଝାରି ଏଲେଇଚେରି, “ପ୍ରବୁ, ଝାହାନା ସିନିକିମୁ ?”

୩୫ ଜୀସୁ ତାଚେସି । ୩୬ ଏଚେଟିଏ ଜୀହୁଦି ଲକୁ ଏଲେଇଶ୍ୱି ଆଚେରି, “ଏଝାସି ଏଝାଣାଇଁ ଏଚେକା ଜୀସୁ ନହୁଁ ମାଚେସି ।”

୩୭ ସାମା ଏଝାରି ବିତ୍ତାଟି ଏଚରଜାଣା ଏଲେଇଚେରି, “ଇ ମାଣସି ଏ କାଣାଇଁ ମେସପି କିହାମାଚେସି, ଏଝାସି ଇଝାଣାଇଁ ହାକିଟି ଚେଲ୍‌ପାଲି ଆଡ଼ିଚେସିମା ?”

ହାଡ଼ି ଲାଜରଇଁ ଜୀସୁ ହୀନାୟି

୩୮ ଏମ୍ବାଟିଏ ଜୀସୁ ଦୁକୁ ଆହାନା ମାହୁଣି ମାଣ୍ଡା ତାଗେ ଝାଡେସି; ଏଦି ର ପାଝୁ ମାଚେ, ଇଞ୍ଜା ପାଝୁ ଦୁଝେରିତା ର କାଜା ଝାଲି ମାଚେ । ୩୯ ଜୀସୁ ଏଲେଇଚେସି, “ଇ ଝାଲି ଗୁଟି କିଦୁ ।” ହାତାଣି ତାଙ୍ଗି ମାଟା ଏଲେଇଚେ, “ପ୍ରବୁ, ଏଝାସି ଗାନ୍ଦା ଆହାହାଚେସିଏ, ଇଚିହୁଁ ହାହାନା ସାରି ଦିନା ଆଚେସିଏ ।”

୪୦ ଜୀସୁ ଏଦାନି ଏଲେଇଚେସି, “ନାନୁ ନାମିଦି, ଆଡ଼ିହୁଁ ମାହାପୁରୁତି ଗାଝୁରମି ମେହୁଦି, ଈ କାତା ନାନୁ ନିଜେ ଝେସାମାଞ୍ଜାଆଚେସି ?” ୪୧ ଅଡେତ ଏଝାରି ଝାଲି ଗୁଟି କିଚେରି । ଅଡେତ ଜୀସୁ ଲାକଝାକି ସିନିକିହାନା ଏଲେଇଚେସି, “ଆଦା ନା ପ୍ରାତାନା ଝେଟି ଇଞ୍ଜୁଁ ନାନୁ ନିଜେ ଜହରା କିହିମାଞ୍ଜାଇଁ ।

୪୨ ନାନୁ କାଲେଏ ନା ପ୍ରାତାନା ଝେଞ୍ଜିମାଞ୍ଜି, ଈ କାତା ନାନୁ ପୁଞ୍ଜାମାଇଁ; ସାମା ଏମିନି ଲକୁ ସାରିସୁଟୁ ନିଚାମାନେରି, ନାନୁ ନାଜେ ପାଣ୍ଡାମାଞ୍ଜାଦି ଇଞ୍ଜୁଁ ଏଝାରି ଏନିକଁ ନାମିନେରି, ଏଦାଆଁତାକି ଏଝାରି ତାକି ନାନୁ ଏଲେଇଚେସି ।” ୪୩ ଏଝାସି ଏଲେଇଞ୍ଜାନା କାଜା ରିୟାତଲେ ଏଲେଇଚେସି, “ଲାଜର ପାଙ୍ଗାତା ହଚା ଝାମୁ ।” ୪୪ ଦେବୁଣିଏ ଲାଜର ପାଙ୍ଗାତା ହଚାଝାଚେସି; ତାନି କେସ୍ତା କତାଣା ମାହୁଣି ମାଣ୍ଡାତି ହିମ୍ବିରକା ତଲେ ରୁପି ଆହାମାରୁ, ଇଞ୍ଜା ତାନି ମୁସ୍ତୁତା ଇଚାୟି ପାସକି ପିଡ଼ିଟିଝି ଆହାମାଚେ । ଜୀସୁ ଏଝାଚାଇଁ ଏଲେଇଚେସି, “ହିମ୍ବିରକା ହୁକ୍‌ଦୁ ଏଝାସି ତାକାପେସି ।”

ଜୀସୁଇଁ ପାୟାଲି ପାରୁ ପାରିନାୟି

(ମାତି ୨୭:୧-୫; ମାର୍କ ୧୪:୧,୨; ଲୁକ ୨୨:୧,୨)

୫୫ ହାଚେରକା ଜୀହୁଦି ଲକୁ, ଇଚିହୁଁ ଆମ୍ବାଆରି ମରିୟମ ତାଣା ଝାହାମାଚେରି ଅଡେତ ଜୀସୁତି କାମା ମେସାମାଚେରି, ଏଝାରି ଏଝାଣାଇଁ ନାମିଚେରି । ୫୬ ଅଡେତ ଏଝାରି ବିତ୍ତାଟି ଆମ୍ବା ଆମ୍ବାଆରି ପାରୁସିୟାଁ ତାଣା ହାଜାନା ଜୀସୁ ଏନା ଏନାଆଁ କିହାମାଚେସି ଏ ବାରେ ଏଝାଚାଇଁ ଝେସୁେରି । ୫୭ ଈ କାତା ଝେଞ୍ଜାନା ପାରୁସିୟାଁ ଅଡେତ କାଜା ପୂଜେରାଙ୍ଗ କାଜା ବେରଣିମାଣ୍ଡାତା ଏଲେଇଚେରି, “ମାରୁ ଏନି କିନାୟି ଈ ମାଣସି ହାଚେରକା କାବାଆନି କାମାୟାଁ କିହିମାନେସି । ୫୮ ମାରୁ ଏଝାଣାଇଁ ଏଲେକିହୁଁ ପିସୁସିଁ ବାରେ ଲକୁ ଏଝାଣି ତାଣା ନାମିନେରି, ଅଡେତ ରମିୟ ଲକୁ ଝାହାନା ଈ ଚାୟୁ କୁଡା ବାରେଚି ନାସା କିନେରି ।”

୫୯ ସାମା ଏଝାରି ବିତ୍ତାଟି ର କାଜା ପୂଜେରା, ଇଚିହୁଁ କୟାପା ଏ ବାସୀତି କାଜା ପୂଜେରା ଏଝାଚାଇଁ ଏଲେଇଚେସି, “ମାରୁ ଏନାଆଁ ପୁଞ୍ଜାହିଲଅଚେରି ? ୬୦ ବାରେ କୁଡାତାରି ନାସା ଆନି କିହାଁ ବାରେ ଲକୁ ତାକି ରଅସି ହାନାୟି ମିଜେ ତାକି ନେହେଁ, ଈଦାଆଁ ମାରୁ ଅଣ୍ଡିପି ହିଲଅଚେରି ।” ୬୧ ଏଝାସି ତାନିତାଣାଟି ଏଲେଇଞ୍ଜା ହିଲଆଚେସି, ସାମା ଏଝାସି ଏ ବାସୀତି କାଜା ପୂଜେରା ମାଚାକି ଈ ତାୟୁ ଆନି କାତା ତାନି ଗୁଟିଟି ହଚାମାଚେ, ଜୀସୁ ଏ କୁଡାତି ଲକୁ ତାକି, ୬୨ ଅଡେତ ଝାଚଇ ଏ କୁଡା ତାକି ଆଏ, ସାମା ମାହାପୁରୁତି ଇତାଲା ଆତାଲା ଆହାମାନି ମୀରକାଣି ଜିକେଏ କୁଡ଼ି କିହାନା ରଣିଏ କିହାଲିତାକି ହାହାଲି ହାଜିମାନେସି, ଈଦାଆଁତାକି ଈ କାତା ଝେକ୍‌ହେସି ।

୬୩ ଇଞ୍ଜା ଏ ଦିନାଟିଏ ଏଝାଣାଇଁ ପାୟାଲି ତାକି ପାରୁ ପାରିଚେରି । ୬୪ ଏଦାଆଁତାକି ଜୀସୁ ଜୀହୁଦି ଲକୁ ବିତ୍ତା ପାଙ୍ଗାଝେଜେ ରେଆଚେସି, ସାମା ଏଝାସି ଏ ଚାୟୁଟି ହଚା ହାଜାନା ଲକୁ ହିଲଆ ଚାୟୁ ଦାରି ମାନି ଏପ୍ରିୟମ ଦରୁଗାଟି ର ଗାଡାତା ହାଚେସି, ଅଡେତ ସାୟୁୟାଁ ତଲେ ଏମ୍ବାଆଁ ତୁୟିଚେସି ।

୫୫ ଏତିବେଲା ଜୀହୁଦି ଲକ୍ଷ୍ମି ପିସ୍‌ପିଆନି ପାର୍ବୁ ତାଗେ ମାରେ, ଅଡ଼େ ନାସ୍କାଚି ହାରେକା ଲକ୍ଷ୍ମି ଜାହାରାଇଁ ଅବହା କତାଲି ପିସ୍‌ପିଆନି ପାର୍ବୁ ନକେଏ ଜିରୁସାଲମତା ହାରେରି । ୫୬ ଏମ୍ବାଟିଏ ଏଝାରି ଜୀହୁଇଁ ପାରି ପାରିହଁ ମାହାପୁରୁ ଇଲୁକା ନିତାମାଚାଟି ତାମ୍ବୁ ଡାମ୍ବୁ ଏଲେଇଶମ୍ବି ଆଡେରି, “ମୀରୁ ଏନାଆଁ ଅଣପିମାଞ୍ଜେରି ? ଏଝାସି କି ପାର୍ବୁତା ଝାଅସି ?” ୫୭ କାଜା ପୂଜେରାଜା ଅଡ଼େ ପାରୁସିୟାଁ ଏଝାଣାଇଁ ଆସାଲି ତାକି, ଏଝାସି ଏମ୍ବିୟା ମାନେସି, ଇ କାତା ଆମ୍ବାଆସି ପୁଞ୍ଜାମାନେସି, ଏ କାତା ଝେସାଲି ତାକି ହୁକୁମି ହାହାମାରେରି ।

୧୨

ଜୀହୁଇଁ ନିୟୁଁ ରୁବିନାୟି

(ମାତି ୨୭:୭-୧୩; ମାର୍କ ୧୪:୩-୯)

୧ ଏମ୍ବାଟିଏ ଜୀହୁ ପିସ୍‌ପିଆନି ପାର୍ବୁତି ସ ଦିନା ନକେଏ ବେତନିୟାଁତା ଝାଡେସି; ଏମିନି ଲାଜରଇଁ ହାଡାରି ତାଣାଟି ନିକହା ମାରେସି, ଏଝାସି ଏ ଟାୟୁତା ମାରେସି । ୨ ଏଦାଆଁତାକି ଏଝାରି ଏଝାଣାକି ଏ ଟାୟୁତା ଲାଆଁୟାଁ ର ବକ୍ତି କିଡେରି; ମାର୍ତ୍ତା ବାଟି କିହିମାଡେ, ଅଡ଼େ ଆମିନି ଗାଟାରି ଏଝାଣିତଲେ ତିଞ୍ଜାଲି କୁଗାମାରେରି, ଲାଜର ଏଝାରି ବିତ୍ରାଟି ରଅସି ମାରେସି ।

୩ ଏତିବେଲା ମରିୟମ ଆଦା ଗାଜୁ ଗାୟା ନିୟୁଁ ତାଗାନା ଜୀହୁ କତାଣା ରୁବାନା ତାନି ତାୟୁଁ ବାଣାୟାଁ ତଲେ ତାନି କର୍ତ୍ତାଣି କ୍ରେଡେ, ଅଡ଼େ ବାରେ ଇଲୁକା ନିୟୁଁ ଗାୟା ଆଡେ । ୪ ସାମା ତାନି ସାୟୁୟାଁ ବିତ୍ରାଟି ଇସ୍‌ପାରିୟତ ଜୀହୁଦା ଆମିନି ସାୟୁ ଜୀହୁଇଁ ସାତୁୟାଁ କେୟୁତା ହେବୁପାଲି ହାଜିମାରେସି, ଏଝାସି ଏଲେଇରେସି, ୫ “ଇ ନିୟୁଁ ତାନି ଝାଞ୍ଜା ଟାକାୟାଁ ତାକି ପାର୍ବୁପି ଆହାନା ଏନାଆଁତାକି କାକୁଲି ଗାଟାରାକି ହାପକି ଆଆଡେ ?” ୬ ଏଝାସି କାକୁଲି ଗାଟାରାଇଁ ଅଣପିମାରେସି ଇଞ୍ଜିଁ ଏଲେଇରେସି, ଏଦି ଆଏ, ସାମା ଏଝାସି ର ସରୁ ଅଡ଼େ ଏଝାଣି ତାଣା ଟାକାୟାଁ ମଣା ମାଚାକି, ଏମ୍ବାଆଁ ଏନା ଏନାଆଁ ଇବ୍‌କି ଆହିମାଡେ, ଏଦାଆଁ ସରୁ କିହିମାରେସି ।

୭ ସାମା ଜୀହୁ ଏଲେଇରେସି, “ଇଦାଆଁ ପିହ୍‌ଦୁ, ଏନିକଁ ନା ମାଡ଼ହା ମୁହ୍‌ନି ଦିନାତାକି ଏଦି ଏଦାଆଁ ଇଟାଲି ଆଡିନେ । ୮ କାକୁଲି ଗାଟାରି ବାରେଦିନା ମୀ ତାଣା ମାନେରି, ସାମା ନାୟୁ ବାରେବେଲା ମୀ ତଲେ ମାନଅଁ ।”

ଲାଜର କପାଟି ପାରୁ ପାରିନାୟି

୯ ଏରେଟିଏ ହାରେକା ଜୀହୁଦି ଲକ୍ଷ୍ମି ଏଝାସି ଏମ୍ବାଆଁ ମାନେସି ଇଞ୍ଜିଁ ପୁଞ୍ଜାନା ଝାରୁଇ ଜୀହୁ ତାକି ଆଏ, ସାମା ଏମିନି ଲାଜରଇଁ ଏଝାସି ହାକିଟି ନିକହା ମାରେସି, ଏଝାଣାଇଁ ମେସାଲି ଝାଡେରି । ୧୦ ସାମା ଲାଜରଇଁ ଜିକେଏ ପାୟାଲି କାଜା ପୂଜେରାଜା ପାରୁ ପାରିଡେରି, ୧୧ ଇତିହଁ ଏଝାଣି ତାକି ଜୀହୁଦିୟାଁ ବିତ୍ରାଟି ହାରେକା ହାଜାନା ଜୀହୁ ତାଣା ନାମି ମାରେରି ।

ଜୀହୁ ଜିରୁସାଲମତା ରାହୁଁଟି ହଡ଼ନାୟି

(ମାତି ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତାନି ଅର ଦିନା ପାର୍ବୁତା ଝାହାମାନି ହାରେକା ଲକ୍ଷ୍ମି ଜୀହୁ ଜିରୁସାଲମତା ଝାହାମାନେସି ଇଞ୍ଜିଁ ଝେରେରି ୧୩ ଇଞ୍ଜା କାଜୁରି ମାଟାୟାଁ ଆସାନା ଜୀହୁଇଁ ବେଟାଆହାଲି ଝାଡେରି ଅଡ଼େ କାଜା ଗିୟାତଲେ ଏଲେଇରେରି, “ହସାନା । ପ୍ରବୁତି ଦରୁତଲେ ଆମ୍ବାଆସି ଝାହିମାନେସି, ଏଝାସି ନେହେଁ, ଇସ୍‌ପାୟେଲତି ରାଜାଇଁ ମାହାପୁରୁ ବରୁ ହାପାସି ।”

୧୪ ଜୀହୁ ର ଗାଡ଼ଦେ ତାଲୁ ଲାକ କୁଗାନା ଝାହିମାରେସି, ଏନିକଁ ରାସ୍‌କି ଆହାମାନେ, ୧୫ “ଆକେ ସିୟନତି ମାସ୍କା, ଆଜାଆଦୁ ମେହ୍‌ଦୁ ମୀ ରାଜା ଝାହିମାନେସି, ଏଝାସି ଗାଡ଼ଦେ ତାଲୁ ଲାକ କୁଗାନା ଝାହିମାନେସି ।”

୧୬ ଏତିବେଲା ସାୟୁୟାଁ ଏଦାନି କାତା ପୁଞ୍ଜାଲି ଆଡାଆଡେରି, ସାମା ଜୀହୁ ଗାଧୁରମିଟି ଝେଣ୍ଡେ ନିଜାଲିଏ ଏଝାରି ଅଣପୁତା ଝାଡେ, ଇ ବାରେ କାତା ସାସ୍‌ପୁରିତା ରାସ୍‌କି ଆହାମାନେ, ଇତିହଁ ଏଲେକିହଁ ଏ ଏଝାରି କାମା କିହାମାରେରି ।

* ୧୨:୩ ୧୨:୩ ଲୁକ ୭:୩୭,୩୮

୧୭ ଜୀସୁ ହାଡ଼ି ଲାଜରଙ୍କ ମାହଣି ମାଣ୍ଡାଟି ହାଟ୍ତାମାନ ନିକ୍ତହାମାଟି ବେଲତା ଏମିନିଗାଟାରି ଏଞ୍ଜାଣିତଲେ ମାଚେରି, ଏଞ୍ଜାରି ଛ ବାରେ କାତା ସାରିଞ୍ଜାକି ଝେକ୍ତହା ମାଚେରି । ୧୮ ଛଦାଆଁତାକି ଲକ୍ତୁ ବାରେ ଏଞ୍ଜାଣାଇଁ ବେଗାଆହାଲି ହାଜାମାଚେରି, ଅଡ଼େ ଏଞ୍ଜାସି ଛ କାବାଆନ୍ତି କାମା କିହାମାଚେସି ଇଞ୍ଜୁଁ ଝେଞ୍ଜାମାଚେରି । ୧୯ ଛଦାଆଁ ମେସାନା ପାରୁସିୟାଁ ତାମି ବିତ୍ତା କାତା ଆଡ଼େରି, “ମେସିମାଞ୍ଜେରି ମାରୁ ଏନାଆଁ କିହାଲି ଆଡ଼ିହଲାଇଆୟି; ଦାରୁଡ଼ିତି ବାରେ ଲକ୍ତୁ ଏଞ୍ଜାଣି ଜେତ ହାଜିମାନେରି ।”

ଏଚେକା ଗ୍ରିକ୍ ଲକ୍ତୁ ଜୀସୁଙ୍କ ପାରିନାୟି

୨୦ ପାରୁଁ ବେଲତା ପ୍ରାତ୍ତାନା କିହାଲି ଜିରୁସାଲମତା ଝାହାମାନି ଲକ୍ତୁ ବିତ୍ତା ଏଚେକା ଗ୍ରିକ୍ ଲକ୍ତୁ ମାଚେରି । ୨୧ ଏଞ୍ଜାରି ଗାଲିଲିତି ବେତ୍ତସାୟିଦାତି ପିଲିପ ତାଣା ଝାହାନା ବାତିମାଲିହଁ ଏଲେଇଚେରି, “ବାବୁ, ମାମ୍ବୁ ଜୀସୁଙ୍କ ମେସାଲି ଅଣ୍ଡାପିମାନମି ।”

୨୨ ପିଲିପ ହାଜାନା ଆନ୍ତୁୟିୟି କାରୁ ହାଚେସି ଅଡ଼େ ରିଆରି ହାଜାନା ଜୀସୁଙ୍କ ଝେସ୍ତେରି । ୨୩ ଜୀସୁ ଏଞ୍ଜାରାଇଁ ଏଲେଇଚେସି, “ମାଣ୍ଡସି ମୀରୁଏସି ଗାଞ୍ଜୁରମି ଆନ୍ତି ବେଲା ଝାହାମାନେ । ୨୪ ନାନୁ ମିଜେ ସାତା ଝେସିମାଞ୍ଜାଇଁ ଗହଁ ପାଡ଼େୟି ବୁମିତା ରିହାନା ହାନ୍ତି ପାତେକା ଏଡ଼ି ଗଣ୍ଡିଏ ପାଡ଼େୟି ଆହାନା ଡ଼ୟିନେ, ସାମା ଏଡ଼ି ହାଡ଼ିସାରେ ଏମ୍ବାଟି ହାଚେରକା ପାଡ଼େୟିକା ଆନୁ । ୨୫ *ଆମ୍ବାଆସି ଜାହାରା ଜୀସୁତି ଜୀସୁ ନନେସି, ଏଞ୍ଜାସି ଏଦାଆଁ ହାଚ୍ଚି କିନେସି, ଆମ୍ବାଆସି ଜାହାରା ଜୀସୁତି ଛ ଦାରୁଡ଼ିତା ଅପସି, ଏଞ୍ଜାସି ଏଦାଆଁ କାଲ୍ଲାକାଲ୍ଲା ତାକି ଗେଲ୍ଲପିନେସି । ୨୬ ଆମ୍ବାଆସି ନା ସେବା କାମାକିନାସି ଆନେସି, ଆତିହଁ ଏଞ୍ଜାସି ନା ଜେତ ଝାଚେସି; ଅଡ଼େ ନାନୁ ଆମ୍ବିୟା ଡ଼ୟିଇଁ, ନା ସେବା କାମାକିନାସି ଜିକେଏ ଏମ୍ବାଆଁ ଡ଼ୟିନେସି; ଆମ୍ବାଆସି ନା ସେବା କିନେସି, ଆତିହଁ ଆବା ଏଞ୍ଜାଣାଇଁ ମାନ୍ତି କିନେସି ।

ଜୀସୁ ତାନି ହାକିତି କାତା ଏଲେଇନାୟି

୨୭ ନୀଏଁ ନା ଜୀସୁ କିଲିବିଲି ଆହିମାନେ, ଇଞ୍ଜାଁ ନାନୁ ଏନାଆଁ ଇଞ୍ଜାଈଁ ? ଆବା ଛ ଲାଗେଏ ତାଣାଟି ଗେଲ୍ଲପାମ୍ବୁ, ସାମା ଏଦାଆଁତାକି ନାନୁ ଛ ଗାୟୁତା ଝାହାମାଇଁ ।

୨୮ ଆବା ନୀ ଦରୁ ଗାଞ୍ଜୁରମି ଆଚେ ।”

ଏତିବେଲାତା ହାବୁ ଲାକଟି ଛ ହାଡ଼ା ଆଡ଼େ ନାନୁ ଏଞ୍ଜାଣାଇଁ ଗାଞ୍ଜୁରମି କିହାମାଇଁ ଅଡ଼େ ଗାଞ୍ଜୁରମି କିଇଁ ।

୨୯ ଇଞ୍ଜାଁ ଏମ୍ବାଆଁ ଦାରି ନିଗାମାଟି ଲକ୍ତୁ ବାରେ ଛ ହାଡ଼ା ଝେଞ୍ଜାନା ଏଲେଇଚେରି, “ଛଦି ହାବୁ ଗୁଣ୍ଡିହାମାନେ ।” ଅଡ଼େ ଏଚକାଟାରି ଏଲେଇଚେରି, “ଲାକପୁରୁତି ଦୁରୁ ଏଞ୍ଜାଣିତଲେ କାତା ଆହିମାନେ ।”

୩୦ ଜୀସୁ ଏଲେଇଚେସି, “ଛ ହାଡ଼ା ନାଜେତାକି ଆହା ହିଲେଏ, ସାମା ଛ ହାଡ଼ା ମିଜେତାକି ଆହାମାନେ । ୩୧ ନୀଏଁ ଛ ଦାରୁଡ଼ି ବିଚାରା କିନି ଦିନା; ନୀଏଁ ଛ ଦାରୁଡ଼ିତି ସାଲ୍ଲିକିନାଲ ଡ଼କ ମେଡ଼ପିଆନୁ । ୩୨ ନାନୁ ଏତିବେଲା ଦାରୁଡ଼ିତି ଲାକପୁରୁ ଅଢ଼ିଆଇଁ, ଏତିବେଲା ବାରେଡ଼ି ନା ତାଣା ରେଜା ଅଇଁ ।” ୩୩ ଏଞ୍ଜାସି ଏନିକଁ ହାହାଲି ହାଜିମାନେସି, ଏଞ୍ଜାସି ଛ କାତାତା ଏଲେଇଚେସି ।

୩୪ ଲକ୍ତୁ ଏଞ୍ଜାଣାଇଁ ଏଲେଇଚେରି, “ମସିହା କାଗେଏ ଡ଼ୟିନେସି ଇଞ୍ଜୁଁ ମାମ୍ବୁ ମସାତି ମେରାତା ଝେଞ୍ଜାମାନମି, ଆତିହଁ ମାଣ୍ଡସି ମୀରୁଏସି ଲାକ ପେରୁଢ଼ି ଆନେସି ଇଞ୍ଜୁଁ ନାନୁ ଏନିକଁ ଏଲେ ଇଞ୍ଜିମାଞ୍ଜି ? ଏ ମାଣ୍ଡସି ମୀରୁଏସି ଆମ୍ବାଆସି ?”

୩୫ ଜୀସୁ ଏଞ୍ଜାରାଇଁ ଏଲେଇଚେସି, “ଅଡ଼େ ଗାଡ଼କା ତାକି ଉଜେଡ଼ି ମୀ ତାଣା ମାନେ । ଆନ୍ଦେରି ମିଜେ ଏନିକଁ ଗୁସ୍ତେଏ, ଏଦାଆଁତାକି ମୀ ତାଣା ଉଜେଡ଼ି ମାଞ୍ଜା ମାଞ୍ଜାନା ତାକାଦୁ; ଆମ୍ବାଆସି ଆନ୍ଦେରିତା ତାକିନେସି, ଏଞ୍ଜାସି ଆମ୍ବିୟା ହାଜିମାନେସି ପୁଞ୍ଜାଲି ଆଡ଼ଅସି । ୩୬ ମୀରୁ ଏନିକଁ ଉଜେଡ଼ିତି ମୀରୁକା ମାସ୍କା ଆନ୍ଦେରି, ଏଦାଆଁତାକି ଉଜେଡ଼ି ମୀ ତାଣା ମାଞ୍ଜା ମାଞ୍ଜାନା ଉଜେଡ଼ିତା ନାମାଦୁ ।” ଜୀସୁ ଛ ବାରେ କାତା ଝେସାନା ହାଚେସି ଇଞ୍ଜାଁ ଏଞ୍ଜାରି ତାଣାଟି ଡ଼ଗୁନା ଡ଼ୟିଚେସି ।

ଲକ୍ତୁ ନାମାଆ ଗାଟାୟି

୩୭ ଏଞ୍ଜାରି ନକିତା ଏଚେକା କାବାଆନ୍ତି କାମାୟାଁ କିହାମାଚେସି, ଆଡ଼ିଜିକେଏ ଏଞ୍ଜାରି ଏଞ୍ଜାଣି ତାଣା ନାମା ହିଲାଇଆଚେରି, ୩୮ ଏନିକଁ ମାହାପୁରୁ ଅଣ୍ଡାପୁତି ବଲ୍ଲୁ ଝେହ୍ନି କିସାୟ ତାଣାଟି ରାଟାମାନି କାତା ପୁରା ଆନେ,

“ପୁରୁ ମା ହାଡ଼ା ଝେଞ୍ଜାନା ଆମ୍ବାଆସି ନାମା ମାନେସି ?

* ୧୨:୨୫ ୧୨:୨୫ ମାତି ୧୦:୩୯; ୧୨:୨୫; ମାର୍କ ୮:୩୫; ଲୁକ ୯:୨୪; ୧୭:୩୩

ଆମ୍ଭାଆରି ତାଣା ପ୍ରବୁ ତାନି ବାଡ଼ୁଲୁ ତସାମାନେସି ?”

୩୯ ଇଦାଆଁତାକି ଏଞ୍ଜାରି ନାମାଲି ଆଡ଼ିହିଲିଆତେରି, ଇଞ୍ଜା ଜିସାୟ ଏଲେଇଞ୍ଜାମାରେସି,

୪୦ ସାତେଏ ମାହାପୁରୁ ଏଞ୍ଜାରି କାଣକା କାଣା କିହାମାନେସି ।

ଏଦାଆଁତାକି ଏଞ୍ଜାରି ହିୟାତା ଏନାଆଁ ମେସାଲି ଆଡ଼ଅରି, ଇଞ୍ଜା ହିୟାତା ଏନାଆଁ ତେଲହାଲି ଆଡ଼ଅରି

ମାହାପୁରୁ ଏଲେଇଞ୍ଜି ମାନେସି,

“ନେହୁ ଆହାଲିତାକି ଏଞ୍ଜାରି ନା ତାଣା ଶ୍ରେଣ୍ଡା ଖାହିହିଲଅରି ।”

୪୧ ଜିସାୟ ଜୀସୁ କ୍ରୀସ୍ତତି ଗାଞ୍ଜୁରମି ମେସେସି ଏଦାଆଁତାକି ଏଞ୍ଜାରି ଏଞ୍ଜାଣି କାତା ଶ୍ରେସ୍ତେସି ।

୪୨ ଆଡ଼ିଜିକେଏ ଜାହୁଦି ଲକୁତି କାଜାରି ହାରେକା ଏଞ୍ଜାଣି ତାଣା ନାମିତେରି, ସାମା ଏଚେତା ଜୀହୁଦି କୁଲମିତି ପ୍ରେରହାନେରି ଇଞ୍ଜି ପାରୁସିୟା ଆଜିତାକି ବାରେଜାଣା ଏ କାତାବାର୍ତା ଆହି ହିଲିଆତେରି,

୪୩ ଇତିହୁ ଏଞ୍ଜାରି ମାହାପୁରୁ ତାଣାଟି ଗାଞ୍ଜୁରମି କିହା ମାଣସିୟା ତାଣାଟି ଗାଞ୍ଜୁରମି ଜୀସୁ ନହିମାଚେରି ।

ମାଣସିୟା ତାଣାଟି ଜୀସୁତି କାତା ବିଚାରା କିନାୟି

୪୪ ଜୀସୁ କାଜା ଗିୟାତଲେ ଏଲେଇଚେସି, “ଆମ୍ଭାଆସି ନା ତାଣା ନାମିନେସି, ଏଞ୍ଜାସି ନା ତାଣା ନାମଅସି, ସାମା ନାଜେ ପାଣ୍ଡାତାଣାଇଁ ନାମିନେସି; ୪୫ ଆମ୍ଭାଆସି ନାଜେ ମେସ୍ତାନେସି, ଏଞ୍ଜାସି ନାଜେ ପାଣ୍ଡାତାଣାଇଁ ମେହନେସି । ୪୬ ଆମ୍ଭାଆସି ନା ତାଣା ନାମିନେସି, ଏଞ୍ଜାସି ଏନିକ ଆନେରିତା ବାସା କିଅସି, ଏଦାଆଁତାକି ନାନୁ ଦାର୍ତତିତା ଉଜେଡି ଆହାନା ଖାହାମାଇଁ । ୪୭ ଆମ୍ଭାଆସି ନା ବଲୁ ଶ୍ରେଞ୍ଜାନା ମାନୁଞ୍ଜି ଆଅସି, ଆଡ଼ିହୁ ନାନୁ ଏଞ୍ଜାଣି ବିଚାରା କିଅ; ଇତିହୁ ନାନୁ ଦାର୍ତତିତା ବିଚାରା କିହାଲି ଖାଆନା ଦାର୍ତତି ଗେଲପାଲି ଖାହାମାଇଁ । ୪୮ ଆମ୍ଭାଆସି ନାଜେ ଅପଅସି ଅଡେ ନା ବଲୁତି ଆବଅସି, ନାନୁ ଏନି ବଲୁ ଜଲମାଇଁ, ନା ଗୁତିତ ବଲୁ ତାୟୁତି ଦିନାତା ଏଞ୍ଜାଣି ବିଚାରା କିନେ; ୪୯ ଇତିହୁ ନାନୁ ନା ତାଣାଟି ଜଲ ହିଲଅ, ସାମା ନାନୁ ଏନାଆଁ ଜଲିକି ଅଡେ ଏନାଆଁ ଶ୍ରେକଇଁ, ଏନାଆଁ ନାଜେ ପାଣ୍ଡାମାଞ୍ଜାନି ଆବା ହୁକୁମି ହାହାମାଞ୍ଜାନେସି ୫୦ ଇଞ୍ଜା ନାନୁ ପୁଞ୍ଜାମାଇଁ ତାନି ହୁକୁମି କାଲକାଲାକି ଜୀସୁ ହାନେ । ନା ଆବା ନାଜେ ଏନାଆଁ ଜଲଲି ହୁକୁମି ହାହାମାଞ୍ଜାନେସି, ଖାରଇ ଏଲେକିହୁ ଏ ଶ୍ରେହଇଁ ।”

୧୩

ଜୀସୁ ସୀସୁୟା କତାୟା ନରନାୟି

୧ ପିସପିଆନି ପାରୁ ନକେଏ ଜୀସୁ ଇ ଦାର୍ତତି ଆବା ତାଣା ହାନି କାରୁ ଆହାଲିଏ, ଦାର୍ତତିତା ମାନି ତାନି ଲକୁଣି ଏଞ୍ଜାସି ଜୀସୁ ନହୁ ମାଚେସି, ଏଞ୍ଜାରାଇଁ ହାରେକା ଜୀସୁ ନନାଣି ତସାମାନେସି ।

୨ ଜୀସୁ ତାନି ସୀସୁୟା ତଲେ ଲାଆୟା ତିନି ବେଲାତା ସୟତାନ ସିମନ ମୀରୁଏସି ଇସ୍ତାରିୟତ ଜୀହୁଦା ହିୟାତା ଜୀସୁଇଁ ସାଡୁ କେୟୁତା ହେରପାଲି ଅଣ୍ଡି କିହାମାଚେ । ୩ ଏରିବେଲା ଆବା ତାନି କେୟୁତା ବାରେ ହେରପା ମାନେସି ଅଡେ ଏଞ୍ଜାସି ମାହାପୁରୁ ତାଣାଟି ଖାହାମାନେସି, ଅଡେ ମାହାପୁରୁ ତାଣା ହାଜିମାନେସି, ୪ ଇଦାଆଁ ପୁଞ୍ଜାନା ରାନ୍ଦା ତିନି ତାଣାଟି ନିଜାମା, ତାନି ହିମ୍ବରି ଇତିତେସି ଇଞ୍ଜା ରୁଞ୍ଜାଲା ତାନି ଚେତେଲିତା ରୁପା କଡିତେସି । ୫ ତାୟୁ ଏଞ୍ଜାସି ମୁତାତା ଏୟୁ କଡିତେସି, ଅଡେ ସୀସୁୟାତି କତାୟା ନରହାନା ତାନି ଚେତେଲିତା ମାନି ତୁଞ୍ଜାଲା ତଲେ ଜେଜାଲି ମାଟହେସି । ୬ ଏରିବେଲା ଜୀସୁ ସିମନ ପିତର ଦାରିତା ଖାଡେସି; ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ପ୍ରବୁ ନୀନୁ ନା କତାୟା ନରୁହି ମାଞ୍ଜାଦି ?”

୭ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ଏନାଆଁ କିହିମାଇଁ ନାନୁ ନାଏ ଏଦାଆଁ ପୁଞ୍ଜାଲି ଆଡ଼ଅତି, ତାୟୁ ପୁଞ୍ଜି ।”

୮ ପିତର ଏଲେଇଚେସି, “ଆଏ, ନା କତାୟା ଏଚେଲାଖା ନରୁଅଅତି ।” ସାମା ଜୀସୁ ଏଲେଇଚେସି, “ନାନୁ ନୀ କତାୟା ନରୁଅଅତିହୁ ନାନୁ ଅଡେ ନା ସୀସୁ ଆୟାଲି ଆଡ଼ଅତି ।”

୯ ସିମନ ପିତର ଏଲେଇଚେସି, “ପ୍ରବୁ, ଆଡ଼ିହୁ କତାୟା ଏନାଆଁକି, ନା କେସ୍ତା ଅଡେ ତାୟୁ ଜିକେଏ ନରୁହାମୁ ।”

୧୦ ଜୀସୁ ଏଞ୍ଜାଣାଇଁ ଏଲେଇଚେସି, “ଆମ୍ଭାଆସି ଏୟୁ ମାହାମାନେସି, ଏଞ୍ଜାଣି କତାୟା ନରୁନି କିହା ଏନାୟି ଲଡା ହିଲେଏ, ମୀରୁ ଅବଞ୍ଜି ଆହାମାଞ୍ଜେରି; ସାମା ବାରେଜାଣା ଆଏ ।” ୧୧ ଇତିହୁ ଆମ୍ଭାଆସି ଏଞ୍ଜାଣାଇଁ ସାଡୁୟା କେୟୁତା ହେରପିନେସି ଜୀସୁ ତଲିଏ ଏଞ୍ଜାଣାଇଁ ପୁଞ୍ଜାମାଚେସି; ଏଦାଆଁତାକି ଏଞ୍ଜାସି ଏଲେଇଚେସି, “ମୀରୁ ବାରେଜାଣା ଅବଞ୍ଜି ଆହାହିଲଅରି ।”

୧୨ *ତାହୁଁ ଜୀବୁ ଏଞ୍ଜରୀ କତାୟାଁ ନରହାନା ତାନି ହିମ୍ବର ପରହାନା ଝେଣ୍ଡେ ତିଞ୍ଜାଲି କୁଗିତେସି ଇଞ୍ଜାଁ ଝେରେସି, “ନାନୁ ମିଙ୍ଗେ ତାକି ଏନାଆଁ କିହାମାଲ୍ ମୀରୁ ପୁଞ୍ଜାଲି ଆଡ଼ିତେର କି ? ୧୩ ମୀରୁ ନାଙ୍ଗେ ଗୁରୁ ଇଞ୍ଜାଁ ହାଡ଼ିମାଞ୍ଜାଦେରି, ଏଦି ସାତା; ଇଚିହଁ ନାନୁ ଏଞ୍ଜାତେଏ । ୧୪ ମୀ ଗୁରୁ ଅଡ଼େ ପ୍ରବୁତେଏଁ ନାନୁ, ନାନୁ ମୀ କତାୟାଁ ନରହାମାଞ୍ଜାଲ୍ ଆଡ଼ିହଁ ମୀରୁ ଜିକେଏ ରଅତେରି ରଅଣି କତାୟାଁ ନରନାୟି ମାନେ । ୧୫ ଇଚିହଁ ନାନୁ ମିଙ୍ଗେତାକି ଏନିକଁ କିହାମାଲ୍ ମୀରୁ ଜିକେଏ ଏଲେକିହଁ କିଦୁ, ଇଦାଆଁତାକି ଇଦାଆଁ ତସାମାଞ୍ଜାଲ୍ । ୧୬ *ସାତା ସାତା ନାନୁ ମିଙ୍ଗେ ଝେସିମାଞ୍ଜାଲ୍, ହଲେଏସି ତାନି ସାଞ୍ଜୁକାରି କିହାଁ କାଜାସି ଆଏ, ଅଡ଼େ ପାଣ୍ଡୁଡ଼ି ଆଡ଼ାସି ତାନି ପାଣ୍ଡୁତାଣା କିହାଁ କାଜାସି ଆଏ । ୧୭ ମୀରୁ ଇ ବାରେ ପୁଞ୍ଜାନା ଏଲେକଁ କିଦେରି ଇଚିହଁ ମୀରୁ ନେହାଁତେରି ।”

୧୮ “ନାନୁ ମୀ କାତା ଝେସିହିଲଅଁ; ଏନିଲେହେଁତ ଲକୁଣି ନାନୁ ଆଡ଼ାମାଲ୍, ଏ କାତା ନାନୁ ପୁଞ୍ଜାମାଲ୍; ସାମା ଦାମ୍ ପତିତି ଇ ବଲୁ ଏନିକଁ ପୁରା ଆନେ, ଇଦାଆଁତାକି ଇ ବାରେ ଆହିମାନେ, ‘ଆମ୍ବାଆସି ନା, କାଦି ତିନେସି ଏଞ୍ଜାସି ନା କପାଟି ନିଜିତେସି ।’ ୧୯ ଏଦି ଗଟ୍ଟି ଆନାଟି ନାନୁ ଏଞ୍ଜାତେଏଁ ଇଞ୍ଜାଁ ମୀରୁ ନାମିଦେରି, ଏଦାଆଁତାକି ଗଟ୍ଟି ଆନି ନକେଏ ନାନୁ ମିଙ୍ଗେ ଝେସିମାଞ୍ଜାଲ୍ । ୨୦ *ସାତା ସାତା ନାନୁ ମିଙ୍ଗେ ଝେସିମାଞ୍ଜାଲ୍, ଆମ୍ବାଆସି ନା ତାଣାଟି ପାଣ୍ଡୁଡ଼ି ଆଡ଼ାମାଲ୍ ଆବିନେସି, ଏଞ୍ଜାସି ନାଙ୍ଗେ ଆବାନେସି, ଅଡ଼େ ଆମ୍ବାଆସି ନାଙ୍ଗେ ଆବାନେସି ଏଞ୍ଜାସି ନାଙ୍ଗେ ପାଣ୍ଡୁତାଣାଲ୍ ଆବିନେସି ।”

ସାତୁୟାଁ କେୟୁତା ହେରୁପିନି କାତା ଝେହନାୟି
(ମାତି ୨୬:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜୀବୁ ଇ ବାରେ କାତା ଝେସି ତାହୁଁ ଜୀଞ୍ଜୁତା ହାରେକା ଦୁକୁ ଆହାନା ବାରେତି ନକିତା ଝେକହେସି, “ନାନୁ ମିଙ୍ଗେ ସାତା ଝେସିମାଞ୍ଜାଲ୍ ମୀ ବିତ୍ତାଟି ରଅସି ନାଙ୍ଗେ ସାତୁୟାଁ କେୟୁତା ହେରୁପାନେସି ।”

୨୨ ଏଞ୍ଜାସି ଆମ୍ବାଆସି କାତା ଏଲେଇରେସି, ପୁନାଆନା କାବାଆହାନା ସୀୟୁୟାଁ ତାମ୍ ତାମ୍ ସିନିକିଡ଼ି ଆଡ଼େରି । ୨୩ ଏଞ୍ଜାସି ବିତ୍ତାଟି ଏନିନ ସୀୟୁୟାଁ ଜୀବୁ ହାରେକା ଜୀଞ୍ଜୁ ନହଁ ମାରେସି, ଏଞ୍ଜାସି ଜୀୟୁତି ଠିଞ୍ଜନିଞ୍ଜାକି କୁଗାନା ତିଞ୍ଜିମାରେସି । ୨୪ ସିମନ ପିତର ଏଞ୍ଜାଣାଲ୍ କେୟୁତଲେ ଏଲେଇରେସି, “ଏଞ୍ଜାସି ଆମ୍ବାଆସି କାତା ଏଲେଇଞ୍ଜା ମାନେସି, ଏଦାଆଁ ଝେଞ୍ଜୁ ।”

୨୫ ଏ ସୀୟୁ ଅଡ଼େ ତାଗେ ଆହାନା ଜୀୟୁୟାଁ ଝେରେସି, “ଏଞ୍ଜାସି ଆମ୍ବାଆସି ପ୍ରବୁ ।”

୨୬ ଜୀବୁ ଏଲେଇରେସି, “ଇ ରୁଟି ଗିନାତା କୁଟି କିହାନା ହୀୟାଁ ଏଞ୍ଜାସି ।” ଏଲେଇଞ୍ଜାନା ଜୀୟୁ ରୁଟି ଗିନାତା କୁଟି କିହାନା ସିମନ ମୀରୁଏସି ଇସ୍ତାରିୟତ ଜୀହୁଦାକି ହୀତେସି । ୨୭ ରୁଟି ରାସାଲିଏ ସୟତାନା ଏଞ୍ଜାଣି ହିୟାଁତା ହଟେ । ଏଚେଟିଏ ଜୀବୁ ଏଲେଇରେସି, “ଏନାଆଁ କିନାୟିମାନେ ତବେ କିମ୍ ।”

୨୮ ଜୀବୁ ଏଞ୍ଜାଣାଲ୍ ଇ କାତା ଏନାଆଁତାକି ଏଲେଇରେସି ଏଡ଼କାତାରି ଆମ୍ବାଆସି ପୁଞ୍ଜାଲି ଆଡ଼ାଆତେରି । ୨୯ ଜୀହୁଦା କେୟୁତା ଚାକାୟାଁ ମଣା ମାତାକି, ପାର୍ବୁତାକି ଏନା ଏନାଆଁ ଲଡ଼ାମାନେ, ଏଦାଆଁ କତାଲି ଆଆଡ଼ କାକୁଲି ଗାଟାରାକି ହାହାଲିତାକି ଜୀବୁ ଏଞ୍ଜାଣାଲ୍ ଏଲେଇରେସି ଇଞ୍ଜାଁ ଆମ୍ବା ଆମ୍ବାଆସି ଅଣ୍ଡିପିତେରି ।

୩୦ ରୁଟି ତିଞ୍ଜାନା ଜୀହୁଦା ଏ ଦେବୁଣିଏ ପାଞ୍ଜାତା ହାଚେସି, ଏଡ଼େତା ଲାଆଁୟାଁ ଆହାମାଚେ ।

ପୁଞ୍ଜନି ମେରା

୩୧ ଜୀହୁଦା ପାଞ୍ଜାତା ହାଜାଲିଏ ଜୀବୁ ଏଲେଇରେସି, “ନୀଏଁ ମାଣସି ମୀରୁଏସି ଗାଞ୍ଜୁରମି ଆନି ବେଲା ଖାହାମାନେ; ଅଡ଼େ ତାନିତାଣାଟି ମାହାପୁରୁ ଗାଞ୍ଜୁରମି ଆନେସି । ୩୨ ମାହାପୁରୁ ମାଣସି ମୀରୁଏଣା ତାଣାଟି ଗାଞ୍ଜୁରମି ଆଡ଼ିହଁ, ମାହାପୁରୁ ତାନୁଏ ଗାଞ୍ଜୁରମିଟି ମାଣସି ମୀରୁଏଣାଲ୍ ଗାଞ୍ଜୁରମି କିନେସି । ତବେ ଏଞ୍ଜାଣାଲ୍ ଗାଞ୍ଜୁରମି କିହାଲି ହାଜିମାନେସି । ୩୩ *କକାତେରି ନାନୁ ଅଡ଼େ ଗାତି ଦିନା ତୁୟଅଁ, ମୀରୁ ନାଙ୍ଗେ ପାରାଦେରି, ସାମା ନାନୁ ଆମ୍ବିୟା ହାଜିମାଲ୍ ମୀରୁ ଏମ୍ବାଆଁ ହାଜାଲି ଆଡ଼ଅତେରି, ଇ କାତା ଜୀହୁଦି ଲକୁଟି କାଜାରାଲ୍ ଏଲେଇଞ୍ଜା ମାଚେଏଁ ଏଲେକିହଁ ମିଙ୍ଗେ ଜିକେଏ ଝେସିମାଞ୍ଜାଲ୍ । ୩୪ *ମୀରୁ ରଅତେରି ରଅଣାଲ୍ ଜୀଞ୍ଜୁନଦୁ, ଇ ପୁଞ୍ଜନି ମେରା ମିଙ୍ଗେ ହୀହିମାଞ୍ଜାଲ୍; ନାନୁ ଏନିକଁ ମିଙ୍ଗେ ଜୀଞ୍ଜୁନହାଁମାଞ୍ଜାଲ୍, ମୀରୁ ଜିକେଏ ଏଲେକିହଁ ଏ ରଅତେରି ରଅଣାଲ୍ ଜୀଞ୍ଜୁନଦୁ । ୩୫ ମୀ ତାଣା ରଅସି ରଅଣାଲ୍ ଜୀଞ୍ଜୁନନାୟି ମାନେ, ଆଡ଼ିହଁ ମୀରୁ ନା ସୀୟୁୟାଁତେରି, ଇ କାତା ବାରେଜାଣା ପୁନେସି ।”

* ୧୩:୧୨ ୧୩:୧୨ ଲୁକ ୨୨:୨୭ * ୧୩:୧୬ ୧୩:୧୬ ମାତି ୧୦:୨୪; ଲୁକ ୬:୪୦; ଜହ ୧୫:୨୦ * ୧୩:୨୦ ୧୩:୨୦ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭ * ୧୩:୩୩ ୧୩:୩୩ ଜହ ୭:୩୪ * ୧୩:୩୪ ୧୩:୩୪ ଜହ ୧୫:୧୨,୧୭; ୧୬ଜହ ୩:୨୩; ୨ଜହ ୧:୫

ପିତର ପୁଞ୍ଜାହିଲଅଁ ଇନି କାତା ତଲିଏ ଖେହ୍ନାୟି
(ମାତି ୨୭:୩୧-୩୫; ମାର୍କି ୧୪:୨୭-୩୧; ଲୁକ ୨୨:୩୧-୩୪)

୩୭ ସିମନ ପିତର ଏଞ୍ଜାଣାଇଁ ଖେରେସି, “ପ୍ରବୁ ନୀନୁ ଆମ୍ବିୟା ହାଜିମାଞ୍ଜି ?”

ଜୀସୁ ଏଲେଇରେସି, “ନୀନୁ ଆମ୍ବିୟା ହାଜିମାଇଁ, ନୀନୁ ନୀଏଁ ନା ଜେତ ଜେତ ହାଜାଲି ଆଡ଼ଅଡ଼ି, ସାମା ତାମୁ ହାଜି ।”

୩୮ ପିତର ଏଞ୍ଜାଣାଇଁ ଏଲେଇରେସି, “ପ୍ରବୁ ନୀଏଁ ନୀନୁ ଏନାଆଁକି ହାଜାଲି ଆଡ଼ଅଁ ? ନୀନୁ ନୀ ତାକି ନା ଜୀସୁ ଜିକେଏ ହାଜି ।”

୩୯ ଜୀସୁ ଏଲେଇରେସି, “ଏନାଆଁ ନୀନୁ ନା ତାକି ନୀ ଜୀସୁ ହାଦି ? ନୀନୁ ନିଜେ ସାତା ଖେସିମାଞ୍ଜାଇଁ, କମୁ କେଶିଆ ନକେଏ ନୀନୁ ନାଜେ ତାନିପାଲି ପୁଞ୍ଜାହିଲଅଁ ଇଞ୍ଜିଁ ଇଞ୍ଜାଦି ।”

୧୪

ଜୀସୁ ଜିରୁ, ସାତା ଅଡ଼େ ଜୀସୁ

୧ “ମୀ ହିୟାଁ ଆତାଜାକା ଆଆପେ; ମୀରୁ ମାହାପୁରୁ ତାଣା ନାମାଦୁ, ଅଡ଼େ ନା ତାଣା ଜିକେଏ ନାମାଦୁ । ୨ ନା ଆବାତି ଇଜ ହାରେକା ବାସାଗାମୁ ମାନେ; ବାସାଗାମୁ ହିଲାଆତିହିଁ ମା ନୀନୁ ମିଜେ ଖେସ୍ତାଆତେଏଁମା, ନୀନୁ ମିଜେତାକି ଚାମୁ ତିୟାରା କିହାଲି ହାଜିମାଇଁ; ୩ ଅଡ଼େ ନୀନୁ ହାଜାନା ମିଜେତାକି ଚାମୁ କେପିତି ତାମୁ, ଖେଣ୍ଡେ ଖାଲ୍, ଅଡ଼େ ନୀନୁ ଆମ୍ବିୟା ମାଇଁ, ମୀରୁ ଜିକେଏ ଏନିକିଁ ଏ ଚାମୁତା ତୁୟିଦେରି, ଏଦାଆଁତାକି ମିଜେ ଏ ଚାମୁତା ଅହିଁ ହାଜାଇଁ । ୪ ନୀନୁ ଆମ୍ବିୟା ହାଜିମାଇଁ ଏ ଜିରୁ ପୁଞ୍ଜାମାଞ୍ଜେରି ।”

୫ ତମା ଏଲେଇରେସି, “ପ୍ରବୁ, ନୀନୁ ଆମ୍ବିୟା ହାଜିମାଞ୍ଜି, ମାମୁ ପୁଞ୍ଜାହିଲଅମି, ଏମ୍ବିୟା ହାଜି ଏ ଜିରୁତି ଏନିକିଁ ପୁନମି ?”

୬ ଜୀସୁ ଏଲେଇରେସି, “ନୀନୁ ଜିରୁ, ସାତା ଅଡ଼େ ଜୀସୁତେଏଁ; ନା ତାଣାଟି ତାକାଆସାରେ ଆମ୍ବାଆସି ଆବା ତାଣା ହାଜାଲି ଆଡ଼ଅସି । ୭ ମୀରୁ ନାଜେ ପୁଞ୍ଜାତିହିଁ ମା, ନା ଆବାଇଁ ଜିକେଏ ପୁରେରିମା; ନୀଏଁ ଜିକେଏ ଏଞ୍ଜାଣାଇଁ ପୁଞ୍ଜାମାଞ୍ଜେରି ଅଡ଼େ ଏଞ୍ଜାଣାଇଁ ମେସାମାଞ୍ଜେରି ।”

୮ ପିଲିପ ଏଞ୍ଜାଣାଇଁ ଏଲେଇରେସି, “ପ୍ରବୁ, ମାଜେ ଆବାଇଁ ତସ୍ତାମୁ, ଏରେକେଏ ମାଜେତାକି ସାରି ।”

୯ ଜୀସୁ ଏଲେଇରେସି, “ପିଲିପ ଇଚର ଦିନା ନୀନୁ ମୀ ତଲେ ତୁୟାମାଇଁ, ମୀରୁ ଏନାଆଁ ନାଜେ ପୁଞ୍ଜାଆତେରି ? ଆମ୍ବାଆସି ନାଜେ ମେସାମାଞ୍ଜାନେସି ଏଞ୍ଜାସି ଆବାଇଁ ମେସାମାନେସି; ମାଜେ ଆବାଇଁ ତସ୍ତାମୁ ଇଞ୍ଜିଁ ଏନିକିଁ ଏଲେ ଇଞ୍ଜିମାଞ୍ଜି ? ୧୦ ନୀନୁ ଆବା ତାଣା ଅଡ଼େ ଆବା ନା ତାଣା ମାନେସି, ଇ କାତା ଏନାଆଁ ମୀରୁ ନାମିହିଲଅତେରି ? ନୀନୁ ମିଜେ ଏମିନି କାତା ଖେସିମାଞ୍ଜାଇଁ, ଏ ବାରେ ନା ତାଣାଟି ଖେସିମାଞ୍ଜଅଁ, ସାମା ଆବା ନା ତାଣା ମାଞ୍ଜାନା ତାନି କାମା କିହିମାନେସି । ୧୧ ନୀନୁ ଆବା ତାଣା ମାଇଁ ଅଡ଼େ ଆବା ନା ତାଣା ମାନେସି ଇ କାତା ନାମାଦୁ, ଆଆତାଁ କାମାତି ମେସାନା ନାମାଦୁ । ୧୨ ନୀନୁ ମିଜେ ସାତା ଖେସିମାଞ୍ଜାଇଁ, ଆମ୍ବାଆସି ନା ତାଣା ନାମିନେସି, ନୀନୁ ଏନି ଏନି କାମା କିହିମାଇଁ, ଏଞ୍ଜାସି ଜିକେଏ ଏ ବାରେ କିନେସି, ଅଡ଼େ ଏ ବାରେକିହାଁ ହାରେକା କାଜା କାମା କିନେସି, ଇଚିହିଁ ନୀନୁ ଆବା ତାଣା ହାଜିମାଇଁ । ୧୩ ଆବା ଏନିକିଁ ମୀରୁଏଣା ତାଣା ଗାଝୁରିମି ଆନେସି, ଏଦାଆଁତାକି ମୀରୁ ନା ଦରୁଚି ଏନାଆଁ ରାହ୍‌ଦେରି, ଏ ବାରେ ନୀନୁ ହିୟାଇଁ । ୧୪ ମୀରୁ ନା ଦରୁଚି ଏନାଆଁ ନାଜେ ରାସ୍ତାଦେରି, ନୀନୁ ମିଜେ ଏ ବାରେ ହିୟାଇଁ ।”

ସୁଦୁଜୀସୁତି ହାହାଲି ଆଞ୍ଜିନାୟି

୧୫ “ମୀରୁ ନାଜେ ଜୀସୁନହିଁ ମାଞ୍ଜାଦେରି, ଆତିହିଁ ନା ହୁକୁମି ମାନଞ୍ଜି ଆଦୁ । ୧୬ ଅଡ଼େ ନୀନୁ ନା ଆବାଇଁ ବାତିମାଲିଇଁ, ଅଡ଼େ ମୀ ତଲେ କାଲେଏ ତୁୟାଲି ତାକି ଏଞ୍ଜାସି ମିଜେ ଅଡ଼େ ର ସାୟେମି କିନାଣାଇଁ, ୧୭ ଇଚିହିଁ ଏ ସାତା ଜୀସୁତି ହିୟାନେସି । ଦାରୁତି ଏଦାଣି ଆବାଲି ଆଡ଼େଏ, ଇଚିହିଁ ଦାରୁତି ଏଦାଣି ମେସା ହିଲେଏ କି ପୁଞ୍ଜା ହିଲେଏ; ମୀରୁ ଏଦାଣି ପୁଞ୍ଜାମାଞ୍ଜେରି, ଇଚିହିଁ ଏଦି ମୀ ତଲେ ମାନେ, ଅଡ଼େ ଏଦି ମୀ ହିୟାଁତା ତୁୟିନେ ।”

୧୮ “ନୀନୁ ମିଜେ କାମା କିହା ହାଜଅଁ, ନୀନୁ ମୀ ତାଣା ଖେଣ୍ଡା ଖାଲ୍ । ୧୯ ଗାଡ଼େକା ଜେତ ଦାରୁତି ଅଡ଼େ ନାଜେ ମେସାଲି ଆଡ଼େଏ; ସାମା ମୀରୁ ନାଜେ ମେସାଦେରି, ଇଚିହିଁ ନୀନୁ ନୀତାମାଇଁ, ଅଡ଼େ ମୀରୁ

ଜିକେଏ ନୀତାନା ତୃୟିଦେରି । ୨୦ ନାନୁ ନା ଆବା ତାଣା ଅଡେ ମୀରୁ ନା ତାଣା ଅଡେ ନାନୁ ମୀ ତାଣା ତୃୟିଇଁ, ଇଦାଆଁ ଏ ଦିନା ମୀରୁ ପୁଞ୍ଜେରି ।”

୨୧ “ଆମ୍ବାଆସି ନା ହୁକୁମି ଆବାହାଁ ମାନୁଞ୍ଜି ଆନେସି, ଏଝାସି ନାଜେ ଜୀଝୁ ନୟାଁନେସି, ଅଡେ ଆମ୍ବାଆସି ନାଜେ ଜୀଝୁ ନୟାଁନେସି, ନା ଆବା ଏଝାଣାଇଁ ଜୀଝୁ ନନେସି, ଅଡେ ନାନୁ ଏଝାଣାଇଁ ଜୀଝୁ ନଇଁ ଅଡେ ଏଝାଣି ତାଣା ତସାକତଇଁ ।”

୨୨ ଜୀହୁଦା* ଏଝାଣାଇଁ ଏଲେଇଚେସି, “ଏ ପ୍ରବୁ, ଏନାଆଁ ଆଡେ, ନୀନୁ ଦାର୍ତ୍ତିତା ନିଜେ ତସା କଡାଆନା ମା ତାଣା ତସିମାଞ୍ଜାଦି ?”

୨୩ ଜୀପୁ ଏଝାଣାଇଁ ଏଲେଇଚେସି, “ଆମ୍ବାଆସି ନାଜେ ଜୀଝୁ ନୟାଁନେସି ଆତିହଁ ଏଝାସି ନା ବଲୁତି ମାନୁଞ୍ଜି ଆନେସି, ଅଡେ ନା ଆବା ଏଝାଣାଇଁ ଜୀଝୁ ନନେସି, ଅଡେ ନାନୁ ଏଝାଣି ତାଣା ଖାହାନା ଏଝାଣିତଲେ ବସା କିଇଁ । ୨୪ ଆମ୍ବାଆସି ନାଜେ ଜୀଝୁ ନୟାଁଅସି, ଏଝାସି ନା ବଲୁତି ମାନୁଞ୍ଜି ଆଅସି, ଅଡେ ମୀରୁ ଏମିନି ବଲୁ ଖେଞ୍ଜାମାଞ୍ଜେରି, ଏଦି ନାଦି ଆଏ, ସାମା ନାଜେ ପାଣ୍ଡାମାଞ୍ଜାନି ଆବା ମାହାପୁରୁଝାୟି ।”

୨୫ “ନାନୁ ମୀ ତାଣା ମାଞ୍ଜା ମାଞ୍ଜାନା ମିଜେ ଈ କାତା ଖେସ୍ତାଚେଏ । ୨୬ ସାମା ଏ ସାତ୍ତେମି କିନାୟି, ଇତିହଁ ଏମିନି ସୁଦୁଜୀଝୁ ଆବା ନା ଦରୁଡି ହିୟାନେସି, ଏଦି ମିଜେ ବାରେ ଜାପୁହାଣେ, ଅଡେ ନାନୁ ମିଜେ ଏନା ଏନାଆଁ ଖେସାମାଞ୍ଜାଇଁ, ଏ ବାରେ ମିଜେ ଅଣପି କିୟାନେ ।”

୨୭ “ନାନୁ ମିଜେ ହିଡ଼ି ହାହାନା ହାଜିମାଇଁ, ନା ହିଡ଼ି ମିଜେ ଦାନା କିହିମାଞ୍ଜାଇଁ; ଦାର୍ତ୍ତି ଏନିକଁ ଦାନା କିନେ ନାନୁ ମିଜେ ଏଲେକଁ ଦାନା କିହିହିଲଅଁ, ମୀ ହିୟାଁ କିଲିବିଲି ଅଡେ ଆଜି ଗାଟାୟି ଆଆପେ । ୨୮ ନାନୁ ହାଜିମାଇଁ ଅଡେ ମୀ ତାଣା ଖେଶ୍ତା ଝାଇଁ, ଈ ନା କାତା ଖେଞ୍ଜାମାଞ୍ଜେରି । ମୀରୁ ନାଜେ ଜୀଝୁ ନୟାତିହଁ ମା, ନାନୁ ନା ଆବା ତାଣା ହାଜିମାଇଁ ଇଞ୍ଜଁ ରାହାଁ କିଚେରିମା, ଇତିହଁ ଆବା ନା କିହାଁ କାଜାସି । ୨୯ ଏନାୟି ବାରେ ଗଟଞ୍ଜି ଆନାୟି ମାନେ, ଏ ନକେଏ ନାନୁ ମିଜେ ଖେସ୍ତାଚେଏ । ଏ ବାରେ ଗଟଞ୍ଜି ଆଡିସାରେ ମୀରୁ ନାଜେ ନାମାଦେରି । ୩୦ ନାନୁ ମୀ ତଲେ ହାଚେକା କାତା ଆୟଅଁ, ଇତିହଁ ଦାର୍ତ୍ତିତା ସାଲୁଞ୍ଜି କିନାୟି ଖାହିମାନେ; ଅଡେ ନା ତାଣା ତାନିଝାୟି ଏନାୟି ହିଲେଏ; ୩୧ ସାମା ଆବା ନାଜେ ଏନିକଁ ହୁକୁମି ହାହାମାଞ୍ଜାନେସି, ଏଲେକିହଁ ନାନୁ କାମା କିଇଁ । ଆତିହଁ ନାନୁ ଆବାଇଁ ଜୀଝୁ ନହଁ ମାଇଁ ଇଞ୍ଜଁ ଦାର୍ତ୍ତି ପୁନେ ।”

“ଝାଦୁ ମାର, ଇମ୍ବାଟି ହାନ ।”

୧୫

ଜୀସୁ ସାତା ଅଛୁରି ମାଡ଼ା

୧ “ନାନୁ ସାତା ଅଛୁରି ମାଡ଼ା, ଅଡେ ନା ଆବା କାମାକିନାସି । ୨ ନା ତାଣା ମାନି ଏମିନି କମା ପାଡେଡିୟି ଆୟେଏ, ଏଦାନି ଏଝାସି ଚୁଣହାତୁହନେସି; ଅଡେ ଏମିନି କମା ପାଡେଡିୟି ଆୟିନେ, ଗାଡି ପାଡେଡିୟି ଆୟାଲି ତାକି ଜାଡନୁ କିନେସି । ୩ ନାନୁ ମିଜେ ଏମିନି ବଲୁ ଖେସାମାଞ୍ଜାଇଁ, ଏଦାଆଁତାକି ଜାଡନୁ ଆହାମାଞ୍ଜେରି । ୪ ନା ତାଣା ତୃୟାଦୁ ଆତିହଁ ନାନୁ ମୀ ତାଣା ତୃୟିଇଁ । କମା ଏନିକଁ ଅଛୁରି ମାଡ଼ାତା ତୃୟାଆସାରେ ତାନିତାଣାଟି ପାଡେଡିୟି ଆୟାଲି ଆଡେତଏ, ଏଲେକିହଁ ଏ ମୀରୁ ଜିକେଏ ନା ତାଣା ତୃୟାଆସାରେ ପାଡେଡିୟି ଆୟାଲି ଆଡ଼ଅଡେରି ।”

୫ “ନାନୁ ଅଛୁରି ମାଡ଼ା ମୀରୁ କମାୟାଁ, ଆମ୍ବାଆସି ନା ତାଣା ତୃୟିନେସି ଅଡେ ନାନୁ ଆମ୍ବାଆସି ତାଣା ତୃୟିଇଁ, ଏଝାସି ହାଚେକା ପାଡେଡିୟି ଆୟିନେସି; ଇତିହଁ ନା ପିସପେ ମୀରୁ ଏନାଆଁ କିହାଲି ଆଡ଼ଅଡେରି । ୬ ଆମ୍ବାଆସି ନା ତାଣା ତୃୟାଅସି, ଆତିହଁ ଏଝାସି କମା ଲେହେଁ ପାଞ୍ଜାତା ମେଡ଼ସି ଆନେସି ଅଡେ ଝାୟା ହାନେସି, ଇଞ୍ଜାଁ ଲକୁ ଏଝାଆଁ କୁଡି କିହାନା ହିରୁତା ମେଡ଼ନେରି ଅଡେ ଏଞ୍ଜି ବାରେ ଖେହାହାନୁ । ୭ ମୀରୁ ନା ତାଣା ତୃୟିଦେରି, ଅଡେ ନା ବଲୁ ମୀ ତାଣା ତୃୟିନେ, ଆତିହଁ ମୀରୁ ଏନାଆଁ ମନ କିଦେରି, ଏଦାଆଁ ରାହୁଦୁ, ଆତିହଁ ଏଦି ମିଜେତାକି କିଞ୍ଜିଆନେ । ୮ ମୀରୁ ହାଚେକା ପାଡେଡିୟି ଆୟିସାରେ ନା ଆବା ଗାଝୁରିମି ଆନେସି, ଅଡେ ମୀରୁ ନା ସାତା ସାପୁ ଆଡେରି । ୯ ଏନିକଁ ଆବା ନାଜେ ଜୀଝୁ ନହାଁମାଞ୍ଜାନେସି, ନାନୁ ଜିକେଏ ଏଲେକିହଁ ଏ ମିଜେ ଜୀଝୁନହାଁମାଞ୍ଜାଇଁ; ନା ଜୀଝୁ ନଝୁତା ତାରିଆହାନା ତୃୟାଦୁ । ୧୦ ନାନୁ ଏନିକଁ ନା ଆବାଟି ହୁକୁମି ମାନୁଞ୍ଜି ଆହାନା ତାନି ଜୀଝୁ ନଝୁତା ତାରିଆହାନା ତୃୟିମାଇଁ, ଏଲେକିହଁ ଏ ମୀରୁ ଜିକେଏ ନା କାତା ମାନୁଞ୍ଜି ଆଦେରି, ଆତିହଁ ନା ଜୀଝୁ ନଝୁତା ତାରିଆହାନା ତୃୟିଦେରି ।”

* ୧୪:୨୨ ୧୪:୨୨ ଇସାରିୟତ ଜୀହୁଦା ଆଏ

୧୧ “ଏନିକିଁ ନା ରାହାଁ ମୀ ତାଣା ଡୟିନେ, ଅଡ଼େ ମୀ ରାହାଁ ଏନିକିଁ ପୁରାଆନେ, ଏଦାଆଁତାକି ଛ ବାରେ ମିଙ୍ଗେ ଝେସ୍ତାତେଏଁ । ୧୨ ନାନୁ ଏନିକିଁ ମିଙ୍ଗେ ଜୀଝୁନହାଁମାଞ୍ଜାଇଁ, ମୀରୁ ଜିକେଏ ଏଲେକିହଁଏ ରଅତେରି ରଅଣାଇଁ ଜୀଝୁନପୁ, ଛଦି ନା ହୁକୁମି । ୧୩ ଜାହାରା ତଡ଼େସିଙ୍ଗା ତାକି ଜୀଝୁହାନି କିହାଁ ଅଡ଼େ କାଜା ଜୀଝୁନନାୟି ହିଲେଏ । ୧୪ ନାନୁ ମିଙ୍ଗେ ଆମିନି ହୁକୁମି ହାହାମାଞ୍ଜାଇଁ, ଏଦାଆଁ ମୀରୁ ମାନୁଝି ଆଦେରି ଆତିହଁ ମୀରୁ ନା ତଡ଼େସିଙ୍ଗା । ୧୫ ନାନୁ ମିଙ୍ଗେ ଅଡ଼େ ହଲେଏସି ଇଞ୍ଜିଁ ମାଞ୍ଜିଅଁ, ଇତିହଁ ସାଝୁକାରି ଏନାଆଁ କିନେସି, ହଲେଏସି ଏଦାଆଁ ପୁନଅସି, ସାମା ନାନୁ ମିଙ୍ଗେ ତଡ଼େ ଇଞ୍ଜିମାଞ୍ଜାଇଁ, ଇତିହଁ ନାନୁ ନା ଆବା ତାଣାଟି ଏନା ଏନାଆଁ ଝେଞ୍ଜାମାଇଁ, ଏ ବାରେ ମିଙ୍ଗେ ଝେସାମାଞ୍ଜାଇଁ । ୧୬ ମୀରୁ ନାଙ୍ଗେ ଆଡ଼ା ମାଞ୍ଜଅତେରି, ସାମା ନାନୁ ମିଙ୍ଗେ ଆଚାମାଞ୍ଜାଇଁ, ଅଡ଼େ ମୀରୁ ଏନିକିଁ ପାଡ଼େୟି ଆୟାଲି ଆଡ଼ିଦେରି ଅଡ଼େ ମୀ ପାଡ଼େୟି ତାରିଆହାନା ଡୟିନେ, ଏଦାଆଁତାକି ମିଙ୍ଗେ ଆଚାମାଞ୍ଜାଇଁ । ଏଚେଟିଏ ମୀରୁ ନା ଦରୁତଲେ ଆବାଇଁ ଏନାଆଁ ରାହଦେରି ଏଝାସି ମିଙ୍ଗେ ହିୟାନେସି । ୧୭ ମୀରୁ ଏନିକିଁ ରଅତେରି ରଅଣାଇଁ ଜୀଝୁ ନଡ଼େରି, ଏଦାଆଁତାକି ନାନୁ ଛ ବାରେ ହୁକୁମି ହାହାମାଞ୍ଜାଇଁ ।”

ଦାରୁତି ଅପାଆଗାଟାୟି

୧୮ “ଦାରୁତି ମିଙ୍ଗେ ଅପେଏ, ଆତିହଁ ମିଙ୍ଗେ ଅପାଆ ନକେଏ ନାଙ୍ଗେ ଅପାମାଞ୍ଜେଏ, ଛଦାଆଁ ପୁଞ୍ଜାମାଞ୍ଜୁ । ୧୯ ମୀରୁ ଦାରୁତିତାତେରି ଆହାମାଟିହଁମା, ଦାରୁତି ମିଙ୍ଗେ ନା ଲକୁ ଇଞ୍ଜିଁ ପୁଞ୍ଜାନା ଜୀଝୁ ନୟାତେମା; ମୀରୁ ଦାରୁତିଟି ଝାହା ହିଲଅତେରି, ସାମା ନାନୁ ମିଙ୍ଗେ ଦାରୁତିଟି ଆଚାମାଞ୍ଜାଇଁ, ଏଦାଆଁତାକି ଦାରୁତି ମିଙ୍ଗେ ଅପେଏ । ୨୦ ହଲେଏସି ସାଝୁକାରି କିହାଁ କାଜାସି ଆଏ, ନାନୁ ମିଙ୍ଗେ ଏମିନି ବଲୁ ଝେସାମାଞ୍ଜାଇଁ, ଏଦାଆଁ ଅଣପାଦୁ । ଏଝାରି ନାଙ୍ଗେ ସାସ୍ତି ହାହାମାଞ୍ଜାନେରି, ଆତିହଁ ମିଙ୍ଗେ ଜିକେଏ ସାସ୍ତି ହିୟାନେରି; ଅଡ଼େ ଏଝାରି ନା ବଲୁଟି ମାନୁଝି ଆହାମାନେରି, ଆତିହଁ ମୀ ବଲୁ ଜିକେଏ ମାନୁଝି ଆନେରି । ୨୧ ସାମା ଏଝାରି ନାଙ୍ଗେ ପାଣ୍ଡାତାଣାଇଁ ପୁଞ୍ଜାହିଲାଆକି, ନା ଦରୁ ତାକି ମିଙ୍ଗେ ଛ ବାରେ ଆନେ । ୨୨ ନାନୁ ଝାହାନା ଏଝାରାଇଁ ଝେହୁଆତିହଁ, ଏଝାରି ପାପୁ ଗାଟାରି ଆଆତେରିମା; ସାମା ନାଏଁ ଛ ପାପୁ ତାକି ଏନି ମିଟି କାତା ଝେସାଲି ଆଡ଼ଅରି ୨୩ ଆମ୍ବାଆସି ନାଙ୍ଗେ ଅପଅସି, ଏଝାସି ନା ଆବାଇଁ ଜିକେଏ ଅପଅସି । ୨୪ ନାନୁ ଏଝାରିତାଣା ଏନି କାବାଆନି କାମା କିହାହିଲାଆତେ, ଏଝାରି ପାପୁ ଗାଟାରି ଇଞ୍ଜିଁ ଏଜିକିଝି ଆଆତେରିମା । ସାମା ନା ବାରେ କାମା ମେସାନା ଜିକେଏ ଏଝାରି ନାଙ୍ଗେ ଅଡ଼େ ନା ଆବାଇଁ ଅପାହିଲଅରି । ୨୫ ସାମା ଏଝାରି ନାଙ୍ଗେ ଉଜେଏ ଅପାମାଞ୍ଜଅରି, ମସା ମେରାତା ରାୟିକି ଆହାମାନାୟି ଏନିକିଁ ପୁରା ଆନେ ଛଦାଆଁତାକି ଛ ବାରେ ଆହିମାନେ ।”

୨୬ “ଆବା ତାଣାଟି ନାନୁ ମୀ ତାଣା ଏମିନି ସାଡ଼େୟି କିନାଣି ପାଣ୍ଡାଇଁ, ଆବା ତାଣାଟି ଝାନ୍ତି ଏ ସାତା ଜୀଝୁ ଝାଡ଼ିହଁ ନା କାତା ସାକି ହିୟାନେ; ୨୭ ମୀରୁ ଜିକେଏ ନା କାତାତାକି ସାକି ହାଦେରି, ଇତିହଁ ମୁଲୁଟିଏ ମୀରୁ ବାରେ ନା ତଲେ ମାଚେରି ।”

୧୭

୧ “ମୀ ନାମୁତି ଏନିକିଁ ପିହୁଅତେରି, ଛଦାଆଁତାକି ଛ ବାରେ କାତା ଝେସାମାଞ୍ଜାଇଁ । ୨ ଏଝାରି ମିଙ୍ଗେ କୁଲମଟି ହପୁହାନେରି, ଇଲେଟି ଦିନା ଝାହିମାନେ, ଏଚେତା ଆମ୍ବାଆସି ମିଙ୍ଗେ ପାୟାନେସି, ଏଝାସି ମାହାପୁରୁ ତାକି ଜହରାତି ପୂଜା କିହିମାଇଁ ଇଞ୍ଜିଁ ଅଣପିନେସି । ୩ ଲକୁ ଛ ବାରେ କିୟାନେରି, ଇତିହଁ ଏଝାରି ଆବା ଆଆତେ ନାଙ୍ଗେ ପୁଞ୍ଜାମାଞ୍ଜଅରି । ୪ ଛ ବାରେ ଗଟଝି ଆଡ଼ିସାରେ, ନାନୁ ମିଙ୍ଗେ ଝେସାମାଞ୍ଜାତେଏଁ ଛ କାତା ମୀରୁ ଏନିକିଁ ଅଣପିଦେରି, ଛଦାଆଁତାକି ଛ ବାରେ କାତା ମିଙ୍ଗେ ଝେସାମାଞ୍ଜାଇଁ । ନାନୁ ମୀ ତଲେ ମାଚାକି ମୁଲୁଟିଏ ଛ ବାରେ କାତା ମିଙ୍ଗେ ଝେସାମାଞ୍ଜଅଁ ।”

ସୁରୁଜୀଝୁତି କାମା

୫ “ସାମା ନାନୁ ନାଏଁ ନା ପାଣ୍ଡାତାଣା ତାଣା ହାଜିମାଇଁ, ଅଡ଼େ ମୀରୁ ଆମ୍ବିୟା ହାଜିମାଞ୍ଜି ଇଞ୍ଜିଁ ମୀ ବିତ୍ତାଟି ଆମ୍ବାଆତେରି ନାଙ୍ଗେ ଝେଞ୍ଜି ମାଞ୍ଜଅତେରି । ୬ ସାମା ନାନୁ ଛ ବାରେ କାତା ଝେସାମାଞ୍ଜାନାକି ମୀ ହିୟାଁ ହାଡ଼େକା ଦୁକୁ ଆହିମାନେ । ୭ ସାମା ନାନୁ ମିଙ୍ଗେ ସାତା ଝେସିମାଞ୍ଜାଇଁ, ନାନୁ ହାନାୟି ମିଙ୍ଗେତାକି ନେହେଁ, ଇତିହଁ ନାନୁ ହାଲାଆସାରେ ଏ ସାଡ଼େୟି କିନାୟି ମୀ ତାଣା ଝାଏ, ସାମା ନାନୁ ହାଟିସାରେ ଏଦାଣି ମୀ ତାଣା ପାଣ୍ଡାଇଁ । ୮ ଏଡ଼ି ଝାହାନା ପାପୁ, ଦାମ୍ବୁ ଅଡ଼େ ମାହାପୁରୁତି ବିଚାରାତି କାତା ଛ ଦାରୁତିଟି ଲକୁଣି

* ୧୫:୧୨ ୧୫:୧୨ ଜହ ୧୩:୩୪; ୧୫:୧୭; ୧ଜହ ୩:୨୩; ୨ଜହ ୧:୫ * ୧୫:୨୦ ୧୫:୨୦ ମାଟି ୧୦:୨୪; ଲୁକ ୭:୪୦; ଜହ ୧୩:୧୭

ଝେହ୍ନେ; ୯ ପାପୁତି କାତା, ଇତିହଂ ଏଞ୍ଜାରି ନା ତାଣା ନାମା ହିଲଅରି; ୧୦ ଦାମ୍ପତି କାତା, ଇତିହଂ ନାନୁ ଆବା ତାଣା ହାଜିମାଇଁ ମୀରୁ ଅଡ଼େ ନାଜେ ମେସୁଅଡେରି; ୧୧ ବିଚାରାତି କାତା, ଇତିହଂ ଇ ଦାର୍ତତି ସାଲୁଝି କିନାରି ବିଚାରା କିଞ୍ଚି ଆହାମାନେରି ।”

୧୨ “ମିଜେ ନାନୁ ଅଡ଼େ ହାଡ଼େକା କାତା ଝେସ୍ତାନାୟିମାନେ, ସାମା ନାଏଁ ମୀରୁ ଏ ବାରେ ଅରହାଲି ଆଡ଼ଅଡେରି ୧୩ ସାମା ସାତାତି ଜୀଞ୍ଜୁ ଖାଡ଼ିସାରେ, ଏଦି ବାରେ ସାତାତି ଡେଲହାଲି ବାଡ଼ୁଲୁ ହିୟାନେ, ଏଦି ମିଜେ ଜିରୁ ତସାନା ତାନିତାଣାଟି ଏନାଆଁ ଝେହ୍ନେ, ମାହାପୁରୁ ତାଣାଟି ଏନା ଏନାଆଁ ଝେଞ୍ଜାମାନେ ଖାଡ଼ିଲ ଏଚେକେଏ ଝେହ୍ନେ, ଅଡ଼େ ଏନାୟି ଆହାଲି ହାଜିମାନେ ଏନାଆଁ ଏଦି ଝେସ୍ତାନେ । ୧୪ ଏଞ୍ଜାସି ନାଜେ ଗାଞ୍ଜୁରମି କିୟାନେସି, ଇତିହଂ ନା ତାଣାଟି ବାରେ କାତା ପୁଞ୍ଜାନା ଏଦି ଏନାଆଁ ମୀ ତାଣା ଝେସ୍ତାନେ । ୧୫ ଏନା ଏନାୟି ଆବାଞ୍ଜାୟି, ଏ ବାରେ ନାଦି; ଇଦାଆଁତାକି ନାନୁ ଏଲେଇଞ୍ଜାଡେଏଁ, ଏଞ୍ଜାସି ନା କାତା ଅହାନା ମିଜେ ଝେସ୍ତାନେସି ।”

ଦୁକୁ ଅଡ଼େ ରାହାଁ

୧୬ “ଗାଡ଼େକା ଜେଚ ମୀରୁ ଅଡ଼େ ନାଜେ ମେସୁଅଡେରି, ସାମା ଏଚରଦିନା ଜେଚ ମେସୁାଡେରି ।”

୧୭ ଏଚେଟିଏ ତାନି ସୀସୁୟାଁ ବିତାଟି ଆମ୍ବା ଆମ୍ବାଆରି ଏଲେଇଚେରି, “ଗାଡ଼େକା ଜେଚ ନାଜେ ମେସୁଅଡେରି, ଅଡ଼େ ଏଚରଦିନା ହାଟି ତାୟୁ ନାଜେ ମେସୁାଡେରି, ନାନୁ ଆବା ତାଣା ହାଜିମାଇଁ, ଏଞ୍ଜାସି ଏମିନି କାତା ମାଜେ ଝେସ୍ତାଡେସି, ଇଦି ଏନାୟି ?” ୧୮ ଏଞ୍ଜାରି ଏଲେଇଚେରି, “ଗାଡ଼େକା ଇଞ୍ଜୁ” ଏନାଆଁ ଏଲେଇଞ୍ଜି ମାନେସି ? ଏଞ୍ଜାସି ଏନାଆଁ ଏଲେଇଞ୍ଜି ମାନେସି ମାମ୍ବୁ ଡୁଡେଲୁହାଲି ଆଡ଼ିହଲଅମି ।”

୧୯ ସୀସୁୟାଁ ତାଜ ଝେଞ୍ଜାଲି ଅଣ୍ଡିମାନେରି ଇଞ୍ଜୁ ପୁଞ୍ଜାନା ଜୀସୁ ଏଞ୍ଜାରାଇଁ ଏଲେଇଚେସି, “ଗାଡ଼େକା ଜେଚ ନାଜେ ମେସୁଅଡେରି, ଅଡ଼େ ଏଚରଦିନା ହାଟି ତାୟୁ ନାଜେ ମେସୁାଡେରି, ନାନୁ ଇ ଏମିନି କାତା ମିଜେ ଝେସ୍ତାଡେଏଁ, ଏ କାତାତାକି ଏନାଆଁତାକି ମୀରୁ ବାଦିବାଦା ଆହିମାଞ୍ଜେରି ? ୨୦ ନାନୁ ମିଜେ ସାତା ଝେସିମାଞ୍ଜାଇଁ, ମୀରୁ ଦୁକୁଆହୁଁ ଡୀଦେରି, ସାମା ଦାର୍ତତି ରାହାଁ କିନେ; ମୀରୁ ଦୁକୁ ଆଡେରି, ସାମା ମୀ ଦୁକୁ ରାହାଁତା ତିରି ମୀଣନେ । ୨୧ ଜାନ କିନି ବେଲା ଖାଡ଼ିସାରେ ଇୟା ଦୁକୁ ବେଗାଆନେ; ସାମା ଏଦି କକାଣାଇଁ ଜାନ କିତି ତାୟୁ ଦାର୍ତତିତା ର ମାଣସି ଜାର୍ନା ଆହାମାନେସି, ଇ ରାହାଁତାକି କସ୍ତତି ଅଣ୍ଡିପେଏଦେ । ୨୨ ଏଲେକିହଂ ଏ ମୀରୁ ନାଏଁ ଦୁକୁ ବେଗାଆହିମାଞ୍ଜେରି, ସାମା ନାନୁ ଅଡ଼େ ଝେଶ୍ରେ ମିଜେ ତଞ୍ଜା ଆୟାଇଁ, ଅଡ଼େ ମୀ ହିୟାଁ ରାହାଁ ଆନେ ଅଡ଼େ ଆମ୍ବାଆସି ମୀ ତାଣାଟି ମୀ ରାହାଁ ମୀଞ୍ଜା ଅୟଅସି ।”

୨୩ “ଏ ଦିନା ମୀରୁ ନାଜେ ଏନାଆଁ ଝେଞ୍ଜଅଡେରି । ନାନୁ ମିଜେ ସାତା ଝେସିମାଞ୍ଜାଇଁ, ମୀରୁ ଆବାଇଁ ଏନାଆଁ ରାହୁଦେରି, ଏଞ୍ଜାସି ନା ଦରୁତଲେ ମିଜେ ହିୟାନେସି । ୨୪ ନାଏଁ ପାଡେକା ନା ଦରୁତଲେ ଏନାଆଁ ରାସା ହିଲଅଡେରି; ରାହୁଦୁ, ଏନିକଂ ମୀ ରାହାଁ ଗାତି ଆନେ, ଏନାଆଁତାକି ମୀରୁ ଏନାଆଁ ବେଗାଆଡେରି ।”

ଦାର୍ତତିତା ଜୀଣା ଆନାୟି

୨୫ “ନାନୁ ମିଜେ ପୁଣ୍ଡିକିନି କାତାତଲେ ଇ ବାରେ ଝେସାମାଞ୍ଜାଇଁ; ଦିନା ଖାହିମାନେ, ଏଚିବେଲା ନାନୁ ଅଡ଼େ ପୁଣ୍ଡିକିନି କାତାତଲେ ମିଜେ ଝେସୁଅଁ, ଆବାତି କାତା ତୀରେତଲେ ଝେସୁାଇଁ । ୨୬ ଏ ଦିନା ମୀରୁ ନା, ଦରୁତଲେ ରାହୁଦେରି; ଅଡ଼େ ନାନୁ ମୀ ଖାକିତି ଆବାଇଁ ବାଟିମାଲିଇଁ, ଇ କାତା ନାନୁ ମିଜେ ଝେସିମାଞ୍ଜାଅଁ; ୨୭ ଇତିହଂ ଆବା ତାନୁଏ ମିଜେ ଜୀଞ୍ଜୁ ନହୁଁମାଞ୍ଜାନେସି, ମୀରୁ ନାଜେ ଜୀଞ୍ଜୁନହୁଁ ମାଞ୍ଜାଦେରି ଅଡ଼େ ନାନୁ ମାହାପୁରୁ ତାଣାଟି ଖାହାମାଇଁ, ଏନାଆଁ ମୀରୁ ନାମାମାଞ୍ଜେରି । ୨୮ ନାନୁ ଆବା ତାଣାଟି ଦାର୍ତତିତା ଖାହାମାଇଁ; ଦାର୍ତତି ପିସାନା ଝେଶ୍ରେ ଆବା ତାଣା ହାଜିମାଇଁ ।”

୨୯ ଇ ହାଡ଼ା ଝେଞ୍ଜାନା ସୀସୁୟାଁ ଏଞ୍ଜାଣାଇଁ ଏଲେଇଚେରି, “ନାଏଁ ନାନୁ ପୁଣ୍ଡିକିନି କାତା ଲେମ୍ବାଆନା ତୀରେତଲେ ଝେସିମାଞ୍ଜା । ୩୦ ନାନୁ ବାରେ କାତା ପୁଞ୍ଜାମାଞ୍ଜା, ଆମ୍ବାଆସି ମିଜେ ଝେଞ୍ଜାନାୟି ଲଡ଼ା ହିଲେଏ, ଏନାଆଁ ନାଏଁ ମାମ୍ବୁ ପୁଚିମି; ମାହାପୁରୁ ତାଣାଟି ଖାହାମାଞ୍ଜା ଇଞ୍ଜୁ ମାମ୍ବୁ ଲୁ କାତା ନାମି ମାନମି ।”

୩୧ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଏନାଆଁ ନାଏଁ ନାମିମାଞ୍ଜେରି ? ୩୨ ମେହ୍ନୁ ଦିନା ଖାହିମାନେ, ଏ ବେଲା ଖାଡ଼େୟିଏ, ଏଚିବେଲା ମୀରୁ ଇତାଲା ଆତାଲା ଆହାନା ବାରେଜାଣା ଜାହାରା ଇଜ ହାଜେରି, ଅଡ଼େ ନାଜେ ରଅଡେଏଁ କିୟାଦେରି; ଆଡ଼ିଜିକେଏ ନାନୁ ରଅଡେଏଁ ଆଏ, ଇତିହଂ ଆବା ନା ତଲେ ମାନେସି । ୩୩ ମୀରୁ ଏନିକଂ ନା ତାଣାଟି ହିଡ଼ଡ଼ି ବେଗାଆଡେରି, ଏନାଆଁତାକି ନାନୁ ମିଜେ ଇ ବାରେ କାତା ଝେସାମାଞ୍ଜାଇଁ । ଦାର୍ତତିତା ମିଜେତାକି ହାଡ଼େକା ସାସି ମାନେ, ସାମା ସାସା ଆହୁଦୁ; ଇତିହଂ ନାନୁ ଦାର୍ତତିତା ଜୀଣା ଆହାମାଇଁ ।”



ଜୀସୁ ତାନି ସାସୁୟାଁକି ପ୍ରାତାନା କିନାୟି

୧ ଜୀସୁ ଈ ବାରେ କାତା ଏଲେଇଞ୍ଜା ଲାକପୁରୁ ଝାକି ସିନିକିହାନା ଏଲେଇଚେସି, “ଆବା, ବେଲା ଆଚେୟିଏ; ନୀ ମୀରୁଏଶାଈ ଗାଝୁରମି କିମ୍ପୁ, ଏନିକି ମୀରୁଏସି ନିଜେ ଗାଝୁରମି କିୟାନେସି । ୨ ନୀନୁ ଏଝାଶାଈ ବାରେ ମାଣସି କୁଡ଼ାତି ମୁହେଁ ଅଦିକାରା ହାହାମାଞ୍ଜି । ଅଡ଼େ ଆମ୍ବାଆରାଇଁ ଏଝାଣି କେୟୁତା କାଲାକାଲାତି ଜୀସୁ ହାହାଲିତାକି ହେରୁପାମାଞ୍ଜି ଏଝାଶାକି ବାଡ଼ୁୟୁ ହାହାମାଞ୍ଜି । ୩ ଅଡ଼େ ରଣ୍ଡିଏ ସାତା ମାହାପୁରୁତି ନୀନୁ, ନିଜେ ଅଡ଼େ ନୀ ତାଣାତି ପାଣ୍ଡୁଆହାମାନି ଜୀସୁ କ୍ରୀସୁଇଁ ପୁନାୟି ଆହିମାନେ କାଲାକାଲାତି ଜୀସୁ । ୪ ନୀନୁ ନାଜେ ଏମିନି କାମା କିହାଲି ହାହାମାଞ୍ଜାଦି, ଏଦାଆଁ ନୀନୁ ରାପୁହାନା ଦାରୁତିତା ନିଜେ ଗାଝୁରମି କିହାମାଞ୍ଜାଇଁ । ୫ ଏ ଆବା ଦାରୁତି ଗାଡ଼ି ଆଥା ନଜେଏ ନୀ ତଲେ ନା ଏମିନି ଗାଝୁରମି ମାଚେ, ଏମ୍ବାତି ନୀନୁ ନାଜେ ନୀ ତଲେ ଗାଝୁରମି କିୟାମ୍ପୁ ।”

୬ “ନୀନୁ ନାଜେ ଦାରୁତି ବିତାତି ଏମିନି ଲକୁଣି ନାଜେ ହାହାମାଞ୍ଜାଦି, ନୀନୁ ନୀ ଦରୁ ଏଝାରି ନକିତା ତସାମାଇଁ; ଏଝାରି ନୀ ଲକୁ ମାଚେରି ଅଡ଼େ ନୀନୁ ଏଝାରାଇଁ ନାଜେ ହାହାମାଞ୍ଜାତି, ଏଝାରି ନୀ ବଲୁତି ମାନୁଝି ଆହାମାନେରି । ୭ ନୀନୁ ନାଜେ ଏନା ଏନାଆଁ ହାହାମାଞ୍ଜାଦି, ଏ ବାରେ ନୀ ତାଣାତି ଝାହାମାନେ, ଈଦାଆଁ ନୀଏଁ ଏଝାରି ପୁଞ୍ଜାମାନେରି । ୮ ଇତିହଁ ନୀନୁ ନାଜେ ହାହାମାଞ୍ଜାନି ବଲୁ ନୀନୁ ଏଝାରାକି ହାହାମାଇଁ, ଅଡ଼େ ଏଝାରି ଆବା ମାନେରି ଇଞ୍ଜା ନୀନୁ ନୀ ତାଣାତି ଝାହାମାଇଁ, ଏଦାଆଁ ସାତା ତଲେ ପୁଞ୍ଜାମାନେରି, ଅଡ଼େ ନୀନୁ ନାଜେ ପାଣ୍ଡୁମାଞ୍ଜାଦି ଇଞ୍ଜା ଏଝାରି ନାମାମାନେରି ।”

୯ “ନୀନୁ ଏଝାରି ତାକି ପ୍ରାତାନା କିହିମାଇଁ; ଦାରୁତି ତାକି ପ୍ରାତାନା କିହିହିଲଅଁ, ସାମା ନୀନୁ ନାଜେ ଏମିନି ଗାଟାରାଇଁ ହାହାମାଞ୍ଜାଦି, ଏଝାରି ତାକି ପ୍ରାତାନା କିହିମାଇଁ, ଇତିହଁ ଏଝାରି ନୀ ଲକୁ; ୧୦ ଏନା ଏନାୟି ନାଦି ମାନେ ଏ ବାରେ ନୀଦି, ଅଡ଼େ ଏନା ଏନାୟି ନୀଦି ମାନେ, ଏ ବାରେ ନାଦି ଅଡ଼େ ଏଝାରି ତାଣାତି ନୀନୁ ଗାଝୁରମି ଆହିମାଇଁ । ୧୧ ନୀନୁ ଅଡ଼େ ଈ ଦାରୁତିତା ଡ଼ୟିହିଲଅଁ, ସାମା ଇଝାରି ଦାରୁତିତା ଡ଼ୟିମାନେରି, ଇଞ୍ଜା ନୀନୁ ନୀ ତାଣା ଝାହିମାଇଁ; ସୁଦୁଗାତି ଆବା ଆମିନି ଗାଟାରାଇଁ ନୀ ଦରୁତି ବାଡ଼ୁୟୁ ତଲେ ନାଜେ ହେରୁପା ମାଞ୍ଜାଦି ଏଝାରାଇଁ ଗେଲ୍ପାମ୍ପୁ, * ନୀନୁ ଅଡ଼େ ନୀନୁ ଏନିକି ରଣ୍ଡିଏ ଆହାମାନାୟି ଏଲେକିହଁ ଏ ଏଝାରାଇଁ ଜିକେଏ ରଣ୍ଡିଏ କିହାଲି ସାଢ଼ୟମି କିମ୍ପୁ । ୧୨ ଏଝାରିତଲେ ମାତିବେଲାତା ନୀନୁ ଏଝାରାଇଁ ନୀ ଦରୁତଲେ ଗେଲ୍ପାମାଇଁ, ଆମିନି ଦରୁ ନୀନୁ ନାଜେ ହାହାମାଞ୍ଜାଦି, ଅଡ଼େ ନୀନୁ ଏଝାରାଇଁ ଜାଗ୍ରାତା ତଲେ ଗେଲ୍ପାମାଇଁ, † ଦାମ୍ପୁ ପତି ଏନିକି ପୁରା ଆନେ, ଏଦାଆଁତାକି ଏଝାରି ନାସା ଆନାୟି ମାତି ଜିକେଏ, ରଅସି ଜିକେଏ ନାସା ଆହାହିଲଅସି । ୧୩ ସାମା ନୀଏଁ ନୀନୁ ନୀ ତାଣା ଝାହିମାଇଁ, ଅଡ଼େ ଦାରୁତିତା ମାଞ୍ଜା ମାଞ୍ଜାନା ନା ରାହାଁତା ଏଝାରି ହିୟାଁ ଏନିକି ରାହାଁ ଆନେ, ଏଦାଆଁତାକି ନୀନୁ ଈ ବାରେ କାତା ଝେସିମାଞ୍ଜାଇଁ । ୧୪ ନୀନୁ ଏଝାରାକି ନୀ ବଲୁ ହାହାମାଇଁ, ଏଦାଆଁତାକି ଦାରୁତି ଏଝାରାଇଁ ଅପିହିଲେଏ, ନୀନୁ ଏନିକି ଦାରୁତି ଝାହାହିଲଅଁ ଏଝାରି ଜିକେଏ ଈ ଦାରୁତିତାରି ଆଏ । ୧୫ ନୀନୁ ଏଝାରାଇଁ ଈ ଦାରୁତି ଅହଁ ହାଲାମ୍ପୁ ଇଞ୍ଜା ବାତିମାଲି ମାଞ୍ଜାଅଁ, ସାମା ଏଝାରାଇଁ ଲାଗେଏତି ପାନ୍ଦାତି ଗେଲ୍ପାମ୍ପୁ ଇଞ୍ଜା ବାତିମାଲିମାଞ୍ଜାଇଁ । ୧୬ ନୀନୁ ଏନିକି ଦାରୁତି ଝାହାହିଲଅଁ, ଏଝାରି ଏଲେକି ଦାରୁତି ଝାହାହିଲଅରି । ୧୭ ସାତା ତଲେ ଏଝାରାଇଁ ସୁଦୁ କିମ୍ପୁ, ଇତିହଁ ନୀ ବଲୁଏ ସାତା । ୧୮ ନୀନୁ ଏନିକି ନାଜେ ଦାରୁତିତା ପାଣ୍ଡୁମାଞ୍ଜାଦି, ନୀନୁ ଜିକେଏ ଏଝାରାଇଁ ଦାରୁତିତା ପାଣ୍ଡୁମାଇଁ । ୧୯ ଅଡ଼େ ଏଝାରି ଜିକେଏ ଏନିକି ସାତା ତଲେ ସୁଦୁ ଆନେରି, ଏଦାଆଁତାକି ନୀନୁ ଏଝାରି ତାକି ନାଜେ ସୁଦୁ କିହିମାଇଁ ।”

୨୦ “ନୀନୁ ଝାରୁଇ ଏଝାରି ତାକି ପ୍ରାତାନା କିହିହିଲଅଁ, ଏଝାରି ବଲୁ ଝେଞ୍ଜାନା ଆମ୍ବାଆସି ନା ତାଣା ନାମିନେସି, ଏଝାରି ତାକି ଜିକେଏ ପ୍ରାତାନା କିହିମାଇଁ । ୨୧ ଏନିକି ଏଝାରି ବାରେ ରଣ୍ଡିଏ ଆନେରି; ଏ, ଆବା ନୀନୁ ଏନିକି ନା ତାଣା ମାଞ୍ଜି ଅଡ଼େ ନୀନୁ ନୀ ତାଣା ମାଇଁ, ଏଝାରି ଜିକେଏ ଏଲେକିହଁ ଏ ମା ତାଣା ଡ଼ୟାପେରି, ଏନିକି ନୀନୁ ନାଜେ ପାଣ୍ଡୁତି ଇଞ୍ଜା ଦାରୁତି ନାମିନେ । ୨୨ ଅଡ଼େ ନୀନୁ ନାଜେ ଏମିନି ଗାଝୁରମି ହାହାମାଞ୍ଜାଦି, ନୀନୁ ଏଦାଆଁ ଏଝାରାକି ହାହାମାଇଁ, ମୀରୁ ଏନିକି ରଣ୍ଡିଏ ଏଝାରି ଏଲେକି ରଣ୍ଡିଏ ଆନେରି; ୨୩ ନୀନୁ ଏନିକି ନା ତାଣା ନୀନୁ ଏଲେକିହଁ ଏଝାରିତାଣା ଡ଼ୟିଇଁ । ଏନିକି ଏଝାରି ମାନ୍ତି ତଲେ ରଣ୍ଡିଏ ଆନେରି, ଇଞ୍ଜା ଦାରୁତି ପୁନେ କି ନୀନୁ ନାଜେ ପାଣ୍ଡୁମାଞ୍ଜାଦି, ନାଜେ ଏନିକି ଜୀସୁ ନହଁ ମାଞ୍ଜାଦି ଏଝାରାଇଁ ଜିକେଏ ଏଲେକିହଁ ଏ ଜୀସୁ ନହଁ ମାଞ୍ଜି ।”

* ୧୭:୧୧ ୧୭:୧୧ ଈ କାତା ପୁଞ୍ଜ ପତିତା ହିଲେଏ । ☆ ୧୭:୧୨ ୧୭:୧୨ ଜହ ୧୩:୧୮ † ୧୭:୧୨ ୧୭:୧୨ ଈ କାତା ପୁଞ୍ଜ ପତିତା ହିଲେଏ ।

୨୪ “ଏ ଆବା ! ନାନୁ ଏଞ୍ଜାରାଇଁ ନା କେୟୁଡା ହାହାମାଞ୍ଜାଦି । ନାନୁ ଆସିୟା ଡୟିଇଁ, ଏଞ୍ଜାରି ଜିକେଏ ଏନିକିଁ ଏମ୍ବାଆଁ ଡୟିନେରି ଅଡେ ଦାରୁଡି ଗାଡ଼ି ଆଆ ନକେଏ ନାନୁ ନାଜେ ଜାସୁ ନହାଁମାଞ୍ଜାନାକି ନାଜେ ଏମିନି ଗାସୁରମି ହାହାମାଞ୍ଜାଦି, ନା ଏ ଗାସୁରମି ଏନିକିଁ ଏଞ୍ଜାରି ମେସାଲି ଆଡ଼ିନେରି ଇଦି ନା ଅଣପୁ । ୨୫ ଏ ଦାମ୍ବୁଗାଡ଼ି ଆବା, ଦାରୁଡି ନିଜେ ପୁଞ୍ଜାମାଞ୍ଜେଏ, ସାମା ନାନୁ ନିଜେ ପୁଞ୍ଜାମାଞ୍ଜାଇଁ; ଅଡେ ନାନୁ ନାଜେ ପାଣ୍ଡାମାଞ୍ଜାଦି, ଏଦାଆଁ ଇଞ୍ଜାରି ପୁଞ୍ଜାମାଞ୍ଜାନେରି; ୨୬ ନାନୁ ନାଜେ ଏମିନି ଜାସୁ ନସୁଡି ଜାସୁ ନହାଁମାଞ୍ଜାଦି, ଏଡି ଏନିକିଁ ଏଞ୍ଜାରିତାଣା ଡୟିନେ ଅଡେ ନାନୁ ଏଞ୍ଜାରିତାଣା ଡୟିଇଁ, ଏଦାଆଁତାକି ନାନୁ ଏଞ୍ଜାରାଇଁ ଖେସାମାଇଁ ଅଡେ ଖେହୁଇଁ ।”

୧୮

ଜାସୁ ସାତୁୟାଁ କେୟୁଡା ହେରପି ଆନାୟି

(ମାଡି ୨୭:୪୭-୫୬; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜାସୁ ଇ ପ୍ରାତାନା ରାପୁହି ତାୟୁ ତାନି ସାସୁୟାଁ ତଲେ କିଦୁଣ କାତା ଆତାଲା ହାରେରି, ଏମ୍ବାଆଁ ର ବାଡ଼ା ମାରେ, ଇଞ୍ଜା ଏଞ୍ଜାସି ତାନି ସାସୁୟାଁ ତଲେ ଏମ୍ବାଆଁ ହରେରି । ୨ ଏମିନି ଜାହୁଦା ଏଞ୍ଜାଣାଇଁ ସାତୁୟାଁ କେୟୁଡା ହେରପିଡେସି, ଏଞ୍ଜାସି ଜିକେଏ ଏ ଗାୟୁଡି ପୁଞ୍ଜାମାରେସି, ଇଡିହଁ ଜାସୁ ହାରେକା ପାଲି ସାସୁୟାଁ ତଲେ ଏ ଗାୟୁଡା ହାଜାମାରେସି । ୩ ଏଦାଆଁତାକି ଜାହୁଦା ଜାମାନାଙ୍ଗା ଇଞ୍ଜା କାଜା ପୂଜେରା ଅଡେ ପାରୁସିୟାଁ ତାଣାଟି ମାହାପୁରୁ ଇଲୁଡି ଜାମାନାଙ୍ଗା ଲକୁ ଦାଞ୍ଜି, ହିରୁ ବଦାୟାଁ ଅଡେ ଚେଙ୍ଗା ବାଲାୟାଁ ଆସାନା ଏମ୍ବାଆଁ ଖାଡେରି । ୪ ଏମ୍ବାଟିଏ ଜାସୁ ତାଙ୍ଗେତାକି ଏନା ଏନାଆଁ ଆହାଲି ହାଜିମାନେ ଏ ବାରେ ପୁଞ୍ଜାନା, ନକିତା ହାଜାନା ଏଞ୍ଜାରାଇଁ ଖେରେସି, “ମାରୁ ଆମ୍ବାଆରାଇଁ ପାରିମାଞ୍ଜେରି ?”

୫ ଏଞ୍ଜାରି ଏଲେଇରେରି, “ନାଜୁରିତଡି ଜାସୁ ।”

ଜାସୁ ଏଞ୍ଜାରାଇଁ ଏଲେଇରେସି, “ନାନୁ ଏଞ୍ଜାଡେଏଁ ?”

ଏମିନି ଜାହୁଦା ଏଞ୍ଜାଣାଇଁ ସାତୁୟାଁ କେୟୁଡା ହେରପିଡେସି, ଏଞ୍ଜାସି ଜିକେଏ ଏଞ୍ଜାରିତଲେ ଏମ୍ବାଆଁ ନିଚାମାରେସି । ୬ ଜାସୁ ଏଡିବେଲା ଏଞ୍ଜାରାଇଁ ଏଲେଇରେସି, “ନାନୁ ଏଞ୍ଜାଡେଏଁ” ଏଡିବେଲା ଏଞ୍ଜାରି ତାୟୁଖାକି ଗୁଡା ଆହାନା ବୁମିତା ତରଗା ହାରେରି । ୭ ଜାସୁ ଖେଣ୍ଡେ ଖେରେସି, “ମାରୁ ଆମ୍ବାଆରାଇଁ ପାରିମାଞ୍ଜେରି ?” ଏଞ୍ଜାରି ଏଲେଇରେରି, “ନାଜୁରିତଡି ଜାସୁଇଁ ।”

୮ ଜାସୁ ଏଲେଇରେସି, “ନାନୁ ଖେସାମାଞ୍ଜାଇଁ, ନାନୁ ଏଞ୍ଜାଡେଏଁ । ମାରୁ ନାଜେ ପାରିମାଞ୍ଜାଦେରି ଇଡିହଁ ଇଞ୍ଜାରାଇଁ ସିହୁଦୁ । ୯ ଆମ୍ବାଆରାଇଁ ନାଜେ ହାହାମାଞ୍ଜାଦି, ଏଞ୍ଜାରି ବିଡ୍ରାଟି ରଅଣାଇଁ ଜିକେଏ ଜାକ୍‌ହା ହିଲଅଁ ।” ଏନିକିଁ ଦାମ୍ବୁ ପଡିଡି କାତା ସାତା ଆନେ ଏଦାଆଁତାକି ଏଲେ ଇରେସି ।

୧୦ ସିମନ ପିତର ତାନି ତାଣା କାଣ୍ଡା ମାତାକି ଏଞ୍ଜାସି କାଜା ପୂଜେରା ହଲେଏଣା ଚିଃନି କିୟଁ ଦୁଡେସି, ଏଞ୍ଜାଣି ଦରୁ ମାଲକସ୍ । ୧୧ ଏବେଟିଏ ଜାସୁ ପିତରଇଁ ଏଲେଇରେସି, “କାଣ୍ଡା, କାଣ୍ଡା ଇଟିନି ଗାୟୁଡା ଇଚାମ୍ବୁ; ନାନୁ ଏନାଆଁ ଅଣପିମାଞ୍ଜି, ଆବା ମାହାପୁରୁ ନାଜେ ହାହାମାଞ୍ଜାନି ଦୁକୁଡି ସଲାତା ଗସାଲି ଆଡ଼ଅଁ କି ?”

ହାନାନ ନକିତା ଜାସୁ

୧୨ ଏମ୍ବାଟିଏ ରମିୟ କସ୍କା, ଇଞ୍ଜା ରିଜାରି କସ୍କା ମୁହେଁ କାଜାସି, ଅଡେ ଜାହୁଡି ଲକୁଡି କସ୍କା ଜାସୁଇଁ ଆସାନା ଦସପିଡେରି । ୧୩ ଏଞ୍ଜାଣାଇଁ ଦସପାନା ମୁଲୁଏ ହାନାନ ତାଣା ଅଡେରି, ଇଡିହଁ ଏଞ୍ଜାସି ଏ ବାସାଡି କାଜା ପୂଜେରା କୟାପାଡି ପଡ଼ଲେଏସି ମାରେସି । ୧୪ ଏ କୟାପା ବାରେ ଲକୁ ତାକି ରଅସି ହାନାୟି ମିଙ୍ଗେ ତାକି ନେହେଁ ଇଞ୍ଜାଁ ଜାହୁଡି ଲକୁଣି ଖେସାମାରେସି ।

ପିତର ଜାସୁଇଁ ପୁଞ୍ଜାହିଲଅଁ ଇନାୟି

(ମାଡି ୨୭:୬୯-୭୦; ମାର୍କ ୧୪:୬୭-୬୮; ଲୁକ ୨୨:୫୫-୫୯)

୧୫ ସିମନ ପିତର ଅଡେ ର ସାସୁ ଜାସୁଡି ଜେଡ ଜେଡ ହାଜିମାରେରି । ଏ ସାସୁ କାଜା ପୂଜେରା ତଲେ ପୁଣ୍ଡାସି ଆହାମାରେରି ଅଡେ ଜାସୁତଲେ କାଜା ପୂଜେରା ଆଂଗେଣିତା ହାରେସି, ୧୬ ସାମା ପିତର ପାଙ୍ଗାଡି ଦୁଝେରି ଦାରିତା ନିଚାନା ଡୟିଡେସି । ସାମା ଏମିନି ସାସୁ କାଜା ପୂଜେରା ତଲେ ପୁଣ୍ଡାସି ଆହାମାରେରି, ଏଞ୍ଜାସି ପାଙ୍ଗାତା ହାଜାନା ଦୁଝେରିତା କାଠିଆନାଣାଇଁ ଏଲେଇଞ୍ଜାନା ପିତରଇଁ ବିଡ୍ରା ଅଡେସି । ୧୭ ଏମ୍ବାଟିଏ

ଦୁଃଖେରିତା କାଃଆନାଣି ହଲେଣି ପିତରଇଁ ଏଲେଇଚେ, “ନାନୁ ଜିକେଏ ଏନାଆଁ ଲଲକୁଡି ସୀୟୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇଚେସି, “ନାନୁ ଏଞ୍ଜାତେଏଁ ଆଏ ।”

୧୮ ଏତିବେଲାତା ପେନି ଆହିମାଚାକି ହଲିୟାଙ୍ଗା ଅଡେ କାଃଆନାରି ହିତୁ ତାସାନା ସାରିଖାକି ନିଚାନା କେରଞ୍ଜି ମାଚେରି; ପିତର ଜିକେଏ ଏଞ୍ଜାରିତଲେ ନିଚାନା ହିତୁ କେରଞ୍ଜି ମାଚେସି ।

କାଜା ପୁଜେରା ଜୀୟୁଇଁ ଝେନାୟି

(ମାତି ୨୭:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୧୯ କାଜା ପୁଜେରା ଜୀୟୁଇଁ ତାନି ଜାପୁନାଣି ଇଞ୍ଜାଁ ସୀୟୁୟାଁତି କାତା ଝେଚେସି । ୨୦ ଜୀୟୁ ଏଲେଇଚେସି, “ନାନୁ ବାରେ ଦାରତିତି ନକିତା ତସାନା ଜାପୁହାମାଇଁ, ଆମ୍ବିୟା ବାରେ ଜୀହୁଦି ଲକୁ କୁଡ଼ା ଆନେରି, ମାହାପୁରୁ ଇଲୁତା ଅଡେ ଜୀହୁଦି ଲକୁଡି କୁଟମି ଇଲକାଣା*, ଲକୁ କୁଡ଼ା ଆହାମାନି ବେଲାତା ନାନୁ ଜାପୁହାମାଇଁ, ତୁକୁହାନା ଏନାଆଁ କିହାହିଲଅଁ । ୨୧ ନାଜେ ଏନାଆଁତାକି ଝେଞ୍ଜାମାଞ୍ଜାଦି ? ନାନୁ ଏଞ୍ଜାରାଇଁ ଏନାଆଁ ଏଲେଇଞ୍ଜାମାଇଁ, ଆମ୍ବାଆରି ଝେଞ୍ଜାମାନେରି ଏଞ୍ଜାରାଇଁ ଝେନାମ୍ବୁ; ନାନୁ ଏନା ଏନାଆଁ ଏଲେଇଞ୍ଜାମାଇଁ, ଏଞ୍ଜାରି ବାରେ ପୁଞ୍ଜାମାନେରି ।”

୨୨ ଜୀୟୁ ଏଲେ ଇଞ୍ଜିମାନାଣି ଝେଞ୍ଜାନା ଦାରିତା ନିଚାମାତି ମାହାପୁରୁ ଇଲୁ ଜାମାନାଙ୍ଗା ବିତ୍ରାଟି ରଅସି ଏଞ୍ଜାଣାଇଁ ସାପୁଡ଼ା ଝେଚାନା ଏଲେଇଚେସି, “ନିଜେ ଇଚେକା ସାସା କାଜା ପୁଜେରାଇଁ ଏଲେ ଇଞ୍ଜିମାଞ୍ଜି ?”

୨୩ ଜୀୟୁ ଏଞ୍ଜାଣାଇଁ ଏଲେଇଚେସି, “ନାନୁ ଲାଗେଏ ଜଲ୍ଲାମାଚିହିଁ, ଏ ଲାଗେଏତି ପାର୍ବମାଣା ହିୟାଦୁ; ନେହିଁ ଜଲ୍ଲାମାଇଁ ଇଚିହିଁ ଏନାଆଁତାକି ନାଜେ ଝେଚିମାଞ୍ଜାଦି ?”

୨୪ ଏମ୍ବାଟିଏ ହାନାନ ଜୀୟୁଇଁ ଏଲେକିହିଁଏ ଦସ୍ପି ଆହାମାନାଣାଇଁ କାଜା ପୁଜେରା କୟାପା ତାଣା ପାଣ୍ଡିଚେସି ।

ପିତର ଜୀୟୁଇଁ ଅଡେ ଝେଶ୍ଟେ ପୁଞ୍ଜାହିଲଅଁ ଇନାୟି

(ମାତି ୨୭:୬୧-୭୫; ମାର୍କ ୧୪:୬୯-୭୧; ଲୁକ ୨୨:୫୮-୬୨)

୨୫ ସିମନ ପିତର ହିତୁ ତାଗେ ନିଚାନା ହିତୁ କେରଞ୍ଜି ମାଚେସି, ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ ଝେଚେରି, “ନାନୁ ଜିକେଏ ଏଞ୍ଜାଣି ସୀୟୁୟାଁ ବିତ୍ରାଟି ରଅତି ଆଏକି ?”

ପିତର ଏଲେଇଚେସି, “ନାନୁ ଆଏ ।”

୨୬ ପିତର, ଏମିନି କାଜା ପୁଜେରା ହଲିୟାଙ୍ଗା ବିତ୍ରାଟି ରଅଣି କିୟଁ ଦୁଡ଼ା ମାଚେସି, ଏଞ୍ଜାଣି କୁଟମିତାସି ଏଲେଇଚେସି, “ନାନୁ ନିଜେ ବାଡ଼ାତା ଏଞ୍ଜାଣିତଲେ ମାଚାଣି ମେସାମାଞ୍ଜାଆତେଏଁ କି ?”

୨୭ ପିତର ଅଡେ ଝେଶ୍ଟେ ଏଲେଇଚେସି, “ଆଏ ପୁଞ୍ଜାହିଲଅଁ ।” ଏତିବେଲାତା କୟୁ କେଶତେ ।

ପିଲାତ ତାଣା ଜୀୟୁ

(ମାତି ୨୭:୧,୨,୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ତାନି ଅର ନେତୁ ଲାଜ ଏଞ୍ଜାରି ଜୀୟୁଇଁ କୟାପା ଇଲୁଡି ଅହାନା ରମିୟ ରାଜି ସାଲଞ୍ଜି କିନାଣି ମେଡ଼ା ଇଲୁତା ଏଚେରି, ଜୀହୁଦି ଲକୁ ମେଡ଼ା ଇଲୁ ବିତ୍ରା ହାଲାଆଚେରି, ଇଚିହିଁ ଏଦାଆଁ ତଲେ ପିସ୍ପିଆଡି ପାର୍ବୁଡି ବକି ତାକି ତାମଜେ ଲାଗେଏ କିହାକତାଲି ଅଣପି ହିଲାଆଚେରି । ୨୯ ଏଦାଆଁତାକି ସାଲଞ୍ଜି କିନି ପିଲାତ ଏଞ୍ଜାରିତାଣା ପାଙ୍ଗାତା ଝାହାନା ଝେଚେସି, “ଇ ମାଣସି କପାଟି ମୀ ଏନିଲେହେଁତି ଦାଞ୍ଜା ମାନେ ?”

୩୦ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଇ ମାଣସି ଲାଗେଏତି କାମା କିହା ହିଲାଆଚିହିଁ ମା, ମାୟୁ ଏଞ୍ଜାଣାଇଁ ନୀ ତାଣା ତାଆଡମିମା ।”

୩୧ ପିଲାତ ଏଞ୍ଜାରାଇଁ ଏଲେଇଚେସି, “ଆତିହିଁ ଇଞ୍ଜାଣାଇଁ ଅହାନା ମୀ ମେରା ତଲେ ନୀହାୟି କିଦୁ ।” ଜୀହୁଦିୟାଁ ଏଞ୍ଜାଣାଇଁ ଏଲେଇଚେରି, “ଆମ୍ବାଆରାଇଁ ହାନି ତଣ୍ଡ ହାହାଲି ମା ଅଦିକାରା ହିଲେଏ ।”

୩୨ ଜୀୟୁ ଏନିକିଁ ହାହାଲି ହାଜିମାନେସି, ଏ କାତା ଜୀୟୁ ଏନାଆଁ ଏଲେଇଞ୍ଜାମାଚେସି, ଏଦି ଏନିକିଁ ପୁରା ଆନେ, ଏଦାଆଁତାକି ଏଞ୍ଜାରି ଏଲେଇଚେରି ।

୩୩ ପିଲାତ ଝେଶ୍ଟା ମେଡ଼ା ଇଲୁ ବିତ୍ରା ହାଜାନା ଜୀୟୁଇଁ ଝେଚେସି, “ଏନାଆଁ ନାନୁ ଜୀହୁଦି ଲକୁଡି ରାଜାଟି ?”

* ୧୮:୨୦ ୧୮:୨୦ ସିନଗରୁ ☆ ୧୮:୩୨ ୧୮:୩୨ ଜହ ୩:୧୪; ୧୨:୩୨

୩୪ ଜୀସୁ ଏଲେଇରେସି, “ଇ କାତା ନୀ ମନୁଚି ଖେଞ୍ଜିମାଞ୍ଜାଦି କି ଏବୁକାତାରି ନା କାତାତି ନିଙ୍ଗେ ଏନାଆଁ ଏଲେଇଞ୍ଜା ମାଞ୍ଜାନେରି ?”

୩୫ ପିଲାତ ଏଲେଇରେସି, “ନୀନୁ ଏନାଆଁ ଅଣ୍ଟାପାମାଞ୍ଜି, ନୀନୁ ର ଜୀହୁଦିତେବ୍ ? ନୀ କୁଡାତି ଲକୁ ଇଞ୍ଜା କାଜା ପୂଜେରାଞ୍ଜା ନିଙ୍ଗେ ତାତାନା ନା କେୟୁତା ହେରୁପା ମାଞ୍ଜାନେରି । ଖେସ୍ତାମୁ ନୀନୁ ଏନାଆଁ କିହାମାଞ୍ଜି ?”

୩୬ ଜୀସୁ ଏଲେଇରେସି, ନା ରାଜି ଇ ଦାରତିତାୟି ଆଏ; ନା ରାଜି ଦାରତିତାୟି ଆଡ଼ିହିଁମା, ନୀନୁ ଜୀହୁଦି ଲକୁତାଣା ହେରୁପି ଆଥାରେରୁ ନାଙ୍ଗେ ସେବା କିୟାନାରି ନା ତାକି ଲୁକୁ କିତେରିମା, ସାମା ନା ରାଜି ସାତେଏ ଇ ଦାରତିତାୟି ଆଏ । ୩୭ ପିଲାତ ଏଞ୍ଜାଣାଇଁ ଖେରେସି, “ଆତିହିଁ ନୀନୁ ଜୀହୁଦି ଲକୁଚି ରାଜାତି ?”

ଜୀସୁ ଏଲେଇରେସି, “ନୀନୁ ଏଲେ ଇଞ୍ଜିମାଞ୍ଜି ନୀନୁ ର ରାଜାତେବ୍ । ନୀନୁ ସାତା ଖାକିଟି ସାକି ହୀହାଲି ଜାନୀ ଆହାମାଇଁ ଅଡ଼େ ଦାରତିତା ଖାହାମାଇଁ । ଆମ୍ବାଆସି ସାତାତି ମୀରୁଏସି ଏଞ୍ଜାସି ନା କାତା ଖେନେସି ।”

ଜୀସୁଇଁ ହାନି ତଣ୍ଡ ହୀନାୟି
(ମାତି ୨୭:୧୫-୩୧; ମାର୍କ ୧୫:୨-୨୦; ଲୁକ ୨୩:୧୩-୨୫)

୩୮ ପିଲାତ ଖେରେସି, “ସାତା ଏନାୟି ?”
ପିଲାତ ପାଞ୍ଜାତା ହାଜାନା ଜୀହୁଦି ଲକୁଣି ଏଲେଇରେସି, “ନୀନୁ ଇଞ୍ଜାଣି ତାଣା ଏନି ଦହ ବେଟାଆହିଁ ହିଲଅଁ ।

୩୯ ସାମା ନୀନୁ ପିସ୍ପିଆନି ପାରୁ ବେଲତା ମିଙ୍ଗେତାକି କାୟିଦିତା ମାନାରାଇଁ ରଥଣାଇଁ ପିସାଲି ତାକି ମୀ ମୋରା ମାନେ, ଏଦାଆଁତାକି ଜୀହୁଦି ଲକୁଚି ରାଜାଇଁ ମାଙ୍ଗେତାକି ପିସା ହିୟାପେସି ଇଞ୍ଜିଁ ମୀ ମନୁ ମାନେକି ?” ୪୦ ଏମ୍ବାଟିଏ ଏଞ୍ଜାରି କାଲୁଞ୍ଜି ଆହିଁ ଏଲେଇରେସି, “ଇଞ୍ଜାଣାଇଁ ଆଏ, ସାମା ବାରବାଇଁ ପିସାହିୟାମୁ ।”

୧୯

୧ ତାୟୁ ପିଲାତ ଜୀସୁଇଁ ଅହାନା ସାବୁଣି ମାଡ଼ା କିଞ୍ଜି କିତେସି । ୨ ଅଡ଼େ ରିଜାରି କସକା ହାପୁକା ଚଟପରି ଆଲାନା ଜୀସୁ ତାୟୁ ହୁଁ ଇଚିତେରି, ଅଡ଼େ ଏଞ୍ଜାଣାଇଁ ହେୟାଁ ଖାଣା ହିମ୍ବୁରି ହୁଚିକିତେରି; ୩ ଏଞ୍ଜାରି ଏଞ୍ଜାଣି ତାଣା ଖାହାନା ଏଲେଇରେସି, “ଏ ଜୀହୁଦିୟାଁ ରାଜା ଜହରା;” ଇଞ୍ଜାଁ ଏଞ୍ଜାରି ଏଞ୍ଜାଣାଇଁ ସାପୁଡ଼ା ଖେରେସି ।

୪ ପିଲାତ ଖେରେସି ପାଞ୍ଜାତା ହାଜାନା ଏଲେଇରେସି, “ନୀନୁ ଏଞ୍ଜାଣି ତାଣା ଏନି ଦହ ବେଟାଆହିଁ ହିଲଅଁ, ଇଦାଆଁ ଏନିକିଁ ମୀରୁ ପୁଞ୍ଜେରି, ଇଦାଆଁତାକି ନୀନୁ ଏଞ୍ଜାଣାଇଁ ମୀ ତାଣା ତାଡ଼ିମାଇଁ ।” ୫ ଏମ୍ବାଟିଏ ଜୀସୁ ଏ ହାପୁକା ଚଟପରି ଅଡ଼େ ହେୟାଁ ଖାଣା ହିମ୍ବୁରି ପରହାନା ପାଞ୍ଜାତା ଖାଡ଼େସି, ପିଲାତ ଏଞ୍ଜାରାଇଁ ଏଲେଇରେସି, “ମେହୁଦୁ ଇଞ୍ଜାସି ଏ ମାଣସି ।”

୬ ଏମ୍ବାଟିଏ କାଜା ପୂଜେରାଞ୍ଜା ଅଡ଼େ ମାହାପୁରୁ ଇଲୁ କାଞ୍ଜିଆନି ଜାମାନାଞ୍ଜା ଏଞ୍ଜାଣାଇଁ ମେସାନା କାଲୁଞ୍ଜି ଆହିଁ ଏଲେଇରେସି, “ଏଞ୍ଜାଣାଇଁ ପାସି ଏକଦୁ ପାସି ଏକଦୁ ।” ପିଲାତ ଏଞ୍ଜାରାଇଁ ଏଲେଇରେସି, “ମୀରୁ ଏଞ୍ଜାଣାଇଁ ଅହାନା ପାସି ଏକଦୁ, ଇଚିହିଁ ନୀନୁ ଏଞ୍ଜାଣି ତାଣା ଏନି ଦହ ବେଟାଆହିଁ ହିଲଅଁ ।”

୭ ଜୀହୁଦି ଲକୁ ଏଞ୍ଜାଣାଇଁ ଏଲେଇରେସି, “ଇଚିହିଁ ମାଙ୍ଗେ ରଣ୍ଡିଏ ମୋରା ମାନେ, ଏ ମୋରାଲେହେଁଏ ଏଞ୍ଜାସି ହାନି ତଣ୍ଡ ବେଟାଆନାୟି ମାନେ, ଇଚିହିଁ ଏଞ୍ଜାସି ତାଙ୍ଗେ ମାହାପୁରୁଚି ମୀରୁଏସି ଇଞ୍ଜିଁ ଖେସାମାନେସି ।”

୮ ଏମ୍ବାଟିଏ ପିଲାତ ଇ କାତା ଖେଞ୍ଜାନା ଗାତି ଆଜିତେସି । ୯ ଖେରେସି ମୋଡ଼ା ଇଲୁତା ହାଜାନା, ଜୀସୁଇଁ ଖେରେସି, “ନୀନୁ ଆମ୍ବିଟି ଖାହାମାଞ୍ଜି ?” ସାମା ଜୀସୁ ସାପି ଆହାନା ତୁୟିତେସି । ୧୦ ପିଲାତ ଏଲେଇରେସି, “ନାଙ୍ଗେ ଜଲିମାଞ୍ଜିଅତି ? ନିଙ୍ଗେ ରୋଲିପାଲି ନା ଅଦିକାରା ମାନେ ଅଡ଼େ ପାସିତା ଏକହାଲି ନା ଅଦିକାରା ମାନେ ଇ କାତା ନୀନୁ ପୁଞ୍ଜାହିଲଅତି ?”

୧୧ ଜୀସୁ ଏଲେଇରେସି, “ମାହାପୁରୁ ତାଣାଟି ନିଙ୍ଗେ ଅଦିକାରା ହୀଆତିହିଁ, ନା ଲାକ ନୀ ଏନି ଅଦିକାରା ହିଲାଆତେମା; ଇଞ୍ଜାଁ ଆମ୍ବାଆସି ନାଙ୍ଗେ ନୀ କେୟୁତା ହେରୁପା ମାଞ୍ଜାନେସି ଏଞ୍ଜାଣି ପାପୁ ହାରେକା ।”

† ୧୮:୪୦ ୧୮:୪୦ ଇ ବାରବା ର.ତ.ରେଏସି ମାନେସି

୧୭ ଈ କାତା ଖେଞ୍ଜାନା ପିଲାତ ଜୀସୁଇଁ ପିସାଲି ତାକି ଅଣପିତେସି, ସାମା ଜୀହୁଦି ଲକ୍ଷୁ କାଲୁଞ୍ଜି ଆହୁଁ ଏଲେଇଚେରି, “ନାନୁ ଇଝାଣାଇଁ ପିହୁଦି ଆତିହୁଁ ନାନୁ କାୟିସରତି ତଣେତି ଆଏ; ଆମ୍ବାଆସି ଜାହାରାଇଁ ରାଜା ଇନେସି ଏଝାସି କାୟିସର କପାଟି କାତା ଜଲିମାନେସି ।”

୧୮ ପିଲାତ ଈ କାତା ଖେଞ୍ଜାନା ଜୀସୁଇଁ ପାଞ୍ଜାତା ଖାଲୁକାତି ବେରଣିମାଣ୍ଡା ତାଚେରି । ଏମିନାଣି ଏବୁ ହାଡାତଲେ “ଗବ୍‌ବତା” ଇଞ୍ଜୁଁ ଇନେରି, ଏ ଟାୟୁଟି ବିଚାରା କିନି ଟାୟୁତା କୁରିତେସି । ୧୯ ଏ ଦିନା ପିସ୍‌ପିଆନି ପାରୁତି ତଲିତି ଦିନା ମାଚେ, ଏତିଚେଲା ଲାଈ ସ ଗଠା ଆହାମାଚେ । ଇଞ୍ଜା ଏଝାସି ଜୀହୁଦି ଲକ୍ଷୁଣି ଏଲେଇଚେସି, “ଇଝାସି ମେହୁଦୁ ମୀ ରାଜା ।” ୧୫ ଏମ୍ବାଟିଏ ଏଝାରି ଏଲେଇଚେରି, “ଏଝାଣାଇଁ ପାୟାଦୁ, ପାୟାଦୁ, ପାସି ଏକଦୁ ।” ପିଲାତ ଏଝାରାଇଁ ଏଲେଇଚେସି, “ନାନୁ ମୀ ରାଜାଇଁ ପାସିତା ଏକଇଁ ?” କାଜା ପୁଜେରାଞ୍ଜା ଏଲେଇଚେରି, “କାୟିସର ପିସ୍‌ପେ ମା ରାଜା ଆମ୍ବାଆସି ହିଲଅସି ।”

୧୬ ଡାୟୁ ପିଲାତ ଜୀସୁଇଁ ପାସି ମୁଣ୍ଡାତା ଏକହାଲି ତାକି ଏଝାରି କେୟୁତା ହେର୍‌ପିତେସି, ଇଞ୍ଜା ଡାୟୁ ଏଝାରି ଜୀସୁଇଁ ଅହୁଁ ହାଚେରି ।

ଜୀସୁତି ପାସି ଆନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ଏଚେଟିଏ ଏଝାରି ଜୀସୁଇଁ ଅଚେରି; ଅଚେ ଜୀସୁ ଜାହାରା ପାସିମୁଣ୍ଡା ଡେକାନା “ଡାୟୁଁ ଗୁପାଁ” ଇନି ଟାୟୁତା, ଇଚିହୁଁ ଏମିନାଣି ଏବୁ ହାଡାତଲେ “ଗଲ୍‌ଗତା” ଇଞ୍ଜୁଁ ଇନେରି ଏମ୍ବାଆଁ ହାଚେସି । ୧୮ ଏମ୍ବାଆଁ ଏଝାରି ଜୀସୁଇଁ ପାସି ମୁଣ୍ଡାତା ଏକହେରି, ଏଝାଣିତଲେ ଅଚେ ରିଆରାଇଁ ପାସି ମୁଣ୍ଡାତା ଏକହେରି, ରିକଝାକି ରିଆରି ଅଚେ ମାଦିଏ ଜୀସୁ । ୧୯ ଅଚେ ପିଲାତ ର ଆକୁତା ରାଚାନା ପାସିମୁଣ୍ଡା ଲାକ ଆଟିକିଚେସି, ଏମ୍ବାଆଁ ରାସ୍‌କି ଆହାମାଚେ, “ନାଜରିତତି ଜୀସୁ ଜୀହୁଦିୟାଁ ରାଜା ।” ୨୦ ଜୀହୁଦିୟାଁ ବିତ୍ରାଟି ହାଚେରକା ଏ ଆକୁତି ପଡ଼ୁଞ୍ଜି ଆଚେରି, ଇଚିହୁଁ ଜୀସୁଇଁ ଏମିନିତାଣା ପାସି ଏପକି ଆହାମାଚେ, ଏଦି ଗାଡ଼ା ତାଗେ ମାଚେ; ଇଞ୍ଜା ଏ ଆକୁ ଏବୁ, ଲାଟିନି ଅଚେ ଗ୍ରିକ୍ ହାଡାତଲେ ରାସ୍‌କି ଆହାମାଚେ । ୨୧ ଜୀହୁଦି ଲକ୍ଷୁତି କାଜା ପୁଜେରାଞ୍ଜା ପିଲାତଇଁ ଏଲେଇଚେରି, “ଜୀହୁଦିୟାଁ ରାଜା ଇଞ୍ଜୁଁ ରାଚାଆନା, ନାନୁ ଜୀହୁଦି ଲକ୍ଷୁତି ରାଜା ଇଞ୍ଜିମାଚେସି ଇଞ୍ଜୁଁ ରାଚାମୁ ।” ୨୨ ସାମା ପିଲାତ ଏଲେଇଚେସି, “ନାନୁ ଏମ୍ବାଆଁ ରାଚାମାଇଁ ଏଲେକିହୁଁ ଏ ଡିୟିନେ ।”

୨୩ ରିଜାରି କସ୍‌କା ଜୀସୁଇଁ ପାସିତା ଏକହୁ ଡେଚ ଏଝାଣି ହିମ୍ବରକା ଅହାନା ସାରି ବାଗା କିଚେରି, ର ର କହୁଁଞ୍ଜାକି ରଣ୍ଡାଲକା, ଅଚେ ଏଝାଣି ଲାମ୍ବା ସକା ଜିକେଏ ଅଚେରି । ଏ ଲାମ୍ବା ସକା ତାଚାନା ହେର୍‌କି ଟିଏ ପାଞ୍ଜାଆନା କତାୟାଁ ପାଚେକା କିଞ୍ଜି ଆହାମାଚେ । ୨୪ ଏମ୍ବାଆଁତାକି ଏଝାରି ଏଲେଇଚେରି, “ଇଦାଆଁ ଗେହୁଆପ, ସାମା ଇଦି ଆମ୍ବାଆରାଝାୟି ଆନେ, ଏମ୍ବାଆଁତାକି ପାଦି କିନ ।” ଏନିକ୍ ଦାମ୍ବୁ ପତିତି କାତା ପୁରା ଆନେ,

“ଏଝାରି ତାମି ବିତ୍ରା ନା ହିମ୍ବରକା ବାଗା କିଚେରି,

ଅଚେ ନା ଲାମ୍ବା ସକାତାକି ପାଦି କିଚେରି ।” ରିଜାରି କସ୍‌କା ସମାନା ଏଲେକିହୁଁ ଏ କିଚେରି ।

୨୫ ସାମା ଜୀସୁତି ପାସିମୁଣ୍ଡା ତାଗେ ତାମି ଇୟା, ତାମି ଇୟାନି ତାଜି, କୁପାତି ତଜ୍ଜି ମରିୟମ ଅଚେ ମଗ୍‌ଦଲିନି ମରିୟମ ନିଚାମାଚୁ । ୨୬ ଜୀସୁ ତାମି ଇୟା ଅଚେ ଏମିନି ସୀସୁଇଁ ଜୀସୁ ନହୁଁ ମାଚେସି, ଏଝାସି ତାଗେ ନିଚାମାନାଣି ମେସାନା ଏଲେଇଚେସି, “ଏ ଇୟା ମେହୁମ୍ବୁ ନୀ ମୀର୍‌ଏସି !”

୨୭ ଡାୟୁ ଜୀସୁ ଏ ସୀସୁଇଁ ଏଲେଇଚେସି, “ଇଦି ମୀ ଇୟା ।” ଏ ଦିନାଟିଏ ଏ ସୀସୁ ଜୀସୁତି ଇୟାନି ତାମି ଇଜ ଅଚେସି ।

ଜୀସୁ ହାକି

(ମାତି ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ଡାୟୁ ଜୀସୁ ଦାମ୍ବୁ ପତିତି ବଲୁ ଏନିକ୍ ପୁରା ଆନେ, ଏମ୍ବାଆଁତାକି ବାରେ ରାହାମାନେ ଇଞ୍ଜୁଁ ପୁଞ୍ଜାନା ଏଲେଇଚେସି, “ନାଞ୍ଜେ ଏସ୍‌କି ହିଚିମାଞ୍ଜାନେ ।”

୨୯ ଏମ୍ବାଆଁ ପୁଲ୍‌ଏୟୁ ନେଞ୍ଜାମାନି ର ଡୁକା ମାଚେ; ଏଝାରି ଏମ୍ବାଆଁ ର ଡ୍ରାଞ୍ଜାଲି ମୁସାନା ବାଲ୍‌କାତି ମୁନୁତା ରୁପାନା ଜୀସୁତି ଗୁତିତା ହାଚେରି । ୩୦ ଏଚେଟିଏ ଜୀସୁ ଏ ପୁଲ୍‌ଏୟୁ ଗସାନା ଏଲେଇଚେସି, “ରାହାହାଚେ” ଏଲେଇଞ୍ଜାନା ତାୟୁଁ ଡୁଲ୍‌ସାନା ହାଚେସି ।

ଜୀସୁ ପାଡ଼କା ଚଟତା ବାଲ୍‌କା ତଲେ ଉହ୍‌ନାୟି

୩୧ ପାସି ଏପକି ଆହାମାନାରି କତାୟାଁ ତିକହାନା ଏଞ୍ଜାରି ହାଡ଼ି ମାଡ଼ହାତି ପାସି ମୁଣ୍ଡାଟି ରେପହା ତାଗାଲି ଜାହୁଦି ଲକ୍ଷ୍ମି କାଜାରି ପିଲାତଇଁ ବାଡ଼ିମାଲିତେରି, ଇତିହୁଁ ଏ ଦିନା ସୁକ୍ତି ତାନି ଅର ଦିନା ସୁଦୁ ଜମିନି ଦିନାତା ହାଡ଼ି ମାଡ଼ହା ପାସିମୁଣ୍ଡା ଲାକ ପିସାଲି ଏଞ୍ଜାରି ମନ କିହିଲିଆତେରି । ୩୨ ଇଞ୍ଜା ରିଜାରି କସକା ଖାହାନା ଜାସୁତଲେ ପାସି ମୁଣ୍ଡାତା ଏକହାମାଟି ରିଆରି କତାୟାଁ ତିକହେରି । ୩୩ ସାମା ଏଞ୍ଜାରି ଜାସୁ ତାଣା ଖାହାନା ଏଞ୍ଜାରି ହାହାମାନାଣି ମେସ୍ତେରି, ଏଦାଆଁତାକି ଏଞ୍ଜାରି ଏଞ୍ଜାଣି କତାୟାଁ ତିକହାତେରି । ୩୪ ଆଡ଼ିଜିକେଏ କସକା ବିତ୍ରାଟି ରଅସି ଜାସୁତି ପାଡ଼କା ଚଟତା ବାଲା ତଲେ ଗୁକହେସି ଇଞ୍ଜା ଦେବୁଣିଏ ଏମାଟି ଏମୁ ଅଡ଼େ ନେତେରି ହଡ଼େ । ୩୫ ଆମ୍ବାଆସି ମେସାମାନେସି, ଏଞ୍ଜାସି ସାକି ହାହାମାନେସି, ଏନିକିଁ ମୀରୁ ଜିକେଏ ନାମିଦେରି; ଇଞ୍ଜା ଏଞ୍ଜାଣି ସାକି ସାତା, ଏଞ୍ଜାସି ସାତା ଖେସାମାନେସି ଇ କାତା ଏଞ୍ଜାସି ପୁଞ୍ଜାମାନେସି । ୩୬ ଇତିହୁଁ ଦାମ୍ବୁ ପତିତି କାତା ପୁରା ଆହାଲିତାକି ଇ ବାରେ ଆଡ଼େ, “ଏଞ୍ଜାଣି ର ତୁମ୍ବୁ ଜିକେଏ ତିକଅରି ।” ୩୭ ଦାମ୍ବୁ ପତିତି ଅର କାତା ଇଦି, “ଏଞ୍ଜାରି ଆମ୍ବାଆରାଇଁ ବାଲା ତଲେ ଗୁକହା ମାଗାରି ଜିକେଏ ଏଞ୍ଜାଣାଇଁ ସିନିକିନେରି ।”

ଜାସୁଇଁ ମୁହନାୟି

(ମାତି ୨୭:୫୭-୬୧; ମାର୍କି ୧୫:୪୨-୪୭; ଲୁକ ୨୩:୫୦-୫୬)

୩୮ ଇଦାଆଁ ତାମୁ ହାରାମାଟିୟାତି ଜସେପ ଇନାସି ପିଲାତ ତାଣା ହାଜନା ଜାସୁତି ଆଜା ଅହାଲି ବାଡ଼ିମାଲିତେସି । ଇ ଜସେପ ଜାସୁତି ର ସାସୁ ମାରେସି, ସାମା ଜାହୁଦି ଲକ୍ଷ୍ମି କାଜାରି ଆଜିତାକି ତୁମ୍ବାନା ମାରେସି, ପିଲାତ ଏଞ୍ଜାଣାଇଁ ହେଲ ହାହାଲିଏ ଏଞ୍ଜାସି ଜାସୁତି ଆଜା ମୁସାଲି ଅଡ଼େସି । ୩୯ ଏଞ୍ଜାଣିତଲେ ନିକଦିମ ମାରେସି । ଇ ନିକଦିମ ର ଦିନା ଲାଆଁୟାଁ ଜାସୁତଲେ କାତା ଆହାଲି ଖାହାମାରେସି, ଏ ନିକଦିମ କଡ଼େଦସ କେଜି ଗାମା ନିୟୁଁ ତାତିହୁଁ ଖାହାମାରେସି । ୪୦ ଏଞ୍ଜାରି ଜାସୁତି ଆଜା ଅହାନା ଜାହୁଦି ଲକ୍ଷ୍ମି ମୁହନି ମେରା ତଲେ ଏଦାଆଁ ଗାମା ନିୟୁଁତଲେ ପାଡ଼ାଡ଼ା ହିମ୍ବୁରି ରୁପିତେରି । ୪୧ ଜାସୁ ଏମିନି ଚାମୁତା ପାସି ମୁଣ୍ଡାତା ଏପକି ଆହାମାରେସି ଏ ଦାରିତା ର ବାଡ଼ା ମାରେ, ଏ ବିତ୍ରା ର ପୁଞ୍ଜି ମାହଣି ମାଣ୍ଡା ମାରେ, ଏମାଆଁ ନବେଏ ଆମ୍ବାଆରାଇଁ ଇବ୍ଵେ ଆହାହିଲାଆତେ । ୪୨ ଏ ଦିନା ଜାହୁଦି ଲକ୍ଷ୍ମି ଜମିନି ଦାମ୍ବୁତି ନକିତି ଦିନା ମାତାକି, ଗାତି ହେକ ହାଲାଆନା ଏଞ୍ଜାରି ଜାସୁତି ଆଜା ଅହାନା ମାହଣି ମାଣ୍ଡାତା ଇତିତେରି ।

୨୦

ଝାଉଇ ମାହଣି ମାଣ୍ଡା

(ମାତି ୨୮:୧-୮; ମାର୍କି ୧୬:୧-୮; ଲୁକ ୨୪:୧-୧୨)

୧ ଝାଉତି ମୂଲୁ ଦିନା ଲାଜ ଲାଜ ଆଦେରି ମାଞ୍ଜା ମାଞ୍ଜାନା ମଗଦଲିନି ମରିୟମ ମାହଣି ମାଣ୍ଡା ଦାରିତା ଖାହାନା ଏମାଟି ଖାଲି ଗୁତା ଆହାମାନାଣି ମେସ୍ତେ । ୨ ଇଞ୍ଜା ଏଦି ହଟି ହଟି ହାଜନା ସିମନ ପିତର ଆମ୍ବାଆରାଇଁ ଜାସୁ ଜାସୁ ନହୁଁ ମାରେସି, ଏ ସାସୁୟାଁଇଁ ଏଲେଇରେ, “ଆମ୍ବାଆରି ପ୍ରବୁଇଁ ମାହଣି ମାଣ୍ଡାଟି ଅହାମାନେରି, ଇଞ୍ଜା ଆମ୍ବିୟା ଇଗାମାନେରି ଏଦାଆଁ ମାମ୍ବୁ ପୁଞ୍ଜାହିଲଅମି ।” ୩ ଇ କାତା ଖେଞ୍ଜାନା ପିତର ଅଡ଼େ ଅର ସାସୁ ମାହଣି ମାଣ୍ଡା ଖାକି ହଚେରି । ୪ ଏଞ୍ଜାରି ରିଆରି ରହେଏ ହଚେରି, ଅର ସାସୁ ପିତରଇଁ ତାମୁ ପିସାନା ତଲିଏ ମାହଣି ମାଣ୍ଡା ଏଡ଼େସି । ୫ ଏଞ୍ଜାସି ବଜାହାଁ ଏମିନି ପାଡ଼ାଡ଼ା ହିମ୍ବୁରି ଆଜାତା ରୁପା ମାରେରି ଏମାଆଁ ରିହାମାଗାଣି ମେସ୍ତେସି, ସାମା ବିତ୍ରା ହାଲାଆତେସି । ୬ ତାମୁ ସିମନ ପିତର ଜିକେଏ ଖାଡ଼େସି ଇଞ୍ଜା ମାହଣି ମାଣ୍ଡା ବିତ୍ରା ହଡ଼ାନା ସିନିକିତେସି ଏମାଆଁ ପାଡ଼ାଡ଼ା ହିମ୍ବୁରିକା ମାମ୍ବୁ । ୭ ଇଞ୍ଜା ତାନି ତାମ୍ବୁଁ ତୁା ଦସାମାଟି ଏ ପାଡ଼ାଡ଼ା ହିମ୍ବୁରିକା ତଲେ ହିଲାଆତେ ଏଦି ଏଚକା ମାରେ । ୮ ଏଡ଼ିବେଲା ଏମିନି ସାସୁ ତଲିଏ ମାହଣି ମାଣ୍ଡା ତାଗେ ଖାହାମାରେସି, ଏଞ୍ଜାସି ଜିକେଏ ବିତ୍ରା ହଡ଼ାନା ମେସ୍ତେସି ଅଡ଼େ ନାମିତେସି; ୯ ଇତିହୁଁ ହାଡ଼ାରି ବିତ୍ରାଟି ଏଞ୍ଜାଣାକି ନିଜାଲି ଆନେ, ଦାମ୍ବୁ ପତିତି ଇ ବଲୁ ଏବେ ପାଡେକା ତେଲହା ହିଲାଆତେରି । ୧୦ ତାମୁ ସାସୁୟାଁ ଖେଣ୍ଡେ ଇଜ ହାଚେରି ।

ଜାସୁ ମଗଦଲିନି ମରିୟମଇଁ ତଞ୍ଜା ଆନାୟି

(ମାତି ୨୮:୯,୧୦; ମାର୍କି ୧୬:୯-୧୧)

୧୧ ସାମା ମରିୟମ ଦ୍ଵାହି ଦ୍ଵାହି ପାଜାତା ନିତା ଦ୍ଵୟିତେ; ଇଞ୍ଜା ଦ୍ଵାହି ଦ୍ଵାହି ବଜାହାଁ ମାହଣି ମାଣ୍ଡା ବିତ୍ରା ସିନିକିତେ, ୧୨ ଜାସୁତି ଆଜା ଏମିନି ଚାମୁତା ଇବ୍ଵକି ଆହାମାରେ, ଏମାଆଁ ତାମ୍ବୁଁ ଖାକି ରଅସି ଅଡ଼େ

☆ ୧୯:୩୭ ୧୯:୩୭ ଖେ ବଲୁ ୧:୭ ☆ ୧୯:୩୯ ୧୯:୩୯ ଜହ ୩:୧,୨

କତାର୍ଥାଁ ଖାକି ରଥସି ଦବଲା ହିମ୍ବରକା ପରହାନା ରିଆରି ଦୁତୁୟା କୁଟାମାନାଣି ମେସ୍ତେ । ୧୩ ଏଞ୍ଜାରି ଏଦାନି ଏଲେଇଚେରି, “ଏ ଇୟା ଏନାଆଁତାକି ଡାହିମାଞ୍ଜି ?” ଏଦି ଏଞ୍ଜାରାଇଁ ଏଲେଇଚେ, “ଆମ୍ବାଆରି ନା ପ୍ରବୁଇଁ ଅହାମାନେରି, ଅଡ଼େ ଏଞ୍ଜାଣାଇଁ ଆମ୍ବିୟା ଇଟାମାନେରି ପୁଞ୍ଜାହିଲଅଁ ।”

୧୪ ଏଦି ଏଲେଇଞ୍ଜାନା ତାୟୁଞ୍ଜାକି ସିନିକିହାନା ଜୀମୁଇଁ ମେସ୍ତେ, ସାମା ଏଞ୍ଜାସି ଜୀମୁ ପୁଞ୍ଜାଲି ଆଡ଼ାଆଡେ । ୧୫ ଜୀମୁ ଏଦାନି ଏଲେଇଚେସି, “ଏ ଇୟା ଏନାଆଁତାକି ଡାହିମାଞ୍ଜି ? ଆମ୍ବାଆରାଇଁ ପାରିମାଞ୍ଜି ?”

ଏଦି ଏଞ୍ଜାଣାଇଁ ବାଡ଼ା ଗାଟାସି ଇଞ୍ଜି ଅଣ୍ଡପାନା ଏଲେଇଚେ, “ବାବୁ ନୀନୁ ଏଞ୍ଜାଣାଇଁ ଅହାମାଞ୍ଜି ଇଚିହଁ ଆମ୍ବିୟା ଇଟାମାଞ୍ଜି, ନାଜେ ଖେସ୍ତାମୁ ନାନୁ ଅଇଁ ।”

୧୬ ଜୀମୁ ଏଦାନି ଏଲେଇଚେସି, “ମରିୟମା !” ମରିୟମା ଏଞ୍ଜାଣି ଖାକି ସିନିକିହାନା ଏବି ହାଡ଼ାତଲେ ଏଲେଇଚେ, “ରାବ୍ବୁନି” ଇଚିହଁ ଏ ଗୁରୁ ।

୧୭ ଜୀମୁ ଏଦାନି ଏଲେଇଚେସି, “ନାଜେ ଆସା ଇଟାଲି ଅଣ୍ଡପାଆନି, ଇଚିହଁ ନାନୁ ନୀଏଁ ପାଡେକା ଆଡ଼ା ତାଣା ହାଜାହିଲଅଁ; ସାମା ନା ତାୟିୟାଁ ତାଣା ହାଜାନା କାବୁ ହୀମୁ, ନାନୁ ନା ଆଡ଼ା ମୀ ଆଡ଼ା ନା ମାହାପୁରୁ ମୀ ମାହାପୁରୁ ତାଣା ହାଜିମାଇଁ ।”

୧୮ ମଗବଲିନି ମରିୟମା ହାଜାନା, ନାନୁ ପ୍ରବୁଇଁ ମେସାମାଇଁ ଏଞ୍ଜାସି ନାଜେ ଇ ବାରେ କାତା ଖେସାମାଞ୍ଜାନେସି ଇଞ୍ଜି ସୀୟୁୟାଁଇଁ କାବୁ ହାଡେ ।

ଜୀମୁ ସୀୟୁୟାଁଇଁ ତଞ୍ଜା ଆନାୟି

(ମାତି ୨୮:୧୭-୨୦; ମାର୍କ ୧୭:୧୪-୧୮; ଲୁକ ୨୪:୩୭-୪୯)

୧୯ ଏ ଦିନା ଇଚିହଁ ଖାରାତି ତଲିତି ଦିନା ମିଡ଼ଅଲା ବେଲା ଏଡେତା ସୀୟୁୟାଁ ଏମିନି ଇଲୁକା ଜୀହୁଦି ଲକ୍ଷୁତି ଆଜିତାକି ଦାରାୟାଁ ସୁଣ୍ଡାମାଚେରି, ଏଚିବେଲା ଜୀମୁ ଖାହାନା ମାଦିଏ ନିଗାନା ଏଲେଇଚେସି, “ମିଜେ ହିଡ଼ଡ଼ି ଆୟାପେ ।” ୨୦ ଏଞ୍ଜାସି ଏଲେଇଞ୍ଜାନା ତାନି କେସ୍ତା, ପାଡ଼କା ଡ଼ଇକା ତଡ଼େସି, ଏମାଟିଏ ସୀୟୁୟାଁ ପ୍ରବୁଇଁ ମେସାମା ରାହାଁ ଆଡେରି । ୨୧ ଜୀମୁ ଖେଣ୍ଡେ ଏଲେଇଚେସି, “ମିଜେ ହିଡ଼ଡ଼ି ଆୟାପେ ଆଡ଼ା ଏନିକିଁ ନାଜେ ପାଣ୍ଡାମାଞ୍ଜାନେସି, ନାନୁ ଜିକେଏ ମିଜେ ଏଲେକିହଁ ଏ ପାଣ୍ଡିମାଞ୍ଜାଇଁ ।” ୨୨ ଏଲେଇଞ୍ଜାନା ଏଞ୍ଜାରି ଲାକ ନେଞ୍ଜାନା ଏଲେଇଚେସି, “ସୁଦୁଜୀଞ୍ଜୁଇଁ ଆବାକତାପୁ, ୨୩ ମୀରୁ ମାଣସିୟାଁ ପାପୁ ମ୍ବେକ୍‌ହିସାରେ, ମାହାପୁରୁ ଜିକେଏ ଏଞ୍ଜାରି ପାପୁ ମ୍ବେକ୍‌ନେସି; ଇଞ୍ଜାଁ ଆମ୍ବାଆରି ପାପୁ ମ୍ବେକ୍‌ଅଡେରି, ଇଚିହଁ ଏଞ୍ଜାଣି ପାପୁ ମେଣ୍ଡେଏ ।”

ଜୀମୁ ଅଡ଼େ ତମା

୨୪ ସାମା ଜୀମୁ ଏଚିବେଲା ଖାହାମାଚେସି, ଏଚିବେଲାତା ବାରଜାଣା ବିତ୍ରା ତମା ଆମ୍ବାଆରାଇଁ ଦିଦୁମ ଇନେରି, ଏଞ୍ଜାସି ଏଞ୍ଜାରିତଲେ ହିଲାଆଡେସି । ୨୫ ଏଡ଼କାତି ସୀୟୁୟାଁ ଏଲେଇଚେରି, “ମାମୁ ଜୀମୁଇଁ ମେସ୍ତମି ।” ଇଞ୍ଜାଁ ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଏଞ୍ଜାଣି କେୟୁଡ଼ି କୁଚିୟାଁ ସିନା ମେହ୍‌ଆଡିହଁ ଅଡ଼େ ଏ ବାରେ ତାଣା ନା ଖାଞ୍ଜୁ ଉହ୍‌ଆନା ଇଞ୍ଜାଁ ଏଞ୍ଜାଣି ପାଡ଼କା ଡ଼ଇକା ତୀଗାଆନା ନାନୁ ଏବେଲା ଜିକେଏ ନାମଅଁ ।”

୨୬ ଆଟାଦିନା ଜେଚ ତାନି ସୀୟୁୟାଁ ଏ ଇଲୁକେଏ ମାଚେରି, ଅଡ଼େ ତମା ଜିକେଏ ଏଞ୍ଜାରିତଲେ ମାଚେସି, ଦାରାୟାଁ ସୁଣ୍ଡକି ଆହାମାଚୁ, ସାମା ଜୀମୁ ଖାହାନା ଏଞ୍ଜାରି ମାଦି ନିଗାନା ଏଲେଇଚେସି, “ମିଜେ ହିଡ଼ଡ଼ି ଆୟାପେ ।” ୨୭ ତାୟୁ ଏଞ୍ଜାସି ତମାଇଁ ଏଲେଇଚେସି, “ଇମ୍ବାଆଁ ନୀ ଖାଞ୍ଜୁ ଉସାନା ସିନିକିମୁ, କେୟୁ ଦାସାନା ନା ପାଡ଼କା ଡ଼ଇକା ତୀଗାମୁ; ଆନାମାନା ଆଆନା ନାମାମୁ ।”

୨୮ ତମା ଜୀମୁଇଁ ଏଲେଇଚେସି, “ନା ପ୍ରବୁ ନା ମାହାପୁରୁ ।”

୨୯ ଜୀମୁ ଏଞ୍ଜାଣାଇଁ ଏଲେଇଚେସି, “ନୀନୁ ନାଜେ ମେସାମା ନାମିମାଞ୍ଜାଦି, ଆମ୍ବାଆରି ମେହ୍‌ଆନା ନାମିନେରି ଏଞ୍ଜାରି ନେହେଁ ।”

ଇ ପତି ଏନାଆଁତାକି ରାସ୍‌କି ଆହାମାନେ

୩୦ ଜୀମୁ ସୀୟୁୟାଁ ନକିତା ହାରେକା କାବାଆନି କାମାୟାଁ କିହାମାଚେସି, ଏଞ୍ଜି ବାରେ ଇ ପତିତା ରାସ୍‌କି ଆହାହିଲାଇ; ୩୧ ସାମା ମୀରୁ ଏନିକିଁ ନାମିଦେରି, ଜୀମୁ ମାହାପୁରୁ ମୀରୁଏସି ମସିହା,* ଇ କାତା ନାମାହାଁ ଏନିକିଁ ମୀରୁ ଏଞ୍ଜାଣି ଦରୁଚି ଜୀଞ୍ଜୁ ବେଟାଆଡ଼େରି, ଏଦାଆଁତାକି ଇ ବାରେ ରାସ୍‌କି ଆହାମାନେ ।

☆ ୨୦:୨୩ ୨୦:୨୩ ମାତି ୧୭:୧୯; ୧୮:୧୮ * ୨୦:୩୧ ୨୦:୩୧ କ୍ରାପୁ

୨୧

ସାତା ଜାଣା ସାସୁୟାଙ୍କ ଜୀସୁ ତଞ୍ଜା ଆନାୟି

୧ ଇଦାଆଁ ତାୟୁ ଜୀସୁ ତିବିରିୟା ସାମଦୁରି ଗାଟୁତା ସାସୁୟାଙ୍କ ଖେଣ୍ଡେ ତଞ୍ଜାଆଡ଼େସି; ୨ ଏମ୍ପାଆଁ ସିମନ ପିତର ତମ୍ପା ଆମ୍ପାଆରାଇଁ ଦିଦୁମ ଇନେରି, ଗାଲିଲିତି କାନା ଗାଡ଼ାତି ନିତନିୟେଲ, ଜେବଦିତି ମୀରକା ଅଡ଼େ ତାନି ସାସୁୟାଁ ବିଡ଼ାଟି ରିଆରି କୁଡ଼ା ଆହାମାରେରି । ୩ *ସିମନ ପିତର ଏଞ୍ଜାରାଇଁ ଏଲେଇରେସି, “ନାନୁ ମୀଶକା ଆସାଲି ହାଜିମାଲ୍ ।” ଏଞ୍ଜାରି ଏଞ୍ଜାଣାଇଁ ଏଲେଇରେରି, “ମାମୁ ଜିକେଏ ନୀ ତଲେ ଖାନମି ।” ଏଞ୍ଜାରି ହାଜାନା ତଂଗତା ହଡ଼େରି, ଏ ଲାଆଁୟାଁ ଏଞ୍ଜାରି ଏନାଆଁ ଜିକେଏ ବେଗାଆଆଡ଼େରି । ୪ ସାମା ଜୁଲୁପୁଲୁ ଆହାଲିଏ ଜୀସୁ ଗାଟୁତା ନିତେସି; ଆଡ଼ିଜିକେଏ ଏଞ୍ଜାସି ଜୀସୁ ଇଞ୍ଜିଁ ସାସୁୟାଁ ପୁନାଆଡ଼େରି । ୫ ଜୀସୁ ଏଞ୍ଜାରାଇଁ ଏଲେଇରେସି, “ଏ ଜକାତେରି ମୀ ତାଣା ଏନାଆଁ ମୀଶକା ମାନୁ କି ?” ଏଞ୍ଜାରି “ଆଏ” ଇଚେରି ।

୬ *ଏଞ୍ଜାସି ଏଞ୍ଜାରାଇଁ ଏଲେଇରେସି, “ତଂଗତି ଚିଷନିଞ୍ଜାକି ଜାଲା ମେଡ଼ଦୁ, ଆତିହଁ ମୀରୁ ବେଗାଆଡ଼େରି ।” ଏମ୍ପାଟିଏ ଏଞ୍ଜାରି ଜାଲା ମେଡ଼ହେରି, ଏମ୍ପାଆଁ ଇଚେକା ମୀଶକା ଖାଟୁ ଏଞ୍ଜାରି ଏନାଆଁ ବେଜାଲି ଆଡ଼ାଆଡ଼େରି ।

୭ ଏମ୍ପାଟିଏ ଜୀସୁ ଏନିନି ସାସୁଇଁ ଜୀସୁ ନହଁ ମାଚେସି, ଏ ପିତରଇଁ ଏଲେଇରେରି, “ଇଞ୍ଜାସିତ ପ୍ରୁ ।” ସିମନ ପିତର ଇ କାତା ଖେଞ୍ଜାନା ତୁମ୍ପା ମାତାକି ତାନି ସକା ତୁରହାନା ସାମଦୁରିତା ଡ଼େଞ୍ଜିତେସି; ୮ ସାମା ଏଚକାତି ସାସୁୟାଁ ନେଞ୍ଜାମାନି ମୀଶକା ଜାଲାତି ରେଜି ରେଜି ତଂଗତି ଗାଟୁତା ତାତେରି, ଇଚିହଁ ଏଞ୍ଜାରି ଗାଟୁଟିଏ ହାରେକା ହେକ ହାଜା ହିଲାଆଡ଼େରି । ୯ ଏଞ୍ଜାରି ସାମଦୁରି ଗାଟୁତା ରେଚାନା, ଏମ୍ପାଆଁ ରୀଜାୟାଁତି ହିତୁ ଇଞ୍ଜାଁ ହିତୁ ଲାକ ମୀଶକା ଅଡ଼େ ରୁଟି ଇଚାମାନାଣି ମେସ୍ତେରି । ୧୦ ଜୀସୁ ଏଞ୍ଜାରାଇଁ ଏଲେଇରେସି, “ମୀରୁ ନୀଏଁ ଏନିନି ମୀଶକା ଆସାମାଞ୍ଜେରି ଏମ୍ପାଟି ଇଚରା ତାଚିହଁ ଖାଦୁ ।”

୧୧ ସିମନ ପିତର ହାଜାନା ସାତାକଡ଼ି ଡ଼େରଗଟା ମୀଶକା ମାତି ଜାଲାତି ଗାଟୁତା ରେଜା ତାତେସି; ଇଚେକା ମୀଶକା ତାକି ଜିକେଏ ଜାଲା ତାମ୍ପାଆଡ଼େ । ୧୨ ଜୀସୁ ଏଞ୍ଜାରାଇଁ ଏଲେଇରେସି, “ଖାଦୁ ତିଞ୍ଜୁ ।” ସାସୁୟାଁ ବିଡ଼ାଟି ଆମ୍ପାଆରି ଏଞ୍ଜାଣାଇଁ ନାନୁ ଆମ୍ପାଆତି ଇଞ୍ଜିଁ ଖେଞ୍ଜାଲି ସାସା କିଆଡ଼େରି, ଇଚିହଁ ଏଞ୍ଜାସି ପ୍ରୁ ଇ କାତା ଏଞ୍ଜାରି ପୁଞ୍ଜାମାଚେରି । ୧୩ ଜୀସୁ ଖାହାନା ରୁଟି ଅହାନା ହାତେସି, ଇଞ୍ଜାଁ ମୀଶକା ଜିକେଏ ଏଲେକିହଁ ଏ ହାତେସି । ୧୪ ଜୀସୁ ହାକିଟି ନିଜିତି ତାୟୁ ଇଦି ତାନି ପାଲି ତାକି ସାସୁୟାଁଙ୍କ ତଞ୍ଜାଆଡ଼େସି ।

ଜୀସୁ ଅଡ଼େ ପିତର

୧୫ ଏଞ୍ଜାରି ତିଞ୍ଜାଲି ଆଡ଼ିତି ଜେତ ଜୀସୁ ସିମନ ପିତରଇଁ ଖେଚେସି, “ଏ ଜହନତି ମୀରଏଣା ସିମନ ଏନାଆଁ ନାନୁ ନାଜେ ଇଞ୍ଜାରି କିହା ହାରେକା ଜୀସୁ ନହଁ ମାଞ୍ଜାଦି ?” ଏଞ୍ଜାସି ଏଲେଇରେସି, “ଏ ପ୍ରୁ ନାନୁ ନିଜେ ଜୀସୁନହଁ ମାଞ୍ଜାଇଁ ନାନୁ ଏନାଆଁ ପୁଞ୍ଜାମାଞ୍ଜି ।” ଜୀସୁ ଏଞ୍ଜାଣାଇଁ ଏଲେଇରେସି, “ନା ମେଣ୍ଡା ତାଲକାଣି ତାହମୁ ।” ୧୬ ଜୀସୁ ଖେଣ୍ଡେ ରୀ ପାଲି ତାକି ଖେଚେସି, “ଏ ଜହନତି ମୀରଏଣା ସିମନ ଏନାଆଁ ନାନୁ ନାଜେ ଜୀସୁ ନହଁ ମାଞ୍ଜାଦି ?” ଏଞ୍ଜାସି ଏଲେଇରେସି, “ଏ ପ୍ରୁ ନାନୁ ନିଜେ ଜୀସୁନହଁ ମାଞ୍ଜାଇଁ ନାନୁ ଏନାଆଁ ପୁଞ୍ଜାମାଞ୍ଜି ।” ଏଞ୍ଜାସି ଏଞ୍ଜାଣାଇଁ ଏଲେଇରେସି, “ନା ମେଣ୍ଡାୟାଁଣି ପହିକିମୁ ।” ୧୭ ଜୀସୁ ଅଡ଼େ ତାନି ପାଲି ତାକି ଖେଚେସି, “ଏ ଜହନତି ମୀରଏଣା ସିମନ ଏନାଆଁ ନାନୁ ନାଜେ ଜୀସୁ ନହଁ ମାଞ୍ଜାଦି ?” ଏଲେଇଞ୍ଜି ତାନି ପାଲି ଖେଞ୍ଜାଲିଏ ଏଞ୍ଜାସି ଦୁକୁ ଆହାନା ଏଲେଇରେସି, “ଏ ପ୍ରୁ ନାନୁ ବାରେ ପୁଞ୍ଜାମାଞ୍ଜି; ନାନୁ ନିଜେ ଜୀସୁନହଁ ମାଞ୍ଜାଇଁ, ଏନାଆଁ ନାନୁ ପୁଞ୍ଜାମାଞ୍ଜି ।” ଜୀସୁ ଏଞ୍ଜାଣାଇଁ ଏଲେଇରେସି, “ନା ମେଣ୍ଡାୟାଁଣି ଜାଡ଼ନୁ ଅମୁ ।”

୧୮ ନାନୁ ମିଜେ ସାତା ଖେସିମାଞ୍ଜାଇଁ, ନାନୁ ଦାଂଗଣା ମାନି ବେଲାତା ନୀ ଚେତେଲି ରୁପା କତାନା ଆମ୍ପିୟାଞ୍ଜାକି ନୀ ମନ ଏନିକା ରେଜିମାଚି, ସାମା ବୁଡ଼ହା ଆଡ଼ିହଁ ନାନୁ ନୀ କେସା ଦାହୁଦି ଇଞ୍ଜାଁ ଅର ରଅସି ନୀ ଚେତେଲିତା ଦସାନା ଆମ୍ପିୟା ନୀ ମନ ହିଲେଏ ଏନିକା ରେଜା ଅୟାନେସି । ୧୯ ପିତର ଏନିଲେହେଟି ହାକି ତଲେ ମାହାପୁରୁଇଁ ଗାଞ୍ଜୁରମି କିନେସି, ଏନାଆଁ ପୁଣ୍ଡି କିହାଲି ଏଲେଇଞ୍ଜାମାଚେସି । ଏଲେଇତି ତାୟୁ ଏଞ୍ଜାସି ଏଞ୍ଜାଣାଇଁ ଏଲେଇରେସି, “ନା ଜେତ ଖାମୁ ।”

ଜୀସୁ ତାନି ଜୀସୁତି ସାସୁ

* ୨୧:୩ ୨୧:୩ ଲୁକ ୫:୫ * ୨୧:୬ ୨୧:୬ ଲୁକ ୫:୬

୨୦ *ଜୀସୁ ଏମିନି ସୀସୁଇଁ ଜୀସୁ ନହୁଁ ମାରେସି, ଅଡ଼େ ଲାଆଁୟାଁ ବଜି ବେଲାତା ତାନି ବକତା ଲାବାନା ପ୍ରବୁ ନିଜେ ଆମ୍ବାଆସି ସାତୁୟାଁ କେୟୁତା ହେରପାନେସି ଇଞ୍ଜିଁ ୱେଞ୍ଜାମାରେସି, ଏ ସୀସୁ ଜେଚ ଖାହିମାନାଣି ପିତର ୱେଣ୍ଡେ ଡିରଞ୍ଜନା ମେସ୍ତେସି । ୨୧ ପିତର ଏଞ୍ଜାଣାଇଁ ମେସାନା ଜୀସୁଇଁ ୱେରେସି, “ପ୍ରବୁ ଇଞ୍ଜାଣି କାତା ଏନାଆଁ ଇଞ୍ଜିମାଞ୍ଜି ?”

୨୨ ଜୀସୁ ଏଞ୍ଜାଣାଇଁ ଏଲେଇରେସି, “ନା ୱାନି ଦିନା ପାତେକା ଡୟାପେସି ଇଞ୍ଜିଁ ନାନୁ ମନ କିଇଁ, ଆତିହୁଁ ଏମ୍ବାଆଁ ନାଦି ଏନାୟି ମାନେ ? ନାନୁ ନା ଜେଚ ୱାମୁ ।”

୨୩ ଏମ୍ବାଟିଏ ଏ ସୀସୁ ହାଅସି, ଇ କାତା ତାୟିୟାଁ ବିତ୍ରା ୱେଙ୍ଗାହାରେ, ସାମା ଏଞ୍ଜାସି ହାଅସି ଇଞ୍ଜିଁ ଜୀସୁ ଏଞ୍ଜାଣାଇଁ ଏଲେଇଞ୍ଜା ହିଲାଆଡେସି, ସାମା ନା ୱାନି ଦିନା ପାତେକା ଏଞ୍ଜାସି ଡୟାପେସି ଇଞ୍ଜିଁ ନାନୁ ମନ କିଇଁ, ଆତିହୁଁ ଏମ୍ବାଆଁ ମୀ ଏନାୟି ମାନେ ଇଞ୍ଜିଁ ୱେସାମାରେସି ।

୨୪ ଆମ୍ବାଆସି ଇ ବାରେ ସାକି ହାହିମାନେସି, ଅଡ଼େ ଇ ବାରେ ରାତାମାନେସି, ଏଞ୍ଜାସି ଏ ସୀସୁ; ଅଡ଼େ ଏଞ୍ଜାଣି ସାକି ସାତା ଇଦାଆଁ ମାମୁ ପୁଞ୍ଜାମାନମି ।

ରାନି ହାଡ଼ା

୨୫ ଜୀସୁ ହାରେ ହାରେକା କାମାୟାଁ କିହାମାରେସି; ଏ ବାରେ ରଣ୍ଡା ରଣ୍ଡାଆଁ କିହୁଁ ରାଡିତିହୁଁମା, ଇଚେକା ପତିୟାଁ ରାସକି ଆତୁମା, ଇଚିହୁଁ ନା ଅଣପୁତା ବାରେ ଦାର୍ଡିତା ଜିକେଏ ଏ ବାରେ ଇଟାଲି ଟାୟୁ ଆଆଡେମା ।

ପ୍ରେରିତ ମାନଙ୍କ କାର୍ଯ୍ୟ ପାଣ୍ଡୁ ଥାହାମାନାରି କାମା ମୂଲୁ ହାଡ଼ା

ପାଣ୍ଡୁ ଥାହାରି କାମାତି ପତି କୁଲମିକା ମାଟୁହି କାତା ଅଡ଼େ ଜୀସୁ ଲାକପୁରୁ ହାନି ନକେଏ ତାନି ସୀସୁୟାଣି ଖେସାମାତି ଲେହେ, ଏନିକି ଜିରୁସାଲମତିଏ ଜୀହୁଦା, ସମିରଣ, ଅଡ଼େ ସାରିଖାକି ଏତେ, ଏ କାତାତି ପୁସପନି ୧:୮ ଇ ପତି ଲୁକ ରାଡ଼ାମାରେସି, ଆମାଆସି ଲୁକ ରାଡ଼ାମାନି ନେହୁ କାବୁ ରାଡ଼ାମାରେସି । ଏଝାସି ତାକାଦର ମାରେସି ଇଞ୍ଜା ବାରେ କାତା ଜାଡ଼ନୁ ତଲେ ରାଡ଼ାମାରେସି । ଏଝାସି ତାନି ଲୁକ ନେହୁ କାବୁ ପାଣ୍ଡୁ ଥାହାମାନାରି କାମା ଇ ରା ପତିତା ଜିକେଏ ତିୟପିଲ ଇଞ୍ଜା ଖେସାମାନେସି, ଏଝାସି ଗ୍ରିକ ଲକ୍ଷ ମାରେସି, ସାମା ଗ୍ରିକ ଅଡ଼େ ଜୀହୁଦି ଲକ୍ଷଣି ଆଟୁହି କ୍ରୀସ୍ତାନା ଲକ୍ଷକି ଜିକେଏ ଇ ପତି ରାସ୍ତିକି ଆହାମାରେ ୧:୧ ।

କ୍ରୀସ୍ତ ଜାର୍ନାଆଡ଼ି ତାୟୁ ୬୦-୬୪ ବାର୍ଯ୍ୟ ବିତ୍ତା ପାଣ୍ଡୁ ଥାହାଡ଼ି ପତି ରାସ୍ତିକି ଆହାମାଣମ୍ବିନେ, ଏନାଆଁତାକି ଇତିହୁ ପାଞ୍ଜୁଲ କାୟିଦିତି ପିସପିଆଡ଼ି ନକେଏ ପତି ରାଡ଼ାଲି ରାହାମାରେ । ଲୁକ ଜିକେଏ ପାଣ୍ଡୁ ଥାହାଡ଼ି ପାଞ୍ଜୁଲ ତଲେ ରେଜିମାରେସି ଅଡ଼େ ଆନ୍ତିୟକତି ଗାଡ଼ାତା ଇ ପାଣ୍ଡୁ ଥାହାମାନାରି କାମା ପତି ରାଡ଼ାମାରେସି । ପାଣ୍ଡୁ ଥାହାରି କାମା ପତି “ଲୁକ ରାଡ଼ାମାନି ନେହୁ କାବୁ” ରାଡ଼ିତି ଜେଟ ଜେଟ ଜୀସୁ ଲାକପୁରୁ ହାଜାଲିଏ ରାଡ଼ାଲି ମାଟୁହା ମାରେସି । ଲୁକ ତାନି ନେହୁ କାବୁ ଏନାଆଁତାକି ରାଡ଼ାମାରେସି, ଏଲେକିହୁଏ ଇ ପାଣ୍ଡୁ ଥାହାମାନାରି କାମା ପତି ରାଡ଼ାମାରେସି । ଏଝାସି ତିୟପିଲ ଅଡ଼େ ଗାଡ଼ି ଜାନା ଆହିମାନି କ୍ରୀସ୍ତାନା ଲକ୍ଷକି ଏନାଆଁ ଜାପୁଡ଼ି ଆହାମାରେ, ଏମାଆଁ ତାରି ଆହାଲି ଅଣପିମାରେସି, ଏଡ଼ାଆଁତାକି ଜୀସୁତି ବାରେ କାତା ଅଡ଼େ କ୍ରୀସ୍ତାନା ଲକ୍ଷ ବାରେଖାକି ଆହିମାନି କାତା ରାଡ଼ାମାନେସି ।

ପାଣ୍ଡୁ ଥାହାମାନାରି କାମା ପତି ମୂଲୁଏ ଆଡ଼ି କୁଲମିକାତି କାତା ଅଡ଼େ ଜୀସୁ ତାଣା ନାମୁତଲେ ନୀତିନାୟି ଏନିଆହୁ ତଞ୍ଜା ଆନାୟି ଏଡ଼ାଆଁ ମାଜେ ଖେସ୍ତାନେ । ସୁଦୁଜୀଞ୍ଜୁତି ବାଡ଼ୁଡ଼ୁ ତଲେ ଏନିକିହୁ ଏଟ୍ଟକା ଲକ୍ଷତାଣା ନେହୁ କାବୁ ଏପନାୟି ପାଣ୍ଡୁ ଥାହାରି କାତା ଖେସ୍ତାନେ ।

ପତିତା ମାନାୟି

- ୧. ମୂଲୁଏ ସୀସୁୟାଁ ଲାକ ସୁଦୁଜୀଞ୍ଜୁ ଖାନାୟି ଅଡ଼େ କୁଲମି ପାତାଆନାୟି । ୧:୧-୮:୧
- ୨. କୁଲମି ସାସ୍ତି ବେଟାଆନାୟି ଅଡ଼େ ଜିରୁସାଲମ ସାରିଖାକି ଏନାୟି । ୮:୨-୧୨:୨୩
- ୩. ପାଞ୍ଜୁଲ ମୂଲୁଏ ତାନି ସେବା କାମାତାକି ହାନାୟି । ୧୨:୨୪-୧୪:୨୮
- ୪. ଜିରୁସାଲମତା କୁଟିନି କୁଗିନାୟି । ୧୫:୧-୩୫
- ୫. ପାଞ୍ଜୁଲ ରୀ ପାଲି ତାନି ସେବା କାମାତା ହାନାୟି । ୧୫:୩୬-୧୮:୨୨
- ୬. ପାଞ୍ଜୁଲ ତାନି ପାଲି ତାନି ସେବା କାମାତା ହାନାୟି । ୧୮:୨୩-୨୦:୩୮
- ୭. ପାଞ୍ଜୁଲ ଜିରୁସାଲମତା ଦସ୍ତି ଆନାୟି । ୨୧-୨୬
- ୮. ରମ୍ପତା ପାଞ୍ଜୁଲକି ପାଣ୍ଡିନାୟି । ୨୭-୨୮

ସୁଦୁଜୀଞ୍ଜୁ ତାକି ଆଞ୍ଜିନାୟି

୧*ଏ ଜୀଞ୍ଜୁତି ତିୟପିଲ, ନା ମୂଲୁତି ପତିତା ଇ ବାରେ କାତା ରାଡ଼ାମାଲ, ଜୀସୁ ଏମିନି କାମା ମାଟୁହେସି ଅଡ଼େ ଜାପୁହେସି, ୨*ଏ ଦିନା ପାତେକା ଏଝାସି ପାଣ୍ଡୁ ଥାହାରି ଆଡ଼ାମାରେସି, ସୁଦୁଜୀଞ୍ଜୁ ତଲେ ହୁକୁମି ହୀହାନା ଲାକପୁରୁ ଅଡ଼ି ଆହାମାରେସି । ୩*ଏରେଟିଏ ଜୀସୁ ତାନି ଦୁକୁ ବେଟାଆଡ଼ି ତାୟୁ ହାରେକା ଦିନା ଏଝାସି ଜୀଞ୍ଜୁତଲେ ମାରେସି ଇଦାଆଁ ପାଣ୍ଡୁ ଥାହାମାନାରି ତାଣା ପାର୍ମାଣା କିତେସି, ଇଞ୍ଜା ରୀ କଡ଼ି ଦିନା ପାତେକା ହାରେକା ଦେବା ତଞ୍ଜାଆହାନା ମାହାପୁରୁ ରାଜିତି କାତା ଜାପୁହେସି । ୪*ଏ ଦିନା ଏଝାରି ରଣିଏ ତାଣା ତିଞ୍ଜାଲି କୁଡ଼ା ଆହାମାତି ବେଲତା ଜୀସୁ ଏଞ୍ଜାରିକି ଇ ହୁକୁମି ହୀତେସି; “ମୀରୁ ଜିରୁସାଲମ ପିୟାଁ ଆମ୍ବିୟା ହାଲାଆଦୁ, ସାମା ମୀରୁ ମାହାପୁରୁ ଆଡ଼ାତି ଆଞ୍ଜାମାନାଣି ନା ତାଣାତି ଖେଞ୍ଜା ମାଞ୍ଜେରି, ଏଡ଼ାଆଁ

* ୧:୧ ୧:୧ ଲୁକ ୧:୧-୪ * ୧:୪ ୧:୪ ଲୁକ ୨୪:୪୯

ପାଣ୍ଡବ ପାତେକା କାତାନା ତୁୟାଦୁ: * ଇତିହଂ ଜହନ ଏୟୁତା ବାପ୍ତିସ୍ତ* ହୀତେସି ସାତା, ସାମା ମୀରୁ ଏଚରଦିନା ଜେଚ ସୁଦୁଜୀଞ୍ଜୁ ତଲେ ବାପ୍ତିସ୍ତ† ବେଟାଆଦେରି ।”

ଜୀସୁ ଲାକପୁରୁ ହାନାସି

(ମାର୍କ ୧୭:୧୯-୨୦; ଲୁକ ୨୪:୫୦-୫୩)

୨ ର ଦିନା ପାଣ୍ଡବି ଆଡ଼ାରି ରୁଣ୍ଡା ଆହାମାଟି ବେଲା ଜୀସୁଇଁ ଖେତେରି, “ପୁରୁ, ନୀନୁ ଏନାଆଁ ନୀଏଁ ଇସ୍ରାୟେଲ କେୟୁତା ଅଡ଼େ ଖେଣ୍ଡେ ଇ ରାଜିତି ହେରୁପିଦି ?”

୩ ଜୀସୁ ଏଞ୍ଜରାଇଁ ଏଲେଇଚେସି, “ଆମିନି ଦିନା ଅଡ଼େ କାଲା ନା ଆବା ତାନି ଅଦିକାରତା ଇଟାମାନେସି, ଏ ବାରେ ମିଜେ ପୁଞ୍ଜାଲି ଲତା ଆଏ । ୮ *ସାମା ସୁଦୁଜୀଞ୍ଜୁ ମୀ ତାଣା ଖାଡ଼ିସାରେ, ମୀରୁ ବାଡ଼ୁରୁ ବେଟାଆଦେରି, ଇଞ୍ଜା ଜିରୁସାଲମ ବାରେ ଜୀହୁଦା ଦେସା ଇଞ୍ଜା ସମିରଣତା ଅଡ଼େ ବୁମି ମୁଡ଼ପେ ତାକି ନା ସାକି ଆଦେରି ।” ୯ *ଏଞ୍ଜାସି ଇ ବାରେ କାତା ଖେସ୍ତି ତାୟୁ ଏଞ୍ଜାରି ମେସପନିଏ ଜୀସୁ ଲାକପୁରୁ ହାଚେସି, ଅଡ଼େ ଇଗାସି ଦୁୟା ଏଞ୍ଜାଣାଇଁ ଏଞ୍ଜାରି ତାଣାଟି ଅହଁ ହାଚେ, ଏଞ୍ଜାରି ଅଡ଼େ ଏଞ୍ଜାଣାଇଁ ମେହୁଆଚେରି ।

୧୦ ଏଞ୍ଜାସି ଲାକପୁରୁ ହାଜାଲିଏ ଜିକେଏ ଏଞ୍ଜାରି ହାଗୁଞ୍ଜାକି ମୁମ୍ବୁ କୁହାନା ସିନିକିହି ମାନେରି; ଏଚିବେଲା ଦବଲା ହିମ୍ବୁରିକା ହୁତାମାନି ରିଆରି ଦେଦୁଣିଏ ଏଞ୍ଜାରି ନକିତା ନିତେରି, ୧୧ ଇଞ୍ଜା ଏଞ୍ଜାରି ଏଲେଇଚେରି “ଏ ଗାଲିଲିତି ଲକୁତେରି, ଏନାଆଁତାକି ହାଗୁଞ୍ଜାକି ମୁମ୍ବୁ କୁହାନା ନିଚାମାଖେରି ? ଇ ଆମିନି ଜୀସୁ ମୀ ତାଣାଟି ଲାକପୁରୁ ଅଡ଼ିଆଚେସି, ଏଞ୍ଜାଣାଇଁ ଏନିକିଁ ଲାକପୁରୁ ହାଚାଣି ମୀରୁ ମେସ୍ତେରି, ଅଡ଼େ ଏଲେକିହିଁ ଏ ଖେଣ୍ଡେ ଖାନାଣି ମେହୁଦେରି ।”

ଜୀହୁଦା ଚାୟୁତା ମାତିୟୁଇଁ ଆଚିନାସି

୧୨ ଏମାଟିଏ ତାୟୁ ଏଞ୍ଜାରି ଜୀତ ଇନି ହରୁ ଲାକଟି ଜିରୁସାଲମତା ଖେଣ୍ଡାଖାଚେରି, ଏ ଜୀତ ହରୁଟିଏ ଜିରୁସାଲମ ର ଲିଲମିଚର ହେକ ମାଚେ । ୧୩ *ଇଞ୍ଜା ଏଞ୍ଜାରି ପିତର, ଜହନ, ଜାକୁବ, ଆୟିୟ, ପିଲିପ, ତମା, ବାର୍ତଲମି, ମାତିୟୁ, ଆଲେପି ମୀରୁଏସି ଜାକୁବ, ଦେସାତି ଜୀସୁ ନନି ସିମନ ଅଡ଼େ ଜାକୁବ ମୀରୁଏସି ଜୀହୁଦା, ଗାଡ଼ାତା ଏଜାନା, ଏମିନି ଲାକନି ଇଲୁତା ବାସା ଆହାମାଚେରି, ଏମାଆଁ ହାଚେରି । ୧୪ ଏଞ୍ଜାରି ବାରେଜାଣା ଇୟାସିକା ତଲେ ଇଞ୍ଜା ଜୀସୁତି ଇୟା ମରିୟମ ଅଡ଼େ ତାମି ତାୟିୟାଁ ତଲେ ରଣିଏ ଅଣପୁ ତଲେ ପ୍ରାତାନା କିହିଁ ରୁଣ୍ଡା ଆହାମାଚେରି ।

୧୫ ଏଚରଦିନା ତାୟୁ ନାମିତାରି କୁଡ଼ା ଆହାମାଚେରି, ଏମାଆଁ ସ କଡ଼ି ଜାଣା ଲକୁ କୁଡ଼ା ଆହାମାଚେରି, ପିତର ତାୟିୟାଁ ବିତ୍ରାଟି ନିଚାନା ଏଲେଇଚେସି, ୧୬ “ଜୀସୁତି ତାୟିୟାଁ ଅଡ଼େ ତାକିସା, ଆମିନି ଇସ୍ତାରିୟତ ଜୀହୁଦା ଜୀସୁଇଁ ସାଡ଼ୁୟାଁ କେୟୁତା ଆସପି କିହାଲିତାକି ଜିରୁ ତସାମାଚେସି, ଏଞ୍ଜାଣି ତାକି ସୁଦୁଜୀଞ୍ଜୁ ନଚେଏ ଦାଞ୍ଜୁଦ ଗୁଡ଼ିତି ଏନାଆଁ ଖେସାମାଚେସି, ଏ ଦାମ୍ବୁ ସାସ୍ତେରି ପୂରା ଆନାସି ମାଚେ; ୧୭ ଇତିହଂ ଏଞ୍ଜାସି ମା ବିତ୍ରାଟି ରଅସି ଇଞ୍ଜାଁ ଏଜିକିଞ୍ଜି ଆହୁମାଚେସି, ଅଡ଼େ ଇ ସେବା କାମାତା ପାଣା ବେଟାଆହା ମାଚେସି ।”

୧୮ *ଇ ଇସ୍ତାରିୟତ ଜୀହୁଦା ଲାଗେଏ କାମା କିତି ତାବୁୟାଁ ତଲେ ରଚାଣି ବୁମି କଡ଼ି ଆହାମାଚେ, ଅଡ଼େ ଏଞ୍ଜାସି ହାଡ଼ି ତାଣା ତାୟୁଁ ତୁଇକିହିଁ ତରଗାଲିଏ ତାନି ବାଣ୍ଡି ତାୟାହାଚେ ଇଞ୍ଜା ଖାହିୟାଁ ହଡ଼ାହାଚୁ । ୧୯ ଅଡ଼େ, ଇଦାଆଁ ଜିରୁସାଲମ ଗାଡ଼ାତା ବାସା କିହିମାନି ଲକୁ ବାରେ ପୁଞ୍ଜାଲିଏ ଏ ବୁମିତି ଏଞ୍ଜାରି ହାଡ଼ାତଲେ “ହକଲୁଦାମା” ଇଚିହିଁ “ନେତେରି ବୁମି” ଇଞ୍ଜାଁ ଖେଜିଚେ ।

୨୦ ଅଡ଼େ ପାଚୁ ପତିତା ରାସ୍ତିକି ଆହାମାନେ,

“ଏଞ୍ଜାଣି ବାସାଗାୟୁ ଖାରୁଆସି ଆପେ;

ଏମାଆଁ ଆମ୍ବାଆରି ବାସା କିଆପେରି ।”

ଅଡ଼େ ଜିକେଏ ରାସ୍ତିକି ଆହାମାନେ;

“ଏଞ୍ଜାଣି କାମାଡ଼ି ପାଣା ଅର ରଅସି ବେଟା ଆପେସି ।”

୨୧ *ଏଦାଆଁତାକି, ପୁରୁ ଜୀସୁ ଖେଣ୍ଡେ ନିଜିତି କାତା ସାକି ଆହାଲି ଅର ରଅସି ମା ତଲେ ଆଣ୍ଡାନାସି ମାନେ । ୨୨ ଜୀସୁ ଜହନ ତାଣାଟି ବାପ୍ତିସ୍ତ‡ ଅଡ଼ି ବେଲାଟିଏ ଲାକପୁରୁ ହାନି ପାତେକା ପୁରୁ ଜୀସୁ ମା ତଲେ

* ୧:୫ ୧:୫ ମାତି ୩:୧୧; ମାର୍କ ୧:୮; ଲୁକ ୩:୧୭; ଜହ ୧:୩୩ * ୧:୫ ୧:୫ ମୁଞ୍ଜିନାସି † ୧:୫ ୧:୫ ମୁଞ୍ଜିନାସି * ୧:୮ ୧:୮ ମାତି ୨୮:୧୯; ମାର୍କ ୧୭:୧୫; ଲୁକ ୨୪:୪୭-୪୮ * ୧:୯ ୧:୯ ମାର୍କ ୧୭:୧୯; ଲୁକ ୨୪:୫୦, ୫୧ * ୧:୧୩ ୧:୧୩ ମାତି ୧୦:୨-୪; ମାର୍କ ୩:୧୭-୧୯; ଲୁକ ୭:୧୪-୧୭ * ୧:୧୮ ୧:୧୮ ମାତି ୨୭:୩-୮ * ୧:୨୧ ୧:୨୧ ମାତି ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୫୧ ‡ ୧:୨୨ ୧:୨୨ ମୁଞ୍ଜିନାସି

ନୀତାମାଟି ବେଲ୍ଲୀତା, ଆମିନି ଲକ୍ଷ୍ମୀ ମା ଗତିତା ମାରେରି, ଏଞ୍ଜାରି ତାଣ୍ଡାଟି ରଅସି ଝେଣ୍ଡେ ନିଜିନି ସାକି ଆନାୟି ମାନେ ।”

୨୩ ଏଚେଟିଏ ଏଞ୍ଜାରି ରିଆରାଇଁ ଇଟିହୁଁ ଜସେପଇଁ, ଆମ୍ବାଆରାଇଁ ବସିବା ଇନେରି ଅଡ଼େ ଆମ୍ବାଆରି ହାଡ଼ା ଦରୁ ଜୁସ୍ତ ଏଞ୍ଜାଣାଇଁ ଇଞ୍ଜା ମତିୟଇଁ ବାଟି କିହାନା, ୨୪ ଇ ପ୍ରାତାନା କିତେରି, “ପ୍ରବୁ ନୀନୁ ବାରେଡି ହିୟାଁଟି ଅଣ୍ଡାପୁ ପୁନାଟି, ଜାହୁଦା ଏମିନି ଚାୟୁଡା ଡ଼ୟିନାୟି ମାନେ ଏଞ୍ଜାସି ହାଜାଲିଏ, ଏଞ୍ଜାଣି ଚାୟୁଡା ଇ ରିଆରି ବିଡ଼ାଟି ନୀ ତାଣ୍ଡାଟି ଆଡ଼ିତାସି ଆମ୍ବାଆସି, ୨୫ ଏ ପାଣ୍ଡାଫି ଆହାମାନାରି ସେବା କାମା କିହାଲି ଆମ୍ବାଆରାଇଁ ଜାହୁଦା ପାଣ୍ଡାତା ବାଟି କିହାମାଞ୍ଜି ତସ୍ତାମ୍ ।” ୨୬ ଅଡ଼େ ଏଞ୍ଜାରି ଏରିଆରି ତାକି ପାଦି କିହାଲିଏ ମତିୟ ଦରୁତଲେ ଆଡେ; ଅଡ଼େ ଏଞ୍ଜାସି ଏଗାର ଜାଣା ପାଣ୍ଡାଫି ଆହାମାନାରି ଗତିତା ଆଣ୍ଡିତେସି ।

୨

ସୁଦୁଜୀଞ୍ଜୁ ରେଚା ଖାନାୟି

୧ ପେଡ଼ିକସ୍ତ* ଦିନାତା କ୍ରୀସ୍ତଇଁ ନାମିତି ବାରେଜାଣା ର ଚାୟୁଡା ରୁଣ୍ଡା ଆହାମାଚେରି । ୨ ଏ ଦେବୁଣିଏ କାଜା ଗାଲି ଖାହିମାନି ଲେହେଁ ଏ ହାଡ଼ା ଲାକପୁରୁଟି ଖାହାଁ, ଆମିନି ଇଲୁଡା ଏଞ୍ଜାରି କୁଗାମାଚେରି, ଏ ଇଲୁଟି ବାରେଖାକି ଝେଜିତେ । ୩ ଇଞ୍ଜା ହିରୁ ଗୁଦଞ୍ଜା ଲେହେଁ ତଞ୍ଜାଆହାନା ଏଞ୍ଜାରି ନକିତା ରଣ୍ଡି ରଣ୍ଡି ଆହୁଁ ଏ ବାରେଜାଣାଟି ଲାକ ରେଚାଖାଡେ । ୪ ଏମ୍ବାଟିଏ ଏଞ୍ଜାରି ବାରେଜାଣା ସୁଦୁଜୀଞ୍ଜୁ ବେଗାଆହାନା ଏ ଜୀଞ୍ଜୁ ଏନିକିଁ ଜଲ୍ଲାଲି ବାଡ଼ୁୟୁ ହାତେ, ଏଲେକିଁ ଏଞ୍ଜାରି ଏଚକା ଏଚକା ହାଡ଼ାତଲେ ଜଲ୍ଲାଲି ମାଡ଼ହେରି ।

୫ ଏଟିବେଲ୍ଲୀତା ପେଡ଼ିକସ୍ତ ପାର୍ବୁତାକି ହାଗୁ ଡ଼ଇତି ଏଚକା ଏଚକା ଦେସାଟି ଖାହାମାଟି ଜାହୁଦି ଲକ୍ଷ୍ମୀ ଜିରୁସାଲମତା ଡ଼ୟା ମାଚେରି; ୬ ଅଡ଼େ, ଏ ହାଡ଼ା ଝେଞ୍ଜାଲିଏ, ହାରେଚକା ଲକ୍ଷ୍ମୀ କୁଡ଼ା ଆହାନା ବାରେଜାଣା ଜାହା ଜାହାରା ହାଡ଼ାତଲେ ଏଞ୍ଜାରି ଜଲ୍ଲିମାନାଣି ଝେଞ୍ଜାନା କାବା ଆହାହାଚେରି । ୭ ଇଞ୍ଜା ଏଞ୍ଜାରି ଆତାଜାକା ଅଡ଼େ କାବାଆହାନା ଏଲେଇଚେରି, “ମେହୁଦୁ ଇ ଆମିନି ଲକ୍ଷ୍ମୀ ହାଡ଼ା ଜଲ୍ଲିମାନେରି, ଏଞ୍ଜାରି ବାରେ ଗାଲିଲିତାରି ଆଏକି ? ୮ ଆତିହୁଁ, ମାର ଏନିକିଁ ବାରେଜାଣା ଜାହା ଜାହାରା ଜାର୍ନା ଚାୟୁଡି ହାଡ଼ାତଲେ ଜଲ୍ଲିମାନାଣି ଝେଞ୍ଜିମାନାୟି ? ୯ ପାତୟ, ମାଦିୟ, ଏଲାମିୟ, ଅଡ଼େ ମେସପଗାମିୟା, ଜାହୁଦା ଦେସା, କାପାଦକିୟା; ପତ୍ର ଅଡ଼େ ଆସିୟା, ୧୦ ପୁଗୟା, ପଂପୁଲିୟା, ମିସର ଇଞ୍ଜା କୁରିଣି ଦାରିତା ଡ଼ଇନି ଲିବିୟା ନାସ୍ତକାଣାଁ ବାସା କିନାରି, ଇଞ୍ଜା ରମ୍ପଟି ଖାହାମାନି ଜାହୁଦି, ୧୧ ଅଡ଼େ ଏଚକା କୁଡ଼ାଟି ଲକ୍ଷ୍ମୀ ଜାହୁଦି ଦାମ୍ପୁଟି ନାମାହାଁ ଡ଼ୟାମାନାରି; ଅଡ଼େ କ୍ରିତି ଇଞ୍ଜା ଆରବିୟ ଦେସାଟି ଲକ୍ଷ୍ମୀତାୟି ମାର, ମାର ଜାହା ଜାହାରା ହାଡ଼ାତଲେ ମାହାପୁରୁଟି କାଜା କାଜା କାମାଟି କାତା ଜଲ୍ଲିମାନାଣି ଝେଞ୍ଜିମାନାୟି ।” ୧୨ ଅଡ଼େ ବାରେଜାଣା ଆତାଜାକା ଅଡ଼େ କାବାଆହାନା ତାମ୍ପୁଡ଼ାମ୍ପୁ ହାଡ଼ାକାତା ଆଡେରି, “ଇଦାଣି ଅର୍ତ୍ତ ଏନାୟି ?”

୧୩ ସାମା ଏଚକାତାରି ଲାଜାକିହୁଁ ଏଲେଇଚେରି, “ଇଞ୍ଜାରି ପୁଞ୍ଜି ଡ଼ାକ୍‌ହି ଅଲ୍ଲୁରି ରାସା ଗସାନା ହଡ଼ା ହାଜାମାନେରି ।”

ପିତର କାବୁ ଝେକନାୟି

୧୪ ସାମା ପିତର ଏଗାର ଜାଣା ସାସୁୟାଁ ତଲେ ନିନାନା କାଜା ଗିୟାଁତଲେ ଏଲେଇଚେସି, “ଜାହୁଦି ତାୟିୟାଁ ଅଡ଼େ ଜିରୁସାଲମତା ବାସା କିହିମାନାଚେରି, ମୀରୁ ନା କାତାଟି ଝେଞ୍ଜାଡୁ ଅଡ଼େ ଇଦାଆଁ ପୁଞ୍ଜୁ । ୧୫ ଇଟିହୁଁ ମୀରୁ ଏନିକିଁ ଅଣ୍ଡପିମାଞ୍ଜେରି, ଇଞ୍ଜାରି ଏଲେକିହୁଁ ଅଲ୍ଲୁରି ରାସା ଗସାହାଁ ହଡ଼ା ହିଲଅରି; ଇଦି ଆଡେ ଲାଜିତି ନ ଚାଂଟା ଆହାମାନେ । ୧୬ ସାମା ମାହାପୁରୁ ଅଣ୍ଡପୁଟି ବଲ୍ଲୁ ଝେହ୍ନି ଆମିନି ଜୟେଲ ତାଣ୍ଡାଟି ରାସ୍‌କି ଆହାମାନେ ଇଦି ଆହିମାନେ ଏଦି;

୧୭ ମାହାପୁରୁ ଝେସିମାନେସି ରାନ୍ଦି ଦିନାତା ଇ ବାରେ ଗଟଫି ଆନେ, ନାନୁ ବାରେ ଲକ୍ଷ୍ମୀତାକି ନା ଜାଞ୍ଜୁ ପାଣ୍ଡାଇଁ, ଏଚେଟିଏ ମୀ ମୀରୁକା ମାସ୍‌କା ମାହାପୁରୁ ଅଣ୍ଡପୁଟି ବଲ୍ଲୁ ଝେହ୍ନେରି, ମୀ ଦାଂଗଣାୟାଁ କାବା ଆନାଣି ମେହ୍ନେରି, ଅଡ଼େ ମୀ ବୁଡ଼ହାୟାଁ ହାପାନା ହେଣ୍ଡନେରି ।

୧୮ ହାଅ, ଏ କାଲ୍ଲୀତା ନା ହଲ୍ଲିୟାଜା ଇଞ୍ଜା ହଲ୍ଲିସିକା ଲାକ, ନାନୁ ନା ଜୀଞ୍ଜୁଟି ଏଞ୍ଜାରି ଲାକ ଖାକ୍‌ଇଁ,

* ୨:୧ ୨:୧ ପିସ୍‌ପିଆନ୍ଦି ପାର୍ବୁଟି ରୀ କଡ଼ି ଦସ ଦିନା

ଏଚେଟିଏ ଏଞ୍ଜାରି ମାହାପୁରୁ ଅଣ୍ଟାପୁତି ବଲୁ ଝେହ୍ନେନେରି ।

୧୯ ନାନୁ ହାଗୁ ଲାକ କାବାଆନି କାମା;

ଅଡ଼େ ଡ଼ଇ ଦାବ୍‌ତିତା କାବାଆନି ସିନାୟାଁ,

ଏମ୍ବାଆଁ ନେତେରି, ହିରୁ ଇଞ୍ଜାଁ ହାବେରକା ବୟଁ ତହ୍‌ଇଁ;

୨୦ ପ୍ରବୁତି କାଜା ଗାଞ୍ଜୁରମି ଦିନା ଖାନି ନଡ଼େଏ,

ଝେଡ଼ା ଆନ୍ଦେରି ଆଡ଼େ,

ଅଡ଼େ ଲେଞ୍ଜୁ ନେତେରିଲେହେଁ ଆଡ଼େ ।

୨୧ ଅଡ଼େ ଇଲେକିହଁ ଆଡ଼େ, ଆମ୍ବାଆସି ପ୍ରବୁ ଦରୁ ଆସାନା ପ୍ରାଡ଼ାନା କିନେସି, ଏଞ୍ଜାସି ଗେଲ୍‌ପି ଆନେସି
।”

୨୨ “ଇସ୍ତାୟେଲ ଲକୁଡେରି, ଇ ବାରେ କାତା ଝେଞ୍ଜୁ ! ନାନ୍‌ଡିରତ ଜୀମ୍ବୁ ହାବେରକା ବାଡ଼ୁୟୁତି କାମା, କାବାଆନି କାମା ଇଞ୍ଜାଁ ସିନାୟାଁ ତଲେ ମୀ ନକିତା ମାହାପୁରୁତି ପାଣ୍ଡୁଞ୍ଜି ଆଡ଼ାସି ଇଞ୍ଜୁଁ ପାର୍‌ମାଣା ଆହାମାନେସି, ଏଞ୍ଜାଣି ତାଣାଟି ମାହାପୁରୁ ମୀ ତାଣା ଇ ବାରେ କାମା କିହାମାନେସି, ଇଦାଆଁ ମୀରୁ ପୁଞ୍ଜାମାଞ୍ଜେରି । ୨୩ *ଏ ଜୀମ୍ବୁ ମାହାପୁରୁ କିହାମାନି ଅଣ୍ଟାପୁ ଅଡ଼େ ତଲିତି କାତାତଲେ ହେବ୍‌ସି ଆହାଲିଏ, ମୀରୁ ଏଞ୍ଜାଣାଈଁ ପାପୁ ଗାଟାରି କେୟୁତି ପାସି ମୁଣ୍ଡାତା ଏକ୍‌ହାନା ପାୟାମାଚେରି । ୨୪ *ସାମା ମାହାପୁରୁ ଏଞ୍ଜାଣାଈଁ ହାକିତି ବାଡ଼ୁୟୁତି ଗେଲ୍‌ପାନା ନାବ୍‌ହା ମାଚେସି, ଇଚିହଁ ଏଞ୍ଜାସି ହାକିତା ଦସ୍‌ପି ଆହା ଡ଼ୟିନେସି ଏଡ଼ି ଆହାଲି ଆଡ଼େଏ ।” ୨୫ ଦାଞ୍ଜୁଦ ଏ କାତାତି ଝେସାମାନେସି,

“ନାନୁ ବାରେବେଲା ନା ନକିତା ପ୍ରବୁଇଁ ମେସିମାଚେସି;

ଇଚିହଁ ନାନୁ ଏନିକିଁ କିଲିବିଲି ଆର୍‌, ଏଦାଆଁତାକି ଏଞ୍ଜାସି ନା ଚିଠିନି ଚଟତା ମାନେସି ।

୨୬ ଏଦାଆଁତାକି ନା ହିୟାଁ ରାହାଁ

ଅଡ଼େ ନା ଝେନ୍‌ଦରି ରାହାଁ ଆଡ଼େ,

ଅଡ଼େ ନା ଆଞ୍ଜା ଜିକେଏ ବାସ୍‌ ତଲେ ବାସା କିନେ,

୨୭ ଇଚିହଁ ନାନୁ ନା ଜୀଞ୍ଜୁତି ହାକିପୁରୁତା ପିହ୍‌ଅତି;

ଅଡ଼େ ନୀ ନାମ୍ବୁ ଅଡ଼େ ସ୍‌ବୁ ଗାଟାଣାଈଁ ମାହାଣି ମାଣ୍ଡାତା ସୀର୍‌ହାଲି ହାଅତି ।

୨୮ ନାନୁ ନାଞ୍ଜେ ଜୀଞ୍ଜୁତି ଜିରୁ ତସାମାଞ୍ଜାଦି,

ଅଡ଼େ ନାନୁ ନାଞ୍ଜେ ନୀ ନକିତା ରାହାଁତା ନେଞ୍ଜିକିୟାଦି ।”

୨୯ “ଇସ୍ତାୟେଲତି ତାୟାଁ ଅଡ଼େ ତାଞ୍ଜିୟାତେରି, ମା ଆକୁ ଦାଞ୍ଜୁଦତି କାତା ନାନୁ ମିଞ୍ଜେ କାଜା ହାଡ଼ାତଲେ ଝେସାଲି ଆଡ଼ାଇଁ, ଇଚିହଁ ଏଞ୍ଜାସି ହାଡ଼େସି ଇଞ୍ଜାଁ ମୁସ୍‌ପି ଆଡ଼େସି, ଇଞ୍ଜାଁ ଏଞ୍ଜାଣି ମାହାଣି ମାଣ୍ଡା ନାସି ପାଡେକା ଇମ୍ବାଆଁ ମା ବିଡ଼ା ମାନେ । ୩୦ ରାଜା ଦାଞ୍ଜୁଦ ର ମାହାପୁରୁ ଅଣ୍ଟାପୁତି ବଲୁ ଝେହ୍ନେନାସି ଲେହେଁ, ତାନି ନେତେରି ତଲେ ଜାନିଁ ଆଡ଼ାଣାଈଁ ମାହାପୁରୁ ତାନି ସିଂଗାସାଣିତା କୁରିକିହାଲି ତାନି ତାଣା ଆଞ୍ଜାମାଚେସି ଇଞ୍ଜୁଁ ପୁଞ୍ଜାମାଚେସି । ୩୧ ଦାଞ୍ଜୁଦ ଇଦାଆଁ ପୁଞ୍ଜାମାଚାକି, କ୍ରୀସ୍‌ତି ଝେଣ୍ଡେ ନିଜିନି କାତା ଝେସାମାଚେସି ।”

“ଇଚିହଁ ଏଞ୍ଜାସି ହାଡ଼ାରି ତାଣା ଡ଼ୟାଆଡେସି;

ଇଞ୍ଜାଁ ଏଞ୍ଜାଣି ଆଞ୍ଜା ମାହାଣି ମାଣ୍ଡାତା ସୀର୍‌ଆଡେ ।”

୩୨ ମାହାପୁରୁ ଇ ଜୀସୁଇଁ ଅଡ଼େ ଝେଣ୍ଡେ ହାକିତି ନିକ୍‌ହାମାନେସି ଇଦାଣି ତାକି ମାମ୍ବୁ ବାରେ ସାକି ।

୩୩ ଏଦାଆଁତାକି ଆବା ମାହାପୁରୁ ଜୀସୁଇଁ କାଜାସି କିହାନା ତାନି ଚିଠିନିଞ୍ଜାକି କୁରିକିହାନା ତାନିତଲେ ସାଲ୍‌ଞ୍ଜି କିହାଲି ହାଡ଼େସି, ଇଞ୍ଜାଁ ଏଞ୍ଜାସି ମାଞ୍ଜେ ଆଞ୍ଜାମାଟି ସୁଦୁଜୀଞ୍ଜୁ ହିୟାଡେସି, ଇଦି ମୀରୁ ବାରେ ଆନିନିଗାଟାଣି ମେସିମାଞ୍ଜେରି ଇଞ୍ଜାଁ ଝେଞ୍ଜିମାଞ୍ଜେରି । ୩୪ ଇଚିହଁ ଦାଞ୍ଜୁଦ ଲାକପୁରୁ ହାଜାହିଲିଆଡେସି; ଏଞ୍ଜାସି ତାନୁଏ ଝେସାମାଚେସି,

“ପ୍ରବୁ ନା ପ୍ରବୁଇଁ ଏଲେଇଚେସି;

୩୫ ନାନୁ ନୀ ସାଡ଼ୁୟାଁଣି ନୀ କତାୟାଁ ଡ଼ଇ ଇଟାଆ ପାଡେକା,

ନାନୁ ନା ଚିଠିନିଞ୍ଜାକି କୁଗାମାନାମ୍ବୁ ।”

୩୬ “ଇଦାଆଁତାକି ବାରେ ଇସ୍ତାୟେଲତି ଲକୁ ସାଡେଏ ପୁନାପେରି, ଇଚିହଁ ଆନିନି ଜୀସୁଇଁ କୁସତା ପାୟିତେରି, ସାଡେଏ ଏଞ୍ଜାଣାଈଁ ମାହାପୁରୁ, ପ୍ରବୁ ଅଡ଼େ ମସିହା ପାଣା ହାଡେସି ।”

* ୨:୨୩ ୨:୨୩ ମାଟି ୨୭:୩୫; ମାର୍କି ୧୫:୨୪; ଲୁକ ୨୩:୩୩; ଜହ ୧୯:୧୮ * ୨:୨୪ ୨:୨୪ ମାଟି ୨୮:୫,୬; ମାର୍କି ୧୭:୬; ଲୁକ ୨୪:୫

୩୭ ଈ କାତା ଖେଞ୍ଜାନା ଲକ୍ଷ୍ମି ହିୟାଁ ତୀହାହାତେ, ଇଞ୍ଜାଁ ଏଞ୍ଜାରି ପିତର ଅଡ଼େ ଏମ୍ବାଆଁ ମାଟି ପାଣ୍ଡି ଆଡ଼ାରାଇଁ ଏଲେଇଚେରି, “ତାୟିୟାଁ ମାମୁଁ ଏନାଆଁ କିନମି ?”

୩୮ ପିତର ଏଞ୍ଜାରାଇଁ ଏଲେଇଚେରି, “ମୀରୁ ମୀ ହିୟାଁ ଖେବୁହା କତାଦୁ, ଅଡ଼େ ଜାହାରା ପାପୁଡ଼ି ମ୍ଲେକହାଲି ବାରେଜାଣା ଜୀସୁ ଜୀସୁ ଦରୁତଲେ ବାପ୍ତିସ୍ମାଁ ଅଦୁ; ଆତିହୁଁ ଦେଁ ମୀରୁ ସୁଦୁଜୀସୁତି ଦାନା ବେଟାଆଡ଼େରି । ୩୯ ଇତିହୁଁ ମାହାପୁରୁ ଆଞ୍ଜାମାନାୟି ମିଜେତାକି, ଇଞ୍ଜାଁ ମୀ ମୀରକା ମାୟକା ତାକି, ଅଡ଼େ ହେକତି ଏଚେକା ଲକ୍ଷୁ ମା ପୁରୁ ମାହାପୁରୁ ତାନି ତାଣା ହାଟିନେସି, ଏ ବାରେ ଲକ୍ଷୁତାକି ଆନେ ।”

୪୦ ଅଡ଼େ ପିତର ଏଞ୍ଜାରାଇଁ ହାରେକା କାତାତଲେ ବାଟିମାଲିହୁଁ ଅଡ଼େ ଏଞ୍ଜାରାଇଁ ଜାପୁନି ହାଡ଼ା ଖେସିହୁଁ ସାକି ହୀଚେସି, “ଇ କୁଟୁଗାଟି କୁଡ଼ାଟି ଲକ୍ଷୁଟିଏ ମୀରୁ ଗେଲପି ଆଦୁ ।” ୪୧ ହାରେକା ଲକ୍ଷୁ ଏଞ୍ଜାଣି ହାଡ଼ା ନାମିତେରି ଇଞ୍ଜାଁ ବାପ୍ତିସ୍ମାଁ ଅଡ଼େରି, ଅଡ଼େ ଏ ଦିନା ବାରେ ତାନି ମାଣା ଲକ୍ଷୁ କୁଲମି ତଲେ ଆଣ୍ଡିତେରି । ୪୨ ଏ ଦିନାଟିଏ ଏଞ୍ଜାରି ପାଣ୍ଡି ଆଡ଼ାରି ଜାପୁନି ତାଣା, ଏଞ୍ଜାରିତଲେ ଆଣ୍ଡାନା ରୁଟି ଡ଼ିକହାଲି, ପ୍ରାତାନା କିହାଲି ଆଣ୍ଡି ଆହାଁ ଡ଼ିକିତେରି ।

ନାମୁଗାଟାରି ମାଣକି

୪୩ ପାଣ୍ଡି ଆଡ଼ାରି ତାଣାଟି ହାରେ ହାରେକା କାବାଆନି କାମା ଇଞ୍ଜାଁ ସିନାୟାଁ ତଞ୍ଜାଆହାଲି ମାଟୁହେ; ଅଡ଼େ, ଲକ୍ଷୁ ବାରେ ଆଜାଲି ମାଟୁହେରି । ୪୪ ଏସାମା ବାରେ ନାମିତାରି, ଏଞ୍ଜାରି ବାରେଜାଣା ରଣ୍ଡିଏ ତାଣା ଡ଼ୟାନା ବାରେ ଦନତି ବାରେତାୟି ଇଞ୍ଜୁଁ ଅଣ୍ଡପିତେରି, ୪୫ ଅଡ଼େ ଏଞ୍ଜାରି ଜାହାରା ଦନତି ଆସି ମାଗାଣି ପାଟୁଚାନା, ଆମ୍ବାଆରାକି ଏନାୟି ଲତାମାନେ, ଏଲେକିହୁଁ ବାରେତାକି ବାଟିକିହାଁ ହାହାଲି ମାଟୁହେରି । ୪୬ ଅଡ଼େ, ଏଞ୍ଜାରି ରଣ୍ଡିଏ ହିୟାଁ ଆହାଁ ବାରେଦିନା ପ୍ରାତାନା ଲକ୍ଷୁତା ରୁଣ୍ଡା ଆହାନା ଡ଼ିକିମାଚେରି, ଇଞ୍ଜାଁ ଇଲୁତାକି ଇଲୁ ରୁଟି ଡ଼ିକହୁଁ ରାହାଁ ଅଡ଼େ ହିଡ଼ି ହିୟାଁ ତଲେ ତିଞ୍ଜି ତଣ୍ଡିହୁଁ, ୪୭ ମାହାପୁରୁତି ଜହରା କିହିମାଚେରି ଇଞ୍ଜାଁ ବାରେ ଲକ୍ଷୁତି ଜୀସୁ ନନାରି ଆହିମାଚେରି । ଅଡ଼େ ପ୍ରୁ ତାଣା ଗେଲପି ଆହିମାନି ଲକ୍ଷୁଣି ବାରେଦିନା କୁଲମି ତଲେ କାଲହାଲି ମାଟୁହେରି ।

୩

ପିତର ସଟାଇଁ ନେହୁଁ କିନାୟି

୧ ପିତର ଅଡ଼େ ଜହନ ର ଦିନା ପ୍ରାତାନା କିନି କାରୁତା ଇତିହୁଁ ତାନି ଗଂଟା ବେଲାତା ପ୍ରାତାନା ଇଲୁତା ହାଜିମାଚେରି । ୨ ଏଟିବେଲାତା ଜାର୍ନାଟିଏ ସଟା ରଅସି ଡ଼େକି କିଞ୍ଜି ଆହାଁ “ଅଜିତି” ଦରୁଗାଟି ଦୁଖେରିତା ଇଡ଼ି ଆହିମାଚେସି; ଇଞ୍ଜାଁ ଏଞ୍ଜାସି ପ୍ରାତାନା ଇଲୁତା ଖାନି ଲକ୍ଷୁଣି ରାସିମାଚେସି । ୩ ଅଡ଼େ ଏଞ୍ଜାସି ପିତର ଇଞ୍ଜାଁ ଜହନଇଁ ପ୍ରାତାନା ଇଲୁ ବିତ୍ତା ହାଜିମାନାଣି ମେସାନା ଏଞ୍ଜାରାଇଁ ରାସାଲି ମାଟୁହେସି । ୪ ପିତର ଅଡ଼େ ଜହନ ଏଞ୍ଜାଣାଇଁ ଆଚେ ସିନକିତେରି, ଇଞ୍ଜାଁ ପିତର ଏଲେଇଚେସି “ମା ଖାକି ସିନକିୟାମୁ ।” ୫ ଏମ୍ବାଟିଏ ଏଞ୍ଜାସି ଏଞ୍ଜାରି ତାଣାଟି ଇଚାଣି ବେଟାଆହାଲି ଏଞ୍ଜାରି ଖାକି ସିନକିତେସି । ୬ ସାମା ପିତର ଏଲେଇଚେସି, “ନା ତାଣା ବାଂଗାରା କି ଖେଣ୍ଡି ହିଲେଏ, ସାମା ନା ତାଣା ଏନାୟି ମାନେ ଏଦାଆଁ ହାହିମାଞ୍ଜାଇଁ ନାଜିରିତ ଜୀସୁ ଜୀସୁ ଦରୁତଲେ ହୁକୁମି ହାହିମାଞ୍ଜାଇଁ ନିଜାନା ତାକାମୁ !” ୭ ଅଡ଼େ, ଏଞ୍ଜାସି ଏଞ୍ଜାଣି ଟିଠିନି କେୟୁ ଆସାନା ଏଞ୍ଜାଣାଇଁ ନିକହେସି, ଏଚେଟିଏ ଏ ଦେବୁଣିଏ ଏଞ୍ଜାଣି କତାୟାଁତି ହାୟୁଲିକା ବାଡ଼ୁୟୁ ଆଦୁ; ୮ ଏଞ୍ଜାସି ଡ଼େଞ୍ଜୁଁ ଡ଼େଞ୍ଜୁଁ ତାନି କତାତଲେ ନିତେସି, ଅଡ଼େ ତାକାଲି ମାଟୁହେସି । ଏଚେଟିଏ ଏଞ୍ଜାସି ଏଞ୍ଜାରିତଲେ ପ୍ରାତାନା ଇଲୁତା ତାକହୁଁ ଅଡ଼େ ଡ଼େଞ୍ଜୁଁ ଇଞ୍ଜାଁ ମାହାପୁରୁଇଁ ଗାଞ୍ଜୁରମି କିହୁଁ ହାଚେସି । ୯ ଏମ୍ବାଆଁ ମାନି ଲକ୍ଷୁ ବାରେ ଏଞ୍ଜାଣି ତାକିନାଣି ଅଡ଼େ ମାହାପୁରୁତି ଗାଞ୍ଜୁରମି କିହିମାନାଣି ମେସୁେରି; ୧୦ ଅଡ଼େ ଆନିନିଗାଟାସି ପ୍ରାତାନା ଇଲୁତି ଅଜିତି ଦୁଖେରିତା କୁଗାନା ରାସିମାଚେସି, ଏଞ୍ଜାସିଏ ଇଞ୍ଜାସି ଇଞ୍ଜୁଁ ପୁଚେରି, ଏଞ୍ଜାଣାକି ଏନାଆଁ କିଞ୍ଜି ଆହାମାଚେ ଏଦାଆଁ ମେସାନା ଆତାଜାକା ଆହାନା କାବା ଆଡ଼େରି ।

ପ୍ରାତାନା ଇଲୁତା ପିତର ଖେକନାୟି

୧୧ ଏଞ୍ଜାସି ପିତର ଇଞ୍ଜାଁ ଜହନ ତଲେ ସଲମନତି ପିଣ୍ଡାତା ମାନାଣି ମେସାନା, ବାରେ ଲକ୍ଷୁ ଆତାଜାକା ଆହାନା ଏଞ୍ଜାରି ତାଗେ ହଟାଚେରି । ୧୨ ପିତର ଏଞ୍ଜାରାଇଁ ମେସାନା ଏଲେଇଚେସି, “ଇସ୍ରାୟେଲ ଲକ୍ଷୁତେରି, ମୀରୁ ଏନାଆଁତାକି ଆତାଜାକା ଆହିମାଞ୍ଜେରି ? ମାମୁଁ ମା ବାଡ଼ୁୟୁ କି ମାହାପୁରୁ ଆଜିତଲେ ଇଞ୍ଜାଣାକି ତାକାଲି ବାଡ଼ୁୟୁ ହାହାମାନମି, ଏଦାଆଁ ଅଣ୍ଡପାନା ମାଜେ ରଣ୍ଡିଏ ଅଣ୍ଡପୁ ତଲେ ଏନାଆଁତାକି

ସିନିକିହିମାଞ୍ଜାଦେରି ? ୧୩ ଅଗ୍ରାହାମ, ଇସାହାକ ଅଡ଼େ ଜାକୁବତି ମାହାପୁରୁ, ମା, ଆକୁ ଆବାୟାତି ମାହାପୁରୁ, ତାନି ହରେଲଏସି ଜାସୁଇଁ ମାହାପୁରୁତି ଗାଞ୍ଜୁରମି ହୀହାମାନେସି । ସାମା ଜାସୁଇଁ ମୀରୁଏ ସାଲୁଝି କିନାରି କେୟୁତା ହେବପିତେରି, ଏତିବେଲା ପିଲାତ ଜାସୁଇଁ ପିସାଲି ଅଣପା ମାତିହୁଁ ଜିକେଏ, ଏଞ୍ଜାଣାଇଁ ମୀରୁ ପିଲାତ ନକିତା ଅପାଆତେରି । ୧୪ ଏଞ୍ଜାସି ସୁଦୁ ଅଡ଼େ ଦାମ୍ବୁଗାଗାସି ମାଚେସି, ସାମା ମୀରୁ ଏଞ୍ଜାଣାଇଁ ଅପାଆତେରି, ଅଡ଼େ ଏଞ୍ଜାଣି ଟାୟୁତା ର, ଲକୁଣି ପାୟିନାଣାଇଁ ପିସାଲି ପିଲାତଇଁ ବାତିମାଲିତେରି, ୧୫ ଆମ୍ବାଆସି ଜାସୁତି ଜିରୁ ତହୁନାସି ଏଞ୍ଜାଣାଇଁ ମୀରୁ ପାୟିତେରି; ଏଞ୍ଜାଣାଇଁ ମାହାପୁରୁ ହାଡ଼ାରି ତାଣାଟି ନିକହାମାନେସି, ମାମ୍ବୁ ଛଦାଣି ସାକି । ୧୬ ଏଞ୍ଜାଣି ଦରୁତି ବାଡ଼ୁୟୁ ଇ ସତାଇଁ ନେହୁଁ କିହାମାନେ, ମୀରୁ ଏନାଆଁ ମେସାନା ସାତା ଇଞ୍ଜୁଁ ପୁଞ୍ଜାମାଞ୍ଜେରି, ଏଞ୍ଜାଣି ଦରୁତଲେ ନାମିତାକି ଆହାମାନେ । ଜାସୁଇଁ ନାମିତାକି ଏଞ୍ଜାସି ନେହୁଁ ଆହାମାନେସି ଇଦାଆଁ ମୀରୁ ମେସାମାଞ୍ଜେରି ।”

୧୭ “ଅଡ଼େ ନୀଏଁ ଇସ୍ରାୟେଲତି ତାୟିୟାଁ ଅଡ଼େ ତାଜିସ୍ତାତେରି, ମୀ କାଜାରି ଏନିକିଁ, ମୀରୁ ଜିକେଏ ଏଲେକିଁ ବୁଦି ହିଲିଆକି ଇଦାଆଁ କିହାମାନେରି ଇଞ୍ଜୁଁ ନାନୁ ପୁଞ୍ଜିମାଇଁ । ୧୮ ତଲି କାଲ୍ଲାଟିଏ ମାହାପୁରୁ ଅଣପୁତି ବଲୁ ଝେହନାରି ତାଣାଟି ମାହାପୁରୁ ଝେସାମାଚେସି ମସିହାତି ଦୁକୁ ପାଣ୍ଡନାୟି ମାନେ; ଏ ବାରେ ଏଞ୍ଜାସି ଇଲେକିଁ ପୁରା କିହାମାନେସି । ୧୯ ଇତିହୁଁ, ଏନିକିଁ ମୀ ପାପୁ ମେଶଜାକି ମନ ଝେହନା ମାହାପୁରୁ ତାଣା ଝେଣ୍ଡା ଖାଦୁ, ୨୦ ପ୍ରୁ ତାଣାଟି ମୀରୁ ଜାସୁତି ବାଡ଼ୁୟୁ ବେଟାଆଡ଼େରି, ମାହାପୁରୁ ମିଞ୍ଜେତାକି ତଲିଏ ଆଚାମାନି ମସିହା ଜାସୁଇଁ ପାଣ୍ଡନେସି । ୨୧ ବାରେ କାତାତି ଝେଣ୍ଡେ କିନାଣି ଆମିନି ବେଲାତି କାତା ତଲି କାଲ୍ଲାଟିଏ ମାହାପୁରୁ ତାନି ସୁଦୁ ମାହାପୁରୁ ଅଣପୁତି ବଲୁ ଝେହନାରି ତାଣାଟି ଝେକହା ମାଚେସି, ଏ କାଲ୍ଲା ଖାଆ ପାତେକା ଏଞ୍ଜାଣାକି ସାତେଏ ଲାକପୁରୁ ହାଜାଲି ଆନେ । ୨୨ ମସା ଝେସାମାଚେସି, ‘ପ୍ରୁ ମାହାପୁରୁ ମୀ ତାୟିୟାଁ ବିତ୍ରାଟି ମିଞ୍ଜେତାକି ନା ଲେହେକି ର ମାହାପୁରୁ ଅଣପୁତି ବଲୁ ଝେହନାଣାଇଁ ନିକନେସି; ଏନା ଏନାଆଁ ମିଞ୍ଜେ ଝେସାମାନେସି, ଏ ବାରେ ମୀରୁ ଏଞ୍ଜାଣି କାତା ଝେଞ୍ଜେରି । ୨୩ ଆମିନିଗାଗାସି ମାହାପୁରୁ ଅଣପୁତି ବଲୁ ଝେହନାରି କାତା ନାମଅରି ଏଞ୍ଜାରି ମାହାପୁରୁତି ଲକୁ ତାଣାଟି ଏଚକା କିଝିଆନେରି ଅଡ଼େ ନାସା କିଝିଆନେରି ।’ ୨୪ ସାମ୍ବୁୟେଲ ଇଞ୍ଜାଁ ତାନି ତାୟୁତି ଏଚରଜାଣା ମାହାପୁରୁ ଅଣପୁତି ବଲୁ ଝେହନାରି ଝେସାମାନେରି, ଏଞ୍ଜାରି ବାରେ ଇ କାଲ୍ଲାତା ଆହିମାନି କାତା ଝେସାମାନେରି । ୨୫ ମାହାପୁରୁତି ଆଞ୍ଜାମାନି ମାହାପୁରୁ ଅଣପୁତି ବଲୁ ଝେହନାରି ତାଣାଟି ମିଞ୍ଜେତାକି ନେହେଁ, ମାହାପୁରୁ ମୀ ଆକୁ ଆବାୟାଁ ତଲେ କିତି ରଜିମାନା ମୀରୁ କିହିମାଞ୍ଜେରି । ଏନିକିଁ ଏଞ୍ଜାସି ଅଗ୍ରାହାମଇଁ ଏଲେଇଚେସି, ‘ନାନୁ ମୀ କୁଡ଼ାଟି ବାରେ ଦାରୁତିତି ଲକୁକି ବର ହାଇଁ ।’ ୨୬ ମାହାପୁରୁ ତଲିଏ ତାନି ହରେଲଏଣାଇଁ ମିଞ୍ଜେତାକି ବାଟି କିହାନା ପାଣ୍ଡାତେସି, ଏନିକିଁ ଏଞ୍ଜାସି ମୀ ବାରେଜାଣା ତେରି ମିଞ୍ଜେ ଲାଗେଏ ଜିରୁତି ଝେହନା ବର ହିୟାନେସି ।”

୪

ପିତର ଅଡ଼େ ଜହନ ବେରଣିମାଣ୍ଡାତା

୧ ପିତର ଅଡ଼େ ଜହନ ଲକୁ ନକିତା ଝେସିମାଟି ବେଲାତା ପୂଜେରାଙ୍ଗା, ମାହାପୁରୁ ଇଲୁତି କାଜାରି ଇଞ୍ଜାଁ ସାଦୁକିୟାଁ ଏଞ୍ଜାରି ନକିତା ଖାଡ଼େରି । ୨ ଏଞ୍ଜାରି କପା ଆହିମାଚେରି, ଇତିହୁଁ ପାଣ୍ଡୁଝି ଆହାମାନାରି ଲକୁଣି ଜାପୁହି ମାଚେରି, ଇଞ୍ଜାଁ ଜାସୁତି କାତା ଆସାନା ହାଡ଼ାରି ବିତ୍ରାଟି ଝେଣ୍ଡେ ନିଞ୍ଜିତି କାତା ଝେକହି ମାଚେରି । ୩ ଏତିବେଲା ମିଡ଼ଅଲା ଆହିମାଚେ, ଏଦାଆଁତାକି ଏଞ୍ଜାରି ସାମ୍ବୁୟାଣି ଦସ୍‌ପାନା ଅର ନେହୁଁ ପାତେକା କାୟିଦି ଇଲୁତା ଇତିତେରି । ୪ ସାମା ଏଚେକା ଲକୁ ବଲୁ ଝେଗାରି ନାମିତେରି, ଇଞ୍ଜାଁ ଖାରଇ ଆବାୟାଁ ପାସାମାଣା ଆଡ଼େରି ।

୫ ତାନି ଅର ଦିନା ଜାହୁଦିଞ୍ଜାତି କାଜାରି, ଇଞ୍ଜାଁ ପ୍ରାତିନାଙ୍ଗା, ଜାପୁନାରି ଅଡ଼େ ମେରାପୁନାରି ଜିରୁସାଲମତା କୁଡ଼ା ଆଡ଼େରି । ୬ ଏମ୍ବାଆଁ କାଜା ପୂଜେରା ହାନାନ, କୟାପା, ଜହନ, ଆଲେକ୍‌ଜାଣ୍ଡାରିତି କାଜା ପୂଜେରାଙ୍ଗା କୁଡ଼ାଟି ବାରେ ଲକୁ କୁଡ଼ା ଆଡ଼େରି । ୭ ଏଞ୍ଜାରି ପାଣ୍ଡୁଝି ଆଡ଼ାରାଇଁ ମାଦିଏ ନିପହାନା ଝେଚେରି, “ଏନିକିହୁଁ କିତେରି ? ଏନି ବାଡ଼ୁୟୁ ଇଞ୍ଜାଁ ଆମ୍ବାଆରି ଦରୁତଲେ ମୀରୁ ଇ ବାରେ କାମା କିହିମାଞ୍ଜେରି ?”

୮ ଏମ୍ବାଟିଏ ପିତର ସୁଦୁଜାସୁତା ନେଞ୍ଜାନା ଏଞ୍ଜାରାଇଁ ଏଲେଇଚେସି, “ଲକୁତି କାଜାତେରି ଇଞ୍ଜାଁ ପ୍ରାତିନାଙ୍ଗାତେରି, ୯ ନୀଞ୍ଜୁ ମାମ୍ବୁ ସୁତାକି କିହାମାନି ନେହୁଁ କାମାତାକି ମୀରୁ ଝେଞ୍ଜି ମାଞ୍ଜାଦେରି, ଏଞ୍ଜାସି

* ୩:୧୪ ୩:୧୪ ମାଟି ୨୭:୧୫-୨୩; ମାର୍କି ୧୫:୬-୧୪; ଲୁକ ୨୩:୧୩-୨୩; ଜହ ୧୯:୧୨-୧୫

ଏନିକିହଂ ନେହଂ ଆଚେସି ଇଞ୍ଜଂ ପୁଞ୍ଜାଲି ଅଣ୍ଡପିମାଞ୍ଜେରି, ୧୦ ଆତିହଂ ମୀରୁ ବାରେକାଣା ତେରି ପୁନିକାତା, ଇସ୍ତାୟେଲତି ବାରେ ଲକୁ ପୁନାୟିମାନେ, ଆମିନି ନାକ୍ରିତ ଜୀସୁ କ୍ରୀସ୍ତଇଁ ମୀରୁ କ୍ରସତା ପାୟିତେରି, ଆମ୍ବାଆରାଇଁ ମାହାପୁରୁ ହାକିତି ନିକହାମାନେସି ଏ ଜୀସୁ ଦରୁତି ଇ ମାଣସି ନେହଂ ଆହାନା ମୀ ନକିତା ନିଚାମାନେସି ।” ୧୧ ଜୀସୁ ରଅସିଏ, ଦାମ୍ବୁ ସାପ୍ତେରି ଝେସିମାଞ୍ଜାନେ,

“ଲକୁ କେପିନାତେରି ମୀରୁ, ମୀ ତାଣ୍ଡାଟି ଆମିନି ଖାଲି ଲାଗେଏତାୟି ଆହାମାଚେ,

ସାମା ଆମିନାୟି କନତି କାଜା ଖାଲି ଆଚେ, ଏଞ୍ଜାସି ଏ ଖାଲି ।”

୧୨ ଏଞ୍ଜାଣି ପିସ୍ତେ ଅଚ୍ଚେ ଆମ୍ବାଆରି ତାଣ୍ଡା ଗେଲ୍ପିନାୟି ହିଲେଏ; ଇତିହଂ ଆମ୍ବାଆରି ତାଣ୍ଡାଟି ମାଚ୍ଚ ଗେଲ୍ପି ଆନାୟି ଆନେ, ହାଗୁ ଡ଼ଇ ମାଣସିୟାଁ ବିତ୍ରା ଏନି ଦରୁ ହାପ୍ତିକ ଆହା ହିଲେଏ ।

୧୩ ଏଞ୍ଜାରି ପିତର ଅଚ୍ଚେ ଜହନତି ସାସା ମେସାନା ଇଞ୍ଜା ଏଞ୍ଜାରି ଏନାଆଁ ପୁନାଆତାରି ଅଚ୍ଚେ ବୁଦି ହିଲଆ ଲକୁ. ଇଦାଆଁ ପୁଞ୍ଜାନା ଆତାଜାକା ଆହାହାଚେରି, ଇଞ୍ଜା ଏଞ୍ଜାରି ଜୀସୁତଲେ ମାଚେରି ଇଞ୍ଜଂ ପୁଚେରି,

୧୪ ସାମା ଏ ନେହଂ ଆହାମାଚାସି ଜହନ ଇଞ୍ଜା ପିତର ତଲେ ନିଚାମାଚାଣି ମେସାନା ଏଞ୍ଜାରି କପାଟି ଏନାଆଁ ଜଲ୍ଲାଲି ଆତାଆଚେରି । ୧୫ ତାୟୁ ଏଞ୍ଜାରାଇଁ ବେରଣି ମାଣ୍ଡାଟି ହଚା ହାଜାଲି ହୁକୁମି ହାହାନା ଏଞ୍ଜାରି ତାମ୍ବୁତାମ୍ବୁସୁ ଝେସ୍ତି ଆଚେରି ୧୬ “ଇ ଲକୁଣି ଏନାଆଁ କିନାୟି ?” ଏଞ୍ଜାରି ଏଲେଇଚେରି, “ଇତିହଂ ଇଞ୍ଜାରି ତାଣ୍ଡାଟି କାବାଆନି କାମା କିଞ୍ଚିଆହାମାନେ, ଇଦି ଜିରୁସାଲମତି ବାରେକାଣା ନକିତା ତଞ୍ଜା ଆହାମାନେ, ଇଞ୍ଜା ମୀରୁ ଏଦାଆଁ ଆଏ ଇଞ୍ଜାଲି ଆତାଆୟି; ୧୭ ସାମା ଇ କାତା ଲକୁତାଣା ଏନିକଂ ଗାତି ଝେଜେଏ, ଏଦାଆଁତାକି ଏଞ୍ଜାରାଇଁ ଜୀସୁ ଦରୁ ଏଚେଲା ଆମ୍ବାଆରି ନକିତା ଆସାଲି ଏଞ୍ଜାରାଇଁ କାହିକିନାୟି ମାନେ ।”

୧୮ ତାୟୁ ଏଞ୍ଜାରି ଜହନ ଅଚ୍ଚେ ପିତରଇଁ ହାଚାନା ଜୀସୁତି ଦରୁ ଝେହ୍‌ଆଦୁ କି ଜାପୁଆଦୁ ଇଞ୍ଜଂ ହୁକୁମି ହାଚେରି । ୧୯ ସାମା ପିତର ଅଚ୍ଚେ ଜହନ ଏଞ୍ଜାରାଇଁ ଏଲେଇଚେରି, “ମାହାପୁରୁ କାତା ଝେନିକିହାଁ ମା କାତା ଝେନାୟି ମାହାପୁରୁ ନକିତା ନେହେଁ କି ଆଏ, ଏଦାଆଁ ମୀରୁ ଅଣ୍ଡପା କତାଦୁ । ୨୦ ଇତିହଂ ମାମ୍ବୁ ଏନାଆଁ ମେସାମାନମି ଇଞ୍ଜା ଝେଞ୍ଜାମାନମି, ଏ ବାରେ ଝେହ୍‌ଆନା ଡ଼ୟାଲି ଆଡ଼ଅମି ।” ୨୧ ସାମା ଏ ବେରଣି ମାଣ୍ଡାଟାରି ଏଞ୍ଜାରାଇଁ ଅଚ୍ଚେ ହାଚେକା ଆଜି କିହାନା ପିସ୍ତେରି, ଏଞ୍ଜାରାଇଁ ତଣ୍ଡା ହାହାଲି ଆଏ ଇଞ୍ଜଂ ଏଞ୍ଜାରି ପୁଚେରି, ଏନାଆଁତାକି ଇତିହଂ ଏ କାମାତାକି ଲକୁ ବାରେ ମାହାପୁରୁଇଁ ଜହରା କିଚେରି । ୨୨ ଇତିହଂ ଆମିନିଗାଗାଣି ତାଣ୍ଡା କାବାଆନି ନେହଂ କାମା କିଞ୍ଚି ଆହାମାଚେ, ଏଞ୍ଜାସି ରୀ କଡ଼ି ବାସାଟିଏ ଲାକ ମାଚେସି ।

ପାଣ୍ଡାଞ୍ଜି ଆହାମାନାରି ବାଡ଼ୟୁ ତାକି ପ୍ରାଚାନା

୨୩ ପିତର ଅଚ୍ଚେ ଜହନ ପିସ୍ତିଆଡ଼ି ଦେବୁଣିଏ ତାମି ତଣ୍ଡେସିଙ୍ଗା ତାଣ୍ଡା ହାଚେରି ଇଞ୍ଜା କାଜା ପୁଜେରାଙ୍ଗା ଅଚ୍ଚେ ପ୍ରାଚିନାଙ୍ଗା ଏନାଆଁ ଝେସାମାଚେରି, ଏ ବାରେ ଏଞ୍ଜାରାଇଁ ଝେସ୍ତେରି । ୨୪ ଏଞ୍ଜାରି ଏଦାଆଁ ଝେଞ୍ଜାନା ରଣ୍ଡିଏ ହିୟାଁ ତଲେ ମାହାପୁରୁ ନକିତା କାଜା ହାଡ଼ାତଲେ ପ୍ରାଚାନା କିହଂ ଏଲେଇଚେରି, “ପ୍ରବୁ ନୀନୁ ହାଗୁ, ଦାର୍ତ, ସାମ୍ବୁଦି ଇଞ୍ଜା ଏ ବାରେ ତାଣ୍ଡା ମାନାଣି ବାରେ ଗାଡ଼ି କିହାମାଞ୍ଜି ! ୨୫ ସୁଦୁଜୀଞ୍ଜୁ ତଲେ ନୀନୁ ମା ଆକୁ ଦାଞ୍ଜୁଦ ନୀ ହଲେଏଣା ଗୁଡ଼ିଟି, ଇ କାତା ଝେସାମାଚି;

‘ଜୀହୁଦିଆଆତାରି ଏନାଆଁତାକି କାରବି ଆଚେରି;

ଇଞ୍ଜା ଲକୁ ଏନାଆଁତାକି ଉଜେଏତାଣି ଅଣ୍ଡପିତେରି ?

୨୬ ପ୍ରବୁ ଅଚ୍ଚେ ତାନି ବରୁ ବେଗାଆହାମାନି ମସିହା କପାଟି,

ଦାର୍ତତି ରାଜାୟାଁ ନିଜ୍ଜାତେରି,

ଇଞ୍ଜା ସାଲ୍‌ଞ୍ଜି କିନାରି କୁଡ଼ା ଆଚେରି ।”

୨୭ ଇତିହଂ ନୀ ସୁଦୁଗାଟି ହଲେଏସି ଜୀସୁଇଁ ବରୁ ହାତି, ସାଚେଏ ଏଞ୍ଜାଣି କପାଟି ହେରଦ ଅଚ୍ଚେ ପନ୍ତ୍ରିୟ ପିଲାଚ ତ ଇ ଆରି ଜୀହୁଦିଆଆତାରି ଅଚ୍ଚେ ଇସ୍ତାୟେଲ ଲକୁତଲେ ଇ ଗାଡ଼ାତା ପାରୁ ପାରିଚେରି, ୨୮ ମୀ ଅଣ୍ଡପୁ ତଲେ ଏନାୟି ବାରେ ଗଟ୍ଟି ଆନେ ଇଞ୍ଜଂ ତଲିଟିଏ କିଞ୍ଚି ଆହାମାଚେ, ଏଦାଆଁ କିହାଲି କୁଡ଼ା ଆଚେରି । ୨୯ ଅଚ୍ଚେ ନୀସି, ଏ ପ୍ରବୁ, ଏଞ୍ଜାରି ମାଜେ ଆଜି କିହମାଞ୍ଜାନାଣି ସିନିକିୟାମ୍ବୁ; ଅଚ୍ଚେ ନୀ ହଲିୟାଙ୍ଗାଣି ହାଚେକା ସାସାତଲେ ନୀ ବଲୁ ଝେସାଲି ବାଡ଼ୟୁ ହୀମ୍ବୁ, ୩୦ ଇଞ୍ଜା ଏଦାଆଁ ତଲେ ନୀ ସୁଦୁ ହଲେଏସି ଜୀସୁତି ଦରୁତଲେ ନେହଂ କିହାଲି ଅଚ୍ଚେ ସିନାୟାଁ ଇଞ୍ଜା କାବାଆନି କାମାୟାଁ କିହାଲିତାକି ନୀ କେୟୁ ଦାସା ଡ଼ୟାମ୍ବୁ ।

୩୧ ଏଞ୍ଜାରି ପ୍ରାଚାନା ରାପ୍ତୁ ତାୟୁ, ଆମିନି ଗାୟୁତା ରୁଣ୍ଡା ଆହାମାଚେରି, ଏଦି ଖାତିଚେ । ଇଞ୍ଜା ବାରେକାଣା ସୁଦୁଜୀଞ୍ଜୁ ତଲେ ନେଞ୍ଜାନା ବାଡ଼ୟୁ ତଲେ ମାହାପୁରୁତି ବଲୁ ଝେକହାଲି ମାଚ୍ଚହେରି ।

ନାମ୍ନାଗାରି ଦନତି ସମାନା ବାଗା ବେଗାଆଡେରି

୩୭ ନାମ୍ନାଗାରି ଲକ୍ଷ୍ମ ରଣ୍ଡିଏ ହିୟାଁ ରଣ୍ଡିଏ ମନତଲେ ମାଚେରି; ଏଞ୍ଜାରି ବିଦ୍ରାଟି ଆମ୍ବାଆରି ଜିକେଏ ତାନି ଦନତି ମାଦି ଇଞ୍ଜି ଅଣ୍ଡପି ହିଲାଆଚେରି, ସାମା ଏଞ୍ଜାରିଞ୍ଜାୟି ବାରେ ସମାନା ଇଞ୍ଜି ଅଣ୍ଡପିମାଚେରି । ୩୮ ପାଣ୍ଡୁଞ୍ଜି ଆହାମାନାରି ଗାତି ବାଡ଼ୁୟୁ ତଲେ ପ୍ରବୁ ଜୀସୁତି ଝେଣ୍ଡେ ନିଜିତି କାତା ଝେସାଲି ମାଟୁହେରି, ଇଞ୍ଜାଁ ବାରେତି ଲାକ ମାହାପୁରୁତି ହାଡ଼େକା କାମା ମାଚେ । ୩୯ ଇତିହଁ ଏଞ୍ଜାରି ବିଦ୍ରା ଆମ୍ବାଆରାକି ଏନାୟି ଉଣା ଆହି ହିଲାଆଚେ, ଇତିହଁ ଏଚେକା ଲକ୍ଷ୍ମତି ବୁମି ଇଞ୍ଜାଁ ଇଲ୍ଲକା ମାଟୁ ପାରୁତି ମାଚେରି ୩୫ ଅଡ଼େ ପାଣ୍ଡୁଞ୍ଜି ଆଡ଼ାରି କଡ଼ା ଡ଼ଇକା ଏ ଡ଼ାବୁୟାଁ ହାହିମାଚେରି, ଅଡ଼େ ବାରେ ଲକ୍ଷ୍ମତାକି ତାନି ଲଡ଼ାମାନି ଲେହେଁ ଏ ଡ଼ାବୁୟାଁ ବାଟିକିଞ୍ଜି ଆହିମାଚେ ।

୩୬ କୁପ୍ର ଇନି ଗାୟୁତା ଜାନା ଆହାମାଟି ଲେବି କୁଡ଼ାଟି ଜସେପ, ଆନିନାଣାଈଁ ପାଣ୍ଡୁଞ୍ଜି ଆଡ଼ାରି ବର୍ନବା ଇଞ୍ଜି ମାଚେରି, ଇ ଦରୁ ଅର୍ଥ “ବାସୁଁ ହାନାସି,” ୩୭ ଏଞ୍ଜାରିଞ୍ଜାୟି ଇଚାୟି ବୁମି ମାଚେ, ଏଞ୍ଜାୟି ଏଡ଼ାଆଁ ପାରୁଚାନା ଏମ୍ବାତି ଟାକାୟାଁ ତାଚାନା ପାଣ୍ଡୁଞ୍ଜି ଆଡ଼ାରି କଡ଼ାୟାଁ ଡ଼ଇ ଇତିତେସି ।



ହନନିୟ ଅଡ଼େ ସପିରା

୧ ହନନିୟ ଦରୁଗାଗାସି ରଅସି ମାଚେସି, ଏଞ୍ଜାୟି ତାନି ତକ୍ତି ସପିରା ତଲେ ଇଚାଣି ବୁମି ପାରୁତେସି । ୨ ହନନିୟ ତାନି ତକ୍ତି ତଲେ ଏ ଟାକାୟାଁ ବିଦ୍ରାଟି କଚେକା ଡ଼ଲୁହା ଇଚାନା କଚେକା ତାଚାନା ପାଣ୍ଡୁଞ୍ଜି ଆଡ଼ାରାକି ହାଚେସି । ୩ ପିତର ଏଞ୍ଜାଣାଈଁ ଏଲେଇଚେସି, “ହନନିୟ, ସୁଦୁନୀସୁ ନକିତା ମିତି ଜଲ୍ଲାଲି ଇଞ୍ଜାଁ ବୁମି ପାରୁଚାନା କଚେକା ଡ଼ଲୁହା ଇଚାଣି ସୟତାନ ଏନାଆଁତାକି ମୀ ହିୟାଁତି ଲକ୍ଷ୍ମହାମାନେ ? ୪ ପାରୁନି ନଚେଏ ଏଦି ନୀ ଅଦିକାରାତା ହିଲାଆଚେ କି ? ପାରୁତି ତାୟୁ ଜିକେଏ ଏମ୍ବାତି ଟାକାୟାଁ ଜିକେଏ ନୀଞ୍ଜି ଆହାହିଲାଆଡ଼ୁ କି ? ଆଡିହଁ ନୀନୁ ଏନିକଁ ନୀ ହିୟାଁତା ଇ ଅଣ୍ଡପୁ ଅଣ୍ଡପିତି ? ଏଡ଼ାଆଁ ନୀନୁ ମାଣ୍ଡସି ନକିତା ମିତି ଜଲ୍ଲିମାଞ୍ଜି ଏଦି ଆଏ, ସାମା ମାହାପୁରୁ ନକିତା ମିତି ଜଲ୍ଲିମାଞ୍ଜି ।” ୫ ହନନିୟ ଇ ହାଡ଼ା ଝେଣ୍ଡମୁନିଏ ଡ଼ଇ ତରୁଗାନା ହାହାହାଚେସି; ଏଡ଼ାଆଁ ଏଚେକା ଲକ୍ଷ୍ମ ଇ କାତା ଝେଚେରି, ଏଞ୍ଜାରି ବାରେ ହାଡ଼େକା ଆଜିତେରି । ୬ ଅଡ଼େ, ଦାଂଗଣାୟାଁ ବିଦ୍ରା ଞ୍ଜାହାନା ହିମ୍ବୁରି ପୁକ୍‌ହେରି ଇଞ୍ଜାଁ ପାଞ୍ଜାତା ଅହାନା ମାହଣି ମାଣ୍ଡାତା ମୁସ୍ତେରି ।

୭ ତାନି ଗାଂଗା ତାୟୁ ତାନି ତକ୍ତି ଞ୍ଜାଚେ, ସାମା ଏନାଆଁ ଆହାମାନେ, ଏଡ଼ାଆଁ ଏଦି ପୁଞ୍ଜା ହିଲାଆଚେ । ୮ ପିତର ଏଦାନି ଝେଚେସି, “ନୀନୁ ଅଡ଼େ ନୀ ତକ୍ତା ଇଚେକା ଟାକାୟାଁତାକି କି ମୀ ବୁମି ପାରୁତେରି ?” ଏଦି ଏଲେଇଚେ, “ହାଅ ଏଚେକା ତାକିଏ ।”

୯ ପିତର ଏଦାନି ଏଲେଇଚେସି, “ପ୍ରବୁତି ଜୀସୁତି ତାୟିପାରି କିହାଲି ମୀରୁ ଏନାଆଁତାକି ରଣ୍ଡିଏ କାତା ଆଡେରି ? ମେହ୍‌ମୁ ଆନିନି ଗାଗାରି ନୀ ତକ୍ତାଈଁ ମୁସାମା ଞ୍ଜାହିମାନେରି, ଏଞ୍ଜାରି ଦୁଝେରିତା ଞ୍ଜାଚେରିଏ, ଇଞ୍ଜାଁ ଏଞ୍ଜାରି ନିଜେ ପାଞ୍ଜାତା ଡ଼େକା ଅୟାନେରି ।” ୧୦ ଏ କାତା ଝେଣ୍ଡମୁନିଏ ଏଦି ପିତର କଡ଼ା ଡ଼ଇ ତରୁଗାନା ହାହାହାଚେ, ଇଞ୍ଜାଁ ଦାଂଗଣାୟାଁ ବିଦ୍ରା ଞ୍ଜାହାନା ହାହାମାନାଣି ମେସ୍ତେରି ଇଞ୍ଜାଁ ପାଞ୍ଜାତା ଡ଼େକା ଅହାନା ତାନି ତକ୍ତା ଟଟତା ମୁସ୍ତେରି । ୧୧ ଏମ୍ବାଟିଏ ବାରେ କୁଲମି ଇଞ୍ଜାଁ ଏଚେକା ଲକ୍ଷ୍ମ ଇ ବାରେ କାତା ଝେଚେରି, ଏଞ୍ଜାରି ବାରେ ହାଡ଼େକା ଆଜିତେରି ।

କାବାଆନି ସିନାୟାଁ

୧୨ ପାଣ୍ଡୁଞ୍ଜି ଆଡ଼ାରି ତାଣାଟି ହାଡ଼େକା କାବାଆନି କାମାୟାଁ ଅଡ଼େ ସିନାୟାଁ ଆହାଲି ମାଟୁହେ, ଇଞ୍ଜାଁ ବାରେ ନାନିତାରି ରଣ୍ଡିଏ ଅଣ୍ଡପୁ ତଲେ ସଲମନତି ପିଣ୍ଡାତା କୁଡ଼ା ଆହିମାଚେରି, ୧୩ ସାମା ଏଚ୍‌କାଟି ଲକ୍ଷ୍ମ ଆମ୍ବାଆରି ଏଞ୍ଜାରିତଲେ କୁଡ଼ାଲି ସାସା କିହିହିଲାଆଚେରି; ଆଡ଼ିଜିକେଏ ଲକ୍ଷ୍ମ ଏଞ୍ଜାରି ଗାଞ୍ଜୁରମି କିହିମାଚେରି, ୧୪ ଇଞ୍ଜାଁ, ହାରେ ହାଡ଼େକା ଇୟସିକା ଅଡ଼େ ଆବାୟାଁ ନାମାହାଁ ପ୍ରବୁ ତାଣା କୁଡ଼ାଲି ଆଣ୍ଡିତେରି, ୧୫ ପାଣ୍ଡୁଞ୍ଜି ଆଡ଼ାରି କାମା ଦିନାତାକି ଦିନା ପାତାଆଚେ, ଲଲାଆହଁ, କି ପିତର ଞ୍ଜାନି ବେଲାତା ଏନିକଁ ତାନି ସାୟାଁ ରଗ ଗାଗାରି ଲାକ ଆଡ଼ିନେ, ଏଡ଼ାଆଁତାକି ରଗ ଗାଗାଚାଈଁ ଆଂଗେଣିତା ଡ଼େକା ତାଚାନା କାଚେଲି ଇଞ୍ଜାଁ ପାସ୍‌ପନିତା ଇଚିମାଚେରି । ୧୬ ଜିରୁସାଲମତି ସାରିସୁଟୁ ଗାଡ଼ାୟାଁତି ହାଡ଼େକା ଲକ୍ଷ୍ମ ରଗ ଗାଗାଚାଈଁ ଅଡ଼େ ବୁଡ଼ୁୟାଁ ଆଲ୍‌ଗିତାଚାଈଁ ତାଚିହଁ ଞ୍ଜାଚେରି, ଅଡ଼େ ଏଞ୍ଜାରି ବାରେଜାଣା ନେହଁ ଆଡେରି ।

ପାଣ୍ଡୁଞ୍ଜି ଆଡ଼ାରାଈଁ ସାସି

୫ ୪:୩୨ ୪:୩୨ କାମା ୨:୪୪,୪୫

୧୭ ଏଚେଟିଏ କାଜା ପୂଜେରାଜା ଅଡ଼େ ଏଞ୍ଜାଣି ବାରେ ତଡ଼ ଲକ୍ଷୁ, ନାୟୁଁତି ସାଦୁକିୟାଁ ଗଚିତାରି ପାଣ୍ଡୁଓ ଆଡ଼ାରାଇଁ ତାହାରା ଆହାନା ଏଞ୍ଜାରି କପାଟି ନିଜିତେରି । ୧୮ ଏଞ୍ଜାରି ପାଣ୍ଡୁଓ ଆହାମାନାରାଇଁ ଆସାନା କାୟିଦି ଇଲୁତା ଇଚିତେରି । ୧୯ ସାମା ଲାଆଁୟାଁ ବେଲାତା ପ୍ରଚୁତି ର ଦୁଡ଼ କାୟିଦି ଇଲୁତି ଦାରାୟାଁ ବାରେ ଦେଚାଡ଼ୁସ୍ତେ, ଇଞ୍ଜାଁ ଏଞ୍ଜାରାଇଁ ପାଜାତା ତାତାନା ଏଲେଇଚେ, ୨୦ “ହାଜୁ, ଇଞ୍ଜାଁ ମାହାପୁରୁ ଇଲୁତା ନିତାନା ଲକ୍ଷୁଣି ଈ ଜାଞ୍ଜୁତି ବାରେ କାତା ଖେହୁ ।” ୨୧ ଈ କାତା ଖେଞ୍ଜାନା ଏଞ୍ଜାରି ଲାଜଅଲି ମାହାପୁରୁ ଇଲୁତା ହଡ଼ାନା ଜାପୁହାଲି ମାଟୁହେରି ।

ଏମ୍ବାଟିଏ କାଜା ପୂଜେରାଜା ଅଡ଼େ ତାମି ତଣେସିଜା ଖାହାନା କୁଟମିତି କାଜାରାଇଁ ଅଡ଼େ ଇସ୍ତାୟେଲ ଲକ୍ଷୁତି ପ୍ରାତିନାଜାଣି ହାଟାନା କୁଡ଼ି କିଚେରି; ଇଞ୍ଜାଁ ପାଣ୍ଡୁଓ ଆଡ଼ାରାଇଁ ତାଚାଲି କାୟିଦି ଇଲୁତା ଲକ୍ଷୁଣି ପାଣ୍ଡୁଓତେରି । ୨୨ ସାମା କାମାକିନାରି ହାଜାନା କାୟିଦି ଇଲୁତା ପାଣ୍ଡୁଓ ଆଡ଼ାରାଇଁ ବେଟାଆଆନା ଖେଣ୍ଡା ଖାହାନା ବେରଣି ମାଣ୍ଡାତାରାଇଁ ଖେସ୍ତେରି, ୨୩ “ମାମୁ କାୟିଦି ଇଜ ହାଜାନା ସିନିକିତମି, କାୟିଦି ଇଲୁ ଦେଡ଼ା ଆଟୁଞ୍ଜା ତଲେ ସୁଣ୍ଡୁଓଆହାମାଚେ; ଇଞ୍ଜାଁ ଦୁଝେରିକାଣା କାଟାମାଟି କସ୍ତକା ନିଚାମାଚେରି, ସାମା ଦାରା ଦେଚାଲିଏ ବିତ୍ରା ଆମ୍ବାଆରାଇଁ ଜିକେଏ ବେଟାଆଆତମି !” ୨୪ ଈ ହଡ଼ା ଖେଞ୍ଜାନା କାଜା ପୂଜେରାଜା ଅଡ଼େ ମାହାପୁରୁ ଇଲୁତି କସ୍ତକା ମୁହେଁ କାଜାସି ପାଣ୍ଡୁଓ ଆଡ଼ାରାଇଁ ଏନାଆଁ ଆଡେ ଅଣପାନା ଏଞ୍ଜାରି କାତାତା ଆତାଜାକା ଆହାହାଚେରି । ୨୫ ଏଚିବେଲା ରଅସି ଖାହାନା ଏଞ୍ଜାରାଇଁ ଏଲେଇଚେସି, “ମେହୁଦୁ ମୀରୁ ଆମିନି ଗାଟାରାଇଁ କାୟିଦି ଇଲୁତା ଇଟାମାଚେରି, ଏଞ୍ଜାରି ମାହାପୁରୁ ଇଲୁତା ଜାପୁହିମାନେରି ।” ୨୬ ଏଚେଟିଏ କସ୍ତକା ମୁହେଁ କାଜାସି, କାମାକିନାରି ତଲେ ହାଜାନା ପାଣ୍ଡୁଓ ଆଡ଼ାରାଇଁ ଖେଣ୍ଡେ ହାଟା ତାଚେରି, ସାମା ବାଡ଼ୁୟୁ ତଲେ ଆଏ, ଇଚିହୁଁ ଲକ୍ଷୁ ଖାଲକାତଲେ ଖେଟାନେରି ଜିକେଏ ଇଞ୍ଜାଁ ଆଜିମାଚେରି ।

୨୭ ଏଞ୍ଜାରି ଏଞ୍ଜାରାଇଁ ତାତାନା କୁଲମି ପାଜାତା ନିପୁହେରି, ଏମ୍ବାଟିଏ କାଜା ପୂଜେରା ଏଞ୍ଜାରାଇଁ ଖେଚେସି । ୨୮ “ଇ ମାଣସି ଦରୁତଲେ ଆମ୍ବାଆରାଇଁ ଜିକେଏ ଖେହୁଆଦୁ ଇଞ୍ଜାଁ ମାମୁ ଲାଣ୍ଡେ ହୁକୁମି ହାହାମାଞ୍ଜାତମି, ସାମା ସିନିକିଦୁ, ମୀରୁ ଏନାଆଁ କିହାମାଞ୍ଜେରି ! ଜିରୁସାଲମତି ସାରିଖାକି ମୀରୁ ଏ କାତା ଜାପୁହି ମାଞ୍ଜେରି ଇଞ୍ଜାଁ ଏଞ୍ଜାଣାଇଁ ନେଚେରିଚି ଦହୁ ମା ମୁହେଁ ଏକହାଲି ଅଣପିମାଞ୍ଜେରି ।”

୨୯ ସାମା ପିତର ଇଞ୍ଜାଁ ଏଟକାଟି ପାଣ୍ଡୁଓ ଆହାମାନାରି ଏଲେଇଚେରି, “ମାଣସିୟାଁତି ହୁକୁମି ମାନି କିନି କିହାଁ ମାହାପୁରୁତି ହୁକୁମି ମାନି କିନାୟିମାନେ । ୩୦ ଆମିନି ଜାପୁଞ୍ଜି ମୀରୁ ପାସି ମୁଣ୍ଡାତା ଏକହାନା ପାୟାମାଚେରି, ମା ଆକୁ ଆବାୟାଁତି ମାହାପୁରୁ ଏଞ୍ଜାଣାଇଁ ଖେଣ୍ଡେ ନିକହାମାନେସି । ୩୧ ଇଞ୍ଜାଁ ଏଞ୍ଜାସି ଏନିକିଁ ଇସ୍ତାୟେଲତି ମନ ଖେଟପି କିହାଁ ପାପୁ ମେଣ୍ଡାଜି କିନେସି, ଏଡ଼ାଆଁତାକି ମାହାପୁରୁ ତାନି ଚିଃନି କେୟୁତଲେ ଏଞ୍ଜାଣାଇଁ କାଜାପାଣ୍ଡା ଇଞ୍ଜାଁ ଚେଲପିନାଣା ଲେହେଁ କାଜାସି କିହାମାନେସି । ୩୨ ଅଡ଼େ, ମାମୁ ଈ ବାରେଚି ସାକି, ଇଞ୍ଜାଁ ଆମିନି ସୁଡ଼ୁଜାଞ୍ଜୁଇଁ ମାହାପୁରୁ ତାନି ହୁକୁମି ମାନିଓ ଆନାରାକି ହାହାମାଞ୍ଜାନେସି, ଏଡ଼ି ଜିକେଏ ସାକି ।”

୩୩ ଈ କାତା ଖେଞ୍ଜାନା କୁଟମିତି କାଜାରି ହାଚେରକା କାର୍ବି ଆହାହାଚେରି, ଇଞ୍ଜାଁ ଏଞ୍ଜାରାଇଁ ପାୟାଲି ତାକି କାତା ଆଡ଼େରି । ୩୪ ସାମା ଗମଲିୟେଲ ଦରୁଗାଟି ର ମାନିଗାଟି ପାରୁସି, ଆମିନିଗାଟାସି ମସାତି ମେରା ଜାପୁନାସି ମାଚେସି, ଏଞ୍ଜାସି ବେରଣିମାଣ୍ଡାତା ନିଚାନା ପାଣ୍ଡୁଓ ଆହାମାନାରାଇଁ ଗାଡ଼େକା ତାକି ପାଜାତା ପାଣ୍ଡୁଲି ହୁକୁମି ହାଚେସି । ୩୫ ଇଞ୍ଜାଁ ଏଞ୍ଜାସି ଏଞ୍ଜାରାଇଁ ଏଲେଇଚେସି “ଏ ଇସ୍ତାୟେଲ ଲକ୍ଷୁତେରି, ଇଞ୍ଜାରି ତାକି ମୀରୁ ଏନାଆଁ କିହାଲି ଅଣପିମାଞ୍ଜେରି, ଏ କାତାତା ଜାଗ୍ରାତା ଆହାମାଞ୍ଜୁ । ୩୬ ଇଚିହୁଁ ଈଦାଆଁ ନକେଏ ତିଖୁଦା ଇନାସି ହଟାନା ତାନୁ ର କାଜା ମାଣସି କିହା କତିଚେସି, ଇଞ୍ଜାଁ ସାରି ଖାଞ୍ଜା ଲକ୍ଷୁ ଏଞ୍ଜାଣିତଲେ ଆଣ୍ଡିଚେରି; ଏଞ୍ଜାସି ପାୟୁଓ ଆଡ଼େସି, ଇଞ୍ଜାଁ ଏଚେକା ଲକ୍ଷୁ ଏଞ୍ଜାଣି ତାଣା ବାସୁଁ କିହାମାଚେରି, ଏଞ୍ଜାରି ବାରେ ଇତାଲା ଆତାଲା ଆହାଁ ଏନି କାମାତା ହାଆଚେରି । ୩୭ ଏ ଲକ୍ଷୁତି ଜେଟ ଲକ୍ଷୁଣି ଏଜିକିନି ବେଲାତା ଗାଲିଲିତି ଜୀହୁଦା ଇନାସି ହଟାନା ଲକ୍ଷୁଣି ତାନି ଖାକି ରେଜା ଅହାନା ତାନି ସୀସୁୟାଁ କିଚେସି; ଏଞ୍ଜାସି ଜିକେଏ ପାୟୁଓ ଆଡ଼େସି, ଇଞ୍ଜାଁ ଏଚେକା ଲକ୍ଷୁ ଏଞ୍ଜାଣି ଜେଟ ଆଣ୍ଡାମାଚେରି, ଏଞ୍ଜାରି ବାରେ ଇତାଲା ଆତାଲା ଆହାହାଚେରି । ୩୮ ଇଞ୍ଜାଁ ନୀଏଁ ନାନୁ ମିଜେ ଖେସିମାଞ୍ଜାଇଁ, ମୀରୁ ଈ ଲକ୍ଷୁଣି ଏନାଆଁ କିଆନା ଏଞ୍ଜାରାଇଁ ପିସାଡ଼ୁହୁଦୁ, ଇଚିହୁଁ ଈ କାତା କି କାମା ମାଣସି ତାଣାଟି ଆହାମାନେ, ଇଚିହୁଁ ଏଡ଼ି ଉଜେଏ ଆନେ; ୩୯ ସାମା ଏଡ଼ି ମାହାପୁରୁ ତାଣାଟି ଆହାମାନେ, ଇଚିହୁଁ ମୀରୁ ଏଞ୍ଜାରାଇଁ ଜାଣା ଆନି ସାସା ହିଲେଏ, ଇଚିହୁଁ ମୀରୁ ମାହାପୁରୁ କପାଟି ଜୁଜୁ କିହମାଞ୍ଜେରି ଇଞ୍ଜାଁ ତଞ୍ଜା ଆଡ଼େରି !” ଏ ବାରେ କୁଟମି

☆ ୫:୨୮ ୫:୨୮ ମାଟି ୨୭:୨୫

ଗମଲିୟେଲ କାତାତି ଝେରେରି ।^{୪୦} ଇଞ୍ଜା ପାଣ୍ଡୁଝି ଆତାରାଇଁ ବିତ୍ରା ହାଟାନା ସାଟୁଣି ମାଡ଼ା ଝେଟାନା ଜୀସୁ ଦରୁତି କାତା ଝେହୁଆଦୁ ଇଞ୍ଜୁ ହୁକୁମି ହାହାନା ପିପ୍ରେରି ।^{୪୧} ମାହାପୁରୁ ନକିତା ଏଞ୍ଜାରି ଜୀସୁ ଦରୁ ତାକି ଲାଜା ବେଟାଆହାଲି ଜଟେ ଇଞ୍ଜୁ ଅଣ୍ଡାପାମାରେରି, ଏଦାଆଁତାକି ଏଞ୍ଜାରି ରାହାଁ କିହୁଁ କୁଟେମି ବିତ୍ରାଟି ହଟାଞ୍ଜାଟେରି;^{୪୨} ଅଡ଼େ, ଏଞ୍ଜାରି ଦିନାତାକି ଦିନା ମାହାପୁରୁ ଇଲୁତା ଇଞ୍ଜା ଇଲୁତାକି ଇଲୁ ଜାପୁହାଲି ଇଞ୍ଜା ଜୀସୁଏ ମସିହା, ଇ ନେହୁଁ କାବୁ ଝେକହାଲି ଉଣା ଆଆଡେରି ।



ସାଡ଼ା ଜାଣାତି କାମା ହେରପିନାୟି

^୧ ଏମ୍ବାଟିଏ ସୀୟୁୟାଁ ହାରେ ହାରେକା ଜାଣା ଆହାଲି ମାଟୁହେରି, ଗ୍ରିକ୍ ଜଲିନି ଜୀହୁଦି ଲକୁ ଏବ୍ରି ଜଲିନି ନାମିତି ଲକୁଣି ଲାଜା କିହାଲି ମାଟୁହେରି, ଏନାଆଁତାକି ଇତିହୁଁ ଦିନାତାକି ଦିନା କାଦିକଣ୍ଡା ବାଟିକିନି ବେଲ୍ଲାତା ରାଟ୍ରେଣ୍ଡିସିକାକି ହାହି ହିଲ୍ଲାଆଡେରି ।^୨ ଏମ୍ବାଟିଏ ବାରଜାଣା ସୀୟୁୟାଁ ବାରେ ନାମିତି ଲକୁଇଁ ର ତାଣ୍ଡା କୃତି କିହାନା ଏଲେଇଚେରି, “ମାହାପୁରୁତି ବଲୁ ଝେକହାଲି ପିସାହାଁ ବାଟି କିହାଲି ହିକିତିହୁଁ ନେହେଁ ଆଏ ।^୩ ଇଦାଆଁତାକି ଏ ତାୟିୟାଁ ଅଡ଼େ ତାଜିସ୍ତା, ମୀ ବିତ୍ରାଟି ନେହାଁରି ଇଞ୍ଜା ଝେଜିତି ସୁଦୁଜୀଝୁ ତଲେ ନେଞ୍ଜାମାନି ବୁଦିଗାଟି ସାଡ଼ା ଜାଣାଇଁ ଆଡ଼ାଦୁ, ଏଞ୍ଜାରିକି ଇ ବାଟିକିନି କାମା ହେରପାଦୁ ।^୪ ଆତିହୁଁ ମାମ୍ବୁ ପ୍ରାତାନାତା ଇଞ୍ଜା ବଲୁ ଝେହୁନି ସେବା କାମାତା ରଣିଏ ଏଣ୍ଡପୁ ତଲେ ତୁୟିନମି ।”

^୫ ଇ କାତା ବାରେ ଲକୁତି କାନ୍ଦୁତା ନେହୁଁ ତଞ୍ଜାଆଡେ, ଇଞ୍ଜା ଏଞ୍ଜାରି ନାମ୍ବୁ ଅଡ଼େ ସୁଦୁଜୀଝୁତା ନେଞ୍ଜାମାନି ସ୍ତ୍ରୀପାନ ଦରୁ ଗାଟାଣାଇଁ ଇଞ୍ଜା ପିଲିପ, ପ୍ରକର, ନିକାନର, ତିମନ, ପାର୍ମନା, ଅଡ଼େ ଆନ୍ତ୍ରିୟକିୟାତି ତଲି ଜୀହୁଦି ଦାମ୍ବୁତା ଆଣ୍ଡାମାତି ନିକଲାଇଇଁ ଆଡିଚେରି, ^୬ ଏଞ୍ଜାରି ଏଞ୍ଜାରିଇଁ ପାଣ୍ଡୁଝି ଆଡ଼ାରି ତାଣ୍ଡା ତାଡେରି, ଇଞ୍ଜା ଏଞ୍ଜାରି ଲାକ କେସ୍ତା ଇଟାନା ପ୍ରାତାନା କିଚେରି ।

^୭ ଏଚେଟିଏ ମାହାପୁରୁତି ବଲୁ ହାରେକା ଝେଜିଚେ, ଇଞ୍ଜା ଜିରୁସାଲମତା ସୀୟୁୟାଁ ହାରେକା ପାତାଆହାଲି ମାଟୁହେରି; ଅଡ଼େ ପୁଜେରାଜା ବିତ୍ରାଟି ହାରେକା ଜାଣା କ୍ରୀସ୍ତଇଁ ନାମାଲି ମାଟୁହେରି ।

ବେରଣିମାଣ୍ଡାତା ସ୍ତ୍ରୀପାନ

^୮ ସ୍ତ୍ରୀପାନ ମାହାପୁରୁତି କାର୍ମା ଇଞ୍ଜା ବାଡ଼ୁୟୁ ବେଟାଆହାନା ଲକୁ ବିତ୍ରା କାଜା କାଜା କାବାଆନି କାମା ଅଡ଼େ ସିନାୟାଁ କିହାଲି ମାଟୁହେସି ।^୯ ସାମା ଲିବର୍ଡନ, କୁରିଣି ଅଡ଼େ ଆଲେକଜାଣ୍ଡ୍ରିୟା ଗାଡ଼ାୟାଁଣା ବାସା କିହାମାନି ଦରୁତା ଝେଜାମାନି ଜୀହୁଦି ଲକୁତି ପ୍ରାତାନା ଇଲୁତି ଏଚେକା ଲକୁ ଅଡ଼େ କିଲିକିୟା ଇଞ୍ଜା ଆସିୟା ଦେସାତି ଏଟକା ଜୀହୁଦିକା ନିଜ୍ଜାମା ସ୍ତ୍ରୀପାନ ତଲେ ବାଦିବାଦା ଆଡେରି ।^{୧୦} ସାମା ଏଞ୍ଜାସି ଆନିନି ସୁଦୁଜୀଝୁ ଅଡ଼େ ବୁଦିତଲେ ଜଲିମାଚେସି, ଏଞ୍ଜାରି ଏ କାତାତି ଝେଣ୍ଡେ ଜଲ୍ଲାଲି ସାସା କିହିଲିଆଡେରି ।^{୧୧} ଏଚେଟିଏ ଏଞ୍ଜାରି ଏଚରଜାଣାତି ମାଡ଼ୁଝି କିହାନା ଏଲେଇଞ୍ଜୁ ଝେସାଲି ଜାପୁହେରି, “ମାମ୍ବୁ ଛୁଞ୍ଜାଣି ତାଣ୍ଡାଟି ମସା ଅଡ଼େ ମାହାପୁରୁ ନିନ୍ଦା କାତା ଜଲିମାଚାଣି ଝେଜାମାନମି ।”^{୧୨} ଅଡ଼େ, ଏଞ୍ଜାରି ବାରେ ଲକୁଣି, ଇଞ୍ଜା ପ୍ରାତିନାଜାଣି ଅଡ଼େ ମେରା ପୁନାରାଇଁ କାରୁବି କିହାନା ଏଞ୍ଜାଣାଇଁ ବାଡ଼ୁୟୁ ତଲେ ଆସାନା ବେରଣିମାଣ୍ଡାତା ତାଡେରି, ^{୧୩} ଇଞ୍ଜା ମିଚି ସାକି ହାନାରାଇଁ ନିପୁହାନା; ଏଞ୍ଜାରିଇଁ ଏଲେଇଚେରି, “ଇଞ୍ଜାସି ଇ ସୁଦୁ ପ୍ରାତାନା ଇଲୁ ଇଞ୍ଜା ମସା ମେରାତି କପାଟି ଜଲ୍ଲାଲି ଉଣା ଆହିହିଲଅସି, ^{୧୪} ଇତିହୁଁ ନାଜୁରିତ ଜୀସୁ ମାହାପୁରୁ ଇଲୁତି ମ୍ଲେକନେସି, ଇଞ୍ଜା ମସା ମାଜେ ଆନିନି ମେରା ହାହାମାଞ୍ଜାନେସି, ଏ ବାରେ ତିରିମ୍ଲେକନେସି ଇଞ୍ଜୁ ଝେସିମାଚାଣି ମାମ୍ବୁ ଝେଜାମାନମି ।”^{୧୫} ଏଚିବେଲା ବେରଣିମାଣ୍ଡାତା କୁଗାମାଟି ବାରେ ଲକୁ ସ୍ତ୍ରୀପାନଇଁ ଆଚେ ସିନିକିଚେରି, ଏଞ୍ଜାଣି ମ୍ଲେ ହୁଡୁତି ମ୍ଲେ ଫୁଲହେଁ ଉଜେଡି ତଞ୍ଜାଆଡେ ।



ସ୍ତ୍ରୀପାନ ଝେହୁନାୟି

^୧ ଏଚେଟିଏ କାଜା ପୁଜେରା ସ୍ତ୍ରୀପାନଇଁ ଝେଚେସି, “ଇ ବାରେ କାତା ସାଡ଼ା କି ?”

^୨ ସ୍ତ୍ରୀପାନ ଏଲେଇଚେସି, “ତାୟିୟାଁ ଅଡ଼େ ଆବାୟାଡେରି ଝେଞ୍ଜୁ ! ମା ଆବା ଅବାହାମ ହାରଣତା ବାସାଆନି ନକେଏ ଏଚିବେଲା ଏଞ୍ଜାସି ମେସପଟାମିୟାଁ ଦେସାତା ମାଚେସି, ଏଚିବେଲା ଗାଝୁରମିଗାଟି ମାହାପୁରୁ ଏଞ୍ଜାଣାଇଁ ତଞ୍ଜାଆଡେସି, ^୩ ଅଡ଼େ ଏଲେଇଚେସି ‘ନୀନୁ ମୀ ଇଲୁ କୁଟେମି ଇଞ୍ଜା ମୀ ଦେସାଟି ହଟା ଝାମ୍ବୁ, ଇଞ୍ଜା ନୀନୁ ଆନିନି ଦେସା ତସ୍ତାଇଁ ଏ ଦେସାତା ହାଲାମ୍ବୁ ।’^୪ ଏଚେଟିଏ ତାନି କଲ୍ଲଦିୟାୟାଁ ଦେସାଟି ହଟାଞ୍ଜାହାନା ହାରଣତା ବାସା କିଚେସି, ଇଞ୍ଜା ଅବାହାମତି ଆବା ହାଡି ତାୟୁ ଏମ୍ବାଟିଏ ମୀରୁ ନୀଏ

ଆମିନି ଦେସାତା ବାସା କିହାମାଞ୍ଜେରି, ମାହାପୁରୁ ଏ ଦେସାତା ଏଞ୍ଜାଣାଇଁ ତାରିହୁଁ ଖାତେସି, ୫ ଅଡ଼େ, ମାହାପୁରୁ ଅଗ୍ରାହାମକି ଏମ୍ବାଆଁ ଏନି ଅଦିକାରା ହାଆତେସି, ଅଡ଼େ ର ପାଞ୍ଜୁଲି ଓହ୍ନି ବୁମିଗାରି ଜିକେଏ ହାଆତେସି, ଇଞ୍ଜା ଏରିବେଲା ଏଞ୍ଜାଣାଇଁ ପଦି ପଦା ହିଲାଆତି ଜିକେଏ ଏଞ୍ଜାସି ଏଞ୍ଜାଣାଇଁ ଇଞ୍ଜା ତାନି ଖାହୁମାନି କୁଡ଼ାତାରିକି ଏମ୍ବାଆଁ ଅଦିକାରା କିହାଲିତାକି ହାଇଁ ଇଞ୍ଜୁ ଆଞ୍ଜିତେସି । ୬ ଇଞ୍ଜା ମାହାପୁରୁ ଇଲେଇଞ୍ଜୁଁ ଖେସ୍ତେସି, 'ତାନି କୁଡ଼ାତାରି ଏଟ୍ଟକା ଦେସାତା ବାସା କିନେରି ଇଞ୍ଜା ଏ ଟାୟୁତି ଲକୁ ଏଞ୍ଜାରାଇଁ ସାରି ଖାଞ୍ଜା ବାସା ପାତେକା ହଲିୟାଞ୍ଜା କିହାଁ ଏଞ୍ଜାରାଇଁ ଖେଟି କାମା କିଓଁ କିହାନା ସାସି ହାନେରି ।' ୭ ଅଡ଼େ ମାହାପୁରୁ ଏଲେଇତେସି, ନାନୁ ଏଞ୍ଜାରାଇଁ ହଲିୟା କାମା କିଓଁ କିନାରାଇଁ ବିଚାରା କିଇଁ; ଅଡ଼େ ତାୟୁ ମା କୁଡ଼ାତାରି ଏ ଦେସାଟି ହଟା ଖାନେରି ଅଡ଼େ ଇ ଟାୟୁତା ନାଞ୍ଜେ ପ୍ରାତାନା କିୟାନେରି । ୮ ଅଡ଼େ ମାହାପୁରୁ ଅଗ୍ରାହାମକି ତଲୁ ଦାହୁନି ରାଜିମାନା ସିନାତି ହାତେସି, ଇଞ୍ଜା ଏଲେକିହୁଁ ଏ ଅଗ୍ରାହାମ ଇସାହାକଇଁ ଜାନି କିହାନା ଆଗାଦିନା ଆହାଲିଏ ଏଞ୍ଜାଣି ତଲୁ ଦାତେସି; ଇସାହାକ ଜାକୁବଇଁ, ଅଡ଼େ ଜାକୁବ ବାରଜାଣା ଖେଞ୍ଜିତି ଆକୁ ଆବାୟାଣି ଜାନି କିହାନା ତଲୁ ଦାପିକିତେସି ।"

୯ "ଜାକୁବ ମୀରୁଏସି ଜସେପଇଁ ତାନି ତାୟିୟାଁ ତାହାରା ଆହାନା ମିସର ଦେସାତା ଅଓଁଆୟାଲି ଏଞ୍ଜାଣାଇଁ ପାରୁତେରି; ସାମା ମାହାପୁରୁ ଏଞ୍ଜାଣିତଲେ ମାଚେସି, ୧୦ ଅଡ଼େ ବାରେ କସ୍ତରି ଜସେପଇଁ ଗେଲୁପାହାଁ ମିସରତି ପାର ରାଜା ନକିତା ମାହାପୁରୁ କାର୍ମା ତସାହାଁ ବୁଦି ହାତେସି; ଏମ୍ବାଟିଏ ପାର ଜସେପଇଁ ମିସର ଦେସା ଇଞ୍ଜା ତାନି ଇଲୁତି ସାଲୁଓଁ କିହାଲି ଅଦିକାରା ହାତେସି । ୧୧ ତାୟୁ ମିସର ଇଞ୍ଜା କାଦିକଣ୍ଡା ବେଟାଆଆତେରି, ୧୨ ସାମା ମିସର ଦେସାତା ଆନାଁ ମାନେ ଇଞ୍ଜୁଁ ଖେଞ୍ଜାନା, ଜାକୁବ ତାନି ମୀରୁକା ଇତିହୁଁ ମା ଆକୁ ଆବାୟାଣି ତଲିଏ ପାଣ୍ଡିତେସି । ୧୩ ଏଞ୍ଜାରି ଅର ଦେବା ହାଜାଲିଏ ଜସେପ ତାନି ତାୟିୟାଁ ତାଣା ପୁଣ୍ଡି କିହା କତିତେସି, ଇଞ୍ଜା ମିସରତି ରାଜା ପାର ଜସେପ କୁଡ଼ାତାରି ଇଞ୍ଜୁଁ ପୁଚେସି । ୧୪ ଏମ୍ବାଟିଏ ଜସେପ ତାନି ଆବା ଜାକୁବ ଇଞ୍ଜା ତାନିକଡ଼ି ପଦର ଜାଣା ତାନି କୁଟମିତି ହାଟାଲି ପାଣ୍ଡିତେସି, ୧୫ ଏମ୍ବାଟିଏ ଜାକୁବ ମିସର ଦେସାତା ହାଚେସି; ଇଞ୍ଜା ଏଞ୍ଜାସି ଅଡ଼େ ତାନି ମୀରୁକା ଏମ୍ବାଆଁ ହାତେରି । ୧୬ ଇଞ୍ଜା ଏଞ୍ଜାରି ମାଡୁହା ସିକିମତା ଅଓଁଆତେ, ଇଞ୍ଜା ଅଗ୍ରାହାମ ଏମ୍ବାଆଁ ହମର ମୀରୁକା ତାଣାଟି ଆମିନି ମାହୁଣି ମାଣ୍ଡା ଚାକାୟାଁ ହାହାଁ କତାମାଚେସି, ଏମ୍ବାଆଁ ମୁସପି ଆତେରି ।"

୧୭ "ସାମା, ମାହାପୁରୁ ଅଗ୍ରାହାମ ନକିତା ଆଞ୍ଜାମାତି ଲେହେଁ, ଏ ଆଞ୍ଜାମାନାୟି ପୁରା ଆନି କାଲା ଖାହାଲିଏ ମା ଲକୁ ମିସର ଦେସାତା ହାଚେକା ଗାତି ପାତା ଆତେରି । ୧୮ ତାୟୁ ମିସର ଦେସାତା ଅଡ଼େ ର ରାଜା ଆତେସି, ଏଞ୍ଜାସି ଜସେପଇଁ ପୁଞ୍ଜା ହିଲାଆତେସି । ୧୯ ଏଞ୍ଜାସି ମା ଆକୁ ଆବାଣି ଖେପିକିତେସି ଅଡ଼େ ସାସି ହାତେସି, ତାନି କକାରି ହାପାରିଖା ଇଞ୍ଜୁଁ ଇଲୁତି ପାଞ୍ଜାତା କୁଡୁସାଲି ହୁକୁମି ହାତେସି । ୨୦ ଏରିବେଲାତା ମସା ଜାର୍ନା ଆତେସି, ଏଞ୍ଜାସି ମାହାପୁରୁ ନକିତା ହାଚେକା ଅଜିତାସି ଇଞ୍ଜା ତାନି ଲେଞ୍ଜୁ ପାତେକା ତାନି ଆବା ଇଜ ପହିକିଓଁ ଆତେସି । ୨୧ ତାୟୁ ଏରିବେଲା ଏଞ୍ଜାସି ପାଞ୍ଜାତା ମେଡୁପି ଆତେସି, ଏରିବେଲା ପାର ରାଜା ମାଞ୍ଜା ଏଞ୍ଜାଣାଇଁ ଅହାନା ତାନି ମୀରୁଏଣା ଲେହେଁ ପହିକିତେ । ୨୨ ଅଡ଼େ ମସା ମିସର ଲକୁତି ବାରେ ବୁଦି ଜାପାନା କାତାତା ଅଡ଼େ କାମାତା ଖେଞ୍ଜିତେସି ।"

୨୩ "ମସାକି ରା କଡ଼ି ବାସା ଆୟାଲିଏ ତାନି ତାୟିୟାଁ ଇତିହୁଁ ଇସାୟେଲ ଲକୁତି ମାସ୍କା ମୀରୁକାଣି ଏନିକିହୁଁ ଲେମ୍ବୁଓଁ ଆହିମାନେ ଇଞ୍ଜୁଁ ପୁଞ୍ଜାଲି ଅଣପିତେସି । ୨୪ ଏଞ୍ଜାସି ରଅଣାଇଁ ମିସରତାସି ଗଡୁହା କିହିମାଚାଣି ମେସ୍ତେସି, ଏଞ୍ଜାଣାଇଁ ସାୟେମି କିହାଲି ହାଚେସି ଅଡ଼େ ବାଦୁଲି ଅହାନା ଏଞ୍ଜାଣାଇଁ ପାୟିତେସି । ୨୫ ଏଞ୍ଜାଣି କେୟୁଟି ମାହାପୁରୁ ତାନି ତାୟିୟାଁଣି ଗେଲୁପି ମାନେସି, ଇଦାଆଁ ଏଞ୍ଜାରି ପୁଞ୍ଜାଲି ଆଡ଼ିନେରି ଇଞ୍ଜୁଁ ଅଣପିମାଚେସି, ସାମା ଏଞ୍ଜାରି ପୁଞ୍ଜାଲି ଆଡ଼ାଆତେରି । ୨୬ ତାନି ଅର ଦିନା ଇସାୟେଲ ଲକୁ ରିଆରି ମାଡ଼ା ଆହିମାଚାଣି ମେସ୍ତେସି, ଇଞ୍ଜା ଏଞ୍ଜାରାଇଁ ଆଣ୍ଡୁଓଁ କିହାଲି ମାଦି ଆହାଁ ଏଲେଇତେସି, 'ଆଡ଼େ, ମୀରୁତ ଇସାୟେଲ ତାୟିୟାଁତେରି: ଏନାଆଁତାକି ଇଲେଆହୁଁ ଗଡୁହା ଆହିମାଞ୍ଜେରି ?' ୨୭ ସାମା ଆମିନିଗାଟାସି ପାଡ଼ିତାଣାଇଁ ଲାଗେଏ କିହିମାଚେସି, ଏଞ୍ଜାସି ମସାଞ୍ଜି ମେତାନା ଏଲେଇତେସି, 'ଆମ୍ବାଆସି ନିଞ୍ଜେ ମା ଲାକ ସାଲୁଓଁ କିହାଲି ଅଡ଼େ ନାହାଁୟି କିହାଲି ହିୟାତେସି ?' ୨୮ 'ରେ୪ଏନି ଏନିକିଁ ମିସର ତାଣାଇଁ ପାୟାମାଟି, ଏଲେକିହୁଁ କି ନାନୁ ନାଞ୍ଜେ ପାୟାଲି ଅଣପିମାଞ୍ଜାଦି ?' ୨୯ ଇ କାତା ଖେଞ୍ଜାନା ମସା ମିଦିୟନ ଦେସାତା ହାଜାନା ବାସା କିତେସି; ଇଞ୍ଜା ଏମ୍ବାଆଁ ରା ମୀରୁକା ଜାର୍ନା ଆତେରି ।"

୩୦ ତାୟୁ ରା କଡ଼ି ବାସା ଆୟାଲିଏ, ସିନୟ ହରୁ ତାଗେତି ଜାଡ଼ାତା ର ଦୁଡୁ ର ବୁଟାତା ହିଚୁ ଡ଼ୀଞ୍ଜାନା ତଞ୍ଜାଆତେସି । ୩୧ ମସା ଏମ୍ବାଆଁ ମେସାନା ଆତାଜକା ଆତେସି, ଇଞ୍ଜା ନେହୁଁକିଁ ସିନିକିହାଲି ତାଗେ

ହାଜିମାଟି ବେଲୀତା ପ୍ରବୃତ୍ତି ଇ ହାଡ଼ା ଖେଚେସି, ୩୭ “ନାନୁ ମୀ ଆକୁ ଆବାୟାଁ ମାହାପୁରୁ, ଅବାହାମତି, ଇସାହାକ ଅଡ଼େ ଜାକୁବତି ମାହାପୁରୁ” ଏଚେଟିଏ ମସା ଆଜିତାକି ନେହଁକଁ ସିନିକିହାଲି ସାସା କିଆତେସି । ୩୮ ପ୍ରବୁ ଏଝାଣାଇଁ ଏଲେଇଚେସି, “ନୀ କତାତି ସେପୁୟାଁ ହୁକୁମି, ଇଚିହଁ ନୀନୁ ଆମିନି ଚାୟୁତା ନିଚାମାଞ୍ଜି ଏଡ଼ି ସୁଦୁଗାଟି ଚାୟୁ । ୩୯ ମିସରତା ନା ଆମିନି ଲକୁ ମାନେରି, ନାନୁ ଏଝାରି କସ୍ତୁ ମେସାମାଇଁ, ଅଡ଼େ ଏଝାରି ଡାହିମାନାଣି ଖେଞ୍ଜାମାଇଁ, ଇଞ୍ଜାଁ ଏଝାରାଇଁ ଗେଲ୍‌ପାଲି ଚେଟା ଖାହାମାଇଁ; ଇଞ୍ଜାଁ ନାଏଁ ଖାମୁ ନାନୁ ନିଜେ ମିସର ଦେସାତା ପାଣ୍ଡାଇଁ ।”

୩୫ “ମସାଇଁ ଇସ୍ତାୟେଲତି ଲକୁ ଅପାଆତେରି । ଏଝାରି ଏଝାଣାଇଁ ଏଲେଇଚେରି, ‘ମାଜେ ସାଲ୍‌ଖି କିହାଲି ଅଡ଼େ ନାହାଁୟି କିହାଲି ଆମ୍ବିଟି ଅଦିକାରା ବେଟାଆଡ଼ି ? ଏଝାଣାଇଁ ମାହାପୁରୁ ଲକୁଣି ସାଲ୍‌ଖି କିହାଲି ଅଡ଼େ ମୁକଲ୍‌ଖି କିହାଲି ଦୁତୁତି ସାୟେମି ତଲେ ହିଚୁ ଡାଞ୍ଜିମାନି ବୁଚାତା ତଞ୍ଜାଆହାନା ପାଣ୍ଡାତେସି । ୩୬ ଏଝାସି ଲକୁଣି ମିସର ଦେସାଟି, ସୁପ ସାମଦୁରି, ଇଞ୍ଜାଁ ରୀ କଡ଼ି ବାସାଁ ପାତେକା ବାଗାତା ହାଚେକା କାବାଆନି କାମା ଅଡ଼େ ସିନାୟାଁ ତସାହାଁ ଏଝାରାଇଁ ହପୁହା ତାତେସି । ୩୭ ଏ ମସା ତାନୁଏ ଇସ୍ତାୟେଲ ମୀର୍କାଣି ଏଲେଇଚେସି, ମାହାପୁରୁ ମୀ ତାୟିୟାଁ ବିତ୍ରାଟି ମିଜେତାକି ନା ଲେହେଁକି ର ମାହାପୁରୁ ଅଣପୁତି ବଲୁ ଖେହ୍‌ନାଣାଇଁ ହିୟାନେସି । ୩୮ ଏ ମସା ବାଃଲି ବାଗାତା କୁଡ଼ା ଆହାମାନି ଇସ୍ତାୟେଲ ଲକୁତଲେ ମାଚେସି । ସିନୟ ହରୁତା ତାନିତଲେ କାତା ଆହିମାଟି ଦୁତୁ ଇଞ୍ଜାଁ ମା ଆକୁ ଆବାୟାଁ ବିତ୍ରା ମାଦିତାସି ମାଚେସି; ଏଝାସି ମିଜେ ହାହାଲିତାକି ମାହାପୁରୁ ତାଣାଟି ଜୀଞ୍ଜୁତି ବଲୁ ବେଟାଆଡ଼େସି ।”

୩୯ “ସାମା ମା ଆକୁ ଆବାୟାଁ ଏଝାଣି କାତା ଆହୁଆନା ଏଝାଣାଇଁ ଅପାଆତେରି, ଅଡ଼େ ମିସର ଦେସାତା ଖେଞ୍ଜା ହାଜାଲି ମନ କିଚେରି, ୪୦ ଏଦାଆଁତାକି ଏଝାରି ହାରଣାଇଁ ଏଲେଇଚେରି । ‘ମା ନକି ନକିତା ହାଜାଲି ମାଜେତାକି ପେଣକାଣି କେପାମୁ, ଇଚିହଁ ମାଜେ ମିସର ଦେସାଟି ହପୁହା ତାତାତି ମସାକି ଏନାଆଁ ଆଡେ ମାମୁ ପୁଞ୍ଜାହିଲଅମି । ୪୧ ଅଡ଼େ, ଏଟିବେଲୀତା ଏଝାରି ର କଡ଼ି ତାଲୁତି ବମା କେପାନା ଏ ବମା ତାକି ପୂଜା ହାହାନା ତାମି କେୟୁଟି କେପିତି ଆସି ତାକି ରାହାଁ କିଚେରି । ୪୨ ସାମା ମାହାପୁରୁ ଏଝାରି ତାଣାଟି ଏଚକା ଆହାନା ଏଝାରାଇଁ ହାଗୁଲକତି ହୁକାୟାଁଣି ସେବା କିୟାଲି ପିସ୍ତେସି, ଏନିକଁ ମାହାପୁରୁ ଅଣପୁତି ବଲୁ ଖେହ୍‌ନାରି ପତିତା ରାସ୍‌କି ଆହାମାନେ;

ଏ ଇସ୍ତାୟେଲ କୁଡ଼ାତେରି,

ବାଗାତା ରୀ କଡ଼ି ବାସାଁ ପାତେକା ମୀରୁ ନାଜେତାକି କଡ଼ି ଗରି ପୂଜା କିହାହିଲାଆତେରି ।

୪୩ ମୀରୁ ପୂଜା କିହାଲି ଆମିନି ବମାୟାଁ କେପାମାଚେରି,

ଏ ମଲକ ପେନୁତି ତୁମୁ ଅଡ଼େ ରମପାନ୍ ପେନୁତି ହୁକାତି ମୀରୁ ଆସାନା ସେବା କିଚେରି,

ଏଦାଆଁତାକି ନାନୁ ମିଜେ ବାବିଲନ ଆତାଲା ବାସା ଆୟାଲି ପାଣ୍ଡାଇଁ ।”

୪୪ “ନାନୁ ଏନିକଁ ମେସାମାଞ୍ଜି, ଏଲେକିହଁଏ ସାକି ହାନି ତୁମୁ ଇଲୁ କେପାମୁ ଇଞ୍ଜାଁ ମସାକି ଆମ୍ବାଆସି ଖେସାମାଚେସି, ଏଝାଣି ହୁକୁମି ତଲେ ମା ଆକୁୟାଁ ବାଗାତା ସାକି ହାନି ତୁମୁ ଇଲେ କେପାମାଚେରି । ୪୫ ତାୟୁ ମା ଆକୁ ଆବାୟାଁ ଏଦାଆଁ ତାମି ଆବାୟାଁ ତାଣାଟି ବେଟାଆଡ଼େରି ଇଞ୍ଜାଁ ଜିହସୁୟ ତଲେ ତାକିମାଟିବେଲା ଏଝାରି ଏଦାଆଁ ଡେକା ଅଡ଼େରି, ଏମାଟିଏ ମାହାପୁରୁ ଏଝାରି ନକିତା ମାଟି ବାରେ କୁଡ଼ାତି ଲକୁଣି ପେରୁହା ତୁସାଲିଏ, ଇସ୍ତାୟେଲ ଲକୁ ଇଝାରି ଦେସା ଜାଣାଆହାନା ଇ କୁଡ଼ାଆନି ତୁମୁ ଇଲୁ ଏମାଆଁ ତାଚାନା ଇଚିତେରି, ଇଞ୍ଜାଁ ଏଡ଼ି ଦାଞ୍ଜୁତ ରାଜା ପାତେକା ଏମାଆଁ ତୁୟିତେ । ୪୬ ଦାଞ୍ଜୁତ ମାହାପୁରୁ ନକିତା କାଣାଁ ବେଟାଆହାନା, ଜାକୁବତି ମାହାପୁରୁକି ର ବାସାଗାୟୁ କିହାଲି ପ୍ରାତାନା କିଚେସି । ୪୭ ସାମା ସଲମନ ମାହାପୁରୁକି ଏ ଇଲୁ କେପିତେସି ।”

୪୮ “ସାମା ବାଡ଼ୁୟୁ ଗାଟି ମାହାପୁରୁ ମାଣସି କେୟୁତଲେ କେପିତି ଇଲୁତା ବାସା କିଅସି; ଏନିକଁ ମାହାପୁରୁ ଅଣପୁତି ବଲୁ ଖେହ୍‌ନାରି ଖେସାମାନେରି ।”

୪୯ ପ୍ରବୁ ଏଲେଇଞ୍ଜା ମାନେସି, “ଲାକପୁରୁ ନା ସିଂଗାସାଣି,

ଦାରୁତି ନା କତା ଇଚିନି ଚାୟୁ,

ମୀରୁ ନା ତାକି ଏନିଲେହେଁତି ଇଲୁ କେପିଦେରି ?

ଇଞ୍ଜାଁ ନା ଜମିନି ଚାୟୁ ଏମ୍ବିୟାମାନେ ?

୫୦ ନା କେୟୁ ଇ ବାରେ ଗାଡ଼ି କିହାହିଲେଏ କି ?”

୫୧ ସ୍ତ୍ରୀପାନ ଏଲେଇଚେସି, “ମୀରୁ ଏଚେକା ମୁଣ୍ଡି ଗାଟାଚେରି, ଇଞ୍ଜାଁ ଅଚହା କତାଆତି ହିୟାଁ ଗାଟାଚେରି ଅଡ଼େ ମାହାପୁରୁତି ବଲୁ ତାକି କାକାଁ ଖେନାଆ ଗାଟାଚେରି, ମୀରୁ କାଲେଏ ସୁଦୁଜୀଞ୍ଜୁତି କସ୍ତୁ

ହାହିମାଞ୍ଜେରି; ମୀ ଆକୁ ଆବାୟାଁ ଏନିକିଁ ମୀରୁ ଜିକେଏ ଏଲେତାତେରି । ୫୨ ମାହାପୁରୁ ଅଣପୁତି ବଲୁ ଝେହନାରାଇଁ ଆମ୍ବାଆରାଇଁ ଜିକେଏ ମୀ ଆକୁ ଆବାୟାଁ ନିନ୍ଦା କିହାହିଲାଆତେରି ? ଆମିନି ଗାଗାରି ଏ ଦାମ୍ବୁଗାଗାସି ଖାନ୍ତି କାତା ନଚକଏ ଝେସାମାଚେରି, ଏଞ୍ଜାରାଇଁ ଏଞ୍ଜାରି ପାୟିତେରି; ନୀଏଁ ମୀରୁ ଏଞ୍ଜାଣାଇଁ ସାତୁୟାଁ କେୟୁତା ହେରପାନା ପାୟିତେରି । ୫୩ ମୀରୁ ମାହାପୁରୁତି ଫେରା ବେଗାଆହା ମାଚେରି, ଏ ଫେରା ଦୁତୁୟାଁ ତାଣାଟି ହାପକି ଆହାମାଚେ, ଆଡ଼ିଜିକେଏ ମୀରୁ ଏଦାଆଁ ନାମାଆତେରି ।”

ଝାଲୁକାତଲେ ସ୍ତ୍ରୀପାନଇଁ ପାୟିନାୟି

୫୪ ସ୍ତ୍ରୀପାନ ବେରଣିମାଣ୍ଡାତା କୁଗାମାଟି ଲକୁଇଁ ଇ ବାରେ କାତା ଝେସେସି, ଏମ୍ବାଆଁ ମାଟି ପାରୁସି ଇଞ୍ଜା ବାରେ କୃତ୍ତା ଆହାମାଚାରି କାରୁରି ଆହାଁ ପାଲୁକା ଚୀଟି କିହାଲି ମାଟୁହେରି । ୫୫ ସାମା ସ୍ତ୍ରୀପାନ ସୁଦୁଜୀସୁ ତଲେ ନେଞ୍ଜାନା ଲାକପୁରୁ ଝାକି ସିନିକିତେସି, ଇଞ୍ଜା ମାହାପୁରୁତି ଗାଞ୍ଜୁରମି ଅଡ଼େ ଜୀସୁଇଁ ମାହାପୁରୁତି ଚିଃନିଝାକି ନିଚାମାନାଣି ମେସାନା ଏଲେଇଚେସି । ୫୬ “ମେହୁଦୁ ନାନୁ ଲାକପୁରୁ ଦେପିଆହାମାନାଣି ଅଡ଼େ ମାଣସି ମୀରୁଏସି ମାହାପୁରୁତି ଚିଃନିଝାକି ନିଚାମାନାଣି ମେସିମାଇଁ !”

୫୭ ଏ କାତା ଝେନାଆପ ଇଞ୍ଜାଁ କାଲୁଝି ଆହୁଁ ବେରଣି ମାଣ୍ଡାତାରି କାର୍କା ମୁଚାକତିତେରି । ତାୟୁ ବାରେଜାଣା ରୁଣ୍ଡା ଆହାନା ଏଞ୍ଜାଣାଇଁ ମୁଚିତେରି । ୫୮ ଅଡ଼େ ଏଞ୍ଜାରି ଏଞ୍ଜାଣାଇଁ ଗାଡ଼ାଟିଏ ପାଜାମାତା ରେଜା ଅହାନା ଏଞ୍ଜାଣାଇଁ ଝାଲୁକାତଲେ ଝେଚାଲି ମାଟୁହେରି; ଅଡ଼େ ସାକିୟାଁ ବିତ୍ରାଟି ସାଞ୍ଜୁଲ କତାୟାଁ ତୁଇ ହିମୁରିକା କାଟିମାଚେସି । ୫୯ ଏଚିବେଲା ଏଞ୍ଜାରି ସ୍ତ୍ରୀପାନଇଁ ଝାଲୁକା ଝେଟି ମାଚେରି, ଏଚିବେଲା ଏଞ୍ଜାସି ମାହାପୁରୁ ତାଣା ପ୍ରାତାନା କିହାନା ଏଲେଇଚେସି, “ପ୍ରବୁ ଜୀସୁ, ନା ଜୀସୁତି ଅହାକତାମୁ !” ୬୦ ଇଞ୍ଜା ଏଞ୍ଜାସି ମେଣ୍ଡାକୁତାନା କାଜା ଗିୟାଁତଲେ ଏଲେଇଚେସି, “ପ୍ରବୁ ! ଇ ପାପୁ ଇଞ୍ଜାରି ତାଣା ଲେକା କିଆନି” ଏଲେଇଞ୍ଜାହାଁ ହାଡ଼େସି ।



ସାଞ୍ଜୁଲ କ୍ରୀସ୍ତୀନା କୁଲମିତି ସାସ୍ତ୍ରୀ ହାନାୟି

୧ ସ୍ତ୍ରୀପାନଇଁ ପାୟିତାୟି ନେହେଁ ଆଡ଼େ ଇଞ୍ଜାଁ ସାଞ୍ଜୁଲ ଅଣପିମାଚେସି । ଏ ଦିନାଟିଏ ଜିରୁସାଲମତା ମାନି କୁଲମିକାକି ହାରେକା ନିନ୍ଦା ସାସ୍ତ୍ରୀ ଝାଡ଼େ; ଏମ୍ବାଟିଏ ପାଣ୍ଡୁଝି ଆହାମାନାରି ପିସପେ ବାରେ ନାମିତାରି, ଜୀହୁଦା ଦେସା ଇଞ୍ଜାଁ ସମିରଣ ନାସ୍ତକା ସାରିସୁରୁ ଇତାଲା ଆତାଲା ଆଡ଼େରି । ୨ ଆଡ଼ିଜିକେଏ ଏଚେକା ନାମୁଗାଟି ଲକୁ ସ୍ତ୍ରୀପାନଇଁ ମୁସ୍ତେରି ଇଞ୍ଜାଁ ହାରେକା ଦୁକୁ ତଲେ ତୃପତେରି ।

୩ ୩ ସାମା ସାଞ୍ଜୁଲ କୁଲମିତା ହାଜିହୁଁ ଇଲୁତାକି ଇଲୁ ହଡ଼ିହୁଁ ନାମିତି ଆୟାସିକା, ଆବାଣି ରେଜା ତାତାନା କାୟିଦି ଇଲୁତା ହେରପିହୁଁ କୁଲମିତି ନାସା କିହାଲି ମାଟୁହେସି ।

ସମିରଣତା ନେହୁଁ କାବୁ ଝେକନାୟି

୪ ଏମ୍ବାଟିଏ ଆମିନି ଗାଗାରି ଇତାଲା ଆତାଲା ଆହାମାଚେରି, ଏଞ୍ଜାରି ସାରିସୁରୁ ରେଜି ରେଜି ନେହୁଁ କାବୁ ଝେକହେରି । ୫ ଇଞ୍ଜାଁ ପିଲିପ ସମିରଣତି କାଜା ଗାଡ଼ାତା ହାଜାନା ଲକୁ ନକିତା ମସିହାଟି କାତା ଝେକହେସି । ୬ ଅଡ଼େ, ଲକୁ ବାରେ ପିଲିପ ହାଡ଼ା ଝେଚେରି ଇଞ୍ଜାଁ ଏଞ୍ଜାସି କିହାମାନି କାବାଆନ୍ତି କାମା ମେସାନା ରଣ୍ଡିଏ ହିୟାଁ ତଲେ ଏଞ୍ଜାଣି କାତାତି ଝେଞ୍ଜିମାଚେରି । ୭ ଇତିହୁଁ ଆଲଗାମାଟି ପଲୁଆ ବୁଡୁ ହାରେକା ଲକୁ ତାଣାଟି କାଜା ଗିୟାଁତଲେ କିରୁଡ଼ିହୁଁ ହ୍ରାହ୍ରାଡୁ, ଇଞ୍ଜାଁ ଚଟ ଝାୟିତାରି ଅଡ଼େ ସପାୟାଁ ହାରେକା ଜାଣା ନେହୁଁ ଆଡ଼େରି । ୮ ଏଦାଆଁତାକି ଏ ଗାଡ଼ାତା ହାରେକା କାଜା ବାହାଁ ଆଡ଼େ ।

୯ ସାମା ସିମନ ଦରୁଗାଗାସି ରଅସି ଇ ନଚକଏ ଏ ଗାଡ଼ାତା ଗାରୁଡ଼ି କିହୁଁ ନାନୁ କାଜାଚେର୍ଥ ଇଞ୍ଜାଁ ଝେସା କଡ଼ିହୁଁ ସମିରଣତି ଲକୁଣି କାବା କିହିମାଚେସି । ୧୦ ମାହାପୁରୁତି ଆମିନି ବାଡ଼ୁୟିତି କାଜାୟି ଇଞ୍ଜାଁ ଇଣ୍ଡାମି ଆନ୍ନେ, ଉଣାଟିଏ କାଜାରି ପାଚେକା ବାରେଜାଣା ଇଞ୍ଜାସିଏ ଏଞ୍ଜାସି ଇଞ୍ଜାଁ ଏଞ୍ଜାଣାଇଁ ମାନ୍ତି କିହିମାଚେରି । ୧୧ ଏଞ୍ଜାରି ଏଞ୍ଜାଣାଇଁ ମାନ୍ତି କିହିମାନାୟି ଆଡ଼େ, ହାରେକା ଦିନାଟିଏ ତାନି ଗାରୁଡ଼ି କାମା ତଲେ ଏଞ୍ଜାଣାଇଁ କାବା କିହିମାଚେସି । ୧୨ ସାମା ପିଲିପ ମାହାପୁରୁତି ରାଜି ଇଞ୍ଜାଁ ଜୀସୁ କ୍ରୀସ୍ତ ଦରୁଡ଼ି ନେହୁଁ କାବୁ ଝେକହାଲିଏ ଏଞ୍ଜାରି ଏଚିବେଲା ଏଞ୍ଜାଣି କାତାତା ନାମିତେରି, ଇଞ୍ଜାଁ ଆୟାସିକା ଅଡ଼େ ଆବାୟାଁ ବାପ୍ତିସ୍ତା* ଅହାଲି ମାଟୁହେରି । ୧୩ ଅଡ଼େ ସିମନ ତାନୁଏ ନାମିତେସି ଇଞ୍ଜାଁ ବାପ୍ତିସ୍ତା* ଅଡ଼େସି,

* ୮:୩ ୮:୩ କାମା ୨୨:୪,୫; ୨୬:୯-୧୧ * ୮:୧୨ ୮:୧୨ ମୁଞ୍ଜିନାୟି † ୮:୧୩ ୮:୧୩ ମୁଞ୍ଜିନାୟି

ଇଞ୍ଜା ପିଲିପ ତଲେ ଡ଼ୟିତେସି, ଅଡ଼େ ହାରେକା ସିନାୟାଁ ଇଞ୍ଜା ହାରେକା ବାଡ଼ୁୟୁତି କାବାଆନି କାମାୟାଁ ମେସାନା କାବା ଆହାହାରେସି ।

୧୪ ସମିରଣତି ଲକୁ ଜିକେଏ ମାହାପୁରୁ ବଲୁତି ନାମିମାନେରି, ଇଞ୍ଜା ଜିରୁସାଲମତା ମାନି ପାଣ୍ଡୁଓ ଆଡ଼ାରି ଝେରେରି, ଏମ୍ବାଟିଏ ଏଞ୍ଜାରି ପିତର ଅଡ଼େ ଜହନଇଁ ଏଞ୍ଜାରିତାଣା ପାଣ୍ଡୁତେରି । ୧୫ ଏଞ୍ଜାରି ଏଗାହାଜାନା, ଏଞ୍ଜାରି ଏନିକିଁ ସୁଦୁଜୀଞ୍ଜୁ ବେଟାଆନେରି, ଏଦାଆଁତାକି ଏଞ୍ଜାରି ତାକି ପ୍ରାଡ଼ାନା କିତେରି । ୧୬ ଇଚିହଁ ନୀଏଁ ପାତେକା ଏଞ୍ଜାରିତାଣା ଆମ୍ବାଆରି ଲାକ ସୁଦୁଜୀଞ୍ଜୁ ରେଟା ହିଲାଆତେ, ଇଚିହଁ ଏଞ୍ଜାରି ଝାଉଇ ପ୍ରୁଜୁ ଜୀସୁ ଦରୁତଲେ ବାପୁଞ୍ଜୁ ଅହାମାତେରି । ୧୭ ପିତର ଅଡ଼େ ଜହନ ଏଞ୍ଜାରି ଲାକ କେନ୍ଦୁ ଇଚିତେରି ଇଞ୍ଜା ଏଞ୍ଜାରି ସୁଦୁଜୀଞ୍ଜୁ ବେଟାଆନେସି ।

୧୮ ପାଣ୍ଡୁଓ ଆଡ଼ାରି କେନ୍ଦୁ ଇଚିସାରେ ସୁଦୁଜୀଞ୍ଜୁ ଝାହିମାନାଣି ମେସାନା, ସିମନ ଏଞ୍ଜାରାକି ଟାକାୟାଁ ହାହାନା ଏଲେଇଚେସି, ୧୯ “ନାଜେ ଜିକେଏ ଇ ବାଡ଼ୁୟୁ ହିୟାଦୁ, ଏନିକିଁ ନାନୁ ଆମିନିଗାଟାଣି ଲାକ କେନ୍ଦୁ ଇଚିଇଁ ଏଞ୍ଜାସି ସୁଦୁଜୀଞ୍ଜୁ ବେଟାଆନେସି ।”

୨୦ ସାମା ପିତର ଏଞ୍ଜାଣାଇଁ ଏଲେଇଚେସି “ନୀ ଟାକାୟାଁ ନୀ ତଲେ ନସୁ ଆପୁ, ଇଚିହଁ ନାନୁ ଟାକାୟାଁ ହାହାନା ମାହାପୁରୁତି ଦାନା କଡ଼ାଲି ଅଣ୍ଡପିତି । ୨୧ ଇ କାମାତା ନୀଦି ଏନି ବାଟା କି ଅଦିକାରା ହିଲେଏ, ଇଚିହଁ ମାହାପୁରୁ ତାଣା ନୀ ହିୟାଁ ଟିକାଣା ହିଲେଏ । ୨୨ ଇଦାଆଁତାକି ନୀ ଲାଗେଏତି ଅଣ୍ଡପୁଟି ମନ ଝେଟହାଁ ପ୍ରୁ ତାଣା ପ୍ରାଡ଼ାନା କିମ୍, ଏନିଆଡ଼ିହଁ ନୀ ହିୟାଁତା ମାନି ଲାଗେଏତି ଅଣ୍ଡପୁ ମ୍ବେକନେସି; ୨୩ ଇଚିହଁ ନାନୁ ମେସିମାଞ୍ଜାଇଁ ନୀ ହିୟାଁ ବିତ୍ରା ତାହାରା ଆନାୟି ମାନେ, ନୀନୁ ଲାଗେଏତି ପାନ୍ଦାତା ଦସ୍ପି ଆହାମାଞ୍ଜି ।”

୨୪ ଏଚେଟିଏ ସିମନ, ପିତର ଅଡ଼େ ଜହନଇଁ ଏଲେଇଚେସି, “ମୀରୁ କାର୍ମା ଅଣ୍ଡପାନା ନା ତାକି ପ୍ରୁ ତାଣା ପ୍ରାଡ଼ାନା କିପୁ, ମୀରୁ ଏନାଆଁ ଜଲିତେରି ଏ ବାରେ ଏନିକିଁ ନାଜେତାକି ଏଲେଆହଁ ଆଏ ।”

୨୫ ଇଲେକିହଁ ପିତର ଅଡ଼େ ଜହନ ସାକି ହାହଁ ପ୍ରୁତ ବଲୁ ଝେସିହଁ, ହାରେକା ସମିରଣ ନାସ୍କାଣାଁ ନେହଁ କାଡ଼ୁ ଝେସି ଝେସିହଁ ଜିରୁସାଲମତା ଝେଣ୍ଡା ହାଚେରି ।

ପିଲିପ ଅଡ଼େ ଇଚିୟପିୟାତି କାମାକିନାସି

୨୬ ତାରୁ ପ୍ରୁତ ର ଦୁଡୁ ପିଲିପଇଁ ଏଲେଇଚେସି, “ନିଙ୍ଗାମୁ ଇଞ୍ଜା ଚିଃନି ଝାକିତି ଆମିନି ଜିରୁ ଜିରୁସାଲମଟିଏ ଗଜା ଝାକି ମାନେ ଏ ଜିରୁତା ହାଲାମୁ ।” ଏ ଜିରୁତି ଅଡ଼େ ଲକୁ ଡାକିହଲଅରି ।

୨୭ ଏମ୍ବାଟିଏ ଏଞ୍ଜାସି ନିଙ୍ଗାନା ହାଚେସି, ଇଚିୟପିୟା ଡେସାତି କାଣ୍ଡାକି ଦରୁଗାଟି ରାଣିନି ଡ଼ଇ ର କାଜାପାଣା ବେଟାଆହାମାନି ପେଜୁ ଆମିନିଗାଟାସି ଇଚିୟପିୟା ରାଣିନି ବାରେ ଦନତି ଗୁମୁସା ମାଚେସି, ଏଞ୍ଜାସି ମାହାପୁରୁ ତାଣା ପ୍ରାଡ଼ାନା କିହାଲି ଜିରୁସାଲମତା ଝାହାମାଚେସି; ୨୮ ଏଞ୍ଜାସି ମାହାପୁରୁ ଅଣ୍ଡପୁଟି ବଲୁ ଝେହ୍ନି ଜିସାୟତି ପତି କାଜା ଗିୟାତଲେ ପଡ଼ଓ ଆହଁ ରାତାତା କୁଗାନା ଝେଣ୍ଡା ହାଜିମାଚେସି ।

୨୯ ଏଚିବେଲା ସୁଦୁଜୀଞ୍ଜୁ ପିଲିପଇଁ ଏଲେଇଚେ, “ନକିତା ହାଜାନା ରାତାତା ହାଜିମାନାଣି ତାଣା ହାଲାମୁ;”

୩୦ ଏଚେଟିଏ ପିଲିପ ହଚି ହଚି ହାଜାନା ଜିସାୟତି ପତି କାଜା ଗିୟାତଲେ ମାହାପୁରୁ ଅଣ୍ଡପୁଟି ବଲୁ ପଡ଼ଓ ଆହିମାନାଣି ଝେଞ୍ଜାନା ଝେଚେସି, “ନୀନୁ ଆମିନିଗାଟାଣି ପଡ଼ଓ ଆହିମାଞ୍ଜି ଏଦାଆଁ ପୁଞ୍ଜାଲି ଆଡ଼ିମାଞ୍ଜି କି ?”

୩୧ ପେଜୁ ଏଲେଇଚେସି, “ଆମ୍ବାଆସି ନାଜେ ଝେସ୍ତାଆସାରେ ନାନୁ ଏନିକିଁ ପୁଇଁ ?” ଇଞ୍ଜା ଏଞ୍ଜାସି ପିଲିପଇଁ ରାତାତା ହଟାନା ତାନିତଲେ କୁଗାଲି ଏଲେଇଚେସି । ୩୨ ଏଞ୍ଜାସି ଦାର୍ମୁ ପତିତା ପଡ଼ଓ ଆହିମାଟି କାତା ଇଦି;

“ଏଞ୍ଜାସି ପାୟିଓଆନି ମେଣ୍ଡା ତାଲୁ ଲେହେଁ ଅଓିଆଚେସି, ଇଞ୍ଜା ମେଣ୍ଡା ତାଲୁ ବାଣାୟାଁ ଦାଃନି ବେଲାତା ମେଣ୍ଡା ତାଲୁ ଏନିକିଁ ତୀଆନା ପାଲେଏ ଡ଼ୟିନେ, ଏଲେକିହଁ ଏ ଏଞ୍ଜାସି ତାନି ଗୁତି ଏକ୍‌ଆଚେସି ।

୩୩ ଏଞ୍ଜାଣାଇଁ ଉଣା କିହାଁ ନୀହାଁୟି କିଆଚେରି, ଏଞ୍ଜାଣି କୁଡ଼ାତି କାତା ଆମ୍ବାଆସି ଝେସାଲି ଆଡ଼ଅସି, ଇଚିହଁ ତାନି ଜୀଞ୍ଜୁ ଦାରଡିତା ରାଡେ ।”

୩୪ ଏ ପେଜୁ ପିଲିପଇଁ ଏଲେଇଚେସି, “ନାଜେ ଝେସ୍ତାମୁ, ମାହାପୁରୁ ଅଣ୍ଡପୁଟି ବଲୁ ଝେହ୍ନିସି ଆମ୍ବାଆରି କାତା ଝେସିମାନେସି ? ତାନି କାତା କି ଅର ରଅଣି କାତା ?” ୩୫ ଏମ୍ବାଟିଏ ପିଲିପ ଗୁତି ଦେତାନା ଦାର୍ମୁ

‡ ୮:୧୨ ୮:୧୬ ମୁଞ୍ଜିନାୟି § ୮:୨୨ ଲକୁ ହିଲାଆ ଗାୟୁ

ସାପ୍ତରୀତ୍ୟ ଯାତ୍ରାହୀନା ଏଞ୍ଜାଣି ତାଣା ଜୀୟୁତି ନେହଁ କାରୁ ଖେପ୍ପେସି ।^{୩୭} ଏଞ୍ଜାରି ଜିରୁତା ହାଜିମାଚାଟି ଏମୁ ମାନି ର ଚାୟୁତା ଏଗାହାଚେରି; ଏଚେଟିଏ ପେଜୁ ଏଲେଇଚେସି, ^{୩୮} “ଇମ୍ପାଆଁ ଏମୁ ମାନ୍, ଏନାଆଁ ନାନ୍ ବାପ୍ପିସ୍* ଅହାଲି ଆଡ଼ିଇଁ ?”

^{୩୮} ଇଞ୍ଜାଁ ଏଞ୍ଜାସି ରାତା ନିପହାଲି ହୁକୁମି ହୀତେସି, ଇଞ୍ଜାଁ ପିଲିପ ଅଡ଼େ ପେଜୁ ଏମୁଣାଁ ରେଚେରି, ଇଞ୍ଜାଁ ପିଲିପ ଏଞ୍ଜାଣାଇଁ ବାପ୍ପିସ୍* ହୀତେସି । ^{୩୯} ଏଞ୍ଜାରି ଏମୁଟି ହଟା ଖାଡ଼ି ତାୟୁ, ପ୍ରବୁତି ସୁଦୁଜାସୁ ପିଲିପଇଁ ଅହଁ ହାଚେ, ଇଞ୍ଜାଁ ପେଜୁ ଅଡ଼େ ଏଞ୍ଜାଣାଇଁ ମେହ୍‌ଆତେସି; ଆଡ଼ିଜିକେଏ ରାହାଁ କିହଁ ତାନି ଜିରୁତା ହାଚେସି ।^{୪୦} ସାମା ପିଲିପ ଅସଦଦ୍ ଗାଡ଼ାତା ତଞ୍ଜାଆତେସି; ଇଞ୍ଜାଁ ଏଞ୍ଜାସି ଗାଡ଼ାତାକି ଗାଡ଼ାତା ହାଜାହାଁ ନେହଁ କାରୁ ଖେପ୍ପେସି ଇଞ୍ଜାଁ କାୟିସରିୟାତା ଏଗାହାଚେସି ।



ସାଞ୍ଜୁଲ ମନ ଖେଟ୍‌ନାୟି

(କାମା ୨୨:୬-୧୭; ୨୬:୧୨-୧୮)

^୧ ସାମା ସାଞ୍ଜୁଲ ନାଏଁ ପାତେକା ପ୍ରବୁତି ସାୟୁୟାଁ କପାଟି ଆଜି ତସାନା ଅଡ଼େ ଜାସୁ ନାସାକିନି କାତାୟାଁ ଜଲିହଁ କାଜା ପୂଜେରାଙ୍ଗା ତାଣା ହାଚେସି ।^୨ ଅଡ଼େ ପ୍ରବୁ ଜିରୁଟି ତାକିମାନି ଆମିନି ଇୟାସିକା ଆବାୟାଁଣି ମେସିହଁ, ବାରେଜାଣାଟି ଦସପାନା ଜିରୁସାଲମତା ତାଚାଲି ଆଡ଼ିମାନେସି, ଏନାଆଁତାକି ଏଞ୍ଜାସି କାଜା ପୂଜେରାଙ୍ଗା ତାଣା ହାଜାନା ଦମେସକତା ମାନି ଜୀହୁଦି ଲକୁତି କୁଟମି ଇଲକାଣା* ହିୟାଲି ଏଞ୍ଜାରି ତାଣାଟି ଆକୁ ରାପ୍ପେସି ।

^୩ ସାଞ୍ଜୁଲ ଦମେସକ ତାଗେ ଖାହିମାଚାଟି ଦେବୁଣିଏ ର ଉଜେଡ଼ି ହାଗୁଲକାଟି ତାନି ସାରିଖାକି ମିସ୍ତେ ।^୪ ଏମ୍ପାଟିଏ ଏଞ୍ଜାସି ବୁମିତା ତରଗା ହାଚେସି ଇଞ୍ଜାଁ ତାଙ୍ଗେତାକି ଇ ହାଡ଼ା ଖେଚେସି, “ଏ ସାଞ୍ଜୁଲ, ଏ ସାଞ୍ଜୁଲ ! ନାନୁ ଏନାଆଁତାକି ନାଙ୍ଗେ ନିନ୍ଦା କିହିମାଞ୍ଜାଦି ?”

^୫ ଏଞ୍ଜାସି ଏଲେଇଚେସି, “ପ୍ରବୁ, ନାନୁ ଆମ୍ପାଆତି ?” ଏଞ୍ଜାସି ଏଲେଇଚେସି, “ନାନୁ ଆମ୍ପାଆରାଇଁ ନିନ୍ଦା କିହିମାଞ୍ଜି ଏ ଜୀୟୁତେଏଁ ନାନୁ ।^୬ ସାମା ନିଙ୍ଗାମୁ ଇଞ୍ଜାଁ ଗାଡ଼ାତା ହାଲାମୁ, ଏନାଆଁ କିହାଲି ଆନେ, ଏମ୍ପାଆଁ ନିଙ୍ଗେ ଖେସ୍‌ପି ଆୟାନେ ।”

^୭ ଏଞ୍ଜାଣିତଲେ ଆମିନି ଲକୁ ହାଜିମାଚେରି, ଏଞ୍ଜାରି ଏ ହାଡ଼ା ଖେଞ୍ଜାନା ଆମ୍ପାଆରାଇଁ ମେହ୍‌ଆତେରି, ଇଞ୍ଜାଁ ଆତାଜାକା ଆହାହାଚେରି ।^୮ ଅଡ଼େ ସାଞ୍ଜୁଲ ବୁମିଟି ନିଙ୍ଗାନା ତାନି କାଣକା ଦେଚେସି, ସାମା ଏଞ୍ଜାସି ଏନାଆଁ ମେସାଲି ଆଡ଼ାଆତେସି । ଇଞ୍ଜାଁ ଏଞ୍ଜାରି ତାନି କେୟୁ ଆସାନା ଦମେସକତା ଅଡ଼େରି ।^୯ ଅଡ଼େ ତାନିଦିନା ପାତେକା ଏଞ୍ଜାସି ଏନାଆଁ ମେସାଲି ଆଡ଼ାଆତେସି, ଅଡ଼େ ଏନାଆଁ ତିନାଆତେସି ଏନାଆଁ ଗହ୍‌ଆତେସି ।

^{୧୦} ଦମେସକତା ହନନିୟ ଦରୁଗାଟାସି ର ସାୟୁ ମାଚେସି; ପ୍ରବୁ ଏଞ୍ଜାଣାଇଁ ତଞ୍ଜାଆହାଁ ଏଲେଇଚେସି, “ଏ ହନନିୟ !” ଏଞ୍ଜାସି ଏଲେଇଚେସି, “ଏ ପ୍ରବୁ ନାଙ୍ଗେ ଖେସ୍‌ସାମୁ ।”

^{୧୧} ଏଚେଟିଏ ପ୍ରବୁ ଏଞ୍ଜାଣାଇଁ ଏଲେଇଚେସି, “ତିୟାରା ଆହାନା ‘ସଲକ’ ଦରୁଗାଟି ଜିରୁ ଆସାଁ ଜୀହୁଦା ଇଲୁତା ତାସି ଗାଡ଼ାଟି ସାଞ୍ଜୁଲ ଇନାଣାଇଁ ପାରାମୁ; ଇତିହଁ ଏଞ୍ଜାସି ପ୍ରାଡ଼ାନା କିହିମାନେସି; ^{୧୨} ଅଡ଼େ, ଏଞ୍ଜାସି ସେୟାଁଣା ହାପାନା ମେସାମାନେସି, ହନନିୟ ଇନାସି ର ମାଣସି ଖାହାନା ତାନି ଲାକ କେୟୁ ଇଟିମାନେସି, ଏନିକଁ ଏଞ୍ଜାସି ମେସାଲି ଆଡ଼ିମାନେସି ।”

^{୧୩} ହନନିୟ ଏଲେଇଚେସି, “ପ୍ରବୁ, ଜିରୁସାଲମତା ମାହାପୁରୁ ଲକୁଇଁ ଇଞ୍ଜାସି ଏଚେକା ନିନ୍ଦା କିହିମାନେସି ଇଞ୍ଜାଁ ନାନୁ ହାଚେରକା ଲକୁ ତାଣାଟି ଇ ଲକୁତି କାତା ଖେଞ୍ଜାମାଇଁ ।^{୧୪} ଅଡ଼େ ଇ ଚାୟୁତା ନୀ ଦରୁଟି ପ୍ରାଡ଼ାନା କିହିମାନାରାଇଁ ବାରେଜାଣାଟି ଦସା ଅୟାଲି ଏଞ୍ଜାସି କାଜା ପୂଜେରାଙ୍ଗା ତାଣାଟି ଅଦିକାରା ଆକୁ ବେଟାଆହାମାନେସି ।”

^{୧୫} ସାମା ପ୍ରବୁ ଏଞ୍ଜାଣାଇଁ ଏଲେଇଚେସି, “ହାଲାମୁ; ଇତିହଁ ଏଞ୍ଜାସି ଏଚେକା କୁଡ଼ାଟି ରାଜାୟାଁ ଅଡ଼େ ଇସାୟେଲ ଲକୁତି ମାୟକା ମୀରକା ନକିତା ନା ଦରୁ ଖେକହାଲି ନାନୁ ଏଞ୍ଜାଣାଇଁ ନା ସେବା କିନାସି କିହାନା ଆତାମାଇଁ; ^{୧୬} ଅଡ଼େ ନା ଦରୁ ତାକି ଏଞ୍ଜାସି ଏଚେକା ଦୁକୁ ବେଟାଆନେସି, ଏନାଆଁ ନାନୁ ଏଞ୍ଜାଣାଇଁ ଖେହ୍‌ଇଁ ।”

* ୮:୩୭ ୮:୩୭ ମୁଞ୍ଜିନାୟି † ୮:୩୭ ୮:୩୭ ପିଲିପ ଏଲେଇଚେସି, “ନାନୁ ବାରେ ହିୟାଁ ତଲେ ନାନିସାରେ ଅହାଲି ଆଡ଼ିଦି” ଏମ୍ପାଟିଏ ଏଞ୍ଜାସି ଏଲେଇଚେସି, “ଜାୟୁ ଜ୍ରାସୁ ମାହାପୁରୁଟି ମାବ୍‌ଏସି ଇଦାଆଁ ନାନୁ ନାନିମାଇଁ ।” ‡ ୮:୩୮ ୮:୩୮ ମୁଞ୍ଜିନାୟି * ୯:୨ ୯:୨ ସିନଗର୍

୧୭ ଏବେଟିଏ ହନନିୟ ହାଜାନା, ଏ ଲକ୍ଷ୍ମୀ ହାତରେ, ଇଞ୍ଜା ତାନି ଲାକ କେନ୍ଦୁ ଇଗାନା ଏଲେଇଚେସି, “ତାୟି ସାଞ୍ଜୁଲ, ଇମ୍ବାଆଁ ଖାନି ଜିରୁତା ଆନିନି ପ୍ରବୁ ଜୀସୁ ନିଜେ ତଞ୍ଜା ଆୟାତେସି, ଏଞ୍ଜାସି ନାଜେ ପାଣ୍ଡାମାଞ୍ଜାନେସି, ନୀନୁ ଏନିକି ଖେଣ୍ଡେ ମେହ୍ନୁ ଇଞ୍ଜା ସୁଦୁଜୀଞ୍ଜୁ ବେଗାଆମୁ ।” ୧୮ ଏ ଦେବୁଣିଏ ଏଞ୍ଜାଣି କାଣକାଟି ମୀନୁ ହିପି ଲେହେତାୟି ତୁଲିତେ, ଇଞ୍ଜା ଏଞ୍ଜାସି ଖେଣ୍ଡେ ମେସାଲି ଆଡ଼ିତେସି, ଅଡ଼େ ନିଜାନା ବାପ୍ତିସ୍ତା ଅଡ଼େସି, ୧୯ ଅଡ଼େ ଏଞ୍ଜାସି ତିଞ୍ଜା ଉଣ୍ଡାନା ବାଡ଼ୁଲୁ ବେଗାଆଡ଼େସି, ଏବେଟିଏ ସାଞ୍ଜୁଲ ଏଚରଦିନା ସୀସୁୟାଁ ତଲେ ଦମେସକତା ଡ଼ୟିତେସି ।

ଦମେସକତା ସାଞ୍ଜୁଲ ଖେକନାୟି /

୨୦ ଅଡ଼େ, ଜୀସୁ ମାହାପୁରୁତି ମୀରୁଏସି ଇଞ୍ଜା ଆବୁଞ୍ଜା ତଲେ ଜୀହୁଦି ଲକ୍ଷ୍ମି କୁଟି ଇଲକାଣାଃ ଖେସାଲି ମାଟୁହେସି ।

୨୧ ଅଡ଼େ, ଆନିନି ଗାଗାରି ତାନି ହାଡ଼ା ଖେଚେରି, ଏଞ୍ଜାରି କାବାଆହାନା ଏଲେଇଚେରି, “ଜୀସୁ ଦରୁ ଆସାନା ପ୍ରାତାନା କିନି ଲକ୍ଷ୍ମି ଆମ୍ବାଆସି ଜିରୁସାଲମତା ପାୟି କିହିମାଚେସି, ଅଡ଼େ ଏଞ୍ଜାଋଇଁ ଦସପାହାଁ କାଜା ପୂଜେରାଜା ତାଣା ଅହାଲି ତାକି ଇମ୍ବାଆଁ ଖାହାମାଚେସି, ଏଞ୍ଜାସି କି ଇଞ୍ଜାସି ଆଏ ?”

୨୨ ସାମା, ସାଞ୍ଜୁଲତି ଖେକନାୟି ହାଚେରକା ବାଡ଼ୁଲୁ ଗାଗାୟି ମାଚେ, ଅଡ଼େ ଏଞ୍ଜାସି ପାରମାଣା କିହାଁ ଖେସୁସି ଜୀସୁ ଏ ମସିହା, ଇଦାଣି ଦମେସକତା ବାସା କିହାମାନି ଜୀହୁଦି ଲକ୍ଷ୍ମି ଖେଣ୍ଡେ ଖେସାଲି ଆଡ଼ାଆଚେରି ।

୨୩ ଏଚରଦିନା ହାଚି ତାୟୁ ଜୀହୁଦିୟାଁ ରୁଣ୍ଡା ଆହାନା ଏଞ୍ଜାଣାଇଁ ପାୟାଲି କାତା ଆଚେରି; ୨୪ ସାମା ଏଞ୍ଜାରି କାତା ଆହିମାଚାଣି ସାଞ୍ଜୁଲ କିୟାଁ ତୁ ହାଚେ, ଅଡ଼େ ଏଞ୍ଜାରି ଏନିକି ସାଞ୍ଜୁଲଇଁ ପାୟାଲି ଆଡ଼ିନେରି, ଏଦାଆଁତାକି ଲାଆଁ ମାଦେନା ଗାଡ଼ାତି ଦୁଝେରିକାଣା କାଟିହୁଁ ଡ଼ୟିତେରି । ୨୫ ସାମା ସାଞ୍ଜୁଲତି ସୀସୁୟାଁ ଲାଆଁୟାଁ ବେଲାତା ଏଞ୍ଜାଣାଇଁ ର ଡ଼ାଲିତା ରସାହାଁ କଟା କାଟିଚି ଡ଼ଇ ରେପୁହେରି ।

ଜିରୁସାଲମତା ସାଞ୍ଜୁଲ

୨୬ ତାୟୁ ଏଞ୍ଜାସି ଜିରୁସାଲମତା ହାଜାନା ସୀସୁୟାଁ ତଲେ ଆଣ୍ଡାଲି ଅଣ୍ଡାପିମାଚେସି; ସାମା ଏଞ୍ଜାସି ର ସୀସୁ ଇଞ୍ଜା ଏଞ୍ଜାରି ଇଚାଣି ନାମାଆନା, ବାରେଜାଣା ଏଞ୍ଜାଣାଇଁ ଆଜିମାଚେରି । ୨୭ ସାମା ବର୍ନବା ଏଞ୍ଜାଣାଇଁ ଆସାନା ପାଣ୍ଡୁଣ୍ଡି ଆଡ଼ାରି ତାଣା ତାଚେସି, ଇଞ୍ଜା ଜିରୁତା ଏଞ୍ଜାସି ଏନିକି ପ୍ରବୁଇଁ ମେସୁସି ଇଞ୍ଜା ପ୍ରବୁ ଏନାଆଁ ତାଜେ ହାଡ଼ା ଆଡ଼େସି, ଦମେସକତା ଜୀସୁ ଦରୁତି ସାସାତଲେ ସାଞ୍ଜୁଲ ଏନିକି ଖେସାମାଚେସି, ଇ ବାରେ କାତା ଏଞ୍ଜାରି ନକିତା ଖେସୁସି । ୨୮ ଅଡ଼େ ସାଞ୍ଜୁଲ ଏଞ୍ଜାରିତଲେ ଡ଼ୟିତେସି ଅଡ଼େ ଜିରୁସାଲମତି ବାରେଞ୍ଜାକି ହାଜାନା ସାସାତଲେ ପ୍ରବୁତି ଦରୁ ଖେକହେସି । ୨୯ ଇଞ୍ଜା ଏଞ୍ଜାସି ଗ୍ରିକ ଜଳିନି ଜୀହୁଦି ଲକ୍ଷ୍ମିତଲେ ବାଦିବାଦା କିହିମାଚେସି, ସାମା ଏଞ୍ଜାରି ଏଞ୍ଜାଣାଇଁ ପାୟାଲି ପାରୁ ପାରିମାଚେରି । ୩୦ ନାମିତି ତାୟିୟାଁ ଏଦାଆଁ ପୁଞ୍ଜାଲିଏ, ସାଞ୍ଜୁଲଇଁ କାୟିସରିୟାତା ଅହାନା ଏମ୍ବାଟି ଏଞ୍ଜାଣାଇଁ ତାର୍ଯତା ପାଣ୍ଡିଚେରି ।

୩୧ ଇଲେଆହୁଁ ଏ ବାରେ ଜୀହୁଦା ରାଜି, ଗାଲିଲି ଅଡ଼େ ସମିରଣତି କୁଲମି ବାସୁଁ ଆହାନା ପ୍ରବୁଇଁ ଆଜାନା ହିଡ଼ି ଜୀହୁତଲେ ମାଚେରି, ଇଞ୍ଜା ସୁଦୁଜୀଞ୍ଜୁତି ସାଢ଼ୟିନି ତଲେ ପାତାଆହାଲି ମାଟୁହେରି ।

ଲୁଦ ଅଡ଼େ ଜାପତା ପିତର

୩୨ ଏବେଟିଏ ପିତର ବାରେ ରାଜିତା ରେଜି ରେଜିହୁଁ ଲୁଦତା ଡ଼ୟିନି ମାହାପୁରୁ ଲକ୍ଷ୍ମି ଆଣ୍ଡାଲି ହାଚେସି । ୩୩ ଏମ୍ବାଆଁ ଏଞ୍ଜାସି ଏନିୟ ଦରୁଗାଟି ରଅଣାଇଁ ବେଗାଆଡ଼େସି, ଏଞ୍ଜାସି ଆଟା ବାସାଁ ପାଚେକା ଚଟ ଖାୟିତି ରଟ ଆହାନା କାଚେଲିଚି ନିଜାଲି ଆଡ଼ିହିଲାଆଡ଼େସି । ୩୪ ପିତର ଏଞ୍ଜାଣାଇଁ ଏଲେଇଚେସି, “ଏନିୟ, ଜୀସୁ କ୍ରୀସ୍ତ ନିଜେ ନେହୁଁ କିହାମାଞ୍ଜାନେସି; ନିଜାମୁ ନୀ ପାସ୍ପଦିନି ମୁଦା କିମୁ” ଏବେଟିଏ ଏଞ୍ଜାସି ଏ ଦେବୁଣିଏ ନିଜାଚେସି । ୩୫ ଏବେଟିଏ ଲୁଦ ଇଞ୍ଜା ସାରଣତା ବାସା କିହାମାନି ଲକ୍ଷ୍ମି ଏଞ୍ଜାଣାଇଁ ମେସାନା, ପ୍ରବୁ ତାଣା ହିୟାଁ ଖେଟୁହେରି ।

ଦର୍କା ଖେଣ୍ଡେ ନୀତିନାୟି

୩୬ ଜାପତା ଟାବିତା ଦରୁଗାଟି ମାହାପୁରୁଇଁ ନାମିତି ର ଇୟା ମାଚେ, ଗ୍ରିକ ତଲେ ଦର୍କା ଇଚିସାରେ ତାନି ଦରୁ “ର କୁହୁଁ ।” ଏଡ଼ି ବାରେବେଲା ନେହୁଁ କାମା କିହୁଁ, ହିଲାଆ ଗାଗାରାକି ସାଢ଼ୟିନି କିହିମାଚେ । ୩୭ ଏଚିବେଲାତା ଏଡ଼ି ନିଟ୍ମିରି ଆହାନା ହାହାହାଚେ, ଲକ୍ଷ୍ମି ଏଦାନି ଏୟୁ ମାଡ଼ହାନା ଲାକନି ପାରୁତି ର

† ୯:୧୮ ୯:୧୮ ମୁଞ୍ଜାୟି ‡ ୯:୨୦ ୯:୨୦ ସିନଗର * ୯:୨୩ ୯:୨୩ ୨କର ୧୧:୩୨,୩୩

ବାକ୍ରାତା ତ୍ରିପୁତ୍ର । ୩୮ ଇର୍ଷ୍ଣା ଲୁଦ ଜାପ ତାଗେ ମାତାକି ସାମୁଦ୍ରିୟା ପିତର ଜାପତା ମାନେସି ଇର୍ଷ୍ଣା ଖେଞ୍ଜାନା, ରୀ ଲକୁଣି ଏଞ୍ଜାଣି ତାଣା ପାଣ୍ଡାନା ଇ କାତା ବାତିମାଲିତେରି, “ମା ତାଣା ଖାହାଲି ଖେଡ଼ା କିଆନି ।” ୩୯ ପିତର ନିଜ୍ଞାନା ଏଞ୍ଜାରିତଲେ ହାରେସି, ଏମ୍ବାଆଁ ଏଞ୍ଜାସି ଖାହାଲିଏ ଏଞ୍ଜାଣାଇଁ ଲାକନି ପାରୁତି ବାକ୍ରାତା ଅଡେରି, ଅଡେ ରାଘେଣିସିକା ସାରିସୁରୁ ମୁତାନା ତ୍ୱାହି ତ୍ୱାହି ଦର୍କା ନୀତାମାତି ବେଲାତା କେପାମାତି ହିମ୍ବୁରିକା ବାରେ ଏଞ୍ଜାଣାଇଁ ତସୁ । ୪୦ ସାମା ପିତର ବାରେଜାଣାତି ପାଞ୍ଜାତା ପାଣ୍ଡାନା ମେଣ୍ଡାକୁତାନା ପ୍ରାତାନା କିତେସି; ଇର୍ଷ୍ଣା ମାଡ଼ହା ଖାକି ତିରୁଖାନା ଏଲେଇତେସି, “ତାବିତା, ନିଜ୍ଞାମୁ” ଏତେଟିଏ ଏଡ଼ି କାଣ୍ଡକା ଦେତାନା ପିତରଇଁ ମେସ୍ତେ ଇର୍ଷ୍ଣା ନିଜ୍ଞାନା କୁରିତେ । ୪୧ ଇର୍ଷ୍ଣା ପିତର କେୟୁ ଦାସାନା ଦର୍କାଲି ନିକହେସି, ଇର୍ଷ୍ଣା ମାହାପୁରୁ ଲକୁ ଅଡେ ରାଘେଣିସିକାଣି ହାତାନା ଏଦାନି ନୀତାମାନାଣି ତସ୍ତେସି । ୪୨ ଇ କାତା ଜାପତି ସାରିସୁରୁ ଖେଞ୍ଜାହାତେ ଅଡେ ହାରେକା ଲକୁ ପୁବୁଇଁ ନାମିତେରି । ୪୩ ଅଡେ, ପିତର ହାରେକା ଦିନା ପାତେକା ଜାପତି ସିମନ ଦରୁଗାତି ତଲ୍ଲକା କାମାକିନାଣି ଇଜ ତ୍ୱୟିତେସି ।

୧୦

ପିତର ଅଡେ କର୍ନଲିୟ

୧ କାୟିସରିୟା ଗାଡ଼ାତା କର୍ନଲିୟ ଦରୁଗାଟାସି ର ଲକୁ ମାତେସି, ଏଞ୍ଜାସି ଇତାଲିକ ଦରୁଗାତି ରମିୟ ରିଜାରି କସ୍ତକାତି ପାସାକଡ଼ି କସ୍ତକା ମୁହେଁ କାଜାସି ମାତେସି । ୨ ଏଞ୍ଜାସି ର ଦାମ୍ବୁ ଲକୁ ମାତେସି; ତାନି ଇଲୁ କୁଟମି ତଲେ ମାହାପୁରୁଇଁ ଆଜିମାତେସି, ଏଞ୍ଜାସି କାକୁଲି ଲକୁତାକି ଦାନା ହାହିମାତେସି, ଅଡେ ମାହାପୁରୁ ତାଣା କାଲେଏ ପ୍ରାତାନା କିହିମାତେସି । ୩ ର ଦିନା ମିଡ଼ଅଲ୍ଲା ତାନି ଗଂଗା ବେଲାତା ଏଞ୍ଜାସି ସେୟାଣା ହାପାନାତା ତୀରପୁତଲେ ମେସ୍ତେସି, ର ମାହାପୁରୁତି ଦୂତୁ ଖାହାନା ଏଞ୍ଜାଣାଇଁ ଖେସ୍ତେସି “କର୍ନଲିୟ !” ୪ ଏଞ୍ଜାସି ଆଜିତଲେ ଦୂତୁ ଖାକି ସିନିକିତେସି ଅଡେ ଖେତେସି, “ଇଦି ଏନାୟି ପୁବୁ ?” ଦୂତୁ ଏଞ୍ଜାଣାଇଁ ଏଲେଇତେ, “ନୀ ପ୍ରାତାନା ଅଡେ ଦାନା ହାନାୟି ଲାକ ମାହାପୁରୁ ନକିତା ଏଜାମାନେ । ୫ ନୀଏଁ ନୀନୁ ଜାପତା ଲକୁଣି ପାଣ୍ଡାନା ସିମନ ପିତର ଦରୁଗାତି ଲକୁଇଁ ହାତାତାମୁ, ଏଞ୍ଜାଣି ହାତା ଦରୁ ପିତର ଇନେରି; ୬ ଏଞ୍ଜାସି ସିମନ ଦରୁଗାତି ର ତଲ୍ଲକା କାମାକିନାଣି ଇଜ ଗତାଗାଟାସି ଆହାମାନେସି, ଏଞ୍ଜାଣି ଇଲୁ ସାମଦୁରି ଗାରୁତା ।” ୭ ତାନିତଲେ କାତା ଆହିମାତି ଦୂତୁ ହାଜାଲିଏ, ଏଞ୍ଜାସି ତାନି ଇଜ କାମା କିନି ରା ହଲ୍ଲିୟାଣାଣି ଇର୍ଷ୍ଣା ତାଙ୍ଗେ ସେବାକିନି ରିଜାରି କସ୍ତକା ବିତ୍ରାତି ର ଦାମ୍ବୁତି କହୁଏଁଣାଇଁ ହାରିତେସି, ୮ ଅଡେ ଏଞ୍ଜାସି ଏଞ୍ଜାରାଇଁ ଏମ୍ବାଆଁ ଆହାମାତି ବାରେ କାତା ଖେସାନା ଜାପତା ପାଣ୍ଡିତେସି ।

ପିତର ସେୟାଣା ହାପାନା ହେଶ୍ଚନାୟି

୯ ଅର ଦିନା ଏଞ୍ଜାରି ହାଜି ହାଜିହିଁ ଏ ଗାଡ଼ାତି ତାଗେ ଆଡେରି, ଏଟିବେଲା ପିତର ମାଦେନା ବାର ଗଂଗା ବେଲାତା ପ୍ରାତାନା କିହାଲି ଇଲୁ ଲାକ ହାତେସି, ୧୦ ଏଞ୍ଜାସି ହାକି ଆଡେସି ଅଡେ ଏନାଆଁ ତିଞ୍ଜାଲି ମନ୍ କିତେସି; ସାମା ଏଞ୍ଜାରି ରାନ୍ଦା ଖାଜିମାତି ବେଲାତା, ଏଞ୍ଜାସି ସେୟାଣା ହାପାନା ମେସ୍ତେସି, ୧୧ ଲାକପୁରୁ ଦେପିଆହାମାନେ, ଇର୍ଷ୍ଣା ଏନିକିଁ ର ହିମ୍ବୁରିତି ସାରି କନତା ଆସ୍ତପି ଆହାନା ଦାରୁତି ଲାକ ରେତା ଖାହିମାନେ; ୧୨ ଏମ୍ବାଆଁ ଦାରୁତିତି ବାରେ କୁଡ଼ାତି ସାରିଗଟା କତା ଗାତି ଜନ୍ତୁ ଜିଝେଡ଼ିକା, ରାସ୍ତକା ତ୍ୱରିୟାଁ ଅଡେ ହାଗୁତି ପଚାୟାଁ ମାନୁ । ୧୩ ଇର୍ଷ୍ଣା ଏଞ୍ଜାଣାକି ଇ ହାଡ଼ା ଆଡେ, “ପିତର; ନିଜ୍ଞାମୁ, ପାୟାନା ତିନାମୁ !” ୧୪ ସାମା ପିତର ଏଲେଇତେସି, “ଆଏ ପୁବୁ, ନାନୁ ଏବେଲାଖା ଏନି ଲାଗେଏ ପଲେଏତି ଦିଶ୍ୱାସି ତିଞ୍ଜାହିଲିଆଁ ।” ୧୫ ଅଡେ ର ପାଲି ଇ ହାଡ଼ା ଆଡେ, “ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନୀନୁ ଲାଗେଏତାୟି ଇନାଆନି ।” ୧୬ ଇଲେକିହିଁ ତାନି ପାଲି ଆଡେ, ତାୟୁ ଏ ହିମ୍ବୁରି ଲାକପୁରୁ ଅଞ୍ଜିଆଡେ ।

୧୭ ପିତର ଏନାଆଁ ସେୟାଣା ହାପାନା ହେଶ୍ଚାମାତେସି, ଏଡ଼ି ଏନାୟି, ଇର୍ଷ୍ଣା ଅଣ୍ଡପିହିଁ ଆତାଜାକା ଆହାମାନି ବେଲାତା, କର୍ନଲିୟ ତାଣାତି ପାଣ୍ଡି ଆହାମାନାରି ସିମନ ଇଲୁ ପାରିହିଁ ଦୁଝେରିତା ନିକା ଖାଡେରି, ୧୮ ଇର୍ଷ୍ଣା ଏଞ୍ଜାରି ଖେତେରି, “ସିମନ ଇନି ପିତର ଦରୁଗାଟାସି ରଅସି ଇମ୍ବାଆଁ ଗତେଏସି ମାନେସି କି ?”

୧୯ ପିତର ଏ ସେୟାଣା ହାପାନା ହେଶ୍ଚାଣି ଅଣ୍ଡପିମାତି ବେଲାତା ଜାସୁ ଏଞ୍ଜାଣାଇଁ ଏଲେଇତେ, “ମେହ୍ମୁ ! ତାନି ଜାଣା ଲକୁ ନିଙ୍ଗେ ପାରିମାଞ୍ଜାନେରି । ୨୦ ଏଦାଆଁତାକି ତିୟାରା ଆମୁ ଅଡେ ତୁଇ ହାଲାମୁ, ଅଡେ ଆନାମାନା ଆଆନା ଏଞ୍ଜାରିତଲେ ହାଲାମୁ, ଏନାଆଁତାକି ଇତିହିଁ ନାନୁ ଏଞ୍ଜାରାଇଁ ପାଣ୍ଡାମାଞ୍ଜାଇଁ

17 9୧ ଏବେଟିଏ ପିତର ଏ ଲକ୍ଷ୍ମଣା ରେତାଝାହାନା ଏଲେଇଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି, ନାନୁ ଏଝାଚେଏ । ମୀରୁ ଏନାଆଁତାକି ଝାହାମାଞ୍ଜେରି ?”

99 ଏଝାରି ଏଲେଇଚେରି, “କର୍ନଲିୟ ଦରୁଗାଟି ପାସାକଡ଼ି କସ୍ତକା ମୁହେଁ କାଜାସି ମାଜେ ପାଣ୍ଡାମାଞ୍ଜାନେସି, ଏଝାସି ର ସୁଦୁ, ଦାମ୍ବୁଗାଟାସି ଇଞ୍ଜା ମାହାପୁରୁଇଁ ଆଜିନାସି, ଅଡ଼େ ବାରେ ଜୀହୁଦି କୁଡ଼ାତା ଝେଜିତାସି, ଏଝାସି ନିଜେ ତାମି ଇଜ ହାଟାନା ନୀ ଜାପୁନାଣି ଝେଞ୍ଜାଲିତାକି ମାହାପୁରୁତି ଦୁଡୁ ତାଣ୍ଡାଟି ହୁକୁମି ବେଟା ଆହାମାନେସି ।” 9୩ ପିତର ବିତ୍ରା ହାଟା ଅହାନା ଏଝାରାଇଁ ସେବା କିତେସି । ଅର ନେଚୁ ନିଜାନା ତିୟାରା ଆହାନା ଏଝାରିତଲେ ହାଚେସି; ଜାପତି ଏଚରଜାଣା ନାମିତି ତାୟିୟାଁ ଏଝାରିତଲେ ହାଚେରି । 9୪ ଅର ନେଚୁ ଏଝାରି କାୟିସରିୟାତା ଏଚେରି, ଏମ୍ବାଆଁ କର୍ନଲିୟ ତାନି କୁଚମି ଇଞ୍ଜା ଅଡ଼େ ଜାଚୁତି ତଣ୍ଡେସିଜାଣି ହାଟାହାଁ କୁଡ଼ି କିହାନା ଏଝାରାଇଁ କାଟିମାଚେରି । 9୫ ପିତର ବିତ୍ରା ହାଜାଲିଏ କର୍ନଲିୟ ଏଝାଣି କତାଁ ଡ଼ଇ ମୁନୁ କୁତାନା ଜହରା କିତେସି । 9୬ ସାମା ପିତର ତାଜେ ନିକହାନା ଏଲେଇଚେସି, “ନିଜାମୁ, ନାନୁ ଜିକେଏ ର ମାଣସିଚେଏ ।” 9୭ ଏବେଟିଏ ପିତର କର୍ନଲିୟ ତଲେ କାତା ଆହୁଁ ଆହୁଁ ଇଲୁ ବିତ୍ରା ହାଜାନା ଏମ୍ବାଆଁ ହାଚେରକା ଲକୁ ରୁଣ୍ଡା ଆହାମାନାଣି ମେସେସି । 9୮ ଅଡ଼େ ଏଝାସି ଏଝାରାଇଁ ଏଲେଇଚେସି, “ଏଚକା କୁଡ଼ାତି ଏନି ଲକୁତଲେ ଆଣ୍ଡିନାୟି କି ଏ ଲକୁ ତାଗେ ହାନାୟି ଜୀହୁଦି ଲକୁତାକି ଏନିକିହୁଁ ମେରା ହିଲେଏ, ଏଦାଆଁ ମୀରୁ ନେହୁଁ କୁଁ ପୁଞ୍ଜାମାଞ୍ଜେରି ଆଡ଼ିଜିକେଏ ଆମିନି ଲକୁଇଁ ସୁଦୁ ହିଲାଆ ଗାଟାରି କି ଲାଗେଏତାରି ଇଞ୍ଜିହୁଁ ଇନାଆନି ଇଞ୍ଜୁଁ ମାହାପୁରୁ ନାଜେ ତସାମାଞ୍ଜାନେସି । 9୯ ଏଦାଆଁତାକି ହାଟାନିଏ ନାନୁ ଏନାଆଁ ଏଣ୍ଡାଆନା ଝାଚେଏ । ଇଦାଆଁତାକି ନାନୁ ଝେଞ୍ଜାମାଞ୍ଜାଇଁ, ଏନାଆଁ କିହାଲି ମୀରୁ ନାଜେ ହାଟାଚେରି ?”

୩୦ କର୍ନଲିୟ ଏଲେଇଚେସି, “ତାନିଦିନା ନଚକେଏ ଇ ବେଲାତା ମିଡ଼ୁଆଲା ତାନି ଗଟା ବେଲା ନାନୁ ନା ଇଜ ପ୍ରାତାନା କିହମାଚେଏ; ମେହମୁଁ ଏମ୍ବାଆଁ ଉଜେଡ଼ିଗାଟି ଦବଲା ହିମ୍ବରିକା ତୁରହାମାନି ର ଲକୁ ନା ନକିତା ନିଚେସି, ୩୧ ଅଡ଼େ ଏଝାସି ଏଲେଇଞ୍ଜାଚେସି, ‘କର୍ନଲିୟ ! ମାହାପୁରୁ ନୀ ପ୍ରାତାନା ଝେଞ୍ଜାମାନେସି; ଇଞ୍ଜା ହିଲାଆ ଗାଟାଚାକି ନୀ ଦାନା ହାନାୟି ବାରେ ମାହାପୁରୁ ନକିତା ନେହୁଁ ତଞ୍ଜା ଆହାମାନେ । ୩୨ ଇଦାଆଁତାକି ସିମନ ଦରୁଗାଟି ପିତରଇଁ ହାଟା ତାଚାଲି ଜାପତା ଲକୁଇଁ ପାଣ୍ଡାମୁଁ ଏଝାସି ସାମଦୁରି ଗାଟାତା ଡ଼ୟିନି ତଲ୍ଲକା କାମା କିନି ସିମନ ଇଜ ଗତାଗାଟାସି ଆହାମାନେସି ।’ ୩୩ ଏଦାଆଁତାକି ଝେଡ଼ାକିଆନା ନାନୁ ନୀ ତାଣା ଲକୁ ପାଣ୍ଡାଚେଏ, ଅଡ଼େ ନାନୁ ଝାହାମାଞ୍ଜି ନେହୁଁ କିହାମାଞ୍ଜି, ଇଚିହୁଁ ପୁରୁ ନିଜେ ଏନାଆଁ ହୁକୁମି ହାହାମାଞ୍ଜାନେସି, ଏଦାଆଁ ଝେଞ୍ଜାଲିତାକି ମାମୁ ରୁାରେ ମାହାପୁରୁ ନକିତା କୁଡ଼ା ଆହାମାନମି ।”

ପିତର ଜାପୁନାୟି

୩୪ ଏବେଟିଏ ପିତର ଗୁଡ଼ି ଏକହାନା ଏଲେଇଚେସି, “ମାହାପୁରୁ ସାଚେଏ ବାରେ ଲକୁଣି ପାରୁଡ଼ା ବାଟି କିଅସି, ୩୫ ଆମିନି ଲକୁ ଏଝାଣାଇଁ ଆଜିନେରି ଅଡ଼େ ଏଝାସି ଅପିନି ଲେହେଁ ନେହୁଁ କାମା କିନେରି ଏଝାରି ଆମିନି କୁଡ଼ାତାରି ଇଚିହୁଁ ଜିକେଏ, ଏଝାସି ଆବିନେସି । ୩୬ ଏଝାସି ଜୀସୁ କ୍ରୀସ୍ତ ତାଣ୍ଡାଟି ହିଡ଼ଡ଼ିତି ନେହୁଁ କାରୁ ଝେସାନା ଇସ୍ରାୟେଲ ମୀରକା ନକିତା ଇ ବଲୁ ପାଣ୍ଡିଚେସି; ଏ ଜୀସୁ କ୍ରୀସ୍ତ ବାରେଡି ପୁରୁ । ୩୭ ମୀରୁ ପୁଞ୍ଜାମାଞ୍ଜେରି ଜହନ ବାପ୍ତିସ୍ମାଁ କାତା ଝେକ୍‌ହି ତାଣ୍ଡାଟିଏ ଏ ନେହୁଁ କାରୁ ଗାଲିଲିଟିଏ ମାଟହାନା ବାରେ ଜୀହୁଦା ରାଜିତି ଲକୁତାଣା ଝେଜାମାନେ, ୩୮ ଇଚିହୁଁ ନାଜରିତ ଜୀସୁତି କାତା ପୁଞ୍ଜାମାଞ୍ଜେରି, ଏନିକିଁ ମାହାପୁରୁ ଏଝାଣାକି ସୁଦୁଜୀସୁ ଇଞ୍ଜା ବାଡ଼ୟୁ ହାହାନା ବରୁ ହାଚେସି, ଇଞ୍ଜା ନେହୁଁ କାମା କିହୁଁ ଯୟତାନ ପାନ୍ଦାତା ଦସ୍‌ପି ଆହାମାନି ଲକୁଣି ନେହୁଁ କିହୁଁ ବାରେଝାକି ରେଚେସି, ଇଚିହୁଁ ମାହାପୁରୁ ଏଝାଣିତଲେ ମାଚେସି । ୩୯ ଏଝାସି ଜୀହୁଦି ଲକୁତି ଡେସାତା ଅଡ଼େ ଜିରୁସାଲମତା ଏନା ଏନାଆଁ କିତେସି, ମାମୁ ଏ ବାରେଡି ସାକି; ଏଝାରି ଏଝାଣାଇଁ ପାସି ମୁଣ୍ଡାତା ଏକହାନା ପାୟିଚେରି । ୪୦ ସାମା ମାହାପୁରୁ ଏଝାଣାଇଁ ତାନି ଦିନାତା ନିକହେସି ଅଡ଼େ ତଞ୍ଜାଆଞ୍ଜି କିତେସି; ୪୧ ବାରେଜାଣା ତାକି ଆଏ, ଝାରଇ ମାହାପୁରୁ ଆଡ଼ିତି ସାକି, ଇଚିହୁଁ ମା ନକିତା ତଞ୍ଜାଆଚେସି । ମାହାପୁରୁ ଏଝାଣାଇଁ ହାକିତି ନିକହି ଜେତ ମାମୁ ଏଝାଣିତଲେ ତିଚମି ଉଚମି । ୪୨ ଅଡ଼େ ଲକୁ ନକିତା ଇ ନେହୁଁ କାରୁ ଝେକହାଲି, ଇଞ୍ଜା ହାଡ଼ାରି ଅଡ଼େ ଜୀସୁତା ନୀତାମାନାରି ନୀହାୟି କିନାସି ଆହାଲି ମାହାପୁରୁ ଏଝାଣାଇଁ ଆଟାମାନେସି ଇଞ୍ଜୁଁ ସାକି ହାହାଲି ଏଝାସି ମାଜେ ହୁକୁମି ହିୟାଚେସି । ୪୩ ଆମ୍ବାଆସି ଏଝାଣି ତାଣା ନାମିନେସି, ଏଝାସି ଏଝାଣି

* ୧୦:୩୭ ୧୦:୩୭ ମୁଞ୍ଜିନାୟି

ଦରୁତଲେ ପାପୁ ମ୍ଳେପକି ଆନେସି, ଇଦାଆଁ ବାରେ ମାହାପୁରୁ ଅଣପୁତି ବଲୁ ଝେହ୍ନାରି ଏଞ୍ଜାଣି କାତାତି ସାକି ହାହାମାନେରି ।”

ଜାହୁଦିଆଆତି ଲକୁ ସୁଦୁଜାଝୁ ବେଟାଆନାୟି

୪୪ ପିତର ଈ ବାରେ କାତା ଝେସିମାଟି ବେଲାତା ଆନିନି ଗାଟାରି ତାନି ବଲୁ ଝେଞ୍ଜିମାରେରି, ଏ ବାରେଜାଣାତି ମୁହେଁ ସୁଦୁଜାଝୁ ରେଟାଝାଟେ । ୪୫ ଜାହୁଦିଆଆତି ଲକୁତାଣା ଜିକେଏ ସୁଦୁଜାଝୁ ରେଟା ଝାଡାଣି ମେସାନା ପିତର ତଲେ ଜାପଟି ଝାହାମାଟି ତଲୁ ଦାପି ଆଡ଼ି ନାମିତି ଜାହୁଦିୟାଁ, ଏଞ୍ଜାରି ବାରେଜାଣା କାବା ଆଡ଼େରି । ୪୬ ଇରିହଁ ଏଞ୍ଜାରି ଏଟକା ଏଟକା ହାଡ଼ାତଲେ କାତା ଆହୁମାଟାଣି ଇଞ୍ଜାଁ ମାହାପୁରୁତି ଜହରା କିହିମାନାଣି ଝେରେରି । ଏଟିବେଲା ପିତର ଏଲେଇରେସି । ୪୭ “ଇଞ୍ଜାରି ଆନିନି ଲକୁ ମା ଲେହେଁ ସୁଦୁଜାଝୁ ବେଟାଆହାମାନେରି, ଇଞ୍ଜାରି ଏୟୁତଲେ ବାପ୍ତିସ୍ମା* ବେଟାଆହାଲି ଆମ୍ବାଆସି କାହି କିୟାଲି ଆଡ଼ିମାନେସି ?” ୪୮ ଇଞ୍ଜାଁ, ଏଞ୍ଜାସି ଏଞ୍ଜାରାଇଁ ଜାସୁ କ୍ରୀସ୍ତ ଦରୁତଲେ ବାପ୍ତିସ୍ମା* ହାହାଲି ହୁକୁମି ହାଟେସି, ତାୟୁ ଏଞ୍ଜାରି ଏଟରଦିନା ଡ଼ୟାଲି ଏଞ୍ଜାଣାଇଁ ବାଟିମାଲିତେରି ।

୧୧

ପିତର କାମାତି କାତା ଜିରୁସାଲମ କୁଲମିତା ଝେହ୍ନାୟି

୧ ଜାହୁଦିଆଆତାରି ଜିକେଏ ମାହାପୁରୁତି ବଲୁ ନାମିତେରି, ଈ କାତା ପାଣ୍ଡୁଡ଼ି ଆଡ଼ାରି ଇଞ୍ଜାଁ ଜାହୁଦା ରାଜିତା ମାନି ତାୟିୟାଁ ଝେରେରି । ୨ ପିତର ଏଟିବେଲା ଜିରୁସାଲମତା ଝାଟେସି, ଏଟିବେଲା ତଲୁ ଦାପି ଆଡ଼ି ସୀୟୁୟାଁ ପିତର ତଲେ ବାଦିବାଦା ଆଡ଼େରି, ୩ “ନାନୁ ଜାହୁଦିଆଆତି ଲକୁ ଇଲକାଣା ହାଜାନା ଏଞ୍ଜାରିତଲେ ତିଞ୍ଜାମାଞ୍ଜି !” ୪ ସାମା ପିତର ଈ ବାରେ କାତାତି ମୁଲୁଟିଏ ଝେସାଲି ମାଟୁହାନା ଏଲେଇରେସି ।

୫ “ନାନୁ ଜାପ ଗାଡ଼ାତା ପ୍ରାଡ଼ାନା କିହିମାରେସି, ଇଞ୍ଜାଁ ସେୟାଁଣା ହାପାନାତା ମେସ୍ତେସି, ଏନିକଁ ର କାଜା ହିମ୍ବରିତି ସାରି କନତା ଆସାହାଁ ଲାକପୁରୁଟି ଡ଼ଇ ରେଟା ଝାହିମାରେ, ଅଡ଼େ ଏଦି ନା ପାତେକା ଝାଟେ; ୬ ନାନୁ ଏମ୍ବାଆଁ ସିନିକିହାନା ଅଣସାଲି ମାଟୁହେସି, ଏମ୍ବାଆଁ ଦାରୁତିତି ସାରିଗଟା କତାୟାଁ ତଲେ ତାକିନି ନାସକାତି ଜନ୍ତ ଇଞ୍ଜାଁ ଜାଡ଼ାତି ଜନ୍ତ ତ୍ତରିୟାଁ ରାସକା ଅଡ଼େ ହାରୁତି ପଗାୟାଁ ମେସ୍ତେସି, ୭ ଅଡ଼େ ନାଜେ ଝେସାମାଞ୍ଜାନି ଈ ହାଡ଼ା ଜିକେଏ ଝେରେସି, ପିତର; ନିଜାମ୍, ପାୟାନା ତିନାମ୍ !” ୮ ସାମା ନାନୁ ଏଲେଇରେସି, ଆଏ ପ୍ରବୁ ! ତାଗାଆଗାଟି ଲାଗେଏ ପଲେଏତି କାଡ଼ି ନାନୁ ଏଟେଲାଝା ନା ଗୁଡ଼ିତା ଅହାହଲଅଁ । ୯ ସାମା ପ୍ରୁ ଦେବେ ଲାକପୁରୁଟି ଈ ହାଡ଼ା ଝେସ୍ତାଟେ, ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନାନୁ ଲାଗେଏତାୟି ଇନାଆନି । ୧୦ ଇଲାଆହଁ ତାନି ପାଲି ଆଡ଼େ, ଅଡ଼େ ତାୟୁ ଏ ବାରେ ଝେଣ୍ଡେ ଲାକପୁରୁ ଅଢ଼ିଆଡ଼େ । ୧୧ ଅଡ଼େ ମେହ୍ନୁ, ଦେବୁଣିଏ ତାନି ଜାଣା ଲକୁ ମାମ୍ ଆନିନି ଇଲୁତା ମାଟନି ଏମ୍ବାଆଁ ଝାହାନା ନିତେରି, ଏଞ୍ଜାରି କାୟିସରିୟାଟିଏ ନା ତାଣା ପାଣ୍ଡୁଡ଼ି ଆହାମାରେରି । ୧୨ ଇଞ୍ଜାଁ ଆନାମାନା ଆଆନା ଏଞ୍ଜାରିତଲେ ହାଜାଲି ଜାଝୁ ନାଜେ ଝେସ୍ତାଟେ, ଅଡ଼େ ଈ ସ ଜାଣା ତାୟିୟାଁ ଜିକେଏ ନା ତଲେ ଜାପଟି କାୟିସରିୟାତା ଝାଟେରି, ଇଞ୍ଜାଁ ମାମ୍ ଏ କର୍ନଲିୟ ଇଜ ହାଟନି । ୧୩ ଏଞ୍ଜାସି ଏନିକଁ ର ଦୁଡ଼ୁଇଁ ସେୟାଁଣା ହାପାନାତା ମେସାମାରେସି, ଏଦାଆଁ ମାଜେ ଝେସ୍ତାଟେସି, ଏ ଦୁଡ଼ୁ ଏନିକଁ ଏଞ୍ଜାଣି ଇଜ ନିତାନା ଝେସ୍ତେ, ଜାପତା ଲକୁଣି ପାଣ୍ଡାନା ପିତର ଇନି ସିମନଇଁ ହାଡ଼ାତାମ୍; ୧୪ ଏଞ୍ଜାସି ମିଜେ ଝେସ୍ତାନି କାତାତଲେ ମାରୁ ଅଡ଼େ ମୀ ବାରେ କୁଟନି ଗେଲପି ଆଡ଼େରି । ୧୫ ତାୟୁ ନାନୁ ଜଲାଲି ମାଟୁହାଲିଏ ସୁଦୁଜାଝୁ ମା ଲାକ ଏନିକଁ ରେଟାଝାଟେ, ଏଲେକଁ ଏଞ୍ଜାରି ଲାକ ଜିକେଏ ରେଟାଝାଟେ । ୧୬ ଏଟିବେଲା ପ୍ରବୁ ଝେସି ଈ ହାଡ଼ା ନା ଅଣପୁତା ଝାଟେ; ଜହନ ଏୟୁତଲେ ବାପ୍ତିସ୍ମା* ହାଟେସି ସାତା, ସାମା ମାରୁ ସୁଦୁଜାଝୁ ତଲେ ବାପ୍ତିସ୍ମା* ଆଡ଼େରି । ୧୭ ଇରିହଁ ମାରୁ ପ୍ରବୁ ଜାସୁ କ୍ରୀସ୍ତ ତାଣା ନାମିତି ବେଲାତା ମାହାପୁରୁ ଏନିକଁ ମାଜେ ଆନିନି ଦାନା ହାହାମାଞ୍ଜାଟେସି, ଏଲେକିହଁ ଏ ଏଞ୍ଜାରାକି ଜିକେଏ ସମାନା ଦାନା ହାଟେସି; ନାନୁ ଆମ୍ବାଆତେସି ମାହାପୁରୁଇଁ କାହି କିହାଲି ଆଡ଼ିଇଁ !”

୧୮ ଏଞ୍ଜାରି ଈ ବାରେ କାତା ଝେଞ୍ଜାଲିଏ ଏଞ୍ଜାରି ପାଲେଏ ଆଡ଼େରି, ଇଞ୍ଜାଁ ମାହାପୁରୁଇଁ ଜହରା କିହଁ ଏଲେଇରେରି, “ଆତିହଁ ମାହାପୁରୁ ଜାହୁଦିଆଆତି ଲକୁକି ଜିକେଏ ହିୟାଁ ଝେଟହାଲି ଅଡ଼େ ନୀତାଲି ପାରୁ ହାହାମାନେସି ।”

† ୧୦:୪୭ ୧୦:୪୭ ମୁଞ୍ଜିନାୟି ‡ ୧୦:୪୮ ୧୦:୪୮ ମୁଞ୍ଜିନାୟି * ୧୧:୧୭ ୧୧:୧୭ କାମା ୧:୫ * ୧୧:୧୭ ୧୧:୧୭ମୁଞ୍ଜିନାୟି † ୧୧:୧୭ ୧୧:୧୭ମୁଞ୍ଜିନାୟି

ଆନ୍ତ୍ରିୟକିୟା କୁଲମି

୧୯ ✧ଏଚେଟିଏ ସ୍ତ୍ରୀପାନ ହାଡ଼ି ତାୟୁ, ଏଚେକା ନାମୁଗାଚାରି କସ୍ତ ନିନ୍ଦା ଆଡ଼ାକି ଆଲାଭା ଆହାମାଚାରି ବିତ୍ତାଟି, ପୟନିକିୟା, କୁପ୍ର ଅଡ଼େ ଆନ୍ତ୍ରିୟକିୟା ପାଚେକା ରେଜାନା ଖାରୁକ ଜୀହୁଦି ଲକୁ ପିସ୍ତପେ ଅଡ଼େ ଆମ୍ବାଆରି ତାଣା ନେହୁଁ କାରୁ ଖେସିହିଲାଆଡ଼େରି । ୨୦ ସାମା ଏଞ୍ଜାରି ବିତ୍ତାଟି ଏଚରଜାଣା କୁପ୍ର ଅଡ଼େ କୁରିଣିୟ ଲକୁ ଆନ୍ତ୍ରିୟକିୟା ଖାହାନା ଗ୍ରିକ୍ ଲକୁତାଣା ଜିକେଏ କାତା ଖେସିହିଁ ପ୍ରବୁ ଜୀସୁତି ନେହୁଁ କାରୁ ଖେକ୍‌ହେରି । ୨୧ ଅଡ଼େ, ଏଞ୍ଜାରିତଲେ ପ୍ରବୁତି ବାଡ଼ୁୟୁ ମାଚେ, ଅଡ଼େ ହାଡ଼େ ହାଡ଼େକା ଲକୁ ନାମାହାଁ ପ୍ରବୁ ଖାକି ଖେଣ୍ଡାଖାଡ଼େରି ।

୨୨ ଏଞ୍ଜାରି ହାଡ଼ା ଜିରୁସାଲମତି କୁଲମିତା ଏଗାହାଚେ, ଏମ୍ବାଟିଏ ଏଞ୍ଜାରି ଆନ୍ତ୍ରିୟକିୟା ପାଚେକା ବର୍ନବାଇଁ ପାଣ୍ଡାଚେରି । ୨୩ ଏଞ୍ଜାସି ଏମ୍ବାଆଁ ଏଜାନା ମାହାପୁରୁତି କାର୍ମାମେସାନା ରାହାଁ ଆଡ଼େସି, ଇଞ୍ଜା ଏଞ୍ଜାରି ଏନିକ୍ ହିୟାଁତା ରଣିଏ ରାହାଁତଲେ ପ୍ରବୁ ତାଣା ମାନାପେରି ଇଞ୍ଜାଁ ଏଞ୍ଜାରାକି ବାସୁଁ ହୀଚେସି । ୨୪ ବର୍ନବା ର ନେହୁଁ ଲକୁ, ନାମୁତା ଇଞ୍ଜାଁ ସୁଦୁଜୀଖୁ ବେଟାଆହାମାନାସି ମାଚେସି, ଇଞ୍ଜାଁ ଇଲେତି ବଲୁ ଖେକ୍‌ନି ତାଣା ହାଚେକା ଲକୁ ପ୍ରବୁ ତାଣା ଆଣିଚେରି ।

୨୫ ତାୟୁ ବର୍ନବା ସାଖୁଲାଇଁ ପାରାଲି ତାର୍ସ ଗାଡ଼ାତା ହାଚେସି, ୨୬ ଇଞ୍ଜାଁ, ଏଞ୍ଜାସି ଏଞ୍ଜାଣାଇଁ ବେଟାଆହାନା ଆନ୍ତ୍ରିୟକିୟାତା ତାଟିହିଁ ଖାଡ଼େସି, ଏଞ୍ଜାରି ର ବାର୍ସା ପାଚେକା କୁଲମି ତଲେ ମାଞ୍ଜାନା ହାଚେକା ଲକୁଣି ଜାପୁହେରି, ଅଡ଼େ ଆନ୍ତ୍ରିୟକିୟାତି ସୀସୁୟାଁ ତଲିଏ କ୍ରୀସାନା ଇଞ୍ଜାଁ ଖେଜିଚେରି ।

୨୭ ଏଚିଚେଲାତା ଏଚରଜାଣା ମାହାପୁରୁ ଅଣପୁତି ବଲୁ ଖେହ୍‌ନାରି ଜିରୁସାଲମତି ଆନ୍ତ୍ରିୟକିୟାତା ଖାଡ଼େରି । ୨୮ ✧ଏଞ୍ଜାରି ବିତ୍ତାଟି ଆଗାବ ଦରୁଗାଟି ର ଲକୁ ନିଜାନା ବାରେ ଦାଚିତା କାଜା କାଡ଼ାରା ଆନେ ଇଞ୍ଜାଁ ଜୀସୁତି ବାଡ଼ୁୟୁ ତଲେ ଖେସେସି; ଏଦି କ୍ଲାଖୁଦିୟା ସାଲୁକି କିନାଣି ବେଲାତା ଆଡ଼େ । ୨୯ ଏମ୍ବାଟିଏ ସୀସୁୟାଁ ତାମୁତାମି ଆଡ଼ିନି ଲେହେଁ ଜୀହୁଦା ରାଜିତା ମାନି ନାମିତି ତାୟିୟାଁକି ସାୟେନି କିୟାଲି ତାରି କିଚେରି, ୩୦ ଅଡ଼େ, ଏଞ୍ଜାରି ଜିକେଏ ଟାକାୟାଁ କୃଡ଼ି କିହାନା ଏ କୁଲମିତି ପ୍ରାଚିନାଜାଁ କେୟୁତା ହାହାଲି ବର୍ନବା ଅଡ଼େ, ସାଖୁଲ କେୟୁତା ଟାକାୟାଁ ପାଣିଚେରି ।

୧୨

ହାଚେକା ସାସ୍ତ୍ରୀ ପାଣ୍ଡନାସି

୧ ଏଚିଚେଲାତା ରାଜା ହେରଦ କୁଲମିତି ଏଚର ଜାଣାଇଁ ସାସ୍ତ୍ରୀ ହାହାଲି ମାଡ଼ୁହେସି । ୨ ଏଞ୍ଜାସି ଜହନତି ତାୟି ଜାକୁବଇଁ କାଣ୍ଡାତଲେ ପାୟି କିଚେସି । ୩ ଅଡ଼େ, ଜୀହୁଦି ଲକୁ ଏଞ୍ଜାଣି ତାକି ରାହାଁ ଆହାମାନାଣି ମେସାନା ଏଞ୍ଜାସି ପିତରଇଁ ଜିକେଏ ଆସ୍ତେସି, ଏଚିଚେଲାତା ପୁଲା ଆଣ୍ଡାଆତି ରୁଟି ତିନି ପାରୁଁ ମାଚେ । ୪ ଏଚେଟିଏ ଏଞ୍ଜାସି ପିତରଇଁ ଦସ୍‌ପାନା କାୟିଦି ଇଲୁତା ଇଚିଚେସି, ଇଞ୍ଜାଁ ପିସ୍‌ପିଆନି ପାରୁଁ ରାଡ଼ି ତାୟୁ ଏଞ୍ଜାଣାଇଁ ବାରେ ଲକୁ ନକିତା ତାଟାଲି ଅଣ୍ଡପାନା ଏଞ୍ଜାଣାଇଁ କାଟାଲି ସାରି ଜାଣା ଲାକା ସାରି ଗତି କସ୍‌କା କେୟୁତା ହେଚିପିଚେସି । ୫ ପିତରଇଁ କାୟିଦିତା ସୁଣିଚେରି, ସାମା ଏଞ୍ଜାଣି ତାକି କୁଲମି ରଣିଏ ହିୟାଁ ତଲେ ମାହାପୁରୁ ତାଣା ପ୍ରାଚାନା କିହିମାଚେରି ।

ପିତର କାୟିଦି ଇଲୁଚି ଗେଲପି ଆନାସି

୬ ତାୟୁ ହେରଦ ଆମିନି ଦିନା ପିତରଇଁ ହପୁହାଲି ଅଣ୍ଡପାମାଚେସି, ଏ ନେଚୁ ଲାଆଁୟାଁ ପିତର ରୀ ହିକ୍‌ଣିୟାଁ ତଲେ ଦସ୍‌ପି ଆହାନା ରୀ କସ୍‌କା ମାଦି ତୁରାମାଚେସି, ଅଡ଼େ କାଃଆନାରି କାୟିଦି ଇଲୁ ଦୁଖେରିତା କାଟାମାଚେରି । ୭ ଅଡ଼େ ମେହ୍‌ଦୁ, ଦେବୁଣିଏ ପ୍ରବୁତି ର ଦୁଡୁ ଏମ୍ବାଆଁ ତଞ୍ଜାଆଚେ, ଇଞ୍ଜାଁ ଇଲୁ ବିତ୍ତା ଉଜେଡ଼ି ଆହାହାଚେ, ଅଡ଼େ ପିତରଇଁ ବନିତା ତାଗାହାଁ ନିକ୍‌ହାନା ଏଲେଇଚେ, “ତବେ ନିଜାମୁ,” ଏମ୍ବାଟିଏ ଏଞ୍ଜାଣି କେସ୍‌ପାତି ହିକ୍‌ଣିୟାଁ ହୁଜାହାଡୁ । ୮ ଏଚେଟିଏ ଦୁଡୁ ଏଞ୍ଜାଣାଇଁ ଏଲେଇଚେ, “ଚେତେଲି ରୁପା କତାମୁ ଇଞ୍ଜାଁ ସେପୁୟାଁ ତୁଚମୁ” ଇଞ୍ଜାଁ ପିତର ଏଲେକିଚେସି, ଅଡ଼େ ଦୁଡୁ ଏଲେଇଚେ, “ନୀ ହିମ୍‌ବି ପରହାନା ନା ଜେଚ ଜେଚ ଖାମୁ ।” ୯ ପିତର ହଚାନା ଏଞ୍ଜାଣି ଜେଚ ଜେଚ ହାଚେସି; ସାମା ଦୁଡୁ ତାଣାଟି ଏନାଆଁ କିଞ୍ଜିଆଚେ, ଏଦି ସାଚେଏ ଏଦାଆଁ ପୁନାଆନା ଏଞ୍ଜାସି ହାପାନା ହେଣ୍ଡିମାଇଁ ଇଞ୍ଜାଁ ଅଣ୍ଡପିମାଚେସି । ୧୦ ଏଚିଚେଲାତା ଏଞ୍ଜାରି ନକିତି ଅଡ଼େ ଏଦାଣି ତାୟୁ କାଟାମାଚାରାଇଁ ଗାଣ୍ଡାଚାନା ଆମିନି ଲହ୍ ଦୁଖେରି ହାହାନା ଗାଡ଼ାତା ହଡ଼ାଲି ଆନେ, ଏଦାଆଁ ଡାଗେ ଖାହାଲିଏ, ଏଚେତା ଏ ଦୁଖେରି ତାକୁ ତାମୁଏ ଏଞ୍ଜାରାକି

✧ ୧୧:୧୯ ୧୧:୧୯ କାମା ୮:୧-୪ ✧ ୧୧:୨୮ ୧୧:୨୮ କାମା ୨୧:୧୦

ଦେପି ଆହାହାରେ, ଅଡ଼େ ଏଝାରି ହଡ଼ା ହାଜାନା ର ଆଂଗେଣି ମୁବହାମାନି ପାତେକା ହାରେରି, ଇଞ୍ଜା ଦେବୁଣିଏ ଏ ଦୁତୁ ଏଝାଣାଇଁ ପିସା ହାରେ ।

୧୧ ଏଚେଟିଏ ପିତର ସେଡ଼ନା ଆହାନା ଏଲେଇଚେସି, “ପ୍ରବୁ ତାନି ଦୁତୁଇଁ ପାଣ୍ଡାନା ହେରଦ କେମୁଟି ଅଡ଼େ ବାରେ ଜାହୁଦି ଲକୁ ଅଣ୍ଟପିମାଟି ତାଣ୍ଡାଟି ପିସପି କିହାଁ ମାଞ୍ଜାନେସି, ଇଦାଆଁ ନୀଏଁ ନାନୁ ସାତେଏ ପୁଚେଏଁ ।”

୧୨ ଏଝାସି ଇ କାତା ଅଣ୍ଟପିହଁ ମାର୍କ ଦରୁଗାଟି ଜହନ ତାମି ଇୟା ମରିୟମି ଇଜ ହାଚେସି; ଏମ୍ବାଆଁ ହାରେକା ଲକୁ ରୁଣ୍ଡା ଆହାନା ପ୍ରାଡାନା କିହିମାଚେରି । ୧୩ ପିତର ପାଙ୍ଗାଟି ଦୁଝେରିତା ଝେଟାଲିଏ, ରଦା ଦରୁଗାଟି ର ହଲେଣି ଆମ୍ବାଆଚେରି ଇଞ୍ଜାଁ ଝେଞ୍ଜାଲି ହାଚେ । ୧୪ ଏଦି ପିତରତି ହାଡ଼ା ଝେଞ୍ଜାନା ରାହାଁତାକି ଦାରା ଦେଝଆନା ବିତ୍ତା ଦାବଡ଼ି ହାଜାନା ଦାରା ତାକିତା ପିତର ନିତାମାନେସି ଇଞ୍ଜାଁ ଝେସ୍ତେ । ୧୫ ଏଝାରି ଏଦାନି ଏଲେଇଚେରି, “ନାନୁ ବାୟା ଆଡ଼ିକି ଇଞ୍ଜାଁ ଇଚେରି,” ସାମା ଏଦି ଏଦାଆଁ ସାତା ଇଞ୍ଜାଁ ଗାଡ଼ିକିହଁ ଝେସ୍ତେ, ଇଞ୍ଜାଁ ଏଝାରି ଏଲେଇଚେରି, “ଏଦି ଏଝାଣି ଦୁତୁ ।”

୧୬ ସାମା ପିତର ଦାରାତା ଅଲେ ଅଲେ ଝେଟିମାଚାକି, ଏଝାରି ଦାରା ଦେଚାନା ଏଝାଣାଇଁ ମେସାନା କାବା ଆଚେରି । ୧୭ ସାମା ଏଝାସି ଏଝାରାଇଁ ପାଲେଏ ମାଞ୍ଜାଲି କେମୁ ଜାଞ୍ଜିଚେସି, ଇଞ୍ଜାଁ ପ୍ରବୁ ଏଝାଣାଇଁ ଏନିକଁ କାୟିଦି ଇଲୁଟି ହପୁହା ତାଚେସି ଏଝାରାଇଁ ଝେସ୍ତେସି, ଅଡ଼େ ଏଝାସି ଏଲେଇଚେସି “ଇ ବାରେ କାତା କାକୁବ ଅଡ଼େ ବାରେ ନାମିତି ତାୟିୟାଇଁ ଝେହୁଦୁ,” ଇଞ୍ଜାଁ ଏଝାସି ତାକିହଁ ଅର ଟାୟୁତା ହାଜାତୁସ୍ତେସି ।

୧୮ ଲାଈ ଝେୟାଲିଏ ପିତର ଆମ୍ବିୟା ହାଚେସି ଇଞ୍ଜାଁ କାପୁ କାଝିଆନି କସକା କାବାଆହାନା ହାରେକା ବିଲୁକି ଆଚେରି ? ୧୯ ଅଡ଼େ, ହେରଦ ଏଝାଣାଇଁ ପାରି କିହାନା ପୁଝାଆଲିଏ, କାପୁ କାଝିନାରାଇଁ ଝେଟି ତାୟୁ, ଏଝାରାଇଁ ପାୟାଲି ହୁକୁମି ହାଚେସି । ଏଦାଆଁ ତାୟୁ ହେରଦ ଜାହୁଦା ରାକିଟି କାୟିସରିୟାତା ହାଜାନା ଏମ୍ବାଆଁ ଡ଼ୟିଚେସି ।

ହେରଦ ହାନାୟି

୨୦ ଏଚିବେଲା ହେରଦ ସର ଅଡ଼େ ସିଦନତି ଲକୁତାକି ଆଜିହପେତି କପା ଆହାମାଚେସି, ଅଡ଼େ ଏଝାରି ରଣ୍ଡିଏ କାତା ଆହାନା ଏଝାଣି ତାଣ୍ଡା ଝାଚେରି, ଇଞ୍ଜାଁ ରାଜା ଇଲୁଟି ରାସ୍ତସ ଇନି ସାଲୁଝି କିନାଣାଇଁ ତାମି ଝାକି କିହାନା, ରାଜାଇଁ ହିଡ଼ଡ଼ି ତାକି ବାଟିମାଲିଚେରି, ଇଚିହଁ ହେରଦ ରାଜା ଦେସାଟି ସର ଅଡ଼େ ସିଦନ ଦେସାତା ଆନାଁ ହାଜିମାଚେ ।

୨୧ ଏଚେଟିଏ ହେରଦ ତାରିକିତି ଦିନାତା ରାଜା ହୁଚିନି ହିମ୍ବୁରିକା ହୁଚାନା ସିଂଗାସାଣିତା କୁଗାନା ଲକୁ ନକିତା ର କାତା ଝେସ୍ତେସି; ୨୨ ଏଚେଟିଏ ଲକୁ କାଲୁଝି ଆହଁ ଏଲେଇଚେରି, “ଇଦି ମାହାପୁରୁତି ଗିୟାଁ, ମାଣ୍ଡିତି ଗିୟାଁ ଆଏ !” ୨୩ ଏ ଦେବୁଣିଏ ପ୍ରବୁତି ର ଦୁତୁ ହେରଦଇଁ ତାରିଚେ, ଇଚିହଁ ଏଝାସି ମାହାପୁରୁଇଁ ଜହରା କିଆଚେସି, ଇଞ୍ଜାଁ ଏଝାଣାଇଁ ପିଡ଼ୟୁଲି ତିଞ୍ଜାଲିଏ ଏଝାସି ହାଚେସି ।

୨୪ ସାମା ମାହାପୁରୁତି ବଲୁ ପାତାଆହାନା ହାରେକା ଝେଜିଚେ ।

୨୫ ତାୟୁ ବର୍ନବା ଅଡ଼େ ସାଝୁଲ ତାମି ସେବା କାମା ରାପୁହାନା ଜହନ ଇନି ମାର୍କଇଁ ତଡ଼ୁ କିହାନା ଜିରୁସାଲମିଟି ଝେଣ୍ଡା ହାଚେରି ।

୧୩

ବର୍ନବା ଅଡ଼େ ସାଝୁଲଇଁ ଆଡାନା ପାଣ୍ଡିନାୟି

୧ ଏଚିବେଲା ଆଡ଼ିୟକିୟାତି କୁଲମିତା ବର୍ନବା, ସିମିୟନ କାଡ଼ିୟା ଇନାସି, କୁରିଣି ଦେସାଟି ଲୁକିୟ, ହେରଦ ରାଜା ତାୟିଲେହେଁ ପାତାଆଡ଼ି ମନହେମ ଅଡ଼େ ସାଝୁଲ, ଆଡ଼ିୟକିୟାତା ମାଟି କୁଲମିତା ମାହାପୁରୁ ଅଣ୍ଟପୁତି ବଲୁ ଝେହୁନାରି ଅଡ଼େ ଜାପୁନାରି ମାଚେରି । ୨ ଏଝାରି ପ୍ରବୁତି ସେବା ଅଡ଼େ ଉପାସା କିହିମାଚାଟି, ସୁଦୁଜାହୁ ଏଝାରାଇଁ ଏଲେଇଚେ, “ନାନୁ ଆମିନି କାମାତାକି ବର୍ନବା ଅଡ଼େ ସାଝୁଲଇଁ ହାଡ଼ାମାଇଁ, ଏ କାମାତାକି ଏଝାରାଇଁ ଏଟକା କିପୁ ।”

୩ ଏଚେଟିଏ ଏଝାରି ଉପାସା ଅଡ଼େ ପ୍ରାଡାନା କିତି ତାୟୁ ଏଝାରି ତାର୍କାଣା କେସ୍ତା ଇଚାନା ଏଝାରାଇଁ ହେବପାନା ପାଣ୍ଡିଚେରି ।

କୁପୁତା କାମା

୪ ଇଲେଆହୁଁ ବର୍ନବା ଅଡ଼େ ସାଫୁଲ ସୁଦୁଜାସୁ ତଲେ ପାଣ୍ଡୁ଼ି ଆହାନା ସେଲୁକିୟାତା ହାଚେରି; ଇଞ୍ଜାଁ ର ସାମ୍ବୁରି ଜାଜାତା ହଚାନା କୁପ୍ରତା ହାଚେରି । ୫ ଏଞ୍ଜାରି ସାଲମି ଗାଡ଼ାତା ଏଗାହାଜାଲିଏ ଜୀହୁଦି ଲକୁତି ବାରେ ଜୀହୁଦି ଲକୁତି କୁଟମି ଇଲକାଣା* ମାହାପୁରୁତି ବଲୁ ଝେକହାଲି ମାଟୁହେରି; ଅଡ଼େ, ଜହନ ମାର୍କ ଜିକେଏ ସାଫୁଲି କିୟାଲି ଏଞ୍ଜାରିତଲେ ମାଚେସି ।

୬ ଇଞ୍ଜାଁ ଏଞ୍ଜାରି ଏ ଦେସା ମାଦିଟି ରେଜିହୁଁ ପାପସ୍ତ ଗାଡ଼ାତା ହାଚେରି; ଏମ୍ବାଆଁ ଏଞ୍ଜାରି ବାଟ୍-ଜାସୁ, ଦରୁଗାଟି ର ଜୀହୁଦି ଗାଡ଼ି ଗାଟାଣାଇଁ ବେଟାଆଡ଼େରି, ଏଞ୍ଜାସି ମିଟି ମାହାପୁରୁ ବଲୁ ଝେହନାସି । ୭ ଏ ଦେସା ସାଲୁ଼ି କିନି ସେଗଁୟ ପାଫୁଲ ତଲେ ମାଚେସି, ଏ ସାଲୁ଼ି କିନାସି ର ରୁଦିଗାଟାସି, ଏଞ୍ଜାସି ସାଫୁଲ ଅଡ଼େ ବର୍ନବାଇଁ ହାଟି କିହାନା ମାହାପୁରୁତି କାତା ଝେଞ୍ଜାଲି ଅଣ୍ଡିମାଚେସି । ୮ ସାମା ଏ ଗାଡ଼ିଗାଟି “ଏଲିମା” ଇଦି ଗ୍ରିକ ଦରୁ ଏ ସାଲୁ଼ି କିନାଣାଇଁ ନାମୁଟି ପିସ୍ପିକିନି ଅଣ୍ଡପୁ ତଲେ ଏଞ୍ଜାରାଇଁ ବାଦା ହାଚେସି । ୯ ସାମା ସାଫୁଲ ଆମ୍ବାଆରାଇଁ ପାଫୁଲ ଜିକେଏ ଇନେରି, ସୁଦୁଜାସୁଟି ନେଞ୍ଜାନା; ଏଲିମାଇଁ ସିନିକିଚେସି, ୧୦ ଅଡ଼େ ଏଲେଇଚେସି, “ଆଡ଼େ ସୟତାନ ମୀରୁଏଣାଟି, ବାରେଲେହେଟି ନାଡ଼ିକିନି ଲାଗେଏଟି ଅଣ୍ଡପୁତା ନେଞ୍ଜାମାନାଟି, ଅଡ଼େ ବାରେ ନେହୁଁ କାମାଟି ସାଡୁ, ନୀନୁ ପ୍ରବୁତି ସଲକ ଜିରୁତି ଲାଗେଏ କିହାଲି ପିହଅତି କି ? ୧୧ ଅଡ଼େ ନୀସଁ ମେହୁମୁ ପ୍ରବୁତି କେୟୁ ନୀ ଲାକ ମାନେ; ଇଞ୍ଜାଁ ନୀନୁ କାଣା ଆହାନା ଗାଡ଼େକା ତାକି ଝେଡ଼ାଟି ରଜେଡ଼ି ମେହଅତି ।” ଏ ଦେବୁଣିଏ ଏଲିମା କାଣକାତା ଦୁୟା ପଜିତି ଲେହେଁ ଆଡ଼େ ଇଞ୍ଜାଁ ତାନି କେୟୁ ଆସିଁ ଜିରୁ ତସାଲି ରଅଣାଇଁ ପାରାଚେସି । ୧୨ ଇଦାଆଁ ମେସାନା ସାଲୁ଼ି କିନାସି ପ୍ରବୁତି ଜାମ୍ବୁନାଣି ଝେଞ୍ଜାନା କାବାଆହାନା ନାମିଚେସି ।

ପିସିଦିୟାତି ଆକ୍ରିୟକିୟାତା କାମା

୧୩ ତାୟୁ ପାଫୁଲ ଅଡ଼େ ତାନି ତଫେସିଙ୍ଗା ପାପସ୍ତିଏ ସାମ୍ବୁରି ଜିରୁଟି ହାଜାନା ପଂପୁଲିୟା ଗାଡ଼ାତି ପଗଁତା ଞ୍ଜାଡ଼େରି; ସାମା ଜହନ ମାର୍କ ଏଞ୍ଜାରାଇଁ ପିସାନା ଜିରୁସାଲମତା ଝେଣ୍ଡାହାଚେସି । ୧୪ ଏଞ୍ଜାରି ପଗଁତା ହାଜାନା ପିସିଦିୟାତି ଆକ୍ରିୟକିୟାତା ଏଗାହାଚେରି, ଅଡ଼େ ଜମିନି ଦିନା ଜୀହୁଦି ଲକୁତି କୁଟମି ଇଲୁତାଁ ହାଜାନା କୁରିଚେରି । ୧୫ ଅଡ଼େ, ମସା ରାଟିଟି ମେରା ଇଞ୍ଜାଁ ମାହାପୁରୁ ଅଣ୍ଡପୁତି ବଲୁ ଝେହନାରି ପତି ପଡ଼ୁ଼ି ଆଡ଼ି ତାୟୁ, ପ୍ରାଡାନା ଇଲୁତି କାଜାରି ଏଞ୍ଜାରିତାଣା ଏଲେଇଞ୍ଜି ଝେସା ପାଣ୍ଡିଚେରି, “ତାୟିୟାଁ, ଲକୁତାକି ବାସୁଁ ହାନି କାତା ମାଚିହୁଁ ଝେହଦୁ ।”

୧୬ ଏଚେଟିଏ ପାଫୁଲ ନିଚାନା ଲକୁଣି କେୟୁ ତସିହୁଁ ଏଲେଇଚେସି; “ଇସ୍ରାୟେଲ ଲକୁତେରି ଇଞ୍ଜାଁ ଜୀହୁଦିଆଆତି ଲକୁତେରି ଅଡ଼େ ମାହାପୁରୁଇଁ ଆଜିନେରି ନା କାତା ଝେଞ୍ଜୁ ।” ୧୭ ଇ ଇସ୍ରାୟେଲ କୁଡ଼ାତି ମାହାପୁରୁ ମା ଆକୁ ଆବାୟାଣି ଆଡ଼ିଚେସି, ଅଡ଼େ ଏଞ୍ଜାରି ମିସର ଦେସାତା ବାସା କିହାମାନି ବେଲାତା, ଏଞ୍ଜାରାଇଁ ପାତି କିଚେସି, ଇଞ୍ଜାଁ ବାଡ଼ୁରୁ ଗାଟି କେୟୁତଲେ ଏଞ୍ଜାରାଇଁ ହପ୍ରହା ତାଚେସି, ୧୮ ତାୟୁ ରୀ କଡ଼ି ବାସା ପାଚେକା ବାଠଲି ବାଟାତା ଏଞ୍ଜାସି ଏଞ୍ଜାରି ଲେମ୍ବିନାଣି ଅରୁହେଚେସି । ୧୯ ଏଞ୍ଜାସି କିଣାନ ଦେସାତି ସାଡ଼ାଗଟା କୁଡ଼ାତି ଲକୁଣି ନାସା କିହାନା ତାନି ଆଡ଼ାମାନି ଲକୁକି ଏ ଦେସାତି ଅଦିକାରା ହାଚେସି ।

୨୦ ସାରି ଞ୍ଜାଞ୍ଜା ରୀ କଡ଼ି ଦସ ବାସା ବିଡ୍ରା ଇ ବାରେ ଆଡ଼େ । ଏଚେଟିଏ ମାହାପୁରୁ ଅଣ୍ଡପୁତି ବଲୁ ଝେହନି ସାମ୍ବୁୟେଲ ପାଚେକା ବିଚାରା କିନାରାଇଁ ଆଡ଼ିଚେସି । ୨୧ ଏମ୍ବାଟିଏ ଏଞ୍ଜାରି ର ରାଜାଇଁ ହିୟାମୁ ଇଞ୍ଜାଁ ରୀସାଲିଏ ମାହାପୁରୁ ରୀ କଡ଼ି ବାସା ପାଚେକା ବିନାମିନି କୁଡ଼ାତି କିଏ ମୀରୁଏସି ସାଫୁଲଇଁ ରାଜା ଆହାଲି ହାଚେସି । ୨୨ ତାୟୁ ମାହାପୁରୁ ଏଞ୍ଜାଣାଇଁ ରାଜା ପାଣା ପିସ୍ପି କିହାନା, ଏଞ୍ଜାରି ରାଜା ଆହାଲିତାକି ଦାଫୁଦଇଁ ଆଡ଼ିଚେସି, ମାହାପୁରୁ ଜିକେଏ ଏଞ୍ଜାଣି କାତା ସାକି ହାହାନା ଏଲେଇଚେସି; “ନୀନୁ ଜିସି ମୀରୁଏସି ଦାଫୁଦଇଁ ବେଟାଆହାମାଇଁ, ଏଞ୍ଜାସି ନା ହିୟାଁତି ଅଣ୍ଡପୁ ଲେହେଟାସି, ଏଞ୍ଜାସି ବାରେ କାତାତା ନା କାତା ମାନ୍ଡ଼ି ଆନେସି ।” ୨୩ ଏଞ୍ଜାଣି କୁଡ଼ାତି ମାହାପୁରୁ ଆଞ୍ଜାମାଟି ଲେହେଁ ଇସ୍ରାୟେଲ ଲକୁତାକି ର ଗେଲ୍ପିନାଣାଇଁ ଇଚିହୁଁ ଜୀସୁଇଁ ଜାନି କିହାମାନେସି । ୨୪ ଶୁଜୀମୁ ତାନି କାମା ମାଟୁନି ନକେଏ, ଜହନ ଇସ୍ରାୟେଲଟି ବାରେ ଲକୁ ନକିତା ପାପୁଟି ଝେଣ୍ଡିନି କାତା ଅଡ଼େ ବାପ୍ତିସ୍ତା; ଅନି କାତା ଝେକହା ମାଚେସି । ୨୫ ଅଡ଼େ ଜହନ ତାନି କାମା ରାପୁହିମାଟି ବେଲାତା ଲକୁଣି ଏଲେଇଚେସି, “ନାଜେ ମୀରୁ ଆମ୍ବାଆସି ଇଞ୍ଜାଁ ଅଣ୍ଡପିମାଞ୍ଜାଦେରି ନୀନୁ ଏଞ୍ଜାଚେସଁ ଆଏ, ସାମା ମେହୁଦୁ ନା ତାୟୁ ରଅସି ଞ୍ଜାହିମାନେସି, ଏଞ୍ଜାଣି କତାତି ସେପୁୟାଁ ହୁକହାଲି ନୀନୁ ଜଗେ ଆଥଁ ।”

* ୧୩:୫ ୧୩:୫ ସିନଗର † ୧୩:୧୪ ୧୩:୧୪ ସିନଗର ☆ ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩ ‡ ୧୩:୨୪ ୧୩:୨୪ ପୁଞ୍ଜିନାୟି ☆ ୧୩:୨୫ ୧୩:୨୫ ଜହ ୧:୨୦; ମାତି ୩:୧୧; ମାର୍କ ୧:୭; ଲୁକ ୩:୧୭; ଜହ ୧:୨୭

୨୬ ଏ ତାୟି ତାଜିୟା, ଅଦ୍ରାହାମ କୃତାତି ମୀରକା ମାସକାତେରି, ଅଡ଼େ ମୀ ତାଣାଟି ମାହାପୁରୁଇଁ ଆଜିମାନି ଜାହୁଦିଆଆତି ଲକ୍ଷ୍ମତେରି; ମା ତାଣା ଈ ରେଲ୍‌ପିଆନି ବଲ୍ଲୁ ପାଣ୍ଡୁଞ୍ଚି ଆହାମାଞ୍ଜାନେ । ୨୭ ସାମା ଏଝାସି ରେଲ୍‌ପିନାସି, ଜିରୁସାଲମତା ମାନାରି ଅଡ଼େ ତାମି ବାରେ କାଜାରି ଏଦାଆଁ ପୁଞ୍ଜାହିଲାଆତେରି, ଅଡ଼େ ବାରେ ଜମିନି ଦିନା ପଡ଼ୁଞ୍ଚି ଆଜିମାନି ମାହାପୁରୁ ଅଣ୍ଟପୁତି ବଲ୍ଲୁ ଖେହନାରି କାତା ପୁଞ୍ଜାହିଲାଆତେରି, ଆତିଜିକେଏ ଜୀସୁଇଁ ଦହ କିହାନା ମାହାପୁରୁ ବଲ୍ଲୁ ଖେହନାରି କାତା ପୁରା କିତେରି । ୨୮ *ଅଡ଼େ ଏଝାଣାକି ହାନି ତଣ୍ଡୁତି ଏନି ଦହ ପୁଞ୍ଜାଆତି ଜିକେଏ ଏଝାଣାଇଁ ପାୟାଲି ପିଲାତଇଁ ବାତିମାଲିତେରି । ୨୯ *ଏଝାଣି ତାକି ଦାମ୍ବୁ ସାସ୍ତେରିତା ବାରେ କାତା ରାସ୍‌କି ଆହାମାନେ, ଏଲେଆହୁଁ ବାରେ ଗଟ୍‌ଞ୍ଚି ଆତି ଜେତ ଏଝାରି ଏଝାଣାଇଁ ପାସି ମୁଣ୍ଡାଟି ରେପହା ତାଚାନା, ମାଡ଼ହା ଇତିନି ଟାୟାତା ଇତିତେରି । ୩୦ ସାମା ମାହାପୁରୁ ଏଝାଣାଇଁ ହାତାରି ତାଣାଟି ନିକ୍‌ହେସି, ୩୧ ଅଡ଼େ ଆମିନି ଗାଟାରି ଗାଲିଲିଟି ଜିରୁସାଲମତା ତାନିତଲେ ଝାହାମାଚେରି, ଏଝାରି ହାରେକା ଦିନା ପାତେକା ଏଝାଣାଇଁ ମେସ୍ତେରି; ଏଝାରି ଇସାୟେଲ ଲକ୍ଷ୍ମକାଣା ନାଏଁ ଏଝାରି ସାକି । ୩୨ ଅଡ଼େ ଆକୁ ଆବାୟାଁ ନକିତା ମାହାପୁରୁ ଆଞ୍ଜାମାନାଣି ମାମ୍ବୁ ମିଜେ ଈ ନେହୁଁ କାବୁ ଝେସିମାଞ୍ଜାନମି; ୩୩ ଜୀସୁଇଁ ମାହାପୁରୁ ନିକ୍‌ହାନା ଏଝାରି ମୀରକାତାୟି ମାର, ମାଜେତାକି ଏ ଆଞ୍ଜାମାନାଣି ପୁରା କିହାମାନେସି, ଏନିକ୍‌ ଟା ଲମ୍ବର ପାଡୁ ପତିତା ରାସ୍‌କି ଆହାମାନ, “ନୀନୁ ନା ମୀରଏଣାଟି;

ନୀଞ୍ଜୁଟିଏ ନାନୁ ନୀ ଆବାତେର୍‌ ୧”

୩୪ ଏଝାସି ହାତାରି ତାଣାଟି ଝେଣ୍ଡେ ନିକ୍‌ହାମାନେସି, ଏଝାସି ସୀରୁନି ତାଣା ହାଲଅସି ଇଞ୍ଜୁଁ ମାହାପୁରୁ ଝେସାମାନେସି;

“ନାନୁ ଦାଝୁଦ ନକିତା ଆଞ୍ଜାମାନି ସୁଦ,

ଇଞ୍ଜାଁ ତାରି ଆନି ବର ମିଜେ ସାତେଏ ହିୟାଇଁ ୧”

୩୫ ଇଞ୍ଜାଁ ଏଝାସି ଅଡ଼େ ର ପତିତା ଏଲେଇଞ୍ଜା ମାନେସି,

“ନୀନୁ ନୀ ତାରି ଗାଟାଣାଇଁ ସୀରହାଲି ହାଅତି ୧”

୩୬ ଦାଝୁଦ ତାନୁ ରାକି କିହିମାଟି ବେଲାତା ଲକ୍ଷ୍ମ ବିତା ମାହାପୁରୁ ଅଣ୍ଟପୁ ତଲେ ସେବା କାମା କିତି ତାୟୁ ହାତେସି, ଇଞ୍ଜାଁ ତାମି ଆକୁ ଆବାୟାଁ ଟଟତା ମୁସ୍‌ପି ଆହାନା ସୀରହେସି । ୩୭ ସାମା ମାହାପୁରୁ ଆମ୍ବାଆରାଇଁ ହାକିଟି ନିକ୍‌ହାମାନେସି ଏଝାସି ସୀରହା ହିଲଅସି । ୩୮ ଇଦାଆଁତାକି ଏ ତାୟିୟାଁ ଇଦାଆଁ ପୁଞ୍ଜୁ, ଈ ଜୀସୁ ତାଣାଟି ମୀ ନକିତା ପାପୁତି ମ୍ଲେକନି କାତା ଝେସ୍‌ପି ଆହାମାନେ; ୩୯ ଅଡ଼େ ମସାତି ଆମିନି ମୋରାତି ବାରେ ତାଣାଟି ମୀରୁ ପିସ୍‌ପି ଆହାଁ ଦାମ୍ବୁଗାଟେରି ଆହାଲି ଆଡାଆତେରି, ଇଞ୍ଜାଁ ନାମିମାନି ବାରେ ଲକ୍ଷ୍ମ ଏଝାଣି ତାଣାଟି ଏ ବାରେ ତାଣାଟି ପିସ୍‌ପି ଆହାନା ଦାମ୍ବୁଗାଟାରି ଆନେରି । ୪୦ ଏଦାଆଁତାକି ଜାଗ୍ରାତା, ମାହାପୁରୁ ଅଣ୍ଟପୁତି ବଲ୍ଲୁ ଖେହନାରି ସାସ୍ତେରିତା ଏନାୟି ଝେସ୍‌ପି ଆହାମାନେ, ଏଦି ଏନିକ୍‌ ମିଜେତାକି ଆୟେଏ;

୪୧ “ମାହାପୁରୁଇଁ ଅପାଆ ଗାଟାତେରି ମୀରୁ ମେସାନା, କାବା ଆହାଁ, ନାସା ଆଦୁ;

ଇତିହୁଁ ମୀ ବେଲାତା ମାମ୍ବୁ ରୁ କାମା କିହିମାନମି,

ଅଡ଼େ ଏ କାମାତି ଆମ୍ବାଆସି ମୀ ନକିତା ଝେସ୍ତାନେସି,

ଏଦାଆଁ ମୀରୁ ଏନିଜିକେଏ ନାମଅତେରି ୧”

୪୨ ପାଝୁଲ ଅଡ଼େ ବର୍ନବା ଜୀହୁଦି ଲକ୍ଷ୍ମତି କୁଟମି ଇଲ୍‌ଟିଁ ହଚାହାନି ବେଲାତା ଝାନ୍ତି ଜମିନି ଦିନାତା ମାଜେ ଈ ବାରେ କାତା ଅଡ଼େ ଝେସ୍ତାଦୁ ଇଞ୍ଜୁଁ ଲକ୍ଷ୍ମ ଏଝାଣାଇଁ ବାତିମାଲିତେରି । ୪୩ ବେରଣି ରାଡ଼ି ତାୟୁ ଏଚେକା ଜୀହୁଦି ଅଡ଼େ, ଜୀହୁଦି ଦାମ୍ବୁ ନାମିତି ଏଚକା କୃତାତି ଲକ୍ଷ୍ମ ବିତାରି ହାରେକା ପାଝୁଲ ଅଡ଼େ ବର୍ନବା ଜେତ ହାଚେରି; ପାଣ୍ଡୁଞ୍ଚି ଆଡାରି ଏଝାରିତଲେ କାତାବାଡା ଆହୁଁ ମାହାପୁରୁ କାର୍ମାତା ତୀରପୁ ଆହୁଁ ମାଞ୍ଜାଲି ଏଝାଣାଇଁ ଝେସ୍ତେରି ।

୪୪ ଇଞ୍ଜାଁ ଅର ଜମିନି ଦିନାତା ଗାଡ଼ାତି ବାରେ ଲକ୍ଷ୍ମ ମାହାପୁରୁ ବଲ୍ଲୁ ଝେଞ୍ଜାଲି ରୁଣ୍ଡା ଆଡେରି । ୪୫ ସାମା ଜୀହୁଦିୟାଁ ଲକ୍ଷ୍ମ ମାନ୍ଦାତି ମେସାନା ତାହାରା ଆଡେରି, ଇଞ୍ଜାଁ ପାଝୁଲ କାତା କପାଟି ନିହାକିହୁଁ ବାଡିବାଡା ଆଡେରି । ୪୬ ଏଚେଟିଏ ପାଝୁଲ ଅଡ଼େ ବର୍ନବା ସାସା ଆସାନା ଝେସ୍ତେରି, “ତଲିଏ ମୀ ତାଣା ମାହାପୁରୁତି ବଲ୍ଲୁ ଝେସ୍ତାନାୟି ମାଚେ, ମୀରୁ ଏଦାଆଁ ଅପାଆନା ମୀରୁ ମୀରୁଏ କାଲେଏତି ଜୀଝୁ ବେଟାଆହାଲି ପାଡା

* ୧୩:୨୮ ୧୩:୨୮ ମାତି ୨୭:୨୨,୨୩; ମାର୍କି ୧୫:୧୩,୧୪; ଲୁକ ୨୩:୧୧-୨୩; ଜହ ୧୯:୧୫ * ୧୩:୨୯ ୧୩:୨୯ ମାତି ୨୭:୫୭-୬୧; ମାର୍କି ୧୫:୪୨-୪୭; ଲୁକ ୨୩:୫୦-୫୬; ଜହ ୧୯:୩୮-୪୨ † ୧୩:୪୨ ୧୩:୪୨ ସିନଗରୁ

ଆଥମି ଇଞ୍ଜି^{୪୭} ଅଣପି ମାନାକି ମେହଦୁ ମାମ୍ବୁ ମିଜେ ପିସାନା ଜୀହୁଦିଆଆତି ଲକୁତାଣା ହାଜିମାନନି ।
 ୪୭ ଇଚିହ^{୪୭} ପ୍ରବୁ ମାଜେ ଇ ହୁକୁମି ହୀହାମାଞ୍ଜାନେସି;
 'ନାନୁ ମିଜେ ଜୀହୁଦିଆଆତି ଲକୁତାକି ଉଜେଡି ଲେହେଁ କିହାମାଞ୍ଜାଇଁ,
 ଆତିହ^{୪୭} ବାରେ ଦାବୁତି ଗେଲପିଆନେ ।' "

୪୮ ଜୀହୁଦିଆଆତାରି ଇ ହାଡ଼ା ଖେଞ୍ଜାନା ରାହାଁ ଆଡେରି; ଅଡେ ମାହାପୁରୁତି ବଲୁତି ଗାଞ୍ଜୁରିମି କିହାଲି ମାଟୁହେରି, ଅଡେ ଏଚେକା ଲକୁ କାଲୀକାଲୀତି ଜୀହୁତାକି ଆଡ଼ି ଆହାମାଚେରି, ଏଞ୍ଜାରି ନାମିତେରି ।

୪୯ ଇଞ୍ଜା ପ୍ରବୁତି ବଲୁ ଏ ରାଜିତା ବାରେଖାକି ଏଜାହାଚେ । ୫୦ ସାମା ଜୀହୁଦି ଲକୁ ଗାଡ଼ାତି ଆବାୟାଣି ଅଡେ ମାହାପୁରୁଇଁ ମାନି କିହିମାନି ପାଞ୍ଜାଞ୍ଜେଜେତି ଆୟାସିକାଣି ରୁଣ୍ଡି କିହାନା ପାଞ୍ଜୁଲ ଅଡେ ବର୍ନବାଇଁ ସାସ୍ତି ହାହାନା ତାମି ରାଜିତି ପେଡ଼ହାତୁସ୍ତେରି । ୫୧ ଏଚେଚିଏ ପାଣ୍ଡି ଆଡ଼ାରି ଜାହାରା କଡ଼ାୟାତି ଦୁଡ଼ି ଏଞ୍ଜାରି କପାଟି ହାଣ୍ଡାହାନା ଇକନିୟତା ହାଚେରି । ୫୨ ଅଡେ ଆନ୍ତିୟକିୟାତି ସାସ୍ତିୟାଁ ସୁଦୁଜୀହୁ ବେଗାଆହାନା ରାହାଁତଲେ ଡ଼ୟିତେରି ।

୧୪

ଇକନିୟତା ସେବା କାମା

୧ ଇକନିୟତା ଜିକେଏ ଏଲେଆହ^୧ ଏ ଆଡେ; ପାଞ୍ଜୁଲ ଅଡେ ବର୍ନବା ଜୀହୁଦି ଲକୁତି ଜୀହୁଦି ଲକୁତି କୁଚମି ଲକୁତା* ହାଜାନା ଇଲେକ^୧ ଖେସ୍ତେରି, ଇଞ୍ଜା ଜୀହୁଦି ଅଡେ ଜୀହୁଦିଆଆତି ଲକୁ ବିତ୍ରାଟି ହାଡେରକା ନାମିତେରି । ୨ ସାମା ଆମିନି ଜୀହୁଦିଜା ନାମାଆତେରି, ଜୀହୁଦିଆଆତି ଲକୁତି ମନତି କିଲିବିଲି କିହାନା, ଏଞ୍ଜାଗାଇଁ ନାମିତି ତାୟାୟାଁ କପାଟି ଲାଗେଏତି ଅଣପୁ ଅଣପି କିତେରି । ୩ ପାଞ୍ଜୁଲ ଅଡେ ବର୍ନବା ହାଡେରକା ଦିନା ପାତେକା ଏ ଡାୟୁତା ଡ଼ୟାନା ପ୍ରବୁ ତାଣା ବାସ୍ତି ଇଗାନା ସାସ୍ତିତଲେ ପ୍ରବୁତି କାତା ଖେସ୍ତେରି; ଇଞ୍ଜା ଏଞ୍ଜାରି ତାଣାଟି ହାଡେରକା ସିନାୟାଁ ଅଡେ କାବାଆନି କାମାୟାଁ କିହାନା ତାନି କାମାଟି ବଲୁ ସାତା ଇଞ୍ଜି^୧ ସାକି ହାଚେରି । ୪ ସାମା ଗାଡ଼ାତି ଲକୁ ରା ବାଗା ଆଡେରି ର ବାଗା ଜୀହୁଦି ଲକୁ ଖାକି ଅଡେ ର ବାଗା ପାଣ୍ଡି ଆହାମାନାରି ଖାକି ଆଡେରି ।

୫ ଏଚିବେଲ୍ଲା ଜୀହୁଦିଆଆତି ଲକୁ ଅଡେ ଜୀହୁଦି ଲକୁ ତାମି କାଜାରି ତଲେ ଆଣ୍ଡାନା, ପାଣ୍ଡି ଆହାମାନାରାଇଁ ଲାଗେଏ କିୟାଲି ଅଡେ ଖାଲକାତଲେ ଇଡ଼ହାଲି ଅଣପିତେରି, ୬ ଏଚିବେଲ୍ଲା ପାଞ୍ଜୁଲ ଅଡେ ବର୍ନବା ଏଦାଆଁ ପୁଞ୍ଜାନା ଲୁକାୟନିୟା ଦେସାତି ଲୁସ୍ତା ଅଡେ ଦବ^୬ ଗାଡ଼ା ଅଡେ ସାରିଖାକିତି ନାସ୍ତାକାଣାଁ ହଚେରି, ୭ ଅଡେ ଏଞ୍ଜାରି ଏମାଆଁ ନେହ^୭ କାବୁ ଖେକହାଲି ମାଟୁହେରି ।

ଲୁସ୍ତା ଅଡେ ଦବ^୭ ତା ସେବା କାମା

୮ ଲୁସ୍ତାତା ର ଲକୁ ମାଚେସି, ଏଞ୍ଜାସି ସଗା ମାଚେସି, ଏଞ୍ଜାସି ଜାର୍ନାଟିଏ ସଗା, ଏଞ୍ଜାସି ଏଚେଲ୍ଲାଖା ତାକା ହିଲାଆତେସି । ୯ ଏଞ୍ଜାସି ପାଞ୍ଜୁଲ ଖେହନି କାତା ଖେଞ୍ଜିମାଚେସି, ଏଞ୍ଜାସି ହିୟାଁତା ନାମା ମାନେସି ଇଞ୍ଜା ଏଞ୍ଜାସି ନେହ^୯ ଆହାଲି ଆଡ଼ିମାନେସି ଇଞ୍ଜି^୯ ପୁଞ୍ଜାନା ଆଚେ ସିନିକିତେସି, ୧୦ ଏଞ୍ଜାଣାଇଁ କାଜା ଗିୟାଁତଲେ ଏଲେଇଚେସି, "ନା କତାତି ବାଡ଼ୁୟୁ ହାହାନା ସଲକେ ନିମୁ" ଏଚେଚିଏ ଏଞ୍ଜାସି ଦେଡ଼ିହ^{୧୦} ତାକାଲି ମାଟୁହେସି । ୧୧ ପାଞ୍ଜୁଲ ଏଦାଆଁ କିହାମାନେସି, ଲକୁ ବାରେ ଏଦାଆଁ ମେସାନା ଲୁକାୟନିୟା କାଜା ହାଡ଼ାତଲେ ଏଲେଇଞ୍ଜାଲି ମାଟୁହେରି, "ମାହାପୁରୁୟାଁ ମା ତାଣା ରେଚା ଖାହାମାନୁ ।" ୧୨ ଏଞ୍ଜାରି ବର୍ନବାଇଁ ବୁହସପତି ଇଞ୍ଜି^{୧୨} ଇଚେରି, ଅଡେ ପାଞ୍ଜୁଲ ଗାଡ଼ା କାତା ଖେହନାସି ମାଚାକି ଏଞ୍ଜାଣାଇଁ ବୁଦ ଇଞ୍ଜି^{୧୨} ଇଚେରି । ୧୩ ଗାଡ଼ା ତାଗେ ମାନି ବୁହସପତି ଦେଞ୍ଜୁଡ଼ିତି ପୂଜେରାଜା ଏଚେକା ଡ଼କୁ କଡ଼ିୟାଁ ଇଞ୍ଜା ପୂଜା ପେଡ଼ାୟାଁ ଗାଡ଼ା ଦୁଞ୍ଜେରିତା ତାହାହାଁ ଏଞ୍ଜାସି ବାରେ ଲକୁତଲେ ଆଣ୍ଡାନା ପାଣ୍ଡି ଆଡ଼ାରି ନକିତା ପୂଜା ହାହାଲି ଅଣପିମାଚେସି ।

୧୪ "ସାମା ପାଣ୍ଡିଆହାମାନି ବର୍ନବା ଅଡେ ପାଞ୍ଜୁଲ, ଇଦାଆଁ ଖେଞ୍ଜାନା ତାମି ହିମୁରିକା ଗେସାନା ଲକୁ ମାଦିତି ହଚି ହଚି ହାଜାନା କାଜା ଗିୟାଁତଲେ ଏଲେଇଚେରି, ୧୫ ଏ ମାନିଗାଟି ଲକୁତେରି, ଏଦାଆଁତାକି ଇ ବାରେ କିହିମାଞ୍ଜେରି, ମାମ୍ବୁ ଜିକେଏ ମା ଲେହେଁତି ମାଣ୍ଡିୟାଁତମି, ମା ତାଣା ଇ ନେହ^{୧୫} କାବୁ ଖେସିମାଞ୍ଜାନମି, ଏନିକ^{୧୫} ମାବୁ ଇ ବାରେ ଉଜେଏତି ପେଣ୍ଡାକା ବମାୟାଁଟି ହେକ ଆହାନା ଜୀହୁଗାଟି ମାହାପୁରୁ ତାଣା ଖେଣ୍ଡା ଖାଦେରି, ଏଞ୍ଜାସି ହାଗୁପାକା ଦାବୁତି, ସାମ୍ବୁରି ଅଡେ ଏମାଆଁ ମାନି ବାରେତି

* ୧୩:୫୧ ୧୩:୫୧ ମାତି ୧୦:୧୪; ମାର୍କି ୭:୧୧; ଲୁକ ୯:୫; ୧୦:୧୧ * ୧୪:୧ ୧୪:୧ ସିଗଲଗ

ରାତି କିହାମାନେସି; ୧୭ ମାହାପୁରୁ ତଲିଏ ବାରେ ଲକ୍ଷ୍ମଣୀ ତାମି ମନତଲେ ଡ଼ୟାଲି ପିସାମାରେସି । ୧୭ ସାମା ଏଝାସି ବାରେ ନେହଁ କାମାଟି ଏଝାସି କାଲେଏ ତାନି ଗୁଣ୍ଡୁତି ତସାମାନେସି; ଏଝାସି ହାଗୁଡି ପିୟୁ ଅଡେ ସମାନା ବେଲ୍ଲାତା ଆନା ହିୟାନାସି, କାଦି ଅଡେ ମୀ ହିୟାତା ରାହାଁ ହିୟାନାସି ।” ୧୮ ଈ ବାରେ କାତା ଝେସାନା ପାଣ୍ଡୁଝି ଆହାମାନାରି ଲକ୍ଷ୍ମ ମାନ୍ଦାତି ହାରେକା କସ୍ତଲେ ତାମଜେ ତାକି ପୂଜା କିହାଲି କାହି କିହାଲି ଆଡ଼ତେରି ।

୧୯ ସାମା ପିସିଦିୟାତି ଆନ୍ତ୍ରିୟକିୟା ଅଡେ ଇକନିୟତି ଏଚେକା ଜାହୁଦି ଏମ୍ପାଆଁ ଝାଡେରି, ଏଝାରି ଲକ୍ଷ୍ମ ମାନ୍ଦାତି ତାମି ଝାକି କିହାନା ପାଞ୍ଜୁଲଇଁ ଝାଲ୍ଲକାତଲେ ଇରହାନା ଏଝାସି ହାହାହାରେସି ଇଞ୍ଜିଁ ଅଣ୍ଡପାନା ଗାଡ଼ାତି ପାଞ୍ଜାତା ରେଜା ଅଡେରି । ୨୦ ସାମା ନାମିତି ସୀସୁୟାଁ ସାରି ଝାକିଟି ନିତାମାତାକି ଏଝାସି ନିଜ୍ଞାନା ଗାଡ଼ା ବିଡ଼ା ହାରେସି, ଅର ନେହୁ ବର୍ନବା ତଲେ ଦବଁ ତା ହାରେସି ।

ସିରିୟାତି ଆନ୍ତ୍ରିୟକିୟାତା ଝେଣ୍ଡାଝାନାସି

୨୧ ପାଞ୍ଜୁଲ ଅଡେ ବର୍ନବା ଦବଁ ତା ନେହଁ କାରୁ ଝେସାହାଁ ହାରେକା ସୀସୁୟାଁ କିତି ତାୟୁ ଏଝାରି ଲୁସ୍ତା, ଇକନିୟ ଅଡେ ପିସିଦିୟାତି ଆନ୍ତ୍ରିୟକିୟାତା ଝେଣ୍ଡାହାରେରି । ୨୨ ଅଡେ, ଏ ଟାୟୁଡି ନାମିତି ସୀସୁୟାଁ ମନତି ସୁସ୍ତି କିହାନା ନାମୁତା ଗାଡ଼ିକିହଁ ଆଡ଼ଝା ତଲେ ଡ଼ୟାଲି ବାସୁଁ ହାହାନା ଏଲେଇଚେରି, “ମାହାପୁରୁ ରାଜିତା ହଡ଼ାଲି ତାକି ହାରେକା କସ୍ତ ପାଣ୍ଡନାସି ମାନେ ।” ୨୩ ଅଡେ, ବାରେ କୁଲମିତା ଏଝାରି ପ୍ରାତିନାଞ୍ଜାଣି ଆଡ଼ାନା ଉପାସା ତଲେ ପ୍ରାଡ଼ାନା କିଡେରି, ଅଡେ ଆମିନି ପ୍ରୁ ତାଣା ନାମା ମାଚେରି, ଏଝାଣି କେୟୁତା ଏଝାରାଇଁ ହେରୁପିଚେରି ।

୨୪ ତାୟୁ ଏଝାରି ପିସିଦିୟା ନାସ୍ତାକାଟି ପଂପୁଲିୟାତା ଝାଡେରି, ୨୫ ଅଡେ ପଗଁ ତା ନେହଁ କାରୁ ଝେସାନା ଆତାଲିୟାତା ହାଚେରି । ୨୬ ଏମ୍ପାଟି ଏଝାରି ଜାଜାତା ହଡ଼ାନା ଆନ୍ତ୍ରିୟକିୟାତା ହାଚେରି; ଏଝାରି ଆମିନି କାମା କିହାମାନେସି, ଏଦାଆଁ କିହାଲି ମାହାପୁରୁଡି କାମାତା ହେରୁପି ଆହାନା ଏମ୍ପାଟି ହାଚେରି ।

୨୭ ଏଚିବେଲା ଏଝାରି ଆନ୍ତ୍ରିୟକିୟାତା ଏଗାହାଜାନା କୁଲମିତି ଲକ୍ଷ୍ମଣୀ କୃତି କିଡେରି; ଅଡେ ମାହାପୁରୁ ଏଝାରିତଲେ ମାଞ୍ଜାନା କିହାମାଟି କାମାତାକି, ଅଡେ ଜାହୁଦିଆଆତି ଲକ୍ଷ୍ମ ନାମାଲି ଦୁଝେରି ଦେତାମାତାଣି ବାରେ ଏଝାରାଇଁ ଝେସ୍ତେରି । ୨୮ ଅଡେ ଏଝାରି ନାମିତି ସୀସୁୟାଁ ତଲେ ହାରେକା ଦିନା ଡ଼ୟିଚେରି ।

୧୫

ଜିରୁସାଲମତା ନାମିତାରି ବେରଣି କିନାସି

୧ ଏମ୍ପାଟିଏ ଏଚରଜାଣା ଲକ୍ଷ୍ମ ଜାହୁଦା ରାଜିତି ଆନ୍ତ୍ରିୟକିୟାତା ଝାହାନା ନାମିତି ତାୟିୟାଣି ଈ କାତା ଝେସିହଁ ଜାପୁହେରି, “ମସାତି ମେରା ଲେହେଁ ମୀ ତଲୁ ଦାପି ଆଆତିହଁ ମୀରୁ ଗେଲ୍ପିଆୟାଲି ଆଡ଼ଅଚେରି ।” ୨ ଏମ୍ପାଟିଏ ପାଞ୍ଜୁଲ ବର୍ନବା ତଲେ ହାରେକା ଆସ୍ପି ଆହାନା ବାଦିବାଦା ଆୟାଲିଏ ପାଞ୍ଜୁଲ, ବର୍ନବା ଅଡେ ଆନ୍ତ୍ରିୟକିୟାତି ଏଚରଜାଣା ତାୟିୟାଁ ଈ କାତା ଆସାନା ଜିରୁସାଲମତା ମାନି ପାଣ୍ଡୁଝି ଆଡ଼ାରି ଇଞ୍ଜାଁ କୁଲମିତି ପ୍ରାତିନାଞ୍ଜା ତାଣା ହାଲ୍ଲବେରି ଇଞ୍ଜିଁ ତାୟିୟାଁ ତୀରି କିଡେରି ।

୩ ଏଚେଟିଏ କୁଲମି ଏଝାରାଇଁ ପାଣ୍ଡୁଲି ଜିରୁ ତସ୍ତି ଜେଚ, ଏଝାରି ପୟିନିକିୟା ଅଡେ ସମିରଣ ଝାକି ହାଜି ହାଜିହଁ ଜାହୁଦିଆଆତି ଲକ୍ଷ୍ମ ହିୟାଁ ଝେଟ୍ଟହାମାଟି କାତା ଝେସିହଁ ବାରେ ତାୟିୟାଁ ହାରେକା ରାହାଁ କିଡେରି । ୪ ତାୟୁ ଏଝାରି ଜିରୁସାଲମତା ଏଗାହାଜାଲିଏ, କୁଲମି ଇଞ୍ଜାଁ, ପାଣ୍ଡୁଝି ଆଡ଼ାରି ଅଡେ ପ୍ରାତିନାଞ୍ଜା ଏଝାରାଇଁ ଆବିଚେରି, ଅଡେ ମାହାପୁରୁ ଏଝାରିତଲେ ମାଞ୍ଜାନା ଆମିନି କାମା କିହାମାନେସି, ଏ ବାରେ କାତା ଏଝାରାଇଁ ଝେସ୍ତେରି । ୫ ସାମା ପାରୁସିୟାଁ ଗଚିଟି ଏଚେକା ନାମୁଗାଟାରି ନିଚାନା ଏଲେଇଚେରି, “ନାମାମାନି ଜାହୁଦିଆଆତାରି ତଲୁ ଦାପି କିନାସିମାନେ, ଅଡେ ମସାତି ମେରା ମାନୁଝି ଆୟାଲି ଏଝାରାଇଁ ହୁକୁମି ହାନାସି ମାନେ ।”

୬ ତାୟୁ ଈ କାତା, କାତା ଆହାଲିତାକି ପାଣ୍ଡୁଝି ଆଡ଼ାରି ଅଡେ ପ୍ରାତିନାଞ୍ଜା ରୁଣ୍ଡା ଆଡେରି । ୭ ହାରେକା ଜଲ୍ଲକି ଆଡ଼ି ତାୟୁ ପିଚର ନିଜ୍ଞାନା ଏଝାରାଇଁ ଏଲେଇଚେସି, “ତାୟିୟାଁ ଅଡେ ତାଜିସ୍ତା ମୀରୁ ପୁଞ୍ଜାମାଞ୍ଜେରି, ନା ଗୁଡିଟି ଜାହୁଦିଆଆତାରି ନେହଁ କାରୁ ଝେଞ୍ଜାନା ନାମାପେରିଝା ଇଞ୍ଜିଁ ହାରେକା ଦିନା ନଚ୍ଚେଏ ମାହାପୁରୁ ନାଜେ ଆଡ଼ାମାଞ୍ଜାଚେସି । ୮ ବାରେ ଲକ୍ଷ୍ମଣୀ ହିୟାଁ ପୁନି ମାହାପୁରୁ ମାଜେ ଏନିକଁ ସୁଦୁଜାସୁଁ ହାହାମାଞ୍ଜାନେସି, ଜାହୁଦିଆଆତି ଲକ୍ଷ୍ମଣୀ ଜିକେଏ ଏଲେକିହଁ ହାହାନା ଏଝାରି ତାକି

✧ ୧୫:୭ ୧୫:୭ କାମା ୧୦:୧-୪୩ ✧ ୧୫:୮ ୧୫:୮ କାମା ୧୦:୪୪; ୨:୪

ସାକି ହାହାମାନେସି । ୯ ଅଡ଼େ ଏଞ୍ଜାସି, ମା ବିତ୍ତା ଅଡ଼େ ଏଞ୍ଜାରି ବିତ୍ତା ଏନି ପାରୁଡ଼ା ବାଟି କିହାମାଞ୍ଜଅସି; ଇଞ୍ଜା ନାମୁତଲେ ଏଞ୍ଜାସି ଏଞ୍ଜାରି ହିୟାଁ ସୁଦୁ କିହାମାନେସି । ୧୦ ଇଦାଆଁତାକି ଆମିନି ଜୁଞ୍ଜେଡ଼ି ମା ଆକୁ ଆବାୟାଁ ଅଡ଼େ ମାର୍ ତେକାଲି ଆଡ଼ାଆତାୟି, ଏ ଜୁଞ୍ଜେଡ଼ି ସାସୁୟାଁ ବନିତା ଏକହାନା ମାରୁ ଏନାଆଁତାକି ମାହାପୁରୁଇଁ ତାୟିପାରି କିହାମାଞ୍ଜେରି ? ୧୧ ଇଦି ନେହେଁ ଆଏ, ସାମା ଏଞ୍ଜାରି ଏନିକିହୁଁ ନାମାହାଁ ଗେଲ୍ପି ଆହାମାନେରି ମାର୍ ଜିକେଏ ଏଲେକିହୁଁଏ ନାମାହାଁ ପ୍ରବୁ ଜୀସୁତି କାର୍ମାମେହୁନାଣି ତଲେ ଗେଲ୍ପି ଆହାମାନାୟି ।”

୧୨ ଏତେଟିଏ ଏମ୍ବାଆଁ ରୁଣ୍ଡା ଆହାମାଗାରି ବାରେ ଲକୁ ପାଲେଏ ଆତେରି, ଇଞ୍ଜା ପାଞ୍ଜୁଲ ଅଡ଼େ ବର୍ନବା ତାଣ୍ଡାଟି ଜୀହୁଦିଆଆତି ଲକୁତାଣା ମାହାପୁରୁ ତାଣ୍ଡାଟି ଆହିମାନି ସିନାୟାଁ ଅଡ଼େ କାବାଆନି କାମାୟାଁ କିହାଁ ମାରେସି ଏଞ୍ଜାଆଁ ଏଞ୍ଜାରି ତାଣ୍ଡାଟି ଖେଞ୍ଜାଲି ମାଟୁହେରି । ୧୩ ଏଞ୍ଜାରି କାତା ରାଡ଼ି ତାୟୁ ଜାକୁବ ନିଜାନା ଏଲେଇଚେସି; “ତାୟିୟାଁ ଅଡ଼େ ତାଜିସ୍ତା, ନା କାତା ଖେଞ୍ଜୁ, ୧୪ ମାହାପୁରୁ ତଲିଏ ତାନି ଦରୁ ତାକି ଜୀହୁଦିଆଆତି ଲକୁ ବିତ୍ତାଟି ତାନି ଲକୁ କିୟାଲି ଏଞ୍ଜାରାଇଁ କାର୍ମାମେସାନା ଆଡ଼ାମାନେସି ଇଞ୍ଜୁଁ ସିମନ ଖେସାମାଞ୍ଜାନେସି । ୧୫ ଅଡ଼େ, ମାହାପୁରୁ ଅଣ୍ଡପୁତି ବକୁ ଖେହୁନାରି କାତାତଲେ ଆଣ୍ଡିମାନେ, ଏନିକିହୁଁ ଦାମ୍ବୁ ସାଡ଼ସୁରିତା ରାସ୍ତିକି ଆହାମାନେ ।”

୧୬ ପ୍ରବୁ ଏଲେଇଞ୍ଜି ମାନେସି,

“ତାୟୁ ନାନୁ ଖେଣ୍ଡା ଖାହାନା, ଦାସୁଦ ବସାଟାୟୁ ଖେଣ୍ଡେ ଗେଲ୍ପିଇଁ,

ଇଞ୍ଜା ଏମ୍ବାତି ବିତ୍ତହାମାନି କାତିୟାଁ ବାରେ ଖେଣ୍ଡେ କେପାନା ଆଟୁଞ୍ଜା କିଇଁ,

୧୭ ଏନିକିହୁଁ ତୟାମାଟି କୃତାତି ଲକୁ ଅଡ଼େ ଏତେକା ଜୀହୁଦିଆଆତାରି ନା ଦରୁଟି କେଞ୍ଜାମାନେରି, ଏଞ୍ଜାରି ବାରେ ପ୍ରବୁଇଁ ପାରିନେରି, ବାରେ ଗାଡ଼ିକିତି ପ୍ରବୁ ଏଲେ ଇଞ୍ଜିମାନେସି ।

୧୮ ପ୍ରବୁ ଇ କାତା ଏଲେଇଞ୍ଜା ମାନେସି, ଆମ୍ବାଆସି ତଲି କାଲ୍ପାଟିଏ ଇ କାତା ତସାମାନେସି ।”

୧୯ ଜାକୁବ ଅଡ଼େ ଜିକେଏ ଏଲେଇଚେସି, “ନା ଅଣ୍ଡପୁ ଇଦି, ଜୀହୁଦିଆଆତି ଲକୁ ବିତ୍ତାଟି ଆମ୍ବାଆରି ମାହାପୁରୁ ଖାକି ଖେଣ୍ଡା ଖାନେରି, ଏଞ୍ଜାରାକି ମାର୍ ବକୁ ହାଆପ; ୨୦ ସାମା ଏଞ୍ଜାରାକି ଇଲେକିହୁଁ ଆକୁ ରାଟାନା ଖେହୁନ, ପେଣକା ବମାୟାଁ ତାକି ପୂଜା କିହାମାନି ଲାଗେଏତାଣି ତିନାଆଦୁ; ଦାରିକାମାଟି ଏଟକା ଆଦୁ; ହେରକି ଦାଆନା ପାୟିତି ଜନ୍ତୁତି ଉଞ୍ଜା ଅଡ଼େ ନେତେରି ତିନାଆଦୁ । ୨୧ ଏନାଆଁତାକି ଇଚିହୁଁ ତଲି କାଲ୍ପାଟିଏ ବାରେ ଗାଡ଼ାଣା ମସା ମୋରାତି କାତା ଖେକନାରି ମାନେରି, ଇଞ୍ଜା ବାରେ ଜମିନି ଦିନାତା ଜୀହୁଦି ଲକୁତି କୁଟିନି ଇଲ୍ଲକାଣା* ଏଞ୍ଜାଣି ମୋରାତି କାତା ପଡ଼ୁଞ୍ଜି ଆହିମାନେ ।”

ଜୀହୁଦିଆଆତି ନାମିତି ଲକୁତାକି ଆକୁ

୨୨ ଏଚିବେଲ୍ପା ପାଣ୍ଡୁଞ୍ଜି ଆହାମାନାରି ଅଡ଼େ ପ୍ରାଚିନାଞ୍ଜା ବାରେ କୁଲମି ତଲେ ତାନି ବିତ୍ତାଟି ଲକୁଇଁ, ଇଚିହୁଁ ତାୟିୟାଁ ବିତ୍ତାଟି ମାନିଗାଟି ବର୍ସବା, ଦରୁଗାଟି ଜୀହୁଦା ଇଞ୍ଜା ସିଲାଇଁ ଆଟାନା ପାଞ୍ଜୁଲ ଅଡ଼େ ବର୍ନବା ତଲେ, ଆନ୍ତ୍ରିୟକିୟାତା ପାଣ୍ଡାଲି ତୀରି କିତେରି । ୨୩ ନାମିତାରି ତାଣ୍ଡାଟି ରାସ୍ତିକି ଆହାମାନି ଆକୁ ଏରିଆରି କେୟୁତା ପାଣ୍ଡିତେରି

“ମାମ୍ବୁ ପାଣ୍ଡୁଞ୍ଜି ଆଡ଼ାତମି ଅଡ଼େ ପ୍ରାଚିନାଞ୍ଜା, ମୀ ତାୟିୟାଁତମି ମା ବାରେ ଜୀହୁଦିଆଆତି ତାୟିୟାଁ ଆମିନି ଗାଟାରି ଆନ୍ତ୍ରିୟକିୟା, ସିରିୟା ଅଡ଼େ କିଲିକିୟାତା ମାନେରି ଏଞ୍ଜାରାକି ଜହରା । ୨୪ ମାମ୍ବୁ ଖେଞ୍ଜାମାନି, ମାମ୍ବୁ ଆମିନି ଲକୁଇଁ ଏନି ହୁକୁମି ହାହାହିଲଅମି, ମା ତାଣ୍ଡାଟି ଏଲେତି ଏତେକା ଲକୁ ମୀ ତାଣ୍ଡା ଖାହାନା ତାନି କାତାତଲେ ମୀ ମନୁତି ଏଟକା କିହାନା କିଲିବିଲି କିହାମାଞ୍ଜାନେରି; ୨୫ ଅଡ଼େ ମାମ୍ବୁ ବାରେଜାଣା ରୁଣ୍ଡା ଆହାନା ରଣ୍ଡିଏ ହିୟାଁ ତଲେ ଏଚରଜାଣାଟି ଆଟାନା ମୀ ତାଣ୍ଡା ପାଣ୍ଡାଲି ତୀରି କିହାମାନି, ଏଞ୍ଜାରି ମା ଜୀହୁତି ତଣେ ବର୍ନବା ଅଡ଼େ ପାଞ୍ଜୁଲ ତଲେ ହାନେରି । ୨୬ ଏଞ୍ଜାରି ଇଲେତି ମାଣସିୟାଁ ମା ପ୍ରବୁ ଜୀସୁ କ୍ରୀସ୍ତ ଦରୁ ତାକି ଜୀହୁ ତୁସାନା କାମା କିହାମାନେରି । ୨୭ ଏଦାଆଁତାକି ମାମ୍ବୁ ଜୀହୁଦା ଅଡ଼େ ସିଲାଇଁ ମୀ ତାଣ୍ଡା ପାଣ୍ଡିମାଞ୍ଜାନି । ମାମ୍ବୁ ଏନାଆଁ ରାଟାମାନି, ଏଞ୍ଜାରି ମିଜେ ଖେସାନେରି । ୨୮ ଏଚରଗଟା ଲତାମାନି ମୋରା ପ୍ରିସପେ ମୀ ଲାକ ଅଡ଼େ ଏନି ବକୁ ହେରପାଲି ମାମ୍ବୁ ସୁଦୁଜୀହୁତି ହୁକୁମି ବେଟାଆହାମାନି । ୨୯ ଏ ମୋରାୟାଁ ଆହିମାନୁ, ପେଣକା ବମାୟାଁକି ହେରପିଆହାମାନି ରାୟା ତିନାଆଦୁ, ନେତେରି ତିନାଆଦୁ, ହେରକି ଦାଆନା ପାୟିତି ଆହାମାନି ଜନ୍ତୁତି ଉଞ୍ଜା ତିନାଆଦୁ, ଦାରିକିଆଦୁ, ଇ ବାରେ କାମାଟି ହେକ ଆହାଲି ଜାଗ୍ରାତା ମାଟିହୁଁ ମିଜେ ନେହେଁ ଆନେ । ନେହୁଁକି ମାଞ୍ଜୁ ।”

* ୧୫:୨୧ ୧୫:୨୧ ସିନଗ୍ର

୩୦ ଏଚେଟିଏ କାତୁ ଅନାରାଜ୍ ପାଣ୍ଡାଲିଏ ଆନ୍ତ୍ରିୟକିୟାତା ହାଚେରି, ଇଞ୍ଜା ବାରେ ନାମିତାରାଇଁ ରୁଣ୍ଡି କିହାନା ଏ ଆକୁ ହୀଚେରି । ୩୧ ଏ ଲକୁ ବାରେ ଏଦାଆଁ ପତୁଞ୍ଜି ଆହାନା ବାସୁଁ ବେଗାଆହାନା ରାହୁଁ ଆଚେରି । ୩୨ ଜାହୁଦା ଅଚେଟି ସିଲା ତାମ୍ନୁ କ୍ରିକେଏ ମାହାପୁରୁ ଅଣପୁତି ବଲୁ ଖେହନାରି ମାଚାକି ହାଚେରକା କାତାତଲେ ତାୟିୟାଁଇଁ ବାସୁଁ ହୀହାନା ସୁସ୍ତି କିଚେରି । ୩୩ ଅଚେଟି, ଏଞ୍ଜାରି ଏମ୍ନାଆଁ ଏଚରଦିନା ମାଚି ତାମ୍ନୁ ଏଞ୍ଜାରାଇଁ ପାଣ୍ଡାମାଚି ଲକୁତାଣା ଖେଣ୍ଡାହାଜାଲି ତାୟିୟାଁ ତାଣ୍ଡାଚି ହେଲ ବେଗାଆହାନା ହିଚ୍ଚି ଜୀଞ୍ଜୁତଲେ ଖେଣ୍ଡା ହାଚେରି । ୩୪ ସାମା ସିଲା ଏମ୍ନାଆଁ ତୁୟାଲି ତାରି କିହାମାଚେସି ।

୩୫ ପାଞ୍ଜୁଲ ଅଚେଟି ବର୍ନବା ଆନ୍ତ୍ରିୟକିୟାତା ମାଞ୍ଜାନା ଏଚକାଚି ଏଚେକା ଲକୁତାଣା ଜିକେଏ ପ୍ରବୁତି ନେହଁ ବଲୁ ଜାପୁହାନା ଖେକହାଲି ମାଚୁହେରି ।

ପାଞ୍ଜୁଲ ଅଚେଟି ବର୍ନବା ଏଚକା ଆନାୟି

୩୬ ଏଚରଦିନା ହାଜାଲିଏ ପାଞ୍ଜୁଲ ବର୍ନବାଇଁ ଏଲେଇଚେସି, “ଞ୍ଜାମୁ, ମାର ପ୍ରବୁତି ବଲୁ ଖେକହାମାନି ବାରେ ଗାଡ଼ାୟାଁଣା ଖେଣ୍ଡା ହାଜାନା, ତାୟିୟାଁ ନୀସଁ ଏନିଆହଁ ମାନେରି ଇଞ୍ଜୁଁ ବେଟିହାନ ।” ୩୭ ଏଚେଟିଏ ଜହନ ଇନି ମାର୍କଇଁ ଜିକେଏ ତାମିତଲେ ଅୟାଲି ବର୍ନବା ଅଣପିମାଚେସି । ୩୮ ଏସାମା ଏଞ୍ଜାସି ଏଞ୍ଜାରାଇଁ ପିସାନା ପଂପୁଲିୟାଚି ଖେଣ୍ଡାହାଗାସି ଅଚେଟି କାମା ରାନ୍ତି ପାଚେକା ଏଞ୍ଜାରିତଲେ ମାନାଆତାକି ତାମିତଲେ ଅୟାଲି ପାଞ୍ଜୁଲ କୁଚେସି । ୩୯ ଏମ୍ନାଚିଏ ଏଞ୍ଜାରି ହାଚେରକା ବାଦିବାଦା ଆୟାଲିଏ ତାମ୍ନୁ ଏଚକା ଆଚେରି, ଇଞ୍ଜା ବର୍ନବା ଜହନ ମାର୍କଇଁ ତାନିତଲେ ଅହଁ ଜାଜାତା ହଚାନା କୁପ୍ରତା ହାଚେରି, ୪୦ ସାମା ପାଞ୍ଜୁଲ ସିଲାଇଁ ଆଚାନା ତାୟିୟାଁ ତାଣ୍ଡାଚି ପ୍ରବୁତି କାର୍ମାତଲେ ହେଚ୍ଚି ଆହାନା ହାଚେରି, ୪୧ ଅଚେଟି ଏଞ୍ଜାସି ସିରିୟା ଅଚେଟି କିଲିକିୟାଚି ହାଜାହାଁ ବାରେ କୁଲମିକାଣି ନାମୁତା ଆଚ୍ଵା କିଚେସି ।



ପାଞ୍ଜୁଲ ଅଚେଟି ସିଲା ତଲେ ତିମତି ହାନାୟି

୧ ତାମ୍ନୁ ପାଞ୍ଜୁଲ ଦବଁ ଅଚେଟି ଲୁସ୍ତାତା ହାଚେସି, ଏମ୍ନାଆଁ ତିମତି ଦରୁଗାଟାସି ର ସାସୁ ମାଚେସି, ଏଞ୍ଜାସି ର ନାମିତି ଜୀହୁଦି କ୍ରୀସ୍ତୀନା ଇୟାନି ମାରୁଏସି ମାଚେସି, ସାମା ତାମି ଆବା ର ଗ୍ରିକ୍ ଲକୁ । ୨ ଲୁସ୍ତା ଅଚେଟି ଇକନିୟତା ମାନି ବାରେ ନାମିତି ତାୟିୟାଁ ଏଞ୍ଜାଣାଇଁ ନେହାଁସି ଇଞ୍ଜୁଁ ଏଲେଇଚେରି । ୩ ପାଞ୍ଜୁଲ ତାନିତଲେ ତିମତିଇଁ ଅହାଲି ଅଣପିଚେସି, ଅଚେଟି ଏ ନାସୁକାଣାଁ ମାନି ଜୀହୁଦି ଲକୁତାକି ଏଞ୍ଜାଣି ତଲୁ ଦାପିକିଚେସି; ଇଚିହଁ ତାମି ଆବା ଗ୍ରିକ୍ ଲକୁ ଇଞ୍ଜୁଁ ବାରେ ପୁଞ୍ଜାମାଚେରି । ୪ ଇଞ୍ଜାଁ ଏଞ୍ଜାରି ଗାଡ଼ାୟାଁଚି ହାଜି ହାଜିହଁ ଜିରୁସାଲମତି ପାଣ୍ଡୁଣ୍ଡି ଆଡ଼ାରି ଅଚେଟି ପ୍ରାଚିନାଜାମା ତାଣ୍ଡାଚି କିଞ୍ଜି ଆହାମାନି ମେରା ମାନୁଞ୍ଜି ଆହାଲି ଏଞ୍ଜାରିତାଣା ହେଚ୍ଚି ମାଚେସି । ୫ ଏଲେକିହଁ କୁଲମିକା ବାରେ ନାମୁତା ଆଚ୍ଵା ଆହାନା ଦିନାତାକି ଦିନା ପାତା ଆଚୁ ।

ତୁୟାତା ପାଞ୍ଜୁଲ ହାପାନା ହେଣନାୟି

୬ ଏଞ୍ଜାରି ଆସିୟାତା ମାହାପୁରୁ କାତା ଖେସାଲି ସୁବୁଜାଞ୍ଜୁ କାହି କିୟାଲିଏ, ଏଞ୍ଜାରି ପୁର୍ଣ୍ଣିୟା ଅଚେଟି ଗାଲାତିୟ ରାଜି ମାଦିଚି ରେଜିହଁ ହାଚେରି । ୭ ଅଚେଟି, ଏଞ୍ଜାରି ମୁସିଆ ରାଜି ତାଗେ ଏଗାହାଜାନା ବେଚନିୟାତା ହାଜାଲିତାକି ଅଣପିଚେରି, ସାମା ଜୀସୁଚି ଜୀଞ୍ଜୁ ଏଞ୍ଜାରାଇଁ ହାଜାଲି ହେଲ ହୀଆଚେ । ୮ ଏଞ୍ଜାରି ମୁସିଆ ମାଦିଚି ହାଜାନା ତୁୟାତା ଖାଚେରି । ୯ ଅଚେଟି ଲାଆଁ ବେଲାତା ପାଞ୍ଜୁଲ ର ସେୟାଁଣା ହାପାନା ହେଚେସି, ମାକିଦନିୟାତା ର ଲକୁ ନିଚାନା ଏଞ୍ଜାଣାଇଁ ବାତିମାଲିହଁ ଏଲେଇଚେସି, “ମାଜେ ସାଚ୍ଵେନି କିୟାଲି ମାକିଦନିୟାତା ଗାଣ୍ଡା ଖାମୁ ।” ୧୦ ଏଞ୍ଜାସି ସେୟାଁଣା ହାପାନାତା ମେସାଲିଏ ମାମ୍ନୁ ଦେବୁଣିଏ ମାକିଦନିୟାତା ହାଜାଲି ତିୟାରା ଆଚମି, ଇଚିହଁ ଏଞ୍ଜାରିତାଣା ନେହଁ କାତୁ ଖେସାଲି ତାକି ମାହାପୁରୁ ମାଜେ ହାଟାମାଞ୍ଜାନେସି ଇଞ୍ଜୁଁ ମାମ୍ନୁ ପୁଚମି ।

କୁଦିୟା ମନ ଖେଚନାୟି

୧୧ ଏଚେଟିଏ ମାମ୍ନୁ ତୁୟାଚି ଜାଜାତା ହଚାନା ତିୟିଚି ଜିରୁଚି ହାଜାନା ସାମତ୍ରାକିତା ଅଚେଟି ଅର ନେଚୁ ନୟାପଲିତା ଏଗାହାଚମି । ୧୨ ଏମ୍ନାଚିଏ ପିଲିପିତା ହାଚମି, ଇଦି ମାକିଦନିୟା ଜିଲାଚି ର କାଜା ଗାଡ଼ା, ଇଞ୍ଜା ରମ୍ପ ଦେସାତାରି ତୁୟିନି ଚାମ୍ନୁ ମାଚେ; ଏ ଗାଡ଼ାତା ମାମ୍ନୁ ଏଚରଦିନା ମାଚମି । ୧୩ ଜମିନି ଦିନାତା ମାମ୍ନୁ

† ୧୫:୩୪ ୧୫:୩୪ ଇ କାତା ପୁଞ୍ଜଇ ପତିତା ହିଲେଏ । ☆ ୧୫:୩୮ ୧୫:୩୮ କାମା ୧୩:୧୩

ଗାଡ଼ାଟି ହଟାନା କାତା ତାଗେ ହାଟନି, ଏମାଆଁ ପ୍ରାଡ଼ାନା କିନି ଚାୟୁ ମାନେ ଇଞ୍ଜି ଅଣପାମାଟନି, ଅଡ଼େ ମାମୁ କୁଗାନା ରୁଣ୍ଡା ଆହାମାଟି ଇୟାସିକା ତଲେ କାତା ଆଡ଼ନି । ୧୪ ଅଡ଼େ, ତୁୟାତିରା ଗାଡ଼ାଟି ହେୟାଁ ଖାଣା ହିମ୍ବରିକା ପାଟୁନି ଲୁଦିୟା ଦରୁଗାଟି ର ଇୟା ମା କାତା ଖେଞ୍ଜିମାଟେ, ଏଦି ମାହାପୁରୁ ସେବା କିନାୟି, ଏଦି ଏନିକି ପାଞ୍ଜୁଲତି କାତାଟି ମନ ହାନେ ଏଦାଆଁତାକି ପ୍ରବୁ ଏଦାନି ହିୟାଁ ଦେଟାମାଟେସି । ୧୫ ଅଡ଼େ ଏଦି ଇଞ୍ଜାଁ ତାମି କୁଟନି ବାପ୍ରିସ୍ତା* ଅଡ଼ି ତାୟୁ ମାଙ୍ଗେ ବାଟିମାଲିହୁଁ ଏଲେଇଞ୍ଜାଟେ, “ମୀରୁ ନାଙ୍ଗେ ପ୍ରବୁ ତାଣା ନାମୁଗାଟାୟି ଇଞ୍ଜି ଅଣପିମାଟିହୁଁ, ନା ଇଜ ଖାହାନା ବାସା ଆଦୁ,” ଇଞ୍ଜି ବାଲାମାଟନି କିହାଁ ହାଟା ଅୟାଟେ ।

ପିଲିପିତି କାୟିଦି ଇଲୁତା ପାଞ୍ଜୁଲ ଅଡ଼େ ସିଲା

୧୬ ର ଦିନା ମାମୁ ପ୍ରାଡ଼ାନା ଚାୟୁତା ହାନିବେଲାତା ର ହଟଲଣି ପଦାଈଁ ବେଟାଆଡ଼ନି ଏଦି ପଲୁଆ ପେନୁ ଆଲୁଗାନା ତାୟୁ ଆନି କାତାୟାଁ ଖେସାଲି ଆଡ଼ିମାଟେ । ତାୟୁ ଆନି କାତାୟାଁ ଖେସାନା ତାନି ସାଞ୍ଜୁକାରିକି ହାଟେରକା ତାୟୁୟାଁ କୁଡ଼ି କିହିମାଟେ । ୧୭ ଏଦି ପାଞ୍ଜୁଲ ଅଡ଼େ ମା ଜେଟ ଜେଟ ଖାହାନା କିଟୁଡ଼ିହୁଁ ଏଲେଇଞ୍ଜାଲି ମାଟୁହେ, “ଇ ଲକୁ ବାରେକିହାଁ କାଜା ମାହାପୁରୁଟି ହଲିୟାଈ, ଏଞ୍ଜାରି ନିଙ୍ଗେ ଗେଲପିଆନି ଜିରୁଟି ଖେକହ ମାଞ୍ଜନେରି ।” ୧୮ ଏଦି ହାଟେକା ଦିନା ପାଟେକା ଏଲେକିୟାଟେ, ସାମା ପାଞ୍ଜୁଲ କପା ଆହାନା ଖେଣ୍ଡେ ସିନିକିହାନା ଏ ବୁଡୁଇଁ ଏଲେଇଟେସି, “ଏଦାନି ତାଣାଟି ହଟା ହାଜାଲି ନାନୁ ନିଙ୍ଗେ ଜୀସୁ କ୍ରୀସ୍ତ ଦରୁତଲେ ହୁକୁମି ହାହିମାଞ୍ଜାଇଁ,” ଏ ଦେବୁଣିଏ ଏଦି ହଟାହାଟେ । ୧୯ ସାମା ଏଦାନି ସାଞ୍ଜୁକାରିୟା ତାମି ଲାବା ପାଣିନି ଆସା ହାଟେ, ଇଞ୍ଜି ପୁଞ୍ଜାନା ପାଞ୍ଜୁଲ ଅଡ଼େ ସିଲାଇଁ ଦସାନା ବେରଣିମାଣ୍ଡାତା ସାଲୁଞ୍ଜି କିନାରି ତାଣା ରେଜା ଅଡ଼େରି । ୨୦ ଅଡ଼େ, ଏଞ୍ଜାରି ରମିୟ ସାଲୁଞ୍ଜି କିନାରି ତାଣା ତାଟାନା ଏଲେଇଟେରି, “ଇଞ୍ଜାରି ଜୀହୁଦି ଲକୁ ମା ଗାଡ଼ାତା ଗଡ଼ହା କିହିମାନେରି ।” ୨୧ ମାର ରମିୟ ଲକୁଡ଼ି ଘେରା ପାଣାପାଟୁ ଆବାଲି କି ମାନୁଞ୍ଜି ଆହାଲି ଘେରା ହିଲେଏ, ଏଦାଆଁ ଇଞ୍ଜାରି ଖେସିମାନେରି ।” ୨୨ ଏମାଟିଏ ବାରେ ଲକୁ ପାଞ୍ଜୁଲ ଅଡ଼େ ସିଲା କପାଟି ନିଙ୍ଗିଟେରି । ଅଡ଼େ ନୀହାୟି କିନାରି ପାଞ୍ଜୁଲ ଅଡ଼େ ସିଲା ହିମ୍ବରିକା ହୁକହାନା ଏଞ୍ଜାରାଇଁ ବାଡ଼ତା ତଲେ ଖେଟାଲି ହୁକୁମି ହାଟେରି । ୨୩ ଏଞ୍ଜାରି ଏଞ୍ଜାରାଇଁ ହାଟେରକା ଖେଟି ତାୟୁ କାୟିଦି ଇଲୁତା ଇଟିଟେରି, ଇଞ୍ଜାଁ ଏଞ୍ଜାରାଇଁ ଜାଗ୍ରାତା କିହୁଁ କାପୁ କାଟାଲି କାୟିଦି ଇଲୁତି କାଃଆନାଣାଇଁ ହୁକୁମି ହାଟେରି । ୨୪ କାୟିଦି କାଃଆନାସି ଇଲେଟି ହୁକୁମି ବେଟାଆହାନା ଏଞ୍ଜାରାଇଁ କାୟିଦି ଇଲୁତି ବାରେକିହାଁ ବିଡ଼ାଟି ବାକ୍ରାତା ମେଡ଼ହାନା ଏଞ୍ଜାରି କତାଣା ବକୁଗାଟି ମାଟୁନୁ କୁଡୁଲିକା ଦସା ପିସ୍ତେସି ।

୨୫ ସାମା ମାଦି ଲାଆଁୟାଁ ପାଞ୍ଜୁଲ ଅଡ଼େ ସିଲା ମାହାପୁରୁ ତାଣା ପ୍ରାଡ଼ାନା ଅଡ଼େ ଜହରା ପାରୁ ପାଟିମାଟେରି, ଇଞ୍ଜାଁ ଏଞ୍ଜାରିତଲେ କାୟିଦି ଇଲୁତା ମାଟାରି ବାରେ ଖେଞ୍ଜିମାଟେରି । ୨୬ ଏଟିବେଲାତା ଦେବୁଣିଏ ବୁନି ଖୀତିଟେ, ଇଞ୍ଜାଁ କାୟିଦି ଇଲୁତି ପୁନାଦି ଜିକେଏ ଖୀତାଲିଏ ବାରେ ଦୁଖେରିକା ଦେପି ଆହାହାରୁ, ଇଞ୍ଜାଁ ବାରେଜାଣାଟି ଦସାମାଟି ହିକିଣିୟାଁ ହୁଙ୍ଗାହାରୁ । ୨୭ ଏଟେଟିଏ କାୟିଦି ଇଲୁ କାଃଆନାସି ଇଦାଟି ନିଜାମା, ଦାରାୟାଁ ଦେପିଆହାମାନାଣି ମେସାନା, କାୟିଦିତାରି ହଣପି ଆଡ଼େରି ଇଞ୍ଜି ଅଣପାନା, କାଣ୍ଡା ହପହାନା ଗୁକହା କଡ଼ିମାଟେସି । ୨୮ ସାମା ପାଞ୍ଜୁଲ କାଜା ଗିୟାଁତଲେ ହାଟାନା ଏଲେଇଟେସି, “ନୀନୁ ନିଙ୍ଗେ ନାସା କିହା କଡ଼ାଆନି, ଏନାଆଁତାକି ଇଟିହୁଁ ମାମୁ ବୁରେଟନି ଇମାଆଁ ମାନମି ।”

୨୯ କାୟିଦି ଇଲୁ କାଃଆନାସି ଦୀଞ୍ଜି ତାଟାଲି ଏଲେଇଟେସି, ତବେ ବିଡ଼ା ହାଟେସି ଇଞ୍ଜାଁ ତୀରୁଟି ତୀରୁଟିହୁଁ ପାଞ୍ଜୁଲ ଅଡ଼େ ସିଲା କତାୟାଁ ଡ଼ଇ ରାଟେସି । ୩୦ ଅଡ଼େ ଏଞ୍ଜାରାଇଁ ପାଞ୍ଜାତା ତାଟାନା ଏଲେଇଟେସି, “ବାବୁୟାଁ ଗେଲପିଆୟାଲି ନାନୁ ଏନାଆଁ କିଞ୍ଜି ?”

୩୧ ଏଞ୍ଜାରି ଏଲେଇଟେରି, “ପ୍ରବୁ ଜୀସୁ ତାଣା ନାମାଦୁ, ଆଡ଼ିହୁଁ ନୀନୁ ଅଡ଼େ ନୀ ଇଲୁ କୁଟନି ବାରେ ଗେଲପି ଆଦେରି ।” ୩୨ ତାୟୁ ଏଞ୍ଜାରି ଏଞ୍ଜାଣାଇଁ ଅଡ଼େ ଏଞ୍ଜାଣି ଇଜ ମାଟି ବାରେ ଲକୁଣି ମାହାପୁରୁଟି ଗଲୁ ଖେସେସି । ୩୩ ଅଡ଼େ, ଏ କାୟିଦି ଇଲୁ କାଃଆନାସି ଏଞ୍ଜାରାଇଁ ଏ ଲାଆଁୟାଁ ବେଲାତା ଅହାନା ଏଞ୍ଜାରି ବାହାଁୟାଁ ମରହେସି, ଇଞ୍ଜାଁ ଏଞ୍ଜାସି ଅଡ଼େ ଏଞ୍ଜାଣି ଇଲୁ କୁଟନି ବାରେ ଏ ଦେବୁଣିଏ ବାପ୍ରିସ୍ତା* ଅଡ଼େରି । ୩୪ ଏଟେଟିଏ ଏଞ୍ଜାସି ଏଞ୍ଜାରାଇଁ ତାମି ଇଜ ଅହାନା ତିଞ୍ଜାଲି ରାନ୍ଦା ବାଟିକିହାଁ ହାଟେସି, ଅଡ଼େ ବାରେ କୁଟନି ମାହାପୁରୁ ତାଣା ନାମାନା ହାଟେରକା ରାହାଁ ଆଡ଼େରି ।

୩୫ ଲାଲୁ ଖେୟାଲିଏ ରମିୟ ଲକୁଡ଼ି କାଜାରି ରିଜାରି କସକାଣି ଇଲେଇଞ୍ଜି ଖେସା ପାଣ୍ଡିଟେରି, “ଏ ଲକୁଣି ପିସାଡୁହଦୁ ।”

* ୧୭:୧୫ ୧୭:୧୫ଗୁଞ୍ଜିନାୟି † ୧୭:୩୩ ୧୭:୩୩ଗୁଞ୍ଜିନାୟି

୩୬ ଏଚେଟିଏ କାୟିଦି ଇଲୁ କାଃଆନାସି ପାଞ୍ଜୁଲଇଁ କ କାତା ୱେସ୍ତେସି, “ନୀହାଁୟି କିନାରି ନିଜେ ଅଢେଢ଼ ସିଲାଇଁ ପିପାଲି କାତୁ ପାଣ୍ଡା ମାଞ୍ଜାନେରି, ଇଞ୍ଜା ନୀର୍ବ ହଠାଃହାନା ହିଡ଼ଡ଼ି ତଲେ ହାକୁ ।”

୩୭ ସାମା ପାଞ୍ଜୁଲ କସକାଣି ଏଲେଇଚେସି, “ମାମୁ ରୁମିୟ ଦେସାତି ଲକୁଡ଼ମି, ମାଜେ ନୀହାଁୟି କିଆନା ୱେଡ଼ାତି ତାୟୁ କାୟିଦି ଇଲୁତା ସୁଣ୍ଡାଚେରି, ଅଢେଢ଼ ନୀର୍ବ ଡ଼କୁହାନା ପିସିମାଞ୍ଜାନେରି, ଏଦି ମିଣ୍ଡଏ, ସାମା ଏଞ୍ଜାରି ତାମୁସୁ ୱାହାନା ମାଜେ ପାଞ୍ଜାତା ଅୟାପେରି ।”

୩୮ ଏଚେଟିଏ କସକା ହାଜାନା ନୀହାଁୟି କିନାରାଇଁ ବାରେ କାତା ୱେସ୍ତେସି, ଇଞ୍ଜା ଇଞ୍ଜାରି ରମିୟ ଲକୁ ଇଞ୍ଜ ପୁଞ୍ଜାନା ଆଜିଚେରି, ୩୯ ଏମ୍ବାଟିଏ ଏଞ୍ଜାରି ୱାହାନା ମାମୁ ପୁନାଆନା ଏଲେକିଡ଼ମି ଇଞ୍ଜ ବାଡ଼ିମାଲିହ ଏଞ୍ଜାରାଇଁ ପାଞ୍ଜାତା ହପୁହା ତାଚାନା, ଗାଡ଼ା ପିସାନା ହାଜାଲି ବାଡ଼ିମାଲିଚେରି । ୪୦ ଏଚେଟିଏ ପାଞ୍ଜୁଲ ଅଢେଢ଼ ସିଲା କାୟିଦି ଇଲୁଚି ହଠାନା ଲୁଦିୟା ଇଜ ହାଚେରି, ଅଢେଢ଼ ତାୟିୟାଁ ତଲେ ଆଣ୍ଡାନା ଏଞ୍ଜାରାଇଁ ବାସୁଁ ହାହାନା ହାଜାତୁସ୍ତେରି ।

୧୭

ତେସଲନିକିତା କାମା

୧ ତାୟୁ ଏଞ୍ଜାରି ଆପିପଲି ଅଢେଢ଼ ଆପଲନିୟା ହାହାନା ତେସଲନିକିତା ୱାଡ଼େରି; ଏମ୍ବାଆଁ ଜୀହୁଦି ଲକୁଡ଼ି ର ଜୀହୁଦି ଲକୁଡ଼ି କୁଟମି ଇଲୁ* ମାଚେ । ୨ ଅଢେଢ଼, ପାଞ୍ଜୁଲ ତାନି ମେରା ଲେହେଁ ଜୀହୁଦି ଲକୁଡ଼ି କୁଟମି ଇଲୁତା† ହାଚେସି, ଇଞ୍ଜା ତାନିଗଟା ଜମିନି ଦିନା ପାଚେକା ଦାମୁ ପତିତି କାତା ଆସାନା ଲକୁଡ଼ତଲେ ଜଲୁକି ଆଚେସି, ୩ ଦାମୁ ସାଢ଼େସ୍ତେରି ତେଲୁହି କିହାନା ଏ କାତା ଇଦି ଇଞ୍ଜ ଇଚେସି, ମସିହା ସାସ୍ତି ପାଣ୍ଡନାୟି ଅଢେଢ଼ ହାକିଟି ନିଜନାୟି ଲଡ଼ାମାନେ । ପାଞ୍ଜୁଲ ଏଲେଇଚେସି, “ଆମିନି ଜୀସୁତି କାତା ୱେସିମାଞ୍ଜାଇଁ, ଏଞ୍ଜାସି ଏ ମସିହା ।” ୪ ଏମ୍ବାଟିଏ ଏଞ୍ଜାରି ବିଡ୍ରାଟି ଏଚରଜାଣା ନାମାହାଁ ପାଞ୍ଜୁଲ ଅଢେଢ଼ ସିଲା କାତାତା ଆଣ୍ଡିଚେରି; ଅଢେଢ଼, ଜୀହୁଦି ଦାମୁ ନାମାମାନି ଗ୍ରିକ୍ ଲକୁ ବିଡ୍ରାଟି ହାଢ଼େରକା ଲକୁ ଅଢେଢ଼ ମାନିଗାଟି ହାଢ଼େରକା ଇୟାସିକା ବିଡ୍ରାଟି ଏଞ୍ଜାରିଚଲେ ମାହାପୁରୁ ସେବାତା ଆଣ୍ଡିତୁ ।

୫ ସାମା ଜୀହୁଦିୟାଁ ତାହାରା ଆହାନା ଏଚେକା ଲାଗେଏତାରାଇଁ ପାଢ଼େହରିତା କୁଡ଼ି କିଚେରି, ଇଞ୍ଜା ଲକୁଣି ମାନ୍ଦା କିହାନା ଗାଡ଼ାତା ଗଡ଼ହା ହପୁହେରି, ଇଞ୍ଜା ପାଞ୍ଜୁଲ ଅଢେଢ଼ ସିଲାଇଁ ସାଲୁଝି କିନାରି ନକିତା ହପୁହାତାଚାଲି ଏଞ୍ଜାରି ହାଜାନା ଜାସନ ଇଲୁଡ଼ି ମୃତାନା ପାରିଚେରି । ୬ ସାମା ଏଞ୍ଜାରାଇଁ ବେଗାଆଆଲିଏ ଏଞ୍ଜାରି ଜାସନ ଅଢେଢ଼ ଏଚେକା ତାୟିୟାଁଇଁ ଗାଡ଼ାତି ସାଲୁଝି କିନାରି ନକିତା ରେଜା ତାଚାନା କାଜା ରିୟାତଲେ କାଲୁଝି ଆହୁ ଏଲେଇଚେରି, “ଆମିନି ଲକୁ ତାରତିତି ଇତାଲା ଆତାଲା କିହିମାନେରି, ଏଞ୍ଜାରି ଇମ୍ବାଆଁ ଜିକେଏ ୱାହାମାନେରି; ୭ ଜାସନ ଏଞ୍ଜାରାଇଁ ଆବାମାନେସି, ଜୀସୁ ଦରୁଗାଟି ଅଢେଢ଼ ର ରାଜା ମାନେସି ଇଞ୍ଜ ୱେସାନା ଇଞ୍ଜାରି ବାରେଜାଣା କାୟିସରତି ହୁକୁମିତି ମାନୁଝି କିହିଲଅରି ।” ୮ ଇ କାତା ଆସାନା ଲକୁ ଅଢେଢ଼ ସାଲୁଝି କିନାରି ବିଡ୍ରା ହାଢ଼େରକା କାରୁବି ଆଚେରି ଅଢେଢ଼ ଗଡ଼ହା ଆଚେ । ୯ ତାୟୁ ସାଲୁଝି କିନାରି ଜାସନ ଅଢେଢ଼ ଏଚକା ଲକୁଣି ତାବୁୟାଁ ରାସାନା ଜାମଲି ତଲେ ଏଞ୍ଜାରାଇଁ ପିସ୍ତେରି ।

ବେରିୟାତା କାମା

୧୦ ଅଢେଢ଼, ତାୟିୟାଁ ୱେଡ଼ାକିଆନା ପାଞ୍ଜୁଲ ଅଢେଢ଼ ସିଲାଇଁ ଲାଆଁ ବେଲାତା ବେରିୟାତା ପାଣ୍ଡିଚେରି; ଏଞ୍ଜାରି ଏମ୍ବାଆଁ ଏଜାନା ଜୀହୁଦି ଲକୁଡ଼ି ଜୀହୁଦି ଲକୁଡ଼ି କୁଟମି ଇଲୁତା‡ ହାଚେରି । ୧୧ ତେସଲନିକିତା ମାନି ଜୀହୁଦି ଲକୁ କିହାଁ ଇଞ୍ଜାରି ସାତାପାଣା ଗାଗାରି ମାଚେରି, ଇଞ୍ଜାରି ହାଢ଼େରକା ରାହାଁତଲେ ମାହାପୁରୁ କାତା ୱେଚେରି, ଅଢେଢ଼ ପାଞ୍ଜୁଲ ୱେସ୍ତି କାତା ସାତା କି ଆଏ ଏଦାଆଁ ପୁଞ୍ଜାଲି ବାରେଦିନା ଦାମୁ ପତି ପଡ଼ୁଝି ଆହିମାଚେରି । ୧୨ ଇଦାଆଁତାକି ଏଞ୍ଜାରି ବିଡ୍ରାଟି ହାଢ଼େରକା ଲକୁ ନାମିଚେରି ଅଢେଢ଼ ଗ୍ରିକ୍ ଲକୁଡ଼ି କାଜାରି ବିଡ୍ରାଟି ହାଢ଼େରକା ଇୟାସିକା ଅଢେଢ଼ ଆବାୟାଁ ଜିକେଏ ନାମିଚେରି । ୧୩ ସାମା ଏଚିବେଲା ତେସଲନିକିତି ଜୀହୁଦିଜା ପୁଚେରି, କି ବେରିୟାତା ଜିକେଏ ପାଞ୍ଜୁଲ ତାଣ୍ଡାଟି ମାହାପୁରୁଚି ବଲୁ ୱେସ୍ପି ଆହିମାନେ, ଏଚିବେଲା ଏଞ୍ଜାରି ଏମ୍ବାଆଁ ଜିକେଏ ୱାହାନା ଲକୁ ମାନ୍ଦାତି ନିକହାନା ଗଡ଼ହା କିଝିକିଚେରି । ୧୪ ଏଚେଟିଏ ତାୟିୟାଁ ୱେଡ଼ାକିଆନା ପାଞ୍ଜୁଲଇଁ ସାମୁଦୁରି ୱାକି ହାଜାଲି ପାଣ୍ଡିଚେରି; ଇଞ୍ଜା ସିଲା ଅଢେଢ଼ ତିମତି ବେରିୟାତା ଡ଼ୟିଚେରି । ୧୫ ସାମା ଆମ୍ବାଆରି ପାଞ୍ଜୁଲଇଁ ଇଚିହାଚାରି ଏଞ୍ଜାରି ଆତିନି ପାଚେକା ହାଚେରି, ଇଞ୍ଜା ସିଲା ଅଢେଢ଼ ତିମତି ତବେ ନା ତାଣ୍ଡା ୱାଚେରି ଇଞ୍ଜ ପାଞ୍ଜୁଲ ତାଣ୍ଡାଟି ହୁକୁମି ବେଗାଆହାନା ଏଞ୍ଜାରି ବେରିୟାତା ୱେଶ୍ତେ ୱାଚେରି ।

* ୧୭:୧ ୧୭:୧ ସିନଗ୍ଗ † ୧୭:୨ ୧୭:୨ ସିନଗ୍ଗ ‡ ୧୭:୧୦ ୧୭:୧୦ ସିନଗ୍ଗ

ଆଦିନିତା ପାଞ୍ଚୁଲତି ସେବା କାମା

୧୭ ଆଦିନିତା ପାଞ୍ଚୁଲ, ସିଲ୍ଲା ଅଡ଼େ ତିମତିଲ୍ଲ କାଟିମାରେସି, ଏଞ୍ଜାସି ଏ ଗାଡ଼ାତା ହାରେକା ପେଣକା ବନାୟା ମାନାଣି ମେସାନା ତାନି ଜୀଫୁ ହାରେକା ଖୀତିତେ । ୧୭ ଏଦାଆଁତାକି ଏଞ୍ଜାସି ଜୀହୁଦି ଲକ୍ଷୁତି କୁଟମି ଲକ୍ଷୁତାଣି ଜୀହୁଦି ଲକ୍ଷୁତଲେ ମାହାପୁରୁଇଁ ନାମାମାନି ଜୀହୁଦିଆଆତି ଲକ୍ଷୁତଲେ ଈ କାତା ବାରେଦିନା ଝେକହେସି । ଗାଡ଼ାତି ଜିରୁ ଗାଡ଼ାତା ହାଜି ଖାହିମାନି ଲକ୍ଷୁତଲେ ଏ କାତାତି ଝେସୁସି । ୧୮ ଏତରଜାଣା ଏପିକୁରିୟା ଇଞ୍ଜା ସୁୟିକ୍ ଜାପୁନି ଗୁରୁକା ତଲେ ଏଞ୍ଜାରି ରୁଜୁବାଡ଼ି ଆଡେ । ଏଞ୍ଜାରି ବିତ୍ରାତି ଏତରଜାଣା ଏଲେଇଚେରି, “ଇ ବୁଦି ହିଲ୍ଲାଆ ହାଡ଼ାକାଣ୍ଡୁ ଏନାଆଁ ଝେସାଲି ଅଣ୍ଡପିମାନେସି ?” ଅଡ଼େ ଏତରଜାଣା ଏଲେଇଚେରି, “ଏଞ୍ଜାସି ପୁନାଆତି ପେଣକାଟି କାତା ଝେହୁନିଲେହେଁ ଝେସିମାନେସି;” ଇତିହଁ ଏଞ୍ଜାସି ଜୀସୁ ଅଡ଼େ ତାନି ଝେଣ୍ଡେ ନିଜ୍ଜିତି କାତାତି ନେହଁ କାରୁ ଝେକହି ମାରେସି । ୧୯ ଏଦାଆଁତାକି ଏଞ୍ଜାରି ପାଞ୍ଚୁଲଇଁ ଆରିୟପାଗ ଗାଡ଼ାତି ବେରଣି ନକିତା ତାତେରି, “ନୀନୁ ଆମିନି ପୁଣିନି କାତା ଜାପୁହିମାଞ୍ଜି ଏଦି ଏନାୟି ଇଞ୍ଜାଁ ମାମ୍ବୁ ପୁଞ୍ଜାଲି ଆଡିନମି କି ? ୨୦ ଇତିହଁ ନୀନୁ ଏତେକା କାବାଆନି କାତା ମାଜେ ଝେଣ୍ଡି କିହିମାଞ୍ଜାଦି; ଈ ବାରେ କାତା ଏନାୟି ଏଦାଆଁ ମାମ୍ବୁ ପୁଞ୍ଜାଲି ଅଣ୍ଡପିମାନମି ।” ୨୧ ଆଦିନି ଗାଡ଼ାତି ଲକ୍ଷୁ ଅଡ଼େ ଏମାଆଁ ବାସାଆହାମାନି ଏବକା ଦେସାତି ଲକ୍ଷୁ ପୁଣିନି କାତା ଝେସାଲି ଇଞ୍ଜାଁ ଝେଞ୍ଜାଲି ରାହାଁ ଆହିମାରେସି । ଏମାଆଁ ଏଞ୍ଜାରି ଦିନା ରାପୁହି ମାରେସି ।

୨୨ ଏଚେଟିଏ ପାଞ୍ଚୁଲ ଆରିୟପାଗତି ବେରଣି ମାଦିଏ ନିତାନା ଏଲେଇଚେସି, “ଏ ଆଦିନିତି ଲକ୍ଷୁ, ମୀରୁ ବାରେ ଗାତି ଦାମ୍ବୁଗାଟାତେରି, ଇଞ୍ଜାଁ ହାରେକା ପେଣକାଣି ସେବା କିନାତେରି, ଏଦାଆଁ ନାନୁ ମେସିମାଇଁ । ୨୩ ଇତିହଁ ନାନୁ ମୀ ଗାଡ଼ାତି ହାଜିମାରେସି, ଅଡ଼େ ମୀରୁ ପୂଜା କିନି ଟାୟୁତା ସିନିକିଡେସି, ନାନୁ ପୂଜା ପିଣ୍ଡାତା ମେସୁସି ଏମାଆଁ ରାସକି ଆହାମାନେ, ‘ପୁନାଆତି ମାହାପୁରୁ ।’ ଆମିନିଗାଗାଣି ମୀରୁ ପୂଜା କିହିମାଞ୍ଜେରି, ଏଦାଆଁ ମୀରୁ ପୁଞ୍ଜାହିଲ୍ଲାଆତିହଁ ଜିକେଏ, ଏଦେଏ ନାନୁ ମିଜେ ଝେସିମାଞ୍ଜାଇଁ । ୨୪ *ଆମିନି ମାହାପୁରୁ ଦାରତି ଅଡ଼େ ଏମାଆଁ ମାନି ବାରେ ରାଟି କିହାମାନେସି, ଏଞ୍ଜାସି ଲାକପୁରୁ ଅଡ଼େ ଦାରତିତି ପ୍ରଭୁ ଆହାମାନାକି ମାଣସି କେୟୁଟି କେପିତି ଦେଫୁଡ଼ିତା ବାସା କିଅସି । ୨୫ ଇତିହଁ ଏଞ୍ଜାଣାକି ଏନାୟି ଲଡ଼ା ମାନାୟି ହିଲ୍ଲାଆକି ମାଣସି କେୟୁଟି ସେବା ଆଅସି, ଇତିହଁ ଏଞ୍ଜାସି ତାନୁଏ ବାରେତାକି ଜୀସୁ, ନେଞ୍ଜାଲି ଇଞ୍ଜାଁ ବାରେ ଲଡ଼ାମାନାଣି ଇନେସି । ୨୬ ର ମାଣସି ତାଣାଟି ଏଞ୍ଜାସି ବାରେ ଲକ୍ଷୁ ବାକାଇଁ ରାଟି କିହାମାନେସି; ଇଞ୍ଜାଁ ଏଞ୍ଜାଣି ହୁକୁମି ତଲେ ଏଞ୍ଜାରି ଦାରତିତି ବାରେଖାକି ବାସା କିହାମାନେରି । ଆମିନି ବେଲାତା, ଆମ୍ବାଆସି ଆମିନି ତାଣା ବାସା କିନେସି, ମାହାପୁରୁ ମୂଲୁଟିଏ ଏଦାଆଁ ତୀରି କିହାମାନେସି । ୨୭ ମାହାପୁରୁତି ଅଣ୍ଡପୁ ମାରେ, ବାରେଜାଣା ଏନିକିହଁ ଏଞ୍ଜାଣାଇଁ ପାରାନା ବେଟାଆନେରି । ସାମା ମାହାପୁରୁ ଆମ୍ବାଆରି ତାଣାଟି ହେକ ହିଲଅସି ।” ୨୮ ଏନିଇତିହଁ ରଅସି ଝେସାମାନେସି, “ଏଞ୍ଜାଣି ତାଣା ମାରୁ ନୀତିନାୟି, ତାକିନାୟି ଅଡ଼େ ତୁୟିନାୟି । ଇଞ୍ଜାଁ ମୀ ବିତ୍ରାଟି ଜିକେଏ ଏତରଜାଣା ଝେସାମାନେରି, ମାରୁ ଜିକେଏ ଏଞ୍ଜାଣି ମୀରୁକା ମାସ୍କା ।”

୨୯ “ଇତିହଁ ମାରୁ ମାହାପୁରୁତି ମୀରୁକା ମାସ୍କା ଆଡ଼ାକି ଈ ମାହାପୁରୁ ଲେହେଁ ମାଣସି ବୁଦି ଅଡ଼େ ଅଣ୍ଡପୁ ତଲେ କେପିତି ବାଂଗାରା, ଝେଣ୍ଡି କି ଖାଲକାତି ବମା ଲେହେଁ ଅଣ୍ଡପିନାୟି ଆଏ । ୩୦ ଲକ୍ଷୁ ମାହାପୁରୁଇଁ ପୁଞ୍ଜା ହିଲ୍ଲାଆ ବେଲାତା ଏଞ୍ଜାସି ଦହୁ ଆସା ହିଲ୍ଲାଆତେସି, ସାମା ନୀଏ ଏଞ୍ଜାସି ବାରେଜାଣାଟି ବାରେଖାକି ତାନି ପାପୁ ଜିରୁଟି ଝେଣ୍ଡା ଖାହାଲି ଝେସିମାନେସି । ୩୧ ଇତିହଁ ଆମିନି ଦିନା ତାନୁ ଆଡ଼ିତି ମାଣସି ତାଣାଟି ଦାମ୍ବୁତଲେ ଦାରତିତି ନୀହାୟି କିନେସି, ଇଲେତି ର ଦିନା ତୀରି କିହାମାନେସି, ଇଞ୍ଜାଁ ଈ ବାରେ ସାତା ଇଞ୍ଜାଁ ତସାଲି ଏଞ୍ଜାସି ଏଞ୍ଜାଣାଇଁ ହାଡ଼ାରି ତାଣାଟି ନିକହାମାନେସି ।”

୩୨ ପାଞ୍ଚୁଲ ତାଣାଟି ହାଡ଼ାରି ଝେଣ୍ଡେ ନିଜ୍ଜିନି କାତା ଝେଞ୍ଜାନା ଏତରଜାଣା ଲାଜା କିତେରି, ଅଡ଼େ ଏତରଜାଣା ଏଲେଇଚେରି, “ମାଜେ ଅଡ଼େ ଝେଣ୍ଡେ ଝେସ୍ତାମ୍ବୁ, ନୀ ତାଣାଟି ଈ କାତା ଝେନମି ।” ୩୩ ଏଚେଟିଏ ପାଞ୍ଚୁଲ ବେରଣିଟି ହଡ଼ାହାରେସି । ୩୪ ଏରିୟପାରିୟ ଦିୟୁନୁସିୟ ଗଟିତି ଦାମାରି ଇନି ର ଇୟା ଇଞ୍ଜାଁ ଅଡ଼େ ଏଚେକା ଲକ୍ଷୁ ନାମିତେରି ଇଞ୍ଜାଁ ଏଞ୍ଜାଣିତଲେ ଆଣ୍ଡିତେରି ।

୧୮

କରନ୍ତିତା ପାଞ୍ଚୁଲତି କାମା

୧ ଏମ୍ବାଟିଏ ପାଞ୍ଚଲ ଆତିନି ଗାଡ଼ା ପିସାନା କରନ୍ତିତା ହାଚେସି । ୨ ଇଞ୍ଜା ଏଝାସି ଆକ୍‌ଝିଲା ଦରୁଗାଟି ର ଜାହୁଦି ଲକୁଇଁ ବେଟାଆତେସି, ପନ୍ତ ଏଝାଣି ଜାନ୍‌ନା ଟାୟୁ; ଏଚରଦିନା ନକେଏ ଏଝାସି ତାନି ତକ୍ତି ପ୍ରିସ୍‌ଲି ତଲେ ଇଟାଲିଟି ଖାହାମାଚେସି, ଇତିହ୍ କ୍ଲାସ୍‌ଦିୟା ବାରେ ଜାହୁଦି ଲକୁଇଁ ରମ୍ ପିସା ହାଜାଲି ହୁକୁମି ହାହାମାଚେସି, ପାଞ୍ଚଲ ଏଝାସିକାଣି ବେଟି ହାଚେସି, ୩ ଅଡେ ଏଝାରି ଏଝାଣିଲେହେଁ ତୁମ୍ ବେବାରା କିନାରି ମାଚାକି ଏଝାରିତଲେ ତୁୟିତେସି, ଅଡେ ଏଝାରି କାମା କିହାଲି ମାଟ୍‌ହେରି, ଏନାଆଁତାକି ଇତିହ୍ ବେବାରାତା ଏଝାରି ତୁମ୍ କିନାରି ମାଚେରି । ୪ ଅଡେ ବାରେ ଜମିନି ଦିନାତା ଏଝାସି ଜାହୁଦି ଲକୁତି କୁଟମି ଇଲୁତା* ଜଲ୍‌କି ଆହ୍ ଜାପ୍‌ହେସି, ଜାହୁଦି ଅଡେ ଗ୍ରିକ୍ ଲକୁଣି ନାମି କିଝିକିହାଲି ଅଣ୍‌ପିମାଚେସି ।

୫ ଏତିବେଲା ସିଲା ଅଡେ ତିମତି ମାକିଦନିୟାଟି ଖାଡେରି, ଏତିବେଲା ପାଞ୍ଚଲ ନେହ୍ ବଲୁ ଝେକ୍‌ନି କାମା ଜମାଆନା କିହମାଚେସି, ଅଡେ ଜାସୁଇଁ ମସିହା ଇଞ୍ଜା ଜାହୁଦି ଲକୁତାଣା ସାକି ହାହାମାଚେସି । ୬ ସାମା ଏଝାରି ଅପାଆନା ନିନ୍ଦା କିହାଲିଏ ଏଝାସି ତାନି ହିମ୍‌ରି ହାଣ୍‌ହାନ୍‌ନା ଏଲେଇଚେସି, “ମୀରୁ ନାସା ଆତିହ୍ ଏଦାଆଁତାକି ମୀରୁ ଦାୟି ଆଦେରି । ଏଦାଆଁତାକି ନାନୁ ଦାୟି ଆଏ, ନୀର୍‌ସି ନାନୁ ଜାହୁଦିଆଆତି ଲକୁତାଣା ହାଜିମାଇଁ ।” ୭ ଏମ୍ବାଟିଏ ଏଝାସି ଏ ଟାୟୁଟି ହଡ଼ା ହାଜାନା ତିତସ ଜୁସ୍ତ ଇନି ଜାହୁଦିଆଆତି ମାହାପୁରୁ ସେବା କିନାସି ଏଝାଣି ଇଜ ହାଚେସି, ଏଝାଣି ଇଲୁ ଜାହୁଦି ଲକୁତି କୁଟମି ଇଲୁ† ତାଗେ ମାଚେ । ୮ ସାମା ଜାହୁଦି ଲକୁତି କୁଟମି ଇଲୁତି‡ କାଜାସି କ୍ରିସ୍‌ପ ବାରେ ଇଲୁ କୁଟମି ତଲେ ପ୍ରୁ ତାଣା ନାମିତେରି, ଅଡେ କରନ୍ତି ଗାଡ଼ାତି ଲକୁ ବିଦ୍ରାଟି ହାରେକା ପାଞ୍ଚଲତି କାତା ଝେଞ୍ଜାନା ନାମିତେରି ଅଡେ ବାପ୍ରିସ୍‌ସି ଅଡେରି ।

୯ ଅଡେ ପ୍ରୁ ଲାଆଁୟାଁ ବେଲାତା ସେୟାଁଣା ହାପାନାତା ପାଞ୍ଚଲଇଁ ଏଲେଇଚେସି, “ଆଜାଆନି, ସାପି ତୁୟାଆନା ଜଲ୍‌ମ୍, ୧୦ ଇତିହ୍ ନାନୁ ନୀ ତଲେ ମାଇଁ, ଆମିନି ଲକୁ ଜିକେଏ ନୀ କପାଟି ନିଜ୍ଜାନା ନିଜେ ନାସା କିହାଲି ଆଡ଼ଅସି, ଇତିହ୍ ଇ ଗାଡ଼ାତା ହାରେକା ନା ଲକୁ ମାନେରି ।” ୧୧ ଇଞ୍ଜା ପାଞ୍ଚଲ ଏଝାରିତାଣା ମାହାପୁରୁତି କାତା ଜାପ୍‌ହେହ୍ ର ବାସୀ ସ ଲେଞ୍ଜୁ ତୁୟିତେସି ।

୧୨ ସାମା ଗାଲିୟ ଆକାୟାତି ରମିୟ ସାଲ୍‌ଝି କିନାସି ମାଟିବେଲାତା, ଜାହୁଦି ଲକୁ ପାଞ୍ଚଲ କପାଟି ନିଜ୍ଜାନା ଏଝାଣାଇଁ ନାହାଁୟି କିନାରି ତାଣା ଦସା ଅହାନା ଏଲେଇଚେରି, ୧୩ “ଇଝାସି ମସାତି ମେରା କପାଟି ଅର ରଲେକ୍ ମାହାପୁରୁତି ସେବା କିହାଲି ଲକୁଣି ଜାପ୍‌ହେମାନେସି ।”

୧୪ ସାମା ପାଞ୍ଚଲ ଗୁତି ଏକ୍‌ହାନା ଜଲ୍‌ଲି ମାଟ୍‌ହି ମାଚାଟି, ଗାଲିୟନ ଜାହୁଦି ଲକୁଣି ଏଲେଇଚେସି, “ଆଡେ ଜାହୁଦି ଲକୁତେରି ଏନିଲେହେଁତି ଦହ୍ କି ଲାଗେଏତି କାମା ଆଡ଼ିହ୍ ମା ସୁସ୍ତି ତଲେ ମୀ କାତା ଝେନାୟି ନାଜେତାକି ନେହେଁ ଆଡେମା, ୧୫ ସାମା ଇଦି ଖାଉଇ ବଲୁ ଅଡେ ଦରୁ ଅଡେ ମୀ ମେରାତି କାତା ମୀରୁଏ ଇଦାଆଁ ସୁସ୍ତି କିପ୍ । ଇଲେତି କାତାତି ନାନୁ ନାହାଁୟି କିଅଁ !” ୧୬ ଏଲେଇଞ୍ଜାନା ଏଝାସି ଏଝାରାଇଁ ନାହାଁୟି କିନି ତାଣାଟି ପେଡ଼ହା ତୁସ୍ତେସି । ୧୭ ଏଚେଟିଏ ବାରେଜାଣା ସସ୍ତାନ ଇନି ଜାହୁଦି ଲକୁତି କୁଟମି ଇଲୁତି* କାଜାଣାଇଁ ଆସାନା ନାହାଁୟି ପାଞ୍ଚାତା ଝେଡେରି; ସାମା ଗାଲିୟନ ଏ ବାରେ କାତାତା ମନ ହାଆତେସି ।

ପାଞ୍ଚଲ ଆନ୍ତିୟକିୟାତା ଝେଣ୍ଡାଖାନାୟି

୧୮ ପାଞ୍ଚଲ କରନ୍ତିତା ନାମିତି ତାୟି ତାଜିସ୍ତା ତଲେ ହାରେକା ଦିନା ତୁୟାନା ତାୟିୟାଁ ତାଣାଟି ହେଲ ବେଟାଆହାନା ଏୟୁ ଜାକାଟି ସିରିୟାତା ହାଚେସି, ପ୍ରିସ୍‌ଲି ଅଡେ ଆକ୍‌ଝିଲା ତାନିତଲେ ହାଚେରି, ତାନି ଆଞ୍ଜିତାୟି ମାଚାକି ଏଝାସି କେକ୍‌କ୍‌ୟାତା ତାନି ତାୟୁଁ ହୁଣ୍‌ହେସି । ୧୯ ତାୟୁ ଏଝାରି ଏପିସିୟତା ଖାଡେରି, ଅଡେ ଏଝାସି ଏ ଟାୟୁତା ଆକ୍‌ଝିଲା ଅଡେ ପ୍ରିସ୍‌ଲାଇଁ ହେଲ ହାହାନା ପାଞ୍ଚଲ ରସିଏଏ ଜାହୁଦି ଲକୁତି କୁଟମି ଇଲୁତା† ହଡ଼ାନା ଜାହୁଦିୟାଁ ତଲେ ହାଡ଼ାକାତା ଆଡେରି । ୨୦ ଇଞ୍ଜା ଏଝାରି ଏଝାଣାଇଁ ହାରେକା ଦିନା ତୁୟାଲି ବାଟିମାଲିତିହ୍ ଖା ଏଝାସି ତୁୟାଲି କୁଚେସି । ୨୧ ସାମା ଏଝାରି ତାଣାଟି ହେଲ ଅହାନା ଏଲେଇଚେସି, “ମାହାପୁରୁତି ମନ ଆଡ଼ିହ୍ ଅଡେ ର ଦେବା ମୀ ତାଣା ଝେଣ୍ଡା ଖାଇଁ,” ଇଞ୍ଜା ଏଝାସି ଏପିସିୟଟି ହାଚେସି ।

୨୨ କାୟିସରିୟାତା ଏଗାହାଜାନା ଏମ୍ବାଟି ଜିରୁସାଲମତା ହାଚେସି, ଅଡେ କୁଲମିତି ଜହରା କିହାନା ଏମ୍ବାଟିଏ ଆନ୍ତିୟକିୟାତା ହାଚେସି । ୨୩ ଏମ୍ବାଆଁ ଏଚରଦିନା ତୁୟିତି ତାୟୁ, ଏଝାସି ଅଡେ ଝେଣ୍ଡେ ହାଜାନା

* er:୪ er:୪ ସିନଗର୍ † er:୭ er:୭ ସିନଗର୍ ‡ er:୮ er:୮ ସିନଗର୍ § er:୮ er:୮ ମୁଞ୍ଜିନାୟି * er:୧୭ er:୧୭ ସିନଗର୍ † er:୧୯ er:୧୯ ସିନଗର୍

ଗାଳାତିୟ ଇଞ୍ଜା ପୁରାଣ ନାସ୍ତକ ହାହାନା ହାରେସି, ଅଡ଼େ ଜିରୁତା ସାମୁୟାଣି ତାମି ନାମୁତା ଆଡ଼଼ା ତଳେ ଡ଼ୟାଲି ରାହାଁ ହାତେସି ।

ଏପିସିୟ ଅଡ଼େ କରନ୍ତିତା ଆପଲ

୨୪ ଏମ୍ବାଟିଏ ଆପଲ ଦରୁଗାଟି ର ଜୀହୁଦି ଏପିସିୟତା ଖାଡ଼େସି, ଏଞ୍ଜାସି ଆଲେକକାଣ୍ଡିୟାତା ଜାର୍ନା ଆହାମାରେସି, ଏଞ୍ଜାସି ନେହୁଁ କୁଁ ଖେସାଲି ଆଡ଼ିନାସି ଅଡ଼େ ଦାମ୍ବୁ ପତିତି କାତା ଗାଡ଼ି ପୁନାସି ମାରେସି । ୨୫ ଇଞ୍ଜାସି ପ୍ରବୁ ଜିରୁତି କାତା ନେହୁଁ କୁଁ ଜାପାମାରେସି, ଇଞ୍ଜା ଜୀହୁତଳେ ବାଡ଼ୁୟୁ ବେଟାଆହାନା ଜୀହୁତି କାତା ନେହୁଁ କୁଁ ଜାପୁହି ମାରେସି, ଏଞ୍ଜାସି ଖାରଇ ଜହନତି ବାପ୍ତିସ୍ତାଁ କାତା ପୁଞ୍ଜାମାରେସି । ୨୬ ଏଞ୍ଜାସି ସାସାତଳେ ଜୀହୁଦି ଲକ୍ଷୁତି କୁଟମି ଇଲୁତାଁ ଜଲ୍ଲାଲି ମାଡ଼ୁହେସି, ସାମା ଆକ୍ଠିଲ୍ଲା ଅଡ଼େ ପ୍ରିସ୍ତିଲ୍ଲା ଏଞ୍ଜାଣି କାତା ଖେଞ୍ଜାନା ଏଞ୍ଜାଣାଇଁ ତାମି ଇଜ ଅହାନା ଏମ୍ବାଆଁ ହାଡ଼େକା ନେହେଁ ମାହାପୁରୁ ଜିରୁତି କାତା ପୁଣ୍ଡିକିରୁ । ୨୭ ତାୟୁ ଆପଲ ଆକାୟା ଦେସାତା ହାଜାଲି ମନ କିହାଲିଏ ଏପିସିୟତି ନାମିତି ତାୟୁୟାଁ ଏଞ୍ଜାଣାଇଁ ସାଡ଼େମି କିତେରି, ଇଞ୍ଜା ଏଞ୍ଜାଣାଇଁ ରାହାଁତଳେ ଆବାଲି ଆକାୟାତା ମାନି ସାମୁୟାଁ କି ର ଆକୁ ରାଡ଼ିତେରି, ଏଞ୍ଜାସି ଏମ୍ବାଆଁ ଏଗାହାଜାନା ମାହାପୁରୁ କାର୍ମାଟି ନାମା ମାନାରାକି ହାଡ଼େକା ସାଡ଼େମି କିତେସି । ୨୮ ଇତିହୁଁ ଜୀହୁସି ମସିହା ଇଞ୍ଜୁଁ ଦାମ୍ବୁ ପତିତି ନେହୁଁ କୁଁ ତସାହାଁ ଏଞ୍ଜାସି ବାରେଜାଣା ନକିତା ତାନିତଳେ ଆସିପି ଆହିମାନି ଜୀହୁଦି ଲକ୍ଷୁଣି ହାଡ଼଼ି କିତେସି ।

୧୯

ଏପିସିୟତା ପାଞ୍ଜୁଲ

୧ ଆପଲ କରନ୍ତିତା ପାଟିବେଲାତା ପାଞ୍ଜୁଲ ଖେଡ଼ା ହପୁଞ୍ଜାକିତି ରାଜି ରେଜାନା ଏପିସିୟ ଗାଡ଼ାତା ଏଗାଞ୍ଜାଡ଼େସି । ଏମ୍ବାଆଁ ଏଚରଜାଣା ସାମୁୟାଁଣି ବେଟାଆଡ଼େସି, ୨ ଏଞ୍ଜାସି ଏଞ୍ଜାଣାଇଁ ଖେଡ଼େସି, “ମୀରୁ ନାମିତି ରେଟୁଏ ସୁଦୁଜୀହୁ ବେଟାଆହା ମାରେକି କି ?” ଏଞ୍ଜାରି ଏଲେଇଚେରି, “ଆଏ ସୁଦୁଜୀହୁ ମାରେ ଇଞ୍ଜୁଁ ମାମ୍ବୁ ଟୁଞ୍ଜା ଜିକେଏ ହିଲଅମି ।”

୩ ପାଞ୍ଜୁଲ ଏଞ୍ଜାଣାଇଁ ଖେଡ଼େସି, “ଆଡ଼ିହୁଁ ମୀରୁ ଏନିଲେହେଁତି ବାପ୍ତିସ୍ତାଁ ବେଟାଆହା ମାରେକି ।” ଏଞ୍ଜାରି ଏଲେଇଚେରି, “ମାମ୍ବୁ ଜହନତି ବାପ୍ତିସ୍ତାଁ ଅହାମାଟମି ।”

୪ ଏମ୍ବାଟିଏ ପାଞ୍ଜୁଲ ଏଲେଇଚେସି, “ଜହନତି ବାପ୍ତିସ୍ତାଁ ହିୟାଁ ଖେଡ଼ପି କିଞ୍ଜିକିନି ବାପ୍ତିସ୍ତାଁ ଜହନ ଇସାୟେଲ ଲକ୍ଷୁଣି ବାପ୍ତିସ୍ତାଁ ହାହାନା ଏଲେଇଚେସି, ନା ଜେଡ଼ ଆମ୍ବାଆସି ଖାହିମାନେସି, ଏଞ୍ଜାଣାଇଁ ଇତିହୁଁ ଜୀହୁଲି ନାମାଦୁ ଇଞ୍ଜୁଁ ଖେସିମାରେସି ।”

୫ ଇଦାଆଁ ଖେଞ୍ଜାନା ଏଞ୍ଜାରି ପ୍ରବୁ ଜୀହୁ ଦରୁତଳେ ବାପ୍ତିସ୍ତାଁ ଅଡ଼େରି । ୬ ଅଡ଼େ ପାଞ୍ଜୁଲ ଏଞ୍ଜାରି ଲାକ କେସ୍ତା ଇଟାଲିଏ ସୁଦୁଜୀହୁ ଏଞ୍ଜାରି ଲାକ ରେଟାଞ୍ଜାଡ଼େ, ଇଞ୍ଜା ଏଞ୍ଜାରି ଏଟକା ଏଟକା ହାଡ଼ାତଳେ କାତା ଜଲ୍ଲାନା ମାହାପୁରୁତି ତାୟୁ ଆନି କାତା ଜିକେଏ ଖେକ୍ଠେସି । ୭ ଏଞ୍ଜାରି ବାରେ ବାରେଜାଣା ଆବାୟା ମାରେକି ।

୮ ତାୟୁ ପାଞ୍ଜୁଲ ଜୀହୁଦି ଲକ୍ଷୁତି ଜୀହୁଦି ଲକ୍ଷୁତି କୁଟମି ଇଲୁତାଁ ହାଜାନା ତାନି ଲେଞ୍ଜୁ ପାତେକା ସାସାତଳେ ମାହାପୁରୁ ରାଜିତି କାତା ଖେକ୍ଠିହୁଁ ଲକ୍ଷୁତି ମନତି ନାମି କିହାଲି ଅଣପିତେସି । ୯ ସାମା ଏତିବେଲା ଏଚେକା ଲକ୍ଷୁ ଆଡ଼଼ା ହିୟାଁ ଅଡ଼େ ମୁଣ୍ଡି ଆହାନା ଲକ୍ଷୁ ନକିତା ପ୍ରବୁ ଜିରୁ କପାଟି ନିଞ୍ଜାନା ନିୟା କାତା ଖେପ୍ତେରି, ଏତିବେଲା ପାଞ୍ଜୁଲ ଏଞ୍ଜାଣାଇଁ ପିସାନା ସାମୁୟାଁଙ୍କି ଏଟକା କିତେସି, ଇଞ୍ଜା ତୁରାନନ ଜନି ଜାପୁନି ଇଲୁତା ବାରେଦିନା ଜାପୁହି ମାରେସି । ୧୦ ଇଲେଆହୁଁ ରୀ ବାସାଁ ପାତେକା ଆଡ଼େ; ଏଚେଟିଏ ଆସିୟା ଦେସାତା ବାସାଆହାମାନି ହାଡ଼େକା ଜୀହୁଦି ଅଡ଼େ ଜୀହୁଦିଆଡ଼ାତି ଲକ୍ଷୁ ବାରେଜାଣା ପ୍ରବୁତି କାତା ଖେଚେରି ।

ସ୍ତେବା ମାରକା

୧୧ ଅଡ଼େ, ମାହାପୁରୁ ପାଞ୍ଜୁଲ ତାଣାଟି ହାରେକା ବାଡ଼ୁୟୁତି କାମାୟାଁ କିହିମାରେସି । ୧୨ ଇଲ୍ଲାଆହୁଁ ପାଞ୍ଜୁଲ ଲେମ୍ବିମାନି ପାଞ୍ଜାତା ତୁର୍ନି ସକା କି ତୁଞ୍ଜାଲ୍ଲା ରଗା ଗାଗାରି ତାଣା ତାତିସାରେ ଏଞ୍ଜାରି ତାଣାଟି ରଗା ପିସିମାରେ ଅଡ଼େ ବୁଡ଼ୁୟାଁ ହକା ହାଜିମାଚୁ । ୧୩ ସାମା ରେଜି ରେଜିହୁଁ ବୁଡ଼ୁୟାଁ ପେରନି ଜୀହୁଦିୟାଁ

‡ ୧୮:୨୫ ୧୮:୨୫ମୁଞ୍ଜିନାୟି § ୧୮:୨୭ ୧୮:୨୭ ସିନଗଗ * ୧୯:୩ ୧୯:୩ମୁଞ୍ଜିନାୟି † ୧୯:୩ ୧୯:୩ମୁଞ୍ଜିନାୟି ☆ ୧୯:୪ ୧୯:୪ ମାଟି ୩:୧୧; ମାର୍କି ୧:୪,୭,୮; ଲୁକା ୩:୪,୧୭; ଜହ ୧:୨୭,୨୭ ‡ ୧୯:୪ ୧୯:୪ମୁଞ୍ଜିନାୟି § ୧୯:୪ ୧୯:୪ମୁଞ୍ଜିନାୟି * ୧୯:୪ ୧୯:୪ମୁଞ୍ଜିନାୟି † ୧୯:୫ ୧୯:୫ମୁଞ୍ଜିନାୟି ‡ ୧୯:୮ ୧୯:୮ ସିନଗଗ

ବିଦ୍ରାଠି ଏଚରଜାଣା ପଲ୍ଲଆ ବୃତ୍ତୟାଁ ଆସାମାନାରି ଲାକ ପ୍ରବୁ ଜୀସୁ ଦରୁ ଆସାନା ପେର୍ହୋଲି ଅଣ୍ଡପାନା ଏଲେଇଚେରି, “ପାଞ୍ଚଲ ଆମିନି ଜୀସୁଇଁ ଖେକ୍‌ହି ମାନେସି ନାନୁ ଏଞ୍ଜାଣି ଦରୁଚି ନିଜେ ହୁକୁମି ହାହିମାଞ୍ଜାଇଁ ।” ୧୪ ସ୍ତେବା ଦରୁଗାଟି ର ଜୀହୁଦି କାଜା ପୂଜେରାତି ସାଡା ଜାଣା ମୀରକା ଏଲେ କିହିମାଚେରି ।

୧୫ ସାମା ପଲ୍ଲଆ ବୃତ୍ତୟାଁ ଏଞ୍ଜାରାଇଁ ଏଲେଇଚୁ, “ନାନୁ ଜୀସୁଇଁ ପୁଞ୍ଜାମାଇଁ ଅଡେ ପାଞ୍ଚଲଇଁ ପୁଞ୍ଜାମାଇଁ; ସାମା ମୀରୁ ଆମ୍ବାଆଚେରି ?”

୧୬ ଏଚେଟିଏ ଏ ପଲ୍ଲଆ ବୃତ୍ତ ଆଲ୍‌ଗା ମାତାସି ଏଞ୍ଜାରି ଲାକ ଡେଞ୍ଜାନା ଏଞ୍ଜାରାଇଁ ଇରହାଲିଏ ଏଞ୍ଜାରି ନାଗ୍‌ଡା ଉଗ୍‌ଡା ରାଣ୍ଡାରାକା ଆହାନା ଏ ଇଲ୍‌ଲୁଚି ହଚେରି । ୧୭ ଈ କାତା ଏପିସିୟତା ମାନି ଜୀହୁଦି ଅଡେ ଜୀହୁଦିଆଆତି ଲକୁ ବାରେଜାଣା ପୁଚେରି, ଇଞ୍ଜା ବାରେଜାଣା ଆଜିଚେରି, ଅଡେ ଏମ୍ବାଆଁ ପ୍ରବୁ ଜୀସୁତି ଦରୁ ହାରେକା ଗାଞ୍ଜୁରମି କିଚେରି । ୧୮ ଅଡେ ନାମୁଗାଟାରି ବିଦ୍ରାଠି ହାରେକା ଖାହାନା ତାମ୍ବୁ କ୍ରିହାମାନି ପଲ୍ଲଆ କାମାତି ଖେସ୍ତେରି । ୧୯ ଅଡେ ଗାରୁଡ଼ି କାମା କିହିମାତି ହାରେକା ଜାଣା ତାମ୍ବୁ ଡ୍ରାମି ପତିୟାଁ ତାଟିହଁ ରୁଣ୍ଡା କିହାନା ବାରେଜାଣା ନକିତା ହୁଡିଚେରି; ଏଞ୍ଜାରି ଏ ବାରେତି ଲେକା କିହାଲିଏ ରୀ କଡ଼ି ଦସ ମାଣା ଖେଣ୍ଡି ଚକାର୍ଯ୍ୟତି ପତିୟାଁ ମାତୁ । ୨୦ ଇଲେଆହଁ ପ୍ରବୁତି ବଲ୍ଲୁ ବାଡ଼ୁୟୁ ତଲେ ପାତାଆଡେ ସାରିସ୍ତୁଡ଼ି ଖେଜିଚେ ।

ଏପିସିୟ ଗାଡ଼ାତା ଗଡ଼ହା

୨୧ ଈ ବାରେ କାତା ରାଡ଼ି ତାୟୁ ପାଞ୍ଚଲ ମାକିଦନିୟା ଅଡେ ଆକାୟା ମାଦିଟି ଜିରୁସାଲମତା ହାଜାଲି ମନତା ତୀରି କିଚେସି । ଏଞ୍ଜାସି ଏଲେଇଚେସି, “ଏମ୍ବାଆଁ ହାଟି ତାୟୁ ନାନୁ ରମ୍‌ଡା ଜିକେଏ ହାନାୟିମାନେ ।” ୨୨ ଅଡେ ଆମ୍ବାଆରି ଏଞ୍ଜାଣି ସେବା କିହିମାଚେରି, ଏଞ୍ଜାରି ବିଦ୍ରାଠି ଡିମତି ଅଡେ ଏରାସ୍ତ ଈ ରିଆରାଇଁ ମାକିଦନିୟାତା ପାଣ୍ଡାନା ଏଞ୍ଜାସି ଏଚରଦିନା ପାଚେକା ଆସିୟାତା ତୁୟିଚେସି ।

୨୩ ଏଟିବେଲ୍‌ତା ପ୍ରବୁ ତସାମାନି ଜିରୁଚି କାତା ଅହାନା ଏପିସିୟତା ହାରେକା ଗଡ଼ହା ଆଡେ ।

୨୪ ଦିମିଡ଼ିୟ ଦରୁଗାଟି ର ଖେଣ୍ଡି କାମାକିନାସି ଆଚେର୍ମି ପେନୁତି ର ଖେଣ୍ଡିଟି ଦେଞ୍ଜୁଡ଼ି କିହିମାଚେସି, ଇଞ୍ଜା ଏଞ୍ଜାଣି ଈ ବେବାରା କାମା କିନାରାକି ହାରେକା ଲାଡ଼ା ଆହିମାଚେ । ୨୫ ଏମ୍ବାଟିଏ ଏଞ୍ଜାସି ଇଞ୍ଜା ଏଞ୍ଜାରିଲେହେଁ କାମା କିନାରାଇଁ ହାଟାନା ଏଲେଇଚେସି, “ବାବୁୟାଁ ଈ କାମାଟି ମୀର ଦନ ବେଟାଆହି ମାନାୟି ଇଞ୍ଜାଁ ମୀରୁ ବାରେ ପୁଞ୍ଜାମାଞ୍ଜେରି; ୨୬ ଅଡେ, କେସ୍‌ତାତଲେ କେପିତି ପେଣକା ମାହାପୁରୁ ଆଏ ଇଞ୍ଜାଁ ଖେସାମା ପାଞ୍ଚଲ ଖାରଇ ଏପିସିୟତା ଆଏ, ସାମା ବାରେ ଆସିୟାତା ଜିକେଏ ହାରେକା ଲକୁଣି ଜାପୁହାନା ଏମ୍ବାଟି ମାଡ଼ି କିହିମାନେସି, ଇଦାଆଁ ମୀରୁ ମେସାମାଞ୍ଜେରି ଅଡେ ଖେଞ୍ଜାମାଞ୍ଜେରି । ୨୭ ଇମ୍ବାଆଁ ଖାରଇ ମା ବେବାରା କାମା ଲାଗେଏ ଆନେ, ଏଦି ଆଏ, ସାମା ଆମିନି କାଜା ପେନୁ ଆଚେର୍ମିଇଁ ବାରେ ଆସିୟା ଅଡେ ଦାରୁଡ଼ିତି ଲକୁ ପୂଜା କିହିମାନେରି, ଏଦାନି ଦେଞ୍ଜୁଡ଼ିତି ଜିକେଏ ଲକୁ ମାନି କିଅରି, ଇଞ୍ଜାଁ ଆଚେର୍ମି ପେନୁତି ଦରୁ କାଜା ଦରୁ ଇଞ୍ଜାଁ ଖେଜେଏ ।”

୨୮ ଈ କାତା ଖେଞ୍ଜାନା ବାରେଜାଣା କାରୁବି ଆହାନା କାଜା ଗିୟାଁତଲେ ଏଲେଇଚେରି, “ଏପିସିୟ ଲକୁତି ଆଚେର୍ମିଏ କାଜା ପେନୁ ।” ୨୯ ଏଚେଟିଏ ଗାଡ଼ା ବାରେ ଗଡ଼ହା ଆଡେ, ଇଞ୍ଜାଁ ଲକୁ ବାରେ କାଲ୍‌ଝି ଆହାନା ପାଞ୍ଚଲ ତଲେ ହାଜିମାଟି ମାକିଦନିୟାତି ଗାୟ ଅଡେ ଆରିସ୍‌ସାର୍‌ଇଁ ଦସାନା କାହିନି ବାଟାତା ହଚେରି । ୩୦ ଏମ୍ବାଟିଏ ପାଞ୍ଚଲ ଲକୁ ମାନ୍ଦା ବିଦ୍ରା ହାଜାଲି ଅଣ୍ଡପିଚେସି, ସାମା ସୀସୁୟାଁ ଏଞ୍ଜାଣାଇଁ ହାଜାଲି ହିଆଚେରି । ୩୧ ଅଡେ ଆସିୟାତି ସାଲ୍‌ଝି କିନାରି ବିଦ୍ରାଟି ଜିକେଏ ଏଞ୍ଜାରି ତଡ଼ ଗୁାଟାରି ମାଟାକି କାହିନି ବାଟା ମାଦି ହାଲ୍‌ଆପେସି ଇଞ୍ଜାଁ ଲକୁଣି ଖେସା ପାଣ୍ଡାନା ଏଞ୍ଜାଣାଇଁ ବାଟିମାଲ୍‌ଚେରି । ୩୨ ଏଟିବେଲ୍‌ ହାରେକା ଗଡ଼ହା ଆହିମାଚେ, ଇଞ୍ଜାଁ ଲକୁ ମାନ୍ଦା ମାନ୍ଦା ଆହଁ ଏଚରଜାଣା ଈ କାତା ଅଡେ ଏଚରଜାଣା ଏ କାତା ଇଞ୍ଜାଁ କାଲ୍‌ଝି ଆହିମାଚେରି, ଅଡେ ଏଞ୍ଜାରି ଏମ୍ବାଆଁତାକି ରୁଣ୍ଡା ଆହାମାନେରି ହାରେକା ଲକୁ ପୁଞ୍ଜାହିଲାଆଚେରି । ୩୩ ଲକୁ ବିଦ୍ରାଟି ଏଚରଜାଣା ଏଲେଇଚେରି, ଆଲେକ୍‌ଜାଣ୍ଡାର ଇଦାଆଁତାକି ଦାୟି, ଇଟିହଁ ଜୀହୁଦି ଲକୁ ଏଞ୍ଜାଣାଇଁ ନକିତା ନିପହା ମାଚେରି, ଆଲେକ୍‌ଜାଣ୍ଡାର କେୟୁ ପେର୍‌ହାନା ଲକୁଣି ପାଲେଏ ଆହାଲି କେୟୁ ଜୀଞ୍ଜିଚେସି, ଅଡେ ନାମୁଗାଟାରି ଖାକିଟି ଖେସାଲି ଅଣ୍ଡପିଚେସି । ୩୪ ସାମା ଏଞ୍ଜାସି ର ଜୀହୁଦି ଇଞ୍ଜାଁ ଏଟିବେଲ୍‌ ଏଞ୍ଜାରି ପୁଚେରି; ଏଟିବେଲ୍‌ ବାରେଜାଣା କାଜା ଗିୟାଁତଲେ ରୀ ଗଂଟା ପାଚେକା କାଲ୍‌ଝି ଆହାନା ଏଲେଇଚେରି, “ଆଚେର୍ମିଏ ଏପିସିୟ ଲକୁତି କାଜା ପେନୁ ।”

୩୫ ତାୟୁ ଗାଡ଼ାତି କାଜାସି ଲକୁଣି ସ୍ତ୍ରୀ କିହାଲି ଖେସ୍ତେସି, “ଏ ଏପିସିୟତା ମାନି ତାୟିୟାଁଚେରି ବାରେଜାଣା ପୁଞ୍ଜାମାନେରି ଏପିସିୟ ଗାଡ଼ାତି କାଜା ପେନୁ ଆଚେର୍ମିତି ଦେଞ୍ଜୁଡ଼ି ଇଞ୍ଜାଁ ହାଗୁଲ୍‌କଟି ରେଟା ଖାହାମାନି ସୁଡୁତି ବମା ଗେଲ୍‌ପିକିଝି ଆହାମାନେ । ୩୬ ଆମ୍ବାଆସି ଇଦାଆଁ ଆଏ ଇଞ୍ଜାଲି ଆଡ଼ଅସି,

ଏଦାଆଁତାକି ମୀରୁ ବାରେ ସୁସ୍ତି ଆଧୁ, ଏନ୍ନି ବୁଦି ହିଲିଆ କାମା କିଆଧୁ । ୩୭ ଇଚିହିଁ ଇ ଆମିନି ଲକୁଇଁ ମୀରୁ ଦସା ତାତାମାଞ୍ଜେରି, ଇଞ୍ଜାରି ଦେଝୁଡ଼ିତି ସରୁ କିହାହିଲଅରି, ଇଞ୍ଜାଁ ମା ପେଣକା କପାଟି ଏନ୍ନି ନିନ୍ଦା କାତା ଜଲ୍ଲା ହିଲଅରି । ୩୮ ଏଦାଆଁତାକି ଦିମିତ୍ରିୟ ଅଡେ ଏଞ୍ଜାଣିତଲେ କାମାକିନାରି ଆମ୍ବାଆରି କପାଟି ଏନ୍ନି କାତା ମାଟିହିଁ, ନାହାଁୟି କିହାଲି ନାହାଁୟି ଇଲୁ ଦେପିଆହାମାନେ, ଇଞ୍ଜାଁ ନାହାଁୟି କିନାରି ମାନେରି, ଏଞ୍ଜାରି ନକତା ତାମ୍ବୁ ତୁମି ଦାଞ୍ଜା କପେରି । ୩୯ ଇଦାଣିକିହାଁ ଆଗାଡ଼ା ଅଣ୍ପିପାଟିହିଁ, ଲକୁ ତାଣ୍ଡାଟି ମେରା କିଞ୍ଜି ଆହାମାନି ନାହାଁୟି କିନି ତାଣା ଏଦାଆଁ ତିକନାୟି ଆନେ । ୪୦ ଇଚିହିଁ ସାତେଏ ନାଞ୍ଜୁତି ଗଡ଼ହା ତାକି ମା କପାଟି ଦାଞ୍ଜା ଆନାୟି ମାନେ; ଏନ୍ନିଇଚିହିଁ ଏ ଗଡ଼ହା ଏନାଆଁତାକି ହଡେ ଏଦାଆଁ ମୀରୁ ଏନ୍ନି କାତାତଲେ ତସାଲି ଆଡ଼ାଆୟି ।” ୪୧ ଇ ବାରେ କାତା ଖେସାନା ଲକୁଣି ସୁସ୍ତି କିହାନା ନାହାଁୟି ତୁକହେସି ।

୨୦

ମାକିଦନିୟା ଅଡେ ଆକାୟାତା ହାନାୟି

୧ ଏ ଗଡ଼ହା ତୁଞ୍ଜିତ ତାୟୁ ପାଞ୍ଜୁଲ ସାୟୁୟାଣି କୁଡ଼ି କିହାନା ଏଞ୍ଜାରାଇଁ ବାସୁତି କାତା ଖେସେସି, ଏଞ୍ଜାରି ତାଣ୍ଡାଟି ହେଲ ଅହାନା ମାକିଦନିୟାତା ହାଚେସି । ୨ ଏଞ୍ଜାସି ବାରେ ନାସ୍କାଟି ହାଜିହିଁ, ହାଚେରକା ସାୟୁୟାଣି ବାସୁ ହାହାନା ଗ୍ରିସ ଦେସାତା ହାଚେସି । ୩ ଏମ୍ବାଟିଏ ଏଞ୍ଜାସି ଏମ୍ବାଆଁ ତାନି ଲେଞ୍ଜୁ ତୁୟିତେସି, ଏଞ୍ଜାସି ସିରିୟାତା ହାଜାଲି ତିୟାରି ଆହିମାଟି ବେଲାତା, ଜାହୁଦି ଲକୁ ଏଞ୍ଜାଣାଇଁ ପାୟାଲି ତାରି କିହାମାନେରି ଇଞ୍ଜାଁ କାବୁ ପୁଞ୍ଜାନା ମାକିଦନିୟା ଖାକିଟି ଖେଣ୍ଡେ ହାଜାଲି ତାରି କିତେସି । ୪ ଅଡେ ବେରିୟା ତାସି ପୁରୁତି ମୀରୁଏସି ସପାତର, ଅଡେ ତେସଲନିକି ଗାଡ଼ାଟି ଆରିସ୍ତାକି, ସେକୁନ୍ଦ, ଦବିତି ଗାୟ, ତିମତି ଅଡେ ଆସିୟାତି ଲକୁ ବିଡ଼ାଟି ତୁକିକ ଅଡେ ତ୍ରପିମ ଏଞ୍ଜାଣିତଲେ ହାଚେରି । ୫ ଏଞ୍ଜାରି ବାରେଜାଣା ନକେଏ ହାଜାନା ତ୍ରୟାତା ମାଜେ କାଡ଼ିମାଞ୍ଜାତେରି । ୬ ଅଡେ ପୁଲା ଗୁଣ୍ଡା ଆଣ୍ଡାଆତି ରୁଟି ତିନି ପାରୁ ତାୟୁ ମାମ୍ବୁ ପୁଲିପିଟି ଏୟୁ ଜାଜାଟି ହାଚେରି, ଇଞ୍ଜାଁ ପାସା ଦିନା ତାୟୁ ତ୍ରୟାତା ଏଞ୍ଜାରାଇଁ ବେଟାଆହାନା; ଏମ୍ବାଆଁ ର ଖାତା ତୁୟିତପି ।

ତ୍ରୟାତା ପାଞ୍ଜୁଲ ତାୟୁ ପାଲି ହାନାୟି

୭ ଖାରାତି ମୁକୁ ଦିନାତି ମିଡ଼ଅଲ୍ଲା ରାନ୍ଦା ତିଞ୍ଜାଲି ରୁଣ୍ଡା ଆହାମାଚେରି, ପାଞ୍ଜୁଲ ଅର ନେରୁ ହାନାୟି ମାଚାକି ଏଞ୍ଜାସି ଲକୁଣି ମାଦି ନେକେରି ପାତେକା ନେହିଁ କାତା ଖେସିମାଚେସି । ୮ ମାମ୍ବୁ ଛୁଡ଼ା ଆହାମାନି ଲାକନି ପାରୁତି ଇଲୁତା ଏମ୍ବାଆଁ ହାଚେରକା ଦୀର୍ଘୟାଁ ତାଞ୍ଜିମାତୁ । ୯ ଅଡେ ଇଞ୍ଜୁତୁକ ଇନି ର ଦାଂଗୁଣେଏସି କିଡ଼କି ଲାକ କୁଗାମାଚେସି, ଏଞ୍ଜାଣାକି ହାଚେରକା ଇଦା ଖାହିମାଚେ; ଇଞ୍ଜାଁ ପାଞ୍ଜୁଲ କାତା ହାଚେରକା ଲାମ୍ବା କିହିଁ ଖେସିମାଚାକି ଇଞ୍ଜୁତୁକ ତାନି ପାରୁ ଗାଟି ଇଲୁ ଲାକଟି ତୁଇ ରାତେସି, ଏଟିବେଲା ଏଞ୍ଜାରି ଇଞ୍ଜୁତୁକଇଁ ନିକହେରି, ଏଞ୍ଜାସି ହାହାମାଚେସି । ୧୦ ସାମା ପାଞ୍ଜୁଲ ତୁଇ ରେତାଖାହାନା ଏଞ୍ଜାଣି ମୁହେଁ ମୀରୁହାନା ଏଞ୍ଜାଣାଇଁ ପମାନା ଏଲେଇଚେସି, “ଆଜାଆଧୁ ଇଚିହିଁ ଇଞ୍ଜାଣି ତାଣା ଜାହୁ ମାନେ ।” ୧୧ ତାୟୁ ଲାକ ହାଜାନା ରୁଟି ବାଡ଼ିକିହାଁ ତିଚେରି, ଇଞ୍ଜାଁ ଲାକ ଖେୟିନି ପାତେକା ହାଡ଼ାକାତା ଆହାନା ପାଞ୍ଜୁଲ ହାଚେସି । ୧୨ ଅଡେ ଲକୁ ଏ ଦାଂଗଣା କକାଣାଇଁ ଜାହୁତଲେ ଇଜ ଅହିଁ ହାଚେରି ଇଞ୍ଜାଁ ଏଞ୍ଜାରି ହାଚେରକା ବାସୁ ବେଟାଆଚେରି ।

ତ୍ରୟାଟିଏ ମିଲିତତା ହାନାୟି

୧୩ ସାମା ମାମ୍ବୁ ନକେଏ ଜାଜାତା ହଚାନା ଆସସତା ହାଚେରି, ଏମ୍ବାଟିଏ ମାମ୍ବୁ ପାଞ୍ଜୁଲଇଁ ଅହାଲି ଅଣ୍ଡାପାମାଚେରି, ଇଚିହିଁ ଏଞ୍ଜାସି ତାନୁଏ ତାକିହିଁ ହାଜାଲି ତାରି କିହାମାଚେସି । ୧୪ ଏଟିବେଲା ଏଞ୍ଜାସି ଆସସତା ମାଜେ ବେଟା ଆୟାଲିଏ, ମାମ୍ବୁ ଜାଜାତା ଏଞ୍ଜାଣାଇଁ ମିତିଲିନିତା ତାଚିହିଁ ଖାଚେରି, ୧୫ ଅଡେ ଏମ୍ବାଟି ହାଜାନା ଏ ଅର ନେରୁ କିଅସତା ଏଗାହାଚେରି, ଅଡେ ର ଦିନାତି ଜେଟ ସାମସତା ଏଜାହାଁ, ତାନି ଅର ନେରୁ ମିଲିତତା ଏଗାହାଚେରି । ୧୬ ଇଚିହିଁ ପାଞ୍ଜୁଲ ଆସିୟା ରାଜିତା ହାଚେରକା ଦିନା ତ୍ରୟାଆନା, ଇଦାଆଁତାକି ଏଞ୍ଜାସି ଏପିସିୟ ପିସାନା ହାଜାଲି ତାରି କିହାମାଚେସି, ଆଡ଼ିସାରେ ପେଡ଼ିକସୁ ଦିନା ଜିରୁସାଲମତା ଏଗାହାଜାଲି ଦାଗା ଆହିମାଚେସି ।

ଏପିସିୟ କୁଲମିତି କାଜାରାଇଁ ପାଞ୍ଜୁଲ ଖେହନାୟି

୧୭ ମିଲିତଟିଏ ପାଞ୍ଜୁଲ ଏପିସିୟ କୁଲମିତି କାଜା ଲକୁଣି କାବୁ ପାଣ୍ଡାନା ହାଡ଼ିକିତେସି । ୧୮ ଏଞ୍ଜାରି ତାନି ତାଣା ଖାୟାଲିଏ, ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଆସିୟାତା ନାନୁ ଏଦାତି ଦିନାଟିଏ ମୀ

ତଳେ ଏନିକିହିଁ ମାଚେଏଁ ମୀରୁ ପୁଞ୍ଜାମାଞ୍ଜେରି, ୧୯ ପ୍ରବୃତ୍ତି ହଲେଏଣା ଆହାନା ଜାହାରାଇଁ ଉଣା କିହାଁ ଅଡ଼େ କାଣ୍ଡୁରକହାଁ ନାଙ୍ଗେ ସାସ୍ତି ଖାଡ଼ାଟି ନାନୁ ପ୍ରବୃତ୍ତି ସେବା କିତେଏଁ, ଏନାଆଁତାକି ଇଚିହିଁ ଏଚରଜାଣା ଜୀହୁଦି ଲକ୍ଷ୍ମି ପାରୁ ପାରିମାତାକି । ୨୦ ମୀରୁ ପୁଞ୍ଜାମାଞ୍ଜେରି, ନାନୁ ପାଞ୍ଜାଞ୍ଜେଙ୍ଗେ ଲକ୍ଷ୍ମିତାଣା ଞ୍ଜେହ୍ନାଟି ଅଡ଼େ ମିଙ୍ଗେତାକି ଇଲୁତା ଞ୍ଜେସ୍ତାନି ବେଲାତା ମୀ ନେହେଁ ଆନିଲେହେଁତି ଏନାଆଁ ଜିକେଏ ଡ଼କୁହା ହିଲାଆତେଏଁ, ୨୧ ଜୀହୁଦି ଅଡ଼େ ଜୀହୁଦିଆଆତି ଲକ୍ଷ୍ମି ନକିତା ଜାଗ୍ରାତା କିହିଁ ସାକି ହୀହାନା ଞ୍ଜେସାମାଚେଏଁ, ଏଞ୍ଜାରି ପାପୁଟି ଏଚକା ଆହାନା ମାହାପୁରୁ ଖାକି ମନ ଞ୍ଜେବହା କତାନା ମା ପ୍ରବୁ ଜୀସୁଇଁ ନାମିନେରି । ୨୨ ନୀଏଁ ମେହ୍ଦୁ, ନାନୁ ସୁଦୁଜୀଞ୍ଜୁଇଁ ମାନୁଞ୍ଜି ଆହାନା ଜିରୁସାଲମତା ହାଜିମାଇଁ, ଏମାଆଁ ନାଙ୍ଗେତାକି ଏନାଆଁ ଆନେ ନାନୁ ପୁଞ୍ଜାହିଲଅଁ; ୨୩ ସୁଦୁଜୀଞ୍ଜୁ ନାଙ୍ଗେ ଜାଗ୍ରାତା କିହାଁ ସାକି ହାହିମାଞ୍ଜାନେ, ଗାଡ଼ାତାକି ଗାଡ଼ା କାୟିଦି ଆହାନା କସ୍ତ ବେଗାଆଇଁ । ୨୪ ସାମା ନାନୁ ଏନିକିଁ ନା ତାରିଆହାମାନି ଟାୟୁ ପାତେକା ହଟାଲି ଆଡ଼ିଇଁ, ଅଡ଼େ ମାହାପୁରୁଟି କାର୍ମାଟି ନେହିଁ କାରୁତାକି ସାକି ହୀହାଲିତାକି ଜୀସୁ ତାଣାଟିଏ ଏମିନି ସେବା କାମା ବେଗାଆହାମାଇଁ, ଏଦାଆଁ ଏନିକିଁ ରାପୁହାଲି ଆଡ଼ିଇଁ, ଏଦାଆଁତାକି ନା ଜୀଞ୍ଜୁତି କାଜାୟି ଇଞ୍ଜିଁ ଅଣପି ହିଲଅଁ ।”

୨୫ “ଅଡ଼େ ନୀଏଁ ନାନୁ ପୁଞ୍ଜାମାଞ୍ଜେରି ମୀରୁ ଅଡ଼େ ନାଙ୍ଗେ ଞ୍ଜେଣ୍ଡେ ମେସ୍ତଅତେରି । ନାନୁ ମୀ ବାରେ ତାଣା ମାହାପୁରୁ ରାଜିତି କାତା ରେଜିହିଁ ଞ୍ଜେସାମାଞ୍ଜାଇଁ । ୨୬ ଏଦାଆଁତାକି ନାନୁ ନୀଞ୍ଜୁତି ଇ ପାରୁତାକି ଆଡ଼ିଖା ତଳେ ଞ୍ଜେସାମାଇଁ, ମୀ ବିଡ଼ାଟି ଆମ୍ବାଆସି ନାସା ଆଚିହିଁ ଏମ୍ବାତି ଦାୟି ନାନୁ ଆଏ ୨୭ ଇଚିହିଁ ମାହାପୁରୁ ଅଣପିମାନାଣି ବାରେ ମିଙ୍ଗେ ଞ୍ଜେସାଲି ନାନୁ ପିସା ହିଲଅଁ । ୨୮ ମୀରୁ ମିଙ୍ଗେ ଜାହାରା କାତା ଅଡ଼େ ଆମିନି କୁଲମିତି ମାହାପୁରୁ ତାନି ନେତେରି ତଳେ କତାମାନେସି, ତାନି ଏ କୁଲମିତି ପହି ପାଡ଼ିକିହାଲିତାକି ସୁଦୁଜୀଞ୍ଜୁ ବାରେ ମାଦା ବିଡ଼ାଟି ଗୁମ୍ବୁସା କିହାଁ ମିଙ୍ଗେ ଆତାମାଞ୍ଜାନେସି, ଏଞ୍ଜାରାଇଁ ଜାଗ୍ରାତା କିଦୁ । ୨୯ ନାନୁ ହାଟି ଡାୟୁ ଆଜିହପେତି ଗାଡ଼ଦେ କ୍ଲୀଠନିଁ ଖାନୁ, ଅଡ଼େ ମେଣ୍ଡାୟିଁ ମାଦାଟି ରାଣାରାକା କିଆନା ପିହ୍ଦ, ୩୦ ଦିନା ଖାଚେ, ଏଚିବେଲା ମୀ ଗଟିତି ଏଚେକା ସୀସୁୟିଁ ନିଜ୍ଜାନା ନାନୁ ଗାଟାରାଇଁ ମିତି କାତା ଞ୍ଜେସାନା ଏଚକା ଜିରୁତା ଅନେରି, ୩୧ ଏଚିବେଲା ଜାଗ୍ରାତା ଡ଼ୟାୟୁ, ନାନୁ ଲାଆଁ ମାଦେନା କାଣ୍ଡୁ ଞ୍ଜାକ୍‌ହିହିଁ ତାନି ବାସାଁ ପାତେକା ବାରେତେରି ମିଙ୍ଗେ ଜୀପୁହା ମାଞ୍ଜାଇଁ, ଇ କାତା ଅଣପୁତା ଇଗାଦୁ ।”

୩୨ ନୀଏଁ ନାନୁ ମିଙ୍ଗେ ମାହାପୁରୁ ଇଞ୍ଜାଁ ତାନି କାର୍ମାମେହ୍ନି ବଲୁ ନକିତା ହେରପିମାଞ୍ଜାଇଁ, ଇ କାର୍ମାଟି କାତା ମିଙ୍ଗେ ବାଡ଼ୁରୁ ତଳେ ପାଡ଼ିକିହାଲିତାକି ଅଡ଼େ ସୁଦୁ ଆହାମାନି ବାରେ ଲକ୍ଷ୍ମି ବିଡ଼ା ଅଦିକାରା ହୀହାଲି ଆଡ଼ାନେସି । ୩୩ ନାନୁ ଆମ୍ବାଆରି ବାଂଗାରା, ଞ୍ଜେଣ୍ଡି କି ହିମ୍ବୁରିକା ଜୁପକା ଆହାହିଲାଆତେଏଁ । ୩୪ ମୀରୁ ପୁଞ୍ଜାମାଞ୍ଜେରି ଇ ନା ରୀ କେସ୍ତାତଳେ କାମା କିହାନା ନାଙ୍ଗେ ଅଡ଼େ ନା ଡ଼ଡ଼ ଲକ୍ଷ୍ମିଟି ବାରେ ଲକ୍ଷ୍ମାମାନାଣି ବେଗାଆହାମାଇଁ । ୩୫ ଇଲେକିହିଁ କସ୍ତ କିହାନା ଆଡ଼ାଆ ଗାଟାରି ସାୟେମି କିନାୟି, “ଇଚିହିଁ ରାହ୍ନି କିହାଁ ହୀନାୟି ହାରେକା ନେହାୟି” ପ୍ରବୁ ଜୀସୁ ତାନ୍‌ଏ ଇ କାତା ଞ୍ଜେସାମାଞ୍ଜାନେସି, ଇ କାତା ମୀରୁ ଅଣପିନାୟି ମାନେ, ଇ ବାରେ କାତାତଳେ ମିଙ୍ଗେ ପୁଣ୍ଡି କିହିମାଞ୍ଜାଇଁ ।

୩୬ ଇ ବାରେ କାତା ଞ୍ଜେସାଲି ରାପୁହି ଡାୟୁ ପାଞ୍ଜୁଲ ମେଣ୍ଡାକୂତାନା ବାରେଜାଣା ତଳେ ପ୍ରାଡ଼ାନା କିତେସି । ୩୭ ଅଡ଼େ, ଏଞ୍ଜାରି ବାରେଜାଣା ଡ଼ାହି ଡ଼ାହିଁ ପାଞ୍ଜୁଲଇଁ ପମାହିଁ ନଣ୍ଡିତେରି । ୩୮ ଏଞ୍ଜାରି ଅଡ଼େ ତାନି ମୁମ୍ବୁ ଡ଼େଣ୍ଡେ ମେସାଲି ଆଡ଼ଅରି, ଏଞ୍ଜାସି ଞ୍ଜେସାମାଟି କାତାତାକି ହାରେକା ଦୁକୁ କିତେରି, ଡାୟୁ ଏଞ୍ଜାରି ଏଞ୍ଜାଣାଇଁ ଏୟୁ ଜାକ୍‌ଜା ପାତେକା ଇଚି ହାଚେରି ।

୨୧

ପାଞ୍ଜୁଲ ଜିରୁସାଲମତା ହାନାୟି

୧ ଏଞ୍ଜାରି ତାଣାଟି ହେଲ ବେଗାଆହାନା ମାମ୍ବୁଏୟୁ ଜାକ୍‌ଜାତା ହଟାହାଁ ସଲକେ ଜିରୁଟି କସ୍ତା ଖାଡ଼ମି, ତାନି ଅର ନେଚୁ ରଦାତା, ଇଞ୍ଜାଁ ଏମ୍ବାଟିଏ ପାଟାରାତା ଖାଡ଼ମି । ୨ ଏମ୍ବାଟିଏ ପୟିନିକିୟା ହାନି ଏୟୁ ଜାକ୍‌ଜା ବେଗାଆହାନା ଏମ୍ବାଆଁ ହଟାହାଁ ହାଚମି । ୩ ଡାୟୁ କୁପୁ ତଞ୍ଜା ଆହାଲିଏ ତାନି ଟ୍ରେଟ୍‌ଞ୍ଜାକି ପିସାନା ମାମ୍ବୁ ସ୍ତ୍ରିୟତା ହାଜାନା ସରତା ଏଗାଟମି, ମାମ୍ବୁ ଟ୍ରାୟରତା ଜାକ୍‌ଜାଟି ରେଡମି, ଇଚିହିଁ ଏମ୍ବାଆଁ ଜାକ୍‌ଜାଟି ଆସ୍ତି ରେପନାୟି ମାଚେ । ୪ ଏମ୍ବାଆଁ ନାମିତି ସୀସୁୟିଁ ପାରାନା ଏଞ୍ଜାରାଇଁ ବେଗାଆହାନା ଏମ୍ବାଆଁ ସାଡ଼ା ଦିନା ଡ଼ୟିତମି; ଇଞ୍ଜାଁ ପାଞ୍ଜୁଲ ଏନିକିଁ ଜିରୁସାଲମତା ହାଲଅସି ଏଦାଆଁତାକି ଏଞ୍ଜାରି ସୁଦୁଜୀଞ୍ଜୁ ତଳେ ବାଟିମାଲିତେରି । ୫ ମାମ୍ବୁ ସ୍ତାଡ଼ା ଦିନା ଡ଼ୟିତି ଡାୟୁ, ଏଞ୍ଜାରାଇଁ ପିସାନା ଜାହାରା ଜିରୁତା ହାଚମି, ଅଡ଼େ ମାଙ୍ଗେ ହେଲ ହିୟାଲି ଏଞ୍ଜାରି ବାରେଜାଣା ଇୟାସିକା କକାରି ପଦାୟିଁ ତଳେ ଗାଡ଼ାଟି ପାଞ୍ଜାତା ମାନି

ସାମୁଦ୍ରି ଗାତୁ ପାତେକା ଇତି ଖାତେରି, ଏମାଆଁ ମେଣ୍ଡାକୁତାନା ମାମ୍ନୁ ବ୍ନାରେତମି ପ୍ରାତାନା କିତମି, ୨୭ ତାମ୍ନୁ ମାମ୍ନୁ ବ୍ନାରେକାଣାତି ହେଲ ହାହାନା; ଜାଜାତା ହତମି, ଇଞ୍ଜା ଏଞ୍ଜାରି ତାମି ଇଜ ଖେଣ୍ଡା ହାତେରି ।

୨୮ ମାମ୍ନୁ ସୁର ଗାତାଟି ପତଲମାୟିତା ଏଗାହାତମି, ଇଞ୍ଜା ଏମାଆଁ ତାୟିୟାଣି ଜହରା କିହାନା ଏମାଆଁ ର ଦିନା ଏଞ୍ଜାରିତଲେ ତୁୟିତମି । ୨୯ ଅତେ ଅର ନେରୁ ହାଜାନା କାୟିସରିୟାତା ଏଗାହାତମି, ଏମାଆଁ ମାମ୍ନୁ ନେହୁ ବଲୁ ଖେକ୍ନି ପିଲିପ ଇଜ ହାଜାନା ତୁୟିତମି, ଜିରୁସାଲମତା ସେବା କାମା କିହାଲି ଆତାମାନି ସାତା ଜାଣା ବିତାଟି ଏଞ୍ଜାରି ରଅସି ମାରେସି । ୩୦ ଏଞ୍ଜାଣାକି ସାରି ଜାଣା ଡାଆ ମାସ୍କା ମାତୁ, ଏଞ୍ଜି ବାରେ ମାହାପୁରୁ ଅଣପୁତି ବଲୁ ଖେହ୍ନାଇ ମାତୁ । ୩୧ ଏମାଆଁ ହାରେକା ଦିନା ତୁୟିତି ତାମ୍ନୁ ଆଗାବ ଦରୁଗାଟି ର ମାହାପୁରୁ ଅଣପୁତି ବଲୁ ଖେହ୍ନାସି ଜାହୁଦା ଦେସାଟି ଖାତେସି । ୩୨ ଏଞ୍ଜାସି ମା ତାଣା ଖାହାନା ପାଞ୍ଜୁଲତି ଜାଟି ତୁରି ଅହାନା ତାନି କେସ୍ତା କତାଣା ଦସା କତାନା ଏଲେଇରେସି, “ସୁଦୁଜୀଞ୍ଜୁ ଏଲେଇଞ୍ଜି ଖେସିମାଞ୍ଜାନେ, ଇଦାଆଁ ଦସା କତିନି ଜାଟି ତୁରି ଗାଟାଣାଇଁ ଜିରୁସାଲମତି ଜାହୁଦି ଲକୁ ଇଲେକ” ଦସାନା ଜାହୁଦିଆଆତି ଲକୁତି କେୟୁତା ହେରପିନେରି ।”

୩୩ ଇ ବାରେ କାତା ଖେଞ୍ଜାନା ଜିରୁସାଲମତା ହାଲାଆନି ଇଞ୍ଜୁ ମାମ୍ନୁ ଅତେ ଏମାତି ଲକୁ ବାତିମାଲିତମି । ୩୪ ସାମା ପାଞ୍ଜୁଲ ଏଲେଇରେସି, “ମାରୁ ତାହି ତାହି” ଏନାଆଁତାକି ନା ହିୟାତି କାଡ଼ି କିହିମାଞ୍ଜେରି, ଏନିଇତିହୁଁ ନାନୁ ପ୍ରବୁ ଜାମୁ ତାକି ଜିରୁସାଲମତା ଦସପି ଆହାଲି ଆଏ ସାମା ହାହାଲି ଜିକେଏ ଅଣପିମାଇଁ, ଇଞ୍ଜୁ ଇରେସି ।”

୩୫ ଏଞ୍ଜାସି ମା କାତା ମାନଞ୍ଜି ଆଆତାକି ମାମ୍ନୁ ବ୍ନାରେ ପାଲେଏ ଆତମି, ଇଞ୍ଜା “ପ୍ରବୁତି କାତେଏ ଆପେ” ଇଞ୍ଜୁ ଇତମି ।

୩୬ ଏମାଆଁ ଏଚରଦିନା ମାଟି ତାମ୍ନୁ ମାମ୍ନୁ ମା ଆସି ଆସାନା ଜିରୁସାଲମତା ହାତମି । ୩୭ ଅତେ କୁପ୍ରତି ମନାସନ ଦରୁଗାଟି ର ନାମ୍ନୁଗାଟାସି ଅତେ କାୟିସରିୟାତି ଏଚରଜାଣା ସାସୁୟାଁ ମା ତଲେ ହାତେରି; ମନାସନ ଇଜ ମାମ୍ନୁ ତୁୟିନାୟି ମାତେ ।

ଜାକୁବ ତଲେ ପାଞ୍ଜୁଲ ବେଟାଆନାୟି

୩୮ ମାମ୍ନୁ ଜିରୁସାଲମତା ଏଗାହାଜାଲିଏ ନାମିତି ତାୟିୟାଁ ମାଜେ ରାହାଁଟି ହାଟା ଅୟାତେରି । ୩୯ ଏ ଅର ନେରୁ ପାଞ୍ଜୁଲ ମା ତଲେ ଜାକୁବ ଇଜ ହାତେସି; ଅତେ ବାରେ ପ୍ରାତିନାଜାମ ଏମାଆଁ କୁଡା ଆତେରି । ୪୦ ପାଞ୍ଜୁଲ ଏଞ୍ଜାରାଇଁ ଜହରା କିତି ତାମ୍ନୁ, ମାହାପୁରୁ ତାନି ସେବା କାମାତା ଜାହୁଦିଆଆତି ଲକୁତାଣା ଏନି ଏନି କାମା କିହାମାନେସି ଏ ବାରେ ଖେସ୍ତେସି । ୪୧ ଏଞ୍ଜାରି ଏଦାଆଁ ଖେଞ୍ଜାନା ମାହାପୁରୁତି ଜହରା କିତେରି, ଅତେ ଏଞ୍ଜାଣାଇଁ ଏଲେଇରେସି, “ଏ ତାୟି, ପାଞ୍ଜୁଲ ନାସି ମେସିମାଞ୍ଜି ଜାହୁଦିୟାଁ ବିତାଟି ମାଣା ମାଣା ଲକୁ ନାମିମାନେରି, ଏଞ୍ଜାରି ବାରେଜାଣା ମେରାତି ମାନଞ୍ଜି ଆହିମାନେରି । ୪୨ ଏଞ୍ଜାରି କାତୁ ବେଟାଆହା ମାନେରି, ନାନୁ ଏଟକା କୁଡାତାରି ତାଣା ବାସା ଆହାମାନି ବାରେ ଜାହୁଦି ଲକୁଣି ମସାତି ମେରା ପିସାଲି, ଏଞ୍ଜାରି କକାରି ତଲୁ ଦାତୁ, ଅତେ ଜାହୁଦି ଲକୁତି ପାଣାପାଟୁ ମାନଞ୍ଜି ଆଆତୁ ଇଞ୍ଜୁ ଜାପୁହିମାଞ୍ଜି । ୪୩ ନାନୁ ଇମାଆଁ ଖାହାମାନି କାତୁ ସାତେଏ ଏଞ୍ଜାରି ଖେନେରି, ଆତିହୁଁ ଏନି କିନାୟି ? ୪୪ ଏଦାଆଁତାକି ମାମ୍ନୁ ନିଜେ ଏନାଆଁ ଖେସିମାଞ୍ଜାନମି ଏଦାଆଁ କିମ୍ନୁ, ମା ତାଣା ସାରି ଜାଣା ମାନେରି, ଏଞ୍ଜାରି ପାରୁମାଣା କିହାମାନେରି; ୪୫ ଏଞ୍ଜାରିତଲେ ହାଲାମ୍ନୁ ଇଞ୍ଜା ଏଞ୍ଜାରିତଲେ ଆଣ୍ଡାନା ନିଜେ ଅଟହା କତାମ୍ନୁ, ଇଞ୍ଜା ଏଞ୍ଜାରି ତାର୍ଜା ହିଣି କାର୍ତୁ ହାମ୍ନୁ, ଆତିହୁଁ ବାରେ ଲକୁ ମେସାନା ଏଞ୍ଜାରି ନୀ କପାଟି ଖେସାମାନି କାତା ଏନି ସାତା ହିଲେଏ, ସାମା ନାନୁ ଜିକେଏ ମସା ମେରା ମାନଞ୍ଜି ଆହିମାଞ୍ଜି ଇଞ୍ଜୁ ପୁଞ୍ଜାମାନେରି । ୪୬ ଏସାମା ଆମିନି ଏଟକା କୁଡାତାରି ନାମାମାନେରି, ଏଞ୍ଜାରି ପେଣ୍ଡାକା ବମାୟାକି ପୂଜା ହାହାମାନି ବଗ୍ନୁ ନେତେରି ଇଞ୍ଜା ହେରକି ତିଣ୍ଡାଗାନା ପାୟିତି ଜନ୍ତୁତି ଉଜା ତିନାଆତୁ, ଇଞ୍ଜା ଦାରିକାମାଟି ଏଟକା ଆତୁ, ଇଞ୍ଜୁ ମାମ୍ନୁ ଚାରିକିହାଁ ଏଞ୍ଜାରାକି ର ଆକୁ ରାଟାମାନମି ।”

୪୭ ଏମାଟିଏ ପାଞ୍ଜୁଲ ଅର ଦିନା ଏଞ୍ଜାରିତଲେ ହାଜାନା ଅଟହା କତିନି ମେରା ମାନଞ୍ଜି ଆତେସି, ଇଞ୍ଜା ମାହାପୁରୁ ଇଲୁତା ହାଜାନା ତାନି ଅଟହା କତିନି ଦିନାୟାଁ ଏତେଲା ରାଦେନ ଅତେ ବାରେଜାଣା ତାକି ଏନି ଏନି ପୂଜା କିନାୟିମାନେ ଏ ବାରେ ଖେସ୍ତେସି ।

ମାହାପୁରୁ ଇଲୁତା ପାଞ୍ଜୁଲ ଦସପି ଆନାୟି

୨୧:୮ ୨୧:୮ କାମା ୨:୫, ୮:୫ ୨୧:୧୦ ୨୧:୧୦ କାମା ୧୧:୨୮ ୨୧:୨୫ ୨୧:୨୫ କାମା ୧୫:୨୯

୨୭ ଏ ସାତ୍ତା ଦିନା ପୁରା ଆହିମାଗାଟି ଆସିୟା ଦେସାଟି ଏଚେକା ଜୀହୁଦି ଲକ୍ଷୁ ମାହାପୁରୁ ଇଲୁତା ପାଞ୍ଜୁଲଇଁ ମେସାନା ଏଞ୍ଜାରି ଏମ୍ପାଆଁ କୁଡା ଆହାମାନି ମାନ୍ଦା ଲକ୍ଷୁଣି ମାତ୍ରଞ୍ଜି କିତେରି, ଅଡ଼େ ଏଞ୍ଜାଣାଇଁ ଆସାନା କାଲୁଞ୍ଜି ଆହିଁ ଏଲେଇଚେରି । ୨୮ “ଏ ଇସ୍ରାୟେଲତି ଲକ୍ଷୁ ସାଢ଼େମି କିୟାଦୁ: ଇଞ୍ଜାସି ସାରିଞ୍ଜାକି ହାଜାନା ଇସ୍ରାୟେଲ ଲକ୍ଷୁତି କପାଟି ଅଡ଼େ ମସା ହାତି ମେରା ଇଞ୍ଜା ଇ ମାହାପୁରୁ ଇଲୁ କପାଟି ଜାପୁହିମାନେସି । ଇଞ୍ଜା ନୀର୍ସି ଏଚରଜାଣା ଜୀହୁଦିଆପାତି ଲକ୍ଷୁଣି ମାହାପୁରୁ ଇଲୁତା ତାତାନା ସୁଦୁ ଚାୟୁତି ପଲୁଆ କିହିମାନେସି ।” ୨୯ *ଇତିହିଁ ଏଞ୍ଜାରି ଗାଡ଼ାତା ଏପିସିୟତି ତ୍ରୁପିମଇଁ ପାଞ୍ଜୁଲ ତଲେ ମେସାମାଚେରି, ଅଡ଼େ ଏଞ୍ଜାଣାଇଁ ମାହାପୁରୁ ଇଲୁତା ତାଗାମାନେସି ଇଞ୍ଜାଁ ଅଣ୍ଡିପାଚେରି ।

୩୦ ଏମ୍ପାଟିଏ ବାରେ ଗାଡ଼ା କିଲିବିଲି ଆଡ଼େ, ଇଞ୍ଜାଁ ଲକ୍ଷୁ ମାନ୍ଦା ମାନ୍ଦା ଆହିଁ ହଟାନା ପାଞ୍ଜୁଲଇଁ ଆସାନା ମାହାପୁରୁ ଇଲୁତି ରେଜା ତାଚେରି; ଇଞ୍ଜାଁ ଏ ଦେବୁଣିଏ ମାହାପୁରୁ ଇଲୁତି ଦାରାୟାଁ ସୁଣ୍ଡିଚେରି । ୩୧ ଅଡ଼େ ଏଞ୍ଜାରି ପାଞ୍ଜୁଲଇଁ ପାୟାଲି ଅଣ୍ଡିପଚେରି, ଇଞ୍ଜାଁ ଜିରୁସାଲମତା କାଜା ଗଡ଼ହା ଆହାମାନେ ଇଞ୍ଜାଁ ରିଜାରି କସକାଟି କାଜାଣି ତାଣା କାବୁ ହାଚେରି । ୩୨ ଏମ୍ପାଟିଏ ଏଞ୍ଜାସି ଦେବୁଣିଏ ରିଜାରି କସକା ଇଞ୍ଜାଁ ପାସାକଡ଼ି କସକା ମୁହେଁ କାଜାରାଇଁ ଆସାନା ଏଞ୍ଜାରିତାଣା ଦାବଡ଼ି ହାଚେସି, ଲକ୍ଷୁ ରିଜାରି କସକା ଅଡ଼େ କସକା ମୁହେଁ କାଜାରାଇଁ ମେସାନା ଏଞ୍ଜାରି ପାଞ୍ଜୁଲଇଁ ଝେଚାଲି ପିସ୍ତେରି । ୩୩ ଏମ୍ପାଟିଏ କସକା ମୁହେଁ କାଜାସି ପାଞ୍ଜୁଲ ତାଗେ ହାଜାନା ଏଞ୍ଜାଣାଇଁ ଆସାନା ରା ହିକ୍‌ଣିୟାଁ ତଲେ ଦସାଲି ହୁକୁମି ହାଚେସି, ଅଡ଼େ “ଇଞ୍ଜାସି ଆମ୍ପାଆସି ? ଏନାଆଁ କିହାମାନେସି ଇଞ୍ଜାଁ ଝେଚେସି ?” ୩୪ ଏଚେଟିଏ ଲକ୍ଷୁ ବାରେ ଆମ୍ପାଆରି ଇ କାତା ଆମ୍ପାଆରି ଏ କାତା ଇଞ୍ଜାଁ କାଲୁଞ୍ଜି ଆଡ଼େରି, ଇଞ୍ଜାଁ ଏନାଆଁ ଆହାମାନେ ଇଞ୍ଜାଁ ତାଢ଼ପୁତି କାତା ପୁନାଆନା ପାଞ୍ଜୁଲଇଁ କଟା ଇଲୁତା ଅହାଲି କସକାଣି ହୁକୁମି ହାଚେସି । ୩୫ ଏଚିବେଲେ ଏଞ୍ଜାସି ପାଞ୍ଜୁଲ ପିଣ୍ଡାଣା ଏଗାହାଜାଲିଏ, ଲକ୍ଷୁତି ମାନ୍ଦା କାରବିଟି କାଲୁଞ୍ଜି ଆୟାଲିଏ କସକା ପାଞ୍ଜୁଲଇଁ ଇଲୁ ବିତା ଡ଼େକା ଅଡ଼େରି । ୩୬ ଇତିହିଁ ମାନ୍ଦା ମାନ୍ଦା ଲକ୍ଷୁ ଢେଟ ଝାହିହିଁ “ଏଞ୍ଜାଣାଇଁ ପାୟାଦୁ” ଇଞ୍ଜାଁ କାଲୁଞ୍ଜି ଆହିମାଚେରି ।

ପାଞ୍ଜୁଲ ତାନ୍ତ୍ର ତାଜେତାକି ଝେହନାୟି

୩୭ ଏଞ୍ଜାରି ପାଞ୍ଜୁଲଇଁ କଟା ଇଲୁ ବିତା ଅହିମାଗାଟି ଏଞ୍ଜାସି କସକା ମୁହେଁ କାଜାଣାଇଁ ଏଲେଇଚେସି, “ନାନୁ ନିଜେ ର କାତା ଝେସାଲି ଆଡ଼ାଇଁ କି ?” ଏମ୍ପାଟିଏ କାଜାସି ଏଲେଇଚେସି “ନାନୁ ଗ୍ରିକ ହାଡ଼ା ପୁଞ୍ଜି କି ? ୩୮ ଆତିହିଁ ଇଦାଆଁ ନଡ଼େଏ ଏମିନି ମିସରତି ଲକ୍ଷୁ ଗଡ଼ହା ହପୁହାନା ସାରି ମାଣା କାଟାଠାଣି ଲକ୍ଷୁ ହିଲୁଆ ଚାୟୁତା ଅହାମାଗାଟି ନାନୁ ଏଞ୍ଜାଟି ଆଏ କି ?”

୩୯ ଏମ୍ପାଟିଏ ପାଞ୍ଜୁଲ ଏଲେଇଚେସି “ନାନୁତ ର ଜୀହୁଦି କିଲିକିୟା ଦେସାଟି ତାସି ଇଞ୍ଜିହିଁ ଝେଜିତି ଗାଡ଼ାତା ଜାର୍ନୀ ଆଡ଼ାଚେସି; ଇ ଲକ୍ଷୁଣି କାତା ଝେସାଲି ନାଜେ ହେଲ ହିୟାମୁ ।”

୪୦ ଏ କାଜାସି ହେଲ ହିୟାଲିଏ, ପାଞ୍ଜୁଲ ପାଞ୍ଜୁଜିକାଣା ନିନାନା ଲକ୍ଷୁଣି କେୟୁତଲେ ସାପି କିତେସି; ଇଞ୍ଜାଁ ବାରେଜାଣା ସାପି ଆହାଲିଏ ଏଞ୍ଜାସି ଏବୁ ହାଡ଼ାତଲେ ଏଞ୍ଜାଠାଇଁ ଏଲେଇଚେସି ।

୨୨

୧ “ଏ ତାୟିୟାଁ ଅଡ଼େ ତାଞ୍ଜିୟାଁଚେରି, ନାନୁ ନୀର୍ସି ମୀ ନକିତା ନା ଝାକିଟି କାତା ଝେସିମାଞ୍ଜାଇଁ, ଝେଞ୍ଜାଦୁ !” ୨ ପାଞ୍ଜୁଲ ଏଞ୍ଜାରି ନକିତା ଏବୁ ହାଡ଼ାତଲେ ଜଲିମାନାଣି ଝେଞ୍ଜାନା; ଏଞ୍ଜାରି ହାଡ଼ା ଆଆନା ପାଲେଏ ଆଡ଼େରି, ଅଡ଼େ ପାଞ୍ଜୁଲ ଜଲାଲି ମାଟୁହେସି ।

୩ ଏମ୍ପାଟିଏ ଏଞ୍ଜାସି ଏଲେଇଚେସି, “ନାନୁ ର ଜୀହୁଦି ଲକ୍ଷୁତେସି, କିଲିକିୟାଟି ତାସିତା ନା ଜାର୍ନା, ସାମା ନାନୁ ଇ ଜିରୁସାଲମ ଗାଡ଼ାତା ପହିପାଟି ଆହାମାଇଁ, ଗମଲିୟେଲ ତାଣା କୁଗାନା ଜାପାମାଇଁ, ମା ଆକୁ ଆବାୟାଁତି ମେରାଟି ନେହିଁ କିଁ ଜାପାମାଇଁ; ମୀରୁ ଏନିକିଁ ମାହାପୁରୁତି ସେବା କିହିମାଞ୍ଜେରି ନାନୁ ଜିକେଏ ଏଲେକିହିଁ ମାନୁଞ୍ଜି ଆନାତେସି ମାଚେସି; ୪ ନାନୁ ଇ ଜିରୁତା ତାକିମାନି ଇୟାସିକା ଆବାୟାଁଣି ହାନ୍ତି ପାଚେକା ସାସି କିହିମାଚେସି, ଅଡ଼େ ଦସପାନା କାୟିଦି ଲଲକାଣା ହେବୁପିମାଚେସି । ୫ ନା ଇ କାତା ସାତା, କାଜା ପୂଜେଚାଞ୍ଜା ଅଡ଼େ କାଜା ବେରଣି ମାଣ୍ଡାତାରି ନା ସାକି; ନାନୁ ଏଞ୍ଜାରି ତାଣାଟି ତାୟିୟାକି ଆକୁ ରାସାନା ଲକ୍ଷୁଣି ହିକ୍‌ଣିୟାଁ ତଲେ ଦସପାନା ଜିରୁସାଲମତା ତାଗାଲି ତାକି ନାନୁ ଦମେସକତା ମାନି ଜୀହୁଦି ଲକ୍ଷୁତାଣା ହାଜାମାଚେସି ।”

* ୨୧:୨୯ ୨୧:୨୯ କାମା ୨୦:୪ * ୨୨:୩ ୨୨:୩ କାମା ୫:୩୪-୩୯ * ୨୨:୪ ୨୨:୪ କାମା ୮:୩; ୨୨:୯-୧୧

ପାଞ୍ଚୁଲ ତାନି ମନୁ ଖେଟୁହାଣି ଖେଟୁନାୟି
(କାମା ୯:୧-୧୯; ୨୭:୧୨-୧୮)

୨ “ନାନୁ ଦମେସକ ତାଗେ ଏଜିମାଗାଟି ମାଦେନା ବେଲାତା ଦେବୁଣିଏ ନା ସାରିଖାକି ହାଗୁଲାକଟି ର ଦାର୍ଢାଣା ଉଜେଡ଼ି ଡ଼ାଞ୍ଜିତେ । ୧୭ ଏମ୍ବାଟିଏ ନାନୁ ବୁମିତା ତରୁଗିତେଏ, ଇଞ୍ଜା ନାଜେ ତାକି ଖେସିମାଟି ଇ ହାଡ଼ା ଖେଚେଏ, ‘ସାଞ୍ଚୁଲ, ସାଞ୍ଚୁଲ ଏନାଆଁତାକି ନାଜେ ସାସ୍ତି ହାହିମାଞ୍ଜାଦି ?’ । ୧୮ ନାନୁ ଏଲେଇଚେଏ, ‘ପ୍ରବୁ ନାନୁ ଆମ୍ବାଆତି ?’ ଏମ୍ବାଟିଏ ଏଞ୍ଜାସି ନାଜେ ଏଲେଇଞ୍ଜାତେସି, ‘ନାନୁ ଆମ୍ବାଆରାଇଁ ସାସ୍ତି ହାହିମାଞ୍ଜି ନାଜରିତତି ଜାସୁତେଏ ନାନୁ ।’ ୧୯ ନା ତଲେ ମାଟି ଲକୁ ଏ ଉଜେଡ଼ି ମେସ୍ତେରି ସାତା, ସାମା ନାଜେ ଖେସ୍ତାତି ହାଡ଼ା ଖେନାଆତେରି । ୨୦ ଏଚେଟିଏ ନାନୁ ଏଲେଇଚେଏ, ‘ପ୍ରବୁ ନାନୁ ଏନାଆଁ କିଇଁ ?’ ଏଚେଟିଏ ପ୍ରବୁ ନାଜେ ଖେସ୍ତାତେସି, ‘ନିଜାନା ଦମେସକତା ହାଲାମୁ, ଅଡ଼େ ନିଜେ ଏନାଆଁ କିହାଲି ଆନେ ଏନାଆଁ ଏମ୍ବାଆଁ ଖେସ୍ତାଇଁ ।’ ୧୧ ଏ ଉଜେଡ଼ି ମିଣସି ମାଟାକି ନାନୁ କାଣା ଆହାହାଚେଏ, ଇଞ୍ଜା ନା ତଲେ ଖାହିମାଗାରି ନାଜେ କେୟୁ ଆସାନା ଦମେସକତା ଅୟାତେରି ।”

୧୨ “ଏ ଗାଡ଼ାତା ହନନିୟ ଇଞ୍ଜିହଁ ର ଦାମ୍ବୁଗାଗାସି ମାଚେସି, ଏଞ୍ଜାସି ମା ମେରାତି ମାନୁଞ୍ଜି ଆନାସି, ଇଞ୍ଜା ଦମେସକତି ଜାହୁଦି ଲକୁତାଣା ମାନି ଗାଗାସି ଅଡ଼େ ଖେଜାତାସି ମାଚେସି । ୧୩ ଏଞ୍ଜାସି ନା ତାଣା ଖାହାନା ଦାରିତା ନିଗାନା ନାଜେ ଏଲେଇଞ୍ଜାତେସି, ‘ଏ ସାଞ୍ଚୁଲ ତାୟି ମେହମୁ’ ଏ ଦେବୁଣିଏ ନା କାଣାକା ଦେପିଆତୁ ଇଞ୍ଜା ନାନୁ ଏଞ୍ଜାଣାଇଁ ମେସାଲି ଆଡ଼ିତେଏ । ୧୪ ଏଞ୍ଜାସି ଏଲେଇଞ୍ଜାତେସି, ‘ମା ଆକୁ ଆଦାୟାତି ମାହାପୁରୁ ତାନି କାତା ପୁଞ୍ଜାଲି ଅଡ଼େ ଏ ଟାରି ଗାଗାଣାଇଁ ମେସାଲି, ଅଡ଼େ ତାନି ଗୁଡ଼ିଟି ହଟିମାନି ହାଡ଼ା ଖେଞ୍ଜାଲି ଆତାମାଞ୍ଜାତେସି । ୧୫ ଇତିହଁ ନାନୁ ଏନାଆଁ ମେସାମାଞ୍ଜି ଇଞ୍ଜା ଖେଞ୍ଜାମାଞ୍ଜି, ଏ ବାରେତାକି ବାରେ ଲକୁତାଣା ଖେସାଲି ନାନୁ ସାକି ଆଡ଼ି । ୧୬ ଅଡ଼େ ନାଏ ଏନାଆଁତାକି ଖେଡ଼ା କିହିମାଞ୍ଜି, ନିଜାମୁ ବାପିସ୍ତୁ* ଆହାନା ତାନି ତାଣା ପ୍ରାଡ଼ାନା କିହାନା ନା ପାପୁ ବାରେ ନରୁଞ୍ଜି କିହାକତାମୁ ।”

ପାଞ୍ଚୁଲ ଜାହୁଦିଆଆତି ଲକୁତାଣା ପାଣ୍ଡୁଞ୍ଜି ଆନାୟି

୧୭ “ଏମ୍ବାଟିଏ ନାନୁ ଜିରୁସାଲମତା ଖେଣ୍ଡା ଖାହାନା ମାହାପୁରୁ ଇଲୁତା ପ୍ରାଡ଼ାନା କିହିମାଗାଟି, ସେୟାଣା ହାପାନାତା ମେସ୍ତେଏ, ୧୮ ନାନୁ ସେୟାଣା ହାପାନାତା ପ୍ରବୁଇଁ ମେସ୍ତେଏ, ଏଞ୍ଜାସି ନାଜେ ଏଲେଇଞ୍ଜାତେସି, ‘ତବେ ଜିରୁସାଲମ ପିହମୁ, ଇତିହଁ ଇମ୍ବାଟି ଲକୁ ନା ସାକି ହାନାଟି ନୀ କାତା ଆହଅରି ।’ ୧୯ ଏମ୍ବାଟିଏ ନାନୁ ଏଲେଇଚେଏ ‘ପ୍ରବୁ ନାନୁ ଜାହୁଦି ଲକୁତି କୁଟମି ଇଲୁକାଣା† ହାଜାନା ନିଜେ ନାମାନାରାଇଁ ଖେଚାନା କାୟିଦି ଇଲୁତା ସୁଣ୍ଡିମାଗାଣି ଏଞ୍ଜାରି ନେହଁକଁ ପୁଞ୍ଜାମାନେରି; ୨୦ ଅଡ଼େ ଏଚିବେଲା ନୀ ସାକି ସ୍ତ୍ରୀପାନଇଁ ପାୟିତେରି, ନାନୁଏ ଏମ୍ବାଆଁ ମାଚେଏ; ଇଞ୍ଜା ବେଲେଏ ହାପେସି ଇଞ୍ଜା ଅଣ୍ଡିପାଚେଏ, ଅଡ଼େ ପାୟିମାଗାରି ହିମ୍ବିକା କାଟିମାଚେଏ ।’ ୨୧ ସାମା ପ୍ରବୁ ନାଜେ ଏଲେଇଞ୍ଜାତେସି, ‘ହାଲାମୁ ଇତିହଁ ନାନୁ ନିଜେ ହେକ ଦେସାତି ଜାହୁଦିଆଆତି ଲକୁତାଣା ପାଣ୍ଡାଇଁ ।”

୨୨ ପାଞ୍ଚୁଲ ଏଲେଇଞ୍ଜି ଖେହୁନି ପାଚେକା ଲକୁ ଖେଞ୍ଜିମାଚେରି, ସାମା ଏ ଦେବୁଣିଏ ଏଞ୍ଜାରି କାଜା ଗିୟାତଲେ କାଲୁଞ୍ଜି ଆହାନା ଏଲେଇଚେରି, “ଏଞ୍ଜାଣାଇଁ ପାଞ୍ଜାତା ତାଗାହାଁ ପାୟାନା ଦାବୁଡ଼ିଟି ମେକହା ତୁହୁ, ଏଞ୍ଜାସି ନୀତାଲି ପାଡ଼ାଆଅସି ।” ୨୩ ଅଡ଼େ ଏଚିବେଲା ଏଞ୍ଜାରି କିଲୁଡ଼ି କିହଁ ତାନି ହିମ୍ବିକା କୁଡ଼ିହଁ ଲାକଖାକି ଦୁଡ଼ି ଡ଼ାଞ୍ଜିତେରି, ୨୪ ଏଚିବେଲା ପାସାକଡ଼ି କସ୍କା ମୁହେଁ କାଜାସି ପାଞ୍ଚୁଲଇଁ କଟା ଇଲୁ ବିଡ଼ା ଅହାଲି ହୁକୁମି ହାଚେସି, ଅଡ଼େ ଜାହୁଦି ଲକୁ ଏନାଆଁତାକି ଏଞ୍ଜାଣି କପାଟି ଗଡ଼ହା କିହିମାନେରି, ଏନାଆଁ ପୁଞ୍ଜାଲି ପାଞ୍ଚୁଲଇଁ ସାଟୁଣି ତଲେ ଖେଚାନା ଖେଞ୍ଜୁ ଇଞ୍ଜା ହୁକୁମି ହାଚେସି । ୨୫ ସାମା ଏଞ୍ଜାରି ଏଞ୍ଜାଣାଇଁ ସାଟୁଣି ତଲେ ଖେଚାଲି ଡ଼ରିତଲେ ଦସାଲିଏ, ପାଞ୍ଚୁଲ ଦାରିତା ମାଟି ପାସାକଡ଼ି କସ୍କା ମୁହେଁ କାଜାଣାଇଁ ଏଲେଇଚେସି, “ଏନିନି ଦହଡ଼ା ନୀହାୟି କିଞ୍ଜି ଆହାହିଲାଆ ର ରମ୍ ଦେସା ତାଣାଇଁ ସାଟୁଣି ତଲେ ଖେଚାଲି ଏନି ମୋରା ମାନେ କି ?”

୨୬ ଇଦାଆଁ ଖେଞ୍ଜାନା କହୁଏସି ପାସାକଡ଼ି କସ୍କା ମୁହେଁ କାଜାଣା ତାଣା ହାଜାନା ଏଲେଇଚେସି, “ନାନୁ ଏନାଆଁ କିହାଲି ହାଜିମାଞ୍ଜି, ଇତିହଁ ଇଞ୍ଜାସି ରମିୟ ଲକୁ ।”

୨୭ ଏମ୍ବାଟିଏ ପାସାକଡ଼ି କସ୍କା ମୁହେଁ କାଜାସି ଖାହାନା ପାଞ୍ଚୁଲଇଁ ଖେଚେସି, “ନାନୁ ନାଜେ ଖେସ୍ତାମୁ ନାନୁ ରମ୍ ଦେସାତାଟି କି ?” ପାଞ୍ଚୁଲ ଏଲେଇଚେସି “ହାଅ ।”

* ୨୨:୧୨ ୨୨:୧୨ମୁଞ୍ଜିନାୟି † ୨୨:୧୯ ୨୨:୧୯ ସିନଗରୁ ☆ ୨୨:୨୦ ୨୨:୨୦ କାମା ୭:୫୮

୨୮ ଏମାଟିଏ ପାସାକଡ଼ି କସ୍କା ମୁହେଁ କାଜାସି ଏଲେଇଚେସି, “ନାନୁ ହାରେକା ଟାକାୟାଁ ହାହାନା ରମ୍ପ ଦେସାତାଚେଏଁ ଆହାମାଲ୍ ।” ସାମା ପାସ୍କୁଲ ଏଲେଇଚେସି, “ନାନୁଚ ଜାର୍ନାଟିଏ ।”

୨୯ ଏମାଟିଏ ଆମାଆରି ପାସ୍କୁଲଇଁ ଖେଞ୍ଜାଲି ତିୟାରା ଆହାମାଚେରି, ଦେବୁଣିଏ ଗୁଚା ଆହାହାଚେରି, ଇଚିହଁ ପାସ୍କୁଲ ରମ୍ପ ଦେସାତାସି ଇଞ୍ଜୁଁ ପୁଞ୍ଜାନା ର ମାଣା କସ୍କା ମୁହେଁ କାଜାସି ଏଞ୍ଜାଣାଇଁ ହିକ୍‌ଣିୟାଁ ତଲେ ଦସ୍‌ପି କିହାମାଚାକି ତାନୁଏ ଆଜିଚେସି ।

କାଜା ବେରଣିମାଣ୍ଡା ନକିତା ପାସ୍କୁଲ

୩୦ ଜାହୁଦି ଲକୁ ପାସ୍କୁଲ କପାଟି ଏନି ଦାଞ୍ଜା କିହାମାନେରି, ଏଦାଆଁ ସାତା ତଲେ ପୁଞ୍ଜାଲିତାକି ର ମାଣା କସ୍କା ମୁହେଁ କାଜାସି ତାନି ଅର ନେଚୁ ପାସ୍କୁଲତି ହିକ୍‌ଣିୟାଁ ହୁକ୍‌ହାନା କାଜା ବେରଣିମାଣ୍ଡାତି ବାରେଜାଣାତି କୁଡ଼ିକିହାଲି ପୂଜେରାଜାଣି ହୁକୁମି ହାତେସି । ତାୟୁ ପାସ୍କୁଲଇଁ ଏଞ୍ଜାରି ନକିତା ନିପହେସି ।

୨୩

୧ ପାସ୍କୁଲ ଜାହୁଦି ଲକୁଚି କାଜା ବେରଣିମାଣ୍ଡାତା କୁଗାମାନି ଲକୁଣି ଆଚେ ସିନିକିହାନା ଏଲେଇଚେସି, “ଏ ଇସ୍‌ସାୟେଲ ତାୟିୟାଁତେରି ନାନୁ ନାଞ୍ଜୁପାଚେକା ମାହାପୁରୁ ନକିତା ନେହଁ ଅଣପୁ ତଲେ ନୀତାମାଲ୍, ଏଦାଆଁତାକି ନା ହିୟାଁ ହାରେକା ଅତିତାୟି ।” ୨ ଇ କାତା ଖେଞ୍ଜାନା କାଜା ପୂଜେରା ହାନାନ ପାସ୍କୁଲ ଦାରିତା ନିଚାମାନି ଲକୁଇଁ ତାନି ଗୁଡିତା ଖେପୁ ଇଞ୍ଜୁଁ ହୁକୁମି ହାତେସି । ୩ *ପାସ୍କୁଲ ଏଞ୍ଜାଣାଇଁ ଏଲେଇଚେସି, “ଏ ହୁନୁ ଉସ୍‌ପିତି ଦବ୍‌ଲା କାଟି ମାହାପୁରୁ ନିଜେ ଖେତାନେସି, ନାନୁ ମସାତି ମେରା ଲେହେଁ ନାଜେ ନାହାଁୟି କିହାଲି କୁଗାମାଟି ଜିକେଏ, ନାନୁ ନାଜେ ଖେଚାଲି ହୁକୁମି ହାହାନା ନାନୁଏ ମସାତି ମେରା ଉରିମାଞ୍ଜି !”

୪ ଏଚେଟିଏ ଦାରିତା ନିଚାମାଟି ଲକୁ ପାସ୍କୁଲଇଁ ଏଲେଇଚେରି, “ନାନୁ ମାହାପୁରୁଚି କାଜା ପୂଜେରାଇଁ ଲାଜା କିହାମାଞ୍ଜି ।”

୫ ପାସ୍କୁଲ ଏଲେଇଚେସି, “ଏ ଇସ୍‌ସାୟେଲ ତାୟିୟାଁତେରି ଏଞ୍ଜାଣାଇଁ ନାନୁ କାଜା ପୂଜେରା ଇଞ୍ଜୁଁ ପୁଞ୍ଜା ହିଲ୍‌ଆଚେଏଁ; ଇଚିହଁ ଦାମ୍‌ପିତିତା ରାସ୍କି ଆହାମାନେ, ମୀରୁ ମୀ ସାଲ୍‌ଖି କିନାରାଇଁ ବାକା ଇଟାଆଧୁ ।”

୬ *ସାମା ପାସ୍କୁଲ ର ବାଗା ସାଦୁକିୟାଁ ଅଡେ ର ବାଗା ପାରୁସିୟାଁ ମାନେରି ଇଞ୍ଜୁଁ ପୁଞ୍ଜାନା, କାଜା ବେରଣିମାଣ୍ଡାତା କାଜା ଗିୟାଁତଲେ ଏଲେଇଚେସି, “ଏ ଇସ୍‌ସାୟେଲ ତାୟିୟାଁତେରି ନାନୁ ର ପାରୁସିଚେଏଁ ଇଞ୍ଜାଁ ପାରୁସି ମୀରଏଣାଚେଏଁ; ଇଞ୍ଜାଁ ହାଡାରି ଖେଶ୍‌ଶେ ନିଜିନେରି ଇଞ୍ଜୁଁ ଆସା କିହିମାନାକି ମୀରୁ ନାଜେ ନାହାଁୟି କିହିମାଞ୍ଜାଦେରି ।”

୭ ଏଞ୍ଜାସି ଇ କାତା ଏଲେଇଶମ୍‌ନିଏ ପାରୁସି ଅଡେ ସାଦୁକି ଲକୁ ବିତ୍ତା ଗଡୁହା ହଡେ, ଇଞ୍ଜାଁ କାଜା ବେରଣି ମାଣ୍ଡାତାରି ଗଟି ଗଟି ଆହାଁ ରା ବାଗା ଆଡେରି । ୮ *ଇଚିହଁ ସାଦୁକିୟାଁ ଖେଶ୍‌ଶେ ନିଜିନାୟି ହିଲେଏ, ଦୁଚୁୟାଁ ଅଡେ ଜାସ୍‌ସୁୟାଁ ହିଲାଉ ଇନେରି, ସାମା ପାରୁସିୟାଁ ଏ ବାରେତି ନାମିନେରି । ୯ ଏମାଟିଏ କାଜା ଗଡୁହା ଆଡେ, ଅଡେ ପାରୁସିୟାଁ ବିତ୍ତାଟି ଏଚରଜାଣା ମେରାପୁନାରି ନିଜାମା ଏଲେଇଚେରି; “ମାମୁ ଛୁଞ୍ଜାଣି ତାଣାଟି ଏନି ଦହ ବେଟାଆଥାତମି, ସାଚେଏ ଏଞ୍ଜାଣି ତାଣାଟି ର ଜାସ୍‌ସୁ ଆଥାତ୍ ଲାକପୁରୁଚି ଦୁଚୁ କାତା ଖେସାମାନେ ।”

୧୦ ଇଲେଆହଁ କାଜା ଗଡୁହା ଆହାଲିଏ, ପାସ୍କୁଲଇଁ ଏଞ୍ଜାରି କାଣ୍ଡାମୁକା କିନେରି ଇଞ୍ଜୁଁ ଆଜିତାକି ର ମାଣା କସ୍କା ମୁହେଁ କାଜାସି ପାସ୍କୁଲଇଁ ଏଞ୍ଜାରି ତାଣାଟି ଗେଲ୍‌ପାନା ବାଲ୍‌ମିଟି କଟା ଇଲୁ ବିତ୍ତା ଅହାଲି କସ୍କାଣି ହୁକୁମି ହାତେସି ।

୧୧ ଏ ନେଚୁ ଲାଆଁୟାଁ ପ୍ରୁ ପାସ୍କୁଲଇଁ ଏଲେଇଚେସି, “ଆଜାଆନି, ସାସା ଆହମୁ ଇଚିହଁ ନାନୁ ଜିରୁସାଲମତା ଏନିକି ନା ସାକି ହାଟି, ରମ୍ପ ଗାଡାତା ଜିକେଏ ଏଲେକିହଁ ନା ସାକି ହାନାୟି ମାନେ ।”

ପାସ୍କୁଲଇଁ ପାୟାଲି ଅଣ୍ଡିପିନାୟି

୧୨ ଅର ଦିନା ଲାକ, ଜାହୁଦିୟାଁ ଜାଚୁ ଆହାନା ପାସ୍କୁଲଇଁ ପାୟାଆ ପାଚେକା ଏନି ରାୟା କି ଏୟୁ ତୀଗାଆପ ଇଞ୍ଜୁଁ ତାମ୍‌ତାମ୍‌ସୁ ପାରମାଣା କିହାମାଚେରି । ୧୩ ଏଲେଇଞ୍ଜି ଅଣ୍ଡି ମାଚାରି ରା କଡ଼ି ଜାଣାଟିଏ ଆଗାଡ଼ା ମାଚେରି । ୧୪ ଏଞ୍ଜାରି କାଜା ପୂଜେରାଜା ଅଡେ ପ୍ରାତିନାଜା ତାଣା ଖାହାଁ ଏଲେଇଚେରି, “ମାମୁ ପାସ୍କୁଲଇଁ ପାୟାଲି ଆଡାଆ ପାଚେକା ଏନାଆଁ ତିନଅମି କି ତାଚଅମି ଇଞ୍ଜୁଁ ମାମୁ ମାଜେତାକି ପାରମାଣା କିହାମାନମି । ୧୫ ଏଦାଆଁତାକି କାଜା ବେରଣିମାଣ୍ଡାତି କାଜାରି ହାଜାନା, ର ମାଣା କସ୍କା ମୁହେଁ

* ୨୩:୩ ୨୩:୩ ମାଟି ୨୩:୨୭,୨୮ * ୨୩:୬ ୨୩:୬ କାମା ୨୬:୫; ପିଲିପି ୩:୫ * ୨୩:୮ ୨୩:୮ ମାଟି ୨୨:୨୩; ମାର୍କ ୧୨:୧୮; ଲୁକ ୨୦:୨୭

କାଜାଣାଇଁ ନାଡ଼ି କିହଁ ଏଲେଇଞ୍ଜୁ, ମାମୁ ପାଞ୍ଜୁଲ ଏନାଆଁ କିହାମାନାଣି ନେହଁ କଁ ଖେନନି ଇଞ୍ଜିହଁ ମୀ ତାଣା ହାଡ଼ିକିଦୁ, ଏଚେଟିଏ ଏଞ୍ଜାସି ମୀ ତାଣା ଏଗାଞ୍ଜାଆ ନକେଏ ପାୟାଲି ଜାଗ୍ରାତା ଅହା ଡ଼ୟନମି ।”

୧୭ ଯାମା ପାଞ୍ଜୁଲ ତାମି ବାଣଞ୍ଜା କସ୍କା ଜଲୁକି ଆହିମାଟି କାତା ଡ଼ଗୁନା ଖେଚେସି; ଇଞ୍ଜା କଟା ଇଲୁ ବିଦ୍ଵା ଖାହାନା ପାଞ୍ଜୁଲଇଁ ଈ ବାରେ କାତା ଖେସ୍ତେସି । ୧୭ ଏଚେଟିଏ ପାଞ୍ଜୁଲ ର ରମିୟ କହୁଏଣାଇଁ ହାଟାନା ଏଲେଇଚେସି, “ଇ ଦାଂଗଣେଣାଇଁ ର ମାଣା କସ୍କା ମୁହେଁ କାଜାଣି ତାଣା ଅମୁ, ଇତିହଁ ଇଞ୍ଜାସି ର କାତା ଏଞ୍ଜାଣାଇଁ ଖେହନାୟି ମାନେ ।” ୧୮ ଏଚେଟିଏ ଏଞ୍ଜାସି ର ମାଣା କସ୍କା ମୁହେଁ କାଜାଣି ତାଣା ଅହାନା ଏଲେଇଚେସି, “କାୟିଦିତା ମାନି ପାଞ୍ଜୁଲ ନାଜେ ହାଟାନା ନୀ ତାଣା ଈ ଦାଂଗଣେଣାଇଁ ତାଚାଲି ବାଡ଼ିମାଲ୍ଲାତେସି, ନିଜେ ଖେସାଲି ଇଞ୍ଜାଣାକି ର କାତା ମାନେ ।”

୧୯ ର ମାଣା କସ୍କା ମୁହେଁ କାଜାସି ଏଞ୍ଜାଣି କେମୁ ଆସାନା ଲକୁ ହିଲ୍ଲାଆ ତାଣା ଅହାନା ଖେଚେସି, “ନାଜେ ନୀନୁ ଏନାଆଁ ଖେସ୍ତାୟିମାନେ ଖେସ୍ତାମୁ ।”

୨୦ ଏଞ୍ଜାସି ଏଲେଇଚେସି, “ପାଞ୍ଜୁଲ ଏନାଆଁ କିହାମାନେସି ଏନାଆଁ ନେହଁ କଁ ପୁଞ୍ଜାଲି ଏଞ୍ଜାଣାଇଁ ଓଏ କାଜା ବେରଣିମାଣ୍ଡାତା ମା, ତାଣା ତାମୁ ଇଞ୍ଜୁ ଜାହୁଦି ଲକୁଡି କାଜାରି ନାଡ଼ିକିହାନା ନିଜେ ବାଡ଼ିମାଲ୍ଲାନେରି, ୨୧ ଯାମା ନୀନୁ ଏଞ୍ଜାରି କାତା ମାନଓ ଆଧାନି, ଇତିହଁ ଏଞ୍ଜାଣାଇଁ ପାୟାଲି ଆଡ଼ାଆ ପାଚେକା ରାନ୍ଦା ତିଚିହଁ କି ତାରିତିହଁ ମାଜେ ବାକା ଆଟାପେ ଇଞ୍ଜୁ ମାନି କିହାନା ରୀ କଡ଼ିଟିଏ ଆଗାଡ଼ା ଲକୁ ଡ଼ଗୁଆହାଁ କାଟାମାନେରି, ନୀଏଁ ଏଞ୍ଜାରି ନୀ ତାଣାଟି ହେଲ ବେଟାଆହାଲି କାଡ଼ିମାନେରି ।”

୨୨ ଏଚେଟିଏ ର ମାଣା କସ୍କା ମୁହେଁ କାଜାସି ଏଲେଇଚେସି, “ନୀନୁ ନାଜେ ଖେସ୍ତାତି କାତା ଆମ୍ବାଆରାଇଁ ଖେହଆନି” ଇଞ୍ଜୁ ଖେସାନା ଏ ଦାଂଗଣେଣାଇଁ ପାଣ୍ଡିତେସି ।

ପେଲିକସ୍ ତାଣା ପାଞ୍ଜୁଲଇଁ ପାଣ୍ଡିନାୟି

୨୩ ର ମାଣା କସ୍କା ମୁହେଁ କାଜାସି ତାନି ଡ଼ଇ କାମା କିନି ପାସାକଡ଼ି କସ୍କା ମୁହେଁ କାଜାରାଇଁ ରିଆରାଇଁ ହାଟାନା ଏଲେଇଚେସି, “ନୀଞ୍ଜୁ ଲାଆଁୟାଁ ନ ଗଂଟା ବେଲ୍ଲାତା କାୟିସରିୟାତା ହାଜାଲିତାକି ତାନିକଡ଼ି ଦସ ଜାଣା ଗଡ଼ାତା ହାନାରି ଅଡ଼େ ରୀ ଖାଞ୍ଜା ବାଲ୍ଲାଁ ଗାଟାରି ତଲେ ରୀ ଖାଞ୍ଜା କସ୍କାଣି ତିୟାରା କିଦୁ । ୨୪ ଅଡ଼େ ଏଞ୍ଜାରି ଏନିକଁ ପାଞ୍ଜୁଲଇଁ ଗଡ଼ା ଲାକ କୁରିକିହାନା ସାଲୁଓ କିନି ପେଲିକସ୍ ତାଣା ଜାଗ୍ରାତା ତଲେ ଅନେରି, ଏନାଆଁତାକି ବାରେ କିହାଲି ହୁକୁମି ହାତେସି ।” ୨୫ ର ମାଣା କସ୍କା ମୁହେଁ କାଜାସି ଇଲେଇଞ୍ଜୁଁ ର ଆକୁ ରାଡ଼ିତେସି;

୨୬ “ଏ ମାନିଗାଟି ଦେସା ସାଲୁଓ କିନି ପେଲିକସ୍ କ୍ଲାଞ୍ଜୁଦିୟା ଲୁସିୟାତି ଜହରା । ୨୭ ଜାହୁଦିୟାଁ ଈ ଲକୁଇଁ ଆସାନା ପାୟାଲି ଅଣ୍ଡିପାଟି ବେଲ୍ଲାତା, ଏଞ୍ଜାସି ର ରମିୟ ଲକୁ ଇଞ୍ଜୁଁ ପୁଞ୍ଜାନା, ନୀନୁ କସ୍କା ତଲେ ହାଜାନା ଏଞ୍ଜାଣାଇଁ ପିସ୍ପି କିଚେସଁ । ୨୮ ଏଞ୍ଜାସି ଏଞ୍ଜାରି କପାଟି ଏନି ଦହ କିହାମାନେସି ପୁଞ୍ଜାଲି ନୀନୁ ଏଞ୍ଜାଣାଇଁ ତାମି କାଜା ବେରଣିମାଣ୍ଡାତା ଅହାମାଚେସଁ । ୨୯ ଯାମା ଏଞ୍ଜାସି ହାନି ତଣ୍ଡ କି କାୟିଦି ତଣ୍ଡ ବେଟାଆନି ଲେହେଁତି ଏନି ଦହ କିହାହିଲଅସି ଇଞ୍ଜୁଁ ନୀନୁ ପୁଚେସଁ, ତାନି କପାଟି ଖାଞ୍ଜା ତାମି ମେରାତି କାତାତାକି ଏଞ୍ଜାଣାଇଁ ଦହ ଦସାମାନେରି । ୩୦ ଏଞ୍ଜାରି ନାଡ଼ିକିହାଁ ଏଞ୍ଜାଣାଇଁ ପାୟାଲି ଅଣ୍ଡିପାଟିନେରି ଇଞ୍ଜୁଁ ନାଜେ କାବୁ ହିୟାଲିଏ ନୀନୁ ଇଞ୍ଜାଣାଇଁ ଖେଡ଼ାକିଆନା ନୀ ତାଣା ପାଣ୍ଡାଚେସଁ; ଏଞ୍ଜାଣାଇଁ ଦହ ଦସାମାନାରାଇଁ ଜିକେଏ ନୀ ନକିତା ଏଞ୍ଜାଣି କପାଟି ସାକି ହାହାଲି ଖେସା ପାଣ୍ଡାଚେସଁ ।”

୩୧ ଏମାଟିଏ କସ୍କା ହୁକୁମି ବେଟାଆହାନା ପାଞ୍ଜୁଲଇଁ ଅହାନା ଲାଆଁୟାଁ ବେଲ୍ଲାତା ଏଞ୍ଜାଣାଇଁ ଆନ୍ତିପାଡ଼ିତା ତାଚେରି । ୩୨ ଅର ଦିନା ଗଡ଼ାୟାଁ ଗାଟାରାଇଁ ଏଞ୍ଜାଣିତଲେ ହାଜାଲି ପିସାନା, କସ୍କା କଟା ଇଲୁତା ଖେଣ୍ଡା ଖାଚେରି । ୩୩ ଗଡ଼ାୟାଁ ଗାଟାରି କାୟିସରିୟାତା ଖାହାନା, ସାଲୁଓ କିନି ପେଲିକସ୍ କି ଆକୁ ହାହାନା ପାଞ୍ଜୁଲଇଁ ଏଞ୍ଜାଣି ତାଣା ହେଚ୍ପିତେରି । ୩୪ ଏଞ୍ଜାସି ଏ ଆକୁ ପଡ଼ଓ ଆଡ଼ି ତାୟୁ ନୀନୁ ଏନିନି ରାଜିତାତି ଇଞ୍ଜୁଁ ଖେଚେସି; ଅଡ଼େ ଏଞ୍ଜାସି କିଲିକିୟାତି ଲକୁ ଇଞ୍ଜୁଁ ପୁଚେସି, ୩୫ ଇଞ୍ଜାଁ ଏଞ୍ଜାସି ଏଲେଇଚେସି, “ନିଜେ ଦହ ଦସାମାଞ୍ଜାନାରି ଇମ୍ବାଆଁ ଖାଡ଼ିସାରେ ନୀନୁ ନୀ କାତା ଖେଞ୍ଜାଇଁ” ଅଡ଼େ ଏଞ୍ଜାସି ପାଞ୍ଜୁଲଇଁ ହେଚଦତି ଇଜ ଇଟାଲି ହୁକୁମି ହାତେସି ।

୨୪

ଜାହୁଦି ଲକୁ ପାଞ୍ଜୁଲ କପାଟି ଦାଞ୍ଜା କିନାୟି

୧ ପାସା ଦିନା ତାୟୁ କାଜା ପୁଜେରା ହାନାନ, ଏଚେକା ପ୍ରାଚିନାଞ୍ଜା ଅଡ଼େ ତରୁଲ ଦରୁଗାଟି ଅକିଲା ତଲେ କାୟିସରିୟାତା ଖାଚେରି, ଅଡ଼େ ଏଞ୍ଜାରି ପାଞ୍ଜୁଲ କପାଟି ସାଲୁଓ କିନି ପେଲିକସ୍ ତାଣା ଦାଞ୍ଜା

କିତେରି । ୨ ପାଞ୍ଚଲଇଁ ଏମ୍ବାଆଁ ତାଗାଲିଏ, ତରତୁଲ ଏଞ୍ଜାଣି କପାଟି ଏଲେଇତେସି, “ଏ ମାନ୍ନିଗାଟି ପେଲିକସ୍ୟ ନୀ ତାଣାଟି ମାମ୍ବୁ ହାରେକା ଦିନାଟିଏ ହିଡ଼ଡ଼ି ବେଟାଆହି ମାନମି, ଇଞ୍ଜା ନାନୁ ମା ଦେସାତାକି କିହାମାନି କାମା ବାରେ ଇ କୃତା ତାରାକି ହାରେକା ନେହେଁ ଆହାମାନେ । ୩ ଇଦାଆଁ ମାମ୍ବୁ ହାରେକାଣା ତଲେ ବାରେ ତାଣା ହାରେକା ମାନ୍ନିତଲେ ପେଲିକସ୍ୟାଁ ମାନ୍ନି ଆହିମାନମି । ୪ ସାମା ନାନୁ ନିଜେ ଏନିକିଁ ହାରେକା ବିତିବିତା କିୟଅଁ, ଇଦାଆଁତାକି ନାନୁ ନାଜେ କାର୍ମାମେସାନା ମା ଏତରଗଟା କାତା ଖେଞ୍ଜାଲିତାକି ନିଜେ ବାତିମାଲିମାଞ୍ଜାଇଁ । ୫ ଇଚିହଁ ଇ ମାଣ୍ଡିଏ ଆଜିହସପତି ଗଡ଼ହା ଗାଗାସି, ଏଞ୍ଜାସି ଦାରତତି ବାରେଞ୍ଜାକି ମାନି ଜୀହୁଦୟାଁ ତାଣା ଗଡ଼ହା ହସ୍ତମାସି, ଅଡ଼େ ନାଜରିତ ଗତିତି ର କାଜାସି ଇଞ୍ଜାଁ ମାମ୍ବୁ ପୁଞ୍ଜାମାନମି; ୬ ଅଡ଼େ ଜିକେଏ ମାହାପୁରୁ ଇଲୁତି ଲାଗେଏ କିହାଲି ଅଣ୍ଡାପାମାରେସି, ଏଚିବେଲା ମାମ୍ବୁ ଇଞ୍ଜାଣାଇଁ ଆସୁମି, ଅଡ଼େ ମା ମୋରାତି ଲେହେଁ ଇଞ୍ଜାଣାଇଁ ନୀହାଁସି କିୟାଲି ଅଣ୍ଡାପାମାରେମି । ୭ ସାମା ର ମାଣା କସ୍ତା ମୁହେଁ କାଜାସି ଲୁସିୟା ଖାହାନା ଏଞ୍ଜାଣାଇଁ ମା ତାଣାଟି ବାଡ଼ୁମୁ ତଲେ ମୀଞ୍ଜା ଅୟାତେସି, ୮ ଅଡ଼େ ଇଞ୍ଜାଣାଇଁ ଦହ ଦସିମାନାରାଇଁ ନୀ ତାଣା ଖାହାଲି ହୁକୁମି ହୀତେସି, ଇ ବାରେ କାତାତାକି ନାନୁ ଇଞ୍ଜାଣାଇଁ ଖେଚିହଁ ମାମ୍ବୁ ଏଞ୍ଜାଣି କପାଟି ଦାଞ୍ଜା କିହାମାନାଣି ପୁଞ୍ଜାଲି ଆଡ଼ିଦି ।” ୯ କୃତା ଆହାମାଟି ଜୀହୁଦୟାଁ ଜିକେଏ ଦାଞ୍ଜା କିହାମାନାଟି ତଲେ ଆଣ୍ଡାମା ଇ ବାରେ କାତା ସାତା ଇଞ୍ଜାଁ ଇଚେରି ।

ତାନି ଖାକିଟି ପାଞ୍ଚଲ ପେଲିକସ୍ୟ ନକିତା ଖେହ୍ନାୟି

୧୦ ଏଚେଟିଏ ସାଲୁଞ୍ଜି କିନାସି ଖାଞ୍ଜୁ ହୁଟାନା ପାଞ୍ଚଲଇଁ ଜଲ୍ଲାଲି ହେଲ ହୀତେସି, ଇଞ୍ଜାଁ ପାଞ୍ଚଲ ଏଲେଇତେସି, “ନାନୁ ହାରେକା ବାର୍ଯ୍ୟା ଆଡ଼େ ଇ କୃତାତାରାଇଁ ନୀହାଁସି କିନାଟି ଆହାମାଞ୍ଜି ଇଞ୍ଜାଁ ପୁଞ୍ଜାନା, ନାନୁ ସାସାତଲେ ନା ଖାକିଟି ଖେସିମାଞ୍ଜାଇଁ । ୧୧ ବାର ଦିନାଟିଏ ଆଗାଡ଼ା ଆଏ, ନାନୁ ମାହାପୁରୁତି ସେବା କିହାଲି ଜିରୁସାଲମତା ହାଜାମାରେଏଁ, ଇଦାଆଁ ନାନୁ ଖେଞ୍ଜାନା ପୁଞ୍ଜାଲି ଆଡ଼ିଦି । ୧୨ ଅଡ଼େ ଇଞ୍ଜାରି ମାହାପୁରୁ ଇଲୁତାକି ଜୀହୁଦି ଲକୁଡି କୁଟମି ଇଲୁତା* କି ଗାଡ଼ାତି ଆମିନି ଟାୟୁତା ଆମ୍ବାଆରି ତଲେ ବାଡ଼ିବାଡ଼ା କିତାଣି କି ଗଡ଼ହା ହସ୍ତହାଣି ଇଞ୍ଜାଁ ଜୀହୁଦୟାଁଣି ମାଡ଼ୁଞ୍ଜି କିହାମାଗାଣି ଇଞ୍ଜାରି ମେସାମାଞ୍ଜାଅରି, ୧୩ ଇଞ୍ଜାଁ ନୀଏଁ ନା କପାଟି ତାଗାମାନି ଦହ ତାକି, ଏଞ୍ଜାରି ନୀ ନକିତା ଏନି ପାରମାଣା ତସାଲି ଆଡ଼ିଅତି । ୧୪ ସାମା ନାନୁ ନିଜେ ଇଦାଆଁ ଖେସିମାଞ୍ଜାଇଁ; ଇଞ୍ଜାରି ଏମିନି ଜିରୁତି ମିତି ଇଞ୍ଜାମାନେରି, ଏ ଜିରୁ ତାକାନା ନାନୁ ମା ଆକୁ ଆବାୟାଁତି ମାହାପୁରୁଇଁ ଜହରା କିହମାଇଁ, ସାମା ନାନୁ ଜିକେଏ ମସାତି ମୋରା ଅଡ଼େ ମାହାପୁରୁ ଅଣ୍ଡାପୁତି ବଲୁ ଖେହ୍ନାରି ପତିତା ଏନାୟି ରାସ୍ତକି ଆହାମାନେ ଏ ବାରେ ନାମିମାଇଁ; ୧୫ ଇଞ୍ଜାରି ଲେହେଁ ମାହାପୁରୁ ତାଣା ନା ଏ ରଣିଏ ଆସା ମାନେ ଦାମ୍ବୁଗାଗାରି ଅଡ଼େ ଦାମ୍ବୁ ହିଲାଆ ଗାଗାରି ବାରେ ଲକୁ ହାଡ଼ାରି ତାଣାଟି ଖେଶ୍ରେ ନିଜିନେରି ଇଞ୍ଜାଁ ନୀ ନକିତା ଖେସିମାଞ୍ଜାଇଁ । ୧୬ ଏଦାଆଁତାକି ନାନୁ ଜିକେଏ ମାହାପୁରୁ ଅଡ଼େ ଲକୁ ନକିତା ବାରେଦିନା ନେହଁ ଅଣ୍ଡାପୁ ତଲେ ତୟାଲି ଅଣ୍ଡାପିମାଇଁ ।”

୧୭ “ହାରେକା ବାର୍ଯ୍ୟା ଜେଟ ନାନୁ ମା ଲକୁତାଣା ଦାନା ତାଗାଲି ଅଡ଼େ ମାହାପୁରୁ ତାଣା ପୂଜା କିୟାଲି ଜିରୁସାଲମତା ଖାହାମାରେଏଁ । ୧୮ ଏଚିବେଲାତା ନାନୁ ମାହାପୁରୁ ଇଲୁତା ଅଡ଼ହା କତିନି ମୋରା ରାପୁହିମାଟି ବେଲାତା ଇଞ୍ଜାରି ନାଜେ ମାହାପୁରୁ ଇଲୁତା ମେସାତେରି; ଏଚିବେଲା ନା ତଲେ ମାଦା ଲକୁ ହିଲାଆତେରି କି ଏମ୍ବାଆଁ ଏନି ଗଡ଼ହା ହିଲାଆତେ, ୧୯ ସାମା ଆସିୟାତି ଏତରଜାଣା ଜୀହୁଦୟାଁ ଏମ୍ବାଆଁ ମାଚେରି; ନା କପାଟି ଏଞ୍ଜାରି ଏନି କାତା ମାଚିହଁ ଏଞ୍ଜାରି ନୀ ନକିତା ଖାହାନା ଦାଞ୍ଜା କିଚିହଁ ନେହେଁ ଆଡ଼େମା । ୨୦ ନାନୁ କାଜା ବେରଣିମାଣ୍ଡା ନକିତା ନିତାମାଟି ବେଲାତା ଏନି ଦହ ମେସାମାଚିହଁ ଇଦାଆଁ ମାନି ଇ ଲକୁ ନାଜେ ଖେସାପେରି, ୨୧ ନାନୁ ରଣିଏ କାତା ଖେସାମାଚେଏଁ ଏଞ୍ଜାରି ନକିତା ନିତାମାଟି ବେଲାତା ନାନୁ ଆଡ଼ିଞ୍ଜାତଲେ ଏଲେଇଞ୍ଜା ମାଚେଏଁ, ହାଡ଼ାରି ଖେଶ୍ରେ ନିଜିନେରି ଇଞ୍ଜାଁ ନାନୁ ନାମାମାନାକି ନୀଞ୍ଜୁ ମା ତାଣାଟି ନୀହାଁସି କିଞ୍ଜି ଆହିମାଇଁ ।”

୨୨ ସାମା ପେଲିକସ୍ୟ ଏ ଜିରୁତି କାତା ପୁଞ୍ଜାମାଗାକି ନୀହାଁସି କିହାଲି ବାୟିଦା କିହାନା ଏଲେଇତେସି, “ର ମାଣା କସ୍ତା ମୁହେଁ କାଜାସି ଲୁସିୟା ଖାଡ଼ିଦେହେଁ ନାନୁ ମା ନୀହାଁସି ଡିକହାଇଁ,” ଇଞ୍ଜାଁ ଖେସା ପାଣ୍ଡିତେସି । ୨୩ ଏଞ୍ଜାସି ପାସାକଡ଼ି କସ୍ତା ମୁହେଁ କାଜାଣାଇଁ ଏଲେଇତେସି, ତାନି ଲକୁ ଅଡ଼େ ତଣେସିଙ୍ଗା ତାନି ସେବା କିହାଲି କାହି କିଆନି, ଅଡ଼େ ତାନି କାୟିଦିତା ମାନାସି ଇଞ୍ଜାଁ ଗେଲ୍ପାନା ଏଞ୍ଜାଣାଇଁ ହିଡ଼ଡ଼ି ତଲେ ଲେମ୍ବାଲି ଏଲେଇତେସି ।

ପେଲିକସ୍ୟ ଅଡ଼େ ଦୂସିଲା ନକିତା ପାଞ୍ଚଲ

* ୨୪:୧୨ ୨୪:୧୨ ସିନଗର ☆ ୨୪:୨୧ ୨୪:୨୧ କାମା ୨୩:୬

୨୪ ଏତରଦିନା ତାୟୁ ପେଲିକସ୍ ଦୁସିଲା ଦରୁଗାଟି ଜୀହୁଦି ତାନି ତକ୍ତି ତଲେ ୱାତେସି, ଏଞ୍ଜାସି ପାଞ୍ଜୁଲଇଁ ହାଟ୍ଟି କିହାନା କ୍ରୀସ୍ତ ଜୀସ୍ତ ତାଣା ନାମିନି କାତା ଏଞ୍ଜାଣି ତାଣାଟି ୱେରେସି । ୨୫ ସାମା ପାଞ୍ଜୁଲ ଦାମ୍ବୁତି କାତା, ତାର୍ପୁ ହିୟାଁ ଅଡେ ୱାହ୍ନିମାନି ନାହାଁୟି ଦିନାଟି କାତା ୱେସିମାତାକି, ପେଲିକସ୍ ଆଜାନା ଏଲେଇଚେସି, “ନୀର୍ବ ନୀନୁ ହାଲାମ୍ବୁ ବେଲା ସିନିକିହାନା ଅଡେ ର ଦିନା ହାଟ୍ଟି କିୟାଇଁ ।” ୨୬ ପାଞ୍ଜୁଲ ନାଜେ ଟାକାୟାଁ ହିୟାନେସି ଇଞ୍ଜୁଁ ଏଞ୍ଜାସି ଆସା କିହାମାଚେସି, ଏଦାଆଁତାକି ଏଞ୍ଜାସି ଅଲେ ଅଲେ ଏଞ୍ଜାଣାଇଁ ହାଟ୍ଟି କିହାନା ଏଞ୍ଜାଣିତଲେ କାତା ଆଞ୍ଜିତେସି ।

୨୭ ଏଲେକିହଁ ରା ବାସାଁ ଆଡି ତାୟୁ ପକଁୟ ପେସ୍ତସ୍, ପେଲିକସ୍ ଟାୟୁତା ସାଲୁଞ୍ଜି କିନାସି ଆଚେସି, ଅଡେ ପେଲିକସ୍ ଜୀହୁଦିୟାଁ ନେହାଁସି ଇଞ୍ଜୁଁ ଇଞ୍ଜାପେରିଞ୍ଜା ଇଞ୍ଜୁଁ ଅଂପାଦା ପାଞ୍ଜୁଲଇଁ କାୟିଦିତା ଇଚାନା ହାଚେସି ।

୨୫

ସାଲୁଞ୍ଜି କିନାଣି ତାଣା ପାଞ୍ଜୁଲ ଗହାରା କିନାୟି

୧ ଏମ୍ବାଟିଏ ପେସ୍ତସ୍ ଇ ରାଜିତା ୱାହ୍ନାନା ତାନିଦିନା ଆୟାଲିଏ କାୟିସରିୟାଟି ଜିରୁସାଲମତା ହାଚେସି, ୨ ଅଡେ ଏମ୍ବାଆଁ କାଜା ପୁଜେରାଜା ଇଞ୍ଜାଁ ଜୀହୁଦି ଲକ୍ଷୁତି କାଜାରି ପାଞ୍ଜୁଲ କପାଟି ପେସ୍ତସ୍ ତାଣା ୱେଣ୍ଡେ ଦାଞ୍ଜା କିଚେରି, ୩ ଅଡେ ଏଞ୍ଜାସି ଏନିକଁ ପାଞ୍ଜୁଲଇଁ ଜିରୁସାଲମତା ହାଟ୍ଟା ପାଣ୍ଡାନେସି, ଏଦାଆଁତାକି ଗହାରା କିହାନା ଏଞ୍ଜାଣି କପାଟି କାର୍ମାଆନି ଲେହେଁ ପେସ୍ତସ୍ ବାଟିମାଲିତେରି; ଇଞ୍ଜାଁ ଏଞ୍ଜାରି ଜିରୁତା ତୁଗୁଆଁ ପାୟାଲି ଅଣ୍ଡାପିମାଚେରି । ୪ ପେସ୍ତସ୍ ଏଲେଇଚେସି, “ପାଞ୍ଜୁଲ କାୟିସରିୟାତା କାୟିଦିତା ମାନେସି, ଇଞ୍ଜାଁ ନାନୁ ଜିକେଏ ତବେ ଏମ୍ବାଆଁ ୱେଣ୍ଡା ହାଜିମାଇଁ, ୫ ଏଞ୍ଜାସି ଏନି ଦହ କିହାମାନେସି, ଆତିହଁ ମୀ କାଜାରି ନା ତଲେ କାୟିସରତା ହାଲାପେରି ଅଡେ ଏଞ୍ଜାଣି କପାଟି ତାନି ଦାଞ୍ଜା କିପାରି ।”

୬ ପେସ୍ତସ୍ ଏମ୍ବାଆଁ ଆଟା କି ଦସ ଦିନା ଏଞ୍ଜାରିତଲେ ତୁୟାହାଁ କାୟିସରିୟାତା ୱେଣ୍ଡେ ହାଚେସି, ଏ ଅର ନେରୁ ନାହାଁୟି କିନି ଟାୟୁତା କୁଗାନା ପାଞ୍ଜୁଲଇଁ ତାଚାଲି ହୁକୁମି ହାଚେସି । ୭ ପାଞ୍ଜୁଲ ୱାହ୍ନାଲିଏ ଜିରୁସାଲମଟି ୱାହ୍ନାନା ଜୀହୁଦିୟାଁ ତାନି ସାରିସ୍ତୁ ନିଚାନା ଏଞ୍ଜାଣି କପାଟି ହାରେକା ଦହ ଦସାଲି ମାଟ୍ଟହେରି, ସାମା ଏଞ୍ଜାରି ଏ ବାରେଟି ପାର୍ମାଣା କିହାଲି ଆଡାଆଚେରି । ୮ ଏଚେଟିଏ ପାଞ୍ଜୁଲ ତାନି ୱାକିଟି ୱେସାକତାନା ଏଲେଇଚେସି, “ଜୀହୁଦିୟାଁ ମୋର କପାଟି ଆଆଡ଼ି ମାହାପୁରୁ ଇଲୁ କପାଟି କି କାୟିସର କପାଟି ଜିକେଏ ନାନୁ ଏନି ଦହ କିହାହିଲଅଁ ।”

୯ ସାମା ପେସ୍ତସ୍, ଜୀହୁଦି ଲକ୍ଷୁ ନକିତା ନେହାଁସି ଆୟାଲି ପାଞ୍ଜୁଲଇଁ ୱେରେସି, “ନୀନୁ ଜିରୁସାଲମତା ହାଜାନା ଏମ୍ବାଆଁ ନା ନକିତା ଇ ବାରେତାକି ନାହାଁୟି ଆୟାଲି ମନ କିହମାଞ୍ଜି କି ?”

୧୦ ସାମା ପାଞ୍ଜୁଲ ଏଲେଇଚେସି, “ନୀନୁ କାୟିସର ନକିତା ନାହାଁୟି କିନି ଟାୟୁତା ନିଚାମାଇଁ, ଏମ୍ବାଆଁ ନା ନାହାଁୟି ଆନାୟି ମାନେ, ନୀନୁ ଜୀହୁଦିୟାଁ କପାଟି ଏନି ଲାଗେଏ କାମା କିହାହିଲଅଁ, ଏଦାଆଁ ନୀନୁ ଜିକେଏ ନେହଁକଁ ପୁଞ୍ଜାମାଞ୍ଜି । ୧୧ ମୋର ମାନି କିଆନା ଲାଗେଏଟି କାମା କିହାମାଟିହଁ, ନୀନୁ ହାହାଲି ଆଜିହିଲଅଁ; ସାମା ଇଞ୍ଜାରି ନା କପାଟି ଆମିନି ବାରେ ଦାଞ୍ଜା କିହମାନେରି, ଏ ବାରେ ବିତ୍ରାଟି ଆମିନି ର ପଦୁ ଜିକେଏ ସାତା ଆଆତିହଁ, ଆମ୍ବାଆସି ଏଞ୍ଜାରି କେୟୁତା ନାଜେ ହେର୍ପାଲି ଆଡ଼ଅସି, ନୀନୁ କାୟିସର ନକିତା ନାହାଁୟି କିଞ୍ଜିଆୟାଲି ଗହାରା କିହମାଇଁ ।”

୧୨ ଏମ୍ବାଟିଏ ପେସ୍ତସ୍ ତାନି ନାହାଁୟିଟି କାଜାରି ତଲେ ଜଲୁକି ଆହାନା ଏଲେଇଚେସି, “ନୀନୁ କାୟିସର ନକିତା ନାହାଁୟି କିଞ୍ଜିଆୟାଲି ରାସିମାଞ୍ଜି, ଆତିହଁ ନୀନୁ କାୟିସର ତାଣେଏ ହାଜି ।”

ଆଗ୍ରିପା ଅଡେ ବନଁକି ନକିତା ପାଞ୍ଜୁଲ

୧୩ ଏତରଦିନା ତାୟୁ ରାଜା ଆଗ୍ରିପା ଅଡେ ବନଁକି କାୟିସରିୟାତା ୱାହ୍ନାନା ପେସ୍ତସ୍ ଆଣ୍ଡାଲି ହାଚେରି । ୧୪ ଏଞ୍ଜାରି ଏମ୍ବାଆଁ ଏତରଦିନା ତୁୟିତି ତାୟୁ, ପେସ୍ତସ୍ ରାଜା ନକିତା ପାଞ୍ଜୁଲ କାତା ୱେସେସି, “ପେଲିକସ୍ କାୟିଦିତା ଇଟାମାନାସି ରଅସି ଇମ୍ବାଆଁ ମାନେସି; ୧୫ ନୀନୁ ଏଟିବେଲା ଜିରୁସାଲମତା ହାଜାମାଚେଏଁ ଏଟିବେଲାତା ଜୀହୁଦି ଲକ୍ଷୁତି କାଜା ପୁଜେରାଜା ଅଡେ ପ୍ରାଟିନାଜା ଏଞ୍ଜାଣି କପାଟି ୱେସାନା ଏଞ୍ଜାଣାଇଁ ତଣ୍ଡ ହାହାଲି ନାଜେ ବାଟିମାଲି ମାଞ୍ଜାଚେରି । ୧୬ ସାମା ନୀନୁ ଏଞ୍ଜାରାଇଁ ଏଲେଇଚେସି, ଦହଗାଟାସି ତାନି ଦହ ଦସାମାନାରା ନକିତା ନିଆ ପାଚେକା ଇଞ୍ଜାଁ ତାଜେ ତାନି ୱାକିଟି ଜଲୁଲି ହୀଆ ପାଚେକା ଏଞ୍ଜାଣାଇଁ ତଣ୍ଡ ହାହାଲି ମା, ରମ୍ବ ଲକ୍ଷୁତି ମୋରା ହିଲେଏ । ୧୭ ଏଞ୍ଜାରି ନା ତଲେ ଇମ୍ବାଆଁ ୱାୟାଲିଏ, ନୀନୁ ୱେଡାକିଆନା ତାନି ଅର ନେରୁ ନାହାଁୟି କିନି ତାଣା କୁଗାନା, ଏଞ୍ଜାଣାଇଁ ତାଚାଲି ହୁକୁମି

ହାତେର୍ବ । ୧୮ ଏଞ୍ଜାଣାଇଁ ଦହ ଦସାମାନାରି ଖାହାନା ନିତେରି, ସାମା ଏଞ୍ଜାରି ଏନ୍‌ଲେହେଟ୍ ଦାଞ୍ଜା କିନେରି ଇଞ୍ଜି ନାନୁ ଅଣପିମାଚେର୍ବ, ଏଞ୍ଜାରି ଏନ୍‌ ଦହ ଏଞ୍ଜାଣି କପାଟି ଖେସ୍ତାଆତେରି । ୧୯ ଏଞ୍ଜାରି ଖାଉଇ ତାମି ଦାମ୍ବୁତି କାତା ଇଞ୍ଜା ଜୀସୁ ଦରୁଗାଟି ଏମିନି ହାତାଣାଇଁ ପାଞ୍ଜୁଲ ନୀତାମାନେସି ଇଞ୍ଜି ଖେସିମାନେସି, ତାନି କାତାତାକି ଆସ୍ପି ଆତେରି । ୨୦ ଇ ବାରେ କାତା ନେହ୍ କି ପୁଞ୍ଜାଲିତାକି ଏନାଆଁ କିହାଲି ଆନେ, ଏନାଆଁ ତାରି କିହାଲି ଆତାଆନା ଇ ଦାଞ୍ଜା ତାକି ନାହାଁୟି ଆହାଲିତାକି ପାଞ୍ଜୁଲ ଜିରୁସାଲମତା ହାନେସି କି ଆଏ ଏଦାଆଁ ନାନୁ ଖେଚେର୍ବ । ୨୧ ସାମା ପାଞ୍ଜୁଲ ସାଲୁଞ୍ଜି କିନି କାୟିସର ନକିତା ନାହାଁୟି କିଞ୍ଜିଆୟାଲି ନାନୁ ହାଇଁ ଇଞ୍ଜି ଖେସିମାତାକି, ନାନୁ ଏଞ୍ଜାଣାଇଁ କାୟିସର ତାଣା ପାଣ୍ଡିନି ପାତେକା କାୟିଦିତା ଇଟାଲି ହୁକୁମି ହାତେର୍ବ ।”

୨୨ ଆଗ୍ରିପା ପେସ୍ତସ୍‌ଇଁ ଏଲେଇଚେସି, “ନାନୁ ଜିକେଏ ଇଞ୍ଜାଣି କାତା ଖେଞ୍ଜାଲି ମନ୍ କିହିମାଇଁ । ହାଅ ଓଏ ନାନୁ ଏଞ୍ଜାଣି କାତା ଖେଞ୍ଜି” ଇଞ୍ଜି ପେସ୍ତସ୍‌ ଏଲେଇଚେସି ।

୨୩ ତାନି ଅର ଦିନା ଆଗ୍ରିପା ଇଞ୍ଜା ବନି କି କାଜାପାଣା ଅଡେ ଗାଞ୍ଜୁରମିଗାଟି କସ୍‌କା ଇଞ୍ଜା ଗାଡାତି କାଜାରି ତଲେ ହାଜାନା ନାହାଁୟି କିନି ଚାୟାତା ଖାତେସି, ଏମାଟିଏ ପେସ୍ତସ୍‌ ହୁକୁମି ତଲେ ପାଞ୍ଜୁଲ ଏମାଆଁ ତାପିଆଡେସି । ୨୪ ଏମାଟିଏ ପେସ୍ତସ୍‌ ଏଲେଇଚେସି, “ଏ ରାଜା ଆଗ୍ରିପା ଅଡେ ଇମାଆଁ ମାନି ମାନିଗାଟି କାଜାତେରି, ମୀରୁ ବାରେ ଇଞ୍ଜାଣାଇଁ ମେସିମାଞ୍ଜେରି; ଇଞ୍ଜାଣି କପାଟି ଜିରୁସାଲମ ଇଞ୍ଜା ଇମାଆଁ ମାନି ଜୀହୁଦି ଲକୁ ନା ତାଣା ଦାଞ୍ଜା କିହାମାନେରି, ଇଞ୍ଜାସି ନୀତାମାନାୟି ଲଡା ହିଲେଏ ଇଞ୍ଜି ବାରେଜାଣା କାଲୁଞ୍ଜି ଆତେରି । ୨୫ ସାମା ଇଞ୍ଜାସି ହାନ୍‌ଲେହେଟ୍ ଏନ୍‌ ଦହ କିହାମାନାଣି ନାନୁ ମେସାହିଲିଆଁ ଇଞ୍ଜା ଏଞ୍ଜାସି ତାନୁଏ କାୟିସର ତାଣା ନାହାଁୟି କିଞ୍ଜିଆୟାଲି ବାତିମାଲିତାକି ନାନୁ ଏଞ୍ଜାଣାଇଁ ଏମାଆଁ ପାଣ୍ଡାଲି ତାକି ତାରି କିତେର୍ବ । ୨୬ ସାମା ରାଜା କାୟିସର ତାଣା ଏଞ୍ଜାଣି ତାକି ରାଡାଲି ନାଜେ ଏନ୍‌ କାତା ହିଲେଏ, ଏଦାଆଁତାକି ନାନୁ ଏଞ୍ଜାଣାଇଁ, ବାରେକିହାଁ ରାଜା ଆଗ୍ରିପା ନୀ ତାଣା ଏଞ୍ଜାଣାଇଁ ତାତାମାଇଁ, ଏନ୍‌କି ଏଞ୍ଜାଣି କାତା ଖେଞ୍ଜାନା, ପୁଟିତାୟୁ ନାନୁ ଏଞ୍ଜାଣାଇଁ ଇଚାଣି ରାଡାଲି ଆଡିଇଁ । ୨୭ ଇତିହ୍ ର କାୟିଦି ଗାଟାଣାଇଁ ପାଣ୍ଡିନି ବେଲତା ତାନି କପାଟି କିହାମାନି ଦାଞ୍ଜା ନେହ୍ କି ତହ୍‌ଆନା ପାଣ୍ଡାଲି ନେହେଁ ଆଏ ଇଞ୍ଜି ନାନୁ ଅଣପିମାଇଁ ।”

୨୨

ରାଜା ଆଗ୍ରିପା ନକିତା ପାଞ୍ଜୁଲ ତାଜେତାକି ଖେଞ୍ଜାନାୟି

୧ ଆଗ୍ରିପା ପାଞ୍ଜୁଲଇଁ ଏଲେଇଚେସି, “ନିଜେ ନୀ ଖାକିଟି କାତା ଜଲ୍‌ଲାଇଁ ହେଲ ହାପକିଆଡେ” ଏମାଟିଏ ପାଞ୍ଜୁଲ କେୟୁ ଦାସାନା ତାନି ଖାକିଟି ଏଲେଇଚେସି ।

୨ “ରାଜା ଆଗ୍ରିପା, ଜୀହୁଦିୟାଁ ନା କପାଟି ଏନ୍‌ ଦହ ଦସାମାଞ୍ଜାନେରି, ଏଦାଆଁ ନୀଞ୍ଜୁ ନୀ ନକିତା ଖେସାଲି ନାନୁ ହେଲ ବେଟାଆହାମାନାକି ନାନୁ ନାଜେ କପଲ ଗାଟାତେର୍ବ ଇଞ୍ଜି ଅଣପା କଡିମାଇଁ, ୩ ଏନାଆଁତାକି ଇତିହ୍, ନାନୁ ଜୀହୁଦିୟାଁ ପାଣାପାଟୁ ଅଡେ କାତା ନେହ୍ କି ପୁଞ୍ଜାମାଞ୍ଜି; ଏଦାଆଁତାକି ନା କାତା ସାସାତଲେ ଖେଞ୍ଜାଲି ନିଜେ ବାତିମାଲିମାଞ୍ଜାଇଁ ।”

୪ “ନା ଦାଂଗଣା ଖେଡାଟିଏ ନୀର୍ବ ପାତେକା ନାନୁ ତଲି ମା କୁଡାତାରି ତଲେ ଅଡେ ଜିରୁସାଲମତା ଏନ୍‌ଆହ୍ ନୀତା ମାଚେର୍ବ ଏଦାଆଁ ଜୀହୁଦିୟାଁ ବାରେ ନେହ୍ କି ପୁଞ୍ଜାମାନେରି; ୫ ନାନୁ ମା ମାହାପୁରୁତି ମେରା ହାରେକା ନେହ୍ କି ମାନୁଞ୍ଜି ଆହିମାନି ପାରୁସିୟାଁ ଗଟିତା ମାଚେର୍ବ, ଏଞ୍ଜାରି ନାଜେ ତଲିଟିଏ ପୁଞ୍ଜାମାଞ୍ଜାନେରି, ଏଞ୍ଜାରି ମନ୍ କିତିହ୍ ସାକି ହାହାଲି ଆଡିନେରି । ୬ ମାହାପୁରୁ ମା ଆକୁ ଆଦାୟାଁଣି ଏମିନି କାତା ଆଞ୍ଜାମାଚେସି, ଏ କାତା ହାହାମାନାଣି ବାସୁଁ କିହାମାନାକି ନୀଞ୍ଜୁ ନାନୁ ଇମାଆଁ ନାହାଁୟି କିଞ୍ଜିଆୟାଲି ନିଚାମାଇଁ ୭ ମା ଲକୁଡି ବାରୁ କୁଡାତାରି ଲାଆଁ ମାଦେନା ମାହାପୁରୁତି ସେବା କିହାନା ଏ ରଣ୍ଡିଏ କାତା ବେଟାଆହାଲି ତାକି ଆସା କିନେରି, ଏ ରାଜା, ନା ଏ ବାସୁଁ ତାକି ଜୀହୁଦିୟାଁ ନାଜେ ଦହ କିହିମାଞ୍ଜାନେରି । ୮ ମାହାପୁରୁ ହାଡାରାଇଁ ନିକ୍‌ନେସି, ଇଦାଆଁ ନାମାଲି ଆତାଆ ଗାଟାୟି ଇଞ୍ଜି ମୀରୁ ଏନାଆଁତାକି ଅଣପିମାଞ୍ଜେରି ?”

୯ “ନାକ୍‌ରିତ ଜୀସୁ ଦରୁ କପାଟି ନାଜେ ହାରେକା କାମା କିନାୟିମାନେ ଇଞ୍ଜି ନାନୁ ଅଣପିମାଚେର୍ବ । ୧୦ ଜିରୁସାଲମତା ନାନୁ ଏଲେଜିକେଏ କିତେର୍ବ । କାଜା ପୁଜେରାଜା ତାଣାଟି ଅଦିକାରା ଆକୁ ବେଟାଆହାନା, ମାହାପୁରୁ ଲକୁ ତାଣାଟି ହାରେକା ଜାଣାଇଁ କାୟିଦିତା ପୁଣ୍ଡିକିହାମାଚେର୍ବ ଇଞ୍ଜା ଏଞ୍ଜାରାଇଁ

☆ ୨୨:୫ ୨୬:୫ କାମା ୨୩:୬; ପିଲିପି ୩:୫ ☆ ୨୨:୯ ୨୬:୯ କାମା ୮:୩; ୨୨:୪,୫

ପାୟିନାଟି ନାନୁ ଜିକେଏ ଆଣ୍ଡିମାଚେଏ । ୧୧ ହାରେକା ଦେବା ଜୀହୁଦି ଲକ୍ଷୁଡି କୁଟମି ଲକ୍ଷକାଣା* ନାନୁ ଏଞ୍ଜାରାଇଁ ଲାଜାକିହିଁ ତଣ୍ଡ ହାହିମାଚେଏ ଇଞ୍ଜା ଏଞ୍ଜାରି ନାମୁଡି ଏଟକା କିହାଲି ଅଣ୍ଡାପାମାଚେଏ, ନାନୁ ଏଞ୍ଜାରି କପାଟି ହାରେକା କାରବି ଆହାମାଚେଏ, ଏଞ୍ଜାରାଇଁ ସାସ୍ତି ହାହାଲି ଏଟକା ଦେସାତା ଜିକେଏ ହାଜାମାଚେଏ ।”

ପାଞ୍ଜୁଲ ତାନି ମନୁ ଖେଟ୍‌ହି କାତା ଖେହ୍‌ନାୟି
(କାମା ୯:୧-୧୯; ୨୨:୬-୧୭)

୧୭ ଇଦାଆଁତାକି କାଜା ପୁଜେରାଜା ତାଣାଟି ଅଦିକାରା ଆକୁ ଅଡେ ହୁକୁମି ବେଗାଆହାନା ନାନୁ ଦମେସକ ହାଜାମାଚେଏ । ୧୮ ଏ ରାଜା ଆଗ୍ରିପା, ର ଦିନା ମାଦେନା ବେଲା ଜିରୁତା ହାଗୁଲାକଟି ଖେଡାକିହାଁ ହାରେକା ଉଜେଡି ମେସ୍ତେଏ, ଏ ଉଜେଡି ନାଜେ ଅଡେ ନା ତଲେ ହାଜିମାଚାରି ସାରିଝାକି ତଞ୍ଜାଆଡେ । ୧୯ ମାମୁ ନୁରୋଜାଣା ବୁମିତା ତରଗାଲିଏ, ଏହି ହାଡାତଲେ ନାଜେଡାକି ଇ ହାଡା ଖେଟେଏ, “ଆଡେ ସାଞ୍ଜୁଲ ଆଡେ ସାଞ୍ଜୁଲ ଏନାଆଁତାକି ନାଜେ ସାସ୍ତି ହାହିମାଜାଦି ? ଏନିକିଁ ତୁକୁ କଡି ହେରୁ ତୁନାଣି ହୁଡୁ ବାଡୁଗାତା ଦୟିନେ ଏଲେକିହିଁ ନାନୁ ତାୟୁଝାକି ଦୟାହାଁ ଜାହାରା କତାତା ଗାଣ୍ଡିକି ମାଞ୍ଜି ।” ୧୫ ଏମ୍ବାଟିଏ ନାନୁ ଖେଟେଏ, “ପ୍ରବୁ ନାନୁ ଆମ୍ବାଆତି ?” ଏଚେଟିଏ ପ୍ରବୁ ଏଲେଇଞ୍ଜାତେସି “ନାନୁ ଆମ୍ବାଆରାଇଁ ସାସ୍ତି ହାହିମାଞ୍ଜି ନାନୁ ଏ ଜୀସୁଡେଏ । ୧୬ ସାମା ନିଜାମୁ କତାତା ବାଡୁମୁ ହାହାନା ନିମୁ, ଇତିହିଁ ନାନୁ ନିଜେ ନା ସେବା କାମା କିହାଲିତାକି ତଞ୍ଜା ଆହାମାଞ୍ଜାଇଁ, ନାଞ୍ଜୁ ନାନୁ ଏନାଆଁ ମେସାମାଞ୍ଜି ତାୟୁ ନାନୁ ନିଜେ ଏନାଆଁ ତସାଇଁ ଏ କାତା ଏଟକା ତାରାଇଁ ସାକି ହାଦି । ୧୭ ଜୀହୁଦି ଅଡେ ଜୀହୁଦିଆଆତି ଲକ୍ଷୁତାଣା ନାନୁ ନିଜେ ପାଣ୍ଡାଇଁ, ଏଞ୍ଜାରି ତାଣାଟି ନାନୁ ନିଜେ ଗେଲ୍‌ପାଇଁ । ୧୮ ନିଜେ ଏଞ୍ଜାରି କାଣ୍ଡା ଦେତାଲି ଆନେ, ଅଡେ ଏଞ୍ଜାରିଆଦେରିଟି ଉଜେଡିତା ଅଡେ ସୟତାନ ପାନ୍ଦାଟି ମାହାପୁରୁ ତାଣା ଖେଟ୍‌ହା ତାନାୟି ଆନେ, ଏନିକିଁ ନା ତାଣା ନାନିନି ତାଣାଟି ସୁଦୁ କିଞ୍ଚି ଆହାନା ଏଞ୍ଜାରି ପାପୁ ମେଣ୍ଡିଜିନେ ଅଡେ ମାହାପୁରୁ ଆଡିତି ଲକ୍ଷୁ ବିତ୍ତା ଏଞ୍ଜାରି ଚାୟୁ ବେଗାଆନେରି ।”

ପାଞ୍ଜୁଲ ତାନି କାମାଟି ଖେହ୍‌ନାୟି

୧୯ “ରାଜା ଆଗ୍ରିପା, ଏ ଲାକପୁରୁଟି ମେସାଣି ନାନୁ ଉରାଆଡେଏ, ୨୦ ତଲିଏ ଦମେସକତା ଇଞ୍ଜା ଜିରୁସାଲମଟି ଲକ୍ଷୁତାଣା ତାୟୁ ଜୀହୁଦା ରାଜିତି ବାରେ ନାସ୍‌କାଣାଁ, ଅଡେ ଜୀହୁଦିଆଆତି ଲକ୍ଷୁତାଣା ଜିକେଏ ଖେକ୍‌ହେଏ, ଏନିକିଁ ଏଞ୍ଜାରି ମନୁ ଖେଟ୍‌ହାନା ମାହାପୁରୁ ତାଣା ଖାନେରି, ଇଞ୍ଜା ଏଞ୍ଜାରି ମନୁ ଖେଟ୍‌ହା କତାମାନେରି, ଏଦାଆଁ କାମାତା ତହ୍‌ନେରି । ୨୧ ଏଦାଆଁତାକି ନାନୁ ମାହାପୁରୁ ଇଲ୍‌କା ମାଗାଟି ଜୀହୁଦିହିଁ ନାଜେ ଆସାନା ପାୟାଲି ଅଣ୍ଡିଏ ମାଞ୍ଜାତେରି । ୨୨ ସାମା ନାଞ୍ଜୁପାତେକା ମାହାପୁରୁ ନାଜେ ସାୟେନି କିହାମାଞ୍ଜାନେସି, ଏଦାଆଁତାକି ନାଞ୍ଜୁ ନାନୁ ଉଣା କାଜାରି ବାରେତି ନକିତା ସାକି ହାହାଲି ନିଚାମାଇଁ । ମାହାପୁରୁ ଅଣ୍ଡପୁଡି ବଲ୍ଲୁ ଖେହ୍‌ନାରି ଅଡେ ମସା ଏନାଆଁ ଆନେ ଇଞ୍ଜାଁ ଖେସାମାନେସି ନାନୁ ଏ କାତା ଖେସିମାଇଁ, ୨୩ ଇତିହିଁ ମସିହା ସାତେଏ ଦୁକୁ ବେଗାଆହାନା ହାଡାରି ବିତ୍ତାଟି ତଲିଏ ନିଜାମା ଜୀହୁଦି ଲକ୍ଷୁ ଇଞ୍ଜାଁ ଜୀହୁଦିଆଆତି ଲକ୍ଷୁ ନକିତା ଗେଲ୍‌ପିନି ଉଜେଡି ତହ୍‌ନେସି ।”

୨୪ ପାଞ୍ଜୁଲ ଇଲେକିହିଁ ତାନି ଝାକିଟି ଜଲ୍‌ମାଗାଟି ପେସ୍‌ସ୍ କାଜା ଗିୟାତଲେ ଏଲେଇଚେସି, “ପାଞ୍ଜୁଲ ନାନୁ ବାୟା ଆଡି; ଗାଡି ଜାପିତାକି ନାନୁ ବାୟା ଆହାମାଞ୍ଜି ।”

୨୫ ସାମା ପାଞ୍ଜୁଲ ଏଲେଇଚେସି, “ଏ ମାନିଗାଟି ପେସ୍‌ସ୍ ନାନୁ ବାୟା ଆହାହିଲଅଁ; ସାମା ନାନୁ ଏନାଆଁ ଜଲ୍‌ମାଇଁ ଏଡି ସାତା, ତାରି ବୁଦିତଲେ ଖେସିମାଇଁ । ୨୬ ରାଜା ଆଗ୍ରିପା ନାନୁ ଇ ବାରେ ପୁଞ୍ଜାମାନାକି, ନାନୁ ନୀ ନକିତା ସାସାତଲେ କାତା ଜଲ୍‌ମାଇଁ, ନାନୁ ସାତେଏ ନାନିମାଇଁ, ଇ ବାରେ ନାନୁ ପୁନାଆରେଡୁ ଆହା ହିଲେଏ; ଅଡେ ଇ ବାରେ କାତା ତୁଗ୍‌ନା ନେଣେଏ ଆହାହିଲେଏ । ୨୭ ଏ ରାଜା ଆଗ୍ରିପା, ନାନୁ ମାହାପୁରୁ ଅଣ୍ଡପୁଡି ବଲ୍ଲୁ ଖେହ୍‌ନାରି କାତା ନାନିମାଞ୍ଜି କି ? ହାଅ ନାନୁ ନାନିମାଞ୍ଜି ଇଞ୍ଜାଁ ନାନୁ ପୁଞ୍ଜାମାଇଁ ।”

୨୮ ଆଗ୍ରିପା ପାଞ୍ଜୁଲଇଁ ଏଲେଇଚେସି, “ନାନୁ ନାଜେ ଗାଡେକେଏ କ୍ରୀସ୍ତାନା କିଇଁ ଇଞ୍ଜାଁ ଅଣ୍ଡପିମାଞ୍ଜାଦି ?”

୨୯ ପାଞ୍ଜୁଲ ଏଲେଇଚେସି, “ଗାଡେକା ତାକି ଆପେ କି ଗାଡିତାକି ଆପେ ମାହାପୁରୁ ତାଣା ଇଚେକେଏ ନା ପ୍ରାଡାନା, ନାନୁ, ଅଡେ ଏଚରଜାଣା ନାଞ୍ଜୁ ନା କାତା ଖେଞ୍ଜିମାନେରି, ବାରେଜାଣା ନାଲେହେଁ ଆପେରି ସାମା ନାଲେହେଁ ହିକଣିୟାଁ ତଲେ ଦସ୍‌ପି ଆପେରି ଇଞ୍ଜାଁ ନାନୁ ଖେସିମାଞ୍ଜିଅଁ ।”

* ୨୭:୧୧ ୨୭:୧୧ ସିନଗ୍ଲୁ ☆ ୨୭:୨୩ ୨୭:୨୩ ୧କର ୧୫:୨୦

^{୩୦} ଏଚେତ୍ୟ ରାଜା, ସାଲୁକି କିନାସି ଅଡ଼େ ବନି କି ଇଞ୍ଜା ଏବଂକାତାରି ବାରେ ହାଜାଲି ନିଜାଚେରି, ^{୩୧} ଏଞ୍ଜାରି ହାନିବେଲାତା ତାମ୍ନୁ ତାମ୍ନୁ ଜଲ୍ଲକି ଆଚେରି, “ଇ ମାଣସି ଇଲେତି ଏନି କାମା କିହାହିଲଅସି ଏନାଆଁତାକି ଏଞ୍ଜାସି ଦସପି ଆନେସି କି ପାୟୁଞ୍ଜି ଆନେସି ।” ^{୩୨} ଅଡ଼େ ଆଗ୍ରାପା ପେସସକ୍ ଏଲେଇଚେସି, “ଇ ମାଣସି କାୟସର ତାଣା ନୀହାୟି କିଞ୍ଜିଆୟାଲି ବାତିମାଲ୍ଲାଆତିହିଁମା ମାମ୍ନୁ ଏଞ୍ଜାଣାଇଁ ପିସାଲି ଆଡ଼ିତମା ।”

୨୨

ପାଞ୍ଜୁଲ ସାମ୍ବୁରୁଚି ରମ୍ପତା ହାନାୟି

^୧ ମାମ୍ନୁ ଲୁଗାଲି ଦେସାତା ଏୟୁ ଜାଜା ତଲେ ହାଜାଲି ତାରି କିଞ୍ଜିଆଡ଼ି ତାୟୁ ପାଞ୍ଜୁଲ ଅଡ଼େ ଏଚରଜାଣା କାୟିଦିତା ମାଚାରାଇଁ, ରାଜାତି କସକା ଜୁଲିୟସ୍ ଦରୁଗାତି ପାସାକଡ଼ି କସକା ମୁହେଁ କାଜାଣି କେୟୁତା ହେରୁପିଚେରି । ^୨ ଏମ୍ପାଚିଏ ମାମ୍ନୁ ଆସିୟା ଦେସାତି ଏବଂକା ଏବଂକା ଟାୟୁତା ହାନି ଏୟୁ ଜାଜା ନିନି ଟାୟୁଚି ଆତ୍ରାମୁତିୟ ଜାଜାତା ହଡ଼ମି; ଇଞ୍ଜା ମାକିଦନିୟା ଦେସାତି ଚେସଲନିକି ଗାଡ଼ାତି ଆରିସ୍ପାକ୍ ମା ତଲେ ମାଚେସି । ^୩ ତାନି ଅର ନେରୁ ମାମ୍ନୁ ସୁଦନତା ଏଗାତମି, ଅଡ଼େ ଜୁଲିୟସ୍ ପାଞ୍ଜୁଲଇଁ କାମା ଆହାନା ତାନି ତଢେସିକ୍ମା ତାଣା ହାଜାନା ଲଡ଼ାମାନାଣି ସେବା ବେଟାଆହାଲି ହେଲ ହାଚେସି । ^୪ ଏମ୍ପାଚି ଜାଜାତା ହରାମାଚାଚି ମା ଖାକି ଗାଲି ଖେଚାଲିଏ ମାମ୍ନୁ କୁପ୍ର ଦାରି ଦାରିଚି ହାଚମି, ^୫ କିଲିକିୟା ଅଡ଼େ ପଂପୁଲିୟା ନକିତା ମାନି ସାମ୍ବୁରୁଚି ଗାଣଚାନା ଲୁକିୟାତି ମୁରାତା ଖାଡ଼ମି । ^୬ ଏମ୍ପାଆଁ ପାସାକଡ଼ି କସକା ମୁହେଁ କାଜାସି, ଇଚାଲିତା ହାଜିମାନି ର ଆଲେକଡ଼ାଣ୍ଡିୟା ଏୟୁ ଜାଜା ବେଟାଆହାନା ମାଜେ କୁଗି କିୟାଚେସି ।

^୭ ତାୟୁ ହାଚେରକା ଦିନାତାକି ଦୀରେ ଦୀରେ ହାଜାନା କସ୍ତଲେ କ୍ରିଦ ଗାଡ଼ା ତାଗେ ହାଚମି । ନକିତି ଗାଲି ମାଜେ ନକିତା ହାଜାଲି ହିୟାଆଲିଏ ସାଲ୍ଲମନିତି ଅରଖାକି କ୍ରିତି ଦାରି ଦାରିଚି ହାଚମି । ^୮ ଅଡ଼େ କସ୍ତଲେ ଗାଟୁ ଗାଟୁଚି ହାଜାନା “ଅଜିତି ବାନ୍ଦା” ଇନି ଟାୟୁତା ହାଚମି, ଏଡ଼ି ଲାସାୟା ଗାଡ଼ାତି ତାଗେ ମାଚେ ।

^୯ ଇଲାଆହିଁ ହାଚେରକା ଦିନା ଆହାହାଚେ, ଇଞ୍ଜା ସାମ୍ବୁରୁଚି ହାନାୟି କସ୍ତ ଆହାହାଚେ, ଇଚିହିଁ ଏଚିବେଲା ଉପାସା ପାରୁ ରାହାମାଚେ, ଏଦାଆଁତାକି ପାଞ୍ଜୁଲ ଜାଗ୍ରାତା କିହାନା ଏଲେଇଚେସି । ^{୧୦} “ବାବୁୟାଚେରି ଇ ସାମ୍ବୁରୁଚି ହାନାଚି ଜାଜାତି ଆସ୍ତି ଅଡ଼େ ଏୟୁ ଜାଜା ନସ୍ତ ଆନେ ଏଡ଼ି ଆଏ, ସାମା ଜାଜାତା ହାଜିମାନାରି ଜୀଞ୍ଜୁ ଜିକେଏ ନସ୍ତ ଆନେ ନାନୁ ପୁଞ୍ଜିମାଇଁ ।” ^{୧୧} ସାମା ପାସାକଡ଼ି କସକା ମୁହେଁ କାଜାସି, ପାଞ୍ଜୁଲତି କାତା କିହାଁ ଜାଜାତି ସାଲୁକି କିନାଣାଇଁ ଇଞ୍ଜା ସାଞ୍ଜୁକାରି କାତାତି ହାଚେରକା ନାନିଚେସି । ^{୧୨} ଇ ବାନ୍ଦାତା ପେନିଞ୍ଜେଡ଼ା ତୟାଲି ନେହେଁ ହିଲାଆଚେ, ଇଦାଆଁତାକି ଜାଜାତା ହାଜିମାଚାରି ହାଚେରକା ସାମ୍ବୁରୁଚି ହାଜାନା ପିନିକସ୍ତା ପେନିବେଲା ରାପୁହାଲି ଅଣପିମାଚେରି, ଏ ପିନିକସ୍ତ କ୍ରିତିଚି ର ଜାଜାୟାଁ ନିନି କାଜା ଟାୟୁ ମାଚେ, ଏଡ଼ି ଖେଡ଼ା କୁଡ଼ନି ଚିଠିନିଖାକି ଅଡ଼େ, ଖେଡ଼ା କୁଡ଼ନି ଚେଡ଼ିଖାକି ମୁସ୍ କିହାମାଚେ ।

ସାମ୍ବୁରୁଚି ଗାଲି ପିୟୁ

^{୧୩} ଏଚିବେଲା ଚିଠିନି ଖାକିତି ଗାଲି ଦୀରେ ଦୀରେ ଖାଡ଼େ, ହାଜିମାଚାରି ନୀଏଚି ମା ଅଣପିମାଚି ଲେହେଁ ଆଚେ ଇଞ୍ଜାଁ ଅଣପିଚେରି, ଜାଜା ନିପହାମାଚି କାଜା ଲହଡ଼ି ରେଜାନା କ୍ରିତିଚି ଗାଟୁ ଗାଟୁଚି ହାଜାଲି ମାଟୁହେରି, ^{୧୪} ସାମା ଗାଡ଼େକା ହାଜାଲିଏ ଇୟୁରକ୍ଷିଲ୍ ଇନି ଆଜିହପେତି କାଜା ଗାଲି ଖେଡ଼ା ହନି ଚେଡ଼ି ଖାକିଚି ହଚାନା ଜାଜା ମାଚିଖାକି ଖାଡ଼େ । ^{୧୫} ଗାଲି ଜାଜାତି ଖେଚାଲିଏ, ଜାଜାତି ଗାଲିଖାକି ଅୟାଲି ଆଡ଼ାଆନା ଜାଜାତି ଗାଲି ତଲେ ଅଞ୍ଜିଆୟାଲି ପିସ୍ତମି । ^{୧୬} ମାମ୍ନୁ ଲ୍ଲାଞ୍ଜୁଚାତି ସାମ୍ବୁରୁଚି ମାଦି ମାନି ତଣା ବୁପିତି ଜମିନି ଟାୟୁ ବେଟାଆଡ଼ମି । ଏମ୍ପାଚି ହାଚେରକା କସ୍ତଚି ଏୟୁ ଜାଜାତି ଉଣା ତଂଗ ତଲେ ଗେଲ୍ପି ଆଡ଼ମି । ^{୧୭} ଜାଜା ସାଲୁକି କିନାରି ଏଦାଆଁ ଜାଜା ଲାକ ଅଡ଼ି ତାୟୁ ଡ଼କା ତଲେ ଜାଜା ସାରିସ୍ତୁ ଦସପେରି, ଇଞ୍ଜା ଜାଜା ଲିବିୟାତି ସୁରତି ଇନି ବାଠଲି ତିବାତା ଗୁପିନେ ଇଞ୍ଜାଁ ଆଜିତାକି ଜାଜା ସାଲୁକି କିନାରି ଜାଜାତା ଗଞ୍ଜାମାଚି ହିମ୍ପୁରିକା ହୁକହାନା ଜାଜାତି ଗାଲି ତଲେ ସାମ୍ବୁରୁଚି ବିଡ଼ା ତୟାଲି ପିସ୍ତେରି । ^{୧୮} କାଜା ଗାଲି ପିୟୁ ତାକି ହାଚେରକା କସ୍ତ ଆହାଲିଏ ତାନି ଅର ନେରୁ ଜାଜାତି ସାଲୁକି କିନାରି ଜାଜାତା ମାଚି ଆସ୍ତିତି ସାମ୍ବୁରୁଚି ମେଡ଼ହାଲି ମାଟୁହେରି, ^{୧୯} ଅଡ଼େ ତାନିଦିନା ନେରୁ ଏଞ୍ଜାରି ତାମି ଜାଜାତି କଚେକା କାଣ୍ଡା ମୁଣ୍ଡା ଏୟୁଣାଁ ମେଡ଼ହେରି । ^{୨୦} ହାଚେରକା ଦିନା ପାଚେକା ଖେଡ଼ା କି ହୁକାୟାଁ ମେସାଲି ଆଡ଼ାଆଡ଼ମି, ଅଡ଼େ ହାଚେରକା ଗାଲି ପିୟୁ ପିହୁଆଲିଏ ମାମ୍ନୁ ଲୁମ୍ପାଚି ଗେଲ୍ପିଆନି ଆସା ପିସାଡ଼ସ୍ତମି ।

୨୧ ବାରେଜାଣା ହାରେକା ଦିନା ପାତେକା ରାନ୍ଦା ତିନାଆନା ତୁୟିତି ତାୟୁ, ପାଞ୍ଜୁଲ ଏଞ୍ଜାରି ବିତ୍ତା ନିଚାନା ଏଲେଇଚେସି, “ବାବୁୟାଁ ନା କାତା ଆସାନା କୁତିଟି ସାମଦୁରି ଜାଜା ହୁକହା ହିଲାଆତିହୁଁ ମାଦି ଏନାୟିଞ୍ଜା ନସ୍ତୁ ଆଆତେମା । ୨୨ ସାମା ନାଏଁ ନାନୁ ମିଙ୍ଗେ ଝେସିମାଞ୍ଜାଇ, ସାସା ଆହଦୁ, ଇତିହୁଁ ମୀ ବିତ୍ତା ଆମ୍ବାଆରି ଜୀଞ୍ଜୁ ଜିକେଏ ନାସା ଆଏ; ଝାଉଇ ଜାଜାଦେ ନସ୍ତୁ ଆନେ । ୨୩ ଇତିହୁଁ ନାନୁ ଏମିନି ମାହାପୁରୁତି ସେବା କିହିମାଇଁ, ନାଞ୍ଜୁ ଲାଆଁୟାଁ ଏଞ୍ଜାଣି ର ଲାକପୁରୁତି ଦୁତୁ ନା ତାଗେ ଝାହାନା ଏଲେଇଞ୍ଜାଚେ, ୨୪ ଏ ପାଞ୍ଜୁଲ ଆଜାଆନି; ନାନୁ ସାଲୁଞ୍ଜି କିନି କାୟିସର ନକିତା ନିନାୟି ମାନେ, ମାହାପୁରୁ ନିଙ୍ଗେ କାର୍ମା ଆହାମାଞ୍ଜାନାକି ନୀ ତଲେ ଝାହିମାନି ବାରେତି ଜୀଞ୍ଜୁ ଏଞ୍ଜାସି ଗେଲୁପିନେସି । ୨୫ ଏଦାଆଁତାକି ଏ ବାବୁୟାଁତେରି ସାସା ଆହଦୁ ଇତିହୁଁ ନାନୁ ମାହାପୁରୁ ତାଣା ନା ନାମୁ ମାନେ, ନାଙ୍ଗେ ଏନିକିଁ ଝେସ୍ପି ଆହାମାନେ, ଏଲେଆହୁଁ ଏ ଆନେ । ୨୬ ସାମା ମାଙ୍ଗେ ର ସାମଦୁରି ମାଦିଏ ମାନି ଦେସାତା ଏଗାହାନାୟି ମାନେ ।”

୨୭ ଇଲେକିହୁଁ ମାମୁ ଆଦିଆ ସାମଦୁରି ଇତାଲା ଆତାଲା ଆହୁଁ ରୀ ଝାଉ ଆୟାଲିଏ, ମାଦି ଲାଆଁୟାଁ ଜାଜା ସାଲୁଞ୍ଜି କିନାରି ର ତୁମି ଦାରିତା ଏଜିମାନାୟି ଇଞ୍ଜୁ ଅଣପିମାଚେରି । ୨୮ ଏମ୍ବାଟିଏ ଏଞ୍ଜାରି ଏୟୁଣି ଲାଟାଲିଏ ପନ୍ଦର ହାତା ଏୟୁ କୁଡହା ମାଟୁ । ୨୯ ମାର ହାଜାନା ଜାଜା ଝାଲକା ବୃମିତା ଗୁପିକିନାୟି ଇଞ୍ଜୁ ଅଣପାନା ଆଜିତାକି ଏଞ୍ଜାରି ଜାଜାତି ତାୟୁଞ୍ଜାକି ସାରିଗଟା ବଜୁ ଗାତି ଲହ ମୁଣ୍ଡାୟାଁ ରେପହାନା ଏଚେଲା ଝେୟିନେ ଇଞ୍ଜୁ ପ୍ରାତାନା କିହିମାଚେରି । ୩୦ ଇଞ୍ଜା ଜାଜାତି ସାଲୁଞ୍ଜି କିନାରି ଜାଜାତି ରେଚାନା ହଚାତୁସାଲି ଅଣପାନା ନାଡ଼ିକିହାଁ ଜାଜାତି ନକିଞ୍ଜାକି ଲହ ମୁଣ୍ଡାୟାଁ ରେପିନି ଲେହେଁ ଉଣା ତଂଗତି ସାମଦୁରିତା ରେପହେରି । ୩୧ ସାମା ପାଞ୍ଜୁଲ ପାସାକଡ଼ି କସ୍ତା ମୁହେଁ କାଜାଣାଇଁ ଇଞ୍ଜା କସ୍ତାଣି ଏଲେଇଚେସି, “ଜାଜା ସାଲୁଞ୍ଜି କିନାରି ଜାଜାତା ମାନାଆତିହୁଁ ମାରୁ ଗେଲୁପିଆନି ଆସା ହିଲେଏ ।” ୩୨ ଏମ୍ବାଟିଏ ଜାମାନାଙ୍ଗା ଉଣା ତଂଗତି ଡ଼କା ଦାଚାନା ସାମଦୁରିତା ପିସ୍ତେରି ।

୩୩ ଲାଲ ଜୁଲୁପୁଲୁ ଝେୟି ମାଚାଟି ପାଞ୍ଜୁଲ ଏଞ୍ଜାରାଇଁ ଏନି ରାନ୍ଦା ମାଚିହୁଁ ତିଞ୍ଜାଲି ବାସୁଁ ହାହାନା ଏଲେଇଚେସି, “ନାଞ୍ଜୁଟିଏ ରୀ ଝାଉ ଆଡେ ମାରୁ ଏନାଆଁ ତିନାଆନାହାଁ ହାକିଟିଏ ମାଞ୍ଜାମାଞ୍ଜେରି । ୩୪ ବାତିମାଲିମାଞ୍ଜାଇଁ, ନାଏଁ ଇଚାଣି ତିଞ୍ଜୁ, ମୀ ଜୀଞ୍ଜୁ ଗେଲୁପାଲିତାକି ତିନାୟିମାନେ, ଆଜାଆଦୁ, ମୀ ତାର୍କାତି ର ବାଣା ଜିକେଏ ନାସା ଆଏ ।” ୩୫ ପାଞ୍ଜୁଲ ଇ ବାରେ କାତା ଜଲାନା ରୁଟି ଆସାନା ବାରେଜାଣା ନକିତା ମାହାପୁରୁଇଁ ଜହରା କିହାନା ରୁଟି ଡ଼ିକହାନା ତିଞ୍ଜାଲି ମାଟୁହେସି । ୩୬ ଏମ୍ବାଟିଏ ଏଞ୍ଜାରି ବାରେଜାଣା ବାସୁଁ ବେଟାଆହାନା ବାରେଜାଣା କାଦି ତିଚେରି । ୩୭ ମାମୁ ଜାଜାତା ରୀ ଝାଞ୍ଜା ତାନିକଡ଼ି ସଡ଼ ଜାଣାତମି ମାଚମି । ୩୮ ଏଞ୍ଜାରି ପାଞ୍ଜେ ତିଟି ତାୟୁ ଜାଜାତି ବଜୁ ଉଣା ଆପେଞ୍ଜା ଇଞ୍ଜୁ ଜାଜାତି ବାରେ ଗହୁଁୟାଁ ସାମଦୁରିତା ମେଡ଼ହେରି ।

ଜାଜା ତାନାୟି

୩୯ ଅର ନେଟୁ ଲାଲ ଝେୟାଲିଏ ଏଞ୍ଜାରି ଏମିନି ଦେସାତି ଚାୟୁତା ଝାଡେରି ପୁଞ୍ଜାଲି ଆତାଆତେରି, ସାମା ଏଞ୍ଜାରି ଗାଟୁ ଦାରି ର ବାଠଲ ଚାୟୁ ମେସାନା ଏନିକିଁ ଜିକେଏ ଏମ୍ବାଆଁ ଜାଜାତି ନିପହାଲି ଅଣପିତେରି । ୪୦ ଏଦାଆଁତାକି ଏଞ୍ଜାରି ଲହ ମୁଣ୍ଡାୟାଁତି ଡ଼କା ଦାଚାନା ସାମଦୁରିତା ମୁଞ୍ଜାଲି ପିସ୍ତେରି, ଇଞ୍ଜା ଦେବୁଣିଏ ଏୟୁ ଜାଜାତି ହାଚଟା ବାଡ଼ଗାୟାଁତି ଡ଼କା ବାରେ ହୁକହାନା ଜାଜା ନକିତା ଗାଲିଞ୍ଜାକି ହିପିରିକା ଗଞ୍ଜାନା ଗାଟୁଞ୍ଜାକି ହାଜାଲି ଅଣପିତେରି । ୪୧ ସାମା ଏଞ୍ଜାରି ରୀ ସାମଦୁରିକା କାଲୁଞ୍ଜି ଆହିମାନି ଚାୟୁତା ଏଜାଲିଏ ଜାଜା ସାମଦୁରି ଗାଟୁତି ର ବାଠଲି ତିବତା ଗୁପିଚେ, ଜାଜାତି ନକି ଝାକିତାୟି ଜାଣାନା ତୁୟାହାଚେ, ସାମା ତାୟୁତାୟି ସାମଦୁରିତି ଏୟୁ ଉଣାୟାଁ ଗୁପାଲିଏ ତାହାଲି ମାଟୁହେ ।

୪୨ କାୟିଦି ଗାଟାରି ସାମଦୁରି ଗାଟୁତି ପରହୁଁ ପରହୁଁ ହଣନେରି ଇଞ୍ଜୁ ଅଣପାନା କସ୍ତାକ ଏଞ୍ଜାରାଇଁ ପାୟାଲି ଅଣପିତେରି । ୪୩ ସାମା ପାସାକଡ଼ି କସ୍ତା ମୁହେଁ କାଜାସି ପାଞ୍ଜୁଲଇଁ ଗେଲୁପାଲି ମନ କିହାନା, ଏଞ୍ଜାରି ଅଣପୁତି କାହି କିହାନା ଏଲେଇଞ୍ଜୁ ହୁକୁମି ହାତେସି, ଆମ୍ବାଆସି ପରହାଲି ପୁନାସି ଏଞ୍ଜାସି ସାମଦୁରିତା ଡେଞ୍ଜାଁନା ତଲିଏ ଗାଟୁତା ହାଲାପେରି; ୪୪ ତୁୟାମାନାରି ଜାଜାତି ମାରକା ପାଟାୟାଁ ଇଞ୍ଜା ଏନି ଏନି ତୀତି ମୁକାୟାଁ ଆସାନା ହାଲାପେରି ଇଞ୍ଜାଲିଏ, ଇଲେକିହୁଁ ବାରେଜାଣା ନେହୁଁ ଆହୁଁ ଗାଟୁତା ଏତେରି ।

୨୮

ମେଲିତି ଦେସାତା ପାଞ୍ଚୁଲ

୧୧ ମାମୁ ଏମାଟି ଗେଲପିଆଡ଼ି ତାମୁ ସାମଦୁରି ମାଦି ମାନି ଗାମୁ ମେଲିତି ଇଞ୍ଜିହଁ ପୁଚମି । ୧୨ ଏମାଆଁ ବାସାଆହାମାନି ପାଙ୍ଗାତି ଲକୁ ମାଙ୍ଗେ ତଣେସିଙ୍ଗା ଲେହେଁ କାର୍ମା ଆୟାତେରି, ଇଚିହଁ ପିୟୁ ଇଞ୍ଜା ପେନି ଆହୁମାତାକି ଏଞ୍ଜାରି ମାଙ୍ଗେ ହିରୁ ତାସାନା କେରଞ୍ଜାଲି ହିୟାତେରି । ୧୩ ସାମା ପାଞ୍ଚୁଲ ର ପେଣ୍ଡା ଝେସକା ହିରୁତା କୁମ୍ବାଲିଏ, ଉସମି ତାକି ର ରାତୁ ହଚାନା ପାଞ୍ଚୁଲ କେୟୁତା କାଚାହାଁ ଆଟା ତୁୟିତେ । ୧୪ ଏମାଆଁ ବାସା ଆହାମାଟି ପାଙ୍ଗାତି ଲକୁ ପାଞ୍ଚୁଲ କେୟୁତା ଏ ରାତୁ ଲେଜା ମାନାଣି ମେସାନା ତାମୁ ତାମୁ ଝେସପି ଆଡେରି, “ଇ ମାଣସି ସାତେଏ ଲକୁଣି ପାୟିନାସି, ସାମଦୁରିଟି ଗେଲହାଲିଏ ଜିକେଏ ଦାମୁ ନୀତାଲି ହାହି ହିଲେଏ ।” ୧୫ ସାମା ପାଞ୍ଚୁଲ ଏ ରାତୁଟି ହିରୁତା ହାଣ୍ଡହାନା ମେତହା ତୁସେସି, ଇଞ୍ଜା ଏଞ୍ଜାଣାକି ଏନି ନସୁ ଆପାତେ । ୧୬ ଏଞ୍ଜାଣି ଆଙ୍ଗା ପଙ୍ଗା ହାନେ ଆଆତେଁ ଦେବୁଣିଏ ହାନେସି ଇଞ୍ଜା କାଡ଼ିମାତେରି; ସାମା ହାରେକା ବେଲା ଆଡ଼ି ତାମୁ ଏଞ୍ଜାଣାକି ଏନି ନସୁ ଆଆତାଣି ମେସାନା ଏଞ୍ଜାରି ତାମି ହିୟାଁ ଝେଟହାନା ଏଲେଇଚେରି, “ଇଞ୍ଜାସି ର ମାହାପୁରୁ ।”

୧୭ ଏ ଗାମୁ ତାଗେ ପୁଲିୟ ଦରୁଗାଟି ଏ ଗାମୁଟି କାଜାଣି ଇକୁ ଅଡେଟ ବୁମି ମାତେ; ଏଞ୍ଜାସି ମାଙ୍ଗେ ହାଟା ଅହାନା ତାନିଦିନା ପାତେକା କାର୍ମା ଆହାନା ରାହାଁଟି ସେବା କିୟାତେସି । ୧୮ ଏଚିବେଲାତା ପୁଲିୟ ତାମି ଆବା ନମେରି ଇଞ୍ଜା ନେତେରି ବାଣ୍ଡି ତାକି ପାସପନିତା ତୁରାମାତେସି, ଇଞ୍ଜା ପାଞ୍ଚୁଲ ତାନି ବାକ୍ରାତା ହାଜାନା ପ୍ରାତାନା କିହାନା ତାନି ଲାକ କେୟୁ ଇଗାନା ନେହଁ କିତେସି । ୧୯ ଇଦି ଆଡ଼ି ତାମୁ ଏମାଆଁ ମାନି ରଟା ଗାଟାରି ବାରେ ପାଞ୍ଚୁଲ ତାଣା ଖାହାନା ନେହଁ ଆଡେରି; ୨୦ ଏଞ୍ଜାରି ମାଙ୍ଗେ ଜିକେଏ ହାରେକା ମାନି ତଲେ ଜାସୁ ନୟାଁତେରି, ଅଡେଟ ମାମୁ ହାଜିମାଗାଟି ମା ଲତ୍ତାମାନାଣି ହାହାନା ପାଣ୍ଡାତେରି ।

ମେଲିତିଟିଏ ରମ୍ପତା ପାଞ୍ଚୁଲ ହାନାସି

୨୧ ତାନି ଲେଞ୍ଜୁ ଜେତ ମାମୁ ରୁ ଆଲେକଜାଣ୍ଡିୟାଟି ଏୟୁ ଜାଜାତା ହଚାନା ହାଚମି, ଏୟୁ ଜାଜା ପେନିବେଲା ହାଲୁଝେ ଏ ଗାମୁତା ତୁୟାମାତେ, ଏଦାନି ଦରୁ “ଜାଣ୍ଡା ପେଣ୍ଡାକା,” ଇଞ୍ଜିମାତେରି । ୨୨ ପୁରାକୁସା ଗାଡାତା ଏଜାନା ଏମାଆଁ ମାମୁ ତାନିଦିନା ମାଚମି । ୨୩ ଅଡେଟ ଏମାଟି ଏୟୁ ଜାଜା ତଲେ ହାଜାନା ରେରିୟା ଗାଡାତା ଏତମି, ତାନି ଅର ଦିନା ଟିଝନି ଖାକିଟି ଗାଲି ଝେତାଲିଏ ଅଡେଟ ରା ଦିନା ତାମୁ ପୁଡେଅଲି ଗାଡାତା ଏତମି; ୨୪ ଏମାଆଁ ମାମୁ ଏତେକା ଜ୍ରାସ୍ତାନା ତାୟିୟାଁ ଅଡେଟ ତାଜିସାଣି ବେଟାଆଡମି, ଏଞ୍ଜାରିତଲେ ର ଖାରା ତୁୟାଲି ମାଙ୍ଗେ ବାତିମାଲାତେରି; ଇଲାଆହଁ ମାମୁ ରୁମ୍ପତା ଏଗାତମି । ୨୫ ରମ୍ପତା ମାନି ତାୟିୟାଁ ଅଡେଟ ତାଜିସା ମା କାତୁ ପୁଞ୍ଜାନା ଏମାଟିଏ ଅପିୟତି ହାଟା ଇଞ୍ଜା ତାନିଗଟା ବାଡା ଇଲୁକା ପାତେକା ମାଙ୍ଗେ ମେସାଲି ଖାଡେରି, ଇଞ୍ଜା ପାଞ୍ଚୁଲ ଏଞ୍ଜାରାଇଁ ମେସାନା ମାହାପୁରୁଇଁ ଜହରା କିହାନା ବାର୍ସୁ ବେଟାଆଡେସି ।

ରମ୍ପ ଗାଡାତା ପାଞ୍ଚୁଲ

୨୬ ମାମୁ ରମ୍ପ ଏଜାଲିଏ, ପାଞ୍ଚୁଲଇଁ କାଞ୍ଚିଆନି କସକା ତଲେ ତାନି ମନତଲେ ବାସା ଆୟାଲି ହେଲ ହାପୁକିଆଡେ ।

୨୭ ତାନିଦିନା ତାମୁ ପାଞ୍ଚୁଲ ଜାହୁଦିୟାଁଟି କାଜାରାଇଁ ହାଟାନା କୁଡ଼ି କିତେସି, ଅଡେଟ ଏଞ୍ଜାରି ରୁଣ୍ଡା ଆୟାଲିଏ, ପାଞ୍ଚୁଲ ଏଞ୍ଜାରାଇଁ ଏଲେଇଚେସି, “ଏ ଇସାୟେଲ ତାୟିୟାଁତେରି ନାନୁ ମା ଲକୁ କପାଟି କି ମା ଆକୁ ଆବାୟାଟି ପାଣାପାଟୁ କପାଟି ଏନାଆଁ କିହା ହିଲାଆତି ଜିକେଏ ଜିରୁସାଲମତା ଦସ୍ପି ଆହାନା ରମ୍ପ ଦେସାତି ଲକୁତାଣା ହେରପି ଆହାମାଇଁ । ୨୮ ଏଞ୍ଜାରି ନାଙ୍ଗେ ନାହାଁୟି କିହାନା ନା ତାଣାଟି ହାନି ତଣ୍ଡ ପାଣ୍ଡିନି ଏନି ଦହ ବେଟାଆଆଲିଏ ନାଙ୍ଗେ ପିସାଲି ଅଣପାମାତେରି; ୨୯ ଏସାମା ଜାହୁଦିଙ୍ଗା ଏଦାଣି କପାଟି ଝେସାଲିଏ ନାନୁ କାୟିସର ନକିତା ନାହାଁୟି କିୟାତୁ ଇଞ୍ଜା ବାତିମାଲିତେସି; ଏଲେଆଡ଼ି ଜିକେଏ ନାଙ୍ଗେ ମା ଲକୁ କପାଟି ଏନି କାତା ଝେସାଲି ହିଲାଆତେ, ଏଦି ଆଏ । ୩୦ ଏଦାଆଁତାକି ନାନୁ ମିଙ୍ଗେ ନା ତଲେ ବେଟାଆହାନା ଜଲୁକି ଆହାଲି ବାତିମାଲାତେସି, ଏନାଆଁତାକି ଇଚିହଁ ଆମ୍ବାଆରି ଲାକ ଇସାୟେଲ ଲକୁ ବାର୍ସୁ କିହାମାନେରି, ଏଞ୍ଜାରି ତାକି ନାନୁ ନୀଞ୍ଜୁ ଇ ହିକ୍‌ଶିୟାଁ ତଲେ ଦସ୍ପି ଆହାମାଇଁ ।”

୩୧ ଏଞ୍ଜାରି ଏଲେଇଚେରି, “ମାମୁ ଜାହୁଦା ଦେସାଟି ନୀ କପାଟି ଏନି ଆକୁ ବେଟାଆହା ହିଲଅମି, ଅଡେଟ ନୀ କାତୁ ଆସାନା କି ନୀ କପାଟି ଦହ ଦସାନା ଝେସାଲି ମା ତାୟିୟାଁ ବିତ୍ରାଟି ଆମ୍ବାଆରି ଇମାଆଁ

☆ ୨୮:୧୧ ୨୮:୧୯ କାମା ୨୫:୧୧

ଝାହାହିଲଅରି । ୨୨ ଯାମା ନୀ ଅଣ୍ଟାପୁ ଏନାୟି ଏଦାଆଁ ମାମ୍ମୁ ନୁୀ ତାଣାଟି ଖେଞ୍ଜାଲି ମନ୍ କିହିମାନମି, ଇଚିହିଁ
ବାରେଖକିତି ଲକୁ ଇ ଗତି କପାଟି କାତା ଖେସିମାନେରି ଇଞ୍ଜିଁ ମାମ୍ମୁ ପୁଞ୍ଜିମାନମି ।”

୨୩ ଏଚେଟିଏ ଏଞ୍ଜାରି ର ଦିନା ତୀରି କିହାନା ହାଢ଼େରକା ଲକୁ ପାଞ୍ଜୁଲ ମାଟି ଇଲୁତା ଖାଡ଼େରି, ଅଡ଼େ
ଏଞ୍ଜାସି ଲାଢ଼େଟିଏ ଲାଆଁ ପାଡେକା ଏଞ୍ଜାରି ନକିତା ମାହାପୁରୁତି ରାଜିତି କାତାତାକି ସାକି ହୀଡେସି, ଅଡ଼େ
ମସାତି ମେରା ଇଞ୍ଜା ମାହାପୁରୁ ଅଣ୍ଟପୁତି ବଲୁ ଖେହନାରି କାତା ଆସାନା ଏଞ୍ଜାସି ଜୀସୁଜିଁ ନାମି କିଞ୍ଜି କିୟାଲି
ଅଣ୍ଟପିଡେସି । ୨୪ ଏମାଟିଏ ଆମ୍ବା ଆମ୍ବାଆରି ତାନି ଖେସି କାତାଟି ନାମିଡେରି ଇଞ୍ଜାଁ ଆମ୍ବା ଆମ୍ବାଆରି
ନାମାଆଡେରି । ୨୫ ଏ କାତାତାକି ଏଞ୍ଜାରି ତାନି ବିତ୍ରା ରଣ୍ଡିଏ କାତା ଆଆଲିଏ ହେଲ ଅଡେରି: ଏଞ୍ଜାରି ହାନି
ନଚକଏ ପାଞ୍ଜୁଲ ର କାତା ଖେସେସି, “ସୁଦୁଜୀଞ୍ଜୁ ମୀ ଆକୁ ଆବାୟାଣି ମାହାପୁରୁ ଅଣ୍ଟପୁତି ବଲୁ ଖେହନି
ଜିୟାୟ ତାଣାଟି ଖେସାମାଚେସି ।”

୨୬ ଏଞ୍ଜାସି ଏଲେଇଞ୍ଜି ମାନେସି, “ଇ ଲକୁତାଣା ହାଜାନା ଖେହମ୍ମୁ,
ମୀରୁ ଖେଞ୍ଜିଖେଞ୍ଜି ଖେଞ୍ଜେରି, ଯାମା ଏନାଆଁ ତେଲ୍‌ହଅ ଡେରି,

ଇଞ୍ଜାଁ ମୀରୁ ମେସି ମେସି ମେହୁଦେରି, ଯାମା ଏନାଆଁ ପୁଞ୍ଜାଲି ଆଡ଼ଅଡେରି,

୨୭ ଇଚିହିଁ ଇ ଲକୁ ହିୟାଁତା ଉଣା ବୁଦିଗାଗାରି,

ଏଞ୍ଜାରି ଜାହା ଜାହାରା କୀକା କାଣ୍ଡକା ମୁତା କତାମାନେରି,

ଏଲେଆହାଁ ହିଲାଆତିହିଁ ମା,

ଏଞ୍ଜାରି କାଣ୍ଡକା ଦେତାନା ମେସାଲି ଆଡ଼ିଡେରିମା,

ଅଡ଼େ କୀକା ତଲେ ଖେଞ୍ଜାଲି ଆଡ଼ିଡେରିମା ।

ଏଞ୍ଜାରି ହିୟାଁତା ତେଲ୍‌ହାଲି ଆଡ଼ିନି ବାଡ଼ୁଲୁ ଡ଼ୟିଡେମା;

ଏଞ୍ଜାରି ମାହାପୁରୁ ଖାକି ଖେଣ୍ଡା ଖାଡେରିମା,

ଅଡ଼େ ନାନ୍ତୁ ଏଞ୍ଜାରାଇଁ ନେହିଁ କିଡେସିମା ।”

୨୮ ତାମ୍ମୁ ପାଞ୍ଜୁଲ ଏଲେଇଚେସି, “ଏଦାଆଁତାକି ମାହାପୁରୁତି ଇ ଗେଲ୍‌ପିନାଣି ଏଟକା କୁଡାତି ଲକୁତାଣା
ପାଣ୍ଡି ଆହାମାନେ, ଇଦାଆଁ ମୀରୁ ପୁଞ୍ଜି; ଏଞ୍ଜାରି ଜିକେଏ ଖେନେରି ।” ୨୯ ପାଞ୍ଜୁଲ ଇ ବାରେ କାତା
ଖେସାଲିଏ, ଜୀହୁଦିୟାଁ ତାମ୍ମୁ ତାନି ବିତ୍ରା ବାଦିବାଦା ଆହିଁ ହାଚେରି* ।

୩୦ ପାଞ୍ଜୁଲ ରୀ ବାର୍ଯ୍ୟା ପାଡେକା ତାନି ବାଡ଼ା ଇଲୁତା ଡ଼ୟିଡେସି, ଅଡ଼େ ଏଚେକା ଲକୁ ଏଞ୍ଜାଣି ତାଣା
ଝାହିମାଚେରି, ବାରେଡି ଇଜ ହାଟା ଅହିମାଚେସି । ୩୧ ଇଞ୍ଜାଁ ସାସାତଲେ ନୀରାସା ଆଆନା ମାହାପୁରୁ
ରାଜିତି କାତା ଖେସିମାଚେସି, ଇଞ୍ଜାଁ ପ୍ରବୁ ଜୀସୁ କ୍ରୀସ୍ତତି କାତା ଜାପୁହି ମାଚେସି ।

* ୨୮:୨୯ ୨୮:୨୯ ଇ କାତା ପୁଞ୍ଜି ପଡିତା ହିଲେଏ ।

ରମିୟ ମଣ୍ଡଳୀ ନିମନ୍ତେ ପାଠଲକ ଲିଖିତ ପତ୍ର ରମିୟ କୁଲମିକି ପାଞ୍ଚଲ ରାତ୍ନାମାନି ଆକୁ ମୂଲୁ ହାଡ଼ା

ଜୀସୁ କ୍ରୀସ୍ତ ଜାର୍ନାଆଡ଼ି ତାୟୁ ରମିୟ ପତି ୫୪ ଟିଏ ୫୮ ବାସୀ ବିତ୍ତା ପାଣ୍ଡୁଆଡ଼ି ପାଞ୍ଚଲ ରାତ୍ନାମାଚେସି ଇଞ୍ଜିଲ୍ ଇନେରି । ପାଞ୍ଚଲ ରମିୟ ହାନି ନକେଏ ଜୀହୁଦି ଅଡେ ଜୀହୁଦିଆଆଡି କ୍ରୀସ୍ତାନା ଲକ୍ଷୁଣି ଜାପୁହାଲି ଇ ଆକୁ ରାତ୍ନାମାଚେସି । ବାରେ କୁଡ଼ାତି ଲକ୍ଷୁ ଏନିକି ଜୀସୁ କ୍ରୀସ୍ତଇ ନାମିନେରି ଇଞ୍ଜା ମାନି କିନେରି ୧୭:୨୭ ଏଦାଆତାକି ପାଞ୍ଚଲ କରନ୍ତି ଗାଡ଼ାତା ମାଗାଟି ରମିୟ ମାନି କ୍ରୀସ୍ତାନା ଲକ୍ଷୁଣି ଜାପୁହାଲି ଇ ଆକୁ ରାତ୍ନାମାଚେସି ।

ବାରେ ଚାୟୁଡି ବାରେ ବେଲାତି କ୍ରୀସ୍ତାନା ଲକ୍ଷୁତାକି ରମିୟ ଉ ଲଡ଼ାମାନି ପତି, ଏନାଆତାକି ଇତିହାସ ମାର ଏନିକି ଜୀସୁ କ୍ରୀସ୍ତ ତାଣାଟି ଗେଲପି ଆହାଲି ଆଡିନାୟି, ପାଞ୍ଚଲ ଅନିକିହ ବରାଣି ପିହୁଆନାହାଁ ତେଲହି କିହାମାନେସି । ପାଞ୍ଚଲ ପୁଃଇ ମେରାତି ଜୀସୁ କ୍ରୀସ୍ତତି ନେହ ବଲୁ ତଲେ ଆଡ଼ହାମାନେସି । ଇ ପତିତି ୧-୧୭ ପଦୁତି ହାରେକା ବୁଦିଗାଗାରି ନେହ କି ଅଣପାନା ଝେସାମାନେରି, ଇ ବଲୁ ମାଦିତାୟି । ଇମାଆଁ ଝେସପି ଆହାମାନେ, “ନାନୁ ନେହ ବଲୁ ଝେକହାଲି ଲାଜା ଆଆଁ ଏନାଆତାକି ଇତିହାସ ଆମିନି ଗାଗାରି ନାମିନେରି ବାରେଜାଣା ତାକି ଇଦି ମାହାପୁରୁତି ବାଡ଼ୁୟୁ । ନକେଏ ଜୀହୁଦି ଲକ୍ଷୁକି ତାୟୁ ଜୀହୁଦିଆଆଡି ଲକ୍ଷୁତାକି ଜିକେଏ ।”

ମୂଲୁ ବାଗା ୧-୧୨ ହାରେକା ମାହାପୁରୁତି କାତା ଅଡେ ଅର ବାଗା ୧୩-୧୫ କ୍ରୀସ୍ତାନା ଜୀହୁତା ଲଡ଼ାମାନି କାତା ଜାପିନାୟି ମାନେ ।

ପତିତା ମାନାୟି

- ୧. ପାଞ୍ଚଲ ତାନି କାତା ପୁଣ୍ଡି କିହାନା, ଆମାଆରାକି ଆକୁ ରାଡ଼ିମାଚେସି ଏଦାଆଁ ଝେସାନା ଆକୁ ରାଡ଼ିନାୟି । ୧:୧-୧୫
- ୨. ମାଣସି କୁଡ଼ାତି ରାଡ଼ି ଅଡେ ଜୀସୁ କ୍ରୀସ୍ତ ତାଣାଟି ଗେଲପି ଆନାୟି । ୧:୧୭-୧୧:୩୭
- ୩. କ୍ରୀସ୍ତାନା ଲକ୍ଷୁ ଏନିକି ନାଡିନାୟି ଏ କାତା ହାରେକା ଜାପୁହାମାନେସି । ୧୨:୧-୧୫:୧୩
- ୪. ରମିୟ ମାନି କୁଲମିକାଣି ଜହରା କିହାନା ରାପୁନାୟି । ୧୭

ପାଞ୍ଚଲତି ଜହରା ଝେହନି କାତା

୧ କ୍ରୀସ୍ତ ଜୀସୁତି ହଲେଏସି ଅଡେ ମାହାପୁରୁ ହାହାମାନି ନେହ ବଲୁ ଝେକହାଲି ପାଣ୍ଡୁ ଆହାଁ ଆଡ଼ାନା ହାଡ଼କି ଆହାମାନି ସୀସୁ ପାଞ୍ଚଲତି ଆକୁ ।

୨ ଦାମ୍ଫି ସାସ୍ତେରିତା ରାସ୍ତକି ଆହାମାନି ଲେହେଁ ଇ ନେହ କାବୁତି କାତା ତଲି କାଲ୍ଲାଟିଏ ମାହାପୁରୁ ଅଣପୁତି ବଲୁ ଝେହନାରି ତାଣାଟି ଆଞ୍ଜାମାଚେସି । ୩ ଇଦି ମାହାପୁରୁ ମୀରୁଏଣାତି କାତା, ମା ପ୍ରବୁ ଜୀସୁ କ୍ରୀସ୍ତ ମାଣସି ଆହାଁ ଏଞ୍ଜାସି ଦାଞ୍ଜୁଦ କୁଡ଼ାତା ଜାର୍ନା ଆଚେସି । ୪ ସାମା ତାନି ଲାକପୁରୁତି ସୁଦୁଜୀହୁ ତାକି, କାଜା ହାକିଟି ନିଜ୍ଜାନା ଏଞ୍ଜାସି ବାଡ଼ୁୟୁ ତଲେ ଜୀସୁ ମାହାପୁରୁତି ମୀରୁଏସି ମସିହା* ଇଞ୍ଜି ଝେଜିତେସି, ୫ କ୍ରୀସ୍ତ ତାକି, ମାହାପୁରୁ ନାଜେ ପାଣ୍ଡୁଆହାମାନି ସୀସୁ ଲେହେଁ ହାଡ଼ାନା, ବାରେ କୁଡ଼ାତି ଲକ୍ଷୁତାଣା ନେହ ବଲୁ ଝେକହାଲି ପାରୁ ହାହାମାଞ୍ଜାନେସି, ଏନିକିହ ଏଞ୍ଜାରି କ୍ରୀସ୍ତ ଜୀସୁ ତାଣା ନାମାନା ତାଜେ ମାନୁଞ୍ଜି ଆହାନା ଡ଼ୟିନେରି । ୬ ରମ୍ଫି ଗାଡ଼ାତା ବାସାଆହାମାନି ଲକ୍ଷୁତେରି, ମୀରୁ ଜିକେଏ ଜୀସୁ କ୍ରୀସ୍ତତି ଲକ୍ଷୁ ଆହାଲି ହାଡ଼କି ଆହାମାଞ୍ଜେରି ।

୭ ରମ୍ଫି ଆମିନି ଲକ୍ଷୁଣି ମାହାପୁରୁ ଜୀହୁ ନହାମାନେସି ଇଞ୍ଜା ତାନି ଲକ୍ଷୁ ଆହାଲିତାକି ହାଡ଼ାମାନେସି, ଏ ବାରେ ଲକ୍ଷୁତାକି ନାନୁ ଇ ଆକୁ ରାଡ଼ିମାଇ, ମା ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସ୍ତ ତାଣାଟି ମିଜେ କାର୍ମାମେହନାୟି ଅଡେ ହିଡ଼ଡ଼ି ଆୟାପେ ।

ଜହରା କିନି ପ୍ରାତାନା

* ୧:୪ ୧:୪ କ୍ରୀସ୍ତ

୮ ମୂଲ୍ୟ, ମୀ ନାମୁତି ନେହଁ ହାତା ବାରେ ଦାରୁତିତା ଝେକ୍ମିମାନେ, ଏଦାଆଁତାକି ନାନୁ ମୀ ବାରେଜାଣା ତାକି ଜାସୁ କ୍ରାସୁ ତାଣାତି ନା ମାହାପୁରୁଇଁ ଜହରା କିହିମାଇଁ । ୯ ନା ବାରେ ହିୟାଁ ଜାସୁତଲେ ନାନୁ ଆମିନି ମାହାପୁରୁତି ସେବା କିହିମାଇଁ ଇଞ୍ଜା ଆମିନି ମାହାପୁରୁତି ମୀରୁଏଣାତି ନେହଁ କାବୁ ଝେକ୍ମିମାଇଁ, ଏ ମାହାପୁରୁ ନା ସାକି । ୧୦ ପ୍ରାତାନା କିନାଟି ନାନୁ କାଲେଏ ମିଜେ ଅଣ୍ଡପାଇଁ ଇଞ୍ଜା ମୀ ତାଣା ଝାହାଲି ନାଜେ ପାରୁ ହିୟାନି ମାହାପୁରୁ ତାଣା ବାତିମାଲିମାଇଁ । ୧୧ ଇତିହଁ ନାନୁ ମିଜେ ଆଣ୍ଡାଲି ହାରେକା ମନୁ କିହିମାଇଁ, ଇଞ୍ଜା ମିଜେ ର ଜାସୁତି ବରୁ ହିୟାଇଁ, ଏନିକଁ ମୀରୁ ତାରିଆହାନା ମାଜେରି । ୧୨ ଇଦାଆଁ ତଲେ ମାରୁ ରଅତଝି ରଅଣା ନାମୁତି ଆର୍ତ୍ତଝା କିହାଲି ଆଡିନାୟି ।

୧୩ ଏ ତାୟିୟାଁ ଅଡେ ତାଜିସ୍ତାତେରି, ମୀ ତାଣା ଝାହାଲି ତାକି ନାନୁ ହାରେକା ଦେବା ଅଣ୍ଡପାମାଇଁ, ସାମା ହାରେକା ବାଦା ବେଗାଆତାକି, ନୀଏଁ ପାତେକା ଝାହାଲି ଆତାଆତେଏଁ । ଏବୁକା କୁଡ଼ାତି ଲକୁତାଣା ଜିକେଏ ବଲୁ ଝେକ୍ମିହାନା ଏନିକିହଁ ପାଡେଡିୟି ବେଗାଆହାମାଇଁ, ମୀ ତାଣା ଜିକେଏ ଏଲେକିହାଲି ନା ଅଣ୍ଡପୁ । ୧୪ ଏନାଆଁତାକି ଇତିହଁ ବୁଦିଗାଗାରିଁ ଅଡେ ପାଜାଗାରିଁ ଜାଦିତାରି ଅଡେ ଜାପାଆତି ଲକୁ ବାରେ ଗତିତି ଲକୁତାକି ନା ଦାୟିପତି ମାନେ । ୧୫ ଏଦାଆଁତାକି ରମ୍ ଗାଡା ତାତେରି ମୀରୁ, ମୀ ତାଣା ଜିକେଏ ନେହଁ ବଲୁ ଝେକ୍ମିହାଲି ନା ଅଣ୍ଡପୁ ।

ନେହଁ କାବୁତି ବାଡ଼ୟୁ

୧୬ ଇତିହଁ ନାନୁ ନେହଁ କାବୁ ଝେକ୍ମିହାଲି ଲାଜା ଆଅଁ, ଏଡି ନାମିମାନି ବାରେ ଲକୁତାକି ଗେଲ୍ପି ଆହାଲିତାକି ମାହାପୁରୁତି ବାଡ଼ୟୁ, ମୂଲ୍ୟ ଜାହୁଦି ଅଡେ ତାୟୁ ଜାହୁଦିଆଆତି ନାମିତି ଲକୁତାକି । ୧୭ ମାଣସି ଏନିକିହଁ ମାହାପୁରୁ ନକିତା ଦାମ୍ନୁଗାଗାସି ଇଞ୍ଜା ତଞ୍ଜାଆନେସି, ଏ ଉପେୟି ଏଦାଆଁ ତସ୍ପି ଆହାମାନେ । ମୂଲ୍ୟଟିଏ ରାଜି ପାତେକା ଗେଲ୍ପିଆନାଣି ବେଗାଆଡି ଉପେୟି ନାମୁ । ଦାମ୍ନୁ ସାସ୍ପେରିତା ରାସ୍ପକି ଆହାମାନେ, “ଦାମ୍ନୁଗାଗାସି ନାମୁତଲେ ନାଡିନେସି ।” ୧୮

ପାପୁ ତାକି ମାହାପୁରୁତି କାରବି

୧୯ ଆମିନି ଲକୁ ବାରେ ଲାଗେଏ କାମାଟି ସାତାଇଁ ଆଜିମାନେରି, ଏଝାରି କପାଟି ଲାକପୁରୁତି ମାହାପୁରୁତି କାରବି ତଞ୍ଜା ଆହାମାନେ । ୨୦ ଏନାଆଁତାକି ଇତିହଁ ମାହାପୁରୁତି କାତା ଏନାଆଁ ପୁନାୟି ମାଟେ, ଏଦାଆଁ ଏଝାରି ପୁଞ୍ଜାମାନେରି, ମାହାପୁରୁ ଏଝାରି ନକିତା ଏଦାଆଁ ଝେସାମାନେସି । ୨୧ ମାହାପୁରୁ ଦାରୁତି ଗାଡ଼ିକିତି ତାଣାଟିଏ, ତାନି ତଞ୍ଜା ଆଆଗାଟି ଗୁଣ୍ଡୁୟାଁ, ତାନି ରାଆଗାଟି ବାଡ଼ୟୁ ଅଡେ ଲାକପୁରୁତି ଗୁଣ୍ଡୁ ନେହଁ କଁ ତଞ୍ଜା ଆହିମାନୁ; ତାନି ଗାଡ଼ିକିତାଆଁ ବାରେ ଏଝାଆଁ ମେସାଲି ଆଡିନାୟି । ଏଦାଆଁତାକି ଏଝାରି ପୁଞ୍ଜାହିଲଅମି ଇଞ୍ଜା ଇଞ୍ଜାଲି ଆଡଅରି । ୨୨ ଏଝାରି ମାହାପୁରୁଇଁ ପୁଞ୍ଜା ଜିକେଏ ଏଝାଣାଇଁ ଗାଧୁରମି କିଆତେରି କି ଏଝାଣାଇଁ ଜହରା କିଆତେରି । ସାମା ଏଝାରି ଅଣ୍ଡପୁ ବାରେ ଉଜେଏତି ଅଣ୍ଡପୁ ଅଡେ ଏଝାରି ତେଲ୍ଲହାଆଗାଟି ମନୁ ଆଦେରି ଆହାମାନେ । ୨୩ ଏଝାରି ଜାହାରାଇଁ ବୁଦିଗାଗାତମି ଇଞ୍ଜା ଇନେରି, ସାମା ସାତା ତଲେ ଏଝାରି ବୁଦି ହିଲ୍ଲାଆ ଗାଗାରି; ୨୪ ଅଡେ ନାସା ଆଆଗାଟି ମାହାପୁରୁତି ଗାଧୁରମିତି ନାସା ଆନି ମାଣସି, ସାରିଗଟା କତାୟାଁ ଗାଟି ଜଡ଼, କତାୟାଁ ଅଡେ ରାସ୍ପକା କୁଡ଼ାତି ବମାୟାଁ କିହାନା ଏଝାଆଁତି ପୂଜା କିହିମାନେରି । ୨୫

୨୬ ଏଦାଆଁତାକି ମାହାପୁରୁ ଏଝାରାଇଁ ହିୟାଁତି ଲାଗେଏତି ଜୁପକାତାକି ଏଝାରାଇଁ ଲାଗେଏତି ତାଣା ହେରପିତେସି, ଏନିକିହଁ ଏଝାରି ଆଜା ରଅସି ରଅଣି ତଲେ ଲାଜାଗାଟି କାମା କିହିମାନେରି । ୨୭ ଏଝାରି ମାହାପୁରୁ କାତାତି ସାତା ପିସାନା ମିତିତି ବାସୁ କିହିମାନେରି । ଗାଡ଼ିକିତି ମାହାପୁରୁଇଁ ପୂଜା କିଆନା, ଗାଡ଼ିଆତି ଦିଶସୁ ପୂଜା କିହିମାନେରି; ଏ ଗାଡ଼ି କିତାଣାଇଁ କାଲ୍ଲାକାଲ୍ଲାତାକି ଜହରା । ଆମେନୁ ।

୨୮ ଏଝାରି ଏଲେକିତାକି ମାହାପୁରୁ ଏଝାରାଇଁ ଲାଜାଗାଟି ପାପୁ କାମାତା ହେରପିତେସି, ଇତିହଁ ଏଝାରି ତକ୍ତସିକା ତକ୍ତାୟାଁ ତଲେ କୁଡ଼ାଲି ପିସାନା ଏଝି ତାମ୍ନୁ ତାମ୍ନୁସୁ କିଆଗାଟି ଲାଜା କାମାୟାଁ କିତୁ ୨୯ ଏଲେକିହଁ ଏ ଆବାୟାଁ ଜିକେଏ ଜାହାରା ତକ୍ତ ତଲେ କୁଡ଼ାଆନା ଜାହା ଜାହାରା ବିତୁ ଲାଗେଏତି କାମା କିତେରି । ଆବା ଆବାୟାଁ ତଲେ ଲାଜା ଆନି କାମା କିତେରି, ଏଦାଆଁତାକି ଏଝାରି ଲାଗେଏ କାମାଟି ତଣ୍ଡ ବେଗା ଆହିମାନେରି ।

* ୧:୧୩ ୧:୧୩ କାମା ୧୯:୨୧ † ୧:୧୪ ୧:୧୪ ଗ୍ରିକ ‡ ୧:୧୪ ୧:୧୪ ବୁଦି ହିଲ୍ଲାଆ ଗାଗାରି, * ୧:୧୭ ୧:୧୭ ମାର୍କି ୮:୩୮
 * ୧:୧୭ ୧:୧୭ ଏଡି ୨:୪ * ୧:୨୧ ୧:୨୧ ଏପିସି ୪:୧୭,୧୮ * ୧:୨୧ ୧:୨୧ ଏପିସି ୪:୧୭,୧୮ * ୧:୨୩ ୧:୨୩ ଝେ ମେରା
 ୪:୧୭-୧୮

୨୮ ଅଡ଼େ ଏନିକିଏ ଏଞ୍ଜାରି ମାହାପୁରୁତି ବୁଦିତି କୁହାଲିଏ, ଏଲେକିହିଏ ଏ ମାହାପୁରୁ କିଆଗାଟି କାମା କିହାଲି ଏଞ୍ଜାରିଲି ଲାଗେଏତି ଅଣ୍ଡପୁତା ହେରୁପିତେସି । ୨୯ ଏଞ୍ଜାରି ଦାମ୍ବୁ ହିଲିଆଗାଟାୟି, ଲାଗେଏ ପଚଲଏ, କୁପକା ଅଡ଼େ ଇରୁସା, ଲକ୍ଷ୍ମି ପାୟିନାୟି, ଗଡ଼ହା କିନାୟି, ନାଡ଼ିକିନାୟି ଅଡ଼େ ଲାଗେଏତି କାମା ନେଞ୍ଜାମାନେ; ୩୦ ଏଞ୍ଜାରି ଉଡ଼ୁପାତି, ନିନ୍ଦା କିନାରି, ମାହାପୁରୁ ଅପାଆଗାଟାୟି, ଲାଗେଏତି କାମା କିନାୟି, ଏଞ୍ଜାରି ଲାଗେଏ କାମା କିହାଲି ପାରୁ ପାରିନେରି; ଏଞ୍ଜାରି ତାଲି ତାଞ୍ଜିଲି ମାନି କିଆଗାଟାରି, ୩୧ ଏଞ୍ଜାରି ବୁଦି ହିଲିଆ ଗାଟାରି, ଜାହାରା ହାତିକାତା ଆହୁଅରି । ଇଞ୍ଜା ଏବ୍‌କାତାରାକି ଇଚାଣି କାମା ହିଲେଏ । ୩୨ ଏଞ୍ଜାରି ପୁଞ୍ଜାମାନେରି, ମାହାପୁରୁତି ମେରା ଲେହେଁ ଇଲେତି ଲକ୍ଷ୍ମି ହାନି ତଣ୍ଡ ପାଣ୍ଡନାୟି ମାନେ, ଇଦାଆଁ ପୁଞ୍ଜାହାଁ ଜିକେଏ ଏଞ୍ଜାରି ଏଲେକିହିଏ ଲାଗେଏତି କାମା କିହେମାନେରି, ଅଡ଼େ ଏଲେତି କାମା କିହିମାନି ଲକ୍ଷ୍ମିତଲେ ରାହାଁତଲେ ଆଣ୍ଡିନେରି ।

୨

ମାହାପୁରୁତି ନାହାଁୟି

୧୧୧ ତାୟି ଅଡ଼େ ତାଜି, ମୀମ୍ବୁ ଏନାଆଁ ଏବ୍‌କା ଲକ୍ଷ୍ମି ନୀହାଁୟି କିହିମାଞ୍ଜେରି ? ମୀରୁ ଆମ୍ବାଆତେରି ଆଡ଼ିଜିକେଏ, ଇଲେ କିନାୟି ମିଜେ ତାକି ନେହେଁ ଆଏ, ଏବ୍‌କା ଲକ୍ଷ୍ମି ଦହ ଦସାନା ମୀମ୍ବୁ ଏଲେତି କାମା କିହାନା ଏମ୍ବାଟି ମୀରୁଏ ଦହ କିହିମାଞ୍ଜେରି । ୧୧୨ ଆମିନି ଗାଟାରି ଇଲେତି କାମା କିନେରି, ମାହାପୁରୁ ଏଲେତି ଲକ୍ଷ୍ମି ସାତା ତଲେ ନାହାଁୟି କିନେସି, ଇଦାଆଁ ମୀମ୍ବୁ ପୁଞ୍ଜାମାନମି । ୧୧୩ ଏ ତାୟି ଅଡ଼େ ତାଜି, ଆମିନି ଗାଟାରି ଲାଗେଏତି କାମା କିନେରି, ଏଞ୍ଜାରିଲି ନୀହାଁୟି କିହାନା, ମୀମ୍ବୁ ଏଲେତି କାମା କିହିମାଞ୍ଜେରି, ମୀରୁ ମାହାପୁରୁତି ନାହାଁୟିଟି ଜାଣା ଆନାୟି ଇଞ୍ଜା ଅଣ୍ଡପିମାଞ୍ଜେରି କି ? ୧୧୪ ଆଆଡ଼େ, ମାହାପୁରୁତି ହାଡ଼େକା କାମାମେହନାୟି ମୀ ହିୟାଁ ବାଦଲି କିନି ଖାକି ଅହାଲି ଅଣ୍ଡପିନେ, ଇଦାଆଁ ପୁନାଆନା ମୀରୁ କି ତାନି କାମାମେହନାଣି, ସାସା, ଅବହାନା ତୁୟିନି ଲେହେଁ ଦନଇଁ ଅପିହିଲଅତେରି କି ? ୧୧୫ ସାମା ମୀରୁ ମୀ ଆବ୍‌ଖା ଅଡ଼େ ବାଦଲି ଅଆଗାଟି ହିୟାଁ ଲେହେଁ, ଆମିନି ଦିନା ମାହାପୁରୁତି ନାହାଁୟି ତଞ୍ଜାଆନେ, ଏ କାରବିତି ଦିନାତାକି ଜାହାରାତାକି କାରବି କୃଡ଼ି କିହିମାଞ୍ଜେରି; ୧୧୬ ଏଞ୍ଜାସି ବାରେ ଲକ୍ଷ୍ମିତାକି ତାନି କିହାମାନି କାମାଟି ପାଡ଼େୟି ହାନେସି; ୧୧୭ ଆମିନି ଗାଟାରି ସାସାତଲେ ନେହୁଁ କାମା କିହାନା ଗାଞ୍ଜୁରମି, ମାନି ଇଞ୍ଜା ହାଆଗାଟାଣି ପାରିନେରି, ଏଞ୍ଜାରିକି କାଲ୍‌କାଲ୍‌କାଟି ଜାହୁ ହାନେସି, ୧୧୮ ଆମ୍ବାଆରି ଖାଉଇ ତାମଜେ ଅଣ୍ଡପିନେରି, ଇଞ୍ଜା ସାତାତି ମାନୁଞ୍ଜି ଆଆରି, ସାମା ଲାଗେଏତାଣି ମାନୁଞ୍ଜି ଆନେରି; ଏଞ୍ଜାରିକି କାରବି ଅଡ଼େ କପା ଖାନ୍, ୧୧୯ ଆମ୍ବାଆରି ଲାଗେଏତି କାମା କିହିମାନେରି ଏଞ୍ଜାରିକି କାକୁଲି ଅଡ଼େ କସୁତି ଦିନା ଖାହିମାନେ, ମୂଲୁଏ ଜାହୁଦି ଲକ୍ଷ୍ମିତାକି ଇଞ୍ଜା ତାୟୁ ଜାହୁଦିଆଆତି ଲକ୍ଷ୍ମିତାକି ଆନେ । ୧୨୦ ସାମା ମୂଲୁଏ ଜାହୁଦି ଲକ୍ଷ୍ମି ଅଡ଼େ ଜିକେଏ ଜାହୁଦିଆଆତି ଲକ୍ଷ୍ମିତାକି, ନେହୁଁ କାମା କିହାମାନି ବାରେଜାଣା ତାକି ଗାଞ୍ଜୁରମି, ମାନି ଇଞ୍ଜା ହିଡ଼ି ହିୟାନେସି । ୧୧୧ ଇତିହିଁ ମାହାପୁରୁ ତାଣା ପାରଡ଼ା ବାଟି କିନାୟି ହିଲେଏ । ୧୧୨

୧୨୩ ଜାହୁଦିଆଆତି ଲକ୍ଷ୍ମିକି ମସାତି ମେରା ହିଲିଆଆନା ପାପୁ କିହାମାନେରି; ଏଞ୍ଜାରି ଜିକେଏ ମସାତି ମେରା ହିଲିଆଆନା ନାସା ଆନେରି, ଅଡ଼େ ଏତେକା ଜାହୁଦି ଲକ୍ଷ୍ମିକି ମସାତି ମେରା ପୁଞ୍ଜାମାନାକି; ଏଞ୍ଜାରି ପାପୁ କିହାମାନେରି ଅଡ଼େ ଏ ମେରା ତଲେ ନାହାଁୟି କିଞ୍ଜିଆନେରି । ୧୨୪ ଇତିହିଁ ମେରାତି ଖେଞ୍ଜାନା ଲକ୍ଷ୍ମି ମାହାପୁରୁ ନକିତା ଦାମ୍ବୁଗାଟାରି ଆଆରି, ସାମା ମେରାଟି ମାନୁଞ୍ଜି ଆଡ଼ିସାରେ ଦାମ୍ବୁଗାଟାରି ଆନେରି । ୧୨୫ ଜାହୁଦିଆଆତି ଲକ୍ଷ୍ମିକି ମେରା ହିଲିଆତିହିଁ ଜିକେଏ ଏଚିବେଲା ଏଞ୍ଜାରି ମେରାଟା ମାନି ଲେହେଁ କାମା କିନେରି, ଏଚିବେଲା ଏଞ୍ଜାରି ମେରା ବେଗା ଆଆଡ଼ିହିଁ ଜିକେଏ ତାମଜେ ମେରା ଲେହେଁ ଆନେ; ୧୨୬ ଏଞ୍ଜାରି କିହିମାନି କାମାଟି ଇଦି ନେହୁଁ ତଲେ ତଞ୍ଜା ଆହିମାନେ, ମେରାଟି ମାନି ଏଞ୍ଜାରି ହିୟାଁତା ରାସୁକି ଆହାମାନେ । ଇ କାତାତି ସାତା ଏଞ୍ଜାରି ଅଣ୍ଡପୁତା ଜିକେଏ ପାରମାଣା ସାତା ତଲେ ଅଣ୍ଡପିନାଟି ଅଣ୍ଡପିନି ଅଣ୍ଡପୁ ଏଞ୍ଜାରି କାତାତା ରାଡ଼ି ଆହିମାନେ, ସାତା ଅଣ୍ଡପୁ ଅଣ୍ଡପିନାଟି ଅଣ୍ଡପୁ ଏଞ୍ଜାରିଲି ନେହାଁରି କିନେ, ଲାଗେଏତି ଅଣ୍ଡପୁ ଅଣ୍ଡପିନାଟି ଦହ କିହିମାନେ । ୧୨୭ ଏମିନି ଦିନା ମାହାପୁରୁ କ୍ରୀସୁ ଜୀସୁ ତାଣାଟି ମାଣ୍ଡସିତି ତୁଗ୍ଗାମାନି କାତା ବାରେ ନାହାଁୟି କିନେସି, ଏ ଦିନା ନାନୁ ଖେକିହିମାନି ନେହୁଁ କାହୁ ଲେହେଁ ଇ ବାରେ ଆନେ ।

୧୨:୧ ୨:୧ ମାଟି ୭:୧; ଲୁକ ୭:୩୭ ୨:୧ ୨:୧ ମାଟି ୭:୧; ଲୁକ ୭:୩୭ ୨:୨ ୨:୨ ପାପୁ ୭:୧୭ ୨:୧୧ ୨:୧୧ ଖେ ମେରା ୧୦:୧୭

ଜୀହୁଦି ଲକ୍ଷ୍ମ ଅଡ଼େ ଫେରା

୧୭ ମାରୁ ଜାହାରାଇଁ ଜୀହୁଦିତମି ଇଞ୍ଜାକତିମାଞ୍ଜେରି; ଫେରାତି ବାସୁଁ ଇଗମାଞ୍ଜେରି ଅଡ଼େ ମାହାପୁରୁ ତାଣା ବଡ଼ପଣ କିହିମାଞ୍ଜେରି; ୧୮ ଅଡ଼େ ମସାତି ଫେରାତି ଜାପାନା ଏଞ୍ଜାଣି ଅଣ୍ଡୁ ପୁଞ୍ଜାମାଞ୍ଜେରି, ଇଞ୍ଜା ନେହାଁଣି ଲାଗେଏତାଣି ବାତି କିହିମାଞ୍ଜେରି, ୧୯ ସାତେଏ ମାରୁ ନେହୁଁ କିହିଁ ପୁଞ୍ଜାମାଞ୍ଜେରି, ମାରୁ କାଣାୟାଁଣି ଜିରୁ ତହୁନାତେରି, ଆଦେରିତା ମାନି ଲକ୍ଷ୍ମତାକି ଉଜେଡ଼ି ଲେହେଁ, ୨୦ ବୁଦି ହିଲୀଆ ଲକ୍ଷ୍ମଣି ଝେହୁନାତେରି, ପୁନାଆତି ଲକ୍ଷ୍ମଣି ଜାପୁନାତେରି । ମୀ ନାମୁ, ଫେରାତି ମାରୁ ସାତା ଅଡ଼େ ବୁଦି ଫେଡ଼ା ଆହାମାଞ୍ଜେରି । ୨୧ ମାରୁ ଏଡ଼କାତି ଲକ୍ଷ୍ମଣି ଜାପୁହି ମାଞ୍ଜେରି, ସାମା ଜାହାରାଇଁ ଏନାଆଁତାକି ଜାପୁହି ହିଲଅତେରି ? ସରୁ କିଆବୁ ଇଞ୍ଜୁଁ ଜାପୁହାନା ମାରୁଏ ଏନାଆଁତାକି ସରୁ କିହିମାଞ୍ଜେରି ? ୨୨ ଦାରି କିଆବୁ ଇଞ୍ଜୁଁ ଇଞ୍ଜାନା ମାରୁଏ ଦାରି କିହିମାଞ୍ଜେରି ? ମାରୁ ପେଣକା ବମାୟାଁ ପୁଜା ଅପାଆନା ଡ୍ରେଫୁଡ଼ିକାତି ଦିଶସୁ ମାଣ୍ଡାଟି ହିଲଅତେରି କି ? ୨୩ ମାରୁ ମାହାପୁରୁତି ଫେରା ବେଟା ଆହାମାନମି ଇଞ୍ଜୁଁ ବଡ଼ପଣ ଆହିମାଞ୍ଜେରି, ସାମା ଏନାଆଁ ମାନି କିଆନା ମାହାପୁରୁଇଁ ଲାଜା ପାଣ୍ଡାପି କିହିମାଞ୍ଜେରି କି ? ୨୪ ସାପ୍ତେରିତା ରାସ୍ତିକ ଆହାମାନେ, “ମିଙ୍ଗେ ତାକି ଜୀହୁଦିଆଆତି ଲକ୍ଷ୍ମତାଣା ମାହାପୁରୁ ଦରୁ ନିନ୍ଦା ବେଟା ଆହିମାନେ ।”*

୨୫ ମାରୁ ଫେରାତି ମାନି କିହିମାଟିସାରେ, ମୀ ତଲୁ ଦାପିଆନାୟି ଲାଜା ମାନେ । ସାମା ଫେରାତି ମାନି କିଆସାରେ, ମୀ ତଲୁ ଦାପି ଆଡ଼ାୟି ତଲୁ ଦାପିଆଆତି ଲକ୍ଷ୍ମତଲେ ସମାନା । ୨୬ ର ଜୀହୁଦିଆଆତି ଲକ୍ଷ୍ମ ଫେରାତି ହୁକୁମିକା ମାନି କିତିସାରେ ମାହାପୁରୁ ଏଞ୍ଜାଣାଇଁ ତଲୁ ଦାପି ଆଡ଼ାସି ଲେହେଁ ଇନଅସି କି ? ୨୭ ଏନାଆଁତାକି ଆଜ୍ଞା ତଲେ ତଲୁ ଦାପିଆଆତି, ଆମିନି ଜୀହୁଦିଆଆତାରି ମସାତି ଫେରା ମାନି କିନେରି, ଆତିହୁଁ ମସା ରାଡ଼ିତି ଫେରା ଅଡ଼େ ତଲୁ ଦାପି ଆଡ଼ିକିକେଏ ଫେରା ମାନି କିହିହିଲଅତେରି, ଏଞ୍ଜାରି ମିଙ୍ଗେ ବିଚାରା କିୟାନେରି । ୨୮ ୱାରୁଇଁ ଆଜ୍ଞା ତଲେ ତଲୁ ଦାପି ଆହାନା ପାଜ୍ଞାତା ଜୀହୁଦି ଇଞ୍ଜୁହୁଁ ତସାକତିମାନି ଲକ୍ଷ୍ମ ଜୀହୁଦି ଆଏ । ୨୯ ଆମ୍ବାଆସି ହିୟାଁ ବିଡ଼ା ଜୀହୁଦି, ଏଞ୍ଜାସି ସାତା ତଲେ ଜୀହୁଦି, ଅଜ୍ଞାରି ତଲେ ଆଏ, ଜୀହୁ ଅଡ଼େ ହିୟାଁ ତଲେ ଆମ୍ବାଆସି ତଲୁ ଦାପି ଆଡ଼ାସି, ଏଦି ସାତା ତଲୁ ଦାପି ଆନାୟି । ଏଲେତି ଲକ୍ଷ୍ମ ମାଣ୍ଡାଟି ତାଣାଟି ମାନି ବେଟାଆସି, ସାମା ମାହାପୁରୁ ତାଣାଟି ମାନି ବେଟା ଆନେସି ।

୩

୧ ଆତିହୁଁ ଜୀହୁଦିଆଆତି ଲକ୍ଷ୍ମ କିହାଁ ଜୀହୁଦି ଲକ୍ଷ୍ମ କି ଏନାୟି ଗାତି ଲାବା ମାନେ ? ତଲୁ ଦାଞ୍ଜନାୟି ଏନି ଲଡ଼ାମାନେ ? ୨ ହାରେକାତି, ମୁଲୁଏ ମାହାପୁରୁ ତାନି ନେହୁଁ କାବୁ ଝେକହାଲି ଦାୟିପତି ଜୀହୁଦି ଲକ୍ଷ୍ମକି ହେରୁପିତେସି । ୩ ଆତିହୁଁ ଏନାୟି ? ଜୀହୁଦିଜ୍ଞା ତାଣାଟି ଏଚରଜାଣା ନାମାଆସାରେ, ଏଞ୍ଜାରି ମାନି କିଆଗାଟାୟି ଏନାଆଁ ମାହାପୁରୁ ନାମୁତି ଉଜେଏ କିନେ ? ୪ ଏଲେଆହୁଁ ଆଆପେ, ଲକ୍ଷ୍ମ ବାରେଜାଣା ମିତିତାରି ଆତିହୁଁ ଜିକେଏ ମାହାପୁରୁ ସାତା । ସାପ୍ତେରିତା ରାସ୍ତିକ ଆହାମାନେ;

“ନୀ ବଲୁ ତଲେ ନାନୁ ଦାମୁଁ ଗାଟାତି ଇଞ୍ଜୁଁ ଝେଜ୍ଜିଦି,
ନାହାଁୟି ଆନି ବେଲାତା ନାନୁ ଜୀଣା ଆଦି ।” *

୫ ମା ଲାଗେଏତି କାମା ମାହାପୁରୁତି ନେହୁଁ କାମାତି ପାରମାଣା କିନେ, ଆତିହୁଁ ମାରୁ ଏନାଆଁ ଇନାୟି ? ଆମିନି ମାହାପୁରୁ ଲାଗେଏତି କାମାତାକି ତଣ୍ଡ ହାନେସି, ଏଞ୍ଜାସି କି ଦାମୁଁ ହିଲଆଗାଟାସି ? ନାନୁ ମାଣ୍ଡାସିଲେହେଁ ଝେସିମାଇଁ । ୬ ଏଲେଆହୁଁ ଆଏ । ମାହାପୁରୁ ଦାମୁଁଗାଟାସି ଆଆତିହୁଁ, ଏଞ୍ଜାସି ଏନିକିହୁଁ ଦାରୁତି ନାହାଁୟି କିନେସି ?

୭ ସାମା ନା ମିତି ତଲେ ମାହାପୁରୁତି ସାତାତାୟି ତାନି ଗାଞ୍ଜୁରିମି ତାକି ହାରେକା ଗାତି ଆଡେ, ଆତିହୁଁ ନାନୁ ପାପୁ ଗାଟାତେଏଁ ଇଞ୍ଜୁଁ ଏନାଆଁତାକି ନାହାଁୟି କିଝି ଆଇଁ ? ୮ ମାରୁ ଏନାଆଁତାକି ଏଲେଇନାଆୟି, “ଝାଦୁ ମାରୁ ଲାଗେଏତି କାମା କିନ, ଆତିହୁଁ ମାଙ୍ଗେତାକି ନେହେଁ ଆନେ ?” ନାନୁ ଇଲେତି କାତା ଝେସିମାନାକି ଦାଞ୍ଜା କିହାନା ଏଚେକା ଲକ୍ଷ୍ମ ନାଙ୍ଗେ ନିନ୍ଦା କିହିମାଞ୍ଜାନେରି, ଏଞ୍ଜାରି ଇଦାଆଁତାକି ଆମିନି ତଣ୍ଡ ପାଣ୍ଡନାୟି ମାନେ, ସାତାତଲେ ବେଟାଆନେରି ।

ଦାମୁଁଗାଟାସି ଆମ୍ବାଆସି ହିଲଅସି

୧ ଆତିହୁଁ ଜୀହୁଦି ଲକ୍ଷ୍ମ ଜୀହୁଦିଆଆତି ଲକ୍ଷ୍ମ କିହାଁ ହାରେକା ନେହାଁରି ମାନେରି ? ଏଚେଲାଞ୍ଜା ଆଏ, ନାନୁ ନକେଏ ଝେସାମାଞ୍ଜାଇଁ ଜୀହୁଦି ଅଡ଼େ ଜୀହୁଦିଆଆତି ଲକ୍ଷ୍ମ ପାପୁତି ବାଡ଼ୁଡ଼ାତା ମାନେରି, ୧୦ ଦାମୁଁ ସାପ୍ତେରିତା ରାସ୍ତିକ ଆହାମାନେ;

* ୨:୨୪ ୨:୨୪ ଜିସା ୫୨:୫ * ୩:୪ ୩:୪ ପାରୁ ୫୧:୧୫

“ଦାର୍ମଗାଟାସି ଆମ୍ବାଆସି ହିଲଅସି, ରଅସି ଜିକେଏ ହିଲଅସି,✱

୧୧ ରଅସି ଜିକେଏ ବୁଦିଗାଟାସି ହିଲଅସି;

କି ମାହାପୁରୁଇଁ ପାରିନାସି ହିଲଅସି ।

୧୨ ଏଝାରି ବାରେଜାଣା ମାହାପୁରୁ ତାଣାଟିଏ ହେକ ହାଜାମାନେରି;

ଏଝାରି ବାରେଜାଣା ଲାଗେଏ ଜିରୁତା ହାଜାମାନେରି;

ଆମ୍ବାଆସି ଜିକେଏ ରଅସି ସାତାପାଣାତି କାମାକନାସି ହିଲଅସି ।

୧୩ ଏଝାରି ହାଡ଼ା ଦେପିଆଡ଼ି ମାଡ଼ହା ମୁହନି ଚାୟୁ,

ଏଝାରି ଗୁଡ଼ିଟି ମିତି କାତା ହଡ଼ିମାନେ,

ଲୁଡ଼ା ଡ଼ଲ ଅଟୁ କାଚାମାନି ରାଟୁତି ବାସାମାନେ ।✱

୧୪ ଏଝାରି ଗୁଡ଼ିଟି କାତା କାମ୍ବେଲି ଗାଟାୟି ଇଞ୍ଜି ବାକା ତଲେ ନେଞ୍ଜାମାନେ । ✱

୧୫ ଏଝାରି ଇରୁହାଲି ଅଡ଼େ ପାୟାଲି ଦେବୁଣିଏ ହଡ଼େନରି ।✱

୧୬ ଏଝାରି ଆମ୍ବିୟାଝାକି ହାନେରି, ଏମ୍ବାଆଁ ନାୟା ଇଞ୍ଜି ସାସି ବେଟାଆଡ଼େନରି ।

୧୭ ଏଝାରି ହିଡ଼ଡ଼ିଟି ଜିରୁ ପୁଞ୍ଜାହିଲଅରି,

୧୮ ମାହାପୁରୁଇଁ ଆଜିନାୟି ଏଝାରିତାଣା ହିଲେଏ ।”✱

୧୯ ମାରୁ ପୁଞ୍ଜାମାନାୟି, ଫେରା ମାନି କିହିମାନେରି, ଏମ୍ବାତି ବାରେ ହୁକୁମିଇଁ ଏଝାରି ମାନି କିନାୟିମାନେ । ମାହାପୁରୁ ଏତିବେଲା ବାରେ ଦାରୁଡ଼ିତି ବିଚାରା କିନେସି, ଫେରାତି ମାନି କିଆଗାଟି ଲକୁ ଜାହାରାଇଁ ଦହ ହିଲାଆ ଗାଟାତମି ଇଞ୍ଜି ଇଞ୍ଜାଲି ଆଡ଼ଅରି । ୨୦ ✱ସାମା ଫେରା ତଲେ କିନି କାମା ମାନି କିହାଁ ଆମ୍ବାଆସି ଜିକେଏ ମାହାପୁରୁ ନକିତା ଦାର୍ମଗାଟାସି ଆହାଲି ଆଡ଼ଅସି । ଇତିହଂ ଫେରାଟି ମାଣସି ଝାରଇ ପାପୁଡ଼ି ପୁଞ୍ଜାଲି ଆଡ଼ିମାନେସି ।✱

ନାମୁତଲେ ଦାର୍ମଗାଟି ଲକୁ ଆନାୟି

୨୧ ମାହାପୁରୁ ମାଣସିଇଁ ତାନିତଲେ ନେହଂ କଂ ଆଣ୍ଡାଲି ତାକି ଫେରା ପିସପେ ଏନାଆଁ କିହାମାନେସି, ଏଡ଼ି ନାଏଁ ତଞ୍ଜା ଆହିମାନେ । ଏ କାତା ମସାତି ଫେରା ଇଞ୍ଜି ମାହାପୁରୁ ଅଣପୁଡ଼ି ବଲୁ ଝେହନାରି ଜିକେଏ ସାକି ହାହାମାନେରି । ୨୨ ✱ଝାରଇ ଜୀସୁ କ୍ରୀସୁ ତାଣା ନାମିତାକି ଲକୁ ମାହାପୁରୁ ନକିତା ଦାର୍ମଗାଟାରି ଆନେରି । ମାହାପୁରୁ ଆମ୍ବାଆରାଇଁ ପାରଡ଼ା ବାତି କିଆନା କ୍ରୀସୁଇଁ ନାମିତି ବାରେ ଜାଣାକି ର ପାରୁ ହାନେସି । ✱ ୨୩ ବାରେଜାଣା ପାପୁ କିହାମାନେରି ଅଡ଼େ ମାହାପୁରୁଟି ଗାଝୁରମିଟି ହେକ ଆହାମାନେରି । ୨୪ ସାମା, ଏଝାରି ଉଜେଏ ମାହାପୁରୁଟି କାର୍ମାମେହନି ଦାନା ତଲେ କ୍ରୀସୁ ଜୀସୁ ତାଣା ଆମିନି ଗେଲ୍ପି ଆନାୟି ମାନେ, ଏଦାଆଁ ତଲେ ଦାର୍ମଗାଟାରି ଆନେରି । ୨୫ ମାହାପୁରୁ ଜୀସୁଇଁ ଦାନା ହାତେସି, ଏନିକଂ ଏଝାଣି ହାକି, ଏଝାଣି ତାଣା ନାମାମାନି ଲକୁତାକି ପାପୁ ମେଣ୍ଡିନି ଉପେୟି ଆନେ । ମାହାପୁରୁ ଅରୁହାନା ଲକୁ କିହାମାନି ତଲିତି ପାପୁଡ଼ି ତସାହିଲଅସି । ୨୬ ସାମା ନାଏଁ ଏଝାସି ଜାହାରା ଦାର୍ମ ଗାଟାଣି ତସାଲି ତାକି ପାପୁ ମ୍ବେକନି ଫେରା କିହାମାନେସି । ଇଦାଆଁ ତଲେ ମାହାପୁରୁ ତସାମାନେସି, ଏଝାସି ତାନୁଏ ଦାର୍ମଗାଟାସି ଇଞ୍ଜି ଆମ୍ବାଆସି ଜୀସୁ ତାଣା ନାମିନେସି, ଏଝାସି ବାରେଜାଣାତି ଦାର୍ମ ଗାଟାରିଲେହେଁ ଆବିନେସି ।

୨୭ ଆତିହଂ ଆମିନି କାତାତା ମାରୁ ବଡ଼ପଣ ଆନାୟି ? ଆଏ, ଏଲେତି କାତା ଏନାୟି ହିଲେଏ । ବଡ଼ପଣ ଆହାଲିତାକି ମା ତାଣା ଏନାୟି ମାନେ ? ମାରୁ ବାରେ ହୁକୁମି ମାନୁଡ଼ି ଆହିମାନାୟି ଇଞ୍ଜିହଂ କି ? ଆଏ, ଝାରଇ ନାମୁଏ ମା ବଡ଼ପଣ ଆନେ । ୨୮ ମାରୁ ନେହଂ କଂ ତେଲୁହାଲି ଆଡ଼ିନାୟି, ରଅସି ଝାରଇ ତାନି ନାମୁତଲେ ମାହାପୁରୁ ନକିତା ଦାର୍ମଗାଟାସି ଇଞ୍ଜି ଝେଜିନେସି, ଫେରାତି ମାନି କିତିସାରେ ଆଏ । ୨୯ ମାହାପୁରୁ ଝାରଇ ଜୀହୁଦି ଲକୁଡ଼ି ମାହାପୁରୁକି ? ଏଝାସି ଜୀହୁଦିଆଆତି ଲକୁଡ଼ି ମାହାପୁରୁ ଆଏକି ? ସାତେଏ ଏଝାସି ବାରେ ଲକୁଡ଼ି ମାହାପୁରୁ । ୩୦ ଏନାଆଁତାକି ଇତିହଂ, ମାହାପୁରୁ ରଅସିଏ, ଅଡ଼େ ଏଝାସି ଜୀହୁଦି ଇଞ୍ଜି ଜୀହୁଦିଆଆତି ଲକୁଡ଼ି ନାମୁ ତାକି ଏଝାସି ଏଝାରାଇଁ ଦାର୍ମ ଗାଟାରିଲେହେଁ ଆବିନେସି । ✱ ୩୧ ଆତିହଂ, ମାରୁ କି ନାମୁତଲେ ମସାତି ଫେରା ମ୍ବେକହି ମାନାୟି ? ଏଡ଼ି ଏତେଲା ଜିକେଏ ଆଆପେ, ସାମା ମାରୁ ନାମୁତଲେ ମସାତି ଫେରାଇଁ ଜାଣ୍ଡେ ତାରି କିହିମାନାୟି ।

✱ ୩:୧୦ ୩:୧୦ ପାରୁ ୧୪:୧-୧; ୫୩:୧-୩ ✱ ୩:୧୩ ୩:୧୩ ପାରୁ ୫:୯; ୧୪୦:୩ ✱ ୩:୧୪ ୩:୧୪ ପାରୁ ୧୦:୭ ✱ ୩:୧୫ ୩:୧୫ ଜିସା ୫୯:୭,୮ ✱ ୩:୧୮ ୩:୧୮ ପାରୁ ୩୬:୧ ✱ ୩:୨୦ ୩:୨୦ ଗାଲା ୨:୧୭ ✱ ୩:୨୦ ୩:୨୦ ପାରୁ ୧୪୩:୨; ଗାଲା ୨:୧୭ ✱ ୩:୨୨ ୩:୨୨ ଗାଲା ୨:୧୭ ✱ ୩:୨୨ ୩:୨୨ ଗାଲା ୨:୧୭ ✱ ୩:୩୦ ୩:୩୦ ଝେ ଫେରା ୪:୪; ଗାଲା ୩:୨୦

୪

ଅବ୍ରାହାମତି ମାଣ୍ଡଳି

୧ ଅତିହିଁ ଆଜ୍ଞା ତଲେ ମା ଆକୁ ଅବ୍ରାହାମ ଏନାଆଁ ବେଟାଆହାମାନେସି ଇଞ୍ଜିହିଁ ମାରୁ ଏଲେଇନାୟି ? ୨ ଅବ୍ରାହାମ ତାନି ଜାହାରା କାମାତି ମାହାପୁରୁ ତାଣା ଦାମ୍ବୁଗାଟାସି ଆହା ମାତିହିଁ ମା, ଏଞ୍ଜାଣାକି ବତପଣ କିନି କାତା ମାତେ । ସାମା ମାହାପୁରୁ ଖାକିତି ଏଦି ଆହାହିଲଆତେ । ୩ *ଦାମ୍ବୁ ସାସ୍ତେରି ଲେହେଁ, “ଅବ୍ରାହାମ ମାହାପୁରୁଇଁ ନାମିତେସି, ଅଡ଼େ ଏ ନାମୁତାକି ମାହାପୁରୁ ଏଞ୍ଜାଣାଇଁ ଦାମ୍ବୁ ଗାଟାଣି ଲେହେଁ ଅପିତେସି ।” ୪ ଆମ୍ବାଆସି କାମା କିନେସି, ଏଞ୍ଜାଣାକି ତାନି କୁଲି ମୋଡ଼ାଆନେ, ଏଦି ଦାନା ହୀନାୟି ଆହାଲି ଆଡେଏ, ଏଦି କାମାତି ପାଡ଼େୟି ଇଞ୍ଜିଁ ଇଣ୍ଡିଆନେ । ୫ ସାମା ଆମ୍ବାଆସି ତାନି କାମାତା ଆସା କିଆନା, ଦାମ୍ବୁ ହିଲଆଗାଟାଣାଇଁ ଏମିନି ମାହାପୁରୁ ଦାମ୍ବୁଗାଟାସି ଇଞ୍ଜିଁ ଆବିନେସି, ଏଞ୍ଜାଣି ତାଣା ନାମିନେସି, ଏଞ୍ଜାଣି ନକିତା ଏଞ୍ଜାଣି ନାମୁ ଦାମ୍ବୁଗାଟାୟି ଇଞ୍ଜିଁ ଝେଜିନେ । ୬ ଆମିନି ଲକୁଇଁ କାମା ଲଡ଼ାତି ସିନି କିଆନା ମାହାପୁରୁ ଏଞ୍ଜାଣାଇଁ ଦାମ୍ବୁଗାଟାସି ଇଞ୍ଜିଁ ଆବିନେସି, ଏଞ୍ଜାଣାଇଁ ନେହାଁସି ଇଞ୍ଜିଁ ଦାସୁଦ ଏଲେଇଞ୍ଜା ମାନେସି;

୭ *ଆମ୍ବାଆରି ଦହ ମେଣ୍ଡଳି କିଞ୍ଚିଆହାମାନେ, ଆମ୍ବାଆରି ପାପୁ ମେଣ୍ଡଳି କିଞ୍ଚିଆହାମାନେ, ଏଞ୍ଜାରାକି ନେହେଁ ।

୮ ପ୍ରବୁ ଆମ୍ବାଆରି ପାପୁ ଆହୁଅସି, ଏଞ୍ଜାଣାକି ନେହେଁ !”

୯ ଇମ୍ବାଆଁ ଦାସୁଦ ଆମ୍ବାଆରାଇଁ ନେହେଁ ଇଞ୍ଜିଁ ଝେସାମାନେସି, ଏଞ୍ଜାରି କି ଖାରୁଇ ତଲୁ ଦାପି ଆଡ଼ି ଲକୁ ମାତେରି ? କି, ତଲୁ ଦାପିଆଡ଼ି ଲକୁ ଜିକେଏ ନେହାଁରି ଆହାଲି ଆଡ଼ିନେରି । ମାରୁ ଏଲେ ଇଞ୍ଜିମାନାୟି, “ଅବ୍ରାହାମ ନାମୁତଲେ ଦାମ୍ବୁଗାଟାସି ଇଞ୍ଜିଁ ଝେଜିତେସି ।” ୧୦ ଅତିହିଁ ଏଦି ଏତେଲ ଆହାମାତେ ? ଅବ୍ରାହାମ ତଲୁ ଦାପି ଆଡ଼ି ତାୟୁ କି, ତାନି ନକେଏ ? ତଲୁ ଦାପି ଆଧାନକେଏ, ତାୟୁ ଆଏ । ୧୧ ତଲୁ ଦାପି ଆଡ଼ି ନକେଏ ଅବ୍ରାହାମ ନାମୁ ତାକି ମାହାପୁରୁ ଏଞ୍ଜାଣାଇଁ ଦାମ୍ବୁ ଗାଟାଣା ଲେହେଁ ଆବା ମାତେସି । ଇଦାଆଁ ପୁଣ୍ଡି କିହାଲିତାକି ର ସିନାଲେହେଁ ଅବ୍ରାହାମ ଇ ତଲୁ ଦାପିଆଡ଼ି ମୋରା ବେଟାଆହା ମାତେସି, ଇତିହିଁ, ଆମିନି ଗାଟାରି ତଲୁ ଦାପି ଆଧାନ ଜିକେଏ ମାହାପୁରୁ ତାଣାତି ଦାମ୍ବୁଗାଟାସି ଇଞ୍ଜିହିଁ ଆବିତାସି, ସୁଦୁ ମାଣ୍ଡଳିକି ଅବ୍ରାହାମ ଏଞ୍ଜାରି ତାଞ୍ଜି । ୧୨ ଆବା ଅବ୍ରାହାମ ତଲୁ ଦାପି ଆଡ଼ି ନକେଏଟିଏ ଆମିନି ନାମୁତି କାତା ତସାମାତେସି, ତଲୁ ଦାପିଆଡ଼ି ଲକୁ ଜାହାରା ଜାସୁତା ଏଲେତି ନାମୁ ତସାଲି ଆଡ଼ିସାରେ, ଅବ୍ରାହାମ ଏଞ୍ଜାରାକି ଜିକେଏ ତାଞ୍ଜି ଆନେସି ।

ମାହାପୁରୁତି ଆଞ୍ଜାମାନାଣି ନାମୁତଲେ ବେଟାଆନାୟି

୧୩ *ଅବ୍ରାହାମ ମୋରାତି ମାନି କିହାମାନାକି ଆଏ । ଖାରୁଇ ତାନି ନାମୁ ତାକି ମାହାପୁରୁ ତାଣାତି ଦାମ୍ବୁଗାଟାସି ଇଞ୍ଜିଁ ଝେଜାମାତେସି ଇଞ୍ଜିଁ ଏଦାଆଁତାକି ତାନି ମୀରୁକା ମାସୁକା ଦାରୁତି ଅଦିକାରା ବେଟାଆନେରି ଇଞ୍ଜିଁ ମାହାପୁରୁ ଆଞ୍ଜାମାତେସି । ୧୪ *ଆମ୍ବାଆରି ମୋରାତି ମାନି କିନାରି, ଖାରୁଇ ଏଞ୍ଜାରି ମାହାପୁରୁତି ଦାମ୍ବା ବେଟାଆନେରି ଇତିସାରେ, ମାଣ୍ଡଳିକି ନାମୁ ଭଜେଏ, ମାହାପୁରୁ ଆଞ୍ଜାମାନାୟି ଜିକେଏ ଭଜେଏତାୟି ଆନେ । ୧୫ ଇତିହିଁ ମସାତି ମୋରା ଭରିନି ତାଣାତି ମାହାପୁରୁତି କାରୁବି ଗାଟାସି ଆନେସି, ସାମା ଆମ୍ବୟା ମୋରା ହିଲେଏ, ଏମ୍ବାଆଁ ମୋରା ଭରିନି କାତା ହିଲେଏ ।

୧୬ *ଏଦାଆଁତାକି ମାହାପୁରୁତି ଆଞ୍ଜାମାନାୟି ନାମୁ ଅଡ଼େ କାମାତି ଲାକ ଇଚୁକି ଆହାମାନେ । ଆମିନି ଗାଟାରି ମୋରାତି ମାନି କିନେରି, ଖାରୁଇ ଏଞ୍ଜାରାକିଦେହେଁ ମାହାପୁରୁତି ଆଞ୍ଜାମାନାୟି ଆଏ । ଅବ୍ରାହାମ ଲେହେଁ ନାମିମାନି ବାରେ ଲକୁତାକି ଜିକେଏ ଆନେ, ଏନାଆଁତାକି ଇତିହିଁ ଅବ୍ରାହାମ ଏଞ୍ଜାରି ସୁଦୁ ମାଣ୍ଡଳିକି ତାଞ୍ଜି; ୧୭ ଆମିନି ମାହାପୁରୁଇଁ ଅବ୍ରାହାମ ନାମିମାତେସି, ଆମ୍ବାଆସି ହାତାରାଇଁ ଝେଣ୍ଡେ ଜାସୁ କିନେସି, ଅଡ଼େ ହିଲଆଗାଟି ଦିଶସୁତି ମାନି ଲେହେଁ ହାଡ଼ିନେସି, ଏ ମାହାପୁରୁ ନକିତା ଏଞ୍ଜାସି ମା ତାଞ୍ଜି ଆହାମାନେସି, ଇ କାତା ଦାମ୍ବୁ ସାସ୍ତେରିତା ରାସୁକି ଆହାମାନେ, “ନିଜେ ହାରେକା କୁଡ଼ାତି ଲକୁତି ତାଞ୍ଜି କିହାମାଞ୍ଜାନମି ।” ୧୮ ଆସା କିନାୟି ଏନାୟି ହିଲଆତି ଜିକେଏ ଅବ୍ରାହାମ ନାମିତେସି ଇଞ୍ଜିଁ ଆସା ଇତିତେସି, ଏଦାଆଁତାକି “ହାରେକା କୁଡ଼ାତି ତାଞ୍ଜି” ଆଡ଼େସି । ଦାମ୍ବୁ ସାସ୍ତେରିତା ରାସୁକି ଆହାମାନେ, “ନୀ

* ୪:୩ ୪:୩ ମୂଲ୍ୟ ୧୫:୬; ଗାଲା ୩:୬ * ୪:୭ ୪:୭ ପାରୁ ୩୨:୧,୨ * ୪:୧୧ ୪:୧୧ ମୂଲ୍ୟ ୧୭:୧୦ * ୪:୧୩ ୪:୧୩ ଗାଲା ୩:୨୯ * ୪:୧୩ ୪:୧୩ ମୂଲ୍ୟ ୧୭:୪-୬; ୨୨:୧୦,୧୮; ଗାଲା ୩:୨୯ * ୪:୧୪ ୪:୧୪ ଗାଲା ୩:୧୮ * ୪:୧୪ ୪:୧୪ ଗାଲା ୩:୧୮ * ୪:୧୭ ୪:୧୭ ଗାଲା ୩:୬ * ୪:୧୭ ୪:୧୭ ଗାଲା ୩:୬ * ୪:୧୭ ୪:୧୭ ମୂଲ୍ୟ ୧୭:୫

କୁଡ଼ା ହୁକାୟାଁ ଲେହେଁ ଏପାଆନେରି ।^{୮୬} * ୧୯ ଏଞ୍ଜାଣାକି ଏରିବେଲା ପାସାକଡ଼ି ବାସା ଆହାମାତାକି ଏଞ୍ଜାସି ତାନି ଆଜ୍ଞାତି ହାଡ଼ାୟି ଇଞ୍ଜା ସାରା ଅଡ଼େ କକାରି ପଦାଁ ଆନି ଗାରା ଜିକେଏ ହାଡ଼ାୟି ଇଞ୍ଜା ଅଣପିତି ଜିକେଏ ନାମୁତା ଉଣା ଆଆଡେସି । * ୨୦ ଏଞ୍ଜାସି ତାନି ନାମୁ ପିହଆଡେସି, କି ମାହାପୁରୁ ଆଞ୍ଜାମାନାଣି ଆନାମାନା ଆଆଡେସି । ଏଞ୍ଜାସି ନାମୁତା ବାଡ଼ୁରୁ ଆଡେସି ଇଞ୍ଜା ମାହାପୁରୁଇଁ ଜହରା କିଡେସି ।^{୨୧} ମାହାପୁରୁ ଏନାଆଁ ଆଞ୍ଜାମାରେସି, ଏଞ୍ଜାସି ଏଦାଆଁ ମାନି କିନେସି ଇଞ୍ଜା ଏଞ୍ଜାଣାକି ଜାଣ୍ଡେ ନାମୁ ମାଡେ ।^{୨୨} ଏଦାଆଁତାକି ତାନି ନାମୁତଲେ ଅବାହାମ, “ମାହାପୁରୁ ତାଣ୍ଡାଟି ବାମୁଗାଟାସି ଆହାମାଡେସି ।”^{୨୩} *
^{୨୩} “ଅବାହାମ ବାମୁଗାଟାସି ଇଞ୍ଜା ୱେଙ୍ଗାମାଟି” କାତା ଖାଉଇ ଏଞ୍ଜାଣି ତାକିଏଦେଁ ରାସ୍‌କି ଆହାସିଲେଏ ।
^{୨୪} ସାମା ଇ କାତା ମାଙ୍ଗେତାକି ଜିକେଏ ରାସ୍‌କି ଆହାମାନେ; ଇତିହଁ ଆମ୍ବାଆସି ମା ପ୍ରବୁ ଜୀସୁଇଁ ହାଡ଼ାରି ତାଣ୍ଡାଟି ନିକହାମାନେସି, ଏଞ୍ଜାଣି ତାଣ୍ଡା ମାର ନାମିମାନାୟି, ମାଙ୍ଗେତାକି ଜିକେଏ ଏଦି ଆନେ ।^{୨୫} ଏ ପ୍ରବୁ ଜୀସୁ ମା ପାପୁତି ବାଡୁଲି ହାହାଲି ହେରପିଆହା ମାରେସି ଇଞ୍ଜା ମାହାପୁରୁ ନକିତା ମାଙ୍ଗେ ବାମୁ ଗାଟାତାୟି କିହାଲି ଖେଣ୍ଡେ ନିଜିଡେସି ।*

୫

ମାହାପୁରୁ ନକିତା ନେହଁ ତଞ୍ଜା ଆନାୟି

^୧ ନୀର୍ବ ନାମୁତଲେ ମାର ମାହାପୁରୁ ନକିତା ବାମୁ ଗାଟାତାୟି ଆହାମାନାୟି ଇଞ୍ଜା ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି ମାହାପୁରୁ ତଲେ ମାର ହିଡ଼ି ତଲେ ମାନାୟି; ^୨ ଏମିନି କାର୍ମାତା ମାର ମାଞ୍ଜାମାନାୟି, ଏମ୍ବାଟି ଏଞ୍ଜାଣି ତାଣ୍ଡାଟି ନାମୁତା ଜିକେଏ ମାନାୟି; ଇଞ୍ଜା ମାର ମାହାପୁରୁତି ଗାଞ୍ଜୁରମିତି ବାସୁତା ବଡପଣ କିହିମାନାୟି ।^୩ ଖାଉଇ ଏଦି ଆଏ, ବାରେ ଦୁକୁ କସ୍ତା ଜିକେଏ ମାର ରାହାଁ କିହିମାନାୟି, ଇତିହଁ କସ୍ତି ସାସା ଖାନେ, ^୪ ସାସାଟି ବାଡ଼ୁରୁ ମାଣକି ଖାନେ ଇଞ୍ଜା ବାଡ଼ୁରୁ ମାଣକିଟି ବାସୁ ଖାନେ ।^୫ ବାସୁ ମାଙ୍ଗେ ହାଣି ଆହାଲି ହିୟେଏ, ଏନାଆଁତାକି ଇତିହଁ ମାହାପୁରୁ ମାଙ୍ଗେ ସୁଦୁଜୀସୁ ହାହାନା ମା ହିୟାତା ତାନି ଜୀସୁ ନନାଣି ହାହାମାଞ୍ଜାନେସି ।

^୬ ଏରିବେଲାତା ମାର ଏନି ଉପେୟି ହିଲାଆଗାଟାତାୟି ମାଟାୟି, ଏରିବେଲା ମାହାପୁରୁ ତାନି କିହାମାଟି ବେଲାତା କ୍ରୀସ୍ତ ପାପୁ ଲକୁତାକି ହାଡେସି । ^୭ ବାମୁତି ଲକୁତାକି ଆମ୍ବାଆସି ଜିକେଏ ହାସି, ନେହଁ ଲକୁତାକି ଆମ୍ବାଆସି ଜୀସୁ ହାହାଲି ଅଣପିନେସି ।^୮ ସାମା ମାର ପାପୁଗାଟି ଲକୁ ମାଟାଟି ଜିକେଏ କ୍ରୀସ୍ତ ମା, ତାକି ତାନି ଜୀସୁ ହାଡେସି, ଇଦାଆଁ ତଲେ ମାହାପୁରୁ ମାଙ୍ଗେ ଏତେକା ଜୀସୁନହଁ ମାଞ୍ଜାନେସି, ଏଦାଆଁ ତସାମାଞ୍ଜାନେସି ।^୯ ଏଦାଆଁତାକି ଇ କାତା ସାତା, ମାର ନୀର୍ବ ଏଞ୍ଜାଣି ନେଡେରି ତଲେ ବାମୁ ଗାଟାତଞ୍ଜି ଆହାମାନାକି ଏଞ୍ଜାଣି ତାଣ୍ଡାଟି ମାହାପୁରୁତି କପାଟି ଗେଲ୍‌ପି ଆହାଲି ଆଡିନାୟି ।^{୧୦} ମାର ମାହାପୁରୁତି ସାଡୁୟାଁ ମାଟାୟି, ସାମା ମାର ତାନି ମୀରୁଏଣା ହାକିଟି ତାନିତଲେ ଆଣ୍ଡିତାୟି, ନୀର୍ବ ମାର ମାହାପୁରୁ ତଲେ ଆଣ୍ଡାନା କ୍ରୀସ୍ତତି ଜୀସୁତଲେ ଗେଲ୍‌ପି ଆନାୟି ।^{୧୧} ଖାଉଇ ଏତେକା ଆଏ, ସାମା ପ୍ରବୁ ଜୀସୁ କ୍ରୀସ୍ତତି ତାକି ମାର ନୀର୍ବ ମାହାପୁରୁ ତଲେ ଆଣ୍ଡାମାନାୟି; ଏଞ୍ଜାଣି ତାଣ୍ଡାଟି ମାର ମାହାପୁରୁ ତାଣ୍ଡା ବଡପଣ ଜିକେଏ ଆହିମାନାୟି ।

ଆଦମ ଅଡ଼େ କ୍ରୀସ୍ତ

^{୧୨} ରଅଣି ତାଣ୍ଡାଟି ପାପୁ ଦାରତିତା ଖାଡେ ଅଡ଼େ ପାପୁ ତଲେ ହାକି ଖାଡେ, ବାରେଜାଣା ପାପୁ କିତାକି ହାକି ବାରେ ମାଣସିତାକି ଖାଡେ, ଇଞ୍ଜା ବାରେଜାଣା ପାପୁ କିଡେରି ।^{୧୩} ମୋରା ହାପୁକି ଆଡି ନକେଏ ଦାରତିତା ପାପୁ ମାଡେ; ସାମା ମୋରା ହିଲାଆଟି ପାପୁତି ଏଜିକିଞ୍ଜି ଆହି ହିଲାଆଡେ ।^{୧୪} ଆଦମ ତାଣ୍ଡାଟିଏ ମସା ପାଡେକା ଆମ୍ବାଆସି ଜିକେଏ ଆଦମ ଲେହେଁ ହୁକୁମି ମାନି କିଆନା ପାପୁ କିହାହିଲାଆଡେ ଜିକେଏ ବାରେଜାଣା ହାକିଟି ତୁଲ ମାଡେରି; ଆମିନିଗାଟାସି ଖାନାୟି ମାଡେ, ଆଦମ ଏଞ୍ଜାଣି ର ଖାଣା ।

^{୧୫} ସାମା ଦହ ଏନିକଁ, ମାହାପୁରୁତି କାର୍ମା ଜିକେଏ ଏଲେକଁ, ଏଦି ଆଏ, ଇତିହଁ ରଅଣି ଦହ ତାକି ହାଡେକା ଲକୁତି ହାକି ଆଡେ, ଆଡିହଁ ମାହାପୁରୁତି କାର୍ମା ଅଡ଼େ ର ମାଣସି ଇତିହଁ ଜୀସୁ କ୍ରୀସ୍ତ ହାଡି କାର୍ମାଟି ଦାନା ହାଡେକା ଲକୁତାକି ହାଡେକା ଗାଡି ଆଡେ ।^{୧୬} ର ମାଣସି ପାପୁ କିତାକି ଏନିକଁ ପାଡେଡିଆଡେ, ଇ ଦାନାଟି ପାଡେଡିଏ ଏଲେକଁ ଆଏ, ଇତିହଁ ରଅଣି ତାକି ଏମିନି ନାହାୟି, ଏମ୍ବାଟି ପାଡେଡିଏ ତଣ୍ଡା ଆଡେ, ସାମା ହାଡେକା ଲକୁତି ଦହ ତାକି ଏମିନି କାର୍ମାଟି ଦାନା, ଏମ୍ବାଟି ପାଡେଡିଏ ଦହ

* ୪:୧୮ ୪:୧୮ ମୂଲ୍ ୧୫:୫ * ୪:୧୯ ୪:୧୯ ମୂଲ୍ ୧୭:୧୭ * ୪:୨୨ ୪:୨୨ ମୂଲ୍ ୧୫:୬ * ୪:୨୫ ୪:୨୫ ଜିସା ୫୩:୪,୫
 * ୫:୧୨ ୫:୧୨ ମୂଲ୍ ୩:୬

ହିଲୀଆଗାଗାୟି ଆଡେ । ୧୭ ର ମାଣସିତି ପାପୁ ତାକି, ହାକି ସାଲୁଖି କିତେ; ସାମା ଅର ରଅସି ଇତିହ^୯ ଜାସୁ କ୍ରାସୁ ଏନାଆଁ କିହାମାନେସି, ଏଦି ଏଚେକା କାଜାୟି । ଆମିନି ବାରେଜାଣା ମାହାପୁରୁତି ହାରେକା କାର୍ମାମେହନାୟି ଉଜେଏ ମେଡ଼ା ଆନାଣି ତଲେ ମାହାପୁରୁତି ନକିତା ଦାମ୍ବୁଗାଗାରି ଇଞ୍ଜ^୯ ଝେଜିନେରି, ଏଞ୍ଜାରି କ୍ରାସୁ ତଲେ ଜାଣାଆହାନା ନାତିନେରି ।

୧୮ ରଅଣି ପାପୁ ଏନିକିହ^୯ ବାରେ ମାଣସି କୁଡ଼ାଇଁ ତଣ୍ଡ ବେଟା ଆଢ଼ିକିତେ, ଏଲେକିହ^୯ଏ ରଅଣି ଦାମ୍ବୁତି କାମା ବାରେ ମାଣସି କୁଡ଼ା ତାକି ଗେଲୁପି ଆନାଣି ଇଞ୍ଜା ରାଆଗାଟି ଜାସୁ ତାଗାହାତେ । ୧୯ ରଅସି ମାନ୍ତି କିଆତାକି ଏନିକିହ^୯ ହାରେକା ଲକୁ ପାପୁ ଗାଗାରି ଆଡେତି, ଏଲେକିହ^୯ଏ ରଅଣି ମାନ୍ତି କିନାଣି ତଲେ ବାରେଜାଣା ମାହାପୁରୁ ନକିତା ଦାମ୍ବୁଗାଗାରି ଆଡେନି ।

୨୦ ଇଦାଆଁ ପିସପେ ମେରା ଜିକେଏ ଖାଡେ, ଏନିକିହ^୯ ଦହ ହାରେକା ଗାତିଆଡେ; ସାମା ଆମ୍ବିୟା ପାପୁ ପାତାଆଡେ, ଏନାଆଁ ମାହାପୁରୁତି କାର୍ମାମେହନାୟି ଜିକେଏ ହାରେକା ପାତାଆଡେ । ୨୧ ଏନିକିହ^୯ ପାପୁ ହାକି ତଲେ ସାଲୁଖି କିତେ, ଏଲେକିହ^୯ଏ ମାହାପୁରୁତି କାର୍ମାମେହନାୟି ଜାସୁ କ୍ରାସୁ ତାଣାଟି ମାଜେ ଦାମ୍ବୁ ଗାଗାଗାୟି କିହାଁ ରାଆଗାଟି ଜାସୁ ହିୟାତେ ।



ପାପୁତି ହାକି କ୍ରାସୁ ତାଣାଟି ଜାସୁ

୧ ଆତିହ^୯ ମାର ଏନାଆଁ ଇନାୟି ? ମାହାପୁରୁତି କାର୍ମାମେହନାୟି ଏନିକିହ^୯ ହାରେକା ଆଡେ, ଏଦାଆଁତାକି କି ପାପୁତେଏ ମାଞ୍ଜେମାନାୟି ? ୨ ଏଦି ଏଚେଲା ଜିକେଏ ଆଥାପେ । ପାପୁ ତାକି ମାର ହାହାମାନାୟି, ଏନିକିହ^୯ ଏନାଆଁ ଅଡେ ମାର ନାତିନାୟି ? ୩ ମାର ଏଚେକା ଲକୁତାୟି କ୍ରାସୁ ଜାସୁ ତାଣା ବାପ୍ତିସ୍ତ* ଅହାମାନାୟି, ବାରେ ଜାଣାତାୟି ତାନି ହାକିତା ବାପ୍ତିସ୍ତ† ଅହାମାନାୟି, ଇଦାଆଁ କି ମାରୁ ପୁଞ୍ଜାହିଲଅତେରି ? ୪ †ଏଦାଆଁତାକି ମାର ବାପ୍ତିସ୍ତ‡ ଅହାନା ହାକିତା ତାନିତଲେ ମୁସପି ଆହାମାନାୟି, କ୍ରାସୁ ଏନିକିହ^୯ ଆବାତି ଗାସ୍ତରମି ତଲେ ହାଡ଼ାରି ତାଣାଟି ଝେଣ୍ଡେ ନିଜିତେସି, ମାର ଜିକେଏ ଏଲେକିହ^୯ଏ ପୁଞ୍ଜି ଜାସୁତି ମାଣକି ତଲେ ନାତିନ ।*

୫ ଏନାଆଁତାକି ଇତିହ^୯ ମାର ଏଞ୍ଜାଣି ହାକିତା ଆଣ୍ଡାନା ଏଞ୍ଜାଣିତଲେ ରଣ୍ଡିଏ ଆହାମାନାୟି, ଆତିହ^୯ ସାତେଏ ଏଞ୍ଜାସି ଝେଣ୍ଡେ ନିଜିତି ଲେହେଁ ମାର ଜିକେଏ ନିଜାମା ଏଞ୍ଜାଣିତଲେ ରଣ୍ଡିଏ ଆନାୟି । ୬ ମାର ପୁଞ୍ଜାମାନାୟି, ପାପୁତି ହଲିୟାଜା ଆଥାପ, ଇଦାଆଁତାକି ପାପୁତି ଆଜା ନାସା କିହାଲିତାକି ମା ପୁଞ୍ଜଇ ମାଣକି ତାନିତଲେ ପାସି ମୁଣ୍ଡାତା ହାହାମାନେ । ୭ ଏନାଆଁତାକି ଇତିହ^୯ ମାଣସି ହାଡ଼ିସାରେ, ପାପୁତି ବାଡ଼ୁୟୁତି ଗେଲୁପି ଆନେସି । † ସାମା ମାର କ୍ରାସୁ ତଲେ ହାଡ଼ାକି, ତାନିତଲେ ମାର ଜିକେଏ ନାତିନାୟି ଇଞ୍ଜ^୯ ନାମାମାନାୟି । ୮ ମାର ପୁଞ୍ଜାମାନାୟି, କ୍ରାସୁ ହାକିତି ନିଜାମାନାକି, ଏଞ୍ଜାସି ଅଡେ ଝେଣ୍ଡେ ହାଅସିଦେଁ, ଏଞ୍ଜାଣାଇଁ ଅଡେ ହାକି ସାଲୁଖି କିହାଲି ଆଡେଏ । ୯ ଏଞ୍ଜାସି ଆମିନି ହାକିତା ହାଡେସି, ଏଦାଆଁ ତଲେ ପାପୁତି ବାଡ଼ୁୟୁତି ରଣ୍ଡିଏ ଦେବେଏ ଜାଣା ଆଡେସି । ଅଡେ ନାଏଁ ଆମିନି ଜାସୁତଲେ ନାତାମାନେସି, ଏଦି ମାହାପୁରୁ ତଲେ ଆଣ୍ଡିତି ଜାସୁ । ୧୦ ଏଲେକିହ^୯ଏ ମାରୁ ଜିକେଏ ପାପୁତା ହାହାମାଞ୍ଜେରି ଇଞ୍ଜ^୯ ଅଣ୍ଡପାପୁ । ସାମା କ୍ରାସୁ ଜାସୁ ତାଣାଟି ଆଣ୍ଡାନା ମାହାପୁରୁ ତାକି ଜାସୁ ଗାଗାତମି ଇଞ୍ଜୁ ।

୧୧ ମା ହାକି ଆଜାତା ପାପୁ ସାଲୁଖି କିୟାଆପେ; ମାରୁ ଅଡେ ଆଜାତି ଲାଗେଏତି ଅଣ୍ଡପୁ ତଲେ ତାକାଆଦୁ । ୧୨ ମା ଆଜା ଉଡେଲିତି ଲାଗେଏ କାମାତି ଜୁତି ଲେହେଁ ପାପୁ କାମାତା ହେରପାଆଦୁ, ସାମା ହାଡ଼ାରି ତାଣାଟି ନାତାମାନି ଲେହେଁ ଜାହା ଜାହାରାଇଁ ମାହାପୁରୁ ନକିତା ହେରପା କତାପୁ, ଇଞ୍ଜା ଜାହା ଜାହାରା ଆଜା ଉଡେଲିତି ଦାମ୍ବୁତି ଜୁତି ଲେହେଁ ମାହାପୁରୁ ନକିତା ହେରପାଦୁ । ୧୩ ପାପୁ ମିଜେ ସାଲୁଖି କିୟାଆପେ, ମାରୁ ଅଡେ ମସାତି ମେରା ତୁଇ ହିଲଅତେରି, ସାମା ମାହାପୁରୁତି କାର୍ମାତି ତୁଇ ମାଞ୍ଜେରି ।

ଦାମ୍ବୁତି ହଲିୟାଜା

୧୪ ଆତିହ^୯ ଏନାଆଁ ? ମାର ମସାତି ମେରା ତୁଇ ହିଲଆୟି, ସାମା ମାହାପୁରୁତି କାର୍ମାମେହନି ତୁଇ ମାନାୟି, ଇଦାଆଁତାକି କି ପାପୁ କିନାୟି ? ଏଲେଆହ^୯ ଏଚେଲା ଜିକେଏ ଆଥାପେ । ୧୫ ମାରୁ ସାତେଏ ପୁଞ୍ଜାମାଞ୍ଜେରି, ମାରୁ ରଅଣି ହଲିୟାଜା ଆହାନା ଏଞ୍ଜାଣି କାତା ମାନ୍ତି ଆଡ଼ିସାରେ, ଆତିହ^୯ ମାରୁ

* ୨:୩ ୬:୩ମୁଞ୍ଜିନାୟି † ୨:୩ ୬:୩ମୁଞ୍ଜିନାୟି ‡ ୨:୪ ୬:୪ କଲପି ୨:୧୨ † ୨:୪ ୬:୪ମୁଞ୍ଜିନାୟି ‡ ୨:୪ ୬:୪ କଲପି ୨:୧୨

ଏଝାଣି ହଲିୟାଙ୍ଗାତେରି, ପାପୁତି ହଲିୟାଙ୍ଗା ଆଡ଼ିସାରେ, ପାପୁ ମାଣକିତି ହାକି ଖାନେ; ଦାମ୍ଭୁତି ଜେଟ ହାଡ଼ିସାରେ, ଜୀଝୁ ବେଟାଆଦେରି । ୧୭ ଯାମା ମାହାପୁରୁଇଁ ଜହରା କିହିମାଇଁ, ମୀରୁ ର ଦିନା ପାପୁତି ହଲିୟାଙ୍ଗାତେରି ମାଚେରି, ମୀରୁ ନୀର୍ବନେହିଁ ବଲୁତି ଜାପୁନି ତାଣା ହେରପିଆହା ମାଞ୍ଜେରି, ଅଡ଼େ ହିୟା ତଲେ ଏମ୍ବାତି ମାନି କିହିମାଞ୍ଜେରି । ୧୮ ପାପୁତି ପିସପି ଆହାନା ଦାମ୍ଭୁତି ହଲିୟାଙ୍ଗା ଆହାମାଞ୍ଜେରି । ୧୯ ମୀ ଆଙ୍ଗାତି ବାଡ଼ୁୟୁ ହିଲୀଆକି ମାଣସିତି ହାଡ଼ାତଲେ ଖେସିମାଞ୍ଜାଇଁ; ମୀରୁ ଏନିକିହିଁ ଲାଗେଏତି କାମାତାକି ଜାହାରା ଆଙ୍ଗା ଉଡ଼େଲିତି ପଲେଏତି ଇଞ୍ଜାଁ । ଦାମ୍ଭୁ ହିଲୀଆତାଣା ହଲିୟାଙ୍ଗା ଲେହେଁ ହେରପାମାଚେରି, ଏଲେକିହିଁ ଏ ନୀର୍ବ ଜାହାରା ଆଙ୍ଗା ଉଡ଼େଲିତି ସୁଦୁଜୀଝୁ ତାକି ଦାମ୍ଭୁତି ନକିତା ହଲିୟାଙ୍ଗା ଲେହେଁ ହେରପାଦୁ ।

୨୦ ମୀରୁ ପାପୁତି ହଲିୟାଙ୍ଗା ମାଚାଟି, ଦାମ୍ଭୁତାକି ମୋଲା ପିସପି ଆହାମାଚେରି । ୨୧ ଆତିହିଁ ନୀର୍ବ ମିଙ୍ଗେ ଆମିନି କାମା କିହାଲିତାକି ଲାଜା ହଡ଼ିମାଞ୍ଜାନେ, ଏତିବେଲା ବାରେ କିହିମାଚେରି, ଏଡ଼ି ଏମ୍ବାତି ଏନାଆଁ ଲାବା ବେଟାଆଡ଼େରି ? ଏ ବାରେ କାମାତି ପାଡ଼େୟି ହାକି । ୨୨ ଯାମା ନୀର୍ବ ମୀରୁ ପାପୁତି ପିସପି ଆହାନା ମାହାପୁରୁତି ହଲିୟାଙ୍ଗା ଆହାମାଞ୍ଜେରି । ଇଦାଆତି ଲାବା ଆହିମାନେ, ମାହାପୁରୁ ତାଣା ସୁଦୁଜୀଝୁ ତଲେ ହେରପି ଆନାୟି ଇଞ୍ଜାଁ ରାଆଗାଟି ଜୀଝୁ ବେଟାଆନାୟି । ୨୩ ଏନାଆଁତାକି ଇତିହିଁ ପାପୁତି କୁଲି ହାକି, ଯାମା ମାହାପୁରୁତି କାର୍ମାମେହନି ଦାନା ମା ପ୍ରବୁ ଜୀସୁ କ୍ରୀସୁ ତଲେ ଆଣ୍ଡିନି ତାଣା ରାଆଗାଟି ଜୀଝୁ ମାନେ ।



ବୀହା ଆଡ଼ି କାତା

୧ ତାୟି ତାଙ୍ଗିସ୍ତାତେରି, ନୀର୍ବ ଏନାଆଁ ଖେସାଲି ଅଣ୍ଡିମାଇଁ, ଏଦାଆଁ ମୀରୁ ତେଲୁହିଦେରି, ଏନାଆଁତାକି ଇତିହିଁ ମୀରୁ ପୁଞ୍ଜାମାଞ୍ଜେରି, “ମୋରା” ଏନାୟି । ମାଣସି ଖାବୁଇ ତାନି ନୀତାମାନି ପାତେକା ମୋରାତି ତୁଇ ତୁୟିନେସି । ୨ ତକ୍ରା ନୀତାମାନି ପାତେକା ତାନି ତକ୍ରି ଏଝାଣିତଲେ ବୀହା ମୋରା ତଲେ ଦସପି ଆହାନା ତୁୟିନେ । ଯାମା ତକ୍ରା ହାଡ଼ିସାରେ, ଏଝାଣି ତକ୍ରି ଇ ମୋରାତି ପିସପି ଆଡ଼େନ । ୩ ତକ୍ରା ନୀତା ମାନାଟିଏ, ତକ୍ରି ଅର ରଅଣାକି ବୀହା ଆଡ଼ିସାରେ, ଏଦାନି ଦାରେଣି ଇଞ୍ଜାଁ ଇନେରି; ଯାମା ତକ୍ରା ହାଡ଼ି ତାୟି ମୋରାତି ପିସପି ଆଡ଼େନ, ଅଡ଼େ ଏଡ଼ି ଅର ରଅଣାକି ବୀହା ଆଡ଼ିସାରେ, ଏଡ଼ି ଦାରେଣି ଆଏ । ୪ ଇଦାଆଁତାକି ତାୟି ତାଙ୍ଗିସ୍ତାତେରି, କ୍ରୀସୁତି ଆଙ୍ଗା ତଲେ ମୀରୁ ଜିକେଏ ମୋରାତାକି ହାହାମାଞ୍ଜେରି, ଏନିକିହିଁ ମୀରୁ ଏବକାତାରି ତଲେ ଆଣ୍ଡିଦେରି, ଇତିହିଁ ମା ମାହାପୁରୁ ତାକି ପାଡ଼େୟି ଆୟାଲି ଆମ୍ବାଆସି ହାଡ଼ାରି ତାଣାଟି ନୀତାମାନେସି, ଏଝାଣିତଲେ ଆଣ୍ଡାଦୁ । ୫ ଏଚରଦିନା ପାତେକା ମାର ଆଙ୍ଗାତି ମାଣକି ତଲେ ମାଚାୟି, ଏଚରଦିନା ପାତେକା ମସା ମୋରାତି ପାପୁତି ଜୁପକା ମା ଆଙ୍ଗା ବିଡ଼ା ଜୀଝୁତି ହାଡ଼ି କିହାଲି କାମା କିହିମାଚେ । ୬ ଯାମା ଏନାଆଁତଲେ ଦସପି ଆହାମାଚାୟି, ଏମ୍ବାଟି ହାହାନା ନୀର୍ବ ମୀରୁ ମୋରାତି ଅଦିକାରାଟି ମୁକଲୁଞ୍ଜି ଆହାମାନାୟି; ମୀରୁ ଅଡ଼େ ତଲିତିଲେହେଁ ରାସୁକି ଆହାମାନି ମୋରାତି ସେବା କିହି ହିଲୀଆୟି, ସୁଦୁଜୀଝୁ ତସାମାଞ୍ଜାନି ପୁଠନି ଜିରୁତା ନୀର୍ବ ତାକି ମାନାୟି ।

ମୋରା ଅଡ଼େ ପାପୁ

୭ ଆତିହିଁ ଏନାଆଁ ଇନାୟି, ମୋରା ପାପୁ ଗାଚାୟି ? ଏଡ଼ି ଏଚେଲାଝା ଆଏ । ଯାମା ପାପୁ ଏନାୟି, ଏଦାଆଁ ମୋରା ନାଙ୍ଗେ ଖେସା ମାଞ୍ଜାନେ, “ଏବକା ଲକ୍ଷୁତି ଦିଶସୁ ଜୁପକା ଆଆଦୁ,” ଇ ହୁକୁମି ମୋରା ଖେସା ମାଞ୍ଜାଆତିହିଁ ମା, ଜୁପକା ଏନାୟି, ନାନୁ ପୁନାଆଡେଏଁମା । ୮ ଯାମା ପାପୁ ପାରୁ ବେଟାଆହାନା ହୁକୁମି ତଲେ ନା ତାଣା ବାରେଲେହେଁତି ଜୁପକା କିନାଣି ହିୟାତେ, ମୋରା ପିସପେ ପାପୁ ହାଡ଼ାୟି । ୯ ର ଦିନା ନାନୁ ମୋରା ପୁନାଆନା ନୀତିମାଚେଏଁ, ଯାମା ହୁକୁମି ଖାହାଲିଏ ପାପୁ ନୀତିତେ, ଇଞ୍ଜାଁ ନାନୁ ହାଡେଏଁ; ୧୦ ଆମିନି ମୋରା ଜୀଝୁ ହାହାଲିତାକି ଟିକାଣା ତାୟି ମାଚେ, ଏଡ଼ି ନା ଜୀଝୁତି ହାକି ଖାତେ । ୧୧ ଇତିହିଁ ପାପୁ ପାରୁ ବେଟାଆହାନା ହୁକୁମିଟି ନାଙ୍ଗେ ନାଡ଼ି କିୟାତେ ଇଞ୍ଜାଁ ଏମ୍ବାଟି ନାଙ୍ଗେ ପାୟାତେ । ୧୨

୧୩ ମୋରା ସୁଦୁଗାଚାୟି, ଏଦାଣି ହୁକୁମିକା ବାରେ ସୁଦୁ ଗାଚାଜ, ଦାମ୍ଭୁଗାଚାୟି ଇଞ୍ଜାଁ ନେହାୟି । ୧୪ ଆତିହିଁ, ଏନାୟି ନେହାୟି, ଏଡ଼ି କି ନାଙ୍ଗେ ହାଡ଼ି କିୟାନେ ? ଏଡ଼ି ଏଚେଲାଝା ଆଆପେ, ପାପୁଏ ଏଦାଆଁ କିତେ, ନେହିଁ ମୋରାତି ଲୋମାନା ପାପୁ ନାଙ୍ଗେ ହାଡ଼ି କିୟାତେ, ଏଦାଆଁ ତଲେ ପାପୁତି ସାତା ଖାଣା ତଞ୍ଜାଆଡ଼େ, ଏଦାଆଁତାକି ମୋରା ତଲେ ପାପୁ ହାଡ଼େକା ଆଜିହପେତାୟି ପୁଣ୍ଡିଆଡ଼େ ।

☆ ୨:୭ ୭:୭ ହାନାୟି ୨୦:୧୭; ଖେ ମୋରା ୫:୨୧ ☆ ୭:୧୧ ୭:୧୧ ମୂଲୁ ୩:୧୩

ମାଣସି ଆଜ୍ଞାତା ମାନି ଗଡ଼ହା

୧୪ ମସାତି ମେରା ସୁଦୁଜୀଘୁ ଗାଗାୟି, ଈଦାଆଁ ମାର ପୁଞ୍ଜାମାନାୟି; ସାମା ନାନୁ ପାପୁତି ଆଜ୍ଞାତା କଡ଼ଝିଆଡ଼ି ହଲେଏଶାତେଏ । ୧୫ *ନାନୁ ଏନାଆଁ କିହମାଇ, ଏଦାଆଁ ନାନୁ ପୁଞ୍ଜିହଲଅଁ; ଏନାଆଁ କିହାଲି ନା ଅଣ୍ପୁ, ଏଦାଆଁ ନାନୁ କିଅଁ; ସାମା ଏନାଆଁ ଅପଅଁ, ଏଦାଆଁ କିଇଁ । ୧୬ ସାମା ଏନାଆଁ ନାନୁ ଅଣପଅଁ, ଏଦାଆଁ କିତିସାରେ, ଆତିହଁ ମସାତି ମେରା ନେହାୟି ଏଦାଆଁ ନାନୁ ଜଲିମାଇଁ । ୧୭ ଏଦାଆଁତାକି ଏ କାମା ସାତେଏ ନାନୁ କିଆନା ନା ବିତ୍ରାମାନି ପାପୁଏ ଏଦାଆଁ କିହମାନେ । ୧୮ ନାନୁ ପୁଞ୍ଜାମାଇଁ, ନା ବିତ୍ରା ଇତିହଁ ମାଣସି ମାଣକିତା ନେହାୟି ଏନାୟି ଜିକେଏ ହିଲେଏ, ଇତିହଁ ନେହଁ କାମା କିହାଲି ନାଜେ ଅଣ୍ପୁ ମାଟିହଁ ଜିକେଏ ଏଦାଆଁ କିହାଲି ଆଡ଼ଅଁ । ୧୯ ଇତିହଁ ଏମିନି ନେହଁ କାମା କିହାଲି ନାନୁ ମନ କିଇଁ, ଏଦାଆଁ କିଅଁ, ସାମା ଏମିନି ଲାଗେଏତି କାମା କିହାଲି ନାନୁ ମନ କିଅଁ, ଏଦାଆଁ କିଇଁ । ୨୦ ନାନୁ ଏନାଆଁ ଅଣ୍ପି ହିଲଅଁ, ଏଦାଆଁ କିହମାଇଁ, ଆତିହଁ ଏଦାଆଁ ନାନୁ ଅଡ଼େ କିଅଁ, ସାମା ନା ତାଣା ବାସା କିହାମାନି ପାପୁ ଏଦାଆଁ କିନେ ।

୨୧ ଏଦାଆଁତାକି ନାନୁ ନେହଁ କାମା କିହାଲି ମନ କିହମାଇଁ, ଏତିକେଲା ନା ତାଣା ଖାନ୍ଦଇ ଲାଗେଏତାୟି ତଞ୍ଜା ଆହିମାନେ, ଈଦାଆଁ ମେରାତା ମେସିମାଇଁ । ୨୨ ଇତିହଁ ହିୟାତା ଅଣ୍ପିନି ମାଣସିଲେହେଁ, ମାହାପୁରୁତି ମେରା ମାନି କିହାଲି ନାଜେ ରାହାଁ, ୨୩ ସାମା ନାନୁ ନା ଆଜ୍ଞାତା ଅଡ଼ ରଡ଼ଲତି ମେରା ତଞ୍ଜା ଆହିମାନେ, ଏଡ଼ି ନା ମନତି ମେରା କପାଟି ଜୁଜୁ କିହମାନେ, ଅଡ଼େ ନା ଆଜ୍ଞାତା ଏମିନି ପାପୁତି ମେରା ମାନେ, ନାଜେ ଏଦାଆଁ ଦସପାନା । ୨୪ ଆୟତା, କାର୍ମା କପଲ ହିଲାଆଗାଟି ମାଣସିତେଏଁ ନାନୁ ! ଈ ହାଝିକିନି ଆଜ୍ଞାଟି ନାଜେ ଆଦାଆସି ଗେଲୁପାନେସି ? ୨୫ ମା ପ୍ରପୁ ଜୀସୁ କ୍ରୀସ୍ତ ତାଣାଟି ଗେଲୁପି ଆହାମାନାକି ମାହାପୁରୁଇଁ ଜହରା ଆପେ । ଏନାଆଁତାକି ଇତିହଁ ନାନୁଏ ନା ମନତଲେ ମାହାପୁରୁତି ମେରାତି ହଲେଏଶାତେଏଁ, ସାମା ଆଜ୍ଞା ତଲେ ପାପୁ ମେରାତି ହଲିୟା ଆହାମାନେ ।



ସୁଦୁଗାଟି ଜୀଘୁ

୧ ଆମିନି ଗାଗାରି କ୍ରୀସ୍ତ ଜୀସୁତଲେ ଆଣ୍ଡାନା ନୀତିମାନେରି, ଏଞ୍ଜାରାକି ନୀଏଁ ଏନି ତଣ୍ଡ ହିଲେଏ । ୨ ଇତିହଁ ଜୀଘୁ ହିୟାନି ଜୀଘୁତି ମେରା କ୍ରୀସ୍ତ ଜୀସୁ ତାଣା ଆଣ୍ଡାନା ମିଜେ ପାପୁ ଅଡ଼େ ହାଝିକିନି ମେରାଟି ମୁକଲଝି କିହାମାଜ୍ଞାନେ । ୩ ମାଣସିତି ଆଜ୍ଞାତା ବାଡ଼ୁୟୁ ହିଲାଆକି ମସା ହାହାମାନି ମେରା ଏନାଆଁ କିହାଲି ଆଡ଼ାଆଡ଼େ, ମାହାପୁରୁ ଏଦାଆଁ ତାନି ମାରଏଶାଇଁ ପାପୁଗାଟି ମାଣସିଲେହେଁ ପାପୁଇଁ ନାସା କିହାଲି ପାଣ୍ଡାନା ଆଜ୍ଞାତି ପାପୁତି ତଣ୍ଡ ହାହାଲି କିତେସି । ୪ ଏଦାଆଁତାକି ମାର ପାଣ୍ଡାସିତି ମାଣକିତା ମାନଆନା ସୁଦୁଜୀଘୁତି ମାଣକିତା ମାଜ୍ଞାନା ଇଞ୍ଜା ଈଦାଆଁ ତଲେ ମାର ମେରାତି ପାଣ୍ଡାପାପୁ ମାନି କିହମାନାୟି । ୫ ଆମିନି ଗାଗାରି ଆଜ୍ଞାତି ମାଣକି ତଲେ ନୀତିନାରି ଏଞ୍ଜାରି ଆଜ୍ଞାତି ମାଣକିତି କାତାତା ମନ ହୀନେରି, ସାମା ଆମିନି ଗାଗାରି ସୁଦୁଜୀଘୁତି ମାଣକି ତଲେ ନୀତିନେରି, ଏଞ୍ଜାରି ହିୟାଁ ସୁଦୁଜୀଘୁତି କାତାତା ମନ ହୀନେରି । ୬ ଇତିହଁ ଆଜ୍ଞାତି ମାଣକିତି ମନ ହାଝିକିନେ; ସାମା ସୁଦୁଜୀଘୁତି ମାଣକିତି ମନ ଜୀଘୁ ଇଞ୍ଜା ହିଡ଼ଡ଼ି ହିୟାନେ । ୭ ଇତିହଁ ଆଜ୍ଞାତି ମନତଲେ ନୀତିନାସି ମାହାପୁରୁ କପାଟି ସାଡୁ ଆନେସି; ଇତିହଁ ଏଞ୍ଜାସି ମାହାପୁରୁ ମେରାତି ମାନି କିଅସି; ଇଞ୍ଜା ଏଞ୍ଜାସି ମାନଝି ଆହାଲି ଆଡ଼ଅସି । ୮ ଆମିନି ଗାଗାରି ଆଜ୍ଞାତି ମାଣକି ତଲେ କାମା କିନେରି, ଏଞ୍ଜାରି ମାହାପୁରୁଇଁ ରାହାଁ କିହାଲି ଆଡ଼ଅରି ।

୯ ମାହାପୁରୁତି ସୁଦୁଜୀଘୁ ସାତା ତଲେ ମୀ ତାଣା ମାଟିସାରେ, ମୀରୁ ଅଡ଼େ ଆଜ୍ଞାତି ମାଣକି ଲେହେଁ ନୀତଅଡ଼େରି, ସାମା ସୁଦୁଜୀଘୁତି ହୁକୁମି ମାନି କିହମାଜ୍ଞେରି । କ୍ରୀସ୍ତତି ଜୀଘୁ ଆଦାଆରି ତାଣା ହିଲେଏ, ଏଞ୍ଜାସି ଏତେଲା ଜିକେଏ ଏଞ୍ଜାଣି ଲକୁ ଆହାଲି ଆଡ଼ଅସି । ୧୦ ସାମା କ୍ରୀସ୍ତ ମୀ ତାଣା ମାଟିସାରେ, ମୀ ଆଜ୍ଞା ପାପୁ ତାକି ନାସା ଆହାଲି ହାଜିମାଟିହଁ ଜିକେଏ, ସୁଦୁଜୀଘୁ ମିଜେ ଜୀଘୁ ହାୟାନେ, ଏନାଆଁତାକି ଇତିହଁ ମାହାପୁରୁ ନକିତା ମୀରୁ ଦାମ୍ବିଗାଗାତେରି ଆହାମାଜ୍ଞେରି । ୧୧ *ଆଦାଆସି ହାଡ଼ାରି ତାଣାଟି ଜୀସୁଇଁ ନିକହେସି, ଏଞ୍ଜାଣି ଜୀଘୁ ମୀ ତାଣା ମାଟିସାରେ, ଆତିହଁ ଆଦାଆସି ହାଡ଼ାରି ତାଣାଟି କ୍ରୀସ୍ତ ଜୀସୁଇଁ ନିକହେସି, ଏଞ୍ଜାସି ମୀ ତାଣା ମାନି ତାନି ଜୀଘୁତଲେ ମୀ ହାଡ଼ି ଆଜ୍ଞାତି ଜିକେଏ ନୀଡ଼ନେସି ।

୧୨ ଏଦାଆଁତାକି, ତାୟି ତାଜିସ୍ତାତେରି, ମାର ରୀଣାଗାଗାତାୟି, ସାମା ଆଜ୍ଞାତି ମାଣକି ତଲେ ନୀତାଲି ଆଏ । ୧୩ ଇତିହଁ ଆଜ୍ଞାତି ମାଣକି ତଲେ ମୀରୁ ନୀତିଦେରି, ଆତିହଁ ସାତେଏ ହାଡ଼େରି, ସାମା

* ୭:୧୫ ୭:୧୫ ଗାଲା ୫:୧୭ * ୭:୧୫ ୭:୧୫ ମୁଲୁ ୫:୧୭ * ୮:୧୧ ୮:୧୧ କେର ୩:୧୭

ସୁଦୁଜୀଞ୍ଜୁତି ସାୟେମି ତଲେ ଆଙ୍ଗାତି କାମା ବାରେ ନାସା କିଦେରି, ଆତିହଁ ନାତିଦେରି । ୧୪ ଆମିନି ଗାଟାରି ମାହାପୁରୁତି ସୁଦୁଜୀଞ୍ଜୁ ତଲେ ତାକିନେରି, ଏଞ୍ଜାରି ମାହାପୁରୁତି ମୀରକା ।

୧୫ **ଈତିହଁ ମୀରୁ ଖେଣ୍ଡେ ଆଜାଲି ହଲିୟାଙ୍ଗାତି ଜୀଞ୍ଜୁ ବେଟାଆହା ହିଲଅତେରି, ସାମା ମୀରୁଏଣାତି ଜୀଞ୍ଜୁ ବେଟାଆହାମାଣ୍ଡେରି; ଏମ୍ପାତି ମାରୁ “ଆବା ତାଞ୍ଜି” ଇଞ୍ଜିଁ ହାଡ଼ିମାନାୟି । ୧୬ ମାରୁ ମାହାପୁରୁତି ମୀରକା ମାସ୍କା ଇଞ୍ଜିଁ ଏ ଜୀଞ୍ଜୁଏ ମା ଜୀଞ୍ଜୁତଲେ ଆଣ୍ଡାମା ସାକି ହାହିମାନେ । ୧୭ ଏନାଆଁତାକି ଈତିହଁ ମାରୁ ମାହାପୁରୁତି ମୀରକା ମାସ୍କାତାୟି, ତାନି ଲକ୍ଷୁତାକି ଲଡ଼ାମାନି ବରତି ବାଟା ପାଣ୍ଡନାୟି, ଇଞ୍ଜିଁ କ୍ରାସ୍ତ ତଲେ ଗାଞ୍ଜୁରମି ବେଟାଆହାଲି ମାରୁ ଜିକେଏ ଏଞ୍ଜାଣିତଲେ ଦୁକୁ କସ୍ତ ପାଣ୍ଡନାୟି ମାନେ, ଆତିହଁ ମାହାପୁରୁତି ବରତି ବାଟା ଅଡ଼େ କ୍ରାସ୍ତ ତଲେ ବାଟାତା ଆଣ୍ଡାଲି ଆଡ଼ିନାୟି ।

ଞ୍ଜାହିମାନି ଗାଞ୍ଜୁରମି

୧୮ ଅଣ୍ଡପାଦୁ, ଆମିନି ଗାଞ୍ଜୁରମିତା ଞ୍ଜାହିମାନି ଦିନାତା ମାରୁ ଏଗାହାନାୟି, ଏଦାଆଁ କିହଁ ନୀଏଁତି ଦୁକୁ କାକୁଲି ଇତାୟି ଜିକେଏ ଆଏ, ଏତିବେଲାତା ମାହାପୁରୁ ତାନି ମୀରକା ମାସ୍କାଣି ତହ୍ନେସି । ୧୯ ମାହାପୁରୁ ତାନି ମୀରକା ମାସ୍କାଣି ତଞ୍ଜାଆନାଣି ମେସାଲି ବାରେ ଗାଡ଼ି ଆଡ଼ାୟି କାପୁ କାଟାମାନେ । ୨୦ ଏନାଆଁତାକି ଈତିହଁ ଗାଡ଼ିଆଡ଼ାୟି ମାହାପୁରୁ ତାଣ୍ଡାତି ବାକା ବେଟାଆହାନା ତାନି ଏଗାହାନି ଗାୟୁ ବାଣା ଆହାମାନେ । ଆଡ଼ିଜିକେଏ ତାନି ଆସା ମାନେ, ୨୧ ଅଡ଼େ ଏଡ଼ି ବାସୁଁ ବେଟାଆତେ, ଇଞ୍ଜିଁ ଗାଡ଼ି ଆଡ଼ାୟି ତାନୁଏ ଜିକେଏ ମାହାପୁରୁତି ମୀରକା ଗାଞ୍ଜୁରମି ତାକି ପିସ୍ପି ଆହାଲିତାକି ନାସା ଆନି ହଲିୟାତି ପିସ୍ପି ଆନେ ୨୨ ସାମା ନୀଏଁ ପାତେକା ବାରେ ଦାରତି ଜାନାଁ କିନି ବୀସା ତଲେ କସ୍ତ ପାଣ୍ଡିନି ଲେହେଁ କସ୍ତ ତାକି ଡ଼ାହିମାନେ । ୨୩ *ସାମା ମାରୁ ମୁଲୁତି ପାଡ଼େୟି ଲେହେଁ ସୁଦୁଜୀଞ୍ଜୁତି ବେଟାଆହାମାନାୟି, ଆତିହଁ ଜିକେଏ ମାରୁ ମାହାପୁରୁତି ମୀରକା ଈତିହଁ ଜାହା ଜାହାରା ଆଙ୍ଗାତି ବାରେଜାଣା ଗେଲ୍ପି ଆୟାଲିତାକି କାପୁ କାଟାନା ମା ହିୟାତା ଡ଼ାହି ମାନାୟି । ୨୪ ଏନାଆଁତାକି ଈତିହଁ ବାସୁଁତି ମାରୁ ଗେଲ୍ପି ଆହାମାନାୟି; ସାମା ଏନାୟି ତଞ୍ଜା ଆନାୟି, ଏଦାଆଁତାକି ବାସୁଁ ଈତିନାୟି ଏଡ଼ି ସାତାତି ବାସୁଁ ଆଏ, ଈତିହଁ ଏନାଆଁ ମେସିମାନାୟି ଏଦାଆଁତାକି ଏନାଆଁତାକି ବାସୁଁ ଈତିନାୟି ? ୨୫ ସାମା ମାରୁ ଏନାଆଁ ମେସି ହିଲାଆୟି ଏଦାଆଁତାକି ବାସୁଁ ଈତିନାୟି, ଆତିହଁ ମାଜେ ସାସାତଲେ କାପୁ କାଞ୍ଜୁଆନାୟି ମାନେ ।

୨୬ ମାରୁ ବାଡ଼ୁୟୁ ହିଲାଆଗାଟାୟି, ସାମା ସୁଦୁଜୀଞ୍ଜୁ ମାଙ୍ଗ ସାୟେମି କିୟାନେ; ଏନିକିହଁ ପ୍ରାଡ଼ାନା କିନାୟି, ଏଦାଆଁ ମାରୁ ପୁଞ୍ଜାହିଲାଆୟି, ଏଦାଆଁତାକି ସୁଦୁଜୀଞ୍ଜୁ ଜଲିନି ହାଡ଼ାତଲେ ମା ତାକି ମାହାପୁରୁଇଁ ଗହାରା କିନେ; ୨୭ ଆମ୍ବାଆସି ମା ହିୟାଁ ବିଡ଼ା ମାନାଣି ପୁନାସି, ଏଞ୍ଜାସି ସୁଦୁଜୀଞ୍ଜୁତି ଅଣ୍ଡପୁ ଏନାୟି ଏଦାଆଁ ପୁନେସି, ଈତିହଁ ଏଞ୍ଜାସି ମାହାପୁରୁତି ଅଣ୍ଡପୁ ତଲେ ମାହାପୁରୁ ଲକ୍ଷୁତାକି ଗହାରା କିନେସି । ୨୮ ମାରୁ ପୁଞ୍ଜାମାନାୟି, ଆମିନି ଗାଟାରି ମାହାପୁରୁଇଁ ଜୀଞ୍ଜୁ ନନେରି ଇଞ୍ଜିଁ ମାହାପୁରୁତି ଲଡ଼ା ତାକି ବାତି କିଞ୍ଜି ଆହାମାନେରି, ଏଞ୍ଜାରାକି ବାରେ ନେହାୟି ଆନେ । ୨୯ ଆମ୍ବାଆରାଇଁ ମାହାପୁରୁ ହାଟାମାନେସି, ଏଞ୍ଜାରାକି ତାନି ମୀରୁଏଣା ଞ୍ଜାଣା ଲେହେଁ ଆହାଲି ତଲିଟିଏ ତାରି କିହାମାନେସି, ଆତିହଁ ମାହାପୁରୁତି ମୀରୁଏସି, ଏନିକିହଁ ଏଞ୍ଜାସି ହାଡ଼େକା ତାୟି ତାଙ୍ଗିସ୍ତା କିହଁ ମୁଲୁ ଜାନାଁ ଆଡ଼ାସି ଆନେସି । ୩୦ ଆମ୍ବାଆରାଇଁ ନନେକଏ ଆଟାମାନେସି, ଏଞ୍ଜାରାଇଁ ଏଞ୍ଜାସି ହାଡ଼ିତେସି, ଏଞ୍ଜାରି ମାହାପୁରୁ ନକିତା ଦାମ୍ପୁଗାଟାରି ଇଞ୍ଜିଁ ତଞ୍ଜି କିତେସି, ଅଡ଼େ ଆମିନି ଗାଟାରିଇଁ ଦାମ୍ପୁଗାଟାରି ଇଞ୍ଜିଁ ତଞ୍ଜି କିତେସି ଏଞ୍ଜାରାଇଁ ଜିକେଏ ଏଞ୍ଜାସି ଗାଞ୍ଜୁରମି କିତେସି ।

ମାହାପୁରୁତି ଜୀଞ୍ଜୁନନାୟି

୩୧ ଆତିହଁ ଇ ବାରେତି ମେସାନା ମାରୁ ଏନାଆଁ ଇନାୟି ? ମାହାପୁରୁ ମା ଞ୍ଜାକି ମାଟିସାରେ, ଆମ୍ବାଆସି ମା କପାତଲେ ନିଜିନେସି ? ୩୨ ଆମ୍ବାଆସି ତାନି ମୀରୁଏଣାଇଁ ଜିକେଏ ଗେଲ୍ପିଆତେସି, ସାମା ମା ବାରେତାକି ଏଞ୍ଜାଣାଇଁ ହେଡ଼ପିତେସି, ଏଞ୍ଜାସି ଏନିକିଁ ଏଞ୍ଜାଣିତଲେ ମାଜେ ଜିକେଏ ବାରେ କାମାତି ଦାନା ହିୟଅସିକି ? ୩୩ ମାହାପୁରୁ ହାଟାମାନି ଲକ୍ଷୁ କପାତଲେ ଆମ୍ବାଆସି ଦହ୍ ଦସାଲି ଆଡ଼ିନେସି ? ଏଞ୍ଜାରି ଦହ୍ ହିଲାଆ ଗାଟାରି ଇଞ୍ଜିଁ ମାହାପୁରୁ ତାନୁଏ ଖେକହା ମାନେସି । ୩୪ ଆମ୍ବାଆସି ତଣ୍ଡ ହାନେସି ? କ୍ରାସ୍ତ ଜୀସ୍ତ ହାଟାରି ତାଣ୍ଡାତି ଖେଣ୍ଡେ ନିଜାମା ମାହାପୁରୁତି ତିଃନି ଚଟତା ମାଞ୍ଜାନା ମାଜେତାକି ଗହାରା କିହାମାନେସି । ୩୫ ଆତିହଁ ଆମ୍ବାଆସି ମାଜେ କ୍ରାସ୍ତତି ଜୀଞ୍ଜୁ ନନି ତାଣ୍ଡାତି ଏଡ଼କା କିୟାନେସି ? ଦୁକୁ,

* ୮:୧୫ ୮:୧୫ ଗାଲା ୪:୫-୭ * ୮:୧୫ ୮:୧୫ ମାର୍କି ୧୪:୩୭; ଗାଲା ୪:୭ * ୮:୨୩ ୮:୨୩ ୧କର ୫:୨-୪

କସ୍ତ, କାକୁଲି କି କାଡ଼ାରା, ହାକି, ଏସ୍କି, ସନି କି କାଣ୍ଡା, ଏନାୟି ଜିକେଏ ଏଦାଆଁ କିହାଲି ଆଡେଏ । ୩୭ ସାଡ଼େସ୍ତରିତା ରାସ୍କି ଆହାମାନେ;

“ମିଙ୍ଗେ ତାକି ମାମ୍ବୁ ବାରେଦିନା ହାକିତି ନକିତା,

ହାହାଲି ହାଜିମାନି ମେଣ୍ଡା ଲେହେଁ ମାମ୍ବୁ ତୁଞ୍ଜା ଆହିମାନମି ।”

୩୮ ଆଡ଼ିଜିକେଏ ଆମ୍ବାଆସି ମାଙ୍ଗେ ଜୀଝୁ ନୟିତେସି, ଏଞ୍ଜାଣି ସାୟେମି ତଲେ ମାର ଇ ବାରେତି ଲାକ ଜାଣା ଆହାମାନୟି । ୩୯ ନାନୁ ସାତେଏ ନେହଁ କି ପୁଞ୍ଜାମାଲ୍ ତାନି ଜୀଝୁ ନନି ତାଣାଟି ମାର ଏଚେଲା ଜିକେଏ ଏଚକା ଆଆସି, ହାକି କି ଜୀଝୁ ଲାକପୁରୁତି ଦୂତୁୟିଁ କି ସାଲୁଝି କିହିମାନାଇ କି ବାଡ଼ୁୟି ଗାଟାଇ, ନୀଏଁ କି ଖାନ୍ତି ଦିନା କି ଏନି ବାଡ଼ୁୟି, ୪୦ ଲାକପୁରୁତି କାତା କି ତୁଇପୁରୁତି କାତା ଏନାୟି ଜିକେଏ; ବାରେ ଗାଡ଼ିଆଡ଼ି ଦିଶସୁ ପ୍ରବୁ ଜୀଝୁ ତାଣାଟି ତଞ୍ଜାଆହାମାନି ମାହାପୁରୁତି ଜୀଝୁ ନନି ତାଣାଟି ମାଙ୍ଗେ ଏଚକା କିୟାନେ ।



ମାହାପୁରୁ ଅଡେ ତାନି ଲକୁ

୧ ନାନୁ ଜୀଝୁତି ଲକୁ ଆହାମାନାକି ସାତା ଝେସିମାଲ୍, ମିତି ଝେସିହିଲଅଁ । ସୁଦୁଜୀଝୁତି ସେଡନା ହାନାଣି ତଲେ ନା ଅଣପୁ ଇଦାଣିତି ସାକି । ୨ ନାନୁ ଏଚେକା ଦୁକୁ ଅଡେ କସ୍ତତଲେ ନା ହିୟିତା ଏଚେକା ବକୁ ଆହାମାନେ, ଇଦାଆଁ ନାଡ଼ିକିହାଁ ଝେସିହିଲଅଁ । ୩ ନା ଜାହାରା କୁଡାତି ତାୟିୟିକି ନାନୁ ଜୀଝୁ ତାଣାଟି ଏଚକା ଆହାନା ମାହାପୁରୁ ତାଣାଟି ବାକା ବେଟାଆହାଲି ନା ଅଣପୁ ଇତିହଁ ଏଞ୍ଜାରି ମାହାପୁରୁତି ଲକୁ । ୪ ଏନାଆଁତାକି ଇତିହଁ ଏଞ୍ଜାରି ଇସାୟେଲ ଲକୁ; ତାନି ମୀରକା ଲେହେଁ ଆବାନା ଏଞ୍ଜାରି ନକିତା ତାନି ଗାଝୁରମି ତସାମାଚେସି; ଏଞ୍ଜାରିତଲେ ରାଜିମାନା ଆହାନା ଏଞ୍ଜାରାକି ମେରା ହାହାମାଚେସି, ଏଞ୍ଜାରି ସାତା ତଲେ ସେବା କିନାରି; ଏଞ୍ଜାରି ମାହାପୁରୁ ତାଣାଟି ଆଞ୍ଜାମାନାଣି ବେଟାଆହାମାନେରି; ୫ ଏଞ୍ଜାରି ବାରେଜାଣା ଝେଙ୍ଗାମାନି ଆକୁ ଆଦାୟିତି ମୀରକା ଇଞ୍ଜା ମାଣସି ଖାଣାଟି ଜୀଝୁ ଏଞ୍ଜାରି ତାଣାଟି ଜାନାଁ ଆହାମାଚେସି; ବାରେ ଅଦିକାରାଗାଟି ମାହାପୁରୁକି କାଳାକାଳାତାକି ଜହରା ଆପେ । ଆମେନ୍ ।

୬ ମାହାପୁରୁତି ବକୁ ଉଜେଏ ଆହାମାନେ ଇଞ୍ଜା ନାନୁ ଝେସିହିଲଅଁ, ଇତିହଁ ଇସାୟେଲ କୁଡାତି ବାରେ ଲକୁ ମାହାପୁରୁତି ଲକୁ ଆଏ, ୭ ଅଗ୍ରାହାମ କୁଡାତି ବାରେ ଲକୁ ମାହାପୁରୁ ମୀରକା ମାସ୍କା ଏଦି ଆଏ; ମାହାପୁରୁ ଅଗ୍ରାହାମଲ୍ ଝେସାମାଚେସି, “ଇସାହାକ ତାଣାଟି ନୀ କୁଡା ଝେଙ୍ଗିନେରି ।” ୮ ଇଦାଣି କାତା ଇଦେଁ ଜାନାଁ ଆହାମାନି ମୀରକା ମାସ୍କା ମାହାପୁରୁ ମୀରକା ମାସ୍କା ଆହାଲି ଆଡ଼ଅରି, ମାହାପୁରୁତି ଆଞ୍ଜାମାନି ଲେହେଁ ଜାନାଁ ଆହାମାନି ମୀରକା ମାସ୍କା ମାହାପୁରୁ ନକିତା ସାତା ମୀରକା ମାସ୍କା ଲେହେଁ ଆନେରି । ୯ ମାହାପୁରୁ ଇଦାଆଁ ଆଞ୍ଜାମାଚେସି, “ଇ କାଲମିତା ମାମ୍ବୁ ଝେଣ୍ଡେ ଖାନୁମି, ଏତିବେଲାତା ସାରା ର ମୀରଏଣାଇ ଜାନାଁ କିହାମାଣମିନେ ।” ୧୦ ଅଡେ ଖାରୁଇ ଏଚେକା ଆଏ, ରିବିକାନି ତାଣା ଜିକେଏ ଜାଣ୍ଡା ମୀରକା ର ତାଞ୍ଜି ଇସାହାକ ତାଣାଟି ଜାନାଁ ଆହାମାଚେରି, ୧୧ ଏଞ୍ଜାରି ଜାନାଁ ଆନି ନକେଏ, ଅଡେ ଏଞ୍ଜାରି ନେହାଣି ଲାଗେଏତାଣି କିନି ନକେଏ, ଇଞ୍ଜାରି ବିଡ୍ରାତି ରଅସି ମାହାପୁରୁ ଲଡ଼ା ତାକି ବାଟି କିଞ୍ଜିଆଡେସି, ୧୨ ରିବିକାଲ୍ ମାହାପୁରୁ ଏଲେଇଞ୍ଜାମାଚେସି, “କାଜା ତାୟି ଉଜା ତାୟିତି ସେବା କିନେସି ।” ମାହାପୁରୁ ଏଦାଆଁ ଝେସାମାଚେସି ଏଞ୍ଜାରି କାମା କିତି ତାଣାଟି ଆଏ, ଖାରୁଇ ମାହାପୁରୁ ଆଡ଼ିତାକି ଏଞ୍ଜାରି ହାଚକି ଆଡେତି । ୧୩ ସାଡ଼େସ୍ତରିତା ରାସ୍କି ଆହାମାନେ, “ନାନୁ ଜାକୁବଲ୍ ଜୀଝୁ ନଡେଏ, ସାମା ଏସାଝୁଇ ଅପାଆଚେସି ।”

୧୪ ଆଡିହଁ ଏନାଆଁ ଇନାୟି, ମାହାପୁରୁ ଲାଗେଏତି କାମାକିନାସି କି ? ଏଦି ଏଚେଲା ଜିକେଏ ଆଆପେ । ୧୫ ଏଦାଆଁତାକି ମସାଇଁ ଏଲେଇଚେସି, “ଆମ୍ବାଆରାଇଁ ନା କାର୍ମା ଆନାୟି ମାନେ ଏଞ୍ଜାଣାଇଁ କାର୍ମା ଆଇଁ, ଆମ୍ବାଆରାଇଁ ସାୟେମି କିନାୟିମାନେ ଏଞ୍ଜାଣାଇଁ ନାନୁ ସାୟେମି କିଇଁ ।” ୧୬ ଏଦାଆଁତାକି ଆମ୍ବାଆସି ମନ କିନେସି, ଆଆଡ଼ି ଆମ୍ବାଆସି ପାରିନାସି କି କିନାସି, ଏଞ୍ଜାଣି ତାଣାଟି ଏନାୟି ଆହାଲି ଆଡେଏ, ସାମା କାର୍ମାମେହନି ମାହାପୁରୁ ତାଣାଟି ଆନେ । ୧୭ ଦାମ୍ବୁ ସାଡ଼େସ୍ତରିତା ରାସ୍କି ଆହାମାନି ଲେହେଁ, ମାହାପୁରୁ ମିସରତି ରାଜା ପାରୁଇଁ ଏଲେଇଚେସି, “ନୀ ତାଣାଟି ନା ବାଡ଼ୁୟି ତସାଲି ଇଞ୍ଜା ବାରେ ଦାଡ଼ିତା ନା ଗାଝୁରମି ତସାଲି ତାକି ନାନୁ ନିଙ୍ଗେ ରାଜା କିହାମାଞ୍ଜାଇଁ ।” ୧୮ ଏଦାଆଁତାକି ମାହାପୁରୁତି ଅଣପୁ ଲେହେଁ ଆମ୍ବାଆରାଇଁ କାର୍ମା ମେହନେସି ଇଞ୍ଜା ଆମ୍ବାଆରାଇଁ ଆଚ୍ଞା ହିୟିଁ କିନେସି ।

ମାହାପୁରୁତି କାର୍ବି ଇଞ୍ଜା କାର୍ମାମେହନାୟି

୧୯ ଏମ୍ବାଟିଏ ନାନୁ ନାଜେ ଏଲେଇଜାବି, “ମାହାପୁରୁ ଏନାଆଁତାକି ଦହ ଆହନେସି ? ଆମ୍ବାଆସି ମାହାପୁରୁତି କପାତଲେ ଏନାଆଁ କିହାଲି ଆଡ଼ିମାନେସି ?” ୨୦ ସାମା ଏ ସ୍ତୟି, ନାନୁ ଆମ୍ବାଆତି, ମାହାପୁରୁକ୍ ଖେଣ୍ଡେ ଖେସାଲି ନିଜେ ସାମା ମାନେକ, ଗାଡ଼ି ଆଡ଼ି ଆସ୍ତି ଗାଡ଼ି କିତାଣାଇ “ନାଜେ ଏନାଆଁତାକି ଇଲେକ୍ ଗାଡ଼ି କିୟାତି ଇଜ୍ଜ୍ ଏଲେଇଜାଲି ଆଡ଼ିନେ କି ?” ୨୧ ର ଇରୁଆ ଡେପ୍ଲାଇଟି ଜାହାରା ଇଟା ତଲେ ଡକା କେପାଲି କୁମ୍ପେ ଏଣାକି ବାରେ ଅଦିକାରା ମାନେ, ରଣ୍ଡାଆଁ ବାରେ କାମାତି ଦିନାତା ଲେମ୍ବାଲି ଅଡେ ରଣ୍ଡାଆଁ ଉଜେଏ ଦିନାତା ଲେମ୍ବାଲି ତାକି ।

୨୨ ମାହାପୁରୁ ଜିକେଏ ଏଲେକ୍ କିହାମାନେସି, ତାନି କାର୍ବି ତସାଲି ଇଜ୍ଜା ବାଡ଼ୁୟୁତି ପୁଣ୍ଡି କିହାଲି ଅଣ୍ଡିମାନେସି, ସାମା ଆମିନି ଗାଗାରି ଏଞ୍ଜାଣି କପାତଲେ ନାସା ଆନାୟି ମାନେ, ଏଞ୍ଜାରି ତାକି ମାହାପୁରୁ ହାରେକା କାର୍ମା ଆହାନା ଅରୁହା ମାନେସି । ୨୩ ଅଡେ ଗାଞ୍ଜୁରମି ତାକି ତାନିତାଣାଟି ନକେଏ ଆହାମାନି ସାନ୍ଦେମିତି ଲକୁ ମାରୁ ଇତିହ୍, ମା ତାଣା ତାନି ଗାଞ୍ଜୁରମିତି ଦନ ତସାଲି କିହାମାନେସି, ଆତିହ୍ ନାନୁ ଏନାଆଁ ଇଜ୍ଜ୍ ? ୨୪ ଏନାଆଁତାକି ଏଞ୍ଜାସି ଖାରୁଇ ଜୀହୁଦି ଲକୁ ତାଣାଟି ମାଜେ ହାଟା ମାଜ୍ଜାଅସି, ସାମା ଜୀହୁଦିଆଆତି ଲକୁ ତାଣାଟି ଜିକେଏ ମାଜେ ହାଟାମାଜ୍ଜାନେସି, ୨୫ ଇ କାତାତି ହସେୟ ପତିତା ମାହାପୁରୁ ଖେସାମାନେସି;

“ଆମ୍ବାଆରି ମା ଲକୁ ହିଲାଆତେରି, ଏଞ୍ଜାରାଇଁ ‘ମା ଲକୁ’ ଲେହେଁ ହାଟା କଡ଼ିତମି; ଆମିନି କୁଡ଼ାତାରାଇଁ ଜୀହୁ ନହାଁ ହିଲାଆତମି ଏଞ୍ଜାରାଇଁ ମା ଜୀହୁତି ଲକୁ ଇଡମି,

୨୬ ଆମିନି ଗାୟତା ଏଞ୍ଜାରାଇଁ ଖେସାମାତମି, ‘ମୀରୁ ମା ଲକୁ ଆଏ’ ଏମ୍ବାଆଁ ଏଞ୍ଜାରି ଜୀହୁଗାଟି ମାହାପୁରୁତି ମୀରୁକା ଇଜ୍ଜ୍ ଖେଜିନେରି ।”

୨୭ ଇଜ୍ଜା ଇସ୍ତାୟେଲ ଲକୁତି କାତା ଜିସାୟ କାଜା ଗିୟାତଲେ ଖେସାମାନେସି, “ଇସ୍ତାୟେଲତି ଲକୁ ସାମ୍ବୁରିତି ଏଜିକିହାଲି ଆଡ଼ାଆଗାଟି ବାଃଲି ଲେହେଁ ଆତିହ୍ ଜିକେଏ, ଏଞ୍ଜାରି ବିତ୍ରାଟି ଏତର ଜାଣାଦେଁ ଗେଲ୍ପି ଆନେରି; ୨୮ ଏନାଆଁତାକି ଇତିହ୍ ପ୍ରବୁ ତବେ ଦାରୁଡିତା ବାରେ ନାହାଁୟି ବିଚାରା କିନେସି ।” ୨୯ ଏନିକିହ୍ ଜିସାୟ ତଲିଏ ଅଡେ ଖେସାମାନେସି, “ବାରେ ବାଡ଼ୁୟୁ ଗାଟି ପ୍ରବୁ ଏତେକା ମା କୁଡ଼ାତି ଲକୁଣି ଗେଲ୍ପିଆତିମାଁ, ସଦମ ଅଡେ ଗମରାତି ଲକୁଲେହେଁ ମାଜେ ଜିକେଏ ଆୟାତେମା ।”

ପାଞ୍ଜୁଲ ଇସ୍ତାୟେଲ ତାକି ପ୍ରାତାନ

୩୦ ଏନାଆଁତାକି ଜୀହୁଦିଆଆତି ଲକୁତି କାତାତା ଇଲେ ଇଜ୍ଜାଲି ଆଡ଼ିନାୟି, ଏଞ୍ଜାରି ଦାର୍ମୁଗାଗାରି ଆହାଲି ଅଣ୍ଡି ହିଲାଆତେରି, ସାମା ଏଞ୍ଜାରି ନାନୁ ତାକି ଦାର୍ମୁଗାଗାରି ଆଡେରି । ୩୧ ସାମା ଇସ୍ତାୟେଲ ଲକୁ ଦାର୍ମୁଗାଗାରି ଆହାଲି ଅଣ୍ଡିମାନେ ମେରା ତଲେ ଦାର୍ମୁଗାଗାରି ଆହାଲି ଆଡ଼ାଆତେରି । ୩୨ ଏନାଆଁତାକି ? ଇତିହ୍ ଏଞ୍ଜାରି ନାନୁତଲେ ଏନାଆଁ ପାରାଆନା, କାମା ତଲେ ପାରିମାନେରି । ଏନାଆଁତାକି ଏଞ୍ଜାରି ଆଜ୍ଜିମାନି ଖାଲିତା ପୁଟି କିହାନା ତରୁଗିତେରି । ୩୩ ସାନ୍ଦେରିତା ରାୟ୍କି ଆହାମାନେ;

“ସିନିକିଦୁ, ମାମ୍ବୁ ସ୍ତୟନତା ର ପୁଟିକିନି କଟା ଖାଲି

ଇଜ୍ଜା ଆଜ୍ଜିନି ପାକା ଖାଲି କେପାମାନମି, ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଲାଜା ବେଟାଆଅସି ।”

୧୦

୧ ଏ ତାୟି ତାଜିସ୍ତାତେରି, ମା ଲକୁ ଏନିକିହ୍ ଗେଲ୍ପି ଆନେରି, ଏଡି ନା ହିୟାତି ଅଣ୍ଡପୁ, ଇଜ୍ଜା ଏଞ୍ଜାରି ତାକି ମାହାପୁରୁ ତାଣା ରଣ୍ଡିଏ ଅଣ୍ଡପୁ ତଲେ ନା ପ୍ରାତାନା । ୨ ଇତିହ୍ ମାହାପୁରୁ ସେବା କିହାଲି ଏଞ୍ଜାରାକି ହାରେକା ମନ ଅଡେ ରାହାଁ ମାନେ, ଇଦାଆଁ ନାନୁ ଏଞ୍ଜାରି ଖାକିଟି ଖେସିମାଇଁ, ସାମା ଏ ମନ ଅଡେ ରାହାଁ ବୁଦିଗାଗାୟି ଆଏ । ୩ ମାହାପୁରୁ ହାତି ଦାର୍ମୁତି ଜିରୁ ପୁନାଆନା ଜାହାରା ତୀରି କିହାମାନି ଦାର୍ମୁତି ଜିରୁତି ତାକାନା ମାହାପୁରୁ ହାତି ଦାର୍ମୁତି ଜିରୁତି ଆସିହିଲଅରି । ୪ କ୍ରୀସ୍ତ ମେରାତି ରାପ୍ତନାସି, ଖାରୁଇ ଏଞ୍ଜାଣି ତାଣା ନାମିସାରେ ମାଣ୍ଡସି ମାହାପୁରୁ ନକିତା ଦାର୍ମୁଗାଗାସି ଆନେସି ।

ବାରେ ଜାଣାକି ଗେଲ୍ପି ଆନାୟି

୫ ମସା ରାଟାମାନେସି, “ଆମିନି ମାଣ୍ଡସି ମେରା ମାନି କିହାନା ଦାର୍ମୁଗାଗାସି ଆନେସି, ଏଞ୍ଜାସି ଏମ୍ବାଟି ନାତିନେସି ।” ୬ ସାମା ନାନୁତଲେ ଦାର୍ମୁ ଗାଗାତାୟି ଆନାୟି ଇଜ୍ଜ୍ ସାନ୍ଦେରିତା ରାୟ୍କି ଆହାମାନେ, “କ୍ରୀସ୍ତଇଁ ରେପ୍ତହା ତାଗାଲି ତାକି ଆମ୍ବାଆସି ଲାକପୁରୁ ହାଜାଲି ଆଡ଼ିନେସି ?” ମୀରୁ ଇ କାତା ଏଲେଇନାଆଦୁ । ୭ ଇଜ୍ଜା “କ୍ରୀସ୍ତଇଁ ହାଡ଼ାଟି ତାଣାଟି ନିକହା ତାଗାଲି, ଆମ୍ବାଆସି ତାଡେପୁରୁ ହାନେସି

? ଈ କାତା ଜିକେଏ ମୀରୁ ଏଲେଇନାଆପୁ ।” ୮ ଏନାଆଁତାକି ଇଚିହୁଁ ସାସ୍ତେରିତା ରାସ୍‌କି ଆହାମାନି ଲେହେଁ, “ମାହାପୁରୁତି ବଲୁ ମୀ ତାଣା ମାନେ, ଅଡେ ମୀ ଗୁତି ଇଞ୍ଜା ହିୟାଁତା ମାନେ, ଆମିନି ନାମୁତି ବଲୁ ମାମୁ ଝେକହିଁ ମାନମି, ଏ ବଲୁ ।” ୯ ମୀରୁ ଜୀସୁଇଁ ଗୁତି ତଲେ ପ୍ରବୁ ଇଞ୍ଜା ଜଲିଦେରି, ଇଞ୍ଜା ମାହାପୁରୁ ଏଞ୍ଜାଣାଇଁ ହାଡାରି ତାଣାଟି ନିକହାମାନେସି ଇଞ୍ଜା ହିୟାଁ ତଲେ ନାମିସାରେ, ଆତିହୁଁ ମୀରୁ ଗେଲୁପି ଆଦେରି; ୧୦ ଇଚିହୁଁ ଦାମ୍‌ଗାଟି ଲକୁ ଆହାଲି ମାଣସି ହିୟାଁ ତଲେ ନାମିନେସି, ଇଞ୍ଜା ଗେଲୁପି ଆହାଲି ଗୁତି ତଲେ ଜଲିନେସି । ୧୧ ଦାମ୍‌ ସାସ୍ତେରିତା ରାସ୍‌କି ଆହାମାନେ, “ଆମ୍ବାଆସି ଜିକେଏ ତାନି ତାଣା ନାମିନେସି, ଏଞ୍ଜାସି ଲାଜା ବେଟାଆଅସି ।” ୧୨ ଜୀହୁଦି ଇଞ୍ଜା ଜୀହୁଦିଆଆତାରି ବିତ୍ତା ପାରୁଡା ବାଟି କିନାସି ହିଲେଏ; ବାରେଜାଣା ତାକି ରଣ୍ଡିଏ ପ୍ରବୁ, ଏତେକା ଲକୁ ଏଞ୍ଜାଣି ତାଣା ପ୍ରାତାନା କିନେରି, ବାରେ ଜାଣାକି ଏ କାର୍ମାମେହନାସି ଆନେ । ୧୩ “ଆମ୍ବାଆସି ପ୍ରବୁ ଦରୁ ଆସାନା ପ୍ରାତାନା କିନେସି, ଏଞ୍ଜାସି ଗେଲୁପି ଆନେସି ।”

୧୪ ସାମା ଆମ୍ବାଆରାଇଁ ନାମା ହିଲଅରି ଏନିକିହୁଁ ଏଞ୍ଜାରି ଏଞ୍ଜାଣି ତାଣା ପ୍ରାତାନା କିନେରି ? ଇଞ୍ଜା ଏଞ୍ଜାଣି ନେହୁଁ ବଲୁ ଝେନାଆନା ଏଞ୍ଜାରି ଏନିକିହୁଁ ନାମିନେରି ? ଝେକନାରି ଝେକଆସାରେ ଏ ବଲୁ ଏଞ୍ଜାରି ଏନିକିହୁଁ ଝେନେରି ? ୧୫ ଅଡେ ବଲୁ ଝେକହାଲି ତାକି ପାଣୁଡି ଆଆସାରେ ରଅସି ଏନିକିହୁଁ ବଲୁ ଝେକନେସି ? ଈ କାତା ସାସ୍ତେରିତା ରାସ୍‌କି ଆହାମାନେ, “ଆମିନି ଗାଟାରି ନେହୁଁ ବଲୁ ଆବା ହିଲଅରି, ଏଦାଆଁତାକି ଜିସାୟ ଏଲେଇଞ୍ଜା ମାନେସି, “ପ୍ରବୁ ମା ହାଡା ଝେଞ୍ଜାନା ଆମ୍ବାଆସି ନାମା ମାନେସି ?” ୧୬ ଏନିକିହୁଁ ନାମୁ ଝେନି ତାଣାଟି ଝାନେ, ଅଡେ ଝେନାସି କ୍ରୀସ୍ତତି ନେହୁଁ ବଲୁଟି ।

୧୮ ସାମା ନାମୁ ଏଲେଇଞ୍ଜା, ଏଞ୍ଜାରି ଏନାଆଁ ଏ ବଲୁ ଝେଞ୍ଜାହିଲଅରି କି ? ଝେଞ୍ଜାମାନେରି, ଏନାଆଁତାକି ଇଚିହୁଁ ସାସ୍ତେରିତା ରାସ୍‌କି ଆହାମାନେ; “ଏଞ୍ଜାରି ହାଡା ବାରେ ଦାରୁତିତା ଝେଞ୍ଜାମାନେ,

ଏଞ୍ଜାରି କାତା ବାରେ ଦାରୁତି ମୁଟୁପୁଲି ପାତେକା ଝେଞ୍ଜାମାନେ ।”

୧୯ ଅଡେ ର ଦେବା ନାମୁ ଝେଞ୍ଜାଲି ଅଣ୍‌ପିମାଇଁ, ଇସ୍ରାୟେଲ ଲକୁ ଏଦାଆଁ ତେଲହାଲି ଆଡାଆତେରି କି ? ହାରେକା ବାର୍ଯା ନକେଏ ମସା ଈ କାତା ଝେସାମାନେସି, “ମା ଲକୁଣି କାରୁବି କିହାଲିତାକି ର ଉଣା କୁଡାତି ଲେମ୍ବିନମି,

ଏଲେକିହୁଁ ଏ ବୁଦି ହିଲାଆଗାଟି କୁଡା ତଲେ ଏଞ୍ଜାରେଇଁ କାରୁବି କିଝି କିନମି ।”

୨୦ ଅଡେ ଜିସାୟ ସାସାତଲେ ଝେସାମାନେସି,

“ଆମିନି ଗାଟାରି ମାଞେ ପାରିମାଞ୍ଜାଆତେରି, ଏ ଲକୁ ମାଞେ ବେଟାଆୟାତେରି;

ଆମିନି ଗାଟାରି ମା କାତା ଝେଞ୍ଜାମାଞ୍ଜାଆତେରି, ଏଞ୍ଜାରି ନକିତା ମାମୁ ତୁଞ୍ଜାଆଡମି ।”

୨୧ ସାମା ଏଞ୍ଜାସି ଇସ୍ରାୟେଲ ଲକୁଟି କାତା ଝେସାମାନେସି, “ର ମାନି କିଆନା ନା କପାଟି ନିଜିନି କୁଡାତି ନାମୁ ଝେଡା ତୁମ୍ବେ କେୟୁ ଦାସା ମାଇଁ ।”

୧୧

ଇସ୍ରାୟେଲ ଲକୁଣି ମାହାପୁରୁତି କାର୍ମା

୧ ଅଡେ ନାମୁ ଝେଞ୍ଜାଲି ଆଡିଞ୍ଜା, ଆତିହୁଁ ମାହାପୁରୁ ତାନି ଲକୁଣି ପିସାମାନେସି କି ? ଏଲେଆହୁଁ ଏତେଲ୍ମା ଜିକେଏ ଆଆପେ, ଏନାଆଁତାକି ଇଚିହୁଁ ନାମୁ ଜିକେଏ ଅଗ୍ରହାମତି କୁଡାତା ଜାନାଆଡି ବିନସାମିନି ଗଟିତି ଇସ୍ରାୟେଲ ଲକୁଡେଏ । ୨ ମାହାପୁରୁ ତଲିଟିଏ ବାଟି କିହାଁ ହାଟାମାନି ତାନି ଲକୁଣି ଏତେଲ୍ମା ଜିକେଏ ପିସାହିଲଅସି, ମୀରୁ ଦାମ୍‌ ସାସ୍ତେରିତା ପଡୁଡି ଆହାହିଲଅତେରି ? ଏନିକିହୁଁ ଏଲିୟ ମାହାପୁରୁ ନକିତା ଇସ୍ରାୟେଲ ଲକୁ କପାତଲେ କାତା ଜଲ୍ଲାମାଚେସି, ୩ “ପ୍ରବୁ ଏଞ୍ଜାରି ମାହାପୁରୁ ଅଣ୍‌ପୁତି ବଲୁ ଝେହନାରାଇଁ ଏନିକିହୁଁ ପାୟାମାନେରି ଇଞ୍ଜା ପୂଜା ପିଣ୍ଡାଣି ଡିକହାନା ନାସଡି କିହାମାନେରି, ଝାରଇ ନାମୁ ରଅତେଏଁ ଗେଲୁପି ଆହାମାଇଁ; ଏଞ୍ଜାରି ନା ଜୀଞ୍ଜୁ ଜିକେଏ ଅହାଲି ଅଣ୍‌ପିମାଞ୍ଜାନେରି ।” ୪ ଏଲିୟଇଁ ମାହାପୁରୁ ଝେଣ୍ଡେ ଏନାଆଁ ଏଲେଇଚେସି, “ନାଡିକିନି ବାଲ୍ ପେନୁ, ପୂଡଲ୍ମା ନକିତା ମେଣ୍ଡା କୁଡା ହିଲଅରି ଇଲେଟି ସାତା ମାଣା ଲକୁଣି ମାଞେତାକି ଇଟାମାନମି ।” ୫ ଏଲେକିହୁଁ ଏ ନୀଏଁ ଜିକେଏ କାର୍ମାମେସାନା ଆଡାମାଚେସି, ଏଞ୍ଜାରି ବିତ୍ତାଟି ଏତର ଜାଣାଦେଁ ମାନେରି । ୬ ସାମା ତାନି କାର୍ମାମେହନି ତାଣାଟି ଆତିହୁଁ,

* ୧୧:୧ ୧୧:୧ ପିଲିପି ୩:୫

ଏହି କାମାଳତା ତାକି ଆହାଲି ଆଡେଏ; ଇଞ୍ଜି ତାନି କାର୍ମାମେହ୍ନାୟି ସାତା ତଲେ କାର୍ମାମେହ୍ନାୟି ଆଏ ।

୭ ଆତିହ୍ ଏନାଆଁ ଆଡେ ? ଇସ୍ତାୟେଲତି ଲକୁ ଏନାଆଁ ପାରିମାଡେରି, ଏଦାଆଁ ବେଗାଆଆଡେରି; ୱାରୁଇ ମାହାପୁରୁ ଆଡାମାନି ଏଚରଇଜାଣା ଲକୁ ଏଦାଆଁ ବେଗାଆଡେରି, ଏଚ୍ଚକାତାରି ଆମ୍ବାଆରି ଜିକେଏ ମାହାପୁରୁ ହାଡାମାନାଣି ମନ୍ ହାଆଡେରି । ୮ ସାଫ୍ତୁରିତା ରାସ୍ତିକି ଆହାମାନେ, “ମାହାପୁରୁ ନୀଞ୍ଜୁପାଡେକା ଏଞ୍ଜାରାକି ଆଡ଼ଞ୍ଜା ଜାହ୍ନୁ ହାହାମାନେସି, ଅଡ଼େ ଇଲେତି କାଣ୍ଡା ହାହାମାନେସି, ଏନିକ୍ ଏଞ୍ଜାରି ମେସାଲି ଆଡ଼ି ହିଲଅରି, ଅଡ଼େ ଇଲେତି କାର୍ମା ହାହାମାନେସି ଏଞ୍ଜାରି ୱେଞ୍ଜାଲି ଆଡ଼ିହିଲଅରି ।” ୯ ଏଞ୍ଜାରି କାତା ଦାହ୍ନୁଦ ରାଡାମାନେସି,

“ଏଞ୍ଜାରି ପାର୍ବୁତି ରାନ୍ଦା ତିନା ଉନାତି ପାନ୍ଦାତା ରିପାରି,
ଏଞ୍ଜାରି ତର୍ଗାନା ତଣ୍ଡୁ ବେଗାଆଡେରି ।

୧୦ ଏଞ୍ଜାରି ଏନିକ୍ ମେସାଲି ଆଡ଼ଅରି, ଏଦାଆଁତାକି ଏଞ୍ଜାରି କାଣ୍ଡାୟାଁ ଆଡେରି,
କାଠଲଏ ଦୁକୁ କସ୍ତ ବେଗାଆହାନା ଏଞ୍ଜାରି ଟେଡେଲି ରୁଡ଼ଞ୍ଜା ଆଡେ ।”

୧୧ ନାନୁ ଏଲେ ଇଞ୍ଜିମାଲ୍, ଏଞ୍ଜାରି ନାସଡ଼ି ଆହାଲି ପୁଟି କିହା ମାନେରି କି ? ଆଏ ଏଚେଲା ଜିକେଏ ଆଆପେ, ସାମା ଏଞ୍ଜାରି ପାପୁ କିତାକି, ଏଞ୍ଜାରାଲ୍ କାରୁବି କିହାଲିତାକି ଜାହୁଦିଆଆଡାରି ନକିତା ଗେଲ୍ପିଆନି ଅଦିକାରା ମୋଡାଆଡେ । ୧୨ ଜାହୁଦି ଲକୁତି ପାପୁ ଦାରୁତିବି ବାରେ ଲକୁତାକି ହାରେକା ବାଡ଼କୁ ଲେହେଁ ଆହାମାନେ, ଜାହୁଦି ଲକୁ ରିତାକି ଜାହୁଦିଆଆତି ଲକୁତାକି ବର ହାରେଏ ଗାତି ଲାବା କିହାମାନେରି, ଇଞ୍ଜା ବାରେ ଜାହୁଦି କୁଡା ଗେଲ୍ପି ଆଡ଼ିହ୍ ମା ଏମ୍ବାଟି ଏଚେକା ଗାତି ବର ବେଗାଆଅରି !

ଜାହୁଦିଆଆଡାରି ଗେଲ୍ପି ଆନାୟି

୧୩ ଜାହୁଦିଆଆତି ଲକୁଣି ନାନୁ ଏଲେ ଇଞ୍ଜିମାଲ୍, ନାନୁ ଜାହୁଦିଆଆତି ଲକୁତାକି ପାଣ୍ଡୁ ଆହାମାନାକି ନା ସେବା କାମାତି ପାଣ୍ଡା ତାକି ନାନୁ ବଡପଣ ଆହିମାଲ୍ । ୧୪ ଏନିକିହ୍ ଆପେ ଜାହାରା କୁଡାତି ଲକୁଣି ରାହାଁ କିଞ୍ଜିକିହାନା ଏଞ୍ଜାରି ତାଣ୍ଡାତି ଏଚର ଜାଣାଲ୍ ଗେଲ୍ପିଆଲି ଆଡ଼ିଲ୍ । ୧୫ ଏନାଆଁତାକି ଇତିହ୍ ଏଞ୍ଜାରି ପିସ୍ପିଆଡାକି ଦାରୁତି ତଣ୍ଡେ ଆଡେ । ଆତିହ୍, ମାହାପୁରୁ ବାରେ ଜାହୁଦି କୁଡାତି ଆବିସାରେ, ଏଦାଆଁତି ପାଡ଼େୟି ଏନାଆଁ ଆନେ ? ଏହି ହାଡ଼ି ମାଣସି ଜାହ୍ନୁ ବେଗାଆଡ଼ି ଲେହେଁ ।

୧୬ ରଗାଣି ରୁଟି ମାହାପୁରୁ ଦରୁତଲେ ହେର୍ପି ଆହାମାଟିହ୍, ବାରେ ରୁଟି ଜିକେଏ ହେର୍ପି ଆହାମାନେ ଇଞ୍ଜି ଇନାୟି; ର ମାରୁନୁତି ହାରୁ ହେର୍ପି ଆହାମାଟିହ୍, ଏଦାଣି କମା କାନ୍ଦି ଜିକେଏ ହେର୍ପି ଆହାମାନୁ ଇଞ୍ଜି ଅଣ୍ଡିପାନାୟି । ୧୭ ସାମା ଏଚେକା କମାୟାଁ ରାଡ଼ପି ଆତୁ ଅଡ଼େ ମୀରୁ ଜାଡାତି ଜୀତ ମାରୁନୁତି କମାୟାଁ ଆଡ଼ିଜିକେଏ ଏ ଚିଡା ଦୁସ୍ପିଆଡେରି, ଅଡ଼େ ଏଞ୍ଜାରିତଲେ ଜୀତ ମାରୁନୁତି ତାକିତି ରାସାତା ଆଣ୍ଡିଚେରି । ୧୮ ଆତିହ୍ ଏ କମାୟାଁ କପାତଲେ ବଡପଣ ଆଆଦୁ; ସାମା ମୀରୁ ବଡପଣ କିଦେରି, ମୀରୁ ମାରୁନୁତି ତାକିତି ଆସା ହିଲଅଡେରି, ସାମା ତାକି ମିଜେ ଆସାମାଞ୍ଜାନେ, ଇଦାଆଁ ମୀରୁ ପୁଞ୍ଜା ଡ଼ୟାଦୁ ।

୧୯ ଆତିହ୍ ମୀରୁ ଏଲେଇଞ୍ଜାଲି ଆଡ଼ିଦେରି, “ନାଜେ ଚାୟୁ ହାହାନା ଦୁର୍ସାଲି ତାକି ଏ କମାଣି ରାଡ଼ପି ଆହାମାରୁ ।” ୨୦ ଏହି ସାତା, ଏଞ୍ଜାରି ନାମାଆଲିଏ ରାଡ଼ପି ଆଡେରି, ମୀରୁ ୱାରୁଇ ନାମାଲିଏ ଏ ଚାୟୁ ଅଦିକାରା କିହାମାଞ୍ଜେରି, ସାମା ବଡପଣ ଆଆନା ଆଜାଦୁ; ୨୧ ମାରୁନୁତା ଗାଲ୍ଲହାମାନି କମାୟାଁ ଲେହେଁ ଜାହୁଦି ଲକୁଣି ମାହାପୁରୁ ତଣ୍ଡୁ ହାଆନା ପିସାହିଲଅସି ଇତିସାରେ, ଏଞ୍ଜାସି ମିଜେ ଜିକେଏ ପିସ୍ପିଅସି । ୨୨ ଇମ୍ବାଆଁ ସିନିକିନି କାତା, ମାହାପୁରୁ ଏନିକିହ୍ କାର୍ମା ମେହ୍ନାୟି ଇଞ୍ଜା କାରୁବି ଆନାସି; ଆମ୍ବାଆରି ପାପୁତା ତର୍ଗା ମାନେରି, ଏଞ୍ଜାରାଲ୍ ଏଞ୍ଜାସି କାରୁବି ଆନେସି; ସାମା ଏଚରଦିନା ପାଡେକା ତାନି କାର୍ମାମେହ୍ନି ତାଣ୍ଡା ଡ଼ୟିଦେରି, ଏଚରଦିନା ମିଜେତାକି କାର୍ମା ମେସ୍ତାନାସି, ତାନି କାର୍ମାମେହ୍ନାଣି ଜାକୁହିସାରେ; ମୀରୁ ଜିକେଏ ରାଡ଼ପି ଆଡେରି । ୨୩ ଜାହୁଦି ଲକୁ ଏଞ୍ଜାରି ନାମୁତି ପିହଅରି, ଆତିହ୍ ଏଞ୍ଜାରି ତଲିମାଟି ଚାୟୁତା ୱେଣ୍ଡେ ତାରି ଆନେରି । ମାହାପୁରୁ ଇଦାଆଁ କିହାଲି ଆଡ଼ିମାନେସି । ୨୪ ଜାହୁଦିଆଆତି ଲକୁ ଜାଡାତି ଜୀତ ମାରୁନୁତି ଗମାୟାଁ ଲେହେଁ । ଏଡ଼ି ରାଡ଼ପି ଆହାନା ଏମ୍ବାତାଲ ଆଆତି ଜିକେଏ ବାଡାତା ପାତିକିହାମାନି ଜୀତ ମାରୁନୁ ତଲେ ଦୁସ୍ପି ଆହାମାନୁ । ଜାହୁଦି କୁଡାତି ଲକୁ ବାଡାତା ପାତିକିହାମାନି ଜୀତ ମାରୁନୁ ଲେହେଁ । ଇ ମାରୁନୁତି ରାଡ଼ପି ଆହାମାନି ଗମାଣି ୱେଣ୍ଡେ ମାରୁନୁ ତଲେ ଦୁର୍ସାଲି ମାହାପୁରୁ ଆଡ଼ିନେସି ।

ବାରେ ଜାଣାକି ମାହାପୁରୁତି କାର୍ମାମେହନାୟି

୨୫ ଏ ତାୟି ତାଜିସ୍ମାତେରି, ମୀରୁ ଏନିକି ମିଜେତାକି ମୀରୁଏ ବୁଦିଗାଟାତମି ଇଞ୍ଜି ଅଣପଅତେରି, ଈଦାଆଁତାକି ମୀରୁ ଈ ତୁନାମାନି କାତାତି ପୁନାଆନା ମାଣ୍ଡେରି ଇଞ୍ଜି ନା ମନ ହିଲେଏ, ଇତିହି ଜାହୁଦିଆଆତି ଲକୁ ବାରେ ହତୁଆ ପାତେକା ଇସ୍ତାୟେଲତି ଏଚେକା ଲକୁ ନାମାଆନା ତୁୟିନେରି; ୨୬ ଇଲେଆହି ବାରେ ଇସ୍ତାୟେଲ ଲକୁ ଗେଲ୍ପି ଆନ୍ନେରି, ଏନିକି ରାସ୍ତିକି ଆହାମାନେ, "ଗେଲ୍ପି କନସି ସିୟନତି ଖାନ୍ନେସି,

ଜାକୁବ କୃତାତା ମାନି ବାରେ ଲାଗେଏତାଣି ହେକ କିନେସି ।

୨୭ ଏତିବେଲା ନାନୁ ଏଞ୍ଜାରି ପାପୁ ବାରେ ହେକ କିଇଁ, ଏତିବେଲା ଏଞ୍ଜାରିତଲେ ଈ ରାଜିମାନା କିନମି ।"

୨୮ ନେହି କାବୁତି ଆହୁଆ ଜାହୁଦି ଲକୁ ମିଜେତାକି ମାହାପୁରୁକି ସାତୁୟି ଆହାମାନେରି, ସାମା ମାହାପୁରୁ ଆତାମାନି ଆକୁ ଆବାୟି ତାକି ଏଞ୍ଜାରି ମାହାପୁରୁକି ଜୀଞ୍ଜୁ ନନାରି ଆହାମାନେରି । ୨୯ ଇତିହି ମାହାପୁରୁ ଆତାମାନାୟି ଅଡେ ତାନି କାର୍ମାତି ଦାନା ଏଚେଲାଖା ଉଜେଏ ଆଏ । ୩୦ ଜାହୁଦିଆଆତି ଲକୁତେରି ତଲି ମୀରୁ ମାହାପୁରୁଇଁ ମାନି କିହାହିଲଆତେରି; ସାମା ନୀଏଁ ଜାହୁଦି ଲକୁ ମାନି କିଆତାକି ମାହାପୁରୁତି କାର୍ମାମେହନାୟି ବେଟାଆଡେରି, ୩୧ ଏଲେଆହି ଏଞ୍ଜାରି ଜିକେଏ ନୀଏଁ ମାନି କିହାହିଲଅରି, ଏନିକିହି ମିଜେତାକି ତଞ୍ଜାଆହାମାନି କାର୍ମାମେହନାୟି ତଲେ ଏଞ୍ଜାରି ଜିକେଏ ନୀଏଁ କାର୍ମାମେହନାୟି ବେଟାଆନ୍ନେରି । ୩୨ ଏନିକିହି ମାହାପୁରୁ ବାରେ ଜାଣାଇଁ କାର୍ମା ମେସାଲି ତାକି ମାହାପୁରୁ ବାରେଜାଣାତି ମାନି କିଆରେଟୁ ହେବପା ମାନେସି ।

ମାହାପୁରୁକି ଗାଧୁରମି

୩୩ ଅହତା ! ମାହାପୁରୁତି ବୁଦି ଇଞ୍ଜା ପୁନି ବାଡୁୟୁ ଏଚେକା କାଜାୟି ! ତାନି ଅଣପୁତି ଆମ୍ବାଆସି ତେଲ୍ପି କିୟାନେସି ? ଇଞ୍ଜା ତାନି ଜିରୁତି ଆମ୍ବାଆସି ପୁଞ୍ଜାଲି ଆଡ଼ିମାନେସି ? ୩୪ ସାବୁରିତା ରାସ୍ତିକି ଆହାମାନେ; "ଆମ୍ବାଆସି ମାହାପୁରୁତି ଅଣପୁତା ମାନାଣି ତେଲ୍ପିନେସି ?

ଆମ୍ବାଆସି ଏଞ୍ଜାଣାଇଁ ଖେସାଲି ଆଡ଼ିନେସି ?

୩୫ ମାହାପୁରୁକି ଆମ୍ବାଆସି ଏଚେଲା ଏନାଆଁ ହାହାମାନେସି,

ଏଦାଆଁତାକି ଏଞ୍ଜାଣାକି ଏଞ୍ଜାସି ଖେଶ୍ଟେ ହାନାୟି ମାନେ ?"

୩୬ ବାରେ ଗାଡ଼ି ଆଡ଼ାୟି ତାନିତାଣାତି, ତାନି କେୟୁତଲେ, ଅଡେ ତାଜେତାକି ଆହାମାନେ; କାଲାକାଲା ତାକି ଏଞ୍ଜାଣାକି ଗାଧୁରମି ଆପେ ! ଆମ୍ବେନ ।



କ୍ରୀସ୍ତ ତାଣା ପୁଃନି ଜୀଞ୍ଜୁ

୧ ଈଦାଆଁତାକି ତାୟି ତାଜିସ୍ମାତେରି, ମାଜେତାକି ମାହାପୁରୁତି ହାବେକା କାର୍ମାମେହନାୟି ତାକି ମିଜେ ନାନୁ ବାତିମାଲିମାଞ୍ଜାଇଁ, ମୀରୁ ମୀ ଆଜାତି ଜୀଞ୍ଜୁ, ସୁଦୁ ତଲେ ଇଞ୍ଜା ମାହାପୁରୁ ଅପିନି ଲେହେତି ପୂଜା ହୀଦୁ, ଈଦିଏ ମାହାପୁରୁତି ସାତା ସେବା । ୨ ମୀରୁ ଈ ଜୁଗୁତି ମାଣ୍ଡିତା ମାନାଆଦୁ, ସାମା ଏନିକିହି ମାହାପୁରୁତି ଅଣପୁ ଏନାୟି, ଇତିହି ନେହାୟି, ଅପିନାୟି ଇଞ୍ଜା ଚିକଣାତାୟି ଏନାୟି, ଈଦାଆଁ ତାୟିପାରି କିହାନା ପୁଞ୍ଜାଲି ଆଡ଼ିଦେରି, ଈଦାଆଁତାକି ମୀ ହିୟିତି ପୁଃନି କିହାନା ବାଦଲି କିଦୁ ।

୩ ମାହାପୁରୁ ନାଜେ କାର୍ମାମେହନାୟି ହାହାମାଞ୍ଜାନାକି ବାରେଜାଣା ତେରି ମିଜେ ନାନୁ ଖେସିମାଞ୍ଜାଇଁ, ଆମ୍ବାଆତେରି ଜିକେଏ ମୀ ତାକି ମୀରୁ ଏନିକି ଅଣପିନାୟି ମାନେ ଏଦାଆଁ କିହାଁ କାଜାତମି ଇଞ୍ଜି ଅଣପାଆଦୁ; ସାମା ମାହାପୁରୁ ଆମ୍ବାଆରାକି ଏଚେକା ନାମ୍ବୁ ହାହାମାନେସି, ଏଲେକିହି ଏ ବାରେଜାଣା ପୁଞ୍ଜାକତିନି ଲେହେ ମୀ ତାକି ମୀରୁ ଅଣପା କତାଦୁ । ୪ ଇତିହି ଏନିକିହି ମା ଆଜାତା ହାବେକା ଆଜା ଅଡେଲିକା ମାନୁ, ସାମା ବାରେ ଆଜା ଉଡେଲିକାତି କାମା ରଲେଏତାୟି ଆଏ । ୫ ଏଲେଆହି ଏ, ମାରୁ ହାବେକା ଜାଣାତାୟି, ସାମା ବାରେଜାଣା କ୍ରୀସ୍ତ ତଲେ ଆଣ୍ଡାମାନାକି, ମାରୁ ରଣିଏ ଆଜା ଇଞ୍ଜା ଆଜାତି ଆଜା ଉଡେଲିକା ଲେହେ ମାରୁ ରଅସି ରଅଣା ତଲେ ଆଣ୍ଡାମାନାୟି । ୬ ଏଦାଆଁତାକି ମାଜେ ମାହାପୁରୁ ହାହାମାଞ୍ଜାନି କାର୍ମାତଲେ ହାବେକା ଦାନା ବେଟା ଆହାମାନାୟି, ମାରୁ ମାହାପୁରୁତି ବଲୁ ଖେକହାଲି ତାକି

ବାଡ଼ୁଛୁ ବେଗା ଆହାମାନାୟି, ମାର ଆଡ଼଼ା ନାମୁତଲେ ଏ କାମା କିନାୟିମାନେ: ୭ ଏଦାଆଁ ସେବା କାମା କିହାଲି ବାଡ଼ୁଛୁ ବେଗାଆହାମାନାୟି, ଆତିହୁଁ ମାର ସେବା କାମା କିନାୟିମାନେ: ଜାପୁହାଲି ବାଡ଼ୁଛୁ ବେଗାଆହାମାନାୟି, ଆତିହୁଁ ଜାପୁନାୟି ମାନେ: ୮ ବାସୁତି କାତା ଖେସାଲି ବାଡ଼ୁଛୁ ବେଗାଆହାମାତିହୁଁ, ବାସୁତି କାତା ଖେସପାସି; ଦାନା କିହାଲି ବାଡ଼ୁଛୁ ବେଗାଆହାମାନି ମାଣସି ରାହାଁତଲେ ଦାନା ହାପେସି । ଏବକା ଲକ୍ଷୁତି କାମାତି ସିନିକିହାଲି ଅଦିକାରା ବେଗାଆହାମାତିହୁଁ ଖାଡୁତଲେ କାମା କିନାୟିମାନେ: ଆମ୍ବାଆସି କାମା ମେହନାସି, ରାହାଁ ମନତଲେ ସାୟେମି କପାସି ।

୯ ଜାସୁନନାୟି କୁଟୁ ହିଲିଆଗାଗାୟି ଆପେ; ଏନାୟି ଲାଗେଏତାୟି ଏଦାଆଁ ଅପାଆଦୁ; ଏନାୟି ନେହାୟି ଏଦାଆଁ ଆହୁଦୁ; ୧୦ କ୍ରାସୁ ନାମୁତି ତାୟି ତାଜି ଲେହେଁ ରଅତେରି ରଅଣାଇଁ ଜୀସୁ ନଦୁ; ଇଞ୍ଜା ରଅତେରି ରଅଣାଇଁ ମାନି କିହାଲି ରାହାଁ ଆଦୁ; ୧୧ ରାହାଁତା ଉଣା ଆଆଦୁ; ସୁଦୁଜାସୁତା ପାରସାଡା ଆହାଁ ଡୟାଦୁ; ହିୟାଁ ଜୀସୁ ହାହାନା ପ୍ରବୁଇଁ ସେବା କିଦୁ । ୧୨ ବାସୁ ଇଟାନା ରାହାଁ କିଦୁ; ଦୁକୁ କସ ବେଲାତା ସାସା ଆହୁଦୁ; ଜମାଆନା ପ୍ରାଡାନା କିଦୁ; ୧୩ ମାହାପୁରୁ ଲକ୍ଷୁକି ଲଡ଼ାମାନାଣି ସାୟେମି କିଦୁ; ଇଜ ଖାନି ଗତାୟାଁଣି ସେବା କିଦୁ ।

୧୪ *ଆମ୍ବାଆରି ମିଜେ ସାସି ହିୟାନେରି, ଏଞ୍ଜାରି ନେହେଁତାକି ମାହାପୁରୁ ତାଣା ପ୍ରାଡାନା କିଦୁ; ଏଞ୍ଜାରାକି ବର ହାଦୁ; ବାକା ଇଟାଆଦୁ । ୧୫ ଆମିନି ଗାଟାରି ରାହାଁ କିନେରି ଏଞ୍ଜାରିତଲେ ରାହାଁ କିଦୁ; ଆମ୍ବାଆରି ଡୀନେରି ଏଞ୍ଜାରିତଲେ ଡୀଦୁ । ୧୬ ବାରେଜାଣା ରଣିଏ ଅଣପୁ ଅଣପାଦୁ, ଖାରଇ କାଜାରି ତଲେ ତଣେ ଦହୁଆନା ଇଟାରି ତଲେ ଜିକେଏ ଆଣୁଞ୍ଜି ଆହାନା ମାଞ୍ଜୁ । ମୀରୁ ମୀ ବୁଦିତଲେ ବୁଦିଗାଟାମି ଇଞ୍ଜା କତାଆଦୁ । ୧୭ ଆମ୍ବାଆସି ମିଜେ ଲାଗେଏ କିୟାତିହୁଁ, ଏଞ୍ଜାଣାଇଁ ଲାଗେଏ କିଆଦୁ; ବାରେ ଲକ୍ଷୁ ନକିତା ଏନାୟି ନେହାୟି, ଏଦାଆଁ କିଦୁ । ୧୮ ଆଡ଼ିତିହୁଁ ବାରେଜାଣା ତଲେ ହିଡ଼ି ତଲେ ନୀଡାବାଡ଼କାଲି ତାକି ଏନି କିନାୟିମାନେ ଏଲେକିଦୁ । ୧୯ ଏ ଜୀସୁତି ତଣେସିଜା, ମୀରୁ ଆମ୍ବାଆରି କପାତି ବାଦୁଲି ଆଆଦୁ । ମାହାପୁରୁତି କପାତି ଲକ୍ଷୁ ଆହାଲି ପିସାଡୁହୁଦୁ । ଏନାଆଁତାକି ଇତିହୁଁ ସାସ୍ତେରିତା ରାସକି ଆହାମାନେ, ପ୍ରବୁ ଏଲେଇଞ୍ଜି ମାନେସି, “ବାଦୁଲି ଅନାୟି ନା ଅଦିକାରା, ନାନୁ ତାମି କାମାତି ପାଡ଼େୟି ହାଇଁ ।” ୨୦ ଅଡ଼େ ଜିକେଏ, “ମୀ ସାଡୁ ହାକି ଆହାମାତିସାରେ, ଏଞ୍ଜାଣାକି ତିଞ୍ଜାଲି ହାଦୁ; ଏଞ୍ଜାସି ଏସକି ଆହାମାତିସାରେ ଗସାଲି ହାଦୁ; ଇଲେ କିତିସାରେ ଏଞ୍ଜାଣିଲକ ଡ଼ାଞ୍ଜିମାନି ହିଡୁତି ରାଜାୟାଁ ଏକହି ମାଞ୍ଜେରି ।” ୨୧ ଲାଗେଏତି କାମା ତଲେ ଜୀଣା ଆଆନା, ନେହୁଁ କାମା ତଲେ ଲାଗେଏତି କାମାତି ଜୀଣା ଆଦୁ ।

୧୩

ସାଲୁଞ୍ଜି କିନାରାଇଁ ମାନି କିନାୟି

୧ ବାରେଜାଣା ସାଲୁଞ୍ଜି କିନାରାଇଁ ମାନି କିନାୟିମାନେ, ଏନାଆଁତାକି ଇତିହୁଁ ମାହାପୁରୁତି ହେଲ ଆଆତିହୁଁ ଆମ୍ବାଆସି ଜିକେଏ ସାଲୁଞ୍ଜି କିନି ପାଣା ବେଗାଆସି, ପାଣାତା ମାନି, ସାଲୁଞ୍ଜି କିନାରି ମାନେରି; ଏଞ୍ଜାରି ମାହାପୁରୁ ତାଣାଟି ଆଡ଼଼ି ଆହାମାନେରି । ୨ ଏଦାଆଁତାକି ଆମ୍ବାଆସି ପାଣାତା ମାନି ସାଲୁଞ୍ଜି କିନାରି କପାତଲେ ନିଜିନେସି, ଏଞ୍ଜାସି ମାହାପୁରୁ ମେରାତି କପାତଲେ ନିଜିନେସି; ଆମ୍ବାଆରି ଏଲେକିନେରି ଏଞ୍ଜାରି ତାମ୍ବୁ ଡାମଜେ ତଣ୍ଡ ବେଗାଆହାଲି ତାକି କିନେରି । ୩ ଇତିହୁଁ ସାଲୁଞ୍ଜି କିନାରି ନେହୁଁ କାମାତାକି ଆଜିଗାଟାରି ଆଏ, ସାମା ଲାଗେଏତି କାମାତାକି ଆଜିଗାଟାରି ଆନେରି । ସାଲୁଞ୍ଜି କିନାରାଇଁ ଆଜାଆନା ଡୟାଲି ମନ ମାନେକି ? ଆତିହୁଁ ନେହୁଁ କାମା କିଦୁ, ଆତିହୁଁ ଏଞ୍ଜାରି ତାଣାଟି ନେହୁଁ ବେଗାଆଡ଼େରି, ୪ ମୀ ନେହୁଁ ତାକି ଏଞ୍ଜାସି ମାହାପୁରୁତି ସେବା କାମା କିନାସି ଆହାମାନେସି । ସାମା ମୀରୁ ଲାଗେଏତି କାମା କିଦେରି, ଆତିହୁଁ ସାଲୁଞ୍ଜି କିନାଣାଇଁ ଆଜାଦୁ, ଏନାଆଁତାକି ଇତିହୁଁ ଏଞ୍ଜାସି ଉଜେଏ କାଣ୍ଡା ଆହୁଅସି, ଏନିଇତିହୁଁ ଏଞ୍ଜାସି ମାହାପୁରୁତି ସେବା କିନାସି, ଇତିହୁଁ ଏଞ୍ଜାସି ତାନି କପାତଲେ ଲାଗେଏତି କାମା କିନାରାକି ତଣ୍ଡ ହାନାସି । ୫ ଏନିଇତିହୁଁ, ଖାରଇ କାରବିତି ଆଜିତାକି ଆଏ, ସାମା ମା ହିୟାଁତା ମାନି ଅଣପୁ ପୁଞ୍ଜାହାଁ ସାଲୁଞ୍ଜି କିନାରି କାତା ମାନି କିନାୟିମାନେ ।

୬ *ଇଦାଆଁତାକି ମୀରୁ ସିସୁ ଜିକେଏ ହାହିମାଞ୍ଜେରି, ଏନାଆଁତାକି ଇତିହୁଁ ମାହାପୁରୁତି ସେବା କିନେରି ଲେହେଁ ଆହାନା ସାଲୁଞ୍ଜି କିନି କାମା ଜିକେଏ କିନେରି । ୭ ଏଦାଆଁତାକି ଏଞ୍ଜାରି ଏନାଆଁ ବେଗାଆନାୟି ମାନେ, ଏଦାଆଁ ହାଦୁ; ଆମ୍ବାଆରାକି ସିସୁ ହାନାୟି ମାନେ ଏଞ୍ଜାଣାକି ସିସୁ ହାଦୁ; ଆମ୍ବାଆରାକି ଆସ୍ତଲି

* ୧୨:୧୪ ୧୨:୧୪ ମାତି ୫:୪୪; ଲୁକ ୬:୮ * ୧୩:୬ ୧୩:୬ ମାତି ୨୨:୨୯; ମାର୍କ ୧୨:୧୭; ଲୁକ ୨୦:୨୫

ହୀନାୟି ମାନେ ଏଞ୍ଜାଣାକି ଆସ୍ଲି ହୀଦୁ; ଆମ୍ବାଆରାକ୍ ଆଜିନାୟି ମାନେ ଏଞ୍ଜାଣାକ୍ ଆଜାଦୁ; ଆମ୍ବାଆରାକ୍ ମାନି କିନାୟିମାନେ ଏଞ୍ଜାଣାକ୍ ମାନି କିଦୁ ।

ରଥସି ରଥଣାକ୍ ଜୀଞ୍ଜୁନନାୟି

୮ ରଥତେରି ରଥଣାକ୍ ଜୀଞ୍ଜୁ ନଞ୍ଜିଆନି ପିସ୍ତେ ଅଡ୍ଡେ ଏନଞ୍ଜା ଆମ୍ବାଆରି ତାଣା ଜିକେଏ ରୀଣା ଆଆଦୁ; ଏନାଆଁତାକି ଇଚିହ୍ ଆମ୍ବାଆସି ଏଟକାତାଣାକ୍ ଜୀଞ୍ଜୁ ନନେସି, ଏଞ୍ଜାସି ମସାତି ଫେରା ମାନଞ୍ଜି ଆହିମାନେସି । ୯ “ଦାରି କିଆଦୁ, ଲକ୍ଷୁଣି ପାୟାଆଦୁ, ସରୁ କିଆଦୁ, ଏଟକା ଲକ୍ଷୁଣି ଦିଶ୍ପୁତି ଜୁପକା ଆଆଦୁ,” ଇ ବାରେ ହୁକୁମି ର ହୁକୁମିତା ମାନେ, “ପାଡ୍ଡିତି ଲକ୍ଷୁଣି ମୀ ଜୀଞ୍ଜୁତି ଜୀଞ୍ଜୁ ନହାଁ କଡିନି ଲେହେଁ ଜୀଞ୍ଜୁନଦୁ ।” ୧୦ ଜୀଞ୍ଜୁନନାୟି ପାଡ୍ଡିତି ଲକ୍ଷୁଣି ଲାଗେଏ କିଏ; ଏନିଇଚିହ୍ ଜୀଞ୍ଜୁନନାୟି ମସାତି ଫେରା ପୁରା କିନେ ।

୧୧ ଇଚିହ୍ ଇଦାଟି ତେଃଏଲିନି ବେଲା ଏଦାତେୟିଏ, ଇଦାଆଁ ପୁଞ୍ଜା ନୀଏଁ ମୀରୁ ଇ ବାରେ କିଦୁ; ଇଚିହ୍ ମାର ନାମିତି ଦିନାଟିଏ ଗେଲ୍ପି ଆନାୟି ତଲିତି କହାଁ ହାରେକା ତାଗେ ଖାଡ୍ଡେୟିଏ । ୧୨ ଆନେରି ହାଜିମାନେ, ଲାକ୍ ଖେୟିମାନେ । ଏଦାଆଁତାକି ଖାଦୁ ମାରୁ ଆନେରିତି କାମା ବାରେ ପିସାନା ଉଜେଡ୍ଡିତା ଜୁଜୁ କିହାଲି ଟିକାଣାତି ସାଦୁ ତୁରନ । ୧୩ କାଡ୍ ଗ୍ରାସାହାଁ ମନକିତି ରାହାଁ, କାଡ୍ ଗ୍ରାସାହାଁ ହଚିନାୟି, ମାନି ହିଲାଆଗାଟାୟି, ଲାଗେଏତି ମାଣକି, ତାହାରା, ଗଡ୍ଡହା କିନିତାଣା କାମାତା ଆଣ୍ଡାଆନା ଖାଦୁ, ଉଜେଡ୍ଡିତି କାମାତା ମାନି ଲକ୍ଷୁ ଲେହେଁ ନେହ୍ ମାଣକି ତଲେ ମାନ । ୧୪ ପ୍ରବୁ ଜୀସୁ କ୍ରୀସ୍ତଇଁ ମୀରୁ ହିମ୍ବିରିଲେହେଁ ପରଦୁ, ପାପୁ ଇଞ୍ଜା ଆଜାଟି ଲାଗେଏତି ଅଣ୍ଡପୁ ତଲେ ରାହାଁ କିହାଲିତାକି ହିୟାତା ଅଣ୍ଡପାଆଦୁ ।

୧୪

ଏଟକା ଲକ୍ଷୁଣି ଦହ ଦହଆଦୁ

୧ *ନାମୁତା ଆଟ୍ଠା ହିଲାଆଗାଟାରାକ୍ ଆବାଦୁ, ସାମା ତାନି କାତାତି ଅଣ୍ଡପୁ ତାକି ତାନିତଲେ ବାଦ୍‌ହାରା କିଆଦୁ । ୨ ବାରେ ତିଞ୍ଜାଲି ତାକି ରଥଣାକି ନାମୁ ମାନେ, ସାମା ଆମ୍ବାଆସି ନାମୁତା ଉଣା ମାନେସି ଏଞ୍ଜାସି ଖାଉକ୍ ଜାୟୁ କୁଚା ତିନାପେସି । ୩ ଆମ୍ବାଆସି ବାରେ ତିନେସି, ଏଞ୍ଜାସି ତିନାଆଗାଟାଣାକ୍ ହୀଣି କିଆପେସି; ଇଞ୍ଜା ତିନାଆଗାଟାସି ତିନାଣାକ୍ ନାହାଁୟି କିଆପେସି, ଏନିଇଚିହ୍ ମାହାପୁରୁ ଏଞ୍ଜାଣାକ୍ ଆବା ମାନେସି । ୪ ନାମୁ ଆମ୍ବାଆତି ଅର ରଥଣି ହଲେଏଣାକ୍ ନାହାଁୟି କିହିମାଞ୍ଜି ? ଏଞ୍ଜାସି ତାନି ସାଞ୍ଜୁକାରି ତାଣା ତୀରି ଆନେସି କି ତୀରି ଆଥସି; ଏଞ୍ଜାଣାକ୍ ତୀରିକିହାଁ ଇଗାଲି ପ୍ରବୁ କେୟୁତା ବାଡ୍ଡୁ ମାନେ ।

୫ ରଥସି ର ଦିନାତି କିହାଁ ଅର ଦିନାତି ହାରେକା ମାନି କିନେସି, ଅଡ୍ଡେ ରଥସି ବାରେ ଦିନାତି ରଲେଏତାକ୍ ଇଞ୍ଜି ଅଣ୍ଡପିନେସି, ବାରେଜାଣା ତାନି ମନତା ତୀରି କିହାନା ମାନଞ୍ଜି ଆଡ୍ପେରି । ୬ ଆମ୍ବାଆସି ର ଦିନାତି ହାରେକା ନେହାୟି ଇଞ୍ଜି ଅଣ୍ଡପିମାନେସି, ମାହାପୁରୁ ଗାଞ୍ଜୁରମି ତାକି ଏଲେଇଞ୍ଜି ଅଣ୍ଡପାପେସି । ଆମ୍ବାଆସି ବାରେ ତିନେସି, ମାହାପୁରୁ ଦରୁତଲେ ତିନେସି ଇଞ୍ଜା ମାହାପୁରୁକ୍ ଜହରା କିନେସି; ଆମ୍ବାଆସି ତିଞ୍ଜାଲି କୁନେସି, ଏଞ୍ଜାସି ମାହାପୁରୁ ଦରୁତଲେ କୁନେସି ଇଞ୍ଜା ମାହାପୁରୁକ୍ ଜହରା କିନେସି । ୭ ଆମ୍ବାଆସି ତାଜେତାକି ନୀତଥସି, କି ଆମ୍ବାଆସି ତାଜେତାକି ହାଅସି । ୮ ମାରୁ ନୀତାମାନାୟି ଇଚିସାରେ, ପ୍ରବୁ ତାକି ନୀତାମାନାୟି ଇଞ୍ଜା ହାଡ୍ଡିସାରେ ପ୍ରବୁ ତାକି ହାନାୟି । ଏଦାଆଁତାକି ନୀତିନାୟି କି ହାନାୟି ମାରୁ ପ୍ରବୁତି ଲକ୍ଷୁ । ୯ ଏନାଆଁତାକି ଇଚିହ୍ କ୍ରୀସ୍ତ ହାହାନା ଖେଣ୍ଡେ ନିଜାମାନି ତାଣାଟି ନୀତାମାନାରି ଇଞ୍ଜା ହାଡ୍ଡାରି ବାରେଜାଣାତି ପ୍ରବୁ ଆହାମାନେସି । ୧୦ *ନାମୁ ଏଦାଆଁତାକି ମୀ ତାୟିକ୍ ବେରଣି କିହିମାଞ୍ଜି ? ଏନାଆଁତାକି ମୀ ତାୟିକ୍ ହୀଣି କିହିମାଞ୍ଜି ? ମାରୁ ବାରେଜାଣା ବେରଣି ଆହାଲି ମାହାପୁରୁ ନକିତା ନିନାୟି । ୧୧ ଏନାଆଁତାକି ଇଚିହ୍ ସାପ୍ପେରିତା ରାକ୍ ଆହାମାନେ;

“ପ୍ରବୁ ଖେସିମାନେସି, ଇଚିହ୍ ନାମୁ ଜୀଞ୍ଜୁଗାଟି ମାହାପୁରୁ,
ବାରେଜାଣା ନା ନକିତା ମେଣ୍ଡା କୁତିନେରି,
ବାରେଜାଣା ନାଜେ ମାହାପୁରୁ ଇଞ୍ଜି ଜଲିନେରି ।”

୧୨ ମାରୁ ବାରେଜାଣା ମାହାପୁରୁ ନକିତା ମାରୁ କିତି କାମାତି ଲେକା ହୀନାୟି ।

ତାୟିକ୍ ପାପୁ କିଞ୍ଜି କିଆଦୁ

୧୩ ଏଦାଆଁତାକି ରଥତେରି ରଥଣାକ୍ ବିଚାରା କିଆଦୁ; ଇଲେକିହ୍ ଏନାଆଁ ଜିକେଏ କିଆଦୁ, ଏନିକ୍ ମୀ ତାୟି ପୁଟି କିହାନା ପାପୁତି ପାନ୍ଦାତା ରିଅସି । ୧୪ ପ୍ରବୁ ଜୀସୁ ତାଣାଟି ପୁଞ୍ଜାନା ସାତା ତଲେ ଖେସିମାଞ୍ଜାକ୍,

୧୪:୧ ୧୪:୧ କଲସି ୨:୧୭ ୧୪:୧୦ ୧୪:୧୦ ୨କର ୫:୧୦

ଏହି କାନ୍ଦି ତାନ୍ତ୍ରୀୟ ଲାଗେଏତାୟି ଆଏ । ସାମା ଆମ୍ବାଆସି ଏନି କାନ୍ଦିତି ଲାଗେଏତାୟି ଇଞ୍ଜି ଅଣ୍ଡପିନେସି, ଏଞ୍ଜାଣାକି ଏନି ଲାଗେଏତାୟି ଆନେ । ୧୫ ମୀରୁ ଏନି କାନ୍ଦି ତିନି ତାଣାଟି ର ତାୟି ଅଣ୍ଡପୁତା କସ୍ତ ହାହିମାଞ୍ଜେରି, ଆତିହ୍ ଏଞ୍ଜାଣାକି ମୀରୁ ଜୀଞ୍ଜନସ୍ତୁତା ତାକି ହିଲଅତେରି, ଆମିନି ତାୟି ତାକି କ୍ରୀସ୍ତ ହାଡେସି, ଏ କାନ୍ଦି ତାକି ଏଞ୍ଜାଣାକି ଲାଗେଏ କିଆଦୁ । ୧୬ ମୀରୁ ଏନାଆଁ ନେହାୟି ଇଞ୍ଜି ଅଣ୍ଡପିମାଞ୍ଜେରି, ଏଦାଆଁତାକି ମୀରୁ ଲାଗେଏତାତେରି ଆଆଦୁ; ୧୭ ମାହାପୁରୁତି ରାକି ତିନାୟି ଉନାୟି ଆଏ । ସାମା ଏନି ଦାମ୍ନୁ, ହିଡ଼ି ଇଞ୍ଜି ସୁଦୁଜୀଞ୍ଜୁ ହାତି ରାହାଁଗାଟାୟି । ୧୮ ଆମ୍ବାଆସି ଇଲେକିହ୍ କ୍ରୀସ୍ତତି ସେବା କିନେସି; ଏଞ୍ଜାସି ମାହାପୁରୁ ନକିତା ନେହାଁସି ଇଞ୍ଜି ମାଣ୍ଡସିୟାଁ ନକିତି ତାୟିପାରିତା ଜାଣା ଆଡ଼ାସି ତଞ୍ଜାଆନେସି । ୧୯ ଏଦାଆଁତାକି ଖାଦୁ, ଏନା ଏନାୟି ହିଡ଼ି ଗାଟାୟି, ଅଡ଼େ ଏନା ଏନାଆଁତଲେ ରଅସି ରଅଣାକି ବାସ୍ତୁ ହୀନେସି, ଏ ବାରେତି ମୀରୁ ଅଣ୍ଡପିନ ୨୦ ଏ ଉଜେଏତି କାନ୍ଦି ତାକି ମାହାପୁରୁତି କାମାକି ନାସ୍ତି କିଆଦୁ, ବାରେଏ ସୁଦୁ କିଞ୍ଜିଆହାମାନେ, ସାମା ଏନି କାନ୍ଦି ତିନି ତାଣାଟି ମୀରୁ ଏବ୍ବକା ଲକ୍ଷ୍ମଣି କସ୍ତ ହାହିମାଞ୍ଜେରି, ଆତିହ୍ ଏ କାନ୍ଦି ତିନାଆଦୁ । ୨୧ ମୀରୁ ଉଜ୍ଜା ତିନାୟି, ଅଜ୍ଜୁରି ରାସା ଗହନି ତାଣାଟି ମୀ ତାୟିକି କସ୍ତ ଆହିମାଟିସାରେ ତିନି ଉନି ତାଣାଟି ହେକ ଆନାୟି ନେହେଁ । ୨୨ ମୀ ଏମିନି ନାମ୍ନୁ ମାନେ, ଏଦାଆଁ ମୀରୁ ମୀ ହିୟାତା ମାହାପୁରୁକି ନକିତା ଇଗାଦୁ, ଆମ୍ବାଆସି ଏନାଆଁ ନେହାୟି ଇଞ୍ଜି ଅଣ୍ଡପିନେସି, ଏଞ୍ଜାସି ଏମ୍ବାଆଁ ତାଜେ ଦହଗାଟାସି କିଅସି, ଆତିହ୍ ଏଞ୍ଜାସି ନେହାଁସି । ୨୩ ସାମା ଆମ୍ବାଆସି ଆନାମାନା ଆହାନା ରାନ୍ଦା ତିନେସି, ଏଞ୍ଜାସି ମାହାପୁରୁ ନକିତା ଦହଗାଟାସି ଆନେସି, ଇତିହ୍ ଏଞ୍ଜାସି ନାମ୍ନୁତଲେ ତିଞ୍ଜା ହିଲଅସି; ଅଡ଼େ ଏନାୟି ନାମ୍ନୁତଲେ ଆଏ, ଏନି ପାପୁ ।

୧୫

ଏବ୍ବକା ଲକ୍ଷ୍ମଣି ରାହାଁ କିଦୁ

୧ ମୀରୁ ନାମ୍ନୁତା ଆବ୍ବଞ୍ଜା ଗାଟାତାୟି, ବାଡ଼ୁୟ ହିଲାଆଗାଟି ଲକ୍ଷ୍ମଣି ମୀରୁ ସାସା ହୀନାୟି ମାନେ, ଆମ୍ବାଆସି ଜିକେଏ ଜାହାରାକି ରାହାଁ କିହାଲି ଅଣ୍ଡପାଆପେସି । ୨ ସାମା ଏବ୍ବକା ଲକ୍ଷ୍ମଣି ନେହେଁତାକି ଇଞ୍ଜି ଏଞ୍ଜାରି ନାମ୍ନୁତି ଆବ୍ବଞ୍ଜା କିହାଲିତାକି ଏଞ୍ଜାରିକି ରାହାଁତଲେ ଇତିନାୟି ମା କାମା । ୩ କ୍ରୀସ୍ତ ଜିକେଏ ତାନି ସୁକୁ ତାକି ଏନାଆଁ କିହି ହିଲାଆତେସି; ସାମା ସାସ୍ତେରିତା ରାସ୍ତି ଆହାମାନି ଲେହେଁ, “ମିଜେ ନିନ୍ଦା କିୟାତାରା ନିନ୍ଦା ନା ମୁହେଁ ଖାଡେ ।” ୪ ସାସ୍ତେରିତି ଜାପ୍ନାଲ ବାରେ ମା ନେହେଁତାକି ଲଡ଼ା ଆଦୁ । ବାସ୍ତୁ ତଲେ ତାରିଆହାଁ ଡ଼ୟାଲି ତାକି ସାସ୍ତେରି ମାଜେ ସାସା ଇଞ୍ଜି ରାହାଁ ହାହିମାଞ୍ଜାନେ । ୫ ଆବ୍ବଞ୍ଜା ଅଡ଼େ ଦୁକୁ ତୁକ୍ତହାନି ମାହାପୁରୁ ମିଜେ କ୍ରୀସ୍ତ ଜୀସ୍ତୁତି ମାଣିକି ତଲେ ବାରେତେରି ମିଜେ ରଣ୍ଡିଏ ମନ୍ନ ଆହାଲି ହିୟାପେସି, ୬ ବାରେଜାଣା ଆଣ୍ଡି ଆହାନା ରଣ୍ଡିଏ ହିୟାଁ ରଣ୍ଡିଏ ଗୁଡି ତଲେ ପ୍ରବୁ ଜୀସ୍ତୁ କ୍ରୀସ୍ତ ଆବା ମାହାପୁରୁତି ଜହରା କିତେରି ।

ଜୀହୁଦି ଇଞ୍ଜି ଜୀହୁଦିଆଆତି ଲକ୍ଷ୍ମଣାକି ନେହ୍ କାବୁ

୭ ମାହାପୁରୁତି ଗାଞ୍ଜୁରି ତାକି କ୍ରୀସ୍ତ ଏନିକିହ୍ ମିଜେ ଆବା ମାଞ୍ଜାନେସି, ମୀରୁ ଜିକେଏ ଏଲେକିହ୍ ରଅତେରି ରଅଣାକି ଆବାଦୁ । ୮ ଇତିହ୍ ନାଦୁ ଏଲେ ଇଞ୍ଜିମାକି, କ୍ରୀସ୍ତ ମାହାପୁରୁତି ସାତା ତାକି ତଲୁ ଦାପି ଆଡି ଲକ୍ଷ୍ମଣି ସେବା କିନାସି କିଞ୍ଜିଆହା ମାଚେସି, ଏନିକି ଏଞ୍ଜାସି ଆକୁ ଆବାୟାକି ଆଞ୍ଜାନା ହାହାମାନାଣି ତୀରି କିନେସି, ୯ ଅଡ଼େ ମାହାପୁରୁତି କାର୍ମାମେହନାଣି ତାକି ଜୀହୁଦିଆଆତି ଲକ୍ଷ୍ମଣି ଜିକେଏ ଏଞ୍ଜାଣି ଗାଞ୍ଜୁରିମି କିନେରି; ଇ କାତା ସାସ୍ତେରିତା ରାସ୍ତି ଆହାମାନେ; “ଇଦାଆଁତାକି ଜୀହୁଦିଆଆତି ଲକ୍ଷ୍ମଣାଣା ନୀ ଜହରା କିଇଁ, ବାରେଦିନା ନୀ ପାବୁ ପାଡ଼ିଇଁ ।”

୧୦ ଅଡ଼େ ଜିକେଏ ଏଲେଈଞ୍ଜି ମାନେସି,
 “ଜୀହୁଦିଆଆତି ଲକ୍ଷ୍ମଣି ମାହାପୁରୁତି ଲକ୍ଷ୍ମଣିକି ଦୁ !”

୧୧ ଅଡ଼େ ଜିକେଏ,
 “ଜୀହୁଦିଆଆତି ଲକ୍ଷ୍ମଣି ବାରେ ପ୍ରବୁକି ଜହରା କିଦୁ,
 ଅଡ଼େ ବାରେ ଲକ୍ଷ୍ମଣି ଏଞ୍ଜାଣି ପାବୁ ପାଡ଼ାପେରି !”

୧୨ ଅଡ଼େ ଖେଣ୍ଡେ ଜିସାୟ ଖେସାମାନେସି,
 “ଜିସି କୁଡାଟି ରଅସି ତଞ୍ଜାଆନେସି,
 ଏଞ୍ଜାସି ଜୀହୁଦିଆଆତି ଲକ୍ଷ୍ମଣି ସାଲ୍ଡି କିନେସି

ଇଞ୍ଜାଁ ଜୀହୁଦିଆଆତାରି ଏଞ୍ଜାଣି ତାଣା ବାସୁଁ ଇଚିନେରି ।”

୧୩ ବାରେ ବାସୁଁଗାଟି, ମାହାପୁରୁ ମୀ ନାମୁ ତାକି ମିଙ୍ଗେ ରାହାଁ ଇଞ୍ଜାଁ ହିଡ଼ଡ଼ି ହିୟାପେସି । ଏନିକିଁ ସୁଦୁଜୀଞ୍ଜୁତି ବାଡ଼ୁତୁ ତଲେ ମୀ ବାସୁଁ ପାତାଆନେ ।

ଜୀହୁଦିଆଆତି ଲକୁତାଣା ପାଞ୍ଜୁଲତି ସେବା

୧୪ ତାୟି ତାଜିସ୍ତାତେରି, ମୀରୁ ବାରେ ନେହଁ ଗୁଣୁ, ଏନିକିହଁ ବାରେ ବୁଦିତଲେ ଇଞ୍ଜାଁ ରଅତେରି ରଅଣାଈଁ ଜାପୁହାଲି ତାକି ଆଡ଼ିଦେରି ନା ନାମୁ ମାନେ । ୧୫ ଆଡ଼ିଜିକେଏ ମାହାପୁରୁ ହାହାମାଞ୍ଜାନି କାର୍ମାତି ବାଡ଼ୁତୁଟି ନାମୁ ମିଙ୍ଗେ ଅଣ୍ଡାପି କିହାଲି ହାରେକା ସାସାତଲେ ମୀ ତାଣା ଇ ଆକୁ ରାଡ଼ିମାଞ୍ଜାଈଁ । ୧୬ ଏନାଆଁତାକି ଇଚିହଁ କ୍ରୀସ୍ତ ଜୀସୁତି ହରେଲଏଣା ଲେହେଁ ଜୀହୁଦିଆଆତି ଲକୁତାକି କାମା କିହାଲି ମାହାପୁରୁ ନାଙ୍ଗେ ପାରୁ ହାହାମାଞ୍ଜାନେସି । ମାହାପୁରୁତି ନେହଁ କାରୁ ଝେକହାଲି ତାକି ନାମୁ ର ପୁଜେରାତି କାମା କିହିମାଈଁ । ଜୀହୁଦିଆଆତି ଲକୁ ସୁଦୁଜୀଞ୍ଜୁ ତଲେ ହେବପିଆଡ଼ି ଲେହେଁ ମାହାପୁରୁ ତାଣା ଆବିନାରି ଆଡ଼େରି, ଇଦି ନା ଅଣ୍ଡାପୁ । ୧୭ କ୍ରୀସ୍ତ ଜୀସୁତଲେ ଆଣ୍ଡାନା ମାହାପୁରୁ ତାକି ଇ ସେବା କାମା କିହାମାନାକି ନାମୁ ବତପଣ ଆହିମାଈଁ । ୧୮ ଇଚିହଁ ଜୀହୁଦିଆଆତି ମାହାପୁରୁ ତାଣା ତାଗାଲି କ୍ରୀସ୍ତ ନା ତାଣାଟି ବଲୁତା ଅଡ଼େ କାମାତା ଇଚିହଁ ହାରେକା ସିନାୟାଁ କାବାଆନି କାମାୟାଁ ତଲେ, ସୁଦୁଜୀଞ୍ଜୁତି ବାଡ଼ୁତୁଟି ଏନା ଏନାଆଁ କିହାହିଲଅସି, ଇଲେଚି ଏନି କାମା କିହାଲି ସାସା କିହାହିଲଅଁ । ୧୯ ସିନା ଅଡ଼େ କାବାଆନି କାମାତି ବାଡ଼ୁତୁଟି ଅଡ଼େ ମାହାପୁରୁ ସୁଦୁଜୀଞ୍ଜୁତି ବାଡ଼ୁତୁଟି ନା ତାଣାଟି କିହାମାନେସି । ଏନିକିଁ ନାମୁ ଜିରୁସାଲମ ଟଟ ସାରିଝାକି ଇଞ୍ଜାଁ ଇଲୁରିକମ ପାତେକା କ୍ରୀସ୍ତତି ନେହଁ କାରୁ ଝେକହାମାଈଁ । ୨୦ ଆମ୍ବିୟା ଲକୁ କ୍ରୀସ୍ତତି କାତା ଖେଞ୍ଜାହିଲଅରି, ଏମ୍ବାଆଁ ଏଞ୍ଜାଣି ବଲୁ ଝେକହାଲି ନା ଅଣ୍ଡାପୁ, ଏନାଆଁତାକି ଇଚିହଁ ଏଟକାତି ଲକୁ କିହାମାନି ପୁନାଦି ଲାକ ଇଲୁ କିହାଲି ନାମୁ ଅଣ୍ଡାପି ହିଲଅଁ । ୨୧ ସାବ୍ସେରିତା ଏନିକିହଁ ରାସ୍ତକି ଆହାମାନେ;

“ଆମିନି ଗାଗାରି ଏଞ୍ଜାଣି ବଲୁ ବେଟାଆହା ହିଲଅରି,

ଏଞ୍ଜାରି ମେହ୍ନେନେରି; ଆମ୍ବାଆରି ଖେଞ୍ଜାହିଲଅରି, ଏଞ୍ଜାରି ତେଲୁହିନେରି ।”

ରମ୍ବତା ହାଜାଲି ପାଞ୍ଜୁଲତି ଅଣ୍ଡପୁ

୨୨ ହାରେକା ଦେବା ମୀ ତାଣା ଖାହାଲି ତାକି ନା ଅଣ୍ଡପୁ ରଜେଏତାୟି ଆଡେ । ୨୩ ସାମା ଇ ରାଜିତା ନା ସେବା କାମା ରାହାମାନେ ଅଡ଼େ ନା ଆସା, ମିଙ୍ଗେ ମେସାଲି ତାକି ନା ହାରେକା ବାସାତି ଅଣ୍ଡପୁ ନାଏଁ ପୁରା ଆନେ । ୨୪ ନାମୁ ସ୍ତେନ୍ ଦେସା ହାନିବେଲତା ମୀ ତାଣା ଖାଈଁ; ଇଚିହଁ ଜିରୁତା ମୀ ତଲେ ତଲିଏ ଆଣ୍ଡାନା କାତା ଆହାଁ ଏଚରଦିନା ଡ଼ୟିତି ତାୟୁ ଏ ଟାୟୁତା ହାଜାଲି ଜିରୁତା ଇଚିଝାୟାଦେରି ଇଞ୍ଜାଁ ଆସା କିହିମାଈଁ । ୨୫ ନାଏଁ ମାହାପୁରୁ ଲକୁତି ସେବା କିହାଲି ନାମୁ ଜିରୁସାଲମତା ହାଜିମାଈଁ । ୨୬ ଜିରୁସାଲମତା ମାହାପୁରୁ ଲକୁ, ଆମ୍ବାଆରି ହିଲଆ ଗାଗାରି ମାନେରି, ଏଞ୍ଜାରି ତାକି ମାକିଦନିୟା ଅଡ଼େ ଆକାୟାତି କୁଲମିକା ଆଣ୍ଡାଲି ତାରୁୟାଁ କୁଡ଼ିକିହାଲି ତାରି କିହାମାନେରି । ୨୭ ହାଅ ଏଞ୍ଜାରି ଏଦାଆଁ ନେହେଁ ଅଣ୍ଡାପା ମାନେରି ସାତା, ଆତିହଁ ଏଞ୍ଜାରି ଏଞ୍ଜାରିତାଣା ରାଣା ଜିକେଏ ଆହାମାନେରି; ଜୀହୁଦିଆଆତାରି ଏଞ୍ଜାରି ଦାମୁତି ଜୀଞ୍ଜୁତା ଆଣ୍ଡାମାନେରି ଇଚିହଁ, ଏଞ୍ଜାରି ଦାରୁଡ଼ିତି କାମାତା ଜିକେଏ ସେବା କିହାଲି ରାଣା ଆହାମାନେରି । ୨୮ ଜିରୁସାଲମତା ଏ ତାରୁୟାଁ ଲକୁକି ହାହାନା ନା କାମା ରାପୁହି ତାୟୁ, ନାମୁ ସ୍ତେନ୍ ଦେସାତା ହାନାଟି ଏ ଜିରୁଟିଏ ମିଙ୍ଗେ ବେଟି ଖାଈଁ । ୨୯ ନାମୁ ପୁଞ୍ଜାମାଈଁ, କ୍ରୀସ୍ତ ତାଣାଟି ହାରେପୁରେ ବର ବେଟାଆହାନା ନାମୁ ମୀ ତାଣା ଖାଈଁ ।

୩୦ ଜୀଞ୍ଜୁତି ତାୟି ତାଜି, ନାମୁ ମା ପ୍ରବୁ ଜୀସୁ କ୍ରୀସ୍ତ ଦରୁତଲେ ଇଞ୍ଜାଁ ସୁଦୁଜୀଞ୍ଜୁ ହାହାମାଞ୍ଜାନି ଜୀଞ୍ଜୁ ନନାଣି ତାକି ମିଙ୍ଗେ ବାଡ଼ିମାଲିମାଞ୍ଜାଈଁ, ନାଙ୍ଗେ ତାକି ମାହାପୁରୁ ତାଣା ରଣ୍ଡିଏ ଅଣ୍ଡପୁ ତଲେ ପ୍ରାତାନା କିଦୁ । ୩୧ ନାମୁ ଜୀହୁଦା ଦେସାତି ନାମାଆତି ଲକୁ ତାଣାଟି ଏନିକିହଁ ଗେଲପି ଆଈଁ ଇଞ୍ଜାଁ ଜିରୁସାଲମତା ନା ଏମିନି ସେବା କାମା, ଏଦିଏମ୍ବାଆଁ ମାହାପୁରୁ ଲକୁ ଅପିନେରି, ଏଦାଆଁତାକି ପ୍ରାତାନା କିହେମାଞ୍ଜୁ । ୩୨ ମାହାପୁରୁ ଅଣ୍ଡପୁ ତଲେ, ନାମୁ ମୀ ତାଣା ହାରେକା ରାହାଁତଲେ ଖାଈଁ ଇଞ୍ଜାଁ ମୀ ତଲେ ଏଚରଦିନା ପାତେକା ଡ଼ୟାନା ନା ହିୟାଁତା ରାହାଁ ବେଟାଆଈଁ । ୩୩ ବାରେ ହିଡ଼ଡ଼ି ହିୟାନି ମାହାପୁରୁ ମୀ ତଲେ ମାଣ୍ଡମ୍ବେସି । ଆମେନ ।



ପାଞ୍ଚୁଲତି ଜହରା

୧ କେଲେ ଯା କୁଲମିତା ସେବା କାମା କିହିମାନି ମା ତାଜି ପୟିବିଇଁ ମୀ ତାଣା ପାଣ୍ଡିମାଞ୍ଜାଇଁ, ୨ ପ୍ରବୁତି ଦରୁତଲେ ଏଦାନି ଆବାଦୁ, ମାହାପୁରୁ ଲକୁ ଲେହେଁ ଲେମ୍ବାଦୁ । ତାନି ଲଡ଼ାମାନି ଲେହେଁ ସାଢ଼େମି କିଦୁ । ଏଦି ନାଜେତାକି ଅଡ଼େ ହାରେକା ଲକୁତି ସାଢ଼େମି ତଡ଼ୁ ।

୩ *କ୍ରାସ୍ତ ଜାସୁତି ସେବା କାମାତା ନା ତଲେ କାମା କିହିମାନି ପ୍ରିୟିଲା ଇଞ୍ଜା ଆକ୍ଠିଲାଇଁ ନା ଜହରା ଷେହ୍ନୁ । ୪ ଏ ଲକୁ ନା ତାକି ତାନି ଜାସୁତା କସ୍ତୁ ଆହାମାନେ । ଖାରଇ ନାନୁ ଆଏ, ବାରେ ଜାହୁଦିଆଆତି କୁଲମି ତାନି ତାଣା ଜହରା । ୫ ଏ ଲକୁତି ଇଜ ରୁଣ୍ଡା ଅହିମାନି କୁଲମିତି ଲକୁଣି ଜିକେଏ ନା ଜହରା ଷେସିମାଇଁ । ନା ଜାସୁତି ତଡ଼ୁ ଏପାୟିନେତଇଁ ନା ଜହରା ଷେହ୍ନୁ । ଆସିୟା ଦେସାତି ଏଞ୍ଜାରି ରଅସି ମୂଲୁଏ କ୍ରାସ୍ତଇଁ ନାନିତାସି । ୬ ମା ନେହେତାକି ଜମାଆନା କାମା କିହିମାନି ମରିୟମଇଁ ନା ଜହରା । ୭ ଆହୁନିକ ଇଞ୍ଜା ଜୁନିୟାଇଁ ନା ଜହରା । ଇ ରିଆରି ଜାହୁଦିୟାଁ ନା ତଲେ କାୟିଦି ଲକୁତା ମାତେରି । ନା ନକେଏ କ୍ରାସ୍ତଇଁ ନାମା ମାତେରି ଇଞ୍ଜା ପାଣ୍ଡିଆଡ଼ି ସାସୁ ତାଣାଟି ଏଞ୍ଜାରି ପୁଣ୍ଡି ଆଡ଼ାରି ।

୮ ପ୍ରବୁ ତାଣା ନା ଜାସୁତି ତଡ଼ୁ ଆୟିଲାତଇଁ ଜହରା । ୯ କ୍ରାସ୍ତତି ସେବା କାମାତା ନାଜେ ସାଢ଼େମି କିହିମାଞ୍ଜାନି ଉର୍ବାନ ଇଞ୍ଜା ଜାସୁତି ତଡ଼ୁ ସ୍ତାକିୟଇଁ ଜିକେଏ ନା ଜହରା । ୧୦ କ୍ରାସ୍ତତି ମାନି ତଲେ କାମା କିନି ଆପେଲା ଇଞ୍ଜା ଆରିସ୍ତୁଲ କୁଟମିତି ବାରେ ଜାଣାଇଁ ନା ଜହରା ଷେହ୍ନୁ । ୧୧ ନା କୁଡ଼ାତି ହେରଦିୟନ ଇଞ୍ଜା ନାକିଏ କୁଟମିତି କ୍ରାସ୍ତତି ତାୟିୟାଣି ଜିକେଏ ନା ଜହରା ।

୧୨ ପ୍ରବୁତି ସେବା କାମାତା ମାନି ତ୍ରିପେନା ଇଞ୍ଜା ତ୍ରିପସାଇଁ ଇଞ୍ଜା ପ୍ରବୁ ତାକି ହାରେକା କାମା କିହିମାନି ଜାସୁତି ପସିସଇଁ ନା ଜହରା । ୧୩ *ପ୍ରବୁ ଆଡ଼ାମାନି ରୁପସ ଇଞ୍ଜା ନା ତାଲି ଲେହେଁତି ତାନି ଇୟାନି ଜିକେଏ ନା ଜହରା । ୧୪ ଅସୁକ୍ତିତ, ପ୍ଲେଗନ, ହମିସ, ପାତ୍ରବା, ହମିସ ଇଞ୍ଜା ଏଞ୍ଜାରିତଲେ ମାନି ବାରେ କ୍ରାସ୍ତଇଁ ନାନିମାନି ତାୟି ତାଲିଇଁ ଜହରା ଷେହ୍ନୁ । ୧୫ ପିଲଲଗ ଇଞ୍ଜା ଜୁଲିୟା, ନିରୁସ୍ ଇଞ୍ଜା ତାନି ତାଜି ଅଡ଼େ ଅଲୁମ୍ପୀ ଅଡ଼େ ଏଞ୍ଜାରିତଲେ ମାନି ବାରେ ମାହାପୁରୁ ଲକୁଣି ନା ଜହରା ଷେହ୍ନୁ ।

୧୬ ସୁବୁ ହିୟାଁ ତଲେ ନଶ୍ଠି ଆହାନା ଜହରା ଷେହ୍ନୁ । କ୍ରାସ୍ତତି ବାରେ କୁଲମିକା ମିଜେ ଜହରା କିହିମାଞ୍ଜାନୁ ।

ପାଞ୍ଚୁଲତି ରାନି ବେଲାତି ବଲୁ

୧୭ ତାୟି ତାଜିସ୍ତାତେରି, ମୀରୁ ଆମିନି କାତା ଜାପାମାଞ୍ଜେରି, ଏ କାତାତି ପିସାନା ଗତି ଗତି କିନାସି ଅଡ଼େ ଲାଗେଏ କିୟାନେସି ଏଞ୍ଜାରାଇଁ ପୁଞ୍ଜା ତୟାଦୁ, ଏଞ୍ଜାରି ତାଣାଟି ଏଟକା ଆୟାଲି ନାନୁ ବାଡ଼ିମାଲିମାଞ୍ଜାଇଁ । ୧୮ ଇତିହଁ ଇଲେତି ଲକୁ ମା ପ୍ରବୁ କ୍ରାସ୍ତତି ହଲିୟାଙ୍ଗା ଆଏ, ସାମା ତାନି ବାଣ୍ଡିତି ହଲିୟାଙ୍ଗା ଆହାମାନେରି, ଅଡ଼େ ସୁଞ୍ଜାଲା ହାଡ଼ାତଲେ ଲକୁ ମନତି ନାଡ଼ି କିନେରି । ୧୯ ନେହଁ ବଲୁ ତାକି ମୀ ତୀରୁପୁ କାମା ବାରେ ଲକୁ ଷେଞ୍ଜାମାନେରି, ଇଦାଆତାକି ନାନୁ ହାରେକା ରାହାଁ । ନାନୁ ଅଣପିମାଇଁ, ମୀରୁ ସାତା କାତାତା ବୁଦି ଗାଟାତେରି ଆଦୁ ଇଞ୍ଜା ଉଜେଏତି କାତାତା ଆଣ୍ଡାଆଦୁ । ୨୦ ଆତିହଁ ହିଡ଼ଡ଼ି ହିୟାନି ମାହାପୁରୁ ତବେ ସୟତାନଇଁ ମୀ କଡ଼ାଁ ତୁଇ କିନେସି । ମା ପ୍ରବୁ ଜାସୁତି କାର୍ମାମେହ୍ନାୟି ମୀ ତଲେ ମାଣ୍ଡେଁ ।

୨୧ *ନା ତଲେ କାମା କିହିମାନି ତିମତି ଇଞ୍ଜା ମା ଜାହୁଦି ତାୟିୟାଁ ଲୁକିୟ, ଜାସନ ଇଞ୍ଜା ସସିପାତ୍ର ମିଜେ ଜହରା କିହିମାଞ୍ଜାନେରି ।

୨୨ ଇ ଆକୁ ରାଡ଼ାମାନି ତତୟ, ପ୍ରବୁତି ଦରୁତଲେ ମିଜେ ଜହରା କିହିମାଞ୍ଜାଇଁ ।

୨୩ *ନାଜେ ଅଡ଼େ କୁଲମିତି ସେବା କିନି ଗାୟସ ମିଜେ ଜହରା କିହିମାଞ୍ଜାନେସି, ଅଡ଼େ ଇ ଗାଡ଼ାତି ଗୁମୁସ୍ତା ଏରାସ୍ତ ଇଞ୍ଜା ତାୟି କ୍ଠାଡ଼ି ଜିକେଏ ମିଜେ ଜହରା କିହିମାଞ୍ଜାନେରି ।

୨୪ ପ୍ରବୁ ଜାସୁତି କାର୍ମାମେହ୍ନାୟି ମୀ ବାରେ ଜାଣାକି ଆପେ ।

ପ୍ରାତାନା ଇଞ୍ଜା ଜହରା ତଲେ ଆକୁ ରାପୁନାୟି

୨୫ ଖାଦୁ, ମାର ମାହାପୁରୁତି ଗାଧୁରମି କିନ । ନାନୁ ଷେକ୍ଠାମାନି ଜାସୁ କ୍ରାସ୍ତତି ନେହଁ ବଲୁ ଇଞ୍ଜା ତଲି କାଲାରିଏ ତ୍ରୁମାମାନି ସାତା ଲେହେଁ ମୀ ନାନୁ ତୀରିକିହାଁ ଇଗାଲି ମାହାପୁରୁ ଆଡ଼ିନେସି । ୨୬ ଏ ତ୍ରୁମାମାନି

* ୧୭:୩ ୧୭:୩ କାମା ୧୮:୨ * ୧୭:୧୩ ୧୭:୧୩ ମାର୍କି ୧୫:୨୧ * ୧୭:୨୧ ୧୭:୨୧ କାମା ୧୭:୧ * ୧୭:୨୩ ୧୭:୨୩ କାମା ୧୯:୨୯; ୧କର ୧:୧୪; ୨ତିମ ୪:୨୦

ସାତା ମାହାପୁରୁ ଅଣପୁତ୍ର ବଲୁ ଝେହ୍ନାରି ସାତ୍ତ୍ୱରିତା ରାୟକି ଆହାମାନେ ଅତେ ଏହି ନୀର୍ବ୍ୟ କାଳାକାଳାତି ପ୍ରବୁ ମାହାପୁରୁ ତାଣାଟି ବାରେ କୃତା ବିତ୍ତା ଝେପକି ଆହିମାନେ । ଛଦାଆଁ ତଲେ ବାରେଜାଣା ନାମାନା ମାହାପୁରୁଇଁ ମାନି କିହାଲି ଆଡ଼ିନେରି ।

^{୨୭} ବାରେ କାତା ପୁନି ମାହାପୁରୁ ପ୍ରବୁ ଜୀସୁ ତାଣା କାଳାକାଳା ତାକି ଗାଝୁରମି ବେଟାଆଡ଼ପସି । ଆଟେନନ୍

|

କରନ୍ତି ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପ୍ରଥମ ପତ୍ର କରନ୍ତି କୁଲମିତାକି ପାଞ୍ଚଲ ରାଫାମାନି ର ଲମ୍ବର ଆକୁ ମୂଳୁ ହାଡ଼ା

କରନ୍ତି କୁଲମିତି ର ଲମ୍ବର ଆକୁ ପାଣ୍ଡୁଆହାମାନି ପାଞ୍ଚଲ ତାଣାଟି ଜୀସୁ କ୍ରୀସ୍ତତି ଜାର୍ନାତି ୫୫ ବାର୍ଷା ଜେତ ରାସ୍ତକି ଆହାମାତେ ୧:୧ । ପାଞ୍ଚଲ ତାଣାଟି ରାସ୍ତକି ଆହାମାନି ଜଡେକା ଆକା ବିତ୍ରାଟି ଛଦି ଆହିମାନେ ର ଲମ୍ବର ଆକୁ । ଏଞ୍ଜାସି ଏପିସିୟତା ମାଟିବେଲତା ଛ ଆକୁ ରାଫା ମାଣ୍ଡିବେସି ୧୬:୫-୯ । ମାକିଦନିୟାଟି କରନ୍ତିତା ହାଜାଲି ମନ କିନି ନକେଏ ଛ ଆକୁ ରାଫାମାତେସି ।

ପାଞ୍ଚଲ ଛ ଆକୁତା କୁଲମି ଗତି ଗତି ଆନାୟି ଲାଗେଏତି କାମାଟି ଜୁପ୍ତକା ତଲେ ହାରେକା ପାପୁ କାମା ଆହିମାନାଣି କୁଲମିତି ଲକୁ ତାଣାଟି ଝେଞ୍ଜାନା ଝେଣ୍ଡେ ଝେସାଲି ମନ ହାହିମାନେସି । କରନ୍ତି ଗାଡ଼ା ଲାଗେଏ ପଲେଏ ପାପୁ କାମାୟା କିହିମାନାୟି ଝେଙ୍ଗାମାତେ । ଇଞ୍ଜା ଗାଡ଼ାତା ମାଟି କୁଲମି ହାରେକା କାଙ୍ଗାଲା ଆହିମାତେରି । ଏଦାଆଁ ଅଣପାନା ଏଞ୍ଜାରକି ତିନା ଉନାଣି, ବୀହା ଆନାଣି ଅଡେ କିନାଣି, ହାକି ଅଡେ ଝେଣ୍ଡେ ନିଜିନାଣି, ସାତା ଜୀଞ୍ଜନନାୟି ଏନାୟି ଛ ବାରେ କାତା ଆକୁତା ରାଫାନା ତସାମାନେସି ୧୩ ।

ପତିତା ମାନାୟି

- ୧. ଜହରା କିହାନା ପୁଣ୍ଡିକିନାୟି । ୧:୧-୯
- ୨. କୁଲମିକା ଗତି ଆନି କାତା ଜାପ୍ତନାୟି । ୧:୧୦-୪:୨୧
- ୩. ଲାଗେଏତି ପାପୁ କାମା ଅଡେ ଦାଞ୍ଜାକିନି କାତା । ୫:୧-୬:୨୦
- ୪. ବୀହା, ପେଣକା ବମାୟାଟି ବଗୁ, ଜାରୁ ଆହାନା ପ୍ରାତାନା, ସୁଦୁଜୀଞ୍ଜୁତି ଦାନା, ଇଞ୍ଜା ଝେଣ୍ଡେ ନିଜିନି କାତା । ୭:୧-୧୫:୫୮
- ୫. ଲେମ୍ବିନି କାତା, ଜାହାରା ଅଣପୁ ଇଞ୍ଜା ରାପ୍ତନାୟି । ୧୬

୧ ନାନୁ ପାଞ୍ଚଲ, ମାହାପୁରୁତି ମନତଲେ କ୍ରୀସ୍ତ ଜୀସୁ ତାଣାଟି ଆଚାନା ପାଣ୍ଡୁ ଆହାମାନାତେସି, ଅଡେ ମା ତାୟି ସସିନା ତଲେ, ୨ *କରନ୍ତି ଗାଡ଼ାତା ମାନି ମାହାପୁରୁ କୁଲମିତାକି ଛ ଆକୁ ରାଫିମାନେରି; ଆମିନି ବାରେଜାଣା ଏଞ୍ଜାରିତାଣା, ପ୍ରବୁ ଜୀସୁ କ୍ରୀସ୍ତ ଦରୁତଲେ ପ୍ରାତାନା କିହିମାନେରି, ଏଞ୍ଜାରିତଲେ କ୍ରୀସ୍ତ ଜୀସୁ ତାଣା ସୁଦୁ ଆହାନା ହାଟ୍ଟକି ଆହାମାନି ମାହାପୁରୁ ଲକୁତେରି ମୀରୁ ।

୩ ନିଜେତାକି ମା ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଅଡେ ହିଡ଼ି ଆପେ ।

କ୍ରୀସ୍ତ ତାଣାଟି ବର

୪ କ୍ରୀସ୍ତ ଜୀସୁ ତାଣାଟି ମିଜେ ହୀହାମାଞ୍ଜାନି ମାହାପୁରୁତି ଆମିନି କାର୍ମାମେହନାୟି, ଏଦାଆଁତାକି ନାନୁ କାଲେଏ ମିଜେତାକି ମାହାପୁରୁଇଁ ଜହରା କିହିମାଇଁ, ୫ ଏନାଆଁତାକି ଇତିହିଁ ଏଞ୍ଜାଣି ତାଣା ବାରେ କାତାତା, ହାରେକା କିହିଁ ବାରେଲେହେତି ଜାପ୍ତନି ତାଣା ଅଡେ ବାରେଲେହେତି ବୁଦିତା ମୀରୁ ଗାତି ବାଟକା ମାଞ୍ଜେରି; ୬ ଇଲେଆହିଁ କ୍ରୀସ୍ତସ୍ତ ସାକି ମୀ ତାଣା ତାରି ଆହାମାନେ । ୭ ଇଦାଆଁତାକି ମୀରୁ ମା ପ୍ରବୁ ଜୀସୁ କ୍ରୀସ୍ତସ୍ତ ତଞ୍ଜା ଆହାଲିତାକି କାପୁ କାଚାନା ଏନି କାର୍ମାଟି ଦାନାତା ଉଣା ଆହାହିଲଅଡେରି; ୮ ମା ପ୍ରବୁ ଜୀସୁ କ୍ରୀସ୍ତସ୍ତ ଦିନାତା ଏନିକିଁ ମୀରୁ ଦହ ହିଲଆଗାଗାତେରି ଆଡେରି, ଇଦାଆଁତାକି ଏଞ୍ଜାସି ମିଜେ ରାନ୍ଦି ଦିନା ପାତେକା ତାରିକିହା ଇଟାନେସି । ୯ ମାହାପୁରୁ ନାମୁଗାଟାସି, ଆମ୍ବାଆରି ତାଣାଟି ମୀରୁ ତାନି ନାନ୍ଦିଏସି ଜୀସୁ କ୍ରୀସ୍ତ, ମା ପ୍ରବୁ ତାଣା ଆଣ୍ଡିନାଣାକି ହାଟ୍ଟକି ଆହାମାଞ୍ଜେରି ।

ନାନିତି କୁଲମି ବିତ୍ରା ଗତି ଆନାୟି

୧୦ ଏ ତାୟିୟାଁ ଅଡେ ତାଙ୍ଗିସ୍ତାତେରି, ମା ପ୍ରବୁ ଜୀସୁ କ୍ରୀସ୍ତ ଦରୁତଲେ ନାନୁ ମିଜେ ବାତିମାଲିମାଞ୍ଜାଇଁ, ଏନିକିଁ ମୀରୁ ବାରେଜାଣା ତେରି ରଣ୍ଡିଏ କାତା ଜଲିଦେରି, ଅଡେ ମୀ ବିତ୍ରା ଗତି ଆଅଡେରି, ସାମା ମୀରୁ ରଣ୍ଡିଏ ମନ ରଣ୍ଡିଏ ଅଣପୁ ତଲେ କାଲ୍ଡି ଆଦୁ । ୧୧ ଇତିହିଁ, ଏ ନା ତାୟିୟାଁ ଅଡେ ତାଙ୍ଗିସ୍ତାତେରି, କୁଲିତି କୁଟମିତି ମୀ କାତା ନା ତାଣା ଛଦି ତଞ୍ଜା ଆହାମାନେ, ମୀ ବିତ୍ରା ଗଡ଼ହା ମାନେ । ୧୨ *ନାନୁ ଝେସ୍ତାନି କାତା

ଇଦି, ମୀ ବିଭାତି ଆମ୍ବା ଆମ୍ବାଆରି ଏଲେଇନେରି, ନାନୁ ପାଞ୍ଜୁଲ ଝାକି ତାତେଏ, ଇଞ୍ଜା ଆମ୍ବାଆରି ନାନୁ ଆପଲ ଝାକି ତାତେଏ, ନାନୁ କେପା ଝାକି ତାତେଏ ଅଡ଼େ ଏରରଜାଣା ନାନୁ କ୍ରୀସ୍ତ ଝାକି ତାତେଏ ଇଞ୍ଜା ମାନେରି । ୧୩ କ୍ରୀସ୍ତ ବାଗା ଆହାମାନେସି କି ? ମିଙ୍ଗେତାକି ପାଞ୍ଜୁଲ କି ପାସି ମୁଣ୍ଡାତା ହାହାମାନେସି ? ଆଆତ ମୀରୁ କି ପାଞ୍ଜୁଲ ଦରୁତଲେ ବାପ୍ତିସ୍ମ* ଅହାମାଞ୍ଜେରି ?

୧୪ ✨ ଇଦାଆଁତାକି କ୍ରିସ୍ତ ଅଡ଼େ ଗାୟ ପିସ୍ତପେ ମୀ ବିଭା ଆମ୍ବାଆରାଇଁ ଜିକେଏ ବାପ୍ତିସ୍ମ† ହାହାହିଲଅଁ ଇଞ୍ଜା ନାନୁ ମାହାପୁରୁଇଁ ଜହରା କିହିମାଇଁ, ୧୫ ଏଡ଼େତା ମୀରୁ ନୀ ଦରୁତଲେ ବାପ୍ତିସ୍ମ‡ ଅହାମାଇଁ ଇଞ୍ଜା ଆମ୍ବାଆରି ଏଲେଇଞ୍ଜଅରି । ୧୬ ✨ ଅଡ଼େ ସ୍ତ୍ରୀପାନତି କୁଟମିଇଁ ଜିକେଏ ବାପ୍ତିସ୍ମ§ ହାହାମାଇଁ; ଇଞ୍ଜାରି ପିସ୍ତପେ ନାନୁ ଅଡ଼େ ଆମ୍ବାଆରାଇଁ ବାପ୍ତିସ୍ମ* ହାହାମାଇଁ ଇଞ୍ଜା ନା ଅଣପୁତା ହିଲେଏ । ୧୭ ଇତିହଁ କ୍ରୀସ୍ତ ନାଙ୍ଗେ ବାପ୍ତିସ୍ମ† ହାହାଲିତାକି ପାଣ୍ଡାମାଞ୍ଜଅସି, ସାମା ନେହଁ କାରୁ ଝେସାଲି ପାଣ୍ଡାମାଞ୍ଜାନେସି; ଏଦି ଜିକେଏ ବଲୁତି ରାହାଁ କିନି ତାଣା ଆଏ, ଏଡ଼େତା ପାଟେ କ୍ରୀସ୍ତତି ପାସିମୁଣ୍ଡା ଉଜେଏ ଆନେ ।

କ୍ରୀସ୍ତ ମାହାପୁରୁତି ବାଡ଼ୁୟୁ ଅଡ଼େ ବୁଦି

୧୮ ଇତିହଁ ନାସା ଆହିମାନି ଲକ୍ଷ୍ମତାକି ପାସି ମୁଣ୍ଡାତି କାତା ଉଜେଏତାୟି, ସାମା ଗେଲ୍ପି ଆହିମାନି ମା, ବାରେଜାଣା ତାକି ଏଦି ମାହାପୁରୁତି ବାଡ଼ୁୟୁ । ୧୯ ଇଦାଆଁତାକି ରାସ୍ତକି ଆହାମାନେ,

“ନାନୁ ବୁଦିଗାଟାରି ବୁଦି ନାସଞ୍ଜି କିଇଁ,
ଅଡ଼େ ବୁଦିଗାଟାରି ବୁଦି ଅପଅଁ ।”

୨୦ ବୁଦିଗାଟାରି ଆମ୍ବିୟା ? ମେରା ଜାପୁନାରି ଆମ୍ବିୟା ? ଇ କୁଣୁତି କାତା କାଟଞ୍ଜିକିହାଁ ଝେହ୍ନନାରି ଆମ୍ବିୟା ? ମାହାପୁରୁ କି ଦାର୍ତତି ବୁଦିଇଁ ଉଜେଏତାୟି ଇଞ୍ଜା ଝେସାହିଲଅସି ?

୨୧ ଇତିହଁ ମାହାପୁରୁତି ବୁଦି ତଞ୍ଜାଆହାମାତି ଜିକେଏ ଦାରୁତି ଜାହାରା ବୁଦିତଲେ ମାହାପୁରୁଇଁ ପୁନାଆତାକି ମାମୁ ଝେକହାମାନି କାତା ଉଜେଏତାୟି, ଆଡିଜିକେଏ ନାମୁ ଗାଟାରାଇଁ ଗେଲ୍ପାଲିତାକି ମାହାପୁରୁ ଅଣପିତେସି । ୨୨ ଇତିହଁ ଜାହୁଦିକା ସିନା ପାରିନେରି, ସାମା ଗ୍ରିକ ଲକ୍ଷ୍ମ ବୁଦିତି ପାରିନେରି । ୨୩ ସାମା ମାମୁ ପାସି ମୁଣ୍ଡାତା ହାଡି କ୍ରୀସ୍ତତି କାତା ଝେକହି ମାନମି, ଏଞ୍ଜାସି ଜାହୁଦି ଲକ୍ଷ୍ମତାକି ସାତୁ ଲେହେଁତାସି ଅଡ଼େ ଜାହୁଦିଆଆତି ଲକ୍ଷ୍ମତାକି ବୁଦି ହିଲାଆଲେହେଁ । ୨୪ ସାମା ଜାହୁଦି ଆପାରି କି ଜାହୁଦିଆଆତାରି ଆପାରି, ଆମ୍ବାଆରି ହାଟୁକି ଆତାରି, ଏଞ୍ଜାସି କ୍ରୀସ୍ତ ମାହାପୁରୁତି ବାଡ଼ୁୟୁ ଅଡ଼େ ମାହାପୁରୁତି ବୁଦି ଲେହେଁ । ୨୫ ଇତିହଁ ମାହାପୁରୁତି ବୁଦି ହିଲାଆଗାଟାୟି ମାଣସିୟାଁତି ବୁଦି କିହାଁ ହାଡ଼େରକା ବୁଦି, ଅଡ଼େ ମାହାପୁରୁତି ଆଡାଆ ଗାଟାୟି ମାଣସିୟାଁତି ବାଡ଼ୁୟୁ କିହାଁ ହାଡ଼େରକା ବାଡ଼ୁୟୁ ଗାଟାୟି ।

୨୬ ଏ ତାୟିୟାଁ ଅଡ଼େ ତାଜିସ୍ତା ମିଙ୍ଗେ ହାଟାମାନି କାତା ଅଣପାପୁ, ଦାରୁତି ଲକ୍ଷ୍ମତି ଅଣପୁ ଲେହେଁ ହାଡ଼େରକା ବୁଦିଗାଟାରି, ହାଡ଼େରକା ବାଡ଼ୁୟୁ ଗାଟାରି, କି କାଜା କୁଡା ଗାଟାରି ହାଟୁକି ଆହାହିଲଅରି; ୨୭ ଏଦାଆଁତାକି ମାହାପୁରୁ ବୁଦି ଗାଟାରାଇଁ ଲାଜା କିହାଲିତାକି ଦାରୁତି ବୁଦି ହିଲାଆଗାଟାୟି ଆଡିତେସି, ଅଡ଼େ ବାଡ଼ୁୟୁ ଗାଟାଣି ଲାଜା କିହାଲିତାକି ମାହାପୁରୁ ଦାରୁତି ବାଡ଼ୁୟୁ ହିଲାଆଗାଟାରାଇଁ ଆଡିତେସି । ୨୮ ଅଡ଼େ ଏନାୟି ଦାରୁତି ନକିତା ମାନି ଗାଟାୟି, ଏ ବାରେ ଉଜେଏ କିହାଲି, ମାହାପୁରୁ ଦାରୁତି ହାଣି, ଇଞ୍ଜା ଅପାଆଗାଟାଣି, ହାଅ, ମାନି ହିଲାଆଗାଟାଣି ଆଡିତେସି । ୨୯ ଅଡ଼େ ଏନାୟି ଦାରୁତି ନକିତା ମାନି ଗାଟାୟି, ଏ ବାରେତି ଉଜେଏ କିହାଲିତାକି ମାହାପୁରୁ ଦାରୁତି ଉଣା ଅଡ଼େ ଅପାଆଗାଟାଣି ହାଅ ଉଜେଏତାଣି ଆଡିତେସି । ୩୦ ସାମା ଏଞ୍ଜାଣି ତାକି ମୀରୁ କ୍ରୀସ୍ତ ଜୀସୁ ତାଣା ମାଞ୍ଜେରି, ଏଞ୍ଜାସି ମାହାପୁରୁ ତାଣାଟି ମାଙ୍ଗେତାକି ବୁଦି, ଇତିହଁ ଦାର୍ମୁଗାଟାସି, ସୁଦୁଗାଟାସି ଅଡ଼େ ଗେଲ୍ପିନି ଲେହେଁ ଆହାମାନେସି । ୩୧ ଇଦାଆଁତାକି, ଦାର୍ମୁପତିତା ରାସ୍ତକି ଆହାମାନେ, “ଆମ୍ବାଆସି ବତପଣ ଆନେସି, ଏଞ୍ଜାସି ମାହାପୁରୁ ତାଣା ବତପଣ ଆପାସି ।”

୨

ପାସି ମୁଣ୍ଡାତା କ୍ରୀସ୍ତ ହାଡି କାରୁ

* ୧:୩୩ ୧:୩୩ମୁଞ୍ଜିନାୟି ✨ ୧:୧୪ ୧:୧୪ କାମା ୧:୮; କାମା ୧:୨୯; ରମି ୧୬:୨୩ † ୧:୧୪ ୧:୧୪ମୁଞ୍ଜିନାୟି ‡ ୧:୧୫ ୧:୧୫ମୁଞ୍ଜିନାୟି ✨ ୧:୧୭ ୧:୧୭ ୧କର ୧୭:୧୫ § ୧:୧୭ ୧:୧୭ମୁଞ୍ଜିନାୟି * ୧:୧୭ ୧:୧୭ମୁଞ୍ଜିନାୟି † ୧:୧୭ ୧:୧୭ମୁଞ୍ଜିନାୟି

୧ ଏଦାଆଁତାକି ଏ ତାୟିୟାଁ ଅଡ଼େ ତାଜିୟାତେରି, ଏବେତା ନାନୁ ମୀ ତାଣା ହାଜାମାଚେଏଁ, ଏତିବେଲା ମାହାପୁରୁତି ତୁଗାମାନି ସାତା କାତାତି ଗାଡ଼ି ବୁଦି ଗାଗାରିଲେହେଁ ମୀ ତାଣା ଝେକହାମାଚେଏଁ ଏଲେକ ଆଏ । ୨ ଇଚିହଁ ଜୀସୁ କ୍ରୀସ୍ତ, ଇଚିହଁ ପାସି ମୁଣ୍ଡାତା ହାଡ଼ି ଜୀସୁ କ୍ରୀସ୍ତ ପିସପେ ମୀ ତାଣା ଅଡ଼େ ଏନାଆଁ ଜିକେଏ ପୁଞ୍ଜାଲି ଅଣପାଆଚେଏଁ । ୩ *ଅଡ଼େ, ନାନୁ ବାଡ଼ୁୟୁ ହିଲାଆନା, ଆଜି ଅଡ଼େ ତୀରୁଗି ତୀରୁଗିହଁ ମୀ ତାଣା ମାଚେଏଁ; ୪ ଇଦାଆଁତାକି ନା ଜାପୁନାୟି ଅଡ଼େ ଝେକନାୟି ମାଣସି ବୁଦିତି ନେହଁ ହାଡ଼ାଲେହେଁ ଆଆନା ମାହାପୁରୁତି ସୁଦୁଜୀଝୁତି ବାଡ଼ୁୟୁ ତସ୍ପି ଆହାମାନେ । ୫ ମୀ ନାନୁ ଏନିକଁ ମାଣସିୟାଁତି ବୁଦିତା ତୀରି ଆଆନା ମାହାପୁରୁତି ବାଡ଼ୁୟୁତା ତୀରି ଆନ୍ଦେ ।

ମାହାପୁରୁତି ବୁଦି

୬ ଆଡ଼ିଜିକେଏ ମାମୁ ସୁଦୁଜୀଝୁତା ପାତାଆନି ବୁଦିଗାତି ଲକ୍ଷ୍ମତାଣା ବୁଦିତିକାତା ଝେହନମି, ସାମା ଏଡ଼ି ଇ ଜୁଗୁତି ବୁଦି ଆଏ, ଅଡ଼େ ଇ ଜୁଗୁତି ଗାଡ଼େକା ତାକି ନାସା ଆନି ସାଲଝି କିନାରି ବାଡ଼ୁୟୁତି ହାରଝି କିନାରି ବୁଦି ଆଏ । ୭ ସାମା ନାନୁ ତୁଗାମାନି ଲେହେଁତି ମାହାପୁରୁତି ବୁଦିତିକାତା ଝେସିମାଲ୍; ଏ ଡ଼ଗୁମାନି ମାହାପୁରୁ ବୁଦି ମା ଗାଝୁରମି ତାକି ଦାରୁତିତି ଗାଡ଼ି ଆଆ ନକେଏ ଆଚାନା ଇଚିକି ଆହାମାଚେ । ୮ ଇ ଜୁଗୁତି ସାଲଝି କିନାରି ଜିକେଏ ଆମ୍ବାଆରି ଏଦାଆଁ ପୁଞ୍ଜାହିଲଅରି, ଏନାଆଁତାକି ଇଚିହଁ ଏଝାରି ଏଦାଆଁ ପୁଞ୍ଜାମାଚିହଁ ମା ଗାଝୁରମିଗାତି ପ୍ରବୁଇଁ କୁସତା ପାୟାଆଚେରିମା । ୯ ସାମା ଏନିକିହଁ ଦାମ୍ପୁପିତିତା ରାସ୍ତିକି ଆହାମାନେ,

“କାନୁ ଏମିନାଣି ମେସା ହିଲେଏ, କିୟଁ ଏମିନାଣି ଝେଞ୍ଜା ହିଲେଏ,
ଅଡ଼େ ମାଣସିୟାଁ ହିୟାଁତା ଏମିନାଣି ଅଣପା ହିଲଅରି,

ଏ ବାରେତି ମାହାପୁରୁ ତାଙ୍ଗେ ଜୀଝୁ ନନାରାକି କିହାମାନେସି ।”

୧୦ ସାମା ମାହାପୁରୁ ମାଙ୍ଗେତାକି ସୁଦୁଜୀଝୁ ତଲେ ବାରେ ତସାମାଞ୍ଜାନେସି; ଏନିକଁ ଏ ସୁଦୁଜୀଝୁ ବାରେ କାତା, ହାଅ, ମାହାପୁରୁତି ଡ଼ଗୁମାନି କାତା ଜିକେଏ ପାରିନେସି । ୧୧ ମାଣସିତି କାତା ବାରେ ମାଣସି ତାଣା ମାନି ଜୀଝୁ ପିସପେ ଅଡ଼େ ଆମ୍ବାଆସି ପୁନେସି ? ଏଲେକିହଁ ଏ ମାହାପୁରୁ କାତା ବାରେ ମାହାପୁରୁ ଜୀଝୁ ପିସପେ ଆମ୍ବାଆସି ପୁନଅସି । ୧୨ ଏନିକଁ ମାହାପୁରୁ ତାଣାତି ମାଙ୍ଗେ କାର୍ମାମେହନି ତାଣାତି ହାପକି ଆହାମାନି କାତା ବାରେ ମାର ପୁଞ୍ଜାଲି ଆଡ଼ିନାୟି, ଏଦାଆଁତାକି ମାର ଦାରୁତିତି ଜୀଝୁ ପୁଞ୍ଜାଆନା ମାହାପୁରୁତି ଜୀଝୁ ବେଟା ଆହାମାନାୟି ।

୧୩ ଏ ବାରେ କାତା ଜିକେଏ ମାର ମାଣସିତି ବୁଦିତି ଜାପାମାନି ବଲୁ ତଲେ ଝେସିହିଲାଆୟି, ସାମା ସୁଦୁଜୀଝୁତି କାତା ବାରେ ସୁଦୁଜୀଝୁତି କାତାତଲେ ତେଲ୍‌ହ କିହାନା ସୁଦୁଜୀଝୁ ତଲେ ଜାପାମାନି ବଲୁ ତଲେ ଝେସିମାନାୟି । ୧୪ ସାମା ଦାରୁତିତି ମାଣସି ମାହାପୁରୁତି ସୁଦୁଜୀଝୁତି କାତା ବାରେ ଅପଅସି, ଏନାଆଁତାକି ଇଚିହଁ ଏ ବାରେ ତାନି ନକିତା ଉଜେଏତାୟି, ଅଡ଼େ ଏଝାସି ଏ ବାରେତି ତେଲ୍‌ହାଲି ଆଡ଼ଅସି, ଇଚିହଁ ଏ ବାରେ ସୁଦୁଜୀଝୁ ତଲେ ନୀହାୟି କିଝିଆନ୍ଦେ । ୧୫ ସାମା ଆମ୍ବାଆରାକି ସୁଦୁଜୀଝୁ ମାନେ, ଏଝାସି ବାରେ କାତା ନେହଁ କଁ ଅଣପିନେସି, ଆଡ଼ିଜିକେଏ ଆମ୍ବାଆସି ଏଝାଣାଇଁ ଅଣପଅସି । ୧୬ ଏନାଆଁତାକି ଇଚିହଁ,

“ଆମ୍ବାଆସି ମାହାପୁରୁତି ଅଣପୁ ପୁଞ୍ଜାମାନେସି,

ଇଞ୍ଜା ଏଝାସି ଏଝାଣାଇଁ ଜାପୁହାଲି ଆଡ଼ିନେସି ?”

ସାମା ମାମୁ କ୍ରୀସ୍ତତି ମନ ବେଟା ଆହାମାନମି ।

୩

କୁଲମିତା ଗଡ଼ହା

୧ ଏ ନା ତାୟିୟାଁ ଅଡ଼େ ତାଜିୟାତେରି ନାନୁ ସୁଦୁଜୀଝୁ ବେଟାଆହାମାନି ଲକ୍ଷ୍ମଣି ଝେହନିଲେହେଁ ମିଙ୍ଗେ ଝେସାଲି ଆଡ଼ାଆଚେଏଁ, ସାମା ଆଜ୍ଞା ତଲେ ମାନି ଲକ୍ଷ୍ମ ଅଡ଼େ କ୍ରୀସ୍ତ ତାଣା ନାମ୍ପୁତି କକାରି ପଦାଁଣି ଝେହନିଲେହେଁ ମିଙ୍ଗେ ଝେସାଚେଏଁ । ୨ *ନାନୁ ମିଙ୍ଗେ ପାଲୁ ଉଚ୍ଚହାନା ଆବୁଝା ରାନ୍ଦା ହିୟାଆଚେଏଁ, ଏନାଆଁତାକି ଇଚିହଁ ଏଲେତି ରାନ୍ଦା ତିଞ୍ଜାଲି ଆଡ଼ିହିଲାଆଚେରି, ଅଡ଼େ ନୀଏଁ ଜିକେଏ ଆଡ଼ଅଚେରି, ୩ ନୀଏଁ ପାଚେକା ମୀରୁ ଦାରୁତିତି ନାମାଆତି ଲକ୍ଷ୍ମ ମାଣକି ତଲେ ମାଞ୍ଜେରି, ଏନାଆଁତାକି ଇଚିହଁ ମୀ ବିତ୍ରା ତାହାରା ଅଡ଼େ ଗଡ଼ହା କିନାୟିମାନେ, ଏଦାଆଁତାକି ମୀରୁ ଦାରୁତିତି ନାମାଆତି ଲକ୍ଷ୍ମତେରି ଆଏକି

ଇଞ୍ଜାଁ ମାଣସି ନୀତିନି ଲେହେଁ ନୀତି ହିଲଅତେରି ? ୪ *ଏତେତା ରଅସି ଏଲେଇନେସି, “ନାନୁ ପାଞ୍ଜୁଲ ତାଣା ତାତେର୍” ଅଡ଼େ ରଅସି ଏଲେଇନେସି “ନାନୁ ଆପଲ ତାଣା ତାତେର୍” ଏଚେଟିଏ ମୀରୁ ଦାଋତିତି ନାମାଆତି ଲକୁତେରି ଆଏକି ?

୫ ଆପଲ ଆମ୍ବାଆସି ? ପାଞ୍ଜୁଲ ଆମ୍ବାଆସି ? ଏଞ୍ଜାରି ଝାରଇ ସେବା କିନାରି, ଆମ୍ବାଆରି ତାଣାଟି ବାରେତାକି ପ୍ରବୁ ଏନିକିଁ ହୀହାମାନେସି ଏଲେକିଁ ମୀରୁ ନାମାମାଞ୍ଜେରି । ୬ *ନାନୁ ଉହାମାଲ୍, ଆପଲ ଏୟୁ ହୀହାମାନେସି, ସାମା ମାହାପୁରୁ ପାତି କିହାମାନେସି । ୭ ଇତିହଁ ଆମ୍ବାଆସି ଉହିନେସି ଇଞ୍ଜାଁ ଆମ୍ବାଆସି ଏୟୁ ହୀନେସି ଏଞ୍ଜାସି ଏନାସି ଆଏ, ସାମା ଆମ୍ବାଆସି ପାତି କିନି ମାହାପୁରୁ ଏଞ୍ଜାସି କାଜାସି । ୮ ଆମ୍ବାଆସି ଉହିନେସି ଅଡ଼େ ଆମ୍ବାଆସି ଏୟୁ ହୀନେସି ଏଞ୍ଜାରି ରିଆରି ରଲେଏତାରି, ସାମା ବାରେଜାଣା ତାନି କସ୍ତତି ଲେକାତଲେ କୁଲି ବେଟାଆନେରି । ୯ ଇତିହଁ ମାମ୍ବୁ ମାହାପୁରୁ ତଲେ ଆଣ୍ଡାନା କାମା କିନାତମି, ମୀରୁ ମାହାପୁରୁତି ତାସା ବୁମି ଅଡ଼େ ମାହାପୁରୁତି ଇଲୁ ।

୧୦ ନାଜେ ହାପକି ଆହାମାଞ୍ଜାନି ମାହାପୁରୁତି କାର୍ମାତଲେ ନାନୁ ର ବୁଦିଗାଟି ଇଲୁ ଦହନି ଲକୁ ଲେହେଁ ପୁନାଦି କିହାମାଲ୍, ଅରୁ ରଅସି ଏଦାଣି ଲାକ ଇଲୁ ଦସି ମାନେସି, ସାମା ବାରେଜାଣା ତାନି ଲାକ ଏନିକିଁ ଦସି ମାନେରି ଏଦାଆଁତାକି ଜାଗ୍ରାତା ଆଡ଼େରି । ୧୧ ଇତିହଁ ଆମିନି ପୁନାଦି କିଞ୍ଚିଆହାମାନେ, ଏଦାଣି ପିସ୍‌ସେ ଏଡ଼କାତି ପୁନାଦି ଆମ୍ବାଆସି କିହାଲି ଆଡ଼ଅସି, ଏ ପୁନାଦି ଜୀସୁ କ୍ରୀସ୍ତ । ୧୨ ସାମା ଆମ୍ବାଆସି ଏ ପୁନାଦି ଲାକ ବାଂଗାରା, ଝେଣ୍ଡି, ଗାତି ଦାରାଗାଟି ଝାଲକା, ମାରୁକା, ଜାଡ଼ା, ଅଡ଼େ ଝିକା ତଲେ କିନେସି, ୧୩ ଆତିହଁ ଆମ୍ବାଆରି କାମା ଏନିଲେହେଁତାୟି ଏଦି ତଞ୍ଜାଆନେ, ଇତିହଁ ଏ ନେରୁ ଏଦି ତହନେ, ଏ ନେରୁ ହିରୁତଲେ ତଞ୍ଜାଆନେ, ଇଞ୍ଜାଁ ବାରେଜାଣାଟି କାମା ଏନିଲେହେଁତାୟି ଏ ହିରୁ ତାୟିପାରି କିନେ । ୧୪ ଆମ୍ବାଆସି ଏନିକିଁ ଇଲୁ ଦସା ମାନେସି ଏଞ୍ଜାଣି କାମା ଏଲେକିଁ ତୁୟିତିହଁ ଏଞ୍ଜାସି ଏ ଦାନା ବେଟା ଆନେସି । ୧୫ ଇଞ୍ଜାଁ ଆମ୍ବାଆରି କାମା ଝେହାହାନେ, ଏଞ୍ଜାଣିଞ୍ଜାୟି ନାସିଞ୍ଚି ଆନେ, ଆଡ଼ିଜିକେଏ ଏଞ୍ଜାସି ଗେଲିପି ଆନେସି, ସାମା ଏଦି ହିରୁ ବିତ୍ତାଟି ହଡ଼ା ହାତି ସମାନା ଆଡ଼େ ।

୧୬ *ମୀରୁ ପୁଞ୍ଜାହିଲଅତେରି କି ମୀରୁ ମାହାପୁରୁତି ଇଲୁତେରି, ଅଡ଼େ ମାହାପୁରୁତି ସୁଦୁଜୀସୁ ମୀ ହିୟାଁତା ବାସା କିନେ । ୧୭ ଆମ୍ବାଆସି ମାହାପୁରୁ ଲକୁଇଁ ନାସା କିନେସି, ମାହାପୁରୁ ଏଞ୍ଜାଣାଲ୍ ନାସା କିନେସି, ଇତିହଁ ମାହାପୁରୁତି ଇଲୁ ଅଡ଼ହାୟି ଇଞ୍ଜାଁ ମୀରୁଏ ଏଞ୍ଜାଣି ଇଲୁ ।

୧୮ ଆମ୍ବାଆସି ତାନୁଏ ତାଜେ ନାଡ଼ିକିହା କତାଆପେସି, ଆମିନି ଲକୁ ଇ ଦାଋତିତା ବୁଦି ଗାଟାତେର୍ଏ ଇଞ୍ଜାଁ ଅଣ୍ଡପିନେସି, ଆତିହଁ ଏଞ୍ଜାସି ଏନିକିଁ ବୁଦିଗାଟାସି ଆନେସି ଏଦାଆଁତାକି ଦାଋତିତି ଲକୁତାଣା ବୁଦି ହିଲାଆଗାଟି ଲକୁ ଲେହେଁ ଆଡ଼େସି । ୧୯ ଇତିହଁ ଇ ଦାଋତିତି ବୁଦି ମାହାପୁରୁ ନକିତା ବୁଦି ହିଲାଆଗାଟାୟି, ଏଦାଆଁତାକି ରାସ୍‌କି ଆହାମାନେ, “ମାହାପୁରୁ ବୁଦି ଗାଟାଗାଲ୍ ତାନି ସୁତ୍ରମି ତଲେ ପାନ୍ଦାତା ଆହନେସି;” ୨୦ ଅଡ଼େ ରାସ୍‌କି ଆହାମାନେ “ବୁଦିଗାଟାରି ଅଣ୍ଡପୁ ବାରେ ଉଜେଏତାୟି ଇଞ୍ଜାଁ ପ୍ରବୁ ପୁଞ୍ଜାମାନେସି ।” ୨୧ ମାଣସି ତାଣା ଆମ୍ବାଆସି ବଡ଼ପଣ ଆଆପେସି, ଇତିହଁ ବାରେ ମୀଦିଏ । ୨୨ ପାଞ୍ଜୁଲ, ଇଞ୍ଜାଁ କି ଆପଲ, ଇଞ୍ଜାଁ କେପା*, ଇଞ୍ଜାଁ ଅଡ଼େ ଦାଋତି ଇଞ୍ଜାଁ କି ଜୀସୁ ଇଞ୍ଜାଁ, କି ହାନାୟି ଆଡ଼େ, ନୀର୍ଏ ତାୟି ଆଡ଼େ, କି ତାୟିତାୟି ଆଡ଼େ, ଏ ବାରେଏ ମୀଦି । ୨୩ ସାମା ମୀରୁ କ୍ରୀସ୍ତତି ଲକୁତେରି ଅଡ଼େ କ୍ରୀସ୍ତ ମାହାପୁରୁ ତାଣାତାସି ।

୪

ଜୀସୁ ତାଣାଟି ପାଣ୍ଡି ଆହାମାନାରି

୧ ଲକୁ ମାଜେ କ୍ରୀସ୍ତତି ସେବା କିନାରି, ଅଡ଼େ ମାହାପୁରୁତି ତୁଗୁମାନି ଇଲୁତି ଗୁମୁସା ଇଞ୍ଜାଁ ଅଣ୍ଡପାପେରି । ୨ ଇଲେଆହଁ ଗୁମୁସା ବେଟାଆହାମାନି ମାଣସି ଜାହାରା ପ୍ରବୁ ତାଣା ମାନ୍ତି ଗାଟାସି ତଞ୍ଜା ଆପାସି । ୩ ସାମା ମୀ ତାଣାଟି ଆପେ କି ଆମିନି ନାହାଁୟି କିନି ତାଣା ନାହାଁୟି କିଞ୍ଚି ଆନାୟି ନା ତାକି ଏଦି କାଜା କାତା ଆଏ, ଇଲେକିଁ ନାନୁ ଜାହାରାଲ୍ ନାହାଁୟି କିହା କତଅଁ । ୪ ଇତିହଁ ନାନୁ ନା କପାଟି ଏନାଆଁ ପୁଞ୍ଜାହିଲଅଁ, ଆଡ଼ିଜିକେଏ ନାନୁ ଇମ୍ବାଆଁ ଦହ ହିଲାଆ ଗାଟାତେର୍ଏ ଇଞ୍ଜାଁ ତଞ୍ଜା ଆହାହିଲଅଁ, ସାମା ଆମ୍ବାଆସି ନା ନାହାଁୟି କିୟାନେସି, ଏଞ୍ଜାସି ପ୍ରବୁ । ୫ ଏଦାଆଁତାକି, ତାରିକିତି ଦିନା ଝାଆ ନକେଏ ଇତିହଁ ପ୍ରବୁ ଝାଆ ନକେଏ ମୀରୁ ଆମ୍ବାଆରାଲ୍ ନାହାଁୟି କିଆବୁ, ଏଞ୍ଜାସି ଆନ୍ଦେରିତା ତୁଗୁମାନି ବାରେ ଉଜେଡ଼ିତା

* ୩:୪ ୩:୪ ୧କର ୧:୧୨ * ୩:୭ ୩:୭ କାମା ୧୮:୪-୧୧; କାମା ୧୮:୨୪-୨୮ * ୩:୧୨ ୩:୧୭ ୧କର ୭:୧୯; ୨କର ୭:୧୭ * ୩:୨୨ ୩:୨୨ ପିତର

ତହୁନେସି, ଅଡ଼େ ହିୟାଁତି ଅଣ୍ଡପୁ ବାରେ ଏଝାସି ଝେହ୍ନେସି, ଏଚିରେଲା ବାରେଜାଣା ମାହାପୁରୁ ତାଣାଟି ଗାଝୁରମି ବେଟାଆଡ଼େରି ।

୭ ଏ ତାୟିୟାଁ ଅଡ଼େ ତାଜିୟାତେରି, ନାନୁ ମୀରୁ ଜାପାଲି ତାକି ଇ ବାରେ କାତା ନାନୁ ନାଜେ ଅଡ଼େ ଆପଲଇଁ ତୟାଁ ଝେସିମାଞ୍ଜାଇ, “ଇଚିହଁ ଏନାୟି ରାସ୍ତିକି ଆହାମାନେ ଏ କାତାତି ଗାଣୁଆଦୁ,” ଇଦାଆଁ ମୀରୁ ମା ତାଣାଟି ଜାପାଦୁ, ଅଡ଼େ ଏନିକଁ ମୀ ବିତ୍ରାଟି ଆମ୍ବାଆସି ରଅଣି ଝାକିଟି ଅଡ଼େ ରଅଣାଇଁ ଅପାଆନା ବତପଣ ଆଆଦୁ । ୭ ମିଜେ ଆମ୍ବାଆସି କାଜାସି କିହାଁ ମାଞ୍ଜାନେସି ? ଅଡ଼େ ମୀରୁ ଏନାଆଁ ଦାନା ଲେହେଁ ବେଟାଆହା ହିଲଅଡ଼େରି, ଇଲେକଁ ମାଦି ଏନାୟି ମାନେ ? ସାମା ମୀରୁ ଏଦାଆଁ ଦାନା ଲେହେଁ ବେଟାଆହାମାଞ୍ଜେରି, ଆତିହଁ ମୀରୁ ଦାନା ଆଏ ଇନି ଲେହେଁ ଏନାଆଁତାକି ବତପଣ ଆହିମାଞ୍ଜେରି ?

୮ ମୀ ବାରେ ଲଡ଼ାମାନାଣି ବେଟାଆଡ଼େରିଏ କି ? ଇଚେକାଟିଏ ମୀରୁ ବାଡ଼କା ହାଚେରିଏ କି ? ମା ପିସପେ ମୀରୁ ରାଜା ଆହାମାଞ୍ଜେରି ? ହାଅ, ମୀରୁ ରାଜା ଆହାମାଚିହଁ ନେହଁ ଆଡ଼େମା, ଏନିକଁ ମୀମ୍ବୁ ଜିକେଏ ମୀ ତଲେ ସାଲୁଝି କିହାଲି ଆଡ଼ିତମିମା । ୯ ଏନାଆଁତାକି ଇଚିହଁ ନା ଅଣ୍ଡପୁତା ମାରୁ ପାଣ୍ଡୁଝି ଆହାମାନାତାୟି, ମାରୁ ମାହାପୁରୁତି ତଣ୍ଡତା ହେରୁପି ଆହାମାନି ତାୟୁତି ଲକୁ ସମାନା ତସାମାଞ୍ଜାନେସି, ଇଚିହଁ ମୀମ୍ବୁ ଦୁରତିତା, ମାହାପୁରୁତି ଦୁତୁୟାଁ ଇଞ୍ଜାଁ ମାଣ୍ଡିୟାଁ ନକିତା ଲାଜାକିଝି ଆନାତମି ଲେହେଁ ଆହାମାନି । ୧୦ ମୀମ୍ବୁ କ୍ଳାସ୍ତ ତାକି ବୁଦି ହିଲାଆ ଗାଟାତମି, ସାମା ମୀରୁ କ୍ଳାସ୍ତ ତାକି ବୁଦି ଗାଟାତେରି; ମୀମ୍ବୁ ବାଡ଼ୁୟୁ ହିଲାଆ ଗାଟାତମି, ସାମା ମୀରୁ ବାଡ଼ୁୟୁ ଗାଟାତେରି; ମୀରୁ ଗାଝୁରମି ବେଟା ଆନାତେରି, ସାମା ମୀମ୍ବୁ ବେଟା ଆଆଗାଟାତମି । ୧୧ ନୀର୍ବ୍ୟ ପାତେକା ମୀମ୍ବୁ ହାକି, ଅଡ଼େ ଏସ୍ତିକି ଗାଟାତମି, ଗେଞ୍ଜିତି ହିମ୍ବୁରି ହୁଟାମାନି, ଅଡ଼େ ମାଡ଼ା ବେଟାଆହି ମାନି, ଇଞ୍ଜାଁ ବାସାଟାୟୁ ହିଲାଆନା ରେଜିମାନି । ୧୨ *ମା କେୟୁଟି ଝାହୁତି କାମା କିହିମାନି, ଆମ୍ବାଆସି ବାକା ଇଟାସାରେ, ମୀମ୍ବୁ ଏଝାମାଇଁ ବରୁ ହୀହିମାନି, ସାସ୍ତି ହିୟାତିହଁ ଜିକେଏ ଅରୁହିମାନି । ୧୩ ମାଜେ ଲାଜା କିୟାତିହଁ ଜିକେଏ ମୀମ୍ବୁ ଆଣ୍ଡୁଆନି କାତା ଝେସିମାନି; ନୀର୍ବ୍ୟ ପାତେକା ମୀମ୍ବୁ ଦୁରତିତି ତୁକଁ ଜାଣୁ ଅଡ଼େ କିଟସି ରୁଡିତି ଲେହେଁ ଆହାମାନି ।

୧୪ ନାନୁ ମିଜେ ଲାଜା ହୀହାଲି ଇ ବାରେ କାତା ରାଡ଼ିମାଞ୍ଜଅଁ, ସାମା ନା ଜୀଝୁତି ମୀରୁକା ଇଞ୍ଜଁ ଅଣ୍ଡପାନା ମିଜେ ସେଡ଼ନା ହୀହାଲିତାକି ଇ ବାରେ କାତା ରାଡ଼ିମାଞ୍ଜଇଁ । ୧୫ ଇଚିହଁ କ୍ଳାସ୍ତ କାତା ମିଜେ ଜାପୁନାରି ଦସ ମାଣା ଲକୁ ତୁୟିନେରି, ଆଡ଼ିଜିକେଏ ହାଡ଼େକା ତାଞ୍ଜିୟାଁ ହିଲଅରି; ଇଚିହଁ କ୍ଳାସ୍ତ ଜୀସୁ ତାଣା ନାନୁ ମିଜେ ନେହଁ କାବୁତଲେ ମୀ ତାଞ୍ଜି ଲେହେଁ ଆହାମାଇଁ । ୧୬ *ଏଦାଆଁତାକି ନାନୁ ମିଜେ ବାଟିମାଲିମାଞ୍ଜାଇଁ ନାନୁ କିହିମାନି ଲେହେଁ କିଦୁ । ୧୭ ଏଦାଆଁତାକି ନାନୁ ତିମତିଇଁ ମୀ ତାଣା ପାଣ୍ଡୁମାଞ୍ଜାଇଁ, ଏଝାସି ମାହାପୁରୁ ତାଣା ନା ଜୀଝୁତି ନାମୁତି ମୀରୁଏସି; ଏନିକଁ ନାନୁ ବାରେଝାକି ବାରେ କୁଲମିକାଣା ଜାପୁହି ମାଇଁ, ଏଲେକଁ ଏଝାସି ମିଜେ ନା କ୍ଳାସ୍ତ ଲେମ୍ବିନାଣି ଅଣ୍ଡପି କିୟାନେସି ।

୧୮ ନାନୁ ମୀ ତାଣା ଝାହି ହିଲଅଁ ଇଞ୍ଜଁ ଅଣ୍ଡପାନା ଏଚରଜାଣା ବତପଣ ଆହିମାଞ୍ଜେରି । ୧୯ ସାମା ମାହାପୁରୁ ମନୁ କିଚିହଁ, ନାନୁ ମୀ ତାଣା ତବେ ଝାକ୍; ଅଡ଼େ ଆମ୍ବାଆରି ବତପଣ ଆହିମାନେରି, ଏଝାରି କାତାତଲେ ଆଏ, ସାମା ବାଡ଼ୁୟୁତି ସିନିକିଇଁ । ୨୦ ଇଚିହଁ ମାହାପୁରୁତି ରାଜି ଝାଡ଼ଇ ଜଲିନି କାତାତଲେ ଆଏ, ସାମା ବାଡ଼ୁୟୁ ତଲେ ତଞ୍ଜାଆନେ । ୨୧ ମୀ ଅଣ୍ଡପୁ ଏନାୟି ? ନାନୁ ବାଡ଼ୁଗା ଆସାଁ ମୀ ତାଣା ଝାକ୍ କି ଜୀଝୁ ନନାଣି ଆସାନା ଇଞ୍ଜାଁ ସୁଦୁ ସୁଝାଲା ଗାଟି ଜୀଝୁ ଆସାଁ ଝାକ୍ ?



କୁଲମି ବିତ୍ରାମାନି ଲାଗେଏତାୟି

୧ ସାତେଏ ଝେଜାମାନେ କି ମୀ ବିତ୍ରା ବାରିକାମା ମାନେ, ଅଡ଼େ ମୀ ତାଣା ଇଲେତି ଦାରିକାମା ମାନେ, ଅଡ଼େ ଇଲେତାୟି ଜୀହୁଦିଆଆତାରି ତାଣା ଜିକେଏ ଆଏ, ଇଲେକଁ ରଅସି ତାମି ଆବା ଡ଼କ୍ରିନି କିଟାମାନେସି । ୨ ଅଡ଼େ, ଆମ୍ବାଆସି ଇଲେତି କାମା କିହିମାନେସି, ଏଝାସି ଏନିକଁ ମୀ ତାଣାଟି ହେକ କିଝିଆନେସି, ଏଦାଆଁତାକି ଦୁକୁଆହଁ ତାଆନା ବତପଣ ଆହିମାଞ୍ଜେରି ? ୩ ସାମା ନାନୁ ଆଜ୍ଞା ତଲେ ହିଲାଆତି ଜିକେଏ ଏମ୍ବାଆଁ ମାନିଲେହେଁ ମାଇଁ, ଆମ୍ବାଆସି ଇଲେତି କାମା କିହିମାନେସି, ନାନୁ ମାନି ଲେହେଁ ପ୍ରବୁ ଜୀସୁ ଦରୁତଲେ ଏଝାଣି ବିଚରା କିହାଁ ରାହାମାଇଁ, ୪ ଇଚିହଁ ମୀରୁ ଅଡ଼େ ନା ପ୍ରବୁ ଜୀସୁ ବାଡ଼ୁୟୁ ତଲେ କୃତା ଆନାଟି ନା ଜୀଝୁ ଜିକେଏ ଏମ୍ବାଆଁ ତୁୟିନେ ଇଞ୍ଜଁ ପୁଞ୍ଜାମାଇଁ, ୫ ଇଞ୍ଜାଁ ଇଲେତି ଲକୁଇଁ

* ୪:୧୨ ୪:୧୨ କାମା ୧୮:୩ * ୪:୧୨ ୪:୧୨ ୧କର ୧୧:୧; ପିଲିପି ୩:୧୭

ଆଜ୍ଞା ତଳେ ନାସା ଆହାଲି ସୟତାନ କେୟୁତା ହେରପିନାୟି ମାନେ, ଏନିକ୍ ପ୍ରବୁ ଜୀୟୁତି ଦିନାତା ଏଞ୍ଜାଣି ଜୀୟୁ ଗେଲ୍ପି ଆହାଲି ଆଡ଼ିନେ ।

୭ *ମୀରୁ ଇଲେଆହ୍ ବତପଣ ଆନାୟି ନେହେଁ ଆଏ । ମୀରୁ ପୁଞ୍ଜାହିଲଅତେରି, “ଇଚରା ପୁଲ୍ଲାଏୟୁ ବିତିତା ମାନି ଗୁଣ୍ଡାତି ପୁଲ୍ଲା କିନେ ।” ୭ ମୀରୁ ପୁଲ୍ଲା ତିନାଆ ଲକ୍ଷ୍ମତେରି, ଏଦାଆଁତାକି ଏନିକ୍ ମୀରୁ ପୁଞ୍ଜନି ତ୍ତକା ଆହାଲି ଆଡ଼ିଦେରି, ଏଦାଆଁତାକି ପୁଞ୍ଜଇ ପୁଲ୍ଲା ଏୟୁତି ହପ୍ପହା ତୁହ୍ପୁ; ଏଦାଆଁତାକି ଇତିହ୍ ମା ପିସ୍ପିଆନି ପାର୍ବୁତି ମେଣ୍ଡା ତାଲ୍ଲୁ, ଇତିହ୍ କ୍ରୀସ୍ତ, ଜିକେଏ ପୂଜା କିଞ୍ଚିଆହାମାନେସି । ୮ ଏଦାଆଁତାକି ଖୀଦୁ, ମୀରୁ ପାପୁ ଅଡ଼େ ଲାଗେଏତି ପୁଞ୍ଜଇ କାମାତି ରୁତି ପଞ୍ଜିକିନି ଗୁଣ୍ଡା ତଳେ ପାର୍ବୁ କିଆନା ତାରି ଅଡ଼େ ସାତା ତଳେ ପୁଲ୍ଲାଏୟୁ ହିଲ୍ଲାଆ ରୁତିତି ପାର୍ବୁ କିନ ।

୯ ଦାରି କାମାକିନାରି ତଳେ ଆଣ୍ଡାଆଦୁ ଇଞ୍ଜି ନାନୁ ନା ଆକୁତା ରାତାମାତେଏ; ୧୦ ଇ ଦାରୁତିତି ଦାରିକାମା କି ଦନ ଜୁପକା, ଏଟକାତାରି ଦିଶ୍ପୁ ସରୁ ଆନାରି, ପେଣ୍ଡକା ବମାୟାଁ ପୂଜା କିନାରି ତଳେ ଆମ୍ବାଆସି ଏଚେଲା ଆଣ୍ଡାସି, ଏଦି ଆଏ, ଏଲେଆଡ଼ିହ୍ ଦାରୁତିତି ହଚ୍ଚା ହାନାୟିମାନେ; ୧୧ ଇତିହ୍ ନା ରାରିନି ଅଣ୍ଡାପୁ ଇଦି ମାତେ, ଇତିହ୍ ଆମିନି ଲକ୍ଷ୍ମତି ତାୟି ଇଞ୍ଜି ଝେଙ୍ଗାନା, ଦାରିକାମା, ଦନ ଜୁପକା, ପେଣ୍ଡକା ବମାୟାଁ ପୂଜା, ନିନ୍ଦା ଗାଗାରି, କାଡ଼ ହୁଡୁ, ଏଟକାତାରି ଦିଶ୍ପୁତି ସରୁ ଆନେରି, ଆତିହ୍ ଏଲେତାରି ତଳେ କୁଡାଆଦୁ, ଅଡ଼େ ଏଞ୍ଜାରିତଳେ ରାନ୍ଦା ଜିକେଏ ତିନାଆଦୁ ।

୧୨ ପାଞ୍ଜାତି ଲକ୍ଷ୍ମତି ନାହାୟି କିହାଲି ନାନୁ ନାମ୍ବାଆତେଏ ? ସାମା କୁଲମି ବିତ୍ତା ଆମ୍ବାଆରି ମାନେରି ଏଞ୍ଜାରି ବିଚାରା ମୀରୁ କଅତେରି କି ? ୧୩ ସାମା ଆମ୍ବାଆରି ପାଞ୍ଜାତା ମାନେରି ମାହାପୁରୁ ଏଞ୍ଜାରି ବିଚାରା କିନେସି । ଦାମ୍ବୁ ସାଢ଼େସ୍ପିରିତା ରାସ୍ତିକି ଆହାମାନେ, “ମୀ ତାଣ୍ଡାଟି ଲାଗେଏତି ଲକ୍ଷ୍ମଣି ଏଟକା କିଦୁ ।”



କ୍ରୀସ୍ତାନା ତାୟିୟାଣି ଦାଞ୍ଜାକିନି ମେର

୧ ମୀ ବିତ୍ତାଟି ଆମ୍ବାଆରି କପାଟି କାତା ମାତିସାରେ ଏଞ୍ଜାସି ନାହାୟି କିହାଲି ମାହାପୁରୁ ଲକ୍ଷ୍ମତାଣା ହାଲାଆନା ଦାମ୍ବୁ ହିଲ୍ଲାଆଗାଟି ନାହାୟି କିନାଣି ତାଣା ଅହାଲି ଏନିକ୍ ସାସା ମାନେ ? ୨ ମାହାପୁରୁ ଲକ୍ଷ୍ମ ଇ ଦାରୁତିତି ନାହାୟି କିନେରି, ଇ କାତା କି ମୀରୁ ପୁଞ୍ଜାହିଲଅତେରି ? ଇଞ୍ଜା ଦାରୁତି ମୀ ତାଣା ନାହାୟି କିଞ୍ଚିଆନେ, ଆତିହ୍ ଇ ଇତି ଇତି କାତାତି ନାହାୟି କିୟାଲି ଆଡ଼ଅତେରି କି ? ୩ ମୀରୁ ଲାକପୁରୁତି ଦୁତୁୟାଁଇ ଜିକେଏ ବିଚାରା କିନାୟି ଇ କାତା ମୀରୁ ପୁଞ୍ଜାହିଲଅତେରି କି ? ଆତିହ୍ ଦାରୁତିତି ଜାମଲିତି ଜିକେଏ ନାହାୟି କିନାୟି ମାଜେତାକି ଉସାସା ଆୟେଏ କି ? ୪ ମୀ ଜୀୟୁତି କାତା ଏନାୟି, ସାମା ନାହାୟି କିୟାଲି ଏନି ଦାରୁତିତି କାତା ମାତିହ୍, ଏଦାଆଁ ନାହାୟି କିୟାଲି କୁଲମିତି ପୁନାଆ ଗାଗାରାଇଁ ନାହାୟି କିୟାଲି ହାଡ଼ିଦେରି କି ? ୫ ନାନୁ ମିଜେ ଲାଜା ହାହାଲିତାକି ଇଦାଆଁ ଝେସିମାଞ୍ଜାଇଁ । କ୍ରୀସ୍ତଇଁ ନାମାମାନି ତାୟିୟାଁ ବିତ୍ତା ଆହିମାନି ଗଡ଼ହାତି ତୁକ୍ହାଲି, ଇଲେତି ର ବୁଦିଗାଟାସି ଜିକେଏ କୁଲମିତା ଆମ୍ବାଆସି ହିଲ୍ଲଅସି କି ? ୬ ସାମା ନାମ୍ବୁଗାଟି ତାୟି ଅର ତାୟି କପାଟି ନାହାୟି ଇଲ୍ଲୁତା ଦାଞ୍ଜା କିନେସି, ଏଦି ଜିକେଏ ନାମାଆଗାଟାରି ତାଣା !

୭ ସାମା ମୀ ମୀ ବିତ୍ତାଟି କାତାତାକି କର୍ଚ୍ଚତା ଦାଞ୍ଜା କିହିମାଞ୍ଜେରି, ଏଦାଆଁ ସାତେଏ ଦହ ଗାଟାତେରି, ଏଦାଆଁତାକି ଲାଗେଏତାଣି ଅରୁହି ହିଲ୍ଲଅତେରି ? ଏଦାଆଁତାକି ନାସଞ୍ଚି ଆନାଣି ଅପିହିଲଅତେରି ? ୮ ସାମା ମୀରୁ ମୀରୁଏ ଲାଗେଏ ଅଡ଼େ ନାସା କିହିମାଞ୍ଜେରି, ଅଡ଼େ ଏଦାଆଁ ତାୟିୟାଣି କିହିମାଞ୍ଜେରି । ୯ ଅଡ଼େ ଦାମ୍ବୁ ହିଲ୍ଲାଆ ଗାଗାରି ମାହାପୁରୁ ରାଜିତି ଅଦିକାରା ଆଅରି, ଇଦାଆଁ କି ମୀରୁ ପୁଞ୍ଜାହିଲଅତେରି ? ନାଡ଼ିକିଞ୍ଚି ଆଆଦୁ, ଦାରିକାମା, କି ପେଣ୍ଡକା ବମାୟାଁ ପୂଜା କିନାରି, ଲାଗେଏତି କାମାକିନାରି, ଆବା ଆବାୟାଁ ଦହ କିଞ୍ଚିଆନାରି, ୧୦ ସରୁ କିନାରି, ଦନ ଜୁପକା, କାଡ଼ ହୁଡୁ, ଲକ୍ଷ୍ମଣି ନିନ୍ଦା କିନାରି, ଏଟକାତାରି ଦିଶ୍ପୁ ମାଞ୍ଜିନାରି, ଇଞ୍ଜାରି ମାହାପୁରୁ ରାଜିତା ଅଦିକାରା କିହାଲି ଆଡ଼ଅରି । ୧୧ ଅଡ଼େ, ମୀ ବିତ୍ତା ଆମ୍ବା ଆମ୍ବାଆରି ଇଲେକ୍ ମାତେରି; ସାମା ପ୍ରବୁ ଜୀୟୁ କ୍ରୀସ୍ତ ଦରୁତଳେ ଇଞ୍ଜା ମାହାପୁରୁତି ସୁଦୁଜୀୟୁ ତଳେ ମୀରୁ ନରୁଞ୍ଚି ଆହାମାଞ୍ଜେରି, ଇଞ୍ଜା ସୁଦୁଗାଟାତେରି ଆହାମା ତାରିଗାଟାତେରି ଇଞ୍ଜି ଝେଙ୍ଗା ମାଞ୍ଜେରି ।

ମାହାପୁରୁତି ଗାଞ୍ଜୁରମି ତାକି ଆଞ୍ଜାତି ଲେମ୍ବିନାୟି

୧୨ *ଆମ୍ବାଆସି ଏଲେଇନେସି “ନାଜେ ବାରେ କାମା କିହାଲି ଅଦିକାରା ହୀପ୍ତିକି ଆହାମାଞ୍ଜାନେ,” ସାତା କାତା, ସାମା ବାରେ କାମା ନିଜେତାକି ନେହାୟି ଆଏ, ନାଜେ ବାରେ କାମା କିହାଲି ହେଲ ମାନେ ସାମା

ନାଜେ ଲକ୍ଷ୍ମୀ ଆମ୍ବାଆରକି ଏଚେଲା ପାରୁ ହାଅଁ । ୧୩ ଏଚରଜାଣା ଏଲେଇନେରି “ରାନ୍ଦା ବାଣ୍ଡି ତାକି ଇଞ୍ଜା ବାଣ୍ଡି ରାନ୍ଦା ତାକି ।” ଯାମା ମାହାପୁରୁ ଇ ରିଣ୍ଡାଆତି ଜିକେଏ ମ୍ବେକନେସି । ଆଜ୍ଞା ଦାରି କାମାତାକି ଆଏ, ଯାମା ପ୍ରବୁଡ଼ି ସେବାତାକି, ଅଡ଼େ ପ୍ରବୁ ଆଜ୍ଞା ତାକି । ୧୪ ମାହାପୁରୁ ପ୍ରବୁ ଜାସୁଇଁ ହାକିଟି ନିକହେସି, ଇଞ୍ଜା ତାନି ବାଡ଼ୁୟୁ ତଲେ ମାଜେ ଜିକେଏ ନିକହାନେସି ।

୧୫ ମୀ ଆଜ୍ଞା କ୍ରୀସ୍ତ ଆଜ୍ଞା ଲେହେଁ, ଇଦାଆଁ ପୁଞ୍ଜାହିଲଅତେରି କି ? ଆତିହଁ ନାନୁ କ୍ରୀସ୍ତ ର ଆଜ୍ଞା ଅହାନା ଦାରେଣି ଆଜ୍ଞା କିଇଁ ? ଏଦି ଏଚେଲା ଜିକେଏ ଆଆପେ । ୧୬ ଅଡ଼େ ଆମ୍ବାଆସି ଦାରେଣି ତଲେ ଆଣ୍ଡିନେସି ଏଝାସି ଏଦାନିତଲେ ରଣ୍ଡିଏ ଆଜ୍ଞା ଆନେସି, ଇଦାଆଁ ମୀରୁ ପୁଞ୍ଜାହିଲଅତେରି ? ଏଦାଆଁତାକି ଦାମ୍ବୁପତିତା ରାସ୍ତାକି ଆହାମାନେ “ଏ ତକ୍ତି ତକ୍ତା ରଣ୍ଡିଏ ଆଜ୍ଞା ଆନୁ ।” ୧୭ ଯାମା ଆମ୍ବାଆସି ପ୍ରବୁ ତଲେ ଆଣ୍ଡିନେସି, ଏଝାସି ଏଝାଣିତଲେ ରଣ୍ଡିଏ ଜାସୁ ଆନେସି ।

୧୮ ଦାରିକାମାଟି ହେକ ଆପୁ, ମାଣସି ଏନି ପାପୁ କିନେସି, ଏଦି ଆଜ୍ଞାଟି ଲାଗେଏ କିନେସି, ଯାମା ଆମ୍ବାଆସି ଦାରିକାମା କିନେସି, ଏଝାସି ତାନି ଆଜ୍ଞା କପାଟି ପାପୁ କିହିମାନେସି । ୧୯ *ମୀ ଆଜ୍ଞା ମାହାପୁରୁ ତାଣ୍ଡାଟି ବେଟାଆହାମାନି ମୀ ହିୟା ବିତ୍ତା ସୁଦୁଜାସୁ ବସାଆନି ଦେସୁଡ଼ି, ଇଦାଆଁ ମୀରୁ ପୁଞ୍ଜାହିଲଅତେରି କି ? ଅଡ଼େ ମୀରୁ ମୀରୁଏ ମିଆତେରି ଆଏ; ଯାମା ମାହାପୁରୁଟି ଲକୁତେରି । ୨୦ ଇତିହଁ ମୀରୁ ଗାତି ଦାରାତଲେ କଡ଼ଝି ଆହାମାଜେରି; ଏଦାଆଁତାକି ମୀ ଆଜ୍ଞା ତଲେ ମାହାପୁରୁଟି ଗାସୁରମି କିବୁ ।



ବୀହା ଆନି ମେରା

୧ ମୀରୁ ମୀ ଆକୃତା ଆମିନି କାତା ରାଟା ମାଜେରି, ଏ ବାରେତାକି ନାନୁ ଝେସ୍ତାନାୟି ଇଦି, “ଇୟାନି ତୀଗାଆ ଗାଟାୟି ଆବାକି ନେହେଁ;” ୨ ଯାମା ଦାରି କାମାଟି ଆଜିତାକି ବାରେ ଆବାୟାକି ଜାହାରା ତକ୍ତି ମାଣ୍ଡେ, ଅଡ଼େ ଇୟାସିକାକି ଜାହାରା ତକ୍ତା ମାଣ୍ଡେସି । ୩ ତକ୍ତା, ତକ୍ତିନାକି ଏନାୟି ଲଡ଼ା ଏଦାଆଁ ହୀପାସି, ଇଞ୍ଜା ଏଲେକିହଁଏ ତକ୍ତି ତକ୍ତାକି ତାନି ଲଡ଼ାମାନାଣି ହୀପେ, ଅଡ଼େ ତାମଜେ ଏନାୟି ଲଡ଼ାମାନାଣି ପୁରା କିନାୟିମାନେ । ୪ ତକ୍ତି ତାନି ଆଜ୍ଞାଟି ମୁହେଁ ଅଦିକାରା ହିଲେଏ, ଯାମା ତକ୍ତାକି ମାନେ । ଏଲେକିହଁଏ ତକ୍ତାକି ତାନି ଆଜ୍ଞାଟି ମୁହେଁ ଅଦିକାରା ହିଲେଏ, ଯାମା ତକ୍ତିନାକି ମାନେ । ୫ ତାମ୍ବୁ ତାମି ତାଣ୍ଡାଟି ଏଟକା ଆହାନା ତୁୟାଆପୁ; ଯାମା ପ୍ରାତାନା କିହାଲି ଏଚରଦିନା ପାତେକା ରିଆତେରି ରଣ୍ଡିଏ ମନ ଆହାନା ଏଟକା ତୁୟାଲି ଆଡ଼ିଦେରି; ଅଡ଼େ ମୀ ଆଜ୍ଞାଟି କୁପକାତାକି ତୁୟାଲି ଆଡ଼ାଆକି ସୟତାନ ଏନିକଁ ମିଜେ ତାୟିପାରି କିୟେଏ, ଏଦାଆଁତାକି ଝେଶ୍ଟେ ଆଣ୍ଡିଆନୁ ।

୬ ଯାମା ନାନୁ ହୁକୁମି ହାନି ଲେହେଁ ଝେହ୍ତାନାହାଁ ଜାପୁନି ଲେହେଁ ଝେସିମାଇଁ । ୭ ଆତିହଁ ଜିକେଏ ଏନିକଁ ବାରେ ଲକୁ ନାଲେହେଁକଁ ଆନେରି, ଇଦି ନା ଅଣ୍ଡପୁ । ଯାମା ଆମ୍ବାଆରି ଇଲେତି ଦାନା, ଅଡ଼େ ଆମ୍ବାଆରି ଏଲେତି ଦାନା ମାହାପୁରୁ ତାଣ୍ଡାଟି ବେଟାଆହାମାନେରି ।

୮ ଯାମା ନାନୁ ବୀହା ଆଆତି ଲକୁଇଁ ଇଞ୍ଜା ରାଣ୍ଡେଣିସିକାଣି ଝେସିମାଇଁ, ଏଝି ନାଲେହେଁକଁ ତୁୟିତିହଁ ଏଝାସିକାକି ନେହେଁ । ୯ ଯାମା ଏଝି ଆଜ୍ଞାଟି ଲକହାଲି ଆଡ଼ିହିଲାଇ ଇତିହଁ ଏଝି ବୀହା ଆପୁ; ଇତିହଁ ଆଜ୍ଞା ଲାଗେଏତି କାମାତା ଝେନିକିହାଁ, ବୀହା ଆନାୟି ନେହେଁ ।

୧୦ *ଯାମା ବୀହା ଆଡ଼ି ଲକୁଇଁ ନାନୁ ହୁକୁମି ହାହିମାଇଁ, ନାନୁ ଆଏ ଯାମା ପ୍ରବୁ ହୁକୁମି ହାହିମାନେସି, ତକ୍ତି ତାନି ତକ୍ତା ତାଣ୍ଡାଟି ଏଟକା ଆଆପେ । ୧୧ ଯାମା ଏଦି ରଣ୍ଡିଏ ଏଟକା ଆନେ, ଆତିହଁ ଏଦି ବୀହା ଆଆପେ, ଇଞ୍ଜା ତାନି ତକ୍ତାତଲେ ଅଡ଼େ ଆଣ୍ଡାପେ; ଅଡ଼େ ତକ୍ତା ତାନି ତକ୍ତିନି ହେଲ ହୀଆପେସି ।

୧୨ ଏଟକା ତାରାଇଁ ନାନୁ ଝେସିମାଇଁ, ମା ବିତ୍ତା ଆମ୍ବାଆରି ତକ୍ତି କ୍ରୀସ୍ତଇଁ ନାମାହିଲଆତି ଜିକେଏ ତକ୍ତାତଲେ ତୁୟାଲି ମନ କିତିସାରେ, ଆତିହଁଏ ତାୟି ଏ ତାଜ୍ଞାନି ହେଲ ହୀଆପେସି । ୧୩ ଏଲେକିହଁ ଆମିନି ତକ୍ତି ମାହାପୁରୁଇଁ ନାମାଆତି ତକ୍ତାକି ବୀହା ଆହାମାନେ, ଇଞ୍ଜା ଏଦି ଏଝାଣିତଲେ ତୁୟାଲି ମନ କିନେ, ଏଦି ତାନି ତକ୍ତାଇଁ ଦିହ୍ତାପେ । ୧୪ ଇତିହଁ ନାମାଆତି ତକ୍ତା ନାମିତି ତକ୍ତି ତାକି ମାହାପୁରୁ ତାଣ୍ଡାଟି ସୁଦୁ ଆହାମାନେସି, ଅଡ଼େ ନାମାଆତି ତକ୍ତି ନାମିତି ତକ୍ତା ତାକି ମାହାପୁରୁ ତାଣ୍ଡାଟି ସୁଦୁ ଆହାମାନେ; ଆଆତିହଁ ମୀ ମୀରୁକା ମାସ୍ତା ଲାଗେଏ ଆଡେରିମା, ଯାମା ନୀଏଁ ଏଝାରି ସୁଦୁଗାଟାରି । ୧୫ ଯାମା ନାମାଆ ଗାଟାସି କି ନାମାଆ ଗାଟାୟି ଏଟକା ଆହାଲି ମନ କିତିହଁ ତାମି ମନଲେହେଁ ଏଟକା ଆପାରି; ଇଲେତି ତାଣ୍ଡା ତାୟି କି ତାଜ୍ଞି ଦସ୍ତପି ଆହାହିଲାଇ; ମାହାପୁରୁ ମିଜେ ହିଡ଼ଡ଼ି ତଲେ ମାଞ୍ଜାଲି

* ୭:୧୯ ୭:୧୯ ୧କରା ୩:୨୭; ୨କର ୭:୧୨ * ୭:୧୦ ୭:୧୦ ମାତି ୫:୩୨; ୧୯:୯; ମାର୍କି ୧୦:୧୧, ୧୨; ଲୁକ ୧୬:୧୮

ଆଡ଼ାମାଞ୍ଜାନେସି । ୧୭ ନାନୁ ନାମିତି ତକ୍ତୁ ଆହାନା ନୀ ତକ୍ତୁକି ଗେଲ୍‌ପିନାତି ଆଦି, ଇଦାଆଁ ପୁଞ୍ଜାହିଲଅତିକି ? ଇଞ୍ଜା ନାନୁ ନାମିତି ତକ୍ତୁ ଆହାନା ନୀ ତକ୍ତୁନାକି ଗେଲ୍‌ପିନାତି ଆଦି, ଇଦାଆଁ ପୁଞ୍ଜାହିଲଅତିକି ?

ମାହାପୁରୁ ଆଡ଼ାମାନି ମାଣ୍ଡକି ଲେହେଁ ନୀତିନାୟି

୧୭ ଇତିହାସ ପୁରୁ ଆମ୍ବାଆରାକି ଏନିକି ଦାନା ହାହାମାନେସି, ମାହାପୁରୁ ଆମ୍ବାଆରାକି ଏନିକି ହାଡ଼ାମାନେସି, ଏଞ୍ଜାସି ଏଲେକି ତାକାପେସି, ନାନୁ ବାରେ କୁଲମିତି ଏଲେକିହାସି ଏ ହୁକୁମି ହାହିମାଲ୍ । ୧୮ ଆମ୍ବାଆସି ତଲୁ ଦାପିଆହାଁ ହାଟୁକି ଆହାମାନେସି ? ଏଞ୍ଜାସି ତଲୁ ଦାପି ଆଡି ସିନାତି ତଲୁଆପେସି; ଆମ୍ବାଆସି ତଲୁ ଦାପି ଆଆନା ହାଟୁକି ଆହାମାନେସି ? ଏଞ୍ଜାସି ତଲୁ ଦାପି ଆଡି ସିନାତି ତଲୁଆପେସି । ୧୯ ତଲୁ ଦାପି ଆନାୟି କି ଆଆଗାଗାୟି କାଜା କାତା ଆସ, ସାମା ମାହାପୁରୁ ହୁକୁମି ମାନୁଡି ଆନାୟି କାଜା କାତା । ୨୦ ବାରେ ଜାଣାଇ ଏନିକି ମାହାପୁରୁ ହାଡ଼ାମାନେସି ଏଲେକି ମାଣ୍ଡମେସି । ୨୧ ମାରୁ ହଲିୟାଜା ଆହାମାଗାଟି ହାଟୁକି ଆହାମାଞ୍ଜେରି ? ଅଣପାଆଦୁ; ସାମା ଗେଲ୍‌ପିଆୟାଲି ଆଡିଦେରି ଆତିହାସି ଗେଲ୍‌ପି ଆୟାଲି ପାରୁ ପାରାଦୁ । ୨୨ ଆମ୍ବାଆସି ହଲେଏସି ଆହାଁ ପୁରୁ ତାଣା ହାଟୁକି ଆହାମାନେସି, ଏଞ୍ଜାସି ପୁରୁତି ଗେଲ୍‌ପି ଆଡାସି; ଏଲେକିହାସି ଏ ଆମ୍ବାଆସି ଗେଲ୍‌ପିଆହାଁ ହାଟୁକି ଆହାମାନେସି ଏଞ୍ଜାସି କ୍ରୀସ୍ତୁତି ହଲେଏସି । ୨୩ ମାରୁ ହାଡ଼େକା ଦାରାତଲେ କଡ଼ୁଡ଼ି ଆହାମାଞ୍ଜେରି; ମାଣ୍ଡସିୟାତି ହଲିୟାଜାତେରି ଆଆଦୁ । ୨୪ ତାୟିୟା ଅଡ଼େ ତାଞ୍ଜିୟାତେରି, ମାହାପୁରୁ ମିଜେ ହାଡ଼ାଗାଟି ମାରୁ ଏନିକି ମାତେରି ଏଲେଆହାସି ଏ ମାହାପୁରୁ ତଲେ ତୟିନାୟି ମାନେ ।

ବାହା ଆଆତି ଲକୁ ଇଞ୍ଜା ରଞ୍ଜେଣ୍ଡସିକା କାତା

୨୫ ତାଆସିକା କାତା, ନାନୁ ପୁରୁ ତାଣାଟି ଏନି ହୁକୁମି ବେଟା ଆହାହିଲଅଁ; ସାମା ପୁରୁତି କାର୍ମାଟି ନାନୁଗାଟାସି ଆହାନା ନା ଅଣପୁତା ଝେସିମାଞ୍ଜାଇ ।

୨୬ ନାନୁ ଅଣପିମାଲ୍, ମାଣ୍ଡସି ଏନିକି ମାନେସି, ନୀଏତି କସ୍ତ ବାଦା ତାକି ଏଲେକିହାସି ଏ ମାନାୟି ନେହେଁ । ୨୭ ନାନୁ ତକ୍ତୁ ତଲେ ଦସ୍ପି ଆହାମାଞ୍ଜି ? ଆତିହାସି ପିସ୍ପି ଆହାଲି ଅଣପାଆନି, ଇଞ୍ଜା ନାନୁ ତକ୍ତୁ ତାଣାଟି ପିସ୍ପି ଆହାମାଞ୍ଜି ? ଆତିହାସି ତକ୍ତୁନି ଇଗାଲି ଅଣପାଆନି । ୨୮ ସାମା ନାନୁ ବାହା ଆହାମାଞ୍ଜି, ଆଡିଜିକେଏ ପାପୁ କିହାହିଲଅତି; ଅଡ଼େ ତାଆପଦା ବାହା ଆହାମାନେ, ଆଡିଜିକେଏ ଏଦି ପାପୁ କିହାହିଲେଏ, ଆଡିଜିକେଏ ଇଲେତି ଲକୁ ଆଜାତା ହାଡ଼େକା କସ୍ତ ବେଟାଆନୁ, ଅଡ଼େ ମାରୁ ଏମ୍ବାଟି ଏନିକି ଗେଲ୍‌ପି ଆଡ଼େରି ଇଦି ନା ଅଣପୁ ।

୨୯ ସାମା ଏ ତାୟିୟା ଅଡ଼େ ତାଞ୍ଜିୟାତେରି ନା ଅଣପୁ ଇଦି, ଦିନା ତାଗେ ଏଦାତେୟିଏ, ଏଦାଆଁତାକି ଆମ୍ବାଆରାକି ତକ୍ତୁ ମାନେ, ଏଞ୍ଜାସି ତକ୍ତୁ ହିଲାଆଲେହେଁ ମାଣ୍ଡମେସି । ୩୦ ଅଡ଼େ ଆମ୍ବାଆରି ତାହି ମାନେରି, ଏଞ୍ଜାରି ତାହି ହିଲାଆ ଲକୁ ଲେହେଁ ଆଡ଼େରି; ଅଡ଼େ ଆମ୍ବାଆରି ରାହାଁ କିହମାନେରି, ଏଞ୍ଜାରି ରାହାଁ କିହ ହିଲାଆ ଲକୁ ଲେହେଁ ଆଡ଼େରି; ଇଞ୍ଜା ଆମ୍ବାଆରି କତିନେରି ଏଞ୍ଜାରି ଅଦିକାରା ବେଟାଆଆତି ଲେହେଁ ଆଡ଼େରି; ୩୧ ଅଡ଼େ ଆମ୍ବାଆରି ଦାର୍‌ତିତି ଦିଶସୁ ଲେସିମାନେରି ଏଞ୍ଜାରି ଲେସାଆଗାଟି ଲକୁ ଲେହେଁ ଆଡ଼େରି; ଏଦାଆଁତାକି ଇତିହାସି ଇ ଦାର୍‌ତିତି ଖାଣା ତିରିମୁହି ମାନେ ।

୩୨ ସାମା ମାରୁ ଏନିକି ଅଣପଅତେରି ଏଦି ନା ଅଣପୁ, ଆମ୍ବାଆସି ବାହା ଆଆତାସି ଏଞ୍ଜାସି ଏନିକି ପୁରୁଇ ରାହାଁ କିଡିକିହାଲି ଖାରୁଇ ପୁରୁତି କାମା ଅଣପିନେସି; ୩୩ ସାମା ଆମ୍ବାଆସି ବାହା ଆହାମାନେସି ଏଞ୍ଜାସି ଏନିକି ତାନି ତକ୍ତୁନି ରାହାଁ ଗାଟାସି ଆନେସି, ଏଦାଆଁତାକି ଦାର୍‌ତିତି କାତା ଅଣପିନେସି ଇଞ୍ଜା ତାନି ମନ ବାଟା ଆନେ । ୩୪ ବାହା ଆଆତି ଇୟାସିକା ଅଡ଼େ ତାଆସିକା ଆଜା ଇଞ୍ଜା ଜୀଞ୍ଜୁତା ସୁପୁ ଆହାଲି ପୁରୁତି କାତା ଆସାନା ଅଣପିନୁ; ସାମା ଆମ୍ବାଆୟି ବାହା ଆହାମାନେ ଏଦି ଏନିକି ଜାହାରା ତକ୍ତାଇ ରାହାଁ କିୟାଲି ଆଡିନେ, ଏଦାଆଁତାକି ଦାର୍‌ତିତି କାତା ଅଣପିନେ ।

୩୫ ଇ କାତା ନାନୁ ମା ନେହେଁତାକି ଝେସିମାଞ୍ଜାଇ, ମିଜେ କସ୍ତ ହାନି ମେରା ତଲେ ଦସ୍ପି ଆହାଲି ଝେସିମାଞ୍ଜଅଁ, ସାମା ମାରୁ ଏନିକି ମାନି କିହାଁ ରଣ୍ଡିଏ ମନତଲେ ପୁରୁ ତାଣା ତୟିଦେରି, ଏଦାଆଁତାକି ଝେସିମାଞ୍ଜାଇ ।

୩୬ ସାମା, ଆମ୍ବାଆସି ତାଜେତାକି ରାସ୍ପଆଡି ମାଜାନି ତାଆବେଲା ରାଡ଼େୟିଏ ଇଞ୍ଜା ଅଣପିନେସି, ଅଡ଼େ ଏଞ୍ଜାସି ମୁସାନା ମାଞ୍ଜାଲି ଆଡାଆସାରେ ଅଡ଼େ ତାଜେ ଲଡାଆନେ ଆତିହାସି ତାନି ମନତା ଏନାୟି ମାନେ ଏଲେଆହାସି ବାହା ଆନାୟି ମାନେ, ଏମ୍ବାଆଁ ପାପୁ ହିଲେଏ, ଏଦାଆଁତାକି ଏଡ଼ି ବାହା ଆପୁ । ୩୭ ସାମା ଆମ୍ବାଆସି ହିୟାତା ତାରି ମାନେସି, ଅଡ଼େ ବାହା ଆହାଲି ମନ କିଅସି ଇଞ୍ଜା ଆମ୍ବାଆସି ତାନି

ମନଡି ଲକହାଲି ଆଡିନେସି ଅଡ଼େ ଏଝାସି ତାନି ମନତା ଏନାଆଁ କିହାଲି ଅଣପାମାନେସି ଆତିହୁଁ ଏଝାସି ତାଙ୍ଗେ ରୀସାମାନି ତାଆ ପଦାଈ ବୀହା ଆଆତ ନେହେଁ । ୩୮ ଏଦାଆଁତାକି ଆମ୍ବାଆସି ତାଙ୍ଗେ ରୀସାମାନି ତାଆ ମାଙ୍ଗାନି ବୀହା କିନେସି ଏଝାସି ନେହୁଁ କିନେସି, ଅଡ଼େ ଆମ୍ବାଆସି ବୀହା ଆଆସି ଏଝାସି ଏଦାଆଁ କିହାଁ ହାଡ଼େକା ନେହୁଁ କିନେସି ।

୩୯ ବୀହା ଆଡି ତକ୍ତି ତାନି ତକ୍ତା ଜୀଝୁ ମାନି ପାତେକା ଦସ୍ପି ଆହା ଡ଼ୟିନେ; ସାମା ତକ୍ତା ହାଡ଼ିସାରେ ଏ ତକ୍ତି କ୍ରୀସୁ ତାଣା ନାମାମାନି ଆମ୍ବାଆରାଈ ମନ ଏଝାଣାକି ବୀହା ଆୟାଲି ଆଡିନେ । ୪୦ ସାମା ନା ଅଣପୁତା, ଏଡି ଏନିକି ମାନେ ଏଲେକିହୁଁ ଏ ଡ଼ୟିତିହୁଁ ହାଡ଼େକା ରାହାଁତଲେ ଡ଼ୟିନେ, ଇଦି ମାହାପୁରୁ ଜୀଝୁତି ହେଲ ଇଞ୍ଜୁଁ ନାନୁ ଅଣପିମାଈ ।



ପେଣକା ବମାୟାଁକି ଡାକାମାନି ରାନ୍ଦାତି କାତା

୧ ପେଣକା ବମାୟାଁକି ଡାକାମାନି ବଗୁତି କାତା ନାନୁ ଝେହନାୟି ଇଦି, “ବାରେତାକି ବୁଦି ମାନେ” ଇଞ୍ଜୁଁ ମାରୁ ଝେସିମାଞ୍ଜେରି, ଏଦାଆଁ ମାମୁ ପୁଞ୍ଜାମାନମି । ବୁଦି ତାହାରା କିଞ୍ଜିକିୟାନେ, ସାମା ଜୀଝୁନନାୟି କାଲୁଞ୍ଜି କିୟାନେ । ୨ ଆମ୍ବାଆସି ଏନି କାତାତା ଜିକେଏ ନାନୁ ପୁଞ୍ଜାମାଈ ଇଞ୍ଜୁଁ ଅଣପିନେସି, ଆତିହୁଁ ଏଝାଣାକି ଏନିକି ପୁନାୟିମାନେ, ଏଝାସି ନୀର୍ଏ ପାତେକା ଏଲେକି ପୁଞ୍ଜାହିଲଅସି । ୩ ସାମା ଆମ୍ବାଆସି ମାହାପୁରୁଈ ଜୀଝୁ ନନେସି, ଏଝାଣାଈ ମାହାପୁରୁ ପୁଞ୍ଜାମାନେସି ।

୪ ଏଦାଆଁତାକି ପେଣକା ବମାୟାଁକି ଡାକାମାନି ବଗୁତି ତିନି କାତା ମାରୁ ପୁଞ୍ଜାମାନାୟି, ଦାରତିତା ପେଣକା ଇଞ୍ଜିହୁଁ ଏନାଈ ହିଲାର, ଅଡ଼େ ରଣିଏ ମାହାପୁରୁ ପିସପେ ଅଡ଼େ ରଅସି ହିଲଅସି । ୫ ଇତିହୁଁ ଲାକପୁରୁ ଆପେ କି ଦାରତିତା ଆପେ, ଆମ୍ବାଆରାଈ ମାହାପୁରୁ ଇନେରି, ପେଣକା ମାତିହୁଁ ଜିକେଏ ସାତେଏ ହାଡ଼େକା “ପେଣକା” ଅଡ଼େ ହାଡ଼େକା “ପୁରୁୟାଁ” ମାନୁ, ୬ ଆଡିଜିକେଏ ମାଙ୍ଗେତାକି ରଣିଏ ମାହାପୁରୁ ଇତିହୁଁ ଏ ଆଡ଼ା ତାଣାଟି ବାରେ ଗାଡ଼ି ଆହାମାନେ, ଇଞ୍ଜାଁ ମାରୁ ଏଝାଣି ତାକି ନୀତାମାନାୟି; ଇଞ୍ଜାଁ ରଣିଏ ପ୍ରବୁ ଇତିହୁଁ ଜୀସୁ କ୍ରୀସୁ, ଏଝାଣି ତାଣାଟି ବାରେ ଗାଡ଼ି ଆହାମାନେ, ଅଡ଼େ ମାରୁ ଏଝାଣି ତାଣାଟି ନୀତାମାନାୟି ।

୭ ଆଡିଜିକେଏ ବାରେତାକି ଇ ବୁଦି ହିଲେଏ; ସାମା ଏଚେକା ଲକ୍ତୁ ନୀର୍ଏ ପାତେକା ପେଣକା ମାନୁ ଇଞ୍ଜୁଁ ଅଣପାମା ପେଣକା ବମାୟାଁକି ଡାକାମାନି ବଗୁ ତିନେରି, ଇଞ୍ଜାଁ ଏଝାରି ଅଣପୁତି ବାଡ଼ୁୟୁ ଉଣା ମାନାକି ଦହୁଗାଗାରି ଆନେରି । ୮ ସାମା ତାନି ରାନ୍ଦା ମାଙ୍ଗେ ମାହାପୁରୁ ନକିତା ନେହୁଁ କି ଲାଗେଏ କିୟେଏ; ତିନାଆତିହୁଁ ମା ଏନାୟି ନସୁ ଆଏ ଅଡ଼େ ତିତି ସାରେ ମାଙ୍ଗେ ଏନି ଲାତା ଆଏ ।

୯ ସାମା ଜାଗ୍ରାତା, ନଲେ ମୀ ତାଣା ମାନି ଅଦିକାରା ନାମୁତା ବାଡ଼ୁୟୁ ହିଲାଆ ଗାଟାରାକି କସୁ ବାଦା ହୀନାୟି ଆନେ । ୧୦ ବୁଦି ଗାଟାତେରି ମାରୁ, ମିଙ୍ଗେ ଆମ୍ବାଆସି ପେନୁତି ଦେଝୁଡ଼ି ବକ୍ତିତା କୁଗାମାନାଣି ମେସୁତିହୁଁ, ଏଝାସି ନାମୁତା ଉଣା ମାତିହୁଁ, ତାନି ଅଣପୁତି ବାଡ଼ୁୟୁ ଉଣା ମାନାକି ପେଣକା ବମାୟାଁକି ଡାକାମାନି ବଗୁ ତିଞ୍ଜାଲି ସାସା ଆଆସି କି ? ୧୧ ଇଞ୍ଜାଁ ଆମିନି ବାଡ଼ୁୟୁ ହିଲାଆ ନାମିତି ତାୟି କି ତାଙ୍ଗି ତାକି କ୍ରୀସୁ ହାଡ଼େସି, ଏଝାସି ନୀ ଏ “ବୁଦି” ତଲେ ନାସା ଆହିମାନେସି । ୧୨ ଇଲେକିହୁଁ ମୀ ତାଣା ମାନି ନାମିତି ତାୟିୟାଁ କପାଟି ପାପୁ କିହାଁ ଇଞ୍ଜାଁ ଏଝାରି ବାଡ଼ୁୟୁ ହିଲାଆ ଅଣପୁତି କସୁ ହାହାନା ମୀ କ୍ରୀସୁତି କପାଟି ପାପୁ କିହିମାଞ୍ଜେରି । ୧୩ ଇଦାଆଁତାକି ତିନି କାଦି ନା ତାୟିକି କସୁ ହନେ, ଆତିହୁଁ ନା ତାୟି ଏନିକି ନା ତାଣାଟି କସୁ ଆଆସି, ଏଦାଆଁତାକି ନାନୁ ଏଚେଲା ଉଞ୍ଜା ତିନଆଁ ।



ପାଣ୍ଡୁଞ୍ଜି ଆଡ଼ାରି ଅଦିକାରା ଅଡ଼େ ଦାୟିପତି

୧ ନାନୁ ନା ମନଡ଼ଲେ ମାଞ୍ଜାଲି ଆଡ଼ଆଁ ? ନାନୁ ର ପାଣ୍ଡୁଞ୍ଜି ଆଡ଼ାତେଏଁ ଆଏ ? ନାନୁ ଏନାଆଁ ମା ପ୍ରବୁ ଜୀସୁଈ ମେସାହିଲଆଁ ? ମାରୁ କି ମାହାପୁରୁ ତାଣା ନା କିତି କାମାତି ପାଡ଼େୟି ଆଏ ? ୨ ନାନୁ ଏଚକାତାରି ତାଣା ପାଣ୍ଡୁଞ୍ଜି ଆହାହିଲାଆତି ଜିକେଏ, ମିଙ୍ଗେତାକି ନାନୁ ସାତେଏ ପାଣ୍ଡୁଞ୍ଜି ଆହାମାନାତେଏଁ, ଇତିହୁଁ ପ୍ରବୁ ତାଣା ମାରୁ ନା ପାଣ୍ଡୁଞ୍ଜି ଆହାମାନି ପାଣାତା ଝେଟାମାନି ବୁଟୁ ମୁଦା ଲେହେଁ ଆହାମାଞ୍ଜେରି ।

୩ ନାଙ୍ଗେ ନାହିୟାଁ କିୟାନାରିକି ନାନୁ ଝେଣ୍ଡେ ଝେସ୍ତାନି କାତା ଇଦି । ୪ ନା କାମାତାକି ତିଞ୍ଜା ଉଣ୍ଡାଲି ମାଙ୍ଗେ ଅଦିକାରା ହିଲେଏ ? ୫ ଅର ପାଣ୍ଡୁଞ୍ଜି ଆହାମାନାରି ପ୍ରବୁତି ତାୟିୟାଁ ଅଡ଼େ କେପା* ଲେହେଁ କ୍ରୀସ୍ତାନା

* ୯:୫ ୯:୫ ପିତର

ତାଜିନି ବାହା ଆହାଁ ଏ ଇୟାନି ତଲେ ରେଜାଲି ମାଜୋ ଅଦିକାରା ହିଲେଏ କି ? ୬ ଅଡେ ଜାସୁତା ନୀତାଲିତାକି କାମାତି ପିସାଲି ନାଜୋ ଅଡେ ବର୍ନବାତି ଅଦିକାରା ହିଲେଏ କି ? ୭ ର ହୁକୁ କିନାସି ହୁକୁତା ମାନି ବେଲା ତାନୁଏ ତାଜୋତାକି କାରୁଁ କିନେସିକି ? ଇଞ୍ଜା ଆମ୍ବାଆସି ଅଜୁରି ବାଡ଼ା କିହାଁ ଏମାତି ପାଡେୟି ତିନଅସି କି ? ଇଞ୍ଜା ର ଗଡ଼ ତାନି ମାନ୍ଦାତି ପାଲୁ ଗହଅସି କି ?

୮ ନାନୁ ମାଣସି ଆହାଁ ଈ ବାରେ କାତା ଝେସିମାଞ୍ଜାଇଁ ? ଇଞ୍ଜା ସାପ୍ତେରି ଜିକେଏ ଈ ବାରେ କାତା ଝେସିମାଞ୍ଜେଏ କି ? ୯ *ଇତିହଁ ମସାତି ମୋରାତା ଇଲେଇଞ୍ଜୁଁ ରାସ୍ତି ଆହାମାନେ, “ନପଁ ମାନି କଡ଼ିତି ଗୁଡିତା କତ୍ତା ଦହଆଦୁ,” ମାହାପୁରୁ ଖାରଇ ଏ କଡ଼ିତି ଅଣ୍ଡିପିମାନେସି କି ? ୧୦ ଏଝାସି ଇଦାଆଁ ମାଜୋତାକି ଝେସା ମାଞ୍ଜଅସି ? ହାଅ, ମାଜୋତାକି ଇଦି ରାସ୍ତି ଆହାମାନେ, ଏନାଆଁତାକି ଇତିହଁ ଆମ୍ବାଆସି ତାସା କିନେସି ଆସା ତଲେ ତାସା କିନାୟିମାନେ, ଅଡେ ନପଁ ନାସି ଗାଡି ବାଗା ବେଟାଆହାଲି କତ୍ତା ଦହନେସି । ୧୧ ମାନୁ ମିଜୋତାକି ନେହଁ ଜାସୁତି ବିଗା ମାଗା ମାଗାମାନମି, ଅଡେ ମୀ ତାଣାତି ଈ ଦାରତିତି ତାସା ଦାଡିହଁ ଏଦି ଏନି କାଜା କାତା ଆଏକି ? ୧୨ ଏଟକା ଲକୁ ମୀ ତାଣାତି ବାଗା ବେଟାଆହାଲି ଅଦିକାରା ମାଡିହଁ, ଏଦାଆଁ କିହାଁ ଆଗାଡ଼ା ବେଟାଆହାଲି ମା ଅଦିକାରା ହିଲେଏ କି ? ଆଡିଜିକେଏ ମାନୁ ଏ ଅଦିକାରା ଲେମ୍ବା ହିଲଅମି । ସାମା ଏନିକଁ ମାନୁ କ୍ରୀସ୍ତିତି ନେହଁ କାରୁ ଝେକ୍ କିନି କାମାତା ଏନି ବାଡ଼ା ଖାଆପେ ଇଞ୍ଜୁଁ ବାରେ ଅରହିମାନମି ୧୩ ଆମ୍ବାଆସି ଦେସୁଡିତା ପୂଜା କିନାରି ଏଝାରି ଦେସୁଡିତି ରାନ୍ଦା ବେଟାଆନେରି, ଇଞ୍ଜୁଁ ମାରୁ ପୁଞ୍ଜାହିଲଅଡେରି କି ? ୧୪*ଏଲେକିହଁ ଏ ଆମ୍ବାଆସି ନେହଁ କାରୁଡି ଝେକିହି ମାନେରି, ଏଝାରି ନେହଁ କାରୁ ଝେକିନି ତାଣାଟିଏ ନୀଡିନେରି, ଈ କାତା ପ୍ରବୁ ହୁକୁମି ହାହାମାନେସି ।

୧୫ ସାମା ନାନୁ ଈ ବାରେ ଏନାଆଁଖା ଲେମ୍ବାହିଲଅଁ, ଅଡେ ନାଜୋତାକି ଏଲେ କିଝିଆପେ, ଏଦାଆଁତାକି ରାଡିମାଞ୍ଜଅଁ; ଇତିହଁ ଆମ୍ବାଆସି ନା ନେହଁ ବଡପଣତି ଉଜେଏ କିନି କିହାଁ ନାନୁ ହାହାହାନାୟି ନେହେଁ । ୧୬ ଇତିହଁ ନାନୁ ନେହଁ କାରୁ ଝେକଇଁ, ଏମାଆଁ ନା ବଡପଣ ଆନାୟି ହିଲେଏ, ଏନାଆଁତାକି ଇତିହଁ ଏଦାଆଁକିହାଲି ହୁକୁମି ବେଟାଆହାମାଇଁ, ଇଞ୍ଜା ନାନୁ ନେହଁ କାରୁ ଝେକଆଡେଏଁ ଇତିହଁ ନାନୁ ଏଡେକା ତଣ୍ଡ ବେଟାଆନାଡେଏଁ । ୧୭ ଇତିହଁ ନାନୁ ଜାହାରା ମନଡଲେ ଈ କାମା କିଇଁ, ଆଡିହଁ ନାଜୋତାକି ଦାନା ମାନେ; ସାମା ନାନୁ ନା ମନଡଲେ କାମା କିଆଡିହଁ ଜିକେଏ ମାହାପୁରୁ ନାଜୋ ସେବାକିନି କାମାତି ବକୁ ହେବପା ମାଞ୍ଜନେସି । ୧୮ ଆଡିହଁ ନା ଦାନା ଏନାୟି ? ଏଦି ଇଦି ନାନୁ ନା ନେହଁ କାରୁତା ମାନି ଅଦିକାରା ଲେମ୍ବାଆନା ନେହଁ କାରୁ ଝେସି ଝେସି ଏ ନେହଁ କାରୁଡି ଉଜେଏ ଝେକଇଁ ।

୧୯ ନାନୁ ଆମ୍ବାଆସି ହଲେଏଣା ଆଆଡି ଜିକେଏ, ଏନିକଁ ନାନୁ ହାରେକା ଗାଡି ଲକୁଣି ବେଟାଆହାଲି ଆଡିଇଁ, ଏଦାଆଁତାକି ନାନୁ ଜାହାରାଇଁ ବାରେତି ହଲେଏସି କିଡେଏ । ୨୦ ଏନିକଁ ନାନୁ ଜୀହୁଦିୟାଣି କ୍ରୀସ୍ତି ତାକି ଜାଣା ଆହାଲି ଆଡିଇଁ, ଏଦାଆଁତାକି ଜୀହୁଦି ଲକୁ ନକିତା ନାନୁ ଜୀହୁଦି ଲେହେଁ ଆହିମାଇଁ; ଏନିକଁ ମସାତି ମୋରାତା ଦସ୍ପି ଆହାମାନାରାଇଁ ଜାଣା ଆହାଲି ଆଡିଇଁ, ଏଦାଆଁତାକି ନାନୁ ମୋରାତା ଦସ୍ପି ଆଆଡି ଜିକେଏ ମୋରାତା ଦସ୍ପି ଆଡି ଲକୁଲେହେଁ ଆଡେଏଁ । ୨୧ ଏନିକଁ ନାନୁ ମସାତି ମୋରା ପୁନାଆଡି ଏଟକା କୃତାଡି ଲକୁଣି ବେଟାଆହାଲି ଆଡିଇଁ, ଇଦାଆଁତାକି ନାନୁ ମାହାପୁରୁତି ମୋରାତା ହିଲାଆ ଲକୁ ଆଆନା କ୍ରୀସ୍ତିତି ମୋରା ମାନୁଡି ଆଡିଜିକେଏ ମସାତି ମୋରାତା ହିଲାଆ ଲକୁ ନକିତା ମସାତି ମୋରାତା ହିଲାଆ ଲକୁଲେହେଁ ଆଡେଏଁ । ୨୨ ଏନିକଁ ନାନୁ ବାଡ଼ୁୟି ହିଲାଆଗାଟାରାଇଁ ଜାଣା ଆହାଲି ଆଡିଇଁ, ଏଦାଆଁତାକି ବାଡ଼ୁୟି ହିଲାଆ ଗାଟାରି ନକିତା ବାଡ଼ୁୟି ହିଲାଆଲେହେଁ ଆଡେଏଁ; ଏନିକିହଁ ଜିକେଏ ନାନୁ ଏଡେକା ଜାଣାଇଁ ଗେଲପାଲି ଆଡିଇଁ, ଇଦାଆଁତାକି ବାରେ ଲକୁ ଏନିଲେହେଁତାରି ନାନୁ ଏଝାରିଲେହେଁ ଆଡେଏଁ ।

୨୩ ନାନୁ ଏନିକଁ ନେହଁ କାରୁଡି ବରତା ଆଣ୍ଡାଲି ଆଡିଇଁ, ଏଦାଆଁତାକି ନାନୁ ନେହଁ କାରୁତାକି ବାରେ କିଇଁ । ୨୪ ଆମ୍ବାଆସି କାହିନି ତାଣା ହଣନେରି ଏଝାରି ବାରେଜାଣା ହଣନେରି ସାତା, ସାମା ରଅସିଏ ଜାଣା ଆହାଁ ଦାନା ବେଟା ଆନେସି, ଇଦାଆଁ ମାରୁ ପୁଞ୍ଜାହିଲଅଡେରି ? ମାରୁ ଏନିକଁ ଦାନା ବେଟାଆନେରି ଏଦାଆଁତାକି ଏଲେକଁ ହଣପୁ । ୨୫ ଆମ୍ବାଆସି ବାଡ଼ହାରା ତଲେ କାହିନି ତାଣା ଆଣ୍ଡିନେସି ଏଝାସି ବାରେ ନେହଁ କଁ ଜାପିନେସି; ଏଝାରି ଗାଡ଼କେଏ ନାସି ଆନି ଟପେରି ବେଟାଆହାଲି କାହିମାନେରି; ସାମା ମାରୁ ଏଡେଲାଝା ନାସା ଆଆଗାଡି ଟପେରି ବେଟାଆହାଲି ଏଲେ କିନ

* ୯:୯ ୯:୯ ୧ଡିନ ୫:୮୮ * ୯:୧୪ ୯:୧୪ ମାଡି ୧୦:୧୦; ଲୁକ ୧୦:୭

। ୨୭ ଏଦାଆଁତାକି ନାନୁ ହଚିମାଈ, ସାମା ଗୁରି ହିଲ୍ଲାଆ ତାଣା ଆଏ, ନାନୁ ମୁଚିତଲେ କୁଡ଼କି ଆନି କୁକୁ କିହିମାଈ, ସାମା ଖାଉଇ ଗାଲିତି ଖେନି ଲକୁଲେହେଁ ଆଏ । ୨୮ ଏବଂକା ଲକୁତାଣା ନେହଁ କାତୁ ଖେସିହଁ ନାନୁ ଏନିକଁ ଅପାଆ ଗାଟାତେଏଁ ଆଅଁ ଏଦାଆଁତାକି ନା ଆଜାତି କସ୍ତ ବାଦା ହାହାନା ଲକ୍‌ହିମାଈ ।

୧୦

ପେଣକା ବମାୟାଁ ସେବାଟି ଜାଗ୍ରାତା କିନାୟି

୧ ଇଚିହଁ ଏ ତାୟିୟାଁ ଅଡ଼େ ତାଜିସ୍ତାତେରି ମା ଆକୁ ଆବାୟାଁ ବାରେ ଦୁନ୍ଦା ଡ଼କକା ମାଚେରି । ୨ ଅଡ଼େ ବାରେଜାଣା ସାମାଦୁରି ବିତ୍ରାଟି ହାଚେରି, ଇଞ୍ଜା ବାରେଜାଣା ଦୁନ୍ଦା ଅଡ଼େ ସାମାଦୁରିତା ମସା ତାଣାଟି ବାପୁସ୍ତୁ* ଅଚେରି । ୩ ଅଡ଼େ ଏଞ୍ଜାରି ବାରେଜାଣା ରଣ୍ଡିଏ ଜୀଞ୍ଜୁତି ରାନ୍ଦା ତିଚେରି । ୪ ଅଡ଼େ ବାରେଜାଣା ରଣ୍ଡିଏ ମାହାପୁରୁ ହାତି ଜୀଞ୍ଜୁତି ଏୟୁ ଗସ୍ତେରି, ଇଚିହଁ ଏଞ୍ଜାରିତଲେ ହାଜିମାଟି ମାହାପୁରୁ ହାତି ଜୀଞ୍ଜୁତି ପାକା ଖାଲିତି ଏୟୁ ଗସ୍ତେରି ଏ ପାକା ଖାଲି ଜ୍ରୀସ୍ତ, ୫ ଆଡ଼ିଜିକେଏ ଏଞ୍ଜାରି ବିତ୍ରାଟି ହାଚେରିକା ଲକୁତାଣା ମାହାପୁରୁତି ରାହାଁ ହିଲ୍ଲାଆତେ, ଇଞ୍ଜା ଏଞ୍ଜାରି ଲକୁ ହିଲ୍ଲାଆ ଚାୟୁତା ହାହାହାଚେରି, ଇ ବାରେ କାତା ମୀରୁ ପୁନାଆନା ମାଞ୍ଜୁ ଇଞ୍ଜୁଁ ନା ମନ ହିଲେଏ ।

୬ ଏଞ୍ଜାରି ଏନିକଁ ଲାଗେଏ ପଲେଏତାଣି ତାକି ଜୁପକା ଆହାମାଚେରି, ଏଲେକଁ ମାରୁ ଏଲେତି ଜୁପକା ଆଆୟି, ଏଦାଣିତାକି ଇ ବାରେ କାତା ମାଜେତାକି ପୁଣ୍ଡିକିନାୟି ଆହାମାନେ । ୭ ଏନିକଁ ଏଞ୍ଜାରି ବିତ୍ରାଟି ଏଚରଜାଣା ପେଣକା ପୂଜା କିନାରି ଆଚେରି, ଏଲେକଁ ମୀରୁ ପେଣକା ପୂଜା କିନାଚେରି ଆଆଦୁ; ଏନିକଁ ରାସ୍ତକି ଆହାମାନେ, "ଲକୁ ତିଞ୍ଜା ଉଣ୍ଡାଲି କୁଗିଚେରି, ଅଡ଼େ ଏନିହଁ ରାହାଁ କିହାଲି ନିଜିଚେରି ।" ୮ ଏନିକଁ ଏଞ୍ଜାରିତାଣା ଏଚରଜାଣା ଦାରିକାମା କିହାନା ରଣ୍ଡିଏ ନେଚୁ କଡ଼େ ତାନି ମାଣା ଲକୁ ହାଚେରି, ଏଲେକଁ ମାରୁ ଦାରିକାମା କିଆପ । ୯ ଏନିକଁ ଏଞ୍ଜାରି ବିତ୍ରାଟି ଏଚରଜାଣା ପ୍ରବୁଇଁ ତାୟିପାରି କିହାଁ ରାଚୁ ତଲେ ହାଚେରି, ଏଲେକଁ ମାରୁ ପ୍ରବୁଇଁ ତାୟିପାରି କିଆପ । ୧୦ ଏନିକଁ ଏଞ୍ଜାରି ବିତ୍ରାଟି ଏଚରଜାଣା ବାଟା କିହାଲିଏ ନାସାକିନି ଦୁଚୁ କେୟୁଟି ହାଚେରି, ଏଲେକଁ ମୀରୁ ବାଟା କିଆଦୁ ।

୧୧ ଇ ବାରେ ପୁଣ୍ଡିକିନିଲେହେଁ ଏଞ୍ଜାରାକି ଆଡ଼େ, ଅଡ଼େ ଆମ୍ବାଆରି ବେଲମତା ଜୁଗୁରାନି ଦିନା ଏଜିମାଞ୍ଜାନେ, ଏଲେକିହଁ ମାରୁ ମା ସେତୁନା ତାକି ଏ ବାରେ ରାସ୍ତକି ଆହାମାନେ । ୧୨ ଏଦାଆଁତାକି ଆମ୍ବାଆସି ନାନୁ ଚାରି ଗାଟାତେଏଁ ଇଞ୍ଜିହଁ ଅଣ୍ଡାପି ମାନାସି, ଏଞ୍ଜାସି ଏନିକଁ ତରଗଅସି, ଏଦାଆଁତାକି ଏଞ୍ଜାସି ଜାଗ୍ରାତା ଆପାସି । ୧୩ ମାଣସିତାକି ଏନିଲେହେଁତ ତାୟିପାରି କିନାୟି କସ୍ତଗାଟାୟି ଆଏ, ଏଦାଆଁ ପିସ୍ତପେ ମିଜେତାକି ଏବଂକାତି ତାୟିପାରି କିନାୟି ଆହା ହିଲେଏ, ସାମା ମାହାପୁରୁ ଟିକାଣାତାସି, ଏଞ୍ଜାସି ମିଜେ ଏନି ଆଡ଼ାଆଗାଟି ତାୟିପାରି କିହାଲି ହିୟଅସି, ସାମା ମୀରୁ ଏନିକଁ ଅଚହାଲି ଆଡ଼ିଦେରି, ଏଦାଆଁତାକି ତାୟିପାରି କିଞ୍ଜିଏ ଏଞ୍ଜାସି ଗେଲପିନି ଜିରୁ ଜିକେଏ କେପିନେସି ।

୧୪ ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଜିସ୍ତାତେରି ପେଣକା ବମାୟାଁ ପୂଜା କିନି ତାଣାଟି ଏବଂକା ଆଦୁ । ୧୫ ନାନୁ ବୁଦିଗାଟି ଲକୁଣି ଖେହନିଲେହେଁ ଖେସିମାଞ୍ଜାଇଁ, ନାନୁ ଏଦାଆଁ ଖେସିମାଞ୍ଜାଇଁ ଏଦାଆଁ ମୀରୁ ମୀରୁଏ ଅଣ୍ଡାପାଦୁ । ୧୬ ଆମିନି ପ୍ରବୁତି ବଜି ସଲ୍ଲା ତାକି ଜହରା କିନାୟି, ଏଡ଼ି ଜ୍ରୀସ୍ତତି ନେଚେରିତା ଆଣ୍ଡିହଲେଏ ? ଆମିନି ରୁଟି ମାରୁ ଡିକ୍‌ହି ମାନାୟି ଏଡ଼ି କି ଜ୍ରୀସ୍ତତି ଆଜାତା ଆଣ୍ଡିହଲେଏ ? ୧୭ ଇଚିହଁ ରୁଟି ରଣ୍ଡିଏ ଆଡ଼ାକି ମାରୁ ହାଚେରିକା ଆଡ଼ିଜିକେଏ ରଣ୍ଡିଏ ଆଜା ଲେହେଁ, ଏଦାଆଁତାକି ମାରୁ ବାରେଜାଣା ରଣ୍ଡିଏ ରୁଟିତି ବାଗା ।

୧୮ ଆଜାତି ଜାନାଁ ତଲେ ଆମ୍ବାଆରି ଇସାୟେଲ ଲକୁ, ଏଞ୍ଜାରାଇଁ ସିନିକିଦୁ ଆମ୍ବାଆରି ପୂଜା କିତି ଉଜା ତିନେରି, ଏଞ୍ଜାରି ପୂଜା ପିଣ୍ଡାତି ପୂଜାତା ଆଣ୍ଡିହଲଅରି ? ୧୯ ଆତିହଁ ପେଣକା ବମାୟାଁ ବଗୁ ଇଞ୍ଜିହଁ ଏନାୟି ମାନେ, ଅଡ଼େ ପେଣକା ବମାୟାଁ ଇଞ୍ଜୁଁ ଏନାଈ ମାନୁ, ଏଦାଆଁ କି ନାନୁ ଖେସିମାଞ୍ଜାଇଁ ? ୨୦ ଆଏ, ସାମା ନାନୁ ଖେସିମାଞ୍ଜାଇଁ, ଏନାଆଁ ଜୀହୁଦିଆଆତାରି ପୂଜା କିନେରି ଏ ବାରେ ଏଞ୍ଜାରି ମାହାପୁରୁ ତାକି ପୂଜା କିଆନା ବୁଡ଼ୁୟାଁକି କିନେରି, ଅଡ଼େ ମୀରୁ ବୁଡ଼ୁୟାଁ ତଲେ ଆଣ୍ଡାଦୁ, ଇଦି ନା ମନ ଅଣ୍ଡୁତି ଆଏ । ୨୧ ମୀରୁ ପ୍ରବୁ ବଜିତା ରାସା ଗହନିତାଣା ଅଡ଼େ ବୁଡ଼ୁୟାଁ ଗହନିତାଣା ଗସାଲି ଆଡ଼ଅତେରି; ମୀରୁ ପ୍ରବୁତି ବଜି ଅଡ଼େ ବୁଡ଼ୁ ବଜିତା ଆଣ୍ଡାଲି ଆଡ଼ଅତେରି । ୨୨ ମାରୁ ଏନାଆଁ ପ୍ରବୁଇଁ କାରୁବି କିନାୟି ? ମାରୁ କି ଏଞ୍ଜାଣି କିହାଁ ଗାତି ବାଡ଼ୁୟୁ ଗାଟାତାୟି ?

* ୧୦:୨ ୧୦:୨ମୁଞ୍ଜିନାୟି ☆ ୧୦:୧୬ ୧୦:୧୭ ମାଟି ୨୬:୨୬-୨୮; ମାର୍କି ୧୪:୨୨-୨୪; ଲୁକ ୨୨:୧୯,୨୦

୨୩ ବାରେ କିହାଲି ମାରୁ ଆଡ଼ିନାୟି, ସାମା ବାରେ ମା ତାକି ନେହାୟି ଆଏ, ବାରେ କିହାଲି ଆଡ଼ିନାୟି, ସାମା ବାରେ ମା ତାକି ଲାବାଗାଗାୟି ଆଏ । ୨୪ ଆମ୍ବାଆସି ଜାହାରାତାକି ଅଣପାଆପେସି, ସାମା ବାରେଜାଣା ତାକି ନେହାଁଣି ଅଣପାପେସି । ୨୫ ମନୁତି ନେହୁଁକିଁ ଇଟାଲି ହାଡ଼ା ବାଜାରାତା ପାରୁପି ଆହିମାନି ଉଜ୍ଜା, ଆମ୍ବାଆରାଇଁ ଝେନାଆନା ଅଡ଼େ ଇଟାଣି ଅଣପାଆନା ତିଷ୍ଟୁ । ୨୬ ଦାମ୍ବୁପତିତା ରାସ୍ତକି ଆହାମାନେ; “ଇତିହୁଁ ଦାରୁତି ଅଡ଼େ ଏମ୍ବାଆଁ ମାନାୟି ବାରେ ମାହାପୁରୁଖାୟି ।”

୨୭ ନାମାଆତାରି ମିଜେ ତିଞ୍ଜାଲି ହାଟାତିହୁଁ, ଇଞ୍ଜା ମୀରୁ ହାଜାଲି ମନୁ କିତିସାରେ, ଅଡ଼େ ଏମ୍ବାଆଁ ଏନାଆଁ ତିଞ୍ଜାଲି ହାପୁକିଆନେ, ମୀ ଅଣପୁ ତାକି ଇଟାଣି ଝେନାଆନା ତିଷ୍ଟୁ । ୨୮ ସାମା ଆମ୍ବାଆସି ମିଜେ ଏଲେଇଞ୍ଜାନେସି, ଇଦି ପେଣକା ବମାୟାକି ତାକି କିଞ୍ଚିଆହାମାନେ, ଆତିହୁଁ ଏଞ୍ଜାଣି ତାକି ଇଞ୍ଜା ମୀ ଅଣପୁ ତାକି ତିନାଆଦୁ; ୨୯ ମୀ ଅଣପୁ ତାକି ଇଞ୍ଜାଁ ଝେସିମାଞ୍ଜାଅଁ, ସାମା ଏଞ୍ଜାଣି ଅଣପୁ ତାକି । ଏନାଆଁତାକି ନା ମନୁତଲେ ମାନାୟି ଏଟକା ଲକ୍ଷୁତି ନେହାଁଣି ଲାଗେଏତାଣି ପୁନାଣି ତଲେ ବିଚାରା ଆନେ ?

୩୦ “ନାନୁ ମାହାପୁରୁଇଁ ଜହରା କିହାନା ଆମିନି ରାନ୍ଦା ତିଞ୍ଜାମାଇଁ, ଏ ରାନ୍ଦା ତାକି ନାଜେ ଏନାଆଁତାକି ରଥସି ଲାଜାକିହୁଁ ଜଲାନେସି ?”

୩୧ ଏଦାଆଁତାକି ମୀରୁ ତିଷ୍ଟୁ ଉଣୁଁ ଏନାଆଁକିଦୁ, ଏଦାଆଁ ମାହାପୁରୁତି ଗାଞ୍ଜୁରମି ତାକି କିଦୁ । ୩୨ ଜୀହୁଦି ଆପେ, ଜୀହୁଦିଆଆତାରି, ଇଞ୍ଜା ମାହାପୁରୁତି କୁଲମିତି ଲକ୍ଷୁ ଆପାରି, ଆମ୍ବାଆରାକି କସ୍ତ ହୀନାତେରି ଆଆଦୁ । ୩୩ ଏନିକିଁ ନାନୁ ଜିକେଏ ଜାହାରାତାକି ଅଣପାଆନା ହାରେକା ଲକ୍ଷୁତି ଗେଲୁପି ଆୟାଲିତାକି ଏଞ୍ଜାରି ନେହାଁଣି ଅଣପିମାଇଁ, ଅଡ଼େ ବାରେ କାତାତା ବାରେ ଜାଣାଇଁ ରାହାଁ କିୟାଲି ଅଣପିମାଇଁ ।

୧୧

୧ ନାନୁ ଏନିକିଁ କ୍ରୀସ୍ତ କିତିଲେହେଁ କାମା କିହିମାଇଁ, ମୀରୁ ଜିକେଏ ନାନୁ କିହିମାନି ଲେହେଁ କିଦୁ ।

ପ୍ରାଚୀନା କିନାଟି ତାୟଁ ପୁକ୍ତନାୟି

୨ ନାନୁ ମିଜେ ଗାଞ୍ଜୁରମି କିହିମାଞ୍ଜାଇଁ ଏନାଆଁତାକି ଇତିହୁଁ ମୀରୁ ନାଜେ ବାରେବେଲା ଅଣପିମାଞ୍ଜାଦେରି ଅଡ଼େ ନାନୁ ଆମିନି ମେରା ହାହାମାଞ୍ଜାଇଁ, ଏଦାଆଁ ବାରେ ମାନୁଞ୍ଚି ଆହିମାଞ୍ଜେରି ।

୩ ସାମା କ୍ରୀସ୍ତ ବାରେ ଆବାୟାଁ ତାୟଁ ଫୁଲହେଁ ଅଡ଼େ ଆବା ଇୟାନି ତାୟଁ ଫୁଲହେଁ ଇଞ୍ଜା ମାହାପୁରୁ କ୍ରୀସ୍ତତି ତାୟଁ ଫୁଲହେଁ, ଇଦାଆଁ ମୀରୁ ପୁଞ୍ଜୁ ଇଞ୍ଜାଁ ନା ଅଣପୁ । ୪ ଆମିନି ଆବା ତାନି ତାୟଁ ପୁକ୍ତହାନା ପ୍ରାଚୀନା କିନେସି, ତାୟଁ ଆନି କାତା ଝେହ୍ନେସି, ଏଞ୍ଜାସି ତାନି ତାୟଁ ତୁଁ ହାଣି ପାଣପି କିନେସି । ୫ ସାମା ଆମିନି ଆୟାଟି ତାନି ତାୟଁ ପୁଗାଆନା ପ୍ରାଚୀନା କିନେ ଅଡ଼େ ମାହାପୁରୁ ଅଣପୁତି ବଲୁ ଝେକ୍ନେ ଏଦି ତାନି ତାୟଁ ତୁଁ ଲାଜା ପାଣପି କିନେ ଇତିହୁଁ ତାନି ତାୟଁ ହୁଣପି ଆଡ଼ି ଇୟା ସମାନା । ୬ ଇତିହୁଁ ତାୟଁ ପୁଗାଆଗାଟି ଆୟାଟି ତାନି ତାୟଁ ବାଣାୟାଁ ରାଡ଼ହା କତାପେ; ଇତିହୁଁ ଇୟାନାକି ତାୟଁ ରାଡ଼ନାୟି କି ହିଣ୍ଡନାୟି ଲାଜାତି କାତା ଆତିହୁଁ ଏଦି ତାୟଁ ପୁଗାପେ । ୭ ଆବା ମାହାପୁରୁତି ଖାଣା ଇଞ୍ଜା ଗାଞ୍ଜୁରମି ଲେହେଁ ଆଡ଼ାକି ତାନି ତାୟଁ ତୁଁ ପୁକ୍ତନାୟି ଲଡ଼ା ହିଲେଏ, ସାମା ଇୟା ଆବାତି ଗାଞ୍ଜୁରମି ଲେହେଁ । ୮ ଇତିହୁଁ ଆବା ଇୟାନି ତାଣାଟି ଗାଡ଼ି ଆହାହିଲଅସି ସାମା ଇୟା ଆବା ତାଣାଟି ଗାଡ଼ି ଆହାମାନେ । ୯ ଅଡ଼େ ଇୟା କି ଆବା ଗାଡ଼ି ଆହାହିଲଅସି ସାମା ଆବାକି ଇୟା ଗାଡ଼ି ଆହାମାନେ । ୧୦ ଏଦାଆଁତାକି ଦୁତୁୟାଁ ତାକି ତକ୍ତି ତାନି ତକ୍ତାତି ଅଦିକାରାତି ସିନାଲେହେଁ ତାୟଁ ତୁଁ ପୁକ୍ତହା କତାପେ । ୧୧ ଆଡ଼ିଜିକେଏ ପ୍ରବୁ ତାଣା ଆବା ତାଣାଟି ଆୟାଟି କାଜାୟି ଆଏ, ସାମା ଇୟା ତାଣାଟି ଆବା କାଜାସି ଆଏ, ୧୨ ଇତିହୁଁ ଆୟାଟି ଏନିକିଁ ଆବା ତାଣାଟି ଗାଡ଼ି ଆହାମାନେ । ଏଲେକିହୁଁ ଏ ଆବା ଜିକେଏ ଇୟା ତାଣାଟି ଗାଡ଼ି ଆହାମାନେସି, ସାମା ବାରେ ମାହାପୁରୁ ତାଣାଟି ଗାଡ଼ି ଆହାମାନେ ।

୧୩ ମୀରୁ ମୀରୁଏ ବିଚାରା କିହାଁ କତାପୁ, ତାୟଁ ପୁଗାଆନା ମାହାପୁରୁ ନକିତା ପ୍ରାଚୀନା କିନାୟି ଇୟାନାକି ନେହେଁ କି ? ୧୪ ମାଣକି ମାଜେ ଝେସିମାଞ୍ଜାନେ ଆବା ଲାମ୍ବା ତାୟଁ ବାଣାଁ ପିହ୍ନାୟି ତାଜେତାକି ଲାଜାତି କାତା । ୧୫ ସାମା ଆୟାଟି ଲାମ୍ବା ତାୟଁ ବାଣାୟାଁ ପିସ୍ତି ସାରେ ତାଜେତାକି ଗାଞ୍ଜୁରମି ସମାନା, ଇତିହୁଁ ତାୟଁ ପୁପକି ଆୟାଲି ଇୟାନାକି ଲାମ୍ବା ତାୟଁ ବାଣାୟାଁ ହାପୁକି ଆହାମାନେ । ୧୬ ସାମା ଆମ୍ବାଆସି ଏ କାତାତାକି ବାଦିବାଦା କିହାଲି ଅଣପିତିହୁଁ ଏଞ୍ଜାସି ପୁନାପେସି, ମାଜେ ଇଲେତି ମେରା ହିଲେଏ, ଇଞ୍ଜା ମାହାପୁରୁ କୁଲମିତା ଜିକେଏ ହିଲେଏ ।

* ୧୧:୧ ୧୧:୧ ୧କର ୪:୧୨; ପିଲିପି ୩:୧୭

ପ୍ରବୃତ୍ତି ବଢ଼ି

୧୭ ସାମା ମା ଆଶୁଓ ଆନାୟି ନେହାୟି ଆଆନା ସାମା ଲାଗେଏ ପଲେଏତାୟି ଆହିମାନେ, ଏଦାଆଁତାକି ମିଙ୍ଗେ ନେହାଁତେରି ଇଞ୍ଜାଲି ଆଡ଼ାଆନା ଇ ହୁକୁମି ହାହାମାଞ୍ଜାଇ । ୧୮ ଏଦାଆଁତାକି ଇଚିହଁ ନାନୁ ତଲିଏ ଖେଞ୍ଜିମାଇ, କୁଲମି ଲେହେଁ ରୁଣ୍ଡା ଆନାଟି, ମା ବିତ୍ରା ଗଟି ଗଟି ଆହିମାଞ୍ଜେରି, ଇଞ୍ଜା ଇ କାତା ବିତ୍ରା ଏଚେକା ସାତା ଇଞ୍ଜା ନାନୁ ନାମିମାଇ । ୧୯ ଏନିକଁ ମା ବିତ୍ରାଟି ଆମ୍ବାଆରି ସାତା ତାୟିପାରିତା ଜାଣା ଆଡ଼ାରି ଏ ତଞ୍ଜାଆନେରି, ଏଦାଣିତାକି ମା ବିତ୍ରା ଗଟି ଗଟି ଆନାୟି ପିଟଓଁ ଆଏ । ୨୦ ଏଚେତା ମୀରୁ କୁଲମିତା ରୁଣ୍ଡା ଆଦେରି, “ଏଦି ପ୍ରବୃତ୍ତି ବଢ଼ି ଆଏ,” ୨୧ ଏଦାଆଁତାକି ଇଚିହଁ ବଢ଼ି ତିନାଟି, ରଥସି ଅଡ଼େ ରଥଶାଲ୍ କାଆନା ତାମି ରାନ୍ଦା ତିନେରି, ଏଦାଆଁତାକି ରଥସି ହାକିଟି ମାନାଟି ଅଡ଼େ ରଥସି ହଚାହାଁ ତୁୟିମାନେସି । ୨୨ ଏଦାଆଁ ମିଙ୍ଗେ ତିଞ୍ଜା ଉଣ୍ଡାଲି ଇଲ୍ଲକା ହିଲାର ? ମୀରୁ ଏଦାଆଁ ମାହାପୁରୁ କୁଲମିତି ମାନୁଓଁ ଆହି ହିଲତେଚେରି, ଅଡ଼େ ଆମ୍ବାଆରାକି ହିଲାର ଏଞ୍ଜାରାଇଁ ଲାଜା କିହିମାଞ୍ଜେରି, ନାନୁ ମିଙ୍ଗେ ଏଦାଆଁ ଖେସ୍ତାଇ ? ମିଙ୍ଗେ ଏନିକଁ ଗାଧୁରମି କିୟାଇ ? ଇଦାଆଁତାକି ମିଙ୍ଗେ ଗାଧୁରମି କିହିମାଞ୍ଜେଁ ।

୨୩ ଇଚିହଁ ନାନୁ ପ୍ରବୁ ତାଣାଟି ବେଟାଆହାମାନି ଜାପୁନାଣି ମିଙ୍ଗେ ଜାପୁହି ମାଞ୍ଜାଇ, ଏଦି ଇଦି ପ୍ରବୁ ଜୀସୁ ସାତୁୟାଁ କେୟୁତା ହେବପିଆତି ଲାଆୟାଁ ରୁଟି ଅହାନା, ମାହାପୁରୁଇଁ ଜହରା କିହାନା, ଏଦାଆଁ ତିକହାନା ଏଲେଇଚେସି, ୨୪ ଇଦି ମିଙ୍ଗେତାକି ନା ଆଜା; ନାଜେ ଅଣପାଲିତାକି ଇଦାଆଁ କିଦୁ । ୨୫ ଏଲେକିହଁ ଏ ତିଟି ତାୟୁ ଗହନି ସଲ୍ଲା ଅହାନା ଏଲେଇଚେସି, ଇ ସଲ୍ଲା ନା ନେତେରିତା ତାରିକିତି ପୁଃନି ରାଜିମାନା; ମୀରୁ ଇ ସଲ୍ଲାଟି ଏଚର ଦେବା ଗହଦେରି ଏଚର ଦେବା ନାଜେ ଅଣପାଲିତାକି କିଦୁ । ୨୬ ଇଚିହଁ ଏଚର ଦେବା ମୀରୁ ଇ ରୁଟି ତିଞ୍ଜେରି ଅଡ଼େ ଇ ସଲ୍ଲାଟି ଗହଦେରି, ଏଚର ଦେବା ମୀରୁ ପ୍ରବୃତ୍ତି ଖାନି ଦିନା ପାତେକା ତାନି ହାକିତି କାରୁ ଖେକଦେରି ।

୨୭ ଇଚିହଁ ଆମ୍ବାଆସି ଜଟେ ଆଆନା ପ୍ରବୁ ବଢ଼ିତି ରୁଟି ତିନେସି ଅଡ଼େ ଇ ସଲ୍ଲାଟି ଗହନେସି, ଏଞ୍ଜାସି ପ୍ରବୃତ୍ତି ଆଜା ଅଡ଼େ ନେତେରିତି ଦାୟି ଆନେସି । ୨୮ ଏଦାଆଁତାକି ମାଣ୍ଡସି ତଲିଏ ତାନୁଏ ତାଙ୍ଗେ ତାୟିପାରି କିହାଁ କତାହାଁ ଇ ରୁଟି ତିଣ୍ଡେସି ଅଡ଼େ ଇ ଗହନି ସଲ୍ଲାଟି ଗସପେସି । ୨୯ ଇଚିହଁ ଆମ୍ବାଆସି ପ୍ରବୃତ୍ତି ଆଜାଟି ଏନାୟି ଇଞ୍ଜାଁ ଅଣପାଆନା ତିନେସି ଅଡ଼େ ଗହନେସି ଏଞ୍ଜାସି ତାନି ମୁହେଁ ତଣ୍ଡ ବେଟାଆହାଲି ତିନେସି ଅଡ଼େ ଗହନେସି । ୩୦ ଏଦାଆଁତାକି ମା ବିତ୍ରାଟି ହାରେକା ଲକୁ ବାଡ଼ୁୟୁ ହିଲ୍ଲାଆଗାଟେଚେରି ଇଞ୍ଜା ହାରେକା ଲକୁ ନମେରି ଗାଟାରି ଅଡ଼େ ହାରେକା ଜାଣା ହାହା ହାଜାମାନେରି । ୩୧ ସାମା ମୀରୁ ତଲିଏ ଜାହା ଜାହାରାଇଁ ତାୟିପାରି କିଚିହଁ ମା ମାହାପୁରୁ ମାଙ୍ଗେ ବିଚାରା କିୟାଆତେସିମା । ୩୨ ଅଡ଼େ ଦାରୁତି ତଲେ ଏନିକଁ ମୀରୁ ତଣ୍ଡ ପୁଃଆୟି, ଏଦାଆଁତାକି ପ୍ରବୃତ୍ତି ତାଣା ବିଚାରା କିଓଁ ଆହାଁ ସାସ୍ତି ବେଟାଆହି ମାନାୟି । ୩୩ ଏଦାଆଁତାକି ନା ତାୟିୟାଁ, ମୀରୁ ପ୍ରବୃତ୍ତି ବଢ଼ି ତିଞ୍ଜାଲି ତାକି ରୁଣ୍ଡା ଆନାଟି ମୀରୁ ରଥତେରି ରଥଶାଲ୍ କାଦୁ । ୩୪ ମୀରୁ ରୁଣ୍ଡା ଆନାୟି ଏନିକଁ ମାହାପୁରୁତି ତଣ୍ଡ ବେଟାଆହାଲି ଆଏ, ଏଦାଆଁତାକି ଆମ୍ବାଆସି ହାକି ଆହାମାନେସି ଏଞ୍ଜାସି ତାନି ଇଜ ତିନାପେସି, ଅଡ଼େ ଆଗାଡ଼ା ଖେସ୍ତାନି କାତା ନାନୁ ଖାଡ଼ିସାରେ ତେଲ୍ଲିହି କିୟାଇଁ ।

୧୨

ସୁଦୁଜୀଓଡ଼ି ଦାନା

୧ ତାୟିୟାଁ ଅଡ଼େ ତାଙ୍ଗିସ୍ତାତେରି ସୁଦୁଜୀଓ ଦାନାଟି କାତା ମୀରୁ ନେହଁକଁ ପୁଞ୍ଜୁ ଇଞ୍ଜାଁ ନାନୁ ଅଣପିମାଇ । ୨ ମୀରୁ ପୁଞ୍ଜାମାଞ୍ଜେରି, ଏଚିବେଲା ମୀରୁ ଜୀହୁଦିଆଆତାତେରି ମାଚେରି, ଏଚେତା ଏନିକଁ ସାଲ୍ଲଓଁ ଆହିମାଚେରି, ଏଲେକିହଁ ଏ ନାଡ଼ିକିଓଁ ଆହାନା ଜୀଓଁ ହିଲ୍ଲାଆଗାଟି ପେଣ୍ଡାକା ବମାୟାଁତି ଜେଚ ହାଜିମାଚେରି । ୩ ଏଦାଆଁତାକି ନାନୁ ମିଙ୍ଗେ ଖେସିମାଞ୍ଜାଇ, ମାହାପୁରୁତି ସୁଦୁଜୀଓ ତଲେ ସାଲ୍ଲଓଁ ଆହାନା ଆମ୍ବାଆସି ଜିକେଏ ଜୀସୁଇଁ ବକା ଇଗାଲି ଆଡ଼ଅସି, ଅଡ଼େ ଆମ୍ବାଆସି ସୁଦୁଜୀଓ ପୁଃଆତାସି ଜୀସୁଇଁ ପ୍ରବୁ ଇଞ୍ଜାଁ ଖେସାଲି ଆଡ଼ଅସି ।

୪* ସୁଦୁଜୀଓ ହାନି ଦାନା ଏଚକା ଏଚକାତାୟି ସାମା ଏ ରଣ୍ଡିଏ ସୁଦୁଜୀଓ । ୫ ସେବା ଏଚକା ଏଚକାତାୟି ସାମା ପ୍ରବୁ ରଥସିଏ । ୬ କାମା କିନି ବାଡ଼ୁୟୁ ଏଚକା ଏଚକାତାୟି ସାମା ମାହାପୁରୁ ରଥସିଏ, ଏଞ୍ଜାସି ବାରେ ତାଣା ବାରେ କାମା କିନେସି । ୭ ସାମା ବାରେ ଜାଣାତାତି ସୁଦୁଜୀଓଡ଼ି ଗଣ୍ଡୁ ତହୁନି ଦାନା ବାରେ ଲକୁତି ନେହେଁତାକି ହାପୁକିଆନେ । ୮ ରଥଶାକି ସୁଦୁଜୀଓ ତଲେ ବୁଦିତି କାରୁ ଖେସାଲି ହାନେ, ଅଡ଼େ ରଥଶାକି ଏ ସୁଦୁଜୀଓ ତଲେ ବୁଦିତିକାତା ଜାପୁହାଲି ହାନେ, ୯ ଅଡ଼େ ରଥଶାକି ଏ ସୁଦୁଜୀଓ ତଲେ ନାମାଲି, ଅଡ଼େ

* ୧୨:୪ ୧୨:୪ ରମି ୧୨:୬-୮

ରଥଶାଳି ଏ ରଣିଏ ଜୀବୁତି ଦାନା ତଲେ ରଗତି ନେହଁ କିୟାଲି ବାଡ଼ୁୟୁ ହାନେ, ୧୦ ରଥଶାଳି କାବାଆନି ବାଡ଼ୁୟୁତି କାମାୟାଁ କିୟାଲି, ଅଡ଼େ ରଥଶାଳି ମାହାପୁରୁ ଅଣ୍ଡପୁତି କାତା ଝେକହାଲି, ଅଡ଼େ ରଥଶାଳି ଏଟକା ଏଟକାତି ଜୀବୁୟାଁଇଁ ପୁଞ୍ଜାଲି ଆଡ଼ିନି ବାଡ଼ୁୟୁ, ଅଡ଼େ ରଥଶାଳି ପୁନାଆତି ପୁଞ୍ଜନି ହାଡ଼ା ଜଲ୍ଲାଲି, ଅଡ଼େ ଏଟକାତାରାକି ପୁନାଆତି ହାଡ଼ାତି ଅର୍ତ୍ତ ପୁଣ୍ଡିକିନି ବାଡ଼ୁୟୁତି ଦାନା ହାପୁକିଆନେ । ୧୧ ସାମା ଏ ରଣିଏ ଜୀବୁ ତାନି ମନ କିତିଲେହେଁ ବାରେଜାଣାତି ଏଟକା ଏଟକାତି ଦାନା ହାହାନା ଛ ବାରେ କାମା କିହିମାନେ ।

ରଣିଏ ଆଜ୍ଞାତି ଆଜ୍ଞା ଉଡ଼େଲି

୧୨ ଇତିହଁ ଏନିକଁ ଆଜ୍ଞା ରଣିଏ, ଅଡ଼େ ଆଜ୍ଞାତି ଏଟକା ଏଟକା ବାଗାୟାଁ ମାନୁ, ସାମା ଆଜ୍ଞାତି ବାଗାୟାଁ ହାଡ଼େକା ଆଡ଼ିଜିକେଏ ରଣିଏ ଆଜ୍ଞା ଆନେ, ଏଲେକିହଁଏ କ୍ରୀସୁ ।

୧୩ ଇତିହଁ ମାରୁ ଜୀହୁଦି କି ଜୀହୁଦିଆଆତି ଜିକେଏ, ହଲେଏସି ଆପେସି ହଲେଏସି ଆଆପେସି, ବାରେତାୟି ରଣିଏ ଜୀବୁତଲେ ରଣିଏ ଆଜ୍ଞା ଆହାଲି ବାପୁସ୍ତୁଁ ଆହାମାନାୟି; ଅଡ଼େ ବାରେତାୟି ରଣିଏ ଜୀବୁତଲେ ଗସି ମାନାୟି ।

୧୪ ଏଦାଆଁତାକି ଆଜ୍ଞା ରଣିଏ ବାଗା ଆଏ, ସାମା ଆଜ୍ଞାତି ଏଟକା ଏଟକା ବାଗାୟାଁ ଆଣ୍ଡାନା ର ଆଜ୍ଞା ଆହାମାନେ । ୧୫ କତା ଏଲେଜନେ ନାନୁ କେୟୁଡେଏଁ ଆଏ, ଏଡ଼ି ଆଜ୍ଞାତି ବାଗା ଆଏ, ଏଦାଆଁତାକି ଏଡ଼ି ଆଜ୍ଞାତି ବାଗା ଆଏ ଏଲେକଁ ଆଏ । ୧୬ ଅଡ଼େ କିୟୁଁ ଏଲେଜନେ ନାନୁ କାନୁ ଆଏ, ଏଡ଼ି ଆଜ୍ଞାତି ବାଗା ଆଏ, ଏଦାଆଁତାକି ଏଡ଼ି ଆଜ୍ଞାତି ବାଗା ଆଏ ଏଲେକଁ ଆଏ । ୧୭ ବାରେ ଆଜ୍ଞା କାଣକ ଆନୁ, ଆତିହଁ ଏନିକଁ ଝେନାୟି ? ବାରେ ଆଜ୍ଞା କୀକାଁ ଆନୁ ଆତିହଁ ଆଗିତି ମୁଞ୍ଜିନାୟି ? ୧୮ ସାମା ମାହାପୁରୁ ଆଜ୍ଞା ଉଡ଼େଲିଇଁ ରଣ୍ଡା ରଣ୍ଡାଆଁ କିହଁ ତାନି ମନତଲେ ଆଜ୍ଞାତା ଆଟହାମାନେସି । ୧୯ ଅଡ଼େ ଏ ବାରେ ଆଜ୍ଞାତି ରଣିଏ ବାଗା ଆଡ଼ିହଁ ମା ଆତିହଁ ଆଜ୍ଞା ଆଦିୟା ? ୨୦ ସାମା ସାତେଏ ଆଜ୍ଞାତି ବାଗାୟାଁ ହାଡ଼େକା, ସାମା ଆଜ୍ଞା ରଣିଏ ।

୨୧ ନୀ ତାଣା ନାଜେ ଲଡ଼ା ହିଲେଏ ଇଞ୍ଜଁ କାନୁ କେୟୁତି ଏଲେଇଞ୍ଜାଲି ଆଡ଼େଏ, ଇଞ୍ଜାଁ ନୀ ତାଣା ନା ଲଡ଼ା ହିଲେଏ ଇଞ୍ଜଁ ତାୟୁଁ କୁଡାତି ଏଲେଇଞ୍ଜାଲି ଆଡ଼େଏ । ୨୨ ଅରଞ୍ଜାକି ଆଜ୍ଞାତି ଆମିନି ଆଜ୍ଞା ଉଡ଼େଲି ବାଡ଼ୁୟୁ ହିଲାଆଗାଟାଇ ଇଞ୍ଜଁ ପୁତିହଁ ଜିକେଏ ଏଢ଼ି ବାରେ ଲଡ଼ାତା ମାନୁ; ୨୩ ଅଡ଼େ ଆଜ୍ଞାତି ଆମିନି ଆଜ୍ଞା ଉଡ଼େଲି ଲଡ଼ାହିଲାଆ ଗାଟାଇ ଇଞ୍ଜଁ ଅଣ୍ଡପିନାୟି, ଏ ବାରେ ଆଜ୍ଞାତି ଆଜ୍ଞା ଉଡ଼େଲିକାୟି ମାରୁ ହାଡ଼େକା ଜାଡ଼ୁ କିନାୟି; ଅଡ଼େ ମା ଲଡ଼ାହିଲାଆ ଆଜ୍ଞା ଉଡ଼େଲି ହାଡ଼େକା ନେହଁ ତଞ୍ଜିକିୟାନୁ, ୨୪ ସାମା ମା ଅଡ଼ିତି ଆଜ୍ଞା ଉଡ଼େଲି ନେହଁ କଁ ତଞ୍ଜା ଆନାୟି ଲଡ଼ା ଆଏ, ୨୫ ସାମା ଏନିକଁ ଆଜ୍ଞାତି ବିଡ଼ା ଗଡ଼ହା ଆଏ, ଇଞ୍ଜାଁ ଆଜ୍ଞାତି ବାଗାୟାଁ ସାମାନା ତଲେ ବାରେଜାଣାତି ନେହାଁଣି ଅଣ୍ଡପିନୁ । ଏଦାଆଁତାକି ଲଡ଼ାହିଲାଆ ଆଜ୍ଞାତି ହାଡ଼େକା ଅଡ଼ି କିହାନା ମାହାପୁରୁ ଜାରୁ କିହାମାନେସି । ୨୬ ଏଦାଆଁତାକି ର ଆଜ୍ଞା କସୁ ବେଟାଆଡ଼ିସାରେ ବାରେ ଆଜ୍ଞା ତାନିତଲେ ଦୁକୁ କିନୁ, ସାମା ର ଆଜ୍ଞା ଗାଧୁରପି ବେଟାଆଡ଼ିସାରେ ବାରେ ଆଜ୍ଞା ତାନିତଲେ ରାହାଁ କିନୁ ।

୨୭ ଏଲେକିହଁ ଏ ମାରୁ କ୍ରୀସୁତି ଆଜ୍ଞାତି ବାଗାୟାଁତେରି, ଅଡ଼େ ର ର ଲକୁ ର ର ଆଜ୍ଞାତି ବାଗାୟାଁ ଲେହେଁ । ୨୮ ଅଡ଼େ ମାହାପୁରୁ କୁଲିମିତା ତଲିଏ ପାଣ୍ଡୁଢ଼ି ଆଡ଼ାରାଇଁ, ଇଞ୍ଜାଁ ତାୟୁ ମାହାପୁରୁ ଅଣ୍ଡପୁତି ବଲୁ ଝେହନାରାଇଁ, ତାୟୁ ଜୀପୁନାରାଇଁ, ଏଲେକିହଁ ହାଡ଼େକା ଲକୁଣି ନିପୁହାମାନେସି; ଅଡ଼େ କାବାଆନି କାମା କିନାରାଇଁ, ତାୟୁ ରଗତି ନେହଁ କିନାରାଇଁ, ଇଞ୍ଜାଁ ଲକୁଇଁ ସାୟେମି କିନାୟି, ସାଲୁଢ଼ି କିନାରି ବାଡ଼ୁୟୁ ଅଡ଼େ ଏଟକାତି ପୁନାଆତି ହାଡ଼ା ଜଲ୍ଲିନି ଦାନା ହାହାମାନେସି । ୨୯ ବାରେଜାଣା କି ପାଣ୍ଡୁଢ଼ି ଆହାମାନାରି ? ବାରେଜାଣା କି ମାହାପୁରୁ ଅଣ୍ଡପୁତି ବଲୁ ଝେହନାରି ? ବାରେଜାଣା କି ଜୀପୁନାରି ? ବାରେଜାଣା କି କାବାଆନି କାମାକିନାରି ? ୩୦ ବାରେଜାଣା କି ନେହଁ କିନି ବାଡ଼ୁୟୁତି ଦାନା ବେଟା ଆହାମାନାରି ? ବାରେ ଜାଣାକି ଏଟକା ହାଡ଼ାତଲେ ଜଲ୍ଲିନେରି ? ବାରେଜାଣା କି ଏଟକା ହାଡ଼ାତି ଅର୍ତ୍ତ ଝେହନେରି ? ୩୧ ସାମା ବାରେତେରି ନେହଁ ଦାନା ବେଟାଆହାଲି ଅଣ୍ଡପାଦୁ, ସାମା ଏ ବାରେକିହାଁ ଅଡ଼େ ହାଡ଼େକା ଆଗାଡ଼ା ମାନି ର ନେହଁ ଜିରୁ ତସିମାଞ୍ଜାଇଁ ।

୧୩

ଜୀବୁନନାୟି

☆ ୧୨:୧୨ ୧୨:୧୨ ରିନି ୧୨:୪.୫ * ୧୨:୧୩ ୧୨:୧୩ମୁଞ୍ଜିନାୟି ☆ ୧୨:୨୮ ୧୨:୨୮ ଏପିସି ୪:୧୧

୧ ଇତିହଂ ନାନୁ ମାଣସିୟାଁ ଅଡ଼େ ଦୁରୁୟାଁ ହାଡ଼ାତଲେ ଜଲିଇଁ, ଯାମା ନା ଜୀଝୁନନାୟି ହିଲେଏ, ଆତିହଂ ନାନୁ ଚିଣି ଚିଣି ଆନି ଜିଣଜାମ ଅଡ଼େ ଟାପୁଡ଼ି ଝେନି ହାଡ଼ାଲେହେଁ ତାତେଏ । ୨ *ଇତିହଂ ନାନୁ ମାହାପୁରୁ ଅଣପୁତି ବଲୁ ଝେହନି ବାଡ଼ୁଲୁ ମାନେ, ଅଡ଼େ ବାରେ ତୁଗ୍ନାମାନାଣି ଇଞ୍ଜା ବୁଦିତିକାତା ପୁନାତେଏ, ଅଡ଼େ ହରୁଇଁ ଏଟକା ଗୁତି କିହାଲି ନାଜେ ହାରେକା ନାମୁ ମାତି ଜିକେଏ, ଯାମା ନା ତାଣା ଜୀଝୁନନାୟି ହିଲେଏ, ଆତିହଂ ନାନୁ ଏନାତେଏ ଆଏ । ୩ ଇତିହଂ ନାନୁ ହିଲାଆଗାଟି ଲକୁଡାକି ତିଞ୍ଜାଲି ବାରେ ଦନୁ ହାଇଁ, ଅଡ଼େ ନାନୁ ନା ଆଙ୍ଗାଟି ଝେହାଲି ତାକି ହେରପିଇଁ, ଯାମା ନା ତାଣା ଜୀଝୁନନାୟି ହିଲେଏ ଇତିହଂ ନାଦି ଏନି ଲାବା ଆଏ ।

୪ ଜୀଝୁନନାୟି ଅରୁହିନାୟି, ଜୀଝୁନନାୟି ନେହାଁଣି ଅଣପିନାୟି, ତାହାରା କିଆଗାଟାୟି, ବଡପଣ ଆଆଗାଟାୟି, ଆକାରା କିଆଗାଟାୟି । ୫ ଲାଗେଏ କିହଂ ଲେମ୍ବେଏ, ଜାହାରା ତାକି ଅଣପେଏ, ବିରିବିରା ଆଏ, ଲାଗେଏ କିହାଲି ଅଣପୁତା ଇଟେଏ । ୬ ଲାଗେଏତି କାମାତାକି ରାହାଁ ଆଆଗାଟାୟି, ଯାମା ସାତାତା ରାହାଁ କିନାୟି; ୭ ଜୀଝୁ ନନିତାଣା ବାରେ ଅରୁହିନାୟି, ବାରେ ତାଣା ନାମିନାୟି, ବାରେ ତାଣା ବାସୁଁ ହାନାୟି, ବାରେ କାତାତା ସାସା ଆହନାୟି ।

୮ ଜୀଝୁନନାୟି ଏତେଲା ରାଏ; ଯାମା ମାହାପୁରୁ ଅଣପୁତି ବଲୁ ଝେକହା ମାନାୟି, ଦିନା ଝାଡ଼ିସାରେ ମିତି ଜିକେଏ ଆନେ; ଏଟକା ଏଟକା ଜଲିନି ହାଡ଼ା ମାତି ଜିକେଏ ଏଦି ର ଦିନା ସାପି ଆନେ; ବୁଦିତିକାତା ମାତି ଜିକେଏ ଏଦି ମେଣଜାହାନେ । ୯ ଇତିହଂ ମାର ରଚାଣିଏ ପୁନାୟି ଅଡ଼େ ମାହାପୁରୁ ଅଣପୁତି ବଲୁ ଇଚେକେଏ ଝେକହାଲି ଆଡ଼ିନାୟି । ୧୦ ଯାମା ପୁରା ଆନାୟି ଝାଡ଼ିହଂ ଉଜେଏତାୟି ମେଣଜାହାନେ ।

୧୧ ନାନୁ ଉଣା ମାତିବେଲା ଉଣା କକାରି ଲେହେଁ ଜଲି ମାଟେଏ, ଉଣା କକାରି ଲେହେଁ ଅଣପିମାଟେଏ, ଉଣା କକାରି ଲେହେଁ ପୁଞ୍ଜମାଟେଏ; ନାନୁ ପାତାଆଡ଼ି ମାଣସି ଆୟାଲିଏ ନାନୁ ଉଣା କକାରି କାତା ପିସାଡୁସ୍ତେଏ । ୧୨ ଇତିହଂ ନୀଏଁ ମାର ତୁଗ୍ନାମାନି କାତା ଲେହେଁତି ଦାପେଁଣିତା ମେସିମାନାୟି, ଯାମା ଏଚିବେଲା ମୁମୁ ମୁମୁତୁା ମେସପି ଆନାୟି; ନୀଏଁ ନାନୁ ଏନିକଂ ପୁଞ୍ଜାମାଈଁ, ଯାମା ଏଚିବେଲା ନାଜେ ଏନିକଂ ପୁଞ୍ଜାମାଞ୍ଜାନେସି, ନାନୁ ଜିକେଏ ଏଲେକଂ ତାୟୁ ପୁଇଁ ।

୧୩ ଏଦାଆଁତାକି ନାମିନାୟି, ଆସା କିନାୟି, ଜୀଝୁନନାୟି, ଈ ତାନିଗଟା କାଲେଏତାଇ, ଯାମା ଈ ବିତ୍ରାଟି ଜୀଝୁନନାୟି ବାରେକିହାଁ କାଜାୟି ।

୧୪

ମାହାପୁରୁ ଜୀଝୁତି କାତା ପୁନାୟି

୧ ଜୀଝୁ ନନାଣି ପାରାଦୁ, ଅଡ଼େ ସୁଦୁଜୀଝୁତି ଦାନା ବେଟାଆହାଲି ବାରେତି କିହାଁ ଏନିକଂ ମାହାପୁରୁ ଅଣପୁତି ବଲୁ ଝେକହାଲି ଆଡ଼ିଦେରି, ଈଦାଆଁତାକି ହାରେକା ଅଣପାଦୁ । ୨ ଇତିହଂ ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲିନେସି, ଏଝାସି ମାଣସିୟାଁଇଁ ଜଲଅସି, ଯାମା ମାହାପୁରୁଇଁ ଜଲିନେସି, ଆମ୍ବାଆସି ଏଦାଆଁ ତେଲହଅସି, ଯାମା ଏଝାସି ସୁଦୁଜୀଝୁ ବାଡ଼ୁଲୁଚି ତୁଗ୍ନାମାନାଣି ଝେହନେସି । ୩ ଯାମା ଆମ୍ବାଆସି ମାହାପୁରୁ ଅଣପୁତି ବଲୁ ଝେହନେସି, ଏଝାସି ଲକୁଇଁ ସାୟେନି କିହାନା, ସାସା ଅଡ଼େ ବାସୁଁତି କାତା ଝେହନେସି । ୪ ଆମ୍ବାଆସି ଏଟକାତି ହାଡ଼ାତଲେ ଜଲିନେସି ଏଝାସି ଜାହାରା ନାମୁତା ପାତିକିହାଁ କଡିନେସି, ଯାମା ଆମ୍ବାଆସି ମାହାପୁରୁ ଅଣପୁତି ବଲୁ ଝେକନେସି ଏଝାସି କୁଲମିଇଁ ନାମୁତା ପାତିକିନେସି ।

୫ ମାରୁ ବାରେତେରି ଏଟକା ହାଡ଼ାତଲେ ଜଲାଦୁ ଇଞ୍ଜୁଁ ନା ଅଣପୁ, ଯାମା ମାରୁ ମାହାପୁରୁ ଅଣପୁତି ବଲୁ ଝେହଦୁ ଈଦି ହାରେକା ନା ଅଣପୁ; ଆମ୍ବାଆସି ଏଟକା ଏଟକାତି ହାଡ଼ାତଲେ ଜଲିନେସି ଏଝାସି କୁଲମିତି ପାତିକିହାଲି ଏ କାତାତି ଅର୍ତ ଝେହଅସି ଇତିହଂ ଏଦାଣିକିହାଁ ଆମ୍ବାଆସି ମାହାପୁରୁ ଅଣପୁତି ବଲୁ ଝେକନେସି ଏଝାସି କାଜାୟି । ୬ ଏଦାଆଁତାକି ତାୟିୟାଁତେରି ନାନୁ ମୀ ତାଣା ଝାହାନା ମାହାପୁରୁଚି ଝେକହି ବଲୁ, ବୁଦିତିକାତା, ମାହାପୁରୁ ଅଣପୁତି କାତା ଝେକନାଣି କି ଜାପୁନି କାତା ଝେହଆନା, ଏଟକା ଏଟକାତି ହାଡ଼ାତଲେ ଜଲିଇଁ, ଆତିହଂ ଏମ୍ବାଆଁ ନାନୁ ମୀ ଏନି ଲାବା କିତେଏଁ ।

୭ ପାରୁଡ଼ି ଅଡ଼େ ସେରୁଜି ଲେହେଁତି ଜୀଝୁ ହିଲାଆଗାଟି ବାଜାୟାଁ ଉକିତିହଂ ଜିକେଏ ଏମ୍ବାଆଁ ତାନି ତିସା ହଏ ଇତିହଂ ପାରୁଡ଼ି ଏନିକଂ ଦାହିମାନେ ସେରୁଜି ଏନିକଂ ଦାହିମାନେ ଏଦାନି ତିସା ଏନିକଂ ପୁନେରି ? ୮ ଇଞ୍ଜା ତୀଡ଼ି ଉକିନାସି ନେହଂ କଂ ଉକଅସି ଆତିହଂ ଆମ୍ବାଆସି ଜୁଜୁ ତାକି ତିୟାରା ଆନେସି । ୯ ଏଲେକିହଂ ଏ ମାରୁ ଜିକେଏ ଏଟକା ହାଡ଼ାତଲେ ନେହଂ ତାନିତଲେ ଜଲଅଡ଼େରି,

* ୧୩:୨ ମାତି ୧୭:୨୦; ୨୧:୨୧; ମାକି ୧୧:୨୩

ମୀରୁ ଏନାଆଁ ଜଲିତେରି ଏନିକ୍ ପୁନେରି, ଇତିହ୍ ମୀରୁ ଜଲିନାୟି ଗାଲିତି ଜଲିନିଲେହେଁ ଆନେ ।
 ୧୦ ଦାରୁତିତା ହାରେକା ତିସା ମାନେ, ଅଡ଼େ ଆମିନି ତିସାତି ଅର୍ତ୍ତ ହିଲିଆଗାଟାଇ ଅଏ । ୧୧ ସାମା ନାନୁ ଏ
 ଜଲିନି ହାଡ଼ା ତେଲହଅଁ ଆତିହ୍ ଆମ୍ବାଆସି ଜଲିନେସି ନାନୁ ଏଞ୍ଜାଣାକି ପୁନାଆତାତେଏଁ ଲେହେଁ ଆଲ୍ଲ,
 ଅଡ଼େ ଏଞ୍ଜାସି ନା ତାଣାଟି ପୁନାଆତାସି ଲେହେଁ ଆନେସି । ୧୨ ଏଲେକିହ୍ ଏ ମୀରୁ ଜିକେଏ ଜୀଞ୍ଜୁତି ଦାନା
 ବେଟାଆହାଲି ଅଣସି ମାନାକି କୁଲମିତି ପାତିକିହାଲି ଗାତି ବେଟାଆହାଲି ଅଣସାପୁ ।

୧୩ ଆମ୍ବାଆସି ଏଟକାତି ହାଡ଼ାତଲେ ଜଲିନେସି, ଏଞ୍ଜାସି ଏନିକ୍ ଏମ୍ବାତି ଅର୍ତ୍ତ ଝେସାଲି ଆଡ଼ିନେସି,
 ଏଦାଆଁତାକି ପ୍ରାଡାନା କିପେସି । ୧୪ ଇତିହ୍ ନାନୁ ଏଟକା ହାଡ଼ାତଲେ ପ୍ରାଡାନା କିଇଁ, ଇତିହ୍ ନା ଜୀଞ୍ଜୁ
 ପ୍ରାଡାନା କିନେ, ସାମା ନା ଅଣପୁ ଏମ୍ବାତି ଏନି ଲାଡ଼ା ହିଲେଏ । ୧୫ ଆତିହ୍ ନାନୁ ଏନାଆଁ କିନାୟିମାନେ,
 ନାନୁ ସୁଦୁଜୀଞ୍ଜୁ ତଲେ ପ୍ରାଡାନା କିଇଁ; ଇଞ୍ଜା ବୁଦିତଲେ ଜିକେଏ ପ୍ରାଡାନା କିଇଁ; ସୁଦୁଜୀଞ୍ଜୁ ତଲେ ଜହରା
 ପାରୁ ପାଡ଼ିଇଁ, ଅଡ଼େ ବୁଦିତଲେ ଜିକେଏ ଜହରା ପାରୁ ପାଡ଼ିଇଁ । ୧୬ ନାନୁ ଖାରୁଇ ସୁଦୁଜୀଞ୍ଜୁ ତଲେ
 ମାହାପୁରୁଇଁ ଜହରା କିଦି, ଏମ୍ବାଆଁ କୁଗାମାନାସି ପୁନାଆନା ଏନିକ୍ ନୀ ପ୍ରାଡାନାତା ତାୟୁ ଆନେନ
 ଇନେସି । ୧୭ ଇତିହ୍ ନାନୁ ନେହ୍ କଁ ମାହାପୁରୁଇଁ ଜହରା କିହିମାଞ୍ଜି ସାତା, ସାମା ଏଟକାତାସି
 ପାତାଆଅସି ।

୧୮ ନାନୁ ମୀ ବାରେକିହାଁ ହାରେକା ଗାତି ଏଟକାତି ହାଡ଼ାତଲେ ଜଲିଇଁ ଇଞ୍ଜା ନାନୁ ମାହାପୁରୁଇଁ ଜହରା
 କିହିମାଇଁ; ୧୯ ଆଡ଼ିଜିକେଏ ନାନୁ ଏନିକ୍ ଏଟକାତାରାଇଁ ଜାପୁହାଲି ଆଡ଼ିଇଁ, ଏଦାଆଁତାକି କୁଲମିତା ଦସ
 ମାଣା ଏଟକାତି କାତାୟଁ ଜଲିନି କିହାଁ ବୁଦିତଲେ ପାସାଗଟା କାତା ଝେହନାୟି ନେହେଁ ।

୨୦ ଏ ତାୟିୟାଁତେରି ବୁଦିତା ଉଣା କକାରି ଲେହେଁ ଆଆଦୁ, ସାମା ଲାଗେଏ ପଲେଏ କାତାତାକି ଉଣା
 କକାରି ଲେହେଁ ଆଦୁ, ସାମା ବୁଦିତା ଅଡ଼େ ଅଣପୁତା ପାତାଆଡ଼ି ଲକୁଲେହେଁ ଆଦୁ । ୨୧ ମସା ମୋରାତା
 ରାସକି ଆହାମାନେ,

“ପ୍ରବୁ ଏଲେ ଇଞ୍ଜିମାନେସି, ଏଟକା ଦେସାତି ଜଲିମାନି ହାଡ଼ାତଲେ, ଏଟକା ଲକୁତି ଗୁତି ତଲେ
 ନାନୁ ଇ ଲକୁଣି ଜଲିଇଁ,

ଆଡ଼ିଜିକେଏ ଏଞ୍ଜାରି ନା କାତା ଝେନଅରି ।”

୨୨ ଏଦାଆଁତାକି ଏଟକା ହାଡ଼ାତଲେ ଜଲିନାୟି ନାନୁ ଗାଟାରାକି ର ସିନାଲେହେଁ ଆଏ, ସାମା ନାମାଆ
 ଗାଟାରାକି ସିନା ସମାନା; ଅଡ଼େ ଅରଞ୍ଜାକି ମାହାପୁରୁ ଅଣପୁତି ବଲୁ ଝେକ୍ନାୟି ନାମାଆ ଗାଟାରାକି
 ସିନାଲେହେଁ ଆଏ, ସାମା ନାମାନାରାକି ସିନା ସମାନା ।

୨୩ ଅଡ଼େ ଜିକେଏ ବାରେ କୁଲମିତି ଲକୁ ରୁଣ୍ଡା ଆତିହ୍, ଇଞ୍ଜା ବାରେଜାଣା ଏଟକା ଏଟକା ହାଡ଼ାତଲେ
 ଜଲିନେରି, ଅଡ଼େ ପୁନାଆତାରି କି ନାମାଆତାରି ଏମ୍ବାଆଁ ଝାନେରି, ଆତିହ୍ ମିଜେ ବାୟା ଆଡ଼ାରି ଇଞ୍ଜା
 ଇନଅରି କି ? ୨୪ ସାମା ବାରେଜାଣା ମାହାପୁରୁ ଅଣପୁତି ବଲୁ ଝେକ୍ନେରି, ରଅସି ପୁନାଆତାସି କି
 ନାମାଆତାସି ଝାନେସି, ଆତିହ୍ ଏଞ୍ଜାସି ନାନୁ ପାପୁ ଗାଟାତେଏଁ ଇଞ୍ଜା ପୁଞ୍ଜା କତିନେସି ଅଡ଼େ ଏଞ୍ଜାସି
 ବାରେ ଲକୁତାଣା ଦହଗାଟାସି ଇଞ୍ଜା ବିଚାରା ଆନେସି । ୨୫ ଅଡ଼େ ତାନି ହିୟାଁତା ଡ଼ଗୁମାନି ପାପୁତି ଅଣପୁ
 ବାରେ ତଞ୍ଜାଆନେ; ଇଞ୍ଜା ଏଞ୍ଜାସି ମୁନୁ କୁତାହାଁ ମାହାପୁରୁଇଁ ଜହରା କିନେସି, ଇଞ୍ଜା “ସାତେଏ ମାହାପୁରୁ
 ମୀ ତାଣା ମାନେସି ଇଞ୍ଜା ଇନେସି ।”

କୁଲମିତି ମେରା

୨୬ ଏଦାଆଁତାକି ଏ ତାୟିୟାଁ ଅଡ଼େ ତାଜିସ୍ତାତେରି, ଏନାଆଁ କିନାୟିମାନେ ? ମୀରୁ ରୁଣ୍ଡା ଆନାଟି
 ଆମ୍ବାଆରି ର ପାରୁ, ଆମ୍ବାଆରି ର କାତା ଜାପୁନାୟି, ଆମ୍ବାଆରି ମାହାପୁରୁ ତସାମାନି ବଲୁ ଝେକ୍ନାୟି,
 ଆମ୍ବାଆରି ଏଟକା ଏଟକାତି ହାଡ଼ା ଜଲିନାୟି, ଆମ୍ବାଆରି ହାଡ଼ାତି ଅର୍ତ୍ତ ପୁଣ୍ଡାକିନାୟି, ଇଲେକ୍
 ବାରେତାକି ଏନାୟି ଆଆତଁ ଏନାୟି ମାନେ, ଇ ବାରେ କୁଲମିତି ପାତିକିହାଲି କିଞ୍ଜାଆପେ । ୨୭ ଆମ୍ବାଆରି
 ଏଟକା ହାଡ଼ାତଲେ ଜଲିନେରି ଇତିହ୍ ରିଆରି ଆଆତଁ ତାନିଜାଣା ପାଲି କିହ୍ ଜଲ୍ଲାପେରି ଅଡ଼େ
 ରଅସି ତାନି ଅର୍ତ୍ତ ଝେସପାସି । ୨୮ ସାମା ଆମ୍ବାଆସି ଅର୍ତ୍ତ ତେଲହ କିନାସି ହିଲଅସି ଇତିହ୍ ଏଞ୍ଜାସି
 କୁଲମିତା ପାଲେଏ ମାଣମେସି, ଇଞ୍ଜା ତାନୁ ତାନି ହିୟାଁତା ମାହାପୁରୁଇଁ ଝେସପାସି । ୨୯ ଅଡ଼େ ରିଆରି
 କି ତାନି ଜାଣା ମାହାପୁରୁ ଅଣପୁତି ବଲୁ ଝେସପେରି, ଅଡ଼େ ଏଟକାତାରି ଝେସିମାନାଣି ନେହ୍ କଁ
 ଝେଣ୍ଡାରି । ୩୦ ସାମା ଏମ୍ବାଆଁ କୁଗାମାନାରି ବିତ୍ତା ଆମ୍ବାଆରାକି ମାହାପୁରୁତି ଏନି ବଲୁ ଝାଡ଼ିସାରେ ନକେଏ
 ଝେସିମାନାସି ପାଲେଏ ମାଣମେସି । ୩୧ ଇତିହ୍ ଏନିକ୍ ବାରେଜାଣା ଜାପିନେରି, ଇଞ୍ଜା ବାରେଜାଣା
 ସେଡ଼ନା ଆନେରି, ଏଦାଆଁତାକି ରଅ ରଅତେରି ମାହାପୁରୁ ଅଣପୁତି ବଲୁ ଝେସାଲି ଆଡ଼ିଦେରି । ୩୨ ସାମା

ମାହାପୁରୁଷି ବଲୁ ଝେହୁନି ବାଡ଼ୁୟୁ ଝେହୁନାଣି ତାଣାଟି ଲପକି ଆନାୟି ମାନେ । ୩୩ ଏନାଆଁତାକି ଇଚିହିଁ ମାହାପୁରୁ ଗଡ଼ହା କିନି ମାହାପୁରୁ ଆଏ, ସାମା ହିଡ଼ଡ଼ିତି ମାହାପୁରୁ । ଏନିକିଁ ମାହାପୁରୁ ସୁଦୁ ଲକ୍ଷୁତି କୁଲମିତା ଆନେ ।

୩୪ ଏଲେକିଁ ଇୟାସିକା କୁଲମିତା ପାଲେଏ ମାଣମୁ ଇଚିହିଁ କାତା ଜଲ୍ଲାଲି ଏଢ଼ି ହେଲ ବେଟା ଆହାହିଲ୍ଲଭ, ମସା ମେରାତା ରାସୁକି ଆହାମାନି ଲେହେଁ ଏଢ଼ି ମାନି ତଲେ ମାନାପୁ । ୩୫ ସାମା ଇୟାସିକା ଏନାଆଁ ପୁଞ୍ଜାଲି ଅଣ୍ଡପିଚିହିଁ, ତାନି ଇଜ ତାନି ତକ୍ରାୟାଣି ଝେଣ୍ଡମୁ ଇଚିହିଁ କୁଲମିତା କାତା ଜଲ୍ଲାନାୟି ଇୟାନାକି ଲାଜାତି କାତା ।

୩୬ ମାହାପୁରୁତି ବଲୁ ମୀ ତାଣାଟି ହଟାମାନେ କି ? ଇଞ୍ଜା ଖାରୁଇ ମିଜେତାକି ଖାହାମାନେ କି ? ୩୭ ଆମ୍ବାଆସି ନାନୁ ମାହାପୁରୁ ଅଣ୍ଡପୁତି ବଲୁ ଝେହୁନାତେଏଁ, ଇଞ୍ଜା ନେହିଁ ଜାସୁତି ଦାନା ବେଟାଆହାମାଲ୍ଲ ଇଞ୍ଜାଁ ଅଣ୍ଡିନେସି, ଆତିହିଁ ନାନୁ ମିଜ ଏନା ଏନାଆଁ ରାଟିମାଞ୍ଜାଲ୍, ଏଡ଼ି ବାରେ ମାହାପୁରୁତି ହୁକୁମି ଏଦାଆଁ ଏଞ୍ଜାସି ପୁନାପେସି । ୩୮ ସାମା ଆମ୍ବାଆସି ତେଲ୍ଲହଅସି ଆତିହିଁ ଏଞ୍ଜାସି ଏନାଆଁ ତେଲ୍ଲହଆନା ମାନାପେସି ।

୩୯ ଏଦାଆଁତାକି ତାୟିୟାଁ, ମାହାପୁରୁ ଅଣ୍ଡପୁତି ବଲୁ ଝେକହାଲି ଅଣ୍ଡପେମାଞ୍ଜୁ; ଇଞ୍ଜା ଏଟକାତି ହାଡ଼ା ଜଲ୍ଲାଲି କାହିକିଆଡୁ । ୪୦ ସାମା ବାରେ କାମା ନେହିଁ ତଲେ ସୁସ୍ତି ତଲେ କିନାୟିମାନେ ।

୧୫

କ୍ରୀସ୍ତ ହାକିଚି ନିଜିନାୟି

୧ ନା ତାୟିୟାଁ ଅଡ଼େ ତାଜିୟାତେରି, ନାନୁ ମୀ ତାଣା ଆମିନି ନେହିଁ କାରୁ ଝେକହାମାଚେଏଁ, ଆମିନି କାରୁ ମୀରୁ ତୀରିତଲେ ଆସାମାଚେରି ଆମିନି ତାଣା ତୀରିତଲେ ମାଞ୍ଜାମାଞ୍ଜେରି, ନାନୁ ଏନିକିଁ ମୀ ତାଣା ଝେକହାମାଚେଏଁ, ଏଦାଆଁ ମିଜେ ଅଣ୍ଡପି କିହିମାଞ୍ଜାଲ୍ । ୨ ମିଜେ ଝେକହା ମାଞ୍ଜାନି ନେହିଁ କାରୁ ମୀରୁ ଜାଣେ ଆସା ମାଚିହିଁ, ଇ ନେହିଁ ବଲୁ ତାକି ମୀରୁ ଗେଲ୍ପି ଆହାମାଞ୍ଜେରି, ଆଆତେଁ ମୀରୁ ଉଜେଏ ନାମୁ ଗାଟାଚେରି ଆହାମାଚେରି ।

୩ ଇଚିହିଁ ନାନୁ ଆମିନି ଜାପୁନାଣି ବେଟା ଆହାମାଚେଏଁ, ଏ ବିତ୍ରାଟି ଇ କାଜା କାତା ମିଜେ ହାହାମାଞ୍ଜାଚେଏଁ, ଇଚିହିଁ କ୍ରୀସ୍ତ ଦାମ୍ବୁ ପତିତା ରାସୁକି ଆହାମାନି ଲେହେଁ ମା ପାପୁ ତାକି ହାଡେସି । ୪ ମୁସ୍ତସି ଆଡେସି, ଇଞ୍ଜା ଦାମ୍ବୁ ପତିତା ରାସୁକି ଆହାମାନି ଲେହେଁ; ତାନିଦିନା ତାୟୁ ହାକିଚି ଝେଣ୍ଡେ ନିଜିତେସି । ୫ ଏଞ୍ଜାସି କେପା* ଅଡ଼େ ବାରଜାଣା ସୀସୁୟାଣି ତଞ୍ଜାଆଡେସି । ୬ ତାୟୁ ରଣ୍ଡିଏ ଦେବା ପାସା ଖାଞ୍ଜାଟିଏ ଆଗାଡ଼ା ତାନି ଜେଟ ହାନି ତାୟିୟାଁଲ୍ ତଞ୍ଜାଆଡେସି; ଏଞ୍ଜାସି ବିତ୍ରାଟି ହାରେକା ଲକୁ ନୀଞ୍ଜୁପାତେକା ନୀତାମାନେରି, ସାମା ଏଚେକା ଲକୁ ହାହାମାନେରି । ୭ ଏଚେଟିଏ ଏଞ୍ଜାସି ଜାକୁବଲ୍ଲ ଇଞ୍ଜା ତାୟୁ ବାରେ ପାଣ୍ଡି ଆଡ଼ାରାଲ୍ ତଞ୍ଜାଆଡେସି ।

୮* ବାରେତି ତାୟୁ ଲେଞ୍ଜୁ ପୁରାଆନା ଜାନୀଆଡ଼ି ଲେହେଁ ତାତେଏଁ ନାଜେ ଜିକେଏ ତଞ୍ଜା ଆୟାତେସି । ୯* ଇଚିହିଁ ମାହାପୁରୁତି କୁଲମିତି ଲକୁଲ୍ ସାସ୍ତି ହାହିମାତାକି ପାଣ୍ଡି ଆହାମାନାରି ତାଣା ବାରେକିହାଁ ନାନୁ ଉଣାଚେଏଁ, ଇଞ୍ଜା ପାଣ୍ଡିଆହାମାନି ଦରୁ ବେଟାଆହାଲି ପାଡ଼ା ଆଆଗାଟାଚେଏଁ । ୧୦ ସାମା ନାନୁ ଏନି ଆହାମାଲ୍, ଏଡ଼ି ମାହାପୁରୁ କାର୍ମାମେହୁନି ତାଣାଟି ଆହାମାନେ, ଇଞ୍ଜା ନା ତାକି ତାନି କାର୍ମାମେହୁନାୟି ଉଜେଏ ଆହା ହିଲେଏ, ସାମା ନାନୁ ଏ ବାରେଜାଣା କିହାଁ ହାରେକା କାମା କିହାମାଲ୍, ଆଡ଼ିଜିକେଏ ନାନୁ ଆଏ, ସାମା ମାହାପୁରୁତି କାର୍ମାମେହୁନାୟି ଏଦାଆଁ କିହାମାନେ । ୧୧ ଏଦାଆଁତାକି ନାନୁ ଆପେ କି ଏଞ୍ଜାସି ଆଡ଼ପରି ଏଲେକିହିଁ ମାମୁ ଡ଼ୁଞ୍ଜସିମାନମି ଅଡ଼େ ମୀରୁ ଜିକେଏ ଏଲେକିହିଁ ନାମାମାଞ୍ଜେରି ।

ମୀରୁ ହାକିଚି ନିଜିନାୟି

୧୨ କ୍ରୀସ୍ତ ହାକିଚି ନିଜାମାନେସି ଇଞ୍ଜାଁ ଇ କାରୁ ଝେସ୍ତସି ଆହିମାନେ, ଆତିହିଁ ହାଡ଼ାରି ଝେଣ୍ଡେ ନିଜିନାୟି ହିଲେଏ ଇଞ୍ଜାଁ ଏନିକିଁ ମୀ ବିତ୍ରାଟି ଏଚରଜାଣା ଏଲେ ଇଞ୍ଜାମାନେରି ? ୧୩ ହାଡ଼ାରି ଝେଣ୍ଡେ ନିଜିନାୟି ହିଲେଏ, ଇଚିହିଁ କ୍ରୀସ୍ତ ଜିକେଏ ଝେଣ୍ଡେ ନିଜା ହିଲଅସି । ୧୪ ଇଞ୍ଜାଁ କ୍ରୀସ୍ତ ହାକିଚି ଝେଣ୍ଡେ ନିଜା ହିଲଅସି, ମାମୁ ଡ଼ୁଞ୍ଜକିହିମାନାୟି ବାରେ ଉଜେଏତାୟି, ଅଡ଼େ ମୀ ନାମୁ ଜିକେଏ ଉଜେଏତାୟି । ୧୫ ଅଡ଼େ ମାମୁ ମାହାପୁରୁତି ମିତି ଝେହୁନିଲେହେଁ ତଞ୍ଜାଆନେ, ଏନାଆଁତାକି ଇଚିହିଁ ମାମୁ ମାହାପୁରୁ

* ୧୫:୪ ୧୫:୪ ମାତି ୧୨:୪୦; କାମା ୨:୨୪-୩୨ * ୧୫:୫ ୧୫:୫ ଲୁକ ୨୪:୩୪; ମାତି ୨୮:୧୨,୧୭; ମାର୍କ ୧୫:୧୪; ଲୁକ ୨୪:୩୬; ଜହ ୨୦:୧୯ * ୧୫:୫ ୧୫:୫ ପିତର * ୧୫:୮ ୧୫:୮ କାମା ୯:୩-୬ * ୧୫:୯ ୧୫:୯ କାମା ୮:୩

କପାଟି ଛ କାତା ସାକି ହୀତମିମା କି କ୍ରୀସୁଇଁ ନିକହାମାନେସି, ସାମା ହାତାରି ନିଜଅରି, ଆତିହ୍ ଏଝାସି କ୍ରୀସୁଇଁ ଜିକେଏ ନିକହା ହିଲଅସି । ୧୭ ଏଲେଆହ୍ ହାତାରି ନିଜାହିଲଅରି, ଆତିହ୍ କ୍ରୀସୁ ଜିକେଏ ନିଜା ହିଲଅସି । ୧୮ ଇଞ୍ଜା କ୍ରୀସୁ ନିଜା ହିଲଅସି ଇତିହ୍ ମୀ ନାମୁ ଜିକେଏ ଉଜେଏତାୟି ଆନେ, ଇଞ୍ଜା ମୀରୁ ନାଏଁ ପାତେକା ମୀ ପାପୁ ତଲେ ମାଞ୍ଜାମାଞ୍ଜେରି । ୧୯ ଆତିହ୍ ଆମ୍ବାଆରି କ୍ରୀସୁ ତାଣା ନାମାମାଞ୍ଜାନା ହାହାମାନେରି, ଏଝାରି ଜିକେଏ ନାସା ଆହାମାନେରି । ୧୯ ମାରୁ ଖାଉଇ ଛ ଜୀସୁତାକି କ୍ରୀସୁଇଁ ଆସା କିହିମାନାୟି, ଆତିହ୍ ମାରୁ ବାରେ ମାଣସିୟାଁ କିହାଁ କାର୍ମା ହିଲଆଗାଟାତାୟି ।

୨୦ ସାମା ସାତାତଲେ କ୍ରୀସୁ ହାଡ଼ି ଲକ୍ଷୁତି ମୂଲୁତି ପାଡ଼େୟି ଲେହେଁ ହାତାରି ବିତ୍ତାରି ଖେଣ୍ଡେ ନିଜାମାନେସି । ୨୧ ଇତିହ୍ ମାଣସି ତାଣାଟି ହାନାୟି ଖାହାମାନାକି ଅଡ଼େ ମାଣସି ତାଣାଟିଏ ହାତାରି ବିତ୍ତାରି ଖେଣ୍ଡେ ନିଜାମାୟି ଜିକେଏ ଖାହାମାନେ । ୨୨ ଇତିହ୍ ଆଦମ ତାଣାଟି ବାରେ ମାଣସିକି ହାକି ଖାଡ଼େ, ଏଲେକିହ୍ ଏ କ୍ରୀସୁ ତାଣାଟି ବାରେଜାଣା ଜୀସୁ ବେଟାଆନେରି । ୨୩ ସାମା ବାରେଜାଣା ତାମି ପାଲି ଏତିସାରେ ତଲିତି ପାଡ଼େୟି କ୍ରୀସୁ, ତାମୁ କ୍ରୀସୁତି ଖାନିଦିନାତି କାଟାମାନାରି ଖେଣ୍ଡେ ନିଜାନେରି । ୨୪ ଏବେଟିଏ ଜୁଗୁ ରାନି ଦିନା ଖାଡ଼େ, ଏତିବେଲାତା କ୍ରୀସୁ ବାରେ କାଳପାଣା, ବାରେ ଅଦିକାରା, ବାଡ଼ୁଲୁ ମେକ୍‌ହି ତାମୁ ଆବା ମାହାପୁରୁକି ସାଲୁଝି କିନି ପାଣା ହେରପିନେସି । ୨୫ ମାହାପୁରୁ ବାରେ ସାତୁୟାଁଇଁ ହାଡ଼ି କିହାଁ କ୍ରୀସୁତି କତାୟାଁ ତୁଇ ଇଟାସା ପାତେକା ଏଝାସି ସାଲୁଝି କିନାୟିମାନେ । ୨୬ ତାମୁତି ସାତୁ ସମାନା ହାକିତି ଜିକେଏ ମେକ୍‌ନାୟି ମାନେ; ୨୭ ଏନାଆଁତାକି ଇତିହ୍ ଦାମ୍‌ପୁଡ଼ିତା ରାସ୍‌କି ଆହାମାନେ, “ମାହାପୁରୁ ବାରେତି ତାନି କଟାଁ ତୁଇ ଲକ୍‌ନେସି,” ଇଞ୍ଜା ଏବେତା ଏଝାସି ଏଲେଇନେସି, “ବାରେ ଲକ୍‌ହାମାନେସି,” ଏଡ଼ି ସାତା କ୍ରୀସୁ ବାରେ ତାମୁ ଲକ୍‌ହେସି, ଏ ବାରେ ତାଣା ତାମୁ ଆଣ୍ଡା ହାଲଅସି । ୨୮ ଅଡ଼େ ବାରେତି କ୍ରୀସୁ କତାୟାଁ ତୁଇ ଲକ୍‌ହି ଜେଡ, ଆମ୍ବାଆସି ବାରେତି ତାନି ତାଣା ଲକ୍‌ହେସି, ମୀରୁଏସି ଜିକେଏ ତାନି ଆବା ମାହାପୁରୁ ତୁଇ ତୁୟିନେସି; ଅଡ଼େ ମାହାପୁରୁ ବାରେତି ଲାକ ସାଲୁଝି କିନେସି ।

୨୯ ହାତାରି ନିଜାଆସାରେ, ଆମ୍ବାଆରି ହାତାରି ତାକି ବାପ୍ତିସ୍ତା ଅନେରି, ଏଝାରି ଏନାଆଁ କିନେରି ? ଆତିହ୍ ହାତାରି ନିଜାଆସାରେ, ଏଝାରି ତାକି ଏନାଆଁତାକି ବାପ୍ତିସ୍ତା ଅନେରି । ୩୦ ଅଡ଼େ ମାରୁ ଜିକେଏ ଏନାଆଁତାକି ବାରେବେଲା ତଣ୍ଡ ତଲେ ନାସା ଆନି ତାଣା ହାନାୟି ? ୩୧ ତାୟିୟାଁ ଅଡ଼େ ତାଲିସ୍ତାତେରି, ମା ପ୍ରବୁ କ୍ରୀସୁ ତାଣା ମିଜେତାକି ନାମୁ ଆମିନି ବତପଣା ଆହିମାଇଁ, ଏମ୍ବାତି ମାନି କିହାଁ ଏଲେ ଇଞ୍ଜିମାଇଁ, ନାମୁ ବାରେଦିନା ହାନିଲେହେଁତି କସୁ ବେଟାଆହିମାଇଁ । ୩୨ ଇତିହ୍ ମାଣସିକି ଅଣ୍ଡପିନି ଲେହେଁ ଏପିସିୟ ଗାଡ଼ାତା ନାମୁ ଖାଉଇ “ଜାଡ଼ା ଜନ୍ତୁୟାଁ” ତଲେ ଜୁଜୁ କିହାମାଇଁ, ଆତିହ୍ ଏମ୍ବାଆଁ ନାଜେ “ଏନି ଲାବା ?” ସାମା ହାତାରି ନିଜଅରି, “ଆତିହ୍ ଖାଦୁ ମାରୁ ତିନି ଉନ ଇତିହ୍ ଓଏ ମାରୁ ହାନାୟି ।”

୩୩ ମୀରୁ ନାଡ଼ି ଆସାଦୁ, “ଇତିହ୍ ପଲୁଆ ଗାଟାରି ତତୁ ଚୁନହ୍ ଲକ୍ଷୁତି ଗୁଣ୍ଡ ନସୁ କିନେ ।” ୩୪ ମୀରୁ ନେହ୍ କି ଜାଗ୍ରାତା ଆଦୁ, ପାପୁ କିଆଦୁ, ଇତିହ୍ ଆମ୍ବା ଆମ୍ବାଆରାକି ମାହାପୁରୁଇଁ ପୁନି ବୁଦି ହିଲେଏ; ନାମୁ ମୀ ଲାଜା ତାକି ଛ କାତା ଖେସିମାଞ୍ଜାଇଁ ।

ହାକିତି ଖେଣ୍ଡେ ନିଜାରି ଆଜା

୩୫ ସାମା ଆମ୍ବାଆରି ଏଲେଇନେରି, “ହାତାରି ଏନିକି ନିଜାନେରି ? ଏନିଲେହେଁତି ଆଜା ତଲେ ଏଝାରି ଖାଡ଼େରି ?” ୩୬ ବୁଦି ହିଲଆ ଗାଟାତେରି, ମୀରୁ ଏନାଆଁ ମାଟିମାଞ୍ଜେରି ଏଡ଼ି ହାଆସାରେ ଖେଣ୍ଡେ ଜୀସୁଆହାଁ ଗଜା ଆଏ । ୩୭ ଅଡ଼େ ଏନିନି ଆଜା ଆନେ ଏନାଆଁ ମୀରୁ ମାଟିହିଲଅତେରି, ସାମା ଗହ୍‌ୟାଁ ଆପୁ କି ଏନି ଆନା ଆପେ, ଏଡ଼ି ପାଡ଼େୟି ଲେହେଁ । ୩୮ ସାମା ମାହାପୁରୁ ତାନି ଅଣ୍ଡପୁ ଲେହେଁ ଏଝାରାକି ଆଜା ହୀନେସି, ଅଡ଼େ ବାରେ ପାଡ଼େୟି ତାକି ତାନି ଆଜା ହୀନେସି ।

୩୯ ବାରେ ଆଜା ରଣ୍ଡିଏ ରଲେଏତି ଆଜା ଆଏ, ସାମା ମାଣସିୟାଁକି ରଲେତି ଆଜା, ଜନ୍ତୁୟାଁକି ରଲେତି ଆଜା, ଅଡ଼େ ପଗାୟାଁକି ଅର ରଲେତି ଆଜା, ଅଡ଼େ ମୀଣ୍ଡାକା ତାକି ଅର ରଲେତି ଆଜା ।

୪୦ ଲାକପୁରୁକି ଆଜା ମାନେ, ଅଡ଼େ ଦାର୍‌ତିକି ଆଜା ଜିକେଏ ମାନେ, ଲାକପୁରୁତି ଆଜା ରଲେତି ଅଜୁ, ଅଡ଼େ ଦାର୍‌ତିକି ଆଜାତି ଅଜୁ ଅର ରଲେତାୟି । ୪୧ ଖେଡ଼ାତି ଉଜେଡ଼ି ରଲେତାୟି, ଅଡ଼େ ଲେଞ୍ଜୁତି ଉଜେଡ଼ି ଅର ରଲେତାୟି, ଅଡ଼େ ହୁକାୟାଁତି ଉଜେଡ଼ି ରଲେତାୟି, ଇଞ୍ଜା ର ହୁକା ଟିଏ ଅର ହୁକାତି ଉଜେଡ଼ି ଅର ରଲେତାୟି ।

୪୨ ହାତାରି ନିଜାନାୟି ଜିକେଏ ଏଲେତାୟିଏ, ନାସା ଆନିଲେହେଁ ମାଟ୍‌କି ଆନେ, ସାମା ନାସା ଆଆଗାଟାୟି ଲେହେଁ ନିଜାନେ; ୪୩ ଲଡ଼ାହିଲାଆ ଗାଟାୟି ଲେହେଁ ମାଟ୍‌କି ଆନେ ଏଡ଼ି ଗାଞ୍ଜୁରମି ତଲେ

ନିଜ୍ଜନେ; ବାତ୍ସଲ୍ୟ ହିଲାଆଗାଚାୟି ଲେହେଁ ମାତ୍ୱକି ଆନେ, ବାତ୍ସଲ୍ୟ ଗାଚାୟି ଆହାଁ ନିଜ୍ଜନେ ।^{୪୪} ଇର୍ଥାତ ଆଜ୍ଞା ତଲେ ମୁସପିଆନେ ଜାସ୍ତୁତି ଆଜ୍ଞା ତଲେ ନିଜ୍ଜନେ; ସାମା ଇର୍ଥାତ ଆଜ୍ଞା ମାନେ ଇତିହାଁ ଜାସ୍ତୁତି ଆଜ୍ଞା ଜିକେଏ ମାନେ ।^{୪୫} ଦାମ୍ଭପତିତା ରାସ୍ତକି ଆହାମାନେ, ତଲିତି ମାଣସି ଆଦମ ଜାସ୍ତୁତି ମାଣସି କିହାଁ ଗାଡ଼ି ଅଚେସି; ସାମା ତାୟୁତି ଆଦମ ପୁଣ୍ଡା ହାନି ଜାସ୍ତୁ ଆଚେସି ।^{୪୬} ସାମା ଜାସ୍ତୁ ଗାଚାୟି ନକେଏ ଆଏ, ଆଜ୍ଞା ତଲେତାସି ନକେଏ, ଅଚେ ତାୟୁ ଜାସ୍ତୁ ଗାଚାୟି ଆଚେସି ।^{୪୭} ନକେଏତି ମାଣସି ଆଦମ ଦାର୍ତତି ମାନି ଇର୍ଥା ତଲେ ଗାଡ଼ି ଆହାମାନେସି, ଅଚେ ତାୟୁତି ମାଣସି ଲାକପୁରୁତି ଖାହାମାନେସି ।^{୪୮} ଆଦାଆରି ଇର୍ଥା ତଲେ ଗାଡ଼ି ଆହାମାନେସି, ଏଞ୍ଜାରି ଇର୍ଥାତି ଗାଡ଼ି ଆଡ଼ି ଏ ମାଣସିଲେହେଁ, ଇଞ୍ଜା ଆଦାଆରି ଲାକପୁରୁତାରି ଏଞ୍ଜାରି ଲାକପୁରୁତି ଖାହାମାନି ଏ ମାଣସି ଲେହେଁତାରି ।^{୪୯} ଅଚେ ମାରୁ ଇର୍ଥାତି ଗାଡ଼ି ଆହାମାନି ଏ ମାଣସିତି ଖାଣା ଆସାମାନାୟି, ଏଲେକିହାଁ ଏଏ ଲାକପୁରୁତି ମାଣସିତି ଖାଣା ଜିକେଏ ଆହୁନାୟି ।

^{୫୦} ତାୟିୟାଁ ଅଚେ ତାଜିସ୍ତାତେରି ନାନୁ ଖେସିମାଞ୍ଜାଇଁ, ନେତେରି ଅଚେ ଉଜ୍ଞା ମାହାପୁରୁତି ରାଜିତି ଅଦିକାରା କିହାଲି ଆଚେଏ, ସାମା ହାନାୟି ହାଆଗାଚାଣି ଅଦିକାରା କିହାଲି ଆଚେଏ ।

^{୫୧} *ମେହଦୁ ନାନୁ ମିଜେ ର ତୁଗ୍ଲାମାନି କାତା ଖେସିମାଞ୍ଜାଇଁ, ମାରୁ ବାରେ ଜାଣାତାୟି ହାଆୟି, ସାମା ମାରୁ ବାଦଲଖି ଆନାୟି, ^{୫୨} ଦେବୁଣିଏ, କାନୁ ମିତି କିନିଲେହେଁ, ତାୟୁତି ତାଡ଼ି ମହୁରି କାଜା ହାଡ଼ା ଖେଚିସାରେ ମାରୁ ବାରେତାୟି ଅର ଖାଣା ଆନାୟି; ଇତିହାଁ କମ୍ପୁ ତାନେ ଅଚେ ହାଡ଼ାରି ନାସା ଆଆନା ନିଜ୍ଜନେସି, ଅଚେ ମାରୁ ବାଦଲଖି ଆନାୟି ।^{୫୩} ଇତିହାଁ ଇ ମେଣ୍ଡଜିନି ଆଜ୍ଞାତି ମେଣ୍ଡଜାଆଗାତି ହିମ୍ପୁରି ପରୁନାୟି ମାନେ, ଅଚେ ଇ ହାନି ଆଜ୍ଞାତି ହାଆଗାତି ହିମ୍ପୁରି ପରୁନାୟି ମାନେ ।^{୫୪} ସାମା ଇ ମେଣ୍ଡଜିନି ଆଜ୍ଞାତି ମେଣ୍ଡଜାଆଗାତି ହିମ୍ପୁରି ଅଚେ ହାନି ଆଜ୍ଞାତି ହାଆଗାତି ହିମ୍ପୁରି ହୁଚିତି ଜେଚ, ଇ ରାଡ଼ାମାନି ବଲୁ ସାତା ଆନେ: “ହାକି ନାସା ଆହାମାନେ: ଜାଣା ଆନାୟି ଆହାମାନେ ।”

^{୫୫} “ଏ ହାକି ନୀ ଜାଣା ଆନାୟି ଆସ୍ତାୟା ?

ଏ ହାକି ନୀ ନାସାକିନି ବାତ୍ସଲ୍ୟ ଆସ୍ତାୟା ?”

^{୫୬} ହାକିତି ସାତୁ ପାପୁ, ଅଚେ ପାପୁତି ବାତ୍ସଲ୍ୟ ମସାତି ମେରା; ^{୫୭} ସାମା ଏନିନି ମାହାପୁରୁ ମା ପ୍ରବୁ ଜାସ୍ତୁ କ୍ରାସ୍ତୁତି ତାକି ମାଜେ ଜାଣି କିୟାନେସି ଏଞ୍ଜାଣାକି ଜହରା ଆପେ ।

^{୫୮} ଏଦାଆଁତାକି ଏ ନା ଜାସ୍ତୁତି ତାୟିୟାଁ ଅଚେ ତାଜିସ୍ତାତେରି, ପ୍ରବୁତି ସେବାତା ମୀ କସ୍ତଲେ କାମା କିନାୟି ଉଜେଏ ଆଏ, ଇଦାଆଁ ପୁଞ୍ଜାନା ପ୍ରବୁତି କାମାତା ତାରିଆହାଁ ବାତ୍ସଲ୍ୟ ତଲେ ସେବାତା ହାରେ ହାରେକା ଜାତୁନୁ ଆଦୁ ।

୧୭

ମାହାପୁରୁତି ଲକ୍ଷ୍ମୀତାକି ଦାନ

^୧ *ମାହାପୁରୁ ଲକ୍ଷ୍ମୀ ତାକି ତାୟୁୟାଁ କୁଡ଼ିକିନି କାତା ନାନୁ ଏନିକିଁ ଗାଲତାୟା କ୍ରାସ୍ତାନା କୁଲମିତା ଖେସିମାଚେସି, ମାରୁ ଜିକେଏ ଏଲେକିଁ କିଦୁ ।^୨ ମାରୁ ବେଦାଆହୁମାନି ଲେହେଁ ବାରେ ଖାରାତି ମୁଲୁ ଦିନା ମାରୁ ବାରେତେରି ମୀ ଆଡ଼ିନି ଲେହେଁ ମୀ ବିତ୍ତା ଏତେକା ତାୟୁୟାଁ କୁଡ଼ିକିହାଁ ଇଟାଦୁ, ଆତିହାଁ ନାନୁ ଖାଡ଼ିସାରେ ମିଜେ ଅଚେ ତାୟୁୟାଁ ରାସାଲି ଲଡ଼ା ଆଏ ।^୩ ଅଚେ ନାନୁ ଖାଡ଼ିଜେଚ, ମାରୁ ଆଦାଆରାଇଁ ଜେଗ ଇଞ୍ଜାଁ ଆଚାମାଞ୍ଜେରି ନାନୁ ଏଞ୍ଜାରିକି ଆକୁ ରାଡ଼ାହାଁ ଜିରୁସାଲମତା ମୀ ଦାନା ଅହାଲି ପାଣ୍ଡିଲ୍; ^୪ ସାମା ନାଜେ ଜିକେଏ ହାଜାଲି ଲଡ଼ାଆନେ ଇତିହାଁ ଏଞ୍ଜାରି ନା ତଲେ ଖାଚେପରି ।

କାମାତାକି ପାଞ୍ଜୁଲତି ଅଣ୍ଡପୁ

^୫ *ସାମା ନାନୁ ମାକିଦନିୟା ହାତି ତାୟୁ ମୀ ତାଣା ଖାଇଁ, ଏନାଆଁତାକି ଇତିହାଁ ନାଜେ ମାକିଦନିୟାତି ହାନାୟି ମାନେ ।^୬ ଆଆତଁ ନାନୁ ଖାଡ଼ିସାରେ ଏଚରଦିନା ମୀ ତାଣା ଡ଼ୟିଲ୍, ଇତିହାଁ ପେନିବେଲା ହାଲ୍ଡେ ମାଞ୍ଜାଲି ଅଣ୍ଡପିମାଇଁ, ଏଚେତା ନାନୁ ଆନିନି ଚାୟୁତା ହାଲ୍ଡ, ଏନାଆଁ ହାନାତି ମାରୁ ନାଜେ ଇତିଖାୟାଦେରି ।^୭ ଇତିହାଁ ନାଏଁ ନାନୁ ହାନାତି ମୀ ତାଣା ଗାଡ଼େକା ତାକି ତଞ୍ଜାଆହାଲି ଅଣ୍ଡପି ହିଲଥାଁ, ଇତିହାଁ ପ୍ରବୁ ନାଜେ ହେଲ ହିୟାତିହାଁ, ନାନୁ ମୀ ତଲେ ଏଚରଦିନା ମାଞ୍ଜାଲି ଆସା କିହିମାଇଁ ।

^୮ *ସାମା ନାନୁ ପେନିକସ୍ତ ଦିନା ପାତେକା ଏପିସିୟ ଗାଡ଼ାତା ଡ଼ୟିଲ୍; ^୯ ଇତିହାଁ ପ୍ରବୁତି କାମା କିହାଲି ଅସାରା ଦାରା ଦେପିଆହାମାନେ, ଆଆତଁ ଜିକେଏ ନାଜେ ଅପାଆଗାଚାରି ହାରେକା ମାନେରି ।

* ୧୫:୫୧ ୧୫:୫୧ ୧୧ତସ ୪:୧୫-୧୭ * ୧୭:୧ ୧୭:୧ ରମି ୧୫:୨୫,୨୭ * ୧୭:୫ ୧୭:୫ କାମା ୧୯:୨୧ * ୧୭:୮ ୧୭:୮ କାମା ୧୯:୮-୧୦

୧୦ *ତିମତି ମୀ ତାଣା ଖାଡ଼ିସାରେ ଏଝାସି ଏନ୍ନିକି ଆଜାଆନା ମୀ ତାଣା ତୁୟିନେସି, ଏଦାଆଁତାକି ମୀରୁ ଅଣ୍ଡାପାବୁ, ଇଚିହୁଁ ନାନୁ ଏନ୍ନିକି ଏଝାସି ଜିକେଏ ଏଲେକିହୁଁ ଏ ପ୍ରବୁତି କାମାକିନାସି । ୧୧ ଏଦାଆଁତାକି ଆମ୍ବାଆତେରି ଏଝାଣାଇଁ ହୀଣି କିଆବୁ, ସାମା ଏଝାସି ଏନ୍ନିକି ନା ତାଣା ଖାହାଲି ଆଡ଼ିମାନେସି, ଏଦାଆଁତାକି ଏଝାଣାଇଁ ହିଡ଼ି ଜୀଝୁତଲେ ଜିରୁ ତସା ପାଣ୍ଡାବୁ; ଏନାଆଁତାକି ଇଚିହୁଁ ଏଝାସି ତାୟିୟାଁ ତଲେ ଖାନ୍ନେସି ଇଞ୍ଜି ନାନୁ କାଡ଼ିମାଇଁ ।

୧୨ ସାମା ତାୟି ଆପଲ ତାକି ଖେସିମାଞ୍ଜାଇଁ, ନାନୁ ଏଟକାତି ତାୟିୟାଁ ତଲେ ମୀ ତାଣା ହାଜାଲି ଏଚେକା ବାତିମାଲିଡେସି, ସାମା ନାସି ଖାହାଲି ମନ କିଆଡେସି, ସାମା ପାରୁ ସିନିକିହାନା ଏଝାସି ଖାନ୍ନେସି ।

ଆକୃତି ରାନ୍ନି କାତା

୧୩ ମୀରୁ ଜାଗ୍ରାତା ଆହୁଁ ନାମୁତା ତାରିତଲେ ମାଞ୍ଜୁ, ଅଡ଼େ ସାସା ଗାଗାତେରି ଆହାନା ବାଡ଼ୁରୁ ଆହୁଁ ।

୧୪ ମୀ ବାରେ କାମା ଜୀଝୁ ନନାଣି ତଲେ ଆପେ ।

୧୫ *ଏ ତାୟିୟାଁ ଅଡ଼େ ତାଜିସ୍ତାତେରି ସ୍ତ୍ରୀପାନ ଇଲୁ କୁଚମି ଆକାୟାତି ମୂଲୁଏ ନାମିତାରି; ଅଡ଼େ ମାହାପୁରୁ ଲକୁଣି ସେବା କିନି କାମାତାକି ହେରପା କଡାମାନେରି ଏଦାଆଁ ମୀରୁ ପୁଞ୍ଜାମାଞ୍ଜେରି । ୧୬ ମୀରୁ ଏଲେତି ଲକୁତି ଅଡ଼େ ତାମିତଲେ ଆଣ୍ଡାନା ଖାହୁତଲେ କାମା କିହିମାନାରାଇଁ ମାନି କିଦୁ, ଏଦାଆଁତାକି ନାନୁ ମିଙ୍ଗ ବାତିମାଲିମାଞ୍ଜାଇଁ ।

୧୭ ସ୍ତ୍ରୀପାନ, ପର୍ତୁନାତ, ଅଡ଼େ ଆକାୟିକ ଖାଡ଼ାକି ନାନୁ ହାରେକା ରାହୁଁ ଆହିମାଇଁ, ଇଚିହୁଁ ମୀରୁ ହିଲାଆତାକି ନାଙ୍ଗେ ଏନାୟି ଲଡ଼ା ମାଚେ, ଏଝାରି ଏଦାଆଁ ହୀହାମାଞ୍ଜାନେରି । ୧୮ ଇଚିହୁଁ ଏଝାରି ମୀ ଜୀଝୁତି ଅଡ଼େ ନା ଜୀଝୁତି ରାହୁଁ କିହାଁ ମାଞ୍ଜାନେରି; ଏଲେତି ଲକୁଇଁ ଜଗେ ଇଞ୍ଜି ପୁଞ୍ଜାନା ମାନି କିଦୁ ।

୧୯ *ଆସିୟା ଦେସାତା ମାନି କୁଲମିକା ମିଙ୍ଗେ ଜହରା କିହିମାଞ୍ଜାନେରି, ଆକ୍ଝିଲା ଅଡ଼େ ପ୍ରିସ୍ତିଲା ତାନି ଇଜ ରୁଣ୍ଡା ଆନି କୁଲମି ତଲେ ପ୍ରବୁ ତାଣା ମିଙ୍ଗେ ହାରେକା ଜହରା କିହିମାଞ୍ଜାନେରି । ୨୦ ଇମ୍ବାଆଁ ମାନି ବାରେ ତାୟିୟାଁ ଅଡ଼େ ତାଜିସ୍ତା ମିଙ୍ଗେ ଜହରା କିହିମାଞ୍ଜାନେରି । ମୀରୁ ରଅତେରି ରଅଣାଇଁ ତାୟି ତାୟିୟାଁ ଲେହେଁ କ୍ରୀସ୍ତିତି ଜୀଝୁନହୁଁ ସୁଦୁ ତଲେ ନଶ୍ଝି ଆହାନା ଜହରା କିଝିଆଦୁ ।

୨୧ ନାନୁ ପାଝୁଲଡେସି ନା କେୟୁଟି ରାଡ଼ାହୁଁ ରାହୁଁ ତଲେ ଜହରା କିହିମାଞ୍ଜାଇଁ ।

୨୨ ଆମ୍ବାଆସି ମାହାପୁରୁଇଁ ଜୀଝୁ ନଅସି ଏଝାସି ବାକା ବେଗଆପେସି ! ମାରାନାତା ମା ପ୍ରବୁ ତବେ ଖାମ୍ବୁ !

୨୩ ପ୍ରବୁ ଜୀଝୁତି କାର୍ମାମେହନାୟି ମିଙ୍ଗେତାକି ଆୟାପେ; ୨୪ କ୍ରୀସ୍ତ ଜୀଝୁ ତାଣାଟି ନା ଜୀଝୁନନାୟି ମୀ ବାରେଜାଣା ତାକି ଆୟାପେ । ଆମ୍ବେନ ।

* ୧୭:୧୦ ୧୭:୧୦ ୧କର ୪:୧୭ ✪ ୧୭:୧୫ ୧୭:୧୫ ୧କର ୧:୧୭ ✪ ୧୭:୧୯ ୧୭:୧୯ କାମା ୧୮:୨

କରକ୍ତି ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ଦ୍ଵୀତୀୟ ପତ୍ର କରକ୍ତି କୁଲମିତାକି ପାଞ୍ଚୁଲ ରାଡ଼ାମାନି ରୀ ଲମ୍ବର ଆକୁ ମୁକୁ ହାଡ଼ା

କରକ୍ତି କୁଲମିତା ରୀ ଲମ୍ବର ଆକୁ ପାଣ୍ଡୁଓଆହାମାନି ପାଞ୍ଚୁଲ ତାଣ୍ଡାଟି ଜୀସୁ କ୍ରୀସୁ ଜାର୍ନାତି ୫୫-୫୬ ବାସୀ ତାହୁ ରାସ୍ତାକି ଆହାମାତେ ୧:୧ । ମା ତାଣ୍ଡା ମାନି କରକ୍ତି କୁଲମିକ ରାଡ଼ାମାନି ଆକୁ ବିତ୍ରାଟି ଛଦି ଆହିମାନେ ପାଞ୍ଚୁଲତି ରୀ ଲମ୍ବର ଆକୁ । ମେରାପୁନାରି ନାମିମାନେରି ଛଦାଆଁ ନକେଏ ପାଞ୍ଚୁଲ କରକ୍ତି କୁଲମିତି ଦାକା ହାହାନା ରାଡ଼ାମାତେସି ୨:୩-୪ ପଦୁତା ଏଞ୍ଜାସି ଝେସିମାନେସି ।

ପାଞ୍ଚୁଲ ମାକିଦନିୟାତା ମାନି ବେଲାତା କରକ୍ତିତି ରୀ ଲମ୍ବର ଆକୁ ରାଡ଼ାମାନେସି ୨:୧୩ । କରକ୍ତିତା ମାନି କୁଲମିତି କାତା ତିତସ ତାଣ୍ଡାଟି ନେହୁଁ କାକୁ ବେଗାଆହାନା ରାହୁଁ ଆହିମାନେସି । ଛ ଆକୁତା ପୁଃନି ମେରା ଅଣପୁଟି ଦାନା ହାନି କାତା ଜାପିନାୟି । ଛ ଆକୁତା ଜିରୁସାଲମତା ମାନି କ୍ରୀସୁଛୁଁ ନାମାମାନି ଲକୁଛୁଁ ସାୟେମି କିହାଲି ଟାକାୟାଁ କୁଡ଼ିକିହାଲି ଝେସିମାନେସି ୮-୯ । ଅଡେ ଜିକେଏ କୁଲମି ପାଜାଟି କରେକା ମିତି ପାଣ୍ଡୁଓଆହାମାନାରି ଜାହାରାଛୁଁ କାଜାରି କିହାକତାଲି ପାଞ୍ଚୁଲ କପାଟି କୁଲମିତି ଏଚରଜାଣା କାଜାରାଛୁଁ ନିନ୍ଦା କାତା ଝେସିମାନେରି । ଏଞ୍ଜାରି ପାଞ୍ଚୁଲତି ଅଦିକାରାତି ଆନାମାନା ଆହିମାନେରି । ଏମିନିଗାଟାଣି ରୀ ଲମ୍ବର କରକ୍ତି ଆକୁତି ରାନିଞ୍ଜାକି ଏଞ୍ଜାସି ର କ୍ରୀସୁତି ଅଦିକାରା ତଲେ ପାଣ୍ଡୁଓ ଆଡ଼ାସି ଛଞ୍ଜୁଁ ଜାଣ୍ଡେତଲେ ଝେସିମାନେସି ।

ପତିତା ମାନାୟି

- ୧. ପାଞ୍ଚୁଲ ଜହରା କିହାନା ଆକୁ ରାଡ଼ିନାୟି । ୧:୧-୭
- ୨. ପାଞ୍ଚୁଲ ତାନି ହାନି ଜିରୁତି ବାଦଲି କିନାୟି ଛଞ୍ଜାଁ ଏଞ୍ଜାରି ତାଣ୍ଡାଟି ବେଗାଆହାମାନି କାତାତାକି ଝେଣ୍ଡେ ଝେହ୍ନାୟି । ୧:୮-୭:୧୬
- ୩. ଜିରୁସାଲମତି ନାମୁଗାଟି ତାୟିୟାଁକି ଦାନା କୁଡ଼ିକିହାଲି ଝେହ୍ନାୟି । ୮:୧-୯:୧୫
- ୪. ପାଞ୍ଚୁଲ ତାନି ପାଣ୍ଡୁଓଆହାମାନି ପାଣ୍ଡାଟି ଜାଣ୍ଡେ ଝେହ୍ନାୟି । ୧୦:୧-୧୩:୧୦
- ୫. ଆକୁତି ରାପ୍ନି କାତା । ୧୩:୧୧-୧୪

୧ ପାଞ୍ଚୁଲ ମାହାପୁରୁତି ଅଣପୁ ତଲେ କ୍ରୀସୁ ଜୀସୁ ତାଣ୍ଡାଟି ପାଣ୍ଡୁଓ ଆହାମାନାତେଏଁ ଛଞ୍ଜାଁ ମା ତାୟି ତିମତି କରକ୍ତି ଗାଡ଼ାତା ମାନି ମାହାପୁରୁତି କୁଲମି ଅଡେ ଆକାୟା ଦେସାତା ମାନି ବାରେ ମାହାପୁରୁ ଲକୁତାକି ଆକୁ ରାଡ଼ିମାନମି ।

୨ ମା ଆବା ମାହାପୁରୁ ଅଡେ ପ୍ରବୁ ଜୀସୁ କ୍ରୀସୁ ତାଣ୍ଡାଟି କାର୍ମାମେହ୍ନାୟି ଛଞ୍ଜାଁ ହିଡ଼ି ନିଜେତାକି ଆୟାପେ ।

ପାଞ୍ଚୁଲ ମାହାପୁରୁଛୁଁ ଜହରା କିନାୟି

୩ ମା ପ୍ରବୁ ଜୀସୁ କ୍ରୀସୁତି ଆବା ମାହାପୁରୁକି ଜହରା, ଏଞ୍ଜାସି କାର୍ମାମେହ୍ନି ଆବା ଅଡେ ଦୁକୁ ଡକୁନି ମାହାପୁରୁ । ୪ ମାହାପୁରୁ ତାଣ୍ଡାଟି ଆମିନି ଦୁକୁ ଡକୁନି ତାଣ୍ଡା ମାର ଦୁକୁ ଡପକି ଆହିମାନାୟି, ଏ ଦୁକୁ ଡକୁନାଣି ତଲେ ଏନିକିହୁଁ ବାରେ ଲେହେତି ଦୁକୁ ବେଗାଆହିମାନି ଲକୁଣି ଦୁକୁ ଡକୁହାଲି ଆଡ଼ିନାୟି, ଛଦାଆଁତାକି ଏଞ୍ଜାସି ବାରେ ଦୁକୁତା ମାଜେ ଦୁକୁ ଡକୁନାଣି ହାହାମାଞ୍ଜାନେସି ୫ ଛଡିହୁଁ କ୍ରୀସୁତି ତାକି ମାର ଏନିକିହୁଁ ହାରେକା ଦୁକୁ କସ୍ର ହାରେକା ବେଗାଆନାୟି, ଏଲେକିହୁଁ ଏ କ୍ରୀସୁ ତାଣ୍ଡାଟି ମାହାପୁରୁତି ଦୁକୁ ଡକୁନାୟି ହାରେକା । ୬ ସାମା ମାମ୍ନୁ ଦୁକୁ କସ୍ର ବେଗାଆଡ଼ିସାରେ ଏଡି ମୀ ତାକି ଦୁକୁ ଡକୁନାୟି, ଅଡେ ଗେଲ୍ପି ଆହାଲିତାକି; ଛଞ୍ଜାଁ ମାମ୍ନୁ ଦୁକୁ ଡପକି ଆଡିହୁଁ, ଏଡି ମୀ ଦୁକୁ ଡକୁହାଲି ତାକି; ମାମ୍ନୁ ଏନିଲେହେତି ଦୁକୁ କସ୍ର ବେଗାଆନମି ମାରୁ ଏନିକିହୁଁ ସାମା ଅଡେ କସ୍ରତଲେ ଦୁକୁ ବେଗାଆହି ମାଞ୍ଜେରି ମାମ୍ନୁ ଜିକେଏ ଏଲେକିହୁଁ ଏ ଦୁକୁ ଡକୁନି କାମା କିହିମାନମି । ୭ ଅଡେ ମୀ ତାଣ୍ଡା ମା ବାସୁଁ ହାରେକା ମାନେ । ମାରୁ ମା ଦୁକୁ କସ୍ର ପାଣ୍ଡିନିତାଣା ଏନିକିହୁଁ ଆଣ୍ଡାମାଞ୍ଜେରି, ଏଲେକିହୁଁ ଏ ମାମ୍ନୁ ଦୁକୁ ଡକୁନି ତାଣ୍ଡା ଆଣ୍ଡିଦେରି, ଛଞ୍ଜୁଁ ମାମ୍ନୁ ପୁଞ୍ଜାମାନମି ।

୮ *ଇତିହାସ ଏ ଚାରିୟା ଅଡ଼େ ତାଜିୟାତେରି, ଆସିୟା ରାଜିତା ମାଜେତାକି ଆହାମାନି ସାସ୍ତି ମୀରୁ ପୁନାଆନା ମାଞ୍ଜୁ ଇଞ୍ଜିହା ମାମ୍ମୁ ଅଣ୍ଡିପି ହିଲଅମି; ମାମ୍ମୁ ମା ବାଡ଼ୁୟୁଟି ବେଟାଆହାମାନି ସାସ୍ତି ସହଞ୍ଜି ଆହାଲି ଆଡ଼ାଆରେଟୁ ଆହାମାତମି, ଇଞ୍ଜା ମାମ୍ମୁ ନୀତାମାଞ୍ଜାଲି ଜିକେଏ ଆସା ପିସାମାତମି; ୯ ହାଅ, ମାଜେ ପାୟାଲି ହୁକୁମି ହାପକି ଆହାମାନେ ଇଞ୍ଜା ଅଣ୍ଡିପାତମି, ଏନିକ ମାମ୍ମୁ ମା ମୁହେଁ ବାସୁଁ କିହାକତାଆନା ଏମିନି ମାହାପୁରୁ ହାକିଟି ନିକନେସି ଏଞ୍ଜାଣି ତାଣା ବାସୁଁ କିନମି; ୧୦ ଏଞ୍ଜାସି ଆଜିହପେଟି ହାକିଟି ମାଜେ ଗେଲ୍‌ପାତେସି ଅଡ଼େ ଗେଲ୍‌ପାତେସି, ଅଡ଼େ ତାୟୁ ଜିକେଏ ଗେଲ୍‌ପାତେସି ଇଞ୍ଜା ତାନିତାଣା ମା ଆସା ମାନେ; ୧୧ ମୀରୁ ଜିକେଏ ମା ତାକି ପ୍ରାତାନା କିହା ମାଜେ ସାୟେମି କିହାମାଞ୍ଜାଦେରି, ଏନିକ ମାଜେ ଏମିନି କାର୍ମାତି ଦାନା ହାପକି ଆହାମାଞ୍ଜାନେ, ଏଦାଆଁତାକି ହାରେକା ଲକ୍ଷୁଟି ଗୁଟିଟି ମା ତାକି ହାରେକା ଜହରା କିଞ୍ଜିଆହିମାନେ ।

ପାସ୍ତୁଲ ତାନି ଅଣ୍ଡିପୁ ବାଦଲି କିନାୟି

୧୨ ବାରେକିହାଁ ଦାର୍ତତା ମୀ ତାକି ମାମ୍ମୁ ମାଣସିତି ବୁଦିତଲେ ତାକାଆନା ମାହାପୁରୁଟି କାର୍ମାତି ତାନି ସୁଦୁ ଅଡ଼େ ନାମୁତଲେ ତାକିମାତମି ଇଞ୍ଜା ମା ଅଣ୍ଡିପୁ ସାକି ହାହିମାଞ୍ଜାନେ, ଇଦି ମା ବଡ଼ପଣତି କାତା । ୧୩ ଖାଉଇ ମୀରୁ ଏନାଆଁ ପଡ଼ଞ୍ଜି ଆହାନା ତେଲ୍‌ହିଦେରି, ଏ ବାରେ ପିସ୍‌ପେ ମାମ୍ମୁ ମିଜେ ଅଡ଼େ ଏନାଆଁ ରାଡ଼ିମାଞ୍ଜିଆମି, ୧୪ ଅଡ଼େ ମା ପ୍ରୁରୁ ଜାସୁ କ୍ରାସୁତି ଦିନାତା ମାମ୍ମୁ ମା ତାକି ବଡ଼ପଣ ତସାଲି ଆଡ଼ିନମି, ଅଡ଼େ ମୀରୁ ଜିକେଏ ମା ତାକି ବଡ଼ପଣ ତସାଲି ଆଡ଼ିଦେରି, ମୀରୁ ନୀଏଁ ଇରେକା ପୁଞ୍ଜାନା ବାରେ ପୁନାଆତି ଜିକେଏ ର ଦିନା ମୀରୁ ବାରେ ତାୟୁ ପାତେକା ପୁଞ୍ଜେରି ଇଞ୍ଜା ନା ଆସା ।

୧୫ ଇ କାତା ନେହ କି ପୁଞ୍ଜାମାନାକି ମୁଲ୍‌ଏ ମୀ ତାଣା ଖାହାଲି ତାକି ନାଜେ ଅଣ୍ଡିପୁ ମାରେ, ଆତିହାସ ମୀରୁ ରୀ ଦେବା ରାହାଁ ବେଟାଆଡ଼େରିମା ୧୬ *ମୀ ତାଣାଟି ମାକିଦନିୟାତା ହାଜାନା ଅଡ଼େ ଝେଣ୍ଡେ ମାକିଦନିୟାଟି ମୀ ତାଣା ଖାହାନା ମୀ ସାୟେମି ତଲେ ଜାହୁଦା ଦେସାତା ହାଜାଲି ଆଡ଼ିଇଁ, ଏଦାଆଁତାକି ଏ ନାମୁଟି ତଲିଏ ମୀ ତାଣା ହାଜାଲି ମନେ କିହାମାରେଏଁ । ୧୭ ଆତିହାସ ଇଲେଟି ଅଣ୍ଡିପୁ ଅଣ୍ଡିପିନାୟି ନାନୁ ଏନାଆଁ ଆନାମାନା ଆହାନା କିହାମାରେଏଁ ? ଇଞ୍ଜା ନାନୁ ଏନାଆଁ ତାରିକିହା ଡ଼ୟିଇଁ, ଏଦି ଏନାଆଁ ଏଦାଆଁ ଦାର୍ତତି ଅଣ୍ଡିପୁ ତଲେ କିହିମାଇଁ, ଇଞ୍ଜା ନା କାତା “ହାଅ କି ଆଏ” ଇ ରୀ କାତା ରଣ୍ଡିଏ ଦେବା ହପୁଇଁ କି ? ୧୮ ମାହାପୁରୁ ଟିକାଣାତାସି, ଏଦାଆଁତାକି ନା କାତା ମିଜେତାକି “ହାଅ କି ଆଏ” ଇନି ରୀ କାତା ଆଏ । ୧୯ *ଇତିହାସ କ୍ରାସୁ ଜାସୁ ମାହାପୁରୁ ମୀରୁଏସି, ଆମ୍ବାଆସି ମା ତାଣାଟି ଇତିହାସି ସିଲା, ତିମତି ଅଡ଼େ ନାନୁ ମୀ ତାଣା ଝେକହା ମାତମି, ଏଞ୍ଜାସି “ହାଅ” ଅଡ଼େ “ଆଏ” ଇନାସି ଆହାହିଲଅସି, ଇତିହାସି ଏଞ୍ଜାଣି ତାଣା ହାଅ ଆହାମାନେ । ୨୦ ଏନାଆଁତାକି ଇତିହାସି ମାହାପୁରୁଟି ବାରେ ଆଞ୍ଜାମାନାୟି ଏଞ୍ଜାଣି ତାଣା “ହାଅ” ମାନେ; ଇଦାଆଁତାକି ଜାସୁ କ୍ରାସୁ ତାଣାଟି ମାହାପୁରୁଇଁ ଗାଞ୍ଜୁରମି କିହାଲି ମାରୁ “ଆଡେନ; ଏଲେଆହାଁ ଆଡେ” ଇନାୟି । ୨୧ ତାନୁଏ ମାଜେ ଅଡ଼େ ମିଜେ କ୍ରାସୁ ତାଣା ତାରି କିହାମାଞ୍ଜାନେସି, ଇଞ୍ଜା ମାଜେ ବରୁ ହାହାମାଞ୍ଜାନେସି, ଏଞ୍ଜାସି ମାହାପୁରୁ; ୨୨ ଏଞ୍ଜାସି ତାନି ବୁରୁ ମୁଦା ମାଜେ ଝେଟା ମାଞ୍ଜାନେସି, ଇଞ୍ଜା ଏଞ୍ଜାସି ମା ହିୟାଁ ବିତ୍ତା ସୁଦୁଜାସୁ ସିନାଲେହେଁ ହାହାମାଞ୍ଜାନେସି ।

୨୩ ସାମା ନାନୁ ମାହାପୁରୁଇଁ ସାକି କିହାନା ନା ଜାସୁଟି ମାନି କିହିମାଇଁ, ନାନୁ ମିଜେ କାର୍ମା ଆହାନା କରନ୍ତିତା ଝେଣ୍ଡେ ହାଜାହିଲଅଁ । ୨୪ ମୀ ନାମୁଟି ମୁହେଁ ମା ଅଦିକାରା ମାନେ, ଏଲେକି ଆଏ, ସାମା ମୀ ରାହାଁତାକି ମୀ ସାୟେମି କିନାତମି ଆହାମାନମି, ଏଦାଆଁତାକି ନାମୁତା ତାରିଆହାନା ମାଞ୍ଜୁ ।

୨

୧ ନାନୁ ମୀ ତାଣା ହାନାୟି ମିଜେତାକି ଅଡ଼େ ଝେଣ୍ଡେ କସୁ ଆୟେଏ, ଇଦାଆଁ ମନତା ତାରି କିତେଏଁ । ୨ ନାନୁ ମିଜେ ଦୁକୁ ହିୟାଇଁ, ଆତିହାସି ନାନୁ ଆମ୍ବାଆରାଇଁ ଦୁକୁ ହୀଇଁ, ଏଞ୍ଜାଣି ପିସ୍‌ପେ ନାଜେ ଆମ୍ବାଆସି ରାହାଁ ହିୟାନେସି ? ୩ ଇଞ୍ଜା ନାନୁ ଆମ୍ବାଆରି ତାଣାଟି ରାହାଁ ପାଣ୍ଡାନାୟି ମାନେ, ଏଞ୍ଜାରିତାଣା ନାନୁ ଖାହାନା ଏନିକ ଦୁକୁ ବେଟାଆଅଁ, ଏଦାଆଁତାକି ନାନୁ ଇ କାତା ରାଡ଼ାମାରେଏଁ, ଏନାଆଁତାକି ଇତିହାସି ନା ରାହାଁତା ମୀ ରାହାଁ ଆଡେ, ଏଦି ମୀ ବାରେତାକି ନା ଅଣ୍ଡିପୁ । ୪ ଇତିହାସି ହାରେକା କସୁ ଅଡ଼େ ହିୟାଁ କାଡ଼ାତାକି ହାରେକା ଦୁକୁ ତଲେ କାଣ୍ଡୁ ଡୁକିହିହାଁ ମିଜେ ରାଡ଼ାମାଞ୍ଜାତେଏଁ; ଏନିକି ମୀରୁ ଦୁକୁ ଆଡେରି, ଏଲେକି ଆଏ, ସାମା ମିଜେତାକି ନା ଜାସୁନିନାୟି ହାରେକା ମାନେ, ଇ କାତା ମୀରୁ ଏନିକି ପୁଞ୍ଜେରି ।

* ୧:୮ ୧:୮ ୧କର ୧୫:୩୨ * ୧:୧୨ ୧:୧୭ କାମା ୧୯:୨୧ * ୧:୧୯ ୧:୧୯ କାମା ୧୮:୫

ମାଣସିଚି ଦହ ମ୍ଳେକ୍ନାୟି

୫ ଯାମା ଆମ୍ବାଆସି ଦୁକୁ ହାହାମାନେସି, ଏଞ୍ଜାସି ନାଙ୍ଗେ ଦୁକୁ ହାହାମାଞ୍ଜଅସି, ଯାମା ବାରେତେରି ମିଙ୍ଗେ ଦୁକୁ ହାହାମାଞ୍ଜାନେସି ନାନୁ ହାରେକା ଗାଡିକିହଁ ୱେହଅଁ । ୬ ମୀ ବିତ୍ରାତି ହାରେକା ଲକୁ ତାଣାଟି ଏଞ୍ଜାସି ଏନ୍ତି ତଣ୍ଡ ବେଟା ଆହାମାନେସି ଏଞ୍ଜାଣାକି ଏଚେକେଏ ସାରି । ୭ ଏଦାଣିତାକି ଏଲେତି ଲକୁ ଏଚେଟା ହାରେକା ଦୁକୁତା ମେଦା ହାନେସି, ଏଦାଆଁତାକି ମୀରୁ ନୀର୍ସି ଏଞ୍ଜାଣାକି ପାପୁ ମ୍ଳେକ୍ନହାନା ବାର୍ସୁ ହୀଦୁ । ୮ ଇଚିହଁ ଏଞ୍ଜାଣାକି ଜୀଝୁ ନନାଣି ତହୁଦୁ ଇଞ୍ଜଁ ବାଡିମାଲିମାଞ୍ଜାଲି । ୯ ଇଚିହଁ ମୀରୁ ବାରେ କାତାଡି ମାନଝି ଆହିମାଞ୍ଜେରି, ଇଞ୍ଜଁ ମିଙ୍ଗେତାକି ଏମ୍ବାଡି ପାରମାଣା ଏନ୍ତିକିଁ ନାନୁ ବେଟାଆଲି, ଇ ବାରେତାକି ରାଟାମାଚେର୍ସି । ୧୦ ଇଞ୍ଜା ମୀରୁ ଆମ୍ବାଆରି ଦହ ପିହ୍‌ଦେରି, ନାନୁ ଜିକେଏ ଏଞ୍ଜାଣି ଦହ ପିହ୍‌ଇଁ: ଇଚିହଁ ନାନୁ ଏନାଆଁ ଦହ ପିସାମାଲି, ଇଞ୍ଜା ଏମିନି ଦହ ପିସାମାଲି, ଏଦାଆଁ କ୍ରୀସ୍ତତି ନକିତା ମୀ ତାକି ପିସାମାଲି । ୧୧ ଏନ୍ତିକିଁ ସୟତାନ ମାଙ୍ଗେ ଲାଗେଏ କିହାଲି ପାରୁ ବେଟାଆଏ, ଇଚିହଁ ମୀରୁ ବାରେ ତାନି ଅଣ୍‌ପୁଡି ପୁଞ୍ଜାମାନାୟି ।

ତ୍ରୟାତା ପାଝୁଲ ମନତା କସ୍ତ ପାଣନାୟି

୧୨ ଅଡେ କ୍ରୀସ୍ତତି ନେହଁ କାରୁ ଝେକହାଲି ତାକି ନାନୁ ତ୍ରୟାତା ଝାଡି ତାୟୁ ପ୍ରବୁତି କାମା କିହାଲି ଦାରା ଦେପି ଆହାମାଟି ଜିକେଏ, ୧୩ ନାନୁ ନା ତାୟି ତିତସଇଁ ଏମ୍ବାଆଁ ମେହଆଲିଏ ନା ଜୀଝୁ ହିଡଡି ଆଆତାକି ଏଞ୍ଜାରି ତାଣାଟି ହେଲ ବେଟାଆହାନା ମାକିଦନିୟାତା ହାଚେର୍ସି ।

କ୍ରୀସ୍ତ ତାଣାଟି ଜୀଣା ଆନାୟି

୧୪ ଯାମା ମାହାପୁରୁକିଁ ଜହରା ଆପେ, ଏଞ୍ଜାସି ବାରେବେଲା ମାଙ୍ଗେ ଅହାନା କ୍ରୀସ୍ତ ତାଣା ଜୀଣାଆଡି ଲେହେଁ ହାଜାମାନେସି, ଇଞ୍ଜା ବାରେ ଟାୟୁତା ତାନି ବୁଦି ଲେହେଁତି ଗାନ୍ଦା ମା ତାଣାଟି ଝେକ୍‌ହିମାନେସି । ୧୫ ଇଚିହଁ ଗେଲପି ଆହିମାନି ଲକୁତାଣା ଇଞ୍ଜା ନାସା ଆହିମାନି ଲକୁତାଣା ମୀରୁ ମାହାପୁରୁ ନକିତା କ୍ରୀସ୍ତତି ହାରେକା ନେହଁ ଗାନ୍ଦା ଲେହେଁ ଆହାମାନାୟି । ୧୬ ରକଝାକି ଲକୁତାକି ହାକି ହୀନାୟି ଅଡେ ରକଝାକି ଲକୁତାକି ଜୀଝୁହାନି ଲେହେଁତି ନେହଁ ଗାନ୍ଦା ଲେହେଁ । ଯାମା ଇ ବାରେ କାମା କିହାଲି ଆମ୍ବାଆସି ଆଡିନେସି ? ୧୭ ହାରେକା ଲକୁ ବାଡକାଲି ତାକି ମାହାପୁରୁତି କାରୁ ଝେକ୍‌ହି ମାନେରି, ମାମ୍ବୁ ଏଞ୍ଜାରିଲେହେଁ କିହିହଲଅମି, ଯାମା ତାରପୁତଲେ ମାହାପୁରୁତି ହୁକୁମି ତଲେ ତାନି ନକିତା ମାମ୍ବୁ କ୍ରୀସ୍ତ ତାଣା ମାଞ୍ଜାନା କାତା ଜଲିମାନମି ।

୩

ପୁଝନି ମେରାତି ହଲିୟା

୧ ମୀରୁ କି ଜାହାରାଇଁ ବଡପଣ କିହାଲି ମୀରୁହା ମାନାୟି ? ଆମ୍ବା ଆମ୍ବାଆରି ଲେହେଁ ଏନାଆଁ ମୀ ତାଣା ଆଆଡି ମୀ ତାଣାଟି ମା ତସ୍‌ପି ଆନାୟି ଲଡାମାନେ ? ୨ ମୀରୁତ ମା ହିୟାତା ରାସ୍‌କି ଆହାମାନାତେରି ଇଞ୍ଜା ବାରେଜାଣା ପୁଞ୍ଜାମାନାୟି ଅଡେ ପଡ଼ି ଆହାମାନି ମା ଆକୁ ଲେହେଁ; ୩ ଅଡେ, ମୀରୁ ମା ସେବା କାମାତା ରାସ୍‌କି ଆହାମାନି କ୍ରୀସ୍ତତି ଆକୁ ଲେହେଁ, ଇଦି ତଞ୍ଜା ଆହିମାନେ; ଏଦି ସୀରା ତଲେ ରାସ୍‌କି ଆହାହିଲେଏ, ହାମା ଜୀଝୁତି ମାହାପୁରୁତି ସ୍ତୁଦୁଜୀଝୁ ତଲେ ରାସ୍‌କି ଆହାମାନେ, ଝାଲି ପାଟାତା ଆଏ, ଯାମା ଉୟୁଗାଟି ହିୟା ପାଟାତା ।

୪ କ୍ରୀସ୍ତ ତାଣାଟି, ମାହାପୁରୁ ନକିତା ବାର୍ସୁ ଇଟାନା ମାଡି ଇଲେତି ଅଟଝା ନାମୁ ମାନେ । ୫ ମୀରୁ ମା ତାଣାଟି ଏନାଆଁ କିହାଲି ଆଡାଆୟି, ଏଲେକିଁ ଆଏ, ଯାମା ମାହାପୁରୁ ତାଣାଟି ଆଡିନି ବାଡ଼ୁୟୁ ମାନେ; ୬ ଏଞ୍ଜାସି ମାଙ୍ଗେ ରାସ୍‌କି ଆହାମାନି ମେରାତି ସେବା କିନାରି କିହାମାଞ୍ଜଅସି, ଯାମା ନେହଁ ଜୀଝୁଟି ଇଚିହଁ ପୁଝନି ମେରାତି ସେବା କାମା କିହାଲି ବାଡ଼ୁୟୁ ହାହାମାଞ୍ଜାନେସି; ଇଚିହଁ ରାସ୍‌କି ଆହାମାନି ରାଜିମାନା ହାଝିକିନେ ଯାମା ନେହଁ ଜୀଝୁ ନୀଡିକିନାୟି ।

୭ ଅଡେ ତୀସ୍‌ତି ଝାଲି ପାଟାତା ରାସ୍‌କି ଆହାମାନି ହାଝି କିନି ମସା ମେରାତି ସେବା କାମା ଇଲେତି ଗାଝୁରମି ତଞ୍ଜାଆହାମାଚେ, ଇଚିହଁ ଇସାୟେଲ ଲକୁ ମସା ମୁମ୍‌ବୁ ନାସା ଆନି ଉଜେଡି ତାକି ଏଞ୍ଜାଣି ମୁମ୍‌ବୁ ମେସାଲି ଆଡାଆତେରି, ୮ ଆଡିହଁ ନେହଁ ଜୀଝୁଟି ସେବା କାମା ଏଚେକା ଗାଡି ଗାଝୁରମି ଆଏକି ? ୯ ତଣ୍ଡ ଆଝିକିନି ସେବା କାମା ଗାଝୁରମି ଗାଟାୟି, ଆଡିଁ ଦାମୁଡି ସେବା କାମା ଏଦାଆଁ କିହାଁ ଆଗାଡା ଗାଝୁରମି ଗାଟାୟି ଆଡେ । ୧୦ ଇଚିହଁ ଆମିନି ଗାଟାୟି ଗାଝୁରମି ଗାଟାୟି ମାଚେ, ଏଦି ଏଦାନି କିହାଁ

☆ ୨:୧୨ ୨:୧୨ କାମା ୨୦:୧

ଆଗାଡ଼ା ଗାଝୁରମି ଆନ୍ନି କିହ୍ନାଁ ଗାଝୁରମି ହିଲ୍ଲାଆଗାଗାୟି ଆଡେ । ୧୧ ଗାଡେଡକା ତାକି ନାସା ଆନାୟି ଗାଝୁରମି ବେଗାଆହୁଁ, କାଲ୍ଲାକାଲ୍ଲା ତାକି ମାନାୟି ଏତେକା ଆଗାଡ଼ା ଗାଝୁରମି ତଞ୍ଜାଆନେ ।

୧୨ ଇଚିହଁ ମାଜେ ଏଲେତି ବାସୁଁ ମାନାକି ହାରେକା ସାସା ଆହାମାନମି । ୧୩ ଅଡେ ଇସ୍ତାୟେଲ ଲକୁ ଏନିକଁ ଗାଡେଡକା ତାକି ନାସାଆନ୍ନି ଗାଝୁରମିତି ସିନିକିଅରି, ଏଦାଆଁତାକି ମସା ଏନିକଁ ତାନି ମୁମୁଡୁ ହିମ୍ବୁରି ପୁକ୍ତହା କଡିମାଚେସି, ମାମ୍ନୁ ଏଲେକଁ କିହିହିଲଅମି । ୧୪ ସାମା ଏଝାରି ବୁଦିତି କାଣକା ପଜୁଝି ଆହାମାନୁ, ଇଚିହଁ ନୀଞ୍ଜୁପାତେକା ପୁଞ୍ଜ ଉକ୍ତିମାନା ପତି ପଡ଼ଝି ଆନାଟି ଏ ହିମ୍ବୁରି ପିଡ଼ଗିନାୟି ନୀଏଁ ପାତେକା ଡୟାମାନେ, ଇଞ୍ଜାଁ କ୍ରୀସ୍ତ ତାଣାଟି ଏ ହିମ୍ବୁରି ଗୁଡା ଆହାମାନେ, ଏଡି ତଞ୍ଜା ଆହିହିଲେଏ । ୧୫ ସାମା ନୀଏଁ ପାତେକା ମସାତି ମେରା ପଡ଼ଝି ଆନାଟି ଏଝାରି ହିୟାଁ ହିମ୍ବୁରି ପୁପକ ଆହାଁ ଡୟିନେ । ୧୬ “ସାମା ଆମ୍ବାଆସି ଆପେସି ପ୍ରବୁ ଖାକି ଖେଣ୍ଡାଖାଡ଼ିହଁ ଏଝାଣି ପୁପକ ଆହାମାନି ହିମ୍ବୁରି ଗୁଡାଆନେ ।” ୧୭ “ପ୍ରବୁ” ଏ ଜୀଝୁ, ଇଞ୍ଜାଁ ଏମିୟା “ପ୍ରବୁତି ଜୀଝୁ” ମାନେ ଏମ୍ବାଆଁ ବାରେ ମେଲ୍ଲା ଆନାୟି ମାନେ । ୧୮ ସାମା ମାର ବାରେତାୟି ମୁମୁ ପୁକ୍ତିଆନା ଦାପେଣିତା ମେହ୍ନି ଲେହେଁ ପ୍ରବୁତି ଗାଝୁରମି ମେସି ମେସିହଁ ଗାଝୁରମିତି ହାରେକା ଗାଝୁରମି ଆହାନା ତାନି ଏ ଖାଣା ତଲେ ବାଦଲି ଆହିମାନାୟି; ଇଞ୍ଜାଁ ପ୍ରବୁ ଆମ୍ବାଆସିକି ଜୀଝୁ ଏଝାଣି ତାଣାଟି ଇ ବାରେ ଆହିମାନେ ।

୪

ଇରୁଆ ଡକା ବିତ୍ତା ନେହଁ ଜୀଝୁତି ଦନ

୧ ମାର ମାହାପୁରୁତି କାର୍ମା ବେଗାଆହାନା ଇ ସେବାକିନି ପାଣା ବେଗାଆହାମାନାକି ସାସା ହିଲ୍ଲାଆ ଲକୁଲେହେଁ ଆହାହିଲ୍ଲାଆୟି, ୨ ସାମା ମାମ୍ନୁ ଲାଜା ଗାଟି ତଞ୍ଜା ଆଆଗାଟି ଲାଗେଏତି କାମା ପିସାମାନମି; ଇଞ୍ଜାଁ ମାମ୍ନୁ ନାଡ଼ି କିଅମି ଅଡେ ମାହାପୁରୁ କାତାତି ମିତି କାଲ୍ଲହାନା ଖେସିହିଲଅମି, ମାହାପୁରୁ କାନୁତା ନେହଁ କାବୁତି ସାତା କିହଁ ଖେକ୍ତହାନା ବାରେଜାଣାଟି ନେହଁ ଅଣ୍ଡପୁ ତାକି ନେହଁତମି ତଞ୍ଜା ଆହିମାନମି । ୩ ଏନାଆଁତାକି ଇଚିହଁ ମାର ଖେକ୍ତହାମାନି ନେହଁ କାବୁ ଡୁଗା ମାଟିହଁ, ଏଡି ଖାଡ଼ଇ ଜାଜା ମାନାରାକି ଡୁଗାମାନେ । ୪ ମାହାପୁରୁ ଖାଣା ଲେହେଁତି କ୍ରୀସ୍ତ ତାନି ଗାଝୁରମିଗାଟି ନେହଁ କାବୁତି ଉଜେଡି ଏନିକଁ ଇଲେତି ଲକୁକି ତଞ୍ଜା ଆଏ, ଏଦାଆଁତାକି ନାମାଆଗାଗାରି ବୁଦି ଦାରୁଡିତି ପଲ୍ଲାଆ ପେନୁ କାଣାୟାଁ କିହାମାନେ । ୫ ମାମ୍ନୁ ମାଜେତାକି ଖେସାକଡିହିଲଅମି, ସାମା କ୍ରୀସ୍ତଇଁ ପ୍ରବୁ ଇଞ୍ଜାଁ ଅଡେ ଜୀସୁ କ୍ରୀସ୍ତ ତାକି ଜାହାରାଇଁ ମୀ ହଲ୍ଲିୟାଜାତମି ଇଞ୍ଜାଁ ଖେକ୍ତହି ମାନମି, ୬ ଏନାଆଁତାକି ଇଚିହଁ ଆମିନି ମାହାପୁରୁ ଏଲେଇଞ୍ଜାମାଚେସି, “ଆନେରିତି ଉଜେଡି ତଞ୍ଜା ଆପେ,” ଏଝାସି କ୍ରୀସ୍ତତି ମୁମୁଡୁ ତଞ୍ଜା ଆହିମାନି ମାହାପୁରୁତି ଗାଝୁରମିଗାଟି ବୁଦିତି ଉଜେଡି ତସାଲି ତାକି ମା ହିୟାଁତି ଉଜେଡି କିହାମାନେସି ।

୭ ସାମା ମାର ଖାଡ଼ଇ ଇରୁଆ ଡକାତା ଇ ଲାକପୁରୁତି ଦନ ବେଗାଆହାମାନାୟି । ଇମ୍ବାଆଁ ପୁଣ୍ଡସି ଆହିମାନେ ଇଲେତି ଲାକପୁରୁତି ବାଡ଼ମୁ ମାଡି ଆଏ ସାମା ମାହାପୁରୁଖାୟି । ୮ ମାମ୍ନୁ ବାରେଲେହେଁତି ବୁକୁ କସ୍ତ ବେଗାଆହାମାନମି, ସାମା ମାମ୍ନୁ ସୁଣ୍ଡକି ଆହି ହିଲଅମି । ଏତେ ଏତେଲା ଆତାଜାକା ଆଡି ଜିକେଏ ନୀରାସା ଆହାହିଲଅମି । ୯ ମାମ୍ନୁ ସ୍ତାସ୍ତି ବେଗା ଆହିମାନମି ସାମା ମାହାପୁରୁ ମାଜେ ଏତେଲା ପିସାମାଞ୍ଜସିସି । ଏତେ ଏତେକା ମାଡ଼ା ବେଗାଆହି ମାନମି ସାମା ନାସା ଆହାହିଲଅମି । ୧୦ ଜୀସୁତି ଜୀଝୁ ଏନିକଁ ମା ଡାଣା ତଞ୍ଜାଆନେ, ଏଦାଆଁତାକି ମାର ବାରେ ବେଲ୍ଲା ମା ଆଜାତା ଜୀସୁତି ହାକି ଡେକା ମାନାୟି । ୧୧ ଇଚିହଁ ଜୀସୁତି ଜୀଝୁ ଏନିକଁ ମା ହାନ୍ଦି ଆଜାତା ତଞ୍ଜାଆନେ, ଏଦାଆଁତାକି ମାର ନୀତାମାଟି ଜିକେଏ ବାରେବେଲ୍ଲା ଜୀସୁତି କସ୍ତମି ହାକିତା ହେରୁପି ଆହିମାନାୟି । ୧୨ ଇଲ୍ଲାଆହଁ ମା ଡାଣା ହାକି, ଅଡେ ମୀ ତାଣା ଜୀଝୁ କାମା କିହିମାନେ ।

୧୩ ରାସ୍ତିକି ଆହାମାନେ, “ନାନୁ ନାମିତାକି ଜଲ୍ଲିତେଏଁ ।” ମାର ଏ ନାମୁତି ଜୀଝୁ ବେଗାଆହାମାନାୟି, ଇଞ୍ଜାଁ ମାର ନାମାମାନାୟି ଏଦାଆଁତାକି ଖେକ୍ତହି ଜିକେଏ ମାନାୟି । ୧୪ ମାମ୍ନୁ ପୁଞ୍ଜାମାନମି, ମାହାପୁରୁ ପ୍ରବୁ ଜୀସୁଇଁ ହାକିତି ଖେଣ୍ଡେ ନିକ୍ତହାମାନେସି । ଏ ମାହାପୁରୁ, ଜୀସୁତଲେ ମାଜେ ଜିକେଏ ନିକ୍ତହାନେସି ଅଡେ ମୀ ତଲେ ମାଜେ ତାନି ତାଗେ ଅୟାନେସି । ୧୫ ମୀ ନେହେଁତାକି ଇ ବାରେ ଆହିମାନେ । ମାହାପୁରୁତି କାର୍ମାମେହନାୟି ଅଡେ ହାରେ ଗାଟି ପାତାଆହାନା ଲକୁଣି ତାଗିତେ, ଅଡେ ହାରେକା ଲକୁ ରାହାଁ ଅଣ୍ଡପୁ ତଲେ ମାହାପୁରୁଇଁ ଗାଝୁରମି କିନେରି ।

ନାମୁତି ଜୀଝୁ

୧୬ ଏଦାଆଁତାକି ମାମ୍ବୁ ଖାହା ହିଲଅମି, ସାମା ମା ଦାଋତିତି ଆଜ୍ଞା ମେଣ୍ଡକ୍ତି ଜିକେଏ ମା ହିୟାଁ ବିଭାତି ଜାସ୍ତୁ ପୁଝନାୟି ଆହିମାନେ । ୧୭ ଇତିହିଁ ଇ ଗାଡ଼େକାତି କସ୍ତ ହାରେକା ଗାତି ମାଜେ ତାକି କାଲାକାଲା ରାଆଗାଟି ଗାସ୍ତୁରମି ତାନେ; ୧୮ ମାର ତଞ୍ଜା ଆହିମାନାଣି ଗୁରି କିଆନା ତଞ୍ଜା ଆଆଗାଗାଣି ଗୁରି କିହିମାନାୟି; ଇତିହିଁ ତଞ୍ଜା ଆହିମାନାୟି ଗାଡ଼େକା ତାକି, ସାମା ତଞ୍ଜା ଆଆଗାଗାୟି କାଲାକାଲାତାୟି ।

୫

୧ ମାର ପୁଞ୍ଜାମାନାୟି, ଆମିନି ଦାଋତିତି ତୁମ୍ବୁ ଲେହେଁତି ଇଲୁତା ନୀର୍ଏ ମାର ବାସା କିହାମାନାୟି, ଏଦି ନସ୍ତୁ ଆଡ଼ିସାରେ ମାହାପୁରୁ ମାଜେ ଲାକପୁରୁ ର କାଲାକାଲାତି ଇଲୁ ମେଡ଼ି କିୟାନେସି । ଏଦି ମାଣସି କେୟୁତି କେପିତାୟି ଆଏ, ମାହାପୁରୁ ତାନୁଏ ଏଦାନି ଗାଡ଼ିକିତାସି । ୨ ଇ ଦାଋତିତି ଇଲୁତା ମାଞ୍ଜାନା ମାର ଲାକପୁରୁ ଇଲୁତି ହିମ୍ବୁରି ହୁତାଲି ମନ କିହାନା ତାହି ମାନାୟି । ୩ ସାମା ଲାକପୁରୁତି ବାସା ଚାୟୁତା ହଡ଼ିସାରେ ମାର ଆଜ୍ଞା ହିଲାଆଗାଗାତାୟି ଆଆନା ନାଗଡ଼ା ତଞ୍ଜା ଆଆୟି । ୪ ଇତିହିଁ ମାର ଇ ଦାଋତିତି ତୁମ୍ବୁତା ବାସା ଆହାନା ବଲୁଗାଟି ହିୟାଁ ତଲେ ତାହି ମାନାୟି; ଇତିହିଁ ମାର ଦାଋତିତି ଆଜ୍ଞା ପିସାଲି ଅଣପିମାନାୟି ଏଦି ଆଏ, ସାମା ଜାସ୍ତୁ ଏନିକିଁ ଦାଋତିତି ନାସାକିନେ, ଇଦାଆଁତାକି ଇ ହାନ୍ତି ଆଜ୍ଞାତି ମୁହେଁ ଲାକପୁରୁତି ହିମ୍ବୁରି ହୁତାଲି ମାର ମନ କିହିମାନାୟି । ୫ ମାହାପୁରୁ ମାଜେ ଇ ବାଦଲୁଡ଼ି ଆନାଣି ତାକି ତିୟାରା କିହାଁ ମାଞ୍ଜାନେସି । ଅଡ଼େ ଇଦାଣି ତାଋପୁକିନାଣି ଲେହେଁ ତାନି ସୁଦୁଜାସ୍ତୁ ଏଝାସି ମାଜେ ହାହାମାଞ୍ଜାନେସି ।

୬ ଏଦାଆଁତାକି ମାମ୍ବୁ ରାରେରେଲା ସାସା ଆସାମାନମି । ମାମ୍ବୁ ପୁଞ୍ଜାମାନମି, ଏଚରଦିନା ପାଡେକା ଇ ଆଜ୍ଞାତା ବାସା କିହାମାନମି, ଏଚରଦିନା ପାଡେକା ପ୍ରବୁତି ଇଲୁତି ହେକ ମାଞ୍ଜାନା ନୀତା ବାଡ଼କିମାନମି, ୭ ଏନାଆଁତାକି ଇତିହିଁ ମାର ତଞ୍ଜାଆହିମାନି ଦିଶସୁ ଲାକ ଆଏ ସାମା ନାମ୍ବୁ ଲାକ ନୀତା ବାଡ଼କି ମାନାୟି । ୮ ଏନାଆଁତାକି ଇତିହିଁ ମାମ୍ବୁ ସାସା ଗାଗାତମି, ଇଞ୍ଜା ଇ ଆଜ୍ଞା ପିସାନା ପ୍ରବୁ ତଲେ ବାସା କିହାଲି ମାମ୍ବୁ ହାରେକା ରାହାଁ । ୯ ଏଦାଆଁତାକି ଇଦାଆଁ ଜାହାରା ଇଲୁତା ମାଟିହିଁ କି ହେକ ରାକି ମାଟିହିଁ ଜିକେଏ, ମାହାପୁରୁଇଁ ରାହାଁ କିନାୟି ଏ ମା.ର ଶୁସି ଅଣପୁ । ୧୦ ଇତିହିଁ ନେହେଁ ଆପେ କି ଲାଗେଏ ଆପେ, ବାରେଜାଣା ଜାହାରା ଆଜ୍ଞା ତଲେ କିତି କାମାତି ଲେକାତଲେ ପାଡ଼େୟି ବେଗାଆହାଲି ତାକି କ୍ରାସ୍ତତି ନୀହାଁୟି କିନି ଚାୟୁ ନକିତା ବାରେତାୟି ମାଜେ ନିକା ହାଜାଲି ଆଡେ ।

କ୍ରାସ୍ତ ତାଣାଟି ମାହାପୁରୁତି ତଣେସିଜା ଆନାୟି

୧୧ ପ୍ରବୁଇଁ ଆଜିନାଣି ପୁଞ୍ଜାମାନାକି ମାମ୍ବୁ ମାଣସିୟାଁଇଁ ମାଡ଼କିକିହି ମାନମି, ସାମା ମାମ୍ବୁ ମାହାପୁରୁ ନକିତା ତଞ୍ଜା ଆହାମାନମି ଇଞ୍ଜା ମୀ ଅଣପୁତା ଜିକେଏ ତଞ୍ଜା ଆହାମାନମି, ଇ କାତା ନାମ୍ବୁ ଆସା କିହିମାଇଁ । ୧୨ ମାମ୍ବୁ ମୀ ତାଣା ଅଡ଼େ ବତପଣ ତସାଲି କିହିହିଲଅମି, ସାମା ଲକ୍ଷୁତି ନେହିଁ ଅଣପୁ ତାକି ବତପଣ ତହୁଆନା ଖାଋଇ ଏଝାରି ଆଜ୍ଞାତି ରାହାଁତାକି ବତପଣ ତହୁନାରାଇଁ ମୀରୁ ଖେଣ୍ଡେ ଖେସାଲି ଆଡ଼ିଦେରି, ଏଦାଆଁତାକି ମୀରୁ ମା ତାକି ବତପଣ ତସାଲି ଆଡ଼ିଦେରି ଇଞ୍ଜାଁ ଖେସିମାଞ୍ଜାନମି । ୧୩ ମାମ୍ବୁ କି ବୁଦି ହିଲାଆ ଗାଗାତମି ? ଏଦି ମାହାପୁରୁ ତାକି ଆହାମାନେ ମାମ୍ବୁ କି ବୁଦିଗାଗାତମି ଆହାମାନମି ? ମା ନେହେଁ ମାଟିସାରେ, ମୀ ତାକି ଏଲେଆହିଁ ମାନମି । ୧୪ ଇତିହିଁ କ୍ରାସ୍ତତି ଜାସ୍ତୁ ନଦି ତାଣାଟି ସାଲୁଡ଼ି ଆହିମାନାୟି, ଏଦାଆଁତାକି ମାର ଇ କାତା ଅଣପିମାନାୟି, ରଅସି ବାରେଜାଣା ତାକି ହାହାମାନାକି ବାରେଜାଣା ଏ ହାକିତା ଆଣ୍ଡାମାନେରି । ୧୫ ଏଝାସି ବାରେଜାଣା ତାକି ହାହାମାନାକି ଆମିନି ଗାଗାରି ନୀତାମାନେରି, ଏଝାରି ଅଡ଼େ ଜାହାରାତାକି ନୀତାଆନା ଏଝାଣି ତାକି ନୀତିନେରି, ଏନାଆଁତାକି ଇତିହିଁ ଏଝାରି ତାକି ଏଝାସି ହାହାନା ଖେଣ୍ଡେ ନୀତାମାନେସି ।

୧୬ ଇଦାଆଁତାକି ମାମ୍ବୁ ଆମ୍ବାଆରାଇଁ ମାଣସି ଅଣପୁ ତଲେ ବିଚାରା କିହିଲଅମି । ଦିନା ମାଡେ ଏଚିରେଲା ମାମ୍ବୁ କ୍ରାସ୍ତଇଁ ଜିକେଏ ମାଣସି ଅଣପୁ ତଲେ ଅଣପିମାଟମି, ସାମା ନୀର୍ଏ ମାମ୍ବୁ ଅୁଡ଼େ ଏଲେ କିହିହିଲଅମି । ୧୭ ଇଦାଆଁତାକି ଆମ୍ବାଆସି କ୍ରାସ୍ତ ତାଣା ମାଟିସାରେ ଆଡିହିଁ ଏଝାସି ପୁଝନାସି ଆଡେସି । ପାଣିଆୟି ବାରେ ମେଣ୍ଡକ୍ତାମାନେ, ମେହ୍ତୁ ପୁଝନାୟି ଆହା ଆନେ । ୧୮ ଇ ବାରେ ମାହାପୁରୁ ତାଣାଟି ଆହାମାନେ, ଏଝାସି କ୍ରାସ୍ତ ତାଣାଟି ମାଜେ ତାନିତଲେ ଅଡ଼େ ଆବହା ମାଞ୍ଜାନେସି ଇଞ୍ଜାଁ ତାନିତଲେ ସେବାକିନି ପାଣା ଆବହାଲି ଏଝାସି ମାଜେ ଦାୟିପତି ହାହାମାଞ୍ଜାନେସି । ୧୯ ଏ ଆଣ୍ଡିନି ବଲୁ ଇଦି, ମାହାପୁରୁ କ୍ରାସ୍ତ ତାଣା ଦାଋତିତି ତାନିତଲେ ଆଡ଼ହାମାଟେସି; ଏଝାସି ଦାଋତିତି ଲକ୍ଷୁତି ଦହୁ ଆହୁଆନା ଏ ଆଣ୍ଡିନି ବଲୁତି ମା ତାଣା ହେରପା ମାଞ୍ଜାନେସି ।

୨୦ ଏଦାଆଁତାକି ମାହାପୁରୁ ମା ଝାକିତି ହାଡ଼ିମାଞ୍ଜାନାକି ମାରୁ କ୍ରୀସ୍ତତି ଝାକିତି ରାଜାତି କାବୁ ଝେହ୍ନାତାୟି ଆହାମାନାୟି; କ୍ରୀସ୍ତ ତଲେ ମାରୁ ବାଡ଼ିମାଲି ମାଞ୍ଜାନମି, ମାହାପୁରୁ ତଲେ ଅଡ଼େ ଆଣ୍ଡାଦୁ । ୨୧ ଇତିହଁ କ୍ରୀସ୍ତକି ଇଗାୟି ପାପୁ ହିଲାଆତି ଜିକେଏ, ମାହାପୁରୁ ତାଙ୍ଗେ ମା ତାକି ପାପୁ ଗାଟାଣିଲେହେଁ କିତେସି, ମାରୁ ଏନିକଁ ତାନିତଲେ ଆଣ୍ଡାନା ମାହାପୁରୁତି ଦାମ୍ବୁତା ଆଣ୍ଡାଲି ଆଡ଼ିନାୟି ।



୧ ମାହାପୁରୁ ତଲେ ଆଣ୍ଡୁଝି ଆହାନା କାମା କିହିମାନାକି ମାମ୍ବୁ ମୁଙ୍ଗେ ବାଡ଼ିମାଲି ମାଞ୍ଜାନମି, ମୀ ଜୀସ୍ତୁତା ମାହାପୁରୁତି କାର୍ମାମେହ୍ନାଣି ଉଜେଏ କିଆଦୁ । ୨ ମାହାପୁରୁ ଏଲେଇଞ୍ଜି ମାନେସି, “ମିଙ୍ଗେତାକି କାର୍ମା ମେସ୍ତାନି ଦିନା ଝାହାଲିଏ ନାନୁ ମୀ ଗହାରା ଝେତେଏଁ, ଗେଲ୍ପିଦିନି ଦିନା ନାନୁ ମୀ ସାଢ଼େମି ଆୟାତେଏଁ”

ମେହ୍ନୁ ! ଇଦି ଆହିମାନେ ମାହାପୁରୁତି କାର୍ମାମେହ୍ନାଣି ବେଟାଆଡ଼ି ବେଲା । ନୀଞ୍ଜୁ ଆହିମାନେ ଗେଲ୍ପିଆଡ଼ି ଦିନା ।

୩ ଏନିକଁ ମା ସେବା କାମା ନିନ୍ଦା ଆଏ, ଏଦାଆଁତାକି ମାମ୍ବୁ ଆମ୍ବାଆରି କାମାତା ବାଦା ହାଆଏ ଇଞ୍ଜି ଅଣ୍ଡପିମାନମି । ୪ ଏଦାଆଁତାକି ମାମ୍ବୁ ବୁରେବେଲା ମାହାପୁରୁତି ସେବା କିନାରା ଲେହେଁ ତସାକତିମାନମି, ସାମା ଆର୍ତ୍ତ୍ତ ଡାକି ବାରେଲେହେଁତି ବାଦାତା, ହିଲାଆ ବେଲାତା କସ୍ତ ଅର୍ହମାନମି, ୫ ମାମ୍ବୁ ମୁତା ବେଟାଆହାନା, କାୟିଦିତା, ଲକୁ ନକିତା ନିନ୍ଦା ବେଟାଆହାନା, ଇଞ୍ଜି ଝାହୁ କାମାତା, ଇଦା କିଆନା, ରାନ୍ଦା ତିନାଆନା ମାତମି, ୬ ସୁଦୁତି, ବୁଦିତି, ଅର୍ହନି ତାଣ୍ଡାତି, କାର୍ମାମେହ୍ନି ତାଣ୍ଡାତି, ସୁଦୁଜୀସ୍ତୁତା, କୁଟୁ ହିଲାଆନା ଜୀସ୍ତୁନନାୟି, ୭ ଅଡ଼େ ସାତା ନେହଁ ବଲୁତା, ମାହାପୁରୁତି ବାଡ଼ୁ ତଲେ, ଚିଝି ଚେଟୁ କେୟୁତି ଦାମ୍ବୁତି ସାକୁ ତଲେ, ୮ ଗାସ୍ତୁରମି ଅଡ଼େ ଅପାଆ ତାଣ୍ଡା, ମାମ୍ବୁ ମୁନି ବେଟାଆହି ମାନମି ଇଞ୍ଜି ଲାଜା ବେଟାଆହି ମାନମି; ଇଞ୍ଜି ନାଡ଼ିକିଝି ଆହିମାନମି, ଆଡ଼ିଜିକେଏ ସାତା ଗାଟାତମି । ୯ ପୁଣ୍ଡିଆଆତି ଲକୁ ଲେହେଁ, ଆଡ଼ି ଜିକେଏ ନେହଁ ପୁଣ୍ଡିଆଡ଼ି ଲକୁ, ହାଡ଼ାରି ଲେହେଁ ଆଡ଼ି ଜିକେଏ ମେହ୍ନୁ ମାମ୍ବୁ ନୀତାମାନମି, ମାମ୍ବୁ ତୁଣ୍ଡ ବେଟାଆହାମାନମି ସାମା ହାହା ହିଲଅମି, ୧୦ ମାମ୍ବୁ ଦୁକୁ ତଲେ ମାତିହଁ ଜିକେଏ ବାରେବେଲା ରାହାଁ ତଲେ ମାନମି, ମାମ୍ବୁ କାକୁଲି ଗାଟାତମି ଲେହେଁ, ସାମା ହାରେକା ଲକୁତାକି ବାଡ଼କା ମାନମି, ମାଙ୍ଗେ ଏନାୟି ହିଲାଆଲେହେଁ ସାମା ମାମ୍ବୁ ସାତାତଲେ ବାରେତି ଅଦିକାରା ଗାଟାତମି; ଇ ବାରେତାଣ୍ଡା ମାମ୍ବୁ ମାହାପୁରୁତି ସେବା କିନାତମି ଲେହେଁ ଜାହାରାଈ ଜଟେ ଗାଟାତମି ଇଞ୍ଜି ତସାକତି ମାନମି ।

୧୧ କରନ୍ତିତା ମାନି ଜୀସ୍ତୁତି ତାୟିୟାଁ ଅଡ଼େ ତାଙ୍ଗିସ୍ତାତେରି, କୁଟୁ ହିଲାଆଲେହେଁ ମିଙ୍ଗେ ବାରେ ଝେସା ମାଞ୍ଜାନମି । ମୀ ତାଣ୍ଡା ମା ହିୟାଁ ଦେଟାମାନମି । ୧୨ ମିଙ୍ଗେତାକି ମା ଜୀସ୍ତୁନନାୟି ଉଣା ଆହା ହିଲେଏ ସାମା ମା ତାକି ମୀ ଜୀସ୍ତୁନନାୟି ଉଣା ଆହାମାନେ । ୧୩ ମିଙ୍ଗେ ନା ମୀରୁକା ମାସ୍ତାକା ଇଞ୍ଜି ଅଣ୍ଡପାନା ଇ ବାରେ ଝେସିମାଞ୍ଜାଇଁ, ମାମ୍ବୁ ଜୀସ୍ତୁନହଁ ମାଞ୍ଜାନାକି ମୀ ହିୟାଁ ଦେପି ଆପେ ।

ଲାଗେଏ ତାଣ୍ଡାତି ଜାଗ୍ରାତା କିନାୟି

୧୪ ମୀରୁ ନାମାଆଗାଟାରି ତଲେ ରଲେଏତାତେରି ଆଡ଼ି ଲେହେଁ କାମା କିଆଦୁ, ଦାମ୍ବୁ କାମାତା ଲାଗେଏତି କାମା ଏନିକଁ ଆଣ୍ଡିନେ ? ଅଡ଼େ ଆନ୍ଦେରି ତଲେ ଉଜେଡ଼ି ଏନିକଁ ଆଣ୍ଡିନେ ? ୧୫ କ୍ରୀସ୍ତ ଇଞ୍ଜି ବିଲିୟାର୍ ଏନିକଁ ଜାରୁ ଆନେରି ? ନାମିତାରି ଇଞ୍ଜି ନାମାଆତାରି ଆମିନି କାତାତା ରଣ୍ଡିଏ ଆନେରି ? ୧୬ ମାହାପୁରୁତି ଇଲୁତା, ଏନିକଁ ପ୍ରେଶକାତି ପୂଜା ଆନେ ? ସାମା ମାରୁ ନୀତାମାନି ମାହାପୁରୁତି ଇଲୁତାୟି, ଇତିହଁ ମାହାପୁରୁ ତାନୁଏ ଏଲେଇଞ୍ଜି ମାନେସି,

“ନା ଲକୁତଲେ ନାନୁ ବାସା କିଞ୍ଜି,
ଅଡ଼େ ଏଞ୍ଜାରିତଲେ ମାଞ୍ଜି,
ନାନୁ ଏଞ୍ଜାରି ମାହାପୁରୁ ଆଞ୍ଜି,
ଅଡ଼େ ଏଞ୍ଜାରି ନା ଲକୁ ଆନେରି ।”

୧୭ ଏଦାଆଁତାକି ପ୍ରବୁ ଏଲେଇଞ୍ଜି ମାନେସି,
“ମୀରୁ ଏଞ୍ଜାରି ତାଣ୍ଡାତି ହଟା ଝାଦୁ,
ଏଞ୍ଜାରି ତାଣ୍ଡାତି ଏଟକା ଆଦୁ,

☆ ୬:୫ ୬:୫ କାମା ୧୨:୩ ☆ ୬:୧୬ ୬:୧୬ ୧କର ୩:୧୬; ୬:୧୯

ଏହି ଲାଗେଏତି ଦିଶସ୍ୱ ତୀରାଥାନ୍ତୁ,
 ଆତିହ୍ମ ନାନୁ ମିଙ୍ଗେ ଆବାଇଁ,
 ୧୮ ନାନୁ ମୀ ଆବା ଆଇଁ,
 ଅଡ଼େ ମୀରୁ ନା ମୀରକା ମାୟକାତେରି ଆଡ଼େରି,
 ବାରେକିହ୍ନୀ ବାଡ଼ୁୟଗାଟି ପ୍ରବୁ ଇଦାଆଁ ଝେସିମାଞ୍ଜାନେସି ।”



୧୯ ଇତିହ୍ମ, ଏ ତାୟିୟାଁ ଅଡ଼େ ତାଜିୟାତେରି, ଇ ବାରେ ଆଞ୍ଜାମାଚାଣି ମୋଡ଼ା ଆହାମାନାକି ଖାନ୍ତୁ, ମୀରୁ ମା ଆଜ୍ଞା ଅଡ଼େ ଜୀଞ୍ଜୁତି ଲାଗେଏ ତାଣାଟି ଆଡ଼ହା କଡ଼ିନ, ଇଞ୍ଜା ମାହାପୁରୁଇଁ ଆଜାନା ସୁଦୁ ମାଣକିତା ନେହ୍ମ ଆନ ।

ପାଞ୍ଜୁଲତି ରାହ୍ନାଁ

୨୦ ମୀ ହିୟାଁତା ମାଙ୍ଗେ ଚାନ୍ତୁ ହିୟାନ୍ତୁ, ମାମ୍ବୁ ଆମ୍ବାଆରାଇଁ ଲାଗେଏ କିହାହିଲଅମି, ଆମ୍ବାଆରାଇଁ ନାୟା କିହାହିଲଅମି କି ଆମ୍ବାଆରାଇଁ ବୁଡ଼ି କିହାହିଲଅମି । ୨୧ ନାନୁ ମିଙ୍ଗେ ଦହ୍ ଦସାଲି ଇଦାଆଁ ଝେସିମାଞ୍ଜାଅଁ; ଇତିହ୍ମ ନାନୁ ତଲିଏ ଝେସାମାଞ୍ଜାଇଁ, ମୀରୁ ମା ହିୟାଁତା ଏତେକା ଚାନ୍ତୁ ବେଟାଆହାମାନାକି ମୀରୁ ହାଡ଼ିହ୍ମ ରଣ୍ଡିଏ ତାଣା ହାନ, ନୀଡ଼ିତିହ୍ମ ରଣ୍ଡିଏ ତାଣା ନୀଡ଼ିନ । ୨୨ ମୀ ତାଣା ନାଙ୍ଗେ ହାରେକା ନାମ୍ବୁ ମାନେ, ମିଙ୍ଗେତାକି ନାଙ୍ଗେ ହାରେକା ବଡ଼ପଣ ହଡ଼ି ମାଞ୍ଜାନେ; ନାନୁ ଦୁକୁ ଡୁକହା ମାଇଁ, ମା ବାରେ କସ୍ତତା ନାନୁ ସାସା ଆହାମାଇଁ, ଅଡ଼େ ନା ହିୟାଁତା ରାହ୍ନାଁ ହଡ଼ିମାଞ୍ଜାନେ ।

୨୩ *ମାକିଦନିୟାତା ଏଜାଲିଏ ଜିକେଏ ପାଙ୍ଗାତା ଗଡ଼ହା ବିଡ଼ା ଆଜି, ଇଲେତି କସ୍ତ ବେଟାଆହାଲିଏ ମା ଆଜ୍ଞା ଜିକେଏ ଜମାଲି ପୁଃଆତେ । ୨୪ ସାମା ହେଲା ଗାଗରାଇଁ ସାସା ହାନି ତିତସଇଁ ମାହାପୁରୁ ପାଣ୍ଡୁନା ମାଙ୍ଗେ ସାସା ହିୟାତେସି । ୨୫ ଖାଉଇ ତାନି ଖାଡ଼ାକି ରାହ୍ନାଁ ଆଏ, ସାମା ଏଝାସି ମୀ ତାଣା ହାଜାନା ଏମିନି ସାସା ବେଟାଆହାମାନେସି । ଏମ୍ବାଟି ମାଙ୍ଗେ ସାସା ହିୟାତେସି, ଏତେକା ନାଙ୍ଗେ ମେସାଲି ମୀରୁ ଅଣସିମାଞ୍ଜେରି, ଏତେକା ମୀରୁ ଦୁକୁ କିହିମାଞ୍ଜେରି, ମୀରୁ ନା ତାଣା ବାସ୍ତୁ ଇଗାଲି ଏତେକା ତିୟାରା ଆହାମାଞ୍ଜେରି, ଏଦାଆଁତାକି ନାନୁ ନୀଏଁ ହାରେକା ରାହ୍ନାଁ ଆହିମାଇଁ ।

୨୬ ନାନୁ ନା ତଲିତି ଆକୁତା ମିଙ୍ଗେ ଦୁକୁ ହାହାମାଞ୍ଜାତିହ୍ମ ଜିକେଏ ଏଦାଆଁତାକି ଦୁକୁ ଆଏ; ଏ ଆକୁ ଗାଡ଼େକା ତାକି ମିଙ୍ଗେ ଦୁକୁ ହାହା ମାଞ୍ଜାନାଣି ମେସାନା ନାନୁ ଦୁକୁ ଆଡ଼ିଜିକେଏ ୨୭ ନୀଏଁ ରାହ୍ନାଁ ଆହିମାଇଁ, ମୀରୁ ନୀଏଁ ଦୁକୁ ଆଡ଼େରି ଏଦାଆଁତାକି ଆଏ, ସାମା ମୀ ଦୁକୁ ମିଙ୍ଗେ ମନ ଝେଟ୍ପି କିତାକି ରାହ୍ନାଁ ଆହାମାଇଁ; ଇତିହ୍ମ ମା ତାଣାଟି ମୀଦି ଏନାୟିଖା ବୁଡ଼ିଆଆପେ, ଏଦାଆଁତାକି ମୀରୁ ମାହାପୁରୁ ତାଣାଟି ଦୁକୁ ବେଟା ଆହାମାଞ୍ଜେରି । ୨୮ ମାହାପୁରୁ ତାଣାଟି ଖାନି ଦୁକୁ ଗେଲ୍ପାଲିତାକି ମନ ଝେଟ୍ପି କିଞ୍ଜିକେନେ, ଏଦାଆଁତାକି ଅଣସିନାୟି ଲଡ଼ା ହିଲେଏ; ସାମା ଇ ଦାବଡ଼ିତି ଦୁକୁ ହାଞ୍ଜିକେନେ । ୨୯ ମେହ୍ଦୁ ମାହାପୁରୁତି ମନତଲେ ଆମିନି ଦୁକୁ ବେଟାଆଡ଼େରି, ଏଦି ମୀ ତାଣା ଏତେକା ରାହ୍ନାଁଗାଟାୟି, ହାଅ, ମୀ ଦହ୍ ହିଲ୍ପାଆଗାଟାଣି ତସାମାନେ, ହାଅ ଏତେକା ଅଣପୁ, ଏତେକା ଆଜି, ଏତେକା ମନ, ଏତେକା ସେବା, ଲାଗେଏତାଣି ତଣ୍ଡ ହାହାଲି ଏତେକା ଅଣପୁ, ଏ ବାରେ ତାଣାଟି ମୀରୁ ଅବହାତେରି ଇଞ୍ଜୁଁ ତଞ୍ଜା ଆହିମାଞ୍ଜେରି ।

୩୦ ଇଦାଆଁତାକି ନାନୁ ମୀ ତାଣା ଏ ଆକୁ ରାଡ଼ିତେଏଁ, ଆତିହ୍ମ ଜିକେଏ ଆମ୍ବାଆସି ଲାଗେଏ କିହାମାନେସି, କି ଆମ୍ବାଆସି ଲାଗେଏତାଣି ଅବହା ମାନେସି, ଏଝାଣାକି ରାଡ଼ିତେଏଁ, ଏଦି ଆଏ, ସାମା ମାଙ୍ଗେ ତାକି ମୀ ରାହ୍ନାଁ ଏନିକ୍ମ ମାହାପୁରୁ ନକିତା ମୀ ତାଣା ସାତେଏ ଇଞ୍ଜୁଁ ତଞ୍ଜାଆନେ, ଏଦାଆଁତାକି ରାଡ଼ିତେଏଁ । ଇତିହ୍ମ, ମାମ୍ବୁ ସାସା ବେଟାଆହାମାନମି । ୩୧ ଅଡ଼େ ମା ବାସ୍ତୁତା ମାମ୍ବୁ ତିତସ ରାହ୍ନାଁତାକି ହାରେକା ରାହ୍ନାଁ ଆଡ଼ମି, ଇତିହ୍ମ ଏଝାଣି ଜୀଞ୍ଜୁ ମୀ ବାରେ ଜାଣା ତାଣାଟି ରାହ୍ନାଁ କିହାମାଞ୍ଜେରି । ୩୨ ଆତିହ୍ମ ଏନି କାତା ତିତସ ତାଣା ମୀ ତାକି ନାନୁ ବଡ଼ପଣ କିହାମାଇଁ, ଆତ୍ ଲାଜ୍ଞା ଆହାହିଲଅଁ, ସାମା ଏନିକ୍ମ ମୀରୁ ବାରେ କାତାତା ମିଙ୍ଗେ ସାତା ଝେସାମାଞ୍ଜାତମି, ଏଲେକିହ୍ମ ତିତସ ନକିତା ମା ବଡ଼ପଣ ଆନାୟି ଜିକେଏ ସାତା ଇଞ୍ଜୁଁ ପୁଣ୍ଡିଆହାମାନେ । ୩୩ ଇଞ୍ଜା ମୀରୁ ଏନିକ୍ମ ଆଜି ଅଡ଼େ ତୀରୁଗିହ୍ମ ଏଝାଣାଇଁ ଆବାହାଁ ଏଝାଣି ତାଣା ବାରେକାଣା ତେରି ମାନୁଡ଼ି ଆଡ଼େରି, ଏ ବାରେ ଅଣସାନା ମିଙ୍ଗେତାକି ତାନି ହିୟାଁତା ଜୀଞ୍ଜୁନନାୟି ହାରେକା ପାତା ଆଡ଼େ । ୩୪ ନାନୁ ବାରେ ତାଣାଟି ମିଙ୍ଗେ ହାରେକା ନାମାଲି ଆଡ଼ାଇଁ ଏଦାଆଁତାକି ନାଙ୍ଗେ ହାରେକା ରାହ୍ନାଁ ହଡ଼ିମାଞ୍ଜାନେ ।

* ୨:୫ ୭:୫ ୨କର ୨:୧୩



କ୍ରୀସ୍ତାନା ଲକ୍ଷ୍ମୀ ଦାନା ହୀନାୟି

୧ ଏ ମା ତାୟିୟା ଅଡ଼େ ତାଲିସ୍ତାତେରି, ମାକିଦନିୟା କୁଲମିକାଣା ମାହାପୁରୁ ହୀହାମାନି କାର୍ମାମେହନାଣି ବେଟାଆହାମାନେ, ଏଦାଆଁ ମାମ୍ବୁ ମିଙ୍ଗେ ଝେସିମାଞ୍ଜାନମି; ୨ ଏଞ୍ଜାରି ବେଟାଆହାମାନି ହାରେକା କସ୍ତତଲେ ତାୟିପାରି କିଞ୍ଚି ଆହାମାନେରି; ଏଞ୍ଜାରି ହାରେକା ହାକି କାକୁଲି ଗାଟାରି ଇଚିହିଁ ଜିକେଏ; ଜାହାରା ଅଣ୍ଡପୁ ତଲେ ତାନି ଦାନା ହୀନି ତାଣା ଏଞ୍ଜାରି ରାହାଁ ହାରେକା ମାଟେ । ୩ ଏନାଆଁତାକି ଇଚିହିଁ ନାନୁ ସାକି ହାହିମାଲ୍, ଏଞ୍ଜାରି ଆଡ଼ିନି ପାତେକା, ସାମା ଏଞ୍ଜାରି ଆଡ଼ିନି ବାଡ଼ୁ କିହାଁ ଜିକେଏ ହାରେକା ଗାଡ଼ି ଦାନା ହୀହାମାନେରି । ୪ ଜାହୁଦାତା ମାନି ମାହାପୁରୁ ଲକ୍ଷ୍ମୀତ ସେବା କାମାତା ଆଣ୍ଡିଆନି କାର୍ମାମେହନାଣି ମେଡ଼ା ଆହାଲିତାକି ଏଞ୍ଜାରି ଜାହାରା ଅଣ୍ଡପୁ ତଲେ ବାଡ଼ିମାଲିହିଁ ମାଙ୍ଗେ ହେଲ ରାସ୍ତାତେରି; ୫ ଏଞ୍ଜାରି ଖାଉଲ ମା ଆସା କିହାମାନିଲେହେଁ କିହାହିଲାଆତେରି, ସାମା ମାହାପୁରୁ ମନତଲେ ସାଲ୍ଡି ଆହାନା ତଲିଏ ଜାହା ଜାହାରାଇଁ ପ୍ରବୁ ତାଣା ଇଞ୍ଜାଁ ମା ତାଣା ହେରପାତେରି । ୬ ତିତସ ମୀ ତାଣା ଏ କାର୍ମାମେହନି କାମା ଏନିକ୍ ମାଟୁହା ମାଟେସି, ଏଲେକିହିଁ ଏ ଏଦାଆଁ ରାପୁହାଲି ଏଞ୍ଜାଣାଇଁ ସାସା ହୀତମି । ୭ ମୀରୁ ବାରେ ତାଣାଟି ନକିତା ଆହାମାଞ୍ଜେରି, ଇଚିହିଁ ନାମ୍ବୁ କହୁଗାଟାରି, ବୁଦି ଇଞ୍ଜାଁ ବାରେଲେହେଁତ ରାହାଁ, ମିଙ୍ଗେତାକି ମା ଜାହୁନନାୟି, ଏଲେକିହିଁ ବାରେ କାତା ଏନିକ୍ ମୀ ତାଣା ହାରେକା ତଞ୍ଜା ଆହିମାନେ, ଏଲେକିହିଁ ଏ ଇ କାର୍ମାମେହନି କାମା ଜିକେଏ ମୀ ତାଣା ହାରେକା ତଞ୍ଜାଆପେ ।

୮ ନାନୁ ହୁକୁମି ହୀନି ଲେହେଁ ଝେସିମାଞ୍ଜାଅଁ, ସାମା ଅର ଲକ୍ଷ୍ମୀତ ରାହାଁ ଆହାଲି ତସାନା ମୀ ଜାହୁନନାୟି ସାତା କି ଆଏ ତାୟିପାରି କିହାଲି ଝେସିମାଞ୍ଜାଲ୍ । ୯ ଇଚିହିଁ ମା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାଣି ମୀରୁ ପୁଞ୍ଜାମାଞ୍ଜେରି, ମୀରୁ ଏନିକ୍ ଏଞ୍ଜାଣି ହିଲାଆଗାଟି ତାଣାଟି ଦନ ଗାଟାତେରି ଆଡ଼େରି, ଏଦାଆଁତାକି ଏଞ୍ଜାସି ଦନଗାଟାସି ଆଡ଼ିକିକେଏ ମୀ ତାକି ହିଲାଆଗାଟାସି ଆଡ଼େସି ।

୧୦ ଏଦାଆଁତାକି ନା ଅଣ୍ଡପୁ ଇଦି, ଏ ବାରେ ମିଙ୍ଗେତାକି ନେହେଁ, ଏନିକିହିଁ ଡାଣ୍ଡୁସି ମୀରୁ ମୁଲୁଏ କାମା ମାଟୁହେରି, ଏଦି ଆଏ, ସାମା ଏ କାମା କିୟାଲି ନକେଏ ଜିକେଏ ଅଣ୍ଡପାମାଟେରି । ୧୧ ନୀଏ ଏ କାମା ଜିକେଏ ରାପୁ, ମୀରୁ ଏ କାମା କିହାଲି ଏନିକ୍ ଅଣ୍ଡପାମାଟେରି, ଏଲେକିହିଁ ରାହାଁତି ଅଣ୍ଡପୁ ତଲେ ଏ କାମା ରାଢେନ । ୧୨ ଇଚିହିଁ ହୀହାଲିତାକି ରାହାଁ ମାଟିହିଁ ମାଣସି ତାନି ଆଡ଼ିନିଲେହେଁ ଏନାଆଁ ହୀନେସି, ମାହାପୁରୁ ନକିତା ନେହାୟି ଆଡେନ ।

୧୩ ଇଚିହିଁ ଏଟକାଟାରି ଏନିକ୍ ସୁକୁ ବେଟାଆଡେରି, ଇଞ୍ଜାଁ ମୀରୁ କସ୍ତ ବେଟାଆଦୁ, ଏଦାଆଁତାକି ନାନୁ ଇଦାଆଁ ଝେସିମାଞ୍ଜାଅଁ; ୧୪ ସାମା ସମାନା ଆହାଲିତାକି ନୀଏ ମୀ ବାଡ଼କୁ ତଲେ ଏଞ୍ଜାରି ଲଡ଼ା ମାନାଣି କିଞ୍ଚି ଆହିମାନେ, ଏନିକିହିଁ ଏଞ୍ଜାରି ବାଡ଼କୁ ତଲେ ମୀ ହିଲାଆଗାଟାଣି ପୂରା କିଞ୍ଚିଆନେ, ଇଞ୍ଜାଁ ଇଲେଆହୁଁ ସମାନା ତଞ୍ଜାଆନେ; ୧୫ ଦାମ୍ବୁପତିତା ଏନିକିହିଁ ରାସ୍ତକି ଆହାମାନେ, “ଆମ୍ବାଆସି ହାରେକା କୁଡ଼ି କିତେସି, ଏଞ୍ଜାଣିଖାୟି ହାଟାଆତେ, ଇଞ୍ଜାଁ ଆମ୍ବାଆସି ଉଣା କୁଡ଼ି କିତେସି, ଏଞ୍ଜାଣାକି ଉଣା ଆଆତେ ।

ତିତସ ଅଡ଼େ ତାନି ଆଟୁହିତାରି

୧୬ ମାହାପୁରୁକି ଜହରା ଆପେ, ଏଞ୍ଜାସି ମିଙ୍ଗେତାକି ତିତସ ହିୟାଁତା ରାହାଁ କିହାଲି ସମାନା ଅଣ୍ଡପିନି ମନ ହୀତେସି । ୧୭ ଇଚିହିଁ ଏଞ୍ଜାସି ଖାଉଲ ମା ବାଡ଼ିମାଲିତାଣି ଅପିତେସି, ଏଦି ଆଏ, ସାମା ଏଞ୍ଜାସି ତାନୁଏ ହାରେକା ରାହାଁ ଆହାଁ ମୀ ତାଣା ଖାହାଲି ଏଞ୍ଜାସି ମନ କିହିମାନେସି । ୧୮ ଏଞ୍ଜାଣିତଲେ ମାମ୍ବୁ ଅର ତାୟିଇଁ ପାଣ୍ଡିମାଞ୍ଜାନମି; ଏଞ୍ଜାସି ନେହଁ କାବୁ ଝେକ୍ନି କାମାତାକି ତାନି ଗାହୁରମି ବାରେ କ୍ରୀସ୍ତାନା କୁଲମିତା ଝେଙ୍ଗାମାନେ, ୧୯ ଖାଉଲ ଏଦି ଆଏ, ସାମା ଏଞ୍ଜାସି ଜିକେଏ ମା ସେବା ତଲେ ଆହିମାନି ଇ କାର୍ମାମେହନି କାମା ତଲେ ପ୍ରବୁତି ଗାହୁରମି ଇଞ୍ଜାଁ ରାହାଁ ଅଣ୍ଡପୁ ତାକି ମା ତଲେ ତାକିନାସି ଆହାଲିତାକି କୁଲମିତା ତଲେ ଆଟୁଞ୍ଚି ଆହାମାନେସି ।

୨୦ ମା ତଲେ କିହିମାନି ଇ ସେବା କାମା ଲେହେଁ ହାରେକା ଦାନାଡ଼ି କାତାତା ଆମ୍ବାଆସି ଏନିକିହିଁ ମାଙ୍ଗେ ଦହ ଦସ୍ତାଆପେସି, ଏଦାଆଁତାକି ଜାଗ୍ରାତା ଆହିମାନମି; ୨୧ ଇଚିହିଁ ଖାଉଲ ପ୍ରବୁ କାନୁତାକି ଆଏ, ସାମା ଲକ୍ଷ୍ମୀ କାନୁତାକି ଜିକେଏ ଏନାୟି ନେହାୟି, ଏଦାଆଁ ବାରେ କିହାଲି ଅଣ୍ଡପିମାନମି ।

୨୨ ଅଡ଼େ, ମାମ୍ବୁ ମା ଅର ତାୟିଇଁ ଜିକେଏ ଏଞ୍ଜାରିତଲେ ପାଣ୍ଡିମାଞ୍ଜାନମି, ଏଞ୍ଜାଣାଇଁ ମାମ୍ବୁ ହାରେକା କାତାତା ହାରେକା ଦେବା ତାୟିପାରି କିହାଁ ରାହାଁତଲେ କାମାକିନାସି ଇଞ୍ଜାଁ ନେହିଁକ୍ ପୁଞ୍ଜାମାନମି,

ଇଞ୍ଜିଂ ମୀ ତାଣା ଆବୁଝା ନାମୁ କିହ୍ନା ମାନାକି ଏଝାସି ନୀଏଁ ହାରେକା ରାହ୍ନା ଆହାମାନେସି । ୨୩ ତିତସ କାତା ଆମ୍ବାଆସି ଝେଞ୍ଜାତିହ୍, ଏଝାସି ନା ଆବୁହିତାସି ଇଞ୍ଜିଂ ମୀ ତାକି ନା ତଲେ କାମାକିନାସି; ଇଞ୍ଜିଂ ମୀ ତାୟିୟା କାତା ଝେଞ୍ଜାତିହ୍, ଏଝାରି କୁଲମିକା ତାଣାଟି ପାଣ୍ଡୁଝି ଆହାମାନାରି, ଅଡେ କ୍ରାସୁତି ଗାଝୁରମି ଝେଞ୍ଜି କିହି ମାନାରି । ୨୪ ଇତିହ୍ ମୀ ଜୀଝୁନନାୟି ଇଞ୍ଜିଂ ମୀ କାତାତା ମା ବତପଣତି ପାରମାଣା କୁଲମିକା ନକ୍ତିତା ଏଝାରାକି ତହ୍ନୁ ।



ହାକିଗାଟି କ୍ରୀସ୍ତାନା ଲକ୍ଷୁଣି ସାୟେମି

୧ ଜାହୁଦାତା ମାନି ମାହାପୁରୁ ଲକ୍ଷୁଇଁ ସାୟେମି କିନି କାତା ଅଡେ ମିଙ୍ଗେ ରାଡାଲି ଲଡା ଆଏ; ୨ ନାନୁ ପୁଞ୍ଜାମାଲ ମୀରୁ ବାରେବେଲା ସାୟେମି କିହାଲି ତିୟାରା ଆହାମାଞ୍ଜେରି ଇଞ୍ଜିଂ ମାକିଦନିୟାତି ଲକ୍ଷୁ ତାଣା ମୀ ତାକି ନାନୁ ବତପଣ ଆହିମାଲ । ନାନୁ ଝେସାମାଚେଏଁ, “ଆକାୟାତି ତାୟିୟା ସାୟେମି କିହାଲି ହାତି ବାସୀଟିଏ ତିୟାରା ଆହାମାନେରି ।” ମୀରୁ ଏଲେକ୍ ସାୟେମି କିନାୟି ଏଝାରି ବିତ୍ରାଟି ହାରେକା ଲକ୍ଷୁଣି ଜାଗ୍ରାତା କିହାମାନେ । ୩ ଆଡିଜିକେଏ ନାନୁ ତାୟିୟାଲି ପାଣ୍ଡିମାଞ୍ଜାଲ, ମୀ ତାକି ବତପଣ ତହ୍ନନାୟି ଏନିକ୍ ରଜେଏ ଆଏ, ସାମା ନା କାତାଲେହେଁ ହାହାଲିତାକି ଜାଗ୍ରାତା ଆଦୁ, ୪ ଏଡେତା ଆଡେ ନା ତଲେ ଆମିନି ଲକ୍ଷୁ ପାଟେ ମାକିଦନିୟାଟି ଝାହ୍ନା ମୀ ଦାନା କୁଡି କିହା ହିଲାଆ ଗାଗାଣି ମେସ୍ତିହ୍ ମୀରୁ ପାଣ୍ଡିନି ଲାଜା ପିସାନା ମାମ୍ବୁ ଛୁ ଆବୁଝା ନାମୁତି କାତାତାକି ଲାଜା ବେଟାଆନି ୫ ମୀରୁ ତଲିଏ ଆଞ୍ଜାମାଟି ଦାନା ଏନିକ୍ ଗୁଡୁମୁରୁ ଆହ୍ ହାନାୟି ଆଆନା ଜାହାରା ଅଣପୁ ତଲେ ଆନେ, ଏଦାଆଁତାକି ତଲିଏ ଏ ଦାନା କୁଡିକିହାଲି ତିୟାରା କିହାଲି ନକେଏ ମୀ ତାଣା ହାଜାଲିତାକି ନାନୁ ଏ ତାୟିୟାଣି ବାଡିମାଲୁଲି ଅଣପାମାଚେଏଁ ।

୬ ସାମା ଛ କାତା ସାତା, ଆମ୍ବାଆସି ରଚାଣି ବିଚା ମାଟିନେସି, ଏଝାସି ଇଚାଣି ତାସା ବେଟା ଆନେସି; ଅଡେ ଆମ୍ବାଆସି ଗାତି ବିଚା ମାଟିନେସି, ଏଝାସି ଗାତି ତାସା ବେଟାଆନେସି । ୭ ବାରେଜାଣା ଜାହାରା ହିୟା ଏନିକ୍ ଅଣପା ମାନେ, ଏଲେକ୍ କିପେରି, ମୁସ୍ତି କି ବାଲାମାତମି ତଲେ ଆଏ; ଏନାଆଁତାକି ଇତିହ୍ ମାହାପୁରୁ ଜାହାରା ଅଣପୁ ତଲେ ଦାନାହାନି ଲକ୍ଷୁଣି ଜାଝୁ ନନେସି । ୮ ଅଡେ, ବାରେ ଦିଶପୁ ବାରେବେଲା ହାରେପୁରେ ବେଟାଆହ୍ ମୀରୁ ଏନିକ୍ ବାରେ ନେହ୍ କାମାତାକି ହାରେକା ଇଞ୍ଜିଂ ହାରେକା ଦାନା କିହାଲି ଆଡିଦେରି, ଏଦାଆଁତାକି ମାହାପୁରୁ ମିଙ୍ଗେ ବାରେଲେହେଁଟି କାର୍ମା ହାରେପୁରେ ହାହାଲି ଆଡାନେସି । ୯ ଦାର୍ମପତିତା ରାସ୍ତିକି ଆହାମାନେ,

“ଏଝାସି କେୟୁ ଦେଚାନା ଦାନା ହାହାମାନେସି,

ଏଝାସି ହିଲାଆ ଗାଗାଟାକି ହାରେପୁରେ ହାହାମାନେସି; ଏଝାଣି ଦାର୍ମ ଏରେଲାଝା ରାଏ ।”

୧୦ ମାହାପୁରୁ ମାଟିନାଣାକି ବିଚା ଅଡେ ତିଞ୍ଜାଲି ରାନ୍ଦା ହାନେସି, ଏଝାସି ମାଗାଲିତାକି ମିଙ୍ଗେ ବିଚା ହିୟାନେସି ଇଞ୍ଜିଂ ଏଦାଆଁ ପାଡିକିନେସି, ଅଡେ ମୀ ଦାର୍ମୁତି ପାଡେୟି ଗାତି କିନେସି । ୧୧ ଏଲେକ୍ ମୀରୁ ବାରେ ଦିଶପୁତା ବାଡକାନା ଜାହାରା ଅଣପୁ ତଲେ ଦାନା କିହାଲି ଆଡିଦେରି, ଇଞ୍ଜିଂ ଏଡି ମା ତାଣାଟି ମାହାପୁରୁଇଁ ଜହରା କିନାୟି ଆନେ । ୧୨ ଇତିହ୍ ଛ ଦାନା ହାନି ସେବା କାମା ମାହାପୁରୁ ଲକ୍ଷୁତି ଲଡାମାନାଣି ପୁରା କିହାମାନେ, ଏଡି ଆଏ, ସାମା ଏଦାଆଁ ତଲେ ଜିକେଏ ମାହାପୁରୁଟି କାମାତା ହାରେକା ଲକ୍ଷୁ ରାହ୍ନାତଲେ ଜହରା କିହିମାନେରି । ୧୩ ଇତିହ୍ ଛ ସେବା କାମାଟି ପାରମାଣା ତାକି ଲକ୍ଷୁ ମିଙ୍ଗେ ଆବିମାଞ୍ଜାନି କ୍ରୀସୁତି ନେହ୍ କାହୁତି ନାମୁ ଇଞ୍ଜିଂ ମାହାପୁରୁତି ଲକ୍ଷୁ ଅଡେ ବାରେତାକି ମୀ ଆଣ୍ଡିନାୟି ତୀରପୁ ତାକି ମାହାପୁରୁଟି ଗାଝୁରମି କିହିମାନେରି । ୧୪ ମିଙ୍ଗେ ମାହାପୁରୁଟି ହାରେପୁରେ କାର୍ମାମେହ୍ନାଣି ତାକି ଏଝାରି ଜିକେଏ ହାରେକା ରାହ୍ନାତଲେ ପ୍ରାଡାନାତା ମିଙ୍ଗେ ଅଣପିମାଞ୍ଜାନେରି । ୧୫ ମାହାପୁରୁଟି ହାରେପୁରେ ଦାନା ତାକି ତାଙ୍ଗେ ଜହରା ଆପେ ।



ପାଝୁଲ ତାନି ସେବା କାମାତାକି ଝେଣ୍ଡେଝେହ୍ନାୟି

୧ ନାନୁ ପାଝୁଲତେଏଁ ମୀ ନକ୍ତିତା ସାପି ଆହା ମାନାତେଏଁ ସାମା ହେକ ମାନାଟି ବାଡୁୟୁ ତହ୍ନନାତେଏଁ, ନାନୁଏ କ୍ରୀସୁତି ସୁଦୁଗାଟି ଅଣପୁ ତଲେ ମିଙ୍ଗେ ବାଡିମାଲିହ୍ ରାସିମାଞ୍ଜାଲ, ୨ ହାଏ ନାନୁ ପ୍ରାଡାନା କିହିମାଲ, ମାର ମାଣସିତି ଅଣପୁ ତଲେ ତାକିମାନାୟି ଇଞ୍ଜିଂ ଅଣପିମାନାରି କପାଟି ବାଡୁୟୁ ତସାଲି

ଅଣପାମାଙ୍କ, ଇଞ୍ଜା ନାନୁ ଖାଡ଼ିସାରେ ଏଲେତି ବାଡ଼ୁୟୁ ତସାଲି ଆଏ; ୩^୩ ମାରୁ ଈ ଦାରୁତିତା ଆଙ୍ଗା ତଲେ ନାତାମାନାୟି ସାତା, ସାମା ମାରୁ ଦାରୁତିତି ଅଣପୁ ତଲେ ଜୁକୁ କିହି ହିଲ୍ଲାଆୟି, ୪^୪ ଇତିହିଁ ମା ଜୁକୁତି ସାକୁ ଆଙ୍ଗାତି କୁତି ତଲେ ଆଏ, ସାମା କାଜା କଟା ଇଲୁ ମ୍ଲେକ୍‌ହାଲି ମାହାପୁରୁ ନକିତା ଏ ବାରେ ବାଡ଼ୁୟୁ ଆନେ; ୫^୫ ମାମୁ ମୁଚି ଅଣପୁ କାତା ବାରେ ଅଡ଼େ ମାହାପୁରୁତି ବୁଦି କପାଟି ନିଜ୍ଜିନି ବତପଣ ତହୁନି କାଜା କାତାତି ବାରେ ମ୍ଲେକ୍‌ନମି; ଅଡ଼େ ବାରେଲେହେତି ଅଣପିନାଣି ଆସାମା କ୍ରୀସୁତି ମାନି ଆୟାଲି ଦସ୍‌ପି କିହିମାନମି । ୬^୬ ଏତିବେଲା ମାରୁ ବାରେ ଖାକିତି ମାନୁଡ଼ି ଆଡ଼େରି, ଏତିବେଲା ମାମୁ ମାନୁଡ଼ି ଆଥାଗାଗାଣି ବାରେ ତଣ୍ଡ ହାନମି ।

୭^୭ ମାରୁ ସାରିସୁରୁ ପାଙ୍ଗାତା ତଞ୍ଜା ଆହିମାନାଣି ମେସିମାଞ୍ଜେରି । ଆମ୍ବାଆସି ଜାହାରାଈଁ କ୍ରୀସୁତି ଲକୁଡେଏଁ ଇଞ୍ଜା ନାନିନେସି, ଆତିହିଁ ଏଝାସି ଏନିକିଁ କ୍ରୀସୁତି ଲକୁ, ମାମୁ ଜିକେଏ ଏଲେକିଁ କ୍ରୀସୁତି ଲକୁ, ଇଦାଆଁ ତାନୁଏ ଅଣପାପେସି । ୮^୮ ଇତିହିଁ ମା ଅଦିକାରା ତାକି ନାନୁ ଅଲପ ଗାଡ଼ି ବତପଣ ତସ୍ପି ଜିକେଏ ଲାଜା ଆଅଁ; ମିଜେ ନାସଡ଼ି କିହାଲି ପ୍ରୁ ମାଜେ ଅଦିକାରା ହାଆନା ମିଜେ ତିୟାରା କିହାଲି ହାହାମାଞ୍ଜନେସି । ୯^୯ ନା ରାଡ଼ିତି ଆକୁୟାଁ ତଲେ ନାନୁ ମିଜେ ଆଜିକିହି ମାଞ୍ଜନେସି ଇଞ୍ଜା ଅଣପାଆଦୁ । ୧୦^{୧୦} “ଏତରଜାଣା ଏଲେଇନେରି, ପାଞ୍ଜୁଲ ତାନି ଆକୁ ରାଡ଼ିନାତି ଅଦିକାରା ଅଡ଼େ କାଜା ବାଡ଼ୁୟୁ ଗାଗାଈ, ସାମା ମା ତଲେ ଆଙ୍ଗାତା ମାନାତି ଏଝାସି ବାଡ଼ୁୟୁ ହିଲ୍ଲାଆଗାଗାସି ଅଡ଼େ ତାନି କାତା ବାରେ ଉଜେଏତାୟି ।” ୧୧^{୧୧} ମାମୁ ହେକ ମାଞ୍ଜାନା ଆକୁତା ରାଡ଼ିନି କାତା ଏନିଲେହେତାୟି, ମୀ ତଲେ ମାଞ୍ଜାନା କିନି କାମା ଜିକେଏ ଏଲେତାୟିଏ ଇଞ୍ଜା ଲକୁ ଅଣପାପେରି ।

୧୨^{୧୨} ଇତିହିଁ ଆମ୍ବାଆରି ଜାହାରାଈଁ ବତପଣ ତସା କତିନେରି, ଏଝାରି ତଲେ ମାଜେ ଲେକା କିହାଲି ଜିକେଏ ମା ସାସା ହିଲେଏ; ସାମା ଏଝାରି ତାମୁ ତାନି ତାଣାତି ଜାହାରାଈଁ ଲେକା କିହାନା ବୁଦି ହିଲ୍ଲାଆଗାଗାରି ତଞ୍ଜା ଆନେରି । ୧୩^{୧୩} ସାମା ମାମୁ ହାନ୍ଦି ଗାଣ୍ଡା ହାଜାନା ବତପଣ ତହୁଅନି; ମାରୁ ଜିକେଏ ମାହାପୁରୁ ମାଜେ ହେରପା ମାଞ୍ଜାନି କାମାତି ହାନ୍ଦି ବିତ୍ରା ତାତେରି, ଏ ଲେକା ତଲେ ବତପଣ କିଦେରି । ୧୪^{୧୪} ଇତିହିଁ ମାରୁ ମା ହାନ୍ଦି ବିତ୍ରା ହିଲ୍ଲାଆତି ଲେହେଁ ମାମୁ ହାନ୍ଦି ଗାଣ୍ଡା ମାନମି, ଏଦି ଆଏ; ଏନିଇତିହିଁ କ୍ରୀସୁତି ନେହିଁ କାରୁ ଝେକିହିହିଁ ମାମୁ ମୀ ତାଣା ଜିକେଏ ତଲିଏ ଝାହାମାତମି; ୧୫^{୧୫} ମାହାପୁରୁ କିହାମାନି ମା କାମାତି ପାଙ୍ଗାତା ଏଟକା ଲକୁତି କାମାତା ବତପଣ କିହିହିଲଅନି, ସାମା ମାମୁ ଆସା କିହିମାନମି ମାରୁ ନାମୁତା ପାତା ଆନାଣିତଲେ ମୀ ତାଣାତି ମା କାମା ଅଡ଼େ ହାରେକା ପାତା ଆନେ । ୧୬^{୧୬} ମାମୁ ଅର ରଅଣି ହାନ୍ଦି ବିତ୍ରା ଏଝାସି ତଲିଏ କିହାମାନି କାମାତାକି ବତପଣ ତହୁଆନା, ମାମୁ ମୀ ତାଣାତି ଅର ଦେସାତା ହାଜାନା ନେହିଁ କାରୁ ଝେକିହିଲ ଆଡ଼ନମି ଇଞ୍ଜା ଆସା କିହିମାନମି ।

୧୭^{୧୭} ସାମା ଦାମୁପତିତା ରାସ୍‌କି ଆହାମାନେ, “ବତପଣ ତହୁନାସି ପ୍ରୁ କିତି କାମାତାକି ବତପଣ ତସ୍‌ପେସି ।” ୧୮^{୧୮} ଜାହାରାଈଁ ନେହାଁତେଏଁ ଇଞ୍ଜା ଅଣପିନାସି ଏଝାସି ତାୟିପାରିତା ଜାଣା ଆଡ଼ାସି ଆଏ, ସାମା ପ୍ରୁ ଆମ୍ବାଆରାଈଁ ସାତା ନେହାଁସି ଇଞ୍ଜା ଇନେସି ଏଝାସି ତାୟିପାରିତା ଜାଣା ଆଡ଼ାସି ।

୧୧

ପାଞ୍ଜୁଲ ଅଡ଼େ ମିତି ଜାମ୍‌ନାରି

୧^୧ ନାନୁ ବୁଦି ହିଲ୍ଲାଆ ଗାଗାତେଏଁ ଲେହେଁ ଇଚେକା ଝେସାଲି ନାଜେ ହେଲ ହିୟାତିହିଁ ନେହେଁ ଇଞ୍ଜା ଅଣପିମାଈଁ, ମାରୁ ନାଜେ ହେଲ ହିୟାଦେରି । ୨^୨ ମାହାପୁରୁ ତାକି ହାରେକା ରାହାଁତା ନାନୁ ମିଜେତାକି ହାରେକା ରାହାଁ, ଇତିହିଁ ନାନୁ ମିଜେ ସୁଦୁ ତାଆ ମାଜାଲେହେଁ ର ତ୍ରକ୍ତା ତାଣା ଇତିହିଁ କ୍ରୀସୁଇଁ ବାହା ଆୟାଲି କାତା ହାହାମାଈଁ । ୩^୩ ସାମା ରାରୁ ତାନି ସୁତ୍ରମି ତଲେ ହବାଈଁ ନାଡ଼ି କିଡେ, ଏଲେକିହିଁ ଏଚେତା ଆପେ ମୀ ମନ କ୍ରୀସୁ ତାଣା ମାନି ତୀରପୁତାୟି ଇଞ୍ଜା ସୁଦୁତା ମାନାୟି ନାସା ଆନେ, ଇଦାଆଁ ନାଜେ ଆଜି ହଡ଼ିମାଞ୍ଜାନେ । ୪^୪ ଇତିହିଁ ଆମିନି ଜୀସୁଇଁ ମାମୁ ହୁଝକିଆତମି, ଇଲେକିହିଁ ଏଟକା ଜୀସୁଇଁ ଆମ୍ବାଆସି ଆପେ ଝାହାଁ ଝେକନେସି, କି ଆମିନି ସୁଦୁଜୀଝୁ ମାରୁ ବେଗାଆଆତେରି, ଇଲେକିଁ ଏଟକାତି ର ସୁଦୁଜୀଝୁ ବେଗାଆଦେରି, କି ଆମିନି ନେହିଁ ବଲୁ ମାରୁ ଆବାଆତେରି, ଇଲେକିଁ ଏଟକାତି ର ନେହିଁ ବଲୁ ବେଗାଆଦେରି, ଏଲେଆଡ଼ିହିଁ ମାରୁ ଗାଡ଼ି ଅରୁହିନାତେରି ।

୫^୫ ଇତିହିଁ ଏ କାଜାପାଣା ଗାଡ଼ି “ପାଣ୍ଡୁଡ଼ି ଆଡ଼ାରି” ତାଣାତି ନାନୁ ଏନିକିହିଁ ଜିକେଏ ଉଣା ତାତେଏଁ ଆଏ ଇଞ୍ଜା ଅଣପିମାଈଁ । ୬^୬ ସାମା ନାନୁ କାତା ଜଲାଲି ପୁନାଆତି ଜିକେଏ ବୁଦିତା ଉଣାତେଏଁ ଆଏ; ସାତାତଲେ ମାମୁ ବାରେଲେହେତି ବାରେ କାତାତା ମିଜେତାକି ଇଦାଆଁ ଝେସାତମି ।

୭ ମୀରୁ ଏନ୍ନିକି କାଜାତେରି ଆଦେରି, ଏଦାଆଁତାକି ନାନୁ ଜାହାରାଇଁ ଉଣା କିହାକତାନା ମୀ ତାଣା ଉଜେଏନେଏ ମାହାପୁରୁତି ନେହୁଁ କାବୁ ଝେକହାତେଏ; ଏଲେକିୟାଲିଏ ନାନୁ ଏନ୍ନି ପାପୁ କିତେଏ । ୮ ମୀ ତାଣା କାମା କିହୁଁ ମିଜେ ସେବା କିୟାଲି ଏଟ୍ଟା କୁଲମିତି ବର୍ତନ ବେଟାଆହୁଁ ଏଞ୍ଜାରି ତାଣାଟି ମୀଞ୍ଜା ଅହିମାଚେଏ । ୯ ମୀ ତାଣା ମାଟିବେଲା ନାଜେ ଏନାଆଁ ହିଲୀଆତି ଜିକେଏ ଆମ୍ବାଆରାକି ବାଦା ହାହାହିଲଅଁ; ମାକିଦନିୟାଟି ଖାଡ଼ି ତାୟିୟାଁ ନାଜେ ଲଡ଼ା ଆନାଣି ବାରେ ହିୟାତେରି, ମିଜେ ବଜୁ ହାଆରେଟୁ ନାନୁ ଜାଗ୍ରାତା ଆହାମାଚେଏ, ଅଡ଼େ ଜାଗ୍ରାତା ଆହାଁ ତୁୟିଇଁ । ୧୦ ନା ତାଣା ମାନି କ୍ରୀସ୍ତତି ସାତାଇଁ ସାକି ଇଟାନା ଝେସିମାଇଁ, ଆକାୟା ଗାଡ଼ାୟିତି ନା ଇ ବତପଣତି ଆମ୍ବାଆସି ଜିକେଏ ସାପି କିହାଲି ଆଡ଼ଅରି ଏନାଆଁକି ? ୧୧ ନାନୁ ମିଜେ ଜୀଝୁନହୁଁ ମାଞ୍ଜାଆକି କି ? ମାହାପୁରୁ ପୁଞ୍ଜାମାନେସି ନାନୁ ମିଜେ ଜୀଝୁ ନହୁଁ ମାଞ୍ଜାଇଁ !

୧୨ ସାମା ବତପଣ ଆନିତାଣା ମା ଲେହେଁ ତଞ୍ଜାଆହାଲି ଆମିନି “ଉଜେଏତି ପାଣ୍ଡୁଆଡ଼ାରି” ପାରୁ ପାରିମାନେରି ନାନୁ ଏନ୍ନିକି ଏଞ୍ଜାରାକି ପାରୁ ହାଅଁ, ଇଦାଆଁତାକି ନାନୁ ଏନାଆଁ କିହିମାଇଁ, ଏଦାଆଁ କିହେମାଇଁ । ୧୩ ଇତିହୁଁ ଏଲେତି ଲକୁ ନାଡ଼ିକିନି ପାଣ୍ଡୁ ଥାଡ଼ାରି, ଇଞ୍ଜା ଖାଣା ବାଦଲଞ୍ଜିକିହାଁ କାମାକିନାରି, ଏଞ୍ଜାରି କ୍ରୀସ୍ତତି ପାଣ୍ଡୁ ଥାଡ଼ାରି ଖାଣା ଆହନେରି । ୧୪ ଇତିହୁଁ ଏଦି କାବାଆନି କାତା ଥାଏ, ଇତିହୁଁ ସୟତାନ ତାନୁଏ ଉଜେଡ଼ିତି ଦୁଡ଼ୁତି ଖାଣା ଆହନେ ! ୧୫ ଏତେଟିଏ ତାନି ହଲିୟାଙ୍ଗା ଜିକେଏ ଦାମ୍ବୁଗାଗାରି ଖାଣା ଆହନେରି, ଆତିହୁଁ ଏଦି କାଜା କାତା ଥାଏ; ରାନି ଦିନାତା ଏଞ୍ଜାରି ତାନି କିତି କାମା ତଲେ ତଣ୍ଡ ବେଟାଆନେରି ।

ପାଣ୍ଡୁଆଡ଼ି ପାଣା ତାକି ପାଝୁଲ କସ୍ତ ବେଟାଆନାୟି

୧୬ ନାନୁ ଅଡ଼େ ଝେସିମାଞ୍ଜାଇଁ, ଆମ୍ବାଆସି ନାଜେ ବୁଦି ହିଲୀଆଗାଗାସି ଇଞ୍ଜୁଁ ଅଣପାଆପେସି; ସାମା ମୀରୁ ଏଲେକି ଅଣପିଦେରି, ଆଡ଼ିଜିକେଏ ବୁଦିହିଲୀଆଗାଗାସି ଲେହେଁ ନାଜେ ଆବାଦୁ, ଏନିଇତିହୁଁ ନାନୁ ଜିକେଏ ଅଲପ ବତପଣ ତସାଲି ଆଡ଼ିଇଁ । ୧୭ ନୀଏଁ ନାନୁ ଏନାଆଁ ଝେସିମାଇଁ ପ୍ରବୁତି ଅଣପୁ ତଲେ ଝେସିମାଞ୍ଜାଅଁ, ସାମା ବୁଦି ହିଲୀଆ ଗାଟାତେଏଁ ଲେହେଁ ହାରେକା ସାସାତଲେ ବତପଣ ତସାନା ଝେସିମାଞ୍ଜାଅଁ । ୧୮ ହାରେକା ଲକୁ ଦାବୁଡ଼ିତି ଲେହେଁ ବତପଣ ଆହିମାନାକି ନାନୁ ଜିକେଏ ବତପଣ ତହୁଇଁ । ୧୯ ଇତିହୁଁ ମୀରୁ ହାରେକା ବୁଦି ଗାଟାତେରି ଇଞ୍ଜୁହୁଁ, ରାହାଁ ତଲେ ବୁଦି ହିଲୀଆଗାଗାଗାଆଁ ଅବୁହି ମାଞ୍ଜେରି । ୨୦ ଆମ୍ବାଆସି ମିଜେ ହଲିୟାଙ୍ଗା କିହାନା ଇଟାନେସି, ମୀ ଦନ ମୀଞ୍ଜା ଅୟାନେସି; ମିଜେ ପାନ୍ଦାତା ମେଡ଼ୁହାଁ ଆସ୍ତାନେସି, ତାହାରା ଆୟାନେସି କି ମୀ ଗେଏଲୀତା ସାପଡ଼ା ଝେଟାନେସି ଏ ବାରେ ଅବୁହି ମାଞ୍ଜେରି । ୨୧ ନାନୁ ଲାଜାତଲେ ଝେସିମାଞ୍ଜାଇଁ, ମାର ବାଡ଼ୁୟୁ ହିଲୀଆ ଗାଟାତାୟି ଆହାମାନାୟି । ଆଡ଼ି ଜିକେଏ ଏନି କାତାତା ଆମ୍ବାଆସି ସାସା ଗାଗାସି, (ନାନୁ ବୁଦି ହିଲୀଆନା ଝେସିମାଇଁ) ନାନୁ ଜିକେଏ ସାସା ଗାଟାତେଏଁ । ୨୨ ଏଞ୍ଜାରି କି ଏତ୍ରି ଲକୁ ? ଇତିହୁଁ ନାନୁ ଜିକେଏ ଏତ୍ରି ଲକୁତେଏଁ । ଏଞ୍ଜାରି ଇସ୍ତାୟେଲ ଲକୁ ? ଇତିହୁଁ ନାନୁ ଜିକେଏ ଇସ୍ତାୟେଲ ଲକୁତେଏଁ । ଏଞ୍ଜାରି ଅଗ୍ରାହାମତି କୁଡ଼ାତାରି ? ଇତିହୁଁ ନାନୁ ଜିକେଏ ଅଗ୍ରାହାମ କୁଡ଼ାତାତେଏଁ । ୨୩ ଏଞ୍ଜାରି କି କ୍ରୀସ୍ତତି ସେବା କିନାରି ? ଇତିହୁଁ; (ନାନୁ ବାୟା ଆଡ଼ିଲେହେଁ ଏଲେଇଞ୍ଜିମାଇଁ), ନାନୁ ଏଞ୍ଜାରି କିହାଁ ଆଗାଡ଼ା ନେହେଁ ସେବା କିନାତେଏଁ, ନାନୁ ଏଞ୍ଜାରି କିହାଁ ଗାତି ଖାଜୁ କାମା କିହାମାଇଁ, ହାରେକା କାୟିଦି ଇଲୁଡା ମାଚେଏଁ, ହାରେକା ଇଟ୍ଟିନି ପାଞ୍ଚା ବେଟାଆହା ମାଚେଏ, ଅଲେ ଅଲେ ହାକିତା ହେରୁଝା ମାଚେଏଁ । ୨୪ ନାନୁ ଜୀହୁଦି ଲକୁ ତାଣାଟି ତାନି ପାଲି ସାବୁଣି ତ୍ପରିତଲେ ନାଜେ ଇରହାତେରି, ର ପାଲି ନାଜେ ଖାଲକାତଲେ ଇରହାତେରି, ତାନି ପାଲି ଜାଜା ତୀତି ତାଣାଟି ଗେଲହା ମାଇଁ, ର ଲାଆଁ ର ମାଦେନା ସାମଦୁରିତି ଏୟୁଡା ମୁଞ୍ଜା ମାଚେଏଁ, ୨୫ ନାନୁ ହାରେକା ଦେବା ଜିରୁ ତାକିନାଟି, କାତା ଆକିନିତାଣା, ସରକା ତାଣାଟି, ନା କୁଡ଼ାତି ଜୀହୁଦି ଲକୁ ତାଣାଟି, ଏଟ୍ଟା କୁଡ଼ାତି ଲକୁ ତାଣାଟି, କାଜା ନାୟକାତି ଆଜିଟି, ଲକୁ ହିଲୀଆ ଜାଡ଼ାଟି, କାଜା ସାମଦୁରି ଆଜିଟି, ଅଡ଼େ ନାଡ଼ିକିନି ତ୍ପଣେସିଙ୍ଗା ଆଜିଟି । ୨୬ ନାନୁ ହାରେକା କାମା କିହାନା କସ୍ତ ବେଟାଆହାମାଇଁ, ଏତର ପାଲି ଲାଆଁୟାଁ ଇଦା କିଆନା ହାକି ଅଡ଼େ ଏସ୍କିଟି ମାଚେଏଁ, ଏତର ପାଲି ଉପାସା ତଲେ, ପେନି ଇଞ୍ଜାଁ ନାଗୁଡ଼ାଟି ମାଚେଏଁ । ୨୭ ଏଲେତି ବାରେ ବାଦା ପିସ୍ତେ ନାଜେ ଅଡ଼େ ର କାଜା ବଜୁମାନେ, ଇତିହୁଁ ବାରେଦିନା କୁଲମିକା ତାକି ନାନୁ ଅଣପିମାଇଁ । ୨୮ ଆମ୍ବାଆସି ବାଡ଼ୁୟୁ ହିଲୀଆଗାଗାସି ଆଡ଼ିସାରେ ନାନୁ ଜିକେଏ ବାଡ଼ୁୟୁ ହିଲୀଆ ଗାଟାତେଏଁ ଅଏକି ? ଆମ୍ବାଆସି ପାପୁ କିତିହୁଁ ନାନୁ ହିୟାତା ବୁକୁ ଆଆଁ କି ?

୫ ୧୧:୨୩ ୧୧:୨୩ କାମା ୧୭:୨୩ ୫ ୧୧:୨୭ ୧୧:୨୭ କାମା ୯:୨୩; କାମା ୧୪:୫

୩୦ ନା ବତପଣ ତସାଲି ଲଡ଼ା ଆତିହୁଁ, ନାନୁ ନା ଆଡ଼ାଆଗାଟାଣି ତାକି ବତପଣ ତହୁଇଁ । ୩୧ ନାନୁ ମିତି ଜଲି ହିଲଅଁ, ଏଦାଆଁ ପ୍ରଭୁ ଜୀସୁ କ୍ରୀସ୍ତତି ମାହାପୁରୁ ଅଡ଼େ ଆବା ପୁଞ୍ଜାମାନେସି; ଏଝାସି କାଲାକାଲା ତାକି ଜହରା । ୩୨ ଏଦେସକତା ହାରେତା ରାଜାତି ସାଲୁଖି କିନାସି ନାଜେ ଆସାଲି ଏ ଗାଡ଼ାତି ତାନି କାପୁ କାଝିନି କସକାଣି ପାଣ୍ଡା ନା କାପି କିହିମାତେସି । ୩୩ ଇଞ୍ଜା ର ଡାଲିତା କିଡ଼କିତି କାତି ଲାକଟି ନାଜେ ରେପୁହାଲିଏ ନାନୁ ଏଝାଣି କେୟୁତି ଗେଲପିଆଡ଼େସି ।

୧୨

ପାଞ୍ଜୁଲ ତଞ୍ଜାଆନାଣି ମେହନାୟି

୧ ବତପଣ କିନାୟି ନେହାୟି ଆଆତି ଜିକେଏ ନାଜେ ବତପଣ କିନାୟିମାନେ, ନାନୁ ପ୍ରଭୁତି ମେହନାୟି ଅଡ଼େ ତଞ୍ଜାଆନାଣି ମିଜେ ଖେପାୟି । ୨ ନାନୁ ର କ୍ରୀସ୍ତାନା ଲକୁଇଁ ପୁଞ୍ଜାମାଇଁ, ଏଝାସି ସଦ ବାସୀ ନକେଏ ଲାକପୁରୁତି ତାନି ପୁରୁ ପାତେକା ଅଢ଼ିଆଡ଼େସି ଏଝାସି ଆଜା ତଲେ ମାତେସି କି ଆଜା ହିଲଆନା ମାତେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି । ୩ ହାଅ ନାନୁ ଏଲେତି ର ଲକୁଇଁ ପୁଞ୍ଜାମାଇଁ, ଏଝାସି ପାରାଦିସତା ଅଢ଼ିଆଡ଼େସି ଏଝାସି ଆଜା ତଲେ ମାନେସି କି ଆଜା ହିଲଆନା ମାତେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି । ୪ ଏଝାସି ଲାକପୁରୁ ଅଢ଼ିଆଡ଼େସି, ଅଡ଼େ ଇଲେତି ହାଡ଼ା ଖେତେସି, ଏଦାଆଁ ମାଣସି ଜଲଲି ଆଡ଼ାଆଗାଟାୟି ଅଡ଼େ ଗୁଡିତା ଅହାଲି ଆଡ଼ାଆଗାଟାୟି । ୫ ଇଲେତି ର ଲକୁତାକି ନାନୁ ବତପଣ କିଇଁ, ସାମା ନା ତାକି ନାନୁ ନା ବାଡ଼ୁୟୁ ହିଲଆଗାଟାଣି ପିସପେ ଅଡ଼େ ଏନାଆଁତାକିଝା ବତପଣ କିଅଁ । ୬ ବତପଣ ତସାଲି ଅଣପିତିହୁଁ ଜିକେଏ, ନାନୁ ବୁଦି ହିଲଆ ଗାଟାତେସି ଆଅଁ, ଇତିହୁଁ ନାନୁ ସାତା କାତା ଖେହୁଇଁ, ସାମା ଲକୁ ନାଜେ ଏନିକି ମେସ୍ତାନେରି ଇଞ୍ଜା ନା ଡାଣାଟି ଏନିକି କାତା ଖେନେରି, ନାଜେ ତଞ୍ଜା ଆହାମାନି କାତାତା ହାରେକା କାଜାୟି ଆହାମାନାକି ଏନିକି ନା କାତାତା ହାରେକା ଅଣପସି ଇଞ୍ଜୁଁ, ଇଦାଆଁତାକି ନାନୁ ସାପି ଆହାମାଇଁ ।

୭ ନାନୁ ଏନିକି ଗାତି ବତପଣ କିଅଁ, ଇଦାଆଁତାକି ନା ଆଜାତା ର ସାସ୍ତି ହୀପୁକି ଆୟାତେ, ନାଜେ ସାସ୍ତି ହାହାଲି ସୟତାନତି ଦୁଡୁଇଁ ପାଣ୍ଡୁଆଡ଼େ, ଏନିକି ନାନୁ ଗାତି ବତପଣ ଆଅଁ । ୮ ଏକସୁ ନା ଡାଣାଟି ହେକ ଆୟାଲି ତାନି ପାଲି ପ୍ରଭୁଇଁ ବାତିମାଲିହୁଁ ରାସ୍ତେସି । ୯ ଅଡ଼େ ଏଝାସି ନାଜେ ଏଲେଇଞ୍ଜାନେସି, “ନା କାମାନେହନାୟି ନିଜେତାକି ହାରେପୁରେ,” ଇତିହୁଁ ନୀ ବାଡ଼ୁୟୁ ହିଲଆତାଣା ନା ବାଡ଼ୁୟୁ ହାରେ ଗାଡ଼ିଆହୁଁ ତଞ୍ଜାଆନେ, ଇତିହୁଁ ଏନିକି କ୍ରୀସ୍ତତି ବାଡ଼ୁୟୁ ନା ଡାଣା ଡ଼ୟିନେ, ଏଦାଆଁତାକି ନା ବାଡ଼ୁୟୁ ହିଲଆ ବେଲାତା ହାରେକା ରାହାଁ ତଲେ ବତପଣ ତହୁଇଁ । ୧୦ ଏଦାଆଁତାକି କ୍ରୀସ୍ତତି ତାକି ବାଡ଼ୁୟୁ ହିଲଆତି, ଲାଜା ପାଣ୍ଡନାଟି, ହାକି ବେଲାତା, ସାସ୍ତି ଝାନି ବେଲା, କସ୍ତା ନାନୁ ରାହାଁଆଇଁ, ଇତିହୁଁ ଏତିବେଲା ବାଡ଼ୁୟୁ ହିଲଆ ଗାଟାତେସି ଏତିବେଲା ବାଡ଼ୁୟୁ ଗାଟାତେସି ।

କରିନ୍ତ ତାରାକି ପାଞ୍ଜୁଲ ଅଣପିନାୟି

୧୧ ନାନୁ ବୁଦି ହିଲଆ ଆ ଗାଟାତେସି ଲେହେଁ ଆହାମାଇଁ, ମୀରୁ ନାଜେ ଏଲେକିଝି କିୟାତେରି, ମୀରୁ ନାଜେ ନେହାସି ଇଞ୍ଜାନାୟି ମାତେ; ନାନୁ ଏନାତେସି ଆଏ, ଆଡ଼ି ଜିକେଏ ଏ “କାଜା ପାଣ୍ଡୁ ଆହାମାନାରି” କିହାଁ ଉଣାତେସି ଆଏ । ୧୨ ଆମ୍ବାଆସି ହାରେକା ସିନାୟି, କାବାଆନି କାମା, ଅଡ଼େ ବାଡ଼ୁୟୁତି କାମା ପାଣ୍ଡୁ ଆହାମାନାରି ସିନାୟିଲେହେଁ, ଏ ବାରେ ସାତେଏ ମୀ ଡାଣା ସାସାତଲେ କିଝିଆହାମାନେ । ୧୩ ଇତିହୁଁ ନାନୁ ମୀ ବକୁ ଲେହେଁ ଆହାହିଲଅଁ, ଇ ରଣ୍ଡିଏ କାତା ପିସପେ ଅର କୁଲମିତି ଲକୁ କିହାଁ ମିଜେ ଅଡ଼େ ଏନିକି ଉଣା ମେସାମାଞ୍ଜାଇଁ, ଏ ନା ଦହ ଆସ୍ତାଆନୁ ।

୧୪ ମେହୁଦୁ ମୀ ଡାଣା ଝାହାଲି ନୀସି ତଲେ ତାନି ପାଲି ତିୟାରା ଆହିମାଇଁ, ଅଡ଼େ ନାନୁ ମିଜେ ଏନି ବକୁ ହିୟଅଁ, ଇତିହୁଁ ନାନୁ ମୀ ଦନ ପାରାଆନା ମିଜେ ପାରିମାଞ୍ଜାଇଁ, ମୀରୁକା ମାସକା ତାନି ଇୟା ଆବାକି କୁଡ଼ିକିତ ସାମା ଇୟା ଆବା ଦେଁ ତାନି ମୀରୁକା ମାସକାକି କୁଡ଼ିକିନାୟି ମାନେ । ୧୫ ନାନୁ ମୀ ଜୀଞ୍ଜୁତାକି ହାରେକା ରାହାଁତଲେ ହାଇଁ, ହାଅ ନା ଜୀଞ୍ଜୁ ଜିକେଏ ହାଇଁ, ନାନୁ ମିଜେ ହାରେକା ଜୀଞ୍ଜୁନହୁଁ ମାଞ୍ଜାତିହୁଁ ଏନାଆଁ ମୀରୁ ନାଜେ ଉଣା ଜୀଞ୍ଜୁନହୁଁ ମାଞ୍ଜାଦେରି ?

୧୬ ସାମା ନାନୁ ଜାହାରାଇଁ ମିଜେ ବକୁ କିୟାତେସି, ସାମା ମୀ ବିତ୍ରାତି ଆମ୍ବାଆରି ଏଲେଇଞ୍ଜାନେରି ନା ସୁତରି ମାନାକି ମିଜେ ମିତି ତଲେ ଆସ୍ତାତେସି । ୧୭ ନାନୁ ମୀ ଡାଣା ଆମ୍ବାଆରାଇଁ ପାଣ୍ଡାମାଞ୍ଜାଇଁ, ଏଝାସି ବିତ୍ରାତି ରଅଣି ତଲେ ମୀ ଡାଣାଟି ଏନି ଲାବା ବେଟାଆଡ଼େସି କି ? ୧୮ ନାନୁ ତିତସଇଁ ହାଜାଲି ବାତିମାଲି

ମାତେଏ, ଇଞ୍ଜି ଏଞ୍ଜାଣିତଲେ ଅର ତାୟିଇଁ ମୀ ତାଣା ପାଣ୍ଡାତେଏ । ତିତସ ମୀ ତାଣାଟି ଏନାଆଁ ଲାବୁ କିତେସି ? ମାମ୍ବୁ କି ରଣ୍ଡିଏ ଜୀଞ୍ଜୁତଲେ ତାକିହିଲଅମି ? ମାମ୍ବୁ ଏନାଆଁ ରଣ୍ଡିଏ ପାଞ୍ଜୁଲିତା ତାକିହିଲଅମି ?

୧୯ ନୀର୍ଏ ପାତେକା ମୀରୁ ଅଣପିମାଞ୍ଜେରି, ମାମ୍ବୁ ମୀ ନକିତା ଜାହାରାଇଁ ନେହଁ କିହିମାନମି ? ମାହାପୁରୁ ନକିତା କ୍ରୀସ୍ତତି ସେବା କିନାତମି ଲେହେଁ ମାମ୍ବୁ କାତା ଜଲିମାନମି, ଇଞ୍ଜି ଏ ଜୀଞ୍ଜୁତି ତାୟିୟାଁ ବାରେ କାତା ମୀ ନେହେଁତାକି ଖେସିମାନମି । ୨୦ ଇତିହଁ ଏଚେତା ନାନୁ ମୀ ତାଣା ଖାଡ଼ିସାରେ, ମିଙ୍ଗେ ଏନିକଁ ମେସାଲି ମନ କିହିମାଇଁ ଏଲେକିହଁ ମିଙ୍ଗେ ମେସାଆସାରେ, ଅଡେ ମୀରୁ ନାଙ୍ଗେ ଏନିକଁ ମେସାଲି ମନ କିହାଁ ହିଲଅତେରି ଏଲେକିହଁ ମେସାଦେରି, ଏଦାଆଁତାକି ନାନୁ ଆଜିମାଇଁ; ଇତିହଁ ମା ବିତ୍ରା ବାଡ଼ିବାଦା, ତାହାରା, କପା ଅଡେ ଗତି ଗତି ଆନାୟି, ରଅସି ରଥାଣାଇଁ ନିନ୍ଦା କିନାୟି, ସାକ୍ତି କାତା ଜଲିନାୟି, ବଡପଣ ତସ୍ତିପ ଆହାଁ ଗଡ଼ହା ଆନେ; ୨୧ ଇଞ୍ଜି ନାନୁ ଅଡେ ଖେଣ୍ଡେ ଖାଡ଼ିସାରେ ନା ମାହାପୁରୁ ମୀ ତାକି ନାଙ୍ଗେ ଅଡେ ଲାଜା କିଞ୍ଜିକିୟାନେସି, ଇଞ୍ଜି ମୀ ବିତ୍ରା ତଲିଏ ପାପୁ କିହାମାନାରି ତାମି ଲାଗେଏତି କାମା, ଦାରିକାମା ଅଡେ ଦାରି କାମାତାକି ଜୁପକା ଆନାଣି ତାକି ନୀର୍ଏ ପାତେକା ମନ ଖେଟ୍ଟହା ହିଲଅରି ଏଞ୍ଜାରି ତାକି ନାନୁ ଦୁକୁଆହଁ ତାହାଲିଆନେ ।

୧୩

ଜାଗ୍ରତା କିହାଁ ଜହରା ତଲେ ଆକୃତି ରାପ୍ତନାୟି

୧ ନୀର୍ଏ ତଲେ ତାନି ପାଲି ନାନୁ ମୀ ତାଣା ଖାହିମାଇଁ, ଦାର୍ମପତିତା ରାସ୍ତିକି ଆହାମାନେ, “ଆମିନି ଦହ୍ତି କାତା ନୀହାୟି କିନାୟି ରିଆରି କି ତାନି ଜାଣା ସାକ୍ତିୟାଁ ତଲେ ତାନି କିଞ୍ଜିଆନେ” ୨ ଆମ୍ବାଆରି ନକେଏ ପାପୁ କିହାମାତେରି ଏଞ୍ଜାରିଇଁ ଇଞ୍ଜି ବାରେତି ଏନିକଁ ତଲି ରୀ ପାଲି ଖେସାମାଞ୍ଜାତେଏ, ନୀର୍ଏ ହେକ ମାଞ୍ଜାନା ଏଲେକିହଁ ଏ ନକେଏ ଖେସିମାଞ୍ଜାଇଁ, ନାନୁ ଅଡେ ଖାଡ଼ିହଁ ଏଞ୍ଜାରିଇଁ ତଣ୍ଡ ହୁଆନା ପିହ୍ଅଁ । ୩ ଏନିକଁ କ୍ରୀସ୍ତ ନା ତାଣା ଜଲିମାଞ୍ଜାନେସି ମୀରୁ ଏଞ୍ଜାଣି ପାର୍ମମାଣା ପାରିମାଞ୍ଜେରି; ଏଞ୍ଜାସି ମିଙ୍ଗେତାକି ବାଡ଼ୁୟୁ ହିଲଆଗାଗାସି ଆଏ, ସାମା ମୀ ତାଣା ବାଡ଼ୁୟୁ ଗାଗାସି ଆନେସି, ୪ ଏଞ୍ଜାସି ବାଡ଼ୁୟୁ ହିଲଆତାକି ପାସି ମୁଣ୍ଡାତା ଏପକି ଆଡେସି, ଆଡ଼ିଜିକେଏ ମାହାପୁରୁ ବାଡ଼ୁୟୁଟି ଏଞ୍ଜାସି ନାତାମାନେସି । ମାମ୍ବୁ କିକେଏ ଏଲେକିହଁ ତାନି ତାଣା ବାଡ଼ୁୟୁ ହିଲଆ ଗାଗାତମି, ସାମା ମାହାପୁରୁଟି ବାଡ଼ୁୟୁ ତାକି ମାମ୍ବୁ ମୀ ତାଣା ଏଞ୍ଜାଣିତଲେ ନୀତାମାନମି ।

୫ ମୀରୁ ନାମୁତଲେ ମାଞ୍ଜେରିକି ଆଏ, ଏ କାତାତା ଜାହା ଜାହାରାଇଁ ତାୟିପାରି କିହାକତାଦୁ ଇଞ୍ଜି ଅଣପାଦୁ, କି ଜୀଞ୍ଜୁ କ୍ରୀସ୍ତ ମୀ ତାଣା ମାନେସି, ଇଦାଆଁ କି ମୀରୁ ଜାହା ଜାହାରା କାତାତା ପୁଞ୍ଜାହିଲଅତେରି ? ଏଲେଆହଁ ଆତିହଁ ମୀରୁ ତାୟିପାରି କିନି ତାଣା ଜୀଣା ଆହା ହିଲଅତେରି । ୬ ସାମା ନାନୁ ବାସ୍ତୁ ଇଟାମାଇଁ, ମୀରୁ ତାୟିପାରି କିଞ୍ଜିଆହା ଜୀଣା ଆହାମାନାୟି, ଇଦାଆଁ ମୀରୁ ପୁଞ୍ଜେରି । ୭ ମୀରୁ ଏନିକଁ ଏନି ଲାଗେଏତି କାମା କିଅତେରି, ଇଦାଆଁତାକି ମାହାପୁରୁ ତାଣା ମାମ୍ବୁ ପ୍ରାତାନା କିହିମାନମି; ମାମ୍ବୁ ଏନିକଁ ତାୟିପାରି କିଞ୍ଜି ଆହାଁ ଜୀଣା ଆହାମାନି ଲେହେଁ ତଞ୍ଜାଆନମି, ଇଦାଆଁତାକି ପ୍ରାତାନା କିହିଲଅମି, ସାମା ମାମ୍ବୁ ତାୟିପାରି କିଞ୍ଜି ଆହାଁ ଜୀଣା ଆଆତିଲେହେଁ ତଞ୍ଜା ଆଆତଁ ଜିକେଏ ଏନିକଁ ମୀରୁ ନେହଁ କାମା କିଦେରି, ଇଦାଆଁତାକି ପ୍ରାତାନା କିହିମାନମି । ୮ ଇତିହଁ ମାମ୍ବୁ ସାତା କପାଟି ଏନାଆଁ କିହାଲି ଆଡ଼ିହିଲଅମି, ସାମା ସାତା ଖାକିଟି ଦେହେଁ ବାରେ କିହାଲି ଆଡ଼ିନମି । ୯ ଏତିବେଲା ମାମ୍ବୁ ବାଡ଼ୁୟୁ ହିଲଆ ଗାଗାତମି ଆନମି ସାମା ମୀରୁ ବାଡ଼ୁୟୁ ଗାଗାତେରି ଆଦେରି, ଏଚେତା ମାଙ୍ଗେ ରାହାଁ ହଡାନେ; ମୀରୁ ଏନିକଁ ବାରେ ଖାକିଟି ନେହାଁତେରି ଆଦେରି ଏଦାଆଁତାକି ଜିକେଏ ପ୍ରାତାନା କିହେମାନମି । ୧୦ ଏଦାଆଁତାକି ମୀ ତାଣାଟି ହେକ ମାଞ୍ଜାନା ନାନୁ ଇ ବାରେ ରାଡ଼ିମାଞ୍ଜାଇଁ, ଏନିକଁ ମୀ ତାଣା ଖାଞ୍ଜାନା ପ୍ରବୁ ନାଙ୍ଗେ ମୈକହାଲି ହୁଆନା, ପାତିକିହାଲି ହୁହାମାଞ୍ଜାନେସି, ଏ ଅଦିକାରା ଲେହେଁ ମୀ କପାଟି ନିଜ୍ଜାନା ବାଡ଼ୁୟୁ ତସାଲି ମିଙ୍ଗେ ଲଡ଼ା ଆଏ ।

୧୧ ତାୟିୟାଁ ଅଡେ ତାଜିସ୍ତାତେରି, ରାହାଁ କିଦୁ, ନେହାଁତେରି ଆଦୁ, ରଅତେରି ରଥାଣାଇଁ ବାସ୍ତୁ ହାଞ୍ଜିଆଦୁ, ରଣ୍ଡିଏ ମନ ଆଦୁ, ହିଡ଼ି ତଲେ ବାସା ଆଦୁ, ଅଡେ ହିଡ଼ି ଇଞ୍ଜି ଜୀଞ୍ଜୁ ନନି ମାହାପୁରୁ ମୀ ତଲେ ତୟିନେସି ।

୧୨ କ୍ରୀସ୍ତାନା ତାୟିୟାଁ ଲେହେଁ ସୁଦୁଜୀଞ୍ଜୁ ନଞ୍ଜୁ ତଲେ ଜୀଞ୍ଜୁ ନଞ୍ଜିଆହାନା ମୀରୁ ମୀରୁଏ ରଅତେରି ରଥାଣାଇଁ ନଞ୍ଜାନା ଜହରା କିଞ୍ଜିଆଦୁ । ୧୩ ଇମ୍ବାଆଁ ମାନି ମାହାପୁରୁ ଲକୁ ମିଙ୍ଗେ ଜହରା ଖେସିମାଞ୍ଜାନେରି । ୧୪ ପ୍ରବୁ ଜୀଞ୍ଜୁ କ୍ରୀସ୍ତ କାର୍ମାମେହନାୟି ମାହାପୁରୁଟି ଜୀଞ୍ଜୁନନାୟି ଅଡେ ସୁଦୁଜୀଞ୍ଜୁ ତଲେ ଆଣ୍ଡିନାୟି ମୀ ବାରେତାକି ଆୟାପେ ।

ଗାଳାତିୟ ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପତ୍ର ଗାଳାତିୟ କୁଲମିତାକି ପାଞ୍ଚୁଲ ରାଚାମାନି ଆକୁ ମୁକୁ ହାଡ଼ା

ଗାଳାତିୟ ଆକୁ ପାଣ୍ଡୁଆହାମାନି ପାଞ୍ଚୁଲ ତାଣ୍ଡାଟି ରାସ୍ତିକି ଆହାମାନେ ୧:୧ । ଇ ଆକୁ ଜୀସୁ କ୍ରୀସ୍ତ ଜାନୀତି ତାମୁ ୪୮ ଟିଏ ୫୭ ବାସୀ ବିତ୍ରା ଗାଳାତିୟ କୁଲମିତି ନାମିତି ତାୟିୟାକି ରାସ୍ତିକି ଆହାମାତେ । ଗାଳାତିୟ ଲକୁ ରମିୟ ଦେସାତି ଗାଳାତିୟ ଇନି ଚାୟୁତା ବାସା କିହା ମାଣ୍ଡିନେରି । ପାଞ୍ଚୁଲ ଇ ଆକୁ ରାଚିତି ବେଲା ଆମ୍ବିୟା ମାଚେସି ଇଦାଆଁ ବୁଦିଗାଟାରି ଜିକେଏ ପୁଞ୍ଜାହଲଅରି । ସାମା ଏପିସିୟ ଆଆତ କରନ୍ତି ଇ ରା ଚାୟୁତା ମାଞ୍ଜା ତୁୟିନେସି ଇଞ୍ଜୁଁ ଇନେରି ।

ପାଞ୍ଚୁଲ ଗାଳାତିୟ କୁଲମିତି ଜୀହୁଦି ଅଡେ ଜୀହୁଦିଆଆତି କ୍ରୀସ୍ତାନା ଲକୁଣି ଚାୟୁ ପୁଣ୍ଡି କିହାନା ଆକୁ ରାଚିମାନେସି । ଏଞ୍ଜାସି ମିତି ଜାପୁନାରି ତାଣ୍ଡାଟି ହେକ ଆହାଲି ରାଚାମାନେସି, କ୍ରୀସ୍ତାନା ଲକୁଣି ପୁଞ୍ଜା ଫେରାତି ଜୀହୁଦି ହୁକୁମିତି ମାନୁଞ୍ଜି ଆହାଲି ଅଡେ ବାରେକିହାଁ ତଲୁ ଦାପିଆନ୍ତି ଫେରା ଖେସିମାନେସି, କ୍ରୀସ୍ତାନା ଲକୁ ବିତ୍ରା ଏଚେକା ମାଚେରି ଏମିନିଗାଟାରି ଜୀହୁଦି ଦାମୁତି ଆବିତାରି । ଏଞ୍ଜାରି ଜିକେଏ ପାଞ୍ଚୁଲତି ପାଣ୍ଡୁଆହାମାନି ଅଦିକାରାତି ଖେଞ୍ଜିମାଚେରି । ପାଞ୍ଚୁଲ ଏଚେକା ପୁସ୍ତପନିକା ତଲେ ତାନି ପାଣ୍ଡୁଆହାମାନି କାତା ଖେସାନା ଏଞ୍ଜାରାଉଁ ମୁଦା କିହାମାଚେସି ୧:୧୧; ୨:୧୪ ଅଡେ ଜୀସୁ କ୍ରୀସ୍ତଉଁ ନାମିସାରେ ଗେଲ୍ପି ଆନାୟି ଇ କାତା ଖେସାନା ନେହଁ କାବୁତି ଗେଲ୍ପି ମାନେସି ୨:୧୨ । ମାଣ୍ଡିସି ଏନାଆଁ କିନେସି ଏମ୍ବାଟି ଆଏ ସାମା ମାହାପୁରୁତି କାର୍ମାଟି ଆନେ ।

ପତିତା ମାନାୟି

- ୧. ପାଞ୍ଚୁଲତି ଜହରା । ୧:୧-୫
- ୨. ପାଞ୍ଚୁଲତି ତଲିତି ଜୀହୁ ଅଡେ ଜାପୁନି ଅଦିକାରା କାମା କିନାୟି । ୧:୬-୨:୨୧
- ୩. ଫେରାତି କାମା ଅଡେ ମାହାପୁରୁ କାର୍ମାଟି ଗେଲ୍ପି ଆନାୟି । ୩:୧-୪:୩୧
- ୪. ନେହଁ କ୍ରୀସ୍ତାନା ଆହାନା ନୀତାଲି ଖେହନାୟି । ୫:୧-୬:୧୦
- ୫. ପାଞ୍ଚୁଲ ଜହରା କିହାନା ଆକୁତି ରାପୁନାୟି । ୭:୧୧-୧୮

ପାଞ୍ଚୁଲତି ଜହରା

୧ ନାନୁ, ପାଣ୍ଡୁଆତି ସୀସୁ ପାଞ୍ଚୁଲଚେଏଁ, ପାଣ୍ଡୁ ଆହାଲିତାକି ନାନୁ ମାଣ୍ଡିସି ତାଣ୍ଡାଟି ଆଏ, ସାମା ଜୀସୁ କ୍ରୀସ୍ତ ତାଣ୍ଡାଟି ଇଞ୍ଜା ଆମିନି ଆବା ମାହାପୁରୁ ଏଞ୍ଜାଣାଉଁ ହାଡ଼ାରି ତାଣ୍ଡାଟି ନିକହାମାନେସି ଏଞ୍ଜାଣି ତାଣ୍ଡାଟି ବେଟାଆହାମାଉଁ, ୨ ନା ତଲେ ମାନି ନାମୁତି ବାରେ ତାୟି ତାଜିସ୍ତା ଗାଳାତିୟା କୁଲମିତି ଜହରା କିହିମାଞ୍ଜାନେରି ।

୩ ମା ଆବା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତ କାର୍ମାମେହନାଣି ଅଡେ ହିଡ଼ଡି ଜୀହୁ ମିଜେ ହାୟାପେସି ।

୪ ନୀଏତି ଇ ପାପୁତି ଦାବୁତିତା ମାଜେ ଗେଲ୍ପାଲିତାକି, ମା ଆବା ମାହାପୁରୁତି ଅଣ୍ଡପୁତି ମାନି କିହାନା, କ୍ରୀସ୍ତ ମା ପାପୁ ତାକି ଜାହାରାଉଁ ହେର୍ପାକତିତେସି; ୫ କାଲ୍ଲାକାଲ୍ଲାତାକି ମାହାପୁରୁଉଁ ଗାଞ୍ଜୁରମି ଆପେ । ଆଫେନ୍ ।

ରଣ୍ଡିଏ ନେହଁ କାବୁ

୬ କ୍ରୀସ୍ତିତି କାର୍ମାତଲେ ଆଦାଆସି ମିଜେ ହାଟା ମାଞ୍ଜାତେସି, ଏଞ୍ଜାଣାଉଁ ମୀରୁ ଗାଡ଼େକେଏ ପିସାନା ଏଟକାତି ନେହଁ କାବୁତି ଆସାମାଞ୍ଜେରି, ଏଦାଣିତାକି ନାନୁ କାବା ଆହିମାଉଁ । ୭ ସାତାତଲେ, “ଏଟକାତି ନେହଁ କାବୁ” ଆଏ, ସାମା ଏଚରଜାଣା ମିଜେ ତାରି ମାଞ୍ଜାଲି ହାଆନା, କ୍ରୀସ୍ତିତି ନେହଁ କାବୁତି କିଲିବିଲି କିହାଲି ଅଣ୍ଡପିମାନେରି । ୮ ସାମା ଆମିନି ନେହଁ କାବୁ ମାମୁ ମୀ ତାଣ୍ଡା ଖେକହା ମାଚମି, ଇଞ୍ଜା ମାମୁ କ୍ରି ଲାକପୁରୁତି ଦୁତୁୟା ଜିକେଏ ଏଦାଣି ପିସପେ ଏଟକାତି ନେହଁ କାବୁ ଖେକନେସି, ଆତିହଁ ଏଞ୍ଜାସି ବାକା ବେଟାଆପେସି । ୯ ଏନିକି ମାମୁ ତୁଲିଏ ଖେସାମାନମି, ନୀଏ ଜିକେଏ ନାନୁ ଏଲେକିହଁ ଏ ଅଡେ ଖେଣ୍ଡେ ଖେସିମାଞ୍ଜାଉଁ, ଆମିନି ନେହଁ କାବୁଉଁ ମୀରୁ ଆସାମାଚେରି, ଏଦାଣି ପିସପେ ଆମିନି ଲକୁ ଏଟକାତି ନେହଁ କାବୁ ମୀ ତାଣ୍ଡା ଖେକହାନେସି ଏଞ୍ଜାସି ବାକା ବେଟାଆପେସି ।

୧୦ ନୀର୍ଯ୍ୟାନୁ ମାଣସିୟାଁ ନକିତା କି ମାହାପୁରୁ ନକିତା ନେହଁ ତଞ୍ଜାଆୟାଲି ଅଣପିମାଲ୍, ଏଦି ଏଚେଲ୍ଲା ଜିକେଏ ଆଏ । ଇତିହଁ ମାଣସିୟାଁ ରାହଁ କିହାଲି ଅଣପିମାଲ୍, ନାନୁ ନୀର୍ଯ୍ୟା ପାତେକା ମାଣସିୟାଁ ରାହଁ କିଞ୍ଜିକିହାଲି ଅଣପି ମାତିହଁ ମା ନାନୁ କ୍ରୀସ୍ତତି ହଚ୍ଚେଲ୍ୟଣାତେର୍ଏ ଆଆତେର୍ଏମା ।

ପାଞ୍ଜୁଲ ଏନିକଁ ଆଡ଼଼ି ଆନାୟି

୧୧ ତାୟି ତାଜିସ୍ତାତେରି ଆମିନି ନେହଁ କାରୁ ନା ତାଣାତି ଖେସ୍ପି ଆହାମାନେ, ଏଦାଣି ମିଜେ ନାନୁ ଖେସିମାଞ୍ଜାଲ୍ ଏଦି ମାଣସିୟାଁ ତାଣାତି ଆଏ; ୧୨ ନାନୁ ଏଦାଆଁ ମାଣସି ତାଣାତି ବେଟାଆହା ହିଲର୍ଏ କି ଜାପାହିଲର୍ଏ, ସାମା ଜୀସୁ କ୍ରୀସ୍ତ ତସାମାଞ୍ଜାନି ତାଣାତି ବେଟାଆହାମାଲ୍ ।

୧୩ *ନାନୁ ତଲି ଜୀହୁଦି ଦାମ୍ପୂତା ମାତିଚେଲ୍ଲା ଏନି ମାଣକିତା ମାଚେର୍ଏ ମୀରୁ ଖେଞ୍ଜାମାଞ୍ଜେରି, ନାନୁ ମାହାପୁରୁତି କୁଲମିତି ହାରେକା ସାସ୍ତି ହାହିମାଚେର୍ଏ, ଅଡେ ଏଦାଆଁ ମ୍ପେକ୍‌ହାଲି ଅଣପିମାଚେର୍ଏ ।

୧୪ *ଅଡେ ମା ଆକୁ ଆଦାୟାଁ ପାଣାପାଚୁ ମେରା ତାକି ରାହଁଟି ମାନି କିହଁ ନା ତଲେତି ହାରେକା ଲକୁ ବିତ୍ତାଟି ଜୀହୁଦି ଦାମ୍ପୂତି ହାରେକା ମାନି କିହିମାଚେର୍ଏ ।

୧୫ *ସାମା ମାହାପୁରୁ ନାନୁ ଜାର୍ନା ଆଆ ନକେଏ ତାନି କାର୍ମାମେହନାଣି ତଲେ ଆଚାନା ତାନି ସେବା କିହାଲି ହାଟାତେସି, ୧୬ ଅଡେ ଜୀହୁଦିଆଆତି ଲକୁତାଣା ନେହଁ କାରୁ ଖେକ୍‌ହାଲି ତାକି ଏତିଚେଲ୍ଲା ନାଜେ ଏଞ୍ଜାସି ତାନି ମୀରୁଏଣାଲ୍ ତସ୍ତାତେସି, ଏ କାତା ପୁଞ୍ଜାଲିତାକି ନାନୁ ଏଚ୍‌କା ମାଣସି ତାଣା ହାଜା ହିଲାଆତେର୍ଏ । ୧୭ ଇଲେକିହଁ ନା ନକେଏ ଆମିନି ଗାଟାରି ପାଣ୍ଡୁଆଡ଼ି ସୀସୁ ଆହାମାଚେରି, ଏଞ୍ଜାରାଲ୍ ଆଣ୍ଡାଲି ତାକି ଜିରୁସାଲମତା ଜିକେଏ ହାଜା ହିଲାଆତେର୍ଏ । ସାମା ନାନୁ ଦେବୁଣିଏ ଆରବ ଦେସାତା ହାଜାମାଚେର୍ଏ; ଅଡେ ତାୟି ଦମେସକତା ଖେଣ୍ଡା ଖାଚେର୍ଏ । ୧୮ *ତାନି ବାର୍ଯା ହାତି ତାୟି ନାନୁ ପିତରଲ୍ ଆଣ୍ଡାଲି ତାକି ଜିରୁସାଲମତା ହାଚେର୍ଏ, ଇଞ୍ଜା ଏଞ୍ଜାଣିତଲେ ପନ୍ଦର ଦିନା ଏମ୍ପାଆଁ ମାଚେର୍ଏ । ୧୯ ସାମା ପ୍ରବୁତି ତାୟି ଜାକୁବ ପିସ୍‌ପେ ପାଣ୍ଡୁ ଆହାମାନାରି ବିତ୍ତା ଆମ୍ପାଆରାଲ୍ ମେହଁଆତେର୍ଏ ।

୨୦ ନାନୁ ମିଜେ ଏଦାଆଁ ରାଡ଼ିମାଞ୍ଜାଲ୍, ମାହାପୁରୁ ନକିତା ସାତା ଖେସିମାଞ୍ଜାଲ୍, ମିତି ଖେସିମାଞ୍ଜାଲ୍ ।

୨୧ ତାୟି ନାନୁ ସିରିୟା ଅଡେ କିଲିକିୟାତି ହାରେକା ଟାମ୍ପାଣା ହାଚେର୍ଏ । ୨୨ ଜୀହୁଦା ରାଜିତା ମାନି ନାମିତି କ୍ରୀସ୍ତାନା କୁଲମିତି ଲକୁ ନାଜେ ନେହଁ କଁ ପୁଞ୍ଜାମାଞ୍ଜାଆତେରି । ୨୩ ଏଞ୍ଜାରି ଏଚ୍‌କା ଲକୁ ତାଣାତି ଖେଞ୍ଜାମାଚେରି, “ଆମିନି ମାଣସି ତଲି ମାଜେ ସାସ୍ତି ହାହି ମାଞ୍ଜାତେସି, ଇଞ୍ଜା ମା ନାମୁତି ମ୍ପେକ୍‌ହାଲି ଅଣପିମାଚେସି, ଏଞ୍ଜାସି ନୀର୍ଯ୍ୟା ନାମୁତି କାତା ଖେକ୍‌ହି ମାନେସି ।” ୨୪ ଇଞ୍ଜା ଏଞ୍ଜାରି ନା ତାକି ମାହାପୁରୁଲ୍ ଗାଞ୍ଜୁରି କିହିମାଚେରି ।

୨

ପାଞ୍ଜୁଲ ଅଡେ ପାଣ୍ଡୁ ଆଡ଼ି ସୀସୁୟାଁ

୧ *ସଦ ବାର୍ଯା ତାୟି ନାନୁ ବର୍ନବା ତଲେ ଜିରୁସାଲମତା ଅଡେ ଖେଣ୍ଡେ ହାଚେର୍ଏ, ଇଞ୍ଜା ତିତସଲ୍ ଜିକେଏ ନା ତଲେ ଅହାମାଚେର୍ଏ । ୨ ନାନୁ ଏମ୍ପାଆଁ ହାନାୟିମାନେ ଇଞ୍ଜା ମାହାପୁରୁ ତାଣାତି ହୁକୁମି ବେଟାଆହାନା ହାଚେର୍ଏ; ଅଡେ ନାନୁ ଏଚ୍‌କା କୁଡାତି ଲକୁତାଣା ଆମିନି ନେହଁ କାରୁ ଖେକ୍‌ହିମାଲ୍, ଏଦାଆଁ ଏଞ୍ଜାରାଲ୍ ଖେସ୍ତେର୍ଏ, ସାମା ନା ତଲିତି ଅଡେ ନୀର୍ଯ୍ୟତି କାମା ଉଜେଏ ଆଏ, ଏଦାଆଁତାକି ଆମିନି ଗାଟାରି ମାନି ବେଟାଆହାଲି ଜଚେ ନାନୁ ଏଞ୍ଜାରାଲ୍ ଏଚ୍‌କା କିହାନା ଖେସ୍ତେର୍ଏ । ୩ ସାମା ନା ତଡ଼ିତସ ଗ୍ରିକ୍ ଲକୁ ମାତି ଜିକେଏ ଏଞ୍ଜାଣାଲ୍ ତଲୁ ଦାପି କିହାଲି ବାଲାମାତମି କିଞ୍ଜିଆହା ହିଲାଆତେ, ୪ ଆତିହଁ ଜିକେଏ ଏଚରଜାଣା ଲକୁ ଏଞ୍ଜାଣାଲ୍ ତଲୁ ଦାପି କିହାଲି ଅଣପିମାଚେରି । ଏଞ୍ଜାରି ନାମିତି ତାୟିୟାଁ ଇଞ୍ଜା ତସା କତାନା ମେଣେଏ ପାରୁ ପାରିନି ଲେହେଁ ଜାରୁତା ଆଣ୍ଡାମାଚେରି । କ୍ରୀସ୍ତ ଜୀସୁତାଣା ଆଣ୍ଡିତାକି ମାର୍ ଆମିନି ମେଲା ବେଟାଆହାମାନାୟି, ଏଦାଆଁ ପୁଞ୍ଜାଲିତାକି ଏଞ୍ଜାରି ଅଣପୁ ମାଚେ, ମାଜେ ଏଞ୍ଜାରି ଅଡେ ଖେଣ୍ଡେ ମେରାତି ହଲିୟାଜା କିହାଲି ଅଣପିମାଚେରି । ୫ ସାମା ନେହଁ କାରୁତି ସାତା ଏନିକଁ ମା ତାଣା ତାରିଆହାନା ତୁୟିନେ, ଏଦାଆଁତାକି ମାୟି ଗ୍ରାଡେକା ତାକି ଜିକେଏ ଏଞ୍ଜାରାକି ପାରୁ ହାହାହିଲ୍ଲାଆତମି ।

୬ ଆମ୍ପାଆରି ମାନିଗାଟାରି ଇଞ୍ଜା ଖେଜା ମାଚେରି, ଏଞ୍ଜାରି ଏନିଲେହେଁଟି ଲକୁ ମାଚେରି, ଏମ୍ପାଆଁ ନାମି ଏନାୟି ହିଲେଏ; ମାହାପୁରୁ ଆମ୍ପାଆରି ପାରଡ଼ା ବାତି କିଅସି, ଏ ମାନିଗାଟାରି ନାଜେ ଏନି ପୁଣି ବଲୁ

* ୧:୧୩ ୧:୧୩ କାମା ୮:୩; ୨୨:୪,୫; ୨୬:୯-୧୧ * ୧:୧୪ ୧:୧୪ କାମା ୨୨:୩ * ୧:୧୫ ୧:୧୫ କାମା ୯:୩-୬; ୨୨:୬-୧୦; ୨୬:୧୩-୧୮
* ୧:୧୮ ୧:୧୮ କାମା ୯:୨୬-୩୦ * ୨:୧ ୨:୧ କାମା ୧୧:୩୦; ୧୫:୨

ଝେସାମାଞ୍ଜିଅରି । ୭ ଏବଂକା ଖାକି ଏଝାରି ପୁଞ୍ଜାଲି ଆଡ଼ିତେରି, ପିତରଇଁ ଏନିକିଁ ଜୀହୁଦି ଲକ୍ଷୁତାଣା ନେହୁଁ କାତୁ ଝେକ୍ନି କାମା ହେବପିତେସି ଏଲେକିହୁଁ ଏ ନାଙ୍ଗେ ଜିକେଏ ଜୀହୁଦିଆଆତି ଲକ୍ଷୁତାଣା ନେହୁଁ କାତୁ ଝେକ୍ନି ବଜୁ ହେବପା ମାଞ୍ଜାନେସି । ୮ ଏନାଆଁତାକି ଇତିହୁଁ ଜୀହୁଦି ଲକ୍ଷୁତାଣା ପାଣ୍ଡୁଝି ଆହାମାନାରି କାମା କିହାଲି ଏନିକିହୁଁ ପିତରକି ମାହାପୁରୁ ବାଡ଼ୁୟୁ ହାହାମାନେସି, ଏଲେକିହୁଁ ଏ ଜୀହୁଦିଆଆତି ଲକ୍ଷୁତାଣା ଏ କାମା କିହାଲି ନାଙ୍ଗେ ମାହାପୁରୁ ବାଡ଼ୁୟୁ ହାହାମାଞ୍ଜାନେସି । ୯ ଅଡ଼େ ଏଚିବେଲାତା ଏଝାରି ମାହାପୁରୁ ନାଙ୍ଗେ ହାହାମାଞ୍ଜାନି କାର୍ମାତି କାତା ପୁଚେରି, ଏଚିବେଲା କୁଲମିତି ମୁଣ୍ଡା ଲେହେତି କାଜାରି ଇଞ୍ଜୁଁ ଝେଙ୍ଗାମାନେରି, ଜାକୁବ, ପିତର, ଅଡ଼େ ଜହନ ନାଙ୍ଗେ ଇଞ୍ଜା ବର୍ନବାଇଁ କାମାତା ଆଣ୍ଡାତମି ଇଞ୍ଜୁଁ ଚିଝନି କେୟୁ ଆସାନା ଆବାତେରି, ଏନିକିହୁଁ ନାନୁ ଅଡ଼େ ବର୍ନବା ଜୀହୁଦିଆଆତି ଲକ୍ଷୁତାଣା କାମା କିନମି ଅଡ଼େ ଏଝାରି ଜୀହୁଦି ଲକ୍ଷୁତାଣା କାମା କିନେରି । ୧୦ ଏଝାରି ଝାରଇ ଇଚେକା ବାତିମାଲା ମାଞ୍ଜାତେରି ମାୟୁ ଏଝାରି ଜାତୁତା ମାନ୍ ହିଲାଆଗାଟାରାଇଁ ଅଣ୍ଡପିନମି; ଏ କାତାତା ନାନୁ ରାହାଁ ଆହାମାଚେସି ।

ପାଞ୍ଜୁଲ ପିତରଇଁ ଲାଗିନାୟି

୧୧ ସାମା କେପା* ଏଚିବେଲା ଆଡ଼ିୟକିୟାତା ଝାହାମାଚେସି, ନାନୁ ଏଝାଣାଇଁ ବାରେ ଲକ୍ଷୁ ନକିତା ଲାଗିତେସି, ଇତିହୁଁ ଏଝାସି ଦହ କିହମାଚେସି । ୧୨ ଜାକୁବ ତାଣ୍ଡାଟି ଏଚରଜାଣା ଝାଆ ନକେଏ ପିତର ଜୀହୁଦିଆଆତି ତାୟି ତାଙ୍ଗିସ୍ତା ତଲେ ତିଞ୍ଜିମାଚେସି, ସାମା ଏଝାରି ଝାହାଲିଏ, ଏଝାସି ଏ ତାୟି ତାଙ୍ଗିସ୍ତାଇଁ ଆଜାନା ଜୀହୁଦିଆଆତି ତାୟି ତାଙ୍ଗିସ୍ତାଇଁ ପିସାନା ଏଚକା ଆଚେସି । ୧୩ ଇଞ୍ଜା ଏଚରଜାଣା ଜୀହୁଦି ତାୟିୟାଁ ଜିକେଏ ପିତର ତଲେ ଆଣ୍ଡାନା ପୁଞ୍ଜି ପୁଞ୍ଜିହୁଁ ପୁନାଆତାରି ଲେହେଁ ନାଡ଼ିକିଝି ଆଚେରି, ଏଲେଆହୁଁ ବର୍ନବା ଜିକେଏ ଏଝାରି କାତା ଆସେସି । ୧୪ ଏଚିବେଲା ନାନୁ ମେସ୍ତେସି, ଏଝାରି ନେହୁଁ କାତୁତି ସାତା ତଲେ ତାକିହିଲଅରି, ଏଚିବେଲାତା ନାନୁ ବାରେ ଲକ୍ଷୁ ନକିତା କେପାଇଁ ଏଲେଇଚେସି, “ନାନୁ ଜୀହୁଦି ଆହାନା ଜୀହୁଦି ଲକ୍ଷୁ ଲେହେଁ ଲେମ୍ବାଆନାହାଁ ଜୀହୁଦିଆଆତି ଲକ୍ଷୁଲେହେଁ ନାଡ଼ିମାଞ୍ଜି, ଆତିହୁଁ ନାନୁ ଏନିକିହୁଁ ଜୀହୁଦିଆଆତି ଲକ୍ଷୁଣି ଜୀହୁଦି ଲକ୍ଷୁଲେହେଁ ଲେମ୍ବାଲି ବାଲାମାତମି କିହିମାଞ୍ଜି ।”

ନାମୁତଲେ ଗେଲ୍ପି ଆନାୟି

୧୫ ସାତେଏ ମାୟୁ ଜାନାରିଏ ଜୀହୁଦି ଲକ୍ଷୁତମି, “ଜୀହୁଦିଆଆତି ଲକ୍ଷୁ ଲେହେଁ ପାପୁ ଗାଟାତମି ଆଏ ।” ୧୬ ଆଡ଼ିଜିକେଏ ମେରାତି କାମା ତଲେ ମାଣ୍ଡିସି ତାରିଗାଟାସି ଆଆନା, ଜୀସୁ କ୍ରୀସ୍ତ ତାଣା ନାମାନା ତାରିଗାଟାସି ଆନେସି, ଇଦାଆଁ ପୁଞ୍ଜାନା ମାୟୁ କ୍ରୀସୁ କ୍ରୀସୁ ତାଣା ନାମା ମାନମି, ଏନିକିଁ ମେରାତି କାମା ତଲେ ତାରିଗାଟାତମି ଆଆନା କ୍ରୀସୁ ତାଣା ନାମାନା ତାରିଗାଟାତମି ଆନମି; ଇତିହୁଁ ମସାତି ମେରାତି କାମା ତଲେ ଆନିନି ମାଣ୍ଡିସି ତାରିଗାଟାସି ଆଅସି । ୧୭ ସାମା କ୍ରୀସୁ ତାଣ୍ଡାଟି ତାରି ଗାଟାତାୟି ଆୟାଲି ଅଣ୍ଡପାନା ମାୟୁ ଜିକେଏ ପାପୁ ଗାଟାତମି ଇଞ୍ଜିହୁଁ ତଞ୍ଜା ଆଡ଼ମି, କ୍ରୀସୁ ପାପୁତି ସେବା କିନାସି କି ? ଏଦି ଏଚେଲାଝା ଆଆପେ । ୧୮ ଇତିହୁଁ ନାନୁ ଏନି ମେରାତି ମ୍ଲେକହାମାଇଁ ଏ ବାରେତି ଅଡ଼େ ଝେଣ୍ଡେ ଗାଡ଼ି କିଇଁ, ଆତିହୁଁ ନାନୁଏ ଜାହାରାଇଁ ଦହ ଗାଟାତେସି ଇଞ୍ଜୁଁ ତସାକତିମାଇଁ । ୧୯ ମାହାପୁରୁ ତାକି ନାତାଲି ନାନୁ ମେରାତି ମେରାତାକି ପାସି ମୁଣ୍ଡାତା ହାହାମାଇଁ, ୨୦ ନାନୁ କ୍ରୀସୁ ତଲେ ପାସି ମୁଣ୍ଡାତା ହାହାମାଇଁ; ନାନୁ ଅଡ଼େ ନୀତା ହିଲଅଁ, ସାମା କ୍ରୀସୁ ନା ତାଣା ନୀତାମାନେସି; ଅଡ଼େ ନାନୁ ନୀସି ଏନିନି ଆଙ୍ଗା ତଲେ ନୀତାମାଇଁ, ଏଦି ନାମୁତଲେ, ଇତିହୁଁ ମାହାପୁରୁତି ଏନିନି ମାରୁଏସି ନାଙ୍ଗେ ଜୀହୁନହାଁନା ନା ତାକି ତାନି ଜୀହୁ ହାହାମାନେସି; ଏଝାଣି ତାଣା ନାମାନା ନୀତାମାଇଁ । ୨୧ ନାନୁ ମାହାପୁରୁ କାର୍ମାମେହନାଣି ଉଜେଏ କିହିହିଲଅଁ; ଇତିହୁଁ ମେରା ତଲେ ମାଣ୍ଡିସି ମାହାପୁରୁ ନକିତା ତାରିଗାଟାସି ଆନେସି, ଆତିହୁଁ କ୍ରୀସୁ ହାଡ଼ାୟି ଉଜେଏତାୟି ।



ମେରା ଆଆତେଁ ନାମୁ

୧ ଏ ବୁଦି ହିଲାଆଗାଟି ଗାଳାତିୟତି ଲକ୍ଷୁତେରି ! ଆମ୍ବାଆସି ମିଙ୍ଗେ ମାତୁଝି କିହାମାଞ୍ଜାନେସି ? ମୀ କାଣକା ନକିତା ଜୀସୁ କ୍ରୀସୁ ପାସି ମୁଣ୍ଡାତା ହାଡ଼ି କାତା ନେହୁଁ କିଁ ତଞ୍ଜାଆହିମାଞ୍ଜାତେ । ୨ ନାନୁ ମୀ ତାଣ୍ଡାଟି ଇଚେକା ପୁଞ୍ଜାଲି ଅଣ୍ଡପିମାଇଁ; ମୀରୁ ମସା ମେରା ତଲେ କାମା କିତାକି କି ନେହୁଁ କାତୁ

* ୨:୧୧ ୨:୧୧ ପିତର † ୨:୧୪ ୨:୧୪ ପିତର ✧ ୨:୧୭ ୨:୧୭ ରମି ୩:୨୦; ରମି ୩:୨୨

ଝେଞ୍ଜାନା ନାନିତାକି ସୁଦୁଜୀଝୁ ବେଟାଆହାମାତେରି ? ୩ ମୀରୁ ଏନିଲେହେଁଟି ବୁଦି ହିଲୁଆଗାଟାତେରି ? ମାହାପୁରୁତି ଜୀଝୁତଲେ ମାଟୁହାନା; ଆଜାତି ବାଡୁରୁ ତଲେ ରାପୁହାଲି ଅଣପିମାଞ୍ଜେରି ? ୪ ମୀରୁ କି ଉଜେଏ ଇଚେକା କସୁ ବେଟାଆହାମାଞ୍ଜେରି ? ଏଦି ଏନାଆଁ ଉଜେଏତାୟି ? ୫ ଇଚିହୁଁ ଆମ୍ବାଆସି ମିଙ୍ଗେ ଜୀଝୁ ହୀହାମାଞ୍ଜାନେସି, ଅଡେ ମୀ ତାଣା କାବାଆନ୍ତି କାମା କିନେସି, ଏଝାସି ମେରାତାକି କିନେସି କି ନାମୁତାକି ଝେଞ୍ଜାହାଁ କିନେସି ?

୬ ଅଗ୍ରାହାମ କାତା ଅଣପାଦୁ, ସାସ୍ତେରିତା ରାସ୍ତିକି ଆହାମାନେ, “ଏଝାସି ମାହାପୁରୁ ତାଣା ନାନିତେସି, ଇଞ୍ଜାଁ ନାମାଲିଏ ତାରିଗାଟାସି ଆଡେସି ।” ୭ ଇଦାଆଁତାକି ଆମ୍ବାଆରି ନାନିନେରି ଏଝାରିଦେଁ ଅଗ୍ରାହାମତି ମୀରୁକା ମାସ୍ତକା, ଇଦାଆଁ ମୀରୁ ପୁନାୟିମାନେ । ୮ ଅଡେ ମାହାପୁରୁ ଜୀହୁଦିଆଆତାରାଇଁ ନାମୁତି ତାରିଗାଟାରି କିନେସି, ଏଦାଆଁ ଦାମ୍ବୁ ପତିତା ନଚେଏ ମେସାନା ଅଗ୍ରାହାମ ତାଣା ନେହୁଁ କାବୁ ଝେସାନା ଏଲେଇଚେସି; “ନୀ ତାଣାଟି ଦାରୁତିତି ବାରେ କୁଲୁତି ଲକୁ ବର ବେଟାଆନେରି ।” ୯ ଅଗ୍ରାହାମ ନାନିତେସି ଇଞ୍ଜାଁ ବର ବେଟାଆଡେସି, ଏଲେକିହୁଁ ଏ ଆମ୍ବାଆରି ନାନିନାରି ବାରେଜାଣା ଏଝାଣିଲେହେଁ ବର ବେଟାଆନେରି ।

୧୦ ଇଚିହୁଁ ଏଚେକା ଲକୁ ମସାତି ମେରା ଆସାନା କାମା କିନେରି, ଏଝାରି ବାକା ବେଟାଆନେରି, ଦାମ୍ବୁପତିତା ରାସ୍ତିକି ଆହାମାନେ, “ଆମ୍ବାଆସି ମେରା ପତିତା ରାସ୍ତିକି ଆହାମାନି ବାରେ କାତାତି ମାନୁଝି ଆଅସି ଏଝାସି ମାହାପୁରୁ ତାଣାଟି ବାକା ବେଟା ଆନେସି ।” ୧୧ ମେରା ମାନୁଝି ଆହାନା ଆମ୍ବାଆସି ମାହାପୁରୁ ନକିତା ତାରିଗାଟାସି ଆଅସି, ନେହୁଁ କୁଁ ପୁଞ୍ଜାମାନାୟି, ରାସ୍ତିକି ଆହାମାନେ, “ଇଚିହୁଁ ତାରିଗାଟାସି ନାମୁତି ନୀତିନେସି ।” ୧୨ ଅଡେ ନାମୁ ମେରାତି ମୁଲୁ କାତା ଆଏ; ମେରାତି ମୁଲୁ ଆହାମାନେ “ଆମ୍ବାଆସି ବାରେ ହୁକୁମି ମାନୁଝି ଆନେସି, ଏମ୍ବାଟି ଏଝାସି ନୀତିନେସି ।”

୧୩ କ୍ରାସ୍ତ ମା ତାକି ବାକା ବେଟାଆହାନା ମେରାଟି ମାଙ୍ଗେ ଝାନ୍ତି ବାକାଟି ପିସ୍ପି କିହାମାଞ୍ଜାନେସି; ଇଚିହୁଁ ରାସ୍ତିକି ଆହାମାନେ, “ଆମ୍ବାଆସି ପାସି ମୁଣ୍ଡାତା ଏପକି ଆନେସି ଏଝାସି ବାକା ଗାଟାସି ।” ୧୪ ମାହାପୁରୁ ଅଗ୍ରାହାମଇଁ ଆମିନି ବର ହୀହାଲିତାକି ଆଞ୍ଜାମାଚେସି, ଜୀହୁଦିଆଆତି ଲକୁ ଜିକେଏ ଏନିକି ଏଦାଆଁ ବେଟାଆହାଲି ଆଡିନେରି, ଏଦାଆଁତାକି କ୍ରାସ୍ତ ଇ କାମା କିହାମାନେସି, ଏଦାଆଁତାକି ମାଟୁ ଜିକେଏ ମାହାପୁରୁ ଝେସାମାନି ଲେହେଁ ନାମୁତଲେ ସୁଦୁଜୀଝୁ ବେଟାଆହାଲି ଆଡିନାୟି ।

ମେରା ଅଡେ ଆଞ୍ଜାନାୟି

୧୫ ଏ ତାୟି ତାଙ୍ଗିସ୍ତା, ନାନୁ ମାଣସିୟାଁ ଲେହେଁ ଝେସିମାଞ୍ଜାଇଁ; ରାଜିମାନା ମାଣସି ତାଣାଟି କିତି ଜିକେଏ, ରିଆରି ସପ୍ତକି କିହାନା ଏଦାଆଁ ତାରି କିନେରି, ଏଡେତା ଏଦାନି ଆମ୍ବାଆସି ଏଟକା କିହାଲି ଆଡୁଅସି କି ଏମ୍ବାଆଁ ଏଦାଆଁ କାଲହାଲି ଆଡୁଅସି । ୧୬ ମାହାପୁରୁ ଆଞ୍ଜାମାନାୟି ଅଗ୍ରାହାମ ଇଞ୍ଜାଁ ତାନି କୃତା ତାକି ହୀପକି ଆହାମାଚେ; ଏଝାସି ଏଲେଇଞ୍ଜା ହିଲୁଅସି, “କୃତା ତାରାକି” ଏନିକି ହାରେକା ଲକୁତାକି ସାସ୍ତେରିତା ଝେସିଲେହେଁ ଆଏ, ଇଚିହୁଁ ଏନିକି ରଅଣି କାତା ଝେସିସି, ନୀ “କୃତା ତାକି” ଏଝାସି କ୍ରାସ୍ତ ଜୀସୁ । ୧୭ ନା ଅଣପୁ ଇଦି, ମାହାପୁରୁ ଅଗ୍ରାହାମ ତଲେ ର ରାଜିମାନା କିହାମାଚେସି, ଅଡେ ଏଦାଆଁ ତାରିକିହାଁ ଇଗାଲି ଆଞ୍ଜାମାଚେସି, ଆମିନି ମେରା ସାରି ଝାଞ୍ଜା କଡେଦସ ବାସାଁ ତାୟୁ ହୀପକିଆଡେ, ଏଦି ଏ ରାଜିମାନାତି ମାନି କିଆନା ମାହାପୁରୁତି ଆଞ୍ଜାମାନାଣି ଆକାମାଲି ଆଡେଏ । ୧୮ ମାହାପୁରୁତି ଆଞ୍ଜାମାନି ବର. ମେରା ମାନିକିନି ତାଣା ବାସୁଁ କିନେ, ଆତିହୁଁ ଏଦି ଅଡେ ଆଞ୍ଜାମାନାୟି ଆଏ; ସାମା ମାହାପୁରୁ ଆଞ୍ଜାନା ଅଗ୍ରାହାମକି ଏଦାଆଁ ହୀହାମାନେସି ।

୧୯ ଆତିହୁଁ ମେରା ଏନାଆଁତାକି ହୀପକିଆଡେ ? ମାଣସିତି ଲାରେଏତି କାମା ତସାଲି ତାକି ହୀପକିଆଡେ, ଇଞ୍ଜାଁ ଅଗ୍ରାହାମକି ଏନିନି କୃତାତି ମେସାନା ମାହାପୁରୁ ଆଞ୍ଜାମାଚେସି, ଏଝାସି ଝାନ୍ତି ପାଡେକା ମେରା ଲଡ଼ା ମାଚେ, ର ମାଣସିତି ମାଦି ତଲେ ଲାକପୁରୁତି ବୁଡୁୟାଁ ସାୟେମିତି ମେରା ହୀପକି ଆହାମାଚେ । ୨୦ ସାମା ନୀଏଁ ମାଦିତି ମାଣସି ରଅସିଏ; ଅର ରଅସି ଆଏ, ସାମା ମାହାପୁରୁ ରଅସିଏ ।

ମେରାତି କାତା

୨୧ ଇଚିହୁଁ ମେରା ମାହାପୁରୁ ଆଞ୍ଜାମାନାଣି କପାଟି କାତା ଝେକନେ ? ଏଦି ଏଚେଲାଝା ଆଆପେ; ଇଚିହୁଁ ଲକୁତାକି ଜୀଝୁ ହୀହାଲି ଆଡିନି ଇଲେତି ମେରା ହୀପକି ଆହାମାଚିହୁଁ ମା, ଆତିହୁଁ ମେରା ସାଡେଏ ତାରି ଗାଟାୟି ଆଡେମା । ୨୨ ସାମା ଦାମ୍ବୁ ସାସ୍ତେରିତା ରାସ୍ତିକି ଆହାମାନେ, “ବାରେ ମାଣସି କୃତା

☆ ୩:୬ ୩:୭ ରିନି ୪:୩ ☆ ୩:୭ ୩:୭ ରିନି ୪:୧୭ ☆ ୩:୧୮ ୩:୧୮ ରିନି ୪:୧୪

ପାପୁଡ଼ି ବାଡ଼ୁଛୁତା ମାନେରି, ଏଦାଆଁତାକି ଏନିକ୍ ଜୀସୁ କ୍ରୀସ୍ତ ତାଣା ନାମିତି ପାଡ଼େୟି ଲେହେଁ ଆଞ୍ଜାମାନି ବର କ୍ରୀସ୍ତଇଁ ନାମିତି ଲକ୍ଷ୍ମ ବେଟାଆନେରି ।”

୨୩ ଯାମା ଏ ନାମୁ ଖାନ୍ତି ନକେଏ, ତଞ୍ଜାଆହାଲି ହାଜିମାନି ଏ ନାମୁତି ମେଡ଼ା ଆହାଲି, ମାର ମସା ମେରାତା ଦସ୍ତି ଆହିମାତାୟି । ୨୪ ଇଲେତି ନାମୁ ତାକି ମାର ଦାମ୍ବୁ ଗାଟାତାୟି ଆହାଲିତାକି କ୍ରୀସ୍ତ ଖାନ୍ତି ଦିନା ପାଡେକା ମେରା ମାଜେ ଜାପୁହାନାୟି ଲେହେଁ ମାଟେ । ୨୫ ଯାମା ନୀର୍ବ୍ୟ ଏ ନାମୁ ଖାହାଲିଏ, ମାର ଅଡ଼େ ମେରାତି ବାଡ଼ୁଛୁତା ହିଲାଆୟି ।

୨୬ ଇତିହ ମାରୁ ବାରେକାଣା ଜୀସୁ କ୍ରୀସ୍ତଇଁ ନାମିନି ତାଣାଟି ମାହାପୁରୁତି ମୀରକା ମାସ୍କା ଆହାମାଜେରି । ୨୭ ଇଞ୍ଜା ମାରୁ ଏଚେକା ଲକ୍ଷ୍ମ କ୍ରୀସ୍ତ ଦରୁତି ବାପ୍ତିସ୍ତ ବେଟାଆହାମାଜେରି, ନୀର୍ବ୍ୟ ମାରୁ ବାରେତେରି କ୍ରୀସ୍ତଇଁ ହିମ୍ବୁରିଲେହେଁ ପର୍ହାମାଜେରି । ୨୮ ଜୀହୁଦି ଆପେସି କି ଜୀହୁଦିଆଆତି ଲକ୍ଷ୍ମ ଆଡ଼େସି, ହରଲଏସି ଆପେସି କି ହରଲଏସି ଆଆତାସି ଆପେସି, ଆବା ଆପେସି କି ଇୟା ଆପେ: ମୀ ବିକ୍ତା ଏନି ପାରଡ଼ା ହିଲେଏ, ମାରୁ ବାରେ କ୍ରୀସ୍ତ ଜୀସୁ ତାଣା ଆଣ୍ଡାନା ରଣ୍ଡିଏ ଆହାମାଜେରି । ୨୯* ଅଡ଼େ ମାରୁ କ୍ରୀସ୍ତତି ଲକ୍ଷ୍ମ, ଆତିହ ମାରୁ ଅବ୍ରାହାମାତି କୃତାତେରି, ଆଞ୍ଜାମାନି ଲେହେଁ ଅଦିକାରା ଗାଟାତେରି ଆହାମାଜେରି ।

୪

୧ ନାନୁ ଖେସିମାଞ୍ଜାଇଁ, ମୀରଏସି ଆବାତି ବାରେ ଦନତି ଅଦିକାରା ଗାଟାସି, ଯାମା ବାରେତି ଅଦିକାରା ଗାଟାସି ଆଡ଼ିଜିକେଏ, ପାତାଆନ୍ତି ପାଡେକା ହରଲଏସି ଲେହେଁ ଆନେସି । ୨ ଯାମା ଆବାତି ତାରି କିହାମାନି ଦିନା ପାଡେକା ଏଝାସି ତାଲି ତାଞ୍ଜି ଅଡ଼େ ଗୁମୁସ୍ତାତି କାତାତା ଡ଼ୟିନେସି । ୩ ଏଲେକିହ ମାର ଜିକେଏ ଏତିବେଲା ଦାମ୍ବୁତା ପାଡ଼ାଆହା ହିଲାଆତାୟି, ଏତିବେଲା ଦାରତିତି ବାରେ ସାଲୁଝି କିନି ବାଡ଼ୁଛୁତା ହଲିୟା ମାତାୟି । ୪ ଯାମା ଦିନା ପୂରା ଆୟାଲିଏ, ମାହାପୁରୁ ତାନି ତାଣାଟିଏ ତାନି ମୀରଏଣାଁ ପାଣ୍ଡାତେସି; ଏଝାସି ଇୟାନି ବାଣ୍ଡିତି ଜାର୍ନା ଆହାନା ଜୀହୁଦିୟାଁ ମେରା ତଲେ ନାତିତେସି, ୫* ଏନିକିହ ଏଝାସି ମେରାତା ମାନି ଲକ୍ଷ୍ମଣି ମୂଲୁ ହାହାନା ପିସ୍ତି କିନେସି, ଅଡ଼େ ମାର ମାହାପୁରୁତି ମୀରକା ମାସ୍କାତି ଅଦିକାରା ବେଟାଆନାୟି ।

୬ ଇଞ୍ଜା ମାରୁ ମୀରକା ମାସ୍କାତେରି, ଅଡ଼େ ମାହାପୁରୁ ମୀ ହିୟାତା ଡ଼ୟାଲି ତାକି ତାନି ମୀରଏଣାତି ସୁଦୁଜୀସୁ ପାଣ୍ଡାତେସି, ଏ ଜୀସୁ ମୀ ତାଣା ମାଞ୍ଜାନା କାଜା ଗିୟାତଲେ “ଆବା ତାଞ୍ଜି ଇଞ୍ଜା” ହାଡ଼ିମାନେ । ୭ ଏଦାଆଁତାକି ମାରୁ ଅଡ଼େ ହଲିୟାଜା ଆଏ, ଯାମା ମୀରକା ମାସ୍କାତେରି, ମାରୁ ତାନି ମୀରକା ମାସ୍କାତେରି ଆହାମାନାକି ମାହାପୁରୁ ତାନି ମୀରକା ମାସ୍କାକି ଏନାଆଁ ଇଟାମାନେସି ଏ ବାରେ ମିଜେ ହିୟାନେସି ।

ଗାଳତୀୟ ଲକ୍ଷ୍ମତାକି ପାଞ୍ଜୁଲ ଅଣ୍ଡିପିନାୟି

୮ ଯାମା ମାରୁ ନକେଏ ମାହାପୁରୁଇଁ ପୁଞ୍ଜାହିଲାଆତେରି, ଅଡ଼େ ଏମିନି ଗାଟାଇ ସାତା ମାହାପୁରୁ ଆଏ, ଏଝାଆତି ହଲିୟାଜା ମାଟେରି । ୯ ଯାମା ମାରୁ ନୀର୍ବ୍ୟ ମାହାପୁରୁଇଁ ପୁଚେରି; ଇଞ୍ଜା ମାହାପୁରୁ ମିଜେ ପୁଞ୍ଜାତେସି, ଆତିହ ମାରୁ ଏନିକ୍ ଏ ବାଡ଼ୁଛୁ ହିଲାଆଗାଟାଇ ଅଡ଼େ ଏନାଆଁ ହିୟାଲି ଆତାଆଗାଟି ଦାରତି ଖାକି ଖେଣ୍ଡେ ହାଜାଲି ଅଣ୍ଡିପିମାଜେରି, ମାରୁ ଏନାଆଁତାକି ଖେଣ୍ଡେ ଏ ବାରେତି ହଲିୟାଜା ଆୟାଲି ଅଣ୍ଡିପିମାଜେରି । ୧୦ ଦୁକୁତି କାତା, ମାରୁ ତାରି କିହାମାନି ଦିନା, ଲେଞ୍ଜୁ, ପାର୍ବୁ ଅଡ଼େ ବାର୍ଯା ମାନୁଡ଼ି ଆହିମାଜେରି । ୧୧ ମିଜେତାକି ନାନୁ କିହାମାନି କାମା ଏଚେତା ଉଜେଏ ଆନେ, ମୀ ତାକି ନାଜେ ହାରେକା ଆଜି ହଡ଼ିମାଞ୍ଜାନେ ।

୧୨ ଏ ଚାୟି ତାଞ୍ଜିସ୍ତାତେରି, ନାନୁ ମିଜା ବାତିମାଲିମାଞ୍ଜାଇଁ, ମାରୁ ନାଚେଲେହେଁ ଆପୁ, ଇତିହ ନାନୁ ଜିକେଏ ମୀ ଲେହେଁ ଆହାମାଇଁ, ମାରୁ ନାଜେତାକି ଏନାଆଁ ଲାଗେଏ ପଲେଏ କିହାମାଞ୍ଜାଅତେରି । ୧୩ ନାନୁ ତଲିଏ ମୀ ତାଣା ନେହଁ କାରୁ ଖେକହାମାଚେର୍ବି ମାରୁ ପୁଞ୍ଜାମାଜେରି ଏଚେତା ନା ଆଜାତି ବାଦା ମାଞ୍ଜାନା ଖେକହାମାଚେର୍ବି; ୧୪ ଅଡ଼େ ନା ଆଜାତି ବାଦା ମିଜେତାକି କସ୍ତଗାଟାୟି ଆହିମାଟିହଁ ଜିକେଏ ମାରୁ ନାଜେ ହାଣି ତଲେ ଅପୁଅମି ଇଞ୍ଜା ମାଞ୍ଜାଅତେରି, ଯାମା ମାରୁ ମାହାପୁରୁତି ର ଦୁଡ଼ୁ ଲେହେଁ ଇତିହଁ କ୍ରୀସ୍ତ ଜୀସୁଇଁ ଆଦିନି ଲେହେଁ ନାଜେ ଆବାତେରି । ୧୫ ମାରୁ ଏଚେକା ରାହାଁ ମାଟେରି, ମୀ ଏ ରାହାଁ ଆମ୍ବିୟା ହାଚେ ? ଇତିହଁ ନାନୁ ମୀ କାତା ଆବ୍ରାହା ତଲେ ଖେସାଲି ଆଡ଼ିଇଁ, ଏ ବେଲାତା ମାରୁ ଜାହାରା କାନୁ

* ୩:୨୨ ୩:୨୭ ପୁଞ୍ଜିନାୟି ✨ ୩:୨୯ ୩:୨୯ ରମି ୪:୧୩ ✨ ୪:୫ ୪:୫ ରମି ୮:୧୫-୧୭

ପିତୃହାନା ନାଙ୍ଗେ ହିୟାତେରିମା । ୧୭ ଯାମା ନୀର୍ବ ନାନୁ ମିଙ୍ଗେ ଯାତା ୱେୟାଲିଏ, ମୀ ସାତୁ ଆହାମାଜ୍ କି ?

୧୭ ଏଞ୍ଜାରି ମୀ ନେହେଁ ତାକି ହାରେକା ରାହ୍ନାଁ ଗାଟାରି ଇଞ୍ଜିଁ ତଞ୍ଜାଆହାଲି ଅଣ୍ଡାପିମାନେରି, ଯାମା ତାମି ସାତା ଅଣ୍ଡାପୁ ତଲେ ଆଏ, ଏଞ୍ଜାରି ରଣ୍ଡିଏ ଅଣ୍ଡାପୁ, ଏନିକିଁ ମୀରୁ ନା ତାଣାଟି ଏଟକା ଆହାନା ଏଞ୍ଜାରି ୱାକି ରାହ୍ନାଁ ଆଡେରି । ୧୮ ଇତିହିଁ ନାନୁ ମୀ ତାଣା ମାନି ବେଲାତା ଆଏ, ଯାମା ବାରେ ବେଲାତା ନେହିଁ କାମାତାକି ଅଣ୍ଡାପିନାୟି ନେହେଁ । ୧୯ ଏ ନା ଜୀଝୁତି ମୀରକା ମାୟକାତେରି, ଏଚେ ପାତେକା କ୍ରୀସ୍ତ ଲେହେଁ ଆଅତେରି, ଏଚେ ପାତେକା ନାନୁ ମୀ ତାକି ଜାନିଁ କିନାଟି ଲୁଞ୍ଜିନି ବୀସା ଲେହେଁତି କସ୍ତ ବେଟାଆହାମାଜ୍ । ୨୦ ନାନୁ ଏନିକିଁ ନୀର୍ବ ମୀ ତାଣା ୱାହାନା ଅର ରଚ୍ଚେତି ହାଡ଼ା ୱେୟାଲି ଆଡିତେର୍ବିମା, ଇଦି ନା ଅଣ୍ଡାପୁ ମାତେ; ଏନାଆଁତାକି ଇତିହିଁ ନାନୁ ମୀ ତାକି ହାରେଏ ଅଣ୍ଡାପିମାଜ୍ ।

ହାଗାରୁ ଅଡେ ସାରାନି ପୁଣ୍ଡିକିନାୟି

୨୧ ମସାତି ମେରାତା ମାଞ୍ଜାଲି ମନୁ କିହିମାଞ୍ଜେରି ମୀରୁ, ନାଙ୍ଗେ ୱେସ୍ତାପୁ, ମେରାତା ଏନାଆଁ ରାୟକି ଆହାମାନେ, ଏଦାଆଁ ମୀରୁ ୱେଞ୍ଜା ହିଲଅତେରି ? ୨୨ ଇତିହିଁ ରାୟକି ଆହାମାନେ, ଅବୁହାମତି ରୀ ମୀରକା ମାଚେରି ରଅସି ହଚ୍ଚେଲଣି ତାଣାଟି ଅଡେ ରଅସି ତାନି ତକ୍ତିନି ତାଣାଟି ଜାର୍ନା ଆହାମାଚେସି, ୨୩ ହଚ୍ଚେଲଣି ମୀରୁଏସି ଆଜ୍ଞାତି ଗୁଣ୍ଡୁତଲେ ଜାର୍ନା ଆଡେସି, ଯାମା ଆମିନିଗାଟାସି ତାନି ତକ୍ତିନି ମୀରୁଏସି ମାହାପୁରୁ ଆଞ୍ଜାମାଟି ବାଡୁୟୁତି ଜାର୍ନା ଆଡେସି । ୨୪ ଇଦାଆଁ ର ପୁଣ୍ଡିକିନି କାତାଲେହେଁ ୱେସିମାନେ, ଇ ରୀ ଇୟାସିକା ରୀ ରାଜିମାନା ଲେହେଁତାଲ: ଆମିନି ଗାଟାନି ମୀରକା ହଲିୟାଜ୍ଞା ଆୟାଲି ଜାର୍ନା ଆଡେରି, ଏ ହାଗାରୁ ସିନୟ ହରୁଟି ୱାହାମାନି ରାଜିମାନା ଲେହେଁ । ୨୫ ହାଗାରୁ ଆରବ ଦେସାତା ମାନି ସିନୟ ହରୁ ଲେହେଁ, ଏଦି ନୀର୍ବତି ଜିରୁସାଲମ ଗାଡ଼ା ଲେହେଁ । ହାଗାରୁ ଲେହେଁ ଜିରୁସାଲମ ଅଡେ ଏଦାନି ସାଲ୍ଫି କିନାରି ନୀର୍ବ ହଲିୟାଜ୍ଞା ଆହାମାନେରି । ୨୬ ଯାମା ଲାକପୁରୁ ମାନି ଜିରୁସାଲମ ହଚ୍ଚେଲଣି ଆଆଗାଟାୟି, ଏଦି ମା ତାଲି ୨୭ ଏନାଆଁତାକି ଇତିହିଁ ସାସ୍ତେରିତା ରାୟକି ଆହାମାନେ, “ଆକେ ବାଞ୍ଜେଣି, ଏଚେଲା ପଦି ପଦା ଜାର୍ନା କିଆଗାଟି ଇୟା, ରାହ୍ନାଁ କିମୁ,

ଜାର୍ନା କିନି ବେଲାତି ଲୁଞ୍ଜିନି ବୀସା ଏଚେଲା ପୁଞ୍ଜା ହିଲାଆତି ଜିକେଏ ନୀନୁ କାଜା ଗିୟାଁତଲେ ରାହ୍ନାଁ କିମୁ;

ଇତିହିଁ ତକ୍ତା ତଲେ ବାସା କିହିମାନି ଇୟାନି କିହାଁ

ର ପିସ୍ତି ଇୟାନି କକାରି ପଦାୟାଁ ହାରେକା ଜାଣି ଆନେରି ଆନୁ ।”

୨୮ “ଏ ନା ତାୟି ତାଜିସ୍ତାତେରି, ମୀରୁ ଇୟାହାକ ଲେହେଁ ଆଞ୍ଜାମାନି ମାହାପୁରୁତି ମୀରକା ମାୟକାତେରି । ୨୯ ଯାମା ଆମ୍ବାଆସି ଆଜ୍ଞାତି ଗୁଣ୍ଡୁ ତଲେ ଜାର୍ନା ଆଡେସି, ଏଞ୍ଜାସି ଏନିକିଁ ଏଚିବେଲାତା ମାହାପୁରୁତି ସୁଦୁଜୀଝୁତି ଆଞ୍ଜାମାନି ତାଣାଟି ଆମ୍ବାଆସି ଜାର୍ନା ଆହାମାନେସି, ଏଞ୍ଜାଣାଜ୍ ସାସ୍ତି ହାହାମାଚେସି ଏଲେକିହିଁ ଏ ନୀର୍ବ ଜିକେଏ ଆହିମାନେ । ୩୦ ଦାମ୍ବୁ ପତି ଏନାଆଁ ୱେସିମାନେ ? ହଚ୍ଚେଲଣି ଇୟା ଅଡେ ଏଦାଣି ମୀରୁଏଶାଜ୍ ପିହ୍ମୁ: ଇତିହିଁ ହଚ୍ଚେଲଣି ମୀରୁଏସି ତାନି ବୀହା ତକ୍ତିନି ମୀରୁଏଶା ତଲେ ଅଦିକାରା ଗାଟାସି ଆୟାଲି ଆଡୁଅସି ।” ୩୧ ଏନାଆଁତାକି ଏ ନା ତାୟି ତାଜିସ୍ତାତେରି, ମାର ହଚ୍ଚେଲଣି ମୀରକା ମାୟକା ଆଏ, ଯାମା ବୀହା ତକ୍ତିନି ମୀରକା ମାୟକାତାୟି ।



କ୍ରୀସ୍ତ ତାଣା ମେଲା ଆନାୟି

୧ ମାର ମେଲା ଆହାମାନାୟି, କ୍ରୀସ୍ତ ମାଙ୍ଗେ ମେଲା କିହାମାଞ୍ଜାନେସି । ଇଦାଆଁତାକି ମୀରୁ ମେଲା ଆଡିତାଣା ତାରିଆହାଁ ମାଞ୍ଜୁ । ଅଡେ ୱେଣ୍ଡେ ହଲିୟାଜ୍ଞା କୁଞ୍ଜେଡିତା ମୀରୁ ଜାହାରାଜ୍ ହେର୍ପାକତାଆପୁ ।

୨ ନାନୁ ପାଞ୍ଜଲ ମିଙ୍ଗେ ୱେସିମାଞ୍ଜାଜ୍, ମୀରୁ ମୀ ତଲୁ ଦାପିଆନାଣି ମାନି କିତିସାରେ, କ୍ରୀସ୍ତ ତାଣାଟି ମୀଦି ଏନି ଲାଡ଼ା ହିଲେଏ । ୩ ନାନୁ ତଲୁ ଦାପି ଆହିମାନି ବାରେ ଜାଣାଜ୍ ୱେଣ୍ଡେ ୱେସିମାଜ୍, ଇତିହିଁ ଏଞ୍ଜାସି ବାରେ ମସାତି ମେରା ମାନୁଞ୍ଜି ଆନାୟି ମାନେ । ୪ ମୀରୁ ଏଚେକା ଲକ୍ତୁ ମେରାଟି ମାହାପୁରୁ କାନୁତା ତାରିଗାଟାତେରି ଆୟାଲି ଅଣ୍ଡାପିମାଞ୍ଜେରି, ମୀରୁ କ୍ରୀସ୍ତ ତାଣାଟି ଏଟକା ଆହାମାଞ୍ଜେରି, ଇଞ୍ଜା ମାହାପୁରୁ କାର୍ମାମେହ୍ନି ତାଣାଟି ଗୁଟା ଆହାମାଞ୍ଜେରି । ୫ ଇତିହିଁ ମାର ମାହାପୁରୁତି ଜୀଝୁତଲେ ନାନୁ ତାକି ଦାମ୍ବୁଗାଟି ଲକ୍ତୁ ଆନି ଆସାଜ୍ କାଡ଼ିମାନାୟି । ୬ ଇଦାଆଁତାକି ଜୀସୁ କ୍ରୀସ୍ତ ତାଣା ଆଣ୍ଡାନା ନାତାମାଟିସାରେ

ତଲୁ ଦାପି ଆନାୟି କି ଦାପି ଆଆଗାଗାୟି ଏନାୟି ହିଲେଏ, ସାମା ନାମୁତା ଅଜ୍ଜିକିହିଁ ମାଞ୍ଜାନା ଜୀଝୁ ନନାଣି ତଲେ କାମା କିନାୟି ।

୭ ମୀରୁତ ନେହିଁ କିଁ ନକିତା ହାଜିମାଚେରି; ଆମ୍ବାଆସି, ମିଙ୍ଗେ ସାତାତି ମାନୁଝି ଆଆଦୁ ଇଞ୍ଜି ଆଙ୍ଗାତେସି ? ମିଙ୍ଗେ ହାଟାମାଞ୍ଜାନି ମାହାପୁରୁ ତାଣାଟି ଛଦି ଆହା ହିଲେଏ । ୮ କାତାତା ମାନେ, ଇଚାୟି ପୁଲା ତୁକାତି ଗୁଣ୍ଡା ବାରେ ପୁଲା କିନେ । ୯ ମୀରୁ ଏଟକାତି ଅଣ୍ପୁ ଅଣ୍ପଅତେରି, ଛଦାଆଁ ନାନୁ ମିଙ୍ଗେ ତାକି ପୁତୁ ତାଣା ହାରେକା ନାମିମାଈ; ସାମା ମିଙ୍ଗେ ଆମ୍ବାଆସି ନାଡ଼ି କିହାମାଞ୍ଜାନାସି ଏଞ୍ଜାସି ଆମ୍ବାଆସି ଆପେସି ମାହାପୁରୁ ଏଞ୍ଜାଣାକି ତଣ୍ଡ ହାନେସି ।

୧୦ ନା ଡାୟି ତାଜିସ୍ତାଚେରି, ନାନୁ ନାଏଁ ପାତେକା ତଲୁ ଦାଝିନି ମେରା ଝେକ୍‌ହିମାଈ, ଆତିହିଁ ଏନାଆଁତାକି ନାଏଁ ପାତେକା ସାସ୍ତି ବେଟାଆହିମାଈ ? ନାନୁ ସାତେଏ ଏଲେକିଁ ଝେକ୍‌ହିହିଁ, କୁସତା ହାଡ଼ି କ୍ରାସ୍ତି କାତା ଝେକ୍‌ନି ତାଣାଟି ନାଙ୍ଗେ ଏନି ବାଦା ଆଆତେମା । ୧୧ ନାନୁ ଅଣ୍ପିମାଈ, ତଲୁ ଦାନାଣି ଏମିନିଗାଟିରି ମିଙ୍ଗେ ଏଲେକିଁ କିଲିବିଲି କିହିମାଞ୍ଜାନେରି ଏଞ୍ଜାରି ପେଢୁୟାଁ ଲେହେଁ ଆଡ଼ିହିଁ ନେହିଁ ଆଡେମା ।

୧୩ ଏ ଡାୟି ତାଜିସ୍ତା, ମୀରୁ ମେଲା ଆହାଲିତାକି ହାଟ୍‌କି ଆହାମାଞ୍ଜେରି; ସାମା ଜାଗ୍ରାତା, ଆଙ୍ଗାତି ଜୁପକା କାମା କିହାଲି ମୀ ଆଙ୍ଗାତି ପାରୁ ବେଟାଆଡ଼ିସାରେ ଏ ମେଲାତି ଲେମ୍ବାଆଦୁ, ସାମା ରଅତେରି ରଅଣାଈ ଜୀଝୁ ନଝିଆହାନା ସେବା କିଦୁ । ୧୪ ଇତିହିଁ ବାରେ ମେରା ଇ ରଣ୍ଡିଏ ହୁକୁମିତା ତୀରି ଆନେ, “ନାନୁ ନୀ ଆଟ୍‌ହିତାଣାଈ ନୀ ଜୀଝୁତି ଜୀଝୁନନି ଲେହେଁ ଜୀଝୁନଦୁ ।” ୧୫ ମୀରୁ ରଅତେରି ରଅଣାଈ ବାଦା ହାହାନା ନସ୍ତି କିଝି ଆହିମାଞ୍ଜେରି, ଆତିହିଁ ଜାଗ୍ରାତା ଆଦୁ, ଏନିକିଁ ମୀରୁ ରଅତେରି ରଅଣି ତାଣାଟି ନାସା ଆଅତେରି ।

ସୁଦୁଜୀଝୁ ଅଡ଼େ ମାଣସିତି ଗୁଣ୍ଡୁ

୧୬ ନା ଅଣ୍ପୁ ଛଦି, ମୀରୁ ସୁଦୁଜୀଝୁ ତଲେ ତାକାଦୁ, ଆତିହିଁ ମୀରୁ ଆଙ୍ଗାତି ଜୁପକା ତଲେ କାମା କିଅତେରି । ୧୭ ମାଣସିତି ମାଣକି ସୁଦୁଜୀଝୁ ଅପେଏ । ଏଲେକିହିଁ ଏ ସୁଦୁଜୀଝୁ ମାଣସିତି ମାଣକିତି ଅପେଏ । ଏଝି ରିଣ୍ଡି ସାତୁ ଲେହେଁ । ଇତିହିଁ ମୀରୁ ଏନାଆଁ କିୟାଲି ଅଣ୍ପିପେଦେରି ଏନାଆଁ କିୟାଲି ଆଡ଼ଅତେରି । ୧୮ ସୁଦୁଜୀଝୁ ମିଙ୍ଗେ ସାଲଝି କିୟାନେ, ଆତିହିଁ ମୀରୁ ଅଡ଼େ ମସାତି ମେରା ତୁଲ ହିଲଅତେରି ।

୧୯ ଆଙ୍ଗାତି ଅଣ୍ପୁ ତଲେ କିନି କାମା ବାରେ ନେହିଁ କିଁ ପୁଞ୍ଜାମାଞ୍ଜେରି, ଏଝି ଦାରିକାମା, ଲାଗେଏ ପଲେଏ କାମା । ୨୦ ଅଡ଼େ ଅପାଆଗାଟି କାମା, ପେଣକା ପୁଜା, ଲକୁଣି ପାୟିନାୟି, ଗୁଣି ଗାରୁଡ଼ି, ସାତୁ ଆନାୟି, ଗଡ଼ହା କିନାୟି, ଆଙ୍ଗାରା ଆନାୟି, କାରୁବି ଆନାୟି, ଜାହାରାତାକି ଅଣ୍ପିପାୟି, ଗତି ଆହିଁ ବାଗା ଆନାୟି, ନାଡ଼ିକିହାଁ ବାଗା କିନାୟି, ତାହାରା ଆନାୟି, ୨୧ କାତୁ ଗହନାରି ତଲେ ଆଣ୍ଡାମା ରାହାଁ କିନାୟି ଇଲେତି ବାରେ କାମା କିନାୟି; ନାନୁ ତଲି ମିଙ୍ଗେ ଏନିକିଁ ଝେସାମାଞ୍ଜାତେଏଁ, ଏଲେକିହିଁ ନକେଏ ଜାଗ୍ରାତା କିହାଁ ଝେସିମାଞ୍ଜାଈ, ଆମ୍ବାଆରି ଇଲେତି କାମା କିନେରି, ଏଞ୍ଜାରାକି ମାହାପୁରୁ ରାଜିତା ଅଦିକାରା ହିଲେଏ ।

୨୨ ସାମା ସୁଦୁଜୀଝୁତି ପାଡ଼େୟି, ଜୀଝୁନନାୟି, ରାହାଁ ଆନାୟି, ହିଡ଼ି ଜୀଝୁତଲେ ମାନାୟି, ଅରୁହିନାୟି, ଲକୁଈଁ ସାୟେମି କିନାୟି, ସାତା ଗୁଣ୍ଡା, ମାନିଗାଟି ଲକୁ, ନାମୁତଲେ ମାନାୟି, ୨୩ ଅଡ଼େ ଜାହାରାଈ ଲକ୍‌ନାୟି, ଈ ବାରେ ନକିତା ମସାତି ଏନି ମେରା ହିଲେଏ । ୨୪ ଆମ୍ବାଆରି ଜୀଝୁ କ୍ରାସ୍ତି ତାଣା ମାନେରି, ଏଞ୍ଜାରି ତାମି ଆଙ୍ଗାତି ଅଣ୍ପୁ ଅଡ଼େ ଜୁପକା ବାରେ ମାଣସି ମାଣକିତି ପାସ୍ତି ମୁଣ୍ଡାତା ଏକ୍‌ହାନା ହାଝି କିହାମାନେରି । ୨୫ ମୀରୁ ସୁଦୁଜୀଝୁ ତଲେ ଜୀଝୁ ବେଟାଆହାମାନାୟି, ଆତିହିଁ ସୁଦୁଜୀଝୁ ତଲେ ନୀତିନ । ୨୬ ମୀରୁ ବେପପଣ ଆହାନା ରଅତଝି ରଅଣାଈ ବିତିବିତା କିଆପ ଅଡ଼େ ମୀରୁ ରଅତାୟି ରଅଣାଈ ତାହାରା ଆଆପ ।



ରଅସି ରଅଣି ବକୁ ଡେକିନାୟି

୧ ଏ ଡାୟି ତାଜିସ୍ତା, ଆମ୍ବାଆସି ଏନି ଦହ କିହାମାନାଣି ପୁତିହିଁ, ସୁଦୁଜୀଝୁ ବେଟାଆହାମାଞ୍ଜେରି ମୀରୁ, ମୀରୁ ଟିକାଣା ତଲେ ଏଲେତି ଲକୁଣି ଏଲେତି କାମା ପିସାଲି ଜାପୁଦୁ, ଏଡ଼େତା ମୀରୁ ଜିକେଏ ପାନ୍ଦାତା ହେଡ଼ିଦେରି, ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ । ୨ ରଅତେରି ରଅଣି ବକୁ ଡେକାଲି

✧ ୫:୯ ୫:୧୧ କର ୫:୭ ✧ ୫:୧୭ ୫:୧୭ ରମି ୭:୧୫-୨୩

ସାୟେମି କିଞ୍ଚିଆଦୁ: ଏଲେକିତିହୁଁ ମୀରୁ କ୍ରୀସ୍ତତି ମେରା ମାନୁଞ୍ଚି ଆଦେରି ।^୩ ଆମ୍ବାଆସି ଲାଗେଏ ଆହାନା ଜାହାରାଇଁ ନାନୁ କାଜାତେଏଁ ଇଞ୍ଜୁଁ ଅଣପା କତିନେସି ଏଞ୍ଜାସି ତାନୁଏ ତାଙ୍ଗେ ନାଡ଼ି କିହାକତିମାନେସି ।
^୪ ସାମା ବାରେଜାଣା ଜାହାରା କିତି କାମାତି ତାୟିପାରି କିପାସି, ଆତିହୁଁ ଏଞ୍ଜାସି ଅର ଲକୁ କିତି କାମାତାକି ଆଏ ସାମା ତାନୁଏ କିହାମାନାଣି ତାକି ବତପଣ କିଆପେସି ।^୫ ଏନିଇତିହୁଁ ବାରେଜାଣା ଜାହାରା ବକୁ ଜାହାରାଏ ଡେକିନାୟି ମାନେ ।

^୬ ସାମା ଆମ୍ବାଆସି ମାହାପୁରୁତି ବକୁ ଜାପିନେସି, ଏଞ୍ଜାସି ତାଙ୍ଗେ ଜାପୁନାଣାକି ତାନି ତାଣା ମାନି ବାରେକିହୁଁ ନେହୁଁ ବାଗା ହାପେସି ।

^୭ ମୀରୁ ମିଙ୍ଗେ ନାଡ଼ିକିହା କତାଆଦୁ: ଆମ୍ବାଆସି ମାହାପୁରୁଇଁ ନାଡ଼ି କିହାଲି ଆଡ଼ଅସି, ଇତିହୁଁ ମାଣସି ଏନାଆଁ ମାଟିନେସି ଏଦାଆଁ ଦାଃଆନେସି ।^୮ ଆମ୍ବାଆସି ଆଙ୍ଗାତି ଅଣପୁ ତାକି ମାଟିନେସି, ଏଞ୍ଜାସି ଆଙ୍ଗାତି ହାଞ୍ଜିକିନି ପାଡ଼େୟି ଦାଃଆନେସି; ସାମା ଆମ୍ବାଆସି ଜୀଞ୍ଜୁତାକି ମାଟିନେସି ଜୀଞ୍ଜୁତି ଗାଡ଼ିଆଡ଼ି କାଲାକାଲାତି ଜୀଞ୍ଜୁହାନି ପାଡ଼େୟି ଦାଃଆନେସି ।^୯ ମାରୁ ନେହୁଁ କାମା କିହାଲି ଖାହାଆପ; ଇତିହୁଁ ଖାହୁ ଆଆନା କାମା କିତିହୁଁ ସମାନା ବେଲାତା ତାପା ଦାଃନାୟି ।^{୧୦} ଏନିଇତିହୁଁ ମୀରୁ ପାରୁ ସିନିକିହାନା ବାରେତାକି ଇତିହୁଁ ବାରେକିହୁଁ ରଣ୍ଡିଏ କୁଟମିତା ଆଣ୍ଡାମାନି ନାମୁ ଗାଗାରାଇଁ ନେହୁଁ କିନାୟିମାନେ ।

ଜାଗ୍ରାତା କିହୁଁ ଜହରା ତଲେ ଆକୁତି ରାପୁନାୟି

^{୧୧} ମେହୁପୁ, ନାନୁ ଏନିକିଁ କାଜା କାଜା ଅଙ୍କରି ତଲେ ନା କେୟୁତଲେ ମୀ ତାଣା ରାତାମାଞ୍ଜାଇଁ ।
^{୧୨} ଆମ୍ବାଆରି ଆଙ୍ଗାତି କାମା ତଲେ ଝେଙ୍ଗାଲି ମନ କିନେରି, ଏଞ୍ଜାରି ମିଙ୍ଗେ ତଲୁ ଦାଃଆନାୟିମାନେ ଇଞ୍ଜୁଁ ବାଲାମାତମି କିୟାନେରି, କ୍ରୀସ୍ତତି ପାସିମୁଣ୍ଡା ତାକି ଏନିକିଁ ନିନ୍ଦା ବେଟାଆଅରି ଖାରଇ ଏଦାଣିତାକି ଏଲେକିନେରି ।^{୧୩} ଇତିହୁଁ ଆମ୍ବାଆରି ତଲୁ ଦାଃନି ମେରା ତଲେ ମାନେରି, ଏଞ୍ଜାରି ତାମୁ ଜିକେଏ ମସାତି ମେରା ମାନୁଞ୍ଚି ଆଅରି, ଇଞ୍ଜା ଏଞ୍ଜାରି ଏନିକିଁ ମୀ ଆଙ୍ଗା ତାକି ବତପଣ କିହାଲି ଆଡ଼ିନେରି, ଏଦାଆଁତାକି ଏଞ୍ଜାରି ମିଙ୍ଗେ ତଲୁ ଦାପି କିଞ୍ଚିକିହାଲି ଅଣପିନେରି ।^{୧୪} ସାମା ନାନୁ ଖାରଇ ମା, ଜୀସୁ କ୍ରୀସ୍ତତି କୁସ ତାକି ବତପଣ ଆହୁମାଇଁ; ଇତିହୁଁ ଏଞ୍ଜାଣି କୁସ ତାକି ଦାରୁତି ନାଙ୍ଗେତାକି ହାହାମାନେ ଇଞ୍ଜା ନାନୁ ଦାରୁତି ତାକି ହାହାମାଇଁ ।^{୧୫} ତଲୁ ଦାପି ଆନାୟି କି ଦାପି ଆଆଗାଗାୟି ଏନାୟି ହିଲେଏ, ସାମା ପୁଃନି ଗାଡ଼ି ଆନାୟି ଏଦି ବାରେ କିହୁଁ ମୁଲୁତାୟି ।^{୧୬} ଏଚେକା ଲକୁ ଇ ମେରା ତଲେ ତାକିନେରି, ଏଞ୍ଜାରି ଲାକ ଅଡ଼େ ମାହାପୁରୁତି ଇସାୟେଲ ଲକୁ ଲାକ ହିଡ଼ି ଅଡ଼େ କାର୍ମା ଆପେ ।

^{୧୭} ନୀଞ୍ଜୁଟିଏ ଆମ୍ବାଆସି ନାଙ୍ଗେ କସ ହିୟାଆପେସି, ଇତିହୁଁ କ୍ରୀସ୍ତ ତାକି ବେଟାଆହାମାନି ଗାହୁଁ ଗାରିୟାଁ ନା ଆଙ୍ଗାତା ମାନୁ ।

^{୧୮} ଏ ତାୟି ତାଙ୍ଗିୟା, ମା ପ୍ରଭୁ ଜୀସୁ କ୍ରୀସ୍ତତି କାର୍ମାମେହନାୟି ମୀ ଜୀଞ୍ଜୁତା ତୁୟାପେ । ଆମେନ୍ ।

ଏପିସୀୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର ଏପିସୀୟ କୁଲମିତାକି ପାଞ୍ଚୁଲ ରାଫାମାନି ଆକୁ ମୂଳୁ ହାଡ଼ା

ଏପିସୀୟ କୁଲମିତି ଆକୁ ପାଞ୍ଚୁଲ ରାଫାମାନେସି, ଜୀସୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ଷୀ ତାୟୁ କଲସିୟ କୁଲମିତାକି ରାଚିତି ବେଲା ରାସ୍ତିକି ଆହାମାଚେ । ରାଚିନାସି ତାନୁଏ ପାଣ୍ଡୁଆହାମାନି ପାଞ୍ଚୁଲ ଇଞ୍ଜିମାନେସି ୧:୧ । କଲସିୟ ଆକୁତା ତାନି ଜହରା ହିଲାଆତି ଜିକେଏ ବୁଦିଗାଗାରି ଏପିସିୟ ଆକୁ ପାଞ୍ଚୁଲ ରାଫାମାନେସି ଇଞ୍ଜି ଇନେରି । ଅଡ଼େ ବାରେ କୁଲମିକା ତାକି ଆକୁ ହାସାଲି ରାସ୍ତିକି ଆହାଡ଼ୟିନେ । ପାଞ୍ଚୁଲ ଇଦାଆଁ ଜିକେଏ ଷ୍ଟେସାମାନେସି ଇ ଆକୁ ରାଚିନି ବେଲାତା ଏଞ୍ଜାସି କାୟିଦିତା ମାଚେସି ୩:୧-୪:୧ ଅଡ଼େ ୬:୨୦ । ପାଞ୍ଚୁଲ ତୁକକଇଁ ଏପିସିୟ କୁଲମିତା ପାଣ୍ଡାମା ଏଞ୍ଜାଣି କେୟୁତା ଇ ଆକୁ ହାହାମାଚେସି ୭:୨୧-୨୨ ।

ଏପିସିୟ ଏସିୟା ରାଜିତି ର କାଜା ଗାଡ଼ା ମାଚେ । ଏପିସିୟ ଗାଡ଼ାତି ଗ୍ରିକ ପେନୁ ଆର୍ଚେନି ଅଡ଼େ ଏଦାନି ଦେଖୁଡ଼ି ଷ୍ଟେଜିତାୟି ମାଚେ, କାମା ୯:୨୩-୩୧ । ଏପିସିୟ କୁଲମି ନଟକଏ ବାଡ଼ୁୟୁ ଗାଗାୟି ମାଚେ ତାୟୁ ରିହାଲି ମାଟ୍‌ହେ ଷ୍ଟେ ବଲୁ ୨:୧-୭ ।

ପାଞ୍ଚୁଲ ତାନି ଆଦା ଆକୁତା ମାହାପୁରୁ ଏନିକି ତାନି ଲକୁଣି ଆଚିତେସି, ଅଡ଼େ ଏନିକି ଜୀସୁ ତାଣାଟି ପାପୁଚି ଗେଲପିତେସି ଏଦାଆଁ ଷ୍ଟେସିମାନେସି । ପାଞ୍ଚୁଲ କୁଲମିତି ଆଜ୍ଞା ତଲେ ତୁକହାନା କ୍ରୀସ୍ତ ଏଦାନି ତାୟୁ ଅଡ଼େ କନତି ମୂଲୁ ଖାଲି, କୁଲମି ର ତକ୍ତି ଲେହେଁ କ୍ରୀସ୍ତଏ ତକ୍ତା । ଆକୁତି ତାୟୁ ବାଗାତା ପାଞ୍ଚୁଲ ପତ୍ରଫି ଆନାରାଇଁ କ୍ରୀସ୍ତ ତାଣା ରଣ୍ଡିଏ ଆହାଁ ଆଣ୍ଡାମାନି ଲକୁ ଲେହେଁ ନୀଡାଲି ବାଦିମାଲି ମାନେସି ।

ପତିତା ମାନାୟି

- ୧. ପାଞ୍ଚୁଲ ଜହରା କିହାନା ପୁଣ୍ଡାସି କିହା କତିନାୟି । ୧:୧-୨
- ୨. କ୍ରୀସ୍ତ ତଲେ କୁଲମିତି ତୁକନାୟି । ୧:୩-୩:୨୧
- ୩. କ୍ରୀସ୍ତ ତାଣା ଏନିକି ନୀଡିନାୟି । ୪:୧-୬:୨୦
- ୪. ଜହରା କିହାନା ଆକୁତି ରାପ୍‌ନାୟି । ୭:୨୧-୨୪

୧ *ପାଞ୍ଚୁଲ, ମାହାପୁରୁତି ଅଣ୍ଡୁ ତଲେ କ୍ରୀସ୍ତ ଜୀସୁତି ପାଣ୍ଡୁଫି ଆହାମାନାଚେସି, ଏପିସିୟତା ମାନି ମାହାପୁରୁ ଲକୁ ଇଞ୍ଜାଁ କ୍ରୀସ୍ତ ଜୀସୁ ତାଣା ନାମୁତା ମାନି ଲକୁତାକି ଇ ଆକୁ ରାଚିମାଇଁ ।

୨ ମା ଆବା ମାହାପୁରୁ ଇଞ୍ଜାଁ ପ୍ରଭୁ ଜୀସୁ କ୍ରୀସ୍ତ ତାଣାଟି କାର୍ମାମେହନାୟି ଅଡ଼େ ହିଡ଼ି ଜୀସୁ ମିଙ୍ଗେତାକି ଆୟାପେ ।

ସୁଦୁଜୀସୁତି ବର ପାଣ୍ଡନାୟି

୩ ମା ପ୍ରଭୁ ଜୀସୁ କ୍ରୀସ୍ତ ମାହାପୁରୁ ଅଡ଼େ ଆବାଇଁ ଜହରା ଆପେ । ଏଞ୍ଜାସି କ୍ରୀସ୍ତ ତାଣା ମାଙ୍ଗେ ବାରେ ଜୀସୁତି ବର ତଲେ ଲାକପୁରୁ ବର ହାହାମାଞ୍ଜାନେସି । ୪ ମାରୁ ଏନିକି ମାହାପୁରୁ ନକିତା ସୁଦୁ ଅଡ଼େ ଦହ ହିଲାଆଗାଗାତାୟି ଆନାୟି ଏଦାଆଁତାକି ଏଞ୍ଜାସି ଦାର୍‌ତି ଗାଡ଼ି ଆଆ ନକେଏ ତାନି ତାଣା ମାଙ୍ଗେ ଆରାମାଞ୍ଜାଚେସି । ୫ ଅଡ଼େ ଏଞ୍ଜାସି ମାଙ୍ଗେ କ୍ରୀସ୍ତ ଜୀସୁ ତାଣାଟି ତାଙ୍ଗେତାକି ମୀରୁକା ମାସ୍‌କା କିୟାଲି ତାନୁଏ ତଲିଏ ତାରି କିତେସି: ଇଦି ଏଞ୍ଜାଣି ରାହାଁ ଅଡ଼େ ଅଣ୍ଡୁ । ୬ ମାହାପୁରୁତି କାର୍ମାମେହନାଣି ତାକି ଇଞ୍ଜାଁ ତାନି ମୀରୁଏଣାଇଁ ଉଜେଏ ବେଟାଆନି ଦାନା ଲେହେଁ ବେଟାଆହାମାନାକି, ମାରୁ ମାହାପୁରୁଇଁ ଜହରା କିହିମାନାୟି । ୭ *କ୍ରୀସ୍ତ ହାଡ଼ି ତାଣାଟି ମାରୁ ଗେଲପି ଆହାମାନାୟି, ଇତିହଁ ମା ବାରେ ପାପୁ ମେଣ୍ଡଙ୍ଗାମାନେ, ମାହାପୁରୁତି କାର୍ମା ଏଚେକା କାଜାୟି ।

୮ ଏଞ୍ଜାସି ଏ କାର୍ମାମେହନାଣି ବାରେ ବୁଦି ଅଡ଼େ ଅଣ୍ଡୁ ମାଙ୍ଗେ ହାରେକା ହାହାମାଞ୍ଜାନେସି । ୯ ନଟକଏ ଅଣ୍ଡାପାନି ତାନି କାର୍ମାତଲେ ଏଞ୍ଜାସି ମାଙ୍ଗେ ତାନି ଅଣ୍ଡୁ ତଲେ ତୁଗ୍‌ମାନି ଅଣ୍ଡୁତି ତସାମାଞ୍ଜାନେସି । ୧୦ ଏନିକି କାଲାତି ତାନି ଅଣ୍ଡୁ ତଲେ ଲାକପୁରୁ କି ଦାର୍‌ତିତା ମାନାଣି ବାରେ ଏଞ୍ଜାସି ତାଙ୍ଗେତାକି କ୍ରୀସ୍ତ ତାଣା ରଣ୍ଡିଏ କିନେସି ।

* ୧:୧ ୧:୧ କାମା ୧୮:୧୯-୨୧; ୧୯:୧ * ୧:୭ ୧:୭ କଲସି ୧:୧୪

୧୧ ମାରୁ ଜିକେଏ ଏଝାଣି ତାଣା ଅଦିକାରା ଲେହେଁ ଆହାମାନାୟି, ଇଚିହେଁ ଏମିନି ମାହାପୁରୁ ତାନି ମନଡି ଅଣ୍ଟାପୁ ତଲେ ବାରେ କାତା ତୀରି କିନେସି, ଇଞ୍ଜା ଏଝାସି ତଲିଟିଏ ମନଡା ତୀରି କିହାମାଟିଲେହେଁ ମାରୁ ନକେଏ ଆର୍ଡ଼ି ଆଡାୟି ୧୨ ମାରୁ ଏନିକେଁ କ୍ରୀସ୍ତ ତାଣା ନକେଏ ବାର୍ସୁ କିହା ମାତାୟି, ମାରୁ ବାରେତାୟି ମାହାପୁରୁ ଗାଝୁରମିତି ଜହରା କିନାତାୟି ଆନ ।

୧୩ ଏଝାଣି ତାଣାଟି ମାରୁ ଜିକେଏ ସାତା ବଲୁ ଇଚିହେଁ ମିଜେ ଗେଲୁପାନି ନେହେଁ କାବୁ ଝେଞ୍ଜାନା ନାମାହାଁ ଆଞ୍ଜାମାନି ସୁଦୁଜୀଝୁ ତଲେ ବୁରୁ ମୁଦ୍ରା ଆହାମାଞ୍ଜେରି; ୧୪ ମାହାପୁରୁ ତାନି ଲକୁତାକି ଏନାଆଁ ହାହାଲି ଆଞ୍ଜାମାନେସି ଏ ବାରେ ମାରୁ ବେଟାଆନାୟି ସୁଦୁଜୀଝୁ ତାନି ବାୟିଦା ଲେହେଁ । ମାହାପୁରୁ ତାନି ଲକୁତାକି ଗେଲୁପି ଆନାଣି ହାନେସି ଇ ବାରେତାକି ମାହାପୁରୁଟି ଗାଝୁରମି କିନ ।

ପାଝୁଲତି ପ୍ରାତାନା

୧୫ ଇଦାଆଁତାକି, ପ୍ରବୁ ଜୀସୁ ତାଣା ମୀ ନାମୁ ଇଞ୍ଜା ବାରେ ମାହାପୁରୁ ଲକୁତାକି ଜୀଝୁନନାୟି ମାନେ, ୧୬ ଏ କାତା ଝେଞ୍ଜାନା ମିଜେତାକି ନା ପ୍ରାତାନାତା ମାହାପୁରୁଇଁ ଜହରା କିହିମାଲ୍ । ୧୭ ମା ପ୍ରବୁ ଜୀସୁ କ୍ରୀସ୍ତ ମାହାପୁରୁ, ଗାଝୁରମିଗାଟି ଆବା, ଏଝାସି ମିଜେ ସୁଦୁଜୀଝୁଟି ହିୟାନେସି ଏ ଜୀଝୁ ମିଜେ ବୁଦି ହିୟାନେ, ଅଡେ ମାହାପୁରୁଇଁ ମୀ ତାଣା ତଞ୍ଜି କିୟାନେ, ଆତିହେଁ ମୀରୁ ଏଝାଣାଇଁ ପୁଞ୍ଜେରି । ୧୮ ଏମ୍ବାରିଏ ମୀ ହିୟାଁତି କାଣକା ଦେପି ଆଡିସାରେ, ତାନୁ ହାଟାମାଞ୍ଜାନି ବାର୍ସୁ ଏନାୟି, ମାହାପୁରୁ ଲକୁତାଣା ତାନି ଅଦିକାରାଟି ଗାଝୁରମିଗାଟି ଦନ ଏନାୟି, ୧୯ ତାନି ଲକୁତାକି ତାନି ଆଞ୍ଜାମାନାୟି ହାରେକା କାଜା ବରୁ ଅଡେ ନାମିମାନାତାୟି ମାରୁ, ତାନି ବାଡୁୟୁତି କାମା କିନାତାୟି, ଇଞ୍ଜା ମାଜେତାକି ତାନି ବାଡୁୟୁ ଏରେକା କାଜାୟି ଇ ବାରେ ପୁଞ୍ଜାଲି ଆଡିଦେରି; ୨୦ ଏ ବାଡୁୟୁ କ୍ରୀସ୍ତ ତାଣା ତସାନା ଏଝାଣାଇଁ ହାଡାରି ତାଣାଟି ନିକହାନା ଲାକପୁରୁ ତାନି ଚିଃନି ଚଟତା କୁରି କିହାମାନେସି । ୨୧ କ୍ରୀସ୍ତ ଲାକପୁରୁ ବାରେ ସାଲୁଝି କିନାସି, କାଜାପାଣା, ବାଡୁୟୁ, ମୁସ୍ତାଦାରିୟାଁ ଲାକ ସାଲୁଝି କିନାସି, ଇ ଜୁଗୁତା ଅଡେ ଏ ଜୁଗୁତା ଏରେକା ଦରୁକା ଝେଞ୍ଜା ମାନୁ, ଏ ବାରେଟି ମୁହେଁ ଏଝାଣି ପାଣା କାଜାୟି । ୨୨ ମାହାପୁରୁ ବାରେ କ୍ରୀସ୍ତ କିତାୟାଁ ତୁଇ ଇଚିତେସି, ଇଞ୍ଜା ଏଝାଣାଇଁ ବାରେଟି କିହାଁ କାଜାୟି କିହାନା କ୍ରୀସ୍ତାନା କୁଲମିକା ହେରପା ମାନେସି । ୨୩ ଏ କୁଲମିକା କ୍ରୀସ୍ତ ଆଜା ଲେହେଁ, ଇଚିହେଁ ଆମ୍ବାଆସି ବାରେ କାମାଟି ବାରେ ତାଣା ପୂରା କିନେସି ।

୨

ହାକିଟି ଜୀଝୁ ପାଣନାୟି

୧ ମୀ ଦହ ଅଡେ ପାପୁ ତାକି ତଲି ଜୀଝୁତା ହାହାମାଚେରି, ୨ ଇଚିହେଁ ଏମିନି ଜୀଝୁ ନୀୟଁ ଜିକେଏ କାତା ମାନଡି ଆଆଗାଟି ମୀରୁକା ତାଣା ଅଦିକାରା କିହାମାନେ, ଏ ଦାରତିତି ମନତଲେ ମୀରୁ ଜିକେଏ ତଲିକାଲ୍ ଏ ଜିରୁତା ତାକିହେଁ ଦହ କିହାନା ପାପୁତାକି ହାହାମାଚେରି । ୩ ଏ କାତା ମାନଡି ଆଆଗାଟି ମୀରୁକା ତଲେ ମାରୁ ବାରେ ଏ ବେଲତା ମା ଆଜାଟି ମାଣକି ତଲେ ନୀତାନା ଆଜା ଅଡେ ମନଡି କାମା କିହିମାତାୟି, ଇଞ୍ଜା ଏବକାତାରି ଲେହେଁ ମାରୁ ଜିକେଏ ମାହାପୁରୁ କପାଟି ଲକୁ ମାତାୟି ।

୪ ସାମା ମାହାପୁରୁ ହାରେକା କାର୍ମା ମେହନାସି; ଏଝାସି ମାଜେ ହାରେକା ଜୀଝୁ ନଝୁତା ଜୀଝୁ ନୟାଁତେସି, ୫ ଏରେତା ମାରୁ ପାପୁ ତାକି ହାହା ମାତାୟି, ଇଞ୍ଜା ମାଜେ କ୍ରୀସ୍ତ ଜୀସୁ ତଲେ ନିକହାତେସି, ଅଡେ ମାହାପୁରୁଟି କାର୍ମାଟି ମୀରୁ ଗେଲୁପି ଆହାମାଞ୍ଜେରି । ୬ ଇଞ୍ଜା ତାନି ତଲେ ମାଜେ ହାକିଟି ନିକହାନା କ୍ରୀସ୍ତ ଜୀସୁ ତାଣା ଲାକପୁରୁ କୁରି କିହାମାଞ୍ଜାନେସି । ୭ କ୍ରୀସ୍ତ ଜୀସୁ ତାଣା ମାଜେତାକି ଜୀଝୁନହାନା ଝାହୁମାନି ଜୁଗୁତା ତାନି କାର୍ମାଟି ହାରେକା ଦନ ତସାଲି ମାହାପୁରୁ ଇଦାଆଁ କିତେସି । ୮ ଏନାଆଁତାକି ଇଚିହେଁ ମୀରୁ ନାମିତାକି ମାହାପୁରୁଟି କାର୍ମାଟି ଗେଲୁପି ଆହାମାଞ୍ଜେରି; ଏଡି ମୀ ତାଣାଟି ଆହା ହିଲେଏ, ଏଡି ମାହାପୁରୁଟି ଦାନା, ୯ ଏଡି ମୀରୁ କାମା କିତାକି ଆଏ, ଏଦାଆଁତାକି ଆମ୍ବାଆସି ବଡପଣ କିଆପେସି । ୧୦ ଇଚିହେଁ ମାରୁ ତାନି ତାଣାଟି ଗାଡ଼ି ଆହାମାନାୟି; ଆମିନି ନେହେଁ କାମା କିଇଁ ଇଞ୍ଜା ମାହାପୁରୁ ତଲିଏ କିହାଲି ତାକି ତିୟାରା କିହାମାଚେସି ଏ ବାରେ ମାନଡି ଆହାଲି କ୍ରୀସ୍ତ ଜୀସୁ ତାଣାଟି ଗାଡ଼ି ଆହାମାନେ ।

କ୍ରୀସ୍ତ ତାଣା ରଣିଏ ଆନାୟି

୧୧ ମୀରୁ ଏଚିବେଲା ତଲି ଆଜା ତଲେ ଜୀହୁଦିଆଆନା ମାଚେରି ଅଡେ ଆଜାଟି ଅଣପୁତା କେୟୁତଲେ ତଲୁ ଦାଡି ଆଡି ଲକୁ ତାଣାଟି ତଲୁ ଦାଡି ଆଆତାରି ଇଞ୍ଜା ଝେଞ୍ଜମାଚେରି । ୧୨ ଏଚିବେଲା ମୀରୁ

* ୧:୨୨ ୧:୨୨ କଲସି ୧:୧୮

କ୍ରୀସ୍ତ ତାଣ୍ଡାଟି ହେକ ମାଚେରି, ମୀରୁ ଏଟକା ଦେସାତାଚେରି ମାଚେରି, ଅଡ଼େ ମାହାପୁରୁତି ଆଡ଼ିତି ଇସାୟେଲ କୃତାତା ଆଶ୍ୱାହିଲାଆଚେରି, ମାହାପୁରୁ ତାନି ଲକ୍ଷ୍ମତାକି କିହାମାନି ରାଜିମାନାତା ମୀ ଏନି ବାଟା ହିଲାଆଚେ, ମାହାପୁରୁ ଅଡ଼େ ବାସୁଁ ହିଲାଆ ଲକ୍ଷ୍ମ ଲେହେଁ ଦାର୍ତତିତା ବାସା କିହାମାଚେରି । ୧୩ ନଟକଏ ମୀରୁ ହେକ ମାଚେରି, ସାମା ନୀର୍ଏ ମୀରୁ କ୍ରୀସ୍ତ ଜୀସୁ ତାଣ୍ଡାଟି ତାନି ନେତେରି ତଲେ ତାଗେ ଆହାମାଖେରି । ୧୪ ଏନାଆଁତାକି ଇଚିହୁଁ ଏଝାସି ମା ହିଡ଼ଡ଼ି, ଏଝାସି ସାତୁ ଲେହେଁ ପାଡ଼ି କାତିନି କାତିତି ଡିକ୍‌ହାନା ବାରେତି କାଲ୍‌ହା ମାଚେରି, ୧୫ *ଜୀହୁଦି ଲକ୍ଷ୍ମତି ପାଣ୍ଡାପାଟୁ ହୁକୁମିତି ମେରାତି ତାନି ଆଜ୍ଞାଟି ହେକ କିହାମାଚେରି, ଏନିକିଁ ଏଝାସି ହିଡ଼ଡ଼ି ହାହାନା ଜୀହୁଦି ଅଡ଼େ ଜୀହୁଦିଆଆତି କୃତାତାରାଇଁ ତାନି ତାଣ୍ଡା ର ପୁଣି ଲକ୍ଷ୍ମଲେହେଁ ଗାଡ଼ି କିନେସି । ୧୬ *ଅଡ଼େ କ୍ରସ୍ତା ହାହାନା ଜୀହୁଦି ଅଡ଼େ ଜୀହୁଦିଆଆତି ସାତୁତି ନାସା କିହାନା ଏଦାଣି ତଲେ ରିଆରାଇଁ ରଣିଏ ଆଜ୍ଞା ଲେହେଁ ଗାଡ଼ିକିହାନା ମାହାପୁରୁ ତଲେ ଆଣ୍ଡିକିୟାନେସି । ୧୭ ଅଡ଼େ ହେକ ମାଟି ଜୀହୁଦିଆଆତି ଲକ୍ଷ୍ମଣି ଅଡ଼େ ତାନି ତାଗେ ମାନି ଜୀହୁଦି ଲକ୍ଷ୍ମ ଇ ରିଆରି ତାଣ୍ଡା ଏଝାସି ଝାହାନା ହିଡ଼ଡ଼ିତି ନେହୁଁ କାବୁ ଝେକ୍‌ହେସି; ୧୮ ଏନାଆଁତାକି ଇଚିହୁଁ କ୍ରୀସ୍ତତି ତାକି ବାରେ ଜୀହୁଦିୟାଁ ଅଡ଼େ ଜୀହୁଦିଆଆତି ଲକ୍ଷ୍ମ ରଣିଏ ସୁଦୁଜୀଞ୍ଜୁତି ଲାକପୁରୁ ଆବା ତାଣ୍ଡା ହାଜାଲି ଜିରୁ ବେଟାଆହାମାନାୟି ।

୧୯ ଏଦାଆଁତାକି ମୀରୁ ଏଟକା ଦେସାତାଚେରି ଇ ଦେସାତାଚେରି ଆଏ, ସାମା ମାହାପୁରୁ ଲକ୍ଷ୍ମତଲେ ଆଶ୍ୱାନ ଏଝାରି ଦେସାତି ଲକ୍ଷ୍ମ ଅଡ଼େ ମାହାପୁରୁ ଇଲୁ କୁଟମିଚେରି । ୨୦ ମୀରୁ ପାଣ୍ଡୁଟି ଆହାମାନାରି ଅଡ଼େ ମାହାପୁରୁ ଅଣ୍ଡୁତି ବଲୁ ଝେହ୍‌ନାରି ଇଟାମାନି ପୁନାଦି ମୁହେଁ ଇଟକି ଆହାମାଖେରି, କ୍ରୀସ୍ତ ଜୀସୁ ତାନୁଏ, ଏ କନତି ମୁଲୁ ଝାଲି । ୨୧ ଏଝାଣି ତାଣ୍ଡା ବାରେ ଇଲୁତି ବାରେ କାତିୟାଁ ଦୂସୀନା ପ୍ରବୁ ତାଣ୍ଡା ର ସୁଦୁ ଆଞ୍ଜାମାନି ମାହାପୁରୁ ଇଲୁ ଲେହେଁ ପାତାଆହିମାନେ । ୨୨ ଏଝାଣି ତାଣ୍ଡା ମୀରୁ ଜିକେଏ ମା ତଲେ ଆଶ୍ୱାନ ସୁଦୁଜୀଞ୍ଜୁତି ମାହାପୁରୁ ବାସାଆନି ଇଲୁ ଲେହେଁ ଦସ୍‌ପି ଆହାମାଖେରି ।

୩

ଏଟକା ଲକ୍ଷ୍ମତାଣ୍ଡା ପାଞ୍ଜୁଲତି କାମା

୧ ଇଦାଆଁତାକି ମୀ ଲେହେଁତି ଜୀହୁଦିଆଆତି ଲକ୍ଷ୍ମତାକି କ୍ରୀସ୍ତ ଜୀସୁ ତାକି ଦସ୍‌ପି ଆହାମାନି ପାଞ୍ଜୁଲତେଏ । ୨ ମିଜେଟାକି ନାଜେ ହାହାମାଞ୍ଜାନି ମାହାପୁରୁତି କାର୍ମାଟି ସେବକିନି କାମାତି କାତା ମୀରୁ ଝେଞ୍ଜାମାଖେରି, ୩ ଅଡ଼େ ତୁଗ୍‌ମାନି କାତା ମାହାପୁରୁ ତାନୁଏ ତସାନା ପୁଣ୍ଡି କିୟାତେସି, ଏନିକିଁ ନାନୁ ତଲି ଏ ବାରେ କାତା ଇଚାଣି ରାଟାମାଇଁ; ୪ *ମୀରୁ ଏଦାଆଁ ପଡ଼ୁଝି ଆହାନା କ୍ରୀସ୍ତତି ତୁଗ୍‌ମାନି କାତା ନାନୁ ଏନାଆଁ ତେଲ୍‌ହାମାଇଁ ଏଦାଆଁ ମୀରୁ ତେଲ୍‌ହାଲି ଆଡ଼ିଦେରି, ୫ ତଲି କାଲ୍‌ତା ମାଣ୍ଡିୟାଁ ତାଣ୍ଡା ତଞ୍ଜା ଆହାହିଲାଆଚେ, ଏ ତୁଗ୍‌ମାନାୟି ନୀର୍ଏ ସୁଦୁଜୀଞ୍ଜୁତି ତାନି ସୁଦୁତି ପାଣ୍ଡୁଟି ଆହାମାନାରି ଅଡ଼େ ମାହାପୁରୁ ଅଣ୍ଡୁତି ବଲୁ ଝେହ୍‌ନାରି ତାଣ୍ଡା ଏନିକିଁ ତଞ୍ଜା ଆହାମାନେ, ୬ ଏ ତୁଗ୍‌ମାନି କାତା ଇଦି ନେହୁଁ କାବୁ ତାଣ୍ଡାଟି ଜୀହୁଦିୟାଁ ମାହାପୁରୁତି ବର ବେଟାଆନି ଲେହେଁ, ଏଟକା କୃତାତାରି ଜିକେଏ ବାରେଜାଣା ଆଶ୍ୱାନା ର ଆଜ୍ଞା ଲେହେଁ ଆହାନା କ୍ରୀସ୍ତ ଜୀସୁ ତାଣ୍ଡାଟି ମାହାପୁରୁ ଆଞ୍ଜାମାନାଣି ବାରେ ବେଟାଆନେରି ।

୭ ମାହାପୁରୁତି କାମା କିନି ବାଡ଼ୁୟୁ ତଲେ ନାଜେ ଏମିନି କାର୍ମାଟି ଦାନା ହାହାମାଞ୍ଜାନେସି ଏଦାଆଁତାକି ଏ ନେହୁଁ କାବୁତି ଝେକ୍‌ନାତେଏଁ ଆହାମାଇଁ । ୮ ମାହାପୁରୁ ଲକ୍ଷ୍ମ ବିତ୍ରାଡ଼ି ନାନୁ ବାରେତି କିହାଁ ଉଣାତେଏଁ ମାଟି ଜିକେଏ ଏଟକା କୃତାତି ଲକ୍ଷ୍ମତାଣ୍ଡା ଏଜିକିହାଲି ଆଡ଼ାଆଗାଟି କ୍ରୀସ୍ତତି କାର୍ମାଟି ନେହୁଁ କାବୁ ଝେକ୍‌ହାଲି ମାହାପୁରୁ ପାରୁ ହାହାମାଞ୍ଜାନେସି, ୯ ଅଡ଼େ ବାରେ ଗାଡ଼ିକିତି ମାହାପୁରୁ ତାଣ୍ଡା ତଲି କାଲ୍‌ଗିଏ ତୁଗ୍‌ମାନି କାତାତାକି ଏଝାଣି ଅଣ୍ଡୁ ଏନାୟି ଏଦାଆଁ ଉଜେଡ଼ିତା ତସାଲି ତାକି ମାହାପୁରୁତି କାର୍ମା ମୋଡ଼ା ଆହାମାଞ୍ଜାନେ, ୧୦ ଏନିକିହୁଁ ନୀର୍ଏ କ୍ରୀସ୍ତାନା କୁଲମିତି କାମାଟି ଲାକପୁରୁତି ସାଲ୍‌ଝି କିନାରି ବାଡ଼ୁୟୁ ଗାଟି ମାହାପୁରୁତି ବୁଦି ନେହୁଁ କିଁ ପୁଞ୍ଜାଲି ଆଡ଼ିନେରି, ୧୧ ମାହାପୁରୁ ତାନି କାଲ୍‌କାଲ୍‌ଗାଟି ଅଣ୍ଡୁ ଲେହେଁ ମା ପ୍ରବୁ କ୍ରୀସ୍ତ ଜୀସୁ ତାଣ୍ଡାଟି ବାରେ କିହାମାନେସି । ୧୨ ଏ ପ୍ରବୁ ତାଣ୍ଡା ନାମାମାନାକି ମାରୁ ଏଝାଣି ତାଣ୍ଡା ସାସାଟି ଆଜାଆନା ମାହାପୁରୁ ତାଣ୍ଡା ହାଜାଲି ସାସା ବେଟାଆହାମାନାୟି । ୧୩ ଏଦାଆଁତାକି ନାନୁ ମିଜେ ବାଡ଼ିମାଲ୍‌ମାଞ୍ଜାଇଁ, ମିଜେଟାକି ନାନୁ ବେଟାଆହିମାନି ଦୁକୁ କସ୍‌ ତାକି ସାସା ପିହୁଆଦୁ, ସାତେଏ ଏଡ଼ି ମୀ ଗାଞ୍ଜୁରମି ତାକି ଆହାମାନେ ।

* ୨:୧୫ ୨:୧୫ କଲସି ୨:୧୪ ☆ ୨:୧୭ ୨:୧୭ କଲସି ୧:୨୦ ☆ ୩:୪ ୩:୪ କଲସି ୧:୨୨,୨୭

କ୍ରୀସ୍ତ ତି ଜୀବୁନନାୟି

୧୪ ଏଦାଆଁତାକି ଆମିନି ଆବା ତାଣାଟି ଲାକପୁରୁ ଅଡେ ଦାବ୍‌ତିତି ବାରେ କୁଟମି, ତାନି କୁଡାତି ଦରୁ ବେଟାଆହାମାନେ, ୧୫ ଏମାହାପୁରୁ ଆବା ନକିତା ମେଣ୍ଡାକୁତାନା ପ୍ରାଡାନା କିହିମାଜ୍ । ୧୬ ଏନିକି ଏଝାସି ତାନି ଗାବୁରମିଗାଟି ଦନ ତାନି ସୁଦୁଜୀବୁ ତଲେ ମିଜେ ମୀ ଅଣପୁତା ତାରି ମାଣସି ଆହାଲି ବାଡୁରୁ ହିୟାନେସି, ୧୭ ମୀ ନାମୁତଲେ କ୍ରୀସ୍ତ ମୀ ହିୟାତା ବାସା କିନେସି, ଏନିକି ମୀ ଜୀବୁ ନପୁତା ପୁନାଦି ଅଡେ ଆଟ୍‌ଝା ତଲେ ତାରିଆହାନା ଏଜିକିହାଲି ଆଡାଆଗାଟି କ୍ରୀସ୍ତ ତି ଜୀବୁ ନପୁ, ୧୮ ଏଦାଆଁ ପୁଞ୍ଜୁ ଇଞ୍ଜା ବାରେ ମାହାପୁରୁ ଲକୁତଲେ ଏମ୍‌ଗାତି ଅସାରା ଅଡେ ଲାମ୍‌ଗା ପାଡୁଣି ଅଡେ ଗାଡୁରୁତି ପୁଞ୍ଜାଲି ବାଡୁରୁ ବେଟାଆଦି । ୧୯ ହାଅ ମୀରୁ ଏନିକି କ୍ରୀସ୍ତ ତି ଜୀବୁ ନନାଣି ପୁଞ୍ଜେରି ଆତିହ୍ ଜିକେଏ ଏଦାଆଁ ନେହ୍ କି ପୁଞ୍ଜାଲି ଆଏ, ଅଡେ ଏଲେକିହ୍ ମାହାପୁରୁତି ଗୁଣ୍ଡୁତଲେ ପାଡାଆପୁ ।

୨୦ ଆମିନି ମାହାପୁରୁ ମା ହିୟାତା କାମା କିହିମାନି ତାନି ବାଡୁରୁ ତଲେ ମୀରୁ ରାହନାଣି ଅଡେ ଅଣପିନାଣି କିହ୍ ହାରେକା ଆଗାଡା ହିୟାଲି ଆଡାନେସି, ୨୧ କୁଲମିତି ଅଡେ କ୍ରୀସ୍ତ ଜୀବୁ ତାଣାଟି ଏ ମାହାପୁରୁତି ଗାବୁରମି କାଲାକାଲାତାକି ମାଣମେ । ଆମେନ ।

୪

ରଣ୍ଡିଏ ଆଜାମ

୧ ପ୍ରବୁତି ସେବାତାକି ନାନୁ କାୟିଦିତା ମାଜ୍, ମିଜେ ବାତିମାଲିମାଞ୍ଜାଜ୍, ଏନିକି ନୀତାବାଡକାଲି ତାକି ମାହାପୁରୁ ମିଜେ ହାଟାମାଞ୍ଜାନେସି, ଏଲେତି ମାଣକି ତଲେ ମାଞ୍ଜୁ । ୨ ଇତିହ୍ ବାରେଲେହେତି ଉଣା ଗାଟାବେରି, ସୁଦୁ ସୁଞ୍ଜାଲ, ହାରେକା ଅରୁହିନାତେରି ଅଡେ ଜୀବୁନହ୍‌ନା ରଅତେରି ରଅଣାଜ୍ ଅରୁହିନାତେରି ଆଦୁ: ୩ ମୀରୁ ବାରେଜାଣା ତେରି ହିଡ଼ିତି ଡରିତଲେ ଦସ୍‌ପି ଆହାନା ସୁଦୁଜୀବୁ ବାଡୁରୁତି ରଣ୍ଡିଏ ଲେହେ ଆହାଲିତାକି ଜାଡୁନୁ ଆଦୁ । ୪ ଆଜାମ ରଣ୍ଡିଏ, ସୁଦୁଜୀବୁ ଜିକେଏ ରଣ୍ଡିଏ, ଏନିକି ମୀରୁ ମୀ ହାଟାମାନି ରଣ୍ଡିଏ ବାସ୍‌ ତଲେ ହାଟକି ଆହାମାଞ୍ଜେରି; ୫ ପ୍ରବୁ ରଅସିଏ, ନାମୁ ରଣ୍ଡିଏ ଅଡେ ବାପୁସ୍ତା* ଜିକେଏ ରଣ୍ଡିଏ, ୬ ବାରେ ମାଣସିୟାତି ରଣ୍ଡିଏ ମାହାପୁରୁ ଅଡେ ତାଞ୍ଜି; ଏଝାସି ବାରେତି ମୁହେ, ବାରେତି ବିଡା ଇଞ୍ଜା ବାରେତି ହିୟାତା ମାନେସି ।

୭ ସାମା କ୍ରୀସ୍ତ ତି ଦାନା ଏଚେକା ବେଟାଆନାୟି ମାନେ ଏଚେକା ମାଜେ ବାରେଜାଣା ତାକି ମାହାପୁରୁତି କାର୍ମାମେହନାୟି ହାପୁକି ଆହାମାଞ୍ଜାନେ । ୮ ଦାମ୍‌ ସାଡେସ୍‌ପିରିତା ରାସ୍‌କି ଆହାମାନେ,

“ଏଝାସି ଲାକ ହାଜାନା, ହାରେକା ଦସ୍‌ପି ଆହାମାନାରାଜ୍ ତାନିତଲେ ଅଡେସି; ଅଡେ ମାଣସିୟାତି ଏଟକା ଏଟକାତି ବର ହାତେସି ।”

୯ “ଏଝାସି ଲାକ ହାଚେସି” ଇତିସାରେ ଏନାୟି ? ଏଲେଇତିସାରେ ମୁଲୁଏ ଏଝାସି ଦାବ୍‌ତିତି ଡୁଇ ପାଡେକା ରେଟା ଝାହାମାଚେସି । ୧୦ ଆମ୍‌ଆସି ଡୁଇପୁରୁ ଝାହାମାଚେସି, ବାରେ ଦାବ୍‌ତିଜ୍ ତାନୁ ମାଞ୍ଜାନା ବାରେ ପୁରା କିହାଲିତାକି ଏଝାସି ଅଡେ ଝେଣ୍ଡେ ଲାକପୁରୁ ହାଚେସି, ୧୧ ଏଝାସି ଲକୁତାକି ହାରେକା ଦାନା ହାଚେସି; ଆମ୍‌ଆରାଜ୍ ପାଣ୍ଡୁଣ୍ଡି ଆଡାରି ଆହାଲି, ଆମ୍‌ଆରାଜ୍ ମାହାପୁରୁ ଅଣପୁତି ବଲୁ ଝେକନାରି ଆହାଲି; ଆମ୍‌ଆରାଜ୍ ନେହ୍ କାବୁ ଝେକନାରି ଆହାଲି, ଅଡେ ଏଚେ ଜାଣାଜ୍ କୁଲମି ଜାଡୁନୁ କନାରି ଅଡେ ଜାପୁନାରି ଆହାଲି ଦାନା ହାହାମାନେସି, ୧୨ ଏନିକି ମାହାପୁରୁ ଲକୁତି ସେବା କାମାତାକି ତାରି ଆହାଲି ଆଡିନେ ଇଞ୍ଜା କ୍ରୀସ୍ତ ତି ଆଜାମ ପାଡାଆହାଲି ଆଡିନେ ୧୩ ଏନିକି ମୀରୁ ବାରେଜାଣା ନାମୁତା ଅଡେ ମାହାପୁରୁତି ମୀରୁଏଣା କାତାତି ବୁଦିତା ରଣ୍ଡିଏ ଆହାଲି ଆଡିନାୟି, ଇତିହ୍ କ୍ରୀସ୍ତ ଲେହେ ଆହାନା ପାଡାଆଡି ଲକୁ ଲେହେ ଆନାୟି, ୧୪ ଗାଲି ଝାନାଟି ଅଡେ ଏରୁ ଉଣ୍ଡାତା ଦାଜ୍‌ମାନି କକାରି ପଡାୟା ଲେହେ ମୀରୁ ଇତାଲା ଆତାଲା ଆଆପ । ଏଟକା ଲକୁଣି ଜିରୁ ବାଣି କିହିମାନି ନାଡିକିନି ଅଣପୁତି ଜାପୁନି ତାଣା ମୀରୁ ତରୁଗାଆପ । ୧୫ ସାମା ସାତାତି ଆସାନା ତାୟ୍ ଫୁଲେହେତି କ୍ରୀସ୍ତ ଏଝାଣି ତାକି ବାରେ ଜୀବୁ ନପୁତା ପାଡାଆନ । ୧୬ ଏଝାଣି ତାଣାଟି ବାରେ ଆଜାମ ବାରେ ହାନ୍ତୁଲିକା ସାଡେମି ତଲେ ଅଡେ ବାରେ ଆଜାମି କାମା କିନି ବାଡୁରୁ ତଲେ ଦୁରଞ୍ଜି ଆହାନା ଜୀବୁ ନପୁତା ତାନି ନେହେତାକି ଜାହାରାଜ୍ ପାତି କିହିମାନୁ ।

କ୍ରୀସ୍ତ ତାଣା ପୁଞ୍ଜି ଜୀବୁ

☆ ୪:୭ ୪:୭ କଲସି ୩:୧୭, ୧୩ * ୪:୫ ୪:୫ପୁଞ୍ଜନାୟି ☆ ୪:୧୭ ୪:୧୭ କଲସି ୨:୧୯

୧୭ ପ୍ରଭୁ ଦରୁତଲେ, ନାନୁ ମିଙ୍ଗେ ଜାଗ୍ରାତା କିହାଁ ଝେସିମାଞ୍ଜାଇଁ, ନାମାଆତାରି ଏନିକି ତାନି ମନତା ଉଜେଏତି ଅଣ୍ଟାପୁ ତଲେ ନୀଡିନେରି ମୀରୁ ଏଲେକି ନୀତାଆଦୁ, ୧୮ ଏଞ୍ଜାରି ତାମି ତାଣା ମାନି ମୁକ୍ତି ତାକି ଜାହା ଜାହାରା ମନ ଆଟ୍ଠା ମାନାକି ଏଞ୍ଜାରି ମାହାପୁରୁ ହାହାମାନି ଜୀଞ୍ଜୁତି ବୁଦି ଆନ୍ଦେରି ଆହାମାନେ, ଅଡ଼େ ମାହାପୁରୁ ତାଣାଟି ଏଟ୍ଟା ଆହାମାନେରି; ୧୯ ଏଞ୍ଜାରି ଆଟ୍ଠା ଆହାନା ଦନ ଜୁପକା ଆହାନା ବାରେ ଲାଗେଏତି କାମା କିହାଲି ଜାହାରାଇଁ ହେରୁପା କତାମାନେରି । ୨୦ ସାମା ମୀରୁ କ୍ରୀସୁଇଁ ଏଲେକିହିଁ ଜାପାହିଲଅତେରି । ୨୧ ମୀରୁ ତାନି କାତା ସାତାତଲେ ଝେଞ୍ଜାମାଞ୍ଜେରି, ଅଡ଼େ ଜୀସୁ ତାଣା ମାନି ସାତାତି ତାନିତଲେ ମାଞ୍ଜାନା ଜାପାମାଞ୍ଜେରି, ୨୨ ଇଚିହିଁ, ମୀରୁ ମୀ ନକେଏତି ମାଣକିତା ନାଡ଼ିକିନି ରାହାଁତା ହାରେ ହାରେକା ଲାଗେଏ ଆହିମାତେ । ୨୩ ମୀ ମନତା ପୁଃନି ଗୁଣ୍ଡି ଆହାନା । ୨୪ ଏମିନି ପୁଃନି ଗୁଣ୍ଡି ମାହାପୁରୁତି ଖାଣା ତଲେ ଦାମ୍ବୁ ଅଡ଼େ ସାତାତି ସୁଦୁତା ଗାଡ଼ି ଆହାମାଞ୍ଜେରି, ଏଦାଆଁ ପରହାଲି ଜାପାମାଞ୍ଜେରି । ୨୫ ଇଦାଆଁତାକି ମିଚିତି ପିସାନା ମୀରୁ ବାରେଜାଣା ତେରି ନାମିତି ତାୟିୟାଁ ତଲେ ସାତା କାତା ଝେସପି ଆଦୁ, ଇଚିହିଁ ମାରୁ ରଣ୍ଡିଏ ଆଜ୍ଞାତାୟି । ୨୬ କାରୁବି ଆଦୁ, ସାମା ପାପୁ କିଆଦୁ; ଝେଡ଼ା ହାଲାଆ ନକେଏ କାରୁବି ପିହୁଦୁ; ୨୭ ଅଡ଼େ ସୟତାନକି ଚାୟୁ ହାଆଦୁ । ୨୮ ସରୁ ଅଡ଼େ ସରୁ କିଆପେସି, ଇଚିହିଁ ହିଲାଆ ଗାଗାରାକି ହାହାଲିତାକି ଏନିକିହିଁ ତାନି ତାଣା ଏନାୟି ଡ଼ୟିନେ, ଇଦାଆଁତାକି ତାନି କେୟୁତଲେ ନେହିଁ କାମା କିହାନା କସ୍ତ କିପେସି । ୨୯ ମୀ ଗୁଡିତି ଏନି ଲାଗେଏତି କାତା ହଆପେ, ମୀ ଲଡ଼ାମାନି ଲେହେଁ ନେହିଁ କାତା ହପେ ଏନିକି ଏନି ଝେନାରାକି ନେହାୟି ଆନେ । ୩୦ ମାହାପୁରୁତି ସୁଦୁଜୀସୁ ତଲେ ମିଙ୍ଗେ ଗେଲପିନି ଦିନାତାକି ବୁରୁ ମୁଦା କିଞ୍ଜି ଆହାମାଞ୍ଜେରି ଏଦାଣି ଦୁକୁ ହାଆଦୁ । ୩୧ ବାରେଲେହେଁତି କୁଟୁ ଅଣ୍ଟା, କାରୁବି, କପା, ଗଡ଼ହା ଅଡ଼େ ନିନ୍ଦା, ଇଞ୍ଜା ବାରେଲେହେଁତି ଅପାଆଗାଗାୟି ମୀ ତାଣାଟି ହେକ ଆପେ । ୩୨ ଅଡ଼େ, ରଅତେରି ରଅଣାଇଁ କାମା ଅଣ୍ଟାପୁ, ହିଡ଼ଡ଼ି ହିୟାଁ, ଅଡ଼େ ମାହାପୁରୁ କ୍ରୀସୁ ତାଣା ମିଙ୍ଗେ ଏନିକିହିଁ ଦହ ପିସ୍ତାନେସି, ଏଲେକିହିଁ ରଅତେରି ରଅଣି ଦହ ପିହୁଦୁ ।

୫

ଉଜେଡ଼ିତା ନୀତିନାୟି

୧ ମୀରୁ ମାହାପୁରୁତି ଜୀଞ୍ଜୁତି ମୀରୁକା ମାସ୍ତକାତେରି ଆହାମାନାକି, ମାହାପୁରୁ ଲେହେଁ ଆଦୁ; ୨ କ୍ରୀସୁ ଏନିକି ମିଙ୍ଗେ ଜୀଞ୍ଜୁ ନୟାତେସି, ଅଡ଼େ ମା ତାକି ମାହାପୁରୁ ତାକି ଗାନ୍ଦାଗାଟି ନେହିଁ ପୂଜାଲେହେଁ ଜାହାରାଇଁ ହେରୁପାକତିତେସି, ମୀ ଜୀଞ୍ଜୁତା ଜିକେଏ ଏଲେକିହିଁ ଜୀଞ୍ଜୁ ନଞ୍ଜିଆହାନା ନୀତାଦୁ ।

୩ ସାମା ଦାରିକାମା, ବାରେଲେହେଁତି ଲାଗେଏତି କାମା କି ଜୁପକା, ଇ ବାରେ ମୀ ତାଣା ଚାୟୁ ବେଟା ଆଆପେ; ଏନି ମାହାପୁରୁ ଲକୁତାଣା ନେହାୟି ଆଏ; ୪ ଅଡ଼େ ଏନାୟି ଆଆଗାଗାୟି, ଅଜାଆତି କାତା, ଲାଗେଏତି କାତା, ଲକୁଣି ଲାଜା କିହାଁ କାକନାୟି ମୀ ବିଡ଼ା ତଞ୍ଜା ଆଆପେ, ସାମା ବାରେ କାତାତାକି ମାହାପୁରୁଇଁ ଜହରା କିଦୁ । ୫ ଇଚିହିଁ ମୀରୁ ସାତେଏ ପୁଞ୍ଜାମାଞ୍ଜେରି, ଏମିନି ଦାରି କାମାକିନାସି କି ଲାଗେଏତି କାମାକିନାସି କି ହାରେକା ଜୁପକା ଆନାସି ଏଞ୍ଜାସି ପେଣକା ବମାୟାଁତି ପୂଜା କିନାସି, ଏଲେତି ଲକୁକି କ୍ରୀସୁ ଅଡ଼େ ମାହାପୁରୁତି ରାଜିତା ଅଦିକାରା ହିଲେଏ ।

୬ ଆମ୍ବାଆସି ମିଙ୍ଗେ ଉଜେଏତି କାତା ଝେସାନା ନାଡ଼ି କିୟାଆପେସି, ଏନାଆଁତାକି ଇଚିହିଁ ଇ ବାରେ ଲାଗେଏତି କାମାତାକି କାତା ମାନୁଞ୍ଜି ଆଆଗାଟି ମୀରୁକା ମୁହେଁ ମାହାପୁରୁତି କାରୁବି ଖାନ୍ନେ । ୭ ଇଦାଆଁତାକି, ମୀରୁ ଏଞ୍ଜାରିତଲେ ଏଞ୍ଜାରିଲେହେଁ ଆଆଦୁ; ୮ ଏନାଆଁତାକି ଇଚିହିଁ ମୀରୁ ତଲି ଆନ୍ଦେରି ଲେହେଁ ମାଚେରି, ସାମା ନୀଏଁ ପ୍ରଭୁତି ଲକୁ ଆଡ଼ାକି ଉଜେଡ଼ି ଲେହେଁ ଆହାମାଞ୍ଜେରି; ଉଜେଡ଼ିତି ମୀରୁକା ଲେହେଁ ତାକାଦୁ, ୯ ଇଚିହିଁ ବାରେଲେହେଁତି ନେହାୟି, ଦାମ୍ବୁଗାଗାୟି ଅଡ଼େ ସାତା ଉଜେଡ଼ିତି ପାଡ଼େୟି ଲେହେଁ, ୧୦ ପ୍ରଭୁକି ଏନାୟି ନେହେଁ, ଏଲେତି କାମା କିହାଲି ଜାପାଦୁ; ୧୧ ଲକୁ ଆନ୍ଦେରିତା ଆମିନି ବାରେ ଲାଗେଏତି କାମା କିହିମାନେରି, ଏ ବାରେ କାମାତା ଆଣ୍ଡାଆଦୁ, ଇଞ୍ଜା ଏଞ୍ଜାରି ବାରେ କାମାତି ଦହ ତହୁଦୁ । ୧୨ ଏନାଆଁତାକି ଇଚିହିଁ ଏଞ୍ଜାରି ଏନାଆଁ ଡ଼ଗୁନା କିନେରି, ଏ ବାରେ କାତା ଝେହୁନାୟି ଜିକେଏ ଲାଜାତି କାତା, ୧୩ ସାମା ବାରେ ଲାଗେଏତି କାମା ଉଜେଡ଼ି ତଲେ ତସ୍ପିଆନେ, ଏନାୟି ବାରେ ତଞ୍ଜାଆନେ ଏନି ବାରେ ଉଜେଡ଼ି । ୧୪ ଏଦାଆଁତାକି ରାସ୍ତକି ଆହାମାନେ, “ଇଦା କିହାମାନାତେରି, ନିଜାଦୁ,

☆ ୪:୨୨ ୪:୨୨ କଲସି ୩:୯ ☆ ୪:୨୪ ୪:୨୪ କଲସି ୩:୧୦ ☆ ୪:୩୨ ୪:୩୨ କଲସି ୩:୧୩

ହାଡ଼ାରି ତାଣାଟି ନିଜାପୁ,
ଅଡ଼େ କ୍ରୀସ୍ତ ମିଜେ ଉଜେଡ଼ି ହିୟାନେସି ।”

୧୫ ଇଚିହଁ ବୁଦି ହିଲାଆ ଗାଟାରିଲେହେଁ ଆଆନା ବୁଦି ମାନାରି ଲେହେଁ ମୀ ନୀତିନାଣି ତାକି ଜାଗ୍ରାତା ଆପୁ, ବୁଦି ହିଲାଆଗାଟାତେରି ଲେହେଁ ଆଆନା ବୁଦି ଗାଟାତେରି ଲେହେଁ ଆପୁ । ୧୬ * ପାଗାତି ନେହଁକଁ ଲେମ୍ବାଦୁ, ଏନାଆଁତାକି ଇଚିହଁ କାଳା ଲାଗେଏତାୟି । ୧୭ ଏଦାଆଁତାକି, ବୁଦି ହିଲାଆ ଗାଟାରିଲେହେଁ ଆଆନା ପ୍ରବୁତି ଅଣ୍ଟପୁ ଏନାୟି ଏଦାଆଁ ତେଲହାଦୁ ।

୧୮ ଅଡ଼େ କାଡ଼ ରସାନା ହଡ଼ାଆଦୁ, ଏନାଆଁତାକି ଇଚିହଁ ଏଫି ମିଜେ ନାସା କିୟାନୁ; ସାମା ପାଡୁ, ସୁଦୁଜୀଝୁଟି ଜହରା କିହଁ ରଅତେରି ରଅଣାଇଁ ବାସୁଁ ହାଦୁ, ୧୯ *ଅଡ଼େ ମୀ ହିୟାଁ ମାହାପୁରୁ ତାକି ସୁଦୁଜୀଝୁ ତଲେ ଜହରା ପାଡୁ ପାଡ଼ାଦୁ । ୨୦ ବାରେବେଲା ବାରେ କାତାତାକି ପ୍ରବୁ ଜୀସୁ କ୍ରୀସ୍ତତି ଦରୁତଲେ ଆବା ମାହାପୁରୁଇଁ ଜହରା କିଦୁ ।

ତକ୍ତି ଅଡ଼େ ତକ୍ତା

୨୧ ଅଡ଼େ କ୍ରୀସ୍ତଇଁ ଆଜାନା ରଅତେରି ରଅଣାଇଁ ମାନି କିଦୁ ।

୨୨ *ଏ ଆୟାସିକା ମୀରୁ ଏନିକଁ କ୍ରୀସ୍ତଇଁ ମାନି କିହିମାନି ଲେହେଁ ମୀରୁ ମୀ ତକ୍ତାୟାଣି ମାନି କିଦୁ, ୨୩ ଇଚିହଁ କ୍ରୀସ୍ତ ଏନିକଁ କୁଲମିତି ତାୟଁ ୁଲେହେଁ, ତକ୍ତା ଜିକେଏ ଏଲେକଁ ତକ୍ତିନି ତାୟଁ ଲେହେଁତାସି, ଇଞ୍ଜାଁ କ୍ରୀସ୍ତ ତାନି ଆଜା ଲେହେଁତି କୁଲମିତି ଗେଲପିନେସି । ୨୪ ହାଅ, କୁଲମି ଏନିକିହଁ କ୍ରୀସ୍ତଇଁ ମାନି କିନେ, ଏଲେକିହଁ ତକ୍ତିସିକା ଜିକେଏ ବାରେ କାତାତା ତାମି ତକ୍ତାୟାଣି ମାନି କିଦୁ ।

୨୫ *ଏ, ତକ୍ତାୟାଁତେରି, କ୍ରୀସ୍ତ ଏନିକଁ କୁଲମିତି ଜୀଝୁ ନଡ଼େସି, ମୀରୁ ଜିକେଏ ଏଲେକିହଁ ମୀ ତକ୍ତିସିକାଣି ଜୀଝୁନଦୁ; ଇଚିହଁ ଏଝାସି ଏଦାନାକି ତାନି ଜୀଝୁ ହୀତେସି, ୨୬ ଏଝାସି କୁଲମିତି ବଲୁ ଅଡ଼େ ଏୟୁତଲେ ନରହାନା ମାହାପୁରୁ ତାକି ସୁଦୁ କିହାନା ହେବପିତେସି, ୨୭ ଏନିକଁ କୁଲମି ଗାହାଁଗାରି, ଅଡ଼େ ଦହ ହିଲାଆଗାଟାୟି ଆହାନା ସୁଦୁ ଗାଟାୟି ଆନେ, ଅଡ଼େ ଏଲେକିହଁ ଏ ଗାଝୁରି ତଲେ ମାହାପୁରୁ ତାନି ତାଣା ଅନେସି । ୨୮ ଏଲେକିହଁ ତକ୍ତାୟାଁ ଜିକେଏ ତାନି ତକ୍ତିସିକାଣି ଜାହାରା ଆଜା ଲେହେଁ ଜୀଝୁନଦାୟି ମାନେ, ଆମ୍ବାଆସି ଜାହାରା ତକ୍ତିନି ଜୀଝୁ ନଡ଼େସି, ଏଝାସି ଜାହାରାଇଁ ଜୀଝୁ ନଡ଼େସି; ୨୯ ଆମ୍ବାଆସି ଜିକେଏ ଜାହାରା ଆଜାତି ନାଦୁ ଅପଅଁ ଇଞ୍ଜାଁ ଇନଅସି, ସାମା ତାନି ଆଜା ତାକି ତିନେସି ଉନେସି ଅଡ଼େ ଜାଡ଼ନୁ ଇଚିନେସି, କ୍ରୀସ୍ତ ଜିକେଏ କୁଲମିତାକି ଏଲେକିହଁ କିନେସି, ୩୦ ଏନାଆଁତାକି ଇଚିହଁ ମୀରୁ ତାନି ଆଜାତି ଆଜା ଉଡ଼େଲି ତାୟି । ୩୧ ଦାମ୍ବୁପତିତା ରାସ୍ତିକି ଆହାମାନେ, “ଇଦାଣି ତାକି ଆବାଟି ତାଲି ତାଞ୍ଜିଇଁ ପିସାନା ଜାହାରା ତକ୍ତି ତାଣା ଆଣ୍ଡିନେସି, ଅଡ଼େ ଏରିଆରି ରଣ୍ଡିଏ ଆଜା ଆନେରି ।” ୩୨ ଇ ଦାମ୍ବୁ ସାସ୍ତେରିତା ରାସ୍ତିକି ଆହାମାନି ତାଣା ହାରେକା ତୁଣ୍ଡାମାନି କାତା ମାନେ, ସାମା ନାଦୁ କ୍ରୀସ୍ତ ଅଡ଼େ କୁଲମିତି କାତା ଝେସିମାଞ୍ଜଇଁ । ୩୩ ଏନାୟି ଆପେ, ମୀରୁ ବାରେଜାଣା ଜାହାରା ତକ୍ତିଇଁ ଜାହାରା ଜୀଝୁ ଲେହେଁ ଜୀଝୁନଦୁ, ଇଞ୍ଜାଁ ତକ୍ତି ଜିକେଏ ଜାହାରା ତକ୍ତାଇଁ ମାନି କିନାୟିମାନେ ।



ତାଲି ତାଞ୍ଜି ଅଡ଼େ କକାରି ପଦାଁ

୧୧ କକାରି ପଦାୟାଁତେରି, ପ୍ରବୁତି ତାକି ମୀ ତାଲି ତାଞ୍ଜି କାତା ମାନୁଁ ଆପୁ; ଇଚିହଁ ଏଡ଼ି ମିଜେ ତାକି ନେହାୟି । ୨ “ମୀ ତାଲି ତାଞ୍ଜିଇଁ ମାନି କିଦୁ, ଇଦି ମାହାପୁରୁ ଆଞ୍ଜାମାନି ର କାଜା ହୁକୁମି, ୩ ଏନିକିହଁ ମିଜେ ନେହଁ ଆନେ, ଇଞ୍ଜାଁ ମୀରୁ ଦାବ୍ତିତା ହାରେକା ଦିନା ନୀତିଦେରି ।”

୪ *ତାଲି ତାଞ୍ଜି ତେରି, ମୀ କକାରି ପଦାଁଣି କପା କିଆଦୁ, ସାମା ଏଝାରାଇଁ ପ୍ରବୁତି କାତା ଜାପୁଡୁ ଅଡ଼େ ସେଡ଼ନା ତଲେ ପହୁକିଦୁ ।

ହଲିୟା ଅଡ଼େ ସାଝୁକାରି

୫ *ଏ ହଲିୟାଜାତେରି, ମୀରୁ ଏନିକଁ କ୍ରୀସ୍ତଇଁ ମାନୁଁ ଆହିମାଞ୍ଜେରି, ଏଲେକିହଁ ଆଜି ଅଡ଼େ ତାର୍ଗିହଁ ତାରି ହିୟାଁ ତଲେ ମୀ ଦାବ୍ତିତି ସାଝୁକାରିୟାଁ କାତା ଆହୁଦୁ; ୬ ମାଣସିଇଁ ରାହାଁ କିନିଲେହେଁ ତାନି ନକିତା ଏଦାଆଁ କିଆଦୁ, ସାମା କ୍ରୀସ୍ତତି ହଲିୟା ଲେହେଁ ହିୟାଁ ତଲେ ମାହାପୁରୁତି ଅଣ୍ଟପୁ ତାରିକିଦୁ

* ୫:୧୬ ୫:୧୭ କଲସି ୪:୫ * ୫:୧୯ ୫:୧୯ କଲସି ୩:୧୭,୧୭ * ୫:୨୨ ୫:୨୨ କଲସି ୩:୧୮; ୧ପିତ ୩:୧ * ୫:୨୫ ୫:୨୫ କଲସି ୩:୧୯; ୧ପିତ ୩:୭ * ୬:୧ ୬:୧ କଲସି ୩:୨୦ * ୬:୪ ୬:୪ କଲସି ୩:୨୧ * ୬:୫ ୬:୫ କଲସି ୩:୨୨-୨୫

। ୭ ଖାରଜ ମାଣସିୟାତି ସେବା କିହିମାନମି ଇଞ୍ଜି ଅଣ୍ଡପାନା ପ୍ରବୃତି ସେବା କିନିଲେହେଁ ରାହାଁତଲେ ଏଦାଆଁ କିଦୁ, ୮ ଇଦାଆଁ ପୁଞ୍ଜାନା, ଏଝାସି କଡ଼ିତି ହଲେଏସି ଆଡ଼ପସି କି ହଲେଏସି ଆଆପେସି ପ୍ରବୁ ବାରେ ଲକ୍ଷୁକି ଏଝାରି ନେହଁ କାମାତାକି ଏଝାରି ଏନାଆଁ ବେଟାଆନାୟି ମାନେ ଏଦାଆଁ ହାନେସି ।

୯ *ଏ ସାଧୁକାରିୟାତେରି, ହଲିୟାଙ୍ଗାଣି ଲାଗେଏ ତଲେ ଲେମ୍ବାଆଦୁ କି ଏଝାରାଇଁ ଆଜିକିଆଦୁ; ମୀରୁ ଅଡ଼େ ମୀ ହଲିୟାଙ୍ଗା ବାରେଜାଣା ତେରି ଲାକପୁରୁତି ପ୍ରବୃତି ହଲିୟାଙ୍ଗାତେରି; ଏଝାସି ବାରେଜାଣାତି ପାରଡ଼ା ବାତି କିଆନା ବିଚାରା କିନେସି ।

ମାହାପୁରୁତି ଜୁଜୁକିନି ଜୁତି

୧୦ ତାୟୁତି କାତା ଇଦି, ପ୍ରବୁ ତାଣାଟି ବାଡ଼ୁୟୁ ବେଟାଆହାନା ଏଝାଣି ବାଡ଼ୁୟୁତି ବାଡ଼ୁୟୁ ଗାଟାତେରି ଆଦୁ । ୧୧ ମୀରୁ ଏନିକଁ ସୟତାନତି ବାରେ ପଲ୍ଲଆ କାମାଟି ଜୀଣା ଆୟାଲି ଆଡ଼ିଦେରି, ଏଦାଆଁତାକି ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତି ବାରେ ତୁରଦୁ । ୧୨ ଇତିହଁ ମା ଜୁଜୁ ବାରତିତାରି କପାଟି ଆଏ, ସାମା ଲାକପୁରୁତି କାଜାପାଣା କପାଟି, ସାଲୁଝି କିନାରି କପାଟି ଇ ଆନ୍ଦେରିତି ପାଣାଗାଟାରି କପାଟି ଅଡ଼େ ହାଗୁ ପାକାତି ପଲ୍ଲଆ ଜୀଝୁୟାଁ କପାଟି ଜୁଜୁ କିହିମାନାୟି । ୧୩ ଏଦାଆଁତାକି ନାଏଁ ମାହାପୁରୁ ହୀହାମାଞ୍ଜାନି ଜୁଜୁକିନି ଜୁତିତି ତୁରଦୁ, ଆତିହଁ ଲାଗେଏତି ବେଲାତା ମୀରୁ ସାତୁ ନକିତା ନିଚାଲି ଆଡ଼ିଦେରି ଇଞ୍ଜି ରାନି ପାତେକା ଜୁଜୁକିହଁ ତାରିଆହାଁ ଡ଼ୟାଲି ଆଡ଼ିଦେରି ।

୧୪ ଇତିହଁ, ସାତାତି ଜାତି ଟେଟେଲିତା ରୁପାକତାହାଁ, ଦାମ୍ପୁତି ବକ ପାଟା ଲେହେଁ ତୁରଦୁ, ୧୫ ହିଡ଼ଡ଼ି ହାନି ନେହଁ କାବୁତାକି ଅଜିକିଝି ଆହାମାନି ସେପୁୟାଁ କତାଣା ତୁରହାନା ତାଟା ଆହାମାଞ୍ଜୁ; ୧୬ ବାରେବେଲା ନାମୁତି ଆତୁ ପାଟା ଆସାମାଞ୍ଜୁ, ଏଦାଣି ତଲେ ମୀରୁ ସୟତାନତି ବାରେ ଡ଼ାଞ୍ଜିମାନି ଆପକାତି ହିରୁ ବାରେ ତୁପହାଲି ଆଡ଼ିଦେରି । ୧୭ ଅଡ଼େ, ଗେଲ୍ପିନି ଟେପରି ତାୟୁଁ ତୁା ତୁରଦୁ ଅଡ଼େ ସୁଦୁଜୀଝୁତି ହିୟାତି ମାହାପୁରୁତି ବଲୁଡ଼ି କାଣ୍ଡା ଆହଦୁ; ୧୮ ବାରେଲେହେତି ପ୍ରାତାନା ଅଡ଼େ ବାତିମାଲିନି ତାଣା ବାରେବେଲା ସୁଦୁଜୀଝୁ ସାୟେମି ତଲେ ପ୍ରାତାନା କିଦୁ, ଇଞ୍ଜି ବାରେ ମାହାପୁରୁ ଲକ୍ଷୁତାକି କାପୁ କାଟାନା ପ୍ରାତାନା କିହେମାଞ୍ଜୁ । ୧୯ ଅଡ଼େ, ନାଜେତାକି ଜିକେଏ ପ୍ରାତାନା କିଦୁ, ଏନିକଁ ନେହଁ କାବୁତାକି ଦୁତୁ ସମାନା ନାନ୍, ନାଜେ ଏ ଡ଼ଗୁମାନାଣି ପୁଣିକି ହାଲି ସାସାତଲେ ବଲୁ ଝେସାଲି ମାହାପୁରୁ ନା ଗୁତିତା ନେହଁ କାବୁ ହିୟାନେସି । ୨୦ ଅଡ଼େ ନାନ୍ ଏନିକଁ ଏମ୍ବାତି ସାତା କାତା ସାସାତଲେ ଝେସାଲି ଆଡ଼ିଇଁ ।

ଜହରା ଝେସାହାଁ ଆକୁତି ରାମ୍ପାନାୟି

୨୧ *ନା କାତା, ଇତିହଁ ନାନ୍ ଏନିକଁ ମାଇଁ, ଇଦାଆଁ ମୀରୁ ଜିକେଏ ଏନିକଁ ପୁଞ୍ଜାଲି ଆଡ଼ିଦେରି, ଇଦାଣି ତାକି ନା ଜୀଝୁତି ତାୟି ଅଡ଼େ ଜ୍ରାସୁତି କାମାତା ନାମୁତି ହଲେଏସି ତୁକିକ, ନା ବାରେ କାତା ଏଝାସି ଝେସାନେସି; ୨୨ ଏ ବାରେ କାତା ଝେସାଲି ନାନ୍ ଏଝାଣାଇଁ ମୀ ତାଣା ପାଣାତେଏଁ, ଏନିକଁ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି ଅଡ଼େ ମୀ ହିୟାଁ ଏଝାଣି ତାଣାଟି ରାହାଁ ଆନେ ।

୨୩ ଆବା ମାହାପୁରୁ ଅଡ଼େ ପ୍ରବୁ ଜୀସୁ ଜ୍ରାସୁଇଁ ନାମିତି ତାୟି ତାଜିସ୍ବାକି ହିଡ଼ଡ଼ି, ଜୀଝୁନନାୟି ଅଡ଼େ ନାମୁ ହିୟାପେସି । ୨୪ ଏଚେକା ଲକ୍ଷୁ ମା ପ୍ରବୁ ଜୀସୁ ଜ୍ରାସୁଇଁ କାଲେଏ ଜୀଝୁ ନନେରି, ମାହାପୁରୁତି କାର୍ମାମେହନାୟି ଏ ବାରେତାକି ଆପେ ।

* ୭:୯ ୭:୯ କଲସି ୪:୧; କଲସି ୩:୨୫ * ୭:୧୧ ୭:୧୧ କାମା ୨୦:୪; ୨ତିମ ୪:୧୨ * ୭:୨୧ ୭:୨୧ କଲସି ୪:୭,୮

ଫିଲିପୀୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର ପିଲିପି କୁଲମିତାକି ପାଞ୍ଚୁଲ ରାଡ଼ାମାନି ଆକୁ ମୂଳୁ ହାଡ଼ା

ପିଲିପି ଜୀସୁ କ୍ରୀସ୍ତ ଜାର୍ନାଆଡ଼ି ୬୧ ବାର୍ଷୀ ତାୟୁ ପାଞ୍ଚୁଲ ପିଲିପି କୁଲମିତି ନାମିତି ତାୟିୟାଁ ତାଣା ଆକୁ ରାଡ଼ିମାନେସି । ପାଞ୍ଚୁଲ ରମ୍ପତି କାୟିଦିତା ମାତାଟି ଇ ଆକୁ ରାଡ଼ା ତୁୟିନେସି୧:୧୩ । ପିଲିପି ଗାଡ଼ା ବିତ୍ତୁ ଆହାମାନି କୁଲମିତାକି ଇ ଆକୁ ରାୟକି ଆହାମାଟେ । ମାରୁ ପାଣ୍ଡୁଆହାମାନି ପତିତା ଜିକେଏ ପିଲିପି ଆକୁତି କାତା ଇଚାଣି ପୁଞ୍ଜାଲି ଆଡ଼ିନାୟି । ପିଲିପି ମାକିଦନିୟାତି ରାକ୍ତିତ କାଜା ଗାଡ଼ା ମାଟେ । ଇଦି ମାକିଦନିୟାତା ଆଡ଼ି ମୂଳୁ କୁଲମି ମାଟେ । ପାଞ୍ଚୁଲ ଅଡ଼େ ସିଲ୍ଲୀ ଆଣ୍ଡୁଆହାମାନି ଇ କୁଲମି ମାଟୁହା ମାଟେରି । ଅଡ଼େ ଏମାଆଁ ମାତାଟି ର ଲାଆଁୟାଁ ତାକି କାୟିଦିତା ଇଟକି ଆହାମାଟେରି କାମା ୧୬ ।

ପାଞ୍ଚୁଲ ଇ ଆକୁ ରାଡ଼ାଲି ହାରେକା କାତା ତୁୟିନେ । ଏଞ୍ଜାସି କାୟିଦିତା ମାନି କାତା ଖେଞ୍ଜାନା ଲକୁ ଦାନୁ କୁଡ଼ି କିହାନା ପାଣ୍ଡାମାତାକି କୁଲମିତି ଜହରା କିହାଲିତାକି ଆକୁ ରାଡ଼ିମାନେସି ୪:୧୦-୧୯ । ଏଞ୍ଜାସି ତାନି କାୟିଦିତା ମାନି କାତା ଖେସାନା କୁଲମିତା ତିମତି ଅଡ଼େ ଏପାପ୍ରଦିତାଈଁ ହେରୁପି ମାନେସି, ନାମିତି ତାୟିୟାଁ ଏନିକିଁ ଏଞ୍ଜାରାଇଁ ମାନି ତଲେ ଆବିନେରି ଅଡ଼େ ଏଞ୍ଜାରି ନକିକିହା ଅନାଣି କାତା ମାନି କିନେରି୨:୧୯-୩୦ ।

ପତିତା ମାନାୟି

- ୧. ପିଲିପି କୁଲମିତି ପାଞ୍ଚୁଲତି ଜହରା । ୧:୧-୨
- ୨. ପାଞ୍ଚୁଲତି ମାଣକି ଅଡ଼େ ଏଞ୍ଜାଣି ଅଣ୍ଡୁପୁ । ୧:୩-୨:୩୦
- ୩. ନାମିତି ତାୟିୟାଁ କ୍ରୀସ୍ତ ତାଣା ମାଞ୍ଜା ନୀତାଲି ଖେହ୍ନାୟି । ୩:୧-୪:୯
- ୪. ପାଞ୍ଚୁଲ ଦାନା ତାକି ପିଲିପି କୁଲମିତା ଜହରା ଖେହ୍ନାୟି । ୪:୧୦-୨୩

ପାଞ୍ଚୁଲତି ଜହରା ଅଡ଼େ ପ୍ରାତାନା

୧ *ପାଞ୍ଚୁଲ ଅଡ଼େ ତିମତି, କ୍ରୀସ୍ତ ଜୀସୁତି ରୀ ହଲିୟାଜ୍ଜା, ପିଲିପି ଗାଡ଼ାତା ମାନି କ୍ରୀସ୍ତ ଜୀସୁ ତାଣା ତୁୟାମାନି ମାହାପୁରୁ ଲକୁ ଅଡ଼େ କୁଲମିତି କାଜାରି, ଇଞ୍ଜାଁ କୁଲମିତି ସେବା କିନାରାକି ଇ ଆକୁ ରାୟକି ଆହାମାନେ ।

୨ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍ନାୟି ଇଞ୍ଜାଁ ହିଡ଼ି ଜୀସୁ ମିଜ୍ଜେତାକି ଆୟାପେ ।

ପାଞ୍ଚୁଲତି ପ୍ରାତାନା

୩ ନାନୁ ମିଜ୍ଜେ ଏତର ଦେବା ଅଣ୍ଡିପି ମାଞ୍ଜାଇଁ, ଏତର ଦେବା ନା ମାହାପୁରୁଈଁ ଜହରା କିହିମାଇଁ । ୪ ନାନୁ ବାରେଦିନା ମିଜ୍ଜେତାକି ପ୍ରାତାନା କିନାଟି ନାନୁ ହାରେକା ରାହାଁତଲେ ପ୍ରାତାନା କିହିମାଇଁ, ୫ ଏନାଆଁତାକି ଇତିହଁ ମୀ ମୂଳୁ ଦିନାଟିଏ ନାଏଁ ପାଡେକା ନେହଁ କାବୁ ଖେକ୍‌ହାଲି ମୀରୁ ନାଜ୍ଜେ ସାଢେମି କିହିମାଞ୍ଜାଦେରି, ୬ ଏଦାଆଁତାକି ନାନୁ ଇ କାତାତି ସାତା ଇଞ୍ଜାଁ ଅଣ୍ଡିପିମାଇଁ, ଆମିନି ପ୍ରବୁ ମୀ ତାଣା ଇ ନେହଁ କାମା ମାଟୁହାମାନେସି, କ୍ରୀସ୍ତ ଜୀସୁତି ଖେଣ୍ଡାଞ୍ଜି ଦିନା ରାଡ଼ି ପାଡେକା ଏଞ୍ଜାସି ଏଦାଆଁ କିନେସି । ୭ ଅଡ଼େ ମୀ ବାରେତାକି ନା ଇଲେତି ଅଣ୍ଡିପିନାୟି ମାନେ, ମୀରୁ ବାରେ ଏନିକିଁ ନା ତଲେ ନେହଁ କାବୁ ଖେକ୍‌କି କାୟିଦିତା ଆଣ୍ଡିମାଞ୍ଜାଦେରି, ଅଡ଼େ ଏମାତି ସାତା ପାର୍‌ମାଣା ତସାଲି ନା ତଲେ ଆଣ୍ଡିମାଞ୍ଜାଦେରି, ଏଦାଆଁତାକି ନାନୁ ନା ହିୟାଁତା ମିଜ୍ଜେ ଆବାମାଞ୍ଜାଇଁ । ୮ ମୀ ବାରେଜାଣା ତାକି ହାରେକା ଜୀସୁ ନନାଣି କ୍ରୀସ୍ତ ଜୀସୁ ତାଣାଟି ବେତାଆହାମାଇଁ ଇଞ୍ଜାଁ ଏତିବେଲାତା ନାନୁ ଖେହ୍‌ଇଁ, ଏଦି ସାତା, ଏଦାଆଁତାକି ମାହାପୁରୁ ନା ସାକି ।

୯ ଅଡ଼େ, ନା ପ୍ରାତାନା କିନାୟି ଇଦି, ମୀ ଜୀସୁନନାୟି, ନେହଁ ବୁଦି ପୁନାୟି, ଅଡ଼େ ବାରେ ନେହଁ ଅଣ୍ଡୁ ହାରେ ହାରେକା ପାତା ଆପେ, ୧୦ ଏନିକିହଁ ମୀରୁ ଏନାୟି ନେହାୟି ଏଦାଆଁ ଆଡ଼ାଲି ଆଡ଼ିଦେରି, ଆଡ଼ିହଁ ମୀରୁ କ୍ରୀସ୍ତତି ଖାନ୍ତି ଦିନାତା ସୁବୁ ଗାଟାଟେରି ଆଡ଼ିଦେ, ଅଡ଼େ ନିନ୍ଦା ଗାଟାଟେରି ଆଡ଼ିଦେରି,

* ୧:୧ ୧:୧ କାମା ୧୭:୧୨

୧୧ ମାହାପୁରୁଷ ଗାଧୁରମି ଇଞ୍ଜା ନେହୁଁ ଝେହ୍ନାଣି ତାକି ମୀ ଜୀଝୁ ଜୀସୁ କ୍ରୀସୁ ହାହାମାନି ବାରେ ନେହୁଁ ଗୁଣୁ ବେଟାଆନେ ।

କ୍ରୀସୁ ତାଣା ନୀତିନାୟି

୧୨ ତାୟି ତାଜିୟାତେରି, ନାଜେତାକି ଏନା ଏନାୟି ଆହାମାଞ୍ଜାନେ, ଏ ବାରେ ନେହୁଁ କାବୁ ପାତାଆହାଲି ତାକି ଆହାମାନେ, ଇଦାଆଁ ନାନୁ ମିଜେ ପୁଣ୍ଡି କିହାଲି ଅଣପିମାଲ୍; ୧୩ ଇତିହୁଁ ନାନୁ କାୟିଦିତା ମାଗାୟି କ୍ରୀସୁ ତାକି, ଏଦି ରାଜା ଇଲୁତା କାଃଆନି ବାରେ କସ୍ତା ଇଞ୍ଜା ଏଟକାତି ବାରେଜାଣା ନକିତା ତଞ୍ଜାଆଡେ; ୧୪ ଅଡେ ଜିକେଏ ହାରେକା ତାୟି ତାଜିୟା ନାନୁ କାୟିଦିତା ମାନାକି, ମାହାପୁରୁ ତାଣା ବାସୁ ଇଗାନା ଆଜାଆନା ମାହାପୁରୁଷ କାବୁ ଝେକହାଲି ହାରେକା ସାସା ଗାଟାରି ଆହାମାନେରି ।

୧୫ ଆମ୍ବା ଆମ୍ବାଆରି ତାହାରା ଅଡେ ଗଡ଼ହା ତାକି କ୍ରୀସୁତି କାତା ଝେକହି ମାନେରି ସାତା, ସାମା ଆମ୍ବା ଆମ୍ବାଆରି ସାତା ତଲେ କିହିମାନେରି; ୧୬ ନାଜେ ନେହୁଁ କାବୁତି ସାକି ଆହାଲିତାକି ମାହାପୁରୁ ଆଡାମାଞ୍ଜାତେସି, ଏଦାଆଁ ପୁଞ୍ଜାନା ସାତା ଜୀଝୁ ନନାଣି ତାକି ଏଦାଆଁ କିନେରି, ୧୭ ଏଟକାତାରି ମାନି ତଲେ କ୍ରୀସୁତି ବଲୁ ଝେହ୍ନାଆନା ଜାହାରା ଲାବା ତାକି କିହିମାନେରି । ନାନୁ କାୟିଦିତା ମାନାଟି ନା ହିୟାତା ହାରେକା କସ୍ତ ହାହାଲି ଏଝାରି ଏଦାଆଁ କିହିମାନେରି ।

୧୮ ବାଦା ହିଲେଏ ? ତାହାରା ତଲେ ଆପେ କି ନେହେଁ ତଲେ ଆପେ କ୍ରୀସୁ ସାତେଏ ଝେଜିମାନେସି, ଏଦାଆଁତାକି ନାନୁ ରାହାଁ କିହିମାଲ୍, ଅଡେ ଜିକେଏ ରାହାଁ କିହିମାଲ୍ ।

୧୯ ଇତିହୁଁ ନାନୁ ପୁଞ୍ଜାମାଲ୍, ମୀ ପ୍ରାତାନା ଇଞ୍ଜା ଜୀସୁ କ୍ରୀସୁତି ସୁଦୁଜୀଝୁତି ସାଢେମି ତଲେ ନା ରେଲପିନାୟି ଆନେ, ୨୦ ଏଦାଆଁତାକି ନା ରଣିଏ ଆସା ଅଡେ ବାସୁ ମାନେ, ନାନୁ ଏନି କାତାତା ଜିକେଏ ଲାଜା ଆଅଁ, ସାମା କାଲେଏ ଏନିକି ଆହିମାତେସି, ନୀସି ଜିକେଏ ଏଲେକି ହାରେକା ବାଡ଼ୟୁ ତଲେ ହାଡ଼ିହୁଁ କି ଜୀଝୁ ମାଟିହୁଁ, କ୍ରୀସୁଲ୍ ନା ଆଜା ତଲେ ଗାଧୁରମି କିଲ୍ । ୨୧ ଇତିହୁଁ ନା ନୀତାମାନାୟି ଝାଡ଼ଇ କ୍ରୀସୁ, ଏଦାଆଁତାକି ନାନୁ ହାନାୟି ନାଜେତାକି ଲାବା । ୨୨ ସାମା ନାନୁ ଆଜା ତଲେ ନୀତା ମାଞ୍ଜାନା ହାରେକା ପାଡ଼େୟି ଆୟାଲି ଆଡ଼ିଲ୍, ଆତିହୁଁ ନୀତାମାନାଣି କି ହାନାଣି ବାଟି କିଲ୍ ନାନୁ ପୁଞ୍ଜାଲି ଆଡ଼ିହିଲଅଁ । ୨୩ ନାନୁ ରୀ ଝାକି ରେସକି ଆହିମାଲ୍; ଇ ଜୀଝୁତି ପିସାନା କ୍ରୀସୁ ତଲେ ମାଞ୍ଜାଲି ଅଣପିମାଲ୍, ଏଦି ହାରେକା ନେହାୟି; ୨୪ ସାମା ନାନୁ ଆଜା ତଲେ ମାନାୟି ମିଜେତାକି ହାରେକା ଲଡ଼ାମାନେ । ୨୫ ନାନୁ ନେହୁଁକି ପୁଞ୍ଜାମାଲ୍, ନାନୁ ଡ଼ୟିଲ୍, ହାଅ ମୀ ନାମ୍ବା ଅଡେ ରାହାଁତି ପାତିକିହାଲି ମୀ ବାରେ ତଲେ ଡ଼ୟିଲ୍, ୨୬ ଏନିକି ମୀ ବିତ୍ରା ନା ଝେଣ୍ଡା ଝାଡ଼ାକି ନା ତାଣାଟି କ୍ରୀସୁ ଜୀସୁ ତାଣା ମୀ ବତପଣ ଗତିଆନେ ।

୨୭ ନା ଅଣପୁ ଇଦି, କ୍ରୀସୁତି ନେହୁଁ କାବୁତି ଜିରେତି ଲକୁ ଲେହେଁ ନୀତାଦୁ, ଏନିକି ନାନୁ ମୀ ତାଣା ଝାହାନା କି ହେକ ମାଞ୍ଜାନା ମୀ କାତା ଝେଞ୍ଜାହାଁ ପୁଞ୍ଜାଲି ଆଡ଼ିଲ୍, ମୀରୁ ବାରେତେରି ରଣିଏ ଜୀଝୁ ରଣିଏ ଅଣପୁ ତଲେ ତାରିଆହାନା ନେହୁଁ କାବୁତି ନାମ୍ବା ତାକି ଜୁଜୁ କିହିମାଞ୍ଜେରି, ୨୮ ଇଞ୍ଜା ମିଜେ କସ୍ତ ନିନା ହାହିମାଞ୍ଜାନି ସାବୁୟାଲ୍ ଏତେଲାଝା ଆଜାଆଦୁ; ଏଦି ଏଝାରି ନାସା ଆନାୟି, ସାମା ମିଜେତାକି ଗେଲପିନାୟି ମାହାପୁରୁ ହାହାମାନି ର ସିନା; ୨୯ ଇତିହୁଁ କ୍ରୀସୁ ତାଣା ଝାଡ଼ଇ ନାମାଲି ତାକି ମୀରୁ ପାରୁ ମେଡ଼ା ଆହାମାଞ୍ଜେରି, ଏଦି ଆଏ, ସାମା ଏଝାଣି ତାକି ଦୁକୁ ବେଟାଆହାଲି ଜିକେଏ କାର୍ମା ମେଡ଼ା ଆହାମାଞ୍ଜାନେ; ୩୦ ଅଡ଼େ ନାନୁ ଏନିକି ଜୁଜୁ କିହିମାତାଣି ମେସାମାଞ୍ଜାତେରି, ଇଞ୍ଜା ନୀସି ଜିକେଏ କିହିମାନେସି ଇଞ୍ଜୁ ଝେଞ୍ଜିମାଞ୍ଜେରି, ଏଲେକିହୁଁ ମୀରୁ ଜିକେଏ ଜୁଜୁ କିଦୁ ।

୨

କ୍ରୀସୁତି ମାଣକି ଅଡ଼େ କାଜାପାଣା

୧ କ୍ରୀସୁ ତଲେ ମାନାକି ମୀରୁ ଜୀଝୁତା ବାସୁ ବେଟାଆହାମାଞ୍ଜେରି, ଅଡ଼େ ତାନି ଜୀଝୁନନାୟି ମିଜେ ସାସା ହାହିମାଞ୍ଜାନେ । ମୀରୁ ସୁଦୁଜୀଝୁତା ଆଣିମାଞ୍ଜେରି ପୁଞ୍ଜିମାଞ୍ଜେରି ଅଡ଼େ ରଅତେରି ରଅଣାକି ମୀ ଜୀଝୁନନାୟି ଅଡ଼େ କାର୍ମାମେହ୍ନାୟି ମାନେ, ୨ ନାନୁ ମିଜେ ବାଟିମାଲିମାଞ୍ଜାଲ୍ ମୀରୁ ରଣିଏ ଅଣପୁ ତଲେ, ରଣିଏ ଜୀଝୁନନାଣି ତଲେ, ରଣିଏ ହିୟାଁ, ରଣିଏ ଅଣପୁ ଆହାନା ନାଜେ ରାହାଁ କିୟାଦୁ, ୩ ମୀରୁ ମିଜେତାକି ନେହାଁଣି ଜୁପକା ଇଞ୍ଜା ହାରେକା ବତପଣ ତସାଲି ଏନାଆଁ କିଆଦୁ, ସାମା ସୁଦୁ ହିୟାଁ ଗାଟାତେରି ଆହାନା ଏଟକା ଲକୁଲ୍ ନା କିହା କାଜାସି ଇଞ୍ଜୁ ଅଣପାଦୁ; ୪ ମୀରୁ ବାରେତେରି ଝାଡ଼ଇ ମିଜେତାକି ନେହୁଁ

* ୧:୧୩ ୧:୧୩ କାମା ୨୮:୩୦ * ୧:୩୦ ୧:୩୦ କାମା ୧୭:୧୯-୪୦

ଆନାଣି ଅଣ୍ଠପାଆନା ଏବଂକା ଲକ୍ଷ୍ମୀ ନେହାଣି ଜିକେଏ ଅଣ୍ଠପାଦୁ । ୫ କ୍ରୀସ୍ତ ଜୀସୁତି ଏନିଲେହେତି ଅଣ୍ଠପୁ
ମାତେ ମୀ ଅଣ୍ଠପୁ ଜିକେଏ ଏଲେତାୟିଏ ଆଡେ;

୬ ଏଞ୍ଜାସି ମାହାପୁରୁ ଆଡ଼ିହୁଁ ଜିକେଏ,

ମାହାପୁରୁ ତଲେ ସମାନା ଆହୁଁ ମାଞ୍ଜାଲି ଅଣ୍ଠପାଆନା ତାନି ଏ ଅଦିକାରା ପିସ୍ତେସି,

୭ ସାମା ଏଞ୍ଜାସି ମାଣସି ଖାଣା ଆହାନା ହରଲଏସି ଲେହେ ଆଡେସି ।

ମାଣସିଲେହେ ଆହାନା ମାଣସି ଖାଣା ତଲେ ତଞ୍ଜାଆଡେସି;

୮ ଏଞ୍ଜାସି ମାଣସିଲେହେ ତଞ୍ଜାଆହାନା ହାନ୍ତି ପାଡେକା, ହାଅ, ପାସି ମୁଣ୍ଡାତା ଲେପିଆହୁଁ ହାନ୍ତି ପାଡେକା
ହୁକୁମି ମାନ୍ତ୍ରୀ ଆଡେସି ଇଞ୍ଜା ତାନୁଏ ତାଜେ ଉଣା କିହା କଡିଡେସି ।

୯ ଏଦାଆଁତାକି ମାହାପୁରୁ ଏଞ୍ଜାଣାଇଁ ବାରେକିହାଁ କାଜାସି କିହାମାନେସି,
ଇଞ୍ଜା ବାରେ ଦରକା କିହାଁ କାଜା ଦରୁ ଏଞ୍ଜାଣାକି ହାହାମାନେସି,

୧୦ ଏନିକଲ୍ଲୀକପୁରୁ ଅଡେ ଦାର୍ତତିତା ଅଡେ ଦାର୍ତତିତ ଡଳ ମାନାଇଁ;
ଏ ବାରେ ଜୀସୁ ଦରୁତା ମେଣ୍ଡାକୁତାନା ଜହରା କିନୁ,

୧୧ ଅଡେ ଆବା ମାହାପୁରୁତ ଗାଞ୍ଜୁରମି ତାକି ବାରେଜାଣା ତାନି ଗୁତି ତଲେ ଜୀସୁ କ୍ରୀସ୍ତ ପ୍ରବୁ ଇଞ୍ଜୁଁ
ଜଲିନେରି ।

ଦାର୍ତତିତା ଉଜେଡ଼ି ଲେହେଁ ତଞ୍ଜାକୁ

୧୨ ନା ଜୀସୁତି ତଡ଼େସିକା, ମୀରୁ ବାରେବେଲା ନାଜେ ମାନ୍ତ୍ରୀ ଆହିମାଞ୍ଜାଦେରି, ଇଡିହୁଁ ନା ନକ୍ତିତା
କିନିଲେହେଁ ଆଏ, ସାମା ନୀର୍ଦ୍ଦା ନା ହିଲାଆ ବେଲାତା ହାରେକା ଆଜିତଲେ ତୀରୁଗିହୁଁ ମୀରୁ ଗେଲ୍ପି
ଆହାଲି ତାଲି କାମା କିଦୁ ୧୩ ଇଡିହୁଁ ମିଜେ ତାନି କାମା କିହାଲିତାକି ଇତା ଅଡେ ବାଡ଼ୁ କିହାଲିତାକି
ମାହାପୁରୁ ତାନୁଏ ମୀ ତାଣା କାଲେଏ କାମା କିହିମାନେସି ।

୧୪ ମୁରୁ ମୁରୁ ଅଡେ ବାଦିବାଦା ଆଆନା ମୀ ବାରେ କାମା କିଦୁ, ୧୫ ଏଲେକିଡିହୁଁ ମୀରୁ ଦହ
ହିଲାଆଗାଟାଡେରି ଅଡେ ସୁଦୁ ଗାଟାଡେରି ଆହାନା, ଇ ଲାଗେଏତାଣି ତଲେ ନାଡ଼ିକିନି ଲକୁ ବିତ୍ରା
ମାହାପୁରୁତି ଦହ ହିଲାଆଗାଟି ମୀରକା ମାସ୍ତକାଡେରି ଆଡେରି; ଏଞ୍ଜାରିତାଣା ମୀରୁ ଜୀସୁତି ବଲ୍ଲୁ ଆସାନା
ଦାର୍ତତିତ ଉଜେଡ଼ି ଲେହେଁ ମୀରୁ ତଞ୍ଜା ଆହିମାଞ୍ଜେରି; ୧୬ ଏମାଟି ନାନୁ ଉଜେଏ ହତି ହିଲଅଁ କି ଉଜେଏ
କାମା କିହିହଲଅଁ, ଏ ବାରେତାକି କ୍ରୀସ୍ତତି ଦିନାତା ବଡପଣ କିହାଲି ଆଡ଼ିଲ୍ ।

୧୭ ନା ନେଡେରି ମୀ ନାମୁ ତାକି ସେବାତା ଗସାଲି ପୂଜା ହାନି ନେଡେରିଲେହେଁ ତଞ୍ଜାଲି ଆହିମାନେ,
ଆଡିହୁଁ ନାନୁ ରାହାଁ ଆହିମାଇଁ, ଅଡେ ମୀ ତଲେ ଆଣ୍ଡାନା ରାହାଁ କିହିମାଇଁ, ୧୮ ଅଡେ ଏଲେକିହୁଁ ମୀରୁ
ରାହାଁ କିଦୁ ଇଞ୍ଜା ନା ତଲେ ରାହାଁ କିଦୁ ।

ତିମତି ଅଡେ ଏପାପ୍ରଦିତ

୧୯ ସାମା ନାନୁ ତିମତିଲ୍ ତବେ ପାଣ୍ଡାଇଁ ଇଞ୍ଜୁଁ ପ୍ରବୁ ଜୀସୁ ତାଣା ଆସା କିହିମାଇଁ, ଏନିକଲ୍ ମୀ
କାତା ଷେଞ୍ଜାନା ନାନୁ ଜିକେଏ ରାହାଁ ଆଲ୍ । ୨୦ ଏଞ୍ଜାସି ରଅସିଏ ନା ଲେହେତି ଅଣ୍ଠପୁ ଗାଟାସି ଇଞ୍ଜା
ଏଞ୍ଜାସି ସାଡେଏ ମିଜେତାକି ଅଣ୍ଠପି ମାଞ୍ଜାନେସି । ୨୧ ଇଡିହୁଁ ବାରେଜାଣା ଜୀସୁ କ୍ରୀସ୍ତତି ସେବା କିହାଲି
ଅଣ୍ଠପାଆନା, ଖାଉଇ ତାନି ନେହାଣି ପାରାଲି ଅଣ୍ଠପିନେରି । ୨୨ ତିମତି ତାୟିପାରି କିନିତାଣା ଜୀଣା
ଆହାମାନାସି ଏଦାଆଁ ମୀରୁ ପୁଞ୍ଜାମାଞ୍ଜେରି; ମୀରଏସି ଆବାତି ସେବା କିନିଲେହେଁ, ଏଞ୍ଜାସି ନେହୁଁ କାବୁ
ଝେକ୍ନି କାମାତା ନା ତଲେ ସେବା କିହାମାଡେସି । ୨୩ ଇଡିହୁଁ ନାଜେତାକି ଏନାୟି ଆନେ, ଏଦାଆଁ
ପୁଟିସାରେ ଏଞ୍ଜାଣାଇଁ ମୀ ତାଣା ପାଣ୍ଡାଇଁ ଇଞ୍ଜୁଁ ଆସା କିହିମାଇଁ; ୨୪ ପ୍ରବୁ ତାଣା ବାସୁଁ କିହିମାଇଁ ନାନୁ
ଜିକେଏ ମୀ ତାଣା ତବେ ଖାଉଁ ।

୨୫ ସାମା ନାନୁ ନା ତାୟି, ନା ତଲେ କାମାକିନାସି, ନା ଖାକିତି ଜୁକୁ କିନାସି, ଇଞ୍ଜା ନା ଲଡ଼ାମାନାଣି
ସାୟିନି କିହାଲି ମୀ ତାଣାଟି ପାଣ୍ଡେଆହାମାନି ସେବାକିନି ଏପାପ୍ରଦିତାଇଁ ମୀ ତାଣା ପାଣ୍ଡାଇଁ ଅଣ୍ଠପିମାଇଁ;
୨୬ ଇଡିହୁଁ ଏଞ୍ଜାସି ବାରେଡେରି ମିଜେ ମେସାଲି ହାରେକା ଅଣ୍ଠପିମାନେସି, ଅଡେ ଏଞ୍ଜାସି ଆଡ଼ିହଲଅସି
ଇଞ୍ଜୁଁ ଷେଡାକି ହାରେକା କିଲିବିଲି ଆହିମାନେସି; ୨୭ ହାଅ, ଏଞ୍ଜାସି ହାନ୍ତିଲେହେଁ ଆହାମାଡେସି, ସାମା
ମାହାପୁରୁ ଏଞ୍ଜାଣାଇଁ କାର୍ମା ମେସ୍ତେସି, ଏଞ୍ଜାଣାଇଁଦେହେଁ ଆଏ ସାମା ଏନିକଲ୍ ନାଜେ ଦୁକୁ ଲାକ ଦୁକୁ
ଝାଏ ଏଦାଆଁତାକି ନାଜେ ଜିକେଏ କାର୍ମା ଆୟାଡେସି । ୨୮ ଏଦାଆଁତାକି ମୀରୁ ଏଞ୍ଜାଣାଇଁ ଷେଣ୍ଡେ ମେସାନା
ରାହାଁ ଆଡେରି ଇଞ୍ଜା ନା ଦୁକୁ ଏନିକଲ୍ ଉଣା ଆନେ, ଏଦାଆଁତାକି ନାନୁ ଏଞ୍ଜାଣାଇଁ ପାଣ୍ଡାଇଁ ହାରେକା
ଜାଡ଼ୁ ଆଡେସି । ୨୯ ଏଦାଆଁତାକି ମୀରୁ ଏଞ୍ଜାଣାଇଁ ପ୍ରବୁତି ଦରୁତଲେ ହାରେକା ରାହାଁତଲେ ଆବାଦୁ,

ଇଞ୍ଜାଁ ଇଲେଟି ଗୁଣ୍ଡଗାଟି ଲକ୍ଷ୍ମଣି ମାନି କିଦୁ; ୩୦ ଏନାଆଁତାକି ଇଚିହଁ ମୀରୁ ନାଜେ ଏମିନି ସାୟେମି କିହାଲି ଆଡ଼ାଆତାଣି, ଏଦାଆଁ କିହାଲି ଏଝାସି କ୍ରୀସ୍ତତି କାମାତା ତାନି ଜାହୁତି ବାଦା ହୀହାନା ହାନିଲେହେଁ ଆହାମାଚେସି ।

୩

ସାତା ତୀରିଗାଟାୟି

୧ ନା ତାୟି ଅଡ଼େଡ଼ ତାଙ୍ଗିସ୍ମାତେରି, ବାରେଡି ତାୟୁ ପ୍ରବୁ ତାଣା ରାହାଁ କିଦୁ, ରଲେଏତି କାତା ଅଲେ ଅଲେ ରାଚାଲି ନାଜେତାକି ଝାହୁ ହଟିମାଞ୍ଜେଏ, ସାମା ଏ ବାରେ ମୀ ନେହେତାକି ଲଡ଼ାମାନେ । ୨ ଲାଗେଏ ପଲେଏ କାମାକିନାରି ତାଣାଟି, ନେସକାଟି ଜାଗ୍ରାତା, ଏ ତଲୁ ଦାଝଆନାରି ତାଣାଟି ଜାଗ୍ରାତା; ୩ ଏନାଆଁତାକି ଇଚିହଁ ମୀରୁ ସାଚେଏ ତଲୁ ଦାପି ଆହାମାନାତାୟି, ଇଚିହଁ ମୀରୁ ସୁଦୁଜାହୁତି ସାୟେମି ବେଟାଆହାନା ମାହାପୁରୁଇଁ ସେବା କିହିମାନାୟି, ଇଞ୍ଜାଁ ଆଜାତି ଲଡ଼ା ଆନି ମେରା ବାସୁ କିଆନା କ୍ରୀସ୍ତ ଜାସୁ ତାଣା ବଡ଼ପଣ ଆନେ । ୪ ନାନୁ ଆଜାତି ପାଣାପାଚୁଡ଼ା ଜିକେଏ ବାସୁ ଇଚାଲି ଆଡ଼ିତେଏମା; ଅଡ଼େ ଆମ୍ବାଆସି ଆଜାତି ମେରାତା ବାସୁ ଇଚାଲି ଆଡ଼ିତେଏମା ଇଞ୍ଜାଁ ଅଣ୍ଡପିନେସି, ଆତିହଁ ନାନୁ ଏଝାଣି ଆଗାଡ଼ା ଆଡ଼ିଇଁ; ୫ ନାନୁ ଜାନା ଆହାଁ ଆଚାଦିନା ଆହାଲିଏ ତଲୁ ଦାପି ଆଡ଼ାତେଏଁ, ଇଞ୍ଜାଁ ଇସାୟେଲ ଲକ୍ଷ୍ମଣି ବିନାମାନିନ୍ କୁଡ଼ାତା ଜାନାଁ ଆଡ଼ାତେଏଁ, ମା ଆକୁ ଆବାୟାଁ ର ଏବୁୟ ଲକ୍ଷ୍ମଣି ମାଚେରି, ମେରା ମାନୁଞ୍ଜି ଆନି ତାଣାଟି ନାନୁ ର ପାରୁସି ଲକ୍ଷ୍ମଣିତେଏଁ, ୬ ହାଚେକା ରାହାଁତଲେ ନାନୁ କ୍ରୀସ୍ତାନା କୁଲମିତି ସାସି ହୀନାଚେଏ, ଇଞ୍ଜାଁ ମସାତି ମେରାତି ଦାମ୍ବୁତା ନାନୁ ଦହ ହିଲାଆଗାଟତେଏଁ ତଞ୍ଜା ଆହିମାଚେଏଁ । ୭ ସାମା ଏନାୟି ନାଜେତାକି ଲାବା ମାଚେ, ଏ ବାରେଡି ନାନୁ କ୍ରୀସ୍ତତି କସମି ଉଜେଏତାୟି ଇଞ୍ଜାଁ ଅଣ୍ଡପାମାଇଁ । ୮ ନାନୁ ନା ପ୍ରବୁ ଜୀସୁ କ୍ରୀସ୍ତତି ବୁଦି ହାଚେକା ଦାରାଗାଟାୟି ଇଞ୍ଜାଁ ପୁଞ୍ଜାନା ଏଟକାତାଣି ଉଜେଏତାୟି ଇଞ୍ଜାଁ ପିସାଡୁସ୍ତେଏଁ; ଏଝାଣି କସମି ବାରେ ହିଲାଆଗାଟାଣି ଅଡ଼ିହେତେଏଁ ଅଡ଼େ ଏ ବାରେ ତୁକ୍ ଗମ୍ବୁଲେହେଁ ଆଚେଏଁ, ଏନିକ୍ ନାନୁ କ୍ରୀସ୍ତଇଁ ମେଡ଼ାଆଇଁ, ଇଞ୍ଜାଁ ତାନି ଲକ୍ଷ୍ମଣି ତଞ୍ଜା ଆଇଁ । ୯ ଅଡ଼େ ମସାତି ମେରା ମାନୁଞ୍ଜି ଆହାଁ ତୀରିଗାଟାଣି ମେଡ଼ା ଆଆନା, ଏନିକ୍ ନାନୁ କ୍ରୀସ୍ତ ତାଣା ନାନିନି ତାଣାଟି ମାହାପୁରୁ ହୀହାମାଞ୍ଜାନି ନାନୁତି ତୀରିଗାଟାଣି ମେଡ଼ାଆଇଁ, ୧୦ ଏନିକ୍ ନାନୁ ଏଝାଣାଇଁ ତାନି ଝେଣ୍ଡେ ନିଜିତି ବାଡ଼ୁୟୁ ଇଞ୍ଜାଁ ଏଝାଣି ହାକିତା ଏଝାଣିଲେହେଁ ଦୁକୁ କସତା ଆଣ୍ଡିନାଣି ପୁଞ୍ଜାଲି ଆଡ଼ିଇଁ, ୧୧ ଏଦାଣିତାକି ହାଡ଼ାରି ତାଣାଟି ନାଜେ ନିକ୍ହାଚେସି ଇଞ୍ଜାଁ ଆସା କିହିମାଇଁ ।

ଗୁରି ଇଟାମାନି ଟାୟୁତା ହଣାନାୟି

୧୨ ନାନୁ ନୀଏଁ ଏ ବାରେ ବେଟାଆହାମାଇଁ ଇଞ୍ଜାଁ ନେହାଁତେଏଁ ଆହାମାଇଁ, ଏଦି ଆଏ, ସାମା କ୍ରୀସ୍ତ ଜୀସୁ ତାଣାଟି ଆଡ଼ିଆହାମାନାକି ଏଦାଆଁ ଆସାଲି ହଟିମାଇଁ । ୧୩ ନା ତାୟି ଅଡ଼େ ତାଙ୍ଗିସ୍ମା ନାନୁ ନୀଏଁ ପାଚେକା ଆସାମାଇଁ ଇଞ୍ଜାଁ ଅଣ୍ଡପି ହିଲଅଁ, ସାମା ନାନୁ ର କାମା କିହିମାଇଁ, ଇଚିହଁ ତାୟୁ ମାନି ବାରେ କାତା ହେକ କିହାନା ନକ୍ତିତା ମାନାଣି ମେସାନା ହଟିମାଇଁ, ୧୪ କ୍ରୀସ୍ତ ଜୀସୁ ସାୟେମି ତଲେ ଏମିନି ଲାକପୁରୁତି ବେଟାଆହାଲି ତାକି ମାହାପୁରୁ ନାଜେ ହାଟାମାଞ୍ଜାନେସି ଏ ଦାନା ବେଟାଆହାଲି ତାକି ଗୁରି କିହାମାନି ଟାୟୁ ଝାକି ଜୀସୁ ତୁସାନା ହଟିମାଇଁ ।

୧୫ ଏଦାଆଁତାକି ଝାଦୁ, ମୀରୁ ଏଚେକା ଲକ୍ଷ୍ମଣି ଟିକାଣା ଗାଟାତାୟି, ଇଲେଟି ମନଡଲେ ଅଣ୍ଡପିନ, ସାମା ଏ ବାରେ କାତାତାକି ମୀ ଏଟକାତି ଅଣ୍ଡପୁ ମାଚିହଁ, ଆତିହଁ ଇଦାଆଁ ଜିକେଏ ମାହାପୁରୁ ମୀ ନକ୍ତିତା ପୁଣ୍ଡମି କିୟାନେସି; ୧୬ ନାଞ୍ଜୁପାଚେକା ମୀରୁ ଏମିନି ମେରା ମାନୁଞ୍ଜି ଆହାନା ଝାହାମାନାୟି, ଏଲେକିହଁ ଏ ନକ୍ତିତା ହାଜାଅନ ।

୧୭ ନାତାୟି ତାଙ୍ଗିସ୍ମା ମୀରୁ ବାରେ ଆଣ୍ଡିଆହାନା ନା ଲେହେଁକି ତାକାଦୁ, ଇଞ୍ଜାଁ ମା ତାଣା ଏମିନି ତୀରିଗାଟାଣି ମେସିମାଞ୍ଜେରି ଇଞ୍ଜାଁ ଆମିନି ଗାଟାରି ଏଲେକିହଁ ତାକିନେରି ଏଝାଣାଇଁ ସିନିକିଦୁ । ୧୮ ଇଚିହଁ ହାଚେକା ଇଲେକି ମାନେରି, ଆମ୍ବାଆରି ମାଣକିତି କାତା ଅଲେ ଅଲେ ମିଜେ ଝେସାମାଞ୍ଜାଇଁ, ଇଞ୍ଜାଁ ନୀଏଁ ଜିକେଏ ମିଜେ ଡ଼ାହି ଡ଼ାହିଁ ଝେସିମାଞ୍ଜାଇଁ, ଏଝାରି ବାରେ କ୍ରୀସ୍ତତି ପାସି ମୁଣ୍ଡାତି ସାଡୁ ଆହାମାନେରି; ୧୯ ଏଝାରି ବାରେ ନକ୍ତିତା ନାସା ଆନାରି, ଆଜାତି ଅଣ୍ଡପୁ ଏଝାରି ମାହାପୁରୁ, ଏନାୟି ଲାଜାଗାଟାୟି ଏଦାଆଁତାକି ଏଝାରି ବଡ଼ପଣ କିନେରି, ଇଞ୍ଜାଁ ଦାଡ଼ିତା ଡ଼ାଣି ବାରେ ଅଣ୍ଡପେ ମାନେରି

☆ ୩:୫ ୩:୫ ରମି ୧୧:୧; କାମା ୨୩:୨; ୨:୫ ☆ ୩:୬ ୩:୬ କାମା ୮:୩; ୨୨:୪; ୨୨:୯-୧୧ ☆ ୩:୧୭ ୩:୧୭ ୧କର ୪:୧୭; ୧୧:୧

। ୨୦ ମାରୁ ବାରେ ଲାକପୁରୁତି ଲକ୍ଷ୍ମୀ, ଇଞ୍ଜା ଏମ୍ବାଟି ଜିକେଏ ମାଙ୍ଗେ ଗେଲ୍‌ପାନି ପ୍ରବୁ ଜୀସୁ କ୍ରୀସ୍ତତି ଝେଣ୍ଡେ ଖ୍ରୀନାଣି କାଟିମାନନି; ୨୧ ଏଝାସି ତାନି ଏମିନି କାମା କିନି ବାଡ଼ୁୟୁଟି ବାରେତି ତାନି ତାଣା ଇଟାଲି ଆଡ଼ିମାନେସି, ଏମ୍ବାଟି ମା ବାଡ଼ୁୟୁ ହିଲାଆଗାଟି ଆଙ୍ଗାଟି ତାରି ମ୍ଲୁପ୍‌ହାନା ତାନି ଗାଝୁରମିଗାଟି ଆଙ୍ଗା ଲେହେଁ କିୟାନେସି ।

୪

ହୁକୁମି ହୀନାୟି

୧ ଏଦାଆଁତାକି ଏ ନା ଜୀଝୁତି ତାୟି ତାଙ୍ଗିସ୍ତା । ମିଙ୍ଗେତାକି ନାଙ୍ଗେ ଏତେକା ରାହାଁତି ଚଢ଼େରି ଲେହେଁ । ନାନୁ ଜାପ୍‌ହାତି ଲେହେଁ ପ୍ରବୁ ତାଣା ତାରିଆହାଁ ନୀତାବାଡ଼କାଦୁ ।

୨ ପ୍ରବୁ ତାଣା ରଣ୍ଡିଏ ଅଣପୁ ତଲେ ମାଞ୍ଜାଲି ଇୟଦିୟା ଅଡେ ସୁନ୍ଦୁକୁ ରିଣ୍ଡାସିକାଣି ବାତିମାଲିମାଙ୍ଗ । ୩ ନା କାମାତା ଆଣ୍ଡାନା ମାନି ତଲେ କାମା କିନାତି, ନିଙ୍ଗେ ଜିକେଏ ବାତିମାଲିମାଞ୍ଜାଙ୍ଗ ଇ ରୀ ତାଙ୍ଗିସ୍ତାଣି ସାୟେମି କିମ୍ପୁ, ଏନାଆଁତାକି ଇଚିହଁ କ୍ଲେମେନ୍‌ସ୍ ଅଡେ ନା ତଲେ କାମାକିନାରି ତଲେ ନେହଁ କାବୁ ଝେକ୍‌ହାଲି ନା ତଲେ କାମା କିହାମାନୁ; ଇଞ୍ଜା ନା ତଲେ କାମା କିହାମାନାରି ଦର୍‌କା ଜୀଝୁତି ପତିତା ରାସ୍‌କି ଆହାମାନୁ ।

୪ ପ୍ରବୁ ତାଣା ଆଣ୍ଡାନା କାଲେଏ ରାହାଁ କିଦୁ, ଅଡେ ଝେଣ୍ଡେ ଝେସିମାଞ୍ଜାଙ୍ଗ ରାହାଁ କିଦୁ ।

୫ ବାରେ ଲକ୍ଷୁ ନକିତା ମୀ ସୁଦୁ ସୁଞ୍ଜାଲା ଅଣପୁ ତଞ୍ଜା ଆପେ । ପ୍ରବୁ ଖ୍ରୀନାୟି ତାଗେ ଝାଡେୟିଏ ।

୬ ଏନାଆଁତାକି ଜିକେଏ ଅଣପାଆଦୁ, ସାମା ବାରେତାକି ପ୍ରାତାନା ଇଞ୍ଜା ଜହରା ତଲେ ମୀ ଲଡ଼ାମାନାଣି ମାହାପୁରୁ ନକିତା ଝେହ୍‌ଦୁ । ୭ ଏତେରିଏ ତେଲ୍‌ହାଲି ଆଡ଼ାଆଗାଟି ମାହାପୁରୁତି ହିଡ଼ତି ମୀ ହିୟାଁ ଅଡେ ଅଣପୁତା କ୍ରୀସ୍ତ ଜୀସୁ ସାୟେମି ତଲେ ଗେଲ୍‌ପାନା ଇଟାମେସି ।

୮ ଏ ତାୟି ତାଙ୍ଗିସ୍ତା, ଏନାୟି ନେହାୟି, ଏନାୟି ସାତା, ଏନାୟି ଲଡ଼ା ମାନାୟି, ଏନାୟି ଟିକାଣାତାୟି, ଏନା ଏନାୟି ଅତିତାୟି, ଏନାୟି ଜୀଝୁନନାୟି, ଏନାୟି ମନ କିତି ରାନ୍ଦା, ଏନାୟି ଜୀଝୁତା ନେହାୟି, ଏନାୟି ସାତା ଗୁଣ୍ଡୁ ମାନେ ଏ ବାରେ କାତା ଅଣପେମାଞ୍ଜୁ । ୯ ମାରୁ ନା ତାଣାଟି ଏନାଆଁ ଜାପାମାଞ୍ଜେରି, ଝେଞ୍ଜାମାଞ୍ଜେରି, ଇଞ୍ଜା ନା ତାଣାଟି ମେସାମାଞ୍ଜେରି ଏ ବାରେ କିଦୁ; ଏମ୍ବାଆଁ ହିଡ଼ତି ହିୟାନି ମାହାପୁରୁ ମୀ ତଲେ ସାୟେମି ଆୟାନେସି ।

ଦାନା ତାକି ଜହରା

୧୦ ବାରେତି ତାୟୁ ନା ତାକି ମୀ ଅଣପୁ ତଞ୍ଜା ଆହାମାନେ, ଏଦାଆଁତାକି ପ୍ରବୁ ତାଣା ରାହାଁ କିହିମାଙ୍ଗ; ସାତେଏ ନା ତାକି ମୀ ଅଣପୁ ମାଟେ, ସାମା ପାରୁ ମୋଡ଼ା ଆହି ହିଲାଆତେରି । ୧୧ ନାଙ୍ଗେ ଏନାୟି ଉଣା ମାନାକି ଝେସିମାଞ୍ଜାଆଁ, ଏନାଆଁତାକି ଇଚିହଁ ନାନୁ ଏନିଆହଁ ମାଟିହଁ ଜିକେଏ ରାହାଁତଲେ ମାଞ୍ଜାଲି ଜାପାମାଙ୍ଗ । ୧୨ ନାନୁ ହିଲାଆ ବେଲାତା ବାଡ଼କାଲି ଇଞ୍ଜା ହାଡ଼େପୁରେ ମାନି ବେଲାତା ଜିକେଏ ବାଡ଼କାଲି ପୁଞ୍ଜାମାଙ୍ଗ, ବାରେବେଲା ବାରେଝାକି ରାହାଁତଲେ ମାଞ୍ଜାଲି, ବାଣ୍ଡି ପାଞ୍ଜେ ଡିଞ୍ଜାନା ଅଡେ ହାକିତି ଜିକେଏ ମାଞ୍ଜାଲି, ଇଞ୍ଜା ହାଡ଼େକା ବେଟାଆହାମାନାଣି ଲେମ୍ବାଲି ଇଞ୍ଜା ହିଲାଆ ବେଲାତା ନୀତାଲି ଜିକେଏ ଜାପାମାଙ୍ଗ । ୧୩ ନାଙ୍ଗେ ବାଡ଼ୁୟୁ ହିୟାନି କ୍ରୀସ୍ତ ତାଣାଟି ବାରେ କିହାଲି ଆଡ଼ିଙ୍ଗ ।

୧୪ ଆଡ଼ିଜିକେଏ ମାରୁ ନା ଜସ୍ତା ଆଣ୍ଡାମାନାକି ନେହଁ କାମା କିହାମାଞ୍ଜେରି । ୧୫ ପିଲିପିୟି ଲକ୍ଷୁତେରି, ମୀରୁ ଜିକେଏ ପୁଞ୍ଜାମାଞ୍ଜେରି, ନେହଁ କାବୁ ଝେକ୍‌ହାଲି ମାବୁହି ବେଲାତା ଏଡେତା ନାନୁ ମାକିଦନିୟାଟି ହାତାଟି ଏଡିବେଲା ମୀ ପିସପେ ଏମିନି କୁଲମି ନା ତଲେ ଆଣ୍ଡାନା ନା ତାଣାଟି ହୀନାଣି ଅନାଣି ଲେକା ଇଟାହିଲାଆତେରି । ୧୬ ଇଚିହଁ ନାନୁ ତେସଲନିକିତା ମାଟିବେଲାତା ଜିକେଏ ମୀରୁ ନା ଲଡ଼ା ମାଗାଣି ମେସାନା ହାରେକା ଦେବା ଦାନା ପାଣ୍ଡାତେରି । ୧୭ ନାନୁ ମୀ ତାଣାଟି ଦାନା ଅହାଲି ଅଣପି ହିଲଅଁ, ସାମା ଏମିନି ପାଡ଼େୟିଟି ମୀ ଲେକା ହାଡ଼େ ହାରେକା ପାତାଆହିମାନେ, ଏଦାଆଁତି ନାନୁ ମେସାଲି ଅଣପିମାଙ୍ଗ । ୧୮ ନାନୁ ବାରେ ବେଟାଆହାମାଙ୍ଗ, ଇଞ୍ଜା ନାଙ୍ଗେ ହାଡ଼େପୁରେ ମାନେ; ମୀ ତାଣାଟି ପାଣ୍ଡାମାଞ୍ଜାନାଣି ବାରେ ଏପାପୁଡିତ ତାଣାଟି ବେଟାଆହାମାଙ୍ଗ, ଏ ବାରେ ନାଙ୍ଗେତାକି ସାରି; ଏ ବାରେ ମାହାପୁରୁ ନକିତା ହେରପାନା ହୁଡ଼ିମାନି ଗାନ୍ଦାଗାଟି ଦୁପ୍‌ଣି ଲେହେଁତାୟି । ୧୯ ଅଡେ ନା ମାହାପୁରୁ କ୍ରୀସ୍ତ ଜୀସୁ ତାଣା ତାନି ଗାଝୁରମି ଦନୁଟି ମୀ ଲଡ଼ାମାନାଣି ହିୟାନେସି । ୨୦ ମା ଆବା ମାହାପୁରୁକି କାଲ୍‌କାଲ୍‌ତାକି ଗାଝୁରମି ଆପେ । ଆପେନ ।

ଜହରା କିହାନା ଆକୃତି ରାପ୍‌ନାୟି

^{୨୧} କ୍ରୀଷ୍ଟ ଜୀସୁ ଦରୁତଲେ ବାରେ ମାହାପୁରୁ ଲକ୍ଷ୍ମି ଜହରା ଖେତୁ, ନା ତଲେ ଇ ଚାହୁଁତା ମାନି ତାୟି ତାଜିୟା ମିଜେ ଜହରା ପାଣ୍ଡିମାଞ୍ଜାନେରି । ^{୨୨} ବାରେ ମାହାପୁରୁ ଲକ୍ଷ୍ମି ଇତିହ ବାରେକିହାଁ କାୟିସର ଇଲୁତା ମାନାରି ଏଞ୍ଜାରି ମିଜେ ଜହରା ପାଣ୍ଡିମାଞ୍ଜାନେରି ।

^{୨୩} ପ୍ରବୁ ଜୀସୁ କ୍ରୀଷ୍ଟି କାର୍ମାମେହନାୟି ମୀ ବାରେ ଜୀଞ୍ଜୁତା ମାଣ୍ଡେ ।

କଲସିୟ ମଣ୍ଡଳୀ ନିକଟକୁ ପାଉଲକ ପତ୍ର କଲସିୟ କୁଲମିତାକି ପାଞ୍ଜୁଲ ରାଡ଼ାମାନି ଆକୁ ମୂକୁ ହାଡ଼ା

କଲସିୟ ଆକୁ ଆହିମାନେ ପାଞ୍ଜୁଲ ତାଣାଟି ରାଡ଼ିତି ଆକୁ ୧:୧ । ପାଞ୍ଜୁଲ ଜୀସୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ଷା ତାୟୁ ଏଞ୍ଜାସି ରମ୍ ଗାଡ଼ାତି କାୟିଦିତା ମାଗାଟି କି ଆକୁ ରାଡ଼ାମାନେସି । କଲସିୟ ଆକୁ ତଲେ ଏପିସିୟ ଅଡ଼େ ପିଲିପିୟ ଆକୁତି କାୟିଦିତି ଆକୁ ଜନେରି । ଇଚିହିଁ ପାଞ୍ଜୁଲ କାୟିଦିତା ମାଗାଟି କି ଆକୁ ରାଡ଼ାମାନେସି । ଏଞ୍ଜାସି କଲସିୟ ଗାଡ଼ାତା ମାନି କୁଲମିତାକି କି ଆକୁ ରାଡ଼ାମାନେସି । ପାଞ୍ଜୁଲ କି କୁଲମିତି ମାଡ଼ହା ହିଲାଆଡେସି ୨:୧ ପାମା ଝେସିମାନେ, ହାଡ଼େକା ଏମ୍ବାତି ଦାୟିପତି ମାନି କାତା ଏଞ୍ଜାସି ଝେସିମାନେସି । ଏପାପ୍ରସ୍ କି କୁଲମି କିହାମାନେସି ଇଚିହିଁ ଏଞ୍ଜାସି କଲସିୟତାସି ମାନେସି ।

ପାଞ୍ଜୁଲ କଲସିୟ କୁଲମିତି ଏଡେକା ମିତି ଜାପ୍ନାରି କାତାତାକି ଅଣପିମାନେସି । ଏଞ୍ଜାସି କି କାତାତାକି ହାରେକା ଗାତିକିହିଁ ରାଡ଼ାମାନେସି । ଇମ୍ବାଆଁ ର ଗତି ଜାହୁଦି କ୍ରୀସ୍ତାନା ଆମିନି ଗାଗାରି ଜାହୁଦିଆଆଡ଼ି କ୍ରୀସ୍ତାନା ଲକୁଇଁ ପୁଞ୍ଜ ଫେରାତି ଜାହୁଦି ପାଣାପାଟୁ, ଇଚିହିଁ ତଲୁ ଦାପିଆନି ଫେରା ମାନୁଞ୍ଜି ଆହାଲି ବାଲାମାତମି କିହାଲି ଅଣପିମାନେସି । ପାଞ୍ଜୁଲ ବାରେକିହିଁ ଲଡ଼ାହିଲାଆ କ୍ରୀସ୍ତାନା ଲକୁତି କାତା ରାଡ଼ିମାନେସି, ରଅସି ଆମ୍ବାଆସି ଜିକେଏ ଆଡେସି କ୍ରୀସ୍ତତି ପସସେ ମାହାପୁରୁ ତାଣା ନେହିଁସି ଆହାଲି ଆଡ଼ଅସି ୧:୧୫-୨୦ ଅଡ଼େ ମାଣସି ବାଦିବାଦା ତଲେ ଜାପ୍ନି କାତା ଉଜେଏତାୟି ୨:୮ ।

ପତିତା ମାନାୟି

- ୧. ଜହରା କିହାନା ଆକୁତି ମାଡ଼ନାୟି । ୧:୧-୨
- ୨. କ୍ରୀସ୍ତତି କାଜାପାଣା ଅଡ଼େ ମିତି ଜାପ୍ନାରି ଝେଣ୍ଡେ ଜଲିନାୟି । ୧:୩-୩:୪
- ୩. ନେହିଁ କ୍ରୀସ୍ତାନା ଲକୁ ଆହାନା ନୀତାଲି ଝେହ୍ନାୟି । ୩:୫-୪:୬
- ୪. ଆକୁତି ଏଡ଼କା କୁଲମିତା ପଡ଼ଞ୍ଜି ଆହାଲି ଇଞ୍ଜା ଜହରା ତଲେ ଆକୁତି ରାପ୍ନାୟି । ୪:୭-୧୮

୧ ପାଞ୍ଜୁଲ, ମାହାପୁରୁତି ଅଣପୁ ତଲେ କ୍ରୀସ୍ତ ଜୀସୁତି ପାଣ୍ଡ଼ିଆହାମାନି ସୀସୁ ଅଡ଼େ ମା ତାୟି ତିମତି ।

୨ କଲସିୟତା ମାନି ମାହାପୁରୁତି ଲକୁ ଇଞ୍ଜା କ୍ରୀସ୍ତ ତାଣା ନାମାମାନି ତାୟି ତାଜିସ୍ତାକି ଆକୁ ରାଡ଼ିମାନମି; ମା ଆବା ମାହାପୁରୁ ତାଣାଟି କାର୍ମାମେହ୍ନାୟି ଅଡ଼େ ହିଡ଼ି ତୀସୁ ମିଜେତାକି ଆୟାପେ ।

ଜହରା ପ୍ରାଡ଼ାନା

୩ ମାମ୍ ମୁଜେ ତାକି ପ୍ରାଡ଼ାନା କିହାନା ମା ପ୍ରବୁ ଜୀସୁ କ୍ରୀସ୍ତତି ଆବା ମାହାପୁରୁଇଁ କାଟଲଏ ଜହରା କିହିମାନମି; ୪ ଏନାଆଁତାକି ଇଚିହିଁ ମାମ୍ କ୍ରୀସ୍ତ ଜୀସୁ ତାଣା ମୀ ନାମ୍ ଅଡ଼େ ମାହାପୁରୁ ଲକୁଣି ଜୀସୁନହିଁ ମାନାଣି ଝେଞ୍ଜାମାନମି । ୫ ଏଚିଡେଲ ନେହିଁ କାହୁତି ସାତା ବଲୁ ମୀ ତାଣା ମୂଲୁଏ ଖାଡେ, ମୀରୁ ଏଦାନି ତାଣାଟି ହାପ୍ତିଆଡ଼ି ବାସ୍ତିତି କାତା ଝେଚେରି । ମୀରୁ ଏନାଆଁ ବାସ୍ତି କିଦେରି, ଏନାୟି ମୀ ତାକି ଲାକପୁରୁ ଇଡ଼ି ଆହାମାନେ, ଏମ୍ବାଆଁ ମୀ ନାମ୍ ଅଡ଼େ ଜୀସୁନନାୟି ତୁୟାମାନେ । ୬ ଏ ନେହିଁ କାବୁ ମୀ ତାଣା ଖାହାମାନେ, ଇଞ୍ଜା, ଏଡ଼ି ଏନିକିଁ ବାରେ ଦାଡ଼ିତା ପାଡ଼େୟି କାମ୍ବାନା ଅଡ଼େ ପାତାଆହିମାନେ, ମୀରୁ ଆମିନି ଦିନା ଏଦାଆଁ ଝେଞ୍ଜାନା ସାତା ତଲେ ମାହାପୁରୁତି କାର୍ମା ମେଡ଼ାଆଡେରି, ଏ ଦିନାଟିଏ ମୀ ତାଣା ଜିକେଏ ଏଲେ ଆହିମାନେ । ୭ *ମା ତଲେ କାମା କିନି ଜୀସୁତି ତାୟି ଏପାପ୍ରା ତାଣାଟି ମାହାପୁରୁତି କାର୍ମାମେହ୍ନି କାତା ଜାପାମାଞ୍ଜେରି; ଏଞ୍ଜାସି ମିଜେ ତାକି କ୍ରୀସ୍ତତି ର ମାନ୍ତି ତଲେ ସେବା କାମାକିନାସି; ୮ ଏଞ୍ଜାସି ସୁଦୁଜୀସୁ ତଲେ ମିଜେ ହାହାମାଞ୍ଜାନି ଜୀସୁ ନଞ୍ଜିଆନି କାତା ମାଜେ ଝେସାମାଞ୍ଜାନେସି ।

୯ ଇଦାଆଁତାକି ମୀ କାତା ଝେତି ଦିନାଟିଏ ମାମ୍ କାଟଲଏ ମୀ ତାକି ପ୍ରାଡ଼ାନା କିହିମାନମି । ମୀରୁ ବାରେ ସୁଦୁଜୀସୁତି ବୁଦି ଅଡ଼େ ତେଲହିନି ବାଡ଼ୟୁ ତଲେ ମାହାପୁରୁତି ବାରେ ଅଣପୁ ଏନିକିହିଁ ମୀରୁ ପୁଞ୍ଜାଲି ଆଡ଼ିଦେରି, ଇଦାଆଁତାକି ମୀ ତାକି ପ୍ରାଡ଼ାନା କିହିମାନମି । ୧୦ ବାରେ ଜୀସୁତି ବୁଦିତା ପ୍ରବୁଇଁ ବାରେ ତାଣା ରାହିଁ କିୟାଲି ତାନି ଜଗେତି ମାଣକି ତଲେ ତାକାଦୁ, ଇଚିହିଁ ମାହାପୁରୁତି ବୁଦିତା ପାତାଆହାନା ନେହିଁ କାମାତି ପାଡ଼େୟି ଆୟାଦୁ । ୧୧ ଇଞ୍ଜା ବାରେ କାମାତା ସାସାତଲେ ଅହାଲି ତାକି ତାନି ଗାଞ୍ଜୁରମି

* ୧:୨ ୧:୭ କଲସି ୪:୧୨; ପିଲିମ ୧:୨୩

ଇଞ୍ଜି କାଜାପାଣା ତଲେ ବାରେ ବାଡ଼ୁରୁତି ବାଡ଼ୁରୁ ଗାଟାତେରି ଆନୁ, ୧୨ ଇଞ୍ଜି ଆମିନି ଆବା ମାହାପୁରୁ ଲକ୍ଷ୍ମୀ ରଜେଡ଼ି ରାଜିତା ଆଣ୍ଡାଲି ତାକି ଜଗେ କିହାନା ଅଦିକାରା ହାହାମାଞ୍ଜାନ୍ଦେସି, ଏଦାଆଁତାକି ଏଞ୍ଜାଣାଲି ରାହାଁତଲେ ଜହରା କିନୁ । ୧୩ ଏଞ୍ଜାସି ମାଜେ ଆନ୍ଦେରିତି ବାଡ଼ୁରୁତି ପିସ୍ପି କିୟାତେସି ଅଡ଼େ ତାନି ଜାସ୍ତୁତି ମୀରୁଏଣାତି ରାଜିତା ମାଜେ ତାତାତେସି । ୧୪ ଏ ମୀରୁଏଣି ତାଣାଟି ମାର୍ ଗେଲ୍ପି ଆହାମାନାୟି ଇତିହୁଁ ମା ପାପୁ ବାରେ ମ୍ପେପ୍ପକି ଆହାମାନେ ।

କ୍ରୀସ୍ତ ଅଡ଼େ ତାନି କାମା

୧୫ କ୍ରୀସ୍ତ ତଞ୍ଜା ଆଆଗାଟି ମାହାପୁରୁତି ତଞ୍ଜାଆନି ଖାଣା ଗାଟାସି, ଏଞ୍ଜାସି ନକେଏ ଜାର୍ନାଆଡ଼ି ମୀରୁଏସି, ଇଞ୍ଜି ବାରେ ଗାଡ଼ି ଆଡ଼ି କିହାଁ କାଜାସି, ୧୬ ତଞ୍ଜା ଆନାୟି ଅଡ଼େ ତଞ୍ଜା ଆଆଗାଟାୟି ଲାକପୁରୁ ଅଡ଼େ ଦାରୁତିତା ବାରେ ଏଞ୍ଜାଣି ତାଣାଟି ଗାଡ଼ି ଆହାମାନେ, ସିଂଗାସାଣି କି କାଜାପାଣା କି ଅଦିକାରା କି ସାଲ୍ଲୁଡ଼ି କିନାୟି ବାରେ ଏଞ୍ଜାଣି ତାଣାଟି ଇଞ୍ଜି ଏଞ୍ଜାଣି ତାକି ଗାଡ଼ି ଆହାମାନେ; ୧୭ ବାରେ ଗାଡ଼ି ଆଡ଼ି ନକେଏ କ୍ରୀସ୍ତ ମାଚେସି, ଇଞ୍ଜି ଏଞ୍ଜାଣି ତାଣା ଆଣ୍ଡାମାନାକି ବାରେ ଗାଡ଼ିଆଡ଼ାକ ତାମ୍ନୁ ମାନି ଗାୟୁତା ମାନୁ । ୧୮ ଏକ୍ରୀସ୍ତ କୁଲମି ଲେହେଁତି ଆଜ୍ଞାତି ତାୟୁଁ ଲେହେଁତାସି, ଏ ଆଜ୍ଞାତି ଜୀସ୍ତୁ ବାଡ଼ୁରୁ । ବାରେ ତାଣା ନକିତା ଆହାଲି ତାକି ଏଞ୍ଜାସି ହାଡ଼ାରି ତାଣାଟି ନକେଏ ନିଜାମାନେସି । ୧୯ ଏନାଆଁତାକି ଇତିହୁଁ ମାହାପୁରୁତି ଅଣ୍ଡପୁ ଲେହେଁ ମୀରୁଏସି ତାନୁଏ ମାହାପୁରୁତି ବାରେ ମାଣ୍ଡକି ଆସା କତାମାନେସି, ୨୦ ଏଅଡ଼େ ତାନି ମୀରୁଏଣା କ୍ରସ୍ତତି ନେତେରି* ତଲେ ଏଞ୍ଜାସି ହିଡ଼ଡ଼ି ତୀରି କିହାନା ଏଞ୍ଜାଣି ତାଣାଟି ତାନିତଲେ ବାରେ ଲକ୍ଷ୍ମୀ କାଲ୍ଲନେସି, ହାଅ ଏଞ୍ଜାଣି ତାଣାଟି ଦାରୁତିତା ଅଡ଼େ ଲାକପୁରୁ ମାନାଣି ବାରେ କାଲ୍ଲୁଡ଼ି କିନେସି ।

୨୧ ଅଡ଼େ ନକେଏ ର ବେଲାତା ମନତା ଲାଗେଏତି କାମା କିହାନା ମୀରୁ ମାହାପୁରୁ ତାଣାଟି ଏଟକା ଅଡ଼େ ହେକ ମାଚେରି ଇଞ୍ଜି ମନତା ତାନି ସାଡୁ ମାଚେରି, ୨୨ ସାମା ନୀଏଁ ମାହାପୁରୁ ମିଜେ ଜିକେଏ ତାନି ନକିତା ସୁବୁ ଗାଟାତେରି, ନିନ୍ଦା ଅଡ଼େ ଦହୁ ହିଲ୍ଲାଆଗାଟାତେରି କିହାଲି ତାନି ମୀରୁଏଣା ଆଜ୍ଞାତି ହାକି ତଲେ ମିଜ୍ଠା ତାନିତଲେ କାଲ୍ଲହା ମାଞ୍ଜାନ୍ଦେସି; ୨୩ ମୀରୁ ର ତୀରୁପୁ ଆଡ଼ୁଞ୍ଜା ପୁନାଦି ଲାକ ତୁୟାପୁ ଅଡ଼େ ନେହୁଁ କାବୁ ଷ୍ଟେନି ବେଲାତା ଏମିନି ବାସ୍ତୁ ଇଗାମାଚେରି ଏମ୍ପାଟି ଇତାଲା ଆତାଲା ଆଆବୁ, ଆତିହୁଁ ସାତେଏ ଏମ୍ପାଟି ପାଡ଼େୟି ବେଗାଆଦେରି; ଏ ନେହୁଁ କାବୁ ମୀରୁତ ଷ୍ଟେଜାମାଞ୍ଜେରି; ଏଦି ହାପୁପାକା ତୁଜ ମାନି ବାରେ ଗାଡ଼ି ଆଡ଼ିତାଣା ଏ ନେହୁଁ କାବୁ ଷ୍ଟେଜାମାନେ ଅଡ଼େ ନାନୁ ପାଞ୍ଜୁଲ ଏମ୍ପାଟି ନାମୁତି ହଲେଏଣାତେଏଁ ।

କୁଲମିତା ପାଞ୍ଜୁଲତି କାମା

୨୪ ନାନୁ ମିଜେତାକି ଆମିନି ଦୁକୁ କସ୍ତ ବେଗାଆହି ମାଜ୍, ଏମ୍ପାଆଁ ନାନୁ ନୀଏଁ ରାହାଁ କିହିମାଜ୍, ଇଞ୍ଜି କ୍ରୀସ୍ତତି ଦୁକୁ କସ୍ତ ଏନାୟି ତୁୟାମାନେ ଏଦାଆଁ ନାନୁ କୁଲମିତାକି ଆଜ୍ଞା ତଲେ ଦୁକୁ କସ୍ତ ଅରହାନା ରାପୁହାଲି ସାୟେମି କିହିମାଜ୍ । ୨୫ ମାହାପୁରୁ ନାଜେ ସେବାକିନି କାମା ହେରପା ମାଞ୍ଜାନ୍ଦେସି, ଏଲେଆହି ଏ ଏ କୁଲମିତି ନାନୁ ର ସେବା କିନାତେଏଁ ଆହାମାଜ୍, ଏନିକଁ ନାନୁ ମାହାପୁରୁତି ବଲ୍ଲୁ ତାରିତଲେ ଷ୍ଟେକଲ୍, ୨୬ ଏ ନେହୁଁ କାବୁ ର ତୁଗୁମାନି କାତା ତଲି କାଲା ଅଡ଼େ ଆକୁ ଆବାୟାଁ ତାଣାଟି ତୁଗୁମାଚେ, ସାମା ନୀଏଁ ତାନି ଲକ୍ଷ୍ମୀତାଣା ତସାମାନେସି । ୨୭ ଜୀହୁଦିଆଆତି ଲକ୍ଷ୍ମୀତାଣା ଏ ତୁଗୁମାନି ଗାଞ୍ଜୁରମିଗାଟି ଦନ ଏନାୟି ଏଦାଆଁ ମାହାପୁରୁ ତାନି ଲକ୍ଷ୍ମୀତାଣା ତସାଲି ଅଣ୍ଡପିତେସି; ଏ ତୁଗୁମାନାୟି ଇଦି, ମୀ ତାଣା କ୍ରୀସ୍ତ ଏଞ୍ଜାସି ଗାଞ୍ଜୁରମି ଅଡ଼େ ବାସ୍ତୁ ଲେହେଁତାସି; ୨୮ ମାମ୍ନୁ ଏ କ୍ରୀସ୍ତଲ୍ ଷ୍ଟେକହି ମାନମି, ଇଞ୍ଜି ବାରେଜାଣାତି ସେଡ଼ନ ଇଞ୍ଜି ବାରେ ବୁଦିତଲେ ଜାପୁହି ମାନମି, ମାମ୍ନୁ ଏନିକଁ ମାହାପୁରୁ ନକିତା ତୀରୁପୁତି ଲକ୍ଷ୍ମୀ ଲେହେଁ ତାଗାଲି ଆଡ଼ିନମି; ୨୯ ଏଦାଆଁ କିହାଲିତାକି ନା ତାଣା କାମା କିହିମାନି କ୍ରୀସ୍ତ ହାହିମାଞ୍ଜାନି କାଜା ବାଡ଼ୁରୁତି ଲେମ୍ପାନା ନାନୁ ଜୀସ୍ତୁ ତୁସାନା କାମା କିହିମାଜ୍ ।

୨

୧ ମୀ ତାକି ଲାଞ୍ଜୁଦିକିୟାତି ଲକ୍ଷ୍ମୀ ଅଡ଼େ ନାଜେ ସାତେଏ ପୁଞ୍ଜାମାଞ୍ଜଅରି, ଏ ବାରେଜାଣା ତାକି ନାନୁ ଏଚେକା ଜୀସ୍ତୁ ତୁସାନା କାମା କିହାମାଜ୍, ଇ ବାରେ ମୀରୁ ପୁଞ୍ଜୁ ଇଞ୍ଜି ନାନୁ ଅଣ୍ଡପିମାଜ୍; ୨ ନା ଅଣ୍ଡପୁ ଇଦି, ଏନିକଁ ଏଞ୍ଜାରି ହିୟାଁ ରାହାଁ ଆନେ, ଇଞ୍ଜି ଏଞ୍ଜାରି ସାତା ବୁଦିତି ବାରେ ଦନ ବେଗାଆହାଲି ତାକି, ଇତିହୁଁ

* ୧:୧୪ ୧:୧୪ ଏପିସି ୧:୭ * ୧:୧୮ ୧:୧୮ ଏପିସି ୧:୨୨,୨୩ * ୧:୨୦ ୧:୨୦ ଏପିସି ୨:୧୨ * ୧:୨୦ ୧:୨୦ ନେତେରି ଇତିହୁଁ ମୀରୁଏଣା ହାକି

ମାହାପୁରୁଷ ଡ୍ରଗ୍ମାମାନାୟି କ୍ରୀସ୍ତ, ଏଞ୍ଜେଲ୍ ପୁଞ୍ଜାଲିତାକି ରଅସି ରଅଣି ତଲେ ଜୀଞ୍ଜୁ ନଞ୍ଜି ଆନେରି । ୩ ଜୀସ୍ତୁ କ୍ରୀସ୍ତ କୁଟିକାଡ଼ି ଏନାୟି ମାହାପୁରୁଷ ବୁଦି ଅଡ଼େ ପୁନାଣି ଡ୍ରଗ୍ମାମାନି ବାରେ ଦନ ଦେନେସି ।

୪ ମିଙ୍ଗେ ଆମ୍ବାଆସି ନାଡ଼ିକିନି ଲେହେଟି ମିତି କାତା ଝେସାନା ନାଡ଼ି କିୟାଆପେସି, ଏଦାଆଁତାକି ନାନୁ ଇଦାଆଁ ଝେସିମାଞ୍ଜାଇ । ୫ ଇଚିହଁ ନାନୁ ଆଙ୍ଗା ତଲେ ହିଲାଆତି ଜିକେଏ ନା ଜୀଞ୍ଜୁତଲେ ମୀ ତାଣା ମାଞ୍ଜାମାଇ, ଇଞ୍ଜା ମୀ ନେହଁ କଁ ଜାଟୁ ଆନାଣି ଅଡ଼େ କ୍ରୀସ୍ତ ତାଣା ତାବୁପୁତଲେ ନାମାମାନାଣି ମେସାନା ରାହଁ ଆହିମାଇ ।

କ୍ରୀସ୍ତ ତାଣା ଜୀଞ୍ଜୁ

୬ ଇଚିହଁ ମୀରୁ କ୍ରୀସ୍ତ ଜୀସ୍ତୁଇଁ ପ୍ରବୁ ଇଞ୍ଜୁ ଏନିକଁ ନାମାମାଞ୍ଜେରି, ଏଲେକିହଁ ଏ ଏଞ୍ଜାଣି ତାଣା ମାଞ୍ଜାନା ନୀତାଦୁ; ୭ ଏଞ୍ଜାଣି ତାଣା ଜାଣ୍ଡେ ଡ୍ରୟାଦୁ, ମୀ ଜୀଞ୍ଜୁତି ତୀରିକିଦୁ ଇଞ୍ଜା ମୀରୁ ଜାପାମାନି ନାମୁତା ଏଞ୍ଜାଣି ତାଣା ବାଡ଼ୁୟୁ ବେଟାଆଦୁ । ମୀ ହିୟାଁ ଜହରା କିନାୟି ଆପେ ।

୮ ସିନିକିଦୁ, ଏଡେତା ଆମ୍ବାଆସି କ୍ରୀସ୍ତତି ଜାପୁନାୟି ଲାଗେଏତି ମାଣସିତି ପାଣାପାଟୁ ଅଡ଼େ ଦାରୁତିତି ମୁଲୁ ଜାପୁନି ପାଞ୍ଜି ସିନି କିନାୟି ଅଡ଼େ ଉଜେଏତି ନାଡ଼ିକିନି ତାଣାଟି ମିଙ୍ଗେ କାୟିଦି କିହା ଅୟାନେ; ୯ ଇଚିହଁ କ୍ରୀସ୍ତ ତାଣା ମାହାପୁରୁଷ ଗୁଣ୍ଡ ମାଣସି ଝାଣା ଆହାନା ବାସା ଆନେ । ୧୦ ଏଞ୍ଜାସି ବାରେ ସାଲୁଝି କିନାରି ଇଞ୍ଜା ଅଦିକାରା ବେଟାଆଡ଼ାରି ତାୟଁ ଲେହେଁ, ଇଞ୍ଜା ଏଞ୍ଜାଣି ତାଣା ମାଞ୍ଜାନା ମୀରୁ ବାଡ଼ୁୟୁ ବେଟାଆହା ମାଞ୍ଜେରି ।

୧୧ କ୍ରୀସ୍ତ ତଲେ ଆଣ୍ଡିତି ଜୀଞ୍ଜୁଏ ମୀ ତଲୁ ଦାପି ଆଡ଼ି ଲେହେଁତାୟି । ଏ ତଲୁ ଦାପି ଆଡ଼ାୟି ମାଣସି କିତାୟି ଆଏ, ଏଡ଼ି କ୍ରୀସ୍ତ ତାଣାଟି ଆହାମାନେ । ଏଡ଼ି ମାଣସିଇଁ ପାପୁ ଆଙ୍ଗାଟି ଗେଲୁପି କିନେ ।

୧୨ *ମୀରୁ ଏତିବେଲା ବାପିପୁଁ* ବେଟାଆଡ଼େରି ଏତିବେଲା ମୀରୁ କ୍ରୀସ୍ତ ତଲେ ମୁସିପିଆଡ଼େରି, ଇଞ୍ଜା ଆମିନି ମାହାପୁରୁ କ୍ରୀସ୍ତୁଇଁ ହାଡ଼ାରି ତାଣାଟି ନିକହେସି, ଏଞ୍ଜାଣି କାମା କିନି ବାଡ଼ୁୟୁତି ନାମାଲିଏ ଏ ବେଲାତା ଏଞ୍ଜାସି ମିଙ୍ଗେ କ୍ରୀସ୍ତ ତଲେ ନିକହାଡେସି । ୧୩ *ମୀରୁ ଆଙ୍ଗାତା ପାପୁ ଗାଟାତେରି ଜୀହୁଦି ଆଆମାଟାଟି ହାହାମାଟେରି, ମିଙ୍ଗେ ଜିକେଏ ମାହାପୁରୁ ତାନିତଲେ ମିଙ୍ଗେ ଜୀଞ୍ଜୁ କିହଁ ମାଞ୍ଜାନେସି, ମାହାପୁରୁ ମା ବାରେତି ପାପୁ ମେଲୁହା ମାଞ୍ଜାନେସି; ୧୪ *ଏଞ୍ଜାସି ମେରାତା ମା କପାଟି ଆମିନି ଦହ ଦହନି ଆକୁ ମାଟେ, ଏଦାଆଁ ଏଞ୍ଜାସି ମେଲୁହାନା ପାସି ମୁଣ୍ଡାତା କୁଟିୟାଁ ଝେଟାନା ମା ତାଣାଟି ହେକ କିହାମାନେସି; ୧୫ ଅଡ଼େ ଏ ପାସିମୁଣ୍ଡା ଲାକ କ୍ରୀସ୍ତ ବାରେଲେହେଁତି ବାଡ଼ୁୟୁ ଇଞ୍ଜା ସାଲୁଝି କିନାଆଁ ତାଣାଟି ଜାହାରାଇଁ ପିସପି କିହାକତାମାନେସି ଇଞ୍ଜା ଏଞ୍ଜାଆଁତି ଦସପାନା ତାନୁ ଜାଣାଆହାନା ହାନିବେଲାତା ବାରେ ଲକୁ ନକିତା ଏଞ୍ଜାଆଁତି ଲାଜା ବେଟାଆଝି କିହାମାନେସି ।

୧୬ *ଏଦାଆଁତାକି ମୀ ତିନାୟି, ଉନାୟି, ପାର୍ବୁତାକି କୁରି ଲେଞ୍ଜୁ ପାର୍ବୁ କି ଜମିନି ଦିନାତି ଆମ୍ବାଆସି ମିଙ୍ଗେ ବିଚାରା କିୟାଆପେସି । ୧୭ ଏ ବାରେ ଝାହିମାନି ଦିନାତା ଆହାଲି ହାଜିମାନି ସାୟଁ ଲେହେଁ; ସାମା ଏମ୍ବାତି ସାତା କାତା କ୍ରୀସ୍ତ । ୧୮ ଇଞ୍ଜା ଆମ୍ବାଆସି ଜାହାରା ଉଣା ଆହାନା ଦୁଡୁୟାଁ ସେବାତା ରାହଁ ଆହାନା ସେୟାଣା ହାପାନା ମେସାମାନାଆଁ ପାରାନା ଅଡ଼େ ଦାରୁତିତି ଅଣ୍ଡୁ ତଲେ ଉଜେଏ ବଡପଣ ଆହାନା ଆମ୍ବାଆସି ତାୟଁ ଲେହେଁତି କ୍ରୀସ୍ତ, ଏଞ୍ଜାଣାଇଁ ଆହାମାନା ମାହାପୁରୁ ବରତି ଏଟକା କିୟାଆପେସି । ୧୯ *ଏଞ୍ଜାଣି ତାଣାଟି ବାରେ ଆଙ୍ଗା ହାନ୍ତୁଲିକା ଅଡ଼େ ଇଣାୟିଟି ନେହଁ ଆହାନା ରଣ୍ଡି ରଣ୍ଡାଣି ତଲେ କାଲୁଝି ଆହାନା ମାହାପୁରୁ ହାତି ପାଡ଼ିଣିତା ପାତାଆହିମାନୁ ।

କ୍ରୀସ୍ତ ତଲେ ହାନାୟି ଅଡ଼େ ନୀତିନାୟି

୨୦ କ୍ରୀସ୍ତ ତଲେ ହାହାମାଞ୍ଜେରି ଅଡ଼େ ଇ ଦାରୁତିତା ସାଲୁଝି କିହିମାନି ବାଡ଼ୁୟୁଟି ଗେଲୁପି ଆହାମାଞ୍ଜେରି । ଆତିହଁ ମୀରୁ ଏନାଆଁତାକି ଦାରୁତିତି ଲକୁ ଅଣ୍ଡୁ ତଲେ ନୀତିମାଞ୍ଜେରି ? ଏନାଆଁତାକି ମୀରୁ ଇଲେତି ମେରା ବାରେ ମାନି କିହିମାଞ୍ଜେରି, ୨୧ ଆତିହଁ “ମାଣସି ଜାପୁହିମାନି ମେରା ଆହାଆଦୁ, ଏଦାଆଁ ତିନାଆଦୁ, ଏଦାଆଁ ତୀଗାଆଦୁ ଦାରୁତିତି ଲକୁ ଲେହେଁ ଇଲେତି ପାଣାପାଟୁ ଏନାଆଁତାକି ମାନୁଝି ଆହିମାଞ୍ଜେରି ?” ୨୨ ଏ ବାରେ ଆସି ଗାଡ଼େକା ତାଇ । ଇଝି ଲେମ୍ବିସାରେ ଉଜେଏତାଇ ଆନୁ । ୨୩ ଏଲେତି ଜାପୁନାୟି ଜାହାରା ଅଣ୍ଡୁପୁଟି ସେବା କିନାୟି, ଜାହାରାଇଁ ଉଣା କିନାୟି ଇଞ୍ଜା ଆଙ୍ଗାଟି ହାରେକା କସ୍ତ ହାହାନା ବୁଦିତି ଦରୁ ବେଟାଆହାମାଇଁ ସାମା ଏଡ଼ି ଉଜେଏତାୟି ଏଦାଆଁ ତଲେ ଆଙ୍ଗାଟି ଅଣ୍ଡୁ ରାହଁ ଆନେ ।

* ୨:୧୨ ୨:୧୨ ରନି ୬:୪ * ୨:୧୨ ୨:୧୨ ମୁଞ୍ଜିନାୟି * ୨:୧୩ ୨:୧୩ ଏପିସି ୨:୧-୫ * ୨:୧୪ ୨:୧୪ ଏପିସି ୨:୧୫ * ୨:୧୬ ୨:୧୬ ରନି ୧୪:୧-୬ * ୨:୧୯ ୨:୧୯ ଏପିସି ୪:୧୬

୩

୧ ମୀରୁ କ୍ରୀସ୍ତ ତଲେ ହାକିତି ନିଜା ମାଞ୍ଜେରି, ଆତିହ^୩ ମାହାପୁରୁତି ଚିଶନି ଚଟତା କୁଗାମାନି କ୍ରୀସ୍ତତି ଆମିନି ବାସାଟାୟୁ, ଏ ଲାକପୁରୁ ମାନାଣି ପାରାଦୁ । ୨ ଦାର୍ତତା ମାନି ବାରେ କାତାତି ଅଣପାଆନା, ଲାକପୁରୁ ମାନାଣି ବାରେ ଅଣପାଦୁ । ୩ ଏନାଆଁତାକି ଇଚିହ^୩ ମୀରୁ ହାହାମାଞ୍ଜେରି, ଅଡେ ମୀ ଜୀସୁ ମାହାପୁରୁ ତାଣା କ୍ରୀସ୍ତ ତଲେ ଡୁଗ୍ଲାମାନେ । ୪ ମା, ଜୀସୁ ଲେହେତାସି କ୍ରୀସ୍ତ, ଏଚିବେଲା ଏଝାସି ତଞ୍ଜାଆନେସି, ଏଚିବେଲା ମୀରୁ ଜିକେଏ ଗାଝୁରମିତି ଏଝାଣିତଲେ ଆଣ୍ଡାନା ତଞ୍ଜା ଆଦେରି ।

ପୁଃଇ ଜୀସୁ ଅଡେ ପୁଃନି ଜୀସୁ

୫ ଏନାଆଁତାକି ମୀ ଦାର୍ତତି ଲାଗେଏ ପଲେଏ ତାଣାଚି ଇଚିହ^୩ ଦାରିକାମା, ସୁଦୁ ଆଆତି କାମା, ଲାଗେଏତି ଜୁପକା, ପେଣକା ପୂଜା କିନାୟି, ଜୁପକା ଆନାୟି, ଈ ବାରେତାକି ହାଝି କିହାଁ କତାଦୁ: ୬ ଈ ବାରେ କାମାତା ଆଣ୍ଡା ମାଞ୍ଜାନା ଆମ୍ବାଆରି ମାହାପୁରୁଇଁ ମାନି କିଅରି, ଏଝାରାକି ମାହାପୁରୁତି କପା ଖାନେ; ୭ ତଲି ମୀରୁ ଜିକେଏ ଇଲେତି ପାପୁ କାମାତା ମାଞ୍ଜାନା ଏଲେକିହ^୩ ନୀତିମାଚେରି ।

୮ ସାମା ନୀସି ମୀରୁ ଜିକେଏ ଈ ବାରେ କାତା ଇଚିହ^୩, କପା, କାର୍ବି, ଇରସା ଇଞ୍ଜା ମୀ ଗୁତିଚି ନିନ୍ଦା କାତା ଅଡେ ଅପାଆଗାଚି ହାଡା ଜଲାଆଦୁ । ୯ ମୀ ବିତ୍ରା ମିତି କାତା ଝେସପି ଆଆଦୁ; ଏନାଆଁତାକି ଇଚିହ^୩ ମୀରୁ ବାରେ ପୁଃଇ ଗୁଣୁ ମାଣ୍ଡକି ପିସାମାଞ୍ଜେରି, ୧୦ ଅଡେ ଏଲେତି ବାରେ କାମା ପିସାମା ପୁଃନି ଗୁଣୁ ପହାମାଞ୍ଜେରି; ଏ ପୁଃନି ଗୁଣୁ ମାଞ୍ଜେ ଗାଡ଼ିକିତାଣି ଖାଣା ତଲେ ବାରେ ବୁଦି ବେଟାଆହାଲି ତାକି ପୁଃନି ଗାଡ଼ି ଆହାମାଞ୍ଜେରି । ୧୧ ଏଚେଟିଏ ଜୀହୁଦି ଲକୁ ଅଡେ ଜୀହୁଦିଆଆତି ଲକୁ, ତଲୁ ଦାପିଆଡାରି କି ଦାପି ଆଆଡାରି, ଏଟକା ରାକିଡାରି, ସୁଡ଼ିୟାତାରି, ହଲେଏସି ଆଆଡାସି, ଈ ବାରେତି ବିତ୍ରା ଏନି ପାରଡା ହିଲେଏ, ସାମା କ୍ରୀସ୍ତ ବାରେତାକି ମାନେସି, ଇଞ୍ଜା ଏଝାସି ବାରେ ତାଣା ବାସା କିନେସି ।

୧୨ ମୀରୁ ମାହାପୁରୁତି ଲକୁଚେରି; ଏଝାସି ମିଞ୍ଜେ ଜୀସୁନହାଁନା ତାଞ୍ଜେତାକି ଆଟାମାଞ୍ଜାନେସି । ଏନାଆଁତାକି ମୀରୁ ହିଡଡ଼ି ହିୟାଁ, କାର୍ମାମେହନାଣି, ଉଣା ଆନାୟି, ସୁଦୁ ସୁଝାଲା ମାଣ୍ଡକି ଅଡେ ଅରୁହିନାଣି ପରଦୁ । ୧୩ ମୀ ବିତ୍ରା କସ୍ତ ଅରୁହି ଆଦୁ, ରଅସି ରଅଣି କପାଚି ଏନି କାତା ଜଲିନାୟି ମାଚିସାରେ ମୀରୁ ରଅଚେରି ରଅଣି ଦହ ମ୍ଲେକଦୁ; ପ୍ରବୁ ଏନିକ^୩ ମୀ ଦହ ମ୍ଲେକହା ମାଞ୍ଜାନେସି, ମୀରୁ ଜିକେଏ ଏଲେକିହ^୩ଏ କିଦୁ । ୧୪ ଅଡେ ଈ ବାରେ ଗୁଣୁତଲେ ଜୀସୁନହାଁନା ମୀ ବିତ୍ରା ମାଣ୍ଡମ୍ଲେ, ଇଚିହ^୩ ଜୀସୁନହାଁନା ବାରେ ଗୁଣୁତି ରୁଣୁ କିନେ । ୧୫ କ୍ରୀସ୍ତ ହିୟାତି ହିଡଡ଼ି ମୀ ହିୟାତି ସାଲୁଝି କିପେ । ଇଚିହ^୩ ଈ ହିଡଡ଼ି ତାକି ମାହାପୁରୁ ମିଞ୍ଜେ ରହେଏ ରଣିଏ ଆଜା ଆହାଲି ହାଟାମାଞ୍ଜାନେସି ଅଡେ ବାରେବେଲା ମୀରୁ ମାହାପୁରୁଇଁ ଜହରା କିଦୁ ୧୬ ମକ୍ରୀସ୍ତତି ବଲୁ ହାଡେକା ମୀ ହିୟାତା ଡ଼ୟାପେ; ବୁଦିତଲେ ମୀରୁ ରଅଚେରି ରଅଣାଲି ହାରେପୁରେ ଜାପହାନା ସେଡନା ହାପକିଆଦୁ, ଇଞ୍ଜା ମୀ ସୁଦୁଜୀସୁ ତଲେ ମାହାପୁରୁଇଁ ଜହରା କିହ^୩ ହିୟାଁ ତଲେ ପାରୁ ପାଟାଦୁ । ୧୭ ଅଡେ ମୀରୁ କାତାତାକି କାମାତା ଏନାଆଁ କିଦେରି, ଇଚିହ^୩ ଏ ବାରେ ପ୍ରବୁ ଜୀସୁ ଦରୁତଲେ କିହାନା ଏଝାଣି ଦରୁତଲେ ଆବା ମାହାପୁରୁଇଁ ଜହରା କିଦୁ ।

ପୁଃନି ଜୀସୁତା ଆଣ୍ଡିନାୟି

୧୮ ଏ ତକ୍ତିସିକାଚେରି, ମୀରୁ ମୀ ତକ୍ରାୟାଣି ମାନି କିଦୁ, ଏନାଆଁତାକି ଇଚିହ^୩ ମୀରୁ ପ୍ରବୁ ତାଣା ଆଣ୍ଡାମାନାକି ଏଲେ କିନାୟିମାନେ ।

୧୯ ଏ ତକ୍ରାୟାଚେରି, ମୀରୁ ମୀ ତକ୍ତିସିକାଣି ଜୀସୁନଦୁ, ଏଝାସିକାଣି ହଲେଣିସିକା ଲେହେଁ ଲେମ୍ବାନା ଦୁକୁ ହାଆଦୁ ।

୨୦ ଅଡେ କକାରି ପଦାୟାଚେରି, ବାରେ କାତାତା ତାଲି ତାଞ୍ଜିତି କାତା ମାନୁଝି ଆଦୁ, ଏନାଆଁତାକି ଇଚିହ^୩ ଈଦି ମାହାପୁରୁ ନକିତା ରାହାଁତି ଲେମ୍ବିନାୟି ।

୨୧ ଏ ତାଲି ତାଞ୍ଜି ଚେରି, ମୀ କକାରି ପଦାୟା କାର୍ବି କିଆଦୁ, ଏନିକ^୩ ଏଝାରି ନୀରାସା ଆଅରି ।

୨୨ ଏ ହଲିୟାଞ୍ଜାଚେରି, ମାଣ୍ଡସିଲ ରାହାଁ କିନିଲେହେଁ ଦାର୍ତତି ସାଝୁକାରିୟା ନକିତା ଏ କାମା କିଆଦୁ, ସାମା ମାହାପୁରୁଇଁ ଆଜାନା ହିୟାତି ସୁଦୁ ମାଣ୍ଡକି ତଲେ ବାରେ କାମାତା ଏଝାରାଇଁ ମାନୁଝି ଆଦୁ । ୨୩ ମୀରୁ ଏନି କାମା କିତି ଜିକେଏ ପ୍ରବୁକି କିନିଲେହେଁ ହିୟାଁ ତଲେ କିଦୁ, ମାଣ୍ଡସିୟାଁ ତାକି କିନିଲେହେଁ କିଆଦୁ; ୨୪ ପ୍ରବୁ ତାନି ଲକୁତାକି ଇଟାମାନି ଦାନା ମିଞ୍ଜେ ହିୟାନେସି ଇଞ୍ଜା ପୁଞ୍ଜାମାଞ୍ଜୁ, ଏନାଆଁତାକି ଇଚିହ^୩

୩:୧ ୩:୯ ଏପିସି ୪:୨୨ ୩:୧୦ ୩:୧୦ ଏପିସି ୪:୨୪ ୩:୧୨ ୩:୧୨ ଏପିସି ୪:୨ ୩:୧୩ ୩:୧୩ ଏପିସି ୪:୩୨ ୩:୧୭ ଏପିସି ୫:୧୯,୨୦ ୩:୧୮ ୩:୧୮ ଏପିସି ୫:୨୨; ପିତି ୩:୧ ୩:୧୯ ୩:୧୯ ଏପିସି ୫:୨୫; ପିତି ୩:୭ ୩:୨୦ ୩:୨୦ ଏପିସି ୬:୧ ୩:୨୧ ୩:୨୧ ଏପିସି ୬:୪ ୩:୨୨ ୩:୨୨ ଏପିସି ୬:୫-୮

କ୍ରୀସ୍ତସ୍ୟ ମୀ ସାତା ପ୍ରବୁ ଆମ୍ବାଆରି ସେବା କିହିମାଞ୍ଜେରି । ୨୫ ଇତିହଂ ଆମ୍ବାଆସି ଲାଗେଏ କାମା କିନେସି ଏଝାସି ଲାଗେଏ କାମାତି ପାଡ଼େୟି ବେଗାଆନେସି, ଇତିହଂ ମାହାପୁରୁ ଲକ୍ଷୁତି ପାରଡ଼ା ବାତି କିଆନା ନାହାୟି କିନେସି ।

୪

୧ ଧୂ ସାସ୍ତ୍ରକାରିୟାତେରି ଲାକପୁରୁ ମୀ ସାସ୍ତ୍ରକାରି ମାନେସି ଇଞ୍ଜି ପୁଞ୍ଜାନା ମୀ ହଲିୟାଙ୍ଗାଲ୍ ଜୀସ୍ତୁନହାଁନା ନେହଂ କିଲ୍ ଲେମ୍ବାଦୁ ।

ଜାପୁନାୟି

୨ କାଲେଏ ପ୍ରାତାନାତା ରଣ୍ଡିଏ ଅଣପୁ ତଲେ ମାଞ୍ଜୁ ଅଡ଼େ ମାହାପୁରୁଇଁ ଜହରା କିହଂ ଏମ୍ବାଆଁ ଜାଗ୍ରାତା ମାଞ୍ଜୁ; ୩ ମାଙ୍ଗୋତାକି ଜିକେଏ ପ୍ରାତାନା କିଦୁ, ଏନିକିଲ୍ ନେହଂ କାବୁତି କାତା ଝେକହାଲି ମାହାପୁରୁ ମାଙ୍ଗୋତାକି ଦାଗା ଦେତାନେସି । କ୍ରୀସ୍ତତି ଆମିନି ତୁଗ୍ମାମାନି କାତାତାକି ନାନୁ ନୀର୍ଏ କାୟିଦି ଇଲୁତା ମାଲ୍ । ୪ ନାନୁ ଝେକନାତି ନେହଂ କିଲ୍ ପୁଣ୍ଡିକିନିଲେହେଁ ଝେକହାଲି ଆଡ଼ିଇଁ ଇଞ୍ଜି ନାଙ୍ଗୋତାକି ପ୍ରାତାନା କିଦୁ ।

୫ ପାଗାତି ନେହଂ କିଲ୍ ଲେମ୍ବାନା ନାମାଆତି ଲକୁ ତାଣା ବୁଦିତି ମାଣକି ତଲେ ଲେମ୍ବାଦୁ । ୬ ମୀ ବଲୁ କାଲେଏ ନେହାୟି, ଅଡ଼େ, ଅଣପିନାୟି, ଅଡ଼େ ହାରୁ ଲେହେଁ ମୀରୁ ଏନିକିଲ୍ ବାରେଜାଣାତି ସାତା କାତା ଝେସାଲି ଆଡ଼ିଦେରି ଏ କାତା ମୀରୁ ପୁନାୟିମାନେ ।

ରାନି ଜହରା

୭ ଧୂ ପ୍ରବୁତି କାମାତା ନା ତଲେ ନାମୁତି ସେବା କାମା କିନି ଜାସ୍ତୁତି ତାୟି ତୁକିକ, ନା ବାରେ କାତା ମିଙ୍ଗେ ଝେସ୍ତାନେସି; ୮ ଏଦାଆଁତାକି ନାନୁ ଏଞ୍ଜାଣାଇଁ ମୀ ତାଣା ପାଣ୍ଡାଡ଼େଏ, ଏନିକିଲ୍ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି, ଇଞ୍ଜା ମୀ ବାରେତି ହିୟାଁ ଏଞ୍ଜାଣି ତାଣାତି ରାହାଁ ବେଗାଆନେ । ୯ ଏଞ୍ଜାଣିତଲେ ନାନୁ ନାମୁତା ଜାସ୍ତୁତି ତାୟି ଅନିସିମଇଁ ପାଣ୍ଡାଡ଼େଏ, ଏଞ୍ଜାସି ମୀ ବିତ୍ରାତି ରଅସି, ଏଞ୍ଜାରି ଇମ୍ବାଆଁ ଆହିମାନି ବାରେ କାତା ମିଙ୍ଗେ ଝେସ୍ତାନେରି ।

୧୦ ଧନା, ତଲେ କାୟିଦିତା ମାନି ଆରିସ୍ତାର୍କ ଅଡ଼େ ବର୍ନବା କୁଟମିତି ତାୟି ମାର୍କ ଏଞ୍ଜାରି କାତା ମୀରୁ ହୁକୁମି ବେଗାଆହାମାଞ୍ଜେରି; ମାର୍କ ମୀ ତାଣା ଝାଡ଼ିସାରେ, ଏଞ୍ଜାଣାଇଁ ଆବାଦୁ, ଏଞ୍ଜାରି ମିଙ୍ଗେ ଜହରା ଝେସି ମାଞ୍ଜାନେରି, ୧୧ ଅଡ଼େ କ୍ରସ୍ତ ଦରୁତି ଝେଙ୍ଗିତି ଜୀସ୍ତୁ ମିଙ୍ଗେ ଜହରା ଝେସିମାଞ୍ଜାନେସି, କ୍ରୀସ୍ତ ଦାମୁତି ଆବାମାନି ଇ ତାନିଜାଣା ଜାହୁଦି ବିତ୍ରାତି ମାହାପୁରୁ ରାଜିତାକି ନା ତଲେ କାମାକିନାରି, ଏଞ୍ଜାରି ନାଙ୍ଗେ ହାରେକା ସାରେମି କିହାମାଞ୍ଜାନେରି ।

୧୨ ଏପାପା ମୀ ବିତ୍ରାତି ରଅସି, ଏଞ୍ଜାସି ମିଙ୍ଗେ ଜହରା କିହିମାଞ୍ଜାନେସି, ଏଞ୍ଜାସି କ୍ରୀସ୍ତ ଜୀସ୍ତୁତି ର ହଲେଏସି ଇଞ୍ଜା ତାନୁ ପ୍ରାତାନା କିନାତି ବାରେବେଲା ମିଙ୍ଗେ ତାକି ପ୍ରାତାନା କିହିମାନେସି, ଏନିକିଲ୍ ମୀରୁ ନାମୁତା ନେହାଁତେରି ଆହାନା ମାହାପୁରୁତି ବୁଦି ଅଡ଼େ ଅଣପୁତି ତୀରେ ପୁଞ୍ଜାନା ଝାତାଆନା ମାଞ୍ଜେରି ।

୧୩ ଇତିହଂ ଏଞ୍ଜାସି ମିଙ୍ଗୋତାକି ଇଞ୍ଜା, ଲାସ୍ତୁଦିକିୟା ଅଡ଼େ ହିଏରାପଲିତା ମାନାରି ତାକି ହାରେକା କସ୍ତ ବେଗାଆହଂ କାମା କିହାମାନେସି, ଏଞ୍ଜାଣି ତାକି ନାନୁ ଇ ସାକି ହାହିମାଞ୍ଜାଇଁ । ୧୪ ଧନା ଜୀସ୍ତୁତି ତାଙ୍ଗାଦର ଲୁକ ଅଡ଼େ ଦିମା, ମିଙ୍ଗେ ଜହରା ଝେସିମାଞ୍ଜାନେରି ।

୧୫ ଲାସ୍ତୁଦିକିୟାତା ମାନି ତାୟି ତାଙ୍ଗସ୍ତା, ତାଙ୍ଗ ନୁମ୍ପା ଅଡ଼େ ତାମି ଇଲୁତା ମାନି କୁଲମିତି ମା ଜହରା ଝେହ୍ଦୁ । ୧୬ ଅଡ଼େ ମୀ ତାଣା ଇ ଆକୁ ପଡ଼ୁଝି ଆଡ଼ି ତାୟି ଲାସ୍ତୁଦିକିୟା କୁଲମିତା ଜିକେଏ ଏନିକିଲ୍ ପଡ଼ୁଝି ଆନେରି, ଇଞ୍ଜା ଲାସ୍ତୁଦିକିୟାତି ଆମିନି ଆକୁ ଝାନ୍ଦେ ଏଦାଆଁ ମୀରୁ ଜିକେଏ ପଡ଼ୁଝି ଆଡ଼େରି ଏଦାଆଁତାକି ଜାଗ୍ରାତା ଆଦୁ । ୧୭ ଧନା ପପଇଁ ଝେହ୍ଦୁ, “ନାନୁ ଆମିନି ପ୍ରବୁତି ସେବା କିନି ପାଣା ବେଗାଆହାମାଞ୍ଜି ଏଦାଆଁ ରାପୁହାଲି ଜାଗ୍ରାତା ମାନାମୁ ।”

୧୮ ନାନୁ ପାସ୍ତୁଲ, ନା କେୟୁତଲେ ଇ ଜହରା ରାଡ଼ିମାଇଁ, ନା କାୟିଦିତା ମାନାଣି ଅଣପାଦୁ ! ମାହାପୁରୁତି କାର୍ମାମେହ୍ନାୟି ମୀ ବାରେତାକି ଆୟାପେ ।

୧ ୩:୨୫ ୩:୨୫ ଏପିସି ୬:୯ ୪:୧ ୪:୧ ଏପିସି ୬:୯ ୪:୫ ୪:୫ ଏପିସି ୫:୧୭ ୪:୬ ୪:୬ କାମା ୨୦:୪; ୨ତିମ ୪:୧୨
୪:୬ ୪:୬ ଏପିସି ୬:୨୧,୨୨ ୪:୯ ୪:୯ ପିଲିମ ୧:୧୦-୧୨ ୪:୧୦ ୪:୧୦ କାମା ୧୯:୨୯; ୨୭:୨; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯ ୪:୧୨ ୪:୧୨ କଲସି ୧:୭; ପିଲିମ ୧:୨୩ ୪:୧୪ ୪:୧୪ ୨ତିମ ୪:୧୧; ପିଲିମ ୧:୨୪; ୨ତିମ ୪:୧୦; ପିଲିମ ୧:୨୪ ୪:୧୭ ୪:୧୭ ପିଲିମ ୧:୨

କୁଲମିକି ପାଞ୍ଚଲ ରାଡ଼ାମାନି ରୀ ଲମ୍ବର ଆକୁ ତେସଲନିକି କୁଲମିତାକି ପାଞ୍ଚଲ ରାଡ଼ାମାନି ରୀ ଲମ୍ବର ଆକୁ ମୁକୁ ହାଡ଼ା

ତେସଲନିକି ରୀ ଲମ୍ବର ଆକୁ ପାଞ୍ଚଲ ତାଣ୍ଡାଟି ରାସ୍ତକି ଆହାମାନେ ୧:୧ । ତେସଲନିକି ମୁକୁ ଆକୁ ରାଡ଼ିତି ଏତରଦିନା ତାମ୍ଭୁ ଇତିହ^୯ କ୍ରୀସ୍ତ ଜାର୍ନାଆଡ଼ି ୫୧ ବାର୍ଯା ତାମ୍ଭୁ ଇ ଆକୁ ରାସ୍ତକି ଆହାମାନେ । ଏତିବେଲାତ ପାଞ୍ଚଲ କରନ୍ତି କୁଲମିତା ମାତେସି କାମା ୧୭:୧-୧୦ ।

ତେସଲନିକିତା ମାନି କ୍ରୀସ୍ତାନା ଲକୁ କ୍ରୀସ୍ତ ଖେଣ୍ଡେ ଖାନି କାତାତି ନେହ^୯ କ^୯ ପୁନାଆନା ତାନି ଅଣପୁତା କିଲିବିଲି ଆହିମାତେରି । ଏଝାରି ତାମ୍ଭୁ କିଞ୍ଚିତ କାମା ପିସାନା ନିସ୍ତା ଆଡେରି ଇଞ୍ଜା ଅର କ୍ରୀସ୍ତାନା ଲକୁ ଏଝାରାଇଁ ସାଢ଼େମି କିହିମାତେରି ।

ଏତରଜାଣା କ୍ରୀସ୍ତ ଖେଣ୍ଡା ଖାନାଣି ଆଜିମାତେରି, ଇ କାତା ପୁଞ୍ଜାନା ପାଞ୍ଚଲ ଇ ରୀ ଲମ୍ବର ଆକୁ ରାଡ଼ିମାନେସି, ଇତିହ^୯ କ୍ରୀସ୍ତ ଖାଆ ନକେଏ ହାଡ଼େରକା ଲାଗେଏ ପଲେଏ ଆହିମାତେ, ଇଞ୍ଜା ଏଝାରାଇଁ ବାଡ଼ିମାଲିହ^୯ ରାଡ଼ିମାନେସି । ମାରୁ ନାମୁତା ପାତାଆହାନା ମାଞ୍ଜେମାଞ୍ଜୁ, ଦୁକୁ କସ୍ତ ବେଟାଆହାଲି ଅରହାଦୁ, ନା ଆଡ଼ିତାରି ଖାହୁ ତଲେ କାମା କିତିଲେହେଁ ମାରୁ ଜିକେଏ ନାମୁତି କାମା କିଦୁ ଇଞ୍ଜ^୯ ଏଝାରାଇଁ ବାଡ଼ିମାଲିହ^୯ ରାଡ଼ିମାନେସି ।

ପତିତା ମାନାୟି

- ୧. ପାଞ୍ଚଲ ତାଙ୍ଗେ ଅଡ଼େ ତାନି ଆଡ଼ିହତାରାଇଁ ପୁଣ୍ଡିକିନାୟି । ୧:୧-୨
- ୨. ତେସଲନିକି କୁଲମିତାକି ଜହରା ଅଡ଼େ ପ୍ରାଡ଼ାନା । ୧:୩-୧୨
- ୩. ରାନି ଦିନାତି କାତା । ୨:୧-୧୭
- ୪. ଏଝାରି ନିସ୍ତା କପାରି ଅଡ଼େ କାମା କିହାଲି ଖେହ୍ନାୟି । ୩:୧-୧୫
- ୫. କୁଲମିତି ଜହରା କିହାନା ଆକୁତି ରାପୁନାୟି । ୩:୧୬-୧୮

^୧ ପାଞ୍ଚଲ, ସିଲା ଅଡ଼େ ତିମତି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡା ମାନି ତେସଲନିକିତି କୁଲମିକି ଆକୁ ରାଡ଼ିମାନି ।

^୨ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହ୍ନାୟି ଅଡ଼େ ହିଡ଼ିତି ଜୀସୁ ମିଙ୍ଗେତାକି ଆୟାପେ ।

ଜୀସୁ ଖେଣ୍ଡେ ଖାନାୟି ଅଡ଼େ ନୀହାୟି କିନାୟି

^୩ ଏ ମା ତାୟିୟାଁ ଅଡ଼େ ତାଙ୍ଗିସ୍ତାତେରି ମୀ ତାକି ମାମ୍ଭୁ ବାରେଦିନା ମାହାପୁରୁଇଁ ଜହରା କିନାୟି ଲଡ଼ାମାନେ, ଏଲେଆନାୟି ନେହେଁ, ମୀ ନାମ୍ଭୁ ଅଡ଼େ ରଅତେରି ରଅଣାଇଁ ଜୀସୁନନାୟି ଦିନମି ତାକି ଦିନମି ପାତାଆହିମାନେ । ^୪ ଏତେବିଏ ମାରୁ ଆମିନି ବାରେ ସାସ୍ତି ଇଞ୍ଜା କସ୍ତ ବେଟା ଆହାମାଞ୍ଜେରି, ଏମାଟି ମାରୁ ଅରହାନା ନାମୁତଲେ ମାଞ୍ଜେ ମାଞ୍ଜେରି, ଏଦାଆଁତାକି ମାମ୍ଭୁ ମାହାପୁରୁ କୁଲମିକାଣା ମିଙ୍ଗେ ତାକି ବତପଣ ଆହିମାନି ।

^୫ ମାହାପୁରୁତି ଆମିନି ରାଜିତି ତାକି ଦୁକୁ ବେଟାଆହି ମାଞ୍ଜେରି, ଏଦିଏମାଆଁ ଜଟେ ଇଞ୍ଜ^୯ ତଞ୍ଜାଆହାଲି ଇଦିଏ ମାହାପୁରୁତି ନେହ^୯ ନୀହାୟିତି ପାରମାଣା । ^୬ ଏତିବେଲା ମିଙ୍ଗେ କସ୍ତ ହାହିମାଞ୍ଜାତି ଲକୁକି ବାଦୁଲି ଲେହେଁ କସ୍ତ ହାନାୟି ଇଞ୍ଜା କସ୍ତ ବେଟାଆହି ମାଞ୍ଜେରି ମାରୁ, ମିଙ୍ଗେ ମା ତଲେ ଜମିକିୟାନମି, ଇଦିଏ ମାହାପୁରୁ ନକିତା ନେହ^୯ କାତା: ^୭ ଇତିହ^୯ ପ୍ରବୁ ଜୀସୁ ଏତିବେଲା ଜାହାରା ବାଡ଼ୁୟୁ ଗାଟି ପୁଡ଼ୁୟାଁ ତଲେ ଡ଼ାଞ୍ଜି ମାନି ହିବୁ ଗୁଦଖା ତଲେ ଲାକପୁରୁତି ତଞ୍ଜାଆନେସି । ^୮ ଆମ୍ଭାଆରି ମାହାପୁରୁଇଁ ପୁଞ୍ଜାହିଲଅରି, ଅଡ଼େ ମା ପ୍ରବୁ ଜୀସୁ କ୍ରୀସ୍ତତି ନେହ^୯ କାରୁ ମାନୁଖି ଆଅରି, ଏଝାରାଇଁ ଏଝାସି ଏତିବେଲା ତଣ୍ଡ ହାନେସି ।

^୯ ଇତିହ^୯, ଆମିନି ଦିନା ଏଝାସି ଜାହାରା ଦାମ୍ଭୁଗାଗାରି ତଲେ ଗାଞ୍ଜୁରମି ବେଟାଆହାଲି ଇଞ୍ଜା ନାମାମାନି ମାହାପୁରୁ ଲକୁ ତାଣ୍ଡାଟି କାବାଆନି ସିନାଲେହେଁ ଆହାଲି ଖାନେସି । ଇତିହ^୯ ମାରୁ ମାମ୍ଭୁ ହାହାମାଞ୍ଜାନି ସାକିତି ନାମାମାଞ୍ଜେରି । ^{୧୦} ଏ ଦିନା ଏଝାରି ତଣ୍ଡ ବେଟାଆନେରି, ଇତିହ^୯ ପ୍ରବୁତି ତାଗେଟି ଇଞ୍ଜା ତାନି ବାଡ଼ୁୟୁଗାଟି ଗାଞ୍ଜୁରମିଟି ହେକ ହାଜାନା କାଲାକାଲା ତାକି ନାସା ଆନେରି ।

* ୧:୧ ୧:୧ କାମା ୧୭:୧

୧୧ ଏଦାଆଁତାକି ମା ମାହାପୁରୁ ଏନିକି ମିଙ୍ଗେ ହାଟାମାଞ୍ଜାନି ଜଗେ ଇଞ୍ଜାନେସି, ଏଦାଆଁତାକି ମାମୁ ଜିକେଏ ବାରେବେଲା ମିଙ୍ଗେତାକି ପ୍ରାତାନା କିହିମାନମି; ଏନିକି ନାମୁତି ବାରେ କାମା ନେହିଁ କିହିଲି ଆଡ଼ିଦେରି । ୧୨ ଏଲେଆଡ଼ିହିଁ ମା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାଣି ଲେହେଁ ପ୍ରବୁ ଜୀସ୍ତତି ଦରୁ ମୀ ତାଣା ଗାଞ୍ଜୁରମି ଆନେ, ଅଡ଼େ ମୀରୁ ତାନିତାଣାଟି ଗାଞ୍ଜୁରମି ବେଟାଆଡ଼େରି ।

୨

ଲାଗେଏତି ମାଣସି

୧୦ ତାୟିୟାଁ ଅଡ଼େ ତାଙ୍ଗିସ୍ତାତେରି, ପ୍ରବୁ ଜୀସୁ କ୍ରୀସ୍ତ ଖେଣ୍ଡେ ଖାନାଣି ଅଡ଼େ ମୀରୁ ତାନିତଲେ କୁଡ଼ା ଆନାଣି ତାକି ମିଙ୍ଗେ ବାତିମାଲି ମାଞ୍ଜାନମି । ୨ ପ୍ରବୁତି ଦିନା ଏଗାଝାଡ଼େୟିଏ ଇଞ୍ଜିହିଁ ମୀ ଏନି ଜୀସୁ କି ବଲୁ କି ମା ତାଣାଟି ରାସ୍ତିକି ଆହାମାନେ ଇଞ୍ଜି ଅଣ୍ଟାପାନା ଆମିନି ଆକୁ ତଲେ ଗାଡ଼େକେଏ ଗୁଟା ଆଆଦୁ କି କିଲିବିଲି ଆଆଦୁ । ୩ ଆମ୍ବାଆସି ଏନିକିହିଁ ଜିକେଏ ମିଙ୍ଗେ ନାଡ଼ି କିୟାଆପେସି, ଏନାଆଁତାକି ଇତିହିଁ ମୁଲୁଏ ଦାମ୍ବୁ ବିତ୍ତା ଗଡ଼ହା ଆନେ, ଅଡ଼େ ନାସାକିନି ଦାମ୍ବୁ ହିଲୀଆ ମାଣସି ତଞ୍ଜା ଆନାୟି ମାନେ, ଆଆତ ପ୍ରବୁତି ଦିନା ଖାଏ । ୪ ଇଝାସି ଏ ଦାମ୍ବୁ ହିଲୀଆଗାଟି ମାଣସି ପୂଜା ବେଟାଆହିମାନି ପେଣ୍ଡକା କି ମାହାପୁରୁ କପାଟି ନିଜିନେସି ଅଡ଼େ ବାରେତି କିହିଁ ଜାହାରାଇଁ ହାରେକା ଗାଞ୍ଜୁରମି କିହାକତିନେସି, ଇଲେକିହିଁ ମାହାପୁରୁତି ଇଲୁତା ଜିକେଏ କୁଗାନା ଏଝାସି ନାନୁ ମାହାପୁରୁତେଏଁ ଇନେସି ।

୫ ମୀରୁ ଏଦାଆଁ ଅଣ୍ଟାସି ହିଲଅତେରି କି ? ନାନୁ ମୀ ତଲେ ମାଟିବେଲା ମିଙ୍ଗେ ଇ ବାରେ କାତା ଝେସାମାଞ୍ଜାତେଏଁ । ୬ ତାରିକିହା ମାନି ଦିନା ଏଝାସି ତଞ୍ଜାଆନେସି, ଆଡ଼ିଜିକେଏ ତାନୁ ଖାନାଣି ଏନାୟି ଆଜ୍ଞିମାନେ ଏଦାଆଁ ମୀରୁ ପୁଞ୍ଜାମାଞ୍ଜେରି । ୭ ଏ ପାପୁତା ତରୁମାନି ବାଡ଼ୁମୁ ନୀଏଁ ଜିକେଏ କାମା କିହିମାନେ, ସାମା ଏନାୟି ଆନାୟି ମାନେ ଏ ଆଜ୍ଞା ମାନାସି ଗୁଟା ଆଆପାତେକା ଖାଏ ।

୮ ଏତିବେଲା ଲାଗେଏତି ମାଞ୍ଜୁଗାଟି ମାଣସି ତଞ୍ଜାଆନେସି, ଏଝାଣାଇଁ ପ୍ରବୁ ଜୀସୁ ଗୁଟିତି ହନି ଉକଅଡ଼ି ତଲେ ପାୟିନେସି ଇଞ୍ଜା ତାନୁ ଖେଣ୍ଡେ ଖାନାଟି ତଞ୍ଜାଆନି ଉଜେଡ଼ି ତଲେ ନାସା କିନେସି । ୯ ସୟତାନତି ବାଡ଼ୁମୁ ହୀପକି ଆହାମାନି ଲେହେଁ ବାରେଲେହେଁତି ମିତିତି ବାଡ଼ୁମୁ, ସିନା ଇଞ୍ଜା କାବାଆନି କାମା, ଅଡ଼େ ନାସା ଆହିମାନି ଲକୁତାଣା ବାରେଲେହେଁତି ଦାମ୍ବୁ ନାଡ଼ି କିନାଆଁ ତଲେ ଲାଗେଏତି ମାଣସି ଖାନେସି, ୧୦ ଇଞ୍ଜା ନାସା ଆନାରାଇଁ ବାରେଲେହେଁତି ଲାଗେଏ ଗାଟି ନାଡ଼ିକିନି କାମା କିନେସି, ଏନାଆଁତାକି ଇତିହିଁ ଗେଲୁପିଆୟାଲି ସାତାତି ଜୀସୁ ନଆନା ଅପାଆଗାଗାରି ନାସା ଆନେରି । ୧୧ ଇଦାଆଁତାକି ଏଝାରି ଏନିକି ମିତିତାଣି ନାମିନେରି, ଏଦାଆଁତାକି ମାହାପୁରୁ ଏଝାରିତାଣା ନାଡ଼ିକିନି ବାଡ଼ୁମୁ ପାଣ୍ଡାମାଞ୍ଜାନେସି । ୧୨ ଏନିକିହିଁ ଆମ୍ବାଆସି ସାତାତି ନାମାଆନା ଦାମ୍ବୁ ହିଲୀଆଗାଟି ତାଣା ରାହିଁ ଆହାମାନେରି, ଏଝାରି ବାରେଜାଣା ତଣ୍ଡ ବେଟାଆନେରି ।

ଗେଲୁପିଆୟାଲି ହାଟୁକି ଆହାମାଞ୍ଜେରି

୧୩ ମା ପ୍ରବୁତି ଜୀସୁତି ତାୟିୟାଁ ଅଡ଼େ ତାଙ୍ଗିସ୍ତାତେରି, ମିଙ୍ଗେତାକି ବାରେଦିନା ମାହାପୁରୁଇଁ ଜହରା କିନାୟି ମା କାମା, ଏନାଆଁତାକି ଇତିହିଁ ମାହାପୁରୁ ଜୀସୁତି ସୁଦୁ ଇଞ୍ଜା ସାତାତି ନାମୁତଲେ ଗେଲୁପି ଆହାଲି ମିଙ୍ଗେ ମୁଲୁତି ପାଡ଼େୟିଲେଁ ବାଟି କିହାମାଞ୍ଜାନେସି । ୧୪ ଏଦାଆଁତାକି ଜିକେଏ ଏଝାସି, ମାମୁ ଝେକହାମାନି ନେହିଁ କାରୁତଲେ ମା ପ୍ରବୁ ଜୀସୁ କ୍ରୀସ୍ତତି ଗାଞ୍ଜୁରମି ବେଟାଆହାଲି ମିଙ୍ଗେ ହାଟାମାଞ୍ଜାନେସି । ୧୫ ଏଲେଆହିଁ ଏ ମା ତାୟିୟାଁ ଅଡ଼େ ତାଙ୍ଗିସ୍ତାତେରି ତାରିଆହିଁ ମାଞ୍ଜୁ, ଅଡ଼େ ମାମୁ ଝେସ୍ତାତି ବଲୁ କି ଆକୁ ତଲେ ମୀରୁ ଏନାଆଁ ଜାପାମାଞ୍ଜେରି, ଏଦାଆଁ ଜାଣ୍ଡେ ଆସାଁ ମାଞ୍ଜୁ ।

୧୬ ମା ପ୍ରବୁ ଜୀସୁ କ୍ରୀସ୍ତ ତାନୁଏ ଅଡ଼େ ମା ଆବା ମାହାପୁରୁ ଅଡ଼େ ମାଙ୍ଗେ ଜୀସୁନହାଁନା ତାନି କାର୍ମାଟି କାଲାକାଲାତି ସାସା ଅଡ଼େ ନେହିଁ ବାସ୍ତୁ ହୀହାମାଞ୍ଜାନେସି । ୧୭ ଏଝାସି ତାନୁଏ ମୀ ହିୟା ସୁସି ହୀହାଁ ମିଙ୍ଗେ ବାରେଲେହେଁତି ନେହିଁ କାମା ଇଞ୍ଜା ବଲୁତା ତାରିକିୟାପେସି ।

୩

ମା ତାକି ପ୍ରାତାନା କିଦୁ

୧ ବାରେତି ତାୟୁ, ଏ ମା ତାୟିୟାଁ ଅଡ଼େ ତାଙ୍ଗିସ୍ତାତେରି ମାଙ୍ଗେ ତାକି ପ୍ରାତାନା କିଦୁ, ଏନିକି ପ୍ରବୁତି ନେହିଁ ବଲୁ ମୀ ତାଣା ଆଡ଼ି ଲେହେଁ ବାରେଝାକି ଝେଙ୍ଗା ହାଜାନା ଗାଞ୍ଜୁରମି ପାଣ୍ଡନେ, ୨ ଅଡ଼େ ଏନିକି

୨:୧ ୨:୧ ୧୧ତେସ ୪:୧୫-୧୭

ମାମୁ ଛୁଦି ହିଲାଆ ଗାଗାରି ଅଡ଼େ ଦହଗାଗାରି ତାଣାଟି ଗେଲ୍‌ପି ଆନୁମି, ଏନାଆଁତାକି ଇଚିହଁ ବାରେ ତାଣା ନେହଁ ବଲ୍ଲୁ ନାମା ହିଲଅରି ।

୩ ସାମା ପ୍ରବୁ ଚିକାଣାତାସି, ଏଞ୍ଜାସି ମିଙ୍ଗେ ତୀରି କିହାନା ଲାଗେଏ ପଲେଏ ତାଣାଟି ଗେଲ୍‌ପାନେସି ।

୪ ମାମୁ ମିଙ୍ଗେ ଏନିକଁ ହୁକୁମି ହାହିମାଞ୍ଜାନମି, ଏ ବାରେ ମାରୁ କିହିମାଞ୍ଜେରି, ଅଡ଼େ କିଦେରି, ଇଦି ମୀ ତାକି ପ୍ରବୁ ତାଣା ମା ଆଟ୍‌ଞ୍ଜା ନାମୁ ମାନେ ।

୫ ଅଡ଼େ ପ୍ରବୁ ମୀ ହିୟାଁତି ମାହାପୁରୁତି ଜୀଞ୍ଜୁ ନନାଣି ଇଞ୍ଜାଁ କ୍ରୀସ୍ତତି ସାସା ବେଟାଆହାଲି ସାଢ଼େମି କିୟାପେସି ।

ବାରେଜାଣା କାମା କିନାୟିମାନେ

୬ ଏ ମା ତାୟିୟାଁ ଅଡ଼େ ତାଜିସ୍ମାତେରି, ମାମୁ ପ୍ରବୁ ଜୀସୁ କ୍ରୀସ୍ତତି ଦରୁତଲେ ମାମୁ ମିଙ୍ଗେ ଇ ହୁକୁମି ହାହିମାଞ୍ଜାନମି, ଆମିନି ତାୟି ମା ତାଣାଟି ଜାପାମାନିଲେହେଁ ମାଣ୍ଡକିତା ମାନାଆନା ନିସ୍ତା ତଲେ ନୀତିନେସି, ଏଞ୍ଜାଣି ତାଣାଟି ଜାହା ଜାହାରାଇଁ ଏଟ୍‌କା କିଦୁ । ୭ ଇଚିହଁ ମାମୁ ଏନିକଁ କିହି ମାଚମି ଏଲେକଁ ମାରୁଞ୍ଜା କିନାୟିମାନେ, ଏଦାଆଁ ମାରୁ ମାରୁଏ ନେହଁକଁ ପୁଞ୍ଜାମାଞ୍ଜେରି, ଏନିକଁ ମାମୁ ମୀ ତାଣା ନିସ୍ତା ତଲେ ନୀତି ହିଲାଆତମି । ୮ ମାମୁ ରୁଜେଏ ଆମ୍ବାଆରି ରାନ୍ଦା ତିଞ୍ଜି ହିଲାଆତମି, ସାମା ମିଙ୍ଗେ ବଲ୍ଲୁ ଆଆପେଞ୍ଜା ଇଞ୍ଜାଁ ଲାଆଁ ମାଦେନା ଖାହୁରାତା ଅଡ଼େ କସ୍ତଲେ କାମା କିହି ମାଚମି; ୯ ମୀ ତାଣାଟି ଏନାଆଁ ବେଟାଆହାଲି ମା ଅଦିକାରା ହିଲେଏ, ଏଦି ଆଏ, ସାମା ଏନିକଁ ମାରୁ, ମାମୁ କିହିମାଚିଲେହେଁ କିଦେରି: ଇଦାଆଁତାକି ମାମୁ ମୀ ନକିତା ଜାହାରାଇଁ ନେହଁ ମାଣ୍ଡକି ତସାଲି ତାକି ଏଲେକିତମି । ୧୦ ଇଚିହଁ ମୀ ତଲେ ମାମୁ ମୁାଗାଟି ମିଙ୍ଗେ ଇ ହୁକୁମି ହିୟାତମି, “ଆମ୍ବାଆସି କାମା କିହାଲି ମନ କିଅସି, ଏଞ୍ଜାସି ରାନ୍ଦା ଜିକେଏ ତିନାଆପେସି ।”

୧୧ ଇଚିହଁ ମୀ ତାଣା ଏଚେକା ଲକୁ ନିସ୍ତା ତଲେ ନୀତିମାଞ୍ଜେରି ଇଞ୍ଜାଁ ଏଞ୍ଜାରି ଏନି କାମା କିଆନା ଉଜେ ଉଜେଏ ଏଟ୍‌କା ଲକୁତି କାତା ଅଣ୍ଡିମାନେରି, ଇଞ୍ଜାଁ ମାମୁ ଚୁଞ୍ଜାମାନମି । ୧୨ ଇଲେତାରାଇଁ ନେହଁ ଆହଁ ନୀତାଲି ଅଡ଼େ ତାମି ରାନ୍ଦା ତାମୁ ନେହଁ ଅଣ୍ଡିପୁ ତଲେ କାମା କିହାଲି, ମାମୁ ଜୀସୁ କ୍ରୀସ୍ତ ଦରୁତଲେ ସେଡନା ଅଡ଼େ ହୁକୁମି ହାହିମାଞ୍ଜାନମି ।

୧୩ ସାମା ଏ ମା ତାୟିୟାଁ ଅଡ଼େ ତାଜିସ୍ମାତେରି ମାରୁ ନେହଁ କାମା କିୟାଲି ଏଚେଲାଞ୍ଜା ଖାହାଆଦୁ । ୧୪ ଇ ଆକୁତା ମାମୁ ରାଚାମାନାଣି ଆମ୍ବାଆସି ମାନୁଞ୍ଜି ଆଅସି, ଏଞ୍ଜାଣାଇଁ ଗୁରି କିଦୁ, ଅଡ଼େ ଏଞ୍ଜାସି ଏନିକଁ ଲାଜା ବେଟା ଆନେସି, ଏଦାଣିତାକି ଏଞ୍ଜାଣିତଲେ ଆଣ୍ଡାଆଦୁ; ୧୫ ଆଡିଜିକେଏ ଏଞ୍ଜାଣାଇଁ ସାହୁ ଲେହେଁ ମେହଆଦୁ, ସାମା ଏଞ୍ଜାଣାଇଁ ତାୟିଲେହେଁ ମେସାନା ସେଡନା ହୀଦୁ ।

ଆକୁତି ରାଦ୍‌ନି କାତା

୧୬ ହିଡ଼ଡ଼ି ଜୀଞ୍ଜୁହୀନି ପ୍ରବୁ ତାମୁଏ, ବାରେବେଲା ଅଡ଼େ ବାରେ ଖାକିଟି ମିଙ୍ଗେ ହିଡ଼ଡ଼ି ହିୟାପେସି । ପ୍ରବୁ ମୀ ବାରେଜାଣା ତଲେ ମାନାପେସି । ୧୭ ନାନୁ ପାଞ୍ଜୁଲଡେଏଁ, ନା କେୟୁତଲେ ରାଚାନା ଜୀଞ୍ଜୁତି ଜହରା କିହିମାଞ୍ଜାଇଁ; ନା ବାରେ ଆକୁତା ନା ସିନା ହୀନି ଲେହେଁ ରାଚିମାଞ୍ଜାଇଁ, ନା ରାଚିନାୟି ଏଲେତାୟି ।

୧୮ ମା ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍‌ନାୟି ବାରେତେରି ମିଙ୍ଗେ ଆୟାପେ ।

ତୀମଥୁକ ନିକଟକୁ ପାଉଲକ ପ୍ରଥମ ପତ୍ର ତିନିତ ତାଣା ପାଞ୍ଜୁଲ ରାଟାମାନି ର ଲମ୍ବର ଆକୁ ମୂଲୁ ହାଡ଼ା

ମୂଲୁ ପତି ତିନିତ ର ଲମ୍ବର ଆକୁ, ପାଣ୍ଡୁଆଡ଼ି ପାଞ୍ଜୁଲ ତାଣାଟି ତାନି ସୀସୁ ତିନିତକି ରାସ୍ତି ଆହାମାନେ । ଜୀସୁ କ୍ରୀସ୍ତ ଜାର୍ନାଆଡ଼ି ୬୧-୬୪ ବାର୍ଯା ତାୟୁ ର ଲମ୍ବର ତିନିତ ରାସ୍ତି ଆହାମାଣ୍ଡିନେ । ଇଦି ପାଞ୍ଜୁଲତି ଜୀସୁ ରାନି ବେଲାତା ରାସ୍ତି ଆହାମାଣ୍ଡିନେ । ପାଞ୍ଜୁଲ ତିନିତ ତଲେ ହାରେକା ଜାତୁ ମାଚେସି, ଏଞ୍ଜାସି ହାରେକା ଦେବା ତିନିତଇଁ ମୀରୁଏସି ଇଞ୍ଜୁ ଇଞ୍ଜା ମାନେସି ପିଲିପ ୨:୨୨; ୧ତିମ ୧:୨, ୧:୧୮ ।

ଇଦି ପାଞ୍ଜୁଲ ରାଟାମାନି ସାରିଗଟା ଆକୁ ବିତ୍ତାଟି କୁଲମିତି ପିସାନା ର ମାଣସିଇଁ ଖେସିମାନେ । ଅଡ଼େ ତାନିଗଟା ଆକୁ ତିନିତ ରା ଲମ୍ବର ଆକୁ, ତିତସ, ଅଡ଼େ ପିଲିମାନ । ର ଲମ୍ବର ତିନିତତା କୁଲମିତି ହାରେକା ପ୍ରାତାନା କିନି ମେରାତି କାତା ୨:୧-୧୫, କୁଲମିତି କାଜା ଲକ୍ଷୁତି ଜଗେତି କାତା ୩:୧-୧୩ଅଡ଼େ ମିତି ଜାପୁନାରି କାତାତା ଜାଗ୍ରାତା କିନି କାତା ରାସ୍ତି ଆହାମାନେ ୧:୩-୧୧; ୪:୧-୫; ୬:୨-୫ । ପାଞ୍ଜୁଲ ତିନିତଇଁ ଏନିକିହଁ କୁଲମିତି ନେହଁ ସାଲୁଖି କିନାସି ଆହାଲି ଜାପୁହି ମାଚେସି ଏ କାତା ରାସ୍ତି ଆହାମାନେ ।

ତିନିତ ର ଲମ୍ବର ଆକୁତା ହାରେକା ପାଣା ପାଚୁୟା ମାନ୍, ଏଞ୍ଜି କୁଲମିତି ସାଲୁଖି କିନାରାଇଁ ନୀଞ୍ଜୁ ଓଏତି କୁଲମିକାଣି ନେହଁ କି ଜାଡ଼ନ୍ କିହାଲି ସାୟେମି କିନ୍ନୁ ।

ପତିତା ମାନାୟି

- ୧. ପାଞ୍ଜୁଲ ତିନିତଇଁ ଜହରା କିହାଁ ମାଟୁନାୟି । ୧:୧-୨
- ୨. ପାଞ୍ଜୁଲ ତିନିତଇଁ ମିତି ଜାପୁନାରି କାତାତା ଜାଗ୍ରାତା କିନାୟି । ୧:୩-୧୧
- ୩. ପାଞ୍ଜୁଲ କ୍ରୀସ୍ତ ତାକି ଏଚେକା ନେହଁ ତସାମାନେସି ଏଦାଆଁ ଖେସାମାନା ଆକୁତି ରାଟିନାୟି । ୧:୧୨-୧୯
- ୪. ପାଞ୍ଜୁଲ ତିନିତଇଁ ପ୍ରାତାନାତି ପାଣାପାଚୁ ଅଡ଼େ ସାଲୁଖି କିନାରି କାତା ଜାପୁହାମାନେସି । ୨-୩
- ୫. ପାଞ୍ଜୁଲ ତିନିତକି ଏଚେକା ତାୟୁତି କାତା ଖେସାମାନା ଆକୁ ରାଟିନାଣି ରାପୁନାୟି । ୪-୬

୧ ନାନ୍ ପାଞ୍ଜୁଲ, ମା ଗେଲ୍ପାନି ମାହାପୁରୁ ଅଡ଼େ ବାର୍ସି ହାନି କ୍ରୀସ୍ତ ଜୀସୁ ହୁକୁମି ତଲେ ପାଣ୍ଡୁ ଆହାମାନାଚେସି ।

୨ *ନାମୁତା ନା ଦାମୁତି ଜୀସୁତି ମୀରୁଏଣାଟି ତିନିତ; ଆବା ମାହାପୁରୁ ମା ପ୍ରବୁ ଜୀସୁ କ୍ରୀସ୍ତ ତାଣାଟି ଜାଞ୍ଜୁନାୟି କାର୍ମାନେହ୍ନାୟି ଅଡ଼େ ହିଡ଼ି ନିଜେତାକି ଆୟାପେ ।

ମିତି ଜାପୁନାରି ତାଣାଟି ଜାଗ୍ରାତା

୩ ନାନ୍ ମାକିଦନିୟାତା ହାଜିମାଟାଟି ମିଜେ ଖେସାମାଞ୍ଜାତି ଲେହେଁ, ନୀନ୍ ଏପିସିୟ ଗାଡ଼ାତା ତୁୟାନ୍ ଏମ୍ପାଆଁ ଏଚରଜାଣା ଲାଗେଏତି କାତା ଜାପୁହିମାନେରି ଏମ୍ପାଟି ଏଞ୍ଜାରାଇଁ କାହି କିମ୍, ୪ କହୁୟାଁ ଇଞ୍ଜା ରାଆଗାଟି ଆକୁ ଆବାୟାଁ ଦରକାଣି ଆହାପେଚେରି ଇଞ୍ଜୁ ଏଞ୍ଜାରାଇଁ ଖେହ୍ମୁ, ଏ ବାରେ ନାମୁ ତାକି ମାହାପୁରୁତି କାମାତାକି ଆଆନା ସାମା ବାଡ଼ିବାଦା କିଞ୍ଜିକିନେ । ୫ ସୁଦୁ ହିୟାଁ, ନେହଁ ଅଣପୁ ଅଡ଼େ କୁଟୁ ହିଲାଆ ନାମୁଟି ହଡ଼ିମାନି ଜୀସୁ ନନାଣି ଜାଗ୍ରାତା କିହାଲିତାକି ନାନ୍ ଇ ହୁକୁମି ହାହିମାଞ୍ଜାଇଁ । ୬ ଏଚରଜାଣା ଇ ବାରେ କାତାଟି ବାଣା ଆହାନା ଉଜେଏତି କାତା ଆସାନା ଏଟ୍ଟକା ଜିନ୍ ହାଜିମାନେରି; ୭ ଏଞ୍ଜାରି ମେରା ଜାପୁନାତମି ଇଞ୍ଜୁ ଅଣପିନେରି, ସାମା ଏଞ୍ଜାରି ଏନାଆଁ ଖେହ୍ନେରି, ଅଡ଼େ ଏନାଆଁ ଜାଣ୍ଡେନାଞ୍ଜା ଜାପୁନେରି, ଏଦାଆଁ ତାମ୍ପୁସୁ ତେଲ୍ଲହଅରି ।

୮ ମାମୁ ପୁଞ୍ଜାମାନି; ମେରାତି ନେହଁ କି ଲେମ୍ବିସାରେ, ଏଦି ନେହେଁ । ୯ ସାମା ମେରା ଦାମୁଗାଟି ଲକ୍ଷୁତାକି କିଞ୍ଜିଆଆନା, ଜାହାରା ମନ୍, ଅଡ଼େ ମାନ୍ଓ ଆଆଗାଗାରି, ଦାମୁ ହିଲାଆ ଗାଗାରି, ଅଡ଼େ ପାପୁ ଗାଗାରି, ଲାଗେଏତାରି, ଦାମୁତି ନାମାଆଗାଗାରି, ତାଲି ତାଞ୍ଜିଇଁ ପାୟିନାରି, ଲକ୍ଷୁଣି ପାୟିନାରି, ୧୦ ଦାରି କିନାରି, ଆବା ଆବାୟାଁ ଦହ୍ କିଞ୍ଜିଆନାରି, ଲକ୍ଷୁଣି ପାଚୁନାରି, ମିତି ସାକି ହାନାରି, ଅଡ଼େ ମିତି କାତାତାକି ପାଚୁମାଣା କିନାରାକି, ଅଡ଼େ ଆମ୍ପାଆରି ନେହଁ ଜାପୁନାଣି, ତାକି ନିଜିନେରି, ଏଦାଆଁତାକି ମେରା

* ୧:୨ ୧:୨ କାମା ୧୬:୧

ମାନଙ୍କି ଆଆଗାଗାରକି ହୀପୁକି ଆହାମାନେ, ୧୧ ଛଦି ନା ତାଣା ହେରୁପି ଆହାମାନାୟି ହାରେକା ନେହେଁ ମାହାପୁରୁତି ଗାଧୁରମିଗାଟି ନେହଁ କାବୁତି ଜାପୁନି ଲେହେଁ ଆନେ ।

ମାହାପୁରୁତି କାର୍ମା ତାକି ଜହରା

୧୨ ନାଙ୍ଗେ କାମାତା ବାଡ଼ନ୍ତୁ ହୀହାମାଞ୍ଜାନି ମା ପ୍ରବୁ କ୍ରୀସ୍ତ ଜୀସୁଇଁ ଜହରା କିହିମାଇଁ, ଏନାଆଁତାକି ଛତିହଁ ନାଙ୍ଗେ ଏଝାସି ମାନିଗାଗାଟି ଇଞ୍ଜିଁ ଅଣ୍ଡପାନା ସେବା କାମା ହେରପା ମାଞ୍ଜାନେସି । ୧୩ *ଆଡ଼ିଜିକେଏ ତଲି ନାନୁ ଜୀସୁଇଁ ନିଦା କିନାତେଏଁ, ତଣ୍ଡ ହୀନାତେଏଁ, ଅଡ଼େ ଲାଗେଏ କିନାତେଏଁ ମାତେଏଁ; ସାମା ନାନୁ ନାମା ହିଲିଆତାକି ବୁଦି ହିଲିଆଲେହେଁ ଏଦାଆଁ କିହିମାତେଏଁ ଇଞ୍ଜିଁ କାର୍ମା ବେଟାଆତେଏଁ; ୧୪ ଅଡ଼େ ମା ପ୍ରବୁତି କାର୍ମା କ୍ରୀସ୍ତ ଜୀସୁ ତାଣାଟି ନାମୁ ଅଡ଼େ ଜୀସୁ ନନ୍ଦି ତାଣାଟି ନାଙ୍ଗେତାକି ହାରେକା ଆୟାତେ । ୧୫ ପାପୁ ଗାଗାରାଇଁ ଗେଲପାଲିତାକି କ୍ରୀସ୍ତ ଜୀସୁ ଦାରୁତିତା ଝାଡ଼େସି, ଛ ବଲୁ ସାତା ଅଡ଼େ ବାରେଝାକି ଆବିନାୟି ଅଡ଼େ ନାମିନାୟି; ଏ ପାପୁ ଗାଗାଟି ବିତ୍ରାଟି ନାନୁ ବାରେକିହାଁ କାଜା ପାପୁ ଗାଗାତେଏଁ ୧୬ ଆଡ଼ିଜିକେଏ ଆମିନି ଗାଗାଟି ଝାହିମାନି ଦିନାତା କାଲାକାଲାତି ଜୀସୁ ବେଟାଆହାଲି ଜୀସୁ କ୍ରୀସ୍ତ ତାଣା ନାମିନେରି, ଏଝାରି ନକିତା ତସ୍ପି ଆହାଲି ନାନୁ ର କାଜା ପାପୁ ଗାଗାତେଏଁ, ନା ତାଣା ଏଝାସି ଏନିକିଁ ତାନି କାରେଏତି ଅରୁହିନାଣି ତହୁନେସି ଏଦାଆଁତାକି ନାନୁ କାର୍ମା ବେଟା ଆତେଏଁ । ୧୭ ଏତେଲାଝା ନାସା ଆଆଗାଗାୟି ଇଞ୍ଜାଁ ତଞ୍ଜାଆଗାଟି ରଣ୍ଡିଏ ମାହାପୁରୁ ଆଦ୍ୱାଆସି କାଲାକାଲାତି ରାଜା ଏଝାଣାକି ମାନି ଅଡ଼େ ଗାଧୁରମି କାଲାକାଲା ତାକି ଆପେ । ଆନେନ ।

୧୮ ତମତି, ନା ମୀରୁଏଣାତି, ନିଙ୍ଗେତାକି ତଲି ଝେସିମାଞ୍ଜାତି ଲେହେଁ ନାନୁ ନିଙ୍ଗେ ଛ ହୁକୁମି ହାହିମାଞ୍ଜାଇଁ, ଏନିକିଁ ନାନୁ ଛ ବାରେ କାତାତଲେ ନେହଁ ଜୁଜୁ କିହାଲି ଆଡ଼ିଦି । ୧୯ ଦାମୁ ଅଡ଼େ ନାନୁ ନେହଁ ଅଣ୍ଡପୁ ଆହମୁ; ଏଦାଆଁ ପିସା ମାନାକି ଏତରଜାଣାଟି ନାନୁ ଲେହେଁତି ଜାଜା ତୀହା ହାଜାମାନେ, ୨୦ ଏଝାରି ବିତ୍ରାଟି ହୁମନାୟ, ଅଡ଼େ ଆଲେକଜାଣ୍ଡାର ମାନେରି, ଏଦାଆଁତାକି ନାନୁ ଏଝାଗାଇଁ ସୟତାନ କେହୁତା ହେରୁପିତେଏଁ, ଏନିକିଁ ଛ ରିଆରି ପାଣା ବେଟାଆହାନା ମାହାପୁରୁଇଁ ନିଦା କିଅରି ।

୨

କୁଲମିତା ପାଣାପାପୁ

୧ ଛଦାଆଁତାକି ନା ବାତିମାଲିନାୟି ମାହାପୁରୁଇଁ ଜହରା କିନି ବେଲାତା, ଦେସାତି ପାଣାଗାଗାରି, ୨ ଏଦାଆଁତାକି ବାରେ ଲକୁତାକି ରାଜାୟାଁ ସାଲୁଝି କିନାରି, ବାରେତାକି ପ୍ରାତାନା, ଗହାରା ଅଡ଼େ ଜହରା କିଦୁ, ମାର ଏନିକିଁ ମାହାପୁରୁ ଆଜିତଲେ କିଲିବିଲି ଆଆନା ତୁୟିନାୟି ଅଡ଼େ ଏଟକା ଲକୁ ତାଣା ନେହଁ ମାଣକି ମାଞ୍ଜାନା ସୁକୁ ଅଡ଼େ ହିଡ଼ି ତଲେ ନୀତାଲି ଆଡ଼ିନାୟି । ୩ ଇଲେତି ପ୍ରାତାନା ମା ଗେଲପାନି ମାହାପୁରୁ ନକିତା ଲଡ଼ା ଆନାୟି ଅଡ଼େ ଅପିନାୟି ଆନେ । ୪ ବାରେଜାଣା ଏନିକିଁ ଗେଲପିଆନାଣି ଅଡ଼େ ସାତାତି ବୁଦି ବେଟାଆନେରି ଇଞ୍ଜିଁ ଏଝାସି ଅଣ୍ଡପି ମାନେସି । ୫ ଛତିହଁ ରଣ୍ଡିଏ ମାହାପୁରୁ ମାନେସି, ଅଡ଼େ ମାହାପୁରୁ ଇଞ୍ଜାଁ ମାଣ୍ଡିୟାଁ, ମାଦିତି ମାଣ୍ଡି ରଅସିଏ ମାନେସି, ଏଝାସି ଜୀସୁ କ୍ରୀସ୍ତ, ର ମାଣ୍ଡି । ୬ ଏଝାସି ମାଣ୍ଡିଇଁ ଗେଲପାଲିତାକି ତାନୁଏ ହେରୁପି ଆଡ଼େସି, ଛଦାଆଁତାକି ସମାନା ବେଲାତା ତଞ୍ଜାଆହାନା, ମାହାପୁରୁ ବାରେ ମାଣ୍ଡିୟାଁଇଁ ଗେଲପାଲି ଅଣ୍ଡପି ମାନେସି ଛଦାଆଁ ସାକି ହାହାମାନେସି । ୭ ଏଦାଆଁତାକି ନାନୁ ର ନେହଁ କାବୁ ଝେକନାତେଏଁ, ପାଣ୍ଡି ଆହାମାନାତେଏଁ, ଇଞ୍ଜାଁ ନାମୁ ଅଡ଼େ ସାତାତା ଏଟକା କୃତାତି ଲକୁ ତାଣା ଜାପୁନାତେଏଁ ଆୟାଲି ମାହାପୁରୁ ନାଙ୍ଗେ ଆଡ଼ାମାଞ୍ଜାତେସି, ନାନୁ ସାତା ଝେସିମାଞ୍ଜାଇଁ ନାନୁ ମିତି ଝେସିମାଞ୍ଜାଆଁ ।

୮ ଏଦାଆଁତାକି ନା ଅଣ୍ଡପୁ ବାରେଜାଣା ଆବାୟାଁ କୃତା ଆନାଟି, ସୁଦୁ ଅଣ୍ଡପୁ ତଲେ କେସା ପେରହାନା, କପା ଇଞ୍ଜାଁ ତାହାରା ଆଆନା, ପ୍ରାତାନା କିପାରି । ୯ ଏଲେକିହଁ ଏ ଇୟାସିକା ଜିକେଏ ତାୟାଁ ଅକ୍ତି କିହାନା, ଅଡ଼େ ବାଂଗାରା ସାକୁ ତୁରୁଆନା, କି ଦାରାଗାଟି ହିମ୍ପୁରିକା ତଲେ ତାମୁ ତାମୁଙ୍ଗେ ଅକ୍ତି କିହାକତାଆନା, ମାନି ଅଡ଼େ ନେହଁ ବୁଦିତଲେ ଉଣା ଦାରାତି ହିମ୍ପୁରିକା ହୁତାନା, ୧୦ ଦାମୁଗାଟି ଇୟାସିକା ରାହାଁ ଅଣ୍ଡପୁଟି ନେହଁ କାମାତି ଅକ୍ତିତା ତାମୁ ତାମୁଙ୍ଗେ ଅକ୍ତି କିହା କତାପୁ । ୧୧ ଇୟାସିକା ପାଲେଏ ମାଞ୍ଜାନା ସୁଦୁଗାଟି ଅଣ୍ଡପୁ ତଲେ ଜାପାପୁ । ୧୨ ନାନୁ ଇୟାସିକାଣି ଜାପୁହାଲି କି ଆବାୟାଁ ମୁହେଁ ସାଲୁଝି କିହାଲି ହେଲ ହାହି ହିଲଅଁ, ସାମା ଏଝି ପାଲେଏ ମାନାପୁ । ୧୩ ଏନିକିଁହଁ ମାହାପୁରୁ ନକେଏ ଆଦମଇଁ

ଗାତ୍ରିକିତେସି ଅତେ ତାୟ ହବାଇଁ ୧୪ ଅତେ ଆଦମ ନାତ୍ରିକିତ୍ରି ଆହା ହିଲାଆତେସି, ସାମା ଇୟା ନାତ୍ରିକିତ୍ରି ଆହାନା ମାହାପୁରୁତି ମେରାତି ଦହ ଗାଗାୟି ଆତେ; ୧୫ ସାମା ଇୟାସିକା ତାମଜେ ଉଣା କିହାଁ କତାନା ନାମୁତଲେ ଜୀଝୁ ନଝିଆହାନା, ସୁଦୁଜୀଝୁ ତଲେ ମାଞ୍ଜାନା କକାରି ପଦାଁ ଜାନି କିହାନା ଗେଲ୍ପି ଆନୁ ।

୩

କୁଲମିତି କାଜାରି

୧ ଈ କାତା ସାତା, ଆମ୍ବାଆସି କ୍ରୀସ୍ତାନା କୁଲମିତା ଜାତୁନୁ କିନି ପାଣା ବେଟାଆହାଲି ଅଣପିମାତିସାରେ, ଏଝାସି ନେହଁ କାମା କିଇଁ ଇଞ୍ଜିଁ ଅଣପିନେସି । ୨ ଈଦାଆଁତାକି କୁଲମିତି କାଜାସି ଦହ ହିଲାଆଗାଗାସି ଆନାୟି ମାନେ, ରଣ୍ଡିଏ ତକ୍ତିନି ତକ୍ତା, ଚିକାଣାତାସି, ନେହଁ ଅଣପୁ ଗାଗାସି, ପୁନାଆତି ଗତାୟିଣି ସେବା କିନାସି, ଅତେ ନେହଁ କିଁ ଜାପୁନାସି ଆନାୟି ମାନେ । ୩ ଅତେ କାତୁ ଗହନାସି କି ଗତୁହା କିନାସି ଆଆନା, ସୁଦୁ ସୁଝାଲା, କପା ଇଟାଆଗାଗାସି, ଅତେ ଦନ କୁପକା ଗାଗାସି ଆଆୟି ମାନେ, ୪ ଏଝାସି ତାନି ଇଲୁ କୁଟମିତି ନେହଁ କିଁ ସାଲୁଝି କିନାସି, ଅତେ କକାରି ପଦାଁଣି ତୀରୁପୁତଲେ ଜାତୁନୁ କିନାୟିମାନେ । ୫ ଆମ୍ବାଆସି ତାନି ଇଲୁ କୁଟମିତି ନେହଁ କିଁ ଜାତୁନୁ କିହାଲି ଆତୁଅସି, ଏଝାସି ଏନିକିଁ ମାହାପୁରୁ କୁଲମିତି ଜାତୁନୁ କିନେସି ? ୬ ଏଝାସି ପୁଝନି ନାମିତାସି ଆଆୟି ମାନେ, ଇଚିହଁ ଏଡେତା ପାତେ ନାନୁ କାଜାତେଏଁ ଇଞ୍ଜିଁ ବତପଣ ଆହାନା, ସୟତାନ ତଣ୍ଡ ପାଣ୍ଡନିଲେହେଁ ତଣ୍ଡ ବେଟା ଆନେସି । ୭ ଅତେ ଏଝାସି ନାମାଆଗାଗାରି ତାଣ୍ଡାଟି ଜିକେଏ ମାନ୍ତି ବେଟାଆନାୟି ମାନେ, ଆଆତୁଁ ଲାଜା ବେଟାଆହାନା ସୟତାନ ପାନ୍ଦାତା ହେରନେସି ।

କୁଲମିତି ସାୟେମି କିନାରି

୮ ଏଲେକିହଁ ଏ କୁଲମିତି ସେବା କିନାରି ନେହଁ ଅଣପୁ ତଲେ ନାମୁତା ତୁଗ୍ଗାମାନାଣି ଆସାନା ତୀରିତଲେ ମାଞ୍ଜାନା ନାତ୍ରି କିନାସି ଆଆପେସି, ୯ କାତୁ ଗସିହଁ ତୁୟିନାସି, ଉଜେଏତି ଦନତି କୁପକା ଆଆୟି ମାନେ ୧୦ ଏଝାରି ସେବା ପାଣା ପୁଝାଆ ନକେଏ ଏଝାରି ତାୟିପାରି କିତ୍ରିଆପାରି, ଅତେ ଏଝାରିତାଣା ଏନି ଦହ ତଞ୍ଜା ଆଆତିହଁ, କୁଲମିତି ସାୟେମି କିନାରି ଆପେରି । ୧୧ ଏଲେକିହଁ ଏ ଏଝାରି ତକ୍ତିସିକା ଜିକେଏ ନେହଁ ଗୁଣୁ ଗାଗାଇଁ ଆହାନା ସାକ୍ତି ହିଲାଆଗାଗାଇଁ ଆହାନା ତୀରୁପୁ, ପାଲେଏ ମାଞ୍ଜାନା ବାରେ କାମା ଚିକାଣା ତଲେ କିପୁ । ୧୨ ସେବା କିନାରି ରଣ୍ଡିଏ ତକ୍ତିତାଁ ତକ୍ତା ଆପେରି, ଅତେ ଏଝାସି ତାନି କକାରି ପଦାୟିଣି ଅତେ ତାନି ଇଲୁ କୁଟମିତି ନେହଁ କିଁ ସାଲୁଝି କିପେରି । ୧୩ ଇଚିହଁ ଆମିନି ଗାଗାରି ନେହଁ କିଁ ସେବା କାମା କିହାମାନେରି, ଏଝାରି କୁଲମିତା ମାନିଗାଗାରି ଇଞ୍ଜିଁ ଝେଙ୍ଗିନେରି ଅତେ କ୍ରୀସ୍ତ ଜୀସୁ ତାଣା ନାମୁତା ହାରେକା ସାସା ବେଟାଆନେରି ।

ତୁଗ୍ଗାମାନି କାଜା କାତା

୧୪ ଈ ଆକୁ ରାଡିନି ବେଲାତା, ନାନୁ ନୀ ତାଣା ତବେ ଝାହାଲି ଆସା କିହିମାଇଁ; ୧୫ ସାମା ନା ଝାନାୟି ଝେଡା ଆତିହଁ, ମାହାପୁରୁ ଇଲୁ କୁଟମିତା ଇଚିହଁ ସାତାତି ମୁଣ୍ଡା ଅତେ ପୁନାଦି ଲେହେଁ ଜୀଝୁତି ମାହାପୁରୁ କୁଲମିତା, ଏନି ମାଣ୍ଡକିତା ମାନାୟି ମାନେ, ଏଦାଆଁ ନାନୁ ଏନିକିଁ ପୁଞ୍ଜାଲି ଆଡିଦି, ଈଦାଆଁତାକି ଈ ବାରେ କାତା ନାନୁ ରାଡିମାଞ୍ଜାଇଁ । ୧୬ ମାହାପୁରୁତି ଦାମୁତି ବାରେ କାତା ହାରେକା କାଜାୟି, ଈଦାଆଁ ବାରେ ଲକୁ ଝେକ୍ନେରି । ଏଦି ଈଦି, କ୍ରୀସ୍ତ ମାଣ୍ଡସି ଝାଣା ଆହାନା ତଞ୍ଜାଆତେସି, ସୁଦୁଜୀଝୁତା ଦାମୁଗାଗାସି ଇଞ୍ଜିଁ ଝେଙ୍ଗିତେସି, ଦୁଡୁୟାଁ ତଲେ ତଞ୍ଜାଆତେସି, ଏଟକା ଲକୁତାଣା ଝେଙ୍ଗିତେସି, ଦାରୁତିତା ନାମୁଗାଗାସି ଆତେସି, ଈଞ୍ଜାଁ ମାହାପୁରୁ ଗାଝୁରମି ତଲେ ଲାକପୁରୁ ଅଝିଆତେସି ।

୪

ମିତି ଜାପୁନାରି

* ୩:୧୧ ୩:୧୧ ଇୟାସିକା ସେବା କିନାଇ । † ୩:୧୨ ୩:୧୨ ରଣ୍ଡିଏ ବାହା ତକ୍ତି

୧ ସୁଦୁଜୀବୁ ତାରିତଲେ ଝେସିମାଞ୍ଜାନେ, ଜୁଗୁ ରାନ୍ତି ବେଲ୍ଲତା ଏଚେକା ଲକୁ ଲାଗେଏତି ନାଡ଼ିକିନି ଜାପୁନି ତାଣ୍ଡାତି କୁଲମିତି ନାମୁତି ହେକ ଆନେରି, ୨ ଏଞ୍ଜାରି ଏଚେଜାଣା ନାଡ଼ିକିନାରି, ଏଞ୍ଜାରି ଅଣ୍ଡୁ ହାଡ଼ାୟି, ୩ ଏଞ୍ଜାରି ବାହା କିନାୟି ଅଡ଼େ ଏନି ଏନି କାଦି ତିନାୟି ଇଞ୍ଜୁ ନେହେଁ ଆଏ ଇଞ୍ଜିମାନେରି । ସାମା ଆମିନି କ୍ରାସୁଇଁ ନାମିତି ଲକୁ ସାତାତି ପୁଞ୍ଜାମାନେରି, ଏଞ୍ଜାରି ମାହାପୁରୁ ଗାଡ଼ିକିତି ବାରେ କାଦି ତାକି ଏଞ୍ଜାଣାଇଁ ଜହରା କିହାନା ଏନି ନେହାୟି ଇଞ୍ଜୁ ତିଞ୍ଜାଲି ଆଡ଼ିନେରି । ୪ ଇଚିହଁ ମାହାପୁରୁ ଗାଡ଼ିକିତି ଆସ୍ତି ବାରେ ନେହାୟି, ଇଞ୍ଜା ମାହାପୁରୁଇଁ ଜହରା କିତିସାରେ ଏନାୟି ଜିକେଏ ତିନିଆଗାଟାୟି ଆଏ । ୫ ଏନାଆଁତାକି ଇଚିହଁ ମାହାପୁରୁତି ବଲୁ ଅଡ଼େ ପ୍ରାଡ଼ାନା ତଲେ ଏଦାଆଁ ସୁଦୁ କିଞ୍ଜିଆନେ ।

ଜାସୁ କ୍ରାସୁତି ନେହଁ ସେବା କିନାସି

୬ ଇ ବାରେ କାତା ମୀରୁ ତାୟି ତାଜିଇଁ ଜାପୁସିସାରେ କ୍ରାସୁ ଜାସୁତି ର ନେହଁ ସେବା କିନାସି ଆଡ଼େରି, ଇଞ୍ଜା ମୀରୁ ଆମିନି ନାମୁ ଅଡ଼େ ନେହଁ କାତା ଆସାମାଞ୍ଜେରି, ଏଲେତି ବଲୁ ତଲେ ପାତା ଆଡ଼େରି; ୭ ସାମା ଉଜେଏ ଝେହୁନି କାତାୟି ଝେନାଆନି, ମାହାପୁରୁଇଁ ଆଜାନା ନୀତାମାଞ୍ଜାଲି ଜାପାମୁ, ୮ ଇଚିହଁ ଆଜାପି ପାତି କିନାୟି ଗାଡ଼େକା ତାକି ଲାବା ଆନେ, ସାମା ମାହାପୁରୁଇଁ ଆଜିନାୟି ଇ କାଲ୍ଲତା ଅଡ଼େ ଝାହିମାନି କାଲ୍ଲତି ଜାସୁତାକି ମାହାପୁରୁ ଆଞ୍ଜାମାନି ଲାବାଗାଟାୟି ଆନେ । ୯ ଇ କାତା ନାମିନାୟି ଅଡ଼େ ବାରେ ଲକୁ ଅପିନାୟି । ୧୦ ଇଦାଆଁ ତାକି ମାର ମନ ହାହାନା ଝାହୁ ତଲେ ଜାସୁ ତୁସାନା କାମା କିହିମାନାୟି, ଏନାଆଁତାକି ଇଚିହଁ ଆମିନି ଜାସୁଗାଟି ମାହାପୁରୁ ବାରେ ମାଣସିଇଁ ଇଚିହଁ ନାମିନାୟି ଗେଲ୍ଲପିନାସି, ତାନି ତାଣା ମା ବାସୁ ମାନେ ।

୧୧ ନୀନୁ ଇ ବାରେ କାତା ହୁକୁମି ହାହାନା ଜାପୁମୁ । ୧୨ ନୀ ଦାଂଗଣା ବେଲ୍ଲତି ଆମ୍ବାଆସି ହାଣି କିୟାଆପେସି, ସାମା ନୀ କାତାତା, ନୀ ଲେମ୍ବିନି ତାଣା, ନୀ ଜାସୁ ନନ୍ତି ତାଣା, ନୀ ନାମୁତା, ଇଞ୍ଜା ନୀ ସୁଦୁତା, ନାମିନାୟି ନୀନୁ ନେହଁ ତହୁନାତି ଆମୁ । ୧୩ ନୀନୁ ନୀ ତାଣା ଝାଆ ପାତେକା ନୀନୁ ବାମୁ ପତିଇଁ ପଡ଼ୁଝି ଆହାନା, ମାହାପୁରୁ କାତା ଝେକମୁ, ଇଞ୍ଜା ଜାପୁନି ତାଣା ମନ ହାହାନା ମାନାମୁ । ୧୪ ମାହାପୁରୁ ବଲୁ ଝେକହା ମାଞ୍ଜାନି କୁଲମିତି କାଜାରି ନୀ ତାୟି ତୁା କେସ୍ତା ଇଚାନା ନିଞ୍ଜେ କାମାତି ବାନା ହାହାମାଞ୍ଜାନେରି, ଏଦାଆଁ ହେଲ୍ଲ କିଆନି । ୧୫ ନୀ ପାତା ଆହିମାନାୟି ଏନିକିଁ ବାରେ ଲକୁ ନକିତା ତଞ୍ଜାଆନେ, ଏଦାଆଁତାକି ଇ ବାରେ କାତାତା ମନ ହାହାନା ଏ ବାରେ କିହେମାନାମୁ । ୧୬ ନିଞ୍ଜା ତାକି ଅଡ଼େ ନୀ ଜାପୁନାୟି ତାକି ଜାଗ୍ରାତା ଆମୁ, ଇ ବାରେ କାମା କିହଁ ମାନାମୁ, ଇଚିହଁ ଏଦାଆଁ କିତିସାରେ ନୀନୁ ନୀ ଗେଲ୍ଲପିନାସି ଅଡ଼େ ନୀ କାତା ଝେଞ୍ଜି ମାନାୟି ଇକେଏ ଗେଲ୍ଲପିଦି ।



ନାମିନି ଲକୁତି ଦାୟିପତି

୧ ବୁଡ଼ହା ଲକୁଣି ଲାଗାଆନି, ସାମା ଏଞ୍ଜାଣାଇଁ ଆବା ଇଞ୍ଜୁ ଅଣ୍ଡପାନା ଲେମ୍ବାମୁ; ଅଡ଼େ ଦାଂଗଣା କକାରାଇଁ ତାୟିଲେହେଁ ମେହମୁ, ୨ ବୁଡ଼ହି ଇୟାସିକାଣି ତାଲି ଇଞ୍ଜିହଁ ଅଡ଼େ ତାଆସିକାଣି ସୁଦୁ ମନତଲେ ତାଜିସ୍ତା ଇଞ୍ଜିହଁ ଅଣ୍ଡପାନା ଏଲେକଁ ସିନିକିମୁ ।

୩ ଏନାଆଁ ହିଲ୍ଲଆଗାଟି ରାଡ଼େଣି ଇୟାସିକାଣି ମାନି କିମୁ । ୪ ସାମା ଆମିନି ରାଡ଼େଣି ଇୟା କି ମୀରୁକା ମାସ୍ତାକି ତାଜା ମୀରୁକା ମାସ୍ତାକା ମାଚିହଁ, ଏଞ୍ଜି ନକେଏ ତାମି ଇଲୁ କୁଟମି ତାରାଇଁ ମାନି କିହାଲି ଲକ୍ନାୟି ମାନେ, ତାଲି ତାଞ୍ଜାଇଁ ନେହଁ କିହାଲି ଜାପାପୁ; ଏନିଚିତହଁ ଇଦି ମାହାପୁରୁ ନକିତା ନେହାୟି । ୫ ଆମିନି ରାଡ଼େଣି ଇୟା ରଣ୍ଡିଏ ମାନେ ଅଡ଼େ ଆମ୍ବାଆରି ଜାଡ଼ନୁ ଅନାରି ହିଲ୍ଲଅରି ଏଞ୍ଜି ମାହାପୁରୁ ତାଣା ବାସୁ ଇଚାନା ଲାଆଁ ମାଦେନା ବାତିମାଲିହଁ କାଲେଏ ପ୍ରାଡ଼ାନା କିପୁ; ୬ ସାମା ଆମ୍ବାଆୟି ଆଜାପି ରାହାଁତା ମୁଞ୍ଜାନା ତୁୟିନି ରାଡ଼େଣିସିକା ଏଞ୍ଜି ଜାସୁତଲେ ମାଚିହଁ ଜିକେଏ ହାଡ଼ି ଲେହେଁତାଇ । ୭ ଏଞ୍ଜି ଏନିକିଁ ଦହୁ ହିଲ୍ଲଆଗାଟାଇ ଆମୁ, ଇଦାଆଁତାକି ଇ ବାରେ କାତା ଜିକେଏ ଜାପୁମୁ । ୮ ସାମା ଆମ୍ବାଆସି ତାନି ପାଡ଼ିତି ଲକୁ ଅଡ଼େ ତାମି ଇଲୁ କୁଟମିତି ଲକୁଣି କେରୁଅସି, ଏଞ୍ଜାସି ନାମୁତି କାତାଇଁ ଆବାହିଲଅସି, ଇଞ୍ଜା ଏଞ୍ଜାସି ନାମାଆଗାଟାଣି କିହାଁ ହାଡ଼େକା ଲାଗେଏ ଆନେସି ।

୯ ଆମିନି ରାଡ଼େଣି ତାନିକଡ଼ି ବାସାଟିଏ ଉଣା ଆଏ, ଅଡ଼େ ରଣ୍ଡିଏ ତଜାଇଁ ବାହା ଆହାମାନେ, ଏଞ୍ଜାସିକା ଦରୁ ରାଡ଼ାମୁ, ୧୦ ଅଡ଼େ ନେହଁ କାମାତାକି ଝେଜାମାନେ, ଅଡ଼େ ଏଦି ମୀରୁକା ମାସ୍ତାକାଣି ପହିପାଡ଼ି କିହାନା, ପାଡ଼ିତି ଗତାୟିଣି ସେବା କିହିମାନେ, ମାହାପୁରୁ ଲକୁତି କତାୟି ନରହା ମାନେ, ଦୁକୁ ଗାଟାରାଇଁ

ଦୁକୁ ତୁକହିମାନେ, ଅତେ ବାରେ ନେହଁ କାମା କିହାଲି ରାହଁ ଆହିମାନେ, ଆତିହଁ ଏଦାନି ଦରୁ ରାଶ୍ରେଣିସିକା ଆକୁତା ରାସ୍ତି ଆପେ ।

୧୧ ସାମା ତାଆ ରାଶ୍ରେଣିସିକା ଦରୁ ରାଗାଆନି, ଇତିହଁ ଏଞ୍ଜି ଆଜ୍ଞାତି ରାହଁତା କୁପକା ଆହାନା କ୍ରାସ୍ତ ତାଣାଟି ଏଟକା ଆହାନା ବାହା ଆୟାଲି ମନ କିନୁ; ୧୨ ଏଞ୍ଜି ତାନି ତଲିତି ଆଜ୍ଞାମାଗାଣି ମାନି କିହାହିଲାଆକି, ତଣ୍ଡ ଗାଟାଇ ଆନୁ, ୧୩ ଅତେ ଜିକେଏ ଏଞ୍ଜି ଇଲୁତାକି ଇଲୁ ରେଜିହଁ ନିସ୍ତା ଆହାଲି ଜାପୁନୁ, ଅତେ ଖାରଇ ନିସ୍ତା ଆଏ, ସାମା ଲାଗେଏ ପଲେଏତି ପୁସ୍ତପନିକା, ଅତେ ସାକ୍ତି ଜଲାଇ ଜାପାନା ଉଜେ ଉଜେଏତି ଲଡ଼ାହିଲାଆ କାତାୟଁ ବାସଁ ଆନୁ । ୧୪ ଇଦାଆଁତାକି ନା ଅଣ୍ଡୁ ତାଆ ରାଶ୍ରେଣିସିକା ବାହା ଆପୁ, କକାରି ପଦାଁ ଆପୁ, ଇଲୁ କୁଟମିତି ଲେମ୍ବାପୁ, ଇଞ୍ଜା ନିନ୍ଦା କିହାଲି ସାତୁୟଁକି ଏଦି ପାରୁ ହାଆପୁ; ୧୫ ଇତିହଁ ନାଏଁ ଜିକେଏ ଆମ୍ବା ଆମ୍ବାଆୟି କ୍ରାସ୍ତ ତାଣାଟି ହେକ ଆହାନା ସୟତାନତି ଜେଟ ହାଜାମାନୁ । ୧୬ ଅତେ ଆମିନି ନାମାମାନି ଇୟାସିକା ଇଜ ରାଶ୍ରେଣିସିକା ମାତିହଁ, ଆତିହଁ ଏଞ୍ଜି ଏଞ୍ଜାସିକା ଜାତୁନୁ ଅପୁ, ଅତେ କୁଲମିତାକି ବକୁ କିଆପୁ, ଏନିକଁ କୁଲମି ଏନାଆଁ ହିଲାଆଗାଟି ରାଶ୍ରେଣିସିକାଣି ଜାତୁନୁ ଅନେ ।

୧୭ ଆମିନି ପ୍ରାଟିନାଜ୍ଞା କୁଲମିତି ନେହଁ କଁ ଜାତୁନୁ କିନେରି, ବାରେକିହଁ ଆମିନି ଗାଟାରି ବଲୁ ଝେକହାଲି, ଅତେ ଜାପୁହାଲି ଖାହୁ ତଲେ କାମା କିନେରି, ଏଞ୍ଜାରି ରୀ ଗୁଣୁ ମାନି ବେଟାଆନି ଜଟେ । ୧୮ *ଦାର୍ମ୍ପ ପତିତା ରାସ୍ତି ଆହାମାନେ, "ନପଁ ନି କଡ଼ି ମୁତିତା କତ୍ରା ଦହଁଆନି" ଅତେ "କାମାକିନାସି ତାନି କାମାତି ପାଡ଼େୟି ବେଟାଆନାୟି ମାନେ ।" ୧୯ ରିଆରି କି ତାନି ଜାଣା ସାକ୍ତିୟାଁ ହିଲାଆନା ଆମିନି ପ୍ରାଟିନା କପାତି ଏଦି କାତା ଝେସ୍ତାତିହଁ ଆହଁଆନି । ୨୦ ଆମିନି ଗାଟାରି ଦହଁ କିନେରି, ଏଞ୍ଜାରିଇଁ ବାରେ ଲକୁ ନକିତା ଲାଗାମୁ, ଏନିକଁ ଏଦାଆଁ ମେସାନା ଏଟକାତି ଲକୁ ଆଜିନେରି ।

୨୧ ନାନୁ ମାହାପୁରୁ, ନକିତା ଅତେ କ୍ରାସ୍ତ ଜୀସୁ ନକିତା ଅତେ ମାହାପୁରୁ ଆଟିତି ଦୁତୁୟଁ ନକିତା ଜାଣେ ହୁକୁମି ହାହିମାଜ୍ଞାଇଁ ନାନୁ ତଲିତିଲେହେଁ ଆଆନା ଇ ବାରେ ମାନୁଞ୍ଜି ଆମୁ, ଅତେ ଆମ୍ବାଆରାଇଁ ପାରୁଡ଼ା କିଆନା ଇ ବାରେ କାମା କିମୁ । ୨୨ ଦାଗା ଆହାନା କେୟୁ ଇଟାହଁ ମାହାପୁରୁତି ସେବା କାମାତାକି ଆମ୍ବାଆରାଇଁ ଜିକେଏ ଆଟ୍‌ଆନି । ଏଟକା ଲକୁତି ପାପୁତା ଜାହାରାଇଁ ଆଟ୍‌ଆନି । ନାନୁ ଜାହାରାଇଁ ସୁଦୁ କିହାକତାମୁ ।

୨୩ ନୀ ବାଣ୍ଡି ଆଗଁ ହିଲାଆକି ଅତେ ନୀ ଆଜ୍ଞାତା ଅଲେ ଅଲେ ରଟା ଆହିମାନାକି ଖାରଇ ଏୟୁ ଗହଁଆନି ଅକୁରି ରାସା ଇଚରା ଲାକା ଗହଁମୁ ।

୨୪ ଏଚରଜାଣାତି ପାପୁ ନୀହାଁୟି କିଆ ନକେଏ, ତଞ୍ଜାଆନେ, ଅତେ ଏଚରଜାଣାତି ପାପୁ ତାୟୁ ତଞ୍ଜାଆନେ । ୨୫ ଏଲେକିହଁ ଏ ସାତା କାମା ତଲିଏ ତଞ୍ଜାଆନେ, ଅତେ ଏନା ଏନାୟି ତଞ୍ଜା ଆଏ, ଏଦି ତୁଗୁନା ତୁୟାଲି ଆଡ଼େଏ ।



୧ ଏମିନି ଲକୁ ହଲିୟାଜ୍ଞା ଜୁଝେଡ଼ିତା ହେରୁଖାମାନେରି, ଏଞ୍ଜାରି ତାନି ସାସ୍ତ୍ରକାରିୟାଁଇଁ ନେହଁ କଁ ମାନି ବେଟାଆନାରି ଇଞ୍ଜଁ ଅଣ୍ଡପାପେରି, ଏନିକଁ ମାହାପୁରୁ ଦରୁ ଅତେ ଜାପୁନି ତାଣାଟି ନିନ୍ଦା ଆଏ । ୨ ଅତେ ଆମିନି ଗାଟାରି ସାସ୍ତ୍ରକାରିୟାଁ କ୍ରାସ୍ତାନା ଆହାମାନେରି, ଏଞ୍ଜାରି ଏଞ୍ଜାରିଇଁ ମା ତାୟି ଇଞ୍ଜଁ ଅଣ୍ଡପାନା ହାଣି କିଆପେରି, ସାମା ହାରେକା ଜାତୁନୁ ତଲେ ଏଞ୍ଜାରି ସେବା କିପାରି, ଇତିହଁ ଆମିନି ଗାଟାରି କାମା ତଲେ ଲାଡ଼ା ବେଟାଆନେରି, ଏଞ୍ଜାରି ନାମିନାରି ଅତେ ମା ଜାସ୍ତୁ ନନାରି, ଇ ବାରେ କାତା ଜାପୁହାନା ଝେହ୍ମୁ ।

ମିତି ଜାପୁନାୟି ଅତେ ସାତା ଦନ

୩ ଆମ୍ବାଆସି ଅର ରଲେତି କାତା ଜାପୁହାନା ମା ପୁରୁ ଜୀସୁ କ୍ରୀସ୍ତତି ନେହଁ ବଲୁ ଅତେ ମାହାପୁରୁ ଆଜିନି କାତାତି ଜାପୁନାଣି ଆହଁଆସି, ୪ ଆତିହଁ ଏଞ୍ଜାସି ଲାଗେଏତି ବଡ଼ପଣ ଗାଟାସି, ବୁଦି ହିଲାଆଗାଟାସି, ବାଦିବାଦା, ଅତେ ଗଡ଼ହା କିନିତାଣା ମୁଞ୍ଜାମାନେସି; ଏମ୍ବାଟିଏ ତାହାରି, ଗଡ଼ହା, ଚଅଣାଇଁ ଉଜେଏ ନିନ୍ଦା କିନାୟି, ଲାଗେଏ ଆନାମାନା ଆନାୟି ହନେ, ୫ ଇଞ୍ଜା ବୁଦି ହିଲାଆ ଗାଟାରି ଅତେ ସାତାତି ପିସା ମାନାରି ବିତ୍ରା କାଲେଏ ବାଦିବାଦା ହନେ, ଇତିହଁ ମାହାପୁରୁଇଁ ଆଜିନାୟି ଏଦି ଲାଡ଼ା ବେଟାଆନି ଜିରୁ ଇଞ୍ଜଁ ଏଞ୍ଜାରି ଅଣ୍ଡପନେରି ।

* ୫:୧୮ ୫:୧୮ ମାତି ୧୦:୧୦; ଲୁକ ୧୦:୭

୭ ମାହାପୁରୁଷ ଆଜାନା, ନୀତିନାୟି ନେହେଁ ଆଡ଼ିସାରେ ସାତେଏ ଏଦି ଲାବାଗାଗାୟି; ୮ ଏନାଆଁତାକି ଛଚିହେଁ ମାର ଦାବୁଡିତା ଏନାଆଁ ତାତା ହିଲ୍ଲାଆୟି, ଅଡ଼େ ଛ ଦାବୁଡିତି ଏନାଆଁ ଅହାଲି ଆଡ଼ାଆୟି; ୯ ଛଦାଆଁତାକି ବାଣ୍ଡିତି କାଦି ଆଜ୍ଞା ତାକି ହିମ୍ବୁରିକା ମାଚିହେଁ ଛଚେକେଏ ସାରି । ୧୦ ସାମା ଆମ୍ବାଆରି ଗାତି ବାଡ଼କାଲି ଅଣ୍ଡପିନେରି, ଏଞ୍ଜାରି ତାୟିପାରି କିନି ତାଣା ଅଡ଼େ ପାନ୍ଦାତା ହେବଞ୍ଜାନା, ଅଡ଼େ ବୁଦି ହିଲ୍ଲାଆଗାଟି ନାସାକିନି ଅଣ୍ଡପୁଡି ପାନ୍ଦାତା ହେବନେରି, ଛ ବାରେ ମାଣସିକ୍ ବୁଡ଼ି ଆନିଞ୍ଜାକି ଅଡ଼େ ନାସା ଆନିଞ୍ଜାକି ଅନେ । ୧୧ ଏନାଆଁତାକି ଛଚିହେଁ ଦନ୍ତ ଲୁପକା ବାରେ ଲାଗେଏତି ମୂଲୁ; ଆମ୍ବା ଆମ୍ବାଆରି ଏନାଆଁ ଲୁପକା ଆହାନା ଦାମ୍ବୁଡି ନାମ୍ବୁ ପିସାନା ଜିରୁ ବାଣା ଆହାମାନେରି, ଛଞ୍ଜା ହାରେକା ଦୁକୁ ତଲେ ତାମି ହିୟାତା ଦୁକୁ କିହାମାନେରି ।

ପାଞ୍ଚୁଲତି ରାପୁନି କାତା

୧୧ ସାମା ଏ ତିମତି ନୀନୁ ର ମାହାପୁରୁ ଲକୁଡି, ନୀନୁ ଛ ବାରେ ତାଣାଟି ହେକ ଆହାନା ଦାମ୍ବୁ ଗାଗାଟି, ମାହାପୁରୁଷ ଆଜିନାୟି, ନାମିନାୟି, ଜୀଞ୍ଜୁନାୟି, ସାସା, ଅରୁହିନାୟି, ଛ ବାରେ ନେହେଁ ଗୁଣୁତା ତାକାମ୍ବୁ । ୧୨ ନାମୁଡି ନେହେଁ ଜୁଜୁତା ଜୀଞ୍ଜୁ ତୁସାନା ଜୁଜୁ କିମ୍ବୁ, କାଲ୍ଲାକାଲ୍ଲାତି ଜୀଞ୍ଜୁ ଆସାନା ଛଗାମ୍ବୁ; ଏଦାଆଁତାକି ନୀନୁ ହାଡ଼କି ଆହାମାଞ୍ଜି ଅଡ଼େ ହାରେକା ସାକିୟା ନକିତା ନେହେଁ ସାକି ହାହାମାଞ୍ଜି । ୧୩ ବାରେତି ଜୀଞ୍ଜୁହାନି ମାହାପୁରୁ ନକିତା, ଅଡ଼େ ପନ୍ଦିୟ ପିଲ୍ଲାତ ନକିତା ନେହେଁ ସାକି ହାନି ଜୀସ୍ତ ଜୀସ୍ତ ନକିତା ନୀନୁ ନିଜେ ହୁକୁମି ହାହିମାଞ୍ଜାଇଁ, ୧୪ ନୀନୁ ମା ପ୍ରବୁ ଜୀସ୍ତ ଜୀସ୍ତ ଖାନି ଦିନା ପାତେକା ଦାମ୍ବୁଡି ମେରା ମାନୁଡ଼ି ଆହାନା ଏନି ପାପୁ ଅଡ଼େ ନିନ୍ଦା ହିଲ୍ଲାଆଗାଟା ଆହାଁ ତୁୟାମ୍ବୁ । ୧୫ ଏଞ୍ଜାସି ହାରେକା ନେହାଁସି, ରଅସିଏ ବାରେକିହାଁ କାଜା ସାଲୁଡ଼ି କିନାସି, ଏଞ୍ଜାସିଏ ରାଜା କିହାଁ ରାଜା ଅଡ଼େ ପ୍ରବୁ କିହାଁ ପ୍ରବୁ, ୧୬ ଏଞ୍ଜାସିଏ ରଅସି ହାଆଗାଗାସି ଅଡ଼େ ମେସାଲି ଆଡ଼ାଆଗାଟି ଉଜେଡ଼ିତା ମାନେସି, ଏଚେଲ୍ଲାଞ୍ଜା ଏଞ୍ଜାଣାଇଁ ଆମ୍ବାଆସି ମେସାହିଲଅସି କି ମେସାଲି ଆଡ଼ଅସି, ଏଞ୍ଜାସି ତାରିକିତି ଦିନାତା ଏଦାଆଁ ତହୁନେସି; କାଲ୍ଲାକାଲ୍ଲାତାକି ତାମି ସାମ୍ବୁନି ଅଡ଼େ କାଜାପାଣା ତଞ୍ଜା ଆଡ଼େ । ଆମେନ୍ । ୧୭ ଆମିନି ଗାଟାରି ଛ ଜୁଗୁତା ବାଡ଼କିତାରି, ଏଞ୍ଜାରି ଏନିକେଁ ଆକ୍ଷରା ଆଅରି ଅଡ଼େ କାଲେଏ ତୟାଆ ଦନ ଲାକ ବାସୁ ଛଟଅରି, ସାମା ଆମିନି ମାହାପୁରୁ ଏ ବାରେ ଲେମ୍ବାଲି ତାକି ମାଜେ ଲଡ଼ାମାନାଣି ହିୟାନେସି, ଏଞ୍ଜାଣି ତାଣା ବାସୁ ଛଚିନେରି, ୧୮ ଅଡ଼େ ଏଟକା ଲକୁଡି ସାୟେମି କିହାନା ନେହେଁ କାମା ତଲେ ବାଡ଼କୁ ଗାଟାରି ଆନେରି ଅଡ଼େ କେୟୁ ଦେତାନା ଅଡ଼େ ରାହାଟି ଦାନା ହାହାଲି ଅଣ୍ଡପିନେରି, ଏଦାଆଁତାକି ଏଞ୍ଜାରାଇଁ ହୁକୁମି ହାମ୍ବୁ; ୧୯ ଛଲେ କିତିସାରେ ଏଞ୍ଜାରି ତାମି ଖାହିମାନି ଜୀଞ୍ଜୁତାକି ନେହେଁ ପୁନାଦି କିହାମାନେରି, ଏନିକେଁ ଏଞ୍ଜାରି ସାତା ଜୀଞ୍ଜୁ ବେଗାଆନେରି । ୨୦ ଏ ତିମତି, ନିଜେ ଏନା ଏନାୟି ହାପକି ଆହାମାଞ୍ଜାନେ, ଏଦାଆଁ ଜାଡ଼ୁ କିହାଁ ଛଗାମ୍ବୁ; ଉଜେଏତି କାତାୟାଁ ଅଡ଼େ ସାତା କାତାତି ବୁଦିତାଣି ବାସୁ ଆନାରି ତାଣାଟି ହେକ ଆମ୍ବୁ; ୨୧ ଆମ୍ବା ଆମ୍ବାଆରି ଏଦାଆଁ ପୁଞ୍ଜାନା ମାନୁଡ଼ି ଆୟାନା ନାମୁଡି ଜିରୁ ବାଣା ଆହାମାନେରି । କାମାମେହନାୟି ନୀ ତଲେ ମାଣ୍ଡେ ।

☆ ୬:୧୩ ୬:୧୩ ଇହ ୧୮:୩୭

ତୀର୍ଥାଟ୍ଟଙ୍କ ନିକଟକୁ ପାଉଲଙ୍କ ଦ୍ରୁତିୟ ପତ୍ର ତିମତି ତାଣା ପାଞ୍ଚୁଲ ରାଫାମାନି ରୀ ଲମ୍ବର ଆକୁ ମୂଳୁ ହାଡ଼ା

୨ତମ ଆକୁ ପାଞ୍ଚୁଲ ତାଣାଟି ତାନି ସୀସୁ ତିମତି ତାଣା ରାଫାମାନି ଆକୁ । ତିମତି ରୀ ଲମ୍ବର ଆକୁ ପାଞ୍ଚୁଲତି ବାରେତି କିହାଁ ତାମ୍ଭୁ ରାଫିତି ଆକୁ । ଇଦି ପାଞ୍ଚୁଲତି ଜୀଞ୍ଜୁ ରାନି ବେଲାତା ରାସ୍ତିକି ଆହାମାଣ୍ଡିନେ । ଏତିବେଲାତା ଏଞ୍ଜାସି ରମ୍ ଗାଡ଼ାତି କାୟିଦି ଇଲୁତା ମାଚେସି ୧:୧୬ ପାଞ୍ଚୁଲ ତିମତି ତଲେ ହାରେକା ଜାଟୁ ମାଚେ, ଅଡ଼େ ବାରେବେଲା ଏଞ୍ଜାଣାଇଁ ମୀର୍-ଏଣା ଲେହେଁ ରାଫିମାନେସି ପିଲିପି ୨:୨୨; ୧ତିମ ୧:୨; ୧:୧୮ ।

ଇଦି ପାଞ୍ଚୁଲ ରାଫାମାନି ସାରିଗଟା ଆକୁ ବିତ୍ରାଟି କୁଲମିତି ପିସାନା ର ମାଣ୍ଡସିକି ରାଫିମାନେସି । ଅଡ଼େ ଏଡ଼କାତି ତାନିଗଟା ଆକୁ ତିମତି ମୂଳୁ ଆକୁ, ତିତସ, ଅଡ଼େ ପିଲିମନ । ତିମତି ରୀ ଲମ୍ବର ଆକୁ ରାଫିତି ବେଲାତା ରମ୍ ଗାଡ଼ାତା ସାଲୁଞ୍ଜି କିନାରି ହାରେକା ସାସ୍ତି ହାହିମାଚେରି । ଇଲେତି ସାସ୍ତି ଆହିମାଚାକି ପାଞ୍ଚୁଲ କାୟିଦିତା ତୃୟାମାଚେସି । ମୂଳୁତି ଆକୁ ଲେହେଁ ପାଞ୍ଚୁଲ ତିମତିକିମିତି ଜାପୁନାରି ତାଣାଟି ଜାଗ୍ରାତା ଆହାଲି ଝେସିମାନେସି । ୧ତିମ ୧:୧୬-୧୮ ପାଞ୍ଚୁଲ ତିମତିକି ଏଲେଇଞ୍ଜି ମାନେସି ତାମ୍ଭୁ ହାରେକା କସ୍ତୁତି ଦିନା ମାନେ ୩:୧ ।

ପତିତା ମାନାୟି

- ୧. ପାଞ୍ଚୁଲ ତିମତିକି ଜହରା କିହାନା ମାଟୁନାୟି ଅଡ଼େ ଏଞ୍ଜାଣାଇଁ ସାସା ହୀନାୟି । ୧:୧-୧୮
- ୨. ପାଞ୍ଚୁଲ ତିମତିକି କସ୍ତୁ ଅଟୁହାଲି ସାସା ହାହିମାନେସି । ୨:୧-୧୩
- ୩. ତିମତିକି ଏଚେକା କାତା ଝେହ୍ନାୟି । ୨:୧୪-୨୬
- ୪. ରାନି ଦିନାତା ଗଟଞ୍ଜି ଆନାଆଁ ଅଡ଼େ ସାତା ଜିରୁ ବାତି କିହାଲି ଜାଗ୍ରାତା କିନାୟି । ୩:୧-୪:୮
- ୫. ପାଞ୍ଚୁଲ ତିମତିକି ଏଚେକା ଅଣପୁତି କାତା ଝେସାନା ଆକୁତି ରାପୁନାୟି । ୪:୯-୨୨

୧ ନାନୁ ପାଞ୍ଚୁଲ, କ୍ରୀସ୍ତ ଜୀସୁ ତାଣା ମାନି ଜୀଞ୍ଜୁତି ଆଞ୍ଜାମାନି ଲେହେଁ, ମାହାପୁରୁ ଅଣପୁ ତଲେ କ୍ରୀସ୍ତ ଜୀସୁତି ର ପାଣ୍ଡଞ୍ଜି ଆହାମାନାଚେର୍ସ ।

୨*ତିମତି, ନା ଜୀଞ୍ଜୁତି ମୀର୍-ଏଣାତି ଆବା ମାହାପୁରୁ କ୍ରୀସ୍ତ ଜୀସୁ ତାଣାଟି କାର୍ମାମେହ୍ନାୟି ଅଡ଼େ ହିଡ଼ଡ଼ି ଜୀଞ୍ଜୁ ନିଜେତାକି ଆୟାପେ ।

ମାହାପୁରୁକି ଜହରା ଅଡ଼େ ବାର୍ସୁ ହୀନାୟି

୩ ମା. ତଲିତି ଆକୁ ଆବାୟାଁ ଲେହେଁ ନାନୁ ସୁଦୁ ଅଣପୁ ତଲେ ମାହାପୁରୁକି ସେବା କିହିମାଇଁ, ନାନୁ ଏ ମାହାପୁରୁ ତାଣା ଲାଆଁ ମାଦେନା ପ୍ରାଚୀନାତା ନୀ ଦରୁ ରାଚାହାଁ ମାହାପୁରୁକି ଜହରା କିହିମାଇଁ; ୪ ଏନିକି ନା ରାହାଁ ଗାଡ଼ିଆନେ, ଇଦାଆଁତାକି ନୀ କାଣ୍ଡୁ ଅଣପାନା ନିଜେ ମେସାଲି ତାକି ହାରେକା ମନ କିହିମାଇଁ; ୫ ଇତିହେଁ ଆମିନି କୁରୁ ହିଲାଆଗାଟି ନାମ୍, ମୀ ବାୟି ଲୟି ଅଡ଼େ ମୀ ଇୟା ଇଞ୍ଜୁନିକି ତାଣା ମାଚେ, ଅଡ଼େ ନୀ ତାଣା ଜିକେଏ ମାନେ ଇଞ୍ଜିହେଁ ନା ହାରେକା ନାମ୍, ନୀ କୁରୁ ହିଲାଆ ନାମୁତି କାତା ନାନୁ କାଟୁ ବେଗାଆହାମାଇଁ । ୬ ନାନୁ ନୀ ଲାକ କେୟୁ ଇଗାତି ବେଲାତା ନାନୁ ମାହାପୁରୁ ତାଣାଟି ଆମିନି ବରୁ ବେଗାଆଡ଼ି ଏଦାଆଁ ଜାଡ଼ୁ କିହାଁ ଇଗାଲି ନାନୁ ନିଜେ ଅଣପି କିହିମାଞ୍ଜାଇଁ । ୭ ଇତିହେଁ ମାହାପୁରୁ ମାଜେ ଆଜିନି ଜୀଞ୍ଜୁ ହାହାମାଞ୍ଜାଅସି, ସାମା ବାଡ଼ୁୟୁ, ଜୀଞ୍ଜୁ ନନାଣି, ଅଡ଼େ ନେହେଁ ଅଣପି କିନି ଜୀଞ୍ଜୁ ହାହାମାଞ୍ଜାନେସି ।

୮ ଏଦାଆଁତାକି ମୀର୍ ପ୍ରୁ କାତାତା ସାକି ହାହାଲି ଅଡ଼େ ନାନୁ ପ୍ରୁଡ଼ି ତାକି କାୟିଦି ଇଲୁତା ଦସପି ଆହାମାଇଁ ନା ତାକି ଲାଜା ଆଆନି, ସାମା ମାହାପୁରୁ ହାହାମାଞ୍ଜାନି ବାଡ଼ୁୟୁ ତଲେ ନେହେଁ କାଟୁ ଝେକହାଲି ବେଗାଆହାମାନି କସ୍ତୁତି ସହଞ୍ଜି ଆମ୍ । ୯ ଏଞ୍ଜାସି ମାଜେ ଗେଲ୍ପା ମାଞ୍ଜାନେସି, ଅଡ଼େ ନା, ନେହେଁ ଲକୁତେରି ଇଞ୍ଜିହେଁ ହାଟାମାଞ୍ଜାନେସି; ଅଡ଼େ ମା କିହାମାନି କାମା ଲେହେଁ କିହାଁ ମାଞ୍ଜାଅସି, ସାମା ତାନି ଅଣପୁ ତଲେ ତାନୁ କାର୍ମା ମେସାମି ଲେହେଁ କିହାଁ ମାଞ୍ଜାନେସି; ଏ କାର୍ମା ତଲି କାଲ୍ମା ନକେଏ କ୍ରୀସ୍ତ ଜୀସୁ ତାଣାଟି ମାଜେ ହାଞ୍ଜି ଆହାମାଚେ, ୧୦ ସାମା ନୀର୍ସାମା ଗେଲ୍ପାମି କ୍ରୀସ୍ତ ଜୀସୁ ଦାଡ଼ିତା ଝାଞ୍ଜାମାନାକି

* ୧:୨ ୧:୨ କାମା ୧୬:୧ * ୧:୫ ୧:୫ କାମା ୧୬:୧

ମାଙ୍ଗେ ତସ୍ୟାମାଞ୍ଜାନେସି; ଏଞ୍ଜାସି ହାକ୍ତିତି ମ୍ଲୋକ୍ତହା ମାନେସି; ଅତ୍ତେ ତାନି ନେହ୍ କାବୁତଲେ ଜୀସୁ ଅତ୍ତେ ହାଆଗାଟାଣି ଉଲ୍ଲେଡ୍ଡିତା ତସ୍ୟାମାନେସି ।

୧୧ ଈ ନେହ୍ କାବୁ ଖେକ୍ତହାନା ତେଲ୍ଲହିକିହାଲି ମାହାପୁରୁ ନାଙ୍ଗେ ର ପାଣ୍ଡୁଅତି ସୀସୁ ଇଞ୍ଜା ଜୀପୁନାସି ଲେହେଁ ହେରୁପା ମାଞ୍ଜାନେସି । ୧୨ ଏଦାଆଁତାକି ନାନୁ ଈ ବାରେ ବୁକୁ ବେଟା ଆହିମାଲ୍; ଆଡ୍ଡିଜିକେଏ ନାନୁ ଆଜା ହିଲ୍ଅଁ, ଇତିହ୍ ନାନୁ ଆମ୍ବାଆରି ତାଣା ନାମାମାଲ୍, ଏଞ୍ଜାଣାଲ୍ ପୁଞ୍ଜାମାଲ୍, ଅତ୍ତେ ନାନୁ ତାନି କେୟୁତା ଏନାଆଁ ହେରୁପାମାଲ୍, ବିତାରା ଦିନା ଖାନି ପାତେକା ଏଦାଆଁ ଏଞ୍ଜାସି ଜାତ୍ତୁ ତଲେ ଇଟାଲି ଆଡ୍ଡିମାନେସି, ଈଦାଆଁ ନାନୁ ତୀରପୁତଲେ ନାମିମାଲ୍ । ୧୩ ନା ତାଣାଟି ଆମିନି ନେହ୍ ବଲ୍ଲୁ ଖେଞ୍ଜାମାଞ୍ଜି, କ୍ରୀସୁ ଜୀସୁ ତାଣାଟି ନାନୁ ଇଞ୍ଜା ଜୀସୁ ନନାଣି ଏଦାଆଁ ନେହ୍ କି ଆସା ମାନାମ୍ । ୧୪ ଆମିନି ନେହ୍ କାତାତି ଦାୟିପତି ମିଙ୍ଗେ ହାପକି ଆହାମାଞ୍ଜାନେ, ମା ତାଣା ବାସା କିହିମାନି ସୁଦୁଜୀସୁତି ବାଡ୍ଡୁୟୁ ତଲେ ଏ ବାରେତି ଜାତ୍ତୁ କିହା ଇଟାମ୍ ।

୧୫ ନାନୁ ପୁଞ୍ଜାମାଞ୍ଜି; ପୁଗେଲ ଅତ୍ତେ ହର୍ମଗେନା ତଲେ ଆସିୟାତି ବାରେ ଲକୁ ନାଙ୍ଗେ ପିସା ମାଞ୍ଜାନେରି । ୧୬ ଅନିସିପର କୁଟମିତି ପ୍ରବୁ କାର୍ମା ମେସପେସି, ଏନାଆଁତାକି ଇତିହ୍ ଏଞ୍ଜାରି ଅଲେ ଅଲେ ଖାହାନା ନା ବୁକୁ ହୁକହାତେରି, ଇତିହ୍ ନାନୁ କାୟିଦି ଇଲ୍ଲୁତା ମାଟିହ୍ ଜିକେଏ ଲାଜା ଆହାହିଲଅରି, ୧୭ ରମ୍ ଗାଡ୍ଡାତା ଏଜାଲିଏ ଏଞ୍ଜାସି ନାଙ୍ଗେ ପାରାନା ନା ତାଣା ଖାଡେତସି, ୧୮ ରାନି ଦିନାତା ଏନିକ୍ ମାହାପୁରୁ ତାଣାଟି କାର୍ମା ବେଟାଆନେସି, ଏଲେକ୍ ମାହାପୁରୁ ଏଞ୍ଜାଣାକି କାର୍ମା ଆଡ୍ଡେସି, ଅତ୍ତେ ଏଞ୍ଜାସି ଏପିସିୟ ଗାଡ୍ଡାତା ନାଙ୍ଗେ ଏନିକ୍ ସେବା କିହାମାଞ୍ଜାନେସି, ଏଦାଆଁ ନାନୁ ନେହ୍ କି ପୁଞ୍ଜାମାଞ୍ଜି ।

୨

କ୍ରୀସୁ ଜୀସୁତି ନେହ୍ ଜୁଜୁ କିନାସି

୧ ଏଦାଆଁତାକି ଏ ନା ଜୀସୁତି ମୀରୁଏଣାଟି, କ୍ରୀସୁ ଜୀସୁତଲେ ଆଣ୍ଡିତାକି ତାନି କାର୍ମାମେହ୍ନି ତାଣାଟି ଆମିନି ବାଡ୍ଡୁୟୁ ମେଡା ଆନେ ଏମାଆଁ ମୀରୁ ବାଡ୍ଡୁୟୁ ଗାଟାତେରି ଆଦୁ, ୨ ଅତ୍ତେ ହାରେକା ସାକିୟାଁ ନକିତା ଆମିନି ବାରେ କାତା ନା ତାଣାଟି ନାନୁ ଖେଞ୍ଜାମାଞ୍ଜି, ଅତ୍ତେ ଏମିନିଗାଟାରି ଏଟକା ଲକୁଣି ଜିକେଏ ଜାପୁହାଲି ଆଡ୍ଡିନାରି, ଏଲେତି ନାମ୍ପାଟାଟି ଲକୁ ନକିତା ଈ ବାରେ ହେରୁପାମ୍ ।

୩ ନାନୁ କ୍ରୀସୁ ଜୀସୁତି ର ନେହ୍ ଜୁଜୁ କିନାସି ଲେହେଁ ଏଞ୍ଜାଣି ତାକି କସୁ ଅରୁହାମ୍ । ୪ ଆମ୍ବାଆସି ଜୁଜୁକିନି କାମାତା ମାଞ୍ଜାନା, ଦାରିତିତି ଏଟକା କାମାତା ହେରୁପି ଆଅସି, ଏନିକ୍ ଏଞ୍ଜାସି ତାନି ମୁହେଁତି କାଜାଣାଲ୍ ରାହାଁ କିନେସି । ୫ ଅତ୍ତେ ଆମ୍ବାଆସି କାହୁ ତାକି ବାଡ୍ଡୁହାରା ଆନେସି, ଏଞ୍ଜାସି ମେରା ତଲେ କାହାଆସାରେ ଜାଣା ଆଅସି । ୬ ଆମିନି ତାସା କାମାକିନାସି ଖାହୁ ତଲେ କିନାସି, ଏଞ୍ଜାସି କାମାତି ମୁଲୁତି ବାଗା ବେଟାଆନାୟି ମାନେ । ୭ ନାନୁ ଏନାଆଁ ଖେସିମାଞ୍ଜାଲ୍, ଏଦାଆଁ ଅଣପାମ୍; ଇତିହ୍ ପ୍ରବୁ ନିଙ୍ଗେ ବାରେ ପୁଞ୍ଜାଲି ବୁଦି ହିୟାନେସି ।

୮ ନା, ତାଣାଟି ଖେସପିଆହାମାନି ନେହ୍ କାବୁ ଲେହେଁ ହାଡାରି ତାଣାଟି ନିଜ୍ଜିତାଣି ଅତ୍ତେ ଦାସୁଦ କୁଡାତା ଜାନି ଆହାମାନି ଜୀସୁ କ୍ରୀସୁଲ୍ ଅଣପାମ୍ । ୯ ଈ ନେହ୍ କାବୁତାକି ନାନୁ ଦହଟାଟି ଲକୁ ଲେହେଁ କାୟିଦି ଇଲ୍ଲୁତା ଦସ୍ପିଆନି ପାତେକା କସୁ ବେଟା ଆହିମାଲ୍; ସାମା ମାହାପୁରୁତି ବଲ୍ଲୁ ଦସ୍ପି ଆହା ହିଲେଏ । ୧୦ ଈଦାଆଁତାକି ମାହାପୁରୁ ଆଦାମାନି ଲକୁ ଜିକେଏ ଏନିକ୍ କାଲାକାଲାତି ଗାସୁରମି ତଲେ କ୍ରୀସୁ ଜୀସୁ ହାହାମାନି ଗେଲ୍ ଆନାଣି ବେଟାଆନେରି, ଏଦାଆଁତାକି ନାନୁ ଏଞ୍ଜାରି ତାକି ଈ ବାରେ ସାସାତଲେ କସୁ ଅରୁହିମାଲ୍ । ୧୧ ଈ କାତା ସାତା

“ମୀର କ୍ରୀସୁ ତଲେ ହାହାମାନାୟି,
ଅତ୍ତେ ଏଞ୍ଜାଣିତଲେ ଜିକେଏ ନୀତିନାୟି;
୧୨ ଅତ୍ତେ ମୀରୁ ସାସାଆସିଁ କସୁ ଅରୁହିନାୟି,
ଆତିହ୍ ଏଞ୍ଜାଣିତଲେ ଜିକେଏ ସାଲ୍ଲୁ କିନାୟି;
ମୀରୁ ଏଞ୍ଜାଣାଲ୍ ପୁଞ୍ଜାହିଲଅମି ଇନାୟି,
ଆତିହ୍ ଏଞ୍ଜାସି ଜିକେଏ ମାଙ୍ଗେ ପୁଞ୍ଜାହିଲଅଁ ଇଞ୍ଜାନେସି;
୧୩ ଏଚେତା ମୀରୁ ନାମାଆ ଗାଟାତାୟି ଆନାୟି,
ଆଡ୍ଡିଜିକେଏ ଏଞ୍ଜାସି ବାରେଚେଲା ଟିକାଣାତାସି,

☆ ୧:୧୧ ୧:୧୧ ୧ତମ ଶ୍ଳୋକ ୨:୭

ଇତିହାସ ଏହାସି ଜାହାରାଇଁ ଆଏ ଇଞ୍ଜାଲି ଆଡ଼ଅସି ।”

ନାମୁତି କାମାକିନାସି

୧୪ ନାନୁ ବାରେ ନାମୁ ଗାଗାରାଇଁ ଛ ବାରେ କାତା ମାହାପୁରୁ ଅଣ୍ଡି କିମ୍ବୁ, ସାହେରୁତି କାତା ଉଜେଏ ବାଦିବାଦା ଆନି ତାଣାଟି ଜାଗ୍ରାତା କିମ୍ବୁ, ଇଲେତି ବାଦିବାଦା ଆମ୍ବାଆରାଇଁ ନେହଁ କିଏ, ସାମା ଆମ୍ବାଆରି ଏମ୍ବାଆଁ ମନ ହାନେରି ଏହାରି ନାସା ଆନେରି । ୧୫ ସାତା ବଲୁ ଟିକାଣା ତଲେ ଲେମ୍ବାନା, ଆମିନି କାମାକିନାସି କାମାତା ଏନିକିଁ ଲାଜା ଆଅସି, ଏହାଣିଲେହେଁ ମାହାପୁରୁ ନକିତା ଜାହାରାଇଁ ତାୟିପାରିତା ଜୀଣା ଆହାମାନି ଲେହେଁ ତସାଲି ଜାତୁନୁ କିମ୍ବୁ । ୧୬ ସାମା ଲାଗେଏତି ଉଜେଏତି କାତାୟି ବାସଁ ଆନି ତାଣାଟି ହେକ ତୟାଦୁ; ଇତିହାସଁ ଆମ୍ବାଆରି ଏଲେତି କାମା କିନେରି, ଏହାରି ଲାଗେଏତି କାମାତା ହାରେକା ପାତା ଆନେରି, ୧୭ ଅଡ଼େ ଏହାରି କାତା ସୀରୁନି ଗାହଁ ଲେହେଁତାୟି; ଏହାରି ବିଦ୍ରାଟି ହୁମନାୟ, ଅଡ଼େ ପିଲିତ, ଛ ରିଆରି ମାନେରି । ୧୮ ଏହାରି ହାହାନା ଖେଣ୍ଡେ ନିଜିତାୟିଏ ଇଞ୍ଜିଁ ସାତାତି ପିସାମାନେରି, ଅଡ଼େ ଏତରଜାଣାଟି ତାମି ନାମୁତି ତାରି ମୁଠୁହି ମାନେରି । ୧୯ ଆଡ଼ିକିକେଏ, ମାହାପୁରୁ କେପିତି ପୁନାଦି ଆବୁଝା ଆହାନା ତୟାମାନେ, ଅଡ଼େ ଏ ହାଲିତା ଛ ବୁଟୁ ମୁଦା ଆହାମାନେ, “ପୁବୁ ତାନି ଲକୁଣି ପୁଞ୍ଜାମାନେସି” ଅଡ଼େ, “ଆମ୍ବାଆସି ପ୍ରବୁତି ଦରୁ ଆହନାସି, ଏହାସି ଲାଗେଏ ତାଣାଟି ହେକ ମାଣ୍ଡେସି ।”

୨୦ ର କାଜା ଇଜ ଖାରୁଇ ବାଂଗାରା ଖେଣ୍ଡିତି ତୁକା ମାଣ୍ଡି ମାନୁ, ଏଚେକା ଆଏ, ଅଡ଼େ ମାରୁକା ଇଞ୍ଜିଁ ଇରୁଆତି ତୁକା ମାଣ୍ଡି ଜିକେଏ ମାନୁ; କଚେକା ତୁକା ମାଣ୍ଡି କାଜା କାଜା କାମାତାକି ମାନୁ, ଅଡ଼େ କଚେକା ଉଜେଏ ଦିନା ଲେମ୍ବାଲି ତାକି ମାନୁ । ୨୧ ଇଦାଆଁତାକି ଆମ୍ବାଆସି ଏ ବାରେ ତାଣାଟି ଜାହାରାଇଁ ଅଡ଼ହା କତିନେସି, ଏହାସି ହେରୁପି ଆହାନା, ସାଞ୍ଜୁକାରି କାମାତା ପାଡ଼ାଆନେସି, ଏହାସି ବାରେ ନେହଁ କାମାତାକି ଆତା ଇଟାମାନି ମାନିଗାଟି ତୁକା ମାଣ୍ଡି ଲେହେଁ ଆନେସି । ୨୨ ସାମା ନାନୁ ଦାଂଗଣା ବେଲା ଲାଗେଏତି ଜୁପକାଟି ହେକ ଆମ୍ବୁ, ଆମ୍ବାଆରି ସୁଦୁ ହିୟି ତଲେ ପ୍ରବୁ ତାଣା ପ୍ରାତାନା କିନେରି, ଏହାରିତଲେ ଦାମ୍ବୁ, ନାମୁ, ଜୀଝୁ ନନାଣି, ଅଡ଼େ ହିଡ଼ଡ଼ି ଜୀଝୁ ଜେଚ ହାଲାମୁ । ୨୩ ବୁଦି ହିଲାଆ ମୁକୁଁ ଗାଗାରି ବାଦିବାଦା ଗଡ଼ହା କିନେ, ଇଦାଆଁ ପୁଞ୍ଜାମା ଏ ବାରେ ତାଣାଟି ହେକ ଆମ୍ବୁ । ୨୪ ମାହାପୁରୁତି ହଲେଏସି ଗଡ଼ହା କିନାୟି ନେହେଁ ଆଏ, ସାମା ବାରେଜାଣାଟି ହିଡ଼ଡ଼ି ହାଡ଼ା ଜାପୁନାସି, ଅଡ଼େ ଅରୁହିନାସି ଇଞ୍ଜିଁ ମା କପାଟି ନିଜିନି ଲକୁଣି ହିଡ଼ଡ଼ି ହାଡ଼ାତଲେ ଜାପୁନାସି ଆନାୟି ମାନେ, ୨୫ ଅଡ଼େ ଗଡ଼ହା ଗାଗାରାଇଁ ସୁଦୁ ସୁଖାଲା ତଲେ ଲେମ୍ବାନାସି ଆନାୟି ମାନେ, ଆତିହାସଁ ଏହାରି ସାତାତି ବୁଦି ପୁଞ୍ଜାଲି, ମାହାପୁରୁ ଏହାରାଇଁ ମନ ଖେଟ୍ଟିନି ଅଣ୍ଡାପୁ ହାନେସି, ୨୬ ଅଡ଼େ, ଆମିନି ସୟତାନ ଏହାରାଇଁ ତାନି ଅଣ୍ଡାପୁ ତଲେ କିହାଲି ଦସାପାନେ, ଏମ୍ବାଟି ଏହାରି ସେଡ଼ନା ଆହାନା ଏ ପାନ୍ଦାଟି ଗେଲ୍ପି ଆନେରି ।

୩

ରାନ୍ଦି ଦିନାତି କାତା

୧ ସାମା ଇଦାଆଁ ପୁଞ୍ଜାମାଞ୍ଜୁ, ରାନ୍ଦି ଦିନାତା ନାସା ଆନି ଦିନା ଖାନେ; ୨ ଇତିହାସଁ ଲକୁ ତାମୁ ଜାହାରାଇଁ ଅଣ୍ଡାପା କତିନେରି, ଦନ ଜୁପକା, ଜୀଝୁତା ବତପଣ, ଆଜ୍ଜାରା, ନିନ୍ଦା କିନେରି, ତାଲି ତାଞ୍ଜି କାତା ଆହାଅରି, ୩ ରାହଁ ଆଆଗାଟାରି, ଦାମ୍ବୁ ହିଲାଆ ଗାଟାରି, ଜୀଝୁ ନଆଗାଟାରି, ଆଣ୍ଡି ଆନାୟି ହିଲାଆ ଗାଟାରି, ଲାଗେଏ କାତା ଖେସାନା ଲକୁଣି ନାଡ଼ିକିନାରି, ଦେବୁଣିଏ କପା ଆନାରି, ବାଡ଼ୁୟୁ ତସାନା ଆଜି କିନାରି, ନେହଁ କାତାଟି ଅପାଆଗାଟାରି ଆନେରି; ୪ ଅଡ଼େ ଏହାରି ହୀରୁ ଦାଃଆନାରି, ତାୟୁ ଏଏକି ଅଣ୍ଡାପାଆ ଗାଟାରି, ବତପଣ ଗାଟାରି ଆନେରି, ଅଡ଼େ ମାହାପୁରୁ ଜୀଝୁ ନନାରି ଆଆନା ଦାବୁତିତି ରାହଁତି ଜୀଝୁ ନନାରି ଆନେରି; ୫ ଏହାରି ମାହାପୁରୁତି ଆଜିନି ମୋରା ଆହନେରି ସାମା ଏମ୍ବାଟି ବାଡ଼ୁୟୁତି ଆସାଲି କୁନେରି; ଇଲେତି ଲକୁ ତାଣାଟି ହେକ ମାନାମୁ । ୬ ଇତିହାସଁ ଇହାରି ତାଣା ଇଲେତି ଲକୁ ମାନେରି, ଏମିନିଗାଟାରି ଇଲୁକା ତାକି ଇଲୁକା ହଡ଼ିହାଁ ପାପୁତି ବଜୁତା ଅଡ଼େ ତାମି ମନୁତି ଜୁପକା ଗାଟି ଅଣ୍ଡାପୁ ତଲେ ତାକିନି ବୁଦି ହିଲାଆଗାଟି ଇୟାସିକାଣି ତାମି ତାଣା ଇତିନେରି; ୭ ଛ ଇୟାସିକା ବାଟେଏ ଜାପିମାଟି ଜିକେଏ, ଏଚେଲା ସାତାତି ପୁଞ୍ଜାଲି ଆଡ଼ାଉ । ୮ ଏନିକିଁ ଜନସି ଅଡ଼େ ଜାମ୍ବି ସ୍ୱ ମସା କପାଟି ନିଜାମାଚେରି, ଏଲେକିହାଁ ଏହାରି ଜିକେଏ ସାତାତି ଆଜିନେରି, ଏହାରି ତାୟୁଁ ଲାଗେଏ ଆହାମାନେ ଅଡ଼େ ଏହାରି ଦାମ୍ବୁତି ନାମୁ ଉଜେଏ ଆହାମାନେ । ୯ ସାମା ଏହାରି ଅଡ଼େ ହାରେକା ଆଗାଡ଼ା ହାଲଅରି;

ଇତିହାସ ଏ ରିଆରି ଏଞ୍ଜରି ବୁଦ୍ଧି ହିଲ୍ଲାଆଗାଟାରି ଇଞ୍ଜିର ଦିନା ବାରେଜାଣା ପୁନେରି, ଜନିସି ଅଡ଼େ ଜାମ୍ବି ପ ଜାସ୍ତୁତା ଏନାୟି ଗଟଞ୍ଜି ଆହାମାଟେ, ଏଞ୍ଜାରି ଜାସ୍ତୁତା ଏଦିଏ ଆନେ ।

ରାଜିବେଲ୍ଲାତି କାତା

୧୦ ସାମା ନାନୁ ନା ଜାପୁନାଣି, ମାଣ୍ଡକି, ନା ଅଣପୁ, ନା ନାନୁ, କସ୍ତୁ ଅରୁହିନାଣି, ଜାସ୍ତୁ ନନାଣି, ଅରୁହିନାୟି, ୧୧ ଏସାସ୍ତ୍ର ବେଟା ଆଡ଼ାଣି, ଦୁକୁ କସ୍ତୁ ବେଟା ଆଡ଼ାଣି, ଇ ବାରେ ଆସାମାଞ୍ଜି; ଆନ୍ତ୍ରିୟକିୟା, ଇକନିୟ, ଅଡ଼େ ଲୁସ୍ତାତା, ନା ତାକି ଏଲେକିହୁଏ ନିନ୍ଦା କସ୍ତୁ ଆହାମାଟେ; ଏଦାଆଁ ନାନୁ ଅରୁହା ମାଟେର୍ସ, ଅଡ଼େ ପ୍ରବୁ ନାଜେ ଏ ବାରେଟି ଗେଲ୍ପା ମାଞ୍ଜାତେସି । ୧୨ ସାତେଏ ଆମିନି ଗାଟାରି କ୍ରାସ୍ତୁ ଜାସ୍ତୁ ତାଣାଟି ଦାମ୍ବୁ ଜାସ୍ତୁ ନାତାଲି ଅଣପିନେରି, ଏଞ୍ଜାରି ନିନ୍ଦା ବେଟାଆନେରି । ୧୩ ସାମା ଲାଗେଏତି କାମାକିନାରି ଅଡ଼େ ନାଡ଼ିକିନାରି ନାଡ଼ି ଆହାନା ହାରେକା ଲାଗେଏତି କାମା କିନେରି । ୧୪ ସାମା ନାନୁ ଏନା ଏନାଆଁ ଜାପାମାଞ୍ଜି, ଅଡ଼େ ଆମିନି କାତା ବାରେ ସାତେଏ ନାମାମାଞ୍ଜି, ଏ ବାରେ ତାଣା ତାରିତଲେ ମାନାମ୍ବୁ, ଇତିହାସ ନାନୁ ପୁଞ୍ଜିମାଞ୍ଜି, ଆମିନି ଗାଟାରି ତାଣାଟି ଏ ବାରେ ଜାପାମାଞ୍ଜି; ୧୫ ଅଡ଼େ ଆମିନି ଦାମ୍ବୁ ସାସ୍ତ୍ରୁରି କ୍ରାସ୍ତୁ ଜାସ୍ତୁ ତାଣା ନାମ୍ବୁଟି ନିଜେ ଗେଲ୍ପିକିନି ବୁଦ୍ଧି ହିୟାଲି ଆଡ଼ାନେ, ଏଦାଆଁ ନାନୁ ଉଣା ଝେଡ଼ାଟିଏ ପୁଞ୍ଜାମାଞ୍ଜି । ୧୬ ବାରେ ଦାମ୍ବୁ ସାସ୍ତ୍ରୁରିତା ରାସ୍ତୁକି ଆହାମାନି ବାରେ ବଲୁ ମାହାପୁରୁ ଜଲ୍ଲିତାୟି, ଅଡ଼େ ଜାପୁନାୟି, ଲାଗିନାୟି, ତାରିକିନାୟି, ଅଡ଼େ ଦାମ୍ବୁତା ନାତାଲି ସାୟେମି କିନାୟି, ୧୭ ଏନିକି ମାହାପୁରୁତି ଲକୁ ତାବପୁ ଆହାନା ବାରେ ନେହୁ କାମାତା ଜଟେ ଗାଟାରି ଆନେରି ।

୪

୧ ନାନୁ ମାହାପୁରୁ ନକିତା, ଅଡ଼େ ଆମିନି କ୍ରାସ୍ତୁ ହାଡ଼ାରାଇଁ ଇଞ୍ଜା ନାତାମାନାରାଇଁ ନୀହାୟି କିହାଲି ହାଜିମାନେସି, ତାନି ଝେଣ୍ଡେ ଖାନାଣି ଅଡ଼େ ରାଜିତି ମାନି କିହାନା ହୁକୁମି ହାହିମାଞ୍ଜାଇଁ, ୨ ମାହାପୁରୁ ବଲୁ ଝେକମ୍ବୁ ନେହୁ ବେଲ୍ଲାତା କି ଲାଗେଏତି ବେଲ୍ଲାତା ବଲୁ ଝେକହାଲି ତିୟାରେ ଆହା ମାନାମ୍ବୁ, ନାନୁ ବାରେ କସ୍ତୁ ଅରୁହାନା ଜାପୁହିହୁ ଲାଗାମ୍ବୁ, ଅଡ଼େ ଦାକା ହାହାନା ସାସା ବାସୁ ହାମ୍ବୁ । ୩ ଇତିହାସ ଦିନା ଖାଟେନ, ଏତିବେଲ୍ଲା ଲକୁ ନେହୁ ଜାପୁନାଣି ଝେଞ୍ଜାଲି ଅପଅରି, ସାମା ତାନି କାକା ତାକି ସୁଦୁ ସୁଞ୍ଜାଲ୍ଲା ହାଡ଼ା ଝେଞ୍ଜାଲି ମନ୍ ହାନେରି ଇଞ୍ଜା କାତା ଜୁପକାତାକି ଲାଗେଏତାଣି ଜାପୁନାରାଇଁ କୁଡ଼ି କିନେରି । ୪ ଅଡ଼େ ସାତା କାତାଟି ଝେଞ୍ଜାଲି କୁହାନା ଅଣପାନା ଝେହ୍ନି ପୁସ୍ପନିକାଣି ମନ୍ ହାନେରି । ୫ ସାମା ନାନୁ ବାରେ ତାଣା ସେଡନା ଆମ୍ବୁ, କସ୍ତୁତି ଅରୁହାମ୍ବୁ, ମାହାପୁରୁତି ନେହୁ କାତୁ ଝେକମ୍ବୁ କାମା ପୁରା କିମ୍ବୁ ଅଡ଼େ ନୀ ସେବା କାମା ରାପମ୍ବୁ ।

୬ ଇତିହାସ ନୀର୍ସ ଜିକେଏ ନା ଜାସ୍ତୁ ଗସାଲି ତାକି ଖାକ୍‌ହିମାନି ଲେହେଁ ହେରୁପି ଆହିମାନେ, ନା ହାନି ଦିନା ଏଗାଞ୍ଜାଟେୟିଏ । ୭ ନାନୁ ନେହୁ ଜୁଜୁତା ଜାସ୍ତୁ ତୁସାନା ଜୁଜୁ କିହିମାଇଁ, ନାଜେତାକି କେପାମାନି ପାହେରି ରାଝେତାକି ହଟାମାଇଁ, ନାନୁ ନାମ୍ବୁଟି ଜାଣେ ଆସାମାଇଁ; ୮ ନାଜେତାକି ଦାମ୍ବୁଟି ଟପେରି ଇଟକି ଆହାମାନେ, ଏଦାଆଁ ଏ କାଜା ନୀହାୟି ଦିନାତା ନୀହାୟି କିନି ପ୍ରବୁ ନାଜେ ହିୟାନେସି, ଖାଟକ ନାଜେ ଆଏ, ତାନି ଝେଣ୍ଡା ଖାନାଣି ନେହୁ ମନ୍ତଲେ କାଟାମାନି ବାରେଜାଣା ତାକି ଜାସ୍ତୁନହାଁନା ହାନେସି ।

ତାନି କାତା ଝେହ୍ନାୟି

୯ ତବେ ନା ତାଣା ଖାହାଲି ଜାଗ୍ରାତା ଆମ୍ବୁ; ୧୦ ଇତିହାସ ଦିମା ନାଜେ ପିସାହାଁ ନୀର୍ସତି ଦାରୁତିତି ଜାସ୍ତୁନହାଁନା ତେସଲନିକିତା ହାଜାମାନେସି, କ୍ରେସକେନସ୍ ଗାଲ୍ଲାତିୟାତା ଅଡ଼େ ତିତସ ଦଲମତିୟାତା ହାଜାମାନେରି । ୧୧ ଅଡ଼େ ଲୁକ ରଅସିଏ ନା ତଲେ ମାନେସି । ମାକିଇଁ ନୀ ତଲେ ତାଟିହୁ ଖାମ୍ବୁ, ଇତିହାସ ନା ସେବା କାମାତା ସାୟେମି କିୟାନେସି । ୧୨ ନାନୁ ତୁକିକଇଁ ଏପିସିୟତା ପାଣ୍ଡା ମାଇଁ । ୧୩ ଅତୁୟାତା କାର୍ପ ତାଣା ଆମିନି ରସିମି ସକା ପିସା ଖାହାମାଇଁ, ନାନୁ ଖାନାଟି ସକା ଅଡ଼େ ପତିୟାଁ ବାରେକିହାଁ ତଲୁ ପତିୟାଁ ତାଟିହୁ ଖାମ୍ବୁ ।

୧୩:୧୧ ୩:୧୧ କାମା ୧୩:୧୪-୫୨; କାମା ୧୪:୧-୭; କାମା ୧୪:୮-୨୦ ୪:୧୦ ୪:୧୦ କଲସି ୪:୧୪; ପିଲିମ ୧:୨୪; ୨କର୍ ୮:୨୩; ଗାଲ ୨:୩; ତିତସ ୧:୪ ୪:୧୧ ୪:୧୧ କଲସି ୪:୧୪; ପିଲିମ ୧:୨୪; କାମା ୧୨:୧୨,୨୫; ୧୫:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪ ୪:୧୨ ୪:୧୨ କାମା ୨୦:୪; ଏପିସି ୭:୧୧,୨୨; କଲସି ୪:୭,୮ ୪:୧୩ ୪:୧୩ କାମା ୨୦:୬

^{୧୪} ଯଦି ତାହା ବେବାରାଗାତି ଆଲୋକଜାଣାର ନାଜେ ହାରେକା କସ୍ତ ହାହାମାଞ୍ଜାନେସି; ପ୍ରଭୁ ଏଞ୍ଜାଣାଇଁ ତାକୁ କିତି କାମା ଲେହେଁ ପାଡ଼େୟି ହାନେସି; ^{୧୫} ନୀନୁ ଜିକେଏ ଏଞ୍ଜାଣି ତାହାଟି ଜାଗ୍ରାତା ଆହା ମାନାମୁ, ଇତିହେଁ ଏଞ୍ଜାସି ମାରୁ ଝେକ୍‌ନି କାତା କପାଟି ନିଜମାନା କାହିଁ କିହିମାଞ୍ଜାତେସି ।

^{୧୬} ତଲି ମୁଲୁ ନାଜେ ନୀହାୟି କିୟାତାଟି ଆମ୍ବାଆରି ନା ଝାକିଟି ଆଆତେରି, ସାମା ବାରେଜାଣା ନାଜେ ପିସ୍ତାତେରି, ଏଦାଆଁ ମାହାପୁରୁ ଏଞ୍ଜାରି କପାଟି ଦହ କିଆପେସି । ^{୧୭} ସାମା ପ୍ରଭୁ ନା ତଲେ ମାଞ୍ଜାନା ନାଜେ ବାଡ଼ୁୟି କିୟାତେସି, ଅଡ଼େ ନାନୁ ସିହଁକ୍ଷାଠନି ଗୁଡ଼ିଟି ଗେଲ୍‌ପିଆଡେସି, ଏନିକେଁ ନା ତାହାଟି ନେହେଁ କାରୁ ବାରେ ତାଣା ଝେଜିନେ ଅଡ଼େ ଜୀହୁଦିଆଆତି ଲକୁ ବାରେଜାଣା ଏଦାଆଁ ଝେଞ୍ଜାଲି ଆଡ଼ିନେରି; ^{୧୮} ପ୍ରଭୁ ନାଜେ ବାରେ ଲାଗେଏ କାମାଟି ଗେଲ୍‌ପାନେସି, ଅଡ଼େ ନାଜେ ଗେଲ୍‌ପାନା ତାନି ଲାକପୁରୁ ରାଜିତା ଅୟାନେସି; ଏଞ୍ଜାଣି ଗାଞ୍ଜୁରମି କାଲାକାଲା ତାକି ଆପେ ! ଆମେନ୍ ।

ରାନିବେଲାତି ଜହରା

^{୧୯} ଯଦି ସିଲିଲି ଅଡ଼େ ଆକ୍‌ଞ୍ଜିଲା ଇଞ୍ଜା ଅନିସିପର ଇଲୁ କୁଟମିକି ନା ଜହରା ଝେହ୍‌ମୁ । ^{୨୦} ଏରାସ୍ତ କରନ୍ତି ଗାଡ଼ାତା ତୟା ମାନେସି, ସାମା ତ୍ରପିମ ଆଡ଼ିହିଲିଆକି ନାନୁ ଏଞ୍ଜାଣାଇଁ ମିଲିତତା ପିସା ଝାଡେସି । ^{୨୧} ନାନୁ ପେନିବେଲା ଝାଆ ନକେଏ ଝାଡ଼ିହେଁ ନେହେଁ ଆଡେମା । ଇୟୁରୁଲ, ପୁବେନସ, ଲିନ, କ୍ଲାଞ୍ଜୁଦିୟା, ଅଡ଼େ ବାରେ କ୍ରୀସ୍ତାନା ତାୟିୟା ନିଜେ ଜହରା ଝେସିମାଞ୍ଜାନେରି । ^{୨୨} ପ୍ରଭୁ ନୀ ଜାଞ୍ଜୁତା ମାଣ୍‌ସେସି, ମାହାପୁରୁତି କାର୍ନାମେହ୍‌ନାୟି ମୀ ବାରେତାକି ଆୟାପେ ।

☆ ୪:୧୪ ୪:୧୪ ୧ତମ ୧:୨୦; ରମି ୨:୬ ☆ ୪:୧୯ ୪:୧୯ କାମା ୧୮:୨; ୨ତମ ୧:୧୬, ୧୭ ☆ ୪:୨୦ ୪:୨୦ କାମା ୧୯:୨୨; ରମି ୧୭:୨୩; କାମା ୨୦:୪; ୨୧:୨୯

ତୀତସକ ନିକଟକୁ ପାଉଲକ ପତ୍ର ତିତସ ତାଣ୍ଡା ପାଞ୍ଚୁଲ ରାଢ଼ାମାନି ଆକୁ ମୁଲୁ ହାଡ଼ା

ପାଞ୍ଚୁଲକି ସାରିଗଟା ଆକୁ ବିତ୍ରା ତିତସ ଆକୁ କୁଲମି ପିସପେ ର ମାଣସିତି ଖେସିମାନେ, ଏଟକାତି ତାନିଗଟା ଆହୁମାନୁ, ତିମତି ମୁଲୁ ଆକୁ, ତିମତି ରା ଲମ୍ବର ଆକୁ ଅଡେ ପିଲିମନ । ଇ ଆକୁ କ୍ରୀସ୍ତ ଜାର୍ନାଆତି ୬୩ ଟିଏ ୬୫ ବିତ୍ରା ରାସକି ଆହାମାନେ ।

ତିତସ ଏଟକା କୁଡ଼ାତାସି ଆହାନା କ୍ରୀସ୍ତାନା ଆହାମାତି ର ଦାଂଗଣେଏସି ମାତେସି, ଏଞ୍ଜାସି ମାହାପୁରୁ କାତା ଖେହନି ପାଞ୍ଚୁଲ ତଲେତାସି । କ୍ରିତିତା ମାନି ମାହାପୁରୁ କୁଲମି ସାଲୁଖି କିହାଲି ପାଞ୍ଚୁଲ ଏଞ୍ଜାଣାଇଁ ଏମ୍ବାଆଁ ପିସାନା ଇ ଆକୁ ପାଣ୍ଡାମା ତାନିଗଟା ନେହୁଁକ ଅଣ୍ପାଲି ରାଡ଼ିମାନେସି । ର କାତା ଇଦି କ୍ରିତିତା ମାନାରି ବିତ୍ରାଟି ହାରେକା ଲକୁ ଲାଗେଏ ପଲେଏ ଅଣ୍ପୁ ଗାଟାରି ମାଟାକି ଏନିଲେହେତି ଅଣ୍ପୁ ଗାଟାରେଇଁ କୁଲମିତି କାଜାରି କିହାନା ଇତିନାୟି ମାନେ । ଅର କାତା ଇଦି ବୁଡ଼ହାୟିଇଁ, ବୁଡ଼ହସିକାଣି, ଡ଼ାଆସିକାଣି, ଦାଂଗଣାୟିଣି, ହଲିୟାକାଣି ଏନିକ ଗତି ଗତି କିହାନା ଜାପୁହାଲି ଆନେ । ତାୟୁତି କାତା ଇଦି କ୍ରୀସ୍ତାନା ଆହାମାନାରି ଏନିକ ନୀତିନାୟି ମାନେ । ଏଞ୍ଜାରି ଜୀସୁ ନନାରି ଅଡେ ସୁଦୁଗାଟାରି ଆପେରି, ଲାଗେଏତି କାତାୟି ପିସପେରି, ଗଡ଼ହା କିଞ୍ଚି କିହାନା କୁଲମିତି ଗତି ଗତି କିଆପେରି ।

ପତିତା ମାନାୟି

- ୧. କୁଲମିତା ଦାମୁଗାଟାରେଇଁ ଆଡ଼ାଲି ଖେହନାୟି । ୧:୧-୧୬
- ୨. ଦାମୁ ଜୀସୁତଲେ ନୀତାଲି ଅଡେ ଜାପୁହାଲି ଖେହନାୟି । ୨:୧-୩:୧୧
- ୩. ତାୟୁତି କାତା ଅଡେ ଜହରା ତଲେ ଆକୁତି ରାପୁନାୟି । ୩:୧୨-୧୫

୧ ପାଞ୍ଚୁଲ, ମାହାପୁରୁତି ହଲେଏଣାତେଏଁ ଇଞ୍ଜା ଜୀସୁ କ୍ରୀସ୍ତ ତାଣ୍ଡାଟି ପାଣ୍ଡୁଖି ଆହାମାନାତେଏଁ ।

ମାହାପୁରୁ ଆଡ଼ାମାନି ଲକୁତି ନାମୁ ପାତିକିହାଲି ଅଡେ କାଲାକାଲାତି ଜୀସୁ ମୋଡ଼ାଆନି ଆସାତି ଦାମୁତି ନାମୁତା ସାତାତି ଜାଗ୍ରାତା କିହାଲିତାକି ନାମୁ ପାଣ୍ଡୁଖି ଆହାମାଇଁ । ୨ କାଲାକାଲାତି ଜୀସୁତି ଆସା ହାହାଲିତାକି, ଏମିନି ମାହାପୁରୁ ଆଞ୍ଜାମାତେସି, ଏଞ୍ଜାସି ଏତେଲା ମିତି ଜଲାଆଗାଟାସି । ୩ ଏ କାଲାକାଲାତି ଜୀସୁ ସାତା ମାହାପୁରୁ, ହାରେକା କାଲା ନଟେଏ ଆଞ୍ଜାନା ସମାନା ବେଲାତା ତାନି ବଲୁ ଖେକନି ତାଣ୍ଡାଟି ତସାମାନେସି; ଏ ବଲୁ ଖେକନି ବଲୁ ମା ଗେଲ୍ପାନି ମାହାପୁରୁ ହୁକୁମି ତଲେ ନା ତାଣ୍ଡା ହେରୁପି ଆହାମାଞ୍ଜାନେ ।

୪ ନା ସମାନା ନାମିତାସି ଅଡେ ନାମୁତା ନା ଜୀସୁତି ମାଟ୍‌ଏସି ତିତସ ତାଣ୍ଡା ଇ ଆକୁ ରାଡ଼ିମାଇଁ । ଆଡ଼ା ମାହାପୁରୁ ଅଡେ ମାଜେ ଗେଲ୍ପାନି କ୍ରୀସ୍ତ ଜୀସୁ ମିଜେ କାର୍ମା ଅଡେ ହିଡ଼ଡ଼ି ହିୟାପେସି ।

କ୍ରିତିତା ତିତସ କାମା କିନାୟି

୫ ନାମୁ ଖେସ୍ତାତିଲେହେଁ ରାଆତି କାମାଟି ରାପୁହାଲି ତାକି, ଅଡେ ବାରେ ଗାଡ଼ାତା ପ୍ରାଚିନାକାଣି କାମା ହେରୁପାଲି ତାକି ନାମୁ କ୍ରିତିତା ନିଜେ ପିସା ଖାୟାତେଏଁ; ୬ ଆମ୍ବାଆସି ଦହ ହିଲାଆଗାଟାସି, ରଣ୍ଡିଏ ତକ୍ରିନି* ତକ୍ରି, ଆମ୍ବାଆରି ମୀରୁକା ମାସକା ନାମିତାରି, ଅଡେ ଲାଗେଏ ପଲେଏତି କାମା କିଅରିକି ମାନୁଖି ଆଆଗାଟି କାମା କିଅରି ଏଞ୍ଜାରେଇଁ ଆଡ଼ାହାଁ ପ୍ରାଚିନା କିମ୍ । ୭ ଇତିହୁଁ କାଜାସି, ମାହାପୁରୁତି ଗୁମୁସା ଆହାଁ ଦହ ହିଲାଆଗାଟାସି ଆନାୟି ମାନେ; ଏଞ୍ଜାସି ଜାହାରା ମନତଲେ କିନାସି କି ଦେବୁଣିଏ କାରବି ନାନାସି କି କାଡ଼ ଗୁହନାସି କି ଗଡ଼ହା କିନାସି କି ଦନ ଜୁପକା ଗାଟାସି ଆଆନା, ୮ ଏଞ୍ଜାସି ଗଡ଼ାୟିଣି ଆକ୍ରା କିନାସି, ଏନାୟି ନେହାୟି ଏଡ଼ାଆଁ ଜୀସୁ ନନାସି, ଜାହାରେଇଁ ଲକ୍‌ନାସି, ଦାମୁଗାଟାସି, ସୁଦୁଗାଟାସି, ଇଞ୍ଜା ମୋରା ମାନୁଖି ଆନାସି ଆପେସି । ୯ ଅଡେ ଏନିକ ଏଞ୍ଜାସି ଲକୁତାକି ନେହାଁଣି ଜାପୁହାନା ରାହାଁ ହାହାଲି ଇଞ୍ଜା ମାହାପୁରୁ କାତା କପାଟି ଖେହନାରେଇଁ ଲାଗାଲି ଆଡ଼ିନେସି, ଇଦାଆଁତାକି ଜାପାମାନି ନାମିନି ବଲୁ ଜାଣେ ଆସାଁ ମାଞ୍ଜୁ ।

* ୧:୫ ୧:୪ ୧କର ୮:୨୩; ଗାଲା ୨:୩; ୨ତିମ ୪:୧୦ * ୧:୬ ୧:୬ ୧ତିମ ୩:୨-୬ * ୧:୬ ୧:୬ ରଣ୍ଡିଏ ବାହା ତକ୍ରି

୧୦ ଇତିହାସ ହାରେକା ନାମାଆଗାତି ଲକ୍ଷ୍ମୀ, ଉଦ୍ଦେଶ୍ୟତ କାତାତଲେ ନାଡ଼ିକିନାରି ମାନେରି, ହାରେକା ଜୀହୁଦି କ୍ରୀଷ୍ଟୀନା ଲକ୍ଷ୍ମୀ ବିଦ୍ରାତି ମାନେରି । ୧୧ ଲାଗେଏତି କାତାତି ଏଞ୍ଜାରି ଗୁଡ଼ି ମୁଦା କିନାୟିମାନେ, ଏନାଆଁତାକି ଇତିହାସ ଏଞ୍ଜାରି ଦନ ଜୁପକାତାକି ଲାଗେଏତି କାତା ଜାପୁହିହାସ ର.ର.ଇଲୁ କୁଟମିତି ମାହାପୁରୁ ଜିରୁ ବାଣି କିନେରି । ୧୨ ଏଞ୍ଜାରି ବିଦ୍ରାତି ରଥସି ଏଞ୍ଜାରି ମାହାପୁରୁ ଅଣ୍ଟପୁଡ଼ି ବଲୁ ଖେହନାସି ଏଲେ ଇଞ୍ଜାମାନେସି, କ୍ରୁତିତା ବାସା ଆହାମାନାରି ବାରେବେଲା ମିତି ଖେହନାରି, ଜନ୍ମ ସମାନା ଅଡ଼େ ନିସ୍ତା ଇଞ୍ଜା ଚିଶ୍ଟିକାଞ୍ଜୁୟା । ୧୩ ଇ କାତା ସାତା । ଏଦାଆଁତାକି ଏଞ୍ଜାରାଇଁ ଗାତି ଦାକା ହାହାଁ ଲାଗାମୁ, ଏନିକ୍ ଏଞ୍ଜାରି ନାମୁତା ପାତା ଆନେରି । ୧୪ ସାତାତି ପିସାମାନି ଲକ୍ଷ୍ମୀତି ମେରା, ଜୀହୁଦି ଲକ୍ଷ୍ମୀତି କହୁୟା, ମନ ହାଅରି ଏଦାଆଁତାକି ଏଞ୍ଜାରାଇଁ ଜାପୁମୁ । ୧୫ ଅବୁହି ଆତି ଲକ୍ଷ୍ମୀତାକି ବାରେଏ ଅତିନେ, ସାମା ପଲୁଆ ଗାଟାରାକି, ମାହାପୁରୁଇଁ ନାମାଆ ଗାଟାରାକି ଏନାୟି ଜିକେଏ ଅଡେଏ, ଇତିହାସ ଏଞ୍ଜାରି ମନ ଅଡ଼େ ଅଣ୍ଟପୁ ବାରେ ପଲୁଆଗାଟାୟି । ୧୬ ଏଞ୍ଜାରି ମାହାପୁରୁଇଁ ପୁଞ୍ଜାମାନମି ଇଞ୍ଜା ଜଲିନେରି, ସାମା ଏଞ୍ଜାରି କାମା ତଲେ ମାହାପୁରୁଇଁ ପୁନାଆତି ଲେହେଁ ଆନେରି, ଏଞ୍ଜାରି ଅପାଆଗାଟାରି, ଅଡ଼େ କାତା ଆହୁଆଗାଟାରି ବାରେ ନେହ କାମାତା ପାତାଆଅରି ।

୨

ନେହ କାମୁ ଜାପୁନାୟି

୧ ମା. ଦାମୁତି କାତାୟା ନେହ କାମୁ ଜାପୁମୁ । ୨ ବୁଡ଼ହା ଆବାୟାଁଇଁ ତଣେ ଆୟାଲି, ନେହ ଅଣ୍ଟପୁ, ନେହ ବୁଦି, ଅଡ଼େ ନାମୁ, ଜୀହୁନନାୟି, ଇଞ୍ଜା ଅରୁହିନି ତାଣା ବାଡ଼ୁୟା ଆୟାଲି; ୩ ଅଡ଼େ ବୁଡ଼ହା ଇୟାସିକାଣି ଜିକେଏ ଏଲେକିହ ଏ ସାକ୍ତି ଗାଟାଇ ଇଞ୍ଜା କାତୁ ଗୁହନାଇ ଆଆନା ସୁଦୁଜୀଞ୍ଜୁ ତଲେ ନୀତାନା ନେହ କାତା ଜାପୁହାଲି ବାତିମାଲିହା ଖେହମୁ; ୪ ଏଦାଆଁତାକି ତାଆ ଆୟାସିକା ତାମି ତକ୍ରାୟାଣି, ମୀରକା ମାୟକାଣି ଜୀହୁ ନହାଁ, ୫ ଜାହାରାଇଁ ସାପି ଆୟାଲି, ଅବୁହା କତାନା, ଇଲୁଡି ନେହ କାମୁ ଲେୟାଲି, ନେହ ଗୁଣ୍ଡୁ, ଇଞ୍ଜା ଜାହାରା ତକ୍ରାୟାଁ କାତା ମାନୁଡ଼ି ଆୟାଲି, ଜାପୁମୁ, ଏନିକ୍ ମାହାପୁରୁତି ବଲୁ ନିନ୍ଦାଆଏ ।

୬ ଏଲେକିହ ଏ ଦାଗଣାୟାଣି ବାରେ କାତାତା ନେହ ବୁଦି ଆହାଲି ରାହାଁ କିଞ୍ଜି କିମୁ; ୭ ନୀ ବାରେ ମାଣ୍ଡକିତା ସାତା କାମାତି ନେହ ଗୁଣ୍ଡୁ ତହୁମୁ, ଜାପୁନି ତାଣା ଆବୁଞ୍ଜା ଅଡ଼େ ମାନିଗାଟି ମାଣ୍ଡସି ଆହାନା ନେହ ହାତା ତଲେ ଖେହମୁ । ୮ ଏନିକ୍ ମିଜେ ଲାଗେଏ କିହାଲି ଅଣ୍ଟପିମାନି ଲକ୍ଷ୍ମୀ ମିଜେ ଖେଣ୍ଡେ ଖେୟାଲି ଆତାଆନା ଲାଜା ବେଟାଆନେରି ।

୯ ହଲିୟାଜା ତାମି ସାଞ୍ଜୁକାରି କାତା ମାନୁଡ଼ି ଆହା ତୟାପେରି, ଅଡ଼େ ବାରେ କାମାତା ସାଞ୍ଜୁକାରିଇଁ ରାହାଁ କିନାରି ଆପେରି, ଏଞ୍ଜାରି ଖେଣ୍ଡେ ଜଲ୍ଲାଆପେରି, ୧୦ ଏନାଆଁ ସରୁ କିଆନା ନେହ ନାମୁତଲେ ଚିକାଣା କାମା ତସ୍ପାରି, ଆତିହାସ ମାଜେ ଗେଲ୍ପାନି ମାହାପୁରୁତି ଦାମୁ ଜାପୁନାଣି ନେହାୟି ଇଞ୍ଜା ଖେଜି କିନେରି ।

୧୧ ଇତିହାସ ବାରେ ମାଣ୍ଡସି କୁଡ଼ାଇଁ ଗେଲ୍ପାଲି ମାହାପୁରୁତି କାର୍ମାମେହନାଣି ତସାମାନେସି, ୧୨ ଅଡ଼େ ମାର ଏନିକ୍ ଲାଗେଏତି ଦାମୁ, ଦାରୁତିତ ଜୁପକା ପିସାନା ଇ ନୀଏତି ଜୁଗୁତା ନେହ ବୁଦି, ଦାମୁ ଅଡ଼େ ମାହାପୁରୁତି ଆଜିତଲେ ନୀତିନ, ୧୩ ଅଡ଼େ ଏ ରାହାଁତି ବାସୁ ମା କାଜା ମାହାପୁରୁ ଗେଲ୍ପାନି କ୍ରୀସ୍ତ ଜୀସୁତି ଗାଞ୍ଜୁରମି ତଞ୍ଜାଆନାଣି କାଡ଼ିହା ତୟନ, ଇଦାଆଁତାକି ମାଜେ ଜାପୁହି ମାଞ୍ଜାନେ । ୧୪ ଏ କ୍ରୀସ୍ତ ଜୀସୁ ମା ବାରେ ଲାଗେଏ ପଲେଏ ତାଣାଟି ଗେଲ୍ପି କିୟାଲି ଅଡ଼େ ତାଜେତାକି ସାତା କାମାତାକି ରାହାଁତି ତାନି ଲକ୍ଷ୍ମୀ ଲେହେଁ ଅବୁହାଲି ତାନୁଏ ମା ତାକି ହେରୁପି ଆଡେସି ।

୧୫ ଇ ବାରେ କାତା ଜଲିହାସ ବାରେ ଅଦିକାରା ତଲେ ସାସା ହୀମୁ, ଅଡ଼େ ଦାକା ହୀମୁ । ଏନିକ୍ ଆଦାଆରି ନିଜେ ହୀଣି କିୟାଆପେରି ।

୩

କ୍ରୀଷ୍ଟୀନା ଲକ୍ଷ୍ମୀ କାମା ଇଞ୍ଜା ଗୁଣ୍ଡୁ

୧ ଦେସାତି ସାଲ୍ପି କିନାରି ଅଦିକାରା ବେଟାଆହା ମାନାରି ତୁଇ ମାଞ୍ଜାନା, ଏଞ୍ଜାରାଇଁ ମାନି କିହାନା, ଅଡ଼େ ବାରେ ନେହ କାମା କିହାଲି ଜାଗ୍ରାତା ଆଦୁ, ୨ ଆଦାଆରାଇଁ ନିନ୍ଦା କିଆନା, ଆଦାଆରି କପାଟି କାମା କିଆନା, ବାରେ ଲକ୍ଷ୍ମୀ ନକିତା ଉଣା ଆହାଲି, ସୁଦୁ ସୁଞ୍ଜାଲା ତସାଲି ବାରେ ଲକ୍ଷ୍ମୀ ନକିତା ଅଣ୍ଟପି

* ୨:୧୪ ୨:୧୪ ୧ପିତ ୨:୧

କିମ୍ପୁ । ^୩ ଇତିହାସଂ ମାରୁ ଜିକେଏ ନକେଏ ବୁଦିହିଲିଆ ଗାଗାତାୟି, କାତା ଆହୁଆ ଗାଗାତାୟି, ଲାଗେଏତି ଜିରୁଟି ହାଜିମାତାୟି, ଏନି ଏନି ଜୁପକା ଅଡେତ୍ ସୁକୁ ବୁକୁତି ହଲିୟା ମାଗାୟି, ତାହାରା ଅଡେତ୍ ତାହାରା ତଲେ ମାଗାୟି ଇଞ୍ଜା ଅପୁଞ୍ଜି ଆଆଗାଟି ଲକୁ ଆହା ଅପୁଞ୍ଜି ଆହି ହିଲିଆତାୟି । ^୪ ସାମା ଏତିବେଲା ମାଙ୍ଗେ ଗେଲପାନି ମାହାପୁରୁତି କାର୍ମା ଅଡେତ୍ ମାଣସି ଜାଡି ତାକି ତାନି ଜୀଞ୍ଜନନ୍ଦାୟି ତଞ୍ଜାଆଡେତ୍, ^୫ ଏତିବେଲା ଏଞ୍ଜାସି ମା କିତି ଦାମ୍ବୁ କାମାତାକି ଆଏ, ସାମା ତାନି କାର୍ମାତଲେ ପୁଞ୍ଜି ଜୀନୀତି ଏମୁତଲେ ନରହାନା, ତାନି ସୁଦୁଜୀଞ୍ଜୁ ତଲେ ପୁଞ୍ଜି ଗାଡିକିହାଁ ଗେଲପାମାଞ୍ଜାନେସି, ^୬ ଏ ନେହାଁ ଜୀଞ୍ଜୁତି ମାଙ୍ଗେ ଗେଲପାନି ଜୀସୁ କ୍ରୀସ୍ତ ତାଣାଟି ହାଡେପୁରେ ମା ଲାକ ହାୟାତେସି, ^୭ ଏନିକାଁ ମାରୁ ତାନି କାର୍ମାମେହନାଣି ତଲେ ଦାମ୍ବୁ ଗାଗାତାୟି ଆହାନା ବାସୁଁ ତଲେ କାଲିକାଲିତି ଜୀଞ୍ଜୁତି ଅଦିକାରା ଆନାୟି । ^୮ ଇ କାତା ସାତା ଆନେ । ଅଡେତ୍ ଏନିକାଁ ମାହାପୁରୁଇଁ ନାମିନାରି ବାରେ ନେହାଁ କାମାତି ଅଣ୍ଡପିହାଁ କିନେରି, ଏଦାଆଁତାକି ଇ ବାରେ ଜାଣେତଲେ ଜାପୁମୁ ଇଞ୍ଜା ନା ଅଣ୍ଡପୁ, ଇ ବାରେ ଲକୁତାକି ନେହାୟି ଇଞ୍ଜା ଅଜିତାୟି । ^୯ ସାମା ଲେନିପନିଏ ବାଦିବାଦା କାତା ଜଲିନି ତାଣାଟି, ଆକୁ ଆବାୟାଁ ଦରୁକା ତାକି, ଗଡହା ଅଡେତ୍ ମେରାତାକି ଗଡହାଟି ହେକ ମାନାମୁ, ଇତିହାସଂ ଏ ବାରେ ଲାବା ହିଲିଆ ଉଜେଏତାଲ । ^{୧୦} ଜିରୁ ବାଣି କିନି ଲକୁଇଁ, ର ଦେବା ରା ଦେବା ଦାକା ହାହାଁ ଜାଗ୍ରାତା କିପୁ, ଅଡେତ୍ ତାମୁ ଏଞ୍ଜାଣି ତାଣାଟି ହେକ ଆଦୁ; ^{୧୧} ଇଲେତି ଲକୁ ତାନି ଜିରୁ ବାଣାଆହା ମାନେରି, ଇଞ୍ଜା ପାପୁ କିହାଁ ଜାହାରାତି ଦହ କିନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି ।

ରାଜି ବେଲାତା ଜାପୁନାୟି

^{୧୨} ଏତିବେଲା ନାନୁ ମୀ ତାଣା ଆତମା କି ତୁକିକଇଁ ପାଣ୍ଡାଇଁ, ଏତିବେଲା ନିକପଲିତା ନା ତାଣା ଖାହାଲି ଜାଡନୁ ଆମୁ, ଇତିହାସଂ ପେନିଞ୍ଜେଡା ରାଞ୍ଜେ ଏମାଆଁ ମାଞ୍ଜାଲି ଅଣ୍ଡପାମାଇଁ । ^{୧୩} ଅକିଲି ଜିନା, ଅଡେତ୍ ଆପଲକି ଏନାୟି ଲଡ଼ାମାନେ ଏଦାଆଁ ହାହାନା ଜିରୁ ତହମୁ, ଏନିକାଁ ଏଞ୍ଜାରି ଜିରୁତା ଏଞ୍ଜାରାକି ଏନାୟି ଲଡ଼ା ଆଆପେ । ^{୧୪} ମା ଲକୁ ଜିକେଏ ଲଡ଼ାମାନି ତାରପୁ କାମାତା ଲେମ୍ବୁଞ୍ଜି ଆହାଲି ଜାପିନାୟି ମାନେ, ଏନିକାଁ ଏଞ୍ଜାରି ପାଡେତ୍ ହିଲିଆ ଗାଗାରିଲେହେଁ ଆଅରି ।

^{୧୫} ନା ତଲେ ମାନି ବାରେଜାଣା ନିଙ୍ଗ ଜହରା କିହିମାଞ୍ଜାନେରି । ନାମୁତା ଆମାଆରି ମାଙ୍ଗେ ଜୀଞ୍ଜୁ ନହିମାଞ୍ଜାନେରି ଏଞ୍ଜାରାଇଁ ଜହରା କିପୁ, ଅଡେତ୍ ମାହାପୁରୁତି କାର୍ମାମେହନାୟି ମୀ ବାରେତାକି ଆପେ ।

* ୩:୧୨ ୩:୧୨ କାମା ୨୦:୪; ଏପିସି ୬:୨୧,୨୨; କଲସି ୪:୭,୮; ୨ଟିମ ୪:୧୨

ଫିଲମନଙ୍କ ନିକଟକୁ ପାଉଲଙ୍କ ପତ୍ର ପିଲିମନ ତାଣ୍ଡା ପାଖୁଲ ରାଫାମାନି ଆକୁ ମୁକୁ ହାଡ଼ା

ପିଲିମନ ଆକୁ ପାଖୁଲ ତାଣ୍ଡାଟି ରାଫୁକି ଆହାମାନେ ୧:୧ । ପାଖୁଲ ରମ୍ ଗାଡ଼ାତ କାୟିଦି ଇଲୁତା ମାଗାଟି ଇ ଆକୁ ରାଫାମାନେସି । ଏଝାସି ରମ୍ ଗାଡ଼ାତା ମାଚେସି କ୍ରୀସ୍ତ ଜାର୍ନାଆଡ଼ି ୬୧ ବାର୍ଯା ତାମୁ ଇ ଆକୁ ରାଫା ଡ଼ୟିନେସି । ଏଚିବେଲାତା କଲସିୟ କୁଲମିତାକି ରାଫା ଡ଼ୟିନେସି । ଏଝାସି ଇ ଆକୁ ପିଲିମନ ଇନି ର ମାଣସିକ ରାଫିମାନେସି । ପିଲିମନ କୁଲମିତ କାଜାସି ଅଡ଼େ ହଲିୟାଜାତି ସାଝୁକାରି ମାଚେସି । ଏଝାରି ବିତ୍ରାଟି ଅନସିମ ଇନି ର ହଲେସସି ମାଚେସି ଏଝାସି ପିଲିମନ ତାଣ୍ଡାଟି ହଟାଡ଼ୁସା ମାଚେସି ଏଝାସି ପାଖୁଲ ତାଣ୍ଡାଟି କ୍ରୀସ୍ତାନା ଆହାମାଚେସି । ରମିୟ ଲକ୍ଷ୍ମିତ ମେରା ତଲେ ଅନସିମଇଁ ହାନି ତଣ୍ଡ ହାନାୟି ମାଚେ ।

ଅନସିମଇଁ କାର୍ମାମେସାନା ଏଝାଣାଇଁ ହଲେସସି ଲେହେଁ ଆଏ ସାମା କ୍ରୀସ୍ତାନା ତାୟିଲେହେଁ ଷ୍ଟେଣ୍ଡେ ଆବାମୁ ଇଞ୍ଜି ପିଲିମନଇଁ ବାତିମାଲିହଁ ଇ ଆକୁ ରାଫିମାନେସି ୧:୧୩-୧୪ ।

ପତିତା ମାନାୟି

- ୧. ପିଲିମନଇଁ ଜହରା ଷ୍ଟେହନାୟି । ୧:୧-୩
- ୨. ଅନସିମଇଁ କ୍ରୀସ୍ତାନା ତାୟିଲେହେଁ ଆବାଲି ଏଲେଇନାୟି । ୧:୪-୨୧
- ୩. ଆକ୍ଷୁତି ରାପ୍ନି କାତା । ୧:୨୨-୨୫

୧ ନାନୁ ପାଖୁଲ, ଜୀସୁ କ୍ରୀସ୍ତ ତାକି ଦସ୍ପି ଆହାମାନାଚେସି, ତାୟି ତିମତି, ମା ତଲେ କାମା କିହିମାନି ଜୀଝୁତି ପିଲିମନ, ୨ ଅଡ଼େ ତାଜି ଅପପିୟା ଇଞ୍ଜା ମା ତଲେ ଜୁଜୁକିନି ଆକ୍ଷୁତି ପପ ଇଞ୍ଜା ମୀ ଇଜ ମାନି କୁଲମିତାକି ଆକୁ ରାଫାମାଇଁ; ୩ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହନାୟି ଅଡ଼େ ହଡ଼ଡ଼ି ମିଜେତାକି ଆୟାପେ ।

ପିଲିମନ ଜୀଝୁନନାୟି ଅଡ଼େ ନାମିନାୟି

୪ ନାନୁ ନା ପ୍ରାତାନାତା ମୀ ଦରୁ ଆସାନା କାଲେଏ ନା ମାହାପୁରୁଇଁ ଜହରା କିହିମାଇଁ, ୫ ପ୍ରବୁ ଜୀସୁ କ୍ରୀସ୍ତ ଇଞ୍ଜା ବାରେ ମାହାପୁରୁ ଲକ୍ଷ୍ମିତାକି ମୀ ଜୀଝୁନନାୟି ଅଡ଼େ ନାମୁତି କାତା ଷ୍ଟେଞ୍ଜାନା ୬ ଏଲେକିହଁ ଏ ମୀ ନାମୁତଲେ ଆଣ୍ଡ଼ି ଆନାୟି, ମାଜେ ହୀପକିଆଡ଼ି ବାରେ ନେହଁ କାତାଟି ପୁନାଣି ତଲେ କ୍ରୀସ୍ତ ତାଣ୍ଡା କାମା ଆନେ । ୭ ଏନାଆଁତାକି ଇଚିହଁ, ଏ ନା ତାୟି, ମାହାପୁରୁ ଲକ୍ଷ୍ମିତ ହିୟାଁ ମୀ ତାଣ୍ଡା ସୁସି ମେଡ଼ା ଆହାମାନାକି ନାନୁ ମୀ ଜୀଝୁ ନନି ତାଣ୍ଡା ରାହାଁ ଅଡ଼େ ସାସା ବେଟା ଆହିମାଇଁ ।

ଅନସିମ ତାକି ବାତିମାଲିନାୟି

୮ ଆତିହଁ ଏନାୟି ନେହାୟି, ଏ କାବୁତାକି ନିଜେ ହୁକୁମି ହାହାଲି କ୍ରୀସ୍ତତି ହଲେଏଣା ଲେହେଁ ଆଡ଼ିଜିକେଏ ନାଜେ ହାଡ଼େ ପୁରେ ସାସା ମାନେ, ୯ ଆଡ଼ିଜିକେଏ ନାନୁ ବୁଡ଼ହା ପାଖୁଲ ଜୀଝୁ ନନାଣି ତାକି ମିଜେ ବାତିମାଲିମାଞ୍ଜାଇଁ, କ୍ରୀସ୍ତ ଜୀସୁ ତାକି ନୀସିଁ ନାନୁ ଦସ୍ପି ଆହାମାଇଁ, ୧୦ ନାନୁ ଇଲେକି ଦସ୍ପି ଆହାମାନାଟି ନା ମୀରସସି ଅନସିମ ତାକି ନିଜେ ବାତିମାଲିମାଞ୍ଜାଇଁ; ୧୧ ଏଝାସି ନକେଏ ନିଜେ ଅଡ଼େ ନାଜେତାକି ଲଡ଼ା ହୀଆଗାଟାସି ମାଚେସି, ସାମା ନୀସିଁ ନିଜେତାକି ଅଡ଼େ ନାଜେତାକି ଜିକେଏ ଲଡ଼ା ଗାଟାସି ଆହାମାନେସି ।

୧୨ ନାନୁ ଏଝାଣାଇଁ ନୀ ତାଣ୍ଡା ଷ୍ଟେଣ୍ଡେ ପାଣ୍ଡିମାଞ୍ଜାଇଁ, ଏଝାସି ନା ହିୟାଁ ମାନେ । ୧୩ ନେହଁ କାବୁତାକି ନାନୁ କାୟିଦିତା ମାଞ୍ଜାନା ଏଝାଣାଇଁ ନୀ କିନି ଜାଡ଼ୁନୁ ନାଜେ କିହାଲି ତାକି ତାଗେ ଇଟାଲି ଅଣ୍ଡ଼ିମାଚେସି, ୧୪ ସାମା ନାନୁ ରାକି ଆଆପାତେକା ନାନୁ ଏନାଆଁ କିହାଲି ଅଣ୍ଡ଼ିମାଚେସି, ଏନିକିଁ ନୀ ନେହଁ କାମା ନୀ ମନତଲେ କିନିଲେହେଁ ଆଆନା ନେହଁ ଅଣ୍ଡ଼ିମା ତଲେ ଆନେ ।

୧୫ ଆତିହଁ ଇଦି ଆହାଲି ଆଡ଼ିନେ, ଏନିକିଁ ନାନୁ ଏଝାଣାଇଁ ହଲେଏଣା ଲେହେଁ ମେହ୍‌ଆନା ସାମା ହଲେଏଣା କିହାଁ କାଜାସି ଲେହେଁ, ଇଚିହଁ ଜୀଝୁତି ତାୟିଲେହେଁ କାଲେଏତାକି ବେଟାଆଡ଼ି, ଏନାଆଁତାକି

☆ ୧:୨ ୧:୨ କଲସି ୪:୧୭ ☆ ୧:୧୦ ୧:୧୦ କଲସି ୪:୯

ଏଞ୍ଜାସି ଏଚରଦିନା ତାକି ଏଚକା ଆହାମାଚେସି; ୧୭ ସାମା ଏଞ୍ଜାସି ୱାଉରୁଇ ହଲେଏସି ଆଏ, ନୀଏଁ ଏଞ୍ଜାସି ଜୀଞ୍ଜୁତି ତାୟି, ଇଚିହଁ ଆଜା ତଲେ ଅଚେଡ଼ ମାହାପୁରୁ ତାଣା ନିଜେତାକି ଏଚେକା ଜୀଞ୍ଜୁ ନନାସି ଆଅସି ।

୧୭ ଏଦାଆଁତାକି, ନୀନୁ ନାଜେ ନା ତତୁତୁସି ଇଞ୍ଜୁ ଅଣ୍ଡି ମାଞ୍ଜାସାରେ, ଆତିହଁ ନାଜେ ଆବାତି ଲେହେଁ ଏଞ୍ଜାଣାଇଁ ଆବାମୁ । ୧୮ ଇଚିହଁ ନିଜେତାକି ଏନି ଲାଗେଏ କିହାମାଞ୍ଜାତଁ କି ନୀ ତାଣା ରାଣା ଆହା ମାଞ୍ଜାତିହଁ, ଏଦାଆଁ ନା ଦରୁତା ରାଚାମୁ । ୧୯ ନାନୁ ପାଞ୍ଜୁଲତେଏଁ, ନା କେୟୁତଲେ ଇଦାଆଁ ରାଚିମାଇଁ, ନାନୁ ଏଦାଆଁ ୱେଚ୍‌ହାଇଁ । ନୀନୁଏ ନା ତାଣା ରାଣା ମାଞ୍ଜି, ଇ କାତା ଅଚେଡ଼ ନାନୁ ୱେସାଲି ଅଣ୍ଡି ହିଲଅଁ । ୨୦ ହାଅ, ତାୟି, ପୁରୁ ତାଣା ଆଣ୍ଡିତଁ ନୀ ତାଣାଚି ନା ଲାବା ଆୟାନେ, କ୍ରୀସ୍ତତି ତାଣା ନା ଜୀଞ୍ଜୁତା ବାସୁଁ ହିୟାମୁ ।

୨୧ ନୀନୁ ନା ୱେସ୍ତାତିଲେହେଁ କିଦି ଇଞ୍ଜୁଁ ନାମୁ ମାନାକି ନାନୁ ଇ ଆକୁ ରାଚିମାଇଁ; ସାଚେଏ ନାନୁ ପୁଞ୍ଜାମାଇଁ, ନାନୁ ଏଚେକା ୱେସିମାଞ୍ଜାଇଁ, ନୀନୁ ଏଦାଣିକିହଁ ଆଗାଡ଼ା ଜିକେଏ କିଦି । ୨୨ ଇଦାଆଁ ତଲେ ନା ତୁୟିନି ଇଲୁ ଜିକେଏ କିହାନା ଇଚାମୁ, ଇଚିହଁ ମୀ ପ୍ରାତାନା ତଲେ ମୀରୁ ନାଜେ ୱେଣ୍ଡେ ବେଚା ଆୟାଦେରି, ଇଦାଆଁ ନାନୁ ଆସା କିହିମାଇଁ ।

ରାନିବେଲାତି ଜହରା

୨୩ *କ୍ରୀସ୍ତ ଜୀସୁ ତାକି ନା ତଲେ କାୟିଦି ଇଲୁତା ମାନି ଏପାପ୍ରା ୨୪ *ଇଞ୍ଜା ନା ତଲେ କାମା କିହିମାନି ମାର୍କ, ଆରିସ୍ତାର୍କ, ଦିମା ଅଚେଡ଼ ଲୁକ ନିଜେ ଜହରା କିହିମାଞ୍ଜାନେରି । ୨୫ ମା ପୁରୁ ଜୀସୁ କ୍ରୀସ୍ତତି କାର୍ମାମେହନାୟି ନେହଁ ଜୀଞ୍ଜୁ ମୀ ତଲେ ମାଣ୍ଡେ ।

* ୧:୨୩ ୧:୨୩ କଲସି ୧:୭; ୪:୧୨ * ୧:୨୪ ୧:୨୪ କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; କାମା ୧୯:୨୯; ୨୭:୨; କଲସି ୪:୧୦; କଲସି ୪:୧୪; ୨ତିମ ୪:୧୦; କଲସି ୪:୧୪; ୨ତିମ ୪:୧୧

ହିବୁମାନଙ୍କୁ ଲିଖିତ ପତ୍ର ଏବି ଲକ୍ଷ୍ମୀବାକି ରାଢ଼ିତି ଆକୁ ମୂଳୁ ହାଡ଼ା

ଏବି ପତି ର ରାହାଁ ହାନି ପତି । ପୁଃଋଳ ମୋରାତି ହାଢ଼ରକା ମାହାପୁରୁ ଅଣପୁତି ବଲୁୟାଁ ପୁଃଋଆଲ ଆହାମାନି କାତା ଇମ୍ପାଆଁ ମେସାଲି ଆଡ଼ିମାନାୟି । ଇ ପତି ର ନେହଁ କାତାତି ଖେହ୍ନି ପତି । ଇମ୍ପାଆଁ ତାନିକଡ଼ିଟିଏ ହାଢ଼ରକା ପୁଃଋଳ ମୋରାତି କାତାୟାଁ ରାସ୍ତକି ଆହାମାନୁ । ଜୀସୁ କ୍ରୀସୁ ଏନିକଁ ମାହାପୁରୁ ଅଣପୁତି ବଲୁ ଅଡ଼େ ଜୀହୁଦି ପୂଜେରାଜା କାମା ପୁରା କିତେସି ଇମ୍ପାଆଁ ମାର ମେସାଲି ଆଡ଼ିମାନାୟି ।

ଇଦାଆଁତାକି ଇ ପତି ଜୀହୁଦି କ୍ରୀସ୍ତାନା ଲକ୍ଷ୍ମଣି ସାସା ଅଡ଼େ ବାସୁଁ ହାନି ପତି । ଏବି ପତି ଖେସିମାନେ, ଜୀସୁ ଏନିକଁ ମୋରାତି ପୁରା କିତେସି, ଏନିକଁ ପୂଜେରାଜା ଅଡ଼େ ଖେଣ୍ଡେ ପୂଜା ହାହାଲି ଲଡ଼ା ହିଲେଏ । ଜୀସୁ କ୍ରୀସୁ ବାରେ କାଲେଏତାକି ରଣିଏ ଦେବା ପାପୁତି ପୂଜା ହାତେସି । ନୀର୍ସତି ଜୁଗୁତି କ୍ରୀସ୍ତାନା ଲକ୍ଷ୍ମଣି ଏବି ପତି ସାସା ଅଡ଼େ ବାସୁଁ ତସିମାନେ । କ୍ରୀସୁ ମାଜେ ମାହାପୁରୁ ତାଣା ବାସୁଁ କିଞ୍ଜିକିହାଲି ଆଡ଼ାମାଞ୍ଜନେସି । ଅଡ଼େ ଏଞ୍ଜାଣି ତାଣା ବାସୁଁ ଇଚାନା ତାକିନ ୧୨:୨ ।

ଏବି ପତି ଆମ୍ପାଆସି ରାଡ଼ାମାନେସି ପୁଣ୍ଡି ଆହା ହିଲେଏ, ସାମା ବୁଦିଗାଗାରି ଏଲେ ଇଞ୍ଜିମାନେରି ପାଣ୍ଡିଆହାମାନି ପାଞ୍ଜୁଲ, ଲୁକ, ଆଆତଁ ବର୍ନବା ଆହାଡ଼ୟିନେରି । ଇଦାନି ରାଢ଼ିତି କାଲିନି ଜିକେଏ ପୁନାଆତାୟି, ସାମା ହାଢ଼ରକା ଲକ୍ଷ୍ମଣି ଏଲେଇନେରି ଇଦି ଜୀସୁ କ୍ରୀସୁ ଜାର୍ନାଆତି ୭୦ ବାସାଁ ତାୟୁ ରାସ୍ତକି ଆହାମାନେ । ଇତିହଁ ଜିରୁସାଲମା ଲକ୍ଷ୍ମଣି କ୍ରୀସୁ ଜାର୍ନାଆତି ୭୦ ବାସାଁ ତାୟୁ ନାସା ଆଡେ ସାମା ଇ ଆକୁତି ରାଢ଼ିନାସି ଇଦି ନାସା ଆଆତିଲେହେଁ ରାଢ଼ିମାନେସି । ଏବି ପତି ରମ୍ ଗାଡ଼ାତା ରାସ୍ତକି ଆହାମାତେ ୧୩:୨୪ ଅଡ଼େ ହାଢ଼ରକା କୁଲମିକାଣା ବାଟିକିଞ୍ଜି ଆହାମାତେ ।

ପତିବା ମାନାୟି

- ୧. ଜୀସୁ କ୍ରୀସୁ ମାହାପୁରୁ ଅଣପୁତି ବଲୁ ଖେହ୍ନାସି ଅଡ଼େ ଦୁତୁୟାଁ କିହାଁ ଜିକେଏ କାଜାସି । ୧:୧-୪:୧୩
- ୨. ଜିରୁସାଲମାତା ସେବା କିହମାନି ପୂଜେରାଜା କିହାଁ ଜିକେଏ ଜୀସୁ କାଜାସି । ୪:୧୪-୭:୨୮
- ୩. ମାହାପୁରୁ ମସାକି ମୋରା ହାହାନା ତାନି ଲକ୍ଷ୍ମଣିକିହମାତି ରାଢ଼ିମାନା କିହାଁ ଜୀସୁତି ସେବା କାମା କାଜାୟି । ୮:୧-୧୦:୩୧
- ୪. ଜୀସୁଇ ବାରେ ତାଣା କାଜାସି କିହାନା ଖେସାମାନେସି । ୧୦:୩୨-୧୩:୧୭
- ୫. ସାସା ଅଡ଼େ ବାସୁଁତି କାତା ଖେସାନା ଜହରା ତଲେ ଆକୁତି ରାପୁନାୟି । ୧୩:୧୮-୨୫

ମୀର୍ସଣା ତାଣାଟି ମାହାପୁରୁତି ବଲୁ

୧ ମାହାପୁରୁ ତଲି କାଲ୍ଲାତା ଏଟକା ଏଟକା ଚାୟୁତା ଅଡ଼େ ଏଟକା ଏଟକାଟି ମାହାପୁରୁ ଅଣପୁତି ବଲୁ ଖେହ୍ନନାରି ତାଣାଟି ମା ଆକୁ ଆବାୟାଁଣି କାତା ଖେସାମାତେସି, ୨ ସାମା ଇ ରାନ୍ନି ବେଲ୍ଲାତା ମୀର୍ସଣା ତାଣାଟି ମାଜେ କାତା ଖେସାମାଞ୍ଜନେସି । ଏଞ୍ଜାଣାଇଁ ଏଞ୍ଜାସି ବାରେତି ମୁହେଁ କାଜାସି କିହାଁ ଆଡ଼ାମାନେସି, ଏଞ୍ଜାଣି ତାଣାଟି ହାପୁପାକା ଦାଡ଼ତି ବାରେ ଗାଡ଼ିକିତେସି; ୩ ଏ ମୀର୍ସସି ତାନି ଡ଼ାଞ୍ଜିମାନି ଗାଞ୍ଜୁମିତି ଉଜେଡ଼ି ଅଡ଼େ ଏଞ୍ଜାଣି ଖାଣା ମାନେ, ଏଞ୍ଜାସି ତାନି ବାଡ଼ୁୟୁ ଗାଟି ବଲୁ ତଲେ ବାରେ ଦାଡ଼ତିତି ସାଲ୍ଲୁଞ୍ଜି କିନେସି, ଇଞ୍ଜାଁ ମା ପାପୁ ବାରେ ମ୍ଲେକ୍ସି ତାୟୁ ଲାକପୁରୁତି ବାଡ଼ୁୟୁ ଗାଟି ମାହାପୁରୁତି ଚିଃନି ଟଟତା କୁଗାମାନେସି ।

ମାହାପୁରୁ ମୀର୍ସସି ବାରେକିହାଁ କାଜାସି

୪ ମୀର୍ସସି ଏନିକଁ ଲାକପୁରୁତି ଦୁତୁୟାଁ କିହାଁ ହାଢ଼ରକା କାଜା ଦରୁତି ଅଦିକାରା ବେଟାଆହା ମାନେସି, ଏଲେକିହଁ ଏ ଏଞ୍ଜାସି ଏଞ୍ଜାସିକା କିହାଁ ହାଢ଼ରକା କାଜାସି ଆହାମାନେସି । ୫ ଇତିହଁ ମାହାପୁରୁ ଦୁତୁୟାଁ ବିଡ଼ାଟି ଆମ୍ପାଆରାଇଁ ଏତେଲା ଏଲେଇଞ୍ଜା ହିଲଅସି, “ନୀନୁ ନା ମୀର୍ସଣାଟି, ନୀଞ୍ଜୁଟିଏ ନାନୁ ନୀ ତାଞ୍ଜିତେଏଁ” ଅଡ଼େ ଜିକେଏ ମାହାପୁରୁ ଏଲେଇଚେସି,

“ନାନୁ ମୀ ଆବାତେଏଁ ଆହାମାଇଁ,

ଅଡ଼େ ନୀନୁ ନା ମୀରୁଏଣାତି ଆଦି ।”

୭ ଅଡ଼େ ମାହାପୁରୁ ତାନି ପାଣ୍ଡା ମୀରୁଏଣାଇଁ ଅଡ଼େ ଖେଣ୍ଡେ ଦାର୍ତ୍ତିତା ପାଣ୍ଡାତେସି, ଏ ବେଲ୍ଲତି ସିନିକିହାନା ଏଲେଇନେସି, “ମାହାପୁରୁତି ବାରେ ଦୁତୁୟାଁ ଏଞ୍ଜାଣାଇଁ ଜହରା କିପେରି ।”

୮ ର ଖାକିଟି ମାହାପୁରୁ ଦୁତୁୟାଁ କାତା ଏଲେଇଞ୍ଜି ମାନେସି,

“ମାହାପୁରୁ ତାନି ଦୁତୁୟାଁଇଁ ଗାଲି ଲେହେଁତି ଜୀଝୁ ହୀନେସି,

ଅଡ଼େ ତାନି ସେବା କିନାରାଇଁ ହିତୁ ଗୁଦ୍‌ଝା ଲେହେଁ କିନେସି ।”

୯ ଅରଞ୍ଜକି ମାହାପୁରୁ ତାନି ମୀରୁଏଣା ତାକି ଏଲେଇଞ୍ଜି ମାନେସି,

“ଏ ମାହାପୁରୁ ନୀ ସିଂଗାସାଣି କାଲ୍ଲକାଲ୍ଲା ତାକି ତ୍ତୟିନେ,

ଅଡ଼େ ନୀନୁ ସାଲ୍‌ଝି କିନାୟି ନୀହାଁୟି ତଲେ ଆନେ ।

୧୦ ନୀନୁ ଦାମ୍‌ ଗାଟାଣାଇଁ ଜୀଝୁ ନହୁଁ ମାଞ୍ଜି

ଅଡ଼େ ଦାମ୍‌ ହିଲ୍ଲୀଆଗାଟାରାଇଁ ଅପାହିଲଅତି,

ଏଦାଆଁତାକି ମାହାପୁରୁ ନୀ ମାହାପୁରୁ ନିଜେ ଆଟାନେସି,

ମୀ ତଡ଼େସିଞ୍ଜା କିହାଁ ନିଜେ ହାଟେରକା ରାହାଁତି ନିହୁଁ ଖାକ୍‌ହାନା ନିଜେ ଆଟାନେସି ।”

୧୧ ଏଞ୍ଜାସି ଅଡ଼େ ଖେସିମାନେସି,

“ଏ ପ୍ରବୁ, ନୀନୁ ମୁଲୁଏ ଦାର୍ତ୍ତିତି ପୁନାଦି ଗାଡ଼ିକିତି,

ଅଡ଼େ ହାଗୁପାକା ବାରେ ନୀ କେୟୁତଲେ କେପିତି ।”

୧୨ “ଏ ବାରେ ର ଦିନା ମେଣ୍ଡାହାନେ, ସାମା ନୀନୁ କାଲେଏ ତ୍ତୟିଦି;

ଅଡ଼େ ଏ ବାରେ ପ୍ଲାଞ୍ଜ ହିମ୍‌ରିକା ଲେହେଁ ଗେଞ୍ଜା ହାନୁ

୧୩ ଅଡ଼େ, ନୀନୁ ହିମ୍‌ରି ଲେହେଁ, ହାଅ, ହିମ୍‌ରି ଲେହେଁ ମୁଦାକିଦି

ଅଡ଼େ ଏଞ୍ଜି ବାରେ ହିମ୍‌ରିକା ଲେହେଁ ବାଦ୍‌ଲି ଆନୁ;

ସାମା ନୀନୁ ବାରେବେଲା ଏଞ୍ଜାତିଏ,

ଅଡ଼େ ନୀ ଜୀଝୁ ଏତେଲାଞ୍ଜା ରାଏ ।”

୧୪ ମାହାପୁରୁ ତାନି ଦୁତୁୟାଁଇଁ ଏତେଲାଞ୍ଜା ଏଲେଇଞ୍ଜା ହିଲଅସି,

“ନାନୁ ନୀ ସାତୁୟାଁଣି ନୀ କତାୟାଁ ତ୍ତଲ ଇଟାଆ ପାତେକା

ନୀନୁ ନୀ ଚିଞ୍ଜିନି ଚଟତା କୁଗାମାନାମ୍‌ ।”

୧୫ ଆତିହୁଁ ଲାକପୁରୁତି ଦୁତୁୟାଁ ଆମ୍‌ଆରି ? ଏଞ୍ଜାରି ଆହିମାନେରି ମାହାପୁରୁତି ସେବା କିନାରି ମାଣ୍ଡସିୟାଁଇଁ ସାଝେନି କିହାନା ଗେଲ୍‌ପାଲିତାକି ମାହାପୁରୁ ତାଣାଟି ପାଣ୍ଡାଆତି ଜୀଝୁୟାଁ ।

୨

ଗେଲ୍‌ପିନାୟି

୧ ଏଦାଆଁତାକି, ମାରୁ ଖେଞ୍ଜାମାନି କାତାତି ହାଟେରକା ଖେଞ୍ଜାଲି ମନ ହୀନାୟି ମାନେ, ଆଆତୁଁ ମାରୁ ଏତେତା ଜିରୁ ବାଣ୍ଡି ଆଆୟି । ୨ ଇତିହୁଁ ନଚେଏ ଲାକପୁରୁତି ଦୁତୁୟାଁ ତାଣାଟି ଏଲେଇଞ୍ଜା ମାନେସି, ଏଦି ସାତା ଇଞ୍ଜୁଁ ତାରିଆହାଁ ମାନେ, ଅଡ଼େ ଆମ୍‌ଆରି କାତା ଆହୁଆନା ମାନୁଞ୍ଜି ଆହୁହିଲଅରି, ଏଞ୍ଜାରି ତାମ୍‌ ଚୁବଟାଆନି ତଣ୍ଡ ବେଟାଆହାମାନେରି । ୩ ଆତିହୁଁ ଇଲେତି ଗେଲ୍‌ପିନାଣିଇଁ ହେଲା କିତିହୁଁ ମାରୁ ଏନିକିଁ ଗେଲ୍‌ହିନାୟି ? ଏଦି ନଚେଏ ପ୍ରବୁ ତାଣାଟି ଖେସ୍‌ପି ଆହାଁ ଖେଞ୍ଜାମାନି ଲକୁ ତାଣାଟି ମା ତାଣା ଖେସ୍‌ପିଆହାମାନାୟି ସାତା ଆହାମାନେ; ୪ ଏଦାଆଁତାକି ମାହାପୁରୁ ଜିକେଏ ତାନି ମନତଲେ ହାଟେରକା ସିନାୟାଁ ଅଡ଼େ କାବାଆନି କାମାୟାଁ ଇଞ୍ଜା, ବାଡ଼ୁଗାଟି କାମାୟାଁ ଅଡ଼େ ସୁଦୁଜୀଝୁତି ଏଟ୍‌କା ଏଟ୍‌କାତି ଦାନା ହୀହାନା ସାକି ହୀହାମାନେସି ।

ଜାମ୍‌ ମାଣ୍ଡସି ଖାଣା ଆତେସି

୫ ମାହାପୁରୁ ଆମିନି ପୁଞ୍ଜିନି ଦାର୍ତ୍ତିତି ଗାଡ଼ି କିନେସି, ଅଡ଼େ ଆମିନି ଦାର୍ତ୍ତିତି କାତା ମାମ୍‌ ଚୁସ୍‌ସିମାଞ୍ଜାନମି, ଏଦାନି ଅଦିକାରା କିହାଲି ଏଞ୍ଜାସି ଲାକପୁରୁତି ଦୁତୁୟାଁ କେୟୁତା ହେଟ୍‌ପା ହିଲଅସି । ୬ ସାମା ରଅସି ର, ଗାୟୁତା ସାକି ହୀହାମାନେସି; “ଏ ମାହାପୁରୁ, ମାଣ୍ଡସି ଆମ୍‌ଆସି, ନୀନୁ ଏଞ୍ଜାଣାଇଁ ଅଣ୍ଡିମାଞ୍ଜି ?

ମାଣସି ମୀରୁଏସି ଆମ୍ବାଆସି ନୀନୁ ଏଞ୍ଜାଣି ଜାତ୍‌ନୁ ଅହିମାଞ୍ଜି ?

୭ ନୀନୁ ଏଞ୍ଜାଣାଇଁ ଲାକପୁରୁତି ଦୁତୁୟାଁ କିହାଁ ରଚାଣି ଉଣା କିହାମାଞ୍ଜି;

ନୀନୁ ଏଞ୍ଜାଣାଇଁ ଗାଞ୍ଜୁରମି ଅଡ଼େ ମାନିତି ଚଢ଼େରି ତୁରଞ୍ଜି କିହାମାଞ୍ଜି,

୮ ନୀନୁ ବାରେ ଏଞ୍ଜାଣି କତାୟାଁ ତୁଲ ଇଟାମାଞ୍ଜି ।”

ସାତେଏ ମାହାପୁରୁ “ବାରେତି” ଇତିହାସ ଏନାଆଁଞ୍ଜା ପିହୁଆନା ବାରେତି ତାନି କତାଁ ତୁଲ ଇଟାମାନେସି; ଆଡ଼ିଜିକେଏ ମାର ନୀଏଁ ପାତେକା ବାରେ ତାନି ତୁଲ ଆହାମାନାଣି ମେସି ହିଲାଆୟି ସାତା । ୯ ମାରୁ ମେସିମାନାୟି ଲାକପୁରୁତି ଦୁତୁୟାଁ କିହାଁ “ଇଚାନି ଉଣା” କିଞ୍ଜିଆହା ମାଚେସି, ଏଞ୍ଜାଣାଇଁ ଇତିହାସ ଜୀସୁଇଁ ହାକିତି ଦୁକୁ ବେଟା ଆହାମାନାକି ଗାଞ୍ଜୁରମି ଅଡ଼େ ମାନିତି ଚଢ଼େରି ତୁରଞ୍ଜା ମାନାଣି ମେସିମାନାୟି, ଏନିକିଁ ମାହାପୁରୁତି କାର୍ମାଟି ବାରେ ମାଣସିୟାଁ ତାକି ଏଞ୍ଜାସି ହାକିତି ଖାଣ୍ଡା ମାନେସି । ୧୦ ଇତିହାସ ଆମ୍ବାଆରି ତାକି ଇଞ୍ଜାଁ ଆମିନି ଗାଟାଣା ତାଣାଟି ବାରେ ଗାଡ଼ି ଆହାମାନେ, ହାରେକା ମୀରୁକାଣି ଜୀସୁତି ଗାଞ୍ଜୁରମି ପାଣ୍ଡିସି କିହାଲି, ଜୀସୁ ଦୁକୁ କସ୍ତ ବେଟାଆହାନା ଏଞ୍ଜାଋଇଁ ଗେଲ୍‌ପିନି ଜିରୁତା ଅନେସି ।

୧୧ ଆମ୍ବାଆସି ପାପୁତି ସୁଦୁ କିନେସି ଅଡ଼େ ଆମ୍ବାଆରି ସୁଦୁ ଅନେରି, ଏଞ୍ଜାରି ବାରେ ରଣ୍ଡିଏ ତାଞ୍ଜିତି ମୀରୁକା; ଏଦାଆଁତାକି ଏଞ୍ଜାଋଇଁ ଜୀସୁ ତାୟି ତାଞ୍ଜି ଇଞ୍ଜାଲି ଲାଜା ଆଅସି, ୧୨ ଏଞ୍ଜାସି ମାହାପୁରୁଇଁ ଏଲେଇଞ୍ଜି ମାନେସି,

“ନୀନୁ ନା ତାୟି ତାଞ୍ଜିସ୍ତା ନକିତା ନୀ ବାରେ କାମା ଝେକଇଁ,

ବାରେ କୁଲମି ନକିତା ନୀ ଜହରା ପାରୁ ପାଡ଼ିଇଁ ।”

୧୩ ଅଡ଼େ ଝେଣ୍ଡେ ଏଲେଇଞ୍ଜି ମାନେସି, “ନୀନୁ ଏଞ୍ଜାଣି ତାଣା ନା ନୀମୁ ତୀରି କିଇଁ ।” ଅଡ଼େ ସିନକିଦୁ “ମାହାପୁରୁ ନାଜେ ହାହାମାଞ୍ଜାନି ମୀରୁକା ମାସ୍‌କା ନା ତଲେ ମାନେରି ।”

୧୪ ଏନାଆଁତାକି ଇତିହାସ ମୀରୁକା ଉଜ୍ଜା ଅଡ଼େ ନେତେରିତି ଆଜ୍ଞାତା ଆଣ୍ଡାମାନାକି କ୍ରୀସୁ ଜିକେଏ ଏଲେକିହାସ ଏମାଣସି ଖାଣ୍ଡା ଆଡ଼େସି, ଏନିକିଁ ତାନି ହାକିତି ସୟତାନଇଁ ନାସା କିନେସି; ଇତିହାସ ହାକି ସୟତାନତି ଅଦିକାରତା ମାଚେ । ୧୫ ଇଞ୍ଜାଁ ହାକିତି ଆଜିତଲେ ଆମ୍ବାଆରି କାଲେଏତାକି ହଲ୍‌ୟାଜ୍ଞା ଆହାନା ଦସପି ଆହାମାଚେରି, ଏଞ୍ଜାସି ଏଞ୍ଜାଋଇଁ ଗେଲ୍‌ପିନେସି । ୧୬ ଇତିହାସ ଏଞ୍ଜାସି ସାତେଏ ଲାକପୁରୁତି ଦୁତୁୟାଁସି ସାଢ଼େମି କିଆନା ଅବ୍ରାହାମତି ମୀରୁକାଣି ସାଢ଼େମି କିହାମାନେସି । ୧୭ ଏଦାଆଁତାକି ଏଞ୍ଜାସି ବାରେ ଖାକିତି ତାନି ତାୟିୟାଁ ଲେହେଁ ଆନାୟି ମାଚେ, ଏନିକିଁ ଏଞ୍ଜାସି ବାରେ ଲକୁତି ପାପୁତି ବାଦୁଲି ପୂଜା ହାହାଲିତାକି ମାହାପୁରୁତି ସେବା କାମାତା ର କାର୍ମାମେହନି ଅଡ଼େ ନାମୁତି କାଜା ପୂଜେରା ଆନେସି । ୧୮ ଇତିହାସ ଏଞ୍ଜାସି ତାନୁ ତାୟିପାରି କିଞ୍ଜି ଆହାଁ ଦୁକୁ ବେଟାଆହା ମାନାକି ତାୟିପାରି କିଞ୍ଜି ଆହିମାନି ଲକୁଣି ସାଢ଼େମି ଆହାଲି ଆଡ଼ିମାନେସି ।

୩

ଜୀସୁ ମସା କିହାଁ କାଜାସି

୯ ଏଦାଆଁତାକି ଏ ନା ସୁଦୁଗାଟି ତାୟିୟାଁ ଅଡ଼େ ତାଞ୍ଜିସ୍ତା ମୀରୁ ଆମିନି ମାହାପୁରୁତି ହାଟୁକି ଆହାମାନି ତାଣା ଆଣ୍ଡାମାନାଚେରି ମା ନାମୁତଲେ ପାଣ୍ଡିଆହାମାନି କାଜା ପୂଜେରା ଜୀସୁତି କାତା ଅଣ୍ଡାପାଦୁ; ୨ ମସା ଏନିକିଁ ମାହାପୁରୁ ଇଲୁତା ମାନିତଲେ କାମା କିହାମାଚେସି, ଜୀସୁ ଜିକେଏ ଏଲେକିହାସ ତାଜେ ଆଡ଼ାମାନି ମାହାପୁରୁ ନକିତା ମାନି ଗାଟାସି ଆଡ଼େସି । ୩ ଇଲୁ କିହାଁ ଇଲୁ କେପିତାସି ଏନିକିଁ ମାନି ବେଟା ଆନେସି, ଏଲେକିହାସ ଏମସା କିହାଁ ଜୀସୁ ହାରେକା ଗାଞ୍ଜୁରମିତି ଜଢ଼େ ଆହାମାନେସି । ୪ ଇତିହାସ ବାରେ ଇଲୁକା ଆମ୍ବାଆରି ଆଆତ ଏଆମ୍ବାଆରି ତାଣାଟି କେପଡ଼ି ଆନୁ, ସାମା ମାହାପୁରୁ ବାରେତି ଗାଡ଼ି କିନାସି । ୫ ମସା ମାହାପୁରୁ ଇଲୁତା ହଲେଏସି ଲେହେଁ ନାମୁତଲେ ସେବା କାମା କିହାମାଚେସି, ଇଞ୍ଜାଁ ଏମିନି କାତା ମାହାପୁରୁ ତାୟି ଝେସାଲି ମନ କିହାମାଚେସି ଏ କାତେଏ ଇଦି । ୬ ସାମା ଜୀସୁ କ୍ରୀସୁ ତାନି ଆବା ଇଲୁତି ମୁହେଁ ମୀରୁଏଣା ଲେହେଁ ମାନି ଗାଟାସି; ଇଞ୍ଜାଁ ମାରୁ ମା ସାସାତଲେ ଆଞ୍ଜାମାନାଣି ବେଟାଆନାୟି ଇଞ୍ଜାଁ ମା ବାସୁତି ତାୟି ପାତେକା ଜାଣ୍ଡେ ଆସା ତୁୟିନ, ଆତିହାସ ମାରୁ ଜିକେଏ ଏଞ୍ଜାଣି ଇଲୁ ଲେହେଁ ଆନାୟି ।

ମାହାପୁରୁ ଲକୁତାକି ଜମିନାୟି

୭ ଏଦାଆଁତାକି ସୁଦୁଜୀସୁ ଝେସିମାନିଲେହେଁ,
“ନୀଞ୍ଜୁ ମୀରୁ ଏଞ୍ଜାଣି ହାଡ଼ା ଝେଞ୍ଜେରି,

୮ ଆତିହଂ ମୀ ଆକୁ ଆବାୟାଁ ଲେହେଁ ମୀ ହିୟାଁତି ଆବୁଝା କିଆଦୁ, ଲକୁ ହିଲାଆ ବାଗାତା ଏ ଦିନା ଏଞ୍ଜାରି ମାହାପୁରୁଇଁ ତାୟିପାରି କିହାନା

ଏଞ୍ଜାଣି କପାଟି ନିଜାମାତେରି,

୯ ଏ ବାଗାତା ମୀ ଆକୁ ଆବାୟାଁ ନାଜେ ତାୟିପାରି କିହାଁ ନାଜେ ମେସ୍ତାତେରି,

ଅଡେ ରୀ କଡ଼ି ବାସା ପାତେକା ମା ଜାମା ସିନକିତେରି ।

୧୦ ଇଦାଆଁତାକି ନାନୁ ଇ କୁଡ଼ାତି ଲକୁଇଁ କାରୁବି ଆହାନା ଏଲେଇଚେସ୍,

ଏଞ୍ଜାରି ବାରେବେଲା ହିୟାଁତା ମାନି ହିଲାଆ ଗାଟାରି,

ଏଞ୍ଜାରି ନା ଜିରୁ ପୁଞ୍ଜାହିଲଅରି ।

୧୧ ଇଦାଆଁତାକି ନାନୁ ନା କପାଟି ପାର୍ମାଣା କିଚେସ୍,

ନାନୁ ଆମିନି ଦେସାତା ଏଞ୍ଜାରାଇଁ ଜମାଲି ହୀତେସ୍ମା ଏ ଦେସାତା ଏଞ୍ଜାରି ଏଚେଲାଝା ହଡ଼ାଲି ଆଡ଼ଅରି ।

୧୨ ଏ ତାୟି ତାଜିସ୍ତା, ଜାଗ୍ରାତା, ପାପୁ ଅଡେ ନାମାଆଗାଟି ହିୟାଁ ମୀ ଆମ୍ବାଆରି ତାଣା ହିଲେଏ, ଏନିକଂ ମୀରୁ ଜାଞ୍ଜାଟି ମାହାପୁରୁ ତାଣାଟି ହେକ ଆଅତେରି । ୧୩ ସାମା ଏଚେତା ପାପୁ ତଲେ ନାଡ଼ିକିଞ୍ଜି ଆହାନା ମୀ ବିଡ଼ାଟି ଆମ୍ବାଆରି ହିୟାଁ ଆବୁଝା ଆଏ, ଇଦାଆଁତାକି ନାଞ୍ଜୁ ଦିନା ମାନାଟିଏ ବାରେଦିନା ରଅତେରି ରଅଣାଇଁ ବାସୁତି କାତା ଜଲାନା ସାୟେମି କିଦୁ: ୧୪ ଇତିହଂ ନଚେଏ ମା ଆମିନି ନାମୁ ମାଚେ, ଏଦାଆଁ ତାୟୁ ପାତେକା ଜାଣେ ଆସା ତୟିନାୟି ଆତିହଂ କ୍ରୀସୁ ତାଣା ଆଣ୍ଡାନା ତୟିନାୟି ।

୧୫ ଦାର୍ମୁ ସାସ୍ତେରିତା ରାସ୍ତିକି ଆହାମାନେ,

“ନାଞ୍ଜୁ ମାହାପୁରୁତି ହାଡ଼ା ଖେତିସାରେ,

ଏନିକଂ କାରୁବି କିଞ୍ଜିକିନି ଚାୟୁତା ଆହାମାଚେ,

ଏଲେକିହଂ ମୀ ଆକୁ ଆବାୟାଁ ଲେହେଁ ହିୟାଁତି ଆବୁଝା କିଆଦୁ !”

୧୬ ଆତିହଂ ଆମ୍ବାଆରି ମାହାପୁରୁତି ହାଡ଼ା ଖେଞ୍ଜାନା ଏଞ୍ଜାଣାଇଁ କାକ୍ତି କିହାମାଚେରି, ମସା ତାଣାଟି ଆମିନି ଗାଟାରି ମିସର ଦେସାଟି ହଡ଼ା ଖାହାମାଚେରି, ଏଞ୍ଜାରି ବାରେ ଆଏକି ? ୧୭ ଅଡେ ଆମ୍ବାଆରି ମୁହେଁ ରୀ କଡ଼ି ବାସା ପାତେକା ଏଞ୍ଜାସି କାରୁବି ଆହାମାଚେରି, ଆମ୍ବାଆରି ପାପୁ କିହାମାଚେରି, ଆମ୍ବାଆରି ମଡ଼ା ଲକୁ ତୟାଆ ବାଗାତା ରିହାମାଚେ, ଏଞ୍ଜାରି ଆଏକି ? ୧୮ ମାହାପୁରୁ ଏଚିବେଲା ପାର୍ମାଣା କିହାନା ଏଲେଇଞ୍ଜାମାଚେସି, ଏଞ୍ଜାରି ଏଚେଲାଝା ମାହାପୁରୁତି ଜମିନି ତାଣା ହଡ଼ଅରି, ଏଚିବେଲା ଏଞ୍ଜାସି ଆମ୍ବାଆରି କାତା ଏଲେଇଞ୍ଜାମାଚେସି ? ଆମ୍ବାଆରି କାତା ମାନୁଞ୍ଜି ଆହା ହିଲାଆତେରି, ଏଞ୍ଜାରି ତାକି ଏ କାତା ଏଲେଇଞ୍ଜାମାଚେସି । ୧୯ ଇଲେକିହଂ ନାନୁ ମେସିମାଇଁ, ଏଞ୍ଜାରି ନାମାଆତାକି ଏ ଆଞ୍ଜାମାନି କିଶାନ ଦେସାତା ହଡ଼ାଲି ଆଡ଼ାଆତେରି ।

୪

୧ ଏଦାଆଁତାକି ଖାଦୁ ମାରୁ ଜାଗ୍ରାତା ଆନୁ, ଏଚେତା ତାନି ଜମିନି ତାଣା ହଡ଼ାଲି ଆଞ୍ଜାମାଟି ଜିକେଏ ମୀ ତାଣାଟି ଆମ୍ବା ଆମ୍ବାଆରି ଏମ୍ବାଟି ଏଚକା ଆନିଲେହେଁ ତଞ୍ଜା ଆହିମାନେରି । ୨ ଇତିହଂ ଏଞ୍ଜାରି ନକିତା ଏନିକଂ, ମା ନକିତା ଜିକେଏ ଏଲେକିହଂ ଏ ନେହଂ କାବୁ ଖେପୁକି ଆହାମାଚେ, ସାମା ଖେନାରି ନାମୁଟି ଖେଞ୍ଜାମାନି କାତା ଆହୁଆଲିଏ, ଏଦି ଏଞ୍ଜାରି ତାକି ଲାଡ଼ା ଆଆତେ । ୩ ଅଡେ ମା ବିଡ଼ାଟି ଆମ୍ବାଆରି ନାମିନେରି, ଖାରୁଇ ଏଞ୍ଜାରି ମାହାପୁରୁ ଆଞ୍ଜାମାନି ଜମିନି ଦେସାତା ହାଜାଲି ଆଡ଼ିନେରି, ଏନିକଂ ଏଞ୍ଜାସି ଖେସାମାନେସି,

“ଏଦାଆଁତାକି ନାନୁ ନା କପା ତାକି ପାର୍ମାଣା କିଚେସ୍,

ଏଞ୍ଜାରି ମା ଜମିନି ଖାଡ଼ାତା ହଡ଼ଅରି ।”

ଦାରୁତି ଗାଡ଼ିକିତି ବେଲାଟିଏ ବାରେ କାମା ରାହାମାଚେ । ୪ ଇତିହଂ ଜମିନି ଦିନାଟି କାତାଟି ଏଞ୍ଜାସି ର ଚାୟୁତା ଇଲେକିହଂ ଖେସାମାନେସି; “ମାହାପୁରୁ ସାଡ଼ା ଦିନାତା ତାନି ବାରେ କାମା ରାପୁହାନା ଜମିତେସି:” ୫ ଅଡେ ଇ ବାରେ କାତା ମାହାପୁରୁ ଖେଣ୍ଡେ ଏଲେଇଞ୍ଜା ମାନେସି, “ଏଞ୍ଜାରି ମା ଜମିନି ତାଣା ହଡ଼ାଲି ଆଡ଼ଅରି ।” ୬ ଆମିନି ଗାଟାରି ମୁଲୁଏ ନେହଂ କାବୁ ଖେଞ୍ଜାମାଚେରି, ଏଞ୍ଜାରି ମାହାପୁରୁ କାତା ମାନୁଞ୍ଜି ଆଆତାକି ଏ ଜମିନି* ତାଣା ହାଜାଲି ଆଡ଼ାଆତେରି, ନୀସ୍ ଏ ଜମିନାଣି† ଏଚକାତାରି

* ୪:୭ ୪:୭ ଆଞ୍ଜାମାନି ଦେସା କିଶାନ † ୪:୭ ୪:୭ ଆଞ୍ଜାମାନି ଦେସା କିଶାନ

ବେଗାଆହାମାନେରି । ୭ ଅଡ଼େ ର ଦିନା, ଇଚିହଁ “ନୀଞ୍ଜୁ ଦିନା” ଆଚାନା, ଇଚେକା କାଲା ତାୟୁ ଦାଞ୍ଜୁଦତି ସାଡ଼େରିତା ଏଲେଇଞ୍ଜି ମାନେସି, ଏନିକଁ ନଚେଏ ଝେସ୍‌ସି ଆହାମାନେ,

“ନୀଞ୍ଜୁ ମୀରୁ ଏଞ୍ଜାଣି ହାଡ଼ା ଝେଞ୍ଜେରି,

ଜାହାରା ହିୟାଁ ଆଡ଼ଞ୍ଜା କିଆଡୁ ।”

୮ ଇଚିହଁ ଜିହସ୍‌ୟ ଏଞ୍ଜାରାକି ଜମାଲି ହୀତିହଁ ମା, ଆତିହଁ ମାହାପୁରୁ ଅର ଜମିନି ଦିନାତି କାତା ଜଲ୍ଲାଆଡେସିମା । ୯ ଏଲେକିହଁ ଈ କାତା ସାତା ମାହାପୁରୁ ତାନି ବାରେ କାମାଟି ଜମିତି ଲେହେଁ ତାନି ଲକୁଡାକି ଜମିନି ଦିନା ତୀରି କିଞ୍ଜିଆହାମାନେ । ୧୦ ଈଦାଆଁତାକି ମାହାପୁରୁ ତାନି କାମାଟି ଏନିକଁ ଜମିତେସି, ଆମ୍ବାଆସି ମାହାପୁରୁତ ଜମିନି ଦେସାତା ହଡ଼ା ମାନେସି, ଏଲେକିହଁ ଏ ଏଞ୍ଜାସି ଜିକେଏ ତାନି କାମାଟି ଜମିନାଣି ମେଡ଼ା ଆହାମାନେସି । ୧୧ ଈଦାଆଁତାକି ମା ବିଡ଼ାଟି ଆମ୍ବାଆସି ଏନିକଁ ନାମାଆତାକି ଏ ଲକୁଡି ଲେହେଁ ଏ ଜମିନି ତାଣା ହଡ଼ାନା ତୁୟଅସି, ଈଦାଆଁତାକି ଆଡ଼ିନି ପାତେକା ଜାଡ଼ନୁ ଆନ ।

୧୨ ଇଚିହଁ ମାହାପୁରୁତ ବଲ୍ଲୁ ଜୀଞ୍ଜୁଗାଟାୟି ଅଡ଼େ କାମା କିନାୟି ଇଞ୍ଜାଁ ରିକଞ୍ଜାକି ଦାରାଗାଟି ଝାହୁନି କାଣ୍ଡା କିହାଁ ହାରେକା ଝାସ୍‌ୟାୟି, ଅଡ଼େ ହିୟାଁ ଅଡ଼େ ଜୀଞ୍ଜୁ ଇଞ୍ଜାଁ ହାସ୍‌ୟାୟି ଅଡ଼େ ତୁମକାଟି ନିଜେଡ଼ି ପାତେକା ହଡ଼ାଲି ଆଡ଼ିନେ । ଏ ବଲ୍ଲୁ ମାଣସିତି ତୁଗ୍‌ମାନି ଅଣପୁତି ବାରେ ନୀହାଁୟି କିନାୟି । ୧୩ ମାହାପୁରୁ ନକିତା ଏନାୟିଞ୍ଜା ତଞ୍ଜା ଆଆଗାଟାୟି ଆଏ, ସାମା ଗାଡ଼ି କିହାମାନି ମାହାପୁରୁ ନକିତା ମାଙ୍ଗେ ଲେକା ହୀନାୟି ମାନେ, ଏଞ୍ଜାଣି ନକିତା ବାରେ ଦେପି ଆଡ଼ାୟି ଅଡ଼େ ପୁକିଆତାୟି ।

ଜୀସୁ କାଜା ପୂଜେରା

୧୪ ଏଦାଆଁତାକି ଲାକପୁରୁଟି ହାଜାମାନେସି, ଆମ୍ବାଆସି ମାହାପୁରୁ ମୀରୁଏସି ଜୀସୁ ଏଞ୍ଜାସି ମା କାଜା ପୂଜେରା ଆହାମାନାକି, ଝାଡୁ ମାର ମା ନାମୁତି ଜାଣେତଲେ ଆହୁନ । ୧୫ ଆମ୍ବାଆସି ମା ଦହ ପୁଞ୍ଜାଲି ଆଡ଼ିନେସି, ଏଲେତି କାଜା ପୂଜେରା ଏଞ୍ଜାସି ଆଏ । ସାମା ମା କାଜା ପୂଜେରା, ମା ଲେହେଁ ବାରେଞ୍ଜାକି ତାୟିପାରି ଆହାମାନେସି, ଆଡ଼ିଜିକେଏ ଏଞ୍ଜାସି ପାପୁ କିହାହିଲଆଡେସି ୧୬ ଏଦାଆଁତାକି ଝାପୁ, କାର୍ମା ମେଡ଼ା ଆହାଲିତାକି ଅଡ଼େ, ଏ ବେଲାଡେଏ ସାୟେମି କିନାଣି କାର୍ମାମେହୁନାଣି ବେଗାଆହାଲି ତାକି ମାଡ଼ ସାସାତଲେ କାର୍ମାମେହୁନି ସିଂଗାସାଣି ନକିତା ହାନ ।



୧ ଇଚିହଁ ବାରେ କାଜା ପୂଜେରାଙ୍ଗା ଜାହାରା ଲକୁ ତାଣାଟି ଆଡ଼ଞ୍ଜି ଆନେରି, ଏଞ୍ଜାସି ଏଞ୍ଜାରି ଝାକିଟି ପାପୁ ମ୍ବେକହାଲି ପୂଜା ଅଡ଼େ ଦାନା ହେରପାନା ମାହାପୁରୁତ ସେବା କିନେସି । ୨ ଏଞ୍ଜାସି ବୁଦି ହିଲାଆ ଗାଟାରି ଅଡ଼େ ନାଡ଼ିକିଞ୍ଜି ଆହିମାନି ଲକୁଣି ଅରୁହିନାଣି ତସାଲି ଆଡ଼ିନାସି, ଇଚିହଁ ଏଞ୍ଜାସି ତାନୁଏ ଜିକେଏ ବାଡ଼ୁୟି ହିଲାଆଗାଟାସି; ୩ ଅଡ଼େ ଝାରୁଇ ଏଟକା ଲକୁଡି ପାପୁ ତାକି ଏଞ୍ଜାସି ପୂଜା କିହାଲି ଆନେ ଏଡ଼ି ଆଏ ସାମା ତାନି ପାପୁ ତାକି ଜିକେଏ ତାନୁ ପୂଜା କିହାଲି ଆନେ । ୪ ଅଡ଼େ ଆମ୍ବାଆସି ଈ କାଜା ପୂଜେରା ପାଣାଟି ତାନୁଏ ଅହାକତାଲି ଆଡ଼ଅରି, ସାମା ହାରଣ ଏନିକଁ ଆଡ଼ଞ୍ଜି ଆହାମାନେସି, ଏଲେକିହଁ ଏ ମାହାପୁରୁ ତାଣାଟି ଏଞ୍ଜାସି ଆଡ଼ଞ୍ଜି ଆନାୟି ମାନେ ।

୫ ଏଲେକିହଁ ଏ କ୍ରୀସ୍‌ ଜିକେଏ କାଜା ପୂଜେରା ପାଣାଟି ଗାଞ୍ଜୁରମି ତାନୁଏ ପାରା ହିଲାଆଡେସି, ସାମା ମାହାପୁରୁ ଏଞ୍ଜାଣାକି ଏ ଗାଞ୍ଜୁରମି ପାଣା ହାହାମାନେସି, ଇଚିହଁ ଏଞ୍ଜାସି ଏଞ୍ଜାଣାଲ୍ ଏଲେଇଞ୍ଜାମାନେସି, “ନୀନୁ ନା ମୀରୁଏଣାଟି;

ନୀଞ୍ଜୁ ନୀନୁ ନୀ ତାଞ୍ଜି ଆହାମାଲ୍ ।”

୬ ଏଲେକିହଁ ଏ ଅଡ଼େ ର ତାଣା ଜିକେଏ ଏଲେଇଞ୍ଜି ମାନେସି,

“ନୀନୁ ମଲ୍‌କିସେଦକ ଲେହେଁ କାଲେଏତି ପୂଜେରା ଆଡ଼ି ।”

୭ ଆମ୍ବାଆସି ଏଞ୍ଜାଣାଲ୍ ହାକିଟି ନୀଟହାଲି ଆଡ଼ିମାନେସି, ଏଞ୍ଜାସି ତାନି ଆଙ୍ଗା ତଲେ ନୀତା ମାଟାଟି, ମାହାପୁରୁ ନକିତା ହାରେକା ତୀହି ତୀହଁ ଅଡ଼େ କାଣ୍ଡୁ ତୁଲେ ପ୍ରାତାନା ଅଡ଼େ ବାତିମାଲିହଁ ହେରପା ମାରେସି, ଇଞ୍ଜାଁ ତାନୁଏ ଜାହାରାଲ୍ ଉଣା କିହାକତିନାସି ଅଡ଼େ ତୀରିତାସି ମାଟାକି ମାହାପୁରୁ ଏଞ୍ଜାଣି ରାସ୍‌ୟାଣି ଝେଡେସି, ୮ ଏଞ୍ଜାସି ମାହାପୁରୁ ମୀରୁଏସି ଆଡ଼ିଜିକେଏ ଦୁକୁଡି ଅରୁହାନା ମାନୁଞ୍ଜି ଆହାଲି ଜାପିତେସି । ୯ ଇଲେଆହଁ ତୀରିଆହାନା ତାନି ହୁକୁମି ମାନୁଞ୍ଜି ଆନାରାକି କାଲେଏ ଗେଲ୍‌ପିନାସି

୫ ୫:୭ ମାଟି ୨୬:୩୬-୪୨; ମାର୍କ ୧୪:୩୨-୪୨; ଲୁକ ୨୨:୩୯-୪୨

ଆନେସି; ୧୦ ଏଦାଆଁତାକି ଏଞ୍ଜାସି ମାହାପୁରୁ ତାଣାଟି ମଲ୍ଲକିସେଦକତି ମୋରାଲେହେଁ କାଜା ପୂଜେରା ଇଞ୍ଜି ଅଦିକାରା ବେଗା ଆଡେସି ।

ନାମୁ ଉଣାଆନି କାତା

୧୧ ଜାମୁ କ୍ରୀସ୍ତତି କାତା ମାଜେ ହାରେକା ଖେହ୍ନାୟି ମାନେ, ସାମା ମିଜେ ତେଲୁହି କିୟାଲି ହାରେକା କସ୍ତ, ଇଚିହଁ ମୀ ଜାସ୍ତୁତା ଖେନାୟି ହାରେ ଉଣା ବାଡୁମୁ ମାନେ । ୧୨ ଇଚିହଁ ଇଚର ଦିନା ବିତ୍ତା ମୀରୁ ଜାପୁନାତେରି ଆନାୟି ମାରେ, ଆଡ଼ିଜିକେଏ ମାହାପୁରୁତି ବଲୁ ଏଟକା ଲକୁ ଜାପୁହାଲି ତାକି ମିଜେ ଲଡ଼ା ଆହିମାଞ୍ଜାନେ; ଖାଜିତି ରାନ୍ଦା ଲଡ଼ା କିଆନା ପାଲୁ ମିଜେତାକି ଲଡ଼ା ଆହିମାଞ୍ଜାନେ । ୧୩ ଆମ୍ବାଆସି ପାଲୁ ଗହ୍ନାସି ଏଞ୍ଜାସି ନେହାଁଣି ଲାଗେଏତି କାତା ପୁଞ୍ଜାଲି ଆଡ଼ଅସି, ଇଚିହଁ ଏଞ୍ଜାସି ଉଣା କକାସି । ୧୪ ସାମା ପାତାଆଡ଼ି ଲକୁ, ଇଚିହଁ ଆମ୍ବାଆରି ବୁଦିତଲେ ନେହାଁଣି ଲାଗେଏତାଣି ଆଡ଼ାଲି ଆଡ଼ିନେରି, ଏଞ୍ଜାରାକି ଖାଜିତି ରାନ୍ଦା ଲଡ଼ାମାନେ ।



୧୧ ଏଦାଆଁତାକି ଖାପୁ ମାର କ୍ରୀସ୍ତତି ମୂଲୁଏ ଜାପିତି କାତା ପିସାନା, ତୀରିତଲେ ପାତାଆହାନା, ହାହାମାନି କାମାଟି ମନ ଖେହ୍ନାନା, ମାହାପୁରୁ ତାଣା ନାମିନ, ୨ ବାପୁସ୍ତତି* କାତା ଜାପୁନାୟି, ତାୟଁ ତୁା କେୟୁ ଇଚିନାଣି, ହାଡ଼ାରି ଖେଣ୍ଡେ ନିଜ୍ଜନାୟି, କାଲେଏତି ତଣ୍ଡତି ପୁନାଦି ଖେଣ୍ଡେ କିନାୟିମାନେ । ୩ ନୀଏଁ ମାରୁ ନକିତା ହାନାୟିମାନେ, ହାଅ, ମାହାପୁରୁତି ହେଲ ଆଡ଼ିସାରେ ମାରୁ ଇଦାଆଁ କିନ ।

୪ ଆମିନି ଗାଗାରି ନାମୁତି ଉଣା କିହାମାନେରି, ଏଞ୍ଜାରି ଅଣପାନା ଖେଣ୍ଡା ଖାହାଲି ଆଡ଼ିନେରିକି ? ଏଞ୍ଜାରି ମାହାପୁରୁ ଉଜେଡ଼ିତା ବାସା କିହିମାରେରି, ଲାକପୁରୁତି ଦାନାତି ଖାଣ୍ଡାନା, ସୁଦୁଜାସ୍ତତା ଆଣ୍ଡାମାରେରି, ୫ ମାହାପୁରୁତି ନେହଁ ବଲୁ ଇଞ୍ଜା ଖାହିମାନି ଜୁଗୁତି ବାଡୁମୁତି ଡାକନାଣି ଏଞ୍ଜାରି ଖାଣ୍ଡା ମାନେରି, ୬ ଏଞ୍ଜାରି ସାତାତି ପିସାନା ଲାଗେଏ ଆନେରି, ଆଡ଼ିହଁ ମନତି ବାଦଲି କିଞ୍ଜିକିହାଲି ଅଡ଼େ ଖେଣ୍ଡେ ଏଞ୍ଜାରାଇଁ ପୁଞ୍ଜି କିଞ୍ଜିକିହାଲି ଆଡ଼ାଆୟି, ଏଦାଆଁତାକି ଏଞ୍ଜାରି ତାମି ନାସା ଆହାଲିତାକି ମାହାପୁରୁ ମୀରୁଏଣାଇଁ ପାସି ମୁଣ୍ଡାତା ଏକ୍ହାନା ଲକୁ ନକିତା ଏଞ୍ଜାଣାଇଁ ଲାଜା କିହିମାନେରି ।

୭ ଇଚିହଁ ଆମିନି ବୁମି ପିୟୁ ରିନି ଏୟୁ ଗହ୍ନେ ଇଞ୍ଜା ଆମିନି ତାସା କିନାରାକି ଲଡ଼ା ଆନି ଆନା କାମୁ କିନେ, ଏ ବୁମିତି ମାହାପୁରୁ ବର ହାନେସି । ୮ ସାମା ଏମ୍ବାଆଁ ହାପୁକା ଅଡ଼େ ଜାଡ଼ା ନେୟଁନେ, ଆଡ଼ିହଁ ଏଡ଼ି ଏନି ଲାବା ଆଏ, ଏଡ଼ି ମାହାପୁରୁତି ବାକା ବେଗାଆନେ, ଅଡ଼େ ତାୟୁ ହିଚୁତା ଡାଞ୍ଜାହାନେ ।

୯ ସାମା ଏ ଜାସ୍ତୁତି ତାୟିୟାଁ, ମାମୁ ଇଲେକଁ କାତା ଖେସ୍ତି ଜିକେଏ ମୀ ତାଣା ମା ହାରେକା ନାମୁ ମାନେ; ମୀରୁ ଗେଲ୍ପିଆହାଲି ମାହାପୁରୁତି ବର ବେଗାଆହାମାଞ୍ଜେରି । ୧୦ ଇଚିହଁ ମାହାପୁରୁ ମୀ କାମା, ଅଡ଼େ ମାହାପୁରୁ ଲକୁଣି ସେବା କିହିମାନାଣି ଅଡ଼େ ନୀଏଁ ଜିକେଏ କିହିମାନାଣି ଅଡ଼େ ତାନି ଦରୁ ତାକି ମୀରୁ ଆମିନି ଜାସ୍ତୁନହଁ ମାଞ୍ଜେରି, ଏଦାଆଁ ମାହାପୁରୁ ବାଣସି ଆନେସି ଇଲେତି ଦାମୁଁ ହିଲ୍ପାଆଗାଟାସି ଏଞ୍ଜାସି ଆଏ । ୧୧ ସାମା ମାଦି ରଣ୍ଡିଏ ଅଣପୁ, ମୀରୁ ତାୟୁ ପାତେକା ମାଜେତାକି ମୀ ଜାସ୍ତୁନନାୟି କାଲେଏ ଡ଼ୟାପେ ଆଡ଼ିହଁ ମୀ ବାରେ ଆସା ପୁରା ଆନେ । ୧୨ ଏନିକଁ ମୀରୁ ନିସ୍ତା ଆଆନା ଆମ୍ବାଆରି ନାମୁ ଅଡ଼େ ସାସାତଲେ ଆଞ୍ଜାମାନାଣି ଅଦିକାରା କିହିମାନେରି ଏଞ୍ଜାରିଲେହେଁ ଆଦୁ ।

ମାହାପୁରୁତି ଆଞ୍ଜିନାୟି ସାତା ଆନେ

୧୩ ଇଚିହଁ ମାହାପୁରୁ ଏରିବେଲ୍ପା ଅବ୍ରାହାମାଇଁ ଆଞ୍ଜାମାରେସି, ଏରିବେଲ୍ପା ଏଞ୍ଜାସି ତାନି ଆଞ୍ଜାମାନାଣି ମାନୁଞ୍ଜି ଆହାଲି ପାରମାଣା କିହାମାରେସି, ଏଞ୍ଜାଣି କିହାଁ ଆମ୍ବାଆସି କାଜାସି ହିଲ୍ପାଆକି ଏଞ୍ଜାସି ତାନି ଦରୁତଲେ ପାରମାଣା କିହାଁ ଏଲେଇଞ୍ଜାମାରେସି, ୧୪ ଏଞ୍ଜାସି ଏଲେଇଚେସି, “ନାନୁ ନିଜେ ସାତେଏ ବର ହିୟାଇଁ ଅଡ଼େ ନୀ କୁଡ଼ାତି ହାରେକା ପାତିକିଇଁ ।” ୧୫ ଅଡ଼େ ଇଲ୍ପାଆହଁ ହାରେକା ଅରୁହାନା ଅବ୍ରାହାମ ଆଞ୍ଜାମାନାଣି କାଟାମାଟାକି ଏଦାଆଁ ମୋଡ଼ା ଆହାମାରେସି । ୧୬ ମାଣ୍ଡିୟାଁ ଏଞ୍ଜାରି କିହାଁ କାଜା ଦରୁତଲେ ପାରମାଣା କିନେରି, ଅଡ଼େ କାତା ତୀରି କିହାଲି ଏଞ୍ଜାରି ବାରେ ଗଡ଼ହା ପାରମାଣା ତଲେ ତୀରି ଆନେ । ୧୭ ମାହାପୁରୁ ଆମ୍ବାଆରାଇଁ ଇ ବାରେ ହାଇଁ ଇଞ୍ଜା ଆଞ୍ଜାମାରେସି, ଏ ଆଞ୍ଜାମାନାଣି ମାନୁଞ୍ଜି ଆହାଲି ତାନି ଆଞ୍ଜାମାନାଣି ତାକି ପାରମାଣା କିହାମାରେସି । ୧୮ ଏନିକଁ ଆମିନି ରୀ ବାଦଲି ଆଆଗାଟି କାତାତି ମାହାପୁରୁ ମିଚି ଖେସାଲି ଆଡ଼ଅସି, ଏଦାଣି ତଲେ ନକିତି ବାସ୍ତିତି ଆସାଲି ତାକି ବାସା ଟାୟୁତା ମାରୁ ହତି ମାନାୟି, ଇଞ୍ଜା ମାରୁ ବାଡୁମୁତି ରାହାଁ ବେଗାଆନାୟି । ୧୯ ଏୟୁ ଜାଜା ଦହନି ଲହ୍ ମୁଣ୍ଡାଲେହେଁ, ଏ ବାସ୍ତି

* ୨:୨ ୬:୨୭ଞ୍ଜିନାୟି

ମା ଜୀବୁତି ଗେଲୁପି କିନାୟି ଅଡ଼େ ଆଜ୍ଞାନାୟି, ଏଦି ମାହାପୁରୁ ଇଲୁତି ଏଟ୍ଟକା କିନି ହିମ୍ବୁରି ଲେତାମାନି ଚାୟୁତା ହଡ଼ାନା ଆଟ୍ଟା ଅଡ଼େ ତାରି ଆହାମାନେ, ୨୦ ଅଡ଼େ, ଜୀମୁ ଏ ଚାୟୁତା ମଲ୍ଲକସେଦକ ଲେହେଁ କାଲ୍ଲକାଲ୍ଲାତି କାଜା ପୁଜେରା ଆହାନା ମା ନକିତା ତାକିନି ଲେହେଁ ହଡ଼ାମାନେସି ।



ମଲ୍ଲକସେଦକତି ପୁଜେରା ପାଣା

୧୧ ଇ ମଲ୍ଲକସେଦକ ସାଲେମ ଦେସତି ରାଜା ଅଡ଼େ ବାରେକିହାଁ କାଜା ମାହାପୁରୁତି ପୁଜେରା ମାଚେସି । ଅବ୍ରାହାମ ଅଡ଼େ ତାନି ତଡ଼ତୁରା, ସାରି ଜାଣା ରାଜାୟାଁ ତଲେ ଜୁଜୁତା ଜାଣା ଆହାଁ ଝେଣ୍ଡେ ଝାହିମାରି ବେଲାତା ମଲ୍ଲକସେଦକ ଅବ୍ରାହାମଇଁ ବେଟାଆହାନା ବର ହାତେସି; ୨ ଅବ୍ରାହାମ ଜିକେଏ ଏଞ୍ଜାଣାକି ଜୁଜୁତା ଜାଣାଆହାମାରି ଆସ୍ତିତି ଦସ ବାଗାତି ର ବାଗା ହାହାମାଚେସି । ମଲ୍ଲକସେଦକ, ଇତିହଂ “ଦାମ୍ବୁତି ରାଜା” ଅଡ଼େ ସାଲେମତି ରାଜା, ଇତିହଂ “ହିଡ଼ଡ଼ିତି ରାଜା ।” ୩ ଏଞ୍ଜାଣି ତାଲି ତାଞ୍ଜି ଆକୁ ଆବାୟାଁ ଦରକା କି ଏଞ୍ଜାଣି ଜାର୍ନା ଦିନା କି ଜୀବୁତି ରାଡ଼ି ଦିନା ଆମ୍ବିୟାଞ୍ଜା ରାୟୁକି ଆହାହିଲେଏ; ଏଞ୍ଜାସି ମାହାପୁରୁ ମୀରୁଏସି ଲେହେଁ କାଲ୍ଲା କାଲ୍ଲକି ପୁଜେରା ଆହାମାଚେସି ।

୪ ଅଣପାରି କିପୁ, ମଲ୍ଲକସେଦକ ଏଚେକା କାଜାସି ମାଚେସି, ଆକୁ ଅବ୍ରାହାମ ଜୁଜୁତା ଜାଣାଆହାନା ତାରାମାରି ଆସ୍ତିତି ହାରେକା ନେହଂ ଆସ୍ତିତି ଦସ ବାଗାତି ର ବାଗା ଏଞ୍ଜାଣାକି ହାହାମାଚେସି । ୫ ଲେବି କୁଡ଼ାତି ମୀରୁକା ବିତ୍ରାଟି ଆମିନି ଗାଟାରି ପୁଜେରା ପାଣା ବେଟାଆନେରି, ଏଞ୍ଜାରି ମସାତି ମେରାଲେହେଁ ଇସ୍ତାୟେଲ ଲକୁ ତାଣାଟି ଇତିହଂ ତାମି ତାୟିୟାଁ ତାଣାଟି ଦସ ବାଗାଟି ର ବାଗା ବେଟାଆହାଲି ହେଲ ବେଟା ଆହାମାନେରି, ଏଞ୍ଜାରି ଅବ୍ରାହାମ ଆଜ୍ଞାଟି ଜାର୍ନା ଆଡ଼ିଜିକେଏ ତାମି ଲକୁ ତାଣାଟି ଦସ ବାଗାଟି ର ବାଗା ଅନେରି; ୬ ମଲ୍ଲକସେଦକ ଲେବି କୁଡ଼ାତାସି ଆଏ, ଆଆତି ଜିକେଏ ଏଞ୍ଜାସି ଅବ୍ରାହାମ ତାଣାଟି ଦସ ବାଗାଟି ର ବାଗା ଅଡ଼େସି, ଇଞ୍ଜାଁ ମାହାପୁରୁ ଆଞ୍ଜାମାନାଣି ବେଟାଆନାକି ବର ହାତେସି । ୭ ବର ହାନାସି ବର ବେଟାଆନାଣି କିହାଁ କାଜାସି, ବାରେଜାଣା ଇଦାଆଁ ପୁଞ୍ଜାମାଞ୍ଜେରି । ୮ ଇଲେକିହଂ ହାନ୍ଦି ମାଣସିୟାଁ ଦସ ବାଗାଟି ର ବାଗା ଅହିମାନେରି ଏଞ୍ଜାରି ଜିକେଏ ର ଦିନା ହାନେରି, ସାମା ଏରିବେଲାତା ଆମ୍ବାଆସି ଅବ୍ରାହାମତି ଦସ ବାଗାଟି ର ବାଗା ଅହାମାଚେସି ଏଞ୍ଜାଣି କାତା ସାକି ହାପକି ଆହିମାନେ, ଏଞ୍ଜାସି ହାହା ହିଲଅସି । ୯ ମାର ଏଲେଇଞ୍ଜାଲି ଆଡ଼ିନାୟି, ଦସ ବାଗାଟି ର ବାଗା ଅହିମାନି ଲେବି ତାକୁ ଜିକେଏ ଅବ୍ରାହାମ ତାଣାଟି ଦସ ବାଗାଟି ର ବାଗା ହାହାମାନେସି । ୧୦ ଏନାଆଁତାକି ଇତିହଂ ଅବ୍ରାହାମଇଁ ମଲ୍ଲକସେଦକ ଆଣ୍ଡିତାଟି ଲେବି ଏରିବେଲାତା ଜାର୍ନା ଆହା ହିଲଆତେସି ସାମା ଲେବି ଏଞ୍ଜାଣି ଆଜ୍ଞା ବିତ୍ରା ମାଚେସି ।

୧୧ ଇ ଲେବିୟ ଲକୁତି ପୁଜେରା ପାଣା ତଲେ ଇସ୍ତାୟେଲ କୁଡ଼ାତି ଲକୁ ତାକି ମସାତି ମେରା ହାପକି ଆହାମାଚେ । ଅଡ଼େ ଲେବି ଲକୁତି କାମା ନେହଂ କିହାଲି ଆଡ଼ିତିହଂମା, ହାରେଣାଟି ଅଦିକାରାଗାଟି ଇ ଲେବି ପୁଜେରାଜା ପିସାନା ମଲ୍ଲକସେଦକ ଅଦିକାରା ଲେହେଁ ଅର କୁଡ଼ାତି ପୁଜେରା ଲଡ଼ା ହିଲଆତେ । ୧୨ ଇତିହଂ ପୁଜେରା ପାଣା ବାଦଲି ଆଡ଼େ, ଆତିହଂ ମସା ମେରା ଜିକେଏ ବାଦଲି ଆନାୟି ମାନେ । ୧୩ ଇତିହଂ ଆମ୍ବାଆରି ତାକି ଇ ବାରେ ଝେସ୍ତପି ଆହାମାନେ, ଏଞ୍ଜାସି ଅର କୁଡ଼ାତି ଲକୁ ମାଚେସି, ଆମିନି କୁଡ଼ାତାରି ଆମ୍ବାଆସି ଏଚେଲାଞ୍ଜା ପୁଜା ପିଣ୍ଡାତି ସେବା କାମା କିହାଲି ଆଣ୍ଡାହିଲଅରି । ୧୪ ଇତିହଂ ଇଦି ସାତା ମା ପ୍ରବୁ ଜୀହୁଦା କୁଡ଼ାଟି ଜାର୍ନା ଆହାମାନେସି ଇଞ୍ଜାଁ ମସା ଇ କୁଡ଼ାତି ପୁଜେରା ପାଣା ତାକି ଏନାଆଁ ଝେସାହିଲଅସି ।

ମଲ୍ଲକସେଦକ ଲେହେଁ ଅଡ଼େ ର ପୁଜେରା

୧୫ ଅଡ଼େ ଇଦି ଇମ୍ବାଟି ଜିକେଏ ନେହଂ କଂ ପୁନାୟି, ମଲ୍ଲକସେଦକ ଲେହେଁ ଅଡ଼େ ର ପୁଜେରା ହଡ଼ାମାନେସି । ୧୬ ଏଞ୍ଜାସି ଆଜ୍ଞା ତଲେତି ମସା ମେରାଟି ପୁଜେରା ଆହାହିଲଅସି ସାମା ରାଆଗାଟି ଜୀବୁତି ବାଡ଼ୁୟିତି ପୁଜେରା ପାଣା ମେଡ଼ା ଆହାମାନେସି । ୧୭ ଇତିହଂ ଦାମ୍ବୁପତିତା ଏଞ୍ଜାଣି ତାକି ଇଲେକଂ ଦାମ୍ବୁ ସାଡ଼ୁୟିତା ସାକି ହାପକି ଆହାମାନେ; “ନୀନୁ ମଲ୍ଲକସେଦକ ଲେହେଁ କାଲ୍ଲକାଲ୍ଲାତି ପୁଜେରା ଆଦି ।” ୧୮ ଇମ୍ବାଆଁ ତଲିତି ହୁକୁମି ବାଡ଼ୁୟି ହିଲଆଗାଟାୟି, ଉଜେଏତାୟି ଲାକା ଏଦି ମେଣ୍ଡାଜା ହାଜାମାନେ । ୧୯ ଏନାଆଁତାକି ଇତିହଂ ମସାତି ମେରା ଏନାଆଁଞ୍ଜା ତାରି କିହାଲି ଆଡ଼ାଆତେ । ଅରଞ୍ଜାକି ବାରେକିହାଁ ହାଡ଼େକା ନେହଂ ବାସୁଁ ହଡ଼ାମାନେ, ଏ ବାସୁଁଟି ମାର ମାହାପୁରୁ ତାଗେ ହାଜାଲି ଆଡ଼ିନାୟି ।

୨୦ ମା ଡାକି ମାହାପୁରୁତି ପାର୍ବମାଣା ହାରେକା ମାନେ । ହାରଣ କୁଡ଼ାତି ପୂଜେରା ପାଣାତା ଆର୍ତ୍ତ
ଆଡ଼ାତି ଇଲେତି ଏନି ପାର୍ବମାଣା ହୀପୁକି ଆହାହିଲିଆତେ । ୨୧ ସାମା କ୍ରୀସୁ ପୂଜେରା ଆନି ବେଲ୍ଲତା
ମାହାପୁରୁ ପାର୍ବମାଣା କିହାନା ଏଞ୍ଜାଣାକ୍ ଏଲେଇଞ୍ଜାମାଚେସି,

“ପ୍ରବୁ ର ପାର୍ବମାଣା କିହାମାନେସି,
ଏଞ୍ଜାସି ତାନି ଅଣ୍ଟପୁତି ବାଦ୍ଲି କିଅସି,
ନାନୁ କାଲ୍ଲକାଲ୍ଲତି ପୂଜେରା ଆଡ଼ି ।”

୨୨ ପ୍ରବୁ ଇଲେକ୍ ପାର୍ବମାଣା କିହାମାନାକି ଜୀସୁ ଅଡ଼େ ର ହାରେକା ନେହ୍ ରାଜିମାନା କିନାସି
ଆହାମାନେସି ।

୨୩ ପ୍ଲାଞ୍ଜ ତାଣା ଜିକେଏ ଏଟକା ପୂଜେରାକ୍ ହାନାରି ଆହାମାନାକି ଏଞ୍ଜାରି ହାଡ଼ି ତାୟୁ ଏଟକାତାରି
ପୂଜେରା ପାଣା ବେଟାଆନେରି ଏଡ଼ାଆତାକି ଏଞ୍ଜାରି ହାରେକା । ୨୪ ସାମା ଜୀସୁ କାଲ୍ଲକାଲ୍ଲ ନୀତାମାନାକି,
ଏଚେଲ୍ଲାଞ୍ଜା ବାଦ୍ଲି ଆଆ ପୂଜେରା ପାଣା ବେଟାଆହାମାନେସି । ୨୫ ଏଡ଼ାଆତାକି ଏଞ୍ଜାଣି ତାଣାତି ଆନିନି
ଗାଟାରି ମାହାପୁରୁ ତାଗେ ହାନେରି, ଏଞ୍ଜାରାକି ଏଞ୍ଜାସି ହାରେପୁରେ ନୀର୍ଏ ଅଡ଼େ କାଲ୍ଲେଏ ଗେଲ୍ପାଲି
ଆଡ଼ିମାନେସି, ଏଡ଼ାଆତାକି ଇଚିହ୍ ଏଞ୍ଜାରି ତାକି ମାହାପୁରୁ ତାଣା ଗହାରା କିହାଲି ଏଞ୍ଜାସି କାଲ୍ଲେଏ
ନୀତାମାନେସି ।

୨୬ ଏନାଆତାକି ଇଚିହ୍ ଇଲେତି କାଜା ପୂଜେରା ମା ଡାକି ନେହ୍ସି, ଆଦ୍ବାଆସି ସୁଦୁଗାଟାସି, ଦହ
ହିଲ୍ଲାଆଗାଟାସି, ଲାଗେଏତି ସିନା ହିଲ୍ଲାଆଗାଟାସି ପାପୁ ଗାଟାରି ତାଣାତି ଏଟକା ଆହାମାନାସି, ଲାକପୁରୁ
ଅଡ଼ିଆତେସି । ୨୭ ଏ କାଜା ପୂଜେରା ଲେହେଁ ବାରେଦିନା ନକେଏ ତାନି ପାପୁ ତାକି ଅଡ଼େ ତାୟୁ ଲକ୍ଷୁତାକି
ବାରେଦିନା ପୂଜା ହାହାଲି ଲଡ଼ା ହିଲ୍ଲେଏ, ଇଚିହ୍ ତାଜେ ପୂଜା ହାତାକି ଏଞ୍ଜାସି ରଣିଏ ପାଲି ଛଦାଆଁ
କିହାମାନେସି । ୨୮ ଏନାଆତାକି ଇଚିହ୍ ମସାତି ମେରା ବାଡ଼ୁୟୁ ହିଲ୍ଲାଆଗାଟି ମାଣସିକ୍ କାଜା ପୂଜେରା
ପାଣାତା ଆଡ଼ିନେ, ସାମା ଆନିନି ପାର୍ବମାଣାତି ବଲ୍ଲୁ ମସାତି ମେରା ଜେଡ ଅହାମାଚେ, ଏଡ଼ି କାଲ୍ଲକାଲ୍ଲ
ତାକି ତାରିଗାଟି ମୀର୍ଏଣାକ୍ ଆଡ଼ିମାନେ ।

୮

ଜୀସୁ ମା କାଜା ପୂଜେରା

୧ ମାନ୍ସୁ ଏନାଆଁ ଖେସିମାଞ୍ଜାନମି ଏମ୍ବାତି କାଜା କାତା ଇଦି, ମାଜେତାକି ଇଲେତି ର କାଜା ପୂଜେରା
ମାନେସି, ଏଞ୍ଜାସି ଲାକପୁରୁ କାଜା ଗାଧୁରମିଗାଟି ମାହାପୁରୁ ସିଂଗାସାଣିତି ଚିଃନି ଚଟତା କୁଗାମାନେସି ।
୨ ଏଞ୍ଜାସି ବାରେତି କିହାଁ ସୁଦୁ ଟାୟୁତା ଇଞ୍ଜା ଆନିନି ସାତା ତୁମ୍ବୁ ଇଲ୍ଲୁ ମାଣସି କେୟୁତି କେପି ଆଆନା ପ୍ରବୁ
ତାଣାତି ତାରି ଆହାମାନେ ଏମ୍ବାତି ସେବା କାମା କିନେସି ।

୩ ଇଚିହ୍ ବାରେ କାଜା ପୂଜେରାକ୍ ଦାନା ଅଡ଼େ ଜଡ଼ୁତି ଡାକାହାଁ ପୂଜା କିହାଲି ଆର୍ତ୍ତ ଆହାମାନେରି,
ଛଦାଆଁତାକି ଛ କାଜା ପୂଜେରାକି ଜିକେଏ ପୂଜା ହେରପାଲି ତାକି ଲଡ଼ାମାନେ । ୪ ଜୀସୁ କ୍ରୀସୁ ଦାବ୍ତିତା
ମାଚିହ୍ ମା, ପୂଜେରା ଜିକେଏ ଆୟାଲି ଆଡ଼ାଆତେସିମା, ଏନାଆତାକି ଇଚିହ୍ ଜୀହୁଦି ଲକ୍ଷୁତି ମେରା
ଲେହେଁ ଦାନା ହେରପିନେରି ଇଲେତି ପୂଜେରାକ୍ ଏନାଆଁ ମାନେରି; ୫ ପୂଜେରାକ୍ ମାଦ୍ବାଆରି ସେବା
କିନେରି, ଏଡ଼ି ଲାକପୁରୁତି କାତା ପୁଣ୍ଡିକିନିଲେହେଁ ସାୟ୍ ସମାନା, ମସା ଏଚିବେଲ୍ଲା ପୂଜା କିହାଲିତାକି
ର ତୁମ୍ବୁ କେପିନି ବେଲ୍ଲତା ଏଞ୍ଜାଣାକ୍ ମାହାପୁରୁ ଏଲେଇଞ୍ଜାମାଚେସି, “ଜାଗ୍ରାତା, ହରୁତା ନିଜେ ଆନିନି
ହୁକୁମି ତସ୍ପି ଆହାମାଞ୍ଜାତେ, ଏଲେକିହ୍ ଏ ବାରେ କେପାମ୍ ।” ୬ ସାମା ନୀର୍ଏ ଜୀସୁକି ଆନିନି ପୂଜେରା
କାମା ହୀପୁକି ଆହାମାନେ, ଏଡ଼ି ଏଟକାତି ପୂଜେରାକ୍ କାମା କିହାଁ କାଜାୟି । ଏଲେକିହ୍ ଏ ମାହାପୁରୁ
ଅଡ଼େ ମାଣସିୟାଁ ମାତି ଏଞ୍ଜାସି ଆନିନି ରାଜିମାନା କିହାମାନେସି ଏଡ଼ି କାଜାୟି, ଇଚିହ୍ ଇ ମେରାତା
ହାରେକା କାଜା କାତା ହାହାଲି ଆଞ୍ଜାମାନାୟି ମାନେ ।

୭ ଇଚିହ୍ ତଲିତି ରାଜିମାନା ଏନି ଦହ ହିଲ୍ଲାଆତିହ୍ ମା, ତାୟୁ ଅଡ଼େ ଅର ରାଜିମାନା ଲଡ଼ା
ଆଆତେମା । ୮ ସାମା ମାହାପୁରୁ ତାନି ଲକ୍ଷୁକ୍ ଦହ ଦସାନା ଏଞ୍ଜାରାକ୍ ଏଲେଇଞ୍ଜା ମାନେସି,
“ପ୍ରବୁ ଏଲେଇଞ୍ଜା ମାନେସି, ମେହ୍ଦୁ ର ଦିନା ଖାହିମାନେ,

ଏଚିବେଲ୍ଲା ନାନୁ ଇସ୍ପାୟେଲ କୁଡ଼ା ଅଡ଼େ ଜୀହୁଦା କୁଡ଼ା ତଲେ ର ପୁଞ୍ଜି ରାଜିମାନା ତାରି କିକ୍;

୯ ଆନିନି କାଲ୍ଲତା ନାନୁ ଏଞ୍ଜାରି ଆକୁୟାଣି କେସ୍ତା ଆସାନା ମିସର ଦେସାତି ହପୁହା ତାତାମାଚେର୍ସ,
ଏ ବେଲ୍ଲତା ଏଞ୍ଜାରିତଲେ ନାନୁ ଆନିନି ରାଜିମାନା କିହାମାଚେର୍ସ, ଇ ରାଜିମାନା ଏଲେକିହ୍ ଆଏ;
ଈଞ୍ଜା ଏଞ୍ଜାରି ନା ରାଜିମାନାତା ତାରି ଆହ୍ ମାନାଆତେରି,

ଇଞ୍ଜା ନାନୁ ଏଝାରାଇଁ ମନ ହୀଆତେଏଁ, ପ୍ରବୁ ଈ କାତା ଏଲେ ଇଞ୍ଜିମାନେସି ।

୧୦ ପ୍ରବୁ ଏଲେଇଞ୍ଜି ମାନେସି,

ଡାୟୁ ନାନୁ ଇସ୍ରାୟେଲ କୁଡ଼ା ତଲେ ଈ ରାଜିମାନା କିଇଁ, ଏଦି ଇଦି,

ନାନୁ ଏଝାରି ମନତା ନା ମେରା ହୀଇଁ,

ଏଝାରି ହିୟାତା ଏ ବାରେ ରାଜିଇଁ,

ଅଡ଼େ ଏଝାରି ମାହାପୁରୁ ନାନୁ ଆଇଁ,

ଅଡ଼େ ଏଝାରି ନା ଲକୁ ଆନେରି ।

୧୧ ମାହାପୁରୁଇଁ ପୁଞ୍ଜୁ ଇଞ୍ଜି ଏଝାରି ବିଦ୍ରାତି ରଅସିଝା ତାମି କୁଡ଼ାତି ଗାଡ଼ାତାରାଇଁ ଝେହଅସି,

ଇଞ୍ଜା ତାମି ତାୟିୟାଁଇଁ କି ପାଡ଼ିତାରାଇଁ ଜାପୁଅରି,

ଏନାଆଁତାକି ଇଚିହଁ ଉଣାଟିଏ କାଜାରି ପାଡ଼େକା ଏଝାରି ବାରେଜାଣା ନାଜେ ପୁଞ୍ଜାମାନେରି ।

୧୨ ନାନୁ କାର୍ମାମେସାନା ଏଝାରି ବାରେ ପାପୁ ମ୍ଲେକଇଁ,

ଅଡ଼େ ଏଝାରି ଲାଗେଏ କିନାଣି ଏଚେଲାଝା ଅଣପଅଁ ।”

୧୩ ମାହାପୁରୁ ର ପୁଞ୍ଜି ରାଜିମାନା କିତାକି ତଲିତି ରାଜିମାନାଇଁ ପୁଞ୍ଜଇ ରାଜିମାନା କିହାମାନେସି; ଇଞ୍ଜା

ଅଡ଼େ ଆମିନି ପୁଞ୍ଜଆୟି ଲଡ଼ା ହୀଆଗାଟାୟି ଆହାମାନେ, ଏଦି ଗାଡ଼େକେଏ ମେଣ୍ଡିଜନେ ।



ଦାରୁତି ଅଡ଼େ ଲାକପୁରୁତି ପ୍ରାତାନା

୧ ଯାତେଏ ଏ ତଲିତି ରାଜିମାନା ଜିକେଏ ପ୍ରାତାନା କିନି ମେରା ଅଡ଼େ ର ଦାରୁତିତି ସୁଦୁ ଟାୟୁ କିଞ୍ଚି ଆହାମାଚେ । ୨ ଏଦି ର ତୁମୁ ତଲେ କେପିତି ଇଲୁ ଆହାମାଚେ, ଏମ୍ବାତି ତଲିତି ବାକ୍ତା ଇଞ୍ଜି ଇନେରି ଏମ୍ବାଆଁ ର ଦୀଞ୍ ସଡ଼ା, ୩ ଏଦି ପିଣ୍ଡା ଅଡ଼େ ମାହାପୁରୁକି ହେରପାମାନି ରୁତି ମାଚେ, ଏଦାନି ସୁଦୁ ଟାୟୁ ଇନେରି । ୪ ଏମ୍ବାଆଁ ଲେଟାମାଚି ଚାଟିନି ରୀ ହିମ୍ବରିକା ଡାୟୁଝାକି ଆମିନି ତୁମୁ ମାଚେ, ଏଦାଆଁ ହାରେକା ସୁଦୁ ବାକ୍ତା ଇଞ୍ଜି ଇନେରି; ୫ ଏମ୍ବାଆଁ ବାଂଗାରା ତଲେ ଝାରି କିହାମାଚି ଆମିନି ତୁମୁଠି ହୁତିନି ର ପିଣ୍ଡା ଅଡ଼େ ବାଂଗାରା ତଲେ ଝାରି କିହାମାଚି ରାଜିମାନା ପେଡ଼ା ମାଚେ । ଏ ରାଜିମାନା ପେଡ଼ାତା ମାନା ଇଚିକି ଆହାମାଚି ର ବାଂଗାରା ମୁଡ଼ା ଅଡ଼େ ହାରେଝାୟି ଆକୁ ଗାଲୁହାମାଚି ବାଡ଼ଗା ଇଞ୍ଜା ରାଜିମାନା ରାୟିକି ଆହାମାଚି ରିଣ୍ଡି ଝାଲି ପାଟାୟାଁ ମାଚୁ, ୬ ରାଜିମାନା ପେଡ଼ା ଲାକ ମାହାପୁରୁ ନକିତା ନିଚାମାନି ଲେହେଁ ଗାଝୁରମିଗାଟି ଜଡ଼େକା କିରୁବ ଦୁଡୁୟାତି ବମା ମାଚୁ, ଏଞ୍ଚି ପାପୁ ମେଣ୍ଡିଜି କିନି ଟାୟୁତି ପୁକ୍ତହାମାଚୁ; ଏଞ୍ଚି ପାପୁ ମ୍ଲେକନି ଟାୟୁ ଲାକ ମାଟାୟାଁ ପୁକ୍ତହାମାଚୁ, ଏ ବାରେତି କାତା ନୀଏଁ ନେହଁ କଁ ଝେସାଲି ଲଡ଼ା ହିଲେଏ ।

୭ ଏମ୍ବାଆଁ ଇଲେତି ମେରା ମାନେ; ପୂଜେରାଞ୍ଜା ଦିନାତାକି ଦିନା ତୁମୁତି ତଲିତି ବାକ୍ତା ବିଦ୍ରା ତାମି ସେବା କାମା କିନେରି, ୮ ଯାମା ଡାୟୁତି ବିଦ୍ରା ବାକ୍ତାତା ଝାଉଇ କାଜା ପୂଜେରା ବାସୀ ତାକି ରଣ୍ଡିଏ ଦେବା ହଡ଼ନେସି, ତାନି ପାପୁ ଇଞ୍ଜା ଲକୁତି ପୁନାଆତି ପାପୁ ତାକି ମାହାପୁରୁକି ପୂଜା ହେରପାଲି ଏଝାସି ନେତେରି ଅହାନା ହାରେକା ସୁଦୁ ଟାୟୁତା ହଡ଼ନେସି । ୯ ଇଦାଆଁତାକି ସୁଦୁଜାଝୁ ମାଜେ ଜାପୁହି ମାଞ୍ଜାନେ, ନକିତି ସୁଦୁ ତୁମୁ ମାନି ପାଡ଼େକା ହାରେକା ସୁଦୁ ଟାୟୁତା ହଡ଼ାଲି ଜିରୁ ତଞ୍ଜାଆହାଁ ହିଲେଏ । ୧୦ ଈ ତଲିତି ବାକ୍ତା ନୀଏଁ କାଲା ତାକି ପୁଣ୍ଡି କିଞ୍ଚିକିନି ସିନା, ଅଡ଼େ ଏଲେକିହଁ ଏ ଦାନା ଅଡ଼େ ପୂଜା ଈ ବାରେ ହୀପ୍ଚିଆନେ, ଯାମା ଈ ବାରେ ସେବା କିନାରାଇଁ ନେହଁ ଅଣପୁତି ଦାନା ହୀହାଲି ଆଡ଼େଏ; ୧୧ ଇଚିହଁ ଏ ବାରେ ଝାଉଇ ତିନାଣି ଉନାଣି ଅଡ଼େ ଅବହାଲି ତାକି ଆଜା ତାକି କିନି କାମାୟାଁ ଯାମା ମାହାପୁରୁତି ପୁଞ୍ଜି ମେରା ଆନି ପାଡ଼େକା ଇଦି ବାରେ ଲଡ଼ାଗାଟାୟି ଆହାମାଚେ ।

୧୨ ଯାମା କ୍ରୀସ୍ତ ନୀଏଁ ନେହଁ କାମାଚି କାଜା ପୂଜେରା ସମାନା ଆହାନା ଝାହାମାନେସି, ଇଞ୍ଜା ଏମିନି ତୁମୁ ଇଲୁତା ଏଝାସି ତାନି ସେବା କାମା କିହାମାନେସି, ଈ ଇଲୁ ଦାରୁତିତା ମାନି ତୁମୁ ଇଲୁ କିହାଁ ହାରେକା କାଜାୟି ଅଡ଼େ ନେହାୟି, ଏଦି ମାଣସି କେୟୁତଲେ କେପାଆତି ତୁମୁ ଇଲୁ, ଏଦି ତଞ୍ଜାଆହାମାନି ଦାରୁତି ବିଦ୍ରା ହିଲାଆଡେ । ୧୩ କ୍ରୀସ୍ତ ଗରି କି ବାଚା କଡ଼ିତି ନେତେରି ତଲେ ଆଏ, ଯାମା ଜାହାରା ନେତେରି ତଲେ ରଣ୍ଡିଏ ଦେବା ସୁଦୁ ଟାୟୁତା ହଡ଼ାନା କାଲାକାଲାତାକି ଗେଲପି ଆନାଣି କିହାମାନେସି । ୧୪ ଆମ୍ବାଆରି ପାଣାପାଟୁ ମାନଞ୍ଚି ଆଆନା ପାପୁ କିନେରି, ଏଝାରି ପଲୁଆ ଗାଟାରି ଲାକ ଗରି ଅଡ଼େ ବାଚା କଡ଼ିତି ନେତେରି ତଞ୍ଜାଆହାଁ ହୁଡ଼ିତି ଦାରୁତୁଲେ ଏଝାରି ଆଜାତି ବାରେ ପାପୁ ସୁଦୁ କିହାମାଚେରି, ୧୫ ଇଦି ସାତା ଆହାମାନେ, ଇଚିହଁ କ୍ରୀସ୍ତତି ନେତେରି ସାତା ଆଏ, କି କାଚେଲଏତି ଜାଝୁତି ସାୟେମି ତଲେ ଏଝାସି ଜାହାରାଇଁ

ମାହାପୁରୁ ନକିତା ର ଦହ ହିଲାଆ ପୂଜାଲେହେଁ ହେଉପିତେସି, ତାନି ନେତେରି ଏତେକା ଗାଡ଼ି ନୀତାମାନି ମାହାପୁରୁଇଁ ସେବା କିହାଲି, ହାଡ଼ି କିନି କାମାଟି ମା ଜାପୁତି ଅଣପୁତି ସୁଦୁ କିନେ !

୧୫ ଇଦାଆଁତାକି କ୍ରୀସ୍ତସ ପୁଣି ରାଜିମାନାତି ମାଦିତାସି ଆହାମାନେସି, ଏନିକି ମୁଲୁତି ରାଜିମାନାତି ପାପୁ ମ୍ଲେକହାଲି ତାକି ହାହାମାନାକି ମାହାପୁରୁ ହାଟାମାନି ଲକ୍ଷୁ କାଲ୍ଲକାଲ୍ଲାତି ଅଦିକାରା ଆହାଲି ଆଞ୍ଜାମାନି ଗେଲ୍ପି ଆନାଣି ବେଟାଆନେରି ।

୧୬ ଇତିହିଁ ରାଜିମାନା କିଞ୍ଚି ଆହାମାଟି ରାଜିମାନା ଆହାମାନି ମାଣ୍ଡସିତି ହାନି ପାରୁମାଣା ଲଡ଼ାମାନେ । ୧୭ ଇଞ୍ଜା ହାଡ଼ିସାରେ ରାଜିମାନା କିହାମାନାସି ବାଡ଼ୁରୁ ଆନେ, ଇତିହିଁ ରାଜିମାନା କିହାମାନାସି ନୀତାମାନି ପାତେକା ଏଦି ଏଚେଲା ଜିକେଏ କାମାତା ଖାଏ । ୧୮ ଏଦାଆଁତାକି ତଲିତି ରାଜିମାନା ଜିକେଏ ନେତେରି ହିଲାଆନା ତୀରି ଆହାହିଲାଆତେ । ୧୯ ତଲିଏ ମସା ମେରାତି ହୁକୁମି ଲକ୍ଷୁତାଣା ଅଡ଼େକହେସି, ତାୟୁ ଏଞ୍ଜାସି କଡ଼ି ଅଡ଼େ ଗରିତି ନେତେରି ଏମୁତଲେ ଆଚହାନା ଏସବ ଜାଡ଼ାତି ଆକା ଖେଡ଼ ନେତେରି ଖାଣାଗାଟି ମେଣ୍ଡା ବାଣାୟା ତଲେ ମେରା ପତି ଅଡ଼େ ବାରେ ଲକ୍ଷୁ ଲାକ ଡ଼ାଞ୍ଜିତେସି । ୨୦ ଏଞ୍ଜାସି ଏଲେଇଚେସି, “ଏମିନି ରାଜିମାନା ମାନଞ୍ଚି ଆହାଲି ମାହାପୁରୁ ମିଜେ ହୁକୁମି ହାହାମାଞ୍ଜାନେସି, ଇ ନେତେରି ଏ ରାଜିମାନାତି ତସିମାନେ ।” ୨୧ ଅଡ଼େ ଜିକେଏ ଏଲେକିହିଁ ଏଞ୍ଜାସି ତୁମ୍ଭ ଇଲୁ ଅଡ଼େ ମାହାପୁରୁ ସେବାତାକି ବାରେ ଲଡ଼ାମାନି ଦିଶସୁ ଲାକ ଜିକେଏ ନେତେରି ଡ଼ାଞ୍ଜିତେସି । ୨୨ ସାତେଏ ମସାତି ମେରା ତଲେ ବାରେ ନେତେରି ତଲେ ଅଚ୍ଚି କିଞ୍ଚିଆନେ, ଅଡ଼େ ନେତେରି ଖାକହାନା ପାପୁ ମେଣ୍ଡାକେଏ ।

କ୍ରୀସ୍ତତି ହାକିତି ପାପୁ ମେଣ୍ଡାକିନେ

୨୩ ଏଦାଆଁତାକି ଲାକପୁରୁ କେପିତି ବାରେ ଦିଶସୁ ପୁଣ୍ଡିକିନିଲେହେଁ ପୂଜା ତଲେ ଅଚ୍ଚି ଆନାୟି ମାତେ; ସାମା ଲାକପୁରୁ କେପିତି ବାରେ ଦିଶସୁ ଇ କାଜା ପୂଜା ତଲେ ଅଚ୍ଚିନାୟି ମାନେ । ୨୪ ଏନାୟି ମାଣ୍ଡସିୟାଁ କେୟୁତି କେପାଆତାୟି ଇଲେତି ସୁଦୁ ଚାୟୁତା କ୍ରୀସ୍ତ ହାଜାମାନେସି, ଇଦି ସାତା କାତା, ଏଞ୍ଜାସି ଲାକପୁରୁ ହାଜାମାନେସି, ଏମାଆଁ ଏଞ୍ଜାସି ମା ଖାକିତି ନୀଏଁ ମାହାପୁରୁ ନକିତା ମାନେସି । ୨୫ ଜାହୁଦିୟାଁ କାଜା ପୂଜେରାଜା ଏନିକିଁ ବାର୍ଯା ତାକି ବାର୍ଯା ଏଚକା ଲକ୍ଷୁ ତାକି ପୂଜା ହାନି ନେତେରି ଅହାନା ସୁଦୁ ଚାୟୁତା ହଡ଼ନେରି, ଏଲେକିହିଁ ଏ କ୍ରୀସ୍ତ ଅଲେ ଅଲେ ତାଜେ ପୂଜା କିହାଲି ଏଦି ଏମାଆଁ ହାଜାହିଲଅସି । ୨୬ ଆଡ଼ିହିଁ ଦାରୁତି ଗାଡ଼ିଆଡ଼ି ବେଲାଟିଏ ଅଲେ ଅଲେ ତାଜେ ହାହାଲି ଆଡ଼େମା; ସାମା ନୀଏଁ ଏଞ୍ଜାସି ଜୁସୁ ରାନି ବେଲାତା ତାନୁଏ ପୂଜାଲେହେଁ ହେଉପାକତାମାନାକି ପାପୁ ହେକ କିୟାଲି ତଞ୍ଜା ଆହାମାନେସି । ୨୭ ବାରେ ଲକ୍ଷୁତାକି ଏନିକିଁ ରଣ୍ଡିଏ ଦେବା ହାନାୟି, ଅଡ଼େ ଏଦାନି ତାୟୁ ନୀହାୟି ମାନେ । ୨୮ ଏଲେକିହିଁ ଏ କ୍ରୀସ୍ତ ଜିକେଏ ହାଚେକା ଲକ୍ଷୁତି ପାପୁ ଡେକା ଅହାଲି ରଣ୍ଡିଏ ଦେବା ପୂଜା ଆହାଲି ହେଉପାକତିତେସି, ଅଡ଼େ ଖେଣ୍ଡେ ପାପୁତି ତାକି ଆଏ, ସାମା ଆମିନି ଗାଟାରି ଏଞ୍ଜାଣାଈଁ କାତାମାନେରି, ଏଞ୍ଜାରାଈଁ ଗେଲ୍ପାଲିତାକି ତଞ୍ଜାଆନେସି ।

୧୦

୧ ଇତିହିଁ ମସାତି ମେରା ଖାହିମାନି ଦିନାତି ନେହିଁ ସାୟୁଁ ଲେହେଁ ଆହାନା ଏ ବାରେତି ଖାଣା ଆଆତାକି ପୂଜେରାଜା ବାର୍ଯା ତାକି ବାର୍ଯା ଏ ରଣ୍ଡିଏ ରଲେତି ପୂଜା କିହିମାନାକି ପ୍ରାତାନା କିନାରାଈଁ ଏଚେଲାଖା ତୀରି କିହାଲି ଆଡ଼ଅରି । ୨ ଏଲେକିହିଁ ମାହାପୁରୁତି ସେବା କିନାରି ସାତେଏ ପାପୁତି ନଚ୍ଚି ଆଡ଼ିହିଁ ମା, ଆଡ଼ିହିଁ ଏଞ୍ଜାରି ଅଡ଼େ ଜାହାରା ପାପୁ ଗାଟାଟମି ଇଞ୍ଜୁଁ ଅଣପାଆତେରିମା, ଅଡ଼େ ବାରେ ପୂଜା କିନାୟି ତୁଜିତେମା । ୩ ସାମା ଏଲେକିଁ ଆଆନା ବାର୍ଯା ତାକି ବାର୍ଯା ପୂଜା କିହିମାନାକି ମାଣ୍ଡସିଈଁ ତାନି ପାପୁତି ଅଣପି କିଞ୍ଚିଆହିମାନେ । ୪ ଇତିହିଁ ବାଟା କଡ଼ିତି ନେତେରି ଆପେ କି ଗରିତି ନେତେରି ଆପେ ଏଦି ଏଚେଲାଖା ମା ପାପୁ ମ୍ଲେକହାଲି ଆଡ଼େଏ ।

୫ କ୍ରୀସ୍ତ ଦାରୁତିତା ଖାହାନା ଏଲେଇଞ୍ଜାମାଚେସି,
“ନାନୁ ପୂଜା ଅଡ଼େ ଦାନା ହାନାଣି ରାହାଁ ଆଆଡ଼ି,
ସାମା ନାନୁ ନାଜେତାକି ର ଆଜା କେପିତି;
୬ ପାପୁତି ମ୍ଲେକହାଲି ନାନୁ ହିଡ଼ତା ହୁଡ଼ିନି ପୂଜା ଅଡ଼େ ଜନ୍ତୁ ଡାକିନାଣି ରାହାଁ ଆଆଡ଼ି ।
୭ ଏତିବେଲା ନାନୁ ଏଲେଇଚେଏଁ, ମାହାପୁରୁ, ନାନୁ ଇମାଆଁ ମାଈଁ,
ନୀ ଅଣ୍ଡପୁତି କାମା କିହାଲି,
ଏନିକିହିଁ ସାସ୍ତେରିତା ନା କାତା ରାସ୍ତିକି ଆହାମାନେ ।”

ଠି ଏହାସି ତଲିଏ ଖେସେସି, “ନାନୁ ମାଣସିତି ପାପୁ ମ୍ଲେକହାଲି ପୂଜା କିନାଣି, ଦାନା ଇଞ୍ଜା ଜନ୍ତୁତି ହିରୁତା ହୁତିନାଣି ଅପିହିଲଅତି; ଏ ବାରେ ନିଜେ ରାହାଁ କିୟାଲି ଆଡେଏ ।” ଇ ବାରେ ପୂଜା ମେରାଲେହେ କିଞ୍ଚି ଆହାମାତି ଜିକେଏ, ଏ ଅଡେ ଜିକେଏ ଏହାସି ଏଲେଇଚେସି, “ମାହାପୁରୁ ମେହ୍ମୁ, ନାନୁ ନୀ ମନଲେହେ କାମା କିହାଲି ଖାହାମାଜି” ଏଦାଆଁତାକି ମାହାପୁରୁ ଇ ବାରେ ପୂଜା ଅପାଆନା, ଏଦାଣି ପିସାନା କ୍ରାସ୍ତତି ପୂଜା ଅପିଚେସି । ୧୦ ଜୀସୁ କ୍ରୀସ୍ତ ରଣ୍ଡିଏ ଦେବା କାଲାକାଲାତାକି ତାନି ଆଜ୍ଞାତି ହେରପାନା ମାହାପୁରୁତି ମନଡଲେ କାମା କିହାଲିଏ, ତାନି ଏ ପୂଜାଟି, ମାର ବାରେ ଜାଣାତାୟି ପାପୁଟି ଗେଲ୍ପି ଆହାମା ସୁଦୁ ଗାଟାତାୟି ଆହାମାନାୟି ।

୧୧ ଅଡେ ଜିକେଏ ବାରେ ଜୀହୁଦି ପୂଜେରାଜ୍ଞା ବାରେଦିନା ସେବା କାମା କିହାଲି ଅଲେ ଅଲେ ରଲେଏତି ପୂଜା ହୀହାଲି ନିନେରି; ଇ ବାରେ ଏଚେଲା ପାପୁ ମ୍ଲେକହାଲି ଆଡେଏ । ୧୨ ସାମା କ୍ରୀସ୍ତ ପାପୁ ତାକି ରଣ୍ଡିଏ ଦେବା ତାଜେ ପୂଜା ଅହାଲି ହେରପାକତିତି ତାୟୁ କାଲେଏତାକି ମାହାପୁରୁ ଚିଝିନି ଚଟତା କୁରିଚେସି; ୧୩ ମାହାପୁରୁ ତାନି ସାତୁୟାଁଇ ଏହାଣି କତାୟାଁ ତୁଇ ଇଟାଆ ପାତେକା ଏହାସି ଏମ୍ବାଆଁ କାଟିମାନେସି । ୧୪ ଇଚିହଁ ଖାରଇ ରଣ୍ଡିଏ ପୂଜା ହୀତି ତାଣାଟି ଏହାସି ପାପୁଟି ସୁଦୁ ଆହାମାନି ଲକୁଇଁ କାଲେଏ ତାକି ତାନି କିହାମାନେସି ।

୧୫ ସୁଦୁଜୀସୁ ଜିକେଏ ମାଜେ ସାକି ହୀହାନା ଖେସିମାଞ୍ଜାନେ ।

୧୬ ଇଚିହଁ ପ୍ରବୁ ଇ କାତା ଏଲେଇଞ୍ଜି ମାନେସି,

“ଏ ହାନ୍ତି ଦିନା ନାନୁ ଏହାରିତଲେ ଆମିନି ପୁଝିନି ରାଜିମାନା କିଇଁ,

ଏଦି ଇଦି, ନାନୁ ଏହାରି ହିୟାତା ମସାତି ମେରା ହାଇଁ,

ଇଞ୍ଜା ଏହାରି ମନଡତା ଏ ବାରେ ରାଜିଇଁ ।”

୧୭ ଅଡେ ଏହାସି ଏଲେଇଞ୍ଜି ମାନେସି, “ନାନୁ ଏହାରି ପାପୁ ଅଡେ ଲାଗେଏତି କାମାୟାଁ ଏଚେଲାଖା ଖେଣ୍ଡେ ଅଣ୍ଡପିଁ ।” ୧୮ ଇଦାଆଁତାକି ବାରେ ପାପୁ ଦହ ମେଣ୍ଡିକିସାରେ ଅଡେ ଏଚେଲାଖା ପୂଜା ହୀହାଲି ଲଡା ଆଏ ।

ମାହାପୁରୁ ତାଗେ ହାନାୟି

୧୯ ଏଦାଆଁତାକି ଏ ତାୟିୟାଁ ଅଡେ ତାଜିସ୍ତା, ଜୀସୁତି ହାହାମାନାକି ମାର ସୁଦୁ ଗାୟୁତା ହଡାଲି କାଜା ଅଦିକାରା ବେଟା ଆହାମାନାୟି, ୨୦ ଏହାସି ଲେଟାମାନି ତାନି ଆଜ୍ଞା ଲେହେତି ଚାଟିନି ହିମ୍ବିରି ତଲେ ମାଜେତାକି ର ପୁଝିନି ଇଞ୍ଜା ନୀତିନି ଜିରୁ ଦେଟାମାନେସି । ୨୧ ମାହାପୁରୁ ଇଲୁ ନୀଏଁ ମା କାଜା ପୂଜେରା ତାଣା ମାନେ, ୨୨ ଏଦାଆଁତାକି ଖାଦୁ, ମାର ସୁଦୁ ହିୟାଁ ଅଡେ ଆଡ଼ଞ୍ଜା ନାମୁଟି ମାହାପୁରୁ ନକିତା ହାନ; ଇଚିହଁ ମାର ନୀଏଁ ପାପୁ ଅଣ୍ଡପୁଟି ଅଡ଼ଞ୍ଜି ଆହାମାନାୟି ଅଡେ ମା ଆଜ୍ଞା କ୍ରୀସ୍ତତି ନେତେରି ତଲେ ନରଞ୍ଜି ଆହାମାନେ । ୨୩ ମାର ଖେକହାମାନି ଆସା ବାସୁତି ବାଡୁୟୁ ତଲେ ଆହ୍ନ, ଏନାଆଁତାକି ଇଚିହଁ ମାହାପୁରୁ ଆଞ୍ଜାମାନେସି, ଏହାସି ଚିକାଣାତାସି; ୨୪ ଅଡେ ଜୀସୁ ନଞ୍ଜି ଆହାଲି ଇଞ୍ଜା ନେହଁ କାମା କିଞ୍ଚି କିହାଲିତାକି ରଅତାୟି ରଅଣାଇଁ ସାୟେନି କିହାଲି ମନ ହୀନ, ୨୫ ଅଡେ ଆମ୍ବା ଆମ୍ବାଆରି ମାହାପୁରୁ କୁଲମି ପ୍ରାତାନାତା ରୁଣ୍ଡା ଆହାଲି ହେଲା ଆନେରି, ମାର ଏଲେକଁ କିଆପ; ସାମା ରଅତାୟି ରଅଣାଇଁ ବାସୁ ହୀଞ୍ଜିଆନ, ଏନାଆଁତାକି ଇଚିହଁ ପ୍ରବୁ ହାନ୍ତି ଦିନା ତାଗେ ଖାହିମାନେ ଇଞ୍ଜାଁ ମେସିମାନାୟି ।

୨୬ ମା ନକିତା ସାତା ତଞ୍ଜା ଆତି ଜେତ ମାର ପୁଞ୍ଜି ପୁଞ୍ଜିହଁ ପାପୁ କିହିମାନାୟି, ଆତିହଁ ଏନି ପୂଜା ପାପୁଟି ଗେଲ୍ପାଲି ଆଡେଏ, ୨୭ ଆତିହଁ ମାର ଖାହିମାନି କାଜା ନୀହାୟି ନକିତା ମାହାପୁରୁଇଁ ଅପାଆଗାଟି ଲକୁ ତାକି ମାନି ହିରୁତା ନାସା ଆନାଣି ଆଜାନା ତୁୟିନି ପିସପେ ମାଦି ଅଡେ ଏଡ଼କା ଏନି ତଣ୍ଡି ହିଲେଏ । ୨୮ ଆମ୍ବାଆସି ମସା ମେରାତି ମାନଞ୍ଜି ଆଆସାରେ, ଏହାସି କାର୍ମା ମେସ୍ପି ଆଆନା ରିଆରି କି ତାନି ଜାଣା ସାକି ତଲେ ଦହଗାଟାସି ଇଞ୍ଜାଁ ପୁଞ୍ଜାନା, ଏହାଣାଇଁ କାର୍ମା ମେହ୍ମୁଆନା ହାନି ତଣ୍ଡି ହୀଞ୍ଜିଆନେ । ୨୯ ଇଞ୍ଜା ଅଣ୍ଡପାଦୁ ଆମ୍ବାଆସି ମାହାପୁରୁ ମୀରଏଣାଇଁ କଡ଼ାଁ ତୁଇ ଖିସାମାନେସି, ପୁଝିନି ରାଜିମାନାତି ଆମିନି ନେତେରି ତଲେ ଏହାସି ସୁଦୁ ଆହାମାନେସି, ଏହାଣାଇଁ ଉଣା ଇଞ୍ଜାଁ ଅଣ୍ଡପାମାନେସି ଅଡେ କାର୍ମା ହାନି ଜୀସୁତି ଅପାହିଲଅସି, ଏହାସି ଏଚେକା ହାଚେଏ ତଣ୍ଡି ବେଟାଆସି ! ୩୦ ଇଚିହଁ ମାର ପୁଞ୍ଜାମାନାୟି, “ବାଦୁଲି ଅନାୟି ନା ଅଦିକାରା, ନାନୁ ତାନି କାମାତି ପାଡେୟି ହୀଇଁ” ଆମ୍ବାଆସି ଇ କାତା ଏଲେଇଞ୍ଜା ମାନେସି, ଏହାଣାଇଁ ନାନୁ ପୁଞ୍ଜାମାଇଁ, ଅଡେ ଜିକେଏ “ପ୍ରବୁ ତାନି ଲକୁଇଁ ନୀହାୟି କିନେସି ।” ୩୧ ନୀତାମାନି ମାହାପୁରୁ କେୟୁତା ହେରଞ୍ଜିନାୟି ଏଦି ହାଚେକା ଆଜିହପେତାୟି ।

୩୨ ଯାମା ଉଜେଡ଼ି ମେସି ତାୟୁ ଏତିବେଲାତା ମୀରୁ ହାରେକା ଦୁକୁ କସ୍ତୁ ବେଗାଆହାନା ହାର୍ଡ଼ି ଆହାହିଲଅତେରି, ମୀରୁ ଏ ତଲି କାଲାତି ଅଣ୍ଡପାଦୁ; ଯାମା ମୀରୁ ଏରେଲାଖା ହାର୍ଡ଼ି ଆହା ହୀଲଅତେରି । ୩୩ ରକଖାକି ଅପାଆ ଗାଗାତେରି ଅଡ଼େ କସ୍ତୁତା ଲାଜା କିଝିଆହିମାରେରି, ଅରଖାକି ଏଲେକିହି ଏ ମାହାପୁରୁ ଲେମ୍ବିମାନି ଲକୁତଲେ ଆଣ୍ଡିମାରେରି । ୩୪ ଇତିହିଁ ମୀରୁ କାୟିଦି ଗାଗାରି ତଲେ ଆଣ୍ଡାନା ଦୁକୁ ବେଗା ଆହାମାରେରି, ଅଡ଼େ ମିଜେ ମୀ ହାରେକା ନେହିଁ କାଲେଏତି ବାଡ଼କୁ ମାନେ, ଇଦାଆଁ ପୁଞ୍ଜାନା ରାହିଁତଲେ ମୀ ଦନ ମାଣ୍ଡା ଅନାଣି ମୀରୁ ଅରହିମାରେରି । ୩୫ ଇଦାଆଁତାକି ମୀରୁ, ମୀ ଯାସା ପିହିଆଦୁ ଇତିହିଁ ଏମାଟି ହାରେକା ଦାନା ମାନେ । ୩୬ ମାହାପୁରୁତି ଅଣ୍ଡପୁ ପୁରା କିହାନା ଏଝାସି ଆଞ୍ଜାମାନାଣି ବେଗାଆହାଲି ଆଡ଼ିଦେରି, ଏଦାଆଁତାକି ମୀରୁ ଯାସା ଆସାନା ଡ଼ୟାଦୁ । ୩୭ ଇତିହିଁ ଦାମ୍ବୁପତିତା ରାସ୍ତକି ଆହାମାନେ,

“ଇତିହିଁ ହାରେକା ଉଣା ବେଲା ମାନେ,
ଆମ୍ବାଆସି ଖାନାୟି ମାନେ, ଏଝାସି ଖାନେସି;
ଅଡ଼େ ଏଝାସି ଝେଡ଼ା କିଅସି ।

୩୮ ନା ଦାମ୍ବୁତି ମାଣସି ନାମୁତଲେ ନୀତିନାସି,
ଯାମା ଆମ୍ବାଆସି ନା ତାଣାଟି ଗୁଟା ଆନେସି,
ଆତିହିଁ ଏଝାଣି ତାଣା ନା ଜାଝୁ ରାହିଁ ଆଏ ।”

୩୯ ଯାମା ଆମ୍ବାଆରି ନାସା ଆହାଲି ଝେଣ୍ଡେ ଗୁଟା ଆନେରି, ମାମୁ ଧୁଞ୍ଜାରି ଗିତିତି ଲକୁ ଆଏ, ଯାମା ଆମ୍ବାଆରି ଜାଝୁତି ଗେଲ୍ପି ଆହାଲି ନାମିନେରି, ମାମୁ ଧୁଞ୍ଜାରି ଗିତିତି ଲକୁତମି ।

୧୧

ନାମୁ

୧ ନାମୁ ଇତିହିଁ ଆସା କିହିମାନାଣି ବାରେ ସାତେଏ ବେଗାଆନାୟି, ଇଞ୍ଜା ତଞ୍ଜାଆଆଗାଗାୟି ସାତେଏ ମାନେ ଇଞ୍ଜା ପୁନାୟିଏ ନାମୁ । ୨ ତଲିତି ମା ଆକୁୟାଁ ମାହାପୁରୁଇଁ ନାମାଲିଏ ମାହାପୁରୁ ତାଣା ଝେଜିତେରି ।

୩ ମୀରୁ ନାମୁଟି ପୁନାୟି, ବାରେ ଦାରୁତି ମାହାପୁରୁତି ବଲୁ ତଲେ ଗାଡ଼ି ଆଡ଼େ, ଅଡ଼େ ଏନାୟିଖା ତଞ୍ଜା ଆଆଗାଟି ତାଣାଟି ତଞ୍ଜା ଆନାୟି ଗାଡ଼ି ଆହା ହିଲେଏ ।

୪ ନାମୁଟି ହେବଲ ମାହାପୁରୁ ନକିତା କୟିନ କିହିଁ ନେହିଁ ପୁଜା ହେରପିତେସି ଇଞ୍ଜା ଏଦାଣି ତଲେ ଏଝାସି ଦାମ୍ବୁଗାଗାସି ଆଡ଼େସି; ମାହାପୁରୁ ତାନୁଏ ତାନି ଦାନାତାକି ସାକି ହାତେସି, ଅଡ଼େ ଏଝାସି ହାଡ଼ି ଜିକେଏ ନୀଞ୍ଜୁପାତେକା ନାମୁଟି କାତା ଆହିମାନେସି ।

୫ ନାମୁଟି ହନକ ହାଆନା ମାହାପୁରୁ ତାଣା ଅଝିଆଡ଼େସି ଇଞ୍ଜା ମେଣ୍ଡଜିତେସି; ଅଡ଼େ ଏଝାସି ତଞ୍ଜା ଆଆଡେସି, ଇତିହିଁ ମାହାପୁରୁ ଏଝାଣାଇଁ ଅହାନା ମେଣ୍ଡଜିକିତେସି, ଏଝାସି ମାହାପୁରୁତି ରାହିଁ ଗାଗାସି, ମେଣ୍ଡଜିନି ନଟକଏ ଏଝାସି ଏ କାତା ଝେଞ୍ଜାମାରେସି; ୬ ଅଡ଼େ ନାମୁ ହିଲାଆନା ଆମ୍ବାଆସି ମାହାପୁରୁଇଁ ରାହିଁ କିହାଲି ଆଡ଼ସି, ଇତିହିଁ ମାହାପୁରୁ ସାତେଏ ମାନେସି ଇଞ୍ଜା, ଅଡ଼େ ଏଝାସି ତାଜେ ପାରିନାରାଇଁ ତାନି କିତି କାମାତି ପାଡ଼େୟି ହାନେସି, ଇଦାଆଁ ଏଝାଣି ତାଣା ଖାନ୍ତି ଲକୁ ନାମିନାୟିମାନେ ।

୭ ନାମୁଟି ନହ ଏ ବେଲା ପାତେକା ତଞ୍ଜା ଆଆଗାଟି କାତାତାକି ହୁକୁମି ବେଗାଆହାନା ଆଜିତଲେ ତାନି କୁଟମି ଗେଲ୍ପାଲିତାକି ର ଲାଜା କେପିତେସି, ଇଞ୍ଜା ଏ ନାମୁତଲେ ଏଝାସି ଦାରୁତିତି ଦହ କିହାନା ନାମୁତଲେ ମାହାପୁରୁ ନକିତା ଦାମ୍ବୁଗାଗାସି ଆଡ଼େସି ।

୮ ନାମୁଟି ଅବ୍ରାହାମ ମାହାପୁରୁ ତାଣାଟି ହାଟୁକି ଆହାଲିଏ, ଆମିନି ଦେସା ଏଝାସି ବେଗାଆହାଲି ହାଜିମାରେସି, କାତା ମାନଝି ଆହାନା ଏମ୍ବାଆଁ ହାଜାଲି ହତେସି, ଏଝାସି ଏମ୍ବୟା ହାଜିମାନେସି, ଏଦାଆଁ ଏଝାସି ପୁନାଆନା ଜିକେଏ ହବାହାରେସି । ୯ ନାମୁଟି ଏଝାସି ଏଟକା ଦେସାତାରିଲେହିଁ ଆଞ୍ଜାମାନି ଦେସାତା ବାସା କିତେସି, ଏଝାସି ତୁମୁତା ବାସା କିତେସି ଅଡ଼େ ଏଝାଣିଲେହିଁ ମାହାପୁରୁ ଆଞ୍ଜାଲିଏ ଇସାହାକ ଅଡ଼େ ଜାକୁବ ଜିକେଏ ତୁମୁ ଇଲୁତା ବାସା କିତେରି । ୧୦ ଇତିହିଁ ଆମିନି ଗାଡ଼ା କାଲେଏ ତାକି ପୁନାଦି ଲେହିଁ ଅଡ଼େ ମାହାପୁରୁ ତାନୁଏ କେପାମାନେସି, ଅବ୍ରାହାମ ଏ ଗାଡ଼ା ବେଗାଆହାଲି କାଗାମାରେସି ।

୧୧ ନାମୁତଲେ ସାରା ବାଝେଣି ଆହିଁ ତାନୁଏ ଜିକେଏ ଆଞ୍ଜାମାନାଣାଇଁ ଦୁତି ବୁଡ଼ୁହି ଆହାମାଟି ଜିକେଏ ପୁରାମାସା ଆହାଲି ବାଡ଼ୁୟୁ ବେଗାଆଡ଼େ; ୧୨ ଅବ୍ରାହାମ ଦୁତି ବୁଡ଼ୁହି ଆହାମାଟି ଜିକେଏ ଏଝାଣି ତାଣାଟି

☆ ୧୧:୩ ୧୧:୩ ଜହ ୧:୩

ହାଗୁଡ଼ି ହୁକାୟାଁ ଅଡ଼େ ସାମଦୁରିତି ବାଠଲି ଲେହେଁ ଏଜିକିହାଲି ଆଡ଼ାଆଗାଟି ର ହାରେକା କୁଡ଼ା ଜାର୍ନୀ ଆଡ଼େରି ।

୧୩ ଏ ବାରେଜାଣା ମାହାପୁରୁଇଁ ନାମାହାଁ ହାଡ଼େରି; ଏଞ୍ଜାରି ମାହାପୁରୁ ଆଞ୍ଜାମାଟାଣି ପୁଞ୍ଜାଆତି ଜିକେଏ ହେକଟି ଏ ବାରେ ମେସାନା ରାହାଁ ଆଡ଼େରି ଇଞ୍ଜା ଦାଉଡ଼ିତା ମାମୁରୁଦେସା ଅଡ଼େ ବାସା କିହାମାନମି ଇଞ୍ଜୁ ଜଲିତେରି । ୧୪ ଇତିହ ଆମିନି ଗାଟାରି ଇଲେକତି କାତା ଜଲିନେରି, ଏଞ୍ଜାରି ତାମି ଅଡ଼େ ର ଦେସା ପାରିମାନେରି ଇଞ୍ଜୁ ଖେସିମାନେରି । ୧୫ ଏଞ୍ଜାରି ଆମିନି ଦେସା ପିସା ଖାହାମାରେରି, ଏ ଦେସାତି ଅଡ଼େ ଅଣପି ହିଲାଆଡ଼େରି । ଏଞ୍ଜାରି ଅଣପିତିହ ମା ଏ ଦେସାତା ଖେଣ୍ଡେ ହାଜାଲି ଆଡ଼ିତେରିମା । ୧୬ ସାମା ଏଞ୍ଜାରି ର ହାରେକା ନେହାଁଣି ଇତିହ ଲାକପୁରୁ ଦେସାତି ଅଣପିମାନେରି; ଏଦାଆଁତାକି ମାହାପୁରୁଇଁ ଏଞ୍ଜାରି ମା ମାହାପୁରୁ ଇଞ୍ଜୁ ଖେଜି କିହାଲି ଲାଜା ଆହା ହିଲାଆଡ଼େରି, ଇତିହ ଏଞ୍ଜାରି ଏଞ୍ଜାରି ତାକି ର ଗାଡ଼ା ତାରି କିହାମାନେସି ।

୧୭ ନାମୁତଲେ ଅଗ୍ରାହାମ ତାୟିପାରି କିଞ୍ଜିଆହାଁ ଇସାହାକଇଁ ପୁଜା କିହାଲି ହେରପିତେସି, ଆମିନି ମାଣସି ଆଞ୍ଜାମାଟାଣି ମେଡ଼ା ଆହାମାରେସି, ଆମ୍ବାଆରାଇଁ ଏଲେଇଞ୍ଜାମାରେସି, ୧୮ “ଇସାହାକ ତାଣାଟି ନୀ କୁଡ଼ା ଖେଜିନେରି, ଏ ମାଣସି ତାନି ରଣ୍ଡିଏ ମୀରୁଏଣାଇଁ ତାକିନି ପୁଜା ହାହାଲି ହାଜିମାରେସି ।” ୧୯ ଇସାହାକଇଁ ମାହାପୁରୁ ହାଡ଼ାରି ତାଣାଟି ଜିକେଏ ନିକହାଲି ଆଡ଼ିମାନେସି ଇଞ୍ଜୁ ଅଣପିମାନେସି, ଇଞ୍ଜା ଅଗ୍ରାହାମ ସାତେଏ ଇସାହାକଇଁ ହାକିଟି ଖେଣ୍ଡେ ବେଟାଆଡ଼େସି ।

୨୦ ନାମୁତଲେ ଇସାହାକ ଖାହିନି ଦିନାତା ନେହୁ ଆପେ ଇଞ୍ଜୁ ଅଣପିମାନା ଜାକୁବ ଅଡ଼େ ଏସାଞ୍ଜୁଇଁ ବର ହାଡ଼େସି ।

୨୧ ନାମୁତଲେ ଜାକୁବ ହାନ୍ତି ବେଲାତା ଜସେପତି ରୀ ମୀରକାଣି ବର ହାଡ଼େସି, ଇଞ୍ଜା ତାନି କୁଡ଼ା ବାଡ଼ଗାତା ଗେଣ୍ଡାନା ମାହାପୁରୁଇଁ ଜହରା କିତେସି ।

୨୨ ଜସେପ ହାନ୍ତି ବେଲାତା ନାମୁତଲେ ଇସାୟେଲ ଲକୁ ମିସର ଦେସାଟି ହଡ଼ାହାନି କାତା ଖେସେସି । ଇଞ୍ଜା ତାନି ପେଡ଼କା ତୁମକା ତାକି ହୁକୁମି ହାଡ଼େସି ।

୨୩ ନାମୁତଲେ ମସାତି ତାଲି ତାଞ୍ଜି ଏଞ୍ଜାଣି ଜାର୍ନୀଆଡ଼ି ଦିନାଟିଏ ଏଞ୍ଜାଣାଇଁ ର ଅଜିତି କକାସି ଇଞ୍ଜୁ ମେସାନା ରାଜା ହୁକୁମି ଆଜାଆନା ତାନି ଲେଞ୍ଜୁ ପାତେକା ଏଞ୍ଜାଣାଇଁ ଡ଼କୁହାନା ଇଟାମାତୁ ।

୨୪ ମସା ନାମୁତଲେ ପାତାଆଡ଼ି ତାୟୁ ପାର ରାଜା ମାଜାଟି ମୀରୁଏସି ଇଞ୍ଜୁ ଖେଜାଲି କୁତେସି ।

୨୫ ଗାଡ଼େକା ତାକି ପାପୁ ତଲେ ରାହାଁ ବେଟାଆନାଣି କିହାଁ ମାହାପୁରୁ ଲକୁତଲେ ଦୁକୁ କସୁ ଅରୁହନାୟି ନେହାୟି ଇଞ୍ଜୁ ଅପିତେସି । ୨୬ ମିସର ବାରେ ଦେସାତି ଦନ କିହାଁ କ୍ରୀସୁତି ନିନ୍ଦା ବେଟାଆନାୟି ବାରେକିହାଁ କାଜା ଦନ ଇଞ୍ଜୁ ଅଣପିତେସି, ଇତିହ ଏଞ୍ଜାରି ଖାନ୍ତି ଦିନାଣା ବେଟାଆନ୍ତି ଦନତି ସିନିକିତେସି ।

୨୭ ମସା ନାମୁତଲେ ରାଜା କପାତି ଆଜାଆନା ମିସର ଦେସା ପିସାହାରେସି, ଇଞ୍ଜା ଆମ୍ବାଆସି ମେହୁଆଗାଟି ମାହାପୁରୁଇଁ ମେସିଲେହେଁ ଅରୁହାନା ଡ଼ୟିତେସି । ୨୮ ନାମୁତଲେ ଏଞ୍ଜାସି ପିସପିଆନ୍ତି ପାରୁଡ଼ି ଅଡ଼େ ନେତେରି ଡ଼ାଞ୍ଜିନି ମେରା ମାନଡ଼ି ଆଡ଼େସି, ଏନିକି ପାଣ୍ଡାଞ୍ଜା ମୀରକାଣି ପାୟିନାସି ଇସାୟେଲ ମୀରକାଣି ତାଗେଏ ।

୨୯ ଇସାୟେଲ ଲକୁ ନାମୁତଲେ ଖାୟିତି ବୁମିତା ତାକିନି ଲେହେଁ ସୁପ ସାମଦୁରି ଗାଣ୍ଡତେରି, ସାମା ମିସର ଦେସାତାରି ଏଲେକି ଗାଣ୍ଡଗାଲି ଅଣପିମାନା ସାମଦୁରିତା ମୁଞ୍ଜାନା ହାଡ଼େରି ।

୩୦ ଇସାୟେଲ ଲକୁ ନାମୁତଲେ ସାତା ଦିନା ପାତେକା ଜିରିହ ଗାଡ଼ାତି କଟା ସାରିସୁଡ଼ି ରେଡ଼ିତାୟୁ ବିଡ଼ହାହାରେ । ୩୧ ନାମୁତଲେ ରାହାଁ ଦାରେଣି ଦେସା ସିନିକିହାଲି ମେଣେଏ ଖାହାମାଟାଗାଇଁ ଟାୟୁ ହାତାକି ମାହାପୁରୁଇଁ ମାନଡ଼ି ଆଆଗାଟାରି ତଲେ ନାସା ଆଆନା ହିଡ଼ି ବେଟାଆଡ଼େ ।

୩୨ ଅଡ଼େ ଆଗାଡ଼ା ଏନାଆଁ ଖେସାଇଁ, ରିଦିୟନ, ବାରକ, ସାମସନ, ଜିପ୍ରହ, ଦାଞ୍ଜୁଦ, ସାମୁୟେଲ ଅଡ଼େ ମାହାପୁରୁ ଅଣପୁତି ବଲୁ ଖେହନାରି କାତା ମିଜେ ଖେସାଲି ବେଲା ହାଲେଏ । ୩୩ ନାମୁତଲେ ଏଞ୍ଜାରି ହାରେକା ରାଜିୟାଣି ଜୁଜୁ କିହାନା ଜୀଣା ଆଡ଼େରି, ଦାମ୍ବୁକାମା କିତେରି, ମାହାପୁରୁ ଆଞ୍ଜାମାନାଣି ବେଟାଆଡ଼େରି, ସିହ କ୍ଲୀଞ୍ଜିୟାଁ ଗୁଡ଼ି ମୁଦା କିତେରି । ୩୪ ଏଞ୍ଜାରି ଆଜିହପେତି ଡ଼ାଞ୍ଜିନି ହିକୁ ତୁପହେରି, ଟୁଣିନି ତାଣାଟି ପିସପିଆଡ଼େରି, ଏଞ୍ଜାରି ବାଡ଼ୁୟୁ ହିଲାଆ ବେଲାତା ବାଡ଼ୁୟୁ ବେଟାଆଡ଼େରି, ଜୁଜୁତା ଜୀଣା ଆଡ଼େରି, ଅଡ଼େ ମାହାପୁରୁଇଁ ନାମାଆତାରି ଜୁଜୁକିନି କସକାଣି ଜୀଣାଆହାନା ପେରହାଡ଼ୁସେରି । ୩୫ ନାମୁତି ଆୟାସିକା ତାମି ଲକୁ ବିଡ଼ାଟି ହାଡ଼ାଗାଇଁ ନିପକି ଆହାନା ଖେଣ୍ଡେ ବେଟାଆଡ଼ୁ; ଏତରଜାଣା ଖେଣ୍ଡେ ନିଜିନାଣି ମେଡ଼ା ଆହାଲିତାକି ଗେଲପି ଆହାଲି ମନ କିଆନା ଆଜିହପେତି କସ ବେଟାଆଡ଼େରି ।

୩୭ ଏଚର ଜାଣାଇଁ ନିନ୍ଦା କିହାନା କାକହେରି, ଏଚର ଜାଣାଇଁ ସାବୁଣି ତ୍ୱରି ତଲେ ଖେତେରି, ଏଚର ଜାଣାଇଁ ହିକ୍‌ଣିୟାଁ ତଲେ ଦସାନା କାୟିଦି ଇଲୁ ତାଣାଟି ତାୟିପାରି କିଞ୍ଚି ଆଡେରି । ୩୮ ଆମ୍ବାଆରି ଖାଲକାତଲେ ପାୟୁଞ୍ଚି ଆଡେରି, ଆମ୍ବାଆରି କରୁତ ତଲେ ରୀ ଗାଣ୍ଡା । କିହଁ ରାଡ଼ପିଆଡେରି, ଇଞ୍ଜାଁ କାଣ୍ଡାତଲେ ପାୟୁଞ୍ଚି ଆଡେରି, ଆମ୍ବା ଆମ୍ବାଆରି ମେଣ୍ଡା ଅଡେ ଗରି ତଲୁକା, ହୁତାନା ରାନ୍ଦାକୁତା ବେଟାଆଆନା କସ୍ତ, ଲାଗି ବେଟାଆହଁ ଇତାଲା ଆତାଲା ରେତେରି । ୩୯ ଏଞ୍ଜାରି ଦେସାଟି ଲକୁ ହିଲାଆ ତାଣା, ହରୁକାଣା, ପାଞ୍ଜୁୟାଣା ଅଡେ ଗାଣ୍ଡାଣା ବାସା କିତେରି; ଦାରୁତିତି ଏଞ୍ଜାରାକି ନୀତାଲି ଜଣେ ହିଲାଆତେ ।

୩୯ ଏଞ୍ଜାରି ନାମୁତଲେ ଈ ବାରେ ନେହଁ ଖେଙ୍ଗାମାଟି ଜିକେଏ ଆଞ୍ଜାମାଚାଣି ବେଟାଆଆତେରି, ୪୦ ଇତିହଁ ମାହାପୁରୁ ମାଜେତାକି ହାରେକା ନେହଁଣି କିହଁ ଇଟାମାନେସି, ଏନିକଁ ଏଞ୍ଜାରି ମା ତଲେ ଏନିକଁ ତାରି ଆନେରି ଇଞ୍ଜଁ ମାହାପୁରୁତି ଅଣପୁ ମାତେ ।

୧୨

ମାହାପୁରୁ ମା ଆବା

୧ ଇଦାଆଁତାକି ଇଚେକା କାଜା ହାଗୁଲେହେଁ ସାକି ହାହାମାନାରି ମା ସାରିସୁରୁ ମାନାକି, ଖାଦୁ ମାର ବାରେତି ବକୁ ଅଡେ ଆଙ୍ଗାମାଞ୍ଜାନି ପାପୁ ପିସାନା ନାମୁତା ନକିନାସି ଅଡେ ତାରିକିନି ଜାସୁଇଁ ସିନକିହାନା ସାସାତଲେ ମା ନକିତା ତାରିଆହାମାନି ଚାୟୁତା ହଣନ । ୨ ମା ନାମୁ ତାକି ନକିନାସି ଅଡେ ନାମୁତା ବାସୁକିନି ଜାସୁଇଁ ମାର ସିନକିନ । ଏଞ୍ଜାସି ନକିତା ମାନି ରାହଁ ବେଟାଆହାଲି ପାସି ମୁଣ୍ଡାତା ଲାଜା ବେଟାଆହାନା ହାଦି ପାତେକା ଅରୁହିତେସି ଇଞ୍ଜଁ ଏଞ୍ଜାସି ନାସି ମାହାପୁରୁ ସିଂଗାସାଣି ଚିଠି ଚଟତା କୁଗାମାନେସି ।

୩ ମୀରୁ ଏନିକଁ ମୀ ମନତା ଖାହୁ ଖାହୁଅତେରି; ଇଦାଆଁତାକି ପାପୁ ଗାଟାରି ତାଣାଟି ତାନି କପାଟି ଏଚେକା କସ୍ତ ଅରୁହିତେସି, ଏଞ୍ଜାଣି କାତା ମୀରୁ ଅଣପାଦୁ । ୪ ମୀରୁ ପାପୁ କପାଟି କୁକୁ କିହାନା ନାସି ପାତେକା ମୀ ନେତେରି ହୀନି ପାତେକା ଆଙ୍ଗା ହିଲଅତେରି । ୫ ମାହାପୁରୁ ମିଜେ ମୀରକାତେରି ଲେହେଁ ଖେସାମାଞ୍ଜାନି, ସାସାହାନି କାତା ବାଣାଆଡେରି କି ?

“ଏ ନା ମୀରଏଣାଟି, ପ୍ରବୁ ସାଲଞ୍ଚି କିୟାନାଣି ଉଜେଏତାୟି ଇଞ୍ଜଁ ଇନାଆନି,

ଆଆତଁ ଏଞ୍ଜାଣି ତାଣାଟି ଦାକା ବେଟାଆଡ଼ିସାରେ ସାସା ପିହଆନି;

୬ ଏନାଆଁତାକି ଇତିହଁ ପ୍ରବୁ ଆମ୍ବାଆରାଇଁ ଜାସୁ ନନେସି,

ଏଞ୍ଜାଣାଇଁ ଜାଗ୍ରାତା କିହଁ ଇଦାନେସି ଅଡେ ଆନିନି ମୀରଏଣାଇଁ ଆବିନେସି, ଏଞ୍ଜାଣାଇଁ ସାସି ହୀନେସି

୭ ନେହଁତେରି ଆହାଲି କସ୍ତ ଅରୁହି ମାଖେରି, ମାହାପୁରୁ ମିଜେ ମୀରକା ଲେହେଁ ଲେମ୍ବିମାଞ୍ଜାନେସି, ଇତିହଁ ଆବା ଆମ୍ବାଆରାଇଁ ତଣ୍ଡ ହୀଅସି ଇଲେତି ମୀରଏସି ଆମ୍ବାଆସି ମାନେସି ? ଯାମା ଆନିନି ତଣ୍ଡତା ବାରେ ଆଣ୍ଡିନେରି, ଇଞ୍ଜାଁ ମୀରୁ ଏମ୍ବାଆଁ ଆଣ୍ଡାଆତାତେରି, ଆତିହଁ ମୀରୁ ମୀରକା ଆଆନା ଦାରେଣି ମୀରକା ଆଡେରି । ୮ ଅଡେ ଜିକେଏ, ମା ଦାରୁତିତି ତାଞ୍ଜିୟାଁ ମାଜେ ସାସି ହାୟାତି ଜିକେଏ ଏଞ୍ଜାରାଇଁ ମାର ମାନି କିତାୟି, ଆତିହଁ ମା ଲାକପୁରୁତି ଆବାଇଁ ଏତେ ହାରେକା ମାନଞ୍ଚି ଆହାନା ଜାସୁ ବେଟା ଆଆୟି ? ୯ ମା ଦାରୁତିତି ତାଞ୍ଜିୟାଁ ତାନି ଅଣପୁତା ନେହଁ ଆନିଲେହେଁ ମାଜେ ଗାଡ଼େକା ଦିନାତାକି ସାସି ହିୟାତେରି; ସାମା ମାର ଏନିକଁ ମାହାପୁରୁତି ସୁଦୁତା ଆଣ୍ଡାଲି ଆଡ଼ିନାୟି, ଇଦାଆଁତାକି ମାହାପୁରୁ ମା ନେହଁ ତାକି ମାଜେ ତଣ୍ଡ ହିୟାନେସି । ୧୦ ମାରୁ ସାସି ବେଟାଆନ୍ଦାୟି ରାହଁଗାଟାୟି ଆଆନା ଦୁକୁ ଗାଟାୟି ଆନେ, ଆଡ଼ିଜିକେଏ ଆନିନି ଗାଟାରି ଏମ୍ବାଟି ଜାପାମାନେରି, ତାୟୁ ଏଞ୍ଜାରାକି ହିଡ଼ଡ଼ିତି ପାଡ଼େୟି ଲେହେଁ ଦାମୁତି ପାଡ଼େୟି ବେଟାଆନେରି ।

ଖେହ୍‌ନାୟି ଇଞ୍ଜାଁ ଜାଗ୍ରାତା କିନାୟି

୧୧ ଇଦାଆଁତାକି ମୀରୁ ବାଡ଼ୁୟୁ ହିଲାଆ କେସା ପେର୍ଡୁ ଅଡେ ବାଡ଼ୁୟୁ ହିଲାଆ ମେଣ୍ଡାୟାଁ ବାଡ଼ୁୟୁ କିଦୁ ।

୧୨ ସଲକେ ଜିରୁତା ତାକାଦୁ; ଆତିହଁ, ମୀ ସଟା ଆଡ଼ି କତା ଆଡ଼ାଆଗାଟାୟି ଆଆନା ନେହଁ ଆନେ ।

୧୩ ବାରେକାଣା ତଲେ ହିଡ଼ଡ଼ି ତଲେ ମାଞ୍ଜାଲି ଅଣପାଦୁ, ଅଡେ ସୁଦୁଗାଟାସି ଆଆନା ଆମ୍ବାଆସି ପ୍ରବୁଇଁ ମେସାଲି ଆଡ଼ଅସି, ଏମ୍ବାଆଁ ତୀରେତଲେ ସିନକିଦୁ । ୧୪ ଏଡେତା ଆମ୍ବାଆସି ମାହାପୁରୁତି କାମାମେହ୍‌ନି ତାଣାଟି ନସ୍ତ ଆନେସି ଇଞ୍ଜାଁ ଏନି କାମେଲି ତାକି ନେୟାଁନା ପାତା ଆହଁ ମିଜେ ନସ୍ତ କିୟାନେ ଅଡେ ଏମ୍ବାଟି ହାରେକା ପଲ୍ଲଆ ଗାଟାରି ଆନେରି; ୧୫ ଏସାସୁ ଲେହେଁ ଆମ୍ବାଆସି ବାରିଗାଟାସି କି ଦାମୁଁ ହିଲାଆଗାଟାଣି

ଲେହେଁ ଆଆପେସି; ଏଝାସି ର ଅଲିତି ରାନ୍ଦା ତାକି ତାନି କାଜା ମୀରୁଏଣି ପାଣା ପାରୁଟା ମାରେସି ।
୧୭ ମୀରୁ ଏଦାଆଁ ପୁଞ୍ଜାମାଞ୍ଜେରି, ତାୟୁ ଏଝାସି ଆବା ତାଣାଟି ବର ବେଟାଆହାଲି ଅଣପିତିହୁଁ ଜିକେଏ
ବେଟାଆହାଲି ଆଡାଆଡେସି, ଅଡେ ମନ ଖେଟହାଲି ତାକି କାଣ୍ଡୁ ବକହିହୁଁ ପାରାଲି ଅଣପିତିହେସି
ଆଡ଼ିଜିକେଏ ଏଦାଆଁ କିହାଲି ପାରୁ ବେଟାଆଆଡେସି ।

୧୮ ଇସ୍ତାୟେଲତି ଲକୁ ଲେହେଁ ମୀରୁ ସିୟନ ହରୁତା ଡ଼ାଞ୍ଜିମାଟି ହିରୁ, କିଟିକିଟି ଆନ୍ଦେରି, ରୁଝାଗାଲି,
୧୯ ତାଡ଼ି ଉକିନି ହାଡ଼ା ଇଞ୍ଜା କାତା ଖେହନି ହାଡ଼ା ତାଗେ ଖାଆଡେ, ଖେନାରି ଏ ହାଡ଼ା ଖେଞ୍ଜାନା ଏନିକି
ଏଝାରାକି ଅଡେ ଏନି କାତା ଖେସପି ଆଏ, ଇଦାଆଁ ବାତିମାଲ୍ଲା ମାରେରି; ୨୦ “ଇତିହୁଁ ଏନି ଜଡ଼ ଜିକେଏ
ଏ ହରୁତି ଡ଼ାଗିନେ, ଆତିହୁଁ ଏଦାନି ଖାଲକାତଲେ ଇରହାନା ପାୟିଝିଆନେ ।” ଇ ଆମିନି ହୁକୁମି ହାପକି
ଆହାମାରେ, ଏଦାଆଁ ଏଝାରି ଅରହାଲି ଆଡାଆଡେରି; ୨୧ ଏଡ଼ି ଆଜିହପେ ତଞ୍ଜା ଆହିମାଚାକି ମସା ଜିକେଏ
ଏଲେଇଚେସି, “ନାନୁ ଜିକେଏ ଆଜିତାକି ତୀରୁଗିମାଲ୍ ।”

୨୨ ସାମା ମୀରୁ ସିୟନ ହରୁ ଅଡେ ନୀତାମାନି ମାହାପୁରୁତି ଗାଡ଼ା, ଇତିହୁଁ ଲାକପୁରୁତି ଜିରୁସାଲମତା,
ହାରେକା ଦୁରୁୟାଁ ଖାହାମାରେରି ଏମ୍ବାଆଁ ଖାହାମାଞ୍ଜେରି । ୨୩ ଅଡେ ଏ ପାଣ୍ଡା ମୀରୁକାତି କୁଲମି
ଆମ୍ବାଆରି ଦରୁ ଲାକପୁରୁ ରାସ୍ତିକି ଆହାମାନେ ଅଡେ ବାରେତି ନୀହାଁୟି କିନି ମାହାପୁରୁ ନକିତା ତୀରିକିଝି
ଆହାମାନି ଦାମୁତି ଜାଞ୍ଜୁୟାଁ । ୨୪ ପୁଞ୍ଜିନି ରାଜିମାନା ମାଦିତି ଜାୟୁ, ଇଞ୍ଜା ଆମିନି ତାଞ୍ଜାମାନି ତାନି ନେଡେରି,
ହେବଲ ନେଡେରି କିହାଁ ହାରେକା ନେହୁଁ, ଏ ନେଡେରି ତାଗେ ଖାହାମାଞ୍ଜେରି ।

୨୫ ହେଣ୍ଡୁ ଆମ୍ବାଆସି କାତା ଖେସିମାଞ୍ଜାନେସି ଏଦାଆଁ ଖେନଅମି ଇନାଆଦୁ, ଇତିହୁଁ ଆମ୍ବାଆସି
ଦାରୁଡିତା ହୁକୁମି ହାପେସି, ଏଝାଣାଇଁ ତାକି ଗେଲପି ଆଆଡେରି, ଆତିହୁଁ ଆମ୍ବାଆସି ଲାକପୁରୁତି ହୁକୁମି
ହାହିମାଞ୍ଜାନେସି, ଏଝାଣି ତାଣାଟି ଏଟକା ହାଟିସାରେ ମାରୁ ଗେଲପିଆଆସି, ଇଦି ଏଚେକା ସାତା ଆଏ ?

୨୬ ଏତିବେଲା ଏଝାଣି ହାଡ଼ା ଦାରୁତିଇଁ ଖୀଟହେ, ସାମା ନୀଏଁ ଏଝାସି ପାରୁମାଣା କିହାଁ ଖେସାମାଞ୍ଜାନେସି,
“ନାନୁ ଅଡେ ଖେଣ୍ଡେ ଖୀରଇ ଦାରୁତିଇଁ ଖୀଟଇଁ, ଏଡ଼ି ଆଏ ସାମା ହାଗୁ ପାକାଇଁ ଜିକେଏ ଖୀଟଇଁ ।”

୨୭ ଅଡେ ଖେଣ୍ଡେ ଇଞ୍ଜୁଁ ଇନି ତାଣାଟି ଇଦାଆଁ ପୁଞ୍ଜିମାନାୟି, ଆଟଝା ଗାଟାୟି ତୟାଲି ତାକି ଖାତିନାୟି,
ଇତିହୁଁ ଗାଡ଼ି ଆହାମାନାୟି ବାରେ ତିରି ମାଣନେ ।

୨୮ ଇଦାଆଁତାକି ଖାଦୁ ଖାତାଆଗାଟି ରାଜିତି ବେଟାଆହାଲି ମାରୁ ଏ କାର୍ମାଟି ପିହୁଆପ ଇଞ୍ଜା ରାହାଁତଲେ
ଆଜି ଅଡେ ମାନିତି ମାହାପୁରୁ ରାହାଁ ଆନିଲେହେଁ ଜହରା କିନି । ୨୯ ଏନାଆଁତାକି ଇତିହୁଁ ମା ମାହାପୁରୁ
ନାସାକିନି ହିରୁ ଲେହେଁତାସି ।

୧୩

ମାହାପୁରୁଇଁ ରାହାଁ କିନାୟି

୧ କ୍ରୀସ୍ତୀନା ତାୟିୟାଁ ଅଡେ ତାଜିମ୍ବା ରଅଡେରି ରଅଣାଇଁ ଜୀଝୁ ନଝୁ । ୨ ପୁନାଆତି ଗତାୟାଁଣି ସେବା
କିହାଲି ବାଣା ଆଆଦୁ, ଇତିହୁଁ ଏଲେକିତାକି ଏଚରଜାଣା ପୁନାଆନା ଲାକପୁରୁତି ଦୁରୁୟାଁଣି ସେବା
କିହାମାନେରି । ୩ କାୟିଦିତା ମାନାରାଇଁ ମୀରୁ ଏଝାରିତଲେ କାୟିଦିତା ମାନି ଲେହେଁ ଅଣପାଦୁ ଇଞ୍ଜା
ଆଜା ତଲେ ମାନାକି ଦୁକୁ କସ୍ତ ବେଟାଆହିମାନାରି ତଲେ ସମାନା ଦୁକୁ କସ୍ତ ବେଟାଆହାଲି ଅଣପାଦୁ ।

୪ ବାହା ବାରେ ଲକୁ ନକିତା ନେହାୟି ଆପେ, ଇଞ୍ଜା ତକ୍ତି ଅଡେ ତକ୍ତା ମାନି ତଲେ ତୟାପୁ, ଏନାଆଁତାକି
ଇତିହୁଁ ମାହାପୁରୁ ଲାଗେଏତି କାମା ଅଡେ ଦାରିକାମା କିନାରାଇଁ ନୀହାଁୟି କିନେସି ।

୫ ତାକିନି ତାକୁତା ଦନ ଜୁପକା ଆଆଦୁ, ମିଙ୍ଗେ ଏନାୟି ମାନ୍ଦେ, ଏମ୍ବାଆଁ ରାହାଁତଲେ ମାଞ୍ଜୁ, ଇତିହୁଁ
ମାହାପୁରୁ ଏଲେଇଞ୍ଜା ମାନେସି, “ନାନୁ ନିଙ୍ଗେ ଏଚେଲାଝା ପିସ୍ତାୟି, ନାନୁ ନିଙ୍ଗେ ଏଚେଲାଝା ବାଣାଆୟିଆଁ
।” ୬ ଇଦାଆଁତାକି ମାରୁ ସାସାତଲେ ଏଲେଇଞ୍ଜାଲି ଆଡ଼ିନାୟି,

“ପୁରୁ ନା ସାୟେମି ଆନାସି,
ନାନୁ ଇଚାଣି ଆଜଅଁ,

ମାଣସି ନାଙ୍ଗେ ଏନାଆଁ କିହାଲି ଆଡାନେସି ?”

୭ ଆମିନି ଗାଟାରି ମିଙ୍ଗେ ମାହାପୁରୁତି ବଲୁ ଖେସାମାଞ୍ଜାତେରି, ମୀରୁ ଏଲେତି କାଜାରାଇଁ ମାନି କିପୁ;
ଏଝାରି ଏନିକିଁ ନୀତାମାଚେରି ଇଞ୍ଜା ହାଡେରି, ଏଦାଆଁ ଅଣପାନା ଏଝାରି ନାମିତି ଲେହେଁ ମୀରୁ ଜିକେଏ
ନାମାଦୁ । ୮ ଜାୟୁ କ୍ରୀସ୍ତ ରେଝଏନି, ନୀଞ୍ଜୁ ଅଡେ କାଲେଏ ତାକି ସମାନା ତୟିନେସି । ୯ ଏଟକା ଅଡେ ଅରୁ
ରଲେତି ଜାପୁନି ତାଣା କିଲିବିଲି ଆଆଦୁ, ଇତିହୁଁ ତିନି ରାନ୍ଦାତା ଆଏ, ସାମା ମାହାପୁରୁ କାର୍ମାଟି ହିୟାଁ

ଗାରି ଆନାୟି ନେହେଁ; ଆମିନି ଗାଗାରି ତିନି ରାନ୍ଦାତି ମେରା ମାନୁଞ୍ଜି ଆନେରି, ଏଞ୍ଜାରାକି ଏନି ଲାବା ଆଏ ।

^{୧୦} ମା, ଇଲେତି ର ପୁଜାପିଣ୍ଡା ମାନେ, ଆମିନି ପୁଜା ପିଣ୍ଡାତି ଦିଶସୁଇଁ ତୁମ୍ଭ ଇଲୁତା ସେବାକିନି ପୁଜେରାଜା ତିଞ୍ଜାଲି ଅଦିକାରା ହିଲେଏ । ^{୧୧} ଇତିହେଁ ଜାହୁଦିୟାତି କାଜା ପୁଜେରା ପାପୁ ତାକି ହେରପାମାନି ଜନ୍ତୁତି ନେତେରି ସୁଦୁ ଗାୟୁତା ଅନେସି; ସାମା ଏ ଜନ୍ତୁତି ଆଜା ବାରେ ସାମାଣ୍ଡା ପାଜାତା ତାଗାହାଁ ହୁଡ଼ଞ୍ଜିଆନେ । ^{୧୨} ଇଦାଆଁତାକି ଜାସୁ ଜିକେଏ ତାନି ନେତେରି ତଲେ ଏନିକେଁ ଲକୁଣି ସୁଦୁ କିନେସି, ଇଦାଆଁତାକି ଗାଡ଼ା ପାଜାତା ହାଡ଼େସି । ^{୧୩} ଇଦାଆଁତାକି ଖାଦୁ, ମାରୁ ଜିକେଏ ଏଞ୍ଜାଣିଲେହେଁ ନିନ୍ଦା ଅରହାନା ଗାଡ଼ା ପାଜାତା ଏଞ୍ଜାଣି ତାଣା ହାନ । ^{୧୪} ଏନାଆଁତାକି ଇତିହେଁ ଇମ୍ପାଆଁ ବାରେ ଦିନାତାକି ମାଜେ ତୁୟିନି ଗାଡ଼ା ହିଲେଏ, ସାମା ମାରୁ ତାୟୁ ଖାହିମାନି ଗାଡ଼ାତି ବେଗାଆହାଲି ପାରିମାନାୟି । ^{୧୫} ଇଦାଆଁତାକି ଖାଦୁ, ମାରୁ ଜାସୁ ତାଣାତି ମାହାପୁରୁଇଁ ଜହରାତି ପୁଜା କିନ, ଇତିହେଁ ତାନି ଦରୁ ଜଲିମାନି ଗୁତିତି ବାରେଦିନା ହେରପିନ । ^{୧୬} ଏବକା ତାରାଇଁ ସାୟେମି କିହାଲି ବାଣା ଆଆଦୁ, ଇତିହେଁ ଇଲେତି ପୁଜା କାମାତା ମାହାପୁରୁ ରାହାଁ ଆନେସି ।

^{୧୭} ମା କାଜାରାଇଁ ମାନୁଞ୍ଜି ଆହାନା ଏଞ୍ଜାରାଇଁ ମାନି କିଦୁ, ଇତିହେଁ ଆମିନି ଗାଗାରି ମାହାପୁରୁକି ଲେକା ହାନାୟି ମାନେ, ଏଞ୍ଜାରିଲେହେଁ ଏଞ୍ଜାରି ମୀ ଜାସୁତି କାଡ଼ିମାନେରି, ଏନିକେଁ ଏଞ୍ଜାରି ଏଦାଆଁ ଦୁକୁ ତଲେ କିଆନା ରାହାଁତଲେ କିହାଲି ଆଡ଼ିନେରି; ଦୁକୁ ତଲେ କିତିସାରେ ମିଜେ ଏନି ଲାବା ହିଲେଏ ।

^{୧୮} ମାଜେତାକି ପ୍ରାଡାନା କିଦୁ, ଇତିହେଁ ମା ନାମୁ ମାନେ, ମା ଅଣପୁ ନେହାୟି ଆପେ, ଅଡ଼େ ବାରେ କାମାତା ନେହେଁ ମାଣକି ଆହାଲି ମାମୁ ଅଣପିମାନି । ^{୧୯} ଅଡ଼େ ନାନୁ ମୀ ତାଣା ଏନିକେଁ ତବେ ଖାୟାଲି ଆଡ଼ିଇଁ, ଏଦାଆଁତାକି ମାହାପୁରୁ ତାଣା ପ୍ରାଡାନା କିହାଲି ନାନୁ ମିଜେ ହାରେକା ବାଡ଼ିମାଲିମାଞ୍ଜାଇଁ ।

ରାନି ପ୍ରାଡାନା

^{୨୦} ଆମିନି ହିଡ଼ଡ଼ି ହିୟାନି ମାହାପୁରୁ କାଲ୍ଲକାଲ୍ଲା ତୁୟିନି ରାଜିମାନାତି ନେତେରି ତାକି, କାଜା ମେଣ୍ଡା ଗଡ଼ୁ ଇତିହେଁ ମା ପ୍ରବୁ ଜାସୁଇଁ ହାଡ଼ାରି ତାଣାତି ନୀବହା ମାନେସି; ^{୨୧} ଏଞ୍ଜାଣି ନକିତା ଏନାୟି ନେହାୟି, ଏଦାଆଁ ଏଞ୍ଜାସି ମା ହିୟାତା ଜାସୁ କ୍ରୀସ୍ତ ତାଣାତି ରାପୁହାନା ତାନି ମନଲେହେଁ କିହାଲି ମିଜେ ବାରେ ନେହେଁ କାମା କିୟାପେସି । ଏଞ୍ଜାଣାକି କାଲ୍ଲକାଲ୍ଲାତି ଗାଧୁରମି ଆପେ ! ଆମେନ୍ ।

ଆକୃତି ରାନି କାତା

^{୨୨} ଏ ତାୟି ତାଜିସ୍ତା, ନାନୁ ମିଜେ ବାଡ଼ିମାଲିମାଞ୍ଜାଇଁ, ଇ ଜାଗ୍ରାତା କିଞ୍ଜିକିନି କାତା ସାସା ଇଟାନା ମନ ହୀଦୁ, ଇଞ୍ଜା ନାନୁ ରାହାଁ କିହାଲି ଇ ଉଣା ଆକୁ ମିଜେ ରାଡ଼ାମାଇଁ । ^{୨୩} ମା, ତାୟି ତିମତି କାୟିଦିତି ତବେ ପିସପି ଆହାମାନେସି ଇଞ୍ଜେଁ ପୁଞ୍ଜେରି, ଏଞ୍ଜାସି ତବେ ଖାଡ଼ିସାରେ ଏଞ୍ଜାଣିତଲେ ନାନୁ ମୀ ତାଣା ବେଟିଖାହାଲି ଖାଇଁ ।

^{୨୪} ମା ବାରେ କାଜାରାଇଁ ଅଡ଼େ ମାହାପୁରୁ ଲକୁଇଁ ଜହରା ଖେହୁଦୁ । ଏମିନି ତାୟିୟାଁ ଇଟାଲି ଦେସାତି ଖାହାମାନେରି, ଏଞ୍ଜାରି ମିଜେ ଜହରା ଖେସିମାଞ୍ଜାନେରି ।

^{୨୫} ମାହାପୁରୁତି କାର୍ମାମେହନାୟି ବାରେତେରି ମିଜେତାକି ଆୟାପେ ।

ଯାକୁବଙ୍କ ପତ୍ନୀ ଜାକୁବ ରାଜାମାନି ଆକୁ ମୂଲୁ ହାଡ଼ା

ଇ ଜାକୁବ ପତିତ ଜାକୁବ ଇନାସି ରାଜାମାନେସି । ଏଝାସି ଜୀସୁ କ୍ରୀସ୍ତ ତାୟି ଆହାମାଣ୍ମିନେସି, ଏମ୍ବାଆସିକି କୁଲମିତି ସାଲୁଝି କିନାସି ଅଡ଼େ ଜିରୁସାଲମାତା ବେରଣି କିନାସି ମାଚେସି କାମା ୧୫:୧୩ । ପାଞ୍ଜୁଲ ଗାଲା ୨:୯ ଜାକୁବଇଁ କୁଲମିତି “ତୁଡ଼ିୟା ମୁଣ୍ଡା” ଇଞ୍ଜାମାନେସି । ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ବାସୀ ତାୟୁ ଇ ଜାକୁବ ପତି ରାସ୍ତିକି ଆହାମାଚେ ଇଞ୍ଜି ବୁଦିଗାଟାରି ଏଲେ ଇଞ୍ଜିମାନେରି । ଜାକୁବ ଜିରୁସାଲମତି କୁଲମି ସାଲୁଝି କିନାସି ମାଚିବେଲାତା ଇ ପତିଇ ରାଜାମାନେସି ।

ଜାକୁବ ତାନି ପତିତା “ଇତାଲା ଆତାଲା ଦେସାଣା ରାଞ୍ଜାଣା ବିଚାଣା ଆହାମାନି ବାର ଗଟା କୁଲୁ ଲକୁ” କାତା ରାଜାମାନେସି ୧:୧ । ଜାକୁବ ଝେହ୍ନି କାତା ବାରେ କ୍ରୀସ୍ତାନା ଲକୁକି ଲଡ଼ାମାନେ ସାମା “ବାର ଗଟା କୁଲୁ ଲକୁ” ଇତିସାରେ ଜୀହୁଦି କ୍ରୀସ୍ତାନା ଲକୁ । ଏନାଆଁତାକି ଇଚିହ୍ନି ଇ ପତି ପତଞ୍ଜିଆନି ବାରେ ଲକୁତାକି ହାରେକା କାତା ଏପହାଲି ତାକି ରାସ୍ତିକି ଆହାମାନେ । ଜାକୁବ ନାମୁ ଅଡ଼େ କାମାତି କାତା ଝେସାମାନେସି । କାମାତା ସାତା ନାମୁ ତଞ୍ଜାଆନେ ୨:୧୭ । ଏଝାସି ବାଡ଼କୁ ଗାଟି ଲକୁତି ପାରଡ଼ା ବାଟି କିନାଣି ୨:୧-୪ ଅଡ଼େ ମାର ଏନାଆଁ ଡ଼ଲିନାୟି ଜାଡ଼ନୁ ତଲେ ଜଲଲି ଝେସାମାନେସି ୩:୧-୧୨

ପତିତା ମାନାୟି

- ୧. ଜାକୁବ ତାନି ପତି ପତଞ୍ଜି ଆନାରାଇଁ ଜହରା କିନାୟି । ୧:୧
- ୨. କ୍ରୀସ୍ତାନା ଲକୁଣି କସ୍ତ ବେଲାତା ସୁସ୍ତି ତଲେ ମାଞ୍ଜାଲି ଝେହ୍ନାୟି । ୧:୨-୨୭
- ୩. କାମା ତଲେ ନାମୁତି ତହ୍ନାୟି ମାନେ । ୨:୧-୨୭
- ୪. ଜଲିନି ବଲୁୟାତି ବାଡ଼ୟୁ । ୩:୧-୧୨
- ୫. ମାହାପୁରୁତି ବୁଦି ବାରତିତି ବୁଦି କିହାଁ ହାରେକା ପାରଡ଼ା ମାନେ । ୩:୧୩-୪:୧୦
- ୬. ବଡ଼ପଣ ଆନି କାତା । ୪:୧୧-୫:୬
- ୭. ଜାକୁବ ରାନି ବେଲାତା ନେହେତାକି ଜାପିନି କାତା ରାଟିନାୟି । ୫:୭-୨୦

୧ *ନାମୁ ଜାକୁବ, ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତତି ହଲେଏସି, ଦାରତିତା ଇତାଲା ଆତାଲା ଆହାମାନି ମାହାପୁରୁ ଲକୁଇଁ ଜହରା ।

ନାମୁତି ତାୟିପାରି କିନାୟି

୨ ଏ ନା ତାୟିୟାଁ ଅଡ଼େ ତାଜିସ୍ତା, ମୀରୁ ଏତିବେଲା ତାୟିପାରି କିନି ତାଣା ତାୟିପାରି କିଞ୍ଜିଆଦେରି, ଏତିବେଲା ଏଦି ହାରେକା ରାହାଁତି କାତା ଇଞ୍ଜି ଅଣ୍ଡାପାଦୁ; ୩ ତାୟିପାରି କିନାଣି ଜୀଣା ଆନି ନାମୁ ଏଦି ଅରୁହାଲି ହାୟାନେ, ଇଦାଆଁ ପୁଞ୍ଜାମାଞ୍ଜେରି । ୪ ଅଡ଼େ, ମୀରୁ ଏନିକିଁ ଏନି ଗୁଣୁତା ଉଣା ଆଆନା ନେହ୍ନି ତାରି ଅଡ଼େ ସୁଦୁ ଗାଟାଚେରି ଆପୁ, ଏଦାଆଁତାକି ଅରୁହିନାୟି ହାରେପୁରେ କାମା କିନେ ।

୫ ସାମା ମୀ ବିତ୍ତା ଆମ୍ବାଆରାକି ବୁଦି ଉଣା ମାଚିସାରି, ଆମିନି ମାହାପୁରୁ ଦହ ଆହୁଆନା ବାରେତାକି ହାରେପୁରେ କେୟୁ ଦେଚାନା ଦାନା କିନେସି, ଏଞ୍ଜାଣି ତାଣା ପ୍ରାତାନା କିପାସି, ଏମ୍ବାଟିଏ ଏଞ୍ଜାଣାକି ହାପୁକିଆନେ । ୬ ସାମା ଏଞ୍ଜାସି ଇଚାଣି ଆନାମାନା ଆଆନା ନାମୁତଲେ ପ୍ରାତାନା କିପାସି, ଇଚିହ୍ନି ଆମ୍ବାଆସି ଆନାମାଆ ଆନେସି, ଏଞ୍ଜାସି ଗାଲି ତଲେ ଇତାଲା ଆତାଲା ଆହିମାନି ସାମ୍ବୁରିତି ତାରି ଆଆଗାଟି ଏୟୁ ଉଣା ଲେହେତାସି । ୭ ଏଲେତି ଲକୁ ପ୍ରବୁ ତାଣାଟି ଏନାଆଁ ବେଟାଆଇଁ ଇଞ୍ଜି ଆସା କିଆପେସି; ୮ ଏଞ୍ଜାସି ରୀ ମଡ଼ ଗାଟାସି, ଇଞ୍ଜା ତାନି ବାରେ କାମାତା ତାରି ଆଆଗାଟାସି ।

ବାଡ଼କୁ ଗାଟାସି ଅଡ଼େ ବାଡ଼କୁ ହିଲାଆଗାଟାସି

୯ ବାଡ଼କୁ ହିଲାଆଗାଟି ତାୟି ତାନି କାଜାପାଣା ତାକି ରାହାଁ କିପାସି, ୧୦ ବାଡ଼କୁ ଗାଟାସି ତାନି ଉଣା ଆହିମାନାଣି ତାକି ବଡ଼ପଣ କିପେସି, ଏନାଆଁତାକି ଇଚିହ୍ନି ବାଡ଼କୁ ଗାଟାସି ଜାଡ଼ାତି ପୁୟୁବଣା ଲେହେଁ ତୁଲା ହାନେସି । ୧୧ ଏନିକିଁ ଝେଡ଼ା ଲାଈ ହତାସାରେ ଜାଡ଼ା ଏନିକିଁ ଝାୟାହାନେ ଅଡ଼େ ଏଦାନି ପୂଞ୍ଜା

* ୧:୧ ୧:୧ ମାତି ୧୩:୫୫; ମାର୍କି ୭:୩; କାମା ୧୫:୧୩; ଗାଲା ୧:୧୯

ହୁଲିନ୍ନୁ ଇର୍ଷ୍ଟା ତାନି ଅଜୁତି ଖାଣା ମେଣ୍ଟାହାନେ, ଏଲେକିହିଁଏ ବାଦ୍‌କୁ ଗାଗାସି ଜିକେଏ ତାନି ବାରେ କାମାତା ଖାଡ଼ିନେସି ।

ତାୟିପାରି ଅଡ଼େ ଜୁପକା ତହୁନାୟି

^{୧୭} ଆମିନି ଗାଗାସି ତାୟିପାରି କିନାଣି ଅରୁହିନେସି ଏଞ୍ଜାଣାକି ନେହେଁ, ଇଚିହିଁ ମାହାପୁରୁ ତାନୁ ଜୀଞ୍ଜୁ ନନି ଲକ୍ଷ୍ମଣି ଆମିନି ଜୀଞ୍ଜୁଗାଟି ଚପେରି ହାହାଲି ଆଞ୍ଜାମାନେସି, ତାୟିପାରି କିତାଣି ଜୀଣାଆଡ଼ି ଜେଚ ଏ ଲକ୍ଷ୍ମ ଏ ଆଞ୍ଜାମାନି ଚପେରି ବେଟା ଆନେସି । ^{୧୮} ଆମ୍ବାଆସି ତାୟିପାରି କିଞ୍ଜି ଆଡ଼ିସାରେ, “ନା ଇ ତାୟିପାରି କିଞ୍ଜି ଆନାୟି ମାହାପୁରୁ ତାଣାଟି ଆହିମାନେ” ଇଞ୍ଜିହିଁ ଇନାଆପେସି, ଇଚିହିଁ ମାହାପୁରୁ ଲାଗେଏତି ପାନ୍ଦାଟି ତାୟିପାରି କିଞ୍ଜି ଆଅସି, ଅଡ଼େ ଏଞ୍ଜାସି ତାନୁଏ ଆମ୍ବାଆରାଇଁ ତାୟିପାରି କିଅସି । ^{୧୯} ସାମା ମାଣସି ତାନି ଲାଗେଏତି କାମା ତଲେ ଜୁପକା ଅଡ଼େ ନାଡ଼ିକିଞ୍ଜି ଆହାନା ତାୟିପାରି କିଞ୍ଜିଆନେସି; ^{୨୦} ଅଡ଼େ ତାୟି ଲାଗେଏତି କାମା ପୁରାମାସା ଆହାନା ପାପୁତି ଜାନ କିନେ, ଇର୍ଷ୍ଟା ପାପୁ ଗାଡ଼ି ପାତାଆହାନା ହାକିତି ଜାନ କିନେ ।

^{୨୧} ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଜିସ୍ତା, ମୀରୁ ନାଡ଼ି ଆଆଦୁ । ^{୨୨} ବାରେ ନେହିଁ ଦାନା ଅଡ଼େ ବାରେ ତାରିତି ବର ଲାକଟି; ଇଚିହିଁ ଉଜେଡ଼ି ଗାଡ଼ିକିତି ଆବା ତାଣାଟି ଖାନେ, ଆମ୍ବାଆରି ତାଣା ଏନି ବାଦଲି ଆନାୟି କି ଇଗାୟି ଖାୟି କିହାନା ଆନେରି ଆନାୟି ହିଲେଏ । ^{୨୩} ମୀରୁ ଏନିକିଁ ତାନି ଗାଡ଼ି ଆଡ଼ି ତାଣାଟି ରଲେଏତି ର ମୁଲୁତି ପାଡ଼େୟି ଲେହେଁ ଆନାୟି, ଏଦାଆଁତାକି ଏଞ୍ଜାସି ତାନି ଅଣ୍ଡୁ ତଲେ ସାତା ବଲୁ ତଲେ ମାଜେ ଗାଡ଼ି କିୟାଡେସି ।

ଝେନାୟି ଅଡ଼େ କାମା କିନାୟି

^{୨୪} ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଜିସ୍ତା, ମୀରୁ ଇଦାଆଁ ପୁଞ୍ଜାମାଞ୍ଜେରି, ମୀରୁ ବାରେତେରି ଝେଞ୍ଜାଲି ଜାଗାତା ଆଦୁ, ଇର୍ଷ୍ଟା ଝେସାଲି ଦାଗା ଆଆଦୁ ଅଡ଼େ ଦେବୁଣିଏ କପା ଆଆଦୁ, ^{୨୫} ଇଚିହିଁ ମାଣସିତି କପା ମାହାପୁରୁତି ନକିତା ଦାମୁଁ କିହାଲି ଆଡେଏ । ^{୨୬} ଏଦାଆଁତାକି, ମୀରୁ ବାରେ ପଲୁଆ ଗାଗାଣି ଅଡ଼େ ବାରେ ଲାଗେଏତି ପିସାଡୁହୁଦୁ, ଆମିନି ମାହାପୁରୁ ହିୟାତି ବଲୁ, ମୀ ଜୀଞ୍ଜୁତି ଗେଲ୍‌ପାଲିତାକି ଆଡ଼ିନେ, ଏଦାଆଁ ସୁଦୁଗାଟି ଅଣ୍ଡୁ ତଲେ ଆହୁଦୁ ।

^{୨୭} ସାମା ମୀରୁ ଏଞ୍ଜାଣି ବଲୁ ଝେନାତେରି ଆହାଁ ଜାହାରାଇଁ ନାଡ଼ି କିହାକତାଆନା, ବଲୁତି କାମା କିନାତେରି ଆଦୁ । ^{୨୮} ଇଚିହିଁ ଆମିନିଗାଗାସି ବଲୁତି କାମା କିନି ଲକ୍ଷ୍ମ ଆଆନା ଖାରୁଇ ଝେନି ଲକ୍ଷ୍ମ ଆନେସି, ଆଡିହିଁ ଏଞ୍ଜାସି ଦାପେଣିତା ତାନୁଏ ତାନି ମୁମୁଁସିନିକିହା କଡ଼ିମାନି ମାଣସି ଲେହେଁତାସି, ^{୨୯} ଏଡ଼େତା ଏଞ୍ଜାସି ତାଜେ ସିନିକିତି ଜେଚ ହାଜାନା, ଏଞ୍ଜାସି ଏମ୍ବାଟି ହଡ଼ା ହାଟି ତାୟି ଏନିଲେହେଁତି ମାଣସି ଦେବୁଣିଏ ବାଣାଆନେସି । ^{୩୦} ସାମା ଆମ୍ବାଆସି ତୀରୁପୁ ଇଚିହିଁ ଗେଲ୍‌ପାଲି ଆଡ଼ିନି ନେହିଁ ମେରାତି ସିନିକିହାନା ମେରାତି କାମା କିନେସି, ଅଡ଼େ ଆଜିତାକି ଝେନି ଲକ୍ଷ୍ମ ଆଆନା କାମାକିନାସି ଆନେସି, ଏଞ୍ଜାସି ତାନି କାମାତା ନେହାଁସି ।

^{୩୧} ଇଚିହିଁ ଆମ୍ବାଆସି ଜାହାରାଇଁ ତୀରି ଗାଗାତେଏଁ ଇଞ୍ଜିଁ ଅଣ୍ଡାପା କଡିନେସି, ଇର୍ଷ୍ଟା ତାନି ଝେନ୍‌ରିତି ଲକ୍ଷ୍ମିଆନା ତାନୁ ତାନି ହିୟାଁତି ନାଡ଼ି କିନେସି, ଇଚିହିଁ ତାନି ଦାମୁଁକାମା କିନାୟି ଉଜେଏତାୟି । ^{୩୨} ତାଲି ତାଞ୍ଜି ହିଲ୍‌ଆ କକାରି ପଦାଁଣି ଅଡ଼େ ରାଗେଣି ଇୟାସିକାଣି ତାନି ଦୁକୁ କାକୁଲି ବେଲାତା ସାୟେନି କିନାୟି ଅଡ଼େ ଦାରୁତିତା ମାନି ବାରେ ଲାଗେଏତି କାମାଟି ଗେଲ୍‌ପା କଡିନାୟି, ଇଦି ମା ମାହାପୁରୁ ଅଡ଼େ ଆବା ନକିତା ନେହାୟି ଅଡ଼େ ସୁଦୁ ଦାମୁଁତି କାମା ।

୨

ପାରୁଡ଼ା ବାଟି କିନାୟି

^୧ ଏ ନା ତାୟିୟାଁ ଅଡ଼େ ତାଜିସ୍ତା, ମା ଗାଞ୍ଜୁରମିଗାଟି ପ୍ରବୁ ଜୀସୁ ଜ୍ରୀସ୍ର ତାଣା ନାମା ମାନାତେରି ମାଣସିୟାଁତି ମୁମୁଁପସାନା ଲେମ୍ବାଆଦୁ । ^୨ ଇଚିହିଁ ରଅସି ବାଗାରା ମୁଦି ଅଡ଼େ ଦାରାଗାଟି ନେହିଁ ଅଜିତି ହିମ୍ବୁରି ହୁଚାନା କୁଚମି କୁଡ଼ା ଆହାମାନି ତାଣା ଖାନେସି, ଅଡ଼େ ର ହିଲ୍‌ଆଗାଗାସି ଗେଞ୍ଜାମାନି ମାହିଁତି ହିମ୍ବୁରି ହୁଚାନା ଖାନେସି, ^୩ ଅଡ଼େ, ମୀରୁ ଦାରାଗାଟି ଅଜିତି ହିମ୍ବୁରି ହୁଚିତି ଲକ୍ଷ୍ମିକିଁ ମାନି କିହାଁ ଏଲେଇଞ୍ଜେରି, “ଇମ୍ବାଆଁ ନେହିଁ ଟାୟୁତା କୁଗାମୁ,” ଅଡ଼େ ହିଲ୍‌ଆଗାଗାଣାକି ଏଲେଇଞ୍ଜେରି “ଏମ୍ବାଆଁ ନିତାମାନାମୁ, ଆଆଡ଼ିଁ ନା କତାୟାଁ ତୁଇକା କୁଗାମୁ,” ^୪ ଆଆଡ଼ିଁ ମୀରୁ ମୀ ବିତ୍ତା କାଜା ଲକ୍ଷ୍ମ ଉଣା ଲକ୍ଷ୍ମ ପାରୁଡ଼ା ବାଟି କିଞ୍ଜି ଆହାଁ ଏଡ଼କା ଏଡ଼କା କିହାଁ ଲାଗେଏତି ନିହାଁୟି କିହମାଞ୍ଜେରି ।

୫ ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଜିସ୍ତା, ୱେଷ୍ଟୁ, ମାହାପୁରୁ ଈ ଦାବ୍‌ତିତା ବାଡ଼କୁ ହିଲାଆଗାଟାରାଇଁ ତାମି ନାମୁତା ଦନ ଗାଟାରି ଆହାଲି, ଅଡ଼େ ତାନି ଜୀଞ୍ଜୁନହୁଁ ମାନାରାଇଁ ଆମିନି ରାଜି ହାହାଲି ଆଖ୍ଟାମାନେସି, ଏମ୍ବାତି ଅଦିକାରା କିହାଲି ଆଡ଼ା ହିଲଅସି ? ୬ ସାମା ମୀରୁ କାକୁଲି ଗାଟାରାଇଁ ଅପିହିଲଅଡ଼େରି । ବାଡ଼କୁ ଗାଟାରି ମୀ ମୁହେଁ ରାଜି କିୟଅରି କି ? ଅଡ଼େ ମିଜେ ନାହାଁୟି ପାଖାମା ରେଜା ଅୟଅରି କି ? ୭ ଆମିନି କାଜା ଦରୁତଲେ ୱେଜା ମାଞ୍ଜେରି, ଏନାଆଁ ଏଞ୍ଜାରି ଏ ଦରୁତି ନିନ୍ଦା କିଅରି ।

୮ ମୀରୁ ମୀ ପାଡ଼ିତି ଲକୁଣି ମୀ ଜୀଞ୍ଜୁତି ଜୀଞ୍ଜୁ ନନ୍ତି ଲେହେଁ ଜୀଞ୍ଜୁନଦୁ, ସାଫ୍‌ସ୍ପେରିତା ରାସ୍‌କି ଆହାମାନି ମାହାପୁରୁ ରାଜିତି ଫେରା ସାଡେଏ ମାନଞ୍ଜି ଆଡ଼େରି, ଆତିହୁଁ ମୀରୁ ନେହୁଁ କିହିମାଞ୍ଜେରି, ୯ ସାମା ଲକୁ ମୁମୁଡ଼ି ମେସାନା ଲେମ୍ବିମାଞ୍ଜେରି, ଆତିହୁଁ ମୀରୁ ପାପୁ କିହିମାଞ୍ଜେରି, ଅଡ଼େ ଏ ଫେରା ତଲେ ଦହ ଗାଟାଡ଼େରି ଇଞ୍ଜୁଁ ତଞ୍ଜା ଆହିମାଞ୍ଜେରି । ୧୦ ଆମ୍ବାଆସି ବାରେ ମସାତି ଫେରା ମାନଞ୍ଜି ଆହାଁ ରଣିଏ ଫେରାତି ଉରିନେସି, ଇତିହୁଁ ଏଞ୍ଜାସି ବାରେ ଫେରାତି ଦହ ତଲେ ତଣ୍ଡ ବେଟା ଆନେସି । ୧୧ ଆମିନି ମାହାପୁରୁ ଦାରିକାମା କିଆଦୁ ଇଞ୍ଜୁଁ ୱେସା ମାଟାସି, ଏଞ୍ଜାସି ଲକୁଣି ପାୟାଆଦୁ ଇଞ୍ଜୁଁ ଜିକେଏ ୱେସାମାପେସି, ମୀରୁ ଦାରିକାମା କିଆନା ଲକୁଣି ପାୟିଦେରି ଇତିହୁଁ ଫେରାତି ଉରିନାଡ଼େରି ଆଡ଼େରି । ୧୨ ଗେଲପିଆଡ଼ି ମସାତି ଫେରାତି ମୀରୁ ନାହାଁୟି କିଞ୍ଜିଆଡ଼େରି, ଇଦାଆଁ ପୁଞ୍ଜାନା ଏଲେତି କାତା ଜଲ୍ଲୀଦୁ ଇଞ୍ଜାଁ କାମା କିଦୁ । ୧୩ ଇତିହୁଁ ଆମ୍ବାଆସି କାର୍ମା ମେହୁଅସି ମାହାପୁରୁ ଏଞ୍ଜାଣାଇଁ କାର୍ମା ମେହୁଆନା ନାହାଁୟି କିନେସି, ସାମା କାର୍ମାମେହୁନାୟି ନାହାଁୟିତା ଜାଣା ଆନେସି ।

ନାମୁ ଅଡ଼େ କାମା

୧୪ ଏ ନା ତାୟିୟାଁ ଅଡ଼େ ତାଜିସ୍ତା, ଆମ୍ବାଆସି ନାଜେ ନାମୁ ମାନେ ଇଞ୍ଜୁଁ ଇନେସି, ସାମା ଏଞ୍ଜାଣି କାମା ହିଲେଏ, ଆତୁଁ ଏଡ଼ି ଏଡ଼ି ଲାବା ? ଇଲେତି ନାମୁ ଆମ୍ବାଆରାଇଁ ଗେଲ୍‌ପାଲି ଆଡ଼ିନେ କି ? ୧୫ ଏତିବେଲ୍ଲାର ଉତାୟି କି ତାଜିନାକି ହୁଗାଲି ହିମ୍ବୁରି କି ତଞ୍ଜାଲି ରାନ୍ଦା ହିଲାଆତିହୁଁ, ୧୬ ଇଞ୍ଜାଁ ମୀ ବିଭ୍ରାତି ଆମ୍ବାଆଡ଼େରି ତାନି ଆଜାତି ଲଡ଼ାମାନାଣି ହାଆନା, “ମାହାପୁରୁ ନିଜେ ବରୁ ହିୟାପେସି, ବାଣ୍ଡି ପାଞ୍ଜାହାଁ ହିଡ଼ିତି ନେହୁଁ କି ହାଲାମୁ” ଇଞ୍ଜୁଁ ଇତିହୁଁ ଏଡ଼ି ଏଡ଼ି ଲାବା ? ୧୭ ଏଲେକିହୁଁଏ, କାମା ହିଲାଆସାରେ ନାମୁ ହାଡ଼ାୟି ।

୧୮ ସାମା ଆମ୍ବାଆସି ଏଲେଇନେସି, “ରଅଣି ନାମୁ ମାନେ ଅଡ଼େ ରଅଣି କାମା ମାନେ;” କାମା ହିଲାଆନା ନୀ ନାମୁ ତସ୍ତାମୁ, ଅଡ଼େ ନାମୁ କାମା ତଲେ ନା ନାମୁତି ତସ୍ତାଇଁ । ୧୯ ମାହାପୁରୁ ରଅସିଏ, ଇଦାଆଁ ମୀରୁ ନାମିମାଞ୍ଜେରି; ଏଡ଼ି ନେହୁଁ କାତା, ବୁଡ଼ୁୟାଁ ଜିକେଏ ନାମାହାଁ ଆଜିତାକି ତୀରୁଗିମାନ୍ତୁ । ୨୦ ସାମା ଏ ବୁଦି ହିଲାଆଗାଟାଡ଼େରି, କାମା ହିଲାଆନା ନାମୁ ଉଜେଏତାୟି, ଇଦାଆଁ ପୁଞ୍ଜି ହିଲଅଡ଼େରି ? ୨୧ ମା ଆକୁ ଅବ୍ରାହାମ, ପୂଜାପିଣ୍ଡା ଲାକ ତାନି ମୀରୁଏଣା ଇସାହାକଇଁ ପୂଜା କିହିମାଟାଟି କାମା ତଲେ ଦାର୍ମୁଗାଟାସି ଇଞ୍ଜୁଁ ୱେଜାମା ହିଲାଆଡ଼େସି ? ୨୨ ମୀରୁ ମେସିମାଞ୍ଜେରି, ଅବ୍ରାହାମତି ନାମୁ ତାନି କାମାତା ତଞ୍ଜାଆଡ଼େ, ଅଡ଼େ କାମା ତଲେ ନାମୁ ପୂରାଆଡ଼େ; ୨୩ ଏଡ଼େଟିଏ ସାଫ୍‌ସ୍ପେରିତି ଈ ବଲ୍ଲୁ ସାତା ଆଡ଼େ, ଅବ୍ରାହାମ ମାହାପୁରୁ ତାଣା ନାମିଡ଼େସି, ଅଡ଼େ ତାଜେତାକି ଏଡ଼ି ଦାର୍ମୁଗାଟାସି ଇଞ୍ଜୁଁ ୱେଜିଡ଼େସି, ଇଞ୍ଜାଁ ଏଞ୍ଜାସି ମାହାପୁରୁତି ତଣ୍ଡେସି ଇଞ୍ଜୁଁ ୱେଜିଡ଼େସି । ୨୪ ଇତିହୁଁ ମାଣ୍ଡସି ୱାବୁଇ ନାମୁତି ଆଏ, ସାମା ତାନି କାମାଟି ଦାର୍ମୁଗାଟାସି ଆନେସି ଇଞ୍ଜୁଁ ମୀରୁ ପୁଞ୍ଜିମାଞ୍ଜେରି ।

୨୫ ଏଲେକିହୁଁଏ ଦାରେଣି ରାହାଏ ଦାର୍ମୁଗାଟାୟି ଇଞ୍ଜୁଁ ୱେଜାମାଡ଼େ, ଏଡ଼ି ପୀରୁ ପାରାଲି ଫେଣେଏ ୱାହାମାରାଇଁ ତାନି ଇଜ ଅହାନା ଇତିଡ଼େ ଇଞ୍ଜାଁ ଏଡ଼ିକା ଜିରୁଟି ପାଣ୍ଡାଲି ସାଫ୍‌ସ୍ପେରି କିହାମାଡ଼େ ।

୨୬ ଇତିହୁଁ ଜୀଞ୍ଜୁ ହିଲାଆସାରେ ଆଜା ହାଡ଼ି ମାଡ଼ହା, ଏଲେକିହୁଁଏ କାମା ହିଲାଆସାରେ ନାମୁ ଜିକେଏ ହାଡ଼ାୟି ।

୩

ଞ୍ଜେନ୍‌ରିତି ଲକ୍‌ନାୟି

୧ ଏ ନା ତାୟିୟାଁ ଅଡ଼େ ତାଜିସ୍ତା, ମୀରୁ ହାରେକା ଜାପୁନାଡ଼େରି ଆଆଦୁ; ଜାପୁନାତାୟି ମୀର, ମୀରୁ ଅର ଲକୁ କିହାଁ ହାରେକା ତଣ୍ଡ ପାଣ୍ଡନାୟି ଇଦାଆଁ ପୁଞ୍ଜାମାଞ୍ଜୁ । ୨ ଇତିହୁଁ ମୀର ଏଡ଼ି ଏଡ଼ି କାମାତା ପୁଟି କିହିମାନାୟି, ସାମା ଆମ୍ବାଆସି ମାହାପୁରୁ ବଲ୍ଲୁତା ପିଟଞ୍ଜି ଆଅସି, ଆତିହୁଁ ଏଞ୍ଜାସି ନେହୁଁ ମାଣ୍ଡସି, ଅଡ଼େ ଏଞ୍ଜାସି ତାନି ବାରେ ଆଜାତି ତାନୁଏ ଲକ୍‌ହାଲି ଆଡ଼ିମାନେସି । ୩ ମୀର ଗଡ଼ାୟାଁଣି ଲକ୍‌ହାଲି ତାକି ତାମି ଗୁଡ଼ିତା ବାକେରି କାଟିକିହିମାନାୟି, ଅଡ଼େ ଏଦାନିତଲେ ମୀର ତାମି ବାରେ ଆଜାତି ୱେଡ଼ହୁଁ ମାନାୟି । ୪ ଏୟୁ ଜାଜାତି କାତା ଜିକେଏ ଅଣ୍ଡପାଦୁ, ଏଡ଼ି ଏଡ଼େକା କାଜାୟି ଅଡ଼େ କାଜା ଗାଲି ତଲେ ତାକିଡ଼ୁଁ

ଜିକେଏ, ଜାଜାତି ତାମୁଖାକି ମାନି ର ଉଣା ମାରା ତଲେ ତାକିନେ, ଏ ମାରା ଆହୁନାସି ଆମ୍ବିୟାଖାକି ମନ କିନେସି ଏନିକା ହାନେ । ୫ ଏଲେକିହୁଏ ଏ ଖେନ୍ଦରି ଜିକେଏ ଆଜାତି ର ଉଣା ବାଗା ଆତିହୁ ଜିକେଏ, ଏଡି କାଜା ବଡପଣତି କାତା ଜଲ୍ଲାଲି ଆଡିନେ । ମେହୁଦୁ ର ଉଣା ହିଚୁ ପୁୟା ତଲେ ଏତେ କାଜା ଜାଡା ଖେହାହାନେ । ୬ ଖେନ୍ଦରି ଜିକେଏ ହିଚୁ ଲେହେତାୟି; ଏଡି ମା ଆଜା ବିତ୍ତା ବାରେ ଲାଗେଏ ପଲେଏ ତାଣାଟି ସାଲ୍ଲୁଖି ଆହିମାନେ, ଏଡି ବାରେ ଆଜାତି ଲାଗେଏ କିନେ, ଅଡେ ତାନୁ ନକଟି ହଡିମାନି ହିଚୁତଲେ ଡାଞ୍ଜାନା ଗାଡି ଆହାମାନି ଦାର୍ତତି ହୁଡିନେ । ୭ ଇଞ୍ଜା ବାରେ ଲେହେଡି ଜଡ୍ଡ ଜିଖେଡି, ପଟା କାଡି, ବାଣିତଲେ ତାକିନାଜ, ଅଡେ ଏୟୁଡି ଜଡ୍ଡ, ମାଣସି ଏ ବାରେ ଜଡ୍ଡୟାଣି ଲକହାଲି ଆଡିମାନେସି । ୮ ସାମା ଖେନ୍ଦରିତି ଆମ୍ବାଆସି ଲକହାନା ସାପି କିହାଲି ଆଡଅସି, ଏଡି ପଲ୍ଲୁଆ ଗାଗାୟି ଇଞ୍ଜା ଲଜାଆ ଗାଗାୟି, ଅଡେ ଏଡିଏମ୍ବାଆଁ ହାନିମାନି ବୀସା ମାନେ । ୯ ଖେନ୍ଦରି ତଲେ ପ୍ରୁ ଆଦାଜ୍ଜ ଜହରା କିହିମାନାୟି, ଇଞ୍ଜା ଏ ଖେନ୍ଦରି ତଲେ ମାହାପୁରୁ ଲେହେ ଗାଡି ଆଡି ମାଣସିଜ୍ଜ ବାକା ଇଡି ମାନାୟି; ୧୦ ଏ ରଣ୍ଡିସି ଗୁଡିଡି ଜହରା କିନାୟି ଅଡେ ବାକା ହାନି କାତା ହଡିମାନେ ଏ ନା ତାୟିୟା ଅଡେ ତାଜିୟା ଏଲେଆନାୟି ନେହେ ଆଏ । ୧୧ ର ଜାରଣାଟି ଡାକନି ଅଡେ କାମ୍ବେଲି ଏୟୁ ହନୁ କି ? ୧୨ ଏ ନା ତାୟିୟା ଅଡେ ତାଜିୟା, ତୟା ମାରୁନୁତା ଜାତ ପାଡେଡି ଅଡେ ଅଜ୍ଜୁରି ମାଡାତା ତୟା ପାଡେଡି ଆୟାଲି ଆଡିନେ କି ? ଏଲେକିହୁଏ ଏ ହାରୁ ତାରଣା ଡାକନି ଏୟୁହାହାଲି ଆଡେଏ ।

ମାହାପୁରୁ ତାଣାଟି ଖାନି ବୁଦି

୧୩ ମୀ ବିତ୍ତା ବୁଦିଗାଗାସି ଅଡେ ତେଲ୍ଲହନାସି ଆମ୍ବାଆସି ମାନେସି ? ଏଝାସି ବୁଦିଗାଗାସି ଲେହେ ଉଣା ଆହାନା ଇଞ୍ଜା ସୁଦୁଗାଗାସି ଆହାନା ତାନି ନେହୁ ମାଣକି ତଲେ କାମା ତସୁପେସି । ୧୪ ସାମା ମୀ ହିୟାତା ଗାଡି ତାହାରା, କପା ଅଡେ ଖାରଜ ଜାହାରାତାକି ଅଣ୍ଡିନାୟି ମାନେ, ଆତିହୁ ସାତାଡି କପାଟି ବଡପଣ ଆଆଡୁ ଅଡେ ମିତି ଜଲ୍ଲାଆଡୁ । ୧୫ ଇଲେଡି ବୁଦି ମାହାପୁରୁ ତାଣାଟି ଖାଏ, ଏଡି ଇ ଦାର୍ତତିତାୟି, ମାଣସିତି ଅଣ୍ଡପୁ ଗାଗାୟି ଅଡେ ଲାଗେଏ ପଲେଏତି ବୁଡୁୟା ଖାୟି । ୧୬ ଇଡିହୁ ଆମିନି ତାଣା ତାହାରା ଅଡେ ଜାହାରାତାକି ଅଣ୍ଡିନାୟି ମାନେ, ଏ ଟାୟୁତା ବାରେଲେହେଡି ଲାଗେଏତି କାମା ମାନେ । ୧୭ ସାମା ଲାକଟି ଖାନି ବୁଦି, ତଲିଏ ସୁଦୁଗାଗାୟି, ତାୟୁ ହିଡଡି ଜାଝୁଗାଗାୟି ଅଡେ ସୁଦୁ ସୁଞ୍ଜାଲା, ମାନୁଖି ଆନାୟି, କାର୍ମାମେହନାୟି ଅଡେ ନେହୁ ପାଡେଡିକା ତଲେ ନେଞ୍ଜାମାନାୟି, ଆନାମାନା ଆଆଗାଗାୟି ଅଡେ କୁଟୁ ହିଲ୍ଲାଆଗାଗାୟି । ୧୮ ଅଡେ ହିଡଡି ହାନି ଲକୁ ତାଣାଟି ହିଡଡିଡି ବିଚା ମାବୁଝିଆନେ, ଦାମ୍ବୁଗାଟି ପାଡେଡିକା ଦାପି ଆନେ ।



ଦାର୍ତତି ତଲେ ତଣେ ଦହନାୟି

୧ ମୀ ତାଣା ମାତାଗଡି ଅଡେ ଗଡହା ଆମ୍ବିତି ଖାହିମାନେ ? ଏଝି ମୀ ତାଣା ମାନି ସୁକ୍ଷୁଡି ଅଣ୍ଡପୁଟି ଖାହିମାନୁ ଏଝି ବାରେବେଲା ବାରେ ବେଲା ଗଡହା କିଝିକିହିମାନୁ । ୨ ମୀରୁ ଏନାଆଁ ବେଟାଆହାଲି ଅଣ୍ଡପା ମାଞ୍ଜେରି, ଏଦାଆଁ ବେଟା ଆଆସାରେ ଲକୁଣି ପାୟାଲି ଅଣ୍ଡପା ମାଞ୍ଜେରି, ଏନାଆଁ ବେଟାଆହାଲି ହାରେକା ଜୁପକା ଆନେ ଏଦାଆଁ ବେଟା ଆଆସାରେ ଗଡହା ଅଡେ ମାତାଗଡି କିହିମାଞ୍ଜେରି, ଏନାଆଁତାକି ଇଡିହୁ ମୀରୁ ମାହାପୁରୁଜ୍ଜ ରାସି ହିଲ୍ଲଅଡେରି; ୩ ମୀରୁ ରାସିମାଞ୍ଜେରି ସାମା ବେଟାଆହି ହିଲ୍ଲଅଡେରି, ଏନାଆଁତାକି ଇଡିହୁ ମୀରୁ ମୀ ଆଜାତି ଜୁପକାଟି ଲେୟାଲି ତାକି ପାୟୁ କାମା କିହାଲି ରାସିମାଞ୍ଜେରି । ୪ ଏ ଦାରେଣିସିକାଡେରି, ମୀରୁ ପୁଞ୍ଜାହିଲ୍ଲଅଡେରି ? ଦାର୍ତତି ତଣେ ଆନାସି ଏଝାସି ମାହାପୁରୁତି ସାଡୁ, ଇଡିହୁ ଆମ୍ବାଆସି ଇ ଦାର୍ତତି ତଣେ ଆହାଲି ଅଣ୍ଡିନେସି; ଏଝାସି ତାଙ୍ଗେ ମାହାପୁରୁତି ସାଡୁ । ୫ ମୀରୁ ଏନାଆଁ ଦାମ୍ବୁ ପଡିତା ରାସୁକି ଆହାମାନି ବଲ୍ଲୁ ଉଜେଏ ଇଞ୍ଜୁ ଅଣ୍ଡିମାଞ୍ଜେରି କି, “ମାହାପୁରୁ ଆମିନି ଜାଝୁଡି ମା ତାଣା ବାସା ଆହାଲି ହାହାମାଞ୍ଜାନେସି, ଏଝାସି ମାଙ୍ଗେ ବାରେ ଖାକିଟି ସାଲ୍ଲୁଖି କିହାଲି ଅଣ୍ଡିମାନେସି ।” ୬ ସାମା ମାହାପୁରୁ ହାରେକା କାର୍ମାମେହନାଣି ହିୟାନେସି; ଏଦାଆଁତାକି ସାପ୍ତେରିତା ରାସୁକି ଆହାମାନେ, “ମାହାପୁରୁ ଆଜାରା ଆନାରି କପାଟି ନିଜିନେସି, ସାମା ଜାହାରାଜ୍ଜ ଉଣା କିହା କତାମାନାରାଜ୍ଜ କାର୍ମା ମେହନେସି, ମାହାପୁରୁତି କାର୍ମା ହାରେକା ବାଡୁୟୁ ଗାଗାୟି ।” ୭ ଏଦାଆଁତାକି ମୀରୁ ମାହାପୁରୁ ତାଣା ହେରଦୁ କତାଦୁ; ଅଡେ ସୟତାନଜ୍ଜ ଆବାଆଡୁ, ଆତିହୁ ଏଡି ମୀ ତାଣାଟି ହେକ ହାନେ । ୮ ମାହାପୁରୁ ତାଗେ ଖାଡୁ ଆତିହୁ ଏଝାସି ମୀ ତାଗେ ଖାନେସି, ଏ ପାୟୁ ଗାଗାଡେରି, ମୀ କେୟାଣି ନେହୁ କ ନରଦୁ, ଅଡେ ରୀ ଅଣ୍ଡପୁ ଗାଗାଡେରି, ମୀ ହିୟାଡି ଅଡହା କତାଦୁ

। ୯ ହିୟାଁ କାଡ଼ି କିହାଁ ଦୁକୁ ତଲେ ଡ଼ାଦୁ; ମୀ କାକନାୟି ଡ଼ାକିତା ଅଡ଼େ ମୀ ରାହାଁ ଦୁକୁତା ତୀରି ମୁଁପେ । ୧୦ ପ୍ରବୁ ନକିତା ମୀରୁ ମିଙ୍ଗେ ଉଣା କିହାକତାଦୁ, ଏତେଟିଏ ଏଝାସି ମିଙ୍ଗେ କାଜା ଲକୁ କିୟାନେସି ।

ଏଡ଼କା ଲକୁଣି ନାହାଁୟି କିଆଦୁ

୧୧ ଏ ତାୟି ତାଙ୍ଗିସ୍ତା, ମୀରୁ ରଅତେରି ରଅଣା କପାଟି ନିନ୍ଦା କାତା ଜଲ୍ଲାଆଦୁ; ଆମ୍ବାଆସି ତାୟି କପାଟି ନିନ୍ଦା କାତା ଜଲ୍ଲିନେସି କି ନାହାଁୟି କିନେସି, ଏଝାସି ମସା ମେରା କପାଟି ଜଲ୍ଲିମାନେସି, ଇଞ୍ଜା ଏମ୍ବାଡ଼ି ନାହାଁୟି କିହିମାନେସି । ସାମା ମୀରୁ ମସା ମେରାତି ନାହାଁୟି କିଦେରି, ଇତିହଁ ମୀରୁ ମସା ମେରାତି ମାନୁଝି ଆନାତେରି ଆଆନା ଏମ୍ବାଡ଼ି ନାହାଁୟି କିନାତେରି । ୧୨ ମାହାପୁରୁ ରଅସିସି ମେରା ହୀନାସି ଅଡ଼େ ନାହାଁୟି କିନାସି, ଏଝାସି ଗେଲ୍ପାଲି ଅଡ଼େ ନାସା କିହାଲି ଆଡ଼ିମାନେସି; ସାମା ନୀନୁ ଆମ୍ବାଆତି, ନୀ ଆଡ଼ିତାଣାଲ୍ ନାହାଁୟି କିହିମାଞ୍ଜି ?

ବତପଣ କିଆଦୁ

୧୩ ନୀର୍ବ ମେହ୍‌ଦୁ, ଆମ୍ବାଆତେରି ଏଲେ ଇଞ୍ଜିମାଞ୍ଜେରି, “ନୀଞ୍ଜୁ କି ଝିଏ ମାମ୍‌ସୁ ଗାଡ଼ାତା ହାନମି ଇଞ୍ଜା ଏମ୍ବାଆଁ ର ବାସା ପାତେକା ତୁୟନା ବେବାରା କିହାଁ ଗାଡ଼ି ଲାବା କିନମି;” ୧୪ ସାମା ଝିଏ ଏନାୟି ଆନେ, ଏଦାଆଁ ମୀରୁ ପୁଞ୍ଜାହିଲଅତେରି, ମୀ ଜୀଝୁ ଏନିକଁ ଗାଡ଼େକା ତଞ୍ଜାଆହାନା ଗାଡ଼େକା ମେଣଜାହାନି ଉକଅଡ଼ି, ମୀରୁ ଏଲେତାଅତେରି । ୧୫ ଇଦାଆଁତାକି ମୀରୁ ଏଲେଇନାୟି ମାନେ, “ପ୍ରବୁତି ଅଣ୍‌ପୁ ଆଡ଼ିସାରେ ମୀରୁ ଜୀଝୁତଲେ ନୀତା ମାଞ୍ଜାନା ଇଦାଆଁ କିନ ଆଆତଁ ଏଦାଆଁ କିନ ।” ୧୬ ସାମା ମୀରୁ ନୀର୍ବ ମୀ ବତପଣ ତସାକଡ଼ିମାଞ୍ଜେରି; ଇଲେତି ବତପଣ ଲାଗେଏତାୟି ।

୧୭ ହିୟାଁତା ଇଗାଦୁ ଏନାଆଁତାକି ଇତିହଁ, ଆମ୍ବାଆସି ନେହଁ କାମା କିହାଲି ପୁଞ୍ଜାନା କିଅସି ଏଝାସି ପାପୁ କିନେସି ।



ବାଡ଼କୁ ଗାଗାରାଇଁ ଜାଗ୍ରାତା କିନାୟି

୧ ଏ ବାଡ଼କୁ ଗାଗାତେରି ନା କାତା ଝେଞ୍ଜୁ, କସ୍ତୁତି ଦିନା ଝାହିମାନେ ଏଦାଆଁତାକି ଦୁକୁଆହଁ ଡ଼ାଦୁ ଇଞ୍ଜା କାନିକାର୍ମା ଆଦୁ । ୨ ଏମୀ ବାରେ ଦନ ସୀରୁହା ହାଚେୟିଏ, ଅଡ଼େ ମୀ ହିମ୍ବିକାଇଁ ଲୀମ୍‌ପୁ ତିଚେୟିଏ, ୩ ଅଡ଼େ ମୀ ବାଂଗାରା ଇଞ୍ଜା ଝେଣ୍ଡି କିରୁଞ୍ଜୁ ଆଡ଼େୟିଏ; ଏତେଟିଏ ଏ କିରୁଞ୍ଜୁ ମୀ କପାଟି ସାକି ହୀହାନା ହିରୁ ଲେହେଁ ମୀ ଆଜା ଜିକେଏ ନାସା କିୟାନେ, ଇ ରାନ୍ଦି ବେଲାତା ମିଙ୍ଗେତାକି ଦନ କୁଡ଼ି କିହାମାଞ୍ଜେରି । ୪ ହେଣ୍ଡୁ ! ମୀ ଗୁଡ଼ିୟାତି ତାସା ଦାଝଆନାରାକି ନାଡ଼ିକିହାନା ଆମିନି କୁଲି ହୀହା ହିଲଅତେରି, ଏଡ଼ି ଗାଡ଼ି କାଲୁଝି ଆହିମାନେ, ଅଡ଼େ ତାସାତି ଦାଝଆନାରି ଡ଼ାନାୟି ବାରେ ବାଡ଼ୁରୁଡ଼ି ପ୍ରବୁତି କିୟଁ ତୁ। ଏଗା ହାଚେୟିଏ । ୫ ମୀରୁ ଦା଼ଡ଼ିତି ସୁକୁ ଅଡ଼େ ରାହାଁତା ନୀତାମାଞ୍ଜେରି, ମୀରୁ ହାକିତି ଦିନାତାକି ଜାହାରାଇଁ ଆଜା କିହାମାଞ୍ଜେରି । ୬ ମୀରୁ ଦହ ହିଲାଆଗାଟାରାଇଁ ଦହ କିହାନା ପାୟିମାଞ୍ଜେରି; ଏଝାସି ମିଙ୍ଗେ ଝେଣ୍ଡେ ଏନାଆଁ କିୟଅସି ।

ସାସାତଲେ ପ୍ରାତାନା କିନାୟି

୭ ଏଦାଆଁତାକି ଏ ତାୟି ତାଙ୍ଗିସ୍ତା, ପ୍ରବୁତି ଝାନି ଦିନା ପାତେକା ସାସାତଲେ କାଟାନା ମାଞ୍ଜୁ, ର ତାସା କିନାସି ଏନିକଁ ତାନି ବୁମିତି ପାଡ଼େୟି ବେଟାଆହାଲି ତାକି ମୁଲୁତି ପିୟୁ ଅଡ଼େ ତାୟୁତି ପିୟୁ ରିନି ଦିନା ପାତେକା ସାସାତଲେ କାପୁ କାଟାନା ତୁୟିନେସି । ୮ ମୀରୁ ଜିକେଏ ଏଲେକଁ ସାସାତଲେ ମାଞ୍ଜାନା ମୀ ହିୟାଁତି ସ୍ତସି କିପୁ, ଇତିହଁ ପ୍ରବୁତି ଝାନି ଦିନା ତାଗେ ଝାଡ଼େୟିଏ ।

୯ ଏ ତାୟି ତାଙ୍ଗିସ୍ତା, ମୀରୁ ଏନିକଁ ନାହାଁୟି କିଝି ଆଅତେରି, ଏଦାଆଁତାକି ରଅତେରି ରଅଣା କପାଟି ଏନି କାତା ଜଲ୍ଲାଆଦୁ, ସିନିକିଦୁ, ନାହାଁୟି କିନାସି ଦୁଝେରିତା ନିଗାମାନେସି । ୧୦ ଏ ତାୟି ତାଙ୍ଗିସ୍ତା, ଆମିନି ମାହାପୁରୁ ଅଣ୍‌ପୁତି ବଲୁ ଝେହ୍‌ନାରି ପ୍ରବୁ ଦରୁଡ଼ି କାତା ଝେସାମାତେରି, ଏଝାରାଇଁ ମୀରୁ ଅଣ୍‌ପାଦୁ, ଦୁକୁ କସ୍ତୁ ବେଟାଆନାଡ଼ି ସାସା ଅଡ଼େ ଅରୁହାଲି ଜିରୁ ତସାମାଞ୍ଜାନେରି । ୧୧ ମେହ୍‌ଦୁ ଆମ୍ବାଆରି କସ୍ତୁ ଅରୁହା ମାତେରି, ମାମ୍‌ସୁ ଏଝାରାଇଁ ନେହାଁରି ଇଞ୍ଜାଁ ଇନମି, ମୀରୁ ଆୟୁବତି ଅରୁହାନାଣି ଝେଞ୍ଜାମାଞ୍ଜେରି, ଅଡ଼େ ପ୍ରବୁ ତାୟୁତି କାମା ମେସାମା ପୁଞ୍ଜାମାଞ୍ଜେରି, ଏଝାସି କାର୍ମା ମେହ୍‌ନାସି ଅଡ଼େ ଜୀଝୁ ନନାସି ।

✽ ୫:୨ ୫:୨ ମାଡ଼ି ୭:୧୯

୧୨ *ଏ ନା ତାହି ତାଜିମ୍ମାତେରି, ମୀରୁ ପାର୍ମାଣା କିଧୁଏ କିଆଦୁ, ଲାକପୁରୁତି ଦରୁତଲେ ପାର୍ମାଣା କି ଦାରୁତି ଦରୁତି ପାର୍ମାଣା କି ଏବ୍‌କାତି ଏନ୍ନି ଦରୁ ଆସାନା ପାର୍ମାଣା କିଆଦୁ, ସାମା ମାଦି ହାଅ ଇନି କାତା ହାଅ ଆଫେ ଇଞ୍ଜା ଆଏ ଇନି କାତା ଆଏ ଆଫେ, ଏନ୍ନିକି ମୀରୁ ନୀହାୟି ଦିନାତା ତଣ୍ଡ ଗାଟାତେରି ଆଅତେରି ।

୧୩ ମୀ ବିତ୍ତାଟି ଆମ୍ବାଆସି ଦୁକୁ କିହିମାନେସି ? ଆତିହ୍ ଏଝାସି ପ୍ରାତାନା କିପାସି, ଆମ୍ବାଆସି ରାହାଟି ମାନେସି ? ଇତିହ୍ ଏଝାସି ଜହରା ପାରୁ ପାଟାପେସି । ୧୪ *ଆମ୍ବାଆସି ମୀ ବିତ୍ତାଟି ଆତାଆ ଗାଟାସି ମାଟିହ୍ ଏଝାସି କୁଲମିତି ପ୍ରାତିନାଙ୍ଗାଣି ହାଟାପେସି; ଇଞ୍ଜା ଏଝାରି ପ୍ରବୁତି ଦରୁତଲେ ନିହୁଁ ଖାକ୍‌ହାନା ଏଝାଣି ତାକି ପ୍ରାତାନା କିପାରି । ୧୫ ଏ ନାମୁଗାଟି ପ୍ରାତାନା ରଟା ଗାଟାଣାଇଁ ନେହ୍ କିନେ, ଇଞ୍ଜା ପ୍ରବୁ ଏଝାଣାଇଁ ନିକ୍‌ନେସି, ଇଞ୍ଜା ଏଝାସି ପାପୁ କିହାମାଟିହ୍, ଆତିହ୍ ଏଝାଣି ପାପୁ ମେଣ୍‌ଜି କିଝିଆନେ । ୧୬ ଏଦାଆଁତାକି ମୀରୁ ରଅତେରି ରଅଣା ନକିତା ମୀ ପାପୁ ଝେକ୍‌ଦୁ, ଅଡେ ନେହ୍ ଆହାଲିତାକି ରଅତେରି ରଅଣି ତାକି ପ୍ରାତାନା କିଦୁ, ଆତିହ୍ ମୀରୁ ନେହ୍ ଆଫେରି, ଏନାଆଁତାକି ଇତିହ୍ ଦାମ୍ବୁ ଗାଟାଣି ପ୍ରାତାନା ହାରେକା କାଜା କାମା କିହାଲି ଆଡିନେ । ୧୭ ଏଲିୟ ଜିକେଏ ମା ଲେହେତି ଦୁକୁ ସୁକୁ ଗାଟି ମାଣସି; ଏଝାସି ପିୟୁ ଆଆପେ ଇଞ୍ଜା ରଣ୍ଡିଏ ମନ୍‌ତଲେ ପ୍ରାତାନା କିତେସି, ଅଡେ ତାନି ବାସା ସ ଲେଞ୍ଜୁ ପାତେକା ଏ ବୁମିତା ପିୟୁ ଆଆପେ । ୧୮ ଇଞ୍ଜା ଏଝାସି ଅଡେ ଝେଣ୍ଡେ ପ୍ରାତାନା କିହାଲିଏ ହାଗୁଟି ପିୟୁ ରାତେ, ଅଡେ ବୁମିତା ଆନା କାମିତେ ।

୧୯ ଏ ନା ତାହିୟା ଅଡେ ତାଜିମ୍ମା, ମୀ ବିତ୍ତାଟି ଆମ୍ବାଆସି ସାତା ଜିରୁତି ବାଣା ଆତିହ୍ ଅଡେ ଆମ୍ବାଆସି ଏଝାଣାଇଁ ଝେଣ୍ଡେ ଝେବ୍‌ହା ତାନେସି, ୨୦ *ଆତିହ୍ ଆମ୍ବାଆସି ପାପୁ ଗାଟାଣାଇଁ ତାନି ପଲ୍‌ଆ ଜିରୁତି ଝେବ୍‌ହା ତାନେସି, ଏଝାସି ଏଝାଣି ଜାଧୁତି ହାକିଟି ଗେଲ୍‌ପିନେସି, ଇଞ୍ଜା ହାରେକା ପାପୁତି ମ୍ପେପ୍‌କି କିନେସି, ଇଦାଆଁ ମୀରୁ ପୁଞ୍ଜୁ ।

ପିତରକ ପ୍ରଥମ ପତ୍ର ପିତର ରାଡ଼ାଫାନି ର ଲମ୍ବର ଆକୃ ମୂଲ୍ୟ ହାତୀ

ପିତର ର ଲମ୍ବର ଆକୃ ପାଣ୍ଡୁଆଡ଼ି ପିତର ରାଡ଼ାଫାନେସି । ପିତର ଏଞ୍ଜାସି ଆମ୍ବାଆସି ଅଡ଼େ ଆମ୍ବାଆରାକି ତାନି ଆକୃ ରାଡ଼ିମାଡେସି ଏ କାତା ଝେସାନା ତାନି ଆକୃ ରାଡ଼ାଲି ମାଡ଼ହେସି । ଏଞ୍ଜାସି ଆମ୍ବାଆରାକି ପୁଣ୍ଡି ମେସପି ଆଆତି ଲକୃ ଇଞ୍ଜି ଇଡେସି ଏ ବାରେ କ୍ରୀସ୍ତୁଇଁ ନାନିତି ଲକୃଣି ଆକୃତା ଝେକ୍‌ହେସି ୧:୧; ୧:୧୭; ୨:୧୧ । ଏଞ୍ଜାସି ତାନି ଆକୃତି ପତ୍ରଞ୍ଜି ଆନାରାଇଁ ଏଲେକିହିଁ ଝେସେସି ଏନାଆଁତାକି ଇଡିହିଁ ଏଞ୍ଜାସି ହାରେକା ଦେବା ଇଡାଲ୍ଲା ଆଡାଲ୍ଲା ଦେସାଣା ହଣପି ଆହାମାଡେରି । ଇଡିହିଁ ଇ ଆକୃ ଏତର ବାଡା ପାଞ୍ଜୁଲ ଏପିସିୟ କୁଲମିକି ରାଡ଼ାଫାନି ଆକୃ ଲେହେଡ଼ାୟି, ହାରେକା ଲକୃ ନାନିମାନେରି ଏପିସିୟତି ତାୟୁ ର ଲମ୍ବର ପିତର ପତି ଜୀସୁ କ୍ରୀସ୍ତୁ ଜାର୍ନାଆଡ଼ି ୬୫ ବାର୍ସା ତାୟୁ ରାସ୍‌କି ଆହାମାଡେ । ପିତର ଇ ଆକୃତି ରମ୍‌ଟି ରାଡ଼ିଡେସି, ଆମିନିଗାଟାଣି ଏଞ୍ଜାସି ବାବିଲନ ଇଡେସି ୫:୧୩ ।

ମିଜେ ରାହାଁ କିହିଁ ଅଡ଼େ ସାକି ହାହିଁ ଇଦି ଏ ମାହାପୁରୁତି ସାତା କାର୍ନାମେହ୍‌ନାୟି ଇଞ୍ଜିଁ ପିତର ଝେସାନା ଇ ଆକୃତି ରାଡ଼ିଡେସି ୫:୧୨; ୧ପିତ ୨:୧୧-୩:୭; ଏପିସି ୫:୧୮-୬:୯ ଅଡ଼େ କଲସିୟ ୩:୧୮-୪:୬ ହାଡ଼େକା ରଲେଏତି କାତା ରାସ୍‌କି ଆହାମାନେ । ଇ ବାରେ ତାନିଗଟା ଆକୃତା ଇଲୁ କୁଟମିତା ଆଣ୍ଡି ଆହାମା ତୁୟିନାୟି ଅଡ଼େ କାଜା ଲକୃତି ମାନୁଞ୍ଜି ଆହାମା ତୁୟାଲି ଜାପୁଞ୍ଜି ଆହାମାନେ । ଏଡିବେଲ୍ଲାତା ସାସ୍ତି ଝାନେ ତାରିଆହାମା ମାଞ୍ଜାଲି ଏଞ୍ଜାସି କ୍ରୀସ୍ତୁଇଁ ନାନିତି ଲକୃଣି ସାସା ହାହିମାନେସି ଏନାଆଁତାକି ଇଡିହିଁ କୁଗୁ ରାଦି ଦିନା ତାଗେ ଝାଡ଼େୟିଏ ୪:୧ ।

ପିତା ମାନାୟି

- ୧. ପିତର ତାଜେ ଝେକ୍‌ହା କଡିନାୟି ଅଡ଼େ ତାନି ଆକୃତି ପତ୍ରଞ୍ଜି ଆନାରାଇଁ ଝେହ୍‌ନାୟି । ୧:୧-୨
- ୨. ଗେଲ୍‌ପି ଆଜାୟି ବାରେ ଲକୃତାଣା ଏଜାମାନାକି ଅଡ଼େ ତାନି ଜାସୁ ଏନାୟି ଇଞ୍ଜିଁ ପୁଞ୍ଜାମାନାକି ଏଞ୍ଜାସି ମାହାପୁରୁଇଁ ଜହରା କିନାୟି । ୧:୩-୨:୧୦
- ୩. କ୍ରୀସ୍ତୁଇଁ ନାନିତି ଲକୃ ଏନିକିହିଁ ଇ ବାରୁଡିତା ନୀଡିନାୟି ଅଡ଼େ ଏନିକିହିଁ କି ତକ୍ରା ଅଡ଼େ ତକ୍ରା ଇଞ୍ଜାଁ ସାଞ୍ଜୁକାରି ଅଡ଼େ ହଡେଏସି ନେହିଁ କିଁ ତୁୟିନେରି ଏ କାତା ଏଞ୍ଜାସି ଜାପୁନାୟି । ୨:୧୧-୪:୧୧
- ୪. ପିତର ଏଞ୍ଜାରାକି ସାସ୍ତି ଝାଡ଼ିସାରେ ତାରିଆହାମା ତୁୟାଲି ସାସା ହାନ୍‌ନାୟି । ୪:୧୨-୫:୧୧
- ୫. ପିତର ତାନି ଆକୃ ରାପୁନାୟି । ୫:୧୨-୧୪

୧ ନାନୁ, ପିତର, କ୍ରୀସ୍ତୁ ଜୀସୁ ତାଣାଟି ପାଣ୍ଡୁଆହାମାନି ସୀସୁ, ପତ୍ର, ଗାଲ୍ଲାତିୟା, କାପାଦକିୟା, ଆସିୟା ଅଡ଼େ ବେତନିୟାଁ ରାଜିତା ଇଡାଲ୍ଲା ଆଡାଲ୍ଲା ବାସାଆହାମାନି ମାହାପୁରୁ ଆଡାଫାନି ଲକୃତାକି ଆକୃ ରାଡ଼ିମାଇଁ, ୨ ଆବା ମାହାପୁରୁତି ତଲିତି ବୁଦିତଲେ ସୁଦୁଜୀଞ୍ଜୁ ତଲେ ସୁଦୁ ଆହା ମାନି ଗାଟାଡେରି ଅଡ଼େ ଜୀସୁ କ୍ରୀସ୍ତୁତି ନେଡେରି ତାଞ୍ଜିଞ୍ଜି କିହାକତାଲି ଆଡ଼ି ଆହାମାନେରି । ମିଜେତାକି ମାହାପୁରୁତି କାର୍ନାମେହ୍‌ନାୟି ଇଞ୍ଜାଁ ହିଡ଼ି ଆପେ ।

ଜାସୁତି ବାସ୍ତି

୩ ମା ପୁରୁ ଜୀସୁ କ୍ରୀସ୍ତୁତି ଆବା ଅଡ଼େ ମାହାପୁରୁଇଁ ଜହରା; ଇଡିହିଁ ଏଞ୍ଜାସି ତାନି କାର୍ନାଟି ଜୀସୁ କ୍ରୀସ୍ତୁଇଁ ହାକିତି ନିକହାନା ମାଜେ ପୁଞ୍ଜି ଜୀସୁ ହାହାମାଞ୍ଜାନେସି, ଏଡି ମାଜେତାକି ନୀଡିନି ବାସ୍ତି ହାହାମାଞ୍ଜାନେ, ୪ ଏନାଆଁତାକି ମାହାପୁରୁ ତାନି ଲକୃତାକି ଆମିନି ଦାରାଗାଟି ବର ଇଟାମାନେସି, ଏନାଆଁ ବେଟାଆହାଲି ମାର କାପୁ କାଟାମାନାୟି, ଏଞ୍ଜାସି ଲାକପୁରୁ ମିଜେତାକି ଏନାଆଁ ଜାଡୁନୁ ତଲେ ଇଟାମାନେସି, ଏନାଆଁ ଏଡି ନସ୍ତୁ ଆଏ କି ଝାଡ଼େଏ । ୫ ଆମିନି ଗେଲ୍‌ପିନାୟି ରାଦି ଦିନାତା ତଞ୍ଜାଆହାଲି କିଞ୍ଜିଆହାମାନେ, ଏନାଆଁ ବେଟାଆହାଲି ତାକି ମୀରୁ ମାହାପୁରୁତି ବାଡ଼ୁୟିତା ନାନୁତଲେ ଜାଗ୍ରାତା କିଞ୍ଜି ଆହାମାଞ୍ଜେରି ।

୬ ଏନାଆଁତାକି ମୀରୁ ରାହାଁ କିଦୁ, ଆଡ଼ିଜିକେଏ ନୀର୍ସି ଗାଡ଼େକା ତାକି ହାରେକା ତାୟିପାରି କିନି ତାଣାଟି ଦୁକୁ କସ୍ତ ବେଟାଆହାଲି ମିଜେତାକି ଲଡ଼ାଆନେ, ୭ ଏନିକିଁ ଗାଡ଼େକା ନସ୍ତୁ ଆନି ବାଂଗାରା ହିଡୁତା ହିଡିନି କିହାଁ ହାରେକା ଦାରା ମୀ ତାୟିପାରି କିଞ୍ଜିଆଡ଼ି ନାନୁ, ଏଡି ଜୀସୁ କ୍ରୀସ୍ତୁ ତଞ୍ଜାଆନି ବେଲ୍ଲାତା ମାନି

ତଲେ ଜହରାତି, ଗାଝୁରମି ଅଡ଼େ ମାନି ବେଟାଆନାୟି । ୮ ନୀର୍ବ୍ୟ ମୀରୁ ଏଝାଣାଈ ମେସା ହିଲାଆତି ଜିକେଏ ଜାଝୁନହୁଁ ମାଝେରି, ଇଞ୍ଜା ନୀର୍ବ୍ୟ ମେହୁଆତୁଁ ଜିକେଏ ତାନି ତାଣା ନାମାହାଁ ଝେସାଲି ଆଡ଼ାଆରେଟୁ ଗାଝୁରମିତି ରାହାଁତା ୯ ରାହାଁ ଆହାନା ଏ ନାମୁତି ପାଡ଼େୟି ଲେହେଁ ମୀ ଜାଝୁତି ଗେଲ୍ପିନାଣି ବେଟାଆହାମାଝେରି ।

୧୦ ଈ ଗେଲ୍ପିନି କାତା ମାହାପୁରୁ ଅଣ୍ଟପୁତି ବଲୁ ଝେହୁନାରି ମନ ହାହାନା ପାରିହୁଁ ସିନିକିତେରି, ଆମ୍ବାଆରି ଏମିନି କାର୍ମାମେହୁନାୟି ମିଝେ ଆନାୟି ମାତେ, ଏ ଡାୟୁତି କାତା ଝେସାହାଁ ତସାମାତେରି, ୧୧ କ୍ରୀସ୍ତତି ଦୁକୁ ବେଟାଆନାଣି ଇଞ୍ଜା ଅଡ଼େ ଡାୟୁତି ଗାଝୁରମି ବେଟାଆନାଣି ନକେଏ ପାରୁମାଣା ହାନାସି ଇଞ୍ଜା ଏଝାରିତାଣା ମାନି କ୍ରୀସ୍ତତି ଜାଝୁ ଏ ବାରେ ଏତିବେଲା ଝାନେ ଅଡ଼େ ଏନିକିଁ ଝାନେ ଏଝାରି ପୁଞ୍ଜାଲି ନକେଏ ଅଣପାମାତେରି । ୧୨ ଏଝାରି ଏ ବାରେ କାତା ତାନି ତାକି ସେବା କିଆନା ମୀ ଲାକା ତାକି ସେବା କିହିମାତେରି, ଇଦି ଏଝାରିତାଣା ତଞ୍ଜା ଆହାମାତେ, ଇଞ୍ଜା ଏ ବାରେ କାତା ଲାକପୁରୁତି ପାଣ୍ଡ଼ିଆହାମାନି ସୁଦୁଜାଝୁତି ବାଡୁରୁ ତଲେ ମୀ ନକିତା ନେହୁଁ କାରୁ ଝେହୁନାରି ତାଣାଟି ନୀର୍ବ୍ୟ ମିଝେ ଝେସ୍ପି ଆହିମାଞ୍ଜାନେ; ଏ ବାରେ କାତା ଦୁହୁୟାଁ ଜିକେଏ ପୁଞ୍ଜାଲି ଅଣପି ମାନେରି ।

ସୁଦୁଜାଝୁ ତଲେ ମାଞ୍ଜାଲି ହାଟୁକି ଆନାୟି

୧୩ ନେହୁଁ କାମା କିହାଲି ତିୟାରା ଆଦୁ । କାପୁ କାଚାନା ଜୀସୁ କ୍ରୀସ୍ତ ତଞ୍ଜା ଆନି ବେଲାତା ଆମିନି ବର ମିଝେ ହାପକି ଆୟାନେ, ଏଦାଆଁତାକି ତୀରେତଲେ ବାର୍ସୁ ଇଟାଦୁ । ୧୪ ମାହାପୁରୁଈ ମାନି କିଦୁ, ମୀରୁ ତଲି ପୁଞ୍ଜାହିଲାଆତି ବେଲାତା ଆମିନି ଲାଗେଏ ପଲେଏତି ଜୁପକା ତଲେ ମାତେରି ନୀର୍ବ୍ୟ ଏଲେଆଆଦୁ । ୧୫ ସାମା ମିଝେ ହାଟାମାଞ୍ଜାନି ମାହାପୁରୁ ଏନିକିଁ ସୁଦୁଗାଟାସି ମୀରୁ ଜିକେଏ ଏଲେକିଁ ମୀ ବାରେ ମାଣକିତା ସୁଦୁ ଗାଟାତେରି ଆଦୁ । ୧୬ ଦାମ୍ପୁପତିତା ରାସ୍ପିକି ଆହାମାନେ, “ମୀରୁ ସୁଦୁ ଗାଟାତେରି ଆଦୁ, ଏନାଆଁତାକି ଇତିହୁଁ ନାନୁ ସୁଦୁ ଗାଟାତେର୍ଏ ।”

୧୭ ଅଡ଼େ ଆମ୍ବାଆରି ମୁମୁ ଝୁମହୁଆନା ବାରେ ଲକ୍ଷୁତି ଏଝାରି କାମା କିହାମାନିଲେହେଁ ନୀହାଁୟି କିନେସି, ଏଝାଣା ତାଣା ପ୍ରାତାନା କିନାଟି ଆବା ଇଞ୍ଜା ହାଟିତିହୁଁ, ମୀରୁ ଈ ଦାରୁତିତା ବାସାଆହାମାନି ପାତେକା ମାନି ତଲେ ଏଝାଣାଈ ଆନାମା ମାଞ୍ଜୁ; ୧୮ ଇତିହୁଁ ମୀରୁ ପୁଞ୍ଜାମାଝେରି ମୀ ଆକୁ ଆବାୟାଁ ତାଣାଟି ବେଟାଆହାମାନି ଭଜେଏତି ମାଣକି ତଲେ ନୀତିନି ତାଣାଟି ମୀରୁ ଝେଣ୍ଡି କି ବାଂଗାରା ଲେହେଁତି ନାସା ଆନି ଆସ୍ତି ତଲେ ପିସ୍ପି ଆହାହିଲଅତେରି, ୧୯ ସାମା ଏନି ସିନା ଅଡ଼େ ଦହୁ ହିଲାଆଗାଟି ମେଣ୍ଡା ତାଲୁ ଲେହେଁତି କ୍ରୀସ୍ତତି ଗାତି ଦାରାଗାଟି ନେତେରି ତଲେ ପିସ୍ପି ଆହାମାଝେରି । ୨୦ ଦାରୁତି ଗାଡ଼ିଆଡ଼ି ନକେଏ ମାହାପୁରୁ ଏଝାଣାଈ ଆଡ଼ିତେସି ଇଞ୍ଜା ଈ ରାନି ଜୁଗୁତା ଏଝାସି ମିଝେତାକି ତଞ୍ଜା ଆହାମାଞ୍ଜାନେସି; ୨୧ ଆମିନି ମାହାପୁରୁ ଏଝାଣାଈ ହାକିଟି ନିକହାନା ଗାଝୁରମି ହାହାମାନେସି, ଏଝାଣି ତାଣାଟି ମୀରୁ ଏ ମାହାପୁରୁଈ ନାମିମାଝେରି, ଇଦାଆଁତାକି ମୀ ବାରେ ନାମୁ ଅଡ଼େ ବାର୍ସୁ ମାହାପୁରୁ ତାଣା ଆଟୁଝା ଆହାମାନେ ।

୨୨ ନୀର୍ବ୍ୟ ମୀରୁ ସାତାତି ମାନୁଞ୍ଜି ଆହାନା କୁଟୁ ହିଲାଆ ତାୟିଈ ଜୀଝୁ ନହାଲି ତାକି ମୀ ହିୟାତି ଅଟୁହା କତାମାନାକି ମୀ ବାରେ ହିୟାଁ ତଲେ ମୀରୁ ରଣ୍ଡିଏ ମନତଲେ ରଅତେରି ରଅଣାଈ ଜୀଝୁନଦୁ । ୨୩ ଇତିହୁଁ ମୀରୁ ନାସା ଆନି ପାଡ଼େୟିତି ଆଏ, ସାମା ଏତେଲା ନାସା ଆଆଗାଟି ପାଡ଼େୟିତି, ଇତିହୁଁ ମାହାପୁରୁତି ଜାଝୁ ଅଡ଼େ ବାରେବେଲା ତୁୟିନି ବଲୁ ତଲେ ଝେଣ୍ଡେ ଜାର୍ନା ଆହାମାଝେରି । ୨୪ ଦାମ୍ପୁ ସାସ୍ପେରିତା ରାସ୍ପିକି ଆହାମାନେ,

“ଇତିହୁଁ ଦାରୁତିତି ବାରେ ଲକ୍ଷୁ ଗାକିଁ ଜାଡ଼ା ଲେହେଁତାରି,

ଏଝାରି ଅଜୁ ବାରେ ଜାଡ଼ାତି ପୂଜା ଲେହେଁତାୟି ।

ଗାକିଁ ଜାଡ଼ା ଝାୟାହାନେ ଇଞ୍ଜା ପୂଜା ବାରେ ତୁଲାହାନୁ ।

୨୫ ସାମା ମାହାପୁରୁତି ବଲୁ କାଲାକାଲାତାକି ତୁୟିନେ ।” ଇଦି ଏ ନେହୁଁ କାକ୍ଷୁତି ବଲୁ, ଆମିନି ଗାଟାୟି ମୀ ତାଣା ଝେଏକି ଆହାମାତେ ।

୨

ଜୀଝୁତି ଝାଲି ଅଡ଼େ ସୁଦୁଗାଟି କୃଡ଼ା

୧ ଇତିହୁଁ ପ୍ରୁ କାର୍ମା ମେହୁନାସି ଇଞ୍ଜା ମୀରୁ ନୀର୍ବ୍ୟ ପୁଞ୍ଜିମାନାକି, ଇଞ୍ଜା ବାରେ ଲାଗେଏ ପଲେଏତାଣି, ନାଡ଼ି କିନାଣି, କୁଟୁ, ଲକ୍ଷୁଣି ତାହାରା ଇଞ୍ଜା ଲକ୍ଷୁଣି ନିନ୍ଦା କାତା ଜଲିନାଣି ପିହୁଦୁ, ୨ ପୁଝନି ଜାର୍ନାଆଡ଼ି କ୍ଷୁରି କକାରି ପଡ଼ାଁଲେହେଁ ଏନାଆଁ ଆଣ୍ଡାଆତି ପାଲୁ ଗସାଲି ଅଣ୍ଡିବେରି, ଆତିହୁଁ ମୀରୁ ପାତାଆହାନା

ଗେଲପି ଆଡ଼େରି । ୩ ଦାମ୍ଭୂପତିତା ରାସ୍ତକି ଆହାମାନେ, “ମାହାପୁରୁ ଏଚେକା କାର୍ମା ମେହ୍ନାସି, ଏଦାଆଁ ମୀରୁ ପୁଞ୍ଜାମାଞ୍ଜେରି ।”

୪ ଜାଞ୍ଜୁଗାଟି ଖାଲି ଲେହେଁତି ପ୍ରବୁ, ଏଞ୍ଜାଣାଇଁ ମାଣସିୟାଁ ତାଣାଟି ଅପାଆତେରି ସାତା, ସାମା ମାହାପୁରୁ ତାଣା ଆଡ଼ଞ୍ଜି ଆହାନା ଗାତି ଦାରାଗାଟାସି ଆଡେସି । ୫ ତାନି ତାଣା ଖାହାନା ମୀରୁ ଜିକେଏ ଜାସୁ କ୍ରୀସୁ ତାଣାଟି ମାହାପୁରୁ ନକିତା ନେହଁ ଜାଞ୍ଜୁତି ପୂଜା ହୀହାଲିତାକି ସୁଦୁଗାଟି ପୂଜେରାଜା ଲେହେଁ ଆହାଲିତାକି ଜାଞ୍ଜୁତି ଖାଲି ଲେହେଁ ଆହାନା ର ପ୍ରାତାନା ଇଲୁ ଲେହେଁ ଆଦୁ । ୬ ଇତିହଁ ଦାମ୍ଭୂ ପତିତା ରାସ୍ତକି ଆହାମାନେ;

“ନାନୁ ସିୟନତା ର ଆଡ଼ଞ୍ଜି ଆହାମାନି

ଅଡ଼େ ଦାରାଗାଟି କନତି ମୂଲୁ ଖାଲି କିହାମାଇଁ

ଇଞ୍ଜାଁ ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଏଚେଲାଖା ଲାଜା ବେଗାଆଅସି ।”

୭ ମୀରୁ ପ୍ରବୁଇଁ ନାମିମାଞ୍ଜେରି, ମୀରୁ ଏ ଦାରାଗାଟି ତାଣା ଆଣ୍ଡାମାଞ୍ଜେରି, ସାମା ଆମ୍ବାଆରି ନାମଅରି,

“ଇଲୁ କେପିନାରି ଆମିନି ଖାଲିତି ଅପାଆତେରି,

ଏଦି ଏଞ୍ଜାରାକି ଇଲୁ କନତି ମୂଲୁ ଖାଲି ଆଡେ ।”

୮ ଅଡ଼େ ଦାମ୍ଭୂପତିତା ରାସ୍ତକି ଆହାମାନେ,

“ଏ ଖାଲିତା ହାଡ଼େକା ଲକୁ ପୁଟି କିନେରି,

ଏ ପାକା ଖାଲି ଏଞ୍ଜାରାଇଁ ତୁଲ ତରରି କିନାସି ଆନେ;”

ମାହାପୁରୁ ବଲୁ ଆହଆତାକି ଏଞ୍ଜାରି ଏମ୍ବାଆଁ ବାଦା ବେଗାଆନେରି ଇଞ୍ଜାଁ ଏଦାଆଁତାକି ଏଞ୍ଜାରି ମାହାପୁରୁ ତାଣାଟି ଆଡ଼ଞ୍ଜି ଆହାମାତେରି ।

୯ ସାମା ଆମ୍ବାଆସି ମିଜେ ଆନେରିତି ତାନି କାବାଆନି ଉଜେଡ଼ିତା ହାଟାମାଞ୍ଜାନେସି, ମୀରୁ ଏନିକଁ ଏଞ୍ଜାଣି ଗୁଣୁ ପାଡ଼ିଦେରି, ଏଦାଆଁତାକି ମୀରୁ ମାହାପୁରୁ ଆଚାମାଞ୍ଜାନି କୂଡ଼ାତେରି, ରାଜାତି ସେବାକିନି ପୂଜେରାଜା, ମାହାପୁରୁ ସେବାତାକି ଏଚକା ଆହାମାନି ସୁଦୁ କୂଡ଼ାତେରି, ଇଞ୍ଜାଁ ମାହାପୁରୁତି ଲକୁତେରି ଆହାମାଞ୍ଜେରି । ୧୦ “ତଲି ମୀରୁ ମାହାପୁରୁତି ଲକୁ ଆହା ହିଲାଆତେରି, ସାମା ନୀଏଁ ମୀରୁ ମାହାପୁରୁତି ଲକୁ ଆହାମାଞ୍ଜେରି, ତଲି ମୀରୁ ମାହାପୁରୁତି କାର୍ମା ବେଗାଆହା ହିଲାଆତେରି, ସାମା ନୀଏଁ ତାନି କାର୍ମାଆନାଣି ବେଗାଆହାମାଞ୍ଜେରି ।”

ମାହାପୁରୁତି ହଲିୟାଜା

୧୧ ଏ ଜାଞ୍ଜୁତି ତାସି ତାଜିସ୍ତା, ନାନୁ ମିଜେ ଇ ଦାରୁତିତା ଏଚକା ଦେସାତାତେରି ଇଞ୍ଜାଁ ହେକ ଦେସାଟି ଖାହାମାନାତେରି ଇଞ୍ଜାଁ ଅଣ୍ଡାପାନା ବାତିମାଲିମାଞ୍ଜାଇଁ, ମୀରୁ ମୀ ଆଜାତି ଜୁପକାଟି ହେକ ଆଦୁ, ଏଞ୍ଜି ମୀ ଜାଞ୍ଜୁ କପାଟି ଜୁକୁ କିହେମାନୁ । ୧୨ ମୀରୁ ଜାହୁଦିଆଆତି ଲକୁତାଣା ମୀ ମାଣକି ଦହ୍ ହିଲାଆଗାଟାସି ଆପେ, ଏନିକଁ ଏଞ୍ଜାରି ନୀଏଁ ମିଜେ ପାପୁ ଦହ୍ ଗାଟାତେରି ଇଞ୍ଜାଁ ନିନ୍ଦା କିୟାନେରି, ତାୟୁ କ୍ରୀସୁ ଖାନି ଦିନାତା ମୀ ନେହଁ କାମା ମେସାନା ମାହାପୁରୁଇଁ ଜହରା କିନେରି ।

୧୩ ପ୍ରବୁତି ତାକି ବାତିମାଲିମାଞ୍ଜାଇଁ, ମୀ ମୁହେଁ ସାଲୁଞ୍ଜି କିନାରାଇଁ ମାନୁଞ୍ଜି ଆଦୁ । ୧୪ ବାରେତି କିହାଁ କାଜା ରାଜା ଆଡ଼େସି, ଲାଗେଏ ପଚେଏତାରାଇଁ ତଣ୍ଡ ହାହାଲି ଅଡ଼େ ନେହଁ କାମା କିନାରାଇଁ ରାହାଁ କିହାଲିତାକି ତାନିତାଣାଟି ପାଣ୍ଡୁଆହାମାନି ସାଲୁଞ୍ଜି କିନାସି ଆଡେସି, ଏଞ୍ଜାରାଇଁ ମାନି କିଦୁ । ୧୫ ଇତିହଁ ମୀରୁ ନେହଁ କାମା କିହାଁ ବୁଦି ହିଲାଆ ଉଜେଏତି କାତା ଖେହ୍ନାରାଇଁ ସାପି କିଦୁ, ଏଦି ମାହାପୁରୁତି ଅଣ୍ଡାପୁ । ୧୬ ମୀରୁ ମେଲା ମାନାତେରି ଆଡ଼ିକିକେଏ ଏ ମେଲା ଆହାମାନି ତାଣାଟି ଲାଗେଏ ପଚେଏ ଲେମ୍ବାଆଦୁ, ସାମା ମାହାପୁରୁତି ହଲିୟା ଆହାନା ନେହଁ କାମା କିଦୁ । ୧୭ ବାରେ ଲକୁଇଁ ଆବାଦୁ, କ୍ରୀସ୍ତାନା ତାସି ତାଜିଇଁ ଜାଞ୍ଜୁନଦୁ, ମାହାପୁରୁଇଁ ଆଜାଦୁ, ରାଜାଇଁ ମାନି କିଦୁ ।

କ୍ରୀସୁ କସ୍ତି ଜାପିନାସି

୧୮ ହଲିୟାଜାତେରି ମୀରୁ ଆଜିତଲେ ମୀ ସାଞ୍ଜୁକାରିୟାଁଇଁ ମାନୁଞ୍ଜି ଆଦୁ, ଖାରୁଇଁ ନେହାଁରାଇଁ ଅଡ଼େ କାର୍ମା ମେହ୍ନାରାଇଁ ଆଏ, ସାମା ଲାଗେଏତି ସାଞ୍ଜୁକାରିୟାଁଇଁ ଜିକେଏ ଏଲେକଁ ମାନୁଞ୍ଜିଆଦୁ । ୧୯ ଇତିହଁ ଆମ୍ବାଆସି ମାହାପୁରୁଇଁ ନାମିତାକି ଲାଗେଏତାଣି ତାକି ଦୁକୁ କସ୍ତ ବେଗାଆହାନା ଅରୁହିନେସି, ଆତିହଁ ଏଦି ରାହାଁତି କାତା । ୨୦ ମୀରୁ ମୀ ଦହ୍ ତାକି ତଣ୍ଡ ବେଗାଆଡ଼େରି, ଏମ୍ବାଆଁ ଏନି ଲାବା ? ସାମା ନେହଁ କାମାତାକି କସ୍ତ ଅରୁହିତିହଁ, ମାହାପୁରୁ ମିଜେ ବର ହିୟାନେସି ।

୨୯ ମାହାପୁରୁ ତାଣା ବାରେତାକି ହାବୁକିଆହା ମାଞ୍ଜେରି, ଇଚିହଁ ମୀରୁ ଏନିକଁ କ୍ରୀସ୍ତତି ପାଞ୍ଜୁଲି ତଲେ ତାକିଦେରି ଏଦାଆଁତାକି ଏଞ୍ଜାସି ଜିକେଏ ମିଙ୍ଗେତାକି ଦୁକ୍ତ କସ୍ତ ଅରୁହାନା, ମିଙ୍ଗେତାକି ଏଲେଆହାଲି ତସାମାଞ୍ଜାନେସି; ୨୯ ଏଞ୍ଜାସି ଏନି ପାପୁ ଦହ୍ କିହାହିଲାଆତେସି କି ଏଞ୍ଜାଣି ଗୁଡିଟି ମିତି କାତା ଏତେଲାଞ୍ଜା ହଡାହିଲାଆତେ । ୩୦ ଏଞ୍ଜାସି ନିନ୍ଦା ବେଟାଆହି ମାତାଟି ଖେଣ୍ଡେ ନିନ୍ଦା କିଆତେସି; ଦୁକ୍ତ କସ୍ତ ବେଟାଆହି ମାତାଟି ଖେଣ୍ଡେ କସ୍ତ ହିୟାହି ଇଞ୍ଜଁ ଆଜି ତସାନା ଖେହ୍‌ଆତେସି, ସାମା ସାତା ନାହାନ୍ତି କିନି ମାହାପୁରୁ ତାଣା ତାନି ବାରେତି ହେରପିତେସି । ୩୧ ମୀରୁ ଏନିକଁ ପାପୁ ତାକି ହାହାନା, ଦାମ୍‌ତାକି ଜୀଞ୍ଜୁତଲେ ନାତିନାୟି, ଏଦାଆଁତାକି ଏଞ୍ଜାସି ପାସି ମୁଣ୍ଡା ଲାକ ତାନି ଆଜ୍ଞା ତଲେ ମା ବାରେ ପାପୁ ଡେକା ଅଡେସି, ଏଞ୍ଜାଣି ରାହାଁଟି ମୀରୁ ନେହଁ ଆହାମାଞ୍ଜେରି । ୩୨ ଇଚିହଁ ମୀରୁ ଜିରୁ ବାଣାଆହାମାନି ମେଣ୍ଡାୟାଁ ଲେହେଁ ଆହାମାତେରି, ସାମା ନୀର୍ବ୍ୟ ମୀରୁ ଜୀଞ୍ଜୁତି ଗଡ଼ ଲୁଲମିତି କାଜାଣା ଢେଟ ଢେଟ ତାକାଲି ମୀରୁ ଖେଣ୍ଡା ଖାହାମାଞ୍ଜେରି ।

୩

ତକ୍ତି ତକ୍ରାତି କାତା

୧ ଏଲେକିହଁ ଏ ତକ୍ତିସିକାତେରି, ମୀରୁ ମୀ ତକ୍ରାୟାଁଇଁ ମାନୁଞ୍ଜିଆଦୁ, ଏନିକିହଁ ଏଞ୍ଜାରି ବିତ୍ରାତି ଆମ୍ବା ଆମ୍ବାଆରି ମାହାପୁରୁ କାତା ନାମାଆତି ଜିକେଏ ମୀ ନେହଁ ମାଣ୍ଡକି ମେସାନା, ମୀରୁ ଖେହ୍‌ଆନା ଜିକେଏ ମାହାପୁରୁ ତାଣା ନାମାଲି ଆଡିନେରି । ୨ ଏନିକଁ ଏଞ୍ଜାରି ବିତ୍ରାତି ଆମ୍ବା ଆମ୍ବାଆରି ବଲୁଡି ମାନୁଞ୍ଜି ଆଆତି ଜିକେଏ ମୀ ମାହାପୁରୁତି ଆଜି ଅଡେ ମାଣ୍ଡକି ମେସାନା କାତା ଖେନାଆନା ଜାହାରା ତକ୍ତିନି ସୁଦୁଗାଟି ମାଣ୍ଡକି ମେସାନା ନାମିନେରି । ୩ ଏଦାୟାଁ ବାଣାୟାଁ ହାରେକା ଅଜ୍ଜିକିହଁ କିଶହା କତାନା, ବାଂଗାରା ତୁରହାନା, ଅଜ୍ଜିତି ହିମ୍ବୁରିକା ହୁରିନାୟି, ଖାରଇ ଇ ବାରେ ତଲେ ମୀ ଆଜ୍ଞାତି ଅଜ୍ଜି କିହାକତାଆଦୁ, ୪ ମୀ ହିୟାଁତା ଏମିନି ହିଡ଼ି ଜୀଞ୍ଜୁତି ଗୁଣ୍ଡ ମାହାପୁରୁ ନକିତା ହାରେକା ଦାରାଗାଟାୟି, ଏଦିଏ ମୀ ନାସା ଆଆଗାଟି ଅଜ୍ଜୁ ଆପେ ୫ ଏନାଆଁତାକି ଇଚିହଁ ତଲି କାଲାତି ସୁଦୁଗାଟି ଇୟାସିକା ଜିକେଏ ମାହାପୁରୁ ତାଣା ବାସୁଁ ଇଟାନା ତାନି ତକ୍ରାୟାଁଇଁ ମାନିକିହାଁ ଜାହାରାଇଁ ଅଜ୍ଜିକିହା କଡିମୀରୁ । ୬ ଏଲେକିହଁ ଏ ସାରା ଜିକେଏ ଅବୁହାମଇଁ ମାନୁଞ୍ଜି ଆହାଁ ଏଞ୍ଜାଣାଇଁ ନା ପ୍ରବୁ ଇଞ୍ଜିମାତେ; ମୀରୁ ଜିକେଏ ନୀର୍ବ୍ୟ ଏନାଆଁ ଆଜାଆନା ନେହଁ କାମା କିଚିହଁ ଏଦାଣି ମାସ୍‌କାତେରି ଆଦେରି ।

୭ ଏତକ୍ରାୟାଁତେରି, ଏଲେକିହଁ ଏ ମୀ ତକ୍ତିସିକାଣି ମୀ କିହାଁ ବାଡ଼ୁୟାତା ଉଣାଗାଟାଇଁ ଇଞ୍ଜଁ ପୁଞ୍ଜାନା ଏଞ୍ଜାସିକାଇଁ ମାନି କିଦୁ, ଇଞ୍ଜାଁ ଏଞ୍ଜାସିକା ତଲେ ଆଣ୍ଡାନା ବୁଦିତଲେ ଡ଼ୟାଦୁ, ଏଞ୍ଜି ଜିକେଏ ମୀ ତଲେ ମାହାପୁରୁ ତାଣା କାଲାକାଲା ଜୀଞ୍ଜୁତି କାର୍ମାତି ଦାନା ବେଟାଆଦୁ, ଏନିକଁ ମୀ ପ୍ରାଡାନା କିନିତାଣା ବାଡ଼ା ଖାଏ ।

ନେହଁ କାମାତାକି କସ୍ତ ପାଣ୍ଡନାୟି

୮ ତାୟୁତି କାତା ଇଡି, ମୀରୁ ବାରେଜାଣା ତେରି ରଣ୍ଡିଏ ଅଣ୍ଡପୁ ତଲେ ବାରେତି ସୁକ୍ତ ଦୁକ୍ତତା ଆଣ୍ଡୁଞ୍ଜି ଆନାୟି, ତାୟି ତାଜିଇଁ ଜୀଞ୍ଜୁନନାୟି, ନେହଁ ହିୟାଁ ଅଡେ ଜାହାରାଇଁ ଉଣା କିହାକତାଦୁ । ୯ ଲକ୍ତୁ ମିଙ୍ଗେ ଲାଗେଏ କିୟାତିହଁ ଜିକେଏ ଏଞ୍ଜାରାଇଁ ଖେଣ୍ଡେ ଲାଗେଏ କିଆଦୁ, ନିନ୍ଦା କିୟାତିହଁ ଖେଣ୍ଡେ ନିନ୍ଦା କିଆଦୁ, ସାମା ଏଞ୍ଜାରାଇଁ ବର ହାଦୁ, ଏନାଆଁତାକି ଇଚିହଁ ଏଲେକିହାଲି ମାହାପୁରୁ ମିଙ୍ଗେ ଆଡାନା ହାଡ଼ାମାଞ୍ଜାନେସି । ୧୦ ଦାମ୍‌ ସାସ୍ତେରିତା ରାସ୍‌କି ଆହାମାନି ଲେହେଁ

“ଆମ୍ବାଆସି ଜୀଞ୍ଜୁତା ସୁକ୍ତ ତଲେ ଡ଼ୟାଲି ଇଞ୍ଜାଁ ରାହାଁତି ଦିନାୟାଁ ମେସାଲି ଅଣ୍ଡପିନେସି, ଏଞ୍ଜାସି ଲାଗେଏ ପଲେଏ କାତାୟାଁ ତାନି ଖେନ୍ଦରିଟି ଜଲ୍ଲାଆପେସି, ଅଡେ ମିତି କାତାୟାଁ ତାନି ଗୁଡିଟି ଏତେଲାଞ୍ଜା ହଆପୁ ।

୧୧ ଏଞ୍ଜାସି ଲାଗେଏ ପଲେଏ ତାଣାଟି ହେକ ଆହାନା ନେହଁ କାମା କିପେସି, ଇଞ୍ଜାଁ ତାନି ବାରେ ହିୟାଁ ତଲେ ହିଡ଼ି ଜୀଞ୍ଜୁ ପାରାନା ଏ ଜିରୁଟି ତାକାପେସି ।

୧୨ ଏନାଆଁତାକି ଇଚିହଁ ଦାମ୍‌ ଗାଗାରାକି ପ୍ରବୁତି କାନୁ ମାନେ, ଇଞ୍ଜାଁ ଏଞ୍ଜାରି ପ୍ରାଡାନାତି କାର୍ମା ଅଡାହାଁ ଖେନେସି, ସାମା ପାପୁ ଗାଗାରି କପାଟି ପ୍ରବୁ ନିଜିନେସି ।”

✧ ୩:୧ ୩:୧ ଏପିସି ୫:୨୨; କଲସି ୩:୧୮ ✧ ୩:୩ ୩:୩ ୧ପିମ ୨:୯ ✧ ୩:୭ ୩:୭ ଏପିସି ୫:୨୫; କଲସି ୩:୧୯

୧୩ ମୀରୁ ନେହଁ କାମାତାକି ରାହଁ ଗାଟାତେରି ଆଦେରି, ଆତିହଁ ଆମ୍ବାଆସି ମିଙ୍ଗେ ଲାଗେଏ କିୟାଲି ଆଡାନେସି ? ୧୪ *ସାମା ନେହଁ କାମା କିହାନା କସ୍ ବେଟାଆଡ଼ି ଜିକେଏ, ଏଡ଼ି ମୀ ତାକି ନେହେଁ, ଆମ୍ବାଆସି ମିଙ୍ଗେ ଆଜି କିୟାତିହଁ ଆଜିତାକି ଆତାଜାକା ଆଆଦୁ; ୧୫ ସାମା କ୍ରୀସ୍ତୁଇଁ ପ୍ରବୁ ଇଞ୍ଜିଁ ମୀ ହିୟାତା ସୁଦୁ ତଲେ ମାନି କିଦୁ, ଆମ୍ବାଆସି ଏରେଲାଝା ମୀ ତାଣା ମାନି ବାସୁତି କାତା ପୁଞ୍ଜାଲି ଖେଞ୍ଜାତିହଁ, ଏଝାଣାଇଁ ଖେଣ୍ଡେ ଖେସାଲି ମୀ ଅଣ୍ଡୁ ତଲେ ତିୟାରା ଆହାମାଞ୍ଜୁ; ୧୬ ସାମା ଖେହ୍ନାଟି ସୁଦୁ ଅଡ଼େ ମାନିଗାଟି ଅଣ୍ଡୁ ତଲେ ଆଜାଆନା ନେହଁ ବୁଦିଟି ଖେହ୍ନୁ, ମୀରୁ କ୍ରୀସ୍ତ ତାଣା ଆଣ୍ଡାନା ନେହଁ ମାଣ୍ଡକି ମାନାକି ମିଙ୍ଗେ ନିନ୍ଦା କିହାନା ଦହ୍ ଦହ୍ନାନାରି ଏମ୍ପେଏ ଲାଜା ପାଣ୍ଡପେରି ଇଞ୍ଜିଁ ମୀରୁ ତାରିତି ଅଣ୍ଡୁ ତଲେ ମାଞ୍ଜୁ । ୧୭ ଏନାଆଁତାକି ଇତିହଁ ଲାଗେଏ ପଲେଏ କାମାତାକି ଦୁକୁ ବେଟାଆନି କିହଁ ମାହାପୁରୁ ଇତା ଆତିହଁ, ନେହଁ କାମାତାକି ଦୁକୁ ବେଟାଆନାୟି ନେହେଁ । ୧୮ କ୍ରୀସ୍ତ ମିଙ୍ଗେ ମାହାପୁରୁ ତାଣା ତାଗାଲି ତାକି ଏଝାସି ଦାମ୍ବୁଗାଟାସି ଆହାନା ଦାମ୍ବୁ ହିଲାଆ ଗାଟାରି ତାକି ପାପୁ ତାକି ରଣ୍ଡିଏ ଦେବା ହାଡେସି, ଏଝାସି ଆଜା ତଲେ ହାଡେସି ସାତା, ସାମା ଜୀଝୁତଲେ ନୀତିଡେସି, ୧୯ ଏମ୍ପାଟିଏ ଏଝାସି ସୁଦୁଜୀଝୁ ତଲେ ମାଞ୍ଜାନା ଦସ୍ପି ଆହାମାଟି ଜୀଝୁୟାଁ ତାଣା ହାଜାନା ମାହାପୁରୁ ବଲୁ ଖେକହେସି; ୨୦ ତଲି କାଲାତା ନହ୍ ଜାଜା କେପିତି ବେଲା, ମାହାପୁରୁ ସାସାତଲେ କାଟିମାଟେସି, ଆଡ଼ିଜିକେଏ ଏଝାଣାଇଁ ମାନିଝି ଆଆଡେରି, ଏ ଜାଜାତା ହାଡେକା ଲକୁ ଆଏ, ଆଟା ଜାଣା ହଡାନା ଏମୁଟି ଗେଲୁପି ଆଡେରି; ୨୧ ଏ ଏମୁ ଇ କାଲାତି ବାପ୍ପିସ୍ତୁ* ଇତିହଁ ଏଡ଼ି ମା ଆଜାଟି ମାଟି ନନ୍ନାୟି ଆଏ, ସାମା ମାହାପୁରୁ ତାଣା ନେହଁ ଅଣ୍ଡୁ ବେଟାଆହାଲି ପ୍ରାତାନା କିନାୟି, ଇଞ୍ଜିଁ ଜୀସ୍ତୁ କ୍ରୀସ୍ତ ହାକିଟି ନିଙ୍ଗିତାକି ଗେଲୁପି ଆନାୟି । ୨୨ ଏ ଜୀସ୍ତୁ କ୍ରୀସ୍ତ ଲାକପୁରୁ ହାଜାନା ମାହାପୁରୁଟି ଟିଠିନି ଟଟତା କୁଗାମାନେସି, ଏମ୍ପାଆଁ ଦୁଡୁୟାଁ, ପାଣା ବେଟାଆତାରି ଅଡ଼େ ବାଡୁୟୁ ଗାଟାରି, ଏଝାଣାଇଁ ମାନିଝି ଆହାନା ତାନି ଡ଼ଇ ମାନେରି ।

୪

ମାହାପୁରୁ ତାକି ନୀତିନାୟି

୧ କ୍ରୀସ୍ତ ଆଜା ତଲେ ଦୁକୁ କସ୍ ବେଟାଆହା ମାନାକି ମୀରୁ ଜିକେଏ ଏଲେକିହଁ ଏ ଏଝାଣି ଲେହେଁତି ଅଣ୍ଡୁ ତଲେ ଜାହାରାଇଁ ତିୟାରା କିହାକତାଦୁ, ଏନାଆଁତାକି ଇତିହଁ ଆମ୍ବାଆସି କ୍ରୀସ୍ତୁତି ତାକି ଆଜାତା ଦୁକୁ କସ୍ ବେଟା ଆହାମାନେସି, ଏଝାସି ପାପୁଟି ହେକ ଆହାମାନେସି, ୨ ଏନିକଁ ମୀରୁ ଦାବୁତିତା ନୀତାମାନି ପାତେକା ପାପୁଗାଟି ମାଣ୍ଡସିତି ଲାଗେଏ ଜୁପକାତି ଅଣ୍ଡୁ ତଲେ ନୀତାଆନା ମାହାପୁରୁଟି ଅଣ୍ଡୁ ଲେହେଁ ନୀତାଦୁ । ୩ ହାରେକା ଦିନା ମୀରୁ ନାମାଆଗାଟାରି ଇତା ତଲେ କାମା କିହଁ ମୀରୁ ଏତେ କାଲା ଲାଗେଏ ପଲେଏ କାମାତା, ଲାଗେଏତି ଜୁପକା, କାଡ଼ୁ ହୁଡୁ ଅନାୟି, କାଡ଼ୁ ଗୁସାନା ରାହଁ କିନାୟି, କାଡ଼ୁ ଗସାନା ହଡ଼ିନାୟି, ଇଞ୍ଜିଁ ଅପାଆଗାଟି ପେଣ୍ଡାକା ବମାୟାଣି ପୂଜା କିହମାଟେରି, ୪ ମୀରୁ ନାଏଁ ଏଝାରିତଲେ ଏ ବାରେ ଲାଗେଏ ପଲେଏ କାମାତା ରାହଁତଲେ ଆଣ୍ଡିହଲଅତେରି, ଏନାଆଁତାକି ଏଝାରି ଆତାଜାକା ଆହାନା ମିଙ୍ଗେ ହାରେକା ନିନ୍ଦା କିୟାନେରି । ୫ ସାମା ଆମିନି ମାହାପୁରୁ ନୀତାମାନାରାଇଁ ଅଡ଼େ ହାଡ଼ାରାଇଁ ନାହାୟି କିହାଲି ହାଜିମାନେସି, ଏ ମାହାପୁରୁ ନକିତା ଏଝାରି ତାମି ବାରେ କିତି କାମାଟି ଲେକା ହାନାୟି ମାନେ । ୬ ଏନାଆଁତାକି ହାଡ଼ାରି ତାଣା ଜିକେଏ ମାହାପୁରୁଟି ନେହଁ କାବୁ ଖେସିଆଡ଼େ, ଏନିକଁ ଏଝାରି ମାଣ୍ଡସିୟାଁ ଲେହେଁ ଆଜା ତଲେ ନାହାୟି କିଝି ଆତିହଁ ଜିକେଏ ମାହାପୁରୁ ଲେହେଁ ଜୀଝୁତଲେ ନୀତିନେରି ।

ମାହାପୁରୁଟି ଦାନା ଅଡ଼େ ନେହଁ ଗୁମୁସା

୭ ଏ ବାରେତି ରାନ୍ତି ଦିନା ତାଗେ ଝାଡେୟିଏ, ଏନାଆଁତାକି ମୀରୁ ନେହଁ ବୁଦି ଗାଟାତେରି ଆଦୁ, ଇଞ୍ଜିଁ ମାହାପୁରୁ ତାଣା ପ୍ରାତାନା କିୟାଲି ତାକି ଜାଗ୍ରାତା ଆହାନା ମାଞ୍ଜୁ । ୮ ବାରେତି କିହଁ ମୀରୁ ରଅତେରି ରଅଣାଇଁ ହାରେକା ଜୀଝୁନଦୁ, ଏନାଆଁତାକି ଇତିହଁ ଏଲେତି ଜୀଝୁନନାୟି ହାରେକା ପାପୁଟି ପିକନେ । ୯ ଗୁମୁମୁରୁ ଆଆନା ରଅତେରି ରଅଣାଇଁ ଗତାୟାଁ ଲେହେଁକି ସେବା କିଦୁ । ୧୦ ବାରେଜାଣା ତେରି ଏନିକଁ ମାହାପୁରୁ କାମାଟି ଦାନା ବେଟାଆହାମାଞ୍ଜେରି, ଏଲେକିହଁ ଏ ମୀରୁ ମାହାପୁରୁ ମେରାତି ନେହଁ ଗୁମୁସାୟାଁ ଲେହେଁ ଆହାନା ଏ ବାରେ ଦାନା ତଲେ ରଅତେରି ରଅଣାଇଁ ସେବା କିଝିଆଦୁ । ୧୧ ଆମ୍ବାଆସି ଖେକନେସି ମାହାପୁରୁଟି ନେହଁ କାବୁ ଖେକନାସି ଲେହେଁ ଖେକପେସି; ଇଞ୍ଜିଁ ଆମ୍ବାଆସି ସେବା କିନେସି ମାହାପୁରୁ ତାଣାଟି ବାଡୁୟୁ ବେଟାଆହାମାନି ଲେହେଁ ସେବା କିପାସି । ଏନିକଁ ଜୀସ୍ତୁ

* ୩:୧୪ ମାଟି ୫:୧୦ * ୩:୨୧ ୩:୨୧ମୁଞ୍ଜନାୟି

କ୍ରୀସ୍ତ ତାଣ୍ଡାଟି ମାହାପୁରୁ ଗାଝୁରମି ବେଟା ଆନେସି; ଇଞ୍ଜା କାଲାକାଲାତି ଗାଝୁରମି ଅଡ଼େ କାଜାପାଣା ଏଞ୍ଜାଣିଞ୍ଜାୟି । ଆନେନ ।

କ୍ରୀସ୍ତାନା ଲକ୍ଷ୍ମି ଦୁକୁ କସ୍ତ

୧୨ ଏ ନା ଜୀସ୍ତୁତି ତଢେସିଙ୍ଗାତେରି, ନୀଏଁ ମିଙ୍ଗେ ହିରୁତା ତାୟିପାରି କିନି ଲେହେଁ ହାରେକା ଦୁକୁ କସ୍ତ ଖାହାମାନେ, ଏଦି ମାଙ୍ଗେ ଖାନାୟି ହିଲାଆତେ ଇଞ୍ଜି ଅଣପାଆଦୁ । ୧୩ ସାମା କ୍ରୀସ୍ତୁତି ଦୁକୁ କସ୍ତତା ମୀରୁ ଏଚେକା ଆଣ୍ଡାମାଞ୍ଜେରି ଏଚେକେଏ ରାହାଁ ଆଦୁ, ଏନିକି ଏଞ୍ଜାଣି ଗାଝୁରମି ତଞ୍ଜାଆନି ବେଲାତା ଜିକେଏ ମୀରୁ କାଜା ରାହାଁତା ରାହାଁ ଆଦେରି । ୧୪ ସାମା ମୀରୁ କ୍ରୀସ୍ତୁତି ଦରୁ ତାକି ନିନ୍ଦା ବେଟାଆଦେରି ଆତିହିଁ ମୀରୁ ନେହାଁତେରି, ଇଚିହିଁ ଗାଝୁରମିଗାଟି ଜୀସ୍ତୁ, ଇଚିହିଁ ମାହାପୁରୁତି ଜୀସ୍ତୁ ମୀ ତାଣା ତୁୟାମାନେ । ୧୫ ଏଦାଆଁତାକି ମୀ ବିତ୍ରାଟି ଲକ୍ଷ୍ମି ପାୟିନାରି, ସରୁ କିନାରି, ଦହ କାମା କିହାନା, ଲକ୍ଷ୍ମି ସାକ୍ତି କାତା ଜଲିନାରି ଆହାନା ସାସ୍ତି ବେଟାଆଦେରି । ୧୬ ସାମା ଆମ୍ବାଆସି କ୍ରୀସ୍ତାନା ଲକ୍ଷ୍ମି ଆହାମାନାକି ସାସ୍ତି ବେଟା ଆନେସି, ଆତିହିଁ ଏଞ୍ଜାସି ଲାଜା ଆଆପେସି, ସାମା ଇ କ୍ରୀସ୍ତ ଦରୁ ତାକି ମାହାପୁରୁଇଁ ଜହରା କିପେସି ।

୧୭ ଇଚିହିଁ ମାହାପୁରୁ ଇଲୁଟିଏ ନୀହାଁୟି କିଞ୍ଚି ଆହାଁ ବିଚାରା କିନି ଦିନା ଖାନେ; ଇଚିହିଁ ମାହାପୁରୁ ନକେଏ ମାଙ୍ଗେ ନୀହାଁୟି କିୟାତିହିଁ, ଆତିହିଁ ତାମି ନେହିଁ କାକୁ ମାନୁଞ୍ଚି ଆହାହିଲଅରି ଏଞ୍ଜାରି ତାୟିତି ତଣ୍ଡି ଏଚେକା ଆଜିହପେତାୟି ଆଏ ! ୧୮ ସାସ୍ତେରିତା ରାସ୍ତିକି ଆହାମାନେ,

“ଦାମ୍ବୁଗାଟାସି କସ୍ତତଲେ ଗେଲୁସି ଆନେସି,

ଆତିହିଁ ଦାମ୍ବୁ ହିଲାଆ ଗାଟାରି ଅଡ଼େ ପାପୁଗାଟି ଲକ୍ଷ୍ମି ଏନିକି ମ୍ବୁ ହୁହନେରି ?”

୧୯ ଇଚିହିଁ ଆମ୍ବାଆରି ମାହାପୁରୁତି ଅଣପୁ ଲେହେଁ ଦୁକୁ କସ୍ତ ବେଟାଆନେରି, ଏଞ୍ଜାରି ନେହିଁ କାମା କିହାନା ଏଞ୍ଜାଣି ତାଣା ହାରେପୁରେ ବାସ୍ତି କିପାରି, ଆତିହିଁ ଏଞ୍ଜାରାଇଁ ଗାଟିକିତି ମାହାପୁରୁ ବାରେବେଲା ତାନି ଆଞ୍ଜାମାନି କାମା ଲେହେଁ କିନେସି ।



ମାହାପୁରୁତି ମେଣ୍ଡାୟି

୧ ଇଚିହିଁ ନାନୁ ମୀ ତଲେତି ର ଲୁଲମିତି ପ୍ରାଚିନାତେଏଁ, ଅଡ଼େ କ୍ରୀସ୍ତୁତି ଦୁକୁ ବେଟାଆହାମାନି ତାଣ୍ଡାଟି ସାକି ଇଞ୍ଜା ଖାହିମାନି ଗାଝୁରମିତା ଆଣ୍ଡିନାତେଏଁ ନାନୁ, ମୀ ତାଣା ମାନି ପ୍ରାଚିନାଙ୍ଗାଣି ବାତିମାଲିମାଇଁ, ୨ *ମୀ ତାଣା ମାନି ମେଣ୍ଡାୟିଜା ତାଡ଼ୁ କିଦୁ ମାହାପୁରୁ ମିଙ୍ଗେ ହେରପାମାଞ୍ଜାନି ମାନ୍ଦାତି ପହିକିଦୁ, ଗୁତାଗୁତା କିନାକି ଆଏ, ସାମା ରାହାଁ ଅଣପୁ ତଲେ ମାହାପୁରୁ ଅଣପୁତି ଲେହେଁ ତାଡ଼ୁ କିଦୁ, ଖାଉଇ ତାବୁୟା ବେଟାଆନି ଆସା ତାକି ଆଏ, ସାମା ସାତା ସେବାକିନି ଅଣପୁ ତଲେ କାମା କିଦୁ । ୩ ଅଡ଼େ ଆମ୍ବାଆରି ଦାୟିପତି ମୀ କେୟୁତା ହାପକି ଆହାମାଞ୍ଜାନେ, ଏଞ୍ଜାରି ମୁହେଁ ସାଲୁଞ୍ଚି କିନାତେରି ଆଆନା ଏ ମାନ୍ଦାତି ମାନି ଗାଟାତେରି ଆହାନା କିଦୁ । ୪ ଏଚେଟିଏ “କାଜା ଗଡ଼ୁ” ତଞ୍ଜାଆନି ଦିନାତା ମୀରୁ ଗାଝୁରମିତି ଏଚେଲା ଖାଡ଼ାଆଗାଟି ଟପେରି ବେଟାଆଦେରି । ତାନି ଉଜେଡ଼ି ଏଚେଲା ଖାଡ଼େଏ ।

୫ ଏ ଦା*ଗଣାୟିତେରି, ଏଲେକିହିଁ ଏ ମୀରୁ ଜିକେଏ ମୀ ପ୍ରାଚିନାଙ୍ଗାଣି ମାନୁଞ୍ଚି ଆଦୁ, ମୀରୁ ବାରେଜାଣା ତେରି ରଅତେରି ରଅଣି ନକିତା ସୁଦୁଗାଟି ଅଣପୁତି ହିମ୍ବୁରି ଲେହେଁ ପରୁଦୁ, ଦାମ୍ବୁ ସାସ୍ତେରିତା ରାସ୍ତିକି ଆହାମାନେ, “ଇଚିହିଁ ମାହାପୁରୁ ତାହାରା ଗାଟାରି କପାଟି ନିଙ୍ଗାନା ସୁଦୁ ଗାଟାରାଇଁ କାର୍ମା ମେହନେସି ।” ୬ *ମାହାପୁରୁତି ବାଡ଼ୁଗାଟି କେୟୁ ତୁଇ ମୀରୁ ମିଙ୍ଗେ ଉଣା କିହାକତାଦୁ, ଏନିକିହିଁ ଏଞ୍ଜାସି ତାୟୁ ସମାନା ଦିନାତା ମିଙ୍ଗେ କାଜାତେରି କିୟାନେସି; ୭ ମୀ ଅଣପୁତି ବକୁ ବାରେ ମାହାପୁରୁ ତାଣା ହେରପାଦୁ ଇଚିହିଁ ଏଞ୍ଜାସି ମିଙ୍ଗେତାକି ଅଣପିନେସି ।

୮ ସେଡ଼ନା ଆହାନା ଜାଗ୍ରାତା ମାଞ୍ଜୁ, ଏଦାଆଁତାକି ଇଚିହିଁ ଆମ୍ବାଆରାଇଁ ଗୁହୁଇଁ ଇଞ୍ଜି ମୀ ସାଦୁ ସୟତାନ ତୁକିମାନି ସିହୁକ୍ତାଞ୍ଚି ଲେହେଁ ପାରିହିଁ ରେଜିମାନେସି । ୯ ମୀରୁ ନାମୁତା ତୀରି ମାଞ୍ଜାନା ସୟତାନଇଁ ପେରୁଦୁ, ଏନାଆଁତାକି ଇଚିହିଁ ଇ ଦାଡ଼ିତା ମାନି ମୀ ନାମିତି ତାୟିୟାକି ଇଲେତି ଦୁକୁ କସ୍ତ ଆହିମାନେ । ୧୦ କ୍ରୀସ୍ତ ତଲେ ଆଣ୍ଡାମା ତାନି କାଲାକାଲାତି ଗାଝୁରମିତା ଆଣ୍ଡାଲି କାର୍ମାମେହନି ମାହାପୁରୁ ମିଙ୍ଗେ ହାଟାମାଞ୍ଜାନେସି, ମୀ ଗାଡ଼େକାତି ଦୁକୁ କସ୍ତ ବେଟାଆତି ତାୟୁ ଏଞ୍ଜାସି ତାୟୁଏ ମିଙ୍ଗେ ତୀରି ଆଡ଼ଞ୍ଜା,

* ୫:୨ ୫:୨ ଜହ ୨:୧୫-୧୭ * ୫:୨ ୫:୨ ମାତି ୨୩:୧୨; ଲୁକ ୧୪:୧୧; ୧୮:୧୪

ବାଡ଼ୁଛୁ, ଅଡ଼େ ଏଚେଲା ଗୁଡ଼ା ଆଆଗାତି ବାର୍ଷୁ ମିଙ୍ଗେ ହିୟାନେସି । ^{୧୧} ବାରେ ବାଡ଼ୁଛୁ ଜୁଗୁ ଜୁଗୁତାକି ଏଞ୍ଜାଣିଞ୍ଜାୟି । ଆଫେନ୍ ।

ରାନ୍ତିବେଲାତି ଜହରା

^{୧୨} ✧ ସିଲାଇଁ ନାମୁତି ତାୟିଲେହେଁ ନାନୁ ଜୀଞ୍ଜୁନହୁଁନା ତାନିତାଣାଟି ନାନୁ ଈ ଉଣା ଆକୁ ରାଚାମାଇଁ । ମାହାପୁରୁତି ସାତା କାର୍ମାତି ସାକି ହାହାନା ମିଙ୍ଗେ ରାହୁଁ କିୟାନାୟି ନା କାମା । ଏ କାର୍ମା ମେହ୍ନିତାଣା ଆଟ୍ଠାତିଲେ ମାଞ୍ଜୁ ।

^{୧୩} ✧ ମାହାପୁରୁ ତାକି ଆଟ୍ଠି ଆହାମାନି ବାବିଲନତା ମାନି କୁଲମି ଅଡ଼େ ନା ଦାମୁତି ମାରଏସି ମାର୍କ ଜିକେଏ ମିଙ୍ଗେ ଜହରା କିହିମାଞ୍ଜାନେରି । ^{୧୪} କ୍ରୀସ୍ତାନା ଲକୁ ଲେହେଁ ଜୀଞ୍ଜୁନହୁଁନା ଜହରା କିଦୁ । କ୍ରୀସ୍ତ ତାଣା ମାନି ଲକୁକି ହିଡ଼ଡ଼ି ଆଫେ ।

ପିତର ଲିଖିତ ଦ୍ଵୀତିୟ ପତ୍ର ପିତର ରାଡ଼ାମାନି ରୀ ଲମ୍ବର ଆକ୍ର ମୁକ୍ତ ହାଡ଼ା

ପିତର ରୀ ଲମ୍ବର ଆକ୍ର ପାଣ୍ଡୁଆଡ଼ି ପିତର ରାଡ଼ାମାନେସି, ସାମା ହାରେକା ବୁଦ୍ଧିଗାଗାରି ନୀଏଁ ଓଏ ଇଦି ସାତା ଇଞ୍ଜି ନାମିହିଲଅରି । ଇଦାଆଁ ପିତର ତାଣାଟି ଆମ୍ବାଆସି ଆପେ ରାଡ଼ାମାଣ୍ଡିନେସି । ରାଡ଼ାମାନାସି ଏଲେଇଞ୍ଜି ମାନେସି, ଏଞ୍ଜାସି ଜୀସୁ ଇ ଦାରୁତିତା ନୀତାମାଗାଣି ଅଡ଼େ ମୁମ୍ବାଦଲି ଆହାମାଗାଣି ତାନୁସି ମେସାମାଚେସି ୧:୧୭-୧୮ । ଇ ଆକ୍ର ପିତର ରାଡ଼ାମାଟିସାଚେ ଏଞ୍ଜାସି ରମ୍ବତା ମାଞ୍ଜାନା ତାନୁ ହାଡ଼ି ନଚେଏ ଜୀସୁ କ୍ରୀସୁ ଜାର୍ନାଆଡ଼ି ୬୫-୬୯ ବାସା ତାୟୁ ରାଡ଼ାମାଚେସି । ପିତର ରୀ ଲମ୍ବର ଆକ୍ର ତାୟୁ ପିତର ରାଡ଼ିତି କାଲମି ଖେସାନା ଏଲେଇଚେସି ଇଦି ରୀ ପାଲିତି ଆକ୍ର ୩:୧ । ଏଞ୍ଜାସି ଇ ଆକ୍ର ବାରେ କ୍ରୀସ୍ତାନା ଲକ୍ଷୁତି ଦରୁ ଖେକହେସି ।

କ୍ରୀସ୍ତଇଁ ନାମିତି ଲକ୍ଷୁ ନେହଁ କଁ ନୀତାବାଡ଼କାଲି ସାସା ହାହାଲି ଅଡ଼େ ମିତିତାଣି ଜାପ୍ନାରି ତାଣାଟି ଜାଗ୍ରାତା କିହାଲି ଇ ଆକ୍ର ପିତର ରାଡ଼ାମାନେସି ୨ ପାରୁଁ । ପିତର ଏଞ୍ଜାରାଇଁ ଜୀସୁ ତବେ ଖାହାହିଲଅସି ଇଞ୍ଜିମାନି ଲକ୍ଷୁ କାତା ଆହଆଡୁ ଇଞ୍ଜିଁ ସାସା ହାଚେସି । ଏଞ୍ଜାସି ତସାନା ଖେସେସି ମାହାପୁରୁ ନିସ୍ତା ଆହଁ କାମାକିନାସି ଆଏ ସାମା ଏଞ୍ଜାସି ବାରେଜାଣାଟି ଗେଲ୍ପି ଆହାଲି ଅଣ୍ଡିପିମାନେସି ୨ପିତ ୩:୮-୯ । ଏଦାଆଁତାକି ନେହଁ ମାଣ୍ଡିକିତି ଜୀଞ୍ଜୁତଲେ ନୀତିନାୟି ମାନେ ୩:୧୪ ।

ପତିତା ମାନାୟି

- ୧. ପିତର ତାଙ୍ଗେ ଖେକହା କଡିନାୟି ଅଡ଼େ ତାନି ଆକ୍ର ପତ୍ରଓ ଆନାରାଇଁ ଖେହ୍ନାୟି । ୧:୧-୨
- ୨. ଏଞ୍ଜାସି ଏଞ୍ଜାରାଇଁ ନେହଁ କଁ ନୀତାବାଡ଼କାଲି ଅଣ୍ଡି କିହିମାନେସି ଏନାଆଁତାକି ଇତିହଁ ମାହାପୁରୁ ମାଙ୍ଗେ ବାଡ଼ୟୁ ହାହାମାଞ୍ଜାନେସି । ୧:୩-୨୧
- ୩. ଏଞ୍ଜାସି ମିତି ଜାପ୍ନାରି ତାଣାଟି ଜାଗ୍ରାତା ଆହାଲି ଖେସାମାନେସି ଅଡ଼େ ଜୁଗୁ ରାନ୍ଦି ଦିନାତା ଏଞ୍ଜାରାକି ଏନାଆଁତାଚେ ଇଞ୍ଜିଁ ଖେସାମାନେସି । ୨:୧-୨୨
- ୪. କ୍ରୀସ୍ତଇଁ ନାମିତି ଲକ୍ଷୁଣି ଜୀସୁ ଖେଣ୍ଡେ ଖାନ୍ଦି ଦିନା ପାତେକା ନେହଁ ଜୀଞ୍ଜୁତଲେ ତିୟାରା ଆହା ମାଞ୍ଜାଲି ସାସା ହାହାନା, ପିତର ତାନି ଆକ୍ର ରାପ୍ନାୟି । ୩:୧-୧୭

୧ ସିମନ ପିତର, ର ହଲେଏସି ଅଡ଼େ ପାଣ୍ଡୁ ଆହାମାନାସି, ମା ମାହାପୁରୁ ଅଡ଼େ ଗେଲ୍ପାନି ଜୀସୁ କ୍ରୀସ୍ତ ଦାମ୍ବୁତାକି ଆମିନି ଗାଗାରି ମା ଲେହେଁ ହାରେକା ଦାରାଗାଟି ନାମୁ ବେଟା ଆହାମାନେରି, ଏଞ୍ଜାରିତାଣା ଆକ୍ର ରାଡ଼ିମାଇଁ । ୨ ମାହାପୁରୁ ଅଡ଼େ ମା ପ୍ରବୁ ଜୀସୁତ ବୁଦ୍ଧିତଲେ ମିଙ୍ଗେତାକି କାର୍ମାମେହ୍ନାୟି ଅଡ଼େ ହିଡ଼ି ଜୀଞ୍ଜୁ ହାରେକା ଗାତି ଆୟାପେ ।

ମାହାପୁରୁ ହାଡ଼ିନାୟି ଅଡ଼େ ଆଡ଼ିନାୟି

୩ ଆମ୍ବାଆସି ତାନି ଗାପ୍ତୁରମି ଅଡ଼େ ନେହଁ ଗୁଣ୍ଡୁତଲେ ମାଙ୍ଗେ ହାଡ଼ାମାଞ୍ଜାନେସି, ମାହାପୁରୁ ତାନି ବୁଦ୍ଧିତଲେ ଲାକପୁରୁତି ବାଡ଼ୟୁତି ମାଙ୍ଗେ ଜୀଞ୍ଜୁ ଅଡ଼େ ଦାମ୍ବୁତି ଜିରୁ ତାକି ବାରେ ଲଡ଼ାମାନାଣି ହାହାମାଞ୍ଜାନେସି । ୪ ଏଦାଆଁ ତଲେ ଏଞ୍ଜାସି ମାଙ୍ଗେ ଗାତି ଦାରା ଅଡ଼େ ହାରେକା ଲଡ଼ାଗାଟି ଆଞ୍ଜାମାନି ଦାନା ହାହାମାଞ୍ଜାନେସି, ଏନିକଁ ଏ ବାରେ ତଲେ ମୀରୁ ଲାଗେଏତି ଅଣ୍ଡିପୁତା ଆହିମାନି ଆମିନି ନାସା ଆନି ଦାରୁତିତା ମାଞ୍ଜେରି, ଏମ୍ବାଟି ଗେଲ୍ପି ଆହାନା ଲାକପୁରୁତି ଗୁଣ୍ଡୁତଲେ ଆଣ୍ଡାଦୁ । ୫ ଇଦାଆଁତାକି ମୀରୁ ହାରେକା ଜାଡ଼ନୁତି ନାମ୍ବୁତଲେ ନେହଁ ଗୁଣ୍ଡୁ, ଅଡ଼େ ସାତା ଗୁଣ୍ଡୁତଲେ ବୁଦ୍ଧି, ୬ ବୁଦ୍ଧିତଲେ ଆଙ୍ଗାଟି ଲକ୍ଷୁନାୟି, ଆଙ୍ଗାଟି ଲକ୍ଷୁନାଣି ତଲେ ସାସା, ସାସାତଲେ ଦାମ୍ବୁତି କାମା କିନାୟି, ୭ ଦାମ୍ବୁତି କାମାକିନାଣି ତଲେ ତାୟିୟାଁଇଁ ଜୀଞ୍ଜୁନନାୟି, ତାୟିୟାଁଇଁ ଜୀଞ୍ଜୁ ନନାଣି ତଲେ ବାରେ ଲକ୍ଷୁଇଁ ଜୀଞ୍ଜୁ ନନାଣି ଆଡ଼ଦୁ । ୮ ଇ ନେହଁ ଗୁଣ୍ଡୁୟାଁ ମିଙ୍ଗେ ଲଡ଼ାମାନେ; ଇ ବାରେ ମୀରୁ ବେଟାଆହାମାନି ପ୍ରବୁ ଜୀସୁ କ୍ରୀସ୍ତ ବୁଦ୍ଧି ମିଙ୍ଗେ ପାରସାଡ଼ା ଅଡ଼େ ବାରେ ମେଡ଼ି କିହାମାଞ୍ଜାନେ । ୯ ସାମା ଇ ବାରେ ଗୁଣ୍ଡୁ ଆମ୍ବାଆରି ତାଣା ହିଲେଏ, ଏଞ୍ଜାସି ହେକ ମେସାଲି ଆଡ଼ାଆ କାଣା ଆହାମାନେସି, ଅଡ଼େ ତାନି ନଚେଏ କିତି ବାରେ ପାପୁତି ନଚ୍ଓ ଆଡ଼ାଣି ଏଞ୍ଜାସି ବାଣ୍ଡି ଆହାମାନେସି ।

୧୦ ଇଦାଆଁତାକି, ଏ ତାୟି ତାଜିସ୍ତା, ମାହାପୁରୁ ମିଙ୍ଗେ ଆତାନା ହାତାମାଞ୍ଜାନାଣି ଅଡ଼େ ମନଡ଼ି ଅଣପୁ ତୀରି କିହାଲି ହାତରକା ଜାତୁନୁ ଗାଟାତେରି ଆଦୁ; ଇଲେ କିତିସାରେ ମୀରୁ ଏତେଲା ଜିକେଏ ମୀ ନାମୁତା ଉଣା ଆଅତେରି । ୧୧ ଇଞ୍ଜା ଇଲେକିହ ଏ ମା ପ୍ରବୁ ଅଡ଼େ ଗେଲ୍‌ପାନି ଜୀସୁ କ୍ରୀସ୍ତତି କାଲାକାଲାତି ରାକ୍ତିତା ରାହାତଲେ ହାଜାଲି ମିଙ୍ଗେ ହୀପ୍‌କି ଆୟାନେ ।

୧୨ ଇଦାଆଁତାକି ମୀରୁ ଇ ବାରେ କାତା ପୁଞ୍ଜାମାଞ୍ଜେରି ଅଡ଼େ ମୀରୁ ବେଟାଆହାମାନି ସାତାତା ନେହ କିଁ ତୀରି ଆହାମାଞ୍ଜେରି, ଆଡ଼ିଜିକେଏ ନାନୁ ଇ ବାରେ କାତା କାଲେଏ ମିଙ୍ଗେ ଅଣପି କିଞ୍ଜିକିହାଲି ଜାଗ୍ରାତା ଡ଼ୟିଇଁ । ୧୩ ନାନୁ ନୀତାମାନି ପାତେକା ଇ ବାରେ କାତା ତାକି ମିଙ୍ଗେ ସେତନା କିହାଲି ନାନୁ କିନାୟି ମାନେ ଇଞ୍ଜି ଅଣପିମାଇଁ । ୧୪ ମା ପ୍ରବୁ ଜୀସୁ କ୍ରୀସ୍ତ ନାଙ୍ଗେ ଏନିକିଁ ଖେସାମାଞ୍ଜାନେସି, ଏଲେକିହ ନାଙ୍ଗେ ଦାପେ ଇ ନା ଆଙ୍ଗା ଲେହେତି ତୁମ୍ଭ ପିସାଲି ଆନେ, ୧୫ ଅଡ଼େ ନା ହାତି ତାୟୁ ଜିକେଏ ମୀରୁ ଏନିକିଁ ଇ ବାରେ କାତା କାଲେଏ ଅଣପୁତା ଇତିଦେରି, ଇଦାଆଁତାକି ନାନୁ ଅଣପିମାଇଁ ।

କ୍ରୀସ୍ତତି ଗାଞ୍ଜରମି ମେସ୍ତାରି ସାକି

୧୬ ଇତିହ ମାମ୍ଭୁ ଏରିବେଲା ମା ପ୍ରବୁ ଜୀସୁ କ୍ରୀସ୍ତତି ବାଡ଼ୁୟୁ ଅଡ଼େ ଖାହିମାନି କାତା ମିଙ୍ଗେ ପୁଣ୍ଡି କିୟାତମି, ଏରିବେଲା ଏନି ସୁତ୍ରମି ତଲେ କେପିତି ପୁସ୍‌ପନିକା ଆସା ହିଲାଆତମି, ସାମା ତାନି ଗାଞ୍ଜରମିତି କାଣ୍‌କା ତଲେ ମେସ୍ତା ସାକିୟା ଆହାମାତମି । ୧୭ ଏରିବେଲା କାଜା ଗାଞ୍ଜରମିତି ଏଞ୍ଜାଣାକି ଇ ହାଡ଼ା ଖାଡ଼େ, ଏରିବେଲା ମାମ୍ଭୁ ଏମ୍ଭାଆଁ ମାତମି, “ଇଞ୍ଜାସି ନା ଜାଞ୍ଜୁତି ମୀରୁଏସି ଇଞ୍ଜାଣି ତାଣେଏ ନା ହାରେକା ରାହାଁ ମାନେ !” ଏରିବେଲା ଏଞ୍ଜାସି ଆବା ମାହାପୁରୁ ତାଣାଟି ସାମ୍ଭୁ ମି ଅଡ଼େ ଗାଞ୍ଜରମି ବେଟାଆତେସି; ୧୮ ମାମ୍ଭୁ ତାନିତଲେ ଏ ସୁଦୁ ହରୁ ଲାକ ମାଟିବେଲାତା ମାମ୍ଭୁସୁ ହାମ୍ଭୁ ଲାକଟି ଖେଜିତି ଇ ହାଡ଼ା ଖେଞ୍ଜାମାନମି ।

୧୯ ଏମ୍ଭାଆଁ ମାହାପୁରୁ ଅଣପୁତି ବଲୁ ଖେକନାରି ଖେକହାମାଟି ମାହାପୁରୁ ଅଣପୁତି ବଲୁ ମାଙ୍ଗେତାକି ହାରେକା ଆଡ଼ାଞ୍ଜା ଆତେ; ମୀରୁ ଏଦାଆଁ ଆନ୍ଦେରିତା ଡ଼ାଞ୍ଜାମାନି ଦାଞ୍ଜି ଲେହେଁ ଅଣପାନା ଲାଆଁ ଖେୟାଆ ପାତେକା ମୀ ହିୟାତା ଖେୟାଜାରା ହୁକା ହଥା ପାତେକା ଏଦାଣି ମନ ହାତିହଁ ନେହେଁ ଆନେ । ୨୦ ମୀରୁ ବାରେତି କିହାଁ ତଲିଏ ଇଦାଆଁ ପୁଞ୍ଜୁ, ଦାମ୍ଭୁ ପତିତା ରାସ୍‌କି ଆହାମାନି ମାହାପୁରୁ ବଲୁତି ଜାହାରା ବୁଦିତଲେ ତେଲୁହାଲି ଆଡ଼ାଆୟି । ୨୧ ଇତିହଁ ଆମିନି ମାହାପୁରୁ ଅଣପୁତି ବଲୁ ଖେହନାରି ଖାବୁଇ ତାମ୍ଭୁ ମାଣସି ଅଣପୁତି ଆମ୍ଭାଆସି ଜିକେଏ ଖେକହା ହିଲଅରି, ସାମା ମାହାପୁରୁ ପାଣ୍ଡିତି ମାଣସିୟାଁ ସୁଦୁଜାଞ୍ଜୁତି ସାଲୁଞ୍ଜି ଆହାନା ଏଞ୍ଜାରି ଅଣପୁତି ବଲୁ ଖେସାମାତେରି ।

୨

ମିତି ଜାପୁନାରି

୧ ସାମା ଲକୁ ତାଣାଟି ମିତି ମାହାପୁରୁ ବଲୁ ଖେହନାରି ହଡ଼େରି; ଏଲେକିହଁ ଏ ମୀ ବିଡ଼ାତି ମିତି ଜାପୁନାରି ହନେରି; ଏଞ୍ଜାରି ନାସା ଆନିଲେହେତି ନାଡ଼ିକିନି ଅଣପୁ, ଡ଼ୁଗାନା ଖେକହାନା ଏଞ୍ଜାରାଇଁ କତାମାନି ପ୍ରବୁଇଁ ଜିକେଏ ପୁଞ୍ଜାହିଲଅମି ଇନେରି, ଅଡ଼େ ଜାହାରାଇଁ ଦେବୁଣିଏ ନାସା କିୟାନେରି । ୨ ଅଡ଼େ ହାରେକା ଲକୁ ଏଞ୍ଜାରି ଲାଗେଏ କାମାତି ଜେଟ ହାନେରି, ଇଞ୍ଜା ଇଞ୍ଜାରି ତାକି ସାତାତି ଜିରୁ ନିନ୍ଦା ବେଟାଆନେ । ୩ ଏଞ୍ଜାରି ଦନ ଜୁପକାତାକି ମିତି ଜାପୁହାନା ମୀ ତାଣାଟି ତାବୁୟାଁ ଲାବା ବେଟାଆହାଲି ଅଣପିନେରି, ଏଞ୍ଜାରି ତଣ୍ଡ ତଲି କାଲାଟିଏ ଆହିମାନେ ଅଡ଼େ ହାରେକା ଦିନାଟିଏ ମାହାପୁରୁ ଏଞ୍ଜାରାଇଁ ବିଚାରା କିହାମାନେସି, ଏଞ୍ଜାରି ନାସା ଆନାୟି ଖାଡ଼େୟିଏ ।

୪ ଇତିହଁ ମାହାପୁରୁ ପାପୁ କିତି ଦୁଡ଼ୁୟାଁଇଁ ପିହଆନା ହିରୁ ଗାଡ଼ୁୟୁତା ମେଡ଼ହା ମାନେସି, ଏମ୍ଭାଆଁ ଏଞ୍ଜାସିକା ନାହାୟି ଆନି ଦିନା ପାତେକା ଆନ୍ଦେରି ଗାଡ଼ୁୟୁତା ଇଗାମାନେସି । ୫ ମାହାପୁରୁ ପୁଞ୍ଜଇଁ ଦାରୁତିତି ଜିକେଏ ପିସାହିଲଅସି, ସାମା ଦାମ୍ଭୁ କାତା ଖେହନି ନହଁ ଇଞ୍ଜା ତାନିତଲେ ସାଡ଼ା ଜାଣାଇଁ ଗେଲ୍‌ପାନା ପାପୁତି ଦାରୁତିତି ଏୟୁତଲେ ବାଡ଼ଞ୍ଜି କିତେସି; ୬ ଏଞ୍ଜାସି ସଦମ ଅଡ଼େ ଗମରା ଗାଡ଼ାତି ଦାବୁମ୍ଭୁ ମ୍ଭୁପହାନା ନାସା କିହାଲି ତଣ୍ଡି ହୁକୁମି ହାତେସି ଅଡ଼େ ଏଞ୍ଜାରାଇଁ ତାୟୁ କାଲାଟି ଦାମ୍ଭୁ ହିଲାଆଗାଟାରି ପୁଣ୍ଡିକିନିଲେହେଁ କିତେସି । ୭ ଅଡ଼େ ପାପୁ ଦହୁଗାଟି ଲକୁତି ଲାଗେଏ ପଲେଏ କାମାଟି ହେକ ଆହାମାନି ଦାମ୍ଭୁଗାଟି ଲଟଇଁ ମାହାପୁରୁ ଗେଲ୍‌ପିତେସି, ୮ ଏ ଦାମ୍ଭୁଗାଟାସି ଏଞ୍ଜାରିତଲେ ବାସା କିହାଁ ଏଞ୍ଜାରି ଲାଗେଏତି କାମା ମେସା ଅଡ଼େ ଖେଞ୍ଜାନା ଦିନମି ତାକି ଦିନମି ଦାମ୍ଭୁଗାଟାସି ଆହାନା ହାରେକା

* ୧:୧୭ ୧:୧୭ ମାଟି ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫

ପ୍ରକୃ ବେଟାଆହିମାରେସି । ୯ ଲଲେକିହି ଏ ପ୍ରକୃ ଦାମ୍ଭିଗାଟାରାଇଁ ତାୟିପାରି କିନି ତାଣ୍ଡାଟି ଗେଲୁପାଲି ଇଚିହି ଦାମ୍ଭି ହିଲ୍ଲୀଆଟାଟାରାଇଁ, ଆମ୍ବାଆରି ଆଜ୍ଞାତି ଲାଗେଏତି କାମାତା ସାଲୁଓ ଆହାନା ପ୍ରକୃଇଁ ମାନ୍ନି କିଅରି, ଏଞ୍ଜାରାଇଁ ବିଚାରା ଦିନାତି ତଣ୍ଡ ତାକି ଇଟାଲି ପୁଞ୍ଜାମାନେସି । ୧୦ ଇଚିହି ଆମ୍ବାଆରି ମାହାପୁରୁତି ଅଦିକାରାତି ହୀଣି କିହାନା ଜାହାରା ଆଜ୍ଞାତି ଜୁପକାତା ତୁୟିମାନେରି, ଏଞ୍ଜାରି ଏ କାଜା ନାହାଁୟି ଦିନା ପାତେକା ଏନିକ ତଣ୍ଡ ହୀହାନା ଇଟାଲି ଆନ୍ନେ । ଏ ମିତି ଜାପୁନାରି ଆଜାଆ ଗାଟାରି, ଏଞ୍ଜାରି ଲାକପୁରୁ ଗାଞ୍ଜୁରମି ଗାଟାରାଇଁ ମାନ୍ନି କିଆନା ଏଞ୍ଜାରାଇଁ ଲାଜା କିହିମାଞ୍ଜେରି । ୧୧ ଆଡ଼ିଜିକେଏ ହାଡ଼େକା ବାଡ଼ୁଲୁ ଅଡ଼େ କାଜାପାଣା ବେଟାଆହାମାନି ଦୃତୁୟି ପ୍ରକୃ ନକିତା ଏଞ୍ଜାରି କପାଟି ନିଜ୍ଞାମା ନିନ୍ଦାକିହି ବିଚାରା କିଅରି । ୧୨ ସାମା ଇଞ୍ଜାରି ବୁଦି ହିଲ୍ଲୀଆ ଜନ୍ତୁ ଲେହେଁତାରି, ଏଞ୍ଜାରିଲେହେଁ ଇ ମିତି ଜାପୁନାରି ଜିକେଏ, ଏନାଆଁ ଏଞ୍ଜାରି ପୁଞ୍ଜାଲି ଆଡ଼ଅରି ଏଦାଆଁ ଏଞ୍ଜାରି ନିନ୍ଦା କିନେରି, ସାମା ଏଞ୍ଜାରି ଜାଡ଼ାତି ଜନ୍ତୁ ଲେହେଁ ନାସା ଆନେରି, ୧୩ ଏଞ୍ଜାରି ଲାଗେଏତି କାମା କିହାମାଟିସାରେ ଲାଗେଏ କମାଟି ପାଡ଼େୟି ବେଟାଆନେରି । ଏନାୟି ଏଞ୍ଜାରି ଆଜ୍ଞା ତାକି ନେହେଁ ହନେ, ଏଦାଆଁ ଏଞ୍ଜାରି ମାଦେନା କିହାନା ରାହାଁ ବେଟାଆନେରି । ଏଞ୍ଜାରି ଜାହାରା ନାଡ଼ି କିଞ୍ଜିଆନି କାମାତା ରାହାଁ କିହି ମୀ ତଲେ ତିଞ୍ଜାଲି କୁଡ଼ା ଆନେରି । ୧୪ ଏଞ୍ଜାରି କାଣକା ଦାରି କାମାତା ନେଞ୍ଜା ତୁୟିନେ, ପାପୁ ପିସାଲି ମନ କିଅରି, ଏଞ୍ଜାରି ତିକିତାକାଗାଟି ହାଡ଼େକା ଲକୃଇଁ ଜୁପକା ତହୁନେରି, ଏଞ୍ଜାରି ହିୟି ଦନତି ଜୁପକାତା ତୁୟିନେ, ଏଞ୍ଜାରି ବାରେ ବାକା ବେଟାଆନାରି । ୧୫ ଆମ୍ବାଆସି ଲାଗେଏତି ବାଡ଼ୁ ଜୁପକାତି ଜୀଞ୍ଜୁ ନନ୍ନି ବିୟରା ମୀରୁଏସି ବିଲିୟମତି ଜେଟ ଜେଟ ହାଚେରି ଅଡ଼େ ସାତା ଜିରୁ ପିସାନା ଲାଗେଏ ଜିରୁ ହାଚେରି । ୧୬ ସାମା ଏଞ୍ଜାସି ତାନି କିତି ଦହତାକି ଲାଗି ବେଟାଆଡ଼େସି, ଇଞ୍ଜା ର ଜଲ୍ଲାଲି ଆଆଗାଟି ଗାଡ଼ଦେ ମାଣସି ହାଡ଼ାତଲେ ଜଲ୍ଲାହାଁ ମାହାପୁରୁ ଅଣପୁତି ବଲୁ ଖେହୁନି ତାଣ୍ଡାଟିଏ ସାପି କିଡେ ।

୧୭ ଇ ମିତି ଜାପୁନାରି ଏୟୁ ଖାୟିତି ଜାରଣା ଲେହେଁତାରି ଅଡ଼େ କାଜା ଗାଲିତା ଉୟିନି ହାଗୁ ଲେହେଁତାରି, ମାହାପୁରୁ ଏଞ୍ଜାରାକି ହାଚେଏ ଆଦେରିଗାଟି ଟାୟୁ ଇଟାମାନେସି । ୧୮ ଇଚିହି ଏଞ୍ଜାରି ଉଜେଏତି ବତପଣତି ତାହାରା କାତାୟି ଖେହୁନେରି ଇଞ୍ଜା ନାଡ଼ିକିନି ମାଣକିଗାଟି ଲକୃ ତାଣ୍ଡାଟି ଗେଲୁପି ଆହାମାନି ଲକୃଣି, ତାମି ଆଜ୍ଞାତି ଜୁପକାଟି କାମା କିହାନା ପାଦାତା ମେଡ଼ନେରି; ୧୯ ଏଞ୍ଜାରି ଏଞ୍ଜାରାଇଁ ମେଲ୍ଲା ଆହାନା ମାଞ୍ଜାଲି ଆଡ଼ିଦେରି ଇଞ୍ଜା ଆଞ୍ଜିନେରି, ସାମା ଏଞ୍ଜାରି ତାମ୍ବୁ ନାସା କିଞ୍ଜିକିନି କାମାଟି ହଲିୟାଜା ଆନେରି; ଏନାଆଁତାକି ଇଚିହି ଆମ୍ବାଆସି ଆମ୍ବାଆରି ତାଣା ହାରୁଓ ଆନେସି ଏଞ୍ଜାସି ଏମ୍ବାତି ହଡ଼ଲଏସି ଆନେସି । ୨୦ ଇଚିହି ଏଞ୍ଜାରି ପ୍ରକୃ ଅଡ଼େ ଗେଲୁପିନି ଜୀସୁ ଜୀସୁତି ବୁଦିତଲେ ଦାରୁତି ଲାଗେଏତି ତାଣ୍ଡାଟି ଗେଲୁପି ଆହାନା ଖେଣ୍ଡେ ଏମ୍ବାତି ପାଦାତା ଦସ୍ପି ଆହାନା ହାରୁଓ ଆନେରି, ଆତିହି ଏଞ୍ଜାରାକି ତଲିତି ତଣ୍ଡ କିହାଁ ତାୟୁତି ତଣ୍ଡ ହାଡ଼େକା କସ୍ତାଗାୟି ଆନେ । ୨୧ ଇଚିହି ଦାମ୍ଭିତି ଜିରୁ ପୁଞ୍ଜାନା ଏଞ୍ଜାରାକି ହେରପି ଆହାମାନି ସୁଦୁ ହୁକୁମି ପିହୁନି କିହାଁ ଏଦାଆଁ ଏଚେଲାଞ୍ଜା ପୁଞ୍ଜାହିଲାଆତିହି ନେହି ଆଡେମା । ୨୨ “ନେହୁଡ଼ି ତାନୁ କାକ୍ଞାନା ଖେଣ୍ଡେ ତିଞ୍ଜାଲି ଇଞ୍ଜା ନରୁଓ ଆହାମାନି ପାଜି ଅଡ଼େ ଖେଣ୍ଡେ ଲାଦିତା ଡେରମାଲି ହାନେ” ଏଞ୍ଜାରାକି ଏ ଖେକହାମାନି ସାତା କାତା ଏଞ୍ଜାରାକି ଆହାମାନେ ।

୩

ପ୍ରକୃ ଖେଣ୍ଡେ ଖାନ୍ନି ଦିନା

୧ ଏ ଜୀଞ୍ଜୁତି ତାୟି ତାଜିସା, ନାନୁ ନୀଏଁ ମୀ ତାଣା ଇ ରୀ ଲମ୍ବର ଆକୁ ରାଡ଼ିମାଇଁ, ଇଦାଆଁତାକି ଇ ରୀ ଆକୁତା ନାନୁ ମିଜେ ଏ ବାରେ ଅଣପି କିହାନା ମୀ ସୁଦୁ ମନତି ପାତିକିହାଲି ଅଣପିମାଇଁ । ୨ ମୀରୁ ଏନିକ ସୁଦୁଗାଟି ମାହାପୁରୁ ଅଣପୁତି ବଲୁ ଖେହୁନାରି ତାଣ୍ଡାଟି ତଲି କାଲାତା ଖେସାମାନି ବାରେ ବଲୁ ଇଞ୍ଜା ପାଣ୍ଡି ଆହାମାନାରି ତାଣ୍ଡାଟି ଖେସପିଆହାମାନି ପ୍ରକୃ ଇଞ୍ଜା ଗେଲୁପାନାଣା ହୁକୁମି ଅଣପୁତା ଇଟାଦୁ । ୩ ଡ଼ଲିଏ ମୀରୁ ଇ କାତା ପୁଞ୍ଜୁ, ଇ ରାନ୍ନି ଦେଲ୍ଲାତା ଏଚରଜାଣା ତାମି ଲାଗେଏ ପଲେଏ କାମା ତଲେ ତାକିନେରି; ଏଞ୍ଜାରି ମିଜେ ଲାଜା କିୟାନେରି । ୪ ଏ ଲାଜା କିୟାନାରି ଖାହାନା ଏଞ୍ଜାରି ମିଜେ ଲାଜାକିହି ଏଲେଇଞ୍ଜାନେରି “ଜୀସୁ ଖେଣ୍ଡେ ଖାଜ୍ଞ ଇଞ୍ଜା ଖେସାମାଞ୍ଜାତେସି ଆତିହି ଏଞ୍ଜାସି ଏଚେଲା ଖାନ୍ନେସି ? ଇଚିହି ମା ଆକୁ ଆଦାୟି ହାଡ଼ି ଦିନାଟିଏ ନୀଏଁ ପାତେକା ବାରେ ଦାରୁତି ଗାଡ଼ି ଆଡ଼ି ଦିନାଟିଏ ଏନିକ ମାଚେ, ଏଲେକିହି ଏ ନୀଏଁ ଜିକେଏ ତୁୟାମାନେ !” ୫ ଏଞ୍ଜାରି ପୁଞ୍ଜା ପୁଞ୍ଜାନା ବାଣ୍ଡି ଆନେରି, ତଲି କାଲାତା ମାହାପୁରୁ ହୁକୁମି ହୀଡ଼େସି ଅଡ଼େ ହାଗୁପାକା ଅଡ଼େ ଦାରୁତି ଗାଡ଼ି ଆଡ଼େ ଅଡ଼େ ଦାରୁତି ଏୟୁ

* ୩:୩ ୩:୩ ଜୀହୁଦା ୧:୧୮

ତାଣାଟି ଏମ୍ଭ ଗୁରୁତାନା ଗାଢ଼ି ଆଡେ । ୭ ଅଡେ, ଏଝାଣି ତାଣାଟି ଏ ତଲି କାଲାତି ଦାରୁତି ଏମ୍ଭତଲେ ନାସା ଆଡେ; ୮ ସାମା ନୀର୍ଷତି ହାଗୁପାକା ଅଡେ ଦାରୁତି ଏ ମାହାପୁରୁତି ବଲ୍ଲୁ ତଲେ ଲାଗେଏ ପଡେଏତି ଲକ୍ଷୁତି ନୀର୍ହାୟି ଅଡେ ନାସାତି ଦିନା ପାତେକା କୃତି ଆହାନା ହିତୁତା ହୁତାଲି ଇଟକି ଆହାମାନେ ।

୯ ସାମା ଏ ଜୀଝୁତି ତାୟି ତାଜିସ୍ତା, ମାହାପୁରୁ ନକିତା ର ଦିନା ର ମାଣା ବାର୍ଯା ସମାନା ଅଡେ ର ମାଣା ବାର୍ଯା ର ଦିନା ସମାନା; ଈ କାତାତି ଏତେଲା ବାଣା ଆଆଦୁ । ୧୦ ହାରେକା ଲକ୍ଷୁ ପ୍ରୁ ଝେଣ୍ଡେ ଝାନ୍ତି ଦିନା ମାନେୟିଏ ଇଞ୍ଜୁ ଅଣପିନେରି, ସାମା ପ୍ରୁ ତାନୁ ଏଲେଇଞ୍ଜା ମାନାଣି ଏତେଲାଝା ଝେଡ଼ା କିଅସି; ଏନିକି ଆଗ୍ନାଆରି ନାସା ଆଅରି, ସାମା ବାରେଜାଣା ମନ୍ ଝେଟ୍‌ହା କଡିନେରି; ଇଦାଆଁ ଅଣପାନା ଏଝାସି ମୀ ତାକି କାର୍ମା ମେସି ମାଞ୍ଜାନେସି ।

୧୧ ମାହାପୁରୁ ଝାନ୍ତି ଦିନା ର ସରୁ ଝାନ୍ତି ଲେହେଁ ଝାନ୍ତେ, ଏ ଦିନା ହାଗୁପାକା କାଜା ହାଡ଼ାତଲେ ମେଣ୍ଡାଜାହାନେ, ଅଡେ ଦାରୁତିତା ମାନି ବାରେ ଦିଶସୁ ଗାତି ଝେସାନା ରୁୟାହାନୁ, ଇଞ୍ଜା ଦାରୁତି ଅଡେ ଏମ୍ଭାଆଁ ମାନି ଆସି ବାରେ ହିତୁତା ଡ଼ାଞ୍ଜାହାନେ । ୧୨ ଈ ବାରେ ଇଲେଆହୁଁ ମେଣ୍ଡାଜାହାନାକି, ମାହାପୁରୁତି ବିଚାରା ଦିନାତା ହାଗୁପାକା ଡ଼ାଞ୍ଜାହାଁ ମେଣ୍ଡାଜାହାନେ ଅଡେ ଦାରୁତିତି ବାରେ ଦିଶସୁ ହାରେକା ଝେସାନା ରୁୟାହାନେ, ୧୩ ପ୍ରୁ ଝାନ୍ତି ଦିନା କାପୁ କାଡ଼ାଡ଼ୟିନି ଲକ୍ଷୁ, ଏଦି ଏନିକି ତବେ ଝାନ୍ତେ, ଇଦାଆଁତାକି ମୀରୁ ଜାଗ୍ରାତା ଆଦୁ, ଏ ଦିନା ହାଗୁଲାକ ମାନି ଝେଡ଼ା ଲେଞ୍ଜୁ ହୁକାୟାଁ ଝେସାହାନାକି ଝିରଲାହାନୁ । ୧୪ ମୀରୁ ମାହାପୁରୁ ଆଞ୍ଜାମାନି ଲେହେଁ ର ପୁଝନି ହାଗୁପାକା ଅଡେ ପୁଝନି ଦାରୁତିଇଁ କାଡ଼ାମାନାୟି, ଆମିନି ଗାଟାୟି ଦାମ୍ଭୁତଲେ ବାସାଆନ୍ତି ଗାୟୁ ଆନ୍ତେ ।

୧୫ ଇଦାଆଁତାକି ଏ ଜୀଝୁତି ତାୟି ତାଜିସ୍ତା, ମୀରୁ ଈ ବାରେ କାଡ଼ିମାନିକି ମାହାପୁରୁ ନକିତା ଏନିକି ପାପୁ ହିଲାଆଗାଟାତେରି ଅଡେ ଦହ ହିଲାଆଗାଟାତେରି ଆହୁଁ ହିଡ଼ି ତଲେ ମାନାତେରି ଆହୁଁ ତଞ୍ଜା ଆନ୍ତେରି, ଏଦାଆଁତାକି ଜାଡ଼ନୁ ତଲେ ମାଞ୍ଜୁ; ୧୬ ଅଡେ, ମା ପ୍ରୁତ ହାରେକା ଅରୁହିନାୟି ଗେଲପାନାୟି ଇଞ୍ଜୁ ଅଣପାଦୁ, ମା ଜୀଝୁତି ତାୟି ପାଝୁଲ ଜିକେଏ ମାହାପୁରୁ ହାହାମାନି ବୁଦିତଲେ ମିଙ୍ଗେତାକି ଏଲେକି ରାଡ଼ା ମାଞ୍ଜାନେସି । ୧୭ ଏଝାସି ତାନି ରାଡ଼ାମାନି ବାରେ ଆକୁତା ଈ ବାରେ କାତା ରାଡ଼ାନା ଏଲେକି ଝେସାମାନେସି; ଏ ବାରେ ଆକୁତା ଏତେକା କାତା ମାନେ, ଏମିନିଗାଟାଣି ତେଲହାଲି ଆଡ଼ାଆୟି, ଇଞ୍ଜା ପୁନାଆଗାଟି ଇତାଲା ଆତାଲା ଅଣପୁଗାଟି ଲକ୍ଷୁ, ତାମ୍ଭୁ ନାସା ଆୟାଲି ଏଟକାତି ସାଝେସିରିତା ଏନିକି ରାସ୍‌କି ଆହାମାନେ, ଏ ବାରେ ତାଣା ଜିକେଏ ଏଲେକି ଉଜେଏତି କାତା ଝେହ୍‌ନେରି ।

୧୮ ସାମା ଜୀଝୁତି ତାୟି ତାଜିସ୍ତାତେରି, ମୀରୁ ଇଦାଆଁ ବାରେ ତଲିଟିଏ ପୁଞ୍ଜାମାଞ୍ଜେରି, ଏଦାଆଁତାକି ଜାଗ୍ରାତା, ଏନିକି କିଲିବିଲି କିନି ଲକ୍ଷୁ ତାଣାଟି ନାଡ଼ି କିଝି ଆଆନା ମୀରୁ ଆଟ୍‌ଝା ନାମ୍ଭୁତା ଡ଼ଣା ଆଅତେରି । ୧୯ ସାମା ମା ପ୍ରୁ ଅଡେ ଗେଲପାନି ଜୀଝୁ ଜୀଝୁତି କାର୍ମା ଅଡେ ବୁଦିତା ପାତାଆଦୁ । ଏଝାଣାକି ନୀର୍ଷ ଅଡେ କାଲାକାଲାତାକି ଗାଝୁରମି ଆପେ । ଆର୍ପେନ ।

୩:୧୦ ୩:୧୦ ମାତି ୨୪:୪୩; ଲୁକ ୧୨:୩୯; ୧ତେସ ୫:୨; ଝେ ବଲ୍ଲୁ ୧୨:୧୫ ୩:୧୩ ୩:୧୩ ଝେ ବଲ୍ଲୁ ୨୧:୧

ଯୋହନଙ୍କ ପ୍ରଥମ ପତ୍ର ଜହନ ରାଡ଼ାମାନି ର ଲମ୍ବର ଆକୃତି ମୂଲ୍ୟ ହାତୀ

ଜହନ ରାଡ଼ିତି ର ଲମ୍ବର ଆକୃତି ଜୀମୁ କ୍ରୀସ୍ତ ଜର୍ନାଆଡ଼ି ୫୦ ଟିଏ ୧୦୦ ବାର୍ଯ୍ୟ ଡାୟାପ୍ରାୟାମାନି ଜହନ ରାଡ଼ାମାନେସି । ଜହନ ଜାହାରାଇଁ ଇ ଆକୃତି ରାଡ଼ାମାଇଁ ଇଞ୍ଜିଁ ଝେସି ହିଲଅସି, ସାମା ଜହନ ତଲିତି ଆକୃତା ଏଞ୍ଜାସି ଜୀମୁ କ୍ରୀସ୍ତତି ନୀତାମାଗାଣି ଅଡ଼େ ହାହାନା ଝେଣ୍ଡେ ନିଜିତାଣି କାନୁ ତଲେ ମେସାମାନନି ଇଞ୍ଜିଁ ସାକି ହାସିମାନେସି ୧:୧-୩ । ଜହନତି ର ଲମ୍ବର ପତି ଅଡ଼େ ଜହନ ରାଡ଼ିତି ନେହଁ କାବୁତି କାତା ରଣ୍ଡିସି ସମାନା ଲେହେଁ ଆହିମାନେ । ଏତିବେଲାତା ଏଞ୍ଜାସି ଏପିସିୟ ଗାଡ଼ାତା ମାତେସି ଏମ୍ବାଆଁ ଏଞ୍ଜାସି ଜହନ ରାଡ଼ିତି ନେହଁ କାବୁ ଅଡ଼େ ଜହନ ର ଲମ୍ବର ଆକୃତି, ଜହନ ରା ଲମ୍ବର ଆକୃତି, ତାନି ଲମ୍ବର ଆକୃତି ରାଡ଼ାମାତେସି ଇଞ୍ଜିଁ ନାନିମାନେରି ।

ବୁଦିଗାଟାତନି ଇଞ୍ଜାକଡ଼ିମାନି ର ଗତିତି ଲକ୍ଷ୍ମ ତାଣ୍ଡାଟି କୁଲମି କସ୍ତ ବେଟାଆହି ମାଗାଟି ଜହନ କ୍ରୀସ୍ତାନା ଲକ୍ଷ୍ମକି ଇ ଆକୃତି ରାଡ଼ିମାତେସି । ଏଞ୍ଜାରି ନାମୁ ଜୀମୁ ସାତେସ ମାହାପୁରୁ ମାତେସି ସାମା ଦାରୁତିତା ମାଟିବେଲାତା ଏଞ୍ଜାସି ଉଚ୍ଚା ଅଡ଼େ ନେତେରିତି ମାଣ୍ଡସି ହିଲାଆତେସି । ଜହନ ଜୀମୁ କ୍ରୀସ୍ତଇଁ କାନୁ ତଲେ ମେସାମାନି ସାକି ଅଡ଼େ ତାନି କେୟୁ ଏଞ୍ଜାଣାଇଁ ତାଗାମାନାକି ଏଞ୍ଜାସି ଇଦାଆଁ ରାଡ଼ାମାନେସି, ୧:୧-୩ । ଜହନ ଇ ଆକୃତି ରାଡ଼ିନି କାତା ଆହିମାନେ ତାନି ରାହଁତି ହାରେପୁରେ କିନାୟି ୧୯୫ ୧:୪ ଅଡ଼େ ନାମୁ ଗାଟାରାଇଁ ପାପୁ ପିସାଲି ତାକି ୧୯୫ ୨:୧ ଅଡ଼େ ମିତି ଜାପୁନାରି ତାଣ୍ଡାଟି ନାମୁ ଗାଟାରାଇଁ ଗେଲପାଲି ୧୯୫ ୨:୨୬ ନାମୁ ଗାଟାରାଇଁ ଗେଲପି ଆହାମାଞ୍ଜେରି ଇଞ୍ଜାଲି ୫:୧୩ ।

ପତିତା ମାନାୟି

- ୧. ଆକୃତି ପୁଣ୍ଡିକିନାୟି ଅଡ଼େ ରାଡ଼ିମାନି କାତା ଝେହ୍ନାୟି । ୧:୧-୪
- ୨. ମାହାପୁରୁ ଏନିକଁ ଉଜେଡ଼ି ଅଡ଼େ ଜୀମୁ ଲେହେଁ ନୀତାଲି ଝେସାମାନେସି । ୧:୫-୩:୧୦
- ୩. ରଅସି ରଅଣାଇଁ ଜୀମୁ ନନାଣି ଝେଣ୍ଡେ ଅଣ୍ଡପି କିନାୟି । ୩:୧୧-୫:୧୨
- ୪. ଆକୃତି ରାପୁନାୟି । ୫:୧୩-୨୧

ଜୀମୁତି ବଲୁ

୧ ଜୀମୁଲୁଏ ଆମ୍ବାଆସି ମାତେସି, ମାମୁ ଏଞ୍ଜାଣି ବଲୁ ଝେଞ୍ଜାମାନନି, ଆମ୍ବାଆରାଇଁ ମା କାନୁ ତଲେ ମେସାମାନନି, ଆମ୍ବାଆରାଇଁ ନେହିକଁ ସିନିକିହା ମାନନି ଅଡ଼େ ମା କେସ୍ତାତଲେ ତାଗାମାନନି, ଏ ଜୀମୁଲେହେତି ବଲୁତି କାତା ଝେସିମାଞ୍ଜାନନି । ୨ ଜୀମୁ ତଞ୍ଜାଆଡ଼େ, ଇଞ୍ଜା ମାମୁ ମେସ୍ତନି ଅଡ଼େ ସାକି ହାସିମାଞ୍ଜାନନି; ଆନିନି କାଲକାଲାତି ସୁଦୁଜୀମୁ ଆବା ତଲେ ମାତେ, ଅଡ଼େ ମା ତାଣ୍ଡା ତଞ୍ଜାଆଡ଼େସି ଏଞ୍ଜାଣି କାତା ନିଜେ ଝେସିମାଞ୍ଜାନନି । ୩ ମାମୁ ଏନାଆଁ ମେସାମାନନି ଅଡ଼େ ଝେଞ୍ଜାମାନନି, ଏଦାଆଁ ନିଜେ ଜିକେଏ ଝେସିମାଞ୍ଜାନନି, ଏନିକଁ ମୀରୁ ଜିକେଏ ମା ତଲେ ଆଣ୍ଡାଲି ଆଡ଼ାଦେରି; ଅଡ଼େ ମା ଆଣ୍ଡାମାନାୟି ଆବା ଅଡ଼େ ତାନି ମୀରୁଏଣା ଜୀମୁ କ୍ରୀସ୍ତ ତଲେ ମାନେ । ୪ ମା ରାହଁ ଏନିକଁ ହାରେ ପୁରେ ଆନେ ଇଦାଣିତାକି ଇ ବାରେ ମାମୁ ରାଡ଼ିମାଞ୍ଜାନନି ।

ମାହାପୁରୁ ଉଜେଡ଼ି

୫ ମାମୁ ଏଞ୍ଜାଣି ତାଣ୍ଡାଟି ଆନିନି କାବୁ ଝେଞ୍ଜାମାନନି, ଅଡ଼େ ଝେସିମାଞ୍ଜାନନି, ଏ କାବୁ ଇଦି, ମାହାପୁରୁ ଉଜେଡ଼ି, ତାନି ତାଣ୍ଡା ଆନେରି ହିଲୁଝୁଏ ହିଲେଏ । ୬ ମାମୁ ଆନେରିତା ମାଞ୍ଜାନା ମାହାପୁରୁ ତଲେ ଆଣ୍ଡିଆହା ମାନାୟି ଇଞ୍ଜିଁ ଝେସ୍ତିହଁ, ମାର ମିତି ଝେହ୍ନାତାୟି, ଅଡ଼େ ମାର ସାତା ତଲେ ତାକିହିଲଆୟି । ୭ ସାମା ଏଞ୍ଜାସି ଏନିକଁ ଉଜେଡ଼ିତା ବାସା ଆହାମାନେସି, ମାର ଜିକେଏ ଏଲେକିହଁ ଏ ଉଜେଡ଼ିତା ତାକିନାୟି, ଆତିହଁ ମାର ରଅସି ରଅଣି ତଲେ ଆଣ୍ଡିଆନାୟି ମାନେ, ଅଡ଼େ ତାନି ମୀରୁଏଣା ଜୀମୁ ନେତେରି ମା ବାରେ ପାପୁତି ନରୁହାନେ ।

୮ ମା ତାଣ୍ଡା ପାପୁ ହିଲେଏ ଇଞ୍ଜିଁ ଝେହ୍ନାୟି, ଆତିହଁ ମାର ମାଜେଏ ନାଡ଼ି କିହାକଡ଼ିମାନାୟି, ଅଡ଼େ ମା ତାଣ୍ଡା ସାତା ହିଲେଏ । ୯ ସାମା ମାମୁ ପାପୁ କିହାମାନନି ଇଞ୍ଜିଁ ମାହାପୁରୁ ନକିତା ଝେହ୍ନାୟି,

୫ ୧:୧ ୧:୧ ଜହ ୧:୧ ୬ ୧:୨ ୧:୨ ଜହ ୧:୧୪

ଆଡିହୁଁ ଏଝାସି ମା ପାପୁ ବାରେ ମ୍ମେକହାଲି ଅଡେ ବାରେ ଲାଗେଏ ପଲେଏ ତାଣାଟି ଅଡହାଲି ନାମୁ ଅଡେ ତାରିଗାଗାସି । ୧୦ ମାର ପାପୁ କିହା ହିଲାଇୟି ଇଞ୍ଜୁଁ ଇନାୟି, ଆଡିହୁଁ ମାର ମାହାପୁରୁଇଁ ମିତି ଗାଗାସି କିହମାନାୟି, ଅଡେ ତାନି ବଲୁ ମା ତାଣା ହିଲେଏ ।

୨

କ୍ରୀସ୍ତ ଗେଲପାନାସି

୧ ଏ ନା ମୀରକା ମାସକାଡେରି ମୀରୁ ଏନିକିଁ ପାପୁ କିଅଡେରି, ଇଦାଆଁତାକି ଇ ବାରେ ମୀ ତାଣା ରାଡିମାଞ୍ଜାଇଁ । ସାମା ଆମ୍ବାଆସି ପାପୁ କିନେସି, ଆଡିହୁଁ ମା ଝାକି ଆହାନା ଆବା ତାଣା ବାଡିମାଲିନାସି ରଅସି ମାନେସି, ଏଝାସି ଦାମ୍ବୁଗାଟି ଜୀସୁ କ୍ରୀସ୍ତ । ୨ କ୍ରୀସ୍ତ ମା ପାପୁ ତାକି, ଝାବଲ ମା ପାପୁ ତାକି ଆଏ, ସାମା ଦାରଡିଡି ବାରେ ଲକୁଡି ପାପୁ ତାକି ଡାକିଡି ପୁଜାଲେହେଁ ଆଡେସି ।

୩ ମାର ମାହାପୁରୁତି ହୁକୁମି ମାନଝି ଆନାୟି, ଆଡିହୁଁ ଏମ୍ବାଟି ପୁଞ୍ଜାଲି ଆଡିନାୟି, ଏଝାଣାଇଁ ସାତାତଲେ ପୁଞ୍ଜାମାନାୟି । ୪ ତାନି ହୁକୁମି ମାନଝି ଆଆନା ଆମ୍ବାଆସି ନାନୁ ଏଝାଣାଇଁ ପୁଞ୍ଜାମାଇଁ ଇଞ୍ଜୁଁ ଜଲିନେସି, ଏଝାସି ମିତି ଗାଗାସି ଏଝାଣି ତାଣା ସାତା ହିଲେଏ । ୫ ସାମା ଆମ୍ବାଆସି ତାନି ହୁକୁମି ମାନଝି ଆନେସି, ଏଝାଣି ତାଣା ମାହାପୁରୁତି ସାତା ଜୀସୁନନାୟି ପୁରା ଆହାମାନେ, ଏମ୍ବାଟିଏ ମାର ପୁଞ୍ଜାଲି ଆଡିନାୟି ମାର ମାହାପୁରୁ ତାଣା ମାନାୟି । ୬ ଆମ୍ବାଆସି ନାନୁ ମାହାପୁରୁ ତଲେ ଡୟିଇଁ ଇଞ୍ଜୁଁ ଇନେସି, ଏଝାସି ଜୀସୁ କ୍ରୀସ୍ତ ନୀତା ମାଟିଲେହେଁ ନୀଡିନାୟି ମାନେ ।

ପୁଝନି ହୁକୁମି

୭ ଏ ନା ଜୀସୁଡି ତଡେସିଙ୍ଗାଡେରି ନାନୁ ମୀ ତାଣା ଏନି ପୁଝନି ହୁକୁମି ରାଡିମାଞ୍ଜାଅଁ, ସାମା ତଲିଟିଏ ଆମିନି ପୁଝଇ ହୁକୁମି ବେତା ଆହାମାଞ୍ଜେରି, ଏଦାଆଁ ରାଡିମାଞ୍ଜାଇଁ; ମୀରୁ ଆମିନି ବଲୁ ଝେଞ୍ଜାମାଞ୍ଜେରି, ଏଡିଏ ପୁଝଇ ହୁକୁମି । ୮ ଅଡେ ନାନୁ ନୀଏଁ ମିଙ୍ଗେ ପୁଝନି ହୁକୁମି ଲେହେଁ ରାଡିମାଞ୍ଜାଇଁ, ଇଡିହୁଁ ଏଡି କ୍ରୀସ୍ତ ତାଣା ଅଡେ ମୀ ତାଣା ଜିକେଏ ସାତା ଇଞ୍ଜୁଁ ତଞ୍ଜାଆଡେନ, ଇଡିହୁଁ ଆନ୍ଦେରି ଗୁତା ଆହାମାନେ ଅଡେ ସାତା ଉଜେଡି ତଞ୍ଜାଆଡେସି ।

୯ ଆମ୍ବାଆସି ତାନି ତାୟି ତାଜିଇଁ ଅପାଆନା ନାନୁ ଉଜେଡିତା ମାଇଁ ଇଞ୍ଜୁଁ ଇନେସି ଏଝାସି ନୀଏଁ ପାଡେକା ଆନ୍ଦେରିତା ମାଞ୍ଜାମାନେସି । ୧୦ ଆମ୍ବାଆସି ତାନି ତାୟି ତାଜିଇଁ ଜୀସୁ ନନେସି ଏଝାସି ଉଜେଡିତା ମାଞ୍ଜାମାନେସି, ଇଞ୍ଜା ଏଝାଣି ତାଣା ପୁଡି କିନାୟି ଏନାୟି ହିଲେଏ । ୧୧ ସାମା ଆମ୍ବାଆସି ତାନି ତାୟିଇଁ ଅପିହଲଅସି ଏଝାସି ଆନ୍ଦେରିତା ମାନେସି, ଅଡେ ଆନ୍ଦେରିତା ତାକି ତାକିହୁଁ ଆମ୍ବିୟାଝାକି ହାଜିମାନେସି, ଏଦାଆଁ ପୁନଅସି, ଇଡିହୁଁ ଆନ୍ଦେରି ତାନି କାଣକାଣି କାଣା କିହାମାନେ ।

୧୨ ଜୀସୁଡି କକାରି ପଦାଁଡେରି ନାନୁ ମିଙ୍ଗେ ରାଡିମାଞ୍ଜାଇଁ, ଏନାଆଁତାକି ଇଡିହୁଁ କ୍ରୀସ୍ତ ଦରୁଡଲେ ମୀ ପାପୁ ବାରେ ମେଣଙ୍ଗାମାନେ । ୧୩ ତାଞ୍ଜୁଁ ଡେରି ନାନୁ ମିଙ୍ଗେ ରାଡିମାଞ୍ଜାଇଁ, ଏନାଆଁତାକି ଇଡିହୁଁ ଆମ୍ବାଆସି ମୁଲୁଟିଏ ମାନେସି, ଏଝାଣାଇଁ ମୀରୁ ପୁଞ୍ଜାମାଞ୍ଜେରି, ଏ ଡାଆ ଦାଂଗଣାୟିଡେରି ନାନୁ ମିଙ୍ଗେ ରାଡିମାଞ୍ଜାଇଁ, ଇଡିହୁଁ ମୀରୁ ବାରେ ଲାଗେଏ ପଲେଏ ତାଣାଟି ଜୀଣା ଆହାମାଞ୍ଜେରି ।

୧୪ କକାରି ପଦାଁଡେରି ନାନୁ ମିଙ୍ଗେ ରାଡିମାଞ୍ଜାଇଁ ଏନାଆଁତାକି ଇଡିହୁଁ ମୀରୁ ଆବା ମାହାପୁରୁଇଁ ପୁଞ୍ଜାମାଞ୍ଜେରି, ଏ ଆବାୟାଡେରି ନାନୁ ମିଙ୍ଗେ ରାଡିମାଞ୍ଜାଇଁ ଏନାଆଁତାକି ଇଡିହୁଁ ଆମ୍ବାଆସି ମୁଲୁଟିଏ ମାନେସି ଏ କ୍ରୀସ୍ତଇଁ ପୁଞ୍ଜାମାଞ୍ଜେରି, ଏ ଡାଆ ଦାଂଗଣାୟିଡେରି ନାନୁ ମିଙ୍ଗେ ରାଡିମାଞ୍ଜାଇଁ ଏନାଆଁତାକି ଇଡିହୁଁ ମୀରୁ ବାଡ଼ୁ ଗାଗାଡେରି, ଅଡେ ମାହାପୁରୁତି ବଲୁ ମୀ ତାଣା ମାନେ ଅଡେ ମୀରୁ ଲାଗେଏ ପଲେଏତାଣି ଜୀଣା ଆହାମାଞ୍ଜେରି ।

ଦାରଡିଡି ଜୀସୁ ନଆପୁ

୧୫ ଦାରଡିଡି ଅଡେ ଏମ୍ବାଆଁ ମାନାଣି ବାରେଡି ଜୀସୁ ନଆପୁ, ଆମ୍ବାଆସି ଦାରଡିଡି ଜୀସୁ ନନେସି, ଏଝାଣି ତାଣା ମାହାପୁରୁ ଆବାଡି ଜୀସୁନନାୟି ହିଲେଏ । ୧୬ ଇଡିହୁଁ ଆଙ୍ଗାଡି ଜୁପକା, କାନୁଡି ଜୁପକା, ଅଡେ ଦନଡି ବଡପଣ, ଦାରଡିଡି ମାନାୟି ଇ ବାରେ ମାହାପୁରୁ ଆବା ତାଣାଟି ଝାହାହିଲେଏ ସାମା ଦାରଡିଡି ଗାଡ଼ି ଆହାମାନେ । ୧୭ ଦାରଡି ଅଡେ ଏମ୍ବାଆଁ ମାନି ଜୁପକା କାଡଲେଏ ତାକି ଆଏ, ସାମା ଆମ୍ବାଆସି ମାହାପୁରୁତି ଇଗାଟି ମାନଝି ଆନେସି ଏଝାସି କାଡଲେଏ ତାକି ତାରି ଆନେସି ।

କ୍ରୀସ୍ତୀ ଯାତ୍ରା

୧୮ ଜୀବୁତି କକାରି ପଦାଁତେରି ରାନ୍ତି କାଲା ଏଗାଞ୍ଜାତେୟିଏ, ନାଡ଼ିକିନି କ୍ରୀସ୍ତୁ ଖାନେସି ଇଞ୍ଜିଁ ମୀରୁ ଏନିକିଁ ଖେଞ୍ଜାମାତେରି, ଏଲେକିହଁ ଏ ନୀର୍ବି ଜିକେଏ ହାରେକା ନାଡ଼ିକିନି କ୍ରୀସ୍ତୁୟା ନିଜିତେରିଏ; ଇଦାଆଁତାକି ମାରୁ ପୁଞ୍ଜାମାନାୟି ଜୁଗୁ ରାନ୍ତି କାଲା ଏଦାତେୟିଏ । ୧୯ ଏଞ୍ଜାରି ମା ବିତ୍ତାଟି ହଡ଼ତେରି, ସାମା ମା ଗତିତି ଲକ୍ଷୁ ହିଲାଆତେରି; ଏଞ୍ଜାରି ମା ଗତିତି ଲକ୍ଷୁ ଆଡ଼ିହଁ ମା, ଏଞ୍ଜାରି ମା ତଲେ ତୁୟିତେରିମା; ସାମା ବାରେ ମା ଗତିତି ଲକ୍ଷୁ ଆଏ, ଇଦି ଏନିକିଁ ତଞ୍ଜାଆନେ, ଇଦାଆଁତାକି ଏଞ୍ଜାରି ହଡ଼ାହାତେରି ।

୨୦ ସାମା ମୀରୁ ଏ ସୁଦୁ ଗାଟାଣା ତାଣାଟି ବର ବେଟାଆହାମାନାକି ମୀରୁ ବାରେତେରି ବୁଦି ବେଟାଆହାମାଞ୍ଜେରି । ୨୧ ମୀରୁ ସାତାତି ପୁଞ୍ଜାହିଲାଆକି ନାନ୍ତୁ ମିଙ୍ଗେ ରାଡ଼ିମାଞ୍ଜାଇଁ ଏଦି ଆଏ, ସାମା ମୀରୁ ସାତାତି ପୁଞ୍ଜାମାନାକି ଅଡ଼େ ସାତାତି ଏରେଲାଖା ମିତି ହଏ ଇଞ୍ଜିଁ ମୀରୁ ପୁଞ୍ଜାମାନାକି ନାନ୍ତୁ ମିଙ୍ଗେ ରାଡ଼ିମାଞ୍ଜାଇଁ ।

୨୨ ଜୀସୁଇଁ କ୍ରୀସ୍ତୁ ଆଏ ଇଞ୍ଜିଁ ଆମ୍ବାଆସି ଖେହ୍ନେସି, ଏଞ୍ଜାଣି ତାଣାଟିଏ ମିତି ଖେହ୍ନେସି ଆମ୍ବାଆସି ? ଅଡ଼େ ଆମ୍ବାଆସି ଆବା ଅଡ଼େ ମୀରୁଏଣାଇଁ ଇ ରିଆରାଇଁ ଜିକେଏ ଅପଅସି ଏଞ୍ଜାସିଏ ନାଡ଼ିକିନି କ୍ରୀସ୍ତୁ । ୨୩ ଆମ୍ବାଆସି ମୀରୁଏଣାଇଁ ଅପଅସି ଏଞ୍ଜାସି ଆବାଇଁ ବେଟାଆହାହିଲଅସି, ଆମ୍ବାଆସି ମୀରୁଏଣାଇଁ ଆବିନେସି, ଏଞ୍ଜାସି ଆବାଇଁ ଜିକେଏ ବେଟାଆହାମାନେସି ।

୨୪ ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଦି ମା ତାଣା ତୁୟାପେ, ମୀରୁ ତଲିଟିଏ ଏନାଆଁ ଖେଞ୍ଜାମାଞ୍ଜେରି, ଏଦି ମା ତାଣା ତୁୟିତିହଁ, ଆଡ଼ିହଁ ମୀରୁ ଜିକେଏ କାଲେଏ ଆବା ଅଡ଼େ ମୀରୁଏଣା ଜୀସୁ ତାଣା ତୁୟିଦେରି । ୨୫ ଅଡ଼େ କ୍ରୀସ୍ତୁ ମାଙ୍ଗେ ଏନାଆଁ ଆଞ୍ଜାମାଞ୍ଜାନେସି ଏଦି କାଲାକାଲାତି ଜୀସୁ ।

୨୬ ଆମ୍ବାଆରି ମିଙ୍ଗେ ନାଡ଼ି କିୟାଲି ଅଣ୍ଡପାନେରି, ଏଞ୍ଜାରି ତାଣାଟି ଜାଗ୍ରାତା ଆହାଲି ନାନ୍ତୁ ମା ତାଣା ଇ ବାରେ ରାଡ଼ିମାଞ୍ଜାଇଁ । ୨୭ ସାମା ମୀରୁ ଏଞ୍ଜାଣି ତାଣାଟି ଆମିନି ସୁଦୁଜୀବୁତି ବର ବେଟାଆହାମାଞ୍ଜେରି, ଏଦି ମା ତାଣା ତୁୟାମାନେ, ଇଞ୍ଜିଁ ଆମ୍ବାଆସି ମିଙ୍ଗେ ଜୀସୁହାନେସି, ଏଦି ମିଙ୍ଗେତାକି ଲଡ଼ା ହିଲେଏ, ସାମା ଏଞ୍ଜାଣି ତାଣାଟି ଆମିନି ବର ବେଟାଆହାମାଞ୍ଜେରି ଏଦି ମିଙ୍ଗେ ଆମିନି କାତା ଜୀସୁହାନେ, ଏଦି ସାତା, ମିତି ଆଏ; ଇଦାଆଁତାକି ଏ ଜୀସୁନାଣି ତଲେ ଏଞ୍ଜାଣି ତାଣା ତୁୟାଦୁ ।

୨୮ ନା ଜୀବୁତି ମୀରୁକା ମାସ୍କାତେରି, କ୍ରୀସ୍ତୁ ତଲେ ଆଣ୍ଡାନା ତୁୟାଦୁ, ଏନିକିଁ ଏଞ୍ଜାସି ଏଟିବେଲା ତଞ୍ଜାଆନେସି, ଏଟିବେଲା ତାନ୍ତୁ ଖାନାଟି ତାନି ନକିତା ମାରୁ ଲାଜା ଆଆନା ସାସା ମେଡ଼ାଆନାୟି । ୨୯ କ୍ରୀସ୍ତୁ ଦାମ୍ବୁଗାଟାସି, ଇଦାଆଁ ପୁନାୟିମାନେ, ଆଡ଼ିହଁ ଆମ୍ବାଆସି ଦାମ୍ବୁକାମା କିନେସି, ଏଞ୍ଜାସି ଏଞ୍ଜାଣି ତାଣାଟି ଜାନା ଆହାମାନେସି, ଇଦାଆଁ ଜିକେଏ ପୁଞ୍ଜୁ ।

୩

ମାହାପୁରୁତି ମୀରୁକା ମାସ୍କା

୧ *ମେହ୍ନୁ ଆବା ମାଙ୍ଗେ ଏନିକିଁ ଜୀସୁ ନନାଣି ହାହାମାଞ୍ଜାନେସି, ମାରୁ ମାହାପୁରୁତି ମୀରୁକା ମାସ୍କା ଇଞ୍ଜିଁ ଖେଞ୍ଜାନାୟି, ଅଡ଼େ ମାରୁ ଏଲେକିହଁ ଏ ଆହାମାନାୟି । ଇଦାଆଁତାକି ଦାରୁତି ମାଙ୍ଗେ ପୁଞ୍ଜାମାଞ୍ଜେଏ, ଇଡ଼ିହଁ ଏଦି ଏଞ୍ଜାଣାଇଁ ଜିକେଏ ପୁଞ୍ଜା ହିଲାଆତେ । ୨ ଏ ନା ଜୀବୁତି ତଡ଼େସିଙ୍ଗା, ନୀର୍ବି ମାରୁ ମାହାପୁରୁତି ମୀରୁକା ମାସ୍କାତାୟି, ଅଡ଼େ ତାୟୁ ଏନି ଆନାୟି, ଏଦି ନୀର୍ବି ପାତେକା ତଞ୍ଜା ଆହା ହିଲେଏ, ମାରୁ ପୁଞ୍ଜାମାନାୟି, କ୍ରୀସ୍ତୁ ଏଟିବେଲା ତଞ୍ଜାଆନେସି, ଏଟିବେଲା ମାରୁ ଜିକେଏ ଏଲେକିହଁ ଏ ଆନାୟି, ଇଡ଼ିହଁ ଏଞ୍ଜାସି ଏନିଲେହେଁକି ମାରୁ ଏଲେକିହଁ ଏ ଏଞ୍ଜାଣାଇଁ ମେହ୍ନୁନାୟି । ୩ ଅଡ଼େ ଆମ୍ବାଆସି ଜିକେଏ କ୍ରୀସ୍ତୁ ଜୀସୁ ତାଣା ଇ ବାର୍ସୁ ଇଟାମାନାସି, ଏଞ୍ଜାସି ଏନିକିଁ ସୁଦୁଗାଟାସି, ଏଞ୍ଜାସି ଏଲେକିହଁ ଏ ତାଙ୍ଗେ ଅବହା କଡ଼ିନେସି ।

୪ ଆମ୍ବାଆସି ପାପୁ କିନେସି, ଏଞ୍ଜାସି ମାହାପୁରୁତି ହୁକୁମି ଉରିନାସି, ଏନିଇଡ଼ିହଁ ହୁକୁମି ଉରିନାୟିଏ ପାପୁ । ୫ *ମାରୁ ପୁଞ୍ଜାମାନାୟି, କ୍ରୀସ୍ତୁ ପାପୁ ତେକା ଅହାଲି ଖାଡ଼େସି, ଇଞ୍ଜିଁ ଏଞ୍ଜାଣି ତାଣା ପାପୁ ହିଲେଏ । ୬ ଆମ୍ବାଆସି କ୍ରୀସ୍ତୁ ତାଣା ତୁୟିନେସି, ଏଞ୍ଜାସି ପାପୁ କିଅସି; ସାମା ଆମ୍ବାଆସି ପାପୁ କିନେସି, ଏଞ୍ଜାସି କ୍ରୀସ୍ତୁଇଁ ମେସାହିଲଅସି କି ଏଞ୍ଜାଣାଇଁ ପୁଞ୍ଜାହିଲଅସି ।

୭ ନା ଜୀବୁତି କକାରି ପଦାଁତେରି ଆମ୍ବାଆସି ମିଙ୍ଗେ ନାଡ଼ି କିୟାଆପେରି; ଆମ୍ବାଆସି ଦାମ୍ବୁକାମା କିନେସି, କ୍ରୀସ୍ତୁ ଏନିକିଁ ଦାମ୍ବୁଗାଟାସି, ଏଞ୍ଜାସି ଜିକେଏ ଏଲେକିଁ ଦାମ୍ବୁଗାଟାସି ଆନେସି; ୮ ଆମ୍ବାଆସି ପାପୁ

* ୩:୧ ୩:୧ ଜହ ୧:୧୭ * ୩:୫ ୩:୫ ଜହ ୧:୨୯

କିନେସି, ଏଝାସି ସୟତାନଟି ଜାର୍ନା ଆତାସି, ଇଚିହୁଁ ସୟତାନ ତଲିଟିଏ ପାପୁ କିହୁଁ ଝାହିମାନେ, ସୟତାନଟି କାମା ନାସା କିୟାଲି ମାହାପୁରୁ ମାରୁଏସି ଝାଡେସି ।

୯ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଝାସି ପାପୁ ଅଡେ ଝେଣେ କିଅସି, ଇଚିହୁଁ ମାହାପୁରୁଟି ଗୁଣ୍ଡ ଏଝାଣି ତାଣା ମାନେ, ଅଡେ ଏଝାସି ମାହାପୁରୁ ତାଣାଟି ଜାର୍ନା ଆହାମାନାକି ପାପୁ କିହାଲି ଆଡଅସି । ୧୦ ଆମ୍ବାଆରି ମାହାପୁରୁଟି ମାରୁକା ମାୟକା ଅଡେ ଆମ୍ବାଆରି ସୟତାନଟି ମାରୁକା ମାୟକା, ଏଡି ତଞ୍ଜାଆନେ; ଆମ୍ବାଆସି ଦାମ୍ବୁକାମା କିଅସି, ଇଞ୍ଜା ତାୟି ତାଙ୍ଗିଇଁ ଜୀଝୁ ନଅସି, ଏଝାସି ମାହାପୁରୁ ତାଣାଟି ଜାର୍ନା ଆହାହିଲଅସି ।

ରଅସି ରଅଣାଇଁ ଜୀଝୁନନାୟି

୧୧ *ଇଚିହୁଁ ରଅସି ରଅଣାଇଁ ଜୀଝୁନନାୟି ମାନେ ଇ ହାଡା ମୁଲୁଟିଏ ଝେଞ୍ଜା ମାଞ୍ଜେରି; ୧୨ ପାପୁଟି ମାରୁଏସି କୟିନ, ଏଝାଣିଲେହେଁ ଆଆପୁ, ଏଝାସି ତାନି ତାୟି ହେବଲଇଁ ପାୟିଡେସି; କୟିନ ଏଝାଣାଇଁ ଏନାଆଁତାକି ପାୟିଡେସି ? ଇଚିହୁଁ ତାନି କାମା ପାପୁ ଗାଟାୟି, ଅଡେ ହେବଲଟି କାମା ଦାମ୍ବୁଗାଟାୟି ମାଟେ ।

୧୩ ନା ତାୟି ତାଙ୍ଗିସ୍ତାତେରି ଦାରୁଡିଟି ଲକୁ ମିଙ୍ଗେ ଅପାଆତୁଁ ଜିକେଏ ମାରୁ କାବା ଆଆପୁ । ୧୪ *ମାରୁ ପୁଞ୍ଜାମାନାୟି, ମାରୁ ହାକିତି ଜାଣାଆହାନା ଜୀଝୁ ବେଟାଆହାମାନାୟି, ଇଚିହୁଁ ମାରୁ ତାୟି ତାଙ୍ଗିସ୍ତାଣି ଜୀଝୁନହୁଁ ମାନାୟି, ଆମ୍ବାଆସି ଜୀଝୁ ନଅସି, ଏଝାସି ହାହାଲି ମାନେସି । ୧୫ ଆମ୍ବାଆସି ଜାହାରା କ୍ରୀସ୍ତାନା ତାୟି ତାଙ୍ଗିଇଁ ଅପଅସି, ଏଝାସି ଲକୁଣି ପାୟିନାସି; ଅଡେ ଲକୁଣି ପାୟିନାରି ତାଣା କାଳାକାଳାଟି ଜୀଝୁ ଡୟେଏ, ଇଦାଆଁ ମାରୁ ପୁଞ୍ଜାମାଞ୍ଜେରି । ୧୬ ଜୀଝୁ କ୍ରୀସ୍ତ ମା ତାକି ଜୀଝୁ ହାତକି ମାରୁ ଜୀଝୁନନାୟି ଏନାୟି ଇଞ୍ଜୁଁ ପୁଞ୍ଜାମାନାୟି; ଅଡେ ତାୟି ତାଙ୍ଗି ତାକି ମା ଜୀଝୁ ଜିକେଏ ହୀନାୟି ମାନେ । ୧୭ ସାମା ଆମ୍ବାଆସି ଦାରୁଡିତା ଦନ ଗାଟାସି ଆହାନା ତାନି ତାୟିଟି ଲଡାମାନାଣି ମେସାନା ଜିକେଏ ଏଝାଣାଇଁ କାର୍ମା ମେହଅସି ଇଚିସାରେ, ତାନି ହିୟାଁତା ମାହାପୁରୁଟି ଜୀଝୁନନାୟି ମାନେ ଇଞ୍ଜୁଁ ଏନିକିଁ ଏଲେଇନାୟି ? ୧୮ ନା ମାରୁକା ମାୟକା ଝାପୁ, ମାରୁ ଜଲ୍ଲା ଜକଡି ତଲେ ଜୀଝୁ ନଆନା କାମା ଅଡେ ସାତା ତଲେ ଜୀଝୁ ନନାଣି ତହୁନାୟି ମାନେ ।

୧୯ ଏଲେ କିତିସାରେ ମାରୁ ସାତାଟି ମାରୁକା ମାୟକାତାୟି ଇଦାଆଁ ପୁଞ୍ଜାମାନାୟି, ଅଡେ ଏନି କାତା ମା ହିୟାଁ ମାଙ୍ଗେ ଦହ କିୟାନେ, ଏ କାତାତା ଏଝାଣି ନକିତା ମା ହିୟାଁ ସୁପି କିୟାଲି ଆଡିନାୟି; ୨୦ ଏନିନି କାମାତା ମା ହିୟାଁ ମାଙ୍ଗେ ଦହ ଦସ୍ତାନେ, ଏମ୍ବାଟି ଏଝାଣି ନକିତା ଏ କାତାତାକି ମା ହିୟାଁଟି ସୁପି କିହାଲି ଆଡିନାୟି; ଇଚିହୁଁ ମାହାପୁରୁ ମା ହିୟାଁଟିଏ କାଜାସି, ଏଝାସି ବାରେ ପୁନେସି । ୨୧ ନା ଜୀଝୁଟି ତଣେସିଙ୍ଗା ମା ହିୟାଁ ମାଙ୍ଗେ ଦହ ଦସ୍ତାଆଡିହୁଁ, ଆଡିହୁଁ ମାରୁ ମାହାପୁରୁ ନକିତା ସାସାତଲେ ନିଚାଲି ଆଡିନାୟି । ୨୨ ଅଡେ ମାରୁ ଏନାଆଁ ରାହନାୟି, ଏ ବାରେ ଏଝାଣି ତାଣାଟି ବେଟାଆହି ମାନାୟି, ଇଚିହୁଁ ମାରୁ ତାନି ହୁକୁମି ମାନୁଝି ଆହିମାନାୟି, ଅଡେ ତାନି ନକିତା ଏନାୟି ନେହାୟି ଏଦାଆଁ କିହିମାନାୟି । ୨୩ *ତାନି ହୁକୁମି ହାହାମାନିଲେହେଁ, ମାରୁ ତାନି ମାରୁଏସି ଜୀଝୁ କ୍ରୀସ୍ତ ଦରୁତଲେ ନାମିନାୟି ଅଡେ ତାନି ହାଟି ହୁକୁମି ତଲେ ରଅତାୟି ରଅଣାଇଁ ଜୀଝୁନନାୟି । ୨୪ ଆମ୍ବାଆସି ମାହାପୁରୁଟି ହୁକୁମି ମାନୁଝି ଆନେସି, ଏଝାସି ମାହାପୁରୁ ତଲେ ଡୟିନେସି, ଅଡେ ମାହାପୁରୁ ଏଝାଣି ତାଣା ଡୟିନେସି; ଇଞ୍ଜା ମାହାପୁରୁ ମା ତାଣା ଡୟିନେସି, ଇଦାଆଁ ମାରୁ ତାନି ହାହାମାଞ୍ଜାନି ଜୀଝୁତଲେ ପୁଞ୍ଜାମାନାୟି ।

୪

ସାତା ମାହାପୁରୁଟି ଜୀଝୁ ଅଡେ ମିତି ଜୀଝୁ

୧ ନା ଜୀଝୁଟି ତାୟି ତାଙ୍ଗିସ୍ତା, ବାରେ ଜୀଝୁୟାଁଇଁ ନାମାଆପୁ, ସାମା ଏଝାରି ବେଟାଆହାମାନି ଜୀଝୁୟାଁ ମାହାପୁରୁ ତାଣାଟି ଝାହାମାନୁ କି ଆଏ ଇଦାଆଁ ନେହୁଁ କୁଁ ତାୟିପାରି କିଦୁ, ଏନାଆଁତାକି ଇଚିହୁଁ ଦାରୁଡିତା ହାରେକା ମିତି ମାହାପୁରୁ ବଲୁ ଝେହନାରି ହଡାମାନେରି । ୨ ଇଲେ କିତିହୁଁ ମାରୁ ମାହାପୁରୁଟି ଜୀଝୁଟି ପୁଞ୍ଜାଲି ଆଡିଦେରି, କ୍ରୀସ୍ତ ଜୀଝୁ ମାଣସି ଆଙ୍ଗା ଝାଣା ତଲେ ଝାହାମାନେସି, ଇଦାଆଁ ଆମିନି ଜୀଝୁ ଜଲିନେ, ଏଡି ମାହାପୁରୁ ତାଣାଟି ଝାହାମାନେ । ୩ ଅଡେ ଆମିନି ଜୀଝୁ ଜୀଝୁଇଁ ନାନୁ ପୁଞ୍ଜାହିଲଅଁ ଇଞ୍ଜୁଁ ଜଲିନେ, ଏଡି ମାହାପୁରୁ ତାଣାଟି ଝାହାହିଲେଏ; ସାମା ଏଡି ନାଡିକିନି କ୍ରୀସ୍ତଟି ଜୀଝୁ, ଆମିନି ଜୀଝୁଟି ଝାନି କାତା ମାରୁ ଝେଞ୍ଜାମାଞ୍ଜେରି, ଇଞ୍ଜା ଏଡି ନାଏଁ ଜିକେଏ ଦାରୁଡିତା ଝାଡେସିଏ ।

* ୩:୧୧ ୩:୧୧ କହ ୧୩:୩୪ * ୩:୧୪ ୩:୧୪ କହ ୫:୨୪ * ୩:୨୩ ୩:୨୩ କହ ୧୩:୩୪; ୧୫:୧୨, ୧୭

୪ ଜୀଞ୍ଜୁତି କକାରି ପଦାତେରି, ମୀରୁ ମାହାପୁରୁ ତାଣାଟି ଜାର୍ନା ଆତାତେରି, ଅତେ ମୀରୁ ନାଡ଼ିକିନି ବଲୁ
 ଖେହ୍ନାରାଇଁ ଜୀଣା ଆହାମାଞ୍ଜେରି, ଇତିହୁଁ ମୀ ତାଣା ଆମ୍ବାଆସି ମାନେସି, ଏଞ୍ଜାସି, ଦାରୁତିତା ଆମ୍ବାଆସି
 ମାନେସି ଏଞ୍ଜାଣି କିହାଁ କାଜାସି । ୫ ନାଡ଼ିକିନାରି ଦାରୁତିତା ଖାହାମାନେରି, ଇଦାଆଁତାକି ଏଞ୍ଜାରି ଦାରୁତିତ
 କାତା ଖେହ୍ନେରି, ଅତେ ଦାରୁତିତାରି ଏଞ୍ଜାରି କାତା ଖେନେରି । ୬ ସାମା ମାରୁ ମାହାପୁରୁ ତାଣାଟି ଜାର୍ନା
 ଆହାମାନାୟି; ଆମ୍ବାଆସି ମାହାପୁରୁଇଁ ପୁନେସି, ଏଞ୍ଜାସି ମା କାତା ଖେନେସି; ଆମ୍ବାଆସି ମାହାପୁରୁ ତାଣାଟି
 ଜାର୍ନା ଆହାହଲଅସି, ଏଞ୍ଜାସି ମା କାତା ଖେନଅସି, ଏମ୍ବାଟି ସାତାତି ଜୀଞ୍ଜୁ ଅତେ ନାଡ଼ିକିନି ଜୀଞ୍ଜୁ ପୁଞ୍ଜାଲି
 ଆଡ଼ିନାୟି ।

ଜୀଞ୍ଜୁ ନଞ୍ଜିଆନାୟି

୭ ନା ଜୀଞ୍ଜୁତି ତଢ଼ଣସିଜା, ରଅତେରି ରଅଣାଇଁ ଜୀଞ୍ଜୁନଦୁ, ଇତିହୁଁ ଜୀଞ୍ଜୁନନାୟି ମାହାପୁରୁ ତାଣାଟି
 ଖାନେ, ଆମ୍ବାଆସି ଜୀଞ୍ଜୁ ନନେସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି, ଇଞ୍ଜା ଏଞ୍ଜାସି
 ମାହାପୁରୁଇଁ ପୁଞ୍ଜାମାନେସି । ୮ ଆମ୍ବାଆସି ଜୀଞ୍ଜୁ ନଅସି, ଏଞ୍ଜାସି ମାହାପୁରୁଇଁ ପୁନଅସି, ଏନାଆଁତାକି
 ଇତିହୁଁ ମାହାପୁରୁ ଜୀଞ୍ଜୁ ନନାୟି । ୯ ଇଦାଆଁ ମାହାପୁରୁତି ଜୀଞ୍ଜୁନନାୟି ତଞ୍ଜା ଆହାମାନେ, ଏଞ୍ଜାସି
 ତାନି ରଣ୍ଡିସି ମୀରୁଏଣାଇଁ ଦାରୁତିତା ପାଣ୍ଡାତେସି, ଏନିକିଁ ମୀରୁ ଏଞ୍ଜାଣି ତାଣାଟି କାଳାକାଳାତି ଜୀଞ୍ଜୁ
 ବେଟାଆନାୟି । ୧୦ ମୀରୁ, ମାହାପୁରୁଇଁ ଜୀଞ୍ଜୁ ନତାୟି, ଏଦି ଏଆ, ସାମା ଏଞ୍ଜାସି ମାଜେ ଜୀଞ୍ଜୁ ନୟଁତେସି,
 ଇଞ୍ଜା ତାନି ମୀରୁଏଣାଇଁ ମା ପାପୁ ତାକି ପୂଜା ଆହାଲି ପାଣ୍ଡାତେସି; ଏଦି ଏମ୍ବାଟିଏ ଜୀଞ୍ଜୁନନାୟି ତଞ୍ଜା ଆହି
 ମାନେ ।

୧୧ ନା ଜୀଞ୍ଜୁତି ତଢ଼ଣସିଜା, ମାହାପୁରୁ ମାଜେ ଏନିକିଁ ଜୀଞ୍ଜୁ ନହାଁ ମାଞ୍ଜାନେସି, ମୀରୁ ଜିକେଏ ରଅତାୟି
 ରଅଣାଇଁ ଜୀଞ୍ଜୁ ନଞ୍ଜିଆନାୟି ମାନେ । ୧୨ ଆମ୍ବାଆସି ଏବେଲାଖା ମାହାପୁରୁଇଁ ମେସାହିଲଅସି; ସାମା ମୀରୁ
 ରଅତାୟି ରଅଣାଇଁ ଜୀଞ୍ଜୁନଞ୍ଜିଆନ, ଆତିହୁଁ ମାହାପୁରୁ ମା ତାଣା ମାନେସି, ଅତେ ତାନି ଜୀଞ୍ଜୁନନାୟି ।
 ତାଣା ମାନେ ।

୧୩ ମୀରୁ ମାହାପୁରୁ ତାଣା ମାନାୟି ଅତେ ଏଞ୍ଜାସି ମା ତାଣା ମାନେସି, ଇଦାଆଁ ମୀରୁ ପୁଞ୍ଜାମାନାୟି,
 ଇତିହୁଁ ଏଞ୍ଜାସି ମାଜେ ତାନି ଜୀଞ୍ଜୁ ହାହାମାଞ୍ଜାନେସି । ୧୪ ମାହାପୁରୁ ଆବା ତାନି ମୀରୁଏଣାଇଁ ଦାରୁତିତ
 ଲକୁଣି ଗେଲପିନାସି ଆହାଲିତାକି ପାଣ୍ଡାତେସି, ଇଦାଆଁ ମୀରୁ ମେସାମାନାୟି ଅତେ ସାକି ହାହି ମାନାୟି ।
 ୧୫ ଆମ୍ବାଆସି ଜୀଞ୍ଜୁଇଁ ମାହାପୁରୁତି ମୀରୁଏସି ଇଞ୍ଜାଁ ଖେକନେସି, ମାହାପୁରୁ ଏଞ୍ଜାଣି ତାଣା ମାନେସି, ଅତେ
 ଏଞ୍ଜାସି ମାହାପୁରୁ ତାଣା ମାନେସି । ୧୬ ଅତେ ମାଜେତାକି ମାହାପୁରୁତି ଆମିନି ଜୀଞ୍ଜୁନନାୟି ମାନେ, ଏଦାଆଁ
 ମୀରୁ ପୁଞ୍ଜାମାନାୟି ଅତେ ନାମାମାନାୟି । ମାହାପୁରୁ ଜୀଞ୍ଜୁ ନନାୟି; ଆମ୍ବାଆସି ଜୀଞ୍ଜୁ ନହୁଁ ମାନେସି ଏଞ୍ଜାସି
 ମାହାପୁରୁ ତାଣା ମାନେସି ଅତେ ମାହାପୁରୁ ଏଞ୍ଜାଣି ତାଣା ତୟିନେସି । ୧୭ ଦାମ୍ପୁତି ଜୀଞ୍ଜୁତା ନୀତାମାନାକି
 ମାହାପୁରୁତି ଜୀଞ୍ଜୁନନାୟି ମା ତାଣା ତୀରି ଆହାମାନେ, ମୀରୁ ନାହାଁୟି ଦିନାତା ସାସା ବେଟାଆନାୟି,
 ଇତିହୁଁ କ୍ରୀସ୍ତ ଏନିକିଁ ମାନେସି, ମୀରୁ ଜିକେଏ ଇ ଦାରୁତିତା ଏଲେକିହୁଁଏ ମାନାୟି । ୧୮ ଜୀଞ୍ଜୁ ନନି
 ତାଣା ଆଜି ତୟେଏ, ସାମା ସାତା ଜୀଞ୍ଜୁନନାୟି ଆଜିତି ହେକ କିନେ, ଇତିହୁଁ ଆଜି ତଣ୍ଡ ବେଟାଆନାଣି
 ତଲେ ଆଣ୍ଡାମାନେ, ଇଞ୍ଜା ଆମ୍ବାଆସି ଆଜିନେସି ଏଞ୍ଜାସି ଜୀଞ୍ଜୁ ନନି ତାଣା ତାରିତାସି ଏଆ ।

୧୯ ମାହାପୁରୁ ତଲିଏ ମାଜେ ଜୀଞ୍ଜୁ ନୟଁତାକି ମୀରୁ ଜୀଞ୍ଜୁ ନହିମାନାୟି । ୨୦ ଆମ୍ବାଆସି ନାନୁ ମାହାପୁରୁଇଁ
 ଜୀଞ୍ଜୁ ନହୁଁ ମାଇଁ ଇଞ୍ଜାନା, ଏଞ୍ଜାସି ତାନି ନାମିତି ତାୟି ତାଜିଇଁ ଅପଅସି, ଆତିହୁଁ ଏଞ୍ଜାସି ମିତି ଖେହ୍ନାସି,
 ଇତିହୁଁ ଆମିନି ତାୟିଇଁ ମେସାମାନେସି, ଏଞ୍ଜାଣାଇଁ ଜୀଞ୍ଜୁ ନଅସି, ଇତିହୁଁ ଆମିନି ମାହାପୁରୁଇଁ
 ମେସାହିଲଅସି, ଏଞ୍ଜାଣାଇଁ ଜୀଞ୍ଜୁ ନହାଲି ଆଡ଼ଅସି । ୨୧ ଆମ୍ବାଆସି ମାହାପୁରୁଇଁ ଜୀଞ୍ଜୁ ନନେସି, ଏଞ୍ଜାସି
 ତାନି ତାୟିଇଁ ଜିକେଏ ଜୀଞ୍ଜୁ ନପେସି, ଇ ହୁକୁମି ମୀରୁ କ୍ରୀସ୍ତ ତାଣାଟି ବେଟା ଆହାମାନମି ।



ଦାରୁତିତା ଜୀଣା ଆନାୟି

୧ ଆମ୍ବାଆସି ଜୀଞ୍ଜୁଇଁ କ୍ରୀସ୍ତ ଇଞ୍ଜାଁ ନାମିନେସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି;
 ଆମ୍ବାଆସି ଜାର୍ନାକିତି ଆବାଇଁ ଜୀଞ୍ଜୁ ନନେସି, ଏଞ୍ଜାସି ତାନିତାଣାଟି ଜାର୍ନା ଆହାମାନି ଲକୁଣି ଜିକେଏ ଜୀଞ୍ଜୁ
 ନନେସି । ୨ ମୀରୁ ଏତିବେଲା ମାହାପୁରୁଇଁ ଜୀଞ୍ଜୁନନାୟି ଅତେ ତାନି ହୁକୁମି ମୀରୁଞ୍ଜି ଆନାୟି, ଏତିବେଲା
 ଏଦାଆଁ ତଲେ ମୀରୁ ମାହାପୁରୁତି ମୀରୁକା ମାସକାଇଁ ଜୀଞ୍ଜୁ ନହିମାନାୟି ଇଞ୍ଜାଁ ପୁଞ୍ଜାଲି ଆଡ଼ିନାୟି ।

୩ *ମାହାପୁରୁଷଙ୍କ ଜୀବନନାୟି ମା ତାଣା ମାନେ, ଇତିହାସ ମାରୁ ଏଞ୍ଜାଣି ହୁକୁମି ମାନୁଡ଼ି ଆନୁ, ଏଞ୍ଜାଣି ହୁକୁମି ମାନୁଡ଼ି ଆନାୟି ହାରେକା କସୁ ଆଏ *ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଞ୍ଜାସି ଦାରୁତିତି ଜୀଣାଆନେସି, ଅଡ଼େ ଏନାଆଁ ଦାରୁତିତି ଜୀଣା ଆହାମାନେସି, ଏଦି ମା ନାମୁ । *ଜୀସୁ ମାହାପୁରୁ ମାରୁଏସି, ଇଦାଆଁ ଆମ୍ବାଆସି ନାମିନେସି, ଏଞ୍ଜାଣି ପିସପେ ଆମ୍ବାଆସି ଦାରୁତିତି ଜୀଣା ଆନେସି ?

ଜୀସୁ କ୍ରୀସ୍ତ ତାକି ସାକ୍ତି

୨ ଜୀସୁ କ୍ରୀସ୍ତ ଏମୁ ଅଡ଼େ ନେତେରିଟି ଖାହାମାରେସି, ଖାରୁଇ ଏମୁତଲେ ଆଏ, ସାମା ଏମୁ ଅଡ଼େ ନେତେରି ଇ ରୀ କୁଡ଼ା ତଲେ ଖାହାମାରେସି; ଅଡ଼େ ସୁଦୁଜୀସୁ ଜିକେଏ ଏମ୍ବାତି ସାକ୍ତି ହାହିମାନେ, ଇତିହାସ ଜୀସୁଏ ସାତା । ୨ ଇ ତାନି ଜାଣା ସାକ୍ତି ମାନୁ । ୩ ସୁଦୁଜୀସୁ, ଏମୁ ଅଡ଼େ ନେତେରି ଏଞ୍ଜି ରଣିଏ ସାକ୍ତି ହାହିମାନୁ । ୪ ମାରୁ ଲକୁ ହାତି ସାକ୍ତି ନାମିନାୟି, ଆତିହାସ ମାହାପୁରୁ ହାତି ସାକ୍ତି ଏଦାଣିକିହାଁ ହାରେକା କାଜାୟି, ଅଡ଼େ ମାହାପୁରୁତି ସାକ୍ତି ଇଦି, ଏଞ୍ଜାସି ତାନି ମାରୁଏଣା ଖାକିଟି ସାକ୍ତି ହାହାମାନେସି । ୫ ଆମ୍ବାଆସି ମାହାପୁରୁ ମାରୁଏଣା ତାଣା ନାମିନେସି, ଏଞ୍ଜାସି ତାନି ହିୟାଁତା ଇ ସାକ୍ତି ବେଟାଆହାମାନେସି; ଅଡ଼େ ଆମ୍ବାଆସି ମାହାପୁରୁତି ସାକ୍ତି ନାମଅସି, ଏଞ୍ଜାସି ମାହାପୁରୁଙ୍କ ମିଟି ଗାଟାସି କିହାମାନେସି, ଇତିହାସ ମାହାପୁରୁ ତାନି ମାରୁଏଣା ଖାକିଟି ଆମିନି ସାକ୍ତି ହାହାମାନେସି, ଏମ୍ବାଆଁ ଏଞ୍ଜାସି ନାମାହିଲଅସି । ୬ *ଏ ସାକ୍ତି ଇଦି, ମାହାପୁରୁ ମାଜେ ରାଆଗାଟି ଜୀସୁ ହାହାମାଜାନେସି, ଅଡ଼େ, ଏ ଜୀସୁ ତାନି ମାରୁଏଣା ତାଣା ମାନେ । ୭ ଆମ୍ବାଆସି ମାହାପୁରୁ ମାରୁଏଣାଙ୍କ ବେଟାଆହାମାନେସି, ଏଞ୍ଜାସି ଜୀସୁ ବେଟାଆହାମାନେସି; ଆମ୍ବାଆସି ମାହାପୁରୁ ମାରୁଏଣାଙ୍କ ବେଟାଆହାହିଲଅସି, ଏଞ୍ଜାସି ଜୀସୁ ଜିକେଏ ବେଟାଆହାହିଲଅସି ।

ରାଆଗାଟି ଜୀସୁ

୮ ମାରୁ ମାହାପୁରୁ ମାରୁଏଣା ଦରୁ ନାମାମାଜେରି, ମାରୁ ଏନିକି ପୁଞ୍ଜାମାଜେରି, ରାଆଗାଟି ଜୀସୁ ବେଟା ଆହାମାଜେରି, ଇଦାଆଁତାକି ନାନୁ ମିଜେ ଇ ବାରେ ରାଟାମାଜାଙ୍କ । ୯ ଇ ଇଞ୍ଜା ମାରୁ ମାହାପୁରୁ ଅଣପୁତି ଲେହେଁ ପ୍ରାତାନା କିନାୟି, ଆତିହାସ ଏଞ୍ଜାସି ମା ପ୍ରାତାନା ଖେଜାନେସି, ଇଞ୍ଜା ମାହାପୁରୁ ତାଣା ମା ବାର୍ସୁ ମାନେ । ୧୦ ଅଡ଼େ ମାରୁ ଏଞ୍ଜାଣି ତାଣା ଏନାଆଁ ପ୍ରାତାନା କିନାୟି, ଏଦାଆଁ ଏଞ୍ଜାସି ଖେଜାନେସି ଇଞ୍ଜା ମାରୁ ପୁଞ୍ଜାମାନାୟି, ଆତିହାସ ଏଞ୍ଜାଣି ତାଣା ମାରୁ ଏନାଆଁ ପ୍ରାତାନା କିହିମାନାୟି, ଏ ବାରେ ବେଟାଆହାମାନାୟି, ଇଦାଆଁ ଜିକେଏ ପୁଞ୍ଜାମାନାୟି ।

୧୧ ମୀ ନାମିତି ତାୟି କି ତାଜିଙ୍କି ପାପୁ କିହିମାନାଣି ମେହଦେରି ଇତିସାରେ, ଅଡ଼େ ଏ ପାପୁ ହାଞ୍ଜି କିନାୟି ଆଏ, ଏ ତାୟି ତାଜି ତାକି ମାହାପୁରୁ ତାଣା ପ୍ରାତାନା କିଦୁ, ଅଡ଼େ ମାହାପୁରୁ ଏନିକି ହାନିହଟେତି ପାପୁ କିହିହିଲଆ ଲକୁଣି ଜୀସୁ ହାନେସି, ଏଲେକିହାସ ଏ ଏଞ୍ଜାରାକି ଜିକେଏ ଜୀସୁ ହାନେସି, ହାନିହଟେତି ପାପୁ ମାନେ ଇଞ୍ଜା ଏଞ୍ଜାରି ତାକି ପ୍ରାତାନା କିହିଲି ଖେସିହିଲଅ । ୧୨ ବାରେ ଲାଗେଏତି କାମା ପାପୁ, ସାମା ବାରେ ପାପୁ ହାଞ୍ଜି କିଏ ।

୧୩ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନାସି, ଏଞ୍ଜାସି ପାପୁ କିଅସି, ଏନାଆଁତାକି ଇତିହାସ ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାଁ ଜାହାରାଇଁ ଗେଲପା କଡିନେସି, ଅଡ଼େ ପାପୁତି ଜୀସୁ ଏଞ୍ଜାଣାଙ୍କ ତୀଗେଏ, ଇଦାଆଁ ମାରୁ ପୁଞ୍ଜାମାନାୟି ।

୧୪ ମାରୁ ମାହାପୁରୁ ତାଣାଟି ଜାର୍ନା ଆହାମାନାତାୟି ଇଞ୍ଜା ବାରେ ଦାରୁତିଙ୍କି ସୟତାନ ଲକହାମାନେ, ଇଦାଆଁ ମାରୁ ପୁଞ୍ଜାମାନାୟି ।

୧୫ ମାରୁ ପୁଞ୍ଜାମାନାୟି, ମାହାପୁରୁ ମାରୁଏସି ଖାହାମାନେସି, ଇଞ୍ଜା ଏଞ୍ଜାସି ମାଜେ ସାତାତାଣାଙ୍କ ପୁଞ୍ଜାଲି ବୁଦି ହାହାମାଜାନେସି; ଅଡ଼େ ମାରୁ ଏ ସାତାଗାଟାଣି ତାଣା, ଇତିହାସ ତାନି ମାରୁଏସି ଜୀସୁ କ୍ରୀସ୍ତ ତାଣା ନୀତାମାନାୟି, ଏଞ୍ଜାସି ସାତା ମାହାପୁରୁ ଅଡ଼େ ରାଆଗାଟି ଜୀସୁ ଗାଟାସି ।

୧୬ ନା ଜୀସୁତି ମାରୁକା ମାସକାତେରି ପେଣକା ବମାୟାଁ ତାଣାଟି ମାରୁ ହେକ ଆହାନା ମାଞ୍ଜୁ ।

ଯୋହନଙ୍କ ଦ୍ୱାରିତ୍ୱ ପତ୍ର ଜହନ ରାଜାମାନି ରୀ ଲମ୍ବର ଆକୃ ମୂଲ୍ୟ ହାତୀ

ରୀ ଲମ୍ବର ଜହନ ଆକୃତି ଜୀମୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷୀ ତାମ୍ଭୁ ପାଣ୍ଡୁଓଆହାମାନି ଜହନ ତାଣ୍ଡାଟି ରାସ୍ତକି ଆହାମାନେ । ଜହନ ଜାହାରାଇଁ ଆକୃ ରାଡ଼ିତାସି ଇଞ୍ଜିଁ ଝେହ୍ଆନା କୁଲମିତି ପ୍ରାଚିନାତେର୍ଷ ଇଞ୍ଜିଁ ଝେସିମାନେସି । ଜହନ ରୀ ଲମ୍ବର ଆକୃତି ଜହନ ରାଡ଼ିତି ନେହଁଁ କାବୁତଲେ ସମାନା ମାନେ । ଇ ପତିତା ଜୀସୁ ଏନିକଁଁ ରଅସି ରଅଣାଇଁ ଜୀସୁ ନନି କାତା ଝେସାମାତେସି, ଜୀସୁତି ହୁକୁମିତି ହାରେକା ମାନି କିହିମାନେସି । ଏଲେକିହଁଁଏ ଜୀସୁତି ହୁକୁମି ମାନୁଓ ଆନାସି ଆହିମାନେ ଏଞ୍ଜାଣାଇଁ ଜୀସୁନନାସି ଜହ ୧:୫-୬; ଜହ ୧୫:୯-୧୦ ।

ଏଡିବେଲତା ଏଞ୍ଜାସି ଏପିସିୟସ୍ ଗାତାତା ମାତେସି ଏମ୍ବାଆଁ ଏଞ୍ଜାସି ଜହନ ରାଡ଼ିତି ନେହଁଁ କାବୁ ଅଡେ ଜହନ ମୂଲ୍ୟ ଆକୃ, ଜହନତି ରୀ ଲମ୍ବର, ଅଡେ ଜହନ ତାନି ଲମ୍ବର ଆକୃ ରାଜାମାତେସି ଇଞ୍ଜିଁ ଲକୁ ନାମିମାନେରି । ଜହନ ଇ ଆକୃତା ଆଚାମାନି ଇୟା ଅଡେ ତାନି ମୀର୍କା ମାସ୍କା ଇଞ୍ଜିଁ କୁଲମିତି ରାଡ଼ିମାନେସି । ଜହନ ଇ ଆକୃ ରାଡ଼ିନି କାତା ଆହିମାନେ ନାମୁତା ମାନି ଲକୁଣି ସାସା ହୀନାସି ଅଡେ ମିତି କାତା ଝେହ୍ନାରି ତାଣ୍ଡାଟି ଜାଗ୍ରାତା କିହାଲି ରାଜାମାନେସି ।

ପତିତା ମାନାସି

- ୧. ଜହନ ଆକୃ ପଡ଼ଓ ଆନାରାଇଁ ଜହରା କିନାସି । ୧:୧-୩
- ୨. କୁଲମିତି ସାସା ହୀହାନା ମାହାପୁରୁତି କାଜା ହୁକୁମିତି ଅଣ୍ଡି କିନାସି । ୧:୪-୬
- ୩. ମିତି ଜାପୁନାରି ତାଣ୍ଡାଟି ଜାଗ୍ରାତା କିନାସି । ୧:୭-୧୧
- ୪. କୁଲମିତି ନାମୁଗାଟି ଲକୁଣି ଜହରା କିହାନା ଆକୃତି ରାପୁନାସି । ୧:୧୨-୧୩

୧ ନାନୁ, କୁଲମିତି ପ୍ରାଚିନାତେର୍ଷ, ମାହାପୁରୁ ଆଚାମାନି ଇୟା ଅଡେ ତାନି ମୀର୍କା ମାସ୍କାକି ଇ ଆକୃ ରାଡ଼ିମାଇଁ, ନାନୁ ଏଞ୍ଜାଣାଇଁ ସାତା ଜୀସୁ ନହଁଁ ମାଇଁ, ଅଡେ ଝାରୁଇ ନାନୁ ଆଏ, ସାମା ସାତାତି ପୁଞ୍ଜାମାନି ବାରେଜାଣା ଜୀସୁନହଁଁ ମାଞ୍ଜାନେରି । ୨ ଆମିନି ସାତା ମା ହିୟାତା ତୁୟାମାନେ ଅଡେ କାଲ୍ଲକାଲ୍ଲତାକି ମା ତାଣ୍ଡା ତୁୟିନେ ।

୩ ଆବା ମାହାପୁରୁ ଅଡେ ତାନି ମୀର୍କଏଣା ଜୀସୁ କ୍ରୀସ୍ତ ତାଣ୍ଡାଟି କାର୍ନାମେହ୍ନାସି, ହିଡ଼ି ଜୀସୁ ହୀହାନା, ସାତା ଅଡେ ଜୀସୁ ନଓଆହାନା ତୁୟିଦେରି ।

ସାତା ଅଡେ ଜୀସୁନନାସି

୪ ନୀ ମୀର୍କା ମାସ୍କା ବିଡ୍ରାଟି ଏବରଜାଣା ଆବା ତାଣ୍ଡାଟି ମାଜେ ହୀହାମାଞ୍ଜାନି ହୁକୁମି ଲେହେଁଁ ସାତାତି ତାକିନି ତାକୁ ମେସାନା ନାନୁ ହାରେକା ରାହାଁ ଆହିମାଇଁ । ୫ ଏଏ ଜୀସୁତି ଇୟା ନାନୁ ନୀର୍ଷ ନିଜେ ର ପୁଞ୍ଜାନି ହୁକୁମି ରାଡ଼ିମାଞ୍ଜାଇଁ ଏଡି ଆଏ, ସାମା ତଲିଟିଏ ବେଟାଆହାମାନି ହୁକୁମି ରାଚାନା ବାତିମାଲିମାଞ୍ଜାଇଁ, ମୀରୁ ରଅତାସି ରଅଣାଇଁ ଜୀସୁନନାସି ମାନେ । ୬ ମୀରୁ ତାନି ହୁକୁମି ମାନୁଓ ଆହାନା ମାଞ୍ଜେ ମାନାସି, ଇଦିଏ ଜୀସୁ ନନି କାତା, ମୀରୁ ତଲିଟିଏ ଏନାଆଁ ଝେଞ୍ଜାମାଞ୍ଜେରି, ଏଲେଆହଁଁଏ ମାଞ୍ଜୁ, ଇଦି ଏ ହୁକୁମି ।

୭ ନାନୁ ଝେସିମାଇଁ, ଇତିହଁଁ ଆମିନି ଗାଟାରି ଜୀସୁ କ୍ରୀସ୍ତ ମାଣସି ଝାଣା ତଲେ ଝାହାହିଲଅସି ଇଞ୍ଜିଁ ଇନେରି, ଇଲେତି ହାରେକା ନାଡ଼ିକନାରି ଦାରତିତା ହଡ଼ା ଝାହାମାନେରି, ଇଲେତି ଲକୁ ନାଡ଼ିକନାରି ଅଡେ ନାଡ଼ିକିନି କ୍ରୀସ୍ତ । ୮ ସାମା ମୀ ତାକି ମାମୁ କୁହାମାନି କାମାତି ପାଡ଼େୟି ବାରେ ଜାକ୍ଆନା ଏନିକଁଁ ଏମ୍ବାଟି ହାରେ ପୁରେ ବର ବେଟାଆଦେରି ଏଦାଆଁତାକି ଜାଗ୍ରାତା ଆବୁ ।

୯ ଆମ୍ବାଆସି କ୍ରୀସ୍ତ ଜାପୁହା ମାନାଣି କିହାଁ ଆଗାଡ଼ା ଗାଣ୍ଡନେସି, ଏଞ୍ଜାସି ମାହାପୁରୁଇଁ ବେଟାଆହାହିଲଅସି; ଆମ୍ବାଆସି କ୍ରୀସ୍ତ ଜାପୁହା ମାନାଣି ତଲେ ତୁୟିନେସି, ଏଞ୍ଜାସି ଆବା ଅଡେ ମୀର୍କଏସି ଇ ରିଆରାଇଁ ଜିକେଏ ବେଟାଆହାମାନେସି । ୧୦ ଆମ୍ବାଆସି ଇଲେକିଁଁ ଜାପୁନାଣି ଆସାନା ମୀ ତାଣ୍ଡା ଝାଆସି, ଏଞ୍ଜାଣାଇଁ ମୀ ଇଜ ହାଟାଆଦୁ, ଇଞ୍ଜା ନେହଁଁ ମାଞ୍ଜି କି ଜିକେଏ ଇନାଆଦୁ; ୧୧ ଏନାଆଁତାକି ଇତିହଁଁ ଆମ୍ବାଆସି ଏଞ୍ଜାଣାଇଁ ନେହଁଁ ମାଞ୍ଜି କି ଇନେସି, ଏଞ୍ଜାସି ତାନି ଲାଗେଏତି କାମାତା ଆଣ୍ଡିନାସି ଆନେସି ।

୫ ୧:୫ ୧:୫ ଜହ ୧୩:୩୪; ୧୫:୧୨,୧୭

ଆକୃତି ରାଜି କାତା

^{୧୨} ନାନୁ ମିଙ୍ଗେ ହାଟ୍‌ରେକା କାତା ରାଜିନାୟି ମାନେ, ସାମା ଆକୃତା ଇଞ୍ଜା ସୀରା ତଲେ ରାତ୍‌ଲି ଅଣପି ହିଲଅ; ମୀ ତାଣା ଖାହାନା ମୁମ୍ ଫୁମସପି ଆହାନା ରୂତି ତଲେ ଜଲ୍‌କି ଆୟାଲି ଆସା କିହିମାଜ୍, ଏନିକ୍ ମା ରାହାଁ ହାଟ୍‌ରେକା ଆନେ ।

^{୧୩} ମାହାପୁରୁ ଆତାମାନି ନୀ ତାଜିନି ମୀରକା ମାସ୍‌କା ମିଙ୍ଗେ ଜହରା କିହିମାଞ୍ଜାନେରି । ଆନେନ୍ ।

ଯୋହନଙ୍କ ତୃତୀୟ ପତ୍ର ଜହନ ରାତ୍ନାମାନି ତାନି ଲମ୍ବର ଆକୁ ମୂକୁ ହାତା

ଜହନତି ତାନି ଲମ୍ବର ଆକୁ ଜାସୁ କ୍ରୀସ୍ତ ଜାନୀଆଡ଼ି ୫୦ ଟିଏ ୧୦୦ ବାର୍ଯା ତାୟୁ ପାଣ୍ଡୁଞ୍ଚାହାମାନି ଜହନ ତାଣାଟି ରାସୁକି ଆହାମାନେ । ଜହନ ଜାହାରାଇଁ ଆକୁ ରାଡ଼ିତାସି ଇଞ୍ଜିଁ ଝେହଆନା କୁଲମିତି ପ୍ରାଟିନାତେଏଁ ଇଞ୍ଜିଁ ଝେସିମାନେସି ୧:୧; ୨ଜହ ୧:୧ । ଇମ୍ବାଆଁ ପୁଞ୍ଜାଲି ଆହିମାନେ ଏଞ୍ଚାସି ଏସିସିୟ ଗାଡ଼ାତା ମାଟିବେଲ୍ଲାତା ଜହନ ରାଡ଼ିତି ନେହଁଁ କାତୁତଲେ ତାନିଗଟା ଆକୁ ଜିକେଏ ରାତ୍ନାମାନେସି ଇ ନାମ୍ନୁ ଇତିହଁଁ ଜହନତି ତଲିତି ଆକୁ, ରୀ ଲମ୍ବର ଜହନ, ଅଡ଼େ ତାନି ଲମ୍ବର ଜହନ । ଜହନ ଗାୟସ ଦରୁ ଇନି ର ନାମ୍ନୁଗାଟି ତାୟିକି ଇ ଆକୁ ରାତ୍ନାମାନେସି ।

ଏଞ୍ଚାସି ଗାୟସଇଁ ର ତଟେଏସି ଇଞ୍ଜାନା ଏ ରାଜିତା ରେଜିମାନି କ୍ରୀସ୍ତାନା ତାୟିୟାଁଇଁ ଜାସୁ ନହାଲି ହୁକୁମି ହାହିମାନେସି ।

ପତିତା ମାନାୟି

- ୧. ଜହନ ଜାହାରାଇଁ ଝେସାକତିନାୟି । ୧:୧
- ୨. ଗାୟସଇଁ ସାସା ହାହାନା ରେଜିମାନି କ୍ରୀସ୍ତାନା ତାୟିୟାଁଇଁ ଆବାନା ଜାସୁ ନହାଲି ଝେହନାୟି । ୧:୨-
- ୩. ତାୟତ୍ରେପିସ୍ ଅଡ଼େ ତିନିଟିଅସ୍ କାତା ଝେହନାୟି । ୧:୯-୧୨
- ୪. ଆକୁତି ରାପ୍ତନାୟି । ୧:୧୩-୧୪

୧ *ନାନ୍ନୁ, କୁଲମିତି ପ୍ରାଟିନା ଜହନତେଏଁ, ନାନ୍ନୁ ସାତା ତଲେ ଜାସୁ ନହଁଁମାନି ନା ଜାସୁତି ଗାୟସଇଁ ଜହରା ପାଣ୍ଡାନା ଇ ଆକୁ ରାଡ଼ିମାଇଁ ।

୨ ଏ ନା ଜାସୁତି ତଟେ ନାନ୍ନୁ ଜାସୁତା ଏନିକଁଁ ନେହଁଁ ଆହଁଁମାଞ୍ଜି ଏଲେକିହଁଁ ନାନ୍ନୁ ବାରେ ଝାକିଟି ନୀ ନେହେଁ ଆପେ ଅଡ଼େ ନୀ ଆଞ୍ଜା ଜିକେଏ ନେହଁଁ ମାଣ୍ଡେ ଇଞ୍ଜିଁଁ ନାନ୍ନୁ ପ୍ରାତ୍ନା ନାହିମାଇଁ ।
 ୩ ନାନ୍ନୁ ବାରେଦିନା ସାତା ତଲେ ତୁୟିମାଞ୍ଜି, ଏଲେକିହଁଁଏ ଏତରଜାଣା ନାମିତି ତାୟିୟାଁ ଝାହାନା, ନାନ୍ନୁ ତାରିତଲେ ସାତାତା ନୀତାମାନାଣି ସାକି ହିୟାଲିଏ ନାନ୍ନୁ ହାଡ଼େକା ରାହଁଁ ଆଡେଏଁ । *ନା ମୀରକା ମାସ୍କା ସାତା ଅଡ଼େ ସାତା ତଲେ ନୀତାମାନାଣି ଝେଞ୍ଜାନା, ଏତେକା ରାହଁଁ ଆହିମାଇଁ, ଏଦାଣିକିହଁଁ ଆଗାଡ଼ା ନାଜେ ଅଡ଼େ ଏନି ରାହଁଁ ହିଲେଏ ।

ଗାୟସ କିତି କାମାତାକି ଜହରା

୫ ଏ ନା ଜାସୁତି ତଟେ ନାନ୍ନୁ କ୍ରୀସ୍ତାନା ତାୟିୟାଁ ତାକି ଅଡ଼େ ଏଟକା ଦେସାତି କ୍ରୀସ୍ତାନା ତାୟିୟାଁ ତାକି ନାମ୍ନୁ ଅଡ଼େ ଟିକାଣା ତଲେ ସେବା କାମା କିହିମାଞ୍ଜି । ୬ ଏଞ୍ଚାରି ଇମ୍ବାଆଁ ମା କୁଲମିତା ନୀ ଜାସୁ ନତି କାତା ଝେସିମାନେରି; ନାନ୍ନୁ ଏଞ୍ଚାରାଇଁ ମାହାପୁରୁତି ରାହଁଁ ଆନିଲେହେଁ ତାନି ଜିରୁ ତାକି ଲତ୍ନାମାନାଣି ହାହାନା ସାୟେନି କିମ୍ନୁ । ୭ ଏନାଆଁତାକି ଇତିହଁଁ ଏଞ୍ଚାରି ନାମାଆଗାଟାରି ତାଣାଟି ଏନାଆଁ ରାହଁଆନା କ୍ରୀସ୍ତତି ସେବା କାମାତାକି ହଟାମାନେରି । ୮ ଏଦାଆଁତାକି ମାର୍ ଏନିକଁଁ ଏଞ୍ଚାରାଇଁ ସାୟେନି କିହାନା ସାତାତି ତସାଲି ଏଞ୍ଚାରି ସେବା କାମାତା ଆଣ୍ଡିନାୟି ମା କାମା ।

ଦିୟତ୍ରପା ଅଡ଼େ ଦିମତିୟ

୯ ନାନ୍ନୁ କୁଲମିତାକି ର ଇତାଣି ଆକୁ ରାଡ଼ିତେଏଁ, ସାମା ଦିୟତ୍ରପା କୁଲମିତି କାଜାସି ଆହାଲି ଅଣ୍ଡପାନା, ନା କାତା ଝେଞ୍ଜାହିଲଅସି । ୧୦ ନାନ୍ନୁ ଝାଡ଼ିସାରେ ଏଞ୍ଚାସି କିହାମାନି ବାରେ ଲାଗେଏତି କାମା ଝେହଇଁ, ଏଞ୍ଚାସି ଏନିକଁଁ ମା କପାଟି ଲାଗେଏତି କାତା ଝେସାନା ମାଜେ ନିଦାକିହଁଁ ମିତି କାତା ଝେସିମାନେସି, ଝାଡ଼ଇ ଏତେକେଏ ଆଏ, ସାମା କ୍ରୀସ୍ତାନା ତାୟିୟାଁ ଝାଡ଼ିହଁଁ ଅପିହିଲଅସି କି ଆମ୍ବାଆରାଇଁ ଅପାଲି ହାହି ହିଲଅସି, ଅଡ଼େ ଆମ୍ବାଆରି ଆବିନାରି ଏଞ୍ଚାରାଇଁ କୁଲମିତି ହପୁହାଲି ଅଣ୍ଡପିମାନେସି ।

୧୧ ଏ ନା ଜାସୁତି ତଟେଟି, ନାନ୍ନୁ ଲାଗେଏ ପଟେଏତାଣି ଆହ୍ଆନା, ସାମା ନେହଁଁ କାମାତି ଆହ୍ମ୍ନୁ, ଆମ୍ବାଆସି ନେହଁଁ କାମା କିନେସି ଏଞ୍ଚାସି ମାହାପୁରୁ ତାଣାଟି ଜାନୀ ଆହାମାନେସି; ଆମ୍ବାଆସି ଲାଗେଏ ପଟେଏ କାମା କିନେସି ଏଞ୍ଚାସି ମାହାପୁରୁଇଁ ପୁଞ୍ଜାହିଲଅସି ।

* ୧:୧ ୧:୧ କାମା ୧୯:୨୯; ରିନି ୧୨:୨୩; ୧କର ୧:୧୪

୧୨ ବାରେଜାଣା ଦିନିତ୍ରିୟଙ୍କ ନେହାଁସି ଇନେରି, ଏଝାସି କିହାମାନି ସାତା ନେହୁଁ କାମା ଜିକେଏ ଏଦାଆଁ ତସିମାନେ, ମାମ୍ମୁଲିକେଏ ଏଦାଆଁ ସାକି ହାହିମାନମି, ଇଞ୍ଜା ମାମ୍ମୁଝେହୁନି କାତା ସାତା ଇଞ୍ଜୁଁ ନୀନୁ ପୁଞ୍ଜାମାଞ୍ଜି ।

ଜହରା ତଲେ ଆକୁ ରାମ୍ମୁନାୟି

୧୩ ନୀନୁ ନିଞ୍ଜେ ହାରେକା କାତା ଝେସ୍ତାନାୟିମାନେ ସାମା ଏଦାଆଁ ଆକୁତା ସୀରା କାଡ଼ିତଲେ ରାଗାଲି ଅଣ୍ଡାପି ହିଲଅଁ । ୧୪ ମାରୁ ମୁମ୍ମୁ ଚୁମସ୍ପି ଆହାନା ଜଲ୍ଲକି ଆୟାଲି ଆଡ଼ିନାୟି ଇଞ୍ଜୁଁ ଆସା କିହିମାଞ୍ଜି ।

୧୫ ମିଞ୍ଜେତାକି ହିଡ଼ଡ଼ି ଆୟାପେ, ତରେସିଞ୍ଜା ମିଞ୍ଜେତାକି ଜହରା ପାଣ୍ଡିମାଞ୍ଜାନେରି, ବାରେଜାଣାତି ଦରୁ ଆସାନା ଜହରା ଝେହୁମ୍ମୁ ।

ଯିହୁଦାକ ପତ୍ର ଜାହୁଦା ରାଜାମାନି ଆକୁ ମୁକୁ ହାଡ଼ା

ରାଜାମାନି ଜାହୁଦା ଦରୁତଲେ ଇ ପତିଇଁ ଜାହୁଦା ଆକୁ ଇନେରି । ଜାହୁଦା ଜାହାରାଇଁ ଜାକୁବ ତାୟି ଇଞ୍ଜି ଖେସାମାନେସି, ଜାକୁବ ଜାସୁକି ତାୟି ମାରେସି, ଏଦାଆଁତାକି ଜାହୁଦା ଜିକେଏ ଜାସୁକି ତାୟି ଆନେସି ୧ । ଇ ଆକୁ ଆମିନି କୁଲମିତାକି ରାସୁକି ଆହାମାଚେ ଇଞ୍ଜି ମାର ନେହୁଁକ ପୁଞ୍ଜାହଲଆୟି ଅଡେ ଇମାଆଁ ହାରେକା ପୁଞ୍ଜାହଲ ମେରାତି କାତା ମାନୁ, ଜାହୁଦା ଆକୁତି ଜାହୁଦି ଲକୁ ପଡ଼଼ି ଆନାରି ମାଚେରି । ଆତିହୁଁ ଜିକେଏ, ଏଞ୍ଜାସି ମାହାପୁରୁ ଆବା “ହାଟାମାନି ଲକୁ, ଜାହୁନହାମାନି ଲକୁ, ଅଡେ ଜାସୁ କ୍ରାସୁକି ତାରି କିହାମାନି ଲକୁତି” କାତା ଖେସାମାନେସି ୧ । ଇ ଆକୁ ଜାସୁ କ୍ରାସୁ ଜାନୀଆଡ଼ି ୬୦ ବାସା ତାୟି ରାସୁକି ଆହାମାଚେ ।

ମିଚି ଜାପୁନାରି ତାଣାଟି ହେକ ମାଞ୍ଜାଲି ବାରେ ଇ ପତି ରାଜାମାଚେସି ଜାହୁଦା ୪ । ଏଞ୍ଜାସି ପୁଞ୍ଜାହଲ ମେରାତା ଗଟ଼ି ଆତି କାତା ଆବହାମାନେସି ଅଡେ ତାନି ରୁଜୁବାଡ଼ିତି ଆଟ଼ାଞ୍ଜା କିହାମାନେସି । ଇ ଆକୁତା ପିତରତି ରା ଲମ୍ବର ଆକୁତା ମାନି ନାଡ଼ି କିନାଣି ଜାପୁନାରି କାତା ଜାହୁଦା ୪; ୨ପିତ ୨:୧ ଅଡେ ଜିକେଏ ଦୁତୁୟାଁ, ସଦମ ଅଡେ ଗମରାତି କାତା ରାଜାମାନେସି ।

ପତିତା ମାନାୟି

- ୧. ଜାହୁଦା ତାନି ପତି ପଡ଼଼ି ଆନାରାଇଁ ଜହରା କିନାୟି । ୧-୨
- ୨. ଏଞ୍ଜାସି ମିଚି ଜାପୁନାରି କାତା ଖେହନାୟି । ୩-୪
- ୩. ପୁଞ୍ଜାହଲ ମେରାତି କାତା ଅଡେ ଲକୁତି କାତା ଖେହନାୟି । ୫-୧୬
- ୪. ଏଞ୍ଜାସି ଏଞ୍ଜାରାଇଁ ଏନାଆଁ କିନାୟିମାନେ ଇଞ୍ଜି ଖେହନାୟି । ୧୭-୨୩
- ୫. ମାହାପୁରୁଇଁ ଜହରା କିହାନା ଆକୁ ରାପୁନାୟି । ୨୪-୨୫

୧ ନାନୁ ଜାହୁଦାଚେସି, କ୍ରାସୁ ଜାସୁତି ହଲେଏସି ଅଡେ ଜାକୁବତି ତାୟି, ଆବା ମାହାପୁରୁ ଆବା ମାନାଚେରି ଅଡେ ତାନି ଜାସୁ ନନାଚେରି ଇଞ୍ଜା ଜାସୁ କ୍ରାସୁ ତାକି ଆଡ଼଼ି ଆହାମାନାଚେରି ମିଜେତାକି ଇ ଆକୁ ରାଜିମାଞ୍ଜାଇଁ ।

୨ ମିଜେତାକି ମାହାପୁରୁତି କାର୍ମାମେହନାୟି ଅଡେ ହିଡ଼ି ଜାସୁ ଇଞ୍ଜା ଜାହୁନନାୟି ହାରେପୁରେ ଆୟାପେ ।

ମିଚି ଜାପୁନାରି

୩ ଏ ନା ଜାହୁତି ତଟେସିଜାମା ମାର ବାରେ ଜାଣାତାୟି ଏମିନି ଗେଲପି ଆନି ତାଣା ଆଣ୍ଡାମାନାୟି, ଏ କାତା ମିଜେ ତାକି ରାଗାଲି ଅଣପିମାଚେସି । ସାମା ମାହାପୁରୁ ତାନି ଲକୁଣି କାଲ୍ଲକାଲ୍ଲତାକି ହାହାମାନି ନାମୁ ଝାକିଚି ଜୁଜୁ କିହାଲି ମିଜେ ରାହାଁ କିଞ୍ଜି କିୟାଲି ଲଡ଼ାମାନେ ଇଞ୍ଜି ଅଣପିଚେସି । ୪ ଏନାଆଁତାକି ଇତିହୁଁ ଏଚରଜାଣା ମାହାପୁରୁଇଁ ମାନୁଞ୍ଜି ଆଆଗାଚାରି ମେଣେଏ ମୀ ବିତ୍ତା ଝାହାମାନେରି, ଏଞ୍ଜାରି ମାହାପୁରୁ କାର୍ମାମେହନି କାତା ତିରିମ୍ବୁହାନା ତାମ୍ବୁ ତ୍ରାମ୍ବୁ ଅଣପିଚି ଲେହେଁ ଲାଗେଏ ପଲେଏତି କାମା କିହିମାନେରି, ଅଡେ ଜାସୁ କ୍ରାସୁ ରଅସିଏ କାଜାସି ଅଡେ ପ୍ରୁ, ଏଞ୍ଜାରି ଏଞ୍ଜାଣାଇଁ ଅପଅରି, ଏଞ୍ଜାରି ବେଟାଆନି ତଣ୍ଡୁତି କାତା ତଲି କାଲ୍ଲାଟିଏ ଦାମୁପତିତା ରାସୁକି ଆହାମାଚେ ।

୫ ପ୍ରୁ ତଲିଏ ଏଚରଜାଣା ତାନି ଲକୁଣି ମିସର ଦେସାଟି ପିସପି କିଚେସି, ସାମା ଏଞ୍ଜାରି ବିତ୍ତାଟି ନାମାଆଗାଚାରାଇଁ ନାସା କିଚେସି, ଇତିହୁଁ ବାରେ କାତା ପୁଞ୍ଜାମାଟି ଜିକେଏ ମିଜେ ଅଡେ ଖେଣେ ଅଣପି କିଞ୍ଜି କିୟାଲି ଅଣପିମାଇଁ । ୬ ଅଡେ ଏମିନି ଦୁତୁୟାଁ ମାହାପୁରୁ ହାହାମାଟି ପାଣା ପିସାନା ତାନି ବାସାଆନି ଚାୟୁ ପିସୁ ମାହାପୁରୁ ଏ ଦୁତୁୟାଁଇଁ ନାହାଁୟି କିନି ଦିନା ପାଚେକା ଆଦେରି ଚାୟୁତା କାଲ୍ଲକାଲ୍ଲା ତାକି ହିକିଣିୟାଁ ତଲେ ଦସା ଇଟାମାନେସି । ୭ ଏଲେକିହୁଁଏ ସଦମ ଅଡେ ଗମରା ଅଡେ ତାନି ସାରିସୁଟୁ ମାଟି ଗାଡ଼ାୟାଁତାରି, ଦାରିକାମା ଅଡେ ତାନି ବିତ୍ତା ଲାଗେଏ ଅଡେ ଅପାଆଗାଟି ଲାଜା ଆନି କାମା କିଚେରି, ଏଦାଆଁତାକି କାଲ୍ଲକାଲ୍ଲା ତାକି ଡ଼ାଞ୍ଜାମାନି ହିଚୁତା ସାସି ବେଟାଆଡ଼େରି, ମା ବାରେଜାଣା ତାକି ଜାଗ୍ରାତା କିଞ୍ଜିକିନି କାତା ଲେହେଁତାୟି ଇଞ୍ଜି ମାରୁ ଅଣପାଦୁ ।

ଠିକ୍‌ରେ କିଛି ହେଉଥିବା ଦେଖିବାକୁ ମିଳିବ, ଅପାଆଗାତ କାମା ତଳେ ତାମି ଆଜ୍ଞାତ ଲାଗେବ କିହିମାନେରି, ଅତେ ମାହାପୁରୁତି ଅଦିକାରତି ଅପାଆନା ଲାକପୁରୁତି ଦୁତୁୟାଈ ନିନ୍ଦା କିହିମାନେରି ।
 ୯୫ ଯାମା ବାରେକିହାଁ କାଜା ଦୁତୁ ମିକାୟେଲ ମସାତି ମାତୁହା ତାକି ସୟତାନ ତଳେ ବାଦିବାଦା ଆଡାତି ନିନ୍ଦା କିହାନା ଏଦାନି ବିଚାରା କିହାଲି ସାସା କିଆନା, ଖାରଇ ଏଚେକା ଏଲେଇଚେ, “ପୁରୁ ନିଜେ ଦାକା ହିୟାପେସି ।”
 ୯୬ ଯାମା ଈ ଲକୁ ତାମ୍ ପୁନାଆଗାଟାଣି ବାରେ ନିନ୍ଦା କିନେରି, ଇଞ୍ଜା ବୁଦି ହିଲାଆଗାଟି ଜନ୍ତୁ ଲେହେଁ ତାମ୍‌ସୁ ତାମି ଆଜ୍ଞାତି ଅଣ୍ଡପୁ ତଳେ ପୁଞ୍ଜାମାନି ତାଣାଟି ନାସା ଆନେରି ।
 ୯୭ ଆୟଡା, ଏଞ୍ଜାରି ତଣ୍ଡ ବେଟାଆନାରି, ଇତିହାସ ଏଞ୍ଜାରି କୟିନ ଜିରୁତା ହାଜାମାନେରି, ତାତୁୟାଁ ଜୁପକାତାକି ଏଞ୍ଜାରି ବିଲିୟମ ଦହ କିତିଲେହେଁ ଦହ କିହିମାନେରି, ଏଞ୍ଜାରି କରହ ଲେହେଁ ହଆଗାଟି ଗଡୁହା କିହାନା ଏଞ୍ଜାରିଲେହେଁ ନାସା ଆନେରି ।
 ୯୮ ଏଞ୍ଜାରି ଲାଜା ଆଆନା ମୀ ତଳେ ତିଞ୍ଜା ଉଣ୍ଡାନା ମୀ ରାହାଁତି ବକ୍ତିତା ଆଣ୍ଡାନା ମାହୁଁତି ଗାରି ଲେହେଁତାରି, ଏଞ୍ଜାରି ଖାରଇ ଜାହାରା ତାକି ଅଣ୍ଡପିନେରି, ଏଞ୍ଜାରି ଗାଲି ଖେନି ପିୟୁ ରାଆଗାଟି ଦୁହା ଲେହେଁତାରି, ଏଞ୍ଜାରି ତାକି ମେଗାନା ପେନିବେଲ୍ଲା ପାଡେଡି ଆୟାଆଗାଟି ଖାୟିତି ମାରୁକୁ ଲେହେଁତାରି ।
 ୯୯ ଏଞ୍ଜାରି ସାମ୍‌ଦୁରି ଖାତିସାରି ହନି ମାଟିଗାଟି ପମ୍‌ଲି ଲେହେଁ ଏଞ୍ଜାରି ଲାଜାଗାଟି କାମାୟାଁ ତଞ୍ଜାଆନେ, ଏଞ୍ଜାରି ତାମି ଗାୟୁ ପିସାନା ଇତାଲା ଆତାଲା ରେନି ହୁକାୟାଁ ଲେହେଁତାରି, ଏଞ୍ଜାରିକି ମାହାପୁରୁ କାଲେଏତାକି ଆୟେରିଗାଟି ଗାୟୁ ତିୟାରା କିହାଁ ଇଟାମାନେସି ।

୧୦୦ ଆଦମ ଟିଏ ସାତା ଲକ୍ଷମ ମାଣସି ହନକ, ଜିକେଏ ତାୟୁ ଆନି କାତା ଏଞ୍ଜାରି ତାକି ଖେକ୍‌ହା ମାଚେସି, “ମେହ୍‌ମୁ ପୁରୁ ତାନି ମାଣା ମାଣା ସୁତୁଗାଟି ଦୁତୁୟାଁ ତଳେ ଖାନେସି ।”
 ୧୦୧ ମେହ୍‌ମୁ ପୁରୁ ନାହାଁୟି କିୟାଲି ଖାନେସି, ଏଞ୍ଜାସି ଦାମ୍ ହିଲାଆଗାଟାଣି ତାମି ପଲ୍‌ଆ କାମାତାକି ଅତେ ଏଞ୍ଜାରି ମାହାପୁରୁଈ ମାନୁଞ୍ଜି ଆଆନା ଏଞ୍ଜାଣି କପାଟି ଖେସ୍ତି ଅପାଆଗାଟି କାତାତାକି ଏଞ୍ଜାରିଈ ଦହଗାଟାରି କିହାନା ତଣ୍ଡ ହାନେସି ।

୧୦୨ ଈ ଲକୁ ବାରେବେଲ୍ଲା ତାମ୍ ତାମ୍‌ସୁ ଏଚେକା ବେଟାଆଡି ଜିକେଏ ରାହାଁ ଆଅରି । ଏଞ୍ଜାରି ଖାରଇ ତାମି ଲାଗେଏ ପଲେଏତି ଅଣ୍ଡପୁ ତଳେ ସାଲ୍‌ଞ୍ଜି ଆନେରି; ଏଞ୍ଜାରି ବଡପଣ ତସାନା କାଜା କାତା ଖେହ୍‌ନେରି, ଅତେ ଲାବା ବେଟାଆହାଲି ଜୁପକା ତସାନା ଲକୁ ନକିତା ଅକ୍ତି କାତା ଖେହ୍‌ନେରି ।

ଜାଗ୍ରତା ଅତେ ଜାପୁନି କାତା

୧୦୩ ଯାମା ଏ ନା ଜାପୁତି ତଣ୍ଡସିଜା ମା ପୁରୁ ଜୀସୁ କ୍ରୀସ୍ତି ପାଣ୍ଡି ଆହାମାନାରି ତଲିଟିଏ ଏମିନି ବାରେ କାତା ଖେସାମାନାଣି ବାରେ ଅଣ୍ଡପାଦୁ ।
 ୧୦୪ ଏଞ୍ଜାରି ଏନିକ୍ ମିଜେ ଖେସାମାଞ୍ଜାତେରି ରାନ୍ତି ବେଲ୍ଲା ମାହାପୁରୁଈ ମାନୁଞ୍ଜି ଆହାନା ତାମି ଅଣ୍ଡପୁ ତଳେ ମାଞ୍ଜାନା ନିନ୍ଦା କାତା ଖେହ୍‌ନାରି ହନେରି ଇଞ୍ଜା ଲାଜା କିହାନା ଏଲେଇଞ୍ଜାନେରି ।
 ୧୦୫ ଏଞ୍ଜାରି ଗଡୁହା କିଞ୍ଜି କିହାଁ ଜାତୁ ତିକ୍‌ନେରି, ଅତେ ଆଜ୍ଞାତି ଅଣ୍ଡପୁତି ସାଲ୍‌ଞ୍ଜି ଆହାନା, ମାହାପୁରୁତି ନେହଁ ଜାପୁ ବେଟାଆଆତାରି ।
 ୧୦୬ ଯାମା ଏ ତଣ୍ଡସିଜା ମାରୁ ମୀ ତାରିଗାଟି ନାମୁଗାଟି ଦାମ୍‌ତି ଇଲ୍ଲ ପାତିକିହାଁ କତାଦୁ, ଅତେ ସୁଦୁଜୀପୁ ତଳେ ପ୍ରାତାନା କିଦୁ ।
 ୧୦୭ ମା ପୁରୁ ଜୀସୁ କ୍ରୀସ୍ତି କାର୍ମାଟି କାଲ୍‌କାଲ୍‌କାଟି ଜୀପୁ ହିୟାନେସି, ମାରୁ ଏଦାଆଁ ବେଟାଆହାଲି କାତାନା ମାହାପୁରୁ ଜୀପୁନହଁ ମାଞ୍ଜାନି ତାଣା ମାଞ୍ଜେମାଞ୍ଜୁ ।

୧୦୮ ଆନାମାନା ଆନି ଲକୁଣି କାର୍ମାମେସାନା ନାମୁତା ପାତିକିଦୁ ।
 ୧୦୯ ଏଟକା ତାରାଇଁ ହିରୁଟି ଡେଞ୍ଜିତି ଲେହେଁ ଗେଲ୍‌ପାଦୁ, ଆଜ୍ଞାତି ପାପୁ କାମାତା ମାହାମାନି ହିମ୍‌ରିକା ଅପାଆଦୁ, ଏଚର ଲକୁଣି କାର୍ମା ମେସ୍‌ମି ଜିକେଏ ଏଞ୍ଜାରିଈ ଆଜିନାୟି ମାନେ ।

ଜହରାତି ପାତୁ

୧୧୦ ଆମ୍‌ଆସି ମିଜେ ପୁଟିକିନି ତାଣାଟି ଗେଲ୍‌ପାଲି ଆଡାନେସି, ଅତେ ତାନି ଗାଞ୍ଜୁରମିତି ହାରେକା ରାହାଁତଲେ ନକିତା ତାଟାଲି, ମାଜେ ଦହ ହିଲାଆଗାଟି ଲକୁ ଲେହେଁ କିହାଲି ଆଡାନେସି ।
 ୧୧୧ ଏ ମା ପୁରୁ ଜୀସୁ କ୍ରୀସ୍ତି ତାକି ମା ଗେଲ୍‌ପାଲି ମାହାପୁରୁ ରଅସିଏ, ଗାଞ୍ଜୁରମି, କାଜାପାଣା, ବାଡୁୟୁ ଅତେ ସାଲ୍‌ଞ୍ଜି କିନାୟି କାଲେଏତାୟି, ନୀଏଁ, ଅତେ ଜୁଗୁ ଜୁଗୁତାକି ଏଞ୍ଜାଣିଖାୟି । ଆମେନ ।

୧୧୧ ୧:୯ ଡେ ବଲ୍ଲ ୧୨:୭

ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନଇଁ ତସାହାଁ ଝେକ୍‌ହି ବଲୁ ମୂଲୁ ହାଡ଼ା

ଝେକ୍‌ହି ବଲୁ ପୁଃନି ମେରାତି ରାଡ଼ି ପତି । ଇଦି ଜିକେଏ ଜହନ ତାଣାଟି ଜୀସୁ କ୍ରୀସୁ ଜାର୍ନାଆଡ଼ି ୯୫ ବାର୍ଯା ତାୟୁ ରାୟୁକି ଆହାମାଟେ ୧:୧ । ଏଝାସି ଜହନତି ନେହଁ କାବୁତଲେ ତାନିଗଟା ଆକୁ ପତିୟାଁ ରାଡ଼ାମାଟେସି ଏଝି ୧ଜହ, ୨ଜହ ଅଡ଼େ ୩ଜହ । ଜହନ ଆମିନି ଗାଟାଣାଇଁ ଜୀସୁ ହାଟେରକା ଜୀସୁ ନହଁ ମାଟେସି । ଜହନ ଏୟୁ ମାଦିମାନି ବୁମିତି ପାଡ଼ମସୁ ଟାୟୁତା ମାନି ବେଲାତା ଇ ଝେକ୍‌ହି ବଲୁ ରାଡ଼ାମାଟେସି, ଇତିହଁ ଜୀସୁ କ୍ରୀସୁତି ନେହଁ କାବୁତାକି ଏଝାଣାଇଁ ଏମ୍ବାଆଁ ଅଝିଆହାମାଟେ ଜହ ୧୩:୨୩ ।

ଜୀସୁ ଝେଣ୍ଡା ଖାନ୍ଦି ଦିନା ତାଗେ ଖାନ୍ଦି ମାନାକି ଜୀସୁ କ୍ରୀସୁ ତାଣା ନାମୁତଲେ ମାଞ୍ଜାଲି ପଡ଼ଝି ଆନାରାକି ସାସା ଅଡ଼େ ଆସା ହାହାଲିତାକି ଇ ଝେକ୍‌ହି ବଲୁ ରାଡ଼ିତେସି ୧:୩; ୨୨:୭ । ଏଝାସି ବାରେ ନାମିତି ଲକୁ ଅଡ଼େ ବାରେକିହାଁ ସାଡ଼ାଗଟା କୁଲମିତାକି ରାଡ଼ିମାନେସି ୨-୩ । ଜହନ ତାନି ରାଡ଼ିନି ତାଣା ମାହାପୁରୁ ଅଣ୍ଡପୁତି ବଲୁ୧:୩ ଅଡ଼େ ତାନି ମେସାମାନି ହାଟେରକା ସିନାୟାଁତି କାତା ରାଡ଼ିମାନେସି । ଇ ପତିତି ଏଟେକା ତାଣା ପୁଃଈ ପତି ତଲେ ସମାନା ମାନାଣି, ଜିକ ୬:୧-୮ ମେସାଲି ଆଡ଼ିନାୟି । ସାଡ଼ାଗଟା ତାଡ଼ି ଅଡ଼େ ସାଡ଼ାଗଟା ଗିନାୟାଁ ଏମିନି ଗାଟାଲ ମାହାପୁରୁ ମିସରତି ଲକୁଣି ତଣ୍ଡ ହାହାଲିତାକି କସୁୟାଁ ପାଣ୍ଡାନେସି ହାନାୟି ୭-୯ ।

ଝେକ୍‌ହି ବଲୁ ରାନ୍ଦି ବେଲାତି କାତା ଝେସିମାନେ, ଜୀସୁ ତାୟୁ ଜୀଣା ଆନେସି ଅଡ଼େ ଆମିନି ଗାଟାରି ଏଝାଣି ତାଣା ବାର୍ଯୁ ଇତିନେରି ଏଝାରି ବାରେବେଲା ଏଝାଣିତଲେ ଦୁୟିନେରି । ଇ ପତି ନିଜେ ଜାଗ୍ରାତା କିୟାପେ ଅଡ଼େ ଆସା ହିୟାପେ, ଇତିହଁ ଜୀସୁ ତବେ ଝେଣ୍ଡା ଖାନ୍ଦିମାନେସି ।

ପତିତା ମାନାୟି

- ୧. ଜହନ ତାଜେ ପୁଣ୍ଡମିକିନାୟି ଅଡ଼େ ତାୟୁତି କାତା ମେହନାୟି । ୧:୧-୨୦
- ୨. ସାଡ଼ାଗଟା କୁଲମିତାକି ଜୀସୁ କ୍ରୀସୁ ତାଣାଟି ଜହନତି କାବୁ । ୨:୧-୩:୨୨
- ୩. ସାଡ଼ାଗଟା ବୁଟୁ ମୁଦ୍ରା ଅଡ଼େ ସାଡ଼ାଗଟା ତାଡ଼ି । ୪:୧-୧୧:୧୯
- ୪. ମୀରକା ଅଡ଼େ ସାଡ଼ାଗଟା ତାର୍କାଗାଟି ରାବୁ ତଲେ ଜୁଜୁ । ୧୨:୧-୧୪:୨୦
- ୫. ସାଡ଼ାଗଟା କପାଗାଟି ଗିନାୟାଁ । ୧୫:୧-୧୬:୧୮
- ୬. ମାହାପୁରୁ ଲାକପୁରୁ ତାନି ସାଡ଼ୁଇଁ ଜୀଣା ଆନାୟି । ୧୭:୧-୨୦:୧୫
- ୭. ପୁଃନି ଲାକପୁରୁ ଅଡ଼େ ପୁଃନି ଦାରୁତି । ୨୧:୧-୨୨:୨୧

୧ ଜୀସୁ କ୍ରୀସୁତି ଝେକ୍‌ହି ବଲୁ; ଝେଡ଼ା ଆଆନା ଏନାୟି ଗଟଝି ଆନେ ଏଦାଆଁ ବାରେ ଏଝାସି ଏନିକଁ ତାନି ହଲିୟାଙ୍ଗାଣି ଝେହ୍‌ନେସି, ଏଦାଆଁତାକି ମାହାପୁରୁ ଇଦାଆଁ ଜୀସୁ ନକିତା ହେରୁପିତେସି, ଅଡ଼େ ଏଝାସି ତାନି ଦୁଟୁଇଁ ପାଣ୍ଡାନା ତାନି ହଲିୟା ଜହନଇଁ ଏଦାଆଁ ଝେସେସି । ୨ ଏ ଜହନ ମାହାପୁରୁତି ବଲୁ ଅଡ଼େ ଜୀସୁ କ୍ରୀସୁତି ସାକି କାତା ଇତିହଁ ଏଝାସି ଏଦାଆଁ ମେସେସି ଏ ବାରେ କାତାତି ସାକି ହାହିମାନେସି । ୩ ଆମ୍ବାଆସି ଇ ପତି ପଡ଼ଝି ଆନେସି ଇଞ୍ଜା ମାହାପୁରୁତି ବଲୁ ଝେଞ୍ଜାନା, ଇ ପତିତା ରାୟୁକି ଆହାମାନାଣି ବାରେ ମାନଝି ଆନାରି ନେହାଁରି, ଏଦାଆଁତାକି ଇତିହଁ ଇ ବାରେ ଗଟଝି ଆନ୍ଦି କାଲମି ତାଗେ ଖାଟେୟିଏ ।

ସାଡ଼ାଗଟା କୁଲମିକି ଜହରା କିନାୟି

୪ *ନାନୁ ଜହନତେସଁ, ଆସିୟାତା ମାନି ସାଡ଼ାଗଟା କୁଲମିକାଣି ଜହରା ଝେସାନା ରାଡ଼ିମାଞ୍ଜାଇଁ, ମାହାପୁରୁତି କାର୍ମାମେହନାୟି ଅଡ଼େ ହିଡ଼ି ଜୀସୁ ମିଜେ ଆୟାପେ, ନାସଁ ଆମ୍ବାଆସି ମାନେସି ତଲି ମାଟାସି ଅଡ଼େ ଜିକେଏ ତାୟୁ ଦିନା ଖାନେସି, ଅଡ଼େ ତାନି ରାକିତି ସିଂଗାସାଣି ନକିତା ନିଗାମାନି ସାଡ଼ାଗଟା ଜୀସୁୟାଁ ତାଣାଟି, *ଜୀସୁ କ୍ରୀସୁ ନାମୁତି ସାଡ଼ା ସାକି ହାନାସି, ହାଡ଼ାରି ବିତ୍ରାତି ତଲିଏ ନିଜିତାସି, ଜାର୍ନା ଆଡ଼ାସି, ଅଡ଼େ ଦାରୁତିତି ରାଜାୟାଣି ସାଲୁଝି କିନାସି । ଏଝାସି ମାଜେ ଜୀସୁ ନହାଁମାଞ୍ଜାନେସି, ଅଡ଼େ ତାନି ନେତେରିତି

* ୧:୪ ୧:୪ ଝେ ବଲୁ ୪:୫

ମାଙ୍ଗେ ପାପୁଡ଼ି ଗେଲୁପାତେସି । ୬* ଅଡ଼େ ମାଙ୍ଗେ ର ରାଜାତି କୁଲ୍ଲୁଲେହେଁ କିହାନା ଆବା ମାହାପୁରୁ ନକିତା ପୁଜେରା ଲେହେଁ ଆବାମାଞ୍ଜାନେସି, ତାନି ଗାଞ୍ଜୁରମି କାଜାପାଣା କାଲାକାଲା ତାକି ଆଠେ । ଆଠେମନ ।

୭* ମେହଦୁ ଏଝାସି ଦୁନ୍ଦା ତଲେ ଝାହିମାନେସି, ଏଚେଟିଏ ବାରେ କାଣକା ଏଝାଣାଇଁ ମେହନୁ, ଅଡ଼େ ଏଝାଣାଇଁ ଗୁକ୍ତା ମାଗାରି ଜିକେଏ ମେହନେରି, ଦାରୁତିତାରି ବାରେ କୁଡ଼ା ଏଝାସି ଝାହିମାନାକି ଡ଼ାନେରି ଏଡ଼ି ସାତା ଆନେ । ଆଠେମନ ।

୮ ବାରେ ବାଡ଼ୁଲୁ ଗାଟି ପ୍ରବୁ ମାହାପୁରୁ ଝେସିମାନେସି, ନାନୁ ମାଟୁନାତେଏଁ ଅଡ଼େ ରାପୁନାତେଏଁ, ଆମ୍ବାଆସି ନାଏଁ ମାନେସି ତଲିଏ ମାଚେସି ଅଡ଼େ ତାୟୁ ଦିନା ଝାନାସି ନାନୁ ଏଝାତେଏଁ ।

କ୍ରୀସ୍ତାଇଁ ମେହନାସି

୯ ନାନୁ ଜହନତେଏଁ, ମୀ ତାୟିତେଏଁ, ଜୀସୁତି ସୀସୁ ଆହୁଁ ତାନି ରାକି ଲକୁତାକି ଝାହିମାନି କସ୍ତ ଅରହାଲି ନାନୁ ମୀ ତଲେତି ର ମାଣସିତେଏଁ । ଜୀସୁ ତସାମାନି ସାତା ଇଞ୍ଜା ମାହାପୁରୁତି ବଲ୍ଲୁ ଝେସିମାଗାକି ନାଙ୍ଗେ ପାଡ଼ମସ୍ତ ସାମଦୁରି ମାଦି ମାନି ଚାୟୁତା ପାଣ୍ଡାମାଞ୍ଜାତେରି । ୧୦ ପ୍ରବୁଡ଼ି ଦିନାତା ସୁଦୁଜୀସୁ ନା ଲାକ ରେଚାଝାଡ଼େ, ଅଡ଼େ ନାନୁ ତାୟୁ ଝାକିଟି ତାଡ଼ି ମହୁରି ଲେହେଁତି କାଜା ଗିୟାତଲେ ଏଲେ ଇଞ୍ଜିମାଟି ର ହାଡ଼ା ଝେଚେଏଁ । ୧୧ ନାନୁ ମେସିମାନାଣି ରାଟାମୁ ଅଡ଼େ ଈ ପତିତି ଈ ସାଡ଼ାଗାଟା କ୍ରୀସ୍ତାନା କୁଲମି ଇତିହ ଏପିସି, ସ୍ପର୍ନା, ପର୍ଗମ, ତୁୟାତିରା, ସାଦ, ପିଲାଦେଲ୍ପିୟା ଅଡ଼େ ଲାସୁଦିକିୟାତି କୁଲମିତା ପାଣ୍ଡାମୁ ।

୧୨ ଆମ୍ବାଆସି ନା ତଲେ କାତା ଆହିମାନେସି, ଇଦାଆଁ ମେସାଲି ଝେଣ୍ଡେ ସିନିକିତେଏଁ, ଇଞ୍ଜା ସାଡ଼ାଗଟା ବାଂଗାରା ଦୀଝିୟା, ୧୩ ଇଞ୍ଜା ଏ ଦୀଝିୟା ମାଦିଏ ମାଣସି ମାଟୁଏଣା ଲେହେଁ ର ମାଣସି; ଏଝାଣି ପାଞ୍ଚଆନାୟାଁ ପାତେକା ହିମ୍ବୁରି ପୁକ୍ତା ମାଚେ ଅଡ଼େ ବକତା ବାଂଗାରା ପାଟାତି ଡ଼ରି ରୁପାମାଚେ; ୧୪ ଏଝାଣି ତାୟୁ ବାଣାୟାଁ ଅପହି ଲୁଲୁ ଅଡ଼େ ପେଣ୍ଡି ମାଟୁ ଲେହେଁ ଦବଲା, ଅଡ଼େ ଏଝାଣି କାଣକା ହିଚୁ ଲେହେଁ ଡ଼ାଞ୍ଜି ମାଟୁ । ୧୫ ତାନି ପାଞ୍ଚଆନାୟାଁ ହଲୁଡ଼ା ହୁଡ଼ିତି ପିତାଡ଼ା ମୁସିମାନି ଲେହେଁ ମିଣସି ମାଟୁ, ଅଡ଼େ ତାନି ଗିୟାଁ ଲଦ ଲଦ ଇଞ୍ଜା ରିହିମାନି ଏୟୁତି ହାଡ଼ା ଲେହେଁତାୟି । ୧୬ ତାନି ଚିଠିନି କେୟୁତା ସାଡ଼ାଗଟା ହୁକାୟାଁ ମାଟୁ, ତାନି ଗୁଡ଼ିତି ରିକଝାକି ଦାରାଗାଟି କାଣ୍ଡା ହଡ଼େ, ତାନି ମୁମ୍ ମାଦେନା ବେଲା ଡ଼ାଞ୍ଜିମାନି କାରା ଲେହେଁ ଉଜେଡ଼ି ଗାଟାୟି । ୧୭ ନାନୁ ଏଝାଣାଇଁ ମେସପିନିଏ ହାଡ଼ିଲେହେଁ ତାନି କଡ଼ାୟାଁ ଡ଼ଇ ରାତେଏଁ, ଏମାଟିଏ ଏଝାସି ନା ଲାକ ତାନି ଚିଠିନି କେୟୁ ଇଟାନା ଇଲେ ଇଞ୍ଜାତେସି, ଆଜାଆନି ନାନୁ ମାଟୁନାତେଏଁ ଅଡ଼େ ରାପୁନାତେଏଁ, ୧୮ ଆଜାଆଦୁ ନାନୁ ନୀତା ମାନାତେଏଁ ହାଡ଼ାତେଏଁ, ନାନୁ କାଲା କାଲେକତାକି ନୀତାମାଇଁ, ହାଡ଼ାୟି ଅଡ଼େ ହାଡ଼ାରି ରାକିତି କୁଡ଼ିକାଡ଼ି ନା କେୟୁତା ମାନେ । ୧୯ ଇତିହ ନାନୁ ଏନାଆଁ ମେସାମାଞ୍ଜି, ଅଡ଼େ ଏନାୟି ନାଏଁ ଆହିମାନେ ଇଞ୍ଜା ଇଦାଣି ଜେଡ଼ ଏନାୟି ଆନେ ଈ ବାରେ ରାଟା ଇଟାମୁ । ୨୦ ନା ଚିଠିନି କେୟୁତା ମେସାମାନି ସାଡ଼ାଗଟା ହୁକାୟାଁ ଅଡ଼େ ସାଡ଼ାଗଟା ବାଂଗାରା ଦୀଝି ସଡ଼ାୟାଁତି ଡ଼ୁଗାମାନି କାତା ଇଦି, ସାଡ଼ାଗଟା ହୁକାୟାଁ ସାଡ଼ାଗଟା କୁଲମିତି ଦୁଡ଼ୁୟାଁ, ଅଡ଼େ ସାଡ଼ାଗଟା ବାଂଗାରା ଦୀଝି ସଡ଼ାୟାଁ ସାଡ଼ାଗଟା କୁଲମିକା ।

9

ଏପିସି କୁଲମିତାକି କାବୁ

୧ ଏପିସି କୁଲମିତି ଦୁଡ଼ୁ ତାଣା ରାଟାମୁ, ଆମ୍ବାଆସି ଚିଠିନି କେୟୁତା ସାଡ଼ାଗଟା ହୁକାୟାଁ ଆସାମାନେସି ଅଡ଼େ ସାଡ଼ାଗଟା ବାଂଗାରା ଦୀଝି ସଡ଼ାୟାଁ ମାଦି ରେଜିମାନେସି, ୨ ଏଝାସି ଏଲେଇଞ୍ଜି ମାନେସି, ନାନୁ କିହାନାନି କାମା ନାନୁ ପୁଞ୍ଜାମାଇଁ, ନାନୁ ଏନିକ୍ତାଁ ଝାହୁଡ଼ଲେ କାମା କିହିମାଞ୍ଜି, ଅଡ଼େ ଏଚେକା ଅରୁହିମାଞ୍ଜି ଏଦାଆଁ ପୁଞ୍ଜାମାଇଁ, ନାନୁ ଲାଗେଏ ପଲେଏ କାମା କିନାରାଇଁ ଅପିହିଲଅତି, ଅଡ଼େ ପାଣ୍ଡୁଝି ଆଆନା ମାମୁ ପାଣ୍ଡୁଝି ଆହାମାନମି ଇଞ୍ଜା ଝେସା କତିନେରି, ନାନୁ ତାୟିପାରି କିହାଁ ଏଝାରି ମିତି କାତା ଝେହନାରି ଇଞ୍ଜା ପୁଞ୍ଜିମାଞ୍ଜି । ୩ ନା ଦରୁ ତାକି ଦୁକୁ କସ୍ତ ଅରୁହିମାଞ୍ଜି ଇଞ୍ଜା ଝାହାହିଲଅତି ଇଦାଆଁ ଜିକେଏ ନାନୁ ପୁଞ୍ଜାମାଇଁ । ୪ ଆତିହ ଜିକେଏ ନା କପାଟି ନା ଇ କାତା ମାନେ, ତଲି ଜୀଝୁନହୁଁ ମାଞ୍ଜାତିଲେହେଁ ନାଏଁ ଜୀଝୁନହୁଁ ମାଞ୍ଜଅତି । ୫ ଅଡ଼େ ନାନୁ ଏନିକ୍ତାଁ ଡ଼ଇ ତରୁଗା ମାଞ୍ଜି ଏଦାଆଁ ଅଣପାନା ନା ପାପୁ ପିସାହାଁ ମନ ଝେଟ୍ଟୁ ଅଡ଼େ ତଲିତିଲେହେଁ ସାତା କାମା କିମ୍, ଆଆତ ଏଚେତା ନାନୁ ହିୟାଁ ଝେଟ୍ଟଅତି, ନାନୁ ନୀ ତାଣା ତବେ

* ୧:୬ ୧:୬ ଝେକହି ବଲ୍ଲୁ ୫:୧୦ * ୧:୭ ୧:୭ ମାଟି ୨୪:୩୦; ମାର୍କି ୧୩:୨୬; ଲୁକ ୨୧:୨୭; ୧ତେସ ୪:୧୭; ଜହ ୧୯:୩୪,୩୭; ମାଟି ୨୪:୩୦ * ୧:୧୭ ୧:୧୭ ଝେକହି ବଲ୍ଲୁ ୨:୮; ୨୨:୧୩

ଝାହାନା ନୀ ଦୀର୍ଘ ନୀ ତାଣାଟି ଏବଂକା ଗୁଚିକିୟାଈ । ୬ ଆଡ଼ିଜିକେଏ ନୀ ତାଣା ର ନେହଁ ଗୁଣୁ ମାନେ ନାନୁ ଏନିକି ନିକଲାଇତାରି ବାରେ କାମା ଅପିହିଲଅଁ ଏଲେକି ନୀନୁଝା ଅପିହିଲଅତି ।”

୭* କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରି କୀର୍କା ମାନୁ ଏଦାଆଁ ଝେଣମାସି । ଆମ୍ବାଆସି ଜାଣା ଆନେସି, ଏଝାଣାଇଁ ନାନୁ ମାହାପୁରୁ ରାଜିତା ମାନି ଜୀଝୁଗାଟି ମାରୁନୁତି ପାଟୁତୟି ତିଝାଲି ହାଈ ।”

ସ୍ପୁର୍ନା କୁଲମିତାକି କାତୁ

୮* ସ୍ପୁର୍ନା କୁଲମିତି ଦୁତୁ ତାଣା ରାଚାମ୍ବୁ, ଆମ୍ବାଆସି ତଲିତାସି ଅଡେ ତାୟୁତାସି, ଆମ୍ବାଆସି ହାହାମାତେସି ଅଡେ ଝେଣେ ନୀତିତେସି, ଏଝାସି ଏଲେଇଞ୍ଜି ମାନେସି । ୯ ନାନୁ ନୀ ବାରେ କସୁ ଅଡେ ହାକି କାକୁଲି ପୁଞ୍ଜାମାଇଁ, ସାମା ନୀନୁ ବାଡକୁ ଗାଟାତି ଅଡେ ଆମ୍ବାଆରି ଜାହୁଦି ଲକୁ ଆଆନା ମାମ୍ବୁ ଜୀହୁଦି ଲକୁତମି ଇଞ୍ଜି ଇନେରି, ଏଝାରି ସୟତାନ ଗତିତାରି ଏଝାରି ନିନ୍ଦା ଜିକେଏ ନାନୁ ପୁଞ୍ଜାମାଇଁ । ୧୦ ମୀରୁ ଏନିନି ଦୁକୁ ବେଟାଆହାଲି ହାଜି ମାଞ୍ଜେରି, ଏ ବାରେ ଆଜାଆଦୁ; ମେହଦୁ ମିଙ୍ଗେ ତାୟିପାରି କିହାଲି ସୟତାନ ମୀ ବିତ୍ତାଟି ଆମ୍ବା ଆମ୍ବାଆରାଇଁ କାୟିଦିତା ଇତିନେ, ଅଡେ ମୀରୁ ଦସ ଦିନା କସୁ ବେଟାଆଡେରି । ମୀରୁ ହାନି ପାତେକା ନାମୁତଲେ ମାଞ୍ଜୁ, ଆତିହଁ ନାନୁ ମିଙ୍ଗେ ଜୀଝୁତି ଟପେରି ହିୟାଇଁ ।”

୧୧* କୁଲମିତି ସୁଦୁଜୀଝୁ ଏନାଆଁ ଝେସିମାନେ, ଝେଞ୍ଜାଲି କୀର୍କା ମାଟିସାରେ ଝେଣମାସି, ଆମ୍ବାଆସି ଜାଣା ଆନେସି ଏଝାଣାଇଁ ଅର ଦେବାତି ହାକି ତଲେ ନସୁ କିହାଲି ଆଡେଏ ।”

ପର୍ଗମ କୁଲମିତାକି କାତୁ

୧୨ “ପର୍ଗମ କୁଲମିତି ଦୁତୁ ତାଣା ରାଚାମ୍ବୁ, ଆମିନି ଗାଟାଣି ତାଣା ରିକଝାକି ଦାରା ଗାଟି କାଣ୍ଡା ମାନେ ଏଝାସି ଏଲେଇଞ୍ଜି ମାନେସି । ୧୩ ଆମିନି ତାଣା ସୟତାନତି ସିଂଗାସାଣି, ଏମ୍ବାଆଁ ନୀନୁ ବାସା କିହିମାଞ୍ଜି, ଇଦାଆଁ ନାନୁ ପୁଞ୍ଜାମାଇଁ, ଆତିହଁ ଜିକେଏ ନୀନୁ ନା, ଦରୁତି ଆବୁଝା ତଲେ ଆସାମାଞ୍ଜି, ଅଡେ ନା ସାକି ଆଡିପା ଏତିବେଲ୍ଲା ମୀ ତାଣା ସୟତାନତି ବାସା ଗାୟୁତା ପାୟୁଝି ଆହାମାତେସି, ମୀରୁ ନା ତାଣା ନାମାମାନାକି ଏତିବେଲ୍ଲାତା ଜିକେଏ ନାଙ୍ଗେ ପୁଞ୍ଜାହିଲଅଁ ଇଞ୍ଜାଆତି । ୧୪ ଆଡ଼ିଜିକେଏ ନୀ କପାଟି ର କାତା ମାନେ, ଇତିହଁ ଆମିନି ବିଲିୟମ ପେଣ୍ଡକା ବମାୟିକି ତାକାମାନି ବଗୁ ତିନି ତାଣାଟି ପାପୁ ଅଡେ ଦାରିକାମା କିଝିକିନି ପାନ୍ଦା ମେଡହାଲି ଇସାୟେଲ ମୀରୁକା ବାଲାଇଁ ଜାପୁହା ମାତେସି, ଏଲେତି କାମା କିନି ଲକୁ ମୀ ବିତ୍ତାଟି ଏତରଜାଣା ତାକିନାରି ମାନେରି । ୧୫ ଏଲେକିହଁ ଏ ନିକଲାଇଁ ଜାପୁନାଣି ଆସାମାନି ଲକୁ ମୀ ବିତ୍ତା ମାନେରି । ୧୬ ଏଦାଆଁତାକି ମୀ ପାପୁ ପିସାନା ହିୟାଁ ଝେଟୁରୁ ଆଆଡ଼ି ନାନୁ ମୀ ତାଣା ତବେ ଝାହାନା ନା ଗୁତିଟି ହନି କାଣ୍ଡାତଲେ ଏଝାରି କପାଟି ଜୁକୁ କିଈ ।”

୧୭* କୁଲମିକାଣି ସୁଦୁଜୀଝୁ ଏନାଆଁ ଝେସିମାନେସି ଆମ୍ବାଆରି କୀର୍କା ମାନୁ ଏଦାଆଁ ଝେଣମାସି । ଆମ୍ବାଆସି ଜାଣା ଆନେସି ଏଝାଣାଇଁ ତୁମ୍ବାମାନି ମାନା ତିଝାଲି ହାଈ ଅଡେ ଏଝାରି ବିତ୍ତାଟି ବାରେଜାଣାଟି ପୁଝିନି ଦରୁ ରାସକି ଆହାମାନି ର ଦବଲ୍ଲା ଝାଲି ହାଈ, ଏ ପୁଝିନି ଦରୁ ଏନାୟି ଝାଲି ଆନାଣି ପିସପେ ଆମ୍ବାଆସି ପୁନଅସି ।”

ତୁୟାତିରା କୁଲମିତାକି କାତୁ

୧୮ “ତୁୟାତିରା କୁଲମିତି ଦୁତୁ ତାଣା ଇଲେଇଞ୍ଜି ରାଚାମ୍ବୁ, ମାହାପୁରୁ ଆମିନି ମୀରୁଏଣା କାଣ୍ଡକା ତାଞ୍ଜିମାନି ହିତୁ ଲେହେଁ ଇଞ୍ଜା ପାଞ୍ଚଆନା କତାୟାଁ ମୁସିମାନି ପିତାତା ଲେହେଁ ଏଝାସି ଏଦାଆଁ ଏଲେଇଞ୍ଜି ମାନେସି । ୧୯ ନାନୁ ନୀ କାମା, ଜୀଝୁ ନନାଣି, ନାମୁତଲେ ସେବା କିନାଣି, ଅରୁହିନାଣି ପୁଞ୍ଜାମାଇଁ, ଅଡେ ନୀ ତଲିତି କାମା କିହାଁ ନୀଏଁ ହାଡେରକା ଗାତି କାମା କିହିମାଞ୍ଜି, ଇଦାଆଁ ଜିକେଏ ପୁଞ୍ଜାମାଇଁ । ୨୦ ଆଡ଼ିଜିକେଏ ନୀ କପାଟି ର ଇତି କାତା ମାନେ, ଜିଜେବଲ୍ ଦରୁଗାଟି ଆମିନି ଇୟା ଜାହାରାଇଁ ମାହାପୁରୁ ଅଣ୍ଡୁତି ବଲ୍ଲ ଝେକନାତେଏଁ ଇଞ୍ଜିଁ ଝେସାକତାନା, ନା ସେବା କିନାରାଇଁ ଦାରିକାମା ଅଡେ ପେଣ୍ଡକା ବମାୟିକି ତାକାମାନି ବଗୁ ତିଝାଲି ଜାପୁହାନା ଲାଗେଏ କିଝି କିହାମାନେ, ମୀରୁ ଏଦାଣି ଅରୁହି ମାଞ୍ଜେରି । ୨୧ ନାନୁ ଏଦାନାକି ତାନି ପାପୁ କାମା ପିସାନା ମନ ଝେଟୁହାଲି ହାତି ଜିକେଏ, ତାନି ଦାରିକାମା ପିସାଲି ମନ କିଆଡେ । ୨୨ ଇଦାଆଁତାକି ନାନୁ ଏଦାନି ମାଡୁ ଝୁଞ୍ଜିକିଈ, ଅଡେ ଆମିନି ଗାଟାରି ଏଦାନିତଲେ ଦାରିକାମା କିନେରି, ଏଝାରି ତାନି ପାପୁ କାମାଟି ହିୟାଁ ଝେଟୁଆଡ଼ି ନାନୁ ଏଝାରାଇଁ ଆଜିହପେତି ସାସି ହାଈ । ୨୩ ଅଡେ ନାନୁ ତାନି ମୀରୁକା ମାସକାଇଁ ହାକି ତଲେ ନାସାକିଈ, ଏବେଟିଏ ନାନୁ ବାରେ ଲକୁତି ହିୟାଁ ଅଡେ ମନତି

* ୨:୭ ୨:୭ ଝେ ବଲ୍ଲ ୨:୨ ୨:୮ ୨:୮ ଝେ ବଲ୍ଲ ୧:୧୭, ୨:୨୩ * ୨:୧୧ ୨:୧୧ ଝେ ବଲ୍ଲ ୨:୧୪, ୨:୧୮ * ୨:୧୭ ୨:୧୭ କହ ୬:୪୮-୫୦

ଅଣପୁତ୍ରି ପୁନାତେଏ, ଅଡ଼େ ବାରେଜାଣାକି ତାନି କାମାତି ପାଡ଼େୟି ହାନାତେଏ ଇଞ୍ଜି ବାରେ କୁଲମିକା ପୁଞ୍ଜାନୁ ।”

୨୪ “ସାମା ମୀରୁ ତୁୟାତିରାତି ଏଚରଜାଣା ମାନାତେରି ଏ ଲାଗେଏତି ଜାପୁନାଣି ଆସା ହିଲଅତେରି, ଇଞ୍ଜି ଏଚକାତାରି ଏଦାଆଁ ସୟତାନତି ତୁଗୁମାନି କାତା ଇଞ୍ଜି ଇନେରି, ଏଦାଆଁ ମୀରୁ ଜାପାହିଲଅତେରି, ନାନୁ ଏଞ୍ଜାରି ଲାକ ଏନି ପୁଞ୍ଜି ବଲ୍ଲୁ ହାଅଁ । ୨୫ ଇତିହଁ ମୀ ତାଣା ଏନାୟି ମାନେ ଏଦାଆଁ ନା ଝାନ୍ତି ଦିନ ପାତେକା ତୀରିତଲେ ଆସାମାଞ୍ଜୁ ।”

୨୬ ଆମ୍ବାଆସି ଜୀଣା ଆନେସି, ଅଡ଼େ ତାୟୁ ପାତେକା ନା କାମା କିନେସି, ନାନୁ ଏନିକିହଁ ନା ଆବା ତାଣାତି ଅଦିକାରା ବେଟାଆହାମାଲ୍, ଏଲେକିହଁ ଏ ଏଞ୍ଜାଣାକି ଏ ଦେସାତି ଅଦିକାରା ହାଲ୍ । ୨୭ ଏଞ୍ଜାସି ବାରେ କୃତାତି ଲକୁଣି ଲହ ବାଡ଼ଗା ତଲେ ସାଲୁଞ୍ଜି କିନେସି ଅଡ଼େ ଇରୁଆ ତୁକାୟା ଲେହେଁ କୁଟୁକୁଟା କିନେସି । ୨୮ ଅଡ଼େ ନାନୁ ଏଞ୍ଜାରାକି ଝେୟାଜାରା ହୁକା ଜିକେଏ ହାଲ୍ ।

୨୯ “କୁଲମିକାଣି ସୁଦୁଜାଞ୍ଜୁ ଏଦାଆଁ ଝେସିମାନେ ଆମ୍ବାଆରାକି କୀର୍କା ମାନୁ ଏଦାଆଁ ଝେଣମ୍ବାସି ।”

୩

ସାଦି କୁଲମିକି କାବୁ

୧ “ସାଦି କୁଲମିତି ଦୁତୁ ତାଣା ରାଡ଼ାମୁ, ଆମ୍ବାଆସି ମାହାପୁରୁତି ସାଡ଼ାଗଟା ଜୀଞ୍ଜୁୟାଁ ଅଡ଼େ ସାଡ଼ାଗଟା ହୁକାୟା ଆସାମାନେସି ଏଞ୍ଜାସି ଏଲେଇଞ୍ଜି ମାନେସି, ନାନୁ ମୀ କାମା ବାରେ ପୁଞ୍ଜାମାଲ୍ ମୀରୁ ଦରୁ ତାକି ଜୀଞ୍ଜୁ ଗାଟାତେରି, ସାମା ସାଡ଼ା ତଲେ ହାଡ଼ାତେରି । ୨ ଜାଗ୍ରାତା ଆଦୁ ଅଡ଼େ ମୀ ତାଣା ଏନାୟି ମାନେ ଏ ବାରେ ତୁନିନି ନକେଏ ଏଞ୍ଜାଆଁ ବାଡ଼ୁୟୁ କିଦୁ, ଇତିହଁ ନାନୁ ମୀ ବାରେ କାମା ନା ମାହାପୁରୁ ନକିତା ଦହ ହିଲାଆଗାଟାୟି ତଞ୍ଜା ଆହା ହିଲେଏ । ୩ ଏଦାଆଁତାକି ମୀରୁ ଏନିକି ଲପାମାଞ୍ଜେରି ଅଡ଼େ ଝେଞ୍ଜାମାଞ୍ଜି ଏଦାଣି ଅଣପାମା ମାନୁଞ୍ଜି ଆଦୁ ଇଞ୍ଜି ପାପୁତି ହିୟାଁ ଝେବ୍‌ଦୁ; ମୀରୁ ଜାଗ୍ରାତା ଆଆତିହଁ ନାନୁ ସରୁଲେହେଁ ମୀ ତାଣା ଝାଞ୍ଜି, ଏଦାଣି ଏନିଜିକେଏ ମୀରୁ ପୁଞ୍ଜାଲି ଆଡ଼ଅତେରି । ୪ ସାମା ସାଦି ତା ମୀ ବିଡ଼ା ଏଚରଜାଣା ମାନେରି, ଏଞ୍ଜାରି ତାନି ହିମ୍ବୁରିକା ମାହଁ କିହାଁ ହିଲଅରି, ଏଞ୍ଜାରି ଅପନି ହିମ୍ବୁରିକା ହୁଗାନା ନା ତଲେ ତାକିନେରି, ଏଦାଆଁତାକି ଇତିହଁ ଏଞ୍ଜାରି ପାଡ଼ା ଆଡ଼ାରି । ୫ ଆମ୍ବାଆରି ଜୀଣା ଆନେରି ଏଞ୍ଜାରି ଏଲେତି ଅପନି ହିମ୍ବୁରିକା ହୁତିନେରି, ଅଡ଼େ ନାନୁ ଏଞ୍ଜାରି ଦରୁ ଜୀଞ୍ଜୁଗାତି ପତିତି ଏଚେଲାଞ୍ଜା ମେକ୍‌ଅଁ, ଇଞ୍ଜି ନାନୁ ନା ଆବା ଅଡ଼େ ତାନି ଦୁତୁୟାଁ ନକିତା ନା ତଲେତାରି ଇଞ୍ଜିହଁ ଏଞ୍ଜାରି ଦରୁ ଝେକ୍‌ଲ୍ ।”

୨ “କୁଲମିକାଣି ସୁଦୁଜାଞ୍ଜୁ ଏଦାଆଁ ଝେସିମାନେସି ଆମ୍ବାଆରି କୀର୍କା ମାନୁ ଏଦାଆଁ ଝେଣମ୍ବାସି ।”

ପିଲାଦେଲ୍‌ପିୟା କୁଲମିତାକି କାବୁ

୩ “ପିଲାଦେଲ୍‌ପିୟା କୁଲମିତି ଦୁତୁ ତାଣା ରାଡ଼ାମୁ, ଆମ୍ବାଆସି ସୁଦୁଗାଟାସି ଅଡ଼େ ସାଡ଼ାତାସି ଆନିନିଗାଟାଣି କେୟୁତା ଦାଞ୍ଜୁଦତି କୁଟିକାଡ଼ି ମାନେ, ଏଞ୍ଜାସି ଦାରା ଦେତିସାରେ ଆମ୍ବାଆସି ସୁଣ୍ଡାଲି ଆଡ଼ଅସି, ଅଡ଼େ ଦାରା ସୁଣ୍ଡିସାରେ ଆମ୍ବାଆସି ଦେଚାଲି ଆଡ଼ଅସି, ୮ ଏଞ୍ଜାସି ଏଲେଇଞ୍ଜି ମାନେସି ନାନୁ ମୀ କାମା ପୁଞ୍ଜାମାଲ୍, ସିନିକିଦୁ ନାନୁ ମୀ ନକିତା ର ଦାରା ଦେଚାମାଲ୍, ଏଦାଆଁ ଆମ୍ବାଆସି ସୁଣ୍ଡାଲି ଆଡ଼ଅସି, ଇତିହଁ ମୀ ବାଡ଼ୁୟୁ ଉଣା ମାତି ଜିକେଏ ନା ଜାପୁନାଣି ମୀରୁ ମାନୁଞ୍ଜି ଆହାମାଞ୍ଜେରି, ଇଞ୍ଜି ନା ଦରୁ ଏଚେଲା ପୁଞ୍ଜାହିଲଅନି ଇଞ୍ଜି ଇଞ୍ଜାହିଲଅତେରି । ୯ ମେହ୍‌ଦୁ ଆମ୍ବାଆରି ଜୀହୁଦି ଲକୁ ଆଏ, ସାମା ମିତି ତଲେ ଜୀହୁଦି ଲକୁତମି ଇଞ୍ଜି ଇଞ୍ଜିମାନେରି ଇଲେତି ସୟତାନ ଗତିତି ଲକୁଣି ନାନୁ ମୀ କତାଣା ଜହରା କିଞ୍ଜି କିୟାଲ୍, ଇଞ୍ଜି ନାନୁ ମିଙ୍ଗେ ଜୀଞ୍ଜୁନହଁ ମାଞ୍ଜାଲ୍ ଇଞ୍ଜି ଏଞ୍ଜାରି ପୁଞ୍ଜାଲି ଆଡ଼ିନେରି । ୧୦ ନା ହୁକୁମି ଲେହେଁ ସାସା ଆସାନା ମାଞ୍ଜେରି, ଇଦାଆଁତାକି ଦାରୁତି ଲକୁଣି ତାୟିପାରି କିହାଲି ବାରେ ଦାରୁତିତା ଆନିନି ତାୟିପାରି କିନି ଦିନା ଝାନ୍ତେ, ଏମ୍ବାତି ନାନୁ ଜିକେଏ ମିଙ୍ଗେ ଗେଲ୍‌ପାଲ୍ । ୧୧ ନାନୁ ତବେ ଝାହ୍‌ମାଲ୍ ମୀ ଜୀଣାଆଡ଼ି ଚପେରି ଏନିକି ଆମ୍ବାଆସି ମାଞ୍ଜା ଅୟଅସି ଏଦାଆଁତାକି ମୀ ତାଣା ଏନାୟି ମାନେ ଏଦାଆଁ ତାଟା ତଲେ ଆସାଁ ତୁୟାଦୁ । ୧୨ ଆମ୍ବାଆସି ଜୀଣା ଆନେସି ନାନୁ ଏଞ୍ଜାଣାଲ୍ ନା ମାହାପୁରୁ ଇଲୁତି ମୁଣ୍ଡାଲେହେଁ କିଲ୍, ଏଞ୍ଜାସି ଏମ୍ବାତି ପାଞ୍ଜାତା ହାଲଅସି, ନାନୁ ନା ମାହାପୁରୁତି ଦରୁ ଅଡ଼େ ଲାକପୁରୁତି ଝାହାମାନି ପୁଞ୍ଜି ଜିରୁସାଲମ ମା ମାହାପୁରୁତି ଗାଡ଼ାତି ଦରୁ ଇଞ୍ଜି ନା ପୁଞ୍ଜି ଦରୁ ତାନି ଲାକ ରାଡ଼ିଲ୍ ।”

୧୩ “କୁଲମିକାଣି ସୁଦୁଜାଞ୍ଜୁ ଏଦାଆଁ ଝେସିମାନେସି, ଆମ୍ବାଆରି କୀର୍କା ମାନୁ ଏଦାଆଁ ଝେଣମ୍ବାସି ।”

☆ ୩:୩ ୩:୩ ମାତି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲୁ ୧୭:୧୫ ☆ ୩:୫ ୩:୫ ଝେ ବଲ୍ଲୁ ୨୦:୧୨; ମାତି ୧୦:୩୨; ଲୁକ ୧୨:୮ ☆ ୩:୧୨ ୩:୧୨ ଝେ ବଲ୍ଲୁ ୨:୧

ଲାଝୁଦିକିୟା କୁଲମିକି କାତୁ

^{୧୪} “ଲାଝୁଦିକିୟା କୁଲମିତି ଦୁତୁ ତାଣା ରାତାମ୍, ଆମ୍ବାଆସି ସାତା ଇଞ୍ଜା ନାମ୍ବାଗାସି ଅଡେ ସାତା ସାକି ହାନେସି, ଅଡେ ଆମ୍ବାଆସି ମାହାପୁରୁ ଗାଡ଼ିକିତାଣି ମୂଲୁଏ ଗାଡ଼ିକିତାସି ଏଝାସି ଏଲେଇଞ୍ଜା ମାନେସି । ^{୧୫} ନାନୁ ମୀ କାମା ପୁଞ୍ଜାମାଇଁ, ମୀରୁ ହିଡ଼ଡ଼ି ଆଏ କି ଉସମି ଜିକେଏ ଆଏ, ମୀରୁ ହିଡ଼ଡ଼ି କି ଉସମି ଆହାମାଟି ନେହୁ ଆଡେମା । ^{୧୬} ସାମା ମୀରୁ ହିଡ଼ଡ଼ି କି ଉସମି ଆଆନା କାଞ୍ଜିନି ଆହାମାନାକି ନାନୁ ମିଙ୍ଗେ ନା ଗୁଟିଟି ହୁପାଲି ହାଜିମାଇଁ । ^{୧୭} ନାନୁ ଏଲେ ଇଞ୍ଜାମାଞ୍ଜି, ‘ନାନୁ ବାଡ଼କୁ ଗାଟାତେଏଁ ନାଙ୍ଗେ ହାଡେରକା ଦନ ମାନେ; ନାଙ୍ଗେ ଏନାୟି ଲତା ହିଲେଏ ।’ ସାମା ନାନୁ କାମା କାକୁଲି ଗାଟାଟି ଅଡେ ସାୟେମି ହିଲ୍ୟାଆଗାଟାଟି, ହାକି ଗାଟାଟି, କାଣା ଅଡେ ନାଗଡ଼ା ଗାଟାଟି, ଇଦାଆଁ ପୁଞ୍ଜାହିଲଅତି; ^{୧୮} ଇଦାଆଁତାକି ନାନୁ ନିଙ୍ଗେ ଇ କାତା ଝେସିମାଞ୍ଜାଇଁ ନାନୁ ବାଡ଼କୁ ଗାଟାଟି ଆହାଲିତାକି ହିରୁତା ହୁଡ଼ିତି ବାଂଗାରା ଅଡେ ନୀ ନାଗଡ଼ାଟି ଲାଜା ଏନିକିହୁଁ ତଞ୍ଜା ଆଏ ଇଦାଆଁତାକି ହୁଚାଲି ଦବଲ୍ଲା ହିମ୍ବୁରି ଇଞ୍ଜା କାଣକା ମେସାଲି ତାକି କାଣକାଣାଁ ରୁବାକଡ଼ିନାଣି ନା ତାଣାଟି କତାମ୍ । ^{୧୯} ନାନୁ ଏତେକା ଲକୁଣି ଜାଝୁ ନଲ୍ଲ ଏଝାରାଇଁ ଦାକା ଅଡେ ତଣ୍ଡ ହାଇଁ ଏଦାଣିତାକି ରାହାଁ ଆହାଁ ମନ ଝେବହା କତାମ୍ । ^{୨୦} ମେହୁମ୍ ନାନୁ ଦୁଝେରି ତାକିତା ନିଗାନା ଦାରା ଝେଡ଼ିମାଇଁ ଆମ୍ବାଆସି ନା ଗିୟାଁ ଝେଞ୍ଜାନା ଦାରା ଦେନେସି ଆଡ଼େଁ ନାନୁ ବିତ୍ରା ହଡ଼ାନା ତାନି ତାଣା ହାଇଁ ଅଡେ ନାନୁ ଏଝାଣିତଲେ ରାନ୍ଦା ତିଇଁ ଅଡେ ଏଝାସି ନା, ତଲେ ରାନ୍ଦା ତିନେସି । ^{୨୧} ନାନୁ ଏନିକିହୁଁ ଜାଣାଆହାନା ନା ଆଡା ତଲେ ସିଂଗାସାଣିତା କୁଗାମାଇଁ ଏଲେକିହୁଁ ଏ ଆମ୍ବାଆସି ଜାଣା ଆନେସି ନାନୁ ଏଝାଣାଇଁ ନା ତଲେ ନା ସିଂଗାସାଣିତା କୁଗାଲି ହାଇଁ ।”

^{୨୨} “ସୁଦୁଜାଝୁ କୁଲମିକାଣି ଏନାଆଁ ଝେସିମାନେ, ଆମ୍ବାଆରି କାକା ମାନୁ ଏଦାଆଁ ଝେଣ୍ଡାସି ।”

୪

ଲାକପୁରୁ ପ୍ରାଡାନା

^୧ ଏତେଟିଏ ନାନୁ ମେସୁଏଁ, ମେହୁଦୁ ଲାକପୁରୁଟି ର ଦାରା ଦେପିଆହାମାନେ; ଅଡେ ତୀତ୍ରି ମହୁରି ହାଡ଼ାଲେହେଁ ନା ତଲେ ନକେଏ ଜଲିମାଟାଣି ଝେଞ୍ଜା ମାତେଏଁ, ଏନି ଏଲେଇଞ୍ଜାତେ “ଇଦାଆଁ ନିଙ୍ଗା ଝାମ୍, ଏନାୟି ଇଦାଆଁ ତାୟୁ ଗଟ଼ି ଆନେ ଏ ବାରେ ନିଙ୍ଗେ ନାନୁ ତପ୍ପାଇଁ ।” ^୨ ଏ ଦେବୁଣିଏ ସୁଦୁଜାଝୁ ନାଙ୍ଗେ ଲକହାତେ, ମେହୁଦୁ ଲାକପୁରୁ ର ସିଂଗାସାଣି ମାତେ, ଇଞ୍ଜା ସିଂଗାସାଣି ଲାକ ରଅସି କୁଗାମାନେସି । ^୩ କୁଗାମାନାଣି ଝାଣା ହୀରା ଅଡେ ମାଣିକ୍ୟ ଇନି ଦାରାଗାଟି ଝାଲି ଲେହେଁ, ଅଡେ ସିଂଗାସାଣିଟି ମରକତ ଇନି ଦାରା ଗାଟି ଝାଲକା ଲେହେଁ ସାରିସୁରୁ ର ଦା଼ଣକି ଗୁରାମାତେ । ^୪ ଅଡେ ସିଂଗାସାଣି ସାରିସୁରୁ କଡେ ସାରିଗଟା ସିଂଗାସାଣି ମାନୁ, ଅଡେ ସିଂଗାସାଣିୟାଁ ଲାକ କଡେ ସାରି ଜାଣା ପ୍ରାଟିନାଙ୍ଗା କୁଗାମାନେରି, ଏଝାରି ଦବଲ୍ଲା ହିମ୍ବୁରିକା ହୁଚାମାନେରି ଇଞ୍ଜା ଏଝାରି ତାୟୁଁ ତୁ ବାଂଗାରା ଚଢେପି । ^୫ ସିଂଗାସାଣିଟି ବିଲିବାଲା ମୁହନାୟି ଅଡେ ହାଗୁ ଗୁଣିନି ହାଡ଼ା ହଡେ, ଅଡେ ସିଂଗାସାଣି ନକିତା ହିରୁଗାଟି ସାଡ଼ାଗଟା ଦୀଞ୍ଜାୟି ତାଞ୍ଜାମାତୁ, ଇ ସାଡ଼ାଗଟା ହିରୁ ବନ୍ଦାୟି ମାହାପୁରୁଟି ସୁଦୁଜାଝୁୟି ^୬ ସିଂଗାସାଣି ନକିତା ଦାପେଣିଲେହେଁ ର ନେହୁଁ ସାମଦୁରି ତଞ୍ଜାଆହିମାତେ, ସିଂଗାସାଣି ସାରିସୁରୁଟି ମାଦିଏ ସାରିଗଟା ଜନ୍ତୁ ଜିଝେଡ଼ିକା, ଏଝାସିକା ନକିତା ଅଡେ ତାୟୁତା କାଣକା ମାତୁ । ^୭ ନକିତି ଜନ୍ତୁ ସିହଁ କାଞ୍ଜାନି ଲେହେଁ, ଅଡେ ରୀ ଲମ୍ବର ଜନ୍ତୁ ବାଟା କଡ଼ି ଲେହେଁ, ତାନି ଲମ୍ବର ଜନ୍ତୁଟି ମ୍ବୁ ମାଣସିତି ମ୍ବୁ ଚୁଲହେଁ, ଅଡେ ସାରି ଲମ୍ବର ଜନ୍ତୁ ଲାକ ଉସିମାନି ଲେଡ଼ ଚୁଲହେଁ ତଞ୍ଜାଆହିମାତେ । ^୮ ବାରେ ଜନ୍ତୁୟାକି ସ ଗଟା ମାରାୟାଁ ଏ ମାରାୟାଁ ବିତ୍ରା ଅଡେ ପାଞ୍ଜାତା କାଣକା ମାନୁ ଏଞ୍ଜି ଲାଆଁ ମାଦେନା ଜମାଆନା ଏଲେଇଞ୍ଜା ମାନୁ ।

“ସୁଦୁ, ସୁଦୁ, ସୁଦୁ, ବାରେ ବାଡ଼ୟୁଗାଟି ମାହାପୁରୁ,

ଆମ୍ବାଆସି ତଲିଏ ମାତେସି ନୀଏଁ ମାନେସି ଅଡେ କାଲେଏ ମାନେସି, ଏ ପ୍ରବୁ ।”

^୯ ଜନ୍ତୁୟାଁ ଏଟିବେଲା ଏ ସିଂଗାସାଣିତା କୁଗାମାନି କାଲାକାଲାଟି ଜାଝୁଗାଟି ମାଣସିଇଁ ଗାଝୁରମି ସାମ୍ ମି ଅଡେ ଜହରା କିନେରି । ^{୧୦} ଏଟିବେଲା କଡେ ସାରି ଜାଣା ପ୍ରାଟିନାଙ୍ଗା ସିଂଗାସାଣିତା କୁଗାମାନି ମାଣସିଇଁ ମେଣ୍ଡାକୁତାନା କାଲେଏ ନୀତାମାନି ମାଣସିଇଁ ଜହରା କିତେରି, ଇଞ୍ଜା ସିଂଗାସାଣି ନକିତା ତାନି ଚଢେପିକା ଇଗାନା ଏଲେଇଚେରି ।

^{୧୧} ମା ପ୍ରବୁ ଅଡେ ମାହାପୁରୁ ।

ନାନୁ ଗାଝୁରମି ସାମ୍ ମି ଅଡେ ବାଡ଼ୟୁ ବେଟାଆହାଲି ଜଡ଼େ ଗାଟାଟି ।

* ୩:୧୯ ୩:୧୯ ଏଡ଼ି ୧୨:୭ * ୪:୫ ୪:୫ ଝେ ବଲ୍ଲ ୮:୫; ୧୧:୧୯; ୧୭:୧୮; ଝେ ବଲ୍ଲ ୧:୪

ଏନାଆଁତାକି ଇଚିହଁ ନାନୁ ବାରେ ଗାଡ଼ିକିହା ମାଞ୍ଜି ।
ଅଡ଼େ ନୀ ଅଣ୍ଡୁ ତଲେ ବାରେ ଗାଡ଼ି ଆହାମାନୁ, ଅଡ଼େ ଜୀଝୁତଲେ ନୀତାମାନୁ ।

୫

ରୁପିନି ପତି ଅଡ଼େ ଫେଣ୍ଡା ଡାଲୁ

୧ ନାନୁ ସିଂଗାସାଣିତା କୁଗାମାନାଣି ଚିଃନି କେୟୁତା ର ପ୍ଲୁଃଈ ପତି ମେସ୍ତେସ୍, ଏଡ଼ି ରିକଞ୍ଜାକି ରାସ୍ତକି ଆହାମାରେ ଇଞ୍ଜାଁ ସାଡ଼ାଗଟା ସାଲି ଝେପି ଆହାମାରେ । ୨ ଅଡ଼େ ନାନୁ ବାଡ଼ୁୟୁ ଗାଟି ର ଲାକପୁରୁତି ଦୂତୁଇଁ ମେସ୍ତେସ୍, ଏଞ୍ଜାସି କାଜା ଗିୟାଁତଲେ ଏଲେଇଚେସି, ଆମ୍ବାଆସି ଈ ସାଲି ହୁକ୍‌ହାନା ପତିତି ଦେଗାଲି ପାଡ଼ାଆନେସି । ୩ ସାମା ପତିତି ଦେଗାଲି, ଏମ୍ବାଆଁ ଏନାୟି ରାସ୍ତକି ଆହାମାନେ, ସିନିକିହାଲି ଲାକପୁରୁ, ଦାର୍‌ତିତା ଅଡ଼େ ତାଡ଼େପୁରୁତା ଆମ୍ବାଆସି ସାସା କିଆଡେସି । ୪ ଏ ପତିତି ଦେଗାଲି କି ଏନାଆଁ ସିନିକିହାଲି ଆମ୍ବାଆସି ସାସା କିଆଲିଏ ନାନୁ ହାରେକା ଡ଼ାଡେସ୍ । ୫ ଏମ୍ବାଟିଏ ପ୍ରାଚିନାଙ୍ଗା ବିଭ୍ରାଟି ରଅସି ନାଙ୍ଗେ ସାସା ହାହାନା ଏଲେଇଞ୍ଜାଡେସି, “ଡ଼ାଆନି, ସିନିକିମୁ ଜୀହୁଦା ଗଟିତି ଦାଝୁଦ କୁଡ଼ାତି ସିହଁ ଜାଣା ଆହାମାନେସି; ଏଞ୍ଜାସି ଈ ପତିତି ସାଡ଼ାଗଟା ସାଲି ଦେଗାଲି ଅଡ଼େ ଏ ରୁପିତି ପତି ଏକହାଲି ପାଡ଼ା ଆହାମାନେସି ।”

୬ ଏଡେଟିଏ ନାନୁ ସିନିକିଡେସ୍ ସିଂଗାସାଣି, ଅଡ଼େ ପ୍ରାଚିନାଙ୍ଗା ମାଦିଏ ସାରିଗଟା ଜନ୍ତୁ ତଲେ ଇ ମେଣ୍ଡା ଡାଲୁ ନିଗାମାନାଣି ମେସ୍ତେସ୍, ଏ ଫେଣ୍ଡା ଡାଲୁ ପାୟୁଞ୍ଜି ଆଡ଼ି ଲେହେଁ ତଞ୍ଜାଆହମାରେ, ଏନାକି ସାଡ଼ାଗଟା କମକା ଅଡ଼େ ସାଡ଼ାଗଟା କାଣକା ମାଡୁ, ଏ କାଣକା ଦାର୍‌ତିତି ବାରେଞ୍ଜାକି ପାୟୁଞ୍ଜି ଆହାମାଟି ମାହାପୁରୁତି ସାଡ଼ାଗଟା ସୁଦୁଜୀଝୁୟାଁ । ୭ ଫେଣ୍ଡା ଡାଲୁ ସିଂଗାସାଣିତା କୁଗାମାନାଣି ତାଗେ ହାଜାନା ଏଞ୍ଜାଣି ଚିଃନି କେୟୁତି ଏ ରୁପିତି ପତି ଅଡ଼େସି । ୮ ଏ ପତି ଅହାଲିଏ ସାରିଗଟା ଜନ୍ତୁ ଅଡ଼େ କଡ଼େ ସାରି ଜାଣା ପ୍ରାଚିନାଙ୍ଗା ଏ ଫେଣ୍ଡା ଡାଲୁ ନକିଡ଼ା ମୁନୁ କୁଡ଼ାହାଁ ଜହରା କିଡେରି, ଏ ବାରେଜାଣା ତାକି ର ର ସେର୍‌ଙ୍ଗି ଅଡ଼େ ମାହାପୁରୁ ଲକୁ ପ୍ରାଡ଼ାନାତି ଦୁପା ଦୁପଣି ନେଞ୍ଜାମାନି ର ବାଂଗାରା ଗିନା ମାରେ । ୯ ଏଞ୍ଜାରି ର ପୁଃନି ପାଡୁ ପାଡ଼ିମାଟେରି; “ନାନୁ ଏ ରୁପିତି ପତି ଅହାଲି ଅଡ଼େ ଏମ୍ବାଟି ସାଲି ଦେଗାଲି ପାଡ଼ା ଆନାତି,

ନାନୁ ପାୟୁଞ୍ଜିଆହାମାଟି, ନୀ ନେଡେରିଟି ବାରେ ଗଟି, ବାରେ ହାଡ଼ା, ଡେସା,

ଅଡ଼େ ବାରେ କୁଡ଼ାତି ଲକୁଇଁ ମାହାପୁରୁ ତାକି କଡ଼ାମାଞ୍ଜି,

୧୦ ନାନୁ ଏଞ୍ଜାରାଇଁ ରାଜାୟାଁ କୁଡ଼ା ଅଡ଼େ ମାହାପୁରୁ ସେବା କିୟାଲି ପୂଜେରାଙ୍ଗା କିହାମାଞ୍ଜି ।

ଏଞ୍ଜାରି ଦାର୍‌ତିତି ସାଲୁଞ୍ଜି କିନେରି ।”

୧୧ ଏମ୍ବାଟିଏ ନାନୁ ସିନିକିଡେସ୍, ସିଂଗାସାଣି, ଜନ୍ତୁୟାଁ ଅଡ଼େ ପ୍ରାଚିନାଙ୍ଗା ସାରିସୁଟୁ ହାରେକା ଦୁତୁୟାଁତି ହାଡ଼ା ଝେଚେସ୍, ଏଞ୍ଜି ମାଣା ମାଣା ଅଡ଼େ ଲାକେ ଲାକେ ଜାଣା ନିଗାମାଡୁ । ୧୨ ଏଞ୍ଜି କାଜା ଗିୟାଁତଲେ ପାଡ଼ିମାଡୁ;

“ପାୟୁଞ୍ଜି ଆହାମାନି ଫେଣ୍ଡା ଡାଲୁଦେଁ, କାଜାପାଣା, ଦନ, ବୁଦି, ବପୁ, ସାମ୍‌ମି, ଗାଝୁରମି,

ଜହରା ବେଟାଆହାଲି ପାଡ଼ାଆନେସି ।”

୧୩ ଅଡ଼େ ନାନୁ ଲାକପୁରୁ, ଦାର୍‌ତି, ତାଡ଼େପୁରୁ ଅଡ଼େ ସାମ୍‌ଦୁରିତା ମାନି ବାରେ ଜୀଝୁ ଗାଟାଈ ଇଞ୍ଜାଁ ଦାର୍‌ତିତା ମାନି ବାରେ ଜୀଝୁ ଗାଟାଈ ପାଡୁ ପାଡ଼ିମାନାଣି ଝେଚେସ୍ । ଏଞ୍ଜି ପାଡ଼ିମାଡୁ;

“ସିଂଗାସାଣିତା କୁଗାମାନି ମାଣସିଇଁ ଇଞ୍ଜାଁ ତାନି ଫେଣ୍ଡା ଡାଲୁଇଁ ଜହରା କିଡୁ;

ତାନି ସାମ୍‌ମି, ଗାଝୁରମି ଅଡ଼େ ବାଡ଼ୁୟୁ କାଲାକାଲାତାୟି ।”

୧୪ ଏଡେଟିଏ ସାରିଗଟା ଜନ୍ତୁ ପାଲି ଆସାନା ଏଲେଇଚୁ, “ଆମେନ୍” ଅଡ଼େ ପ୍ରାଚିନାଙ୍ଗା ମୁନୁ କୁଡ଼ାହାଁ ଜହରା କିଡେରି ।

୬

ସାଡ଼ା ଗଟା ସାଲିୟାଁ

୧ ଅଡ଼େ ନାନୁ ଫେଣ୍ଡା ଡାଲୁଇଁ ସାଡ଼ାଗଟା ସାଲିୟାଁ ବିଭ୍ରାଟି ର ଲମ୍‌ର ସାଲି ଦେଗାଣି ମେସ୍ତେସ୍, ଅଡ଼େ ସାରିଗଟା ଜନ୍ତୁ ବିଭ୍ରାଟି ର ଜନ୍ତୁ ହାଗୁ ଗୁଣିନି ହାଡ଼ାତଲେ ହାଡ଼ିମାଗାଣି ଝେଚେସ୍ “ଞ୍ଜାମ୍‌ମୁ !” ୨ ଏମ୍ବାଟିଏ ନାନୁ ସିନିକିଡେସ୍ ଅଡ଼େ ର ଦବ୍‌ଲା ଗଡ଼ା ଇଞ୍ଜାଁ ତାନି ଲାକ ହଡ଼ାମାଗାଣି କେୟୁତା ର ଆମ୍‌ମୁ ଆସାମାଡେସି, ଅଡ଼େ ଏଞ୍ଜାଣାକି ର ଟଡ଼ପେରି ହାପ୍‌କିଆଡେ, ଅଡ଼େ ଏଞ୍ଜାସି ଜାଣା ଆହାଁ ଜାଣା ଆୟାଲି ହଡ଼ାହାଡେସି ।

* ୫:୧୦ ୫:୧୦ ଝେଙ୍କହି ବଲ୍ଲୁ ୧:୭

୩ ଫେଣ୍ଡା ତାଲୁ ଏତିବେଲା ରୀ ଲମ୍ବର ସୀଲି ଦେତେସି, ଏତିବେଲା ଅଡ଼େ ରୀ ଲମ୍ବର ଜନ୍ତ ଏଲେଇଚାଣି ଝେଚେଏଁ “ଝାମ୍ବୁ” ୪ ଏମ୍ବାଟିଏ ଅଡ଼େ ର ଗଡ଼ା ହଡ଼ା ଝାଡ଼େ, ଏଦି ନେତେରି ଝାଣାଗାଗାୟି; ଲକ୍ଷ୍ମ ଏନିକିଁ ତାମ୍ବୁ ତାମ୍ବୁ ପାୟି ଝାନ୍ତେରି, ଏଦାଆଁତାକି ଦାନ୍ତତି ହିଡ଼ଡ଼ି ହେକ କିହାଲି ତାନି ଲାକ ହଡ଼ାମାନାଣାକି ବାଡ଼ୁୟୁ ହାପକିଆଡ଼େ ଅଡ଼େ ଏଝାଣାକି କାଜା କାଣ୍ଡା ହାପକିଆଡ଼େ ।

୫ ଫେଣ୍ଡା ତାଲୁ ଏତିବେଲା ତାନି ଲମ୍ବର ସୀଲି ଦେତେସି, ଏତିବେଲା ତାନି ଲମ୍ବର ଜନ୍ତ ଏଲେଇଞ୍ଜିମାନାଣି ଝେଚେଏଁ, “ଝାଣ୍ଡା ସିନିକିମ୍ବୁ” ଏମ୍ବାଟିଏ ନାନୁ ସିନିକିତେଏଁ, ମେହଦୁ ର କାଡ଼ିନି ଗଡ଼ା; ଅଡ଼େ ଏଦାଆଁ ହଡ଼ାମାନାଣି କେୟୁତା ର କେଜି ତୁକନାୟି ମାଚେ । ୬ ଅଡ଼େ ନାନୁ, ସାରିଗଟା ଜନ୍ତତି ଗୁଡ଼ିତି ହଡ଼ି ଲେହେଡ଼ି ର ହଡ଼ା ଝେଚେଏଁ; “ର ଟାକା ତାକି ର କେଜି ଗହଁ ଅଡ଼େ ତାନି କେଜି କାଝିଆ ଜନାୟି ମେଡ଼ା ଆନୁ ସାମା ମୀରୁ ଜାତ ମାରୁଡ଼ି ନିୟୁଁ ଅଡ଼େ ଅଲ୍ଲୁରି ରାସା ନସ୍ତ କିଆଦୁ ।”

୭ ଫେଣ୍ଡା ତାଲୁ ଏତିବେଲା ସାରି ଲମ୍ବର ସୀଲି ଦେତେସି, ଇଞ୍ଜାଁ ନାନୁ ସାରି ଲମ୍ବର ଜନ୍ତ ଏଲେ ଇଞ୍ଜିମାଚାଣି ଝେଚେଏଁ, “ଝାମ୍ବୁ !” ୮ ଏମ୍ବାଟିଏ ନାନୁ ସିନିକିତେଏଁ ଦାନ୍ତୁ ଝାଣାଗାଟି ଗଡ଼ା, ତାନି ଲାକ ହଡ଼ାମାନାଣି ଦରୁ ହାକି, ଏଝାଣି ଜେଚ ଜେଚ ଦାନ୍ତ ହାଜିମାଚେ, ଏଝାରାକି ଦାନ୍ତତି ସାରି ବାଟା ବିଡ଼ା ର ବାଟା ମୁହେଁ କାଣ୍ଡା, ହାକି, ରଦା ଅଡ଼େ ଜାଡ଼ାତି ଜନ୍ତ ଜିଝେଡ଼ିକା ତଲେ ପାୟାଲି ବାଡ଼ୁୟୁ ହାପକିଆଡ଼େ ।

୯ ଫେଣ୍ଡା ତାଲୁ ଏତିବେଲା ପାମ୍ବୁ ଲମ୍ବର ସୀଲି ଦେତେସି, ଏତିବେଲା ଆନି ଲକ୍ଷ୍ମ ମାହାପୁରୁତି ବଲ୍ଲୁ ତାକି ଅଡ଼େ ଏଝାରାକି ହାପକି ଆହାମାନି ସାକି ତାକି ହାହାମାଚେରି, ଏଝାରି ଜୀଝୁୟିଁ ନାନୁ ପୂଜାପିଣ୍ଡା ତୁଇ ମେସ୍ତେଏଁ । ୧୦ ଏଝାରି କାଜା ଗିୟିତଲେ ହାଡ଼ିହଁ ଏଲେ ଇଞ୍ଜିମାଚେରି, “ସୁଦୁ ଅଡ଼େ ସାତା ପୁରୁ, ନାନୁ ଏଚରଦିନା ପାତେକା ଦାନ୍ତତି ଲକ୍ଷ୍ମ ନାହାୟି କିଆନା ମାଞ୍ଜେ ପାୟାଲି ତାକି ଏଝାରାକି ତଣ୍ଡ ହାଆନା ପିହଦି ?” ୧୧ ଏଚେଟିଏ ଏ ବାରେଜାଣା ତାକି ଦବଲା ହିମ୍ବରକା ହାପକିଆଡ଼େ, ଇଞ୍ଜାଁ ଏଝାରି ତଲେତି ତାୟିୟି ସେବା କିନାରି ଏଚରଜାଣା ପାୟି ଆନି କାତା ପାୟି ଆପାପାତେକା ଏଝାରାକି ଅଡ଼େ ଏଚରଦିନା ଜମାଲି ଝେସ୍ତପିଆଡ଼େ ।

୧୨ ଫେଣ୍ଡା ତାଲୁ ସ ଲମ୍ବର ସୀଲି ଦେତିମାଚାଟି ନାନୁ ମେସ୍ତେଏଁ; ଦେବୁଣିଏ ଆଜିହଡ଼େପତି ବୁମି ଝାଡ଼ିତେ । ଝେଡ଼ା କାଡ଼ିନି ଝାଣା ହିମ୍ବର ଲେହେଁ ଆଡ଼େ, ଅଡ଼େ ଲେଞ୍ଜୁ ନେତେରି ଝାଣା ଆଡ଼େ । ୧୩ କାଜା ଗାଲି ଏନିକିଁ ମାରୁନୁଇଁ ଝାଡ଼ିହସାରେ ହିଇଲି ତୟା ପାଡ଼େୟିକା ତରଗିନି ଲେହେଁ ହାଗୁଲାକତି ହୁକାୟି ଦାନ୍ତତିତା ତରଗା ହାଚୁ । ୧୪ ହାଗୁପାକା ତଲୁ ପତି ରୁପି ଆଡ଼ି ଲେହେଁ ରୁପିଆହାଁ ମେଜାଜାହାଚେ । ଅଡ଼େ ହରକା ଇଞ୍ଜାଁ ସାମ୍ବୁରି ବିଡ଼ାମାନି ଇତି ଇତି ଦେସାୟି ତାନି ଟାୟିଟି ଗୁଟା ଆହାହାଚୁ । ୧୫ ଅଡ଼େ ଦାନ୍ତତି ରାଜାୟି, ସାଲୁଟି କିନାରି, ଜୁକୁକିନି କାଜାରି, ଦନ ଗାଗାରି, ବାଡ଼ୁୟୁ ଗାଗାରି, ହଲିୟାଜା ଅଡ଼େ ହଲିୟାଜା ଆଆତାରି ଏଝାରି ବାରେଜାଣା ପାଝୁତା ଇଞ୍ଜାଁ ହରକାତି କାଜା ଝାଲକା ପାଡ଼ା ତୁଇ ହାଜାନା ତୁରୁତେରି । ୧୬ ଅଡ଼େ ଏଝାରି ହରକା ଇଞ୍ଜାଁ ଝାଲକାଣି ହାଡ଼ିହଁ ଏଲେଇଚେରି, “ମା ମୁହେଁ ତରଗାନା ସିଂଗାସାଣିତା କୁଗାମାନାଣି ତାଣାଟି ଅଡ଼େ ଫେଣ୍ଡା ତାଲୁ କପାଟି ! ମାଞ୍ଜେ ତୁକୁହାମ୍ବୁ । ୧୭ ଇତିହଁ ଏଝାରାକି ଆଜିହଡ଼େପତି କପାଟି ଦିନା ଏଦାତେୟିଏ, ଇଞ୍ଜାଁ ଏମ୍ବାଆଁ ଆମ୍ବାଆସି ନିଚାଲି ଆଡ଼ିନେସି ?”



ଇସ୍ତାୟେଲତି ୧୪୪,୦୦୦ ଲକ୍ଷ

୧ ଏଚେଟିଏ ନାନୁ ଦାନ୍ତତି ସାରି କନତା ସାରିଗଟା ଦୁଡ଼ୁୟିଁ ନିଚାମାନାଣି ମେସ୍ତେଏଁ, ଅଡ଼େ ଦାନ୍ତତି ସାରିଝାକିଟି ଗାଲି ଆଜ୍ଞାମାନେରି, ଏଚେଟିଏ ଦାନ୍ତ ସାମ୍ବୁରି ଅଡ଼େ ଆନିନି ମାରୁନୁ ମୁହେଁ ଗାଲି ଝାଆପେଝା ଇଞ୍ଜାଁ ଗାଲିଟି ଆଜ୍ଞାମାନେରି । ୨ ଅଡ଼େ ନାନୁ ର ଦୁଡ଼ୁଇଁ ଝେଡ଼ା ହପୁଝାକିଟି ହଡ଼ାଝାଟାଣି ମେସ୍ତେଏଁ, ଏଦାନି କେୟୁତା ଜୀଝୁତି ମାହାପୁରୁତି ବୁଡ଼ୁ ମୁଦ୍ରା ମାଚେ, ଏ ଦୁଡ଼ୁ ଦାନ୍ତ ଅଡ଼େ ସାମ୍ବୁରି ନସ୍ତ କିହାଲିତାକି ସାରିଗଟା ଦୁଡ଼ୁକି ଅଦିକାରା ହାହାମାଚେ, ଏଦି କାଜା ଗିୟିତଲେ ହାଡ଼ାମାନା ଏଲେଇଚେ, ୩ “ମାମ୍ବୁ ମାହାପୁରୁତି ସେବା କିନାରି ମୁଞ୍ଜୁତା ବୁଡ଼ୁ ମୁଦ୍ରା ନାବଗାଆ ପାତେକା ମୀରୁ ଦାନ୍ତତି, ସାମ୍ବୁରି, କି ମାରୁକାଣି ନସ୍ତ କିଆଦୁ ।” ୪ ଏଚେଟିଏ ମୁଞ୍ଜୁତା ବୁଡ଼ୁ ମୁଦ୍ରା ନାବଗାନା କଡ଼ିତାରି ୧୪୪,୦୦୦ ଲକ୍ଷ ମାଚେରି ଇଞ୍ଜାଁ ନାନୁ ଝେଚେଏଁ ଏଝାରି ଇସ୍ତାୟେଲତି ବାର କୁଡ଼ାତି ଲକ୍ଷ୍ମ ମାଚେରି । ୫ ଜୀହୁଦା କୁଡ଼ାଟି ବାର ମାଣା ଲକ୍ଷ୍ମ ବୁଡ଼ୁ ମୁଦ୍ରା କିହାମାନେସି, ରୁବେନ କୁଡ଼ାଟି ବାର ମାଣା, ଗାଦ କୁଡ଼ାଟି ବାର ମାଣା, ୬ ଆସେର କୁଡ଼ାଟି ବାର ମାଣା, ନସ୍ତାଲି କୁଡ଼ାଟି ବାର ମାଣା, ମନସି କୁଡ଼ାଟି ବାର ମାଣା, ୭ ସିନିୟନ କୁଡ଼ାଟି ବାର ମାଣା, ଲେବି

କୁଡ଼ାଟି ବାର ମାଣା, ଇସାକାର କୁଡ଼ାଟି ବାର ମାଣା, ଯୁବୁଲୁନ୍ କୁଡ଼ାଟି ବାର ମାଣା, ଜସେପ କୁଡ଼ାଟି ବାର ମାଣା, ବିନ୍ୟାମିନ୍ କୁଡ଼ାଟି ବାର ମାଣା ଲକ୍ଷ୍ମୀଙ୍କୁ ବୁଝୁ ମୁଦ୍ରା କିହାମାନେସି ।

ଗାତ୍ରି ମାନ୍ଦା ଲକ୍ଷ୍ମୀ

୯ ଏତେଟିଏ ନାନୁ ସିନିକିତେଏଁ ଫେହଦୁ ବାରେ ଜାଡ଼ି, ବାରେ କୁଡ଼ା, ବାରେ ଦେସା, ବାରେ ହାଡ଼ା, ଏଜିକିହାଲି ଆଡ଼ାଆଗାଟି ର ମାନ୍ଦା ଲକ୍ଷ୍ମୀ ଅଜିତି ଦବଲ୍ଲା ହିମ୍ବରକା ହୁରାନା କାଜୁରି ମାଟାୟାଁ କେୟୁଡା ଆସାନା ସିଂଗାସାଣି ଅଡ଼େ ଫେଣ୍ଡା ତାଲୁ ନକିତା ନିଚାମାନେରି । ୧୦ ଏଝାରି କାଜା ଗିୟାତଲେ ଏଲେଇଚେରି, “ଝାରୁଇ ସିଂଗାସାଣିତା କୁଗାମାନି ମାହାପୁରୁ ଅଡ଼େ ଫେଣ୍ଡା ତାଲୁ ମାଜେ ଗେଲ୍ଲପାନାସି ।” ୧୧ ସିଂଗାସାଣି, ପ୍ରାଚିନାଜା ଅଡ଼େ ବାରେ ସାରିଗଟା ଜନ୍ତ ସାରିସୁରୁ ଲାକପୁରୁତି ଦୁତୁୟାଁ ନିଚାମାନେରି, ଅଡ଼େ ସିଂଗାସାଣି ନକିତା ମୁନୁ କୁତାନା ମାହାପୁରୁଇଁ ଜହରା କିହାନା, ୧୨ ଏଲେଇଚେରି, “ଆମେନ୍ ନେହାୟି, ଗାଧୁରମି, ବୁଦି, ଜହରା, ସାମୁ_ମି, ଅଦିକାରା ଅଡ଼େ ବାଡ଼ୁୟୁ, କାଲାକାଲା ତାକି ମା ମାହାପୁରୁଝାୟି ! ଆମେନ୍ ।”

୧୩ ଅଡ଼େ ପ୍ରାଚିନାଜା ବିତ୍ରାଟି ରଅସି ନାଜେ ଝେଞ୍ଜାତେସି, “ଦବଲ୍ଲା ହିମ୍ବରକା ହୁରାମାନି ଇ ଲକ୍ଷ୍ମୀ ଆମ୍ବାଆରି ? ଅଡ଼େ ଏଝାରି ଏମ୍ବିଟି ଝାହାମାନେରି ?” ୧୪ ନାନୁ ଏଝାଣାଇଁ ଏଲେଇଚେଏଁ, “ଏ ନା ପ୍ରବୁ ନାନୁଏ ଏଦାଆଁ ପୁଞ୍ଜାମାଞ୍ଜି” ଏମ୍ବାଟିଏ ଏଝାସି ଏଲେଇଞ୍ଜାତେସି, “ଇଝାରି ଆଜିହପେତି ସାସ୍ତି ଅରହାନା ହଡ଼ା ଝାହାମାନେରି, ଇଞ୍ଜାଁ ଫେଣ୍ଡା ତାଲୁତି ନେତେରି ତଲେ ଏଝାରି ତାମି ହିମ୍ବରକା ରାଚାନା ଦବଲ୍ଲା କିହାମାନେରି । ୧୫ ଏଦାଆଁତାକି ଏଝାରି ମାହାପୁରୁ ଲକ୍ଷ୍ମୀତି ସିଂଗାସାଣି ନକିତା ନିଚାମା ଲାଆଁ ମାଦେନା ଏଝାଣି ଜହରା କିନେରି, ଇଞ୍ଜାଁ ସିଂଗାସାଣିତା କୁଗାମାନାସି ଏଝାରାକି ବାସାଟାୟୁ ହାନେସି । ୧୬ ଏଝାରାକି ଏତେଲାଝା ହାକି କି ଏସ୍ତି ଆସ୍; ଇଞ୍ଜାଁ କାରା କି ଏନି ଝେନ୍ଦାୟି ତାଗାଲି ଆଡ଼େଏ । ୧୭ ଇତିହଁ ସିଂଗାସାଣି ମାଦିତି ଫେଣ୍ଡା ତାଲୁ ଏଝାରି ଫେଣ୍ଡା ଗଡ଼ୁ ଆନେସି । ଅଡ଼େ ଜାସୁହାନି ଏୟୁ ହତିମାନି ତାଣା ଏଝାରାଇଁ ତାକିକିହା ଅନେସି, ଅଡ଼େ ମାହାପୁରୁ ଏଝାରି କାନୁତି ବାରେ କାଣ୍ଡୁ_ଚୁଜକାତୁହନେସି ।”



ସାଡ଼ା ଲମ୍ବର ସାଲି

୯ ଫେଣ୍ଡା ତାଲୁ ଏତିବେଲ୍ଲା ସାଡ଼ା ଲମ୍ବର ସାଲି ଦେତି ଦେବୁଣିଏ ଲାକପୁରୁ ଆଦା ଗଂଟା ପାତେକା ସାପିଆଡେ । ୨ ଏମ୍ବାଟିଏ ନାନୁ ମାହାପୁରୁ ନକିତା ନିଚାମାନି ସାଡ଼ା ଜାଣା ଦୁତୁୟାଁଇଁ ମେସ୍ତେଏଁ, ଏଝାରାକି ସାଡ଼ାଗଟା ତାଡ଼ି ମହୁରି ହାପକି ଆତୁ ।

୩ ଏମ୍ବାଟିଏ ଅଡ଼େ ର ଦୁତୁ ଝାଣାଁ ପିଣ୍ଡା ନକିତା ନିଚେ, ଏଦାନି କେୟୁଡା ବାଂଗାରା ଦୁପଣି ସାଡ଼ାଝା ମାଚେ, ଅଡ଼େ ସିଂଗାସାଣି ନକିତି ବାଂଗାରା ପୂଜାପିଣ୍ଡା ଲାକ ବାରେ ମାହାପୁରୁ ଦୁତୁ କେୟୁଡା ଲକ୍ଷ୍ମୀତି ପ୍ରାଚାନା ତଲେ ହେରପାଲି ତାକି ହାରେକା ଦୁପଣି ହାପକିଆଡ଼େ । ୪ ଏମ୍ବାଟିଏ ଲାକପୁରୁ ଦୁତୁ କେୟୁଡା ଦୁପଣି ବୟଁ ମାହାପୁରୁ ଲକ୍ଷ୍ମୀତି ପ୍ରାଚାନା ତଲେ ଆଣ୍ଡାନା ମାହାପୁରୁ ନକିତା ଏଗାତେ । ୫ ତାୟୁ ଏ ଦୁତୁ ଦୁପଣି ସାଡ଼ାଝାତା ପୂଜା ପିଣ୍ଡାତି ହିନ୍ଦୁତଲେ ନେଞ୍ଜିକିହାନା ଦାରୁତି ଲାକ ତାଞ୍ଜିତେ, ଏମ୍ବାଟି ହାଗୁ ଗୁଣ୍ଡତେ ବିଜା ରିନି ହାଡ଼ା ଝେଜିତେ ଇଞ୍ଜାଁ ବୁମି ଝାଡିତେ ।

ତାଡ଼ି ଉକିନାୟି

୨ ଏତିବେଲ୍ଲା ସାଡ଼ା ଜାଣା ତାଡ଼ି ଆସାମାନି ଦୁତୁୟାଁ ସାଡ଼ା ଜାଣା ତାଡ଼ି ଉକାଲି ତିୟାରା ଆଡେତି ।

୩ ର ଲମ୍ବର ଦୁତୁ ତାନି ତାଡ଼ି ଉକିତେ ଏତେଟିଏ ନେତେରି ତଲେ ଆଜିୟାଁ ଅଡ଼େ ହିରୁ ଆଣ୍ଡି ଆହାଁ ଦାରୁତି ଲାକ ରିଡୁ, ଇଞ୍ଜାଁ ବାରେ ମାରୁନୁ ମାଡ଼ା, ହିଇଲି ଜାଡ଼ା ତଲେ ଦାରୁତିତି ତାନି ବାଗାଟି ର ବାଗା ବାରେ ଝେହା ହାଟେ ।

୪ ଏତେଟିଏ ରା ଲମ୍ବର ଦୁତୁ ତାନି ତାଡ଼ି ଉକିନି ଦେବୁଣିଏ ଡ଼ାଞ୍ଜିମାନି ର କାଜା ହରୁ ଲେହେଁତାୟି ସାମ୍ବୁରିତା ଲାକ ରାତେ ଇଞ୍ଜାଁ ସାମ୍ବୁରିତା ଏୟୁ ତାନି ବାଗାଟି ର ବାଗା ନେତେରି ଆହାହାରୁ । ୫ ସାମ୍ବୁରିତା ମାନି ତାନି ବାଗାଟି ର ବାଗା ଜାସୁ ଗାଗାଇ ହାହାହାରୁ, ଅଡ଼େ ସାମ୍ବୁରିତା ମାନି ଜାକାୟାଁ ତାନି ବାଗାଟି ର ବାଗା ଜାକାୟାଁ ବିଡ଼ହାହାରୁ ।

୬ ତାନି ଲମ୍ବର ଦୁତୁ ତାଡ଼ି ଉକିତେସି, ଇଞ୍ଜାଁ ଦେବୁଣିଏ ହିରୁ ବନ୍ଦାଲେହେଁ ଡ଼ାଞ୍ଜିମାନି ର କାଜା ହୁକା ହାଗୁତି ତାନି ବାଗା କାତା ଅଡ଼େ ଉସାଣାଁ ରାତେ । ୧୧ ଏ ହୁକାତି ଦରୁ “କାମେଲି” ଏତେଟିଏ ତାନି ବାଗାଟିଏ

ର ବାଗା ଏମ୍ଭ କାମ୍ବେଲି ଆତୁ, ଇଞ୍ଜା ହାବରକା ଲକୁ ଏମ୍ଭ ଗସାନା ହାବେରି, ଇଚିହି ଏଫ୍ରି କାମ୍ବେଲି କିଫ୍ରି ଆହାମାତୁ ।

୧୨ ସାରି ଲମ୍ବର ଦୂତୁ ତୀତ୍ରି ଉକିତେସି ଇଞ୍ଜା ଝେଡ଼ା, ଲେଞ୍ଜୁ, ହୁକାୟିତି ବାରେ ତାନି ବାଗାଟି ର ବାଗା ନସୁ ଆତୁ, ଇଞ୍ଜା ତାନି ବାଗାଟି ର ବାଗା ଉଜେଡ଼ି ଉଣା ଆଡେ, ଇଞ୍ଜା ଲାଆଁୟି ମାଦେନା ତାନି ବାଗାଟି ର ବାଗା ଉଜେଡ଼ି ଉଣା ଆଡେ ।

୧୩ ତାୟୁ ନାନୁ ମେସ୍ତେସ୍, ହାଗୁତି ମାଦି ଉମ୍ବିମାନି ର ଲେଡ଼ କାଜା ହାଡ଼ାତଲେ ଏଲେଇଞ୍ଜିମାଚାଣି ଝେଚେସ୍, ଆହା ! ଦାବ୍ତିତା ବାସା ଆହାମାନି ଲକୁ ଆଜିହସପତି ତଣ୍ଡ ବେଟାଆନାରି, ଇଚିହି ଅଡେ ତାନି ଜାଣା ଦୂତୁୟି ତୀତ୍ରି ଉକାଲି ହାଜିମାନେରି ।

C

୧ ଏଚେଟିଏ ପାସା ଲମ୍ବର ଦୂତୁ ତୀତ୍ରି ଉକିତେସି ନାନୁ ର ହୁକା ହାଗୁତି ଦାବ୍ତିତା ରିତାଣି ମେସ୍ତେସ୍, ଏଞ୍ଜାଣାକି ତାଡେପୁରୁତି କୁଚିକାଡ଼ି ହାପକି ଆହାମାଚେ । ୨ ଏଞ୍ଜାସି ଏ ତାଡେପୁରୁ ଗାଡ଼ୁୟୁ ଦେବାଲିଏ ଏମ୍ବାଟି କାଜା ହଲୁତା ହନିଲେହେ ବୟ୍ ହଟାଞ୍ଜାଚେ, ଇଞ୍ଜା ଏ ହିତୁ ଗାଡ଼ୁୟୁତି ବୟ୍ ତାକି ଝେଡ଼ା ଇଞ୍ଜା ହାଗୁ ଆଦେରି ଆଡେ । ୩ ଏ ବୟ୍ ଗପ୍‌ଏରିକା ହଟାନା ଦାବ୍ତିତା ଖାତୁ, ଏଞ୍ଜାସିକାକି ଦାବ୍ତିତି କାଚାକୁପିତା ମାନି ବାସାତି ବାଡ଼ୁୟୁ ହାପକିଆଡେ । ୪ ଏଫ୍ରି ଦାବ୍ତିତି ମାର୍‌କା ଗଚା ଜାଡ଼ାତି ନସୁ କିଆନା, ଆମ୍ବାଆରି ମୁଞ୍ଜୁତା ମାହାପୁରୁତି ବୁଡୁ ମୁଦ୍ରା ହିଲାଆଚେ ଏଞ୍ଜାଚାଈ କସୁ ହାହାଲି ଏଲେଇଞ୍ଜାସି ଆଡେ । ୫ ଏଞ୍ଜାଚାଈ ପାୟାଆନା ପାସା ଲେଞ୍ଜୁ ତାକି କସୁ ହାହାଲି ଗପ୍‌ଏରିକାକି ଅଦିକାରା ହାପକିଆଡେ, କାଚାକୁପି କାଚିତେ ଇଚିସାରେ ଏନିକ୍ ବାସା ଆନେ ଏ କସୁ ଏଲେତାୟି । ୬ ଏଚିବେଲେ ଲକୁ ହାହାଲି ଅଣ୍ଡିପିନେରି ସାମା ହାଅରି, ଏଞ୍ଜାରି ହାହାଲି ଅଣ୍ଡିପିନେରି, ସାମା ହାକି ଏଞ୍ଜାରି ତାଣାଟି ହଟାଡ଼ୁହନେ ।

୭ ଏ ଗପ୍‌ଏରିକା ଜୁଜୁତା ହାଜାଲି ତିୟାରା ଆହାମାନି ଗଡ଼ାୟି ଲେହେ ତଞ୍ଜାଆହିମାତୁ, ଏଞ୍ଜାସିକା ତାକାଣା ବାଂଗାରା ଚପେରି ଲେହେ ପିଡ଼ିରି ଆହାମାଚେ, ଏଞ୍ଜାସିକା ମୁମ୍ବୁ ମାଣସି ମୁମ୍ବୁ ଫୁଲହେ ମାଚେ । ୮ ଇୟାସିକା ତାୟୁ ରୁଣାୟି ଲେହେ ଏଞ୍ଜାସିକା ବାଣାୟି, ସିହି କ୍ଷାନ୍ତିତି ପାଲୁକା ଲେହେତି ତାନି ପାଲୁକା ମାତୁ । ୯ ତାନି ବକତା ଲହ ପାଟା ଲେହେତି ପାଟା, ତାନି ମାରାୟି ଖାତିମାନି ହାଡ଼ା ଜୁକୁ ତାକି ଗଡ଼ାୟି ରାତାୟିଣି ରେଜା ଅହିମାନି ଲେହେତି ହାଡ଼ା । ୧୦ କାଚାକୁପିତି ଲେଂଗୁଣି ଇଞ୍ଜା ବାସା ସୁଜା ଲେହେ ଏଞ୍ଜାସିକାକି ଲେଂଗୁଣି ଅଡେ ବାସା ସୁଜା ମାଚେ, ପାସା ଲେଞ୍ଜୁ ତାକି ମାଣସିୟାଈ ସାସି ହିୟାଲି ଏଞ୍ଜାସିକା ଲେଂଗୁଣିକାଣା ବାଡ଼ୁୟୁ ବେଟାଆହାମାତୁ । ୧୧ ଏଞ୍ଜାସିକା ମୁହେ ର ରାଜା ସାଲୁଫି କିହିମାନେସି, ଏଞ୍ଜାସି ତାଡେପୁରୁ ଗାଡ଼ୁୟୁତି ଦୂତୁ, ଏଦାନି ଦରୁ ଏଡ଼ି ହାଡ଼ାତଲେ ଆବାଦନ୍ ଅଡେ ଗ୍ରିକ ହାଡ଼ାତଲେ ଅପ୍ଲିୟନ୍ ଇଚିସାରେ “ନାସା କିନାଇ ।”

୧୨ ତଲିତି ଆଜିହସପତି ତଣ୍ଡ ଉଣା ଆଡେ ଅଡେ ଜଡେକା ଆଜିହସପତି ତଣ୍ଡୟି ଖାହିମାତୁ ।

୧୩ ସ ଲମ୍ବର ଦୂତୁ ତୀତ୍ରି ଉକିତେସି, ଇଞ୍ଜା ନାନୁ ମାହାପୁରୁ ନକିତି ବାଂଗାରା ପୂଜା ପିଣାଟି ସାରିଗଟା କମ୍‌କା ବିତ୍ରାଟି ର ହାଡ଼ା ଝେଚେସ୍ । ୧୪ ଏଡ଼ି ତୀତ୍ରି ଆସାମାନି ସ ଲମ୍ବର ଦୂତୁଈ ଏଲେଇଚେ, “ପରାଡ଼ କାଜା କାତାତା ଦସ୍‌ପି ଆହାମାନି ସାରି ଜାଣା ଦୂତୁୟିଈ ପିସ୍‌ପି କିମ୍ ।” ୧୫ ଏମ୍ବାଟିଏ ମାଣସିୟାଈ ତାନି ବାଗାଟି ର ବାଗା ଲକୁଈ ପାୟାଲି ତାକି ତିୟାରା ଆହାମାନି ଆମିନି ସାରି ଜାଣା ଦୂତୁୟିଈ ଏ ଦିନା, ଲେଞ୍ଜୁ, ଅଡେ ବାର୍ଯା କିଫ୍ରି ଆହାମାଚେ ଏଞ୍ଜାଚାଈ ପିସ୍‌ପି କିଫ୍ରିଆଡେ । ୧୬ ଗଡ଼ାୟି ଲାକ କୁଗାନା ଜୁକୁ କିନାରି ରା କିଟି ମାଚେରି ନାନୁ ଝେଚେସ୍ । ୧୭ ଅଡେ ନାନୁ ଗଡ଼ା ଇଞ୍ଜା ଏମ୍ବାଆଁ ହଟାମାନାରାଈ ମେସ୍ତେସ୍, ଏଞ୍ଜାରି ବକ ପାଟା ହିତୁ ଅଡେ ନାଲି, ହାଜେରି ଖାଣା; ଗଡ଼ାୟିତି ତାକା ସିହିକ୍ଷାନ୍ତି ତାକା ଲେହେ, ଇଞ୍ଜା ଏଞ୍ଜାସିକା ଗୁଚିଟି ହିତୁ, ବୟ୍, ଅଡେ ଗାନ୍‌ଗୁଣ୍ଡା ହଟିମାଚେ । ୧୮ ଏଞ୍ଜାସିକା ଗୁଚିଟି ହିତୁ, ବୟ୍, ଅଡେ ଗାନ୍‌ଗୁଣ୍ଡା ଲେହେ ଈ ତାନିଗଟା ତଣ୍ଡୟି ହଡ଼ୁ, ଈ ତଣ୍ଡୟିଟି ମାଣସିୟା ତାନି ବାଗାଟି ର ବାଗା ପାୟୁଫି ଆଡେରି । ୧୯ ଏନ୍‌ଆତାକି ଇଚିହି ଗଡ଼ାୟିତି ବାଡ଼ୁୟୁ ତାନି ଗୁଚି ଅଡେ ଲେଂଗୁଣିତା ମାଚେ, ଇଚିହି ଏଞ୍ଜାସିକା ଲେଂଗୁଣିକା ତାୟୁ ଟ୍ରାଟି ରାତୁ ଲେହେ ମାତାକି ତାନି ଲେଂଗୁଣିକା ତଲେ ଲକୁଣି ନସୁ କିହିମାତୁ ।

୨୦ ଆମିନି ଲକୁ ଈ କସୁତଲେ ପାୟୁଫି ଆହା ହିଲାଆଚେରି, ଏଞ୍ଜାରି ତାନି କେୟୁତଲେ କିତି କାମାତାକି ମନ୍ ଝେଟ୍‌ପି କିଆଚେରି, ଇଚିହି ବୁତୁୟିଣି ପୂଜା, ଅଡେ ମେସାଲି, ଝେଞ୍ଜାଲି, ତାକାଲି ଆଡ଼ାଆଗାଟି ବାଂଗାରା, ଝେଣ୍ଡି, ପିତାଡ଼ା, ଖାଲୁକା ଅଡେ ମାର୍‌କା ତଲେ କେପିତି ପେଣକା ବମାୟିଣି ପୂଜା କିହାଲି ପିହିଆଚେରି । ୨୧ ଅଡେ ଏଞ୍ଜାରି ଲକୁଣି ପାୟିନାୟି, ଗୁଣି ଗାବ୍‌ଡ଼ି, ଦାରିକାମା, ଅଡେ ସରୁ କାମା କିନିତାଣାଟି ମନ୍ ଝେଟ୍‌ଆଚେରି ।

୧୦

ଲାକପୁରୁତି ଦୂତୁ ଅଡେତ ରୁପିତି ଉଣା ପତି

୧ ଏଚେଟିଏ ନାନୁ ର ବାଡ଼ୁୟାଗାଟି ଦୂତୁଇଁ ଲାକପୁରୁତି ରେଚା ଖାହିମାଚାଣି ମେସ୍ତେଏ, ଏଦାନି ସାରିସ୍ତୁରୁ ଦୁହା ଇଞ୍ଜା ତାନି ତାୟ୍ ଲାକ ଦାରଣାକି ଅଡେତ ତାନି ମ୍ମୁ ଝେଡ଼ା ଲେହେଁ ଅଡେତ ତାନି କତାୟାଁ ହିତୁ ମୁଣ୍ଡାଲେହେଁ ତଞ୍ଜାଆହିମାତୁ; ୨ ତାନି କେୟୁତା ଦେପି ଆହାମାନି ର ଉଣା ତଲ୍ଲୁ ପତି. ଏଦି ତାନି ଚିଠନି କତା ସାମ୍‌ପୁରିତା ଅଡେତ ଚେଟ୍ରି କତା ଦାରତିତା ଇଚାମାଚେ; ୩ ସିହ୍‌କ୍ଲୁଠନି ଗାଜ୍ ନିଲେହେଁ କାଜା ହାଡ଼ାତଲେ ହାଡ଼ିତେ, ଏଦି ହାଡ଼ାଲିଏ ଏଲେକିହ୍ ଏ ସାଡ଼ାଗଟା ହାଗୁ ଗୁଣନାଲ ତାନି ହାଡ଼ା ଝେଜ୍ କିତୁ । ୪ ଏ ସାଡ଼ାଗଟା ହାଗୁ ଗୁଣନାଲ ଝେସାଲିଏ ନାନୁ ରାଡ଼ିଇଁ ଇଞ୍ଜା ତିୟାରା ଆଡେତଏ, ଏଚେଟିଏ ନା ତାକି ହାଗୁଟି ଇ ହାଡ଼ା ଝେଚେଏ, ଏ ସାଡ଼ାଗଟା ହାଗୁ ଗୁଣନିତାଣାଟି ଏନାଆଁ ଝେଞ୍ଜାମାଞ୍ଜି ଏଦାଆଁ ରାଡ଼ାଆନା ତୁକୁହା ଇଚାମୁ ।”

୫ ଏଚେଟିଏ ଆମିନି ଦୂତୁଇଁ ସାମ୍‌ପୁରି ଅଡେତ ଦାରତି ଲାକ ନିଚାମାଚାଣି ନାନୁ ମେସାମାଚେଏ, ଏଝାସି ତାନି ଚିଠନି କେୟୁ ଲାକପୁରୁ ଝାକି ଦାସାନା ୬ ଆମ୍‌ଆସି ଲାକପୁରୁ, ଦାରତି, ସାମ୍‌ପୁରି, ଅଡେତ ଏମ୍‌ଆଁ ମାନାଣି ବାରେ ଗାଡ଼ି କିହାମାନେସି, ଏ କାଡ଼ଲେଏ ତାକି ନାତାମାନାଣି ଦରୁଚି ପାର୍‌ମାଣା କିହାନା ଏଲେଇଚେସି, “ଅଡେତ ଝେଡ଼ା ଆଏଦେ” ୭ ଏଚିବେଲାତା ସାଡ଼ା ଲମ୍‌ପୁର ଦୂତୁ ତାଡ଼ି ଉକିନେ, ମାହାପୁରୁ ଅଣପୁତି ବଲ୍ଲୁ ଝେକ୍‌ନାରି ଅଡେତ ତାନି ସେବା କିନାରାଇଁ ନେହ୍ କାତୁ ଝେସାମାଚେସି, ଏଚିବେଲା ମାହାପୁରୁ ତାନି ତୁଗ୍‌ମାନି ଅଣପୁ ପୂରା କିନେସି ।

୮ ଇଞ୍ଜା ନାନୁ ଲାକପୁରୁଟି ଆମିନି ହାଡ଼ା ଝେଞ୍ଜା ମାଚେଏ, ଅଡେତ ଝେଣ୍ଡେ ନା ତାକି ଏଲେଇଞ୍ଜି ଝେଜ୍‌ଚେ, “ହାଲାମୁ, ସାମ୍‌ପୁରି ଅଡେତ ଦାରତି ଲାକ ନିଚାମାନି ଦୂତୁ କେୟୁତା ଆମିନି ତଲ୍ଲୁ ପତି ଦେପିଆହାମାନେ ଏଦାଆଁ ଅମ୍ ।” ୯ ଏଚେଟିଏ ନାନୁ ଏ ଦୂତୁ ତାଗେ ହାଜାହାଁ ଏ ଉଣା ତଲ୍ଲୁ ପତିତି ରାସ୍ତେଏ, ଏଝାସି ନାଜେ ଏଲେଇଞ୍ଜାଚେସି, “ଇଦାଆଁ ଅହାଁ ତିନାମ୍: ଇଦି ନୀ ବାଣ୍ଡିତି କାମ୍‌ମେଲି କିୟାନେ ସାମା ନୀ ଗୁତି ତାକି କିରୁୟାଁ ଲେହେଁ ଆଡେନ ।” ୧୦ ଏଚେଟିଏ ନାନୁ ଦୂତୁ କେୟୁଟି ଏ ଉଣା ତଲ୍ଲୁ ପତି ଅହାଁ ତିଚେଏ, ଏଦି ନା ଗୁତି ତାକି କିରୁୟାଁ ଲେହେଁ ଆଡେ, ସାମା ଏଦାଆଁ ତିତି ତାୟୁ ନା ବାଣ୍ଡି କାମ୍‌ମେଲି ଆହାହାଚେ ।

୧୧ ଏଚେଟିଏ ନାଜେ ଏଲେଇଞ୍ଜି ଝେସ୍ତାଚେସି ହାଡ଼େକା ଗଟି, କୁଡ଼ା, ହାଡ଼ା ଗାଟାରି ଅଡେତ ରାଜାୟାଁ କପାତି ତାୟୁ ଏନାୟି ଗଟ଼ି ଆଡେନ ଏଦାଆଁ ନାନୁ ଅଡେତ ଝେଣ୍ଡେ ଝେହ୍‌ନାୟି ମାନେ ।

୧୧

ରିଆରି ସାକି ହାନାରି

୧ ଏଚେଟିଏ ନାଜେ ଲାଡ଼ିନି ଲେହେଁତି ର ବାଡ଼ଗା ହୀପ୍‌କିଆଡେ, ରଅସି ନାଜେ ଏଲେଇଞ୍ଜାଚେସି, “ହାଲାମୁ, ମାହାପୁରୁ ଦେଝୁଡ଼ି, ପୂଜାପିଣ୍ଡା ଲାଡ଼ାମୁ ଅଡେତ ଆମ୍‌ଆରି ଏମ୍‌ଆଁ ପ୍ରାଡ଼ାନା କିନେରି ଏଝାରାଇଁ ଏଜିକିମୁ । ୨ *ସାମା ଦେଝୁଡ଼ି ପାଜାଟି ଆ*ଗେଣିତି ପିହ୍‌ମୁ ଏଦାଆଁ ଲାଡ଼ାଆନି, ଇଚିହ୍ ଏଦି ଜୀହୁଦିଆଆତାରାକି ହୀପ୍‌କି ଆହାମାନେ, ଏଝାରି ରୀ କଡ଼ି ରୀ ଲେଞ୍ଜୁ ପାଚେକା ମାହାପୁରୁ ସୁଦୁ ଗାଡ଼ାତି କତାତଲେ ଝିସାନା ଦୁଡ଼ି କିନେରି । ୩ ଅଡେତ ନାନୁ ନା ରୀ ସାକିୟାଁଇଁ ପାଣ୍ଡିଇଁ ଏଝାରି ବାସ୍ତାୟାଁ ପରହାନା ୧.୨୬୦ ଦିନା ପାଚେକା ମାହାପୁରୁ ଅଣପୁତି ବଲ୍ଲୁ ଝେକ୍‌ନେରି ।”

୪ ଏଝାରି ଦାରତିତି ପ୍ରତୁତି ନକିତା ନିଚାମାନି ରୀ ଜୀତ ମାରୁକା ଅଡେତ ରୀ ଦୀଞ୍ ସତ୍‌ୟାୟାଁ ଲେହେଁତାରି । ୫ ଆମ୍‌ଆସି ଏଝାରାଇଁ ନସ୍ କିହାଲି ଅଣପିନେସି, ଆଚିହ୍ ଏଝାରି ଗୁତିତି ହିତୁ ହଚାହାଁ ଏଝାରି ସାତୁୟାଁଇଁ ନାସାକିନେ, ଆମ୍‌ଆସି ଏଝାରାଇଁ ନସ୍ କିହାଲି ଅଣପିତିହ୍, ଏଝାସି ନାସା ଆଡେନସି । ୬ ଏଝାରି ମାହାପୁରୁ ବଲ୍ଲୁ ଝେକ୍‌ନାରି ଏନିକି ପିୟୁ ଆଏ ଏଦାଆଁତାକି ହାଗୁଟି ସୁଣ୍ଡାଲି ଅଦିକାରା ହୀପ୍‌କି ଆହାମାନେ, ଏଚର ଦେବା ଏଝାରି ମନ୍ ଆନେ ଏଚର ଦେବା ଏଝାରି ଏୟୁଣି ନେତେରି ମିୟୁହାଲି ଅଡେତ ଦାରତିତି ଏଦି ଇଚି ଏଲେତି ମରଡ଼ି ତଲେ ତଣ୍ଡ ହାହାଲି ଏଝାରାକି ଅଦିକାରା ମାନେ ।

୭ *ଏଝାରି ସାକି ହାହାଲି ରାଡ଼ି ତାୟୁ ତାଡେତପୁରୁ ଗାଡ଼ୁୟିତି ର ଜନ୍ତ ହଚାଝାହାନା, ଏଝାରିତଲେ ଜୁଜୁ କିନେ । ୮ ଏମ୍‌ଆତି ଏମିନି କାଜା ଗାଡ଼ା ସୁଦୁଜୀଞ୍ଜୁ ତଲେ ସଦମ ଅଡେତ ମିସର ଇଞ୍ଜା ଇନେରି, ଏମିନିତାଣା ତାନି ପ୍ରତୁ ଜିକେଏ ପାସିତା ହାହାମାଚେସି, ଏ କାଜା ଗାଡ଼ାତି ଆ*ଗେଣିତା ଏଝାରି ମାଡ଼ହାୟାଁ ତୟିନୁ । ୯ ଅଡେତ ବାରେ ଦେସା ଗଟି, ହାଡ଼ା, ଇଞ୍ଜା କୁଲୁତି ଲକୁ ତାନିଦିନା ଆଦା ପାଚେକା ଏଝାରି

* ୧୧:୨ ୧୧:୨ ଲୁକ ୨୧:୨୪ * ୧୧:୭ ୧୧:୭ ଝେ ବଲ୍ଲୁ ୧୩:୫-୭; ୧୭:୮

ମାତୃହାୟାଙ୍କି ଲେହନେରି ଅଡ଼େ ଏ ମାତୃହାୟାଙ୍କି ମୁସାଲି ହେଲ ହାଅରି । ୧୦ ଏଚେଟିଏ ଦାଋତିତା ବାସା ଆହାମାନାରି ଏଝାରି ହାଡ଼ି କାତୁ ଝେଞ୍ଜାନା ତିଞ୍ଜି ଉଣ୍ଡିହଁ ରାହଁ କିନେରି, ଅଡ଼େ ରଅସି ରଅଣାକି ରାହଁତଲେ ବେଟୁ ହାପୁକି ଆନେରି, ଇଚିହଁ ଈ ରୀ ମାହାପୁରୁ ଅଣପୁତି ବଲ୍ଲୁ ଝେହନାରି ଦାଋତିତି ଲକୁଣି କସ୍ତ ହାହିମାଚେରି । ୧୧ ତାନିଦିନା ଆଦା ତାୟୁ ମାହାପୁରୁ ତାଣାଟି ଜୀଝୁତି ଗାଲି ଝାହଁ ଏଝାରି ଆଜ୍ଞାତା ହଚେ, ଏଚେଟିଏ ଏଝାରି କର୍ତ୍ତାଣି ବାଡ଼ୁୟୁ କିହାନା ନିଚେରି, ଅଡ଼େ ଆମ୍ବାଆରି ଈ କାମାତି ମେସ୍ତେରି ଏଝାରି ଆଜ୍ଞାହାଚେରି । ୧୨ ଏଚେଟିଏ ଏଝାରି ଲାକପୁରୁଟି ର କାଜା ହାଡ଼ାତଲେ ଏ ରିଆରାକି ଏଲେ ଇଞ୍ଜିମାଚାଣି ଝେଚେରି, “ଇମ୍ବାଆଁ ଝାତୁ” ଏଚେଟିଏ ଏଝାରି ତାନି ସାତୁୟାଁ ଏଝାରାକି ମେସ୍ତଦିଏ ଦୁହାଁ ତଲେ ଲାକପୁରୁ ହାଚେରି । ୧୩ ଏ ଦେବୁଣିଏ ବୁମି ହାଚେରକା ଝାଡ଼ିତେ ଅଡ଼େ ଗାଡ଼ାତି ଦସ ବାଗାଟି ର ବାଗା ନାସା ଆଡ଼େ, ଅଡ଼େ ୭,୦୦୦ ଲକୁ ହାଡ଼େରି, ଇଞ୍ଜାଁ ଏଚେକା ଲକୁ ନୀତାମାଚେରି ଆଜିତାକି ଲାକପୁରୁଟି ମାହାପୁରୁକି ଗାଝୁରମି କିଚେରି ।

୧୪ ରୀ ଲମ୍ବର ଆଜିହଚପତି ତଣ୍ଡ ରାଚେ, ସାମା ତାନି ଲମ୍ବର ଆଜିହଚପତି ତଣ୍ଡ ତବେ ଝାହିମାନେ ।

ସାତା ଲମ୍ବର ତାଡ଼ି ମହୁରି

୧୫ ତାୟୁ ସାତା ଲମ୍ବର ଦୁଡୁ ତାଡ଼ି ଉକିଚେସି ଇଞ୍ଜାଁ ଲାକପୁରୁ କାଜା ହାଡ଼ାତଲେ ଈ ହାଡ଼ା ଝେଞ୍ଜିଚେ, “ମା ପୁରୁ ଅଡ଼େ ଏଝାଣି ମସିହା ଦାଋତିତି ସାଲୁଝି କିନି ଅଦିକାରା ନୀର୍ବ୍ୟ ତାନି କେୟୁତା ଅହାମାନେସି, ଏଝାସି କାଲେଏ ତାକି ରାଜି କିନେସି ।” ୧୬ ଏଚେଟିଏ ମାହାପୁରୁ ନକିତା ଜାହା ଜାହାରା ସିଂଗାସାଣିତା କୁଗାମାନି କଡ଼େ ସାରି ଜାଣା ପ୍ରାଚିନାଜାମ୍ ମୁରୁ କୁତାହାଁ ମାହାପୁରୁକି ଜହରା କିହାଁ, ୧୭ ଏଲେଇଚେରି, “ପୁରୁ, ବାରେକିହାଁ ବାଡ଼ୁୟୁଗାଟି ମାହାପୁରୁ, ନୀନୁ ନୀର୍ବ୍ୟ ଅଡ଼େ ତଲିତାତି, ମାମ୍ବୁ ନିଞ୍ଜେ ଜହରା କିହିମାଞ୍ଜାନମି; ଏନାଆଁତାକି ଇଚିହଁ ନୀନୁ ନୀ କାଜା ବାଡ଼ୁୟୁ ତଲେ ସାଲୁଝି କିୟାଲି ଅଦିକାରା ନୀଞ୍ଜୁଟିଏ ଅହାମାଞ୍ଜି

୧୮ ଜୀହୁଦିଆଆଡ଼ାରି କାରବି ଆହାମାଚେରି,
 ସାମା ନୀର୍ବ୍ୟ ନୀ କପା ଆନି ଦିନା ଝାଚେ,
 ଇଞ୍ଜାଁ ହାଡ଼ାରି ନୀର୍ବ୍ୟ ନୀହାୟି କିଝିଆନେରି,
 ଇଞ୍ଜାଁ ନୀ ହଲିୟାଜା ମାହାପୁରୁ ଅଣପୁତି ବଲ୍ଲୁ ଝେହନାରି,
 ମାହାପୁରୁ ଲକୁ, ଅଡ଼େ ନୀ ଦରୁତି ଆଜିନି କାଜାରି ଇଚାରି ବାରେ ଲକୁ ଦାନା ବେଟାଆନେରି,
 ଅଡ଼େ ଆମ୍ବାଆରି ଦାଋତିତି ନାସା କିନେରି ଏଝାରି ଜିକେଏ ନାସା ଆନେରି ।”

୧୯ ଏଚେଟିଏ ଲାକପୁରୁ ମାନି ମାହାପୁରୁଟି ଇଲୁତି ଦାରା ଦେପିଆଡ଼େ, ଅଡ଼େ ତାନି ଇଲୁତା ମାନି ରାଜିମାନାତି ପେଡ଼ା ତଞ୍ଜାଆଡ଼େ, ଅଡ଼େ ବିଲିବାଲା ମୁହନାୟି, ହାଚେରକା ଗିୟାଁ, ହାଗୁ ଗୁଣ୍ଡିନି ହାଡ଼ା, ଇଞ୍ଜାଁ ବୁମି ଝାଡ଼ିତେ ଅଡ଼େ ହାଚେରକା ଆଜିୟାଁ ରିତୁ ।

୧୨

ଆୟାଟି ଅଡ଼େ ରାତୁ

୧ ତାୟୁ କାବାଆନି ଲେହେଁତି ସିନା ହାଗୁତା ତଞ୍ଜାଆଡ଼େ, ର ଆୟାଟି ଲେଞ୍ଜୁ ଲାକ ନିତାମାଚେ ଅଡ଼େ ଝେଡ଼ାତି ଉଜେଡ଼ି ପବହାମାଚେ । ଏଦାଣି ତାୟୁଁ ତୁ ବାଚଗଟା ହୁକାୟାଁଗାଟି ଟପେରି ମାଚେ । ୨ ଏଦି ପୁରା ମାସା ଆହାନା ଜାନି କିନି ବେଲାତା ଲୁଞ୍ଜିନି ବାସା ତାକି କସ୍ତ ବେଟାଆହିମାଚେ ।

୩ ଏଚିବେଲା ହାଗୁ ଲାକ କାବାଆନି ର ସିନା ତଞ୍ଜାଆଡ଼େ, ଏମ୍ବାଆଁ ପାତୁ ଝାଣାଗାଟି କାଜା ରାତୁ ଏ ରାତୁକି ସାଡ଼ାଗଟା ତାକାଁ, ଇଞ୍ଜାଁ ଦସଗଟା କମକା, ଅଡ଼େ ତାକାଁ ଲାକ ସାଡ଼ାଗଟା ଟପେରିକା ମାତୁ । ୪ ତାନି ଲେଂଗୁଣି ତଲେ ହାଗୁତି ତାନି ବାଗା ହୁକାୟାଁଣି ଦାଋତି ଲାକ ମେଡ଼ହେ, ଇଞ୍ଜାଁ ଏ ରାତୁ, ଜାନି କିନି ଦେବୁଣିଏ ଇୟାନି ତାଲୁତି ଗୁସାଲି ଏଦାନି ନକିତା ନିଚେ । ୫ ଆମ୍ବାଆସି ବାରେ କୁଡ଼ାତି ଲକୁଣି ଲହୁ ବାଡ଼ୁଗା ତଲେ ସାଲୁଝି କିନେସି ଇଲେଚି ର କକାଣି ତାଲୁକି ଏ ଇୟା ଜାନି କିଚେ, ଅଡ଼େ କକାଣି ତାଲୁକି ମାହାପୁରୁ ଇଞ୍ଜାଁ ତାନି ସିଂଗାସାଣି ନକିତା ପେରହା ଅଝିଆଡ଼େ । ୬ ଅଡ଼େ ଏ ଇୟା ଲକୁ ହିଲାଆ ବାଗାତା ହଚେ, ଏମ୍ବାଆଁ ୧,୨୭୦ ଦିନା ପାତେକା ପହିକିଝି ଆୟାଲି ମାହାପୁରୁ ତାଣାଟି ଏମ୍ବାଆଁ ଏଦାନାକି ର ଗାୟୁ କେପି ଆହାମାଚେ ।

* ୧୧:୧୩ ୧୧:୧୩ ଝେ ବଲ୍ଲ ୭:୧୨; ୧୭:୧୮ * ୧୧:୧୯ ୧୧:୧୯ ଝେ ବଲ୍ଲ ୮:୫; ୧୭:୧୮; ଝେ ବଲ୍ଲ ୧୬:୨୧

୭ ଏମ୍ବାଟିଏ ଲାକପୁରୁ ଜୁଜୁ ଆଡେ, ମିକାୟେଲ ଅଡେ ତାନି ଦୁତୁୟାଁ ଏ ରାତୁ ତଲେ ଜୁଜୁ କିତୁ, ଏଚେଟିଏ ଏ ରାତୁ ଅଡେ ତାନି ଦୁତୁୟାଁ ଜିକେଏ ଜୁଜୁ କିତୁ । ୮ ସାମା ରାତୁ ଇଞ୍ଜାଁ ତାନି ଦୁତୁୟାଁ ଜୀଣା ଆହାଲି ଆଡାଆତୁ, ଇଞ୍ଜାଁ ଲାକପୁରୁ ଏଫି ଚାୟୁ ବେଟାଆଆତୁ । ୯ ଏଟିବେଲା ଦାରୁତି ନାଡିକିନି ପଲୁଆ ପେନୁ ଇଞ୍ଜାଁ ଯୟତାନ ଦରୁଟି ଝେଙ୍ଗିତି କାଜା ରାତୁ ଏ ପ୍ଲାଃଇ ନାଗା, ଏଡି ତାନି ଦୁତୁୟାଁ ତଲେ ଦାରୁତିତା ମେଡ଼ପି ଆଡେ ।

୧୦ ଏଚେଟିଏ ଲାକପୁରୁଟି ଏଲେଇଞ୍ଜି ର କାଜା ହାଡା ଝେଡେଏଁ, ନୀଏଁ ମାହାପୁରୁ ତାଣାଟି ଗେଲ୍‌ପିନାୟି ଏଗାଞ୍ଜାଡେ, ତାନି ରାଡି ଅଡେ ବାଡୁୟୁ ଇଞ୍ଜାଁ କ୍ରାସ୍ତତି ଅଦିକାରା ଝାହାମାନେ, ଇଚିହଁ ଆମିନି ସାତୁ ମା ତାୟି ତାଙ୍ଗିୟା କପାଟି ନିଙ୍ଗାନା ଲାଆଁ ମାଦେନା ମାହାପୁରୁ ନକିତା ଦାଞ୍ଜା କିହିମାଚେ, ଏଡି ଲାକପୁରୁଟି ଦାରୁତିତା ମେଡ଼ପି ଆହାମାନେ । ୧୧ ଏଞ୍ଜାରି ମୋଣ୍ଡା ତାଲୁତି ନେତେରି ତଲେ ଅଡେ ଝେକହାମାନି ସାତା କାତାତଲେ ଜୀଣା ଆହାମାନେରି ଇଞ୍ଜାଁ ଏଞ୍ଜାରି ହାହାଲିତାକି ଜିକେଏ ତାନି ଜୀଞ୍ଜୁଇଁ ଜୀଞ୍ଜୁ ନହାଁ ହିଲାଆଡେରି । ୧୨ ଏଦାଆଁତାକି ଏ ଲାକପୁରୁ ଅଡେ ଏମ୍ବାଆଁ ବାସା ଆହାମାନାଡେରି ରାହାଁ ଆଦୁ, ସାମା ଦାରୁତି ଅଡେ ସାମପୁରି ମୀରୁ ତଣ୍ଡ ବେଟା ଆନାଡେରି ଏନାଆଁତାକି ଇଚିହଁ ତାନି ବେଲା ହାଡେକା ଡଣା ମାନେ ଇଞ୍ଜାଁ ପୁଞ୍ଜାନା ପଲୁଆ ପେନୁ ଯୟତାନ ହାଡେକା କପାତଲେ ମୀ ତାଣା ରେଟା ଝାହାମାନେ ।

୧୩ ରାତୁ ଜାହାରାଇଁ ଦାରୁତିତା ମେଡ଼ପି ଆହାମାନାଣି ମେସାନା ଏ କକାଣି ତାଲୁଇଁ ଜାନିଁ କିତି ଇୟାନି ଜେଡ ଜେଡ ପେଡହା ଅଡେ । ୧୪ ଏଚେଟିଏ ଏ ଇୟା ରାତୁ ଗୁଡିଟି ଏନିକଁ ଗେଲ୍‌ପିଆହାଁ ତାନି ବାସା ସ ଲେଞ୍ଜୁ ପାତେକା ପହିକିଫି ଆନେ, ଏଦାଆଁତାକି ଲକୁ ହିଲାଆ ବାଟାଟି ତାନି ଚାୟୁତା ଉମ୍ବାହାଜାଲି ଲେଡ଼ତୁ ରୀ ମାରାୟାଁ ହାପକି ଆତୁ । ୧୫ ଏଚେଟିଏ ଏ ଇୟାନି ଅଫି କିୟାଲି ରାତୁ ତାନି ଗୁଡିଟି ର କାଜା କାତା ଏୟୁ ହପୁହେ । ୧୬ ସାମା ଏ ଇୟାନି ସାୟେନି କିହାଲି ଦାରୁତି ତାନି ଗୁଡିଟି ଦେଚାନା ରାତୁ ଗୁଡିଟି ହଡି କାତା ଏୟୁଣି ଗୁସ୍ତେ । ୧୭ ଏଚେଟିଏ ରାତୁ ଏ ଇୟାନି ହାଡେକା କପା ଆହାଁ ତାନି କୁଡାତାରି ଏଚେକା ଲକୁ ମାହାପୁରୁଟି ହୁକୁମି ମାନଫି ଆହାଁ ଜୀସୁତି କାତା ଝେସିମାନେରି, ଏଞ୍ଜାରିତଲେ ଜୁଜୁ କିହାଲି ହାଚେ । ୧୮ ଇଞ୍ଜାଁ ରାତୁ ସାମପୁରି ଗାରୁତି ବାଃଲିତା ନିଡେ ।

୧୩

ରୀ ଜନ୍ତୁୟାଁ

୧ ଏଚେଟିଏ ନାନୁ ସାମପୁରି ମାଦିଟି ହଡାଞ୍ଜାହିମାନି ର ଜନ୍ତୁ ମେସ୍ତେଏଁ, ଏଦାନାକି ଦସଗଟା କମ୍‌କା ଅଡେ ସାଡାଗଟା ତାକାଁ, ତାନି କମ୍‌କାଣା ଦସଗଟା ଚଡ଼ପେରିକା ଇଞ୍ଜାଁ ତାକାଁ ଲାକ ମାହାପୁରୁ ନିନ୍ଦାକିନି ର ର ଦରୁକା ମାରୁ । ୨ ଏ ଜନ୍ତୁ ତାରିରେଇଞ୍ଜାଁ ଛାଃନି ଲେହେଁ ତଞ୍ଜାଆହିମାଚେ, ତାନି କଡାୟାଁ ଅଃଅଡି କଡାୟାଁ ଲେହେଁ ଇଞ୍ଜାଁ ଗୁଡି ସିହଁକ୍ବାଃନି ଗୁଡି ଲେହେଁ ଏ କାଜା ରାତୁ ଜନ୍ତୁକି ତାନି ବାଡୁୟୁ, ସିଂଗାସାଣି, ଅଡେ ବାରେ ଅଦିକାରା ହାଡେ । ୩ ଏ ଜନ୍ତୁଟି ତାୟୁଁ ତୁ ଆମିନି ହାନିଲେହେଁଟି ଗାହାଁ ତଞ୍ଜାଆହିମାଚେ, ସାମା ଏ ଗାହାଁ ନେହଁ ଆଡେ, ଅଡେ ଦାରୁତିତା ମାନାରି ବାରେ କାବା ଆହାଁ ତାନି ଜେଡ ହାଚେରି । ୪ ଅଡେ କାଜା ରାତୁ ଜନ୍ତୁକି ତାନି ଅଦିକାରା ହାଡାକି ଏଞ୍ଜାରି ରାତୁଇଁ ଜହରା କିଚେରି, ଏଞ୍ଜାରି ଏ ଜନ୍ତୁଇଁ ଜିକେଏ ଜହରା କିହାଁ ଏଲେଇଚେରି, “ଆମ୍ବାଆସି ଇ ଜନ୍ତୁ ଲେହେଁ ଆନେସି ଅଡେ ଆମ୍ବାଆସି ଏଦାଣି ତଲେ ଜୁଜୁ କିହାଁ ଜୀଣା ଆନେସି ।”

୫ ଏଦାନାକି ଆଙ୍କାରା ଅଡେ ମାହାପୁରୁ ନିନ୍ଦାଟି କାତା ଝେସାଲି ଗୁଡି ହାଞ୍ଜିଆଡେ, ଅଡେ ରୀ କଡି ରୀ ଲେଞ୍ଜୁ ପାତେକା ସାଲୁଫି କିୟାଲି ଅଦିକାରା ହାପକିଆଡେ । ୬ ଏମ୍ବାଟିଏ ଏଡି ତାନି ଗୁଡି ଏକ୍‌ହାନା ମାହାପୁରୁ ନିନ୍ଦା କାତା ଜଲାନା, ମାହାପୁରୁ ଦରୁ, ମାହାପୁରୁ ବାସାଆନି ଚାୟୁ, ଅଡେ ଲାକପୁରୁ ବାସା ଆହାମାନାରାଇଁ, ବାରେଟି ନିନ୍ଦା କିଚେ । ୭ ବାରେ ମାହାପୁରୁ ଲକୁଇଁ ଜୁଜୁ କିହାଁ ଜୀଣା ଆହାଲି ଅଦିକାରା ହାଞ୍ଜିଆହାମାଚେ, ଅଡେ ବାରେ ଗଟି, କୁଡା, ହାଡା, ଦେସା, ଲାକ ଅଦିକାରା ହାଞ୍ଜିଆହାମାଚେ । ୮ ଆମ୍ବାଆସି ଦରୁ ଦାରୁତିଟି ଗାଡି ଆଆ ନକେଏ ପୂଜା ମୋଣ୍ଡା ତାଲୁତି ଜୀଞ୍ଜୁଗାଟି ପତିତା ରାସକି ଆହାହିଲେଏ, ଦାରୁତିତା ବାସା କିହାମାନି ଏ ବାରେ ଲକୁ ଏ ଜନ୍ତୁଇଁ ଜହରା କିନେରି ।

୯ “ଆମ୍ବାଆରାକି କାକାଁ ମାନୁ ଏଞ୍ଜାସି ଝେଣ୍‌ମ୍ବାସି ! ୧୦ ଆମ୍ବାଆସି ଦସାହାଁ ଅନେସି, ଏଞ୍ଜାସି ଏଲେକିହଁ ଏ ଦସପି ଆନେସି, ଆମ୍ବାଆସି କାଣ୍ଡାତଲେ ପାୟିନେସି, ଆତିହଁ ଏଞ୍ଜାସି ଏଲେଆହଁ ଏ କାଣ୍ଡାତଲେ ପାୟିଫି ଆନେସି, ଏଟିବେଲାତା ମାହାପୁରୁ ଲକୁତାକି ନାମୁ ଅଡେ ଅଡ଼ିହାନାୟି ଲଡାମାନେ ।”

୧୧ ଏତେଟିଏ ନାନୁ ର ଜନ୍ମକୁ ବୁଝି ବିଦ୍ରାଢ଼ି ହତାହତାଣି ମେସ୍ତେସ୍, ମେଣ୍ଡା ତାଲୁ ଲେହେଁ ଜଡ଼େକା କମକା, ଅଡ଼େ ଏଡ଼ି ରାତୁ ଲେହେଁ କାତା ଆହିମାତେ । ୧୨ ଏ ଜନ୍ମ ନକେଏତି ଜନ୍ମ ନକିତା ତାନି ବାଡ଼ୁୟୁ ତସାନା ଏମିନି ନକେଏତି ଜନ୍ମକି ହାନିଲେହେଁତି ଗାହ୍ନା ମାଡ଼ାମାତେ, ଏଦାନି ଜହରା କିହାଲି ଦାରୁତି ଅଡ଼େ ଏମ୍ବାଆଁ ବାସା ଆହ୍ମାମାନାରାଇଁ ବାଲାମାତମି କିନେ । ୧୩ ଏ ଜନ୍ମ କାବାଆନି କାମାୟାଁ କିନେ, ଏଡ଼ି ବାରେ ଲକୁ ନକିତା ହାଗୁରି ଦାରୁତିତା ହିତୁ ରିଝିକିନେ । ୧୪ ଇଞ୍ଜାଁ ଏ ତଲିତି ଜନ୍ମ ନକିତା ଆମିନି କାବାଆନି କାମା କିହାଲି ଅଦିକାରା ବେଟାଆହ୍ମାମାତେ, ଏମ୍ବାତି ଦାରୁତିତା ବାସାଆହ୍ମାମାନି ଲକୁଣି ନାଡ଼ିକିହାଁ, ଆମିନି ଜନ୍ମ କାଣ୍ଡାତଲେ ଗାହ୍ନା ଆହ୍ମାମାତି ଜିକେଏ ନୀଡ଼ିତେ, ଏଦାନି ର ବମା କିହାଲି ଏଞ୍ଜାରାଇଁ ଏଲେଇନେ । ୧୫ ଏ ଜନ୍ମତି ବମା ଏନିକିଁ ଜଲଲି ଆଡ଼ିନେ ଅଡ଼େ ଏତେକା ଲକୁ ଜନ୍ମତି ବମାତି ଜହରା କିଅରି, ଏଞ୍ଜାରି ଏନିକିଁ ପାୟୁଡ଼ି ଆନେରି, ଏଦାଆଁତାକି ତାୟୁତି ଜନ୍ମକି ତଲିତି ଜନ୍ମତି ବମାକି ଜୀଫୁ ହାହାଲି ଅଦିକାରା ହାପିକିଆଡ଼େ । ୧୬ ଅଡ଼େ ଏ ଜନ୍ମ ଉଣା, କାଜାରି, ବାଡ଼କୁ ଗାଟାରାଇଁ, ହାକି ଗାଟାରାଇଁ, ହଲିୟାଙ୍ଗା, ହଲିୟାଙ୍ଗା ଆଆତାରାଇଁ, ବାରେଜାଣାତି ତାନି ଚିଝିନି କେୟୁତା ଆଆତୁଁ ମୁଞ୍ଜୁତା ର ସିନା ଇଟା କତାଲି ବାଲାମାତମି କିନେ । ୧୭ ଅଡ଼େ ଏ ସିନା ଇତିହଁ ଜନ୍ମତି ଦରୁ ଆଆତୁଁ ତାନି ଦରୁତି ଲମ୍ବର ଇଟା କତାଆତି ଲକୁଣି ଏନାଆଁ କତାଲି କି ପାଟଗାଲି ହୀଏ ।

୧୮ ଏ ବାରେତାକି ବୁଦି ଲଡ଼ାମାନେ, ଆମ୍ବାଆରାକି ବୁଦି ମାନେ ଏଞ୍ଜାସି ଏ ଜନ୍ମତି ଲମ୍ବର ଏଜିକିପାସି, ଏନାଆଁତାକି ଇତିହଁ ଏଡ଼ି ର ମାଣସିତି ଲମ୍ବର ଅଡ଼େ ଏ ଲମ୍ବର ଆହିମାନେ ସ ଞ୍ଜାଙ୍ଗା ତାନିକଡ଼ି ସ ।

୧୪

ମେଣ୍ଡା ତାଲୁ ଅଡ଼େ ତାନି ଲକୁ

୧୯ ଏତେଟିଏ ନାନୁ ସିନିକିହାଁ ମେସ୍ତେସ୍, ଅଡ଼େ ମେଣ୍ଡା ତାଲୁ ସିୟନ ହରୁତା ନିଟାମାନେ, ଅଡ଼େ ଆମ୍ବାଆରି ମୁଞ୍ଜୁତା ମେଣ୍ଡା ତାଲୁ ଇଞ୍ଜାଁ ତାନି ଆବାତି ଦରୁ ରାୟକି ଆହ୍ମାମାତେ ଇଲେତି ଲକୁ ସାଡ଼ାକଡ଼ି ସାରି ମାଣା ଲକୁ ତାନିତଲେ ନିଟାମାଟାଣି ମେସ୍ତେସ୍ । ୨ ଅଡ଼େ ଲାକପୁରୁତି ଲଦ ଲଦ ଆହି ରିନି ଏୟୁ ଇଞ୍ଜାଁ ହାଗୁ ଗୁଣିନିଲେହେଁତି ର କାଜା ହାଡ଼ା ଝେଟେସ୍, ଆମିନି ହାଡ଼ା ନାନୁ ଝେଟେସ୍ ଏଡ଼ି ସେରଜି ଡ଼ିଡ଼ିହମାନାରି ହାଡ଼ାଲେହେଁ ଝେଜିମାତେ । ୩ ସିଂଗାସାଣି ସାରିଗଟା ଜନ୍ମ ଅଡ଼େ ପାଟିନାଙ୍ଗା ନକିତା ର ପୁଝିନି ପାଟୁ ପାଟିମାଟେରି, ଅଡ଼େ ଦାରୁତିତି କଡ଼ି ଆହ୍ମାମାନି ସାଡ଼ାକଡ଼ି ସାରି ମାଣା ଲକୁ ପିସ୍ତେପି ଆମ୍ବାଆରି ଏ ପାଟୁ ପାଟାଲି ଆଡ଼ାଆଡ଼େରି । ବାରେ ମାଣସି କୁଡ଼ା ବିଦ୍ରାଢ଼ି ଝାରଇ ଏଞ୍ଜାରିବେଁ ଗେଲ୍ପି ଆହ୍ମାମାତେରି । ୪ ଏଞ୍ଜାରି ଇୟାସିକା ତଲେ କାଲହାନା ତାମ୍ବୁ ଜାହାରାଇଁ ଦହ କିହାଁ କତା ହିଲାଆଡ଼େରି, ଇତିହଁ ଏଞ୍ଜାରି ଅବହାରି, ମେଣ୍ଡା ତାଲୁ ଆୟିୟାଞ୍ଜାକି ହାନେ ଏଞ୍ଜାରି ତାନି ଜେଟ ହାନେରି, ଏଞ୍ଜାରି ମାହାପୁରୁତି ମେଣ୍ଡା ତାଲୁତି ତଲିତି ପାଡ଼େୟି ସମାନା ମାଣସିୟାଁ ବିଦ୍ରାଢ଼ି ଗେଲ୍ପି ଆହ୍ମାନା ମେଣ୍ଡା ତାଲୁ ନକିତା ହେରୁପିଆହ୍ମାମାନେରି । ୫ ଏଞ୍ଜାରି ଗୁତିତା ଏନି ମିତି ଜଲିନାୟି ହିଲେଏ, ଏଞ୍ଜାରି ଦହ ହିଲାଆ ଗାଟାରି ।

ତାନି ଜାଣା ଦୁତୁ

୬ ଏତେଟିଏ ନାନୁ ହାଗୁତି ମାଦି ଉୟିମାନି ର ଦୁତୁଇଁ ମେସ୍ତେସ୍, ଏଡ଼ି ଦାରୁତିତା ବାସାଆହ୍ମାମାନି ବାରେ ଗରି, କୁଡ଼ା, ହାଡ଼ା ଅଡ଼େ ଦେସାତି ଲକୁତାଣା ଝେକହାଲି କାଲାକାଲା ତାକି ତୟିନି ନେହଁ କାକୁ ଝେକହି ମାନେସି । ୭ ଏଡ଼ି କାଜା ଗିୟାଁତଲେ ଏଲେଇଚେ “ମାହାପୁରୁଇଁ ଆଜାଦୁ ଅଡ଼େ ଏଞ୍ଜାଣାଇଁ ଗାଫୁରମି ହାଦୁ, ଇତିହଁ ମାଣସିତି ନୀହାଁୟି କିନି ଦିନା ଏଗାଞ୍ଜାତେ, ଅଡ଼େ ଆମ୍ବାଆସି ହାଗୁ, ଦାରୁତି, ସାମଦୁରି ଇଞ୍ଜାଁ ଜାରଣା ଏୟୁତି ଗାଡ଼ିକିହା ମାନେସି, ଏଞ୍ଜାଣାଇଁ ଜହରା କିଦୁ ।”

୮ ତାନି ତାୟୁ ଅଡ଼େ ର ଦୁତୁ ଇତିହଁ ରୀ ଲମ୍ବର ଦୁତୁ ଝାହାନା ଏଲେଇଚେ, “ଆମିନି କାଜା ଗାଡ଼ା ବାବିଲନ ବାରେ କୁଡ଼ାତି ଲକୁଇଁ ତାନି ଦାରିକାମା କିଞ୍ଜିକିନି କାଡ଼ ଉଡ଼ହାନା ହଡ଼ିକିହାମାତେ, ଏଡ଼ି ରିହା ହାଜାମାନେ ।”

୯ ଏଦାଣି ତାୟୁ ଅଡ଼େ ର ଦୁତୁ ଇତିହଁ ତାନି ଲମ୍ବର ଦୁତୁ ଝାହାନା କାଜା ଗିୟାଁତଲେ ଏଲେଇଚେ, “ଆମ୍ବାଆସି ଏ ଜନ୍ମ ଅଡ଼େ ତାନି କିହାମାନି ବମାତି ଜହରା କିନେସି ଅଡ଼େ ମୁଞ୍ଜୁତା କି କେୟୁତା ତାନି ସିନା ଇଟା କଡ଼ିନେସି, ୧୦ ଏଞ୍ଜାସି ମାହାପୁରୁତି କପାଗାଟି ସଲାଟା ଝାଜୁହାମାନି ହାଡ଼େକା କାରୁବିତି କାଡ଼ ଗହନେସି, ଆମ୍ବାଆରି ଇ କାମା କିନେରି ଏଞ୍ଜାରି ବାରେ ମେଣ୍ଡା ତାଲୁ ଅଡ଼େ ସୁଦୁ ଲାକପୁରୁତି ଦୁତୁୟାଁ ନକିତା ହିତୁ ଅଡ଼େ ଗାମାଗାଟି ଗୁଣ୍ଡା ତଲେ କସ୍ତ ବେଟା ଆନେସି । ୧୧ ଇଲେତି ଲକୁଣି କସ୍ତ ହାନି ହିତୁ

☆ ୧୪:୧ ୧୪:୧ ଝେ ବଲ୍ଲ ୭:୩ ☆ ୧୪:୮ ୧୪:୮ ଝେ ବଲ୍ଲ ୧୮:୨

ବୟସ କାଳାକାଳା ତାକି ହଚେମାନେ, ଆମିନି ଗାଗାରି ଜନ୍ମ ଅଡ଼େ ବମାତି ଜହରା କିନେରି ଅଡ଼େ ତାନି ଦରୁ ଇଞ୍ଜା ସିନା ବେଟା ଆହାମାନେରି, ଏଞ୍ଜାରି ଲାଆଁ ମାଦେନା ଜମାଲି ବେଟାଆଅରି ।”

୧୨ ଇମ୍ବାଆଁ ମାହାପୁରୁ ଲକ୍ଷ୍ମ ଇଚିହଁ ମାହାପୁରୁତି ହୁକୁମି ମାନୁଷିଆନେରି, ଇଞ୍ଜା ଜୀସୁଇଁ ନାମିନେରି, ଏଞ୍ଜାରାକି ଅରୁହନାୟି ଲଡ଼ାମାନେ ।

୧୩ ଇଞ୍ଜା ଲାକପୁରୁତି ଈ ହାଡ଼ା ଝେଚେଏଁ, ଇ କାତା ରାଚାମୁ, “ନୀଏଁ ଆମ୍ବାଆରି ମାହାପୁରୁ ତାଣା ମାଞ୍ଜାନା ହାନେରି, ଏଞ୍ଜାରି ନେହେଁ ।” ଅଡ଼େ ନାନୁ ଝେଚେଏଁ ସୁଦୁଜୀଞ୍ଜୁ ଝେସିମାଞ୍ଜାନେ, “ଏଞ୍ଜାରି ତାନି କାମାତି ଖାହୁତି ଜମିନେରି, ଇଚିହଁ ଏଞ୍ଜାରି କାମାତି ପାଡ଼େୟି ଏଞ୍ଜାରିତଲେ ଡ଼ୟିନେ ।”

ତାସା ଦାନାୟି

୧୪ ଅଡ଼େ ନାନୁ ମେସ୍ତେଏଁ, ଇତାୟି ଦବଲା ହାଗୁ ଇଞ୍ଜା ଏଦାଣି ଲାକ କୁଗାମାନେସି ର ମାଣସି ମୀରୁଏସି ଲେହେଁତାସି; ତାନି ତାୟଁ ତୁ ବାଂଗାରା ଚପେରି, ଇଞ୍ଜା କେୟୁତା ର ଖାହୁନି କଚାତଖେଲି । ୧୫ ଏମ୍ବାଟିଏ ମାହାପୁରୁତି ଇଲୁଚି ର ଦୁଡୁ ଖାହାନା ହାଗୁତା କୁଗାମାନାଣାଇଁ କାଜା ଗିୟାଁତଲେ ଏଲେଇଚେ, “ନୀ କଚାତଖେଲି ଆସାନା ତାସା ଦାମୁ । ଦାରୁତିତି ତାସା ଦାଃନି କାରୁ ଏଗାଞ୍ଜାଚେୟିଏ ।” ୧୬ ଇଦାଆଁ ଖେଞ୍ଜାନା ହାଗୁତା କୁଗାମାନି ମାଣସି ତାନି କଚାତଖେଲି ଅଗିଚେସି ଇଞ୍ଜା ଦାରୁତିତି ତାସା ବାରେ କୁଡ଼ିକିଞ୍ଜିଆଡ଼େ ।

୧୭ ଏଦାଆଁ ତାୟଁ ଲାକପୁରୁତି ମାହାପୁରୁ ଇଲୁଚି ଅଡ଼େ ର ଦୁଡୁ ହଚାଞ୍ଜାଚେସି, ଏ ଦୁଡୁକି କେୟୁତା ଜିକେଏ ଖାହୁନି କଚାତଖେଲି ମାଚେ ।

୧୮ ଅଡ଼େ ପୂଜା ପିଣ୍ଡାତି ହିରୁ ଅଦିକାରାତା ମାନି ର ଦୁଡୁ କଚାତଖେଲି ଆସାମାନି ଅର ଦୁଡୁଇଁ କାଜା ଗିୟାଁତଲେ ଏଲେଇଚେ, “କଚାତଖେଲି ଅଗାନା ଦାରୁତିତି ଅଲୁରି ବାଡ଼ାଟି ଅଲୁରିକା ବାରେ ଡ଼ଡ଼ହା ଡ଼ହମ୍ବୁ: ଏଞ୍ଜି ବାରେ କାମ୍ବାମାନୁ ।” ୧୯ ଏମ୍ବାଟିଏ ଦୁଡୁ ଦାରୁତିତା ତାନି କଚାତଖେଲି ଅଗାନା ଅଲୁରି ମାଡ଼ାୟାଁତି ଅଲୁରି ଡ଼ଡ଼ହେ ଇଞ୍ଜା ଏଞ୍ଜି ମାହାପୁରୁ କାରୁବିତି ଅଲୁରି ପୀଡ଼ିକିନି ଦନିତା ମେଡ଼ହେ ।

୨୦ *ଗାଡ଼ାତି ପାଞ୍ଜାତା ମାନି ଏ ଦନିତା ଅଲୁରି ପୀଡ଼ିକିଞ୍ଜିଆଡ଼େ ଇଞ୍ଜା ଏମ୍ବାଟି ଗଡ଼ାୟାଁ ବାକେରି ପାଚେକା ନିଜାମା ତାନି ଖାଞ୍ଜା କିଲମିଟର ହେକ ପାଚେକା ଇଞ୍ଜା ରୀ ମିଟର ଲାକ ପାଚେକା ନେଚେରି ଖାଞ୍ଜିଚେ ।

୧୫

ସାତାଗଟା ରଚା କିନି ସାତାଗଟା ଦୁଡୁୟାଁ

୧ ଏମ୍ବାଟିଏ ନାନୁ ହାଗୁତା ଅଡ଼େ ର କାବାଆନି ଲେହେଁତି ସିନା ମେସ୍ତେଏଁ, ସାତାଗଟା ଦୁଡୁୟାଁ ସାତାଗଟା ରଚାୟାଁ ତାନି କେୟୁତା ଆସାନା ତଞ୍ଜାଆଡୁ, ଏ ରଚାୟାଁ ମାହାପୁରୁତି କପା ତହୁନାୟି ରାନାୟି ମାଚେ ।

୨ ଅଡ଼େ ନାନୁ ମେସ୍ତେଏଁ, ହିରୁ କାଲୁହିତି ଦାପେଣି ଲେହେଁତି ସାମ୍ବୁରି, ଆମ୍ବାଆରି ଜନ୍ମ, ଏଦାନି ବମା ଇଞ୍ଜା ଏଦାନି ଦରୁତି ଲମ୍ବୁରଟି ଜାଣା ଆଡ଼ାରି, ଏଞ୍ଜାରି ମାହାପୁରୁ ହାହାମାନି ସେଚେଲି ଆସାନା ଗାଲୁ ଲେହେଁତି ସାମ୍ବୁରି ଗିରୁତା ନିଚାମାଚେରି । ୩ ଏଞ୍ଜାରି ମାହାପୁରୁ ହାତି ରାମଗଂଗା ଝେଚିହଁ ମାହାପୁରୁତି ସେବାକିନି ମସାତି ପାରୁ ଇଞ୍ଜା ମେଣ୍ଡା ତାଲୁତି ପାରୁ ପାଡ଼ିହଁ ଏଲେ ଇଞ୍ଜା ମାନେରି, “ବାରେତି କିହାଁ ବାଡ଼ୁୟୁ ଗାଟି ପ୍ରବୁ ମାହାପୁରୁତି,

ନୀ କାମା ଏଚେକା କାଜାୟି ଅଡ଼େ କାବା ଆନାୟି,
ବାରେ ଲକ୍ଷ୍ମତି ରାଜାଟି,

ନୀ କାମାତି ଜିରୁ ବାରେ ନୀହାଁୟି ଗାଗାୟି ଇଞ୍ଜା ସାତାତାୟି ।

୪ ପ୍ରବୁ ! ନିଜେ ଆମ୍ବାଆସି ଆଜାଆ ଗାଗାସି ମାନେସି ?

ଆମ୍ବାଆସି ନୀ ଗାଞ୍ଜୁରମି ଝେଙ୍କଆଗାଟାସି ମାନେସି ?

ଇଚିହଁ ନାନୁ ରଅତିଏ ସୁଦୁ ଗାଗାଟି;

ବାରେ କୁଡ଼ାତି ଲକ୍ଷ୍ମ ଖାହାନା ନୀ ପୂଜା କିନେରି,

ଏନାଆଁତାକି ଇଚିହଁ ନୀ ଦାମ୍ବୁଗାଟି ନୀହାଁୟିତି କାମାୟାଁ ବାରେଜାଣା ମେସାମାନେରି ।”

୫ ଏମ୍ବାଟିଏ ନାନୁ ମେସ୍ତେଏଁ, ଲାକପୁରୁତି ସାକି ହାନି ତୁମ୍ବୁ ଦେଞ୍ଜୁଡ଼ିତି ଦାରା ଦେପିଆଡ଼େ ୬ ସାତାଗଟା କସ୍ତୟାଁ ଆସାମାନି ସାତାଗଟା ଦୁଡୁୟାଁ ଲାକପୁରୁତି ଦେଞ୍ଜୁଡ଼ିତି ହଚାଞ୍ଜାଡ଼େ; ଏଞ୍ଜି ଅପହି ମୁହୁନି ହିମ୍ବୁରିକା ହୁଚାମାରୁ ଇଞ୍ଜା ଏଞ୍ଜାସିକା ବକ ସାରିସୁରୁ ବାଂଗାରା ପାଟା ଦସାମାରୁ । ୭ ସାରିଗଟା ଜନ୍ମୟାଁ ବିତ୍ରାଟି ର ଜନ୍ମ କାଲେଏତାକି ନୀତାମାନି ମାହାପୁରୁ କପାତଲେ ନେଞ୍ଜାମାନି ସାତାଗଟା ବାଂଗାରା ଗିନାୟାଁ ଏ

* ୧୪:୨୦ ୧୪:୨୦ ଝେଙ୍କହି ୧୯:୧୫

ସାତାଗଟା ଦୁତୁୟାକି ହାତେ ।^୮ ମାହାପୁରୁତି ଗାଝୁରମି ଅଡ଼େ ତାନି ବାଡ଼ୁରୁତି ହବିମାନି ବୟ୍ ଦେଝୁଡ଼ିତା ନେଞ୍ଜାହାଚେ; ସାତାଗଟା ଦୁତୁୟା ତାତାମାନି ସାତାଗଟା ରଗୟା ରାଆ ପାତେକା ଏ ଦେଝୁଡ଼ି ବିତ୍ରା ଆମ୍ବାଆସି ହଡ଼ାଲି ଆଡ଼ାଆତେସି ।

୧୭

ମାହାପୁରୁ କପାତି ସାତାଗଟା ଗିନାୟା

^୧ ଏଚେଟିଏ ନାନୁ ଝେଚେଏ, ଦେଝୁଡ଼ିଟି ରଅସି କାଜା ଗିୟାତଲେ ଏ ସାତାଗଟା ଦୁତୁୟାକି ଝେସିମାଚେସି, “ହାନ୍ତୁ, ସାତାଗଟା ଗିନାୟାଣା ନେଞ୍ଜାମାନି ମାହାପୁରୁତି କପାତି ଦାରୁତି ଲାକ ଝାକ୍‌ଦୁ !”

^୨ ଏଚେଟିଏ ମୁଲୁତି ଦୁତୁ ହାଜାନା ତାନି ଗିନାତା ଏନାୟି ମାଚେ, ଦାରୁତି ଲାକ ଝାକ୍‌ହେ; ଦେଦୁଣିଏ ଆମ୍ବାଆରି ତାଣା ଜନ୍ତୁତି ସିନା ମାଚେ, ଇଞ୍ଜା ତାନି ବମାତି ପୂଜା କିହାମାଚେରି, ଏଝାରି ଆଜାତା ହାଚେକା କସ୍ତାଗାଟି ବାସା ପଟ୍‌କା ହତୁ ।^୩ ଏଚେଟିଏ ରୀ ଲମ୍ବର ଦୁତୁ ତାନି ଗିନାତାଣି ସାମ୍ବୁରୁତି ଲାକ ଝାକ୍‌ହେ; ଇଞ୍ଜା ସାମ୍ବୁରୁତି ଏୟୁ ହାଡ଼ି ଲକ୍‌ତୁ ନେତେରିଲେହେ ଆତୁ, ଇଞ୍ଜା ସାମ୍ବୁରୁତି ମାଡ଼ି ବାଚେ ଜନ୍ତୁୟା ହାହାହାତୁ ।

^୪ ତାନି ଲମ୍ବର ଦୁତୁ ତାନି ଗିନାତା ଏନାୟି ମାଚେ, କାତା ଇଞ୍ଜା ଉସା ଏୟୁ ଲାକ ଝାକ୍‌ହେ; ଇଞ୍ଜା ଏ ଏୟୁ ବାଚେ ନେତେରି ମିଣ୍ଡା ହାତୁ ।^୫ ଏଚିବେଲାତା ନାନୁ ଝେଚେଏ, ଏୟୁ ଲାକ ଅଦିକାରା ବେଟାଆହାମାନି ଦୁତୁ ଏଲେଇଞ୍ଜିମାଚେ, “ନାନୁ ସୁଦୁ ଗାଗାତି, ନୀଏ ମାନାତି ଅଡ଼େ ତଲିଏ ମାଗାତି; ନାନୁ ତାରୁପୁତଲେ ନୀହାୟି କିହାମାଞ୍ଜି ।^୬ ଏଝାରି ମାହାପୁରୁ ଲକ୍‌କି ଇଞ୍ଜା ମାହାପୁରୁ ଅଣ୍ଡୁପୁତି ବଲ୍ଲୁ ଝେହନାରି ଆମିନି ନେତେରି ବକ୍‌ହାମାଚେରି, ଏଦାଆଁ ମାରୁ ଏଝାରାଇ ଉଚ୍‌ହାମାଞ୍ଜି । ଏଝାରି ଏନାଆଁ ବେଟାଆନାଣି ବେଟାଆହାମାନେରି ।”^୭ ଏଚେଟିଏ ପୂଜା ପିଣ୍ଡାଟି ର ହାଡ଼ା ଝେଚେଏ, ବାଚେତି କିହାଁ ବାଡ଼ୁରୁଗାଟି ମାହାପୁରୁ ପୁରୁ ! ନୀ ନୀହାୟି ବାଚେ ସାତା ଅଡ଼େ ଟିକାଣାତାୟି ।

^୮ ସାରି ଲମ୍ବର ଦୁତୁ ତାନି ଗିନାତା ମାଗାଣି ଝେଡ଼ା ଲାକ ଝାକ୍‌ହେ, ଏଦାଆଁତାକି ଝେଡ଼ା ହାଚେକା ଡ଼ାଞ୍ଜାନା ଲକ୍‌ଣି ହୁଡିତେ ।^୯ ଏଚିବେଲା ଲକ୍‌ କଣିଚା ହାଡ଼ି କାରାତା ଝେହାହାଚେରି, ଅଡ଼େ ଇ ସାସ୍ତି ଲାକ ଅଦିକାରା ମାନି ମାହାପୁରୁ ଦରୁତି ନିନାକିତେରି । ସାମା ହିୟାଁ ବାଦଲି କିହାଁ ଏଝାଣି ଗାଝୁରମି କିଆତେରି ।

^{୧୦} ପାସା ଲମ୍ବର ଦୁତୁ ତାନି ଗିନାତା ମାଗାଣି ଜନ୍ତୁତି ସିଂଗାସାଣି ଲାକ ଝାକ୍‌ହେ । ଜନ୍ତୁତି ରାଜିତା ଆନ୍ଦେରି ଆହାହାଚେ, ଇଞ୍ଜା ଲକ୍‌ କସ୍ତତଲେ ତାନି ଝେନ୍ଦିକା କାଡ଼ା କଡିତେରି ।^{୧୧} ଅଡ଼େ ଏଝାରି ଆଜାତି ରାଣାରେକା ତାକି ଇଞ୍ଜା ପକାୟାଁ ବାସା ତାକି ଲାକପୁରୁତି ମାହାପୁରୁକି ବାକା ଇଚିତେରି । ସାମା ତାନି ଲାଗେଏତି କାମାଟି ମନ ଝେଡ଼ାଆତେରି ।

^{୧୨} ସ ଲମ୍ବର ଦୁତୁ ତାନି ଗିନାତା ମାଗାଣି ପରାଡ଼ କାଜା କାତା ଲାକ ଝାକ୍‌ହେ, ଏ କାତାତି ଏୟୁ ଝାୟାହାତୁ, ଝେଡ଼ା ହପୁ ଝାକିଚି ଝାହିମାନି ରାଜାୟାକି ଜିରୁ ପାରୁଲିଆତେ ।^{୧୩} ଏଚେଟିଏ ନାନୁ ମେସ୍‌ସେଏ, ପାନାୟାଲେହେ ତଞ୍ଜାଆହିମାନି ତାନିଗଟା ଲାଗେଏତି ଜାଝୁୟାଁ । ଏଝି ରାତୁ ଗୁଡିଟି, ଜନ୍ତୁତି ଗୁଡିଟି, ମିଚି ବଲ୍ଲୁ ଝେହନାରି ଗୁଡିଟି ହରାଝାହିମାତୁ ।^{୧୪} ଏ ଲାଗେଏତି ଜାଝୁଗାଟି ଦୁତୁୟାଁ କାବାଆନି କାମା କିହାଲି ଆଡ଼ିନୁ, ଏଝି ବାଡ଼ୁରୁ ଗାଟି ମାହାପୁରୁତି ଦିନାତା ଜୁଜୁ କିହାଲିତାକି ଦାରୁତିତି ରାଜାୟାଣି କୁଡିକିହାଲି ହାଡ଼ାହାତୁ ।

^{୧୫} ଝେଞ୍ଜୁ ! ନାନୁ ସରୁଲେହେଁ ଝାକ୍‌କି, ଆମ୍ବାଆସି ଜାଗାତା ଆହାଁ ସରୁ ତାଣାଟି ଜାହାରା ହିମ୍ବିକା ଡ଼କ୍‌ହାଲି ଆଡ଼ିମାନେସି, ଏଝାସି ନେହେଁ । ଏଝାସି ନାଡ଼ା ଆହାଁ ଚେଅସି, ଅଡ଼େ ଏଝାସି ଲାଜା ବେଟାଆଅସି ।”

^{୧୬} ପଲ୍ଲୁଆ ଜାଝୁୟାଁ ଏ ବେଲାତା ଦାରୁତିତି ରାଜାୟାଣି ଆମିନି ଚାୟୁତା କୁଡିକିତୁ ଏବି ହାଡ଼ାତଲେ ଏଦାନି ଦରୁ ଆର୍ମାଗାତେନ ।

^{୧୭} ସାତା ଲମ୍ବର ଦୁତୁ ତାନି ଗିନାତା ମାଗାଣି ଗାଲି ଲାକ ଝାକ୍‌ହେ, ଏଚେଟିଏ ଦେଝୁଡ଼ିତି ସିଂଗାସାଣିଟି ର କାଜା ହାଡ଼ା ଝେଜିତେ, “ଇଦାଆଁ କିଝିଆଡ଼େ !”^{୧୮} ଦେଦୁଣିଏ ବିଲିବାଲା ଆହୁଁ ମୁସ୍‌ସେ ଇଞ୍ଜା ହାଗୁ ଗୁଣିନି ହାଡ଼ା ଆଡ଼େ, ଇଞ୍ଜା ହାଚେକା ବୁମି ଝାଡିତେ, ଇଚିହ ଦାରୁତିତା ମାଣ୍ଡିୟାଁ ଗାଡ଼ିଆଡ଼ି ଦିନାଟିଏ ଏଚେଲାଝା ଇଲେତି ବୁମି ଝାଡ଼ାହିଲାଆତେ, ଇଦି ବାଚେକିହାଁ ଆଜିହପେତି ବୁମି ଝାଡ଼ିନାୟି ମାଚେ ।^{୧୯} ଏମ୍ବାଟିଏ ଏ କାଜା ଗାଡ଼ା ତାନି ବାଗା ତଲେ ବାଗା ଆଡ଼େ ଅଡ଼େ ଦାରୁତିତି ବାଚେ ଗାଡ଼ାୟାଁ ବିଡ଼ହାହାତୁ,

* ୧୬:୧୫ ୧୬:୧୫ ମାଡ଼ି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲୁ ୩:୩ * ୧୬:୧୮ ୧୬:୧୮ ଝେ ବଲ୍ଲୁ ୮:୫; ୧୧:୧୩,୧୯

ଅଡ଼େ କାଜା ଗାଡ଼ା ବାବିଲନତି ମାହାପୁରୁ ବାଣୀ ଆହା ହିଲାଆଡେସି, ଏଝାସି ତାନି ଗହ୍‌ନି ସଲ୍ଲାଟି ତାନି ହାରେକା କପାଗାଟି କାଡ଼ୁ ଧୁଝାଣାଇଁ ଉଡ଼ହେସି । ୧୦*ସାମଦୁରି ମାଦି ମାନି ଦେସାୟାଁ ମେଣ୍‌ଜମାହାତୁ ଇଞ୍ଜା ହରକା ବାରେ ଡ଼ଗ୍‌ଗା ହାତୁ । ୧୧*ରୀ କଡ଼ି ଦସ କେଜି ବଲ୍ଲୁଗାଟି ଆଜ୍‌ଜିୟାଁ ହାଗୁ ଲାକଟି ମାଣସିୟାଁ ଲାକ ରିତୁ, ଲକ୍‌ଜି ଇ ମରଡ଼ି ତାକି ମାହାପୁରୁଇଁ ନିନ୍‌ଦାକିତେରି ।

୧୭

ଝେକ୍‌ଜି ଦାରେଣି

୧ ଏମ୍‌ଗାଟିଏ ସାଡ଼ାଗଟା ଗିନାୟାଁ ଆସାମାନି ଦୁତୁ ବିତ୍ତାଟି ରଣ୍ଡି ନା ଡାଗେ ଝାହାନା ଏଲେଇଞ୍ଜାଡେ, “ଇମ୍‌ଗାଆଁ ଝାମୁ ହାରେକା କାତା ଦାରି ଗାଡ଼ି ଆହାମାନି ଦାରେଣି ଲେହେଁତି କାଜା ଗାଡ଼ା ଏନି ସାସ୍ତି ବେଟାଆନେ ଏଦାଆଁ ତସ୍‌ଇଁ । ୨ ଦାରେତିତ ରାଜାୟାଁ ଏ ଦାରେଣି ତଲେ ଦାରିକାମା କିହାମାନେରି, ଇଞ୍ଜା ଦାରେତିତା ବାସା ଆହାମାନାରି ବାରେ ଦାରି କାମାଲେହେଁତି କାଡ଼ୁ ଗୁସାହାଁ ହଡ଼ାମାନେରି ।”

୩*ଏବିବେଲ୍‌ଲତା ସୁଦୁଜୀଝୁ ନା ଡାଣା ଝାଡେ ଇଞ୍ଜା ଏ ଦୁତୁ ନାଜେ ବାଠଲି ବୁମିତା ଅୟାଡେ । ଏମ୍‌ଗାଆଁ ନାନୁ ମେସ୍‌ସେସ୍, ର ପାତୁ ଝାଣାଗାଟି ଜନ୍ତ ଲାକ ର ଇୟା କୁଗାମାରେ । ଏ ଜନ୍ତୁଟି ଆଜ୍‌ଜାତା ମାହାପୁରୁ ନିନ୍‌ଦାକିନି ଦରକା ରାସ୍‌କି ଆହାମାନୁ, ଅଡ଼େ ଏଦାନାକି ସାଡ଼ାଗଟା ତାକାଁ ଇଞ୍ଜା ଦସଗଟା କମ୍‌କା ମାତୁ ।

୪ ଏ ଇୟା ହେୟାଁ ଲେହେଁତି ଝାଣା ଅଡ଼େ ପାତୁ ଝାଣାଗାଟି ହିମ୍‌ସି ହୁଡ଼ାମାରେ, ଇଞ୍ଜା ଏଦି ବାଂଗାରା ଅଡ଼େ ଗାଡ଼ି ଦାରାଗାଟି ମଣି, ମୁକ୍ତା ତଲେ ସାଜୁ ଆହାମାରେ, ତାନି ନାଡ଼ିକିନି ପାଡ଼େୟିକା ଲେହେଁ ଅପାଆଗାଟି ଦିଶସୁ ଇଞ୍ଜା ଦାରିକାମା କିନି ଲାଗେଏତି କାମା ତଲେ ନେଞ୍ଜାମାନି ର ବାଂଗାରା ଗିନା ଏଦି ଆସାମାରେ ।

୫ ଏଦାନି ମୁଞ୍ଜୁଡା ଡ଼ଗ୍‌ଗାମାନି ର ଦରୁ ରାସ୍‌କି ଆହାମାରେ, “କାଜା ଗାଡ଼ା ବାବିଲନ ଦାରେତିତ ବାରେ ଦାରି ଇଞ୍ଜା ଅପାଆଗାଟି କାମାଟି ତାଲି ।” ୬ ନାନୁ ଅଡ଼େ ମେସ୍‌ସେସ୍, ଏ ଆୟାଟି ମାହାପୁରୁ ଲକ୍‌ଜି ଇଞ୍ଜା ଜୀସୁ ଡାଣା ମାନି ତଲେ ମାଞ୍ଜା ସାକି ହାହାନା ହାହାମାନି ଲକ୍‌ଜୁଟି ନେତେରି ଗସାନା ହଡ଼ାମାରେ । ନାନୁ ଏଦାନି ମେସାନା ହାରେକା କାବା ଆଡେସ୍ ।

୭ ଅଡ଼େ ଦୁତୁ ନାଜେ ଏଲେଇଞ୍ଜାଡେ, “ଏନାଆଁତାକି କାବା ଆହିମାଞ୍ଜି ? ନାନୁ ଏ ଆୟାଟି ଅଡ଼େ ସାଡ଼ା ଗଟା ତାକାଁ ଇଞ୍ଜା ଦସଗଟା କମ୍‌କା ଗାଟି ଏଦାଣି ଡେକାମାନି ଜନ୍ତୁଟି ଡ଼ଗ୍‌ଗାମାନି କାତା ନାନୁ ନିଜେ ଝେସିମାଞ୍ଜାଇଁ, ଝେନାମୁ । ୮*ଜନ୍ତୁ ର ଦିନା ନାତାମାରେ: ନୀଏଁ ଅଡ଼େ ନୀତାହିଲେଏ, ସାମା ତବେ ଡାଡ଼େପୁରୁଟି ନିଜା ଝାଡେ ଇଞ୍ଜା ଅର ଦେବା ନାସା ଆନେ । ଦାରେତି ଗାଡ଼ି ଆଡ଼ି ନଡେଏ ଆମ୍‌ଗାଆରି ଦରୁ ଜୀଝୁଟି ପତିତା ରାସ୍‌କି ଆହାହିଲେଏ, ଦାରେତିତା ବାସାଆହାମାନି ବାରେ ଲକ୍‌ଜି ଜନ୍ତୁଇଁ ମେସାଁ କାବାଆନେରି । ଏଦି ର ଦିନା ନାତାମାରେ, ନୀଏଁ ଅଡ଼େ ହିଲେଏ, ସାମା ଅଡ଼େ ର ଦେବା ତଞ୍ଜାଆନେ ।”

୯ “ଇ ବାରେ କାତା ତେଲ୍‌ହାଲି ତାକି ବୁଦି ଲଡ଼ାମାନେ । ଜନ୍ତୁଟି ସାଡ଼ାଗଟା ତାକାଁ ସାଡେଏ ସାଡ଼ାଗଟା ହରକା, ଆମିନି ଲାକ ଆୟାଟି କୁଗାମାନେ । ଏଝି ଜିକେଏ ସାଡ଼ା ଜାଣା ରାଜାୟାଁ ଲେହେଁ । ୧୦ ଏଝାରି ବିତ୍ତାଟି ପାସାଜାଣା ମେଣ୍‌ଜମା ହାଜାମାନେରି, ନୀଏଁ ରଅସି ମାନେସି, ଅଡ଼େ ରଅସି ନୀଏଁ ପାଡେକା ଝାହାହିଲଅସି, ଏଝାସି ଝାଡ଼ିସାରେ ଗାଡ଼େକା ତାକିଏ ସାଲ୍‌ଝି କିନେସି । ୧୧ ଅଡ଼େ ଆମିନି ଜନ୍ତୁ ର ଦିନା ନାତାମାରେ, ଏଦି ଆଡ଼ା ଲମ୍‌ସର ରାଜା, ଏ ବାରେ ରାଜାୟାଁ ବିତ୍ତାଟି ରଅସି ଇଞ୍ଜା ଏଝାସି ଜିକେଏ ତବେ ନାସା ଆନେସି ।”

୧୨ “ମୀରୁ ମେସାମାନି ଦସଗଟା କମ୍‌କା, ଦସ ଜାଣା ରାଜାୟାଁ ଲେହେଁ, ଏଝାରି ନୀଏଁ ପାଡେକା ସାଲ୍‌ଝି କିହାହିଲଅସି । ସାମା ଜନ୍ତୁ ତଲେ ସାଲ୍‌ଝି କିହାଲିତାକି ର ଗଂଟା ତାକି ଏଝାରାକି ବାଡ଼ୁୟୁ ହୀପ୍‌କିଆନେ । ୧୩ ଏଝାରି ରଣ୍ଡିଏ ଅଣ୍‌ପୁ ତଲେ ମାଞ୍ଜା ନା ତାନି ବାଡ଼ୁୟୁ ଅଡ଼େ ଅଦିକାରା ଏ ଜନ୍ତୁକି ହୀନେରି । ୧୪ ଏଝାରି ମେଣ୍‌ଜା ତାଲୁ ତଲେ ଜୁଜୁ କିନେରି, ଅଡ଼େ ମେଣ୍‌ଜା ତାଲୁ ଏଝାରାଇଁ ଜାଣା ଆନେ, ଇତିହ ଏଝାସି ପ୍ରବୁ କିହାଁ ପ୍ରବୁ ଅଡ଼େ ରାଜା କିହାଁ ରାଜା, ଅଡ଼େ ଆମିନି ଗାଗାରି ଏଝାଣିତଲେ ମାନେରି ଏ ହାଡ଼ାମାନାରି, ଆଡ଼ାମାନାରି ଅଡ଼େ ନାମୁଗାଗାରି ଜିକେଏ ଜାଣା ଆନେରି ।”

୧୫ ଦୁତୁ ନାଜେ ଅଡ଼େ ଏଲେଇଞ୍ଜାଡେ, “ନାନୁ ଆମିନି ଏୟୁଣି ମେସ୍‌ସି, ଆମିନି ଲାକ ଏ ଦାରେଣି କୁଗାମାନେ, ଏଦି ଆହିମାନେ ଏଟକା ଏଟକାଟି ଦେସା, କୁଡ଼ା, ଗଟି ଇଞ୍ଜା ହାଡ଼ାଗାଟି କୁଲମି । ୧୬ ନାନୁ ମେସାମାନି ଦସଗଟା କମ୍‌କା ଇଞ୍ଜା ଏ ଜନ୍ତୁ, ଦାରେଣିନି ଅପାତ; ଏଝି ଏଦାନି ତାଣାଟି ବାରେ ପିସ୍‌ପିକିହା ଅହାନା ନାଗୁଡ଼ା କିହାନା ପିହୁ । ଏଝି ଏଦାନି ଉଜ୍‌ଜା ତଞ୍ଜାନା ହିଡ଼ା ହୃତାନା ନାସା କିନୁ । ୧୭ ଏନାଆଁତାକି

* ୧୭:୨୦ ୧୭:୨୦ ଝେ ବଲ୍ଲୁ ୬:୧୪ * ୧୭:୨୧ ୧୭:୨୧ ଝେ ବଲ୍ଲୁ ୧୧:୧୯ * ୧୭:୩ ୧୭:୩ ଝେ ବଲ୍ଲୁ ୧୩:୧ * ୧୭:୮ ୧୭:୮ ଝେ ବଲ୍ଲୁ ୧୧:୭

ଇଚିହଁ, ମାହାପୁରୁ ତାକୁ ଅଣପାମାନାଣି କିହାଲିତାକି ଏଝାଆଁତାକି ଇ ଅଣପୁ ହାହାମାନେସି । ଏଝି ରଣ୍ଡିଏ ମନ ଆହାନା କାମା କିନୁ ଇଞ୍ଜା ମାହାପୁରୁତି ବଲ୍ଲୁ ସାତାତଲେ ଆଆପାତେକା ରାଜିତି ସାଲୁଝି କିନି ବଲ୍ଲୁ ଏ ଜନ୍ତ କେୟୁତା ପିସାହାନେସି ।”

୧୮ “ଇଞ୍ଜା ଆମିନି ଆୟାତି ମେସ୍ତି, ଏଦି ଆହିମାନେ, ଦାରୁତିତି ରାଜାୟାଣି ସାଲୁଝି କିହିମାନି ଏ କାଜା ଗାଡ଼ା ।”

୧୮

ବାବିଲନ ନାସା ଆନାୟି

୧ ଏଚେଚିଏ ନାନୁ ଅଡ଼େ ର ଦୁରୁଇଁ ଲାକପୁରୁଚି ରେଟା ଝାହିମାଚାଣି ମେସ୍ତେଏଁ; ଏଝି କାଜା ଅଦିକାରା ଗାଟାୟି, ତାନି ଗାଝୁରମି ତାକି ଦାରୁତି ବାରେ ଉଜେଡ଼ି ଆହାହାଚେ । ୨ *ଏଦି କାଜା ହାଡ଼ାତଲେ କାଲୁଝି ଆହଁ ଏଲେଇଚେ, “କାଜା ଗାଡ଼ା ବାବିଲନ ମେଶ୍ଟାଜିତେ ! ଏଦି ବାରେ ମେଶ୍ଟାଜିତେ ! ଏଦି ବୁରୁୟା ବାସାଟାୟୁ ଅଡ଼େ ପଲୁଆ ଜାଝୁୟା ଅଡ଼େ ପଲୁଆ କାମାୟା, ଇଞ୍ଜା ଅପାଆଗାଟି ପଟାୟାତି ବାସାଟାୟୁ ଆହାମାନେ । ୩ ଇଚିହଁ ବାରେ ଜାଡ଼ିତାରି ତାନି ଦାରି କାମାଲେହେତି କାଡ଼ ଗୁସାମାନେରି, ଦାରୁତିତି ରାଜାୟା ତାନିତଲେ ଦାରିକାମା କିହାମାନେରି, ଅଡ଼େ ଦାରୁତିତି ବେବାରା ଗାଟାରି ତାନି ଜୁପକାଟି ବାଡ଼କୁ ଗାଟାରି ଆହାମାନେରି ।”

୪ ଏଚେଚିଏ ନାନୁ ଲାକପୁରୁଚି ଅଡ଼େ ର ହାଡ଼ା ଏଲେ ଇଞ୍ଜିମାନାଣି ଝେଚେଏଁ, “ଏ ମା ଲକୁତେରି ! ଏଦାଆଁତାକି ଏଦାନି ତାଣାଟି ହଟା ଝାଡ଼ୁ !

ମୀରୁ ଏନିକଁ ଏଦାନି ପାପୁତା ଆଣୁଅଚେରି;
ଇଞ୍ଜା ତାନି ତଣ୍ଡୁତି ବାଟା ବେଟାଆଅଚେରି;

୫ ଏନାଆଁତାକି ଇଚିହଁ ଏଦାନି ପାପୁ ବାରେ ଲାକପୁରୁ ପାତେକା ଏଜାମାନେ,
ଅଡ଼େ ଏଦି କିହାମାନି ଲାଗେଏତି କାମା ମାହାପୁରୁ ମନତା ଅଣପାମାନେସି ।

୬ ଏଦି ମିଜେ ଏନି କିହାମାଞ୍ଜାନେ ଏଲେକଁ ମୀରୁ ଏଦାନାକି କିଦୁ;
ତାନି କିହାମାନାଣି କିହାଁ ରୀ ଗୁଣୁ ଝେବୁଦୁ,

ଏଦି ଆମିନି ସଲ୍ଲାତା କାଡ଼ ଆବହାମାନେ,
ଏମ୍ବାଆଁ ରୀ ଗୁଣୁ କାଡ଼ ତୁନି ସଲ୍ଲାତା ଆବଦୁ ।

୭ ଏଦି ଏଚେକା ତାନି ଗାଝୁରମି କିହାମାନେ ଅଡ଼େ ବତପଣ ତଲେ ମାଞ୍ଜାମାନେ,
ଏଲେକଁ ଏଦାନାକି ଦୁକୁ କସୁ ହୀଦୁ;

ଏନାଆଁତାକି ଇଚିହଁ ଏଦି ଜାହାରାଇଁ ମନତା ଝେସା କତିମାନେ,
‘ନାନୁ ରାଣି ଆହାଁ କୁଗାମାଇଁ,
ନାନୁ ରାଣ୍ଡେଣିତେଏଁ ଆଏ,
ନାଜେ ଏଚେଲାଝା ଦୁକୁ କିହାଲି ଆଏ ।’

୮ ଇଦାଣିତାକି ର ଦିନା ବିତ୍ରା ତଣ୍ଡୁ ପାଣନେ,
ଇଚିହଁ ହାକି, ଡ଼ାକି, ଅଡ଼େ କାରୁଝୁ ଆନେ,

ଅଡ଼େ ଏଦି ହିଚୁତା ଝେହାହାଚେ,
ଇଚିହଁ ଏଦାନି ନାହାଁୟି କିନାସି ପ୍ରପୁ ମାହାପୁରୁ ବାରେ ବାଡ଼ୁଲୁ ଗାଟାସି !”

୯ ଦାରୁତିତି ବାରେ ରାଜାୟା ତାନିତଲେ ଦାରିକାମା କିହାନା ରାହାଁଟି ନୀତାମାନେରି, ଏଝାରି ଏଦାନି ହୁଡ଼ିମାନି ହିଚୁ ବୟଁ ମେହନେରି, ଇଞ୍ଜା ଏଦାନି ତାକି ଦୁକୁ ଆହାଁ ଡ଼ାନେରି, ୧୦ ଏଝାରି ଏଦାନି କାକୁଲିଚି ଆଜିତାକି ହେକ ନିତାନା ଏଲେଇନେରି, “ଆୟଡ଼ା, ଆୟଡ଼ା, କାଜା ଗାଡ଼ା, ବାଡ଼ୁଲୁ ଗାଟି ଗାଡ଼ା ବାବିଲନ ନାନୁ ବାକା ପଣନାତି, ଇଚିହଁ ରଣ୍ଡିଏ ଗଟା ବିତ୍ରା ନୀ ତଣ୍ଡୁ ଝାଡ଼େ !”

୧୧ ଅଡ଼େ ଦାରୁତିତି ବେବାରା ଗାଟାରି ଏଦାନି ତାକି ଦୁକୁ ଆହାଁ ଡ଼ାନେରି, ଏନାଆଁତାକି ଇଚିହଁ ଆମ୍ବାଆରି ଏଝାରି ପାରୁନି ଦିଶସୁ କଡ଼ଅରି, ୧୨ ଇଚିହଁ ବାଂଗାରା, ଝେଣ୍ଡି, ଦାରା ଗାଟି ମଣି ଅଡ଼େ ମୁଲ୍ଲାୟା, ସିଲୁକୁ ହିମ୍ବରକା, ହେୟାଁ ଝାଣାଗାଟି ହିମ୍ବରକା, ପାରୁ ହିମ୍ବରକା, ଏବକା ଏବକାଟି ଅଜିତି ହିମ୍ବରକା, ଚନ୍ଦନ ଇଞ୍ଜା ଏଦାନି ଲେହେତି ଗାନ୍ଦା ଗାଟି ମାରୁକା, ହାତି ପାଲୁକା, ଦାରା ଗାଟି ଝେସକା, ପିତାଡ଼ା, ଲହ, ଅଜିତି ଡ଼ପୁପା ଝାଲୁକାତଲେ କେପିତି ବାରେ ଆସି । ୧୩ ଡ଼ାକ୍ନି ସାଲି, ଗାନ୍ଦାଗାଟି ଆସି, ଦୁପଣି, ଗାନ୍ଦାଗାଟି

* ୧୮:୨ ୧୮:୨ ଝେ ବଲ୍ଲ ୧୪:୮

ରୁବିନି ନିହୁଁ, ଗାନ୍ଧାଗାଟି ଦୁପୁଣି, କାଡୁ ନିହୁଁ, ଗୁଣ୍ଡା, ଗହଁ, କଡ଼ିୟାଁ, ମେଣ୍ଡାୟାଁ, ଗଡ଼ାୟାଁ, ରାତାୟାଁ, କଡ଼ାମାନି ହଲ୍ଲିୟାଙ୍ଗା, ଅଡ଼େ ମାଣସିୟାଁତି ଜାସୁ ।^{୧୪} “ନୀ ଜୀସୁତି କୁପକା ଗାଟି ଅଣପୁତି ପାଡ଼େୟିକା ନୀ ତାଣାଟି ମେଣ୍ଡାଙ୍ଗା ହାଡୁ, ଅଡ଼େ ବାରେ ଡ଼ାକନାୟି, ରାହୁଁତି ବାରେ ନୀ ତାଣାଟି ଏଟକା କିଞ୍ଚି ଆହୁଁ ନାସା ଆହାମାନେ, ଅଡ଼େ ଏଚେଲାଝା ଏ ବାରେ ମେଡ଼ା ଆୟେଏ !”^{୧୫} ଇ ବାରେ ଦିଶସୁତି ବେବାରା କିନାରି ଏ କାଜା ଗାଡ଼ା ତଲେ ବାଡ଼କୁ ଗାଟାରି ଆହାମାଚେରି, ଏଞ୍ଜାରି ଏଦାନି କସୁତି ଆଜିତାକି ହେକ ନିଚାନା ଦୁକୁ ତଲେ ଡ଼ାହ ଏଲେଇଚେରି ।^{୧୬} “ଆୟଡ଼ା ! କାଜା ଗାଡ଼ାତି ! ନିଜେଟାକି ଏଚେକା ଆଜିହପେତି କସୁ ଝାଡେ, ନୀନୁ ଅଜିତି ହିମ୍ବରିକା, ହେୟାଁ ଝାଣାଗାଟି ହିମ୍ବରିକା, ପାରୁ ହିମ୍ବରିକା ହୁଟାମାଟି, ଅଡ଼େ ବାଂଗାରା, ଦାରାଗାଟି ମଣି ଇଞ୍ଜା ମୁଞ୍ଜାୟାଁ ତଲେ ମିଶସି ମାଟି ସାଜୁୟାଁ ତୁରହାମାଟି !^{୧୭} ଇଚିହଁ ରଣ୍ଡିଏ ଗଂଟା ବିଡ଼ା ଏ ବାରେ ଦନ ମେଣ୍ଡାଙ୍ଗାହାଚେ ।

ଏୟୁ ଜାଜାୟାଁ ସାଲୁଞ୍ଚି କିନାରି ଏଦାଆଁ କୁଗାମାନାରି ତଂଗାଁୟାଁ ସାଲୁଞ୍ଚି କିନାରି ଇଞ୍ଜା ସାମ୍ବୁରିତା ଇତାଲା ଆତାଲା ରେଜିହଁ ବେବାରା କିନାରି ହେକ ନିଚାନା,^{୧୮} ଏ ଗାଡ଼ାତି ହୁତିମାନି ହିବୁ ବୟଁ ମେସାନା କାଜା ଗିୟାଁତଲେ ଏଲେଇଚେରି, ଇ କାଜା ଗାଡ଼ା ଲେହେଁ ଆମିନି ଗାଡ଼ାମାନେ ।^{୧୯} ଏଞ୍ଜାରି ତାମି ତାକାଁ ଲାକ ଦୁଡ଼ି ଡ଼ାଞ୍ଜା କଡ଼ାନା ଦୁକୁ ତଲେ ଡ଼ାହି ଡ଼ାହଁ ଏଲେଇଚେରି, ଆୟଡ଼ା ଏ କାଜା ଗାଡ଼ାତି, ନିଜେ ଏଚେକା ଆଜିହପେତି ତଣ୍ଡ ଆଡେ, ନୀ ବାଡ଼କୁ ତଲେ ସାମ୍ବୁରିତି ଜାଜାଣା ରେଜିହଁ ବାଡ଼କା ମାଚେରି, ନୀଏଁ ରଣ୍ଡିଏ ଗଂଟା ବିଡ଼ା ଏ ବାରେ ମେଣ୍ଡାଙ୍ଗାହାଚେ !”

^{୨୦} ଲାକପୁରୁ, ମାହାପୁରୁ ଲକୁ, ପାଣ୍ଡୁଞ୍ଚି ଆହାମାନାଚେରି, ମାହାପୁରୁ ଅଣପୁତି ବଲ୍ଲ ଝେହନାଚେରି ! ମୀରୁ ଏଦାନି ନାସା ଆନାଣି ତାକି ରାହୁଁ ଆଦୁ, ଏନାଆଁତାକି ଇଚିହଁ ମାହାପୁରୁ ମିଜେ କିହା ମାଞ୍ଜାନାଣି ତାକି ବାଦୁଲି ଆହାମାନେସି ।

^{୨୧} ଏଚେଟିଏ ତାୟୁ ର କାଜା ଦୁଡୁ, ର ଜେତାଝାଲି ଲେହେଁତି ର ଝାଲି ସାମ୍ବୁରି ଲାକ ମେଡ଼ହାନା ଏଲେଇଚେ, “ଇଲେକଁ କାଜା ଗାଡ଼ା ବାବିଲନ ମେଡ଼ପି ଆନେ, ଅଡ଼େ ଏଦି ଏଚେଲାଝା ତଞ୍ଜା ଆଏ ।^{୨୨} ସେଡ଼ଜିୟାଁ ଅଡ଼େ ପାଟିନାରି ହାଡ଼ା, ପୀରୁଡ଼ି ଉକିନାରି, ତାଡ଼ି ଉକିନାରି ହାଡ଼ା ଏଚେଲାଝା ଏଦାନି ତାଣା ଝେଜେଏ, ନେହଁ ନେହଁ ସାଜୁ ଇଞ୍ଜା ଏଟକାତି ଆସୁ କ୍ରେପିନାରି ନୀ ତାଣା ତଞ୍ଜା ଆଅରି, ଅଡ଼େ ଜେତାଝାଲକା ତଲେ ନୁୟଁ ନାୟି ଏଚେଲାଝା ହାଡ଼ା ଝେଜେଏ ।^{୨୩} ଦୀଞ୍ଜିୟାଁତି ଉଜେଡ଼ି ନୀ ତାଣା ଏଚେଲାଝା ଡ଼ାଞ୍ଜେଏ, ବାହା ଆନି ମାସକା ଅଡ଼େ ବାହା ଆନି କକାରି ହାଡ଼ା ନୀ ତାଣା ଏଚେଲାଝା ଝେଜେଏ, ଏନାଆଁତାକି ଇଚିହଁ ନୀ ତାଣା ବେବାରା କିନାରି ଦାର୍ତତିତା କାଜାରି ମାଚେରି, ଅଡ଼େ ନୀ ମାୟାମାଚିରତା ବାରେ କୁଡ଼ାତି ଲକୁ ମୁଞ୍ଜା ହାଜାମାଚେରି !”

^{୨୪} ଗାଡ଼ାତା ମାହାପୁରୁ ଅଣପୁତି ବଲ୍ଲ ଝେହନାରି, ମାହାପୁରୁ ଲକୁ, ଇଞ୍ଜା ଦାର୍ତତିତା ପାୟଞ୍ଚିଆହାମାନି ଲକୁତି ନେଚେରି ଏଦାନି ତାଣା ତଞ୍ଜାଆହାମାଚେ ।

୧୯

^୧ ଏଚେଟିଏ ଲାକପୁରୁ ର କାଜା ମାୟା ଲକୁତି ହାଡ଼ାଲେହେଁତି ର କାଜା ହାଡ଼ା ଏଲେଇଞ୍ଜିମାଚାଣି ଝେଚେଏଁ, “ହାଲେଲୁୟା ! ଗେଲପିନି, ଗାସୁରମି ଅଡ଼େ କାଜାପାଣା ମା ମାହାପୁରୁଝାୟି ।^୨ ଇଚିହଁ ଏଞ୍ଜାଣି ନୀହାୟି ସାତା ଅଡ଼େ ନେହାୟି, ଆମିନି କାଜା ଦାରେଣି ତାନି ଦାରିକାମା ତଲେ ଦାର୍ତତି ଲକୁଣି ପଲ୍ଲଆ କିହାମାଚେ, ମାହାପୁରୁ ଏଦାନି ତଣ୍ଡ ହାହାନା ତାନି ହଲ୍ଲିୟାଙ୍ଗାଣି ପାୟିତି ନେଚେରିତି ବାଦୁଲି ଅଡ଼େସି ।”^୩ ଅଡ଼େ ଏଞ୍ଜାରି ରା ପାଲି ଏଲେଇଚେରି “ହାଲେଲୁୟା ! ଏ ଗାଡ଼ା ଝେହିମାନି ବୟଁ କାଲାକାଲାତାକି ହଚେମାନେ ।”^୪ ଏଚେଟିଏ କଡ଼େ ସାରି ଜାଣା ପ୍ରାଚିନାଙ୍ଗା ଅଡ଼େ ସାରିଗଟା ଜନ୍ତୟାଁ ମୁନୁ କୁତାନା ସିଂଗାସାଣିତା କୁଗାମାନି ମାହାପୁରୁଇଁ ଜହରା କିହାନା ଏଲେଇଚୁ, “ଆମେନ ହାଲେଲୁୟା !”

ମେଣ୍ଡା ତାଲୁତି ବାହା ବଜି

^୫ ଏଚିବେଲା ସିଂଗାସାଣିତି ର ହାଡ଼ା ହଚାନା ଝେଜିଡେ, “ଏ ମାହାପୁରୁତି ହଲ୍ଲିୟାଙ୍ଗାଚେରି, ଏଞ୍ଜାଣାଇଁ ଆଜିନି କାଜାରି ଇଚାରି ବାରେଜାଣା ତେରି ମୀରୁ ମାହାପୁରୁଇଁ ଜହରା କିଦୁ ।”^୬ ଅଡ଼େ ନୀନୁ କାଜା ମାୟା ଲକୁ ଲେହେଁତି ହାଡ଼ା, ଲଦ ଲଦ ରିହିମାନି ଏୟୁ ଲେହେଁତି ହାଡ଼ା, ଅଡ଼େ ହାସୁ ଗୁଣ୍ଡିହିମାନି କାଜା ହାଡ଼ାଲେହେଁ ଏଲେଇଞ୍ଜି ଝେସିମାନାଣି ଝେଚେଏଁ, “ହାଲେଲୁୟା ! ଇଚିହଁ ପୁରୁ ମା ବାଡ଼ୁଗାଟି ମାହାପୁରୁ ରାଜା ଆହାନା ପାଣା ବେଟା ଆହାମାନେସି ।^୭ ଝାଦୁ ମାର ରାହୁଁ ଆନ, ଇଞ୍ଜା ଏଞ୍ଜାଣି ଗାସୁରମି ତାକି ଏଞ୍ଜାଣାଇଁ ଜହରା କିନ, ଏନାଆଁତାକି ଇଚିହଁ ମେଣ୍ଡା ତାଲୁତି ବାହା ଆନି ଦିନା ଏଦାଚେୟିଏ, ଇଞ୍ଜା

ଏଝାସି ବାହା ଆନି ମାଜ୍ଜା ତିୟାରା ଆହାମାନେ । ୮ ଏଦାନାକି ମୁହ୍ନି ଅଡ଼େ ଅପ୍ପି ହିମ୍ପରି ହୁଚାଲି ହାପ୍ପକି ଆତୁ;” ଏ ଦବଲା ହିମ୍ପରି ଇଚିହୁ ମାହାପୁରୁ ଲକ୍ଷ୍ମି ଦାମ୍ପି କାମାୟା ।

୯ ଏଚିବେଲା ଦୁତୁ ନାଜେ ଏଲେଇଞ୍ଜାତେ, “ରାଚାମୁ, ଆମିନି ଗାଗାରି ମେଣ୍ଡା ତାକୁଚି ବାହା ବକ୍ତିତା ହାଟ୍ଟକି ଆହାମାନେରି, ଏଝାରାକି ନେହେଁ ।” ଅଡ଼େ ଏଦି ନାଜେ ଏଲେଇଞ୍ଜାତେ, “ଇ ବାରେ ମାହାପୁରୁଚି ସାତା ବଲ୍ଲ ।” ୧୦ ଏଚେଟିଏ ନାନୁ ଏଦାନି ଜହରା କିହାଲି ତାନି କତାୟା ଡ଼ଇ ରାତେଏ, ଏଚେଟିଏ ଏଦି ନାଜେ ଏଲେଇଞ୍ଜାତେ, ଜାଗ୍ରାତା, ଇଲେ କିଆନି, ନାନୁ ଜାସୁ ଅଡ଼େ ମୀ ସାକି ଇଞ୍ଜା ମୀ ତାୟାୟା ତଲେ ର ହଲେଏଣା ଲେହେଁ; ନାନୁ ମାହାପୁରୁଇଁ ଜହରା କିମୁ, ଜାସୁଚି ସାକି ଏଦି ସାତା, ମାହାପୁରୁ ବଲ୍ଲ ଝେହ୍ନାରି ଜାସୁ ।

ଦବଲା ଗଡ଼ା ମୁହେଁ କୁଗାମାନାସି

୧୧ ଏଚେଟିଏ ନାନୁ ଲାକପୁରୁଚି ଦେପିଆହାମାନାଣି ମେସ୍ତେଏ, ଏମ୍ପାଆଁ ର ଦବଲା ଝାଣାଗାଟି ଗଡ଼ା ମାଚେ, ଏମ୍ପାଆଁ ହଡ଼ାମାନାଣି ଦରୁ ନାମାତାୟି ଅଡ଼େ ସାତାତାୟି; ଏଝାସି ନେହୁଁ କି ନହାଁୟି କିନେସି, ଅଡ଼େ ଜୁଜୁ କିନେସି । ୧୨ ଏଝାଣି କାଣକା ହିତୁ ଗୁଦଝା ଲେହେଁତାଲ, ତାନି ତାୟାଁ ତୁା ହାଚେକା ଟପେରିକା, ଅଡ଼େ ଏଝାଣି ର ଦରୁ ରାସ୍ତକି ଆହାମାନେ, ଏ ଦରୁ ଏଝାଣି ପିସ୍ତେପ ଆମ୍ପାଆରି ପୁନଅରି । ୧୩ ଏଝାସି ନେତେରିତା ଉଡ଼ହା ମାନି ର ହିମ୍ପରି ହୁଚାମାନେସି, ଇଞ୍ଜା ଏଝାଣି ଦରୁ “ମାହାପୁରୁଚି ବଲ୍ଲ ।” ୧୪ ଲାକପୁରୁଚି ଜୁଜୁ କିନାରି ଅପ୍ପି ଦବଲା ହିମ୍ପରିକା ହୁଚାନା ଦବଲା ଝାଣା ଗଡ଼ାୟାଁ ଲାକ କୁଗାନା ତାନି ଜେତ ହାଚେ । ୧୫ ଏଝାଣି ଗୁଚିଟି ଝାସ୍ତି କାଣ୍ଡା ହନେ, ଏ କାଣ୍ଡାତଲେ ବାରେ ଦେସାତି ଲକ୍ଷ୍ମି ଟୁଣନେସି; ଏଝାସି ଏଝାରାଇଁ ଲହ ବାଡ଼଼ା ତଲେ ସାଲ୍ଲି କିନେସି, ଅଡ଼େ ଏଝାସି ତାନୁଏ ବାରେ ବାଡ଼଼ାଗାଟି ମାହାପୁରୁ କାଜା କପା ଲେହେଁ ଅଜ୍ଜୁରି ପାଡ଼େୟିକା ପାଟିନି ଗାଡ଼଼ୟିତା ମାନି ପାଡ଼େୟିକା ଝିହନେସି । ୧୬ ଏଝାଣି ହିମ୍ପରିତା ଅଡ଼େ ଏଝାଣି କୁଦଗୁତା ଇ ଦରୁ ରାସ୍ତକି ଆହାମାନେ, “ରାଜା କିହାଁ ରାଜା ଅଡ଼େ ପ୍ରବୁ କିହାଁ ପ୍ରବୁ ।”

୧୭ ଏଚେଟିଏ ନାନୁ ର ଦୁତୁଇଁ ଝେଡ଼ା ଲାକ ନିଚାମାନାଣି ମେସ୍ତେଏ; ଏଦି ହାଗୁଚି ମାଦି ଉମ୍ପିମାନି ବାରେ ପଚାୟାଁଣି କାଜା ହାଡ଼ାତଲେ ହାଚାନା ଏଲେଇଚେ, “ଝାମୁ ମାହାପୁରୁଚି କାଜା ବକ୍ତିତା କୁଡ଼ା ଆବୁ ! ୧୮ ଏନିକି ମୀରୁ ରାଜାୟାଁ, ଜୁଜୁ ତାକି କାଜାରି, ବାଡ଼଼ାମୁ ଗାଗାରି, ଗଡ଼ାୟାଁ ଅଡ଼େ ଗଡ଼ା ଲାକ କୁଗାମାନାରି, କତାମାନି ହଲିୟାଜା, ହଲିୟାଜା ଆଆତାରି, କାଜାରି ଅଡ଼େ ଇଚାରି ବାରେଚି ଉଜ୍ଜା ତିଞ୍ଜେରି !”

୧୯ ତାୟା ନାନୁ ଜନ୍ତୁଚି ଅଡ଼େ ଦାର୍ତତି ରାଜାୟାଁଣି ଅଡ଼େ ଏଝାରି ଜୁଜୁ କିନାରି, ଏଝାରି ଗଡ଼ାୟାଁ ଲାକ କୁଗାମାନାରି ଇଞ୍ଜା ଏଝାରି ଜୁଜୁ କିନାରି କପାଟି ଜୁଜୁ କିହାଲି କୁଡ଼ା ଆହାମାନାଣି ମେସ୍ତେଏ । ୨୦ ଏ ଜୁଜୁତା ଜନ୍ତୁ ଅଡ଼େ ଏଦାନି ନକିତା କାବାଆନି କାମା କିହିମାନି ଏ ନାଡ଼ିକିନି କ୍ରୀସ୍ତଇଁ ଆସାନା ଦସ୍ପିଆଡ଼େ । ଆମିନି ଲକ୍ଷ୍ମିତାଣା ଏ ଜନ୍ତୁଚି ସିନା ମାଚେ ଇଞ୍ଜା ଆମ୍ପାଆରି ଏଦାନି ବମାତି ପୁଜା କିହିମାଚେରି, ଜନ୍ତୁ ତାନି କାବାଆନି କାମା ତଲେ ଏଝାରାଇଁ ନାଡ଼ି କିହାମାଚେ । ଜନ୍ତୁ ଇଞ୍ଜା ନାଡ଼ିକିନି କ୍ରୀସ୍ତଇଁ ଡ଼ାଞ୍ଜିମାନି ହିତୁତା ଜୀସ୍ତୁତଲେ ମେଡ଼ପିଆଡ଼େ । ୨୧ ଅଡ଼େ ଏଚେକା ଡ଼ୟିଚି ଲକ୍ଷ୍ମି ଗଡ଼ା ଲାକ କୁଗାମାନାଣି ଗୁଚିଟି ହଡ଼ିମାନି କାଣ୍ଡାତଲେ ପାୟିଆଡ଼େରି; ଏଚେଟିଏ ବାରେ ପଚାୟାଁ ଏଝାରି ଉଜ୍ଜା ତିଞ୍ଜାନା ବାଣ୍ଡି ପାଞ୍ଜୁ ।

୨୦

ର ମାଣା ବାସୀତି ରାଜି କିନାୟି

୧ ଏଚେଟିଏ ନାନୁ ର ଦୁତୁଇଁ ଲାକପୁରୁଚି ରେଚା ଝାହିମାଚାଣି ମେସ୍ତେଏ, ଏଦାନି କେୟୁତା ତାଡ଼େପୁରୁ ଗାଡ଼଼ୟିଚି କୁଚିକାଡ଼ି ଅଡ଼େ ର କାଜା ହିକଣି ମାତୁ । ୨ ଏଦି କାଜା ରାଚୁଚି, ଏ ପୁଞ୍ଜଇ ନାଗା, ଇଚିହୁ ଦିୟାବଲ ଅଡ଼େ ସୟତାନତି ଆସାନା ର ମାଣା ବାସୀ ପାତେକା ଦସ୍ପା ଇଚିଚେ । ୩ ଅଡ଼େ ଏଦାନି ତାଡ଼େପୁରୁ ଗାଡ଼଼ୟିତା ମେଡ଼ହାନା ଗାଡ଼଼ୟିଚି ଦୁଝେରି ସୁଣ୍ଡାନା ଏଦାନି ଲାକ ହାକିଚି ସାଲି ଝେତେ, ଇଞ୍ଜା ଏନିକି ଏଦି ର ମାଣା ବାସୀ ରାଥା ପାତେକା ଦେସାତି ଲକ୍ଷ୍ମି ନାଡ଼ି କିହାଲି ଆଡ଼େଏ; ଅଡ଼େ ତାୟା ଗାଡ଼େକା ତାକି ପିସ୍ତକି ଦିୟାଲି ଆନେ ।

୪ ଏଚେଟିଏ ନାନୁ ଏଚରଗଟା ସିଂଗାସାଣିୟାଁ ମେସ୍ତେଏ, ଏ ବାରେ ଲାକ ଏଚରଜାଣା କୁଗିଚେରି, ଏଝାରାକି ନାହାଁୟି କିହାଲି ଅଦିକାରା ହାପ୍ପକିଆଡ଼େ, ଅଡ଼େ ଜାସୁଚି କାତା ଇଞ୍ଜା ମାହାପୁରୁଚି ବଲ୍ଲ ତାକି ଆମ୍ପାଆରି ତାକାଁ ଦାପି ଆହାମାଚୁ, ଇଞ୍ଜା ଆମ୍ପାଆରି ଏ ଜନ୍ତୁ ଅଡ଼େ ତାନି ବମାତି ଜହରା କିହାଁ ହିଲାଆଚେରି

* ୧୯:୯ ୧୯:୯ ମାତି ୨୨:୩ * ୧୯:୧୫ ୧୯:୧୫ ଝେ ବଲ୍ଲ ୧୪:୨୦

ଅଡ଼େ ତାନି ସିନାତି ମୁଞ୍ଚିତା କି କେୟତା ବେଗାଆହା ହିଲାଆତେରି, ଏଞ୍ଜାରି ଜୀଝୁୟାଁ ମେସ୍ତେସ୍; ଏଞ୍ଜାରି ଝେଣ୍ଡେ ନୀତାନା କ୍ରୀସ୍ତ ତଲେ ର ମାଣା ବାର୍ଯା ପାତେକା ସାଲୁଝି କିତେରି । ^୫ ଅଡ଼େ ଏଚେକା ହାଡ଼ି ଲକୁ ଏ ର ମାଣା ବାର୍ଯା ରାଆ ପାତେକା ନୀତାଆତେରି, ଇଦିଏ ତଲିତି ହାକିଚି ନିଜିନାୟି । ^୬ ଆମ୍ବାଆରି ମୁଲ୍ଲୁ ଝେଣ୍ଡେ ନିଜିନି ତାଣା ଆଣ୍ଡିନେରି ଏଞ୍ଜାରି ନେହେଁ, ଅଡ଼େ ଏଞ୍ଜାରି ସୁତୁଗାଗାରି; ଅଡ଼େ ଏଞ୍ଜାରି ମୁହେଁ ତାୟୁତି ହାକିଚି ଏନି ଅଦିକାରା ହିଲେଏ, ସାମା ଏଞ୍ଜାରି ମାହାପୁରୁ ଅଡ଼େ କ୍ରୀସ୍ତି ପୂଜେରାଜା ଆହାନା ଏଞ୍ଜାଣିତଲେ ର ମାଣା ବାର୍ଯା ପାତେକା ସାଲୁଝି କିନେରି ।

ସୟତାନତି ହାରୁଝି ଆନାୟି

^୭ ଏ ର ମାଣା ବାର୍ଯା ରାଡ଼ିସାରେ ସୟତାନ ଦସ୍ପି ଆହାମାତି ଇଲୁଚି ପିସ୍ପି ଆନେ । ^୮ ଏଚେଟିଏ ସୟତାନ ଦାରୁତି ସାରିସୁଗୁ ମାନି ଦେସାତାରାଇଁ ଇଚିହଁ ସାମଦୁରିତି ବାଞ୍ଜି ସମାନା ହାଚେରକା ଗର୍ ଅଡ଼େ ମେଗର୍ ଏଞ୍ଜାରାଇଁ ନାଡ଼ିକିହାନା ଜୁକୁ ତାକି କୁଡ଼ିକିହାଲି ହଚାହାନେ । ଏଞ୍ଜାରି ଦାରୁତି ସାରିସୁଗୁ ହାଜାନା ମାହାପୁରୁ ଲକୁ ବାସାଆନି ତାଣା ଅଡ଼େ ମାହାପୁରୁ ଜୀଝୁ ନହାଁମାନି କାଜା ଗାଡ଼ାତା ମୁଚିତେରି, ଏଚିବେଲା ଲାକପୁରୁଚି ହିଚୁ ରିହାନା ଏଞ୍ଜାରାଇଁ ନାସା କିତେ । ^{୧୦} ଆମିନି ସୟତାନ ଏଞ୍ଜାରାଇଁ ନାଡ଼ି କିହାମାଚେ, ଏଦାନି ହିଚୁ ଅଡ଼େ ଗାନ୍ଦାଗୁଣ୍ଡା ତଲେ ଡ଼ାଞ୍ଜିମାନି ଗାଡ଼ୟୁତା ମେଡ଼ପିଆଡ଼େ, ଏମ୍ବାଆଁ ଏ ଜନ୍ତ ଇଞ୍ଜାଁ ମାହାପୁରୁ ବଲ୍ଲ ମିଚି ଝେହ୍ନାସି ଜିକେଏ ମାନେସି; ଅଡ଼େ ଏଞ୍ଜାରି ଏମ୍ବାଆଁ ଲାଆଁ ମାନେନା କାଲାକାଲା ତାକି ଡ଼ଣ୍ଡ ବେଗାଆନେରି ।

ରାନ୍ତି କାଲାତି ନୀହାୟି

^{୧୧} ଏଚେଟିଏ ନାନୁ ର କାଜା ଦବଲା ସିଂଗାସାଣି ଇଞ୍ଜାଁ ଏମ୍ବାଆଁ ରଅସି କୁଗାମାନାଣି ମେସ୍ତେସ୍; ଏଞ୍ଜାଣି ନକିଚି ଦାରୁତି ଅଡ଼େ ହାଗୁପାକା ହଚାଡ଼ୁସୁ ଏଞ୍ଜାସିକାକି ଅଡ଼େ ଚାୟୁ ମେଡ଼ା ଆଆତେ । ^{୧୨} ଅଡ଼େ ନାନୁ ଇଚାରି କାଜାରି ବାରେ ହାଡ଼ାରାଇଁ ସିଂଗାସାଣି ନକିଚା ନିଗାମାନାଣି ମେସ୍ତେସ୍, ଅଡ଼େ ପତିୟାଁ ବାରେ ଦେପିଆଡ଼େ; ତାୟୁ ଜୀଝୁପତି ଇଞ୍ଜାଁ ଅଡ଼େ ର ପତି ଦେପିଆଡ଼େ; ଏ ପତିଣାଁ ରାସ୍ତକି ଆହାମାନି ଲେହେଁ ହାଡ଼ାରି ତାମି କିଚି କାମା ଲେହେଁ ନୀହାୟି କିଝି ଆଡ଼େରି । ^{୧୩} ସାମଦୁରି ତାନିତାଣାଟି ହାଡ଼ାରାଇଁ ହେଚପିତେ, ଇଞ୍ଜାଁ ହାକି ଅଡ଼େ ତାଡ଼େପୁରୁ ତାନି ତାଣା ହାଡ଼ାରାଇଁ ହେଚପିତୁ; ଇଞ୍ଜାଁ ଏଞ୍ଜାରି ବାରେ ତାମି କିଚି କାମା ଲେହେଁ ନୀହାୟି କିଝି ଆଡ଼େରି । ^{୧୪} ଏଚେଟିଏ ହାକି ଅଡ଼େ ତାଡ଼େପୁରୁଚି* ହିଚୁତଲେ ଡ଼ାଞ୍ଜିମାନି ଗାଡ଼ୟୁତା ମେଡ଼ପିଆଡ଼େ, ଇ ତାୟୁତି ହାକି ଇଚିହଁ ହିଚୁ ଗାଡ଼ୟୁ । ^{୧୫} ଆମ୍ବାଆରି ଦରୁ ଜୀଝୁତି ପତିତା ରାସ୍ତକି ଆହା ହିଲାଆତେ ଏଞ୍ଜାରାଇଁ ଡ଼ାଞ୍ଜିମାନି ହିଚୁ ଗାଡ଼ୟୁତା ମେଡ଼ପିଆଡ଼େ ।

୨୧

ପୁଃନି ହାଗୁପାକା ଅଡ଼େ ପୁଃନି ଦାରୁତି

^୧ ଏମ୍ବାଟିଏ ନାନୁ ର ପୁଃନି ହାଗୁପାକା ଅଡ଼େ ପୁଃନି ଦାରୁତି ମେସ୍ତେସ୍, ଇଚିହଁ ତଲିତି ହାଗୁପାକା ଅଡ଼େ ତଲିତି ଦାରୁତି ମେଣ୍ଡାଜା ହାଜାମାଚେ, ଇଞ୍ଜାଁ ସାମଦୁରି ଅଡ଼େ ହିଲାଆତେ । ^୨ ଅଡ଼େ ନାନୁ ସୁତୁ ଗାଡ଼ା ଇଚିହଁ ପୁଃନି ଜିରୁସାଲମତା ତାନି ବୀହା ଆନି ଡ଼କ୍ରାଇଁ ବେଗାଆୟାଲି ତିୟାରା ଆହାମାନି ଡ଼ାଆ ମାଜାଲେହେଁ ଲାକପୁରୁଚି ମାହାପୁରୁ ତାଣାଟି ରେଟାଞ୍ଜାହି ମାଗାଣି ମେସ୍ତେସ୍ । ^୩ ଅଡ଼େ ନାନୁ ସିଂଗାସାଣିଚି ର କାଜା ହାଡ଼ା ଏଲେ ଇଞ୍ଜିମାଗାଣି ଝେଚେସ୍, “ମେହ୍ନୁ ମାଣସିୟାଁ ତାଣା ମାହାପୁରୁଚି ବାସାତାୟୁ ମାନେ, ଏଞ୍ଜାସି ଏଞ୍ଜାରିତଲେ ବାସା ଆନେସି, ଇଞ୍ଜାଁ ଏଞ୍ଜାରି ଏଞ୍ଜାଣି ଲକୁ ଆନେରି, ^୪ ଅଡ଼େ ମାହାପୁରୁ ତାନୁଏ ଏଞ୍ଜାରିତଲେ ଡ଼ୟିନେସି, ଇଞ୍ଜାଁ ଏଞ୍ଜାରି କାନୁଚି ବାରେ କାଣ୍ଡୁ ଚୁଜଜାଡ଼ୁହନେସି; ଏମ୍ବାଆଁ ହାକି ଅଡ଼େ ଖାଏ; ଦୁକୁ, ଡ଼ାକି, ଇଞ୍ଜାଁ ବାସା ଅଡ଼େ ଡ଼ୟେଏ; ଇଚିହଁ ପୁଃଆୟି ବାରେ ମେଣ୍ଡାଜା ହାଜାମାନେ ।” ^୫ ଏଚେଟିଏ ସିଂଗାସାଣିତା କୁଗାମାନାସି ଏଲେଇଚେସି, “ମେହ୍ନୁ ନାନୁ ବାରେ ପୁଃନି କିହିମାଇଁ !” ଅଡ଼େ ଏଞ୍ଜାସି ଏଲେଇଞ୍ଜାଚେସି, “ରାଡ଼ାମ୍, ଏନାଆଁତାକି ଇଚିହଁ ଇ ବାରେ କାତା ସାତାତାୟି ଅଡ଼େ ନାମୁଗାଗାୟି ।” ^୬ ଏଞ୍ଜାସି ନାଜେ ଅଡ଼େ ଏଲେଇଞ୍ଜାଚେସି, “ବାରେ ରାଡ଼େୟିଏ, ନାନୁ ଆଲୁପା ଅଡ଼େ ଅମେଗା, ମାଡ଼ନାଚେସ୍ ଅଡ଼େ ରାମ୍ବନାଚେସ୍, ଆମ୍ବାଆସି ଏସ୍ତକି ଗାଗାସି ଏଞ୍ଜାଣାକି ଜୀଝୁହାନି ଜାରଣାଚି ତାବୁୟାଁ ହାଆନା ଏୟୁ ଗସାଲି ହାଈ ।” ^୭ ଆମ୍ବାଆସି ଜାଣା ଆନେସି, ଏଞ୍ଜାସି ଇ ବାରେଚି ଅଦିକାରା ଆନେସି; ନାନୁ ଏଞ୍ଜାଣି ମାହାପୁରୁ ଆଈ, ଇଞ୍ଜାଁ ଏଞ୍ଜାସି ନା ମୀରଏସି ଆନେସି । ^୮ ସାମା ଆମ୍ବାଆରି ଆଜିନାରି,

* ୨୦:୧୪ ୨୦:୧୪ ହାଡ଼ାରି ମାନି ଦେସାତି ☆ ୨୧:୧ ୨୧:୧ ୨ପିତ ୩:୧୩ ☆ ୨୧:୨ ୨୧:୨ ଝେଦ ବଲ୍ଲ ୩:୧୨

ନାମ୍ନ ହିଲ୍ଲଆ ଗାଗାରି, ଅପାଆଗାଟି କାମାକିନାରି, ଲକୁଣି ପାୟିନାରି, ଦାରି କିନାରି, ଗୁଣି ଗାଡ଼ି କିନାରି, ପେଣକା ବନାୟା ପୂଜା କିନାରି, ଏଞ୍ଜାରି ଅଡ଼େ ବାରେ ମିଟି କାତା ଝେଙ୍କନାରି, ହିରୁ ଅଡ଼େ ଗାନ୍ଧାଗୁଣ୍ଡା ତଲେ ଡ଼ାଞ୍ଜିମାନି ଗାଡ଼ମୁତା ଚାନ୍ଦୁ ବେଗାଆନେରି, ଏଦି ତାୟୁତି ହାକି ।”

ପୁଃନି ଜିରୁସାଲମ

୯ ଏରେଟିଏ ସାଡ଼ାଗଟା ଦୁଡୁୟା ତାୟୁତି ସାଡ଼ାଗଟା ଡ଼ଣ୍ଡାୟାୟା ଆସାମାନି ସାଡ଼ାଗଟା ଗିନାୟାଣା ସାଡ଼ାଗଟା ଦୁଡୁୟା ବିଡ଼ାଟି ର ଦୁଡୁ ନା ତାଣା ଝାହାନା ଏଲେଇଞ୍ଜାତେ, “ଇମ୍ପାଆଁ ଝାମ୍ପୁ ବାହା ଆହିମାନି ଡ଼ାଆମାଜ୍ଜା ଇଚିହଁ ମେଣ୍ଡା ତାଲୁତି ତକ୍ତିନି ନିଜା ତସ୍ତାୟା ।” ୧୦ ଏରେଟିଏ ଏ ଦୁଡୁ ନାଜେ ସୁଦୁଜୀଝୁ ବାଡ଼ମୁତି ର କାଜାୟି ଅଡ଼େ ପାତାଆଡ଼ି ହରୁତା ଅହାନା ଏ ସୁଦୁ ଗାଡ଼ା ଜିରୁସାଲମତି ତସ୍ତାତେ, ଏଦି ଲାକପୁରୁତି ଇଚିହଁ ମାହାପୁରୁ ତାଣାଟି ରେଟା ଝାହିମାରେ, ୧୧ ଅଡ଼େ ଏଦି ମାହାପୁରୁତି ଗାଝୁରମି ତଲେ ମ୍ପିସିମାରେ, ଏଦାନି ଉଜେଡ଼ି ହାରେକା ଦାରାଗାଟି ମଣି ଅଡ଼େ ଝେଡ଼ାଡ଼ି ଅପ୍ପିନି ଦାପେଣିଲେହେଁ । ୧୨ ଏଦାନି ସାରିସୁରୁ ର କାଜାୟି ଅଡ଼େ ପାତାଆଡ଼ି କଟା ମାନେ, ଏମ୍ପାଆଁ ବାରଗଟା ଦୁଝେରିକା, ଏ ଦୁଝେରିକାଣା ବାରଜାଣା ଦୁଡୁୟା ଇଞ୍ଜା ଦୁଝେରିକା ଲାକ ଇସ୍ତାୟେଲ ମୀରକାତି ବାର କୁଡ଼ାତି ଦରକା ରାସ୍ତକି ଆହାମାନେ । ୧୩ ଝେଡ଼ା ହପୁଝାକି ତାନିଗଟା ଦୁଝେରିକା, ଚିଃନିଝାକି ତାନିଗଟା ଦୁଝେରିକା, ଚେରୁଝାକି ତାନିଗଟା ଦୁଝେରିକା, ଅଡ଼େ ଝେଡ଼ା କୁଡ଼ନି ଝାକି ତାନିଗଟା ଦୁଝେରିକା । ୧୪ ଏ ଗାଡ଼ାତି କଟା ବାରଗଟା ପୁନାଦିକା ଇଚ୍ଚକି ଆହାମାନୁ, ଏ ଝାଲ୍ଲକା ଲାକ ମେଣ୍ଡା ତାଲୁ ତାଣାଟି ବାରଜାଣା ପାଣ୍ଡୁଝି ଆହାମାନାରି ବାରଗଟା ଦରକା ରାସ୍ତକି ଆହାମାନୁ ୧୫ ନା ତଲେ କାତା ଆହିମାଟି ଦୁଡୁତି କେୟୁତା ଗାଡ଼ାତି, ଇଞ୍ଜା ଏମ୍ପାତି ଦୁଝେରିକା ଅଡ଼େ ସାରିସୁରୁତି କଟା ଲାଟାଲି ର ବାଂଗାରା ବାଡ଼ଗା ମାତେ । ୧୬ ଏ ଗାଡ଼ା ସାରି କନ, ତାନି ଲାମ୍ପା ଅଡ଼େ ଅସାରା ରଣ୍ଡିଏ ସମାନା; ଏଞ୍ଜାସି ଏ ଗାଡ଼ାତି ଏ ବାଡ଼ଗା ତଲେ ଲାଟାଲିଏ ବାର ମାଣା ବାଡ଼ଗା ଆଡ଼େ; ଏମ୍ପାତି ଲାମ୍ପା ଅସାରା ଅଡ଼େ ପାଡ଼ଣି ଜିକେଏ ସମାନା ଆଡ଼େ । ୧୭ ଅଡ଼େ ତାୟୁ ଏଦି ଗାଡ଼ାତି ସାରିସୁରୁ କଟା ଲାଟାଲିଏ ଏଦି ମାଣସିତି ଲେକାତଲେ ସାଡ଼ାକଡ଼ି ସାରି ହାଡ଼ା ଆଡ଼େ, ଦୁଡୁ ଏ ଲେକାତଲେ ଲାଟି ମାତେ । ୧୮ ଏ ସାରିସୁରୁତି କଟା ଝେଡ଼ାଡ଼ି ଅପ୍ପିନି ଦାପେଣି ଲେହେଁତି ମଣି ତଲେ କେପି ଆହାମାନେ, ଅଡ଼େ ଗାଡ଼ା ଅପ୍ପିନି ଦାପେଣି ଲେହେଁତି ସୁଦୁ ବାଂଗାରା ତଲେ କେପି ଆହାମାନେ । ୧୯ ଗାଡ଼ାତି ସାରିସୁରୁ କଟାତି ପୁନାଦି ଏଟକା ଏଟକାତି ହାରେ ଦାରାଗାଟି ମଣି ଝାଲ୍ଲକାତଲେ ଅଜ୍ଜିକିଝି ଆହାମାନେ, ତଲିତି ପୁନାଦି ଜାସପର, ରୀ ଲମ୍ପର ପୁନାଦି ନିଲକାନ୍ତମଣି, ତାନି ଲମ୍ପର ପୁନାଦି ବଦୁଜ୍ୟମଣି, ସାରି ଲମ୍ପର ପୁନାଦି ମରକତମଣି, ୨୦ ପାସା ଲମ୍ପର ପୁନାଦି ପଲକମଣି, ସ ଲମ୍ପର ପୁନାଦି ମାଣିକ୍ୟ ମଣି, ସାଡ଼ା ଲମ୍ପର ପୁନାଦି ପୁସପରାଗମଣି, ଆଟା ଲମ୍ପର ପୁନାଦି ପିରଜମଣି, ନ ଲମ୍ପର ପୁନାଦି ଗମେସଦକ ମଣି, ଦସ ଲମ୍ପର ପୁନାଦି ଇସୁନିୟମଣି, ଏଗାର ଲମ୍ପର ପୁନାଦି ଦାରୁଣକି ଝାଣାଗାଟି ମଣି, ବାର ଲମ୍ପର ପୁନାଦି ନେହଁ ଗାନ୍ଧାଗାଟି ମଣି ମାତେ । ୨୧ ବାର ଗଟା ଦୁଝେରିକାଣା ବାରଗଟା ମୁନ୍ତାୟା, ର ଦୁଝେରିତି ର ମୁନ୍ତା ତଲେ କେପି ଆହାମାନୁ; ଅଡ଼େ ଗାଡ଼ାତି ଆଂଗେଣିକା ନେହଁ ଦାପେଣି ଲେହେଁତି ସୁଦୁ ବାଂଗାରା ତଲେ ଆହାମାନୁ ।

୨୨ ନାମ୍ନ ଏ ଗାଡ଼ାତା ଏଦି ଦେଝୁଡ଼ି ଜିକେଏ ମେହଆତେଏଁ, ଇଚିହଁ ପୁରୁ ବାରେ ବାଡ଼ମୁ ଗାଟି ମାହାପୁରୁ ଅଡ଼େ ମେଣ୍ଡା ତାଲୁଏ ଏମ୍ପାତି ଦେଝୁଡ଼ି ସମାନା । ୨୩ ଉଜେଡ଼ି ତାକି ଏମ୍ପାଆଁ ଝେଡ଼ା କି ଲେଞ୍ଜୁତି ଲଡ଼ା ଆଏ, ଇଚିହଁ ମାହାପୁରୁତି ଗାଝୁରମିଏ ଏମ୍ପାଆଁ ଉଜେଡ଼ି କିନେ, ଅଡ଼େ ମେଣ୍ଡା ତାଲୁ ଏମ୍ପାତି ଦୀଝି ସମାନା । ୨୪ ଏମ୍ପାତି ଉଜେଡ଼ି ତଲେ ବାରେ ଦାରୁତିତି ଲକୁ ଡ଼ାକିନେରି, ଅଡ଼େ ଦାରୁତିତି ରାଜାୟା ତାନି ହାରେକା ଦନ ଏ ଗାଡ଼ା ବିଡ଼ା ତାନେରି । ୨୫ ଏମ୍ପାତି ଦୁଝେରିକା ମାଦେନା ବେଲା ଦେପି ଆହାଁ ଡ଼ୟିନୁ; ଏଝି ଏରେଲା ଜିକେଏ ସୁଣ୍ଡକି ଆର, ଇଚିହଁ ଏ ଚାୟୁତା ଲାଆୟା ଇନାୟି ହିଲେଏ । ୨୬ ବାରେ କୁଡ଼ାତି ଲକୁ ତାନି ଗାଝୁରମି ଅଡ଼େ ହାରେକା ଦନ ଏ ଗାଡ଼ାତା ତାନେରି । ୨୭ ଏଦି ପଲ୍ଲଆ ଗାଗାରି କି ଅପାଆଗାଟି କାମାକିନାରି, ମିଟି ଜଲ୍ଲିନାରି ଆମ୍ପାଆରି ଏମ୍ପାଆଁ ହଡ଼ାଲି ଆଡ଼ଅରି; ସାମା ଆମ୍ପାଆରି ଦରୁ ମେଣ୍ଡା ତାଲୁତି ଜାଝୁତି ପତିତା ରାସ୍ତକି ଆହାମାନେ, ଏଞ୍ଜାରି ହଡ଼ାଲି ଆଡ଼ିନେରି ।

୨୨

୯ ତାୟୁ ଦୁଡୁ ନାଜେ ଜୀଝୁହାନି ଏୟୁତି ର କାତା ତସ୍ତାତେସି, ଏଦି ଅପ୍ପିନି ଦାପେଣିଲେହେଁ ଉଜେଡ଼ି, ଅଡ଼େ ମାହାପୁରୁ ଇଞ୍ଜା ମେଣ୍ଡା ତାଲୁତି ସିଂଗାସାଣିଟି ହଟାନା ଗାଡ଼ାତି ଜିରୁ ମାଦିଟି ହାକିମାନେ । ୨ ଏ କାତାତି

ରିକ୍‌ଝାକି ବାର ଦେବା ପାଡ଼େୟି ଆୟିନି ଜୀଝୁତି ମାରୁନୁ ମାନେ, ଏମ୍‌ଆଁ ଲେଝୁ ତାକି ଲେଝୁ ପାଡ଼େୟି ଆୟିନେ, ଇଞ୍ଜା ଏ ମାରୁନୁତି ଆକା ବାରେ କୁଡ଼ାତାରାଇ ରଗଟି ନେହଁ କିନାଇ ।

୩ ଏମ୍‌ଆଁ ଏନି ବାକା ତ୍‌ୟେଏ, ମାହାପୁରୁ ଅଡ଼େ ମେଣ୍ଡା ତାଲୁତି ସିଂଗାସାଣି ଗାଡ଼ା ମାଦିଏ ତ୍‌ୟିନେ, ଇଞ୍ଜା ଏଝାଣି ହଲ୍ଲିୟାଙ୍ଗା ଏଝାଣି ସେବା କିନେରି । ୪ ଏଝାରି ତାନି ମୁମ୍ ଫେହ୍‌ନେରି, ଇଞ୍ଜା ତାନି ଦରୁ ଏଝାରି ମୁଞ୍ଜୁତା ରାଟିନେସି । ୫ ଏମ୍‌ଆଁ ଲାୟିୟା ଆଏ, ଏଝାରାକି ଦାଝି କି ଝେଡ଼ାତି ଉଜେଡ଼ି ଲଡ଼ା ଆଏ, ଇତିହଁ ପ୍ରୁ ମାହାପୁରୁ ଏଝାରି ମୁହେଁ ଉଜେଡ଼ି ଲେହେଁ ଆନେସି, ଇଞ୍ଜା ଏଝାରି କାଲ୍‌କାଲ୍‌କା ତାକି ରାଡ଼ି କିନେରି ।

ଜୀସୁ ଝେଣ୍ଡା ଝାନାୟି

୬ ଏତେଟିଏ ଦୂତୁ ନାଜେ ଏଲେଇଚେସି, “ଇ ବଲ୍ଲୁ ସାତା ଇଞ୍ଜା ନାମୁଗାଟାୟି; ଏନାୟି ଗାଡ଼େକେଏ ଗଟାଝି ଆନେ, ଏ ବାରେ ତାନି ସେବା କିନାରାଇଁ ତସାଲି ତାକି, ପ୍ରୁ, ମାହାପୁରୁ ଅଣ୍‌ପୁତି ବଲ୍ଲୁ ଝେହନାରି ଜୀଝୁୟାଁତି ମାହାପୁରୁ, ତାନି ଦୂତୁଇଁ ପାଣ୍ଡାମାଞ୍ଜାନେସି ।”

୭ “ମେହ୍‌ମୁ ନାନୁ ତବେ ଝାହିମାଇଁ; ଆମ୍‌ଆସି ଇ ପତିତି ବଲ୍ଲୁତି ମାନୁଝି ଆନେସି ଏଝାସି ନେହେଁ ।”

୮ ନାନୁ ଜହନତେଏଁ, ଇ ବାରେ ଝେଟି ଅଡ଼େ ମେସି ତାୟୁ ଆମିନି ଦୂତୁ ନାଜେ ଏ ବାରେ ତସାତେ, ନାନୁ ଏଦାନି ଜହରା କିହାଲି ତାନି ପାଠଆନା କତାଣା ରାତେଏଁ । ୯ ସାମା ଏଦି ନାଜେ ଏଲେଇଞ୍ଜାତେ, “ଜାଗ୍ରାତା ଏଲେକିଆନି, ନାନୁ ଜିକେଏ ନୀ ତଲେ ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନି ନୀ ତାୟିୟା ତଲେ, ଅଡ଼େ ଇ ପତିତା ରାସ୍‌କି ଆହାମାନି ବଲ୍ଲୁତି ବାରେ ମାନୁଝି ଆନାରି ତଲେ ର ହଲେଏଣା ଲେହେଁ; ମାହାପୁରୁଇଁ ଜହରା କିମୁ ।” ୧୦ ଅଡ଼େ ଏଦି ନାଜେ ଏଲେଇଞ୍ଜାତେ, “ନାନୁ ଇ ପତିତି ତାୟୁ ଗଟାଝି ଆନି ବଲ୍ଲୁତି ସାଲି କିଆନି, ଏନାଆଁତାକି ଇତିହଁ କାଲ୍‌ମି ଏଦାତେୟିଏ । ୧୧ ଆମ୍‌ଆସି ଦାମ୍‌ଝି ହିଲ୍‌ଆଗାଟାସି, ଏଝାସି ଅଡ଼େ ଦାମ୍‌ଝି ହିଲ୍‌ଆ କାମା କିପାସି, ଆମ୍‌ଆସି ଲାଗେଏ କାମା କିନେସି, ଏଝାସି ଅଡ଼େ ଲାଗେଏ କାମା କିପାସି, ଆମ୍‌ଆସି ଦାମ୍‌ଗାଟାସି, ଏଝାସି ଅଡ଼େ ଦାମ୍‌ଗାଟାସି ଆପେସି, ଆମ୍‌ଆସି ସୁଦୁଗାଟାସି, ଏଝାସି ଅଡ଼େ ସୁଦୁ ଆପେସି ।”

୧୨ “ମେହ୍‌ମୁ, ନାନୁ ତବେ ଝାହିମାଇଁ, ବାରେଜାଣା ତାକି ତାନି କାମାତି ଲେକାତଲେ ପାଡ଼େୟି ହୀହାଲି ନା ଦାନା ନା ତାଣା ମାନେ । ୧୩ ନାନୁ ଆଲ୍‌ପା ଅଡ଼େ ଅମେଗାତେଏଁ, ନକିତାତେଏଁ ଇଞ୍ଜା ତାୟୁତାତେଏଁ, ମୁଲୁତାତେଏଁ ଅଡ଼େ ରାପୁନାତେଏଁ ।”

୧୪ ଜୀଝୁତି ମାରୁନୁତି ଅଦିକାରା ଆୟାଲି ଅଡ଼େ ଦୁଝେରିଟି ଗାଡ଼ାତା ହଡ଼ାଲି ତାକି ଆମ୍‌ଆରି ତାନି ହିମ୍‌ରିକା ରାଟାମାନେରି ଏଝାରି ନେହେଁ । ୧୫ ସାମା ରେଜିମାନି ନେସକା ଲେହେଁତାରି, ଗୁଣି ଗାଡ଼ଡ଼ି କିନାରି, ଦାରିକାମା କିନାରି, ଲକୁଣି ପାୟିନାରି, ପେଣକା ବମାୟିଣି ପୂଜା କିନାରି, ମିଟିକାତାତି ଜୀଝୁ ନନାରି, ମିଟି କାମାତି କିହାଲି ରାହାଁ ଆନାରି ବାରେ ପାଙ୍ଗାତା ତ୍‌ୟିନେରି ।

୧୬ “ନାନୁ ଜୀସୁତେଏଁ, ମାହାପୁରୁ କୁଲମିକା ତାକି ମିଜେ ଇ କାତା ଝେସାଲି ନା ଦୂତୁଇଁ ପାଣ୍ଡାମାଞ୍ଜାଇଁ, ନାନୁଏ ଦାଝୁଦତି ମୁଲୁ ଅଡ଼େ କୁଡ଼ାତାତେଏଁ; ଏ ଉଜେଡ଼ିତି ଝେୟାଜାରା ହୁକାତେଏଁ ।”

୧୭ ସୁଦୁଜୀଝୁ ଅଡ଼େ ବାହା ଆନି ତାଆ ମାଙ୍ଗା ଏଲେଇନେ, “ଝାମୁ !”

ଆମ୍‌ଆସି ଝେନେସି ଏଝାସି ଏଲେଇଣ୍‌ସାସି, “ଝାମୁ !”

ଏସ୍‌କି ଗାଟାସି, ଝାପାସି, ଆମ୍‌ଆସି ମନ୍ କିନେସି; ଏଝାସି ଜୀଝୁହାନି ଏୟୁ ଉଜେଏ ଗସ୍‌ପେସି ।

ରାନି କାତା

୧୮ ଆମ୍‌ଆସି ଇ ପତିତା ମାନି ତାୟୁ ଗଟାଝି ଆନି କାତାତି ଝେନେରି, ନାନୁ ଏଝାରାଇଁ ଜାଗ୍ରାତା କିହଁ ଝେସିମାଇଁ, ଆମ୍‌ଆସି ଇ ପତିତା ଏନାଆଁ ଆଟ୍‌ନେସି, ଆତିହଁ ମାହାପୁରୁ ଇ ପତିତା ରାସ୍‌କି ଆହାମାନି ତଣ୍‌ୟାଁ ଏଝାଣାକି ହାନେସି; ୧୯ ଅଡ଼େ ଆମ୍‌ଆସି ଇ ପତିତି ବଲ୍ଲୁତି ମ୍‌କେନେସି, ଆତିହଁ ମାହାପୁରୁ ଇ ପତିତା ରାସ୍‌କି ଆହାମାନି ଜୀଝୁତି ମାରୁନୁ, ଅଡ଼େ ସୁଦୁ ଗାଡ଼ାତି ତାନି ବାଗା ମ୍‌କେନେସି ।

୨୦ ଆମ୍‌ଆସି ଇ ବାରେତାକି ସାକି ହୀହମାନେସି, ଏଝାସି ଏଲେଇଞ୍ଜା ମାନେସି, ସାତା, “ନାନୁ ତବେ ଝାହିମାଇଁ ।” ଆମେନ । ପ୍ରୁ ଜୀସୁ ଝାମୁ !

୨୧ ପ୍ରୁ ଜୀସୁତି କାର୍‌ମେହନାୟି ବାରେତାୟି ମାଜେ ଆୟାପେ । ଆମେନ ।